

C^h. J. A

Jan. 1737, pr. 2, 18 - (con. 30)

$\frac{e}{c} \frac{e}{p}$
 $\frac{e}{p} \frac{e}{o}$

[Twysden (R)]

TWYSDEN

#165 -

First and only ed.

103

HISTORIA

ANGLICANA

SCRIPTORES ANTIQUI

Nunc primum in lucem edita

HISTORIÆ
ANGLICANÆ

SCRIPTORES ANTIQUI.

Nunc primùm in lucem editi.

HISTORIAE

ANGLICANA

SCRIPTORES ANTIQVI

Nunc primum in lucem edita.

263
Emma Barton died yesterday.
18 Aug 1970
Green Bay
as Bay Settlement.

offensis.

HISTORIÆ
ANGLICANÆ

SCRIPTORES X,

Simeon Monachus Dunelmensis.	Johannes Brompton Jornallensis.
Johannes Prior Hagustaldensis.	Gervasius Monachus Dorobornensis.
Ricardus Prior Hagustaldensis.	Thomas Stubbs Dominicanus.
Ailredus Abbas Rievallensis.	Guilielmus Thorn Cantuariensis.
Radulphus de Diceto Londoniensis.	Henricus Knighton Leicestrensis.

EX

VETUSTIS MANUSCRIPTIS,

Nunc primùm in lucem editi.

ADJECTIS

Variis Lectionibus, Glossario,
Indicéque copioso.

LONDINI,

Typis Jacobi Flesher, sumptibus CORNELII BEE, apud quem
prostant vœnales in vico vulgò vocato Little Britaine.

MDC LII.

HISTORIA

ANGLICANA

SCRIPTORES X.

Simon Monachus Dunelmensis	Henricus Knighton Eboracensis
Johannes Prior Hagstaldensis	Gulielmus Thorn Cantuariensis
Ricardus Prior Hagstaldensis	Thomas Stubbs Dominicanus
Alfredus Abbas Rievallensis	Gerardus Monachus Dobruensis
Radulphus de Diceto Londoniensis	Johannes Brompton Forwallensis

EX

VETUSTIS MANUSCRITIS

Nunc primum in lucem editi

ADJECTIS

Varis Lectionibus Glossariis

Indicibus copiosis


LONDINI

Typis Jacobi Fleisher, sumptibus Cornarii et Berardi apud quem
prostant variales in vico vulgo vocato Sancti Martini.

MDCCLX

Handwritten mark or signature

LECTORI.



*N*TE decem annos Cornelius Bee, Bibliopola Londinensis, & sibi & rei literariae prodesse cupiens, egit mecum de nonnullis Historiis Anglicanis, privatis Bibliothecis latitantibus, publicè edendis, eaq; in re operam meam qualem qualem efflagitavit; Cujus desiderio sine reluctatione statim assensum præbuissem, ni tanto oneri me imparem persensissem; elapso verò tertio & quarto anno, & ab eo denuo interpellatus, neq; alium quempiam provinciam hanc suscepturum animadvertens, amicorum tandem suasionibus, & librarii sollicitationibus victus, quantum mihi temporis privatis negotiis distracto, pene & obruto, impertire liceret, huic operi destinare mecum constitui.

*H*isce igitur totus intentus studiis, cum sex majores codices quos è bibliotheca Cottoniana doctissimus Seldenus (cui hoc opus plurimum debet) nobis suppeditavit, prælo paratos vidi, ruri me continendi necessitas incubuit, operis curâ diligenti viro & in antiquis membranis admodum versato demandatâ, qui cum intellexisset Academiae Cantabrigiensis bibliothecis, & præcipuè apud Benedictinos, (quibus privatis legibus cautum est, ne quid istiusmodi extra Collegii sui cancellos evagari concederent) plures esse manu exaratos libros luce dignissimos, Cantabrigiam concessit, ibiq; ab Academicis summâ cum humanitate tractatus, omnes bibliothecas apertas invenit, libros quosdam integrè transcripsit, alios olim examinatos, ad incudem revocat, & corrigit; variâsq; lectiones seorsim annotat, & in hoc opere promovendo adeo fœliciter invigilavit, ut nihil unquam apud nos tanti saltem conaminis (non quòd aliorum laboribus aliquid detraberem) primo intuitu (absit dicto invidia) adeo omnibus numeris absolutum, produsse memini: semper enim aut accurata collatio, & librorum Variæ Lectiones, aut obsoletorum verborum Glossarium, iteratam editionem præstolabantur, quæ omnia doctorum virorum vigiliæ tibi hîc exhibenda curarunt.

De singulis tractatibus (è quibus hoc opus quasi variis centonibus conflatum est) & unde ad manus nostras pervenerunt, & quid in iis præstitimus, tuâ causâ, & gratitudinis ergô, ne nomina eorum posteritatem laterent, quibus præsentēs & futuri tam insigne beneficium acceptum ferent, hic aliquid dicere non gravabor.

SIMEON Dunelmensis de ecclesia Dunelmensi, p. 1.

Horum igitur agmen ducat Simeon Dunelmensis de Ecclesia Dunelmensi, cujus duo extant exemplaria, utraq; antiqua & satis eleganter scripta, unum viz. à Pagina prima ad Col. 58. dudum ad monasterium Sanctæ Mariæ de Fontibus in comitatu Richmondiæ pertinebat, jam verò nobilissimum Baronettum Thomam Cotton dominum sibi vendicat, & à Turgoto compositum aliqui credunt, cujus nomen, recenti tamen manu, ei affixum vidi; at cum dictus liber cum Additamentis quæ in fronte & in calce reperiuntur, in bibliotheca publica Cantabrigiensi Simeoni Dunelmensi attribuitur, non potui alium auctorem constituere.

Ejus Historiæ Col. 75. 79. 85. continuatæ per JOHANNEM Hagustaldensem col. 257. & RICHARDUM, una cum

Ad historias ejus quod attinet tam Archiepiscoporum Eboracensium de obsidione Dunelmi, quàm Regum, una cum additionibus Johannis & Richardi Hagustaldensis, eas nobis dedit codex Benedictinus, neq; aliam uspiam in membranis reperimus, licet & iste non parùm discrepat in temporum periodis, ab eo quo usus est Balæus; vide Cent. 2. Script. 98. Cent. 3. Script. 31. 32. & ad finem Cent. 13. p. 169.

de statu & Episcopis Hagustaldensis Ecclesiæ 285.

Richardi autem liber de statu & Episcopis Ecclesiæ Hagustaldensis, & ille de Ecclesia Dunelmensi in unum volumen in publica bibliotheca compinguntur.

Serlo. col. 331.

Quod ad Serlonem monachum, quem & Johannem Serlonem vocatum reperi, &

AILREDUS de bello Standardi co. 337. et de Sanctimoniali apud Watton col. 415.

Ethelredum sive Ailredum ac Ealredum de bello Standardi, & de Sanctimoniali apud Watton, non nisi unicum nobis occurrebat exemplar, idq; apud Benedictinos, unde Hagustaldensium Historias descripsimus: neque plura ejusdem auctoris de vita Regis Edwardi nancisci potuimus, quod & dignissimo Archiepiscopo Armachano debemus, in quo, cum incredibili doctrina & rara purioris antiquitatis cognitione, quam

De vita Regis Edwardi col. 369.

norunt

—norunt

Et Tagus & Ganges, forsan & Antipodes :
 morum eximius candor, & in instruendo imperitiores mira su-
 vitas, seriâ quadam et episcopali mixta gravitate, certare
 dignoscuntur, à quo non parùm me in hoc opere provehendo ad-
 jutum profiteor, utpote qui luto hærentem sæpius extraxit, et
 deviantem in viam reduxit.

In genealogia Regum Angliæ binis usi sumus codicibus ; De genealogia
regum Angliæ
col. 347.
 quorum unum idem Antistes ; alterum bibliotheca Cottoniana
 (novissimis Radulphi de Diceto assutum foliis) nobis contu-
 lerunt.

Radulphum de Diceto decanum Londinensem ad fidem RADUL-
PHUS de Di-
ceto Hist. col.
415.
 quatuor Manuscriptorum prælo commisimus. Horum primum è
 thesauro Cottoniano exscripsimus, exscriptum cum alio optimæ
 notæ, & fidei, & (ut videtur) olim in possessione Monaste-
 rii sancti Albani, nuperrime Regis, in ædibus sancti Jacobi
 nomine insignitis, contulimus : Si quid autem inextricabile ap-
 parebat, ad duos alios codices Cottonianos defleximus.

Series causarum inter Henricum ij. et Thomam Cant. sive Series causa-
rum &c.
col. 711.
 à Diceto sive ab alio quopiam ejus cultore collecta, in illo tan-
 tùm quem sancti Albani fuisse codicem diximus, invenitur.

Johannem Brompton abbatem Jornalensem sive potius JOHAN-
NES Brom-
pton col. 721.
 Jorvalensem, (erat enim Jorval non ignobile cænobium ordi-
 nis Cisterciensis in agro Richmondensi, dudum Eborac-
 ensi nuper Cestrensi Episcopatu) è duobus Manuscri-
 ptis erutum habes, Cottoniano, & Benedictino, aucto-
 rem à multis desideratum, à paucis visum, at luce certè non
 indignum, si non aliàs, quod apud eum leges Saxonica, ver-
 sione Latina, tempore saltem Edwardi iij. sub quo scripsit, &
 de quo meminit Col. 967. 42. conservatæ reperiuntur.

Proximus sequitur Gervalius Dorobernensis, licet ætate GERVA-
SIUS Do-
robernensis col.
1285.
 longè præcessit, utpote qui ad monachatum circa annum
 Mclxij. & non multò post ad clericatum evectus erat ; Cum
 verò Gulielmum Thorn ei finitimum, & Thomam Stubs,
 res cum eo ejusdem argumenti tractare observavimus, eorum la-
 bores connectendos non incongruum duximus ; Chronicorum
 autem ejus tres antiquos habuimus codices, Cottonianum
 unum,

De vitis Archiepiscoporum
col. 1685.

unum, è libris publicis Academia Cantabrigiensis alium, è Collegio sanctæ & individuae Trinitatis tertium, at de vitis Archiepiscoporum non nisi unum eumque in collegio Corporis Christi quod & sancti Benedicti dicitur, nobis videre contigit.

THOMAS
Stubs de vitis
Archiepiscoporum Ebor.
col. 1685.

His adjunximus vitas Archiepiscoporum Eboracensium, Thoma Stubbs ut ferunt auctore, quarum duos antiquos libros inspexi, unum scil. in privatis bibliothecis Johannis Moore, viri docti, & in Academia Cantabrigiensi Collegii Caii & Gon: olim alumni, & alterum in D. Simondz D'Eux, venerandæ antiquitatis cultoris eximii, à me non sine honore nominandi; ejus enim libri, collectiones, chartæ, imò tabularia ipsa mihi semper patebant, &, præter eruditissimum equitem D. Henricum Spelmann. (ex humanis sublatum anno MDCxlj. tot ingenii sui monumentis clarum, & ob summam in Deum pietatem, in pauperes charitatem, in amicos benevolentiam nunquam satis laudatum) à nemine me hisce studiis magis adjutum lubens agnosco, cujus mortem (fatis enim concessit die mensis Aprilis anni MDCl.) tu lector mecum defleto, exactam enim de hujus gentis re nummaria disputationem, huic operi addendam inchoaverat, ubi de valore, speciebus, mutationibus, proportionem (apud nos) auri ad argentum, quis aurum primus percussit, & alia plura recondita nobis se patefacturum spondebat, sed morte præventus vix inceptam reliquit.

Inter hujus membranas Thomas Stubbs de vitis Archiepiscoporum Eboracensium (suppresso tamen auctoris nomine) repertus erat, cujus collatione liber Johannis Moore emendatior & auctior prodiit.

Epistola Radulphi Cantuar. Calixto ij.
Col. 1735.

Epistolam Radulphi Cant. Archiepiscopi ab eo circa annum MCxx. ad Calixtum ij. datam, non alibi extareprehendimus, quàm in bibliotheca publica Cantabrigiensi, unde eam jam publicandam curavimus.

Decreta Papalia col. 1749.

At de Decretis Papalibus non est par judicium, probè enim novimus ea ab Eadmero memorari, & à Malmesburiensi citari, cum tamen in eodem volumine huic conjuncta inveniuntur, hic etiam non incongruè interferenda censuimus.

Domus

Domus S. Augustini tres habuit cœnobii sui Historicos, Thomam Sprot, (quem in prologo affirmat Willielmus no-
ster ad annum MClxxij. historias suas continuasse, in (Chro-
nicis tamen col. 1881. ad annum tantum MCCxxviij.) hunc
licet alicubi extare non dubito, à me tamen dum hisce rebus
operam navarem, nullo modo acquiri potuisse assero, neque ubi
sit scio: auctoremq; subsequentis Chronologiæ, de quo igitur
pauca dicenda sunt. Hic omnium fusissimus, opus suum in 61.
titulos distribuit, (uti ex annis MCCCxc. MCCCxcj. MCCC
xciv. colligere licet) cujus pars prima, cui Chronologia nostra
anneditur, (quæ tanquam epitome totius instituti formata vi-
detur) post Monasterii demolitionem, pervenit ad manus ma-
gistri Roberti Haer, qui dedit eundem Collegio sive Aulæ
sanctæ Trinitatis Cantabrig. ibidem tutò & securè custo-
diendum, hac tamen conditione, ut si in posterum, favente
Deo, monasterium illud reædificari contingeret, tunc Magi-
ster & focii Collegii sive Aulæ sanctæ Trinitatis prædictæ,
eundem librum monachis ejusdem cœnobii restitui face-
rent, quoniam ad eos de jure pertinere debet.

*De scriptoribus
Monasterii S.
Augustini,*

scil.

*De Chronolo-
gia col. 229.*

Hoc autem tam nobile à monacho non illiterato inceptum, in
quo Bullæ, Epistolæ, Chartæ Regum, Episcoporum, &c. (non-
nunquam literis ipsius seculi quo datæ dicuntur charactere
imitantibus) continentur, licet fortè digestum, nunquam tamen
absolutum opinor, horum enim titulorum quatuordecem (scil. 1.
de fundatione, 2. de dotatione, & post Petrum primum Ab-
batem, duodecem aliorum vitis, totidem titulis dispositis) tan-
tum integros retinemus, & tunc tit. 15. de Cunredo Abbate
xiv. agere instituit, sed rem ultra titulum parum aut nihil pro-
sequitur, licet folia aliquot vacua relinquuntur, unde sive
morte præpeditus, vel aliter distractus, ibi scribendi rationem
dirupisse arbitror. Hujus verò specimen si quis videre cupit,
consulat conciliorum D. Hen. Spelmanni tom. 1. à pag. 112.
ad pag. 124.

Hunc non multum præcessit Willielmus Thorne, de quo
& in principio iste meminit, omnium (meo saltem judicio) ac-
curatissimus, utpote qui monasterii sui monumenta, non tantum
probè callebat, sed quibus scripsit interfuit, & de rebus domus
sue

*De WILLI-
ELMO
Thorn. col.
1757.*

Col. 2184.22.

suæ cum Urbano vj. agens, solerter admodum se gessit, & Chronica sua debito fine claudebat. In edendo hoc auctore binis usi sumus exemplaribus, quorum unum in Benedictina, alterum in privata mea bibliotheca remanet, quod tamen ultra Col. 2202. lin. 50. non excurrit, ita ut quicquid ab ea linea superadditur omnino Benedictino tribuatur.

HENRICUS
Knighton
col. 2311.

Post Willielmum Thorn (& illam Chronologiam) Henricus Knighton coætaneus collocatur, cujus duo supersunt exemplaria, Cottoniana ambo, alterum alteri adeo simile, ut ab eo desumptum credatur. Decem enim annorum res gestas, quæ col. 2629. desiderantur, non modò non supplet, sed leviora & quæ scriptoris vitio irrepsisse putantur, in eo non emendatiora ponuntur errata: horum ego uno tantum usus sum, quod magis authenticum volunt, neque à vero fortè aberrabit qui illud auctoris authographum fuisse asseveraverit, in orâ enim prioris paginae, hanc inveni epigraphen cum lemmate, ab ipso (ut videtur) post opus exactum addito.

LAMENTUM COMPILATORIS.

Sum cæcus factus subita caligine tactus

Non opus inceptum jam corrigo forsan ineptum

Me metuo dubium pro veris sæpe locutum

Plus audita loquor quam $\left\{ \begin{array}{l} \text{mihi} \\ \text{modo} \end{array} \right\}$ visa sequor

LAMENTUM COMPILATORIS.

Lector velle meum penses componere verum

Si minus est actum { non velle meum fore factum
 { de me perpendito factum

Me Deus allifit cum vult fanare valebit

In Domino semper stat quod relevabitur æger.

Depositio Ri-
chardi 2.
col. 2745.

De actione illa in Richardum secundum nihil est quod addam, nisi eam in Mss^o quodam Bodleiano extare ferunt, & à Thoma Barlow, viro docto, inde transcriptam, bibliopoleque communicatam, à quo jam publici juris factam vides, quam etiam tabulis Parliamentariis concordare asserunt.

*Apologia Ada-
mi Orleton
Wintoniensis
episcopi col.
2763.*

Apologia Adæ Wigorniensis episcopi antiquo Mss^o extrahitur, diversas rerum narrationes ante Edwardum iij. & eo imperante gestarum, continente; unde illius ævo librum collectum liquet, cujus & manus quâ ipsa acta exarantur testis est, & quondam ad fratrem Willielmum de Byhalt pertinuisse constat, ab eo monasterio sancti Augustini donatum, eoq; subverso, post proavum avumq; in manus meas tandem devenisse: Cumque aliud ejus exemplar nusquam extare sciam, libentiùs evulgari

gori curavi, ne Antistitis justa defensio pereundi subeat periculum, & ne diutius celatum maneat; quare potentissimus princeps paternæ necis severus ultor, huic non tantum quietè vivere, sed oratoris postea apud Gallum munere fungi, & in opulentiozem episcopatum provehi permiserit.

Jam vides Lector singulos fontes, è quibus hoc opus in unum jam corpus digestum tibi exhaustimus; quod ideo exposuimus, ut si quid emerferit dubii, ipsos scrutari possis. Hoc interim affirmare non dubito, nos de industria ab antiquis codicibus ne unico iōta vel apice recessisse, imò eorum scripturam adeo pressè secuti sumus, ut set, aput, capud, ymago, atq; istiusmodi plura contra receptam modò scribendi consuetudinem retinuimus, & hoc ne nobis vitio vertas, qui auctores integros, non à nobis reformatos tibi exhibere profitemur.

Restaret jam ut de eorum vitis & scriptis aliquid adjicerem, sed pensum istud à viro longè doctissimo, clarissimo Seldeno, absolvi speramus, quem vel nominare est omnimodam ea in re tibi polliceri satisfactionem.

De Glossario verbum. Sine quo hoc jejunum & parum Glossarium. utile prorsus extitisset opus, illud à Guilielmo Somnero, pristinae probitatis & candoris viro, patriarumq; antiquitatum indagatore sagacissimo, & ad hoc linguæ Anglo-Saxonicae peritissimo, in tuam gratiam elaboratum intelligas. Quod si voculae quædam glossatae, his scriptoribus minimè repertae, in eo tamen tibi occurrunt, scias illud non ostentationis, aut ex scientiæ indicandæ affectata gloria, sed à summæ modestiæ & ingenuitatis viro, instantissimis amicorum concessum precibus, ut cum in aliis gentis nostræ historicis illæ tibi fiant obviæ, & à nemine quod scio explicatae, hinc earum sensum eruere possis, in quo tuæ utilitati, non ejus molestiæ consulere studuimus. Istiusmodi sunt Culvertagium, Witereden, Tenmantale, (quarum intellectum non alii quàm ei ego acceptum refero:) ac istiusmodi nonnullæ.

Hæc sunt quorum notitiam tibi acceptam fore, atq; ideo præmittenda, judicavi. Te verò, Lector, exoratum velim, ut si quid habeas unde secundus harum Historiarum tomus (pro fato prioris in lucem jam emittendus) auctior prodeat, &
emen-

Lectori.

* Cornel. Bee. *emendatior, ne graveris* * *Librario candidè impertire : cuius singularem industriam, & expensas, nec vulgares, nec modicas, in perquirendis, transcribendis, corrigendis, antiquis manu exaratis codicibus, hic omnino tacere non potui, nec opinor debui. Vale & frueri.*

ROGER. TWYSDEN.

Ex ædibus meis Cantianis, 4. Non. Feb.
M. DC. L^I._{II}.

T

Ad Lectorem,

Ioannes Seldenus,

De Scriptoribus hisce nunc primum editis.

Turgoto Episcopo Sanctandream Historia Ecclesiæ Dunelmensis, Simeonis dicta, asseritur. Fus, per Scotiam veterem universam, perquam singulare Keledcorum seu Presbyterorum ostenditur, idemque in Episcopatum illum, Turgoti ævo, seu annis abhinc amplius 530, transivisse adeoque illis tunc prorsus esse ademptum. Scotichronicon à Quo & Quando scriptum, Cænobii Jorevallenfis Origo, Comitum veterum Richmondia series, id genus, è re nata, alia, ut Parerga, subinde intertexuntur.

Scriptorum de rebus Anglicanis veterum insequentium, qui hactenus in supellectile bibliothecarum manuscripta obscurius omnino delituere, Editioni huic, præclaræ illi sanè meritissimoque æstimandæ, utpote, ni fallor nimium, rerum antè actarum Civilisque inde, tam circa Sacra quàm Profana, Disciplinæ liberius & seriò eliciendæ amantioribus universis gratissimæ acceptissimæque, Ego quidem nec præfui ipse neque aliter interfui adfuïve, quàm, horis subinde obiter subsecivis, incidentes fortè in manus typorum Schedas aliquot, animi gratiâ, percurrendo & Codices nonnullos veteres ei inservientes, in Descriptionem Collationemque cum aliis petitos, indicando communicandoque; ex instructissima scilicet maximè bibliotheca illa Viri undique Nobilissimi Thomæ Cottoni Baronetti, Roberti Equitis & Baronetti, nominisque, ut apprimè meruit ipse, passim celebratissimi, Filii. Eam dico quæ ex MSS. omnigenis, iisque optimæ notæ, constat, atque ex summa tam Patris quàm Filii Humanitate & Indulgentia, mihi nunquam non agnoscendâ, haud minùs usui meo semper patuit quàm si mei ipsius planè fuisset. Simulac autem Typographus destinatos Tomo huic absolverat, instantius efflagitare à me cœpit Bibliopola cujus sumptibus eduntur, ut de eis eorumque Scriptis hisce ac Seculis aliquid præfarer ipse. Officiolo hujusmodi, utpote Homini profectò in quolibet mercis Literariæ genere indies, nec infeliciter, versatissimo, indèque de Literatorum gente haud parùm revera merenti præstando ut deessem, sustinere nequibam. De singulis igitur, ordine suo.

I. Simeon Dunelmensis, monachus ibi Benedictinus & ecclesiæ Præcentor, atque viris illius ævi doctioribus meritò connumerandus, circa partem seculi duodecimi mediam floruit. Quæ de eo aliisve heic conjunctis habent Balæus^a, Pitseus^b, Vossius^c huc describere visum non est, cum nempe biographi illi studiosis sint passim satis obvii. Nondum autem typis editam ejusdem vitam à Joanne Lelando conscriptam prætermittere nolimus. Ea ad hunc modum se habet^d.

Simeon Præcentor Dunelmensis, cum primariis seculi sui monachis jure conferendus, optimè intelligens res Transabrinorum gestas tum scriptorum negligentia socordiaque, prævalentibus tot Danicis bellis, tum iniquitate temporis ita obscuras & in silentio pressas delitere ut brevi ad oblivionem interitumque, nisi eas diligentis aliqua docti investigatoris cura repararet, colligeret, in ordinem referret, pervenirent; quare

^a Cent. 2.
Script. 98.

^b Ætat. 12.
Script. 226.

^c De Historicis Latinis
lib. 2. cap. 51.

^d Ms. de Vitis
script. Anglic.
in Bibliotheca
publica Oxon.
nienfi.

rationem sollicitus apud se inibat, quàm malo instanti occurreret. Multa tandem cogitanti hoc succurrit, imprimis & necessarium & utile, ut reliquias bibliothecarum à Danis spoliatarum anxie disquireret. Nam monachi Lindisfarnenses, Coquedani, Tinomuthenses, Girovenses, Veromutenses, Hagulstadenenses, Sinuspharenenses, Vetandunenses, Lestingani, Ripodunenses, Deiro-Sylvani, denique Eboracenses, Danorum tyrannidem misere fugientes, aliquam veteris historiæ supellectilem & cognitionis rerum sui temporis secum detulerant & in dies conservaverant quas feliciter aliquando futuras sperabant. Hæc omnia perquisivit, invenit, excussit curiosa Simeonis diligentia, atque adeo, ut, antè ardorem studii nulla ex parte remiserit, quàm Historiam gentis Nortabrinæ à tempore Bedæ Giroviensis, ad Stephani tyranni regnum accuratè perduxisset. Non heic decrevi Simeonis encomiastes esse. Ejus immortale opus est, atque adeo erit me reticente. Tantum interim Lectorem admonitum volo, fuisse quendam Rogerium Hovedenum, hominem non indoctum, qui eadem qua ille serie, Historiam deduxit à Beda ad Joannis Regis imperium, quem ob historiam avitam ut meritò probandum putem, ita improbandum, quòd, picta Simeonis prætata, nullà ejus nominis mentione prorsus habitâ compilaverit.

^a Comment. in
Cygneam Can-
tionem verb.
Dunelmensis.

Sic ibi ille. Etiam alibi plagii similiter incusat hujusmodi Hovedenum. De Simeone verba faciens, Hujus ego, inquit^a, aliquando Historiam de rebus regis Anglorum legi quam & inchoavit commodè à morte Bedæ, perstringens illustria facta & Anglorum & Danorum spatio quadringentorum & viginti novem annorum ac quatuor mensium, cui & alii viginti anni appendebant autore Joanne Hagulstadenfi. Hic mihi non placet Rogerius Hovedenus, vir alioquin laudandus, qui scrinia Simeonis, suppresso ejus nomine, strenuè compilavit, & aliena pro suis, gloriæ avidulus, supposuit. In ore etiam & scriptis aliorum subinde occurrit, Hovedenum adeo Simeonem hunc, tacito nomine, descripsisse compilasseque, ut priorem Annalium ejus partem uti etiam cætera usque in annum, quo finitur Simeon, in parte secunda, cum Simeonis Annalibus velut planè eadem esse velint. Atque ita fieri solet ab hominibus qui libentiùs de rebus ejusmodi temerè ac oscitantiùs pronuntiant, nec rem ipsam penitiùs introspicere ac verum sic assequi cordatiùs cupiunt. Id quidem certum est, Simeonis Annalibus usum fuisse Hovedenum, uti & aliis tum Latine tum Anglosaxonice conscriptis, inchoare etiam ipsum ubi desinit Beda, quemadmodum & Simeonem. Sed interim manifestius utrosque consulenti nihil erit quàm innumera passim ab Hovedeno inserta quibus caret Simeon, atque apud hunc itidem per plurima haberi quæ Hovedenus prætermisit. Adeoque planè non tam plagii, quàm Simeonem spectat, reus is habendus, quàm scriptor perquam diligens qui ex compluribus qui antecesserant autoribus, quorum unus erat Simeon hic, unicum opus copiosius seligeret conflaretque; id sanè quod ab optimis omnium seculorum historicis fieri, studiosis est notissimum. Quid quod etiam ipse Lelandus, licet in Simeonis vita (ut jam ostensum est) tantilli eum fecisset atque sub nomine cujusdam Rogerii Hovedeni, plagii arguisset, in eodem tamen Scriptorum vitarum corpore ubi vitam Hovedeni ipsius postmodum inter alias exhibet, nihil omninò ejusmodi memorat? Imò eum, Historiæ suæ nomine, laudi-

^b MS. in bi-
blioth. publica
Oxonienfi.

laudibus effert peregregiis. Mortuo, inquit, Henrico (Rege secundo cuius in aula ut domesticus diu foelicius egerat) omne studium suum ad Historiam scribendam contulit, in quo negotio, si diligentiam, si antiquitatis cognitionem, si sanctam fidem spectes, non modò quotquot seculis rudibus quidem illis præcesserant Scriptores, verumetiam seipsum superavit. Quod si adjunxisset Fidei, quæ prima pars Historiæ est, plusculum Elegantiæ Romanæ, facile palmarium obtinisset. Etiam quod in Simeonis vita habet Lelandus de Historia ejus, de gestis Regum Anglorum, in Stephani Regis tempora perductâ, benè ab ipso corrigitur in commentario illo suo ad Cantionem suam Cygneam, ubi, ut vides, à Bedæ fine, quo incipit ille, numerantur anni 400. & menses 4. Historia Bedæ terminatur anno Christi 731^a. De vero anno mortis ejus, unde sua contexuisse Simeonem hunc perperam nonnulli aiunt, non satis conveniunt Scriptores^b. Pauculis autem ab Historiæ fine annis aut non diu inde post, obiisse illum, certum est. Utcunque verò, nemo non videt, 400 annos & 4 menses exitum historiæ Bedæ sequentes, annos satis complere 1130. Adeoque finis ejus historiæ in posteriora Henrici Regis primi tempora incidit, seu circa quinquennium ante initia Stephani Regis. Lapsus igitur erat heic etiam planè Lelandus in vita ejus, utcunque postmodum in Commentario illo sic à seipso emendatus. Paginas aliquot è Beda & de eo præfixit historiæ huic suæ Simeon^c. Incipit historia ipsa col. 98. *His peractis gaudiis ex sanctissimi doctoris*, unde sumtum est Balæo atque Pitseo *Peractis ex sanctissimi Doctoris* pro initio ejus. Faciunt quidem illi, nescio cur, duos heic Simeonis libros. Qui verò apud illos dicitur, ut alter, per se, ejusdem liber, *Abbreviationes Malmesburiensis*, Annalibus hisce^d per digressionem ab autore inseritur, ubi initium earum idem quod Biographis, *Non indecens opinor si quiddam &c.* Sed mirus interea Balæi memoriæ, in ejusdem vita, lapsus. Cum enim primò ibi verè indicasset (quod & alibi^e pariter meminuit) eum res suas historicas usque in annum 1130 protendisse, pauculis interjectis lineis, *claruit*, inquit (idque etiam in editione utraque^f) anno ab apparente in carne Dei filio 1164 quo primam finivit historiam, sub Henrico rege Anglorum secundo. Et quantum ad annum quo sic ab eo claruisse dicitur, sequaces sunt heic, Gesnerus, Simlerus, Possevinus, Pitseus, Wion^g. Certè eum tamdiu superstitem fuisse nondum didici. Nec satis capio illud Balæi, *finivisse tunc historiam*, aliud significare quàm eam illuc pertextam esse. Sed ita anni 34 supra verum historiæ ejus terminum malè excrescunt. Atque hæctenus de Simeonis hujus scripto de Gestis Regum Anglorum.

Quod autem ad Historiam ejus de Dunelmensi Ecclesia attinet; tametsi, in Apologia sua præfixa, non solùm majorum autoritate jussum eam ipsum se contexuisse fidentiùs profiteatur, verùm etiam ea quæ sparsim in Schedulis invenire potuit ordinatim collecta digessisse, Præfationem item, Distinctiones Librorum & Capitulorum, aliâque aliquot, velut in prævium ei apparatus, adjiciat, quasi citra controversiam opus illud integrum sui ipsius planè fuisset atque ex disjectis Schedis ab ipso, ut autore solo, formatum

^a Beda Hist. Eccles. lib. 5. cap. 24.

^b Vide sis Baron. Tom. 9. ann. 731. S. 23. & Annales ac Biographos hæc de re obvios.

^c Vide Col. 86. usque in 98.

^d Col. 135.

^e Cent. 3. Script. 31.

^f Edit. Priori. anno 1548. fol. 87.

^g In Ligno Vitæ lib. 2. cap. 77.

^a Lib. 1. cap. 14.

^b Malmesbur.
de gestis Pon-
tific. lib. 3.
cap. de Episco-
pis Lindisfar-
nensibus.

^c Lib. 4. cap. 8.
infra col. 54.

congestumque, unde etiam *Historia Simeonis* ab exscriptoribus atque in editione hac alibique securiùs vocitatur; monendus nihilominùs es, Lector, omninò credendum esse, opus illud integrum, eòdem ipso ordine à Libri Primi initio usque in finem Quarti, totidémque etiam ubique Verbis Syllabisque (modò excipias variantes subinde, ut in librariorum opera fieri assolet, apices aliquot leuiusculos, & Bedæ librorum recensitionem apud Simeonem contractiorem^a, & Capitum lemmata, ac demùm periocham unicam, sed perinsignem, quæ apertissimè malà fide, ob rationem statim ostendendam, ab ipso Simeone suam in rem plagiique commodiùs celandi causâ prætermissa est & expuncta) idem, inquam, ipsum opus antea diligenter compositum fuisse à *Turgoto* illo, monacho Dunelmensi percelebri, qui tum Prioris ejusdem Ecclesiæ per annos viginti, etiam Archidiaconi, Vicarii, Decani, Vicedomini^b ubique Episcopo suo, seu ut ipsius^c sunt verba, *Christianitatis curam per totum Episcopatum agentis*, tum postea Sanctandream in Scotia Episcopi per Septennium, dignitatibus claruit. Is enim ab Oswaldo Rege seu fundamentis Ecclesiæ Dunelmensis historiam illam suam in tempora Guilielmi Rufi Regis media aut circiter seu annum 1097, ut Simeon, deducens, idem ipsum perfecerat, & in Henrici primi annum decimum quintum, seu Christi 1115 (ut mox ostenditur) superstes tunc mortuus est. Audax nimium facinus, ne quid gravius dicam, Simeonis sanè qui scriptoris adeò sibi nuperi vicini ac ejusdem Ecclesiæ tum Collegæ tum Præfecti tantisque dignitatibus clarissimi, opus integrum (demtis quæ diximus) sibi ipsi quasi planè novum idque velut suâ solùm Minervâ congestum sic arrogaret. Habetur scilicet in bibliotheca Cottoniana Codex *Turgoti*, ipsius tempore manifestò conscriptus, cui titulus *Libellus de exordio atque procursu istius, hoc est, Dunelmensis Ecclesiæ*. Adjicitur in ora libri, manu non ita multum recentiore, *Liber Sanctæ Mariæ de Fontibus*. In Bibliotheca enim cœnobii illius Fontanensis, in agri Eboracensis parte, Richmondia dicta, siti, olim servabatur & postmodum Cottonianæ, cum aliis optimæ notæ codicibus, donatus est à viro illo præstantissimo Thoma Alleno Oxoniensi, à quo, ut benè etiam memini ipse, pro opere *Turgoti* genuino semper sumebatur. In ipsa item fronte, manu quidem recenti, sed interim Roberti Cottoni, viri ut alias undiquaque eximii, ita in scriptoribus ejusmodi ritè feliciterque discernendis versatissimi, annotatur, *Turgotus Prior Dunelmensis autor hujus libri*, ad quod asserendum loci in eo aliqui breviter ibi indicantur. Incipit *Turgotus* à verbis illis *Gloriosi quondam Regis Northanhymbrorum & preciosi martyris Oswaldi &c.* quemadmodum, post Apologiam & reliqua in apparatus antecedentia, quæ ad *Turgotum* nullatenus spectant, incipit Simeon. Eadem dein (sed cum temperamentis quæ diximus) ipsa Vocabula, eadem Syllabæ quæ apud Simeonem, nec omninò aliæ usque in paginam 161, ut numerus ibi habetur, id est usque ad Capitis 22 libri tertii medium aut circiter, juxta distinctionem in editis seu Simeone ipso, ubi nimirum de *Turgoto* fit mentio. Primæ Personæ itidem, ab altero

sine

sine injuriâ nullibi ullatenus assumendæ, usus & frequens & parilis, adeo ut quicquid nomine suo dixisset alter, alter sibi ipsi tribuat, veluti bini Sofiæ. Exempli causâ, in præfationis fine; quæ defectu scriptorum literis non fuerant tradita, seniorum autem veracium relatione qui ea vel viderant vel à patribus suis, viris religiosi fideque dignissimis qui interfuere sæpius, audierant ad **NOSTRAM** noticiam pervenerunt, vel quæ & **NOS IPSI VIDIMUS**, his quæ ex aliorum scriptis collecta, adjungenda credimus, verba planè sunt, ut ex sui natura alteri non communicanda, ita nec honestè usurpanda alteri. Sic **AUDIVIMUS** sæpius occurrit, ubi auditionem illam Simeonis fuisse, neutiquam admittendum. Sed verò hujus generis præ aliis est eximium heic illud de contrectato S. Cuthberti corpore^a. ^a Lib. 1. cap. 101. Id quod impensè miror sanè haud expunxisse aut præterisse Simeonem, sed ita securè ac oscitanter retinuisse, ut de se, alterius personam induens, illud obtenderet permitteretve velut in suo ibi dictum, cujus, ob temporis rationem, eum capacem fuisse haud omninò videtur existimandum. Scilicet narratur ibi Cuthbertum moribundum, corpus suum Dunelmensibus permissione & consilio quasi legasse, eoque nomine gratias ei flexis genibus egisse monachos. Cui permissione (inquit scripti autor) **NOS** quoque illi gratias referamus, quibus incorruptum corpus ejus quadringentesimo & octavo decimo dormitionis ejus anno, quamvis indignis, divina gratia videre & manibus quoque contrectare donavit. Dormitionis ejus annus erat Christi 687, quibus adjectis 418 fiunt 1105, quo tempore quidem maxime floruit Turgotus, utpote diu antè Prior Dunelmensis. Sed ægrè nimis concoquendum videtur, Simeonem hunc tunc temporis ex ætate excessisse puerili aut ephebis. Et provectoribus tantum gravioribusque viris corpus illud contrectare etiam tunc permissum, idque rarissimè, certum est. Loco autem libri tertii jam dicto^b, ubi narratur Turgotum itineris à monasterio Gyrvuensi Dunelmum, Aldwino, primo ibi Priori, comitem fuisse, Dunelmique benignè esse exceptum, nec habitum clericalem in monasticum mutare diu voluisse, sed sub magisterio Aldwini degisse, post verba illa, non enim habitum monachicum prius suscipere audebat quàm majori ac diuturniori sese districtione probasset (quæ quidem ut à viro modesto humilique de se dicta sonant) sequitur in codice illo **MS.** Ipse est qui in locum magistri, videlicet Aldwini, succedens, hodie in hac, id est Dunelmensi ecclesia, dudum sibi traditum à Willielmo Episcopo Prioratum tenet. Totum hoc consultò prætermittitur à Simeone, ut sanè in artificiosiori ratione plagii, cui locus hic perinsignis & Index & Clavis est, necessariò oportuit. Et post verba illa districtione probasset, proximè ita sequitur apud Simeonem, Hic magistrum de Monasterio &c. Certè etiam in codice alio perverusto, Turgoto itidem in bibliotheca Cottoniana^c tributo, qui acephalus nihil habet posteriora capitis Quarti libri secundi antevergens, sed tum omnia usque ad finem, quemadmodum Simeon, insequentia, tum Episcoporum Dunelmensium, Ranulphi, Gaufridi, ac Willielmi de Sancta Barbara inde successiones, in eo inquam periocha paritèr illa de Prioratum tunc tenente omninò prætermittitur. Non per

^b Col. 45. l. 23.^c MS. in 4. Cujus faciei inscribitur Durham, Ely, Pontfort, fol. 62.

per Libros distinguitur codex ille sed per Capita 96 quorum Lemmata, idem cum Simeonianis satis denotantia, verbis passim ab illis discrepant. Jam verò ex loco illo sic fide pessimâ prætermisso, Historiæ hujus Dunelmensis scriptionis tempus manifestò ostenditur; dum tenebat nimirum *Turgotus* Prioratum Dunelmensem post Aldwini mortem sibi dudum traditum. *Hodie inquit tenet.* Adeoque tempus illud incidit intra vicennium à tempore quo in Priorem electus est. Etenim obiit Aldwinus anno Christi 1087 (seu circa exitum Willielmi Regis primi) cujus in locum successus *Turgotus* dignitatem tenuit per annos viginti. Historia Dunelmensis altera, quæ *Turgoto* quidem & Simeone multò recentior est sed ex vetustis monumentis ejusdem ecclesiæ sedulò congesta^a, post Aldwini obitum sic collocatum, *Aldwino*, inquit, primo Priore monasterii Dunelmensis mortuo, *Turgotus* ejus discipulus omnium fratrum consensu electus in Prioratu successit, & totius monasterii curam intus & foris, cum Dei tremore, viginti annis nobiliter agebat. Tantundem, si vicennium Prioratus ejus demas, habetur in hisce^b editis. Dein autem inde translatus est in Sanctandreamum in Scotia Episcopatum. Jam dicta historia recentior; Anno ab incarnatione Domini Millesimo *CVIII* ac tempore Regis *Malcolmi* & *S. Margaretæ* (id est sub Prioratûs ejus vicennii exitum) electus fuit *Turgotus*, Prior Dunelmensis, in Episcopum *S. Andreae*, consecratusque est *Eboraci III. kalendas Augusti* (à *Thoma* Archiepiscopo *Eboracensi*, ut expressim etiam codex *Mailrosensis*^c, aliique; professione^d eidem subjectionis solenni factâ, ut, seculis in illis, ab episcopis reliquis fieri solitum *Scoticanis*) & stetit per annos septem. In diebus illis totum jus *Keledeorum* per totum regnum *Scotiæ* transiit in Episcopatum *S. Andreae*. Iste sepultus fuit apud *Dunelmum* in domo capitulari. *Keledei* illi (quod obiter notare liceat) fuere quos *Culdeorum* & *Keldeorum* nomine vocitant scriptores *Scotici*^e, id est *Dei Cultores*. Vox quidem vetustissimis, ut aiunt illi, in *Scotia* Monachis & Presbyteris Christianismi etiam *Primitivi* & deinceps universis tributa. Et de eis expressim *Hector*; *Invaluit id nomen, apud vulgus, in tantum ut Sacerdotes omnes ad nostra penè tempora, vulgò Culdei, i. Cultores Dei sine discrimine vocitarentur.* Dein adjicit, *Pontificem inter se communi suffragio deligebant penes quem divinarum rerum esset potestas.* Is multos deinceps annos *SCOTORUM EPISCOPUS*, uti nostris traditur *Annalibus*, est appellatus, quod vertit interpretes ejus *Joannes Belendenus*, *Thir Prests be generall botis chesit ane Bischop to have auctoritie and Jurisdiction above them. And he was callit the Bischop of Scotland.* Nomen illud, idem denotans tam in *Hibernia*, aliisque maris occidui insulis, quàm in *Scotia* obtinuit. *Facet*, inquit *Giraldus Cambrensis*^f, *extra Lhyn insula modica quam monachi inhabitant religiosissimi quos Caelibes vel Colideos vocant.* Insula illa est quæ *Berdsey*^g jam *Anglis* vocatur. Et de insula *Lacûs Momoniæ borealis*, in *Hibernia*, minori, capellam, esse ait idem^h, cui pauci *Caelibes*, quos *Cælicolas* vel *Colideos* vocant, devotè deserviunt. De iis vide plura apud *Jacobum Usserium Armachanum*ⁱ, & *Henricum Spelmannum*^k. *Thomas Demp-*

^a Ms. in bibliotheca Cottoniana anno 1087. fol. 44. 2.

^b Lib. 4. cap. 7.

^c Ms. in bibliotheca Cottoniana, sed ann. 1109.

^d Thomas Stubbs, in Act. Pontif. Eborac. col. 1712. & 1713.

^e Hector Boethius Hist. Scot. lib. 6. fol. 92. & 99. 1. Buchanan. lib. 4. reg. 35. Dempster. in Apparatu ad Historiam Scoticam lib. 1. cap. 13. & in Hist. Ecclesiastic. Scot. lib. 1. num. 45.

^f Itinerar. Cambria lib. 2. cap. 6.

^g Camden. Brit. pag. 838.

^h Topograph. Hibernia Dist. 2. cap. 4.

ⁱ De Britannicarum Ecclesiarum primordiis cap. 15. pag. 636 & c. & 659.

^k Glossario, verb. Coldei.

Dempsterus; Et sanè secundus iis post Regem ipsum toto regno honor habebatur. Illi Episcopum è suo corpore eligendi potestatem habebant. Sic in Apparatu. Atque in Historia Ecclesiastica, Penes hos ab initio recepta fidei, stabat Episcoporum electio, nec ullus antistes esse poterat, qui non ex eorum corpore aut per eos electus esset. Sed, in Mantissa Apparatus subjuncta^a, existimat ille eos primò revera fuisse non tam Monachos quàm Canonicos Regulares seu Presbyteros monachatu nondum indutos, idque ex eo quòd in Occidente illo Monachatum seculis in illis primitivis haud ita in usum receptum esse autumat. Quid verò heic totum jus Keledeorum per totum regnum Scotiæ diebus in illis, seu Turgoti, ut videtur, Episcopi Sanctandreami tempore, transivisse in Episcopatum S. Andreae denotet, ex jam dictis fortè haud ita est obscurum. Nempe, antea per secula compluria competierat eis, ex Usu seu Confederata inter se Disciplina atque per gentem illam, quà Christianismum induerat, admissa, Jus sibi Episcopum sive Unicum sive Plures, pro temporis locive discrimine, eligendi, ordinandi, constituendique (non dissimili modo ab eo quo præfectos sibi sive corporati sive cœtus qualescunque corporatorum instar qui sunt, eligere, ordinare, constituere variatim pro arbitrio soliti) idque sine Episcopi alicujus, quà talis, ope singulari velut necessaria; quale quidem in Orientis Ecclesia illa, per secula itidem Christianismi primitiva, Alexandrina, Presbyterorum ibi cœtui, in Episcopo sibi sic constituendo parilique, quantum ad Ordinem, Presbyterorum ac Episcoporum potestate admittenda, usitatum est, uti tum ex S. Hieronymo^b, ac commentariis S. Ambrosio^c tributis, tum ex Eutychio Patriarcha Alexandrino^d satis apertè quidem videtur ediscendum, atque à viris aliquot^e summis Reformatorum ultrò inde & instantius nuper assertum est. Sed acriter circa hanc rem, quà historica est, reluctantur tum ex ipsis Reformatis alii, ordinis utpote per se Episcopalis assertores perquam seduli, tum Pontificii aliquot, in quibus summas agit partes Dionysius Petavius^f, vir quidem doctissimus, qui auctoritatem Eutychii elevans omninò bene credulum lectorem eum postulare dixerat^g, & postmodum, in Appendice Tomi tertii^h de Ecclesiastica Hierarchia viros illos insignes Claudium Salmasium & Davidem Blondellum pluribus, Eutychii causâ, exagitat, me etiam ejusdem editorem simul molliùs perstringens; atque ex vitis Patriarcharum seu Episcoporum Alexandriae, à Severo Ben Masphaho è variis Ægypti monasteriis collectis & ex Coptica lingua & Græca Arabicè anno Martyrum 494 seu Christi 777, id est sub centesimum ante Eutychium annum redditis (ubi paulò aliter scilicet de dignitate Alexandrina seculis in illis Episcopali fit narratio) atque ex aliis ab ipso disputatis, Eutychio fidem satis minutam esse sibi habet persuasum. Sed perpendat judicetque lector æquus. Horridulo serræ Contentionis Literariæ stridore haud mihi quidquam est insuavius. Abrahamus item Ecchellenfis Maronitaⁱ qui Severum illum Petavio, hanc in rem, communicavit, scripsisse profitetur se Responsionem ad Eutychium quam lucem hætenus vidisse nondum mihi diligentius sciscitanti compertum. Certè

^a Pag. 146. Et vide eum Hist. Ecclesiast. lib. 4. cap. 386.

^b Epist. 84. ad Evagrium.

^c In Epist. ad Ephes. cap. 4.

^d In Originibus Ecclesiæ suæ.

^e Claudius Salmasius lib. de Episc. & Presb. & in Apparatu ad Lib. de Primatu Papæ, David Blondellus, alii.

^f In lib. de Episcopis & Presbyteris, & in Theologic. Dogmat. Tom. 3. in libris de Ecclesiastica Hierarchia.

^g De Eccles. Hierarchia lib. 1. cap. 13. §. 18.

^h Subjunctâ Tom. 4. Theologic. Dogmat. lib. 2. cap. 2. §. 3. &c.

ⁱ In Historia sua Arabum pag. 166. Chronico Orientali Parisiis 1651. inserta.

Culde;

Culdeorum heic in Occidente vetustissimum jus, Alexandrinorum illorum in Oriente Presbyterorum juri morique item vetustissimo videtur planè suppar, idque ut inter Scotos veteres ubique fermè locorum perquam diu receptissimum. Quinimò licet apud Bedam ipsum Scotiæ priscæ Christianismi, ut Angliæ suæ, mores diligentius enarrantem, Culdeorum nomen haud satis habeatur expressum, attamen reliquias aliquot seu vestigia ejusmodi Episcopalis juris, veluti ex eorum tunc Presbyterio ut Autore solùm legitimo & pro constituentium arbitrio, Gubernatore perpetuò pendentis, haud ita obscura exhibet ille, non modò ubi Episcopos, quasi sic creatos aliquot subinde sine locis quibus præessent singularibus inter Scotos memorat, verùm etiam ubi Episcopalem vulgò dictam seu summam in Sacris tum Personis tum Rebus regundis, Abbatibus aliisve ex simplici presbyterii seu Abbatiae jure, ac sine titulo Episcopali, Episcopive, notione vulgari, alicujus indultu aliquo, potestatem ibi competiisse scribit. Inde enim de parili Episcoporum & Presbyterorum, nec diverso ordine, aliisque inde consequentibus seculorum illorum illic obtinentibus, sententia apertissimè cernitur. Etenim ubi de S. Columba agit ille^a, Hiberno illo, Presbytero & Abbate qui Pictos Septentrionaliores Christianismo imbuat, & sub finem seculi sexti mortuus, in Iona insula Scotica maris occidui, ubi monasterium sibi construxerat, sepultus est, per plurima ait & in Britannia & in Hibernia per discipulos ejus propagata esse monasteria, in quibus omnibus idem monasterium insulanum (jam dictæ insulæ Hebridum celeberrimæ, Hii^b illi nominatæ, unde & monasterium illud scriptoribus Huense nuncupatum seu Huiense, nec omninò diversæ ab ea quæ in editis Adamanni Scoti libris^c de S. Columbæ vitæ toties IOVA pro IONA malè exaratur) in quo ipse requiescit corpore, principatum tenet. Habere autem solet ipsa insula (quod etiam tum de Bedæ ipsius tempore tum de seculis anterioribus dictum) Rectorem semper Abbatem presbyterum cujus juri & omnis provincia, & ipsi etiam Episcopi, ordine inusitato, debeant esse subiecti, juxta exemplum primi Doctoris illius, qui non Episcopus sed Presbyter exstitit & Monachus. Inde in Chronologia Saxonica Bedæ ab viro eruditissimo Abraha Wheelo nuper ex codicibus MS. priscis subjunctæ^d, legitur Nu sceal beon æppe on Ii Abboð 7 na Biscop. 7 þan sceolon beon under þeoððe ealle Scotta Biscopas. þo 7 ðan 7 þ Columban 7 þ Abbað, na Biscop; id est, Hinc, præse semper debet in Hii insula, Abbas, non autem Episcopus; cui porò omnes Scotorum Episcopi subijci debent, quoniam Columbanus (sic enim Columba hic etiam sæpius nuncupatur) Abbas fuit, non Episcopus. Et in insula Hii plurimorum, ait Bedæ^e, caput & arcem habuere Scoti Cænobiorum, velut exemplar reliquis imitandum. Ita verò Abbati Presbytero subiecti Episcopi. Ordine quidem, ait Beda, inusitato, sed qui, ex more ibi vetustissimo seculorumque illic anteriorum disciplina, receptus. Non defuere qui Abbatem hunc Primatem inde Episcoporum omnium Hibernensium habitum esse scripserint. Certè & Carolus à S. Paulo Bedæ locum illum, ut de Hibernia insula dictum perperam capit^g. De eadem itidem Insula &

^a Hist. Eccles. lib. 3. cap. 4.

^b Vide Camden. in Insulis Brit. pag. 848. & Jac. O'Sser. Armachannum in Britannicarum Eccles. Antiq. cap. 15. pag. 697. & 701.

^c Apud Canisium Antiq. lection. tom. 5. part. 2.

^d Anno 563.

^e Hist. Eccles. lib. 3. cap. 21.

^f Notkerus in Martyrolog. 5. Id. Junii. & vide Iacobi Armachani locos antè indicatos.

^g Geographia Sacra pag. 170.

* Vid. Historiæ Ecclesiæ Anglicanæ a. 1534. ut ille fuit in
great Britain & Ireland & Episc. Anaph. c. 7. §. 7. jure

jure monasterii ejusdem jam dicto singulari, idem paulò ante^a; Hujus monasterium in cunctis penè Septentrionalium Scotorum (tam Hibernensium^b quàm qui in Britannia Magna Septentrionali^c) & omnium Piëtorum monasteriis non parvo tempore, arcem tenebat regendisq; eorum populis præerat (cum omnimoda quæ circa Sacra versabatur sive Jurisdictione sive Ordinis ratione; Thomas Stapletonus in versione sua Bedæ Anglicanæ^c, **had the soveraintie in ruling of their people**) quæ videlicet insula ad jus quidem Britanniae pertinet, non magno ab ea freto discreta, sed donatione Piëtorum qui illas Britanniae plagas incolunt jamdudum monachis Scotorum (Hibernensium) tradita, eò quòd illis prædicantibus fidem Christi perceperunt. Saxonica versio ibi illud cunctis penè facit simpliciter cunctis. þ minstreþ, inquit, on eallum noþþ ðcortum 7 eallum Peohta mýnstrum mýcelpe tīde Ealþorðdom (quod planè heic Presbyterium est) 7 heanestre onpeng; Etiam Henricus archidiaconus Huntindoniensis^d; ejus monasterium Septentrionalium Scotorum & omnium Piëtorum arcem tenebat. Et dein, de Monasteriis in Hibernia & Anglia etiam plurimis propagatis locutus, in quibus omnibus, adjicit, monasterium Hii principatum tenet. Abbati autem illius insula omnis provincia, & etiam Episcopi, ordine inusitato, solent esse subjeñti, quia Columba prædicator, non Episcopus fuit, sed Presbyter & Monachus. Et subjungit, Cujus successores, ejus imitatione, valde claruerunt. Scripsit autem Henricus hic, probatissimæ fidei historicus, sub annum 1140^e, id est diu post tempus illud quo Keledeorum jus transiisse traditur, ut suprà, in Ecclesiam Sanctandream, & de monasterio hoc loquitur, ut suo in ævo, veteri illo, etiam in Episcopos, jure utente, quod quidem advertendum est. Nec fortè jure illo hæcenus satis cesserant Abbas ibi & Monachi Presbyteri, tamen si per totum regnum Scotiæ jus illud transactione aliqua publicâ sic transivisse tempore Turgoti aut circiter, in historia illa Dunelmensi tradatur. Quid quod etiam autor, quisquis ille fuerit, Historiæ Jornalensis perperam dici solitæ & Joanni Bromptono tributæ (qua de re mox plura) totidem cum Huntindoniensi verba^e de Insula hac atque Monasterio ejusque jure singulari adhibet verba? ubi^f legendum pro artem tenebat, arcem tenebat, & pro de Ariano^h, de Armachiⁱ. Sed pariter ille ibi tempore sibi præsentē utitur, ac principatum, inquit, tenet, & Episcopi ordine inusitato solent esse subjeñti, quasi dum vixit ille, illud in more retentum. Porro de Presbyterii ibi ac Abbatiae quantum ad hanc rem jure, etiam Beda^k; Ab hac ergo insula, ab horum collegio monachorum, ad provinciam Anglorum instituendam in Christo missus est Aidanus, accepto gradu Episcopatus, quo tempore eidem monasterio Segenius Abbas & Presbyter præfuit. Atque expressius in eodem capite liquet, in confesso ac Concilio Seniorum, id est Presbyterorum quales diximus (versio Saxonica habet gemote heoþa pītena, conventu sapientum eorum, quos Beda ipse^l aliique^m majores Scotorum natu appellant; Stapletonus, **the peers of Scotland**, Pares Scotiæ) atque ex eorum decreto, Episcopum, ab eis petente Oswaldo rege Northanhymbrorum, Aidanum pro more apud ipsos, sub Segenio Abbate & Presbytero, S. Columbæ successore, obtinente

^a Hist. Eccles.
3. cap. 3.

^b Vide Iacob.
Usserium Ar-
machan. de
Brit. Eccles.
primordiis cap.
15. pag. 700.

^c Antwerpia
1565.

^d Hist. lib. 3.
ann. 565.

^e Balans Cent.
2. script. 82.

^f Infra col. 786.

^g Lin. 17.

^h Lin. 41.

ⁱ Beda lib. 3.
cap. 4. Hun-
tingdon. loco
citato &c.

^k Hist. Eccles.
lib. 3. cap. 5.

^l Ibi cap. 3.

^m Florentius
Wigorniensis
anno 635.

esse creatum. Ibidem Beda, Omnium, inquit, qui confidebant, ad ipsum ora & oculi conversi, diligenter quid diceret discutiebant & ipsum esse dignum Episcopatu, ipsum ad erudiendos incredulos & indoctos mitti debere decernunt. Qui gratiâ discretionis, quæ virtutum mater est, ante omnia probatur imbutus; sicque illum Ordinantes, ad prædicandum miserunt. Id est, planè Episcopum eum illi, seu Presbyterorum & Abbatis Segenii conventus, Ordinabant. Saxonica, Hine to Byrceop gehalgodon, illi Episcopum eum consecrabant. Idem paulò antè de Monachis illis verba faciens, Monachus, inquit, ipse Episcopus Aidanus, utpote de insula, quæ vocatur Hii, destinatus; ubi editiones puto cunctæ, æque sane numerosæ, ante Latino-Saxonicam viri doctissimi Abrahamæ Wheloci^b, prodigiosum insulæ habent, ex librariorum incuria, nomen Hydestinatus. Atque inde Nicolao Harpsfeldio^c Hydestinatus & Thomæ Dempstero^d Hydestinatus fit insula ac monasterium unde prodiit Aidanus, quasi planè aliud omnino fuisset ab Hii. Sed hallucinatio egregia est^e. Planissimè legendum Hii, destinatus, id est inde ab Abbate & Monachis Presbyteris ibi Constitutus, Ordinatus, in Episcopi Gradum creatus missusque. Ita expressim etiam legitur periocha illa è Bedæ MSS. in Historia quam diximus Dunelmensi recentiori^f. Et Alfredi Regis Saxonica, Eac munuc je ylca Byrceop Aidan pay he jendeð oþ ðam ealande 7 oþ þam mýnre þe. Hii is nemeð. Adeoque error est manifestissimus, utcunque diu etiam à viris doctis ita receptus. Thomas Stapletonus vertit, **And the Bishop himself was a monk of the yle which is called Hydestinate.** Planè dicendum fuisset, **And the Bishop himself Aidan was a monk, Appointed or Ordained [to be a Bishop] from the Ile called Hii.** Alii autem (ut maximè Hector) conventum^g illum seniorum, à quibus destinatus est seu creatus Aidanus, expressim pro Episcopis seu eorum Synodo perperam sumunt. Postmodum item de successore ejus Finano, Successit ei, ait Beda^h, in Episcopatum (Lindisfarnensem scilicet) Finan, & ipse illò ab Hii Scotorum insula ac Monasterio destinatus (ubi vocabuli illius idem qui ante usus) ac tempore non pauco in Episcopatu mansit. Atque alibi in eundem sensum dicitur ille Bedæⁱ, gradum Episcopatus, à Scottis Ordinatam ac Missum, accepisse. Paritèr Finanus creatus est ut Aidanus, atque alios in Anglia etiam ille ordinavit^k episcopos. Trumbere item Anglus, episcopus Merciorum, simul & Lindisfarnensis & mediterraneorum Anglorum, edoctus Bedæ^l dicitur & Ordinatus à Scottis, ubi Alfredi regis versio gehalgad þþam Scottum, consecratus à Scottis. Hæc jam dicta ad seculum septimum attinent, cujus sub medium seu annum 660, ut expressim Beda^m, non erat tunc ullus excepto illo Wine (Occidentalium Saxonum seu Wintoniæ episcopo) in tota Britannia Canonicè Ordinatus. In Galliaⁿ enim, juxta canones receptiores, Ordinatus fuerat ille. Undenam verò nullus præter eum Canonicè in tota Britannia Ordinatus? Planè quoniam ex Seminario illo Hiiensi seu Presbyterii jure tunc Scotico, secundum jam ostensa, per successiones reliqui omnes tum superstites creati fuerant. Quæ sanè res tandem Anglis haud parùm seculis in illis displicuit, unde Oswius Northan-

^a Lib. 3. cap. 3.

^b Londini
643.

^c Hist. Eccles.
Sæcul. 7. cap.
31.

^d Appar. lib.
1. cap. 15.

^e Videtis Iacob.
Vsserium Ar-
machanum de
Brit. Eccles.
primordiis cap.
15. pag. 697.

^f MS. in bibli-
otheca Cottoni-
ana fol. 3. 1.

^g Scot. Hist. lib.
9. fol. 175 & c.

^h Lib. cap. 17.

ⁱ Ibid. cap. 25.

^k Ibid. cap. 21.
& 22. & vide
Hist. Eccles.
Dunelm. lib. 1.
cap. 4.

^l Ibid. cap. 24.

^m Lib. 3. cap. 28.

ⁿ Malmesbur.
de gest. Pontif.
lib. 2.

* Vid. Antiquitates of Church Government as it was in Great Britain
& Ireland &c. p. W. Lloyd Episcop. Asaph. c. 6. § 6. 7. 8. 9. 10. ubi sædèno fuit
respondetur

Northanhymbrorum & Ecgbertus Cantuariorum reges à Roma petierunt^a viros ejusmodi qui Canonicas Sanctiones hac in re aliisque satis observarent. Hinc tandem Theodorus archiepiscopus Cantuariensis circa annum 670 à Vitaliano Pontifice Romano missus, eas ita invexit observarique curavit, ut Scotiana illa seu Presbyteralis Culdeorum Ordinatio apud Anglos diutius neutiquam admitteretur. Sed verò apud Scotorum Culdeos, maximè in Monasterio illo insulano seu Hiiensi, quod velut caput & sedes primaria eorum erat, jus pristinum vetulque retinebatur. Nec omninò antè mutatum fuerat ex eo quòd, paulò post annum 420, Palladius à Coelestino Pontifice Romano ad Scotos^b in Christum credentes missus, primus ibi factus est inde Episcopus, generatim item Episcopus & Apostolus Scotorum dictus, & Canonicè Ordinatus. Unde Hector Boethius^c, *Erat Palladius primus omnium qui sacrum inter Scotos egere magistratum à summo Pontifice Episcopus creatus; quum antea populi suffragiis ex Monachis & Culdeis Pontifices assumerentur. Etiam Buchananus^d, Creditur Palladius primus, Episcopos creasse. Nam ad id usque tempus, Ecclesiæ absque Episcopis per Monachos (seu Culdeos illos) regebantur, minore quidem cum fastu & externa pompa. Et Mariano, Sigeberto^e, aliis, Primus Scotorum episcopus vocatur. Etenim disciplina à Palladio canonica sic introduci cœpta mores, hanc circa rem, adeo ibi receptos, nec abolere quibat nec impedire, ut ex ostensis etiam, si tempora animadvertas, palàm liquet. Et signantiùs quidem Abbas & Presbyter vocitari solebat Præfectus monasterii illius Hiiensis, uti aliorum itidem per Scotiam, ut inde denotaretur amplissima ex nominibus illis, juxta jus ejusdem singulare, potestas. Inde etiam Adamannus sub annum 700 Presbyter & Abbas monachorum qui erant in insula Hii, ut ex Columbæ successoribus, Bedæ nuncupatur^f, & Sigeberto^g, Presbyter & Abbas Scotorum, quod generale apud illos nomen dignitati ejus singulari consonum. Plerique eundem illum faciunt cum eo qui, uti alii monachi, vixit in sanctimonialium monasterio quod^h Coludi urbem cognominant, urbem item Colodanam, Coludanam, & Coluder buph; unde etiam Coludius dictus, ut Balæo, Gesnero, Possevino, aliisⁱ. Etiam ordinis eum vocant interdum Apostolici & monachum sine votis. Sed Arnoldus Wion^k binos facit Adamannos, alterum Abbatem Hiiensem, alterum Colodium hunc. Dictum autem eum sic esse ait Thomas Dempsterus, ab urbe Scotiæ in Mæatis seu Merchia, Ptolemæo Colana (Colania) Bedæ Coldana, & Coludi. Hodie verò est **Coldinghame**, & non sine sanctitatis opinione, multorum Monachorum pater. Certè non suspicari nequeo in Coludi urbe, quæ id genus etiam aliis heic ejusmodi vocibus denotatur, latere seu obscuriùs exhibere se veterum Culdeorum nomen, utpote eorum frequentia aut solenniori forsan conventu, præ locis aliis, nobilitatâ. Nec ita Colaniæ Ptolemæi (quam etiam alii^l pro **Col-dingham** heic accipiunt) ratio ex sono habenda ulla. Beda autem etiam Nyniæ (qui Nimas aliis^m dictus & Ninianusⁿ) velut nomine quidem Episcopi Ad Candidam Casam, meminit; loci scilicet in occiduo

^a Beda lib. 3.
cap. 29. lib. 4.
cap. 1 & c.

* Vid. Episcop. Anaph.
c. 2. S. G. et alibi passim

^b Beda lib. 1.
cap. 13. videfis
Th. Dempster.
Hist. Eccles.
lib. 15. ca. 998.
et Baron. tom. 5.
ann. 429. S. 1.
& c.

^c Scot. Hist.
lib. 7.

^d Rer. Scot. lib.
5. Rege 42.
addes Thom.
Dempster. hist.
Eccles. lib. 3.
cap. 313.

^e Ann. 432.

^f Beda lib. 5.
cap. 16.

^g De scriptori-
bus Ecclesiast.
cap. 64.

^h Beda lib. 4.
cap. 25. & 19.

ⁱ Vide Th.
Dempster. hist.
Eccles. lib. 1.
cap. 3.

^k In Ligno Vi-
ta li. 3. pa. 408.

^l Camden. Brit.
pag. 682. &
Ptolemæi edi-
tores & c.

^m Alcuin. apud
Malmesb. de
gest. Pontif.
lib. 3. in Episc.
Candidæ Casæ:

ⁿ Martyrolog.
Rom. 16. Sep-
tembris. He-
ctor. Boeth.
Hist. Scot.
lib. 7. & c.

^a *Vers. Sax. Bed. hist. Eccles. lib. 5. ca. 24.*

^b *Malmesb. de gest. Pontif. lib. 3.*

^c *Camden. Britan. pag. 693.*

^d *Geograph. 2. cap. 3.*

^e *In Itin. Londinio Luguvallum.*

^f *Apud Guil. Malmesbur. de gestis Pontif. in Episc. Candidæ Casæ. Chronolog. Sax. Bedæ subjunct. anno 563. Henric. Huntingd. lib. 3. ann. 565.*

^g *Hist. Scot. lib. 7.*

^h *Septemb. 16.*

ⁱ *De rebus gestis Scot. lib. 4. pag. 133.*

^k *Hist. Eccles. lib. 5. cap. 24.*

^l *MS. in biblioth. Cotton. fol. 6. 1.*

Angliæ & Scotiæ confinio sic nominati, eò quòd ibi *Ecclesiam de lapide*, insolito Britonibus more (Nynias) ille fecerit, ut Bedæ verba sunt; unde & Scotis & Anglis eadem notione **White hearne** etiamnum vocitatur quemadmodum olim Saxonibus æt *Hyrtan Capne*^a unde Episcopi illic etiam *Witternenses* dicti^b. Nec alium esse coniectat vir doctissimus^c ab Novantarum urbe *Λευκοπιβία* Ptolemæo^d sic dicta quæ, pro *Luguvallum* apud Antoninum^e sumpta, ab aliis Carleolum esse existimatur. Conjectura illa maximè nititur securâ nimis lectionis Ptolemaicæ (de qua etiam obiter monere liceat) mutatione. Non solum enim legit ille *Λευκοπιβία*, quasi sic in Ptolemæi legeretur exemplaribus, sed dum de urbe illa disquirat, *Quid ergo, inquit, si Candidam Casam, quam Britanni dixerunt, Ptolemæus suo more Græcè Λευκὸν οἶκον converterit? id est domicilia candida, pro quo Librarii Leucopidiam nobis obtulerunt.* Sed verò Ptolemæi codices editi constanter habent heic *Λευκοπιβία* non *Λευκοπιβία* uti etiam codex ejusdem pervetustus optimusque MS. Bibliothecæ Arundellianæ. Conjecturam etiam hanc in Thesauro suo Ortelius ut advertendam exhibet. Atqui, cum certum sit ex ipso Bedæ, nomen illud Candidæ Casæ sub Niniano ob ædes ibi ab eo candidas extructas, primò ortum esse, id est non ante annos post Ptolemæum 450 aut circiter elapsos, quâ fieri possit ut in nomine Ptolemaico domiciliorum illorum candidorum inde ratio fuerit habenda ulla? Adeoque lectio apud eum recepta proculdubiò retinenda. Tamen si autem Nynias heic vocetur Episcopus veluti per prolepsin ex sede ibi, dum Bedæ scripsit, episcopali adhibitam, uti etiam ab Alcuino^f aliisque; unde Hectori^g, *Episcopus dicitur sanctitate & miraculis clarissimus ac Casæ Candidæ pontificalis in Galdia (Galloway) sedis primus institutor, ubi & ædem condidit divo Martino suo avunculo sacram, atque Bellendenus ejus interpres, Saint Niniane the first bisshop of Galloway quhair he biggit ane kirke in the honour of S. Martyne his cyme*; atque etiam in vita ejus inter sanctos *Episcopus*, & in Martyrologio Romano^h *In Scotia Episcopus nuncupatur, & de eo Joannes Lestæusⁱ, Hectoris sequax, sedem episcopalem in Galdia primus fixit*; nihilominus nomen illud ei sic tributum, neutiquam in Episcopalem, notione vulgari, dignitatem seu Canonicè evectum illum, aut Abbatis aut Presbyteri Ordine superiorem fuisse, indicare saltem apud Bedam, videtur, sed ex Presbyterii & Abbatiae jure illo ibi singulari Episcopali neutiquam inferiori, uti etiam Columbam, tantum præfuisse. Nam expressim postmodum Bedæ, de Loci illius aliorumque episcopatibus sui temporis verba faciens^k, atque episcopos ipsos recensens, *Pechthelm*, inquit, *in ea, quæ Candida Casa vocatur; quæ nuper, multiplicatis fidelium plebibus, in sedem pontificatus addita, ipsum Primum habuit Antistitem*, ubi Saxonica versio, *7 he pær Dape 7 tope se æperæ biycop*, *Et is erat loci illius episcopus primus*, quod ad annum spectat 723 adeoque tempora Nyniæ multo recentiora. Et expressim *Historia Dunelmensis^l* recentior quam diximus; sub annum 664 id est diu post Nyniam, *Candida Casa* necdum episcopum habuerat. Etiam Malmesburien-

sis in episcopis Candidæ Casæ, licet, apud ipsum, ex Alcuino Ninyas (Nimas ibi legitur) Episcopus generatim vocetur, tamen Ibi, inquit^a, sub extremo Bedæ tempore primus factus est Episcopus Pethelmus, id est secundum jura Episcopalia singularia & receptiora & Canonica quæ alibi plerunque in Christianismo obtinere tunc solebant; utcunque aliis antè, Abbatum & Presbyterorum nomine, aut saltem Episcopi in dignitatem ita singularem, non omninò Canonicè, sed interim pro more loci seculique, erectis, eadem quæ ad Episcopum vulgò sic dictum indèque discriminatum spectare existimabantur, perficere esset in more positum; idque tum quoad Jurisdictionem tum Ordinem. Et quidem postmodum etiam inolevit; ut Abbates illi quales diximus & Presbyteri, in recensione Episcoporum^b, locum, illo nomine pariter, licet revera ex diversa, juxta jam dicta, Origine & Notione, sortirentur; id est, per prolepsin ex fama potestatis eorum per anteriora tempora, non satis animadversa, ut Episcopi illic vulgares accepti, nominatique. Certè de episcopis illis Scoticanis vetustioribus haud ita juxta Canones receptos, sed à Presbyterio, ut dictum est, simplicius ordinatis, nec sedibus, ut aliàs solitum, affixis sed vagantibus qui parochiam non habent, nec scimus (ut de ejusmodi etiam alibi aliis loquuntur Patres Synodi Vernensis^c anno Christi 755 celebratæ) de ordinatione eorum qualiter fuit, mentio expressior insuper habetur in Concilio Cabilonen^d secundo, anno 813 Christi habito, ubi legitur, sunt in quibusdam locis Scoti qui se dicunt Episcopos esse, & multos negligentes, absque licentia dominorum suorum sive magistrorum presbyteros & diaconos Ordinant: quorum Ordinationem, quia plerunque in Simoniacam incidit hæresim, & multis erroribus subjacet, modis omnibus irritam fieri debere omnes uno consensu decrevimus. Et de hisce videsis etiam plura apud Carolum à S. Paulo^e. Quinimò sanè ex jam dictis conjicere non est absolum, ideò, saltem alias inter rationes, Wilfridum, cum in Archiepiscopum Eboracensem, anno 720, ab omnibus electus esset, primò perstitisse (ut Malmesburien^f verba sunt) negare, ne ab episcopis Scottis, vel ab iis quos Scotti Ordinaverant, consecrationem suscipere, quorum communionem sedes aspernaretur Apostolica. Sejunxerat ab illis quidem eum aliòsque schisma eorum de Paschate illud notissimum. Sed accessisse etiam incertam illam ac minimè, juxta sententias alibi receptiores, Canonicam eorum Ordinationem, quæ terræ etiam alienæ nimium ut vides ex Synodo Cabilonen^g illa turbarentur, necessum est ut censeamus. Expressim Beda, eos qui Scotos sequebantur, tradit^g Riponensi monasterio ab Alfrido Rege eis tunc dato maluisse cedere quam Pascha Catholicum ceteròsque ritus Canonicos, juxta Romanæ & Apostolicæ Ecclesiæ consuetudinem, recipere; in quibus Ritibus Ceteris dubitandum non est singularem illam Episcoporum Presbyteralem Ordinationem, juxta antè ostensa, locum habuisse planè primarium. Summa demùm est, penes Keledeos illos seu Presbyteros ejusmodi fuisse, per Scotiam veterem, jus, ut tum sine Titulo Episcopali, tum Titulo illo, pro suo inter se arbitrio, ab ipsorum aliquot variatim tributo indutòque, sed ex Presbyterii

^a De gest. Pontific. lib. 3.

^b Vide Ultoniens. Annal. apud Jacob. Vsserium Armach. in Brit. Eccles. Primord. cap. 15. pag. 701.

^c Cap. 13. Binius tom. 3. part. 1. sect. 1. pag. 398. edit. 1618. Sirmondus Concil. Gallican. Tom. 2. pag. 31.

^d Cap. 43. Binius tom. 3. part. 1. sect. 2. pag. 195. Sirmondus Tom. 2. pag. 317.

^e Geograph. Sacra pa. 167.

^f De gestis Pontific. lib. 3.

^g Lib. 5. cap. 20.

^a Epist. 4. Damaso tributa, Leo Magn. Epist. 88. Nicolaus 1. in Epist. ad Rudolphum Bituricensem cap. 1. Dist. 68. c. 4. & 5. & videbis Anton. Augustin. in Juris Pontificii Epitome lib. 6. tit. 1.

^b De vetere Iure Pontificio lib. 1. cap. 6, 7, 8 & c.

^c L. 80. D. tit. de legatis 2. L. 14. D. tit. de rebus creditis l. 7. §. ult. tit. de rebus eorum qui & c.

^d C. 12. Extr. tit. de Excessibus Pralatorum, Innocent. 3. in Concil. Lateran. ca. 60.

^e Videbis Ascan. Tamburinium de Iure Abbatum Disp. 1. 2. & 19. & Tom. 2. Disp. 14.

byterii sui simplici jure præeunte apud illos omninò, neque ex Episcopali aliunde petita consecratione, ullatenus pendente, tam quæ Ordinis quàm quæ Jurisdictionis Episcopalis dici solent liberè præstandi perficiendique; quale quidem etiam Chorepiscopi in Germania, Galliis, alibique, sibi sæpiùs arrogare solebant^a; utcunque eo nomine non semel eò quòd in Canones de Ordinatione Episcopali ab Hominibus introductos, licet non in ipsum jus Divinum, deliquissent, à Pontificibus Romanis damnati fuerint. Certè in Paganismo Romanorum veteri è cujus exemplis, maximè circa Sacra, non pauca in Christianismum variatim desumpta sunt, Sacerdotes omnimodi, quasi nunc diceres Presbyteri, Pontificum itidem ac Ἀρχιερέων nomine, quasi etiam Episcoporum diceres, ex more fruebantur; ita tamen ut juxta Populi Jus Nominationis atque Jus Collegii singulare Institutionis seu Canonice (ut juxta mores nostros dicere liceat) Ordinationis seu Cooptationis aut demùm secundum Jura Principum, in quos jus jam dictum Populi transiit, ab eisdem Pontifex Maximus seu Ἀρχιερεὺς Μέγας uti & collegæ adsciti crearentur. Adeoque Ordo paritèr illis universis ipsique Pontifici Maximo communis idemque erat, licet Gradu seu Dignitate hic ita à Populo seu Principe ac Collegio creatus præcelleret. Compluribus observatu, hanc circa rem, in Roma veteri dignissimis tantundem apertiùs ostendit vir doctissimus Jacobus Gutherius Jurisconsultus egregius^b, quem, si placet, consulas, ubi etiam quod habetur de Pontificum seu Sacerdotum ejusmodi Ἀρχιερεὺς ad vitam seu perpetuorum jure animadvertendum. Jam verò sub tempora quibus Turgotus in Episcopatum S. Andreæ evectus est, seu circa annum 1110 Jus illud totum (si historiæ Dunelmensi jam allatæ fides) Keledeis ademptum est translaturumque in Episcopatum illum Canonicè undiquaque institutum, adeò ut secundum vim & sensum ejusmodi Ademptionis Translationisque, Keledeorum conventus nullus, quà simpliciter talis, jura illa pristina Episcopalia ex Presbyterii jure pendentia indèque ortum sortita, dein legitimè exercere posset, sed jura illa pristina eorùmque appendices universi, aut in Episcopali S. Andreæ sede illa Canonicè velut immergerentur, aut ab ea postmodum semper sibi, sed Canonicè, aut quasi in Canonica sic versa, retinenda essent usurpandaque. Transire enim Jus seu Dominium apud Jurisconsultos^c est sic legitimè Transferri ut ejus ad quem transfertur omnino fiat. Verùm, ut in rebus hujusmodi fieri assolet, quemadmodum tum Chorepiscopi jam memorati, utcunque damnati, juribus Episcopalibus dictis omnimodis nihilominus se, pluribus in locis, audaciùs postea immiscebant, tum Abbates^d etiam, licet non Exempti, parilia sibi, utcunque inhibiti, ex Abbatialis Presbyterii facultate, sibi jura subinde vendicabant (& sanè etiam absque Episcopali dignitate Abbates, quà tales, ex indulto Pontificis Romani, quod planè jus Humanum est, nec aliter atque alia quæcunque jura Humana Divino fundatur, pari cum Episcopis seu pleno tam Ordinis interdum quàm Jurisdictionis semper jure ritè frui, à Jurisconsultis^e satis

satis conceditur) ita sanè compluribus post Turgoti Episcopatum Sanctandreannm annis, sexaginta aut circiter, haberi videtur Keledeorum translationi illi per Scotiam juris sui aut renitentium aut illam non satis admittentium, sed jus suum pristinum aut mordicùs retinentium aut enixiùs revocantium, luculentissimum vestigium apud Petrum Blesensem, sub Henrico secundo seu anno 1170 florentem, ubi inseritur epistola ab ipso opinor conscripta^a, nomine Richardi tunc Cantuariensis Antistitis ad Episcopos Angliæ de non admittendis Episcopis illiusmodi exteris ac vagantibus, in qua legitur, *Sed & diebus istis quidam pseudoepiscopi Hibernienses aut Scotice lingue simulantes barbariem, cum à nullo impositionem manus acceperint, Episcopalia populis administrant.* Et paulò post, *Quoniam igitur ex talium administratione in Ecclesia Anglicana multiplex occasio scandali jam emerfit, eosque, quorum ordinatio dubia est, Sacri Canones non admittunt, universitati vestræ mandamus atque præcipimus quatenus per vestras diæceses generaliter prohibere curetis ne tales ministrare permittantur Episcopalia qui Barbaræ Nationis sunt atque Ordinationis incertæ.* Sanè apud hosce, Keledeorum jus ipsum vetus aut simile aut demum ejusdem obtentus superstes videtur diu postquam sic transivisse narratur totum eorum jus in Ecclesiam Sanctandreanam. Sed verò Dempsterus, de Jure eorum illo veterere locutus, id primum, ait in Apparatu^b, in electione Sanctandreani Episcopi Cellachi II abrogatum, translato jure ab iis ad Clerum, Scotichron. lib. VI. cap. XXIV. & postmodum, in Historia Ecclesiastica^c gentis Scotorum, remansisse ait penes illos jus illud, donec Guilielmus Lambertonus à Canonicis electus S. Andreae Episcopatum tenuit ut in titulis Memorabilibus lib. VII. cap. III. dixi. Sed huic electioni reclamavit Keldei & maximè Auminus eorum princeps Romam provocavit & eò se contulit, sed incassum. Nam non modò electus approbatus à Pontifice sed omne jus deinceps Keldeis abrogatum, Scotichronicon lib. VI. Anno scilicet 1298. Certè cœnobarum seu Monachorum cœtum in Ecclesia illa, uti in aliis, per secula vetustissima ex Keledeis sic dictis constituisse verum est, si fides scriptoribus Scoticanis qui etiam scribunt Constantinum III, Ethi seu Heddi filium, Scotiæ Regem circa annum 940, summo deposito magistratu in piorum cœtum qui in divi Andreae Apostolici adibus erant (Cultores Dei ea ætate; id est Keledei) migrantem, tonsum se cœnobio sacrâsse, ut Hectoris verba sunt^d, pro quibus substituit Bellendenus, **he past to the Abbay of saint Andros and scheaf him thair ane chanon.** Joannes autem Fordunius, in Scotichronico MS.^e regno sponte dimisso, religionis in habitu Deo serviens apud Sanctum Andream, Killideorum Abbas effectus, annis quinque vixit. Scilicet post excidium illud Broningsfeldiæ gravissimum, ab Anglis sub Athelstano rege illatum. Habetur etiam Chronicon rhythmicum MS.^f à Scoto mihi anonymo linguâ vernaculâ congestum, idque à seculis vetustissimis usque ad Robertum tertium Regem seu annum 1405, sed tam in capite quàm calce mutilum, ubi, de Constantino hoc habitum apud S. Andream Keledeorum sumente, legitur,

**Heddis son, callit Constantin,
Kyng was thretty yhers and nine.**

Kyng

^a Petr. Blesensis Epist. 53.

^b Cap. 13.

^c Lib. 1. cap. 45. & vide sis Iacob. Vsserium Armachanum de Britannic. Eccles. primordiis cap. 13. pag. 659.

^d Hist. Scot. lib. 11. fol. 217. 48.

^e In bibliotheca Cottoniana lib. 4. cap. 23.

^f Ibidem lib. 6. fol. 97. 2.

Kyng he cessit for to be
 And in Sanct Androis a KYLDE.
 And thar he liffit yhers five
 And Abbot made, ended his lyve.
 Of him thar war thir Verses
 In Latyne Wrytten to rehers:

Constantinus idem cujus pater HED fuit Abbas;

Bis deca Rex annis vixerat atque decem.

Andrea Sancti fuit quinquennis in orbe

Religiosus ibi &c.

^a *Rev. Scotie.*
lib. 6. Rege 75.

Atque pro Latinis interfecta hujusmodi Apollinis carmina heic illic habet autor hic perplurima. De Rege illo Buchananus^a, Ejerato sponte magistratu ad Culdeos hoc est Dei Cultores (ita enim illius ætatis homines monachos vocabant) se velut in portum recepit ac reliquos vitæ annos quinque inter eos ad Fanum Andrea transiit. Adeoque, quantum video, jus illud à Keledeis per universum regnum Scotiæ translatum in Ecclesiam Sanctandream, ita debet intelligi ut quicquid ad reliquos alibi Keledeos, juxta pristina eorum jura attineret, id totum jam ad Keledeos Sanctandream seu illorum cœtum ibi cum Episcopo suo conjunctum transfunderetur. Sed verò dum non secundum historiam quam citavimus Dunelmensem de diebus illis in quibus sic translatum est jus illud, id est Turgoti Episcopi ævo seu circa annum 1115, translationis seu cessationis ejusmodi juris collocat ex Scotichronico suo Dempsterus, sed sub annum 1298, perquam mirum mihi videtur, si modo eousque Keledeorum per Scotiam jus pristinum illud singulare durasset, quòd nullam eorum mentionem nedum res juxta jus illud gestas ullas comperiamus apud scriptores Scoticos ubi diligentius Interdictum illud Scotiæ universæ, uti & Angliæ, ab hirudine illa nummorum nequissima, Gualone Cardinale, Innocentii tertii circa annum 1218, seu tempore Alexandri Regis secundi diuque, ut vides, ante annum illum 1298, in Britanniam legato illatum, Excommunicationesque tam Cleri totius, excepto Guilielmo Episcopo Sanctandream in Galliis tunc agente, quàm Populi conjunctas uti & Absolutiones enarrant^b. De prælatis & clericis & omnibus clericis tam Religiosis quàm secularibus tyrannide Gualonis, etiam Rege & Laicis universis, gravissimâ oppressis; de hisce per se ab Archiepiscopo Eboracensi & Episcopo Dunelmensi, ut alii, alii Sarisburiensi, impetratâ prius à Gualone, uti legato, veniâ, Berwici Absolutis; de illis in ampliore nebulonis prædam, usque dum se nummorum vi redimerent, Interdicto & Excommunicatione constringi jussis; Et demùm de singulis ob intolerabilem rei nequitiam conquerentibus affatim loquuntur. Et Chronicon-Scoticum MS.^c quod diximus Rhythmicum.

The Archebuschoppe of york that yher
 We autorite and power
 Off the Pope assailed then
 Alexander our king and his lawit men.

^b *Heffor. Boeth.*
Scot. Hist. lib.
13. fol. 282.
Io. de Fordun
in Scotichron.
lib. 6. cap. 23.
&c. Buchanan.
Rev. Scotie.
lib. 7. Rege 94.
Chron. Mel-
rosense MS.
in biblioth. Cot-
toniana anno
1217 &c.

^c *In biblioth.*
Cottoniana
lib. 7. fol. 131. 2.

Bot the Bischopis and the Clergy
 Whit he leit in Curling ly
 Al bot of Saint Andrewis se
 The bischop Wilyam; for cause that he
 In the kynrik was of Frauns
 Al the time of this distans
 That was betwyn the realmys twa
 Scotland and Inglande; bath war ya
 Of this dissele. Gut tretois past
 To this legat at the last.
 His power he conmytted then
 Tyl twa commendyt famous men,
 The tane was Priour of Durame
 The tother Archedeyn of york, Gawter be name
 Was the tother, and to thir twa
 Furme and power he gaf allwa
 That the Clergi of Scotland
 That in this Curling was lyande,
 Tham til bring til his presens
 That had but litil til their dispens.
 When thai herde qwhar the Depputis war,
 Bathe herwid and fut and shanks bar
 Sulde kneyl and ask in thar presens
 To be assoilpende of that sentens,
 And bind them til halykirkys law.
 Than fyrst the Deputis sulde til them scaw
 Thar fra them in furtheryng mar
 Thay sulde never be contrar
 To the kynrik of Inglande
 Na to the kyng in it regnande,
 In makyn, helpe, nor in counsayle,
 Favor, rede, nor suppowale,
 Bot gif it war in thar defens
 Under the payne of Reincidens.
 To this thai fande a cawtion
 And tuke thar absolution.
 The Deputis al thus chargit past
 Into Scotlande allsa fast
 Northe attour the wattyr of Tay
 Til Abbybrothole, and thar bad thai,
 And thar gaf absolution
 As thai had in commission
 To the clerks that come of the Northlandis
 That to them soucht in thar erandis

c

That

That thai pure and sympil thoucht
 And litil had to gif, or noucht.
 The bischopis and the gret prelatiſ
 And rentyt clerks of gret ſtatiſ
 And the kyngs famyliers,
 Clerks gret, in to thar yhers
 That bundyn War in that ſentens,
 He bad them cum til his preſens,
 Sin thai War bettyr bodyn to pay,
 He assignyt thaim a ſet day
 And ſtode, that Was at Allerton
 To take thar Abſolution.
 Sum of tha that riche he kende,
 For malis to the cōwyt he ſende,
 And part he aſſoilyende thar
 That tyl hym moſt pleaſſand War
 Be gifts or be othir thyngs
 As acquyntans, flychts or flechings.
 Al thus he oꝛſſit his malice
 Agayne Scotlande mony Wiſſe.

Cleri per Scotiam tunc univerſi, ejuſque generum ſingulorum, in jam dictis gerendis, graviffimè turbatorum ſic mentio ampliffima apud Scriptores illos habetur; nihilo omninò de Keledeorum Jure aut More interea adjecto, utpote diu, ut oſtenſum eſt, antè ademto & in eccleſiam Sanctandreamam translato. Haud pauca in Hiftoriis Scotorum occurrunt alia, per intervallum illud à Turgoti ævo ad annum illum 1298, quæ tantundem manifèſtò ſatis exhibere videntur; maxime verò quæ ſæpiùs in Chronico Melroſenſi^a præ aliis reperiuntur de Episcoporum Sanctandreamorum, Glaſcuenſium, Candidæ Caſæ, aliorum complurium uti & Abbatum Priorumque per Scotiam electionibus ac circa eas ſubinde controverſiis aliquot ſubortis, idque per annos tunc retroactos quamplurimos, nullà omninò Keledeorum interventûs obtentûſve mentione habitâ, nec aliter ſanè quàm ut inde planè ſit eliciendum Canonicas tunc ſanctiones, cum Jure Regio, circa electiones ejusmodi publicè illic per intervallum illud receptas eſſe, ſpreto prorſus, ſi quid è contrà obtenderetur ex veteri illo Keledeorum jure quod ſic diu antè diſparuiſſet. Verbi gratia Anno 1253 David, inquit Chronicon illud, Episcopus S. Andreae ex hac luce tranſivit, poſt cujus tranſitum facta eſt diſſenſio in electione, unde facta appellatione Prior Sancti Andreae ex una parte legatos cum ſuis Canonicis & Rex ex altera parte ſuos nuncios cum magiſtro Abel ad Curiam Romanam tranſmiſerunt. Sed magiſter Abel ut fertur magis diligens ſuam promotionem quàm Regis aut Regni honorem à ſummo Pontifice ſeiſum in Episcopum conſecrari fecit & ſic à curia diſceſſit. Obiit dominus Gillebertus Episcopus Candidæ Caſæ poſt quem electus eſt dominus Henricus Abbas

^a Ms. in bibliotheca Cottoniana.

Abbas de Sancta Cruce; & de Sancta Cruce factus est Abbas dominus Radulfus ejusdem domus Canonicus. Et dein Anno 1254. Magister Abel, Regis consilio inprimis contradicente, sed postea annuente, Scotiam ingreditur & in Episcopatu suo honorifice suscipitur qui eodem anno ex hac luce eripitur, post quem Magister Gamelinus Regis Cancellarius à Priore & Conventu Sancti Andreae eligitur & à Rege & Consiliariis ejus in Episcopatu confirmatus. De Jure tunc tam Regio quam Canonico, in Electionibus Consecrationibusque, obtinente testimonium est luculentum. Nec omnino Keledeorum juris, quoniam antè publicè evanuerat, vestigium aliquod ibi cernitur. Et ejusmodi sunt in Chronico illo alia perplura. Imò etiam in Joannis Fordunii Scotichronico MS.^a ubi Guilielmus Lambertonus cujus electioni in Episcopatum Sancti Andree reclamasse Keledeos ait. è Scotichronico suo Dempsterus, memoratur, hoc tantum de Electione ejus habetur, Obiit reverendæ memoriæ Dominus Willielmus Fraifar, Episcopus Sancti Andreae, &c. eodem anno III. nonas Novembr. Electus est Willielmus de **Lambirton** ad eandem sedem Episcopalem. Nec quid omnino de Keledeorum aut Aumini provocatione habet is adjectum. Qualinam Dempsterus sit heic usus Scotichronico, fateor me nescire pariter atque nescio planè, uti & mecum puto alii, unde non pauca ei temerè nimis effusa habeantur. Joannis quidem Fordani (sic eum vocat) ut autoris Scotichronici meminit^b, cujus continuatorem etiam & exscriptorem facit Magnum Macullochum^c, qui à secretis Guilielmo **Shewes** Archiepiscopo S. Andreae floruit Edinburgi anno 1482. Vixisse autem ait Fordanum suum sub annum 1210 seu tempore Joannis Regis. Pitseus^d item, uti ex eo Doctissimus Vossius^e habet Johannem de Forda vel **Fordeham**, vel **Fordon**, cœnobii nempè Fordensis in Devonia Abbatem, eidem tempori assignatum, cui etiam Scotichronicon MS. in bibliotheca Collegii apud Cantabrigienses Benedictini expressim tribuunt. Sed verò hallucinatio est manifesta. Joannem de Forda, seu Abbatem illum Fordensem tunc vixisse & Joanni Regi ab Confessionibus fuisse satis est meritò receptum. Et opera ejus recensentur à Lelando, Balæo^f, Gesnero, Possævino tum Theologica tum Historica aliquot, quibus Scotichronicon rectè non connumerant illi. Etenim ejus planè alius & seculis aliquot recentior autor erat *Johannes de Fordun* (nec dubitandum quin Scotus fuerit) qui ab origine in Britannia Scotorum suorum historiam suam libris sex usque in annum 1360 aut circiter deducit seu Edwardi tertii tempora plusquam media & Vincentium Bellovacensem etiam & Polychronicon Ranulphi Cestrensis citat^g, unde etiam palam liquet de eorum errore qui sub Joanne rege eum collocant. Initium in MS. Cottoniano est, *Ex variis quippe veterum scriptis Cronographorum intelligitur quod gentis antiquissimæ natio Scotorum à Græcis & Ægyptiorum reliquiis cæteris mari rubro cum rege submersis primum ceperat exordium.* De auctoris nomine præfigitur tristichon ad hunc modum,

Incipies opus hoc Adônai; nomine nostri
Exceptum scriptis dirigit Emanuel.

^a In biblioth. Cottoniana lib. 6. cap. 71.

^b Hist. Eccles. Gent. Scot. lib. 6. cap. 543. & in scriptorum Scot. nomenclatura.

^c Hist. Eccles. lib. 12. ca. 911.

^d Ætat. 13: script. 297.

^e De Historicis Latinis lib. 2. cap. 56.

^f Cent. 3. Script. 66.

^g Lib. 4. cap. 36. &c.

Fauces ornatè ructent, dum verbum neſtant.

Et adpoſita ſic hujus explicatio,

J. o. b. a. n. n. e. s. d. e. f. o. r. d. u. n. Subjungitur item,

Compilatoris nomen ſuperis elementis

Conſtrue, quem, lector, precor ora ſcandere cælum

Atque Pater Noſter offer amore Dei.

In triſticho priori vides literas cujuſque vocis initiales compactas Jo-
hannes de Fordun reddere. Adeoque de nomine ejus planè ſecuri, de ætate
qua ſcripſit haud ita incerti ſumus. Sub Edwardo noſtro tertio aut
Richardo ſecundo, ne quidem ambigendum. Locus unde nomen
ſumſit, haberi dicitur in Marni regiuncula Scotiæ mari Orientali ob-
verſa. Guilielmus Camdenus^a; *A mari remotior Fordon* locatur cui à Joanne
de Fordon (maluit ipſe Fordun) aliqua gloria qui hinc oriundus Scotichro-
nicon magno labore ſedulò congeſſit. Cujus ſtudio recentiores Scotorum hiſtorici
plurimum debent. Codex ille Fordunii Cottonianus, non manu Unica
exaratus, in fronte prima, ut poſſeſſoris nomen, adſcriptum habet
Scheves uti etiam in pagina una & altera ſequentē, quod ſanè
mihi pro eodem accipiendum videtur ipſo Guilielmo **Schewes**, Se-
veſio Buchanano^b dicto, qui Archiepiſcopus Sanctandreas sub annum
1480 ſeu sub Richardo Angliæ & Jacobo Scotiæ Regibus tertiis
quaſi Primus (nam vix dici poteſt Patricius Grahamus, qui anteceſſit,
Archiepiſcopus, licet nomen illud Romæ primò impetraſſet) à ſecre-
tis ſibi habuit Magnum illum Machullonem Scotichronici hujus ex-
ſcriptorem & continuatorem Dempſtero, dictum. Habetur etiam pe-
nes virum præſtantiſſimum Jacobum Uſſerium Armachanum, codex
Scotichronici ejuſmodi MS. acephalus quidem, ſed pariter in Edwardi
noſtri tertii ſeu Davidis II Regis Scotorum tempora deducti; ita tamen
ut liber in Fordunio jam dicto ſextus qui à rebus Malcolmi III. in-
cipit, heic velut per ſe operis ſingularis initium, utcunque anteceden-
tibus conjunctus, faciat. Neque enim ibi carmen illud librariis in co-
dicum initiis ſolenne, *Aſſit principio Sancta Maria meo*, ſolùm habetur,
verùm etiam titulus adjicitur, *Incipit liber Croniconum regni Scotiæ incipiens
ad Malcolmum Canmor maritum Sanctæ Margaritæ Reginæ Scotiæ*. Certè ævo
illo Turgoti id eſt Malcolmi tertii & S. Margaretæ tempore compluria
momenti planè graviſſimi quæ receptis alibi in Chriſtianismo cano-
nibus moribùſque adverſarentur reformata fuiſſe legitur tum in ob-
viis de eis Scotorum hiſtoriis tum in S. Margaretæ vita, licet in
illis de Keledeorum jure vetuſto tunc adempto nihil ullatenus compa-
reat, quale quidem omninò agnoſcendum, ſive editos ſive MS. quos
mihi videre contigit, Scoticarum rerum ſcriptores ſpectes, modò Dem-
pſteri nimis incerta excipias; ut de Annalibus aliorum Eccleſiaſticis,
qui prorſus itidem heic ſilent, nihil adjiciamus. Adeoque Hiſtoriæ illi
Dunelmenni, quam diximus, terminum priſci Keledeorum juris legiti-
mum, utcunque poſtmodum mordicè à nonnullis retineretur, omninò
debemus. Cæterum à Keledeis, quorum cauſa, digreſſione tantà non ita
opinor

^a Britannia
pag. 712.

^b Rer. Scotic.
lib. 12.

opinor aut contemnendâ aut intempestivâ usi sumus, ad Turgotum ipsum Historiamque ejus ita ei plagio surreptam redeamus. Dignitatem ejus in Scotia Episcopalem memorat Hector Boethius^a cui dicitur *Vir Sanctissimus eruditissimisque*. Biographi^b etiam & historici alii similiter de dignitate illa loquuntur, ac elogiis eum subinde non imparibus ornant. Idem est qui Florentio Wigornienti dicitur *Thurgodus*, ubi^c eum in Episcopatum illum narrat consecratum. Mortuum igitur esse eum ex superius ostensis liquet anno Christi 1115 & per complures ante annos cum primis sui seculi claruisse. Etiam Simeoni^d dicitur *Episcopus Scottorum* (apud quem itidem eodem moritur anno) & pariter Hovedeno^e; qui planè titulus ante erat ipse Episcopi Keledeorum seu Culdeorum jam memorati, quoties nempe unicum vellent ordinare, velut nationis Primatem. Et sanè titulus ille singularis, Juris Keledeorum superius ostensi in Episcopatum illum translationem, haud parùm sapere videtur. Atque inde sumitur quidem, nec immeritò, viris doctissimis, illo in ævo seu Malcolmi tertii ac Turgoti seculo, id est diebus in illis, ut verba sunt Historiæ Dunelmensis recentioris, primum Episcopos Scoticanos suas habuisse distinctas dioceses, quum antea qui Episcopi, quales diximus, ex Jure Keledeorum essent, locis ut Sedibus assignati, nedum affixi, reperirentur nulli. Guilielmus Camdenus^f; *Scottorum Episcopi munera Episcopalia, quocunque fuerant loco sine discrimine obierunt usque ad Malcolmi tertii tempora, circa annum scilicet restauratæ salutis MLXX, cum suis finibus & limitibus Dioceses essent conscriptæ. Postea decursu temporis hæc constabilita fuit in Scotia hierarchia. Scilicet ea quam ibi recenset Archiepiscoporum & Episcoporum per Scotiam dispositorum. Episcopatus autem ille Sanctandreas qui, ut alii per Scotiam, Antistiti ut Metropolitano suberant Eboracensi idque usque in Jacobi tertii tempora seu annum quasi 1480, tandem non solum in Archiepiscopatum sed & in Primatum totius Scotiæ, titulum sanè translationi in illum veteris Keledeorum juris apprimè consonum, ex indultu Regio & Sixti quarti Pontificis Romani, migravit^g. Sed verò demùm ex eo quod dictum est, ipsum tenuisse Prioratum Dunelmensem tempore quo conscripta est hæc Ecclesiæ illius Historia, manifestum satis fit, intra Prioratus ejus vicennium, id est inter annum 1087 & 1108 conscriptam eam fuisse; quo sanè tempore Simeonem scriptorem fuisse non videtur omninò admittendum; maxime si, ut recipi solet biographis, floruerit ipse anno 1164. Quid quod verba illa, qui dudum sibi traditum Prioratum tenet, id est hodie, jam nunc, dum scribuntur hæc, tenet, seorsim sumpta, satis innuere possent, annis Prioratus ejus prioribus seu etiam ante annum 1090, historiam illam esse saltem inchoatam atque ad locum illum perductam. Dudum enim Electionis tempus heic designans, de tempore paulò ante elapso usurpari solet. Cæterùm palàm est ex illo quod antè de contrectati S. Cuthberti corporis tempore advertitur, annum 1105 aut cucurrisse aut velut præterisse dum scriptum hoc molitus est autor, quisquis is fuerit. Adeoque intra Vicennii Prioratus ejus triennium postremum, absolutum est, quod sanè Simeonis*

^a *Hist. Scottorum lib. 12. fol. 259. 2.*

^b *Balens Cent. 2. script. 60. Pissens Act. 12. script. 178. Vossius de Historicis Latinis lib. 2. cap. 48. Arnoldus Wion Ligno Vite lib. 2. cap. 18. Tho. Dempster. Hist. Eccles. gentis Scot. lib. 18. cap. 1143. Jo. Leslaus Rossensis de Gestis Scottorum lib. 6. Reg. 86.*

^c *Chronica anni 1109.*

^d *De gestis Regum ann. 1115.*

^e *Anno 1073.*

^f *Britannia pag. 683.*

^g *J. Fererius in App. ad Hætorum fol. 389. 2. Io. Leslaus de Reb. gestis Scotia lib. 8. rege 103. Buchanan. rerum Scottic. lib. 12.*

^a Vide lib. 4.
cap. 7, 8, & 9.

^b De gestis
Pontificum
lib. 3.

Simeonis scribendi tempus haud parùm videtur antevertere. Haud igitur omninò postmodùm in schedulis sparsim disiectæ jacuere res Dunelenses Simeonis tempore, nedum ab ipso, ut autore primo, digestæ sunt (ut loquitur ipse in Apologia sua) sed compluribus ante annis, planè ab alio, atque, ut non credere nequeo, ab ipso *Turgoto* conscriptæ & dein à Simeone, sui in gloriam, nomine suo falsò insignitæ. Accedat, licet *Turgoti* nomen ejusque res singulares heic aliquoties occurrant, ut in loco jam antè allato, de eo quod est comitem illum fuisse Aldwino, ac sub magisterio ejus in Prioratu diu degisse, etiam Prioratum postea, idque tempore historiæ hujus conscriptionis eum tenuisse, & alibi^a solenni more in dignitatem illam esse evectum, & demùm amplissimam illam Archidiaconalem &, quantum ad Jurisdictionem, planè Episcopalem dignitatem per Dunelmensem diocesim ab Willielmo Episcopo ei concessam esse, aliæque, ut illud de Bosonis Visione, ad eum spectantia inferantur; elogia nihilominus aut laudes aliquas ei nullibi adjectas esse, sed narrationem simpliciore[m] eis omninò, velut de scriptoris ipsius industria, carentem passim haberi; cum interim nomina alia illic non rarò occurrentia ob Sanctitatem, Mores, Doctrinam aliterve haud parum laudentur elogiisque evehantur. Quod sanè mihi est character inter alios admodùm luculentus, unde facilè elici cernique queat, scriptorem ipsum fuisse, qui ita solus non laudatur. Certè si quis alius de *Turgoto* eadem scripsisset, illum opinor abstinere non potuisse ab encomiis, ut fieri solet, in historia hac ei, quemadmodum reverà meruit, tribuendis. Nec, ut vides, in sui tempora, uti Historiam Regum, Dunelmensem hanc sic ab alio surreptam deducit Simeon, sed in annum tantum 1096 qui in *Turgoti* codice est 1097. Discriminis leviculi genus in Monachorum aliorumque chronologia, etiam dum idem ipsum, pro supputandi diversitate innuitur, solenne. Id autem certum est, mortuo Willielmo Episcopo Dunelmensi cui charissimus erat *Turgotus*, successisse in Episcopatum Ranulphum, tyrannum illum ex aula insignem, cui planè tam pietas sanctitasque *Turgoti* quàm jurisdic-tio ab Willielmo indulta ejusque in ea severitas adeo erat exosa ut ipse in causa esset primaria Episcopalis illius in Scotia dignitatis accesssionis, unde nempè Prioratu submoveretur adeoque etiam famam ibi pristinam existimationemque deperderet. Consulas ea de re Gulielmum Malmesburiensem^b. Tametsi autem intra Prioratus ejus vicennium conscriptus esset codex ille Cottonianus (sanè ni conjectura me fallat, etiam autographus ipse, aut tunc unicus) nihilominus in scriniis pluteisve auctoris, quamdiu vixit *Turgotus*, diuque post delituisse illum, nec per exemplaria descripta, juxta edendi tunc morem, omninò publici juris factum esse aut cuiquam fermè cognitum, æquum est ut autumemus. Tantundem certè suadet Simeonis in cujus manus ita delitescens incidit, ingens plagii securitas. Atque ita unicus videtur tunc codex hic, nec inter descriptos in editionem, aliterve atque à Simeone sibi compilatus est, censitus, ut quasi semper inter delitescentes, quan-tum

tum ad autorem verum, forsan etiam in seculum nostrum, locum habuisse illum sit meritò dicendum. Fato quidem feliciori tandem evenit ipsum codicem simplicem phalerisque apparatus ornatúsque Simeoniani carentem, sed sine Nomine auctoris præfixo (quæ itidem modestia Turgoti erat) è tenebris pristinis ita emeruisse ut bibliothecæ cœnobii illius *S. Mariæ de Fontibus* ordinis Cisterciensis à Thurstano Archiepiscopo Eboracensi fundato donatus esset, ibique dum stetit ipsum cœnobium, puto, servatus. Foundationis illius annus erat 1132^a seu decimusseptimus ab obitu Turgoti. Et satis est credibile, haud ita diu post Simeonis mortem, codicem auctoris nomine sic in fronte carentem, in lucem è scriniis sive ipsius sive alterius cujuscumque apud quem celandum voluit, ut Anonymi opus exiisse, de quo juxta morem seculi, disquisitio accuratior nulla. Sanè manus vetusta, quâ librum fuisse monasterii illius in fronte adnotatur, satis indicat, in ipso foundationis illius seculo, illum monachis ibi donatum. Sed verò & mirum est illud, Historiæ MS. quam suprà memoravimus Dunelmensi recentiori & seculis à Turgoto & Simeone aliquot elapsis conscriptæ, eandem præfationem ipsam quæ Turgoti est, seu caput primum Simeonis libri primi, præfigi, vocabulis primæ personæ, ut reliquis ubique eisdemque illic syllabis, etiam ut in Simeone, retentis. Vocatur ibi præfatio illa, *Prologus in librum de exordio & statu Ecclesiæ Cathedralis quondam Lindisfarnensis, post Conchestrensis, demùm Dunelmensis de gestis Pontificum ejusdem. De Conchestrensis* heic titulo consulas Turgotum ipsum^b, Rogerum Hovedenum^c & vitam S. Cuthberti heic^d & in Legendis. Prologum statim sequitur initium hoc historiæ ipsius, *Ad ampliorem noticiam supra in prologo dictorum & etiam infra dicendorum, sunt hic aliqua de Northumbriæ provincia, necnon de Regibus qui, ante Sanctum Oswaldum & sedis Episcopalis Lindisfarnensis exordium, in eadem regnabat provincia, præmittenda.* E Beda dein, Turgoti historia hac (sed interim nec ipsum nec Simeonem, quantum observavi, ejusdem autorem agnoscens) Henrico etiam Huntindoniensi, Joanne Eboracensi, Ranulphi Polychronico, aliis, compluria in rem suam fusiùs describens, res quidem Angliæ, maximè Septentrionales, nec solum Dunelmenses, diligenter exhibet usque in annum 1194.

Atqui apud Scriptores nuperos recipitur, Turgotum nihil aut parùm scripsisse Lingua alia quàm vernacula. Inde Balæus editione in utraque, *Vernacula quidem Lingua coacervavit De Scotorum Regibus lib. 1. Chronica Dunelmensis lib. 1.* (quo forsan ex fama aliqua innuitur codex ipse jam dictus de *Exordio Dunelmensis Ecclesiæ*, qui planè Chronicon est Dunelmense) *Annales sui temporis lib. 1. Vitam Malcolm Regis lib. 1. Vitam Margarete Reginæ.* Citat quidem ille autorem Hectorem Boethium, quasi eadem tradidisset ipse. Certè apud Hectorem, tantùm hac de re legitur^e, eum S. Andreæ Episcopum factum vitam Sanctæ Margarete & Malcolm Regis conscripsisse vernacula quidem lingua (Joannes Bellendenus vertit in *vulgate language* quæ planè Turgoto Anglicana erat) sed non minori elegantia quàm pietate veritateque. Attamen etiam Pitseus scripsit, *Si Hectori Boethio*

^a *Ealredus Rievallensis infra col. 338. Johannes Hagulstadenensis anno 1132. Hist. Iornallensis dicta col. 1028. Guil. Nubrigens. lib. 1. cap. 14.*

^b *Infra lib. 2. cap. 13, 16, 20. & lib. 3. cap. 1.*

^c *Part. priore anno 882.*

^d *In Hist. Cuthberti col. 73.*

^e *Hist. Scotorum lib. 12. fol. 259. 2.*

* *De Historicis Latinis lib. 2. cap. 48. edit. secunda.*

^b *Scotichronic. Ms. in biblioth. Cottoniana lib. 5. cap. 14, 15, 16, 18, 19, 20, 21.*

^c *Hector. Boeth. lib. 12.*

^d *Hist. Ecclesiastic. gentis Scottorum lib. 18. cap. 1143.*

^e *Brianus Twinnus Antiquitatis Oxoniensis. Apologia lib. 2. pag. 237. locus ibi memoratus habetur in editis ad initium lib. 4.*

Boethio credimus, linguâ quidem maternâ, sed elegantia quadam Demostheniana, veritate sincerâ. Et libros jam è Balæo memoratos subjungit, ut sic scriptos. Inde etiam Vossius^a de Historicis Anglicanis verba faciens; *Est præclarè de historia patria meritis sit* (Turgotus) tamen vix ei hic locus esse potest quia Britannicâ Linguâ (quæ plerunque pro Cambrica seu Wallica sumitur) scripsit ut Hector Boethius ait, nec quod sciam interpretem Latinum hætenus est nactus, nisi quatenus eum Boethius atque alii exscribunt. Certè Johannes Fordunius ille^b ita Turgotum sibi autorem adhibet de S. Margareta aliisque ei coævis, id est, ita non semel eorum res ex Turgoto ut ab eo congestas describit, ut vix sit existimandum hunc non Latinè, seu non ipsa quæ affert Fortunius illic vocabula, in Annalibus puto sui temporis, scripsisse. Verbi gratiâ, ubi capitis lemma est, *De felici applicatione Edgari Ethlin in Scotia & sororis suæ Margarete*, incipit caput, Turgotus; Cernens autem Edgarus **Etheling** res Anglorum undique perturbari, ascensa navi cum matre & sororibus in patriam reverti quâ natus erat conabatur. Sed summus imperator qui ventis imperat & mari, mare commovit &c. Lemma capitis proximi est, *De conjugio Malcolmi regis & Sanctæ Margarete*, quod incipit, *Item Turgotus; Rex igitur utcunque Margaretam viderat eamque de regio semine similiter & imperiali genitam esse didicerat, ut eam in uxorem ducere petuit & obtinuit tradente Eadgaro &c.* Dein *De filiis & filiabus quos de Margareta genuit, cujus Lemmatis caput incipit, Turgotus; Huic illustrissimo viro Regi Scottorum Malcolmo ab incarnationis Dominicæ anno MLXX. suæque regenerationis* (sic nuncupatur ibi tempus quo regnum paternum unde pulsus erat fugatusque reparavit) *XIIII, quidam tamen scripserunt anno Domini MLXVII, Margareta, sicut præmissum est, matrimonio copulatur. Genuit autem ex ea sex filios, Edwardum &c. atque ibi quidem interferitur, ut inter Turgoti verba, Qualis verò & quanti meriti fuerat illa beata regina Margareta apud Deum & Homines, vitam ejus laudabilem & mortem ac miracula, Liber inde confectus legentibus declarabit. Hæc ille. Historiam igitur seu Annales Latinè conscripsit, de Malcolmo, Eadgaro, Margareta, aliis, quâ sic usus est Fordunius, à Margarete vitæ seu Legendæ diversam. Nam & idem paulò post, De illius Magnifici regis Malcolmi virtutum operibus & eleemosynarum largitione sicut in Legenda vitæ beatæ Reginæ Turgotus testatur, hic aliqua breviter recitabo. Et tunc pauculis interjectis, Fateor, inquit Turgotus, fateor, magnum misericordiæ Dei miraculum. Mirabar cum viderem interdum tantam orandi Regis intentionem, tantam inter orandum, in pectore viri secularis, compunctionem. Aliis similibus subjunctis, adjicit ibi Hæc Turgotus, uti & in sequentibus aliquot pariter ejusdem nomen præfigit ut tam linguæ ipsius ibi exhibita quàm rerum narratarum autoris. Etiam Dempstero^d dicitur eum Vitam Malcolmi & S. Margarete (juxta Hectorem) vernaculè edidisse & eleganti stylo, sed Annales sui temporis Latinè. Vossius autem operibus ejus adjicit, *Chronica Dunelmensis quæ orditur ab anno DCXXXV. & perducit ad annum MXCXVII, quod planè indicat codicem quem diximus* (cujus idem initium & finis) ab eo, Turgoto indubitanter tribui, quo nomine iridem aliis^e, à viris apud nos summis edoctis, & demùm etiam*

am

am incomparabili viro Jacobo Usserio Armachano, expressim^a ac non semel citatur, ut præteream heic quod superius de Roberti Cottoni & Thomæ Alleni sententiis memoravimus. Antonio Possevano, Scotus dicitur. Etiam Thomæ Dempstero Bini fiunt *Turgoti*, alter Monachus Mailrosensis, alter hic noster (ni fallor ita in binos temere ab illo dissectus) quorum utrumque inter Scotorum Sanctos atque velut Scotos citra controversiam sibi similis recenset^b. Etiam utrique idem dies festus seu Octobris XXII in Menologio Scotico assignatur. Sed Anglum cum planè nec ignobilem, etiam in juventute clarissimum fuisse dubitare nequeo. Rogerus Hovedenus, ubi de compluribus, maxime ex regionibus septentrionalibus accitis, loquitur qui per Angliam Ecclesias ac Monasteria Danorum irruptionibus diruta & ferme in nihilum passim redacta, enixius *Turgoti* ævo instauratum ibant, *Horum Turgotus*, inquit^c, erat unus, postea Scotorum Episcopus. Is prosapiam de genere Anglorum non infimo trabens unus erat inter alios obsides qui nuper, subjugatâ Normannis Angliâ, pro tota Lindisseia in Lindicollnio castro custodiebantur. Ille pecunia emolliens custodem cum magno suorum periculo fugit clanculo ad Norwegenses &c. Summa denique est, ex historiâ ejus Dunelmensi sic illi vindicatâ, ipsam etiam in hac Simeonis haberi integram, exceptis ut antè paucissimis aliquot, quæ ex eis quæ suprâ attulimus dignoscere satis & supplere cuilibet fas est. Præterire autem locum in ea de S. Cuthberti Evangeliorum codice libentèr nequivimus, utpote è quo obiter monendum, quod curiosioribus forsân haud fuerit scitu injucundum. Codicem illum in mari diu demersum postmodum, non sine miraculo, recedente modo insolito æstu, juxta Candidam Casam repertum esse narratur^d, atque ab aquarum injuria omnino illæsum mansisse, etiam in Ecclesia Dunelmensi sic postea servatum. Atque memoratur Eadfridus Episcopus Lindisfarnensis, qui in honorem Cuthberti manu propria scripserat, etiam Ethelwoldus hujus successor qui auro gemmisque perornari jusserat, & demùm Sanctus Bilfridus anachorita qui vota jubentis manu artifice prosecutus egregium opus composuerat, Totidem fermè syllabis idem traditur in historia quam diximus Dunelmensi^e recentiori. Hæc omnia perfecerant illi codici jam dicto, superstitè Cuthberto, & honoris ejus causa; dum scilicet Ecclesiæ illius monachi erant Eadfridus & Ethelwoldus, seu sub annum 680. Adeoque scriptus est ac sic ornatus annis abhinc 970 aut circitèr. Jam verò monere heic visum est, codicem hunc ipsum, tam vetustum tantique semper ibi pretii habitum, proculdubiò etiamnum inter bibliothecæ Cottonianæ Cimelia esse visendum. Nempe habetur ibi perpulcherrimus Evangeliorum illius sæculi codex, splendidissimè scriptus ornatúsque, cui Eusebii & Hieronymi præfationes & Canones præfiguntur, interfertâ etiam Saxonica inter lineas versione Aldredi presbyteri, ut ex Saxonice statim allatis liquet. In calce codicis, seu ad Joannis Evangelii finem, adjicitur manu coæva,

✠ *Litera me pandat Sermonis fida ministra;
Omnes alme meos fratres voce saluta.*

^a *Britannicarum Ecclesiarum Antiquit.* cap. 15. pag. 718. 931 &c. loca ibi ex eo adducta sunt in Simeonis edictis lib. 3. cap. 9, 15, 22.

^b *Nomenclatura Scotorum scriptorum* pag. 21. *Menologium Scoticum* pag. 27.

^c *Part. prior* ad ann. 1073.

^d *Lib. 2. cap. 12. & 13.*

^e *Ms. in bibliotheca Cottoniana fol. 18.1.*

Ita claudicat versus secundus. Et dein,

✠ *Trinus & Unus Deus Evangelium hoc ante secula constituit.*

✠ *Mattheus ex ore Christi scripsit.*

✠ *Marcus ex ore Petri scripsit.*

✠ *Lucas de ore Petri Apostoli scripsit.*

✠ *Johannes in prohemio deinde eructavit verbum; Deo donante & Spiritu sancto, scripsit.*

Sequitur ibi scriptum Saxonicum in quo expressa operæ jam dictæ Eadfridi, Ethelwoldi, & Bilfridi in codice illo scribendo ornandóque, juxta quæ Turgotus narrat, mentio, uti & Aldredi presbyteri, tum versionis tum scripti hujus Saxonici reliquorumque conjunctorum, sed post Cuthberti ac Eadfridi obitum, autoris, Saxonica idem indicantia ad hunc modum se habent.

✠ Ealðpprið Biscop Lindispearnnesyr æccleſiæ he þyr Boc apprit æt þruma Gode 7 sancte Cuðberhte 7 allum ðam halgum ða ðe in eolonde sint. 7 Eðilpað Lindispearneolondingu hit utra giðrýðe. 7 gibelde sra he sel cuðe; 7 Bilpprið se oncre he girmodaðe þa giþrino ða ðe utun on sint 7 hit giþmnaðe mið golde 7 mið gimum ac mið sýlpe of gýldeð þuconleuyfeh; 7 Aldpeð ppeſtýter inðignur 7 miſerpmur (ubi in ora paginæ, *Alfredi natus Aldredus vocor; Bonæ mulieris filius eximius loquor*) mið godes sultume 7 sancti Cuðberhtes hit of gloeſaðe on englisc 7 hine gehamaði mið ðam ðrim ðalum. Matheuf ðal Gode 7 sancte Cuðberhti, Marcuf ðal ðam Bisc. 7 Lucas ðal ðem hiopode 7 æhtora seolſpes mið to in laðe; 7 sancti Iohannur ðal þhine seolſpe 7 seouer ona seolſpes mið Gode 7 sancti Cuðberhti. þ te he hæbbe onfong ðerh godes milſie on heoſnum ſeel 7 ribb on eorðo forðgeong 7 giðýngo þiðom 7 jnyttro ðerh sancti Cuðberhtes eapnunga.

✠ *Eadfrid, Oethilwald, Billfrith, Aldred, hoc evangelium Deo & Cuthberto construxerunt & ornaverunt.* Ex hisce puto nemo dubitabit hunc eundem esse ipsum Cuthberti codicem à Turgoto & Simeone sic memoratum, quod, monumentum adeo venerandum quisquis introspexerit, facile satis ut concedat necesse est. Et demum de Simeone Dunelmensi, hactenus.

II De Joanne Priore Hagulstadenſi seu de *Herham*, quem elogiis efferunt biographi obvii^a, non est quòd plura dicamus quàm quòd Annalium suorum, quibus Simeonis Historiam de gestis regum per annos viginti quinque continuavit, rebus eum satis fuisse sive coævum sive vicinum adeóque earundem testem esse perquam idoneum. Floruit sub Henrico secundo Rege, etiam, ut interdum volunt, sub Ricardo primo. Sed mirum interea est viro longè præstantissimo aliásque diligentissimo^b, saltem alicui cujus post obitum ejus opera jam prodiit Editio ejus altera de Historicis Latinis, excidisse^c, Joannem hunc Balæo & Pitseo præteritum, cum uterque eorum vitam ejus inter alios exhibeat, & Balæus in editione^d utrâque. Etiam in editione prima^e inter Anglicanos scriptores eum ejúsque opera memorans, expressim ipse dixerat,

Alia

^a Balæus Cent.
3. Script. 31.
Pitſeus Æt.
12. 261.

^b Gerard. Jo.
Vossius de Hi-
storicis Latinis.

^c Lib. 3. parte
altera pag.
709.

^d Priori fol. 94.

^e Lib. 2. cap. 52.
pag. 374.

Alia quoque edidisse ex Balæo cognosces. Imò quod mirum magis est, in ipsius editionis secundæ^a libro & capite heic adnotatis eadem ipsa retinentur, sed ut debueret, vocabula, licet alio ibi in loco sic dicatur eum à Balæo præteritum. Hallucinatus autem est Gesnerus cui dicitur, Scripsisse rerum in Anglia gestarum historias à nono anno Henrici secundi, usque in Richardum primum, cum scilicet haud ultra Stephanum Regem scripsisse eum palàm sit.

^a Pag. 422.

III. Ricardus itidem Prior Hagulstadenſis ævi ſui hiſtorica hæc ſua conſcripſit^b. Floruit ſub Henrico Rege ſecundo. Sub Richardo primo mortuus eſt, ſeu ſub annum 1190.

^b Bal. Cent. 3. ſcript. 32. Geſnerus, Piſſeus at 12. ſcript. 262. Voſſius De hiſtoricis Lat. lib. 2. cap. 52.

IV. De Serlone hoc, Boſtonus Burienſis MS.^c Serlo (ſcripſit) de Oratione Dominica, de Dictionibus diſſyllabis lib. 1. Lelandus^d cui quatuor inter Scriptores Angliæ Serlones enumerantur, hunc facit quartum; Serlo denique quartus, inquit, ex Canonico Eboracenſi factus monachus Fontanus (cœnobii quod ſuprà memoravimus S. Mariæ de Fontibus) deinde & Kirchſtalleniſis (Kirchſtede item locus dicitur in agro Eboracenſi) quo dictante, Hugo Kirchſtalleniſis perſcripſit res geſtas Fontani monaſterii, ac originem unà cum incremento Bernardinæ in Anglia ſectæ. Sic Lelandus, quem citans Balæus^e quaſi ipſius tranſcriberet verba, alia quæ apud Lelandum non habentur, intermiſcet. Claruit ſub Henrico ſecundo ſeu circa annum 1160. Conſulas de eo Chryſoſtomum Henriquez in Faſciculo Sanctorum^f Ordinis Ciſtercienciſis.

^c Penes Jacobum Uſſerium Armachanum.

^d Ms. in biblioth. publica Oxoniſi.

^e Cent. 2. ſcript. 91. & vide Cent. 3. ſcript. 81. & Piſſeum Et. 13. ſcript. 322.

^f Lib. 2. Diſtinct. 26. cap. 52.

V. Ailredi ſeu Ealredi Abbatis cœnobii in agro Eboracenſi Rivalenſis (is pariter Ethelredus, Aluredus, Adilredus, Elredus, Valredus, aliterque ſubinde nuncupatur) vitam item ſcripſit Lelandus^g. Ealredus (ſic nomen ejus illi, & benè, exaratur) monachus Rheveſbienſis in provincia Lindiorum (Cœnobium intelligit agri Lincolnienſis **Reveſby** dictum, à Guilhelmo de Romara Lincolnia olim comite Monachis^h fundatum, ubi cœnobitas fuiſſe ſanctimoniales malè traditur in Joannis Spedi Catalogo, quod nec in Latina ejusdem Nicolai Harpſeldii verſioneⁱ corrigitur) educatus fuit neſcio certè quo caſu in Scotia cum Henrico Davidis Scottorum principis filio, uſque ad ipſos adoleſcentiæ annos, quo tempore ad ſuos in Angliam reverſus divertebat ad Rheveſbienſes monachos Ciſtercienciſis ordinis, ubi cœleſtis vitæ ardore totus inflammatus novæ Religionis jugo ſponte collum ſubdebat, in qua talis tantuſque evaſit, ut brevi ſocios ejusdem profeſſionis omnes, omnibus vitæ ornamentis ſuperaret. Acceſſit ad hæc literarum cognitio quam unà cum Henrico Davidis Scotti filio imbiberat. Quæ res tanto illi poſtea ad omne genus doctriinæ incitamento fuit, ut nullum ſcientiæ genus intactum relinqueret. Jamque Abbas ſolo virtutis nomine factus, tanquam clariſſimum ſuæ religionis Sydus, inter minora Lumina eminebat, monachos exemplo docens, literis purioribus informans; quo factum eſt ut regni nobilibus non minus quam ſuis charus eſſet, & Abbas ſecundus Rievallenſis designaretur. Atque ne ſuos tandem abiens deſereret, egregia apud illos eruditionis monimenta reliquit, in quibus ſcribendis præcipuà uſus eſt operâ Gualterii Danielis Diaconi^k, ejusdem

^g Ms. in bibliotheca publica Oxoniſi.

^h Videſis Rot. Patentium 9 Edwardi 2. part. 1. memb. 5. Rot. Patentium 24 Hen. 6. part. 2. membrana 21 & c.

ⁱ Subjuncta Hiſtoria ejus Eccleſiaſtica.

^k Videſis Baleum Cent. 3. ſcript. 3. Piſſeum Et 12. ſcript. 233.

^a Cent. 2. script. 99. Pitf. Et. 12. script. 227. Collegii monachi, de quo mox plura dicemus, interim connumeraturi libros quos scripsit. Adjectâ dein librorum ejus recensione, quæ & Balæana^a & Pitseana amplior est, pergit Lelandus; Fuit in maximo pretio regnantibus Stephano & Henrico secundo regibus, claruitque post obitum miraculis & in Sanctorum catalogum relatus. Sepulchrum ejus vidi, in ecclesia Rhievallensis cœnobii, auro & argento exornatum. Cum hæc scripsissem incidit mihi suspicio Ealredum in Scotia fuisse natum ac deinde in Angliam pervenisse. At interim nihil temere adfirmo, veritate nondum excussâ. De eo quod est utrum Scotus fuerit an Anglus, consulas Thomam Dempsterum^b. Ut Sancti^c, vita ejus, nomine Alredi habetur in Legenda Sanctorum Anglicanorum Capgravii. Et in menologiis aliquot dies ei assignatur 12 Januarii. Chrysostomus Henriquez^d; In Anglia Sanctus Aelredus Rievallis Abbas, qui postquam dignitates sibi oblatas humiliter contempsisset, omnium virtutum genere decoratus, migravit à seculo, sanctorum numero postmodum ascriptus. Memoratur item Molano^e, Arnolfo Wion^f, aliis. Confundi autem illum à nonnullis benè ibi notat Chrysostomus ille cum Ethelredo Abbate itidem Cisterciensi cœnobii Wardonensis^g in agro Bedfordiensi; quod ex nominis & seculorum utriusque vicinitate evenit. Nec Adilredus Tritermio^h ac Sixto Senensiⁱ memoratus alius est à Wardonensi illo, qui sub Henrico Rege tertio seu anno 1220 floruit. Hic autem Rhievallensis sub Henrico secundo seu anno 1166 quo mortuus est. Videsis de eo etiam Vossium^k, & Chrysostomi Henriquez Phœnicem reviviscentem^l, à quo laudibus perquam eximiis effertur, adjecto etiam è Nicolao Rivallensi monacho veteri qui sub annum 1220 fuit sui seculi poeta, & habetur MS. in S. Victoris bibliotheca Parisiis, encomio ejusdem rythmico,

Inclitus Aelredus conditus aromate morum,

Et mellis favus & dulcedo fuit Monachorum,

*Flore juventutis hunc Regis * Regia fovit*

Quæque nociva, procul animoque manûque removit &c.

Hæc & reliqua ejusmodi de illo ibi occurrentia, è jam dicto Nicolao, cum ejusdem de Ealredo aliis aliquot, antè evulgaverat etiam Joannes Picardus in notis ad Guilielmum Nubrigensem de rebus Anglicis scriptorem. Guilielmus ille Ealredo coævus epistolam præfigit ad E. Abbatem Rievallis qui hic ipse est Ealredus noster. Ejusdem Theologica quædam, circa annos abhinc viginti, typis edidit^m Richardus Gibbonius è Societate Jesu. Et sanè vita quædam Edwardi Confessoris autore Ealredo Anglo monacho & Abbate in Rhievalle (qui ipse est hic noster) habetur apud Capgravium & Suriumⁿ. Sed verò tum in principio & fine tum sæpiùs in mediis adeò illa curta & manca est, ut primæ Confessoris illius Vitæ ab Ailredo conscriptæ editionis nomen hæc quæ jam prodit satis mereatur.

VI. Radulphus de Diceto, Dicetensis itidem nuncupatus, Decanus Londini Paulinus claruisse dicitur etiam sub Joanne Rege seu circa annum

^a Cent. 2. script. 99. Pitf. Et. 12. script. 227.

^b Apparatu ad historiam Scotticam, Menologio Januarii 5. Hist. Ecclesiastic. lib. 5. cap. 457.

^c De Historic. Latinis lib. 2. cap. 51.

^d In Menologio Cisterciensium Jan. 12.

^e In Annotat. ad Usuarium.

^f Ligno Vita lib. 2. cap. 48.

^g Bal. Cent. 3. script. 80. Pitf. Et. 13. script. 318.

^h De Scriptor. Ecclesiasticis.

ⁱ Bibliothec. Sanct. lib. 4. in A.

^k De Historicis Latinis lib. 2. cap. 51.

^l Cap. 7.

* Scotie

^m Duaci Anno 1631.

ⁿ Tom. I. Jan. 5.

annum 1210. Vir erat sui seculi tum ob doctrinam tum ob pietatem singularem percelebris. Præter biographos editos^a, memorat eum Bostonus Buriensis MS. Radulphus de Diceto Decanus ecclesiæ Sancti Pauli London. Floruit anno Christi 1197, & scripsit librum *Cronicorum qui dicitur Imagines Historiarum*. Cronica sunt Imagines Historiarum (quod pro initio, ut fieri solet, adnotatum in editis heic habetur col. 434. atque etiam in MS. Abbreviationum ejus initium idem est, uti & Balæo & Pitseo, quod quidem ab eo sumtum ex Casiodoro^b) & fuit anno Christi 1195, qui numerus biennio est major fine ejus in editis^c hisce cum nomine ejusdem inter alios scriptores memorato, etiam & quinquennio eo qui in optimis MSS. sic reperitur, sed demum quadriennio minor ipso historiæ ejus fine. Inter primarios Angliæ historicos habitus est sub Edwardo primo Rege, quando simul cum Mariano, Guilielmo Malmesburienfi, Hovedeno, Huntingdonio, ad Regum Angliæ in Regno Scotiæ, ut ejusdem dominorum supremorum, jus avitum asserendum, inter alia rei tam explorati juris testimonia, adhibitæ sunt ejus pariter historiæ, qua de re Thomas Walsinghamius^d; in cujus tum Londini tum Francofurti editis perperam vocatur Radulphus de Luzeto, uti & apud Possevinum è Rizeto, in MSS. aliquot Polychronici Ranulphi Cestrensis^e de Byzeto, & in versione Polychronici Anglicanæ veteri Joannis de Trevisa typis editæ Ralf le Bruys, Joanni Rosso Warwicensi^f non semel de Duceto, & in Codice veteri^g cui titulus est, *Suppletio Historiæ regum Angliæ quantum ad Reges Saxonum, Danorum & Normannorum extracta per Johannem Pyke de compendio Brevi*, dicitur Radulphus de Doiceto; ubi legitur, commendatur ipsa provincia à quodam historiographo, scilicet Magistro Radulpho de Doiceto Decano de Londoniensi ecclesia; qui composuit librum qui dicitur *Imagines Historiarum*, in hunc modum; Britannia, sicut legitur, inter insulas omnes est vel prima vel maxima; quam natura benignior à Deo reddidit ad inhabitandum acceptam, ut quicquid usus desiderat vel appetit luxus, ex ea proveniat aut aliunde transvehatur ad eam. Advenas etiam quovis desiderio accedentes ad eam allicit, eousque quod si moram in ea faciendi nacti fuerint, qualibet ratione vix ulterius animum repatriandi concipiant. Quod quidem initium est Imaginum Historiarum Radulphi in MSS. aliquibus^h. Laus quidem ut egregia ita & vera satis. Atque ob adeò singulares Insularum Britannicarum dotes, ingentemque earundem etiam apud externos famam, olim à compluribus iisque viris magnis existimatum est, Fortunatarum insularum nomine eas venisse. Cum enim, ut est apud Robertum Avesburiensem (sic Guilielmus Camdenusⁱ; nec verò mihi præstò est Avesburiensis ipse) Clemens VI Pontifex Romanus Ludovicum de Hispania Fortunatarum Insularum Principem designasset (Comitem scilicet Claromontis^k, sub annum 1344, & Philippi Valesii Galliarum Regis apud Pontificem legatum^l; aliis dicitur^m Comes de Telamon, Princeps Fortune item inde vocitatus) & in ejus subsidium delectus in Gallia & Italia haberet, persuasissimum nostris erat, illum Britannia principem designatum esse, & in Britanniam quasi unam de Fortunatis, ut inquit ille, omnem

^a Bal. Cent. 3. script. 62. Pitf. Et. 13. script. 300. Vossius de Historicis Lat. lib. 2. cap. 56.

^b Divinarum Lectionum lib. cap. 17.

^c Col. 432. & vide col. 405.

^d Anno 1293.

^e Lib. 7. cap. 39.

^f Ms. in Bibliotheca Cottoniana fol. 76. 2. 232. 2.

^g Ms. in Bibliotheca Arundelliana, 6. 54. fol. 91.

^h In bibliotheca Cottoniana vol. ampliori.

ⁱ Brit. pag. 3.

^k Mariana de rebus Hispania lib. 16. cap. 14.

^l Tho. Walsingham ann. 1344.

^m Hieronym. Surita Annal. Aragon. lib. 8. cap. 4.

istum

istum apparatus fieri. Ipsique viri prudentissimi, nostri apud Pontificem legati ita hanc opinionem imbibierunt, ut statim se Româ subduxerint, & in Angliam, ut suos certiores facerent, advolarint. Nec aliud nunc judicavit, qui Fortunatas & beatas Britanniae dotes penitus noverit. Legati illi ad Pontificem missi sunt ab Edwardo tertio sub annum 1344 ut de Jure ejus in Regno Gallico induciisque cum Philippo Valesio prorogandis finendiſve ab eis illic ageretur. Quin sane & numerosi erant illi & viri perquam illustres qui sic opinionem illam imbibierant. Comites quatuor, Barones sex, adjectis insuper quatuor pluribusque è primariis adeoque pro doctioribus habitis tum Theologis tum Jurisconsultis. Nomina eorum in tabulis illius ævi publicis^a ita habentur; Henricus de Lancastria comes Derbiæ, *consanguineus noster charissimus*, Richardus Arundellia, Thomas Warwici, Robertus Suffolciæ, Willielmus Huntingdoniæ Comites, Hugo le Despenser, Radulphus de Nevill, Bartholomæus de Burghershe, Johannes le Grey de Ruffin (sic exaratur; sed proculdubio pro Ruthin) *consanguineus noster*, Reginaldus de Cobham, Thomas de Bradeston, Barones, Magistri Willielmus de Norwico Decanus Lincolnensis, Johannes de Offord Eliensis, Henricus de Chaddisden Stowensis, & Robertus Herward Tantonienſis Archidiaconi. Alii etiam hisce adjuncti. Certè mirum satis est tot tantosque viros de nomine Insularum Fortunatarum in concessione Pontificia ita sensisse, indèque se ut ex Avesburiensi narratur sic gessisse. Sed verò etiam celebratissimas fuisse olim apud Græcos veteres Latinosque *ἡ μακάριον νῆσος*, Beatorum, Felicium, seu Fortunatorum insulas, nemo nescit, quæ ita variatim illis intellectæ ut interdum etiam locis, quæ insulæ non essent, ob felicitatem aliquam singularem suspiciendis, nomen illud tribueretur, sicut à Lycophrone in Alexandra, in veteri Epigrammate^b, & à Parmenide aliisque, ut ex Hesychio & Suida liquet, Thebæ Bœotorum seu urbis illius *αἱ νῆσοι & νῆσι μακάριον* nominantur, ob Jovis natales ibi creditos. Aliis insulæ aliquot maris Ægæi sic appellatæ^c. Alii Elyſium idem, cum eis faciunt^d, quod in medio inferorum collocabant alii, alii in Lunari circulo, ut Theologi. Nimirum *Fortunata* Virgilio dicta memora sedesque beata, atque arva beata & insulæ divites Horatio^e, pro Insula Fortunatis, ut beatissimis mortuorum sedibus^f, sumtæ. Ut autem inoleverat apud perplurimos sententia, sedes illas haberi in occiduis telluris partibus seu in Oceano circa *πῆμα γαῖης*, ultima Terræ, ubi Elyſium suum collocat Homerus^g & Insulas Fortunatas, seu Beatorum eadem in notione, Hesiodus^h, ita partes illas occiduas ipsissimas eo nomine fuisse Britannias antiquitus existimatum est, easque insulas seu in eis fuisse ipsum Elyſium seu Paradisum. Inde apud Isacium Tetzem in commentariis ad Lycophronem, uti & Joannem fratrem ad Hesiodum, Fabula quidem, ingenii planè Græcanici, habetur de eis insignis simul & perquam ridicula, sed ejusmodi, ut ex ea opinio apud Græcos admodum hanc circa rem recepta aperte cerni possit. Lycophronem suum qui Thebarum urbem hoc nomine indigitasset, ideo refutat Isacius Tetz-

^a Rot. Romæ anno 17 Ed. 3. membran. 2. & 3. & Rot. Franciæ 17 Ed. 3. membran. 12. & vide Rot. Romæ 18 Ed. 3. membran. 2. & Th. Walsingham ann. 1343.

^b Isacius Tetzem ad Lycophronem pag. 155. edit. Basil.

^c Mela lib. 2. cap. 7. Diodorus Siculus lib. 5. cap. 83.

^d Servius ad Æneid. 5. & 6.

^e Epod. 16.

^f Lucian. de vera conscribend. hist. lib. 2. Scholiast. ad Aristoph. Ranas act. 1. scen. 2. Schol. vet. in Horatii Epod. 16 & c.

^g Odyss. 8. & videſis Sallust. apud Servium in Æneid. 5.

^h In Epy. 23. ἡμῆς.

zes quia insulæ illæ Beatorum sunt πρὸς Ὠκεανὸν Καθημέναι, ad Oceanum profundum, juxta Hesiodum aliōsque Græcorum scriptores vetustos quos ibi citat. Et dein, Περὶ γὰρ, inquit, τὸ Ὠκεανὸν ἔστιν ἡ Βρετανία νῆσος, μετὰ δὲ τὴν δὲ δύσιν κειμένης Βρετανίας, καὶ Θύλης τὴν πρὸς ἀνατολήν, Est enim in Oceano insula illa Brettania, inter Brettaniam illam quæ sita est in Occidente & Thylen quæ ad Orientem magis vergit. Id est, Britannia Magna seu Albion, quam sic collocat ille inter Britanniam alteram seu Parvam, quæ Hibernia est, & Thulen, de cujus situ haud parùm discrepant Chorographi tum veteres tum recentiores. Sed Tzetzi puto heic cum Procopio^a sumitur pro Scandinavia. Et de Thule copiosè nuper præ aliis Ilacius Pontanus^b. Hiberniam autem heic alteram esse Britanniam, palàm est, utpote quæ sic itidem Ptolemæo & Dionysio Afro nominatur aliisque tum Græcis Latinis & Arabibus (qua de re alibi^c item diximus) tum Ebræis; unde Rabbi Abraham Ben Chaija in Sphæra sua mundi^d habet, inter *האיים היםיים* *insulas maris Oceani*, *בריטניה רבה* *Britanniam Magnam* & *בריטניה קטנה* *Parvam*, id est planè Albionem & Hiberniam, pro quibus satis infelicitè substituit Oswaldus Schreckenfuchsius interpres, *Parthianiam Magnam* & *Parthianiam Parvam*. Atque illinc etiam insulæ minores innumeræ circumjacentes tam Magnæ quàm Parvæ, Britannicæ dictæ. Joannes autem Tzetzes^e Hiberniam Bretanidum (ut ille cum aliis vocat) Primam, & Albionem, quæ *Ἀλβείων* illi dicta, secundam seu ut Minorem facit. Pergit autem Ilacius Tzetzes; *Λέγουσι δὲ τὰς τῆς ἀποδησόντων ψυχὰς ἐκείσε ἀνεκομίζεσθαι. τῶν δὲ γὰρ πλεὺς ἀκλίω δὲ Ὠκεανὸς δὲ τῶν δὲ πλεὺς Βρετανίαν ταύτην νῆσον, ἐκ τῆς ὁμοιοῦς ἀνθρώπων καὶ κτελεῖται, ἡ πόλις αὐτῆς, φέρεται δὲ μὴ τελευτῶντες αὐτοὺς ἀλλὰ δὲ τῶν ἀπερὶ πλεῖστον τὰς τὴν τελευτῶντων ψυχὰς, ὡς φασίν. Οὗτοι γὰρ ἀπελθόντες ἐν τῇ τῇ αὐτῆς οἰκίᾳ καὶ ἐκείσε καὶ ἀπὸ τοῦ ὕδατος. Ἀρσενόμοροι δὲ μὴ μικρὸν αἰσθάνοντες τῆς θύρας, καὶ φωνῆς ἀκούουσιν ὅτι τὸ ἔργον καλῶς αὐτοὺς. Αναστάντες δὲ πρὸς τὸν αἰγιαλὸν βαδίζουσιν, οὐκ εἰδότες ποία ἀγὰρ αὐτοὺς ἀναίτη. Ὁρῶσι δὲ ἀκέρως τῶν ἀποκατασμένων, ἀλλὰ δὲ τὰς αὐτῆς, κενὰς μὲντοι ἀνθρώπων, ἐν αἷς εἰσελθόντες καὶ κατακτείνουσι, ἐκ αἰσθάνοντες ἑαυτοὺς τῆς πλοίων, ὡς εἰς ὅτι βαρύνει, ὅθεν δὲ ὁρῶσι. Ποπῇ δὲ μὴ κατὰ τοῖς εἰς πλεὺς Βρετανίαν νῆσον, μέγας ὅτε γὰρ τῇ ἰδίᾳ καὶ νυκτὶ μέγας κατὰ τοῖς διωκόμενοι. Κατὰ τοῖς τῶν νῆσον, πάλιν ὅθεν ὁρῶσι. Φωνῆς δὲ ἀκούουσιν τῆς δῆθεν ἀποδεχομένων, τοὺς αὐτοὺς ὅτι κατὰ τοῖς ἀπαρτιμένων, αὐτοὺς καὶ παρὰ τοῖς καὶ μὴ ὅθεν, ἐπὶ δὲ καὶ ὅς ἀξίας καὶ τέχνης καὶ ὀνόματι τῇ κατὰ τοῖς ἐν αὐτῶν. Οἱ δὲ τῶν δῆθεν ἀποφορτισμένοι πάλιν ἐλαφρότεροις τοῖς σκάφει μὴ ποπῇ πρὸς τὰς οἰκίας αὐτῶν ἀποστέλλουσι. Ἐκ τούτου πολλοὺς ἔδοξεν, εἶναι τὰς μακρῶν νήσους ἐκείσε καὶ τοὺς ἀποβεβιωκότας ἐκείσε ἀναπερὶσθαι. Fertur autem Mortuorum Animas illuc transvehi. Nam juxta litus Oceani Brettaniam illam alluentis, homines degunt piscatui assueti qui Francis quidem (Græci recentiores eo nomine Celtas veterum seu Europæ populos indigerare solent) subditi sunt. Tributum autem eis non pendunt, ideo quod transmittant Mortuorum animas, ut ferunt. Hi enim à piscatu redeuntes, sub vesperam in domiciliis suis dormiunt. Et paulò post, fores pulsari sentiunt, & vocem audiunt eos ad opus præstandum invocantem. Surgentes verò ad litus se conferunt, nescientes qualisnam eos urgeat necessitas. Ibi vident naves instructas,*

^a Gothic. lib. 2.

^b Chorographic. Dania de- script. pag. 682. & c. 741 & c.

^c In Mari Clauso lib. 2. cap. 1.

^d Cap. 6.

^e Chiliad. 8. cap. 218.

sed

sed non suas, hominibusque vacuas, in quas ingressi remigant, & sentiunt gravitatem navigiorum, perinde atque si ea esset ex vectoribus. Sed neminem interim vident. Impetu autem unico deferuntur ad Brettaniam insulam quò, cum suis utuntur navigiis, vix deferri possunt viginti quatuor horarum spatio. Ad insulam verò delati, rursus neminem vident. Vocem autem audiunt, familiariter eorum vectores excipientium, qui enumerant ipsos & Patres eorum & Matres, & dignitates, & artes & nominatim singulos indicant. Illi autem inde eis exonerati, levioribus navigiis, unico itidem impetu, ad propria redeunt. Hinc est quod compluribus sit existimatum, ibi haberi Beatorum insulas, atque illuc homines cum vitam hanc exuunt, sic transvehi. Parilem habet, ut apud Græcos receptissimam, de Insulis fortunatis narrationem Joannes Tzetzes^a. Εξείσε δὲ φασι, inquit, καὶ τὰς τῶν ἀποθανόντων ψυχὰς ἀπαπορροῦν, καὶ φοντες τοιαύτα. Illuc aiunt etiam Mortuorum animas transvehi, ad hunc modum scribentes, & dein eadem quæ ex Isacio allata sunt de Britannia subjungit. Ita incolas maritimos seu Piscatores Britanniae Magnae, Charontis officium mortuis universis præstare facit prodigiosa hæc narratio, haud paucis tamen Græcorum credita. Atque inde Fortunatarum insularum nomen Britannicis, seu inter eas nonnullis, ab illis tributum. Et sanè si Tzetzes hosce intelligo, in litore Britanniae magnae volunt reperiri navigia illa animabus onusta, indeque illa cum remigibus rapta, impetu unico, ad Hiberniam adpelli, tunc Scotiam itidem vocitatam. Atque huc spectare videtur illud Claudiani^b,

*Est locus extremum pandit quæ Gallia litus
Oceani prætentus aquis, quo fertur Ulysses
Sanguine libato populum movisse silentum.
Illic Umbrarum tenui stridore volantum
Flebilis auditur questus &c.*

Et Natalis Comes^c; cum Fortunatæ insulæ, campique Elysi in ea parte Britanniae (de communi omnium propè præstantiorum scriptorum sententia) quæ est inter occidentem Britanniam & Thulem ad ortum Solis dicerentur; piscatores quidam fuisse in litore maris Oceani narrantur juxta hanc Britanniam insulam &c. Quæ reliqua illic adjicit, uti etiam quæ habet hac de re Antonius Muretus^d, ex Joanne Tzetze in Hesiodum sumta sunt. Floruere Tzetzes illi sub finem seculi duodecimi^e. Et forsan ex Græcorum illa de nomine opinione quam proculdubio didicerant Angli in bello Orientis Sacro inter eos versantes atque ad posteros transmiserant, orta est Legatorum illorum de Insulis Britannicis sententia. Sed verò in concessione illa Pontificia neutiquam Britannicas Fortunatarum nomine intellectas volunt meritò alii. Thomas Walsinghamius^f; Illæ insulæ sunt in mari mediterraneo, valde fertiles, quarum incolæ nec sunt Christiani, nec de secta Machometi. Donum utique laude dignum, si possessionem pacificam contulisset. Adnotatur in editorum margine, creatur novus princeps Insularum Balliarum, proculdubio pro Balearium. Sed puto potius illum Mediterraneum, in quo sitæ Baleares, heic adhibuisse pro Atlantico, de cujus insulis Fortunatis statim. Nam certum est tum diu antè Christianismum

^a In Hesiod.
Erg. v. 714.

^b In Rufinum
lib. I.

^c Mytholog.
lib. 3. cap. 19.

^d Var. lect. lib. 5.
cap. I.

^e Videfis Jo-
ann. in Chili-
ade II. cap.
385. & Vossi-
um de Histori-
cis Græcis lib.
2. cap. 27.

^f Anno 1344.

in Balearibus receptum esse, tum Fortunatarum voce eas non denotatas. Atqui etiam annalium autor anonymus^a, anno, inquit, Domini MCCC XLIII Pontificis Clementis Papæ VI anno III & Edwardi tertii post conquestum XVIII, XVII die Novembris, dominus Papa creavit unum novum principem qui fuit ambassador domini Philippi de **Ualeys** destinatus domino Papæ & nominatus dominus Lodovicus de Hispania Miles & Soldarius prædicti Philippi, quem idem Papa in ipsius creatione vocavit Principem Insularum Fortunatarum, quarum, seu ad quem effectum huiusmodi facta fuit creatio nescitur adhuc. Utinam ad honorem Anglicorum, quorum prosperitatem idem Papa, ut creditur, intimè non affectat. Ita hic Papæ ipsi & concessioni illi contemporaneus suspicari videtur id de quo legati jam dicti vix dubitare quidem sunt visi. Sed rectius proculdubio illi qui de celebratissimis Insulis Fortunatis in mari Atlantico Africæ obversis seu *Canariis* (à maxima simul sic omnibus dictis) donationem illam Pontificiam indubitanter sumunt. Ita scriptores Hispanici^b, Gallici^c, alii, ut & Abraham Bzovius^d qui eam in rem Clementis VI epistolam nonam citat. Et mirum sanè dictu, in concessionis illius tot solennibus palàm & publicè, nec sine Papæ in consistorio oratione ea de re habitâ^e (cujus thema erat *Faciam principem super gentem magnam*) factæ sensu intelligendo, dubium ejusmodi aut incertum tunc mansisse, ut cujusnam loci Princeps is factus esset adeò ignoraretur. Etiam Franciscus Petrarcha satis concessionis tempori vicinus coævusque, non dubitat de Atlantici maris insulis eam tunc captam esse. De illis loquens, nuper, inquit^f, *Clemens VI illi patriæ principem dedit, quem vidimus Hispanorum & Gallorum regum mixto sanguine, generosum quendam virum (Ludovicum illum quem diximus) qui cum eo die Corona ac sceptro per urbem (Avenionem) spectandus incederet, repente tantus cælo imber effluxit, atque ita domum madidus rediit, ut omen esset incubuisse illi verè Pluvialis & aquosæ patriæ principatum.* Cui quidem in dominio extra orbem sito, qualiter successerit non novi. Scio tamen quod multa scribuntur & feruntur, propter quæ non plenè Fortunatarum cognomini fortuna conveniat. Sic ille. Lapsu autem memoriæ Henricus Spondanus Apamiarum Episcopus, velut ex Joanne Mariana, ait^g Pontificem Fortunatas insulas, sive Canarias, dictas Alfonso XI Castellæ Regi donâsse, ea lege ut ibi Christianam legem institueret. De nomine demùm illo & *ἡ νῆσος* insulis illis antiquitus signantiúsque tributo, obvia satis sunt atque expressissima apud Strabonem^h, Sallustiumⁱ, Florum^k, Plinium^l, Solinum^m, Ptolemæumⁿ, Plutarchum^o, Philostratum^p, Eustathium^q, Isidorum^r, testimonia. Sed in codice Ptolemæi optimo MS. Bibliothecæ Arundellianæ, ita denotantur illæ,

Αρωῆσιτος νῆσος
Ηρας νῆσος
Πλατῆρα νῆσος
Καλλιῆρα νῆσος
Καυρία νῆσος
Πιτυῆρα νῆσος

α	15	
α	12	Δ'
α	18	Δ'
α	16	Γ'
α	12	
α	1	Γ'

ubi discrepantia est tum in aliquarum nominibus, tum in longitudini-

e bus

^a Ms. in Biblioth. Cottonianâ
Otho C.2. pag. 253.2.

^b Mariana de Reb. Hisp. lib. 16. cap. 14. Hieronym. Surita Annal. Aragon. lib. 8. ca. 4. Garibay lib. 14. cap. 21.

^c Nic. Vignieri. tom. 3. pag. 510.

^d Annal. tom. 14. ann. 1344. §. 16.

^e Walsingham. ann. 1344.

^f De vita solitaria lib. 2. sect. 6. cap. 3.

^g Auctarium Chronolog. ad Epist. Baronii anno 1346.

^h Lib. 1. & 3.

ⁱ Citat. Acroni in Horat. Epod. 16. & Servio in Aeneid 6.

^k Lib. 3. cap. 22.

^l Lib. 6. cap. 32.

^m Polyhist. cap. 59.

ⁿ Lib. 4. cap. 6.

^o In Sertorio.

^p De Vita Apollonii lib. 5. cap. 1.

^q Ad Odys. 4. pag. 1509.

^r Orig 14. ca. 6.

^s Vide Claud. Salmasium in Plinianis pag. 1297. & Ortel. in Thesaur. Geograph. verb. Fortunatæ Insulæ.

bus latitudinibusque, ab editis etiam qui pro correctissimis habentur, nec ea omnino contemnenda. Editorum longitudines sunt $\overline{o}, \overline{\alpha}, \overline{o}, \overline{o}, \overline{\alpha}, \overline{o}$, licet versiones habeant 1, 1, 1, 1, 1, 1. Illinc enim putari locorum ibi longitudes nemo nescit. Sed non pauca sunt in numeris Ptolemaicis quæ ex codice illo emendari possent. Adscribitur ibi manu vetusta جزاير السعداء

Insulae Beatorum. Ita scilicet & جزاير السعادات tantundem denotans, Arabum Geographis, ut Abulfedæ, Achmedi Ben Magad, Chalchafendio, aliis interdum vocitantur; uti etiam sapissimè جزاير الخالدات quas innuit Geographiæ Nubiensis autor (is est, Alsheriph Aldrisius, quo nomine aliquoties citatur Abulfedæ & Chalchafendio) ubi ait^a in بحر الظلمات *mari Tenebrarum* (ita Oceanum occidentalem seu Atlanticum Arabes nominant) haberi جزيرتان تسميان بالخالدات quod ver-

tunt Maronitæ duas insulas Perennes vocatas seu Alchalidath. Idem ex Abulfeda Fortunatas rectius vertit Jacobus Christmannus^b. Nec numerum earum alium habuit Plutarchus^c, nec, ut puto, Sallustius^d. Sed postmodum ipse Aldrisius^e etiam Sex eas expressim facit, duabus tantum interim ut insignioribus (*Masfaban & Lacos* vocat) atque unde Longitudes juxta Ptolemæum mensurari solent, nominatim memoratis. Nimirum, neutiquam ab earum meridiano cum Ptolemæo ejusque vulgo sequace metiuntur Arabes longitudes locorum, sed ab ipso maris Atlantici seu Africæ litore maximè occiduo, decem Gradibus orientiori, ut etiam ex Alfragano^f & Abulfeda^g & inde à Jacobo Christmanno^h, & Roberto Huefioⁱ adnotatis liquet. Atque Arabes alii, sex itidem cum Græcis aliis & Latinis agnoscunt. Sic Albategnius. In Oceano occidentali, inquit^k, sunt 6 insulae, in opposito Terræ Nigrorum, ex inhabitatis insulis, quæ vocantur *Insulae Fortunatorum*, quas paulò ante interpretis ejus (neque enim eum hætenus Arabicum vidi) appellari ait *Alchalidec* ut in editione vetustiore^l & *Alchalider* ut in nupera^m. Dubitandum non est scripsisse Albategnium الخالدات quod nomen Arabibus usitatissimum.

Ubi verò paulò post legitur in Oceano occidentali quod *Amphiterios* appellatur, persuasum habeo scripsisse illum بحر العربي ويقول اوقيادوس in mari occidentali quod appellatur Oceanus. Prodigium est nominum illud *Amphiterios*. Et videtur sanè, malâ τὸ ὀκείανος quæ ἀμφιτρίος forsan simularet scri-

ptione interpretem ibi deceptum esse. Neque enim Arabibus nomen ali-quod ejusmodi Mare illud denotat. Quod verò ad nominis Beatorum insularum harum, sic dictarum, rationem attinet, advertendum est quod habet vir summus Isaacus Casaubonusⁿ; Ferè fit, ut insulae vicinæ continenti in potestate sunt eorum^o qui oppositam oram habent. Itaque Μαχαρῶν νήους quum dicimus, intelligimus insulas eorum qui extremas continentis partes ad Oceanum occiduam incolunt (quemadmodum ferè olim ex Jure Cæsareo, *Præsides Insularum* generatim nominati^p, Cycladum in Mari Ægæo & Ionio insularum *Præsides* tantum, ob excellentiam, significasse volunt Jurisconsulti) quorum quia nota erat felicitas & rerum omnium copia ideò propinquas ipsis insulas veteres vocarunt *Beatorum insulas*. Atque ita explicat illud Strabonis qui de

^a Part. I. Climatis I.

^b Ad Alfragani cap. II. pag. 53.

^c In Sertorio.

^d Fragment. Histor. 6.

^e Part. I. Clim. 2.

^f Chronolog. Element. cap. 3.

^g In præfat. & c.

^h Ad Alfragani cap. 3.

ⁱ De Globis part. 4. cap. I.

^k De Scientiis stellarum cap. 6.

^l Norimbergæ 1537.

^m Bononia

1645.

ⁿ Ad Strabonis lib. I.

^o L. 9. D. tit. de Judiciis.

^p L. 4. aliàs 6. C. tit. de Naviculariis, & Novell. 8. edit. Constantino pol. lit. §. 46.

de locis Africae & Hispaniae occiduis beatioribusque atque insulis Fortunatis locutus, adjicit, *ἐκ δὲ τῶν ὀνόματός δὴ λέν ἐπὶ τῇ αὐτῇ ἐξόμῳ Ἀδελφῶνας* *Ἀφ' ὅ πλῆθος τῶν τοῖς χεῖροις*, ex nomine constat eas Fortunatas esse ideò creditas, quòd istis essent locis vicinae. Sed missis tandem hisce Parergis, in liberriore disquirendi scribendique otio se ultrò satis offerentibus, ad Radulphum Dicetensem redimus. In eodem volumine, quod in bibliotheca Arundelliana Johannem illum *Hyke* antè memoratum habet^a, Chronicon occurrit sanè non contemnendum, ac Radulpho huic manu antiquà tributum, cujus initium est *Willielmus Bastardus Dux Normannorum, subjugatis Anglis &c.* finis verò in ipso Joannis Regis exitu. Certè hoc ipsum existimo meritò fuisse adhibitum inter ea quæ de Jure illo Angliæ Regum in Regno Scotiæ^b, sub Edwardo primo Rege, ut dictum est, consulebantur. Nam ea de re in Chronico illo MS. testimonia sunt luculentissima. Admittitur autem à biographis, præeunte Balæo, Radulphum hunc citari Joanni Bachoni, seu Baconthorpio^c, in Sententias. Is quidem, ad problema illud reverà satis mirandum, *Christianis deberi Terram sanctam multiplici de causa & ideò Papam posse illam recuperare*, stabilicendum, affert quædam ex *Chronica Hierosolymitana quæ incipit, Terra Sancta* (id est planè ex *Historia Hierosolymitana Jacobi de Vitriaco*) de Heraclii aliorumque tempore usque in Godefridum Boloniensem (*de Boylombi & paulò post Boylon dictum*). & statim subjungit, *Hæc in Chronicis de domo Sanctæ fidei Norwicensis diæcesis quæ vocantur Imagines Historiarum post medium, ubi agitur de Vullo rege (Willielmo scripserat proculdubio Bachoni, sed in rebus hujusmodi negligens erat nimis Chrysostomus Marasca ejus editor) Cap. Quod autem.* Certè quid sibi velit illud *Hæc in Chronicis de domo &c.* nondum didici. Nec ibi innui Dicetensis Imagines, facillè concedet, opinor, quisquis locum illum sive cum Imaginibus ejus heic editis sive Abbreviationibus ejus (nam & illæ Imaginum nomine etiam apud Scriptores subinde veniunt) omninò comparaverit.

^a Fol. 123.

^b Et vide heic Abbreviat. Chron. ejus anno 1088 &c.

^c Prolog. in lib. 4. Sentent. Artic. 4.

VII De Joanne Bromtono (scriptoribus non rarò, Bramptono pariter dicto) Abbate, ut vocari solet, *Jornallensi*, breviter quidem loquitur Joannes Pitseus^d, atque inde Vossius^e. Scilicet Autoris & Abbatiae ejus nomen afferunt (quod Pitseo est *Jornalensis*, aliàs *Jarnauxensis*, sed Vossio tantum *Jornalensis*) Chroniconque ejus, in Joanne Rege desinens, memorant, temporis quo floruit planè ignari. Nec mihi de Bromtono ipso hætenus quid satis compertum. Frequentius in *Antiquitatibus Ecclesiæ Britannicæ*, Joanni Caio, aliisque citatur codex hic nomine *Historiæ Jornallensis*; qua voce sic exarata atque in studiosorum ore passim usurpata sæpius etiam cum vulgo, sed oscitantiùs fateor quàm par erat, historiam hanc citans, usus sum ipse. *Jorvallisensis* planè Bromtonus dici debuit à *Jorevall*, seu ut itidem vocatur, *Jerevall* & *Jerevaux*, monasterio Cisterciensi in agro illo qui *Richmondshire* nuncupatur, cujus Abbas hic Joannes. Rectè Chrysostomus Henriquez in *Phœnice Reviviscente seu Ordinis Cisterciensis scriptorum Angliæ & Hispaniæ serie*, *Jere-*

^d In Appendice Centuria 2. num. 88.

^e De Historic. Lat. lib. 3. cap. 12. pag. 634. edit. altera pag. 708.

^f Cap. 47.

valla, inquit, Titulo S. Mariæ. Fundator Stephanus comes Britannia & Richmundia. Abbatia in Richmundia. Id quod accepit à Nicolao Harpsfeldio qui Joannis Spedi Monasteriorum catalogum in Henrico ejus octavo insertum, transtulit Latine. Chrysostomus autem ille statim, *Jornallensis Abbatia*, alii *Jarvaxensem* vocant, in qua Joannes Bromptonus diu egit, & Abbatiale munus exercuit, de quo in nostro Fasciculo, tomo secundo. Et tunc, *Joravallis diœcesis Eboracensis*. *Jornallensis* verò ibi haud omnino est aliud quàm quod vulgò à *Jervallensi*, *Joravallensi*, aut ejusmodi voce aliqua vicina depravatum. Etn in u facillimè librariis commutari, nemo non vider. In actis veteribus publicis^a sæpiùs nominatur *Abbatia de Jorevall*, à fluvio *Jor*, *vor*, *Uro*, interlabente, & recentius^b illic *Jerevaux*. Adeoque tria illa Nomina apud illum ibi idem ipsum, seu eundem locum & nihil prætereà denotant. Idem Chrysostomus in Fasciculo illo suo^c, nihil omninò novum de Joanne Bromptono assert, sed tantùm illud ipsum, eisdemque verbis, quod à Pitseo didicerat, interserit, excepto quod ei dicitur *Jornalensis* aliàs *Jarvauxensis*, quo quidem lectio Pitsei, qui sic puto scripserat, benè corrigitur. Sed & alibi in Phœnice^d suo Chrysostomus ille caput habet integrum de Joanne Bromptono Abbate *Jornallensi*, ubi, Joannes Bromptonus, inquit, ordinis Cisterciensis habitum in Anglia ab adolescentia suscepit qui virtutum & eruditionis meritis factus est Abbas *Jornallensis* aliàs *Jarvaugensis* cœnobii. Fama est hunc multa scripsisse, quorum tamen nihil, quod sciam, extat præter Historiarum opus, quod composuit & suo monasterio dicavit, cui titulum præfixit,

Chronicorum Librum unum; Postquam contigit Britones. Extat Manuscriptus Cantabrigiæ, in collegio Sancti Benedicti. Quando autem autor claruerit, ignoratur. Sic ille ibi. Id verò quod dixit ab Joanne Spedo edoctus, de Stephano Comite Britannia & Richmondia fundatore cœnobii illius, ita intelligendum, ut neutiquam pro cœnobarum fundatore primario sumendus sit Stephanus ille sed Acharias filius Bardolfi vir dignitatis Equestris qui alio in vicina loco *Fors* dicto primò ejusdem ordinis cœnobarum monasterium instituerat, quos in Jorevallem postea, adeoque ipsum inde monasterium transferri voluit Stephanus ille Comes circa annum 1160. Sic enim legitur in tabularii prisca Comitum & Comitatus Richmondia, Comitum veterum tum Britannia Minoris tum Richmondia serie, quam, cum scriptoribus plerisque de eis editis haud parùm sit dissona, integram interserere simul heic visum est. In Tabulario jam dicto^e habetur,

Genealogia Comitum Richmundia post Conquestum Anglia.

Eudo Comes Britannia ante Conquestum Anglia, filius Galfridi Ducis, genuit tres filios successivè post ejus mortem in comitatu Britannia præsidentes. Alanum scilicet dictum Rufum, vel *Fergaunt*, qui primò venit in Angliam cum Willielmo Bastard Duce Normannia cui idem Willielmus, postquam coronatus fuit in Regem Anglia per Conquestum, auxilio Matildis Regina sue dedit honorem & Comitatum Comitum Edwini in Eborakshira (Edwini scilicet Merciorum Ducis & Comitum in Annalibus nostris dicti) qui modò vocatur *Richmundshire* & qui adunc extitit *Geldable*, & postea, Regum

^a Rot. Chartarum 35 Ed. 1. numero 15. Rot. Patentium 5 Rich. 2. part. 1. membrana 14. alibi que sæpius.

^b Inq. 29. Henrici 8. in actis Curie Augustationis.

^c Lib. 2. distinct. 26. cap. 50.

^d Cap. 20.

^e Ms. in biblioth. Cottoniana. fol. 72.

Regum privilegio, in Libertatem est mutatus.

Hic Alanus primo incepit facere Castrum & munitionem juxta Manerium suum capitale de **Gilling** pro tuitione suorum contra infestationem Anglorum tunc ubique exheredicatorum, similiter & Danorum, & nominavit dictum Castrum **Richemont** suo ydiomate Gallico quod sonat Latine Divitem Montem, in edictiori ac fortiori loco sui territorii situatum. Et obiit sine exitu de corpore suo & apud Sanctum Edmundum sepultus est.

Alanus Niger frater suus eidem successit in Honorem Richmundiæ, cujus anno gubernationis XVI, quidam Miles Acharias (memoratur etiam in Actis seculorum vetustiorum publicis^a Akarias hic) filius Bardolfi fundavit Monasterium Ordinis Cisterciensis apud **Fors** in **Wendellaydale**, quod postea translatum est usque in territorium de **Wutton**, & vocatur Forevallis, per Stephanum postea Comitem Richmundiæ. Et obiit sine liberis.

^a Ann. 12 Hen.
3. in Inspecimus Rot. par. 5
Rich. 2. part. 1.
membrana 14.

Stephanus frater dicti Alani eidem successit in honorem prædictum qui translulit Abbatum de **Fors**^b usque locum qui nunc Forevallis dicitur, genuitque filium nomine Alanum. Et obiit idus Aprilis, anno gratiæ Millesimo **CLXIII** & sepultus apud **Begar**, monasterium nempe Britannici Minoris.

^b Thomas Milesius in Catalogo Honoris pag. 590. Augustin. Vincens pag. 58.

Alanus filius Stephani Comitis eidem successit, qui obiit in Britannia tertio kal. Aprilis, anno gratiæ Millesimo **CLXVI**.

Conanus filius Alani Comes Britannici & Richmundiæ successit in Honorem Richmundiæ & desponsavit Margaretam sororem Willielmi Regis Scociæ, ex qua genuit unicam filiam & heredem nomine Constantiam, quam Galfridus frater Richardi Regis Angliæ desponsavit. Iste Conanus edificavit turrem magnam infra Castellum Richmundiæ. Et obiit in Britannia. Begaræ sepelitur anno **MC LXX**.

Constantia filia Conani tenuit honorem prædictum & ex Galfrido fratre Regis habuit filium nomine Arthurum quem Johannes Angliæ Rex occidi fecit & Alienoram incarceratam apud **Corf** post mortem Arthuri fratris sui. Postea duxit eam Ranulphus Comes Cestriæ quæ ab eo propter adulterium divortiata & sine prole generata nupsit cuidam Guidoni de Tearco ex quibus processit filia nomine Adelicia quæ post mortem parentum remansit in custodia Regis Franciæ, quam Rex dedit in matrimonio Domino Petro **Bauclerc** Militi suo cum Britannia. Et obiit in Britannia sepulta apud **Begar**, anno **MCC I**.

Adelicia obiit in Britannia & sepulta apud **Plonarmel**, anno gratiæ **MCCXX**.

Johannes filius Adeliciæ obiit in Britannia, anno Millesimo **CCXXIII**. Nunquam fuit Comes Richmundiæ.

Johannes filius Johannis Comes Richmundiæ desponsavit Beatricem filiam Henrici Regis (Tertii) de qua genuit Arthurum, Petrum & Johannem. Occisus fuit apud Lugdunum in coronatione Domini Clementis Papæ, anno Domini **MCCCXV**, ibidemque sepultus fuit.

Arthurus Dux sed non Comes Richmundiæ filius suus obiit in Britannia & sepultus apud **Plonarmel**, anno gratiæ Millesimo **CCCXI**. Johannes frater Arthuri Comes obiit in Britannia & sepultus apud **Plonarmel**, anno **MCCCXLI**.

Hiscè paginâ in alterâ conscriptis, in altera proximè sequente, ductu quidem vetusto nec adeò inelegante sedens in campo viridante Guili-

^a Anno 1069.

^b Jo. Leland.
apud Holinshedum tom. 3.
pag. 7. Guil.
Camden. Brit.
pag. 591. Thom.
Millesius Catalog.
Honoris
pag. 588.

^c Bertrand.
Argentæus
Hist. Britann.
lib. 4. cap. 38.
Gallicè.

^d Loco antè
citato.

^e Britann. pag.
596.

^f Hist. Britann.
lib. 4. cap. 38.
&c.

^g In Genealog.
illustrum Bri-
tannia famili-
arum Gallicè
Paris 1619.

elmus Rex primus undique armatus coronatusque & sago rubro binis Leonibus auratis depicto indutus, atque copiis militaribus, velut in Eboraci obsidione^a, stipatus tradit diploma Latifundiorum Edwini Comitibus Alano Britannia Comiti armato itidem & Coronulâ insignito sagoque depicto, pro insignibus Britannia Minoris gentilitiis, Quadratis alternatim Aureis & Cæruleis cum angulari, ejusdem figuræ, muris pontici (*Ermins* dici solet) parte induto, & vexillum similiter ornatum dextrâ tenenti genibusque provoluto. Diploma autem, cui sigillum viride appenditur, vetustum illic legitur; idem scilicet ipsum quod à scriptoribus tum Angliæ^b tum Britannia minoris^c exhibetur. Sed demùm operæ pretium, puto, erit studiosis qui Dignitatum ejusmodi successione oblectari solent, allata diligentius comparare cum eis quæ eisdem de Comitibus satis diversimodè etiam inter se occurrunt apud Holinshedum^d ex Joanne Lelando, Camdeno^e, Bertrando Argentæo^f, Augustino du Paz^g, id genus aliis, ut minorum gentium apud nos recensiones eorundem successuum, nec illis nec inter se consonas, prætermittam. Sed hæc extra callem. Historiam autem seu Chronicon, Bromtono tributum, ex jam dictis liquet non dicendum *Jornallense* sed *Jorvallenense*, idque potius à cœnobio qui ejusdem possessor erat, ut statim dicetur, quàm ab Abbate aut aliquo alio cœnobii scriptore. Fateor equidem olim mihi cum aliis, Joannem illum, Bromtonum seu Bramtonum, Abbatem heic pro Autore etiam securè nimis admissum esse. Cæterùm, re accuratius perspectâ, tum alium omninò fuisse autorem non existimare nequeo, tum Joannis Bromtoni nomen in codice Benedictino repertum, non quidem pro Autore sed pro eo qui, dum Abbas erat, monasterio suo Chronicon illud comparaverat, in causa fuisse cur velut pro Autore ipso Abbas ille divulgaretur. Scilicet ibi, sed manu non antiquâ, legitur; *Liber Monasterii Jorenallensis* (pro *Jorevallisensis*) ex procuratione domini Johannis **Bromton** (vicus sic dicitur in Richmondia unde nomen illud natum) *Abbatis ejusdem loci*. Si quis hunc librum alienaverit, delebitur de libro *Vitæ*. Quod solenne est Anathematis quo donationes hujusmodi munire in more erat, carmen. Jam verò hinc discimus ex procuratione ejus, Librum hunc nactum esse cœnobium illud, neutiquam omninò, illum scripsisse. In fronte autem exemplaris Cottoniani circa annos abhinc ducentos amplius conscripti, manu alterâ, etiam seculi nostri scribitur *Joralanensis historia*, cui alterâ adjicitur à Johanne Bramton Abbate *Jornalensi*. Hinc puto adeò fidenter scriptoribus receptum est, hunc Chronici fuisse autorem. Et adjectum illud de Bromtoni nomine, videtur quidem illuc accessisse ex illo tantùm quòd de Bromtoni Abbatis procuratione dictum est, perperam sumto. Quid quod, quum Chronicorum Scriptoribus Monasticis solennius nihil fuerit quàm ipsius, in quo degebant, cœnobii singularia aliquot locis opportunis inserere, ne vestigium quidem insertionis ejusmodi in Chronico hoc reperitur? Ordinis quidem Cisterciensis (cujus erat hoc cœnobium) origo illa notissima anni 1098, in *Burgundia* in loco qui dicitur *Aylismus* (legendum planè *Molismus*) in diœcesi Cabi-

Cablonensi memoratur scriptori huic^a, quisquis ille fuerit, uti etiam non modò initium ejusdem in Anglia circa annum 1130 in *valle Regali* seu *Rivale* sed etiam complurium quæ sub id tempus orta sunt ejusdem ordinis apud nos, maximè in agro Eboracensi, monasteriorum fundatio; cum interim nullibi Jorevallis Abbatiæ, ejusdem itidem Ordinis, originis fundatorisve nominis, cujus tamen tempora ipsa tractat, apud eum mentio. Unde sanè decernendum videtur scriptorem illum non Jorevallensem omninò, nedum Abbatem fuisse. Nec quidem aut Bostono Buriensi, aut Lelando, aut Balæo, nec veterum puto alicui, memoratur hic Joannes ut scriptor. Adeoque potius Autor Anonymus dicendus, nec Liber quidem Jorevallis aliter quam quæ cœnobii illius bibliothecæ donatus ibi asservatus est, indeque posteritati depromtus. Nec Joannes Bromtonus Abbas pro Autore sed Procuratore, cujus beneficio nactum est cœnobiū Anonymum illum, duntaxat agnoscendus. Pertexere autem historiam suam instituerat Scriptor hic usque in Edwardum primum, sicut ipse expressim ait, licet codices ejus sub initia Joannis desinant. Nec quidem Cottonianus quidquam habet post illa de Richardo rege carmina. Corrigendi autem sunt illic^b tum MSS. tum editi in nomine Galfridi qui vocatur in eis *Galfridus de Nine salvo*. Legendum planissimè *de Vīno salvo*, qui Gallis Anglisque suis (nam Anglus erat, unde etiam subinde *Galfridus Anglicus* dicitur) *Vinsaufe* & *Vinesalf* nominari solet. Percelebris is sui seculi poeta fuit, sub Ricardo & Joanne Regibus^c, seu sub annum 1200. Nomen illud sortitum eum esse à libro de Vitibus, Vinis, Fructibus, &c. tutò conservandis inter alios ab ipso diligentius conscripto, qui etiamnum extare dicitur Cantabrigiæ in Archivis Collegii Caii^d, benè quidem conjectavit Joannes Pitseus^e. Habentur autem hexametri versus illi, non in libro aliquo singulari de Richardo Rege, sed in opere penes me aliòsque non rarò MS. necdum opinor typis edito, cui titulum dedit ipse *De Nova Poetria* (sic enim artem Poeticam vocitabant) id est novo, seu reformato tersiorèque poeticè scribendi genere, respectu scilicet habito ad rhythmicum & perquam barbarum genus alterum quod diù antè in usu fuerat. Opus illud, interdum etiam *de artificio loquendi* dictum, dum Romæ agebat, dedicavit Innocentio tertio, è quo ut hominis ingenii Musæque specimina plura cernas, nonnulla huc transcribimus. Innocentium ad hunc scilicet modum salutat;

Papa stupor mundi! si dixerō Papa Nocentī
Acephalum nomen tribuam tibi, si caput addam
Hostis erit nomen metri; tibi vult similari.
Nec nomen metro, nec vult tua maxima virtus
Claudi mensurā; nihil est quo metiar illam.
Transit mensuras hominum. Sed divide Nomen,
Divide sic nomen. In præfer, & adde Nocentī,
Efficiturque comes metri sic & tua virtus
Pluribus æquatur divisa, sed integra nulli.

Egregius

^a Col. 994.
l. 37.

^b Col. 1280.
l. 11.

^c Bal. Cent. 3.
script. 38.

^d Vide Eclog.
Oxonio-Canta-
brig. Archiv.
Coll. Caii num.
74.

^e Etat. 12.
script. 279.

Egregius Sanguis te confert Bartholomæo,
 Mite cor Andrea, pretiosa juvenia Johanni,
 Firma fides Petro, perfecta scientia Paulo;
 Ista simul nulli. Supereſt de dotibus una
 Quam nulli fas eſt pertingere, Gratia Linguae.
 Auguſtine tace, Leo Papa quieſce, Johannes
 Deſine, Gregori ſubſiſte; quid eloquar omnes?
 Eſto quod in verbis aut hic aut ille ſit ore
 Aureus & totus reſplendeat; os tamen ejus
 Impar eſt, orisq; tui præjudicat aurum.
 Trans hominem es totus. Ubi corporis iſta juvenus
 Tam grandis ſenii? vel cordis tanta ſeneſtus
 Inſita tam juveni? Quam mira rebellio rerum!
 Ecce ſenex juvenis! Fidei ſub tempora primæ
 Cum dominus Petro præferret amore Johannem,
 Papatu Petrum voluit præferre Johanni.
 In te, Papa modò, nova res hiis accidit annis.
 Papa ſenex Petrus*, & Papa juvenia Johannis.
 Süntque tui* quales talem decuere. Relucent
 Et circumlucent Papam, quaſi ſidera Solem.
 Tu ſolus mundo quaſi Sol, illi quaſi Stella,
 Roma quaſi Cælum. Me tranſtulit Anglia Romam,
 Tanquam de Terris ad Cælum tranſtulit, ad Vos
 A tenebris velut ad lucem. Lux publica mundi,
 Digneris lucere mihi. Dulciſſima rerum,
 Dulce tuum partire tuo. Dare grandia ſolus
 Et potes, & debes, & vis, & ſcis; Quia prudens,
 Scis; quia clemens, vis; quia magnus origine, debes;
 Et quia Papa, potes, quia talis es & quia tantus.
 Hic mens ſubſedit cum fecerit undique gyrum
 Inque ſuis dandis te prætulit, omnibus unum.
 Totum poſſe ſuum tibi deſtinat, accipe Magne
 Hoc opus exiguum, breve corpore, viribus amplum.

* Sic Ms.

* Cardinales.

Dein vero orditur opus ipſum quod velut Poeticæ etiam & Rhetoricæ
 ſtudioſis ſpeculum ſed omninò metricum facit, Inventionem, Diſpoſiti-
 onem Compositionemque Muſæ ſuæ exemplis copioſius docens. Et
 pro carminis exemplo lugubris tantùm verſus illos de Richardo Rege
 inſerit, cum hoc lemmate,

Temporibus luctûs his verbis exprime luctum;
 Neuſtria ſub chypeo regis &c.

Et poſt horum finem ſeu verba illa *quam longa eſt* (nam ſic ſupplendam
 nemo non videt) lacrima mundi, ſtatim ſequitur,

Contra ridiculos ſi vis inſurgere, plenè
 Surge ſub hac ſpecie, ſed lauda ridiculoſe;
 Argue, ſed lepidè; gere te ſed in omnibus aptè;

Sermo tuus dentes habeat; mordaciter illos

Tange, sed irrisor gestus plus mordeat ore.

Atque ad hunc modum reliqua exhibet de arte loquendi monita. Lugubre autem illud ejus carmen admodum est passim hyperbolicum; & proculdubio eo nomine suggillatur à Galfredo Chaucero, ubi in Monialis Presbyteri fabulâ illâ ingeniosâ de Gallo gallinaceo à Vulpe die quodam Veneris surrepto, instituitur ad Venerem, inter alias, querela quod die suo rem adeo atrocem patrari permiserit. Ideo autem quia vulnus mortiferum etiam acceperat Richardus Rex die Veneris, Galfridus, ut vides, hic noster,

O Veneris lacrimosa dies! O Sidus amarum!

Illâ dies tua nox fuit, & Venus illâ Venenum.

Illâ dedit vulnus.

Atque inde Chaucerus, quasi parilis planctûs ejusmodi, in Galli hæc causâ, ratio lepidè habenda fuisset;

O Venus that art goddesse of pleasance!

Since that thy servant was this Chanticleere,

And in thy service did all his powere

More for delite, then the world to multiplie,

why woldest thou suffer him on thy day to die?

O Gaulfride, deer master Soveraine,

That when that worthy king Richard was slaine

with shot, compleinedst his death so sore!

why ne had I now thy science and thy lore,

The Friday for to chide, as did ye?

For on a Friday, shortly slaine was he,

Than wold I shew you how that I could plaine,

For Chauntecleres drede and for his paine.

* *L. sothli
ex Ms.*

Nempè locum illum Galfridi illius respexisse ibi Chaucerum dubitari nequit, quemadmodum nec dubitavit eruditissimus Camdenus^a. Quod autem ad Chronici hujus auctoris tempus attinet; Certè post Edwardi tertii initia floruisse eum, quisquis fuerit, palàm est. Nam obiter memorat ipse^b Joannæ Edwardi ejusdem Regis Sororis & Davidis Regis postea Scotorum secundi sponsalia ex federe inter Anglum & Robertum Brusium Regem Davidis patrem inita, quæ ad annum attinent Edwardi Regis secundum seu Christi 1328 adeoque ad Parlamentum nimis, ob fedus illud cum Scotis, infame, tunc Northamptoniæ habitum. In Buchanani editis^c, depravatè vocatur Joanna illa *Soror Henrici*. Certè nec de Edwardo tertio nec de aliis ibi simul commemoratis loqui videtur scriptor hic, quasi non etiam tempore jam dicto, aliquot saltem annis, recentior fuisset ipse. Plurima ex Hovedeno sumsit. Et locus ille^d qui Sigillo Willielmi Siciliæ Regis caret supplendus est ex Hovedeno^e, etiam & inde corrigenda ibi^f scriptio (& *Logotheta* substituendum pro *Logoteca*) quemadmodum etiam è Gervasio Dorobernensi^g. Alia in subscriptionibus illis tum ut heic habentur tum ut in Ludovici

^a *In Reliquiis
Anglicè Lon-
dini 1614.
pag. 322.*

^b *Anno 1069.
Col. 967. l. 42.*

^c *Rer. Scotic.
lib. 8. Reg. 97.
Francof. 1592.*

^d *Col. 1114.*

^e *Anno 1176.*

^f *Lin. 31.*

^g *Col. 1437.
lin. 34.*

^a Originale
delle medaglie
pag. 36.

Parutæ Siciliam^a ex Hovedeno, cum figilli figurâ, sumuntur, benè invicem collata corrigi hinc itidem queunt.

^b Bal. Cent. 3.
script. 48. Pit-
sens Æt. 13.
script. 285.
Vossius de Hi-
storicis Lat.
lib. 2. cap. 56.

^c Ms. in bibli-
oth. publica
Oxonienf.

^d Col. 1291.

^e A Joanne Pi-
cardo ante An-
selmi opera
Col. Agrip.
1612.

VIII. Gervasius Dorobernensis seu Cantuariensis, monachus ibi Benedictinus, floruit sub Joanne Rege, seu anno Christi 1200, biographis^b editis satis laudatus. Claruisse eum anno 1128 hallucinatus scripsit Gesnerus. Lelandus^c autem de eo, *Gervasius Dorobernensis monachus Fanum Servatoris, eruditione insignis multâ, illustravit. Studuit, supra quàm cuiquam credibile, antiquarum rerum cognitioni, quo nomine ingentem historiographorum numerum collegit, præcipuè vero eorum qui res Britannicas & Saxonicas accuratè tractabant. Unde & ipse tandem in harenam descendens periculum ingenii fecit edito volumine planè egregio, in quo tum Britannorum ab origine historiam tum Saxonum & Nortomannorum fortia facta usque ad imperium Joannis Regis Angliæ deduxit, diligentia quidem inexhausta. Deinde, industria non minori, vitas Archiepiscoporum Cantianorum perscripsit. Præterea, ad cumulum addidit librum de Regiunculis Britanniae primæ deque sedibus Pontificiis in ea constitutis ac demique de monasteriis in eadem à Nobilitate constructis. Hactenus de Gervasiani ingenii fætura. Sic Lelandus. Locus verò apud Gervasium habetur perquam singularis, Eadmeri, scriptoris decadibus aliquot annorum eo antiquioris ac celeberrimi, maximè animadvertendus, nec adeò facilè forsan ritè intelligendus, quem præterire heic nequibam. Eadmerum descripsisse ait in opusculis suis (ubi nimirum de Combustione & reparatione Dorobernensis Ecclesiæ agit^d) veterem Ecclesiæ illius, igne, bis ante combustionem de qua Gervasius, etiam & antequam de ea scriberet Eadmerus, consumpta. In descriptione illa, quam verbatim ex Eadmero affert, inter reliqua, *Sub medio, inquit ille, longitudinis aule ipsius (Ecclesiæ; Navis ex Jure Pontificio nuncupari solitæ) duæ turres erant prominentes ultra Ecclesiæ alas. Quarum una quæ in austro erat sub honore beati Gregorii papæ altare in medio sui dedicatum habebat, & in latere principale hostium Ecclesiæ quod antiquitus ab Anglis & nunc usque **Suthdure** dicitur. Quod hostium in antiquorum Legibus Regum suo nomine sapius exprimitur. In quibus etiam omnes Querelas Totius Regni, quæ in Hundredis vel Comitatibus uno vel pluribus, vel certè in Curia Regis non possent legaliter diffiniri, finem inibi, sicut in Curia Regis summi, sortiri debere discernitur. Alia verò turris in plaga aquilonali è regione illius condita fuit, in honorem beati Martini, claustra in quibus monachi conversabantur hinc inde habens. Et sicut in alia Forenses lites & secularia placita exercebantur, ita in ista adolescentiores fratres in discendo ecclesiastica officia die ac nocte, pro temporum vicibus, instituebantur &c. Hic situs fuerat, inquit, ecclesiæ Cantuariensis veteris. Suo verò tempore, seu sub Henrico primo, omnia ibi nova fuisse ait, utpote à Lanfranco instaurata, postquàm incendio perierant. Adeoque etiam instauratum tunc Ostium illud Australe cujus an tunc idem quem memorat ille usus forensis maneret, non satis ex eo liquet. Quoniam in opusculo scripserit hoc Eadmerus, mihi nondum constat. Certè nec in historia ejus Novorum, nec in Anselmi vita Edineri nomine edita^e reperitur. Suspikor equidem S. Wilfridi Archiepiscopi Eboracensis**

ensis vitæ ab eo conscriptæ illud esse insertum. Vitam illam nondum vidi. Sed ibi haberi hoc suadet illud quod paulò ante apud eum occurrit de Wilfridi corporis Cantuariam translatione, unde occasio ei sumpta jam allata scribendi. Sed interim perquam mirum videtur illud, *Ostium hoc* seu **Suthdure**, in antiquorum legibus Regum suo nomine sæpe exprimi. Certè *Leges*, quæ nomine illo supremarum Potestatum, in Regimen futurum, Constitutiones ac Sancita denotari solent, quamplurimæ habentur & Anglosaxonice & Latine scriptæ editæque, Regum nempe qui Eadmero heic antiqui dicti, seu Inæ, Alfredi, aliorum etiam usque in Willielmum Primum. Atqui in illis tantum abest ut sæpe nomen Ostii illius exprimat, ut planè nullibi, sic opinor, illic reperiatur. Adeò fidelis tamen ac gravis mihi scriptor est Eadmerus, ut de re ipsa, quomodoque intelligi debeat, dubitare nequeam. Nonne igitur alia heic, dum in *Legibus* exprimi ait, *Legum* vocis consideratio ineunda? alia ejusdem notio quærenda? quali quidem admissâ, *In legibus*, juxta notionem ejusmodi, quas plurimis abhinc seculis periisse, nullibique in voluminibus suis jam comparere certum est, nomen hujus Ostii, in rem quam innuit Eadmerus, sæpe exprimi potuerat. Nemo scilicet nescit *Legum* nomine sæpius venire non solum Sanctiones ac Constitutiones, verum etiam virorum prudentum Consulta^a, unde etiam inolevit ut Jurisconsultis Cæsareis, ad Digesta & Codicem scribentibus aut inde quidquam citantibus, solenne olim fuerit hodièque sit, non magis Codicis Constitutiones quàm tot veterum Prudentum Consultorum, Decisionum, Opinionum, id genus aliorum fragmenta in Digestis reperta, nec tamen pro Legibus seu Constitutionibus confirmata, sed utcunque illuc à Justiniano traducta, *Leges* nuncupare, tametsi quidem doctis aliquot^b eo nomine neutiquam fuerint irreprehensi. Sed interea nonne cum ratione existimari potest, etiam hac notione, fortè Eadmeri ævo satis receptâ, Decisiones forenses ac Judiciorum formulas sub *antiquis* sic illi dictis *Regibus*, sive in actis tunc ipsis publicis sive in Commentariis Privatorum inde descriptis sive in utrisque habitas, ab eo intelligi per verba illa in *Legibus*, quarum sanè, hac notione sumtarum, codices qualescunque compluria ante secula funditus periire, atque cum eis Ostii illius expressio ejusmodi? Quasi dixisset juxta linguam nostram jam usitatam **in the Rolls or Records of the ordinary Courts of Justice, or in the Reports, or Peerbooks, or Lawbooks of the ancient Kings**, quâ notione **the Laws** etiamnum usurpatur. Decisionum, Formularum & Commentariorum id genus illorum temporum vestigia aliqua quidem sed rarò satis habentur in libro illo percelebri **Domesday** dicto ac interdum etiam in Schedis aliquot aliis ubi lites coævæ Regibus illis antiquis memorantur. Sed Ostii hujus in illis, ni fallor, nondum reperta mentio. Nec sanè quidquam quod pro satis integra forensi illiusmodi per secula illa apud Anglosaxones formula sumendum videatur, hætenus vidisse me memini. Conjectare autem, etiam & credere par est, sub *Antiquis* illis *Regibus* seu tam Anglosaxonicis quàm Normannis, Ead-

^a Papinian. l. 1.
D. de legibus.

^b Laur. Valla
Elegant. lib. 4.
cap. 48. Vacinius à Vacuna
lib. 6. Declaratione 79. §. 2.

meri scriptionem hanc antevertentibus, superstites fuisse Formulas ejusmodi & Decisiones ac in Codicum seu Voluminum qualiumcunque corpora, temporum serie, dispositas esse, juxta atque postmodum, idque, ut videtur, exemplo vetustiorum illorum seu more majorum, usque in ævum nostrum usus obtinuit in Annalibus Decisionum ac Disputationum, in Tribunalibus summis habitarum, digerendis, quos non solum **Peerbooks** seu *Annales* ut Regum nomine distingui solitos vocitamus sed etiam signantiùs **Lawbooks** *Legis libros*, ubi planè *Legis* notio haud propriè alia quam ea quâ Decisio, Formula, Disputatio forensis significatur. Neque enim libris in illis Constitutiones, Sanctiones, Statuta, aut quid ejusmodi, quâ tale, aliter atque Judiciis ac Disputationibus subinde necessariò adhibetur, omninò reperitur. Atque ut Jurisconsultis jam nostris habentur codices ejusmodi aut eorundem fragmenta aliquot passim prostantia, idque ab Henrico tertio Rege usque in tempora nostra, eaque sive continuata sive variatim intercisa, ita temporum ab Henrico illo retrò putatorum usque in Willielmum primum, seu per annos 140 ætorum, codicibus ejusmodi usi sunt Jurisconsulti apud nos veteres, idque etiam Richardi secundi Regis seculo, seu circa annos abhinc 250, nisi velut hyperbolâ poeticâ fallat Galfredus Chaucerus, vir planè ut aliàs scientissimus ita tum Juris Anglicani peritus tum ejusdem consultiorum moribus, libris, studiorumque rationi, maximè in collegio Jurisconsultorum quod *Interius Templum* dicimus, cujus socius ipse erat, perquam adsuetus. In elegantissimis nempè eorum quos fabularum suarum Cantuariensium, sub tempus jam dictum conscriptarum, facit Auctores, characteribus, *Servientis ad Legem*, quo nomine primaria Juris Anglicani consultorum dignitas, cis eam quæ eorum est qui pro Tribunali ut Judices summi sedent, veluti Doctoris aut Antecessoris denotatur (licet *Judices* nostros *Doctoribus* & *Servientes Baccalariis* respondere, temerè nimis velit Joannes Rosius Warwicensis^a) mores ac doctrinam describens, interserit,

In tearmes had he case and domes all

That fro the time of King William was fall.

id est *Temporibus statis*, seu diebus *pro more fastis* (quos **Terms** dicimus) *distinctas causas habuit universas ac Judicia quæ à tempore Willielmi Regis evenère*. Certè æquum est ut itidem sentiamus, tempore Guilielmi Regis seu Eadmeri seculo, Causas ejusmodi Antiquorum tunc Regum, id est, Judicia in tribunalibus eorum lata, è Codicibus qualibuscunque aut Actis Tribunalium illorum publicis edisci potuisse. Et certè notione jam dictâ sumendum illud ibi Eadmeri in *legibus Regum antiquorum* suadet id quod in eis *discerni* dicitur de *Querelis*, quæ *legalitèr non possent alibi diffiniri, finem inibi sortiri debentibus*, qualis locutio non tam Constitutiones Regias seu Leges notione magis vulgari, quàm acta eorum forensia, juxta jam dicta, sapere videtur. Sed verò impensè miranda est Jurisdictionis heic prodigiosa amplitudo, nec sanè minor, ut verba sonant, quàm si dixisset summum ibi, quoad Causas etiam totius Regni

^a Ms. in bibliotheca Cottoniana fol. 90. 2.

Regni omnimodas, imò & Regiis superius Tribunal Archiepiscopale ibi locum tunc habuisse, idque in legibus, quas diximus, discerni. Res quidem aliunde perquam inaudita & Juri, apud majores nostros, tum Regio tum Populi, quale tunc & semper postea viguisse recipitur, undiquaque diffona. At nihilominus habetur etiam, apud Petrum Blefensem, Jurisdictionis ejusmodi Cantuariensis, saltem ejusdem reliquiarum imaginisve sub Henrico secundo Rege ac Thoma Archiepiscopo vestigium sanè luculentum. Degebat Petrus ille, ut minister ac famulus etiam & Archidiaconus^a Cantuariensis, in ædibus Archiepiscopi illius, quod vitæ genus omninò aulicum tunc erat splendidissimūque. Eo nomine eum acerbius literis insectabatur nescio quis Ludimagister, instantius illum nec sine convitio urgens, ut in Scholas umbratiles & meditandi contemplandique secessus, inde se quantocius reciperet. Quod sanè indignissimè ferens Petrus^b, illum ut procacem nimis ac intempestivum viriliter redarguit. Atque inter reliqua à nobis alibi^c ex eo adducta, collegium ibi florere ostendit etiam Jurisconsultorum, quorum pars ipse magna, & omnes, inquit, *questiones Regni nodosæ referuntur ad nos*. Videtis ibi cætera. Sed de hisce porrò viderint perspicaciores. Certè neque in Epistolis Lanfranci, nec Anselmi, nec Joannis Sarisburiensis (in quibus, utpote satis coævis ac generis itidem hieratici hominibus atque res tunc forenses subinde tractantibus, Jurisdictionis, si qua seculis illis istiusmodi fuisset, sive testimonia expressa sive vestigia ut occurrerent, cum ratione esset expectandum) nec quantum scio alibi omninò comperta sunt qualia sive hoc loco Eadmerus sive Petrus Blefensis, veluti sibi seculisque suis notissima, tradidere. Atque adversissima hisce habentur in Constitutionibus illis notissimis Parlamentariis Henrici secundi, seu temporis quo etiam floruit Blefensis, Clarendonensibus^d dictis, ut id genus alia prætermittam. Locus etiam apud Gervasium singularis de *Legibus & Causidicis* primò in Angliam vocatis, dignissimus est qui heic advertatur expliceturque. Notissima est ex historicis obviis, controversia gravissima sub Stephano Rege, inter Theobaldum Archiepiscopum Cantuariensem & Henricum, fratrem Regis, Episcopum Wintoniensem de Jure & Commodo Legationis à latere heic continuo. Eâ Romæ acerrimè agitatâ, oriuntur hinc inde, ut scribit Gervasius, *Discordiae graves, Lites & Appellationes antea inauditæ*. Tunc **LEGES & CAUSIDICI** in Angliam primò vocati sunt, quorum primus erat magister Vacarius. Hic in Oxonfordia legem docuit &c. De juris tantum Cæsarei, Canonico sive conjuncti sive potius nimium immergi complicatique peritis, eorumque in Anglia tunc Origine locus planè capiendus, uti & de juris ejusdem librorum usu publico, qua de re & de Rogerio illo Vacario heic memorato, fusiùs nos alibi^e. Adjicere heic liceat, quasi statim postea cœptum esse codices, summâ cum diligentia, utriusque Juris jam dicti, Monasteriorum in Anglia aliorumque ibi comparari bibliothecis, quod satis elicere est ex historia MS. Monasterii Petro-

^a Bal. Cent. 137 script. 21.

^b Epist. 6.

^c Dissertat. ad Fletam cap. 8: §. 1.

^d Matth. Parisius anno 1164. Ad finem Quadriologi seu Vita Thome Archiepiscopi Cantuariensis, Jo. Sarisburiensis. Epist. 159. Goldastus Constit. Imperial. tom. 3. pag. 346. etiam in Chronic. Gervasii col. 1386. Et videtis eundem col. 1389. &c. & compara cum Rogero Hovedeno part. 2. ann. 1165. & Gervasium ibidem col. 1409.

^e Dissert. ad Fletam cap. 7. §. 3. 4. &c.

burgenſis à Roberto de **Swapham** (ut credi ſolet) tempore Henrici tertii aut circiter conſcripta. Scilicet Benediſti Abbatis Petroburgenſis, qui cœpit anno 1177 ſeu 23 Henrici ſecundi & mortuus eſt 1194 ſeu Richardi primi ſexto, eximiam dignitatem (chariſſimus enim erat Richardo Regi conſiliarius atque ab eo Pater dici ſolitus) atque res in Abbatia commodum ab eo geſtas is enarrans, deſcribi eum feciſſe ait plurimos libros, quos enumerans, partim Theologicos, partim Juridicos aliòſque, Juridicos ad hunc modum recenſet, *Decreta Gratiani, Item Decreta Gratiani, Summa Ruffini de Decretis, Summa Johannis Faguntini de Decretis* (forte Joannes Faventinus innuitur, apud Geſnerum è Matthæo Dreſſero memoratus; qui tamen in Nevizani, Gomeſii, Fichardi, Zileti, Freymonii, Antonii Auguſtini, Guidi Panzirolli diligentioribus Juriconſultorum nominum collectionibus, ni fallor, non omninò reperitur) *Decretales Epistolæ, Item Decretales Epistolæ, Item Decretales Epistolæ, cum summa ſic incipiente, O LIM, Institutiones Juſticiani (Juſtiniani) cum Antenticis & Infortiato, Digestum vetus, Tres partes, cum Digesto Novo, Summa Placentini, Totum Corpus Juris in duobus voluminibus*. Certè haud parùm tunc apud Anglos creviſſe ſtudia Juris utriuſque, quæ paulò antè heic incepta ſunt, ex hiſce difficile non eſt conjectare. Et de Gervasio, hætenùs.

IX. Sequitur Thomas **Stubbes**, Stobæus itidem interdum dictus. Is ſuum in ævum, ſeu in Edwardum tertium annùmve quaſi 1360, Pontificum Eboracenſium ſucceſſionem & actus deduxit. Lelandus^a; Thomas Stobæus aliàs **Stobbes** à Leandro Alberto, libro quarto de illuſtribus Prædicatoriæ ſectæ viris, luculentè celebratus eſt. Scripſit librum cui titulus, Statutum contra impugnantes Eccleſiaſticas conſtitutiones; De ſtipendiis Prædicatoribus verbi Dei; de Perfectione vitæ ſolitaria; De arte moriendi. Plura de eo habes apud Balæum^b, cujus in librorum illius recenſione, is qui heic editus de Archiepiſcopis Eboracenſibus memoratur. Celebratur itidem à Geſnero, atque ex eo à Poſſevino, uti & ab Antonio Senenſi in Prædicatorum bibliotheca, & demùm à Gerardo Voſſio^c in editione Hiſtoricorum Latinorum ſecunda.

X. Guilielmius **Thorne** monachus cœnobii Cantuariæ Auguſtiani Benediſtinus à Lelando MS. Balæo^d, Piſſeo^e, Voſſio^f, celebratur. Eadem quæ Lelandus habet verba ex eo affert heic Balæus, excepto tamen, mutandum eſſe ex Lelando illud Balæi, *Eum tanta uſum fuiſſe diligentia in illuſtrandis ſui cœnobii rebus, quo vix clarius aut antiquius ullum habet Britannia noſtra monumentum &c.* in eum tanta uſum fuiſſe diligentia in illuſtrandis cœnobii ſui quo vix clarius aut antiquius ullum habet Britannia noſtra, monumentis &c. Ita Lelandi ſenſum & verba ipſa habes. Idem eſt qui Geſnero & exſcriptori ejus frequenti Poſſevino dicitur Guilielmus **Thorney** & tribuitur anno 1334, qui eſſe debuit 1380 aut circiter.

^a Ms. in Bibliothec. publica Oxoniens.

^b Cent. 6. ſcript. 36.

^c Lib. 3. cap. 2.

^d Cent. 6. ſcript. 63.

^e Et. 14. ſcript. 660.

^f De Hiſtoric. Lat. lib. 2. cap. 61. & lib. 3. cap. 3.

XI. Henricus **Knighton** (sic scribi solitus) Canonicus Abbatiae Leicestrensis, sub tempora claruisse dicitur Richardi secundi Regis, in cujus fermè exitum historiam suam ab Willielmo primo, præmissis libri primi compendio de rebus aliquot Saxonis & Normannicis, seu in annum 1395 deduxit. Citatur Joanni Rosso Warwicensi^a unde solum tum Lelando tum Balæo notus, nec eorum alterutri visus. Ipsissima, quibus uterque tantundem fatetur, verba de eo Lelandi leguntur apud Balæum^b, è quo etiam eum memorat Gesnerus. Exemplaria ejusdem MSS. habentur bina in bibliotheca Cottoniana, quorum alteri nec ornatus in fronte ullus nec titulus, alteri verò titulus in fronte antiquitus minio conscriptus est *Cronica Leycestrensis*, ubi in ora libri itidem adjicitur, *Compilatio Henrici de Knighton Canonici Abbatiae Leycestrensis, de Eventibus Angliæ*. Profitetur in præfatione se *Cistrensis* laudisflui *Cronographi*, *Libri septimi seriem de verbo ad verbum inscribere proponere*, suaque aliunde allata, quæ quidem fusissima sunt, intermixturum adjecturumque. Id est, Ranulphi monachi Cestrensis Polychronici quod satis universalis est ab initio rerum Historia. Ejus autem liber septimus in Willielmo Rege primo incipiens, in exemplaribus aliquot extenditur etiam in postrema Edwardi Regis tertii tempora seu annum 1377, ut in codicibus Bibliothecæ Arundellianæ aliarumque ac peroptimo penes me ejusdem Codice, cui antiquitus subjicitur, *Explicit liber septimus, Historiæ Polichronici ultimus*, & dein *Præsentem Cronicam compilavit frater Ranulphus Cestrensis monachus*, quæ verba quomodo ab ipso autore sibi primo in libro designata sunt, statim indicabimus. Sed verò in eodem codice ad annum 1344 inceptum, antiquitus adnotatur, *Usque huc scripsit R. seu Ranulphus*. Sic enim antè sæpius Ranulphus ipse se in opere illo innui voluit. Exit autem ejusdem liber septimus Knightono^c, annis aliquot antè. Videsis quæ de eo historiæque ejus tempore habent variatim biographi^d. Certè maximo eum apud majores nostros fuisse præ cæteris in pretio, inde satis liquet quòd tot ejusdem codices veteres MSS. ac etiam perpulchrè exarati, in bibliothecis tum publicis tum privatis etiamnum reperiantur, & quòd præ aliis dignus habitus sit annis abhinc quamplurimis qui in Linguam verteretur Anglicanam. Versio illa typis etiam superioribus seculis bis edita est, & ab interprete, Joanne scilicet de Trevisa, etiam in Edwardi quarti initia continuata. Etiam Lelandus in MS. ejus vita laudibus illum impensè efferens & in Polydorum Vergilium velut minoris multo æstimandum & qui veteribus Britanniarum Anglorumque scriptoribus fœdè abusus fuerat acriter, dum vixit ille, invecus, *Plura hîc dicerem*, inquit, *de Polydori arrogantia nisi stomachum ejus timerem, quem tamen non usque adeò timeo quin apertè ausim adfirmare Ranulphum in eruendis mysteriis antiquitatis Britannicæ δὲ Ἀγ. πατρὶν illo superiorem fuisse, si spectes provincias in quibus versatus fuit; nempe Salapiam, Davaniam, Luniam, Doroventaniam*. Sic ille. Quòd vero ad nomen scriptoris hujus verum attinet; id quidem ediscendum monuit ipse è literis initialibus capitum sexdecem Libri primi, satis imitatus etiam hac in re

^a Ms. in biblioth. Cotton. fol. 112.2.

^b Cent. 6. script. 48.

^c Lib. 4. col. 2569.

^d Balæus edit. priori fol. 141. 2. Cent. 6. script. 12. Gesnerus, Pitsæus Et. 14. script. 641. Vossius de Historicis Latinis lib. 3. cap. 2. Arnoldus Wion in Ligno vite lib. 2. cap. 77.

Ranulphum Cestrensem cujus adeò est aliàs sequax. Ranulphi nempè mei, ut sæpiùs aliorum, elegantius auro coloribúsq; variis ornatí frons minio exhibet carmen hoc, seculi sui barbarismo consonum,

Grammata dant prima capitalia nomen Agentis.

Nimirum initiales literæ cujusque Capituli libri primi, usque ad 52, in verba coactæ ita leguntur, *Præsentem Cronicam compilavit frater Ranulphus Cestrensis*, unde tum illud quod antè memoravimus ad codicis mei finem, tum quod verbis totidem apud Pitseum habetur ex codicis alicujus veteris fronte sumtum. Haud ita dispari modo Knightonus literis initialibus capitum XVI libri secundi (nam primus velut apparatus tantum locum sequentibus obtinet) nomen suum ad hunc modum designat, *Henricus Cnitton*, unde etiam Lelandus in vita ejus MS. *Knightoduno* suo suprà scriptum habet *Cnitiodunus*, ut aliam nominis lectionem. Et de hisce tandem satis supérque.

Ex ædibus Carmeliticis
Londini X Maii Juliani
MDC L II.

INDEX AUTHORUM ET TRACTA- tuum in hoc volumine.

SIMEONIS Dunelmensis

H istoria <i>Dunelmensis</i> Ecclesiæ	Pag. 1
De archiepisc. <i>Eboraci</i>	Col. 75
De obsidione <i>Dunelmi</i>	Col. 79
Historia de gestis regum <i>Anglorum</i>	Col. 85

JOHANNIS Prioris Hagustaldensis

Historia xxv. annorum	Col. 257
-----------------------	----------

RICARDI Prioris Hagustaldensis

Tractatus de statu & episcopis <i>Hagustaldensis</i> ecclesiæ	Col. 285
De Gestis Regis <i>Stephani</i> & de bello <i>Standardii</i>	Col. 310

Serlonis monachi

Descriptio belli inter regem <i>Scotiæ</i> & Barones <i>Angliæ</i>	Col. 331
--	----------

AILREDI Abbatis Rievallensis

Descriptio belli <i>Standardii</i>	Col. 337
Genealogia regum <i>Anglorum</i>	Col. 347
Vita <i>Edwardi</i> Regis & Confessoris	Col. 369
Historia de sanctimoniali de <i>Wattun</i>	Col. 415

RADULPHI de Diceto Decani Londoniensis

Abbreviationes Chronicorum	Col. 429
Imagines Historiarum	Col. 525
Series causæ inter <i>Henr.</i> regem & <i>Thom.</i> archiep.	Col. 711

JOHANNIS Brompton Abbatis Fornallensis

Chronicon ab anno Domini 588. ad ann. Domini 1198.	Col. 725
--	----------

GERVASII monachi Dorobornensis

Tractatus de Combustione & reparatione <i>Cant.</i> Ecclesiæ	Col. 1289
Imagines de discordiis inter monachos <i>Cant.</i> & <i>Baldew.</i> arch.	Col. 1303
Chronica, &c.	Col. 1338
Vitæ Pontificum <i>Cant.</i> Ecclesiæ	Col. 1629

*THOMÆ Stubbs Dominicani**Vitæ Eboracensium Archiepiscoporum*

Col. 1685

*Radulphi archiep. Cant.**Epistola Calixto papæ de primatu*

Col. 1735

Decreta papalia de primatu Cant.

Col. 1749

*GUILLIELMI Thorn monachi S. Aug. Cant.**Chronica de rebus gestis abbatum S. Aug. Cant.*

Col. 1757

*Incerti auctoris**Evidentiæ ecclesiæ Christi Cant.*

Col. 2207

Chronologia S. Augustin. Cant.

Col. 2229

Sursum redditio abbathiæ S. Aug. Cant.

Col. 2293

*HENRICI Knighton Canonici Leicestrensis**Chronica de eventibus Angliæ, &c.*

Col. 2311

Depositiō Regis Ricardi secundi

Col. 2743

*Adæ episcopi Herefordensis**Apologia*

Col. 2764

Simeon

S I M E O N

MONACHUS DUNELMENSIS

De { *Dunelmensi Ecclesia.*
Gestis Regum *Anglorum* :

Cum continuatione *Joh. Prioris Hagustaldensis.*

R I C H A R D U S

PRIOR HAGUSTALDENSIS

De { *Statu & episcopis Hagustaldensis Ecclesiæ.*
Gestis Regis *Stephani* & bello *Standardi.*

Nunc primum edita ex MSS. codicibus fideliter collatis.

21 MEM

MONARCHS OF THE

OF THE

RICHARDS

PRINCE OF WALES

OF THE

Incipit Apologia Simeonis monachi.

Exordium Dunelmensis ecclesie describere majorum auctoritate jussus, ingenii tardioris & imperitia mihi conscius, non obedire prius cogitaveram: sed rursus obedientie hoc precipientium plusquam meis viribus confidens, juxta sensus mei qualitatem studium adhibui. Ea scilicet quae sparsim in scedulis invenire potui, ordinatim collecta digessi: ut eo facilius peritiores, si mea non placent, unde sua peritia opus conveniens conficiant, in promptu inveniant. Præterea lectorem petimus, ut tam pro illo qui hoc opus fieri jusserat, quam pro illo qui obediendo jussis id studio & labore perfecit, Domino Jesu Christo preces fundere dignetur. Sed & pro omnibus, quorum hic nomina viderit, divinae pietatis abundantiam invocare meminerit. Vivis quidem postulans sanctae professionis augmentum, et bona perseverantiae in futuro pramium; & defunctis, ut percepta venia peccatorum, mereantur videre bona Domini in terra viventium. Verumtamen quibus non vacat, vel legere plurima non valent: Hoc si voluerint, legant opus, compendiosa brevitate poterunt scire.

Explicit Apologia Simeonis monachi.

INCIPIT PRÆFATIO REVERENDI

Simeonis monachi & præcentoris ecclesiæ sancti Cuthberti

Dunelmi, in historia de exordio Christianitatis & religionis totius

Northumbriæ, de fide & origine sancti Oswaldi regis & martyris, & de prædicatione sancti Aidani episcopi.

Regnante apud *Northimbros* Christianissimo rege & postea martyre *Oswaldo*, vir eximiæ sanctitatis *Aidanus*, primus in regno ejusdem regis verbum fidei prædicans, primus *Lindisfarnensis* sive *Dunelmensis* ecclesiæ fuit episcopus, sedemque episcopalem simul & monachicam, ut venerabilis presbiter, & monachus, *Beda* in historia *Anglorum* attestatur, in ipsa ecclesia habitationem jubente rege præfato & cooperante instituit, anno ab incarnatione Domini 635. Ex hac ecclesia omnes ecclesiæ & monasteria provinciæ *Berniciorum* sumpserunt exordium. Regio enim *Northanhymbrorum* in duas dividitur provincias, *Deirotum* scilicet & *Berniciorum*. Permanfit autem in præfata ecclesia monachorum congregatio nobilis & religiosa, per 240. annos. Exinde crudelis barbarorum manus innumeris navibus in *Angliam* transvecta, omnia quaquaversum depopulans, etiam reges qui tunc plures erant *Anglorum*, inter quos & *Edmundum* martyrem gloriosum interfecit. *Northanhymbrorum* autem provincias atrocius devastans, omnes ecclesias, omnia monasteria ferro & incendio delevit, adeo ut nullum pene Christianitatis signum post se discedens reliquerit. Vix episcopus supradictæ ecclesiæ *Eardulfus* cum incorrupto sancti *Cuthberti* confessoris corpore fugiens, evasit mortem cum paucis. Porro monachi qui loci reverentia confidentes remanserant de ecclesia extracti, alii in mare ab hostibus submersi, alii captivi abducti, alii detruncati, alii aliis tormentis miserabiliter affecti, omnes simul interierunt. Tali modo monachica congregatio defecit apud corpus sancti *Cuthberti*. Porro jam memoratus episcopus & post eum aliquot sui successores, dominantibus per multos annos in provincia barbaris, cum sacri corporis thesauro incertis huc illucque sedibus vagabantur, nusquam ante faciem barbarorum & gladii imminantis habentes requiem, donec pace reddita, & facta divinitus revelatione, in *Dunelmum*, ubi nunc requiescit, perlatum sit. Peremptis autem, ut dictum est, memoratæ ecclesiæ monachis, parvuli qui inter illos nutriebantur & instituebantur sub disciplina diligenter, quoquo modo evadentes manus hostium, corpus quidem sancti Confessoris comitati sunt: sed tradita sibi districtione paulatim postposita, ecclesiasticam disciplinam odio habuerunt, remissioris vitæ illecebras sequuti. Nec erat qui eos sub ecclesiastica censura coereret, utpote cultura Dei destructis monasteriis & ecclesiis pene deficiente. Seculariter itaque omnino viventes, carni & sanguini inserviebant, filios & filias generantes. Quorum posterii per successionem in ecclesia *Dunelmensi* fuerunt nimis remisse viventes, nec ullam nisi carnalem vitam quam ducebant, scientes nec scire volentes. Clerici vocabantur, sed nec habitu, nec conversatione clericatum prætendebant. Ordinem psalmodiarum in canendis horis secundum regulam sancti *Benedicti* institutum tenuerunt. Hoc solum à primis institutoribus monachorum per paternam traditionem sibi transmissum servantes. At *Willielmo* majore regnum *Angliæ* adepti, cum ecclesiarum & monasteriorum recalesceret religio, *Walcherus* de clero *Leodiensis* ecclesiæ in præsulatum ecclesiæ *Dunelmensis* fullimatur, vir natu nobilis, sed prudentia & honestate nobilior. Videns in ecclesia nec sui ordinis clericos, nec monachos, graviter indoluit. Quippe quos nec ad emendatiorem vitam, nec ad mores ecclesiasticos corrigibiles invenit. Relegens autem historiam *Anglorum* & vitam sancti *Cuthberti*, quæ utraque venerabilis *Beda* composuit, repperit monachorum congregationem à primo ipsius ecclesiæ præfule *Aidano*, & *Oswaldo* rege, ut supradictum est, ibidem locatam, & ante præsulatum sancti *Cuthberti*, & post, ad corpus ipsius Deo deservisse, donec, sicut dictum est, hostilis impietas eam funditus extinxisset. Cogitans ergo antiquum in ecclesia restaurare servitium, Deum oravit, ut actiones suas aspirando præveniret, & adjuvando prosequeretur. Nec multo post quidam spiritu pauperes monachi in australibus *Angliæ* partibus divinitus commoti, ut Deo servituri in provincia *Northanhymbrorum* peregrinarentur, ad episcopum venerunt *Walcherum*, rogabantque ut in suo eis episcopatu ubi possent habitare, & si quos forte valerent servituros Deo sibi liceret aggregare. Lætior solito fit episcopus, eosque quasi à Deo sibi missos dulciter amplectitur, & reddita Deo gratiarum actione, benignissime suscipit. Mittenfque illos in *Gyrum* & *Wiramuthe*, duo sui episcopatus loca ubi sanctorum quondam fuerant habi-

habitationes, ibi præcepit interim manere, sibi que quos possent in Dei famulatum associare, donec processu temporis & maturo consilio constructis habitaculis, eos monachos monachi simul & episcopi *Cuthberti* corpori vicinius adjungeret. Fecerunt ut iusserat, & reædificantes destructa Sanctorum habitacula, exemplo vitæ, & doctrina nonnullis profuerunt ut mundo abrenunciantes, eos propositi sui comites haberent. Exultat in his vehementer episcopus, quoniam per hos sperabat sacræ religionis augmentum, ubi pene totius honestatis & pietatis invenerat defectum. Interim circa parietes *Dunelmensis* ecclesiæ jactis fundamentis, coepit ædificare habitacula monachorum habitationi congrua. Sed priusquam ea perficeret, crudeli suorum manibus morte præventus est. Cui succedens in episcopatum *Guilielmus*, vir, ut omnes qui cum noverant attestantur, magnæ prudentiæ & consilii, locum ecclesiastica & monastica destitutum observatione ingemuit. Revolvens & ipse antiquorum scripta, ecclesiam illam à monachis, videlicet *Aidano* monacho & pontifice, & à monachis quos secum adduxerat, in primis fundatam repperit, & perfectam : sed à paganis monachos interficientibus primæva servitute destitutam. Itaque decrevit Deo authore antiqua restaurare, quæque prædecessor suus inceperat, ad effectum perducere. Alloquitur primo illos quos in ecclesia invenerat, ut vel clerici regulares, vel monachi fierent, ut quovis ordine disciplinati vitam ducerent. Sed quoniam durum eis erat assueta relinquere, & in veteri mente nova meditari, neutrum admiserunt. Episcopus regi magno *Guilermo* universa replicans, & quæ in libris scripta de ecclesia sæpedita, & quæ nunc in ea invenerat, mox ab ipso rege ad beatæ recordationis *Gregorium* septimum papam mittitur, tam de his cum consulturus quam de aliis quæ sibi mandaverat. Cui cum de beati patris *Cuthberti* sanctitate quædam licet pauca dixisset, illius per omnia sibi placuit consilium, ut videlicet monachos quos in duobus episcopatus locis *Guiramuthe*, & *Girwe* invenerat, in unum coram sancto illius corpore congregaret, quia episcopatus parvitas ad tria monachorum coenobia non sufficeret. Hoc quoque Apostolica confirmando autoritate, regi, archiepiscopis & episcopis *Anglia*, suam super hoc voluntatem remandavit, & consensum. Unde rex valde gavissus, assistentibus totius regni primatibus, præcepit, ut rem quamtocius ad effectum perduceret episcopus. Quod factum est. Evocatis namque de prædictis locis monachis, qui jam Spiritu sancto filios Dei qui erant dispersi in unum congregante, plures commanebant, *Dunelmum* transtulit, ubi morum suorum sicut est consuetudo conversionem profitentes, & stabilitatem, tam præsentis, quam successorum eorum inseparabiliter beati *Cuthberti* corpori astrinxit. Sicque ad illum monachicæ conversationis ordinem non novum instituit, sed antiquum Deo renovante restituit.

Explicit Præfatio.

Incipiunt

Incipiunt capitula libri primi.

- I. **D**E fide & origine sancti Oswaldi, & prädicatione sancti Aidani, qua sunt primitiva fundamenta ecclesie Dunelmi.
- II. Quo anno beatus Oswaldus ecclesiam Lindisfarnensem fundaverit, & quo de hoc seculo migraverit, & de presulatu Aidani, & integritate brachii sancti Oswaldi.
- III. De obitu sancti Aidani, cujus anima exitus revelatus est oculis beati Cuthberti, & quo tempore Cuthbertus suscepit habitum monachi.
- IV. De Finano episcopo, quomodo regem Merciorum baptizaverit, & eis episcopum de suis ordinaverit, & Ced ab eo consecratus quid fecerit.
- V. Qualiter Colmannus episcopatum dimiserit, & episcopus Tudda obierit, & sibi Eatam successurum impetraverit.
- VI. Quo tempore Eata episcopatum perceperit, & beati Cuthberti conversio facta sit, & quanta spiritali perfectione vita sua profectum instituerit.
- VII. Quando beatus Cuthbertus Lindisfarnensis ecclesie prioratum acceperit, & qua dulcedine in anachoresi vixerit.
- VIII. Quo tempore sanctus Beda natus sit, & de monasterio illius, & quanta scientia tunc in Anglia claruerit.
- IX. De electione sancti Cuthberti, & quomodo de Farne eductus sit, & ubi consecratus, & qua rex ei Egfridus eo die dederit.
- X. Qualiter in episcopatu sanctus Cuthbertus vixerit, & quomodo de mundo emigraverit, & se ad Lindisfarnensem ecclesiam reduci permiserit.
- XI. Quomodo post undecim sepultura annos corpus ejus incorruptum repertum sit, & de Eadberto episcopo & Ethelwoldo, qui uterque ei in anachoresi successit, & qua aetate Beda ejus vitam scripserit.
- XII. De Ethelwoldo episcopo, & cruce lapidea quam fecit.
- XIII. De Ceulfi Regis prosapia, & vita ejus, & patientia.
- XIV. Quo aetate vel tempore sanctus Beda obierit, qualiter vixerit, & quanta scripserit.
- XV. Epistola de transitu sancti Bedæ, & ejus conversatione.

Expliciunt capitula libri primi.

Incipiunt capitula libri secundi.

- I. Quando & ubi Ceolfus rex monachus factus sit, & quanta secum dederit, & a quo apud Northam corpus illius delatum sit.
- II. Qualiter quidam de regio genere ad pacem beati Cuthberti confugerit, & inde abstractus sit, & quomodo Kineulf episcopus pro eo in carcere trusus sit, & de morte sancti Baltherii.
- III. De industria & conversione regis Edberti, & fratris ejus presulatu, atque ipsius obitu.
- IV. De occisione regis Osulfi, & quo tempore Kineulf episcopatum Higbaldo dimiserit, & obierit, & quomodo vel ubi rex Elwoldus peremptus sit.
- V. De destructione Ecclesie Lindisfarnensis & celeri ultione, & de Higbaldo, Egberto & Egredo episcopis, & terris per illos acquisitis.

- VI. De secunda per Danos Lindisfarnensis ecclesie, & Northimbrie depopulatione, & quo tempore, vel quare Eardulfus episcopus corpus sancti Cuthberti de insula tulerit, & quale servitium deinceps celebratum sit a clericis.
- VII. Quare femina in ecclesia sancti Cuthberti non intrent, & de excessu sanctimonialium quondam in Collingaham.
- VIII. De femina qua Cimiterium sancti Cuthberti introit, quam celeri vindicta punita sit.
- IX. Item de alia qua per cimiterium cucurrit, qua morte seipsam extinxerit.
- X. De peste per Danos illata, & de septem portitoribus sancti Cuthberti, et de visione regis Elfredi.
- XI. Quomodo corpus sancti Cuthberti ad Hyberniam transferri debuit, sed unda in sanguinem conversa tempestate subita redactum sit.
- XII. De portitoribus sacri corporis ex diutino labore perterriti. Qua nomina eis fuerint. Et qualiter equum, frannum, carrumque prædicente S. Cuthberto invenerint, & textum Evangeliorum in mare triduo dimersum illasum receperint.
- XIII. Quomodo jussu sancti Cuthberti Guthredus sit rex effectus, & de donis ejus, privilegiis & largitionibus.
- XIV. Item de dignitatibus, & ecclesie privilegiis.
- XV. Quid rex Elfredus moriens Edwardo filio suo præceperit.
- XVI. De episcopo Cutheardo, & quomodo Eadvard monarchiam perceperit, & de Onlafald qualiter in limite ecclesie sancti Cuthberti interierit.
- XVII. De Tilredo episcopo, & de mandato regi Ethelstano per avum suum facto.
- XVIII. De episcopo Wigredo, & quanta Ethelstanus rex sancto Cuthberto dedit, quando in Scotiam perrexerit.
- XIX. Quomodo sanctus Cuthbertus Sexelmum episcopum pepulit, & de terra sua fugaverit.
- XX. De morte Edmundi regis, & episcopatu Elfig.

Incipiunt capitula libri tertii.

- I. Quomodo Aldunus corpus sancti Cuthberti in Rippum tulerit, & de Werdelau postea in Dunelmum venerit.
- II. Qualiter locus ille habitabilis factus sit.
- III. De contracta quadam sanata in loco ubi beati Cuthberti corpus requieverat.
- IV. Quo tempore Aldunus episcopus ecclesiam in Dunelmo dedicaverit, & quot donariis a potentibus ditata sit.
- V. De Cnut rege, & oratione Alduni episcopi, & morte.
- VI. Qualiter voce ter de sepulchro sancti Cuthberti emissa, Edmundus ipsius ecclesie clericus ad episcopatum sit proventus, & monachus factus.
- VII. De Elfredo presbitero, quomodo in ecclesia sancti Cuthberti claruerit, & de capillo quem in igne posuit, & de reliquiis sacris pluribus, quas beato Cuthberto revelante in Dunelmum comportavit.
- VIII. Quanta Cnut rex sancto Cuthberto dederit.
- IX. De

IX. De obfessione Dunelmi, & celeri vindicta regis & episcopi Simoniaci, & de Egelrico episcopo, qui thesauros beati Cuthberti sustulit, quomodo punitus sit.

X. De presbitero nocte fornicante, & in crastino missas celebrante, quomodo particulam corporis cum sanguine in nigredinem conversam viderit, & percipiendo nimiam amaritudinem senserit.

XI. Quomodo uxor Tofti comitis puellam in cimiterium beati Cuthberti miserit, & mox infirmata in proximo obierit, et de imaginibus de argentatis.

XII. De quodam in campo obdormiente, cujus collum serpens constrinxit, sed in introitu ecclesie sancti Cuth. semper ab eo diffiliit, qualiter liberatus sit.

XIII. De quodam ad sepulchrum in ore denarios furante, qualiter sit punitus & restitutus.

XIV. De donis Copfi comitis.

XV. De Edwardo rege, & W. & de Rodberto Cumina apud Dunelmum occiso, & quomodo aqua maris irrigua cesserint beati Cuthberti corpore ad insulam adveniente.

XVI. De apparitione sancti Osw. & beati Cuthb. & subita morte Gillonis, & ab eis predicta pœna ultionis.

XVII. De Egelwino episcopo qui partem thesauri tulit, quomodo reductus sit & captus.

XVIII. De electione Walkeri episcopi, sed tamen clerici.

XIX. De rege Willielmo, qui beati Cuthberti corpus an Dunelmi quiesceret, explorare voluit, qualiter punitus & fugatus sit.

XX. Quomodo rex W. Ranulfum miserit, ut terram sancti Cuthberti sub tributo redigeret: sed beato Cuthberto vindicante, furiosus sit effectus, & restitutus, & de privilegiis W. regis.

XXI. Qualiter Aldunus de Wincencumb cum duobus fratribus de Coveham in Northymbriam advenierint, & quomodo ab episcopo Walkero suscepti sint, & fructificaverint.

XXII. De fratre ad Strenethalch pergente, & de fundamine ecclesie beata Mariæ Eboraci, & quomodo Walkerus iterum Aldunum revocaverit, & Weremuthe cum ceteris terris eisdem adjecerit.

XXIII. De propectu episcopi, & suorum rapina feroci, et qualia tunc quidam de morte reviviscens, de episcopo et ceteris multis viderit, et prädixerit.

XXIV. Qualiter episcopus Walkerus, & ubi occisus & sepultus sit, & quomodo pro eo vindicatum, & ecclesia beati Cuthberti spoliata sit.

Expliciunt capitula libri tertii.

Incipiunt capitula libri quarti.

I. Qualiter W. episcopus electus, & sacratus sit, & quanta vir scientiæ, probitatis & gratia fuerit.

II. Quomodo clericos de ecclesia beati Cuthberti eiecerit, & autoritate pape, & regis monachos prefatos introduxerit.

III. Quo die et tempore monachos Dun. duxerit, & eos benedixerit, & officia singula eis distribuerit.

IV. De corpore sancti Oswini, & de possessione ecclesie de Winemuthe & illius violenta ablatione.

V. Quanta W. episcopus acquisierit, & qualem se subditis exhibuerit.

VI. Epistola W. episcopi ad monachos Dunelmenses.

VII. De obitu prioris Alduni, & successione Turgoti.

VIII. De exilio W. episcopi, et quando posuerit fundamenta in Dun. novi monasterii.

IX. Qualia Bolo miles de cœnobitis Dunelmensibus viderit, et quanta de obitu W. episcopi prädixerit.

X. Ubi idem W. episcopus obierit, & quomodo Dun. corpus ejus delatum sit.

AB hoc Anglorum cronica sursum versus usq; ad Adam, lineam generationis regum texunt; sicut Lucam Evangelistam à Domino Jesu factitasse cognovimus. Quod si etiam ego fecero, fortasse non erit supervacaneum, quanquam timendum sit, ne barbaricorum nominum hiatus vulneret aures desuetorum in talibus. Ethelwulfus fuit filius Egbirhti, Egbirhtus Elmundi, Elmundus Easæ, Easæ Eoppæ, Eoppa Ingildi, fratris Inæ regis, qui ambo filii fuere Kenredi, Kenredas Celwaldi, Celwaldus Cudæ, Cuda Cudwini, Cudwinus Ceaulmi, Ceaulmus Cincrici, Cincricus Cerdicii, qui fuit primus rex Westsaxonum, Cerdicius Elefii, Elefius Eslui, Esluius Givi, Givius Wigii, Wigius Frewini, Frewinus Fridegarii, Fridegarius Brondii, Brondius Beldegii, Beldegius Wodenii: De isto, ut sæpe diximus, processere reges multarum gentium. Wodenius fuit filius Frideboldi, Frideboldus Frelafii, Frelafius Finni, Finnus Godwlf, Godwlfus Getii, Getius Tectii, Tectius Beowii, Beowius Sceldii, Sceldius Sceaf. Iste, ut fertur, in quandam insulam Germaniæ Scandzæ, de qua Jordanes historiographus Gothorum loquitur, ap-
pulsus navi sine remige puerulus posito ad caput frumenti manipulo dormiens; ideoque Sceaf nuncupatus, ab hominibus regionis illius pro miraculo exceptus, & sedulo nutritus, adulta ætate regnavit in oppido quod tunc Slaswic, nunc vero Hæitcheby appellatur. Est autem regio illa Anglia vetus dicta; unde Angli venerunt in Britanniam, inter Saxones & Gothos constituta. Sceaf fuit filius Heremodii, Heremodius Stermonii, Stermonius Hadræ, Hadra Gualæ, Gualæ Bedwegii, Bedwegius Strefii: Hic, ut dicitur, fuit filius Noe in archa natus.

Anno Dominicæ incarnationis 857. duo filii Ethelwlfii regnum paternum partientes, Ethelbaldus in Westsaxonia, Ethelbirhtus in Cantia regnaverunt. Ethelbaldus ignavus & perfidus patri, ejus theorum polluit, in conjugium Judith novercæ post obitum patris devolutus. Sed post quinquennium, eo defuncto, & Scireburnia condito, totum regnum ad alterum derivatum. Hujus tempore manus piratarum appulsa Hantunam, Wintoniam urbem populosam direptioni dedit.

Anno ab incarnatione Domini 547. Ida regnare cœpit, à quo regalis Northanhymbrorum prosapia tenet originem. Eoppa genuit Idam, pater Eoppæ fuit Easæ, pater Easæ Ingui, pater Ingui Angenwi, pater Angenwi Aloth, pater Alothi Benoc, pater Benoci Brond, pater Brondi Beldeg, pater Beldegi Wode, pater Wodeni Freothlas, pater Freothlæ Freothwulf, pater Freothwulfi Fum, pater Fumi Godewulf, pater Godewulfi Beoda.

Ida genuit duodecim filios, sex legitimo connubio; sex concubinis. Adda, Ethelric, Edric, Tendhi, Osmer, Theodoric: hii filii reginæ. Oga, Alric, Ecce, Osbald, Scor, Sceotheri: hii filii concubinarum.

Ida regnavit 12. annis.

Ada filius Idæ 3. annis.

Ethelric filius Idæ 7. annis.

Theodoric filius Idæ 7. annis.

Ethelfrith filius Ethelrici filii Idæ 24.

Ethelfrith septem filios habuit, Eanfridum, Oswaldum;

waldum, Ofwinum, Ofslac, Ofinudu, Ofslaf, Offa. Post *Ethelfridum* regnavit *Edwinus* 17. *Edwinus* erat filius *Ella*, qui *Ella* non erat de stirpe *Idæ*. Iste est *Ella* de cuius nomine sanctus *Gregorius* alludens, Bene, inquit, vocatur *Ella*, Alleluja enim oportet ibi ad laudem Dei cantari. Interfecto *Edwino*, regnum *Northanhymbrorum* divisum est. *Ofricus* qui fuit filius patris *Edwini* *Elfrici* vocabulo tenuit provinciam *Deirorum* uno anno.

Porro *Eanfridus* filius *Ethelfridi* nepotis *Idæ* regnum *Berniciorum* tenuit uno anno.

Oswaldus filius *Ethelfridi* 9. annis.

Oswin filius *Ethelfridi* 28.

Iste *Oswin* in primis regni socium habuit *Oswinum*, de stirpe regis *Edwini*, hoc est, filium *Ofrici*, de quo supradictum est. Præfuit *Oswinus* provincie *Deirorum* 7. annis. Post *Oswinum* regnavit filius ejus *Egfridus*, qui sanctum *Cuthbertum* constituit episcopum, regnavit 15.

Alfrid frater *Egfridi* 19.

Ofred filius *Alfridi* 11.

Coenred consanguineus 2.

Ofric filius *Aldfridi* 11.

Ceolwlf 8.

Iste *Ceolwlf* fuit filius *Cuthwine*. *Cuthwine* filius *Leodwaldi*. *Leodwald* filius *Egwaldi*. *Egwald* filius *Aldhelmi*. *Aldhelm* filius *Ocgæ*. *Ocgæ* filius *Idæ* regis. Iste *Ceolwlf* dimisso regno monachus factus est in *Lindisfarne*. Post *Ceolwlfum*, *Eadbert* filius patris *Ceolwlfi* tenuit regnum 20. annis.

Ofwlf filius *Eadberti* uno anno.

Ethelwold Moll 6. annis.

Alcred filius de profapia *Idæ* 9. annis.

Ethelred filius *Ethelwoldi* 4. annis.

Elfwold filius *Ofwlfi* nepos *Eadberti* regis expulso *Ethelredo* tenuit regnum 10. annis. Iste *Ethelwold* iniuste à suis occisus, requiescit in *Bertildesham*. Sed in loco quo est occisus, lux cœlitus sæpe visa est, *Ofred* filius *Alchredi* uno anno. Iste *Ofred* post annum expulsus est de regno dolo circumventus, & postea *Ethelred* filius *Ethelwoldi* de exilio liberatus, regnavit iterum 7. Iste *Ethelred* filios *Elfwoldi* ab *Eboraco* extractos peremit.

Osbaldus regnavit 27. diebus.

Eardulfus 10. annis.

Elfwold duobus annis.

Eanred 33. annis.

Ethelred filius *Eanredi* 9. annis.

Illo occiso regnum tenuit *Osbyht* 13. annis.

Quo postea de regno expulso, *Northumbrani* constituerunt sibi regem non de regia stirpe, vocabulo *Ella*. Quo tempore *Danis* oppugnantibus *Eboracum*, *Northymbri* reducentes *Osbyhtum* in regnum, simul cum illo, & cum *Ella* duobus regibus, contra *Danos* pugnant: sed ambo reges ibi occisi sunt, qui sancto *Cuthberto* suas terras abstulerunt, *Werkew*, *Tillemuthe*, *Billingaham*, *Ileclif*, & *Wigeclif*.

Postea regnavit *Egbert* 6. annis.

Ricfi duobus annis.

Egbert duobus annis.

Guthred rex ex servo 14. annis.

Postea *Reingwold* occupavit terram sancti *Cuthberti* per *Sculam*, & *Onlafbal*. Tunc 22. regnabat *Edwardus* filius *Elfredi* regis. Post *Eadwardum* regem regnavit *Ethelstanus*, qui primus totius Angliæ regnum obtinuit 20. annis.

Post eum frater ejus *Eadmundus* reg. 9. annis.

Post *Eadmundum* frater ejus *Eadred* reg. 10. annis.

Post *Eadredum* *Eadwi* filius *Eadm.* regis uno anno.

Post *Eadwi* *Eadgar* frater ejus 18. annis.

Post *Eadgarum* filius ejus *Edwardus* in *Sceftesbiri* 5. annis.

Post *Edwardum* frater ejus *Ethelredus* 39. annis.

Post *Ethelredum* *Edmund* *Ærnelide* 9. mens.

Post eum *Cnut* 19. annis.

Post *Cnut* *Heraldus* filius ejus 5. annis.

Post eum *Hardecunt* 3. annis.

Post hunc *Eadwardus* 24.

Post hunc *Harald* ad Epiphaniam D. usque ad festum sancti Calixti.

Willielmus major 21. annis.

Willielmus minor 13. annis.

Henricus anno ætatis suæ 68. obiit. Regnavit gloriose annis 35. & mensibus 4.

Anglia habet in longitudine 800. miliaria à loco *Penwithstert* vocato, qui situs est 15. leugis ultra *Michael Stowe* in *Cornewalus*, usque ad *Cathenes* trans *Scotiam*. In latitudine habet 300. miliaria à *Depestowe* usque *Wolre*. Habet sedes metropolitanas duas, *Cantuariam* & *Eboracam*. Sedes episcopales 15. *Rovecestriam*, *Londoniam*, *Northwic*, *Cicestriam*, *Wincestriam*, *Searesbiri*, quam *Heremannus* episcopus permittente rege *Edw.* de duobus episcopatibus, *Ramesbiri* & *Scireburni*, unam fecit. *Exceastre* quam *Leofricus* episcopus permittente Rege *Edw.* de 2. episcopatibus in *Cornewale* ad sanctum *Germani*, & *Brideport*, unam fecit. *Bathun*, cujus sedes fuit apud *Welle*, usq; ad dies *Will.* regis secundi, & episcopi *Johannis*. *Wirecestre*, *Hereford*, *Ceastria*, cujus sedes fuit apud *Lichefeld* usque ad dies *Will.* regis primi, & *Lanfranci* archiepiscopi, & *Petri* episcopi. *Lincolnia*, cujus sedes fuit apud *Dorkecestre*, fuitque dudum divisa in tres episcopatus. Sunt enim in eo octo *Sciræ*, & dimidia. *Hely* quam *Henricus* rex primus fecit sumpta parte de episcopatu *Lincolniæ*. *Dunelmum*, cujus sedes fuit apud *Hagustaldensem* ecclesiam, & alia sedes apud *Halicland*, *Harleol*, cui rex *Henr.* primus, & *Turstinus* archiepiscopus, *Aldulfum* episcopum primum præfecit. *Anglia* habet 32. *Sciras* extra *Cumberland* & *Cornwalas*. In *Cornwalas* sunt 7. parvæ *sciræ*. *Scotland*, *Wretland* & *Wlict* excipiuntur. Sunt hæ 32. *sciræ* divise per tres leges, *Westlexenalaga*, *Denelega*, *Merchenalaga*. *WESTLEXENALAGA* habet 9. *sciras*. *Suthsexia*, *Suthrei*, *Kent*, *Berocscire*, *Wilefscire*, in qua sunt IV. & 8. *Hydæ*. *Sudamtescire*, *Somerscetescore*, *Dorsetescire*, *Devenascire*. *DENELAGA* habet 15. *sciras*, *Eboraci scira*, *Snotingahamscira*, *Deorbiscira*, *Leorcefrescira*, *Lincolnescira*, *Norhamtunscira*, *Huntedunescira*, *Grantebrige scire*, *Northfolc*, *Sudfolc*, *Eastfaxe*, *Bedeford scira*, *Hereford scira*, *Midlesexa*, *Bukingeham scira*. *MERCHENALAGA* habet 8. *sciras*, *Hereford scira*, *Gloucestre scira*, *Wirecestre scira*, *Scrob scira*, *Cestrescira*, *Steadford scira*, *Warewic scira*, *Oxeneford scira*. *Anglica Britannia Oceani* insula climatis occidui extremo pene situ ab orbe seclusa, in frigida plaga *Aquilonis* posita, in ultimo ferme orbis margine sita, inter omnes vel prima vel maxima: à quibuldam quia oceano circumgirata est, alter orbis appellatur. Insula singulari amplitudine, omniumque aliarum decus & gloria; quam olim *Karolus* magnus provinciam omnium bonorum fertilitate & copia cameram suam vocabat.

INCIPIT

I

INCIPIT HISTORIA SANCTÆ ET suavis memoriæ *Simeonis* monachi sancti *Cuthberti Dunelmi*, de exordio Christianitatis & religionis totius *Northumbriæ*, & de exortu & processu *Lindisfarnensis* sive *Dunelmensis* ecclesiæ.

C A P. I.

*De fide & origine sancti Oswaldi, & predicatione
sancti Aidani, quæ sunt primitiva fundamenta ec-
clesiæ Dunelmi.*

Gloriosi quondam regis *Northanimbrorum*
& preciosi martyris *Oswaldi*, ferventissi-
ma in Christo fide hæc sancta Ecclesia,
viz. quæ in Dei laudem & perpetuam sui
tutelam ipsas sacræ venerationis reliquias, incorru-
ptum scilicet sanctissimi patris *Cuthberti* corpus, &
eiusdem regis ac martyris caput venerandum intra
unius loculi conservat hospitium, sui status ac religi-
onis sacræ sumpsit exordium. Licet enim causis exi-
stentibus alibi quam ab ipso sit locata, nihilominus
tamen stabilitate fidei, dignitate quoque & aucto-
ritate cathedræ Pontificalis, statu etiam monachi-
cæ habitationis quæ ab ipso rege & *Aidano* ponti-
fice ibidem instituta est, ipsa eadem ecclesia deo au-
ctore fundata permanet. Quoniam igitur de ipsa
quædam veritate subnixæ scribere decrevimus, con-
gruum videtur, ut de fundatoris ipsius præfati scili-
cet regis ingenita secundum carnem nobilitate pauca
præmittamus. Siquidem claris admodum natalibus
est ortus, non solum patre sed etiam avis dignitate re-
gia præcellentibus, fratre quoque ante, altero
vero post illum regni apice pollentibus: erat nam-
que filius potentissimi regis *Ethelfridi*, cuius pater
Ethelricus rex, cuius pater *Ida* rex, à quo (ut *Beda*
refert) regalis *Northanymbrorum* prosapia cepit
originem. Nec tantum paterna sed & materna quo-
que origine clarissimam duxit genealogiam, ex sorore
viz. *Edmini* regis procreatus, sed progenitoribus
fidei Christianæ penitus ignaris, ille ut rosa de spinis
effloruit, salutari utique fonte Christo regeneratus,
atque ipsa sacrosancta regeneratione dignissime vi-
vens. Regno enim potitus, gentem sibi subditam
secum mox Christo subdidit, utpote in verbo fidei,
pontifici *Aidano* socius & cooperator existens egre-
gius. Prædicante namque in sua, id est, Scottorum
lingua episcopo, ille qui hanc aequè ut suam perfecte
noverat, rex utique regis æterni minister devotus assi-
stere, & fidus interpret fidei ducibus suis, ac ministris
ministrare solebat verba salutis: verum qualis quan-
tusque fuerit, quantæ erga fidei religionem devotio-
nis, quantæque in pauperes misericordiæ ac benigni-
tatis, & quam maxime inter curas regni deditus orati-
oni, quæ & quanta post mortem illius ad indicium
ejus jam cum Christo viventis claruerint miracula, ec-
clesiastica gentis Anglorum *Beda* describente declarat
historia. Porro hic nos id studii occupat ut ex hu-
jus sanctæ, hoc est, ecclesiæ *Dunelmensis* exordio,
procursum, quæque in præfata historia, aliis quoque
opusculis inveniri poterant, ad memoriam postero-
rum in unum ex ordine compacta, quoddam libelli
corpusculum perficiant. Nonnulla etiam quæ dese-

ctu scriptorum litteris non fuerant tradita, seniorum
autem veracium relatione qui ea vel viderant vel à
patribus suis viris religiosis fideque dignissimis qui
interfuere sæpius audierant, ad nostram notitiam per-
venerunt, vel quæ & nos ipsi vidimus, his quæ ex a-
liorum scriptis collecta sunt adjungenda credimus.

C A P. II.

*Quo anno beatus Oswaldus ecclesiam Lindisfarnen-
sem fundaverit, & quo de hoc seculo migraverit,
& de præfatu Aidani, & integritate brachii
sancti Oswaldi.*

Anno igitur Dominicæ incarnationis DC. xxxvº An. Dñi
qui est annus adventus Anglorum in Britanniam 635.
188. adventus vero sancti Augustini tricesimus non-
nus, piissimus rex *Oswaldus* secundo imperii sui an-
no venienti ad se *Aidano* sedem episcopalem in insu-
la *Lindisfarnensi* constituit, ubi & ipse antistes ju-
bente, suffragante & cooperante rege, monacho-
rum qui secum venerant habitationem instituit, hoc
illis rege scilicet & episcopo procurantibus, ut & pon-
tificali auctoritate fides roboraretur novella, & mo-
nachica institutione semper in posterum caperet aug-
mentum religionis observantia, unde sicut legimus &
seniorum traditione percepimus, ad ipsius ecclesiæ
præfatum monachi solebant eligi, exemplo nimi-
rum primi antistitis *Aidani*, qui & monachus erat, &
monachicam vitam cum suis omnibus agere solebat.
30 Quod ab anno incarnationis Dominicæ 635º obser-
vatum est usque annum incarnationis ejusdem
1072. quando de clericali ordine in episcopatum
consecratus est vir religiosus de *Lothariorum* gente
Gualcherus. Nam inter episcopos nec commemo-
randum arbitror illum qui multo ante de clero per
Symoniacam heresim ordinatus, sed morte præventus
nullum episcopale officium est facere permixtus. At
ut ad propositum redeatur, *Aidanus* ipsius ec-
clesiæ primus & præsul & monachus omnibus sibi
40 successuris & episcopis & monachis, in via Domini
qua præcesserat se sequendum præmonstravit. Cujus
vitam cum multa laude venerabilis *Beda* prosequu-
tus esset, Ut multa, inquit, breviter comprehendam,
quantum ab eis qui illum novere didicimus, nihil
ex omnibus quæ in evangelicis sive apostolicis sive
propheticis literis facienda cognoverat prætermittere,
sed cuncta pro suis viribus operibus explere curabat.
Hujus præfatus anno octavo, regni autem sui nono
sanctissimus ac piissimus rex *Oswaldus* primus in to-
50 ta Berniciorum gente signifer fidei Christianæ &
fundator ecclesiæ *Lindisfarnensis*, ex qua omnium
ejusdem provinciæ ecclesiarum manarunt primordia,
à paganis in bello prostratus occubuit. Cujus caput
in cimiterio ecclesiæ præfate, manus vero cum
brachiis quas rex interfector à corpore præcidi jus-
serat, in urbe regia conditæ sunt: dextera cum bra-
chio votum benedictionis *Aidani* episcopi, per incor-
B ruptionem

An.Dñi ruptionem præferente, quæ etiam ad nostram usque ætatem utriusque meritum, regis scilicet atque pontificis gratia suæ incorruptionis ostendit, sicut nostræ hoc est *Dunelmensis* ecclesiæ monachus veneranda canicie & multæ simplicitatis, vocabulo *Swardbrandus*, qui nuper episcopatum *Willielmo* administrante defunctus est, sapius se vidisse attestatus est. Nam ut *Beda* narrat, die sancto Paschæ sedente ad mensam rege, cum discus illi argenteus esset appositus epulis regalibus refertus, subito nunciatur multitudinem pauperum in platea sedere & eleemosinæ aliquid à rege expectare. Nec mora, dapes sibi met appositæ pauperibus deferri, & eundem discum inter eos præcepit minutatim dividi. Quo factò pueris pontifex, qui assidebat delectatus apprehendens dexteram ejus ait, Nunquam inveterascat hæc manus. Porro ossa illius in monasterium quod in provincia *Lindissi* situm est, translata sunt.

CAP. III.

De obitu sancti Aidani, cujus anima exitus revelatus est oculis beati Cuthberti, & quo tempore Cuthbertus suscepit habitum monachi.

PERactis in episcopatu decem & septem annis præsul *Aidanus* viam patrum est ingressus, cui mors temporalis lætum vitæ alterius pandebat introitum. Cujus in Christo sublimium meritorum gloriam, etiam miraculorum quibus & ante & post mortem sublimiter effulserat tertio superius memoratæ historiæ declarante libro testantur indicia. Hujus ad cælos felicem triumphum, cælestium agnitionum choris eximia cum claritate deducuntibus, ille Israelita in quo dolus non erat, in carne non secundum carnem vivens, ille cujus à puero tota conversatio erat in cælis, ille inquam conversationis angelicæ juvenis egregius, sanctissimus viz. *Cuthbertus* videre promeruit. Nam cum pastor futurus animarum agens in montibus custodiam pecorum juxta fluvium *Leder* solus secretis pernoctaret in orationibus, jamque studio & amore totus in cælum raperetur, tantæ gloriæ ac beatitudinis contemplatione dignus habebatur. Qua visione dilectus deo adolescens incitatus, ad subeundum arctioris propositi gradum, ad promerendam inter magnificos altioris præmii gloriam, mane factò statim commendans suis pecora quæ pascebat dominis, perfectioris vitæ gratia monasterium petere decrevit. Anno enim 651. Dominicæ incarnationis 651, ab adventu sancti *Augustini* in Britanniam 55, ex quo autem provincia *Bernicionum* industria regis *Oswaldi* fidem Christi perceperat anno 17, quo pontifex *Aidanus* ad cælestia transit, qui est annus imperii regis *Oswin* 9, juvenis ille sanctissimus Christo soli famulaturus monasterium *Mailrosense* intravit, susceptus à reverentissimo abbate *Eata*, suggerente eidem *Cuthberto Boisilo* eximie sanctitatis & prophetici spiritus viro, qui ipsum monasterium secundus ab abbate præpositi jure gubernabat. Junctus fratrum consortio qualis quantisque fuerit, quam majoris super cæteros virtutis, per observantiam disciplinæ regularis, per instantiam legendi, operandi, vigilandi, ab omni quod inebriare potest abstinenti & per exercitia cuiusque pii laboris, in libro vitæ ipsius luculento sermone *Beda* prosequitur. Et ut nos plura paucis comprehendamus factus est monachus, plane monachus, monachus inquam venerabilis ac per cuncta

digne laudabilis, corpore, mente, habitu, castris associatus Dominicis. Hunc beatus *Boisilus* pro infinita sibi puritate ac pia intentione præ cæteris dilexit, & scripturarum scientia erudit, sicut in hac ecclesia servatus codex, in quo eo docente ipse didicerat, per tanta annorum curricula prisca novitate ac decore mirabilis hodieque demonstrat. Translato ad cælestia *Boisilo*, vir Domini *Cuthbertus* in præpositi officium magistro successit, & quotidiano virtutum profectu æquiparare vel etiam supergredi contendit. Qui quam studiose verbo & exemplo universos ad cælestia vocaverit, quam sublimiter miraculorum gloria coruscaverit, quanta gratiæ prophetalis luce præfulserit, qui nosse desiderat, præfatum vitæ ipsius librum legat.

CAP. IV.

De Finano Episcopo, quomodo Regem Merciorum baptizaverit & eis Episcopum de suis ordinaverit, & Ced ab eo consecratus quid fecerit.

SUCCESSIT autem *Aidano* in episcopatum *Finan* ab eadem gente & monasterio unde & prædecessor ejus fuerat missus. Qui in insula *Lindisfarnensi* fecit ecclesiam sedi episcopali congruam, quam tempore sequente reverentissimus archiepiscopus *Theodorus* in honore beati *Petri* apostoli dedicavit, sed episcopus loci illius *Eadbertus* de quo in sequentibus dicemus, ablata arundine plumbi laminis eam totam, hoc est & tectum & ipsos quoque parietes ejus cooperire curavit. Ab hoc episcopo scilicet *Finano* princeps mediterraneorum Anglorum *Peada* in provincia *Northanimbriorum* baptizatus est & acceptis quatuor presbiteris qui ad docendam baptizandamque gentem illius eruditione & vita videbantur idonei, multo cum gaudio reversus est. Nec multo post rex Orientalium Saxonum *Sigbertus* ab eodem episcopo lavacrum salutis accepit; siquidem provincia illa fidem quam olim expulsio *Mellito* antistite abjecerat, industria regis *Oswin*, converso ad fidem Christi rege præfato, recepit, prædicante ibi verbum Christi de natione Anglorum presbitero & *Lindisfarnensis* ecclesiæ monacho *Ceda* à rege *Oswin* illuc in hoc ipsum missò, qui prius etiam apud mediterraneos Anglos verbo prædicationis multum fructificaverat. Cum ergo in provincia Orientalium Saxonum multam Domino ecclesiam congregasset, contigit quodam tempore ut ad *Lindisfarnensem* ecclesiam propter colloquium *Finani* episcopi rediret. Qui ubi prosperatum ei opus evangelii comperit, fecit eum episcopum in gente Orientalium Saxonum. Qui accepto gradu episcopatus rediit ad provinciam & in civitate quæ *Thancester* appellatur sed & in illa quæ *Tilaburg* cognominatur, quarum prior est in ripa *Pente* amnis secunda in ripa *Tamenis*, collecto examine famulorum Christi disciplinam vitæ regularis custodire docuit. Tertium quoque monasterium in provincia *Northanimbriorum* in *Lestingaben* construxit & religiosis moribus juxta ritus *Lindisfarnensem* ubi educatus erat, instituit. In quo ipse moriens dedit illud regendum *Ceadda* fratri suo. Qui & ipse monachus erat ecclesiæ *Lindisfarnensis*, unus viz. de discipulis *Aidani*, qui postea jubente rege *Oswin* Eboracensis ecclesiæ ordinatus est episcopus. Nec multo post *Theodoro* archiepiscopo præcipiente, provinciæ Merciorum prælatus in loco qui *Licethfeld* nuncupatur sedem habuit pontificalem.

An.Dñi

CAP. V.

Qualiter Colmannus Episcopatum dimiserit, & Episcopus Tudda obierit, & sibi Eatam successorum impetraverit.

Defuncto autem Finano decimo sui Episcopatus anno, Colmannus & ipse à Scotia missus ad Ecclesiæ regimen successit. Qui tribus annis in Episcopatu exactis, orta dissensione de observatione Paschæ, malens ipse morem suæ gentis sequi, relicto Episcopatu patriam reversus est, anno scilicet pontificatus Scottorum quem gesserunt in provincia Anglorum tricesimo, Quantæ autem parsimonix, cujus continentix fuerint, testabatur etiam locus ille quem regebant, ubi abeuntibus eis excepta Ecclesia paucissimæ domus repertæ sunt. Nil pecuniarum absque pecoribus habebant, siquid enim pecuniæ à divitibus accipiebant, mox pauperibus dabant. Nam neque ad susceptionem potentum seculi, vel pecunias colligi, vel domos provideri necesse fuit, qui nunquam ad Ecclesiam nisi orationis tantum & audiendi verbi Dei causâ veniebant. Rex ipse cum opportunitas exegisset, cum quinque tantum aut sex ministris veniebat, & expleta oratione discedebat. Quod si forte eos ibi refici contingeret, simplici tantum & quotidiano fratrum cibo contenti nihil ultra quærebant. Tota enim fuit sollicitudo tunc doctoribus illis Deo serviendi, non seculo, tota cura cordis excolendi, non ventris. Qui in tantum erant ab omni avaritiæ peste castigati, ut nemo territoria ac possessiones ad construenda monasteria nisi à potestatibus seculi coactus acciperet. Quæ consuetudo per omnia aliquanto post hæc tempore in Ecclesiis Northanhymbrorum servata est. Abiens autem domum Colmannus assumpsit secum partem ossium reverentissimi patris Aidani, partem verò in Ecclesia cui præerat reliquit, & in secretario ejus condi præcepit. Quo patriam reversio suscepit pro illo pontificatum Northanhymbrorum, famulus Christi Tuda, qui apud Scottos austrinos eruditus erat atque ordinatus Episcopus, vir quidem bonus ac religiosus, sed eodem anno superveniente pestilentia, ac provinciam Northanhymbrorum depopulante raptus est de mundo. Porto fratribus qui in Lindisfarnensi ecclesia etiam Scottis abeuntibus remanere maluerunt, præpositus est abbas jure vir reverentissimus ac mansuetissimus Eata, qui erat Abbas in monasterio quod vocatur Mailros, quod aiunt Colmannum abiturum petiisse & impetrasse à rege Oswio, eo quod esset idem Eata unus de duodecim pueris Aidani, quos primo Episcopatus sui tempore de natione Anglorum erudiendos in Christo acceperat. Multum namque eundem Episcopum Colmannum rex pro insita illi prudentia diligebat.

CAP. VI.

Quo tempore Eata Episcopatum perceperit, & beati Cuthberti conversio facta sit; & quanta spirituali perfectione vita sua profectum instituerit.

664.

Anno ab incarnatione Domini DC.lxiii. ex quo autem sedes Episcopatus in insula Lindisfarnensi & monachorum habitatio à studiosissimis Christi cultoribus, rege Oswaldo & pontifice Aidano institutæ sunt anno tricesimo, quo Scotti do-

num redeuntés ipsam Ecclesiam reliquerant: Abbas Eata ut dictum est cura ipsius Ecclesiæ sive monasterii suscepta, beatum Cuthbertum cum in Mailrosensi monasterio in monachicæ vitæ perfectione jam quartum decimum ageret annum illo transfudit, ut ibi quoque fratribus custodiam disciplinæ regularis, & auctoritate præpositi intimaret, & exemplo virtutis præmonstraret. Cur autem idem locus & supra sub Episcoporum & nunc sub Abbatis regimine fuerit, vel cur ad ipsius Ecclesiæ curam de monachica ut supradictum est, magis quam de clericali professione consuetudo fuerit Episcopos eligendi, in præfato libro quem de vita & virtutibus ipsius patris Cuthberti componit, venerabilis presbiter & monachus Beda commemorat. His enim verbis inter alia loquitur; Neque aliquis, inquit, miretur quod in eadem insula Lindisfarnæa cum permodica sit, & supra Episcopi & nunc Abbatis & monachorum esse locum dixerimus, revera enim ita est. Namque una eademque servorum Dei habitatio utroque simul tenet, imò omnes monachos tenet. Aidanus, quippe qui primus ejusdem loci Episcopus fuit monachus erat, & monachicam cum suis omnibus vitam semper agere solebat. Unde ab illo omnes loci ipsius Antistites usque hodie sic Episcopale exercent officium, ut regente monasterium Abbate quem ipsi cum consilio fratrum elegerint, omnes presbiteri, diacones cantores, lectores, ceterique gradus ecclesiastici monachicam per omnia cum ipso episcopo regulam servant. Sed de hoc satis dictum. Vir Domini autem Cuthbertus ad Lindisfarnensem ecclesiam sive monasterium adveniens, mox instituta monachica fratribus vivendo pariter & docendo tradebat, sed & morantem circumquaque vulgi multitudinem, more suo crebra visitatione ad cœlestia quærenda ac promerenda succendebat. Nec non etiam signis clarior effectus, plurimos variis languoribus & tormentis comprehensos orationum instantia præcæ fanitati restituit, nonnullos ab immundorum spirituum vexatione non solum præsens, orando, tangendo, imperando, exorcizando, sed & absens vel tantum orando, vel certe eorum sanationem prædicando curavit. Erant quidam in monasterio fratres qui præcæ suæ consuetudini quam regulari mallent obtemperare custodiæ. Quos tamen ille modesta patientiæ suæ virtute superabat, & quotidiano exercitio paulatim ad melioris præpositi statum convertebat. Erat namque patientiæ virtute præcipuus, atque ad perferenda fortiter omnia quæ vel animo vel corpori adversa ingerebantur invictissimus, nec minus inter tristitia quæ contigissent faciem prætendens hilarem, ut palam daretur intelligi quia interna Spiritus sancti consolatione pressuras contemneret extrinsecas. His & hujusmodi spiritualibus exercitiis vir venerabilis & bonorum quorumque ad se imitandum provocabat affectum; & improbos quosque ac rebelles vitæ regulari à pertinacia sua revocabat erroris. Legant qui scire volunt ipsius vitam, & in uno sancti Spiritus vasculo omnium virtutum considerent exuberare gratiam. Discant tanti viri autoritate & subjecti & prælati ordinis observantiam doctrinæ ac pietatis excellentiam, mansuetudinis ac severitatis temperantiam. Discant inquam ejus exemplo. Discant qui ei nunc deserviunt monachi sibi præpositis humilitatem exhibere, obedientiam, dilectionem, reverentiam, & omnem ex cordis puritate subjectionem. Discant

An.Dñi

An. Dñi ejus magisterio qui illius in prioratu successores sunt, contradicentium injurias modesta virtute patientiæ superare: discant & justitiæ zelo fervere ad arguendum peccantes, & spiritu mansuetudiniis modestos esse ad ignoscendum penitentibus. Ipse enim nonnunquam confitentibus sibi peccata sua his qui deliquerant, prior miserans infirmos lachrimas fudit, & quid peccatori esset agendum, ipse justus suo præmonstravit exemplo. Nullus ab eo sine gaudio consolationis abibat, nullum dolor animi quem ad illum attulerat redeuntem comitatus est.

CAP. VII.

Quando beatus Cuthbertus Lindisfarnensis Ecclesie prioratum acceperit, & qua dulcedine in anachoresi vixerit.

676. **A**Nno incarnationis Dominicæ DC. lxxvi. qui est annus imperii regis Egfridi sextus, cum vir Domini Cuthbertus in Lindisfarnensis monasterii prioratu duodecimum & eo amplius annum transegiſſet, tandem comitante præfati abbatis sui simul & fratrum gratia anachoreticæ quoque contemplationis secreta silentia petiit, ibi sicut ubique contendens ut ex bono melior, ex meliore fieret optimus. Ibi quanto ab strepitu mundanæ sollicitudinis liberior, tanto Deo vicinior. O pater dulcissime, sanctissime, reverentissime, sedebas cum Maria secus pedes Domini, optimam partem eligens, quæ à te non auferetur in æternum. Ibi sitiens anima tua ad Deum fontem vivum concupivit & defecit in atria Domini, ibi cor tuum & caro tua exultaverunt in Deum vivum, ibi gustasti & vidisti quam suavis est Dominus, beatus es quoniam sperasti in eo. Qua ibi meditatione, quo amoris suspitio, quanto studio, quanta compunctione, quantis lachrimarum effusionibus cogitasti, optasti, requisisti, petisti, & cum propheta conclamasti, Domine, dilexi decorem domus tuæ, & locum habitationis gloriæ tuæ. Postpositis namque alijs omnibus, tota vita tua hoc solum clamabat. Unam petii à Domino, hanc requiram, ut inhabitem in domo Domini omnibus diebus vitæ meæ. Ecce jam beatus cum beatis habitas in domo Domini, in secula seculorum laudabis illum. Ubi vero talia vir Domini promeruerat, est insula Farne, quæ hinc altissimo, inde infinito clauditur oceano, tunc aquæ prorsus inops, frugis quoque & arboris, malignorum etiam spirituum frequentia, humanæ habitationi minus accommoda. Verum illo quoque virum Dei comitante miraculorum gloria, de rupe saxosa precibus fontem elicit, de tellure durissima segetem produxit, hoste antiquo cum satellitum turba fugato locum ipsum habitabilem fecit. Postquam enim inhabitator sancti Spiritus suam ibidem inhabitationem instituit, in tantum spiritus nequam deinceps ipsam insulam exhorruit, ut qui eam Christo famulaturus ingreditur, nullas ex phantasias demonum inquietudines sustinere dicatur.

CAP. VIII.

Quo tempore sanctus Beda natus sit, & de monasterio illius, & quanta scientia tunc in Anglia claruerit.

677. **H**ujus sanctissimi patris solitariæ vitæ anno secundo, qui est incarnationis DC. lxxvii. im-

imperii vero regis Egfridi septimus, ex quo vero Theodorus archiepiscopus Britanniam venerat, natus, Beda natus est in provincia Northanimbrotum, in territorio monasterii Apostolorum Petri & Pauli quod est ad Wiramura & in Giruum. In quod monasterium cura propinquorum cum esset septem annorum, datus est educandus reverentissimo abbati Benedicto, ac deinde Ceolfrido, anno scilicet decimo postquam idem monasterium sancti Petri Apostoli fundatum est, ex quo autem sancti Pauli monasterium fuerat inceptum anno tertio. Quæ utraque monasteria tanta pace & concordia, & eadem familiaritate & fraterna societate fuerant conjuncta, ut sicut ipse Beda postea describit, pro uno in duobus locis posito haberentur monasterio. Unde ipse in historia Anglorum unius mentionem faciens, monasterium, inquit, Petri & Pauli quod est ad hostium Wiri amnis, & juxta amnem Tina in loco qui vocatur in Giruum. Hic itaque infantulus bonæ spei & divina, & seculari litteratura diligenter imbuitur, quandoque Spiritus sancti organum futurus, quo ejus præcordia irradiante in sanctæ universalis Ecclesiæ munimentum, plurimos in Novi & Veteris Testamenti expositionem libros erat composurus. Et cum in Latina erudiretur lingua, Græcæ quoque peritiam non mediocriter percepit. Quippe per id temporis in monasterio præfato deditus erat studio, quando Theodorus archiepiscopus, & Adrianus abbas, qui literis sacris simul & secularibus abundanter ambo erant instructi, peragrata tota Britannia congregantes discipulorum catervam scientiæ salutaris cotidie flumina irrigandis eorum cordibus emanabant, ita ut etiam metricæ artis, astronomiæ, & arithmeticæ ecclesiasticæ disciplinam inter sacrorum apicum volumina suis auditoribus contraderent. Sic enim de his Beda ipse loquitur, deinde & istud subjungit. Indicio est (inquit) quod usque hodie supersunt de eorum discipulis qui Latinam Græcamque linguam æque ut patriam in qua nati sunt norunt. Transeunte autem ad celestia patre Cuthberto, ille vitæ ipsius egregius quandoque scriptor futurus Beda, ætatis jam tunc undecim, studii vero in monasterio quatuor habebat annos. Verum de illo latius in sequentibus dicemus, nunc ad ea unde digressi sumus narrando redeamus.

CAP. IX.

50 *De electione sancti Cuthberti, & quomodo de Farne eductus sit, & ubi consecratus, & qua rex ei Egfridus eo die dederit.*

678 **A**Nno Dominicæ Incarnationis DC. lxxviii. qui est annus imperii regis Egfridi octavus, Wilfridus qui totius Northanimbrotum provinciæ pontificatum non parvo tempore administraverat, orta inter ipsum & præfatum regem dissensione ab episcopatu pulsus est, & duo in locum ejus episcopi ordinati sunt Eboraci ab archiepiscopo Theodoro qui Northanimbrotum genti præessent. Boza viz. qui Deirorum, & sæpe memoratus abbas Eata qui Berniciorum provinciam gubernaret: hic in civitate Eboraci, ille in Hagustaldensi & Lindisfarnensi ecclesia cathedram habens episcopalem, ambo de monachorum collegio, in episcopatus gradum aſciti. Igitur Eata cum quatuordecim annis ecclesiæ Lindisfarnensi

An. Dñi disfarfensis abbatis jure præfuisse, duarum ecclesiarum suscepit præfultum, tertio anno ex quo pater Cuthbertus anachoreticæ sedis adierat solitudinem. Post tres autem annos abscissionis Wilfridi, Theodorus ordinavit Tunbertum ad Hagustaldensem ecclesiam. Eata ad Lindisfarfensis ecclesiæ præfultum per quatuor annos remanente. Quadriennio vero exacto, contigit ut congregata synodo non parva sub præfentia piissimi ac Deo dilecti regis Egfridi juxta fluvium Alnæ in loco qui dicitur Ettwiforda, quod significat ad duplex vadum, cui beatæ memoriæ Theodorus archiepiscopus præfidebat, unanimo omnium consensu ad episcopatum ecclesiæ Lindisfarfensis beatus pater Cuthbertus eligeretur. Qui cum multis legatariis ac literis ad se præmissis nequaquam suo loco posset erui, tandem rex ipse præfatus una cum sanctissimo antistite Trumwino, nec non & aliis religiosis ac potentibus viris insulam navigavit. Conveniunt & de ipsa insula Lindisfarfensi in hoc ipsum multi de fratribus, genu flectunt omnes, adjurant per Dominum, lachrymas fundunt, obsecrant, donec ipsum quoque lachrymis plenum dulcibus extrahunt labebris, atque ad synodum pertrahunt. Quo dum perveniret, quamvis multum renitens unanima cunctorum voluntate superatur, atque ad suscipiendum episcopatus officium collum submittere compellitur, eo maxime victus sermone, quo famulus domini Boifilus cum ei mente prophetica cuncta quæ eum essent superventura patefecit, antistitem eum futurum prædixerat. Nec statim ordinatio ejus decreta, sed peracta hyeme quæ imminebat completa est. Cum ergo per novem annos in solitaria vita soli Deo vacasset, in pontificatus honorem auctore Deo levatur, consecratus Eboraci vii. Kal. Aprilis, in ipso die sancto Paschæ, sub præfentia regis Egfridi, convenientibus ad consecrationem ejus septem episcopis, in quibus beatæ memoriæ Theodorus ordinator ejus primatum tenebat, anno Dominicæ Incarnationis DC. lxxxv. regni Egfridi XII. Electus est autem primo in episcopatum Hagustaldensis ecclesiæ pro Tunberto qui ab episcopatu fuerat depositus, sed quoniam plus Lindisfarfensi ecclesiæ in qua conversatus fuerat dilexit præfici, placuit, ut Eata reverso ad sedem ecclesiæ Hagustaldensis cui regendæ primo fuerat ordinatus, Cuthbertus ecclesiæ Lindisfarfensis gubernacula susciperet. Cui rex præfatus & Theodorus in civitate Eboraca dederunt totam terram à muro ecclesiæ sancti Petri usque magnam portam versus occidentem, & à muro ipsius ecclesiæ usque murum civitatis versus austrum. Villam quoque Crecam & tria in circuitu ipsius villæ miliaria ei dederunt, ut haberet Eboracum iens, vel inde rediens, mansionem ubi requiescere posset. Ubi monachorum habitationem instituit; & quia illa terra minus sufficiens erat, Lugubaliam quæ Luell vocatur in circuitu quindecim miliaria habentem in augmentum suscepit. Ubi etiam sanctimonialium congregatione stabilita, reginam dato habitu religionis consecravit, & in profectum divinæ servitutis scholas instituit. Aliæ quoque terrarum possessiones ei donatæ sunt, quas hic longum est, & non necessarium ponere, scriptæ sunt enim in cartulis ecclesiæ. At rex Egfridus anno quo fecerat hunc venerabilem patrem ordinari episcopum, cum maxima parte copiarum quas ad devastandam ter-

ram Pictorum secum duxerat, secundum prophetiam ejusdem patris Cuthberti extinctus est apud Nechtanesmere, quod est stagnum Nechtani, die xiii. Kal. Juniarum, anno regni sui xv. cujus corpus in Hii insula columbæ sepultum est.

CAP. X.

10 *Qualiter in episcopatu sanctus Cuthbertus vixerit, & quomodo de mundo emigraverit, & se ad Lindisfarfensem ecclesiam reduci permiserit.*

Venerabilis autem Cuthbertus susceptum episcopatus gradum ad imitationem beatorum Apostolorum virtutum ornabat operibus. Commisit namque sibi plebem, & orationibus assiduis protegebat, & admonitionibus saluberrimis ad cœlestia vocabat, & quod maxime doctores juvat, ea quæ agendo docebat, ipse prius agendo præmonstravit. Ut enim patri spiritali quondam subiectus exemplum subiectis dederat humilitatis & obedientiæ, Præpositus quoque monasteriorum præpositis formam in se magisterii expressebat, sic episcopus etiam episcopis imitandam vitæ pontificalis normam reliquit. Quapropter qui ei in culmen honoris succedit, vitam quoque imitari studeat, ut dignus successor tanti prædecessoris placita Deo conversatione vices digne peragat. Sollicitus hinc illius vitam consideret, illinc suam: Consideret inquam, ne peccatis oneratus occupet cathedram quam ille universarum effulgens decore virtutum effecerat gloriosam. Namque ut in illius laudem Deo gratias agens ecclesia canit, Castitate angelica, dignitate prophetica, virtute apostolica, omniumque justorum sanctitate insignis enituit: Erat quippe ante omnia divinæ charitatis igne fervidus, patientiæ virtute modestus, orationum devotioni solertissime intentus, affabilis omnibus qui ad se consolationis gratia veniebant, hoc ipsum quoque orationis loco ducens, si infirmis fratribus operæ suæ exhortationis tribueret, sciens quia qui dixit, Diliges Dominum Deum tuum, dixit, & diliges proximum tuum. Erat abstinentiæ castigatione insignis, erat gratia compunctionis semper ad cœlestia suspensus. Denique cum sacrificium Deo victimæ salutaris offerret, non elata in altum voce, sed profusis ex imo pectore lachrymis, Domino suo vota commendabat. Duobus autem annis in episcopatu peractis, repetiit insulam ac monasterium suum, mox peracto die solemnî Nativitatis Dominicæ, divino admonitus oraculo, quia dies sibi mortis, vel vitæ magis illius quæ sola vita dicenda est, jam appropiaret introitus. Qui cum duos ferme menses in magna repetitæ suæ quietis exultatione transigeret, correptus infirmitate subita, temporalis igne doloris, ad perpetuam cepit beatitudinis gaudia præparari. Tribus enim Hebdomadibus continuis infirmitate decoctus, sic ad extrema pervenit. Siquidem quarta feria cepit ægrotare, & 50 rursus quarta, finita ægritudine migravit ad Dominum. Qui infirmatus, hæc per Erefridum devotæ religionis presbiterum qui tunc Lindisfarfensi monasterio abbatis jure præfuit, demandavit, dicens, Cum Deus susceperit animam meam, sepelire me in hac mansione juxta oratorium meum ad meridiem contra orientalem plagam sanctæ crucis quam ibidem erexi. Est autem ad aquilonalem ejusdem

An. Dñi

An. Dñi

oratorii partem sarcophagum terræ cespitè abditum, quod olim mihi Cudda venerabilis abbas donavit. In hoc corpus meum reponite, involventes in syndone quam invenietis istic. Nolui quidem ea vivens indui, sed pro amore dilectæ Deo formiæ quæ hanc misit, Veræ viz. abbatiſſæ ad obvolvendum corpus meum reservare curavi. At fratribus eum rogantibus ut ejus corpus in Lindisfarnensium ecclesia tumulandum transferre, ac secum habere sibi liceret: respondens ille, Et meæ, inquit, voluntatis erat hic requiescere corpore, ubi quantumcunque pro Domino certamen certavi, ubi cursum consummare desidero, unde ad coronam justitiæ sollevandum me à pio iudice spero. Sed & vobis quoque commodius esse arbitror, ut hic requiescam propter incurſionem profugorum vel noxiorum quorumlibet. Qui cum ad corpus meum forte confugerint, quia qualiscunque sum, fama tamen exivit de me quia famulus Christi sim, necesse habetis sapius pro talibus apud potentes seculi intercedere, atque ideo de præsentia corporis mei multum tolerare laborem. At fratribus multum diuque precantibus laboremque huiusmodi gratum sibi ac levem fore asseverantibus, tandem cum consilio locutus vir Domini, Si meam, inquit, dispositionem superare, & meum corpus illo reducere vultis, videtur mihi optimum ut in interioribus Basilicæ vestræ illud tumultetis, quatenus & ipsi cum vultis meum sepulchrum visitare possitis, & in potestate sit vestra an aliqui illo de advenientibus accedant. Gratias egerunt fratres permissioni & consilio illius flexis in terra genibus. Cui permissioni & consilio nos quoque gratias agamus, non solum flexis genibus sed & totis corporibus pariter & cordibus ei suppliciter prostratis. Nos, inquam, illi gratias referamus, quibus incorruptum corpus ejus quadringentesimo & octavo decimo dormitionis ejus anno, quamvis indignis divina gratia videre & manibus quoque contrectare donavit. Agamus inquam gratias, laboremque defendendi confugientes ad illius sepulchrum, dulcedine amoris ejus gratum ac levem ducamus, & omne quicquid nutante seculi statu adversum ingruerit despectui habeamus, dummodo talem ac tantum sacri corporis thesaurum in medio nostri nos habere gaudeamus. Cum vero crescente languore videret tempus suæ resolutionis instare, hunc hæreditarium sermonem, hoc ultimum vale fratribus reliquit, disferens pauca sed fortia de pace & humilitate, cavendisque eis qui his oblectari quam oblectari mallent. Pacem, inquit, inter vos semper, & charitatem custodite divinam, & cum de vestro statu consilium vos agere necessitas poposcerit, videre attentius ut unanimis existatis in consiliis. Et cætera quæ in vita illius leguntur, ad fidei charitatisque custodiam, ad vitæ regularis observantiam salubria monita. At ubi consuetum nocturnæ orationis tempus aderat, acceptis sacramentis salutaribus exitum suum munivit, atque elevatis ad cælum oculis, extensisque in altum manibus, intentam super nis laudibus animam, ad gaudia regni cælestis emisit, biennio in episcopatu suo exacto, anno DC. lxxxvii Dominicæ incarnationis, ex quo autem rex Oswaldus & Aidanus pontificalem sedem, & monachorum habitationem in sæpe dicta insula instituerant quinquagesimo tertio, ex eo vero quo monachicum in Mailros habitum sumpserat xxxvii

687.

anno, quamvis ab ipso pueritiæ suæ tempore monachus mente semper & actu vixerit. Impositum autem navi venerabile corpus patris, ad insulam Lindisfarnensium fratres retulerunt. Quod magno occurrentium agmine chorisque canentium susceptum est, atque in ecclesia beati Petri Apostoli ad dexteram altaris petrino in sarcophago repositum. Sepulto autem viro Dei tanta ecclesiam illam temptationis aura concussit, ut plures è fratribus loco magis cedere quam talibus vellent interesse periculis, episcopatum ecclesiæ illius anno ipso servante venerabili antistite Wilfrido, donec eligeretur qui pro Cuthberto antistes ordinari deberet. Ordinatus est autem post annum Eadbertus in episcopatum, vir scientia scripturarum divinarum, simul & præceptorum cælestium observantia, ac maxime elemosinarum operatione insignis, ita ut juxta legem omnibus annis decimam non solum quadrupedum, verum etiam frugum omnium, atque pomorum nec non & vestimentorum partem pauperibus daret. Eo itaque in pontificatum sullimato, præfata temptationis tempestate sedata, ut scriptura loquitur, ædificavit Hierusalem, id est, visionem pacis Dominus, & dispersiones Israelis congregavit. Qui sanat contritos corde & alligat contritiones eorum.

CAP. XI.

Quomodo post undecim sepultura annos corpus ejus incorruptum repertum sit, & de Eadberto episcopo & Ethelmoldo qui uterque ei in anachoreſi successeſſit, & qua etate Beda ejus vitam scripserit.

Transactis autem sepulturæ ipsius annis undecim, aperientes sepulchrum ejus fratres, invenerunt corpus ejus totum quasi adhuc viveret integrum, & flexilibus artuum compagibus multo dormienti quam mortuo similis. Sed & vestimenta omnia quibus indutum erat non solum intemerata, verum etiam præca novitate & claritate miranda parebant. Quod ubi viderunt fratres nimio mox timore & tremore sunt perculsi, adeo ut vix aliquid loqui, vix intueri auderent miraculum quod apparebat, vix ipsi quid agerent nossent. Extremam autem indumentorum ejus partem pro ostendendo incorruptionis signo tollentes, nam quæ carni illius proxima aderant prorsus tangere timebant, festinarunt referre antistiti quod invenerant. Quæ cum ille & munera gratanter acciperet, & miracula libenter audiret: nam & ipsa indumenta quasi patris adhuc corpori circumdata, miro deosculabatur affectu. Nova inquit indumenta corpori pro his quæ tulistis circumdate, & sic reponite in thecam quam parastis. Scio autem certissime, quia non diu vacuus remanebit locus, qui tanta cælestis miraculi virtute consecratus est, & quam beatus est, cui in eo facultatem quiescendi Dominus totius beatitudinis auctor atque largitor præstare dignabitur. Hæc & huiusmodi plura ubi multis cum lachrymis & magna compunctione antistes, lingua etiam tremente complevit, fecerunt fratres, ut jusserat, & involutum novo amictu corpus, novaque in theca reconditum, supra pavementum sanctuarii dignæ venerationis gratia posuerunt. Tulerunt autem fratres partem de capillis ejus, quam more reliquiarum rogantibus amicis dare vel ostendere in

signum

An. Dñi signum miraculi possent. Nec mora, Deo dilectus antistes Eadbertus morbo correptus est acerbo, ac per dies crescente ardore languoris, non multo post (id est) pridie Nonas Maias, etiam ipse migravit ad Dominum, impetrato ab eo munere quod diligentissime petierat, viz. ut non repentina morte sed longa excoctus ægritudine migraret e corpore. Cujus corpus in sepulchro beati patris Cuthberti ponentes, apposuerunt desuper arcam in qua incorrupta ejusdem patris membra locaverant. Hujus vero scilicet beati Cuthberti gloriosissimæ conversationis exordium, progressum, terminum sicut ab his qui cum eo conversati fuerant fratribus indubiis testibus dixerat, puro ac simplici sermone Beda explicat, gratia Dei hoc providente ut angelicam vitam quam in extremis mundi partibus vir tantus duxerat, vir tantæ in ecclesia quaque diffusæ auctoritatis scribendo propalaret. Unde convenienter ordinante Deo actum est, ut ossa ipsius defuncti cum corpore ejusdem patris quandoque requiescerent, cuius corporis pios pro Christo labores & incorruptionem post undecim sepulturæ annos, secuturis temporibus manifestando describerat. Post obitum vero patris Cuthberti, Wilfridus, ut supra dictum est, uno anno ecclesiæ illius episcopatum tenuit. Jam enim Alfrido rege invitante, qui post fratrem Egfridum regnavit, sedem & episcopatum receperat. Deinde Eadbertus per decem annos, post quem Eadfridus per xxii. duo sancti ac digni præfules ecclesiæ præfuerunt. Cujus Eadfridi tempore Beda tricesimo ætatis suæ anno gradu presbiteratus accepto libros suos incepit facere: in quibus faciendis per viginti novem annos, id est ad finem vitæ in lege Domini meditans die ac nocte indefinenter laboravit. Fecit inter alia & sæpe dictum librum vitæ patris Cuthberti ad præfatum episcopum ita scribens. Domino sancto ac beatissimo patri Eadfrido episcopo, sed & omni congregationi fratrum qui in Lindisfarnensi insula Christo deserviunt, Beda fidelis vester conservus salutem. Quia iussistis dilectissimi ut libro quem de vita beatæ memoriæ patris nostri Cuthberti vestro rogatu composui, præfationem aliquam juxta morem præfigerem: & cætera quæ in proemio ejusdem opusculi ipse prosequitur. Ejus vero ostensa in alios beneficia prædicaturus ipse primum in se per curationem linguæ dum ejus miracula caneret, est expertus, sicut in præfatione libelli quem de vita ipsius metro composuit ad Johannem presbiterum ipsemet affirmat. Prædictus itaque reverentissimus pontifex Eadfridus multum fervens amore sui prædecessoris beati Cuthberti, oratorium in suæ anachoreticæ conversationis insula longa jam vetustate dissolutum à fundamentis restauravit, Felgildo tunc ibidem in vita solitaria post Ethelwoldum conversante. Qui videlicet Ethelwoldus cum jam multis annis in monasterio quod dicitur in Hripum acceptum presbiteratus officium condignis gradu condecorasset actibus, successit viro domini Cuthberto in exercenda vita solitaria in insula Farne, mansitque ibidem duodecim annis, ubi & defunctus est, sed in insula Lindisfarnensium juxta præfatorum episcoporum corpora in ecclesia beati Petri apostoli sepultus est.

CAP. XII.

De Ethelwoldo episcopo, & cruce lapidea quam fecit.

An. Dñi

Defuncto Eadfrido episcopo, religiosæ ac modestæ vitæ abbas & presbiter monasterii Mailrosensis Ethelwoldus successit in episcopatum, prædecessorum suorum cathedram per sedecim annos & ipse condignis honore actibus servans. Hic plane antequam monasterium præfatum jure abbatis regeret, beati patris Cuthberti ut in ejus vita legitur, dignus minister extiterat. Fecerat iste de lapide crucem artificii opere expoliri, & in sui memoriam suam in eo nomen exarari. Cujus summam multo post tempore dum ipsam ecclesiam Lindisfarnensem pagani devastarent, fregerunt, sed post artificis ingenio reliquæ parti infuso plumbo, ipsa fractura est adjuncta; semperque deinceps cum corpore sancti Cuthberti crux ipsa circumferri solebat, & à populo Northanimbriorum propter utrumque sanctum in honore haberi: quæ etiam usque hodie in hujus, id est, Dunelmensis ecclesiæ cœmiterio stans sullinis, utrorumque pontificum intuentibus exhibet monumentum.

CAP. XIII.

De Ceolvulfi regis profapia, & vita ejus, & patientia.

Anno Dominicæ incarnationis DCC. xxix. pontificatus vero Ethelwoldi quinto, Osricus rex Northanimbriorum filius Alfridi regis vita decessit, cum ipse regni quod undecim annis gubernabat, successorem pro se Ceolvulfum decrevisset, fratrem illius qui ante se regnaverat Coenredi regis. Qui videlicet Ceolvulfus de stirpe quidem Idæ primi regis Northanimbriorum fuerat, sed non de filio ejus Ethelrico rege, de quo gloriosissimi reges Oswaldus & Oswin descenderant, genealogiam duxit: sed de fratre ipsius Ethelrici nomine Oga originem traxisse invenitur. Fuerat quippe Ceolvulfus filius Cuthæ, cujus pater Cuthwine, cujus pater Lioldwal, cujus pater Eggwald, cujus pater Aldhelm, cujus pater Oga, cujus pater Ida rex. Duodecim namque filios habuit Ida, ex quibus reges Northanimbriorum exorti sunt: Addas, Ethelricum, Theodoricum, Edricum, Theudheri, Osmer, Alricum, Eccam, Osbaldum, Scor, Scotheri, Oga, ex cujus propagine fratres, ambo reges, Coenred videlicet & Ceolvulf processerunt. Cujus Ceolvulfi regni principia & processus multis redundare rerum adversantium motibus, sed post arriidente pace ac serenitate temporum, plures in gente Northanimbriorum tam nobiles quam privati se suisque liberos depositis armis sategerunt magis accepta tonsura monasterialibus ascribere votis, quam bellicis exerceri studiis, quod etiam ipse rex ut post dicemus facere curavit. Qui quoniam studiis liberalibus erat imbutus, ejus diligentiam legendi & audiendi scripturas sacras, & gesta priorum Beda laudibus commendans, historiam gentis Anglorum quam fecerat ei dicavit, ad eum ita scribens. Gloriosissimo regi Ceolvulfo, Beda famulus Christi & presbiter, historiam gentis Anglorum ecclesiasticam quam nuper edideram, libentissime tibi desideranti rex, & prius ad legendum ac probandum

729.

An. Dñi bandum transmissi, & nunc ad transcribendum, ac plenius ex tempore meditandum retransmitto, factisque tuæ studium sinceritatis amplector, quo non solum audiendis scripturæ sacræ verbis aurem sedulis accommodas, verumetiam nolcendis priorum gestis sive dictis, & maxime nostræ gentis virorum illustrium curam vigilanter impendis: & cætera.

C A P. XIV.

Quo ævo vel tempore sanctus Beda obierit, qualiter vixerit, & quanta scripserit.

735.

ANno autem Dominicæ incarnationis DCC. xxxv. imperii autem Ceolvulfi vij. episcopatus vero Ethelwoldi, anno xi. illa ecclesiæ catholicæ lucerna ad eam quæ se illuminaverat lucem, illa vena aquæ salientis in vitam æternam ad fontem vivum Deum pervenit, sacrorum scilicet librorum compositor venerabilis presbiter & monachus Beda, defunctus anno ætatis suæ quinquagesimo nono, ex quo autem rex Oswaldus & antistes Aidanus pontificalem cathedram & monachorum habitationem in Lindisfarnensi insula instituerant anno centesimo primo, à constructione vero monasterii Petri apostoli in Wiramuthe lxxij. porro à patris Cuthberti transitu lxx. anno. Qui videlicet Beda in extremo quidem mundi angulo vivens latuit, sed post mortem per universas mundi partes omnibus in libris suis vivens innotuit. In quibus terrarum regionumque diversarum situs, naturas, qualitates, subtiliter ac si cuncta ipse peragrasset, plerumque describit, cum ab infantia in monasterio nutritus, totam ibidem usque ad evocationis suæ diem vitam transegerit. Ne vero quisquam aliud quam est de illo nos dicere suspicetur, ipsius de semetipso dicta congruum subungere videtur. Ego inquit Beda famulus Christi & presbiter monasterii beatorum apostolorum Petri & Pauli quod est ad Wiramura & in Gyruum natus in territorio ejusdem monasterii, cum essem annorum septem cura propinquorum datus sum educandus reverentissimo abbati Benedicto, ac deinde Ceolfrido, cunctumque ex eo tempus vitæ in ejusdem manasterii habitatione peragens, omnem medicandis scripturis operam dedi, atque inter observantiam disciplinæ regularis & quotidianam cantandi in ecclesia curam, semper aut dicere, aut docere, aut scribere dulce habui. Nonodecimo autem vitæ meæ anno diaconatum, tricesimo gradum presbiteratus, utrumque per ministerium reverentissimi episcopi Johannis, jubente Ceolfrido abbate suscepi. Ex quo tempore suscepti presbiteratus usque ad annum ætatis meæ quinquagesimum nonum, hæc in scripturam sanctam meam, meorumque necessitati ex opusculis venerabilium patrum breviter annotare, sive etiam ad formam sensus & interpretationis eorum superadjicere curavi. In principium Genesis usque ad nativitatem Isaac, & ejectionem Ismaelis libros tres. In primam partem Samuelis, id est, usque ad mortem Saulis, libros quatuor. De ædificatione templi allegoricæ expositionis sicut & cætera, libros duos. De tabernaculo, & vasis ejus, ac vestibus sacerdotum, libros tres. Item in Regum librum triginta questionum, in Proverbia Salomonis libros tres, & alios tractatus qui in historia Anglorum atticulati sunt. Cum ergo hos libros pervigili studio edidisset, obiit vii. Kal. Junii in Gyruue, ibique sepultus est, sed post multa annorum curricula,

ossa illius inde translata, & cum incorrupto sanctissimi patris Cuthberti corpore sunt collocata. In cujus videlicet Bedæ honorem, porticus ad aquilonalem plagam ecclesiæ sancti Pauli in Gyruue consecrata, venerandam fidelibus nominis ejus ibidem præstat memoriam. Ostenditur etiam locus hodie ubi de lapide mansiunculam habens, ab omni inquietudine liber sedere, meditari, legere, dictare consueverat & scribere. Transiit autem ipso die solemnem Ascensionis Dominicæ. Cujus nos transitum melius verbis ipsius scribendum putamus, qui ejus discipulus vocabulo Cuthbertus præfens affuit, ad condiscipulum taliter scribens.

C A P. XV.

Epistola de transitu Bedæ, & ejus conversatione.

Dilectissimo, inquit, in Christo Collectori Cuthwino Cuthbertus condiscipulus in Deo æternam salutem. Munusculum quod misisti multum libenter accepi, multumque grater literas tuæ devotæ eruditionis legi. In quibus quod maxime desiderabam, missas videlicet & orationes sacrosanctas, pro Deo dilecto patre ac nostro magistro Beda, à vobis diligenter celebrari reperi. Unde dilectar magis pro ejus charitate quantum fruor ingenio paucis sermonibus dicere, quo ordine migraret è seculo, cum etiam hoc te desiderasse & poposcere intellexi. Gravatus quidem est infirmitate maxima crebris mi anhelitus, sine dolore tamen, ante diem resurrectionis Dominicæ, id est, fere duabus ebdomadibus, & sic postea lætus & gaudens gratiasque agens omnipotenti Deo omni die & nocte, imo horis omnibus usque ad diem Ascensionis Dominicæ, id est, septima Kal. Junii vitam ducebat, & nobis suis discipulis quoridie lectiones dabat, & quicquid reliquum erat diei in psalmorum decantatione occupabat, totam quoque noctem in lætitia & gratiarum actione pervigil ducebat, nisi tantum modicus somnus impediret. Evigilans autem statim consueta repetivit, & expansis manibus Deo gratias agere non desinit. O vere beatus vir! canebat sententiam beati Pauli apostoli, Horrendum est incidere in manus Dei viventis. Et multa alia de sancta scriptura, & in nostra lingua, hoc est Anglica, ut erat doctus in nostris carminibus nonnulla dixit. Nam & tunc hoc Anglico carmine componens, multum compunctus aiebat. Forþam neodpepe nenig þýpþeð þanceþ ɣnot-þna þonne him þearf ɣyto ze hɣzzene ap-þis heonen zanze. þpet þis ɣarte zodeþ oððe ɣueles, æfter deaþe heonen demed þupðe? Quod ita latine sonat, Ante necessarium exitum prudentior quam opus fuerit nemo existit, ad cogitandum; videlicet antequam hinc proficiscatur anima, quid boni vel mali egerit, qualiter post exitum judicanda fuerit. Cantabat etiam Antiphonas secundum nostram consuetudinem & sui, quarum una est. O rex gloriæ, domine virtutum, qui triumphator hodie super omnes cælos ascendisti, ne derelinquas nos orphanos, sed mitte promissum patris in nos spiritum veritatis, Alleluiah. Et cum venisset ad illud verbum, ne derelinquas nos orphanos, prorupit in lachrimas, & multum flevit, & post horam cæpit repetere quæ inchoaverat. Et nos hæc audientes luximus cum illo. Altera vice legimus, altera ploravimus, imo semper cum fletu legimus. In tali lætitia quinquagesimales

An. Dñi

An.Dñi gesimales dies usque ad diem præfatum deduximus, & ille multum gaudebat. Deoque gratias agebat quia sic meruisset infirmari. Referebat & sæpe dicebat, Flagellat Deus omnem filium quem recipit. Et multa alia de sancta scriptura; sententiam quoque sancti Ambrosii. Non sic vixi ut me pudeat inter vos vivere, sed nec mori timeo, quia bonum Deum habemus. In istis autem diebus duo opuscula multum memoria digna, exceptis lectionibus quas accepimus ab eo, & cantu psalmorum facere studebat, Evangelium scilicet sancti Johannis, in nostram linguam ad utilitatem ecclesiæ convertit: & de libris rotarum Ysidori episcopi excerptiones quasdam, dicens, Nolo ut discipuli mei mendacium legant, & in hoc post obitum meum sine fructu laborent. Cum venisset autem tertia feria ante Ascensionem Domini, cœpit vehementius ægrotare in anhelitu, & modicus tumor in pedibus apparuit. Totum autem illum diem ducebat & hilariter dictabat, & nonnunquam inter alia dixit. Discite cum festinatione, nescio quamdiu subsistam, & si post modicum tollat me factor meus. Nobis autem videbatur quod suum obitum bene sciret; & sic noctem in gratiarum actione pervigil duxit. Et mane illucescente, id est, quarta feria præcepit diligenter scribi quæ ceperamus. Et hoc facto, usque ad tertiam horam, ambulavimus deinde cum reliquiis sanctorum, ut consuetudo illius diei postulat. Unus vero erat ex nobis cum illo, qui dixit illi, Adhuc magister dilectissime capitulum unum deest, videtur tibi difficile plus te interrogari? At ille, facile est, inquit. Accipe tuum calamum, & tempera, & festinanter scribe. Quod ille fecit. Nona autem hora dixit mihi, Quædam preciosa in mea capsella habeo, id est, piperem, oraria & incensa: sed curre velociter, & presbiteros nostri monasterii adduc ad

me, ut & ego munuscula qualia Deus donavit illis distribuam. Divites autem in hoc seculo aurum, argentum, & alia quæque preciosa dare student, ego autem cum multa charitate & gaudio fratribus meis dabo quod Deus dederat. Et allocutus est unumquemque monens, & obsecrans pro eo missas, & orationes diligenter facere. Quod illi libenter sponderunt. Lugebant autem & flebant omnes, maxime quod dixerat, quia amplius faciem suam in hoc seculo non essent visuri. Gaudebant autem quia dixit, tempus est, ut revertar ad eum qui me fecit, qui me creavit, qui me ex nihilo formavit. Multum tempus vixi, bene mihi pius iudex vitam meam prævidit, tempus resolutionis meæ instat, quia cupio dissolvi & esse cum Christo: sic & alia multa locutus, in lætitia diem usque ad vespertum duxit. Et præfatus puer dixit, Adhuc una sententia magister dilecte non est descripta. At ille, Scribe, inquit, cito. Post modicum dixit puer, Modo sententia descripta est. At ille, Bene, inquit, veritatem dixisti, consummatum est. Accipe meum caput, quia multum me delectat sedere ex adverso loco sancto meo in quo orare solebam, ut & ego sedens possim invocare patrem meum. Et sic in pavimento suæ casulæ decantans, Gloria Patri, & Filio, & Spiritui sancto; cum Spiritum sanctum nominasset, spiritum e corpore exalavit ultimum, ac sic regna migravit ad cœlestia. Omnes autem qui videre beati patris obitum, nunquam se vidisse ullum alium in tam magna devotione atque tranquillitate vitam finisse dicebant. Quia sicut audisti, quousque anima in corpore fuit, Gloria Patri, & alia spiritualia quædam expansis manibus Deo vivo & vero gratias agere non cessabat. Scito autem frater charissime, quod multa narrare possem de eo, sed breviter sermonis ineruditio linguæ facit.

An.Dñi

LIBER SECUNDUS.

CAP. I.

Quando & ubi Ceolvulfus rex monachus factus sit, & quanta secum dederit, & à quo apud Northam corpus illius delatum sit.

Post dormitionem ejus in Christo anno tertio, rex Ceolvulfus relicto regno & curis mundialibus, voluntaria paupertate secutus est pauperem Christum, ut cum illo quandoque ditaretur in gloria. Eadberto filio patris sui in regnum Northanimbriarum ei succedente. Intravit autem Lindisfarnense monasterium, sancto Cuthberto secum conferens thesauros regios & terras, id est, Bregefnie & Wereworde, cum suis appendiciis, simul & ecclesiam quam ibidem ipse ædificaverat. Alias quoque quatuor villas, Wudecestre, Huuittingaham, Eadsingham, Eagulfigham. Accepta itaque tonsura in præfato monasterio monachicam cum monachis vitam ducere, & post imperium regni terrestri, cœlesti regno gaudebat militare. Vbi gloriosæ conversationis consummans terminum, sepultus est, sed succedente tempore ab Ecgrido ejusdem loci antistite, ut post dicemus, ad Northam translatus: decursis posthæc multorum annorum curriculis, ca-

put illius Dunelmum translatus una cum aliis sanctorum reliquiis, in ecclesia sancti Cuthberti, quem semper amaverat, venerabiliter est locatus.

CAP. II.

Qualiter quidam de regio genere ad pacem beati Cuthberti confugerit, & inde abstractus sit; & quomodo Cynevulf episcopus pro eo in carcere trusus sit; & de morte sancti Baltherii.

Regnante post Ceolvulfum quem prædiximus Eadberto, Cynevulf episcopatum ecclesiæ Lindisfarnensis suscepit, quem non parvo quidem tempore sed multis rerum adversantium molestiis vexatus tenuit. Denique Offa de genere regio persequentibus inimicis ad corpus sancti Cuthberti confugerat, indeque post vi abstractus nefanda est nece peremptus. Unde offensus rex Eadbertus episcopum cepit, captum in Bebbamburch teneri præcepit, Friothuberto Hagustaldensi episcopo Lindisfarnensem episcopatum amministrante, donec placato rege de captione relaxatus Cynevulf ad suam rediret ecclesiam. Hujus pontificatus anno xvii. regni vero Eadberti vicesimo

vir

An.Dñi vir Domini & presbiter Baltherus qui vitam anachoreticam in Tiningaham duxerat, viam sanctorum patrum ingressus est, migrando ad eum qui se reformavit ad imaginem Filii sui pridie Nonas Martias.

CAP. III.

De industria & conversione regis Eadberti, & fratris ejus præsulatu, atque ipsius obitu.

Verum intermissa paululum de episcopis narratione, de ipso rege Eadberto breviter aliquid dicendum videtur congruum. Patru, ut dictum est, Ceolvulfi regis vocabulo Eata filius erat, qui suscepto regno efficacem se valde ac strenuum ad tenendum regendumque imperium exhibebat. Omnibus itaque adversariis, vel sibi subiectis, vel bello prostratis, reges circumquaque morantes Anglorum, Pictorum, Britonum, Scottorum, non solum cum eo pacem servabant, sed & honorem illi deferre gaudebant. Cujus excellentiæ fama, ac operum virtutis longelateque diffusa, etiam ad regem Franciæ Pipinum pervenit, propter quod ei amicitia junctus, multa ei ac diversa dona regalia transmisit. Anno autem imperii sui vicesimo primo, cum undique pace ac dignitate cum omnium amore ac gratia floreret, filio nomine Osulfo regnum contradidit, seque in clericatu omnipotentis Dei servitio mancipavit, rogatus multum antea ne id faceret à regibus Anglorum, & partem regni sui ejus regno adjicere volentibus, dummodo retinens honorem suo in regno resideret. At ille omnibus divitiis & regnis servitutum Dei prætulit; in qua per decem annos usque ad finem vitæ permansit, sepultusque est Eboraci in eadem porticu qua & frater ejus Ecgbertus qui tribus annis ante illum obierat. Iste siquidem Ecgbertus in infantia à patre Eata in monasterium traditus fuerat. Qui provectioni ætate cum fratre Egredo Romam profectus, diaconatus gradum suscepit, mortuoque ibi fratre patriam reversus, regnante Ceolvulfo, atque jubente, primus post Paulinum accepto ab apostolica sede pallio, genti Northanimbrorum in archiepiscopatum confirmatus est, & xxxij. annos tenuit.

CAP. IV.

De occisione regis Osulfi, & quo tempore Cynevulf episcopatum Higbaldo dimiserit; & obierit; & quomodo vel ubi rex Elwoldus peremptus sit.

760. Anno ab incarnatione Domini DCC.lx. præsulatus vero Cynevulfi xxj. Osulf cum post patrem uno anno regnasset, impia nece à sua familia peremptus, Ethelwoldum Mol successorem habuit. Qui ubi sex annis regnaverat, Alchred de stirpe Errici, filii Idæ regis, in imperium successit. Nono autem anno regni fraude suorum primatum exilio imperium mutavit, pro quo Ethelred filius Ethelwoldi Mol in regnum substitutus est. Quo imperii quarto anno in exilium fugato, Aelfwold filius Osulfi regnum adeptus Northanimbrorum decem annis tenuit. Hujus regni tertio anno qui est ab incarnatione Domini DCC.lxxx. Cynevulf, de quo supra diximus, quadragesimo primo sui episcopatus anno, senio ac labore confectus, cum consensu totius con-

gregationis vices suas in ecclesiæ regimine Higbaldo viro strenuo delegavit, ipse vero liber ab hujusmodi curis, tribus posthæc annis quieti & orationi operam dedit. Quarto autem suæ quietis anno, eo migrante ad Dominum, Higbald ascendens cathedram pontificalem per viginti annos gubernavit. Anno præsulatus ejus sexto, præfatus rex Ethelwoldus à duce suo Sicga miserranda morte peremptus, in loco qui dicitur Scydelcester juxta murum, sepultus est in Hagustaldensi ecclesia, fuerat quippe pietatis eximie ac justitiæ, unde in loco occisionis ejus lux cælitus emissa sæpe à plurimis visa est: cui suus nepos Osfred Alchredi quondam regis filius successit, sed post annum pulsus regno in Euphoniā insulam quæ *pan* vocatur, aufugit: & Ethelred de exilio revocatus regnum quod dudum amiserat recepit.

CAP. V.

20 *De destructione ecclesiæ Lindisfarnensis, & celeriturnione; & de Higbaldo, Egberto & Egredo episcopis & terris per illos acquisitis.*

Anno ab incarnatione Domini DCC.xc.ij. à transitu vero patris Cuthberti, cvij. pontificatus autem Higbaldi xj. qui est annus imperii impiissimi regis Ethelredi quintus, vastatio miserrima Lindisfarnensem ecclesiam sanguine & rapina replens, pene usque ad internicionem delevit. Sed antequam de ipsa vastatione dicamus, de ipso loco antiquorum dicta paucis ponenda putavimus. Sic enim scriptum invenimus; Lindisfarnensis insula octo miliaris se extendit per ambitum, in qua est nobile monasterium quo eximius antistes Cuthbertus cum aliis præsulibus, qui ejus successores dignissimi extiterant, corpore requievit, de quibus apte dici potest quod canitur, Corpora eorum in pace sepulta sunt, & vivent nomina eorum in æternum. Vocatur autem Lindisfarne à fluviolo scilicet Lindis excurrente in mare, qui duorum pedum habens latitudinem non nisi cum recesserit mare videri potest. Hæc de ipsa insula, cujus cladem & aliorum quoque sanctorum necem futuram præsignantia, horrenda fulmina, & dracones igneis jactibus per aera vibrantes & volitantes videbantur. Mox eodem anno Pagani ab aquilonali climate navali exercitu Britanniam venientes, hac illacque discurrentes, prædantes, interficiunt non solum jumenta, verum etiam sacerdotes, Levitas, chorosque monachorum atque sanctimonialium. Veniunt septimo Iduum Juniarum ad Lindisfarnensem ecclesiam, miserabili prædatione cuncta vastant, sancta pollutis vestigiis calcant, altaria suffodiunt, omnia thesauraria ecclesiæ rapiunt. Quosdam è fratribus interficiunt, nonnullos secum vinctos assument, plurimos opprobriis vexatos nudos projiciunt, alios quos in mare demergunt. Verum non impune illa fecerunt, Deo injurias quas sancto Cuthberto irrogaverant maturius vindicante. Denique anno sequente dum portum Egfridi regis, id est, Gyruum vastantes, monasterium quoque ad hostium Doni amnis deprædarentur: dux eorum ibidem crudeli nece interiit, nec multo post vi tempestatis eorum collisæ contritæque naves perierunt. Illorum vero quidam fluctibus absorpti, alii qui ad terram vivi quoquomodo fuerant ejecti, mox indigenarum gladio sunt interfecti. Taliter ecclesia Lindisfarnensis vastata, & suis ornamentis spoliata, nihilominus tamen

An.Dñi

793.

in

An. Dñi in ea sedes Episcopalis, & qui barbarorum manus effugere poterunt, monachi apud sacrum corpus beati Cuthberti, multo post tempore permanerunt. A cuius ecclesiæ depopulatione, nono anno, Higbald completis in episcopatu xxij. annis, defunctus est viij. Kal. Junii, & Egbertus in locum ejus electus & consecratus Eanbaldo archiepiscopo, & Eanberto, & Baldulpho, aliis quoque episcopis in locum qui dicitur Biguella, iij. Idus Junii, ad ejus ordinationem convenientibus, septimum tunc annum imperii agente filio Eardulfi Eardulfo, qui occiso regi Ethelredo successerat. Sed eo decimo regni sui anno de provincia fugato, Aelfwold per biennium illud tenuit. Deinde Eanred filius Eardulfi regis, xxxij. annis imperavit. At Egberto peractis in episcopatu decem & octo annis, defuncto, Heathured successit, & in officio regiminis novem annos transegit. Post quem Egredus vicesimo secundo anno imperii Eanredi regis in præsulatum est sullimatus, vir natu nobilis, & operum efficacia strenuus, qui patris Cuthberti ecclesiam amplius prædecessoribus suis rerum ac terrarum largitionibus locupletare studuerat & honorare. Edificata namque in Northam ecclesia, ea que in honorem sanctorum Petri apostoli, & Cuthberti pontificis, necnon & Ceolvulfi regis, & post monachi dedicata, transfudit illo corpus ejusdem Deo dilecti Ceolvulfi, ipsamque villam cum duabus aliis quas ipse condiderat, eodem nomine nuncupatis Gedeword cum suis appendiciis, ecclesiam quoque & villam quam ædificaverat in loco qui Geinford appellatur, & quicquid ad eam pertinet à flumine Teisa usque Weor, sancto confessori Cuthberto contulit. Duas quoque villas Eleclif & Wigecclif, sed & Billingham in Heorternesle, quatum ipse conditor fuerat, locis superioribus quæ prædicto confessori donaverat, perpetuo possidendas adjecit. Sexto decimo autem episcopatus sui anno qui est quintus annus regni Ethelredi, qui patri Eanredo successerat, defunctus est, pro quo Eanbertus electus, octo annis ecclesiam gubernavit. Post quem anno 854. ab incarnatione Domini, DCCC. liiij. imperii autem Osberti, qui occiso Ethelredo in regnum successerat, anno quinto, Eardulfus, vir magni meriti, cathedræ pontificalis gubernacula suscepit, nec minorem quam proximis Lindisfarnensium, quibusque longe positis episcopatus sui locis pastoralis curæ sollicitudinem impendebat. Quorum Luel quod nunc **Carleol** appellatur, non solum proprii juris sancti Cuthberti fuerat, sed etiam ad sui episcopatus regimen ab Egfridi regis temporibus semper adjacebat. Nemo sane prædecessorum suorum vel successorum usque in præsens in tantum sanctissimi corporis Cuthberti præsentia laboravit: qui cum illo de loco ad locum per septem annos fugitando, inter gladios ubique sævientes, inter barbarorum impetus feroces, inter monasteriorum concremationes, inter rapinas & hominum strages, ejus obsequio amore inseparabili adhæsit, sicut in consequentibus dicitur.

CAP. VI.

De secunda per Danos Lindisfarnensis ecclesiæ; & Northymbriæ depopulatione, & quo tempore vel quare Eardulfus episcopus corpus sancti Cuthberti de insula tulerit, & quale servicium deinceps à clericis celebratum sit.

His temporibus coadunati undecumque infinita multitudo populi, Danorum scilicet & Fre-

An. Dñi sonum, aliarumque gentium Paganarum multa classe advecti, hisque regibus ducibus, Haldene, Hinguar, Hubba, Beigseæg, Guthrum, Oseytello, Amundo, Sidroc, cum alio ejusdem nominis duce, Osberno quoque & Frana, nec non Haraldo adducti, Angliam occupant, cunctamque pervagantes incendio, rapinis, & strage devastant. Subactis ac perditis australium Anglorum pene omnibus provinciis, Northanimbrorum quoque regionem expugnare aggre-
10 grediuntur. Anno enim ab incarnatione Domini DCCC. lxxij. præsulatus vero Eardulphi, anno quarto decimo, qui est quintus imperii regis Ellæ Northanimbrorum, quem expulso Osberto in regnum substituerant: prædictus paganorum exercitus Kal. Novembris, capta Eboraca hac illacque discurrit, cruore atque luctu omnia replevit, ecclesias longe lateque & monasteria ferro atque igne delevit, nil præter solos sine tecto parietes abiens reliquit, in tantum ut illa quæ in præsentis est ætas ipsorum
20 locorum vix aliquod, interdum nullum antiquæ nobilitatis possit revivere signum. In hac quidem vice ultra Tini fluminis ostium non processerant barbari, sed inde Eboracum sunt reversi. At Northanimbrorum populi in tanta necessitate placatis alterutrum regibus suis, scilicet Osberto & Ella, congregatoque exercitu non parvo, hostium vires quoquomodo debilitare conabantur. Igitur duobus regibus & octo comitibus perduci Eboracum duodecimo Kal. Aprilis irrumpunt, quorum quidam intus, alii vero intrinsecus satis pertinaciter agunt. Quorum repentino adventu hostibus aliquantulum perterritis, sed post acriter resistentibus, ex utraque parte atrociter pugnatur. Tandem cum maxima parte suorum ambo præfati reges occubuerunt, & injurias quas ecclesiæ sancti Cuthberti aliquando irrogaverant, vita privati & regno persolverunt. Denique Osbertus Wercword, & Tillemuthe, Ella vero Billingham, Eleclif & Wigecclif, Crecam quoque sacrilego ausu ipsius ecclesiæ abripuerant. Quibus ut dictum est interfectis, regem Northumbris qui supererat Ecgbertum Dani constituerunt, qui eis tantum qui ad septentrionalem plagam fluminis Tini habitabant, sub eorum dominio imperaret. His ita gestis, ab Eboraco ad regnum Merciorum exercitus proficiscitur, sed post annum reversus Eboracum, solita crudelitate grassatur. Inde altero anno divertens duce omnium crudelissimo Inguar, orientales Anglos invadit, sanctissimumque regem Eadmundum diversis pœnis laceratum cum suo pontifice Hunberto peremit. Inter hæc Northumbrani regem suum Ecgbertum & archiepiscopum Vulshere de provincia expellunt, & quendam vocabulo Ricfig in regnum sibi constituunt. Nec multo post Haldene rex Danorum assumpta de Reoppandune ubi tunc federat plurima parte prædicti exercitus, multa cum classe Tinam ingrediens, circa Tomemuthe hyematurus applicuit, totam ad aquilonalem plagam prædicti fluminis provinciam, quæ pacem eatenus habuerat peracta hyeme depopulaturus. Cujus adventu audito memoratus antistes Eardulfus futuram cladem ecclesiæ Lindisfarnensis, & totius episcopatus ultimani depopulationem prævidens, fugam cum suis arripere meditabatur, sed quid de sacratissimo patris Cuthberti corpore fieret sollicitabatur. Sine illo enim thesauro nusquam esse volebat, sive in sua ecclesia residens, sive inde discedens. Ascito ergo probandæ sanctitatis viro Eadredo, qui ab eo quod in Luel in
60 monasterio

An.Dñi monasterio dudum ab ipso Cuthberto institutus educatus officium abbatis gesserit, Lulise cognominabatur, dum quid potissimum agerent, invicem tractarent, dictorum ipsius patris Cuthberti quæ ultima ab vita hac migraturus suis contradiderat, recordantes, loco magis eligunt cedere quam barbaris collum submittere. Sic enim inter alia suis paterna sollicitudine consuluit, dicens: Si vos unum è duobus adversis eligere necessitas coegerit, multo plus diligo, ut eruentes de tumultu, tollentesque vobiscum mea ossa recedatis ab his locis, & ubicunque Deus providerit incolæ maneatis, quam ut ulla ratione consentientes iniquitati schismaticorum jugo colla subdatis. Hæc illi relegentes, patrem Cuthbertum cum ista diceret, futurum sui temporis periculum prophetiæ spiritu prævidisse, sibi que reputabant talia mandasse. Tollentes ergo sacrum illud & incorruptum patris corpus, & una cum eo in ejusdem thecæ loculo (ut in veteribus libris invenerunt) collocatas sanctorum reliquias, videlicet, caput Deo dilecti regis ac martiris Oswaldi, antea in ejusdem ecclesiæ cimiterio sepultum, partem quoque ossium sancti Aidani, nam ut supradictum est, alteram partem Colmannus ad Scotiam rediens secum tulerat; præterea etiam successorum ejusdem patris Cuthberti venerabilium sacerdotum ossa veneranda, scilicet Eadberti, Eadfridi, Ethelwoldi, quorum supra mentionem fecimus. Hæc ergo tollentes, illam nobilem & primam in gente Berniciorum ecclesiam, in qua plurimorum fuerat conversatio sanctorum, illam inquam barbaros fugiendo relinquunt; anno scilicet ab incarnatione Domini, DCCC.lxxv. ex quo autem rex Oswaldus & pontifex Aidanus ipsam ecclesiam fundantes sedem in ea pontificalem cum monachorum congregatione locaverant, CC.xlj. à transitu vero patris Cuthberti, Clxxxix. episcopatus vero Eardulfi anno xxij. Hic est octogesimus tertius annus, ex quo à pyratibus ecclesia illa, ut supra dictum est, sub Higbaldo episcopo devastata, omnesque monachi varia sunt morte necati, præter paucissimos qui quomodo evaserant. Qui etiam hac clade de qua nunc agimus superveniente omnes defecerunt; sed qui inter eos ab ætate infanti in habitu clericali fuerant nutriti atque eruditi, quocunque sancti patris corpus ferebatur secuti sunt, moremque sibi à monachis doctoribus traditum in officiis duntaxat diurnæ vel nocturnæ laudis semper servarunt. Unde tota nepotum suorum successio magis secundum instituta monachorum, quam clericorum consuetudinem canendi horas usque ad tempus Walcheri episcopi, paterna traditione observavit, sicut eos canentes sæpe audivimus, & usque hodie nonnullos de illa progenie narrantes audire solemus. Nec tamen corpori patris ejusdem Cuthberti pontificis simul & monachi, monachorum unquam usque ad prædicti Walcheri tempora sedulitas defuit vel obsequium. Eardulfus denique pontifex & sicut prædecessores ejus monachus, Eadredus quoque monachus & abbas, quoad vixerant, individuo comitati semper adherabant. Post quos episcopi sequentes usque ad sæpe dictum Walcherum monachi, sine duobus vel tribus monachis nunquam fuisse noscuntur. Cum ergo episcopus una cum venerandis reliquiis fugiens insulam præfatam & ecclesiam deseruisset: mox & ipsius loci, & totius Northanumbrorum provinciæ sæva depopulatio est secuta, exercitus Danorum ductu Haldene regis crudeliter

ubique debacchante, qui etiam monasteria passim & ecclesias ignibus contradidit, servos ancillasque Dei ludibriis affectos interfecit, & ut breviter dicam, ab orientali mare usque ad occidentale, eadem & incendium continuavit. Unde antistes & qui cum illo sancti patris corpus comitabantur, nusquam locum requiescendi habere poterant, sed de loco ad locum huc atque illuc euntes, & redeuntes, ante crudelium barbarorum faciem discurrebant.

CAP. VII.

Quare fœmina in ecclesia sancti Cuthberti non intrent, & de excessu sanctimonialium quondam in Collingham.

IN nullam autem pene ecclesiarum quas Confessor beatus, sive ante sive nunc in tempore fugæ vel post, sui sacri corporis præsentia illustravit, ulla usque hodie fœminis esse constat intrandi licentia. Cujus rei consuetudo, ut qua de causa oriri cœperit indicemus, intermisso paulum narrandi ordine, breviter superiora replicemus. Ante paucos sane sui episcopatus annos monasterium in Coldingham per culpam incuriæ flammis absumptum est, quod tamen à malitia inhabitantium in eo contigisse, omnes qui novere, facillime potuerunt advertere. Erant siquidem in eodem loco diversis tamen separatæ mansionibus monachorum sanctimonialiumque congregationes, qui paulatim à regularis disciplinæ statu defluentes inhonesta invicem familiaritate decipiendi occasionem inimico præbuerant. Nam & domunculas quæ ad orandum vel legendum factæ fuerant, in comessationum, potationum, confabulationum, & cæterarum cubilia illecebrarum convertebant. Virgines quoque Deo dicatæ contempta reverentia suæ professionis, texendis subtilioribus indumentis operam dabant, quibus aut seipsas ad vicem sponсарum in periculum sui status adornarent, aut externorum sibi virorum amicitiam compararent: unde merito loco illi & habitatoribus ejus gravis de cœlo vindicta flammis sævientibus facta fuerat. Sed non defuit puniendis admonitio præmissa divinæ pietatis, qua aliquantulum correcti paucis post diebus timere, & seipsos intermissis facinoribus cœperunt castigare. Verum post obitum religiosæ abbatissæ Ebbæ redierunt ad pristinas sordes, imo sceleratiora fecerunt, & cum dicerent Pax & securitas, divinæ ultionis pœna sunt mulctati. Nec multo post vir Domini Cuthbertus episcopali summatus cathedra, ne sui vel præsentis vel futuri quandoque tali exemplo Dei super se iram provocarent, omne ab eis fœminarum separavit consortium, ne indiscreta illarum societas servis Dei aliquod sui propositi periculum, & ex eorum ruina inimico generaret gaudium. Omnibus ergo & viris & fœminis consentientibus, omne suis & in præsentis & post futuris temporibus muliebri interdixit consortium, earumque ab ecclesiæ suæ ingressu penitus amovit introitum. Unde in insula sedis episcopalis ejus facta ecclesia quæ lingua indigenarum *Ænechirche*, id est, viridis ecclesia appellatur, eo quod in campi virentis planitie sita sit, jussit ut illo missas & verbum Dei audituræ mulieres convenirent; ne propius ecclesiæ in qua ipse cum monachis conversabatur unquam accederent. Quæ consuetudo usque hodie diligenter observatur, in tantum, ut nisi metus hostilis

An.Dñi hostilis vel concrematio loci compellat, nec in cœmeteria quidem ipsarum ecclesiarum ubi ad tempus corpus ejus requieverat mulieribus introire liceat.

C A P. VIII.

De femina quæ cœmeterium sancti Cuthberti introiit quam celeri vindicta punita sit.

Fuerant autem quæ temerario ausu hæc instituta infringere temptaverunt, sed quantum scelus admiserint, mox poena vindice senserunt. Harum quædam vocabulo *Sungeova*, filii *Benonis*, qui *Gamelo* vocabatur uxor, quæ nocte quadam cum de convivio domum redire vellet, querebatur marito quod viam propter lutosas platearum voragines nusquam mundam habere potuisset. Ad ultimum utrique placuit, ut per cœmeterium hujus, id est, Dunelmensis ecclesiæ transitum facerent, atque postea hoc peccatum elemosinis expiarent. Cum ergo simul irent, repente corripit ipsa nescio quid exhorrere, & se jam jamque extra sensum fore clamare. Increpata à marito ut tacens absque ullo timore pergeret, cum jam extra sepem quæ cœmeterium ecclesiæ ambierat, pedem poneret, illico repente cecidit, domumque portata ipsam noctem hujus vitæ terminum habuit.

C A P. IX.

Item de alia quæ per cœmeterium cucurrit, quæ morte se ipsam extinxerit.

Sequitur & aliud non dissimiliter factum. Erat Sciamque uxor cujusdam divitis qui postea nobiscum in hac ecclesia in monachico habitu conversatus est, quæ audiens narrari à pluribus variam ecclesiæ ornamentorum pulchritudinem, forminea aviditate videndi nova succenditur. Nec valens impetum animi refranare, quæ se præ cæteris mariti potentia extulerat, arripuit iter per ecclesiæ cœmeterium, sed non impune. Postea enim sensum perdidit, suam moribus linguam præcidit, nec prius insaniam quam propria manu inciso sibi gutture vitam amisit. Nam in domo non facile retineri valens, dum incertis sedibus vagaretur, die quadam inventa est, sub arbore cruentato gutture mortua jacere, & cultellum quo semetipsam extinxerat in manu retinere. Plura quidem contra similem aliarum foeminarum audaciam divinitus ostensa adhuc narrari poterant, sed quoniam ad alia nobis transfundendum est, hæc brevitatis causa de his dicta sufficiant.

C A P. X.

De peste per Danos illata, & de septem portitoribus sancti Cuthberti, & de visione regis Elfredi.

His interpositis ad ea quæ inceperamus ordine narrationis redeamus. Discurrentibus undique Paganis, & per multos annos *Northanimbriorum* provinciam inhabitantibus, Christianus indigenarum populus cum liberis & conjugibus sacrum beati confessoris corpus comitabatur, omnia quæ amiserat, patriam, domos, supellectilem, in uno ipsius

corpore se reputans conservasse, duminodo secum illud habere mereretur. Itaque omnes *Northanimbriorum* partes incertis semper sedibus percurrabant, & tanquam oves ora luporum fugientes, solo sui pastoris ductu & patrocinio confidebant. Nec tamen sacri corporis loculum, nec in quo ferebatur vehiculum passim cuilibet attingere licitum fuerat, sed observata tantæ sanctitatis reverentia, ex omnibus specialiter septem ad hoc ipsum constituti fuerant, ut si quid in his cura vel emendatione indigeret, præter ipsos nemo auderet manum apponere. Unde singuli eorum ex officiis quibus deputati fuerant, positis sibi agnominibus vocari solebant. Inter hæc rex occidentalium Saxonum *Elfredus*, immanes hostium vires ferre non valens, tribus annis in *Glestingensibus* latitavit paludibus. Sed qualiter ibi manifesta visione sanctus ei *Cuthbertus* apparuerit, & ejus suffragante auxilio subactis hostibus regnum receperit, quoniam alibi plene per ordinem scriptum habetur, hic non esse repetendum videtur. Breviter tamen hic memoretur, quod inter admonitiones cæteras & promissa, regnum *Britannie* ei suisque filiis pollicetur. Misericordiam, inquit, & justitiam præcipue diligas moneo, eademque filios tuos servare præ omnibus semper doceto, quoniam me impetrante, Deoque donante, totius *Britannie* imperium vobis concedetur disponendum. Si autem Deo mihi que fideles extiteritis, me posthac ad conterendum robur omne inimicorum, inexpugnabile defensionis scutum habebitis. Igitur in crastino juxta promissum sancti de melioribus amicis quingenti circa horam nonam bene armati ad eum venerunt, & post septem dies apud *Assandune* Anglorum exercitus concurrat. Ubi de hostibus victoria *Elfredus* potitus, per filium suum *Edwardum* regalia dona transmisit sancto *Cuthberto*. Cujus monita ipse *Elfredus*, postque ipsum filii ejus, Deo, & ipsi sancto confessori fideles existendo exequentes, imperii fines latius quam ullus progenitorum suorum extendendo, promissorum ejus effectibus potiti sunt. Quæ tamen in nepote ipsius *Elfredi*, *Ethelstano* maxime sunt completa, qui primus regum Anglorum subactis ubique hostibus, totius *Britannie* dominium obtinuit. Cujus quantæ erga sanctum *Cuthbertum*, quantave illius erga ecclesiam ejus munificentia extiterit, suo loco in sequentibus dicemus.

C A P. XI.

Quomodo corpus S. Cuthberti ad Hiberniam transferri debuit, sed tempestate reductum sit.

Verum ut ad superiora redeamus, episcopus *Eardulfus*, & abbas *Eadredus* tota pene provincia tum thesauro corporis sacri pervagata, propter diuturnum laborem nimio tandem confecti tandem, ut suis finem laboribus & sancto corpori sedem in *Hibernia* quærent, mutuo inter se consilio diu ventilabant, præsertim quia nullam in tota hac terra remanendi spem habebant. Proinde adhibitis ad hoc quæque de omnibus qui sapientiores erant, & ætate provectiores sui secreta consilii eis pandebant. Placuit itaque illis hoc consilium, & evidenter (inquiunt) in terra peregrina requiescendi locum quærere monemur, quia nisi hoc Dei fuisset voluntas, ipsiusque sancti, proculdubio jampridem & suæ sanctitati locus ad requiescendum condignus, & nobis

An. Dñi bis ad manendum opportunus fuisset provifus. Ergo ad hostium fluminis quod *Dyrwenta* vocatur, omnes simul, epifcopus, & abbas, & populus conveniunt. Ibi navis ad transponendum paratur, venerabile patris corpus imponitur, cum epifcopo & abbate pauci quibus hoc innotuerat confilium ingrediuntur, cæteris omnibus quid agere vellent ignorantibus. Quid plura? Sociis à littore fe fpectantibus valedicunt, fecundis vela flatibus expediunt, recto verfus *Hyberniam* ductu proram dirigunt. Quis tunc plandus refidentium? Heu, inquiunt, miferi! nos in hæc mifera cur nati fumus tempora? Tu pater & patrone noster, en tanquam captivus in exilium duceris, nos tanquam oves luporum dentibus, ita miferi & captivi adverfariis exponimur fævientibus. Nec illi plura, Continuo venti mutantur, fluctus intumefcentes elevantur, & quod nunc erat tranquillum, mare fit tempeftuofum: navisque jam non valens gubernari, huc & illuc inter fluctivagas jaëtabatur undas. Qui enim intus erant, velut mortui obriguerant. Interea tres miræ magnitudinis undæ horrifco cum murmure fupervenientes, navem medias pene ufque ad tabulas impleverunt, atque terribili miraculo poftque *Ægypti* plagas inaudito, protinus in sanguinem convertebantur. Qua tempeftate dum navis verteretur in latera, cadensex ea textus Evangeliorum auro gemmisque peromatus, in maris ferebatur profunda. Ergo poftquam fenfu aliquantulum recepto femetipfos qui vel ubi effent recordantur, genua flectunt, veniamque ftulti aufus, toto corpore ad pedes fancti corporis prostrati, petunt. Arrepto itaque gubernaculo, navem ad littus & ad socios retorquent, & continuo flantibus à tergo ventis illuc fine aliqua difficultate perveniunt. Tunc qui prius fleverant dolendo, verfa vice plus jam fiebant gaudendo: epifcopus vero cum sociis fuis pudore fimul & dolore non minus lachrimans, toto corpore in terram profternitur, fibique indulgeri obnixius precatur.

CAP. XII.

De portitoribus facri corporis ex diuturno labore pertafis, qua nomina eis fuerint, & qualiter equum, frænum carrumque prædicente fancto Cuthberto invenerint, & textum Evangeliorum in mare triduo dimerfum illafum receperint.

Interea populus longo per annorum fpatia labore, famis neceffitate cunctorumque rerum egeftate compulfus, à comitatu fancti corporis dilabitur, & per loca inhabitata, ut qualitercumque vitam fuffentarent difpergitur. Exceptis enim epifcopo & abbate cum fuis admodum paucis omnes difcefferunt, præter illos feptem, qui ejus obfequio corporis familiarius ut dictum eft adhærere femper confueverunt. Hii nimirum fuerunt illi qui deficientibus monachis, nutriti ab eis & educati, ut fuperius diximus, de infula *Lindifarnenfi* venerandum fancti confefforis corpus funt fecuti, nunquam illud quoufque viverent relicturi. Quorum quatuor qui tribus aliis majores effe videbantur, hæc fuerunt nomina, *Hunred, Stitbard, Edmund, Franco*, de quorum ftirpe multi in *Northanimbroyum* provincia tam clerici quam laici fe descendiffe tanto magis gloriantur, quanto progenitores fui fancto

Cuthberto fidelius deferviffe narrantur. Cum ergo cunctis difcedentibus foli cum tanto thefauro relictæ effent, adverfis undique rebus maximas fuffinuerunt anguftias, nec tamen quo confilio evaderent, quove folatio respirarent excogitare potuerunt. Quid, inquiunt, facturi fumus? Quo patris reliquias ferentes ibimus? Barbaros fugientes per feptem annos totam provinciam luftravimus, jamque nullus in patria fugæ fupereft locus. Ne vero peregrinantes alicubi requiem quæramus, manifefta flagelli caftigatione prohibiti fumus. Super hæc omnia fames dira incumbens quacunque folatium vitæ quærere compellit, fed gladius Danorum ubique fæviens, nobis cum hoc thefauro tranfitum non permittit. Porro fi illo relictæ nobifipfis providerimus, inquirenti poftmodum ejus populo ubinam fit pafior & patronus eorum, quid respondebimus? furto an violentia nobis ablatum dicemus? In exilium transportatum, an folum in defertis nunciabimus relictum? Profecto manu illorum iufta confeftim morte interibimus, omnibusque poft futuris feculis infamiam noftri relinquemus, cunctorum maledicta lucrabimur. Tanta rerum anguftia gementibus tandem confuetum piiffimi patroni affuit auxilium, quo & animos eorum mœrore & corpora relevavit labore, quia factus eft Dominus refugium pauperum, adjutor in opportunitatibus in tribulatione. Cuidam namque illorum, videlicet *Hunredo* per vifum affiftens, juffit ut æftu maris recedente, codicem qui de navi, ut fuperius dictum eft, medias ceciderat in undas quærent, fortaffis enim contra hoc quod ipfi fperare poſſent, Deo miferante invenirent. Nam & de illius libri amiffione, maxima illorum mentes perturbaverat mœftitia. Quibus verbis hæc quoque adjungens, Tu, inquit, citius furgens frænum quod in arbore videbis pendere, equo quem non longe hinc invenies oftendere, moxque ad te fponfe accurrentem curabis frænare, quem deinceps carrum in quo meum corpus circumfertur trahentem, vos levigato labore fequi valebitis. His perceptis, confeftim fomno expergefactus, vifionem fe vidiffe narravit, moxque aliquos è fociis ad mare quod erat vicinum, librum quem amiferant quæfituros mifit. Per id quippe temporis, in locum qui candida cafa, vulgo autem *Witerna* vocatur, devenerant. Itaque pergentes ad mare, multo quam confueverat longius receffiffe confpiciunt, & tribus vel eo amplius milliariis gradientes, ipfum fanctum Evangeliorum codicem reperiunt, qui ita forinfecus gemmis & auro fui decori, ita intrinfecus literis & foliis priore præferebat pulchritudinem, ac fi ab aqua minime tactus fuiffet. Quæ res animos eorum anxios non parum gaudio replevit, virumque memoratum de cæteris quæ audierat, minime dubitare permifit. Pergens ergo frænum ficut per fomnium didicerat in arbore fufpenfum invenit, deinde hac illacque circumfpiciens, paulo remotius caballum rufi coloris confpexit, qui unde vel quomodo in illum folitudinis locum pervenerit, fciri nullatenus potuit. Cui ficut juffus fuerat dum manu elata frænum oftenderet, concite adveniens manibus illius fe fe frænandum obtulit. Quo ad socios perducto, pro patris *Cuthberti* corporis præfentia tanto libentius poftmodum laborare gaudebant, quanto ejus fuffragia nunquam in neceffitate fibi defutura pro certo fciebant. Adjungentes itaque caballum vehiculo, quod illum co-

An.Dñi lestem thesaurum theca inclusum ferebat; eo securius per quælibet loca sequebantur, quo à Deo sibi proviso equo ductore utebantur. Porro liber memoratus in hac ecclesia quæ corpus ipsius sancti patris habere meruit, usque hodie servatur, in quo nullum omnino ut diximus per aquam lachionis signum monstratur. Quod plane & ipsius sancti *Cuthberti*, & ipsorum quoque meritis qui ipsius libri authores extiterant, gestum creditur, *Eadfridi* videlicet venerandæ memoriæ episcopi, qui hunc in honorem beati *Cuthberti* manu propria scripserat, successoris quoque ejusdem venerabilis *Ethelwoldi*, qui auro gemmisque perornari jusserat, sancti etiam *Bilfridi* anachoritæ, qui vota jubentis manu artificii profectus, egregium opus composuerat. Erat enim aurificii arte præcipuus. Hii pariter amore dilecti Deo confessoris & pontificis ferventes, suam erga ipsum devotionem posteris omnibus innotescendam hoc opere reliquerunt.

CAP. XIII.

Quomodo jussu sancti Cuthberti Guthredus sit rex effectus; & de donis ejus, privilegiis & largitionibus.

Cum ergo & corpori suo sedem providere, & servientes sibi à longo per septem annos labore vellet respirare, rex impius *Haldene* crudelitatis suæ quam in ecclesiam ipsius sancti, cæteraque sanctorum loca exercuerat, vindictam Deo vindice persolvit. Nam cum infania mentis gravissimus corpus ejus invasit cruciatus, unde etiam fætor exhalans intolerabilis, toti eum exercitui reddidit exosum. Contemptus ergo ab omnibus & projectus cum tribus tantum navibus de *Tina* profugit, nec multo post cum suis omnibus periit. His ita gestis, ad monasterium quod in sua quondam villa vocabulo *Creca* fuit, illud venerabile corpus deferunt, ibique ab abbate cui nomen *Geve* benignissime suscepti, velut in proprio quatuor mensibus residebant. Interea cum exercitus, & qui supererant de indigenis sine rege nutarent, sæpe nominato abbati *Eadredo*, religionis conversationis viro ipse beatus *Cuthbertus* per somnium astitit, jamque suorum quieti providens, ei hæc facienda injunxit. Pergens, inquit, ad exercitum *Danorum*, mea te ad illos missum legatione dices, ut scilicet puerum quem viduæ illi vendiderant vocabulo *Guthredum*, filium *Hardecnut*, ubinam sit tibi ostendant. Quo invento & precio libertatis ejus viduæ persoluto, ante totius exercitus frequentiam producat, atque ab omnibus me volente ac jubente, in *Wstefoune* hoc est monte *Oswin* electus, posita in brachio ejus dextro armilla in regnum constituatur. Evigilans ergo abbas rem sociis retulit, moxque profectus jussa per ordinem complevit. Productoque in medium juvene, tam barbari quam indigenæ, reverenter jussa sancti *Cuthberti* suscipiunt, atque unanimi favore puerum ex servitute in regnum constituunt. Quo cum gratia cunctorum & amore regni sede potito, cum lopiis jam perturbationum procellis tranquillitas redderetur, sedes episcopalis quam in *Lindisfarnensi* insula superius diximus, in *Cuncacestre* restauratur. Translato itaque illuc post quatuor menses de *Creca* beatissimi patris incorrupto corpore, simul & qui Deo servirent ibidem institutis, eximius

antistes *Eardulphus*, vir ubique in prosperis et adversis sancto *Cuthberto* adhærens, primus ibi cathedrali pontificalem conscendit: nec parum honoris et donorum illi ecclesiæ rex *Guthredus* contulit; eique qui ex servo se in regem promoverat, devota deinceps humilitate subditus fideliter servivit. Unde cuncta quæ pro privilegiis ecclesiæ suæ ac libertate, atque pro sibi ministrantium sustentatione mandaverat; ille ut promptus minister mox adimplere festinavit. Denique memorato abbati per visum astans ipse sanctus, Dicit, inquit, regi ut totam inter *Wæeo*; et *Eyne* terram, mihi et in mea ecclesiâ servientibus, perpetuæ possessionis jure largiatur, ex qua illis ne inopia laborent, vitæ subsidia procurentur. Præcipe illi præterea ut ecclesiam meam tutum profugis locum refugii constituat, ut quicumque qualibet de causa ad meum corpus confugerit, pacem per triginta et septem dies, nulla unquam infringendam occasione habeat. Hæc per fidelem internuntium abbatem audita, tam ipse rex *Guthred* quam etiam potentissimus, cujus superius mentio facta est, *Elfredus*, declaranda populis propalarunt; eaque toto non solum *Anglorum* sed et *Danorum* consentiente ac collaudante exercitu in perpetuum servanda constituerunt. Eos autem qui institutam ab ipso sancto pacem quoquomodo irritare præsumpserint, damno pecuniæ mulctandos censuerunt; ut scilicet quantum regi *Anglorum* pace ipsius fracta debeant, tantundem ipsi sancto violata ejus pace persolvant, videlicet ad minus octoginta et sedecim libras. Terra quoque quam præceperat, inter memorata duo flumina innox ei donata, communi regum supradictorum et totius populi sententia decretum est, Ut quicumque sancto *Cuthberto* terram donaverit, vel pecunia ipsius empta fuerit, nemo deinceps ex ea cujuslibet servitii aut consuetudinis sibi jus aliquod usurpare audeat, Sed sola ecclesia inconcussa quiete ac libertate cum omnibus consuetudinibus, et ut vulgo dicitur, cum *saca & socna* & *infangentheof* perpetualiter possideat. Has leges et hæc statuta quicumque quolibet nisu infringere præsumpserint, eos in perpetuum nisi emendaverint *Geahenna* ignibus puniendos, anathematizando sententia omnium contradidit. Interjecto tempore aliquanto gens Scottorum innumerabili exercitu coadunato, inter cætera suæ crudelitatis facinora *Lindisfarnense* monasterium sæviens et rapiens invasit. Contra quos dum rex *Guthredus* per sanctum *Cuthbertum* confortatus pugnaturus staret, subito terra dehiscens hostes vivos omnes absorbit, renovato ibi miraculo antiquo, quando aperta est terra et deglutivit *Dathan*, et operuit super congregationem *Ahiron*. Qualiter autem gestum sit, alibi constat esse scriptum.

CAP. XIV.

Item de dignitatibus & ecclesiæ privilegiis.

Anno ab incarnatione Domini DCCC. xciiij. Rex *Guthredus* cum non paucis annis prospere regnasset, moriens, privilegia ecclesiæ patris *Cuthberti*, de quiete, de libertate ipsius, de pace confugientium ad sepulchrum ejus à nullo unquam irritanda. Alia quoque in ecclesiâ ipsius munimentum statuta, omnibus post se regibus, episcopis et populis in æternum conservanda reliquit, quæ etiam

Ap. Dñi usque hodie servantur. Denique ea nemo unquam impune conabatur infringere. Quorum *Scotti* ut præfati sumus cum pacem ejus violassent, subito terræ hiatu absorpti in momento disparuerunt. Alios quoque in simili præsumptionis scelere, quam terribilis vindicta percussit, in sequentibus dicitur. Mortuo *Guthredo*, rex *Elfredus Northanimbriorum* regnum suscepit disponendum. Postquam enim sanctus *Cuthbertus* ei apparuerat, paterno regno, id est, Occidentalium *Saxonum*, et provinciam Orientalium *Anglorum*, et *Northanimbriorum* post *Guthredum* adjecit.

CAP. XV.

Quid rex Elfredus moriens, Edwardo filio suo praeceperit.

899. Anno ab incarnatione Domini DCCC. xcix. idem piissimus rex *Anglorum Elfredus* peractis in regno viginti octo annis et dimidio, defunctus est, *Edwardo* filio in regnum patri succedente: qui ab ipso diligentissime admonitus fuerat, ut sanctum *Cuthbertum*, ejusque ecclesiam quam maxime diligendo semper honori haberet, recolendo ex quantis angustis et calamitatibus patrem eripiens regno restituerit, et plus quam antecessores ejus habuerant, ei subactis hostibus augmentaverit.

CAP. XVI.

De episcopo Cutheardo, & quomodo Edwardus monarchiam perceperit, & de Onlafald qualiter in limine ecclesie sancti Cuthberti interierit.

Eodem anno, quo rex *Elfredus* mortuus est, ille sæpe memoratus antistes *Eardulfus* in senectute bona suorum præmia laborum recepturus ab hac vita migravit, anno scilicet nonodecimo, ex quo sacrum beati patris *Cuthberti* corpus in *Cuncacestre* translatum fuerat, sui vero episcopatus anno quadregesimo sexto. In cujus loco *Cutheardus*, et ipse coram Deo et hominibus vita probabili commendatus, omnium electione cathedram episcopalem suscepit regendam. Qui magna sollicitudine rerum sufficientiam Deo coram incorrupti corporis præsentia servitutis providens, quas et quot villas ipsius sancti pecunia comparatas, prioribus regum donariis adjecerit, ecclesie cartula quæ antiquam regum et quorumque religiosorum munificentiam erga ipsum sanctum continet, manifeste declarat. Itaque *Edwardo* non solum occidentalium *Saxonum*, verum etiam orientalium *Anglorum*, *Northanimbriorum* quoque regna disponente, et *Cutheardo Berniciorum* administrante præsulatum, rex quidam paganus vocabulo *Reingwald*, multa cum classe *Northanimbriorum* partibus applicuit. Nec mora, irrupta Eboraca, indigenas quosque meliores vel occidit, vel extra patriam fugavit. Occupavit quoque totam mox terram sancti *Cuthberti*, villasque ipsius duobus suis militibus, quorum unus *Scula*, alter *Onlafald* appellabatur, distribuit. Horum *Scula*, à villa quæ vocatur *Idene* usque *Willingham* sortitus dominium, miseros indigenas gravibus tributis et intolerabilibus afflixit. Unde usque hodie *Eboracenses*, quoties tributum regale solvere coguntur, ei parti terræ sancti *Cuthberti*, quam *Scula*

possederat, in levamentum sui multam pecuniæ imponere nituntur. Scilicet legem deputant, quod paganus per tyrannidem fecerat, qui non legitimo regi *Anglorum*, sed barbaro & alienigenæ, & regis *Anglorum* hosti militabat. Nec tamen quamvis multum in hoc laboraverint, pravam consuetudinem huc usque sancto *Cuthberto* resistente introducere potuerunt. Aliam vero partem villarum *Onlafald* occupavit, qui multo quam socius ejus immaniore & crudeliorem se in sui perniciem omnibus exhibebat. Denique cum multis sæpe injuriis episcopum, congregationem, atque populum sancti *Cuthberti* molestaret prædique ad episcopium jure pertinentia sibi pertinaciter usurparet, episcopus volens eum Deo lucrari, Quæso, inquit, pertinacis animi rigorem deponas, & ab illicita rerum pervasione ecclesiasticarum jam te cohibeas: Nam si hæc monita spreveris, ipsum confessorem suas suorumque injurias per te irrogatas graviter vindicaturum esse non dubites. At ille contra, hæc diabolico spiritu inflatus, Quid, inquit, hujus hominis mortui minas quotidie mihi obicitis? Quid contra me vobis valebit ipsius in quo speratis auxilium? Deorum meorum potentiam contestor, quod tam ipsi mortuo, quam vobis omnibus deinceps inimicissimus ero. At episcopus, omnesque fratres in terram prostrati, à Deo & sancto confessore, superbas illius minas annullari flagitabant. Jam miser ille ad hostium venerat, jam alterum intra limen, alterum extra pedem posuerat, & ibi tanquam clavis per utrumque pedem confixus, nec egredi, nec regredi valebat, sed immobilis ibi prorsus manebat. Ubi diutius tortus, beatissimi confessoris sanctitatem palam confitebatur, sicque impiam animam eodem in loco reddere compellebatur. Quo exemplo alii omnes conterriti, neque terras, neque aliud quid quod ecclesie jure competebat, quoquomodo ulterius pervadere præsumpserunt.

CAP. XVII.

De Tilredo episcopo, & de mandato regi Ethelstano nunc à patre & prius per avum suum facto.

Defuncto autem *Cutheardo* cum jam quintum decimum suo in episcopatu ageret annum, substitutus est ad ecclesie regimen bonæ actionis vir *Tilredus*. Cujus pontificatus septimo anno *Edwardo* rege defuncto, filius ejus *Ethelstanus*, suscepta regni gubernacula gloriosissime rexit, primusque regum totius *Britannie* quaquaversum adeptus est imperium, adjuvante atque impetrante hoc apud Deum B. *Cuthberto*, qui avo illius *Elfredo* quondam apparens promiserat: Totius, inquit, *Britannie* regnum filiis tuis me impetrante concedetur disponendum. Denique huic *Ethelstano* pater moriturus universa replicare cepit, quæ & quanta suo patri pietatis beneficia beatus *Cuthbertus* impenderit, qualiter ex latibus ad quæ metu hostium confugerat, ad bellandum contra hostem prodire jussit, moxque ad illum totius *Anglie* exercitum congregaverit, nec difficulter hoste prostrato, patrio illius regno plurimam *Britannie* partem adjecerit, semperque deinceps promptus illi adjutor extiterit. Idcirco, inquit, fili, tanto patrono tamque benigno liberatori nostro devotum te semper & fidelem exhibe, memor quid filius *Elfredi* si pietatem & justitiam

An. Dñi. tiam fecerint, si ei fideles extiterint, ipse promiserit. Hæc pii patris monita *Ethelstanus* libenter suscipiens, libentius regno potitus, est executus. Denique ante illum nullus regum ecclesiam sancti *Cuthberti* tantum dilexit, tam diversis tamque multiplicibus regis muneribus decoravit. Unde hostibus passim emergentibus ubique prævalens, omnibus illis vel occisis, vel servitio sibi subactis, vel extra terminos *Britannia* fugatis, majori quam ullus regum *Anglorum* ante illum gloria regnabat. Hujus imperii primo anno qui est annus Dominicæ incarnationis, DCCCC. xix. natus est sanctus *Dunstanus*, qui lxx. ætatis suæ anno regnante *Ethelredo* rege transivit ad Dominum.

CAP. XVIII.

De episcopo Wigredo, & quanta Ethelstanus rex sancto Cuthberto dedit, quando in Scotiam perrexit.

922.

ANno incarnationis Dominicæ DCCCC. xxiij. *Tilredus* cum in episcopatu jam tredecem annos & quatuor menses egisset defunctus est, & in ejus locum *Wigredus* eligitur episcopus & consecratur. Cujus pontificatus anno decimo *Ethelstanus* rex dum *Scotiam* tenderet, cum totius *Britannia* exercitu, sancti *Cuthberti* patrocinia quærens ejus sepulchrum expetiit, suffragia postulavit, eique diversis speciebus in ecclesiæ ornamentum multa quæ regem deceret donaria contulit, quæ in hac *Dunelmensi* ecclesia usque hodie servata, piam ipsius regis erga ecclesiam sancti patris *Cuthberti* devotionem, & æternam representant memoriam. Quæ & quanta sint, descripta per ordinem cartula comprehendit. His ornamentorum donariis, villarum quoque non minus quam duodecem possessiones ad sufficientiam inibi fervientium superadjecit. Quorum nomina quoniam alibi scripta tenentur, hic ea ponere necessarium non habetur. Leges quoque & consuetudines ipsius Sancti quas avus ejus rex *Elfredus* & *Guthredus* rex instituerant, ipse approbavit, & inviolabili firmitate in perpetuum servandas censuit. Oblatione autem facta, eos si qui aliquid ex his auferre vel quoquomodo minuere præsumpissent, gravissimæ maledictionis anathemate percussit, Ut scilicet in die judicii cum *Juda* traditore Domini damnationis sententia feriantur. Exercitus quoque jussu regis sepulchrum sancti confessoris xc. vj. & eo amplius libris argenti honoravit. Ita se suisque sancti confessoris patrocinio commendatis, disposito itinere profectus est, fratrem *Eadmundum* multum obtestatus, ut si quid sinistri in hac sibi expeditione eveniret, corpus suum in ecclesiam sancti *Cuthberti* sepeliendum referret. Fugato deinde *Oswino* rege *Cumbrorum*, & *Constantino* rege *Scottorum*, terrestri & navali exercitu *Scotiam* sibi subjugando perdomuit. Quarto post hæc anno, hoc est, DCCCC. xxxvij. Dominicæ nativitaris anno, apud *Wleondune* quod alio nomine *Etbannantwerch*, vel *Wunnanbryge* appellatur, pugnavit contra *Onlaf* *Guthredi* quondam regis filium, qui DC. & xv. navibus advenerat, secum habens contra *Ethelstanum* auxilia regum præfatorum, sc. *Scottorum* & *Cumbrorum*: At ille sancti *Cuthberti* patrocinio confisus, prostrata

937.

multitudine infinita reges illos de regno suo propulit, suisque gloriosum reportans triumphum, hostibus circumquaque tremendus, suis erat pacificus, & in pace postmodum vitam terminavit, fratri *Eadmundo* imperii monarchiam relinquens. Hujus regni anno tertio, *Wigredus* cum decem & septem annos in episcopatu habuisset, defunctus, *Uthredus* habuit successorem. Interim rex *Edmundus* & ipse in *Scotiam* cum exercitu tendens, sancti *Cuthberti* suffragia postulaturus, ad ejus sepulchrum divertit, & ut frater ejus quondam *Ethelstanus* regalibus donis illud honoravit, auro scilicet & palliis, leges quoque illius sicut unquam meliores fuerant firmavit.

10

CAP. XIX.

Quomodo sanctus Cuthbertus Sexhelmum Episcopum Simoniacum pepulit, & de terra sua fugaverit.

20

Defuncto autem *Uthredo* episcopo, *Sexhelm* loco ejus est ordinatus, sed vix aliquot mensibus in ecclesia residens Sancto *Cuthberte* illum expellente aufugit. Cum enim à via prædecessorum suorum aberrans populum ipsius sancti et eos qui in ecclesia ejus serviebant avaritia succensus affligeret, exterritus à sancto per somnium jussus est quantocius discedere. Dum ille differret, secunda nocte vehementius eum increpans festinanter abire jussit, poenam ei intentans si tardaret. Nec sic quidem ille obedire voluit, cum ecce tertio multo quam ante severior illum aggreditur, et quam citius eum aufugere præcepit, nec quicquam de rebus ecclesiæ secum asportare præsumeret. Si aliquandiu tardaret, mortem illi citius affuturam minabatur. Expergefactus de somno cepit infirmari, et ne mortem mox incurreret abire quamvis ægotans festinavit. Dum autem fugiens circa *Eboracum* venisset sanitatem recepit, pro quo *Aldredus* cathedram episcopalem conscendit.

30

40

CAP. XX.

De morte Eadmundi Regis & episcopatu Elffig.

ANno ab incarnatione Domini DCCCC. xlvij. *Edmundo* rege mortuo frater ejus *Eadredus* solum regni conscendit, vir pietatis cultor et justitiæ, qui etiam sicut et fratres ejus ecclesiam sancti *Cuthberti* regalibus donariis visitavit. Mortuo autem *Aldredo* episcopo *Elffig* pro eo ipsius ecclesiæ gubernacula in *Concathese* suscepit ordinatus *Eboraci* ab *Osetillo* archiepiscopo tempore *Eadgari* regis qui *Edwio* fratri in regnum successerat. Transactis autem in episcopatu suo xxiij. annis *Elffig* defunctus est, pro quo electus est et consecratus episcopus vir eximie religionis *Aldhunus* anno ab incarnatione domini DCCCC. lxxxx, qui est duodecimus annus imperii regis *Ethelredi*, qui post mortem fratris *Edwardi* fraude novercæ suæ miseranda nece perempti, sceptrum regni obtinuit. Erat autem idem antistes prosapia nobilis, sed placita Deo conversatione multo nobilior, habitu sicut omnes prædecessores ejus et actu probabilis monachus. Cujus probitatis laudem à majoribus sibi traditam indigenæ pene omnes ac si eum hodie viderent, prædicare solent.

50

60

An. Dñi.

948.

990.

CAP. I.

Quomodo Aldunus corpus S. Cuthberti in **Rippon** tulit, & de **Werdelan** postea in Dunelmum venerit, & de nominibus portitorum.

995.

ANNO autem ab incarnatione Domini DCCCC. lxxxv. imperii vero **Ethelredi** regis xvij. idem antistes incipiente jam accepti præfatus vj. anno, cœlesti præmonitus oraculo, ut cum incorrupto sanctissimi patris corpore quantocius fugiens, superventuram pyratarum rabiem declinaret, tulit illud Cxij. anno ex quo in **Canecacestre** locatum fuerat, et inde cum omni qui ejus dicitur populo in **Rippon** transportavit. In qua fuga illud memorabile fertur, quod in tanta multitudine nemo à minimo usque ad maximum ulla infirmitatis molestia affligebatur, sed sine ullo labore, sine ullo incommodo viam gradiendo peragebant. Nec solum homines sed etiam animalia tenera, et nuper quoque nata, (erat enim tempus veris) sana et incolumia sine difficultate et vexatione toto itinere gradiabantur. Post tres autem vel quatuor menses pace reddita, cum venerandum corpus ad priorem locum reportarent, jamque prope **Dunelmum** ad Orientalem plagam in locum qui **Werdelan** dicitur advenissent, vehiculum quo sacri corporis theca ferebatur, ulterius promoveri non poterat. Accedunt plures, sed nil quamvis multum laborantes proficiunt. Quibus adhuc multo plures conjunguntur, sed illud movere nequaquam valebant. Itaque incorrupti corporis theca veluti mons quidam mansit immota. Quo facto, omnibus aperte clarebat, quod ad eum ubi prius fuerat locum se transportari nollet: quo autem transferre deberent ignorabant. Nam ubi tunc fuerunt, medio scilicet in campo, locus erat inhabitabilis. Alloquens ergo populum episcopus, præcepit ut omnes simul per triduum jejuniis, vigiliis ac precibus cœlestis ostensionem indicii expeterent, quo cum sacro patris corpore divertere deberent. Quo facto, cuidam religioso nomine **Eadmero** revelatum est, ut in **Dunelmum** illud transferre, ibidemque requiescendi sedem debuissent præparare. Qua revelatione omnibus patefacta, relevati gaudio gratias cuncti egerunt Christo, moxque accedentes paucissimi corporis sancti loculum levaverunt, quod tota prius multitudo nec movere poterat. Itaque ad locum cœlitus ostensum, viz. **Dunelmum**, cum lætitia et laude corpus sanctum detulerunt, factaque citissime de virgine ecclesiola, ibidem illud ad tempus locarunt. Ex his autem qui tunc cum sancti confessoris corpore in hunc locum convenerant erat quidam vocabulo **Riggulfus**, qui omne tempus vitæ suæ CC. et decem annos habuerat, quorum quadraginta in monachico habitu ante mortem duxerat. Erat autem nepos **Franconis**, qui ut superius dictum est unus erat de septem qui venerandum patris corpus individuo comitatu sunt sequuti. **Franco** quippe pater erat **Reingualdi**, à quo illa quam condiderat villa **Reinington** est appellata. **Reingualdus** vero pater extitit **Riggulfi**, cujus filius **Ethric**, ex cujus **Ethrici** filia progenitus est presbiter **Alchmundus** pater ejus qui nunc usque superest **Elfredi**. Hujus **Franconis**

focius erat ut supra dictum est, **Hunred**, cujus filius **Eadulf**, cujus filius **Eadred** fuerat, qui ut fertur sex annis ante finem vitæ extra ecclesiam nunquam loqui poterat, cum in ecclesia nemo ad cantandum vel psallendum expeditior et promptior esse potuisset. Fuerant nonnulli qui hoc ei putaverant propterea evenisse, ut nulla inutili vel noxia locutione illius lingua macularetur, quæ tam studiose in precibus et psalmodia exercebatur. Hujus **Eadredi** filius erat **Collanus**, cujus filius **Eadred**, cujus filius **Collanus**, ex cujus sorore progeniti sunt **Eilafus**, et qui nunc usque supersunt **Hemmingus** et **Vulfskillus** presbiteri. De his tantum dixisse sufficiat. Nunc ad ea unde digressus est sermo redeat.

CAP. II.

Qualiter locus ille habitabilis factus sit.

Comitans sanctissimi patris **Cuthberti** corpus cunivsus populus in **Dunelmum**, locum quidem natura munitum sed non facile habitabilem invenit, quoniam densissima undique silva totum occupaverat. Tantum in medio planities erat non grandis, quam arando et seminando excolere contueverant: ubi episcopus **Aldhunus** non parvam de lapide postea ecclesiam erexit, sicut in consequentibus apparebit. Igitur præfatus antistes totius populi auxilio et comitis **Northaninbrorum Vhtredi** adjutorio totam extirpans silvam succidit, ipsamque locum brevi habitabilem fecit. Denique à flumine **Coqued** usque ad **Teisam** universa populorum multitudo tam ad hoc opus quam ad construendam postmodum ecclesiam prompto animo accessit, et donec perficeretur devota insistere non cessavit. Eradicata itaque silva, et unicuique mansionibus sorte distributis, præsul antedictus amore Christi et sancti **Cuthberti** fervens, ecclesiam honesto nec parvo opere inchoavit, et ad perficiendam omni studio intendit. Interea sanctum corpus de illa quam superius diximus ecclesiola in aliam translatum quæ **albæ ecclesia** vocabatur, tribus ibidem annis dum major ecclesia construeretur requievit.

CAP. III.

De contracta quadam sanata in loco ubi beati Cuthberti corpus requieverat.

UBI autem prius jacuerat miracula coruscare et infirmi sanitatem cœperunt recuperare. Transacto namque tempore non parvo, femina quadam de natione **Scottorum** toto corpore ab infantia debilis **Dunelmum** fuerat perducta. Cujus miseræ nemo tam inhumanus qui non posset condolare. Pedes namque et crura post tergum retorta post se trahebant, atque ita manibus reptando de loco ad locum se miseranda ferebat. Contigit autem ut ad præfatum locum ubi sanctum corpus paucis diebus requieverat, miserabilis illa se trahendo perveniret. Ubi se in suum officium retorquentibus nervis subito illa exilire cœpit et rursus ad terram cadere, et clamore univ-

An. Dñi universos perturbare. Quæ post paululum erecta pedibus suis sanctissima constitit, et salvatori suo *Christo* per intercessionem sancti *Cuthberti* gratiarum actiones retulit. Hoc audito, civitas tota festinat ad ecclesiam, signa pulsantur, clerus *Te Deum laudamus* personat, populus suis vocibus in Dei laudem concrepat, *Cuthbertum* vere magnum et Deo dilectum prædicat. Illa vero quæ sanata fuerat, per multas regiones ac nationes discurrit, et iter omne pedes incedendo peregit. Nam et *Romam* gratia orationis adiit, & inde revertens, in *Hyberniam* profecta est, omnibus per factum in se miraculum Dei gloriam & ejus dilecti confessoris sanctitatis ubique prædicans excellentiam. Hoc sane ita factum quemadmodum descripsimus, à quibusdam presbiteris qui viderunt religiosi & ætate provecti & omnino simplicibus frequenter audivimus.

CAP. IV.

Quo tempore Aldunus Episcopus ecclesiam in Dunelmo dedicaverit, & quot donariis à potentibus ditata sit.

Verum ut ad superiora sermo redeat, venerandus antistes *Aldhunus* ecclesiam tertio, ex quo eam fundaverat anno pridie Nonas *Septembris* solenniter dedicavit, cunctisque gaudentibus, & Deum collaudantibus sanctissimi patris *Cuthberti* incorruptum corpus in locum quem paraverat translatum debito cum honore locavit. Taliter usque in præsens cum sancto corpore sedes episcopalis hoc in loco permanfit, quæ à rege quondam *Osvaldo* & pontifice *Aidano* primitus in insula *Lindisfarnensi* fuerat instituta. A quo anno scilicet quo *Aidanus* in ipsa insula cathedram conscenderat pontificalem usque annum quo *Aldhunus* eandem in *Dunelmo* ascenderat CCC. lxj. à transitu vero patris *Cuthberti* CCC. ix. computantur anni. Igitur antistes vehementer cum universo populo hujus loci habitatione delectatus exultavit, ubi omnipotens Deus famuli sui corpus requiescere voluit, atque voluntatem suam sicut supradictum est signi ostensione manifestavit & revelatione. Erat sane idem episcopus multæ religionis & humilitatis, verbo & actu bonis omnibus amabilis. Fuerunt per id tempus plurimi qui diversa dona in ornamentum ecclesiæ, & ad sufficientiam inibi sancto confessori ministrantium terras contulerunt. Inter quos unus ex nobilibus vocabulo *Styr* filius *Vlfi* à rege *Ethelredo* impetravit, ut *Dernington* cum suis appendiciis sancto *Cuthberto* donaret. Atque coram rege & præsentibus archiepiscopo *Eboracensi* *Wlstan* & episcopo *Dunelmensi* *Aldhuno* & aliis principalibus viris qui cum rege *Eboracum* convenerant, ita hoc donum firmatum est, ut qui sancto *Cuthberto* auferret æterno anathemate damnaretur. Alias quoque terras supradictus vir adjecit quas alibi descriptas pagina ostendit. His donariis alias terras æterno jure possidendas *Snaculf* *Cykelli* filius superaddit, scilicet *Widdrington*, *Mor-dun*, *Socceburg*, *Wisseby*, cum saca & focna. Sunt autem non nullæ terrarum possessiones quas *Aldhunus* episcopus sui temporis comitibus *Northanimbriorum* dum necessitatem paterentur ad tempus quidem præstitit. Sed violentia comitum qui eis successerunt, pene omnes eas à dominio ecclesiæ alienavit.

CAP. V.

De Cnut Rege, & oratione Alduni episcopi & morte.

Anno incarnationis Dominicæ M. xvij. *Cnut* regnum *Anglorum* disponente, *Northanimbriorum* populis per xxx. noctes cometa apparuit, quæ terribili prælagio futuram provinciæ cladem præmonstravit. Siquidem paulo post, id est, post triginta dies universus à flumine *Tesa* usque *Twedam* populus dum contra infinitam *Scottorum* multitudinem apud *Carrum* dimicaret, pene totus cum natu majoribus suis interiit. Episcopus audita populi sancti *Cuthberti* miseranda nece, alto cordis dolore affectus graviter ingemuit, & O me, inquit, miserum! ut quid in hæc tempora servatus sum? An ideo huc usque vixi, ut tantam viderem cladem populi? Jam in pristinum sui statum amplius terra non reformabitur. O, inquit, sanctissime, ô dilecte Deo confessor *Cuthberte*, si quid unquam tibi placitum feci, nunc quæso mihi vicem repende. Illam dico vicem, ut tuo populo mortuo non sim ego diutius superstes. Nec multo post consecutus est, quod desiderans oraverat. Post paucos etenim dies morbo correptus obiit, peractis in episcopatu viginti novem annis. Quorum quinque in *Centre*, xxiv. autem in *Dunelmo* transegit, qui de ecclesia quam inceperat solam turrin occidentalem imperfectam reliquit. Cujus perfectionem, & dedicationem ejus successor adimplevit.

CAP. VI.

Qualiter voce ter de sepulchro sancti Cuthberti emissa, Eadmundus ipsius ecclesiæ clericus ad Episcopatum sit provectus, & monachus factus.

Defuncto *Aldhuno* episcopo, tribus pene annis ecclesia pastoralis destituebatur solatio. Cujus longam destitutionem hi qui in ea fuerant moleste ferentes, facto in unum conventu tractabant quem ex se ad episcopatum eligere possent. Et dum illorum unicuique durum esset mundi gaudia deferere, blandimenta seculi relinquere, voluptates abjicere, grave erat ad suscipiendum sanctitatis officium consentire. Nam secundum instituta canonum non nisi ex eadem ecclesia pontifices eligi consueverant & nisi honestæ ac religiosæ conversationis esset, sedem sancti *Aidani* & sancti *Cuthberti* aliorumque sanctorum episcoporum nemo facile ausus fuerat conscendere. De hoc itaque illis conferentibus, supervenit ex eorum numero quidam bonæ actionis presbiter vocabulo *Eadmundus*, & unde agerent vel cur tam tristes essent requisivit. Et cum didicisset quod de episcopi electione tractarent, jocose alloquens, Cur me, inquit, episcopum non eligitis? At illi scientes eum virum religiosum ac idoneum, jocus illius non jocose accipiebant, sed in ejus electionem omnes concorditer intendebant. Ipse autem primo putavit illos secum joculari, sed ubi eos serio agnovit agere, graviter tulit, seque in nullo, tanto gradu dignum reclamavit. Illis vero ut hoc susciperet insistentibus, Ego, ait, omnino me non esse idoneum agnisco, veruntamen Deo nihil impossibile scio, ipsius & sancti *Cuthberti* voluntas ut de me fiat exoro. Igitur cum ad tumbam sancti confessoris triduo precibus & jeuniis sicut ante semper consueverant in-

An.Dñi tentius orarent, ut quem ad episcopatum vellet eligi aperto declararet indicio, religiosius quidam presbiter, cum missam propter hoc ipsum indictam celebraret, in medio canone quasi de ipso patris sepulchro vocem audivit, quæ tribus vicibus *Eadmundum* episcopum nominavit. Mox presbiter genua suppliciter ante altare flexit, deinde se erigens, nihilominus eandem vocem quam prius, *Eadmundum* ter episcopum nominantem audivit. Missa peracta, quæsit a diacono qui ad altaris sacrificium ei assisterat, utrumne aliquid inter ipsa missæ secreta audisset. Respondens ille, Ter, inquit, nominare *Eadmundum* episcopum audivi, sed à quo vox illa facta fuerit, scire non potui. Presbiter ergo mirantibus & percunctantibus universis, cur in canone contra morem ecclesiæ genua flexisset, rem cum diacono sicut erat aperuit. Tunc omnes pariter Deum in sancto *Cuthberto* collaudantes & gratias agentes *Eadmundum* ecclesiæ suscipere gubernacula compellunt. Hæc sane de illius electione quidam prævectæ ætatis presbiter solet referre, quemadmodum ab avo suo ipso scilicet diacono, qui tunc Evangelium ad missam legerat, atque ipsam vocem audierat, sæpius se audisse testatur. Igitur *Eadmundus* multo cum honore ad regem *Cnut* deducitur, cujus electioni & ipse congaudens, solenniter eum ordinari præcepit. At ille cathedram prædecessorum suorum qui monachi fuerant, nullo modo se posse ascendere fatebatur, nisi illos & ipse monachico habitu indutus imitaretur. Quapropter religioso habitu suscepto, honorifice à *Vulstano Eboracensi* archiepiscopo apud *Wintoniam* episcopus consecratur, multumque ab ipso rege diligitur & honoratur. Rediens autem domum, ad monasterium *Burce* divertit, indeque postulans ab abbate accepit quendam monachum in ecclesiasticis officiis simul & regularis disciplinæ observantia excellenter institutum, qui ei semper individuo comitatu adhereret, & monachicæ vitæ disciplinam edoceret. Vocabatur autem *Egelricus*, qui postea ejusdem, hoc est, *Dunelmensis* ecclesiæ fuerat episcopus. Igitur *Eadmundus* nobili prosapia oriundus persona simul & conversatione honorabilis, nemini de sua vita ullam prævi suspicionis occasionem dederat, & in ecclesiæ regimine valde strenuum se exhibuerat. Ecclesiæ namque hostibus & pravis quibusque multum erat metuendus, bonis vero omnibus humilis & amandus. Nulli potentum timoris causa adlabatur, nullius violentia res ecclesiasticas pessumdari patiebatur.

CAP. VII.

De Elfredo presbitero quomodo in ecclesia sancti Cuthberti claruerit, & de capillo quem in igne posuit, & de Reliquiis sacris pluribus quas beato Cuthberto revelante in Dunelmum comportavit.

Sub hoc antistite in ipsa ecclesia claruit quidam presbiter, qui piis & religiosis operibus magnæ apud sanctum *Cuthbertum* familiaritatis extiterat, vocabulo *Elfredus*, filius *Unestou*, qui usque tempus *Egelwini* episcopi permansit. Erat in omnibus sancto *Cuthberto* devotus, vir multum sobrius, elemosinis deditus, in orationum studio assiduus, lascivis & impudicis terribilis, honestis vero & Deum sumentibus venerabilis, custos ecclesiæ fidelissimus.

Hunc etiam episcopi timuerunt offendere, quem sancto Confessori tam familiarem noverant esse. Nam cum *Egelricus* episcopus, & qui ei successit frater *Egelwinus*, sed & illi qui cum eis erant monachi cum rebus ecclesiæ quas rapuerant, etiam sacras sanctorum reliquias vellent auferre, & ad sua monasteria transmittere, timor præfati sacerdotis eos ab hac injuria noscitur refrenasse. Singulis noctibus psalterium decantare, quo completo, ad vigilias nocturnas solebat signum pulsare. Sed & in pueris in Dei servitium educandis multum erat studiosus, quos quotidie cantu & lectione instruere, & ecclesiasticis officiis curabat informare. Hic habuerat unum de capillis sanctissimi patris *Cuthberti*, quem adventantibus sæpe amicis ostendere, & ex illo sanctitatem ejus mirantibus plus admirationis consuevit adicere. Solebat namque impleto prunis ardentibus turibulo, super eas ipsum capillum ponere, ubi diutius jacens, nequaquam consumi poterat: sed candescere, ac velut aurum in igne consueverat rutilare, indeque post longas moras sullatus, in propriam formam paulatim redire. Hoc sane miraculum multi discipulorum ejus, sed & quidam hujus monasterii frater, multæ simplicitatis & humilitatis, nomine *Gamelu*, qui nunc in Christo dormit, sæpius se vidisse attestati sunt. Cum ergo presbiter præfatus honestam ac religiosam ageret vitam, jussus per visionem per antiqua monasteriorum & ecclesiarum loca in provincia *Northanimbriorum* discurrere, ossa sanctorum, quæ in illis sepulta noverat, de terra levavit, ac declaranda populis, ac veneranda supra humum locata reliquit, ossa videlicet *Baltheri*, & *Bilfridi* anachoritarum, *Accæ* quoque & *Alcmundi* episcoporum *Hagustaldensium* & regis *Oswini*, nec non etiam abbatissarum venerabilium *Ebbæ* & *Ethelgithæ*. De quorum omnium reliquiis aliquam secum partem in *Dunelmum* asportavit, & cum patris *Cuthberti* corpore locavit. Ad *Mailrosense* quoque monasterium per revelationem admonitus proficiscens, ossa sancti *Boisili* qui beati *Cuthberti* magister quondam in eodem monasterio extiterat, inde in ipsius discipuli ecclesiam transtulit, & juxta illius corpus in altero scrinio decenter sicut hæcenus habentur condidit. Ad monasterium quoque quod est in *Gyrum*, ubi *Bedam* doctorem conversatum, defunctum & sepultum noverat, singulis annis adveniente anniversaria dormitionis ejus die venire, ibique precibus & vigiliis solebat insistere. Quodam tempore juxta morem illo pergens cum aliquot ibidem dies solus in ecclesia orando & vigilando transegisset, nescientibus fociis summo diluculo solus, quod ante nunquam consueverat *Dunelmum* rediit, sui videlicet secreti nullum volens testem habere. Nam cum multis postea vixisset annis, ad præfatum monasterium tanquam jam adeptus id quod concupiverat amplius venire non curavit. Unde sæpius à suis familiariter requisitus, ubinam venerabilis *Bede* ossa requiescerent, certius de re inquisita sic erat solitus respondere. Hoc, inquit, nemo me certius novit. Firmum, ô dilectissimi, & procul omni dubio certum habeatis, quod eadem theca quæ sacratissimum corpus patris *Cuthberti* servat, etiam ossa venerandi doctoris & monachi *Bede* contineat. Extra hujus loculi hospitium, nemo quærat portionem ejus reliquiarum. Hæc dicens, familiares suos silentio præcepit tegere, ne scilicet extranei qui tunc in ecclesia ipsa conversabantur, injurias

An. Dñi jurias aliquas machinarentur, quorum summum erat studium reliquias sanctorum, & maxime *Beda*, si quas possent auferre. Unde cum ipse sanctorum ossa cum sancti *Cuthberti* corpore, ut supradictum est, locaret: id omnino occulte facere studebat. Cujus de *Beda* sententia concordat etiam illud Anglico sermone compositum carmen: ubi cum de statu hujus loci, & de sanctorum reliquiis quæ in eo continentur agitur, etiam reliquiarum *Beda* una cum cæteris ibidem mentio habetur. Cujus nimirum ea ossa fuisse noscuntur, quæ multis post annis cum incorrupto patris *Cuthberti* corpore, à cæteris reliquiis segregata in lineo sacello inveniebantur locata. Alia quoque multa memoria digna de supradicto viro narrantur, quæ specialiter illi sancto *Cuthberto* per manifestam visionem præcipiente faciebat, vel etiam ventura prænuntiabat. Innocentia enim & pia illorum simplicitas qui per id temporis erant, plurimum apud ipsum sanctum confessorem valebat, unde illos semper ab hostibus defendere, & ab adversariis illatas injurias maturius solebat vindicare.

CAP. VIII.

Quanta Cnut rex sancto Cuthberto dederit.

Hujus sancti præsulis & Deo digni confessoris *Cuthberti* ecclesiam etiam pius & religiosus rex *Anglorum Cnut* multo venerabatur honore, in tantum, ut ad ipsius sacratissimum corpus nudis pedibus à loco qui via *Garmundi* dicitur, id est, per quinque milliaria incedens veniret, & ei suisque servitoribus mansionem *Standrope* cum omnibus suis appendiciis libere in perpetuum possidendam donaret, id est, *Cnaparum, Scottun, Rabi, Unacharfeld, Efenwda, Alclit, Luterington, Elledun, Ingeltun, Ticeleu, Middeltun*. Hæc itaque ea quidem ratione dedit, ut præter eos qui ipsi sancto in ecclesia deservirent, nemo se intromitteret. Eum autem qui aliter faceret, vel auferre, vel inde minuere præsumeret, rex ipse cum *Edmundo* episcopo excommunicavit, & excommunicando discessurus in die iudicii in ignem æternum associavit. Simili ratione idem rex & villam quæ *Brontun* appellatur, sæpe dicto sancto donavit.

CAP. IX.

De obsessione Dunelmi, & celeri vindicta regis, & episcopi Symoniaci, & de Egelrico episcopo qui thesauros beati Cuthberti sustulit, quomodo punitus sit.

1035. Anno ab incarnatione Dom. M. xxxv. defuncto *Cnut* cum filius ejus *Haroldus* jam quintum annum in regno, *Edmundus* xx. in pontificatu gereret, *Dunecannus* rex *Scottorum* cum inmensis copiis adveniens *Dunelmum* obsedit, & ad eam expugnandam multum quidem sed frustra laboravit. Nam magna parte equitum suorum ab his qui obsidebantur interfecta, confusus aufugit, fugiens pedites omnes interfectos amisit, quorum capita in forum collata, in stipitibus sunt suspensa. Nec multo post, ipse rex cum jam in *Scotiam* rediisset, à suis occisus interiit. Cum autem *Edmundus* xxij. annum sui pontificatus ageret, defunctus est in *Glocestre* cum apud regem ibidem moraretur, sed à suis

corpus ejus *Dunelmum* perlatum, honorifica sepultura est traditum. Quo facto, *Eadredus* qui post episcopum secundus erat, præsulatum illius ecclesie primus ex ordine clericali festinabat obtinere. Si quidem sumpta ex thesauris ecclesie pecunia non modica, à rege scilicet *Hardecnut* episcopatum emit, sed episcopale officium facere illum divina ultio non permisit. Intraturus quippe ecclesiam subita infirmitate corripitur, decidentque in lectum, decimo mense moritur. Quo anno scilicet incarnationis Dominicæ 1042. & ipse rex mortuus est, succedente illi in imperium piissimo *Edwardo Ethelredi* regis & *Emme* filio, episcopatum vero *Dunelmensem* ille cujus superius mentio facta est, *Egelricus* suscepit. *Siwardo* cum jam *Eadulfum* comitem interfecisset, totius provincie *Northanumbrorum* comitatum ab *Humbra* usque *Tmedam* amministrante. Tertio autem anno accepti episcopatus *Egelricus* à clericis, eo quod extraneus esset, & contra voluntatem illorum electus, de ecclesia expulsus *Siwardum* comitem expetiit, & munere oblato ejus gratiam & auxilium contra obstinatos obtinuit. Illius enim timore ac potentia exterriti ac dejecti, sive volentes sive nolentes, compulsi sunt episcopo reconciliari, & in sedem sui pontificatus recipere. Habuerat autem episcopus secum fratrem suum monachum vocabulo *Egelwinum* qui sub eo totius episcopatus curam gerebat, & cum eo alios monachos qui omnes una cum episcopo pecunias & ornamenta ecclesie minuere, & inde studuerant abstrahere. Placuerat eidem antistiti ecclesiam in *Canecestre*, quæ corrupte nunc *Cestre* vocatur, de ligno factam destruere, & pro eo quod aliquando beati *Cuthberti* corpus ibidem quieverat, aliam de lapide fabricare. Cum ergo altius terra foderetur, grandis ibidem thesaurus est inventus, quem dudum propter avaritiam & tirannidem *Sophelmi*, de quo supra dictum est, secretarius, & pauci cum eo ibidem dicuntur abscondisse. Episcopus itaque tollens ipsam pecuniam, ad monasterium unde ipse fuerat misit, quam illuc sequi omnino deliberavit. Præmissis enim auro & argento, aliisque rebus quas de ecclesia tulerrat, decrevit episcopatum dimittere, & fratrem *Egelwinum* in locum suum substituere. Itaque piissimo rege *Edwardo* quintumdecimum annum in imperio habente, auxilio & favore comitis *Tostii*, qui *Siwardo* successerat, *Egelwinus* in episcopatum sublimatur. Et *Egelricus* cum jam quindecim annos in pontificatu egisset, ad monasterium suum revertitur, ibique in locis palustribus lapide & ligno vias constravit, & ecclesias, aliaque multa ex præfata pecunia fabricavit. Regnante autem postmodum *Willielmo*, accusatus apud illum quod multas de ecclesia *Dunelmensi* pecunias tulisset reddere noluit: unde *Londoniam* perductus, & custodie deputatus, in captione regis est defunctus.

CAP. X.

60 De presbitero nocte fornicante, & in crastino missat celebrante, quomodo particulam corporis cum sanguine in nigredinem conversam viderit, & percipiendo nimiam amaritudinem senserit.

Quo adhuc pontificatum regente, res inusitate facta terribili exemplo ministris altaris proculdubio iram Dei ostendit imminere, si ad sacrosanctum

An. Dñi

1042.

An.Dñi Etum misterium sine castitate præsumant accedere. Quidam etenim presbiter vocabulo *Feoccher* non longe ab urbe habens ecclesiam habitabat : sed cum uxori copulatus esset, indignam sacerdotis officio vitam ducebat. Quadam die multi tam nobiles quam privati primo mane ad ipsum locum placitaturi convenerunt, sed ante placitum ut presbiter eis missam celebraret, rogaverunt. At ille qui ipsa nocte cum uxore dormierat, ad sacrum altaris officium accedere formidabat. Itaque negavit se id facturum. Illis autem semel, bis, terque rogantibus sibi missam celebrari, presbyter nimis ex utraque parte angustabatur, hinc verecundia, inde timore. Si enim eis non obediret, verecundabatur illos causam suspicari : si obediret, iudicium timebat iusti iudicis Dei. Vicit tamen humana verecundia divinum timorem ; Itaque missam celebravit. Hora vero qua sacrosancta misteria sumere deberet, in calicem introspexit, & ecce particulam Dominici corporis, quæ juxta morem missa fuerat in calicem, ita cum sanguine in terrorem speciem commutatam vidit, ut sicut postea fatebatur, magis in calice picis colorem, quam panis & vini conspiceret. Illico reatum intelligens presbiter pallere, & quasi jam tunc flammis ulticibus tradendus cœpit nimium pavere. Præterea multum anxius erat, quid de hoc quod in calice viderat, facere deberet. Exhorrebat illud velut suam mortem sumere. Volebat in terram effundere, sed quoniam consecratum erat, id metuebat facere. Reputans ergo quoniam quicquid faceret, omnipotentis iudicium effugere non valeret, magno cum tremore ac formidine illud sumpsit : sed tantæ amaritudinis fuit, ut nil ad gustandum amarius esse potuisset. Vix missa peracta, confestim equum ascendens ad episcopum festinavit, cujus pedibus prostratus, rem ex ordine retulit. Cui indicta poenitentia, præcepit ut si Deum sibi propitium habere vellet, sinceram deinceps & castam ei vitam offerre studeret. Quod presbiter libenter promissit, & promissum ulque finem vitæ caste ac religiose vivendo custodivit. Hoc sane ita factum sicut retulimus, ab ipsius presbyteri filio presbytero & duobus capellanis episcopi qui postea nobiscum in hac ecclesia in monachili habitu conversati sunt, sicut ab ipso in quo factum est, presbytero didicerant, frequenter referentibus, audivimus.

CAP. XI.

Quomodo uxor Tosti comitis puellam in cœmeterium beati Cuthberti miserit, & mox infirmata in proximo obierit, & de imaginibus deargentatis.

Suscipiente episcopatu *Egelwinus*, nihilominus ecclesiæ nihil inferre, imo multo magis quam frater ejus ante illum ornamenta, resque alias satagebat auferre. Verum sicut exitus rerum edocuit, nec ipse hoc impune fecit. Sed de hoc paulo post dicemus. Illo pontificatum regente, supra dictus comes *Tosti* cum *Northanimbriarum* disponeret comitatum, in veneratione semper ecclesiam sancti *Cuthberti* habuit, & donariis non paucis quæ inibi adhuc habentur, ornavit. Ipsa quoque conjux illius *Judith* filia comitis *Flandrensium Bladwini*, honesta valde ac religiosa, multo plus sanctum *Cuth-*

bertum diligens, diversa ecclesiæ illius ornamenta contulerat, & adhuc plura cum multis terrarum possessionibus se donaturam promiserat, si ejus ecclesiam intrare & ad ipsius sepulchrum sibi liceret adorare. Sed tantam rem per se non ausa temptare, unam de pedisequis suis cogitaverat præmittere, ut si hoc ipsa impune facere posset, domina post sequens securior ingredi auderet. Puella ergo dominæ suæ voluntate agnita, hora secretiori ad hoc temptandum conata est aggredi. Jam pedem intra cymiterium erat positura, cum subito velut ventorum violentia repelli cœpit, & viribus deficere, & graviter infirmata vix ad hospitium valuit redire, decedensque in lectum, gravi torquebatur cruciatu, tandem dolore cum vita caruit. Hoc facto comitissa vehementer exterrita contremuit, atque humiliter satisfaciendo imaginem crucifixi quæ sicut in sequentibus dicitur à raptoribus suo fuerat spoliata ornatu, imaginem quoque sanctæ Dei genitricis *Mariæ*, & *Johannis* Evangelistæ ipsa & ejus conjux fieri jusserunt, & auro argentoque vestierunt, aliaque perplura ad decorem ecclesiæ obtulerunt. Quo tempore & illud quod alibi plenius legitur super *Barcwid* miraculum contigit, qui dum pacem sancti perfringere vellet, repente vindicta percussus interiit.

CAP. XII.

De quodam in campo obdormiente cujus collum serpens constrinxit, sed in introitu ecclesiæ sancti Cuthberti semper ab eo dissiliit, qualiter liberatus sit.

Fuit & alius prave actionis vir *Osulfus* vocabulo, in quo factum est quod narrabimus, sicut à multis qui viderant quam sæpe audivimus. Quadam namque die ubi in campo obdormiens expergefactus fuerat, serpentem sibi collum stringere sentiebat. Quem manu comprehendens in terram elisit, sed mox iterum collum ejus complexus circumdedit. Rursum eum ad terram projecit. Sed eodem mox momento ab eodem constringebatur. Ita serpentem sive in ignem, sive in aquam vel in terram semper projicere potuit, sed qualiter mox in ejus collum redierit, scire non valuit. Aliquotiens etiam in particulas ferro consuevit dividere, sed protinus idem ipse serpens collum ejus videbatur constringere. Et imprimis quidem admodum parvus erat, sed paulatim in majus & majus excreverat, nec tamen ulla eum veneni infusione lædebat. Quotiens autem ecclesiam quam sanctissimi Confessoris *Cuthberti* præsentia illustrat, intravit, mox in ipso introitu serpens illum dimittebat, nec quamdiu in ecclesia morabatur, ad eum accedere audiebat. Cum vero exiret, protinus collum ejus complectens stringebat. Itaque dum per multum tempus tale sustinuisset incommodum, invento tandem salubri consilio, tribus continue diebus ac noctibus in ecclesia orans persistit, & postmodum exiens, à serpentis complexu deinceps liberatus in peregrinationem profectus est, nec unquam postea visus in patria.

An. D. nri

CAP. XIII.

De quodam ad sepulchrum in ore denarios furante, qualiter sit punitus & restitutus.

Eodem tempore quidam ad solenne sanctissimi confessoris festum cum domino suo venerat, qui cum super sepulchrum oblatione advenientium multitudinem denariorum conspiceret, furtum animo concepit. Itaque accessit & astantes fallendo, dum quasi sepulchrum oscularetur, quatuor vel quinque nummos ore attraxit. Nec mora, os illius coepit intus vehementer ardere, adeo ut sicut postea fatebatur ferrum ex igne candens in ore portare sibi videretur. Respuere nummos volebat, sed nec aperire os poterat. Cum itaque intolerabili cruciatu torqueretur, huc atque illuc per ecclesiam mutus discurrebat, atque omnes dum insanire putabatur, in pavorem convertibat. Tandem per medium populi prorumpens de ecclesia, de loco ad locum se incessabiliter cursibus ferebat: & cum ore non posset, horrendis motibus & nutibus graviter se cruciari cunctis ostendebat. Ad ultimum reversus in se, ad sepulchrum concite recurrit, & prostrato corpore tota cordis intentione veniam à sancto quaesivit, res quasunque habuerat obtulit. Cumque jam suam oblationem super sepulchrum ponens illud oscularetur, cum ipso osculo de illius ore nummi super sepulchrum ceciderunt. Taliter ab illo cruciatu liberatus, confestim equum ascendens quantocius abire festinavit, nec unquam postea Dunelmum rediit. Nam cum saepius ei à domino suo multa fuissent oblata, ut secum illo veniret, non solum non venire, sed nec tam prope, ut ecclesiam videret, ausus fuerat accedere.

CAP. XIV.

De donis Coppi comitis.

Nec solum comes supradictus & illius uxor, sed etiam familiares illorum erga sancti Cuthberti ecclesiam multum devoti extiterant & munifici. Quorum quidam vocabulo Coppi qui sub Tosti totius comitatus curam gerebat, Ecclesiam sancti Germani in Perscum, ab Egelrico episcopo dedicatam, & ipsam villam aliasque infra subscriptas terras sancto Cuthberto, & ad sepulchrum ejus servituri in perpetuum donavit, atque illos qui eis aliquid ex his auferrent, cum episcopo & aliis qui assuerant cum diabolo damnandos excommunicavit. In Perscum decem carucas terras & dimidiam. In Thorntun duas carucas terras. In Theodestota decem bovatas terras. In Readeclife dimidiam carucatam terras. In Gifburnham unam carucatam terras. In cujus donationis signum etiam scipsum argenteum optulit, qui in hac ecclesia servatus, aeternam illius facti memoriam retinet. Hic idem Coppi postea, quamvis brevi tempore, provinciae Northanimbriorum, scilicet illorum qui ad septentrionalem plagam fluminis Tini habitant, jubente Willielmo rege procurator est factus.

CAP. XV.

De Edwardo rege, & W. & de Rodberto Cumin apud Dunelmum occiso, & quomodo aqua maris

irrigua cesserint beati Cuthberti corpore ad insulam adveniente:

An. D. nri

Anno Dominicæ incarnationis M. lxxvj. piissimus rex Edwardus, xxiiij. regni sui anno Nonas Januarii defunctus est, pro quo Haroldus regni solium ascendit: sed parvo tempore gubernavit. Ingruentibus enim undique adversis contra fortissimum regem Norwegensum primo per duos comites sed mox terga vertentes, deinde per seipsum non longe ab Eboraco init bellum. Ibi quidem victoria potius, sed inde divertens contra potentissimum Northmannorum comitem, qui jam in Angliam cum multo exercitu advenerat, dimicavit: sed cum toto pene Anglorum exercitu occubuit. Willielmus autem regnum adeptus Anglorum, populos Northanimbriorum diu rebelles sustinuit: quibus tertio regni sui anno quendam Rodbertum cognomine Cumin comitem praefecit. Quem illi ubi advenientem audierant, omnes relictis domibus fugere parabant. Sed subito nivis tanta nimietas tantaque hyemis obvenit asperitas, ut omnem eis fugiendi possibilitatem adimeret. Quapropter omnibus idem fuit consilium, ut aut comitem exstingerent, aut simul ipsi caderent. Quod episcopus comiti occurrens, nuntiavit, atque ut reverteretur, admonuit. At ille qui suos rapinis & caedibus favere permiserat, jam enim plures ecclesiae rusticos interfecerant, datum est illi ne tunc consilium salutis audiret. Intravit ergo Dunelmum cum septingentis hominibus, ubique per domos hostiliter agentibus. Summo autem diluculo Northanimbrenses congregati per omnes portas irrumpunt, totaque urbe discursantes, socios comitis interficiunt. Tanta denique fuit interfectorum multitudo, ut omnes plateae cruore atque cadaveribus replerentur. Supererant adhuc non pauci qui hostium domus, in qua comes erat, defendentes, oppugnantium prohibebant accessum. Illi ergo igne injecto, domum cum his qui intus erant, conati sunt incendere. Itaque flammarum globis altius volitantibus, turris occidentalis quae juxta stabat, jam jamque ab igne cremanda videbatur. Populis ergo genua flectentibus, & sanctum Cuthbertum ut ecclesiam suam à flammis illasam servaret, rogantibus: continuo surgens ab oriente ventus, globos flammarum ab ecclesia rejecit, atque longius omne abinde periculum repulit. Attamen domo ut coeperat ardente, qui intus erant, quidam concremati, alii vero dum foras prorumperent, protinus sunt obruncati. Ita comite 2. Kal. Feb. cum suis omnibus praeter unum qui vulneratus evaserat delecto, rex Willielmus graviter offensus, ducem quendam cum exercitu ut ejus mortem ulcisceretur, direxit. Cum autem ad Alvertoniam venissent, & jam mane facto Dunelmum profecturi essent, tanta nebularum densitas orta est, ut vix astantes sese alterutrum videre, viam vero nullo modo valerent invenire. Stupentibus illis cur hoc esset, & conferentibus invicem quidnam facerent, affuit quidam qui diceret homines illos quendam in sua urbe sanctum habere, qui eis semper in adversis protector adestet, quos nemo impune illo vindicante laedere unquam valeret. Quibus auditis, mox ad propria sunt reversi. Hii vero ad quos interficiendos missi fuerant, nihil ex hostibus antequam reversi fuissent, agnoverunt. Atque ita factum est, Deo eos per sanctum Cuthbertum miserante, ut prius inimicorum abscessum quam

1066.

An. Dñi quam adventum audirent. Attamen eodem anno rege *Willielmo* cum exercitu *Eboracum* veniente, & omnia circum circaque vastante, episcopus *Egelminus* & majores natu habito invicem consilio, incorruptum sanctissimi patris *Cuthberti* corpus lxxv. anno ex quo ab *Alduno* in *Dunelmum* perlatum est, tollentes, ad ecclesiam *Lindisfarnensem* fugere corperunt. Et prima quidem nocte in ecclesia sancti *Pauli* in *Byznum*, secunda in *Betlington*, tertia in loco qui *Tughala* dicitur, mansit, quarto die ad ipsius insulæ aditum comitante omni ejus populo pervenit. Sed quoniam illo venerant circa vesperam, qua videlicet hora secundum tempus suum circumquaque plenum erat mare, episcopus & quique majores sexui infirmiori & ætati teneriori, ne frigore hyemis quæ solito asperior ingruerat omnes nocte periclitarentur, erat enim paulo ante natale Dominicum, condolentes & condolendo gementes, Quid, inquiunt, faciemus? Ne modo insulam intremus, fluctuum altitudine prohibemur. Nec quo tantam frigoris asperitatem declinemus, manendi locum habemus. Illis ita gementibus, subito mare siccum eis introeundi aditum illo tantum loco recedens permisit, cum circumquaque plenissimum fluctuaret. Mox omnes ingressi, Deo laudes & beatissimo confessori decantantes, siccis pedibus cum sacro sui patroni corpore insulæ littus attingebant. Hoc quoque in illo facto valde fuit mirabile, quod sicut illi qui feretrum tunc portabant, attestari solent, se præcedentes continuo fluctus marini sequerentur, ita ut nec paulatim euntibus præcurrerent, nec concite pergentibus diutius remanerent. Instante autem Quadragesima, tranquillitate reddita, sacrum corpus *Dunelmum* reportaverunt, atque reconciliata solenniter ecclesia viij. Idus *Aprilis*, cum laudibus intrantes ecclesiam suo in loco illud reposuerunt. Invenierunt autem imaginem crucifixi in solum dejectam, & à suo ornatu quo à comite supradicto videlicet *Tosti* & ejus conjuge fuerat vestita, omnino spoliatam. Hanc enim solam ex ornamentis post se in ecclesia reliquerant, ob hoc videlicet quod difficile in fuga portari poterat, simul sperantes quod propter illam majorem loco reverentiam hostes exhibere vellent. Verum quidam illorum supervenientes, quicquid in ea auri & argenti vel gemmarum invenerant, penitus abstrahentes abierunt. Quo facto rex graviter indignatus, iussit eos perquisitos comprehendere, & comprehensos ad episcopum & presbiteros eorum judicio puniendos perducere. At illi nihil triste eis facientes, permiserunt illæsos abire. Nec multo post, episcopatum regente *Walchero* rex prædictus magnam auri argentique quantitatem, gemmas quoque perplures pretiosas ad ipsius imaginis ornatum transmisit, quibus episcopus partim ipsam sicut hodie cernitur, vestiri fecit, partem pro rerum penuria in suos usus expendit.

CAP. XVI.

De apparitione sancti Oswaldi, & beati Cuthberti, & subita morte Gillonis, & ab eis prædicta pœna ultionis.

Sed ut parumper ad superiora redeatur, in fuga memorata, qua cum sancti patris corpore ad prædictam insulam fugerant, quidam ultra annum

Tinam præpotens *Gillomichael* per contrarium, id est, puer *Michaelis* appellatus, nam rectius puer diaboli puncuparetur, multas fugientibus injurias irrogavit, iter eorum impediendo, ipsos affligendo, prædas ex eis agendo, & quodcumque mali poterat faciendo. Sed non impune. Locato enim in insula sancto corpore, quidam ex clero provectæ ætatis ab episcopo domum remittebatur, ut videlicet qualiter se res circa *Dunelmum* & illam ecclesiam haberet, diligenter exploraret. Ubi aliquantulum viæ peregerat, incumbente jam nocte paululum medio in campo requiescens, obdormivit, ubi manifestam de interitu præfati viri visionem vidit, quam sicut ipsius verbis frequenter audivimus, ita ex ordine hic scribendam esse judicavimus. Ductus, inquit, *Dunelmum* in ecclesia, ut mihi videbatur, astabam, ubi duos summæ authoritatis viros ante altare versis ad orientem vultibus assistere vidi. Alter ætatis mediæ vir, episcopalibus solenniter vestimentis indutus, habitu venerando, & vultu venerabili magnæ reverentiæ pontificem se monstrabat. Alter à dextris ejus assistens rubicundi coloris pallio circumamictus, facie paululum producta, barba admodum tenui, statura procera, pulcherrimi juvenis formam gerebat. Post aliquod temporis intervallum, reflectentes ab altari oculos per ecclesiam vertunt, cujus desertionem quasi graviter ferens, episcopus ait, Væ tibi *Gospatrice*, Væ tibi *Gospatrice*, ecclesiam meam suis rebus evacuasti, & in desertum convertisti. Hic enim *Gospatricus* hoc maxime dederat consilium, ut fugientes ecclesiam relinquerent, & ipse maximam ornamentorum ejus partem secum abduxerat. Interea dum cupiens ad illos accedere, nequaquam tamen auderem, juvenis ille digito innuens, moderata voce me nomine meo advocavit, & an nossem quæ esset illa pontificalis persona interrogavit. Cui dum me nescire responderem, Iste est, ait, tuus dominus, sanctus videlicet antistes *Cuthbertus*. Confestim ad ejus pedes prociדי, obsecrans, ut suæ ecclesiæ atque suis miseriis subveniret. Aliquanto post, inclinatis reverenter ad altare capitibus, lento inde maturoque incessu simul procedebant. Atque ubi ad hostium pervenerant, juvenis ille prior egrediens, paululum processit, sed episcopus in ipso hostio substitit. Qui respiciens, meque qui à longe sequebar, advocans, Dic, inquit, *Ernane*, an nosti quis sit juvenis ille? Cui ego: Domine, inquam, non novi. Et ille: Hic, inquit, est sanctus *Oswaldus*. Inde simul ad australem plagam urbis paulo longius progredientes, subsistunt, quo & ego vocatus ab episcopo veni: iussusque deorsum respicere, vallem infinitæ profunditatis plenam animabus hominum vidi. Ubi & memoratus *Gillomichael* pœnis atrocibus torquebatur, & in locis teterrimis prostratus jacebat, & fanaria falce præacuta ultra citraque transfossus, intolerabiles patiebatur cruciatus. Clamabat miser, & diros ululatus ac flebiles miserabiliter voces sine intermissione emittebat. Nulla erat misero temporis intercapedo, qua vel ad horam à pœna respirare potuisset. Similes cruciatus & cæteri omnes patiebantur. Inquisitus à sancto *Cuthberto* an aliquam ibi agnoscerem: respondi me ibidem agnovisse *Gillonem*. Et ille: Vere, ait, hic est ipse. Mortuus namque his miseriis & doloribus est deputatus. At ego, Domine, inquam, non est mortuus. Sero namque sanus & incolumis in domo sua

An.Dñi sua epulatus est, grandeque convivium nunc illis & illis locis præparatum eum expectat. At ille, Et ego, inquit, dico, vere nunc mortuus est. Ipse enim & alii quos cum eo vidisti quoniam pacem meam fregerunt, & mihi in meis injurias fecerunt, hos cruciatus & hæc tormenta compelluntur sustinere. His dictis evigilavi, statimque ascendens equum, hortatus sum socios, ut mecum festinarent. Mirantibus illis causam tam subitæ festinationis, præfatum hominem mortuum, & à quo illius mortem audierim indicavi. Quod illi credere noluerunt, & me quia credidi deriserunt. Itaque tota nocte pergentes, mane factò, divertimus parumper de via ad proximam ecclesiam audituri missam. Interrogatus, ut solet, à popularibus quos rumores asserrem, prædicti hominis mortem nunciavi. Illi vero quoniam pridie sanum noverant, falsum me dicere responderunt. Sed mox quidam ex illius familia advenientes, domirum suum ipsa nocte mortuum nunciabant. Ego diligenter coram omnibus horam mortis ejus inquirens, eadem noctis hora eum mortuum agnovi, qua illum horrendis cruciatibus traditum, sancto mihi ostendente *Cuthberto*, conspexi. Cujus tormenta intolerabilia comiti *Cospatrico*, sed & ea quæ de illo à prædicto Sancto audieram dum referrem, pavens ille intremuit; moxque nudis pedibus ad insulam ubi sanctum corpus fuerat, incedens, veniam eorum quæ in eum deliquerat, precibus & muneribus petivit. Veruntamen postea nunquam ei fuerat idem qui prius status honoris: expulsus enim de comitatu, multas, quamdiu vixit, adversantium rerum importunitates & afflictiones pertulit.

CAP. XVII.

De Egelwino episcopo qui partem thesauri tulit, quomodo reductus sit & captus.

REportato in *Dunelmum*, sicut jam dictum est, beatissimi Confessoris corpore, *Egelwinus* xv. sui episcopatus anno partem thesaurorum ecclesiæ secum asportans, *Angliam* relicturus navem ascendit. Sed cum jam cupito itinere versus *Coloniā* navigaret, vento repulsi in *Scotiam* ibidem hyemavit. Inde proficiscens, apud *Elg* ab hominibus regis capitur, & usque *Abendunam* perductus ex præcepto regis diligenti custodia tenetur. Admonitus frequenter reddere ea quæ de ecclesia tulerat, nihil se inde accepisse juramento affirmabat. Sed dum quadam die manducaturus manus lavaret, ex illius brachiis armilla usque manum cunctis intuentibus delabens, manifesto perjurio episcopum notabat. Itaque jubente rege in carcerem detruditur, ubi dum ex nimia cordis anxietate comedere nollet, fame ac dolore moritur.

CAP. XVIII.

De electione Walcheri Episcopi, sed tamen clerici.

CUM vero post illius decessum ecclesia per annum pontificali ministerio vacasset, anno ab incarnatione Domini M. lxxxij. qui est annus regni *Willielmi 7. Walcherus* de gente *Hlothariorum* natu nobilis, divina & seculari scientia non mediocriter institutus, ab ipso rege eligitur, & ad pontificatum ecclesiæ sancti *Cuthberti* consecratur: vir veneran-

dæ caniciei, sobrietate morum & honestate vitæ tali dignus honore. Ipse quidem excepto illo, de quo supradictum est, *Simoniaco*, & post aliquot menses mortuo, primus post *Aidanum* ex clericali ordine ipsius Ecclesiæ suscepit præfatum: sed vitæ laudabilis conversatione religiosum præferebat monachum. Qui cum clericos ibidem inveniret, clericorum morem in diurnis & nocturnis officiis eos servare docuit. Nam antea magis consuetudines monachorum in his imitati fuerant, sicut à progenitoribus suis ut supradictum est, qui inter monachos nutriti & educati extiterant, hæreditaria semper traditione didicerant.

CAP. XIX.

De rege W. qui beati Cuthberti corpus an *Dunelmo* quiesceret explorare voluit, qualiter punitus & fugatus sit.

EXacto tempore aliquanto, rex supradictus de *Scotia* quo cum exercitu venerat, rediens *Dunelmum* intravit: & diligenter interrogans an corpus beati *Cuthberti* ibidem requiesceret, cunctis vociferantibus & jurantibus illud ibi haberi, credere noluit. Decrevit ergo rem visu explorare, habens secum episcopos & abbates, qui eo jubente, id deberent perficere. Jam enim disposuerat, ut si sanctum ibi corpus inventum non esset, nobiliores & nati majores universos obruncari præciperet. Omnibus itaque paventibus, & Dei misericordiam per sancti *Cuthberti* merita implorantibus, in ipsa omnium Sanctorum festivitate prædicto episcopo missam celebrante, rex cum id quod animo conceperat, jamjamque perficere vellet, repente nimio calore cœpit æstare, & æstuando fatigari, ut vix tolerare tantum calorem potuisset. Festinans ergo de ecclesia exire, relictoque quod ingenti copia præparatum fuerat convivio, equum confestim ascendit, & quousque ad *Tesam* veniret, in cursum urgere non cessavit. Quo indicio magnum Dei confessorum *Cuthbertum* ibi requiescere fatebatur, & populum, Deo prohibente, lædere non permittebatur.

CAP. XX.

Quomodo rex W. Ranulphum miserit ut terram sancti Cuthberti sub tributo redigeret, sed beato Cuthberto vindicante furiosus sit effectus, & restitutus, & de privilegiis W. regis.

POST tempus aliquod quendam vocabulo *Ranulphum* illo miserat, qui ipsius Sancti populum regi tributum solvere compelleret. Quod illi graviter ferentes, scilicet quod novas consuetudines cogerentur subire, consuetum in adversis sancti *Cuthberti* auxilium studebant inquirere. Nocte igitur qua finita tributum populo erat impositurus, beatus *Cuthbertus* ei per somnium assistens, baculo pastorali quem manu gestabat, illum impulit, & autoritate pontificali & vultu minaci increpavit quod illuc ad populum suum affligendum ausus fuisset venire, dicens quod non impune hoc præsumpserit; et nisi cito recederet, pejora passurus esset. Itaque de somno evigilans, tanta detinebatur infirmitate, ut nullo modo de stratu valeret resurgere. Mox coram omnibus quæ viderat & audierat, narravit,

An.Dñi ravit, & ut pro se apud sanctum confessorem intercederent, humiliter rogavit, deinceps nil tale in ejus populum præsumenturus, si modo evaderet vivus. Mittens ergo ad ejus sepulchrum pallium, quod huc usque in hac ecclesia in hujus facti memoriam servatur, se illi & suis omnibus fidelem ac devotum servum fore promisit, si nunc culpam & culpæ poenam sibi dimittere dignaretur. Verum invalescente infirmitate, per diversa episcopatus loca in feretro se circumferri fecit, reatumque suum & vindictam 10 ubique ostendit omnibus. Qui quamdiu in locis ad episcopatum pertinentibus, morabatur, gravi jugiter agitudine laboravit: cum vero ea derelinquens, ad propria remeare cœpisset, confestim ab infirmitate convaluit. His & aliis virtutum miraculis per sanctum *Cuthbertum* declaratis, rex ipse *Willielmus* sanctum confessorem & ipsius ecclesiam in magna semper veneratione habuit, & regis muneribus honoravit, terrarum quoque illius possessiones augmentavit Nam & *Willingham* quam olim ab *Egredo* episcopo conditam sancto *Cuthberto* diximus, quam violentia malignorum abstulerat ipse rex ecclesiæ restituit, & pro sua suorumque filiorum salute ad victum in ipsa ecclesia sancto *Cuthberto* ministrantium quietam, & ab omni aliorum consuetudine liberam in perpetuum possidendam donavit. Leges quoque, & consuetudines ipsius Sancti sicut antiqua regum autoritas stabilierat, ipse quoque suo consensu & autoritate confirmavit, & illibatas ab omnibus servari præcepit.

CAP. XXI.

Qualiter Aldwinus de Wincelcumb cum duobus fratribus de Covelham in Northanhymbriam advenerint, & quomodo ab Episcopo Walchero suscepti sint & fructificaverint.

HIS temporibus quidam in provincia Merciorum presbiter, ac prior in monasterio, quod in *Wincelcumb* situm est, habitu & actione monachus vocabulo *Aldwinus* habitabat, qui voluntariam paupertatem & mundi contemptum cunctis seculi honoribus ac divitiis prætulera. Hic didicerat ex historia *Anglorum* quod provincia *Northanhymborum* crebris quondam choris monachorum ac multis constipata fuerit agminibus sanctorum, qui in carne non secundum carnem viventes, cœlestem in terris conversationem ducere gaudebant. Quorum loca, videlicet monasteria, licet jam in solitudine sciret redacta, desideravit invisere, ibique ad imitationem illorum pauperem vitam ducere. Perveniens ergo ad *Eveshamense* monasterium, desiderium suum quibusdam ex fratribus patefacit, è quibus duos mox in sui propositi societatem sibi adjunxit, quorum alter diaconus, postea presbiter *Elfwine*, alter ignarus literarum vocabatur *Reinfridus*. Quibus abbas ipsorum non aliter abundi 40 licentiam dare voluit, nisi prius *Aldwinum* eis præponeret, & curam animarum illorum ipsi commendaret. Perrexerunt itaque simul pedibus incedentes tres monachi, unum tantummodo secum ducentes asellum, quo libri necessarii & vestimenta sacerdotalia ad divinum celebrandum mysterium ferebantur. Et primo quidem super ripam *Tini* fluminis ad plagam septentrionalem in loco qui dicitur *Puncacestre*, quod monachorum civitas appella-

tur, habitare cœperunt: qui locus licet ad episcopatum *Dunelmensem* pertineat, juris tamen *Northanhymborum* comitis habetur. Quapropter venerandus pontifex *Walcherus* ad illos mittens, rogavit, ut ad se venirent, & sub jure potius ecclesiæ, quam sub jure secularium manendi locum acciperent. Quos advenientes multo cum honore & gaudio suscepit, magnasque Deo gratiarum actiones retulit, quod in hac provincia monachicæ professionis viros ad habitandum suscipere, & sub suo regimine meruisset habere. Dedit ergo eis monasterium beati *Pauli* Apostoli à *Benedicto* quondam abbate constructum in *Spym*, quod stantibus adhuc solis sine culmine parietibus vix aliquod antiquæ nobilitatis servaverat signum. Quibus culmen de lignis informibus & fœno superponentes, divinæ servitutis officia ibidem celebrare cœperunt. Factaque sub ipsis parietibus casula, ubi dormirent, & manducarent, religiosorum eleemosinis pauperem vitam sustentarunt. Ibi pariter in frigore & fame, & rerum omnium penuria pro Christo residentes debebant, qui in monasteriis quæ reliquerant omnem rerum affluentiam habere poterant. Interea multi exemplo illorum provocati, seculo abrenunciantes, monachicum ab eis habitum susceperunt & sub disciplinæ regularis institutione Christo militare didicerunt. Quorum pauci de ipsa *Northanhymborum* provincia, plures vero de australibus *Anglorum* partibus fuerant, qui exemplo *Abraha* de terra sua & de cognatione sua, & de domo patrum suorum egredientes, terram repromissionis, id est, supernam patriam ingredi desiderabant, religiosæ conversationis magistrum habentes *Aldwinum*. Erat namque mundi contemptor egregius, habitu & mente humillimus, patiens in adversis, modestus in prosperis, ingenio acutus, consilio providus, sermone gravis & actione, Humilibus socius, contra contumaces justitiæ zelo fervidus, semper cœlestia desiderans, & secum quoscunque poterat illuc provocans. Igitur episcopus videns numerum Deo ibidem servientium quotidie augeri, & jam per multa annorum curricula in illis partibus extinctam monachicæ conversationis reviviscere suo tempore lucernam, gratias agens Deo vehementer exultavit, & pastorem illis sollicitudinem, & paternam cum omni affectu impendebat benignitatem. Cum enim eos ecclesiam ipsam reedificare & destructa monachorum habitacula videret velle restaurare, dedit eis ipsam villam *Spym* cum suis appenditiis, scilicet *Preostun*, *Wannecaton*, *Heathelwithe*, *Deabyun*, *Wibeston*, *Heortedon*, ut & opera perficere, & sine indigentia ibi possent vivere. Taliter illi ex diversis locis Christo pastore congregante in unum ovile adducti, didicerunt quam bonum sit & quam jocundum, habitare fratres in unum,

CAP. XXII.

De fratre ad Strenebalch pergente, & de fundamine ecclesiæ beata Mariæ Eboraci, & quo modo Walcherus iterum Aldwinum revocaverit & Wtrema the cum ceteris terris eis adjecerit.

CUM autem famulus Christi *Aldwinus* ibidem, sicut jam dictum est, aliquatenus fructificasset, ad alia quoque loca cogitavit transire, & simile opus

An.Dñi opus Domino adjuvante perficere. Igitur constituto fratribus quem communiter ipsi elegerant Priore, proficiens inde reliquit ibidem socium suæ peregrinationis, de quo supradictum est, *Elfwium*, virum simplicitatis & innocentie merito prædicandū, orationibus & lachrymis jugiter intentum. Tertius vero illorum socius videlicet *Reinfridus* ad *Streoneshalc*, quod *Whitby* appellatur secessit, ubi advenientes suscipiens, monachorum habitationem instituere cœpit, qui post ejus obitum migrantes *Eboracum*, monasterium in honore sanctæ *Mariæ* semper virginis, quod nunc abbas *Stephanus* strenue regit, construxerunt. At *Aldwinus* de *Gyrwensi* monasterio egrediens, comitem itineris & propositi in clericali adhuc habitū *Turgotum* habuit, amore ramen & actu vitam monachorum imitantem. Veniens enim *Dunelmum*, benigne ab episcopo susceptus est; et cum ejus intentionem agnovisset, ad præfatum monasterium ab eo missus est, ibiq; submagisterio *Aldwini* clericius inter monachos degebat. Non enim habitum monachicum prius suscipere audebat, quam majori ac diuturniori sese districtione probasset. Hic magistrum de monasterio, ut dictum est, proficiscentem, secutus individuo illi comitatu semper adhærebat. Igitur ad *Maitrosense* quondam monasterium, tunc autem solitudinem, pervenientes, secreta illius loci habitatione delectati, Christo ibidem servientes, cœperunt conversari. Sed cum regi *Scottorum Malcolino*, ad quem locus ipse pertinebat, eorum ibi conversatio innotuisset, graves ab illo injurias pertulerunt & persecutiones, pro eo quod Evangelicum præceptum servantes, jurare illi fidelitatem noluerunt. Inter hæc venerabilis episcopus *Vualcherus* frequentibus eos literis & mandatis rogavit, monuit, adjuravit, ad ultimum cum clero & omni populo coram sacratissimo sancti *Cuthberti* corpore sese illos excommunicaturum minatur, nisi ad se sub sancto *Cuthberto* mansuri reverterentur. Illi ergo excommunicationem magis quam iram regis, quæ mortem eis minabatur, formidantes: nam mori tunc omnino statuerant, locum illum relinquunt, & ad episcopum perveniunt. Quibus statim monasterium beati *Petri* Apostoli in *Wiramutha* donavit, olim sicut habitator ejus ab infantia *Beda* describit, egregium satis ac nobile: tunc autem quid antiquitus fuerit, vix per ruinam ædificiorum videri poterat. Ubi de virgis facientes habitacula, quoscunque poterant arctam & angustam viam, quæ ducit ad vitam, secum ingredi docere studebant. Ibi *Aldwinus Turgoto* monachicum habitum tradidit, & ut charissimum in Christo fratrem diligens, verbo & exemplo jugum Christi suave illum portare docuit. Quos episcopus familiari charitate amplectens, sapius ad colloquium suum evocavit: & interdum suis adhibens consiliis, libentissime illorum dictis dignatus est obedire. Donaverat autem illis ipsam villam *Wiramutham*, cui postea successor ejus *Willielmus* aliam proximam, videlicet *Sutbewic* adjecit, ut cum his qui secum erant fratribus, sine magna difficultate ibidem in Christi famulatu possent perseverare. Nam etiam de remotis *Anglorum* partibus illuc aliqui advenientes, monachicam cum eis vitam agere, & uno corde ac una anima Christo didicerunt servire. Tunc ecclesiam sancti *Petri*, cujus adhuc soli parietes semirutæ steterant, succisis arboribus, eradicatis vepribus & spinis, quæ totam oc-

cupaverant, curarunt expurgare: & culmine imposito, quale hodie cernitur, ad agenda divinæ laudis officia sategerant restaurare. Plane à tempore quo à paganis ecclesiæ in provincia *Northanhymbrorum* everse, & monasteria sunt destructa atque incensa, usque tertium annum præfulatus *Vualcheri* quando per *Aldwinum* in ipsam provinciam venientem, monachorum cœpit in illa habitatio reviviscere, 208. computantur anni. Igitur episcopo protegente placidam & quietam vitam monachi duxerunt; quos ille, ut pater benignissimus, toto affectu fovere, & sapius per semetipsum dignatus est invisere, & ea quibus indigebant sibi largius præbere. Hic quoque si diuturniora hujus vitæ tempora extitissent, monachus fieri, & monachorum habitationem ad sacrum corpus beati *Cuthberti* stabilire decreverat. Unde positis fundamentis, monachorum habitacula ubi nunc habentur *Dunelmi* construere cœpit: sed heu, pro dolor! morte præventus, quod disposuerat perficere nequivit, quod tamen ejus successor, sicut in consequentibus demonstrandum est, perfecit.

CAP. XXIII.

De prævectu Episcopi, & suorum rapina feroci, & quædam tunc quidam de morte reviviscens de Episcopo & cæteris multis viderit & prædixerit.

Hujus strenuitas pontificis, videlicet *Walcheri*, non solum nullum rerum ecclesiasticarum passa est detrimentum, verum etiam in earum augmentum dante sibi rege locum egregium, scilicet *Maitbam* cum ipsius nobili ecclesiæ, quæ canonicorum congregatione pollet, adquisivit. Comitatum quoque *Northanhymbrorum*, capto à rege comite *Maitheof*, ipse susceperat disponendum. Et ille quidem per vitæ honestatem, & morum sobrietatem, atque mansuetudinem omnium amore dignus erat; Veruntamen, quoniam suos licenter quæ voluissent, & hostiliter nonnulla facientes non refrænabat, indigenarum animos offendeat. Denique archidiaconus illius multa ex ornamentis ecclesiæ, & pecunias auferens, consanguineis & amicis distribuebat. Milites quoque nimis insolenter se in populo habentes, multos sapius violenter diripiebant, aliquos etiam ex majoribus natu interficiebant. Quorum pravitates episcopus cum negligeret, & nulla censuræ pontificalis autoritate coerceret, sicut *Hely* quondam propter culpas filiorum interiit, sic & iste propter peccata suorum una die cum illis prostratus occubuit. Sed paulo ante illius mortem idem pene miraculum in provincia *Northanhymbrorum* contigit, quod olim ibidem evenisse *Beda* in historia *Anglorum* describit, ut videlicet quidam de morte resurgeret ad vitam. Qui vocabulo *Eadulphus* non longe à *Dunelmo* in villa quæ *Ravenstworthe* dicitur habitans, in ægritudinem decidit, qui sabbato quidem jam die in noctem declinante mortuus est: sed mane ante solis ortum de morte reviviscens, ac subito residens, omnes qui ad suas exequias assederant, pavore nimio ac tremore perculsos in fugam vertit. Sed ille fugientes revocans: Nolite, inquit, timere, vere à morte resurrexi. Signo sanctæ crucis signate vos & domum istam. Quo dicto, innumera mox multitudo avicularum de exteriori æde per ostium irrumpens, totam domum in qua sederunt, replevit, quæ nimia importunitate huc atque illuc

An.Dñi

volitantes, ipsis pene oculis intuentium se ingerebant. Currens ergo diaconus, quem presbiter ad ecclesiam rediens, ibi dimiserat, aqua benedicta ipsos & domum resperfit: nec mora, omnis illa monstrosa volucrum multitudo ut fumus, ex oculis disparuit. Is autem qui de morte surrexerat multa de beatitudine iustorum, & de pœna damnatorum quæ de corpore ductus viderat, retulit. Denique aliquos quos ante noverat, cum beatis in sedibus florigeris lætantes se recognovisse dicebat, quibusdam quos adhuc præsens vita retinebat gehennalis tormenti æternos cruciatus jam paratos nuntiabat. Horum unus *Waltheſus* habebatur, qui postea cædis episcopi author fuerat, de quo ille quæ viderat, referens, Væ, inquit, væ illi. In ipsius infernalis camini medio præparata est ei mansio. Sedile ferreum æterno igne ignitum eum expectat, quod stridentibus undique flammis multo fragore inextinguibiles jugiter scintillas crepitat. Stant hinc & inde cum cathenis ferreis horribiles ministri, spiritus videlicet maligni, in illam sedem *Waltheſum* jam jamque suscepturi, & in æterni ignis incendium atrocius miserum vinculis insolubilibus coartaturi. His dictis, ubinam episcopus & archidiaconus ejus cum suis essent, requisivit. Cui cum dictum esset, in *Dunelmo*: Ille respondens, Omnes, inquit, illi jam perierunt. Episcopus jam defecit, sui que omnes qui nunc extolluntur superbia, jam non esse reputati sunt. At hi qui assederant, scientes episcopum cum suis omnibus incolumem, putabant illum hæc non sana mente dicere. Quos iterum alloquens, Ego, ait, sanum sapio, atque hoc signo an vera sint quæ dico probare poteritis. Si ante vel post proximam feriam tertiam mortuus fuero, scitote universa esse falsa quæ à me audistis: Sin autem in ipsa feria moriar, vera me loquutum proculdubio noveritis. Itaque instante feria tertia, ille defunctus est. Nec multo post, repentina episcopi & suorum omnium interfecione, ea quæ ille prædixerat, vera esse manifestius rerum effectus edocuit. Sed & ille miserabilis, cui tanta gehennæ tormenta jam præparata viderat, scilicet *Waltheſus*, post impiam tanti pontificis occisionem, & ipse à suæ uxoris fratre pœnas inferni subiturus occiditur.

CAP. XXIV.

Qualiter Episcopus Walcherus & ubi occisus atque sepultus sit, & quomodo pro eo vindicatum & ecclesia beati Cuthberti spoliata sit.

UT autem qualiter nefanda episcopi sedes peracta sit, ex ordine retexatur, statuto die, quo & hii, scilicet milites antistitis qui fecerant injurias, & qui passi fuerant, in pacem redirent & concordiam, episcopus ipse cum suis ad locum qui *ad caput capre* dicitur, convenit, cui qui ultra *Tinam* habitaverant universi natu majores cum infinita totius populi multitudine in pessimum adunati consilium occurrerunt. Declinans episcopus tumultum, ecclesiolam ipsius loci intravit, ubi convocatis ad se populi primatibus, de utriusque partis utilitate, ac mutua amicitia tractavit. Quo facto, episcopo cum paucissimis suorum in ecclesia remanente, omnes qui advocati fuerant quasi consilio loquuturi, egrediun-

An.Dñi

tur: & post paululum clamore tumultuantis turbæ exorto, fit subito sine ullo humanitatis respectu miserabilis ubique cædes hominum. Alii namque milites episcopi sparsim per loca sedentes vel jacentes, utpote nihil mali suspicantes, repente circumdantes interficiunt. Alii ascendentes ecclesiam incendunt, alii evaginati gladiis, & vibrantibus hastis conglobati ad ostium stantes, neminem vivum exire permittunt. Nam qui intus erant, cum jam vim flammæ sustinere non possent, humiliter peccata sua confessi percepta benedictione cum jam egredierentur, in ipso egressu mox trucidabantur. Ultimus omnium restabat episcopus, graviores ipsa morte sustinens in corde dolores. Intolerabile illi fuit quod suos cum presbiteris & diaconibus ante se vidit extinctos, sciebat, quod nec sibi manus hostium parceret. Inter hæc diversa mortis pœna coartatur, ut quam magis eligat, ipse nesciat. Ignis cum ad arma hostium fugere compellebat, arma repellebant ad ignem. Mors dilata, fuerat ei gravius pœna; Levamentum doloris videbatur ferre, quicquid mortem citius posset inferre. Cum ergo sævientium flammarum vires jam ulterius ferre nequivisset, precibus Deo animam commendans, ad hostium processit, factoque digitis è contra signo crucis, cum jam pallio quo erat indutus, oculos & caput velaret, in ipso hostio, heu, pro dolor! lanceis confoditur, cui etiam mortuo crebra gladiis vulnera infliguntur. Tanta namque fuerat eorum bestialis crudelitas, ut nec eo mortuo satiari potuisset. Hæc detestanda omnibus cædes antistitis, pridie Idus *Maii* feria quinta ante rogationes facta est, peractis in episcopatu suo ix. annis, & duobus mensibus. Cujus occisione audita, fratres *Gyrwensis* monasterii ascendentes naviculam, ad locum navigarunt, & corpus patris sui & antistitis, vix propter vulnere frequentiam agnatum, & penitus omni tegmine spoliatum, cum gravi luctu impositum navi ad monasterium detulerunt. Quod *Dunelmum* inde perlatum, non eo quo pontificem decebat funeris obsequio sepulturæ est traditum. Tota namque urbe discursantes illius interfectores furebant, statim enim post illam abhominandam cædem illo advenerant, ut expugnato castello homines episcopi qui supererant, perimerent. At his viriliter se defendentibus, illi non sine suorum detrimento frustrato labore oppugnantes, fatigabantur. Quarto die obsidionis abecedentes, per diversa disperguntur, & universi quos nefanda cædes antistitis Deo & hominibus detestabiles fecerat, aut varia clade consumuntur, aut relictis domibus & possessionibus incertis profugi cædibus exules vagantur. Nec mora, ea quæ gesta fuerant, fama ubique divulgante, *Odo Baiocensis* episcopus qui tunc à rege secundus fuerat, & multi cum eo primates regni cum multa armatorum manu *Dunelmum* venerunt, & dum mortem episcopi ulciscerentur, terram pene totam in solitudinem redegerunt. Miseros indigenas, qui sua consili innocentia domi resederant, perosque ut noxios aut decollari, aut membrorum detractione præceperunt debilitari. Nonnullis ut salutem & vitam pretio redimerent, crimen falso imponebatur. Quædam etiam ex ornamentis ecclesiæ, inter quæ & baculum pastorem materia & arte mirandum, erat enim de saphiro factus: præfatus episcopus abstulit, qui posito in castello militum præsidio, protinus abscessit.

LIBER QUARTUS.

CAP. I.

Qualiter W. episcopus electus & sacratus sit, & quanta vir scientia, probitatis & gratia fuerit.

TRansactis post occisionem *Walcheri* episcopi sex mensibus & decem diebus, anno imperii *Willielmi* xv. abbas monasterii sancti martyris *Vincentii*, *Willielmus* ab ipso rege electus, episcopatum *Dunelmensis* ecclesiæ quinta Id. *Novembr.* suscepit regendum: ordinatio vero illius aliquanto post, id est, tertio Nonas *Januarii*, videlicet in octavis sancti *Johannis* Evangelistæ die Dominica, præsentem rege & episcopis totius *Angliæ* astantibus, ab archiepiscopo *Eboracensi* *Thoma* solenniter est adimplenda. Hic quidem *Willielmus* in ipso suæ juventutis tempore, cum esset de clero *Baïocensis* ecclesiæ, in monasterium sancti *Carilefi*, patrem jam multo ante monachum effectum secutus, suscepto habitu monachico, in monastici ordinis observantia singulariter præ cæteris amore ac studio strenuus habebatur, ideoque ad superiores gradus paulatim ascendens promovebatur. Primo enim Prior claustrum, deinde secundus ab abbate major scilicet Prior constituitur, inde ad vicinum præfati martiris monasterium abbas eligitur. Nec multo post nominatus rex, quia ejus industriam in rebus sæpe difficillimis probatam habuit, etiam ad episcopatum sicut jam dictum est, ordinante Deo promovit. Erat enim pontificali ministerio satis idoneus, ecclesiasticis & secularibus literis nobiliter eruditus, in divinis & humanis rebus multum industrius, morum honestate ita compositus, ut per id temporis nemo in hac ei putaretur esse præferendus. Inerat illi etiam tanta ingenii subtilitas, ut non facile quis occurreret, qui profundius consilium inveniret. Cum gratia sapientiæ, multa ei suppetebat facultas eloquentiæ. Erat & memoriæ tam tenacis, ut in hoc etiam nimium esset admirabilis. Strenuitate sua atque prudentia non solum ad prædicti regis *Anglorum*, & ad regis *Francorum*, sed etiam ad Apostolici Papæ notitiam pervenerat, & gratiam. Gratum erat illis virum talem interdum suscipere: eloquenter simul & sapienter loquentem audire. Cibo ac potu satis erat sobrius, vestimentis semper mediocribus usus, fide catholicus, corpore castus: & quoniam magnæ familiaritatis locum apud regem habuerat, monasteriorum & ecclesiarum libertatem in quantum potuit, defendere semper ac tueri curabat.

CAP. II.

Quomodo clericos de ecclesia beati Cuthberti egerit, & auctoritate papæ & regis monachos præfatos introduxerit.

IGitur sedem episcopatus sancti *Cuthberti* gratia Dei adeptus, terram illius pene desolatam invenit, locumque quem sacri corporis sui præsentia illustrat, negligentiori quam ejus deceret sanctitatem servitio despicabiliter destitutum conspexit. Nam neque sui ordinis ibi monachos, neque regula-

res reperivit canonicos. Unde gravi mœrore confectus, Deum & sanctum *Cuthbertum* sedulo & suppliciter rogavit, ut sibi ad emendandum, quæ minus convenientia viderat, consulendo succurrerent, & succurrendo perficerent. Igitur senes & prudentiores totius episcopii homines, qualiter in initio apud sanctum *Cuthbertum* ageretur ab illo exquisiti, sedem illius episcopalem in insula *Lindisfarnensi* fuisse, monachosque tam vivo quam ibidem sepulto venerabiliter servisse responderunt, quorum quoque assertioni vitæ illius libellus & ecclesiastica gentis *Anglorum* concordat historia. Longo dehinc tempore transacto, crudelis barbarorum manus non hunc solum, ut supra dictum est, sed & alia circumquaque loca vastantes, nobilem illius cœnobii cœtum ausu sacrilego neci tradiderunt. Sed non impune. Nam omnes in brevi iusta Dei vindicta terribiliter percussi, à temporalibus ad æterna cruciandi tormenta sunt præcepti. His ergo perceptis, pristinum ad illius sacrum corpus restaurare pertractans servitium, ne quis quæ sui solius molimine fecisset irritanda putaret, regis *Willielmi* & conjugis suæ *Mathildis* reginæ, & *Lanfranci Cantuariensis* archiepiscopi consilium petivit. Rex statim ut ex omni parte tam utilis consilii roboraretur consensus, ad papam *Gregorium* tam de his eum consulturum quam de aliis quæ mandaverat sibi loquuturum eum misit. Cui cum de beati patris *Cuthberti* sanctitate quædam licet pauca dixisset, illius per omnia sibi placuit consilium, ut viz. monachos, quos in duobus episcopatus locis *Wittræmathe* & *Oryuam* invenerat, in unum coram sancto illius corpore congregaret, quia episcopatus parvitas ad tria monachorum cœnobias non sufficeret. Hoc quoque Apostolica devotissime confirmando autoritate, suas per memoratum episcopum literas regi *Willielmo* & *Lanfranco* archipræsuli direxit, suam ex parte Domini & sancti *Petri* benedictionem illis omnibusque hujusmodi propositum adjuvare conantibus largiens; eos vero, si qui nisu contratio talia debilitare præsumerent, perpetuo eorundem ex parte anathemate, nisi digna satisfactione resipiscerent, feriens. Talem papæ consensum cum rex audisset, non mediocriter gavius, sub testimonio *Mathildis* reginæ, *Lanfranci* archiepiscopi, cæterorumque baronum suorum ad hoc peragendum licentiam dedit, imo propere ut perageret episcopo præcepit. Insuper etiam leges sancti *Cuthberti*, quas ipse coram sancto illius corpore sicut unquam meliores sub aliquo priorum fuerant, fide sua sancierat, denuo tunc renovando confirmavit.

CAP. III.

Quo die & tempore monachos Dunelmum duxerit & eos benedixerit, & officia singula eis distribuerit.

ANno ab incarnatione Domini M. lxxxiiij. à transitu vero patris *Cuthberti* 397. ex quo autem ab *Althuno* episcopo incorruptum ejusdem patris corpus in *Dunelmum* est perlatum 89. qui

An.Dñi est annus regni *Willielmi* 18. ex quo autem *Aldwinus* cum duobus sociis in provinciam *Northanymbrorum* venerat 10. episcopatus vero *Willielmi* tertio, 7. Kal. Junii, feria sexta memoratus episcopus monachos ex supradictis duobus monasteriis, videlicet Apostolorum *Petri & Pauli*, in *Ultramutha* & in *Oprium* simul congregatos in *Dunelmum* perduxit. Quibus tertio die post, id est, ipso sancto die Pentecostes in ecclesiam sancti *Cuthberti* perductis, Apostolici papæ iussionem per auctoritatem sancti *Petri* Apostolorum principis factam, atque excellentissimi regis *Willielmi* voluntatem populis qui convenerant manifestavit. Quo facto, beatissimæ Dei genitrici *Maria*, & sanctissimo suo patrono *Cuthberto* monachos commendans, ecclesiam illis & illos ecclesiæ contradidit. Denique mox inter ipsa sacra missæ solennia, secundum morem illos monachicum propositum premitentes, & in eodem loco stabilitatem promittentes benedixit, & ad sacrum sanctissimi patris *Cuthberti* corpus inseparabiliter astrinxit. Eis vero qui prius inibi habitaverant nomen tantum canonicorum habentes, sed in nullo canonicorum regulam sequentes, præcepit, ut si in ipsa ecclesia residere vellent, deinceps in monachico proposito cum monachis vitam agerent. At illi de ecclesia exire quam taliter ingredi maluerunt, præter unum videlicet decanum illorum, cui à filio monacho, vix, ut monachus fieret, persuaderi poterat. Tribus ergo post monachorum professionem factam evolutis diebus, episcopus omnibus illis in unum convocatis, communi consilio monasterii officia, sive negotia his quos graviore, & prudentiore, & ad hoc idoneos perspexit, cum magno Dei timore ac discretionem distribuit. Et congruo quidem ordine, à capite, id est, ab altari incipiens, cuidam illorum, scilicet *Leofwino* viro prudenti, & Deum valde timenti, ecclesiæ curam & sancti *Cuthberti* corporis incorrupti custodiam commisit, secretariumque constituit. Deinde *Aldwino*, quem pro insita illi prudentia, & magnæ discretionis inderamine ac morum honestate valde strenuum noverat, intus & foris totius monasterii curam & dispensationem delegavit, & ut sine illius consilio vel prudentia nil ageretur, statuit. Denique terrarum possessiones illorum ita à suis possessionibus segregavit, ut suas omnino ab episcopi servitio, & ab omni consuetudine liberas & quietas ad suum victum & vestitum terras monachi possiderent. Antiqua enim ipsius ecclesiæ hoc exigit consuetudo, ut qui Deo coram sancti *Cuthberti* corpore ministrant, segregatas à terris episcopi suas habeant. Atque ideo rex *Willielmus* & antea sicut jam supradictum est, & nunc cum monachi *Dunelmum* venissent, *Willingham* cum suis appendiciis ad victum specialiter eorum qui in ipsa ecclesia Deo & sancto Confessori ministrant, pro sua filiorumque salute donavit. Episcopus quoque aliquantulum quidem terræ monachis largitus est, veruntamen ut sine indigentia, & penuria Christo servirent, sufficientes ad victum illorum & vestitum terras eis una cum rege ipse providerat, & jam jamque daturus erat. Sed ne id ad effectum perveniret, primo regis ac postea episcopi mors impedimento fuerat.

CAP. IV.

De corpore sancti Oswini, & de possessione ecclesiæ de *Tine-mathe*, & illius violenta ablatione.

Ecclesiam sane sancti *Oswini* in *Tine-mathe* jamdudum donantibus *Northymbria* comitibus monachi cum adhuc essent in *Oprium* possederant, unde etiam ipsius sancti ossa ad se transferentes, in ecclesia sancti *Pauli* secum non parvo tempore habuerunt, quæ postmodum ad priorem locum retulerunt. Deinde præfati antistitis *Willielmi* tempore comes *Northanymbrorum Albrius* hoc domum renovavit, ipsamque ecclesiam cum suo prebitero ecclesiæ sancti *Cuthberti* perpetuo possidendam adjecit. Quæ cum jam per quindecim annos velut deserta sine tecto durasset, eam monachi culmine imposito renovarunt, & per tres annos possederunt. Cum vero postea *Robertus* de *Mulbreio* in comitatum *Albrio* successit, propter inimicitias quæ inter episcopum & ipsum agitabantur, sancti *Cuthberti* monachos de ipsa ecclesia expulit, eamque *Paulo* abbati monasterii sancti *Albani* martyris tradidit. Qui videlicet abbas à *Dunelmensibus* monachis frequenter admonitus, rogatus & prohibitus ne aliena invaderet, audire noluit quin potius suos illuc ad habitandum misit. Quos non multo post ipse secutus, repente ibi infirmitate corripitur: & dum domum redire tentaret, moritur. Ipse quoque comes postea in eadem ecclesia quam sancto *Cuthberto* abstulit, res omnes & honorem cum sui corporis libertate amisit.

CAP. V.

Quanta *W.* episcopus acquisierit, & qualem se subditis exhibuerit.

At vero episcopus *Willielmus* nihil unquam de ecclesia auferebat, quin potius semper inferre, & multis eam ac pretiosis ornamentorum speciebus studebat exornare. Jura quoque ecclesiæ, leges & privilegia strenuitate sua atque prudentia ita Deo adjuvante defendebat & conservabat, ut eo vivente nullius temeritate, nullius violentia infringi vel violari possent. Nam & quasdam terras de quibus semper inter episcopum *Dunelmensem* & comitem *Northanymbrensem* contentio fuerat, ita ecclesiæ liberas & quietas reliquit, ut deinceps aliquas ex his consuetudines præter episcopum exigere nemo debeat vel possit, quod cartulæ ecclesiæ ostendunt. Monachos ipsos ut pater dulcissimus filios charissimos amplectebatur, protegebat, fovebat, ac summa discretionem regebat. Sive enim arguebat, sive blandiebatur, amabilis omnibus illis erat, quia illius neque districtio rigida, neque mansuetudo soluta, ita ex altero alterum temperabat, ut severitas illius jocunda, & jocunditas esset severa. Nimum eos diligens, nimium ab eis diligebatur. Ad sui habitus reverentiam, & ad ordinis observantiam, præcipue illos hortabatur. Hoc præsens verbo, hoc absens, missis sapius ad eos literis agere curabat. Hanc illius diligentiam, hoc studium testantur etiam illæ, quæ in illius memoriam servantur in hac ecclesia sacra admonitionis literæ, quas cum regiis impeditis negotiis venire non posset, ipse ad eos direxerat, quarum hic aliquas inferere congruum videtur.

CAP.

An.Dñi

CAP. VI.

Epistola W. episcopi ad monachos Dunelmenses.

Willielmus Dunelmensis episcopus suis in Christo fratribus, & filiis *Dunelmensibus* cœnobitis, salutem & vivificam benedictionem. Non credo vos discredere quantum mihi displiceat quod vobiscum ut deceret morari non possum. Sed qualicumque modo vel loco peccando laborem, mens tamen in vobis assidue delectata quiescit. Precor ergo ut & vos tribulationes nostras mente quotidie videatis, & imbecillitatem meam devotis orationibus & elemosinis charitative & sine fastidio sustentetis. Hoc autem præcipiendo precor, & præcando præcipio, ut in amorem ordinis vestri fervendo crescat, & ordinem pro nulla necessitate vel causa declinare permittatis, & nulli parcatis in ordine. In ecclesia vero non properando, sed licenter & honeste psalmos & cætera decantetis. Confessiones vestras frequenter Priori faciatis; conventus firmiter & absque ulla retentione ab omnibus teneatur, præter ægrotos & eos qui exterioribus negotiis sunt regulariter deputati. Et quia præsens vobis quæ deberem dicere non valeo, litteras istas unaquaque septimana semel in capitulo recitate, ut & hæc firmiter teneatis, & me in his literis loquentem audiendo Deo diligentius commendetis. Et quia charitas operit multitudinem peccatorum, non solum peregrinis & hospitibus, sed omnibus omnino gentibus veram facite charitatem. Per hæc & per alia bona opera faciat vos & hic sane temporaliter vivere, & perennem gloriam æternaliter possidere, qui vivit & regnat Deus per immortalia secula seculorum.

CAP. VII.

De obitu Prioris Aldwini, & successione Turgoti.

1087.

Anno Dominicæ incarnationis M. lxxxvij. quarto anno adventus monachorum in *Dunelmum* pene transacto, venerandus Prior *Aldwinus* pridie Idus Aprilis terminum vitæ præsentis habuit, anno 14. ex quo primum in *Northanimborum* provinciam venerat. De cujus obitu episcopus cum fratribus multum contristatus indoluit, quia erat vir bonus, & modestus, prudentia & consilio ecclesiæ valde necessarius, & in quocunque, ne Deum offenderet, negotio maxime sollicitus. Cujus memoriam ut in suis orationibus monachi *Dunelmenses* indefinenter agant, ipse meritis suis omnino exigit, quem prævium in ipsam provinciam ducem habuerunt, ubi exemplo illius & magisterio habitantes, Christo servire cœperunt. In cujus locum jure prioratus discipulum illius, videlicet *Turgotum* communi fratrum consilio episcopus surrogavit; & totius monasterii curam intus & foris cum Dei timore illum agere imperavit. Eodem anno quo *Aldwinus* est defunctus, rex *Willielmus* cum adhuc de xxij. regni ejus anno v. septimanæ restarent, v. Id. Sept. moriens, *Willielmo* filio reliquit imperium.

CAP. VIII.

De exilio W. episcopi, & quando posuerit fundamenta in Dunelmo novi monasterii.

Hujus sicut & antea patris amicitiiis antistes præfatus adjunctus, familiariter ei ad tempus

adhærebat: unde etiam *Alvertoniam* cum suis appenditiis rex illi donavit. Post non multum vero temporis per aliorum machinamenta orta inter ipsos dissensione episcopus ab episcopatu pulsus ultra mare secessit, quem comes *Normannorum* non ut exulem, sed ut patrem suscipiens, in magno honore per tres annos quibus ibi moratus est, habuit. Ita monachi *Dunelmenses* sui antistitis destituti solatio, cum multa se adversa passuros formidarent, nec ab aliquo refovendos sperarent: ita è contrario Deo per sancti *Cuthberti* merita se miserante protegebantur, ut nulla eis adversitas noceret, & ipsum regem erga se satis humanum invenirent. Licet enim in alia monasteria & ecclesias ferocius ageret, ipsis tamen non solum nihil aufererat, sed etiam de suo dabat, & ab injuriis malignorum sicut pater defendebat. Sed & Priori ad se venienti humiliter assurgens, benigne eum suscepit, & ita per omnia sub se quemadmodum sub episcopo curam ecclesiæ cum omni libertate agere præcepit. Hoc tempore refectorium, quale hodie cernitur, monachi ædificaverunt. Tertio anno expulsionis episcopi, cum homines regis quoddam in *Normannia* castellum tenentes obliderentur, & jam jamque capiendi essent, eos episcopus à periculo liberavit, & consilio suo ut obsidio solveretur, effecit. Unde rex placatus, universa quæ in *Anglia* prius habuerat, ei restituit. At ille nequaquam vacuus rediit, sed non pauca ex auro & argento sacra altaris vasa & diversa ornamenta, sed & libros plurimos ad ecclesiam præmittere curavit. Nec multo post ecclesiam 98. anno ex quo ab *Alduno* fundata fuerat, destrui præcepit, & sequenti anno positris fundamentis nobiliori satis & majori opere aliam construere cœpit. Est autem incepta M. xciiij. Dominicæ incarnationis anno, pontificatus autem *Willielmi* 13. ex quo autem monachi in *Dunelmum* convenerant xj. tertio Idus Augusti, feria 5. Eo enim die episcopus, & qui post eum secundus erat in ecclesia Prior *Turgotus* cum cæteris fratribus primos in fundamento lapides posuerunt. Nam paulo ante, id est, quarto Kal. Augusti feria sexta idem episcopus & prior facta cum fratribus oratione ac data benedictione fundamentum cœperant fodere. Igitur monachis suas officinas ædificantibus, suis episcopus sumptibus ecclesiæ opus faciebat. Quo tempore memoratum Priorem *Turgotum* ante totius episcopatus populos producens, vices suas etiam super illos ei injunxit, ut scilicet per archidiaconatus officium, Christianitatis curam per totum ageret episcopatum, ita statuens, ut quicumque illi successores fuerint in prioratu, similiter succedant & in archidiaconatu. Quod non sine auctoritate vel exemplo fecit, legitur enim in vita sancti *Cuthberti* quod beatus *Boisilus* cum esset præpositus monasterii, de monasterio frequenter exire & populo prædicare consuevit. Cui defuncto discipulus ejus, beatus scilicet *Cuthbertus* successit in præpositi, id est, Prioris officium. Nam qui nunc Prior, à beato *Benedicto* præpositus monasterii appellatur. Securus ergo exemplum magistri pater *Cuthbertus*, sapissime propter animarum lucra de monasterio egredi solebat, ut sæpe ebdomada integra, aliquando duabus vel tribus, nonnunquam etiam mente pleno domum non rediret: sed demoratus in montanis plebem rusticam verbo prædicationis simul & exemplo virtutis ad cœlestia vocaret.

Qua-

An.Dñi

1093.

An.Dñi Quapropter memoratus antistes ita constituisse dinolcitur, ut quicumque sancti *Cuthberti* in ipsius ecclesia successores in prioratu fuerint, etiam in prædicationis officium curam agentes Christianitatis eidem succedant.

CAP. IX.

Qualia Bosio miles de canobitis Dunelmensibus viderit, & quanta de obitu W. episcopi prædixerit.

Q Uo tempore quidam militum episcopi vocabulo *Bosio*, infirmitate correptus, ad extrema pervenisse visus est. Permodicum enim ore & naribus trahens flatum, per tres dies raptus ab humanis rebus quasi mortuus sine ullo sensu permanfit: sed die tertio contra hoc quod sperari poterat ad præsentia rediit. Dicebat itaque multa se vidisse, nec tamen quæ illa fuerint, donec sicut iussus fuerat, Priori retulisset, cuiquam indicare volebat. Recuperata ergo sanitate concitus ad illum venit, secretum ab omnibus loquendi cum eo locum petiit. Ubi projectis vestibus virgas manu gestans nudus ad ejus vestigia procidit, cum lachrimis exclamans, Ad te, inquit, venire, tibi iussus sum peccata confiteri, & meam deinceps, quæ tamen longa non erit, vitam tuo imperio ordinare. Suscipe quæso pœnitentem, & plagis verberum medellam adhibe meorum vulneribus criminum, ut districtum Dei merear evadere iudicium. Itaque multo cum gemitu peccata confessus est, susceptaque pœnitentia, talia cœpit narrare. Ductore, inquit, præeunte, per horrenda simul & amœna loca sequebar. Erant omnes hujus ecclesiæ monachi quodam in loco congregati, ante quos multum ex sese splendoris emittens veneranda crux portabatur, quam omnes vestiti, ordinata solemniter sicut solent processione incedentes & cantantes sequebantur. Omnes in directum nusquam declinantes incedebant, præter duos, qui à recti ordinis linea aliquantulum exorbitabant. Ibant autem omnes contra oppositum sibi immensæ altitudinis murum, in quo nec ostium nec fenestra ulla videbatur. Cogitante me ac mirante cur illo tenderent ubi aditus nullus patebat, ecce repente nescio qualiter omnes intra murum erant. Ego autem foris remanens, huc illucque respexi, si alicubi introspicere possem, & inventa fenestrella, contemplatus sum per illam campum latissimum & vernantium flosculorum mira varietate pulcherrimum, ex quibus admirandi suavis odoris emanabat. Interrogatus à ductore meo, si eos quos ibi vidi, agnoscerem, aio etiam, monachos nostros hic recognosco. Et ille, Dicit, inquit, priori, ut eos ad animarum suarum salutem diligentius hortetur, illos vero duos quos ab ordine suo declinare vidisti, nominatim illi ostende. Re enim vera non parum à via rectitudinis aberrant, quibus magna incumbit necessitas, ut peccata sua purius confessi, emendatiorem vitam ducere festinent. Hucusque etenim puram ac rectam peccatorum suorum confessionem nunquam fecerant. Inde ductus, aspexi per campum latissimum totius hujus provincie indigenas congregatos, qui equis admodum pinguibus sedentes, & longas sicut soliti sunt hastas portantes, earumque collisione magnum facientes strepitum, multa ferebantur superbia. Is ergo qui

me ducebat, an istos recognoscerem inquisivit. Cui dum illum atque illum & postremo universos me recognoscere respondissem, Omnes, ait, isti, jam in proximo peribunt. Nec mora, omnis illa multitudo velut fumus ex oculis evanuit. Quo facto, multo majori quàm priores superbia secuti sunt Francigenæ, qui & ipsi frementibus equis subvecti, & universo armorum genere induti, equorum frementium sonitu & armorum collisione immanem late faciebant tumultum: sed post paululum cum omni ipsorum gloria velut subito terræ hiatu absorpti nusquam comparuerunt. Deinde per extensum aliquot miliaris campum innumeram scæminarum multitudinem intueor, quarum tantam turbam dum admirarer, eas presbiterorum uxores esse, à ductore meo didici. Has, inquit, miserabiles, & illos qui ad sacrificandum Deo consecrati sunt, nec tamen illecebris carnalibus involvi metuerunt, Væ semipiternum & gehennalium flammarum atrocissimum expectat cruciatus. Inde in loco vastæ ac tetrae solitudinis, magna altitudine domum totam ex ferro fabrefactam aspexi, cujus janua dum sæpius aperiretur, sæpiusque clauderetur; ecce subito episcopus *Willielmus* efferens caput ubinam *Gosfridus* monachus esset, à me quæsiuit. Hic enim, inquit, hic ad placitum mecum adesse deberet. Hunc namque procuratorem sui episcopatus constituerat. Tunc is à quo ducebar, me alloquens, Certe, inquit, scias, episcopum citissime finem vitæ habiturum. Ille quoque quem ipse nominavit tametsi aliquanto tardius eum moriendo sequetur. Tu quoniam adhuc licet brevi tempore in mundo vivere debes, ut iram Dei evadas, confessione peccatorum facta vitam secundum quod Prior tibi ostenderit, corrige, eique universa quæ tibi sunt ostensa, ne dubites manifestare. Hæc & alia quamplura prædictus miles se audisse & vidisse retulit: quæ quam vera sint, paulo post & episcopi & aliorum multorum quos jam finiendos prænuñciaverat mors secuta testimonium perhibet. Duo quoque illi qui ab ordine processionis deviare visi sunt fratres, ejus verbis fidem præbent, quorum vitam Prior subtiliter discutens, hoc quod miles de illis occulte audierat, verum esse ipse invenit.

CAP. X.

Ubi idem W. episcopus obierit, & quomodo Dunelmum corpus ejus delatum sit.

D Um ergo visionis suæ ordinem jubente priore miles episcopo retulisset, ille talia contremiscens, vehementer expavit, atque studiosius deinceps suæ salutis curam gerere cœpit, largiores videlicet elemosinas faciendo, prolixius & intentius orando, nullius negotii gratia privata orationum quotidianarum statuta prætermittendo. Et quidem multo ante suum obitum tempore non parum infirmabatur, verum ipso die nativitatis Dominiæ apud *Unindesforam* acriori correptus dolore, gravissime per octo dies lethali morbo fatigabatur. Interim multi ad illum venerunt: alii ut in sua necessitate ipsius consilium quæterent, erat enim magni consilii; nonnulli, ut vexatum infirmitate piæ visitationis verbo consolarentur. Quod maxime venerabilis *Cantuariensis* ecclesiæ archiepiscopus *Anselmus* fecit, cujus secreto colloquio de

An. Dñi

de salute animæ ille diu potitus, consolationis & benedictionis gratiam se ab eo percepisse gratulabatur. Tanta infirmitate vexatus, nequaquam tamen longiorem vitam plus quam mortem quæsiuit: sed hoc Deum intentius deprecatus est, ut quod sibi seiret magis expedire, scilicet vel diutius vivere, vel tunc vitam finire, id sibi dignaretur concedere. Die autem octavo, quo circumcisio Dominica celebratur, cum jam instante vespere irrecutabilem mortis sententiam jam jamque adesse sentiret, ea quæ fidelium morientium salus exposcit, sibi postulans, venerandæ memoriæ *Eboracensi* archiepiscopo *Thoma cum Walchelino Wintoniensi*, & *Johanne Bathoniensi* episcopo multum devote officium administrante, ipse catholicam confitens fidem percepit. Quibus & se & filios suos, videlicet hujus ecclesiæ monachos quos multum semper dilexerat, fovendos & protegendos quam maxime commendare studebat. Jacente illo atque suæ evocationis horam expectante, episcopis invicem de loco sepulture ejus conferentibus, id conveniens videbatur, ut in ipsa sancti *Cuthberti* ecclesia ejus corpus jure sepeliri deberet, qui ad ipsum Confessoris & episcopi sacrum corpus, congregatione monachorum stabilita, ut dignum & placitum Deo servitium ibidem jugiter fieret, quam maxime semper sollicitus fuerat. Quod contra ille clamans, hoc fieri multum prohibuit. Absit, inquit, absit, ut sancti *Cuthberti* ecclesiæ consuetudo quæ ab antiquis temporibus tam solite hactenus servatur, mei corporis causa solvatur. Nunquam enim in loco quo ejus incorruptum corpus requiescit, alicujus

defuncti corpus non solum non sepeliri, sed nec ad horam inferri licuit. Placuit ergo illis ut in capitulo tumulari deberet, quatenus in loco in quo fratres quotidie congregantur, viso ejus sepulchro charissimi patris memoria in eorum cordibus quotidie renovaretur. Interea ille acius dolore coactus in mortem pallefcere cœpit, jamque instante hora gallicantus, quarto Nonas Januarii, feria quarta, vitæ terminum habuit. Cujus corpus pontificalibus secundum morem vestimentis obvolutum, fratres qui cum eo fuerant, *Dunelmum* transtulerunt. Quod occurrentes monachi, & clerus, omnique populus, cum mœrore multo & planctu susceperunt, usque in ecclesiam sancti *Michaelis* deportaverunt. Ibi namque prima nocte à clero & populo exequiæ illius agebantur. Mane autem facto, ad se monachi corpus transferentes, ipsum diem cum nocte secuta in precibus & psalmorum decantationibus pervigiles transegerunt, atque sequenti die, hoc est septendecim Kal. Febr. in loco quem, ut supradictum est, episcopi providerant, congruo cum honore sepulture tradiderunt. Quorum ex tanti patris amissione quantus mœror, quantus luctus, quantusque fuerit fletus, puto hic melius taceatur, quam supra id quod cuiquam credibile sit, aliquid dicatur. Nullus enim, ut reor, tunc inter illos erat, qui non illius vitam, si fieri posset, sua morte redimere vellet. Defunctus est autem M. xcvi. Dominicæ incarnationis anno, cum in episcopatu xv. annos & duos menses minus tribus diebus peregisset, quando & tertius decimus, ex quo in *Dunelmum* congregati fuerant monachi, annus agebatur.

An. Dñi

1096.

Explicit Historia Simeonis.

Villa data per Egfridum regem Northanimbrorum S. Cuthberto & successoribus ejus.

685.

Anno Dominicæ incarnationis DC. lxxxv. congregata synodo juxta fluvium *Alne* in loco qui dicitur *Etetunsofd*, cui *Theodorus* archiepiscopus *Dorvernensis* præsidebat, cum *Cuthbertus* multis legatariis ac literis ad se præmissis, nequaquam sua insula posset erui, tandem ego *Egfridus* rex *Northanimbrorum* cum antistite *Trumwine* & aliis religiosiis viris insulam navigavi, & invitum ad synodum pertraxi, ubi omnium jussione episcopatus officium suscipere compellitur. Cui & omnibus successoribus ejus consilio *Theodori* archiepiscopi & *Trummini*, & totius concilii pro salute animæ meæ & successorum meorum donavi villam quæ vocatur *Greic*, & tria milliaria in circuitum ipsius villæ. Donavi

etiam civitatem quæ vocatur *Lugubalia*, & in circuitu ejus quindecim milliaria, ut hæc tam ipse quam successores ejus ad Dei servitium in perpetuum habeant, ita sicut ego habui, libera & quietâ, & secundum voluntatem suam disponenda. Ego *Theodorus* archiepiscopus *Dorvernensis* subscripsi. Ego *Bosa* episcopus subscripsi. Ego *Cedd* orientalem *Saxonum* episcopus subscripsi. Ego *Sexulf* *Merciorum* episcopus subscripsi. Ego *Eata* *Hagustaldensis* episcopus subscripsi. Ego *Trumwine* *Pictorum* episcopus subscripsi. Ego *Ceadda* *Licefeldensis* episcopus subscripsi. Ego *Eadhec* *Lindissi* episcopus subscripsi. Hæc donatio firmata est tempore *Agathonis* papæ, anno ætatis regis *Egfridi* 40. regni ejus autem 15.

De Ranulpho Episcopo, tempore W. Conq. & de aliis aliquot Episcopis Dunelmensibus.

De Ranulpho Episcopo.

TRibus dehinc annis ecclesia vacante pastore, trecentas annuatim libras rex W. in suum de episcopatu transtulit ærarium. A monachis vero nil accipiens, imo largus & beneficus, nil oppressione & injuriæ illis à quoquam irrogari permisit. Evolutis de quarto anno ab obitu episcopi quinque mensibus, rex W. dedit episcopatum *Ranulfo*, qui propter quandam apud regem excellentiam singulariter nominabatur Capellanus regis. Fuerat autem primo cum *Mauricio Londoniensi* episcopo, sed propter decaniam sibi ablatam orto dissidio spe altioris loci se transtulit ad regem. Nec eum fefellit spes. Admixtus enim causis regaliū negotiorum, cum esset acrioris ingenii & promptioris linguæ, brevi in tantum excrevit, ut adepta apud regem familiaritas totius *Angliæ* potentes, & natu quosque nobiliores illum super ferret. Totius namque regni procurator constitutus, interdum insolentius accepta abutens potestate, cum negotiis regis pertinacius infisteret, plures offendere parvi pendebat. Quæ res multorum ei invidiam & odium contraxerat. Crebris accusationibus serenum animi regalis ei obnubilare, & locum familiaritatis conabantur interrumpere. Sed cum hic casto labore deficerent, dolis circumventum etiam extinguere machinabantur. Quidam *Geraldus* aliorum, ut dicitur, audacia simul & dolo armatus, ascensum cum paucis navicula, convenit capellanum *Londonia*, suppliciter orans ut ad dominum suum *M.* episcopum infirmantem quantocius properaret, qui in villa sua super ripam *Tame* fluminis extremum pene spiritum agens, illius magnopere desideraret colloquium. In argumentum veritatis dixit se naviculam à domino missam adduxisse, qua ad illum velocius transveheretur. Ille nil mali suspicatus, cum paucis suorum intravit navem, quam *G.* recto per alveum fluminis cursu ad mare dirigebat. Quærente capellano, cur tam diu navigantes nusquam diverterent ad littora, fingeant portum paulo longius abesse, ubi aptior esset de navicula egressus in terram. Interea prospiciens majorem medio in flumine navem anchoris stabilitam, quasi suam, ut sibi videbatur, operiri adventum; illico malignæ deceptionis intellexit molimina. Quid plura? In navem suspectam transponitur numerosiore armatorum manum habentem. Jam nulla uspiam evadendi spes. Ipse annulum quem digito gestabat, & notarius suus sigillum illius medium projecerunt in flumen, ne per hæc ubique locorum per *Angliam* cognita, simulataque præcepta hostibus decipientibus transmissa rerum perturbarent statum. Tunc & homines sui emittuntur in terram, valido prius sacramento obligati, ut nulli mortalium quicquam de abducto domino dicerent. Jam navis relicto flumine alta maris ingreditur, & suspensis velis prospero aliquandiu cursu versus meridiem dirigitur.

Interea remotius in prora sedente capellano, de genere mortis illius fit inter nautas conspiratio. Eliguntur duo filii *Belial*, qui eum vel in fluctus projicerent, vel fracto fustibus cerebro enecarent: habituri precium sceleris optimas, quibus tunc indutus fuerat, vestes. Quorum alter cum negante altero mantellum illius sibi vellet fortiri, protracta inde contentio, intentatam viro distulit mortem. Jamque die altero favens ad votum cesserat navigatio, cum ecce ventus turbinis à meridie surgens totum à profundis sinibus conturbavit mare, noxque repentina obduxit caligine cælum. Jactatur hinc & inde procellis carina, jam non gubernaculo, sed ventis obediens & fluctibus. Nec ulterius procedere, nec littora valebat attingere. Jam rudentibus ruptis, fractoque malo, non tam ferebatur aquis, quam ipsa ferebat aquas. Nihil certius quam mortem expectabant. Sola hæc quantulacunque maris erat licentia, ut unde venerat navis rediret. Quo repellentibus eam undis, deliberata est in *Ranulphum* mortis sententia, ne evadens illatas ulciscatur injurias. Porro quidam secundus in navi à *Geraldo* tantum exhorrens scelus, repente astans, vultuque tristi & lachrimis suffuso, Proh dolor, inquit, *Ranulfe*; jam morieris nostro scelere pessimo. Sed si mihi veniam dederis prævæ conspirationis, hic tui defensor astabo, tuæ vel vitæ vel mortis comes. Tunc ille sicut magnanimus semper erat in periculis, ingenti clamore vociferans, Quid tu, inquit, *Geralde* cogitas? Quid de nobis machinaris? Homo meus es, fidem mihi debes, hanc violare, non tibi cedit in prosperum. Respice, & à perniciæ facti ad quod intendis, animum revoca. Quin potius accipe profuturum tibi per omne tempus vitæ tuæ consilium. Pete quantum volueris, ego sum qui plura petitis præstare potero. Et ne discredas promissis, ecce manu affirmo quod polliceor. Ille non tam promissis illectus, quam potentia viri exterritus, consensit: eductumque de navi jam in portum repulsa, honorifico in sua domo quæ littori prominebat procuravit apparatu. Sed nequaquam credulus promissorum, fugæ præsidium iniens, æterno disparuit exilio. *Ranulfus* vero accitis undecurque militibus, multa armatorum manu grandique strepitu deducitur *Londoniam*, omnibus in stuporem versis, ut quem fama divulgaverat extinctum, subito quasi redivivus regaliū negotiorum executor resideret. Acceptor dehinc regi, omnes invidorum conatus cassavit, ita undique circumspectus, ut nullorum rege vivo pateret insidiis. Anno ab incarnatione Domini M. xcix. 9. Non. Junii oct. Pentecostes, suscepto episcopatu consecratus est in ecclesia sancti *Pauli Londonia*, à *Thoma* majore *Eboracensi* episcopo, sine ulla exactione professionis, sicut & *Willielmus* quondam prædecessor ipsius. Post annum autem & tres eoque amplius menses accepti episcopatus, rege in venatu sagitta interfecto, circumventus ab insidiantibus episcopus, jussu *Henrici* qui fratri successerat 18. Kal. Septembr. capitur, diligentique custodia in turre *Londoniensi* arcatur. Sed

An. Dñi

Sed non multo post, scil. tertio nonis *Febr.* magna calliditatis arte & suorum clandestino auxilio fugiens noctu, omnem sese terra marique persequendum elusit diligentiam. Veniens ergo *Normanniam* honorifice à duce *Roberto* fratre regis susceptus est, à quo *Luxoviensem* ecclesiam, quæ tunc episcopo vacabat, ad sui suorumque comitum subsidia accepit. Post non multum temporis cum duce præfato armis cum fratre congressuro, multa classe revehitur in *Angliam*, ubi strenuis mediatoribus pace inter fratres reformata, utriusque partis transfugis ex conditione pacis liber in sua permittitur reditus. Inter quos & *Ranulphus* episcopium quidem suscepit, verum gratiam regis licet magnis & continuis muneribus ad plenum sibi redintegrare nequaquam valuit: sed ut hanc qualitercunque vel simulatitiam mereretur, aggravavit manum super episcopatum immoderatus inde exigens pecunias, quibus & regis familiarium sibi emeret gratiam. Qua de causa fragili fretus juvamine, suæ dioceseos appendicia, scilicet *Carleol* & *Tebietedale* revocare nequibat, quæ illo exulante, cum ecclesia non haberet defensorem, ad suas quidam episcoporum applicaverant. Rex etiam ipsi odio ipsius cartam ecclesiæ discindi & annihilari præceperat, quam ad confirmationem possessionum ecclesiæ à rege *Willielmo* impetraverat. Cæterum inerat ei episcopo magnanimitas, quam quondam procurator regni contraxerat ex potentia, ut in conventu procerum, vel primus, vel cum primis semper contenderet esse, & inter honorificos honoris locum magnificentius obtineret, vastiori sæpius clamore & vultu minaci, magis simulare indignationem quam exhibere. Ad hæc facunda ei verborum inventio, quam seriis admiscens jocularia, dubios veri & falsi suspendit auditores. Motus animi quoque interdum levis, nec diutius iram retinens nec latitiam, ex altero in alterum permuati facili. Inter hæc plurimum circa suos eminebat beneficiis. Jura libertatis episcopii, secundum vires contra extraneos defendebat. Circa opus ecclesiæ modo intentius, modo remissius agebatur, sicut illi ex oblatione altaris & cimiterii vel suppetebat pecunia vel deficiebat. His namque sumptibus navem ecclesiæ circumductis parietibus, ad sui usque testudinem erexerat. Porro prædecessor illius, qui opus inchoavit, id decernendo statuerat, ut episcopus ex suo ecclesiam, monachi vero suas ex ecclesiæ collectis facerent officinas. Quod illo cadente cecidit. Monachi enim omisiss officinarum ædificationibus, operi ecclesiæ insistant, quam usque navem *Ranulphus* jam factam invenit. Addit etiam ornamentis ecclesiæ dorsalia, pallia, cappas, casulas, tunicas quoque & dalmaticas, angustias curiæ monachorum, porrecto in longum & latum spacio dilatavit. Pauperibus modo rogatus, modo ultroneus, larga manu fuit beneficus. Urbem hanc licet natura munierit, muro ipse reddit fortiorem & augustiorem. A cancello ecclesiæ ad arcem usque castelli producta murum construxit longitudine. Locum inter ecclesiam & castellum, quem multa occupaverant habitacula, in patentis campi redegit planitiem, ne vel ex sordibus contaminatio, vel ex ignibus ecclesiam attingerent pericula. Diversas *Wiri* fluminis ripas continuavit structo de lapide magni operis ponte arcuato. Condidit castellum in excello præruptæ rupis super *Twedam* flumen, ut inde latronum incursus inhiberet, & *Scotto-*

rum irruptiones. Ibi enim utpote in confinio regni *Anglorum* & *Scottorum*, creber prædantibus antepatebat excursus, nullo ibidem quo hujusmodi impetus repelleretur, præsidio locato. Taliter impulsu quodam impatiente orti de opere transibat ad opus, nil reputans factum, nisi factis nova jam facienda succederent. Vivacis animi, & vegeti fuit corporis, in eodem incolumitatis statu usque biennium ante mortem perdurans. Abhinc enim & salus ei paulatim languescere, & acumen sensus corporis retundi. Aggravatus tandem lethali morbo, ortu dierum canicularum in lectum decedit, eorundemque occasu moriens occidit. Assederant ægrotanti assidue majores ecclesiæ, exhortantes ut præoccuparet faciem Domini in confessione, & faceret sibi amicos de mammona iniquitatis, atque quibus deberet, iusta cuique perfolveret. Dehinc fit inter pauperes & debitores distributio pecuniæ. Sed quicquid debitoribus, quicquid pecuniarum alicubi vel distributum fuerat, vel repositum, nisi quantum ecclesiæ quædam & pauperes acceperant, totum rex post obitum episcopi per exactores in suos thesauros recolligi iussit. Uno ferme antequam moreretur mense, se in ecclesiam iussit transportari: ubi residens contra altare, ex profundo cordis erumpens in gemitum, circumstantibus modo clericis, & pluribus episcopii hominibus, cepit altius pœnitere malorum quæ gesserat contra ecclesiam, scilicet quod ejus pristinam libertatem redegerit in servitutem, quod ingenuas illius consuetudines & terras quasdam abstulerit. Et hoc, inquit, non coactus inopia feci: sed cupiditate illectus, plus volui illis nocere, quam potui. Nunc autem & libertatem quam inveni, & quæcumque abstuli, reddo: ut mihi peccatorum meorum pœnitenti veniam indulgeat Deus. Dehinc per annum altari impositum, omnia restituit ecclesiæ ablata, cartaque sua & sigillo confirmavit restituta.

De Gaufrido Episcopo.

ANNO Dominicæ incarnationis M. CXXIX. *Ranulfus* episcopus *Dunelmensis* moritur, episcopatus sui anno 29. regni regis *Henrici* 28. Eo defuncto committitur episcopatus *Dunelmensis* duobus baronibus ad opus regis censum colligentibus. Vacavitque episcopatus per quinquennium. Eo tempore navis ecclesiæ *Dunelmensis* monachis operi instantibus peracta est.

Anno Dominicæ incarnationis M. CXXXIIJ. in episcopum *Dunelmensem* eligitur *Gaufridus* regis Cancellarius, qui *Rufus* dicebatur, consecratus *Eboraci* à *Turpino* archiepiscopo *Eboracensi*. Cujus anno tertio Rex *Henricus* moritur, anno Dominicæ incarnationis M. CXXXVJ. Cui mox in regnum nepos ipsius regis ex sorore, *Stephanus* successit, qui laboriosissime regnum *Anglorum* 19. annis tenuit, dissidentibus inter se primatibus totius regni. Dissensionis autem causa hæc erat; quod tempore regis *Henrici*, regnum filix ipsius regis juraverant, quæ dudum imperatrix *Alemannorum*, ea tempestate, comiti *Andegavensium* matrimonio copulata erat. Hac de causa *David* rex *Scottorum*, & comites quique *Angliæ*, à rege *Stephano* dissidentes dum sibi invicem adversantur, iniquis quibusque maliciæ exercendæ facultatem tribuerunt, ut major pars regni desolata relinqueretur. Episcopus sane *G.* primo episcopatus sui tempore depravatus à quibusdam severius cum monachis agere compellitur. Sed non multo

An. Dñi

1129.

1133.

1136.

An.Dñi multo post in se reversus, libertates & consuetudines tam ecclesiæ quam monachis more prædecessorum suorum indulgit, & Priori ecclesiæ quæcunque vel patrum ecclesiæ autoritas, vel probata servaverat antiquitas, & prisca consuetudo benigne concessit. Ipsius tempore capitulum monachorum, quale hodie cernitur, inchoatum & consummatum est. Moriens vero ornamenta ecclesiæ non mediocria contulit.

De invasore tempore Willielmi 2^{di} Episcopi.

Sed in ipsius obitu contigit ecclesiam gravissimas stempestatum procellas incurrere. Erat enim clericus quidam regis *Scotia* Cancellarius jam pridem eidem ante episcopatum notus, & à secretis, siquidem & eum ab annis adolescentiæ educaverat. Qui paululum ante obitum ejusdem *Dunelmum* veniens, & cum eo familiariter conversatus, cum finem episcopi appropinquare cerneret, familiares quosque clericos, castellanos etiam sibi fide vel sacramentis associat, ut mortuo episcopo eidem castellum committerent. Eo igitur mortuo, ab eisdem extorsit, ut episcopus celaretur donec cum rege *Scotia* loqueretur, ut ipsius adjumento episcopatum acquireret. Proinde quia cadaver aliter teneri non potuit, evisceratus est à suis episcopus, & à monachis absconditus, ne rem cognoscerent, à tertia feria usque ad sextam feriam. Tunc enim eodem à curia reverso, Prior & monachi admittuntur castello jam ad voluntatem ipsius disposito. Erat eo tempore maxima regni turbatio. Siquidem rex *Stephanus* dum comitem *Cestria* in *Lincolnia* obsideret, idem comes furtim egreditur, & sociato sibi comite *Glocestria*, cæterisque imperatricis fautoribus ad urbem regreditur, ubi inter eos prælio facto rex milite destitutus capitur, non tamen absque detrimento capientium. Erat siquidem robustus viribus, & rebus bellicis eo tempore incomparabilis. Eo igitur incarcerato, imperatrix regis *Henrici* filia cum magno favore à *Londoniensibus* excipitur. Quo comperto, rex *Scotia* *David* ad Curiam ejusdem proficiscitur, secum cancellarium suum ducens, qui pretio ab eodem exegerat, ut ejus causa erga imperatricem ageret. Jamque se *Dunelmensem* electum vocari volebat, quod facile adulatoribus undecunque concurrentibus persuasum est. Denique in curia jam constitutus, tam à rege *Scotia* quam cæteris mediantibus tandem in assensum imperatrix inducitur. Factoque consensu, cum jam jamque se baculo episcopali ab imperatrice investendum speraret, in ipsa curiæ coadunatione, subito turba exoritur, à regiis commota fautoribus, & imperatrix cum suis omnibus aufugit, *Londoniensium* conspiratione comperta. Nec multo post cum imperatrix *Wintonie* moraretur, ibidem à gente *Londoniensium* obsidetur, qui reginam evocaverant, & ei *Londoniam* tradiderant. Illic congressione facta à baronibus hinc inde pro partis utriusque favore confluentibus, *Rodbertus* comes *Glocestria* capitur, rex *Scotia* fugatur, cæteri quique huc illucque disperguntur. Hac verò captione contigit, ut rex liber dimitteretur. Rege *Scotia* repatriante, Cancellarius prædictus *Dunelmi* remansit per tres annos quibus vacabat episcopatus, operibus prætendens, quo respectu episcopatum desideraverit, nisi quantum eum spes honoris adipiscendi refrænabat. Multa in episcopatu cupiditatis, imo crudelitatis signa reliquit. Monachis

An.Dñi tamen jocundus semper & affabilis erat, à quibus se promovendum sperabat. Sed eum sua spes fefellit. Secundo siquidem anno, ex consilio capituli Prior ecclesiæ *Eboracum* proficiscitur, communicato primitus consilio, ut quem ipse cum majoribus ecclesiæ eligeret, ad hunc cæteri domi residentes animum intenderent excommunicationis primitus ex sententia capituli *Willielmi* fautoribus. Deinde vero legati *Romam* diriguntur, domino papæ causam indicaturi. A quo accepto eligendi quem vellent, præcepto, convenientes in ecclesia *Eboracensi*, quia in *Dunelmensi* convenire non poterant, convocatis religiosis quibusdam de episcopatu personis, prior & ejusdem ecclesiæ archidiaconus cum cæteris ejusdem ecclesiæ decanum in episcopum eligunt anno Dominicæ incarnationis M. Cxlv. Erat eo tempore Dominus *Wintoniensis*, Apostolicæ sedis legatus, cujus ope & consilio maxime innitebantur *Dunelmenses* contra invasorem episcopatus. Qui & ab eodem pridem excommunicatus est cum fautoribus suis. Præsentatum itaque sibi electum *Dunelmensem*, suscepit honorifice, regemque fratrem suum scilicet ad assensum electionis inclinavit, & comitante gratia ejusdem debito cum honore consecravit septem episcopis assistantibus xij. Kal. Julii. Consecratus vero *Eboracum* rediit, & in invasores ecclesiæ suæ sententiam excommunicationis propalavit. Mox vero quidam de baronibus episcopatus se eidem ut domino subdiderunt. E quibus *Rogerus* quidam de *Coinariis* continuo munitionem quandam in episcopatu firmavit, ubi si opus esset, episcopus reciperetur, ad sui suorumque tuitionem. Quo non multo post episcopus à suis venire compellitur, si forte invasores ecclesiæ respiscere voluissent. Nec interim vacabant castellani *Dunelmenses* quin prædas ducerent, militibus qui ad episcopum confluebant, occurrerent, & ad eum transeuntibus impedimento forent. Si qui vero locupletiores inde conjuncti fuissent, qui ad episcopum suum confugere voluissent, tormentis continuo afficiebantur donec se pecuniis redemissent. Fiebat itaque diebus singulis persecratio ingens, & quicumque di-tior, calumniæ vicinior erat. Conducti enim ab invasore milites pro libidine cuncta faciebant, & dum cupiditati modis omnibus satisfacere satagunt pecunias singulorum tormentis & pœnis exquisitas extorquent. Miseranda tunc erat urbis facies, cum per domos singulas urbis tormenta innumera cerneret, tanquam si diversorum temporum tyranni quique in unum confluxissent. Cerneret alios eculeis distendi, alios per verenda sursum trahi, alios techis parvissimis lapidibus substratis includi, & pene quassari. Alios vero in hyeme validissima nudos extra domos vinciri, pedibus infra domos trunco inclusis. Inter hos & ipse qui castellum tradiderat, pœnis inmanissimis ab eodem extinctus est, nepos scilicet episcopi, debitum sancto *Cuthberto* persolvens supplicium, qui invasorem ipsius ecclesiæ infra castellum ad ipsius ecclesiæ detrimentum recepit. Adjecit & hæc invasoris impietas, ut quoscunque monachos erga episcopum benevolentiores ab ecclesia removeret. Quod ex hujusmodi cepit occasione. Confluentibus enim ad episcopum undecunque militibus, sive spe lucri seu etiam ipsius episcopi exhortationibus & reverentia honestatis illius & religionis, erat enim & religione præcipuus, & præcellens prudentia, à baronibus totius episcopatus invitus compellitur vires experiri confluentium, si forte vel

An.Dñi

vel terrore humano cederet, qui divino dedignabatur cedere. Subito igitur *Dunelmi* astantes cum militem valida manu, in proximo *Dunelmi* municipium firmare statuunt, unde cominus hostibus infra urbem constitutis congregarentur. Quod ne perficeretur, impedimento fuit comes de *Richemund*, qui mercede conductus ab ecclesiæ invasore, egit nunciis clandestinis ut episcopus abscederet: alioquin se superventurum minabatur. Cessit episcopus, quia ei vires ad resistendum Comiti non suppeterebant, & alibi munio à suis firmata est vj. ab urbe miliario. Ubi militibus congregatis per aliquantum temporis resedit, militibus quotidie ad urbem recurrentibus, & vires hostium infirmare certantibus. Nec multum proficere poterant militibus *Dunelmensibus* occurrentibus. & satis superque strenue agentibus, qui quocunque divertissent, vel superiores vel pares exstebant. Perseveravit hæc rerum turbatio inter episcopum *Dunelmensem* & episcopatum invasorem per annum integrum & menses quatuor. Quibus completis, cum jam virtus deficeret humana, nec spes adversarios subigendi restaret, nisi ope & auxilio divino, subito ostensione divini miraculi terrentur adversarii, unde suæ vitæ metu & divinæ terrore animadversionis invasa relinquere compelluntur. Dum enim prioribus facinoribus nova cumulant super ecclesiam in honorem beati *Iohannis* evangelistæ fabricatam castellum ad munimentum partis suæ firmare satagunt, subito nepos ejusdem miles egregiæ virtutis in ipsa operis inchoatione, ultione divina imminente, & beati Evangelistæ, infirmitate correptus vix ad urbem revertitur. ubi demonio traditus vexari cæpit, quousque animam miserabiliter exhalaret. Alter etiam nepos ejus jam pridem infirmitate subitanea diem clauserat ultimum. Nec multo post milites quique totius episcopatus cum baronibus congregati castellum illud quod supra ecclesiam firmatum erat obsident: nec multo post, injecto igne, obfessos quosdam igne conflagraverunt, quosdam ad deditionem compulerunt. Multi præterea ipsi invasori familiaris adhærentes subitis intercepti casibus, utraque morte præventi sunt. Ex his vero qui ecclesiam sancti *Cuthberti* violaverant, pene nullus evasit, quin infra breve terminum pacis violatæ debitas sibi pœnas persolverent. Ecclesiam enim hac occasione violati contigit. Cum majores totius episcopii ipsum secum ducentes episcopum urbi, sicut præmissimus, vicinarentur, ut in proximo municipium facerent ad urbis obsidionem, quia ecclesia supra vallem qua urbs cingitur collocata videtur, metuentes ne forte clanculo milites in ecclesiam admitterentur, utpote monachis episcopo suo faventibus, primo per alios monachos convenit, ut suos in Ecclesia custodes admitterent. Sed hoc monachis durissimum videbatur, excommunicatis ecclesiæ delegare custodiam. Proinde se infra ecclesiam recipientes valvas ecclesiæ claudunt, excommunicatis introitum interdcentes ecclesiæ, ipsi vero in oratione prosternuntur. Cum ecce sonitus aures eorum pulsant militibus januas effractis fenestris introeunt, & valvas sociis aperiant. Deinde ecclesia duobus militibus ab ipso violatore committitur, monachis se infra officinas proprias cohibentibus, nec in ecclesia vel psallere præsumptibus, vel orare propter excommunicatorum præsentiam. Miseranda prorsus & despecta rerum

facies, ecclesiam illam celeberrimam in solitudinis vastitatem redactam, ut nec orandi monachis locus pateret, sed illius desolationem repræsentaret, de qua scriptura commemorat. *Et Jerusalem non inhabitabitur, sicut erat desertum, nec erunt qui ingrederetur & egrederetur de natis ejus.* Perseveravit hæc desolatio anno uno & hebdomadibus septem. Denique sinistris suorum eventibus territus invasor ecclesiæ, cæpit occasionem querere aram potius divinam evadere, quam ecclesiæ quam læserat, satisfacere. Veniente itaque in provinciam illam archiepiscopo *Eboracensi*, cum mox ille exceperit, & castellum cuidam ex baronibus *Rogerio* scilicet de *Coineris* in fidelitatem sancti *Cuthberti* servandum commisit, ipse munitionem, quam dudum ut præmissimus idem *Rogerus* firmaverat, ad sui suorumque tuitionem suscipiens. Taliter in sedem suam episcopus admittitur, & in statum pristinum redintegratur ecclesia, anno Dominicæ incarnationis M. Cxlv. secundo anno consecrationis ejusdem episcopi *W. secundi*. Novem deinceps in episcopatu vixit annis, multa in episcopatu adversa sustinens, tam propter regis *Scotia* exactiones non justas, quam propter vicinorum latrocinia, & depredationes non tam crebras quam pene continuas. Ipsius temporibus dormitorium monachorum perfectum est. Vixit in episcopatu annis 9, mensibus quatuor, diebus quinque. Transiit Idus *Decembris* tam annis plentis quam moribus: vir & religione & prudentia plurimum laudabilis, posteris quoque imitabilis, in divinis rebus à pueritia exercitatus, & ad officium episcopatus sufficienter idoneus: canitie quidem venerabilis, sobrietate tamen victus & vitæ continentia morumque gravitate venerabilior.

De electione & ordinatione Hugonis episcopi.

Anno Dominicæ incarnationis M. Cliv. anno regis *Stephani* 18. papatus *Eugenii* 9. adventus *Anglorum* in *Angliam* 703. Indiæ. 1. Epactæ 23. Concurrentes 3. Reg. 5. Ciclo decennio vº 14. 7. die post obitum *Willielmi* episcopi, 11 Kal. *Februarii*. electus est in Episcopum *Hugo Eboracensis* ecclesiæ thesaurarius & archidiaconus, convenientibus quibusque religiosis personis totius episcopatus, in capitulum *Dunelmensem*. Qui regi *Stephano* præsentatus suscipitur electione capituli concessa, ordinatione tamen paululum temerata est zelo domini *Eboracensis* archiepiscopi tunc *Henrici*, qui non solum electioni assensum non adhibuit, quinimo sententiam maledictionis in priorem & archidiaconum nimis inconsulte intorsit. Quod tamen quia & præcipitanter & irrationabiliter nimis egerat in irritum cessit: siquidem prior & archidiaconus dominum baptismum tunc temporis *Anastasium* adeuntes honorifice concessa & confirmata electione suscipiuntur, & ordinato à domino papa episcopo cum gaudio remeant ad propria. Nactus episcopatum ad munitionem sui suorumque castellum super *Twedam* fluvium contra *Scotorum* irruptiones præcepto regis ædificavit, quod pridem à *Ranulpho* quondam *Dunelmensi* episcopo ædificatum à *Scotorum* exercitu destructum fuerat. Plura vero ædificia in episcopatu fecit, necnon in ipsa urbe sedis suæ, veteribus destructis, nova & insignia fecit ædificia. In ecclesia sane sedis suæ in qua corpus beatissimi *Cuthberti* requiescit, ornamenta multa dedit, ecclesiam quoque in-

1154.

An.Dñi signi opere produxit, & tam longiorem quam clariorem reddidit, addito de longinquo marmore quo totum decoraretur ædificium, multiplicatis insigni pictura fenestris vitreis circa altaria. Præterea vero quoddam feretrum nimis speciosum, auro purissimo & argento mundissimo optime fabricatum, lapidibusque pretiosis opere mirifico adornatum construxit, in quo viri venerabilis *Bede* presbyteri, & *Girwensis* monachi ossa, cum multorum aliorum sanctorum reliquiis collocavit.

Hæ reliquie in Dunelmensi continentur ecclesia.

Corpus sancti patris *Cuthberti* cum carne & ossibus totum integrum, quasi adhuc esset vi-

100
vius. Caput sancti *Oswaldi* regis & martyris, quod locatum est in scrinio cum corpore sancti *Cuthberti*. Inventa sunt quoque cum corpore ipsius sancti patris, *Ossa* sancti *Aidani*, *Edberti*, *Edfridi*, *Ethelwaldi* episcoporum, *Balterii* & *Bilfridi* anachoritarum. Corpus venerabilis *Bede* presbyteri & doctoris. *Ossa* sanctarum feminarum *Ebba* & *Elfgithæ*. Corpus & vestimenta sancti *Boisili*, qui fuerat magister sancti *Cuthberti*. *Ossa* & capilli sancti *Ethelmoldi* presbyteri qui successit S. *Cuthberto* in anachoresi. Caput *Ceolwlf* regis & postea monachi in *Lindisfarnensi* ecclesia.

An.Dñi

Incipit historia de sancto *Cuthberto*, & de commemoratione locorum regionumque ejus priscae possessionis, à primordio usque nunc temporis.

IN nomine Dei summi de sancto *Cuthberto*, & de commemoratione locorum, regionumque ejus priscae possessionis, à primordio usque nunc temporis, hoc modo incipit. In prima sua juventute quando sanctus *Cuthbertus* erat vigilans super pecora domini sui prope aquam quæ vocatur *Ueder*, in spiritu orabat ad Dominum, sicut ei mos erat semper ab infantia sua, & semper ei fuit, quamdiu vixit cum hominibus. Erat autem etiam sibi mos semper intrare in frigidissimam aquam secreto, & suo solo consilio. Et hoc primum fuit miraculum sibi divinitus ostensum, quod cum dormientibus sociis suis super pecora vigilaret, & in modum crucis positus oraret, vidit animam beati *Aidani Lindisfarnensis* episcopi ab angelis in cælum deferri. Et statim mane facto, noluit amplius custodire pecora, sed domino suo reddidit, & ad monasterium quod *Peiltros* vocatur ivit, & ad pedes sancti abbatis *Boisili* cum magna devotione cecidit, & ei quicquid viderat de anima beati episcopi diligenter indicavit: & statim tonsa & coronato capite, monachus effectus est, & postea theoricam actualemque vitam usque in finem vitæ suæ bene custodivit. Tunc sanctus abbas *Boisil* statim notum fecit regi *Osvingio* sanctam visionem beati *Cuthberti*, & quod plenus esset spiritu sancto. Tunc rex & omnes meliores *Angli* dederunt sancto *Cuthberto* omnem hanc terram quæ jacet juxta fluvium *Bolbenda* cum his villis *Suggartple*, & *Hesterbob*, & *Gistatadan* & *Magaitan*, & *Uistun*, & *Scerbedle*, & *Coltwela*, & *Eltherburna*, & *Thornburnum*, & *Scotadium*, & *Bathan*, & *Pinethun*. Et ipse sanctus abbas sub testimonio ipsius regis monasterium *Peiltros* cum omnibus suis appendentiis ut haberet illud proprium post diem obitus sui. Quo mortuo idem sanctus *Cuthbertus* post eum abbas extitit, & diu ibi vixit, verbum Dei evangelizans, & multitudinem magnam baptizans. Tandem dispos-
40
50
uens arctius vivere inde exivit, & in quandam remotam insulam nomine *Pharne* se contulit, & ibi per novem annos se quasi in carcere conclusit pug-
nans contra humani generis hostem, ne mens sua à

Deo averteretur: & ibi erat cum eo Spiritus sanctus, sicut nunc est, & semper erit. In hac eadem insula diu moratus est sanctus *Aidanus* episcopus tempore *Pende* regis filii *Wibbindi*, quibus successit rex *Osvingius*. Eodem tempore defunctus rex *Ospegius* est, & regnavit pro eo filius ejus *Egfridus*. Quo regnante *Theodorus* archiepiscopus *Eboracensis* & omnis populus communi consilio. & una concordia, sanctum *Cuthbertum* fieri episcopum apud *Westaldestham* acclamaverunt. Ille vere omnibus modis renitebatur, se peccatorem, & episcopatu indignum asserens, & se in sua insula arctissime concludens exemplo beati *Gregorii* papæ, qui cum petere-
20
30
40
50
tur episcopus à *Romanis*, fugit, & non nisi per vim rediit, secundum illud Evangelicum. *Omnis qui se exaltat humiliabitur, & qui se humiliat exaltabitur*. Tunc rex *Egfridus* & archiepiscopus *Theodorus*, & omnis populus congregata synodo, communi consilio decreverunt, ut eum vellet de insula educerent, & in episcopatu subrogarent. Quod & factum est. Raptus enim à populo juxta *Eboracam* civitatem ad villam quæ vocatur *Alna* deductus, ubi accepto ab omnibus fidelitatis sacramento ad *Eboracam* civitatem honorifice est perductus, & in ecclesia beati *Petri* Apostoli à *Theodoro* archiepiscopo est ordinatus. In qua ordinatione fuerunt septem episcopi, *Ceadde* & *Cedde*, & quatuor alii sancti Episcopi. Eadem die *Eata* Episcopus *Lindisfarnensis*, & sanctus *Cuthbertus* communi consilio *Egfridi* regis & archiepiscopi & illorum septem episcoporum, & omnium majorum sedes suas commutaverunt. Sicque *Eata* apud *Westaldestham* sedit, sanctus vero *Cuthbertus* propter priorem conversationem *Lindisfarnensem* cathedram obtinuit. Et hic est *Lindisfarnensis* terræ terminus; A fluvio *Tweoda* usque ad *Pharnamudæ*, & inde superius usque ad illum locum ubi hæc aqua quæ vocatur *Pharned* oritur juxta montem *Hybberndune*, & ab illo monte usque ad fluvium qui vocatur *Womte*, & inde usque ad fluvium qui vocatur *Uill*: & tota terra quæ jacet ex utraque parte ipsius fluminis *Womte*, usque ad illum locum ubi oritur. Et illa terra ultra
Tweoda,

An.Dñi *Tweoda*, ab illo loco ubi oritur fluvius *Edra* ab aquilone, usque ad illum locum ubi cadit in *Tweoda*, & tota terra quæ jacet inter istum fluvium *Edra*, & alterum fluvium qui vocatur *Leder* versus occidentem, & tota terra quæ jacet ab orientali parte istius aquæ, quæ vocatur *Leder*, usque ad illum locum ubi cadit in fluvium *Tweoda* versus austrum : & tota terra quæ pertinet ad monasterium sancti *Balthere* quod vocatur *Linningham* & *Lombormoze* usque ad *Escemuthe*. Et rex *Egfridus* & *Theodorus* archiepiscopus dederunt sancto *Cuthberto* in *Eboraca* civitate totam terram quæ jacet à muro ecclesiæ sancti *Petri*, usque ad magnam portam versus occidentem, & à muro ecclesiæ sancti *Petri*, usque ad murum civitatis versus austrum. Dederunt etiam ei villam quæ vocatur *Creca*, & tria milliaria in circuitu ipsius villæ, ut ibi mansionem haberet quotiens ad *Eboracam* civitatem iret, vel inde rediret. Et ibi sanctus *Cuthbertus* congregationem monachorum posuit, & abbatem ordinavit. Et quia videbatur parva terra, adjecit civitatem quæ vocatur *Lnel*, quæ habet in circuitu quindecim milliaria, & in eadem civitate posuit congregationem sanctimonialium, & abbatissam ordinavit, & scholas constituit. Postquam vero sanctus *Cuthbertus* suscitavit puerum à mortuis in villa quæ vocatur *Exanforda* : dedit ei rex *Egfridus* terram quæ vocatur *Cartmel* & omnes *Britanni* cum eo, & villam illam quæ vocatur *Suthgedluit*, & quicquid ad eam pertinet. Hæc omnia sibi à sancto *Cuthberto* commissa bonus abbas *Cineferth* filius *Cyginog* sapienter ordinavit, sicut voluit. Ea tempestate pugnavit *Egfrid* rex contra regem *Merciorum Vulfere* filium *Pendici*, & cæso exercitu illius ipsum vicit, & in fugam uno tantum comitante puerulo convertit. Et hoc obtinuit per auxilium sancti *Wilfrithi*, qui cum eo fuit, maxime vero per orationes sancti *Cuthberti* qui absens erat. Post hoc bellum dedit *Egfridus* rex sancto *Cuthberto* *Carrum*, & quicquid ad eam pertinet. Et habuit eum in summa veneratione quamdiu vixit, ipse & tota sua cognatio, donec eo defuncto venerunt *Scaldingi*, & *Eboracam* civitatem fregerunt, & terram vastaverunt. Post hoc successit in regnum *Ceolwulf* filius *Cuthwining*, qui etiam se sancto *Cuthberto* subdidit, & dimisso regno cum uxore pro amore Dei se cum magno thesauro ad monasterium *Lindisfarnense* contulit, barbam deposuit, coronam accepit, & *S. Cuthberto* villam nomine *Merceworthe* cum suis appendiciis dedit. Et hii sunt termini istius villæ. Ab aqua quæ vocatur *Lina*, usque ad *Cocwuda*, & inde usque ad civitatem quæ vocatur *Brincemele*, & à *Cocwuda* usque ad *Hfodscelfe* versus orientem, & ab *Alna* usque in dimidiam viam inter *Cocwud* & *Alna*. Hoc tempore obiit sanctus *Cuthbertus*, & successit *Ezred* episcopus, qui transportavit quandam ecclesiam olim factam à beato *Aidano* tempore *Oswaldi* regis, *Lindisfarnensis* insula ad *Northam*, ibique eam re-ædificavit, & illuc corpus sancti *Cuthberti* & *Ceolwulfi* regis transtulit, ipsamque villam sancto Confessori dedit cum duabus aliis villis, *Gedwearde*, & altera *Gedwearde*, & quicquid ad eas pertinet, *Adunaque* usque ad *Tefegedmuthe*, & inde ad *Wiltuna*, & inde ultra montem versus austrum. Postea idem sanctus episcopus *Egred* ædi-

ficavit ecclesiam apud villam quæ vocatur *Geaigford*, & dedit eam sancto *Cuthberto*, & quicquid ad eam pertinet, à flumine *Tese* usque ad *Wheor*, & à via quæ vocatur *Deorestrete* usque ad montem versus occidentem. Et ultra fluvium *Tese* tria milliaria versus austrum : & sex versus occidentem. Et idem episcopus ædificavit duas villas, *Ilectif*, & *Wigeclif* ultra *Tese* & *Willingham* in *Heorcenerype*, & dedit eas sancto *Cuthberto*. Post hæc *Hosbertus* rex abstulit sancto *Cuthberto* duas villas *Merceworthe* & *Tellemuthe*. Sed post spacium unius anni eripuit Deus ab eo vitam & regnum. Cui successit rex *Elle* qui bene promissit sancto Confessori, sed male egit : nam abstulit ab eo *Willingham*, & *Ilectif*, & *Wigeclif*, & *Creca*, & ideo ira Dei & sancti Confessoris accensa est super eum. Nam *Ubba* dux *Fresiorum* cum magno *Danorum* exercitu in regnum ejus venit, & in sancto die Palmarum apud *Eboracam* civitatem applicuit. Quod cum audisset *Elle*, qui tunc propter odium sancti *Cuthberti* in *Creca* morabatur, cum magna superbia surrexit, exercitum cum fratre suo *Osberto* congregavit, in hostem irruit : sed mox ira Dei & sancti Confessoris perterritus, cæso exercitu corruit, vitamque & regnum perdidit, sicut olim contigit *Sauli* regi filio *Cis*, qui cum bene promississet Deo & *Sammeli* prophetæ, mentitus est, & male egit : & ideo in pugna contra *Philisteos* cum filio suo *Jonatha*, & melioribus filiorum *Israel* cecidit. Iccirco caveant reges & principes, ne mentiantur, & ne quid auferant sancto *Cuthberto*, nec consentiant auferentibus. Quia, ut ait sanctus *Paulus*, *Non solum peccant qui faciunt, sed qui consentiunt*. Priusquam *Scaldingi* venirent in *Anglicam* terram dederunt *Ceolwulfus* rex & episcopus *Esdred* sancto *Cuthberto* quatuor villas, *Wodecestre*, & *Wittingham*, & *Eadwulfingham*, & *Cegwulfingham*, & ecclesias harum villarum consecravit idem episcopus. Occiso *Elle*, & fratre ejus *Osberto* nullus de cognatione eorum regnavit, obtinente hoc apud Deum sancto *Cuthberto* in quem multum peccaverant, quia *Scaldingi* omnes prope *Anglos* in meridiana, & in aquilonali parte occiderunt, ecclesias fregerunt & spoliaverunt. Igitur *Haldene* rex *Danorum* in *Tinam* intravit, & usque *Wynceforda* navigavit, omnia vastans, & contra sanctum *Cuthbertum* crudeliter peccans. Sed mox ira Dei & sancti Confessoris super eum venit. Nam adeo cœpit insanire ac ferere, quod totus exercitus suus eum à se expulit, & longe in mare fugavit, nec postea comparuit. Eo tempore sanctus *Cuthbertus* apparuit in nocte sancto abbati *Devercestre* nonnunc *Eaddred*, talia ei injungens firmiter : Vade, inquit, super *Tinam* ad exercitum *Danorum*, & dic eis ut si volunt mihi obedientes esse, ostendant tibi emptitium quendam puerum cuiusdam viduæ, nomine *Gudred*, filium *Hardacnut*, & summo mane tu da, & totus exercitus pro eo precium viduæ. Et hora tertia legale precium, hora vero sexta duc eum ante totam multitudinem, ut eum regem eligant. Hora vero nona duc eum cum toto exercitu super montem qui vocatur *Disptgedune*, & ibi pone in brachio dextro armillam auream, & sic eum omnes regem constituent. Dic etiam ei postquam rex effectus fuerit, ut det mihi totam terram inter *Tinam* & *Wirram*,

An.Diii & quicumque ad me confugerit, vel pro homicidio, vel pro aliqua necessitate, habeat pacem per 37. dies & noctes. Hac visione certus, & rationabili beati Confessoris præcepto roboratus, ad barbarum exercitum sanctus ille abbas confidenter properavit, à quo honorifice exceptus eo ordine quo sibi injunctum fuerat fideliter executus est. Nam & puerum illum invenit, redemit, & magno totius multitudinis favore, regem constituit, terram & pacem accepit. Tunc *Eardulfus* episcopus detulit ad illum exercitum, & ad illum montem corpus sancti *Cuthberti*, super quod juravit ipse rex: & totus exercitus pacem & fidelitatem, donec viverent, & hoc jusjurandum bene servaverunt. Igitur exercitus ille quem *Ubba* dux *Fresonum*, & *Healdena* rex *Danorum* in *Anglicam* terram adduxit, in tres partes divisus est: una *Eboracam* civitatem re-aedificavit, terram in circuitu coluit, & ibi remansit. Alia vero quæ terram *Merciorum* occupavit, & tertia, quæ terram australium *Saxonum* invasit, per tres annos multa mala egerunt, omnesque regii generis interfecerunt, præter solum *Elfredum* patrem *Eadvardi* regis, qui his tribus annis in *Glestigiensi* palude latuit, in magna penuria. Quadam igitur die cum totam familiam suam misisset piscatum, præter uxorem, & unum familiarem ministrum, peregrinus quidam affuit, ad eum intravit, cibum petiit. Quod cum ex humana condescensione ei charitative largiri præcepisset, & nihil ibi esse ad totum diurnum victum, præter unum panem, & parum vini à ministro didicisset, Deo gratias egit, & utriusque medietatem ei libenter impartiri iussit. Quod cum minister devote impleisset, & de gratiarum actione illius domino suo retulisset, citissime reversus, panem quidem integrum, & vinum repperit: illum vero non invenit, nec quomodo per paludes illas venisset, vel redisset, maxime cum ibi navis non esset, investigare potuit. Super hoc autem non parum admirante *Alfredo*, & cogitante, ecce hora diei nona reversa est piscatu familia, cum tribus navibus omnino plenis piscibus, afferentes plus illa die cepisse, quam tribus annis quibus morati sunt in palude. Lætus igitur, & de hoc eventu sollicitus, diem istum lætius & abundantius solito transiegit. Factaque nocte cum uxore sua dormitum ivit. Illa vero somno occupata, dum *Elfredus* de diurno eventu sollicitus vigilaret, ecce lumen magnum sicut sol refulsit, & in ipso lumine senex sacerdos infusus nigris quidem capillis habens in dextera manu Evangelii textum auro gemmisque ornatum, apparuit, vigilantem benedixit, & ab eo diligenter inquisitus quis esset, & quomodo nominaretur, Chare, inquit, *Elfrede*, lætus esto: ego sum ille cui hodie cibum præbuiisti charitative, vocor autem *Cuthbertus* Christi miles. Esto robustus, & attende diligenter quæ dixerim tibi, & læto animo: nam ego deinceps ero scutum tuum, & amicus tuus, & defensor filiorum tuorum. Et nunc dicam tibi quid post hoc sit agendum. Surge summo diluculo, sona fortiter cornu tribus vicibus, ut inimici tui audiant & expavescant, & circa horam nonam habebis quingentos viros armatos: & hoc signo credas, quod post septem dies habebis Dei dono, & meo auxilio totum hujus terræ exercitum apud montem *Astandane*, in auxilio tuo paratum. Sicque contra hostes tuos pugnabis, & sine dubio eos superabis.

An.Diii Post hæc esto lætus & robustus sine timore, quia Deus tradidit inimicos tuos in manibus tuis, & totam istam terram, & regnum hæreditarium tibi & filiis tuis, & filiis filiorum tuorum. Esto fidelis mihi, & populo meo, quia tibi & filiis tuis dara est tota *Albion*. Esto justus, quia tu es electus rex totius *Britannie*. Sit tibi Deus misericors, & ego sic tibi ero amicus tuus, ut nullus adversarius adversum te possit prævalere. Et hæc omnia acta sunt secundum hoc quod Spiritus sanctus dixit per os *David* prophetæ, *Dominus à dextris tuis confregit in die ira sua reges*. Et alibi. *De fructu ventris tui ponam super sedem tuam*. Tunc *Elfredus* gratias egit Deo, & sancto *Cuthberto* propter misericordiam eorum, & perpetuum auxilium, secundum hoc quod dixit Deus ad *David* per os *Samuelis* prophetæ. *Juravit Dominus, & non pœnitebit eum*. Et alibi. *Filiis tuis, & filii filiorum tuorum sedebunt super sedem tuam*. Sic visitavit, confortavit, docuit, juvit iste sanctus Confessor Christi *Cuthbertus Elfredum*, sicut olim, ut in *Anglica* historia legitur, sanctus *Petrus Eadwino* regi pagano crucem auream dextra gestans apparuit, se *Petrum* principem esse Apostolorum asseruit, coronam ostendit, & ut paganismum relinqueret, præcepit, & sic eum ubique victorem futurum prædixit, sicut etiam *Samuel David* regi fecit. Deinceps *Elfredus* rex fuit fortis, & lætus, quia sciebat se ubique fore victorem, quam diu viveret, per donum Dei, & auxilium patroni sui sancti *Cuthberti*. Itaque facto mane surrexit, ad terram navigavit, cornu suo tribus vicibus signum dedit, quo sonitu omnes amici ejus sunt exaltati: inimici vero humiliati. Itaque secundum verbum Dei circa nonam ipsius diei horam, congregatis ad eum quingentis de melioribus & charioribus amicis suis publice narravit, quid præcedenti nocte vidisset, & à sancto Confessore audisset, & qualiter ab eo confortatus esset. Asseruit etiam illis quod per donum Dei, & auxilium sancti *Cuthberti*, cui deinceps deberent merito obedire, hostes vincerent, & terram hæreditario jure obtinerent. Ammonuit eos etiam, ut secundum doctrinam beati *Cuthberti*, fugerent avaritiam, invidiam, longam iram, adulteria, perjuriam, homicidia, et omnia mala: et ut essent Deo fideles, patientes, humiles, hospitales, eleemosinarii, misericordes, modesti, et ut haberent inter se sanctam fidem, et justitiam, et veritatem. Ammonuit etiam filium suum *Eadwardum* qui ibi erat, quod si vellet esse fidelis Deo et sancto *Cuthberto*, non ei esset timendum de inimicis suis. Tunc secundum verbum viri Dei, *Elfredus* in hostes irruit, eosque superavit, et regnum *Britannie* accepit, sancteque et juste omnibus in commune bonus, pauperibus et divitibus, bonis et malis, amicis et inimicis, secundum Evangelicum præceptum. Huius et aliis quamplurimis virtutibus insignitus, postquam intellexit finem vitæ sibi adesse, diu regnans, et bona confectus senectute, vocavit hunc eundem filium suum *Eadwardum*, et per eum transmisit sancto *Cuthberto* duas armillas, et aureum thuribulum, monuitque eum diligenter, ut amaret Deum, et sanctum *Cuthbertum*, et speraret in eis, sicut et ipse semper speravit, et adhuc maxime sperabat. Igitur antequam Deus hunc fideliem sibi regem de hac vita vocaret, addita sunt quædam prædia ecclesiæ sancti Confessoris. Nam *Eshred* supradictus

An. Dñi Stus abbas emit à præfato rege *Gudred*, et à *Danorum* exercitu, qui sibi sub eo terram dividerant, has villas, *Seletun*, *Wozetun*, duas *Geodene*, *Holum*, *Hotun*, *Twillingatan*, et eas sancto *Cuthberto* contulit. Eodem quoque tempore bonus episcopus *Eardulfus* et abbas *Eadred* tulerunt corpus sancti *Cuthberti* de *Lindisfarnensi* insula, et cum eo erraverunt in terra, portantes illud de loco in locum, per septem annos, et tandem pervenerunt ad fluvium qui vocatur *Cleruntmathe*, et illud ibi in navi posuerunt, ut sic per proximum mare in *Hyberniam* transveherent. Tunc omnis populus ejus, qui cum diu erat secutus dolens quod eripiebatur pius eorum patronus, stans in littore flebat, et ululabat, eo quod et ipsi relinquebantur captivi, et captivus adducebatur eorum dominus. Tunc Deus magnum miraculum ostendit pro amore dilecti sui Confessoris: Orta siquidem in mari horribili tempestate, maximæ tres undæ in mari ceciderunt, et statim, mirabile dictu, aqua illa in sanguinem est conversa. Quo viso, episcopus et abbas ad pedes sancti viri ceciderunt, et timore perterriti, ad litus quantocius sunt reversi, et sanctum illud corpus ad *Grecam* detulerunt, et ibi à bono abbate, nomine *Geve*, charitative excepti quatuor mensibus manserunt, et inde sanctum corpus ad *Cuncestre* transtulerunt. Eo tempore obiit rex *Elfredus*, et *Eardulfus* episcopus. Tunc *Eadwardus* diu sapienter à patre edoctus in regnum successit, et illud sapienter rexit, et *Cutheard* episcopalem cathedram apud *Cuncestre* accepit. Eodem tempore *Cutheardus* episcopus fidelis emit de pecunia sancti *Cuthberti* villam quæ vocatur *Cetdesfeld*, et quicquid ad eam pertinet, præter quod tenebant tres homines, *Aculf*, *Edelbriich*, *Frischla*. Super hoc tamen habuit episcopus et *Sacam* et *Socnam*. Emit etiam idem episcopus de pecunia sancti *Cuthberti* villam quæ vocatur *Wedlington*, cum suis appendentiis, *Redertun*, *Gubba*, *Twisse*, *Wedlington*, *Slieburne*, *Commer*. Tempore ejusdem *Edwardi* regis *Tilred* abbas de *Wretham* villam quæ vocatur *Iodene* australem emit. Cujus dimidiam partem dedit sancto *Cuthberto*, ut esset frater in ejus monasterio, alteram apud *Northam*, ut ibi abbas esset. Eodem tempore *Bernardus* presbiter dedit villam suam nomine *Twillingatan*, sancto *Cuthberto*, ut esset frater in ejus monasterio. Hiis diebus *Elfred* filius *Biritulfinci* fugiens piratas venit ultra montes versus occidentem, et quæsit misericordiam sancti *Cuthberti*, et episcopi *Cutheardi*, ut præstarent sibi aliquas terras. Tunc episcopus *Cutheardus* pro charitate Dei, et amore sancti *Cuthberti* præstitit illi has villas, *Clington*, *Seletun*, *Wozetun*, *Wozedene*, *Iodene*, duas *Scotun*, *Iodene* australem, *Holum*, *Hotun*, *Twillingatan*, *Willingham*, cum suis appendiciis, *Scurasaton*. Has omnes villas, sicut dixi, præstitit episcopus *Elfredo*, ut sibi & congregationi fidelis esset, & de his plenum servitium redderet. Quod & fideliter fecit, donec *Regenwaldus* rex venit cum magna multitudine navium, occupavit terram *Aldredi* filii *Eadulfi*, qui erat dilectus regi *Eadwardo*, sicut & pater suus *Eardulfus* dilectus fuit regi *Elfredo*. Fugatus igitur *Eldredus* in *Scotiam* ivit, *Constantini* regis auxilium quæsit, illum contra *Regenwaldum* regem apud *Corebzigee* in prælium adduxit. In quo prælio, nescio quo peccato

agente, paganus rex vincit, *Constantinum* fugavit, *Scottos* fudit, *Elfredum* sancti *Cuthberti* fidelem, & omnes meliores *Anglos* interfecit, præter *Ealdredum*, & fratrem ejus *Uhtred*. Quibus fugatis & tota terra superata, divisit villas sancti *Cuthberti*, & alteram partem versus austrum dedit cuidam potenti militi suo qui vocabatur *Scula*, à villa quæ vocatur *Iodene*, usque ad *Willingham*. Alteram vero partem dedit cuidam qui vocabatur *Onalafbalka*, *Iodene*, usque ad fluvium *Weorram*. Et hic filius diaboli inimicus fuit, quibuscunque modis potuit, Deo & sancto *Cuthberto*. Quadam itaque die cum plenus immundo spiritu cum furore intrasset ecclesiam sancti Confessoris, astante episcopo *Cutheardo*, & tota congregatione, Quid, inquit, in me potest homo iste mortuus, *Cuthbertus*, cujus in me quotidie minæ opponuntur? Juro per Deos meos potentes *Thor*, & *Orban*, quod ab hac hora inimicissimus ero omnibus vobis. Cumque episcopus, & tota congregatio genua flecterent ante Deum & sanctum *Cuthbertum*, & harum minarum vindictam, sicut scriptum est, *Mihi vindictam, & ego retribuam*, ab eis expeterent: conversus ille filius diaboli cum magna superbia & indignatione voluit egredi. Sed cum alterum pedem posuisset jam extra limen, sensit quasi ferrum in altero pede sibi altius infixum. Quo dolore diabolicum cor ejus transigente, corruit, suamque peccatricem animam diabolus in infernum truxit. Sanctus vero *Cuthbertus* sicut justum erat, terram suam recepit. Tempore supradicti *Eadwardi* regis, dedit *Wulfear* filius *Hweordinci* sancto *Cuthberto* villam, quæ vocatur *Wenneballe*. Eodem tempore *Edred*, filius *Rixinci* equitavit versus occidentem ultra montes, & interfecit *Eardulfum* principem, ejusque uxorem rapuit contra pacem & voluntatem populi, & ad patrocinium sancti *Cuthberti* confugit. Et ibi tribus annis mansit, cum pace colens terram sibi à *Cutheardo* episcopo, & à congregatione præstitam, à *Cuncestre*, usque ad *Wyrwente* fluvium, & inde usque ad *Werram* versus austrum, & inde usque ad viam quæ vocatur *Wozescrete* in occidentali & australi parte, & villam super *Wese*, quæ vocatur *Seagenforða*, & quicquid ad eam pertinet. Hanc terram idem *Edred* cum fidelitate sancti *Cuthberti* tenuit, & censum fideliter reddidit, donec supradictus *Regenwaldus* rex congregato iterum exercitu apud *Corebzigee* pugnavit, ipsumque *Edred*, & maximam *Anglorum* multitudinem interfecit, et victor effectus, totam illam terram quam *Edred* tenuerat sancto *Cuthberto* abstulit, et dedit *Esbrido* filio *Edred*, et fratri suo *Eltano* comiti, qui in hoc prælio robusti bellatores fuerunt. Tandem maledictus ipse rex cum filiis, et amicis suis periit, nihil de his quæ sancto Confessori abstulerat secum præter peccatum tulit. Eo tempore *Eadwardus* rex plenus dierum, et confectus bona senectute filium suum *Ethelstanum* vocavit, eique regnum suum tradidit, et ut sanctum *Cuthbertum* diligeret, et supra omnes sanctos honoraret, diligenter inculcavit, notificans ei qualiter patri suo regi *Elfredo* in paupertate, et in exilio misericorditer subvenisset, et qualiter eum contra omnes hostes viriliter juvisset, et quomodo sibi met ipsi in omnibus necessitatibus suis evidentissime promptissimus semper adjutor fuisset. Qua ammonitione facta feliciter obiit. Igitur *Ethelstanus* rex magnum ex-

An. Dñi

An.Dñi erditum de australi parte eduxit, et versus aquilonalem plagam in *Scotiam* illum secum trahens ad oratorium sancti *Cuthberti* divertit, eique regia munera dedit, et inde hoc scriptum testamento composuit, et ad caput sancti *Cuthberti* posuit.

Carta regis Ethelstani.

IN nomine Domini nostri Jesu Christi. Ego *Ethelstanus* rex, do sancto *Cuthberto* hunc textum Evangeliorum, 2. casulas, et unam albam, et unam stolam, cum manipulo, et unum cingulum, et tres altaris cooperimenta, et unum calicem argenteum, et duas patenas, alteram auro paratam, alteram Græco opere fabrefactam, et unum thuribulum argenteum, et unam crucem auro et ebore artificiose paratam, et unum regium pillium auro rextum, et duas tabulas, auro et argento fabrefactas, et duo candelabra argentea, auro parata, et unum missalem, et duos Evangeliorum textus, auro et argento ornatos, et unam sancti *Cuthberti* vitam, metricè et profaice scriptam, et septem pallia, et tres cortinas, et tria tapetia, et duas coppas argenteas cum cooperculis, et quatuor magnas campanas, et tria cornua, auro et argento fabrefacta, et duo vexilla, et unam lanceam, et duas armillas aureas, et meam villam dilectam *Wyrmathe* australem cum suis appendentiis, id est, *Werton*, *Wissen-tan*, *Sylces*, *Wyrthe*, duas *Meotheboppas*, *Brydene*, *Seham*, *Setun*, *Daltun*, *Daldene*, *Heseldene*. Hæc omnia do sub Dei et sancti *Cuthberti* testimonio, ut si quis inde aliquid abstulerit, damnetur in die iudicii cum *Juda* traditore, et tradatur in ignem æternum, qui præparatus est diabolo et angelis ejus. Implevit etiam prædictas cuppas pecunia optima, et iussu ipsius obtulit totus exercitus ejus sancto *Cuthberto* 12. *hundred*, et eo amplius. Fratrem vero suum *Eadmundum* de sanctitate et fidei patrocinio sancti Confessoris diligenter prius edoctum fraterne commonuit, ut si quid sinistri sibi in hac expeditione eveniret, corpus suum sancto *Cuthberto* referret, et ei illud in die iudicii depræ-

An.Dñi sentandum commendaret. Post hæc abiit, feliciter pugnavit, prospere rediit, sapienter multis annis postea regnavit, tandem feliciter obiit. Quo defuncto *Eadmundus* frater ejus in regnum successit, magnum exercitum rursus congregavit, et in *Scotiam* prope-ravit. In eundo tamen ad oratorium sancti *Cuthberti* divertit, ante sepulchrum ejus genua flexit, preces fudit, se et suos Deo et sancto Confessori commendavit, exercitus sexaginta libras optulit: ipse vero manu propria duas armillas aureas, et duo pallia Græca, supra sanctum corpus posuit: pacem vero et legem quam unquam meliorem habuit, omni terræ sancti *Cuthberti* dedit, datam confirmavit: et factus quasi alter *Abraham*, qui pro-perans in hostes panem et vinum *Melchisedech* obtulit, finita oratione inultotiens se et totum exercitum beato Confessori commendans abiit.

De situ Dunelmi, & de sanctorum reliquiis qua ibidem continentur carmen compositum.

Is ðeorburch, Bneome, ðeond bneotenrice
Isteppa ze rtaþolad rtanar ýmbutan pun-
oruní ze pæxen, peop, ýmbeop nað, eayþum,
ðtponze, 7 ðer inne punaþ feola fírca, Kin,
Onfloba ze monze 7 ðarze pexen is puda
færtenn, micel, pinnad in ðem pýcum pýlða
ðeor monze in deopedalum deopa nuzepuní
Is inþepe býpneac beapnum gecýþeo, ðe ap-
ferða eadiz Cutþerch 7 ðer clene cýnnin-
zer heafud Orþalder engle leo, 7 aidan bir-
cop, Eaðberch 7 Eaðfup 7 ðelezeþeneþ
Is ðepe nine midð heomí 7 þelpoþo bircop, 7
Bneoma bocera, Beda 7 Boril abbot, ðe clene
Cupþert on zecheþe leþde, lurtun, 7 he-
pirlapa pel zenom, Eapnreþ 7 ðem eadize
imuhem minýrþe un apmeda þeliquia ðe
monia punorum ze purþaþ, ðer ðe pþit,
ðetzeþ mid ðene opþhner þepdomeþ
byðeþ

**Incipit Epistola Simeonis monachi Ecclesiæ sancti Cuthberti
Dunelmi ad Hugonem Decanum Eboracensem de
Archiepiscopis Eboraci.**

HÆc charissime pater & domine Hugo ecclesiæ S. Petri decane, ego Simeon fervorum S. Cuthberti servulus sicut in veteribus libris hinc & inde invenire potui, de successione pontificum Eboracensis ecclesiæ breviter annotavi, iussa vestræ paternitatis utinam tam efficaciter profecutus quam libenter. Præterea quod vos scire delectat, istos virtutum viros simul contemporaneos in ecclesia fuisse legimus *Northanimbrorum*: *Wilfridum* qui ætatis septuaginta annos habuit, episcopatus autem xlv. *Ceadda*, *Bosan*, *Eathan*, *Cuthbertum*, *Iohannem*, præclaræ sanctitatis pontifices. Præter hos ejusdem temporis erat beatus *Benedictus* constructor monasteriorum *Petri* & *Pauli* in *Witramthe* & in *Grynham*, idem nutritor ab infantia & abbas venerabilis Bede

doctoris. *Hilda* quoque abbatiſſa hoc tempore claruit. Ut autem aliquanto latius nobis noster *Beda* innotescat. Natus est anno ab incarnatione Domini DC. septuagesimo septimo anno qui est nonus annus adventus *Theodori* in *Britanniam*, uno anno post primam expulsionem beati *Wilfridi*, sancto *Cuthberto* tunc solitariam vitam agente. Natus est autem in territorio monasterii præfati, & cum esset septem annorum, traditus est à parentibus præfato abbati *Benedicto*, atque ut ipse de se attestatur, omnem usque ad finem vitæ in ejusdem monasterii habitatione peregit ætatem. Videtur autem quibusdam incredibile, quod in extremo mundi angulo vir qui nunquam maria transfreta-verit ob addiscendam sapientiam, scholas philosophorum non frequentaverit, tanta eruditione clareat, tanta

An.Dñi tanta librorum compositione ubique mundo innotescat: sed hoc non esse mirandum, ipse docet. qui inter DC. beatæ vitæ & mirabilis scientiæ monachos enutritus, quicquid scientiæ singuli haberant, omne hoc ipse in unum sui cordis vasculum Spiritu sancto illuminante contraxerat. Habuerat præ oculis & copiam omnis generis librorum quos abbas suus *Benedictus* inter alia diversa ornamenta donatione apostolicorum *Vitaliani*, & *Agathonis* in monasterium suum contulerat. Præterea erat & eo tempore quo magna scientiæ studia floruerant in *Anglia*, quando *Theodorus* archiepiscopus & *Adrianus* abbas, peragrata insula, quaquaversum *Anglorum* gentes commorabantur scholas sacrarum simul & secularium literarum instituebat, ut quicumque cuperent erudiri haberent in promptu magistros qui docerent. Unde ipse *Beda* loquens de his: Indicio est, inquit, quod usque hodie supersunt de eorum discipulis qui Latinam Græcamque linguam æque ut propriam in qua nati sunt norunt. Ab his eorum discipulis prudens institutus adolescens in lege Domini meditabatur die ac nocte, ut etiam suos doctores ipse doctior supergrediretur. Ostendit ipse quod nec *Franciam*, nec *Italiam*, nec *Graciam* discendi gratia adierit, dicens ubi & à quibus quæ scripserat didicerit. Scribit enim in primo libro expositionis super *Cantica Canticorum*. In hoc opere lectorem admono, ne me superfluum judicet qui de natura arborum sive herbarum aromaticarum quæ in hoc volumine plurimæ continentur, juxta quod in literis antiquorum didici latius explicare voluerim; feci namque hoc non arrogantia studendo sed meæ meorumque imperitiæ consulendo, qui longe extra orbem, hoc est, in insula maris oceani nati sumus & nutriti: & quæ in primis partibus orbis, *Arabia* dico, & *India*, *Judea*, & *Agypto* geruntur, non nisi per eorum qui interfuerunt scripta nosse valemus. Anno ætatis suæ quinquagesimo nono languescens die Ascensionis Dominicæ, cum jam exitus ejus instaret, cœpit in oratione dicere antiphonam, *O rex gloria! Domine virtutum*, &c. usque ad finem. Adjunctaque laude sanctæ Trinitatis, *Gloria Patri, & Filio, & Spiritui sancto*, cum nominatione Spiritus sancti, suum emisit spiritum, Anno Dominicæ incarnationis DCC. xxxv. qui est septimus annus *Ceolwulfi* regis, ad quem nuper ediderat historiam gentis *Anglorum*. Sepultus est eodem in loco quo gloriose conversatus, scilicet in *Gyruum*: sed postea ossa illius ad corpus sancti *Cuthberti* sunt translata.

627. Anno ab incarnatione Domini DC. xxvij. Rex *Eadwinus* prædicante *Paulino* baptizatus est. Qui *Paulinus* per sex annos continuos verbum Dei in *Northanimbriorum* provincia prædicabat. Anno enim DC. xxxij. occiso rege *Cantiam* unde venerat rediit. Ipse *Eboracensis* primus præsul ab *Honorio* papa pallium acceperat ordinatus à *Iusto* archiepiscopo. Recedente *Paulino* *Eboracensis* ecclesia per triginta annos proprium non habuit episcopum, sed *Lindisfarnensis* ecclesiæ præfules *Aidannus*, *Finanus*, *Colmannus* & *Tuda* *Northanimbriorum* provinciæ administraverunt pontificatum. Tertio autem anno episcopatus *Colmanni*, qui est tricesimus annus pontificatus *Scottorum* in *Anglia*, finito conflictu de observantia Paschali, missus est *Wil-*

An.Dñi *fridus* ab *Alfrido* rege in *Gallias*, ut ordinaretur episcopus cum esset annorum circiter triginta. Quo adhuc transmarinis in partibus demorante consecratus est in episcopatum *Eboracensis* ecclesiæ, jubente rege *Oswino*, *Ceadda* vir sanctus & tribus annis sublimiter regens ecclesiam. Dehinc ad monasterium suum in *Estlingaen* secessit accipiente *Wilfrido* pontificatum totius *Northanimbriorum* provinciæ. Interea mortuo rege *Oswino* successit filius ejus *Ecgfridus* in regnum. Qui post beatam *Ehaldridam* quam nomine tenus conjugem primo duxerat, *Ermenburgam* sortitus est in matrimonium. In cujus corde malignus hostis sibi hospitium fecerat, ubi odiorum & invidiæ contra beatum *Wilfridum* conficiens fomenta, per linguam mulieris accendit animum regis ad expulsiōem usque pontificis. Sed quia rex pontificem de sua sede præter consensum *Theodori* archiepiscopi pellere nequibat, mandavit archiepiscopo ut adesset. Auditis quas accusatores finxerant causis pulsus est ab episcopatu *Wilfridus* anno ab incarnatione Domini DC. lxxvij. qui est annus sui episcopatus duodecimus, & per decennium exulavit. Secundo autem anno regni *Alfridi*, qui post fratrem *Ecgfridum* regnavit, sedem & episcopatum recepit. Sed post quinque annos denuo accusatus ab eodem rege & plurimis episcopis præsulatus pulsus est. Tertio decimo secundæ expulsiōis suæ anno *Hagustaldensis* ecclesiæ recepit episcopatum, beato *Johanne* jam pro defuncto *Bosan Eboraci* substituto. Quatuor post hæc annis supervixit beatus *Wilfridus* habens in episcopatu xlv. annos. Post quem suscepit præsulatum *Hagustaldensis* ecclesiæ venerabilis ejus presbiter *Acca*. Beatus vero *Johannes* cum majore senectute minus episcopatu administrando sufficeret, ordinato in episcopatum *Eboracensis* ecclesiæ *Wilfrido* presbitero suo, ipse ad monasterium quod in silva *Deiorum* est secessit, ibique in pace vitam terminavit, mansit autem in episcopatu xxxij. annis. At *Wilfridus* peractis sui episcopatus xv. annis, successorem habuit *Ecgbertum*, virum de regio semine nobilem & industrium. Qui post *Paulinum* primus ab apostolica sede accepit pallium, septimo anno regni *Ceolwulfi* regis, centesimo tertio anno post discessum *Paulini*, hoc est anno Dominicæ incarnationis DCC. xxxv. quo anno venerabilis Doctor *Beda* obiit in *Gyruum*. Porro archiepiscopus *Ecgbertus* xxxij. anno accepti episcopatus defunctus successorem habuit *Albertum*, qui septimo accepti episcopatus anno ab *Adriano* papa acceperat pallium septimo anno *Alcredi* regis. Quo videlicet *Alberto* xiiij. anno sui præsulatus obeunte, *Eanbaldus* ordinatur pro illo anno Dominicæ incarnationis DCC. lxxx. regnante *Aelfwaldo*. Anno autem Dominicæ incarnationis DCC. xcvi. *Eanbaldus* xvij. sui archiepiscopatus anno moriens, alterum *Eanbaldum* qui ejusdem ecclesiæ presbiter fuerat successorem reliquit regnante rege *Osredo*. Post *Eanbaldum* *Vulsus* rexit archiepiscopatum, *Eanredo* regnante: moriens autem *Vulsus*, *Wimundum* habuit successorem præfato rege regnante. Cui xvj. episcopatus sui anno morienti, *Vulphere* successit in archiepiscopatum. His temporibus incisa barbarorum manus, *Inguar* scilicet, & *Ubba*, & *Haldana*, cum omni exercitu *Danorum* & *Noragenorum* navibus adducta in *Angliam*, ferro & igne omnia vastaverunt. *Eboracum* veniens ob-

pugnabat

An.Dñi pugnabat civitatem, vastantes omnia per circuitum. Paulo ante adventum illorum *Northanimbrani* expulerant regem suum, substituto in regnum *Ella* quodam regii seminis extraneo. Sed instante necessitate revocaverunt expulsum, & tam ille quam alius qui pro eo substitutus fuerat coadunatis totis viribus *Northanimbrorum* apud *Eboracum* bella contra hostes agentes, non sine magna inimicorum strage. Reliquis qui superfuerant, pagani præferunt sub dominio suo regem *Egbertum* reconciliatis ab eis hostibus. Inter has strages remotius se agebat episcopus *Vulferius* apud *Addingham* in occidentali parte *Eboraci* in valle quæ vocatur *Werverdale*, super ripam fluminis *Wersf*, inter *Oteleiam* & castellum de *Scipetun*. Hac tempestate passus est sanctus martyr *Eadmundus*. Post septem annos *Northanimbrani* uno conspirantes consilio regem suum *Egbertum* cum episcopo *Vulfere* de finibus suis propulerunt, & quendam *Richsig* in regnum restituerunt. Deinde post annum *Egbertus* rege defuncto in sedem suam & ecclesiam revertitur episcopus. Qui xlvij. accepti episcopatus anno vitam dilcedens *Ethelbaldum* habuit successorem, anno incarnationis Dominicæ DCCCC. *Ethelbaldus* vero quarto postquam acceperat pontificatum anno pallium accepit regnante *Eadwardo* filio *Elfridi* regis. Defuncto autem *Ethelbaldo* successit *Lothewardus*: post quem *Vulstanus* rexit ecclesiam regnante *Ealdredo* fratre *Ethelstani* regis. Obiit autem DCCCC.lv. Dominicæ incarnationis anno. Cui successit *Oschirellus*, & per sexdecim annos ecclesiam regens habuit successorem *Edwaldum*, regnante *Eadgara* regis *Eadmundi* filio. Obiit DCCCC.lxx. Dominicæ incarnationis anno. Sed cum idem *Edwaldus* quietiorem vitam diligeret, *Oswaldus* suscepit ecclesiæ regimen anno incarnationis Dominicæ DCCCC.lxxj. sequenti autem anno *Romam* veniens, à papa *Benedicto* pallium accepit. Post *Oswaldum* isti sibi ordine successerunt, *Aldulfus*, *Vulstanus*, *Eelfricus*, *Kinsius*, *Aldredus*, *Thomas*, *Girardus*, *Thomas*, *Turstinus*, *Willielmus*, *Henricus*, *Rogerus*.

Simeon de obsessione Dunelmi, & de probitate Uethredi Comititis, & de Comitibus qui ei successerunt.


ANno ab incarnatione Domini DCCCC.lxix. regnante rege *Anglorum* *Ethelredo*, *Malcolmus* rex *Scottorum* filius *Kynedi* regis congregato totius *Scotia* exercitu provinciam *Northanimbrorum* cadibus & incendiis devastans, *Dunelmum* obsidione circumdedit. Quo tempore *Alduno* episcopatum ibidem regente, *Waltheof* qui Comes fuerat *Northanimbrorum* sese in *Bebbanburc* cluserat. Fuerat enim nimis senectutis, ideoque in hostes nihil virtutis facere poterat. Cujus filio scilicet *Uethredo* magnæ strenuitatis juveni & militiæ aptissimo filiam suam nomine *Ecgfridam*, *Aldunus* episcopus dederat uxorem, & has villas de terris ecclesiæ sancti *Cuthberti*, scilicet, *Bermetun*, *Skirningheim*, *Elton*, *Carlton*, *Heaclif*, *Weseldene*, cum ea sub illa conditione donavit, ut ejus filiam quamdiu viveret in conjugio cum honore semper servaret. Videns juvenis præfatus terram ab hostibus devastatam, & *Dunelmum* obsi-

dione circumdatam, & contra hoc patrem suum nihil agere, adunato exercitu *Northanimbrorum* & *Eboracensium* non parva manu, *Scottorum* multitudine pene totam interfecit, ipso rege vix per fugam cum paucis evadente. Interfectorum vero capita elegantiora crinibus, sicut tunc temporis mos erat, perplexis fecit *Dunelmum* transportari, eaque à quatuor mulieribus perlota per circuitum muros in stipitibus præfigi, mulieribus autem quæ ea laverant mercedem dederant vacas singulis singulas. His auditis, rex *Ethelredus* vocato ad se juvene præfato, vivente adhuc patre *Waltheof*, pro merito suæ strenuitatis & bello quod tam viriliter peregerat, dedit ei comitatum patris sui, adjungens etiam *Eboracensium* comitatum. Reversus autem *Uethredus* domum filiam *Alduni* episcopi dimisit, & quia eam contra hoc quod promiserat & juraverat abiecit, pater puellæ, videlicet episcopus, terras supradictas ecclesiæ quas cum ea donaverat ab *Uethredo* recepit. Dimissa sicut dictum est episcopi filia, *Uethredus*, civis divitis nomine *Syr* filii *Ulf* filiam nomine *Sigen* duxit uxorem, quam pater suus ideo ei dedit ut *Turbrandum* sibi inimicissimum interficeret. Postea vero illo, scilicet *Uethredo*, proficiente magis & magis in re militari, rex *Ethelredus* filiam suam *Elfgivam* ei copulavit uxorem. Ex qua habuit filiam *Aldgitham*, quam pater in conjugium dedit *Maldredo* filio *Crinan* *Tein*, ex qua *Maldredus*, *Cospatricum* patrem *Dolphini* & *Waltesfi*, & *Cospatrici*. Filiam autem *Alduni* episcopi quam Comes *Uethredus* dimiserat, quidam *Tein* in *Cherpicshire*, *Kilvert* filius *Ligulsi* accepit uxorem, de qua genuit filiam nomine *Sigrigam*, quam accepit uxorem *Arkil* filius *Ecgfrida*, ex qua genuit filium nomine *Cospatricum*. Qui *Cospatricus* accepit uxorem filiam *Dolsini* filii *Torfini*, de qua genuit *Cospatricum*, qui nuper debuerat pugnare contra *Waltesf* filium *Eilsi*. *Kilvert* filius *Ligulsi* dimisit filiam *Alduni* episcopi scilicet *Ecgfridam*, quam episcopus pater ejus jussit statim *Dunelmum* venire. Quæ patris sui jussis obtemperans cum *Bermetun*, & *Skirningheim*, & *Elton*, quas in propria manu habebat, rediit, & ecclesiæ, & episcopo suas proprias terras secum reddit, & postea velamen accepit, quod & bene servavit usque ad extremum sui diem, & sepulta in cæmeterio *Dunelmensi* diem retributionis expectat. Ut autem de morte *Uethredi* Comititis dicatur aliquid, paululum ad superiora redeundum est. *Swein* rex *Danorum* fugato in *Normanniam* rege *Anglorum* *Ethelredo* regnum ipsius invasit. Sed post breve tempus illo mortuo, rex *Ethelredus* in regnum suum rediit, copulata sibi in conjugium *Emma Ricardi* Comititis *Normannorum* filia. Post aliquantulum temporis *Cnut* filius supradicti regis *Danorum* *Swein*, cum infinita multitudine veniens in *Angliam* regnaturus, ad supradictum Comititem misit *Uethredum*, rogans, ut ad suum auxilium contra regem *Ethelredum* cum omnibus quos posset sibi occurreret, totum honorem suum & multo majorem sub ipso habiturus si eum adjuvaret. Erat enim idem Comes magnæ potentia, utpote comitatum *Eboracensium* & *Northanimbrorum* habens. At ille nullo modo id facere volens respondit: pessimi hominis esse rationem contra dominum & generum suum facere. Nullius rei gratia, inquit, hoc agere volo, quia nec debeo; *Ethelredo* regi quamdiu vixerit fidem servabo.

An.Dñi vabo. Est enim dominus meus & socer, ejus dono divitias & honores satis habeo. Illius traditor nunquam ero. Itaque *Cnut* nullum de *Vethredo* auxilium habuit. Defuncto autem rege *Ethelredo*, cum totius *Anglia* regnum *Cnut* arripuisset, ad prædictum Comitem misit præcipiens, ut ad se sicut ad dominum suum veniret. Ille accepta securitate eundi & redeundi perrexit. Die statuto cum intrasset ad regem de pace locuturus, per insidias cuiusdam potentis nomine *Turebrant* cognomento *Hold*, milites regis qui post velum extensum per transversum domus absconditi fuerant, subito proficientes loricati in *Witheal* Comitem cum suis xl. viris principalibus qui secum intraverant obtruncaverunt. Quo occiso, frater ipsius *Eadulf* cognomento *Cudel*, ignavus valde & timidus ei successit in comitatum. Timens autem ne *Scotti* mortem suorum quos frater ejus, ut supradictum est, occiderat, in se vindicarent, totum *Lodoneium* ob satisfactionem & firmam concordiam eis donavit. Hoc modo *Lodoneium* adjectum est regno *Scottorum*. Sed *Eadulfo* post modicum mortuo, *Aldredus* quem prædictus Comes *Vethredus* genuerat ex *Ecfrida Alduni* episcopi filia de qua supradictum est, solius *Northumbria* comitatum suscepit, patrisque sui interfectorem interfecit *Turebrandum*. Hujus *Turebrandi* filius *Carl* & *Aldredus* Comes gravibus exagitati calumpniis, dum hinc & inde utrinque insidiarentur, tandem amicorum instantia reducti in concordiam, alterna sese satisfactione mediantibus amicis placabant: atque adeo in amorem alterutrum sunt adunati, ut fratres adjurati *Romam* simul tenderent. Sed diutina maris tempestate impediti, coëptum iter relinquentes domum sunt reversi. *Carl* magnifice satis & accurate Comitem suscepit in domum suam, sed post exhibita convivia dum eum nihil mali suspicantem quasi honoris gratia deduceret, in silva quæ *Risewde* vocatur interfecit, ubi usque hodie locum occisionis ejus parvula de lapide crux ostendit. Interjecto tempore nepos *Aldredi* Comitis Comes *Waltheof*, erat enim filius filiae illius, missa multa juvenum manu avi sui interfectionem gravissima clade vindicavit. Erant namque filii *Carl* convivantes

simul in domo fratris sui majoris in *Seteringetun* non longe ab *Eboraco*; quos inopinate qui missi fuerant præoccupantes sæva clade simul peremerunt præter *Cnutonem*, cui pro insita illi benitate vitam permiserunt. *Sumerlede* qui usque hodie superest ibi non aderat. Deletis filiis & nepotibus *Carli* reversi sunt, multa in variis speciebus spolia reportantes. Sed ut ad superiora redeat stilus. Comes *Aldredus* genuit quinque filias, quarum tres eodem nomine *Ælfleda* vocabantur, quarta *Aldgiuha*, quinta *Etheldritha* nominabatur. Ex una *Ælfledarum* *Siwardus* Comes genuit Comitem *Waltheofum*. Et cum ipsa *Ælfleda* esset Comitissa quoniam erat filia *Aldredi* Comitis, & ipse filius *Vethredi* Comitis & filiae *Aldani* episcopi, acclamavit ipsa jure hæreditario has supradictas terras. *Bernetun*, *Kyrningein*, *Eltun*, *Carlun*, *Heaclif*, *Heseldene*, quas Comes *Siwardus* maritus suus ei donavit, & filio suo *Waltheofo* comitatum *Northymborum* dedit, sicut ipsius *Waltheofi* avus scilicet Comes *Aldredus* habuerat. Mortuo *Siwardo* Comite & Comitissa *Ælfleda* filia *Aldredi* Comitis terra surgente terræ illæ vastatae sunt. Post multum tempus *Arkil* filius *Ecgrida* de quo supra dictum est, qui acceperat uxorem *Sigridam* filiam *Kilverti*, & *Ecgrida* filiae *Alduni* episcopi, sibi arripuit illas terras jam vastatas & inhabitavit. Uxor vero illius *Sigrida* moriens, dedit *Heseldene* sancto *Cuthberto*, & *Heaclif*, & *Carlun*, quas adhuc ecclesia possidet. *Arkil* filius *Fridegisti*, & *Eadulf* Comes, *Arkil* filius *Ecgrith*, hi tres habuerunt *Sigridam*. Postea *Willielmo* rege veniente in *Angliam*, ipse *Arkillus* fugiens exul factus est. Sicque iterum terra ipsa vastata remansit. His ita peractis, quidam *Tein* in *Covertwicschire* nomine *Orm*, filius *Gamellonis* accepit uxorem unam ex quinque filiabus *Aldredi* Comitis *Etheldritham*, ex qua genuit filiam nomine *Ecgridam*, ex qua *Eilsi* de *Teise* genuit *Waltheof*, & duos ejus fratres, & *Edam* sororem eorum. Et quia illa *Ecgrida* erat de genere *Aldredi* Comitis, & filiae *Aldani* episcopi, hæreditario jure ipsa *Ecgrida* cum marito suo *Eilsi* arripuit *Bernetun* & *Shirningein*.

An.Dñi



INCIPIT HISTORIA SANCTÆ ET
 suavis memoriæ *Simeonis* monachi & præcentoris ecclesiæ
 sancti *Cuthberti Dunelmi* de regibus *Anglorum & Da-*
corum, & creberrimis bellis, rapinis & incendiis eorum; post
 obitum venerabilis *Beda* presbyteri fere usque ad obitum
 Regis primi *Henrici* filii *Willielmi Nothi* qui *Angliam*
 adquisivit, id est CCCC.xxix. annorum & iv. mensium.

*Incipit passio sanctorum Ethelberti atque Ethelredi
 regis stirpis puerorum.*

An.Dñi
 616.

ANNO ab incarnatione Dominica DC.xvj.
 qui est xxj. ex quo sanctissimus *Augu-*
stinus cum sociis ad prædicandum missus
 est, *Ethelbert* rex *Cantuariorum* post re-
 gnium temporale quod L. & vj. annis gloriosissime
 tenuerat, æterna cœlestis regni subiit gaudia. Erat
 autem idem rex filius *Irmirici*, cujus pater *Osta*,
 cujus pater *Oiric*, cujus pater *Hengest*, qui cum
 filio suo *Oise* à *Wirtigerno* rege invitatus *Britanni-*
am primus intravit, ut *Beda* luculento describit ser-
 mone. *Eadbaldus* vero filius *Ethelbyrhti* regni gu-
 bernacula suscepit, qui genuit duos filios *Eormen-*
redum atque *Erconbyrhtum*. *Eadbaldus* rex transi-
 ens ex hac vita, *Erconberto* sceptrum dereliquit im-
 perii. Hic primus regum *Anglorum* in toto regno
 suo idola relinqui ac destrui præcepit; simul & je-
 junium quadraginta dierum observari principali
 auctoritate iussit, cui natus est filius nomine *Ecgber-*
tus. Natiq̃ue sunt *Eormenredo* *Ethelbertus* atque
Ethelredus; Quorum vitam & passionis triumphum
 in exordio nostræ historiæ placet inserere, & glori-
 am sanctitatis eorum demonstrare.

ERAT namque rex *Ethelbyrhtus* perfectus in im-
 perio gloriæ potestatis, qui delectatus sum-
 mopere verbis divinæ agnitionis, tinctus est bap-
 tismate salutis. Cujus studio vel sagaci auxilio ubi-
 que ecclesiarum Dei diffusus est status, & rerum
 suarum collatione fidelium roboratus exitit con-
 ventus. Unde regni monarchia solertissime pro sibi
 illato posse disposita, vocante (sequi enim inter
 omnia fecerat) iusti remuneratoris clementia, carna-
 libus privatur, & ad ardua ætheris cum sanctis
 regnaturus sustollitur. Huic vero in regiminis lum-
 ministracione succedit filius *Eadbaldus*, sicut supe-
 rius præfati sumus, de quo procreantur bini regali
 stirpis filii, *Eormenredus* & *Erconbyrhtus*, quo-
 rum junior imperialis principatum regni patre dis-
 ponente suscepit. Post autem *Erconbyrhti* deces-
 sum, filius ipsius nomine *Ecgbyrhtus* illud potenter
 gubernavit. *Eormenredus* vero major absque impe-
 riî dominio in hujus caducalis vitæ permansit vo-
 lubili stadio: cui iusto ex iustissima conjugē nati
 sunt filii duo, qui nutriti in herili cœlestis regis pa-
 latio, multimodis sunt ditati æternæ gloriæ munere
 regio, quorum unus onomate nitiuit *Ethelredus*, al-
 ter vero vocabulo fulsit *Ethelbyrhtus*. Namque in
 eorum natali sanctissimo, cuncti ut remur lætati sunt
 beatorum spirituum ordines in cœlo, quia quos in

terris destinari conspiciebant, ipsos fortiores post
 hujus vitæ gravia certamina ad se redituros vide-
 bant. Gavisa est telluris sublimitas, se ornari sen-
 tiens duplicis doni gratia, & quia ex nimio multa-
 tur contrariorum infortunio, se semper sperat in-
 meliorari tali subsidio. Gratulatur insuper & ma-
 ter sancta ecclesia, dum sui tanto sponsi illustratur
 dotalicio, quo & meritorum luce melius resplen-
 deat, & semper in sanctioris rectissimum æquitatis
 culmen crescat. Hujus nempe præcellentis doctrinæ
 utero traditi, ut sine accuratis disciplinæ magistra-
 lis loquamur eloquentiis, primo omnium in sere-
 nissimo sanctæ meditationis illius sacrario, nitido
 salutaris aquæ sunt abluti baptisterio, in cujus puri
 septem gradibus liquoris, septem sunt sortiti dona
 Spiritus sancti, episcopali benedictione perfusi, &
 sancto crismate delibuti. Quibus undique decen-
 tissime sulti, vivere studuerunt virgines & corpore
 sancto tenerrimi, septenis dierum curricularis, ut
 septem septies agmentatis & monade supposito, sin-
 gularis in præsentī vitæ adquirent fructum jubelei,
 hoc est annum æternæ felicitatis. Hoc deinde insi-
 gnium illustri cura virtutum duplicato corpore &
 anima, post peractum vitæ cursum, fructum ca-
 perent centesimum sacratissimis virginibus conse-
 cratum. Egregia namque insignes forma sanctita-
 tis, aptissimis devincti caritatis radiis, cernuæ locu-
 pletes humilitatis officiis, invincibilis ter beati pa-
 tientiæ titulis, largis pro posse fungentes elemosina-
 rum studiis, indeficientis præcordialibus oratio-
 nis compti privilegiis, & plurimis patris spirituum
 debriantur bonitatum speculis. Quia ergo planta-
 ria virtutum naturaliter eis insita pro nostra capa-
 citate prælibavimus, nunc brevi notationis serie
 aggredi temptamus, qualiter ad gaudia cœlestis
 patriæ per coronam martyrii vocantur.

IGitur utrisque eorum parentibus ab hujus vitæ
 miseria decedentibus cum adhuc juvenilis poti-
 rentur imbecillitate ætatis, *Ecgberhto* regi germano
 consobрино suo sunt traditi, qualiter & solertis
 prudentiæ educarentur exercitiis, & humanæ infir-
 mitatis sustentarentur solatiis. Talibus vero pio-
 rum conaminibus non defuere iniquæ venena jacula-
 tionis, quæ semper adversus filios Dei per filios
 diffidentiae telis invidiæ armatur. In regali namque
 palatio homo quidam peccati & filius inventus est
 perditionis, membrum diaboli necnon domus *Za-*
buli, qui sæculi vanis tumidus pompis, munificen-
 tiæque regali redimitus, nec Deum timebat nec ho-
 minei reverebatur. Hic cum principe cum pro ni-
 mia ambitione honoris super omnes consiliis fue-
 rat,

An.Dñi

retur, tum pro fætido humanæ levitatis favore in vanum tollebatur. *Aman* super *Mardocheum* ignicomis mortiferæ vexationis furcis stimulabatur, quibus ipse postmodum insperate victus suspenderetur. Vocabatur porro convenienti sibi nomine *Thunur*, quod Latina interpretatione sonat, tonitrus. Furis namque teterrimorum spirituum morbidis indefinenter vexabatur, quorum horridis fragoribus in inferni tartarum demergeretur. Videns ergo felices quos supra taxavimus vivere feliciter, sordidarum scabenti deturpatus meditationum prurigine, in cœnoso mentis impiæ volutabro cœpit cogitare, quibus ad inventionum ruderibus eos neci posset tradere. Unde canino dente apud plurimos aulicorum eorum præconia præsumebat rodere, vecordique in calumpnia ipsorum duci talia proferre. Cum rex serenissime strenua mente, sollerti opere, perspicacis sensus validitudine ac vigorabili tui potentatus lance, largissima regnorum tue majestati subjacentium sinuamina prudentissimo equitatis disponantur libramine, est quam preciosum, ut non tantum stabili nunc virga regni recte moderetur, sceptrumque orbis status gubernetur, quam pulcherrima tue propagini proficiat incolume pacis decus. Non enim tantum tui cura sollicitationum nebulis agitareris, nisi clarissimorum tue dignitatis successorum speciebus natorum optimis delectareris. Quapropter opera precium ducimus, ut semita tranquillitatis eis prospera redimatur, quo & res publica ipsis successura nullo turbinum fluctu quatitur, nullis discordiarum angoribus vacilletur. Cuncta eis bonis omnibus exuberans arrideat felicitas, lætitiæ pleniter inditis perseverabilis affluat jocunditas. Videre autem videor, ut magna hujus salubritatis oriatur penes te injuria, quia nutris cum diligentia qui aliquando sibi usurpare præsumunt tui regni fastigia, mutabuntque diligenter eis exhibes talia, in tui tuorumque posterorum inutilia. Ex assistentibus tua celsitudinis loquor Ethelredo & Ethelbyrhto tyrunculis, qui magis in aumento tua librorumque crescunt dampnationis quam cuiuslibet tue provectionis. Ergo perquisita directi ominis sententia qua æqua promoveatur in eos rationis sententia tua, ut aut eos in longinquum dirigi exilium jubeas regionis, aut citissime tradi tui finas jugulis. Rege hæc dissimulante, utraque se nolle denegante, illo tamen obnix ut fieri permitteret stimulante, & hoc sæpius repetente, dum tepide & non argute prohibuit, audaciæ temeritatem ut perderentur intulit. O quam subdola semper in infantes perfidorum calliditas! O quam inmitis fraudulentorum in innocentes sævicia! Nulla lenis gratiatissima pietatis cura, non eis ulla mansuetudinis interiunt viscera. Sola quæ meditantur acerba, quæ portant venenis funilia. Quid plura? mortifera idem in se ipsum armatur pestifer turbo nequitia, qua absente regis præsentia manus nifus est extendere in Deo cernua innocentium colla.

HAC igitur invidi persecutoris infectatione martyres Christi coronati sunt palma victoriæ, & à Christo suscepti in prædio perhennis vitæ lætantur cum angelis cœlestis patriæ. Preciosa vero tantorum membra agonistarum jussit inhonestis subfelliorum locis humo contegi regalium, credens latere diu cunctis quod peregerat stupidæ commentum

perversitatis nequitia scelesti interemptoris. Porro nullo eis indulto fletus suspirio, nullo decem cordarum teboante officio, non hymnorum pulcherrimo *Ambrosiano* titulo, nec *Gregoriano* potitis dulcis annoniarum organo; non defuere summæ deitatis tamen multiplicis virtutis cœnia.

An.Dñi

ETenim intempesta noctis quiete visa est divinitus chorulca super aulam palatii regis fulsisse luminis columpna, quæ illustratione insolita plures turbavit ex regis familia. Dantesque fragorem clamoris in admiratione nimia expergefactus est rex, & hoc minime cognoscens surrexit à stratus sui cubiculo, & iter paravit ad nocturnales matutinarum hymnos. Cum digressus à domo, videt orbem novi splendoris incanduisse albedine, cujus procreatio diffuebat à præfatis lucis mirabili folio. Enimvero tam recentis stupefactus intuitu, mentis agitari cœpit sollicitus Rex cogitationibus, & ubi essent quos pridie præviderat, & de confabulatione perendendorum martyrum quam minister iniquitatis cum eo jamdudum habuerat, movebatur siquidem meditatione acerrima. Tunc celerrime ascito tanti criminis auctore sciscitatur qua forent propinqui sui positi regionis longinquitate, quorum non fruebatur præsentia indita pulchritudine. Iniquissimo sane furdas his punctationibus aures præbente carnifice, atque *Cain* voce superbo mentis supercilio se nescire turpiore grunniente, minaci vultu quippe ut perterritus divinæ lucis claritate, ei fertur talia inculcavisse, *Tu mihi plurima de eis semper fermocinatus es bonis contraria, tu de eorum exilio mala, tu de internicione nefaria, tu adversus eos multa mordebaris insania. Tibi pleniter enarrare nostræ sollertiæ oportet nequissime, qualiter inveniantur quos gravi infectabaris odii zelo, corrupta mente. Ad hæc ille furcifer sentina malitiæ fætidus: Sub tue, inquit, mortua eorum jacent cadavera loco sedis domus. Princeps quid ageret? Percussus namque timoris ingenti turbine, quia in parte torquebatur mordaci macula alis conscientia, dum fortiter non restitit bonitatis hosti, & quia vindicare nequibat quod peractum injuste fuerat, stupens inhærebat, in quantumque poterat pœnitebat. Aurora itaque diei terris illucescente, convocatis quibus ad præsens innitebatur comitibus regni sui principibus cum episcopis, in quibus supereminebat archipræsul *Dorovernensis* multæ beatitatis vir, vocabulo *Deus* dedit, ad locum præfatorum innocentium concitus pergit, terram suffossorio avellit, corporaque sanctissima indecenter jugulata ac inhoneste condita detegit. Heu quam furda aure tunc mentis constitit si non flevit, cum filios avunculi sui innocentes perditos conspexit! Heu quam ferreo usus est pectore si dum propinquos carnis suæ felici sanguinis vidit tinctos rubore, non tangitur cordis dolore! Heu quam gravi lacrimarum potuit suffundi imbre, dum tantæ nobilitatis flores inclitos tam fucili vidit traditos sepulturæ!*

IGitur cum hominum exequiis etiam non defuerunt magnalia perpetuæ deitatis. Coronatos namque in regni æternitatis folio etiam hic visitare dignatur miro potentia suæ miraculo. Talia gerebantur in villa regali quæ vulgari dicitur *Wasterige* pronuntiatione. Cum ergo sanctorum preciosissima innocentium corpora terræ secreto forent superstatu-

An. Dñi

ta feretro, propositum est ut delata in urbem *Cantia*, Christi sepelirentur in monasterio; & moveri non quiverunt ab illo in quo statuta fuerant loco. Propositum est ut ad S. *Augustini* ferrentur ecclesiam, siquidem levare nequiverunt. Ad plurima quoque; & honorabilia portare decreverunt loca & tumulis appositum manuum deficiebant brachia. Tandem salubri reperto consilio, ut ad famosissimum gestarentur monasterium *Wacrinense* vocitatum, tam citissimæ agilitatis insperato levantur officio, ut nihil honoris videretur in gestamine diu desiderato. Quo cum perventum fuisset, cum pulcherrimis hymnorum cantilenis, lenibusque psalmodum melodiis, multis resonantibus choris & jubilationum cymbalis suscipiuntur, tradunturque principalem retro aram sepulture decenti. Hic multis annorum curricula eis positis, excelsus Dominus qui humilia respicit & alta à longe cognoscit, eos creberrimis notitæ miraculis voluit, de quibus duo posterorum notitiæ nunc populare præsentis sermone [statuo.]

Accidit ut quidam alterius bonis cæcatus ovem *Acusdam* pauperis tolleretur secretius, quam gestans in humeris, ligatis pedibus, deferre gliscebatur secus arcisterium sanctorum martyrum, sed non potuit. Portari ibidem potuit, sed dehinc vehi non valuit. Reus itaque hujus sceleris continuo frustratur flatu vitali, prosterniturque mortuus, humi ovem viventem habens in manibus, eo insequente cui furtum fuerat illatum. Recipit innocens proprium, dimittit reum morte præventum subitanea sanctorum ultione innocentum. Continuo currens ad aditum sciscitatur si peremerit latronem illum: à nullo mortali didicit jugulatum. Acceptaque licentia reportandi quod suum fuerat, lætus & hilaris revertitur in sua, Deo ac sanctis ejus multas gratias agens.

Igitur quoniam passionibus sanctorum martyrum prout potuimus strictim prælibavimus, restat quomodo divina ultio super iniquissimum Judicem piissimæ necis eorum auctorem pervenerit, breviter tangamus. Fuerat eis ex paterno maternoque soror procreata semine *Eormenburga* vel *Domneva* nomine, quam habebat in conjugium copulationis legitimæ Rex *Merciorum Mearwoldus* nomine, quam *Ecgberhtus* rex ad se misso legationis suæ gerulo disposuit vocare. Quæ veniens, suscipitur ab omnibus primatibus illius regionis uti dignum erat honorabili perspicuæ ambitionis dignitate. Decernens itaque eam honorare, ut quodcumque vellet honestatis sibi competentis in potestatis suæ ditione rogaret, & sine mora acciperet, sancta mulier humili responsione subinfert, ut tantum terræ illi concederet quantum cerva quam sibi nutrierat, in una die divino instinctu pede peragraret. Rex vero gratanter continuo jubet in crastinum præparari comitum agmen, quo fretus, navibus ad insulam *Tenet* dictam faceret callem. Quo positi, ipsaque cum cerva insulam navigio ingressa, viam cerva lustrandi arripit, à principique & Christi famula cum plebe militari insequitur equis. Jam ex parte quam plurima circumnita, nefandus carnifex turbatur invidia, & quasi pro fidelitate Regis cui nichil remanere videbatur ex ipsius vastitate amena, cepit quasi in viis ejus compatiens garrite talia, Cum cuncta peragas perspicacis prudentia gubernaculo, quare hoc brutum animal sicut aliquid magni gerat sequeris incessu devotissimo? His dictis, deitatis summis percussus jaculis, ex sonipede ruit. Continuo suscipitur cum armis equoque nimis nimiumque infelix *Thunor* novo terræ hiatu, ac nimio terrore rex cum omni-

bus suis commilitonibus correptus, operiri concite jubet horrendo lapidum acervo ipsius corpus, anima perhenni servata incendio, baratri cenosis ignibus, de quibus dictum est pœnis, *Transibunt animæ de pœnis nivium ad calorem nivium*. Qui locus à transeuntibus *Thunethleap* vocatur talique vocabulo potitur. Talibus stupidæ mortis officiis infans sanista utente, ac pro deliciis tormentorum pœnas luente, prædicta fera quantum divina voluntas concessit, eis commitantibus iter fecit, & sic gradum fixit mirantibus cunctis. Rex quod sponderat, viso terrore miraculo fecit, manu propria formavit, sicquedomum rediit.

Mulier vero sanctæ virtutis amica ac Deo valde electa, in hac insula ecclesiam almæ Dei genitricis *Maria* perpetuæ virginis in memoria innocentum *Christi* martyrum fratrum suorum constituit, filiamque suam bonæ indolis virginem *Mildrydam* appellatam, ecclesiasticis in transmarinis partibus disciplinis eruditam, postmodum ibi constituit, eum septuaginta sanctimonialibus à sancto archiepiscopo *Densdedit* consecratis, inibique congregavit. Ibi ergo beatæ genitrix *Mildrytha* post excursus plurimorum annorum, post exhibitionem bonarum virtutum, post ædificationem plurimarum mentium virorum & virginum quas in Christo confortavit, cum lampade justitiæ à Christo meruit audire, *Surge, prospera amica mea, veni de Libano, veni, coronaberis*. Cujus anima ad cœli deducta palatium, à Christo percipit inmarcescibilia victoriæ dona, cum eo sanctisque ejus regnatura in perhenni gloria. Sane in monasterii regimine succedit inclita ejus soboles, quam educaverat decentissime, nobilis & in Christi servitio non deficiens *Mildrytha* prædicta, sanctissima virgo, multa fulgens miraculorum gratia.

Unde unum narramus miraculum, quod sine dubio confirmat quia fecerat ei Dominus plurima quæ sunt mortalibus inedicibilia. Quadam namque temporis serie lassescitibus membris pro nimia laboris diuturnitate quiescebat in lectulo, modico gravata sopore: cui affuit angelus Domini in columbæ specie residens in ejus capite, ut eam tueretur à malignorum spirituum illusione. Hac beata virgo, sicut ejus felix genitrix, bona relinquens sequacibus vestigia, omnipotente spirituum patre ejus animam sumente, terra plorante, cœlo gaudente, vivit in æternæ beatitudine, sacratissimo ipsius corpore in templo beatæ Dei genitricis *Maria* perpetuæ virginis digniter in condigno loco tradito sepulture. Præterea dum spurcissimi persecutoris pitorum martyrum subitum mortis interitum statuimus describere, postmodum infleximus oculos ad veneranda sororis neptisque eorum gesta, quibus insimul Christus fuit vivere, & mori lucrum, cujus gratia ad alia narranda eo succurrente est properandum, recinentes ordinem narrationum.

In exordio hujus operis genealogiam regum *Cantuariorum* strictim prælibavimus, nunc *Northanhymbrorum* libet demonstrare, ut ad eorum tempora valeamus pervenire de quibus non est narratum post obitum reverentissimi sacerdotis *Bede*.

Ida rex annis regnavit xj. quo abstracto *Glappa* uno regnavit anno, quem secutus *Adda* octo annis tenuit regni fastigia. Illo vero penetrante imā pro meritis, *Ethelric* regnum adeptus est terrenum, quod tenuit vij. annis. Is secreta inferni visitans *Theoderico* imperia dereliquit, qui bis binis annis regnum tenens, regnum simul perdidit & vitam, tendens in externas ire tenebras, quo pressus gravidis colla cætenis cogitur nunc miserum cernere regnum. Post

An. Dñi

An.Dñi hunc *Frithuold* adeptus est sceptrum regni vij. annis, qui subtractus à seculo monarchiam regni dereliquit Regi *Husso*. Ipse vero vij. annis jura imperii tenens, didicit per se verum esse quod sequitur,

*Mors spernit altam gloriam,
Involvit humile pariter & celsum caput,
Æquatque summis infima.*

Oðatus in regno refulsit *Ethelfryth* fortissimus regum, qui xx. & viij. annis regno potitus vita & regno est privatus. Huic successit *Edminus* rex, qui fidem Christianitatis percipiens, rex & martyr cœlos penetravit promeritis. xvij. annis regnum conservans cum honore summæ potestatis. *Oswaldus* vero post hunc regnum *Northanhymbrorum* Christianissimus suscepit, quod & octo annis tenuit: qui supernæ civitatis gaudia petens, & cœli secreta scandens, regnum post ipsum *Oswinus* rex suscepit ad tuendum xx. & viij. annis. Quo ablato ab imis ad supera, *Egfrido* commisit terrena imperia, qui regnum xv. annis tenuit. Quo à *Pictis* interfecto, quia injuste vastaverat *Hiberniam*, regnavit pro eo *Alfridus* frater ejus xix. annis. *Alfrido* vero successit filius ejus *Osfredus* xj. annis. Quo occiso, *Coenredus* regni gubernacula suscepit xj. annis. Cui in regnum successit *Ofricus* xj. annis. *Ofrico* vero successit *Ceolwulfus* frater *Coenredi* viij. annis. Huic *Beda* historiographus *Anglorum* historiam destinavit. In regni statu regis prædicti *Egfridi* anno iv. constructum est quoddam nobile monasterium in *Witremuthe*, & anno vij. regni ejusdem natus est *Beda* magnus. Sed qualiter id factum sit veriloquus *Beda* testatur in vita beatissimi abbatis sui *Benedicti* atque *Ceolfridi*, quam ipse lenibus exaravit verbis, quæ in plerisque habetur descripta locis. Edificatus est idem locus & in honore Principis apostolorum *Petri* consecratus. Sed & aliud est cœnobium constructum in veneratione Doctoris gentium *Pauli* in loco qui dicitur *Et Gyruum*. His dictis, libet huic nostro operi interere quædam quæ gesta sunt in diebus istorum abbatum, ut hi qui vitam illorum non legerunt, audiant quanta Christianitatis flamma refulsit illis diebus in his ipsis regionibus, ut ait *Beda* in suis dictionibus.

Fuit vir vitæ venerabilis gratia *Benedictus* & nomine, ab ipso pueritiæ suæ tempore cor gerens senile, ætatem quippe moribus transiens nulli animi voluptati dedit. Nobili quidem stirpe gentis *Anglorum* progenitus, sed non minori nobilitate mentis ad promerenda semper angelorum consortia suspensus. Denique cum esset minister *Oswii* Regis, & possessionem terræ suo gradu competentem illo donante perciperet, annos natus circiter xx. & v. fastidivit possessionem caducam ut adquirere posset æternam. Despexit militiam cum corruptibili donativo terrestrem, ut verò regi militans regnum in superna felicitate mereretur habere perpetuum. Reliquit domum, cognatos & patriam propter Christum & propter evangelium, ut centuplum acciperet & vitam æternam possideret. Respuit nuptiis servire carnalibus, ut sequi valeret agnum virginittatis gloriæ candidum in regnis cœlestibus. Abnuvit liberos carne procreare mortales, prædestinatus à Christo ad educandos ei spiritali doctrina filios cœlesti in vita perhennes. Dimissa ergo patria *Romam* adiit, beatorum apostolorum quorum desiderio semper ardere consueverat adorare curavit, ac patriam mox reversus, studiosius ea quæ viderat ecclesiasticæ vitæ instituta, diligere, venerari & qui-

bus potuit prædicare non desit. Profectus est dehinc ad limina sanctorum apostolorum tempore *Vitaliani* papæ, qui inde egrediens ad *Lirinensem* insulam se monachorum cœtui tradidit, tonsuram accepit, ubi per biennium institutus, rursus beati *Petri* amore devictus sacra ejus limina repedare statuit. His diebus apostolicus, papa *Theodorum* episcopum atque *Adrianum* abbatem cum viro Dei *Benedicto* ad *Anglicam* direxit gentem. Quot vero *Benedictus* divina volumina, quantas beatorum apostolorum sive martyrum Christi reliquias attulit, quis annunciet? Rex vero *Egfrid* his diebus regnum *Northanhymbrorum* pio moderamine tenuit. In cujus conspectu tantam invenit gratiam summæ clementiæ, ut confestim ei terram septuaginta familiarum de suis largiretur prædiis, & monasterium inibi primo pastori ecclesiæ facere præciperet ad hostium fluminis *Wiri* ad lævam, anno ab incarnatione Domini DC. lxxiv. indictione secunda, anno autem iv. imperii ejusdem regis. Deinde cementarios adquisivit, vitrique factores invitavit, & omnia quæ necessaria erant copiose est adeptus. Qui quinquies, ut liber vitæ ejus demonstrat, est profectus ultra maris salsi gurgites, qui tanta munera, & tanta attulit dona in omnibus speciebus, ut præ multitudine nequeant referri.

Igitur venerabilis *Benedicti* virtute, industria ac religione rex *Egfridus* non minimum delectatus, terram quam ad construendum monasterium ei donaverat, quia bene ac fructuose ordinatam conspexerat, quadraginta adhuc familiarum data possessione augmentare regali munere curavit. O benigna clementia Christi, ô clemens pietas Regis, quæ non solum libens contulit sua bona bonis, verumetiam data possessione augmentare curavit, ut illud impleretur quod legitur, *Nonne cor nostrum ardens erat in eo!* Væ inimicis Christi, væ qui destruunt, qui comburunt templa Dei. Combuntur & ipsi ubi vermes eorum non moriuntur, & ignis non exinguitur. De his nunc taceamus, & quid gestum sit læti dicamus. Peractis bisseis mensibus, coadunati sunt monachi numero ferme decem & vij. præposito ac presbytero eis constituto *Ceolfrido*.

Benedictus vero Jesu Christi famulus consultu, imo etiam jussu præfati regis *Egfridi*, aliud construxit monasterium in honore sanctissimi *Pauli* apostoli non procul ab altero constitutum; ea duntaxat ratione, ut una utriusque loci pax & concordia, eadem perpetuo familiaritas conservaretur & gratia, ut sicut, verbi gratia, corpus à capite per quod spirat non potest avelli, caput corporis sine quo non vivit nequit oblivisci: ita nullus hæc monasteria primorum apostolorum fraterna societate conjuncta, aliquo ab invicem temptaret disturbare conatu. Constituit denique religiosus vir Domini *Benedictus* reverentissimum *Ceolfridum* monasterio sancti *Pauli* apostoli, & *Eosterwinum* præfecit abbatem in cœnobio sancti *Petri* apostoli. Ipse vero *Benedictus* iccirco hoc gessit, ut regularis custodia semper servaretur, ne propter illius laboris profectio- nem minus custodiretur sanctæ disciplinæ monarchia. Et ipse magnus abbas *Benedictus*, sicut de illo beatus papa *Gregorius* scribit, xij. abbates sub se præfecit sine caritatis detrimento, imo pro augmento. Suscepit igitur *Eosterwinus* curam monasterii regendi nono ex quo fundatum est anno, permansitque in ea usque ad obitum suum annis iij. vir ad seculum nobilis. Sed insigne nobilitatis non ad

An. Dñi

ad jactantiæ materiem ut quidam despectumque aliorum, sed ad majorem, ut Dei servum decet, animi nobilitatem convertens. Patruelis quippe erat abbatis sui *Benedicti*. Sed amborum tanta ingenuitas, talis mundanæ ingenuitatis fuit pro nihilo contemptus, ut neque iste monasterium ingressus aliquem sibi præ cæteris ob intuitum consanguinitatis aut nobilitatis honorem quærendum, neque ille putaret offerendum, sed æquali cum fratribus lance boni propositi juvenis gloriabatur se singularem per omnia servare disciplinam. Et quidem cum fuisset minister *Egfridi* regis, relictis semel negotiis secularibus, depositis armis, assumpta militia spiritali, tantum mansit humilis fratrumque similimus aliorum, ut ventilare cum eis & triturare, oves vitulasque mulgere, in pistrino, in orto, in coquina, in cunctis monasterii operibus jocundus & obediens gauderet exerceri. Sed & abbatis nomine assumpto, idem animo qui prius manebat, ad omnes, juxta id quod quidam sapiens admonet, dicens, *Rectorem te constituerunt, noli extolli; sed esto in illis quasi unus ex illis*. Erat enim mitis, affabilis & benignus omnibus, & quidem ubi oportuum competebar, peccantes regulari disciplina coercens, sed magis tamen ingenua diligenti consuetudine sedulus admonens, ne quis peccare veller, & limpidissimam vultus ejus lucem, nubilo sibi suæ iniquitatis abscondere. Sæpe procurandis monasterii negotiis alicubi digrediens, ubi operantes invenit fratres, solebat eis confestim in opere conjungi, vel aratri gressum stiva regendo, vel ferrum malleo domando, vel ventilabrum manu concutendo, vel aliud quid gerendo. Erat enim & viribus fortis juvenis, & lingua suavis, sed animo hilaris & beneficio largus, & honestus aspectu. Eodem quo fratres cæteri cibo, semper eadem vescébatur in domo. Ipso quo priusquam abbas esset, communi dormiebat in loco, adeo ut etiam morbo correptus, & obitus sui certis ex signis jam præsciis, duos adhuc dies in dormitorio fratrum quiesceret. Nam quinque reliquos usque ad exitus horam, dies, in secretiore se æde locabat; Quæ die quadam egrediens & sub divo residens, accitis ad se fratribus cunctis, more naturæ misericordis osculum pacis eis flentibus ac de abscessu tanti patris & pastoris moerentibus dedit. Obiit autem per nonas Martias noctu, fratribus matutinæ psalmodiæ laude vacantibus: viginti quatuor annorum erat cum monasterium peteret, xij. in eo vixit annis, vij. presbyteratu functus est annis, iij. ex eis monasterii regimen agebat, ac sic terrenos artus moribundaque membra relinquens, cœlestia regna petivit, ut duo diademata capiti imponeret secundum nominis sui palmam, hoc est *Easter* & *Wine*, verum Pascha ipse inclitus percipiendo, quod est verum epinicion. Verum his de vita venerabilis *Easterwini* breviter prælibatis, redeamus ad ordinem narrationis.

Constituto illo abbate monasterio beati *Petri* apostoli, constituto & domino *Ceolfrido* monasterio beati *Pauli*, non multo post temporis spacio *Benedictus* impiger miles Domini quinta vice de *Britannia Roman* accurrens, innumeris sicut semper ecclesiasticorum donis commodorum locupletatus rediit.

Nec multo post etiam felix *Benedictus* morbo cœpit ingruente fatigari, quo per triennium languore paulatim accrescente, paralisi dissolutus est infirmitate, ut ab omni prorsus factus sit parte præmortuus inferiorum membrorum, superioribus solum,

An. Dñi

sine quorum vita vivere nequit homo, ad officium patientiæ virtutemque reservatis. Studebant in dolore semper auctori gratias referre utrique abbates, *Benedictus* scilicet atque *Sigfridus*, semper Dei laudibus fraternisve hortatibus vacare.

Multa quidem fratribus colloquebatur, sed & hoc sedulus eisdem solebat iterare mandatum, Ne quis in electione abbatis generis profapiam, & non magis vivendi docendique probitatem putaret esse quærendam. At ubi uterque abbas lassatus infirmitate diutina jam se morti vicinum, nec regendo monasterio idoneum fore conspexisset, tanta eos namque affecit infirmitas carnis ut perficeretur virtus Christi in eis.

Cum vero quadam die desideratus eis, se invicem priusquam de hoc seculo migrarent, videre & alloqui, *Sigfridus* in feretro deportaretur ad cubiculum ubi *Benedictus* & ipse suo jacebat in grabato, eisque uno in loco ministrorum manu compositis, caput utriusque in eodem cervicali locaretur lacrimabili spectaculo, nec tantum habuere virium ut propius posita ora ad osculandum se alterutrum conjungere possent. Inito *Benedictus* cum eo cumque universis fratribus salubri consilio, accitit abbatem *Ceolfridum*, quem monasterio beati *Pauli* apostoli præfecerat, virum videlicet sibi non tam carnis necessitudine quam virtutum societate propinquum, & eum utrique monasterio cunctis faventibus atque hoc utilissimum judicantibus præposuit patrem, salubre ratus per omnia ad conservandum pacis unitatem concordiamque locorum, si unum perpetuo patrem rectoremque tenerent; commemorans sapius *Israelitici* regni exemplum, quod inextinguibile semper exteris nationibus inviolatumque perduravit, quamdiu unis eisdemque suæ gentis regebatur à ducibus. At postquam præcedentium causa peccatorum inimico ab invicem est certamine direptum perit paulisper, & à sua concussum soliditate defecit.

Igitur postquam cuncta complessent quæ Dei erant, revolutis mensibus duobus, primo venerabilis ac Deo dilectus abbas *Sigfridus* pertransito igne & aqua tribulationum temporalium, inductus est in sempiternæ quietis refrigerium, introivit in domum regni cœlestis in holocaustis perpetuæ jubilationis.

B*Benedictus* vero victor vitiorum deinde adjunctis aliis mensibus quatuor, victus infirmitate carnis ad extrema pervenit. Tunc virtutum patrator egregius ut purpuraret terminum sui exitus, catervas contempsit inimicorum funditus. Qui sacræ fidei militiam proferens, qui dispensationis suæ talenta sustollens, qui egregiæ castitatis fructus in manibus retinens, qui oleum recondidit in thalamo cordis, ut dignus existeret sancta sanctorum intrare, jubeleique anni remissionem percipere.

Nox ruit hybernis algida flatibus;

Die mox sancto, nascitura æternæ felicitatis serenitatis & lucis.

Suscipit sanctus Domini servus Dominici corporis & sanguinis sacramentum, hora exitus sui instante pro viatico & sic anima illa sancta longis flagellorum feliciū excocta atque examinata flammis, luteam carnis fornacem deserit, & supernæ beatitudinis libera pervolat ad gloriam. Sextodecimo postquam monasterium fundavit anno quievit in Domino pius Confessor, pridie Idum Januarianum.

C*eo**lfridus* vero abbas illustris per omnia vir acutus ingenio, actu impiger, maturus animo, religionis fervens zelo, pius sicut & supra meminimus, jubente

An. Dñi

bente pariter & juvante *Benedicto*, monasterium beati *Pauli* apostoli vij. annis fundavit, perfecit, rexit, ac deinde utrique monasterio, vel, sicut rectius dicere possumus, in duobus locis posito uni monasterio beatorum apostolorum *Petri & Pauli*, xxvij. annis solerti regimine præfuit, & cuncta quæ suus prædecessor egregia virtutum opera incepit, ipse non segnus perficere curavit. Statuit igitur plurima altaria, fecit & oratoria, & vestimenta omnis generis ampliavit, tresque bibliothecas adquisivit, duas utriq; monasterio reliquit. Privilegium monasterio à papa *Sergio* accepit, quod perlatum & coram synodo patefactum, magnifici regis *Alfridi* subscriptione est confirmatum. At ubi post multam regularis observantiæ disciplinam, post incomparabilem orandi psallendique solertiam, post mirabilem & coercendi improbos fervorem & modestiam consolandi infirmos, post insolitam rectoribus escæ potusque parcitatem, & habitus vilitatem, vidit se jam senior & plenus dierum non ultra posse subditis spiritualis exercitii vel docendo, vel vivendo præfigere formam, multa diu secum mente versans, utilius decrevit, dato fratribus præcepto, ut juxta sui statuta privilegii, juxtaque regulam sancti abbatis *Benedicti*, de suis sibi ipsi patrem qui aptior esset eligerent. Obnitentibus licet primo omnibus & in lacrimas singultusque genua cum obsecratione crebra flectentibus, factum est quod pius pater desideravit.

Eligitur igitur *Hmesthyrhtus*, vir bonus & justus, qui erat discipulus abbatis *Sigfridi*, ad cujus consecrationem *Acca* episcopus invitatus est, qui illum solita in abbatis officium benedictione confirmavit. Profectus est beatus vir *Ceolfrius* ad limina sanctissimi principis apostolorum, sed priusquam ibidem pervenire potuisset, tactus est infirmitate, qua & mortuus est. Pervenit autem *Lingonas* miles emeritus circa horam diei tertiam vij. Kal. Octob. ut diximus, applicavitque in pratis ejusdem civitatis. Contigit autem Dei dispositione, ut ipso die circa horam decimam migraret ad Dominum. Cujus beatum corpus sepultum est in ecclesia sanctorum martyrum *Spensippi, Elenissippi, & Melesippi*, ubi multa signa & sanitates patræ dinoscuntur, donante eo qui sanctos suos & in præsentem certantes juvare, & in futuro consuevit victores coronare.

Hæc autem quæ scripta sunt ex dictis beatissimi *Bede* excerptimus. Jam ratum videtur ut de eo quid loquamur, reminiscens memoriam sanctitatis ejus, & gratias ei referentes pro suis laboribus. Ait enim de annalibus, hoc est de rebus singulorum annorum.

*Me legat annales capiat qui noscere menses,
Tempora dicuntur anni viteque caduca.*

*Omnia tempus agit, cum tempore cuncta trahuntur,
Alternant elementa vices, & tempora mutant.*

*Accipiunt augmenta dies noctesque vicissim,
Tempora sunt florum, retinet sua tempora messis.
Sic iterum spisso vestitur gramine campus.*

*Tempora gaudendi, sunt tempora certa dolendi.
Tempora sunt vite, sunt tristia tempora mortis.
Tempus & hora volat. Momentis labitur ætas.*

*Omnia dat, tollit minuitque volatile tempus.
Ver, æstas, autumnus, hyems, redit annus in annum.*

Hos claros versus venerabilis edidit auctor

Beda sacer, multum nitido sermone coruscans.

Versus quoque quos de die judicii composuit ad episcopum *Accam*, hoc in loco libet carazare. De quorum positione strictim nescientes intruere, obsecro scientibus oneri non sit.

Lamentatio Bede presbyteri.

An. Dñi

Inter florigeras secunda cespidis herbas,
Flamine ventorum resonantibus undique ramis
Arboris umbrifera, mæstus sub tegmine solus
Dum sedi, subito planctu turbatus amaro,
Carmina præ tristi cecini hæc lugubria mente;
Utpote commemorans scelorum commissæ meorum,
Et maculas vitæ, mortisque inamabile tempus,
Judicii que diem horrendo examine magnum,
Perpetuamque reis districti iudicis iram,
Et genus humanum discretis sedibus omne,
Gaudia sanctorum, nec non poenasque malorum.
Hæc memorans mecum, tacito sub murmure dixi,
Nunc rogo, nunc vena fontes aperite calentes.
Dumque ego percutiam pugnis rea pectora, vel dum
Membra solo sternam meritisque ciebo dolores,
Vos precor effusus lacrimis non parcite statim,
Sed mæstam falsis faciem perfundite guttis,
Et replete nefas Christo cum voce gementi.
Nec lateat quicquam culparum cordis in antro,
Omnia quin luci verbis reddantur apertis
Pectoris & lingue, carnis vel crimina sava.
Hæc est sola salus animæ & spes certa dolendi,
Vulnera cum lacrimis medico referare superno,
Qui solet allisos sanare & solvere vinctos,
Quassatos nec vult animos infringere dextra,
Nec lini tepidos undis extinguere fungos.
Nonne exempla tibi pendens dabat in cruce latro,
Peccati quantum valeat confessio vera,
Qui fuit usque crucem sceleratis impis ætis,
Mortis in articulo sed verba precantia clamat,
Et solo mernit fidei sermone salutem
Cum Christo, & portas paradisi intravit apertas?
Cur rogo mens tardas medico te pandere totam,
Vel cur lingua taces venia dum tempus habebis?
Auribus omnipotens te nunc exaudit apertis:
Ille dies veniet iudex dum venerit orbis,
Debebis quæ tu rationem reddere de te.
Suadeo prævenias lacrimis modo iudicis iram.
Quid tu in sorde jaces scelorum caro plena piaculis?
Cur tua non purgas lacrimis peccata profusus,
Et tibi non oras placida fomenta medela,
Fletibus assiduus, est dum data gratia flendi?
Pœnituisse juvat tibi nunc & flere salubre est:
Æternus fuerit placidus te vindice iudex,
Nec Deus æthereus bis crimina vindicat ulli,
Spernere tu noli venia tibi temporâ certa.
Quanta malis maueant etiam tormenta memento,
Vel quod celsithronus metuendus ab arce polorum
Adveniet iudex rationem reddere cunctis,
Præcurrent illum vel qualia signa, repente
Terra tremet, montesque rident, collesque liquecent,
Et mare terribili confundet murmure mentes,
Tristius & cælum tenebris obducitur atris,
Astra cadunt, rutilo & Tityan tenebrescit in ortu,
Pallida nocturnam nec præstat Luna lucernam,
De cælo venient & signa minantia mortem;
Tum superum subito veniet commota potestas,
Cœtibus angelicis regem stipatu supernum.
Ille sedens solio fulget sublimis in alto,
Ante illum rapimur collectis undique turmis,
Judicium ut capiat gestorum quisque suorum.
Sis memor illius, quis tam pavor ante tribunal
Percutiet stupidis cunctorum corda querelis,
Dum simul innumeris regem comitata polorum
Angelica advenient cælestibus agmina turmis

Atque

An. Dñi

Atque omnes pariter homines cogentur adesse,
 Qui sunt, qui fuerant, fuerint, vel quique futuri,
 Cunctaque cunctorum cunctis arcana patebunt,
 Quod cor, lingua, manus tenebrosis gessit in antris,
 Et quod nunc aliquem verecundans scire veribar,
 Omnibus in patulo pariter tunc scire licebit.
 Insuper impletur flammis ultricibus aër,
 Ignis ubique suis ruptis regnabit habenis,
 Et quo nunc aër gremium diffundit inane,
 Ignea tunc sonitus perfundet flamma feroces,
 Festinans scelorum sevas ulciscere causas:
 Nec vindex ardor cuiquam tunc parcere curat,
 Sordibus ablutis veniat nisi ab omnibus illuc.
 Tunc tribus & populi ferient rea pectora pugnis;
 Stabit uterque simul timidus pauperque potensque,
 Et miser & dives simili ditione timebunt.
 Fluvius ignivomus miseros torquetur amare,
 Et vermes scelerum mordubunt intima cordis.
 Nullus ibi meritis confidit iudice praesens,
 Singula sed nimis percurrit pectora terror,
 Obstupet attonito simul impia turba timore.
 Quid caro, quid facies illa quid stebilis hora,
 Quae modo va misera servire libidine gaudes,
 Luxurioque tua stimulis te agitabis acutis?
 Ignea tu vibimet cur non tormenta timebis
 Demonibus dudum fuerant quae parva malignis?
 Quae superant sensus cunctorum & dicta virorum,
 Nec vox ulla valet miseras edicere poenas.
 Ignibus aeterna nigris loca plena gehennae,
 Frigora mixta sunt ferventibus algida flammis.
 Nunc oculos nimio flentes ardore camini,
 Nunc iterum nimio stridentes frigore dentes,
 His miseris vicibus miseri voluntur in aevum,
 Obscuras inter piceas caligine noctes,
 Vox ubi nulla sonat durus nisi stetus ubique;
 Non nisi tortorum facies ibi cernitur ulla,
 Non sentitur ibi quicquam nisi frigora, flammæ,
 Fator & ingenti complet putredine nares.
 Os quoque flammivomo lugens implebitur igne,
 Et vermes lacerant ignitis dentibus ossa,
 Insuper & pectus curis torquetur amaris,
 Cur caro luxurians sibimet sub tempore parvo,
 Atro perpetuas meruisset carcere poenas,
 Lucis ubi miseris nulla scimilla relucet,
 Nec pax, nec pietas, imo spes nulla quiescit
 Flentibus ardet, fugiunt solatia cuncta,
 Auxilium nullus rebus proestabit amaris.
 Letitiae facies jam nulla videbitur illic,
 Sed dolor & gemitus, stridor, pavor, & timor horrens,
 Tedia, tristitia, trux indignatio, languor,
 Errantesque animae flammis in carcere cecae.
 Noxia tunc hujus cessabunt gaudia seculi,
 Ebrietas, epula, risus, petulantia, jocus,
 Dira cupido, tenax luxus, scelerata libido,
 Sompnus iners, torporque gravis, desidia pigra,
 Illicita & quicquid modo delectatio carnis,
 Et caca scelorum vertit vertigine mentem,
 Tunc caecis merget flammis sine fine misellas.
 O felix, o nimium semperque in secula felix!
 Qui illas effugiet poenarum prospere clades,
 Cum sanctisque simul latatur in omnia secula,
 Coniunctus Christo caelestia regna tenebis,
 Nox ubi nulla rapit splendorem lucis amena,
 Non dolor aut gemitus veniet, nec fessa senectus,
 Non sitis, esuries, non somnus, non labor ullus,
 Non febris, morbi, clades, non frigora, flammæ,
 Tedia, tristitia, cura, tormenta, ruina,

10

20

30

40

50

60

Fulmina, nimbus, hiems, tonitrus, nix, grando, procel-
 Angor, paupertas, mæror, mors, casus, egestas: (la,
 Sed pax & pietas, bonitas, opulentia regnant,
 Gaudia, latitiae, virtus, lux, vita perhennis,
 Gloria, laus, requies, honor & concordia dulcis,
 Insuper omne bonum cunctis Deus ipse ministrat,
 Semper adest, praesens cunctos fovet, implet, honorat;
 Glorificat, servat, veneratur, diligit, ornat,
 Collocat altithrono, latosque in sede polorum
 Premia perpetuis tradens caelestia donis,
 Angelicas inter turmas sanctasque cohortes,
 Vindicis iunctos Patriarchis atque Prophetis,
 Inter Apostolicas animis latantibus arces,
 Atque inter roseis splendentia castra triumphis,
 Candida virgine simul inter & agmina flore,
 Qua trahit alma Dei genitrix, pia virgo Maria;
 Per benedicta patris fulgenti regna paratu,
 Inter & ecclesiae sanctos natosque patresque,
 Inter & aethereum caelesti pace senatum.
 Quid rogo quid durum seculo censetur in isto,
 Utque illas inter liceat habitare cohortes
 Sedibus & superum semper gaudere beatiss,
 Ac Dominum benedicere secula per omnia Christum?
 Incolamini mihi te Christus, charissime frater,
 Protegat, & faciat semper sine fine beatum.
 En, tua iussa sequens cecini tibi carmina flendi,
 Tertia fac promissa precor, sermone fideli
 Commendans precibus Christo modo meque canentem.
 Vive Deo felix, & dic vale fratribus almis,
 Acca pater, trepidi & pavidi reminiscere servi,
 Meque tuis Christo precibus commenda benignis.

An. Dñi

His peractis gaudiis, ex sanctissimi doctoris An-
 glorum rivulis, libet ex ipsius historia fun-
 damentum assunere hujus operis, incipientes ab ul-
 tima ipsius praedicti viri sententia, & sic annos Do-
 mini consignantes, & regum tempora cauta ratione
 disponentes, cæterorumque fidelium vitam & mira-
 cula brevitè pro posse describentes optamus sum-
 mopere cum ipsis aeternae retributionis palmam à
 Christo percipere, sic enim vero in calce suae histo-
 riae, ait beatus & veriloquus Beda, ut in exordio
 hujus libri constat conscriptum.

A Nno Dominicæ incarnationis septingentesimo
 xxxij. Byrthmaldus archiepiscopus longa con-
 sumptus aetate, defunctus est die 5. Idium Janua-
 riarum, qui sedit annos xxxvij. menses vj. dies xiiij.
 & in ecclesia sancti Petri sepultus. Pro quo anno
 eodem factus est archiepiscopus vocabulo Tatwine
 de provincia Merciorum, cum fuisset presbyter in
 monasterio quod vocatur Brydun. Consecratus
 est autem in Doroverni civitate à viris venerabili-
 bus Daniele Ventano, & Ingaldo Lundeniensi, &
 Aldwino Licetfeldensi, & Adulfo Rosensi antisti-
 tibus, die x. Junii mensis dominica; vir religione
 & prudentia insignis.

I Taque in praesenti ecclesiis Cantuariorum Tat-
 wine, & Hrofsensi Eadulfus episcopi praesunt.
 Porro provinciae orientaliū Anglorum Eadbertus
 & Headdlao episcopi. Provinciae occidentaliū
 Saxonum, Daniel & Forthere episcopi. Provinciae
 Merciorum, Ealdwine episcopus. Et eis populis
 qui ultra annem Sabrinam ad occidentem habi-
 tant, Wilstod episcopus. Provinciae Wiciorum,
 Wilfridus episcopus. Provinciae Lindisfarorum,

F 3

Cym-

An.Dñi *Cynibertus* episcopus præest. Episcopatus *Vesthe* Insulæ ad *Danielem* pertinet episcopum *Ventæ* civitatis. Provincia australium *Saxonum* jam aliquot annis absque episcopo manens, ministerium sibi episcopale ab occidentalium *Saxonum* antistite quærit. Et hæ omnes provinciæ cæteræque australes ad confinium usque *Humbre* fluminis, cum suis quæque regibus *Merciorum* regi *Ethilbaldo* subiectæ sunt. At vero provinciæ *Northanhymbrorum* cui rex *Ceolwulfus* præest, quatuor nunc episcopi præfulatum tenent, *Wilfred* in *Eboracensi* civitate, *Ethelwaldus* in *Lindisfarnensi* ecclesia, *Acca* in *Hagustaldensi*, *Wethelmus* in ea quæ *Candida casa* vocatur; quæ nuper multiplicatis fidelium plebibus in sedem pontificatus addita, ipsum habet primum antistitem. *Pictorum* quoque natio [tempore] hoc fœdus habet pacis cum gente *Anglorum*, & catholice pacis, ac veritatis cum universali ecclesia particeps existere gaudet. *Scotti* qui *Britanniam* incolunt suis contenti finibus, nil contra gentem *Anglorum* insidiarum moluntur aut fraudium. *Brittones* quamvis & maxima ex parte domestico sibi odio gentem *Anglorum* & totius catholicæ ecclesiæ statum Pascha minus recte moribusque improbis impugnent, tamen & divina sibi & humana prorsus resistente virtute, in neutro cupitum possunt obtinere propositum, quippe qui quamvis ex parte sui sint juris, nonnulla tamen ex parte *Anglorum* sunt servitio mancipati. Qua arridente pacē ac serenitate temporum, plures in gente *Northanhymbrorum*, tam nobiles quam privati, se suosque liberos depositis armis satagunt, magis accepta tonsura monasterialibus ascribere votis, quam bellicis exercere studiis.

Hæc quæ diximus ex dictis beatissimi *Bede* sacerdotis & historiæ hujus gentis scriptoris strictim assumpsimus. Is denique cum esset vij. annorum, cura propinquorum datus est educandus reverentissimo abbati *Benedicto* ac deinde *Ceolfredo*, quorum vitam ipse adultus postmodum glorioso explicuit titulo. Cunctum vero vitæ suæ tempus in ejusdem monasterii, hoc est in *Gyrnum* habitatione peragens, omnem meditandis scripturis operam dedit, atque inter observantiam disciplinæ regularis & quotidianam cantandi in ecclesia curam, semper ipse ter beatus aut discere, aut docere, aut scribere, dulce habuit. Si cuilibet ejus gesta per amplius & perfectius cognoscere voluerit, legat capitulum xxv. historiæ *Anglorum* gentis, quo quibit diligenter investigare quam solers, quam prudenter erat eruditus. Nos vero opus ac negotium solerti cura, Christi clementia succurrente, peragemus sic exorando,

*Spiritus alme veni, sine te non diceris unquam,
Munera da lingue qui das in munere linguas.*

732. **A**Nno ab incarnatione Domini DCC. xxxij. ut præfati sumus, *Berthwaldus* archiepiscopus est defunctus. Eodem anno *Tatwine* est consecratus archiepiscopus nonus *Dorovernensis* ecclesiæ, *Ethilbaldo* rege *Merciorum* quintumdecimum agente annum imperii. Ipso quoque anno *Ceolwulfus* rex captus, attonsus & remissus est in regnum. Erat vero miro scripturarum studio imbutus, ut *Beda* testatur in exordio sui prohemii veridicus. *Acca* episcopus eodem anno de sua sede est fugatus, & *Cyneberht*

Lindisfarorum ecclesiæ antistes obiit. Ipso autem anno *Alric* & *Esc* cum aliis plurimis occisi sunt die x. Kal. Septemb. v. feria. An.Dñi

ANno DCC. xxxij. *Tatwine* archiepiscopus accepto ab apostolica autoritate pallio, ordinavit *Alwig* & *Sigfrid* episcopos. Eccleipsis facta est solis xix. Kal. Septemb. circa horam diei tertiam, ita ut pene totus orbis solis quasi nigerrimo & horrendo scuto videretur esse cohoptus. 733.

ANno DCC. xxxiiij. luna sanguineo rubore est perfusa, quasi hora integra ij. Kal. Februarii circa gallicantum. Dehinc nigredine subsequente ad lucem propriam est reversa. Eodem anno *Tatwine* archiepiscopus nonus *Dorovernensis* civitatis in *Cantia* obiit die ij. Kal. Augusti. Primus ipsius civitatis episcopus erat *Augustinus* gloriosus doctor totius regni, ac egregius fundator Christianitatis, vel Christianæ fidei & religionis. Qui ad supernæ civitatis gaudia sublevarus, sceptri tanti fastigii dereliquit *Laurentio*. Is pro meritis supernis allectus civibus, dispensationem catholicæ ecclesiæ commendavit *Mellito* episcopo. *Mellitus* denique post laborum suorum certamina tanquam miles emeritus cœlestium donorum consecutus est præmia. Post eum quarto in loco *Iustus* succedit, qui in Domino Deo confusus ad montem virtutum secundum nominis sui palmam transmigravit victoriosus. Secutus est ipsum *Honorius*, hoc est honore plenus, qui officium sibi commissum bene ministrans, poli culmina conscendit pro meritis. *Deusdedit* cathedram ascendit sexto in loco, qui patrum secutus vestigia, hæres factus est in cœlesti curia. Deinde *Theodorus* doctissimus exurgens, septimum locum gloriose exornavit. *Berthwaldus* octavo succedit loco, quem secutus est *Tatwine* episcopus sicut præfati sumus. Eodem anno ordinatus est *Friothuberht* *Hagustaldensis* ecclesiæ episcopus sub die vj. Idus Septembris. 734.

ANno DCC. xxxv. *Nothelmus* archiepiscopus ordinatus est, & *Egberhtus* *Eboraci* antistes primus post *Paulinum* accepto ab apostolica sede pallio genti *Northanhymbrorum* in archiepiscopatum confirmatus est. *Beda* doctor obiit in *Gyrnum*. 735.

ANno DCC. xxxvj. *Nothelmus* pallio à Romano pontifice suscepto, ordinavit tres episcopos; *Cuthbertum* videlicet, *Heordwaldum* & *Ethelfridum*. 736.

ANno DCC. xxxvij. *Aldwine* qui & *Wor* episcopus defunctus est; & pro eo *Hwicca* & *Tocca* *Mercis* & *Midilanglis* sunt consecrati antistites. Eodem anno regnum *Northanhymbrorum* *Ceolwulfus* dimisit, & monachus apud *Lindisfarnensem* insulam factus est, & pro eo *Eadberht* filius patris ejus successit. 737.

ANno DCC. xxxviii. *Swebriht* orientalium *Saxonum* Rex obiit. 738.

ANno DCC. xxxix. *Ethelheard* rex occidentali-um *Saxonum* defunctus est, & pro eo *Cuthred* frater ejus rex constituitur. Ipso quoque anno *Nothelm* archiepiscopus post annos iv. accepti episcopatus 739.

An.Dñi

scopatus diem obiit in pace, & *Aldulf Hrofenfis* ecclesiæ episcopus diem clausit ultimum.

740.

ANno DCC. xl. *Erbelwald Lindisfarnensis* ecclesiæ antistes migravit ad Dominum & *Kynwlf* in episcopatum subrogatus est. Eodem vero anno reverendæ memoriæ *Acca* episcopus sublevatus est in regionem viventium. Erat ipse beatus strenuissimus actus, & coram Deo & hominibus magnificus. In ecclesiasticæ quoque institutionis regulis sollertissimus extiterat, & usque dum præmia piæ devotionis capiat existere non desistit. Utpote qui à pueritia in clero sanctissimi atque Deo dilecti *Bosa Eboracensis* episcopi nutritus atque eruditus est. Deinde ad *Wilfridum* episcopum spe melioris propositi adveniens, omnem in ejus obsequio usque ad obitum ejus explevit ætatem. Cum quo etiam *Romam* veniens, multa illic quæ in patria nequiverat ecclesiæ sanctæ instituta utilia didicit, & suis subiectis tradidit. Substollitur sanctus de præsentis seculo xliij Kal. *Novembris*, cujus perducitur spiritus ab Angelis ad bravium supernæ felicitatis, corpus vero ejus ad orientalem plagam extra parietem ecclesiæ *Hagustaldensis*, quam xxiv. annis pontificali rexit dignitate, sepultum est. Duæque cruces lapideæ mirabili celatura decoratæ positæ sunt, una ad caput, alia ad pedes ejus. In quarum una, quæ scilicet ad caput est, literis insculptum est, quod in eodem loco sepultus sit. De quo loco post annos plusquam CCC. depositionis suæ à quodam presbytero divina revelatione translatus est, ac in ecclesia intra feretrum condigno honore positus est. Ubi usque hodie in magna veneratione habetur. Ob cujus sanctitatis meritum omnibus demonstrandum casula & tunica & sudarium, quæ cum sanctissimo ejus corpore in terra posita erant, non solum speciem sed etiam fortitudinem pristinam usque in hodiernum diem servant. Inventa est etiam super pectus ejus tabula lignea in modum altaris facta ex duobus lignis clavis argenteis conjuncta, sculptaque est in illa scriptura hæc: *Alme Trinitati. agie. sophie. Sancte Maria.* Utrum vero reliquiæ in ea positæ fuerint, vel qua de causa cum eo in terra posita sit ignoratur. Attamen absque rationabili devotionis causa, summæ venerationis cultu cum sancto ejus corpore nequaquam esse condita creditur. Vestimenta vero ejus prædicta fratres ejusdem *Hagustaldensis* ecclesiæ aliquotiens populo monstrare solent, à quo cum omni devotione deosculantur. Plurima vero miracula de sancto *Acca* etiam vulgo narrantur, quæ omnia scripto explicare perlongum est. Aliqua tamen de illis memoriæ breviter commendare libet, videlicet quam mirabiliter ac terribiliter adversarios suos pacem ecclesiæ in qua requiescit infringere temptantes, vel ipsam ecclesiam funditus evertere molientes, crebro cohercuerit, & qualiter reliquias de corpore suo furtim auferre volentibus sapius obstitit. Fuit frater quidam in præfata *Hagustaldensis* ecclesia *Aldredus* nomine, qui nunc in Christo requiescit, vir veracissimus & morum probitate conspicuus, sed & in scripturis sanctis bene eruditus, qui tale miraculum de sancto *Acca* in semetipso patratum fratribus ejusdem ecclesiæ narrare solebat. Cum ipse adhuc esset adolescens, nutriturque in domo fratris sui cujusdam presbyteri qui sæpe fatam *Hagustaldensem* regebat ecclesiam, antequam donatione venerabilis memoriæ *Thoma* secundi *Eboracensis* archiepiscopi canonicis regularibus qui ibi-

dem usque hodie Deo serviunt tradita esset, placuit eidem fratri suo ossa reverenda sancti *Acca* adhuc cum pulvere corporis mixta separare, separatimque in theca quam in hoc paraverat recondere. Propterea ergo venerabiles reliquias super altare sancti *Michaelis* in australi porticu ecclesiæ situm deposuit, ibique ossa de pulvere collegit & in syndone munda involuta in theca recondidit, & dum eam in chorum ubi stare debebat deferret, porticum illam cum reliquiis quæ remanserant, prædicto fratri suo tuendam delegavit. Qui solus ibi remanens cepit inter se cogitare, quia magno munere etiam præcella quælibet ecclesia se ditatam crederet, si vel unum de ossibus tam gloriosi confessoris haberet. Proposuit ergo ad altare accedere, & perquirere si forte aliquid de minutis ossibus in pulvere relictum invenire posset, quod penes se reponens alicui ecclesiæ ad honorem Dei & sancti *Acca* donaret. Sed id irreverenter perpetrare non ausus, prius humi procumbens septem pœnitentiales psalmos devore cantavit, Deum exorans quatinus tale furtum ei non displiceret, quod non sacrilega mente sed piæ devotionis & venerationis gratia facere cogitabat. Post hanc orationem se erigens, quod proposuerat explere temptabat. Cumque hostio interioris porticus in qua erant venerandæ reliquiæ, appropinquasset, ecce subito calor quidam quasi ignis vaporantis de ore clibani ardentis, ei obviis fuit, eumque magno timore percussum retroire coegit. Ille vero credens hoc ei ideo contigisse, quod cum minori devotione quam deberet tantam rem assequi veller, solo tenus iterum prostratus, multo uberiores & devotiores preces quam antea fecerat Domino fudit, quatinus quod devore desiderabat digne adipisci valeret. Post aliquantum itaque intervallum surgens, cum timore & reverentia magna ad hostium porticus accessit, sed multo ardentiori calore quam antea de illa egrediente, percussus est. Quo facto intelligens non esse voluntatem Dei ut aliquid de reliquiis sancti *Acca* furtim asportaret, tertio id temptare non ausus est. Sed & aliud miraculum de eodem Deo dilecto confessore non est silentio prætereundum, quod multi qui usque hodie supersunt per reliquias ejus patratum esse testantur. Cum venisset ad præfata *Hagustaldensem* ecclesiam quidam canonicus regularis & sacerdos, scilicet *Edricus*, qui illuc primus canonicorum à viro venerabili *Thoma* archiepiscopo missus est, invenit acervum de terra congestum juxta majus altare quod infra cancellos ecclesiæ erat, quem inde auferre volens, effodere eum cepit. De quo cum aliquam partem fodisset, reperit thecam ligneam non admodum magnam. Quam aperiens, invenit duo sigilla plumbea, insculptis literis quid intus continerent intimantia. In quorum altero scriptum erat, quod de sancto *Acca* reliquiæ intro haberentur. Mox ergo illud confringens, invenit pulverem cineri simillimum, nonnullaque ossa de sancto ejus corpore pulveri immixta, quæ inde tollens in honestiori theca reposuit. Erat tunc temporis pauperula quadam sanctimonialis femina in ipsa villa, quam prædictus frater pro simplicitate ejus & innocentia vitæ oppido diligebat. Ista multo tempore extiterat cæca, ita ut ad ecclesiam, & ubicumque necesse ire habebat, semper ab alio duceretur. Quadam die repente venit in cor fratris præfati talis cogitatio, Ut unum de ossibus illis quæ nuper invenerat, in aqua benedicta abluere

An.Dñi

An. Dñi abluere deberet, mulierique de ipso lavacro dare, ut inde oculos suos lavaret, si forte Deus meritis sancti Confessoris sui *Accæ* intercedentibus, lumen oculorum hoc venerando lavacro ei restituere dignaretur. Fecitque ille quod divino instinctu ammonitus, sicut postea claruit, faciendum cogitaverat. Abluensque unum de ossibus in aqua benedicta, mulieri dedit, præcipiens ei quatinus de illa oculos suos lavaret. Quæ cum ita fecisset, quasi post duarum horarum spatium per merita & intercessionem sancti *Accæ* visum recepit. Fuit alter quidam homo pauper in eadem villa cujus guttur intercutaneo morbo in tantum intumuerat, ut nec loqui nec manducare posset. In cujus ore cum idem frater de ipsa aqua parum infudisset, repente post unius horæ spatium disrupta est cutis ex inferiori parte tumoris, sicque exeunte tumore sanatus est. Qualiter vero *Malcolmus* rex *Scottorum* ab invasione pacisque violatione ecclesiæ *Hagustaldensis*, sancto *Accæ* cæterisque sanctis qui in ea requiescunt, meritorum suorum præsidio illam conservantibus cohercitus sit, silentio tegere nimis impium est. Licet enim vulgo etiam notissimum sit, tamen ne penitus cum tempore à memoria hominum transeat, notitiæ posterorum scripto tradendum est. *Malcolmus* igitur rex *Scottorum* homo scilicet ferocissimus mentemque bestialem gerens, *Northumbrensem* provinciam crebra irruptione misere devastare solebat, plurimosque de illa viros & mulieres captivos in *Scotiam* deducere. Qui cum quadam vice cum numerosiore solito exercitu fines provincie illius, eam devastaturus, ingressus fuisset, provinciales ejus adventum audientes, fere omnes ad ecclesiam *Hagustaldensem* cum rebus suis, quas secum portare poterant sub protectione sanctorum in illa quiescentium confugerunt. Quod ut *Malcolmus* comperit, proposuit illo pergere, omnesque qui eo confugerant expoliare: ipsamque ecclesiam funditus evertere. Quod audiens presbyter ejusdem ecclesiæ, perrexit obviam ei, ammonuitque illum ne tantum nefas in sanctos Dei ecclesiæ illius patronos committere præsumeret. At ille ejus spernens monita, eum à se cum injuria projecit. Qui ad ecclesiam festinato rediens, omnes qui ibidem confugerant in commune exhortatus est, gloriosos sanctos Dei, sub quorum præsidium confugerant, instantè deprecari, quatinus illos solita pietate sua à tam inmani hoste Scottisque bestiis crudelioribus protegere dignarentur. Et fecerunt ita. Nocte vero sequenti cum idem presbyter præ tristitia in soporem decidisset, apparuit ei vir quidam vultu & habitu venerandus, qui ab eo sciscitabatur quasi ignorans causam tantæ tristitiæ. Cumque pro hostium imminentium sævitia se pavere respondisset. Air illi, Ne timeas, quoniam antequam illucescat, rete meum in fluvium mittam, per quod omnino *Scottorum* transitus impediatur. Hæc cum dixisset evanuit. Mane autem facto, inventus est amnis qui *Tyna* dicitur, absque pluviarum inundatione & ventorum violentia, in tantum excrevisse, ut absque navis amminiculo minime transiri posset. Præterea eadem nocte & die sequenti tanta repente nebula accidit, ut maxima pars exercitus supradicti Regis per tenebras dispersa à se invicem dilaberetur, ita ut plures ad aquilonem, multi ad orientem, nonnulli quoque ad meridiem, aperte miraculo divino confusi per intercessionem sanctorum *Hagustaldensis* ecclesiæ,

cum magna festinatione tenderent. Rex vero *Malcolmus* cum illa particula exercitus sui quæ cum eo remanserat veniens, omnem transireandi copiam sibi negatam vidit. Resedit ergo supra ripam fluminis, expectare volens donec aqua diminueretur ut transire posset. Sed cum tribus diebus expectasset, aquamque absque omni pluvie amministratione cotidie magis ac magis crescere videret, tam evidenti miraculo perterritus, cum magna festinatione recessit: sicque ab ejus crudelitate omnes qui ad præfatam *Hagustaldensem* ecclesiam confugerant, meritis sanctorum in illa requiescentium erepti sunt.

Sed nunc ad historicam narrationem prætermittam redeamus. Ipso vero anno quo sanctus *Accæ* episcopus ad cælestia migravit, *Arwine* filius *Eadulfi* occisus est, die x. Kal. Jan. feria vij. Refert historia vel cronica hujus patriæ, quod eodem anno *Cuthbertus* undecimus *Dorovernenfis* ecclesiæ archiepiscopatum suscepit. At vero post *Aldulfum Hrofsensis* ecclesiæ *Dun* sacerdotium assumpsit.

Anno DCC. xlj. monasterium in *Eboraca* civitate succensum est ix. Kal. Maii, feria i.

Anno DCC. xlv. factum est prælium inter *Pictos* & *Brittones*.

Anno DCC. xlv. visi sunt in aere ictus ignei quales nunquam ante mortales illius ævi viderunt; & ipsi pene per totam noctem visi sunt, Kal. scilicet *Januarii*. Eodem quoque anno, ut quidam refert, dominus *Wilfridus* secundus *Eboraca* civitatis episcopus migravit ad Dominum iij. Kal. Maii. Non vero dicimus quod priusquam *Beda* suam historiam explicuisset, translatus sit ille primus *Wilfridus* ex hoc mundo ad celsitudinem æternæ visionis. Ipsis quoque diebus *Lundonia* civitatis episcopus nomine *Ingwald* de *Egypto* hujus seculi translatus est. Eadem tempestate anistes in *Wiccum* defunctus est. Etiam anno eodem *Herebald* abbas obiit. His temporibus floruit sanctus anachorita *Guchlaucus*.

Anno DCC. xlix. *Elfmald* rex orientalium Anglorum defunctus est, regnumque *Hunbeama* & *Alberht* sibi diviserunt.

Anno DCC. l. *Eadberht* rex *Kynralsum* episcopus in urbem *Bebban* captivum adduxerat, basilicamque beati *Petri* oblidere fecit in *Lincolniarum*. *Offa* filius *Aldfridi* quoque [ad] reliquias sancti *Cuthberti* pontificis innocens coactive accurrebat, pene defunctus fame de ecclesia sine armis abstractus est. Eodem anno *Alwih* episcopus translatus est ad alterius vitæ contemplationem, & *Aldulf* diaconus ejus ordinatur in episcopum. *Cuthred* autem rex occidentalium *Saxonum* surrexit contra *Ethilbaldum* regem *Merciorum*.

Anno ab incarnatione Dominica DCC. liij. eclypsis Lunæ facta est pridie Kal. Augusti. Quia mentio facta est de hac re, liber ignorantibus pandere quid sit eclypsis, id est deliquium vel defectus Lunæ. Eclypsis Lunæ est quotiens in umbram terræ Luna incurrit, non enim suum lumen habere dicitur, sed à sole illuminari putatur. Eclypsis Lunæ non nisi plena id est xv. erit. Defectus solis nunquam nisi ortu Lunæ fieri solet. Certum est, inquit

An: D

741.

744.

745.

749.

750.

751.

An. Dñi inquit *Plinius*, defectum Solis non nisi novissima, id est xxx. primave fieri Luna, quod coitum vocant. Omnibus autem annis fieri utriusque sideris defectus statutis diebus, horis, sub terra. Nec tamen cum superne fiunt ubique cerni possunt, aliquando propter nebulam, sæpius globo terræ obstante convexitatibus mundi. Eclipsis solis est quotiens Luna xxx. ad eandem lineam qua sol vehitur pervenit, eique se obiciens Solem obscurat. Nam deficere nobis Sol videtur dum illi orbis lunæ opponitur.

754. **A** Nno DCC. liv. *Bonifacius* archiepiscopus qui & *Winfrius*, *Francorum* martyrio coronatus est cum l. tribus.

755. **A** Nno DCC. lv. *Cuthred* rex occidentalium *Saxonum* obiit, cuius regni scepra *Sigberht* accepit.

756. **A** Nno ab incarnatione Dominica DCC. lvj. *Eadberht* rex xvij. anno regni sui, & *Unust* rex *Pictorum* duxerunt exercitum ad urbem *Alcwith*. Ibi *Brittones* inde conditionem receperunt, prima die mensis *Augusti*. Decima autem die ejusdem mensis interit exercitus pene omnis quem duxit de *Onoma* ad *Pluwanbirig*, id est ad novam civitatem. Eodem anno *Balthere* anachorita viam sanctorum patrum est secutus migrando ad eum qui se reformavit ad imaginem filii sui. Luna autem xv. sanguineo rubore superducta vij. Kal. *Decembris* xv. ætate, id est, plena luna. Sicque paulatim decrefcentibus tenebris ad lucem pristinam pervenit. Nam mirabiliter ipsam lunam sequente lucida stella & pertransiente, tanto spacio eam antecedebar illuminatam, quanto sequebatur antequam esset obscurata.

757. **A** Nno DCC. lvii. *Ethelbald* rex *Merciorum* à suis tutoribus fraudulenter interfectus est. Eodem vero anno *Merci* bellum inter se civile inierunt. *Bearnred* in fugam verso, *Offa* rex victor extitit.

758. **A** Nno DCC. lviii. *Eadberht* rex *Northymbro- rum* sponte contulit filio suo regnum sibi à Deo collatum, nomine *Osulfo*, qui uno anno regnum tenuit, amisit, perdidit. Quia occisus est nequiter à sua familia juxta *Dechil* *Wlongtune* ix. Kal. *Augusti*.

759. **A** Nno DCC. lix. *Ethelwald*, qui & *Moll* dictus erat, regnare incipit nonas *Augusti*. Cujus tertio anno inchoante, gravissimum juxta *Eldunum* secus *Meiros* gestum est bellum vij. idus *Augusti*, in quo cecidit *Oswine* post triduum prima feria. *Ethelwald* vero Rex, qui *Moll* est nominatus, victoriam sumpsit in bello. Ipso quoque anno *Unust* *Pictorum* rex defunctus est.

762. **A** Nno DCC. lxij. *Ethelwald* rex præfatus accepit reginam *Etheldrytham* Kal. *Novembris* in *Cateracta*.

764. **A** Nno DCC. lxiv. nix ingens gelu ligata omnibus retro seculis incomparabilis, à principio hiemis pene usque ad medium veris terram oppressit. Cujus vi arbores oleraque magna ex parte auerunt, ac marina animalia multa inventa sunt mortua. Eodem

quoque anno *Ceolwlf*, quondam rex tunc domini nostri *Jesu Christi* servus monachusque obiit. Huic vero regi *Beda* historiographus veridicus direxit epistolam, sic inchoando. *Gloriosissimo Regi Ceolwlf* *Beda* famulus *Christi* & presbyter. *Historiam gentis Anglorum quam nuper edideram, libentissime tibi desideranti rex, & prius ad legendum & nunc ad scribendum ac plenius ex tempore meditaturum transmitto.* Anno eodem multæ urbes monasteria-

10 que atque villæ per diversa loca, necnon & regna repentino igne vastatæ sunt, verbi gratia *Strethburg*, *Venta* civitas, *Domwic*, *Londonia* civitas, *Eboraca* civitas, *Donacester*, aliaque multa loca illa plaga concussit, ut illud impleteretur quod scriptum est, *Erit terra motus*. Eodem anno *Frehelm* presbyter & abbas obiit, & episcopus *Merciorum* gentis nomine *Totca* defunctus est. Et *Eadberht* pro eo ordinatus est episcopus. His quoque temporibus *Fritwald* episcopus *Candidæ casæ* ex hoc seculo migravit, pro quo *Phectwine* loco illius episcopus subrogatur.

A Nno DCC. lxv. ignei ictus in aere visi sunt, 765: quales quondam apparuerunt tempore nocturno Kal. *Januar.* ut superius prænotavimus. Eodem anno *Ethelwald* regnum *Northanhymbrorum* amisit in *Winchanheale* iij. Kal. *Novembris*. Cui *Alcred* profapia *Idæ* regis exortus, ut quidam dicunt, successit in regnum. Quo anno *Hemeli* *Merciorum* episcopus obiit, cuius vice *Cuthfrid* ordinatus est episcopus in *Licetfeldan*. Eademque tempestate *Bregwine* archiepiscopus *Cantiæ* civitatis ex hac vita subtractus est, cui *Lamberht* successit vice regiminis. *Aldulf* quoque antistes in *Lindisse* eodem anno hanc vitam dereliquit, aliamque petivit. Post quem *Ceolwlf* electus & consecratus est.

A Nno DCC. lxvj. *Ecgberht* archiepiscopus *Eboracæ* civitatis in pace *Christi* requievit xij. 766: Kal. *Decembris*, xxxiv. anno episcopatus sui: & *Frituberht* *Hagustaldensis* ecclesiæ antistes eodem anno de hac mortali carne migravit ad veræ lucis perennitatem x. Kal. *Januarii*, episcopatus sui anno xxxij.

A Nno DCC. lxvij. *Alberht* *Eboracæ* civitatis & *Alchmund* *Hagustaldensis* ecclesiæ ordinati sunt episcopi vij. Kal. *Mai*. Eodem tempore *Aluberht* ad *Ealdsexos* ordinatus est episcopus, & *Ceolwlf* in *Lindissi* antistes consecratus est. Ipso quoque anno *Etha* anachorita feliciter in *Cric* obiit, qui locus distat ab *Eboracæ* civitate x. miliaris.

A Nno DCC. lxviii. *Eadberht* quondam rex, 768: tunc autem clericus, decimo anno amissionis regni sui in clericatu Deique omnipotentis servicio apud *Eboracum* feliciter spiritum emisit ad superos xij. Kal. *Septembris*. Eodem anno *Pipin* Rex *Francorum* mortuus est, & *Hadwine* ordinatus est episcopus ad *Machni*. Atque *Alcred* rex eodem tempore accepit reginam *Osgearn*.

A Nno DCC. lxix. *Ceteracte* succensa est ab 769: *Earnredo* tyranno, & ipse infelix eodem anno incendio periit Dei judicio.

An.Dñi

771.

ANno DCC. lxxj. *Sibald* abbas obiit & *Egri* & *Leſtor* de hoc inſtabilis vitæ curſu migravit ad conſortium electorum quo percipit epinicion perpetuum. His diebus *Offa* Rex *Merciorum Heſtingorum* gentem armis ſubegerat. Eodem quoque anno *Karlmon* famoſiſſimus Rex *Francorum* ſubita præventus infirmitate deſunctus eſt. Sed & frater ejus *Karl* cum dimidium prius patris obtinuit principatum, totius regni monarchiam & *Francorum* faſtigium populorum dehinc eſt indeptus invicta fortitudine.

772.

ANno DCC. lxxij. *Piſtel* dux & *Smithulf* abbas obierunt in Domino. *Carl* quoque *Francorum* rex collecta manu valida & bellicoſis ſuæ majestatis viris conjunctis, *Saxonum* gentem eſt ingreſſus. Multique ex principibus ac nobilibus viris ſuis amiſſis, in ſua ſe recepit.

773.

ANno ab incarnationis Dominica DCC. lxxij. *Hadwinus Migenſis* eccleſiæ antiſtes ſublatus eſt, & *Leuthfriht* pro eo eſt ſubrogatus episcopus. *Wlſhaeth* quoque hoc anno abbas *Beverlacenſis* diem Domini videre deſideravit, cui & conſeſſum eſt, quem ſubſecutus eſt. Eodem tempore *Alberht Eboracæ* antiſtes eccleſiæ pallii miniſterium ab *Adriano* papa ſibi directum accepit.

774.

ANno DCC. lxxiv. *Eadwlf* dux ex hujus vitæ naufragio ſubtrahitur, & eodem tempore *Alcredus* rex conſilio & conſenſu ſuorum omnium, regis familiæ ac principum deſtitutus ſocietate, exilio imperii mutavit majestatem. Primo in urbem *Bebban*, poſtea ad regem *Pictorum* nomine *Cynohr*, cum paucis fugæ comitibus ſeceſſit. *Bebba* vero civitas urbs eſt munitiſſima, non admodum magna, ſed quaſi duorum vel trium agrorum ſpatium, habens unum introitum cavatum, & gradibus miro modo exaltatum. Habet in ſummitate montis eccleſiam præpulchre factam, in qua eſt ſcrinium ſpecioſum & precioſum. In quo involuta pallio jacer dextera manus ſancti *Oſwaldi* regis incorrupta, ſicut narrat *Beda* historiographus hujus gentis. Eſt in occidente & in ſummitate iplius civitatis fons miro cavatus opere, dulcis ad potandum & puriſſimus ad videndum. *Ethelredus* quoque filius *Ethelwaldi* pro eo regnum ſuſcepit: qui tanto honore coronatus vix quinque annos tenuit, veluti declarat ſubſequentis ſermo ſcriptoris. Eadem tempeſtate *Karl Francorum* rex invictiſſimus nobiliſſimam *Longobardorum* urbem *Ticinam* longa obſidione vexatam, ſimul cum ipſo rege *Deſiderio* ac totius *Italia* imperio, cepit.

775.

ANno DCC. lxxv. Rex *Pictorum* *Cynoth* ex voragine hujus cœnulentis vitæ eripitur & *Eadwlf* dux per inſidias fraudulentè captus, poſt ſpaciū exigui temporis occiditur, ſepelitur, obliſciſcitur. *Ebbi* quoque abbas veſtigal morti dedit, egrediens & pergens ad eum qui mortuus vitam perpetuam concedit. *Karl* denique rex ut præfati ſumus bellicoſiſſimus *Francorum* cum omni exercitus ſui virtute vallatus, confortatus, glorificatus, gentem *Saxonum* eſt ingreſſus centuriatus atque legionibus ſtipatus, quam magnis & inedicibilibus regionem præliis graviſſimis vaſtavit, igne ferroque debacchans, quia erat conſternatus animo. Urbes denique duas

Sigeburht & *Aresburht* atque provinciam *Bohveri* olim à *Francis* oppreſſam ſuo potenter adjecit ſummo imperio.

An.Dñi

777.

ANno DCC. lxxvij. *Pechtwine* episcopus *Candidæ caſæ* xij. Kal. *Octobris* migravit ex hoc ſeculo ad æternæ ſalutis gaudium, qui eidem eccleſiæ xiv. annis præfuit. Cui *Ethelbyrht* ſucceſſit.

10

778.

ANno iv. *Ethelredi* Regis, ſcilicet anno DCC. lxxvij. tres duces, *Aldwlf* videlicet, *Cynwlf* & *Ecga* eodem rege præcipiente fraude necati ſunt ab *Ethelbaldo* & *Heardberhto* principibus iij. Kal. *Octobris*. Quid geſtum ſit anno DCC. lxxix. ſequens declarabit ſermo,

20

779.

ANno igitur DCC. lxxix. *Ethelredo* expulſo de regali ſolio & in exilium fugato, cogitur mœſtos inire modos, miſeraſque habere querelas. *Elfwald* vero filius *Oſwlf* *Ethelredo* expulſo regnum *Northanhymbrorum* ſuſcepit, tenuitque x. annis. Erat enim iſte rex pius & juſtus, ut ſequens demonſtrabit articulus.

30

780.

ANno DCC. lxxx. *Oſbald* & *Athelheard* Duces congregato exercitu *Bearn* patricium *Elfwaldi* regis in *Seletune* ſuccenderunt ix. Kal. *Januarii*. Eodem anno *Alberht* archiepiſcopus ex hac luce migravit ad æternæ lucis perennitatem, *Eanbaldo* ſe adhuc vivente, ad eandem ſedem ordinato. *Cynwlf* quoque episcopus eodem anno relictis ſecularibus curis, *Higbaldo* gubernacula eccleſiæ cum electione totius familiæ commiſit. Eodem etiam anno *Eanbald* episcopus pallium ab apoſtolica ſede ſibi directum accepit; qui eo ſuſcepto in episcopatum ſoleniter eſt confirmatus.

40

781.

ANno DCC. lxxxj. *Hibaldus* conſecratus eſt episcopus. *Alchmundus Haguſtaldenſis* eccleſiæ præſul, eximia religionis & magnarum vir virtutum, poſtquam xij. annis ſullimiter præfatam rexifſet eccleſiam, regnante glorioſiſſimo *Northanhymbrorum* rege *Elfwaldo*, anno iij. regni ejus, vij. idus *Septembris* huic vitæ modum fecit, qui pro meritis æternæ beatitudinis eſt particeps factus. Sepultus vero eſt juxta prædeceſſorem ſuum reverendæ memoriæ ſanctum *Accam* episcopus. De quo loco poſt annos pluſquam CCL. divina revelatione tranſlatus eſt hoc modo. Tempore illo fuit quidam *Dregmo* in territorio *Haguſtaldenſis* eccleſiæ, Deum valde timens, & elemoſinarum operibus, prout facultas ſibi ſuppeditabat, haut ſegniter deditus, ac per omnia à comprovincialium moribus vita diſcordans. Erat enim miræ ſimplicitatis & innocentie homo, ac erga ſanctos Dei devotionis & venerationis immenſæ. Quapropter eum omnes vicini ſui in magno honore habebant, illumque verum Dei cultorem appellabant. Huic itaque quadam nocte in ſtratu ſuo quieſcenti apparuit quidam vir pontificali inſula decoratus, virgamque paſtorales in manu tenens. Cum qua eum pulſans, ſic ait illi, Surge, vade & dic *Elfred*o filio *Westneor* preſbytero *Dunelmensis* eccleſiæ, quatinus plebe coadunata territorii *Haguſtaldenſis*, tranſferat corpus meum de loco illo ubi ſepultus ſum, ac intra eccleſiam in honeſtiori loco reponat. Dignum eſt enim illos venerationem ab omnibus in terris accipere, quos rex regum dignatus

60

n. Dñi tus est in cœlis stola gloriæ & immortalitatis induere. Quem cum ille interrogasset, Domine tu quis es? Ille respondit, Ego sum *Alchmundus* ecclesiæ *Hagustaldensis* episcopus, qui eidem loco quartus post beatum *Wilfredum* gratia Dei præfui. Corpus verò meum juxta prædecessorem meum venerandæ memoriæ sanctum *Accam* episcopum positum est. Ad quod transferendum tu quoque cum presbytero simul adesto. Hæc cum dixisset, disparuit. Mane autem facto, homo ille cum magna festinatione ad præfatum presbyterum perrexit, quicquid vidisset, quodve mandatum ei deferre iussus esset, per ordinem ei indicavit. Qui lætus admodum effectus, convocavit plurimam populi multitudinem, rem notam eis faciens, diemque statuit quo venerabiles reliquias transferrent. Diē ergo statuta presbyter præfatus ad sepulchrum accedens, illud à terra denudari præcepit. Quod cum factum esset, adjuvante se viro illo cui revelatio facta fuerat, populorum turbis hinc inde stantibus, veneranda ossa de tumulo collegit, lintheoque involuta ac in scrinio recondita super feretrum collocavit. Et quia pro tantæ veneratione diei sacrosanctas hostias Domino offerendi hora transierat, posuerunt eum nocte illa in porticu sancti *Petri* ad orientalem plagam ipsius ecclesiæ *Hagustaldensis*. Sequenti die cum canticis, & hymnis, & missarum solempniis in ecclesiam illum transferre statuentes. Nocte vero illa prædictus sacerdos excubias circa venerabiles reliquias cum clericis suis celebrans, cæteris alto sompno depressis, accedens ipse scrinium aperuit, unumque de minutis ossibus, partem videlicet digiti unius, clanculo auferens penes se reposuit, cupiens illud ecclesiæ sancti *Cuthberti Dunelmensis* ad honorem Dei & sancti *Alchmundi* conferre. Luce itaque terris reddita, ad transferendum corpus alimficum plurima populi multitudo convenit. Cumque jam hora tertia appropinquaret, jubente presbytero, manus apponentes feretrum levare conati sunt, sed illud movere minime valebant. Repulsis igitur his qui primi accesserant, judicatisque quasi indignis tanti patris reliquias suis humeris deferre, accesserunt alii, qui sicut & priores casso labore defecerunt. Deinde aliis & aliis se ingerentibus, à nullo penitus moveri valebat. Animo vero consternati seseque mutuo intuentes omnes qui aderant, mirabantur rei novitatem stupentes. Tunc sacerdos illius reatus se ipsum causam esse nesciens, exhortatus est omnes Deum deprecari, quatinus illis revelare dignaretur pro qua culpa hoc eis contigisset. Et factum est. Illis autem in ecclesia pernoctantibus, Deumque pro jam dicto negotio exorantibus, apparuit iterum sanctus *Alchmundus* eidem homini, cui prius apparuerat forte tunc infra ecclesiam irruente subito sopore prægravato, & cum aliquantum severo vultu ait ad eum. *Quid est quod facere voluisti? Putastis membris defectum me in ecclesiam referre, in qua Deo & sancto Andreæ apostolo ejus integro corpore & spiritu servivi? Surge ergo, & contestare coram omni populo ut corpori meo citius restituatur quod inconsulte inde ablatum est, alioquin me de loco in quo nunc sum nullatenus movere poteritis.* Et cum hæc dixisset, ostendit ei manum suam medietate unius digiti carentem. Facta autem die, vir ille in medio populi astant, quid sibi nocte illa revelatum fuisset universis propalavit, vehementi verborum invectione multari

dignum esse indicans quicumque hoc facere præsumpisset. Tunc sacerdos se deprehensum cernens, in medium profuit, & qua de causa quave intentione hoc perpetrasset, omnibus patefecit. Restituentque sancto *Alchmundo* quod pie devotionis gratia ei abstulerat, congrua satisfactione veniam illico impetravit. Et accedentes clerici qui aderant, absque ulla vi levaverunt eum, ac in ecclesia transtulerunt iiij. Nonas Augusti, ubi usque hodie à fidelibus condigno honore veneratur, ad laudem & honorem domini nostri Jesu Christi. *Tilberhtus* namque sanctus pro eo in episcopatum subrogatur, consecratur elevaturque in folio episcopalis cathedræ in loco qui appellatur *Wulfeswelle*, hoc est fons lupi. Actum est hoc vj. Non. Octobris.

A Nno DCC.lxxxiiij. qui est annus *Elfwaldi* regis, *Werburbg* quondam regina *Mercuriorum*, tunc vero abbatisa, defuncta est, semper cum Christo ut credi fas est victura. Ipso quoque tempore *Kimvulf* episcopus de quo supra diximus, anno pontificatus sui quadragesimo dereliquit terrestria, qui ad supernam feliciter migravit patriam.

A Nno DCC.lxxxvj. qui est annus *Elfwaldi* regis octavus, *Botunne* venerabilis abbas *Ripensis* ecclesiæ in conspectu astantium fratrum ergastulum hujus laboriosæ vitæ deseruit, mercedem jubilei anni percipiendo. Ipso quoque obeunte, *Alberht* pro eo abbas præelectus & consecratus est. Eodem anno *Aldulf* consecratus episcopus ab *Eanbaldo* archiepiscopo, *Tilberht* quoque, & *Hyghbaldo* præsulibus, in monasterio quod dicitur *Et-Corabrige*, multisque muneribus ac donis ditatus, honorifice ad suam ecclesiam est remissus. His diebus *Ricethryth* regina dudum jam tunc abbatisa, optata percepit munera alterius vitæ, deferens coram sacerdotibus Domini oleum cum lampadibus. Ea tempestate *Kimvulf* occidentalium *Saxonum* rex à perfido tyranno *Kynheardo* lugubri interfectus est morte, & ille crudelis interemptor ab *Osredo* duce in ultione Domini sui immisericorditer interemptus est, regnumque occidentalium *Saxonum* *Brihtric* accepit. Tempore illo legati ab apostolica sede à domino *Adriano* papa ad *Britanniam* directi sunt, in quibus venerabilis episcopus *Georgius* primatum tenuit, qui antiquam inter nos amicitiam & fidem catholicam quam sanctus *Gregorius* papa per beatum *Augustinum* docuit innovantes, honorifice suscepti sunt à regibus & à præsulibus sive à principibus & primatibus hujus patriæ, & in pace domum reversi sunt cum magnis donis, ut iustum erat.

A Nno DCC.lxxxvij. Synodus congregata est in *Pincabala* iiij. Non. Septembris. In quo tempore *Alberht* abbas *Hripensis* ex rapidis flatibus hujus seculi spiritum emisit ad superos æternæ felicitatis jubilos. Mox vero ablato ipso *Sigred* ordinatur pro eo.

A Nno DCC.lxxxviii. *Elfwaldus* rex conjuratione facta ab ejus patricio *Siegan* nomine, miserabili occisus est morte ix. Kal. Octobris in loco qui dicitur *Scythlecester* juxta murum. Corpus vero eximii regis ad *Hehtcealdesige* cum magnis monachorum cuneis & clericorum cantilenis perlatum

An Dñi

783.

786.

787.

788.

An.Dñi perlatum est, & in ecclesia sanctissimi *Andrea* apostoli honorifice sepultum est, quam construxit dignissimus pater *Wilfridus* archiepiscopus ad laudis præconium supradicti apostoli. Præcellit opus ipsius cœnobii cætera ædificia in gente *Anglorum*, licet multa sint & inedicibilia in plerisque locis; sed in eo loco longitudines latitudinesque atque pulchritudines excellunt. In quo cœnobio sunt parietes variis coloribus exornati, & historiæ depictæ, sicut supradictus *Wilfridus* episcopus instituit. Verum etiam domnus *Acca* qui post ipsum illum locum gubernavit, glorioso compsit ornatu. Sepulto rege ut prædiximus regnavit *Osred* filius *Alcredi* regis nepos ejus pro eo unum annum. In loco vero quo *Elfwaldus* rex justus interfectus est, cœlitus lux emissæ dicitur videri à plurimis. Constructa est ibidem ecclesia à fidelibus illius loci, atque in honore Dei & sanctorum *Cuthberti* episcopi, & *Oswaldi* regis & martyris consecrata.

790. **A**Nno DCC. xc. *Ethelredus* de exilio liberatus est, & iterum per gratiam Christi regni solio est subtronizatus. *Osredus* autem rex dolo suorum principum circumventus & captus ac regno privatus, attonsus est in *Eboraca* civitate, & postea necessitate coactus exilium petit. Cujus anno secundo *Eardulf* dux captus est & ad *Ripunt* perductus, ibique occidi jussus extra portam monasterii à rege præfato. Cujus corpus fratres cum *Gregorianis* concentibus ad ecclesiam portantes, & in tentorio foris ponentes, post mediam noctem vivus est in ecclesia inventus. Eodem anno *Badvulf* ad *Candidam casam* ordinatur episcopus in loco qui dicitur *Bearrabahaleh*, quod interpretari potest, locus dominorum. Anno vero priori *Ethelberht* episcopus sua sede relicta, sancto *Tilberhtio* episcopo jam obeunte, prædictus præsul episcopatum *Hangustaldensis* ecclesiæ accepit in propriam dominationem.

791. **A**Nno DCC. xcj. filii *Elfwaldi* regis ab *Eboraca* civitate vi abstracti, & de ecclesia principali per promissa fallaciæ abducti, miserabiliter sunt perempti ab *Ethelredo* rege in *Wintonwaldemere*, quorum nomina *Oelf* & *Oelfwine* fuere. Eo quoque anno *Lamberhtus Dorovernensis* ecclesiæ archiepiscopus ex hac lucis tenebrositate transmigravit ad veræ lucis beatitudinem. Abbas vero *Ethelberhtus Hludensis* monasterii ad eandem sedem est electus & ordinatus episcopus.

792. **A**Nno DCC. xcij, *Karolus* rex *Francorum* misit sinodalem librum ad *Britanniam* sibi à *Constantinopoli* directum; In quo libro, heu, pro dolor! multa inconvenientia & veræ fidei contraria reperientes, maxime quod pene omnium orientalium doctorum non minus quam trescentorum vel eo amplius episcoporum unanima assertione confirmantur imagines adorare debere, quod omnino ecclesia Dei exécratur. Contra quod scripsit *Albinus* epistolam ex autoritate divinarum scripturarum mirabiliter affirmatam, illamque cum eodem libro, et persona episcoporum, ac principum nostrorum regi *Francorum* attulit. Ipso denique anno *Osredus* de exilio sacramentis & fide quorundam principum clam de *Enfania* venit, ibique deficientibus ab eo suis militibus captus est à rege præfato, scilicet *Ethelredo*, atque eo jubente occisus in loco

An.Dñi qui dicitur *Aynburg* xvij. Kal. Octobris. Corpus vero ejus ad hostium *Tyni* fluminis perlatum est, & in basilica ejusdem eximii cœnobii sepultum. Eodem anno *Ethelred* rex accepit reginam *Elstedam* filiam *Offa* regis *Merciorum* iij. Kal. Octob. apud *Cataraclam*.

ANno DCC. xcij. qui est annus *Ethelredi* regis quartus, dira prodigia miseram *Anglorum* terruere gentem. Si quidem fulmina abhominanda, & dracones per aera, igneique ictus sæpe vibrare & volitare videbantur; quæ scilicet signa famem magnam, & multorum hominum stragem pessimam atque inedicibilem, quæ subsecuta est, demonstrare. Ipso quoque anno *Siega* dux qui interemit *Elfwaldum* regem interiit propria nece, cujus corpus ad insulam *Lindisfarnensem* perlatum est ix. Kal. Maii. *Lindisfarnensis* insula magna est per ambitum, verbi gratia vij. vel amplius miliaris se extendens. In qua est nobile monasterium quo eximius *Cuthbertus* antistes positus erat cum aliis præsulibus qui ejus successores dignissimi extiterant. De quibus dici congruenter potest quod canitur, *Corpora sanctorum in pace sepulta sunt*. *Lindis* dicitur flumen quod excurrit in mare duorum pedum latitudinem habens, quando *ledon* fuerit, id est, minor æstus, & videri potest: quando vero *malina* fuerit, id est, major æstus maris, tunc nequit *Lindis* videri. Oestus oceani lunam sequitur, tanquam ejus aspiratione retrorsum trahatur in accessum, ejusque impulsu retracto refundatur. Qui quotidie bis affluere & remeare unius semper horæ dodrante & semiuncia quæ est dimidia transmissa videtur, ut *Beda* testatur. Sicut enim luna quatuor punctis spatio quotidie tardius oriri, tardius occidere, quod pridie orta est vel occiderat, solet: ita etiam maris uterque æstus sive diurnus sit & nocturnus, seu matutinus & vespertinus, ejusdem pene temporis intervallo tardius quotidie venire, tardius redire non desinit. Punctus vero, quinta pars est horæ. Quinque enim puncti horam faciunt. De concordia maris & lunæ sic quidam cecinit rhetor, id est, *Aldelmus* præsul.

*Nunc ego cum pelago faris communibus insto,
Tempora reciprocis convolvens menstrua celis.
Ut mihi luciflua decrevit gloria forma,
Sic augmenta latex cumulo gurgite perdis.*

Farne autem insula, qua beatissimus *Cuthbertus* heremiticam duxit vitam, non tanta est ut *Lindisfarnæ*; sed est posita in mare, magnis exturbata fluctibus diebus & noctibus.

His strictim dictis, ad ordinem revertamur narrationis. Eodem sane anno pagani ab aquilonali climate navali exercitu ut aculeati crabones *Britanniam* venientes, hac illacque ut dirissimi lupi discurrentes, prædantes, mordentes, interficientes non solum jumenta, oves & boves, verumetiam sacerdotes Levitasque chorosque monachorum atque sanctimonialium, veniunt, ut præfati sumus, ad *Lindisfarnensem* ecclesiam, miserabili prædatione vastant cuncta, calcant sancta pollutis vestigiis, altaria suffodiunt, & omnia thesauraria sanctæ ecclesiæ rapiunt. Quosdam è fratribus interficiunt, nonnullos secum vinctos assunt, perperuos opprobriis vexatos nudos projiciunt, aliquos in mare demergunt. Aperte de illis dicitur quod sequitur.

Fortuna

A.Dñi

*Fortuna vias premit infontes,
Debita sceleri noxia poena,
Ac perversi resident cello more solio,
Sanctaque calcant injusta vice colla nocentes,
Latet obscuris condita virtus clara tenebris,
Justosque tulit crimen iniqui.*

Illis vero recedentibus, & de praeda vel malis actibus gratulantibus, quid eis fortuna sequentis anni advexit stilus fidelis demonstrabit.

794.

ANno DCC. xciiij. prædicti pagani portum *Ecgfridi* regis vastantes, monasterium ad hostium *Doni* annis prædarunt. Sed sanctus *Cuthbertus* non sine punitione eos sinebat abire. Princeps quippe eorum ibidem crudeli nece occisus est ab *Anglis*, & post exigui temporis spacium vis tempestatis eorum naves quassavit, perdidit, contrivit, & per plurimos mare operuit. Nonnulli itaque ad litus sunt ejecti, & mox interfecti absque misericordia. Et recte illis hæc contigerunt, quoniam se non lædentes graviter læserunt. His diebus *Colcu* presbyter & lector ex hac luce migravit ad Dominum, quo percipit laudem felicitatis pro laboribus terrenis. Ea tempestate *Ethelheard* quondam dux, tunc autem clericus, in *Eboraca* civitate defunctus est Kal. Augusti. *Adrianus* papa venerandus eodem anno sublevatus est ad dei visionem vij. Kal. Januarii, qui sedit annos xxvj. menses x. dies xij. Est quoque in ecclesia sancti principis apostolorum *Petri* sepultus, & super sepulchrum platoma parieti infixa, gesta bonorum ejus aureis literis & versibus scripta. Hoc marmor ibi *Karolus* rex ob amorem & memoriam prædicti patris facere jussit, regali fretus diademate.

795.

ANno DCC. xcv. idem rex fortissimus *Karolus* cum manu valida *Hunorum* gentem armis vastando subegerat, eorum principe fugato, & ipsius exercitu superato vel perempto, sublati inde xv. plaustris auro argentoque palliisque olofericis preciosis repletis, quorum quodque quatuor trahebant boves. Quæ omnia idem rex propter victoriam à Domino sibi concessam Christi ecclesiis atque pauperibus dividere præcepit, grates Deo referens cum omnibus secum pugnantibus.

796.

ANno DCC. xcvi. qui est annus vij. *Ethelredi* regis, *Alric* quondam dux, tunc clericus, in *Eboraca* civitate defunctus est. Et paulo post, id est, v. Kal. Aprilis eclypsis lunæ facta est inter gallicinium & auroram. Eodem vero anno *Ethelredus* rex occisus est apud *Cobze* xiiij. Kal. Maii, anno vij. regni sui: *Osbald* vero patricius à quibusdam ipsius gentis principibus in regnum est constitutus, & post xxvij. dies omni regniæ familiæ ac principum est societate destitutus, fugatusque & de regno expulsus, atque ad insulam *Lindisfar-nensem* cum paucis secessit, & inde ad regem *Pictorum* cum quibusdam à fratribus navigio pervenit. *Eardulf* enim, de quo supra diximus, filius *Eardulfi* de exilio vocatus, regni insulis est sublimatus, & in *Eboraca* in ecclesia sancti *Petri* ad altare beati apostoli *Pauli*, ubi illa gens primum perceperat gratiam baptismi, consecratus est vij. Kal. Junii. Et non multo post, id est, vij. Kal. Augusti, *Offa* rex potentissimus *Merciorum*, postquam xxxix. annos regnavit, defunctus est; Cui successit in regno

filii ejus *Ecgferth*, qui eodem anno morte superveniente debitum neci invitus concessit. *Coenwulf* quoque pater sancti *Kenelmi* martyris dehinc diadema regni *Merciorum* suscepit gloriose, tenuitque invicta virtute potenti vigore sui potentatus. Ipso quoque anno *Coenwulf* in *Lindisse* vitæ hujus tempora contempsit, futuri seculi consolationem expectans. Et paulo post, id est, iiij. Idus Augusti, *Eanbaldus* archiepiscopus obiit in monasterio quod dicitur *Ettefe*, corpusque ejus magno comitante agmine ad *Eboracam* civitatem portantes, in ecclesia beati *Petri* apostoli sepultum est honorifice. Statim vero alter *Eanbaldus* ejusdem ecclesiæ presbyter in episcopatum est electus, convenientibus ad ordinationem ejus *Ethelberto* & *Hygbaldo*, atque *Badwifo* episcopis in monasterio quod dicitur *Sochsburg* xvij. Kal. Septemb. die Dominica.

20

ANno DCC. xcviij. *Eanbaldus* ille posterior accepto ab apostolica sede pallio in archiepiscopatum genti *Northanhymbrorum* solemniter confirmatus est vj. Idus Septembris, qua die celebratur solemnitas, id est, nativitas sanctæ *Mariæ*, de qua poeta ait,

Splendet honore dies, est in quo virgo Maria

Stirpe David regis procedens edita mundo.

Eodem anno *Ethelbertus Hagustaldensis* episcopus, defunctus est xvij. Kal. Novemb. in loco qui dicitur *Wartun*, cujus corpus ad *Hestaldesige* est perlatum, & venerabiliter à fratribus ipsius eccloniæ sepultum. Electus vero est pro eo *Headred* in episcopatum, & post excursum paucorum dierum, hoc est, iij. Kal. Novembris ab *Eanbaldo* archiepiscopo, & *Hygbaldo* episcopo spiritali honore ordinatus est in loco qui nuncupatur *Wduforda*.

30

ANno DCC. xcviij. conjuratione facta ab interfectores *Ethelredi* regis, *Wada* dux in illa conjuratione cum eis bellum inierunt contra *Eardwlfum* regem in loco qui appellatur ab *Anglis* *Willingaboth* juxta *Malalege*, & ex utraque parte plurimis interfectis *Wada* dux cum suis in fugam versus est, & *Eardwlfus* rex victoriam regaliter sumpsit ex inimicis. Eodem anno *Londonia* igne repentino cum magna hominum multitudine consumpta est. His tempestatibus *Kenwlf* rex *Merciorum* cum omni exercitus sui virtute provinciam *Cantuariorum* ingressus, miserabili prædatione penitus usque ad internecionem potenter vastavit. Captus est eodem tempore *Eadberht* rex *Cantuariorum*, cujus oculos præcepit avelli rex *Merciorum*, & manus in misericorditer præcidi, præ superbia & fraude ipsorum. Deinde Domini suffragio potitus, adjecit imperium ipsius regni suo imperio, imponens sibi coronam in capite, sceptrumque in manu. Eodem quoque anno qui est annus iij. *Cenwlf* prædicti regis, synodo congregata in loco qui appellatur *Wincanhalth* præsidente *Eanbaldo* archiepiscopo aliisque quamplurimis principalibus & ecclesiasticis viris, multa de utilitate sanctæ Dei ecclesiæ gentisque *Northanhymbrorum* omniumque provinciarum consiliati sunt, & de observatione Paschalis festi, & Judiciorum divinatorum atque secularium, quæ in diebus justorum regum & ducum bonorum atque sanctorum episcoporum aliorumque sapientum, monachorum scilicet atque clericorum, quorum prudentia, & justitia, atque divinis artibus

50

60

G

status

An.Dñi

797.

798.

An. Dñi

status regni Northanhymbrorum suaviter & inedicibiliter redolebat his temporibus. Rationabili vero consilio providebant, ut de honore ecclesiarum Dei servorumque ejus necessitatibus disputarent, & servitium Domini augerent, ut pro his mercedem æternæ retributionis bonam perciperent. Præcepit dominus antistes Eanbaldus recitari quinque synodorum fidem, de quibus in historia Anglorum sic habetur.

Suscipimus sanctas & universales quinque synodos beatorum & Deo acceptabilium patrum sicut presentis libri continet textus. Glorificamus sane & adoramus atque veneramus Dominum nostrum Jesum Christum sicut isti glorificaverunt, nihil addentes vel subtrahentes. Et anathematizamus corde & ore quos anathematizaverunt prædicti patres, glorificantes Deum Patrem omnipotentem sine initio, & Filium ejus unigenitum ex Patre generatum ante secula, & Spiritum sanctum procedentem ex Patre & Filio inenarrabiliter, sicut prædicaverunt hii quos supra memoravimus, sancti Apostoli, & Prophetae, & Doctores, & nos credimus, propter quod & locuti sumus. Hos itaque prædictos patres nos pie atque orthodoxe juxta divinitus inspiratam doctrinam eorum professi credimus constanter, & confitemur secundum sanctos patres proprie, & veraciter Patrem, & Filium, & Spiritum sanctum, Trinitatem in Unitate consubstantiali, & Unitatem in Trinitate, hoc est, unum Deum in tribus subsistentibus personis consubstantialibus, æqualis gloriæ & honoris. His dictis & confirmatis reversi sunt ad propria, laudantes Deum pro omnibus beneficiis suis.

Hujus fidei integritatem sic alibi esse scriptam legimus, per quam salvari speramus sicut ceteri iusti confidebant.

(bum,

Cum Pater in Verbo sit semper & in Patre Ver-
Sitque unus Verbi Spiritus atque Patris:
Sic de Personis tribus est tibi non dubitandum,
Unum ut tota fide confiteare Deum.
Et infra:

Corde Patris genitum creat, & regit omnia Verbum,
Nec tamen est aliquid quod sine Patre gerat.
Unus enim amborum motus, ratio una, voluntas,
Par virtus, idem spiritus, unus amor.

Et juxta:

Sic magnus Deus est de se, valet, & manet in se,
Cui summum & proprium est semper id esse quod est.
Splendet enim verum vero de lumine lumen,
Ut genitum agnoscens noverit ingenitum.

Una trium deitas, una est essentia ab uno;
Idem est cum Verbi Spiritus atque Patris.
Nullum opus abjunctum, nulla est non aqua potestas:
In cunctis unum sunt tria principium.

De orthodoxa Fide hæc pertractantes ad historię nostrę narrationem redeamus.

799.

Anno DCC. xcix. naves plurimæ in mari Britannico vi tempestatis quassatæ sunt atque concussæ vel collisæ, & cum magna multitudine hominum sunt dimeris. Eodem anno Brorda Merciorum princeps qui & Hildegils vocatur, defunctus est. Abbas vero vocitatus More Ailthegno præfecto suo lugubri morte interemptus est. Moll quoque dux paulo post jussione urgente Eardwils

regis occisus est. Ipso quoque tempore Osbald An. Dñi quondam dux & patricius & ad tempus rex, tunc vero abbas, diem suscepit ultimum, cujus corpus in ecclesia Eboracæ civitatis sepultum est. Aldred vero dux interfector Etheldredi regis à Thorhtundo duce in ultionem domini sui ejusdem regis interfectus est. Quid gestum sit eodem anno, referre libet. Romani quoque inter se dissecabantur, & magnam dissensionem habebant, in qua Leonem papam sanctissimum apprehenderunt ligaveruntque, cujus lingua inter maxillas duriter protracta & in gutture crudeliter extensa præcisa est ab ipsis. Eruerunt & oculos prædicti pontificis radicitus, quæ res cunctis cernentibus crudele spectaculum est factum. Dehinc absque ulla humanitate semivivum eum relinquentes, inconsulte domum reversi sunt. Sed magnus conditor orbis ex alto cuncta intuens, quem quia respicit omnia solus verum possumus dicere solem, non sic suum contempsit fidelem famulum. Omnipotens igitur Dominus post pauci temporis interstitium sic eum salutariter sanavit antidoto, ut postmodum videre clare & loqui posset, prorsus ab eo expellens caliginem oculorum, & concedens eipristinæ sanitatis linguam, ut penitissima edere verba prædicationis valuisset, & omnia officia honorifice implere.

Cesset inscitia nubilus error,

Cessent profecto mira videri — universa

opera Domini. Hoc miraculum repente diffusum est per cardines quadrati orbis, ad gloriam & laudem Christi nominis ut ab omnibus ubique prædicetur & laudetur quia mirabilis est Deus in sanctis suis.

Anno DCCC. Headred Hagustaldensis ecclesię præsul, anno tertio episcopatus sui regiminis diem vidit extremum, pro quo Eanbryth electus est & ordinatus episcopus in loco qui dicitur apud Cettingaham. Eodem anno Alchmund filius Alcredi regis, ut dicunt quidam, à tutoribus Eardwils regis est apprehensus, ejusque jussione cum suis profugis occisus est. Tempore quoque eodem ante natale Domini ix. Kal. Januarii ventus ingens ab Affrico vel à Favonio exurgens, suo inenarrabili flatu urbes, multæ domus, ac villæ per plurimam per diversa loca sunt destructæ & ad solum dirutæ: arbores quoque innumeræ radicitus evulsæ, & ad terram prostratæ sunt. Quo anno inundatio maris ultra terminos suos profluxit, illud secum obliviscens quod dicit Psalmus, Terminum posuisti quem non transgredientur. Facta est & magna pecorum strages in locis diversis. Carolus quoque eximiæ virtutis rex Francorum paulo ante ipso anno cum magna exercitus sui multitudine Romuleæ urbis incenia ingreditur, ibique per aliquot menses demoratus est, locaque sancta frequenti visitatione adorat, ditat, exornat munere regali. Præcipue vero ecclesiam beati Petri apostoli necnon & sancti Pauli donis exornavit regalibus, auro scilicet & argento, gemmisque preciosis. Leonem quoque venerabilem papam magnifice muneravit, ejusque adversarios dispersit, quosdam extinxit vel exilio damnavit, nonnullos interfecit qui contra eum impie conjurationem promoverunt. His atque aliis quamplurimis rebus ordinatis, ipse armipotens imperator quæ ad honorem & correctionem ecclesiarum Christi Christianorumque populorum

800.

60

An. Dñi pulorum pertinebant, in die natalis domini nostri Jesu Christi ingreditur cum ducibus & magistratibus & militibus in ecclesiam sanctissimi principis apostolorum *Petri*, in qua à Domino *Leone* papa purpura regaliter induitur, cui corona aurea capiti inponitur & regale sceptrum in manibus datur. Hanc dignitatem ipso die meruit ab omni populo percipere, ut imperator totius orbis appellaretur & esset. Eo quoque tempore legati *Gracorum* cum magnis muneribus à *Constantinopoli* directi ad eum veniebant, rogantes ut illorum susciperet regnum & imperium. Similiter legati ab *Hierosolimis* à *Christianis* populis ibi manentibus missi, Romamque venientes, vexillum argenteum inter alia munera regi ferentes, clavelque locorum sanctorum Dominicæ resurrectionis aliorumque ei optulerunt, obnixè flagitantes ipsum esse susceptorem & defensorem. Rogabant eum ut Christianæ religioni subdita sancta cornobia conservaret, regeret ac defenderet, & contra insurgentes gentes exurgeret bellica virtute & regali majestate. Annuit benignissimus Rex beatis precibus qui ad se confluerant, & non solum se paratum esse ad devincendos inimicos in terra, verum etiam in mari, si necessitas compulisset. Intellexit beatas fore res publicas, si eas vel studiosi sapientiæ regerent, vel si earum rectores studere sapientiæ contigisset. Is ad urbem *Ravennam* perveniens, ad *Aquas* deinde perrexit, de his omnibus cum suis optimatibus tractaturus.

801. **Anno DCCC. j.** *Edwine*, qui & *Eda* dictus est, quondam dux *Northanhymbrorum*, tunc vero per gratiam salvatoris mundi abbas in Dei servitio roboratus velut miles emeritus diem clausit ultimum in conspectu fratrum xvij. Kal. Febr. Sepultus est quoque in monasterio suo quod appellatur *Et Gegenforda* honorifice in ecclesia. His temporibus *Eardulf* rex *Northanhymbrorum* duxit exercitum contra *Kenwlfum* regem *Merciorum* propter suspensionem inimicorum ejus. Qui & ipse congregans exercitum secum aliarum promovit auxilia provinciarum plurima, longa inter eos expeditione facta. Tandem cum consilio episcoporum ac principum *Anglorum* ex utraque parte pacem inierunt per gratiam regis *Anglorum*. Factaque firmissimæ pacis concordia inter eos, quam sub jurejurando in evangelio Christi ambo reges confirmaverunt, Deum testem atque fidejussorem interponentes, ut in diebus eorum quam diu vita potirentur præsentis & regni essent infulis suffulti, pax firma veraque inter eos amicitia inconcussa & inviolata persisteret. Contigit in illis esse completum quod legitur,

*Gratius astra nitent, ubi nothus
Desinit imbriferos dare sonos;
Lucifer ut tenebras pepulerit,
Pulchra dies roseos agit equos.*

Astra splendebant gratius; hoc est, principes gaudebant profusius dum reges pacem dabant inter se clementius. *Nothus* ventus est calidus qui solet imbriferos dare sonos. *Ut dies roseos agit equos*; id est, totius regni status exultabat dum serena redierunt tempora illius ævi mortalibus, gratia Domini largiente, qui tempestatibus & choruscis præstat quietudinis serenitatem,

*Et numeris elementa ligat, ut frigora flammis,
Arida convenient liquidis, ne purior ignis
Evolet, aut mersas deducant pondera terras.*
Eodem anno *Harthuberht* *Londonia* civitatis anti-

stes vitæ hujus contempsit tempora. Et paulo post **An. Dñi** magna pars vici ipsius repentino igne consumpta est.

Anno DCCC. ij. ab incarnatione Dominica **802.** *Brichtric* occidentalium rex qui eidem genti x. & vij. annis nobilissime præfuit, defunctus est, cujus imperium & regnum post eum *Ecgberht* ex regali illius gentis prosapia suscepit ac tenuit. Rex autem *Brichtric* occidentalium *Saxonum* accepit sibi in conjugium *Eadburgam* quæ erat filia Regis *Merciorum* nomine *Offa*, qui vallum magnum inter *Britanniam* atque *Merciam*, id est de mari usque ad mare facere imperavit. Cumque filia Regis esset multis suffulta honoribus, miris se extollebat ambitionibus, quæ more paterno tyrannice vivere cœpit, & omnem hominem execrari. Sicque ut omnibus esset perosa, non solum ducibus & magistratibus, verum etiam cunctis populis. Omnes religiosos viros ad Regem semper accusare non cessavit, & ita maledicta vitum suum constrinxit blanditiis, ut illos quos accusare cœpit, aut vita aut regno privaret; & si à rege impetrare non posset, veneno eos clam disperdere non distulit. Erat eodem tempore quidam prædives adolescens, præamabilis regi prædicto & carus, quem cum accusare vellet ad regem & minime prævaleret, veneno ipsum ipsa malivola necavit. De quo veneno cum ipse rex insciter gustasset, periit. Neque etiam illa venenum regi proposuerat dare sed puero, quem princeps ducum præoccupans, ambo necis poculum biberunt, ambo gustu amarissimo perierunt. Quo ex hoc seculo perempto venefica illa nequissima timore perterrita fugiendo ultra mare est egressa, cum innumerabilibus thesauris, Regem adiens *Francorum* famosissimum *Karolum*. Ad quem cum ante solarium astaret & regi deferret munera preciosa, sic est eam affatus. *Elige Eadburg quem velis, me aut filium meum qui mecum in solario astat.* At illa sine deliberatione stulte respondit, dicens, *Si mihi optio daretur filium tuum magis eligerem quam te, quia junior esse videtur.* Cui rex *Carolus* ita respondisse fertur, *Si me eligeres haberes filium meum, sed quia illum elegisti, nec me nec illum propitium habebis.* Contulit tamen illi propter improbitatem ejus optimum monasterium, in quo deposito seculari habitu sub specie hypocritissima indumento sanctimonialium assumpto perpauca fungebatur annis; sicut enim execrabilis & flebilis ipsa nequiter & irrationabiliter in propria vixit regione: ita multo nequius, miserabilius & irrationabilius in terra aliena vixisse deprehenditur.

Æst (ut quidam ait) *Cererem fervida siccat,
Remeat pomis gravis autumnus,
Hiemem defluus irrigat imber:*

sed hujus pessimæ reginæ mentem nec pulchritudo ætatis, nec algor hiemis valuit à libidine cohibere. Namque interstitio peractò, dum quæ sancta erant exerceret, ut quidam æstimabant, à quodam suæ propriæ gentis ignobili viro constuprata est.

*Cedat inscitia nubilus error,
Cessent profecto mira videri*

Mulierem, inquit, in adulterio deprehensam.

Nichil itaque est quod admirare, nichil occultum quod non sciatur. Post hæc præcipiente magno *Carolo* Imperatore projecta est cum magno mentis tadio & angore à suo sancto monasterio: quæ in paupertate & miseria vitæ suæ tempora vituperabiliter ad finem perduxit. Quæ ad ultimum uno servulo

An.Dñi comitata, cotidie mendicans per domos & per civitates atque castella, in *Pavia* miserabiliter obiit. Defuncto rege glorioso *Brihtrico*, occidentalis regni suscepit post ipsius obitum regnum & imperium *Egbertus* Rex, qui ex regali illius gentis prosapia exortus, diadema totius regni capiti imposuit maximo sceptro redimitus. Erat enim strenuissimus vir & potens, multaque regna suo subiecit imperio. Regnavit annis xxxvj. Et *Egberto* successit *Ethelwlfus* filius ejus potentissimus. Cui successit filius ejus *Ethelbaldus*. Deinde frater suus *Ethebyrtus*. Post quem frater suus *Ethelredus*. Post hunc frater eorum *Elfredus*. Denique *Ethelwlf* habuit ex conjugis sua nobili iv. filios, scilicet *Ethelbaldum* & *Ethelbirtum* & *Ethelredum* & *Alfredum*, qui omnes sibi invicem in regnum successerunt.

803. **A** Nno DCCC. iij. *Hibaldus* episcopus obiit, & *Egbertus* ei successit.

830. **A** Nno DCCC. xxx. *Celnodus* consecratus est episcopus & *Felgildus* abbas obiit, & *Egredus* episcopus factus est.

846. **A** Nno DCCC. xlvj. *Eanbertus* episcopatum suscepit.

849. **A** Nno Dominicæ incarnationis DCCC. xlix. exortum est lumen è tenebris, *Elfredus* rex Anglorum natus est in regali villa quæ ab Anglis *Manetinge* appellatur, cujus genealogia tali serie contextitur. *Elfred* rex filius erat *Ethelwlf* regis, qui fuit *Egbertus*, qui fuit *Alhmundi*, qui fuit *Alfa*, qui fuit *Eoppa*, qui fuit *Ingild*. *Ingild* & *Ine* fratres fuerunt. *Ine* rex famosissimus erat per totius fines gentis Anglorum, qui occidentaliū regionum regna regulariter regebat, & peractis in regno plurimis annis *Romam* perrexit, relinquens patriam & regnum præsens ut cum Christo possideret æternum, quod ei concessit divinæ majestatis imperium. Hii fuerunt filii *Coenredi*, qui fuit *Ceolwold*, qui fuit *Cuda*, qui fuit *Cudwine*, qui fuit *Ceawlm*, qui fuit *Cinric*, qui fuit *Creoda*, qui fuit *Cerdic*, qui fuit *Elefa*, qui fuit *Gewis*, à quo Britones totam illam gentem *Gewis* nominant, qui fuit *Brand*, qui fuit *Belde*, qui fuit *Woden*, qui fuit *Frithwald*, qui fuit *Frealaf*, qui fuit *Fridrenwulf*, qui fuit *Geta*, quem jam dudum pagani pro Deo venerabantur. Cujus *Sedulius* poeta insignis mentionem faciens in Pascali carne, ita exorsus est.

Cum sua Geniles studeant figmenta per
Grandisonis pompare modis tragicoque boatu
Ridiculo Geta seu qualibet arte canendi, &c.

Qui *Geta* fuit *Cetma*, qui fuit *Beam*, qui fuit *Seldma*, qui fuit *Heremod* qui fuit *Itermod*, qui fuit *Hatra*, qui fuit *Wala*, qui fuit *Bedwig*, qui fuit *Sem*, qui fuit *Noe*, qui fuit *Lamech*, qui fuit *Matusalem*, qui fuit *Enoch*, qui fuit *Malaleel*, qui fuit *Canaan*, qui fuit *Enos*, qui fuit *Seth*, qui fuit *Adam* primi hominis. Mater vero Regis *Elfredi* *Osburg* appellata est, quæ erat religiosa nimium femina nobilisque ingenio, quam nobilitatem exornavit prudentia mentis. Erat quoque pater ejus *Oslac* vocitatus, qui fuit pincerna *Ethelwlf* regis devotus atque fidelissimus. Ortus enim fuit de *Gothis* & *Inis* de semine *Stuph* & *Wihgar* duorum fratrum. His sic prælibatis jam pro posse susceptum exequamur negotium suscepti operis.

An.Dñi
851.

A Nno Dominicæ incarnationis DCCC. ljj. nati-
vitatibus *Elfredi* iij. *Ceorl* Comes pugnavit contra *Danos*, & Christiani victoriam de inimicis adepti sunt. *Dani* quoque hiemaverunt in insula quæ vocatur *Scepege*, id est insula ovium. Eodem anno magnus exercitus paganorum venit cum trescentis quinquaginta navibus in hostium *Tamensis* fluminis. Qui *Doroberniam*, id est *Cantuariorum* civitatem depopulati sunt, & *Berhtulfum Merciorum* Regem cum omni exercitu suo qui ad præliandum contra illos venerat, in fugam verterunt. Post hæc audaces *Dani* effecti, exercitus omnis ipsorum ad *Suthrige* est congregatus. Quod audiens bellipotens *Ethelwlfus* rex Saxonum, congregavit & ipse exercitum copiosum, & filius suus *Ethelbaldus* cum eo in loco qui dicitur *Aclea*, id est, in campo quercus. Cumque decus Angligenæ gentis armis splenderet resultantibus, diutissime pugnaverunt Angli cum *Danis*, fortiter repugnantes quia viderunt atrociter regem bellare ipsorum, ideo fortiores hostibus facti sunt in bello. Cumque diutissime viriliter decertarent, & acerrime animoseque ex utraque parte pugnatum esset, maxima pars paganæ multitudinis funditus deleta atque occisa est, ita ut numquam in aliqua regione in una die ante nec post tanti occubuerunt in morte. Christiani vero ipso die victoriam honorifice tenuerunt, & loco funeris dominati sunt, grates reddentes Domino in hymnis & confessionibus.

A Nno Dominicæ incarnationis DCCC. liij. *Ethelstanus* Rex & *Alchere* Comes magnum paganorum exercitum invenerunt in *Cantia* in loco qui dicitur *Et Sandwic*, quem ibidem Deo auxilium concedente prope occiderunt, & ex navibus eorum novem rapuerunt, cæteri per fugam terrore percussi fugerunt.

A Nno Dominicæ incarnationis DCCC. liij. nati-
vitatibus *Elfredi* v. *Burhred Merciorum* rex per nuncios deprecatus est *Ethelwlfum* occidentaliū Saxonum Regem ut ei auxilium conferret, quo mediterraneos Britones qui inter *Merciam* & mare occidentale habitabant dominio suo subdere posset, qui contra eum frequenter reluctabantur. Rex autem *Ethelwlf* legatione ejus accepta exercitum movit, stipendia distribuit, cum *Burhredo* rege intrepidus ad bellum exiit. Mox ut ingressus est ad gentem illam devastandam, cepit, occidit subdiditque Regi *Burhredo*, qui gratias agens dimisit eum cum gaudio ad propria remeare. Eodem anno *Ethelwlfus* rex filium suum *Elfredum* cum magno nobilium militum agmine constipatum *Romam* transmisit. Quo tempore beatus papa *Leo* apostolicæ sedi præerat; qui præfatum infantem ordinans unxit in regem, & in filium adoptionis sibi accipiens confirmavit, & ad patriam atque ad patrem cum benedictione sancti *Petri* apostoli direxit. Ea tempestate *Alchere* Comes & *Wada* cum *Cantuariis* & *Suthrigiis* contra paganorum exercitum duriter pugnavit in insula quæ Saxonica lingua *Tened* dicitur, Britannico sermone *Ruim* appellatur. Primitus Christiani victoriam habuerunt, sed prolongato diu prælio ex utraque parte plurimi corruerunt, multique in flumine suffocati sunt & occisi, inedicibilis multitudo. Duces vero prædicti ambo ibidem occubuerunt pro

852.

853.

n. Dñi pro gentis suæ liberatione. *Ethelwlfus* rex gloriose potestatis ipso anno post festivitatem sanctæ resurrectionis Christi, filiam suam *Burhredo* regi *Merciorum* tradidit cum magna gloria, ut regibus mos est, in villa quæ dicitur *Et Cippanhama*, quo nuptiis peractis reginæ præcepit nominis dignitatem.

854. **A** Nno Dominicæ incarnationis DCCC. liv. *Wlfere* archiepiscopus pallium suscepit, & *Eardulf* suscepit episcopatum *Lindisfarnensem*.

855. **A** Nno DCCC. lv. natiuitatis præfati regis vij. paganorum exercitus tota hieme in insula *Scepipe* hiemauerunt. Quo tempore *Ethelwlfus* rex decimavit totum regni sui imperium pro redemptione animæ suæ & antecessorum suorum. Ipso vero anno cum magno honore ad limina principis apostolorum profectus est, habens secum *Elfredum*, eo quod illum magis diligeret quam ceteros. Susceptus est rex *Anglorum* ab apostolico viro decenter, quo moratus est anno integro orationibus & elemosinis insistens diligenter. Eo quoque ad patriam revertente, filio suo *Ethelbaldo* & *Scirburnensi Ealhafano* episcopo & plurimis aliis perosus erat. Vixit ergo *Ethelwlfus* rex clementissimus annis duobus postquam *Romuleas* adire sedes cepit. Qui inter alia præsentis vitæ bona & studia regalis operis, de suo transitu præmeditatus est, ne filii sui post obitum suæ vitæ disceperent, epistolam satis eleganti compositione composuit, quæ omnia quæ sui juris erant distribuit. Per omnem hereditatem suæ terræ semper in decem mensis unum pauperem aut indigenam vel peregrinum cibo & potu sive vestimento iussit adjuvari vel pasci, pro se & pro omnibus successoribus suis. *Romam* quoque pro redemptione animæ suæ trescentas manculas portari præcepit, centum ad limina sancti *Petri* specialiter ad emendum oleum, & centum ad honorem sancti *Pauli*, centum universali papæ apostolico. Defuncto igitur *Ethelwlf* rege gloriofo, filius ejus *Ethelbald* contra Jesu Christi interdictum & Christianorum traditionem, ac contra omnium Paganorum consuetudinem thorum patris sui ascendens, *Inditham Karoli Francorum* Regis filiam cum magna infamia in matrimonium duxit, effrænisque duobus & dimidio annis occidentalium *Saxonum* post nobilissimi patris sui obitum imperii gubernacula rexit.

860. **A** Nno DCCC. lx. natiuitatis *Elfredi* clitonis insignis xij. *Ethelbald* defunctus est atque in *Scireburna* sepultus. Quo ablato è seculo, *Ethelbyrht* ipsius frater has provincias suo regno adjunxit, hoc est *Cantiam* & *Suthrigam*, *Suthsexam* quoque cum omnibus villis & territoriis ut justum erat. In ipsius quoque regni statu magnus paganorum exercitus de mari adveniens *Wintoniam* civitatem hostiliter invadens depopulatus est. Exercitus vero prædictus cum reverteretur cum ingenti præda ad naves, *Osric* dignissimus dux *Hantunnesum* cum suis populis advenit, & *Ethelwlf* Comes insignis cum *Bearrocensibus* viriliter occurrit cum inmenso exercitu, confertoque prælio pagani passim trucidantur ab *Anglis* suffultis à spiritibus angelicis. Cumque diutius hostes dirissimi stare nequirent præ vulneribus, cadebat crudeliter per plurima multitudo, alii per latibula densarum verprium se abgentes, nonnulli muliebriter fugam arripientes. *Angli* vero loco funeris fortuna

arridente dominari sunt. *Ethelbyrht* itaque rex quinque annis regnum sibi commissum pacifice & amabiliter atque honorabiliter gubernavit, qui cum magno suorum principum, episcoporum omniumque populorum dolore viam universitatis adiit, relinquens terreni regni monarchiam alterius cepit esse particeps. Sepultus est igitur juxta fratrem suum in *Scireburnan*, quo expectat consolationem futuræ resurrectionis.

10

A Nno DCCC. lxiv. pagani hiemaverunt in insula quæ appellatur *Tened*, quæ circumdatur undique maris flumine. Qui firmum cum *Cantuariis* pepigerunt fœdus, quibus *Cantuarii* pecuniam pro fœdere servato reddere promiserunt. Interea tamen *Dani* vulpino more noctu clam castris erumpentes, fœdereque dirupto, & promissionem pecuniæ spernentes, paucis diebus extiterunt quieti. Sed ô nefas! totam orientalem plagam *Cantie* gentis depopulati sunt. Sciebant majorem pecuniam se furtiva præda quam pace adepturos, quod & factum est.

20

S Equenti vero anno, hoc est DCCC. lxvj. natiuitatis autem *Elfredi* xvij. *Ethelred* frater *Ethelbyrri* regis occidentalium *Saxonum* regni gubernacula suscepit. Eodem anno magna paganorum classis de *Danubia Britannia* fines introiit, & sic ad regnum orientalium *Anglorum*, quod *Saxonico* dicitur eloquio *Castengle* hiemavit, ibique ipse copiosus exercitus equestris factus est, equitantes & discurrentes hac illac, prædam diripientes enormem, non parcentes viris vel feminis vel viduis nec virginibus. His diebus *Elfredus* clito jugi meditatione cepit divinis imbui doctrinis, qui miro patris matricque amore supra omnes fratres suos ab ipsis diligebatur cunabulis. Crescente denique illo corpore in puerili ætate, forma cæteris suis fratribus decerior videbatur, vultuque insignis renitebat & verbis refulsit egregiis. Cervino quoque desiderio æstuebat sui cordis penitralia suffundi, & thalamum pectoris sacris literis imbui. Sed pro dolor! parentum ac nutritorum incuria illiteratus permansit usque ad duodecimum suæ ætatis annum. *Saxonica* quoque poemata gloriofus adolescens & futurus rex die noctuque discere studuit, eratque docilis, in arte venatoria industris, in omni peritia incomparabilis. Cum ergo quadam die ejus dignissima genitrix, sibi & fratribus suis quendam *Saxonico* poeticæ artis librum ostenderet, ait eis, Quisquis carissimi filii vestrum istum potuerit codicem citius discere, dabo ei ipsum. At ille divina inspiratione instinctus & pulchritudine principalis literæ exhilaratus, ita matri respondit. Verene, sic ait matri suæ, dabis? Ad hæc illa arridens & gaudens atque affirmans, Dabo, inquit, dabo. Mox autem tulit librum de manu suæ genitricis, magistrum adiit, libellum ostendit, & legit præceptore ostendente. Post spatium non longi temporis venit ante præsentiam dilectæ matris, librumque memoriter recitavit. Ipsa vero grates inmensas reddit salvatoris gratiæ, agnoscens gratiam Dei esse in mente juvenis. Post hæc inflammatus divini amoris desiderio psalmos plurimos cursumque diurnum, id est celebrationes horarum, didicit ipse devotus, quos in uno volumine congregatos die noctuque in sinu suo inseparabiliter portabat. O felix hominum genus! ô rex prudens! gestas gestantem, sapientiæ claves vehis; sapientiam

60

An. Dñi ciam diligis, sapiens eris, faciens iudicium & iustitiam in terris. O clerici, attendite & videte regem in sinu libri deferre die noctuque; vos vero nec legem Dei scitis nec scire vultis. Præcipue idem, rex factus, lugebat filium suum, id est animum, quod liberalibus non fuerat artibus instructus.

867. **A**Nno DCCC. lxxvij. nativitatē *Elfredi* Regis xix. prædictus paganorum exercitus de orientalibus *Anglis* ad *Eboracum* Civitatem migravit, quæ in aëquilonali ripa *Humbrensis* fluminis sita est. Eodem tempore maxima inter *Northanhymbrorum* populos discordia erat succensa, & apte, quia qui odium diligit odium inveniet. His diebus *Northanhymbrorum* gens legitimam suæ gentis regem, *Osbyrht* vocitatum onomate, de regno hostiliter expulerunt, & tyrannum quendam nomine *Alla* super apicem regni constituerunt; venientibus super regnum paganis, consilio divino & optimatum adminiculo discordia illa sedata est. Rex vero *Osbyrht* & *Alla* adunatis viribus congregatoque exercitu *Eboracum* adeunt opidum: Quibus advenientibus classica multitudo confestim fugam arripiunt; quorum fugam & pavorem Christiani cementes, fortiores ipsis inventi sunt. Pugnatum est satis crudeliter ex utraque parte, quo ambo reges occubuerunt. Reliqui vero qui evaserunt, pacem cum *Danis* pepigerunt. Ipso autem anno *Ealhstan Scireburnensis* ecclesiæ episcopus viam & vitam deseruit temporalis seculi, postquam episcopatum per annos quinquaginta honorabiliter rexerat, qui in pace ecclesiæ requiescit, sepultus decenter in sede sui episcopatus.

868. **A**Nno DCCC. lxxvij. *Elfredi* regis xx. uxorem accepit de *Mercia*, nobilem scilicet genere, filiam *Ethelredi Gainorum* Comitum qui cognominabatur ab *Anglis* *Mucel*, eo quod erat corpore magnus & prudentia grandævus. Ea tempestate prædictus paganorum exercitus *Northanhymbrorum* reliquit, *Snotingaham* pessimo adventu visitavit & adiit, quæ civitas *Britannico* sermone *Tignocebanc* interpretatur. Latina interpretatione speluncarum domus dicitur. Quo in loco hospites insidiosi eodem anno hiemare, quorum adventus omnibus populis satis erat ingratus. Audiens autem eorum adventum armipotens rex *Merciorum* *Burbred* appellatus, & omnes optimates, consilium habuit cum suis comitibus & commilitonibus & omni populo sibi subiecto, qualiter inimicos bellica virtute exuperaret sive de regno expelleret. Direxit & nuncios veloci cursu ad *Elfredum* insignissimæ virtutis virum, & ad *Ethelredum* fratrem ejus, ut ei fraternum ostenderent adminiculum quo possent victrici fortitudine eos debellare. Quod ipsi quasi intrepidi leones agere non distulerunt. Tunc incitus *Elfredus* rapidis cæpit præceptis exercitum congregare, illud corde tenus recordans. *Nunquam dives agit qui trepidus gemens sese credit egentem*. Nequaquam potens vir agit quod desiderat qui trepidus constat, & qui se putat egentem, id est miserum, si agit quod optat viriliter decertando. Frater ejus simili succensus furore usque ad *Snotingaham* perveniunt parati adversus temptamina stare. Pagani vero munitione arcis muniti bellum promittunt, acies strunt, numerosum exercitum ostendunt, sed tremebundi clavis cernentes visibus Christianum populum

in centenis & millenis millibus adversariis resistere sacris ducibus exhortantibus. Tandem per gratiam omnipotentis Domini cessavit ventus turbinis, sedata sunt corda iniquorum, pacem rogantes & fœdus à Christianis, ac si ipsi tali propitio Christo mente exorarent.

*Rapidos Rector comprime fluctus,
Et quo cælum regis immensum
Firma stabiles fœdere terras.*

10 Facta est inter Reges & paganos pax, & segregati ab invicem, sicut oves ab hædis sequestrantur.

ANno DCCC. lxxix. ætatis vero *Elfredi* xxj. præfatus exercitus rursus ad gentem *Northanhymbrorum* profectus est, ibique anno integro permanfit debacchans & insaniens, occidens & perdens per plurimos viros ac mulieres.

20 **S**equenti vero anno dum Solis jubar mundi perlustret orbis & annus advenisset DCCC. lxx. ab incarnatione Domini, tunc refulsit tempus quo *Elfred* rex vicefimū primum habuit annum *Danorum* vero enormis multitudo, & ut ita dicam, legionum catervæ congregatæ sunt, ita ut multa viderentur milia affore, & sicut de mille in xx. miriadas excrevisent. Pervenit dehinc per *Merciam* in orientales *Anglos*, & in civitate quæ dicitur *Theodford*, intrepidus hiemavit. Rex autem *Eadmundus* ipsis temporibus regnavit super omnia regna orientalium *Anglorum*, vir sanctus & justus, sicut finis ejus sanctissimæ vitæ probavit eventus. Eodem vero anno rex prædictus contra ipsum exercitum atrociter & viriliter cum suis pugnavit. Sed quia misericors Deus cum præcivit per martyrii coronam ad cælestis gloriæ coronam pervenire, ibidem gloriose occubuit. De cujus passionis honore liber aliqua historiæ nostræ inserere, ut sciant & agnoscant filii hominum quam terribilis est *Christus* filius Dei in consiliis hominum, & quam glorioso triumpho exornat quos hic passionis titulo excruciat, ut illud impleatur, *Non coronatur quis nisi legitime certaverit*. Rex autem *Eadmundus* imperium orientalium *Anglorum* suscepit devotus, quod & tenuit dextra forti potentis, Deum omnipotentem semper adorans ac glorificans pro omnibus bonis suis quibus usus fuerat. Eodem anno quo rex & martyr insignis per coronam martyrii supernæ felicitatis gaudia subiit, *Ceolnoth* archiepiscopus *Doroberniæ* civitatis viam veritatis adiit, qui in eadem civitate est sepultus à clericis.

871 **A**Nno Dominicæ incarnationis DCCC. lxxj. nativitatē *Elfredi* gloriosi regis *Saxonum* xxij. exolæ memoriæ paganorum exercitus orientales *Anglos* deseruit, qui regnum occidentalium *Saxonum* adiit, veniens ad villam regiam quæ dicitur *Et Reddingum* in meridianam, *Tamensis* fluminis ripam, in illa plaga quæ nuncupatur ab incolis ipsius patriæ *Beartroc scire*. Tertio vero die quo ibi advenit inimici *Anglorum* comites eorum cum magna multitudo in parte illius fluminis equitaverunt, prædamque immensæ multitudinis acceperunt. Quidam autem ex ipsis vallum inter *Tamense* & *Kennetan* flumina facere studuerunt; sed consilium eorum & opus *Danorum* dissipatum est per auxilium *Anglorum*, ut impleretur in eis illud scolasticum;

Quam-

An. Dni

*Quamvis se Tyrio superbit ostro,
Comet & niveis [caput] lapillis,
Invisus tamen omnibus pollet.*

Et aliud:

*Quis illos igitur putet beatos,
Quos miseri tribuunt honores?*

Cumque perversi raptores viriliter operibus defu-
darent, advenit protinus *Ethelwlf Bearrocensis* re-
gionis incliti vigoris dux cum suis agminibus cen-
turiatus, & trilevis toracis circumdatus. Cernens
autem multitudinem barbarorum princeps Christiano-
rum populorum, dixit suis, *Horum numerosus
est exercitus, sed tamen est spernendus. Qui si
aliquando contra nos aciem struens valentior incu-
buerit, noster quidem dux, qui Christus est, fortior
illis est.* Obviant denique Christiani Danis con-
fidentes in tuitione Christi nominis, dux præfatus
suos hortatur præcipue ut resisterent adversariis,
constitutus cum suis inclitis legionibus in loco qui
appellatur *Englasele*. Ubi dimicatum est satis
atroci bello, quo ex utraque parte ceciderunt vul-
nerati multi & occubuerunt. Occubuit ibidem
quidam princeps *Danorum* cum magna multitudine
sui exercitus; cæteris fuga elapsis, Christiani vi-
ctoriæ palmam adepti sunt, & loco funeris do-
minati sunt.

His ita peractis, post, bis binis dierum curricu-
lis expletis rex præpotens *Ethelredus* ac frater ejus
Elfred adunatis exercitibus copiosis, ut regum est
potestas & virtus, ad *Readingum* venerunt, deside-
rantes aut gloriose vivere in regno, aut in bello oc-
cumbere pro Christo. Cumque armipotens rex
Ethelred cum fratre dilectissimo ad portam arcis
pervenissent, cædendo & prosternendo hostes ante
& retro, pagani econtra cædebant hostica rabie
resistentes. Sed heu pro dolor! victoriam eo die
inimici *Anglorum* assumebant, *Ethelwlfus* quoque
Bearrocensis qui prius ut leo fremuit in bello, tunc
cum cæteris fidelibus occubuit in Christo. Quo
dolore & verecundia *Anglorum* populus commotus,
auxilium implorabant angelorum, ut eis dignaren-
tur impendere adminiculum divini adjutorii. Ite-
rum enimvero post quatuor dies contra præfatos ini-
micos exercitum commovent, arma arripiunt, sta-
tuunt legiones in loco qui dicitur *Ettesdun*, quod
Latine *mons fraxini* potest reverenter interpretari.
Ibi autem totis viribus & plena voluntate ad præ-
lium prodeunt viri famosi ad bella fortissimi. *Dani*
quoque ut sunt astuti in duas se turmas dividen-
tes viriliter pugnare cum suis. Habebant & ipsi du-
os reges multosque duces, qui cauta ratione uten-
tes, mediam partem exercitus duobus regi-
bus concedebant, dimidiam vero omnibus du-
cibus. Quod *Angli* cernentes constituunt & ipsi
duas turmas, & construunt machinas & machina-
thorum propugnacula. *Elfred* autem rex promptis-
sime cum suis legionibus procedit ad bellum, sciens
proculdubio non in multitudine hominum affore
victoriam, sed Dei in miseratione & misericordia.
Rex quoque *Ethelred* in tentorio erat in oratione
constitutus, missam & quæ Dei sunt sollicitè audi-
endo. Quæ sancta mysteria regi & Christiano
populo multum proficiebant, uti in sequentibus
ostendetur.

Decreverant ergo Christiani populi & *Angli*
devotissime audacter committere contra inimicos
bellum, & ut *Ethelred* rex fortissimus principum

contra legiones dimicaret cum suis miriadis, unus vi-
delicet rex *Anglorum* contra duos *Danorum*. *Elfred*
vero rex cum suis ducibus & commilitonibus, sa-
trapas & populis debuit contra omnes paganorum
duces belli sortem sumere, ut decretum est. Qui-
bus res publica utrique regibus & populis sat satis
bene complacuit. Quibus ita firmiter ab utraque
parte dispositis, cum rex *Ethelred* in oratione diu-
tius moraretur, & pagani parati ad locum diri-
certaminis citius advenissent, *Elfred* tunc secundus
in regno non potuit hostiles diutius acies sufferre,
nisi eos aut bello superaret aut morte. Repente vero
consternatus animo irruit super aggregatas multi-
tudines *Danorum* cum factis agminibus *Anglorum*:
venit autem rex præcinctus armis & orationibus,
qui intuitus exercitum fratris satis eleganter esse
ordinatum, quasi *Judas* bellicosus processit ad bel-
lum. Dimicatum est virili intentione ab utrisque
partibus, quo in loco ceciderunt quinquageni &
centeni necnon milleni. Qui pro patriis legibus
& patria ceciderunt, perducti sunt, ut credi libet,
ad patriam æternæ felicitatis. Alii vero ad eum
perducti sunt, de quo dictum est, *Ipse est caput
omnis injustitiae*. Reges autem non solum verbis
populum constantem hortabantur, verumetiam ar-
mis hostes bellica virtute prosternebant. Tandem
Dani videntes suorum corruisse sociorum agmina,
turbati sunt, admirati sunt, commoti sunt, timor-
que immensus apprehendit eos. Erant enim divino
perculsi *Dani* timore infra cordis cubicula, impetus
Anglorum diutius non ferentes in ipso concilio.
Qui opprobriosam arripientes fugam, laxatis gla-
diis dextras dederunt, pacemque petierunt. Ex-
tendentes reges gladios vix sedaverunt populum
bellicantem. Fugerunt hac illac ignobile vulgus,
quos per totius diei horas *Angligenus* persecutus est
populus. Multa milia prostrata sunt in illa die;
quorum interitum pii reges cernentes, gloriam di-
xerunt Deo inmensam qui eis talem ipso die con-
tulit victoriæ palmam. Cecidit quoque ibi *Berg-
segg* rex & hii duces cum eo, dux *Sidroc* vetera-
nus comes, de quo illud aptatur, *Inveterate die-
rum malorum*. Corruit ibidem dux *Sidroc* junior
atque *Ostern* dux militiæ, duxque *Frana*, duxque
Harald cum suis agminibus; qui latam & spacio-
sam viam arripientes descendunt in profundum
laci. Viam disciplinæ nescierunt, nec intellexerunt
semitas ejus, à facie illorum longe facta est.

Bello peracto glorioso, reges & omnis populus
immenso repletus est tripudio, videntes *Danorum*
fugam & *Anglorum* constantiam. Post quatuor-
decim dierum excursus, rex *Ethelred* præstantissi-
mus ignorans annum jubilei habere remissionem,
adjutus fidelissimo auxilio fratris sui coadunavit ex-
ercitum, congregavit spolia, divisitque arma & do-
na perplurima suis commilitonibus. Sciebant pro-
certo ipsi principes populorum beatas fore res
publicas, si eas vel studiosi sapientiæ regerent, vel
si earum rectores studere sapientiæ contigisset. Con-
gregati sunt rursus ad bellum *Angli* atque *Dani*,
quibus cum durissimum esset illatum robur, pagani
victoriam prope assumpserunt. Eodem vero anno
rex *Ethelred* plenus ætate & perfectus in bonitate,
post perpetrationem insignium bellorum futuræ vi-
tæ & perpetui regni felicitatem cœpit videre cum
rege seculorum in terra viventium. Subtracto ab
hoc seculo rege prædicto, mox *Elfredus* à ducibus

An. Dni

An.Dñi & à præfulibus totius gentis eligitur, & non solum ab ipsis verum etiam ab omni populo adoratur ut eis præesset ad faciendam vindictam in nationibus, increpationes in populis. Adepto regni gubernaculo totius gentis semper bellicosus refulsit, & victor in omnibus bellis, fortuna arridente Christo-que faciente. Rebellovit contra eum prædictus exercitus satis acerrime, qui *Anglorum* intuentes austeritatem, & suam cognoscentes inbecillitatem, terga in fugam verterunt. Sed pro dolor! per audacitatem persequentium reversi rursus ad prælium sunt provocati, capientes victoriæ munus, & loco funeris sunt dominati. Ipso quoque anno *Saxones* cum iisdem paganis pacis concordiam pepigerunt, ea ratione ut ab eis discederent.

872. **A**Nno Dominicæ incarnationis DCCC. lxxij. nativitatibus *Elfredi* regis xxiiij. præfatus paganorum exercitus *Londoniam* adiit, ibique hiemavit, cum quo *Mercii* pacem pepigerunt.

873. **A**Nno DCCC. lxxij. nativitatibus autem *Elfredi* regis *Anglorum* xxiiij. sæpe memoratus exercitus *Londoniam* deserens ad *Northanhymbrorum* regionem profectus est, ibique hiemavit, cum quo iterum *Mercii* pacem pepigerunt.

874. **A**Nno Dominicæ incarnationis DCCC. lxxiiij. nativitatibus autem *Elfredi* regis *Anglorum* xxv. supra memoratus exercitus *Lindissem* provinciam deseruit, *Merciam* adiit, & in *Hripadun* hiemavit. *Burhredum* quoque *Merciorum* Regem de regno depulerunt, & ad *Romam* exire compulerunt xxij. regni sui anno. Qui postquam *Romam* adierat, non diu vixit seculo, quoniam pervenit ad eum qui est vera vita, sepultusque honorifice est in ecclesia sanctæ *Mariæ* genitricisque Domini nostri Jesu Christi semper virginis, expectans ejus adventum secundum, quando bonis iusta præmia largiter concedit, malis dira dispensat supplicia. *Dani* quoque post hujus expulsionem regnum *Merciorum* suo dominio subdiderunt. Commendaverunt illud cuidam militi ipsius gentis nomine *Ceolwifo*, ea ratione ut quando vellent, rursus absque dolo, absque malo haberent.

875. **A**Nno Dominicæ incarnationis DCCC. lxxv. nativitatibus autem *Elfredi* regis xxvj. prædictus exercitus *Repadun* deseruit, seseque in duas partes divisit. Una pars cum *Haldene* ad regionem *Northanhymbrorum* secessit, & eam vastavit, & hiemavit juxta flumen quod dicitur *Tyne*, & totam gentem suo dominatui subdidit, & *Pictos* atque *Strethuccenses* depopulati sunt. *Eardulfus* episcopus & abbas *Eadredus* de *Lindisfarnensi* insula corpus sancti *Cuthberti* tollentes per ix. annos ante faciem barbarorum de loco ad locum fugientes, cum illo thesauro discurrerunt. Altera quoque pars ipsius classis cum *Gutthrum*, & *Oscytel*, & *Amund* regibus paganorum, ad locum qui dicitur *Grantabzic* pervenit, ibique hiemavit. Rex vero *Elfred* navali prælio confortatus sex naves invenit in mari, cum quibus fortiter debellans, unam cepit, cæteri fugerunt timore perculsi.

876. **A**Nno Dominicæ incarnationis DCCC. lxxvj. nativitatibus autem *Elfredi* regis xxvij. præfatus exercitus nocte de *Grantabzic* exiens, castel-

lum quod dicitur *Werham* intravit. Quorum subitum adventum rex *Saxonum* prænosceus, factus cum eis pepigit, ea conditione ut ab ejus regno discederent, obsides accipiendo. Ipsi vero more solito obsides & juramenta non servantes, nocte quadam fœdere dirupto ad *Exancestriam* diverterunt, quod *Britannice* dicitur *Cairwisc*, Latine, *Civitas aquarum*.

10 **A**Nno Dominicæ incarnationis DCCC. lxxvij. 877. nativitatibus autem *Elfredi* xxvij. exercitus ipse nefandus *Exancester* dereliquit, *Cippanham* regiam villam adiit, ibique hiemavit. *Elfred* vero rex his diebus magnas sustinuit tribulationes & inquietam vitam agebat. Rex *Elfredus* aperto confortatus oraculo per sanctum *Cuthbertum*, contra *Danos* pugnavit, & quo ipse sanctus jusserrat tempore & loco, victoria potitus est, semperque deinceps hostibus terribilis & invincibilis erat, sanctumque *Cuthbertum* præcipue honori habuerat. Qualiter hostes vicerit paulo post hic legitur.

Eodem denique anno *Inguar* & *Healfilene* cum bis denis ac ternis navibus, de *Demetica* regione in qua hiemaverant egressi ut lupi feroces, post multas ibi Christianorum strages patratas, post combustiones cœnobiorum ad *Domnamiam* enavigaverunt, & ibi à regis ministris fortissimis cum mille ducentis viris occisi sunt ante arcem *Cynwith*, quia in eadem arce per plurimi regis famuli, ut dictum est, se concluderant causa refugii. Rex autem *Elfred* in Domino Deo confisus, cum paucis agminibus stipatus, fecit arcem in loco qui appellatur *Ethelingalge*, in quo habitans cum suis commilitonibus hostes frequenter infatigabiliter contrivit ab arce. Hoc egit tempore resurrectionis Domini nostri Jesu Christi; qui egressus ab arce, viribusque susceptis, post septem videlicet septimanis dierum & monade, hoc est quinquaginta diebus suppletis, venit ad petram *Ecgherti* quæ est in orientali parte saltus qui *Anglico* eloquio dicitur *Ducelparl*, Latine vero *magna silva*, *Britannico* more *Coismapur*. Ibi ergo obviaverunt regi dilectissimo omnes accolæ *Sumortunenses* ac *Wiltunenses*, necnon *Hantunenses*, visoque lætati sunt immenso cordis tripudio, quasi redivivum ipsum suscipientes. Post tertium vero diem venit cum immenso exercitu ad locum qui dicitur *Coderandun*, quo juxta immensas paganorum phalanges invenit paratas cum densa multitudo ad bellum. Exorto solis jubare limpidissimo, rex & omne decus suæ plebis induerunt se bellicis ornatis, scilicet trilici toraca fidei, spei, charitatisque Dei. Hii exurgentes à solo audacter provocabant in celebres ad bellum, de clementia conditoris sperantes securi ac vallo minuti astantis regis, cujus vultus ut angeli splendentis refulsit. Commiserunt ergo bellum per longa tempora diei utriusque populi, quorum voces & collisiones armorum per longa terrarum spatia audita sunt.

Cernens igitur speculator insignis desuper penetral sui terreni regis desiderium, concessit ei angelicæ potestatis iussufragium. Is denique potitus victoria hostes suos prostravit, gratias reddens summo salvatori cum cordis lætitia. Cumque ibidem rex cum suis legionibus arrideret, inimici qui remanserant ipsius magis ejulatibus deflerent

An.Dñi flerent ob famis & frigoris austeritatem atque tanti regis motem, rogant pacis clementiam qui eam semper impugnabant. Promittunt obsides, & iuramenta in dextris extendunt. Auscultans hæc omnia rex, suatim motus clementia concedit cuncta petita. Rex vero ipsorum *Guthrum* onomate, Christianum se velle fore testatus est: qui sub manu piissimi regis in baptismatis purgatione regaliter susceptus est. Tinctus est idem *Guthrum* baptisinate salutis cum aliis viris electis xxx. quem rex *Saxonum* in filium adoptionis accepit. Qui postquam baptizatus est duodenis noctibus cum ipso mansit in magna gloria, cui spiritualis pater multa & inedicabilia largitus est dona, ac omnibus qui Christianitatis fidem perceperunt.

879. **A**Nno Dominicæ incarnationis DCCC. lxxix. nativitatis *Elfredi* regis xxvij. prædictus paganorum exercitus de *Cippanham* ut promiserat consurgens *Cirencestre* adiit, quæ *Britannico* appellatur elogio *Cairceri*, ibique per unius anni curium mansit. Ipso quoque anno inmensus venit paganorum exercitus de ultramarinis climatibus in *Tamenfi* fluvio: qui adunatus est supradicto cuneo, complices effecti, quod pravorum est. Eclipsis inter nonam & vesperam facta est eodem anno.

880. **A**Nno Dominicæ incarnationis DCCC. lxxx. nativitatis autem *Elfredi* regis gloriosi xxix. sæpe memoratus paganorum exercitus à *Cirencestre* egressus ad orientales accessit *Anglos*; ipsamque regionem dividentes inhabitare ceperunt. Paganus qui in *Fulanham* hiemaverant, *Britannicam* deseruerunt insulam, *Franciam*que visitare ceperunt pessima agnitione, quo uno anno permanserunt.

881. **A**Nno Dominicæ incarnationis DCCC. lxxxj. nativitatis autem *Elfredi* regis xxx. præfatus exercitus equis ascensis in *Francorum* finibus devenit, quod mirabile videri potest quod insubiles hostes contra tam fortem bellicosumque populum auderent insurgere. At tunc feroces *Franci* invicta fortitudine à castellis, & opidis, & civitatibus atque turribus viriliter progredientes, more leonum succensi sunt ira, videntes nefarias sceleratorum potestates emergere, gaudio lætitiæque exultare malos, jacere bonos terrore prostratos, innocuos flere, nocentes exultare. Inito consilio prudenti audaces *Franci* bellum iniere durissimum cum paganis. Finito prælio *Franci* cum triumpho reversi sunt. Paganus equis acquisitis hac illac equitabant. His diebus plurima in eadem gente monasteria concussa sunt ac desolata. Nam & fratres cœnobii sanctissimi *Benedicti*, ipsius reliquias à tumultu quo locata fuerant immensa pulchritudine secum auferentes, hac illac discurrebant.

882. **A**Nno Dominicæ incarnationis DCCC. lxxxij. nativitatis autem *Elfredi* gloriosi regis xxxj. paganorum exercitus suas naves per flumen quod dicitur *Wese* in *Francigena* gentis regionem pertraxit, & ibi hiemavit uno anno. Eodem denique anno, *Elfred* rex *Saxonum* audacissimus ducum navali prælio suffultus, contra paganicas naves in mari congressus est. Ex quibus ipse equilocus duas potenti virtute naves exuperavit, occisis omnibus qui in eis erant. His exuperatis principum principes

grates reddidit dignas sospitatis auctori. Quid deinde gestum sit referre libet. Principes duarum navium post hæc cum omnibus sociis valde vulneravit, qui depositis enerviter armis, curvis poplitibus precibusque supplicibus dedere se regi magno, quamdiu scintillula vitalis caloris eis arderet.

SEquenti anno, hoc est, DCCC. lxxxij. nativitatibus vero *Elfredi* famosissimi regis xxxij. ipse nec nominandus exercitus naves suas per flumen quod appellatur *Scald* pertraxit, ibique uno mansit anno. *Guthred* ex servo factus est rex, & sedes episcopalis in *Cunkecestra* restauratur.

ANno Dominicæ incarnationis DCCC. lxxxij. nativitatis denique *Elfredi* famosissimi regis xxxij. indigens exercitus in duas se turmas segregavit. Una quidem in orientalem *Franciam* perrexerit, altera ad *Britanniam* veniens *Cantiam* adiit quæ *Rosecestrer* dicitur. Ante hujus portam castellum pagani fecerunt, nec tamen civitatem expugnare potuerunt, quia cives illius civitatis se viriliter defenderunt; quoadusque defensor totius regni *Elfred* rex cum magno exercitu supervenit. Adveniente subito rege, ad naves suas *Dani* confestim confugiunt concussi terrore, relicta sua arce & equis quos de *Francia* secum adduxerant, necnon captivis quos de *Francia* de eadem gente ceperant. Eodem tempore & anno ipse annipotentis rex classem suam de *Cantia* plenam bellatoribus in orientales direxit *Anglos*. Cumque ad hostium *Sture* fluminis adveniret, confestim tredecim naves paratæ ad bellum paganorum obviaverunt eis, qui hinc inde acriter pugnantes, pagani omnes occisi, omnesque naves cum omni pecunia eorum captæ sunt. Qui autem fugere poterant ex *Danis*, catervatim congregavere undique naves, conseroque navali prælio cum *Anglis* ubi dormiebant sompno inerti, occisi sunt, inermis multitudo: quibus illud aptatur congruenter quod legitur, *Multæ clamant visus cum aspicere deberent*.

Ipso nempe anno magnus exercitus paganorum de *Germania* in regionem antiquorum *Saxonum* supervenit, contra quos adunatis undique bellicis viris, id est, *Saxones* atque *Frixones* viriliter atque fortiter pugnare, in quibus duobus bellis Christiani populi divinæ pietatis elementia concedente victoriam habuere.

Ea tempestate sanctissimæ memoriæ præsul *Marrinus* universitatis viam attripuit transmittendo spiritum unde prius venerat. Is denique scholam *Saxonum* in *Romana* urbe pro amoris affectu benignissimi regis *Elfredi* constituit ab omni tributo [liberam] qui etiam multa dona ipsi transmisit, inter quæ dedit illi partem sanctissimæ crucis in qua Dominus noster *Iesus Christus* pro universali hominum salute pependit. Nati sunt ergo regi filii & filia satis perspicui ac decore formæ, quorum quarumque nomina hic sunt descripta. *Eadward* & *Ethelward*, *Ethelred* & *Ethelgifu*, atque *Elfhrid*. *Eadward* vero filius regis, & *Ealsthrid* soror ejus, semper in curia regis cum magna nutritorum atque nutricum diligentia sunt nutriti. Nam & psalmos, & *Saxonicos* libros & carmina studiose didicere. *Ethelward* itaque junior filius ejus ludis literariæ disciplinæ subditus emicuit cum plurimis militum præcibus, nobilibus scilicet & ignobilibus. *Ethelred* loror

An.Dñi

883.

884.

An.Dñi foror eorum *Eadredo Merciorum* principi in matrimonio copulata est; foror quoque ipsorum *Ethelgyfa* monasticæ vitæ ferulis subjuncta est. Hiis temporibus fideliter glorioseque regimine rexit ecclesiam Christi *Plegmundus* archiepiscopus, qui venerandus vir sapientiæ fructibus renidebat, præditus bis binis columpnis, justitiæ videlicet, prudentiæ, temperantiæ, fortitudinis. *Warfridus* vero regni sceptrum *Wigornensis* civitatulæ eodem tempore purpurabat devotissimo cordis ingenio. Qui imperio regis jussus atque expetitus librum dialogorum *Gregorii* in *Saxonicam* linguam evertit, aliquando sensum ex sensu elegantissime interpretatus est. *Ethelstanum* quoque & *Wernulfum* sacerdotes insignes de *Mercia* ad se invitarat, eo quod hi præstantius atque perfusius in divinæ legis eruditione pollebant: Hos præcipuo amoris honore dilexit, honoravit; quorum doctrina & eruditione magnificatus est rex pacificus super omnes reges terræ.

886.

Anno Dominicæ incarnationis DCCC.lxxxvj. nativitatibus vero *Elfredi* regis gloriosi xxxv. nec nominandus exercitus *Danorum* iterum in occidentaliū *Francorum* regionem venit, qui applicuerunt in flumine quod *Sigene* dicitur. *Parisum* quoque civitatem adiit ibique hiemavit: transitum pontis civibus prohibuit. Sed Deo adminiculum veri auxilii concedente, & civibus viriliter se protegentibus munitionem irrumpere non potuit. Eodem tempore rex *Anglorum* post incendia urbium stragesque populorum, *Londoniam* permaximam civitatem honorifice restauravit & habitabilem fecit, quam *Ethelredo* præcipuo duci *Merciorum* commendavit servandam. Omnes vero *Angli* & *Saxones* qui prius ubi ubi erant dispersi cum paganis aut à captivitate liberati venerunt sponte ad regis præsentiam, sponte se suo Domino inclinantes. Ipse autem ut erat clementissimæ mentis cunctis indulgit patrociniū suæ benignitatis.

887.

Anno Dominicæ incarnationis DCCC.lxxxvij. nativitatibus autem *Elfredi* incliti regis xxxvj. supradictus exercitus *Parisum* civitatem relinquens venit ad *Sigene*, deinde ad hostium fluminis quod *Materre* nominatur, exhinc ad locum qui *Cazendest* villa regia pervenerunt: in quo loco hiemaverunt integro anno. Sequenti vero sane anno in hostio fluminis quod appellatur *zona* intraverunt, non sine magno regionis dampno, & illic morati sunt uno anno. Ipso denique tempore *Elfredus* rex *Saxonum* divino instinctus munere legere & interpretari sacros apices potuit. Erat itaque multis tribulationibus hujus mundi afflictus, quamvis in regia foret potestate constitutus. Nam etiam de *Ferrosolima* à *Bel* patriarcha epistolas & dona illi diversa directæ vidimus & legimus. Qualiter dilatavit regni sui imperia, & renovavit urbium mœnia, atque civitatum munitiones roboravit quæ erant dirutæ, & quæ non erant fecit, quis urbana facundia suffultus possit labiis exultationis edicere? Sancta quoque loca qualiter ditavit ornamentis & regalibus donis quis enunciet? Perturbatus erat frequenter animo contra principes & pentecomarchos & omne genus perversorum, quoniam ipsi noluerunt eum sequi in studiis quibus ipse desudabat. Sed tamen ille solus divino suffultus amminiculo, regni gubernacula velut præcipuus gubernator na-

vim suam, hoc est, vitam suæ gloriose mentis ad portum pacifici paradisi studuit transferre. Solebat frequenti memoria hoc retinere quod canitur,

*Quisquis volet perhennem
Cantus ponere sedem,
Stabilisque nec sonori
Sterni statibus Euræ.*

Et infra:

*Quam tenet ruinis hujus seculi status,
Miscens æquora ventus.
Tu conditus quieti,
Felix robore valli,
Duces serenæ ævum,
Ridens ætheris iras.*

Hæc spiritali indagine secum rex piissimæ mentis revolvens, inedicibilibus bonitatum fructuum actibus redolebat. Diebus solempnibus festis quanta munera suis episcopis & ducibus atque militibus contulit, quis enarret? Tunc pauperes jubilando exultabant; tunc orphani & viduæ nimio gaudio cordis applaudebant. Noverat illud scolastici. *Tunc est preciosa pecunia cum translata fuerit in alios; largiendi usu desinit possideri.* Cœpit denique assidue non solum episcopos æthereâ claritate nitentes admonere, ut populi delicta corrigerent, & vulgarem stultitiam castigando acrius cohercerent: & non solum pastores admonuit populorum, verum etiam ducibus & dilectissimis ministris præcepit, ut semet ipsos ad communem totius regni utilitatem sapientissime suppeditarent.

Fecerat idem rex monasterium præpulchrum in loco qui dicitur *Ethelingage*, [cui] vicina occidentali limite arx munitissima præfati regis imperio & operatione confita est. In quo cœnobio diversi generis monachos undique congregavit, & in eodem loco collocavit. Aliud quoque constituit monasterium juxta orientalem portam civitatis quæ *Scettesburg* appellatur, satis habitationi sanctimonialium habile, in quo filiam suam *Ethelgyfam* devotam Deo virginem abbatissam constituit. Tanta enim dona & possessiones ambobus concessit monasteriis, ut sufficeret eis ad victum & ad vestitum quamdiu vita comes afforet.

His quæ supra retulimus pleniter firmiterque peractis, sæpe nominatus rex *Elfredus* solito suo more intra suæ mentis thalamum cœpit sagaci ingenio pertractare, & pertractando ruminare illud quod in divinis scriptum est literis. Si, inquit, recte offeras, & recte non divides, peccasti. Et illud medullitus est præmeditatus quod ait *Salomon* sapientissimus regum: *Cor sane regis in manu Domini est omnipotentis.* Censum quoque suum trifarie divisit, ita ut istic liber prædiculari. Primæ partis sectionem sui census, bellatoribus annualiter largitus est. Secundam, operatoribus quos ex multis gentibus aggregaverat. Tertiam, advenis undique ad se venientibus; sciens illud corde tenus, *Hilarem datorem diligit Deus.* Erat enim vero in multis & in multifariis tribulationum stimulis constitutus quamvis in regia esset potestate subtronizatus.

Anno Dominicæ incarnationis DCCC.lxxxvij. *Becca* princeps *Romam* detulit elemosynam regis *Elfredi*. Illo itinere obiit *Ethelswith* soror ejusdem regis, & sepulta est in *Pavia*.

An. Dñi

890. **A** Nno DCCC. xc. *Beornhelm* abbas elemosinam Regis *Elfredi* & occidentalium Saxonum Romanam pertulit. Eodem anno *Guthrum* rex Northanhymbrorum obiit. Hunc, sicut superius legitur, rex *Elfredus* elevavit de baptismate, & vocavit eum *Ethelstan*. Quo anno præfatus exercitus à *Sigene* perrexit *Sanlandan* quod est situm inter *Britanniam* & *Galliam*. Sed à *Brittonibus* in fugam versi, plures in amne proximo submersi sunt.

891. **A** Nno DCCC. xcj. *Heathured* suscepit episcopatum.

892. **A** Nno DCCC. xcij. *Eboracensis* episcopus *Wlfhere* obiit anno sui archiepiscopatus xxxix.

893. **A** Nno DCCC. xcij. orientales Saxones & Northumbrenses obsides dederunt, & juraverunt Regi *Elfredo* fidelitatem contra prædictos paganos qui jam in *Angliam* reversi fuerant.

894. **A** Nno DCCC. xciv. exercitus prædictus qui obsedit *Grancestre* vastavit omnia circa *Cisfacestre*. Sed non multo post ab his qui erant in civitate in fugam versi sunt, multi occisi & multæ ex navibus eorum captæ. Hoc anno *Guthred* Rex obiit.

899. **A** Nno DCCC. xcix. *Elfredus* rex obiit cum regnasset annis xxvij. cui filius *Edwardus* successit, diligenter à patre admonitus ut præcipue sanctum *Cuthbertum* honoraret. *Eardulfus* quoque episcopus in *Cunrecestre* obiit, quo corpus sancti *Cuthberti* transfulerat, cum quo per ix. annos ante paganorum exercitum multo cum labore & penuria de loco ad locum fugerat. Huic *Cuthbertus* in episcopatum successit.

900. **A** Nno DCCCC. *Ethelbald* ordinatus est in episcopatum *Eboracensis* ecclesiæ.

901. **A** Nno DCCCC. j. *Osbrith* regno pulsus est.

902. **A** Nno DCCCC. ij. *Brehtsig* occisus est.

906. **A** Nno DCCCC. vj. Rex *Edwardus* necessitate compulsus pacem firmavit cum orientalibus *Anglis* & *Northanhymbrensis*.

910. **A** Nno DCCCC. x. *Angli* & *Dani* pugnaverunt apud *Teontanbole*. Rex *Edwardus* *Londoniam* & *Oxnaforda* & quæ ad eam pertinent suscepit, quo anno multa piratarum manus circa *Sabrinam* flumen crudeliter vastando grassata est, sed ibi citius tota pene interiit.

912. **A** Nno DCCCC. xij. *Reingwald* rex & *Otercomes* & *Osvald* *Cracabam* irruerunt & vastaverunt *Dunblin*.

914. **A** Nno DCCCC. xiv. *Niel* rex occisus est à fratre *Sihtrico*.

919. **A** Nno DCCCC. xix. Rex *Ingnald* irrupit *Eboracum*.

An. Dñi

A Nno DCCCC. xx. Rex *Sihtricus* infregit *Devennport*. 920.

A Nno DCCCC. xxij. *Edwardus* rex mortuus est, relinquens imperium filio suo *Ethelstano*. 923.

A Nno DCCCC. xxv. *Wigredus* episcopus consecratur ad episcopatum sancti *Cuthberti*. 925.

A Nno DCCCC. xxvij. *Ethelstanus* rex de regno *Brittonum* *Gudfridum* regem fugavit. 927.

A Nno DCCCC. xxxij. Rex *Ethelstanus* iussit *Eadwinum* fratrem suum submergi in mare. 933.

A Nno DCCCC. xxxiv. Rex *Ethelstanus* cum multo exercitu *Scotiam* tendens, ad sepulcrum sancti *Cuthberti* venit, illius patrocinio se suumque iter commendavit, multa ac diversa dona quæ regem decerent ei optulit & terras, æterno igni contradens cruciandos quicumque ei aliquid ex his subtraxerint. Deinde hostes subegit, *Scotiam* usque *Dunfoeder* & *Wertermorum* terrestri exercitu vastavit, navali vero usque *Catenes* depopulatus est. 934.

A Nno DCCCC. xxxvij. *Ethelstanus* rex, apud *Wendun* pugnavit, regemque *Onlafum* cum DC. & xv. navibus, *Constantinum* quoque regem *Scottorum*, & regem *Cumbrorum*, cum omni eorum multitudine in fugam vertit. 937.

A Nno DCCCC. xxxix. *Ethelstanus* rex obiit, cui frater suus *Edmundus* in regnum successit, quo anno rex *Onlaf* primo venit *Eboracum*, deinde ad austrum tendens, *Hamtonam* obsedit. Sed nichil ibi proficiens, vertit exercitum ad *Tamewoezde*, & vastatis omnibus per circuitum, dum rediens ad *Leagracestre* perveniret, occurrit ei rex *Edmundus* cum exercitu. Nec erat pugna difficilis, quoniam duo archiepiscopi *Odo* & *Wlstan* placatis alterutrum regibus pugnam sedaverant. Pace itaque facta, terminus utriusque regni erat *Wetlingastre*. *Edmundus* ad australem partem, *Onlaf* ad aquilonalem regnum tenuerunt. 939.

A Nno DCCCC. xlj. *Olilaf* vastata ecclesia sancti *Balteri* & incensa *Tiningaham*, mox periit. Unde *Eboracenses* *Lindisfarnensem* insulam depopulati sunt, & multos occiderunt. Filius vero *Sihtrici* nomine *Onlaf* regnavit super *Northanhymbrorum*. 941.

A Nno DCCCC. xliij. *Northumbri* regem suum *Onlaf* de regno expulerunt. 943.

A Nno DCCCC. xlv. *Edmundus* rex expulsus duobus regibus regnum optinuit *Northanhymbrorum*. 945.

A Nno DCCCC. xlvij. *Edmundus* rex occisus est & frater ejus *Edredus* regnum suscepit, cultor justitiæ & pietatis. Moxque *Northumbriam* circueiens totam possedit, sed post juratam ei fidelitatem *Northymbrenses* quendam *Dannum*, *Eirichum* præfaciunt regem. 948.

Anno

An. Dñi
950.

ANno DCCCC. i. *Eadredus* Rex vastata *Northymbria* cum jam rediret, *Northymbrenses* erumpentes extremos exercitus regis peremerunt. Statuit rex reducto exercitu provinciam penitus delere, sed indigenæ abjecto quem constituerant rege, *Eadredum* citius muneribus placarunt.

951. **A**Nno DCCCC. ij. *Orvel* rex *Brittonum* obiit.

952. **A**Nno DCCCC. liij. defecerunt hic reges *Northanhymbrorum*; & deinceps ipsa provincia administrata est per Comites.

953. **A**Nno DCCCC. liij. Comes *Osulf* suscepit comitatum *Northanhymbrorum*.

955. **A**Nno DCCCC. lv. *Eadredo* rege defuncto successit *Eadwinus* filius *Edmundi* qui ante eum regnavit.

956. **A**Nno DCCCC. lvj. Beatus *Dunstanus* abbas ab *Eadwino* expellitur.

957. **A**Nno DCCCC. lvij. Mortuo *Eadwino* frater ejus *Eadgarus* successit in regnum, qui magnæ devotionis extitit erga Dei cultum, ideoque in pace & honore servientibus sibi octo regibus regnum tenuit xvij. annis. Post quem filius ejus *Eadwardus* regnavit, qui dolo novercæ suæ interfectus *Scestonia* requiescit. Cui successit frater suus *Eshelredus* pater *Eadwardi* regis quem susceperat ex *Emma*.

Sequitur recapitulatio superiorum de rege *Elfredo*. Deinde successio regum per ordinem qui & qualiter ad regnum pervenerunt *Anglorum*, de historia *Willielmi Malmesburia*.

NON indecens opinor si quiddam quod regi *Eadgaro* divinitus ostensum est, stilo commendem. Venerat in saltum venationis feracem, utque fit plerumque, sociis ad insequendas feras per devia dispersis, solus remanserat. Itaque continuatione cursus ad egressum nemoris perveniens, constitit, sodales operiens. Nec mora, gravante nutantia lumina sompno pedes efficitur, ut transacti laborem diei temperaret modicæ quietis voluptas. Jacebat ergo sub mala silvatica stratus, ubi penduli per circum rami foliatam effecerant cameram. Lassitudine itaque suadente, rivus subter scatebris loquacibus fluens soporem invitabat, cum canis femina, cui cura ferarum vestigia insequi, pregnant & juxta pedes accubans, dormitantem exterruit. Namque matre tacente catuli alvo inclusi latratus mul-
tiformes & sonoros reddidere, quodam nimirum sui carceris gaudio incitati. Hoc monstro attonitus, dum ad cacumen arboris oculos intendit, videt poma unum & alterum delapsa in fluvium. Quorum collisione bullis aquatilibus inter se crispantibus, vox articulata insonuit *Wel his the*, id est, bene est tibi. Nec multo post, undarum voluminibus agentibus, urceolus super aqua apparuit, & post urceolum urceus exundans aqua. Nam alter vacuus. Et quamvis crebro gurgitis impulsu major minorem urgeret, ut scilicet aquas suas in illum infunderet,

nunquam tamen optinere potuit quin urceolus vacuus recederet, iterumque quasi superbo gestu victor urceum impeteret. Domum itaque regressus, ut dicit psalmista, exercebatur & scopebat spiritum suum. Sed convenit eum mater ut serenaret frontem & animum, sibi studio futurum ut à parte Domini qui nosset ænigmata inspiratione sua patefacere. Quo ammonitu, retulit ille mœsticiam, & solvit in oria curas, conscius maternæ sanctitatis cui soleret Deus multa revelare. Erat ea vocabulo *Elfgisa* bonis operibus intenta, pietate & dulcedine prædita, ut etiam reos quos tristis sententia Judicium palam dampnaverant ipsa occulte redimeret. Preciolus amictus qui plerisque mulieribus est leno solvendi pudoris, illi erat suppellex munificentia, ut quamlibet operosam vestem conspecto statim largiretur pauperi. Speciem corporis & artificium manuum in ea quoque livor laudaret, cum nichil reprehendere posset. Hæc igitur intimis medullis vaticinium combibens postero mane filio dixit. Latratus catulorum quem matre quiescente dedere, significat, quod post obitum tuum quiescentibus illis qui modo valent & vivunt, nondum nati nebulones contra Dei latrabunt ecclesiam. Sane quod unum pomum secutum est alterum, ita ut ex collisione secundi in prius videretur vox sonuisse *Wel his the*, hoc innuit, quod ex te, qui modo arbor es totam inumbrans *Angliam*, duo procedent filii, fautores secundi extinguunt primum. Tunc diversæ partis incentores dicent pueris utrisque *Wel his the*, quia mortuus regnabit in cælo, vivus in sæculo. Jam vero quod urceus major minorem implere non poterat, hoc designat, quod gentes aquilonales quæ numerosiores sunt quam *Angli*, *Angliam* post mortem tuam impetent. Et quamvis crebro compatriotarum adventu ruinas suas suppleant, nunquam hunc angulum mundi poterunt implere, quin potius *Angli* nostri cum maxime victi videbuntur, eas expellent, eritque sub suo & Dei arbitrio usque ad præfinitum tempus à Christo. Hujus vaticinii veritatem lectio posterior patefaciet. Considerari ergo debet parentis & prolis indubitata sanctitas, quod alter viderit ænigma vigilans sine obstaculo, & altera solverit problema de longe porrecto prophetiæ oculo.

Viderat quondam sompni revelatione seculi illius felicitatem *Brihtwaldus Wiltunensis* episcopus, viderat & annuntiaverat. Nam dum tempore Regis *Cnutonis* cœlestibus apud *Glestoneam* lucubraret excubiis, subissetque illum cogitatio, quæ frequenter angebat, de regia stirpe *Anglorum* pene deleta, hæc meditati sopor irrepsit. Et ecce in superna raptus videt apostolorum principem *Petrum*, ipsum *Eadwardum* qui tunc in *Northmannia* exulabat, in regem consecrare, celibe designata vita, & certo xxiv. annorum numero regni computato. Eidemque conquerenti de posteritate respondere, Regnum *Anglorum* est Dei, post te providit regi ad placitum sui.

Tempore hujus ultimi *Edwardi* Regis *Anglie* in confinio *Britannia* & *Normannia* portentum visum est in una vel potius duabus mulieribus. Duo erant capita, quatuor brachia, & cætera gemina omnia usque ad umbilicum. Inferius duo crura, duo pedes, & cætera omnia singula. Ridebat, comedebat, loquebatur una, flebat, esuriebat, tacebat altera. Ore gemino manducabatur, sed uno meatu digerebatur. Postremo una defuncta supervixit altera, portavit pene

An. Dñi pene triennio viva mortuam, donec & mole ponderis & nidore cadaveris ipsa quoque defecit. Putatum est à quibusdam & literis etiam traditum, quod hæ mulieres *Angliam* & *Normanniam* significaverunt. Quæ licet spaciis terrarum sint divisæ, sunt tamen sub uno dominio unitæ. Hæ quicquid pecuniarum avidis faucibus inforbuerint, in unam lacunam defluit, quæ sit vel principum avaritia, vel circumpositarum gentium ferocia. Mortuam & pene exhaustam *Normanniam* ingentibus pecuniis sustentat *Anglia*, donec & ipsa fortassis succumbat exactorum violentia: felix si unquam in libertate respirare poterit, cuius inanem jamdudum persequitur umbram, nunc gemit calamitatibus afflicta, pensionibus addicta.

Hanc prophetiam idem rex *Edwardus* moriens exhibuit, quam hic per anticipationem dicam. Cum enim biduo elinguis jacuisset, die tertio post soporem graviter & profunde suspirans; Deus, inquit, omnipotens, si non est fantastica illusio sed verax visio quam vidi, da mihi facultatem eam astantibus exponendi, aut è converso. Ita mox expedita loquela; Duos, inquit, modo monachos vidi mihi assistere, quos adolescens olim in *Normannia* videram religiosissime vixisse & Christianissime obisse. Hi se Dei nuntios præfati, talia ingessere. Quoniam primores Angliæ, duces, episcopi & abbates non sunt ministri Dei sed diaboli, tradidit Deus hoc regnum post obitum tuum anno uno & die uno in manu inimici, pervagabunturque demones totam hanc terram. Cumque ego hæc me ostensurum populo dicerem, illumque poenitentia facta liberandum præmissis exemplo *Ninivitarum* promitterem. Nentrum, aiunt, erit, quia nec ipsi poenitebunt, nec Deus eis miserebitur. Et quando, inquam, tantarum calamitatum remissio sperari poterit? Tunc, inquiunt, quasi si arbor viridis succidatur in medio, & pars abscisa deportetur à stipite trium iugerum spatio, cum sine quolibet amminiculo suo iterum connexa trunco cæperit & floribus pubescere & fructus protrudere ex coalescentis succi humore pristino, tunc demum poterit sperari talium malorum remissio.

Hujus vaticinii veritatem quamvis cæteris timentibus tunc *Strigandi* archiepiscopi ritus excepisset dicentis, *Vetulum accedente morbo nugas delirare*. Hujus ergo vaticinii veritatem nos experimur. Quod scilicet *Anglia* exterorum facta est habitatio & alienigenarum dominatio. Nullus hodie *Anglus* vel dux, vel pontifex, vel abbas. Advenæ quique divitias & viscera corrodunt *Angliæ*; nec ulla spes est finiendæ miseriæ.

848.

ANno ab incarnatione Domini DCCC. xlvij. *Angulsaxonum* rex *Elfredus* in illa plaga quæ nominatur *Barroscire* nascitur, cui genealogia tali serie contexitur. *Elfredus* rex erat regis occidentalium *Saxonum* filius *Athelwulfi*. Qui fuit *Egberti*. Qui fuit *Eathmundi*. Qui fuit *Eafa*. Qui fuit *Eoppa*. Qui fuit *Ingles*. *Ingles* & *Ine* ille famosus occidentalium rex *Saxonum*, germani duo fuerunt. Qui *Ine* *Romam* perrexit, & ibi vitam præsentem finiens, cœlestem patriam cum *Christo* regnaturus adiit, sicut *Beda* in gestis *Anglorum* narrat. Qui fuerunt filii *Coenred*. Qui fuit *Ceolwald*. Qui fuit *Cutha*. Qui fuit *Cuthwine*. Qui fuit *Ceanlin*. Qui fuit

Cinric. Qui fuit *Creoda*. Qui fuit *Cerdic*. Qui fuit *Elesa*. Qui fuit *Esla*. Qui fuit *Gewis*, à quo *Britones* totam illam gentem *Gewis* nominant. Qui fuit *Wig*. Qui fuit *Freawinc*. Qui fuit *Freothgar*. Qui fuit *Brand*. Qui fuit *Bealdeag*. Qui fuit *Woden*. Qui fuit *Friðewald*. Qui fuit *Frealaf*. Qui fuit *Friðewulf*. Qui fuit *Fingoldwulf*. Qui fuit *Geta*. Quem *Getam* jamdudum pagani pro Deo venerabantur. Cujus *Sedulius* poeta insignis mentionem faciens in pascale carmine ita exoritur est,

Cum sua gentiles studeant figmenta poetæ;
Grandisonis pompare modis tragicoque boatu,
Ridiclove Getæ, seu qualibet arte canendi, &c.

Qui *Geta* fuit *Ceatuna*. Qui fuit *Beau*. Qui fuit *Sceldwa*. Qui fuit *Heremod*. Qui fuit *Itermod*. Qui fuit *Hatra*. Qui fuit *Wala*. Qui fuit *Beading*. Qui fuit *Sem*. Qui fuit *Noe*. Qui fuit *Lamech*. Qui fuit *Matussalam*. Qui fuit *Enoch*. Qui fuit *Malaleel*. Qui fuit *Cainan*. Qui fuit *Enos*. Qui fuit *Seth*. Qui fuit *Adam*. Mater quoque *Elfredi Osburh* nominabatur, religiosa nimis fœmina, nobilis, ingenio nobilis & genere, quæ erat filia *Oslac* famosi pincernæ regis *Athelwulfi*. Qui *Oslac Gothus* erat natione, ortus enim erat de *Gothis* & *Jutis* de semine scilicet *Stuf* & *Withgar* duorum fratrum & etiam comitum, qui accepta potestate *Vesta* insulæ ab avunculo suo *Cerdic* rege & *Cinric* filio suo confobrino eorum, paucos *Britones* ejusdem insulæ accolæ quos in ea invenire potuerunt in loco qui dicitur *Withgaraburh* occiderunt. Cæteri enim accolæ ejusdem insulæ aut occisi erant, aut exules, aut fugerant.

ANno DCCC. lj. *Karl Domnanie* Comes contra paganos pugnavit in loco qui dicitur *Win-canbeorh*, & Christiani victoriam habuerunt. *Dani* quoque hiemaverunt in insula quæ vocatur *Sce-pige*, id est, insula *Ovium*. Eodem anno magnus exercitus paganorum venit cum trescentis quinquaginta navibus in hostium *Tamensis* fluminis; qui *Doroberniam*, id est, *Cantuariorum* civitatem depopulati sunt, & *Berthulfum Merciorum* regem cum omni exercitu suo qui ad præliandum contra illos venerat in fugam verterunt. Post hæc audaciores *Dani* effecti, exercitus omnis ipsorum ad *Suthrige* est congregatus. Quod audiens bellipotens *Athelwulfus* rex *Saxonum* congregavit & ipse exercitum copiosum, & filius ejus *Ethelbaldus* cum eo, in loco qui dicitur *Aclea*, id est, in campo quercus. Cumque decus *Angligena* gentis armis splenderet resultantibus, diutissime pugnaverunt *Angli* cum *Danis*, fortiter repugnantes, quia viderunt fortiter regem suum bellare, ideo fortiores hostibus facti sunt in bello. Cumque diutissime viriliter decertarent, & acerrime animosque ex utraque parte pugnatum esset, maxima pars paganæ multitudinis funditus deleta atque occisa est, ita ut nunquam in aliqua regione in una die, nec ante, nec post tanti occubuerunt in morte. Christiani vero ipso die victoriam honorifice tenuerunt, & loco funeris dominati sunt; grates reddentes Domino in hymnis & confessionibus.

ANno DCCC. lij. rex *Merciorum Berthulfus* vita decessit, cui in regnum *Barbredus* successit. Ipso anno *Ethelstannus* rex, & *Alchere* Comes

H

magnum

An.Dñi magnum paganorum exercitum invenerunt in *Cantua* in loco qui dicitur *Sandwic*, quem ibidem Deo auxilium concedente prope totum occiderunt, & ex navibus eorum novem rapuerunt, ceteri per fugam terrore perculsi fugerunt.

853. **A**Nno DCCC. liij. nativitatibus *Elfredi* 5. *Burhredus* rex *Merciorum* per nuncios deprecatus est *Athelwulfum* occidentalium *Saxonum* regem ut ei auxilium conferret, quo mediterraneos *Britones*, qui inter *Merciam* & mare occidentale habitant, dominio suo subdere potuisset, qui contra eum immodice reluctabantur. Nec legnus *Athelwulfus* rex legatione ejus accepta exercitum movens *Britanniam* cum *Burhredo* rege adiit, statimque ut ingreditur gentem illam devastans dominio *Burhredi* subdit. Quo facto, domum redit. Eodem anno *Athelwulfus* rex praefatum filium suum *Elfredum* cum esset annorum quinque, magno nobilium & etiam ignobilium numero constipatum honorifice *Romam* transmisit. Quem sanctus *Leo* papa sui patris rogatu ordinans unxit in regem, & in filium adoptionis sibi accipiens, confirmavit, & ad patrem cum benedictione remisit.

854. **A**Nno DCCC. liij. nativitatibus regis *Elfredi* vj. *Wlfere*, regnante rege *Osberto* super *Northimbros*, suscepto pallio confirmatus est in archiepiscopatum *Eboracensem*, & *Eardulf* suscepit episcopatum *Lindisfarnensem*. Quo pertinebant *Lugubalia*, id est, *Lucl*, nunc dicitur *Carleil*, & *Northam* quae antiquitus *Abbanford* dicebatur. Omnes quoque ecclesiae ab aqua quae vocatur *Tweda* usque *Tinam* australem, & ultra desertum ad occidentem pertinebant illo tempore ad praefatam ecclesiam, & haec mansiones *Carnham* & *Culterham*, & duae *Geddeuod* ad australem plagam *Teineta* quas *Egredus* episcopus condidit: & *Mailros*, & *Ligbzeithingham*, & *Copiercorn* ad occidentalem partem, *Edwinesburgh*, & *Pesferham*, & *Aldham*, & *Linnigaham*, & *Coldingaham*, & *Tillenuthe*, & *Northam* supradictam. *Wertheuod* quoque ipsius ecclesiae possessio erat, donante rege *Ceolwifo* cum omnibus appendentiis suis. Hanc enim mansionem ipse rex abrenuntians mundo, secum ecclesiae *Lindisfarnensi* contulit, in qua monachus effectus caelesti regno militavit. Cujus corpus postea delatum in ecclesiam supradictae villae *Northam* multis ibidem, ut fertur ab habitatoribus ipsius loci, claruit miraculis. Hoc rege jam monacho facto efficiente, data est *Lindisfarnensis* ecclesiae monachis licentia bibendi vinum vel cervisiam: ante illud tempus non nisi lac vel aquam bibere solebant, secundum antiquam traditionem sancti *Aidani* primi ejusdem ecclesiae antistitis & monachi, qui cum illo de *Scotia* venientes, ibidem donante rege *Osvaldo* mansionem acceperant, & cum magna distictione futurae vitae servientes degere gaudebant. Praeterea memoratus *Egredus* episcopus aedificans ecclesiam in loco qui dicitur *Ceinesford*, donavit eam sancto *Cuthberto*. Condidit etiam *Willingeham* in *Heorternpste*, & duas alias villas, *Necclise* & *Wilegeclise* ad australem plagam fluminis *Taise*, quas sancto *Cuthberto* ad victum sibi servantium dedit: similiter & *Wudecessire*, & *Whittingeham* & *Cadulsingaham*, & *Gwillingeham*, donante rege

Ceolwifo antiquitus *S.Cuthberti* fuerunt. Quo anno *Ealchere* Comes cum *Cantuariis* & *Wada* dux cum *Suthriis* in insula *Thenet* acriter bellum ineunt contra paganos. Et primo quidem congressu Christiani victores exiterunt; sed prolongato diu praelio, plurimis ex utraque parte peremptis gladio, nonnullis etiam in mari suffocatis, tandem utrique duces occubuerunt. Hoc anno *Athelwulfus* occidentalium *Saxonum* rex tradidit nuptum filiam suam *Merciorum* regi *Burhredo* in villa regia quae vocatur *Cippanhame*, cum affluentia rerum omnium.

ANno DCCC. lv. magnus paganorum exercitus tota hieme in insula *Sceapege*, id est, insula ovium, hiemaverunt. Eodem anno *Athelwulfus* rex decimam totius regni sui partem ab omni regali servitio & tributo liberavit, & in sempiterno graphio in cruce Christi pro animae suae redemptione & antecessorum suorum uni & trino deo immolavit. Sicque magno cum honore *Romam* perrexit, filiumque suum *Elfredum*, quem plus ceteris dilexit, quem ut antea *Romam* miserat, etiam nunc secum illo deducens, anno ibidem integro remoratus est. Quo peracto, ad patriam suam remeavit, afferens secum *Juditham* *Karoli Francorum* regis filiam. Vixit ergo *Athelwulfus* rex duobus annis postquam *Romam* rediit. Qui inter cetera bona quae gessit opera, omni anno trescentas manculas denariorum *Romam* portare praecipit. Centum in honore sancti *Petri* ad emendum oleum quo implerentur omnia luminaria illius ecclesiae in vespera Pascae, & similiter in gallicantu. Centum etiam in honore sancti *Pauli* Apostoli eadem de causa. Centum quoque manculas universali Papae Apostolico.

Defuncto autem illo & apud *Wintoniam* sepulto *Ethelbaldus* filius ejus duobus ac dimidio annis occidentalium *Saxonum* post patrem regni gubernacula rexit, qui contra *Jesu Christi* interdictum & *Christianorum* traditionem ac contra omnium paganorum consuetudinem, thorum patris sui ascendens *Juditham* *Karoli Francorum* regis filiam cum magna infamia in matrimonium duxit. Sanctissimus Deoque acceptus eadem tempestate *Eadmundus* ex antiquorum *Saxonum* profapia oriundus, fidei Christianae cultor veracissimus, *Eastengla* provinciae nactus est culmen regiminis.

ANno DCCC. lx. rex *Ethelbaldus* defunctus & in *Scireburna* sepultus, & *Ethelberht* frater suus *Cantiam* & *Suthregiam*, *Suthseaxan* quoque suo dominio, ut justum erat, subjunxit. In cujus diebus magnus paganorum exercitus de mari adveniens, *Wintoniam* civitatem hostiliter invadens, depopulatus est. Cui cum ad naves cum ingenti praeda reverterentur *Osrio Hamtunensium* Comes cum suis, & *Ethelwulfus* Comes cum *Bearroccensibus*, viriliter obviverunt, confertoque praelio pagani passim trucidantur, & cum diutius resistere non possent, muliebrem fugam arripiunt, & Christiani loco funeris dominati sunt.

Ethelberht itaque quinque annis regno pacifice & amabiliter atque honorabiliter gubernato, cum magno suorum dolore viam universitatis adiit, & in *Scireburnam* juxta fratrem suum honorifice sepultus requiescit.

53. **A**Nno DCCC. lxij. sanctus *Swithunus* episcopus *Wintoniensis* hoc anno transivit ad Dominum.

54. **A**Nno DCCC. lxiiij. pagani hiemaverunt in insula *Thenet*, firmumque fœdus cum *Cantuariis* pepigerunt, quibus *Cantuarii* pecuniam pro fœdere servando reddere promiserunt. Interea tamen vulpino more pagani noctu clam castris erumpentes, fœdere disrupto & promissionem pecuniæ spernentes, sciebant enim majorem pecuniam se furtiva præda quam pace adepturos, totam orientalem *Cantie* plagam depopulati sunt.

66. **A**Nno DCCC. lxvj. *Ethered* regis *Ethelberti* frater occidentalium *Saxonum* regni gubernacula suscepit. Eodem anno magna paganorum classis, ducibus rege *Haldano*, *Inguar* & *Hubba*, de *Danubia Britanniam* advenit, & in regno orientalium *Anglorum* quod *Saxonice* *Eastangle* dicitur, hiemavit, ibique ille exercitus maxima ex parte equester factus est, equitantes & discurrentes hac illac, prædam diripientes enormem, non parcentes viris vel fœminis, viduis nec virginibus. His diebus *Elfredus*, id est, clito *Atheling*, jugi meditatione cœpit divinis imbui doctrinis; qui miro patris matrisque amore supra omnes fratres suos ab ipsis diligebatur cunabulis. Crescente denique illo corpore in puerili ætate, forma cæteris fratribus suis decentior videbatur, vultuque insignis renitebat, & verbis refulsit egregiis. Cervino quoque desiderio æstuabat sui cordis penetralia suffundi, & thalamum pectoris sacris literis imbui: sed proh dolor! parentum ac nutritorum incuria illiteratus permansit usque ad duodecimum suæ ætatis annum. *Saxonica* quoque poemata gloriosus adolescens & futurus rex die noctuque discere studuit, eratque docilis, in arte venatoria industris, in omni peritia incomparabilis. Cum ergo quadam die ejus dignissima genitrix sibi & fratribus suis quendam *Saxonicum* poematice artis librum ostenderet, ait eis, *Quisquis charissimi filii vestrum istum potuerit codicem citius discere, dabo ei ipsum*. At ille, divina inspiratione instinctus & pulchritudine principalis literæ exhilaratus, ita matri respondit, *Vere ne*, sic ait matri suæ, *dabis?* Ad hæc illa artidens & gaudens atque affirmans, *Dabo*, inquit, *dabo*. Mox autem tulit librum de manu suæ genitricis, magistrum adiit, libellum ostendit, & legit, præceptore ostendente. Post spatium non longi temporis venit ante præsentiam dilectæ matris, librumque memoriter recitavit. Ipsa vero grates immensas reddit gratiæ Salvatoris, agnoscens gratiam Dei esse in mente juvenis. Post hæc inflammatus divini amoris desiderio, psalmos per plurimos, cursumque diurnum, id est, celebrationes horarum, didicit ipse devotus, quos in uno volumine congregatos, diu noctuque in sinu suo inseparabiliter portabat. O felix hominum genus! O rex prudens! gestas gestantem, sapientiæ claves vehis, sapientiam diligis, sapiens eris, faciens judicium & justitiam in terris. O clerici attendite & videte regem in sinu librum deferre die noctuque; vos vero nec legem Dei scitis, nec scire vultis. Præcipueque idem rex factus lugebat filium suum, id est, animum, quod liberilibus non fuerit artibus instructus.

ANno DCCC. lxvij. prædictus paganorum exercitus de orientalibus *Anglis* ad *Eboracam* civitatem migravit, quæ in aquilonali ripa *Humbræ* fluminis sita est, omniaque vastaverunt usque *Tinemutham*. Eo tempore maxima inter *Northumbros* discordia diabolico instinctu orta fuerat, sicut semper populo qui odium incurrerit evenire solet. Nam *Northumbri* eo tempore legitimum regem suum *Osbyrth* nomine, regno expulerant, & tyrannum quendam *Ellæ* nomine non de regali prosapia progenitum, super regni apicem constituerant. Sed advenientibus paganis, consilio divino & optimatum amminiculo pro communi utilitate discordia illa aliquantulum sedata est. *Osbyrth* & *Ellæ* adunatis viribus congregatoque exercitu *Eboracum* opidum adeunt. Quibus advenientibus, pagani confestim fugam arripiunt, & intra urbis mœnia se defendere procurant. Quorum fugam & pavorem *Christiani* cernentes, etiam intra urbis mœnia eos persequi, & murum frangere instituunt. Quod & fecerunt. Non enim tunc adhuc illa civitas firmos & stabilitos muros illis temporibus habebat. Cumque *Christiani* murum, ut proposuerant, fregissent, eorumque magna pars in civitatem simul cum paganis intrassent, pagani dolore & necessitate compulsi super eos atrociter irrumpunt, cedunt, fugant, prosternunt intus & extra. Hoc factum est xij. Kal. Aprilis, feria vj. ante Dominicam palmarum. Illic maxima ex parte omnes *Northumbrensum* cæsi occisus duobus regibus deleti occubuerunt: reliqui vero qui evaserunt pacem cum paganis pepigerunt. Quibus peractis, prædicti pagani sub suo dominio regem *Egbertum* præfecerunt. *Egbertus* vero regnavit post hæc super *Northumbros* ultra *Tine* vj. annis. Eodem anno *Ealhfstan* episcopus *Scireburnensis* ecclesiæ est defunctus, & in *Scireburna* sepultus.

ANno DCCC. lxvij. Comitis visa est manifestissime hoc anno. Venerabilis rex *Elfredus* secundarii tamen tunc ordine fretus, uxorem de *Mercia*, nobilem scilicet genere, filiam *Athelredi Gamorum* Comitis qui cognominabatur *Mucil* subarravit & duxit. Cujus fœminæ mater *Eadburg* nominabatur, de regali genere *Merciorum* regum; venerabilis scilicet fœmina & per multos annos post obitum viri sui castissima vidua leto tenus permansit. Eodem anno prædictus paganorum exercitus *Northumbros* relinquens, in *Merciam* venit, & *Snotingaham* adiit, quod *Britannice* *Tiggnocabanc* interpretatur, Latine autem *Speluncarum domus*, & in illo loco eodem anno hiemaverunt. Quibus illic advenientibus, confestim *Buthred Merciorum* rex, omnesque gentis ejusdem optimates, nuntios ad *Etheredum* occidentalium *Saxonum* regem, & ad fratrem ejus *Elfredum* dirigunt, suppliciter obsecrantes, ut sibi auxiliarentur, quo possent contra præfatum pugnare exercitum. Quod & facile impetraverunt. Nam illi fratres non segnius promissione congregato ex omni parte sui immenso exercitu, *Merciam* adeunt, & usque ad *Snotingaham* bellum unanimiter quærentes perveniunt. Cumque pagani tuitione arcis muniti, bellum dare negarent, & *Christianis* frangere murum non suppetebat, pace inter *Mercios* & paganos facta, duo illi fratres, *Eltheredus* rex & *Elfredus*, cum suis cohortibus domum reversi sunt.

An. Dñi
869.

ANno DCCC. lxx. præfatus paganorum exercitus iterum ad *Northanhumbros* equitans, adiit civitatem *Eboracam*, ibique anno integro mansit.

870.

ANno DCCC. lxx. supra memoratus paganorum exercitus per *Merciam* in orientales *Anglos* transivit, & in loco ibi qui dicitur *Theodford* hiemavit. Eodem anno sanctissimus orientaliū *Anglorum* rex *Eadmundus*, ut in sua legitur passione, ab *Inguaro* rege paganissimo Indictione ij. xij. Kal. Decembris die dominico martyrizatus est. Cum quo & *Humbertus* episcopus occiditur. Quo etiam anno *Ceolnothius Dorubornensis* archiepiscopus defunctus est, cui successit *Etheredus*.

871.

ANno DCCC. lxxj. exosæ memoriæ paganorum exercitus orientales *Anglos* deserens, regnumque occidentalium *Saxonum* adiens, venit ad villam regiam quæ dicitur *Readingum* in meridiana *Tamesis* fluminis ripa sita, in illa pagæ quæ dicitur *Bearroscira*. Tertioque adventus sui die, duo Comites eorum cum magna illius parte in prædam equitaverunt, aliis vallum inter duo flumina *Tamesem* & *Cynetam* à dextra parte ejusdem villæ regie facientibus. Quibus *Athelwulf Bearrocensis* pagæ comes cum suis in loco qui *Anglice Englatfeld*, Latine *Anglorum campus* dicitur, obviavit. Ubi animose pugnatum est ex utraque parte. Cumque ibi diu utrique resisterent, altero paganorum Comite occiso, & maxima exercitus parte deleta, cæterisque fuga elapsis, *Christiani* victoriam accipientes loco funeris dominati sunt. His ita ibi gestis, post quatuor dies *Ethered* rex & *Alfred* frater ejus adunatis viribus congregatoque exercitu, *Readingum* adierunt. Cumque usque ad portam arcis pervenissent, cædendo & prosternendo quoscumque de paganis extra arcem invenissent, pagani non segnius certabant lupino more: totis portis erumpentes, totis viribus bellum perquirunt, ibique diu & atrociter ex utraque parte dimicatum est. Sed prohi dolor! *Christiani* demum terga vertentibus, pagani victoriam accipientes loco funeris dominati sunt. Ibi *Ethelwulfus* præfatus Comes inter cæteros occubuit. Quo dolore & verecundia *Christiani* commoti, iterum post quatuor dies contra præfatum exercitum in loco qui dicitur *Escendun*, quod Latine *mons fraxini* interpretatur, totis viribus & plena voluntate ad prælium prodeunt. Sed pagani in duas se turmas dividentes, æquali testudine bellum parant. Habebant enim tunc duos reges multosque Comites, concedentes mediam partem exercitus duobus regibus, & alteram omnibus Comitibus. Quod *Christiani* cernentes, etiam ipsi exercitum in duas turmas dividentes, testudines non segnius construnt, sed *Elfred* citius & promptius cum suis ad locum prælii venit. Nimirum erat enim tunc suus frater *Ethered* rex in tentorio in oratione positus, audiens missam, nimiumque affirmans se inde non discessurum, antequam sacerdos missam finiret, & divinum pro humano nolle deferere servitium. Et ita fecit. Quæ regis *Christiani* fides multum apud Deum valuit, sicut apertius declarabitur in sequentibus. Decreverant ergo *Christiani*, ut *Ethered* rex cum suis copiis contra duos paganos reges sumeret prælium: *Elfred* vero frater suus cum suis cohori-

tibus contra omnes paganorum duces belli fortem sumere debere sciret. Quibus ita firmiter ab utraque parte dispositis, cum rex diutius in oratione moraretur, & pagani parati ad locum certaminis citius advenissent, *Elfred* tunc secundarius, cum diutius hostiles acies ferre non posset, nisi aut bello retrorsum cederet, aut contra hostiles copias ante fratris adventum in bellum prorumperet, demum viriliter aprino more *Christianas* copias contra hostiles exercitus, ut ante proposuerant, quamvis rex adhuc non venerat, dirigens, divino fretus consilio & fultus adjutorio, testudine ordinabiliter condensata, confestim contra hostes vexilla movet. Tandem rex *Etheredus*; finitis quibus occupatus erat orationibus, advenit, & invocato magno mundi principe, mox se certamini dedit. Sed hoc in loco nescientibus intimandum est, quod ille locus certaminis belligerantibus inæqualis erat. Nam pagani editiorem locum præoccupaverant, *Christiani* ab inferiori loco aciem dirigebant. Erat quoque in eodem loco una spinosa arbor, brevis admodum, circa quam hostiles inter se acies cum ingenti omnium clamore, illi perperam agentes, isti pro vita & dilectis atque patria pugnaturi, hostiliter conveniunt. Cumque aliquandiu animose nimiumque atrociter hinc & inde utrique pugnarent, pagani divino judicio *Christianorum* impetum diutius non ferentes, maxima parte suorum occisa, obprobriosam fugam cepere. Quo in loco alter de duobus paganorum regibus, & quinque Comites occisi occubuerunt, & multa millia illorum in eodem loco, & insuper per totam campestram *Ascendun* latitudinem ubique dispersa & occisa corruerunt. Ceciderunt ergo illic *Bagseg* rex, *Sidro* senex Comes, *Sidro* junior Comes, *Osbern* Comes, *Freana* Comes, *Harold* Comes, & totus paganorum exercitus usque ad noctem, & etiam usque ad diem sequentem, quousque ad arcem qui evaserant pervenerunt, in fugam versus est. His ita ibi gestis, iterum post quatuordecim dies *Ethered* rex una cum fratre *Alfredo* adunatis viribus contra paganos pugnaturus *Basengas* adiit. Quibus hostiliter convenientibus, & diu simul certantibus, pagani victoria potiuntur. Rursus duobus evolutis mensibus rex *Etheredus* & frater ejus *Elfredus* cum paganis qui se in duas diviserant turmas, apud *Pere-tun* pugnantes, diu victores existunt, adversariis omnibus in fugam versis. Sed illis in prælium redeuntibus, multi ex his & ex illis corruunt, & pagani victoriam accipientes loco funeris dominantur. Eodem anno post Pasca rex *Etheredus* regno quinque annis per multas tribulationes strenue atque honorabiliter cum bona fama gubernato, viam universitatis adiit. Quo defuncto, germanus suus *Elfredus* regnare cepit.

ANno ab incarnatione Domini DCCC. lxxj. hic poetarum *Saxonicorum* peritissimus, in servitio Dei vigilantissimus, & in exequendis judiciis indagator erat discretissimus. Cui regina sua *Elfwirha* duos filios, *Eadwardum* & *Egelwardum*, & tres filias, *Egelsledam Merciorum* dominam, *Ethelgeovam* sanctimoniam, & *Ethelthritam* peperit. Expleto uno mense quo regnare cepit, in monte qui dicitur *Wiltun* contra paganos cum paucis acerrime belligeravit. Sed prohi dolor! hostes victoria potiuntur. Nil enim mirandum quod *Christiani* parvum

An. Dñi parvum in prælio numerum habebant. Erant enim in uno anno octo præliis contra paganos attriti, in quibus unus rex paganorum & novem duces cum innumeris cohortibus occisi sunt.

872. **A**Nno DCCC. lxxij. defuncto *Hunniciorum* episcopo *Alchuno*, sanctæ *Wigornensis* ecclesiæ nutritus, & vir in divinis scripturis doctissimus, *Werfrithus* vij. Idus Junii die Pentecostes ab *Atheredo Dorobernia* archiepiscopo antistes est ordinatus. Qui jussu regis *Elfredi* libros dialogorum beati papæ *Gregorii* de Latinitate in *Saxonicam* linguam transtulit. *Northumbri* suum regem *Egbertum* & suum archiepiscopum *Wlfere* expulerunt. Præfatus exercitus paganorum *Londoniam* adiit, ibique hiemavit, cum quo *Mercii* pacem pepigerunt.

873. **A**Nno DCCC. lxxiiij. sæpe memoratus exercitus *Londoniam* deferens in *Northanhymbrorum* regionem primum perrexit, & ibi hiemavit in pago quæ dicitur *Undesig*, apud *Torchasiam*, cum quo iterum *Mercii* pacem pepigerunt. *Egbertus* rex *Northanhymbrorum* moriens successorem habuit *Ricsig*, qui regnavit tribus annis; & *Wlfere* in suum archiepiscopatum receptus est.

874. **A**Nno DCCC. lxxiiij. supra memoratus exercitus *Lindissi* deferens *Merciam* adiit, & hiemavit in loco qui dicitur *Reopedun*. *Burhtredus* rex *Merciorum* *Romam* adiens expulsus ab eis anno regni sui xxij. ibi defungitur, & in scola *Saxonum* in ecclesia sanctæ *Mariæ* sepelitur.

875. **A**Nno DCCC. lxxv. supra memoratus exercitus *Reopedune* deferens, in duas se divisit turmas. Cujus altera pars cum *Halfdene* in regionem *Northanhymbrorum* perrexit, & totam *Northymbrorum* regionem suo dominio subdidit, ac omnia monasteria destruxit.

Eardwlfus episcopus *Lindisfarnensis* & abbas *Eadredus* corpus sancti *Cuthberti* de insula *Lindisfarnensi* tollentes, per septem annos passim vagabantur. Altera pars exercitus cum *Guthrum* & *Oskitel* & *Amundo* tribus regibus apud *Granthebzige* hiemavit. Rex vero *Elfredus* navali prælio confortatus, sex naves in mari invenit; cum quibus fortiter debellans unam cepit, cæteri fugerunt timore perculsi.

876. **A**Nno DCCC. lxxvj. rex paganus *Halfdene* *Northymbrorum* regionem sibi met & suis divisit. Rex *Ricsig* *Northanhymbrorum* moritur, & secundus *Egbertus* regnat super *Northumbros* ultra amnem *Tyne*.

Rollo primus *Normannorum* dux, qui & *Rodbertus*, cum suis *Normanniam* penetravit xv. Kal. Decembris. Præfatus paganorum exercitus nocte de *Granthebzige* exiens, castellum quod dicitur *Werham* intravit. Quorum subitum adventum rex *Saxonum* cognoscens, fœdus cum eis pepigit, ea conditione ut ab ejus regno discederent, obsides accipiendo. Ipsi vero solito more obsides & juramenta non servantes, nocte quadam, fœdere disrupto, ab *Granceastre* diverterunt, quod *Britannice* dicitur *Cairwisc*, Latine, *Civitas aque*.

ANno DCCC. lxxvij. exercitus ipse nefandus *Exancestriam* dereliquit, *Cippanhani* villam regiam adiit, ibique hiemavit. *Elfredus* vero rex his diebus magnas sustinuit tribulationes, & inquietam vitam agebat. Tandem aperto confortatus oraculo per sanctum *Cuthbertum*, contra *Danos* pugnavit, & quo ipse Sanctus jusserat tempore & loco victoria potitus est, semperque deinceps hostibus terribilis & invincibilis erat, sanctumque *Cuthbertum* præcipue honori habebat. Qualiter hostes vicerit paulo post hic legitur.

Eodem denique anno *Inguar* & *Haldene* reges cum bis denis ac ternis navibus de *Demetica* regione in qua hiemaverant, egressi ut lupi feroces; post multas ibi strages *Christianorum* patratas, post combustiones cœnobiorum, ad *Domniam* enavigaverunt, & ibi à ministris regis *Elfredi* fortissimis cum mille ducentis viris occisi sunt ante arcem *Cymwith*, quia in eadem arce per plurimi regis famuli se concluderant causa refugii. Rex autem *Elfred* in Domino. Deo confusus, cum paucis agminibus stipatus, fecit arcem in loco qui appellatur *Ethelingalge*, in quo habitans cum suis commilitonibus, hostes frequenter infatigabiliter contrivit ab arce. Hoc egit tempore resurrectionis Domini nostri *Jesu Christi*; qui egressus ab arce viribusque susceptis, post, septem videlicet septimanis dierum & monade, hoc est, quinquaginta diebus suppletis, venit ad petram *Egberti*, quæ est in orientali parte saltus, qui *Anglico* eloquio dicitur *Mucel pudu*, Latine vero *magna silva*; *Britannico* more *Cottmapur*. Ibi vero obviaverunt regi dilectissimo omnes accolæ *Summertunenses* & *Wiltunenses*, necnon *Hamunenses*, visoque eo lætati sunt immenso cordis tripudio, quasi redivivum ipsum suscipientes. Post tertium vero diem venit cum immenso exercitu ad locum qui dicitur *Edderandun*, quo juxta immensas paganorum phalanges invenit paratas cum densa multitudo ad bellum. Commiserunt ergo bellum per longa tempora diei utrique populi, quorum voces & collisiones armorum per longa terrarum spatia audita sunt. Rex denique *Elfredus* Dei adjutorio potitus victoria, hostes suos fortiter prostravit, gratias reddens summo salvatori cum magna cordis læticia. Cumque ibidem rex cum suis legionibus arrideret, & inimici qui remanserant magnis ejulatibus defferent, ob famis & frigoris austeritatem atque tanti regis timorem, rogant pacis clementiam qui eam semper impugnabant, promittunt obsides & juramenta in dextris. Auscultans hæc omnia rex suatim motus clementia concedit cuncta petita.

ANno DCCC. lxxviij. paganorum rex *Guthrum* cum xxx. electissimis de exercitu suo viris ad *Elfredum* regem in loco qui dicitur *Aarl* pervenit, quem rex in filium adoptionis suscipiens de fonte sacri baptismatis elimavit, multisque muneribus ditavit: eique post interfectionem sancti *Eadmundi* *Eastangliam* tradidit.

ANno DCCC. lxxix. sæpe memoratus paganorum exercitus à *Cirenceastre* ut promiserat egressus, ad orientales accessit *Anglos*, ipsamque regionem dividentes, inhabitare cœperunt. Ipso quoque anno immensus venit paganorum exercitus de ultramarinis climatibus in *Tamensi* fluvio, qui adunatus est

An.Dñi supradicto cuneo, complices effecti quod pravorum est. Eclipsis solis inter nonam & vesperam facta est eodem anno. Prædictus paganorum exercitus eodem anno transmarinas quoque regiones adiit, & apud **Gant** uno anno demoratus est.

881. **A**Nno DCCC. lxxxj. Paganorum exercitus invadens *Franciam* bellum iniit cum indigenis. Post quod bellum equis undecunque raptis hac illacque advehuntur, omnia devastantes, quod mirabile videri potest, quod visibiles hostes contra tam fortem bellicosumque populum auderent insurgere. Initio consilio prudenti, audaces *Franci* bellum iniere durissimum cum paganis, victoresque extiterunt. Finito prælio, *Franci* cum triumpho reversi sunt, pagani equis acquisitis hac illacque equitabant. His diebus plurima in eadem gente monasteria concussa sunt ac desolata. Nam & fratres cœnobii sanctissimi *Benedicti*, quod *Floriacum* dicitur, ipsius reliquias à tumulo quo locatæ fuerant immensa pulchritudine, secum auferentes hac illacque discurrebant.

882. **A**Nno DCCC. lxxxij. exercitus prædictus in ulteriora *Francie* per flumen *Mese* navibus traducitur, & uno anno ibi hiemavit. Eodem anno rex *Elfred* navali prælio conficiens contra paganorum naves, vicit, & duas cepit, occisis omnibus qui in eis fuerant. Post hæc etiam principes duarum navium multis vulneribus affixit, donec armis depositis cum supplici prece sese illi dederent.

883. **A**Nno DCCC. lxxxij. præfatus paganorum exercitus occupans *Cundoth*, ibidem per annum grassatur. Exercitus vero qui ducente rege *Halfdene Northumbriam* invaserat, pereunte Dei iudicio ipso tyranno, sine duce remanserat, occiso sicut supradictum est, ipso *Halfdene* & *Inguar* cum xxij. navibus apud *Dominiam* à ministris *Elfredi* regis. Jam subactis sibi indigenis terræ, dominium usurpavit, ibique manere paravit, & vastatas *Northumbrie* provincias incolere. Tunc sanctus *Cuthbertus* abbati *Eadredo* (qui pro eo quod in *Lucl* habitavit *Lulisc* cognominabatur) assistens per visionem præcepit, ut episcopo & omni exercitui *Anglorum* atque *Danorum* diceret, quatinus *Guthredum* filium *Hardecnut*, quem *Dani* vendiderant in servum cuidam viduæ apud *Wit-ingaham*, dato precio, redimerent, & redemptum sibi in regem levarent: regnavitque super *Eboracum*; *Egbert* vero super *Northimbros*. Quod factum est tredecimo anno regni *Elfredi* regis. *Guthredo* itaque ex servo omnium consensu in regem promotus, sedes episcopalis quæ prius erat in *Lindisfarnensi* insula instauratur in *Cestre*, quæ antiquitus vocabatur *Cunecestre*, post septem annos transmigrationis ex insula *Lindisfarnensi*. Est autem locus ille inter *Dunelmum* & *Extoldesam*, sex milibus passuum distans à *Dunelmo*. Tunc & legem pacis quam ipse sanctus *Cuthbertus* per prædictum abbatem mandaverat, ut scilicet quicumque ad corpus illius confugerit, pacem à nullo infringendam per xxxvij. dies habeat, tam rex *Guthredus* quam rex *Alfredus* perpetuo conservandam confirmarunt. Quam si quisquam quoquo modo violaverit, sicut pacem regis fractam, nonaginta sex libris multandum censuerunt. Ad hoc in augmentum

prioris episcopatus, totam inter *Tyne* & *Teisam* præfari duo reges omnium consensu sancto *Cuthberto* terram perpetuo possidendam addiderunt. Quicumque autem hæc statuta quocumque ingenio infringere temptaverit, hunc infernalibus pœnis tradendum perpetuo anathemate dampnatur. Jam enim multo ante defecerat episcopatus *Hagustaldensis* ecclesiæ.

10 **A**Nno DCCC. lxxxij. *Marinus* papa scolam *Saxonum* in *Roma* morantium pro amore & deprecatione *Elfredi* regis ab omni tributo & telone liberavit benigne, qui etiam multa dona prædicto regi transiit. Inter quæ dedit ei non parvam illius sanctæ crucis partem in qua Dominus noster *Iesus Christus* pro hominum salute pependit. Eadem tempestate idem præsul sanctissimus viam universitatis adiit, transmittendo spiritum ad Deum qui dedit illum. Prædictus paganorum exercitus per flumen *Sunne* adiens *Embenum*, ibi per annum grassatur.

Hujus regis *Alfredi* tempore venit *Angliam* *Johannes Scottus* vir perspicacis ingenii & multæ facundie, qui dudum relicta patria *Franciam* ad *Carolum Calvum* transferat. A quo magna dignatione susceptus, familiarium partium habebatur. Transigebatque cum eo tam seria quam joca, individuisque comes & mensæ, & cubiculi erat. [Erat] multæ facetiæ ingenuique leporis, quorum exempla hodieque constant, ut sunt ista. Assederat ad mensam contra regem ad aliam mensam partem. Procedentibus poculis consumptisque ferculis, *Carolus* fronte hilarior post quædam alia, cum vidisset *Johannem* quiddam fecisse quod *Galicianam* comitatem offenderet, urbane increpuit & dixit, Quid distat inter *Sottum* & *Scottum*? Retulit ille follempne convitium in auctorem, & respondit, Hæc mensa tantum. Quid hoc dicto facetius? Interrogaverat rex de differenti morum studio, respondit *Johannes* de loci distante spacio. Nec vero rex commotus est, quia miraculo scientiæ ipsius captus, adversus magistrum nec dicto insurgere vellet, sic enim eum usitate vocabat. Item cum regi convivanti minister patinam obrulisset, quæ duos pisces prægrandes adjecto uno minuscule contineret, dedit ille magistro, ut accumbentibus duobus juxta se clericis departiretur. Erant illi giganteæ molis, ipse perexilis corporis. Tum qui semper aliquid honesti comminiscabatur, ut lætitiæ convivantium excitaret, retentis sibi duobus majoribus, unam minorem duobus distribuit. Arguenti iniquitatem partitionis regi, Imo, inquit, bene feci & æque. Nam hic est unus parvus, de se dicens, & duo grandes, pisces tangens. Itemque ad eos conversus, Hic sunt duo magni, clericos innuens, & unus exiguus, piscem nihilominus tangens. *Caroli* ergo rogatu ierarchiam *Dionysii Areopagite* in Latinum de Græco, verbum è verbo transtulit. Quo fit ut vix intelligatur Latina litera, quæ volubilitate magis Græca quam positione construitur nostra. Composuit etiam librum, quem *peri physion merimnoi*, id est, de naturæ divisione, titulavit, propter perplexitatem quarundam quæstionum solvendam bene utilem, si tamen ignoscatur ei in quibusdam, quibus à Latinorum tramite deviauit, dum in Græcos acriter oculos intendit. Quare & hæreticus puratus est, scripsitque contra eum quidam *Florus*.
Sunt

An.Dñi

884.

An. Dñi Sunt enim revera in libro *periphyson* perplurima, quæ nisi diligenter discutiantur, à fide catholico- rum abhorrentia videantur. Hujus opinionis parti- ceps fuisse cognoscitur *Nicholaus* papa, qui ait in Epistola ad *Carolus*. *Relatum est apostolatu nostro, quod opus beati Dionysii Areopagitæ, quod de divinis nominibus vel cælestibus ordinibus Græco descripsit eloquio, quidam vester Johannes genere Scottus nuper in Latinum transtulerit. Quod juxta morem nobis mitti, & nostro judicio debuit approba- ri; præsertim cum idem Johannes, licet multa sci- entia esse prædicetur, olim non sane sapere in qui- busdam frequenti rumore dicatur.* Propter hanc ergo infamiam tædium eum *Francia*, venitque ad Regem *Elfredum*. Cujus munificentia illectus & magisterio ejus, ut ex scriptis Regis intelligitur, *Melduni* refedit. Ubi post aliquot annos, à pueris quos docebat graphiis foratus, animam exiit, tormento gravi & acerbo, ut dum iniquitas vali- da & manus infirma sæpe frustraretur & sæpe im- peteret, amarum mortem obiret. Jacuit aliquamdiu inhonora sepultura in beati *Laurentii* ecclesia, quæ fuerat nefandæ necis conscia. Sed ubi divinus favor multis noctibus super eum lucem indulgit igneam, ammoniti monachi in majorem transtulerunt eccle- siam, & ad sinistram altaris posuerunt.

885. Anno DCCC. lxxxv. exercitus prædictus in duas se turmas divisit, una in orientalem *Francia* secessit, altera rediens in *Cantiam*, civitatem *Rovecestra* obsedit. Sed viriliter repugnantibus ci- vibus, donec rex *Elfredus* cum manu valida super- veniens scilicet paganos eos ab obsidione compulit ad naves, qui eodem anno æstate redeunt in *Galli- am*. Quo anno classis ab *Elfredo* rege missa ad de- fensionem locorum circa *Eastangliam* xvj. navibus piratarum captis ad hostium fluminis *Stur*, uni- versos interfecerunt. Sed dum reverterentur domum, obviam habuerunt barbarici exercitus infinitam na- vium multitudinem, cum qua diutius cum dimica- tum esset, *Dani* victores extiterunt. Quo anno *Carlemannus Alemannorum* occidentalium *Francorum* regem in venatione singulari congressu aper- dente dilacerans occidit. Cujus frater *Lodovicus* præcedenti anno defunctus fuerat, etiam ipse Rex *Francorum*. Fuerant enim ambo filii *Lodovici* Regis *Francorum*, qui supra memorato anno quo eclipsis solis facta est decessit. Ipse quoque filius *Caroli Calvi* regis *Francorum* erat, cujus filiam *Juditham* rex occidentalium *Saxonum Ethelwulfus* duxit reginam. Quo anno magnus paganorum ex- ercitus de *Germania* in regionem antiquorum *Saxe- num* navibus advehitur: Contra quos adunatis vi- ribus *Saxones* & *Frisones* bis uno anno inierunt bella, & victoria sunt potiti. Eodem anno *Carolus Alemannorum* Rex occidentalium *Francorum* re- gum, & omnia regna quæ sunt inter mare *Tirre- num* & finem maris qui antiquos *Saxones* & *Gallos* dividit, voluntario omnium consensu, præter *Arme- ricanum* regnum accepit. Hic *Carolus* filius erat *Lodovici* regis, *Lodovicus* germanus *Caroli* regis *Francorum* patris prædictæ *Judithæ*, qui duo ger- mani fuerunt filii *Lodovici*. *Lodovicus* vero ille filius fuit *Caroli* magni illius famosi atque sapient- issimi, qui fuit filius *Pipini* regis.

Anno DCCC. lxxxvj. *Marinus* papa obiit. Memoratus exercitus qui prius in orientalium *Francorum* regionem secesserat, iterum ad occi- dentales *Francos* rediens, per flumen *Sequane* per- venit *Parisi*; ubi per annum obsidens civitatem; civibus viriliter defendentibus, munitionem irrum- pere non potuit. *Elfredus* rex post incendia urbium stragesque populorum, *Londoniam* honorifice restau- ravit, & habitabilem fecit, quam etiam *Etheredo Merciorum* Comiti commendavit servandam. Ad quem regem omnes *Angli* & *Saxones* qui prius ubi- que dispersi fuerant, aut cum paganis sine captivi- tate erant, venerunt, & voluntarie dominio suo se subdiderunt.

Anno DCCC. lxxxvij. supradictus exercitus *Parisi* deferens, nichil ibidem agere præ- valens, classem per *Sequanam* usque locum qui *Caziei* dicitur direxit, ubi per annum grassantes; anno sequente hostium fluminis *Iona* subintrarunt, magnoque regionis dampno per annum ibi morati sunt. Hoc anno *Karolus Rex Francorum* sexta post- quam ab *Earnulfo* filio fratris sui de regno ex- pulsus fuerat ebdomada moritur. Quo defuncto, regnum in quinque divisum est, sed principalior pars provenit *Earnulfo*, cui alii quatuor fidelita- tem sponte sua juraverunt, subjectionemque exhi- buerunt, quia nullus eorum ex paterna progenie le- gitimus regni illius poterat esse hæres præter solum *Earnulfum*, apud illum enim remansit imperium. Talis autem erat regni divisio. *Earnulfus* opti- nuit regiones ad orientem *Hreni* fluminis, *Hrodulfus* mediterraneum regnum, *Odo* occidentale, *Beornga- rus* & *Vuido* *Longobardiam*, omnesque regiones quæ ex illa montis sunt parte. Sed hæc inter se ita divisa regna magnis sese mutuo concusserunt bellis, alter- que alterum se regno pepulerunt reges. Hoc anno *Ethelhelm Comes Wiltunensium* elemosinam Regis *Elfredi* detulit *Romam*.

Anno DCCC. lxxxvij. Inter alia multa bona quæ rex *Elfredus* gessit, duo monasteria con- struit nobilia; unum monachorum in loco qui di- citur *Etheling aegæ*, id est nobilium insula, ubi diversi generis monachis coadunatis, primitus *Jo- hannem* presbyterum & monachum, genere *Eald- saxonum*, abbatem constituit. Aliud quoque mo- nasterium juxta orientalem portam *Sceatshesbyrig* habitationi sanctimonialium habile idem rex ædi- ficare imperavit, in quo propriam filiam *Ethelgeo- sam* devotam Deo virginem abbatissam constituit. Quæ duo monasteria terrarum possessionibus omni- busque divitiis locupletatim ditavit.

Anno DCCC. lxxxix. *Etheredus Dorobornensis* archiepiscopus obiit, cui *Pleigmundus* successit.

Anno DCCC. xcj. *Guthrum* rex, quem ut præfati sumus, de sacro fonte rex *Elfredus* sus- cipiens nomen ei *Healfstan* imposuit, hoc anno obiit. Hic in orientali *Anglia* cum suis habitavit, & provinciam illam post martirium sancti Regis *Ead- mundi* primitus incoluit & possedit.

Anno DCCC. xcij. *Wlfere* archiepiscopus *Ebo- racensis* obiit anno sui archiepiscopatus xxxix. Anno

An. Dñi 886.

887.

888

889.

891.

892.

An.Dñi

893. **A**Nno DCCC. xcij. Rex paganus *Hesten* cum lxxx.parrionibus hostium *Tamenſis* fluminis intrans, munitionem ſibi in regia villa quæ *Widelſun* dicitur ædificavit.

894. **A**Nno DCCC. xciv. *Guthred* rex *Northymbro-
rum* obiit. Pagani qui *Northymbriam* incoluere cum *Elſredo* rege pacem juramentis ſtabiliere.

895. **A**Nno DCCC.xcv. pagani naves ſuas per fluvium *Tamenſem* & poſtmodum per amnem *Ligean* ſurſum traxerunt, ſibiſque munitionem prope ipſum amnem xx. miliariis à *Londonia* ædificare cœperunt.

896. **A**Nno DCCC.xcvj. æſtatis tempore magna pars civium *Lundoniensium* & de vicinis locis quamplures munitionem quamſibi pagani ædificaverant deſtruere moluntur. Sed illis fortiter reſiſtentibus, *Chriſtiani* in fugam vertuntur, quatuorſque de miniſtris Regis *Elfredi* occiduntur.

897. **A**Nno DCCC.xcvj. Paganorum exercitus in *Eastanglia* & *Northymbria* reſidentium furtivam prædam circa maris ripas agentes, terram occidentalium *Saxonum* graviter vexabant, maxime longis celeribuſque navibus, quas ipſi ante plures annos fabricaverant. Adverſum quos bis longiores, altiores, celeriores miniſque nutantes ex præcepto regis *Elfredi* fabricantur naves, quarum violentia prædictæ hoſtium ſuperari poſſent. Quibus in mare miſſis, mandat rex, ut quos capere poſſent vivos caperent, & quos vivos capere nequirent occiderent. Unde actum eſt ut eodem anno xx. naves *Danicorum* piratarum caperentur. Quorum quidam occiduntur, quidam ad regem vivi ducuntur, & in patibulo ſuſpenduntur.

898. **A**Nno DCCC. xcviij. *Rollo* primus *Normannorum* dux cum exercitu ſuo *Carnotenſem* civitatem obſedit. Sed epiſcopus ejuſdem urbis *Waltelinus Ricardum Burgundia* ducem & *Ebalum Piſtavenſem* Comitem in ſuum advocans auxilium, tunicam ſanctæ *Mariæ* in manibus ferens, *Rollonem* ducem divino nutu fugavit, & civitatem liberavit.

899. **A**Nno DCCC. xcix. *Angulſaxonum* rex *Elfredus* piſſimi regis *Athelwulfi* filius xxix. annis ſexque menſibus regni ſui peractis, Indictione iv. mortem obiit v. Kal. Novembris, & *Wintonia* in novo monaſterio ſepultus eſt. Huic filius ſucceſſit *Eadwardus*, cognomento ſenior, litterarum cultu patre inferior, ſed dignitate, potentia pariter & gloria ſuperior. Nam, ut in ſequentibus clarebit, multo latius quam pater fines regni ſui dilatavit. Si quidem civitates & urbes multas ædificavit, nonnullas vero deſtructas reædificavit. Totam *Eastaxoni-
am*, *Eastangliam*, *Northymbriam*, plureſque etiam *Mercie* provincias quas *Dani* multo poſſederant tempore, manibus illorum extorſit. *Merciam* poſt obitum ſuæ germanæ *Egelfeda* totam optinuit & poſſedit. *Scottorum*, *Cumbrorum*, *Stretgledun-
alorum* omneſque occidentalium *Brittonum* reges in deditionem accepit. Reges & duces ab eo prælio victi cæſique quamplurimi. Ex muliere nobiliſſima

Egcuinna filium ſuum primogenitum *Ethelſtanum*, An.Dñi ex regina autem ſua *Edgiva* filios tres, *Edwinum*, *Eadmundum*, *Edredum*, filiamque Deo devotam virginem *Eadburgam*, treſque inſuper habuit filias. Quarum unam *Otto Romanorum* imperator octogefimus nonus, alteram vero in conjugem habuit rex occidentalium *Francorum Carolus*. Cujus amitam *Juditam Caroli* ſcilicet Imperatoris filiam uxorem duxit rex occidentalium *Saxonum Ethelwlfus*. Tertiam autem filiam in uxorem habuit rex *Northan-
hymbrorum Sithricus*. Hoc anno *Erdulſus* epiſcopus *Lindisfarnenſis* obiit, cui *Tuthred* ſucceſſit. Pullius eſt etiam *Oſbrit* à regno.

ANno Domini DCCCC. *Ethelbald* archiepiſcopus *Eboracenſis* ordinatur. 900.

ANno DCCCC. iij. ſtrenuiſſimus dux *Athul-
fuſ Ealſwithe* reginæ matris regis *Eadwardi* germanus, & venerabilis abbas de *Scotia Virgilius* obierunt. Sanctus etiam preſbyter *Grimboldus* magnæ ſanctitatis vir, unusque magiſtrorum *Elfredi* regis, gaudia ſcandit regni cœleſtis. 903.

ANno DCCCC. iv. *Cantuarienſes* cum multitudine piratarum *Danicorum* in loco qui *Holme* dicitur pugnauerunt, & victores extiterunt. 904.

ANno DCCCC. v. Religioſa Chriſti famula *Ealſwithe* regina mater regis *Eadwardi* vita deceſſit, quæ ſanctimonialium monaſterium *Wintonie* conſtruxit. 905.

ANno DCCCC. vj. paganorum exercitus de *Eastanglia* & *Northymbria* invictum eſſe regem *Eadwardum* ſcientes, pacem cum eo faciunt, in loco qui lingua *Anglorum* *Þtingaſoꝝd* dicitur. Eodem anno *Rollo*, qui & *Robertus*, primus dux *Normannorum* deceſſit. Cui *Willielmus* filius ejus *Longa ſpata* ſucceſſit. 906.

ANno DCCCC. viij. Civitas quæ *Kaſtleir* *Brittannice*, & *Legaceſtre* dicitur *Saxonice*, juſſu *Etheredi* ducis & *Egelfeda* reſtaurata eſt. 908.

ANno DCCCC.x. ſancti *Oſwaldi* regis & martyris oſſa de *Wardonig* in *Merciam* tranſlata ſunt. Rex invictiſſimus *Eadwardus*, quia pactum quod ſecum *Dani* pepigerant prævaricati ſunt, *Westſaxonum* & *Merciorum* exercitum in *Northymbriam* miſit. Qui cum illo veniſſent, per quadraginta ferme dies eam deſtare non ceſſantes, quam plures *Danorum* occiderunt, & reges duceſque eorum cum rege *Eadwardo* pacem quam fregerant redintegrate compulerunt. 910.

ANno DCCCC. xj. in provincia *Sterffordenſi* in loco qui dicitur *Teotenhale* inter *Anglos* & *Danos* inſigne prælium actum eſt; ſed *Angli* potiſſimum ſunt victoria. 911.

ANno DCCCC.xij. eximia vir probitatis, dux & patritius, dominus & ſubregulus *Merciorum* *Etheredus* poſt nonnulla quæ egerat bona deceſſit. Poſt cujus mortem uxor illius *Egelfeda* regis *Elfredi* filia, regnum *Merciorum*, (exceptis *Lundonia* & *Oxenaforda*, quas ſuus germanus rex *Eadwardus*

An.Dñi wardus sibi retinuit) haut brevi tempore strenuissime viij. annis tenuit.

913. **A**Nno DCCCC. xiiij. *Egelsfleda Merciorum* Domina ij. Non. Mai, cum exercitu ad locum qui *Sceargete* dicitur venit, ibidemque arcem munitam construxit, dehinc in occidentali plaga *Sabrine* fluminis in loco qui dicitur *Wtge* aliam ædificavit.

914. **A**Nno DCCCC. xiv. ætatis initio *Egelsfleda Merciorum* domina cum *Mercensibus* ad *Contwirthig* petrexit, ipsamque urbem restauravit. Deinde *Steffordam* retendit, & in septentrionali plaga *Stouve* amnis arcem construxit.

915. **A**Nno DCCCC. xv. defuncto *Hwiciorum* episcopo *Werfertho* magnæ sanctitatis & scientiæ viro, *Ethelbunus* successit. *Egelsfleda Merciorum* domina urbem condidit quæ *Cadesbitrig* vocatur, & in fine autumni alteram quæ *Ularawic* nominatur.

916. **A**Nno DCCCC. xvj. rex invictissimus *Eadwardus* ante festivitatem sancti *Martini Bedefordem* adiit, & eam cum inhabitatoribus ejus in deditionem accepit, ibidemque per xxx. dies moratus, urbem in australi plaga amnis *Ufa* condidit præcepit.

917. **A**Nno DCCCC. xvij. *Egelsfleda Merciorum* domina in terra *Brittonum* ad expugnandam arcem apud *Byrcenam* mere misit exercitum. Qui expugnata arce, uxorem regis *Brittonum* cum xxxiv. hominibus captivos in *Merciam* adduxerunt.

918. **A**Nno DCCCC. xviii. *Egelsfleda Merciorum* domina ante Kal. Augusti *Derbeiam* infringendo expugnavit, ipsamque provinciam tenuit. Cujus ministri iv. de carioribus in porta urbis fortiter pugnantes occisi sunt.

919. **A**Nno DCCCC. xix. *Egelsfleda Merciorum* domina, insignis prudentiæ & justitiæ virtutisque eximie femina, viij. anno ex quo sola regnum *Merciorum* strenuo iustoque rexit moderamine, xix. Kal. Julii obiit, & unicam filiam suam *Elwinnam* ex *Etheredo* subregulo susceptam, hæredem regni reliquit. Cujus corpus *Glawornam* delatum in ecclesia sancti *Petri* est honorifice tumulatum.

920. **A**Nno DCCCC. xx. rex *Eadwardus* misit in *Northanhymbrorum* regionem *Merciorum* exercitum ut urbem *Mannecester* restaurarent, & in ea fortes milites collocarent. Post hæc *Elwinna* neptæ suæ potestatem regni *Merciorum* penitus ademit, & in *Westfaxoniam* duci præcepit. Eodem anno rex *Northanhymbrorum* *Sithricus* occidit *Nicellum* fratrem suum, & infregit *Devennport*.

921. **A**Nno DCCCC. xxj. rex *Scotorum* cum tota gente sua & *Regnaldus* rex *Danorum* cum *Anglis* & *Danis* *Northymbriam* incolentibus, rex etiam *Streddedunalarum* cum suis Regem *Eadwardum* seniore sibi in patrem & dominum elegerunt, finiumque fœdus cum eo pepigerunt.

ANno DCCCC. xxij. Clito *Ethelwardus* regis *Eadwardi* germanus xvij. Kal. Novembris defunctus *Wintoniam* deferretur & sepelitur. *Hwiciorum* episcopo *Athelhuno* defuncto *Wilferthus* successit.

10 **A**Nno DCCCC. xxiv. invictissimus rex *Anglorum* *Eadwardus* senior, qui cunctis *Britanniæ* incolentibus *Anglorum*, *Scotorum*, *Cumbrorum*, *Danorum* pariter & *Brittonum* populis gloriosissime præfuit, post multas res egregie gestas, regni sui anno xxiv. in regia villa quæ *Fearnoum* nominatur, Indictione xv. ex hac vita transiens, *Ethelstano* filio regni gubernacula reliquit. Cujus corpus *Wintoniam* delatum, in novo monasterio regio more sepelitur. *Ethelstanus* vero in *Kingestune*, id est in villa regia, in regem levatur, & honorifice ab *Ethelmo Dorobernensi* archiepiscopo consecratur. Cujus temporibus oritur puer strenuus *Dunstannus* in *Westfaxonia* finibus.

ANno DCCCC. xxv. strenuus & gloriosus rex *Anglorum* *Ethelstannus* sororem suam cum magno honore & gloria *Northymbrorum* regi *Sithrico Danica* stirpe progenito in matrimonium dedit. Eodem anno *Wigred* episcopus *Lindisfarnensis* consecratur.

30 **A**Nno DCCCC. xxvj. *Northanhymbrorum* rex *Sithricus* vita decessit, cujus regnum rex *Ethelstannus*, filio illius expulso *Guthfertho*, qui patri in regnum successerat, suo adjecit imperio. Omnes etiam reges totius *Albionis*, regem scilicet occidentaliū *Brittonum* *Huval*, dehinc regem *Scotorum* *Constantinum*, regemque *Wentorum* *Wuer* prælio vicit & fugavit. Hi omnes ubi se viderunt non posse strenuitati illius resistere, pacem ab eo petentes, in loco qui dicitur *Camotun* iv. idus Julii convenerunt, datoque sacramento firmum cum eo fœdus pepigerunt.

ANno DCCCC. xxix. *Hwiciorum* episcopo *Wilfertho* defuncto successit *Kinewoldus*.

ANno DCCCC. xxxij. vir eximie sanctitatis *Frithestannus* episcopus *Wintoniensis*, ordinato pro se in episcopatum viro religioso *Brinstano*, *Wintonia* refedit.

ANno DCCCC. xxxiiij. sanctus *Frithestannus* obiit. Rex *Ethelstannus* iussit fratrem suum *Edwinum* in mare submergi.

60 **A**Nno DCCCC. xxxiv. strenuus rex *Anglorum* *Ethelstannus*, quia rex *Scotorum* *Constantinus* fœdus quod cum eo pepigerat dirupit, classica manu pervalida & equestri exercitu non modico, ad *Scotiam* proficiscitur. Qui prius sepulchrum sancti *Cuthberti* adiens, eumque terrarum & aliarum rerum regali donatione honorans, *Scotiam* usque *Dunfoeder* & *Wertermorum* terrestri exercitu vastavit, navali vero usque *Cathenes*, eamque maxima ex parte depopulatur. Unde vi compellus rex *Constantinus* filium suum obsidem cum dignis muneribus illi dedit, paceque redintegrata rex in *Westfaxoniam*

An.Dñi 922.

924.

925.

926.

929.

932.

933.

934.

An. Dñi *niam* rediit. Sanctus *Byrnstanus* eodem anno obiit.

935. **A** Nno DCCCC. xxxv. religiosus monachus *Elfegus* cognomento *Calvus*, beati *Dunstani* propinquus, suscepit episcopatum *Wintoniensis* ecclesie.

937. **A** Nno DCCCC. xxxvij. *Hiberniensium* multarumque insularum rex paganus *Anlafus* à focero suo rege *Scottorum Constantino* incitatus, hostium *Humbrae* fluminis valida cum classe ingreditur. Cui rex *Ethelstanus* fraterque suus *Clito Eadmundus* in loco qui dicitur *Bunanburh* cum exercitu occurrerunt, & prælio à diei principio in vesperum tracto, quinque regulos septemque duces, quos adversarii sibi in auxilium conduxerant, interfecerunt, tantumque sanguinis quantum eatenus in *Anglia* nullo in bello est fuissem, fuderunt, & reges *Anlafum* & *Constantinum* ad naves fugere compellentes, magno reversi sunt tripudio. Illi vero summam infelicitatem de interitu sui exercitus consecuti, cum paucis redeunt in sua.

940. **A** Nno DCCCC. xl. strenuus & gloriosus rex *Anglorum Ethelstanus*, xvi. regni sui anno, Indictione xiiii. vi. kal. Nov. feria quarta, apud *Glavornam* vita decessit, & ad *Maidulsi* urbem delatus, honorifice est tumulatus. Cui frater suus *Eadmundus* xviii. ætatis suæ anno in regnum successit.

941. **A** Nno DCCCC. xli. *Northimbrenses* fidelitati quam magnifico regi *Anglorum Eadmundo* debebant infidelitatem præferentes, regem *Noreganorum Anlafum* sibi in regem elegerunt. Eodem anno *Ricardus* verus suscepit comitatum *Normannie*, & tenuit lii. annis. Fuit ipse filius *Willielmi* Comitis, cujus pater fuit *Rollo* primus *Normannorum* Dux. *Wigredus* episcopus obiit, & *Getredus* successit.

942. **A** Nno DCCCC. xlii. magnificus rex *Anglorum Eadmundus* quinque civitates, *Lindicolniam*, *Snothingam*, *Deorbeiam*, *Leogarecestram*, & *Stanfordam* manibus *Danorum* penitus extorsit, totamque *Merciam* in sui potestatem redegit. Hic dei servo *Dunstano* summus, & ejus consiliis fuit gloriosus, à quo diversis honoribus sullunatus, *Glestone* in qua educatus est, abbatis jure præficitur.

943. **A** Nno DCCCC. xlii. magnifico Regi *Eadmundo* cum sua regina sancta *Elfgiva* filium peperisset *Eadgarum*, sanctus abbas *Dunstanus* audivit quasi in sullimi voces psallentium, atque dicentium, *Pax Anglorum ecclesie exorti nunc pueri nostrique Dunstani tempore*. Eodem anno idem rex *Anlafum* regem cujus supra meminimus, de lavacro sanctæ regenerationis suscepit, regioque munere donavit; & parvo post tempore *Reingnoldum Northanhymbrorum* regem dum ab episcopo confirmaretur tenuit, sibi in filium adoptavit.

944. **A** Nno DCCCC. xliii. magnificus rex *Anglorum Eadmundus* duos reges, *Anlafum* regis videlicet *Sihtrici* filium, & *Reingnoldum Guthferti* filium, de *Northymbria* expulit, eamque suæ ditioni subegit.

A Nno DCCCC. xlv. magnificus rex *Anglorum Eadmundus* terram *Cumbrorum* depopulatus est, illamque Regi *Scottorum Malculmo* eo tenore dedit, ut terra marique sibi fidelis existeret.

A Nno DCCCC. xlvj. magnificus rex *Anglorum Eadmundus*, die festivitatis sancti *Augustini Anglorum* doctoris, dum in regia villa quæ Anglice *Winclece* dicitur, suum dapiferum è manibus pessimi cleptoris *Leonem*, ne occideretur, vellet eripere, v. annis viique mensibus regni sui peractis, Indictione iiii. vij. kal. Junij, feria iij, ab eodem interficitur & *Glastoniam* delatus à beato *Dunstano* abbate sepelitur. Cui *Edredus* frater suus in regnum successit, & à sancto *Odone* archiepiscopo in *Kingestune* rex est consecratus.

A Nno DCCCC. xlvij. *Aldredus* qui post *Uchredum* fuit episcopus, obiit, & *Ailsi* ei successit.

A Nno DCCCC. xlix. *Wlstanus Eboracensis* archiepiscopus proceresque *Northymbrenses* omnes in villa quæ dicitur *Taddenestylt* egregio regi *Anglorum Odredo* fidelitatem juraverunt; sed non illam diu tenuerunt, nam quendam *Danica* stirpe progenitum, *Eyricum* nomine, super se regem leverunt.

A Nno DCCCC. l. per infidelitatem *Northymbrensi*um egregius rex *Anglorum Eadredus* totam *Northymbriam* devastat, in qua devastatione monasterium quod dicitur in *Wripum* à sancto *Wilfrido* episcopo quondam constructum, igne est combustum. Redeunte vero domum rege, exercitus de *Eboraca* erumpens civitate in loco qui dicitur *Catefford* de extrema parte exercitus regis multam stragem dedit. Unde rex nimis offensus voluit illico redire, & totam illam terram penitus delere. Verum hoc cognito, *Northymbrenses* timore perterriti, *Tricum* quem sibi regem præferant, abjecerunt, regis injurias honoribus, detrimenta numeribus expleverunt, ejusque offensam pecunia non modica placaverunt.

A Nno DCCCC. li. sanctus *Elfegus* cognomento *Calvus Uventanus* episcopus, qui beatum *Dunstanum* Monachus & presbyteratus gradu decoravit, huic vitæ modum fecit; cui *Elfsinus* in episcopatum successit. *Owel* quoque rex *Brittonum* obiit.

A Nno DCCCC. lii. inclitus rex *Anglorum Eadredus Eboracensem* archiepiscopum *Wlstanum* in *Juthanbyrig* artem posuit in custodiam, quia frequenter apud eum certis ex causis accusabatur.

A Nno DCCCC. liii. *Wlstano Eboracensi* archiepiscopo à custodia soluto, episcopalis honor apud *Dorreceastre* restituitur.

A Nno DCCCC. lv. egregius rex *Anglorum Eadredus* x. anno regni sui ægrotavit, & desperatus est. Qui missa celeri legatione, confessionum suarum patrem beatum scilicet *Dunstanum* abbatem accessit, quo festine ad palatium tendente, & medium jam iter peragente, vox desuper clare sonuit, ipso audiente, Rex *Eadredus* nunc in pace quiescit.

Ad

An. Dñi 945.

946.

948.

949.

950.

951.

952.

954.

955.

Dñi Ad hanc vocem equus cui insedit pondus vocis Angeliæ ferre non valens, absque ulla leſſoris læſione cum interitu ſuo in terram corruit. Regis autem corpus *Wintoniam* deſertur, & ab abbate ipſo *Dunſtano* in veteri monaſterio ſepultura hæneſſimæ traditur. Cuius fratrius *Clito Edvius*, regis ſcilicet *Eadmundi* & ſanctæ *Ealgive* reginæ filius, Monarchiam imperii ſuſcepit, & eodem anno in *Wingestune* ab *Odono Dorobernia* archiepiſcopo rex conſecratus eſt.

956. **A** Nno DCCCC. lvj. Beatus *Dunſtanus* abbas à rege *Anglorum Edvio* pro juſtitia proſcriptus, mare tranſiit, & in monaſterio quod *Blandunum* dicitur, ſub exilii ſui tempore manſionem accepit. *Wlſtanus Eboracenſis* archiepiſcopus vij. kal. Jan. deſunctus in *Windatan* tumultatur. Cui vir reverendus ſucceſſit *Oſkytellus*.

957. **A** Nno DCCCC. lvij. Rex *Anglorum Edvius*, quoniam in commiſſo regimine inſipienter egit, à *Mercenſibus* & *Northymbrenſibus* contemptus, relinquitur, & ſuus germanus *Clyto Eadgarus* ab eis rex eligitur, ſicque res regum ſejuncta eſt, ut flumen *Tamenſe* regnum diſterminaret amborum: Mox rex *Mercenſium Eadgarus* beatum *Dunſtanum* abbatem cum honore & gloria de exilio revocavit. Excurſo dehinc parvi ſpacijs tempore, paſtor *Wigornenſis* eccleſiæ *Ceonwaldus* vir magnæ humilitatis & monaſticæ profeſſionis deſungitur. Pro quo beatus *Dunſtanus* ad epiſcopatum eligitur, & ab *Odono Dorobernia* archiepiſcopo conſecratur.

958. **A** Nno DCCCC. lvij. Sanctus *Odo Dorobernia* archiepiſcopus regem *Westſaxonum Edvium* & *Elgivam*, vel quia ut fertur propinqua illius extitit, vel quia illam ſub propria uxore adamavit, ab invicem ſeparavit. Eodem anno idem archiepiſcopus, vir quidem clarus ingenio & virtute laudabilis, ſpiritu quoque prophetiæ pollens, humanis exceſſit rebus, angelorum manibus ad paradium deductus. Huic ſucceſſit *Wentanus* epiſcopus *Elſſinus*; & pro ipſo ad epiſcopatum *Wintonienſis* eccleſiæ ordinatus eſt *Brithelmus*.

959. **A** Nno DCCCC. lix. *Elſſinus Dorobernenſis* archiepiſcopus dum *Romam* pro petendo pallio tenderet, in Alpinijs montibus gelu niveque obſtrictus deſecit. Rex *Westſaxonum Edvius* iij. annis regni ſui peractis, deſunctus, *Wintonia* in novo monaſterio eſt ſepultus. Cuius regnum ſuus germanus rex *Mercenſium Eadgarus*, ab omni *Anglorum* populo electus, anno ætatis ſuæ ſextodecimo, adventus vero *Anglorum* in *Britanniam* quingenteſimo decimo, trecentefimo autem ſexageſimo tertio ex quo Sanctus *Auguſtinus* & ſocii ejus *Angliam* venerunt, ſuſcepit, diviſaque regna in unum copulavit. *Brithelmus Dorſetenſium* epiſcopus ad patriarchatum *Cantuarie* ſedis eligitur. Sed quia ad tantam rem minus erat idoneus, juſſus à rege *Cantuarie* diſcedit, atque ad relietam nuper eccleſiam ſuam redit. Dehinc beatus *Dunſtanus* eccleſiæ *Wigornenſis* epiſcopus, ex reſpectu divino & ſapientum conſilio, primæ metropolis *Anglorum* primas & patriarcha inſtituitur. A quo & cæteris ſapientibus ipſe rex *Anglorum Eadgarus* decenter inſtructus, paſſim improbos oppreſſit, rebelles ſub aſperitatis correctione redarguit, juſtos & modeſtos dilexit, de-

ſtructas dei eccleſias renovavit, & ditavit; abjectis ex cœnobiijs clericorum naevijs, ad laudem ſummi creatoris monachorum & ſanctimonialium catervas aggregavit, & pluſquam xl. monaſteria cum eis conſtitui præcepit; quos omnes ut fratres honorabat, & ut filios chariſſimos diligebat, ammonens per ſe paſtores quos ipſis præpoſuit, ut illos regulariter & irreprehenſibiliter vivere ammonerent, quatinus *Chriſto* & Sanctis ejus in omnibus placerent.

A Nno DCCCC. lx. Sanctus *Dunſtanus* ad *Romuleam* urbem proſectus Indiſtione iij. pallium à *Johanne* papa ſuſcepit, ſicque per pacis itinera ad patriam remeavit. Paucis exinde menſibus interjectis, regalia petit limina, januatæ regis pietatis ſuggeſtione preceque pullat humilima, ut religioſum, mitem humilemque monachum ſui prædeceſſoris *Odonis* fratriuelem beatum *Oſwaldum*, quem in timore divino ſanctiſque virtutum operibus veriffime probaverat excreviſſe, promoveret ad pontificale decus *Wigornenſis* eccleſiæ. Annuit rex *Eadgarus* quod ſanctus petebat *Dunſtanus*, & ab ipſo intro nizatur ad ſummum ſacerdotium beatus *Oſwaldus*.

A Nno DCCCC. lxij. Sanctus *Ethelwoldus* venerabilis abbas à beato *Dunſtano* educatus, mortuo *Brithelmo* epiſcopatum *Wintonienſis* eccleſiæ ſuſcepit. Et eodem anno juſſu regis expulſis clericis vetus monaſterium cum monachis inſtituit. Hic namque regem cujus eximius erat conſiliarius ad hoc maxime provocavit, ut clericos à monaſteriis expelleret, & monachos ſanctimonialesque in eis collocari juberet.

A Nno DCCCC. lxij. Rex *Anglorum* pacificus *Eadgarus Ordgari* ducis *Domnania* filiam poſt mortem viri ſui *Elfwaldi* glorioſi ducis orientalium *Anglorum* in matrimonium accepit, ex qua duos filios *Eadmundum* & *Egelredum* ſuſcepit. Habuit etiam prius ex *Egelfleda* candida *Ordmeri* ducis filia *Eadwardum* poſtea regem & martyrem, & de ſancta *Wlthriha* virginem deo devotiſſimam *Eagitham*. Eodem anno rex idem monachos in novo monaſterio, & in *Widdeltune* collocavit, & illis *Ethelgarum*, iſtis *Cymewardum* abbates conſtituit.

A Nno DCCCC. lxvij. Rex *Anglorum* pacificus *Eadgarus* in monaſterio *Rumefige* quod avus ſuus rex *Anglorum Eadwardus* ſenior conſtruxerat ſanctimoniales collocavit, ſanctamque *Merwinam* ſuper eas abbatiffam conſtituit.

A Nno DCCCC. lxvij. *Aldredus* epiſcopus apud ſanctum *Cuthbertum* in *Cunecaceſtre* vita deceſſit. Cui *Elſſinus* in epiſcopatum ſucceſſit.

A Nno DCCCC. lxix. Rex *Anglorum* pacificus *Eadgarus* ſancto *Dunſtano Dorobernenſis*, & beato *Oſwaldo Wigornenſis*, & ſancto *Ethelwoldo Wintonienſis* eccleſiæ epiſcopis præcepit, ut expulſis clericis in majoribus monaſteriis per *Merciam* conſtructis monachos collocarent. Unde ſanctus *Oſwaldus* ſui voti compos effectus, clericos *Wigornenſis* eccleſiæ monachilem habitum ſuſcipere renuentes de monaſterio expulit; conſentientes vero hoc anno ipſo teſte monachavit; eiſque *Winfſinum* magnæ religionis virum loco decani præfecit.

An. Dñi

970.

ANno DCCCC. lxx. sanctæ ac venerabiles antistitis *Snithuni* reliquiæ, peractis à sepultura ejus centum & decem annis, Indictione xiiij, idus Julii, feria sexta, sullatæ sunt de monumento à sancto *Ethelwoldo* venerabili præfule, & ab *Elfstano Glastonienfis*, & ab *Ethelgaro* Novi monasterii abbatibus, & in basilica apostolorum *Petri & Pauli* decentissime sunt reconditæ.

971.

ANno DCCCC. lxxi. Clito *Eadmundus* regis *Eadgari* filius obiit, & in monasterio *Rumtidge* honorifice est sepultus. Non multum post *Ordgarus* dux *Domnania* focer regis *Eadgari* decessit, & in *Crancestre* est sepultus.

972.

ANno DCCCC. lxxij. Rex Anglorum pacificus *Eadgarus* Novi monasterii ecclesiam à patre suo *Eadmundo* inceptam, à se vero perfectam honorifice dedicari præcepit. Defuncto *Eboracensi* archiepiscopo *Oskytello*, suus propinquus sanctus *Oswaldus Wigenornensis* episcopus pro eo in archiepiscopum eligitur.

973.

ANno DCCCC. lxxij. Rex Anglorum pacificus *Eadgarus* anno ætatis suæ xxx. Indictione v. idus Mai, die Pentecostes, à beatis præfibus *Dunstano* & *Oswaldo* & à cæteris totius Angliæ antistitibus in civitate *Acamanni* benedicitur, & cum maximo honore & gloria consecratur, & in regem inungitur. Interjecto deinde tempore, ille cum ingenti classe septentrionali *Britannia* circumnavigata, ad *Legionum civitatem* appulit. Cui subreguli ejus octo, *Kynath* scilicet rex *Scottorum*, *Malcolm* rex *Cumbrorum*, *Maccus* plurimarum rex insularum, & alii v. *Dufnald*, *Siferth*, *Huvul*, *Jacob*, *Nichil*, ut mandaverat occurrerunt, & quod sibi fideles & terra & mari cooperatores esse vellent juraverunt. Cum quibus die quadam scapham ascendit, illisque ad remos locatis, ipse clavum gubernaculi arripiens, eam per cursum fluminis *De* perite gubernavit, omnique turba ducum & procerum simili navigio comitante, à palatio ad monasterium sancti *Jobannis Baptiste* navigavit. Ubi facta oratione, eadem pompa ad palatium remeavit. Quod dum intraret, optimatibus fertur dixisse, tunc demum quemque suorum successorum se gloriari posse regem Anglorum fore, cum, tot regibus sibi obsequensibus, potiretur pompæ talium honorum. Sanctus *Oswaldus* pallium à *Stephano* centesimo xxxiiij. papa suscepit.

974.

ANno DCCCC. lxxiiij. Hoc anno terræ motus per totam *Angliam* factus est maximus.

975.

ANno DCCCC. lxxv. *Anglici* orbis basileus, flos & decus antecessorum regum, pacificus Rex *Eadgarus*, non minus memorabilis *Angliis* quam *Romulus* Romanis, *Cirus* Persis, *Alexander* Macedonibus, *Arfaces* Parthis, *Karolus magnus* Francis, postquam cuncta regaliter consummavit, anno ætatis suæ xxxij. regni autem illius in *Mercia* & *Northumbria* xix. ex quo vero per totam *Angliam* regnavit xvi. Indictione iiij. viij. idus Julii, feria quinta ex hac vita transiens, filium suum *Eadwardum* & regni & morum heredem reliquit. Corpus vero illius *Glastoniam* delatum, regio more est tu-

mulatum. Is itaque dum viveret iij. DC. robustas sibi congregaverat naves. Ex quibus Paschali emensa sollempnitate omni anno mille CC. in orientali, mille ducentas in occidentali, mille CC. in septentrionali insulæ plaga coadunare, & ad occidentalem cum orientali classe, & illa remissa ad borealem cum occidentali, ipsaque remissa cum boreali ad orientalem classem renigare, eoque modo totam insulam omni ætate consueverat circumnavigare, viriliter hoc agens ad defensionem contra externos regni sui, & suum suorumque ad bellicos usus exercitium. Hieme autem & vere infra regnum usquequaque per omnes provincias Anglorum transire, & quomodo legum jura & suorum decretorum statuta à principibus observarentur, neve pauperes à potentibus præjudicium passi opprimerentur, diligenter solebat investigare. In uno fortitudini, in altero justitiæ studens, in utroque rei publicæ & regni utilitatibus consulens. Hinc hostibus circumquaque timor, & omnium sibi subditorum erga eum excreverat amor. Cujus decessu totius regni status est perturbatus, & post tempus lætitiæ, quod illius tempore stabat pacifice, cœpit tribulatio undique advenire. Nam princeps *Merciorum Elfere* quampluresque regni primates magnis obcæcati muneribus, abbates cum monachis de monasteriis in quibus rex pacificus *Eadgarus* eos locaverat, expulerunt, & clericos cum uxoribus suis introduxerunt. Sed huic vesaniæ viri timorati dux orientalium Anglorum *Ethelminus* dei amicus, & suus germanus *Elfwoldus*, & *Brithnothus* Comes vir religiosus restiterunt, & in synodo constituti, se nunquam ferre posse, dixerunt, ut monachi eicerentur de regno qui omnem religionem tenuerunt in regno. Congregato dein exercitu, monasteria orientalium Anglorum maxima strenuitate defenderunt. Dum hæc aguntur, de rege eligendo magna inter regni primores oborta est dissensio. Quidam namque Regis filium *Eadwardum*, quidam vero fratrem illius elegerunt *Egelredum*. Quam ob causam archipræsules *Dunstanus* & *Oswaldus* cum coepiscopis, abbatibus ducibusque quamplurimis in unum convenerunt, & *Eadwardum*, ut pater suus præceperat, elegerunt, electum consecraverunt, & in regem unxerunt. Cometis stella autumnali tempore visa est.

ANno DCCCC. lxxvi. fames valida *Angliam* invasit. 976.

ANno DCCCC. lxxvij. in *Eastanglia* apud villam quæ *Cirding* nominatur maxima synodus celebratur. Dehinc apud *Halne* regiam villam dum alia celebraretur, totius Angliæ majores natu qui ibidem congregati fuerant, excepto sancto *Dunstano*, de solario quodam corruerunt. Quorum quidam mortui sunt, quidam vero mortis periculum vix evaserunt. 977.

ANno DCCCC. lxxviii. Rex Anglorum *Eadwardus* jussu novercæ suæ *Elfthride* reginæ in loco qui *Cozelesgate* dicitur à suis injuste occiditur, & apud *Uerham* non regio more sepelitur. Cujus frater *Egelredus* Clito egregius, moribus elegans, pulcher vultu, decorus aspectu, Indictione vi. die Dominica xvij. kal. Mai post Paschalem festivitatem à sanctis archipræsibus *Dunstano* & *Oswaldo* & decem episcopis in *Hyngestune* ad regni fastigium 978.

fastigium est consecratus. Nubes per totam *Angli-*
am media nocte, nunc sanguinea, nunc ignea visa
est; dehinc in radios diversos & colores varios mu-
tata circa auroram disparuit.

79. **A** Nno DCCCC. lxxix. dux *Merciorum Elferus*
cum multitudine populi *Uerham* venit, san-
ctumque corpus preciosi regis & martyris *Eadwardi*
de tumultu sollevari præcepit. Quod dum esset nu-
datum, sanum atque incolume ab omni clade &
contagione est inventum. Lotum deinde novisque
vestimentis indutum, ad *Scestoniam* est delatum, &
honorifice tumulatum.

80. **A** Nno DCCCC. lxxx. *Suthamptonia* à *Danicis*
piratis devastatur, & ejus cives omnes fere
vel occisi, vel captivi sunt abducti. Nec multo post
Weneland insulam idem devastavit exercitus. Quò
etiam anno civitatis *Legionum* provincia à *Norwe-*
gensibus piratis devastatur.

81. **A** Nno DCCCC. lxxxj. Sancti *Petroci* Confes-
soris monasterium in *Cornubia* devastatum est
à piratis qui anno præterito *Suthamptoniam* deva-
starunt. Qui deinde in *Domnania* & in ipsa *Cornu-*
bia circa ripas maris frequentes prædas agebant.

82. **A** Nno DCCCC. lxxxij. ad provinciam *Dorfe-*
tensum tres naves applicuerunt piratarum, &
Portland devastaverunt. Civitas *Londonia* igne
cremata est.

83. **A** Nno DCCCC. lxxxij. Dux *Merciorum El-*
ferus regis *Anglorum Eadgari* propinquus
decessit, ejusque ducatum filius suus *Alfricus*
suscepit.

84. **A** Nno DCCCC. lxxxij. Sanctus *Ethelwoldus*
Wintoniensis episcopus Indictione ij. Kal.
Augusti è seculo migravit. Cui successit *Barbo-*
nicus abbas *Elfegus*. Hic in monasterio cui *De-*
orhyrst vocabulum est, religionis susceperat
habitum.

86. **A** Nno DCCCC. lxxxvj. Rex *Anglorum Egel-*
redus propter quasdam dissensiones civitatem
Hrofi obsedit. Et visa capiendi illam difficultate,
iratus discessit, & terras sancti *Andrea* Apostoli
devastavit. Dux *Merciorum Alfricus* *Alferi* du-
cis filius ab *Anglia* expellitur.

87. **A** Nno DCCCC. lxxxvij. Hoc anno duæ re-
tro seculis *Anglorum* genti incognitæ pestes,
scilicet febris hominum, & lues animalium quæ
Anglice *Scitfa* vocatur, Latine autem fluxus in-
terraneorum dici potest, totam *Angliam* plurimum
vexaverunt, & clade pervalida tam homines affi-
ciendo quam animalia penitus consumendo per
omnes fines *Anglia* inedicibiliter delævierunt.

88. **A** Nno DCCCC. lxxxvij. *Weredport* à *Da-*
nicis piratis devastatur. A quibus etiam sa-
trapa *Domnania* *Goda* nomine & miles fortissimus
Strenwoldus cum aliis nonnullis perimuntur. Sed
tamen ex illis plurioribus occisis *Angli* loco do-
minantur funeris. Beatus *Dunstanus* archiepiscopus
Indictione prima xiiij. Kal. Junii sabbato ex

hac vita transivit, & supernæ civitatis sedem pe-
tavit, pro quo *Ethelgarus Seolesigenensis* episcopus
archiprælulatum suscepit, unoque anno tribusque
mensibus tenuit. An.Dñi

A Nno DCCCC. xc. defuncto *Elffio Lindis-* 990.
farnensi episcopo, *Aldunus* succedit.

10 **A** Nno DCCCC. xcj. *Ethelgaro* archiepiscopo, 991.
Cantia Siricus successit. Hoc anno *Gippel-*
wite Dani depopulati sunt. Quorum duces fue-
runt *Justin* & *Guthmund* filius *Steyran*: cum
quibus non multo post strenuus dux orientalium
Saxonum Brihmodius juxta *Meldunam* prælium
commisit. Sed utrinque infinita multitudine occi-
sa, ipse dux occubuit, *Danica* vero fortuna vicit.
Quo insuper anno *Sirici Dorobernensis* archiepiscopi,
& ducum *Ethelwardi* & *Alfrici* consilio, *Danis*
tributum quod erat decem millia librarum primi-
tus datum est, ut à crebris rapinis, cremationibus
& hominum occisionibus quas circa ripas maris
frequenter agebant, desisterent, pacemque firmam
cum eis tenerent. Sanctus *Oswaldus* archiepisco-
pus monasterium *Ramesege*, quod ipse & Dei
amicus dux orientalium *Anglorum Ethelwinus*
construxerunt, divino adjutus auxilio & confortatus
amminiculo, vj. Idus Novem. feria iij. consecravit.

30 **A** Nno DCCCC. xcij. Sanctus *Oswaldus* ar- 992.
chiepiscopus Indictione v. ij. Kal. Martii, fe-
ria secunda, transiens ex hac vita regni cœlestis
gaudia conscendit, & *Wigorne* in ecclesia sanctæ
Mariæ quam ipse à fundamentis construxerat, re-
quiescit. Cui venerabilis *Medeshamstudenensis* abbas
Aldulfus successit. Nec diu post excessum beati
Oswaldi egregiæ dux memoriæ *Ethelwinus* Dei
amicus defunctus est, & *Ramesege* honorifice
sepultus.

40 **A** Nno DCCCC. xcij. Hoc anno prædictus ex- 993.
ercitus *Danorum* *Webbanburh* infregit, &
omnia quæ in ea sunt reperta secum asportavit.
Dehinc ad hostium *Humbra* fluminis cursum suum
dirigens, in *Lindesege* & in *Northymbria* multis
villis incensis hominibusque cæsis, magnam prædam
cepit. Contra quos provinciales quamplures conglo-
bati properanter ascenderunt. Sed cum præli-
um essent commissuri, duces exercitus, *Frana* vi-
delicet, *Frishegift* & *Godwinus*, quia ex paterno ge-
nere *Danici* fuerunt, suis insidiantes, auctores fugæ
primitus extiterunt.

60 **A** Nno DCCCC. xcij. *Anlafus* rex *Norega-* 994.
anorum, & *Suanus* rex *Danorum*, die nativi-
tatis sanctæ *Mariæ* xcij. trieribus *Londoniam* ad-
vehuntur: quam mox effringere & incendere co-
nantur, sed Dei suæque genitricis *Mariæ* juvami-
ne non sine parvo sui exercitus detrimento à civi-
bus repelluntur. Unde furore simul & tristitia ex-
asperati, eadem die recesserunt inde, & primitus in
East Saxonia & *Cantia* circaque ripas maris, de-
inde in *Suthsaxonia* *Suthamtonensique* provincia
villas incendunt, agros devastant, & sine respectu
sexus quamplures ferro & flamma absumunt, præ-
damque ingentem agunt. Ad postremum vero
equos sibi rapientes, multasque per provincias de-
bacchando discurrentes, ne sexui quidem muliebri
I vel

An.Dñi vel innocuæ parvulorum pepercerunt ætati; quin universos atrocitate ferina contraderent morti. Tunc rex *Egelredus* procerum suorum consilio ad eos legatos misit, promittens tributum & stipendium ea conventionem illis se daturum, ut à sua crudelitate omnino desisterent. Qui petitioni regis acquiescentes, ad suas reversi sunt naves, & sic ad *Suthamton* totus congregatus exercitus ibidem hiemaverunt. Quibus de tota *Westfaxonía* stipendium dabatur, de tota vero *Anglia* tributum quod erat *xvj.* librarum dependebatur. Interea jussu regis *Egelredi Wintoniensis* episcopus *Elfegus*, nobilisque dux *Ethelwardus* regem *Anlafum* adierunt, obsidibusque datis illum ad regiam villam *Andeafaran* ubi rex manebat, cum honore deduxerunt. Quem rex honorifice suscepit, confirmari ab episcopo fecit, sibi in filium adoptavit, regioque munere donavit. Ille vero se non amplius ad *Angliam* cum exercitu venturum regi *Ethelredo* promisit, & ad naves postea rediit, æstateque imminente ad patriam devectus, suâ promissa bene custodivit. *Ricardus* primus dux *Normannorum* obiit, cujus filius *Ricardus* uno anno successit. Post quem frater ejusdem *Rodbertus*.

995. **A**Nno DCCCC. xcv. *Aldunus* episcopus transfudit de *Cestre* in *Dunholm* corpus sancti *Cuthberti*.

996. **A**Nno DCCCC. xcvi. *Elfricus* *Dorobernia* archiepiscopus consecratus est.

997. **A**Nno DCCCC. xcviij. *Danorum* exercitus qui remanserat in *Anglia*, circumnavigata *Westfaxonía* hostium *Sabrina* fluminis intravit, & nunc septentrionalem *Britanniam*, nunc *Cornubiam*, nunc in *Domniam* *Wlecedpoth* devastavit, villisque quâmpluribus incensis multas hominum strages dedit. Deinde *Penwiththeort* regirato, in hostium fluminis *Tamira* *Domniam* & *Cornubiam* sequestrantis devectus, navibus profiliuit, nulloque prohibente usque ad *Lidefordam* suum incendium continuavit, & cædes hominum reiteravit. Ad hæc etiam *Ordulsi* *Domniam* primatis monasterium quod *Tabistoece* nominatur combustit, ingenti præda onustus ad naves repedavit, eodemque in loco hiemavit.

998. **A**Nno DCCCC. xcviij. memoratus paganorum exercitus hostium fluminis quod dicitur *Frome* appulsus, *Dorsetaniam* maxima ex parte devastavit. Dein frequenter insulam *Vectam* adiit, sæpe *Dorsetaniam* repetiit, moreque solito prædæ institit, & quotienscunque in *Vecta* jacuit, de *Suthfaxonía* & *Suthamtonensi* provincia sibi victum accepit. Adversus tantam tempestatem multociens congregatus est exercitus; sed quotienscunque prælium essent commissuri, *Angli*, aut insidiis aut aliquo infortunio impediti, terga verterunt, & hostibus victoriam dederunt.

999. **A**Nno DCCCC. xcix. sæpeditus exercitus paganorum hostium *Tamenis* fluminis ingressus, per flumen *Medewege* *Rovecestra* advehitur, eamque paucis diebus obsidione cinxit. Ad quos repellendos conglobati *Cantuarienses*, asperum cum eis prælium ineunt; sed multis ex his & illis cæsis,

An.Dñi *Dani* loco dominantur funeris. Hinc equites effecti, occidentalem *Cania* plagam ferme totam sunt demoliti. Qua re cognita, rex *Anglorum* *Egelredus* suorum primatum consilio, & classem, & pedestrem congregavit exercitum. Verum dum paratæ essent naves, duces exercitus de die in diem moram cæptis innectentes, populum graviter vexabant. Ad ultimum vero nec classica, nec pedestris manus quicquam communis utilitatis agebat præter populi laborem, pecuniæ perditionem, hostium incitationem.

1000. **A**Nno ab incarnatione Domini millesimo, *Danorum* classis præfata, hoc anno *Normanniam* petit, & sequenti anno ad *Angliam* reversa pejora prioribus egit. Rex *Ethelredus* terram *Cumborum* fere totam depopulatus est. Hic suæ classi mandavit, ut circumnavigata septentrionali *Britannia*, in loco constituto sibi occurreret. Sed vi ventorum præpedita, non potuit. Insulam tamen quæ *Donege* dicitur devastavit.

1001. **A**Nno M. j. memoratus paganorum exercitus de *Normannia* *Angliam* reductus, hostium fluminis *Care* ingreditur, & mox ad expugnandum urbem *Exancestram* egreditur. Sed dum murum illius destruere moliretur, à civibus urbem viriliter defendentibus repellitur. Unde nimis exasperatus [more] solito villas succendendo, agros depopulando, homines cædendo per *Domniam* vagatur. Quare *Domnanienses* & *Summerseatenenses* in unum congregati in loco qui dicitur *Penho* certamen cum eis ineunt. Sed *Angli* pro militum paucitate *Danorum* multitudinem non ferentes, fugam capeunt, illi vero multa strage facta victores existunt. Deinde adeptis caballis, per totam fere *Domniam* pejora prioribus mala gesserunt, ingentique præda capta naves repetierunt. Inde ad *Vectam* insulam cursum direxerunt, & modo in ea, modo in *Suthamptonia*, modo in *Dorsetania*, nullo obistente diu solitæ prædæ institerunt; & in homines ferro, & in villas igne sunt in tantum grassati, ut cum illis nec classica manus navali, nec pedestris exercitus certare auderet prælio terrestri. Idcirco & regi non parva mœstitia, & populo inedicibilis inerat tristitia.

1002. **A**Nno M. ij. Rex *Anglorum* *Egelredus* habito consilio cum regi sui primatibus utile duxit à *Danis* dextras accipere, illisque ut à malis cessarent stipendium dare, & placabile tributum solvere. Hujus rei gratia dux *Leoffius* ad eos est transmissus. Qui cum venisset, stipendium & tributum ut acciperent flagitavit. Illi vero legationem ejus libenter amplectentes, petitis adquieverunt, & pro tenenda pace quantum tributi sibi dependeretur, statuerunt. Nec diu post *xxiiij.* librarum illis persolvebantur. Interea idem dux *Leoffius* nobilem virum *Easic* summum regis præpositum occidit. Unde rex ira succensus, patria illum expulit. Eodem anno *Emmam*, *Saxonice* *Elgivam* vocatam, ducis *Normannorum* primi *Ricardi* filiam, rex *Egelredus* duxit uxorem, de qua idem rex *Eadwardum* regem, necnon *Alfredum* *Godwini* Comitis longo post tempore dolis interemptum procreavit. *Aldulfus* archiprælul *Eboracensis* coepiscopis, abbatibus, presbyteris, monachis, religiosi quoque viris aggregatis sancti *Oswaldi* archiprælulis ossa anno regis *Anglorum* *Ethelredi* *xxv.* Indictione *xv.* *xviij.* Kal. Maii, feria

An. Dñi feria iiij. è tumulto levavit, & in scrinio quod paraverat honorifice locavit. Et non multo post, id est, pridie nonas Maias ipse defunctus, in ecclesia sanctæ *Maria Wigornæ* est sepultus. Cui successit abbas *Wlstanus*. Quo etiam anno rex *Egelredus* omnes *Danos Angliam* incolentes majores & minores utriusque sexus occidere iussit, quia illum suosque primates vita regnoque privare, & totius *Anglia* dominium suæ ditioni conati sunt subdere.

003: **A**nno M. iiij. Hoc anno rex *Danorum Suanus* per insilium, incuriam, & traditionem *Normannici* Comitis *Hugonis* quem regina *Emma Domnania* præfecit, civitatem *Excestram* infegit, spoliavit, murum ab orientali usque ad occidentalem portam destruxit, & cum ingenti præda naves repetiit. Post hæc autem, cum *Wiltoniensem* provinciam devastaret, fortis exercitus de *Suthamtonensi* & *Wiltunensi* congregatus provinciis, viriliter & constanter adversus hostes pugnaturus ascendit. Sed cum tam prope essent exercitus ut alter alterum videre quivissent, *Alfricus* dux supra memoratus qui loco ducis *Anglis* tunc exitit, antiquas artes statim prodidit, & simulata infirmitate vomere cœpit, dicens se infirmitatem magnam incurrisse, & ob hoc cum hostibus dimicare nequivisse. Cujus inertiam & timiditatem ut vidit exercitus, à suis inimicis sine pugna divertit mœstissimus. Unde dictum est in antiquo proverbio. *Tremiscente duce in pralio ceteri omnes praliatores efficiuntur pavidiore.* *Suanus* autem videns *Anglorum* inconstantiam ad civitatem *Wiltoniam* suam duxit exercitum, eamque devastavit & incendit: simili quoque modo *Serasbyriam* consumpsit; & post, suas naves repetiit.

004: **A**nno M. iiij. rex *Danorum Suanus* cum sua classe *Northwic* advectus, illam devastavit & incendit. Tunc magnæ strenuitatis dux *Eastanglorum Ulfketel* quia ex improviso venit, nec contra eum spatium congregandi exercitum habuit, cum majoribus *Eastanglia* habito consilio pacem cum eo pepigit. Verum ille disrupto fœdere tertia post hæc ebdomada cum copiis suis latenter è navibus profiliens *Theofordam* invasit, devastavit, nocte una in ea mansit, diluculo incendit. Quo cognito, dux *Ulfketel* quibusdam de provincialibus mandavit ut hostium naves confringerent. At illi vel non audebant, vel iussa perficere negligebant. Ipse vero interim quam citius potuit clam suum congregans exercitum, adversus hostem audacter ascendit. Quibus ad naves repedantibus, non æqua manu militum illis occurrit, durissimumque cum eis prælium commisit. Multisque ex his & ex illis cæsis, nobiliores quique de *Eastanglia* corruerunt, *Dani* vero vix evaserunt. Sed si vires *Eastanglorum* jam adessent, nullo modo naves suas repeterent. Ut enim ipsi testati sunt, durius & asperius bellum in *Anglia* nunquam experti sunt quam illis dux *Ulfketel* intulerat.

005: **A**nno M. v. Hoc anno dura magnaue fames *Angliam* invasit. Quapropter rex *Danorum Suanus Danubiam* revertitur, post non longum tempus reversurus.

006: **A**nno M. vj. *Alfricus Dorobornensis* archiepiscopus obiit, cui *Wintoniensis* episcopus *El-*

fegus successit; & pro illo *Kenulfus* episcopus An. Dñi tum suscepit. Mense *Julio* *Danorum* classis innumera *Angliam* advecta, portum *Sandicum* subit, & eade & incendio quæque consumens, modo in *Cantia*, modo in *Suthsaxonia* maximam prædam egit. Ob hoc rex *Egelredus* de *Mercia* & *Westfaxonia*, exercitum congregavit, & cum eis fortiter dimicare statuit. Sed illi cum eo palam configere nullatenus voluerunt, verum nunc in his, nunc in illis locis rapinas frequentes exercuerunt, & mox ad naves solito repedabant, eoque modo per totum autumpnum *Anglorum* vexabant exercitum. Quo domum redeunte, nam hiems imminabat, illi cum enormi præda *Vectam* insulam adiere, & ibidem usque ad nativitatem Domini mansere. Qua adveniente, quia rex tunc temporis in *Scrobesbyriensi* provincia morabatur, per *Suthamtonensem* provinciam ad *Warrocsire* venerunt, & *Radingum*, *Walingafordam*, *Ceolesegiam*, vicosque complures combusserunt. Inde moventes, *Calcesdune* transito *Twichelmestawe* adierunt. Unde per aliam viam revertentes, juxta *Benetan* incolas loci paratos ad prælium offenderunt, statimque cum eis commiserunt, illosque fugaverunt, & postmodum cum præda quam ceperant, ad naves repedarunt.

Anno M. vij. Hoc anno rex *Anglorum Egelredus* cum consilio primatum suorum nuncios ad *Danos* legans, eis nuntiare mandavit, quod sumptus & tributum eo tenore illis dare vellet, ut à rapinis desisterent, & pacem cum eo firmam tenerent. Cujus postulationi consenserunt; & ex eo tempore de tota *Anglia* sumptus illis dabatur, & tributum quod erat xxxvj. librarum persolvebatur pro pace tenenda. Quo etiam anno rex *Ethelredus* *Edricum* quendam cognomento *Streone Merciorum* constituit ducem.

40 **A**nno M. viij. rex *Anglorum Ethelredus* de *atrescentis* & decem cassatis unam trierim, de novem vero loriam & cassidem fieri, & per totam *Angliam* naves intente præcepit fabricari. Quibus paratis, electos milites in eis cum alimentis posuit, & ut ab exterorum irruptionibus fines regni sui defenderent, illas ad *Sandicum* portum congregavit. Eo tempore frater perfidi ducis *Edrici Streone* *Brithricus* homo lubricus, ambitiosus & superbus, apud regem injuste accusavit *Suthsaxonicum* ministrum *Wlnothum*. Qui ne caperetur mox fugam iniit, & viginti navibus acquisitis, circa ripas maris rapinas frequentes exercuit. Ubi autem regie classi nunciatum est, quod si quis vellet, illum facile capere posset, lxxx. trieribus assumptis, ad persequendum illum *Brithricus* profectus est. Sed cum diu prospere navigasset, subito validissima tempestas obhorta naves diverberavit, conquassavit, & in aridam projecit, quas *Wlnothus* non multo post exussit. Ea re cognita, rex cum ducibus & proceribus domum rediit, classis vero iussu illius *Londoniam* adiit, sicque totius populi maximus labor periit.

Anno M. ix. *Danicus* Comes *Turkillus* sua cum classe ad *Angliam* venit. Exinde mense Augusto alia classis *Danorum* innumerabilis, cui præerant duces *Hemmingus* & *Eilafus* ad *Tene-*
land

An.Dñi **land** insulam applicuit, & prædictæ classi sine dilatione se junxit. Deinde ambæ *Sandicum* portum subeunt, & è navibus proficientes civitatem *Cantuariam* hostiliter adeunt, eamque infringere cœperunt. A quibus mox cives *Cantuarienses* cum orientalibus *Cantuariis* dextras petentes acceperunt, & eis iij. libras pro firma pace dederunt. Illi autem naves repetentes, ad *Vestam* insulam cursum direxerunt. Deinde in *Suthsaxonia* & *Suthamtunensi* provincia circa ripas maris uti consueverant frequenter prædam egerunt, & villas quamplures incenderunt. Quocirca rex *Egelredus* de tota *Anglia* exercitum congregavit, & per provincias mari vicinas adversus illorum irruptiones locavit. Sed illi pro hoc non destiterunt quin pro situ ubique locorum rapinas agerent. Quadam igitur vice dum illi solito longius à mari prædatum descenderent, & onerati præda redirent, viam qua ad suas naves reversuri erant rex præoccupavit, multis armatorum milibus instructus, & ut totus erat exercitus, mori vel vincere paratus. At perfidus dux *Edricus Streone* gener regis (habuit enim in conjugio filiam ejus *Egitham*) & infidiis & perplexis orationibus ne prælium inirent, sed ea vice suos hostes abire permetterent, modis omnibus allaboravit. Suasit & persuasit, & à manibus *Anglorum* Danos ut patriæ proditor eripuit, & abire permisit. Illi vero ab eis divertentes, magno cum gaudio ad suas regressi sunt naves. Post hæc, emensa sancti *Martini* festivitate in *Cantiam* devecti, in *Tamensi* flumine hyemalem stationem elegerunt, & sumptus de *East Saxonia* aliisque provinciis utrique ripæ fluminis vicinis sibi raperunt. Sæpe etiam civitatem *Londoniam* aggressi expugnare moliti sunt. Sed à civibus non sine parvo suorum detrimento repulsi sunt.

1010.

Anno M.x. memoratus *Danorum* exercitus mense *Januario* navibus exilientes, per saltum qui dicitur *Ciltren* *Oxenefordam* adeunt, eamque devastantes incendunt, & sic in utraque parte *Tamensis* fluminis in revertendo prædam agunt. Quibus cum nunciatum fuisset exercitum adversus illos *Londonia* congregatum, & cum eis prælium commissurum, pars exercitus per septentrionalem ripam gradientis, in loco qui dicitur *Stane* transivit, & in unum collecti, prædæque ubertate ditati, per *Suthregiam* ad suas repedarunt naves, quas tempore quadragesimali, dum consisterent in *Cantia*, refecerunt. Post Pascha *Eastangliam* advecti, & juxta *Gipestwic* navibus egressi, ad locum qui *Ringemere* dicitur, ubi ducem *Ulfketellum* cognovere cum exercitu confedissee, perrexerunt, & durum cum eo prælium iij. non. Mai commiserunt. Sed cum pugna vehemens esset, *Eastangli* terga vertunt, quodam *Danico* ministro *Turkillo* *Mirenheafed* cognomento fugam primitus incipiente. Verum *Grantebrycenses* viriliter pugnantes diu restiterunt, victi demum fugerunt. In eo prælio gener regis *Ethelredi*, *Ethelstannus*, nobilis minister *Oswinus* cum filiis, *Wlfricus* *Leofwini* filius, *Edvins* *Elfici* germanus, & multi alii nobiles ministri, populusque innumerabilis corruerunt. *Dani* vero loco funeris dominati, *Eastangliam* optinuerunt, & equites effecti tribus mensibus per totam provinciam discurrere, prædas agere, villas cremare, homines & animalia non cessabant trucidare. In paludibus etiam id idem per omnia fecerunt. Exhin *Theod-*

fordam, & *Grantebryce* devastantes cremavere. An.Dñi
His gestis, pedites navibus devecti, equites vero equis subvecti, *Tamensem* fluvium repetierunt. Paucis diebus interjectis, iterum deprædaturi exierunt, & recto tramite ad *Oxenefordensem* provinciam tetenderunt, eamque primitus, deinde *Buccingamensem*, *Bedefordensem*, *Heortfordensem* provincias villasque cremando, homines & animalia trucidando depopulati sunt, & post ad naves suas cum ingenti præda regressi sunt. Post hæc circa festivitatem sancti *Andrea* Apostoli *Northamptoniam*, & in circuitu ejus quantum volebant, igni tradiderunt, & inde *Tamensem* fluvium transeuntes, *West Saxoni*am adierunt, & *Caningamerse*, majorique parte *Wiltoniensis* provincie cremata, solito more cum præda magna suas ad naves circa nativitatem Domini reversi sunt.

Anno M.xj. in boreali parte *Thamesis*, *East Anglia*, *East Saxonia*, *Middle Saxonia*, *Heortfordensi*, *Buccingahanensi*, *Oxenefordensi*, *Bedefordensi*, *Grantebrycensi* provinciis, medietate quoque *Huntendonensis* provincie, magna que parte *Northamtunensis* pagi: in australi vero plaga *Tamensis* fluminis, *Cantia*, *Suthregia*, *Suthsaxonia*, *Suthamtunensi*, *Wiltonensi*, *Barroescirensi* provinciis à memorato *Danorum* exercitu ferro flammaque demolitis, rex *Anglorum* *Egelredus* & regni sui primates ad illos miserunt legatos, pacem ab eis petentes, & ut à depopulatione desisterent stipendium & tributum eis promittentes. Quibus auditis (ut rei probavit exitus,) non sine dolo & simulatione, oblati consenserunt. Licet enim eis affluenter sumptus pararetur, & ad sua vota tributum penderetur, non tamen destiterunt, quin turmatim per provincias ubi vis discurrentes villas devastarent, rebus suis miseros quosdam spoliarent, quosdam vero necarent. Ad ultimum inter nativitatem sanctæ *Mariæ* & sancti *Michaelis* festivitatem *Cantuariam* circumvallantes, obsederunt. Vicesimo autem obsidionis die per insidias *Almeri* archidiaconi, quem sanctus *Alfegus* ne morti traderetur prius eripuit, pars civitatis incenditur, exercitus ingreditur, urbs capitur. Alii ferro jugulantur, alii flammis consumuntur, plures quoque de muris præcipientes dantur, nonnulli per verenda suspensi deficiunt. Matronæ crinibus per plateas civitatis distractæ demum flammis injectæ moriuntur. Parvuli à matrum uberibus avulsi aut lanceis excipiuntur, aut superacto carro minutatim conteruntur. Interea archipræsul *Alfegus* capitur, vincitur, tenetur, & variis modis afficitur. *Almarus* abbas monasterii sancti *Augustini* abire permittitur. Capiuntur *Godwinus* *Hrofensis* episcopus, *Leofruna* abbatissa monasterii sanctæ *Mildrythæ*, *Elfredus* regis præpositus, monachi quoque & clerici, populusque utriusque sexus innumerabilis. Exhin ecclesia *Christi* spoliata comburitur; grex monachilis, & turba virilis, sed & muliebris, necnon infantilis decimatur. Novem trucidantur, decimus vitæ reservatur. Quatuor monachis, & Dccc. viris decimatorum summa perficitur. Populo cæso, urbe spoliata, & tota cremata archipræsul *Alfegus* vinctus extrahitur, impellitur, graviter sauciatur, ad classem ducitur, post in carcerem retruditur, ibique vij. mensibus affligitur. Interea ira Dei in homicidam populum defæviens, ex eis duo milia per diros internorum cruciatus prostravit. Ceteri quoque simili modo

modo percussi, à fidelibus commonentur ut pontifici satisfaciant. Sed differunt. Prævaluit interim clades, & nunc denos, nunc vicanos, nunc plures absumpsit.

112. **A**Nno M. xij. perfidus dux *Edricus Streone*, & omnes *Anglia* primates utriusque ordinis, ante *Palcha Londonia* congregati sunt, & ibi tam diu morati sunt quousque tributum *Danis* promissum, quod erat *xlvij.* librarum, persolveretur. Interea sacrosancto *Dominicæ* requiei sabbato archipræsuli *Alfego* à *Danis* proponitur conditio, ut si vita & libertate velit potiri, *iiij.* librarum persolvat. Illo nolente, necem ejus usque ad aliud sabbatum protelant. Quo adveniente, adversus illum exarserunt ira magna, & quia vino nimis inebriati fuerant, & quia prohibuerat ne quis pro sua redemptione quicquam eis daret. Proinde de carcere ducitur, ad eorum concilium pertrahitur. Mox illi de sedibus profiliunt, averfis securibus illum dejiciunt, lapidibus, ossibus, bovinis capitibus obruunt. Ad ultimum quidam *Thrum* nomine quem confirmarat pridie, impiâ motus pietate securim capiti illius infixit. Qui statim in Domino *xij.* Kal. Mai obdormivit, & victorem spiritum cum triumpho ad cælum direxit. Cujus corpus die sequenti *Londoniam* deferretur, à civibus honorifice suscipitur, & ab episcopis *Eadnotho Lindicolniensi*, & *Alhfruno Londoniensi*, in ecclesia sancti *Pauli* sepelitur. Post hæc tributo soluto & pace juramenti firmata, *Danica* classis ut prius erat congregata longe lateque dispergitur. Sed cum rege *xlv.* naves remanere, eique fidelitatem jurare, & adversus externos *Angliam* se defensuros eo tenore promittere, ut eis victum tegimenque præberet.

1013. **A**Nno M. xiiij. *Lifingus* archiepiscopatum *Dorobornia* suscepit. Mense Julio rex *Danorum Suanus* cum valida classe ad *Sandicum* portum est appulsus, ibique paucis diebus moratus discessit, & *Eastanglia* circumnavigata hostium *Humbra* fluminis intravit: de quo in flumen *Trentam* intravit, & *Gainsburgh* navigavit, ubi & castra posuit. Cui sine cunctatione Comes *Uthredus*, & *Norhymbrenses*, & *Lindisenses* primitus, deinde *Fæburgenses*, mox etiam omnis populus qui habitabat in septentrionali plaga *Metlingastrete*, id est, strata quam filii *Wetle* regis ab orientali mari usque ad occidentale per *Angliam* straverunt, deditionem optulerunt, & pace cum illo stabilita obsidibusque datis fidelitatem ei juraverunt. Quibus præcepit, ut equos & alimenta suo exercitui pararent. His expletis, & classe cum obsidibus *Cannro* filio suo commendata, sibi electos auxilios de deditis sumens, adversus australes *Mercios* expeditionem movit, & pertransita *Metlingastrete* suis edictum posuit, videlicet, ut agros devastarent, villas cremarent, ecclesias spoliarent, quicquid masculini sexus in manus veniret, sine respectu misericordiae jugularent, foeminas ad suam libidinem explendam referarent, & omnia quæ possent mala peragerent. Quibus ita facientibus & rabie ferina debacchantibus, venit *Oxenefordam*, & illam citius quam putavit optinuit, obsidibusque acceptis festinato *Wintoniam* properavit. Quo cum venisset, crudelitatis ejus magnitudine cives *Wintonienses* perterriti, pacem cum eo sine mora fecerunt, & obsides quos vel quot expetiit dederunt. Quibus acceptis, ver-

sus *Londoniam* movit exercitum. De quo multi in *Tamensi* fluvio summersi interierunt, quia nunquam pontem neque vadum quærere voluerunt. Cumque *Londoniam* venisset, multis modis illam vel dolo capere, vel vi expugnare conatus est. Sed rex *Anglorum Egelredus* cum civibus & juvamine *Danici* Comititis *Turchilli* sæpe memorati, qui secum tunc temporis intus erat, muros urbis viriliter defendit & illum abegit. Qui repulsi, primo *Walingafordam*, dein *Batan*, obvia quæque more solito rapiendo & demoliendo adiit, ibique exercitum suum refrigerando confedit. Tunc venit ad eum *Ebelmarus Domnanie* Comes, & cum eo occidentales ministri, & pace cum illo facta, obsides illi dederunt. Quibus omnibus ad velle peractis, ad suam classem reversus, ab omni *Anglorum* populo rex (si jure queat rex vocari qui fere cuncta tyrannice faciebat) & appellabatur, & habebatur. Cives etiam *Londonienses* obsides illi miserunt, & pacem cum eo fecerunt. Metuebant enim furorem illius in tantum super se exardescere, ut omnibus rebus suis ablatis vel oculos illorum erui, vel manus vel pedes detruncari juberet. Quod cum vidisset rex *Egelredus*, reginam *Emmam* cum thesauris *Normanniam* ad suum fratrem secundum *Ricardum Normannorum* Comitem, & filios suos *Eadwardum* & *Elfredum* cum magistro illorum *Elfhuno Londoniensi* episcopo, & *Alsum Medeshamstudensem* abbatem naviter misit. Ipse vero cum *Danica* classe quæ in *Tamensi* jacebat in loco qui *Grenewic* nominatur aliquantisper mansit, & post ad insulam *Vestam* devectus, nativitatem Domini in illa celebravit. Qua peracta, *Normanniam* devehitur, & à *Ricardo* Comite honorifice suscipitur, cum quo *Rothomagi* omnem incolatus sui exegit tempus cum magnis opum apparatibus. Interea *Suanus* tyrannus suæ classi sumptus affluenter parari, & tributum fere importabile solvi præcepit, similiter per omnia Comes *Turchillus* classi quæ apud *Grenewic* jacebat solvi mandavit. Et super hæc omnia uterque illorum quotienscumque eis libuerat prædas egerunt, & multa mala fecerunt.

ANno M. xiiij. *Suanus* tyrannus post innumera & crudelia mala quæ vel in *Anglia* vel in aliis tetris gesserat, ad cumulum suæ dampnationis ex opido ubi corpus preciosi martyris *Eadmundi* incorruptum requiescit (quod nemo prius audebat facere ex quo id opidum datum fuerat memorati Sancti ecclesiæ) grande tributum ausus est exigere. Quod si cito non penderetur, se proculdubio ipsum opidum cum opidanis concrematurum, ipsius martyris ecclesiam funditus eversumum, clericos variis modis cruciatuum minatus est sapissime. Insuper frequenter ipsi martyri multis modis detrahere, & illum nil sanctitatis habere fuit ausus dicere. At quia modum suæ malitiæ noluit ponere, ultio divina non permisit blasphemum diutius vivere. Denique imminente vespera diei qua in generali placito quod apud *Gainsburgh* tenebat hæc eadem minitans reiteravit, cum *Danorum* cuneis circumvallatus esset densissimis, sanctum *Eadmundum* ex adverso venientem solus vidit armatum. Quem cum vidisset expavit, & nimio cum clamore vociferari cepit, *Succurrite*, inquit, *commilitones*, *succurrite*, ecce sanctus *Eadmundus me venit occidere*. Et hæc dicendo acriter à Sancto confossus

An.Dñi cuspide, de emissario cui infederat decedit, & usque ad noctis crepusculum magno cruciatus tormento iij. Non. Februarii miserabili morte vitam finivit, & apud *Eboracum* sepultus fuit. Quo mortuo, filium ejus *Canutum* sibi regem constituit classica manus *Danorum*. At majores natu totius *Anglia* ad regem *Ethelredum* pari consensu nuncios festinanter misere, dicentes, se nullum plus amare vel amatos esse quam suum naturalem dominum, si ipse vel rectius gubernare, vel mitius eos tractare vellet quam prius tractaverat. Quibus auditis, *Eadwardum* filium suum cum legatis suis ad eos dirigens, majores minoresque gentis suae amicablem salutavit, promittens se illis mitem devotumque dominum futurum, in omnibus eorum voluntati consensurum, consiliis acquieturum, & quicquid sibi vel suis ab illis probro vel dedecore dictum vel contrarie factum fuerat, placido animo condonaturum, si omnes unanimiter & sine perfidia illum recipere velent in regnum. Ad hæc cuncti benigne responderunt. Dein amicitia plenaria ex utraque parte & pacto & verbis confirmatur. Ad hæc principes se non amplius *Danicum* regem admissuros in *Angliam* unanimiter sponderunt. His gestis, ab *Anglis* in *Normanniam* mittitur; rex festinato quadragesimali tempore reducit, & ab omnibus honorabiliter excipitur. Interea *Canuto* & *Lindisfensibus* convenit, ut caballis exercitui suo paratis, prædatum simul descenderent. Sed antequam essent parati, venit illo rex *Egelredus* cum exercitu valido, & *Canuto* cum classica manu expulso *Lindesegiam* totam depopulans flammisque consumens omnes incolas quos poterat occidit. Ille vero fugæ præsidio celeriter arrepto, versus austrum cursum dirigens, brevi *Sandicum* ad portum est appulsus, & obsides qui de tota *Anglia* patri suo dati fuerant in terram exposuit, illorumque manibus truncatis, auribus amputatis, naribus præcisus abire permisit, & deinceps profectus est *Danemarchiam* anno sequenti reversurus. Super hæc omnia mala rex *Egelredus* classi quæ apud *Greenwic* jacuit, tributum quod erat xxx. librarum pendi mandavit. Mare litus egreditur iij. Kal. Octobris, & in *Anglia* villas quamplurimas innumerabilemque populi multitudinem summisit.

1015.

Anno M.xv. Hoc anno cum apud *Oxenefordam* magnum haberetur placitum, perfidus dux *Edricus Streone* digniores & potentiores ministros ex *Seovenburgensibus* *Sigeferthum* & *Morkarum* filios *Earngruni* in cameram suam dolo suscepit, & occulte illos ibi necare jussit. Quorum facultates rex *Ethelredus* accepit, & derelictam *Sigeferti Algitham* ad *Maidulsi* urbem deduci præcepit. Quæ cum ibi custodiretur, venit illuc *Eadmundus* Clito, & contra voluntatem sui patris illam sibi uxorem accepit, & inter assumptionem & nativitatem sanctæ *Mariæ* profectus ad *Fisburghintos*, terram *Sigeferti* & *Morkari* invasit, ac populum illarum sibi subjugavit. Eodem tempore *Canutus* rex *Danorum* cum magna classe ad *Sandicum* portum venit, & mox *Cantia* circumnavigata hostium *Frome* fluminis introivit & in *Dorsetania* & *Summerseatania* *Wiltoniensique* provincia magnam prædam egit. Tunc quia rex *Ethelredus* apud *Coltham* ægrotavit, *Eadmundus* Clito filius ejus in sua parte, & dux infidiis & dolo plenus *Edricus Streone* in sua ma-

gnum congregaverunt exercitum. Sed cum in unum convenirent, modis omnibus infidias *Clitoni* dux tendit, illumque dolo perimere temptavit. Quibus cognitis, mox ab invicem discesserunt, & locum suis inimicis dederunt. Non diu post idem dux de regia classe xl. naves *Danicis* militibus instructas sibi allexit, & *Canutum* adiens ipsius dominio se mancipavit. Idem *Westfaxones* datis obsidibus fecerunt; & post exercitui caballos paraverunt.

An.Dñi

10

Anno M.xvj. rex *Danorum* *Canutus* & perfidus dux *Edricus Streone* cum multo equitatu amnem *Tamensim*, in loco qui *Cricgealada* dicitur, transeuntes, ante Epiphaniam Domini *Merciam* hostiliter intraverunt, & multas villas in *Warwicana* provincia populates incenderunt, & omnes quos invenerant occiderunt. Quod ut audivit Clito *Eadmundus*, cognomine *Ferrenum latus*, exercitum festinato congregavit. Sed cum congregatus esset, cum *Westfaxonicis* & *Danis* nolebant congregari *Mercenses*, nisi cum illis essent rex *Egelredus* & cives *Lundonienses*. Quapropter expeditione dimissa, unusquisque redit in sua. Festivitate vero transacta, iterum *Eadmundus* Clito majorem congregavit exercitum. Quo congregato, nuncios *Lundoniam* misit, rogans patrem suum, ut cum omnibus quos habere poterat, sibi quam citius posset occurreret. Qui, multis pugnantibus coadunatis, illi festinanter occurrit. Sed cum exercitus in unum convenissent, intimatum est regi, quod nisi præcaveret sibi, quidam ex suis auxiliariis essent illum tradituri. Idcirco mox, exercitu dimisso, *Lundoniam* rediit, Clito vero in *Northymbriam* ivit. Unde putabant nonnulli, quod adhuc adversus *Canutum* congregare majorem vellet exercitum. Sed sicut *Canutus* & *Edricus* ex una parte, ita ille & *Uthredus Northymbrorum* Comes provincias sunt populati nonnullas. Nam prius *Staffordensem*, deinde *Scrobesbyriensem* & *Legacestrensem* provincias devastare, quia adversus *Danorum* exercitum ad pugnam exire nolere. Interea *Canutus* & *Edricus Streone* primitus *Buccingahanensem*, *Bedefordensem*, *Huntendunensem*, *Northamtunensem*, *Lindicolnensem*, *Snotingahannensem* provincias, dein *Northymbriam* depopulantur. Quo cognito, Clito *Eadmundus* populatione dimissa ad patrem suum *Lundoniam* properavit. Comes vero *Uthredus* domum festinanter rediit, & necessitate compulsus ad *Canutum* cum omnibus *Northymbrensis* se contulit, & obsides ei dedit, & tamen ejus jussu vel permissu à *Turebrando* nobili & *Danico* viro est peremptus, & cum eo *Turketellus* *Navena* filius. Quo patrato, *Canutus* *Eirikum* pro *Uthredo* Comitem posuit, & post alacer versus austrum per aliam viam regressus, ante Paschalem festivitatem suas cum omni exercitu naves repetiit. Eo tempore rex *Anglorum* *Egelredus*, xiv. Indictione, ix. Kal. Mai. feria ij. *Londonia* defunctus est; post labores magnos & multas vitæ suæ tribulationes, quas super eum venturas regalis conlecrationis suæ die post impositam coronam prophético spiritu sanctus ei prædixerat *Dunstanus*. Quoniam, inquit, aspirasti ad regnum per mortem fratris tui innocentis quem occidit ignominiosa mater tua, propterea audi verbum Domini, Hæc dicit Dominus, Non deficiet gladius de domo tua sevens in te omnibus diebus vita tua, interficiens de semine tuo, quousque regnum tuum transferatur in regnum alic-

1016.

20

40

50

60

n. Dñi alienum, cuius ritum & linguam gens cui pre-
des non novit. Nec expiabitur nisi longa vindicta
peccatum tuum, & peccatum matris tue, & pecca-
tum virorum qui interfuerunt consilio ejus nequam.
Corpus autem illius in ecclesia sancti Pauli apostoli
honorifice sepultum est. Cujus post mortem episco-
pi, abbates, duces & quique nobiliores Anglie in
unum congregati pari consensu in dominum & re-
gem sibi Canutum elegere, & ad eum in Suthamton-
ia venientes omnemque progeniem Regis Egelredi
coram illo abnegando repudiantes, pacem cum eo
composuere, & fidelitatem illi juravere. Quibus &
ille juravit, quod & secundum Deum & secundum
seculum fidelis esse vellet eis dominus. At cives
Londonienses & pars nobilium qui eo tempore con-
sistebant Londonia, Clitorem Eadmundum unanimi
consensu in regem levavere. Qui solii regalis sulli-
matus culmine intrepidus Westsaxoniam adiit sine
cunctatione, & ab omni populo magna susceptus
gratulatione, suæ ditioni eam subegit citissime. Qui-
bus auditis, multi Anglorum populi magna cum
festinatione illi se dederunt voluntarie. Canutus
autem interim cum tota classe circa Rogationes Lun-
doniam devehitur. Quo cum venissent, in australi
parte Tamensis magnam scrobem foderunt, & na-
ves suas in occidentalem plagam pontis traxerunt.
Dein urbem, alta lataque fossa & obsidione cingen-
tes, ingressum & egressum cunctis intercluserunt, ac
eam frequenter expugnare moliti sunt. Sed à civi-
bus illius viriliter resistentibus procul à mœnibus
repelluntur. Quapropter obsidione ad tempus di-
missa, exercitusque parte ad naves custodiendas re-
lictæ, Westsaxoniam abierunt propere, & regi Ead-
mundo Ferro lateri spaciū congregandi exercitum
non dederunt. Quibus tamen ille cum exercitu
quem in tantillo spacio congregarat Dei fretus auxi-
lio audacter in Dorsetania occurrit, & in loco qui
Peonnum vocatur juxta Billingham cum eis
congressus vicit, & eos in fugam vertit. Post hæc
media ætate transacta, denuo majori quam prius
exercitu congregato, fortiter configere statuit cum
Canuto. Cui occurrit in Hwintia in loco qui
Scearstan nominatur. Ubi exercitum pro loco &
copiis instruit, optimum quemque in primam aci-
em subducit, cæterum exercitum in subsidiis locat,
unumquemque nominans appellat, hortatur, rogat
ut meminerint se pro patria, pro liberis, pro conjug-
ibus atque suis domibus certare, & optimis sermo-
nibus militum animos accendebat. Deinde tubici-
nes canere & cohortes paulatim incedere jubet.
Idem facit hostium exercitus. Ubi eo ventum est
ubi ab illis prælium committi posset, maximo cla-
more cum infectis signis occurrunt, lanceis & gla-
diis pugna geritur, maxima vi certatur. Interea rex
Eadmundus Ferreum latus in prima acie comminus
acriter instabat, omnia providebat, multum ipse
pugnabat, sæpe hostem feriebat, strenui militis &
boni Imperatoris officia simul exequabatur. Sed
quia Edricus Streone dux perfidissimus, & Alma-
rus dilectus, Algarusque filius Men, qui ei auxi-
lio esse debuerant cum Suthamtoniensibus & Wilton-
iensibus provincialibus, innumeraque populi multi-
tudo hic in parte Danorum fuerant, ejus exercitus
nimis laborabat. Attamen primo die belli, Lunæ
scilicet die, tam durum tamque cruentum exitit
prælium, ut uterque exercitus præ lassitudine diu-
tius non valens pugnare, solè jam deficiente & oc-

cidente, ab invicem sit digressus spontanea volun-
tate. Sed postera die Rex Danos protereret omnes,
si perfidi ducis Edrici Streone non essent insidiæ.
Siquidem cum pugna vehemens esset, & Anglos
fortiores esse cerneret, cujusdam viri regi Eadmun-
do facie capillisque simillimi, Osmeari nomine, ca-
pite amputato, & in altum levato, exclamat, An-
glos frustra pugnare, dicens, Vos Dorsetenses,
Domnani, Wiltonienses, amisso capite precipites fu-
gite. Ea domini vestri caput Eadmundi basilei hic
teneo manibus, cedite quamtocius. Quod ubi An-
gli accepere, magis atrocitate rei quam fide nun-
cii terrentur. Unde factum est, ut inconstantiores
quique paululum à fuga abessent. Sed illico quod
rex viveret comperto, animos tollebant, & in Da-
nos acrius incedebant, ex illisque multos prostra-
bant, summis certantes viribus usque ad crepuscu-
lum noctis. Qua adveniente, ut pridie sunt digressi
spontaneæ. At ubi plerumque noctis processit, Ca-
nutus è castris suos abire silentio jussit, & versus
Londoniam iter arripiens, ad naves repedavit, ac
non multo post Londoniam reobsedit. Ubi autem
dies advenit, & rex Eadmundus Ferreum latus
Danos fugisse compertit, majorem congregaturus
exercitum, in Westsaxoniam revertitur. Cujus stre-
nuitatem videns sororius ejus perfidus dux Edricus,
ut naturalem dominum illum requisivit, & pace
cum eo redintegrata se fidelem ei permansurum ju-
ravit. Itaque exercitus vice tertia congregato, Lon-
donienses cives ab obsidione rex liberavit, Danos
ad suas naves fugavit, post biduum Tamensim in
loco qui Brensford nominatur transfretavit, cum
Danis tertio prælium commisit, & fugatis eis victor
exitit. Ea vice multi Anglorum populi, dum in-
cautius flumen transirent, demerguntur. Exinde
rex numerosiorem congregaturus exercitum in Vex-
saxoniam properat, Dani vero Londoniam repetunt,
obsidione illam cingunt, & ex omni parte oppu-
gnant, sed Deo juvante nil omnino proficiunt. Ob
quam rem cum sua classe recedentes inde, amnem
qui Arenne dicitur, intrant, & navibus exilientes
prædatum in Merciam pergunt, obvios quosque cæ-
dunt, more solito villas incendunt, prædam agunt,
post ad naves redeunt. Pedestres in flumen, quod
Deodewage nuncupatur, navibus devehuntur;
equestres vero vivam prædam per terram minant.
Interea rex Eadmundus Ferreum latus exercitum
fortem de tota Anglia quarto congregavit, & in
loco ubi prius Tamensi fluvio transmeato, in Canti-
am citius intravit, ac juxta Ottafordam cum Danis
pugnam iniit. At illi non ferentes impetum ejus terga
verterunt, & cum suis equis in Scepege fugerunt.
Ex quibus tamen omnes quos comprehendere po-
tuit, occidit, & ni perfidus dux Edricus Streone suis
insidiis & insiliis eum apud Cangelesford ne suos
persequeretur hostes retineret, eo die plena potiretur
victoria. Quo in Westsaxoniam reverso, Canutus
suas copias in Eastsaxoniam trajecit, & iterum præ-
dandi causa Merciam repetiit, & pejora prioribus
exercitum facere jussit. Illi autem satis impigre jussa
peragunt, & omnibus qui in manus venerant obrun-
catis, villis quam plurimis incensis, agris depopu-
latis, prædæ ubertate ditati ad naves repedant festi-
ni. Quos rex Anglorum Eadmundus Ferreum la-
tus cum exercitu quem de tota Anglia contraxerat
insecutus, in monte qui Assandun, id est mons
asini, nominatur, abeuntes est consecutus. Ibi festine
tripli-

An.Dñi triplicibus subsidii aciem instruit. Deinde singulas turmas circuiens monet atque obtestatur, uti memores pristinae virtutis atque victoriae, sese regnumque suum à *Danorum* avaritia defendant; Cum his certamen fore quos antea vicerunt. Interea *Canutus* paulatim in æquum locum suos deducit: at contra rex *Eadmundus* aciem sicuti instruxerat velociter movet, & repente signo dato *Danos* invadit. Summa vi utrinque dimicatur. Ex his & illis multi cadunt. Verum perfidus dux *Edricus Streone* videns aciem *Danorum* inclinatam, & *Anglos* habituros victoriam, ut prius *Canuto* promiserat, cum *Magefetenibus* & exercitus parte cui præerat, fugam cepit, & dominum suum regem *Eadmundum* & *Anglorum* exercitum dolis circumvenit, & *Danis* victoriam suis insidiis dedit. Occisus est in ea pugna *Alfricus* dux, *Godwinus* dux, *Ulfketellus Eastanglorum* dux, *Ethelwardus* dux filius ducis *Eastanglorum Ethelwini* Dei amici, totusque fere globus nobilitatis *Anglorum*, qui nullo in bello majus unquam vulnus quam ibi acceperunt. *Eadnothus* quoque *Lindcoliensis* episcopus & *Wilsus* abbas qui ad exorandum Deum pro milite bellum agente convenerant, interfecti sunt. Interjectis post hæc paucis diebus, cum rex *Eadmundus Ferreum latus* cum *Canuto* adhuc vellet congregari, perfidus dux *Edricus* & quidam alii id nullo modo sinebant fieri, sed illi consilium dabant, ut pace facta cum *Canuto* regnum divideret. Quorum suggestionibus licet invitatus ad postremum cum consentiret, recurrentibus internuntiis & obsidibus ad invicem datis ambo reges ad locum qui *Deorhirst* nominatur in unum conveniunt. *Eadmundus* cum suis in occidentali ripa *Sabrina*, *Canutus* vero in orientali cum suis confedit. Deinde uterque rex in insulam quæ *Olanege* appellatur & est in ipsius fluminis medio sita, trabariis advehitur. Ubi pace, amicitia, fraternitate & pacto & sacramentis confirmata, regnum dividitur. Deinde armis mutuatis & vestibus, tributoque quod classicae manui penderetur statuto, abinvicem discesserunt. *Dani* tamen cum præda quam diripuerant suas ad naves redierunt, cum quibus pacem dato precio cives *Londonienses* fecerunt, & eos secum hyemare permiserunt. Post hæc rex *Eadmundus Ferreum latus* circa festivitatem sancti *Andree* apostoli xv. Indictione decessit *Londonia*, sed cum avo suo rege pacifico *Eadgaro* sepultus est *Glastonia*. Cujus post mortem Rex *Canutus* omnes episcopos & duces necnon & principes cunctosque optimates gentis *Anglia Londonia* congregari iussit. Qui cum venissent ante eum, quasi nesciens interrogavit eos sagacissime qui fuerunt testes inter eum & *Eadmundum* quando conventionem amicitiae & divisionem regni inter ipsos fecerunt, qualiter ipse & *Eadmundus* de fratribus & filiis ejusdem inter se locuti fuissent, utrum fratribus & filiis ejusliceret in regno occidentalium *Saxonum* post patrem eorum regnare, si *Eadmundus* moreretur vivente illo. At illi coeperunt dicere, se proculdubio scire, quod rex *Eadmundus* fratribus suis nullam portionem regni sui nec se spirante neque moriente commendasset. Dixeruntque hoc se nosse, *Eadmundum* regem velle *Canutum* adiutorem & protectorem esse filiorum ejus donec regnandi ætatem habuissent. Verum illi testante Deo falsum perhibuerunt testimonium, & fraudulenter mentiti sunt, æstimantes illum sibi & mitiorem esse propter

mendacium eorum, & se ab eo precium sumere An.Dñi magnum. Ex quibus falsis testibus quidam non post multum tempus ab eodem rege interfecti sunt. Tunc rex *Canutus* post supradictam interrogationem conatus est à præfatis optimatibus fidelia juramenta recipere. At ipsi juraverunt illi, quod eum regem sibi eligere vellent, eique libenter obedire, & suo exercitui vestigalia dare, & accepto pignore de manu sua nuda cum juramentis à principibus *Danorum*, fratres & filios *Eadmundi* omnino despexerunt, eosque reges esse negaverunt. Unus autem ex ipsis præfatis Clitonibus erat *Edvius* egregius ac reverentissimus regis *Eadmundi* germanus, quem ibidem cum consilio pessimo exulem esse debere constituerunt. Et cum audisset *Canutus* rex adulationem supradictorum & despectionem quam fecerunt in *Edvium*, gaudens introivit in cameram suam, vocansque ad se perfidum ducem *Edricum*, sciscitatur ab eo quomodo decipere valuisset *Edvium*, ut mortis subiret periculum. Qui respondens dixit, scire se quendam virum nomine *Ethelwardum* qui se facilius cum in mortem tradere quivisset, cum quo colloquium habere posset, illique nimiam mercedem promittere. Cognito autem viri nomine, vocavit eum rex ad se, astutissime dicens. Sic & sic allocutus est me dux *Edricus*, dicens, te posse seducere *Edvium* Clitonem ut occidatur. Modo acquiesce consiliis nostris, & poteris omni honore & dignitate patrum tuorum, & quære mihi caput ejus, & eris mihi carior fratre germano. Ille vero dicebat se velle eum quære ut interficeretur si ullo modo valuisset. Verumtamen nondum illum necare volebat, sed propter excusationem hoc promittebat. Erat enim ille ex nobilissimo genere *Anglorum* ortus.

Anno M. xvij. hoc anno rex *Canutus* totius *Anglia* suscepit imperium, & xix. annis potenter tenuit, idque in quatuor partes divisit: *West-saxoniam* sibi, *Eastangliam* *Turkillo* Comiti, *Merciam* *Edrico* duci, *Northymbriam* *Irco* Comiti. Fœdus etiam cum principibus & omni populo ipse & illi cum ipso percusserunt, & amicitiam firmam inter se juramentis stabilierunt, omnesque veteres inimicitias postponentes sedaverunt. Deinde consilio perfidi ducis *Edrici* rex *Canutus* Clitonem *Edvium* regis *Eadmundi* germanum qui rex appellabatur rusticorum exlegavit. Verum sequenti tempore cum rege pacificatus est *Edvius*. *Edvius* vero Clito deceptus illorum insidiis quos eatenus amicissimos habuit, jussu & petitione regis *Canuti* eodem anno innocenter occiditur. Dedit etiam consilium *Edricus*, ut Clitunculos *Eadwardum* & *Eadmundum* regis *Eadmundi* filios necaret. Sed quia magnum dedecus sibi videbatur ut in *Anglia* perimerentur, parvo elapso tempore ad regem *Suavorum* occidendos misit; qui, licet fœdus esset inter eos, precibus illius nullatenus acquiescere voluit, sed illos ad regem *Ungariorum Salomonem* nomine misit nutriendos, vitæque reservandos. Quorum unus scilicet *Eadmundus* processu temporis ibidem vitam finivit. *Eadwardus* vero *Agatham* filiam *Germani* Imperatoris *Henrici* in matrimonium accepit, ex qua *Margaretam* *Scottorum* reginam, & *Christinam* sanctimonialem virginem & Clitonem *Eadgarum* suscepit. Mense Julio rex *Canutus* derelictam regis *Egfredi* reginam *Emmam* in conjugium

A. Dñi **g**ium accepit, ex qua genuit *Ardecnutum* regem, & filiam *Gunildam*, quæ nupsit *Henrico Romano-*
rum Imperatori, ac in nativitate Domini cum esset *Londonia*, perfidum ducem *Edricum* in palatio ius-
sit occidere, quia timebat infidiis ab eo aliquando
circumveniri, sicut domini sui priores *Egelredus* &
Eadmundus frequenter circumventi sunt; & cor-
pus illius super murum civitatis prohiçi ac insepul-
tum præcepit dimitti. Cum quo dux *Northmannus*
filius *Leofvini* ducis, frater scilicet *Leofrici* Comi-
tis, & *Ethelwardus* filius *Agelmari* ducis, & *Brih-*
tricus filius *Elfegi* *Domnaniensis* sarrapæ sine culpa
interfecti sunt. *Leofricum* pro *Northmanno* suo
germano rex constituit ducem, & eum postmodum
valde carum habuit.

1018. **A** Nno M. xvij. Hoc anno de tota *Anglia* lxxij.
& de *Londonia* xv. libræ exercitui *Danorum*
sunt persolutæ. *Aldunnus* episcopus *Dunholmensis*
obiit. Ingens bellum apud *Carrum* gestum est inter
Scottos & *Anglos*, inter *Hættredum* filium *Wal-*
des Comitem *Northymbrorum*, et *Malcolmum* fili-
um *Cyneth* regem *Scottorum*. Cum quo fuit in bello
Eugenius Calvus rex *Latinenſum*. *Angli* & *Dani*
apud *Oxenefordam* de lege regis *Eadgari* tenenda
concordes sunt effecti.

1019. **A** Nno M. xix. Hoc anno rex *Anglorum* & *Da-*
norum *Canutus* *Danemarchiam* adiit, & ibi
per totam hiemem mansit.

1020. **A** Nno M. xx. *Canutus* rex *Anglorum* *Angliam*
rediit, & in Paschali festivitate apud *Cirece-*
stram magnum Concilium habuit. *Eadmundus* sus-
cepit episcopatum *Dunelmensem*. *Livingus* *Doro-*
bernia archiepiscopus vita decessit, cui *Agelnothus*
qui *Bonns* appellabatur nobilis viri *Agelmari* filius
successit. Eodem anno ecclesia quam rex *Canutus*
& Comes *Turkillus* in monte qui *Astandun* dicitur
construxerant, illis præsentibus à *Wlſtano* *Ebor-*
acensi archiepiscopo & multis aliis episcopis cum
magno honore & gloria dedicata est.

1021. **A** Nno M. xxj. *Canutus* rex *Anglorum* & *Dano-*
rum ante festivitatem sancti *Martini* *Turkil-*
lum sæpeditum Comitem cum uxore sua *Egitha*
expulit *Anglia*. *Algarus* orientalium *Anglorum*
episcopus obiit, cui *Aldwinus* successit.

1022. **A** Nno M. xxij. *Agelnothus* *Dorobernia* archie-
piscopus *Romam* ivit, quem *Benedictus* papa
magno cum honore suscepit, & pallium illi dedit.

1023. **A** Nno M. xxiiij. corpus sancti *Elfegi* martyris
de *Londonia* *Doroberniam* est translatum. *Wl-*
ſtannus *Eboracensis* archiepiscopus *Eboraci* v. Kal.
Junii feria iij. defungitur, sed corpus ejus *Heli* de-
fertur, & ibi sepelitur. Cui successit *Alfricus* *Winton-*
niensis præpositus.

1026. **A** Nno M. xxvj. *Alfricus* *Eboracensis* archiepi-
scopus *Romam* ivit, & à *Johanne* papa palli-
um suscepit. Obit *Ricardus* secundus dux *Norman-*
orum. Cui successit *Ricardus* iij. qui eodem anno
mortuus est: cui *Robertus* frater ejus successit.

A Nno M. xxvij. cum regi *Anglorum* & *Dano-*
rum intimatum fuisset, quod *Norregani* regem
suum *Olavum* propter ejus simplicitatem & man-
suetudinem, æquitatem & religiositatem nimis vili-
penderent, multum auri & argenti quibusdam il-
lorum misit, multis rogans petitionibus, ut illo spre-
to & abjecto deditionem illi facerent, ac illum su-
per se regnare permetterent. Qui cum ea quæ misit-
set aviditate magna suscepissent, ei remandari ius-
serunt, ad illum suscipiendum se paratos fore quan-
docunque vellet venire.

A Nno M. xxviiij. *Canutus* rex *Anglorum* & *Da-*
norum l. navibus magnis *Norregam* devectus,
Olavum regem de illa expulit, sibi que eam sub-
jugavit.

A Nno M. xxix. *Canutus* rex *Anglorum*, *Dano-*
rum & *Norreganorum* ad *Angliam* rediit, &
post festivitatem sancti *Martini* *Danicum* Comitem
Hacum, qui nobilem matronam *Gunildam* fororis
sux & *Wyrcgeorni* regis *Winidorum* filiam in matri-
monium habuit, quasi legationis causa in exilium
misit. Timebat enim ab illo vel vita privari, vel re-
gno expelli.

A Nno M. xxx. prædictus Comes *Hacum* in mari
aperiit. Quidam tamen dicunt, eum fuisse oc-
cisum in *Orcada* insula. Sanctus *Olavus*, quem
Canutus rex expulerat, rex & martyr, *Haroldi* re-
gis *Norreganorum* filius, in *Norrega* injuste peri-
mitur à *Norreganis*.

A Nno M. xxxj. *Canutus* rex *Anglorum* & *Da-*
norum & *Norreganorum* de *Danemarchia* ma-
gno cum honore *Romam* ivit, & sancto *Petro* apo-
stolorum principi ingentia dona in auro & argento
aliisque rebus preciosis optulit, & à *Johanne* papa,
ut scolarum *Anglorum* ab omni tributo & telone li-
beraret, impetravit, & in eundo et redeundo lar-
gas pauperibus elemosinas erogavit, ac multas per
viam clausuras, ubi telon à peregrinis exigebatur,
ingenti precio dato dissipavit, vitæque suæ & mo-
rum emendationem ante sepulchrum apostolorum
Deo devovit.

A Nno M. xxxij. Ecclesia sancti *Eadmundi* re-
gis & martyris hoc anno dedicata est. In qua
rex *Canutus* monachos posuit ejectis presbyteris.
Ignis multis in locis per *Angliam* defævit. *Elfsige*
Wintoniensis episcopus obiit. *Elfwinnus* presbyter
Regis successit.

A Nno M. xxxiiij. magnæ religionis & modestiæ
vir, *Leoffius* *Hwicthorum* episcopus in episco-
pali villa *Kemesa* xiv. Kal. Septembris feria iij.
obiit, & ut credi fas est ad cœlica regna migravit.
Cujus corpus in ecclesia sanctæ *Maria Wigorne*
tumulatur honorifice. In cujus sedem *Perſcorensis*
abbas *Brithtegnus*, filius videlicet fororis *Wlſtani*
Eboracensis archiepiscopi, levatus est.

A Nno M. xxxiv. *Malcolm* rex *Scottorum* obiit,
cui *Machethad* successit.

An. Dñi
1027.

1028.

1029.

1030.

1031.

1032.

1033.

1034.

An.Dñi
1035.

ANno M. xxxv. *Canutus* rex *Anglorum* ante suum obitum super *Norreganos Suanum* filium suum regem constituit. Super *Danos* vero *Hardecantum* suum et *Emme* reginæ filium regem locavit. *Haroldum* vero filium suum ex *Hamtnensi Elgiva* procreatum regem *Anglorum* constituit, & postea hoc anno ij. idus Novembris feria iv. apud *Sceftesbiriā* vita decessit. Sed *Wintonia* in veteri monasterio satis honorifice sepelitur. Quo tumultuato, regina *Algiva* ibidem resedit. *Haroldus* vero adeptus regia dignitate, misit *Wintoniam* constipatores suos celerime, & gazarum opumque quas rex *Canutus* ei reliquerat majorem melioremque partem ademit illi tyrannice, spoliataque dimisit ibidem ut cœperat residere, atque consentientibus quamplurimis majoribus natu *Anglia* quasi justus hæres cœpit regnare, non tamen ita potenter ut *Canutus*, quia justior hæres expectabatur *Hardecantus*. Unde brevi post tempore regnum sorte dividitur *Anglia*, et *Haraldo* pars septentrionalis, *Hardecanto* provenit australis. Obiit *Robertus* dux *Normannorum*, cui successit *Willielmus bastard* filius ejus in puerili ætate.

1036.

ANno M. xxxvj. innocentes Clitones *Alfredus* et *Eadwardus Agelredi* quondam regis *Anglorum* filii, de *Normannia* ubi cum *Ricardo* avunculo suo manserant tempore longo, multis *Normannicis* militibus secum assumptis, in *Angliam* paucis transvecti navibus ad suæ matris colloquium, quæ morabatur *Wintonia*, venere. Quod indigne graviterque ferebant potentes nonnulli, quia, licet injustum esset, *Haraldo* multo devotiores extiterunt quam illis, maxime ut fertur Comes *Godwinus*. Hic quidem *Alfredum*, cum versus *Londoniam* ad regis *Haroldi* colloquium, ut mandarat, properaret, retinuit et arctam in custodiam posuit. Sociorum vero illius quosdam disturbavit, quosdam carenavit, & postea cæcavit, nonnullos cute capitis abstracta cruciavit, et manibus ac pedibus amputatis multavit, multos etiam vendere jussit, et mortibus variis ac miserabilibus apud *Gildefordam* sexcentos viros occidit. Sed illorum nunc animas in paradiso creditur gaudere cum sanctis, quorum corpora tam crudeliter sine culpa perempta sunt in arvis. Quo audito, regina *Elgiva* filium suum *Eadwardum* qui secum remansit, cum magna festinatione *Normanniam* remisit. Deinde *Godwini* et quorundam aliorum jussione ad insulam *Elig* Clito *Alfredus* strictissime vinctus ducitur. Sed ut ad terram navis applicuit, in ipsa mox eruti sunt oculi ejus cruentissime, et sic ad monasterium ductus monachis traditur custodiendus. Ubi brevi post tempore de hac migravit luce, et in australi porticu in occidentali parte ecclesiæ corpus ejus sepelitur debito cum honore, anima vero paradisiaca fruitur æternitate.

1037.

ANno M. xxxvij. *Haroldus* rex *Merciorum* et *Northymbrorum* ut per totam regnaret *Angliam* à principibus et omni populo rex eligitur. *Hardecantus* vero quia in *Danemarcia* moras innoxuit, et ad *Angliam* ut rogabatur venire distulit, penitus abicitur. Cujus mater *Algiva Anglorum* quondam regina hiemis initio sine misericordia expellitur *Anglia*, quæ rate mox parata in *Flandri-*

am transvehitur, et à nobili Comite *Baldwino* cum honore suscipitur. Is ut talem virum decuit, quamdiu necessitas poposcerat ei necessaria grateranter ministrare curavit. Eodem anno paulo ante magnæ religionis vir *Avicus Eveshamensis* decanus obiit.

1038.

ANno M. xxxviii. *Agelnothus Dorubernensis* Archiepiscopus iv. Kal. Novembris vita decessit; cujus obitus die viij. *Agelricus Suthsaxonie* præsul obiit. Petierat enim à Deo ne post mortem dilectissimi sui patris *Agelnothi* in hac luce diu viveret. Cui *Grimketel* in episcopatum, *Agelnotho* vero regis capellanus *Edsius* in archiepiscopatum successit. Decessit etiam eodem anno *Wigornensis* episcopus *Brihtegus* xij. Kal. Jan. feria quarta, cui successit *Livingus*.

1039.

ANno M. xxxix. Hoc anno hiems extitit durissima. *Brihtmarus Licerfeldensis* episcopus obiit, cui *Wlsus* successit. *Hardecantus* rex *Danorum Flandriam* decessit ad matrem suam *Elgivam* venit. Obiit *Haroldus* rex *Anglorum* filius *Canuti* regis.

1040.

ANno M. xl. *Haroldus* rex *Anglorum* obiit *Londonia* et in *Westmonasterio* sepelitur. Quo sepulto, proceres ferme totius *Anglia* legatos ad *Hardecantum Brugæ* ubi cum matre sua morabatur mittentes, et se bene facere putantes, rogaverunt eum ut *Angliam* veniret et scepra regni susciperet. Qui, lx. navibus paratis et *Danicis* militibus instructis, ante mediam ætatem *Angliam* advehitur, et gaudenter ab omnibus suscipitur, regni-que folio mox sullimatur. Sed sui imperii tempore nil egit dignum potestati regis. Nam mox ut regnare cœpit, injuriarum quas vel sibi vel suæ genitrici suus antecessor fecerat rex *Haroldus*, (qui frater suus putabatur) non inmemor, *Alfricum Eboracensem* archiepiscopum, *Godwinum* Comitem, *Styr* majorem domus, *Edricum* dispensatorem, *Troubd* suum carnificem et alios magnæ dignitatis viros, *Londoniam* misit, et ipsius *Haroldi* corpus effodere et in gronnam prohicere jussit. Quo cum projectum fuisset, id extrahere et in flumen *Tamen*se mandavit proicere. Brevi autem post tempore à quodam captum est piscatore, et ad *Danos* adlatum sub festinatione, in cimiterio quod habuerunt *Londonia* sepultum est ab ipsis cum honore. Quibus actis, octo marcas unicuique suæ classis remigi, & duodecim unicuique gubernatori de tota *Anglia* præcepit dependi, tributum videlicet tam grave ut vix aliquis id posset persolvere. Quapropter omnibus qui prius adventum ejus desiderabant magnopere, factus est exosus summiopere. Ad hæc etiam pro nece sui fratris *Alfredi* adversus *Godwinum* Comitem et *Wigornensem* episcopum *Livingum*, accusantibus illos *Alfrico Eboracensi* archiepiscopo et quibusdam aliis, exarsit ira magna. Idcirco episcopatum *Wigornensem* *Livingo* abstulit, & *Alfrico* dedit. Sed sequenti anno ablatum *Alfrico Livingo* secum pacificato benigne reddidit. *Godwinus* autem regi pro sua amicitia dedit trierem fabrefactam, rostrum deauratum habentem, armamentis optimis instructam, decoris armis electisque octoginta militibus decoratam; quorum unusquisque habebat duas in suis brachiis aureas armillas sedecim uncias pendentes, lorica tralicem, indutam in capite cassidem

An. Dñi dem ex parte deauratam, gladium deauratis capulis renibus accinctum, *Danicam* securum auro argentoque redimitam in sinistro humero pendentem, in manu sinistra clipeum, cuius umbo clavique erant deaurati, in dextra lanceam quæ lingua Anglorum a *Legar* appellatur. Insuper etiam non sui consilii nec suæ voluntatis fuisse, quod frater ejus cæcatus fuisset, sed dominum suum regem *Haroldum* illum facere quod fecit iussisse, cum totius fere Angliæ principibus & ministris dignioribus, regi juravit.

041. **A** Nno M. xli. Hoc anno rex Anglorum *Hardecanutus* suos huscarlas misit per omnes regni sui provincias ad exigendum quod indixerat tributum. Ex quibus duos *Eadar* scilicet & *Turstan Wigornenses* provinciales cum civibus seditione exorta, in cuiusdam turris *Wigornensis* monasterii solario (quo celandi causa confugerant) iij. non. Mai. feria ij. peremerunt; unde rex irâ commotus, ob ultionem necis illorum *Thuri* mediterraneorum, *Leofricum* Merciorum, *Godwinum* Westsaxonum, *Siwardum* Northymbrorum, *Roni* Mageletensium, & cæteros totius Angliæ comites, omnesque ferme suos huscarlas cum magno exercitu, *Alfrico* adhuc *Wigornensem* pontificatum tenente, illo misit, mandans ut omnes viros si possent occiderent, civitatem deprædatam incenderent, totamque provinciam devastarent. Qui die veniente vespere iduum Novembrium & civitatem & provinciam devastare cœperunt, idque per iij. dies agere non cessare; sed paucos vel è civibus vel provincialibus ceperunt aut occiderunt, quia præcognito adventu eorum provinciales quoquo locorum fugerant. Civium vero multitudo in quandam modicam insulam in medio *Sabrinæ* fluminis sitam, quæ *Weterege* nuncupatur, confugerant, & munitione facta tam diu se viriliter adversus suos inimicos defenderunt, quoad pacem recuperata, libere domum licuerit eis redire. Quinta igitur die, civitate cremata, unusquisque magna cum præda rediit in sua; & regis statim quievit ira. Non multo post *Eadwardus Egelredi* quondam regis Anglorum natus, de *Normannia* ubi multis exulabat annis, venit Angliam, & à fratre suo *Hardecanuto* rege susceptus honorifice, in curia sua mansit.

042. **A** Nno M. xlii. Rex Anglorum *Hardecanutus*, dum in convivio in quo *Osgodus Clapa* magnæ vir potentiæ filiam suam *Githam Danico* & præpotenti viro *Tovio*, *Prudan* cognomento, in loco qui dicitur *Lambithe*, magna cum lætitia tradebat nuptui lætus, sospes & hylaris cum sponsa prædicta & quibusdam viris bibens staret, repente inter bibendum miserabili casu ad terram corruit, & sic mutus permanens vj. idus Junii feria iij. expiravit, & in *Wintoniam* delatus juxta patrem suum regem *Canutum* est tumulatus. Cujus frater *Eadwardus* annitentibus maxime Comite *Godwino* & *Wigornensi* præfule *Livingo*, *Lundonia* levatur in regem. Cujus pater *Egelredus*, cujus pater *Eadgarus*, cujus pater *Eadmundus*, cujus pater *Eadwardus* senior, cujus pater *Elfredus*, *Eadmundus* episcopus obiit. Cui *Edredus* per pecuniam in episcopatum successit, & decimo mense moritur.

043. **A** Nno M. xliij. *Eadwardus* ab archipræsulibus *Edso* Dorobemiensi & *Alfrico* Eboracensi, aliisque ferme totius Angliæ præsulibus, prima die Paschæ, iij. nonas Aprilis unguitur in Regem *Wintonia*. Eodem anno xliij. diebus ante festivitatem sancti An-

dree apostoli festinato rex cum comitibus *Leofrico*, **An. Dñi** *Godwino* & *Siwardo* de civitate *Glaworne Wintoniam* venit improvise. & ut illi consilium ei dederant, suæ genitrici quicquid in auro & argento, gemmis, lapidibus aliisque rebus preciosum habuerat, abstulit, vel quia priusquam rex esset effectus, vel post, minus quam volebat illi dederat, & ei valde dura extiterat. Defuncto *Eadmundo Egelricus* suscepit episcopatum *Dunelmensem*, *Siwardo* amministrante comitatum *Northanhymbrorum*.

1044. **A** Nno M. xliij. *Alwoldus* *Londoniensis* præsul, qui & ante episcopatum & in episcopatu abbatibus jure *Eoveshammensi* cœnobio præfuit, cum pontificatum amministrare pro sua infirmitate minus sufficeret, *Eoveshammi* residere voluit, sed fratres loci illius ad id omnino consentire noluerunt. Quapropter ablatis ex maxima parte libris & ornamentis quæ ipse eidem contulerat loco, & quibusdam ut fertur quæ alii contulerant, ad monasterium *Ramese* secessit, & omnia quæ attulit sancto contulit *Benedicto*, ibique resedit, & hoc anno viij. kal. Augusti feria iij. defungitur, ibidemque sepelitur. In generali Concilio quod eodem tempore celebratum est *Lundonia*, religiosus *Eoveshammensis* monachus *Wlmarus*, qui & *Manni*, ut abbatibus jure suo monasterio præesset, eligitur, & iij. idus Augusti feria vj. ordinatur. Eodem anno nobilis matrona *Gunhilda* regis *Wortgerni* & sororis *Canuti* regis filia, & Comitum *Hacum* & post *Haroldi* morte viduata, cum duobus filiis *Hemmungo* & *Turkillo* expellitur Angliam. Quæ *Flandriam* devecta, in loco qui *Wige* dicitur aliquandiu resedit, & sic *Danemarchiam* adiit.

1045. **A** Nno M. xlv. *Brithwoldus* *Wiltoniensis* episcopus obiit, cui regis capellanus *Hermannus* de *Lotharingia* oriundus successit. Quo anno rex Anglorum *Eadwardus* ad *Sandicum* portum congregavit classem prævalidam contra *Magnum Norreganorem* regem Angliam adire disponentem, sed bellum à *Suano* rege *Danorum* illi illatum iter impedit.

1046. **A** Nno M. xlvj. *Livingus* *Hwicciorum*, *Domnania* & *Cornubia* præsul x. kal. Aprilis die Dominica obiit. Cujus post decessum regis *Cancellario* *Leofrico* Britannico mox *Cridiatunensis* & *Cornubiensis* datus est præfatus, & *Aldredus* qui primo monachus *Wintoniensis*, post abbas *Tavistokenensis* extitit, *Hwicciorum* pontificatum suscepit. *Osgodus* *Clapa* expellitur Angliam. *Magnus Norreganorum* rex sancti *Olavi* regis filius fugato rege *Danorum* *Suano*, sibi *Danemarchiam* subjugat.

1047. **A** Nno M. xlvij. nix in occidente tanta cecidit ut silvas quoque frangeret. *Alwinus* *Wintoniensis* episcopus obiit, in cuius sedem *Stigandus* succedimatur. *Suanus* rex *Danorum* suos legatos misit ad *Eadwardum* regem Anglorum, & rogavit ut sibi classem mitteret contra regem *Magnum Norreganorum*. Tunc Comes *Godwinus* consilium regi dedit, ut saltem 50. naves militibus instructas ei mitteret: sed quia *Leofrico* Comiti & cuncti populo id non videbatur consilium, nullum ei mittere voluit. Post hæc *Magnus* rex *Norreganorum* classe multa & valida constipatus, cum *Suano* prælium commisit, & multis milibus utrimque occisis, illum de *Danubia* expulit, & post in illa etiam regnavit, atque tributum

An.Dñi sibi non modicum pendere *Danos* coegit, ac non multo post obiit.

1048.

ANno M. xlvij. *Suanus* *Danubiam* recepit & *Haroldus Harvager* *Siwardi* regis *Norreganorum* filius, & ex parte matris frater sancti *Olavi*, patruus scilicet *Magni* regis *Norregam* repetiit, brevique post tempore suos nuncios ad regem *Eadwardum* misit, & pacem amicitiamque illi optulit & recepit. Terramotus kal. Mai die Dominica exstitit magnus *Wigorne*, *Wic*, *Deorbeie*, & multis aliis locis. Mortalitas hominum & animalium multas occupavit Angliæ provincias, & ignis acrius, vulgo dictus silvaticus, in *Derbernensi* provincia & quibusdam aliis provinciis villas & segetes multas ustulavit.

1049.

ANno M. xlix. *Leo* papa 145. Iste est *Leo* ille qui novum cantum de sancto *Gregorio* papa fecit. *Henricus* imperator innumerabilem congregavit exercitum contra *Flandrensem* Comitem *Baldwinum*, maxime eo quod apud *Neomagum* suum palatium combussisset atque fregisset pulcherrimum. In qua expeditione fuit *Leo* papa, & de multis terris nobiles, & magnifici viri quam plurimi. *Suanus* etiam rex *Danorum* ut Imperator illi mandarat, cum sua classe ibi aderat, & ea vice fidelitatem Imperatori juravit. Misit quoque ad regem *Anglorum* *Eadwardum*, & rogavit illum, ne *Baldwinum* permitteret effugere si vellet ad mare fugere. Iccirco cum magna classe rex *Sandicum* portum adiit, & ibi tandiu mansit quoad Imperator de *Baldwino* omnia quæ voluit habuisset. Interea *Suanus* comes *Godwini* Comitis & *Gytha* filius, qui relicta prius *Anglia*, eo quod *Eggivam* *Leonensis* monasterii abbatissam quam corruerat in matrimonium habere non licuerit, *Danemarchiam* adierat, navibus octo rediit, dicens cum simulatione se cum rege fideliter amodo remansurum. Cui *Beorn* comes filius avunculi sui *Danici* comitis *Ulsi* filii *Spraclingi* filii *Urvi* ac frater *Suani* *Danorum* regis promisit, se à rege impetraturum ut suus ei comitatus redderetur. Pacificato itaque cum Imperatore *Baldwino* Comite, comites *Godwinus* & *Beorn* xliij. navibus *Pevenesea* regis licentia sunt devecti. Reliquam vero classis partem domum redire iussit, paucis secum navibus ibi retentis. Cui cum nunciarum fuisset quod *Osgodus* *Clapa* cum xxix. navibus in *Ulpe* jaceret, de navibus quas remisit quot potuit revocavit. *Osgodus* autem uxore sua quam apud *Bricge* commiserat recepta, vi. navibus *Danemarchiam* rediit. Aliæ vero *Eastfaxoniam* adeuntes, præda circa promontorium *Eadulfi* rapta non modica redibant: verum eas in redeundo sæva corripuit tempestas, omnesque summersit, exceptis duabus quæ in transmarinis partibus captæ sunt, occisis omnibus qui in illis erant. Dum hæc agebantur, *Suanus* comes *Pevenesea* venit, & consobrinum suum *Beorn* Comitem cum dolo rogavit, ut ad *Sandicum* portum secum iret, & ut illi promiserat eum cum rege pacificaret. Qui consiliis in consanguinitate, tribus tantum sociis assumptis cum illo proficisci cepit: At ille ad *Wosanhām* ubi naves ejus erant eum duxit, & in navim introductum duris mox loris vinciri iussit, ac secum tandiu habuit donec ad hostium *Derte* veniret. Ubi illo occiso & in altam fossam projecto terraque obruto dimiserunt illum; sex naves, quarum duas paulo post ceperunt *Heastingenses*, & occisis qui fuerunt in eis naves ad *Sandwich* condu-

centes regi optulerunt. *Suanus* vero ad *Flandriam* duabus fugiens navibus ibi mansit quoad *Wigornensis* episcopus *Aldredus* illum reduxit & cum rege pacificavit. Eodem anno sanctus *Leo* papa rogatu eximie religionis abbatis *Hermari* in *Franciam* venit, habens in comitatu suo præfectum & digniores quosque Romulæ urbis, & sancti *Remigii* *Francorum* apostoli monasterium *Remis* constitutum maximo cum honore dedicavit, & postmodum in ipsa urbe magnam synodum archiepiscoporum, episcoporum & abbatum sex diebus celebravit. In qua fuit *Aldwinus* *Ramesigensis* abbas & abbas monasterii sancti *Augustini* à rege *Anglorum* *Eadwardo* illo directi.

1050.

ANno M. l. rex *Scotia* *Macbethad* *Roma* argentum spargendo distribuit. *Edsius* *Dorbernensis* archiepiscopus obiit, cui *Robertus* *Londniensis* episcopus genere *Normannus* successit. *Hermannus* *Wiltoniensis* episcopus & *Aldredus* *Wigornensis* episcopus *Romam* iverunt.

1051.

ANno M. li. *Elfricus* *Eboracensis* archiepiscopus *Suthwelle* defunctus, in monasterio *Burh* sepelitur. Cui regis capellanus *Kinsus* successit. Rex *Eadwardus* absolvit Anglos à gravi vectigali scilicet lxxx. librarum xxxviij. anno ex quo pater suus rex *Egelredus* primitus id *Danici* solidariis solvi mandavit. Post hæc mense Septembri *Bononiensis* Comes *Eustacius* senior qui sororem *Eadwardi* regis *Godam* nomine in conjugium habuerat, paucis *Dorverniam* applicuit navibus. In qua milites ejus cum stolide & insipienter sibi hospitia quærent, unum è civibus peremerunt. Quod videns ejus concivis ulciscitur illum occiso milite uno. Ob quem causam Comes & sui nimis irati, viros & mulieres quam plures armis interfecerunt, pueros & infantes suorum pedibus equorum contriverunt. Sed ubi cives ad obsistendum concurrere viderunt, turpem fugam ineuntes vix evaserunt, septem ex sociis illorum peremptis, & ad regem *Eadwardum* qui tunc temporis *Glaworne* morabatur, fugerunt. Talia geri in suo comitatu comes *Godwinus* graviter ferens, nimiaque commotus ira, de toto suo comitatu, scilicet de *Cantia*, *Suthsaxonia* & *Westfaxonia*, & filius ejus primogenitus *Suanus* de suo, id est de *Oxenfordensi*, *Glawornensi*, *Herefordensi*, *Summerseatunensi*, *Bearrucscirensi* provinciis, alterque filius ejus *Haroldus* de suo comitatu, videlicet de *Eastfaxonia*, *Eastanglia*, *Huntendunensi* & *Grantebrigeni* provinciis innumerum congregaverunt exercitum. Quod regem *Eadwardum* non latuit. Iccirco nunciis ad *Leofricum* *Mercensium* & *Siwardum* *Northymbro-*rum Comites festinato missis, rogavit ut ad se in magno periculo constitutum cum omnibus quos habere poterant venire accelerarent. Illi autem primo cum paucis venerunt. Sed ubi cognoverunt quomodo se habuit res, per suos comitatus celeres miserunt veredarios, & magnum congregaverunt exercitum. Similiter & *Rodolphus* Comes *Gode* sororis *Eadwardi* regis filius de suo comitatu quot potuit congregavit. Interea *Godwinus* & filii ejus cum suis exercitibus post nativitatem sanctæ *Maria* in *Glawornensem* provinciam venientes in loco qui dicitur *Langetreo* castra metati sunt, & legatis *Glawornam* ad regem directis Comitem *Eustacium* & socios ejus, insuper & *Normannos* & *Bononienses* qui castellum in *Dorverniam* dominio tenuerunt, sub denunciatione belli repolcebant.

repolcebant. Ob id autem ad tempus rex perterritus & in angore magno constitutus, quid ageret ignorabat penitus: sed ubi exercitum Comitum *Leofrici*, *Sivardi* & *Rodulfi* adventare comperit, se nullatenus *Eustachium* alioque requisitos traditurum constanter respondit. Quo audito, vacui redeunt legati. Quibus abeuntibus, exercitus *Glawornam* intravit, ita inflammatus & concordii animo ad pugnam paratus, ut statim si rex permitteret, cum exercitu *Godwini* pugnam inire vellet: at quia de tota *Anglia* quique meliores in sua & illorum parte erant coadunati, *Comiti Leofrico* & quibuldam aliis magnum videbatur insilium, ut ipsi cum suis compatriotis bellum inirent, sed obsidibus ad invicem datis, rex & *Godwinus* die constituto ad placitandum *Londonia* convenirent. Probaro consilio & nunciis intercurrentibus, obsidibus datis & acceptis, dux in *Vexsaxoniam* rediit. Rex vero de tota *Mercia* & *Northymbria* copiosiorum exercitum congregavit, & secum *Londoniam* duxit. *Godwinus* autem & filii ejus ad *Suthweorce* venere cum magna *Vestsaxonum* multitudine: sed quia suus ab eo paulatim defluerat exercitus, placitum inire cum Rege non audebat, verum nocte superveniente fugam iniit. Quare manefacto, rex in suo concilio & omnis exercitus unanimi consensu illum & quinque filios ejus exules fore decreverunt. Qui mox cum conjugē suā *Gythā* & *Tosti* cum uxore suā *Judithā*, filia videlicet *Baldwini Flandrensis* Comititis, ac duo alii ejus filii *Suanus* & *Gyrth*, ad *Thoznege* ubi navis ejus parata fuerat venerunt. In qua tantum auri & argenti aliarumque rerum pretiosarum quam illa portare potuit festinanter impo-
nentes, eamque citatim conscendentes, ad *Flandrensi-*
um Comitem *Baldwinum* cursum direxerunt. Porro *Haroldus* & *Leofwinus* filii ejus *Brycstowam* adeuntes, navem quam frater illorum *Suanus* sibi paraverat, conscenderunt, & in *Hiberniam* transeunti sunt. Reginam vero *Eadgitham* rex propter iram quam adversus patrem suum *Godwinum* habuerat, repudiavit, & cum una pedissequa ad *VVarewellam* eam sine honore misit, & abbatissā custodiendam commendavit. His gestis, *Normannicus* Comes *VVilhelmus* cum multitudine *Normannorum Angliam* venit. Quem rex & socios ejus honorifice suscepit, & magnis multisque donatum muneribus ad *Normanniam* remisit.

52. Anno M. liij. *Elgiva* Emma coniux regum *Egelredi* et *Kanuti* ij. non. Marcii *Vintonia* obiit, & ibi sepulta est. Eodem anno *VValensium* rex *Gryffinus* magnam partem *Herefordensis* provinciae depopulatus est. Contra quem provinciales illi et de castello quamplures *Normanni* ascenderunt. Sed multis ex illis occisis, ille victoriam habuit, et secum praedam magnam abduxit. Hæc pugna facta est eodem die quo ante tredecim annos fratrem Comititis *Leofrici* *Edwinum VValenses* per insidias interfecerunt. Parvo post hæc tempore *Haroldus* Comes et frater ejus *Leofwinus* de *Hybernia* redeuntes, et hostium *Sabrina* navibus multis intrantes, in confinio *Summerseataniæ* et *Dorsetaniæ* applicuerunt, et illis in partibus villas ac agros depredati sunt multos. Adversus quos et de *Domnania* et *Summerseatania* quamplures congregati ascenderunt: sed eos vicit *Haroldus*, caesis ex illis plusquam xxx. nobilibus ministris cum aliis multis. Deinde ad naves cum præda rediit, et mox *Penwiththeort* circumnaviga-

vit. Tunc rex *Eadwardus* xl. naves alimentis electisque militibus instructas ad *Sandicum* portum festinato misit, et eos adventum *Godwini* Comititis operiri et observare iussit; sed tamen ignorantibus omnibus ille cum paucis navibus reveritus in *Cantua* applicuit, et missis latenter nunciis primitus *Cantuarienses*, deinde *Suthsaxones*, *Eastsaxones*, *Sutl-*
regienses et omnes *buthsecarlas* de *Heastinga* et
10 ubicumque circa ripas maris alioque nonnullos in adiutorium sibi allexit. Hii omnes uno ore aut vivere aut mori se paratos fore sibi promiserunt. Quod ubi regis classis quæ ad *Sandicum* portum jacebat innotuit, illum insequuntur. Verum ipse fugiens evasit, et quo in loco potuit se occultavit. Illi vero ad *Sandicum* portum sunt revedi, et inde *Londoniam* sunt reversi. Hoc cognito, Comes *Godwinus* ad *Vestam* insulam revehitur, et circa ripas maris tam diu vagabatur, donec ad illum filii ejus *Haroldus* et
20 *Leofwinus* sua cum classe venirent. Sed ex quo in unum convenerant, a depredatione et populatione desistebant, victum tamen exercitui suo cum res exposceret sumebant. Circa ripas autem maris et ubicumque locorum omnes quos poterant sibi in adiutorium allicientes, et *buthsecarlas* omnes quos obvios invenerant secum legentes, versus *Sandicum* portum cursum direxerunt. Quo cum venissent, Regi *Eadwardo* tunc temporis *Londonia* demoranti, illorum adventus nunciatur. Qui nunciis propere missis
30 omnibus qui a se non defecerant mandavit, ut in adiutorium sui venire maturarent, at illi nimis tardantes, ad tempus non venerunt. Interea cum sua classe *Godwinus* Comes adversus cursum *Tamenfis* de-
vectus, die exaltationis sanctæ crucis feria ij. ad *Suthweorce* venit, et ibi tam diu expectavit quoad maris accessus veniret. Interim quoddam per inter-
nuncios cives *Londonienses* quos variis pollicitationibus prius illexerat convenit, & ut omnes fere quæ volebat omnino vellent facere, effecit. Inde rebus
40 omnibus dispositis & ordinatis, reumate adveniente, festinanter anchoras sustulerunt, ac nullo in ponte obistente per australem fluminis crepidinem sursum navigaverunt. Venit & pedestris exercitus, ac se per oram fluvii ordinatim disponens spissam terribilemque fecit testudinem. Deinde classem versus aquilonalem ripam vertit, quasi regis classem circumdare vellet. Habebat enim & rex classem ac numerosum pedestrem exercitum, sed quia ibi & cum
50 rege & cum *Godwino* erant perpauca qui fortitudinis aliquid haberent, nisi tantum *Angli*, pugnare adversus suos propinquos & compatriotas pene omnes abhorrebant. Unde quique sapientiores ex utraque parte inter regem & ducem pacem redintegrantes exercitum ab armis discedere jusserunt. Mane autem facto, concilium rex habuit, pristinumque honorem pleniter reddidit *Godwino* & uxori suæ filiisque
60 omnibus excepto *Suano*. Ille enim ductus penitentia, eo quod ut prælibavimus consobrinum suum *Beorn* occiderat, de *Flandria* nudis pedibus *Jerusalem* jam adierat; indeque rediens invaliditudine ex nimio frigore contracta, mortuus est in *Licia*. Filiam quoque ducis *Edgitham* reginam digniter rex recepit, ac pristinae dignitati restituit. Facta igitur concordia paceque firmata, omni populo rectam legem promiserunt, & omnes *Normannos* qui leges iniquas adinvenerant & injusta judicia judicaverant multa-
que regi insilia adversus *Anglos* dederant, exlegaverunt. Paucos tamen, scilicet *Rodbertum* diaconem,

An. Dñ

An. Dñi & generum ejus *Ricardum* filium *Scrobi*, *Abver-*
duum regis stracorem, *Anfridum* cognomento *Ceo-*
kesfor, & quosdam alios quos plus ceteris rex dilexe-
 rat, eique & omni populo fideles existerant, in *An-*
glia remanere permiserunt. Porro *Rodbertus* *Dor-*
bernie archiepiscopus, & *Lundonia* præsul *Williel-*
mus, & *Ulf* *Lincolniensis* antistes cum suis *Nor-*
mannis vix evadentes mare transierunt. Sed *Williel-*
mus propter suam bonitatem parvo post tempore
 revocatus in suum episcopatum recipitur. *Osbernus*
 vero cognomento *Pentecoste* & socius ejus *Hugo* suat
 reddiderunt castella, & Comitibus *Leofrici* licentia
 per suum comitatum *Scotiam* adeuntes, à rege
Scotorum *Macbeotha* suscepti sunt. Eodem anno in
 nocte festivitatis sancti *Thomae* apostoli tantas tam-
 que vehemens exitit ventus, ut multas ecclesias do-
 musque dirueret, & innumerabiles arbores frange-
 ret vel radiceis erueret.

1053.

Anno M. liij. *Griffini* regis australium *Walensi-*
um frater *Res* nomine, propter frequentes præ-
 das quas egit, in loco qui *Waleundum* dicitur jussu
 Regis *Eadwardi* occiditur, & *Glawornam* caput ejus
 ad regem in vigilia Epiphania domini est allatum.
 Eodem anno dum secunda Paschalis festivitatis ce-
 lebrarent feria *Wintonia* *Godwino* Comiti solito re-
 gi ad mensam assidenti, suprema evenit calamitas.
 Gravi etenim morbo ex improviso percussus mutus
 in ipsa sede declinavit. Quod filii ejus, Comes *Ha-*
roldus, *Tosti* & *Gyrth*, videntes, illum in regis came-
 ram portabant, sperantes cum post modicum de in-
 firmitate convalescere: sed ille expertus virium quinta
 post hæc feria vita decessit xvij. kal. Mai, & in ve-
 teri monasterio sepultus est. Cujus ducatum suscepit
Haroldus filius ejus, & ejus Comitatus datus est
Algaro *Leofrici* Comitis filio.

1054.

Anno M. liij. *Strenuus* dux *Northymbrorum* *Si-*
wardus jussu regis *Eadwardi* et equestri exer-
 citu et classe valida *Scotiam* adiit, et cum rege *Scot-*
torum *Macbeotha* prælium commisit, ac multis mili-
 bus *Scottorum* et *Normannis* omnibus quorum su-
 pra mentionem fecimus occisis, illum fugavit, et
Malcolmun regis *Cumbrorum* filium ut rex jussit
 regem constituit. In eo tamen prælio suus filius et
 multi *Anglorum* et *Danorum* ceciderunt. Mortuo
Godwino *Winchelcumbensi* abbate *Aldredus* *Wigorn-*
ensis episcopus in festivitate sancti *Kenelmi* *Godri-*
cum *Godmani* regis capellani filium loco ejus abba-
 tem constituit. Deinde magnis cum exenniis idem
 episcopus regis fungitur legatione ad Imperatorem.
 A quo simul et *Hermannus* *Coloniensis* archipræsule,
 magno susceptus honore, ibidem per annum inte-
 grum mansit, et regis ex parte Imperatori suggessit,
 ut legatis *Ungariam* missis inde fratrualem suam
Eadwardum, regis videlicet *Eadmundi* *Ferrei* late-
 ris filium reduceret, *Angliamque* venire faceret.

1055.

Anno M. iv. *Siwardus* dux *Northymbrorum*
Eboraci decessit, et in monasterio *Galmanho*
 quod ipse construxerat sepultus est. Cujus ducatus
Tostio *Haroldi* ducis germano datus est. Non multo
 post rex *Eadwardus* habito *Lundonia* concilio *Al-*
garum Comitem filium *Leofrici* Comitis sine culpa
 exegavit. Qui mox *Hiberniam* petiit et xvij. pirati-
 cis navibus acquisitis, rediit et *Griffinum* regem
Walensium adiit, eumque petiit, ut contra regem

Eadwardum sibi esset in auxilium. Ille statim de *An.* Dñi
 toto regno suo copiosum exercitum cum gregans, *Al-*
garo præcepit, ut loco constituto sibi et exercitui cum
 suis copiis occurreret. Quibus in unum convenier-
 tibus, fines *Anglorum* de populaturi *Herefordensem*
 provinciam intraverunt. Contra quos timidus dux
Rodalphus regis *Eadwardi* sororis filius, exercitum
 congregans, et duobus militibus à civitate *Hereford-*
ae in. kal. Novembris illis occurrens, *Anglus* con-
 tra morem in equis pugnare jussit. Sed cum prælium
 esset commissum, Comes cum suis *Francis* et *Nor-*
mannis fugam primitus cepisset; quod videntes *An-*
gli, ducem suum fugiendo sequuntur. Quos adver-
 sarii fere omnes insecuti *CCCC.* vel quingentos vi-
 ros ex eis peremerunt, multosque vulneraverunt.
 Deinde victoria potiti, rex *Griffinus* & Comes
Algarus *Herefordam* intraverunt, & vij. canonicis
 qui valvas principalis basilicæ defenderant occisis,
 ac monasterio quod verus *Christicola* antistes *Ethel-*
stanus construxerat cum omnibus ornamentis & re-
 liquiis sancti *Agilberti* regis & martyris aliorumque
 sanctorum combusto, & nonnullis è civibus necatis,
 multisque captivatis, civitate etiam spoliata & cre-
 mata prædæ ubertate ditati redierunt. Quod ubi re-
 gi innotuit, de tota mox *Anglia* exercitum congre-
 gari jussit. Cui *Glaworna* congregato, strenuum du-
 cem *Haroldum* præfecit. Qui devote jussis obtem-
 perans, *Griffinum* & *Algarum* impigre insequitur,
 ac fines *Walanorum* audacter ingressus, ultra *Strad-*
dale castra metatus est. Sed illi quia virum bellico-
 sum & fortem ipsum sciebant, cum eo committere
 bellum non audentes in *Suthmaliam* fugerunt. Quo
 comperto, majorem exercitus partem ibi dimisit,
 mandans eis, ut suis adversariis si res exposceret viri-
 liter resisterent. Cum cætera vero multitudine *Here-*
fordam rediens vallo lato & alto illam cinxit, por-
 tis & feris munivit. Interea legatis intercurrenti-
 bus *Griffinus* & *Algarus* & *Haroldus* & qui cum
 illis fuerant, in loco qui *Bylgesteage* dicitur con-
 venerunt, & pace data & accepta firmam amicitiam
 inter se pacti sunt. Quibus patris, classis *Algari*
 Comitis *Legaceastram* devecta, stipendium quod eis
 promiserat expectavit. Ipse vero ad Regem venit,
 & ab eo suum comitatum recepit. Eo tempore reli-
 giolus vir *Tremerin* *Walonius* antistes decessit. Hic
 multo tempore vicarius *Ethelstani* *Herefordensis*
 præsulis exiit, postquam ipse ministerium episcopa-
 le per se implere nequivit. Erat enim per annos xij.
 oculorum lumine privatus. *Hermannus* *Wiltonia*
 provincie præsul offensus quia ei sedem episcopalem
 transferre de villa quæ *Reamnesbyrig* dicitur ad
 abbatiam *Mealmebiriensem* rex nollet concedere,
 episcopatum dimisit, marique transfretato apud
 sanctum *Bertinum* monachicum habitum suscepit,
 ibique in ipso monasterio tribus annis mansit.

1056.

Anno M. lvj. obiit *Henricus* *Romanorum* Im-
 perator, cui successit *Henricus* filius ejus. Ma-
 gnæ vir sanctitatis *Herefordensis* episcopus, *Ethel-*
stanus iij. Idus Febr. in episcopali villa quæ *Bo-*
sanbyrig vocatur decessit. Cujus corpus *Herefor-*
dam delatum, in ecclesia quam ipse à fundamentis
 construxerat est tumulatum. Cui *Leofegarum* du-
 cis *Haroldi* capellanus successit. Qui eodem anno
 xvj. Kal. Julii à *Griffino* *Walanorum* rege in loco
 qui *Glastbyrig* vocatur cum clericis suis & vice-
 comite *Agelnotho* & multis aliis occisus est. Mansit
 autem

An. Dñi autem in episcopatu xj. septimanis & quatuor diebus. Quo perempto, *Aldredo Wigornensi* præsuli donec antistes constitueretur, commissus est episcopatus *Herefordensis*. Post hæc idem episcopus & Comites *Leofricus* ac *Haroldus* cum rege *Eadwardo Walanorum* regem *Griffinum* pacificaverunt. Ecclesiarum amator, pauperum recreator, viduarum & pupillorum defensor, oppressorum subventor, virginum custos Comes *Agelwinus* ab *Aldredo Wigornensi* episcopo ante suum obitum monachizatus ij. Kal. Septembris apud *Deorhythe* decessit, sed in monasterio *Percorensi* honorifice sepultus quiescit. *Dunholmensis* episcopus *Agelricus* episcopatu sponte relicto, ad monasterium suum quod dicitur *Burh*, ubi nutritus & monachus est factus, secessit, ibique annis xj. deguit. Cui ejusdem monasterii monachus frater ipsius *Agelwinus* in episcopatum successit.

57. **A** Nno M. lviij. Clito *Eadwardus* regis *Eadmundi ferrei lateris* filius, ut ei mandarat suus patruus rex *Eadwardus*, de *Ungaria* quo multo anno ut prædiximus in exilium missus fuerat, *Angliam* venit. Deceverat enim rex illum post se regni hæredem constituere. Sed ex quo venit, parvo post tempore vita decessit *Londonia*. Excellentis vir memorie, laudabilis Comes *Leofricus* ducis *Leoffini* filius, in propria villa quæ *Bromleage* dicitur ij. Kal. Septembris in bona senectute decessit, & *Covantreo* sepultus est honorifice. Quod monasterium inter cætera bona quæ in sua vita gessit opera, ipse & uxor ejus Dei cultrix sanctæque *Maria* semper virginis amatrix devota nobilis Comitissa *Godiva* de suo patrimonio à fundamentis construxerunt, & id terris sufficienter locupletaverunt, ornamentis variis adeo ditaverunt, ut in *Anglia*, tanta copia auri & argenti, gemmarum lapidumque pretiosorum in nullo inveniretur monasterio, quanta tunc temporis habebatur in illo. *Leonen*se etiam & *Wanlocense* cœnobium, sanctique *Johannis Baptiste*, ac sanctæ *Wereburge* virginis monasteria in *Leogeceastre* sita, & ecclesiam quam *Lincolniensis* præsul *Eadnothus* in loco famoso qui sanctæ *Mariae Stou* Anglice, Latine vero sanctæ *Mariae* locus appellatur, construxit, pretiosis ditaverunt ornamentis. *Wigornien*se quoque monasterium terris, & *Eoveshamen*se ædificiis, ornamentis variis terrisque locupletaverunt. Hujus itaque Comitissæ sapientia quamdiu vixit, regibus omnique *Anglorum* populo multum profecit. Cujus ducatum filius suus *Algarus* suscepit. Hec præsul australium *Saxonum* obiit: pro quo *Agelricus* monachus ecclesiæ *Christi Cantuariensis* eligitur.

58. **A** Nno M. lvij. *Algarus* Comes *Merciorum* à rege *Eadwardo* secundo exlegatus est, sed regis *Walanorum Griffini* juvamine & *Norreganice* classis amminiculo quæ ad illum venerat ex improviso, cito per viam suam comitatum recuperavit. *Aldredus Wigornensis* episcopus ecclesiam quam in civitate *Glaworna* à fundamentis construxit, in honore principis Apostolorum *Petri* honorifice dedicavit, & postea regis licentia *Wlstanum Wigornensem* monachum à se ordinatum abbatem constituit ibidem. Deinde præsulatu *Wiltoniensis* ecclesiæ qui sibi ad regendum commissus fuerat dimisso, & *Hermann*o cujus supra meminimus reddito, mare

transiit, & per *Pannoniam* quæ nunc *Ungaria* dicitur profectus est *Hierosolimam*; quod nullus archiepiscoporum vel episcoporum *Angliæ* eatenus dinoscitur fecisse.

1059. **A** Nno M. lix. *Nicolaus* civitatis *Florentina* episcopus papa eligitur, & *Benedictus* ejicitur. *Kins* *Eboracensis* archiepiscopus, & *Egelwinus Dunelmensis* episcopus, & *Tosti* Comes *Eboraci* deduxerunt regem *Malcolmum* ad regem *Eadwardum*.

1060. **A** Nno M. lx. *Henricus* rex *Francorum* obiit, cui filius ejus primogenitus *Philippus* successit. *Wyllensis* episcopus *Duduc* obiit, cui successit *Gisa* regis capellanus, ambo de *Lotharingia* oriundi. *Eboracensem* archiepiscopus *Kinsus* xj. Kal. Januarii *Eboraci* obiit, cujus corpus ad monasterium quod *Burh* dicitur delatum honorifice est tumulatum. Pro quo *Wigornensis* episcopus *Aldredus* ad archiepiscopatum in nativitate Domini eligitur, & *Herefordensis* præsulatus qui ei propter suam industriam fuerat commissus, capellano *Egithe* reginæ *Vvaltero Lotharingo* est datus.

1061. **A** Nno M. lxj. *Aldredus Eboracensis* archiepiscopus cum *Tostio* Comite *Romani* ivit, & à *Nicola*o papa pallium suscepit. Interim rex *Scotorum Malcolmus* sui conjurati fratris, scilicet Comitissæ *Tostii* comitatum ferociter depopulatus est, violata pace sancti *Cuthberti* in *Lindisfarnensi* insula. Eodem anno *Nicolaus* papa obiit, *Alexander* papa 149. successit.

1062. **A** Nno M. lxij. *Wlstanus* vir venerandus, pontifex *Wigornensi* ecclesiæ præficitur. Hic Deo amabilis regione *Merciorum* in provincia *VWarevicensi* parentibus religiosis oriundus, patre videlicet *Eastano*, matre vero *Wlfsgeova* nomine, in nobili autem monasterio quod *Burh* nominatur, literis & ecclesiasticis officiis optime extitit imbutus. Qui ambo, scilicet parentes ejus, in tantum religioni studebant, ut longe ante finem vitæ castitatem professi, se abinvicem separantes, sub sanctæ conversationis habitu vitam consummare gauderent. Quorum exemplo ipse adolescens incitatus, matre id maxime perluadente, sæculum reliquit, atque in eodem *Wigornensi* monasterio, quo & ante pater Deo servierat, monachicum habitum & ordinem à venerabili *Brihtego* ejus ecclesiæ episcopo suscepit, à quo etiam in gradum tam diaconatus quam presbyteratus ordinatus est; statimque in ipso initio arduam & omni religiositate plenam vitam arripens, in vigiliis, jeuniis, orationibus, omni-que virtutum genere subito admirandus apparuit. Hinc ob morum disciplinam primo magister & custos infantium aliquandiu constituitur. Deinde ob sollicitiam ecclesiastici officii cantor simul & thesaurarius ecclesiæ ex præcepto seniorum efficitur. Nactus vero occasionem liberius Deo serviendi ex commissa sibi custodia ecclesiæ, totum se contemplativæ vitæ dedit, die nocteque in ea aut orationi, aut divinæ lectioni insistens, bidui triduique jejunio assidue corpus macerans, sacris vigiliis in tantum deditus, ut non modo diem & noctem, sed & aliquando (quod à nobis vix crederetur si non ab ipsius ore hoc audissemus,) iij. dies cum noctibus absque sompno transigens, fere exsiccatum cerebro,

An.Dñi periculum incurreret, nisi sopore prælibato naturæ
satisfacere maturaret. Denique & cum vi naturæ
dormire compelleretur, non lecto aut lectisterniis
membra ad soporem fovebat, sed super aliquod
scamnum ecclesiæ libro in quo orabat sive legebat
caput sustentans paulisper se reclinabat. Post ali-
quod autem tempus defuncto *Agelwino* Priore mo-
nasterii, ipse vir reverendus Prior & pater congre-
gationis ab *Aldredo* episcopo ponitur. Quod offi-
cium valde laudabiliter adimplens, prioris conver-
sationis austeritatem minime reliquit; imo ut cæ-
teris exemplum bene vivendi daret, multipliciter
adauxit. Deinde post aliquot annorum curricula
electo ad archiepiscopatum *Eboracensis* ecclesiæ
ipso *Aldredo VVigornensis* ecclesiæ episcopo, fit
unanims consensus tam cleri quam etiam totius ple-
bis in ejus electione, rege videlicet *Eadwardo* an-
nuente ut quem sibi vellent præfulem eligerent.
Contigit namque eo tempore & legatos sedis Apo-
stolicæ ejus electioni interesse, *Armenfredum* scilicet
Sedunensem episcopum, & alium qui à domno
Papa *Alexandro* pro responsis ecclesiasticis ad re-
gem *Anglorum Eadwardum* missi regio præcepto
VVigorna per totam fere quadragesimam dege-
bant, expectantes responsum suæ legationis usque
ad curiam regalem proximi Paschæ. Hii videntes
dum ibi morabantur ejus laudabilem conversatio-
nem, in ejus electione non tantum consentiebant,
imo tam clerum quam populum maxime ad hoc in-
stigabant, suæque auctoritate ejus electionem fir-
mabant. Illo vero obstinatissime renuente, seque
indignum acclamante, & cum sacramento etiam
affirmante, se multo libentius decollationi quam
tam altæ ordinationi succumbere velle; cum sæpe
& frequenter à pluribus viris religiosiis & vena-
bilibus personis super his circumventus ad consen-
tiendum minime persuaderi posset, tandem à viro
Dei *Vulfo* incluso, qui tunc plus xl. annis solita-
riam vitam egisse noscebatur, acriter pro inobedi-
entia & obstinacia correptus, divino etiam mira-
culo territus, consentire cum maximo cordis dolore
compulsus est, atque die decollationis sancti *Jo-*
hannis Baptiste electione canonicè confirmata &
episcopatu suscepto, Dominico die quo nativitas
sanctæ *Mariæ* ab ecclesia celebrabatur, consecra-
tus, vita & virtutibus clarus, *VVigornensis* ecclesiæ
præfuit effulsit. Consecratus est igitur episcopus ab
Aldredo Eboracensem archiepiscopo, eo quod *Stri-*
gando Dorobernia archiepiscopo officium episcopale
tunc à domno Apostolico interdictum erat, quia
Roberto archiepiscopo vivente archiepiscopatum
suscipere præsumpsit: canonica tamen professione
præfato *Dorobernensi* archiepiscopo *Strigando* non
suo ordinatori *Aldredo* facta. Insuper & ipse
Eboracensis archiepiscopus ordinator ejus, coram
rege & regni optimatibus ipso *Strigando* factitante,
propter subsequens calumpnias profiteri jussus
est, se nullum jus ecclesiasticæ seu secularis subje-
ctionis super eum deinceps velle clamare, nec pro-
pter quod ab eo consecratus est, nec quia ante con-
secrationem ejus monachus factus est. Facta est
autem hæc illius ordinatio anno ætatis suæ plus
quingagesimo, regni vero regis *Eadwardi* anno
xx. indictione xv.

1063.

Anno M. lxiij. strenuus dux *VVestaxonum*
Haroldus, jussu regis *Eadwardi*, post nativi-

tatem Domini equitatu non multo secum assumpto, An.Dñi
de *Glaworna* ubi rex tunc morabatur, ad *Rude-*
lant multa cum festinatione profectus est, ut re-
gem *VValanorum Griffinum*, propter frequentes de-
populationes quas in *Anglorum* finibus agebat ac
verecundias quas domino suo regi *Eadwardo* sæpe
faciebat, occideret. At ille, ejus adventu præcog-
nito, fugam cum suis iniit, navem ascendit, & vix
evasit. *Haroldus* vero ut eum fugisse comperit,
palatium incendere, & naves ejus cum armamentis
comburare jussit, eodemque die rediit. Sed circa
rogationes de *Bycstowe* classica manu profectus,
magna ex parte terram *VValanorum* circumnaviga-
bat. Cui frater suus Comes *Tostius*, ut rex man-
darat, cum equestri occurrit exercitu, & viribus
simul junctis regionem illam depopulari cœperunt.
Unde *VValani*, qui & *Bristones*, coacti datis obsi-
dibus se dederunt, & se tributum illi daturos pro-
miserunt, regemque suum *Griffinum* exlegantes
abjecerunt.

Anno M. lxiij. rex *Brittonum Griffinus* Non. 1064.
Augusti à suis interficitur, & caput ejus ca-
putque navis ipsius cum ornatura Comiti *Haroldo*
mittitur. Quæ mox ille regi detulit *Eadwardo*.
Quibus gestis, suis fratribus *Blechgento* & *Rithwa-*
lano rex terram *Brittonum* dedit. Cui & *Haroldo*
Comiti fidelitatem illi juraverunt, & ad imperium
illorum mari terraque se fore paratos, ac omnia
quæ prius de terra illa regibus anterioribus fuerant
penſa, obedienter se pensuros sponponderunt.

Anno M. lxxv. reverendus vir *Agelwinus Dun-* 1065.
holmenſis episcopus, sancti *Oswini* regis quon-
dam *Berniciorum* ossa in monasterio quod juxta
hostium *Tina* fluminis situm est, de tumulo leva-
vit, transactis à sepultura ejus CCCC. & xv. annis,
& in scrinio cum magno honore locavit. Strenuus
dux *VVestaxonum Haroldus* in terram *Brittonum*
in loco qui *Portascith* nominatur mense Julio
magnum ædificari jussit ædificium, & multa quæ
pertinent ad esum & potum illuc congregari man-
davit, ut dominus suus rex *Eadwardus* illic ali-
quandiu venationis causa degere posset. Sed *Ca-*
radoc filius regis *Suthwalanorum Griffini*, quem
ante paucos annos *Griffinus* rex *Northwalanorum*
occiderat, ejusque regnum invaserat, cum omnibus
quos habere poterat, die festivitatis sancti *Bar-*
tholomei Apostoli illuc venit, & operarios fere cun-
ctos cum illis qui eis præerant peremit, & omnia
bona quæ ibi congregata fuerant abstulit. Deinde
post festivitatem sancti *Michaelis archangeli* v.
non. Octobris feria ij. *Northymbrenſes* ministri
Ganielbarn, *Dunstanus*, filius *Agelnothes*, *Gloineorn*
filius *Heardulfi* cum CC. militibus *Eboracum* vene-
runt & pro execranda nece nobilium *Northymbren-*
sium ministrorum *Gospatrici*, quem regina *Egitha*
germani sui *Tostii* causa in curia regis quarta nocte
Dominicæ nativitatis per insidias occidi jussit, &
60 *Gameli* filii *Orni*, ac *Ulsi* filii *Dolſini*, quos anno
præcedenti *Eboraci* in camera sua sub pacis fœdere
per insidias Comes *Tostius* occidere præcepit, nec-
non pro immensitate tributum quod de tota *Northym-*
bria injuste acceperat, eodem die primitus illius
Danicos *hulcarlas*, *Amundum*, & *Ravenſbear-*
tum de fuga retractos, extra civitatis muros, ac
die sequenti plusquam CC. viros ex curialibus illius

1. Dñi in boreali parte fluminis *Humbre* peremerunt. Ætariū quoque ipsius frigerunt, ac omnibus quæ ipsius fuerant ablatis, recesserunt. Omnis dehinc fere comitatus illius in unum congregati, *Haroldo Westsaxonum* duci & aliis quos rex *Tostii* rogatu pro pace redintegranda ad eos miserat, in *Northamptonia* occurrerunt. Ubi prius, & post apud *Oxenfordam* die festivitatis apostolorum *Simonis & Jude*, dum *Haroldus* & alii quamplures Comitem *Tostium* cum eis pacificare vellent, omnes unanimi consensu contradixerunt, ac eum cum omnibus qui legem iniquam statuere illum incitaverant, exlegaverunt, & post festivitatem omnium Sanctorum cum adiutorio Comitis *Edwini* de *Anglia* *Tostium* expulerunt. Qui mox cum uxore sua *Baldwinum Flandrensem* Comitem adiit, & apud sanctum *Andomarum* hiemem exegit: & iussu regis *Morkarus Northumbrie* est præelectus Comes. Post hæc, rex *Eadwardus* paulatim ægrotare cœpit. In Nativitate vero Domini curiam suam ut potuit *Londonia* tenuit, & ecclesiam quam ipse à fundamentis construxerat die sanctorum *Innocentium* in honore sancti *Petri* apostolorum principis cum magna gloria dedicari fecit.

066. A Nno M. lxxvj. Anglorum decus pacificus rex *Eadwardus Ethelredi* regis filius, postquam xxij. annis, mensibus vj. & xxvj. diebus potestate regia præfuit *Anglis Saxonibus*, Indictione iijj. pridie nonas Januarii, *Epiphania* Domini vigilia, feria v. mortem obiit *Londonia*, et in crastino sepultus regio more, ab omnibus qui tunc affuere non sine lacrimis plangebatur amarissime. Quo tumulto, subregulus *Haroldus Godwini* ducis filius, quem rex ante suam decessionem regni successorem elegerat, à totius *Anglie* principibus ad regale culmen electus, die eodem ab *Aldredo Eboracensi* archiepiscopo in regem est honorifice consecratus. Qui mox ut regni gubernacula suscepit, leges iniquas destruere, æquas cœpit condere, ecclesiarum ac monasteriorum patronos fieri; episcopos, abbates, monachos, clericos colere simul ac venerari; pium, humilem, affabilemque se bonis omnibus exhibere; malefactores exosos habere: nam ducibus, satrapis, vicecomitibus, & suis in commune præcepit ministris fures, raptores, regni disturbatores comprehendere, & pro patriæ defensione ipsamet terraque marique deludare. Eodem anno viij. Kal. Mai, stella cometis non solum in *Anglia*, sed etiam ut fertur per totum mundum visa, per vij. dies splendore nimio fulgebat. Non multo post Comes *Tostius* de *Flandria* rediens ad *Vestam* insulam applicuit, & postquam insulanos sibi tributum & stipendium solvere coegerat, discessit, & circa ripas maris donec ad *Sandicum* portum veniret, prædas exercuit. Quo cognito, rex *Haroldus* qui tunc *Londonia* morabatur, classē non modicā & equestrem exercitum congregari præcepit. Ipse vero *Sandicum* portum adire parabat. Quod dum *Tostio* nuntiātum fuisset, de buthsecarlis quosdam volentes, quosdam nolentes secum assumens, recessit, & cursum ad *Lindoriam* direxit. In qua villas quamplures incendit, multosque homines neci tradidit. His cognitis, dux *Merciorum Edwinus*, & *Northymbriorum* Comes *Morkarus* cum exercitu advolant, illumque de regione ipsa extrudunt. Ille autem inde discedens, regem *Scottorum* *Malcol-*

mum adiit, & cum eo per totā æstatē mansit. Interea rex *Haroldus* ad *Sandicum* portum venit, ibique classē suā expectavit. Quæ cum fuisset congregata, *Vestam* insulam adiit. Et quia *Normannorum* Comes *Willielmus*, *Eadwardi* regis consobrinus in *Angliam* cum exercitu venire parabat, tota æstate & autumno adventum illius observabat. Ad hæc etiam pedestrem exercitum locis oportunis circa ripas maris locabat. Adveniente itaque navitate sanctæ *Maria*, victu deficiente, & classicus, & pedestris exercitus domum rediit. Quibus gestis, cum classica manu pervalida, scilicet plus quingentis magnis navibus *Haroldus Harvager* rex *Norreganorum* frater sancti *Olavi* regis, in hostio *Tina* fluminis inprovise applicuit. Ad quem Comes *Tostius* ut prius condixerat sua cum classe venit, & citato cursu hostium *Humbre* fluminis intraverunt, & sic adversus cursum *Use* fluminis navigantes, in loco qui *Richale* dicitur applicuerunt, & *Eboracum* gravi pugna optinuerunt. Quod ubi regi *Haroldo* innotuit, versus *Northymbriam* expeditionem propere movit. Sed priusquam rex illuc veniret, duo germani Comites, videlicet *Edwinus* & *Morkarus* cum ingenti exercitu in vigilia sancti *Mathei* apostoli feria iijj. in boreali ripa *Use* fluminis juxta *Eboracum* apud *Fulford* cum *Norreganis* prælium commiserunt, & in primo belli impetu viriliter pugnantes, multos prostraverunt. At postquam diu certatum est, *Angli* *Norreganorum* impetum non sufferentes, haud sine parvo detrimento suorum terga dedere, multoque plures ex illis in fluvio demersi fuere quam in acie cecidere. *Norregani* vero loco dominantur funeris, & obsidibus D. de *Eboraca* sumptis, ad naves repedarunt, relictis in ea de suis Cl. obsidibus. Verum quinto post hunc die, id est, vij. Kal. Octobris, feria ij. rex *Anglorum* *Haroldus* multis milibus pugnatorum armis bellicis instructorum *Eboracum* veniens, & *Norreganis* in loco qui *Stanfordbriege* dicitur occurrens, in ore gladii regem *Haroldum* Comitemque *Tostium* cum majori parte sui exercitus occidit, ac plenam victoriam licet acerrime repugnatum fuisset, habuit. Filium autem ejus *Olavum* & Comitem de *Orcada* insula *Paulum* nomine, qui ad naves custodiendas cum exercitus parte fuerant dimissi, acceptis prius ab eis obsidibus & sacramentis, cum xx. navibus & reliquiis exercitus in patriam redire libere permisit. Interea dum hæc agerentur, & rex omnes inimicos suos autumaret detritos fuisse, nuntiātum est ei, *Willielmum* consobrinum regis *Eadwardi* & Comitem gentis *Normannice*, cum innumera multitudine equitum, fundibalariorum, sagittariorum, peditumque advenisse, utpote qui de tota *Gallia* sibi fortes auxilios conduxerat, & in loco qui *Pevenesea* dicitur suam classē appulisse. Unde rex statim versus *Londoniam* suam movit exercitum magna cum festinatione, & licet de tota *Anglia* fortiores quosque præliis duobus bene sciret jam cecidisse, mediamque partem sui exercitus nondum venisse, quam citius tamen potuit in *Suthsaxoniam* suis hostibus occurrere non formidavit, & novem miliaris ab *Heastinga* ubi sibi castellum firmaverant priusquam tertia pars sui exercitus ordinaretur, xj. Kal. Novembris, sabbato, cum eis prælium commisit. Sed quia arto in loco constituti fuerant *Angli*, de acie se multi subtraxere, & cum eo perpauci constantes

An. Dñi

WILLIEL-
MUS I. REX.

corde remanere. Ab hora tamen diei tertia usque noctis crepusculum suis adversariis restitit fortissime, & seipsum pugnando tam fortiter defendit & tam strenue, ut vix ab hostili interimi posset agmine. At postquam ex his & ex illis quamplurimi corrumpere, heu ipsemet cecidit crepusculi tempore! Comites etiam Gyrth & Leofwinus fratres illius cecidere, & fere nobiliores totius Angliæ. *Willielmus* vero Comes cum suis *Hastingam* rediit. Regnavit autem *Haroldus* mensibus novem & diebus totidem. Cujus morte audita, Comites *Edwinus* & *Morkar* qui se cum suis certamini subtraxerunt *Londoniam* venere, et sororem suam *Aldgitham* reginam sumptam ad civitatem *Legionum* misere. *Aldredus* autem *Eboracensis* archiepiscopus, et idem Comites cum civibus *Londoniensibus* et *buthlecarlis* clitonem *Eadgarum* *Edmini* regis ferrei lateris nepotem in regem levare voluere, et cum eo se pugnam inituros promissere. Sed dum ad pugnam descendere se muli paravare, Comites suum auxilium ab eis retraxere, et cum suo exercitu domum rediere. Interea Comes *Willielmus* *Suthsaxoniam*, *Cantiam*, *Suthamtunensem* provinciam, *Suthregiam*, *Middel-saxoniam*, *Herefordensem* provinciam devastabat, et villas cremare, hominesque interficere non cessabat donec ad villam quæ *Beorctham* nominatur veniret. Ubi *Aldredus* archiepiscopus, *Wlstanus* *Wigornensis* episcopus, *Walterus* *Herefordensis* episcopus, Clito *Eadgarus*, Comites *Edwinus* et *Morkarus*, et de *Londonia* quique nobiliores cum multis aliis ad eum venerunt, et datis obsidibus illi deditioem fecerunt fidelitatemque juraverunt. Cum quibus et ipse fœdus pepigit, et nichilominus exercitui suo villas cremare, et rapinas agere permisit. Appropinquante igitur Dominicæ nativitatis festivitate, cum omni exercitu *Londoniam* ut ibi in regem sullimaretur, adiit. Et quia *Stigandus* *Cantuariensis* archiepiscopus ab apostolico papa calumpniatus est pallium non suscepisse canonice, ipsa nativitatis diæ, quæ illo anno ij. feria evenit, ab *Aldredo* *Eboracensium* archiepiscopo in *Westmonasterio* consecratus est honorifice, prius ut idem archipræsul ab eo exigebat, ante altare sancti *Petri* apostoli coram clero & populo jurejurando promittens, se velle sanctas Dei ecclesias ac rectores illarum defendere, necnon & cunctum populum sibi subjectum iuste ac regali providentia regere, rectam legem statuere & tenere, rapinas injustaque judicia penitus interdicere.

Ut autem sciatur origo causæ qua *Willielmus* Angliam bello appetiit, breviter quæ paulo ante gesta sunt repetantur. Orto inter regem *Eadwardum* & Comitem *Godwinum* gravi, ut supra dictum est, discidio, exul ab Angliâ cum suis omnibus Comes expellitur. Cui postmodum gratiam regis requirenti ut ei repatriare liceret, nullo modo rex concordari voluit, nisi primo, quibus sibi securitas pararetur, obsides haberet. Qua de causa *Wlnothus* filius ipsius *Godwini*, & *Hacyn* filius *Snani*, filii sui obsides dantur, ac in *Normanniam* *Willielmo* *bastardo* Comiti filio *Rodberti* filii *Ricardi* fratris matris suæ custodiendi destinantur. Elapso dehinc tempore cum jam *Godwinus* Comes esset mortuus, *Haroldus* filius ejus petiit à rege ire *Normanniam*, & fratrem suum atque nepotem qui obsides ibidem tenebantur liberare, & liberatos secum patriam reducere. Cui rex, Hoc, inquit, non fiet

per me, verumtamen ne videar te velle impedire, permitto ut eas quo vis, & experiaris quid possis: presentio tamen te in nihil aliud tendere, nisi in detrimentum totius Anglici regni & obprobrium tui. Nec enim ista novi Comitem mentis expertem ut eos aliquatenus velit concedere tibi, si non præsierit in hoc magnum proficuum sui. Ascendit itaque *Haroldus* navem, quæ tempestate valida ejecta cum omnibus quæ secum ferebat in *Pontium* fluvium qui *Maia* vocatur, à Domino terræ illius pro ritu loci captivitati illius addicitur. Constrictus ergo *Haroldus* quemlibet ex vulgo promissa mercede illectum clam ad Comitem *Normannia* dirigit exponere quid illi contigerit. Hoc ille audito, protinus festinato per nuncios mandat domino *Pontivi*, *Haroldum* cum suis ab omni calumpnia liberum sibi quantocius mitti, si pristina illius amicitia amodo sicut hucusque vellet potiri. Sed cum ille hominem dimittere nolleret, iterum à *Willielmo* in mandato accepit se necessario *Haroldum* missurum, alioquin certissimum sciret, *Willielmum* *Normannia* Comitem armatum pro eo abducendo cum suis usque novissimum quadrantem *Pontium* quantocius adiuturum. Talibus ille minis exterritus, mittit virum cum sociis, qui à *Willielmo* multum honorifice suscipitur, & audito cur patria exierit, Bene quidem rem processuram si in ipso non remaneret *Willielmus*, respondit. Tenuit ergo virum aliquot diebus circa se, satisque humanum se ac familiarem illi exhibuit, ut hujusmodi re animum ejus in suos conatus alliceret. Cui tandem aperuit quod in mente habuit. Dicebat itaque regem *Eadwardum* quando secum juvene olim juvenis in *Normannia* demoraretur, sibi interposita fide sua pollicitum fuisse, quia si rex Angliæ foret, jus regni in illum jure hæreditario post se transferret. Et subdens ait, Tu quoque si mihi te in hoc ipso amminiculaturum sponderis, & insuper castellum *Dofris* cum puteo aquæ ad opus meum te facturum, sororemque tuam quam uni de principibus meis dem uxorem, te ad me, tempore quo nobis conveniet, destinaturum, necne filiam meam te in conjugem accepturum promiseris, tunc & modo nepotem tuum, & cum in Angliam regnaturus venero, fratrem tuum incolumem recipies. In quo regno si tuo favore fuero confirmatus, spondeo quia omnia quod a me rationabiliter tibi petieris obtinebis. Sensit *Haroldus* periculum undique, nec intellexit qua evaderet nisi in omnibus voluntati *Willielmi* acquiesceret. Acquivit itaque. At ille ut omnia rara forent, prolati Sanctorum reliquiis ad hoc *Haroldum* perduxit, quatinus super illas jurando testaretur, se cuncta quæ convenerant inter eos opere completurum. His ita gestis, *Haroldus* recepto nepote reversus est patriam. Ubi vero quid acciderit, quid egerit regi percunctanti narravit, Nonne dixi tibi, ait, me *Willielmum* nosse, & in illo itinere tuo plurima mala hinc regno contingere posse? Magnas in hoc tuo facto calamitates presentio genti nostræ venturas, quas concedat mihi quæso pietas superna ne diebus meis veniant. In brevi post hæc obiit rex *Eadwardus*, & juxta quod ipse ante mortem statuerat, in regnum ei successit *Haroldus*. Cui *Willielmus* mandavit, ut, quamvis violata fide cætera non servasset, si tamen filiam suam duceret uxorem, leviter ferret, alioquin se promissam regni successionem armis sibi vindicaturum proculdubio sciret.

At

WILL. At ipse, nec illud quidem facere se velle, nec hoc
REX. formidare, dixit. Unde *Willielmus* indignatus,
 magna spe vincendi ex hac *Haroldi* iniustitia est
 animatus. Parata igitur classe non modica cum
 nongentis navibus *Angliam* petiit, confertoque gravi
 praelio *Haroldus* in acie concidit, & *Willielmus*
 victor regnum optinuit. De quo praelio testantur
 adhuc *Franci* qui interfuerunt, quoniam licet va-
 rius casus hinc inde extiterit, tamen tanta strages
 ac fuga *Normannorum* fuit, ut victoria qua potiti
 sunt, vere & absque dubio Dei iudicio sit ascri-
 benda, qui puniendo scelus perjurii ostendit se non
 Deum volentem iniquitatem.

Dñi
1067.

A Nno M. lxxvij. adveniente quadragesima rex
Willielmus Normanniam repetiit, ducens se-
 cum *Dorobernensem* archiepiscopum *Strigandum*,
Glestoneensem abbatem *Agelnothum*, *Eadgarum*
 elytorem, Comites *Edwinum* & *Morkarum*, *Wal-*
thevum *Siwardi* ducis filium, nobilem satrapam
Agelnothum Cantuariensem, & multos alios de pri-
 matibus *Anglia*; fratremque suum *Odonem Baio-*
ensem episcopum, & *Willielmum* filium *Osberni*
 quem in *Herefordensi* provincia Comitum consti-
 tuerat, *Anglia* custodes relinquens, castella per loca
 firmari precepit. *Wilsus Dorkecestrensis* qui &
Lincolniensis episcopus decessit *Wintonia*, sed se-
 pulchus est *Dorkecestre*. Eo tempore exitit quidam
 prepotens minister *Edricus* cognomento *Situaticus*
 filius *Alfrici* fratris *Edrici Sareone*. Cujus terram
 quia dedere se regi dedignabatur, *Herefordenses*
 castellani & *Ricardus* filius *Scrob* frequenter va-
 staverunt. Sed quotienscumque super eum irue-
 rant multos e suis militibus & scutariis perdid-
 erunt. Idcirco atque sibi in auxilium regibus *Wa-*
lanorum, *Blethgeato* videlicet & *Rirwado*, idem vir
Edricus circa assumptionem sancte *Mariae* *Here-*
fordensem provinciam usque ad pontem annis
Luce devastavit, ingentemque praedam reduxit.
 Post hac hieme imminente rex *Willielmus* de *Nor-*
mannia Angliam rediit, & *Anglia* importabile tri-
 butum imposuit. Dein in *Domnaniam* hostiliter
 profectus, civitatem *Execestre* quam cives &
 nonnulli *Anglici* ministri contra illum retinebant
 obsedit, & cito infregit. *Githa* vero Comitissa scili-
 cet mater *Haroldi* regis *Anglorum*, ac soror *Suani*
 regis *Danorum* cum multis de civitate fugiens eva-
 sit, & *Flandriam* petiit. Cives autem dextris ac-
 ceptis regi se dedebant.

068.

A Nno M. lxxvij. duo papae in *Roma* facti sunt,
 id est, episcopus *Parmensis* qui expulsius est,
 & episcopus de *Luca*, qui papa permansit. Post
 Pascha Comitissa *Matildis* de *Normannia* venit
Angliam, quam die Pentecostes *Aldredus Ebor-*
acensis archiepiscopus consecravit in reginam. Post
 hac, *Marlesvum*, & *Gospatrium*, & quique *Northum-*
brana gentis nobiliores regis austeritatem devitan-
 tes, & ne sicut alii in custodiam mitterentur formi-
 dantes, assumptis secum *Eadgaro* Clitone & matre
 sua *Agatha*, duabusque sororibus suis *Margareta*
 & *Christina*, navigio *Scotiam* adierunt, ibidemque
 regis *Scotorum* *Malcolmi* pace hiemem exegerunt.
 Rex autem *Willielmus* cum exercitu suo *Snotin-*
gaham venit, ubi castello firmato *Eboracum* per-
 rexit, ibidemque duobus castellis firmatis quin-
 gentos milites in eis posuit, & in civitate *Lincolnia*

aliisque locis castella firmari precepit. Dum hac **WILLIEL-**
 agerentur, *Haroldi* regis filii *Godwinus*, *Eadmun- **MUS I. REX.**
us, *Magnus* de *Hibernia* redeuntes in *Summers-*
tania applicuerunt. Quibus *Eadnothus* qui fuit
Haroldi regis stallarius occurrit cum exercitu, &
 cum eis praelio commisso cum multis aliis occisus
 est. Illi vero potiti victoria, de *Domnania* & *Cor-*
nubia praeda rapta non modica in *Hiberniam* re-
 dierunt.*

10

A Nno M. lxxix. Cornubium sancti *Germani* de
Scelesbi sumpsit exordium. Misit rex *Willi-*
elmus Northymbris ad aquilonalem plagam *Wine-*
Comitem Rodbertum cognomento *Camin* tertio
 regni sui anno. At illi omnes in unam coacti sen-
 tentiam ne alienigenae dominio subderentur, statue-
 runt, aut illum interficere, aut ipsi simul omnes in
 ore gladii cadere. Cui appropinquanti *Dunelmensis*
 episcopus *Agelwinus* occurrens, insidias sibi prae-
 vere praeemonuit; sed ille neminem hoc audere aesti-
 mans despexit ammonentem. *Dunelmum* cum multa
 militum manu ingressus permisit suos hostiliter ubi-
 que agere, occisis etiam nonnullis ecclesiae rusticis,
 susceptus est autem ab episcopo cum omni huma-
 nitate & honore. At *Northymbri* tota nocte fe-
 stinantes *Dunelmum*, summa vi diluculo per por-
 tas irrumpunt, & socios Comitum inparatos ubique
 locorum interficiunt. Atrociter nimis res geritur,
 prostratis per domos & plateas militibus, domum
 episcopi in qua Comes fuerat susceptus, aggredi-
 untur pugnantes, sed cum non ferrent jacula defen-
 dentium domum cum inhabitantibus concremave-
 runt. Tanta fuit interfectorum multiitudo, ut omnia
 pene urbis loca replerentur cruore. Nam de septin-
 gentis hominibus nemo praeter unum evasit. Hac
 eadem facta est v. Kal. Februarii feria iiij. Quo
 anno, ante nativitatem sanctae *Mariae* *Suani* regis
Danorum filii *Haroldus*, *Canutus*, & patruus eo-
 rum *Osbertus* Comes, & episcopus eorum *Christia-*
nus, Comesque *Turkillus* CC & xl. navibus de
Danubia venientes, in ostio *Humbriae* fluminis ap-
 plicuerunt. Ubi eis Clito *Eadgarus*, Comes *Wal-*
thevus, & *Marlesvum* multique alii cum classe
 quam paraverant occurrerunt. Affuit & *Gospatri-*
us Comes cum totis viribus *Northymbrorum*, una-
 nimiter omnes contra *Normannos* congregati. De
 quorum omnium adventu *Eboracensis* archiepisco-
 pus *Aldredus* valde tristis effectus, in magnam de-
 cidit infirmitatem, & decimo anno sui archiepisco-
 patus iiij. Idus Septembris feria vj. ut Deum ro-
 gaverat, vitam finivit, & in ecclesia sancti *Petri* est
 sepultus. Octavo post hunc die, scilicet xij. Kal.
 Octobris, sabbato, *Normanni* qui castella custodie-
 bant, timentes ne domus quae prope castella erant,
 adjuvmenta *Danis* ad implendas fossas castellorum
 essent, igne eas succendere coeperunt, Qui nimis
 excrescens totam civitatem invasit, monasteriumque
 sancti *Petri* cum ipsa consumpsit. Sed ultione di-
 vina citissime vindictum est in eis gravissime. Nam
 priusquam tota civitas esset combusta, *Danica*
 classis superveit feria ij. & hinc *Dani*, illinc *North-*
ymbrani expugnantes castella eadem die infrege-
 runt. Et plus tribus milibus ex *Normannis* truci-
 datis, *Willielmo* *Malet* qui tunc vicecomitatum ge-
 rebat, cum sua conjuge & duobus liberis, & *Gile-*
berto de Gant aliisque per paucis vitae reservatis, na-
 ves *Danicum* innumeris manubiis, suasque sedes
 reperie-

An. Dñi
1069.

60

WILLIEL-
mus I. Rex. repetierunt *Northymbri*. Quod ubi regi *Williel-*
mo innouit, exercitu mox congregato in *Northym-*
briam efferato properavit animo, eamque per to-
tam hiemem devastare, hominesque trucidare, &
multa alia non cessabat agere. Interea nunciis ad
Danicum Comitem *Osbernium* missis, spondit se
clanculo daturum illi non modicæ summam pecuniæ,
& permissurum licenter exercitui suo victum circa
ripas maris rapere, ea tamen interposita conditione,
ut sine pugna discederet peracta hieme. Ille au-
tem auri argentique cupidus, non sine magno de-
decore sui petitis concessit.

Normannis Angliam vastantibus, in *Northim-*
bria & in quibusdam aliis provinciis anno præce-
denti, sed præsentī & subsequenti fere per totam
Angliam, maxime per *Northymbriam*, & per conti-
guas illi provincias, adeo fames prævaluit, ut ho-
mines humanas, equinas, caninas, & catinās carnes,
& quicquid usus abhorret, cogente inedia comedere-
rent, alii vero in servitutem perpetuam sese venderent,
dummodo qualitercumque miserabilem vitam
sustentarent, alii extra patriam profecturi in exilium
medio itinere deficientes, animas emiserunt. Erat
horror ad intuendum per domos, plateas & itinera
cadavera humana dissolvi, & tabescentia putredine
cum fœtore horrendo scaturire vermibus. Neque
enim supererat qui ea humo cooperiret, omnibus
vel extinctis gladio & fame, vel propter famem pa-
ternum solum relinquentibus. Interea ita terra
cultore destituta, lata ubique solitudo patebat per
novem annos. Inter *Eboracum* & *Dunelmum* nul-
quam villa inhabitata, bestiarum tantum & latronum
latibula, magno itinerantibus fuere timori. Cum
hæc *Eboraci* circum circaque rex ageret, *Agelwin-*
us Dunelmensis episcopus & optimates populi ti-
mentes ne propter occisionem & Comitum, & *Nor-*
mannorum apud *Eboracum* gladii regis innocentes
æque ut nocentes pari clade involveret, unanimi
consilio tollentes sancti patris *Cuthberti* incorruptum
corpus, fugam ineunt iij. Idus Decembris feria vj.
Primam mansionem habuerunt in *Girburn*, secun-
dam in *Betlingetun*, tertiam in *Tuggabala*, quar-
tam in *Healande*. Sed circa vesperam, cum ple-
num undique mare advenientibus prohiberet in-
gressum, ecce subito sui recessu liberum præstitit
introitum, ita ut nec festinantes aliquanto tardius
sequerentur fluctus marini, nec tardantes aliquanto
citius præcurrerent. Cum autem terram attigis-
sent, ecce refluxum mare sicut ante totas arenas ope-
ruerat. Interea regis exercitus etiam per loca quæ-
que inter *Tesam* & *Tine* diffusus, vacuis ubique
domibus solam invenit solitudinem, indigenis fugæ
præsidium quærentibus, vel per silvas & abrupta
montium latitantibus. Tunc & ecclesia sancti
Pauli in *Girburn* flammis est consumpta; *Dunel-*
mensis ecclesia omni custodia & ecclesiastico servitio
destituta spelunca erat pauperum & debilium, &
ægroantium, qui cum fugere non poterant, illuc
declinantes fame ac morbo deficiebant. Instante
vere, redeunte ad *Suthymbriam* rege, *Agelwinus*
episcopus cum omni populo transactis in *Calande*
tribus mensibus & aliquot diebus, regreditur
cum thesauro sancti corporis, dispositis in rede-
undo quas habuerant in exeundo mansionibus,
atque viij. Kalend. Aprilis expurgata prius ab
omni contaminatione ecclesia, ac pontificali-
bus officiis, & benedictione reconciliata, cum

hymnis & laudibus intrantes sacrum suo in loco
corpus reponunt. WILLIEL-
mus I. Rex.

An. Dñi
1070.

A Nno M. lxx. *Willielmi Herefordensis* Comitum,
& quorundam aliorum consilio tempore qua-
dragesimali rex *Willielmus* monasteria totius *Ang-*
lia perscrutari, & pecuniam quam ditiores *Angli*
propter illius austeritatem & depopulationem in eis
deposuerant, auferri & in ærarium suum iussit de-
ferri. *Egelwinus* episcopus rediens de fuga, perpetuam
animo meditabatur fugam. Videns namque
res *Anglorum* undique turbari, exteræ gentis cujus
nec linguam, nec mores noverat, grave sibi metuens
dominium, decrevit episcopatu dimisso quæqua
posset advena sibi providere. Itaque navis ei præ-
parata rebus necessariis impositis prosperum expe-
ctabat ventum in portu *Weremuthensi*. Fuerant
ibidem eo tempore & aliæ naves nonnullæ, quarum
ductores erant *Clito Eadgarus* cum matre *Agatha*
& duabus sororibus *Margareta* & *Cristina*,
Siward, *Barn*, *Marlesswein*, *Alfwinnus* filius *Nor-*
manni, & alii quamplures, qui post expugnationem
castellorum *Eboraci*, *Danis* in sua revertentibus,
quoniam eis auxilio fuerant, indignationem regis
sibi metuerant, *Scotiam* ire profugi parabant,
ibique navigationem prosperam præstolabantur.
Per idem tempus infinita *Scotorum* multitudo du-
cente *Malcolmo* rege per *Cumbzelant* traducta,
versus orientem divertens, universam *Tesebale*
& ejus finitima loca ultra citraque feroci vastavit
depopulatione. Ubi autem ventum est ad locum
qui dicitur *Anglice Hundzedeskeldes*, Latine autem
Centum fontes, trucidatis ibidem quibusdam
gentis *Anglica* nobilibus, rex parte exercitus retenta,
partem per viam qua venerant, cum infinita
præda domum remisit. Hac scilicet calliditate ut
cum totus hostis putaretur abiisse, miseros indigenas
qui sese suaque propter hostilem metum latibulis
quibus poterant tute conservaverant, secure in villas
suas domosque regressos, ipse subito præoccuparet
incursum improvisos. Quod & factum est. Nam de-
populata *Clybelande* ex parte, repentina depopulatione
occupat *Heozternisse*, indeque per terras sancti
Cuthberti ferociter discurrens, omnes omnibus rebus,
nonnullos etiam ipsis privat animabus. Tunc & ecclesiam
sancti *Petri* apostolorum principis in *Weremuthe*,
flamma suorum ipso inspectante consumpsit. Alias quoque
ecclesias cum his qui in eas confugerant concremavit.
Ubi cum circa ripas fluminis equitaret, deque altiori
loco suorum crudelia in miseros *Anglos* facinora
prospiciens, tali spectaculo animos & oculos pasce-
ret, nuntiatum est illi *Clitonem Eadgarum* suasque
sorores regis stirpis puellas decoras, pluresque alios
prædites de suis sedibus profugos in illum portum
applicuisse navibus. Datis ergo dextris venientes
ad se benigne alloquitur, eisque cum suis omnibus
regni sui habitationem quamdiu vellent cum pace
donavit firmissima. Inter has *Scotorum* vastationes
ac rapinas, *Gosfricus* Comes (qui ut supradictum est,
à rege *Willielmo* comitatum *Northanhymbrorum*
precio assecutus fuerat) accitis auxiliatoribus
strenuis atroci depopulatione *Cumbzelant* invadit.
Peracta cæde & incendio cum magna præda
revertitur, seque cum sociis in munitionem *Babban-*
burgh firmissimam conclusit. Ex qua sapius
prorumpens, vires hostium debilitavit. Erat enim

enim eo tempore *Cumbreland* sub regis *Malcolmi* dominio, non jure possessa sed violenter subjugata. Auditis ille (cum adhuc flamma suorum ardentem sancti *Petri* ecclesiam spectaret) quæ *Cospatrickus* in suos fecerat, vix præ furore se ipsum ferens, iussit suis, ut nulli *Anglica* gentis ulterius parcerent, sed omnes vel necando in terram funderent; vel captivando sub jugum perpetuæ servitutis abducerent. Qua licentia accepta, miseria etiam erat videre quæ in *Anglos* faciebant: senes & vetulæ alii gladiis obtruncantur, alii ut porci ad esum destinati lanceis confodiuntur. Rapti ab uberibus matrum parvuli in altum aera projiciuntur, unde recedentes lancearum acuminibus excipiuntur hastilibus confertim solo infixis; hac crudelitate pro ludorum spectaculo delectabantur bestiis crudeliores *Scotti*. Sic innocens ætas cælum ascensuras, inter cælum pendens & terram, emittit animas. Juvenes vero & juvenulæ, & quicumque operibus ac laboribus idonei videbantur, ante faciem hostium vincti compelluntur, ut perpetuo exilio in servos & ancillas redigantur. Horum quædam dum, plusquam vires ferrent, currendo ante ora compellentium fatigarentur, illico ruentes in terram, eundem locum calius & mortis habebant. Hæc *Malcolmus* considerans, nullis miserorum lacrimis, nullis gemitibus fletebatur ad misericordiam, sed potius iussit ut amplius perurgerentur eundo. Repleta est ergo *Scotia* servis & ancillis *Anglici* generis, ita ut etiam usque hodie nulla non dico villula, sed nec domuncula sine his valeat inveniri.

Reverso *Scotiam* *Malcolmo*, *Egelwinum* episcopum versus *Coloniam* incipientem navigare, mox ventus surgens contrarius in *Scotiam* reppulit. Quo etiam *Clitonem* *Eadgarum* cum sociis supranominatis prospero pervexit cursu. Cujus *Eadgari* sororem *Margaretam* rex *Malcolmus* consensu propinquorum illius, matrimonio sibi junxit, foraminam regali prosapia nobilem, sed prudentia & religione multo nobiliorem. Cujus studio & industria rex ipse, deposita morum barbarie, factus est honestior atque civilior. Ex qua sex filios suscepit, *Eadwardum*, *Eadmundum*, *Eadgarum* regem, & *Alexandrum* regem, *Ethelredum*, *David* regem, & duas filias *Mahrildam* *Anglorum* reginam, & *Mariam* quam *Eustachius* Comes *Bononia* in conjugium accepit. Concilium magnum in octavis Paschæ *Wintonia* celebratum est, jubente & præsentente rege *Willielmo*, domino *Alexandro* papa consentiente, & per suos legatos *Hermenfredum* *Sedunensem* episcopum, & presbyteros *Johannem* & *Petrum* Cardinales sedis apostolicæ suam auctoritatem exhibente. In quo Concilio *Stigandus* *Dorobernia* archiepiscopus degradatur tribus ex causis, scilicet quia injuste episcopatum *Wintonia* cum archiepiscopatu possidebat; & quia vivente archiepiscopo *Rodberto* non solum archiepiscopatum sumpsit, sed etiam ejus pallio quod *Cantuarie* remansit, dum vi & injuste ab *Anglia* pulsus est, in missarum celebratione aliquandiu usus est; & post, à *Benedicto* quem sancta *Romana* ecclesia excommunicavit, eo quod pecuniis sedem apostolicam invasit, pallium accepit. Ejus quoque frater *Agelmarius* *Eastanglorum* episcopus est degradatus. Abbates etiam aliqui ibi degradati sunt, operam dante rege, ut quamplures ex *Anglis* suo honore privarentur, in quorum locum suæ gentis personas surrogaret, ob confirmationem

scilicet sui quod noviter adquisierat regni. Hinc & *Willielmus* I. Rex nonnullos tam episcopos quam abbates, quos nulla evidenti causa, nec Concilia, nec leges sæculi dampnabant, suis honoribus privavit, & usque ad finem vitæ custodiæ mancipatos detinuit, suspitione ut diximus tantum inductus novi regni. Itaque in hoc Concilio dum ceteri trepidi, utpote regis agnoscentes animum, ne suis honoribus privarentur, timerent, venerandus vir *Wistanus* *Wigornensis* episcopus possessiones quamplures sui episcopatus ab *Aldredo* archiepiscopo, dum à *Wigornensi* ecclesia ad *Eboracensem* transferretur, sua potentia retentas, quæ tunc eo defuncto in regiam potestatem deveniant, constanter proclamabat, expetebat, iustitiamque inde fieri tam ab ipsis qui Concilio præerant quam à rege flagitabat. At quia *Eboracensis* ecclesia non habens pastorem qui pro ea loqueretur muta erat, judicatum est ut ipsa querela sic remaneret quousque archiepiscopo ibi constituto qui ecclesiam defenderet, dum esset qui ejus querelæ responderet, ex objectis & responsis posset evidenti ac iustius iudicium fieri. Sicque tunc querela ad tempus remansit. Die autem Pentecostes rex apud *Windeforam* venerando *Baiocensi* canonico *Thoma* *Eboracensis* ecclesiæ archiepiscopatum, & *Walcelino* suo capellano *Wintoniensis* ecclesiæ dedit præsulatum. Cujus jussu mox in crastino prædictus *Sedunensis* episcopus *Hermenfredus* synodum tenuit, *Johanne* & *Petro* præfatis Cardinalibus *Romam* reversis. In qua synodo *Agelricus* *Suthsaxonum* pontifex non canonice degradatur, quem rex sine culpa mox apud *Deatleatbeorge* in custodiam posuit. Abbates etiam degradati sunt quamplures. Quibus degradatis, rex suis capellanis *Arfesto* orientalium *Anglorum* præsulatum & *Stigando* *Suthsaxonum* dedit episcopatum. Nonnullis etiam *Normannicis* monachis dedit abbatias. Et quia *Dorobernensis* archiepiscopus depositus, & *Eboracensis* erat defunctus, jussu regis in octavis Pentecostes ab eodem *Armenfredo* *Sedunensi* episcopo sedis Apostolicæ legato ordinatus est *Walcelinus*. Imminente autem festivitate sancti *Johannis Baptiste*, Comes *Osbernus* cum classe quæ in *Humber* flumine hiemaverat, *Danemarchiam* adiit, sed frater suus rex *Danorum* *Suanus* illum propter pecuniam quam contra voluntatem *Danorum* à rege *Willielmo* acceperat, exlegavit. Vir strenuissimus *Edricus* cognomento *Silvaricus*, cujus supra meminimus, cum rege *Willielmo* pacificatur.

Post hæc rex de *Normannia* accito *Lanfranco* *Cadomensis* abbate, genere *Longobardo*, viro undecunque doctissimo, omnium liberalium artium divinarumque simul ac secularium literarum scientia peritissimo, consiliis quoque ac gubernatione rerum mundialium æque prudentissimo die Assumptionis sanctæ *Mariæ* archiepiscopum constituit *Cantuariensis* ecclesiæ, & in festivitate sancti *Johannis Baptiste* die dominica consecrari fecit *Cantuarie*. Consecratus est autem ab episcopis *Gysone* *Willensi*, & *Waltero* *Herefordensi*, qui ambo *Roma* à *Nicholao* papa ordinati sunt, quando *Aldredus* *Eboracensis* archipræsul pallium suscepit. Vitabant enim à *Stigando* qui tunc archiepiscopatu *Dorobernia* præsidebat ordinari, quia illum noverant non canonice pallium suscepisse. *Hermannus* autem *Searesbyriensis* episcopus cum quibusdam aliis ejus interfuit consecrationi. Deinde *Lanfrancus* *Thomam* *Eboracensem*

WILLIELMUS I. Rex. censam consecravit episcopum. His gestis reverendi *Wlstan* Wigornensis episcopi mota est iterum querela, episcopo jam consecrato *Thoma* qui pro Eboracensi loqueretur ecclesia, & in Concilio in loco qui vocatur *Pedreda* celebrato coram rege ac Doroberniæ archiepiscopo *Lanfranco*, & episcopis, abbatibus, Comitibus & primatibus totius Angliæ terminata est. Siquidem non solum vir dei *Wlstanus* proclamatas & expetitas possessiones recepit, sed & suam ecclesiam deo donante ac rege concedente ea libertate liberam suscepit qua primi fundatores ejus eorumque successores ipsam liberaverant.

An. Dñi
1071.

A Nno M. lxxj. *Lanfrancus* & *Thomas* Romam iverunt & ab *Alexandro* papa pallium susceperunt. Comites *Edwinus* & *Morkarus*, quia rex *Willielmus* eos in custodiam ponere voluit, latenter e curia ejus fugerunt, & aliquandiu contra illum rebellaverunt. Verum ubi quod cœperunt, sibi non prospere cœsisse viderunt, *Edwinus* regem Scottorum *Malcolmum* adire decrevit, sed in ipso itinere à suis insidiis perpeffus, occiditur: *Morkarus* vero & *Herewardus* vir strenuissimus cum multis aliis *Heli* insulam navigio petierunt, in ea hiemare volentes. *Agelwinus* quoque Dunelmensis episcopus & *Siwardus* cognomento *Barn* de Scotia renavigantes illo advennerant: sed hoc audito, rex cum *buthlecarlis* in orientali plaga insulæ omnem illis exitum obstruxit, & pontem in occidentali dum miliariorum longum fieri jussit. At illi ubi se viderunt sic esse inclusos, repugnare desisterant, & omnes, excepto *Herewardo*, qui per paludes cum paucis evasit, regi se dedebant. Qui mox episcopum *Agelwinum* *Abandoniam* missum in custodia posuit, ubi in ipsa hieme vitam finivit. Comitem vero cæterosque per Angliam divisos partium custodiae mancipavit, partim manibus truncatis vel oculis erutis abire permisit. *Walcherum* vero Dunelmensi ecclesiæ rex præfecit episcopum, de clero Leodicensis ecclesiæ. Invitatus namque ab ipso rege venerat ad illum, pro sapia clarus, honestus moribus, divinæ ac secularis scientiæ gratia præditus. Quem *Eilaf* huscarl apud regem præpollens honore, cum aliis principalibus viris perduxit *Eboracum*, ubi jussu regis occurrens Comes *Cospatricus* suscepit pontificem perducendum usque *Dunelmum*: venit autem in ecclesiam suæ sedis media quadragesima.

1072.

A Nno M. lxxij. post assumptionem sanctæ *Marie* rex *Willielmus* habens in comitatu suo *Edricum* cognomento *Silvaticum*, cum navali & equestri exercitu *Scotiam* profectus est ut eam suæ subjugaret ditioni. Graviter namque rex Scottorum *Malcolmus* eum offenderat, quia ut supradictum est anno præterito regni sui terminos atrociter depopulatus fuerat. Sed ubi rex Anglorum *Scotiam* intraverat, rex *Malcolmus* ei in loco qui dicitur *Abernithi* occurrit, & homo suus devenit. Rediens autem inde *Willielmus* *Cospatricum* comitatus honore privavit, inponens illi quod consilio & auxilio affuisset eis qui Comitem cum suis in *Dunelmo* peremerant, licet ipse ibidem præsens non fuisset, & quia in parte hostium fuisset cum *Normanni* apud *Eboracum* necarentur.

Sed hic paulatim redeamus ad superiora, gratia Comitum Northymbrensiū, quatinus statu regum Northanthymbrorum deficiente, à quibus ceperit provincia illa administrari Comitibus, agnoscat.

Ultimus regum provinciæ illius fuit *Eiricus*, quem **WILLIELMUS I. Rex.** Northymbrenses violata fide quam Regi *Eadredo* juraverant, sibi regem fecerunt. Quare offensus rex jussit ut tota provincia funditus vastaretur. Ilico Northymbrenses expulso rege suo atque occiso à *Maccus* filio *Onlasi*, juramentis & muneribus placaverunt regem *Eadredum*, commissa provincia *Osulfo* Comiti. Qui postea regnante *Eadgaro* socium accepit *Oslacum*. Deinde *Osulfus* ad aquilonalem plagam Tinæ, *Oslac* vero super *Eboracum* & ejus fines curas amministrabat. His successit *Walthes* senior, qui successorem habuit filium *Uchtredum*. Is cum regnante *Agelredo* rex *Canutus* hostiliter invaderet Northymbriam, necessitate compulsus se cum suis ad *Canutum* contulit, factoque juramento & obsidibus datis, peremptus est à quodam Dano prædivite *Thurebrando* cognomento *Hold*, permittente *Canuto*. In cujus locum frater ejus *Eadulf* *Cutel* substituitur. Reliquerat autem Comes *Uchtredus* tres filios, *Aldredum*, *Eadulfum*, *Cospatricum*, quorum duo primi Comites fuerunt Northymbrorum, alter post alterum. Tertius vero sine Comitatus honore habuit filium *Uchtredum*, cujus filius erat *Eadulfus* cognomento *Rus*, qui postea ducem se exhibuit eorum qui *Walcherum* episcopum occiderunt, ipseque dicitur sua illum interfecisse manu: sed mox & ipse à femina occisus, sepultus est in ecclesia apud *Geddeverde*; sed post à *Turgoto* quondam Priore Dunelmensis ecclesiæ & archidiacono talis inde spurcitia projecta. Post *Eadulfum* *Cudel* *Aldredus* filius præfati Comitatus *Uchtredi* suscepto comitatu in vindictam patris occisi homicidam *Thurebrandum* occidit. Cujus *Thurebrandi* filius *Carl* & præfatus Comes *Aldredus*, dum vitæ suæ invicem insidiarentur, tandem repacificantur: sed non multo post *Aldredus* nil mali suspicans, dolo in silva quæ *Risethode* vocatur, à *Carl* conjurato sibi fratre occiditur. Post fratris interitum *Eadulfus* Comes efficitur Northymbrensiū, qui, cum superbia extolleretur, Brittones satis atrociter devastavit: sed tertio post anno cum ad *Hardecantum* reconciliandus in pace venisset, interfecit est à *Siwardo*, qui post illum totius provinciæ Northymbrom, id est ab *Humbra* usque *Tuedam*, comitatum habuit. Cui mortuo successit *Tosti*. Quo, propter graves injurias quas intulerat, à Northymbrensiū de Anglia expulso, ducatus illius *Morkaro* committitur à rege *Eadwardo*, & postmodum à Rege *Willielmo*. *Morkarus* vero quoniam alias gravibus negotiis impeditus fuerat, comitatum ultra *Tynam* tradidit *Osulfo* adolescenti filio præfati Comitatus *Eadulfi*. Capto postmodum & custodiae mancipato *Morkaro*, rex *Willielmus* comitatum *Osulfi* commisit *Copso* qui erat partis *Tostii* Comitatus, viro consiliario & prudenti. Pulsus à *Copso* de comitatu *Osulfus*, in fame & egestate silvis latitans & montibus, tandem collectis quos eadem necessitas compulerat fociis *Copsum* in *Pyweburne* convivantem concludit. Qui inter tumultuantes turbas lapsus dum lateret in ecclesia proditus, incendio ecclesiæ compellitur usque ad hostium procedere, ubi in ipso hostio manibus *Osulfi* detruncatur, quinta ebdonada commissi comitatus, iij. idus Martii. Mox sequenti autumno, & ipse *Osulfus* cum in obvii sibi latronis lanceam præceps irueret, illico confossus interiit. Quo mortuo, *Cospatricus* filius *Maldredi* filii *Crinani* *Willielmum* regem adiens, multa emptum pecunia adeptus est comitatum Northymbrensiū

brevisima. Nam ex materno sanguine atinebat ad
 Rex. eum honor illius comitatus. Erat enim ex matre
Algitha filia *Uchmedis* Comitis, quam habuit ex
Algeva filia *Agebredi* Regis. Hanc *Algitham* pater
 dedit in conjugium *Maldredo* filio *Crimani*. Tenuit
 autem comitatum donec rex causa ex supradictis ei
 auferret. Fugiens ergo ad *Malcolmum* non multo
 post *Elandriam* navigio petiit. Cui post aliquantum
 tempus *Saoriam* revereos donavit ei rex supradictus.
Dunbar cum adjacentibus terris in *Lodomeio*, ut ex
 his, donec letiora redirent tempora, se suisque pro-
 curaret. Iste *Cospatrius* est pater *Dolfini*, *Walthevi*
 & *Cospatrii*. Post *Cospatrium* datus est comitatus
Walthevi *Sivardi* Comitis filio. Quo postmodum
 capto, commissa est cura. Comitatus *Walthero* epi-
 scopo usque in diem occisionis sue. Inde rex dedit il-
 lum honorem *Albenico*. Quo in rebus difficilibus pa-
 rum valente, patriamque reverto, idem rex *Rodberto*
 de *Matbneia* dedit comitatum *Northymbrensem*, sed
 eo capto rex junior *Willielmus*, hodieque rex *Han-*
ricus *Northymbriam* in sua tenet manu.

His ad noticiam pectorum per excessum interpo-
 sitis, ad continuandam interrupti ordinis seriem li-
 lus revertatur. Dejecto ab honore *Cospatrii*, *Wal-*
theonem in comitatum sustollitur, ei ex patris ac ma-
 tris prosapia debitum. Fuerat enim *Sivardi* Comi-
 tis filius ex filia quondam Comitis *Aldredi* *Ebfleda*.

Eodem tempore, scilicet quo rex reversus de *Scotia*
 fuerat, in *Dunelmo* castellum condidit, ubi se cum
 suis episcopus tunc ab incuriantibus habere potuisset.
 Fuerunt autem amicissimi sibi que munito acclives
Walcherus episcopus & *Waltheovus* Comes. Unde
 una cum episcopo & in synodo presbyterorum resi-
 dens, humiliter & obedienter prosequabatur quic-
 quid pro corrigenda in suo comitatu Christianitate
 statutum ab episcopo fuisset.

Dñi
 73.

Anno M. lxxiiij. In hoc anno omnia juxta cur-
 sum solis & lunæ habentur sicut in anno xv.
Tiberii in quo baptizatus est Dominus, id est dies
 baptismatis viij. idus Januarii, die Dominico Epipha-
 niæ, & secunda feria, initium jejunii ejus xl. diebus.
 A baptismo itaque Domini in anno xv. *Tiberii*
 hucusque sunt revoluti duo magni cikli, hoc est mille
 lxxiiij. anni. Rex Anglorum *Willielmus* civitatem quæ
 vocatur *Cinomanus*, & provinciam ad illam perti-
 nentem, maximo Anglorum auxilio quos de *Anglia*
 secum duxerat sibi subjugavit. Clito *Eadgarus* de
Scotia per *Angliam* venit in *Normanniam*, & cum
 rege se repacificavit. Comes *Waltheovus* missa ma-
 nu valida *Northymbrensem*, necem avi sui *Aldredi*
 Comitis crudeliter ulciscitur: siquidem filios *Carl* qui
 eum occidi fecerat, apud *Seteringetun* simul
 convivantes gladius insidiantium consumpsit.

74.

Anno M. lxxliij. *Hildebrandus*, qui & *Grego-*
rius, Romanus archidiaconus papa est electus
 & factus. Iste papa synodo celebrata, ex decreto
 sancti *Petri* apostoli & sancti *Clementis* aliorumque
 sanctorum patrum & banno interdixit clericis, maxi-
 me divino ministerio consecratis, uxores habere vel
 cum mulieribus habitare, nisi quas *Nicena* synodus
 vel alii canones exceperunt. Decrevit quoque sub
 sententia sancti *Petri* ut cum *Simone* mago dampna-
 retur non solum emptor & venditor cujuscumque of-
 ficii, ut puta episcopatus, abbatie, præposituræ, decaniæ
 vel decimationis ecclesiæ, sed & quicumque consentiret

eis. Dominus enim dixit. *Gratis accepistis, gratis* WILLIEL-
MUS, REX.
 date.

Tres de provincia *Menciorum* monachi pauperes
 spiritu divinitus missi in provinciam *Northanhym-*
brorum, venerunt *Eboracum*, petentes ab *Hugone* fi-
 lio *Baldrici*, qui tunc vicecomitatum gerebat, ut eis
 ducem itineris inveniret, usque locum qui *Dunke-*
ceastre, id est monachorum civitas appellatur, qui
 nunc *Novum castellum* nominatur. Quo per con-
 ductum venientes, ad tempus ibidem morati, cum
 nullum antique servorum *Christi* ibi congregationis
 reperirent vestigium, diverterunt ad *Ginunn*, ubi
 ruinis vix ostendentibus quid antiquitus fuerint
 monachorum cum semirutis ecclesiis viscebantur
 ædificia multa, episcopo *Walthero* summa cum gra-
 tulatione illos suscipiente, & necessaria præbente.
 Horum nomina fuerunt. Prior eorum ætate & mo-
 ribus erat *Aldwinus*: secundus *Ealfrinus*: tertius
Rinfrius. Ex his tribus tria in regione *Northym-*
brorum instaurata sunt monasteria. Unum *Dunelm*
 apud patris *Cuthberti* sacrum & incorruptum cor-
 pus in honorem sanctæ *Mariæ* virginis. Aliud *Ebo-*
raci in honorem ejusdem dei genitricis *Mariæ*, ubi
 de ecclesiola factum nobile cenobium. Primum ab-
 batem habuit *Stephanum*; secundum *Ricardum*;
 tertium *Gaufridum*; quartum *Severinum*; quintum
Clementem, qui & in præsentem. Tertium autem in
 loco qui quondam *Streneshala*, id est finis fari,
 nunc *Witabi* appellatur. Ibi sedit primus abbas
 30 *Willielmus*, ij. *Nicholaus*, iij. *Benedictus*, iiij. *Ri-*
cardus, qui nunc superest. Denique postquam sa-
 vissima paganorum devastatio gladio ac flamma ec-
 clesias ac monasteria in cineres redegerat, deficiente
 pene Christianitate, vix aliqua ecclesia, & hæ vir-
 gis fornoque contextæ, sed nulla usquam monasteria
 per CC. annos reedificabantur, tepescente paulatim
 fidei religione, cultu vero religionis penitus deficien-
 te; Monachorum nomen erat provincialibus inau-
 ditum. In stuporem vertebantur cum quemlibet
 40 monachilis habitus & vitæ forte conspicerent. Sed
 prædictis tribus viris inter illos habitare incipienti-
 bus, incipiebant & ipsi de bestiali vita mores in me-
 lius commutare, illis ad restauranda sancta loca
 opem impendere, ipsi per se semirutas ecclesias resta-
 rare & renovare, vel etiam in quibus antea non
 erant locis novas ædificare; Multi de seculari vita
 etiam in monachilem militiam concurrere. Sed hic
 pauci ex comprovincialibus, plures vero de remotis
 50 *Anglia* partibus fama illorum acciti eis adjuuge-
 bantur unanimis. Horum *Turgatus* erat unus, pos-
 tea *Scottorum* episcopus. Is prosapiam trahens de
 genere Anglorum non infimo, unus erat inter alios
 qui nuper subjugata Normannis *Anglia*, obsides pro
 tota *Lindesia* in *Lindicolino* castro custodiebantur.
 Ille pecunia emolliens custodiam, cum magno suo-
 rum periculo fugit clanculo ad *Normegenses*, qui
 tunc apud *Witabi* navem mercatoriam usque
Normegiam oneraverant. In qua navi etiam legati
 60 *Willielmi* regis *Normegiam* mittendi subvectionem
 sibi paraverant: jamque navis illa totis avolans velis
 terras aspectibus subtraxerat, cum ecce fugitivus
 obles regis ab inferioribus navis partibus ubi *Nor-*
wegenses eam absconderant, in medium erumpens, le-
 gatos eorumque socios in stuporem vertit. Nam
 ubique locorum perquisitus fuerat, etiam in navi ea-
 dem exactores regis scrutinia fecerant, sed calliditas
 abscondentium delusit oculos perscrutantium. Ita-
 que

WILLIEL-
mus I. Rex.

que legati instabant, ut depositis velis navem cum fugitivo regis ad *Angliam* quoquo modo reflecterent. *Normegenses* acius repugnabant ut cœpta velificatio prospero navem cursu in antea perferret. Fit partium altercatio, ita ut adversus se invicem armarentur: sed quod major vis erat *Normegensium* citius compressa est audacia legatorum, quantoque magis terræ propinquabant, tanto magis illis se humiliabant. Veniens autem illo juvenis fugitivus quam honeste se & caste agebat, nobilibus & optimatibus gratus apparebat. Pervenit & ad notitiam regis *Olavi*; qui quoniam valde religiosus erat, sacros codices inter manus tractare, & litteras inter regni curas sæpe consuevit addiscere; sæpe etiam sacerdoti ad altare assistere, & induentem vestimenta sacra adjuvare, aquam manibus fundere, & cætera hujusmodi devote peragere. Audito itaque quod clericus de *Anglia* venisset, quod magnum tunc temporis videbatur, eum ad discendos psalmos quasi magistrum sibi exhibuit. Inter hæc satis superque habundabat rebus, regis virorumque nobilium largitate, proaffluentibus. Compungebatur sæpe animus illius ad contemptum mundi, & ubi poterat convivium lætantium declinans solitariis delectatur in lacrimis, erans deum ut eum dirigeret in viam salutis. Sed quia religiosa desideria dum differuntur sæpe mutantur, ab illo statu paulatim animus defluebat, quem iocunditas seculi ex successu rerum ad se trahebat. Sed quia invitatus sponte venire noluit, quandoque compulsus domum cœlestis patrisfamilias intravit. Post aliquot namque annos patriam cum multa pecunia renavigabat, sed medio in mari navi prævalida tempestate dissoluta, rerum omnium jacturam pereuntibus sociis sustulit, solam vitam cum v. vel vi. aliis vix cum multo labore servavit. Veniens *Dunelmum* ad orationem, *Walchero* episcopo omnia circa se acta exposuit, & quia monachilis propositi animum gereret indicavit. Quod episcopus satis hilariter suscepit, mittensque ad *Aldwinum* de quo supradictum est, Hunc, inquit, filium meum precor & jubeo suscipias, atque monachili habitu inducitur vitam quoque monachilem servare doceas. Quem susceptum ille regulariter probavit & probato monachicum quandoque habitum tradidit, atque ita verbo informavit & exemplo, ut eidem defuncto jubente *Willielmo* episcopo in *Dunelmensis* ecclesiæ succederet prioratum, quem per xx. annos strenue administravit, xij. diebus minus; anno enim episcopatus *Ranulfi* qui *Willielmo* successit viij. impetrante *Alexandro* rege *Scottorum*, ab *Henrico* rege *Anglorum* assumitur ad episcopatum ecclesiæ sancti *Andrea* in *Scotia*; in qua est sedes primatis totius gentis *Scottorum*. Sed per annum & eo amplius dilata est ejus ordinatio propter dissensiones *Eboracensis* ecclesiæ atque ecclesiæ sancti *Andrea* *Scotia*. Illa namque ordinationem & subjectionem primatis *Scottorum* sibi ex quodam quasi jure exigit, ista vero è diverso affirmat ex nullo antiquitatis vel consuetudinis jure aliquid se debere. Sed ne diutius pastore [viduata] vacillaret ecclesia, rogatus à rege *Scottorum* rex *Henricus* præcepit, ut *Eboracensis* archiepiscopus *Thomas* junior hunc sine ulla subjectionis exactione consecraret, salva utriusque ecclesiæ auctoritate, ut postea ubi & quando & à quibus ratio exigeretur, debitus finis controversiam utriusque partis dirimeret. Veniens ergo sic consecratus *Scotiam*, cum causis emergentibus digne non posset episcopale officium exercere,

Romam ire disposuit, ubi consilio & judicio domini papæ *Paschalis* vitam suam transigeret. Sed ne id ad effectum perduceret, invalescentibus inter ipsum & regem causis, præ angustia spiritus decidit in melancholiam. Unde accepta licentia remorandi ad tempus *Dunelmi* propter infirmitatem, vigilia apostolorum *Petri & Pauli* venit ad *Weremutham*, ubi quondam ab *Aldwino* habitum monachi susceperat; ubi mane ut poterat missa celebrata, ad sanctum *Cuthbertum* proficiscitur, ibique in lectum decidens, modo lentis, modo nimis præparatur febribus ad exitum, & hoc per duos menses & quatuor dies. Instante autem hora exitus cum diceret sicut poterat orando in pace factus est locus ejus & habitatio ejus in *Syon*, & laudate Dominum in sanctis ejus, intra manus fratrum suorum animam exhalavit ij. kal. Aprilis feria tertia hora tertia, Anno episcopatus ejus viij. transacto & duobus mensibus & x. diebus, impetrato munere à deo quod sedulo rogaverat, ut apud sacrum *Cuthberti* corpus animam redderet. Sepultus est autem in Capitulo. Cujus corpus interpositum corpus *Walcheri* episcopi habet ad austrum, *Willielmi* episcopi ad aquilonem. Obiit autem anno ab incarnatione Dominica M. C. xv.

His per excessum dictis revertatur ad ordinem intermissum stilus.

Eodem anno quo *Hildebrandus* papa prædictum celebravit Concilium, *Herefordensis* Comes *Rogerus* filius *Willielmi* Comitis *Eastanglorum* Comiti *Rodulfo* contra præceptum regis *Willielmi* sororem suam conjugem tradidit, nuptialq; permagnificas cum plurima multitudine optimatum in *Grantebrygensis* provincia in loco qui *Yxninga* dicitur, celebrantes, magnam conjurationem plurimis assentientibus contra regem *Willielmum* ibi fecerunt, Comitemque *Waltheovum* suis insidiis præventum secum conjurare compulerunt. Qui mox ut potuit *Lanfrancum Dorobernensem* archiepiscopum adiit, penitentiamque ab eo pro facto licet non sponte sacramento accepit, ejusque consilio regem *Willielmum* in *Normannia* degentem petiit, eique rem ex ordine pandens, illius misericordiae ultro se dedit. Verum illi supra memorati principes conjurationis cœptis operam daturi sua castella repetere, rebellionemque adoriri omni conatu cum suis fautoribus cœpere. Sed *Herefordensi* Comiti ne *Sabrina* transvadata *Rodulfo* Comiti ad locum destinatum cum suo exercitu occurreret, restitit *Wlstanus VVigornensis* episcopus cum magna militari manu, & *Agelwinus* abbas *Eveshamensis* cum suis, ascitis sibi in adjutorium *Ursone* vicecomite *VVigorne* & *VValtero* de *Laccio* cum copiis suis & cætera multitudine plebis. At vero *Rodulfo* Comiti prope *Grantebryge* castra metanti *Odo Baiocensis* episcopus frater regis & *Goffridus Constantiensis* episcopus congregata magna copia tam *Anglorum* quam *Normannorum* ad bellum parati occurrerunt. Ipse autem suos conatus infirmari cernens, multitudinem resistentium veritus, ad *Northwic* clanculo refugit, & castello suæ conjugis & militibus suis commendato, ascensa navi de *Anglia* ad minorem *Britanniam* fugit. Quem fugientem adversarii illius insecuti, omnes quos de suis comprehendere poterant, vel interemerunt, vel diversis modis debilitaverunt. Deinde principes castellum tam diu obsiderunt quoad pace data permissu Regis Comitissæ cum suis exire de *Anglia* liceret. His gestis, rex autumnali tempore de *Normannia* rediens Comitem *Rogerus* in custodi-

WILLIEL-
mus I. Rex.

am posuit. Comitem etiam *Walthewum* licet ab eo misericordiam petierit custodia tradidit. *Egitha* quondam *Anglorum* regina Decembri mente decessit *Wiltonia*, ejus corpus jussu Regis *Lundoniā* delatum, juxta corpus domini sui regis *Eadwardi* honorifice est in *Westminsterio* tumulatum. Ubi rex proxima nativitate Domini curiam suam tenuit, & ex eis qui contra illum cervicem erexerant, de *Anglia* quosdam exlegavit, quosdam eritis oculis vel manibus truncatis deturpavit. Comites vero *Walthewum* & *Rogerum* judiciali sententia dampnatos artiori custodia mancipavit.

75. **A** Nno M. lxxv. Dum clerici magis eligerent anathemati subiacere quam uxoribus carere, *Hiltibrandus* papa, ut per alios si posset eos castigaret, præcepit ut nullus audiret missam conjugati presbyteri, sic.

Gregorius papa, qui & *Hiltibrandus*, servorum dei servus, per totum *Italicum* regnum & *Teutonicum* debitam sancto Petro obedientiam exhibentibus, apostolicam benedictionem. Si qui sunt presbyteri, diaconi, subdiaconi, qui jacent in crimine fornicationis, interdicimus eis ex parte omnipotentis dei & auctoritate sancti Petri introitum ecclesie usque dum emendent & poeniteant: si qui autem in peccato suo perseverare maluerint, nullus vestrum officium eorum auscultare presumat, quia benedictio illorum vertitur in maledictionem, & oratio in peccatum, testante Domino per prophetam, Maledicam, inquit, benedictionibus vestris.

Comes *Walthewus* jussu regis *Willelmi* extra civitatem *Wintoniam* ductus, indigne & crudeliter securi decapitatur, & in eodem loco terra obruitur; sed processu temporis deo sic ordinante, corpus ejus de terra levatur & magno cum honore *Crulant* deportatur, & in ecclesia honorifice tumulatur. Hic cum adhuc temporali frueretur vita, arcta positus in custodia, ea quæ gesserat inique incessanter deflevit & amarissime, vigiliis, orationibus, jeuniis & elemosynis deum studuit placare. Cujus memoriam voluerunt homines in terra delere, sed creditur vere illum cum sanctis in cælo gaudere, prædicto archipræsule piæ memoriæ *Lanfranco*, à quo confessione facta poenitentiam acceperat, fideliter attestante, qui & impositi criminis, supradictæ scilicet conjurationis, illum immunem affirmabat esse, & quæ in cæteris commississet, ut verum Christianam poenitentialibus lacrimis deflevisse, seque felicem fore si post exitum vitæ illius felici potiretur requie. Post quem cura comitatus committitur *Walchero* episcopo. Post hæc mari transito, rex in minorem *Britanniam* suam movit expeditionem, & castellum *Radulfi* Comitis quod *Dol* nominatur, tam diu obsedit, donec *Francorum* rex *Philippus* illum inde fugaret.

76. **A** Nno M. lxxvi. rex Danorum *Suanus* bene literis imbutus obiit, cui filius suus *Haroldus* successit.

77. **A** Nno M. lxxvij. *Rodbertus* *Willelmi* Regis primogenitus, eo quod *Normanniam*, quam sibi ante adventum ipsius in *Angliam*, coram *Philippo* rege *Francorum* dederat, possidere non licebat, *Franciam* adiit, & auxilio *Philippi* regis in *Normannia* magnam frequenter prædam agebat, villas comburebat, homines perimebat, & patri suo

non parvam molestiam & anxietatem inferebat. *Willelmus* I. Rex.

A Nno M. lxxviii. fundata est abbatia sanctæ *Mariæ Eboraci*. 1078.

A Nno M. lxxix. rex *Scottorum* *Malcolmus* post assumptionem sanctæ *Mariæ Northymbriam* usque ad magnum flumen *Tyne* devastavit, multos occidit, plures captivavit, cum præda magna rediit. Rex *Willelmus* filio suo *Rodberto* ante castellum *Gerbothret*, quod ei rex *Philippus* præstiterat, dum pugnam intulerit, ab ipso vulneratus in brachio, de iuo ejectus est emissario. Sed mox ut illum per vocem cognovisset, festinus descendit, ac illum suum caballum ascendere jussit, & sic illum abire permisit. Ille autem multis suorum occisis, nonnullisque captis, ac filio suo *Willelmo* cum multis aliis vulnerato, fugam iniit. Venerandus vir *Rodbertus*, qui per ministerium reverentissimi *Wigornensis* episcopi *Wulfstani* gradum presbyteratus suscepit, à *Lanfranco* archipræsule *Doroberniæ*, ad *Herefordensem* ecclesiam iiii. kal. Januarii die dominica episcopus ordinatur *Cantuarie*.

A Nno M. lxxx. *Dunholmensis* episcopus *Walterus* genere *Lotaringus* in loco qui dicitur *Gotesheved* id est ad caput capræ, ij. idus Mai, feria v. à *Northymbrensis* est occisus, in ultionem necis *Ligulsi* nobilis generosique ministri. Hic itaque vir late per *Angliam* possessiones multas ex hæreditario jure possedit. Sed quia ubique locorum *Normanni* incessanter ea tempestate operam dabant suæ feritati, cum suis omnibus ad *Dunholme* se contulit, quia sanctum *Cuthbertum* corde sincero dilexit. Habuit autem in conjugio *Algitham* filiam *Aldredi* Comitis, ex qua procreavit filios *Uchthredum* & *Morekarum*. Hujus *Algithæ* soror fuit *Elsteda* mater *Walthewi* Comitis. Unde ipse Comes consobrinum suum parvulum prædictum *Morkarum* deo nutriendum monachis in *Girva* dedit. Quo tempore ipse Comes erat apud *Tinemuthe*, quem locum simul cum prædicto parvulo ipsis monachis commisit disponendum. Cujus pater *Ligulfus* ab episcopo in tantum diligebatur, ut absque illius consilio majores secularium negotiorum causas nullatenus agere vellet aut disponere. Ob quam rem suus capellanus *Leobwinus*, quem in tantum exaltaverat, ut in episcopatu & in comitatu fere nil sine illius arbitrio ageretur, invidiæ stimulis succensus & propter suam potentiam tedis superbiæ nimis inflatus, se contra prædictum virum arroganter erexit; quapropter nonnulla ejus judicia atque consilia floccipendebat, cunctisque modis annullare sudabat. Frequenter etiam coram episcopo non sine minis cum eo litigans, illum verbis probrosis sæpius ad iracundiam provocabat. Quadam itaque die cum idem vir *Ligulfus* ab episcopo vocatus ad consilium, legalia quæque & recta decerneret, obstinatus ei *Leobwinus* obstitit, & loquelis illum contumeliosis exacerbavit. Sed quia ille respondit ei durius solito, de placiti loco discessit ilico, & evocans ad se *Gilebertum*, cui præsul quia suus propinquus erat, comitatum *Northymbrensi* sub se regendum commiserat, ut se vindicaret obrix regavit, & *Ligulfum* quam citius posset morti tradere maturaret. Ille autem confessim iniquis petitionibus acquiescens, suis & episcopi & ejusdem *Leobwini* militibus in unum coadunatis, ad villam ubi tunc *Ligulfus* morabatur,

WILLIEL- rabatur, nocte quadam perrexit, ac illum cum sua
mus I. Rex. familia fere tota in domo propria injuste peremit.
Quo cognito, graviter antistes ex corde suspiravit
intimo, & capitis de capite extracto, & in terram
projecto, *Leobwino* qui tunc præsens aderat, tristis
dixit continuo. *Tuis Leobwine factionibus dolesis
acta sunt hæc & infiliis stolidissimis. Idcirco volo te
scire pro certo, quia & me, & te, omnemque familiam
meam tuæ lingue peremisti gladio.* Hoc dicto, in ca-
stellum se proripuit festinato, confestimque nunciis
per totam *Northymbriam* missis, omnibus nunciari
curavit, se necis *Liulsi* conscium non fuisse, quin
potius ejus occisorem *Gilebertum*, omnesque socios
ejus de *Northymbria* penitus exlegasse, ac paratum
fore semet ipsum purgare secundum judicium Pon-
tificale. Deinde missis intercurrentibus, ille paren-
tesque occisorum pace adinvicem data & accepta,
locum & diem quo convenire & inter se pacem fir-
miorem facere possent statuere. Quo adveniente,
loco constituto in unum convenere. Verum cum il-
lis episcopus sub divo placitare noluit, sed in eccle-
siam quæ ibi erat, cum suis clericis ac honorabili-
oribus militibus intravit. Et consilio habito, semel
& iterum de suis quos voluit pro pace facienda foras
ad eos misit. At illi nequaquam petitis adque-
scebant, quia *Liulsum* illius jussione peremptum
fuisse pro certo credebant. Nam *Gilebertum* ejus-
que socios nocte post necem propinqui sui proxima,
non solum in domum suam *Leobwinus* familiariter
& amicebatur suscepit, verumetiam episcopus
ipse illum ut prius in suam gratiam familiamque
recepit. Unde omnes qui [ex] parte antistitis foris
inventi sunt, primum occiderunt, paucis fuga re-
servatis. Quo viso, ut hostium furori satisfaceret,
propinquum suum præfatum *Gilebertum*, cujus ani-
ma quærebatur, præsul de ecclesia jussit exire.
Quem egredientem milites repugnaturi è vestigio
sunt secuti. Sed mox ab hostibus undique gladiis
et lanceis appetiti, in momento sunt perempti. Du-
obus tamen *Anglicis* ministris propter consanguini-
tatem pepercerunt. *Leobwinum* quoque *Dunelmensem*
decanum, quia sæpius episcopo adversus illos
multa dederat infilia, et clericos alios statim ut
egressi sunt, occiderunt. Episcopus autem ut intel-
lexit illorum furorē nulla ratione iri mitigatum
quivisse, nisi caput et auctor totius illius calamita-
tis occideretur *Leobwinus*, rogavit illum egredi for-
as. Sed cum penitus ut egrederetur ab illo extor-
quere nequireret, ad ecclesiæ januas ipsemet accessit.
sibi que vitam concedi poposcit. Quibus renuenti-
bus, caput suæ clamidis limbo cooperiens foras exi-
vit, & mox inimicorum gladiis percussus occubuit.
Deinde *Leobwinum* egredi jusserunt. Quo nolente,
ecclesiæ tecto parietibusque ignem imponere. At
ille potius ustulatione quam occisione vitam eli-
gens finire, flammam aliquamdiu sustulit. Sed cum
semitustus esset exilivit, et frustatim concisus nequitia
suæ poenas exsolvendo, miser interiit. Ob quorum
detestandæ necis vindictam, rex *Willielmus* eodem
anno devastavit *Northymbriam*, misso illuc *Odono*
Baiocensi episcopo cum multa militari manu. Quo
anno idem rex *Willielmus* autumnali tempore *Red-
bertum* filium suum *Scotiam* contra *Malcolmum*
misit. Sed cum pervenisset ad *Egglesbryeth*, nullo
confecto negotio reversus, castellum novum super
flumen *Tyne* condidit. *Willielmus* suscepit episco-
patum *Dunelmensem* v. idus Novembris, sed iv. no-

nas Januarii à *Thoma Eboracensi* archiepiscopo
consecratur apud *Glocestre*. WILLIEL-
mus I. Rex.

Henricus Imperator *Hiltibrandum* papam in
Pentecosten *Mogontie* decernit deponendum, et *Wi-
bertum Ravennæ* urbis episcopum in natali sancti
Johannis Baptiste pro eo fecit papam.

10 Anno M. lxxxj. *Henricus* rex hostiliter *Romam* An. Dñ
adversus *Hiltibrandum* papam adiit, oppu- 1081
gnans eam, non tamen intravit.

10 Anno M. lxxxij. multis homicidiis & prædati- 1082
onibus inter *Henricum* regem et *Hiltibrandum*
papam actis, in nocte *Palmarum* multi sunt occisi.
Rex *Willielmus* fratrem suum *Odonem Baiocensem*
episcopum, *Normannia* in custodia posuit.

20 Anno M. lxxxij. *Henricus* rex urbem *Romæ* 1083
infregit et cepit, *Wibertum* in sede apostolica
constituit. *Hiltibrandus* vero *Beneventum* adiit,
ubi usque ad obitum suum deguit. *Henricus* au-
tem in *Tentonicam* patriam rediit. Seditio nefanda
inter monachos et indigne nominandum abbatem
Turstinum Glastonia facta est, quem rex *Williel-
mus* de monasterio *Cadomi* nulla prudentia instru-
ctum eidem loco abbatem præfecerat. Hic inter cæ-
tera stultitiæ suæ opera, *Gregorianum* cantum asper-
natus, monachos cepit compellere, ut illo relicto
cujusdam *Willielmi Fiscannensis* cantum discerent
et cantarent. Quod dum ægre acciperent, quippe
qui jam tam in hoc quam in cætero ecclesiastico of-
ficio secundum morem *Romanæ* ecclesiæ insenuerant,
subito armata militari manu illis ignorantibus, qua-
dam die in capitulum irruit, monachos nimio terrore
fugientes in ecclesiam, ad altare usque persequi-
tur, jaculisque et sagittis cruces et imagines ac fe-
retra sanctorum manus militaris transfigens, unum
etiam monachum sacrum amplexantem altare lan-
cea transverberans interemit, alium ad altaris cre-
pidinem sagittis confossum necavit. Cæteri vero
necessitate compulsi scamnis et candelabris ecclesiæ
fortiter se defendentes, licet graviter vulnerati, mi-
lites omnes retro chorum abegerunt. Sicque fa-
ctum est, ut duo occisi, quatuordecim vulnerati, ex
monachis, nonnulli etiam de militibus fauciati exi-
sterent. Hinc moto judicio, dum maxima abbatis
esse culpa patuit, rex eundem abbatem summovit,
et in monasterio suo in *Normannia* posuit. De mo-
nachis vero quamplures per episcopatus et abba-
tias jussu regis custodiendi disperguntur. Cujus post
mortem idem abbas iterum abbatiam suam à filio
ejus rege *Willielmo* quingentis libris argenti emit,
et per ecclesiæ possessiones aliquot annis pervaga-
tus, longe ab ipso monasterio, ut dignus erat, miser
vitam finivit. Regina *Matildis* iv. Non. Novem-
bris feria v. decessit in *Normannia*, et *Cadomi* est
sepulta. Hoc anno monachi primum in *Dunelmum*
convenerunt.

60 Anno M. lxxxiv. *Hiltibrandus*, qui et *Grego- 1084*
rius, papa obiit. Rex *Anglorum Willielmus*
de unaquaque hida per *Angliam* vj. solidos accepit.

Anno M. lxxxv. eximie vir probitatis et vene- 1085
rationis *Perthorensis* abbas *Eadmundus* xvij.
Kal. Julii die Dominica in senectute bona decessit,
et à venerabili *Glawornensi* abbate *Serlone* est se-
pultus.

IEL- pulsus. Cui successit *Glawornensis* monachus *Tur-*
 rex. *stinus*. Eodem anno rex *Danorum Canutus* filius
Snani cum classe valida et auxilio foceri sui *Rodberti*
Flandrensis Comititis (habuit enim filiam ejus uxorem) in *Angliam* venire paratus erat. Unde rex
Willielmus de tota *Gallia* solidariis peditibus et
 sagittariis multis milibus conductis, et nonnullis de
Normannia sumptis, autumnali tempore *Angli-*
am rediit, et eis per totum regnum divisit, epis-
 10
 copis, abbatibus, Comitibus, Baronibus, vicecomitibus
 ac regis præpositis victum præbere mandavit. Sed
 ubi cognovit suos inimicos impeditos fuisse, partem
 exercitus remisit, partem secum per totam hiemem
 retinuit, et in nativitate Domini *Glawornie* curiam
 suam tenuit. Ubi tribus suis capellanis *Mauricio*
Lundoniensem, *Willielmo Theodfordensem*, *Rodberto*
Cestrensem dedit præfatum.

36. **A**Nno M.lxxxvj. *Willielmus* rex fecit describi om-
 nem *Angliam*, quantum terræ quisque baronum
 suorum possidebat, quot feudatos milites, quot car-
 rucas, quot villanos, quot animalia, imo quantum
 vivæ pecuniæ quisque possidebat in omni regno suo,
 à maximo usque ad minimum, & quantum reddi-
 tus quæque possessio reddere poterat; & vexata est
 terra multis cladibus inde procedentibus. Et in
 ebdomada Pentecostes suum filium *Henricum* apud
Westmonasterium, ubi curiam suam tenuit, armis mi-
 20
 litaribus honoravit. Nec multo post mandavit, ut
 archiepiscopi, episcopi, abbates, Comites, barones, vi-
 cecomites cum suis militibus die Kalendarum Au-
 gustarum sibi occurrerent *Searesbyrie*. Quo cum
 venissent, milites illorum sibi fidelitatem contra
 omnes homines jurare coegit. Eo tempore *Clito*
Eadgarus licentia à rege impetrata, cum CC. mi-
 litibus, mare transiit & *Apuliam* adiit. Cujus ger-
 mana virgo *Christina* monasterium quod *Rumesia*
 nuncupatur intravit, & vestem sanctimonialis habi-
 tus suscepit. Eodem anno animalium pestis, & ma-
 gna exitit aeris intemperies.

37. **A**Nno M.lxxxvij. Hoc anno reliquiæ sancti
Nicholai de *Mirrea* in *Barensem* transferun-
 tur civitatem. *Aldwinus* Prior *Dunelmensis* de-
 cessit. Ferox flamma urbes multas, ecclesiam quo-
 que sancti *Pauli* apostoli cum majore & meliori
 parte *Lundonia* consumpsit. *Dani* suum dominum
 regem *Canutum* vj. idus Julii sabbato in quadam
 ecclesia martyrizaverunt. *Cicestrensis* episcopus *Stri-*
gandus, abbas sancti *Augustini* Scolandus, abbas
Bathoniensis *Alsius*, & abbas *Perfcorensis* *Turstinus*
 decesserunt. Ante assumptionem sanctæ *Mariæ* rex
Willielmus in *Franciam* cum exercitu venit, &
 oppidum quod *Mathun* nuncupatur & omnes eccle-
 40
 sias in eo sitas, duosque reclusos igne succendit,
 indeque in *Normanniam* rediit. Sed in ipso reditu
 dirus viscerum dolor illum apprehendit, & magis ac
 magis de die in diem gravabat. Cum autem ingra-
 vescente ægritudine diem sibi mortis imminere sen-
 sisset, fratrem suum *Odonem Baiocensem* episcopum,
 Comites vero *Morkarum* & *Rogerum*, *Sivardum*
 cognomento *Barn*, & *Wlnothum* regis *Haroldi* ger-
 manum, quem à pueritia tenuerat in custodia, &
 omnes quos vel in *Anglia* vel in *Normannia* custo-
 50
 diæ manciparat, laxavit. Deinde filio suo *Willielmo*
 regnum tradidit *Anglia*, & *Rodberto* filio suo pri-
 mogenito, qui tunc exulabat in *Francia*, comitatum

concessit *Normannia*. Et sic cœlesti viatico muni-
 tus, postquam xx. annis, mensibus x. & xxvij. die-
 bus genti *Anglorum* præfuit, v. iduum Septembri-
 um regnum cum vita perdidit, & *Cadomi* in eccle-
 sia sancti *Stephani* prothomartyris, quam ipse à
 fundamentis construxerat bonisque ditaverat, se-
 pulsus requiescit. *Willielmus* autem filius ejus *An-*
gliam festinato adiit, ducens secum *Morkarum* &
Wlnothum. Sed mox ut *Wintoniam* venit, illos ut
 prius fuerant, custodiæ mancipavit. & vj. Kal. Octo-
 10
 bris die Dominico in *Vestmonasterio* à *Lanfranco*
Dorubernia archiepiscopo in regem consecratus est.
 Deinde *Wintoniam* rediens, thesauros sui patris,
 ut ipse jusserat, per *Angliam* divisit, scilicet qui-
 buldam principalibus ecclesiis x. quibusdam vj. mar-
 cas auri, quibusdam minus. Ecclesiis etiam in ci-
 vitatibus vel villis sitis per singulas denarios lx.
 dari; Cruces, altaria, scrinia, textos, candelabra,
 situlas, fistulas, ac ornamenta varia gemmis, auro,
 argento lapidibusque preciosis redimita, per eccle-
 20
 sias digniores ac monasteria jussit dividi. Ejus quo-
 que germanus *Rodbertus* in *Normanniam* reversus,
 thesauros quos invenerat, monasteriis, ecclesiis, pau-
 peribus pro anima patris sui largiter divisit: &
Ulfum Haroldi quondam regis *Anglorum* filium,
Dunehaldumque Regis *Scottorum* *Malcholmi* fili-
 um, à custodia laxatos, & armis militaribus hono-
 ratos, abire permisit.

30 **A**Nno M.lxxxvij. Hoc anno inter primates
Anglia orta est discordia. Pars etenim nobi-
 lium *Normannorum* favebat regi *Willielmo*; sed
 minima: pars vero altera favebat *Rodberto* Comiti
Normannorum, & maxima, cupiens hunc sibi ascen-
 scere in regnum; fratrem vero ejus aut fratri tra-
 dere vivum, aut regno privare peremptum. Hujus
 execrandæ rei principes extiterunt *Odo* episcopus
Baiocensis qui & erat Comes *Cantuariensis*, & *Gof-*
fridus episcopus *Constantinensis*, & *Rodbertus* Co-
 40
 mes *Moritunensis*, & *Rogerus* Comes *Scrobbsby-*
riensis, & excellentiores principes totius *Anglia*,
 excepto *Lanfranco* archiepiscopo. Execrabile hoc
 factum tractaverunt clam in quadragesima, statim-
 que post Pascha cœpit quisque circa se vastare, ra-
 pere, omnia deprædare, castella munire fossis & vi-
 ctu. *Goffridus* episcopus *Constantinensis* & *Rodber-*
tus de Mulb. ei iverunt *Bypstoue*, ubi habebant
 castrum fortissimum, & omnia devastabant usque
 locum qui vocatur *Bathan*. Procereſque de *He-*
reforda & de *Scrobbsbyria* cum multitudine *Wa-*
lensium pertexerunt usque *Wigornam*, omnia ante
 se vastantes, & igne consumentes. Cogitaverunt eti-
 am quod castrum & ecclesiam vellent accipere,
 quod videlicet castrum tunc temporis commenda-
 tum erat *Wlſtano* venerabili episcopo. Quando
 episcopus ista audivit, valde contristatur, & cogi-
 50
 tans quid consilii inde haberet, vertit se ad Deum
 suum, & rogat ut respiciat ecclesiam suam & popu-
 lum suum ab hostibus oppressum. Hæc eo medi-
 tante, familia ejus exiliit de castro, & acceperunt
 & occiderunt ex eis quingentos viros, & alios in
 fugam verterunt. *Rogerus Bigot* intravit castrum de
Porthwic, & omnes vicit in malum. *Odo* episcopus
 per quem ista mala cœperunt, perrexit *Cantium*,
 & villas regias vastavit, necnon & omnium qui regi
 fidem tenebant terras depopulatus est, & castrum
Hrofense obfirmavit. Hoc audito, rex fecit convo-

WILLIELMUS II. rex. care *Anglos*, & ostendit eis traditionem *Normannorum*, & rogavit ut sibi auxilio essent, eo tenore, ut si in hac necessitate sibi fideles existerent, meliorem legem quam vellent eligere, eis concederet, & omnem injustum scottum interdixit, & concessit omnibus silvas suas & venationem. Sed quicquid promisit, parvo tempore custodivit. *Angli* tamen fideliter eum juvabant. Congregavit igitur rex exercitum ut iret *Hrovecestram*, ubi putabat *Odonem* episcopum esse. Venientes autem ad *Tonebryge* invenerunt castrum obfirmatum contra regem. Sed viriliter *Angli* insilientes in illud, destruxerunt totum castrum, & qui intus erant manus regi dederunt. His ita actis, rex cum exercitu vertit iter versus castrum de *Peveneseia*, jam enim *Odo* episcopus recessit à *Rovecestra*, & intrabat castrum illud. Quem rex secutus, obsidebat castrum per sex integras septimanas cum magno exercitu. Dum hæc fiunt in *Anglia*, *Rodbertus* Comes *Normannia* congregat magnum exercitum, & parat eum in *Angliam* mittere, mox secuturus, quasi de *Anglia* per *Odonem* episcopum & cæteros qui ex sua parte ibi erant securus. Sed *Rex Willielmus* jam mare munerat suis piratis, qui venientes in *Angliam* tot occiderunt & in mare merlerunt, ut nullus sit hominum qui sciat numerum pereuntium. Interim dum hæc fiunt in mare, *Odo* episcopus & qui cum eo erant, fame coacti, reddentes castrum de *Peveneseia* promiserunt cum jurejurando se *Angliam* exi-
turos, nec amplius intraturos nisi rege *Willielmo* præcipiente, castrum quoque *Hrofense* ante reddituros. Sed cum venisset *Hrovecestre* cum hominibus regis, qui ex parte regis deberent castrum recipere, statim cum eisdem ab his qui in castello erant ponitur in vinculis. Quidam asseriebant hoc factum esse calliditate episcopi. In hoc certe castrum erant strenui milites, & pene tota nobilitas *Normannia*. Erat ibi *Eustachius* juvenis *Boloniensis* Comes, & multi nobiles *Flandrenses*. His itaque à Rege auditis, venit cum exercitu *Hrovecestram*, & obsedit civitatem; & parvo peracto spatio, hii qui intus fuerunt se reddiderunt, & cum dedecore ejecti sunt de *Anglia*, & ita episcopus qui fere fuit secundus rex *Anglia*, honorem amisit irrecoverabiliter. Sed episcopus veniens *Normanniam* statim à *Rodberto* Comite totius provinciae curam suscepit: Cujus ordinem causa libellus in hoc descriptus aperte ostendit. Etiam *Dunhelmensis* episcopus *Willielmus* viij. anno sui episcopatus & multi alii de *Anglia* exierunt.

An.Dñi 1089. **A**Nno M.lxxxix. *Dorobernensis* archiepiscopus *Laufrancus* ix. Kal. Junii, feria v. obiit. Eodem anno iij. idus Augusti sabbato circa horam diei tertiam, terræmotus permaximus exitit per *Angliam*.

1090. **A**Nno M.xc. Rex *Anglorum Willielmus* junior fratri suo *Rodberto* *Normanniam* adimere, & suæ ditioni cupiens subicere, primo castellum *Walteri* de sancto *Walerico*, & castellum quod vocatur *Albamarte*, deinde alia castella sibi conduxit, & in eis milites ut *Normanniam* devastarent, posuit. Qua re visa, & suorum infidelitate cognita, Comes *Rodbertus* legatis ad regem *Francorum Philippum* dominum suum missis illum in *Normanniam* venire fecit, unumque de castellis in quo milites fratris sui

fuerunt, ipse & rex obsederunt. Quod cum regi *Willielmo* nunciatum esset, non modica pecuniæ quantitate regi *Philippo* occulte transmissa, ut obsidione dimissa domum rediret, flagitavit & impetravit.

An.Dñi 1091. **A**Nno M.xcj. mense Febuario rex *Willielmus* junior *Normanniam* petit, ut eam fratri suo *Rodberto* abriperet. Sed dum ibi moraretur, pax inter illos ea conventionione facta est, ut Comes Regi Comitatum de *Owe*, *Fescannum* abbatiam in monte sancti *Michaelis* sitam, & *Keresburch*, & castella quæ à se defecerant, bono animo concederet. *Cinormannicam* vero provinciam & castella quæ tunc Comiti in *Normannia* reluctabantur, illius dominio rex subjugaret. Omnibus etiam *Normannis* terras quas in *Anglia* ob fidelitatem Comitis perdiderant, redderet, & tantum terræ in *Anglia* quantum conventionis inter eos fuerat, Comiti daret. Ad hæc etiam inter se constituerunt, ut si Comes absque filio legali matrimonio genito moreretur, hæres ejus esset rex, modoque [simili] per omnia si Regi contigisset mori, hæres illius fieret Comes. Hanc conventionem xij. ex Regis & xij. ex parte Comitis Barones juramento firmaverunt. Interim germanus eorum *Henricus* montem sancti *Michaelis* cum omnibus militibus quos habere poterat, intravit, Regisque terram devastavit, & ejus homines quosdam captivavit, quosdam expoliavit. Ea propter rex & Comes exercitu congregato per totam quadragesimam montem obsederunt, & frequenter cum eo prælium commiserunt, & homines & equos nonnullos perdiderunt. At rex cum obsidionis diutinae pertæsus fuisset, impacatus recessit. Et non multo post *Eadgarum* Clitonem honore quem ei Comes dederat privavit, & de *Normannia* expulit. Interea mense Maio rex *Scottorum Malcholmus* cum magno exercitu *Norhymbriam* invasit, si successus successisset ulterius processurus, & vinum *Angliae* incolis illaturus. Noluit Deus, et ideo ab incepto est impeditus. Quo rex audito, cum fratre suo *Rodberto* rediit *Angliam* mense Augusti. Nec multo post cum classe non modica et equestri exercitu *Scottiam* profectus est, ut *Malcholum* debellaret. Veniens *Dunelmum*, episcopum *Willielmum* restituit in sedem suam, ipso post annos tres die quo eam reliquit, scilicet iij. idus Septembris. Sed antequam rex intrasset *Scotiam*, paucis diebus ante festivitatem sancti *Michaelis*, fere tota demersa est classis, multique de equestri exercitu fame et frigore perierunt. Cui rex *Malcholmus* cum exercitu in provincia *Loidis* occurrit. Quod videns Comes *Rodbertus*, Clitonem *Eadgarum* quem rex de *Normannia* expulerat et tunc cum rege *Scottorum* degebat, ad se accersivit. Cujus auxilio fretus, pacem inter Reges fecit, ea conditione, ut *Willielmo* sicut patri suo obedivit *Malcholmus* obediret, et *Malcholmo* xij. villas quas in *Anglia* sub patre illius habuerat *Willielmus* redderet, et xij. marcas auri singulis annis daret. Sed pax inter eos facta non multo tempore duravit. Iplum etiam *Eadgarum* cum rege *Willielmo* Comes pacificavit. Idibus Octobris feria iv. turrim *Wincelcumbensis* ecclesiae vehemens ictus fulminis concutiens, parietem juxta culmen ample perforavit, unamque de trabibus discidit, caputque imaginis Christi fortiter percussum in terram dejecit, & crus ejus dextrum fregit. Imago etiam san-

**WILLIEL-
mus II. rex.** & *Maria* quæ juxta crucem stabat, ictu percussa ad terram decidit. Magnus deinde fumus cum nimio fœtore subsecutus, totam ecclesiam replevit; & tam diu duravit, quoad loci illius monachi, cum aqua benedicta & incensu & reliquiis sanctorum officinas monasterii, psalmos decantando, circumirent. Nec minus xvj. Kal. Novembris feria vj. turbo veniens ab affrico pervalidus, *Lundonia* plusquam sexcentas domos & ecclesias quamplures concutiendo diverberavit. In ecclesia quoque sanctæ *Maria* quæ dicitur ad arcum irruens, in ea duos homines occidit, & tectum cum tignis in altum levans, & huc illucque diu per aera ferens, tandem sex de tignis eo ordine quo tecto prius infixæ erant, tam alte in terram defixit, ut de quibusdam eorum septima, de quibusdam vero octava pars apparet. Erant enim xxvj. vel xxvij. pedum longitudinis.

Post hæc rex de *Northymbria* per *Merciam* in *Westaxoniam* rediit, & secum fere usque ad nativitatem Domini Comitem retinuit. Sed conventionem inter eos factam illi perfolvere noluit. Quod Comes graviter ferens, x. Kal. Jan. die cum Clitone *Eadgaro* *Normanniam* repetiit.

Erant duo, ut in *Anglia* ferebatur, qui dicebantur *Romani* pontifices à se invicem discordantes, & ecclesiam Dei inter se divisam post se trahentes. *Urbanus* scilicet qui primum vocatus *Odo* fuerat episcopus *Ostiensis*, & *Clemens* qui *Wibertus* vocatus fuerat archiepiscopus *Ravennensis*. Quæ res ut de aliis mundi partibus fileamus, per plures annos ecclesiam *Angliæ* in tantum occupavit, ut ex quo *Gregorius*, qui & *Hiltibrandus*, defunctus fuit, nulli loco papæ usque ad hoc tempus subdi vel obedire voluerit. Sed *Urbanum* pro vicario beati *Petri Italia* *Galliaque* jam receperat.

n. Dñi
1092.

Anno M. xcij. Civitas *Londonia* maxima ex parte incendio conflagravit. *Osmundus* *Searesbyriensis* episcopus ecclesiam quam *Searesbyria* in castello construxerat, cum adjutorio episcoporum *Walcelini* *Wintoniensis* & *Johannis* *Bathoniensis* non. Aprilis feria ij. dedicavit. Antistes etiam *Remigius* qui licentia regis *Willielmi* senioris episcopalem sedem de *Dorkeceastre* mutaverat ad *Lindicolniam*, constructam in ea ecclesiam pontificali cathedra dignam dedicare volebat, quia sibi diem mortis imminere sentiebat. Sed *Thomas* *Eboracensis* archiepiscopus illi contradicendo resistebat, affirmans eam in sua parochia esse constructam. At rex *Willielmus* junior pro pecunia quam ei *Remigius* dederat, fere totius *Angliæ* episcopis mandavit, ut in unum convenientes septenis idibus Mai ecclesiam dedicarent. Sed biduo ante diem statutum occulto Dei judicio ipse episcopus *Remigius* migravit ex seculo, & ecclesiæ per hoc remansit dedicatio. His actis, rex in *Northimbriam* profectus, civitatem quæ *Britannice* *Cairleil*, Latine *Lugubalia* vocatur, restauravit, & in ea castellum ædificavit. Hæc enim civitas, ut illis in partibus aliæ nonnullæ, à *Danis* paganis ante CC. annos diruta, & usque ad tempus id mansit deserta.

1093:

Anno M. xcij. Rex *Willielmus* junior in regia villa quæ vocatur *Altestan* vehementi percussus infirmitate, civitatem *Glawornam* festinanter adiit, ibique per totam quadragesimam languosus

jacuit. Qui, cum se putaret cito moriturum, ut ei **WILLIEL-
mus II. rex.** Barones sui suggererunt, vitam suam corrigere, ecclesias non amplius vendere nec ad censum ponere, sed illas regia tueri potestate, irrectas leges destruere, ac rectas statuere, Deo promisit. Archiepiscopatum *Cantuariæ*, quod ipse in manu sua tenuit, *Anselmo* *Beccensi* abbati qui tunc in *Anglia* morabatur, & Cancellario suo *Rodberto*, *Bloet* cognomento, *Lindicolniensem* dedit præsulatum. Ecclesia nova *Dunelmi* est incepta iij. idus Augusti feria v. episcopo *Willielmo*, & *Malcholmo* rege *Scottorum*, & *Turgoto* Priore ponentibus primos in fundamento lapides. Rex *Scottorum* *Malcholmus* die festivitatis sancti *Bartholomæi* apostoli regi *Willielmo* juniore, ut prius per legatos inter eos statutum fuerat, in civitate *Glaworna* occurrit, ut, sicut quidam primatum *Angliæ* voluerunt, pace redintegrata stabilis inter eos amicitia firmaretur. Sed impacati abinvicem discesserunt. Nam *Malcholmus* videre, aut cum eo colloqui, præ nimia superbia & potentia *Willielmus* despexit. Insuper etiam illum, ut secundum judicium tantum Baronum suorum in curia sua rectitudinem ei faceret, constringere voluit, sed id agere nisi in regnorum suorum confiniis, ubi reges *Scottorum* erant soliti rectitudinem facere regibus *Anglorum*, & secundum judicium primatum utriusque regni, nullo modo *Malcholmus* voluit. Post hæc in sole signum apparuit valde mirabile: Et Comes *Scrobbsbyriensis* *Rogerus*, & *Wido* abbas sancti *Augustini*, & *Paulus* abbas monasterii sancti *Albani* decesserunt. Iste *Paulus* contra interdictum monachorum *Dunelmensium* ecclesiam de *Tynemuthe* quam ipsi possederant, per violentiam *Rodberti* Comitis ingressus, tactus ibidem infirmitate, rediens in itinere in *Seterington* juxta *Eboracum* moritur. Rex *Scottorum* *Malcholmus* & primogenitus filius ejus *Eadwardus* cum multis aliis, in *Northymbria* die festivitatis sancti *Bricii*, à militibus *Rodberti* *Northimbrorum* Comitis occisi sunt. In cujus morte justitia judicantis Dei aperte consideratur, ut videlicet in illa provincia cum suis interiret, quam sæpe ipse vastare avaritia stimulante consuevit; quinquies namque illam atroci depopulatione attrivit, & miseris indigenas in servitute redigendos abduxit captivos. Semel *Eadwardo* regnante, quando *Tofti* Comes *Eboracensis* profectus *Romam* fuerat. Iterum regnante *Willielmo*, quando etiam *Clivelandam* depopulatus est. Tertio regnante eodem rege *Willielmo* usque *Tynam* progressus, post cædes hominum & concremationes locorum multa cum præda revertitur. Quarto regnante *Willielmo* juniore, cum suis copiis infinitis usque *Cæstram*, non longe à *Dunelmo* sitam, pervenit, animo intendens ulterius progredi. Sed adunata contra eum militari manu non multa metu ipso citius revertitur. Quinto cum omni quo potuit exercitu in ultimam deducturus desolationem, *Northymbriam* invasit, sed juxta flumen *Alne* perimitur cum primogenito suo *Eadwardo*, quem hæredem regni post se disposuerat. Exercitus illius vel gladiis confoditur, vel qui gladios fugerunt inundatione fluminum, quæ tunc pluviis hiemalibus plus solito excreverant, absorpti sunt. Corpus vero regis cum suorum nullus remaneret qui terra illud cooperiret, duo ex indigenis carro impositum in *Tynemuthe* sepelierunt. Sicque factum est ut ubi multos vita & rebus & libertate privaverat, ibidem ipse Dei judicio

WILLIEL-
mus II. rex.

cio vitam simul cum rebus amitteret. Cujus morte cognita, regina *Scottorum Margareta* tanta affecta est tristitia, ut subito magnam incideret infirmitatem. Nec mora, presbyteris ad se accersitis, ecclesiam intravit, eisque peccata sua confessa, oleo se perungi cœlestique muniri viatico fecit. Deum assiduus & precibus intentissimis exorans, ut in hac ærumpnosa vita diutius illam vivere non permitteret. Nec multo tardius exaudita est. Nam post tres dies occisionis regis, soluta carnis vinculis, ut creditur ad gaudia transivit æternæ salutis. Quippe dum viveret, pietatis, justitiæ, pacis & caritatis cultrix extitit devota, frequens in orationibus corpus vigiliis & jeuniis maceravit, ecclesias & monasteria ditavit, servos & ancillas Dei dilexit & honoravit, esurientibus panem frangebatur, nudos vestiebat, omnibus peregrinis ad se venientibus hospitia, vestimenta & alimenta præbebat, & Deum tota mente diligebat. Qua mortua, *Dusfaldum* Regis *Malchelmi* fratrem *Scotti* sibi in regem elegerunt, & omnes *Anglos* qui de curia Regis extiterunt, de *Scotia* expulerunt. Quibus auditis, filius regis *Malchelmi Dunechan* regem *Willielmum* cui tunc militavit, ut ei regnum sui patris concederet, petiit, & impetravit, illique fidelitatem juravit. Et sic ad *Scotiam* cum multitudine *Anglorum* ac *Normannorum* properavit, & patruum suum *Dusfaldum* de regno expulit, & in loco ejus regnavit. Deinde nonnulli *Scottorum* in unum congregati, homines illius pene omnes peremerunt. Ipse vero vix cum paucis evasit. Veruntamen post hæc illum regnare permiserunt, ea ratione, ut amplius in *Scotiam* nec *Anglos* nec *Normannos* introduceret, sibi que militare permetteret. Duo soles in cœlo visi sunt longe à se invicem distantes.

Convenientibus ferme totius *Anglia* episcopis, in quibus *Thomas Eboracensis* archiepiscopus primum tenebat, *Anselmum Beccensem* abbatem ij. Non. Decembris consecraverunt antistitem. Eodem anno *Willielmus* Comes de *Owe* auri ingenti victus cupiditate, & promissi honoris captus magnitudine, à naturali domino suo *Rodberto Normannorum* Comite cui fidelitatem juraverat, defecit, & in *Angliam* ad Regem *Willielmum* veniens, illius se dominio ut seductor maximus subjugavit.

An. Dñi
1094.

ANno M. xciv. Comes *Normannorum Rodbertus* fratri suo regi *Willielmo* juniore per legatos mandavit, pacem quam inter se firmaverant se non diutius esse servaturum. Insuper illum vocavit perfidum & perjurum, nisi conventionem inter illos in *Normannia* factam esset ei persolurus. Ob hanc causam rex circa Kal. Febr. *Heastingas* adiit, & dum ibi moraretur ecclesiam de *Bello* in honorem sancti *Martini* dedicari fecit. Ubi etiam *Herbertum Theotfordensem* episcopum pastoralis baculo privavit: latenter enim *Urbanum* papam adire, & ab eo pro episcopatu quem sibi, & abbatia quam patri suo *Rodberto* ab ipso rege *Willielmo* mille libris emerat, absolutionem querere voluit. Dein media quadragesima rex *Normanniam* petiit, ad fratris colloquium sub pace statuta venit, sed impacatus ab eo recessit. Denuo in campo *Marcii* convenere, ubi illi qui sacramentis inter illos pacem confirmavere, regi omnem culpam imposuere. At ille nec culpam agnoscere, nec conventionem voluit persolvere. Idcirco nimis irati discesserunt impacati. Comes qui-

dem *Rotomagum* perrexit, Rex vero ad *Owe* rediit & in illo resedit, solidarios undique conduxit, aurum, argentum, terras quibusdam primatum *Normannia* dedit, quibusdam promisit, ut à germano suo *Rodberto* deficerent, & se cum castellis suæ ditioni subicerent. Quibus ad velle suum patratis, per castella quæ vel prius habuerat, vel quæ tunc conduxerat, suos milites distribuit. Interea castellum quod *Bures* vocatur expugnavit, Comitibus milites in illo captos partim in *Angliam* custodiendos misit, partim in *Normannia* custodiæ mancipavit, & fratrem suum multis modis vexans, exheredare laboravit. At ille necessitate compulsus, dominum suum regem *Francorum Philippum* cum exercitu *Normanniam* adduxit, qui *Argentinum* castellum obsedit, & ipso die obsessionis DCC. milites regis *Willielmi* cum bis totidem scutariis & castellanis omnibus qui intus erant, sine sanguinis effusione cepit, captosque in custodia tam diu custodire mandavit, donec quisque se redimeret: Et posthæc in *Franciam* rediit. Comes vero *Rodbertus* castellum quod *Holm* nuncupatur, obsedit, donec *Willielmus Perverel* & DCCC. homines qui id defendebant illi se dederent. Quod cum regi innotuit, nunciis in *Angliam* missis, xx. pedonum in *Normannia* sibi iussit in auxilium mitti. Quibus ut mare transirent *Hastinge* congregatis, pecuniam quæ data fuerat eis ad victum, *Rannulfus Flambart* præcepto Regis abstulit, scilicet unicuique x. solidos, & eos domum repedare mandavit, pecuniam vero regi transmisit. Interea gravi & assiduo tributo, hominumque mortalitate præfenti & anno sequenti tota vexabatur *Anglia*. Ad hæc etiam primitus *Northwalani*, deinceps *Westwalani* & *Suthwalani* servitutis iugo quo diu premebantur excusso, & cervice erecta, libertatem sibi vendicare laborabant. Unde collecta multitudine castella quæ in *Vestwalania* firmata erant frangebant, & in *Cestrensi*, *Scroberienſi* & *Herefordensi* provincia frequenter villas cremabant, prædas agebant, & multos ex *Anglis* & *Normannis* interficiebant. Fregerunt & castellum in *Menania* insula, eamque suæ ditioni subiciebant. Interim *Scotti* regem suum *Dunechan*, & cum eo nonnullos, suasu & hortatu *Dusfaldi* per insidias peremerunt, omnes *Anglos* de *Scotia* eicientes, & illum sibi regem rursus constituerunt. Post hæc rex *Willielmus* iv. Kal. Januarii *Angliam* rediit, & ut *VValanos*, id est *Brittones*, debellaret. mox exercitum in *VValoniam* duxit, ibique homines & equos perdidit multos.

ANno M. xcvi. vir venerabilis & valde ammirabilis vitæ *VVlstanus* episcopus sanctæ *VVigornensis* ecclesiæ, ab adolescentia divinis mancipatus serviciis, post multos sancti sudoris agones, quibus pro gloria regni cœlestis adipiscenda magna mentis devotione & humilitate sedulus Deo servivit intensissime, die mensis Januarii xvij. migravit è seculo, lustro suæ ætatis xvij. sui vero pontificatus septimi lustri anno tertio. Miroque modo ipsa sui transitus hora, suo quem specialiter dilexerat amico *Rodberto Herefordensi* episcopo, in oppido quod *Criccelad* vocatur, in visione apparuit, illique ad se tumulandum *VVigornam* properare mandavit. Anulum etiam cum quo pontificalem susceperat benedictionem, neminem Deus passus est digito extrahere, ne post mortem vir sanctus suos videretur fallere, quibus prædix-

WILLIEL-
mus II.An. Dñi
1095.

WILLIELMUS II. rex. prædixerat sæpissime, nec illum vita comite se velle perdere, nec etiam sepulturæ suæ die.

Pridie Non. Aprilis in nocte visæ sunt stellæ quasi de cælo cadere. *Walterus Albinensis* episcopus sanctæ *Romane* ecclesiæ legatus ab *Urba*no papa missus ante Pascha venit *Angliam*, pallium, pro quo rex *Willelmus* anno præcedente miserat, illi deferens. Quod iuxta conditum die Dominica, quæ erat iv. idus Junii, ab eodem *Cantuariam* super altare Salvatoris delatum, ab *Anselmo* assumptum est, atque ab omnibus pro reverentia sancti *Petri* suppliciter deosculatum.

Vir magnæ religionis *Herefordensis* episcopus *Rodbertus* vj. Kal. Julii feria iij. obiit. Huic prædictus *Vigornensis* episcopus *Vilstanus* xxx. die postquam de hoc seculo migravit denuo in visione apparuit, eumque pro sui negligentia & ignavia acriter corripuit, ammonuitque ut tam de suæ vitæ quam sibi subjectorum emendatione quam vigilantissime posset studeret. Quod si faceret, dicebat eum omnium peccaminum à Deo posse veniam cito promereri, adjunxitque quod non diu in cathedra qua tunc sedebat sedem haberet, sed secum si vigilantior esse vellet coram Deo convivari deberet. Fuerant enim hii ambo patres nimia caritate in Dei dilectione, & ad se invicem conjuncti, ideoque credi fas est ipsum qui prius de hoc seculo ad Deum migravit, sollicitudinem sui dilectissimi egisse quem in hoc seculo reliquit, & ut quantocius simul ante Deum gauderent, operam dedisse.

Northymbrensis Comes *Rodbertus* de *Mulbrey* & *Willielmus* de *Owe* cum multis aliis regem *Willielmum* regno vitæque privare, & filium amitæ illius *Stephanum* de *Albamario* conati sunt regem constituere. Sed frustra. Nam ea re cognita, rex exercitu de tota *Anglia* congregato, castellum prædicti Comitis *Rodberti* ad hostium *Tine* fluminis situm per duos menses obsedit, & interim quadam munitiuncula expugnata, ferme omnes meliores Comitis milites cepit, & in custodiam posuit. Dein obsessum castellum expugnavit, & fratrem Comitis & equites quos intus inveniebat, custodiæ tradidit. Post hæc ante *Webbanbyrig*, id est, urbem *Bebba* reginæ, in quam Comes confugerat, castellum firmavit, idque *Malveisin* nominavit, & in illo militibus positis in *Suthymbriam* rediit. Post cujus discessum Comiti *Rodberto* vigiles novi castelli promittere in id se permissuros illum intrare, si veniret occulte. Ille autem lætus effectus, quadam nocte cum xxx. militibus ut id perageret, exiit. Quo cognito, equites qui castellum custodiebant illum insequentes, ejus exitum custodibus novi castelli per nuncios intimaverunt. Quod ille nesciens, die quadam Dominica temptavit peragere cepta. Sed nequivit, deprehensus enim erat. Eapropter ad monasterium sancti *Oswini* Regis & martyris fugit. Ubi sexto die obsessionis suæ graviter in crure est vulneratus dum suis adversariis repugnaret, quorum multi perempti, multi sunt vulnerati. De suis quoque nonnulli vulnerati, omnes sunt capti: ille vero in ecclesiam fugit. De qua extractus, in custodiam est positus. Interea *Waleses* castellum *Muntgumeri* fregerunt, & *Hugonis* *Scrobbsbiria* Co-

mitis homines in illo nonnullos occiderunt. Unde *Willelmus* rex iratus, expeditionem cito mandavit, & post festivitatem sancti *Michaelis* exercitum in *Waloniam* duxit, ibique homines & equos quamplures perdidit. Qui inde reversus, Comitem *Rodbertum* ad *Webbanburgh* duci, & ejus oculos erui iussit, nisi uxor illius ac propinquus ejus *Moreal* castellum redderent. Qua necessitate compulsi castellum reddiderunt: Comes autem forti custodiæ mancipandus ad *Windleforam* est ductus. *Moreal* vero factæ traditionis causam regi detexit.

Anno M. xcvi. *Dunelmensis* episcopus *Willelmus* An. Dñi *Almus* apud *Windleforam* in curia Regis iv. Non. Januarii feria ij. obiit; sed *Dunholma* est 1096. sepultus. Octavis Epiphaniæ apud *Serasberiam* celebrato Concilio, *Willelmi* de *Owe* in duello victi oculos erui, & testiculos abscidere; & dapiferum illius *Willelmum* de *Aldri* filium amitæ illius traditionis conscium, iussit rex suspendi. Comitem vero *Odonem* de *Campania*, prædicti scilicet *Stephani* patrem, *Philippum* *Rogeri* *Scrobbsbirienfis* Comitis filium, & quosdam alios traditionis participes in custodiam posuit.

Urbanus papa venit in *Galliam* & apud *Clarum montem* quadragesimali tempore synodo celebrata, ad *Turcos*, *Saracenos*, *Turcopolos* aliosque paganos debellandos, *Jerusalem* proficisci hortatus est *Christianos*. Cujus hortatu mox in ipsa synodo Comes sancti *Egidii* *Raimundus* & cum eo multi alii Christi cruce signati peregrinationem se pro Deo subituros, & quod suaserat peracturos, spoponderunt. Quibus auditis, de *Italia*, *Germania*, *Gallia*, *Anglia* ceteri Christiani ad eandem profectionem certatim se paravere. Quorum duces & primates exitere *Podiensis* episcopus cum aliis episcopis quampluribus, *Petrus* monachus & heremita, *Hugo magnus* *Philippi* *Francorum* Regis germanus; dux *Lothariensis* *Godefridus*, *Carnotensis* Comes *Stephanus* de *Blanio*, *Normannorum* Comes *Rodbertus*, *Flandrensis* Comes *Rodbertus*, duo germani *Godefridi* ducis *Bononiensis* Comes *Eustachius* & *Baldwinus*, prædictus Comes *Raimundus*, *Boamundus* *Rodberti* *Wiscardi* filius.

Sarsen *Vigornensis* episcopus ab *Anselmo* *Dorobernia* archiepiscopo *Lundonia* in ecclesia sancti *Pauli* apostoli xvij. Kal. Julii dominica die consecratur. Post hæc Comes *Normannorum* *Rodbertus* cum *Jerusalem* proficisci cum aliis animo proponeret, nunciis in *Angliam* missis germanum suum regem *Willielmum* petiit, ut inter se pace redintegrata illi x marcas argenti præstaret, & ab eo *Normanniam* in vadimonium acciperet. Qui mox petitioni ejus satisfacere gestiens; indixit majoribus *Angliæ*, ut quisque illorum pro posse sibi pecuniam festinanter accommodaret. Idcirco episcopi, abbates, abbatissæ aurea & argentea ecclesiæ ornamenta fregerunt. Comites, barones, vicecomites suos milites & villanos spoliaverunt, & regi non modicam summam auri & argenti detulerunt. Ille autem mensē Septembris mare transiit, pacem cum germano fecit vj. DC. lxxvj. libras illi præstitit, & ab eo *Normanniam* in vadimonium accepit.

WILLIEL-
MUS II. rex.An. Dñi
1097.

ANno M. xcviij. Rex Anglorum *Willielmus* quadragesimali tempore *Angliam* rediit, & post Pascha cum equestri & pedestri exercitu secundo profectus est in *Waloniam*, ut omnes masculini sexus internicioni daret. At de eis vix aliquem capere aut interimere potuit, sed de suis nonnullos, & equos perdidit multos. Post hæc *Clitonem Eadgarum* ad *Scotiam* cum exercitu misit, ut in ea consobrinum suum *Eadgarum Malcolmi* regis filium, patruo suo *Dufenaldo* qui regnum invaserat expulso, regem constitueret. Christiani ceperunt *Niceam* civitatem xiiij. Kal. Julii sabbato. Stella quæ cometis dicitur iij. Kal. Octobris per xv. dies apparuit. Nonnulli signum mirabile, & quasi ardens in modum crucis eo tempore se vidisse in cælo affirmabant. Mox inter regem & *Dorobernensem* archiepiscopum *Anselmum* orta dissensione, quia ex quo archipræsul effectus est, synodum tenere, & prava quæ per *Angliam* pullulaverant non licuit corrigere, mare transivit, & ad tempus in *Gallia* mansit, & post ad papam *Urbanum Romanum* perrexit. Rex autem circa festivitatem sancti *Andrea* de *Anglia Normanniam* profectus est. Eximius vir religionis monasterii sancti *Eadmundi* abbas *Baldwinus*, genere Gallus, ij. Kal. Jan. obiit. *Cisterciense* cœnobium sumpsit exordium.

1098.

ANno M. xcviij. *Wintoniensis* episcopus *Wacelinus* iij. Non. Jan. die Dominica obiit. Ætatis tempore rex Anglorum *Willielmus* junior civitatem quæ *Cinomanis* vocatur, magnamque partem illius provinciae per vim suæ ditioni subegit. Interea Comes *Hugo* de *Scrobberia Menaviam* insulam, quæ consueve vocitatur *Anglesege*, & cum eo Comes *Hugo* de *Cestre* cum exercitu adierunt, & multos *Walanorum* quos in ea ceperant, occiderunt, quosdam vero manibus vel pedibus truncatis testiculisque abscisis excæcaverunt. Quendam etiam provecæ ætatis presbyterum nomine *Cenredum*, à quo *Walani* in his quæ agebant consilium accipiebant, de ecclesia extraxerunt, & ejus testiculis abscisis, & uno oculo eruto, linguam illius absciderunt. Sed die iij. miseratione divina illi reddita est loquela. Eo tempore rex *Norreganorum Magnus* filius regis *Olavi* filii regis *Haroldi Harvagi*, *Orcadas* & *Menavias* insulas cum suo adjecisset imperio, paucis navibus advectus illuc venit. At cum ad terram rates appellere vellet, Comes *Hugo* de *Scrobberia* cum multis armatis militibus in ipsa maris ripa illi occurrit, & ut fertur, mox ab ipso rege sagitta percussus, vij. die quo crudelitatem in præfatum exercuerat presbyterum, interiit. *Antiochia* civitas à *Christianis* iij. Non. Junii feria iij. capta est: in qua, paucis diebus transactis, lancea qua mundi salvator in crucis pendens patibulo vulneratus fuit, *Andrea* apostolo sanctorum mitissimo revelante, in ecclesia sancti *Petri* apostoli inventa est. Cujus inventione Christiani animati, iij. Kal. Julii feria ij. secum illam deferentes, de civitate exierunt, & cum paganis prælio commisso, *Curbaram* principem militiæ *Soldani Persie*, & *Turcos*, *Arabas*, *Sarracenos*, *Publicanos*, *Azimatos*, *Persas*, *Agulanos*, & alias multas gentes in ore gladii fugantes, multis milibus ex eis occisis, Dei virtute plenam victoriam habuerunt. Splendor insolitus per totam fere noctem v. Kal.

Octobris emicuit. Eodem anno ossa regis & martyris *Canuti* à *Danis* de tumulo levata, in scrinio honorifice sunt collocata. *Rogerus* dux *Apulie* adunato grandi exercitu *Capuanam* civitatem à sua ditione resilientem obsedit. *Urbanus* papa comitante secum *Dorobernensi* archiepiscopo *Anselmo*, ut illi mandarat, ad Concilium quod apud *Barum* Kal. Octobris celebrari constituit, proficiscitur. In quo Concilio plurima de fide Catholica ab Apostolico disserta sunt facunda ratione. Ubi etiam mota quæstione ex parte *Gracorum* evangelica auctoritate probare volentium Spiritum sanctum processionem non habere nisi tantum à Patre, præfatus *Anselmus* sic de negotio tractavit, differuit, absolvit, ut in ipso conventu nemo existeret qui non inde sibi satisfactum consentiret.

An. Dñi
1099.

ANno M. xcix. *Urbanus* papa iij. ebdomada Paschæ magnum Concilium tenuit *Roma*. In quo recis recidendis, & statutis statuendis, in adversarios sanctæ ecclesiæ excommunicationis sententiam in omnes laicos investituras ecclesiarum dantes, & omnes easdem investituras de manibus illorum accipientes, necnon omnes in officium sic dati honoris hujusmodi consecrantes, cum toto Concilio papa intorsit. Eosque anathematis vinculo colligavit, qui pro ecclesiasticis honoribus laicorum hominum homines fiunt, dicens, *Nimis execrabile videri ut manus quæ in tantam eminentiam excreverant, ut quod nulli angelorum concessum est, Deum cuncta creantem suo signaculo creent, & eundem ipsum pro redemptione & salute totius mundi summi Dei patris optatibus offerunt, in hanc ignorantiam detruantur, ut ancille fiant earum manuum quæ die ac nocte obscenis contactibus inquinantur, sive rapinis, ac injusta sanguinum effusioni additæ, commaculantur.* Fiat, Fiat, ab omnibus est acclamatum, & in his Concilium consummatum. Post hæc archiepiscopus *Lugdunum* perrexit. Rex Anglorum *Willielmus* junior in *Angliam* de *Normannia* rediit, & in festivitate Pentecostes *Londonia* curiam suam tenuit, ac *Rannulfo*, quem negotiorum totius regni exactorem constituerat, *Dunelmensem* episcopatum dedit, quem *Thomas Eboracensis* archiepiscopus ibi mox consecravit in ecclesia sancti *Pauli* in octavis Pentecostes Non. Junii. Idus Julii feria vj. *Jerusalem* à *Christianis* capta est; & post hæc xj. Kal. Aug. eadem feria *Lothariensis* dux *Godefridus* ab omni exercitu in regem est electus. *Urbanus* papa iij. Kal. Augusti feria v. obiit. *Christiani* cum *Amiravisso* principe militiæ & secundo in potestate regia totius regni regis *Babilonia*, ante civitatem *Ascalonam* ij. Idus Augusti eadem feria bellum habentes maximum, Christo largiente potiti sunt victoria. *Paschalis* vir venerandus qui ab *Hiltibrando* papa presbyter fuerat ordinatus, à *Romano* populo Idus Augusti electus, die sequenti, id est, xix. Kal. Septemb. feria j. in papam est consecratus. Tertio Non. Novembris mare litus egreditur, & villas & homines quamplures, boves & oves innumeras demersit. *Osmundus Searesbiriensis* episcopus iij. Non. Decemb. feria vj. obiit.

ANno M. C. *Clemens* papa, qui & *Wibertus*, obiit. Constituuntur in *Jerusalem* canonici xxxiij. in monasterio in quo sepulchrum Domini continetur, à *Godefrido* rege ejusdem urbis & patriarcha

WILLIELMUS triarcha *Wiberto*. Idibus Julii die Dominica ecclesia quam venerandæ memoriæ abbas *Serlo* à fundamentis construxerat *Glaworne*, ab episcopis *Samsone Wigornensi*, *Gundulfo Hrofsensi*, *Gerardo Herefordensi*, & *Herveio Bancorensi* dedicata est magno cum honore. Deinde iij. Non. Augusti feria v. Indictione viij. rex Anglorum *Willielmus* dum in nova foresta quæ lingua Anglorum *Wtene* nuncupatur venatu fuisset occupatus, à quodam *Franco Waltero* cognomento *Tirello* sagitta incaute directâ percussus vitam finivit, & *Wintoniam* delatus in veteri monasterio in ecclesia sancti *Petri* est tumulatus. Nec mirum, ut populi rumor affirmat, hanc proculdubio magnam Dei esse virtutem & vindictam. Antiquis enim temporibus, *Eadwardi* scilicet regis & aliorum *Angliæ* regum prædecessorum ejus, eadem regio incolis Dei cultoribus & ecclesiis nitebat uberrime, sed jussu regis *Willielmi* senioris, hominibus fugatis, domibus semirutis, ecclesiis destructis, terra ferarum tantum colebatur habitatione, & inde ut creditur causâ erat infortunii. Nam & antea ejusdem *Willielmi* junioris germanus *Ricardus* in eadem foresta multo ante perierat; & paulo ante suus frater *Ricardus*, Comitis scilicet *Normannorum* *Rodberti* filius, dum & ipse in venatu fuisset, à suo milite sagitta percussus interiit. In loco quo rex occubuit præcis temporibus ecclesia fuerat constructa, sed patris sui ut prædiximus tempore erat diruta. Ejusdem regis tempore, ut ex parte prætitulatum est, in sole, luna, & stellis multa fiebant signa. Mare quoque litus per sæpe egrediebatur, & homines, & animalia summis villas & domos quamplures subvertit. In pago qui *Barrocsire* nominatur, ante occisionem illius, sanguis de fonte tribus septimanis emanavit. Multis etiam *Normannis* diabolus in horribili specie se frequenter in silvis ostendens, palam cum eis de rege, & *Ranulfo*, & quibusdam aliis locutus est. Nec mirum. Nam illorum tempore fere omnis legum filius justitia, causisque sub justitia positis, sola in principibus imperabat pecunia. Denique eadem tempestate nonnullis regis voluntati magis quam justitiæ obedientibus, *Ranulfus* contra jus ecclesiasticum & sui gradus ordinem, (presbyter enim erat) ad censum primitus abbatias, dehinc episcopatus quorum patres è vita discesserant, noviter accepit à rege, & inde singulis annis illi persolvit non modicam summam pecuniæ. Cujus avaritia & calliditas tam vehemens exitit, & parvo tempore adeo excrevit, ut placitatore ac totius regni exactorem rex illum constitueret. Qui tanta potestate accepta, ubique locorum per *Angliam* ditiores ac locupletiores quosdam rerum terrarumque ablatione multavit, pauperiores autem gravi injustoque tributo incessanter oppressit, multique modis & ante episcopatum, & in episcopatu majores minoresque communiter afflixit, & hoc usque ad regis ejusdem obitum. Nam eo die quo occisus perierat, *Dorubernensem* archiepiscopatum *Wintoniensem* & *Searasbiriensem* præsulatus in manu sua tenuit. Regnavit idem rex xij. annis minus xxxvij. diebus. Cui successit junior frater suus *Henricus*, & mox Non. Augusti die Dominico in *Westmonasterio* à *Mauricio Londoniensi* episcopo in regem est consecratus. Qui consecrationis suæ die, sanctam Dei ecclesiam, quæ fratris sui tempore vendita & ad firmam erat posita, liberam fecit, ac omnes ma-

las consuetudines & injustas exactiones quibus regnum *Angliæ* injuste opprimebatur, abstulit, pacem firmam in toto suo regno posuit & teneri præcepit; legem regis *Eadwardi* omnibus in commune reddidit cum illis emendationibus quibus pater suus illam emendavit, sed forestas quas ille constituit & habuit, in manu sua retinuit. Nec multo post *Dunelmensem* episcopum *Ranulfum* *Londoniæ* in turri custodiæ mancipavit, & *Dorubernensem* archiepiscopum *Anselmum* de *Gallia* revocavit. Interea ab *Jerusalem* domum redierunt Comites, *Rodbertus Flandrensis*, & *Enstachius Bononiensis* primitus, dein *Normannorum* Comes *Rodbertus* cum uxore quam sibi in *Sicilia* desponsaverat, repatriavit. Interim rex Anglorum *Henricus* majores natu *Angliæ* congregavit *Londoniæ*, & regis *Scottorum* *Malcolmi* & *Margaretæ* reginæ filiam, *Matildem* nomine, in conjugium accepit; quam *Dorubernensis* archiepiscopus *Anselmus* die Dominica festivitatis sancti *Martini* reginam consecravit & coronavit. Venerandæ memoriæ & vir religionis eximie, affabilis omnibusque amabilis *Eboracensis* archiepiscopus *Thomas* xij. Kal. Decembris die Dominica ex hac vita decessit *Eboraci*. Cui successit *Herefordensis* episcopus *Gerardus*.

Anno M. Cj. *Henricus* rex tenuit curiam suam *Londoniæ* in nativitate Domini, ubi interfuit *Lodowicus* electus rex *Francorum*. *Dunelmensis* episcopus *Ranulfus* post nativitatem Domini de custodia magna calliditate evasit, mare transiit, *Normannorum* Comitem *Rodbertum* adiit, eique suavit, ut *Angliam* hostiliter adiret: nec minus perplures hujus terræ principes, missis ad eum legatis, rogaverunt ut *Angliam* festinato veniret, coronam & regnum illi promittentes. Civitas *Glaworne* cum principali monasterio & aliis viij. Idus Junii feria v. incendio conflagravit. Comes *Normannorum* *Rodbertus* equitum sagittariorum & peditum non parvam congregans multitudinem, in loco qui *Normannica* lingua dicitur *Utreport* naves coadunavit. Quibus rex cognitis, buthsecarlis præcepit mare custodire & observare, ne quis de partibus *Normanniæ* fines adiret *Angliæ*. Ipse vero innumerable exercitu congregato de tota *Angliæ*, non longe ab *Heastinga* castra posuit in *Suthsaxonidæ*. Autumabat enim pro certo, fratrem suum illis in partibus nave appulsum. At ille consilio *Ranulfi* episcopi, quosdam de regis buthsecarlis adeo rerum diversarum promissionibus fregit, ut fidelitate quam regi debebant postposita, ad se transfugerent, & sibi ad *Angliam* duces existerent. Paratis igitur omnibus, cum exercitu navim conscendit, & circa ad vincula sancti *Petri* in loco qui *Porthesmuth* dicitur appulit, statimque versus *Wintoniam* exercitum movens, apto in loco castra posuit. Cujus adventu cognito, quidam de primoribus *Angliæ* mox ad eum, ut ante proposuerant, transfugere: quidam vero cum rege fidei mente remansere. Sed episcopi, milites gregarii & *Angli* animo constanti cum illo perstiterunt, unanimiter ad pugnam parati cum ipso descendere. Verum sapientiores utriusque partis, habito inter se salubri consilio, pacem inter fratres ea ratione composuere, ut iij. marcas argenti singulis annis rex persolveret Comiti, & omnibus suos pristinos honores, quos in *Angliæ* pro Comitis fidelitate perdiderant, restitueret gratuito;

HENRICUS I. rex

An. Dñi
1101.

HENRI-
cus I. Rex.

tuito, & cunctis quibus honores in *Normannia* causa regis fuerant ablati, Comes redderet sine pretio. Quibus pacatis, regis exercitus domum, Comitis vero pars in *Normanniam* rediit, pars in *Anglia* secum remansit. Filius *Eustachii* senioris Comitis *Bononiensium* *Godefridus* rex *Ierosolymorum*, qui præpotens extiterat dux *Lothariensium*, diem clausit ultimum, & in ecclesia *Golgothana* sepultus requiescit. Cujus post obitum *Christiani* unanimi consilio ejus germanum sibi in regem elegerunt *Baldwinum*. Arcem, quam in occidentali *Sabrina* fluminis plaga, in loco qui *Witzge* dicitur lingua *Saxonica*, *Agelsfleda Merciorum* Domina quondam construxerat, fratre suo *Eadwardo* seniore regnante, *Scrobberiensis* Comes *Rodbertus* de *Belesmo* *Rogeri* Comitis filius contra regem *Henricum* (ut exitus rei probavit) muro lato & alto restaurare cœpit. Cœpit etiam in *Walonia* ædificare aliam in loco qui *Carrocone* dicitur.

An. Dñi
1102.

Anno M. Cij. supradictus Comes *Rodbertus* de *Belesmo*, qui comitatum etiam *Pontivenfis* pagi rexit eo tempore, ac in *Normannia* castella possedit quamplurima, civitatem *Scrobberiam* & castellum in ea situm, castella quoque *Arundel* & *Tychill* alimentis, machinis, armis, militibus ac peditibus contra regem *Henricum* firmiter munivit. Muros quoque ac turres castellorum, videlicet *Witzge* & *Carrocone* die noctuque laborando & operando perficere modis omnibus festinavit. *Walanos* etiam suos homines ut promptiores sibi que fideliores ac paratiores essent ad id perficiendum quod volebat, honoribus, terris, equis, armis incitavit, variisque donis largiter donavit, sed conatus illius & opera nimis cito sunt impedita. Infidius enim & conatus ejus per certa indicia detectis, publicum hostem rex illum pronuntiavit. Idcirco mox *Brittonibus* & *Normannis* quos tunc habere potuit in unum congregatis, ipse & suus germanus *Arnoldus* partem *Steadfordensis* pagæ vastaverunt, ac inde jumenta & animalia multa hominesque nonnullos in *Waloniam* abduxerunt. At rex sine dilatione castellum ejus *Arundel* primitus obsedit, & castellis ante illud firmatis recessit. Deinde *Rodbertum* *Lincolniensis* civitatis episcopum cum parte exercitus *Tychill* obsidere iussit. Ille autem *Witzge* cum exercitu pene totius *Anglia* obsedit, machinas ibi construere & castellum firmare cœpit. Interim *Brittones*, in quibus fiduciam magnam *Rodbertus* habuerat, ut juramenta quæ illi juraverant irrita fierent, & ab illo penitus deficerent in illumque confurgerent, donis modicis facile corrupit. Infra xxx. dies civitate omnibusque castellis redditis, inimicum suum *Rodbertum* superavit, & ignominiose de *Anglia* expulit. Germanum quoque illius *Arnoldum* paulo post pro sua perfidia simili sorte dampnavit. Post hæc, in festivitate sancti *Michaelis* rex fuit *Londonia* apud *Westmonasterium*, & cum eo principes omnes regni sui ecclesiastici & secularis ordinis. Ubi duos de clericis suis duobus episcopatibus investivit, *Rogerm* videlicet *Cancellarium* suum episcopatu *Seafresberiensis*, & *Rogerm* *Lardarium* suum pontificatu *Herefordensis*. Ubi etiam *Anselmus* archiepiscopus tenuit magnum Concilium de his quæ ad Christianitatem pertinent, confidentibus secum archiepiscopo *Eboracensi* *Gerardo*, *Mauricio* *Londoniensi*, *VVilhelmo* electo episcopo *VVin-*

toniensi, *Rodberto* episcopo *Lincolniensi*, *Sansone* *VVigornensi*, *Rodberto* *Cestrensi*, *Johanne* *Bathoniensi*, *Herberto* *Normicensi*, *Radulfo* *Cicestrensi*, *Gundulfo* *Hrofensi*, *Herveio* *Bancorensi*, & duobus investitis *Ro.* & *Ro.* *Osburnus* autem episcopus *Exoniensis* infirmitate detentus interesse non potuit. Sed & *Ranulfus* *Dunelmensis* huic Concilio non interfuit. In hoc Concilio plures abbates *Francigena* & *Angli* sunt depositi, & honoribus privati quos injuste acquisierunt, aut in eis inhoneste vixerunt. Scilicet *VVido* *Perfcorensis*, *Aldwinus* *Ramesensis*, & ille de *Tavistoca*, *Haimo* de *Cernel*, & ille de *Picelenet*, *Agelricus* de *Mideltona*, *Godricus* de *Burh*, *Ricardus* de *Heli*, & *Rodbertus* de sancto *Eadmundo*. Presbyteris quoque concubinæ interdictæ sunt. Unde plures eorum ostia ecclesiarum obliteraverunt, omittentes omnia officia ecclesiastica. Præfatus *Rogerus* *Herefordensis* ecclesiæ episcopus electus, *Londonia* infirmitate percussus mortuus est, & cancellarius reginæ *Reinelmus* nomine loco illius pari investitura subrogatus est. Rex *Anglorum* *Henricus* *Mariam* *Matildis* reginæ sororem *Eustachio* *Bononiensium* Comiti nuptum tradidit.

An. Dñi
1103.

Anno M. Cij. magna discordia facta est inter regem *Henricum* & *Anselmum* archiepiscopum, eo quod archiepiscopus nollet consentire ut rex daret investituras ecclesiarum, neque consecrare neque communicare iis, quibus jam rex dederat ecclesias, quia Apostolicus sibi & omnibus hoc interdixerat. Unde rex præcepit *Gerardo* archiepiscopo *Eboracensi* quatinus consecraret episcopos quibus ipse rex dederat investituras, scilicet *VVilhelmum* *Giffardum*, & *Rogerm* qui fuit capellanus ejus cui jam dederat *Seafresberiensis* ecclesiam. *Gerardus* præceptum regis suscepit, sed *VVilhelmus* causa iustitiæ illud & benedictionem archiepiscopi *Gerardi* sprexit. Quare regis judicio suis omnibus expoliatus, eliminatur à regno, cæteri vero in consecrati remanserunt. *Reinelmus* autem paulo ante episcopatum *Herefordensem* regi reddidit, quia intellexit se Deum offendisse in hoc quod de manu laici alicujus investituram ecclesiæ suscepisset. Post hæc, rex tenuit curiam suam in Pascha *VVintonia*. *Anselmus* archiepiscopus post multas injurias & diversas contumelias quas passus est, rogatus à rege perrexit *Roman* v. Kal. Maii, sicut ei & regi convenit, habens in comitatu *VVilhelmum* *VVintoniensem* ecclesiæ electum antistitem, & abbates de abbacia depositos, *Ricardum* *Heliensem* & *Aldwinum* *Ramesensem*. *Rodbertus* Comes *Normannia* venit in *Angliam* loqui cum fratre suo, & antequam redisset de *Anglia* pardonavit ter mille marcas argenti quas rex sibi omni anno per conventionem debuit. In provincia etiam quæ nominatur *Bearrocscira* in loco qui dicitur *Heamstede* visus est à multis sanguis effluere de terra. Eodem anno iij. Idus Augusti magna intemperies venti facta est, quæ tantum dampnum fecit in fructibus terræ per *Angliam*, quantum qui tunc vixerunt retroactis temporibus nunquam viderunt.

1104.

Anno M. Cij. venerandi abbates *Walterus* *Eoveshamensis* xij. Kal. Febr. & *Serlo* *Glocestrensis* iij. Non. Marcii obierunt. Rex *Anglorum* *Henricus* tenuit curiam suam apud *Westmonasterium* in Pentecosten. Tertia feria, id est, vij. Idus

**HENRI-
I. Rex.** Idus Junii, quatuor circuli visi sunt circa solem albi coloris circa horam vi. quisque circulus sub alio quasi essent picti. Mirari sunt omnes qui tunc viderunt, quia nunquam antea talia visa sunt ab aliquo illorum. *Willielmus* Comes de *Moreton* exheredatus est de tota terra sua quam habuit in *Anglia*. Non facile potest narrari miseria quam sustinuit isto tempore terra *Anglorum* propter exactiones regias. Corpus sancti *Cuthberti* episcopi ob quorundam incredulitatem ablatum, pontificante *Ranulfo* episcopo, ostensum est, & à *Radulfo Sagiensis* abbate postmodum *Hrosensi* episcopo, & deinde *Cantuariensi* archiepiscopo, & à fratribus *Dunelmensis* ecclesie certo indicio incorruptum inventum est, & ita flexilibus artibus ut magis dormienti quam mortuo similis videretur, presente *Alexandro* Comite postea *Scottorum* rege & multis aliis, post annos depositionis sue CCCC. & xvij. & v. menses, & xij. dies, qui est annus quintus *Henrici* regis & episcopatus *Ranulfi* vj. ab origine mundi fuerant transacti V CCCvij.

An. Dñi
1105.

A Nno M. Cv. rex *Anglorum Henricus* transivit mare. Omnes autem pene *Normannorum* majores ad ejus adventum spreto Comite domino suo & fide quam ei debebant, in aurum & argentum regis, quod ipse de *Anglia* illuc portaverat, eurrerunt, eique castra munitasque civitates & urbes tradiderunt. Ille vero *Balocus* cum ecclesia sancte *Mariæ* quæ intus erat combussit, & *Cadomum* fratri suo abstulit, & post *Angliam* rediit, quia *Normanniam* totam sibi subjugare nequiverat, ut copiosiori pecunia fretus rediens anno sequenti quod residuum erat exheredato fratre suo sibi subiceret. Comes *Willielmus* de *Moreton* ubicunque potuit nocuit rebus & hominibus regis propter honorem suum quem in *Anglia* perdiderat.

1106.

A Nno M. Cvj. *Rodbertus* Comes *Normannia* venit in *Angliam* ut loqueretur fratri suo *Henrico* regi, quem invenit apud *Northamtun*. Tunc Comes quæsit ab eo, ut redderet sibi ea quæ acceperat super eum in *Normannia*. Cui rex omnia contradixit. Quare Comes iratus recessit, & mare transivit. In prima autem septimana quadragesimæ, vj. feria, xiiij. Kal. Martii in vespere ostensa est quadam insolita stella, & per xv. dies eodem modo eademque hora visa est lucere inter austrum & occidentem. Parva enim visa est & obscura, sed splendor qui de ea exivit valde erat elatus, & quasi ingens trabes de orientali & aquilonali parte claritas ingessit se in eandem stellam. Quidam dixerunt se plures insolitas stellas eo tempore vidisse. In cœna autem Domini nocte visæ sunt duæ lunæ paulo ante diem, una in oriente, altera in occidente, & utraque plena, & erat eo die xiiij. luna. Quo anno facta est nimis execrabilis contentio inter *Henricum* Imperatorem *Romanorum* & filium ejus *Henricum*. Et eodem anno mortuus est idem Imperator cum L. annis regnasset, cui successit filius ejus *Henricus*. Rex *Anglorum Henricus* ante Augustum mensem transivit mare, vadens in *Normanniam*, cui fere omnes primi *Normannorum* se dederunt, excepto *Rodberto* de *Belesmo*, *Willielmo* de *Moreton* & paucis aliis qui se tenebant cum Comite *Rodberto*. Rex *Anglorum Henricus* in assumptione sancte *Mariæ* *Breconum* venit, ubi ipse

& *Anselmus* archiepiscopus in unum convenerunt, **HENRI-
I. Rex.** & tandem omnia quæ in diversa traxerant pacem invenerunt. Non multo post idem archiepiscopus jussu & rogatu regis *Angliam* rediit. Congregato exercitu rex ad quoddam castrum Comitis de *Moreton* quod vocatur *Tenercebrei* perrexit, & obsedit illud. Interim dum ibi moraretur venit Comes frater regis *Rodbertus* super eum cum exercitu suo in vigilia sancti *Michaelis*, & cum eo *Rodbertus* de *Belesmo*, & Comes *Willielmus* de *Moreton*; sed jus & victoria facta est regis. Ibi captus est *Rodbertus* Comes *Normannia*, & *Willielmus* Comes de *Moreton* & *Rodbertus* de *Stutavilla*. *Rodbertus* autem de *Belesmo* in fugam versus est, *Willielmus Crispinus* captus & plures alii cum eo. His ita gestis, rex subegit sibi totam *Normanniam*, & secundum suam voluntatem dictavit, & hoc per litteras *Anselmo* archiepiscopo indicavit.

A Nno M. Cvij. *Eadgarus* rex *Scottorum* vj. Idus Januarii obiit, cui *Alexander* frater suus successit. *Normannia* sub regia pace disposita, duceque *Normannorum* *Rodberto* & Comite *Moretonii* *Willielmo* in *Angliam* sub captione præmissis, rex ipse ante Pascha in regnum suum reversus est. In Kal. Augusti conventus omnium episcoporum, abbatum & procerum regni *Londonia* in palatio regis factus est, & per tres dies absente *Anselmo* archiepiscopo inter regem & episcopos satis actum est de ecclesiarum investituris, quibuldam ad hoc nitentibus, ut rex eas faceret more patris sui & fratris sui, non juxta præceptum & obedientiam Apostolici. Nam papa *Paschalis* in sententia quæ inde provulgata fuerat firmus stans, concesserat omnia, quæ *Urbanus* papa æque ut investituras interdixerat; ac per hoc regem sibi de investituris consentaneum fecerat. Dehinc presente *Anselmo* astante multitudine annuit rex & statuit, ut ab eo tempore in reliquum nunquam per dationem baculi pastoralis, vel anuli quisquam de episcopatu aut abbazia per regem vel quamlibet laicam manum in *Anglia* investiretur: concedente quoque *Anselmo*, ut nullus in prælationem electus pro hominio quod regi faceret, consecratione suscepti honoris privaretur. *Gerardus Eboracensis* archiepiscopus sua manu imposita manui *Anselmi* pollicitus est, se illam subjectionem & obedientiam ipsi in archiepiscopatu exhibiturum, quam *Herefordensi* ecclesie ab eo sacrandus episcopus promiserat. *Willielmus Wintoniensis*, *Herefordensi* *Reinelmus*, *Searesberiensis* *Rogerus*, *Willielmus Excestrensis*, & *Urbanus Glamorgacensis* ecclesie quæ in *Waloniam* est, electi episcopi simul *Cantuariam* venerunt, & in die Dominica quæ fuit iij. Idus Augusti pariter ab *Anselmo* consecrati sunt, ministrantibus sibi in hoc officio suffraganeis ipsius sedis. *Gerardus* etiam *Eboracensis* archiepiscopus eorum consecrationi, rogatu *Anselmi*, interfuit. Nullus fuit certe tunc temporis qui meminisset retroactis temporibus tot simul pastores electos & ordinatos in *Anglia*, nisi regis *Eadwardi* senioris tempore, quando *Plegmundus* archiepiscopus vij. episcopos vij. ecclesiis in una die ordinavit. Hoc etiam anno *Mauricius Londoniensis* episcopus, *Ricardus* abbas *Hetyensis*, *Rodbertus* abbas de sancto *Eadmundo*, *Milo Crispin*, *Rodbertus* filius *Hamonis*, *Rogerus Bigot*, & *Ricardus* de *Redvers* vita decesserunt.

Anno

HENRI-
cus I. Rex.An. Dñi
1108.

ANno M. Cviij. *Hrofsensis* episcopus *Gundulfus* obiit Non. Martii. Rex *Anglorum Henricus* pacem firmam legemque talem constituit, ut si quis in furto vel latrocinio deprehensus fuisset suspenderetur. Monetam quoque corruptam & falsam sub tanta animadversione corrigi statuit, ut nullus qui posset deprehendi falsos denarios facere, aliqua redemptione, quin oculos & inferiores corporis partes perderet, juvari valeret. Et quoniam sapissime dum denarii eligebantur, flectebantur, rumpebantur, respuebantur, statuit, ut nullus denarius vel obulus, quos & rotundos esse instituit, aut etiam quadrans, integer esset. Ex quo factum magnum bonum toti regno creatum est, quia ipse rex hæc in secularibus ad relevandas terræ ærumpnas agebat. *Gerardus Eboracensis* archiepiscopus obiit, pro quo *Thomas Beverlacenensis* ecclesiæ præpositus, & prædecessoris sui *Thoma* fratruelis eligitur. *Philippus* rex *Francorum* obiit, cui *Lodovicus* filius suus successit. Rex *Anglorum Henricus* mare transivit. *Anselmus* archiepiscopus, ut rex rogaverat, *Ricardum Londoniensem* ecclesiæ electum pontificem in capella sua apud *Waggham* consecravit, ministrantibus ei in hoc officio iiij. aliis episcopis. (accepta ab eo prius consueta professione de obedientia & subjectione sua.) *Willielmo* scilicet *Wintoniensi*, *Rogero Searesberiensi*, *Radulfo Cicestrensi*, *Willielmo Excestrensi*. Post hæc *Cantuariam* venit, & *Radulfum Sagiensem* abbatem virum religiosum pro *Gundulfo ad Hrofsensem* ecclesiam iiij. Idus Augusti consecravit. *Ricardus* vero *Londoniensis* antecessorum suorum more honoravit ipso die matrem suam ecclesiam *Cantuariensem* honesto munere.

Hæc sunt statuta de archidiaconibus, presbyteris, diaconibus, subdiaconibus, & canonicis secularibus, quæ anno Dominicæ incarnationis M. Cviij. statuerunt, *Anselmus* archiepiscopus *Cantuariensis*, & *Thomas* electus archiepiscopus *Eboracensis* cum eo, omnesque alii *Anglia* episcopi in præsentia gloriosi regis *Henrici* assensu baronum suorum.

Statutum est ut presbyteri, diaconi, subdiaconi, caste vivant, & feminas in domibus suis non habeant præter proxima consanguinitate sibi junctas, secundum hoc quod sancta *Nicena* Synodus definiuit. Illi vero presbyteri, diaconi, subdiaconi, qui post interdictum *Londoniensis* Concilii feminas suas tenuerunt, vel alias duxerunt, si amplius missam celebrare voluerint, eas à se omnino sic facient alienas, ut nec illæ in domos eorum, nec ipsi in domos earum intrent. Sed neque in aliqua domo scienter conveniant, neque hujusmodi feminæ in territorio ecclesiæ habitent. Si autem propter aliquam honestam causam eas colloqui oporteat, cum duobus legitimis testibus extra domum colloquantur. Si vero in duobus, aut in tribus legitimis testibus, vel publica parochianorum fama aliquis eorum accusatus fuerit, quod hoc statutum violaverit, purgabit se adjunctis secum ordinis sui idoneis testibus, vj. si presbyter, iiij. si diaconus, ij. si subdiaconus fuerit. Cui autem hæc purgatio defecerit, ut transgressor sacri statuti judicabitur. Illi autem presbyteri qui divini altaris & factorum ordinum contemptores prælegerint cum mulieribus habitare, à divino officio remoti, omnique ecclesiastico beneficio privati extra chorum ponantur, infames pronuntiati. Qui vero rebellis & contemptor fœ-

minam non reliquerit, & missam celebrare præsumpserit, vocatus ad satisfactionem si neglexerit, viij. die excommunicetur. Eadem sententia archidiaconos & canonicos omnes complectitur, & de mulieribus relinquendis, & de vitanda earum conversatione, & de distractione censuræ si statuta transgressi fuerint. Jurabunt archidiaconi omnes quod pecuniam non accipiant pro toleranda transgressione hujus statuti, nec tolerabunt presbyteros quos scient fornicatas habere, missam cantare, vel vicarios habere: similiter decani facient. Qui vero archidiaconus vel decanus hoc jurare noluerit, archidiaconatum vel decaniam perdet. Presbyteri vero qui relictis mulieribus, Deo & sacris altaribus servire elegerint, xl. dies ab officio cessantes, pro se interim vicarios habebunt, adjuncta eis poenitentia secundum hoc quod episcopis eorum visum fuerit.

ANno M. Cix. *Dorubernensis* archiepiscopus *Anselmus* xj. Kal. Maii feria iiij. *Cantuaria* obiit, & sequenti die, quæ fuit cœna Domini, honorifice sepelitur. Rex *Anglorum Henricus* circa Rogationes *Angliam* rediit, & curiam suam apud *Westmonasterium* in Pentecosten tenuit. *Thomas Eboracensis* ecclesiæ archiepiscopus electus, à *Ricardo Londoniensi* episcopo v. Kal. Julii *Londonia* consecratur, & post ab *Ulrico* Cardinali pallium quod sibi Papa miserat iiij. Kal. Augusti die Dominica *Eboraci* suscepit, & ipso eodem die *Turgotum Dunelmensem* Priorem ad episcopatum sancti *Andree de Scotia* qui dicitur *Cenrimunt* consecravit. Eodem anno rex abbatiam *Heliensem* ad episcopalem mutavit sedem, & *Herveium Bancornensem* episcopum eidem ecclesiæ præfecit. Stella cometa visa est mense Decembris circa lacteum circulum, crinem in australem cœli dirigens plagam.

ANno M. Cx. Rex *Anglorum Henricus* filiam suam *Henrico* Imperatori in conjugem dedit, & misit eam à *Dobere* usque ad *Wiltland* in initio quadragesimæ, quod fuit iiij. Idus Aprilis. Eodem anno diversa per *Angliam* signa monstrata sunt. Terræmotus *Scrobberesberia* factus est maximus. Fluvius qui *Trenta* dicitur apud *Snotingham* à mane usque ad horam diei tertiam spatio unius miliarii exsiccatus est, ita ut homines sicco vestigio per alveum incederent. Stella cometa vj. Idus Junii apparuit, & per iiij. ebdomadas visa est lucere.

ANno M. Cxj. *Henricus* rex *Tentonicorum Romanam* venit, *Paschalem* papam cepit, & in custodia posuit. Sed postmodum ad pontem via *Salaria* ubi *Paschalem* festivitatem in campo celebraverunt, pacem cum eo fecit. Hoc autem modo reconciliatio inter regem & dominum papam facta est. Et hoc est juramentum regis.

Ego *Henricus* rex liberos dimittam iiij. vel v. feria proxima dominum papam, & episcopos, & Cardinales, & omnes captivos, & obsides qui pro eo vel cum eo capti sunt, securos perducere faciam intra portas *Transfiberina* civitatis, nec ulterius capiam aut capi permittam eos qui in fidelitate Domini papæ *Paschalis* permanent, & populo *Romano*, & *Transfiberina* & *Insula* civitatis pacem & securitatem servabo tam per me quam per meos, et in personis, & in rebus, qui pacem mihi servaverint.

Domnum

HENR. I. us I. Rex. domnum papam *Paschalem* fideliter adjuvabo ut papatum quiete & secure teneat. Patrimonia & possessiones *Romanae* ecclesiae quae abstuli restituam, cuncta quae habere debet more antecessorum meorum recuperare & tenere adjuvabo bona fide, & domino papae *Paschali* obediam, salvo honore regni & imperii, sicut catholici imperatores catholicis pontificibus *Romanis*. Haec omnia servabo bona fide sine fraude & malo ingenio. Et isti sunt iuratores ex parte ipsius regis. *Fredericus Coloniensis* archiepiscopus. *Gebehardus* episcopus *Tridentinus*. *Burchardus Monasteriensis* episcopus. *Bruno Spirensis* episcopus. *Albertus* Cancellarius. Comes *Herimannus*. *Fredericus* Comes Palatinus. *Berengarius* Comes. *Fredericus* Comes. *Bonifacius* Marcio. *Albertus* Comes de *Blandriaco*. *Fredericus* Comes. *Godefridus* Comes. *Warnerius* Marcio.

Conventio 2. inter Papam & Regem.

Dominus papa *Paschalis* secundus concedet domino regi *Henrico*, & regno ejus, & privilegio suo sub anathemate confirmabit & corroborabit, episcopo vel abbate libere electo sine symonia assensu regis, quod dominus rex cum anulo & virga investiat. Episcopus autem vel abbas a rege investitus libere accipiat consecrationem ab episcopo ad quem pertinuerit. Siquis vero a clero & populo eligatur, nisi a rege investiat, a nemine consecratur: & archiepiscopi, & episcopi libertatem habeant consecrandi a rege investitos. Super his etiam dominus papa *Paschalis* non inquietabit regem *Henricum*, nec ejus regnum & imperium.

Hoc Sacramentum est ex parte Papa.

Dominus papa *Paschalis* non inquietabit dominum regem *Henricum*, nec ejus imperium vel regnum de investitura episcopatum vel abbatiarum, neque de injuria sibi illata & suis, neque aliquod malum reddet sibi vel alicui personae pro hac causa. Et penitus in personam regis *Henrici* nunquam anathema ponet; nec remanebit in domino papa quin coronet eum sicut in ordine continetur, & regnum & imperium officii sui auxilio eum tenere adjuvabit pro posse suo, & hoc adimplebit dominus papa sine fraude & malo ingenio. Haec sunt nomina illorum episcoporum & cardinalium qui praecepto domni papae *Paschalis* secundi privilegium & amicitiam sacramento confirmaverunt domino imperatori *Henrico*. *Petrus* Portuensis episcopus. *Centius* Sabinienensis episcopus. *Rodbertus* cardinalis sancti Eusebii. *Bonifacius* cardinalis sancti Marci. *Anastasius* cardinalis sancti Clementis. *Gregorius* cardinalis sanctorum apostolorum *Petri & Pauli*. Item *Gregorius* cardinalis sancti Crisogoni. *Johannes* cardinalis sanctae Potentianae. *Risus* cardinalis sancti Laurentii. *Reinerus* cardinalis sanctorum Marcellini & Petri. *Vitalis* cardinalis sanctae Balbinae. *Duizo* cardinalis sancti Martini. *Teobaldus* cardinalis sancti Johannis et Pauli. *Johannes* diaconus sanctae Mariae in scola Graeca.

Istud est Privilegium domni Papa quod fecit Imperatori de investituris episcopatum.

P*aschalis* episcopus servus servorum Dei charissimo in Christo filio *Henrico* glorioso *Tentoni-*

corum regi, et per Dei operis gratiam *Romanorum* imperatori Augusto, salutem et apostolicam benedictionem. Regnum vestrum sanctae *Romanae* ecclesiae singulariter coherere dispositio divina constituit. Praedecessores vestri probitatis cum prudentiae amplioris gratia *Romanae* urbis coronam et imperium consecuti sunt. Ad cujus videlicet coronae & imperii dignitatem tuam quoque personam, fili charissime *Henrice*, per sacerdotii nostri ministerium divina majestas provexit. Illam igitur dignitatis prerogativam quam praedecessores nostri vestris praedecessoribus catholicis Imperatoribus concesserunt, & privilegiorum paginis confirmaverunt, nos quoque dilectioni tuae concedimus, & praesentis privilegii pagina confirmamus. Ut regni tui, episcopis vel abbatibus libere praeter violentiam & symoniam electis investituram virgae & anuli conferas; post investitionem vero canonice consecrationem accipiat ab episcopo ad quem pertinuerit. Si quis autem a clero & populo praeter tuum assensum electus fuerit, nisi a te investiat, a nemine consecratur. Sane episcopi vel archiepiscopi libertatem habeant a te investitos episcopos vel abbates canonice consecrandi. Praedecessores enim vestri ecclesias regni sui tantis regalium suorum beneficiis ampliaverunt, ut regnum ipsorum episcoporum maxime vel abbatum praesidiis oporteat communiri, & populares dissensiones quae in electionibus saepe contingunt, regali oporteat maiestate compesci. Quamobrem prudentiae & potestativae curae debes sollicitius imminere, ut *Romanae* ecclesiae celsitudo & ceterarum salus praestante Domino beneficiis & serviciis conservetur. Si qua igitur ecclesiastica vel secularis persona hanc nostrae concessionis paginam temerario ausu pervertere temptaverit, anathematis vinculo nisi resipuerit innodetur, honoris quoque ac dignitatis suae periculum patiat. Observantes autem misericordia divina custodiat, & personam potestatemque tuam ad honorem suum & gloriam feliciter imperare concedat.

His conventionibus & juramentis inter dominum Papam & Imperatorem in *Paschali* festivitate facta est concordia. Deinde *Romam* idus Aprilis Imperator venit. Quem Papa in ecclesia sancti *Petri* missam celebrans Imperatorem consecravit, & ei omnibusque suis absolutionem fecit, & omnem injuriam sibi factam condonavit. Rex *Anglorum* *Henricus Flandrensis* qui *Northymbriam* incolebant cum tota suppellectili sua in *Waloniam* transfudit, & terram quae *Ros* nominatur incolere praecipit. Novum autem monasterium quod infra murum *Wintoniae* erat, agente *Willielmo Wintoniae* episcopo, rex extra murum construi jussit, & non multo post mare transiit. Hoc anno hiemps asperissima, fames valida, mortalitas hominum, pestis animalium agrestium simul & domesticorum, & strages avium extitit permaxima.

Actio Concilii contra haeresim de investitura.

Anno M. Cxij. Anno pontificatus domni papae *Paschalis* secundi xij. Indictione quinta, mense Martio, xv. Kal. Aprilis celebratum est *Roma* Concilium *Lateranis* in basilica *Constantiniana*. In qua cum dominus papa resedisset cum archiepiscopis, episcopis, & cardinalibus, & varia multitudine clericorum & laicorum, ultima die Concilii facta

An. Dñi
1112.

HENRI facta coram omnibus professione catholice fidei, **CUS I. Rex.** ne quis de fide ipsius dubitaret, dixit: *Amplector omnem divinam Scripturam, scilicet Veteris ac Novi Testamenti, legem à Moyse scriptam, & à sanctis Prophetis. Amplector iiij. Evangelia, vij. canonicas Epistolas. Epistolas gloriosi doctoris beati Pauli Apostoli, sanctos canones Apostolorum, iiij. Concilia universalis sicut iiij. Evangelia, Niconum, Ephesinum, Constantinopolitanum, Calcedonenſe. Antiochenum Concilium, & decreta sanctorum patrum Romanorum pontificum, & precipue decreta domini mei pape Gregorii vij. & beate memorie pape Urbani. Quae ipsi laudaverunt laudo; quae ipsi tenuerunt teneo; quae confirmaverunt confirmo; quae dampnaverunt dampno; quae repulerunt repello; quae interdixerunt interdico; quae prohibuerunt prohibeo in omnibus & per omnia, & in his semper perseverabo.* Quibus expletis surrexit pro omnibus Gerardus Engolismensis episcopus legatus in Aquitania, & communi assensu domini pape Paschalis totius Concilii coram omnibus legit hanc Scripturam.

Privilegium illud quod non est privilegium sed vere debet privilegium dici, pro liberatione captivorum, & ecclesiae à domino Paschali papa per violentiam regis Henrici extortum, nos omnes in hoc sancto Concilio cum domino papa congregati canonica censura & ecclesiastica auctoritate iudicio sancti Spiritus dampnamus, & irritum esse iudicamus atque omnino quassamus, & nequid auctoritatis & efficacitatis habeat penitus excommunicamus. Et hoc ideo dampnatum est quia in eo privilegio continetur, quod electus à clero & populo à nemine consecraretur nisi prius à rege investitur, quod est contra sanctum Spiritum & canonicam institutionem.

Perlecta vero hac Carta, acclamatum est ab universo Concilio, Amen. Amen. Fiat. Fiat. Archiepiscopi qui cum suis suffraganeis interfuerunt hii sunt. Johannes patriarcha Veneticus. Sennus Capuanus. Landulfus Beneventanus. Almaphitanus. Regitanus. Hidrontinus. Brundulfus. Capſanus. Girontinus & Graci. Rosanus & archiepiscopus sanctae Severinae. Episcopi quoque Petrus Portuensis. Leo Hostiensis. Cono Praenestinus. Gerardus Engolismus. Galo Leonensis. Legatus pro Bituricensi & Vienensi archiepiscopis. Rogerus Wulturnensis. Gaufridus Senensis. Rollandus Populiensis. Gregorius Terracinensis. Willielmus Trojanus. Gibinus Siracusanus, Legatus pro omnibus Siculis, & alii fere C. episcopi. Signinus & Johannes Tusculani episcopi cum essent Romae illa die Concilio non interfuerunt, qui postea lecta dampnatione privilegii consenserunt & laudaverunt. Hoc anno, scilicet M. Cxij. Thomas archiepiscopus Hagustaldensem ecclesiam pene in solitudinem redactam, & in portionem cuiusdam praebendae ecclesiae Eboracensi datam doluit. Hanc ut honestaret frequentia religiosorum Kalend. Novembris posuit in ea canonicos regulares, quibus praefuit primus Prior Aschatillus canonicus de Huntedonna, vir omnibus amabilis. Samson Wigornensis episcopus iij. Non. Mai die Dominica obiit. Rex Anglorum Henricus Comitem Rodbertum de Belesmo captum in Keresburga mense Octobri in custodia posuit.

HENRI Anno M. Cxij. monachi Tironenses in Angliam **CUS I. Rex.** venerunt x. annos antequam Savinienses venerunt in Angliam. Monachi Tironenses in terra David regis Scotiae apud Seleschirche venerunt, & ibi per annos xv. manserunt. Civitas Wigornae cum principali ecclesia, & omnibus aliis, & castello xij. Kal. Julii feria v. igne cremata est. De monachis unus monasterio utilissimus cum duobus servientibus & xv. de civibus igne combusti sunt. Rex Anglorum Henricus mense Julio Angliam rediit, & Comitem Rodbertum de Belesmo de Normannia ductum apud Werham in artificina posuit custodia. Teulfus regis capellanus Wigornensem episcopatum apud Windeshoram suscepit.

HENRI Anno M. Cxiiij. Henrico Romanorum Imperatori Mathildis filia regis Anglorum Henrici viij. Idus Januarii Mogontia desponsata et in Imperatricem est consecrata. Thomas Eboracensis archiepiscopus vir eximiae religionis vi. Kal. Martii feria iij. obiit. Qui cum ceteris sanctarum virtutum operibus, etiam in virginitatis puritate perrexit ad Dominum. Quanta vero morum probitate et vitae innocentis puritate ante episcopatum et in episcopatu enituerit, nullis humanis verbis digne explicari posse arbitror. Hrofsensis episcopus Radulfus vi. Kal. Mai die Dominica ad archiepiscopatum Cantuariensem apud Windeshoram eligitur. Civitas Cicestra cum principali monasterio per culpam incurrit iij. Non. Mai, feria iij. flammis assumpta est. Turstinus regis capellanus ad Eboracensem archiepiscopatum die Assumptionis sanctae Mariae eligitur Wintonia, et Arnulfus abbas de Wurh ad Hrofsensem ecclesiam eligitur episcopus. Rex Anglorum Henricus postquam exercitum in Walauniam duxit, ante festivitatem sancti Michaelis mare transiit. Fluvius Medewage vocatus per nonnulla miliaria vi. Idus Octobris ita à se defecit, ut in medio alveo sui etiam parvissimae naves ob penuriam aquae elabi aliquatenus minime possent. Tamisiam nihilominus illa die eidem defectui patuit. Nam inter pontem et regiam turrim sub ponte etiam in tantum fluminis ipsius aqua diminuta est, ut non solum equis, sed et innumera hominum et puerorum multitudo illud pedibus transvaderent, aqua vix genua eorum attingente. Duravit hic aquae defectus à medio noctis praecedentis usque in profundas tenebras noctis subsequenter. Similem quoque aquarum defectum ipso die apud Gernemutham, et in aliis locis per Angliam certo relatu contigisse didicimus.

HENRI Anno M. Cxv. Hoc anno hiemps exitit asperissima, ita ut omnes fere per Angliam pontes glacie frangerentur. Imperator Henricus postquam Coloniae diu obsedit, et multos suorum campestri praelio perdidit, pacem apud civitatem missam iuramento fecit. Radulfus Dornubernensis archiepiscopus ab Anselmo sanctae Romanae ecclesiae legato v. Kal. Julii die Dominica pallium suscepit Cantuarie, ubi fuere congregati episcopi totius Angliae. Ipsoque die magno cum honore consecratus est Teulfus Wigornensis ecclesiae episcopus. Wilfridus episcopus de sancto David in Valonia obiit. Usque ad illum episcopi extiterunt Brittonici. In octavis apostolorum magnam Concilium à Cono Romanae ecclesiae Cardinali

**HENRI-
I. Rex.** Cardinali *Catalannis* celebratum est. In quo ex-
communicavit episcopos qui Concilio non interfuere,
quosdam vero degradavit, & plurimos abbates bacu-
lis privatos deposuit de sedibus, ecclesiasticum illis in-
terdicens officium. Rex *Anglorum Henricus* medi-
ante Julio mense *Angliam* rediit. *Turgotus* quon-
dam *Dunelmensis* ecclesie Prior, nunc autem episco-
pus *Scotorum*, rediens *Dunelmum* ibidem vitam fi-
nivit. *Bernardus* reginæ Cancellarius ad ecclesiam
sancti *David* in *Walonia* præsul eligitur. *Reinelmus*
Herefordensis episcopus circa festivitatem omnium
Sanctorum obiit. Pro quo *Goffridus* regis capella-
nus eligitur. *Radulfus* archiepiscopus *Cantuarien-
sis Arnulfum* abbatem de *Wurb* ad *Hrosensem*, &
Gaufridum ad *Herefordensem* ecclesiam die sancti
Stephani Martyris episcopos ordinavit in ecclesia
Christi Cantuarie.

An. Dñi
1116.

A Nno M. C. xvi. *Griffinus* filius *Res* verno
tempore *Walonia* prædam egit & castella in-
cendit, quoniam rex *Angliæ Henricus* particulam
de terra patris sui ei dare noluit. Conventio optima-
tum & baronum totius *Angliæ* apud *Searesberiam*
xiiij. kal. Aprilis facta est. Qui in præsentia regis
Henrici homagium filio suo *Willielmo* fecerunt, &
fidelitatem ei juraverunt. Habita est ibi causa de
querela quæ inter archiepiscopum *Cantuariensem*
Radulfum & electum pontificem *Eboracensem Tur-
stinum* per integrum annum versata fuerat. Hic
electus cum ab ipso pontifice moneretur, ut ecclesie
Cantuariensi faceret quod debebat, & benedictio-
nem suam ecclesiastico more susciperet, respondit,
Benedictionem quidem se libenter suscipere velle,
sed professionem quam exigebat nulla ratione factu-
rum præterquam beatus papa *Gregorius* constituit.
Nam ipse talem legem inter duos archiepiscopos
Angliæ posuit, sed & *Honorius* papa vi. post eum si-
militer, ut neuter alteri subjectionis professionem fa-
ceret, nisi tantum ut qui prior ordinatus esset quan-
diu viveret prior haberetur: quod proprium est ser-
vorum dei, ut vera humilitate sibi invicem acclives
sint, & nullus super alium primatus ambitionem ex-
ercere velit, sicut Dominus noster veræ humilitatis
prædicator & amator, discipulos suos de hac re liti-
gantes redarguens, dixit eis, *Qui major est vestrum
erit omnium minister*. Nullus siquidem post beatum
Augustinum (qui non tam archiepiscopus quam
apostolus *Anglorum* dicendus est) archiepiscopo-
rum *Cantuariensium* primatum totius *Angliæ* sibi
vendicare præsumpsit usque ad *Theodorum* archi-
præsullem, cui propter singularem in ecclesiastica di-
sciplina sollertiam omnes *Angliæ* episcopi subici con-
senserunt, sicut *Beda* in ecclesiastica historia *Anglo-
rum* testatur, ita scribens de eo. *Is primus in archi-
episcopis cui omnes Britannia episcopi manus dare
conenserunt*. Quamobrem *Turstinus* nullam ali-
am subjectionis professionem *Cantuariensi* pontifici
facere voluit, nisi quam beatus papa *Gregorius* insti-
tuit. Rex autem *Henricus* ubi advertit *Turstinum*
in sua sententia stare, aperte protestatus est, illum aut
morem antecessorum suorum tam in professione faci-
enda quam in aliis dignitati ecclesie *Cantuariensis*
ex antiquo jure competentibus executurum, aut epi-
scopatu *Eboracensi* cum benedictione funditus caritu-
rum. His auditis, ille sui cordis consilio inpræmedi-
tarius credens, renunciavit pontificatui, spondens regi
& archiepiscopo se dum viveret illum non reclamatu-

rum, nec aliquam calumpniam inde moturum qui-
cunque substitutus fuisset. *Ovinus* Rex *Brittonum*
occiditur, & rex *Anglorum Henricus* mare transit,
comitante secum *Turstino* electo *Eboracensi* archi-
episcopo, sperante se revestituram sui pontificatus re-
cuperaturum, & ex regio jussu benedictionem ab ar-
chiepiscopo sine exactione professionis adepturum.
Circaensem Augusti reverius à *Roma Anselmus*,
qui pallium archiepiscopo *Cantuarie* *Roma* detulerat,
venit *Normanniam* ad Regem *Henricum* litteras
Apostolici deferens, quæ illi vices apostolicas in *Ang-
liæ* amministrare concedebant. Quod regno *Angliæ*
brevi innotuit. Unde communi consilio reginæ & no-
bilitum quorumlibet *Angliæ*, *Cantuariensis* archiepi-
scopus *Radulfus* ementa festivitatis nativitatis sanctæ
Mariæ mare transit, regem adiit, illumque *Rotoma-
gi* consistentem reperit, & cum ipso de negotiis pro
quibus venerat juxta rerum ordinem diligenter
agens, ad consilium ejus *Romani* itineris viam in-
greditur.

A Nno M. C. xvij. secundum regis *Henrici* præ-
ceptum apud *Cirencestram* novum opus est in-
ceptum. Apud *Longobardiam* magno terræ motu
facto, & ut testati sunt qui novere, xl. dierum spa-
cio durante, plurima domorum ædificia corruere,
& quod visu dictuque constat mirabile, villa quæ-
dam pergrandis mota est repente de statu proprio,
jamque ab omnibus in longe remoto consistere cerni-
tur loco. *Mediolani* dum patriciæ dignitatis viri de
re publica tractantes sub una residerent turri, auri-
bus omnium vox foras insonuit, unum ex illis nomi-
ne vocans, & festinato exire rogans. Quo tardante,
persona quædam coram apparuit, quæ vocatum vi-
rum ut egrederetur præce optinuit. Exeunte illo, tur-
ris repente cecidit, & omnes qui ibidem aderant ca-
su miserabili oppressit. In kal. Decembris extite-
runt nimia tonitura & fulgura: quæ secuta sunt
magna pluviarum inundatio & grandinis congelatio,
& iij. idus Decembris luna quasi sanguinea & po-
stea obtenebrata apparuit. *Rodbertus Cistrensis*
episcopus obiit, & *Gilebertus* abbas *Westmona-
sterii*.

A Nno M. C. xvij. sacræ memoriæ *Paschalis*
papa xiiij. kal. Febr. defungitur, & loco ejus
Johannes quidam *Caitæ* natus substituitur, & muta-
to nomine *Gelasius* est nuncupatus. Hic in monaste-
rio montis *Cassini* ab infantia monachus nutritus,
& adultus in ministerio venerabilium apostolicorum
Desiderii, *Urbani* & *Paschalis* assiduus fuerat *Canc-
cellarii* officio functus. Rex vero *Tentonicus*, qui &
Romanus Imperator, audito papam huic vitæ de-
cessisse, *Romam* advolat, & *Bracarensem* episcopum
jam anno præterito ab eodem papa *Beneventi* ex-
communicatum, cedente ab urbe *Gelasio*, papam in-
stituit, & ex *Burdino* *Gregorium* nominat. *Mahtil-
dis* regina *Anglorum* apud *Westmonasterium* kal.
Maii obiit, & in ipso monasterio decenter sepulta
est. Comes de *Mellant* *Rodbertus* obiit. Plures
Normannorum quam Regi *Henrico* juraverant fi-
delitatem postposuerunt, & ad regem *Franciæ*
Lodovicum principemque ejus adversarios, scilicet ip-
sius naturalis domini sui non veriti justitiam se
transulerunt. Præfatus papa *Gelasius* per mare
Burgundiam venit, & adventus ejus mox toti *Galliæ*
innotuit. Cujus in *Gallias* missa hæc est epistola.

HENRI-
cus I. REX.

Gelasius episcopus servorum dei servus venerabilibus fratribus, archiepiscopis, episcopis, abbatibus, clericis, principibus & ceteris per Galliam fidelibus, salutem & apostolicam benedictionem. Quia vos Romana ecclesia membra estis, qua in ea nuper acta sunt dilectioni vestra significare curavimus. Siquidem post electionem nostram dominus Imperator furtive & inopinata velocitate Romam veniens, nos egredi compulit. Pacem postea minis & terroribus postulavit, dicens se facturum qua posset ubi nos ei juramento pacis certitudinem faceremus. Ad qua nos ista respondimus. De controversia qua inter ecclesiam & regnum est, vel conventioni vel iustitia libenter acquiescimus loco & tempore competentis, videlicet vel Mediolani vel Cremonae in proxima beati Lucae festivitate, & fratrum nostrorum iudicio vel consilio, qui a deo sunt iudices in ecclesia constituti, & sine quibus haec causa tractari non potest. Et quoniam dominus Imperator a nobis securitatem quarit, nos verbo & scripto ista promittimus, nisi ipse interim impediat: alias enim securitates promittere nec honestas ecclesiae, nec consuetudo est. Ille enim die videlicet post electionem nostram quadragesimo quarto Bracatensem episcopum anno praeterito a domino praedecessore nostro Paschali papa in Concilio Beneventi excommunicatum, in matris ecclesiae invasionem ingessit. Qui etiam dum per manus nostras olim pallium acceperat, eidem domino nostro & catholicis successoribus ejus, quorum primus ego sum, fidelitatem juravit. In hoc tanto facinore nullum de Romano clero, deo gratias, Imperator socium habuit. Sed Guibertini soli, Romanus de sancto Marcello, Centius qui dicebatur sancti Grigoloni, & Euizo qui per Daciam multo tempore debachatus est, tam infamem gloriam celebrabant. Vestrae igitur experientiae litterarum praesentiam precepto mandamus, ut super his communi per dei gratiam deliberatione tractantes, ad matris ecclesiae ultionem communibus praestante deo auxiliis, sicut oportere cognoscitis, accingamini. Data Caix xvii. kal. Febr.

His dicentibus per provincias litteris, excitati potentes quique cum mediocribus occurrere Apostolico, & certatim parabant interesse concilio quod ipse disposuit se media Quadragesima Remis celebraturum. Hoc anno ecclesia quaedam in Angliā apud villam quae vocatur Momefeld a Goffrido Herefordensi episcopo dedicata, omnes qui ad dedicationem venerant domum redibant. Verum post aeris serenitatem quae prius extiterat nimia, repente cum tonitruo orta est tempestas nimia. Qua percussi quidam in itinere, dum loco in quem venerant cedere non valerent, subsistebant. Erant numero 5. tres viri & duae feminae. Quatum una ictu fulmineo percussa occubuit, altera vero ab umbilico usque vestigia pedum misere percussa & ignita decidit, viris dumtaxat vix vitae reservatis. Quinque etiam caballi eorum fulmine percussi interierunt.

An. Dñi
1119.

Anno M. Cxix. Gelasius papa apud Cluniam obiit, ibidemque sepelitur. In cuius locum Cardinales alique Romani qui eum illuc secuti fuerant, Gnidonem Viennensem archiepiscopum substituant, eumque Calixtum nominant. Dumque in Burgundia haec geruntur, apostolatus Romanae ecclesiae a supradicto Gregorio administratur. Super his duobus ita in papatum sublimatis, orbis conculsus in studia partium dividitur, atque aliis hunc, aliis

HENRI-
cus I. REX.

istum favore prosequentibus, gravi ecclesia scandalo percellitur. Goffridus Herefordensis episcopus iij. non. Febr. & Herbertus Northwicensis xi. kal. obierunt. Terrae motus in pluribus locis per Angliam factus est iij. kal. Octobris, die dominica circa horam diei tertiam. Calixtus papa xij. kal. Novembris generale Concilium instituit Remis. Ad hoc Concilium multiplex factus est archiepiscoporum, episcoporum, abbatum & principum diversarum provinciarum concursus, cum clericorum ac laicorum plebium numerosa multitudo. Numeratae sunt ibi personarum pastoralium virgae CCCC. xxiiij. Inter quos & Turstinus Eboracensis ecclesiae archiepiscopus electus, vix quandoque licentia a rege impetrata, propter suum proficiscitur negotium. Praemiserat autem rex legatum suum ad Apostolicum, quatinus inter alia & hoc ei diceretur, ne Eboracensem electum aut ipse consecraret, aut ab alio nisi ab archiepiscopo Cantuariensi, uti moris esse solebat, sacrari aut juberet aut permetteret. Ad hoc Apostolicus; Ne putet, inquit, rex me de negotio de quo agit secus acturum quam ratio exigit. Nec enim me ad hoc mea fert voluntas, ut Cantuariensis ecclesiae iustam dignitatem humiliem. Sed mane facto dominici diei praecedentis diem praestituti Concilii, Turstino ad benedictionem pontificatus parato, legati Cantuariensis archiepiscopi praesumptuose calumpniati sunt, consecrationem Eboracensis archiepiscopi a Cantuariensi debere fieri archipraesule. Ad quod Apostolicus; Nullam, inquit, iniustitiam ecclesiae Cantuariensi facere volumus, sed salva illius dignitate, quod proposuimus, exequemur. Consecratus est itaque ab apostolico. Postera die residentibus ordine in Concilio ecclesiasticorum graduum personis, assidente quoque Rege Francorum Ludovico multisque aliis principalibus viris, ex consensu cunctorum renovantur patrum statuta de statuendis, & recisa de recidendis, quorum hic sunt quinque capitula.

Quae sanctorum patrum sanctionibus de pravitate symoniaca stabilita sunt, nos quoque sancti Spiritus iudicio & auctoritate sedis apostolicae confirmamus. Si quis ergo vendiderit aut emerit vel per se vel per quamlibet summissam personam, episcopatum, abbatiam, decanatum, archidiaconatum, presbyteratum, praeposituram, praebendam, altaria vel quaelibet ecclesiastica beneficia, promotiones, ordinationes, consecrationes, dedicationes ecclesiarum, clericalem tonsuram, sedes in choro, aut quaelibet ecclesiastica officia, & vendens & emens dignitatis & officii sui ac beneficii periculo subiaceat. Quod nisi resipuerit, anathematis muctrone perfoffus ab ecclesia dei quam laetit modis omnibus abscondatur.

Episcopatum, abbatiam aut quarumlibet ecclesiasticarum possessionum investituram per manum laicam fieri penitus prohibemus. Quicunque igitur laicorum deinceps investire praesumpserit, anathematis ultioni subiaceat. Porro qui investitus fuerit, honore quo investitus est absque spe recuperationis omnimodis careat.

Univertas ecclesiarum possessiones quae liberalitate regum, largitione principum vel oblatione quorumlibet fidelium eis concessae sunt, inconcussas imperpetuum & inviolatas esse decernimus. Quod si quis eas abstulerit, aut invaserit, aut potestate tyrannica detinuerit, juxta illud beati Symmachii capitulum anathemate perpetuo feriat.

Nullus

HENR. I. Rex. Nullus episcopus, nullus presbyter, nullus omnino de clero ecclesiasticas dignitates vel beneficia cui-
bet & quasi jure hæreditario derelinquat. Illud etiam
adicientes præcipimus, ut pro baptismatis, crismatis,
olei sacri & sepulturæ acceptione & infirmorum visi-
tatione vel unctiōne nullum omnino precium exi-
gatur.

Presbyteris, diaconibus & subdiaconibus concubi-
narum & uxorū contubernia prorsus interdici-
mus. Si qui autem hujusmodi reperti fuerint, ecclesiasticis
& officiis priventur & beneficiis. Sane si neque
[sic] inmunditiam suam correxerint, communione
careant Christiana.

Hæc Concilii decreta Imperatori *Henrico* cum
non longe abesset ex Concilio, primum per honestas
personas, ad ultimum per ipsum Apostolicum man-
dantur, ut ante separationem Concilii notum esset,
utrum ecclesiis per regnum & singulas quasque sibi
subjectas provincias consentiat *Canonicas electiones*,
videlicet ut episcopi & abbates eligantur ab ecclesia,
& *liberas consecrationes*, ut ubi & à quibus oporteat
electi consecrentur, & *investituram ecclesiarum*, ut
per investituram pastoralis virgæ & anuli per hosti-
um Christum ingrediantur, & *investituram rerum
ecclesiasticarum*, ut de rebus ad ecclesias pertinenti-
bus nichil omnino sibi laicalis exigat persona. Ad
hæc ille respondit, nichil in his se prætermittendum
quod sui juris esse suorum sibi contulit antiqua con-
suetudo progenitorum. Quandoque tamen flexus
auctoritate generalis Concilii, tria illa priora con-
cessit, ultimum vero, scilicet *investituram rerum ec-
clesiasticarum*, concedere noluit. Quapropter rever-
so ad Concilium papa, excommunicatus decernitur.
Quod cum quidam in Concilio agre ferrent, senten-
tiam protulit Apostolicus, ut, qui in hoc scandalizen-
tur, exeuntes à fratrum consortio separarentur: pro-
posito de illis septuaginta exemplo, qui cum de car-
ne Domini manducanda & sanguine bibendo scanda-
lizarentur, retro abierunt, & jam cum illo non ambu-
labant. Et quoniam, inquit, qui non colligit cum
Domino spargit, & qui non est cum eo adversus illum
est, illam inconfutilem tunicam desuper contextam,
scilicet sanctam ecclesiam, qui nobiscum sentiendo
indiscissam servare nolunt, dissentiendo à nobis di-
scindere contendunt. Talia sermocinante Apostolico,
illico omnes in eundem cum cæteris consensum re-
ducti, in Imperatorem *Henricum* excommunicatio-
nis sententiam jaculantur. Tandem post dies ali-
quot dissoluto Concilio, offensus rex *Anglorum
Turstino* archiepiscopo, quod præter consensum su-
um se ab Apostolico consecrari fecisset, interdixit ei
reditum in omnem suæ dominationis locum. Post
hæc papa *Calixtus Gisfortium* venit; quo ad ejus
colloquium rex *Anglorum* occurrit. Acta sunt mul-
ta inter illos, quorum gratia par erat tantas conve-
nisse personas. Inter quæ rex à papa impetravit, ut
omnes consuetudines quas pater suus in *Normannia*
& in *Anglia* habuerat sibi concederet, & maxime ut
neminem aliquando legati officio in *Anglia* fungi
permitteret, si non ipse, aliqua præcipua querela exi-
gente quæ ab episcopis regni sui terminari non posset,
hoc fieri à papa postularet. Quibus omnibus pro
statu temporis definitis, papa rogat regem *Turstino*
amicum fieri, eumque pontificatui ad quem ipsum
sacraverat pro amore suo restitui. At rex hoc se dum
viveret non facturum in sua fide spondidisse confessus
est. Ait. *Ego Apostolicus sum, & si feceris quod pe-*

stulo ab hac fidei sponione te absolvam. Tractabo de hoc ait, & quod consilii mei tenor invenerit tibi no-
tificabo. Hinc à papa recessit. Cui per internuncios
de negotio ita respondit. *Pro amore vestro qui tan-
topere postulatis, ea conditione Turstinum admitto in
pontificatum, ut subjectionem quam prædecessores ejus
fecerant, ecclesia Cantuariensi faciat, aliter me reg-
nante Eboracensi ecclesia non præsidebit.* His ita ge-
stis abeunte Apostolico *Turstinus* remansit in *Gallia*.
Willielmus filius Regis *Henrici* & *Matildis* regi-
næ accepit uxorem filiam Comitis *Andegavensium*.

An. Dñi 1120.
Anno M. C. xx. Rex *Anglorum Henricus* &
rex *Francorum Ludovicus*, post multa suarum
partium detrimenta, die præstituta ineunt colloquia.
Quo ex consensu concordia peracta, jussu regis *Hen-
rici* filius ejus *Willielmus* facti regi *Francorum* ho-
minio *Normannia* sub illo suscipit principatum. Ita
redeuntibus in pacem regibus, tota tumultuantis
Normannia seditio comprimitur, & qui contra do-
minum suum *Henricum* regem arma levaverant,
curvata sub ejus dominium cervice redeunt; & quo-
niam in concordia Regum facienda archiepiscopus
Turstinus vigilantem se ac diligentem exhibuit, hac
sui efficacia proniorem ad sese recipiendum regis ani-
mum inflexit. Ad hoc epistola apostolici ad regem
jam parantem redire in *Angliam* directæ, *Tursti-
num* archiepiscopum suscipere & in suam præcepit
ecclesiam omni postposita excusatione restituere. Sed
ad hoc præceptum quid potissimum respondeat rex
distulit donec redisset in *Angliam*; ubi congregato
Concilio quid facto opus esset, maturius perquire-
ret. *Normannia* principes, jubente rege, filio suo
Willielmo jam tunc xvij. annorum hominum faci-
unt, & fidelitatis securitatem sacramentis affirmant.
Itaque rex omnibus qui contra se insurrexerant vel
devictis vel repacificatis, cunctisque ad votum pro-
spere peractis, quinto professionis suæ anno necdum
completo, lætior solito, in *Angliam* multo [navigio]
revehitur. Delegaverat autem filio cunctoque illius
comitatu navem qua nulla in tota classe videbatur
melior, sed ut eventus ostendit, nulla infelicior. Pa-
tre namque præeunte, paulo tardius sed infelicius se-
quebatur filius. Nave quippe non longe à terra in
ipso velificationis impetu super scopulos in ipso exitu
delata ac dissoluta, filius regis cum omnibus qui se-
cum erant interiit vi. kal. Decembris, feria v. noctis
initio apud *Barbassot*. Mane facto, thesaurus regis
qui in navi fuerat invenitur per harenas, corpora ve-
ro pereuntium nulla. Perierunt cum filio regis fra-
ter suus *Ricardus* nothus Comes, cum filia Regis
quæ fuerat uxor *Rotronis*, & *Ricardus* Comes *Ces-
trensis* cum uxore sua nepte Regis, sorore *Theobaldi*
Comitis nepotis regis. Perit & *Othoel* magister filii
regis, & *Goffridus Ridel*, & *Rodbertus Maldnit* &
Willielmus Bigot, multique alii principales viri. No-
biles quoque feminæ quamplures cum regis pueris
non paucis, militaris numeri C. xl. & nautarum L.
cum tribus gubernatoribus navis. Solus quidam
macellarius tabula naufragii pendens evasit. Rex
vero prospero cursu *Angliam* attingens, altum por-
tum intrasse putabat filium, sed die tertio de illius
interitu tristi perturbatur nuncio. Et quidem primo
subito casu veluti pusillanimis deficiebat; sed mox
dissimulato dolore, regios animos ex contemptu re-
sumpsit fortunæ. Illum quippe solum ex legitimo con-
jugio susceptum regni post se hæredem constituerat.

HENRI-
cus I. Rex.An. Dñi
1121.

ANno M. Cxxj. Concilio totius Anglia ante purificationem sanctæ Mariæ apud Windesore adunato, Henricus rex filiam Godefridi Ducis Luvaniæ Adelina[m] matrimonio sibi junxit. Ricardus capellanus regis ad Herefordens[em], & Rodbertus Peccator alius capellanus ad Coventrensis ecclesiæ præfatum eligitur. Herbertus elemosynarius Westmonasterii sancti Petri [in abbatem] ejusdem loci eligitur. Edmerus Cantuariensis ecclesiæ monachus præcedenti anno electus ad episcopatum ecclesiæ sancti Andrea gentis Scottorum, deposita intentione regendi episcopatum, revertitur ad locum suum. Guilielmus de Campellis Catalaniensis episcopus viij. diebus ante exitum suscepto habitu monachico vita decessit xv. Kal. Februarii. Eodem anno Henricus rex facto longa terræ intercisione fossato à Torkesteie usque Lincolniam per dirivationem Trentæ fluminis fecit iter navium. Ranulfus Dunelmensis episcopus mirum inceptum à boreali parte cancelli ecclesiæ, & perduxit ad arcem usque castelli. Tunc & castellum apud **Portham** inceptum, super ripam **Tweda**, in loco qui **Ethamesforda** dicitur.

Monachi Dunelmenses facta de ecclesia quæ est in **Tynemutha** proclamatione in capitulo sancti Petri Eboraci præsentibus episcopis **Turstin**o prædicto, **Ranulfo** Dunelmensi & **Homo** sancti Eboraci aliisque multis, hanc sui juris fuisse conquesti sunt ex concessione **Walthesi** Comitis, quando consobrinum suum, scilicet materteræ suæ filium, **Morkarum** puerum parvulum eis ad nutriendum Deo in **Gyrwen**s[em] monasterio contradidit. Quem sic eis in ipsa ecclesia de **Tynemutha** commendatum, inde ad **Gyrnum** navigio ipsi monachi perducentes, diligenter nutrire, & in Dei servitium educare studuerunt. Ab hoc, inquit, tempore nostri fratres monachi **Gyrwenses** curam illius loci susceptam gesserunt. **Edmundo** ac postmodum **Eadredo** monachis illorum ipsi ecclesiæ deservientibus cum presbytero **Elwaldo**, qui & Canonicus **Dunelmensis** ecclesiæ fuerat, unde & ad **Dunelmum** quotiens suæ vicis ebdomada imminerebat, ad celebrandas per ebdomadam missas transire consueverat. **Wlmorum** quoque nostræ congregationis monachum aliosque per vices fratres qui ibidem officia divina peragerent, illuc de **Girwa** transmissos meminimus. Offa sancti **Oswini** etiam ut placuit pro tempore ad se in **Girnum** fratres nostri transtulerunt, indeque in priorem locum cum voluerunt reportarunt. Postremo cum **Albrius** honorem comitatus suscepisset, ipse quoque nobis in **Dunelmum** translatis, eundem locum donavit. Unde mox ex capituli totius sententia monachus noster **Turchillus** illuc mittitur, qui renovato ecclesiæ ipsius culmine, per multum tempus habitavit ibidem, donec postea à **Rodberto** de **Mulbreio** Comite, propter odium quod contra episcopum **Willielmum** habuerat, per ministros ipsius Comitis **Gumerum** & **Rodbertum** **Taca** violenter expelleretur. Non multo post abbas monasterii sancti **Albani** **Paulus** prædictam ecclesiam à Comite impetravit, quam visurus cum venisset **Eboracum**, **Turgotus** qui tunc **Dunelmensis** ecclesiæ prioratum gerebat, missis illuc monachis & clericis, in præsentia archiepiscopi **Thomæ** senioris, multarumque magnæ reverentiæ personarum, canonica illum auctoritate prohibuit, ne locum juris ecclesiæ **Dunelmensis** sibi usurparet, & sic sacrorum canonum & fraternæ carita-

tis violator existeret. At ille indigna respondens, illud prohibitum nichil pendit. Sed cum illo pervenisset, correptus infirmitate, dum rediret, non longe ab **Eboraco** in **Seterintun** vitam terminavit. Taliter ecclesiam de **Tynemutha** amisimus.

Hæc querimonia facta **Eboraci** media ferme Quadragesima, replicatur paulo post in ebdomada paschali feria iv. idus Aprilis **Dunelmi** coram magno conventu principalium virorum, qui tunc forte propter negotia quadam illuc confluerunt, scilicet **Rodbertus** de **Brys**, **Alanus** de **Perceio**, **Valterus** **Espec**, **Forno** filius **Sig:** **Rodbertus** de **Vitula**. **Odardus** vicecomes **Northymbrensi**um cum majoribus ejusdem comitatus, aliisque quamplures. Coram horum frequentia cum suas monachi depromerent querelas, ecce **Harnoldus** de **Perceio**, vir genere & divitiis notus, & in veritate asserenda constans, exurgens, in testimonium veritatis affirmabat coram omnibus, & audisse se & vidisse Comitis penitentiam super hanc injuriam quam sancto **Cuthberto** violenter irrogaverat. Cum, inquit, captus Comes in loco quem sancto **Cuthberto** abstulerat, propter inflicta sibi vulnera in feretro delatus esset **Dunelmum**, rogavit ut sibi liceret ad orandum ecclesiam intrare. Quod cum sibi à baronibus non permitteretur, in lacrimas resolutus, & ad ecclesiam respiciens cum gemitu, ait. O sancte **Cuthberte**, juste has calamitates patior, quia in te & in tuos peccavi. Hæc est tua super meam vitam nequitiam vindicta. Precor te sancte Dei miserere mei. His auditis, omnes injuste actum esse contra **Dunelmensem** ecclesiam dicebant: & licet res in præsentem corrigi nequiverit, tamen prudenter hanc calumpniam pro futuro tempore coram tot virorum frequentia factam asserabant.

Epistola **Calixti** papæ super **Turstinum** directa ad regem **Henricum** & **Radulfum** **Cantuariensem** archiepiscopum, ipsi episcopale atque sacerdotale interdicat officium, & tam in matrice **Cantuariensi** quam **Eboracensi** ecclesiis cum suis parochiis, divina omnia officia celebrari, cum sepultura mortuorum prohibet, præter baptismum infantum & penitencias morientium, nisi infra unum mensem post acceptionem ipsius epistolæ **Turstinus** sine exacti-
one professionis in suam restituatur ecclesiam. Quare à rege revocatus in **Angliam**, mox in suum reduci-
tur archiepiscopatum.

Hoc anno peracto paschali festo **Calixtus** papa cum multa manu ab urbe digressus tandiu **Surrenam** civitatem obsedit, donec & **Burdinam** & locum ipsum cepisset: sic epistola subdita planius edocet.

Calixtus episcopus servus servorum Dei, dilectis fratribus & filiis, archiepiscopis, episcopis, abbatibus, prioribus, & ceteris tam clericis quam laicis beati Petri fidelibus per Gallias constitutis, salutem & apostolicam benedictionem. Quia derelinquit populus Domini legem ejus & in judiciis ejus non ambulat, visitat Dominus in virga iniquitates eorum, & in verberibus peccata eorum. Paterne tamen conservans viscera pietatis, de sua confidentes misericordia non relinquit. Din siquidem peccatis exigentibus per illud Teutonicorum regis idolum, **Burdinum** videlicet, fideles ecclesiæ conturbati sunt, & alii quidem capti, alii usque ad mortem carceris maceratione afflicti sunt. Nuper autem festis paschalibus celebratis, cum peregrinorum & pauperum cli-

Henr. I. Rex. clamores nos ferre penitus non possemus, cum ecclesia fidelibus ab urbe digressi sumus, & tandem Suerinam civitatem obsedimus, donec divina potentia & supradictum ecclesie inimicum Burdinum qui diabolo nidum ibidem fecerat, & locum ipsum in nostram omnino tradidit potestatem. Rogamus itaque caritatem vestram, ut pro tantis beneficiis una nobiscum regi regum gratias referatis, & in catholica matris ecclesia obedientia & servitio constantissime maneatis, retributionem debitam in presenti & in futuro ab omnipotente Domino per ejus gratiam recepturi. Rogamus etiam ut has litteras nostras aliter alteri presentari, omni remota negligentia, faciat. Data Sutrii vj. Kal. Mai.

Uxor quondam Willielmi summersi filii regis Henrici filia Fulconis Comitis Andegavensis, rogante patre, remittitur patriam à Rege. Filii regis Walanorum audita summersione Ricardi Comitis Cestrensis, incensis duobus castellis multisque interfectis, quædam in illo comitatu loca graviter depopulati sunt. Unde rex indignatus de tota Angliam producto exercitu infinito ad devastandam Waloniam intendit, sed cum ad Snawedun pervenisset, rex Walanorum muneribus & obsidibus petitis regi Anglorum placato reconciliatur, moxque exercitus domum remittitur.

An. Dñi 1122. Anno M. Cxxij. in vigilia natalis Domini Aventus validus & insolitus non solum domos, sed etiam turres dejecit lapideas. Turstinus archiepiscopus exigens à Johanne Glasguensi episcopo professionem & subjectionem; cum hoc ille facere nolleret, eum suspendit ab officio episcopali. Mox ille Romam proficiscitur, ubi cum sese in causa sua non videret procedere, Jerosolymam profectus, per aliquot ibidem menses benigno patriarchæ hospitio demoratur, ejusque sæpius vices in pontificali ministerio exequitur.

Abbas Cluniacensis Pontius, qui divinitus ad regimen monasterii est assumptus, vir ut fertur optimæ conversationis, à sibi commissa congregatione criminatus apud apostolicum Calixtum libentissime accepit ab illo regimine deponi: ordinato autem in ejus locum alio abbate, ilico sese ultro expurgans sacramento, ante sacrum corpus beati Petri accusatores falsa sibi objecisse convicit. Graviter tulit Apostolicus tantum virum incontulte sine culpa depositum, moxque præcepit, ut sua auctoritate recepta ad pristinum monasterii sui regimen revertetur. At ille respondit, ipsam mortem se malle eligere quam Cluniacensis monasterii curam repetere. Hinc dolente etiam Apostolico Jerosolimam profectus, honorifice magno cunctorum gaudio excipitur: ubi supra portam quæ dicitur Aurea, sibi faciens mansionem, secretam in divina contemplatione gaudet ducere vitam. Porro qui pro eo fuerat abbas surrogatus, non multo post ut Cluniacum venit mortuus est. Pontius vero legatariis & litteris ab Apostolico missis jubetur redire ad gubernationem monasterii sui. Sed nullo modo à sua singulari poterat abstrahi conversatione. Sibilla regina Scottorum filia Henrici regis subita morte decedit iv. idus Julii.

Calixtus papa & Henricus imperator discurrentibus inter illos maturis & fidelibus viris, post longas dissensiones & retum detrimenta in pacem & concordiam redierunt, Sicut litteræ per regna & pro-

vincias directæ testantur; quarum exemplaria hic in presenti subduntur. **Henr. I. Rex.**

Ego Calixtus episcopus servus servorum Dei, tibi dilecto filio Henrico Dei gratia Romanorum Imperatori Augusto concedo electiones episcoporum & abbatum Teutonici regni qui ad regnum pertinent in presentia tua fieri absque symonia & omni violentia, ut si qua inter partes discordia emergerit, metropolitani & provincialium iudicio vel consilio, saniori parti assensum & auxilium præbeas. Electus autem regalia à te accipiat, & quæ ex his jure tibi debet faciat. Ex aliis vero partibus imperii consecratus, infra sex menses regalia per scriptum à te recipiat, & quæ ex his jure tibi debet faciat, exceptis omnibus quæ ad ecclesiam Romanam pertinere noscuntur. De quibus vero querimoniam mihi feceris & auxilium postulaveris, secundum officii mei debitum auxilium præstabo. Do tibi veram pacem & omnibus qui in parte tua sunt vel fuerunt tempore hujus discordie.

In nomine sanctæ & individue Trinitatis ego Henricus Dei gratia Romanorum Imperator Augustus pro amore Dei & sanctæ Romanæ ecclesie & domini Calixti pape, & pro remedio anime meæ, dimitto Deo & sanctis Dei apostolis Petro & Paulo sanctæque catholice ecclesie omnem investituram per anulum & baculum, & concedo in omnibus ecclesiis quæ in regno vel imperio meo sunt canonicam fieri electionem & liberam consecrationem. Possessiones & regalia beati Petri quæ à principio hujus discordie usque hodiernam diem sive tempore patris mei sive etiam meo ablata sunt, quæ habeo, eidem sanctæ ecclesie Romanæ restituo, Quæ autem non habeo, ut restituantur fideliter jurabo. Possessiones etiam omnium aliarum ecclesiarum & principum & aliorum tam clericorum quam laicorum quæ in terra ista amissæ sunt, consilio principum vel iustitia, quæ habeo reddam, quæ non habeo ut reddantur fideliter jurabo. Et do veram pacem domino papa Calixto & sanctæ Romanæ ecclesie & omnibus qui in parte ipsius sunt vel fuerunt, & in quibus sancta Romana ecclesia auxilium postulaverit fideliter jurabo. Et de quibus mihi fecerit querimoniam, debitam sibi iustitiam faciam. Hæc omnia acta sunt consensu & consilio principum quorum nomina subscripta sunt. Alberti Moguntiensis archiepiscopi. Frederici Colonienfis archiepiscopi. Brunonis Treverensis archiepiscopi. Arduini Ratisbonensis episcopi. Ottonis Bavemburgensis episcopi. Brunonis Spirensis episcopi, & aliarum multarum ecclesiasticarum personarum ac seculares.

Hac concordia per gentes & populos ubique divulgata, mittuntur etiam litteræ ab Apostolico omnibus archiepiscopis episcopis per regiones & provincias, ut omni excitatione postposita festinent occurrere ad Concilium quod dominus Apostolicus Roma celebraturus erat xv. Kal. Aprilis.

Hoc anno rex Henricus post festum sancti Michaelis Northymbranas intrans regiones ab Eboraco divertit versus mare occidentale, consideraturus civitatem antiquam quæ lingua Brittonum Cairteit dicitur, quæ nunc Carlisle Anglice, latine vero Lugubalia appellatur, quam data pecunia castello & turribus præcepit muniti. Hinc rediens Eboracum, post graves civium & conprovincialium inplacitationes reversus est Suthymbriam. Radulfus Cantuariensis archiepiscopus obiit xliij. Kal. Octobris.

HENRI-
cus I. Rex.An. Dñi
1123.

ANno M. Cxxiiij. *Stephannus* Comes *Bononicensis*, postea rex *Anglia*, dedit abbati *Gaufrido Savinnensi* villam scilicet *Tulket* in provincia quæ vocatur *Agnundernes* super ripam fluminis *Ribble* ad abbatiam construendam ordinis sui, tempore *Calixti* papæ; & ibi fere per tres annos permanserunt. Rex *Ierusalem Baldewinus* secundus apud *Antiochiam* dolo à paganis capitur, & tribus fere annis teneatur sub custodia. Comes *Andegavensium Fulco* reposcit à Rege *Anglorum Henrico* terras, urbes & castella quæ in dotem fuerant data filix ipsius Comitis quando eam filius regis, qui jam summerfus est, acceperat uxorem. Quod cum rex non libenter annueret, aliam filiam suam dedit uxorem *Willielmo* filio *Rodberti* Comitis *Normannorum* fratris regis, promittens juveni auxilium, ut quacumque in parte paterni honoris fieret hæres. Rex autem ne quid adversi ex hoc sibi pararetur, habito cum suis apud *Wadestoc* quod Latine dicitur silvarum locus consilio, filium suum nothum *Rodbertum* & Comitem *Cestrensem Ranulfum* cum multa militari manu transmisit in *Normanniam* propter locorum custodias.

Johannes Bathoniensis episcopus in die natalis Domini subito post prandium dolore cordis correptus sequenti die moritur. Non multo post, id est tertio die post Epiphaniam, *Rodbertus Bloet Lincolnensis* episcopus cum seorsum à cæteris rex & ipse incolumis equitantes colloquerentur consilio, subito quasi moriens decidit equo. Quem cadentem dum Rex exciperet, undique accurritur, & episcopus jam nichil loqui prævalens, ad hospitium deportatus postera die moritur.

Deinde cum apud *Glawornam* in purificatione sanctæ *Mariæ* Curiam suam rex teneret, ex præcepto regis initur à majoribus *Angliæ* consilium de constituendo ad ecclesiam *Cantuariensem* archiepiscopo. Sed cum ad hanc diversas diversi personas eligerent, dissensio innexuit moram electioni. Prior namque *Cantuariensis* ecclesiæ cum honestioribus personis aderat qui electionem ecclesiæ super quasdam ex ordine monachico personas convenisse nunciabant, quarum quæcumque regi & ejus consilio placeret, eam ecclesiæ præfici postulabant. At episcopis totius *Angliæ*, qui omnes fuerant ex clericali ordine, reclamantibus nolle se monachum habere primatem, cum æque probos & idoneos ad ecclesiasticum regimen haberent clericos: responderunt legati *Cantuariensium*. A tempore, inquit, sancti *Augustini*, qui utique monachus hujus ecclesiæ primus fuerat præsul, ad regimen illius usque in præsens semper monachi eligebantur pontifices. Deinceps quoque annuente Deo consuetudo servabitur antiqua. Sed rege favente episcopis ut non monachi eligerentur, quatuor clerici proponuntur in medio, ut in quemcunque illorum electio *Cantuariensium* conveniat, is ex præcepto Regis ad archiepiscopatum ascendat. Ergo quoniam antiquum electionis morem eis servare non licuit, necessitate impellente ad unum illorum quatuor clericorum se conferunt, scilicet *Willielmum* de *Curbellio*, quem modestæ vitæ virum ac litteris bene eruditum familiarem habuerant, utpote cum venerandæ memoriæ archiepiscopo *Anselmo* sæpissime ac familiariter conversatum. Fuerat autem primo *Dunelmensis* ecclesiæ episcopi *Rannulfi* clericus, postea meliorandæ

vitæ gratia apud *Cite* regularis Canonicus effectus, **HENRI** tandem ad archiepiscopatum promovetur. Electus **cus I. Rex** est itaque à monachis, cui dum *Turstinus Eboracensis* archiepiscopus secundum consuetudinem offerret ut eum ipse ordinaret; *Si me*, inquit, ut primatem totius *Angliæ* volueris ordinare, libenter me manibus vestris inclinabo, sin autem, inconsulte contra morem antiquum nolo ordinari. Qui non multo post, id est 5 Kal. Marcii, jubente rege consecratus est *Cantuarie* à suis suffraganeis. Statimque postea tam ipse quam *Turstinus* Romam proficiscuntur, quique pro sua causa acturus. Rex autem misit *Bernardum* episcopum de sancto *David*, & abbatem monasterii sancti *Eadmundi Anselmum* nepotem *Anselmi* archiepiscopi & *Polochinum* abbatem *Glastoniensem* fratrem *Radulfi* archiepiscopi cum *Willielmo* archiepiscopo, & in sua legatione ad Apostolicum, & ut ipsius archiepiscopi si quid adversi oboriretur parti adessent. Interea

Johannes Glasguensis episcopus ab Apostolico revocatus ab *Ierosolymis Romam*, præcipitur redire ad suum episcopatum. *Godefridus* capellanus reginæ qui cum illa de *Teutonia* venerat in *Angliam*, à rege *Henrico* eligitur episcopus ad ecclesiam *Bathoniensem*, & *Alexander* nepos *Rogeri Salestberienfis* episcopi ad *Lincolniensem* ecclesiam.

Celebratum est *Rome* Concilium CCC. episcoporum xv. Kal. Aprilis, præsidente papa *Calixto* secundo. Renovata sunt ibi statuta majorum de agendis & prohibendis: Quorum capitula scire volentibus subscripta inveniuntur.

Sanctorum patrum exempla sequentes, & officii nostri debito innovantes, ordinari quemquam per pecuniam in ecclesia Dei vel promoveri auctoritate sedis apostolicæ modis omnibus prohibemus. Si quis vero in ecclesia ordinationem vel promotionem taliter adquisierit, acquisita careat prorsus dignitate.

A suis episcopis excommunicatos, ab aliis episcopis, abbatibus & clericis in communionem recipi proculdubio prohibemus.

Nullus in episcopum nisi canonice electum consecret, quod etsi præsumptum fuerit, & consecratus & consecrator abique recuperationis spe deponatur.

Nullus omnino archidiaconus aut archipresbyter sive præpositus vel decanus, animarum curam vel præbendas ecclesiæ sine judicio vel consensu episcopi alicui tribuat. Immo sicut sanctis canonibus constitutum est, animarum cura & rerum ecclesiasticarum dispensatio in episcopi judicio & potestate permaneat. Si quis vero contra hoc facere, aut potestatem quæ ad episcopum pertinet sibi vindicare præsumpserit, ab ecclesiæ liminibus arceatur.

Ordinationes quæ à *Burdino* hæresiarcha postquam à *Romana* ecclesia est dampnatus, Quæque etiam à pseudo-episcopis per eum postea ordinatis factæ sunt, nos esse irritas judicamus. Nullus etiam in præpositum, nullus in archipresbyterum, nullus in decanum nisi presbyter, nullus in archidiaconum nisi diaconus ordinetur.

Presbyteris, diaconibus & subdiaconibus concubinarum & uxorum contubernia penitus interdictum, & aliarum mulierum cohabitationem præter quas *Nicena* synodus propter solas necessitudines habitare permittit, videlicet matrem, sororem, amitam vel materteram, aut alias hujusmodi, de quibus nulla juste valeat oriri suspicio.

Præterea

HENRICUS I. Rex. Præterea juxta beatissimi papæ *Stephani* sanctionem statuimus, ut laici quamvis religiosi sine nullam tamen de ecclesiasticis rebus aliquid disponendi habeant facultatem; sed secundum apostolorum canones omnia ecclesiasticorum negotiorum curam episcopus habeat, & ea velut Deo contemplante dispenset. Si quis ergo principum vel aliorum laicorum dispositionem seu donationem rerum sive possessionum ecclesiasticarum sibi vendicaverit, ut sacrilegus judicetur.

Conjunctiones consanguineorum fieri prohibemus, quoniam eas & divinæ & sæculi prohibent leges. Leges enim divinæ hæc agentes & eos qui ex eis prodeunt non solum eiciunt, sed etiam maledictos appellant. Leges vero sæculi infames tales vocant, & ab hereditate repellunt. Nos itaque patres nostros sequentes infamia eos notamus, & infames esse censemus.

Eis qui *Jerusalem* proficiscuntur, & ad Christianam gentem defendendam & tyrannidem infidelium destruendam efficaciter auxilium suum præbuerint, suorum peccatorum remissionem concedimus, & domos, familias atque omnia bona eorum in beati *Petri* & *Romana* ecclesiæ protectionem sicut à domino nostro *Urbano* papa statutum fuit suscipimus. Quicumque ergo ea distrahere vel auferre quamdiu in via illa morantur præsumpserint, excommunicationis ultione plectantur. Eos autem qui vel pro *Jerosolimitano*, vel pro *Hispanico* itinere crucis sibi in vestibus poluisse noscuntur & postea dimisisse, crucis iterate assumere & viam instanti Pascha usque ad proximum sequens Pascha perficere apostolica auctoritate præcipimus, alioquin ex tunc eos ab ecclesiæ introitu sequestramus, & in omnibus terris eorum divina officia, præter infantum baptismi & morientium poenitentias, interdiciamus.

Quicumque monetam falsam se sciente fecerit aut studiose expenderit, tanquam maledictus & pauperum oppressor virorum & turbator civitatis à fidelium consortio seperetur.

Si quis Romipetas & peregrinos apostolorum limina & aliorum sanctorum oratoria visitantes capere, seu rebus quas ferunt spoliare, & mercatores novis teloneorum & pedaticorum exactionibus molestando tempraerit, donec satisfecerit communione careat Christiana.

His synodalibus decretis subscriptis & confirmatis, Imperatorem *Henricum* per legatos suos & scripta, secundum præmissum scriptorum tenorem promittentem se sanctæ *Romana* ecclesiæ iusta servaturum, generalis Concilii sententia ab excommunicationis absolvit vinculo, quo in *Remensi* Concilio fuerat ligatus.

Peracto Concilio, memorati duo *Anglorum* archiepiscopi ingrediuntur *Romam*. Sed *Eboracensis* prævenit *Cantuariensem*. Paucis post diebus *Cantuariensis* superveniens difficilem ad pallii impetrationem habuit accessum, impeditus ex his quæ sibi ibidem opposita fuerant; scilicet, Quod in curia quæ à cruore dicitur, ibi enim sanguinum judicia fiunt, sit electus; Quod non communi consensu ecclesiæ *Cantuariensis* sit ad ejus regimen promotus; Quod se ab *Eboracensi* archiepiscopo *Turstino*, sicut mos antiquus exigebat, non passus sit ordinari; Quod primus ex ordine clericali monachis ejusdem ecclesiæ consenserit præponi; *Augustinus* enim monachus omnes suos successores usque ipsum *Wil-*

lielmum habuit monachos. Sed his objectionibus tandem gratia Imperatoris præfati & *Henrici* regis *Anglorum*, qui per legatos suos strenui intercessores erant, repressis, suscepto sollempniter pallio que-rebatur in audientia totius Senatus *Romana* ecclesiæ, *Cantuariensem* ecclesiā à sua dignitate per surreptionem archiepiscopi *Eboracensis* degeneratam, quæ à primo ejusdem episcopo *Augustino* usque ad *Radulfum* qui ante ipsum *Willielmum* fuerat, totius *Angliæ* primatum gerebat, quem nunc obnixè orabat ecclesiæ, cui & antiqua consuetudo & servata per tot annos privilegiorum auctoritas hunc concesserat. Ad hoc *Turstinus* ex consulto respondit, se ad Concilium licet occurrere non potuerit *Romam* evocatum, nec tunc congruenter posse respondere, ad quod non fuerat summonitus, præsertim cum *Eboracensis* ecclesiæ ibidem privilegia secum non haberet, sine quibus ratio non permitteret disceptandi inde suscipere negotium. Quapropter infectis negotiis utrique redeunt domum, quos ex jussu domini papæ legati *Romana* ecclesiæ secuturi essent in *Angliam*; quibus præsentibus congregato totius *Angliæ* Concilio, memoratis archiepiscopis ecclesiarum suarum privilegia propalantibus, sua utrique parti decernente justitia reformarentur jura. *Willielmus* electum *Lincolniensis* ecclesiæ *Alexandrum* & electum *Bathoniensis* *Godefridum* consecravit *Cantuaris*. Rex *Henricus* hoc anno proxima post Dominicam Pentecostes ij. feria transfretavit in *Normanniam*, ut si quid adversi per *Willielmum* fratris sui filium oboriretur, sicut jam futurum ei nunciabatur, ipse regia reprimeret virtute. Interjectis autem non omnino iv. mensibus *Galerannus* Comes de *Mellant* & sui omnes, relicto rege, castella sua munientes ea contra regem tenuerunt. Rex vero convocato exercitu, oppido Comitum quod *Brionna* vocatur combusto turrem solam quam capere non valuit relinquens, aliud ejus oppidum, scilicet *pontem Andomari* quod vulgo vocatur *Puntaldemer*, flammis combussit, omnibus in circuitu per xx. & eo amplius militaria vastatis & incensis, ut hostes quid mali facerent non invenirent. Castellum autem illius oppidi septies viginti milites per vij. ebdomadas obsessi contra regis exercitum defenderunt. Videns autem rex se non ut disposuerat proficere, ligneam turrem quam *Bersfreit* vocant erexit. Qua ad castellum arte deducta, desuper præliatores sagittas & ingentes lapidum moles super inclulos jaciebant. Altitudine xxiv. pedum super murum præsidii eminebat machina, unde sagittarii & alabastrarii præliabantur. Obsessi non valentes ulterius ferre vires desuper pugnanti-um, deditione facta exierunt: quos rex quemque quo voluit abire permisit. Milites vero quos rex de *minori Britannia* conduxerat, incenso oppido prædicto terram suffodientes, invenerunt in cistis multa quæ cives prævidentes periculum in subterraneis recondiderant, aurum, argentum, vestes preciosas, pallia, piper, gingiberum, & alia hujusmodi. Quæ universa sibi tollentes abierunt. Habitatores autem illius oppidi reconciliato sibi rege, cum jam ruinas oppidi cœpissent reedificare, Comes præfatus subito quicquid fuerat igne injecto in favillas vertit. Præter supradictos & alii procerum nonnulli discedentes à Rege suas munitiones contra illum ope firmiori & numero pugnatorum instaurant. Quarum quasdam rex vi aggrediens recepit, quas-

HENRICUS I. Rex. dam vero velut inexpugnabiles reliquit. Crebras irruptiones à *Willielmo* sui fratris filio sustinuit, qui plus *Fulconis Andegavensium* Comitis soceri sui viribus nitebatur quam propriis. Rex autem magis suorum suspectus est prodicionem, quam extraneorum expavit incursum. Ob istiusmodi dissensiones & rerum difficultates, gravibus *Anglia* est attrita exactionibus pecuniarum, quæ ad negotia regis peragenda omni populo indicebantur. *Teodulfus Wigornensis* episcopus, & *Radulfus Cicestrensis* episcopus obierunt. Habitu est Concilium apud *Bituricas* v. Idus Decembris.

An. Dñi
1124.

ANno M. Cxxiiij. *Alexander* rex Scottorum obiit vj. Kal. Mai, cum regnasset xvij. annis, & tribus mensibus. Cui frater ejus *David* succedens, regnum quod frater suus laboriosissime tenuit, mox ille sine contradictione susceptum quaquaversum inclinum sibi & quietum tenuit. Ipso autem anno *Alexander*, iij. ante suam mortem mensibus in episcopatum ecclesiæ sancti *Andrea* quæ in *Scotia* est, fecit eligi *Rodbertum* priorem Canonorum regularium apud *Sconam*. Sed ejus ordinatio multo est tempore dilata propter subjectionem debitam quanti ab illo secundum consuetudinem exigebat *Turstinus Eboracensis* archiepiscopus. *Scotti* autem econtra dicebant stulta garrulitate, hoc nulla debere fieri auctoritate vel consuetudine. Comes de *Mellant* prædictus dum passim inconsulte castella quæ contra regem munierat circumiret, captus ab insidiantibus cum suis non paucis diligenter artatur custodia. *Calyxtus* papa Idus Decembris obiit, pro quo *Ostiensis* episcopus mutato juxta motem priorum de *Lamberto* in *Honorium* nomine in papatum substituitur. Magna fuit per *Angliam* fames, ut passim per urbes, per villas, & viarum transitus exanimata miserabili horrore cadavera inhumata resolverentur in tabem.

1125.

ANno M. Cxxv. Imperator *Henricus* cum imperasset xx. annis, sine filiis obiit. Unde tres à primatibus regni sunt propositi, ut quilibet eorum eligeretur in regnum. *Lipoldus* sororius Imperatoris defuncti, & nepos ejus *Frethericus*, & *Lotharius* dux Saxonum. *Lipoldus* opponens senectutem & filiorum numerum, ne per illos si ipse promoveretur in regnum regni fieret divisio, à se repulit imperium. *Frethericus* cum se velut regni hæredem ex debito ingereret, eo magis abicitur quo ejus avunculus omnibus exosus habebatur. *Lotharius* vero concorditer ab omnibus eligitur. Quod ipse quasi ratiocinando & etiam lacrimando dum niteretur repellere, apud *Aquafrani* unctus in regem, *Frethericum* magna vi sese impugnantem bello fugavit, & ejus quasdam munitiones cepit. Is magno moderamine & justitia disposuit regnum & imperium.

Imperatrix defuncto marito, amissis quibusdam quas in dotem acceperat munitionibus, ad patrem rediit in *Normannia*. *Johannes Cremenensis* accepta ab Apostolico super *Britanniam* legatione, cum diu in *Normannia* retentus esset à rege, tandem permissus in *Angliam* transvehitur, & ab ecclesiis honorifice excipitur, juxta quod ipse commendaticias in hoc ipsum ad illas ab Apostolico acceperat litteras, quarum inferius exemplaria hic ponuntur.

Honorius episcopus servus servorum Dei dilecto **HENRICUS I. Rex.** filio *Johanni* presbytero Cardinali Apostolica sedis legato, salutem & Apostolicam benedictionem. Quemadmodum honorum filiorum est subiecta devotionis humilitate patribus obedire, ita patrum interest benigne caritatis affectu filiis providere. Curam igitur & sollicitudinem tibi à prædecessore nostro felicitis memoria papa *Calyxto* in *Angliæ* regno commissam providentia dilectionis tue committimus. Obsecramus autem in Domino ut tanquam sapiens & discretus Romanæ ecclesiæ filius, quæ ad honorem Dei & sedis Apostolicæ pertinent honestatem studiosius opereris. Data Laterani Idibus Aprilis.

Honorius episcopus servus servorum Dei dilectis fratribus & filiis, archiepiscopis, episcopis, abbatibus, proceribus, & ceteris tam clericis quam laicis per *Angliam* constitutis, salutem & Apostolicam benedictionem. Quamvis in extremis terrarum positos, ad *Petri* tamen Apostoli curam Christiana fidei vos facit universalitas pertinere. Cum enim *Petro* dictum est, Pasce oves meas, pasce agnos meos, profecto nulla ovium, nullus agnorum exceptus est ad Christi consortium pertinentium qui non *Petri* commissus sit pastioni: speciali præter hoc sorte regnum *Angliæ* beato *Petro* & Romanæ ecclesiæ pertinere sanctissimi patris nostri *Gregorii* papa auctoritas, & beati *Augustini* prædicatio manifestat. Hoc igitur dispositionis debito provocamur vobis scilicet longe positis sollicitiore diligentia providere. Quamobrem charissimum filium nostrum *Johannem* cardinalem sanctæ Romanæ ecclesiæ sacerdotem in partem nostra sollicitudinis evocantes vices ei nostras in partibus vestris commisimus. Qui nimirum de ecclesiarum correctione ac stabilitate, de religionis augmento, & de ceteris quæ probanda vel improbanda visa fuerint, cum vestra dilectionis auxilio, cooperantibus sanctorum Apostolorum patrocinis, pertractabit. Rogamus ergo vos, & monemus, atque precipimus, ut eum tanquam sancti *Petri* vicarium reverenter suscipiatis, humiliter audiatis, atque ad ipsius vocationem synodales cum eo conventus sollempniter celebretis, quatenus per ipsius & vestram industriam in regno vestro quæ corrigenda sunt corrigantur, quæ firmanda sunt sancto inspirante Spiritu firmentur. Data Laterani ij. Idus Aprilis.

Super *Scotiæ* quoque regnum idem *Johannes* legati suscepit officium, Apostolico super hoc regi ipsius gentis has litteras mittente.

Honorius episcopus servus servorum Dei, dilecto filio *David* illustri Scottorum regi salutem & apostolicam benedictionem. Oporteret devotos & humiles beati *Petri* filios quæ ad honorem sanctæ Romanæ ecclesiæ spectare cognoverint attentius operari. Unde nobilitati tuæ rogando mandamus, ut dilectum filium nostrum *Johannem* cardinalem cui vices nostras in partibus illis commisimus reverenter suscipias & honores. Episcopos etiam terre tue cum ab eo vocati fuerint, ad Concilium suum facias convenire. Controversia quæ inter *Turstinum* Eboracensem archiepiscopum, & episcopos terre tue diu agitata est, eidem legato nostro diligentius indagandam discutiendamque committimus, finitam vero sententiam apostolica sedis judicio reservamus. Data Laterani Idibus Aprilis.

Hac auctoritate *Johannes* prædictus circuiens *Angliam*

**HENRI-
cus I. Rex.** Angliam, etiam ad regem Scottorum David per-
venit apud fluvium *Tweedam*, qui *Northymbriam* &
Loidam determinat in loco qui *Rochesburgh* no-
minatur. Ubi officio legationis peracto, rediens
apud *Londoniam* celebravit Concilium, quod de
capitulis subter annexis habetur in hunc modum.

**n. Dñi
1126.**

ANno ab incarnatione Dominica M. CXXVJ.
pontificatus autem domni papæ *Honorii* se-
cundi, anno primo regnante piissimo & glorioso
Henrico Anglorum rege *VVilhelmi* magni filio,
anno vero regni ipsius XXV. celebrata est synodus
Londonia in ecclesia beati *Petri* Apostolorum prin-
cipis apud *Westmonasterium* mente Septembri no-
na die ejusdem mensis, ubi post multarum discussio-
nem causarum promulgata sunt hæc capitula & ab
omnibus confirmata, numero XVII. Præfuit autem
illi synodo *Johannes de Crema* sanctæ Romanæ &
Apostolicæ ecclesiæ de titulo sancti *Grisogoni* pres-
byter, cardinalis, & prædicti domni papæ *Honorii*
in *Angliam* legatus, cum *Turstino Eboracensi*, &
VVilhelmo Cantuariensi archiepiscopis, & cum
episcopis diversarum provinciarum numero XX. &
abbatibus circiter XL. & cum innumera cleri, & po-
puli multitudine.

- Sanctorum patrum vestigiis inhaerentes quen-
quam in ecclesia per pecuniam ordinari auctoritate
Apostolica prohibemus.

Interdicimus etiam ut pro crismate, pro oleo, pro
baptismate, pro poenitentia, pro visitatione infirmo-
rum seu unctione, pro communione corporis Christi,
pro sepultura nullum omnino precium exigatur.

- Statuimus præterea, & Apostolica auctoritate
decernimus, ut in consecrationibus episcoporum vel
abbatum benedictionibus seu in dedicationibus
ecclesiarum non cappa, non tapeta, non manutergium,
non baccinia, & nil omnino per violentiam nisi
sponte oblatum fuerit, penitus exigatur.

Nullus abbas, nullus Prior, nullus omnino mo-
nachus, vel clericus ecclesiam, sive decimam seu
quælibet beneficia ecclesiastica de dono vel manu
laici sine proprii episcopi auctoritate & assensu sus-
cipiat. Quod si præsumptum fuerit irrita erit
donatio hujusmodi, & ipse canonicæ ultioni sub-
jacebit.

Sancimus præterea ne quis ecclesiam sibi sive
præbendam paterna vendicet hæreditate, aut suc-
cessorem sibi in aliquo ecclesiastico constituat be-
neficio. Quod si præsumptum fuerit, nullas vires
habere permittimus dicentes, cum *Psalmista*, *Deus*
meus, pone illos ut rotam qui dixerunt, Hæreditate
possideamus sanctuarium Dei.

Adicientes quoque, statuimus ut clerici qui ec-
clesias seu beneficia habeant ecclesiarum & ordi-
nari quo liberius vivant subterfugiant, cum ab
episcopis invitati fuerint, si ad ordines promoveri
contempserint, ecclesiis simul & beneficiis earum
priventur.

Nullus in decanum, nullus in Priorem nisi pres-
byter, nullus in archidiaconum nisi diaconus pro-
moveatur.

Nullus in presbyterum, nullus in diaconum nisi ad
certum titulum ordinetur: Qui vero absolute fuerit
ordinatus, sumpta careat dignitate.

Nullus abbas, nullus omnino clericus vel laicus
quemquam per episcopum in ecclesia ordinatum
absque proprii episcopi judicio præsumat eicere.

Qui autem secus facere præsumperit, excommuni-
cationi subiaceat.

**HENRI-
cus I. Rex.**

Nullus episcoporum alterius parochianum ordi-
nare vel judicare præsumat; uniusquisque enim suo
domino stat aut cadit, nec tenetur aliquis sententia
à suo non iudice prolata.

Nemo excommunicatum alterius præsumat in
communione suscipere: quod qui scienter fecerit,
& ipse communione careat Christiana.

Præcipimus etiam ne uni personæ in ecclesia ar-
chidiaconatus aut diversi tribuantur honores.

Presbyteris, diaconibus, subdiaconibus, canoni-
cis, uxorum, concubinarum, & omnium omnino
feminarum contubernia auctoritate Apostolica in-
hibemus, præter matrem, aut sororem, vel amitam,
sive illas mulieres quæ omnino careant suspitione.
Qui decreti hujus violator extiterit, confessus vel
convictus, ruinam proprii ordinis patiat.

Utiuram & turpe lucrum clericis omnimodis pro-
hibemus. Qui vero super crimine tali confessus fue-
rit aut convictus, à proprio gradu deiciatur.

Sortilegos, ariolos, & auguria quæque sedantes
eisque consentientes excommunicari præcipimus, per-
petuaque dampnamus infamia.

Inter consanguineos seu affinitate propinquos us-
que ad septimam generationem matrimonia con-
trahi prohibemus: si qui vero aliter conjuncti fue-
rint, seperentur.

Interdicimus etiam ut viri proprias uxores de
consanguinitate impetentes, & testes quos adducunt,
non suscipiantur, sed prisca patrum in omnibus ser-
vetur auctoritas.

His taliter sinodali decreto confirmatis. *Johan-
nem Romam* revertentem comitantur ab ipso evo-
cati *Turstinus Eboracensis* archiepiscopus, & *Willi-
elmus Cantuariensis*, de suis causis in Apostolica au-
dientia acturi. Monetarii totius *Anglie* principales
deprehenfi adulterinos scilicet non puros ex argento
fecisse denarios, jussu regis simul *Wintonia* congre-
grati omnes una die amputatis dextris evirantur.

ANno M. CXXVIIJ. *Henricus* rex cum filia Im-
peratrice Iij. idus Septembris rediit in *An-
gliam*. *Turstinus Eboracensis*, & *VVilhelmus Can-
tuariensis* archiepiscopi redeunt *Roma*. *VVilhelmus*
quidem legatus Apostolici per *Angliam*, sed *Tur-
stinus* in statu quo fuerat revertitur.

**An. Dñi
1127.**

ANno M. CXXVIIJ. mutata est abbatia de *Se-
lechte* ad *Belchou* juxta *Rochesburgh*, &
fundata est ecclesia sanctæ *Mariae* prædictis mona-
chis *Turonensibus*, ubi eam pius rex *David* magnis
muneribus ditavit, multis ornamentis ornavit, præ-
diis & possessionibus amplis nobiliter dotavit. Rex
Anglorum Henricus tenuit curiam suam apud
Windesforam in nativitate Domini. Transit inde
Londoniam, ubi in circumcisione Domini jubente
illo archiepiscopi, episcopi, abbates, rexque *Scotto-
rum David*, Comites & Barones totius *Anglie*
juraverunt, ut filia suæ Imperatrici fide servata
regnum *Anglie* hæreditario jure post eum serva-
rent, nisi ipse moriens filium de legitimo matrimo-
nio sui hæredem relinqueret. Regina quoque ju-
raverunt, ut quæcunque rex illi donasset, rata sem-
per custodirent ac immutata.

1128.

Carlo Comes Flandrensis in Quadragesima dum
missam audiens in oratione procumberet, circum-
ventus

HENRI-
cus I. Rex.

ventus ab insidiantibus ante morte præventus est, quam mortem inferentes nosse poterat. Cui fratrue-
lis regis *Henrici Willielmus*, filius scilicet *Rodberti* fratris ejus, in comitatus honorem successit *Ludowici* regis *Francorum* adjutus quam maximo auxilio. Antea quidem *Fulco Andegavensium* Comes prædicto juveni suam desponsaverat filiam, sed propter consanguinitatem quam rex *Henricus* eis inesse jurari fecerat, divortio facto timentem insidias regis *Anglorum* patrui scilicet sui juvenem rex *Francorum* suscipiens, data sibi in conjugium sorore reginæ affinitate sibi associavit, & ob id in prædictum comitatum sustulit, jure sibi à parte matris paternæ attinentem. Siquidem *Baldwini Flandrensis* Comitis filiam irex *Willielmus* duxerat, ex qua *Willielmum* & *Henricum* reges procreavit, & *Rodbertum* Comitem *Normannorum*, cujus filius erat *Willielmus* prædictus. Rex *Henricus* intendens animum ad obtinendum comitatum præfatum quasi hæreditario sibi jure debitum, à nepote, sicut jam diximus, est præventus. Quare ne quid adversi ex nepote sibi aboriretur, Comitibus *Andegavensium*, cui prius fuerat inimicus, expetiit amicitias, cupiens filiam suam quondam Imperatricem filio ejus matrimonio jungere. Quod ubi tandem utrisque complacuisse, præmissam filiam in *Normanniam* ipse paulo post vij. Kal. Septembris subsecutus est, remque ad effectum perduxit, eo tenore, ut regi de legitima conjuge hæredem non habenti mortuo gener illius in regnum succederet.

An. Dñi
1128.

Anno M. Cxxviii. prædictus Comes *Flandrensis* bis in una septimana congregiendi cum hostibus parva manu superavit plurimos. Sed paulo post obsidens castellum sibi repugnantium, dum successu vincendi insolens crebrius victos fugientel-
que repeteret, vulneratus letaliter in confinio brachii & manus, triduo supervivens, moritur vj. Kal. Augusti. Cujus ex placito regis *Francorum* rex

Henricus hæres ex debito consanguinitatis factus, comitatum sub se disponendum tradidit *Theodoro* li-
neam affinitatis ducenti ex Comitibus *Flandrensis*. *Ranulfus Dunelmensis* episcopus peractis in episcopatu xxix. annis, & tribus mensibus, & vij. diebus, finem fecit vitæ Non. Septemb.

HENR-
cus I. Re-

Anno M. Cxxix. *Willielmus Gifard Vintoni-* An. Dñi
ensis episcopus obiit. Rex *Henricus* absoluto 1129.
de captione Comite de *Mellant Gualaranno*, cunctisque sibi quæ sua fuerant præter munitiones redditis, redintegrata inter se & regem *Francorum* concordia, accepto *Flandrensis* comitatu, filia quoque sua eximperiatrix Comiti *Andegavensium* copulata, omnibusque quaquaversum hostibus vel victis, vel repacificatis, aridente sibi undique prosperitate, multo navigio idus Julii in *Angliam* est reversus. Fluxerant dies pauci, cum ecce nunciatur regi filiam suam à marito repudiatam, abjectamque sine honore paucis admodum comitibus redisse *Rothomagum*. Quæ res animos regis acriter perturbavit. Post festum autem sancti *Michaelis* comitantibus archiepiscopis, episcopis, abbatibus, & pene totius *Angliæ* primatibus venit *Vintoniam*, ibique filio sororis suæ *Henrico* qui apud *Cluniam* ab infantia nutritus erat monachus, *Vintoniensis* ecclesiæ dedit episcopatum, adjuncta ei in augmentum honoris abbatia *Glastoniæ*, quam prius ad procuracionem sui à rege acceperat. Datus est & episcopatus *Conventrensis* qui & *Cestrensis* *Rogero* nepoti *Goffridi Dedintun*, qui ut dignior tanto esset honore tribus hunc marcarum milibus promeruit. Ordinati sunt autem xv. Kal. Dec. *Cantuarie* à *Willielmo* ejusdem ecclesiæ archiepiscopo.

Explicit Historia suavis & sanctæ memorie
Simeonis monachi & præcentoris ecclesiæ
sancti Cuthberti Dunelmi annorum
CCCC. xxix. & mensium quatuor.

Incipit Historia Johannis Prioris Hagustaldensis Ecclesiæ xxv. annorum.

ANno M. Cxxx. *Aschetillus* primus Prior ecclesiæ *Hagustaldensis* obiit xv. Kal. Aprilis. In quem pro urbana morum elegantia, honestate, tam clericorum quam laicorum confluerant vota. Qui & eundem locum sub vastitate hostili in solitudinem redactum, operosis officinis, Canonicos suos rebus necessariis, claustrum quoque honestis institutis plene procuraverat. Substituit loco ejus *Turstinus* archiepiscopus eodem anno electum à fratribus *Camerrarium* ejusdem loci *Rodbertum Biseth*, litteratum & disciplinatum.

ANno M. Cxxxj. *Henricus* rex ascivit ad episcopatum *Herefordensem* *Rodbertum* Priorem de *Lantonia*. Qui in canonica prius professione regulari insistens disciplinæ, eandem domum regularibus institutis aliis domibus fecit imitandam. In episcopatu quoque causis episcopalibus episcopalis sollicitudinis instantia invigilans, singularem sanctæ actionis auctoritatem & reverentiam in regno promeruit.

ANno M. Cxxxij. *Valterus Espec* vir magnus & potens in conspectu regis & totius regni, monachos *Cisterciensis* observantiæ directos à *Bernardo* abbate *Clarevallis* recepit & posuit in solitudine *Blachoumor* secus aquam *Rie*, à qua cœnobium eorum *Rievallis* dicitur. Cum quibus missus est *Willielmus* primus abbas eorum, vir consummata virtutis & excellentis memoriæ apud omnes posteros. Horum æmulantes arduum propositum insolitæ conversationis, *Ricardus* Prior cœnobii sanctæ *Mariæ Eboraci* & seniores ejusdem loci cum eo, non sine seditiosa contradictione sui abbatis *Galfredi* & conventus, egressi sunt eodem anno vj. Kal. Januarii, & construxerunt cœnobium de *Fontibus* juxta *Ripum*, dante eis possessionem *Turstino* archiepiscopo. In qua præfuit primus eorum abbas prædictus Prior *Ricardus*, vir in ecclesiasticis negotiis experientissimus.

ANno M. Cxxxij. mense Augusto ante assumptionem sanctæ *Mariæ* apud *Eboracum* à *Turstino* archiepiscopo consecrati sunt episcopi *Galfridus* cancellarius regis *Henrici* ad episcopatum *Dunelmensem*; *Aldulfus* Prior de *Nothlia* ad urbem *Barleol*, quam rex *Henricus* initiavit ad sedem episcopalem, datis sibi ecclesiis de *Cumberland* & *Westmariland*, quæ adjacuerunt archidiaconatui *Eboracensi*. Dedit etiam simul *Henricus* rex episcopatum de *Belt Nigello* nepoti *Rogeri* episcopi de *Searesbirt*, iij. Non. ejusdem mensis Augusti circa meridiem fere dimidiæ horæ spacio facta est eclipsis solis, luna xxvij. feria iij. rege *Henrico* transfretante in *Normanniam*, ubi & mortuus est.

ANno M. Cxxxiiij. *Rodbertus* dux *Normanniæ* obiit, quem rex *Henricus* frater ejus sub custodia tenuit usque ad diem mortis suæ.

ANno M. Cxxxv. ab adventu *Normannorum* in *Angliam* lxxix. *Henricus* rex anno ætatis suæ lxxij. de quadam murena comedens ægrotavit, & mortuus est in quadam foresta *Normanniæ* quod dicitur *Leuns* apud sanctum *Dionysium* iij. Non. Decembris feria ij. Regnavit autem gloriose annis xxxv. & mensibus iij. Corpus vero ipsius sicut præceperat in *Angliam* transectum, apud *Radin-gas* sepultum est. Quod monasterium ipse construxit, & cum munificentia regali reddituum conventu monachorum ornavit. Construxit & aliud cœnobium, id est *Cirecestram*, quarto ante obitum suum anno, in quo cum opulentia rerum necessariarum canonicos regulares instituit. Post quem princeps non surrexit alius qui sic injustas regni exactiones interdiceret, subjectos in pace & modestia sapientiæ disponderet, personas ecclesiasticas reverenter exco-leret, pauperes & religiosos sumptuosis elemosynis foveret. Quo mortuo, continuo emerferunt homines scelerati & peccatores, cuncta jura justitiæ & pacis dissipantes, & ad direptiones, & cædes, incendia, & alia flagitia hostiliter proruentes.

ANno M. Cxxxvj. *Stephanus* Comes *Bononiensis*, filius sororis *Henrici* regis, frater *Teobaldi* Comitis de *Blavio* & *Henrici* episcopi *Wintoniæ*, sumpsit infulas regni kal. Jan. consentientibus in ejus promotionem *Willielmo Cantuariensi* archiepiscopo, & clericorum & laicorum apud *Londonias* universitate. In cujus consecrationis celebritate omisum est dari osculum pacis. Indignatus super ejus imperio *Galfridus* Comes *Andegavensis*, qui filiam regis *Henrici* habuit uxorem, & hæredem ex ea nomine *Henricum*, plurima in *Normanniæ* perturbare cœpit. *David* quoque rex *Scotiæ* avunculus ejusdem Imperatricis, non inmemor sacramenti quod ipse & universitas regni *Henrico* regi super successione ejus juraverat, continuo insurrexit in regnum *Angliæ*, & citius munitiones *Cumberlandiæ* & *Northimbriæ* cum populis adjacentibus optinuit usque *Dunelmum*, præter *Wabhanburch*. Accepit etiam fidelitates & obsides à nobilioribus, quod conservarent fidem nepri suæ. Occurrit ei rex *Stephanus* in capite jejunii Non. Febr. apud *Dunelmum*, ibi commoratus diebus xv. *David* quoque rex in *Novo castello* se recepit. Habita igitur colloquutione de pace inter eos, *Henricus* filius regis *Scotiæ* fecit homagium regi *Stephano* apud *Eboracum*, in augmentum Honoris de *Dun-tedum* datis ei *Dunecastræ* & *Barleol*. Ceteras munitiones & terras quas occupavit rex *David*, restituit. In paschali vero festivitate rex *Stephanus* heundem *Henricum* in reverentia præferens, ad dexteram suam sedere fecit. Idcirco *Willielmus* archiepiscopus *Cantiæ* & quidam proceres cum *Ranulfo* Comite *Cestriæ* in juvenem contumeliosa locuti, à curia regis se amoverunt. Rex autem *David* receptum filium suum noluit ad regem *Stephanum* remittere. *Walani* etiam finitima loca *Angliæ* devastantes, duos barones *Ricardum* Filium *Rogeri* & *Paganum* Filium *Johannis* occiderunt ;

STEPHANUS Rex, qui tamen citius pacem cum rege *Stephano* fecerunt. *Ranulfus* quoque Comes *Cestria* expeditionem faciens in regionibus *Walanorum* interceptus ab eis cum quinque militibus vix salutis reservatus est, reliquis omnibus trucidatis. *Baldwinus* quoque de *Redvers* rebellantem in *Excestra* opido suo obsedit, & ad deditionem coegit rex *Stephanus*, & à regno exlegavit. Eodem anno *Innocentius* papa litteris ab Apostolica sede directis eundem regem *Stephanum* in negotiis regni confirmavit. Harum tenore litterarum rex instructus, generali convocato Concilio bonas & antiquas leges, & iustas consuetudines præcepit conservari, injustitias verò cassari. Intertulerunt huic Concilio *Willielmus* archiepiscopus *Cantuarie*. *Hugo* archiepiscopus *Rothomagensis*. *Henricus* episcopus *Wintonie*. *Rogerus* episcopus *Searesberie*. *Alexander* episcopus *Lincolniensis*. *Nigellus* episcopus *Heli*. *Everardus* episcopus *Normicensis*. *Simon* episcopus *Wirecestrensis*. *Bernardus* episcopus sancti *David*. *Andoenus* episcopus *Ebroicensis*. *Ricardus* episcopus *Abrincensis*. *Rodbertus* episcopus *Herefordensis*. *Johannes* episcopus *Rovencestrie*. *Aldulfus* episcopus *Harleol*. Mense Augusto rex *Stephanus* transfretavit, inimicitias *Galfridi* Comitis *Andegavensis* commonitus. Eodem anno mense Novembri *Willielmus* archiepiscopus *Cantuariensis* defunctus, in sua civitate sepultus est.

An. Dñi 1137. **A**Nno M. Cxxxvij. *David* rex *Scotia Northymbriam* devastare proposuit. Convenit citius multitudo Comitum & procerum *Anglia* ad Novum castellum ejus conatibus occurrere. *Turstinus* quoque archiepiscopus *Eboracensis* quamvis multo confectus senio locutus est cum rege *Scotia*, & filio ejus apud *Rochesburch*, & impetravit inducias usque ad reditum regis *Stephani* de *Normannia*. Facta itaque pace cum Comite *Andegavensi* rex *Stephanus* per biennium in adventu Domini reversus est in *Angliam*. Veneruntque legati regis *Scotia* postulantes *Northymbriam* dari filio ejus *Henrico*: quod abnuente rege *Stephano*, solutæ sunt induciæ.

1138. **A**Nno M. Cxxxviii. fundata & facta est illa inclita abbatia sanctæ *Maria* de *Bechlunda* ante nativitatem Domini à nobili viro *Rogero* de *Molbreio*, qui eam prædiis & possessionibus magnisque pasturis & silvis optime fundavit. Quarto idus Januarii *Willielmus* filius *Dunecan* nepos regis *David* antelucana præruptione constanter partem exercitus cui præfuit, effudit circa opidum *Ullere*, & coepit expugnare & persequi. Rex vero *David* eum majori veniens comitatu cum balistis & machinis multis, in virtute magna expugnavit opidum tribus ebdomadis. *Jordanus* vero de *Busse* nepos *Walteri Espec* magister militum opidanorum in victa constanti animorum militarium omnes conatus regis sprexit & contrivit. Signiferum enim regis & multos alios singulis diebus mactaverunt. Rex igitur *David* dispositis qui obsidioni insisterent, præmisit *Willielmum* filium *Dunecan* cum *Scottis* in *Northymbriam*, qui in die conversionis sancti *Pauli* veniens in villa *Ullaredun*, quæ est contermina locis *Hagustaldensibus*, cum suis copiis confedit. Progressus vero de agminibus cum suis quidam *Scottus*, homo potens & dives in terra nativitatis suæ, per

Tinam fluvium spe prædæ ad ecclesiam *Hagustaldensem* pertendere velle visus est. Irruerunt in eum juvenes *Hagustaldenses*, & sociis ejus in fugam actis, eundem per corpus transfixum acriter reluctantem ruere compulerunt. Mota est super hoc indignatio per cunctum exercitum *Scottorum*, qui in ultione cædis ejus festinabant irruere super ecclesiam *Hagustaldensem*, & extirpare eam funditus cum habitatoribus ejus. Revocavit autem eos *Willielmus* filius *Dunecan* sollicitus pro loci illius tuitione. Subsecutus est rex *David* cum filio & copiis suis, & in *Chorebrige* usque post Purificationem sanctæ *Maria* consistens, res provincie proturbare non omisit. Deferens tamen dignitati & antiquitati ecclesiæ *Hagustaldensis* pacem ei, & omnibus qui confugerant ad eam conservavit. *Scottos* illuc dirigens, ne quis hostili animo irrumperere præsumeret. Incredibile relatu est quæ scelestæ & flagitiosæ & blasphemia in Deum, & abusiva ipsius humanitatis exercitus ille *Scottorum* egerit. Plena erant omnia cædibus, direptionibus & incendiis. Non miserta est barbaries illa pupillo, aut orphano, seni, aut pauperi. Non pepercit sexui, ætati aut ordini, conditioni cujusquam vel professioni. Prægnantes cum parvulis dissecuerunt, virgines & viduas, occisis cunctis maribus, funiculis colligatas nudas catervatim sub jugo servitutis in *Scotiam* abegerunt. Veruntamen rex quotquot sibi in partem de præda obvenirent, *Rodberto* Priori *Hagustaldensi* restituit in pignus libertatis. Sanctuaria quoque Domini *Scotti* confregerunt, & in sacratis locis violenta, obscena, & abhominanda irreverenter perpetraverunt. Ex quibus duo hostio confracto oratorii sancti *Michaelis* ex boreali parte *Tine* fluminis extulerunt quæ reppererunt. Adjacet autem basilica hæc ecclesiæ *Hagustaldensi*. Qui continuo exagitati furii coram exercitu per avia discurrentes, unus sibimet os lapidibus conterens, alter in *Tine* fluminis natatoriis se suffocans, uterque fædo interitu perierunt. Persecuti sunt postea trans *Tinam* provinciales qui confugerant ad solitudines, & in loco qui dicitur *Lamefeld* irruentes in multitudinem totius provincie quietam & securam, omnes trucidaverunt, & prædam copiosam abduxerunt. Reversus est tandem rex cum suis in sua, & *Stephanus* rex in *Quadragesima* cum militaribus copiis adveniens ad *Ullere* in terram regis *Scotie* præcepit suos cedere & persequi. Rex vero *David* colligens se & suos haud procul intra quandam paludem minutam valde & prorsus inaccessibleem circumquaque, nisi per angustias cujusdam semitæ, præcepit civibus de *Rochesburch* magnanimitè excipere regem *Anglie* intra urbem si adveniret. Observavit enim tempus & nocturnas opportunitates ut irrueret in eum. Certus quippe fuit socios sibi fore conditæ prodicionis plurimos de proceribus *Anglorum* exercitus, qui & ad confictum clandestinis consiliis conspirantes concitaverunt eum. Notæ autem factæ sunt insidiæ regi *Stephano*, qui parans reditum iratus coegit *Eustachium* reassignare in manu sua munitionem de *Wabanburch*; & in *Angliam* festinus regressus est.

Post Paschalis ebdomadæ sollempnitatem iterum rex *David* *Scotie* in *Northymbriam* expeditionem movit & circa maritima, quæ erant reservata à priori exterminio, cuncta disperdidit. Progressus etiam usque

EPHATHA usque ad *Novum castellum* præmisit suas copias circa *Dunelmum* erga *Teisam* crudelia & hostilia agere. Inde divertens ad *Bozhaam* castrum episcopi *Dunelmensis*, quod obsideri fecit, & citius oppidanos ad deditionem compulit, ipsumque oppidum subruere præcepit. Interim *Willielmus* filius *Dunecan* circa *Clitherhou* cadens & persequens, procinctum militiæ *Anglorum* in turmis quatuor, sibi occurrentem excepit. Quem prima confessionis constantia in firmam actum internicioni dedit, multamque prædam & multitudinem captivitatis adduxit. Hoc bellum factum est inter *Anglos*, *Pictos* & *Scottos* apud *Clitherhou* feria vi. die xv. ante nativitatem sancti *Johannis Baptistæ* anno prædicto, id est M. C. xxxviii.

Post hos dies milites de *Wierch* egressi ministros & vehicula cum victualibus regis rapuerunt intra oppidum retrudentes. Sed & in filium Regis *Henricum* impetum facientes & in locos ejus, quosdam occiderunt, quosdam vulneraverunt sive ad redemptionem expoluerunt. Rex ea moleste ferens iterata eos obsidione dampnavit, segetes eorum in agris vastans & cuncta solaria denegans. Quibus prout non nisi per inopiam victualium prævalere potuit, hac enim coacti necessitate ex præcepto Domini sui *Walteri Espec* circa festum sancti Martini per Dominum *Willielmum* primum abbatem *Rievallenses* oppidum dederunt: in quo residuum ad usum nichil repertum est, nisi unus caballus vivus, & alter in sale. Eos rex xxiii. caballis donatos cum armis suis dimisit liberos, oppidum funditus evertens.

Eodem anno & eodem tempore, scilicet in autumno, rex *David* junctis viribus ad *Eboraci* sciriam iter direxit, duobus baronibus suis ad obsidendum *Wierch* cum multitudine interim dimissis. Adjunxit se ei commilitonem cum sua militari manu *Eustachius* filius *Johannis*, cui Rex *Stephanus Bahanburch* abstulerat. Habuit autem idem in *Northymbria* castrum munitissimum *Alnewich*. & aliud in *Eboraci* sciria, scilicet *Maaltun*. Profecti sunt itaque per *Bahanburch*. Et juvenes ejusdem loci temere præsumentes de munitione valli quod extruxerant ante castrum, conviciis exagitabant *Scottos* pertranseuntes. Applicuerunt se ilico *Scotti* animo concitati ad vallum diruendum, & citius intus proruentes quotquot apprehenderunt occiderunt. Præfuit per idem tempus ecclesiæ *Eboraci* sanctæ memoriæ *Turstinus* archiepiscopus, animi constantia inter adversa & prospera invincibilis, annis gravis, corpore debilis, ut lecto gestatorio eveheretur quo occasio rerum urgeret. Qui evocatos ad se proceres *Eboraci* sciriæ ad instantiam resistendi pastoralis prudentiæ providentia animavit. Venit etiam *Bernardus* de *Baillolio* in exercitiis militaribus vir experientissimus, directos à rege *Stephano* ducens secum milites in hoc opus. Sumpta perinde magnanimitate ex communi deliberatione per sacramenta ad constantiam & securitatem sese invicem obligaverunt. Triduo igitur jejuniis & elemosynis Domino repropiciari, & archiepiscopali absolutione & benedictione communiti, omnes pari proposito animi instructi usque ad oppidum *Wierch* progressi sunt. Inde *Robertus* de *Brus* & *Bernardus* de *Baillolio* ad Regem *Scottiæ* super *Teisam* profecti sunt, *Henrico* filio ejus comitatum *Northymbria* pollicentes, & eum ab hac impugnatione cessare commonescentes. Noluist acquiescere rex. Iccirco *Robertus* absolvit se ab homagio quod ei fecerat pro baronia quam tenuit de eo in *Galewegia*, & *Bernardus*

STEPHANUS **NUS R. X.** *us* à fide quam ei dudum promisit, sicque ad socios regressi sunt. Qui omnes procedentes secus *Albertum* in campo quodam de feudo sancti *Cuthberti Standart*, id est mali in navis erexerunt, vexillum sancti *Petri* & sancti *Johannis* de *Beverlaco* & sancti *Wulfridi Ripum* in eos suspendentes & corpus Domini super inponentes, ut esset signifer & dux prælii eorum. Misit ergo cum eis archiepiscopus *Turstinus Radulfum Novellum* episcopum suffraganeum suum, & viros disciplinatos qui ad penitentiam suscipere, & de spe futura vitæ per satisfactionem instruerent. Ipse archiepiscopus à principibus ab hac protectione ad pugnam consultus revocatus, orationibus & obsecrationibus in afflictione magna & contritione cordis instabat cum suis clericis, donec renuntiaturum ei fuit, quantum ereptionis gratiam populo suo præstitit deus. Igitur in octavis assumptionis sanctæ *Mariæ* xi. kal. Septembris feria ij. universus exercitus circa *Standard* convenit, ne quis de fuga præsumeret, equis procul amotis: omnes autem mori aut vincere pro patria unanimiter decernentes. Fuerunt autem principes hii in honoribus & dignitatibus præminentes. *Willielmus* de *Albamarla*. Comes *Walterus* de *Gant*. *Robertus* de *Brus*. *Rogerus* de *Mulbrai*. *Walterus Espec*. *Willielmus* de *Perci*. *Bernardus* de *Baillolio*. *Ricardus* de *Curcio*. *Willielmus Fossard*. *Robertus* de *Stuthavilla*. *Ilbertus* de *Lescio*. Hunc ipsum & patrem ipsius *Robertum* de *Lescio* *Henricus* rex ejecit à regno *Angliæ*. Mortuo rege, *Willielmus Transversum* qui ex datione regis *Honori* scilicet *Pontifratto* præfedit, miles quidam paganus de *Honore* illo occidit, & iste *Ilbertus* *Honorem* jure patrimonii possedit. Affuit etiam cum suis copiis de *Bothingaham* scira *Willielmus Peverel* & *Robertus de Ferers* de *Derbiscira*. *Galfridus Halsalin*. Accessit etiam rex *Scottiæ* cum suis legionibus stipatus in prælium. *Scotti* in prima acie dispositi, id sibi ex nativa dignitate reclamantes quasi unus. Nudi ipsi & pene inermes progressi adversus cuneos loricatedos, & iccirco invulnerabiles. Circa regem steterunt equestres ordines militaribus armis instructi. Fide dignum rex arbitratus est vincere vel mori pro sacramento quod juravit hæredibus *Henrici* Regis, & universitas *Angliæ* cum eo. *Scotti* itaque & *Picti* vix à prima hora initi conflictus usque ad tertiam perfliterunt, videntes se confodi & consui sagittis, & obrui & opprimi. Qui omnes à campo dilapsi sunt sarcinas suas à se reicientes. In ignominiam hujus rei vocatus est locus ille *Waggamoz*. Continuo constantia residui exercitus proturbata & infirmata est. Propterea seniores festinantes compulerunt regem equos reposcere & cum sua conferta acie discedere, ne & ipse cum suis cederet in ruinam. Exercitus quoque *Eboraci* non est persecutus recedentes, sed unusquisque ad propria regredi festinavit. Plurimi vero *Scottorum* ignari locorum aberrantes, ubicunque reperti sunt jugulati sunt. Ipsæ etiam acies *Scottorum* & *Pictorum* ubi ad invicem in reditu concurrerunt, infelici hostilitate concertantes sese suffocaverunt. Rex igitur in regnum suum receptus convocatos ad se *Scottos* & *Pictos*, multa massa pecuniarum multavit, acceptis obsidibus & sacramentis ab eis, quod in omni conflictu & periculo fideliter cum eo & pro eo persisterent. Rex etiam *Angliæ* lætatus super his successibus suis *Willielmum* de *Albamarla* Comitem in *Eboraci* sciria fecit, & *Robertum* de *Ferers* Comitem in *Derbiscira*.

ANNO M. C. xxxiiij. stella Cometis octavo idus Octobris fere per viij. dies apparuit. Maxima pars *Lundonia* civitatis in ebdomada Pentecostes igne combusta est anno xxxiiij. ex quo rex *Anglorum Henricus* regnare cepit feria iiij. Die etiam ipso secundum anni revolutionem quo frater & prædecessor illius *Henrici Willicelmus* scilicet *Ruffus* rex interfectus est, & ipse *Henricus* primo regni sui suscepit gubernacula, iiij. non. Augusti tale constat spectaculum. Cum igitur rex prædictus *Henricus* circa maris litus transfretandi causa moraretur vento per sæpe ad transfretandum existente secundo, tandem die præfato circa meridiem cum ad mare transiturus perrexisset, suorum, ut mos est regibus, constipatus militum turmis, subito in aere nubes apparuit, quæ tamen ejusdem quantitatis per universam *Angliam* non comparuit. In quibusdam enim locis quasi dies obscurus videbatur, in quibusdam vero tantæ obscuritatis erat ut lumine candelæ ad quodlibet agendum ipsa protecti homines indigerent. Unde rex latiusque regium ambientes & alii quàmplures mirantes, & in cælum oculos levantes, solem ad instar novæ lunæ lucere conspexerunt, qui tamen non diu se uno modo habebat. Nam aliquando latior, aliquando subtilior, quandoque incurvior, quandoque erectior, nunc solito modo firmus, modo movens, & ad modum vivi argenti motus & liquidus videbatur. Afferunt quidam eclipsim solis factam fuisse; quod si verum est, tunc sol erat in capite draconis & luna in cauda, vel sol in cauda & luna in capite in 5. signo, id est leone, in xvij. gradu ipsius signi. Erat autem tunc luna xxvij. Eodem etiam die & eadem hora stellæ plurimæ apparuerunt. Nequon die eodem cum naves ad prædicti regis transitum paratæ in litore anchoris firmarentur, mari pacatissimo ventoque modico persistente, cujusdam navis magnæ anchoræ à terra quasi vi aliqua subito avulsæ sunt, navisque commota multis mirantibus eamque tenere nitentibus nec valentibus sibi proximam navim commovit, & sic octo naves vi ignota commotæ sunt, ut nulla illarum illæsa remansisset. Multi etiam dixerunt se eodem die & circa eandem horam vidisse in *Eboracensi* provincia ecclesias quàmplures quasi sudore pervalido madefactas. Hæc omnia iiij. non. Augusti quarta etiam feria, ut dictum est, contigerunt. Sexta etiam feria ejusdem septimanæ, scilicet pridie non. ejusdem mensis, summo mane in pluribus *Anglia* partibus terræ motus factus est magnus. Fuerunt etiam qui dicerent se in subsequenti ebdomada feria ij. vj. videlicet idus mensis ejusdem, cum luna foret iiij. ipsam vidisse primam qualis in tali ætate esse solet, parvoque intervallo vespere ejusdem se ipsam vidisse magnam, ad modum scuti rotundi valdeque rutilantis. Dicebant quoque plures se ipsa nocte vidisse duas lunas inter se quasi longitudine hastæ unius distantes. Rex autem *Henricus* mare transiens reliquit *Angliam*, petiit *Normanniam*, non ulterius vita comite rediturus vel visurus *Angliam*. Mense Novembri civitas *Wigornia*, ut crebro solet, incendio conflavit.

Eodem anno mortuus est *Petrus Leo*, qui in inimicitias *Innocentii* papæ factione sua à quibusdam intrusus apostolicus in urbe, per viij. annos Romanam incubabat ecclesiam. *Innocentius* vero libera auctoritate in urbe sicut prius in orbe ecclesiasticæ monarchiæ præfedit dignitati. Qui & generali de-

creto omnes *Petri Leonis* scismatis complices ab omni ecclesiastico ordine & honore deposuit, & ne quis sedem Apostolicam simili præsumptione in posterum usurparet sub anathemate interdixit. Directus est autem ab eodem papa legatus *Anglia* & *Scotia* *Albericus Hostiensis* episcopus, natione Gallicus, professione monachus *Cluniacensis*, & in eodem cœnobio, supprioris officio ad disponendas regulares observationes prælatus monachis cunctis, excellentia virtutis & plenitudine eruditionis instructus. Veniens vero in *Angliam* adjunxit sibi socios sui laboris *Rodbertum* episcopum *Herefordensem* & *Ricardum* primum abbatem de *Fontibus*. Profectusque ad regem *Scotia* reverenter receptus est à fratribus *Hagustaldensis* ecclesiæ, & *Aldulfus* episcopus cum eo. Ante triduum autem adventus ejus ad locum illum *Eadgarus* filius *Cospatricki* Comitis cum satellitiis suis eruperat è castris regis *Scotia*, prædam agens de quadam villa territorii *Hagustaldensis*. Irruerunt etiam in quandam villam fratrum *Hagustaldensis*, interfectisque tribus hominibus fratrum & capta præda ejusdem vici, Priorem *Hagustaldensem* quem contigit eadem nocte ibi adesse, contumeliis & ludibrio dehonestaverunt. Super injuria hac satis compatiens animo legatus regem exposulavit apud *Harlel*, & ad correctionem violentiæ hujus animos regios adduxit. Per triduum vero cum episcopis & principibus regni *Scotia* qui ei ex regio præcepto ibi occurrerant, quæ corrigenda erant correxit, & quæ statuenda erant statuit. *Aldulfum* episcopum in gratiam ejusdem regis & in sedem suam de *Harlel* recipi impetravit. *Johannem Glasgensem* episcopum qui omisso episcopali officio apud *Tironas* monachatu se contradiderat, ex Apostolica auctoritate revocavit. *Scottos* quoque & *Pictos* in hoc sibi acquiescentes habuit, ut infra festum sancti Martini omnem captivitatem ad *Harlel* reducerent & libertati donarent, nullisque eorum ecclesias violare, femineo sexui vel pueris vel senibus eandem inferre ulterius præsumeret. Ipse etiam regis genibus provolutus ab hostilitate eum usque ad festum sancti Martini cessare compulit. His ibi ita dispositis, in die sollempni sancti Michaelis ad *Hagustaldensem* ecclesiam reversus, in *Sutbangliam* profectus est. Siquidem *Northymbria* universa inculta & in solitudinem redacta fuit. Quotquot enim supererant, vel ad alium monasteriorum confugerant, vel per solitudines delituerant, potentes intra oppida se concluderant. Igitur ex auctoritate Apostolici præcepti ad festum S: Nicholai apud *Lundonia* in *Westmonasterio* conveniunt ad eundem legatum *Albericum* episcopi, abbates & primores regni, anno pontificatus *Innocentii* papæ ix. & regni *Stephani* regis tercio, vacabat ecclesia *Cant*: & dominus *Tarstinus* archiepiscopus *Eboracensis* infirmatus pro se direxit *Willielmum* decanum suum. Interdicensque legatus quæ interdici, & sanciens quæ sanciri ecclesiasticæ necessitatis exposcebat ratio, summonuit eos Romæ astare domino papæ media Quadragesima. Deposito etiam abbate de *Cruiland* *Godefridum* Priorem de *Sancto Albano* loco ejus & *Adam* electum ad *Bellum* juxta *Hastings* benedixit abbates. Ventilata est & causa electionis *Cantuariensis* ecclesiæ, cujus electum scilicet *Theodaldum* Abbatem *Becensem* in eandem sedem consecravit archiepiscopum circa epiphaniam Domini. Regem quoque *Anglie* super reformanda pace cum Rege *Scotie* plurima prece

PHA- prece sollicitavit. Cooperata est votis ejus domestica
 Rex. instantia *Matildis* regina *Anglorum*, lege consanguini-
 tatis avunculo suo regi *Scotie* salva pace mariti sui
 nequaquam ingrata: siquidem rex *David* duas so-
 rores habuit *Mariam* & *Matildem* quæ nupsit *Hen-*
rico regi, *Mariam* vero Comes *Bononiensis* accepit
 in matrimonium, & genuit ex ea hanc *Matildem*
 hæredem suam. Hanc enim cum comitatu *Bononiensi*
Stephanus rex duxit uxorem: habuitque ex ea filios
Eustachium & *Willielmum*, qui in natura morte ab-
 que liberis defuncti sunt. Eodem anno quidam vir
 potens in *Northymbria* recepit in sua possessione
 apud castrum quod dicitur *Portthpath* monachos de
Fontibus viij. non. Jan. qui construxerunt cœnobium
 scilicet *Novum monasterium* vocatum. Quibus
 hoc ipso anno circa. Epiphaniæ diem, *Galfridus* epi-
 scopus *Dunelmi* benedixit abbati *Rodbertum* san-
 ctum virum. Quos libenter fovit prædictus vir sci-
 licet *Rannulfus de Merlai*.

Dñi 139. ANNO M. CXXXIX. præfatus legatus *Albericus*
 post octabas Epiphaniæ reversus est, prosequen-
 tibus iter ejus usque *Romam* *Theobaldus* archiepi-
 scopus *Cantie* pro pallio & episcopus *Rofensis* & *Si-*
mon Wigornensis, *Rogerus Coventrensis*, *Rodbertus*
Excecestrensis. Reliquos episcopos rex ab hac profe-
 ctione exulatos habuit propter perturbationes regni
 undique emergentes. Instantia vero reginæ *Anglorum*
 pax convenit inter duos reges, *Henrico* filio regis *Scot-*
ie apud *Dunelmum* accipiente comitatum *North-*
ymbrie. Confirmata est hæc concordia per regi-
 nam & *Henricum* filium regis *Scotie* apud *Dunel-*
mun v. idus Aprilis coram Comitibus & Baronibus
Anglie datis obsidibus à *Scotis* in firmamentum fi-
 dei. Profectus est autem cum regina *Henricus* Co-
 mes ad regem *Anglie* ad *Notingham*, & oble-
 quens ei per ætatem inpenlas munificas fecit. Qui
 & accepit conjugem *Ada* sororem *Willielmi* Comitis
 de *Warene* & *Walaran* Comitis de *Mellant* & *Rod-*
berti Comitis de *Legecestria*, habuitque ex ea filios
Melcolmun, *Willielmum* & *David*. Reverso itaque
Theobaldo archiepiscopo cum suis suffraganeis à
 domino Apostolico, *Henricus Wintoniensis* epi-
 scopus confirmatus est sedis Apostolicæ legatus. *Roma*
 vero defunctus est vir approbatæ virtutis *Ricardus*
 primus abbas de *Fontibus*, quem *Turstinus* archie-
 piscopus ad Apostolicum pro se direxit legatum.
 Obiit etiam *Andoennus Ebroicensis* episcopus frater
 ejusdem *Turstini* archiepiscopi apud *Peretun* sum-
 pto habitu canonicorum sepultus. Mortui sunt &
Walterus de Gant & *Rodbertus de Ferers*. Accidit
 eodem anno ut ad curiam regis convenirent *Rogerus*
 episcopus de *Searesberie*, *Alexander* episcopus
Lincolniæ & *Nigellus* episcopus de *Beli* scilicet ne-
 potes ejusdem *Rogeri*, orta que seditione ministri
 episcoporum inter cæteram turbam ceciderunt
 quendam nepotem *Alani* Comitis de *Richimunt*,
 qui & mortuus est. Devoluta est iccirco ab eodem
 Comite coram Rege calumpnia in episcopos, factione
 eorum seditionem excitatam in insidias salutis re-
 giæ. Dilapsus est citius à curia clandestina fuga *Ni-*
gellus episcopus ad suas munitiones. Et aggravata
 manus regis ad ulciscendum in episcopos *Rogerus* &
Alexandrum, quos interdicto eis prorsus cibo coe-
 git ad deditionem castrorum suorum cum thesauris
 suis copiosis in eis confertis. Sed & alia indigna con-
 tra honestatem pontificalis excellentiæ irreverenter

egit in eos. Factumque est eo tempore ut laici insur-
 gerent in magnam contumaciam & contumeliam ad-
 versus sanctam ecclesiam & ecclesiasticas personas.
 Iccirco *Henricus* legatus convocatis ad *Wintoniam*
 archiepiscopo *Theobaldo* & episcopis *Anglie* cum cæ-
 teris Christianæ sollicitudinis ministris, circa mensẽ
 Septembrem decreta omnino necessaria & in cunctis
 seculis valde utilia statuit. His enim usque in hodi-
 ernum diem ecclesiastica severitas potenter ulciscitur
 in eos, qui vel in læsionem clericorum manus nephari-
 e iniciunt, vel res ecclesiæ diripiunt sive excommuni-
 cationi subjacent, vel in ea obeunt, quoniam quidem
 his provulgatis decretis, multorum insolentia & præ-
 sumptio rebellis spiritus mansuescere didicit & san-
 ctuario Domini deferre. Eodem anno mortuus est
Rogerus episcopus *Searesberie*, ejus filium scilicet
 Cancellarium regis rex in inimicitias patris à regno
 ejecerat. Sic in novissimis in eo humiliata est gloria
 pristinarum rerum; ad cujus arbitrium in diebus
 10 *Henrici* regis spectaverat omne regni negotium.
 Secundus enim à Rege in regno præminebat universis
 judicibus & principibus. Successit ei in sede *Salesbe-*
riensi *Joscelinus* archidiaconus *Wintoniensis*. Et fa-
 ctum est, applicuit in *Angliam* *Aaliz* imperatrix fi-
 lia *Henrici* Regis uxor *Galfridi* Comitis *Andega-*
vensis. Quam rex *Stephanus* citius obsessam intra
 quoddam castellum & ad deditionem coactam, ex
 indiscreta animi simplicitate ad *Bristonam* libere ire
 permisit, suscepit eam frater ejus *Rodbertus* Comes &
 20 milites qui erant in munitioibus scilicet *Gloucestra*,
 & *Milo* in *Hereford* & *Brien* filius Comitis in
 30 *Malingsford* cum adjacentibus populis ejus opere
 obsecuti sunt. Emerfitque per eam in *Anglia* pertur-
 batio valde gravis, & infirmatum est firmamentum
 regni *Stephani* regis.

ANNO M. CXL. sanctæ memoriæ *Turstinus* ar-
 chiepiscopus dissolutionem sui corporis inni-
 nere præsentis, senio confectus & laboribus longis
 contractus. Assumptus enim ad regimen *Eboracen-*
 40 *sis* ecclesiæ anno M. Cxliij. in assumptione sanctæ
Mariæ bonum certamen constanter certavit pro ea,
 fidem perseveranter servavit, cursum victoriose con-
 summavit, quoniam à rege non exiguis est afflictus
 inimiciis propter professionem quam *Cantuariensibus*
 facere non acquievit, maluitque ipsi electioni re-
 nunciare quam ecclesiæ suæ antiquam libertatem cas-
 sare. Egressusque à facie Regis, apud exteras nationes
 crevit in turbam magnam amicorum scilicet pro-
 cerum & honestarum mulierum officiose peregrinati-
 50 oni ejus obloquentium. In quibus & præ quibus ma-
 jori devincta ei devotione animi fuit *Adela* Comi-
 tissa *Carnotensis* soror *Henrici* Regis & mater *Ste-*
phani Regis & *Theobaldi* Comitis.

ANNO M. Cxli. *Calixtus* papa Concilium *Remis*
 instituit xliij. kal. Novembris. Fuit autem domi-
 nus cum præfato *Turstino*, unde & omnes adversario-
 rum conatus adversus eum sanioris sententiæ consul-
 tu prævertit, siquidem Apostolicus intercedentibus
 Cardinalibus eum in archiepiscopum sollempni con-
 60 secratione & liberi pallii datione confirmavit; Qui
 & regis contradictionem omnemque *Cantuariensium*
 reclamationem irritam duxit. Datis etiam ei ad
 votum privilegiis, interdixit in posteris seculis, ne
Cantuariensis exigere, neve *Eboracensis* professionem
 facere præsumeret. Directaque est domini Apосто-
 N 3 lia

STEPHANUS REX.

An. Dñi 1140.

1141.

STEPHANUS
NUS REX.

Stephani epistola anno M. Cxxi. ad regem & ad Radulfum archiepiscopum Cantie, ne quis divini ministerii cultus in ecclesiis Cantie & Eboraci five in parrochiis eis adjacentibus celebraretur, præter baptismum parvulorum & poenitentiam morientium, nisi Turstinus infra unum mensem post acceptam epistolam hanc sine exactione professionis in Eboracensem recipere-
tur sedem. Idcirco citius in Angliam est à Rege re-
vocatus, & in ecclesiam suam sullimenter intronizatus. Qui receptus, præ fastu honoris nichil remisit à disci-
plina sanctæ conversationis & proposito mentis; In
victu enim & vestitu & cæteris regularis vitæ institutis ubique prætulit frugalitatem pontificalis honestatis. In distribuendis elemosynis & misericordiis pau-
perum, in diebus sacerdotii ejus, rarus fuit inventus similis ipsius. Qui & frequens in orationibus gratiam lachrimarum in celebratione missarum habuit à Domino. Idem cilicio ad carnem indutus, inter cre-
bras confessiones à corporali vindicta sibi non pepercit. Instantia ejus cotidiana sollicitudo animarum fuit, Viros disciplinatos & eruditos officiis ecclesiasticis præficere, per eos ecclesiastica negotia dispo-
nere, vicioforum lenocinia zelo pastoralis demetere. Hospitalis in hilaritate, exorabilis in subjectos cum rectitudine, rigidus in repugnantes sine crudelitate. Biennio ante electionem ejus ad instituta regularis ordinis initiatam Hagustaldensem ecclesiam terris, possessionibus & donariis magnis auctam ad bonum statum divini ministerii promovit. Qui & monachis cœnobii de Fontibus, cujus fundator fuit, simili sedulitate munificentie deservivit. In ecclesia Eboracensi & in aliis ecclesiis ob recordationem ejus in magna veneratione habentur reposita exennia quæ illis contulit larga manu plurima & preciosa. Sic homines su-
osterras & domum suam disposuit in tranquilla pace & rerum opulentia, sic ecclesiarum & ecclesiasticarum personarum libertates, dignitates, immunitates conservavit, provexit ad cotidiana religiosa incrementa, ut plane dixerim divinam sapientiam ei coopera-
tam. Rarus in his diebus qui sic religiosas personas reverenter excolat, beneficiis provehat, locis indignis sumptuosos elemosynis frequenter subveniat. Sentiens igitur in se vitalem tepescere virtutem, disposuit sapienter domui suæ, mercedes ministrantibus sibi persolvendo, ablata restituendo, de singulis quibulque rebus prudenti procuratore recogitando. Convocatisque in sua capella Eboracensis ecclesiæ sacerdotibus, facta coram eis sollempniter confessione, coram altari sancti Andrea nudus humi expositus, corporalis vindictæ disciplinam profusus lacrimis ex contrito corde ab eis suscepit, memorque voti sui quod juvenis apud Cluniacum fecerat, ad monachos Cluniacæ professionis apud Pontemfractum profectus est, prosequenter eum senioribus ecclesiæ Eboracensis & laicis plurimis: siquidem in die conversionis sancti Pauli habitum & benedictionem monachi sollempniter suscepit, & residuis diebus quibus supervixit, de salute animæ remissus non fuit. Anno igitur ab incarnatione Domini M. Cxl. & ab adventu Norman-
norum in Angliam lxxv. & regni Stephani 5. & archiepiscopatus sui xxvi. & mense vi. viij. idus Febr. feria 5. circumstantibus majoribus ecclesiæ Eboracensis & aliis religiosis viris, imminente hora suæ vocationis, ipse vigilias pro defunctis celebravit ix. lectionem ipse legit: versum responsi; Dies illa dies ira subjunxit, signanter expresse ad singula verba ingemiscens; Terminatisque laudibus, convocatis mona-

chis universis & orantibus, reddit spiritum, & in ecclesia sancti Johannis Evangelistæ ante magnum altare condigno honore sepultus est. Evolutis post hæc aliquot diebus cuidam archidiacono suo Galfrido Turcople viro celebris peritiæ in scolari eruditione in sompnis quiescenti astitit, pontificalibus sollempniter præcinctus infulus: cui sciscitanti, Estne spes salvationis tuæ pater mi? respondit.

Vivere carne mori fuerat, sed carne resoluti

Est modo vera salus, vita beatamibi.

Post plurimos etiam annos monachis volentibus corrigere quippiam circa locum sepulture ejus, remotus est lapis superpositus, nullumque signum corruptionis inventum est in carne ejus five vestimentis. Post mortem ejus continuo emerfit insolentia & indisciplinata dissensionis vaga licentia in clericos impudensque contemptus, irreverentia laicorum adversus ecclesiasticas leges & personas, Regnique integritas dissoluta est, quia unicuique quod libuit licuit. Eodem anno Henricus Comes cum conjugē sua ad regem Angliæ profectus est. Insurrexit in inimicitias in eum Ranulfus Comes Cestrie propter Karlel & Cumberland quam jure patrimonii sibi reposcebat, voluitque eum in reditu cum armata manu involve-
re. Rex vero reginæ precibus comonitus ab intentato periculo tutatum eum patri & patriæ restituit, transpositaque est indignatio hæc in insidias reginæ salutis. Ranulfus enim Comes omnes munitiones Lincolnia occupavit sibi. Alanus Comes nocturno furto ascendens per murum irrupit cum suis in castellum de Galclint, posseditque castellum ipsum cum thesauro copioso ejecto Willielmo de Albanib cum suis. Idem Alanus Comes Rikemundia firmavit castrum ad Hotun, scilicet terram episcopi Dunelmi, & aggravata est manus ejus super Ripun & homines loci illius. Ipse enim & alii quique potentes viri tulerunt quæcunque in horreis, & in aliis rebus Turstinus archiepiscopus reservaverat successorī suo necessaria prout quisque conterminus fuit terris archiepiscopalis.

Anno M. Cxlij. Post mortem Turstini archiepiscopi clerici Eboracenses secundum desideria cordis sui varia & vaga sententia circumacti fuerant toto anno super electione faciendā. Elegerant autem persuadente legato Henrico Wintoniæ nepotem regis Stephani Henricum de Coilli. Qui quia præfuit abbatiæ Kadomensis, noluit dominus apostolicus eum præfici archiepiscopatu nisi renunciarer priori honori. Mense Januario iterum de electione tractantes, in personam Willielmi Thesaurarii, plurimi consenserunt. Interfuit Willielmus Comes Eboracensis sollicitus super promotione ejus. Apparuit autem hora eadem super eos in aere magnum signum crucis per longitudinem & latitudinem ecclesiæ sancti Petri protensum. Adversatus est electioni huic magister Walterus Londoniensis archidiaconus cum lociis suis archidiaconibus, quem proficiscentem ad regem idem comes interceperat & in castro suo de Wiham incluserat. Perduetum itaque electum ad Lincolniam rex libenter suscepit, & in terris & possessionibus Eboracensibus confirmavit. Siquidem eodem mense Januario in Lincolnia Ranulfus Comes Cestrie cum suis conjuratione facta obfirmavit animum suum in persecutionem regis & regni. Auditus autem fuerat terra motus in eadem urbe infra natale Domini.

Innotuit

STEPHANUS Rex. Innotuit regi *Stephano* citius conspiratio hæc. Qui festinus improvisus affuit, & Comitem obsedit. Egressus est Comes nocte de turre in qua inclusus fuit, & profectus ad *Rodbertum* Comitem *Glaoucestræ* ejus filiam habuit uxorem, eum & familiam Imperatricis sibi contraxit in auxilium, & *Walanos* pariter. Persuaserunt regi Seniores viri congregare exercitum, sese inermes ad regis colloquium occurrisse, non ad prælii procinctum proficientes. Alpernabatur Rex clamans eos pueros imbelles, nichil hujusmodi auluros in eum. Delinitus enim erat juvenum Comitum favoribus regi verbo faventium, vires adversariorum consilio & auxilio foventium. Igitur in die Purificationis sanctæ *Mariæ* accesserunt *Rodbertus* Comes *Glaoucestræ*, *Ranulfus* Comes *Cestriæ*, *Willielmus* de *Romar* frater ejus in manu valida: Puitque *Rodbertus* dux & dispositor prælii. Rex quoque produxit suos socios in pugnam. *Alanus* Comes de *Richemund* cum suis conflictu nondum inito regi & prælio renunciavit. *Willielmus* Comes *Eboraci* à pugna elapsus Regem periculo exposuit. Adversarii iccirco sumpta fidenter audacia resistentes trucidaverunt. Capti sunt autem *Bernardus* de *Bailel*, *Rogerus* de *Mulbrai*, *Richardus* de *Curceio*, *Willielmus* *Fossart*, *Willielmus* *Peverel*, *Willielmus* *Clerfeith*, & multi alii. Multi cæsi, dispersi tandem universi, etiam & *Waleran* Comes de *Mellant*. Stetit autem rex in acie quasi leo fortiorum fortissimus ad nullius perterritus occursum. Disscuitque omnes ad congressum sese opponentes donec comminueretur gladius in manibus ejus. Posuit vero in manu ejus securem *Danicam* quidam civis *Lincolniæ*. Nec facile dictu est quanto spiritu fortitudinis ipse imminuit adversariis. Viditque tandem omnibus sociis suis pene dispersis se solum residuum fore, nemo tamen ut comprehenderetur præsumpsit manus inicere in eum. *Ranulfum* Comitem aliquid intentare volentem in eum ipse securi in capite impetiit, genibusque in terra sese excipientem non plus sapere debere quam oportuit sapere docuit. Ad arbitrium itaque ejus vocatus est *Rodbertus* Comes consanguineus ipsius, cui filio regis *Henrici* ipse rex sui corporis deditionem facere adquevit. Ductus est igitur ad *Wristou*, ibique sub custodia positus est. *Willielmus* de *Clerfeith* prudenter elapsus de manibus Comitum *Ranulfi*, in *Thicchehill* castrum suum se recepit, frequentique procinctu proturbavit Comitem ipsum & socios ejus. *Gilebertum* de *Gant* tunc adolescentulum captum cum rege compulit idem Comes ducere neptem suam uxorem. *Alanum* Comitem de *Richemund* evocatum ad colloquium suum *Ranulfus* Comes apprehendit, & castrum de *Galdint* & thesaurum in eo repertum sibi reassignare coegit multa famis afflictione, & alia egit in eum molesta. Castrum de *Potingaham* Imperatrix *Adela* exegit à *Willielmo* *Peverel*, & imposuit custodem in eo *Willielmum* *Pamel* cum militibus suis. Alios potentes viros captos cum rege absolvit sub pecuniariæ redemptionis sponcione. Tradiditque se plurima regni portio, acquiescentibus *Henrico* legato & *Theobaldo* archiepiscopo dominio ejusdem Imperatricis; pariter & *Lundonia* & *Wintonia* civitas. Vacavit sedes *Lundonia*, & ad ipsius favorem *Rodbertus* de *Sigillo* qui fuit Cancellarius regis *Henrici*, tunc monachus de *Redingas* vir bonus ad regimen illius sedis accitus est. Post Pascha *Galfridus* episcopus

Dunelmi defunctus est. Super quo parentes ejus tantum habentes, evisceratum & sale conspersum & infusum eum inhumatum reservaverunt, donec sub auctoritate *David* Regis *Scotia* in munitionibus *Dunelmi* reciperent *Willielmum* *Cumin* Cancellarium ejusdem regis. Fuerat enim idem *Willielmus* clericus & alumnus ejusdem *Galfridi* episcopi in obsequiis *Henrici* Regis. Videns itaque *David* rex multa competere in Imperatricis neptis suæ promotionem, post ascensionem Domini ad eam in *Suthangliam* profectus est. Divertensque ad *Dunelmum* receptus est in oppidum, præcipitque omnia arbitrio Imperatricis reservari; *Willielmum*que *Cumin* rerum gerendarum curam interim gerere. Venit itaque rex ad neptem suam, plurimosque ex Principibus sibi acquiescentes habuit ut ipsa promoveretur ad totius regni fastigium. Illa vero nequaquam secuta consilium regis, feminea levitate erecta in quoddam regii animi fastidium, contumacibus comminationibus principes contristavit. In regem quoque *Stephanum* truculenta se acturam professæ est. Iccirco *Henricus* legatus *Wintoniensis* episcopus frater regis *Stephani* aversus est ab ea, plurimique in inimicitias adversus eam concitati sunt. *Lundonienses* etiam eam ex urbe ejecerunt, plurimisque in regno tumultus exortus est, dissidentibus adversus se alterutrum his qui cum Imperatrice perseveraverunt, & qui ei renunciaverant. Rexit autem familiam regis *Stephani* *Willielmus* *Dipre* homo *Flandrensis*, & *Pharamus* nepos reginæ *Mattildis* & iste *Bononiensis*. Regina omnibus supplicavit, omnes pro ereptione mariti sui precibus, promissis & obsequiis sollicitavit. Et Deus superbæ restitit, humili vero dedit gratiam. Etenim imperatrix collectis viribus suis cum rege *Scotia* & *Rodberto* Comite ascendit in *Wintoniam*. Audiens milites suos inclusos in regia munitione expugnari à militibus legati, qui erant in moribus illius. Quam receptam in civitate regina adveniens cum suis obsedit: adjunxitque se ei in hoc opus *Henricus* legatus & *Lundonienses*, & de die in diem conveniens principum regni multitudo, cum quibus & *Ranulfus* Comes *Cestriæ*. Adversus quem concitatum est murmur in exercitu timentium dolum, iccirco aufugit ad obfessos. Cumque obsidio in dies protraheretur, fame afflicta est multitudo. Emissi sunt autem ducenti milites cum *Rodberto* filio *Eda* & *Henrici* regis notho & *Johanne* Marascaldo, ut conducerent in urbem eos qui comportabant victualia in ministerium Imperatricis & eorum qui obfessi fuerant. Quos persecuti *Willielmus* *Dipre* & pars exercitus utque ad *Warewella* (ubi est congregatio sanctimonialium) & milites, & omnem apparatus qui erat copiosus abduxerunt. Nota facta sunt hæc his qui in urbe erant. Qui jam non in concertatione sed in fuga spem salutis gerentes, egressi sunt, ne forte victores cum *Willielmo* *Dipre* ad socios regressi sumpta fiducia ex coridianis successibus aliquid subitum in eos excogitarent. Et Imperatrix quidem non sine magno conflictu & plurima difficultate erepta est. Emeruit in propugnatione ejus *Galfridus* *Boterel* frater *Alani* Comitum de *Richemund* celebrem laudem, extremos sociorum recolligans & incurtus hostium magnanimiter excipiens & potenter relidens. Rex vero *Scotia* amissis pene universis sociis imminens periculum evasit, & in regnum suum festinanter se recepit. Abscondit enim eum

STEPHANUS Rex. cum quidam filiolus suus *David Holifard* commilito eorum qui urbem *Wintoniam* obsederant. Incirco qui regem anxie requisierunt non invenerunt. *Rodbertus* Comes in angustiis cuiusdam pontis interceptus & retentus est. Et non multo post, id est circa festum sancti *Martini* habito ad alterutrum deliberativo consensu Rex *Stephanus* regno restitutus est, & *Rodbertus* Comes liber dimissus est suis.

Henricus episcopus *Wintonia* legatus ad audientiam domini Apostolici direxit *Willielmum* electum *Eboracensem*. Interpellabant enim eum *Willielmus* abbas *Rievallis* & *Ricardus* abbas de *Fontibus* secundus, *Cuthbertus* Prior de *Giseburn*, *Wallefus* Prior de *Cirkaham* & *Rodbertus Hospitalis*, quod pecuniaria sponfione ambierit ad honorem hunc. *Rodbertus* quoque *Bisfeh* Prior *Hagustaldensis* audita electione ejus statim domum suam exposuit & fratres, & sub *Bernardo* Abbate *Clara vallis* monachatu se contradidit.

An. Dñi
1143.

Anno M. Cxliij. *Ricardus* confirmatus est Prior *Hagustaldensis* secundum electionem fratrum per manum *Willielmi* decani & capituli *Eboracensis*. Siquidem his diebus *VWillielmi* electi *Eboracensis* causa audita est in consistorio papæ *Innocentii*. Affuit & magister *Walterus Lundeniensis* archidiaconus præ manibus scriptas gerens allegationes abbatum & Priorum in eum. Tandem datum est præceptum, ut in dominica tertia quadragesimæ sequenti anno, super quæstione hac, & qui affuerant tunc & qui abfuerant, illuc concurrerent. *Willielmus Paniel* magister militum in *Potingaham* movit militarem manum ad *Suthwellam*, volens irrumpere vallum quo conscriptæ ecclesiæ sanctæ *Mariæ* munebantur, & prædam agere. Viriliter egit multitudo provinciarum quæ confugerat illuc in propugnatione loci. Perit etiam in ictu sagittæ miles quidam ex hostili numero quiddam arrogans adversus locum hunc locutus. Profectus est itaque idem *Willielmus* ad Imperatricem, ut cum numero militum revertens locum ipsum expugnaret. Et ecce sub nocturnis tenebris secundum adinventionem duorum juvenum qui molendinis præerant, milites *Willielmi Peverel* conscendentes per clivum arcis, oppidum optinuerunt, omnesque qui Imperatrici faverunt de *Potingaham* ejecerunt. Post Pascha rex *Stephanus* prosequente eum regina sua *Matilde* venit *Eboracum*, militaresque nundinas à *Willielmo* Comite *Eboraci* & *Alano* Comite de *Richemunt* adversus alterutrum conductas solvit; habuitque in votis pristinas suas injurias ultum ire, & regnum ad antiquam dignitatem & integritatem reformare. Præventus vero infirmitate copias militum quas contraxerat remisit ad propria. His diebus *Rodbertus* de *Brus* obiit. *Willielmus* quoque *Cumin* ex datione imperatricis dominatus in rebus episcopalibus *Dunelmensibus* plurimos plurimum affixit. Potestas ejus quiddam tyrannicum sapuit. *Ranulfus* archidiaconus *Dunelmensis* nepos *Ranulfi* episcopi *Dunelmi*, vir præclaræ probitatis, in ecclesiasticis necessitatibus egressus est, malens exulare quam intrusioni qua *Willielmus Cumin* ad episcopalem dignitatem spiravit acquiescere. Secutus est eum citius *Rogerus* Prior ejusdem ecclesiæ, vir sanctissimi meriti, à primævis annis enutritus in claustralibus institutis. Nec multo post in ecclesia *Du-*

nelmensi interdictum est divinum officium, cessavitque in ea omne divinum canticum.

STEPHANUS Rex.

An. Dñi
1144.
Anno M. Cxliv. secundum tenorem præcepti Apostolici *Willielmus* abbas *Rievallis*, *Ricardus* abbas secundus de *Fontibus*, *Cuthbertus* Prior *Giseburne*, *Wallefus* Prior de *Kirchaham* & *Rodbertus Hospitalis Romæ* convenerunt, cum quibus *Walterus Lundeniensis* archidiaconus & *VWillielmus* Cantor *Eboracensis*. Astitit & *VWillielmus* electus cum suis coadjutoribus. Adversus quem coram apostolico processerunt in causam hi qui eum appellaverant. Summa vero querelæ eorum in hoc niti videbatur, quod *VWillielmus* Comes *Eboracensis* in Capitulo *Eboracensi* præcepit ex hore regis hunc *VWillielmum* eligi. Incirco decrevit apostolicus, ut si decanus *Eboracensis VWillielmus* juraret hoc Regis præceptum ad Capitulum per Comitem nequaquam perlatum, hunc ad consecrationem sollempniter posse admitti, si tamen & ipse pro se fidem daret, datione pecuniæ hunc honorem se non appetisse. Impetratum etiam fuit vice decani aliam approbatam personam ad sacramentum posse substitui. *Rogerus* Prior *Dunelmensis* & *Ranulfus* archidiaconus directa legatione ad Apostolicum, ei afflictiones ecclesiæ *Dunelmi* exposuere. Cujus auctoritate freti convocaverunt ad se apud *Eboracum* in capella sancti *Andrea* quæ est sita secus ecclesiam sancti *Petri*, paucos de personis dioecesis *Dunelmensis*, quos vix habere poterant propter persecutionem *VWillielmi Cumin* in media Quadragesima. Consenserunt ergo omnes in electione *VWillielmi* decani *Eboracensis*, qui his diebus cuidam Concilio apud *Lundoniam* intererat. Erat enim grandævus, scientia litterarum, prudentia animi, & honestate conversationis episcopali dignus officio. Remeanti vero occurrentes apud *Wintringaham* super flumen *Humbram* in ecclesiam eum assumentes, consilii sui negotium manifestarunt, & quamvis multum renitente & adversante in eo consensum suæ electionis confirmaverunt invocatione divinæ gratiæ. Super promotione ejus facta est dilatio, quia *Henricus* episcopus *VWintoniensis* legatus in *Normanniam* transfretavit. Ad cujus reditum circa pentecosten ipse electus cum personis *Dunelmensibus VVintoniam* adierunt. Impetrato igitur assensu legati, & per eum regis super eo, in octabis sancti *Johannis Baptiste* cum sollempni reverentia, cooperantibus novem episcopis, consecratus est in ecclesia sancti *Swithini*. Apostolicus vero posuit *VWillielmum Cumin* sub anathemate; & archidiaconatus ejus quem habuit in *VWigornensi* ecclesia sine spe reposcendi alij datus est. Qui super his exasperatus, in clericos & laicos quoscunque comprehendit instar inhumanissimi prædonis grassatus est, totamque pecuniam exhaustis provinciæ. Non erat princeps neque dux qui ejus violentias comprimeret. Erat autem miles quidam *Rogerus* de *Coincneris* vir bonus & fidelis, hic non acquievit communicare actibus *VWillielmi Cumin*. Unde in possessione sua scilicet in *Wiscopun* firmavit sibi munitiunculam, quia locus congruebat circumcinctus palude. In hac receptus est *VWillielmus* episcopus, fuitque positus in mœnore, quia vidit homines & res episcopales affligi. *Henricus* Comes filius regis *Scotia* & *Alanus* Comes *Richemundi* pecuniis *VWillielmi Cumin* corrupti

EPHA- corrupti episcopum cassis obsequiis saepe deluse-
 rant. Venit idem episcopus cum multitudine ad
 Dunelmum, ecclesiam sancti *Egidii* vallo circum-
 cingere elaborans, ut haberet locum illum ad mu-
 nimen sui. Et monachi qui inclusi erant occultum
 aditum paraverant, per quem episcopum cum
 suis introducere proposuerant. Innotuit res *VVil-*
lielmo Cumin; qui cum satellitiis suis armatis
 irruens, violenter irrupit in monasterium, mona-
 chosque circa corpus beati *Cuthberti* prostratos
 in angustia spiritus reperiens iussit trucidari, li-
 cet nullus acquiesceret. Reposuitque illic custodes
 & arma. His etiam temporibus plurimi plurimis
 in locis similes intulere violentias ecclesiis & eccle-
 siasticis personis. *Galfridus* enim de *Magna villa*
 ejectis monachis monasterio de *Ramesbi* abusus
 est vice castri. Comes *Eboracensis Willielmus* inimi-
 citiis afflictus *Ranulfi* Comitis *Cestria* & *Gileberti*
 de *Gant*, monasterium sanctæ *Maria* de *Wzel-*
linton castrum sibi fecit. *Alanus* etiam Comes
 de *Richemunt*, apud *Ripun* armatus cum ar-
 matis irrumpens in ecclesiam, *VVilhelmum* ar-
 chiepiscopum secus corpus beati *VVilfridi* irreve-
 renter dehonestavit. Qui *VVilhelmus* à trans-
 marina regressus professione mense Septembris
 apud *VVintoniam* secundum Apostolici decretum
 legati constitit iudicio, confidentibus cleri *Anglia*
 nobilibus. Instabat pro eo multitudinis deinde-
 rium non tam deposcentis, quam exigentis eum
 consecrari. Non apparuit ibi quisquam qui ad-
 versus eum nutire præsumeret. Mandatus ad
 hunc conventum *VVilhelmus* episcopus *Dunel-*
mensis, directo responsali excusavit se per urgen-
 tes *Willielmi Cumin* perturbationes. Vice ejus
 surrexerunt *Radulfus Nuel* episcopus de *Orcadis*,
Severinus abbas *Eboracensis*, & *Benedictus* abbas
 de *Wittebi*, satisfacturi cum electo & pro electo.
 Consecratus est itaque à legato, scilicet *Henrico*
 episcopo *Wintonienh*, vj. Kal. Octobris *Williel-*
mus archiepiscopus *Eboracensis*, multis collatan-
 tibus super ejus promotione. Hoc anno obiit
 papa *Innocentius*: substitutus est pro eo *Celesti-*
nus vir grandævus, supra vires quædam animo con-
 cipiens adversus *Rogerum* Regem *Sicilie* propter
 eandem *Siciliam* quæ juri Apostolici compete-
 bat. Fuerat autem alumnus *Andegavensium*, eo-
 rumque manus corroborare in depreffionem regis
Stephani proposuerat. Qui & hac de causa in
 inimicitias *Henrici* episcopi *VVintoniensis* concita-
 batur. Obiit *Milo* Comes *Herfordie* in vigilia
 natalis Domini, venatui insistens & sagitta transfixus.
 Obiit & *Adam* de *Brus*.

n. Dñi
 1145.

Anno M. Cxlv. *Henricus* episcopus *VVin-*
toniensis *Romam* profecturus apud *Clunia-*
cum moratus est. Interim *Celestinus* papa obiit,
 cui *Lucius* successit, non adeo austerum spiritum
 animi gerens. In conspectu ejus prædictus *Hen-*
ricus episcopus gratiam reperit, & eorum quos
 Imperatrix adversus eum direxit illuc allegationes
 accusationum infirmavit. Legati tamen nomen &
 officium non optinuit. His diebus juvenis miles
VVilhelmus nepos *VVilielmi Cumin* cum favore
 multorum edoctus res militares disponere & ne-
 gotia populi amministrare, apud *Perrington* ec-
 clesiam sancti *Johannis* Evangelistæ vallo circum-
 cinxit, & custodiam militum ibi disposuit. Perdidit

autem sensum juvenis quidam cementarius & *STEPHA-*
 perit, qui propugnacula in muris ecclesiæ constru-
 xit. Percussus est & ipse miles passione, & morte
 subsequente citius multatus est. Quo mortuo, con-
 cidit spes & fiducia *VVilielmi Cumin*. Jam-
 que modestius sapere didicit, & velle reconcili-
 ari episcopo priusquam de eo similis expeteretur
 vindicta. Mediante ergo *Willielmo* archiepiscopo
VVilhelmus episcopus & *VVilhelmus Cumin* con-
 venerunt in fœdus pacis, ut *Ricardus Cumin* te-
 neret de episcopo *Alvertum* & totum illum hono-
 rem, cætera de integro resignarentur in manu epi-
 scopi. Erat autem iste *Ricardus* nepos *VViliel-*
mi Cumin frater illius *VVilielmi* defuncti. Die
 itaque sancti *Luce* Evangelistæ episcopus in sedem
 episcopalem intronizatus per manum *VVilielmi*
 archiepiscopi, & *VVilhelmus Cumin* cum multi-
 tudine sua absolutus est. Prosecuta est tamen eum
 debita ultionis pœna à Domino. Post aliquot enim
 dies miles quidam *Rodbertus* de *Mundavilla*, in
 quem & in uxorem ejus, scilicet filiam *Galfridi*
 episcopi *Dunelmensis*, idem *VVilhelmus Cumin* ne-
 quiter egerat, percussit nepotem ejusdem *VViliel-*
mi Osbertum adolescentem militem amantissimum
 omnibus qui in obsequio *Henrici* Comitis filii
 Regis *Scotia* fuerunt, & militem cum eo *Stepha-*
num potentem viribus & strenuum inter focios
VVilielmi Cumin. Ipsum etiam *VVilhelmum Cu-*
min Ricardus de *Luvetot* comprehendit, & per mul-
 tos dies in carcere tormentis gravibus & pœnis af-
 flexit. *Stephanus* rex Imperatricem in *Orenesford* ob-
 sedit, ipsius deditionem potius quam oppidi appetens.
 Ipsa vero in nivibus niveis involuta linteis beneficio
 noctis adjuta effugit, & in *Walingaforda* salvata est.

Anno M. Cxlvj. *Hicmarus* episcopus Car- An. Dñi
 adinalis directus ab apostolico *Lucio* legatus 1146:
 venit in *Angliam*, habens pallium *VVilielmo*
 archiepiscopo destinatum. Moram autem fecit
 per negligentiam idem *VVilhelmus* occurrere ei,
 circa alia minus necessaria occupatus, ut consuetu-
 dinem habuit; Fuerat enim filius *Herberti VVin-*
toniensis Thesaurarii *Henrici* Regis, enutritus
 semper in deliciis & divitiis, & raro labori assue-
 tus; benignitate tamen animi innocentis & li-
 beralitate plebi valde karus. Obiit itaque *Lu-*
cius papa, rexitque apostolicam sedem *Eugenius*,
 abbas observationis *Cisterciensis*, prius vocatus
Bernardus. Defunctus est etiam *VVilhelmus* pri-
 mus abbas *Rievallis*, usque in hodiernum diem
 pro meritis consummatæ virtutis apud posteros re-
 verendæ memoriæ habitus. Præfuit pro eo *Mauri-*
cus, à puero educatus in claustris *Dunelmensis* mo-
 nachus, & ad disciplinam rigoris *Cisterciensis* voto
 perfectionis se transferens. Quo post modicum of-
 ficio abbatis eodem fervore perfectionis renuncian-
 te, substitutus est pro eo *Ethelredus* abbas, præ-
 eminentem gratiam in sermone sapientiæ adeptus
 à Domino. Defunctus est & *Ricardus* secundus
 abbas de *Fontibus*. Transtulit ad regimen illius
 loci *Bernardus* abbas *Clare vallis*, *Henricum*
Murdac abbatem *Vallis clare*, excellentia qui-
 dem generis sed potius præcellentem frugalitate
 conversationis, ante monachatum, sub venerabili
 archiepiscopo *Turstino* tam in *Eboracensi* ecclesia
 quam in circumjacenti provincia ex dono paren-
 tum honoribus & divitiis locupletatum. Re-
 sumpta

STEPHANUS Rex. sumpta itaque confidentia convenerunt qui ad-
versati fuerant *Willielmo* archiepiscopo, & cum
eis iste *Henricus* plurimum præsumens sibi de gra-
tia Apostolici. Quibus instantibus in appellatione
adversus eundem archiepiscopum *Eboraci*, *Hic-*
marus revocatus *Romam* rediit, palliumque repor-
tavit.

An. Dñi

1147.

ANno M. Cxlvij. *Willielmus* archiepiscopus
Eboracensis apostolicum *Eugenium* adiit,
officii sui plenitudinem, id est pallium postulatu-
rus. Astipulabantur ei instantes suffragia *Romani*
senatus. Scripsit vero adversus eum *Bernardus*
abbas *Clara vallis*, cui apostolicus quasi peccatum
arriolandi reputavit repugnare, & quasi scelus ido-
latriæ nolle acquiescere. Fuitque in angustia ani-
mi positus dum frustrata *Romanorum* sententia
abbatis consulto præfert satisfacere. Præcepit ita-
que tandem eundem *Willielmum* ab officio episco-
pali cessare, donec *Willielmus* episcopus *Dunelmi*
decanus quondam *Eboracensis* secundum decre-
tum *Innocentii* papæ sacramento suo huic con-
troversie finem daret. Videns ergo idem *Williel-*
mus conatus suos nequaquam prosperari, ad *Ro-*
gerum Regem *Sicilia* cognatum suum divertit, &
cum *Rodberto* Cancellario ejusdem regis oriundo
de *Anglia*, scilicet in *Salesberia*, plurimis diebus
commoratus est. Erat autem *Rodbertus* idem poten-
tissimus inter amicos Regis, pecuniosus & donatus
honoribus magnis. Afflictione ejusdem *Willielmi*
permoti quidam milites consanguinei ejus, quan-
dam possessionem monachorum de *Fontibus* cum
copiis opum quæ ibi congestæ conservabantur in-
cenderunt. Facta est super hoc querela coram A-
postolico, qui plurimum voluit posse manus in eun-
dem *Willielmum* inicere & ulcisci. His temporibus
orta simultate inter *Theobaldum* archiepiscopum
Cantie & *Henricum* episcopum *Wintonia*, ipsi ad-
versum alterutrum Apostolicum appellaverunt; scri-
ptisque directis & exeniis sumptuosos papam & se-
natum quisque pro se prævenire studuit. Interdixit
etiam archiepiscopus episcopo episcopale & sacerdo-
tale officium. Industria tamen Regis *Stephani* epi-
scopus frater ejus in gratiam archiepiscopi receptus
est. Super quo archiepiscopus præfens offensam A-
postolici incurrit, quia eo inconsulto hoc factum
est; animus enim Apostolici cum Rege *Stephano*
& fratre ejus *Henrico* episcopo non fuit. Præminuit
his diebus in clero *Romano* *Rodbertus Pullanus* Can-
cellarius Apostolicæ sedis, in omni sapientia & do-
ctrina experientissimus, *Britannia* oriundus, ab in-
eunte ætate philosophiæ deditus, ejusque optentu
episcopalem honorem ab *Henrico* Rege oblatum
respuens, victum & vestitum habens his contentus
fuit.

1148.

ANno M. Cxlvij. *Ludovicus* rex *Francia* zelo
Christianæ fidei paganam multitudinem ex-
pugnaturus *Jerosolymam* profectus est, peregre
proficiscente cum eo regina sua *Alienora* filia
Willielmi Ducis *Aquitannie*. Profecta est cum
eo pene infinitas quædam ex universitate regno-
rum & provinciarum Christiani cultus, pari propo-
sito ducta.

Periit in hac profectione *Willielmus* de *Ware*
Comes à paganis interceptus, qui custodiam poste-
ram Christiani exercitus observabat. Perierunt &

nobiles principes de transmarinis partibus, & multi-
tudo plurima cum eo. Promeruit celebrem gloriam
Rogerus de *Mulbrai*, singulari certamine de quo-
dam pagano tyranno triumphans. *Eugenius* papa
in *Gallis* Concilio præficiens *Willielmum* *Eboracen-*
sem generali edicto ab archiepiscopatus *Eboracensis*
officio & beneficio ammovendum censuit. Qui etiam
directa epistola ad *Willielmum* episcopum *Dunelmi*
& capitulum *Eboracensem*, infra dies xl. acceptæ
epistolæ loco ejus virum litteratum, discretum, reli-
giosum eligendum decrevit. Eundem itaque *Wil-*
lielmum de *Sicilia* reversum *Henricus* episcopus
Wintonia ad se tulit, eique non nisi quasi archi-
episcopo officiosissime cotidianum ministerium præ-
rogavit. Qui in toto tempore humiliationis suæ non
protulit murmur, non querimoniam, sed corde tacito
mens sibi conscia conservavit patientiam. Adversus
æmulos non oblocutus est, immo ab obloquentibus
animum & auditum avertit. Nullus ex sociis adeo
frequens & continuus assedit lectioni, institit orati-
oni, totus enim immutatus est in virum alterum.
Igitur secundum Apostolici decretum in suburbio de
Richemund apud ecclesiam sancti *Martini* in vi-
gilia S. *Jacobi* apostoli convenerunt majores cleri
Eboracensis ecclesiæ & dioceleos, de electione archi-
episcopi tractaturi. Noluit enim *Willielmus* episco-
pus *Dunelmi* *Eboracum* venire, quia infestus ei fuit
Willielmus Comes *Eboraci*, à quo sub vi anathe-
matis episcopus exigebat *Ovenden* & alias posses-
siones ecclesiæ *Dunelmensis* sibi præreptas à Comi-
te. Factaque est dissensio inter eos de qualitate
personæ eligendæ. *Rodbertus* enim de *Gant* cancel-
larius regis & decanus, & *Hugo* *Putheacensis* ne-
pos regis, & thesaurarius, quos *Willielmus* archi-
episcopus promoverat ad honores in ecclesia *Ebo-*
racensi & pars cum eis consenserunt in electione ma-
gistri *Hylarii* clerici Apostolici. *Willielmus* autem
episcopus *Dunelmensis*, *Aldulfus* episcopus de *Bar-*
leol, *Willielmus* de *Ango* Cantor *Eboraci* & archi-
diaconi & pars residua cum eis *Henricum* *Mur-*
dac abbatem de *Fontibus* prætulerunt in electione.
Litrem hanc eorum diremit Apostolicus consecrans
Henricum archiepiscopum *Eboracensem* apud civi-
tatem *Treveris* in octabis sancti *Andree* dominica
secunda Adventus Domini. *Hylarius* vero ex Apo-
stolici præcepto jam fuit consecratus episcopus ec-
clesiæ *Cicestræ*. Qui *Hylarius* in ministerio *Hen-*
rici *Wintonia* episcopi plurimum gloriæ precium
emeruit. Postea ad ministerium Apostolici trans-
latus, in reddendis & prosequendis causis advoca-
tus disertissimus & juris consulti peritus in curia
Romana fuit. Defunctus est eodem anno *Johannes*
episcopus *Glasguensis*, propter excellentiam virtutis
David regis *Scotia* familiarissimus, sepultusque est in
ecclesia de *Ceddewirth*. In qua Conventum regula-
rium clericorum ipse disposuit. Electus pro eo *Her-*
bertus Abbas de *Ralceio*, vir & ipse strenuus, conse-
cratus est à papa *Eugenio* apud *Antisiodorum*. Obiit
Alexander episcopus *Lincolniæ*. Obiit & *Rodbertus*
Comes *Glawornia* filius nothus *Henrici* Regis.

ANno M. Cxlix. *Malachias* archiepiscopus *Hy-*
bernica plenus fide & Spiritu sancto mandatus
ab Apostolico venit, iter faciens per *Angliam*, be-
nefaciens multis consilio saluari in verbo doctrinæ:
profectusque ad *Claram vallem*, infirmatus iiij. No-
nas Novembris sanctissimo fine quievit in Domino.
Qui

STEPH.
NUS REAn. Dñi
1149.

STEPHANUS Rex. Qui qualiter ab ineunte aetate vixerit, quia gregem Domini pavit in innocentia cordis sui, & intellectibus manuum suarum deduxit, *Bernardus* abbas *Clara vallis* fidei scribit relatu. *Rodbertus* quoque episcopus *Herefordensis* in transmarinis partibus cum Apostolico consistens infirmatus obiit, quem clerici ejus propter reverentissimum vitam ipsius meritum inde reportatum ad sedem episcopalem sepelierunt. His temporibus civitas *Holispontis* in *Hispania* circumcincta obsidione & expugnatione à *Christianis* capta est. In qua ejectis idolatris sedem episcopalem resuscitaverunt. *Henricus* archiepiscopus *Eboracensis* in *Angliam* venit; quem recipere rex *Stephanus* & civitas *Eboracensis* non acquivit; factaque est confusio maxima infidelitatis in ea. Quisquis enim ad eum egredi præsumeret, à civitate, si in manus civium recideret, cum tormento & dampno rerum quas habebat ejectus est. Præbendæ in fiscum regium redactæ sunt, & homines sancti *Petri* violentiis & direptionibus expositi. In *Ripun* *Henricus* archiepiscopus se recepit, & in *Hugonem Pusheacensem* thesaurarium anathematis sententiam dedit, & in omnes in civitate *Eboraci* consistentes. *Willielmum* quoque Comitem *Eboracensem*, & omnes à se dissidentes pari poena multavit. *Hugo* vero thesaurarius in *Eboracensi* ecclesia principans, nichil de ecclesiasticis serviciis omitti permittens, *Henricum* archiepiscopum & ei obsequentes pari instantia excommunicari fecit. Facta est sorda in archiepiscopatu super hac re dissensio & zeli contentio. *Willielmus* episcopus *Dunelmi* *Henricum* archiepiscopum sollempniter excepit. Cui venienti ad regem *David* in *Karleolum*, *Addulfus* episcopus ejus urbis parem reverentiam exhibuit. His temporibus *Henricus* episcopus *Wintonie*, in expensis opulentis, & gloria divitiarum multa *Romam* profectus, à minis adversariorum coram Apostolico potenter se evoluit. A quo postulatus papa scripsit *Henrico* archiepiscopo, ut in *Hugonem Pusheacensem* nepotem ejus mitius ageret. Qui *Hugo* thesaurarius interim episcopales possessiones *Wintonie*, & castra cum militari manu ipse militans defendebat. Cujus complicitum contentio in hac ejus remotione quietius egit in *Henricum* archiepiscopum.

An. Dñi 1150. **A** Nno M. Cl. *Henricus* filius *Galfridi* Comitis *Andegavis* & *Adela* Imperatricis, ad Pentecosten venit *Karleol*. Excepit eum rex *David* cum reverentia magna & sumptuosa præparatione opulentæ munificentiae. Militiæ enim cingulo donavit eum, cooperantibus sibi *Henrico* filio suo & *Ranulfo* Comite *Cestrie*. Remisit autem idem *Ranulfus* indignationem qua *Karleol* sub patrimoniali jure reposcere conlueverat, fecitque homagium eidem regi *David*. Convenit enim sermo inter eos ut pro *Karlel* haberet honorem de *Lanecastre*; filiusque *Ranulfi* Comitis ducturus foret uxorem unam de filiabus *Henrici* filii regis *Scotie*. His diebus rex *Stephanus* venit *Eboracum*, munitunculamque *Goldric* in manus civium diruendam tradidit. Pollicitatione enim magnarum pecuniarum adventum regis illuc impetrare, terrore opidanorum, ex illa parte urbe ingredi vel egredi non præsumentes. Et rex *David* & tyro *Henricus* dux *Normanniae*, & *Ranulfus* Comes *Cestrie* in unam sententiam convenerunt, junctis viribus in regem

STEPHANUS Rex. *Stephanum* pergere. Processitque rex *David* cum copiis suis ad *Lanacastra*, & *Henricus* prædictus cum eo, ibi enim *Ranulfus* Comes promisit cum collectis agminibus suis occurrere illis. Qui nichil eorum quæ condixerat profectus, avertit propositum eorum. Idcirco *Henricus* dux in patriam suam reversus, in militaribus se exercuit disciplinis; viribus corporis prævalidus, moribus quiddam senile præferens. Fuitque inter eum & *Eustachium* filium regis *Stephani* amulatio alternæ probitatis, erant enim ambientes ad ejusdem regni honorem. Quem *Eustachium* pater suus rex ad militiæ fasces celebriter extulit, adjutus favore & munificentis *Henrici* episcopi *Wintoniensis* fratris sui. Et *Stephanus* rex suggerentibus civibus *Eboracensibus* ad *Beverlacum* divertens, pecuniaria poena in homines loci illius ultus est, qui *Henricum* archiepiscopum eo inconsulto in villam recipere præsumserunt. Revocatus est autem ne castrum ibi construeret, beati *Johannis* evidenti revelatione conterritus & comminatione. Reversus vero ad *Eboracum*, ab optimatibus singillatim secundum uniuscujusque personæ qualitatem exegit & pecuniæ quantitatem. Fuit etiam in regno magnum dispendium, unusquisque enim ad adinventionis suæ libitum corruptit monetæ & numismatis precium.

Post regis abscessum venit filius ejus *Eustachius* *Eboracum*, divinaque officia in eo cessare reprens, clericos de divinis ministeriis nil omittere coegit. Scripsit super hoc *Henricus* archiepiscopus papæ anxie querelam. Eodem anno *Rodbertus* de *Chennehai* archidiaconus ecclesiæ de *Lincolnia* assumptus ad regimen ejusdem ecclesiæ, episcopus consecratus est. Rex etiam *Francie* *Lodovicus* à *Jerosolimitana* protectione in sedem regni reversus est.

A Nno M. Clj. *Rodbertus* de *Sigillo* episcopus *Londoniensis* in episcopalibus officiis sancte conversatus inter reficiendum gustans uvæ veneno illitas obiit. Defuncti sunt & in eadem refectione ei adjuncti plurimi eruditi, magni nominis viri. Successit pro eo *Ricardus* archidiaconus *Londonia*, eloquentia præditus valde commendanda: cujus novissima plena erant mœrore; obmutescens enim plurimis annis tandem tristi fine periit. *Gilebertus* episcopus *Olisiponis* prædicans in *Angliam* plurimos sollicitavit in *Hispaniam* proficisci *Ispalim* obsessuros & expugnatuos. Circa hæc tempora, *Ranulfus* Comes *Cestrie* quiddam præscarum insidiarum renovare velle in regem *Stephanum* deprehensus, artissimæ custodiæ est traditus. Qui & expositus plurimo tormento & afflictione *Lincolniæ* & alias munitiones suas regi restituit. Post multos autem dies dato pro se oblide *Gileberto* de *Clara* Comite nepote suo, à vinculis ipse solutus, omnia quæ promiserat irrita fecit, obsidemque periculo exposuit. Qui & anxius super ablatis sibi munitionibus id suum adinvenit remedium, de *Normannia* revocare *Henricum* ducem in *Angliam*, cui etiam ad optinendum regnum pollicitus fuit suam operam & multorum consensum. Applicuit igitur in *Angliam* dux *Normannia* *Henricus*, divertitque in ecclesiæ littoræ contigium oraturus. Ingrediensque basilicam subito obvium habuit ministrum altaris, acceptumque à presbytero celebrante divina misteria osculum pacis oblatum ab eo prius omnium ipse accepit. Contulit

An. Dñi
1151.

STEPHANUS
NUS Rex.

se ad eum *Rodbertus* Comes de *Legacestria*, & sapientioris consilii quidam proceres regni, videntes in eo sapientiam Dei ad faciendum iudicium. Qui vero volebant sibi posse licere quæ temere libebant, ab eo declinabant. *Hugo Putheacensis* thesaurarius *Eboracensis* apud *Jarum* ab anathemate absolutus, in gratiam *Henrici* archiepiscopi receptus est. Filius quoque Regis *Stephani Eustachius* solus cum solo *Henrico* archiepiscopo locutus omnem inimiticitiam remisit.

An. Dñi
1152.

Anno M. Clii. *Stephanus* rex & *Henricus* archiepiscopus convenerunt in gratiam: remissaque est in alterutrum adversus omnes cuncta querela. Idemque archiepiscopus in die Conversionis sancti *Pauli* in sede sua *Eboracensi* magnifice receptus est. Privilegia dignitatum, libertatum, immunitatum ab Apostolicis ecclesiis *Eboracensis* antiquitus collata ipse redempta super altare optulit. Qui & sub anathemate interdixit, ne quis ea de novo ab ecclesia illa alienare præsumeret. *Willielmus* enim archiepiscopus & privilegia, & multa alia preciosa de thesauro ecclesiæ *Eboracensis* pro pecuniis quas in profectionibus suis ad *Romam* insumperat, nummulariis exposuerat. Igitur quæ proposuit, in ecclesia *Eboracensi* dispositis, *Henricus* archiepiscopus citius *Romam* adiens, cum *Eugenio* papa Paschale festum celebravit, directus intercessor ad eum super negotiis regis & regni. In quibus præcipuum fuit, ut *Eustachius* filius regis Apostolica auctoritate confirmaretur hæres regni. His diebus appulit apud *Tynamutha* in *Northymbria* *Johannes* presbyter Cardinalis directus Apostolicæ sedis legatus cum palliis *Hybernienfibus* directis. Excepit eum *Willielmus* episcopus *Dunelmi* cum reverentia. Scripsit autem *David* regi *Scotie* significans de se & de causa adventus sui, expetens conductum ejus in *Hyberniam*. Et rex tunc cum exercitu suo confirmavit *Willielmum* filium *Dunecani* nepotem suum in honorem de *Scriptun*, & *Crasna*, munitiunculamque ab hostibus constructam effregit, eiecitque mililibus diruit. Peccaverunt ibi *Scotti* in direptionibus ecclesiarum, pro quibus rex dato unicuique ecclesiæ calice argenteo satisfecit. Auditis litteris domini Cardinalis, rex festinanter occurrit apud *Karlet*, præmittens ad eum Cancellarium suum apud *Hagustaldensem* ecclesiam; in ea enim idem Cardinalis excellenter susceptus est, & cum eo quidam episcopus *Hybernica*. Venientem itaque ad se Cardinalem circa festum sancti *Michaelis*, rex & filius ejus *Henricus* Comes officiose susceperunt, ejusque favorem expensis & obsequiis devotis emeruerunt. Profectus inde in *Hyberniam* quatuor pallia certis sedibus distribuit, gentemque in ea legi nuptiarum non assuetam plurimum correxerit. Venerat autem idem Cardinalis presbyter in præcedenti anno ad regem *Angliæ*, cui non acquievit rex conductum præstare nisi fidem daret se in hac profectione regno *Anglorum* nullum dampnum querere. Reversus est ob hunc sermonem cardinalis ad Apostolicum indignans; fuitque super hoc *Romana* Curia ingrata regi. *Galfridus* Comes *Andegavensis*, princeps potens & prudens valde in disponenda republica sua, obiit, filium suum *Henricum* ducem *Normannia* hæredem suæ virtutis & honoris dimittens. Cui in augmentum divitiarum additus est ducatus *Aquitannia*. Causa

enim consanguinitatis facto divortio inter *Ludovicum* regem *Francia* & *Alienoram* reginam suam, iste *Henricus* accepit eam uxorem cum ducatu supradicto. Erat enim ipsa hæres unica *Willielmi* ducis patris sui.

An. Dñi
1153.

Anno M. Clii. *Johannes* presbyter cardinalis legatus, in *Hybernia* propter quæ missus fuerat dispositis, post Pascha reversus est ad regem *Scotie* propter devotissimum reverentiæ obsequium plurimo sibi dilectionis affectu devinctum. *Stephanus* vero rex prioris repulsæ suæ poenitens, eundem cardinalem ad se rogavit venire, pollicens ei de priori injuria se velle satisfacere. Eisdem diebus *Matildis* regina *Angliæ* uxor *Stephani* regis obiit, sepultaque est in villa regia *Fetresham*, in qua conventum monachorum & mansionem eorum ipsa disposuerat. Post Pentecosten defunctus est cognatus ejus *Henricus* Comes filius *David* regis *Scotie*, modestissimi spiritus princeps, homo disciplinatus, & timoratus, & devotus in misericordiis pauperum; sepultusque est in monasterio monachorum apud *Calcebon* secus *Rochesburgh*, quod *David* pater ejus construxerat. Rex autem *David* dissimulato mœrore super interitu reginæ *Angliæ* neptis suæ & filii sui unici tulit continuo *Melcholum* primogenitum filii sui, & dato ei rectore *Dunecan* Comite cum exercitu copioso, jussit eundem puerum per provincias *Scotie* circumduci & proclamari hæredem regni. Juniores vero filium *Willielmum* ipse assumens venit ad *Novum castellum*, acceptisque obsidibus à principibus *Northymbria* omnes ejusdem pueri dominio subditos fecit. Decessit & *Theobaldus* Comes *Palatinus* nepos *Henrici* regis & frater *Stephani* regis, multorum cœnobiorum constructor, munificus in peregrinos & pauperes, princeps pacis & justiciarum, utilissimus in moderanda republica totius regni *Francia*. *Henricus* *Eboracensis* archiepiscopus venit ad *Hagustaldensem* ecclesiam, moratusque est ibi in possessione sua per plurimos dies ætatis. Querelam etiam fecit apud *Karleol* regi *David* super forestam suam quam vastaverunt homines regis qui operabantur in argentaria. Zelo etiam legis ductus, dum esset ibi, canonicis in eadem ecclesia plurimam austeritatem quarundam institutionum superaddere studuit. Idem in præbendis ecclesiæ sancti *Oswaldi* apud *Glanocestria* canonicos regulares induxit, prælato eis Priore *Unfredo* litterato & religioso de conventu *Lantonia*. Qui & de præbendis ecclesiæ sancti *Johannis Beverlaci* idem propositum animi mortuo *Turstino* præposito gessit, quod tamen citamorte præventus consummare non potuit. Eodem anno *Willielmus* episcopus *Dunelmi* sanctæ memoriæ obiit, idus Novembris. Post cujus obitum continuo emerferunt incrementa tribulationum adversus clericos & laicos in episcopatu *Dunelmensi*. Clerici enim prorsus eluctabantur omne præceptum & mandatum *Henrici* archiepiscopi dissimulare, & absque ejus præjudicio quod valde pertimescebant episcopum sibi prævidere. *Rogerus* etiam de *Cognigniis* vice patris sui *Rogeri* jam defuncti munitionis *Dunelmensis* & terrarum potestatem agens, in procinctu militari augmentum gloriæ juveniliter sibi quærens, homines episcopatus pecuniaria exactio-
ne sæpe gravavit, eisque causa direptionis apud alios frequentius fuit.

Anno

STEPHANUS REX.

Anno Dñi 154.

ANno M. Clijij. apud *Dunelmum* in die sancti *Vincentii* martyris *Laurentius* Prior, *Wazo* & *Ranulfus* archidiaconus universasque cleri confenserunt in electione *Hugonis* thesaurarii *Eboracensis*, & per responsales suos *Wazonem* archidiaconem, & *Nicholaum* Priorem de *Bzincaburch* rem gestam citius *Henrico* archiepiscopo apud *Beverlacum* denunciaverunt. Archiepiscopus vero electionem improbens, accessumque responsalium ad se praveniens, diluculo ipse missam de Spiritu sancto celebravit, Prioremque, & archidiaconos anathemate dampnavit. Exortusque est tumultus multus adversus archiepiscopum super repulsa hac. Siquidem in capite jejunii apud *Eboracum* convenerunt ad archiepiscopum Prior & archidiaconi *Dunelmi*, & magister *Laurentius* & *Nicholaus* Prior, quos pariter excommunicaverat, sese absolvi postulantes electionemque suam canonum firmitate niti constanter astruentes. Insurrexerunt etiam in murmur cives *Eboraci* cum eis, contumelias regie majestatis vociferantes in eum. Idcirco archiepiscopus festinavit egredi ab urbe, & non est regressus in eam usque ad diem mortis suæ. Qui nec propter preces *Eustachii* filii regis venientis ad eum apud *Beverlacum* de sententia hac aliquid remisit. Dum hæc gererentur, *Hugo* electus in *Suthanglia* moratus non se immiscuit jurgio huic. Et clerici quidem *Dunelmi* videntes Apostolici gratiam archiepiscopo arridere, neque de rege neque de quocumque alio ad munimen sui præsumpsere. Verumtamen post multas difficultates absoluti sunt, adjuti mandatis *Theobaldi* archiepiscopi *Cantuariensis* legato sedis Apostolicæ. Mense Augusto *Hugo* venit *Eboracum*, & archiepiscopum sibi propitium non habuit, cui capitulum *Eboracense* consilium vel auxilium ferre non præsumpsit. Fretus itaque scriptis *Theobaldi* archiepiscopi & aliarum approbatarum personarum *Angliæ* ipse cum clericis *Dunelmi* præsentiam papæ adiit. Magister vero *Laurentius* divertens ab eis, apud sanctum *Albanum* monachorum se contradidit institutis, post paucos annos à rege *Henrico* monachis *Westmonasterii* sullimiter prælatus, amoto abbate *Gervasio* filio regis *Stephani*, qui res loci illius juveniliter dissipavit. Eodem anno *David* rex *Scotie* apud *Bartel* pressus infirmitate ix. Kal. Junii obiit, cujus memoria per omnes generationes in benedictione est. Similis illius principis in diebus nostris non fuit; divinis devotus officiis, singulis diebus omnes canonicas horas, etiam vigiliis defunctorum audire non prætermittens. Prædicabile quidem in eo, quod in spiritu consilii & fortitudinis barbaræ gentis suæ feritatem sapienter moderatus est: quod in abludendis pedibus pauperum frequens, alendisque eis & vestiendis misericors fuit: quod cœnobis *Saltehou*, *Mailros*, *Peubothle*, *Wolmcoltran*, *Jeddewerth*, *Crag*, & hæc quidem cis mare *Scotie* sita, terris & redditibus ad sufficientiam locupletata ipse construxit; præter ea quæ in *Scotia* & in aliis locis

bona operatus est. Qui etiam apud exterarum nationes, peregrinos, religiosos & seculares suis munificentis donavit. Gloriosius dixerim, quod frugalitate cotidiana victus & vestitus, sanctitate honestæ conversationis, disciplina morum etiam viris cœnobialibus se imitabilem præbuit. Regnavit autem xxix. annis, corpusque ejus ad *Dunfermelin* delatum in sepulchro regum *Scotie* sepultum est, ubi & sancta *Margareta* regina mater ejus requiescit. De quo fertur, quia mare quod adjacet *Dunfermelin* procellosis ventorum æstuavit fragoribus, naufragium minitans transfretare cum corpore volentibus: posito vero corpore regis in navi, mare quiescit à fervore suo. Cumque corpus in aliud litus à navi exponeretur, mare iteratis agitato est æstibus tempestatum. Tollens igitur omnis populus terræ *Melcholmum* filium *Henrici* Comitis filii ipsius *David* regis apud *Scotiam* sicut consuetudo illius nationis est, puerum admodum duodennem constituerunt regem pro *David* avo suo. De quo veraciter dici potest, Cum semine eorum permanent bona, hereditas sancta nepotes eorum. *Northymbria* vero subiecta fuit *Willielmo* fratri ejus. Obiit *Eustachius* filius regis *Stephani*; & *Henricus* episcopus *Wintonia* instantius promotiones *Henrici* ducis excoluit. Quo mediante, frater ejus *Stephanus* rex & *Henricus* dux datis acceptisque sacramentis abinvicem convenerunt in fœdus sub vinculo pacis. Confirmatumque est inter eos, quod *Henricus* dux negotia regni disponderet, hæresque regni post regem *Stephanum* haberetur, idemque *Henrico* episcopo *Wintonia* ut patri acquiesceret de causis agendis in regno. Qui & *Willielmo* filio regis *Stephani* cum comitatu de *Waren* conservatis ei quæ ex hæreditario jure ei competeabant, scilicet comitatus duo in *Anglia* principatum super negotia regni ei contraderet. Confenserunt in hoc omnes principes regni, humiliatique sunt sub manu regis *Stephani* qui adversati sunt ei. Continuo exiit edictum ab eis per omnes provincias violentias comprimere, direptiones interdici, milites conductitios & sagittarios exterarum nationum à regno eici, munitionesque quas quisque in sua possessione post mortem *Henrici* regis construxerat dirui. Justitia ergo & pax ubique in regno revocata est. Obiit *Simon Silvanectensis* Comes *Northamptonia*, & *Ranulfus* Comes *Cestrie*. Obiit *Eugenius* papa, successit ei *Anastasius* vir grandævus. *Bernardus* quoque abbas *Clare vallis*, quem unctio spiritus docuit de omnibus, defunctus est. *Henricus* etiam archiepiscopus *Eboracensis* apud *Beverlacum* pridie idus Octobris obiit, cujus corpus ad *Eboracum* delatum, in sepulchro pontificum ejusdem ecclesiæ conditum est. De quo in hoc opere quoddam miraculum mirabile, & in his diebus fere fatu & relatu incredibile, inserere volumus, sicut vir vitæ venerabilis *Ethelredus* abbas *Rievallis* stilo veraci & lenibus exaravit verbis. Vide post pag.

Explicit opus Johannis Prioris xxv. annorum.

Ricardus Prior Hagustaldensis, de statu & Episcopis Hagustaldensis Ecclesiæ.

Incipit Prologus operis sequentis.

De tempore Regum.

Generali nomine regio Northanhymbrorum tempore regum vocabatur quicquid erat ab Humbera flumine utque ad alium fluvium qui vocabatur Tweda. Hæc autem subdivisa erat in duas provincias, scilicet in Deiram quæ ab Humbera incipiens, ad Tesam fluvium terminabatur; & in Berniciam quæ à Tesa usque ad Twedam protendebatur. Unde etiam quidam reges Northanhymbrorum regnabant super solos Deiros, sicut Elle; quidam super solos Bernicios, sicut Adda filius ejusdem Elle; quidam super utrosque, sicut Edwinus filius ejusdem Elle, & sanctus Oswaldus, & post eum frater ejus Oswin. A tempore cujus Oswii utraque regio sub uno regno remansit.

De tempore Consulum.

Deinde tempore Consulum cœpit vocari Northumbria terra illa quæ erat inter Tinam & Twedam. Hodierno vero tempore provincia Northanhymbrorum appellatur terra illa quæ à fluminibus Tina & Derewentione incipit. Sunt etenim illi fluvii metæ ex illa parte inter terram sancti Cuthberti & comitatum Northumbria, quæ usque ad Twedam perveniens, ab occidentali parte habet Westmeriland & Cumberland, & ab orientali, inare, quod Oceanus dicitur. Illæ autem supradictæ provinciæ diversis temporibus Christi fidem susceperunt. Namque anno Dominicæ incarnationis DC. xxvij. regni vero sui xj. rege Edwin in die Paschæ Eboraci baptizato per beatum Paulinum sancti papæ Gregorii discipulum, Deira ad fidem Christi catholicam conversa est, & ab eisdem eodem anno ecclesia in honore sancti Petri Apostoli in Eboraco fundata est. At deinde vij. annis transactis, hoc est, Dominicæ incarnationis. anno

DC. xxxiiij. per prædicationem sanctorum Oswaldi regis ac martyris, & Aidani episcopi Bernicia Christianitatem suscepit. Mox autem eodem anno ipsi fundaverunt ecclesiam Lindisfarnensem in honore sancti Petri Apostolorum principis. Deinde xl. annorum curriculo transcurso circa Dominicæ incarnationis DC. lxxiiij. annum, à beatæ memoriæ Wilfrido Eboracensi episcopo, in honore S. Andreae Apostoli Hagustaldensis ecclesia fundata est. Igitur hæc solæ supradictæ tres ecclesiæ in tota gente Northanhymbrorum episcopali dignitate primitus in antiquo tempore celebres fuerunt. Inter quas Hagustaldensis licet erat tempore posterior, non tamen in possessionum habundantia, vel in ornamentorum copia, vel in dignitatum gloria inferior habebatur, excepto quod Eboracensis semper erat metropolitana; quoniam prædictus pater Wilfridus & beata Etheldrida regina, cum & in terrenarum divitiarum opulentia ditissimi & in Dei cultu devotissimi essent, summa mentis intentione ac tota animi alacritate hanc magnificare & exaltare sategerunt. Igitur sanctus Wilfridus episcopalem sedem in ea sedit primus. Quo expulso & exulante, Tunbertus, Eata, Johannes in eadem sibi per ordinem successerunt. Deinde ipse pater rediens, plene illam recuperavit. In qua post mortem suam sanctum Accam presbyterum suum successorem habuit. Isti igitur & alii sancti ac venerabiles viri qui prædictæ ecclesiæ episcopali jure præfuerunt, gloriosa vita atque conversatione sua prædicabili illam illustrem ac laudabilem reddiderunt. Quinetiam de factis & dictis suis quam plurima memorabilia, & in ea & in aliis locis post se reliquerunt. Quæ fere omnia tam regionis crebra vastitas, quam temporis longa vetustas delevit. Pauca tamen quæ in antiquorum scriptis sparsim invenimus, prout potuimus in unum collegimus. In quibus quanta & qualis illa ecclesia antiquitus fuerit, qui ex minimis majora perpendere exercitati sunt, saltem aliqua ex parte cognoscere possunt.

Explicit præfatio operis sequentis.

Incipiunt Capitula.

CAP. I.

Quomodo, & à quibus, & quando Hagustaldensis ecclesia sit edificata; & quare Westoldestham sit appellata.

II.

Quare quibusve causis in tempore beati Wilfridi duo episcopi ad ecclesiam Eboracensem consecrati fuerunt, ad quam ipse electus & consecratus fuit.

III.

De constructione & mirabili opere Hagustaldensis ecclesiæ.

IIII.

De aliis ecclesiis ejusdem loci: de surdo muto &

tineoso per miraculum sancti Johannis sanato.

V.

De pace inviolabili per unum miliare circumquaque ipsius ecclesiæ, & de auctoritatibus & de confirmationibus archiepiscoporum & episcoporum, de privilegiis apostolicorum, & de libertatibus regum, de largitionibus principum eidem ecclesiæ collatis, & de terminis episcopatus ecclesiæ ipsius.

VI.

Quomodo beatus Wilfridus ad episcopatum accesserit, sive in episcopatu se habuerit.

VII.

Quod sancta Etheldrida dedit sancto Wilfrido, quem

quem familiariter & specialiter diligebat, **Wethelstham** cum circumjacente regione quam à rege Ecfrido in dotem acceperat, ut ibi episcopatum sibi faceret.

VIII.

De prima expulsionione sancti Wilfridi Eboracensis archiepiscopi.

IX.

Quoto anno ab incarnatione Domini sanctus Cuthbertus ad conversionem venit, & quomodo abbas Eata ecclesiam Lindisfarnensem ad regendum sicut Melrosensem recepit, & qualiter sanctum Cuthbertum de Melros ad Ripum transtulit, ac deinde ad Lindisfarnensem ecclesiam ut in Prioris auctoritate præfset redire fecit.

X.

Quomodo sanctus Cuthbertus ad ecclesiam Hagustaldensem electus fuit, & quare Lindisfarnensem recepit, & de iiij. sanctis episcopis qui contemporanei fuerunt.

XI.

Quomodo sanctus Wilfridus post expletionem octo annorum prima expulsionis sue episcopatum Hagustaldensem recepit; sanctus vero Johannes de Hagustaldensi ecclesia translatus Eboracensem suscepit.

XII.

De secunda sancti Wilfridi exultatione & revocatione, ac ejus felici morte.

XIII.

Recapitulatio annorum predictorum sanctorum episcoporum Johannis & Wilfridi.

XIII.

Quando sanctus Acca presbyter, vir strenuissimus, coram Deo & hominibus magnificus, cantator peritissimus, in litteris sacris doctissimus, ecclesiam Hagustaldensem suscepit, & quam mirifico ac multifario decore adornavit, & magnificis muneribus ampliavit, & multimoda largitate ditavit.

XV.

Quomodo sanctus Acca episcopus de sede sua fugatus est, & quod in testimonium sanctitatis ejus sudarium, casula & tunica, quibus corpus ejus involutum fuerat, cum pristina pulchritudine & fortitudine post multa temporum curricula reperta sunt.

XVI.

De temporibus trium episcoporum, scilicet Frendberti, Alcmundo, & Tilberto.

XVII.

De miserabili morte Elfwaldi regis Northumbriæ, & regno regis Osredi, & de synodo apud **Acleth**.

XVIII.

De curriculo annorum trium episcoporum, videlicet Ethelberto, Headredo, & Eanberto: & quomodo Ethelbertus sedem suam in Candida casa reliquit, & ecclesiam Hagustaldensem suscepit.

XIX.

De ordine, & numero, & annorum curriculo Hagustaldensium episcoporum ante devastationem miserrimam & desolationem maximam regionis Northumbriæ factam à rege Haldano Damarchiæ.

Expliciunt Capitula libri primi.

Incipiunt Capitula libri secundi.

CAP. I.

Quomodo Eardulfus episcopus & abbas Eadredus de insula Lindisfarnense incorruptum corpus sancti Cuthberti exportaverunt, & per vij. annos de loco ad locum cum illo discurrerunt.

II.

Quomodo per Eardulfum Lindisfarnensem episcopum, Hagustaldensis episcopatus apud Cestriam restauratur, & qualiter postea per Aldunum episcopum ad Dunelmum corpus sancti Cuthberti transportatur.

III.

Quod Hagustaldensis ecclesia ex illa antiqui honoris prerogativa hanc libertatem optinet, quod nec propter synodum, nec propter crisma, nec propter aliquam causam episcopo Dunelmensi aliquod debitum debet, nisi forte ob aliquam ecclesiasticam causam discutiendam ipse episcopus ecclesia mandaverit, & tunc Prior vel frater aliquis ipsius ecclesie veniet.

IIII.

Quod ecclesia Hagustaldensis nunquam patronorum suorum, episcoporum scilicet sanctorum Eata, & Acca, & Alchmundi, & ceterorum venerabilium presulum Fredberti & Tilberti divina pietate protegente sit deserta, nec unquam eorum sacris reliquiis sit destituta.

V.

Quomodo illa quondam inclita & multiplici cultu possessionis & religionis magnifica, Hagustaldensis videlicet ecclesia ecclesia Eboracensi cum quadam villa nomine **Holm** in prebenda sit data.

VI.

De quadam re digna memoria archiepiscopi Thomæ, & de eo quod Deus non per offensionem ad iram est provocandus, sed potius per bonam operationem ad misericordiam inclinandus, ut sue creatura misereatur propiciatus.

VII.

De electione secundi Thomæ Eboracensis archiepiscopi.

VIII.

Quando Hagustaldensis ecclesia post secundam devastationem à rege Danorum Haldano factam, ut predictum est, ad religionem est conversa.

IX.

Quomodo Ailanus presbyter pater Etheldredi abbatissae Rievallis predictam ecclesiam liberam & quietam Deo obtulit; in manu Prioris Rodberti Biset, per pulchrum philaterium cum magna devotione reddidit.

X.

Quomodo predictus presbyter apud sanctum Cuthbertum Dunelmi habitum monachilem suscepit, & qualia dona ad decorem domus Domini secundus Thomas Eboracensis archiepiscopus predictis canonicis donavit.

XI.

De morte pie memorie predicti Thomæ Eboracensis archiepiscopi, & de ejus successore Turstino, & de bonis que prefatis canonicis fecit.

XII.

De libertatibus regum & largitionibus principum, ac de elemosynis aliorum fidelium.

XIII.

XIII.

Quanta venerationis ac dignitatis Hagustaldense monasterium apud antiquos fuerit, quam mirifice fundatum, quam magnifice ornatum, & quam gloriosissime exaltatum extiterit.

XIIII.

De pace qua à regibus & principibus Hagustaldensi ecclesiæ & omnibus ad eam confugientibus antiquitus data fuerit, & quæ vindicta illis sit injuncta qui eam infregerint.

Expliciunt Capitula.

Incipit quædam brevis Annotatio bonæ memoriæ Ricardi Prioris Hagustaldensis ecclesiæ, de antiquo & moderno statu ejusdem ecclesiæ, & de pontificibus ejusdem ecclesiæ.

CAP. I.

Quomodo, & à quibus, & quando Hagustaldensis ecclesiæ sit edificata, & quare *Hestoldesham* sit appellata.

EST in *Northanhymbrorum* provincia haud procul à *Tina* flumine ad austrum sita villa quædam, nunc quidem modica & raro cultore habitata, sed ut antiquitatis vestigia testantur, quondam ampla & magnifica. Hæc autem à rivulo ibi decurrente, & quandoque ad modum torrentis exuberante *Hestilo* nomine, *Hestoldesham* quasi prædium *Hestilo* vocatur. Beata vero regina *Etheldreda*, *Annæ* regis orientaliū *Anglorum* filia, primo australium *Girvisorum* principi nomine *Tunberto*, sed illo post modicum defuncto, deinde *Ecfrido* *Northanhymbrorum* regi desponsata fuit. Quæ tamen integritatis virginalis gloriam semper intactam Deo protegente servavit. Hæc itaque sancto *Wilfrido* quem plurimum dilexit, illi inquam jam existenti *Eboracensi* episcopo prædictam villam cum circumjacenti regione, circa annum Dominicæ incarnationis DC. lxxiiij. in perpetuam eleemosinam dedit, ut eam episcopali cathedra sullimaret, quam ipse primus, & post eum alij jure ecclesiastico federent.

CAP. II.

Quare quibusve causis in tempore beati *Wilfridi* duo episcopi ad ecclesiā *Eboracensem* consecrati fuerunt, ad quam ipse electus & consecratus sit.

Igitur *Eboracensem* ecclesiā ad quam primo electus & consecratus fuerat, sed illo demorante vel potius exulante in transmarinis partibus, alij pro eo in eadem consecrati sunt antistites, illi eam tandem concessisse creditur. Ipse vero tum ob amorem dilectissimæ dominæ suæ, prædictæ scilicet reginæ, tum propter secretiorem & quietiorem vitam quam ibi agere poterat, tum quia in illis partibus Christianitatis religio rudis adhuc & novella erat, tum etiam quia ex decretis patrum noverat, absque magna necessitate non licere unum episcopum duos episcopatus simul possidere, tum quia *Agarho* papa in *Romano* Concilio ei laudaverat, ut ipsius consilio in *Eboracensi* ecclesia alius pro eo episcopus substitueretur, & ipse novum episcopatum suum possideret & restauraret, ad prædictum locum construendum & ædificandum omnem curam & operam suam impendit. Quod autem cultus fidei

Christianæ tener adhuc in partibus illis erat, ex hoc maxime manifestum est, quia quasi circa xl. annos antea, fidem Christi regio illa susceperat; Gens quippe *Berniciorum* per prædicationem sanctorum *Oswaldi* regis & martyris, & *Aidani Lindisfarnensis* episcopi anno Dominicæ incarnationis DC. xxxiiij. ad fidem Christi conversa est.

CAP. III.

De constructione & mirabili opere Hagustaldensis ecclesiæ.

Sanctus igitur *Wilfridus* circa Dominicæ incarnationis annum DC. lxxiiij. & ætatis suæ quasi xl. & episcopatus sui quasi x. & regni *Ecfridi* quasi iiij. in prædicta villa ecclesiā in honorem Dei & sancti *Andree* Apostoli ad rependendum beneficium quod ejus intercessione consecutus est, artificiosissima structura construxit. Nam cum primo *Romam* venisset, ejus ecclesiā frequentans de remissione peccatorum suorum pro qua instantius orabat, per hoc certificari postulabat, si de ingenii sui tarditate & linguæ suæ rusticitate ipsius interventu absolvi mereretur. Nec mora, precibus dilecti Apostoli sui tantam gratiam fidei suo contulit propicia Dei bonitas, ut ad quælibet discenda promptissimam ingenii vivacitatem, & ad quælibet intellecta explicanda congruam sermonis fecunditatem se habere sentiret, ut postea per innumerabilium animarum salutem quas Deo lucratus est, efficacissime in sancta ecclesia claruit.

Descriptio Hagustaldensis Ecclesiæ.

Igitur profunditatem ipsius ecclesiæ criptis & oratoriis subterraneis, & viarum anfractibus, inferius cum magna industria fundavit. Parietes autem quadratis, & variis, & bene politis columpnis suffultos, & tribus tabulatis distinctos immensæ longitudinis & altitudinis erexit. Ipsos etiam & capitella columpnarum quibus sustentantur, & arcum sanctuarii historiis, & imaginibus, & variis cœlaturarum figuris ex lapide prominentibus, & picturarum, & colorum grata varietate mirabilique decore decoravit. Ipsum quoque corpus ecclesiæ aperticulis & porticibus undique circumcinxit, quæ miro atque inexplicabili artificio per parietes, & coeleas inferius & superius distinxit. In ipsis vero coeleis, & super ipsas ascensoria ex lapide & deambulatoria, & varios viarum anfractus modo sursum,

modo deorsum artificiosissime ita machinari fecit, ut innumera hominum multitudo ibi existeret, et ipsum corpus ecclesie circumdare possit, cum a nemine tamen infra in ea existentium videri queat. Oratoria quoque quam plurima superius et inferius secretissima et pulcherrima in ipsis porticibus cum maxima diligentia et cautela constituit, in quibus altaria in honore beatæ dei genitricis semperque virginis *Mariæ* et sancti *Michaelis* archangeli sanctique *Johannis* Baptistæ et sanctorum Apostolorum, Martyrum, Confessorum atque virginum, cum eorum apparatibus honestissime præparari fecit. Unde etiam usque hodie quædam illorum ut turres et propugnacula supereminent. Quas autem et quorum Sanctorum reliquias, et quas et quam religiosas personas, et quantam ministrorum copiam deo devote servientium ibi congregaverit, et quam magnifice et religiose preciosis thesauris librorum, vestimentorum et quorumcumque utensilium et cæterorum ornamentorum usus sanctæ ecclesie congruentium ipsam basilicam interius ornaverit, nostræ exiguitatis sermocinulus explicare non sufficit. Atrium quoque templi magnæ ipsitudinis et fortitudinis muro circumvallavit. Præterquam in alveo lapideo aquæductus ad usus officinarum per mediam villam decurrebat. Multiplicem autem et copiosissimam ædificiorum structuram quæ vastatio & vastitas delevit superse-
dimus, cum tamen fundamenta plurima adhuc ibi passim reperiantur; sicut enim antiquæ historiæ et cronica testantur, inter ix. monasteria quibus prædictus præsul pater et patronus præerat, et inter omnia alia totius *Angliæ* artificiosa compositione et eximia pulchritudine hoc præcellerat. Denique citra Alpes nulum tale tunc temporis reperiri poterat.

CAP. IV.

De aliis ecclesiis ejusdem loci, de surdo muto & tinofo per miraculum sancti Johannis sanato.

Sunt autem præterea in eadem villa duæ adhuc aliæ ecclesiæ, una haud procul à muro matris ecclesie mirandi operis, et ipsa scilicet in modum turris erecta et fere rotunda, à quatuor partibus totidem porticus habens, in honorem sanctæ *Mariæ* semper virginis dedicata. Altera in honore sancti *Petri* Apostoli, aliquantulum remotior. Est etiam oratorium quoddam in veneratione sancti *Michaelis* archangeli dedicatum ultra flumen *Tine* in monte ripæ ejusdem amnis imminenti, qui Anglice *Ernesthou*, Latine mons aquilæ dicitur, ad septentrionem situm. Ubi etiam sanctus *Johannes* primo prædictæ, deinde *Eboracensis* ecclesie episcopus, mutum et tinosum sanasse legitur. Ibi quoque dei miseratione et Sanctorum suorum intercessione virtutes et miracula et morborum curationes usque hodie crebro fiunt. Unde etiam moderno tempore dum *David* rex *Scociæ* graves inimicitias exercens contra *Stephanum* regem *Angliæ Northumbriam* devastaret, duo *Picti* de ejus exercitu forte ad idem oratorium venientes, hostium ejusdem fregerunt, et quod ibi invenerunt secum abstulerunt; sed vindicta dei non defuit, nam mox dæmoni traditi sensu privantur, et prout furor eorum illos exagitabat, in conspectu omnium passim per nemora et rura discurrentes, alter ipse sibi os primo lapidibus conterens, deinde amputatis femoribus, alter seipsum in *Tina* fluvium submergens, uterque mis-

rabiler utraque morte dampnati perierunt. Igitur idem locus in magna veneratione habetur, & cum creberrime aliis temporibus, præcipue tamen in vigilia & natali sancti *Johannis* Baptistæ innumeris tam sanorum quam infirmorum hominum turbis frequentatur. A prædicta autem villa quasi per unum miliare distat. Has vero tres ecclesias sanctus *Wilfridus* incepisse creditur, sed beatæ memoriæ *Acca* pontifex successor ejus illas consummavit. Unam, ut supradictum est, ad honorem sanctæ *Mariæ* semper virginis, & aliam ad honorem sancti *Michaelis*; quia ejusdem Domine intercessione & ipsius archangeli visitatione, de quadam sua maxima infirmitate quam in *Gallia* apud *Meldun* passus est convaluit. Tertium vero ad sancti *Petri* apostoli honorem, quia tocians ad ejusdem sedem pro necessitatibus suis remeans, per ipsum ab ipsius successoribus honorifice susceptus, de omnibus injuste sibi adversantium calumpniis cum magno honore est liberatus. Præter has autem multas alias & hostilis crebra destructio, & plurima temporum revolutio consumpsit.

CAP. V.

De pace inviolabili per unum miliare circumquaque ipsius ecclesie, & de auctoritatibus & de confirmationibus archiepiscoporum & episcoporum, & de privilegiis Apostolicorum, de libertatibus regum, de largitionibus Principum eidem ecclesie collatis, & de terminis episcopatus ecclesie ipsius.

Hoc quoque monasterium sæpèdictus pater ex liberalitate & auctoritate Regum ac Principum pace excellenter nobilitavit; Omnibus namque venientibus & redeuntibus circumquaque per unum miliare ab ipsa ecclesia pacem inviolabiliter custodiri & suo tempore fecit, & posteris contuendam constituit. Quod institutum auctoritate & privilegiis *Romane* sedis Apostolicorum & archiepiscoporum & episcoporum & Regum & Principum tam *Scociæ* quam *Angliæ* confirmatum, quæ privilegia in eadem sunt ecclesia, hodierno quoque [tempore] immutabiliter conservat, & deo propitio perpetually conservabit. Sunt etiam ibi quædam loca à quatuor partibus ipsius ecclesie, quæ quasi signa & metæ ipsius pacis publicæ à populo ex nomine designantur, infra quæ nulli licet aliquem temerario ausu invadere. Quam institutionem si forte aliquis temerarius infringere audebit, & magnæ pecuniæ dampno obnoxius erit, & perpetuo anathematis gladio ab ecclesia seperabitur, nisi per ipsam ecclesiam ad congruam satisfactionem venerit. Unde ut in gestis antiquorum & modernorum reperiri potest, tempore pacis & belli innumeras hominum catervas cum eorum substantiis ab hostili invasione & gladio conservavit. Ut autem quidam ferunt, ab oriente mare, à meridie *Tesa* fluvius, ab occidente *Wetherhala*, à septentrione *Alna* fluvius, *Hagustaldensis* episcopatus termini fuerunt. Prædicto vero patri facile erat in dei opere tot & tantas impensas facere. Nam cum ix. monasteriorum pater, & plurimarum & ampliarum & regionum & divitiarum possessor esset, in tanto honore & reverentia habebatur, ut quam plurimi abbates & abbatissæ se suæque cœnobii suæ custodiæ subicerent & commendarent; alii vero post mortem suam eum sibi successorem suisque rectorem substi-

substituerent. Insuper etiam insignissimorum principum nobilitas filios karissimosque parentes suos ejus urbanitati & sanctitati committebant, ut institutionis suæ eruditione nobilitati in profectione ætate, aut secundum doctrinam & consilium sanctissimi præsulis deo inperpetuum servirent, aut ad antecessorum suorum dignitates jure successionis promoverentur. De Roma quoque & Italia & Francia & de aliis terris ubicumque invenire poterat, cementarios & quoslibet alios industrios artifices secum retinuerat, & ad opera sua facienda secum in Angliam adduxerat. Ad majorem autem evidentiam, quomodo prædictus pater ad episcopatum accesserit, & in episcopatu se habuerit, breviter & summatim repetatur.

CAP. VI.

Quomodo beatus Wilfridus ad episcopatum accesserit, sive in episcopatu se habuerit.

ANno igitur Dominicæ incarnationis DCXliij. regnante Oswio, Colmanno Northanhymbrorum episcopo, de Paschali observantia in communi Concilio à sancto Wilfrido qui tunc temporis presbyter erat, superato, & ideo ad patriam suam reverso, Tuda pro eo ordinatur episcopus, sed mox defunctus est. Eodem igitur, id est DCXliij. Dominicæ incarnationis & regni Oswii vicesimo secundo & ætatis suæ quasi xxx. anno, unanimi consensu prædicti regis & filii ejus Alfridi & sapientum regni, in idem concordante clero & populo, ad Eboracensem ecclesiam sanctus Wilfridus eligitur, & ab Alfrido Gallias mittitur, ut ibi quod tunc in Anglia non poterat, canonicè episcopalem consecrationem suscipere. Qui jussu Regis Franciæ ad quem missus erat, ab Agilberto olim Gewisorum sed tunc Parisiæ civitatis episcopo, cum eo convenientibus aliis undecim episcopis, in Compendio regio opido cum magno honore consecratus est. Cumque redire tardaret, quidam invidentes beato Wilfrido ob victoriam quam de Colmanno habuit, Oswio Regi persuaserunt, ut alium loco ejus episcopum consecrari faceret. Quorum insilio Rex infatuatus, Ceddæ abbatem cœnobii de Lestingham ad se vocavit, et eum Cantiam ordinandum misit. Sed archiepiscopo Deus dedit defuncto, divertens ad occidentales Saxones, et à Wino eorum episcopo episcopus ordinatus est, rediensque Eboracensem ecclesiam tribus sublimiter annis rexit. Verum sancto Wilfrido secundo post electionem suam anno revertenti, ut rumor innotuit, Ceddæ sedis suæ cathedram præoccupasse nihil omnino turbatus, sed placito vultu et hylari pectore cœnobium suum in Ripun repetiit, ibique cum magna mentis stabilitate secretius deo devote tribus annis servivit, nisi quod quandoque à Wulfario rege Merciorum et Egberto rege Cantuariorum ad episcopalia officia in eorum regionibus, quæ tunc episcopis carebant, exercenda, magnis precibus invitabatur. Expleto vero quadriennio, hoc est Dominicæ incarnationis DC. lxi. et regni Oswii vicesimo septimo et episcopatus sancti Wilfridi sexto anno, à Vitaliano Papa ad Cantuariensem archiepiscopatum consecratus Theodorus in Angliam venit. Ex cujus jussu eodem anno Ceddæ ab episcopatu depositus, et ad cœnobium suum in Lestingham redeunte, sanctus Wilfridus suæ, hoc est Eboracensis, necnon et omnium Northanhymbrorum episcopatum suscepit cu-

ram. Itaque eo tempore ille solus pontifex erat in toto regno Regis Oswii, id est in tota gente Deiorum et Berniciorum, et etiam super Britones et super Scottos de Lindisfarnensi insula, et super Pictos, quia Candida Casa nondum episcopum proprium habuerat.

CAP. VII.

Quod sancta Etheldrida dedit sancto Wilfrido, quem familiariter & specialiter diligebat, Westoldesham cum circumjacente regione, quam à Rege Egfrido in dotem acceperat, ut ibi episcopatum sibi faceret.

INterea vero Dominicæ incarnationis DCIxx. & episcopatus sancti Wilfridi vij. & regni sui xxix. anno, mortuus est Rex Oswius, cui eodem anno filius ejus Rex Egfridus in regnum successit. Hic beatam Etheldridam, ut prædictum est, nomine tenus conjugem duxerat. Hæc vero assensu Regis mariti sui circa regni ejusdem iij. & circa Dominicæ incarnationis DCIxxiiij. & circa episcopatus sui decimum annum dedit sancto Wilfrido, quem familiariter & specialiter diligebat, Westoldesham cum circumjacente regione, quam à Rege Egfrido in dotem accepisse creditur, ut ibi episcopatum sibi faceret. Quod & ipse sicut supradictum est fecit. Ipsa vero perpetuæ virginitatis integritate servata, postquam duodecim annis præfato Regi sic copulata fuerat, vix impetrata licentia ab eo, suscepto habitu religionis à sancto Wilfrido, effecta est sanctimonialis in cœnobio Ebba ipsius Regis amicæ. Post hanc autem accepit Rex Ermenburgam in conjugem. In cujus corde sathanas contra prædictum Episcopum odiorum & invidiæ fomenta conflans, per linguam ipsius usque ad expulsionem pontificis animum Regis accendit.

CAP. VIII.

De prima expulsionem sancti Wilfridi Eboracensis archiepiscopi.

ANno igitur Dominicæ incarnationis DCIxxviij. & regni Egfridi viij. & sui pontificatus xv. ab Egfrido Rege de episcopatu suo sanctus Wilfridus pulsus est, & viij. annis exulavit. Interim vero in loco ejus à Theodoro duo episcopi ordinantur, Bosa ad Eboracensem & Eata ad Hagustaldensem & pariter ad Lindisfarnensem, & utraque simul tribus annis rexit. Sed expleto triennio, ad solam Lindisfarnensem remansit, & eam tribus annis & dimidio gubernavit. Ille vero Eata magnæ sanctitatis & religionis vir erat, & abbas cœnobii Mailrosensis, & in magna veneratione & auctoritate & inter sanctos dei & inter potentes seculi habebatur. Erant quoque in consorcio cui ille præerat quam plurimi sancti viri, sed Boisilus sub eo Præpositi officio fungens, virtutum culminibus & spiritu prophetiæ pollens, inter cæteros fratres præminebat.

CAP. IX.

Quoto anno ab incarnatione Domini sanctus Cuthbertus ad conversionem venit, & quomodo sanctus abbas Eata ecclesiam Lindisfarnensem ad regendam.

dum sicut Mailrosensem recepit, & qualiter sanctum Cuthbertum de Melros ad Ripum transtulit, ac deinde ad Lindisfarnensem ecclesiam ubi in Prioris auctoritate praeesset, redire fecit.

Igitur fama bonitatis eorum cognita, sanctus Cuthbertus anno Dominicae incarnationis DCli. & regni Oswii ix. eorum exemplo & doctrina imbui cupiens, in Mailrosensi monasterio factus est monachus. Huic quoque Eata pro bonitatis & sanctitatis reverentia rex Oswii post mortem Tude episcopi fratres Lindisfarnensis ecclesiae commendaverat, ut sicut Mailrosensi ita & Lindisfarnensi monasterio abbatis jure praeesset. Unde & sanctum Cuthbertum utpote monachum suum primo transtulit de Mailros ad ecclesiam suam quam ei Rex Alfridus dederat in Ripum, deinde ad Lindisfarnensem ecclesiam ut Prioris auctoritate praeesset, sicut in vita ejus legitur. Hic igitur beatus pater & episcopus Eata venerandus, postquam ut supradictum est ad solum Lindisfarnensem episcopatum regendum remansit, ad Haugustaldensem ordinatus est pro eo Tunbertus, cui cum tribus annis praefuisset depositus est.

CAP. X.

Quomodo sanctus Cuthbertus ad ecclesiam Haugustaldensem electus sit, & quare Lindisfarnensem recepit, & de iiij. sanctis episcopis qui contemporanei fuerunt.

Anno igitur Dominicae incarnationis DCxxxiii. regni vero Egfridi xiiij. monachus sui xxxv. anachoreseos ix. hoc est anno proximo post depositionem Tunberti, electus est pro eo circa hyemem ad eandem, i.e. ad Haugustaldensem ecclesiam S. Cuthbertus; sed quia ille maluit ei praefici in qua conversatus fuerat, venerabili Eata episcopo & abbate suo reverso ad Haugustaldensem, ad quam primo, ut praedictum est, episcopus ordinatus fuerat, in Paschali sollemnitate Eboraci in praesentia Regis Egfridi à Theodoro ad Lindisfarnensem ecclesiam ordinatur. Hoc eodem anno Rege Egfrido circa Pentecosten occiso, mox frater suus nothus Alfridus pro eo regnavit. Hujus autem regni principio, id est Domini incarnationis DCxxxv. defuncto venerabili Eata & in Haugustaldensi ecclesia honorifice sepulto, episcopatum ejus suscepit sanctus Johannes, cui uno anno praefuit; secundo autem anno regni Alfridi qui est etiam secundus annus ordinationis sancti Cuthberti, contemporanei pontifices fuerunt idem sanctus Cuthbertus & sanctus Wilfridus. Uno enim tempore isti quatuor sancti pontifices fuerunt, Wilfridus Eboracensis, Cuthbertus Lindisfarnensis, Eata Haugustaldensis & ei succedens Johannes.

CAP. XI.

Quomodo sanctus Wilfridus post expletionem viij. annorum prima expulsionis sua episcopatum Haugustaldensem recepit, sanctus vero Johannes de Haugustaldensi ecclesia translatus Eboracensem suscepit.

Igitur eodem anno expletis octo annis primae expulsionis suae à Roma, Britanniam reversus sanctus

Wilfridus, auditis epistolis Apostolici Agathonis sedem & episcopatum suum Haugustaldensis ecclesiae recepit. Sanctus vero Johannes de Haugustaldensi translatus Eboracensem ecclesiam regendam pro defuncto Bosan suscepit, eamque laudabiliter xxxiiij. annis rexit. Deinde cum pro majore aetate episcopali officio minus sufficeret, ordinato in episcopatu Eboracensis ecclesiae Wilfrido presbytero suo, ipse ad monasterium suum quod apud Beverli in silva Deiorum est secessit, ibique deo digna conversatione iiij. annis in pace majori vivens, anno ab incarnatione Domini DCCxxi. regni vero Osrici iiij. nonas Mai beato fine quievit in Domino, sepultusque est in eodem monasterio in porticu sancti Petri.

CAP. XII.

De secunda expulsionem sancti Wilfridi, exulatione & revocatione, ac ejus felici morte.

At beatæ recordationis supradictus Wilfridus post quinque annos praefato rege scilicet Alfrido & plurimis episcopis eum falso accusantibus de transgressione praepceptorum Theodori Cantuariensis archiepiscopi item de praesulatu suo pulsus est. Interim vero sanctus Johannes utramque ecclesiam, scilicet Eboracensem & Haugustaldensem, procuravit: sed postquam tredecim annis secundo exulavit, à Romana sede item Angliam remeans, lectis litteris Johannis papae, Alfrido mortuo & Osredo filio suo pro eo regnante, primo anno regni ipsius praesulatum suum in Haugustaldensi ecclesia honorifice recuperavit, sicque quatuor annis in pace transactis, xlv. annos in episcopatu habens in monasterio suo in provincia Undalum anno Dominicae incarnationis DCCix. & regni Osredi v. feliciter agonem suum consummavit in Domino, corpusque ejus ad ecclesiam suam in Ripum perlatum ibidem juxta altare beati Petri apostoli ad austrum positum est.

CAP. XIII.

Recapitulatio annorum praedictorum sanctorum episcoporum Johannis & Wilfridi.

Fuerunt itaque anni vitae sancti Wilfridi circiter lxxv. annos, praecessitque in episcopatu sanctum Johannem supramemoratum xxij. annis, manseruntque simul in episcopatu xxiiij. annis. Postquam vero defunctus est sanctus Wilfridus, supervixit sanctus Johannes in episcopatu quidem x. annis & vi. mensibus & xiii. diebus, de quibus nulla mentio fit in compoto annorum in historia Anglorum. Forsitan ideo quia non conficiunt annum. Postquam vero episcopatum dimisit ut praedictum est, tribus annis privatam egit vitam. Quod autem sic se habuerint isti patres, & per annos episcopatum suorum & regum, & per annos de ordinatione sancti Wilfridi & de morte sancti Johannis suprapositos & in historia Anglorum annotatos, evidentissime probari potest. Si quis autem eorum vitas plenius nosse desiderat, vel historias Anglorum vel libellos de vita ipsorum conscriptos legere vel audire studeat.

CAP. XIV.

Quando sanctus Acca presbyter, vir strenuissimus, coram deo & hominibus magnificus, ecclesiam Hagustaldensem suscepit, & quam mirifico ac multifario decore adornavit, & magnificis muneribus ampliavit.

Suscipit vero eodem, id est DCCix. Dominicæ incarnationis & regni Offridi v. anno pro sancto Wilfrido episcopatum Hagustaldensis ecclesiæ Acca presbyter ejus, vir & ipse strenuissimus, & coram deo & hominibus magnificus, qui & ipsius ecclesiæ suæ quæ in beati Andrea apostoli honorem consecrata est, ædificium multifario decore ac magnificis ampliavit operibus. Dedit namque operam ut acquisitis undecumque reliquiis beatorum Apostolorum & martyrum Christi, in veneratione illorum poneret altaria, distinctis porticibus in hoc ipsum intra muros ejusdem ecclesiæ. Sed & historiarum passionis eorum, una cum ceteris ecclesiasticis voluminibus, summa industria congregans, amplissimam ibi ac nobilissimam bibliothecam fecit; necnon & vasa sancta & luminaria aliaque hujusmodi quæ ad ornatum domus dei pertinent, studioissime paravit. Cantorem quoque nomine Masan, qui à successoribus discipulorum beati Papæ Gregorii in Cantia fuerat cantandi sonos edoctus, ad se suosque instituendos accersivit, ac per annos xij. tenuit, quatenus & ea quæ illi non noverant carmina ecclesiastica doceret, & ea quæ quondam cognita longo usu vel negligentia inveterare cæperunt, hujus doctrina pristinum renovarentur in statum. Nam & ipse venerabilis episcopus Acca cantator erat peritissimus, quomodo etiam in litteris sacris doctissimus & in catholicæ fidei confessione castissimus, in ecclesiasticæ quoque institutionis regulis sollertissimus existerat, & usque dum præmia piæ devotionis acciperet existere non destitit, utpote qui à pueritia in clero sanctissimi ac deo dilecti Bosan Eboracensis archiepiscopi nutritus atque eruditus fuit. Deinde ad Wilfridum episcopum spe melioris propositi adveniens, omnem in ejus obsequio usque ad obitum illius explevit ætatem. Cum quo etiam Romanam veniens, multa illic quæ in patria nequiverat, ecclesiæ sanctæ institutioni utilia didicit, & suis subiectis tradidit. Hucusque verba venerabilis Bede presbyteri de eo quem miro venerationis & dilectionis affectu excolebat & amplectebatur. Unde etiam precibus & epistolarum exortatione ipsius episcopi provocatus, & propter ipsum & ad ipsum explanationem super Lucam & Marchum evangelistas & quædam alia scripsisse cognoscitur. Rexit autem prædictam ecclesiam xxiiij. annis.

CAP. XV.

Quomodo sanctus Acca episcopus de sede sua effugatus sit, & quod in testimonium sanctitatis ejus sudarium, casula & tunica, quibus corpus ejus involutum fuerat, cum pristina pulcritudine & fortitudine post multa temporum curricula reperta sunt.

Anno vero Dominicæ incarnationis DCC. xxxij. & regni Ceolwulfi iiij. & episcopatus sui xxiiij. de sede sua fugatus est, & ut quibusdam videtur

postea viij. annis vixit. Nam anno Dominicæ incarnationis DCCxl. & Regni Eadberti iiij. sicut historiarum testantur, xij. kal. Novembris de præsentis seculo sublatus est, cujus spiritus ab angelis perductus est ad brachium supernæ felicitatis. Qua autem urgente necessitate pulvis sit, vel quo diverterit, scriptum non reperi. Sunt tamen qui dicunt quod eo tempore episcopalem sedem in Candida incepit & præparaverit. Hujus vero sacrum corpus cum honore tanto patri congruo traditum est sepulturæ juxta secretarium suum, id est Hagustaldensis ecclesiæ. Deo autem volente declarare merita dilecti famuli sui, cum post multa temporum curricula ejus sepulchrum aperiretur, in argumentum magnæ sanctitatis & testimonium incommutabilis gloriæ ejus, sudarium lineum & casula & tunica sericeæ, quibus illud sacrum corpus indutum & involutum fuerat, non solum pulcritudinem, sed quod multo mirabilius est, pristinam fortitudinem incommutabiliter conservasse reperta sunt. Hæc autem dei magnalia videre desiderantibus in eadem specie & decore quasi incorruptibilia perseverantiam usque hodie in eadem ecclesia ostenduntur. Virtutes autem & miracula quæ per eum & per alios fideles servos suos, quorum reliquæ ibidem continentur, deus crebro operatur, hic supersedemus, alibi dicturi prout ipse nobis dederit.

CAP. XVI.

De temporibus trium episcoporum, scilicet Frethberti, Alcmundo & Tilberto.

Post illum autem anno Dominicæ incarnationis DCC. xxxiiij. & regni Ceolwulfi vi. vi. idus Septembris ordinatus Fredbertus Hagustaldensis ecclesiæ præsulatum suscepit. Anno vero Dominicæ incarnationis DCC. lxxvj. & regni Alcredi ij. & episcopatus sui xxxiiij. x. kal. Januarii glorioso fine migravit ad Dominum. Hunc autem subsecutus sanctus Alcmundus anno Dominicæ incarnationis DCC. lxxvij. & regni Alcredi secundo, octavo kal. Maii consecratur in antistitem. Qui Dominicæ incarnationis DCC. lxxxj. & regni Elfwaldi iiij. & episcopatus sui xiiij. anno, viij. idus Septembris extremum diem clausit in Domino. Post hunc vero dilectus pater Tilbertus in episcopatum subrogatur, anno eodem, hoc est Dominicæ incarnationis DCC. lxxxj. & regni Elfwaldi iiij. & sexto nonas Octobris consecratur, elevaturque in solio episcopalis cathedræ in loco qui appellatur Wilfswelle, hoc est fons lupi. Hic cum Eanhaldo archiepiscopo & Higbaldo præsule in monasterio quod Cozabryge dicitur Aldulfum episcopum consecravit.

CAP. XVII.

De miserabili morte Elfwaldi Regis Northumbriæ, & regno Regis Osredi, & de synodo apud Aclæbb.

Episcopatus quoque hujus anno viij. & Dominicæ incarnationis DCC. lxxxviiij. Elfwaldus rex Northanhymbrorum postquam decem annis regnavit, conjuratione facta ab ejus patricio Siga nomine, miserabili morte xi. kal. Octobris occisus est juxta murum in loco qui Cithlescester dicitur. Et regnavit Osredus Alcredi Regis filius ejusdem Elfwaldi nepos uno pro eo anno. Quo etiam anno iiij. kal. Octobris

Octobris synodus fuit in loco qui dicitur *Acleth*. In loco vero quo præfatus Rex occisus est lux cœlitus emissa sapissime à plurimis visa est. Unde à fidelibus illius loci ibidem ecclesia est constructa, & in honore dei & sanctorum *Cuthberti* episcopi & *Oswaldi* Regis & martyris consecrata. Corpus vero eximii Regis cum magnis monachorum & clericorum cuneis ad *Hestoldesham* perlatum est, & in ecclesia sancti *Andree* apostoli cum magno honore sepultum. Præfuit igitur *Haugustaldensis* ecclesiæ *Tilbertus* viij. annis, & Dominicæ incarnationis DCClxxxix. & regni *Osredi* primo anno migravit de hac vita, sepultusque est in eadem ecclesia.

CAP. XVIII.

De curriculo annorum trium episcoporum, videlicet Ethelberto, Hæddredo & Anberto, & quomodo Ethelbertus sedem suam in Candida Casa reliquit & ecclesiam Hagustaldensem suscepit.

Eodem anno, hoc est DCClxxxix. Dominicæ incarnationis anno, *Ethelbertus* sede sua in *Candida Casa* relicta, *Haugustaldensem* episcopatum suscepit, cui octo annis præfuit, & Dominicæ incarnationis DCCxcvij. & secundo anno postquam *Eardulfus* item est redditus regno xvij. kal. Novembris mortuus est in loco qui dicitur *Wartun*, cujus corpus ad *Hestoldesham* perlatum est, & à fratribus ipsius cœnobii venerabiliter sepultum. Eodem anno electus est pro eo *Headredus* in *Haugustaldensem* episcopatum, & post excursum paucorum dierum iij. kal. Novembris ab *Eanbaldo* archiepiscopo & *Higbaldo* episcopo ordinatus est in loco qui *Wudaforda* dicitur, & prædictam ecclesiam tribus annis regens Dominicæ incarnationis DCCC. & iij. anno postquam item regnavit *Eardulfus* defunctus est. Pro quo *Eadbertus* vel *Osbertus* electus & ordinatus est in loco qui *Ethingaham* dicitur anno Dominicæ incarnationis DCCC. ac eidem ecclesiæ xiiij. annis præfuit.

CAP. XIX.

De ordine & numero & annorum curriculo Hagustaldensium episcoporum ante devastationem miserrimam & desolationem maximam regionis Northymbrie factam à Rege Haldano Danamarchie.

ORdo *Haugustaldensium* episcoporum, & quot annis fuerunt episcopi.

Primus *Wilfridus* ————— xlv. annis

Secundus *Eata* ————— vij.

Tunbertus ————— iij.

Quartus *Johannes* ————— j.

Hi autem tres sibi mutuo successerunt dum ab *Egfrido* Rege pulsus sanctus *Wilfridus* prima vice viij. annis exulavit.

Quintus sanctus *Acca* ————— xxiiij.

Sextus *Fredbertus* ————— xxxiiij.

Septimus sanctus *Alcmundus* ————— xiiij.

Octavus *Tilbertus* ————— viij.

Nonus *Ethelbertus* ————— vij.

Decimus *Headredus* ————— iij.

Undecimus *Eanbertus* vel *Osbertus* ————— xiiij.

Duodecimus *Tilferdus*. Sed tempus episcopatus hujus ignoratur.

Itaque episcopatus *Haugustaldensis* ecclesiæ incipiens circa DClxxiiij. Dominicæ incarnationis annum duravit Cxliij. annis, excepto ultimo episcopo cujus tempus ignoratur, scilicet usque ad DCCC. xiiij. annum Dominicæ incarnationis. Et nota quod liij. annis cessavit ante devastationem provincie *Northanhymbrorum*, quæ DCCCclxxv. anno Dominicæ incarnationis ab *Haldene Dano* facta est: qui sumpta tertia parte exercitus paganorum qui totam *Angliam* occupaverant, cum multa classe *Tinam* ingrediens, circa *Tinamuthe* applicuit, & inde profluens flamma & ferro in exterminium omnia duxit.

Explicit liber primus.

Incipit Secundus Liber.

CAP. I.

Quomodo Eardulfus episcopus & abbas Eadredus de insula Lindisfarnensi incorruptum corpus sancti Cuthberti exportaverunt, & per vij. annos de loco ad locum cum illo discurrerunt.

ANno Dominicæ incarnationis DCCC. lxxv. & ex fundatione *Lindisfarnensis* ecclesiæ CCxli. ab obitu sancti *Cuthberti* Clxxxix. & ex quo *Haugustaldensis* ecclesiæ episcopi defecerunt liij. & prioris vastationis lxxxiiij. & episcopatus *Headulfi* xxij. à Rege *Danorum Haldane* ut prædictum est *Northumbria* devastata, prædictus *Eardulfus* episcopus & Abbas *Eadredus* de insula *Lindisfarnensi* incorruptum corpus sancti *Cuthberti* cum maxima parte thesauri illius ecclesiæ exportaverunt, et ante faciem barbarorum

per vij. annos de loco ad locum cum illo discurrerunt. Deinde in villam nomine *Crecam* venientes ibi iij. mensibus resederunt. Tandem vero redeuntes ad villam olim *Kunkacestram* ac nunc *Cestram* vocatam deveniunt, ibique cum reliquiis quieverunt. Et quia sicut supradictum est jam multo tempore *Haugustaldensis* ecclesiæ sedes vacaverat, quippe ut quidam ferunt *Tilferdus* ultimus ejus episcopus in itinere versus *Romam* defunctus erat, et propter violentiam persecutionum non erat qui in illa regione illi succederet, et episcopatum ejus pro eo susciperet, in parochia ipsius præfatus *Eardulfus* episcopalia officia exercere cœpit; sicque ibi xvij. annis supervixit. Cui defuncto viij. episcopi ibidem ex ordine successerunt.

CAP.

CAP. I I.

Quomodo per Eardulfum Lindisfarnensem episcopum Hagustaldensis episcopatus apud Cestram restauratur, & qualiter postea per Aldunum episcopum corpus sancti Cuthberti transportatur.

Itaque anno Dominicæ incarnationis DCCC. lxxxij. & ab obitu sancti Cuthberti Cxcvij. regnante Guthredo, per Eardulfum Lindisfarnensem episcopum & ejus successores Hagustaldensis episcopatus apud Cestram restauratur, & Cxv. annis ibidem mansit. Anno vero Dominicæ incarnationis DCCCC. xcv. ab obitu sancti Cuthberti CCCxj. regni vero Ethelredi xvij. pontificatus vero sui vj. Aldwinus episcopus per visionem ammonitus propter superventuram pyratarum rabiem, cum populo loci illius corpus sanctissimi Confessoris inde ad Ripum tempore veris transportavit. Post iij. autem vel iiij. menses pace reddita cum ad Cestram remeare proponerent, ad orientalem plagam Dunelmi de loco qui Werdelaū dicitur, vehiculum sanctarum reliquiarum nullo modo promovere potuerunt. Sed post triduanum jejunium per visionem eis revelatum est, ut ad locum ubi nunc Dunelmum est divertentes ibi requiescerent. Sicque factum est. Hoc igitur modo cum sancto corpore episcopalis sedes quæ apud Hestfeldesham fuerat per successores Lindisfarnensium episcoporum primo apud Cestram, deinde apud Dunelmum ulque ad præsens permanfit. Si quis autem hæc plenius nosse desiderat, in gestis Dunelmensium episcoporum reperire poterit.

CAP. III.

Quod Hagustaldensis ecclesia ex illa antiqui honoris prerogativa hanc libertatem optinet, quod nec propter synodos, nec propter crisma, nec propter aliquam causam episcopo Dunelmensi aliquod debitum debet, nisi forte ob aliquam causam discutiendam ipse episcopus ecclesia mandaverit, & tunc Prior vel frater aliquis ipsius ecclesie veniet.

AB anno itaque quo pontifex Aidanus episcopalem cathedram apud Lindisfarnen primus sedit, usque ad annum quo Aldunus episcopus apud Dunelmum episcopatum incepit, computantur anni CCClxj. à transitu sancti Cuthberti CCCix. Ex quo vero Hagustaldensis episcopatus per sanctum Wilfridum incoavit ulque ad annum quo Aldunus eundem apud Dunelmum primo infrauravit, circiter CCCxxij. annos fuisse creditur. Hæc igitur, id est Hagustaldensis ecclesia ex illa antiqui honoris prerogativa hanc libertatem & auctoritatem optinet, quod nec propter synodum, nec propter crisma, nec propter aliquam ecclesiasticam causam episcopo Dunelmensi, vel ejus archidiacono, vel illorum ministris, aliquod debitum sive aliquam consuetudinem debet, nisi forte ob aliquam ecclesiasticam causam discutiendam ipse episcopus ecclesie mandaverit, & tunc Prior, vel aliquis frater ipsius ecclesie ad illum veniet. Quod si episcopus Dunelmensis, sive archidiaconus forte propter aliquam causam ad Pascha prædictæ ecclesie sacrum oleum dare renuerit, ex decreto Eboracensis metropolitani licet illi ab Eboracensi ecclesia illud

accipere; licet etiam illi clericos suos ad ordinandum quocumque vult mittere. Hoc quoque privilegium ex antiquo tempore eam habere constat, quod de quolibet Dunelmensis vel alterius episcopatus loco quorumlibet defunctorum corpora cum justis oblationibus illorum tumulanda suscipere possit, qui dum viverent se fratribus ecclesie traderunt, & apud eos locum quiescendi elegerunt. Ex regum quoque, & archiepiscoporum, & episcoporum, & principum liberalitate, & confirmatione hanc libertatem optinet, quod nusquam pro traductione vel commercio propriarum rerum suarum aliquod tributum sive aliquam consuetudinem solvit. Igitur, sive in civitatibus & urbibus, sive in opidis & villis, & portibus, ministri ejus ad opus ipsius ecclesie, vel fratrum illius aliquid vendant sive emant, vel cum pecunia eorum de loco ad locum transeant, sine omni exactione & consuetudine id agere solent & debent.

CAP. IIII.

Quomodo ecclesia Hagustaldensis nunquam patronorum suorum episcoporum, scilicet sanctorum Eata & Accæ & Alchmundi, & cæterorum venerabilium præsulum Frethberti & Tilberti divina pietate protegente sit deserta, nunquam eorum sacris reliquiis sit destituta.

ANno M.Cxij. Dominicæ incarnationis ecclesia sancti Andrea Apostoli Hagustaldensis ad religionem conversa est. Nam cum multis annorum curriculis cum circumjacente regione sæpius deprædata & depopulata & diu deserta mansisset, nunquam tamen patronorum suorum ejusdem ecclesie episcoporum, sc. sanctorum Eata, & Accæ, & Alchmundi, & cæterorum venerabilium præsulum Fredberti & Tilberti divina pietate protegente, nunquam, inquam, eorum sacris reliquiis destituta est. In quadam enim porticu juxta secretarium ejusdem ecclesie versus australem partem reliquiæ sancti Eata decenter in una theca collocatæ quiescebant. A quo autem, vel quo tempore de terra elevatæ fuerint, à nobis ignoratur. De sanctis autem Accæ & Alchmundo legitur, quod Elferdus filius Weston, vir quidem strenuus, & Dunelmensis ecclesie secretarius tempore Egelwini ejusdem ecclesie episcopi, divino præmonitus oraculo de terra levaverit eos, & intra ecclesiam in remotioribus partibus collocaverit. Postea vero procedente tempore, in secretario ejusdem ecclesie Accæ quidem ad dextrum cornu altaris, & Alchmundus ad sinistram honestius ac decentius in duobus arcubus positi sunt. Deinde crescente devotione fidelium, ambo simul multo convenientius & honorabilius retro & juxta altare, ut in præsentem cernitur, in una theca sunt collocati. Venerabilium quoque patrum Fredberti & Tilberti reliquiæ in eodem loculo cum illis continentur. Quis autem eos de terra levaverit non est in nostra notitia. Sed quia cum prædictis patribus ubique inventi sunt, pariter cum illis levatos fuisse creditur. In illa autem theca quæ ad austrum sita est sunt reliquiæ sancti Eata. In alia vero versus aquilonem posita sanctorum corporum Accæ & Alchmundi pulvis conservatur. Sunt etiam ibi multæ aliarum reliquiarum cum suis inscriptionibus, quæ postea eidem ecclesie sunt datæ.

CAP. V.

Quomodo illa quondam inclita, & multiplici[cultu] possessionis, & religionis magnifica, Hagustaldensis videlicet ecclesia ecclesie Eboracensi cum quadam villa nomine Holm in præbenda sit data.

Hujus autem ecclesie tanto cœlesti thesauro ditatæ sub primo *Thoma Eboracensi* archiepiscopo, quidam secularis presbyter, nomine *Eillanus* curam egit. Sed non multo post idem archipræfuleam cum quadam villa nomine *Holm* dedit in præbendam *Eboracensi* ecclesie cuidam canonico ecclesie sancti *Johannis Beverlacensis* qui *Ricardus de Maton* vocabatur. Sub quo quidem presbyter nomine *Eillanus* prædicti *Eillani* filius eidem ecclesie sumministravit, et pro suo servicio quandam partem beneficiorum habuit. Mansit itaque in hoc miserabili statu usque ad obitum ejusdem *Girardi* illa quondam inclita & multiplici cultu possessionis & religionis magnifica, sed tunc ob incolarum perfidiam & malitiam gravi secularium & carnalium hominum oppressionem divulsæ ac pessundata. Successit autem prædicto *Girardo* in *Eboracensi* archiepiscopatu secundus *Thomas*, vir quidem magna generis nobilitate præclarus, sed multo præclarior eleganti morum probitate. Namque pater ejus *Samson* fuit de nobilissima *Normannorum* prosapia oriundus, vir & ipse magnificus, & primo *Willielmi* regis *Anglorum* capellanus, & *Baiocensis* ecclesie thesaurarius. Cui etiam *Ricardus* filius ejusdem *Samsonis* postea pontificali dignitate præfuit, deinde idem *Samson Wigornensis* episcopus extitit. Supradictus vero primus *Thomas Eboracensis* archiepiscopus multimoda urbanitatis laude famosissimus, egregiaque strenuitatis & prudentie gloria dignissimus, prædicti *Samsonis* frater & prænominati sequentis *Thome* patruus fuit.

CAP. VI.

De quadam re digna memorie archiepiscopi Thomæ, & de eo quod Deus non per offensionem ad iram est provocandus, sed potius per bonam operationem ad misericordiam inclinandus, ut sue creature misereatur propitiatus.

In hoc igitur secundo *Thoma* viro perspicuo laudabilem nature dotem multimoda virtutum insignia affatim exornabant. Ingenii naturalem vivacitatem, litterarum scientia & sermonis facundia commendabant. Largiendi dapnilitatem, grata vultus hilaritas ac prompta animi benignitas magnificabant. Super egenorum inopia, mœstorum tristitia, afflictorum miseria, quam ineffabiliter totus visceribus compassionis & charitatis effluebat, ac de eximia morum ejus elegantia æstimavi potius silere quam parum dicere. Cumque præpotentem & prædivitum parentum, & amicorum non modica copia præmineret, & dulci juventutis gratia floreret, ac dignitatem & honorem ingenti gloria præluceret, & divitiarum magna habundantia præpolleret, supra graves & frequentes epatis molestias quas longo tempore patiebatur, prudentiam medicorum consulit. At illi complexionis ejus conspersionem, & causam, & modum morbi diligentissime explorantes, nisi pudicitie fræno soluto naturalem carnis explendo voluptatem frequentaret, eum nullo modo sani-

tatem recuperare posse constanter confirmabant. Quorum consilium prorsus abiciens, & ne quis tale quid ei amplius suggerere auderet, cum anathemate interdicens, tale responsum memoria dignum eis cum magna mentis constantia reddidisse fertur. Absit, inquit, absit à me, ut pro hac momentanea corruptibilis carnis salute aeternæ salutis auctorem ac datorem scienter offendam. Non enim per offensionem ad iram est provocandus, sed potius per bonam operationem ad misericordiam inclinandus, ut sue creature misereatur propitiatus. Tunc præcepit largas eleemosinas dari, & ipse copiosissimo lacrimarum imbre faciem persusus, ad orationem cum magna devotione se convertit, quod & more solito facere consuevit, & toto mentis affectu quem inter sanctos Dei præcipue diligebat & excolebat, in suum auxilium sanctum *Johannem* Confessorem *Beverlacensis* ecclesie patronum sæpius iterando invocavit. In hac autem præposituræ dignitate eo fungebatur tempore, apud quam tunc eum agrotasse contigerat, sed mox per intercessionem sanctissimi Confessoris Deo auxiliante sanitatem recuperavit: sicque pudicitia conservata, in puritate virginitatis de hac vita migrasse pro certo creditur. Cum prædictis autem virtutum insignibus tantam gratiam illi propicia Dei contulerat pietas, ut tam divitibus quam pauperibus gratissimus, & charissimus esset. Unde quocumque adveniebat, miro favore & gaudio suscipiebatur, venerabatur, diligebatur.

CAP. VII.

De electione secundi Thomæ Eborac. archiepiscopi.

Anno igitur Dominicæ incarnationis M Cviij. & regni *Henrici* ix. quo desiderante & unanimi consensu, & desiderio cleri & populi in *Eboracensem* archiepiscopatum electus, pontificalis officii dignitatem quantum potuit bonis operibus adimplere cum magna cura & diligentia satagebat. Cumque archiepiscopatus monasteria frequenter visiteret, & in eis pro suis viribus, & pro locorum congruentia Dei servitium exaltaret, contigit quoque eum sæpius visitandi gratia ad *Hagustaldense* monasterium devenire. Unde Deo inspirante cœpit crebrius ad memoriam reducere, illud quondam possessionum, & dignitatum magnificentia opulentissimum, & cultu religionis notissimum, ad quam miserimum statum devenisset. Igitur ob sanctorum ibi quiescentium merita declaranda, Deo miserante super ejusdem dejectione magno compassionis dolore condoluit, ac de ipsius resurrectione ipse sedulo excogitare, & cum suis diligenter tractare ac retractare cœpit. Cognita autem ipsius voluntate quamplures, & maxime quidam de suis clericis ei dilectissimi & familiarissimi, omnibus modis quibus poterant ad hoc perficiendum ipsius animum accenderunt.

CAP. VIII.

Quando Hagustaldensis ecclesia post secundam devastationem à rege Danorum Haldano ut prædictum est factam, ad religionem est conversa.

Anno igitur ab origine mundi v CCCxv. ab incarnatione Domini M. Cxiiij. ex quo vero *Eboracensis*

Eboracensis ecclesia per prædicationem sancti *Paulini* archiepiscopi fundata archiepiscopalem cathedram suscepit CCCC. lxxxvj. ex quo autem per prædicationem sanctorum *Oswaldi* regis & martyris, & *Aidani* episcopi *Bernicia* suscepit fidem CCCC.lxxx. ab adventu *Normannorum* in *Angliam* xlvij. regni *Henrici* xiiij. qui est archiprælatus ipse quintus, sæpeditus *Thomas* consilio & auxilio capituli sui, videlicet ecclesiæ sancti *Petri Eboracensis*, de manu prædicti *Ricardi de Maton* præfatam ecclesiam *Hagustaldensem* liberavit. Consensu quoque ipsorum canonicorum in prædicta *Eboracensis* ecclesia unam portionem de communi eorum pro liberatione ipsius illi dedit. Nec inora, eodem anno ad kal. Novembris duxit illuc canonicos regulares, quibus cum suis consuetudinibus & cum omnibus ad eam pertinentibus, quietam & liberam, sicut ipse eam in suo dominio habuerat, ecclesiam tradidit, sicut cartæ ipsorum testantur. Supradictus vero presbyter junior *Eilanus* curam parochiæ cum maxima parte beneficiorum, & unam carrucatam terræ cum quibusdam mansis in ipsa villa de *Hestaldatham*, & vj. bovatas terræ in *Gilnewic*, scilicet dotem ipsius ecclesiæ cum magna pace & honore de ipsis canonicis longo tempore tenuit. Nam quamvis sæpe & jure poli & fori ei supradicta auferre possent, & quamvis multociens magnis penuriis etiam victualium angustiantur, nunquam tamen hoc facere voluerunt, ne ipse de illis sive juste sive injuste conquirit, & famam eorum in aliquo violare posset. Unde divina pietas, apud quam suorum patientia nunquam periit, tandem illorum inopiæ miserta, abique omni scandalo & cum magno honore illis sua restituit.

CAP. IX.

Quomodo Ailanus presbyter pater Ethelredi abbatris Rievallis prædictam ecclesiam liberam & quietam Deo optulit: in manu Rodberti Prioris Biset per pulchrum philacterium cum magna devotione reddidit.

Quadam enim vice apud *Dunelmum* ægrotare incipiens, quorundam sapientum consilio *Rodbertum* Priorem ipsorum canonicorum mandavit. Cui mox ut venit, prædictam ecclesiam & quicquid de ipsa tenuerat liberum & quietum de se, & de omnibus hominibus ad se pertinentibus, sponte sua & cum magna devotione reddidit. Multiplices etiam gratiarum actiones ipsi & ejus canonicis pro innumeris beneficiis egit, quia non ut capellanus sed ut patrem suum eum inter se familiariter tractaverant. Sed quia pœnituit illum ecclesiasticis rebus diu abusum fuisse, quibus Dei servi rectius sustentari debuerant, quomodo melius hanc redditionem facere posset excogitavit. Fecit igitur illam cum quodam pulchro filaterio, scilicet cruce argentea in qua sanctorum Confessorum & episcoporum *Accæ* & *Alchmundi* reliquiæ continebantur. Obnix quoque deprecatus est, ut hujus rei gratia perpetuum memoriale in ipsa ecclesia conservaretur. *Willelmus* quoque abbas de *Riesvalle*, & *Ethelredus* monachus ejus & filius ipsius *Eilani*, & de ecclesia sancti *Cuthberti Mauricii* supprior, & *Aldredus* secretarius, & *Henricus* monachus, & de ipsa *Hagustaldensis* ecclesia quidam canonicus nomine *Ri-*

cardus, & duo filii ejusdem *Eilani*, *Samuel* & *Ethewoldus*. Hi omnes ad hoc ibi convenerant, ut in eorum præsentia, & testimonio hæc fierent, & sic abique omni reclamazione & contradictione factum est.

CAP. X.

Quomodo prædictus Ailanus presbyter apud sanctum Cuthbertum Dunelmi habitum monachilem suscepit, & qualia dona ad decorem domus Domini secundus Thomas Eboracensis archiepiscopus prædictis canonicis donavit.

Anno autem Verbi incarnati M. Cxxxvij. ex quo autem canonici ipsam ecclesiam habuerant xxvj. & *Turftini* archiepiscopi xxv. facta sunt hæc. Deinde ingravescente morbo apud sanctum *Cuthbertum*, quem semper in mira veneratione habuerat, habitum monachilem sumpsit. Exinde per aliquot dies in magna & sui recognitione, & cordis contritione, & peccatorum deploratione Dominici corporis perceptione munitus vitam suam ibidem finivit. Præterea prædictus *Thomas* archiepiscopus dedit canonicis iij^{or}. villulas & unum molendinum super *Tinam* fluvium, cum omnibus ad ea pertinentibus sicut ea in suo dominio habuerat, & unum miliare anguillarum per annum, & quædam alia ut privilegia eorum facta ab ipso archiepiscopo & à capitulo sancti *Petri Eboracensis* ecclesiæ testantur. Concessit quoque eis ad vestitum ipsorum centum solidos per annum. Dedit quoque eis libros, & vestimenta, & plurima alia ad decorem domus Dei necessaria; & si diutius vivere posset multa plura dedisset. Quippe eos & eorum ecclesiam, quantum ratione poterat, ardenti desiderio sullimare proponebat.

CAP. XI.

De morte pia memoria prædicti Thomæ Eboracensis archiepiscopi, & de ejus successore Turftino, & de bonis quæ præfatis canonicis fecit.

Anno igitur Dominicæ incarnationis M. Cxiiij. & regni *Henrici* xv. & archiepiscopatus ejus vij. sæpe prænominato *Thomæ* xiiij. kal. Marcii, feria iij. apud *Beverlacum* viam universæ carnis ingressus, & apud *Eboracum* cum digno honore sepulto, *Turftinus* *Henrici* regis capellanus, eodem anno, die Assumptionis sanctæ *Mariæ* apud *Wintoniam* electus in archiepiscopum successit. Hic autem inter innumeras & gravissimas adversitates quibus diu & creberrime pulsatus est, animus invictissimus & constantissimus gerebat. His igitur tandem superatis & optato fine consummatis, celebrem cognitionis famam & magnæ venerationis laudem apud plurimas gentes merito probitatis suæ adeptus est. Erat quippe vir magnæ castitatis, & prudentiæ, honestatis & justitiæ, & multarum virtutum fulgore perspicuus, & in ecclesiasticarum causarum negotiis, ac in suorum tuitione defensor optimus, & in elemosinarum largitionibus dispensator prudentissimus. Præterea cujusque religionis homines magno devotionis affectu & auctoritatis rigore adjuvabat & protegebat. Cum igitur omnes ecclesias religionis diligeret, specialius tamen prædi-

etiam *Hagustaldensem* ecclesiam diligebat & protegebat, unde & possessiones, & consuetudines, & dignitates illius non solum sua auctoritate confirmavit, verum etiam sua liberalitate auxit. Nam præter reliquias plurimorum sanctorum, & libros, & vestimenta, & duo paria candelabrorum, unum argenteum, & aliud cupreum & deauratum, & præter multa alia ornamenta sanctæ ecclesiæ, & cætera plurima dona; dedit illi ecclesiæ & canonicis ejusdem in perpetuam eleemosinam, consilio & consensu capituli sancti *Petri Eboracensis*, unam præbendam in eadem *Eboracensi* ecclesia, & ad vestitum eorum centum solidos per annum de archidiaconatu de *Wescubinc*, & in ipsa villa de *Hæstaldesham* quandam partem terræ in qua homines eorum manent, & unum agrum inter *Acundam* & *Tinam* fluvium, & aliam partem terræ ibidem ad dilatandam suam propriam mansionem, & terram ubi hospitale factum est, & villam unam, scilicet *Dotoland*, & utranque *Grottendunam*, & quietum pastum porcis ipsorum, & villicorum suorum de terra sancti *Andree*. Præterea quasdam decimas eis concessit. De quibus omnibus tam ipsius quam capituli ecclesiæ *S. Petri Eboracensis*, & duorum regum *Angliæ Henrici & Stephani* privilegia facta sunt, quæ cum suis bullis in ipsa ecclesia conservantur. Habetur quoque ibi de confirmatione ejusdem ecclesiæ privilegium *Calixti* papæ & *Eugenii* papæ.

CAP. XII.

De libertatibus regum, & largitionibus principum, ac de eleemosinis aliorum fidelium.

Sunt etiam ibidem plurimæ cartæ & alia insignia de terris quæ liberalitate et eleemosinis hominum eidem ecclesiæ sunt datæ. Inter quos *David* rex *Scotiæ* et *Henricus* filius ejus dederunt eis unum mansum in *Cartel*, et in eadem villa, aliud mansum. *Rodbertus* de *Seton* cum *Richald* matre sua dedit eis dimidium cujusdam villæ quæ vocatur *Ache-wic*. Et *Walleus* et *Alanus* filius ejus iiij. bovaras terræ et unum mansum ad piscationem halecium in *Eltadala*; et *Forno*, et *Ivo* filius ejus duas bovaras terræ; et *Sunnulfus* presbyter, unum mansum in *Eboraco*. *Willielmus* filius *Ulf* iiij. bovaras terræ in *Gevelkala*. *Randulfus* de *Merlai* unoquoque anno x. solidos donec eos in terra ponat. *Riched* mater *Rodberti de la Val* dedit iterum Deo et ecclesiæ sancti *Andree Hagustaldensis*, et canonicis ibi Deo servientibus, aliam medietatem de *Ache-wic* in perpetuam eleemosinam liberam et quietam de se et de omnibus qui ad eam pertinent, cum omni illo jure quod ipsa habebat super eam. *Stephanus* rex *Angliæ* unoquoque anno xl. solidos ad emendum vinum.

CAP. XIII.

Quanta venerationis ac dignitatis Hagustaldense monasterium apud antiquos fuerit, quam mirifice fundatum, quam magnifice ornatum, & quam gloriosissime exaltatum extiterit.

Illud nobile *Hagustaldense* monasterium quantæ venerationis ac dignitatis apud antiquos fuerit, qui et historiam *Anglorum*, et gesta veterum *Nor-*

thanhymbrorum studiose legerit vel audierit, evidenter scire poterit. Namque gloriosissimi atque potentissimi *Northanhymbrorum* regis *Esfredi* consilio, et auxilio, ac sanctæ *Etheldrede* petitione atque donatione à beatæ memoriæ *Wilfrido Eboracensis* pariter et ipsius *Hagustaldensis* ecclesiæ pontifice mirifice fundatum, magnifice ornatum atque gloriosissime exaltatum fuit. Ab illo igitur tempore et sanctæ *Romane* ecclesiæ auctoritate, et archiepiscoporum, et episcoporum donatione et attestazione, et regum, et consulum, ac principum liberalitate atque confirmatione inter cætera prærogativarum suarum insignia quibuscumque reis ad ejus defensionem confugientibus firmam pacem conferre et conservare cognoscitur. Sunt etenim ab orientali et australi, ab occidentali et aquilonali parte ipsius ecclesiæ, quædam certa loca, et quidam termini evidentes antiquitus instituti, et ab incolis bene cogniti, infra quos pacem adeuntes, et de pace redeuntes, vel eos, vel quicumque de substantia eorum nulli licet infestare sive temerario ausu contingere.

CAP. XIII.

Quam pacem dederunt reges ecclesiæ Hagustaldensi.

SI quis igitur quemlibet cujuscumque facinoris aut flagitii reum et convictum infra quatuor cruces quæ sunt extra ipsam villam de *Hæstaldesham* capit et retinet; universali judicio *ij. hundredh* emendabit. Si vero infra villam, *iiij. hundredh*. Si vero infra muros atrii ecclesiæ, *vj. hundredh*. Si autem infra ecclesiam, *xij. hundredh*. Si vero infra valvas chori, *xvij. hundredh*. Penitentia quoque de singulis sicut de sacrilegiis juncta. In *hundredh* viij. libræ continentur. Quod si aliquis vesano spiritu agitatus diabolico ausu quemquam capere præsumplerit in cathedra lapidea juxta altare quam Angli vocant *Fristol*, id est, cathedram quietudinis vel pacis, vel etiam ad feretrum sanctarum reliquiarum quod est post altare, hujus tam flagitiosi sacrilegii emendatio sub nullo judicio erit, sub nullo pecuniæ numero claudetur, sed apud Anglos *botolos*, id est, sine emendatione vocatur. Hæ emendæ nichil ad archiepiscopum nisi ipse præsens in villa fuerit dum hujusmodi forisfacturæ contigerint, sed potius ad ipsius ecclesiæ canonicos pertinent. Sciendum autem quod quamvis supradicta loca pacis metas esse diximus, tamen piæ memoriæ *Thurstinus Eboracensis* archiepiscopus bis, scilicet semel cum *Hudard* vicecomite, et alia vice contra *Walterum de Bivella* quendam capellanum *Bernardi de Ballol*, in conspectu et audientia multorum sapientum et nobilium virorum dirationavit, quod ex illa parte qua prædicta villa à *Tina* fluvio circumdatur, à medio impetu ipsius fluminis incipit pax præfata ecclesiæ; unde duo prædicti viri judicio coacti sunt quosdam homines cum sua substantia ipsi archiepiscopo reddere, quos ad pacem ecclesiæ fugientes in supra nominato loco amnis capere ac retinere ausi fuerant. Quo facto, emendas ecclesiæ; et archiepiscopo, et canonicis fecerunt: sed quia propter frequentes et nimias inundationes in medio fluminis infigi non poterant, quæ ibi poni debuerant, in ripa ipsius cruces posite sunt.

Explicit descriptio Hagustaldensis Ecclesiæ.

INCIPIT

INCIPIIT HISTORIA PIÆ MEMORIÆ

Ricardi Prioris Hagustaldensis ecclesiæ, De Gestis regis

Stephani, & de bello Standardii.

. Dñi
135.

A NNO Verbi incarnati M.Cxxxv. ab adventu vero *Normannorum* in *Angliam* lxi. *Henricus* Rex *Angliæ* anno ætatis suæ lxxviij. de quadam murena comedens ægrotavit, & mortuus est in quadam foresta *Normanniæ* quæ *Leuns* dicitur apud sanctum *Dionysium* iv. non. Decembris feria ij. Regnavit autem gloriose annis triginta v. & mensibus iv. Corpus vero ipsius, sicut præceperat, in *Angliam* transectum, apud *Radingas* sepultum est. Unde statim justitia & pax, quæ cum eo diu regnaverant, in *Normannia* & *Anglia* pariter cum illo occubuerunt. Et justitiæ patrociniante quod solum tunc ubique regnabat, violentiæ & rapinæ, cædes & deprædationes, inauditæ crudelitates & innumera calamitates loco pacis ac justitiæ suam tyrannidem latenter & patenter exercuerunt. Hæc autem omnia mala post mortem ejus tanto exuberantius & vehementius prævaluerunt, quanto majori potentia & districtiori justitia in vita sua plures deprefferat, aggravaverat, spoliaverat, exhæreditaverat, exiliaverat. Unde nacti occasionem quam ardentè desideraverant, singuli se vindicare festinabant, dum quicquid mali agere poterant eis impune facere licebat. Ea tempestate *Willielmus* cognomento *Transversus* qui honorem *Fraſti pontis* (sic enim quoddam oppidum nominatur) ex dono *Henrici* regis habuerat, à quodam milite homine suo *Pagano* nomine, apud ipsum oppidum lerali vulnere percussus, post triduum in habitu monachili mortuus est. Et quem patri suo *Roberto* de *Lesci* rex *Henricus* abstulerat, *Ilbertus* de *Lescio* filius ejus mox eundem honorem recuperavit. Et per *Angliam* & per *Normanniam* similiter pluribus eadem tempestate contigit. Rex autem nobilis *Henricus* in juvenili ætate magna virtutis probitate laudabilis, in adversitatum periculis sæpe vexatus, in militaribus congressionibus optime exercitatus fuit. Erat namque vir consilii & providentiæ, sagacitatis ac prudentiæ, mente constans, animo audax, in sermone verax, in promissis efficax, in minis pertinax, in amicitia perseverans, in odio perdurans, in adversis patiens, in prosperis temperans, facundia disertus, justitia rigidus; in judicio æquus, inimicis pessimus, amicis optimus. Igitur post fratrem suum *Willielmum* regnum *Angliæ* adeptus, ducatumque *Normanniæ* à germano suo *Roberto* Comite mira arte acquisivit, & utriusque negotia magna sapientia disposuit, ac omnes sibi adversantes ineffabili calliditate superavit. Nobiles plerosque propter eorum perfidiam depreffit; ignobiles vero multos quos probos ac sibi fideles invenit, amplis honoribus fullimavit. Bonas quoque leges & consuetudines regis *Edwardi* prædecessoris ac cognati sui restauravit, & prout ei videbatur sua sapientia & auctoritate emendatas & corroboratas, in regno suo rigide & constanter tam à divitibus quam à pauperibus observari fecit. Raptores quoque ac fures & latrones ac maleficos atque falsæ monetæ factores & studiosos expensores gravi animadversione puniri fecit. Igitur in diebus ejus tempora pacis floruerunt, ac plura monasteria in quibus

antea non erant, ad religionem monachorum, ac præcipue canonicorum regularium conversa sunt. Unde & ipse duo cænobia, unum monachorum apud *Radingas*, ubi & ipse sepeliri voluit, & alterum Canonicorum apud *Cirecestram* instituit & regali munificencia ditavit, ac utriusque juxta ordines suos abbates præfecit. Monasterium vero *Radingas* ipse favore suo provexit, & in lumine basilicam pulcherrimi operis erexit, & cum regali potestate reddituum, conventu & numerositate monachorum ornavit. Construxit etiam cænobium *Cirecestra* quarto ante obitum suum anno, in quo cum opulencia rerum necessariarum Canonicos regulares collocavit. In religiosos & in pauperes laudabili largitate & congrua veneratione enituit. Post quem non surrexit princeps alius qui sic injustas regni exactiones interdicere, omnes sibi subjectos in pace & modestia sapientiæ disponderet, personas ecclesiasticas reverenter excoleret, pauperes & inopes sumptuosis elemosinis foveret. Duas reginas habuit, primam nomine *Matildam* filiam *Malcolmi* Regis *Scotia*, ex qua unam filiam genuit: quæ primo Imperatori *Henrico Alemanniæ* ac deinde *Gaufrido Andegavensium* Comiti in conjugium data est. Unum quoque filium nomine *Willielmum* ex eadem habuit, qui cum maxima nobilitate *Angliæ* & *Normanniæ* in mari summersus est. Alteram vero Reginam post mortem *Matildis* nomine *Adelizam* filiam *Godefridi* Ducis *Luvania* accepit, sed hæc sterilis permansit. In fornicatione autem & adultério plures liberos habuit. Namque hæc duo vicia, scilicet luxuria & amor pecuniæ, in eo nimis dominabantur. Unde ejus exemplo plurimi corrupti sunt. Hic autem, sicut prædictum est, paulo antequam moreretur in *Normannia* existens, de quadam murena comedit, unde mox ægrotare cœpit & mortuus est. Quo mortuo, continuo emerferunt homines scelesti & peccatores, cuncta jura justitiæ & pacis dissipantes, & ad direptiones & cædes, incendia & alia flagitia hostiliter proruentes. Ipse enim in principio regni sui, sicut prædiximus, leges justas & libertates populo dedit, carta confirmavit, sigillo corroboravit, & in ætario suo apud *Wintoniam* conservari præcepit, sicut sequens articulus aperte demonstrabit.

Henricus Dei gratia rex Anglorum, omnibus fidelibus suis tam Francigenis quam Anglicis totius Angliæ salutem. Sciatis me misericordia Dei & communi consilio baronum regni Angliæ ejusdem regni regem coronatum esse. Et quia regnum oppressum erat injustis exactionibus, ego respectu Dei & amore quem erga vos omnes habeo, sanctam Dei ecclesiam inprimis liberam concedo. Ita quod nec eam vendam nec ad firmam ponam; nec mortuo archiepiscopo vel episcopo vel abbate aliquid accipiam de dominio ecclesiæ vel de hominibus donec successor in eam ingrediatur. Et omnes malas consuetudines quibus regnum Angliæ injuste opprimebatur; inde aufero. Quas malas consuetudines expono hic parte.
Si aliquis Baronum meorum vel Comitum five aliorum qui de me tenent mortuus fuerit, hæres suus

non redimat terram suam sicut faciebat tempore fratris mei, sed legitima & iusta relevatione relevabit eam. Similiter homines baronum meorum legitima & iusta relevatione relevabunt terras suas de dominis suis. Et si quis baronum vel aliorum hominum meorum filiam suam nuptui tradere voluerit, siue forem siue neptem siue cognatam, mecum inde loquetur. Sed neque ego aliquid de suo pro hac licentia accipiam, neque defendam ei quin eam det, excepto si eam jungere vellet inimico meo. Et si mortuo barone vel alio homine meo filia hæres remanserit, illam dabo consilio baronum meorum cum terra sua. Et si mortuo marito uxor remanserit ejus, & sine liberis fuerit, dotem suam & maritacionem habebit, & eam non dabo marito nisi secundum velle suum: si vero uxor cum liberis remanserit, dotem quidem & maritacionem suam habebit dum corpus suum legitime servaverit, & eam non dabo nisi secundum velle suum, et terræ liberorum custos erit, siue uxor siue alius propinquorum qui iustius esse debet. Et præcipio ut barones mei similiter se contineant erga filios vel filias vel uxores hominum suorum. Monetagium commune quod capiebatur per civitates & per comitatus, quod non fuit tempore Regis *Edwardi*, hoc ne amodo sit omnino defendo. Si quis captus fuerit siue monetarius siue alius cum falsa moneta, iustitia recta inde fiat. Omnia placita & omnia debita quæ fratri meo debebantur condono, exceptis rectis firmis meis, & exceptis illis quæ pacta erant pro aliorum hæreditatibus, vel pro eis rebus quæ iuste aliis contingebant. Et si quis pro hæreditate sua aliquid pepigit illud condono, & omnes relevationes, quæ pro rectis hæreditatibus pactæ erant. Et si quis baronum vel hominum meorum infirmabitur, sicut ipse dabit vel dare disponet pecuniam suam, ita datam esse concedo. Quod si ipse præventus vel annis vel infirmitate pecuniam suam non dederit vel dare disposuerit, uxor sua siue liberi aut parentes & legitimi homines ejus eam pro anima ejus dividant, sicut melius eis visum fuerit. Quod si perfidia vel sceleris convictus fuerit, sic emendet. Et si quis baronum vel hominum meorum forisfecerit, non dabit vadium in misericordia pecuniæ suæ sicut faciebat tempore patris mei vel fratris, sed secundum forisfacti modum ita emendabit sicut emendasset retro à tempore patris mei in tempore aliorum antecessorum meorum. Murdra etiam retro ab illa die qua in regem coronatus fui omnia condono. Et ea quæ amodo facta fuerint, iuste emendentur secundum lagam regis *Edwardi*. Forestas communi consensu baronum meorum in manu mea ita retinui sicut pater meus eas habuit. Militibus qui per loricas terras suas deserviunt, terras dominicarum carrucarum suarum quietas ab omnibus geldis & ab omni opere proprio dono meo concedo, ut sicut tam magno gravamine alleviati sunt, ita equis & armis se bene instruant, ut apti sint & parati ad servitium meum & ad defensionem regni mei. Pacem firmam in toto regno meo pono, & teneri amodo præcipio. Lagam Regis *Edwardi* vobis reddo cum illis emendationibus quibus pater meus eam emendavit consilio baronum suorum. Si quis aliquid de meo vel de rebus alicujus post obitum regis *Willielmi* fratris mei cepit, totum cito reddatur absque emendatione. Et si quis inde aliquid retinuerit, ille super quem inventum fuerit graviter

mihi emendabit. Teste *Mauricio* Lundoniensi episcopo, & *Willielmo* electo Wint. episcopo, et *Gerardo* Herfordensi episcopo, et *Henrico* Comite, et *Simone* Comite, & *Waltero* Comite, *Gisardo* et *R. de Muntfort*, et *Eudone* dapifero, et *Rogero Bigoto*. Valete.

Hæc autem de eo succincte dicta ad præsens sufficiant; si quis autem plenius nosse desiderat actus ejus, & quomodo se in regno habuerit, in cronicis de gestis *Anglorum* invenire poterit. *Henrico* autem regi mox *Stephanus* Comes *Bononia* nepos ejus ex sorore sua Comitissa de *Blois*, & frater *Theobaldi* Comitissæ, in regnum successit.

Anno igitur Dominicæ incarnationis M.CXXXvj. à primoribus regni cum favore cleri ac populi *Stephanus* Comes *Bononia* electus, à *Willielmo Cantuariensi* archiepiscopo in natali Domini apud *Lundonia* in regem consecratur. Hujus autem regni primordia & processus tot ac tantis redundavere rerum advertantium turbationibus, ut quid de eis scribi debeat, quæve habitura sint singula finem, nondum sciri valeat. Ipse autem rex licet innumeris & maximis adversitatibus undique coartatus, semper tamen animo constans, vultu hilaris & quasi de victoria jam securus, hostium suorum conatus & minas, subdolorum versutias ac perfidorum fraudes, & temporalium rerum licet maximarum amissiones, quasi non sentiret vel parum perpenderet, deridebat. Quæ ejus confidentia & securitas adversariis suis stuporem & confusionem, suis vero vigorem & audaciam & consolationem conferebat. Erat quoque vir tantæ mansuetudinis & benignitatis, ut etiam inimici ejus ad ipsum conversi præter spem suam in illo misericordiam invenirent. Maximas igitur familias de militibus stipendiariis collegit, per quos negotia sua in *Normannia* & *Anglia* ageret. Nam *Gulfridus* Comes *Andegavensis* qui Imperatricem scilicet filiam *Henrici* regis, quæ sic vocata est postquam Imperatori nupsit, in conjugio habebat, cujus filio *Anglia* ac *Normannia* jurata fuit, mox ut eum in regem electum esse cognovit, plurimas regiones deprædavit ac destruxit, & multa castella in *Normannia* contra illum cepit ac tenuit. Similiter & *David* rex *Scotia* ejusdem dominæ avunculus, in provincia *Northanhymbrorum* v. opida, scilicet *Lugubalium* quod Anglice *Carlel* dicitur, & *Carrum* quod ab Anglis *Werch* dicitur, & *Alnawic* & *Porham* & *Novum castellum* mox circa natale Domini cum magno exercitu præoccupavit ac tenuit. Sed *Wabanburch* minime habere potuit. Fidelitates quoque & obsides de potentioribus & nobilioribus ejusdem regionis ad conservandam fidem Imperatrici nepti suæ accepit. Proposuit etiam *Dunelmum* aggredi: sed *Stephanus* rex ad caput *Jejunii* quod illo anno nonis Febr. contigit, cum maximo exercitu illuc veniens, xv. diebus ibi moratus est. Tandem vero in eadem provincia habita colloctione & pace facta inter duos reges, *Henricus* filius *David* regis *Scotia* homagium *Stephano* regi apud *Eboracum* fecit. Deditque rex illi cum consilatu patris sui *Huntadun*, *Carlel* & *Donacastram* cum omnibus quæ ad ea pertinent; & ut quidam aiunt qui se huic conventioni interfuisse testantur, promisit illi quod si comitatum *Northanhymbria* alicui dare vellet, prius calumpniam *Henrici* filii Regis *Scotia* super eo iuste in sua curia judicari faceret. Reddidit quoque *David* rex *Scotia* *Stephano*

An. Dñ
1136.

Stephano Regi Angliæ iv. prædicta castella sua quæ invaserat, nam quantum scilicet *Cartel* datum erat ei, redditibus obfidibus & utriusque partis hominibus in eadem pace concordatis. Fuit quoque *Henricus* filius regis *Scotia* ad curiam *Stephani* Regis Angliæ in proxima pascha quam apud *Lundoniam* festive tenuit, cum maximo honore susceptus, atque ad mensam ad dexteram ipsius regis sedit. Unde & *Willielmus* archiepiscopus *Cantuariensis* se à curia subtraxit, & quidam proceres Angliæ erga regem indignati coram ipso *Henrico* calumpnias inculerunt. De qua re *David* rex *Scotia* valde indignatus recepto filio suo noluit eum quamvis sæpius mandatum ad curiam regis remittere. Eodem autem anno *Walani* multum de terra *Stephani* Regis Angliæ devastaverunt, & duos de baronibus suis, *Ricardum* Filium *Rogerii*, & *Paganum* Filium *Johannis*, in regione illorum insidiosè occiderunt. Sed mox cum eo concordati sunt. Eodem quoque anno *Baldewinus* de *Redvers*, quia non potuit quendam honorem habere quem à Rege postulaverat, *Excestam* oppidum suum contra illum firmavit. Rex vero devastata terra ejus, post diutinam obsidionem oppidum per vim cepit, & illum captum de Angliæ & Normannia exlegavit. At ille ad *Gaufridum Andegavensem* Comitem & ad Imperatricem ejus uxorem confugit. Eodem quoque anno *Innocentius* Romanæ sedis Apostolicus *Stephano* Regi Angliæ litteras suas transmisit, quibus eum Apostolica auctoritate in regno Angliæ confirmavit. Quarum exemplar hoc est.

Innocentius episcopus servus servorum Dei, carissimo in Christo filio *Stephano* illustri Anglorum Regi salutem & apostolicam benedictionem. Rex regum & dominus dominantium in cujus manu sunt omnium potestates & omnia jura regnorum, ex incomprehensibili supernæ providentiæ dispensatione quando vult mutat tempora & transfert regna. Sicut enim attestatur propheta, Dominatur excelsus in regno hominum, & cui voluerit dat illud. Quot commoditates, quanta jocunditatis tranquillitas, quantumque justitiæ censura in regno Angliæ & ducatu Normanniæ regnante filio nostro gloriosa memoria *Henrico* rege vixerunt, eo humanis rebus exempto oculata fide perclaruit. Cum enim idem esset religiosorum virorum amator, pacis & justitiæ cultor, viduarum & orphanorum propitiis consolator, & eorum qui impotentia defendere se non poterant pius defensor: Ipso sublato de medio, prout accepimus, turbata est religio in regno Angliæ, & nullum mandatum pacis seu justitiæ in adiutorio regali vigeat, atque atrocitatem tantorum scelerum comitabatur impunitas. Ne autem diutius grassando in populum Dei debachari posset dira feralitas, inclinata est ad preces religiosorum virorum divina miseratio pietatis, & tantis flagitiis potenter occurrens, quemadmodum venerabilium fratrum nostrorum, archiepiscoporum, episcoporum earundem regionum & amatorum sanctæ Romanæ ecclesiæ, gloriosi Francorum Regis & illustris viri Comitis *Theobaldi* scripta testantur, & industrium virorum nobis indicavit assertio, communi voto & unanimi assensu tam procerum quam etiam populi, te in regem eligere & à præsulibus regni consecrari providit. Nos cognoscens vota tantorum virorum in personam tuam præeunte divina gratia convenisse, pro spe etiam

certa & beato *Petro* in ipsa consecrationis tue die obedientiam & reverentiam promississe, & quia de præfati regis prosapia prope posito gradu originem traxisse dinosceris, quod de te factum est gratum habentes, te in specialem beati *Petri* & sanctæ Romanæ ecclesiæ filium affectione paterna recipimus, & in eadem honoris & familiaritatis prerogativa qua prædecessor tuus egregia recordationis *Henricus* à nobis coronabatur, te propensius volumus retinere.

Igitur *Stephanus* his & aliis modis in regno Angliæ confirmatus, episcopos & proceres sui regni regali edicto in unum convenire præcepit; cum quibus hoc generale Concilium celebravit.

Ego *Stephanus* Dei gratia, assensu cleri & populi in regem Angliæ electus, et à *Willielmo* Cantuariensi archiepiscopo & sanctæ Romanæ ecclesiæ legato consecratus, & ab *Innocentio* sanctæ Romanæ sedis Pontifice confirmatus, respectu & amore Dei sanctam ecclesiam liberam esse concedo, & debitam reverentiam illi confirmo. Nichil me in ecclesia vel rebus ecclesiasticis simoniace acturum vel permissurum promitto. Ecclesiasticarum personarum & omnium clericorum & rerum eorum justitiam & potestatem & distributionem honorum ecclesiasticorum in manu episcoporum esse perhibeo & confirmo. Dignitates ecclesiarum privilegiis earum confirmatas, & consuetudines earum antiquo tenore habitas inviolate manere statuo & concedo. Omnes ecclesiarum possessiones & tenurias quas illa die habuerunt qua *Willielmus* Rex Angliæ avus meus fuit vivus & mortuus, sine omni calumpniantium reclamazione eis liberas & absolutas esse concedo. Si quid vero de habitis vel possessis ante mortem ejusdem regis quibus modo careat ecclesia deinceps resederit, indulgentiæ & dispensationi meæ vel restituendum vel discutiendum reservo. Quæcunque vero post mortem ipsius Regis liberalitate regum, largitione principum, oblatione vel comparisone vel qualibet transmutatione fidelium eis collata sunt confirmo. Pacem & justitiam meam in omnibus facturum & pro posse meo conservaturum eis promitto. Forestas quas *Willielmus* rex avus meus & *Willielmus* secundus avunculus meus instituerunt & habuerunt mihi reservo. Cæteras vero omnes quas *Henricus* rex superaddidit ecclesiis & regno, quietas reddo & concedo. Si quis episcopus vel abbas vel alia ecclesiastica persona ante mortem suam rationabiliter sua distribuerit vel distribuenda statuerit, firmum manere concedo. Si vero morte præoccupatus fuerit, pro salute animæ ejus ecclesiæ consilio eadem fiat distributio. Dum vero sedes propriis pastoribus vacuæ fuerint, ipsæ & omnes earum possessiones in manu et custodia clericorum vel proborum hominum ejusdem ecclesiæ committantur, donec pastor canonicè substituat. Omnes exactiones et injustitias et mescheningas, sive per vicecomites vel per alios quoslibet male inductas, funditus extirpo. Bonas leges et antiquas et justas consuetudines in hundris et placitis et aliis causis observabo, et observari præcipio et constituo. Hæc omnia concedo et confirmo salva regia et justa dignitate mea. Teste *Willielmo* Cantuariensi archiepiscopo, et *Hugone* archiepiscopo Rotomagensi, et *Henrico* episcopo Wintoniensi, et *Rogero* episcopo Saresberienfi, et *Alexandro* episcopo Lincolnienfi, et *Nigello* episcopo Helienfi, et *Erbr:* episcopo Norwicensi,

et Simone episcopo Wirecestrensi, et Bernardo episcopo sancti Davidis, et Andreno episcopo Ebr. et Ricardo episcopo Abrincensi, et Roberto episcopo Herefordensi, et Johanne episcopo Rovencestrensi, et Adelwifo episcopo Carleoleni, et Rogero Cancellario, et Henrico nepote Regis, et Roberto Comite Glocestria, et Willielmo Comite Warennæ, et Radulfo Comite Cestria, Rogero Comite Watawicensi, Ro: de Ver, Milone de Gloc. Roberto de Olli, Briano filio Comitis Constabil. Willielmo Martel, Hug: Bigot, Hunfrido de Buhun, Simone de Belloc: dapiferis, Willielmo de Alb. Martel de Alb: pincernis, Roberto de Fer: Willielmo Peverel, Sim: de Silvanecti, Willielmo de Albania, Hugone de S. Claro, Ilberto de Leceio, apud Oxenford anno scilicet ab Incarnatione Domini M. Cxxxvj. sed regni mei primo. His et aliis modis statim in primo anno confirmatus Stephanus in regno Anglia etiam hujusmodi leges et consuetudines regno suo dedit et concessit, et constanter promisit quod eas cum suis firmissime servaret. Eodem anno propter bellum Comitis Andegavensis mense Augusti in Normanniam Stephanus rex transfretavit. Et Willielmus Cantuariensis archiepiscopus mense Novembris defunctus in sua civitate sepultus est.

An. Dñi
1137.

ANno igitur proximo, id est M. Cxxxvij. pacis afoedere rupto, statim post Pascha David rex Scotia exercitum suum congregans Northymbriam devastare proposuit. Sed ex præcepto regis Stephani tunc in Normannia existentis, maxima pars Comitum & Baronum Anglia cum magno exercitu militum ad Novum castellum quod est in Northumbria venit, illi resistere parata, si regnum Anglia invaderet. Tandem per internuncios datis & acceptis induciis, usque ad proximum adventum Domini post xl. dies ad propria redierunt. In adventu autem Domini Stephano regi redeunti de Normannia, postquam data magna pecunia à Comite Andegavensi biennii inducias acceperat, legati David regis Scotia & Henrici filii ejus mox affuerunt illi suas inducias reddentes, nisi Henrico comitatum Northymbria daret. At rex petitioni illorum minime annuit.

1138.

ANno igitur M. Cxxxvij. iv. idus Januarii Willielmus filius Dunecan nepos David Regis cum parte exercitus ipsius David Castellum quod Carrum dicitur in terra Regis Anglia antelucanis insidiis invasit, depradataque circumquaque regione, illud expugnare cepit. Deinde ipse rex cum Henrico filio suo & cum majore exercitu illuc adveniens, & omnium virum suarum conatus explorans, balistis & aliis machinis & variis assultibus oppidum expugnare aggressus est, ac deinde illud iij. ebdomadis obsedit. Sed nichil profecit, immo Deo auxiliante omnis ejus conatus in contrarium illi conversus est. Nam milites & alii qui in castello erant, se & oppidum optime defendentes, signiferum ejus & alios multos de hominibus suis in conspectu ejus interfecerunt, & multos plures vulneraverant. Cernens autem rex laborem suum illic cassari, & sibi suisque grave dampnum de die in diem crescere, indignatione et ira inflammatus, tandem oppido relicto ad Northymbriam devastandam cum omni multitudine sua properavit. Igitur ille detestandus exercitus, omni paganorum genere atrocior, nec Deo

nec hominibus reverentiam deferens, tota provincia depradata, utriusque sexus cujusque ætatis & conditionis homines passim trucidavit, villas, ecclesias, domos destruxit, spoliavit, accendit. Namque languentes in grabatis, ac mulieres prægnantes & parturientes, & in cunis infantes, & alios innocentes inter ubera & in sinibus matrum suarum cum ipsis matribus, & decrepitos senes & defectus anus & cæteros qualibet occasione debiles, ubicunque inveniebant, in ore gladii trucidaverunt, vel lanceis suis confixerunt. Et quanto miserabiliore mortis genere illos disperdere poterant, tanto plus gratulabantur. Unde apertissime ibi impletum esse videtur quod psalmista conquerendo desolebat, dicens, *Deus venerunt gentes in hereditatem tuam, polluerunt templum sanctum tuum, posuerunt Jerusalem in pomorum custodiam*: et cætera quæ in illo psalmo sequuntur. Fertur etiam quod in quodam loco multos parvulos congregatos occiderunt, eorumque sanguinem in quandam rivum quem antea præcluserant effundendo collegerunt, sicque ipsam aquam cruentatam, immo jam ex maxima parte cruorem biberunt. Dicunt etiam quod in ecclesiis crucifixos quanto turpius poterant in Christi ignominiam & ipsorum confusionem demembraverunt, & altaria suffoderunt, & juxta & super ipsa clericos & innocentes laceraverunt. Unde non immerito iterum cum propheta gemendo proclamare possumus, *Deus repulisti nos & destruxisti nos, iratus es, sed nondum misertus es nobis*; et cætera quæ ibi sunt. Coadunatus autem erat iste nefandus exercitus de Normanis, Germanis, Anglis, de Northymbranis et Cumbria, de Teswetadala, et Lodonea, de Pictis qui vulgo Galleweiensis dicuntur et Scottis; nec erat qui eorum numerum sciret. Infiniti enim absque omni mandato aut deprædandi amore, aut occasione ulciscendi, aut sola voluntate nocendi qualibet regio illa habundabat se supradictis commiscuerunt. Igitur per provinciam discurrentes & nemini parcentes, exceptis oppidis & maritima regione quæ ex orientali parte est, fere totam Northymbriam usque ad Tinam fluvium hac vice ferro & flamma vastaverunt. Illam autem in reditu suo destruere proposuerant. Quædam etiam pars exercitus illius pertransiens Tinam & in solitudinibus innumeros homines perimens, maximam partem terræ sancti Cuthberti ad occidentalem plagam eodem modo devastavit. Dum autem hæc a suis fierent, rex Scotia cum multitudine non modica apud Corabrigam morabatur. Hac tempestate in terra Ramulsi de Merlai de observantiis Cisterciensium destructum est quoddam cœnobium eodem anno constructum, & plurima alia gravissimis vexationibus sunt oppressa. Unde & illud cœnobium quod ad Tine fluminis hostium situm est quod Anglice Tinemuthe dicitur, ut sibi & illic existentibus pro præsentī necessitate pacem redimeret, Regi Scotia & suis xxvij. marcas argenti persolvit. In hac autem procellosæ tempestatē rabie illud nobile monasterium Hagustaldense, quamvis in medio concursu & quasi in via illius nefandi exercitus & supradictorum malorum situm undique ab eis coangustaretur, tamen ob declaranda merita sanctorum Andrea apostoli & Wilfridi episcopi & confessoris advocatorum ejus, & cæterorum patronorum scilicet sanctorum Accæ et Alcmundi et Eata episcoporum et confessorum, et aliorum sanctorum in eadem ecclesia

ecclesia quiescentium, Deo auxiliante, suis et omnibus ad illud refugientibus pacem firmissimam exhibuit, et omnibus illis contra omnes hostiles impetus tutissimum asilum exitit. Verumptamen primo *Picti* ad *Tinam* fluvium juxta eandem villam fluentem cum maximo impetu irruentes, ipsam sicut et alia destruere proposuerant. Sed mox antequam prædictum amnem transirent, à compatriotis duo de numero illorum sunt interfecti. Quod cæteri cernentes, exterriti retrorsum abierunt. Præterea duo de eadem gente *Pictorum* devenerunt ad quoddam oratorium sancti *Michaelis* archangeli ex eadem boreali parte *Tina* fluminis situm, quod ad prædictam *Hangustaldensem* ecclesiam pertinebat. Frangentes igitur ejus hostium, quod ibi repeterunt secum abstulerunt. Sed vindicta Dei non defuit. Nam mox dæmoni traditi, sensu privantur, et prout furor illos exagitabat, in conspectu omnium per nemora et rura nocte et die passim discurrentes, alter ipse sibi os primo lapidibus conterens, deinde à quodam abscessu femoribus, alter seipsum in *Tina* submergens, uterque miserabiliter utraque morte dampnati perierunt. His ita factis, alii de exercitu pavefacti, prædictæ *Hangustaldensis* ecclesiæ possessiones non sunt amplius ausi invadere. Igitur *David* rex *Scotia* et *Henricus* Comes filius ejus illi monasterio et fratribus illius et omnibus ad illud pertinentibus, suam perpetuam pacem de se et de omnibus suis concesserunt, idque per sua privilegia quæ in eadem ecclesia conservantur confirmaverunt. Hoc tantummodo interjecto, ut ipsi sibi et suis mutuam pacem servarent. Illa itaque nobilis basilica à sancto *Wilfrido* fundata, antiquæ consuetudinis dignitatem retinens, in hac et in aliis bellorum et discordiarum tempestatibus, innumeris tam pauperibus quam divitibus facta est tutissimum asilum, quibus vitæ subsidium et rerum suarum conservationem contulit. Interea circa purificationem *S. Mariae* *Stephanus* rex *Anglia* cum ingenti multitudine Comitum et Baronum, et cum maximo exercitu equitum et peditum venit. Quod ubi rex *Scotia* cognovit, relicta *Northymbria* cum exercitu suo ad terram suam properavit; divertitque ad *Carrum*, et postea intravit terram suam, et in quibusdam solitudinibus haud procul à *Rochasburgh* cum exercitu suo latuit, insidiis regi *Anglia* præparatis. Speravit enim quod ille in *Rochasburgh* hospicaretur. Præceperatque ejus civibus, ut quasi fidem illi servaturi eum benigne susciperent: sed et præcepit, ut quando ipse noctu cum suo exercitu superveniret, et multitudo militum quos in oppido posuerat subito erumperet, et cum civibus ei occurreret, omnes in unum congregati undique regem *Anglia* incautum circumvallantes, eum cum suis omnibus extinguerent. Sed Deus qui videt cogitationes quam vanæ sunt, has insidias ad nichilum redegit. Nam rex *Anglia* *Twedam* transiens fluvium, ad *Rochasburgh* non divertit, sed magna parte terræ Regis *Scotia* deprædata atque succensa, tum quia multi ex militibus suis nec armis indui volebant nec bella gerere; erat enim initium Quadragesimæ; tum quia rex *Scotia* et sui ei in bello occurrere non audebant, tum quia exercitui suo victus deficiebat, cum suis ad *Suthangliam* rediit. Verum peracta paschali sollempnitate, mox in proxima ebdomada feria vj. sæpeditus rex *Scotia* cum nefando exercitu suo iterum in *Northumbriam* re-

diit, et primo maritimam provinciam quam alia vice intactam reliquerat, et præter hanc si forte aliquid aliud alibi illatum præterierat, ac deinde maximam partem terræ *S. Cuthberti* in orientali plaga inter *Dunelmum* et mare, non minori furore et crudelitate quam supradictum est destruxit. Plurima quoque prædia monachorum Deo ac *S. Cuthberto* die et nocte servientium, et hac et alia vice pariter cum suis cultoribus similiter consumpsit. Sed sanctus *Cuthbertus* tandem suorum misertus est. Nam dum sui hæc agerent, rex cum suis militibus haud procul à *Dunelmo* perhendingabat. Ubi gravi seditione propter quandam feminam orta, *Picti* ipsum Regem cum suis extinguere minabantur. Quo pavore dum valde anxietur, ecce falso rumore divulgatur maximum exercitum de *Suthanglia* adventare. Igitur cibis suis relictis qui tunc parati erant, nemine persequente versus terram suam cum omnibus suis fugit, & ad oppidum de *Northam* quod in terra *S. Cuthberti* est divertit, illudque obsidens, variis modis & machinis expugnare & capere temptavit. Dumque ibi in obsidione moraretur, *Willielmus* filium *Dunecan* nepotem suum cum *Pictis* et parte exercitus sui in expeditionem ad *Eboracensem* scyram transiit. Quo pervenientes, & propter peccata populi victoriam optinentes, possessiones cujusdam nobilis cœnobii quod in *Suththeræssa* situm est, et provinciam quæ *Crasna* dicitur, ex magna parte ferro & flamma destruxerunt. Igitur nulli gradui, nulli arati, nulli sexui, nulli conditioni parentes, liberos & cognatos in conspectu parentum suorum, & dominos in conspectu servorum suorum & e converso, & maritos ante oculos uxorum suarum quanto miserabilius poterant prius trucidaverunt, deinde, proh dolor! solas nobiles matronas & castas virgines mixtim cum aliis feminis & cum præda pariter abduxerunt. Nudatas quoque & turmatim testiculis & corrigiis colligatas & copulatas lanceis & telis suis compungentes, ante se illas abegerunt. Hoc idem in aliis bellis, sed in hoc copiosius fecerunt. Deinde illis cum præda dispartitis, quidam eorum misericordia commoti aliquas ex eis ecclesiæ sanctæ *Mariae* in *Carlel* liberas tradiderunt. Verum *Picti* & multi alii illas quæ eis obvenerunt secum ad patriam suam duxerunt. Denique illi bestiales homines adulterium & incestum ac cætera scelera pro nichilo ducentes, postquam more brutorum animalium illis miserrimis abuti pertæsi sunt, eas vel sibi ancillas fecerunt, vel pro vaccis aliis barbaris vendiderunt. Hæc autem ut rex *Scotia* cognovit, ipse cum suis magno exultavit gaudio, ac prædictum castrum solito acrius impugnare aggressus est. Oppidani vero primo optime se defenderunt; verum deinde, tum quia pauci erant, et plures ex illis vulnerati fuerant, quippe ix. tantum milites erant, tum quia à domino suo *Gaufrido Dunelmensi* episcopo nullum auxilium sperabant, tum quia in talibus conflictibus parum exercitati erant, attoniti deditionem regi fecerunt, cum & vallum optimum esset, & turris fortissima, & eis victualia habundarent. Igitur milites & alii qui erant in oppido magnum vituperium incurrerunt, quia castrum male custodientes nimis cito defecerunt. Nec solum illi, sed & dominus illorum, quia non pro sua oportunitate & temporis necessitate castrum suum muni-erat. Milites cum suis *Dunelmum* redierunt. Rex igitur

igitur recepto oppido & sumpto cibo, qui satis copiose ibi repertus est, mandat episcopo *Dunelmensi*, quod si relicto *Stephano* rege *Anglia* vellet suæ parti fidelitatem jurare, castrum suum illi redderet, & dampna quæ ei fecerat restauraret. Abnegat episcopus. Fecit ergo rex oppidum destrui. Dum autem circa Rogationes hæc ibi agerentur, milites de oppido *Carrum* exeuntes, quæ juxta illos advehebantur & revehebantur, victualia regis *David* una cum vehiculis & ministris infra oppidum suum rapuerunt. Rex ergo nimia inflammatus ira, illos obsidere cum omni multitudine sua festinavit, & oppidum machinis & quibuscunque potuit modis expugnare iterum aggressus est. Sed Deo auxiliante, omnis conatus ejus incassum cecidit. Insuper etiam per plures suorum vulnerati & læsi sunt ab eis, & nonnulli interfecti. Similiter & in congressionibus quas ante hanc obsidionem cum *Henrico* filio regis conseruerant, quidam occiderant, alios vulneraverant vel retinuerant, & de eis redemptionem acceperunt. Benedictus Deus per omnia, qui protegit pios, & tradidit impios. Videns autem rex se frustra circa oppidum laborare, segetes per agros consumi fecit. Deinde de sua & de quibuscunque terris potuit copiosiore quam unquam antea habuerat, coadunari exercitum fecit. *Eustachius* quoque *Filius Johannis* unus de Baronibus regis *Anglia*, quoddam munitissimum castellum quod *Alnwick* dicitur in *Northumbria* habens, qui diu clanculo regi *Scotia* faverat, hac vice manifeste perjurus, naturali domino suo scilicet rege *Anglia* abnegato, ipse cum omni virtute sua contra regnum *Anglia* *Scottis* auxilium ferebat; unde non minimam multitudinem belligerantium secum ducens, ad destruendam *Eboracensem* scyram cum rege *Scotia* profectus est, & suum alterum castellum nomine *Baltun* munitissimum & in eadem provincia juxta fluvium *Dereventionem* haut procul ab *Eboraco* situm, de quo in sequentibus dicendum est, Regi *Scotia* & suis tradere disposuerat. Rex igitur *David* duobus tagnionibus, id est baronibus suis cum gente eorum obsidione *Carrum* committenda, cum maxima parte sui exercitus ad oppidum quod *Wahanburg* dicitur profectus est. Ubi ante castrum quodam vallo capto fere centum homines interemit. Deinde circa illud & circa *Wilsford* oppidum *Willielmi Bertram*, et in pluribus locis per *Northumbriam* segetibus vastatis fluvium *Tine* pertransiit. Intransque in terram *S. Cuthberti*, quæ nondum ad eum venerat sui exercitus partem expectavit. Nec mora, ex ejus edicto *Picti* & *Cumbri* & homines de *Carlel* & de circumjacente regione ad illum convenerunt. Congregato igitur toto exercitu suo, quia nimius & insuperabilis ei videbatur, revera enim grandis erat, plusquam xxvj. milia hominum habens, nimio exultavit gaudio. Elevatumque est cor ejus & suorum, ac in se & in sua multitudine spem suam ponentes, nec ad Deum ullum respectum habentes, nimis indignanter ac superbe locuti sunt. Nec solum *Eboracensem* scyram, sed et maximam portionem *Anglia* in exterminium dare et meditabantur et minabantur. Non enim aliqua numerositate præsumere vel posse sibi resistere aestimabant. His autem infra octabas natiuitatis sanctæ *Mariae* ita gestis, rex cum suo exercitu *Dunelmum* præteriens usque ad *Tesam* fluvium segetes depopulari, villas et ecclesias quas

alia vice intactas reliquit, more suo frangi, deprædari, succendi fecit. Pertransiens quæque *Tesam* idem factitare cepit. Verum divina pietas lacrimis innumerabilium viduarum, orphanorum & miserorum pulsata, illum tantam impietatem diutius impune exercere non est passa. Quippe dumque se suosque ad hujusmodi nequitiam præpararet, omnis ejus apparatus et quid agere et quo tendere proposuerat, et fama præconante et certis nuntiis intercurrentibus, homines *Eboracensis* scyra non latuit. Igitur barones illius provinciae, scilicet *Turstinus* archiepiscopus, qui, ut consequenter apparebit, maxime se de hoc negotio intromisit, et *Willielmus* de *Albamarla*, *Walterus* de *Gant*, *Robertus* de *Brus*, *Rogerus* de *Mulbrai*, *Walterus* *Essec*, *Ilbertus* de *Lescio*, *Willielmus* de *Perci*, *Ricardus* de *Curci*, *Willielmus* *Fossard*, *Robertus* de *Stutavilla* & cæteri potentes & sapientes viri *Eboracum* conveniunt, & quid consilii in hac tempestate habere deberent, inter se diligenter tractaverunt. Cumque plurimi propter prodicionem in qua multi esse aestimabantur de sese mutuo diffidentes hæsitarent, & cum principem et conductorem belli non haberent, (nam *Stephannus* rex dominus eorum ea tempestate non minoribus angustiis in *Suthanglia* circumventus ad præsens ad eos venire non poterat) cum paucis tantæ numerositati occurrere formidarent, pene à sua ac patriæ suæ defensione omnino deficere videbantur, nisi *Turstinus* eorum archiepiscopus, magnæ constantiæ atque probitatis vir, sermone ac consilio suo illos animasset. Quippe cum esset pastor animarum illorum, non more mercennarii infestante lupo de fuga sibi præsidium sperabat, sed potius super gregis sui dispersione ac perniciem atque patriæ suæ destructione gravissimo compassionis dolore sauciatus, omni studio & conatu tantis malis remedium quærebat. Unde & ex divina auctoritate quæ ei commissa fuerat, & ex regia potestate quæ illi tunc in hoc negotio tradita erat, & de illorum fidelitate ac probitate eos fideliter admonuit, ne à pessima barbarie per ignaviam se omnes una die prosterni sinerent, sed potius cuncti pariter cum suis per veram poenitentiam Deo reconciliati, & ad eum toto corde conversi, cujus iram se promeruisse tot ac tanta mala testabantur, fiducialiter ac viriliter pro tanta necessitate agerent. Quod si devote facerent, de misericordia Dei præsumens, eos victores fore prænunciabat. Namque illa pessima gens potius Deo ac sanctæ ecclesiæ quam ipsis quantum poterant adversabantur, & ideo injustam, immo sceleratam causam pugnandi habebant. Ipsorum vero causa iusta ac piissima erat, quippe pro sanctæ ecclesiæ ac suæ patriæ defensione periculo se obiciebant. Et si forte Deo placeret sine aliquorum illorum casu hoc discrimen non posse peragi, tali intentione pugnantibus non mors formidanda, sed potius optanda erat. Promisit etiam eis quod suæ diocesis presbyteros singulos cum crucibus & parochianis suis pariter cum illis in bellum procedere faceret, & quod ipse cum suis bello interesse, Deo disponente, cogitabat. Circa eundem tumultum temporis *Bernardus* de *Baiol* quidam de proceribus ejusdem provinciae cum multitudine equitum à rege *Anglia* missus ad eos venit. Qui & ex parte regis & sua ad idem animos eorum multum accendit. Igitur mandato regis & archiepiscopi sui ammoniti, omnes

omnes unanimiter ad unum consilium confirmati, singuli ad sua revertuntur. Post modicum vero unusquisque cum suis munitis ac bellicis armis instructi iterum *Eboracum* conveniunt. Itaque post acceptam privatam poenitentiam, illis pariter & omni populo archipræsul triduanum cum eleemosinis indixit jejunium, ac deinde absolutionem, & benedictionem Dei. & suam eis sollempniter tribuit. Et quamvis præ nimia infirmitatis & ætatis debilitate ubi necesse erat in lecto gestaretur gestatorio, ipse tamen ad animos eorum accendendos in prælium cum illis ire voluit. At illi ipsum remanere fecerunt; obsecrantes ut in orationibus & eleemosinis, vigiliis & jejniis, & in cæteris quæ ad Deum pertinent pro eis intercedere satageret; ipsi vero pro ecclesia Dei, & pro illo qui ejus minister erat, pro ut ipse eos adjuvare dignaretur, & sicut illorum ordo exigebat, libenter contra hostes pugnarent. Tunc crucem suam, & sancti *Petri* vexillum, ac suos homines tradidit eis. At illi ad opidum quod *Trese* vocatur iverunt. Inde vero *Robertum de Brus*, & *Bernardum de Baiol*, ad regem *Scotia* terram sancti *Cuthberti*, ut supradictum est, jam devastantem miserunt; qui cum summa humilitate ac benignitate eum obsecraverunt, ut saltem extunc à sua crudelitate cessaret. Quod si illorum consilio acquiesceret, quem postulaverat comitatum *Northumbria* *Henrico* filio suo se impetraturos à rege *Anglia* firmissime promiserunt. At ille corde obstinato cum suis pariter & eorum verba sprexit, & eos indignanter derisit. Itaque *Robertus* reddito homagio quod ei fecerat, & *Bernardus* fidelitate quam una vice ab eo deprehensus illi juraverat, ad suos socios reversi sunt. Omnes igitur procures illius provincie, & de *Spotingabam* scyra, *Willielmus Peverel*, & *Gaufridus Halsalin*, & de *Derbia* scyra *Robertus de Ferers*, & alii principales & sapientes viri sese adinvicem sacramentorum obligatione asscurant & confirmant, quod nullus eorum quamdiu eum adjuvare posset in hoc negotio alium defereret, & ita cuncti aut simul morerentur aut vincerent. Eodem tempore misit archiepiscopus eis *Radulfum* cognomento *Novellum* *Orcadensium* episcopum cum quodam de archidiaconibus suis & aliis clericis, qui populis cotidie ad eos undique catervatim confluentibus, vice sua & poenitentiam injungeret, & absolutionem daret. Misit quoque eis presbyteros cum parochianis suis sicut eis promiserat. Dum itaque adventum *Scottorum* expectarent, ecce redeuntibus prænunciis quos ad explorandum præmiserant, regem cum exercitu suo jam *Tesam* fluvium pertransisse, & more suo jam suam provinciam destruentem cognoscunt. Ergo cum summa festinatione eis occurrunt. Pertranseuntque villam quæ *Albartun* dicitur, ad campum qui duobus miliaris ab ea distabat summo mane pervenerunt. Mox autem aliqui eorum in medio cuiusdam machinæ quam ibi adduxerant, unius navis malum erexerunt, quod *Standard* appellaverunt: Unde *Hugo Sotevagina Eboracensis* archidiaconus,

Dicitur à stando standardum, quod stetit illic

Militia probitas vincere sive mori.

In summitate vero ipsius arboris quandam argenteam pixidem cum corpore *Christi*, & sanctorum *Petri* Apostoli, & *Johannis Beverlacensis*, & *Wilfridi Ripensis* Confessorum ac pontificum vexilla

suspenderunt. Hoc autem ideo fecerant; ut *Jesus Christus* Dominus noster per præsentiam sui corporis eis dux belli esset, quod pro ejus ecclesia ac sua patria defendenda susceperant. In hoc quoque suis providentes, ut si aliquo casu à se disjungerentur & elongarentur, evidens & certum signum haberent quo ad suos socios reverterentur, & ubi auxilium recuperare possent. Deinde vix se bellicis armis instruxerant, cum ecce rex *Scotia* cum toto exercitu suo ad præliandum paratissimo ac promptissimo cominus adeste nunciatur. Itaque maxima pars equitum equis relictis sunt pedites. Horum electissimi mixti cum sagittariis in prima acie præordinantur. Cæteri vero præter prælii ordinatores & incentores, cum baronibus juxta & circum *Standard* in pectore belli condensantur. Reliqua autem multitudo undique conglomerata eos circumvallabat. Equestris vero cohors & equi militum ne à clamore et strepitu *Scottorum* exterrerentur, paulo longius abducti erant. Similiter vero ex parte adversariorum ipse rex et pene omnes sui sunt effecti pedites, equi eorum remotius servabantur. In fronte belli erant *Picti*, in medio rex cum militibus et *Anglis* suis; cætera barbaries undique circumfusa fremebat. Dumque tali ordine ad præliandum procederent, ecce *Standard* cum vexillis haud procul aspicitur, moxque ipsius regis ac suorum corda ingenti pavore et horrore obstupuerunt. Obstinati tamen in malitia sua cæpta mala perficere satage-
runt. Igitur in octabis Assumptionis sanctæ *Mariæ* xj. kal. Septemb. feria ij. inter primam et tertiam hujus prælii conflictus initus et finitus est. Nam statim in primo congressu innumeris *Pictis* interfectis cæteri projectis armis turpem fugam inierunt. Campus cadaveribus repletur, quamplurimi capiuntur, rex et alii omnes terga dederunt. Denique de tanto exercitu, omnes aut cæsi sunt, aut capti, aut sicut oves percusso pastore dispersi. Mirumque in modum quasi sensu alienati non minus in circumjacentes regiones hostium suorum à patria sua elongando, quam adversus patriam suam revertendo fugerunt. Sed ubicumque sunt reperti, tanquam oves occisionis sunt interfecti. Justoque Dei judicio qui multos miserabiliter interemerant ac insepultos reliquerant, ipsi multo miserabilius trucidati, nec patrio, nec peregrino more sepulchri usi, canibus, avibus, ac feris expositi, aut lacerati et discepti sunt, aut sub divo contabuerunt et computruerunt. Rex quoque qui paulo ante præ nimia mentis elatione et exercitus sui numerositate cœli sidera vertice tangere videbatur, et ideo vel totam, vel maximam partem *Anglia* in exterminium ducere minabatur, mox inglorius ac paucis comitatus cum summa confusione & ignominia vix vivus evasit. Itaque divinæ ultionis virtus in hoc quoque manifestissime claruit, quod victorum exercitus inæstimabiliter major erat quam vincentium. Nec interfectotum numerus ab aliquo æstimari potest. Nam, sicut plures testantur, de illo exercitu qui de sola *Scotia* exiit, plusquam x. millia defuisse à reversis recensui sunt. Nam per diversa loca *Deirorum*, *Berniciorum*, *Northanhymbrorum*, *Cumbrorum*, & aliarum provinciarum, post bellum multo plures sunt interempti quam in bello sunt interfecti. At *Anglorum* exercitus paucis de suis amissis Deo auxiliante victoria expedite potitus, sumpta præda quæ satis copiosa ibi re-
perta est, brevi fere totus dissolvitur, & unusquisque
ad

ad propria revertens, vexilla quæ acceperant, cum gaudio & gratiarum actione ecclesiis sanctorum re-consignant. Quippe cum cultioribus vestibus, & omnibus divitiis suis ad hoc bellum quasi ad regales nuptias processerant. Deinde quidam baronum ad opidum *Eustachii* quod *Maltun* vocatur, de quo supradictum est, cum parte exercitus diverterunt, villaque destructa illud obsederunt. Tempore namque belli ex præcepto prædicti domini sui milites ex illo eruperant, atque plurimas villas flamma consumplerant. Tandem datis & acceptis viij. dierum induciis obsidio remansit: solus autem ille locus in quo prædictum prælium factum est, sancti *Cuthberti* erat, cum totus circumjacens campus alterius juris esset. Quod divina dispensatione, sed tamen præter intentionem belligerantium, accidit. Namque facile datur intelligi, quod divina pietas noluit diutius esse inultum scelus quod in terra sanctissimi ac dilectissimi Confessoris & pontificis sui commiserant, immo more consueto citius vindicavit. Hujus autem facti rumor ubi aures regis *Anglie* attigit, valde lætus effectus est. Unde etiam quia audivit eos se viriliter in hoc negotio habuisse, *Willielmum* de *Alhamarla* in *Eboracensi*, & *Robertum* de *Ferrers* in *Derbiensi* scyra Comites fecit. Notandum quoque quod & sibi, & suis, & in *Southanglia* & in *Normannia*, contra suos adversarios pugnantibus circa idem tempus similiter optime contigit. Rex autem *Scotie* recepto *Henrico* filio suo, & re-collectis suis qui sparsim de pugna, non ut con-fortes, sed potius sicut hostes inimicissimi fugerant, obsidionem apud *Carrum* corroboravit. Namque *Angli*, & *Scotti*, & *Picti*, & cæteri barbari ubi-cumque casu se inveniebant, quicumque prævale-bant alios mutuo vel trucidabant, vel vulnerabant, vel saltem spoliabant. & ita iusto Dei iudicio æque à suis sicut ab alienis opprimebantur. Rex igitur his cognitis graves calumpnias & exactiones in suos intorsit, & infinitam pecuniam ex eis extorsit. Nec non firmitus quam unquam antea fecerat sacra-mentis & obsidibus illos sibi obligavit, quod nun-quam amplius eum in bello deicerent. Deinde opidum *Carrum* machinis, ac novis instrumentis, & pluribus modis capere temptavit. At opidani machinis machinas frangentes, ex regis hominibus multos variis mortibus peremerunt, & plurimos vulneraverunt, unum tantum de militibus suis amit-tentes. Quippe de castello exiens, & in sua probi-tate nimium confidens, & ideo temerarie audax, dum incautus circa fractionem cujusdam machinæ moraretur, à multitudine *Scottorum* oppressus & extinctus est. Videns itaque rex omnem conatum suum nichil prævalere, sed potius sibi suisque mul-tum nocere, machinis remotis, & congressionibus di-missis, suos licet invitos, opidum diligenter obsidere coegit. Quippe propter magna dampna, & angustias, ac penurias quæ sæpe ibi perpeffi fuerant, diuturnæ obsidionis pertæsi erant.

Ea tempestate quidam pestilentes quibus omne studium & gaudium erat scelera excogitare ac per-petrare, ut malignitatis suæ desideria efficacius con-summarent, detestabili concordia in unum conven-erunt. Hujus vero execrabilis sodalitiū *Eadgarus* fi-lius nothus *Cospatrici* Comitis, & *Robertus* & *Ulfred* filii *Meldred* principales ac duces erant. Igitur rapacitate stimulante, & impunitate patrocinante, ac furore exagitante, more luporum quæ-

ritantes prædam quam devorarent, per *Northym-briam* discurserunt. Pertransēntes quoque *Tinam* fluvium, in terram sancti *Cuthberti* pervenerunt. Sed non invento ibi quod possent vel auderent ra-pere, vacua manu reversi sunt. Ergo in quadam villa parochiæ *Hagustaldensis* ecclesiæ quæ *De-rintun* dicitur, prædam quam invenerunt abstule-runt. Deinde interpositis duabus noctibus idem prædones aliam villam *Digentun* vocatam inva-lerunt. Hæc autem propria villa erat canonicis prædictæ ecclesiæ, & ab *Hestaldasham* versus ori-entem viij. miliaris distabat. Igitur interfectis ibi iij. de servientibus ipsorum Canonicorum, & multis convitiis Priori illorum illatis, qui forte eadem nocte ibidem supervenerat, cum præda discesserunt. Et hoc præter spem eorum ipsis canonicis accidit: Namque rex *Scotie*, ut supradictum est, ipsis & omnibus hominibus, & omnibus rebus, & parochiæ illorum, & nominatim huic villæ ipsorum de se & de omnibus suis firmissimam pacem dederat. Circa idem tempus quidam *Albericus Hostiensis* episco-pus in illas partes venit, quem *Innocentius Romanus* sedis Apostolicus ut legationis officio in *Anglia* & *Scotia* fungeretur miserat. Erat autem vir iste na-tione *Gallicus*, professione monachus, observatione *Cluniacus*, divina ac seculari eruditione perspicuus, in ecclesiasticis negotiis optime exercitatus, facun-dia præclarus, consilio providus, & quod his omni-bus majus est, in habitu et vultu, denique in omni conversatione et actione sua, magnæ mansuetudinis ac religionis documentum præferebat. Hic igitur primo apud *Cluniacum* ad conversionem veniens, propter prudentiam ac religionem suam supprior ibi effectus est. Unde ad ejus providentiam omnis regu-larium observationum diligentia maxime pertine-bat. Deinde in *Francia* apud *Parisiis* in cella quæ dicitur ad *S. Martinum de campis* Prioris officium strenue aliquandiu explevit. Post aliquot vero an-nos quia fratribus suis valde necessarius ac dilectus erat, iterum ad supprioratus dignitatem domum re-vocatus est. Exinde vero ad *Vergelense* cœnobium electus est, ut ei abbatis jure præfesset. Deinde ad *Hostiensis* ecclesiæ præsulatum canonica electione sublimatus est. Hujus autem ecclesiæ episcopis ex speciali antiqui honoris prærogativa constitutum est ipsum Apostolicum consecrare. Iste igitur, ut supra dictum est, in *Angliam* veniens, de statu sanctæ *Romane* matris ecclesiæ omnibus ejus fidelibus filiis magnum gaudium attulit. Namque dominus papa supranominatus universis catholicæ ecclesiæ filiis cartam suam per illum direxit. In hac autem refe-rebat quomodo dum navis *S. Petri* diutissime ac gravissime fluctibus inimicorum occupata et operata præcipitaretur, atque scopulis scismaticorum con-quassata ac dilacerata pessundaretur, de salutis suæ reparatione jam pene desperare cogebatur, quia ineffabilis desolatio atque detestabilis abominatio, quæ à primogenito sathanæ, scilicet *Petroleone* et ejus fautoribus, miserabiliter afflicta est viij. annis continuus duravit. Nec opus est eam describere, cum fere ab universo orbe cognita sit atque deslata. Verumptamen immensa *Christi* pietas, quæ quasi dormire atque eam peccatis nostris exigentibus pe-nitus neglexisse videbatur, à suis fidelibus precum & lacrimarum instantia pulsata ac tandem excitata, omnem pelagi furorem, ventorum sævitiam, tempe-statum rabiem potenti virtutis suæ imperio com-pescuit:

peseuit: mutans itaque procellam ejus in auram lenitatis, in portu tranquillitatis, & in gaudio securitatis illam requiescere fecit. Porro omnium inimicorum suorum superbiam, & gloriam in conculcationem & ignominiam convertit, ac omnium sibi adversantium colla suæ potestatis imperio subjecit. Unde non immerito cum Psalmista proclamare possumus: *Domine Dominus noster, quam ammirabile est nomen tuum in universa terra; quoniam elevata est magnificentia tua super cælos.* Exceptis autem his litteris quæ in hunc modum de recuperatione pacis & unitatis sanctæ Romanæ ecclesiæ, & de reparatione Apostolicæ potestatis & dignitatis loquebantur, alias litteras regibus *Anglia, & Scotia, & Turstino* archiepiscopo *Eboracensi*, (quippe tunc temporis *Cantuariensis* metropolis proprio pastore carebat) & episcopis, atque abbatibus, ac prælatis sanctæ ecclesiæ utriusque regni à prædicto papa directas, de auctoritate suæ legationis attulit. Igitur ab his omnibus honorifice susceptus est. Abbatem etiam *Molemsismi* cœnobii cum pluribus monachis de transmarinis partibus secum adduxit, & quendam alterum nomine *Ricardum* illius monasterii abbatem quod dicitur ad *Fontes*, magnæ religionis & auctoritatis virum, mox ut in *Angliam* venit ad se convocavit. Hos igitur egregiæ discretionis, & virtutis viros viæ & vitæ suæ comites ac testes inseparabiliter habuit, ut & illorum consilio & auxilio quæ tractanda erant tractaret, ac eorum testimonio conversationis ejus honestas commendabilior redderetur. Ecclesias igitur episcopatum & cœnobium tam clericorum quam monachorum fere per totam *Angliam* visitando pertransivit, & à singulis sollempniter receptus est. Tandem vero usque ad *Dunelmum* pervenit. Eodem tempore *Willielmus Cumin*, *David* regis *Scotia* cancellarius, de supradicto bello fugiens captus, et incarcerationis ibidem detinebatur. Quem mox de carcere eripiens, domino suo liberum reddidit. Igitur habens secum duos episcopos, *Rodbertum Herefordensem*, et *Adthelwlfum Carlelensem*, et iij. abbates, ac plurimos clericos per solitudinem ad *Hagustaldense* cœnobium pervenit. A fratribus autem loci illius satis honorabiliter susceptus, de dampno quod in occisione hominum suorum et in depredatione terræ suæ, ut prædiximus, illis recenter acciderat, multum diligenter eos consolatus est. Deinde per *Northumbriam* et *Cumberland* iij. die ante festum sancti *Michaelis* ad *Carlel* pervenit, ibique regem *Scotia* cum episcopis, abbatibus, Prioribus, baronibus suæ terræ reperit. Illi vero diu à *Cisalpina*, imo fere ab universa ecclesia discordantes, exolæ memoriæ *Petroleoni* et apostasiæ ejus nimium favisse videbantur. Tunc vero divina gratia inspirati, mandata *Innocentii* papæ et legatum ejus omnes unanimiter cum magna veneratione susceperunt. Igitur triduo cum eis de suæ legationis negotiis diligenter tractavit. Et quoniam cognovit quod *Johannes Glesguensis* episcopus curam animarum quam habuerat nulli commiserat, et sine licentia ac clanculo episcopatum suum reliquerat, et nulla evidente necessitate cogente apud *Tironam* monachus effectus est, de illo definivit, ut regius nuncius cum ipsius et regis pariter litteris pro eo mitteretur, et si redire noller, sententia super illum daretur. Et ita factum est. Convenit quoque regem de reformatanda pace inter eum et regem *Anglia*, et hujus

rei gratia ad ejus pedes cecidit, scilicet ut sanctæ ecclesiæ, et sui ipsius, et suorum miseretur, quibus tot et tanta mala fecerat. Sed vix inducias impetravit, quod nullum exercitum et nullum malum, excepta obsidione quæ circa *Carrum* erat, ante festum sancti *Martini* in terram regis *Anglia* induceret. Hoc etiam apud *Pictos* impetravit, quod omnes puellas ac mulieres captivas quas habere possent, ante eundem terminum ad *Carlel* reducerent, et eas ibi libertati redderent. Ipsi quoque et omnes alii firmissime ei promiserunt, quod nullo modo ecclesias amplius violarent, et quod parvulis, et foemineo sexui, et ex infirmitate et ætate debilibus parcerent, et omnino neminem nisi sibi resistentem amplius occiderent. Rex quoque cum Priore de *Heistalbascham* qui illuc cum legato venerat, antequam illum interpellaret de dampno ipsius et fratrum suorum locutus, illud multum planxit, et promisit quod totum restitui faceret, et insuper de injuria quæ illis et eorum ecclesiæ facta fuerat, et de interfectione hominum suorum eis rectum facere suos cogeret. Quod et ex magna parte fecit. Nam et eorum, et hominum suorum pecunia fere tota redita est. His ita factis, legatus ipso die festivitatis sancti *Michaelis* inde discedens, per *Heistalbascham* et *Dunelmum*, in *Suthangliam* rediit, narravitque *Stephano* regi *Anglia* suisque quid apud *David* regem *Scotia* et suos profecerat. Rex autem *Scotia* post paucos dies per quosdam qui de opido *Carrum* exierant cognovit, quod illi qui in opido erant gravissima ciborum penuria jam angustabantur. Unde eos arctius custodiri præcepit. Nec hoc falsum erat. Namque milites qui intus erant præ inopia victualium equos suos interfecerant, ac sale conditos jam ex maxima parte eos comederant, nec tamen adhuc opidum reddere volebant, imo cibo eorum jam penitus deficiente, armati de castello exire, et per medios hostes irrumpere, seque quamdiu possent defendere cogitaverant, nisi Deus interim eis aliud consilium providisset. Igitur circa festum sancti *Martini*, *Willielmus* abbas de *Riesvalle* in provinciam illam veniens, ex parte *Walteri Espe*, cujus illud, ut supradictum est, opidum erat, eis certissime dixit, quatinus regi *Scotia* illud traderent. Noverat enim bene quomodo præ penuria victualium jam nimia angustia macerati fuerant. Rex igitur interveniente abbate xxiiij. equos eis dedit, ac illos cum armis suis abire permisit, opidumque receptum mox destrui fecit. Supranominatus vero legatus, ut prædictum est, per episcopatus, ac monasteria ad curiam regis *Anglia* reversus quendam alium legatum qui nuperrime à domno Papa *Innocentio* venerat ibidem repperit. Igitur *Turstinum Eboracensem* archiepiscopum, & omnes episcopos, atque abbates, ac Priores canonicorum per totam *Angliam* summoneri fecerunt, ut ad festum sancti *Nicholai* in civitate *Lundonia* ad generale Concilium convenirent. Quibus præfinito tempore ac loco cum *Stephano* rege *Anglia* congregatis, de ecclesiasticis causis cum illis ambo legati tractare cœperunt. *Albricus* tamen priorem locum optinuit. Fuit autem Concilium hujusmodi.

Anno ab incarnatione Domini M. Cxxxviij. An. Dñi pontificatus autem domni papæ *Innocentii* secundum annum ix. regnante piissimo & illustrissimo *Stephano* rege *Anglorum* H. magni regis nepote, anno

anno vero regni ipsius tertio, celebrata est synodus *Lundonia* in ecclesia sancti *Petri* apostolorum principis apud *Westmonasterium* mense Decembris, tertia decima die ejusdem mensis; ubi post multarum discussionem causarum, promulgata sunt hæc Capitula & ab omnibus confirmata, numero xvij. Præfuit autem illi synodo *Albricus Hostiensis* episcopus, & prædicti domni papæ *Innoc.* in *Angliam* & *Scotiam* legatus, cum episcopis diversarum provinciarum xvij. & abbatibus circiter xxx. & cum innumera cleri & populi multitudine. Vacabat autem tunc temporis *Cantuariensis* ecclesia, & infirmabatur *Turstinus Eboracensis* archiepiscopus, *Willelmum* tamen ecclesiæ sancti *Petri Eboracensis* decanum, cum quibusdam clericis suis illuc direxit. Sunt autem hæc Capitula.

Sanctorum patrum canonica instituta sequentes auctoritate Apostolica interdiciamus, ut pro crimine, pro oleo, pro baptismo, pro poenitentia, pro visitatione infirmorum, seu desponsatione mulierum, seu unctione, pro communione corporis Christi, pro sepultura, nullum omnino precium exigatur. Quod qui præsumperit, excommunicationi subiaceat.

Sancimus etiam ut ultra octo dies corpus Christi non reservetur, neque ad infirmos, nisi per sacerdotem, aut per diaconem, aut necessitate instante per quemlibet cum summa reverentia deferatur.

Item, Apostolica auctoritate sancimus, ut in consecrationibus episcoporum, vel abbatum benedictionibus, non cappa, non indumentum ecclesiasticum, neque quicquam ab episcopo vel à ministris ejus exigatur. Et in dedicationibus quoque ecclesiarum, non tapetæ, non manutergium, non bacinia, nichilque omnino præter procuracionem sacris canonibus institutam requiratur.

Si quis episcopus in diocesi sua per alium episcopum ecclesiam consecrari fecerit, Apostolica auctoritate prohibemus ne quid inde ultra procuracionem ejusdem episcopi exigat.

Nullus omnino de manu laici ecclesiam seu quæcumque ecclesiastica beneficia accipiat. Cum autem investituram per episcopum aliquis acceperit, præcipimus ut super Evangelium juret, se nichil propter hoc per se, vel per aliquam aliam personam dedisse alicui vel promississe. Si autem præsumptum fuerit, irrita hujusmodi donatio erit, & tam dator quam acceptor ultioni canonice subiaceat.

Sancimus præterea ne quis ecclesiam, seu quælibet beneficia ecclesiastica paterna sibi vendicat hæreditate, aut successorem sibi in ecclesiastico constituat beneficio. Quod si præsumptum fuerit irritum fore decernimus, cum Psalmista dicentes, *Deus meus, pone illos ut rotam qui dixerunt, Hæreditate possideamus sanctuarium Dei.*

Clericos à non suis episcopis absque literis proprii episcopi ordinatos, à susceptorum officiis ordinum inhibemus: solique Romano pontifici eorundem plenaria restitutio reservetur nisi religionis habitum susceperint.

Sanctorum patrum vestigiis inhærentes, presbyteros, diaconos, subdiaconos, uxoratos, aut concubinos, ecclesiasticis officiis & beneficiis privamus, ac ne quis eorum missam audire præsumat Apostolica auctoritate prohibemus.

Fœneratores clericos, & turpia lucra sectantes, & publica secularium negotia procurantes, ab officio &

beneficio ecclesiastico nichilominus removendos esse censuimus.

Si quis clericum, aut monachum, vel sanctimonialem, vel quamlibet ecclesiasticam personam occiderit, incarcerationem, vel nefarias ei manus intulerit, nisi tertio summonitus satisfecerit, anathemate feriat. Neque quisquam ei præter Romanum pontificem, nisi mortis urgente periculo modum poenitentiae finalis injungat. Si autem impœnitens mortuus fuerit, corpus ejus inhumatum remaneat.

Si quis res ecclesiarum mobiles vel immobiles violenter usurpare præsumperit, nisi post canonicam vocationem emendaverit, eum excommunicari præcipimus.

Apostolica auctoritate prohibemus, ne quis absque licentia episcopi sui in possessione sua ecclesiam, vel oratorium constituat.

His subjungimus quoque auctoritatem *Nicholai* papæ dicentis, Cum discreti sint milites Christi à militibus seculi, non convenit militem ecclesiæ seculo militare per quod ad effusionem sanguinis necesse sit pervenire. Denique, sicut turpe est laicum missas facere, sacramenta corporis & sanguinis Christi conficere, ita ridiculum & inconveniens est clericum arma sustollere, & ad bella procedere, cum *Paulus* apostolus dicat, *Nemo militans Deo implicat*, &c.

Item adiciamus hoc decretum *Innocentii* papæ dicentis *Viltrico Rotomagensi* archiepiscopo; monachi diu morati in monasteriis si postea ad clericatum pervenerint, non debent aliquatenus à priore proposito deviare: sicut in monasteriis positi fuerunt, ita & in clericatus ordine degere debent, & quod diu servaverunt, id in altiori gradu positi amittere non debent.

Prohibemus etiam Apostolica auctoritate sanctimoniales, variis seu griffis, sabellinis, marterinis, hereminis, beverinis pellibus & anulis aureis uti, sive torturam capillorum & compositionem capillorum facere. Hujus decreti quæ inventa fuerit violatrix anathemati subiaceat.

De omnibus primitiis rectas decimas dari Apostolica auctoritate præcipimus; quas qui reddere noluerit, anathematis in eum sententia proferatur.

Sancimus præterea, ut si magistri scholarum aliis scolas suas pro precio legendas locaverint, ecclesiasticæ vindictæ subiaceant.

In hoc autem concilio tractatum est de archiepiscopo ad *Cantuariensem* ecclesiam eligendo, quæ, ut supradictum est, tunc proprio pastore carebat. Tandem vero post proximam Epiphaniam hæc causa finem habuit, cum *Beccensis* cœnobii abbas nomine *Theobaldus* electus præfatæ ecclesiæ archiepiscopus à supradicto *Alberico* consecratus est. In eodem autem Concilio depositus est abbas de *Emiland*, & Prior ecclesiæ sancti *Albani* martyris nomine *Godefridus*, & alter in loco ejus repositus, & abbatia quæ est juxta *Hastings* quæ dicitur ad bellum abbas nomine *Adam* electus est: quos utrosque prædictus *Albericus* benedixit. Invitavit quoque omnes episcopos & abbates plurimos *Anglie* ad generale Concilium quod dominus papa *Innocentius* ad medium Quadragesimæ *Rome* celebraturus erat. Dum autem hæc agerentur, de pace reformanda inter duos reges sapissime ac diligentissime cum pluribus, & maxime cum regina *Anglie*

Anglia tractavit. Postquam vero ipsius regina mentem ad hanc rem perficiendam valde esse accensam intellexit, ipsa mediahte, ac feminea calliditate, atque protervitate instante, ipsum regem crebro de eadem re interpellavit, quem primo durum & quasi hanc reconciliationem aspernentem invenerunt. Quippe plures de baronibus suis quibus ex discordia eorum gravia dampna contigerant, solliciti ei persuaserant, ut nullo modo pacem cum rege *Scotia* faceret, imo se viriliter de illo vindicaret: verumtamen feminei pectoris ardor vinci nescius, quibuscumque potuit modis nocte ac die stimulando non destitit, donec regium animum ad suam voluntatem detorsit. Namque avunculum suum *David* regem *Scotia*, & *Henricum* filium ejus atque suum cognatum vehementer amavit, ac ideo tantopere marito suo regi *Anglia* eos pacificare curavit. Præfatus itaque legatus ubi rem eo modo procedere vidit, audacius regem convenit de illa meliore spe concepta, ac de cæteris causis suis se intromisit.

Dñi 39. **A**Nno igitur M.Cxxxix. perfectis negotiis suis in *Anglia* expeditus legatus, mox post octabas Epiphaniæ cum suis ad mare reverſus transfretavit. Nam ad prædictum Concilium domini papæ tempore congruo pervenire properavit. *Theobaldus* quoque *Cantuariensis* archiepiscopus, & *Earnulfus Rosenſis*, & *Simon Wigornensis*, *Rogerus Coventrenſis*, *Robertus Exceſtrenſis*, Iſti v. episcopi, & cum illis 30. iiii. abbates, pro omnibus episcopis & abbatibus *Anglia* ad idem Concilium iverunt. Namque rex *Stephanus* propter turbationem regni sui, quæ gravis tunc imminebat, plures illuc mittere noluit. Præterea bonæ memoriæ *Turſſinus Eboracenſis* archiepiscopus, & propter Concilium, & propter quædam alia privata negotia quæ per illum facere disponebat, *Ricardum* abbatem de *Fontibus* eximie virtutis virum, de quo superius mentionem fecimus, illuc direxit. Namque sicut vulgo dicebatur, de sede sua seipsum deponere, & germanum fratrem suum *Andoenum* nomine *Ebroicensis* episcopum pro se archiepiscopum *Eboraci* constituere cogitaverat. Sed interim dum hæc parabantur, & nuncius ejus infectis negotiis *Roma* defunctus est, & frater ipſius sumpto ante mortem suam religioso habitu canonico-
rum apud *Peretun* ibidem de hac vita migravit.

Verum *Cantuariensis* archiepiscopus cum suo pallio, & prædicti episcopi, & abbates finito Concilio, & confectis negotiis suis sani & incolumes redierunt. Mox autem postquam sæpenominatus legatus ab *Anglia* disceſſit, intercurrentibus nuntiis inter duos reges pax facta est hoc modo. *Stephanus* rex *Anglia*, cum omnibus terris suis quas antea habebat *Henrico* filio *David* regis *Scotia*, comitatum *Northumbria*, exceptis duobus opidis, scilicet *Novo castello* & *Wahanburg*, conceſſit; hæc enim in manu sua retinuit. Sed pro ipsis opidis quantum urbes eorum valebant, in *Suthanglia* illi dare debebat. Præcepit quoque ut barones qui de comitatu tenebant, quicunque vellent, de Comite *Henrico* terras suas recognoscerent, & salva fidelitate quam ei juraverant, illi homagia facerent. Quod & plerique fecerunt. Rex autem *Scotia*, & *Henricus* filius ejus, cum omnibus suis, extunc quamdiu viverent *Stephano* regi *Anglia* per omnia pacifici & fidelissimi existere debebant. Et ut de fidelitate eorum securior eſſet, filium *Cospatrici* Comitissæ, & filium *Hugonis* de *Morvilla*, & filium *Fergusi* Comitissæ, & filium *Mel*: & filium *Mac*: scilicet quinque Comitum de *Scotia* ei obſides dare debebant. Leges quoque, & conſuetudines, & statuta quæ rex *Henricus* avunculus ejus in comitatu *Northumbria* statuerat, per omnia ibi immobiliter custodire debebant. Hæc autem concordia ab *Henrico* filio regis *Scotia*, & ab eorum baronibus coram *Matilde* regina *Anglia*, & multis Comitibus & Baronibus de *Suthanglia*, v. idus Aprilis *Dunelm* confirmata est. Hoc quoque diligenter distinctum est, quod *Henricus* Comes, neque super terram sancti *Cuthberti*, neque super terram sancti *Andrea* de *Westaldbatham* scyze, quia ad archiepiscopatum *Eboracensem* pertinebat, ullum jus habere debebat. Deinde cum regina ad curiam regis *Stephani* profectus, apud *Notingham* eum invenit. Confirmatisque ab illo quæ apud *Dunelmum* fecerant, per totam ætatem in *Suthanglia* demorans, & curiam regis frequentans, in servicio ejus magnas impensas fecit. Eodem anno *Walterus* de *Gant*, sumpto habitu monachili apud *Barthanaia*, & *Robertus* de *Ferrers* qui fuit Comes de *Derbia* scyza, defuncti sunt.

Explicit bellum Standardii.

A I L R E D I ABBATIS RIEVALLENSIS H I S T O R I A,

D E

[Bello Standardii tempore *Stephani* Regis.]

[Genealogia Regum *Anglorum*.]

[Vita & miraculis *Edwardi* Regis & Confessoris, &c.]

Nunc primum edita ex Mss. fideliter collatis.

ALLER HILL

ANALYTICAL CHEMISTRY

HISTORICAL

OF THE

ARTS

AND MANUFACTURES

OF GREAT BRITAIN

INCIPIT DESCRIPTIO VIRI VENERABILIS *Ethelredi* abbatis *Rievallensis*, de bello inter Regem *Scotiae* & Barones *Angliae* apud *Standardum* juxta *Alvertonam*.

Dñi
38.

ANno Dominicæ incarnationis M. Cxxxviii. rege *Stephano* circa partes australes occupato, rex *Scottorum* innumerabilem coegit exercitum, non solum eos qui ejus subjacebant imperio, sed & de insularis & *Orcaden-sibus* non parvam multitudinem accersiens. Qui cum maxima superbia & ferocitate progrediens, omnem borealis *Angliae* partem aut subdere sibi, aut eade incendioque depopulari proposuit. Non latuit proceres *Transhumbranos* ejus adventus, qui hortatu, & summonitione & *T. archiepiscopi*, & *Walteri Espec* (de quo postea dicemus) in unum convenientes, ejus conatui resistere decreverunt. Igitur parvum quidem numero, sed armis & viribus robustissimum exercitum adunarunt, regiumque signum quod vulgo *Standard* dicitur, in campo latissimo juxta *Alvertonam* constituentes, illic hostes excipere decreverunt. Sed & *Turstinus* archiepiscopus per totam diocesim suam edictum episcopale proposuit, ut de singulis parochiis, presbyteris cum cruce & vexillis reliquisque sanctorum præsentibus, omnes qui possent ad bella procedere, ad proceres properassent, ecclesiastici *Christi* contra barbaros defensuri. Erant itaque in australi exercitu primi principes *Willielmus Comes Albarum* juvenis tunc strenuissimus & in armis multum exercitatus, habens secum tam de *Pontis* quam de *Morinis* milites plurimos non minus astutia militari quam animi virtute præstantes. *Walterus* quoque de *Gant* morti jam ultima senectute vicinus, vir mansuetus & pius, qui & ipse validissimam manum de *Flandrensis* & *Normannis* adducens, tam sapientia quam pondere sermonum reliquam multitudinem plurimum animavit. *Ibertus* sane de *Laci* non segnis, nec cum paucis advolavit, qui tempore regis *Henrici* exulans, quanto fuerat laboribus ærumnisque assuefactus, tanto stabat in hac necessitate securus. Sed & *Rodbertus* de *Brus* licet regem *Scotiae* plurimum dilexisset, gentibus tamen suis in hac necessitate non defuit, qui cum optimo juvene filio suo *Adam* tam validam manum adduxit, ut non solum viribus, sed & decore simul, ac juventute omnem multitudinem plurimum decorarent. Tantis autem fervor resistendi *Scotis* cunctos arripuit, ut etiam *Rogerum de Molbrai* adhuc puerulum exercitui interesse fecissent, tam decenter tamen ut tali ætati conveniebat, inter cæteros sapientissime collocatum. Cum quo universa terræ suæ militia, quæ profecto nec sapientia, nec virtute, nec numero cæteris videbatur inferior, cum tanta devotione convenit, ut minor ætas domini sui nullum exercitui videretur asferre dispendium.

Affuit & *Walterus Espec* vir senex & plenus dierum, acer ingenio, in consiliis prudens, in pace mo-

destus, in bello providus, amicitiam sociis, fidem semper regibus servans. Erat ei statura ingens, membra omnia tantæ magnitudinis, ut nec modum excederent & tantæ proceritati congruerent. Capilli nigri, barba proluxa, frons patens & libera, oculi grandes & perspicaces, facies amplissima, tracticia tamen, vox tubæ similis; facundiam quæ ei facilis erat, quadam soni majestate componens. Erat præterea nobilis carne, sed Christiana pietate nobilior. Nempe cum liberis careret hæredibus, licet ei nepotes strenui non deessent, de optimis tamen quibusque possessionibus suis *Christum* fecit hæredem. Nam in loco amœnissimo *Kircham* nomine monasterium regularium condidit clericorum, multis illud donariis ornans & ditans possessionibus: insuper & palatia sua, thalamos suos, cellaria sua, in servorum *Christi* habitacula commutans. *Cisterciensem* quoque ordinem, cujus vix famam audierat *Angliæ*, favente sibi glorioso rege *Henrico* in has partes advexit, suscipiens fratres de monasterio nobilissimo *Clarevallis* per manum Deo dilecti abbatis *Bernardi*. Qui venientes in *Angliam* anno ab incarnatione Domini M. Cxxxij. nacti locum in valle profundissima super ripam *Rie* fluminis, unde ipsum monasterium *Rievallis* nomen accepit, multos suæ religionis fama ad optimorum studiorum æmulationem incitaverunt, unde in brevi multiplicari super numerum, plurima in regno utroque, *Angliæ* scilicet & *Scotiae*, cœnobيا condiderunt. Nam prædictus *Walterus* nec dum tantis satiatus beneficiis, in territorio *Wardunensi* famosissimum per eodem fratres fundavit monasterium. Porro eodem anno adventus eorum in *Angliam* quidam monachi de ecclesia beatæ *Maria Eboracensi Cisterciensem* puritatem & paupertatem zelantes, auxilio fratri venerabilis *Turstini* archiepiscopi, relinquentes divitias & delicias monasticæ puritati contrarias, maxima paupertate, miro fervore vj. kalend. Januarii *Fontanense* cœnobium creaverunt. Deinde prædictorum se fratrum ordini plenius conjungentes plura & ipsi per insulam *Britannicam* nobilia monasteria fundaverunt. *Waverlenses* quoque fratres qui hætenus quasi in angulo latuerant, cognito quod ejusdem essent ordinis, *Cisterciensium* monasteriorum numerum auxerunt. Ita alii ab ipsis *Rievallensibus* procreati, alii eorum exemplo provocati, multis cœnobiis clariorem insulam reddiderunt. Unde non inmerito cœnobium *Rievallense*, cæteris quæ in *Angliæ* sunt ejusdem ordinis, fama & religione præcellit. Hæc autem omnia bona quis dubitet viro illi strenuissimo ascribenda, tantorum fructuum semen deprocul advexit, & locum in quo seminaretur invenit. Hic igitur cum ab universo exercitu, tum propter ætatem tum propter sapientiam, patris more coleretur, ascendens machinam quam circa



regium Signum fabricaverant, supereminens universo populo ab humero & sursum, hac oratione dejectos quadam formidine erexit animos, promptos acius inflammavit. « Non inutile est (inquit) viri fortissimi si senem juvenes audiat; me dico qui multorum temporum vicissitudine, mutatione regum, & diversis bellorum eventibus didici & praeiterita revolvere, & aestimare praesentia, & secundum praeiterita de praesentibus, secundum praesentia de futuris capere conjecturam. Et certe si omnes qui me audiunt, saperent, & intelligerent, & ea quae nobis hodie ventura sunt, praeviderent, filerem libentius, & sompno meo quiescerem, vel luderem aleis, aut confingerem scasis, vel si ea aetati meae minus congruerent, legendis historiis operam darem, vel more meo veterum gesta narranti aures attentius commodarem. Nunc autem rem video plerosque de praelio certos, incertos de victoria fluctuare animo, timere vehementer ne paucitatem nostram immensae copiae Scottorum absorbeant; cum non ex multitudine victoria pendat, sed vel viribus adquiratur, vel justis votis, causaque honesta ab omnipotente impetretur. Ego sane considerans qua ratione, qua causa, qua necessitate, qui adversus quos hodie dimicamus, sto intrepidus, tam securus de victoria quam de praelio certus. Cur enim de victoria desperemus, cum victoria generi nostro quasi in feudum data sit ab altissimo? Nonne proavi nostri maximam Galliae portionem cum paucis invasere militibus, & ab ea cum gente etiam ipsum Galliae nomen eraserunt? Quotiens ab eis Francorum est fusus exercitus, quotiens a Cenomanensibus, Andegavensibus, Aquitanensibus pauci de multis victoriam reportarunt? Certe patres nostri & nos hanc insulam quam quondam victoriosissimus Julius non sine multa suorum strage post multos annos vix tandem optinuit, in brevi edomuiimus, in brevi nostris subdidimus legibus, nostris obsequiis mancipavimus. Vidimus, vidimus oculis nostris, regem

« Francia cum universo suo exercitu nobis terga vertentem, optimos quosque regni ejus proceres a nobis captos, alios redimi, alios mancipari vinctulis, alios carcere condemnari. Quis Apuliam, Siciliam, Calabriam, nisi noster Normannus edomuit? Nonne uterque Imperator eadem die eadem fere hora terga vertit Normannis, cum alter adversus patrem, alter adversus filium dimicaret? Quis igitur non rideat, potius quam timeat, quod adversus tales vilis Scottus seminudis natibus pugnaturus occurrit? Isti sunt, isti sunt utique qui nobis quondam non resistendum sed cedendum putarunt, cum Anglia victor Willielmus Laodamam, Calatriam, Scotiam, usque ad Abernith penetraret, ubi bellicosus ille Malcolmus deditione factus est noster, & nunc victores suos, Dominos bello provocant; lanceis nostris, gladiis nostris, telis nostris nudum obiciunt corium; pelle vitulina pro scuto utentes; irrationabili mortis contemptu, magis quam viribus animati. Quid ergo hastarum illarum quas eminus intuemur nimia longitudo nos terret? Sed lignum fragile est, ferrum obtusum, dum ferit perit, dum impingitur frangitur, vix ad unum ictum sufficiens. Excipe illud saltem baculo, & inermis Scottus astitit. An multitudinem expavescimus? Sed quanto vincendorum major numerus, tanto vinctibus gloria major. Taceo quid de ipso numero sentiam, ne futurae gloriae nostrae detrachere aliquid videar. An pro causa diffidimus? Sed non injustum bellum pro rege nostro suscipimus, qui regnum non ut hostes calumpniantur invasit debitum, sed suscepit oblatum, quem populus petiit, quem clerus elegit, quem unxit pontifex, quem in regnum Apostolica confirmavit auctoritas. Sed ut interim de rege taceamus, nullus certe justum negabit quod pro patria arma suscipimus, quod pro uxoribus nostris, pro liberis nostris, pro ecclesiis nostris dimicantes imminens periculum propulsumus. Urget enim necessitas.

Recolite

«Recolite quid in *Transfinanis* partibus egerint, nec
 «mitiora sperate si vicerint *Scotti*. Taceo cades,
 «rapinas, incendia, quæ humano quodammodo more
 «exercentur ab hostibus, talia dicam, qualia nec fa-
 «bulæ ferunt, nec narrant historiæ à crudelissimis
 «acta tyrannis. Dicam, inquam, si non præ nimio
 «horrore sermo defecerit, aut auditor aufugerit.
 «Nulli ætati, nulli ordini, nulli omnino sexui peper-
 «cerunt. Nobiles tam pueri quam puellæ ducti sunt
 «in captivitatem. Pudica matrimonia incredibili li-
 «bidine vexata sunt. Parvuli jactati in aera, & acu-
 «leis lancearum excepti delectabile spectaculum
 «*Galvensibus* præbuerunt; prægnans mulier per me-
 «dium secabatur, tener fetus extractus ab utero,
 «impia manu ad saxum allidebatur. Lassati inno-
 «centium cæde, illotis cultellis quibus miserorum
 «effuderant viscera, carnes quas vorarent incide-
 «bant, humanumque sanguinem miscentes aqua,
 «crudeli poculo sitim sedabant, dicentes se felicissi-
 «mos quos in illud tempus fortuna servaverat quo
 «*Gallorum* sanguinem bibere potuissent. Casu in-
 «venti sunt in eadem domo plures parvuli. Stabat
 «*Galvensis*, & unum post unum utroque pede arri-
 «piens caput allidebat ad postem. Quos cum in
 «unum coegisset acervum, ridens versus socium, *Ecce*,
 «inquit, *quot hodie Gallos solus occidi*. Horreo dice-
 «re quomodo ingressi sunt templum dei, quomodo
 «polluerunt sanctuarium ejus, quomodo salutis
 «Christianæ sacramenta pedibus conculcaverunt.
 «Quid agitis, ô viri fortissimi? Non adversus homi-
 «nes dimicatis sed adversus bestias, quibus nihil hu-
 «manitatis, nihil inest pietatis; quos cælum horret,
 «quos abominatur terra, quos execrantur maria,
 «quos ipsa mundi lumina detestantur; quos non ob-
 «aliud terra non absorbuir, nec fulminavit cælum,
 «nec maria submerferunt, nisi ut vestris victoriis ser-
 «varentur, vestris manibus interirent. Consecrate
 «manus vestras in sanguine peccatorum: felices
 «quorum hodie manus ad suas ulciscendas injurias
 «*Christus* elegit. Festinate, & nefandum hoc sangui-
 «num hominum genus terris obruite, inferis sepelite,
 «ne si diutius vixerint, sol lumen abscondat, cælum
 «neget pluvias, fruges quadam ariditate marcescant.
 «Cogitare regem absentem, quantumque vestræ ac-
 «cedat gloriæ, cum reportaveritis de rege sine rege
 «triumphum; Vestra erit curia, vestrum erit regnum,
 «vestris consiliis omnia tractabuntur, per quos ho-
 «die regi regnum, regno pax, paci gloria perquire-
 «tur, fatebitur rex se hodie manibus vestris iterum
 «coronatum. Secure igitur congregiamur, cum no-
 «bis sit causa justior, manus fortior, quos urget ne-
 «cessitas, quos gloria provocat, quibus divinum
 «auxilium præsto est, cum quibus tota cœlestis curia
 «dimicabit. Aderit *Michael* cum angelis suam ul-
 «turus injuriam, cujus ecclesiam humano sanguine
 «fœdaverunt, cujus altare superpositum capite huma-
 «no polluerunt. *Petrus* cum Apostolis pugnabit pro
 «vobis, quorum basilicas nunc in stabulum, nunc in
 «prostitutum converterunt. Sancti martyres vestra
 «præcedent agmina, quorum incenderunt memorias,
 «quorum alta cædibus impleverunt. Virgines sanctæ
 «licet pugnx dubitent interesse, pro nobis tamen
 «oratione pugnabunt. Amplius dico, ipse *Christus*
 «apprehendet arma & scutum, & exurget in adjuto-
 «rium nobis. Ipsi enim veniunt ad nos in superbia,
 «nos cum humilitate procedimus. Illi carnes ra-
 «ptas quas voraverunt eructant, nos post sacra jeju-

«nia *Christi* carne & sanguine faginamur. Illos hi-
 «striones, saltatores & saltatrices, nos crux *Christi*
 «& reliquæ Sanctorum antecedunt. Sed quid mo-
 «ror? Certe aut vincendum nobis est, aut morien-
 «dum. Quis enim victoriæ *Scottorum* se velit esse
 «superstitem, ut videat uxorem suam *Scottorum* sub-
 «jacere libidini, parvulos suos lanceis perforari?

Hæc dicens vertit se ad Comitum *Albemarrum*,
 dataque dextera, Do, inquit, fidem, quia hodie aut vin-
 cam *Scottos*, aut occidar à *Scottis*. Quo similiter vo-
 to cuncti se proceres constrinxerunt. Et ut ipse fugæ
 cunctis penitus tolleretur, equos omnes longius amo-
 ventes, pedestri more congrédi decreverunt, aut mori
 aut vincere cupientes. Rex interim coactis in unum
 Comitibus, optimisque regni sui proceribus cœpit
 cum eis de belli ratione tractare; placuitque plurimis,
 ut quotquot aderant armati milites & sagittarii cun-
 ctum præirent exercitum quatinus armari armatos
 impeterent, milites congregarentur militibus, sagittæ
 sagittis obviarent. Restitere *Galvenses*, dicentes sui
 esse juris primam construere aciem, primum in ho-
 stes impetum dare, sua probitate reliquum animare
 exercitum. Periculosum dicebant alii, si in primo
 aggressu inermes annatis occurrerent, quoniam si
 belli vim non sustinens, primus cuneus laberetur in fu-
 gam, etiam fortium corda facile solverentur. *Gal-*
venses nichilominus insistebant, jus suum sibi concedi
 postulantes.

«Quid enim, inquiunt, O rex formidas, & tui-
 «cas illas ferreas quas eminus cernis nimium expave-
 «scis? Nobis certe sunt latera ferrea, pectus æreum,
 «mens timoris vacua, quorum nec pedes fugam, nec
 «unquam vulnus terga sensere. Quid Gallis apud
 «*Clidberhou* profuere lorice? Nunquid non inermes
 «isti ut dicunt, illos & loricas proicere, & negligere
 «galeas & scuta relinquere coegerunt? Videat igi-
 «tur prudentia vestra O rex, quale sit in his habere
 «fiduciam, quæ in necessitate magis sunt oneri quam
 «consolationi. Nos apud *Clidberhou* de loricatis
 «victoriam reportavimus, nos hodie & istos animi
 «virtute pro scuto utentes lanceis prosternemus.

His dictis, cum rex militum magis consiliis ad-
 quiescere videretur, *Malisse* Comes *Stradarnie*
 plurimum indignatus, Quid est, inquit, O rex quod
Gallorum te magis committis voluntati, cum nullus
 eorum cum armis suis me inermem sit hodie præcessu-
 rus in bello? Quæ verba *Alanus* de *Perci* magni
Alani filius nothus, miles strenuissimus & in milita-
 ribus negotiis probatissimus, ægre ferens, conversus
 ad Comitem, *Grande*, inquit, verbum locutus es, &
 quod hodie pro vita tua efficere non valebis. Tunc
 rex utroque compescens, ne tumultus hac alterea-
 tione subito nasceretur, *Galvensium* cessit voluntati.
 Alteram aciem filius regis & milites sagittarii quæ
 cum eo, adjunctis sibi *Cumbrensis* & *Tevidalensis*
 cum magna sagacitate constituit. Erat autem
 adolescens pulchra facie, & decorus aspectu, tantæ
 humilitatis ut omnibus inferior videretur, tantæ au-
 ctoritatis ut ab omnibus timeretur; tam dulcis,
 tam amabilis, tam affabilis, ut ab omnibus dilige-
 retur. Tam castus corpore, in sermone tam sobrius,
 in cunctis moribus tam honestus, tam assiduus in ec-
 clesia, orationi tam intentus, tam benivolus circa
 pauperes, contra malefactores tam erectus, sacerdo-
 tibus & monachis sic prostratus, ut & in rege mona-
 chum & in monacho regem prætere videretur.
 Erat præterea tantæ probitatis, ut in illo exercitu

nullus

nullus fuerit similis ei sive hostes impetendo, sive impetentes magnanimiter sustinendo, cæteris ad insequendum fortior, ad repellendum acrior, ad fugam tardior. Conjunxerat se ei ejusque interfuit aciei *Eustacius filius Johannis* de magnis proceribus *Anglie*, regi quondam *Henrico* familiarissimus, vir summæ prudentiæ & in secularibus negotiis magni consilii, qui à rege *Anglorum* ideo recesserat, quod ab eo in curia contra patrium morem captus, castra quæ ei rex *Henricus* commiserat, reddere compulsus est; ob quam causam offensus, ut illatam sibi ulcisceretur injuriam, ad hostes ejus sese contulerat. Tercium cuneum *Laodoneses* cum insularis & *Lavernensis* fecerunt. Rex in sua acie *Scotos* & *Murvanenses* retinuit, nonnullos etiam de militibus *Anglis* & *Francis* ad sui corporis custodiam depuravit. Et sic quidem aquilonalis ordinatur exercitus.

Et australes quoniam pauci erant in unum cuneum sapientissime glomerantur. Nam strenuissimi milites in prima fronte locati lancearios & sagittarios ita sibi inferuerunt, ut militaribus armis protecti tanto acrius quanto securius vel in hostes irruerent, vel exciperent irruentes. At proceres qui maturioris ætatis fuerunt, ut cæteris præsidio forent, circa signum regium constituuntur, quibusdam altius cæteris in ipsa machina collatis. Scutis scuta junguntur, lateribus latera conferuntur, laxatis vexillis eriguntur lanceæ, ad solis splendorem lorice candescunt, sacerdotes sacris vestibus candidati, cum crucibus reliquisque Sanctorum exercitum ambiebant, & sermone simul & oratione populum decentissime roborabant. Tunc *Rodbertus de Brus* vir grandævus & magnarum opum, moribus gravis, sermone rarus, qui cum dignitate quadam & pondere loquebatur, qui cum esset de jure regis *Anglorum*, à juventute tamen regi *Scotie* adhærens, ad maximam ejus familiaritatem profecerat. Ipse igitur ut vir veteranæ militiæ, & talium negotiorum latis gnarus, naturali sagacitate periculum quod regi imminabat prospiciens, antiquæ amicitie intuitu accepta à sociis licentia regem adiit, aut bellum dissuadens, aut ab eo more patrio legitime recessurus. Erat enim obligatus ei non solum amicitia sed & fidei necessitate. Cum igitur regem cominus aspexisset,

“Assum, inquit, O rex, fidelis tuus, daturus nunc consilium honorabile tibi, regno tuo utile, liberis tuis in posterum profuturum. Non enim iapientis est, O rex, rerum tantum initia, non etiam exitus finesque prospicere, & pro solis præsentibus prætorum memoriam vel futurorum providentiam ambolare. Adversum quos hodie levas arma, & hunc innumerum ducis exercitum? Adversum *Anglos* certe & *Normannos*. O rex, nonne isti sunt quorum semper & consilium utile, & auxilium promptum gratum insuper obsequium invenisti? ex quo rogo te, domine mi, tantam fidem invenisti in *Scotis*, ut tam secure tibi tuisque *Anglorum* demas consilium, auxilium abroges *Normannorum*, quasi soli tibi sufficiant *Scotti* etiam contra *Scotos*. Nova tibi est in *Walenfibus* ista securitas, qui eos hodie armis petis per quos hæcenus amabilis *Scottis*, terribilis *Galwenfibus* imperasti. Putasne igitur O rex, quod æquis oculis aspiciet cælestis illa majestas, quod illos insistis absumere per quos tibi tuisque regnum procuratur, & securitas in regno? Quibus copiis quibusve auxiliis frater tuus *Dunecanus* *Donenaldi* prostravit exercitum, & regnum quod

“invalerat tyrannus recepit? Quis *Eadgarum* fratrem tuum, immo plusquam fratrem, nisi noster exercitus, regno restituit? Tu ipse rex cum portionem regni quam idem tibi frater moriens delegavit, à fratre *Alexandro* reposceres, nostro certe terrore, quidquid volueras sine sanguine impetrasti. Recole præterito anno cum adversus *Malcolmum* pareris odii & persecutionis hæredem *Anglorum* auxilium flagitares, quam læti, quam alacres, quam ad auxilium prompti, quam proni ad periculum *Walterus Espec* alique quamplures *Anglorum* proceres tibi apud *Carleolum* occurrerint, quot paraverint naves, quæ arma intulerint, qua juventute munierint, quomodo omnes tuos terruerint hostes, donec ipsum *Malcolmum* proditum caperent, captum vincirent, victum traderent. Ita terror noster ipse quidem membra sed magis *Scottorum* animos vinxit, omnique spe præficiendi frustrata audaciam abstulit rebellandi. Quicquid igitur odii, quicquid inimicitarum adversum nos habent *Scotti*, tui tuorumque est causa, pro quibus contra eos totiens dimicavimus, quibus ademimus spem rebellandi, tibi & tuæ per omnia subdidimus voluntati. Rideant proinde *Scotti*, quod tu eis de nobis ultionem procuras, cum nihil aliud habeant quod ulciscantur in nobis, nisi quod te tuosque dileximus, tibi tuisque fidem servavimus, quod armis nostris, scutis nostris, ipsis etiam corporibus nostris tua protexitur viscera, tibi regnum servavimus. Parce itaque, O rex, parce tibi, parce regno tuo, parce præ omnibus juvenum splendidissimo filio tuo, cui hodie nudatum consilio & cunctis auxiliis spoliatum proditioni *Scottorum* exponis & obicis furori. Cave præterea ne involvaris peccatis hominum impiorum, de quorum manibus cædes parvulorum, prægnantium luctus, sacerdotum injuria, ipse etiam divinitatis contemptus exquiritur. Adversus quos non unius *Abel*, sed innumerabilium innocentium sanguis clamat de terra. Vidisti, O rex, abominationes perfimas quas fecerunt hi. Vidisti inquam, vidisti, horruisti, flevisti, pectus tutudisti, clamasti contra tuum id fieri præceptum, contra tuam voluntatem, contra tuum decretum. Ostende nunc vera te dixisse ut eos à simili revoces iniquitate, ut reversi sine te puniantur si sine te talia commiserint. Et hæc latis essent, si conatui tuo nullus obfisteret, vel de victoria certitudo constaret. Nunc autem stat contra te non contempnendus exercitus, quanto tuo numero minor, tanto armis viribusque robustior. Nescis, O rex, quam sit periculosa desperatio, quando & mors certa est, sed stat adhuc de genere mortis electio. Certe si viceris moriemur. Moriemur inquam nos, morientur parvuli nostri; sacerdotes nostri in altaribus jugulabuntur; uxores nostræ turpi libidine fœdabuntur. Elegimus proinde vel vincere vel mori gloriose, quamvis nulla nobis sit de victoria dubitatio. Hinc dolor meus, hinc lacrimæ, quod dulcissimum dominum meum, amantissimum amicum meum, antiquum socium meum, in cujus amicitia senui, cujus munificentiam in munerum multimodorum largitione, in prædiorum quoque & multarum possessionum collatione expertus sum, post juveniles ludos quibus simul exercitati sumus, post armorum negotia quibus nobis in multis periculis semper affuimus, post splendida convivia quæ utrique unius regnum ministravit, post delicias quas utrisque avium ferarumque venatio

« natio contulit, aut mori periculose aut indecenter
« fugere contemplor.

His dictis, lacrimis & singultibus interceptus est sermo loquentis. Et rex naturali pietate commotus in lacrimas solvebatur, jam jamque ibat in pactum. Sed *Guillelmus* regis nepos, vir magni animi, & belli præcipuus inventor superveniens, ipsum *Rodbertum* cum maximo furore arguit proditoris, regemque à sententia flexit. At ille nichil moratus, vinculum fidei quo eatenus regi affricus fuerat, patrio more dissolvens, ad suos non sine dolore reveritur; & statim soluta statione erectis lanceis aquilonalis procedit exercitus. Sequitur lituum stridor, tubarum crepitus, fragor lancearum percutientium alteram ad alteram; tremunt terra, fremunt cælum, echo vicini montes collesque resulant: Interea *Radulfus* episcopus *Orraderfis*, quem illo miserat archiepiscopus *Turstinus*, stans in eminentiori loco, cum populo præliandi necessitatem in remissionem peccatorum indixisset, tundentes pectora erectis manibus divinum auxilium precabantur. Factaque super eos absolutione, episcopus benedictionem sollempni voce adjecit, cunctis alta voce respondentibus amen, amen. At *Galwensium* cuneus more suo ter ululatum diræ vocis emittens, tanto impetu irruunt in australes, ut primos lancearios stationem deserere compellerent, sed vi militum iterum repulsi, in hostes animum viresque recipiunt. Ubi vero ferri lignique soliditate *Scoticarum* lancearum est delusa fragilitas, eductis gladiis comminus decertare temptabant. Sed australes muscæ de cavernis pharetrarum ebullientes, & instar densissimæ pluvie convolantes, & in obstantium pectora, vultum, oculos quoque importunius irruentes, conatum illorum plurimum retardabant. Videres ut hericium spinis, ita *Galwensem* sagittis undique circumseptum, nichilominus vibrare gladium, & cæca quadam amentia prouentem nunc hostem cedere, nunc inanem ærem cassis ictibus verberare. Et jam-jam percussi pavore extremi quique dissolvebantur in fugam, cum inclitus adolescens filius regis cum sua superveniens acie in adversum sibi cornu leonina se ferocitate proripuit, ipsaque globi australis parte instar cassis aranæ dissipata, obstantes quosque cædendo ultra regium signum progressus est, ratusque reliquum exercitum secutum iri, ut hostibus fugæ præsidium tolleret, equorum stationem invasit, disperisit, ac retro usque ad duo stadia redire coegit. Hujus igitur admirabili impetu plebs inermis perterrita labebantur. Sed cujusdam prudentis viri figmento, qui caput unius occisi in altum erigens regem clamabat occisum, revocati, vehementius solito irruunt in obstantes. Tunc *Galwenses* imbrem sagittarum, gladios militum ulterius non sustinentes, fugam ineunt, occisis prius duobus eorum ducibus *Wlgrico* &

Dunenaldo. Porro *Laodensium* cuneus primum vix impetum expectans statim dissolutus est. Tunc rex dissiliens equo, & proceres qui cum eo erant, adversus hostes processerunt. Sed *Scotti* ob cæterorum fugam pavidus ex omni lapsi parte regali aciei fugere cœperunt, ita ut in brevi lapsis cæteris pauci circa regem persisterent. Procedit contra eos *Anglorum* exercitus, ipsum certe regem cum omnibus suis vel occisurus vel capturus, nisi milites regem fugam omnimodis abjurantem, vi sublatum equo regredi compulissent. Tunc hi qui fugerant videntes regale vexillum, quod ad similitudinem draconis figuratum facile agnoscebatur, reverti, scientes regem non cecidisse sed redire, ad ipsum reversi terribilem insequentibus cuneum creaverunt. Interea ille adolescentum decus, militum gloria, senum delicia, filius regis respiciens retro, vidit se cum paucis in mediis relictum hostibus, vertensque se ad unum de sociis & subridens, *Fecimus*, inquit, quod potuimus, & certe quantum in nobis est vicimus. Nunc consilio non minus opus est quam virtute. Nec est aliud majus animi constantis indicium quam in adversa fortuna non frangi, & quando non potes viribus, consilio superes inimicum. Propterea itaque signis quibus à cæteris dividimur, ipsis nos hostibus inferamus quasi insequentes cum ipsis, donec prætergressi cunctos ad paternum cuneum quem eminus video in suo vigore manentem cedere necessitati, quamtoocius veniamus. His dictis, calcaribus sonipedem urgens medios interfecat hostes, donec anteriores transgressus, mitiori incessu equum allevat. Et ut noveris quam securum in adversis & providum gessit animum, cæteris militibus armorum onera ubiubi proicientibus, optimus juvenis laboris patiens sustinuit, donec ad pauperis cuiusdam tugurium veniens, evocato pauperculo exiit se torace, proiciensque ad pedes hominis, *Accipe*, inquit, vir quod mihi est oneri, tua consulat necessitati. At rex jam longe processerat, jam ordinare terribiliter incedens ut quosdam de insequentibus capiens, cæteros qui instabant plurimum detereretur; sicque ad *Carleolum* usque perveniens, ibi de se jam securus, sed de filio pavidus per biduum nil aliud agens expectabat. Tertia tandem die diu desideratum sanum & incolumem filium recepit. *Anglorum* sane proceres diu insequentes, innumerabiles tam *Scottos* quam *Galwenses* interfecerunt, de militibus vero multos ceperunt. De singulis autem partibus singuli milites corruerunt. Sane *Anglorum* duces omnes sani incolumesque reversi, & circa *Walterum Esset*, quem ducis & patris loco venerabantur conglobati, inmensas gratias deo omnipotenti pro insperata victoria retulerunt.

Explicit descriptio Ethelredi abbatis.

Incipit

Incipit Epistola Abbatis Rievallensis Ailredi ad illustrem
Ducem H. set postmodum Anglorum regem.

Illustrissimo Duci *Normannorum & Aquitanorum* & Comiti *Andegavensium* Henrico, frater A. servus servorum Christi qui in *Rievallie* sunt, salutes & orationes. Adeo secundum naturam virtus est, viciū contra naturam, ut virtutem laudet & approbet etiam viciōsus, viciū vero si humanæ rationis sequatur iudicium nec viciōsus excuset. Nam & viciū quasi semetipsum ob innatam sibi turpitudinem erubescens, semper latebras quatit & optat secretum: cum econtra virtus suæ sibi pulchritudinis & honestatis conscia ad omnem tripudiet & exultet aspectum, ob solam humilitatem publicum fugiens & humanum testimonium horrens. Quoniam igitur animæ rationali naturaliter inest amor virtutum, odium viciōrum, quicumque bonis moribus virtutisque studuerit, facile sibi omnium illicit & indignat affectum. Hinc est, vir illustrissime, quod te multorum qui te oculis non viderunt mentibus inpresit fama virtutis, cum admirationi sis universis nec minus delectationi; in tali ætate tanta sapientia, in tantis deliciis tanta continentia, in tantis negotiis tanta providentia, in tali humilitate talis severitas, in tali severitate talis benignitas.

Quis enim non obitupeat juvenem pro regno certantem abstinere rapinis, cadibus parcere, cavere incendia, nullum gravamen inferre pauperibus, pacem & reverentiam ecclesiis & sacerdotibus conservare? Unde non inmerito *Andegavensium* gloria, *Normannorum* tutela, spes *Anglorum*, *Aquitanorum* decus ab omnibus prædicaris. Hoc tantum superest, ut *Ihesum Christum* horum munerum largitorem agnoscas & exoptes conservatorem. Ego vero considerans de quorum progenie originem duxeris, gratias[ago] Domino deo meo quod pro talibus talis nobis filius, quasi novus quidam splendor, illuxit, in quo cum omnium antecessorum virtutes convenierint, maxime tamen in te spiritum Christianissimi regis *David* gaudeo quievisse; unde divina providentia actum existimo, ut illius mundissimæ manus balthæo te cinxerunt militari, per quas Christi gratia virtutem tibi castitatis illius, humilitatis & pietatis infunderet. Quoniam autem recenti morte illius contristatus, vitam ejus & mores sicut nunc amor, nunc timor, nunc spes, nunc dolor meum variant affectum, non hystoriando sed lamentando, brevi stilo collegi, te quasi pietatis illius hæredem intimi cordis dilectione suscipiens, ipsam tibi lamentationem destinare curavi. In qua cum laudabilem ejus vitam & preciosam legeris mortem, illam imiteris ut ista consequi merearis. Omnis enim laus in fine canitur, nec inchoantibus præmium promittitur, sed perseverantibus datur. Omnipotens deus conservet in te & augeat gratiam suam, excellentissime & illustrissime Domine.

De sancto Rege Scottorum David.

Religiosus & pius rex *David* migravit è mundo; qui licet dignum tali animæ locum invenerit, mors tamen ejus planctum nobis indicit. Quis enim non lugeat virum tam necessarium mundo rebushu-

manis exemptum, nisi is qui rebus humanis pacem invenit & profectum? Rex enim iste mansuetus, rex justus, rex castus, rex humilis, quis facile dixerit, quid utilitatis humanæ vitæ contulerit; quem mansuetudo amabilem, justitia terribilem, castitas compositum, humilitas communem fecerat? Quæ omnia si in privato quolibet laude dignissima judicantur, quanto magis in rege cui potestas dat licere quodlibet; cujus viciis facile favent inferiores, prout ad imitandum, prompti ad adulandum, cum & impunitas præstet audaciam, libido vero acuat & accendat luxuriam? Scimus enim eum regnum non appetivisse sed horuisse, magisque illud ob alienam necessitatem suscepisse quam dominandi libidine victum avide invasisse, unde & obsequia illa quæ à gente *Scottorum* in novella regum promotione more patrio exhibentur ita exhorruit, ut ea vix ab episcopis suscipere cogeretur.

Sublimatus vero in regem, nichil superbum in moribus, nichil in verbis crudele, nichil inhonestum præterebat in factis, unde tota illa gentis illius barbaries manifestata tanta se mox Regi benivolentia & humilitate substravit, ut naturalis oblita sævitia, legibus quas regia mansuetudo dictabat colla submitteret, & pacem quam eatenus nesciebat gratanter exciperet, unde non inmerito dilectus à deo & hominibus videbatur; dilectus à deo plane, qui statim in ipsius regni sui incipiis ea quæ dei sunt diligenter exercebat, in ecclesiis construendis, in monasteriis fundandis, quæ & ampliavit possessionibus & honoribus cumulavit. Cum enim ipse in toto *Scottorum* regno tres vel quatuor tantum inveniret episcopos, ecclesiis cæteris sine pastore tam morum quam rerum dispendio fluctuantibus, ipse tam de antiquis quas reparavit, quam de novis quas ipse erexit decedens novem reliquit. Monasteria autem ordinis *Cluniacensis*, *Cisterciensis*, *Tyronensis*, *Aroensis*, *Premontstracensis*, *Belvacensis*, non pauca, non parva plena fratribus dimisit. Inter quos sic fuerat quasi unus ex ipsis & bona laudans, & si qua minus laudanda emergebant verecundiæ dissimulans, subtractus omnibus, sollicitus pro omnibus, multa largiens & nichil exigens. O dulcis anima quo abisti? quo recessisti? Ubi oculi illi pleni pietatis & gratiæ, quibus & congaudere cum gaudentibus & flere cum flentibus consuevisti?

Vidi ego oculis meis cum aliquando paratus ire venatum pede in scanfili posito equum vellet ascendere, ad vocem pauperis audientiam sibi dari postulantis, quod pedem retraxerit, relictoque equo & regressus in aulam, eadem die ad propositum non reversurus, causam pro qua fuerat appellatus benigne & patienter audierit. Consueverat præterea ad ostium aulæ regis sedens pauperum & vetularum, quæ certis diebus de singulis quocumque veniebat regionibus vocabantur, causas diligenter audire, & singulis cum multo sæpe labore satisfacere. Nam sæpe litigabant cum illo, & ipse cum illis, cum ipse nollet contra justiciam personam pauperis accipere, & ipsi nollent rationi quod ostendebat acquiescere. Denique si contingeret ut sacerdos, vel miles, vel monachus,

chus, vel dives vel pauper, vel civis vel peregrinus, vel negotiator vel rusticus cum eo haberet sermonem, ita cum singulis de suis negotiis & officiis conveniret & humiliter diserebat, ut singulus quique suum tantum curare putaret, & sic omnes jocundos & edificatos dimitteret. Tactus quippe infirmitate qua fuerat carne solvendus, feria quarta, id est tercio-decimo kalendas Junii, cum intellexisset dissolutionem sui corporis imminere, vocatis familiaribus suis quod de se ipse sentiebat incunctanter exposuit. At illi more humano consolabantur agrotum, vitam illi & sanitatem penitus promittentes. Sed cum feria sexta morbus ingravesceret, & ei standi simul & incedendi facultatem vis languoris adimeret, acceritis clericis virisque religiosi, Dominici corporis sacramentum sibi dari postulavit. Parantibus illis efferte quod jusserat, prohibuit ille, dicens, se ante sacrosanctum altare sacrosancta misteria percepturum. Igitur clericorum ac militum manibus in oratorium deportatus, post missarum sollempnia venerandam sibi crucem, quam nigram vocant, produci sibi petit adorandam.

Est autem crux illa longitudinem habens palmæ de auro purissimo mirabili opere fabricata, quæ in modum techæ clauditur & aperitur. Cernitur in ea quædam Dominicæ crucis portio, (sicut sæpe multorum miraculorum argumento probatum est) Salvatoris nostri ymaginem habens de ebore densissime sculptam, & aureis distinctionibus mirabiliter decoratam. Hanc religiosa Regina *Margareta* hujus Regis mater, quæ de semine regio *Anglorum* & *Hungariorum* extitit oriunda, allatam in *Scotia* quasi munus hæreditarium transmisit ad filios. Hanc igitur crucem omni *Scottorum* genti non minus terribilem quam amabilem cum Rex devotissime adorasset, cum multis lacrimis peccatorum confessione præmissa, exitum suum cœlestium misteriorum perceptione munivit. Deinde relatus in thalamum, venientibus sacerdotibus ut sacre unctionis sacramenta complerent, assurrexit ut potuit, ac de lectulo in terram se deiciens, salutare illud officium cum tanta devotione suscepit, ut clericos paulo festinancius psallentes, manu simul ac sermone compelleret, singulis verbis ipse intenderet, ipse singulis orationibus responderet. Omnibus igitur rite peractis, cum maxima carnis ac mentis quiete diem expectavit extremum, suos diligenter obtestans, quatenus mox ut ipse decederet mortem suam omnibus propalarent. Quanto citius enim, inquit, mors mea innotuerit, tanto citius amicorum meorum beneficiis aliquid michi consolationis pietas divina præstabit. In hac ei devotione dies clauditur, cui sequentem in magna tranquillitate continuavit & noctem.

Die autem Dominica quæ Christi ascensionem præcedebat, id est nono kal. Junii illucescente, cum sol iste noctis tenebras emergens radiis suis lucis abigeret, ipse à corporis tenebris ad veræ lucis gaudia commigravit, cum tanta tranquillitate ut videretur non obiisse sed obdormisse, cum tanta devotione ut inventus sit utraque manus junctas simul supra pectus suum versus cælum erexisse. Subvenite Sancti dei, occurrere angeli Domini, suscipite animam vestro dignam consortio, collocate eam in sinu *Abrahæ* cum *Lazaro* quem non desepit sed fovit, cum sanctis Apostolis & martyribus, quorum memorias diligenter extenuit & coluit, cum Christi sacerdotibus & Confessoribus quos in suis successoribus &

basilicis veneratus est, cum sanctis virginibus quantum pudicitiam imitatus est, cum mundi contemptibus quos sibi mamma iniquitatis constituit, quibus se Christi nomine cum omni humilitate subtravit. Assit ei illa misericordiæ mater quæ quanto ceteris constat esse potentior, tanto ipsius pietas sit efficacior. Ego autem licet peccator & indignus memor tamen beneficiorum tuorum, dulcissime Domine & amice, quæ michi ab incunte ætate mea impendisti, memor gratiæ in qua me nunc ultimo suscepisti, memor benevolentia qua me in cunctis petitionibus exaudisti, memor munificentia quam exhibuisti, memor amplexuum & osculorum in quibus me non sine lacrimis cunctis qui aderant admirantibus dimisti, libo & pro te lacrimas meas resolvo, affectum meum & totum spiritum meum refundo. Hoc pro te Deo meo sacrificium offero. Hanc beneficiis tuis vicissitudinem rependo. Et quia hoc minimum est, ibi mens mea ex intimis medullis tui recordabitur, ubi pro salute omnium Patri cotidie Filius immolatur.

De genealogia Regum Angliæ, & Regis David Scotorum.

Quoniam de optimis moribus religiosi regis *David* pauca descripsimus, dignum duxi genealogiam, quæ & tua est Dux illustrissime *Henrice*, breviter veraciterque subtexere, ut cum videris quanta fuerit antecessorum tuorum probitas, qualis in eis virtus innotuerit, qualis splenduerit pietas, agnoscas etiam quam naturale tibi sit abundare divitiis, florere virtutibus, victoriis illustrari, & quod his omnibus præstat, Christiana religione & justiciæ prærogativa fulgere. Est enim ad optimos mores optinendos maximum incentivum, scire se ab optimis quibusque nobilitatem sanguinis meruisse, cum ingenuum animum semper pudeat in gloriosa progenie degenerem inveniri, & contra rerum sit naturam de bona radice fructus malos pullulare. Sicut igitur in veracissimis & antiquissimis hystoriis vel chronis potui reperire, à te ipso virorum clarissime exordium sumens, & per gloriosissimam matrem tuam aviamque clarissimam ascendens breviter usque ad ipsum *Adam* patrem cunctorum mortalium lineam tibi tuæ cognationis ostendam, ut postmodum cum istis antiquissimis quorum hystorias vetustas ipsa delevit, per excellentiores Angliæ reges, eorum sublimiora quæque gesta summatim tangendo redeamus, ut cum videris tantam eorum gloriam morte ac vetustate perisse, eosque pro vitæ meritis cœlestis præmium quod perire non potest meruisse, discas semper divitiis gloriæque mundiali præferre justiciam, ut post vitam temporalem pervenias ad æternam. Amen.

Tu igitur vir optime, filius es gloriosissimæ Imperatricis *Matildæ*, cujus fuit mater Christianissima & excellentissima Anglorum regina *Matildæ* filia sanctissimæ femina reginæ Scotorum *Margarietæ*, quæ nominis sui splendore morum sanctitatem præstebat. Hujus pater *Edwardus*, qui fuit filius *Edwardi* mundi regis invictissimi, cujus pater *Edelred*, cujus pater *Adgarus* pacificus, cujus pater *Eadmundus*, cujus pater *Edwardus* senior, cujus pater nobilis *Alfredus*, qui fuit filius *Adelphi* regis, qui fuit regis *Egberti*, cujus pater *Alchmundus*, cujus pater *Effa*, cujus *Eppa*, cujus pater *Ingles*, cujus frater fuit famosissimus rex *Ine* nomine, quorum pater *Ceorad*, qui fuit filius *Cedwald*, qui fuit *Cutha*, qui

qui fuit *Cuthwine*, qui fuit *Cleulin*, qui *Cheuric*, qui fuit *Creoda*, qui fuit *Ceordic*, qui fuit *Elesa*, qui fuit *Eda*, qui fuit *Gewis*. Iste fuit caput gentis suæ, à quo & tota gens illa nomen accepit. Hujus pater fuit *Wig*, cujus pater fuit *Frewine*, cujus pater *Freedgar*, cujus pater *Brand*, cujus pater *Bealdag*, cujus pater *Woden*. Qui fuit filius *Fredemald*, qui fuit *Freolof*, qui fuit *Frederewlf*, qui fuit *Fingondwlf*, qui fuit *Geta*, qui fuit *Gearwa*, qui fuit *Ben*, qui fuit *Celdwa*, qui fuit *Heremod*, qui fuit *Itermod*, qui fuit *Hathra*, qui fuit *Wala*, qui fuit *Beadmig*, qui fuit *Sem*, cujus pater *Noe*, cujus pater *Lamech*, cujus pater *Matufale*, cujus pater *Ennoc*, qui fuit filius *Malaleel*, qui fuit *Cainan*, qui fuit *Enos*, qui fuit *Seth*, qui fuit filius *Adam* patris omnium.

Seth natus est pro *Abel* quem occidit *Cain*. Sicut autem in *Abel Christi* passio, ita & in *Seth Christi* est resurrectio figurata. *Seth* enim Ebraicum nomen est, & lingua Latina dicitur, *resurrectio*. Ab hoc igitur *Seth* ducitur generatio usque ad *Enoch*, qui vivus à Deo translatus cum sancto *Helya* Antichristi præstolatur adventum. Inde venit ad *Noe*, qui solus cum filiis & uxoribus meruit mundo pereunte salvari, cujus primogenitus *Sem* à patre meruit benedici. Dicunt *Judei* hunc fuisse sacerdotem summi Dei, & postea *Melchisedech* fuisse vocatum, qui in figura sacerdotii nostri panem offerebat & vinum, unde in psalmis *Christo* dicitur, *Tu es sacerdos in æternum secundum ordinem Melchisedech*. Ab isto igitur *Sem* genealogia ducitur usque ad *Woden*, qui tantæ auctoritatis fuit apud suos, ut feriam quartam quam *Romani* gentiles diem *Mercurii* appellabant, ejus nomini consecrarent; quæ consuetudo ab *Anglis* hodieque servatur, vocant enim eundem diem *Wodnesdei*, id est diem *Woden*.

Porro à *Woden* linea cognationis tuæ tenditur usque ad *Getam*; qui & ipse tantæ sapientiæ & virtutis habitus est, ut à paganis pro Deo coleretur. Unde proceditur ad Christianissimos reges *Anglia*, *Ingles* & *Ine*. Quorum *Ine* cum potentissimus regum *Anglia* esset, relicto regno peregrinus profectus est *Romam*, ibique feliciter peregrinans, tandem ad cœlestem mansionem feliciter conscendit. Ab *Ingles* vero linea cognationis tuæ tenditur usque ad *Ebrictum*, qui tantæ fuit probitatis, ut universam *Angliam* ex Australi parte *Humbra*, quæ pluribus regibus eatenus divisa subjacuerat, suo subjugaret imperio, & ita primus omnium monarcha *Anglia* diceretur.

De Edelwlfso Rege.

Cujus filius fuit *Edelwlf* futuri certe generis sui splendidissimum caput, & de qua sanctissimi fructus orirentur preciosissima radix. Hic in regno terreno semper meditabatur cœleste, ut manifeste daretur intelligi, eum non victum cupiditate sed caritate provocatum, alienæ necessitati regnando confidere, non suæ voluntati dominando satisfacere. Erat enim pater orphanorum & iudex viduarum, ecclesiarum defensor, propagator monasteriorum. Elemosinis sane sic operam dabat ut totam terram suam pro *Christo* decimaret, & partem decimam per ecclesias monasteriaque divideret. Tandem cum multo apparatu *Romam* profectus integro anno ibi perendnavit, loca sancta frequentans, vigi-

liis & orationibus vacans, elemosinas multas pauperibus erogans. Set & ecclesiis beatissimorum *Petri* & *Pauli*, ipsique summo pontifici pro regia munificentia plurima largitus est munera. Et sic cum multarum virtutum stipendiis reversus in *Angliam*, post biennium regnum inter filios sapienter divisit. Per singula territoria sua pauperes alendos ac vestiendos distribuit, thesauros suos misericorditer dispersit & dedit pauperibus; ex quibus non modicam portionem ecclesiis apostolorum *Roma* & summæ sedis episcopo delegavit, & sic in senectute bona collectus est ad patres suos, regnum certe non amittens set mutans, temporale deserens & æternum adipiscens.

De piissimo Rege Alfredo.

Cujus filius fuit illud *Anglorum* decus, regum gemma, virtutum exemplar *Alfredus*, ceteris fratribus suis junior ætate sed annosior virtute, unde & à patre plus cunctis fratribus amabatur, ob morum scilicet suorum similitudinem, & spiritalis cujusdam gratiæ privilegium quæ in eo adhuc puero mirabiliter refulgebat. Unde eum pater cum adhuc puerulus esset, cum multis militibus maximisque donariis *Romam* misit, ut sanctissimorum apostolorum precibus commendaretur, & à summo pontifice benediceretur: venerabilis autem summus sacerdos *Leo* qui tunc ecclesiæ *Romana* præfuit, vultum & statum pueri contemplatus, cum in eo divinæ præsentiam majestatis scintillantium virtutum indicia persensisset, tempus & ætatem regnandi regiæ unctionis sacramento præveniens, sicut quondam sanctus *Samuel* puerum *David*, ita eum in Regem sanctissimus præsul devotissime consecravit. Verum postmodum cum patre *Romam* repetens, paternorum bonorum in omnibus cooperator & adiutor esse promeruit. Hic ab ipsa pene infantia sua legere & discere dulce habuit, circa ecclesias assiduus, in orationibus frequentissimus, obediens parentibus, sociis humilis ac devotus. Ita meditabatur in ætate puerili quod senex devotus impleveret. Denique portionem psalterii in qua maxime delectabatur parvo volumine scriptam in sinu semper circumferebat, ut quod pectus illud interius ruminabat, ab exterioris sui hominis pectore non recederet.

Cum vero post mortem fratrum suorum, cum quibus aliquo tempore regnavit, ad eum totum regnum hereditario jure transisset, nullimodum omnibus factus est omnium servus, ut posset dicere cum propheta, *Exaltatus autem humiliatus sum, & non sum confusus*. Ita se bonis amabilem, impiis terribilem, ecclesiarum ministris pavidum, amicis & sociis jucundum, pauperibus mitem & largum exhibuit, ut videretur omnium hominum moribus ac naturæ congruere, omnibus utilis ac necessarius esse. Et quod nunc raro invenitur in terris, illam maximam regis credidit dignitatem, nullam in ecclesiis *Christi* habere potestatem. Illa, inquit, regnantis dignitas si se in regno *Christi* quæ est ecclesia, non regem sed civem cognoscat, si non in sacerdotes legibus dominetur, set *Christi* legibus quas promulgaverunt sacerdotes humiliter subjiciatur. Porro *Constantini* imperatoris piissimi imitabatur exemplum, qui cum urbi præfuisset & orbi, ad *Christi* fidem conversus tantam sacerdotibus reverentiam exhibebat, ut cum ad eum aliquando episcopi scriptas cartulis queri-

monias

monias adversus invicem detulissent convolvens eas in sinu jusserit igne consumi, « Non est meum, in-
 « quiens, de sacerdotibus judicare, vocantque epi-
 « scopos, inquit, Patres sanctissimi nolite iudicio
 « contendere, præsertim apud nos, de quorum erra-
 « tibus vestrum est judicare. Sed si quid inter vos
 « ortum fuerit quæstionis, modeste tractetur in ec-
 « clesia, ne aliquid quod vestram sanctitatem de-
 « deceat ad eorum qui foris sunt notitiam trans-
 « feratur. Ego quempiam certe si de ordine vestro
 « cernerem cum muliere peccantem, proprio eos pal-
 « lio operirem ne qua religioni vestræ iniuriis detra-
 « hendi daretur occasio. Hujus itaque aliorumque
 regum sanctorum beatus *Alfredus* secutus exem-
 plum, ipsius mundi principis adversum se provoca-
 vit invidiam. Denique sicut quondam sanctum *Job*,
 ita hunc Satan petiit ad temptandum, Nunquid, in-
 quiens, *Alfredus* frustra colit Deum? Et Dominus
 ad eum, Ecce in manu tua sunt cuncta quæ possidet,
 tantum ne in eum extendas manum tuam.

Egressus itaque Satan à facie Domini inmisit ei
 inimicos pessimos, *Dacor* scilicet & *Frisones*, à fide
Christi alienos: qui cum multa classe venientes in
Angliam, maximam regni portionem rapinis in-
 cendiisque consumunt. Quos cum rex strenuissimus
 sæpius repulisset, permitti sunt tandem prævalere,
 totamque in tantum occupare provinciam, ut rex
 Christianissimus fuga sibi consulens, exutus regno
 cum paucissimis familiarium suorum in silvis ac pa-
 ludibus delitesceret, ac suam suorumque vitam pisci-
 um captura transigeret. In omnibus his non pecca-
 vit *Alfredus* labiis suis, nec stultum quid contra
 Deum locutus est. Nec tantum tristabatur quod va-
 candi Deo tempus congruum & locum opportunum
 invenerat. Sed hætenus *Christi* miles fuerat com-
 probandus. Quadam igitur die cum sociis in præda
 piscium occupatis, in tuguriunculo residens medita-
 retur in lege Dei, ymnisque Davidicis proscriptionis
 suæ solaretur injuriam, affuit quidam in habitu
 peregrino vir venerandi vultus stipem humiliter pe-
 tens. At rex ut erat vultu hilaris animoque jocun-
 dus, utrasque ad cælum erigens manus Gratias, in-
 quit, Deo, qui pauperem suum in paupere visitavit,
 qui licet dat omnibus affluenter, & non inproperat,
 dignatur tamen & quod dedit exigere, & quod exe-
 gerit restituere cum usura. Sed quid ageret servus Dei?
 Nichil præter unum panem & in amphora vini mo-
 dicum habebat: vocat itaque ministrum, & *Heus*,
 inquit, ô puer, quid faciemus? *Christus* adest, qui
 quondam thesauros regios in suis pauperibus visita-
 bat, hujus paniculi nostri poculique parvissimi non
 dedignatur angustias. Frange itaque, cito frange esu-
 rienti panem istum & vinum divide; totius victus
 nostri partem mediam *Christus* accipiat, michi ac
 familiolæ meæ pars media reservetur. Gratias egit
 regis munificentia pauper, nullumque paludibus im-
 pressum relinquens vestigium vel discessit vel evanuit.

Inventus in conclavi panis integer, vini in am-
 phora pristina quantitas regem erigit in stuporem,
 cum ecce hii qui piscatum ierant redeuntes, tantam
 piscium multitudinem attulerunt, ut præcedens mi-
 raculum sequentis magnitudine augetur. Sequenti
 nocte cum plalnis & orationibus ac salubri medi-
 tatione vigilas protelasset, in sompnum tandem re-
 solutus, videt virum prope assistere, facie splendi-
 dissima, nigro capillo, oculis lucentibus, quem pon-

tificalia illustrabant insignia, librum auro gemmis-
 que fulgentem in pectore præferentem. Qui cum ei
 de diligendo Deum, de servanda justitia, de mise-
 ricordia in pauperes, de reverentia in sacerdotes
 monita sacra dedisset, ipse iterum adjecit. Patienti-
 am tuam, ô mi *Alfred*, *Christus* ex alto prospiciens,
 laboribus tuis & ærumpnis finem imposuit. Mane
 itaque facto cum ad proximum navigaveris litus,
 cornuque proprio ter insonueris, aderunt tibi fortes
 10 auxiliarii de amicis tuis optimis, quorum consilio
 cum reliquum exercitum congregaveris, aggredere
 hostes, victoria sine dubio illustrandus. Sic Sanctus.

At rex palpitantibus oculis in eum respiciens,
 Quisnam es tu, inquit, ô beatissime, qui exuli huic
 tam boni nuntii bajulus advenisti? Et sanctus
Cuthbertus ait, Vocor *Lindisfarnensis* quondam epi-
 scopus, tui tuæque gentis curam gerens: cui die
 hesternæ ut tuæ mentis propositum devotionemque
 probarem, tuum hospiciolum visitanti panem vi-
 numque, totum scilicet victum tuum, misericorditer
 divisisti. Scias igitur te tuosque filios me patrocina-
 nte, si tamen ambulaveritis in viis Domini, totius
Anglia monarchiam obtenturos. Meniento autem
 mei cum bene tibi fuerit. Et his dictis lux cum lo-
 quente disparuit. Mane autem cum amicorum oc-
 cursu, reliqui quoque exercitus qui sequebatur ad-
 ventu, rex nocturnæ promissionis sensisset effectum,
 post amplexus & oscula & susas super invicem lacri-
 mas, rex in medio stans tali oratione suum ani-
 mavit exercitum.

« Gratias ago Deo meo, commilitones, qui non
 « amovit orationem meam & misericordiam suam à
 « me. Ipse enim percutit & sanat, mortificat & vi-
 « viscat, pauperem facit & ditat, humiliat & sub-
 « levat, ipse Dominus faciens pacem & creans ma-
 « lum, ipse Dominus faciens omnia hæc: hætenus pro
 « peccatis nostris flagellans flagellavit nos Deus,
 « sed morti non tradidit nos. Respexit iterum in ora-
 « tionem humilium & non sprexit precem eorum.
 40 « Ecce illo miserante reliquæ *Anglorum* salvæ
 « fient. Quis dubitet? Quis nos de tot latibulis
 « evocavit, de tot regionibus congregavit, & inter
 « paganorum frementes copias timore deposito ad
 « hoc colloquium quosdam singillatim, quosdam
 « cum sociis venire coegit? Agnoscite ergo quia ho-
 « stes nostri conturbati sunt & commoti sunt, tre-
 « mor apprehendit eos. Non enim in virtute sua aut
 « fortitudine manuum suarum prævaluerunt super
 « nos, sed dextera Dei & virga furoris ejus non tam
 50 « in nos quam in nostra peccata desæviens, paganorum
 « ulus est crudelitate, in purgationem & non in destru-
 « ctionem. Ecce iterum oculi Domini super nos, &
 « aures ejus ad preces nostras. Viriliter proinde agite
 « & confortetur cor vestrum, quoniam secundum mul-
 « titudinem dolorum nostrorum quos hætenus per-
 « pessi sumus, consolationes ejus lætificabunt animas
 « nostras. Cogitare qui adversum quos qua ratione,
 « qua insuper necessitate pugnamus. Christiani con-
 « tra paganos, pii contra impios, contra superbos,
 « contriti corde & humiles spiritu dimicamus. Et qua
 « ratione. Ecclesias certe destruxerunt, altaria suffo-
 « derunt, non ætati, non ordini, non denique sexui pe-
 « cerunt. Præterea non aliena petimus, sed nostra
 « repetimus. Nostra nobis eripuerunt, nostra possi-
 « dent, nostra luxuriose consumunt, nostra in idolorum
 « suorum sacrificiis expendunt. Cerre si necessitatem
 « quaris pugnandi, audi breviter. Ne ulterius gentes
 R « Christi-

« Christiano nomini irreverenter insultent, ne Deo ve-
 « ro idola præferant, ne quod nostris peccatis exigen-
 « tibus de nostris tociens victoriam reportarunt, dæ-
 « monum quos colunt virtuti ascribant. Postremo
 « ne diripiantur uxores nostræ, ne captiventur filii,
 « ne virgines violentur, ne impii & perversi totam
 « *Anglorum* nobilitatem ad degenerem transferant
 « servitutem. Quoniam igitur sulcepimus de manu
 « Domini duplicia pro omnibus peccatis nostris, jam
 « probati, jam examinati, jam purgati congregia-
 « mur secure, cum nobis sit & fides certior & causa
 « justior, quos Christus invitat, quos pietas provo-
 « cat, quos urget necessitas, quibus Christus adest,
 « quibus favent angeli, quibus sancti præsto sunt,
 « quibus de cælo oracula divina resultant.

Hæc cum dixisset, nocturnæ visionis cunctis audi-
 dientibus rexit oraculum. Quo audito, acclama-
 vit populus: Dominus dabit virtutem & fortitudi-
 nem plebi suæ, benedictus Deus. Statimque cor-
 repta arnis in hostes ruunt. Et mox sicut fuit cera
 à facie ignis, sic perierunt pagani à facie Dei. Ster-
 nuntur, fugantur, dissipantur. Relictoque nomina-
 tissimo vexillo suo quod quia dæmoniaco instinctu
 corvina effigie deformaverant *Raven* vocabant:
 quotquot manus persequentium evadere potuerunt
 silvarum quæsiere latibula. Ab illa die deinceps
 erat *Alfredus* vir in cunctis prospere agens, quo-
 niam Dominus erat cum illo, & omnia opera ejus
 dirigebat, donec fugatis hostibus vel subactis requi-
 esceret terra post Dominum & post *Alfredum* ter-
 rum ejus. In diebus autem pacis non ocio torpuit,
 aut vanis spectaculis ociosive discursibus tempus
 perdidit, sed legere, & scribere, & sacros apices in
 linguam *Anglicam* vertere laborabat. Erant pa-
 rabolæ ejus plurimum habentes ædificationis, sed
 & venustatis & jocunditatis. Leges Christianissi-
 mas & scripsit & promulgavit, in quibus fides
 ejus & devotio in Deum, sollicitudo in subditos,
 misericordia in pauperes, justitia circa omnes cun-
 ctis legentibus patet. In restaurandis ecclesiis quas
 inopia manus everterat, in reparandis, ditandis, or-
 nandis monasteriis desudabat. Inter quæ duo no-
 bilissima, monasteria, unum monachis in loco qui
 dicitur *Edelingehele*, alterum feminis in civitate
 quæ *Strettebyrig* dicitur, multis sumptibus condi-
 dit, multis possessionibus ditavit, multis donariis
 adornavit. Permaximam præterea curam gerebat,
 ne à Vicecomitibus & ministris pauperes opprime-
 rentur, & indebitis exactionibus gravarentur. Unde
 celebre factum est nomen ejus per universum orbem,
 etiam in magna urbe *Roma*: quippe qui donaria
 multa ac largissimas eleemosinas sæpe mittebat
 Apostolorum ecclesiis & ipsi summo pontifici. Sum-
 mus vero pontifex tantam devotionem gratanter
 amplectens, piis precibus ejus inclinatus scolarum
Saxonum ab omni tributo & telonio absolvit. Sed
 & donaria plurima, insuper & partem ligni Domi-
 nici regi transmisit. Audiens etiam famam ejus
Ierosolimitanus patriarcha, & ipse regem preciosis
 exeniis muneravit. Sane de annuo centu qui ei pen-
 debatur justissima distributione ordinavit, ut pars
 tertia bellatorum deputaretur stipendiis pars tertia in
 mercedem & victum operariis cederet, pars vero ter-
 tia regis muneribus quæ munificentissime adveni-
 entibus tam divitibus quam pauperibus largiri con-
 sueverat, servaretur. Qualiter autem sui meminerit
 peregrini, *Dunelmensis* ecclesiæ libertas & possessio

hodieque demonstrat. Rex igitur *Alfredus* cum re-
 gnasset xxxix. annis & mensibus sex, de regno terreno
 ad regnum cœleste transcendit: *Aedwardum* filium
 suum, regni morumque suorum relinquens heredem.

De rege Edwardo seniori.

ERAT autem in scientia litterarum patre minor,
 sanctitate vero non multum inferior, sed supe-
 rior potestate. Multo enim latius quam pater re-
 gni sui fines dilatavit, urbes & novas condidit, &
 dirutas renovavit. Impiissimam *Dacorum* gentem
 quam pater ejus non expulerat, rebellantem sibi
 multis contritam præliis vel fugavit penitus, vel
 misera servitute compressit, & intulæ faciem in an-
 tiquæ pulchritudinis speciem reformavit. Adjecit
 etiam decoris plurimum soror regis *Aelfleda*, lexi
 quidem femina, sed animo ac virtute plus viro, quæ
 exceptis his quas rex ædificaverat urbes construxit,
Brunesburgh, Brugge, Scorgate, Thamewzthe,
Swaford, Coebirath, Wærewicum, Cires-
birth, Wærebirich, Runconere, Liecestre. Ipsa
 pugnavit contra *Waleses* & vicit, & *Derebi* ex-
 pugnavit & cepit. Tantaque fortitudine emicuit,
 ut à pluribus rex diceretur. Igitur rex *Edwardus*
 vir mansuetus & pius, omnibus amabilis & affabi-
 lis, adeo omnium in se provocabat affectum, ut
Scotti, Cumbri, Waleses, Northumbri, & qui re-
 manserant *Daci*, eum non tam in dominum & regem
 quam in patrem cum omni devotione eligerent.
 Tanta dehinc modestia regebat subditos, tanta
 justitia inter proximum & proximum judicabat, ut
 contra veritatem non dico nichil velle sed nec posse
 videretur: unde fertur quibusdam iratus dixisse,
Dico vobis, si possem vicem vobis reddidissem. Quid
 non posset rex in subditos, dominus in servos, potens
 in infirmos, dux in milites? Sed quicquid non di-
 ctabat æquitas, quicquid veritati repugnabat,
 quicquid non permittebat justitia, quicquid regiam
 mansuetudinem non decebat, sibi credebat impossi-
 bile. Ipse novum monasterium *Wintonia* fundavit,
 & mater ejus sanctissima femina *Elfrida* monaste-
 rium virginum in eadem civitate construxit. Vixit
 autem rex *Aedwardus* in regno viginti quatuor
 annis: & genuit filios & filias. Ex nobilissima fœ-
 mina *Egwina* filium suum primogenitum *Adel-*
stanum. Ex regina *Aedgiva, Aedwinum, Edmun-*
dum, Edredum, & quatuor filias; quarum prima
Edburga in Dei sponsam eligitur & consecratur.
 Altera ab *Ottone Romanorum* imperatore in matri-
 monium sumitur. Tertia ad *Karolum* regem *Fran-*
corum ab eo ducenda destinatur. Quartam rex
Northanhymbrorum in matrimonium fortitur.

Ferunt quidam regem aliquando inter missarum
 solemnium factum in excessum mentis contra morem
 suum risisse. Mirantibus qui aderant, & tempore
 oportuno causam sciscitantibus, ait rex: Convenit
Dacis & *Northgersibus* prædatum venire in *Ang-*
liam. Congregata in portu magna navium mul-
 titudine, illatis quoque armis conportatisque ciba-
 riis navigaturis necessaria parabantur. Et jam na-
 vigandi tempus advenerat, jam ventis vela, velis
 naves fuerant committendæ, cum ecce unusquis-
 quam de domo vicina portui cum calice pleno meda-
 egrediens, procures invitavit ad potum. Rident illi,
 instat ille. Tandem probrosam eis nomen si non
 vel semel biberent inprecatus, cunctos pellexit à
 navi. Dumque calix succederet calici, assiduita-
 reque

teque bibendi succenderetur aviditas, ebrietas in loquacitatem, loquacitas prorupit in litem, lis *Dacos* provocat & armat in pugnam. Fit tumultus inter convivas; dum cæca quadam amencia quisque in socium irruit, nesciens cui parceret, & quem feriret ignorans. Inter mutuas igitur cædes dum alii sternerentur, alii vulnerarentur, quidam fuga vitam reservant, quidam ascensis navibus maria secant, sicque dispersi omnes, ab intentione propositoque deficiunt. Hæc risus mei causa, quoniam risum fecit michi Dominus, & quicunque audiet corridebit michi. Spero autem in Deo meo, quoniam temporibus meis *Angliam* alienigenæ non gravabunt. Cerne quæso regiam mentem quanta lux divinitus illustraverit: longe posita sensit, præsentia neglexit, & futura prospexit.

De rege Edelstano.

Dormivit autem cum patribus suis rex *Edwardus*, & regnavit *Edelstanus* filius ejus pro eo; ambulavitque in viis patrum suorum, non declinavit ad dextram neque ad sinistram; eandem in Deo fidem, in subditos gratiam, circa ecclesias devotionem, circa pauperes misericordiam, circa Dei sacerdotes retinens reverentiam. Contra hunc reliquæ *Dacorum* more suo nefandum erigunt caput, sed contriti sunt sub pedibus ejus & redacti in pulverem. Rebellerunt ei *Northymbri* & *Scotti*, & fœdus quod cum eo pepigerant prævaricati sunt. Rex vero cum maximum congregasset exercitum, terra marique inpios expugnaturus progreditur. Cum autem venisset in provinciam *Lindisse*, obviam habuit pauperum & mediocrium turbam non modicam. Sciscitanti unde venissent, respondent de *Beverlaco*, ubi ad visitandas beati *Johannis* reliquias spe obtinendæ salutis advenerant. Quæsit rex, si quem voti sui obtinuissent effectum: & unus illorum, Ego, inquit, cæcus natus ad sanctissimi viri corpus lumen recepi. Et alter: Ego claudus ex utero matris sancti *Johannis* orationibus ut ipse vides sanus incedo. Audiens autem hæc & his similia rex Christianissimus, Magnus est, inquit, iste *Johannes*. Et utile credo in hoc magno negotio tanti viri nobis conciliare gratiam & auxilium implorare. Quoniam igitur fas non est talem nos regni nostri invistatum præterire patrum, præcedat exercitus noster via regia, ego cum paucis sepulcrum ejus de quo tanta audio, ejus misericordiam invocaturus adire curabo. Veniens deinde ad Sancti tumulum rex illustrissimus, post excubias more patrio celebratas, post orationes corde supplicis fusas, cum pavementum devotissimis lacrimis perfudisset, protractum è vagina cultellum sacris inposuit altaribus, Ecce, inquit, beatissime *Johannes*, sponsonis meæ vadimonium, ut cum auxilio tuo subactis hostibus cum prosperitate rediero, digno illud precio redimam, & quoad vixero, tibi gratus & devotus existam. Revertitur deinde ad exercitum suum rex, & mox hostium fines potenter invadit. Et jam tempus advenerat præliandi, cum præcedenti nocte rex oppressus sompno, sanctum *Johannem* sibi aspicit assistentem, & ut secure congrederetur hortantem. Devotionem, inquit, tuam quam circa sepulcrum meum exhibuisti, gratanter amplectens, oravi pro te Deum meum, & exaudivit vocem meam. Observa igitur, & audi vocem

meam; ut ambules in viis patrum tuorum, & inimicus ero inimicis tuis, & affligentes te affligam, & custodiet te gratia Dei. Hæc dicens, disparuit. Mane autem facto, rex in hostes irruit, potitusque victoria regem *Scotie* ad deditionem coegit. Cumque situm terræ illius non parvo tempore explorasset, accepto obside regis filio, reversus est *Eboracum*. Inde tendens *Beverlacum*, cultellum suum multarum possessionum maximæque libertatis largitione redemit. Cum autem vixisset postea sexdecim annis regnando mortuus est; & regnavit *Edmundus* frater ejus pro eo.

De nobili rege Edmundo.

ERat autem patris *Edwardi* in omnibus imitator, homo simplex & rectus, & timens Deum, & usque ad finem vitæ suæ permanens in innocentia sua. Promotus verò in regnum zelo zelatus est pro fide *Christi*, nimisque ægre ferens paganorum reliquias cultura idolorum regni sui fœdare decorem, quinque nobilissimas civitates, *Lincolniam*, *Leicestriam*, *Stanfordiam*, *Snotingham*, *Derebi*, quas eatenus incoluerant, de manibus eorum extorsit, omnique infidelitate abrasa Christianæ fidei lumine illustravit. Purgato autem ab alienigenis regno, & sibi in omni parte subiecto, monasteriorum & ecclesiarum maxime curam habuit, consilio sanctissimi *Dunstani*, & statuenda statuit, & corrigenda correxit. Hic *Glastingbert* beato *Dunstano* ut in monachorum habitationem fundaretur commisit, & multa alia bona sancto *Dunstano* cooperante disposuit. Cum igitur *Anglia* sub tanto patre magis quam rege pace magna & gloria floreret, inmatúra ejus morte, quam exactis in regno quinque annis & septem mensibus nefanda prodicione incurrit, subito dolore & timore emarcuit.

De Edredo rege.

SUCESSIT ei in regnum frater suus *Edredus*, & ambulavit in viis fratris sui; beati *Dunstani* consiliis in omnibus obediens, & justissimis legibus subditos regens. Erat enim tantæ probitatis, ut rebellantes sibi *Northymbros* & *Scotos* facile vicerit, & in pristinam subjectionem sine magno labore redegerit. Hujus laudabilem vitam mors preciosa conclusit. Cum enim ad regem ægotantem beatus *Dunstanus* vocaretur, in ipso itinere audivit vocem angelorum in cælo dicentium, Rex *Edredus* nunc obdormivit in Domino.

De Edwino rege.

POST quem suscepit regnum *Anglorum* *Edwinus* filius *Edmundi* regis, nec ambulavit in viis patrum suorum, sed in sancta illa progenie novus quidam *Herodes* emerfit, qui cujusdam *Herodiadis* mulieris, videlicet impiissimæ contra Deum, contra leges, contra ipsius jura naturæ adulterinis abutebatur amplexibus, & consilia nequissima sequebatur. Nec defuit spiritus *Johannis* qui in sancto viro *Dunestano* & regem argueret adulterantem, & adulteram dignis invectionibus verberaret. Quæ *Jezabelica* spiritu incitata nostri *Helyæ* moliebatur interitum, fuissetque voti sui compos si non Sanctus præmunitus à Spiritu exilium patriæ prætulisset. Rex vero cum

hujus nequissimæ deceptus consiliis, nec iuste, nec prudenter regnasset, maxima regni sui parte exiit, quæ mox ad fratrem ejus *Edgarum* transfertur. Tandem compunctus renunciavit adulteræ, & consiliis sanioribus utebatur. Recordatus enim est Dominus patrum suorum regum, scilicet Christianissimorum, & ne quis de sacra illa stirpe periret, occasionem qua salvaretur invenit. Cum enim defunctus ab immundis spiritibus traheretur ad pœnani, quidam dæmonum mortem ejus quasi de infelicitate persecutoris sui gavisuro sancto nuntiat *Dunestano*. Qui mox resolutus in lacrimas tam diu ante misericordem *Ihesum* pro eo supplicans, & plorans procubuit, donec à dæmonibus liberatus veniam quoniam Sanctus petiit obtineret.

De Edgardo rege pacifico.

Defuncto igitur rege *Edwino*, frater ejus *Edgarus* successit. Erat enim filius *Edmundi* nobilissimi regis, qui fuit *Edwardi* senioris Christianissimi principis, qui fuit *Elfredi* victoriosissimi ducis. Iste *Edgarus* cunctis prædecessoribus suis felicior, nulli sanctitate inferior, omnibus morum suavitatem præstantior, quasi stella matutina in medio nebulæ, & quasi luna plena in diebus suis luxit. Iste *Anglis* non minus memorabilis quam *Cirus Persis*, *Karolus Francis*, *Romulusve Romanis*. Hic enim regnum *Anglorum* celesti quadam pace composuit, & multarum linguarum gentes, unius fœdere legis conjunxit, unde et cum *Salomone* eodem mune vocabulum fuit, ut Pacificus quod *Salomon* interpretatur communi omnium voce diceretur. Nec mirum. Ipso enim natiuitatis suæ tempore angelos concinentes beatus *Dunestannus* audivit; Pax *Anglorum* ecclesiæ hujus pueri qui nunc natus est tempore. Sicut igitur aurora transactæ noctis tenebras radiis suæ claritatis depellit, ita hujus sanctissimi regis promotione per omnem *Angliam* nox infidelitatis expellitur, irarum & discordiarum tenebræ propelluntur. Tanta enim in verbis, in vultu, in moribus, interioris suavitatis indicia præferebat, ut Deo cooperante tota ei insula sine sanguine manus daret, & ad subdendum se ei *Scotia*, *Cumbria*, *Wallia* libens accurreret. Eo namque regnante sol videbatur esse serenior, maris unda pacatior, terra fecundior, & totius regni facies abundantiori decore venustior. In diebus illius non tormenta, non cruces, non exilium, nec proscriptio quantum boni principis vel levis timebatur offensa. Omnibus igitur per *Angliam* in eundem dilectionis spiritum concurrentibus, rex in ecclesiis construendis & ornandis, in monasteriis fundandis & ditandis, curam & operam impendebat. Denique per regnum *Anglorum* quadraginta construi fecit monasteria, & alia monachis, & alia virginibus deputavit. *Glastingebiri* quod pater ejus fundaverat ipse perfecit. *Abbdune*, *Burch*, *Loznei*, *Rameleie*, & in *Wiltune* monasterium virginum magno studio condidit, multa diligentia illustravit. Hyeme & vere infra regnum suum usquequaque per singulas provincias transire solebat, judicia, mores, actus ministrorum & principum diligentius explorare, quomodo legum jura & suorum statuta decretorum servarentur subtilius investigare, ne pauperes à potentibus præjudicium passi opprimerentur, sollicitè præcavere. Præparaverat naves ro-

bustissimas, numero tria milia, sexcentas; quibus redeunte ætate omnem insulam ad terrorem extraneorum, & ad suorum exercitationem cum maximo apparatu circumnavigare provincias consueverat. Inter hæc semper cum episcopis virisque doctissimis, de lege Dei & sacris litteris conferebat, & quod ipse discere poterat, subditos docere non solum verbo sed etiam exemplo satagebat. Cumque diligenter episcoporum, clericorum, monachorum, vitam & mores investigatione prudentissima didicisset, vocatis ad se ecclesiarum & monasteriorum patribus, cum eis hujusmodi sermonem habuit.

Sermo Regis Edgari ad Clerum.

Quoniam magnificavit Dominus facere misericordiam suam nobiscum, dignum est, patres reverentissimi, ut innumeris beneficiis illius dignis respondeamus operibus. Neque enim in gladio nostro possidemus terram, & brachium nostrum non salvavit nos, sed dextra ejus & brachium sanctum ejus, quoniam complacuit illi in nobis. Justum proinde est, ut quia omnia subjecit sub pedibus nostris, subiciamus illi & nos animas nostras; & ut hi quos nobis subdidit, ejus subdantur legibus non segniter elaboremus. Et mea quidem interest laicos cum æquitatis jure tractare, inter virum & proximum suum justum judicium facere; punire sacrilegos, rebelles comprimere, eripere inopem de manu fortiorum ejus, egenum & pauperem à diripientibus eum. Sed & mea sollicitudinis est, ecclesiarum ministris, gregibus monachorum, choris virginum, & necessaria procurare, & paci eorum & quieti consilere. De quorum omnium moribus ad vos spectat examen; si vivunt continentem, si honeste se habent ad eos qui foris sunt, si in divinis officiis solliciti, si ad docendos populos assidui, si victu sobrii, si habitu moderati, si in judiciis sunt discreti. Pace vestra loquor, reverendi patres, si ista solerti scrutinio curassetis, non tam horrenda & abhominanda ad aures nostras de clericis pervenissent. Taceo quod nec illis est corona patens, nec tonsura conveniens, quod in veste lascivia, in gestu insolentia, in verbis turpitudine, interioris hominis loquuntur insaniam. Præterea in divinis officiis quanta sit negligentia, cum sacris vigiliis vix interesse dignentur, cum ad sacra missarum sollempnia ad ludendum magis quam psallendum congregari videantur. Dicam, dicam, quod boni lugent, mali rident, dicam dolens (si tamen dici potest) quomodo diffuant in commessationibus & ebrietatibus, in cubilibus & impudiciis, ut jam domus clericorum putentur prostibula meretricum, & conciliabulum hystrionum. Ibi alex, ibi saltus & cantus, ibi usque ad medium noctis spatium protractum clamore & horrore vigilia. Sic, sic patrimonia regum, elemosinæ pauperum, immo quod magis est, illius preciosi sanguinis precium profligatur. Ad hoc igitur exhaurerunt patres nostri thesauros suos; ad hoc fiscus regius detrahit redditibus multis detrimuit; ad hoc ecclesiis Christi agros & possessiones regalis munificencia contulit, ut deliciis clericorum meretrices ornentur, luxuriosa convivia præparentur, canes & aves ac talia ludicra comparentur. Hæc milites clament,

« mant, plebs submurmurat, mini cantant & fal-
 « tant ; & vos negligitis, vos, parcitis, vos diffimu-
 « latis ? Ubi gladius *Levi* & zelus *Symeonis* qui
 « ut scorto abutentes filia *Jacob Sichimitas*, eorum
 « habentes figuram qui *Christi* ecclesiam pollutis
 « actibus fœdant, etiam circumcisos succiderunt ?
 « Ubi spiritus *Moyſi* qui caput vituli adorantibus
 « etiam domesticis sui sanguinis non pepercit ? Ubi
 « pugio *Finees* sacerdotis, qui fornicantem cum
 « *Madianita* confodiens, sancta hac æmulatione
 « Deum placavit iratum ? Ubi spiritus *Petri* cujus
 « virtute perimitur avaritia, hæresis simoniaca
 « condempnatur ? Æmulamini ô sacerdotes, æmu-
 « lamini vias Domini & iustitias Dei nostri. Tem-
 « pus faciendi contra eos qui dissipaverunt legem
 « Dei. Ego *Constantini*, vos *Petri* gladium habe-
 « tis in manibus. Jungamus dexteram, gladium
 « gladio copulemus, ut eiciantur extra castra leprosi,
 « ut purgetur sanctuarium Domini, & ministrent in
 « templo filii *Levi*, qui dixit patri & matri, Ne-
 « scio vos, & fratribus suis, Ignoro vos. Agite
 « quæſo sollicitè ne pœniteat nos fecisse quod feci-
 « mus, dedisse quod dedimus, si viderimus illud
 « non in Dei obsequium sed in pessimorum luxuri-
 « am inpunita libertate consumi. Moveant vos
 « sanctorum reliquiæ, quibus insultant : veneranda
 « altaria, ante quæ insaniant. Moveat vos anteces-
 « sorum nostrorum mira devotio, quorum eleemosi-
 « nis vesania clericorum abutitur. Proavus meus,
 « ut scitis, totam terram suam ecclesiis & monaste-
 « riis decimavit. Sanctæ memoriæ attavus meus
 « *Aluredus* ut ecclesiam ditaret, non thesauris suis,
 « non patrimonio, non sumptibus, non redditibus par-
 « cendum putavit. Avus meus *Edwardus* senior
 « quanta contulerit ecclesiis vestram paternitatem
 « non latet. Pater meus & frater ejus quibus dona-
 « riis *Christi* altaria cumulaverunt, meminisse vos
 « decet. O pater patrum *Dunestane* ! contemplare
 « quæſo patris mei oculos ab illa lucida cœli plaga
 « in te radiantes, audi querulas ejus voces cum
 « quadam pietate in tuis auribus resonantes. Tu
 « michi pater *Dunestane*, tu michi de construendis
 « monasteriis, de ecclesiis ædificandis, consilium
 « salubre dedisti, tu michi adjutor in omnibus &
 « cooperator extitisti : te quasi pastorem & episco-
 « pum animæ meæ, morumque meorum custodem
 « elegi. Quando tibi non parui ? Quos unquam
 « thesauros tuis consiliis prætulî ? Quas possessiones
 « te præcipiente non sprevi ? Si quid pauperibus
 « dandum existimabas, præsto fuit. Si quid con-
 « ferendum ecclesiis judicabas, non distuli. Si quid
 « monachis clericisque deesse querebaris, supplevi.
 « Æternam dicebas esse eleemosinam, nec aliam
 « fructuosiore quam quæ monasteriis ecclesiisque
 « confertur, qua & Dei servi sustentantur, & quod
 « superest pauperibus erogatur. O præclara elee-
 « mosina ! O dignum precium animæ ! O peccatis
 « nostris salubre remedium, quod à sinu *Sibilla* in
 « peregrini muris pellicula fœtet, quod aures ejus
 « ornat, quod componit digitulos, quod corpus de-
 « dicatum in byſſo stringit & purpura. Hicne est
 « eleemosinarum mearum fructus ? Hicne est de-
 « siderii mei tuæque promissionis effectus ? Quid
 « huic patris mei querimoniam respondebis ? Scio,
 « scio, Cum videbas furem non currebas cum eo,
 « nec cum adulteris portionem tuam ponebas. Ar-
 « guisti, obsecraſti, increpaſti. Contempra sunt

10

20

30

40

50

60

« verba : veniendum est ad verbera. Habes hic te-
 « cum venerabilem patrem *Edelwaldum Wintoni-*
 « *ensem* episcopum, habes reverentissimum præsidem
 « *Wigornienſem Oswaldum* : vobis istud committo
 « negotium, ut episcopali censura & auctoritate re-
 « gia turpiter viventes de ecclesiis eiciantur, & or-
 « dinatè viventes introducantur.

Sciens igitur beati præfides manum regis bo-
 nam secum, ab ecclesia *Wintoniensi*, *Wigornienſi*
 pluribusque aliis inhoneste viventes expulerunt, in-
 troducentes viros religiosos, qui novo quodam splen-
 dore universam insulam illustrarunt. O vere tunc
 beata *Anglorum* ecclesia, quam innumerabilem
 monachorum & virginum adornabat integritas,
 quam devotio plebium, moderatio militum, æqui-
 tas judicum, terræ fecunditas lætificabat ! Exul-
 tabat rex beatissimus suis temporibus ordinem su-
 um rerum omnium invenisse naturam, cum homi-
 nes Deo, terra homini, cœlum terræ, iustitia, fructu,
 aerum temperie debitum præstaret officium. Et ut
 noverimus quanta eum Deus, etiam in hac vita, bo-
 norum operum mercede donaverit, cum aliquando
 ad maximam ejus festivitatem Reges, Comites mul-
 tarumque provinciarum proceres convenissent, qua-
 dam die naves jussit parari, gratum habens eccle-
 siam beati *Johannis Baptiste* orationis obtentu na-
 vigio petere. Cum igitur Comitibus & satrapis na-
 ves plurimas delegasset, ipse cum octo regibus sibi
 subditis navem unam intravit : ad octo autem re-
 mos regibus totidem collatis, ipse in puppe sedens
 gubernatoris officioungebatur. Dicit sane non po-
 test cum quanta gloria, cum quibus divitiis cele-
 brata est illa festivitas, cum viderentur ipsa elemen-
 ta ejus nutui deservire, quem creatoris sui cerne-
 bant cum maxima devotione imperiis, obedire :
 set heu ! nichil in terrenis æternum, nichil in cadu-
 cis stabile, nichil in mortalibus immortale. Trans-
 lato enim ad cœlestia regna rege *Aedgario*, in regno
 terreno filius ejus *Edwardus* successit, qui injuste
 ab impiis interfectus, tum ob vitæ sanctitatem, tum
 ob mortis acerbitatem Sancti nomen & meritum
 Deo donante promeruit.

De rege Ethelredo.

Cui frater ejus *Edelredus*, filius scilicet *Edgari*
 & reginæ, in regnum successit, & à sancto *Du-*
neſtano aliisque *Anglorum* episcopis inungitur &
 consecratur. Qui à beato *Dunestano* tale fertur
 accepisse oraculum : *Quoniam Angli in sanguinem*
fratris sui regis sanctissimi conspiraverunt, non
deficiet ab eis sanguis & gladius, donec superve-
niens populus ignota lingue eos in exterminium &
in ultimam redigat servitutem. Novissime tamen
visitabit eos Dominus. Regnante igitur rege præ-
 dicto *Daci* supervenientes magnam terræ partem
 igne ferroque vastaverunt. Tunc rex missis in *Nor-*
manniam nuntiis *Emmam* filiam *Ricardi* ducis sibi
 in uxorem dari & petiit, & accepit, cum jam de
 filia *Torethi* nobilissimi Comitis filium suscepisset
Edmundum. Ex *Emma* deinde duos habuit filios,
Edwardum & *Alfredum*, de quibus postea dice-
 mus. Tunc rex fortior solito, omnes per *Angliam*
Dacos una die eademque hora missis epistolis jussit
 interfici. Quod *Daci* transmarini audientes in fu-
 rorem versi, duce *Suano* cum innumerabili exercitu
Angliam intrantes, diffusi sunt per provincias &
 dispersi,

dispersi, non ordini, non sexui, non ætati parcentes, nec ab ecclesiarum, vel monasteriorum sacris & sanctuariis manus sacrilegas continentes. Quibus cum rex strenuissimus sæpius restitisset, prodicione tandem suorum factus inferior, reginam cum puerulis suis *Normanniam* misit, quos ipse postmodum exutus regno secutus est. Sed *Suanus Dacus* vel subita morte præventus, vel à sancto *Edmundo* invisibili pœna percussus, cum apud inferos crudelitatis suæ stipendia recepisset, revocatus ab *Anglis* *Edelredus* regni insulis sullimatur, & iterum contra *Dacos* virtute potens erigitur. Contra quem *Cnuth* filius *Suani* rex *Dacorum* paternum odium exercere non desit. *Edelredus* autem cum laboriosissime set strenuissime regnasset triginta & septem annis, *Lundoniis* obiit, *Edmundum* filium suum laboris & regni relinquens hæredem.

De rege Edmundo cognomento Ferreo latere.

DE cujus mirabili fortitudine quicquid dicere minus esset; unde ob invincibile robur corporis *Æntsyde*, id est *Ferrei lateris*, nomen accepit. Sagitta ejus nunquam abiit retrorsum, & gladius ejus non est reversus inanis. Contra hostes leoninæ feritatis, erga suos columbinæ simplicitatis; quo nemo fortior, set quo nemo suavior; quo nullus audacior, set quo nemo cautior; quo in adversis nemo securior, set quo in prosperis nemo temperantior. Porro *Dani*, & qui à rege defecerant *Angli*, *Cnuthum* sibi in regem elegerunt, set strenuissimus rex *Edmundus* cum exercitu suo sicut leo rugiens terram circuiens, regiones plurimas quas occupaverat *Cnuth* in deditionem nullo obsistente recepit: verum quotiens cum eo pugnaverit, quotiens ejus fugaverit exercitum, quotiens vocatam à partibus transmarinis validam manum cum paucis, imo pene solus prostraverit, quotiens denique nefandam gentem exterminasset, & in nichil redegisset, nisi quidam patriæ proditores obstitissent, nimium est huic operi inserere; cum non dico meus, sed & *Virgilianus*, vel etiam *Homericus* sub tanta materia sensus deficeret. Sæpissime enim convenientibus cum magno exercitu utriusque regibus in pugnam, vel *Edmundus* semper vicit vel nullus. Nonnunquam quippe à mane usque ad vesperam Marcio campo certantes, cum *Cnuth* multitudine, viribus præstaret *Edmundus*, irruentibus tenebris cæsis utrimque innumerabilibus sine victoria recedebant, ad similem ludum eundemque exitum die crastina reversuri. Pertæsus tandem uterque exercitus, cum viderentur cotidie vires *Edmundo*, numerus ex partibus transmarinis ad crescere *Cnutho*, qui & hoc ipsum sibi timens astute machinabatur, utriusque proceres ad colloquium cogunt. Inter quos cum quidam cæteris major natu surrexisset, dari sibi silentium postulavit.

“Cupio, inquit, o viri cordati, his periculis nostris præbere consultum; qui quidem vobis sapientia minor sum, set ut hæ rugæ & hii cani testantur ætate superior; & forte quod ingenium non habuit, usus docuit; & quod negavit scientia, contulit experientia. Multa certe vidimus & cognovimus, multa insuper patres nostri narra-
“verunt nobis, & non immerito exigimus audientiam, ut de certis & apertis non dubiam proferamus sententiam. Periculosa res agitur; mala

“patimur, pejora cernimus, pessima formidamus.
“Quotidie pugnamus nec vincimus, sed nec vincimur, immo vincimur & nemo vincit. Quomodo enim non vincimur, qui vulnerati, qui oppressi, qui fatigati, qui viribus destituti, qui armis spoliati; nec fugimus cum non sit qui impetat, nec impetimus cum utrimque virtus deficiat? Usquequo finis horum mirabilium? quando ab hoc labore requies, ab hac tempestate tranquillitas, ab hoc timore securitas? Invincibilis est certe *Edmundus* ob mirabilem ejus fortitudinem. Invincibilis & *Cnuth* propter fortunæ favorem. Nos conterimur, nos jugulamur, nos dissipamur, nos amittimus pignora dulcia, nos suaves necessitudines morti exponimus. At hujus laboris quis fructus, quis finis, quod precium, quod emolumentum, quod quæso nisi ut cæsis utrimque militibus duces compulsi necessitate componant, vel certe soli sine milite pugnent? Quare non modo?
“Certe dum vivimus, dum spiramus, dum superest exercitus, id ageretur utilius, honestius, securius. Rogo quæ est ista insolentia, immo violentia, immo infania? *Anglia* quondam multis subjeta regibus, & gloria floruit, & divitiis abundavit. O ambitio! quam cæca semper, quæ totum cupiens totum amittit! Quare rogo non duobus sufficit quod quinque olim regibus satis fuit? Quod si eis tanta inest dominandi libido, ut *Edmundus* parem, *Cnuth* dedignetur superiorem; pugnent, quæso, soli qui soli cupiunt dominari, certent pro corona soli qui soli cupiunt insigniri. Ineant ipsi duces duelli discrimen, ut vel sic alter vincatur, ne si sæpius pugnent exercitus, omnibus interfectis non sint quibus imperent milites, non sint qui adversum extraneos regnum defendant.

Parante illo adhuc plura proferre, in mediis, ut ita dicam, faucibus totus ei populus verbum obcludit, vociferans & dicens, *Aut pugnent ipsi aut componant*. Delatam ad ipsos sententiam procerum reges probant. Convenientibus itaque utriusque cum exercitu suo super ripam *Sabrina* fluminis, *Edmundus* cum suis in occidentali, *Cnuth* cum suis in orientali ripa confedit. Est autem insula in ipsius fluminis medio sita quæ *Holenghege* appellatur, ad quam reges transvecti splendidissimis protecti armis utroque spectante populo ineunt singulare certamen. At ubi hastarum robur tam virtute impingentium quam fortissimorum objectu clipeorum depærit, extractis gladiis sese cominus impetunt. Pugnatum est acriter dum *Edmundus* virtus, *Cnuth* fortuna juvaret; circa galeata capita gladii tinniunt, collisione metallosum scintillæ prorumpunt; ubi vero robustissimum illud pectus *Edmundi* ex ipso ut assolet bellandi motu ira incanduit, sanguine incalescente fit robustior, dexteram elevat, vibrat ensem, ac tanta vehementia in caput obstantis ictus iterat, ut spectantibus non tam percutere quam fulminare videretur. Ad singulos enim ictus inter ensem & galeam ignis erumpens, non modo apparere sed insuper accendere videbatur. Sentiens autem *Cnuth* breviori halitu sibi vires deficere cogitat de pace juvenem convenire: sed ut erat astutus timens ne si defectus suus innotesceret juveni, pacis verbum nec audiret quidem; totum intra se colligans spiritum, & quicquid habuit virum omniconatu incendens, virtute mirabili uno impetu irruit

in *Edmundum*, & mox se paululum retrahens rogat juvenem subsistere modicum, & sibi dicere volenti præstare auditum.

Ille ut erat suavis animi, demissa ad terram scuti parte inferiori, leniter in superiori procubuit, ac supinato in dextera gladio ad verba loquentis attendit. Tunc *Cnuth*, « Hactenus, inquit, regni tui cupidus, nunc virorum fortissime tui certe ipsius cupidior sum, quem non dico regno *Anglorum* set unius-
« verso utique orbi video præferendum. Michi *Dacia* cessit, michi succubuit *Normegia*, michi rex *Suavorum* manus dedit, & mei conatus inperum
« quem nullum mortalium sustinere posse credebam, tua mirabilis virtus jam plus semel elusit. Quo-
« circa, licet me ubique victorem futurum fortuna promiserit, ita tamen me tua mirabilis probitas il-
« lexit ad gratiam, ut supra modum te & amicum cupiam & regni consortem exoptem; utinam & tu
« mei cupidus sis, ut ego tecum in *Anglia*, tu me-
« cum in *Dacia* regnes. Certe si fortunæ meæ tua
« virtus accesserit, pavebit *Normegia*, tremabit *Suavia*, ipsa assueta bellis *Gallia* trepidabit. Quid plura? Annuat *Edmundus*, & *Cnutho* de regni
divisione consentit. Cessit enim verbis qui non cesserat gladiis, & oratione flectitur qui armis flecti non poterat. Depositis itaque armis in oscula ruunt, utroque exercitu exultante, Clero etiam *Te deum laudamus* clara voce personante. Deinde in signum fœderis vestem mutant & arma, reversique ad suos modum amicitiae pacisq; præscribunt, & sic cum gaudio ad sua quisq; revertitur. His ita gestis, quidam proditor partis *Danica* volens se gratum *Cnutho* præstare, regi *Edmundo* molitur infidias. Nec oportu-
mum quo regem occideret locum inveniens, nefandissimum ac turpissimum infidiarum excogitat genus. Sub purgatoria namque domo sese occultans, regem ad requisita naturæ nudatum inter celanda percussit, relictoque ferro scelestissimus ac turpissimus homicida confugit. Stansque ante regem *Cnuthum*, *Salve* inquit, *Rex solus*. Sciscitanti cur eum tali salutatione salutasset, rem intulit. Cui rex, Quoniam, inquit, me tali obsequio gratificandum putasti sustollam caput tuum super omnes proceres *Anglie*. Jussitque abicidi caput ejus & in tullimiori porta *Lundonia* suspendi. Mortuus est itaque strenuissimus rex *Edmundus* & in *Glastingebiri* cum avo suo *Edgardo* sepelitur. Volens deinde *Cnuth* tam fratres *Edmundi* qui in *Normannia* exulabant quam filios ejus puerulos *Edmundum* & *Edwardum* spe regni penitus privare, jubet adesse summos regni proceres, quaritque ab eis quæ fuerit inter ipsum & *Edmundum* in regni divisione conventio, quem scilicet sibi designaverit rex *Edmundus* hæredem, quem filiis adhuc infantibus custodem deputaverit, quid de fratribus suis *Aluredo* & *Edwardo* præceperit. At illi ut regi placerent mendacium præferunt veritati, oblitique justitiæ oblitique naturæ insurrexerunt in innocentes testes iniqui, & mentita est iniquitas sibi. Itaque proprii sanguinis proditores dicunt regem *Edmundum* sibi potius curam regni filiorumque suorum delegasse, cum ipse fratres suos hæredes designaverit & eis puerulorum custodiam deputaverit. Quoniam igitur adulantes regi mentiti sunt in caput suum, gladius eorum intravit in corda eorum, & à *Cnutho* quem alienigenam naturalibus dominis prætulērunt, contractus est arcus eorum. Cum enim monarchiam insulæ faventibus illis obtinuisset, omnes qui primi in

illo fuere consilio exterminavit, & quotquot de regio femine superstites repperit, vel regno pepulit vel occidit. At puerulos filios *Edmundi* ferire metuens præ pudore, ad regem *Suavorum* eos interficiendos tranmisit. Rex vero *Suavorum* nobilium puerorum miseratus ærumpnam, ad *Hungariorum* regem eos destinat nutriendos. Quos ipse benigne accepit, benignius fovit, benignissime sibi in filios adoptavit. Porro *Edmundo* filiam suam dedit uxorem; *Edwardo* filiam germani sui *Henrici* imperatoris in matrimonium junxit. Set paulo post *Edmundus* de temporalibus ad æterna transfertur: *Edwardus* sospitate & prosperitate fruitur.

De sancto Edwardo Rege Confessore ac virgine.

Interea mortuo *Cnuth* & filiis ejus qui regnaverunt post eum, accersitur ad regnum *Anglorum* *Edwardus* frater *Edmundi*, filius *Edelredi*, qui sicut diximus in *Normannia* exulabat. Nam frater ejus *Alfredus* prodicione, ut putatur, *Gedwini* in *Anglia* crudeli morte perierat. Veniens igitur in *Angliam* *Edwardus* ab universo clero & populo cum maxima exultatione suscipitur, & *Wintonie* die sancto Paschæ ab archiepiscopis *Cantuariensi* & *Eboracensi* cunctisque fere regni episcopis in regem ungitur & consecratur, & ambulavit viis patris sui *Edgari*, homo mansuetus & pius, magis pace quam armis regnum protegens, habebat animum iræ victorem, avaritiæ contemptorem, superbiæ expertem. Qui cum pacem tam à suis quam ab extraneis obtinuisset, & vicinis regibus & principibus gratus & amabilis extitisset, dirigit nuntios ad Romanum Imperatorem, rogans, ut nepotem suum scilicet, filium fratris sui *Edmundi ferrei lateris*, debiti sibi regni futurum hæredem mittere dignaretur. Imperator autem regis nuntios gratanter excipiens, non parvo tempore summo cum honore detinuit. Tandem paratis navibus & omnibus quæ navigaturis necessaria videbantur allatis, *Edwardum* cum uxore sua *Agatha* germani sui filia liberisque ejus, *Edgardo* Edeling, *Margareta* atque *Christina*, cum magna gloria ac divitiis sicut rex petierat ad *Angliam* mittit. Qui prospero cursu in *Angliam* veniens, tam regem quam populum suo latificabat adventu. Sed post paucos dies vita discedens, gaudium in luctum, risum mutavit in lacrimas. Nec multo post ipse rex cum nobile monasterium quod in occidentali parte *Lundonia* in honore beati *Petri* fundaverat cum maxima gloria dedicari fecisset, exactis in regno viginti tribus annis & mensibus sex & viginti septem diebus, in vigilia Epiphaniæ felici morte vitam laudabilem terminavit, totamque insulam lacrimis ac dolore replevit. Quo in prædicto monasterio ut tantum virum decebat tumulato, quidam *Edgarum* Edeling cui regnum jure hæreditario debebatur, regem constituere moluntur. Sed quia puer tanto honore minus idoneus videbatur, *Haraldus* Comes de genere proditorum, cujus erat & mens astutior & crumena facundior & miles copiosior, sinistro omine regnum obtinuit.

Quomodo rex Willielmus successit Haraldo.

Audiens namque *Willielmus* Dux *Normannorum* nullum de regio femine set *Haraldum* consobrinum sui regis *Edwardi* regnum invasisse, quod

ei & jure consanguinitatis & antiquæ inter ipsum & *Edwardum* conventionis, sed & ipsius *Haraldi* cum sacramento sponsonis justius debebatur, contracto à partibus transmarinis innumerabili exercitu in *Angliam* venit, & dei judicio ipsum *Haraldum* regno simul & vita privavit. Cernens autem *Edgarus* Edeling res *Anglorum* undique perturbari, accensa navi cum matre & sororibus reverti in patriam quæ natus fuerat conabatur, set orta in mari tempestate in *Scotia* applicare compellitur. Hac occasione actum est ut *Margareta* regis *Malcolmi* nuptiis tradere-tur, cujus laudabilem vitam & mortem preciosam liber inde editus satis insinuat : soror ejus *Christina* in Christi sponsam benedicitur. Cujus sane cordis fuerit rex iste *Malcolmus*, unum ejus opus quod nobili rege *David* referente cognovi, legentibus declarabit. Delatum est ei aliquando, quendam de suis proceribus summis de eo occidendo cum suis hostibus convenisse : imperat rex delatori silentium, filuit & ipse, proditoris qui forte tunc abierat expectans adventum. Qui cum ad curiam cum magno apparatu regi insidiaturus venisset, jubet summo mane rex omnes venatores adesse cum canibus. Et jam aurora noctem abegerat cum rex vocatis ad se cunctis proceribus & militibus, venatum ire festinat, venitque ad latam quamdam planiciem quam in modum coronæ densissima silva cingebat. In cujus medio colliculus quidam quasi turgescere videbatur, qui diversorum colorum floribus pulchra quadam varietate depictus, fatigatis venatu militibus gratum singulis diebus præbebat accubitus. In quo rex cum cæteris superior constitisset, secundum legem venandi quam vulgus *tristam* vocat, singulis proceribus cum suis canibus singula loca delegat, ut obsessa undique bestia ubicumque eligeret exitum, inveniret exitium. Ipse vero suum secum retinens proditorem secessum ab aliis solus cum solo abcessit. Ab omnium vero remotus aspectu, substitit rex, & aspiciens in eum, "Ecce, inquit, ego & tu mecum solus cum solo, similibus protecti armis, equis vecti similibus. Non est qui videat, non est qui audiat, non est qui al-
 "teri nostrum suffragium ferat; si igitur vales, si au-
 "des, si cor habes, imple quod proposuisti, redde
 "hostibus meis quod promissisti; si me occidendum
 "putas, quando melius, quando securius, quando
 "liberius, quando tandem viriliter? An venenum
 "parasti? set muliercularum hoc est, quis nesciat.
 "An insidiaris lectulo? hoc possunt & adulteræ. An
 "ferrum ut occulte ferias occultaisti? hoc sicariorum,
 "non militis est, nemo est qui dubitet. Age potius
 "quod militis, age quod viri, & solus cum solo con-
 "gredere, ut saltem proditio tua turpitudine careat
 "quæ infidelitate carere non poterat. Hactenus
 vix ille sustinuit, & mox verbis ejus quasi gravi per-
 cussus fulmine de equo corruit, projectisque ar-
 mis ad pedes regis cum lacrimis ac tremore cucur-
 rit. Cui rex, *Noli, inquit, timere, nichil à me patie-
 ris mali.* Qui cum ei de cætero fidelem se & ami-
 cum præstito sacramento nominatisque obsidibus
 promississet, tempore oportuno revertuntur ad socios,
 quæ fecerant vel dixerant nulli loquentes. Set ad pro-
 positum revertamur. Nati sunt reginæ *Margareta*
 sex filii & duæ filiæ. Quorum tres, *Edgarus* scilicet,
Alexander, & generis sui splendor *David*, reges fue-
 runt. *Edgarus* homo erat dulcis & amabilis, cognato
 suo regi *Edwardo* per omnia similis, nichil tyrannicum,
 nichil durum, nichil avarum in suos exercens,

sed cum maxima caritate & benivolentia subditos regens. Porro *Alexander* clericis & monachis satis humilis & amabilis erat, cæteris subditorum supra modum terribilis, homo magni cordis, ultra vires suas se in omnibus extendens. Erat autem litteratus, & in ordinandis ecclesiis, in reliquiis sanctorum perquirendis, in vestibis sacerdotalibus librisque sacris conficiendis & ordinandis studiosissimus, omnibus etiam advenientibus supra vires liberalissimus; circa pauperes vero ita devotus ut in nulla remagis delectari, quam in eis suscipiendis, lavandis, alendis vestiendisque videretur.

Quid vero de rege *David* sentiamus in descriptione præmissa utcumque digessimus. Horum soror *Matildis* gloriosissimo regi *Anglorum* nupsit *Henrico*. De cujus admirabili gloria animique virtute, quamque fuerit in officiis divinis sacrisque vigiliis assidua ac devota, in tanta insuper potestate quam humilis, qui scribere voluerit, alteram nobis *Hester* nostris temporibus declarabit. Quod nos facere omisimus & propter materiæ magnitudinem, & propter harum rerum minorem adhuc cognitionem; Unum tamen illius referam opus quod ex ore sæpe nominandi & nunquam obliviscendi *David* regis audi-
 vi, per quod qualis fuerit circa pauperes *Christi*, satis ut arbitror elucescet. Cum, inquit, adolescens in curia regia servirem, nocte quadam in hospicio meo cum sociis meis nescio quid agens, ad thalamum reginæ ab ipsa vocatus accessi. Et ecce domus plena leprosis & regina in medio stans, depositoque pallio cum se lintheo præcinxisset, posita in pelvi aqua cæpit lavare pedes eorum & extergere, extersitque utrisque constringere manibus & devotissime osculari. Cui ego, Quid agis, inquam, O Domina mea? Certe si rex sciret ista, nunquam ostium leproso-
 rum pedum tæbe pollutum suis dignaretur labiis osculari. Tunc ipsa subridens, Pedes, ait, regis æterni quis nesciat labiis regis morituri esse præferendos? Ego certe iccirco vocavi te frater karissime, ut meo exemplo talia discas operari; sumpta proinde pelvi fac quod me facere intueris. Ad hanc vocem vehementer expavi, & nullo modo id me pati posse respondi. Necdum enim sciebam Dominum, nec revelatus fuerat michi spiritus ejus. Illa igitur cæptis insistente, ego mea culpa ridens ad socios remeavi. Soror hujus beatissimæ *Maria* nomine *Eustacio Boloniensi* Comiti traditur in uxorem. De hac igitur excellentissima & Christianissima regina nata est *Matildis*, quæ primum imperatori *Romano*, deinde nobilissimo *Andegavensium* Comiti nupsit *Ganfrido*. De *Maria* vero orta est *Matildis* quæ nuptui traditur tunc Comiti *Mauritania*, nunc vero regi *Anglorum Stephano*. Porro rex *David* tradente rege *Henrico* uxorem duxit *Matildam* filiam *Wallerii* Comitis & *Judithæ* quæ fuit neptis primi Regis *Willelmi*, de qua suscepit filium *Henricum* virum mansuetum & pium, hominem suavis spiritus & lactei cordis, & dignum per omnia qui de tali patre nasceretur. Cum quo ab ipsis cunabulis vixi & puer cum puero crevi, cujus etiam adolescentiam adolescens agnovi, quem juventutis flores pulsamem sicut patrem suum quem præ cunctis mortalibus dilexi, jam senili flore fulgentem ut *Christo* servirem corpore quidem set nunquam mente vel affectu reliqui. Hæ sunt autem quæ adhuc supersunt de hac sancta generatione reliquæ. De imperatrice *Matildi* tu vir splendidissime, quem nunc *Normannorum* & *Aquitanorum*

norum Ducem, Andegavensium Comitem, Anglie vero gaudemus heredem. Fratres etiam tui *Ganfridus & Willielmus*, de quibus bona speramus, quibus etiam bona optamus. De regina *Matildi & pio Rege Stephano Willielmus, Guarennie & Bolonia Comes*. De *Henrico Malcolmus, Willielmus & aviti-nominis hæres David*. Quorum infantia misereatur deus, miserearis & tu, quem totius generis tui caput nobilissimum pietas divina constituit. Sit tuus super eos pius aspectus, dulcis affectus, & in quibuscunque tui indiguerint operis effectus. Tibi enim ab avo suo, qui te præ cunctis dilexit hominibus, derelicti sunt orphani, pupillis tu eris adiutor cui est & ætas ro-

bustior, & manus validior, & sensus exercitator. Ego autem in calce libri obsecro deum meum, ut ex munere misericordiae ejus tales tibi sint mores, actus tam sancti, vita tam casta, mens tam libera cupiditatis, tam expers superbia, tam crudelitatis ignara, erga pauperes tam humilis & jocunda, circa dei cultum tam devota, ut habeamus aliquid æterna memoria dignum quod ministerio litterarum de te ad posteros transmittamus. Omnipotens deus conservet in te & augeat gratiam suam, excellentissime & illustrissime Domine.

Explicit liber bonae memoriae A. Abbatis de Rievall de prosapia Regis Henrici editus.

VITA SANCTI EDWARDI REGIS ET CONFESSORIS.

Incipit prologus dompni *Aelredi* abbatis *Rievallensis* in vitam sancti *Edwardi* Regis & Confessoris.

Multis veterum studio fuisse didicimus, illustrum virorum qui suis florere temporibus actus vitamque describere, stiloque illorum perpetuare memoriam, quorum beatitudo perpetua putabatur. Sed & plurimum posteris profuturum arbitrabantur, si nec eos laterent, qui essent imitandi. Nichil enim magis ad emulationem perfectionis animum humanum provocat & accendit, quam quorumlibet perfectorum legere vel audire virtutes, mores addiscere, gloriam aestimare; cum impossibile sibi nullus debeat arbitrarī, quod alium fecisse cognoverit; nec possit haesitare de proximo si bene vixerit, quod alium qui bene vixerat, legerit assequutum. Hinc est quod Dominus ac Salvator noster ex quo mundus salutarem suscepit fidem, inter multos infirmos quidam voluit esse perfectos, quorum industria alii traherentur ad fidem, vel ad mores optimos incitarentur. Ita usque ad hæc infelicia tempora in quibus crebrescunt vicia, & rareseunt virtutes, semper pro patribus tales nati sunt filii, doctrina quorum indocti quique instruerentur, auctoritate fulcirentur, informarentur exemplo. Verum præ cunctis civitatibus regniive terrarum, de sanctitate Regum suorum Anglia gloriatur, quorum alii coronati martyrio, de terreno ad coeleste regnum migraverunt; alii exilium patriæ præferentes, mori pro Christo peregre delegerunt; nonnulli posito diademate, disciplinis se monasticis subdiderunt; quidam in justitia & sanctitate regnantes, prodesse subditis quam præesse maluerunt. Inter quos velut solus eximius gloriosus rex *Edwardus* emichit, qui quasi stella matutina in medio nebula, & quasi luna plena in diebus suis luxit. Hujus vitam miraculis insignem, à mea parvitate, jubente venerabili patre *Laurentio Westmonasterii* abbate, utcumque literis traditam, tibi gloriosissime rex *Henrice* credidi destinandam, ut scias quanti sit apud deum meriti, cum quo regnat in cælis, quem tuis temporibus te regiam auctoritatem præbente, sancta mater ecclesia sublimius extollendum judicavit in terris. Imitanda

enim est tanti regis tanta justitia; mirari dulce est in tot divitiis & deliciis tanta continentia; de sancta ejus progenie traxisse carnis originem, *Henrici* nostri specialis est gloria. Ipsum te nobis in totius Angliæ consolationem credimus promississe, ipsum te prophetica parabola jam in extremis agentem didicimus designasse, in quem velut lapidem angularem Angliæ generis & *Normannici* gaudemus duos parietes convenisse. Sed hæc alias. Nunc autem, rex illustrissime, qui tanti patris regnum duplici jure sumpsisti, de cujus patre simul ac matre regnum ac generosum sanguinem meruisti, ejus te precibus crebro commendes; ejus te sedulo protectioni committas, imitari quoque sagas ejus sanctitatem, ut æternam cum eo optineas felicitatem. Amen.

Explicit prologus; Incipit Prefatio ejusdem ad Laurentium Abbatem Westmonasterii.

Dilecto ac diligendo & intimis visceribus amplectendo venerabili patri & domino dompno *Laurentio Westmonasterii Abbati*, frater *Elfredus* fratrum qui sunt in *Rievall* humilis servus; debita in Christo dilectionem. Factus sum insipiens, tu me coegisti. Quis enim ego, aut qualis ego; vel quæ scientia mea, vel qualis sciendia mea, ut sanctum Regem *Edwardum* vitam cunctis seculis admirandum, meis literis proditam, meis commendarum sermonibus, mea orationcula declamatum, efferre velles in publicum, & materiam cui succumberet eloquentia *Tulliana*, meo committere sensui, non tam illustrandam quam offuscandam? Cui hoc est mem ascribendum? fidei, an affectui? Cur non utriusque? Et ego neutrum judicans contempnendum; conjunxi meam tuæ fidem fidei, affectum affectui, & hinc desiderio, illinc presumptione concepta, insperat codicem quem mihi tua dignatio tradidit transserendum. Et ecce reperio hominem supra hominem; hominem qui in diebus suis placuit deo & in beatitudine est justus, qui concepto semine salvari, neo tricesimo sexagesimo contentus, ad virginis ætatis centesimum

mum fructum perfectionis amulator ascendit. Ejus igitur fidei me totum committens, ejus obsequiis me totum dedens, de cujus auxilio precibusque confidens, non solum quod tua sancta paternitatis urget praeceptum, sed, quod ex humilitatis simul & simplicitatis ejus inspectione, illiceret concepta devotio, feci quod potui. Et vinum illud propheticum germinans virgines de vase veteri utcumque in vas novum, etsi non adeo subtile, simplicibus tamen non minus utile transfudi. A sensu sane illius codicis non recedens, pauca quae vel ex Chronicis veracissimis transtuli, vel ex veterum certa & vera relatione didici, non inutiliter ut mihi videtur apposui. Epistolas etiam privilegio regis & Romani pontificis, expositionem quoque extremi problematis, sic inferenda putavi, ut & competenter in suo ordine legi, & sine aliqua possint sententia interruptione taceri. In laboris mei praeium tua sanctaeque congregationis quae in obsequiis tanti regis sub tuo militat tribunatu, pro peccatis meis preces & hostias flagitans, ut quod meis meritis non debetur, aeterna mihi vita tam preciosi Confessoris opitulatione donetur.

Explicit praefatio. Incipit vita sancti Edwardi Regis Anglorum.

De sua generositate & sanctitate.

GLoriosi ac Deo dilecti regis Edwardi vitam literis tradituri, ex verbis beatissimi Petri Apostolorum principis sumamus exordium. Qui centurionis vocationem admirans, *In veritate*, inquit, *comperi, quod non est personarum acceptor deus, sed in omni gente qui timet deum, & operatur justitiam, acceptus est illi.* In omni itaque gente, in omni ordine, in omni gradu, in omni dignitate novit Dominus qui sunt ejus, & miseretur cui voluerit, & misericordiam praestat in quem sibi placuerit. Attingens a fine ulque ad finem fortiter, & disponens omnia suaviter. Neque enim ex sui ipsius natura vel paupertas praestat, vel adimunt divitiae sanctitatem; neque perfectum obscuritas, nec claritas reprobum facit; nec claudit libertas, nec referat servitus paradysum. Primus patriarcharum *Abraham* & dives scribitur & perfectus, cujus fides admirabilis, obedientia imitabilis, in rerum omnium copia praedicatur. *Joseph* dominus *Aegypti* constitutus a Rege, universo orbi praeiungit castitatis exemplum. Sanctus *Jeb* qualis in divitiis fuerit, earum probavit ademptio; quem morbus corporis, temptatio uxoris, amicorum exprobratio spectabili reddidit patientia clariorem. Rex *David*, quo nemo dicitur sed nemo sanctior, quo nemo sublimior sed nullus humilior, & inter thesauros innumeros sepelitur, & inter amicos dei ceteris gratior computatur. Nemo proinde miretur si *Edwardus* noster & Rex dicatur & Sanctus, quem cernimus & in divitiis egenum, & in deliciis sobrium, in purpura humilem, & sub corona aurea seculi contemptorem. In quibus omnibus non tam altus videtur esse natus, in sanctissimis & excellentissimis regibus ex quibus traxit materiam carnis, totius habuerunt exemplum sanctitatis. A famosissimo quippe & Christianissimo rege *Alredo*, quem omnium regum Angliae sanctus *Leo* papa in ipsa urbe *Roma* consecravit & unxit in regem, generatione sextus; inter eos vero qui ex ejus stirpe regnaverunt successione decimus, utriusque numeri sortitus est fructum, qui

robustissime portans pondus diei & aestus, habuit in operis perfectione senarium. & ad vesperam meruit coelesti patrefamilias largiente denarium. Post *Alfredum* igitur nunc filiis patribus succedentibus, nunc fratribus post fratres regnantibus, in regem tandem *Edgarum* omnium felicitas simul & sanctitas videtur esse transfusa, qui omnes sicut sanctitate ita & honore vicit & gloria. In hujus ortu referuntur angeli cecinisse, & *Angliae* pacem ejus temporibus promississe. Quocirca tum pro coelesti oraculo, tum pro ipsius effectu oraculi, commune cum *Salomone* sortitus est nomen, pacificum regni illius statum resimul & nomine. Hujus filius rex strenuissimus *Ethelredus Emmam Ricardi* nobilissimi ducis *Normannici* filiam duxit uxorem, ut ex duplicata utriusque generis sanctitate soboles sanctior crearetur. Quales namque fuerunt incliti *Normannia* duces gloriosissimae hujus reginae frater & nepos, *Ricardus* scilicet & *Robertus*, laudabilis eorum vita & mors nichilominus preciosa declarat. Hiis *Edwardus* noster natalibus ortus, generosum sanguinem & sapientia nobilitavit & vita. Sed jam qualia fuerint sanctitatis ejus primordia, qualis progressus, quis finis diligenter inspiciendum, & ad multorum adificationem stilo ducimus illustrandum.

Quomodo necdum natus, in regem fuerat electus.

Cum igitur gloriosus Rex *Ethelredus* ex filia praclarissimi Comitis *Thoreti* filium suscepisset *Eadmundum* cognomento *Ferreum latus*, ex regina autem *Emma Alfredum*, beatus *Edwardus* inter viscera materna conclusus utrique praefertur, agente eo qui omnia operatur secundum consilium voluntatis suae, qui dominatur in regno hominum, & cui voluerit dat illud. Fit magnus coram rege episcoporum procerumque conventus, magnus plebis vulgique concursus, & quia jam futurae cladis indicia lava praecesserant, agitur inter eos de regni statu tractatus. Deinde rex successorem sibi designare desiderans, quid singulis quidve omnibus videretur explorat. Pro diversorum diversa sententia res pendebat in dubio. Alii enim *Eadmundum*, ob invictissimum robur corporis, ceteris aestimant praefendum: alii ob virtutem *Normannici* generis *Alfredum* promovendum tutius arbitrantur. Sed futurorum omnium praescius, prioris brevissimam vitam, alterius mortem immaturam prospiciens, in puerum necdum natum universorum vota convertit. Utero adhuc clauditur & in regem eligitur, non natus natis praefertur, & quem necdum terra susceperat, terrae dominus designatur. Praebet electioni rex consensum, lati praebent proceres sacramentum, & inusitato miraculo in ejus fidelitate jurarunt qui utrum nasceretur ignorarunt. Tua sunt haec opera *Christe Jesu*, qui omnia operaris in omnibus, qui electum & dilectum tibi ante mundi constitutionem plebis tuae rectorem hiis indicis declarasti, quem licet per illos non tamen illi sed tu potius elegisti. Quis enim non videat nec aptum usui, nec conveniens tempori, nec consonum rationi, nec humano ferendum fuisse sensui, ut omnis filius legitimis & adultis, hostili gladio imminente, parvulus necdum natus eligeretur in regem, quem in tali necessitate nec hostes metuerent nec cives revererentur. Sed omnipotens Deus spiritum prophetiae voci simul & affectui plebis infudit, praesentia mala spe futurae consolationis temperans,

ut scirent omnes in totius regni consolationem regem futurum, quem ab ipso Deo plebe nesciente quid fecerit, nullus dubitaret electum.

Quomodo cum matre in Normanniam exulabat.

Natus itaque beatus puer sacri baptismatis unda perfunditur, & sacro perunctus crismate Christo plenius incorporatur, effectusque sancti Spiritus domicilium, in ejus disciplina nutritur. Iruentibus paulo post in Angliam barbaris, & maximam insulæ portionem eadē incendioque vastantibus, regina cum filiis in Normanniam transponitur; ut rex gravi sarcina sollicitudinis liberatus, tanto audacius hostes vel propelleret vel exciperet, quanto de uxore simul filiisque securus, nichil eis adversi ex cuiusquam prodicione timeret. Crevit autem puer Edwardus & confortatus est, fuitque Dominus cum eo & omnia ejus opera dirigebat. Vivebat in avita domo inter pueros puer, immunis tamen ab hiis viciis quibus vel ætas illa vel hominum genus illud implicari solet. Agebat parvulus quendam honestis ac maturis moribus senem, corpore castus, sermone rarus, simplex actus, purus affectu, quo mira benivolentia officiisque gratiosis omnium sibi coartaneorum conciliaret affectum. Jam in illa ætate frequentare ecclesiam dulce habuit, crebrius orationi incumbere, sacris missarum interesse sollempniis, visitandis monasteriis operam dare, quos sanctiores sciebat sibi monachos in amicitiam copulare: quorum duo quos familiariori amplectebatur affectu, ipsi in extremis agenti apparuisse dicuntur, ut in sequentibus edocebimus.

Quid de eo & regno ejus cuidam episcopo revelabatur Glastonix.

Sæviebat interim gladius hostilis in Anglia, cædibus & raphnis omnia replebantur, ubique luctus, ubique clamor, ubique desolatio. Incenduntur ecclesiæ, monasteria devastantur, & ut verbis prophetici utar, Effuderunt sanguinem sanctorum in circuitu Jerusalem, & non erat qui sepeliret. Sacerdotes suis fugati sedibus, sicubi pax & quies aliqua in monasteriis vel locis desertis inveniebatur communem miseriam deplorantes delitescabant. Inter quos vir venerabilis Brychtwaldus Wintoniensis episcopus cœnobium Glastonienſe mœrens ac tristis ingressus, orationibus vacabat & psalmis. Qui cum aliquando pro regni plebisque [liberatione] preces lacrimasque profunderet, quasi in hæc verba prorumpens, Et tu, inquit, Domine usque quo? usque quo avertis faciem tuam, oblivisceris inopia nostra & tribulationis nostræ? Sanctos tuos occiderunt, altaria tua suffoderunt, & non est qui redimat neque qui salvum faciat. Scio Domine, scio, quia omnia que fecisti nobis, in vero iudicio fecisti; sed nunquid in æternum proiciet Deus & non apponet ut complacitior sit adhuc? Eritne Domine Deus meus, eritne finis horum mirabilium? aut in æternum tuus in nos mucro desaviet & percuties usque ad interuersionem? Inter preces tandem & lacrimas fatigatum sopor suavis excepit; viditque per somnium cœlestem chorum cum lumine beatissimumque Petrum in eminentiori loco constitutum, dignum tantæ majestati habitum præferentem. Visebatur ante eum vir prædari vultus in forma decenti regalibus ami-

ctus insignitis; quem cum propriis manibus apostolus consecrasset & unxisset in regem, monita salutis adjecit, præcipueque celibem vitam commendans, quorū esset annis regnaturus aperuit. Obstupefactus præsul tanti novitate miraculi, petit sibi à Sancto visionis hujus misterium revelari, de statu insuper regni & instantis sine periculi apostolicum exegit oraculum. Tunc Sanctus vultu placido intuens intuentem, Domini, inquit, o præsul, Domini est regnum, & ipse dominabitur in filiis hominum. Ipse transfert regna & mutat imperia, & propter peccata populi regnare facit ypocritam. Peccatum peccavit populus tuus Domino, & tradidit eos in manus gentium, & dominati sunt eorum qui oderunt eos. Sed non obliviscetur misereri Deus, nec continebit in ira sua misericordias suas. Erit enim, cum dormieris cum patribus tuis sepultus in senectute bona, visitabit Dominus populum suum & faciet redemptionem plebis sue. Eliget enim sibi virum secundum cor suum qui faciet omnes voluntates suas, qui me opitulante regnum adeptus Anglorum Danico furori finem imponet. Erit enim acceptus Deo & gratus hominibus, amabilis civibus, terribilis hostibus, utilis ecclesiis. Qui cum præscriptum terminum regnandi in justitia & pace compleverit, laudabilem vitam sancto fine concludet. Quæ omnia in beato Edwardo completa rei exitus comprobavit. Expergefactus pontifex rursus ad preces lacrimasque convertitur: & licet felicitatem suæ gentis non esset ipse visurus, de malorum tamen fine certus effectus, gratias agens Deo plurimum gratulabatur. Factus igitur animæquior, populis pœnitentiam prædicabat, quibus Dei misericordiam non defuturam constantissime pollicebatur.

De initiis regni ejus, & de fratre, & nepotibus ejus.

Stabat adhuc spiritus procellæ & exaltati sunt fluctus ejus, externisque malis accessit civilis discordia, adeo ut quis cui crederet, quis cui mentis suæ secreta committeret nesciretur. Plena erat proditoribus insula: nusquam tuta fides, nusquam sine suspitione amor, sermo sine simulatione. Tandem eo usque proditio civilis & astutia processit hostilis, ut defuncto rege magna pars insulæ legitimis abdicatis hæredibus Cnntoni qui regnum invaserat manus darent, peremptoque invictissimo rege Ead-mundo paterni honoris simul & laboris hærede, etiam filios ejus adhuc in cunis agentes barbaris mitterent occidendos. Exhinc cum Cnntoni omnia pro voto cessissent, timens ne hæres legitimus regnum quod sibi jure debebatur, aliquando Normannica fultus virtute reposceret, ut ducis sibi arctius colligaret affectum, Emmam defuncti regis relictam duxit uxorem. Emenſo autem tempore Alfredus, Edwardi frater, ob maternum colloquium in Angliam transvectus, inaudita crudelitate ab hostibus civibusque perimitur. Tunc Edwardus omni humano destitutus auxilio, vivebat exul patriæ sed non justitiæ, regni non fidei, honoris non virtutis. Timebat impiorum, quas sæpe fuerat expertus, infidias, & ne à suis proderetur, vel ab hostibus emeretur ad mortem plurimum formidabat. Invento autem consilio salutari, more suo Deo proſternitur, & hujusmodi verbis suam deplorans solitudinem, Ecce, inquit, Domine, non est mihi auxilium in me, & necessariis meis

mei recesserunt à me. Amici mei & proximi mei adversum me appropinquaverunt & steterunt. Pater meus post multos labores rebus humanis excessit, fratres meos crudelitas persecutorum absorbit, nepotes in exilium acti sunt, mater amuli nostri nuptiis tradita ex hoste mihi vitricum fecit. Ita relictus sum ego solus, & querunt animam meam. Sed tibi Domine derelictus sum pauper, pupillo tu eris adjutor. Tu quondam Eadwinum nobilissimum gentis nostrae virum expositum morti mirabili modo & vite reservasti & regno. Tu illud decus Angliæ sanctum Oswaldum regem factum ex exule, per signum crucis reddidisti cunctis hostibus fortiorem. Si igitur fueris mecum & custodieris me, & reduxeris me in regnum patris mei, eris tu mihi semper in Deum, & beatus Petrus apostolus in patronum: cujus sanctissimas reliquias in urbe qua cum suo copostolo requiescit, te annuente, te regente, te comitante, me visitaturum promitto. Dixerat, & exhinc vir beatus fide robustior, spe alacrior, expectans expectavit Dominum, & non est confusus ab expectatione sua. Cunctone enim rebus humanis exempto, filiisque ejus immatura morte præreptis, Angli Danico jugo quasi ab Ægiptia servitute liberati, beatum Edwardum cui necdum nato tota insula fidem fecerat, in regem elegerunt, quem cum summo honore maximoque omnium tripudio receptum in Angliam, archiepiscopi Cantuariensis scilicet & Eboracensis cum universis fere Anglia episcopis unxerunt & consecraverunt in regem. Quæ tunc Angli gloria, quæ tunc in commune læticia, cum redisse cerneretur antiqua felicitas, & quæ fere desperabiliter plorabatur, amissam reciperet in Edwardo populus pacem, proceres gloriam, ecclesia libertatem. Tunc elevatus est sol, & luna stetit in ordine suo, quando Edwardo gloria & honore coronato, sacerdotes sapientia & sanctitate fulgebant, monasteria omni religione pollebant, clerus in officio suo, populus stabat in gradu suo; videbatur etiam terra fecundior, aer salubrior, sol serenior, maris unda pacatior, Quoniam diu rege pacifico regnante, in uno vinculo pacis omnia convenirent, ut nichil pestilentiosum esset in aere, nichil in mari tempestuosum, in terra nichil infæcundum, nichil inordinatum in clero, nichil in plebe tumultuosum. Pama tantæ felicitatis ipso fumente imperium, ad vicina quæque regna defertur. Reges & Principes pro tanta rerum mutatione admiratione procelluntur, & cum tanto rege fœdus inire, amicitias jungere, pacem componere gratulantur. Imperator Romanus cujus cognatam regis nepos filius Eadmundi ferrei lateris, unus è duobus quos exilio Cuncto dampnaverant, uxorem duxit, tantæ regis felicitati congraudens, missis nunciis artiori cum sibi amicitia fœdereque conjunxit. Rex Francorum ei sanguinis propinquitate vicinus, pacis factus est interventione vicinior. Sic beato Edwardo noscitur convenire, quod de Salomone sacra scriptura commemorat, Cuncti reges terra desiderabant videre faciem ejus, & audire sapientiam illius. Sola tamen Dacia adhuc spirans & anhelans cædes, Anglorum interitum minabatur; verum quis fuerit tanti conatus finis sequentia declarabunt.

De ejus veneranda conversatione & moribus.

IN his omnibus vir beatus in gloriam non est elatus humanam, sed Dei in se bonitatem altius re-

cognoscens, illud sapientis sedulo meditabatur, Principem te constituerunt, noli extolli, sed esto in illis quasi unus ex illis. Hanc sibi vivendi formam proponens, suis se domesticis præbebat æqualem, sacerdotibus humilem, plebi gratum, compatiens miseris, largum egenis. Mira illi circa Dei cultum devotio, mira in ecclesiis & monasteriis construendis & reparandis sollicitudo. Nulla apud eum personarum acceptio, sed judicabat in justitia pauperes, & arguebat in æquitate pro mansuetis terræ: Et cum esset rex sullimis folio, auro decoratus & ostro, erat tamen pater orphanorum & judex viduarum. Thesaurus ejus totius orbis res publica videbatur, pauperum commune ararium, quoniam rex totum quod habebat non suum æstimans esse sed omnium, si petebatur præbebat, si accipiebatur tacebat; verecundus acceptor, dator hilaris, qui nunquam obliviscatur accepti, sed dati protinus. Lucebat in ipso etiam corpore interioris spiritus sanctitatis, cum singularis quædam suavitas appareret in vultu, gravitas in incessu, simplicitas in affectu. Sermo ejus ex quadam dignitate & hylaritate compositus, & Christi semper & beatæ matris ejus nominis suavitate conditus, nunc terrens, nunc blandiens, nunc erudiens, nunc consolans proferebatur. Nullus unquam eum vidit aut inflatum superbia, aut ira effrænatum, aut dehonestatum gula; qui quidem ob innatam sibi simplicitatem & circa omnes sinceritatem falli forte aliquando potuit ut ignorans excederet: sed nec impelli ira nec concupiscentia illiciti ut scienter delinqueret. Nam pudicitiam in eo laudare non est necesse, quæ ei in exilio grata, in adversitate socia, in prosperis comes individua perseverabat. Præterea supra humanum modum pecuniæ contemptor, nec in earum amissione tristior, nec in adeptione videbatur hylarior. Sane hujus tantæ virtutis unum ponamus exemplum, per quod mira ejus simplicitas & cordis tranquillitas, inexpugnabilis insuper lenitas apparebit. Quod celebri sermone vulgatum Anglorum universo orbi innotuit: aliis regis simplicitatem ammirantibus, aliis laudantibus ejusdem sanctitatem.

Quomodo fur eo inspiciente thesauros ejus furatus sit.

Recumbens aliquando lectulo rex gratia quiescendi; sed aliqua ut fieri solet cogitatio sompnum suspenderat. Accessit ad thecam ædituus in qua æs regium servabatur, & aliquid pro tempore sicut ei videbatur aut sustulit aut reposuit. Deinde archam oblitus claudere, quippiam operis alias facturus egreditur. Animadvertit hoc puer pauperculus, qui, ut dicitur, ad mensas scutellis recolligendis operam daret, & ad thecam accedens, haustum non parvum nummis matum numerum in sinu recondit, & exiens, quo tutum interim arbitrabatur reposuit. Reversus denuo, rege inspectante facinus, iteravit. Quod cum tertio attemptasset, cernens ut credo rex in spiritu jamjamque thesaurorum adesse custodem, & furis volens cavere periculum, Importune, inquit, agis o puer. Si mihi credis tolle quod habes & fuge, quoniam per matrem Domini si veneris Hugelinus, (hoc enim erat regii Cubicularii nomen.) nec unum tibi nummum relinquet. Fugit puer, nec à rege proditus nec figatus. Jam pedem fur extulerat, & ecce minister rediens & thesauros regis reprensus.

riens compilatos obstupuit, pallor vultum, tremor corpus invasit. Angustiam cordis & furorem mentis clamor & suspiria prodiderunt. Surgit rex, & quasi nesciens quid acciderit, causam perturbationis huius inquit. Quam cum à Camerario didicisset, *Tace*, inquit, forte ille qui cepit plus hiis nobis indignus; habeat sibi, nobis sufficit quod remansit. Rogo quid hoc rege perfectius, quid hoc simplicius oculo? quid tali mente lenius, qui sua furari vidit & tacuit, insuper furi consiluit ad salutem? Ut volet quisque accipiat, ego quod cæcos illuminavit, quod curavit claudos, quod ab adversa valitudine multos eripuit, huic ejus simplicitati & patientiæ æstimo postponendum. Hiis ut æstimo non inutiliter intersis, ad narrationis ordinem redeamus.

De castis nuptiis, & virginitate ejus & regina.

Confirmato Edwardi regis imperio, omnibusque summa pace ac prosperitate compositis, proceres de successione solliciti, regem de uxore ducenda conveniunt. Stupet rex thesauro metuens suo, qui in vase fictili reconditus, facile poterat calore dissolvi. Sed quid ageret? si obstinatius obniteretur, timebat ne propositi sui proderetur dulce secretum: si suadentibus præberet assensum, naufragium pudicitiae formidabat. Tandem oportune & importune insistentibus tutius cedere ratus, hujusmodi verbis suam Domino pudicitiam commendabat. *Jesu bone, tua quondam misericordia tres pueros in flammis Caldaicas illesos servavit. Per te Joseph relicto pallio nepharia meretrici, cum titulo castitatis evasit. Ammirabilis Susannæ constantia tua virtute de impudicis presbiteris triumphavit. Sanctæ Judith castitas singularis, qua inter regias dapes & facundos calices Holofernis nec ledi potuit nec temptari, femineam manum in perniciem nephandi capitis ferro muniens, urbem exemit obsidioni. Et quod excellit hiis omnibus, tu unicam illam spem mundi dulcissimam dominam meam, matrem tuam, & conjugem esse voluisti & virginem, nec conjugii sacramentum castitatis solvit signaculum. Ecce ego servus tuus & filius ancille tue, qualitercumque dilector tuus & unica matris tue, non quidem ad tantæ majestatis tue equalitatem presumptuosus aspiro, sed ad aliquam hujus tantæ rei similitudinem timens suspiro. Tu ergo Domine meus fili virginis Domine mea, Tu Domina mea virgo & mater Domini mei succurrite, quatenus sic maritale suscipiam sacramentum ut pudicitia periculum non incurram.* Rege igitur procerum voluntati consensum præbente, quærebatur virgo quæ & sanguinis nobilitate & morum honestate tanti regis esset apta complexibus. Erat inter potentes Angliæ omnium potentissimus Comes Godwinus, vir magnarum opum sed astutiæ singularis, regum regnique proditor, qui doctus fallere & quolibet dissimulare consuetus, facile populum ad cujuslibet factionis inclinabat assensum. Sed sicut spina rosam, genuit Godwinus Edwardum, quæ quidem ex ipso habuit materiam carnis, sed à Dei spiritu magisterium sanctitatis. Hanc dilecto suo Christus præparaverat Edwardo, inspirans ei ab ipsa infantia castitatis amorem, odium viciorum, virtutis affectum. In annis puellaribus gravitatem prætendens anilem, publicum fugiens secreta thalami frequentabat. Ubi non dissoluta ocio, nec onerosa fastidio, legere aut operari mani-

bus consuevit, ornare miro artificio vestes, sericis aurum intexere, quæque rerum imitari pictura; tali opere ac meditatione vitare lasciviam, colloquia juvenum devitare. Erat præterea pulchra facie, sed morum probitate pulchrior multo. Itaque Godwinus volens sibi regis animum quem ob necem fratris proditionesque non paucas non parum metuebat, vincere artius, egit per amicos suos regisque secretarios, ut filiam suam regis nuptiis dignaretur. Sed & illi qui Domino suo artiori inhærebant affectu, prodicionem Comitis quam sæpe fuerant experti plurimum formidantes, hoc ipsum pernecessarium regi arbitrabantur. Ita non eadem licet intentione, omnes in eandem sententiam convenere. Ex utriusque divitiis paratur nuptiale convivium, complent pontifices sacramentum, benedicitur puella in uxorem & in reginam coronatur. Convenientibus igitur in unum, rex & regina de castitate servanda paciscuntur, nec huic fidei alium quam Deum testem æstimant adhibendum. Fit illa conjux mente, non carne; ille nomine maritus, non opere. Perseverat inter eos sine actu conjugali conjugalis affectus, & sine defloratione virginitatis castæ dilectionis amplexus. Diligit ille sed non corrumpitur, diligitur illa nec tangitur, & quasi nova quædam *Abisac* regem calefacit amore, nec dissolvit libidine, mulcet obsequiis, sed desideriis non emollit. Et ne aliquis huic regis virtuti fidem derogat, sciat hoc temporibus illis per totam Angliam sic divulgatum & creditum, ut de facto certi plerique de intentione certarent. Quidam namque nichil nisi carnem & sanguinem sapientes, simplicitati regis hoc imponebant, quod compulsus generi se miscuerit proditorum, & ne proditores procrearet, operi superfederet conjugali. Sed si consideretur amor quo se complectebantur, facile contemnitur talis opinio. Hoc idcirco inferendum putavi, ut sciatur neminem tunc de regis continentia dubitasse, cum de causa taliter disputaverint. Præbet certe regis castitati testimonium puritas mentis, quæ ab omni facie vicii pulstantis eliquata, & longe posita quasi præsentia contemplari & futura potuit quasi præ oculis sita cognoscere, sicut sequens capitulum declarat.

Quomodo in spiritu regem Dacæ divino judicio vidit submersum.

Aderat dies pro diei illius recordatione festivus, quo ad renovandam faciem terræ spiritus Domini replevit orbem terrarum, & purgatis mentibus discipulorum, divinus ignis illapsus eos & illuminavit ad scientiam, & liquefecit ad gratiam, & induravit ad poenam. Ea die rex beatus divinis laudibus devotus assistebat, exterius quidem sceptrum insignis, veste splendidus, regio diademate coronatus, interius vero quod in hiis honoris erat arbitrabatur ut stercora, quod sacramenti, sustinebat pro conscientia. Affuit Angliæ tota nobilitas in vestitu deaurato circumdata varietate, sacram diei solemnitatem & regiam majestatem simul honore quo poterant venerantes. Igitur inter sacra missarum solemnities quæ in ecclesia beati Petri celebrabantur, totum se in se colligens & spiritualibus temporalia cuncta postponens, in sacrificium illud quod pro salute omnium offerebatur intendit animum, & sibi gratiam, pacem populo, omnibus veniam suppliciter precabatur. Et ecce hora illa qua spiritalis alimonia

assistentibus tradebatur, subito rex vultu hylarior & erectior oculis, in risum modicum, servata tamen regia gravitate, dissolvitur. Mirari qui aderant, nec sine causa; præter consuetudinem id ei accidisse sciebant. Peractis autem omnibus quæ ad tanti cultum diei pertinere videbantur, risus sui causam hii qui animadverterant sibi petunt exponi. Ille ut erat miræ simplicitatis, simpliciter quærentibus simpliciter omnia confitetur: *Convenit, inquit, Dacis cum rege suo antiquum facinus iterare, & quam nobis propitia divinitas largita est infestare quitem. In percussione quippe nostra qua castigans castigavit nos Dominus, ignorantes Dei justitiam & suam extollentes virtutem dixerunt, Manus nostra excelsa & non Dominus fecit hac omnia. Quia vero Deus patribus nostris iratus Dacorum nos tradidit potestati, suis id viribus tribuentes, facile hoc ipsum & nunc fieri posse arbitrabantur, nescientes quia qui percutit ipse & sanat, & qui mortificat ipse vivificat, & qui deducit ad inferos ipse & reducit. Igitur rex Dacus, coacto in unum exercitu, hodierna die ventis pro voto stantibus naves parari præcepit. Comportantur cibaria, arma navibus inferuntur, nauta armamenta expediunt, certis sedibus milites collocantur. Jam naves ventis & vela ventis fuerant committenda, cum ea hora qua mihi facies serenabatur, rex iniquus ob nimiam superbiam quasi semetipsum non sustinens, & pedes & crura sinuose divaricans, cum incautus unum pedem extendisset, è prora labitur, & statim abissus vallavit eum. & pelagus cooperuit caput ejus. Ita ille nobis lacum aperuit & effodit eum, & cecidit in foveam quam fecit. Percussit Dominus caput de domo impii, maledixit sceptris ejus & universo exercitui ejus venientibus ut turbo addispergendum nos. Sicut absciso capite membra omnia contabescunt, ita submerso principe nequam exercitus dispergitur. Spero autem in Domino Deo meo & in dulcissima matre ejus, quod temporibus meis nullum habebit conatus eorum effectum. Hac sunt quæ Christo revelante cognovi, & vidi & risi & gavisus sum. Risum enim mihi fecit Dominus, & quicumque audierit corridebit mihi. Notatur tempus & hora. Mittuntur in Daciam nuntii, de omnibus diligenter inquirunt, inveniuntque sic omnia hora eadem accidisse qua beatissimo regi fuerant cœlitus revelata. Fama autem tanti crebrescente miraculi, cecidit timor super omnes qui audierunt verbum. Et scientes quia Deus ipse pro Edwardo pugnaret, tam Daci quam cæteræ nationes intercurrentibus nunciis & muneribus fœdus cum eo pepigerunt.*

Proceres regni de voto suo solvendo alloquitur, & nuntii Romam diriguntur.

Succedentibus prosperis rex beatus nequaquam suæ sponsonis est oblitus, nec in die bonorum immemor fuit malorum. Sed cogitans & recogitans quanta sibi fecerit Dominus, qui ditavit egerum, sublimavit humilem, inglorium coronavit, parat reddere vota quæ distinxerunt labia ejus: Parat sumptus, separat donaria, vocatisque totius regni principibus, habuit cum eis hujusmodi vel de statu regni, vel de sua peregrinatione sermonem.

“Benedictus Deus qui magnificavit misericordiam suam facere nobiscum, qui visitavit in virga

“iniquitates nostras, & in verberibus peccata nostra, pietatem suam non amovit à nobis. Ecce “quomodo deposuit potentes, & exaltavit humiles, “quomodo esurientes implevit bonis, & divites dimisit inanes. Per me reges regnant, ait ipse, & “principes justa discernunt. Non excidit à nobis “quomodo irruentibus in hæreditatem nostram “barbaris, facti sumus obprobrium vicinis nostris, “sublannatio & illusio hiis qui in circuitu nostro “sunt. Aliis namque interfectis, aliis fugatis, aliis “jugo ignominiosæ servitutis oppressis, nichil fere “honoris, nichil gloriæ nostro generi reliquerunt. “Tandem defuncto patre meo, fratribus peremptis; “actis in exilium nepotibus, cum hostibus nostris “in omnibus fortuna faveret, mihi profecto nichil “spei superesse videbatur. Ego vero contra spem in “spem credens, & Domini misericordiæ me totum “dedens, peregrinationem meam ad sanctorum Apostolorum limina vovi, & deinceps divinæ me “protectioni dispositionique commisi. Ille autem “respexit in orationem meam & non sprexit precem “meam, & abstulit obprobrium meum, & restituit “me in regnum patris mei; insuper cumulavit divitiis, auxit gloria, donis cœlestibus illustravit. “Ipse sine sanguine rebelles subegit, hostes subvertit, & omnia nostra amabili quadam composuit “pace. Absit, absit ut tot & tantis ejus beneficiis “inveniamur ingrati, quin potius de manu inimicorum nostrorum liberati, serviamus illi in justitia “& veritate. Faciamusque quod ait propheta, Vovete & reddite Domino Deo vestro. Decernite “ergo mecum, quomodo me peregrinante regnum “subsistat Anglorum, qua lege, qua pace, quo judice omnia disponantur: quis cui præferatur regioni, quis castra, quis urbes, quis privata, quis “publica negotia procuret. Erit autem unus omnium custos & protector Deus, & pacem quam deus ipse servabit, nobiscum proficiscens, & vobiscum remanens, qui & vos custodiat & me re- “ducat.

Ad hanc vocem tota illa multitudo contremuit, & interiorem produnt lacrimis suspiriisque dolorem. Jam jamque manus Danica timebatur quam ejus meritis evaserant, jam jamque deletum iri totam patriam formidabant. Erupit sermo in populum, & ecce clamor, ecce tumultus, & quasi jam lævirent incendia, plena lacrimis insula videbatur. Videres pauperes nunc manus extendere ad cœlum, nunc rursus in terram ruere, & quasi morituros fame si rex discederet, de sepultura tantum & tumultu cogitare. Tunc omnes in commune vociferantes in regem, se non deferendos, se non exponendos gladiis, patriam hostibus non prodendam, nec dimittendum pacis obsidem quem Deo dante receperant, nec pro uno ut putabatur bono tot admittenda pericula allegabant. Imperant pontifices, rogant proceres, plebs extorquet, ut si non omittendum iter istud censuerit, censeat vel differendum. Tunc ille tot lacrimis, tot vocibus, tot precibus se urgeri sentiens, diu inter pietatem & desiderium fluctuabat, quia & voto superfedere periculosum, & tantorum precibus flexibusque non cedere inhumanum arbitrabatur. Tandem quid aptius esset Deo scire desiderans, peregrinationem non quidem dimittendam sed differendam interim consultius aestimabat, donec Apostolicæ auctoritatis consilio & voluntate consulta, ex ejus sententiâ aut votum redimeret aut impleret. Hiis auditis,

ditis, tanta fuit omnibus divitibus pauperibusque lætitia, ut Edwardum suum rursus sibi redditum, rursus revocatum exilio æstimarent. Agit unusquisque pro gradu suo, pro officio suo, pro facultate sua, ut regem dilationis non tædeat, aliis orationes, elemosinas aliis, suam etiam pro eo peregrinationem nonnullis promittentibus. Dirigendi mox ad sedem apostolicam eliguntur legati archiepiscopus Eboracensis Aelredus, episcopus Wintoniensis Hermannus, Abbates præterea duo spectatæ religionis, cum pluribus aliis tam clericis quam laicis. Parantur interim necessaria; susceptoque à rege mandato ad urbem proficiuntur. Credendum Dei actum providentia ut regii responsales congregatam ibi synodum maximam reperirent, in qua præsidente beatæ recordationis papa Leone de negotiis ecclesiasticis tractabatur. Gaudet in eorum adventu illa sanctorum præclara societas, & quasi sibi missum de cælo solatium, tantorum patrum præsentiam susceperunt; magnum Dei munus judicantes quod à finibus terræ tales viri tali tempore tali conventui occurrissent. Igitur patre beatissimo præcipiente, nuntii causam pro qua venerant dicturi procedunt in medium, patribus qui assidebant præbentibus cum summa devotione silentium. Exponunt desiderium regis & regni periculum, dispendium pacis, clamorem pauperum, lacrimas orphanorum, obductam etiam necdum recentis plagæ cicatricem asserbant, quæ Danica rabie Anglis inflicta, si rex discederet, acrior timebatur. Silentibus nuntiis, sonuit in ore omnium gratiarum actio & vox laudis. Prædicatur circa Deum regis, circa regem plebis devotio. Mirantur mansuetudinem David, prudentiam Joseph cum divitiis Salomonis in tali principe convenisse. Tandem summo pontifice dictante sententiam, omnes in commune decernunt pro pace regni, pro utilitate ecclesiæ, pro necessitate pauperum & quiete monasteriorum, regem auctoritate Dei & beati Petri, præsentis etiam sacratissimæ synodi, à voti hujus vinculo solempniter absolvendum, expensas paratas itineri pauperibus erogandas. In voti recompensatione construendum in honore beati Petri regis copias monasterium, vel aliquod destructum à barbaris reparandum. Exhinc legati oblatis muneribus quæ Sanctorum ecclesiis rex sanctus direxerat, accepta benedictione pontificis cum literis apostolicis læti repatriant: Transvectique in insulam in conspectu Concilii quod propter hoc ipsum regia potestas coegerat, epistolam tradiderunt.

Rescriptum Papa.

Leo episcopus, servus servorum Dei, dilecto filio Edwardo Anglorum Regi salutem & apostolicam benedictionem. Quoniam voluntatem tuam laudabilem & Deo gratam agnovimus, gratias agimus ei per quem reges regnant & principes justa decernunt. Sed quia prope est Dominus in omni loco omnibus invocantibus eum in veritate, & sancti Apostoli cum suo capite conjuncti unus spiritus sunt & pias preces equaliter audiunt; Et quia constat periclitari regionem Anglicam ex tua discessione qui freno justitiæ tuæ seditiosos ejus motus cohibes, ex auctoritate Dei & sanctorum Apostolorum & sanctæ synodi absolvimus te à peccato illius voti pro quo Dei offensam times, & ab omnibus negligentis & iniquitatibus tuis, ea nimirum potestate usi quam Dominus in beato Petro concessit nobis dicens, Quæcunque solveritis super terram soluta erunt

& in cælis. Deinde præcipimus tibi sub nomine sanctæ obedientiæ & penitentiæ, ut expensas quas ad iter istud paraveras pauperibus eroges, & cænobium monachorum in honore sancti Petri apostolorum principis aut novum construas, aut vetustum augeas & emendes, & sufficientia victualium fratribus de tuis redditibus constituas; quatenus dum illi assidue inibi Deum laudaverint, & sanctis augeatur gloria & tibi indulgentia. Cui loco quicquid contuleris vel collatum est vel conferetur, ut ratum sit Apostolica auctoritate præcipimus, & ut semper habitatio monachorum sit, & nulli laicæ personæ nisi regi subdatur. Et quæcunque privilegia ibi constituere volueris ad honorem Dei pertinentia, concedimus & robustissima auctoritate confirmamus, & infractores eorum æterna maledictione dampnamus.

De visione quæ apparuit cuidam incluso de ipso rege.

DE sponsalibus regis literisque pontificis oraculum cæleste concurrit, quod non longe agentibus nuntiis viro cuidam sancto quid Romæ egissent nescienti, Apostolorum principe sibi apparente, perlonuit. Erat vir iste dilectus Deo & hominibus, qui specu subterraneo multis annis inclusus, suorum erat meritorum stipendiis jam vicinus. Huic Petrus beatissimus in visione noctis assistens, cum metum vocis ac vultus lenitate depulisset, « Rex, inquit, « Edwardus pro voto quo te cum adhuc exularet « astrinxerat, pro regni etiam pace plebisque consilio, pro pauperum quoque necessitate præceque « sollicitus, Romanam ecclesiam de omnibus credit « dit consulendam. Noverit ergo se mea auctori « rate ab hac alligatione solutum, & de cænobio « ad mei honorem nominis construendo à summo « pontifice suscepisse salutare mandatum. Incun « ctanter itaque literis Apostolicis fidem habeat, « præceptis obediat, consiliis adquiescat. A me « enim egressus est sermo, quem sibi quondam pa « tronum elegit, me comitem, gratiæ largitorem. « Est autem mihi locus in occidentali parte Londo « niarum, à me electus, mihi dilectus, quem quon « dam mihi propriis manibus consecravi, mea nobi « litavi præsentia, divinis insuper miraculis illustra « vi. Thornea nomen est loci, qui quondam ob pec « cata populi barbarorum traditus potestati, pau « perimus ex divite, humilis ex sublimi, ex nobili « factus est contemptibilis. Hunc rex me præcipiente « in habitaculum monachorum suscipiat reparan « dum, sullimandum ædificiis; possessionibus am « pliandum. Non erit ibi aliud, nisi domus Dei & « porta cæli. Ibi erigenda est scala, per quam de « scendentes & ascendentes angeli, preces & vota « hominum Deo perferant, & referant gratiam. Inde « ascendentes retero januam paradisi, ut ex « officio quod meus mihi inunxit Dominus ac « salvator, & ligatos absolvam, & absolutos susci « piam, & quam eis delictum obcluserat, justifica « tis patriæ portam cælestis aperiā. Tu autem « omnia quæ à me audisti & didicisti literis tradens, « mitte qui perferat regi, ut Dei munere duplicato, « & de absolutione securior, & in præcepti executi « one devotior, in mei autem dilectione & obsequio « reperiatur propensior. Hiis dictis, lux cum lo « quente disparuit. Ille nichil moratus, ac cito nota « rio, quæ viderat vel quæ audierat, scedulæ literisque

commisit, & tradens epistolam bajulo, ad curiam quæ multis tunc milibus aberat, ut ei fuerat imperatum direxit. Ea igitur die, loco eodem, in eodem Concilio quo legati redeuntes ab urbe apostolicum retulere mandatum, epistola etiam viri Dei regi præsentata profertur in medium. Lectoque sancti papæ *Leonis* Rescripto, loco sequenti beati senis apices recitantur. Voce exteriori ac iubilo interiori benedicitur Deus in donis suis, & laudatur in omnibus operibus suis. Mirantur omnes regis sanctitatem, amplectuntur apostoli gloriam, confirmantur in fide, spe à terrenis ad cœlestia attolluntur, in Dei amore sincerius accenduntur. De oraculi veritate nulla potuit esse cunctatio, cum in *Wigornensi* provincia vir ille ab hominum conversatione seclusus, quid *Roma* egerint, quid in mandatis acceperint, quandove redierint, scire non nisi Deo revelante potuit. Tunc rex lætus & alacer, ut ei fuerat constitutum, pecuniam quam in peregrinationis suæ solatium procuraverat disperfit & dedit pauperibus, operique injuncto intendens animum thesauros effudit. Insuper & tributum illud gravissimum quod tempore patris sui primo classi *Danica* pendebatur, postmodum vero fisco regio annis singulis inferebatur, regia liberalitate remisit, & ab onere hoc importabili in perpetuum *Angliam* absolvit. Unde sancto huic regi non inconvenienter aptatur quod scriptum est, *Beatus vir qui inventus est sine macula, & qui post aurum non abiit, nec speravit in pecunia thesauris. Inventus sane sine macula ob privilegium castitatis. Post aurum non abiit, quod potius disperfit; Nec speravit in thesauris, quos in Dei opere non tam minuit quam consumpsit. Quis est hic, & laudabimus eum? Fecit enim mirabilia in vita sua, reddens cæcis visum, & claudis gressum, fugans febres, & paraliticos sanans, & diversas hominum valitudines curans. Ex quibus aliqua huic operi dignum ducimus inferenda.*

De contracto quem rex sanctus portando curavit.

CUM in civitate regia in palacio juxta beati *Petri* basilicam rex pacificus aliquando moraretur, supervenit vir quidam miserabilis Hybernicus genere, secundum proprietatem linguæ illius vocabulo *Gillemichel*, pedis utriusque privatus officio. Nervi enim in poplite contracti, ad posteriores corporis partes crura retorserant, tali natibus inhaerant, immerfi carnibus pedum articuli à lumbis ejus & deorsum corpus omne perverterant. Porrectis terra tenus manibus scammis suppositis repebat, & factus sibimet ipsi gravis, trahebat se post se, miserabile spectaculum intuentibus præbens & multorum in se provocans pietatem. Accessit ad cumulum infelicitatis rei inopia familiaris, ob quam famis injuria & inclementia aeris tabe simul ac macie fessum corpus illud affecerant. Hic igitur cum Curia irrepressisset, & se Regis Cubiculario obtulisset, Itane, inquit, *Hugoline* non me respicies? non misereberis? non te movebit unius hominis tanta calamitas? Et ille. Quid me vis facere? Cui pauper, Sexies, inquit, sanctorum apostolorum limina in urbe qua requiescunt, ita miserabiliter repens ut tu ipse nunc aspicias, visitavi, sanitatem vero necdum promerui, quam tamen mihi *Petrus* beatissimus non negavit sed distulit, socium in hoc miraculo habere volens *Edwardum*, quem sibi novit in omnibus esse devotum. Jam enim nunc septimo profecturus ad urbem,

ab ipso sancto Apostolo in mandatis accepi, regem adire, apostolicum perferre præceptum, ut me suo sacro subvestum dorso ad ecclesiam ejus quæ palacio vicina est perferat, recepturum si id fecerit meritis ejus membrorum meorum integram sanitatem. Hæc ubi nunciata sunt regi, agit Deo gratias, seque paritum apostolo, nec inopi defuturum sed præbiturum obsequium ut in mandatis acceperat, pollicebatur. Scitatus mox æger accessit. Rex ut spiritalis ille asinus fortis ac cubans in terminis supposuit humeros suos ad portandum. Audite hæc omnes gentes, auribus percipite qui habitatis terram. Congregamini ad spectaculum, quale Circus nullus unquam præbuit, nec theatrum finxit. Pendet ab humero tanti Principis plenus sordibus pauper, squalidis manibus brachiisque squamosis regium illud pectus collumque complectitur. O monile omni gemma splendidius, o torquem omni preciosiorem auro, omni electro fulgentiorem. Interea ex assistentibus ridebant nonnulli, alii à paupere illum regem jocabantur, alii justi simplicitatem & mansuetudinem fatuitatem interpretabantur. Ecce novus *David* saltus & plausus: ecce novus *Michol* contemptus & risus. Quibus tamen erat mens sanior, feliciorem eum sub tali sarcina quam sub corona aurea judicabant. Tu enim *Christe Jesu*, tu in paupere portabaris, qui quondam in paupere quem *Martinus* texerat tegebaris. Sed hoc tunc oraculo, hoc nunc miraculo prodidisti. Cum itaque oneratus nobili illo onere rex paululum processisset, subito nervi quos inveteratus ille morbus contraxerat extenduntur, meatus sanguinis quos venarum rigor obcluserat, referantur, rigantur ossa, carnes marcidæ recalciscunt. Emergunt à carne articuli, pedes solvuntur à natibus. Distendit homo crura poplite jam flexibili, sanieque cum sanguine profluente, vestis regia ornatur potius quam scædatur. Jam tunc satis esse clamant omnes sanatum languidum, crursus ob sordes ulcerum jam deponendum. Ille memor præcepti quod susceperat, sirenarum cantus obturata aure pertransiit, ingressusque ecclesiam, ante sanctum altare holocaustum quod detulerat Deo ac beato *Petro* resignat. Suscepit ab humeris sancti pauperem magnæ religionis vir ipsius sacrista ecclesiæ nomine *Godricus*, lotisque membris ulceribusque curatis, paulo post sanum & incolumem dimisit. Stetit supra pedes suos homo, ac solidatis basibus ejus & plantis, regi præsentatur. A quo itineris suscepto viatico, benedicens Deum profectus est *Romam*, acturus beato *Petro* Apostolo gratias, & sancti Regis merita prædicaturus ubique. Ad tanti testimonium miraculi, scamna quibus miser ille repens inniti consueverat, in ecclesia suspenduntur, gratum spectantibus præbentia spectaculum, & Regis sanctitatem advenientibus ostendentia. Hoc profecto miraculum ad diligenda simul & veneranda beati *Petri* merita maximum sancto Regi præbuit incentivum, & ad opus quod in ejus nomine inchoaverat consummandum & desiderium ignivit & illexit affectum. Verum præ cæteris quæ beato *Petro* per *Angliam* consecrata sunt loca, hunc potissimum restaurandum elegit, quia non solum ut supra diximus cœlestis visionis oraculo, sed etiam antiquissimi attestatione miraculi istum ei didicist præ omnibus cariorem. Quod licet præter materiam esse videatur, ad ostendendam tamen Regis in hac electione industriam, huic operi nostro credimus inferendum.

De ecclesia Westmonasterii quam sanctus
Petrus dedicavit.

TEmpore quo rex *Aedelbertus* qui regnavit in
Cantua, prædicante beato *Augustino* fidei sa-
cramenta suscepit, nepos quoque ejus *Sebertus*
qui orientalibus *Anglis* præfuit, fidem eodem epi-
scopo evangelizante suscepit. Hic *Londonis*, quæ
regni sui metropolis habebatur, intra muros ecclesi-
am in honore *Pauli* beatissimi construens, episcopali eam sede voluit esse summam. Cui sanctus
Mellitus quem beatus papa *Gregorius* cum pluri-
bus aliis miserat in adiutorium *Augustino*, merito
simul & honore pontificali primus omnium præ-
fuit. Volens autem rex utrique apostolo se gratum
præstare, in occidentali parte ejusdem civitatis ex-
tra muros, in honore beati *Petri* monasterium in-
figne fundavit, multis illud donariis ornans & di-
tans possessionibus. Venerat autem tempus quo
ecclesia in eo fuerat dedicanda, paratissime omnibus
pro loco, pro tempore, pro monasterii dignitate,
agente etiam ea nocte in tentoriis episcopo, dies
crastina præstolabatur. Magna plebis expectatio, quæ
adhuc rudis in fide, hiis sollempniis interesse non so-
lum pro devotione, sed etiam pro admiratione gau-
debat. Eadem nocte piscatori cuidam in *Thamensis*
fluvii, qui eidem monasterio subterfuit, ulteriori
ripa, in habitu peregrino beatus apostolus *Petrus*
apparens, promissa mercede transponi se ab eodem
& petiit & promeruit. Egressus autem è navicula
piscatore cernente ecclesiam ingreditur; & ecce
subito lux cælestis emicuit, miroque splendore col-
lustrans omnia, noctem convertit in diem. Affuit
cum apostolo multitudo supernorum civium egredi-
entium & ingredientium, & choris hymnidicis præ-
euntibus melodia cælestis insonuit. Omnia plena
lumine, omnia referta dulcedine. Aures angelicæ
vocis mulcebat jocunditas, nares indicibilis odoris
fragrantia perfundebat, oculos lux cælestis illustra-
bat. Videbantur quasi mixta terrena cælestibus,
humana conjuncta divinis, & quasi in scala *Jacob*
angeli descendentes & ascendentes in illis sacris so-
lempniis visabantur. Quid plura? Peractis omni-
bus quæ ad ecclesiæ dedicationem pertinent so-
lempniis, redit ad piscatorem piscium piscator egre-
gius hominum. Quem cum divini luminis fulgore
pertertitum alienatum pene sensibus reperisset, blanda
consolatione hominem sibi, animum reddidit rati-
oni. Ingredientes cymbam simul uterque piscator,
inter loquendum apostolus hominem huiusmodi quibus
se quondam magister suus conveniens verbis,
Nunquid, ait, pulmentarium non habes? Tum, in-
quit, inconsuetæ lucis perfusione stupidus, tum ex-
pectatione tui detentus, nichil cepi, sed promissam
à te mercedem securus expectavi. Ad hæc apostolus,
Laxa nunc, inquit, retia ad capturam. Paruit impe-
ranti piscator, & mox implevit rete piscium maxima
multitudo. Quibus ad ripam extractis, Hunc, in-
quit, apostolus qui ceteris magnitudine præcæque
præcellit, Mellito ex mea parte piscem defer episcopo.
Pro nautica vero mercede cetera tibi tolle. Ego sum
Petrus qui loquor tecum, qui cum meis concivibus
constructam in meo nomine basilicam dedicavi, epi-
scopalem benedictionem mea sanctificationis aucto-
ritate præveni. Dic ergo pontifici quæ vidisti &
audisti, tuoque sermoni signa parietibus impressa

testimonium perhibebunt. Superfedeat igitur dedica-
tioni, suppleat quod omisimus, Dominici videlicet
corporis & sanguinis sacrosancta mysteria, popu-
lumque erudiens sermone & confirmans benedictio-
ne, notificet omnibus hunc locum me crebro visita-
turum, hic me fidelium vocibus & precibus assuti-
rum. Sobrie vero, iuste & pie in hoc loco viventi-
bus cæli januam referaturum. Hiis dictis, clavi-
cularius cælestis disparuit. Et jam nocturnis te-
nebris finem dedit aurora, cum beato *Mellito* ad
futuræ dedicationis celebranda mysteria processuro,
cum pisce piscator occurrit. Quem cum episcopo
resignasset, omnia quæ ei ab apostolo fuerant man-
data prosequitur. Stupet pontifex, referatisque
sacra basilicæ valvis, videt pavementum utriusque
alphabeti inscriptione signatum, parietem bisse-
nis in locis sanctificationis oleo litum, tot cereorum re-
liquias duodenis crucibus inhærere, & quasi recenti
resperione adhuc quæta madescere. Nichil ulte-
rius ambiguitatis de hiis quæ piscator astruxerat,
in cuiusquam animo potuit residere, cujus assertioni
signa cælestia testabantur. Refert hæc episcopus
populo, & mox una vox omnium pulsât cælos lau-
dantium Deum & benedictum, qui ad fidem
omnium confirmandam, in huius templi sanctissimi
dedicatione cæli terræque patriam unam fecit rem-
publicam. Dant fidem miraculo piscatoris illius
tota successio, quæ sicut à patre acceperant, totius
emolumenti quod eis ars illa deinceps contulit,
beato *Petro* eique servientibus offerre decimas non
desunt. Unus tamen semel fraudem ausus inferre,
mox tam diu artis caruit beneficio, donec confes-
sus reatum, & ablatum restitueret, & promitteret
correctionem.

De responsalibus iterum ad dominum Papam
directis per ipsum regem sanctum.

Hæc cum beatus *Edwardus* relatione ac scriptis
veterum didicisset, concaluit cor ejus intra
eum; & ad præfatum monasterium ædificiis & or-
namentis, dignitatibus etiam ac possessionibus altius
extollendum in meditatione ejus exarsit ignis. Quæ
ut futuris temporibus firma & integra illibataque
durarent, Apostolica auctoritate omnia credidit
confirmanda. Præterea inter crebra miracula quibus
cotidie illustrabatur, inter pacis gaudia quibus
fruebatur, in humilitatis solidissima petra con-
sistens, semper pavidus, semper suam erat fragilita-
tem suspectus. Beatus profecto vir qui semper
metuit Dominum, & in mandatis ejus voluit ni-
mis. Ideo gloria & divitiæ in domo ejus, & iustitia
ejus manet in æternum. Jam à voto Apostolica
auctoritate absolutus, & adhuc tamen de ipso solli-
citus, iterato ad Apostolorum limina legatos parat
dirigere, iterato Apostolicam majestatem consulere,
iterato id ipsum vel aliud quid in voti recompen-
satione sibi poscit injungi. Emerferant & aliæ cau-
sæ in *Anglorum* ecclesia, de quibus ea sedes præci-
pue fuerat consulenda, de qua specialiter dictum
est, Quia portæ inferi non prævalebunt adversus
eam. Itaque rex sanctus de omnibus curam gerens,
omnia secundum catholicæ veritatis regulam fieri
volens, omnibus etiam prodesse desiderans, ut ipse
de suis securior efficeretur, & aliis ad salutem do-
ctrina Apostolica præberetur, cum *Aeldredo Ebo-
racensi* archiepiscopo duo mittuntur in pontifica-

tum electi, *Guiso* scilicet ad ecclesiam *Wellensem*, *Walterus* vero ad *Herefordensem*. Qui præsente eo cum quo venerant archiepiscopo, à domino papa munere consecrationis suscepto, in Concilio quod in *Lateranensi* palacio, Dei ut credimus tunc nutu, forte convenerat, cum cæteris patribus honorifice confederunt. Dein tempore opportuno cum literas regis in medium protulissent, cætera quæ eis fuerant imperata adiciunt. Favet votis regis sanctitatis summi pontificis totiusque sacri conventus unanimis rationabilisque sententia. Acceptaque sancti patris epistola, nichil omnino adversi toto illo itinere passi cum summo tripudio regi patriæque redduntur.

Literæ regis ad *Nicholaum* papam directæ.

Summo universalis ecclesie patri *Nicholao*, *Edwardus* gratia Dei Anglorum rex, debitam subjectionem & obedientiam. Glorificamus Deum quia curam habet electæ sue ecclesie, quando in loco boni prædecessoris vos optimum successorem constituit. Quapropter justum judicamus apud vos velut ad solidam petram acnere, & probare omnes bonas actiones nostras, & vestram notitiam atque societatem in bono habere, quatinus eas donationes & privilegia quæ optimè apud prædecessorem vestrum, renovetis & augeatis nobis; videlicet, ut quod ille injunxerat nobis sub nomine obedientie & penitentia propter votum quod voveram ire *Romam*, & in remissionem omnium peccatorum meorum, construere cænobium monachorum in honore *Apostoli Petri*, ratum faciatis, & privilegia possessionum, & dignitatem ejusdem loci confirmetis, renovetis, atque augeatis, & in perpetuum immutabilia stare decernatis. Ego quoque pro modulo meo, augeo & confirmo donationes & consuetudines pecuniarum quas sanctus *Petrus* habet in *Anglia*, & ipsas pecunias collectas cum regalibus donis mitto vobis, ut oretis pro me, & pro pace regni mei, & continuam ac sollempnem memoriam instituatis totius gentis *Anglicæ* coram corporibus sanctorum *Apostolorum*.

Privilegium domini *Nicholai* Papæ.

Nicholaus episcopus, servus servorum Dei, gloriosissimo ac piissimo, omnique honore dignissimo, speciali quoque filio nostro *Edwardo* Anglorum regi, visitationem omnimodam, salutem mellifluam & benedictionem Apostolicam. Omnipotenti Deo referimus grates, qui vestram prudentissimam excellentiam in omnibus ornavit ac decoravit erga beatum *Petrum Apostolorum principem*, & nobiscum habere dilectionem, & in omnibus Apostolicis consentire censuris. Literas igitur vestra nobilitati transmittimus, & per eas societatem sanctorum *Apostolorum* & nostram vobis damus, orantes misericordiam illius qui est Dominus omnium & rex super omnia solus, ut ipse participem vos faciat ex omnibus si qua sunt coram Deo bonis operibus nostris, & fratres nos, & socios in dilectione constituat in omni tempore amplius, ac non minorem partem nostri obsequii reassignet in suo regno quam nobismet ipsis provenire optamus. Erimus etiam deinceps pro vobis sine dubio orantes assidue, ut ipse Deus vobis subiciat hostes & inimicos qui contra vos voluerint insurgere, & confirmet vos in paterno

solio ac propria hereditate, & beatus *Petrus* sit vobis custos & adiutor in omni tribulatione. Claret enim Anglorum reges pro reverentia & devotione quam exhibuerunt beato *Petro Apostolo*, gloria & honore floruisse, ac ipsius patrocinio famulos triumphos obtinuisse. Cujus beati *Apostoli* meritis, vestro desiderio & voluntati omnipotens Deus præstet effectum, & confirmet vobis paterni regni imperium, & tribuat incrementum, & post præsentis vite decursum, perducatur ad æternum permanentis gloria imperium. Renovamus ergo, & confirmamus, & augemus vobis privilegia vestra; scilicet, ut absolutus sitis ab illo voto quod timebatis, & ab omnibus aliis peccatis & iniquitatibus vestris, auctoritate illius qui me licet indignum sanctæ sue præesse voluit ecclesie. Præterea, illi loco quem sub nomine sanctæ penitentia construendum & meliorandum suscepistis, quoniam, ut fertur, primam antiquitus consecrationem à beato *Petro Apostolo* accepit, cujus licet indigni vicarii sumus, & quia regia antiquitus sedes est, ex auctoritate Dei, & sanctorum *Apostolorum*, atque hujus sanctæ *Romanæ* sedis, & nostra concedimus, permittimus, & solidissime confirmamus, ut amplius in perpetuum regia constitutionis & consecrationis locus sit, atque repositoryum regaliū insignium, & habitatio perpetua monachorum, qui nulli omnino persone nisi regi subdantur, habeantque potestatem secundum regulam sancti *Benedicti* per successores eligere idoneos abbates, neque introducatur per violentiam extranea persona, nisi quam concors congregatio præesse elegerit. Absolvimus etiam cum locum ab omni servitio, dominatione episcopali, ut nullus episcopus illuc introeat ordinaturus vel præcepturus aliquid, nisi ex consensu & petitione abbatis & monachorum. Et habeat idem locus liberum præcinctum, id est, ambitum & cimiterium mortuorum circa se absque episcopali, vel cujuslibet respectu, vel exactione. Et omnia quæ ad libertatem & exaltationem loci illius, ad honorem Dei pertinentia, per nostram auctoritatem accedere possunt, promptissima & illari voluntate concedimus. Possessiones autem quas antiqui reges, seu quicunque alii homines, vos quoque & vestri barones ad eundem locum contulistis, & cartas quæ ex eis factæ sunt, divina & nostra auctoritate roboramus, & ratas ac stabiles esse decernimus. Et infractores, vel earum invasores, vel diminutores aut dispersores, venditores etiam æterna maledictione cum *Juda* proditore dampnamus, ut in beata perterem non habeant resurrectione: sed à beato *Petro Apostolo* se judicandos sciant, quando sedebit cum suis coapostolis judicans duodecim tribus *Israël*. Vobis vero & posteris vestris regibus committimus advocacy & tuitionem ejusdem loci, & omnium totius *Angliæ* ecclesiarum, ut vice nostra cum consilio episcoporum & abbatum constituas ubique quæ justa sunt. Scientes per hoc vos recepturos dignam mercedem ab eo, cujus regnum & imperium non desinet nec minuetur in seculum. Lectis igitur Apostolicæ majestatis apicibus, exultavit in gaudio rex beatissimus, omnique sollicitudine quam ex voti obligatione contraxerat exuitur, cunctaque regni negotia ducibus proceribusque committens, totum se divinis mancipabat obsequiis. Quanto autem se corporalibus subtrahebat, tanto luminosius se spiritualibus indidit theoriis. Unde crebro cœlestium secretorum revelatione & spiritua-

lium visionum suavitate meruit refoveri, sicut frequentia declarabunt.

Quomodo super altare Jesum Christum in sacramento cum quodam Comite vidit.

IN monasterio namque beati Petri apostoli quod construendum ampliandumque susceperat, ante altare in honore Trinitatis Deificæ consecratum, sacrosanctis redemptionis nostræ mysteriis rex Christianissimus assistebat. Assuit cum omni reverentia spiritusque dulcedine nominandus Comes *Lefricus*, cujus memoria in benedictione est, cum uxore *Godgiva* interpretationem sui nominis magnifice rerum executione complente, interpretatur enim *bonum donum*, vel quod ipsam quasi bonum donum ecclesiæ suæ profuturam *Christus* attulerat, vel quod ipsa fidei ac devotionis Deo munus acceptissimum continue offerebat. Cum tali ergo sui lateris socia Comes sanctissimus in Dei opere semper intentus, multorum cœnobiorum fundator exitit, & sobrie & iuste & pie in omnibus vivens, possessionum suarum & thesaurorum *Christum* fecit hæredem. Hic ergo à latere regis paululum tamen semotus astabat, dignus per omnia qui tanti talisquæ miraculi conscius & testis existeret. Agitur in altari cœleste misterium, manibus sacerdotis divina sacramenta tractantur. Et ecce speciosus ille forma præ filiis hominum *Christus Jesus* in ara consistens, oculis utriusque visibiliter corporalibus apparuit, sacraque dextera super regem extensa, signum sanctæ crucis eum benedicendo depinxit. At rex demisso capite divinæ adorabat præsentiam majestatis, humiliatoque corpore tantæ benedictioni reverentiam exhibebat. Comes vero quid in animo regis ageretur ignorans, volensque regem tantæ visionis esse participem, cœpit velle ad illum usque procedere. Verum rex quid in mente Comitum volebatur intelligens, Sta, inquit, *Lefrice*, sta, quod tu vides video & ego. Inde ad preces lacrimasque conversi, inebriabantur ab uberitate domus Dei, & torrente voluptatis ejus potabantur. Post finem officii conferunt de cœlesti visione sermonem, & cœlesti pabulo saginati, dies diei eructat verbum, suspiriisque crebro sermonem interruptentibus, *Tenunc*, ait rex, *mi Lefrice*, *per ejus quem vidimus majestatem obtestor, ne quoadusque vixerimus sermo iste proferatur in publicum, ne vel nos in perniciem nostram ob favorem vulgi pulset elatio, vel fidem derogat dictis infidelium emulatio*; Domini sui in hiis sequutus exemplum, qui coram discipulis transfiguratus, descendentibus illis de monte, *Nemini*, ait, *dixeritis visionem, donec filius hominis à mortuis resurgat*. At Comes discedens à curia, divina ut creditur inspiratione edoctus, ita Domini sui servavit imperium, ut tantæ virtutis sublimitas posteros non lateret. Veniens itaque ad monasterium *Wigornense*, viro cuidam religioso eadem qua se rex obligaverat adjuratione conficto referat in confessione sermonem, rogans ut literis tradat tantæ visionis archanum, talique recondat in loco, ut & præsentis lateat, & futurorum notitiæ non depereat. Annuit vir ille sanctus penitentis affectui, scedulæque mandatum ordinem visionis cum Sanctorum reliquiis in theca recondidit. Et jam à sancti regis obitu multum temporis fluxerat, cum hiino ut credimus nutu, nullo hominis

actu theca reperitur aperta. Cumque fratres de Sanctorum reliquiis diligenter disquirerent, reperiunt scedulam & evolvunt; nolentique tantum latere thesaurum, in auribus populi cuncta legerunt. Ita, quod rex voluit esse celatum, Dei est providentia propalatum, ut & regis humilitas probaretur, & nichilominus prodito miraculo fides credentium confirmaretur.

De glandibus & vermibus regio tactu à quadam femina expulsa.

EXhinc crebrescunt miracula, signa multiplicantur, & ad regis merita sublimius declaranda manus omnipotentis extenditur. Adolescentula quædam tradita nuptiis duplici laborabat incommodo. Nam faciem ejus morbus deformaverat, amorem viri sterilitas prolis ademerat: sub faucibus quippe quasi glandes ei succreverant, quæ totam faciem deformi tumore fœdantes, putrefactis sub cute humoribus, sanguinem in saniem vertebant, inde nati vermes odorem teterrimum exhalabant. Ita viro incutiebat morbus horrorem, sterilitas minuebat affectum. Vivebat infelix mulier odiosa marito, parentibus onerosa. Rarus ad eam vel amicorum accessus propter fœtorem, vel aspectus viri propter horrorem. Hinc dolor, hinc lacrimæ, hinc die noctuque suspiria, cum ei vel sterilitas obprobrium, vel contemptum infirmitas generaret. Industriam medicorum avertebat inopia. Quid ageret misera? Quod solum supererat, ubi humanum deerat divinum precabatur auxilium, quasi in illam illius æque misere mulieris vocem erumpens, *Peto Domine ut de vinculo improperii hujus absolvas me, aut certe super terram eripias me*. Jubetur tandem in sompnis adire palacium, ex regis manibus sperare remedium, quibus si lota, si tacta, si signata foret, reciperet ejus meritis sanitatem. Expegefacta mulier, sexus simul & conditionis oblita, prorumpit in curiam, regis se representat obtutibus, exponit oraculum, auxilium deprecatur. Ille more suo victus pietate, nec sordes cavit, nec fœtorem exhorruit. Allata denique aqua, partes corporis quas morbus fœdaverat propriis manibus lavit, locaque tumentia contredans digitis, signum sanctæ Crucis impressit. Quid plura? Subito rupta cute, cum sanie vermes ebulliunt, resedit tumor, dolor omnis abcessit: ammirantibus qui aderant tantam sub purpura sanctitatem, tantam sceptrigeris manibus inesse virtutem. Paucis vero diebus substitit in Curia mulier regis ministris necessaria ministrantibus, donec obducta vulneribus cicatrice incolumis rediret ad propria. Verum ut nichil deesset regi ad gloriam, pauperulæ nichil ad gratiam, donatur sterili inopina fecunditas, ventrisque sui desiderato fructu ditata, facile sibi mariti gratiam conciliavit.

De ceco per manuum ejus lavaturam sanato.

DIversa esse munera gratiarum, nec omnes omnia consecutos, beatissimo Paulo docente didicimus. *Alii*, inquit, *per Spiritum datur sermo sapientia, alii autem sermo scientia per eundem Spiritum, alii fides, alii gratia sanitarum*. Hoc præcipue munus curationum licet plenius per Dei Spiritum rex Christianissimus habuisset, in illuminandis tamen

tamen cæcis speciali gratia præfulgebat, ob interioris ut creditur hominis puritatem, ut cui mundicia singularis defæcaverat cordis obtutus, ipse in aliis exteriorum propelleret tenebras oculorum. Cæcus quidam satis notus in populo, cum multo jam tempore adeptæ sibi lucis flevisset incommodum, placuit Salvatori uno eodemque miraculo, & regis propalare virtutem, & calamitatem pauperis temperare. Docetur itaque miser oraculo lumen amissum se ejus meritis adepturum, si limpha, qua rex ipse, faciem perfudisset. Ad manum igitur tractus cum ad palacium pervenisset, cubiculariis retulit visionem. Quam cum illi piissimo principi suggerissent, obstupuit ille, plurimumque indignatus, illudum fantasmatibus hominem, nichil tale à peccatore sperandum, apostolicæ hæc esse virtutis, nec fidem sompniis adhibendam asseruit. Referunt illi, non usquequaque fidem sompniis derogandam, cum *Joseph & Daniel* nocturna visione futura didicerunt, & nutricius *Christi* fugiendum cum puero vel redeundum, angelo in sompniis apparente, cognoverit. Adiciunt Deum cui iubeat cum voluerit posse, quando voluerit, quibus voluerit, per quos voluerit, opem ferre miseris; nec hominis esse præceptis resultare divinis, nec cuiquam quod ipse providerit negare remedium. Itaque cum inter humilitatem & pietatem regis animus in parvo tempore fluctuasset, nisi inopportunitati petentium cessisset humilitas, nec partes suas pietas deseruisset: instabat hora qua ob sollempnem omnium Sanctorum vigiliam processurus ad ecclesiam rex, ut fieri solet, manus ablueret. Recepta in pelvi aqua, cum rex sacris interesset missarum sollempniis, citatur à ministris cæcus, infundunt aquam orbiculis oculorum, lavant faciem, & per merita sancti regis divinam precantur adesse virtutem. Mira res: quasi nova nobis *Siloes* de regis manibus profluxisset, referatis palpebris haurit lucem, & ad insuetum solis splendorem stupefactus circumspicit omnia, & mundum sibi quasi denuo redditum gratulatur. Magnitudo lætitiæ lacrimas excussit; in ore astantium gratiarum actio & vox laudis insonuit. Ingreditur oratorium homo acturus Deo gratias, & cum aliis, divinis astabat obsequiis. Videbatur nec agnoscebatur, & aliis dicentibus quia ipse est, aliis non, sed similis ejus est, ipse affirmabat se esse quod erat. Intueretur alter alterum, alter alterum convenit, cum illis inter se musitantibus missa clauditur, egressusque oratorium rex ab obviis ministris excipitur. Audito miraculo, retorquet ad ecclesiam gressum, vocatoque ad se viro; Verene, inquit, vides ô homo? Respondit, Vere domine mi rex. Et quid, inquit, me vides facere? Respondit ille: Dilectam mihi manum tuam extendis domine mi. Cui ille, Et modo quid? Et pauper ad eum, A medio, inquit, digito indicem dividens quasi oculis minitaris. Jam nunc tercio responde inquit, & quid agam edicto. Cui ille, Barbam, inquit, complederis rex. Tunc sanctus prorumpens in lacrimas ante sanctum altare decubuit, gratias agens danisque Deo totum, nichil sibi, illud proclamabat *Davidicum*, Non nobis Domine, non nobis, sed nomini tuo da gloriam.

De alio ceco similiter per beatum virum illuminato.

NON potuit latere quod tali loco, tali tempore, à tali persona actum fuerat, & vir ille cui

lux fuerat restituta, stipe regia sustentatus in curia, multo tempore supervixerit. Narratur ubique, per aquam qua rex manus abluerat, hominem oculorum amisisse caliginem. Gaudet *Anglia* prophetam sibi præesse, non regem, qui & morbos curaret & ventura prædiceret, qui & judicaret terram in justitia & populos in æquitate. Erat autem vir quidam *Lincolniæ* civitatis municeps cui casus vel morbus lumen ademerat, vitæque suavitatem ablorbuerat. Hinc nata tristitia. Et jam agenti in tenebris tercius effluxerat annus, cum tantæ virtutis fama in spe recuperandæ sanitatis erigitur, & quasi in semetipsum reversus, Quid est hoc, inquit? quid moror? Propheta in *Anglia* est, & ego cæcus sum. Ego in tenebris sedeo, & in tenebris ambulo, cum hic juxta me lux novæ sanctitatis resplendet, & in rege nostro Apostolica virtus emineat. Accidit inter hæc hominem sompno sopiri, & ecce in visione nocturna citum ei remedium promittitur, si eadem qua cæcum curatum didicerat medicina & ipse potiretur. Nichil ulterius hæsitans vir accessit ad Curiam, & à cubiculariis desideratum sibi munus & dari petiit & promeruit. Abluitur facies lavacro salutari, & mox tenebris diuturnis lux optata succedit. Agit gratias homo, & ipse deinceps regis sanctitatis assertor ad patriam revertitur, summam suis reportans cum sanitate lætitiā.

De quodam ceco regio tactu similiter curato.

ACCIDIT aliquando regale palacium construi in loco cui *Wubeham* nomen est. Missa est à magistris operum ad ligna cædenda rusticorum non parva manus. Qui post laborem cibo faciati, cum sol meridiano fervore inclementius æstua-
ret, huc illucque dispersi per umbras, dederunt membra quieti. Post modicum vero cæteris ad opus injunctum alacriter redeuntibus, adolescens quidam *Wulfwinus* nomine surrexit à somno, apertisque oculis nichil videbat. Contorquet miserum caput hac atque illac, fricat frontem manu, digitis oculos tergit, sed non extergit caliginem. Intellexit tandem se privatum lumine, & mox in clamorem lacrimasque prorumpens, socios advocat, casum exponit. Præbent illi quale possunt ejus infelicitati solatium, & manuducatum præstantes reducunt ad propria: sedit in tenebris, & umbra mortis annis uno de viginti, & ecce tempus miserendi ejus. Die quadam infelicitatem suam miserabiliter deploranti, matrona quædam honestæ vitæ gravis moribus miserum consolatura advenit. Quæ dum de statu ejus ut multis moris est, percunctata fuisset, & ille prout tunc animo habebat, respondisset: Ego, inquit illa, missa sum ad te boni nuncii bajula, quod si fueris absque ulla dubitatione sequutus, tibi mox excussis tenebris lux amissa reparabitur. Cæpit homo gestire præ gaudio, & virtute majora promittens, tale meruit à muliere responsum accipere. Oportet te, inquit, mi amice, ecclesias numero octoginta nudis pedibus & absque lineis circumire, Sanctorum cum summa humilitate postulare suffragia, & sic fide non ficta, spe certa, hylari spiritu ad palacium properare recepturum ex regis manibus pristinam sanitatem. Ille nil moratus, ductore petito, sicut ei fuerat imperatum ecclesias visitavit, & sic fide plenus Curiam ingressus quærebat qui eum principi nunciaret. Pertæsi omnes multi-

multitudine adventantium pauperis neglexere clamorem; insuper increpabant eum ut taceret. Et ille cæci illius Evangelici imitator egregius multo magis clamabat. Victi tandem pulsantis importunitate ministri, ejus causam referunt regi. Ille jam hiis assuetus operibus, *Veniat*, inquit, *quis enim ego sum qui contrister & non potius exultem, si meis manibus licet indignis promissum beneficium pauperi pietas divina contulerit?* Vocatus affuit vir eaptus oculis, & rex tinctis aqua digitis linxit faciem, & orbiculis tenebrosis signum crucis impressit. Affuit mox gratia Salvatoris, & inter manus regis ab oculis utrisque ubertim sanguis effluxit, serenavit pupillas; tumorem deposuit palpebrarum. Sic homo redditus luci & astantem sibi intuens regem, *Video te*, inquit, *domine mi rex, & facies tua tanquam facies angeli stantis ante me.* Egit rex gratias Deo, ipsumque regii palatii juxta ecclesiam beati Petri apostoli quoad viveret, jussit esse custodem. Vixit autem usque ad *Willielmi* magni tempora, virtutis *Edwardi* testis expertus.

De tribus cæcis & uno monoculo per beatum virum illuminatis.

Miranda quidem hæc; sed plus miranda sequuntur. Inveni sunt ante fores palatii viri quatuor unius oculi fruantes solatio. Nam tribus omni privatis unus præibat monoculus, in modico plane fidelis, ut multa recipere mereretur. Compatitur tantis eadem calamitate laborantibus quidam de palatinis, qui ex regis manibus tantam videns exisse virtutem, portionem aquæ qua fuerat lux cæco restituta, fide plenus pio furto surrepsit, credens illam etiam in plurimis operatum iri, quod in uno tam evidenter eam viderat & efficaciter operatam. Egreditur ad miserum vir fidelis, rogat eos confidere in Domino, & per merita sancti regis reparandam sibi credere sanitatem. Deinde adhibito lavacro tenebrosas pauperum facies lavit, signavit pollice, & non ut sua Deus, sed beati *Edwardi* merita respicere dignaretur, oravit. Affuit statim manus Domini, & releratis palpebris lumen desideratum infudit. Nox eis in diem vertitur, & facies tenebrosa solis splendore perfunditur. Ita septem lucernæ ex virorum quatuor fronte lucentes, *Edwardum* nostrum clariorem cunctis seculis reddiderunt. Hæc de cæcis quibus visum restituit, interim scripsisse sufficiat, ut in hoc ultimo miraculo quo de lucernis septem fecimus mentionem, regem sanctum septiformi Spiritus sancti gratia doceamus esse repletum; cui spiritus timoris Domini, depulsis superbix tenebris, humilitatis oculum reaseravit; cui infidelitatis cæcitate deterfa, fidei lumen spiritus pietatis infudit; quem spiritus scientiæ, fugata caligine falsitatis, lumine veritatis illustravit; quem spiritus fortitudinis cunctis tam corporalibus quam spiritualibus reddidit hostibus fortiolem; qui tenebris ignorantix pulsus, per spiritum consilii lumen discretionis optinuit; quem de terrenis ad cœlestia, de corporalibus ad spiritualia, de nocte mundi hujus ad contemplationem cœlestium luminum spiritus transfudit intellectus; quem prophetiæ lucis gratia, & divinorum cognitione consiliorum spiritus sapientiæ muneravit. Merito proinde luce septemplici exteriores hominum oculos depulsa cæcitate perfudit, qui septem

oculorum lumine qui in agro cœlesti visi sunt, interiorius illustrati promeruit.

Quid de duobus filiis Godwini Comitis rex prophetaverat.

Sed jam aliqua de hiis quæ ei sunt de futuris vel secretis cœlestibus revelata, Deo nobis facultatem tribuente ponamus. Sedebat ad mensam aliquando rex beatus, & à latere ejus Comes *Godwinus* pater reginæ, de quo superius fecimus mentionem. Hujus duo filii pueri adhuc *Haroldus* & *Tostinus* ludentes coram eis, cum unus ex illis amariùs quam expetebat ludi suavitas insurrexisset in alterum, ludum verterunt in pugnam. Et ecce *Haroldus* vehementius in fratrem irruens, utramque manum capillis ejus inseruit, prostratumque nisi citius eriperetur, virtute superior suffocasset. Tunc rex versus ad ducem, *Nichilne*, inquit, aliud ò *Godwine*, nisi simplicem in hiis vel ludum puerorum, vel pugnam contemplaris? Et ille, *Nichil aliud domine mi rex.* Longe, ait, aliud mea mihi mens loquitur, & quid hiis futurum sit pueris per hoc mihi bellum revelatur. Emensis quippe puerilibus annis cum in virum uterque profecerit, utriusque pectus adversus invicem livor aduret, & primum circumventionem insidiisque privatis quasi ludere videbuntur, ad ultimum fortior infirmiore proscibet, rebellantem prosterneat, & prioris mortem post modicum sequens alterius calamitas expiabit. Quæ omnia sic completa tota *Anglia* teste probantur. Nam *Tostinus* ab *Haroldo* fugatus, cum paulo post ipse in regnum successisset *Edwardo*, comitante se rege *Normania* *Haroldo* cognomento *Harfager*, multa classe cum exercitu multo contra fratrem pugnaturus applicuit in *Angliam*. Contra quos aciem producit *Haroldus*, victor exitit, *Tostinus* in bello prosterneatur, rex *Normania* lapsus fuga in unam navim cum paucis sese recepit. Eodem anno *Haroldus* ipse regno spoliatus *Anglorum* aut misere occubuit, aut ut quidam putant poenitentia tantum reservatus evasit.

De miserabili morte Godwini Comitis.

Sed quia iterato sermonem incidimus de *Godwino*, inferendum arbitror quemadmodum eum prodicionum suarum donatum stipendiis divini iudicii ultrix ira consumpserit, detestandique facinoris quod in regem fratremque ejus commiserat, populo spectante ipsam quam meruerat poenam exolverat. Ille enim simplicitate regis abutens, multa in regno contra jus & fas pro potestate faciebat, & ad iux iniquitatis consensum sæpe regis animum inclinare temptabat. Tandem eoque ejus processit astutia, ut omnes fere regis cognatos & amicos quos de *Normannia* vel adduxerat vel vocaverat, tam episcopos quam aliarum dignitatum clericos & laicos, fraude, dolo, circumventionem de patria perturbaret, credens sibi cuncta pro votis [successura] si necessariis nudatus amicis suis tantum uteretur rex consiliis. At *Edwardus* pro loco, pro tempore, pro religione cuncta dissimulans divinis vacabat obsequiis, Dei justiciam tantam ducis ultum iri maliciam prædicens aliquando etiam illud ipsum ipsi *Godwino* non tacens. Die itaque quadam quæ populo celebris habebatur, cum rex præfente *Godwino* mensis regalibus assideret,

fideret, inter prandendum unus ministrorum in obicem aliquem inmoderatus uno pede impingens pene lapsum incurrit, quem tamen pes alius recto gressu procedens iterum in statum suum nichil injuriæ passum erexit. De hoc eventu pluribus inter se loquentibus, & quod pes pedi subvenerit gratulantibus, Comes quasi ludendo intulit, Sic est frater fratrem adjuvans, & alter alteri in necessitate subveniens. Et rex ad ducem, Hoc, inquit, meus mihi fecisset si *Godwinus* hoc permisisset. Ad hanc vocem *Godwinus* expavit, & tristem admodum præferens vultum, Scio, ait, ô rex, scio, adhuc de morte fratris tui tuus me accusat animus, nec adhuc eis æstimas discredendum, qui me vel ejus, vel tuum vocant proditorem: sed secretorum omnium conscius Deus judicet, & sic buccellam hanc quam manu teneo guttur meum faciat pertransire & me servet illæsum, sicut nec tuæ proditiōis reus, nec de fratris tui nece michi conscius existo. Dixerat, & buccellam inferens ori, usque in gutturis medium protraxit. Temptat interius trahere, nec valuit; temptat emitte, sed hæsit firmitus. Mox meatus quibus ducebatur spiritus obcluduntur, evertuntur oculi, brachia rigescunt. Intuetur rex infeliciter morientem, & ultionem sentiens in eum processisse divinam, astantes alloquitur, Extrahite, inquiens, canem istum. Occurrunt filii, protractumque de sub mensa thalamis inferunt, ubi post modicum debitum proditori sortitus est finem.

Quid ei Dominus de septem dormientibus spiritualiter revelaverit.

Non satis ammirari possum quænam fuerit causa quod eo tempore quo cultu regio clarior, quo procerum circumfusis comitatu severior, quo laucioribus epulis intuentium æstimatione videbatur effusior, habundantiorem spiritualium revelationum gratiam meruerit; sed nimirum homo in facie, Deus autem videt in corde. Portabat certe gladium, sed pro officio; utebatur regalibus, sed pro sacramento; multo stipatus milite incedebat, sed pro necessitate; sullimis in convivio residebat, sed pro consuetudine. Felix qui hiis omnibus sic usus est ut non sit abulus, corpus tradens terrenis, & cœlestibus spiritum miscens. Hinc quod in die Dominicæ resurrectionis imperiali stola circumdatus, cum dextram sceptrum, caput ornaret corona, jam cœlestis agni carnibus saginatus regiam accessit ad mensam, spiritualibus magis quam carnalibus epulis reficiendus. Timens enim ut arbitror, ne forte mensa fertilior, cultus festivior, pompa splendidior, animum cœlo intentum sibi vel modicum inclinaret, artius solito se collegit ad se, & ponens præ oculis Deum, omnia hæc terrena arbitrabatur ut stercorea, cum subito vultus ei plus solito serenabatur, interiorque lætitia labia solvebat in risum, rursusque solita gravitate resumpta, obscuriorem faciem præferebat. Mirabantur qui astabant & qui residebant, & licet ex hiis quæ acciderant secretum aliquid regi divinitus revelatum nequaquam ambigerent, nemo tamen audebat eum interrogare quid accidisset. Finito tandem convivio mensique sublatis, rex beatissimus thalamum ingreditur, regium depositurus ornatum. Sequutus eum Comes *Haroldus*, accitoque uno episcoporum & abbatum uno, simul regem super hoc sermone conveniunt. Tunc

ille: Beatus, inquit, cujus est nomen Domini spes ejus, & non respexit in vanitates & insanias fallas. Quantum enim se quisque vanis subtraxerit, tantum veris artius inhærebit. Ecce quidem ego inter secundos calices & pingua fercula ac radiantis metalli splendorem recordatus sum Domini Dei mei, & effudi in me animam meam, dilatoque sinu mentis oculus interior speciali perfusus lumine radios usque *Ephesorum* civitatem mira celeritate porrexit, & usque in montem *Celion* progressus, sanctorum septem dormientium quiescentium in spelunca proprietatem vultuum, membrorum quantitatē, qualitatem vestium expressione manifestissima contemplatus est. Hæc dum interiorē risu significante lætitiā luminoso corde conspicerem, subito me cernente à latere dextro super quod multis quieverant annis in sinistram se latus virtute vertentes divina, dirum mortalibus omen hac laterum mutatione suorum signarunt. Exhinc enim, ut in Evangelio scriptum est, *Surget gens contra gentem, & regnum adversus regnum, & erunt pestilentie, & fames, & terra motus magni erunt per loca.* Hiis quippe septuaginta annis, tantum enim temporis in sinistro latere repauserant, visitabit Dominus iniquitatem plebis suæ, tradens eos in manus gentium, ut dominantur eorum qui oderunt eos. Inimici namque nominis Christi in Christianos insurgent, servi Domini rebellabunt, reges insidiabuntur regibus, & principibus principes, & in omnibus terris ultor injuriæ Christi mucro defæviet. Obstupuerunt omnes qui audiebant verbum, & quia extra orbem positi de septem dormientibus nichil audierant, inquirentibus qui essent & unde, rex vitam illorum, & nomina, & passionem, & dormitionis modum exposuit. Quibus auditis, inito consilio ut fidem posteris facerent, ad explorandam sermonis veritatem, dux militem, episcopus clericum, abbas monachum, cum regis epistola ad Imperatorem *Constantinopolitanum* dirigendos putant. Qui ubi ad urbem regiam pervenerunt, ab Imperatore honorabiliter suscepti sunt. Læctis autem literis exultavit in gaudio spiritus ejus, & thesauros Gratiæ Anglis divinitus revelatos plurimum gratulabatur. Mittuntur *Ephesum*, & ex Imperatoris mandato, episcopus cum clero & populo præcedunt legatos, introductisque cum aromatibus in speluncam, Sanctorum corpora facies & vestes, & ipsos in latere sinistro repauserant ostendit. Et ecce timor magnus irruit super eos videntes omnia signa in martiribus in Græcia, quæ rex sanctus in *Anglia* Dei Spiritu docente didicerat. Facta itaque oratione oblatisque muneribus, cum summa prosperitate repatriant, Græcis exultantibus in hiis quæ audierant & viderant, sicut dictum est ad illos, nunciis tam *Anglorum* regi quam plebi inauditum miraculum, & fidei certum reportantibus argumentum. Regem non fessellit oraculum, quoniam ipso ad regnum cœleste translato, cuncta terrarum regna commota sunt. *Siria* paganis subiecta, destructa monasteria, diruta à fundamentis ecclesiæ, plena funcribus omnia, morte principum *Græcorum*, *Romanorum*, *Francorum*, *Anglorum*, & regna cætera perturbata. Liquet igitur regem sanctissimum, spiritu prophetiæ gratia ampliore ditatum, cui uno eodemque tempore & patuere præterita, neclatuere præsentia, futura quoque nichilominus revelantur.

De anulo quem sanctus rex beato Johanni Evangelista dedit, & quomodo eundem receperit.

In terea rex sanctus ævo jam gravis militiæ suæ stipendiis parabatur, augebatur ei in dies circa Deum & Dei matrem affectio, circa sanctos Dei devotio, inter quos beatissimum *Petrum* ut specialem patronum suum venerabatur, discipulum illum quem diligebat *Jesum*, ob singulare privilegium castitatis mira mentis dulcedine amplectebatur. Apud Deum pares arbitrabatur utrosque, cum alteri totius ecclesiæ primatum Christus contulerit, alteri suavitatem sui amoris copiosius indulserit. Quod isti defuit de primatu, supplebat affectus, & quod illi minus habuit ex affectu, collata dignitas recompensabat. Unde congrue simul vocantur à Christo, simul in monte fuere cum Christo, simul missi sunt ad coenaculum grande stratum ut Pascha pararetur Christo, simul ad monumentum currebant ut Christi resurrectio probaretur, simul ascendebant in templum ad horam orationis nominam ut claudus curaretur. Et quid hoc apostolo dulcius, qui à pectore *Jesu*, & ab uberibus ejus inebriabatur sapientia, & dilectionis ejus lacte potabatur? Hæc & hiis similia beatus *Edwardus* admiratione diligenti perpendens, post apostolorum principem hunc amicum *Jesu* artius diligebat, ejus libens insistebat obsequiis, frequens ei sermo de ejus excellentia, frequens de illius virginitate meditatio. Accidit autem ut ecclesia in honore ipsius apostoli constructa Deo sub nominis ipsius titulo consecraretur. Præfuit dedicationi rex beatus, & ob honorem Evangelistæ lætus divinis officiis assistebat. Cum igitur processionem sequens multo milite stiparetur, subito quidam in habitu peregrino clamabat ad regem, aliquid elemosinæ pro sancti *Johannis* amore sibi postulans impartiri. Injecit mox rex manum crumenæ, sed ille jam in opus simile omnia quæ fuerant illata consumpserat. Instat peregrinus, multiplicat preces. Vocat thesaurarium rex, sed obfistente turba non affuit. Angebatur animo sanctus, & quid faceret ignorabat. Tandem anuli reminiscens qui digitum ambiebat, festinanter abstractum peregrino perrexit. Ille tantæ munificentiae gratias agens, vel recessit, vel disparuit. Accidit postea viros duos ad adorandum Salvatoris sepulchrum *Jerosolymam* proficisci; qui die quadam à publica strata declinantes devia quæque sequuti sunt. Et ecce sole ruente dies clauditur, aer suffunditur tenebris: viri quid agerent, quo diverterent, non occurrat. Illis itaque subsistentibus, & de hiis quæ acciderant conferentibus, grex juvenum albis ornatus præterit intuentes, duobus præcedentibus cereis interfecantibus mira luce noctis obscurum. Sequebatur præcuntes adlaterantibus eum viris duobus senex quidam nivea cæsarie venerandus, cui & mira vultus suavitas & innata gravitas conferret gratiam, venustatem augetet. Hic juvenes respiciens modicum substat, Et heus! inquit, ô viri, quinam estis vos, & unde estis? Quæ vobis patria, quis rex, quæ lex? quæ peregrinationis vestræ causa? Ad quem illi, Natale solum nobis *Anglia* est, Rex *Edwardus*; Christianis legibus subditi, sacratissima Dominicæ passionis & resurrectionis loca visitare disponimus. Sed hodie casu divertentes à sociis, ut verum fatea-

mur venerabilitati tuæ, ubinam loci sumus, quis suscipiat hospicio, quis debitam humanitatem exhibeat ignoramus. Tunc senex ut erat hylaris vultu, facieque jocunda, intuens intuentes, Sequimini me, inquit, & Dominus tribuens omnia vobis necessaria procurabit. Gratias agentes illi, & senem comitati, nobilissimam ingressi sunt civitatem. Susceptis hospitio mensa paratur, lautissimeque refecti dant membra quieti. Mane facta, egredientes senex comitatur, & extra urbem jam positos, hujusmodi verbis alloquitur. « Viri fratres, cum summa prosperitate vos repatriaturos non dubitetis, quoniam prosperum iter faciet vobis Deus salutarium nostrorum, & ego ob amorem regis vestri in omni via hac qua gradiemini, firmabo super vos oculos meos. Ego enim sum *Johannes* Apostolus & Evangelista, discipulus ille quem diligebat *Jesus*, qui ipsum regem vestrum ob meritum castitatis summa dilectione complector, quem rogo vice mea salutetis; & ne deroget fidem oraculo, hunc ei anulum quem mihi in dedicatione ecclesiæ meæ in habitu peregrino apparenti tribuit resignate, denunciante ei obitus sui instare diem, quem infra sex menses visitans visitabo ut mecum sequatur agnum quocunque ierit; in quo cum mentis integritate carnis mundicia & morum pulchritudo convenit. Dixit; & statim viri in loco se quem ipsi delegerant invenerunt. Cum summa autem alacritate ad patriam revertentes, repræsentant anulum regi, exponunt oraculum, & seorsum ab aliis conferunt de regis sine sermonem: statim ad nomen *Johannis* rex prorupit in lacrimas, & cum de omnibus quæ viderant vel audierant diligentius inquisisset, cum gratiarum actione nuncios remisit ad propria.

De infirmitate regis, & monasterii sui dedicatione Westmonasterii.

Tali igitur edoctus oraculo beatus *Edwardus* obitum suum longe ante præcivit, unde & postmodum ad patriam profecturus, ydoneos nuncios, preces videlicet & lacrimas, sedulo præmittebat. Sed & larga manu thesauros distribuit, faciens sibi amicos de mammona iniquitatis, qui eum reciperent in æterna tabernacula. Verum constructam jam beati *Petri* basilicam ante obitum suum voluit dedicari, pulchram operum suorum consummationem æstimans, si ecclesiam quam in peccatorum suorum remissionem & voti recompensationem renovandam susceperat, pontificali benedictione in vita sua cerneret consummatam. Appropinquabat dies festus cæteris lætior, quo Salvator noster *Jesus* trabea mortalitatis indutus, de utero virginali tanquam de thalamo sponsus processit; in quo *Anglorum* tota nobilitas ad regis curiam debuit convenire, & regi more suo sceptris simul & corona decorando assistere. Cogitans ergo quemadmodum posset ipsa consecratio sollempnius exhiberi, decrevit festivitate peracta regali, die sanctorum *Innocentii* celebritatem istam compleri. Cum in ipsa nocte Dominicæ nativitatis febre corripitur, & mox instans jocunditas vertitur in dolorem, festivitas in fletum mutatur. Dissimulavit tamen, duplici ut arbitror consolatione præventus. Nam & transitum suum ad superna imminere sentiebat, & dulcissimæ nativitatis dulcissimi *Jesu* sacra sollempnitas

mentem

mentem ejus plurimum jocundabat. Igitur tribus diebus victor naturæ, & de ipso morbo triumphans regalia instrumenta sustinuit, & sollempni convivio inter episcopos, & proceres cum qua potuit alacritate refedit. Tercio autem die sentiens vocationis suæ tempus adesse, jubet ut paratis omnibus die crastina consecraretur ecclesia. Paravit & ipse donaria, varia protulit ornamenta, diversa vasorum genera sepeparavit, descripsit possessiones, quibus omnibus sanctissimum illud oratorium & dotaretur & ornaretur & ditaretur. Illucescebat igitur sanctorum *Innocentium* jocunda festivitas, & convenientibus in unum episcopis, cunctisque regni proceribus sacra dedicationis sollempnitas inchoatur. Rex quantum validus permittebat favebat officio, sed regina omnia disponens, omnia procurans, sollicita de omnibus, intenta omnibus, utriusque vicem implevit. Peractis itaque omnibus pro tanta sollempnitate, quasi diceret rex Consummatum est, inclinat in lectulo caput, & ex hinc cœpit gravi dolore fatigari. Tunc mœror & luctus omnium, una vox plangentium. Præsentiebant plures ejus in morte desolationem patriæ, plebis exterminium, totius *Anglicæ* nobilitatis excidium, finem libertatis, honoris ruinam.

De visione quam vidit in extremis.

Circumstant palatini, ante lectum regina prosternitur, artus frigescens proprio gremio fovet. Cum ecce vel resolutus in sompnum, vel ægritudinis more depressus, vel quod credibile est, in mentis raptus excessum, biduo fere jacebat exanimis. Tandem quasi de gravi sompno evigilans aperuit oculos & refedit, erectisque in cælum manibus, "Deus, inquit, omnipotens, in cujus diuione sunt cuncta posita, qui nosti omnia antequam fiant, regna transferens & mutans imperia, & reddens iniquitates patrum in filios, si ea quæ mihi revelata sunt ex veritatis luce processerunt, præsta voci meæ vocem virtutis, & da sermonem rectum & bene sonantem in os meum, ut enarrem mirabilia tua, & discant qui me audiunt timere te, & in spiritu humilitatis & in animo contrito placare faciem tuam, ut poeniteat te super malo quod proposuisti facere populo huic. Mira res; vix orationi finem dederat, & ecce robur corpori, voci virtus accessit, resolvit linguam gratia quam vinxerat ægritudo. Mirantur qui aderant, quomodo is qui pressus paulo ante morbo vix poterat ab ipsis audiri, subito vocem extulit, ac vires pristinas, sonumque clariorem sermo recepit. Assumpta igitur parabola vir beatus refert verbis luculentissimis hujusmodi visionem. "Cum adolescens in *Normannia* exularem, grata mihi semper extitit bonorum amicitia, & quibantur meliores, hi mihi erant cæteris familiariores. Inter quos viros duos speciali quadam michi devinxerant caritate conversationis honestas, vitæ sanctitas, suavitas morum, verborum affabilitas. Hos frequentius visitabam, quam dulcia faucibus meis eloquia eorum, super mel & favum ori meo. Sic quidem vivebam, & in talibus vita spiritus mei. Hos ante plurimos annos translatos ad cælos vidi mihi paulo ante in sompnis assistere, quid genti meæ post obitum meum sit futurum ex dei mihi mandato referentes. Impletam dicunt Anglorum nequiciam, & iniquitas consummata iram provocat, accelerat vindictam. Sacerdotes prævaricati

sunt pactum Domini, polluto pectore & manibus inquinatis sancta contrectant, & non pastores sed mercenarii exponunt lupis oves, non protegunt, lac & lanam quærunt non oves, ut detrulos ad inferos mors & pastores depascant & oves. Sed & principes terræ infideles, focii furum, prædones patriæ, quibus nec Deus timori est, nec lex honori, quibus veritas oneri, jus contemptui, crudelitas delectationi. Itaque nec servant prælati justitiam, nec subditi disciplinam. Et ecce Dominus gladium suum vibravit, arcum suum tetendit, & paravit illum. Ostendec deinceps populo huic iram & indignationem, immisiones insuper per angelos malos, quibus traditi sunt anno uno & die uno, igne simul & gladio puniendi. Hæc illi. "Ego vero ob intemptatam meæ genti calamitatem dolens atque suspirans, & inquam, Cœlestium secretorum conscii, si conversi egerint poenitentiam nunquid non ignoscet deus & relinquet post se benedictionem? Poenitentia certe prolata ore dei in *Ninivitas* suspendit sententiam, quæ etiam imminens impiissimo *Achab* debetam ultionem. Suadebo igitur genti meæ ut poeniteant de præteritis & caveant de futuris, & sic forte miserebitur deus, ut non inducat super eos malum hoc grande, sed qui punire præparavit adversos, recipiat in gratiam solita bonitate conversos. Nequaquam, inquiunt, quoniam induratum est cor populi hujus, & oculi obcæcati & aures aggravatæ, ut nec audiant corripientem, nec intelligent ammonentem, nec terreantur minis, nec beneficiis provocentur. Hiis eorum verbis dum mihi major accresceret sollicitudo, Itane, inquam, in perpetuum irascetur deus, & non apponet ut complaceat sit adhuc? Quando tot tristibus læta succedent? aut tot adversa qualis consolatio temperabit? Quale sperandum est in hiis malis remedium, ut sicut illinc terret & contristat afflictio, ita hinc aliquantulum mulceat divinæ miserationis promissio? Ad hæc sancti tale mihi problema proponunt. Arbor quælibet viridis à suo trunco decisa ad trium jugerum spatium à radice propria separatur, quæ cum nulla manu hominis cogente, nulla urgente necessitate, ad suum truncum reversa in antiquam radicem sese receperit, resumptoque succo rursus floruerit & fructum fecerit, tunc sperandum est aliquod in hac tribulatione solatium, & de ea quam prædiximus adversitate remedium. Hæc cum dixissent, ipsi cælo, ego vobis redditus sum. Assidebat narranti visionem regina, *Robertus* etiam sacri cultus palatii, dux *Haraldus* frater reginæ, *Stigandus* etiam qui ascendit cubile patris sui, & maculavit stratum ejus, vivente adhuc archiepiscopo *Roberto* cathedram *Cantuariensem* invadens; ob quod à summo pontifice suspensus paulo post crepuit & effusa sunt omnia viscera ejus. Is ad vocem narrantis obdormivit, nec terretur oraculo, nec fidem habuit prophetanti, sed potius regem confectum senio delirare submurmurans, ridere maluit quam lugere. At cæteri quibus erat mens sanior flebant ubertim & suspirabant, qui nichil secus quam ipse dixerat, aut à sacerdotibus aut à principibus fieri non ignorabant. Recordantur hæc ipsa summo sæpius narrata pontifici, ipsumque persæpe tum per legatos tum per epistolas eorum vesaniam increpasse, regemque ac reginam hiis malis curandis diligentiam adhibuisse, sed profecisse nichil. Experti sunt tandem regem sanctum hæc non de suo spiritu prophetasse,

phetasse, quando rex *Haraldus* qui contra iurjurandum quod *Willielmo* Duci fecerat regnum invaderat, ab ipso victus in prælio *Anglicæ* libertati finem dedit, initium servituti. Unde quidam præmissam similitudinem dicunt, pro impossibili regem statuisse, illi maxime qui totam *Anglorum* nobilitatem sic deperisse lugebant, ut ex ea gente nec rex, nec episcopus, nec abbas, nec princeps quilibet vix in *Anglia* cerneretur.

Expositio problematis à rege propositi.

Michi sane alia mens est consideranti sanctissimum virtum *Dunstanum* & ipsam calamitatem prædixisse, & consolationem nichilominus promississe. Potest proinde sic non inconvenienter exponi. *Arbor* hæc regnum *Anglorum* significat, decorum gloria, divitiis deliciisque fecundum, excellentia regis dignitate fullime. *Radix* ex qua totus honor iste processit regum semen fuit, quod ab *Alfredo*, qui primus *Anglorum* à summo pontifice unctus & consecratus in Regem fertur, recta successionis linea usque ad sanctum *Edwardum* descendit. *Abscisa* est *arbor à trunco*, quando regnum à genere regali divisum, ad aliud semen translatum est. *Ad spacium trium iugerum hæc facta est separatio*; quia in trium regum temporibus nulla fuit novis cum antiquo semine regali communio. *Haraldus* enim successit *Edwardo*, & *Willielmus Haraldus*, & *Willielmus* junior patri *Willielmo*. Accessit ad radicem *arbor*, quando gloriosus rex *Henricus* in quem totum regni decus transfusum est, nulla necessitate cogente, nulla spe lucri urgente; sed ex infuso ei amoris affectu abneptem *Edwardi Matildem* duxit uxorem, semen regum *Normannorum* & *Anglorum* coniungens, & interveniente opere conjugali de duobus unum faciens. *Floruit sane arbor*, quando de utroque semine imperatrix *Matillis* processit. *At tunc fructum fecit*, quando de ipsa noster *Henricus* velut lucifer matutinus exoritur, quasi lapis angularis utrumque populum copulavit. Habet nunc certe de genere *Anglorum Anglia* Regem, habet de eadem gente episcopos & abbates, habet & principes, milites etiam optimos, qui ex utriusque seminis conjunctione procreati aliis sunt honori, aliis consolationi. Si cui hæc displicuerit expositio, aut aliter ipse exponat, aut aliud tempus quo hæc expleantur expectet, ne propheta prophetæ inveniatur contrarius; nec credatur sanctum *Edwardum* negasse quod novimus sanctum *Dunstanum* promississe. Hiis forte non inconvenienter insertis, ad narrationis ordinem redeamus.

De morte sancti Regis & exequiis.

Sciens itaque Rex quia appropinquavit hora ejus ut transiret ex hoc mundo ad *Christum*, jubet suos à fletibus temperare, nec lætitiā quam spes parciebat inuiti quadam interpolare tristitia. Et quasi hiis verbis astantes conveniens, *Si diligereis* inquit, *me, gauderetis utique, quia vado ad Patrem, promissa fidelibus gaudia percepturus, non meis meritis sed gratia Domini salvatoris qui misertus est cui volueris, & misericordiam prestat in quem sibi placuerit: vos autem amicum persequimini precibus, & obsecrantibus iter meum ad supera psalmis elemosinisque resistite, quoniam licet ab hiis superari fides*

crucifixi non posset, vix tamen quispiam ita perfectus est, ut vel impedire eum vel terrere non temperet. Reginam deinde fratri proceribusque commendans, ejus plurimum laudabat obsequium, & pudicitiam prædicabat, quæ se quidem uxorem gerebat in publico, sed sororem vel filiam in occulto. Imperat etiam quatinus omnia quæ ei dotis nomine munificentia regali contulerat, firma ei semper & illibata permaneant. Sed & eos qui eum de *Normannia* sequuti fuerant, indigenis sedulo commendabat, sive præligerent repatriare cum gratia, sive cum honore subsistere. In ecclesia sane beati *Petri* Apostoli quam à fundamentis ipse construxerat, sepulturam sibi fieri postulavit, suumque transitum mox omnibus propalari, ne mortis suæ cognitione dilata, orationum quoque suffragia differrentur. Omnibus igitur sicut oportebat dispositis, jubet sanctus sacerdos cum ecclesiæ ministris adesse, & mox exitum suum Dominici corporis & sanguinis perceptione munivit. Cernensque reginam inter ceteros flentem uberius & crebrius suspirantem, *Noli*, inquit, *flere filia mea, non enim moriar sed vivam, recedensque de terra morientium, credo videre bona Domini in terra viventium.* Totum se demum commendans Deo, in fide Christi, sub sacramentis Christi, in spe promissorum Christi, senex & plenus dierum migravit à seculo, & puram relinquens purus spiritus carnem auctori spirituum in æternum victurus conjungitur; Cui cœli cives obviant, cui claviger æthereus cœlum relierat, cui verax sui executor promissi discipulus ille quem amavit *Iesus Johannes* occurrit, cum quo virgine virgo sequetur agnum quocumque ierit. Obiit autem anno incarnationis Domini millesimo sexagesimo sexto cum regnasset viginti tribus annis, mensibus sex, & viginti septem diebus, Indictione quarta, pridie Nonas Januarii: cum quo tota pariter *Anglorum* felicitas ruit, perit libertas, vigor omnis interit. Dici non potest quantus mox omnes timor invaserit, occupaverit mœror, quomodo totam quoque insulam tenebrosus quidam horror impleverit, stabant[ad] exuvias sacras regis cognati ejus & amici, cum subito cadaver exanime quoddam futuræ beatitudinis præferret insigne, cujus vultus cœlesti rubore perfusus omnium assistentium in se convertebat aspectus. Mirantur omnes, sed nudati corporis gloria ausit admirationem quod niveo candore coruscans ita resplenduit, ut virginis illius decus etiam incredulos latere non posset. Parantur interim regales exequiæ, preciosis lintheis & optimis palliis corpus involvitur, pauperes Christi copiosis elemosinis sollevantur. Assunt pontifices, sacerdotum & clericorum frequens turba occurrit, duces regni cum Comitibus proceribusque conveniunt, agmina concurrunt monachorum, innumerable multitudo utriusque sexus de vicis & civitatibus ad regis exequias convolarunt. Hinc psalmi resonant, illinc lacrimæ gemitusque prorumpunt; ubique gaudia mixta dolori, cum omnes & in rege cernerent unde gauderent, & in se sentirent unde dolerent. Deferunt ad ecclesiam illud pudicitæ templum, virtutis domicilium, offertur pro eo sacrificium salutare. Et sic in loco quo ipse decreverat honorifice sepelitur, in die novissimo beata resurrectione donandus per *Iesum Christum* Dominum nostrum, cui est honor & gloria in sæcula seculorum. Amen.

Incipit Liber Secundus.

De contracto ad ejus tumulum sanato.

Rebus humanis exemptus quam potens fuerit in divinis beatus *Edwardus* mundum latere non potuit, cum nec virginei corporis virtus vel terra obrui, vel lapide claudi, vel cum ipso potuerit corpore sepeliri: vis enim quæ latebat in membris erupit in miraculis, quoniam dum cæcis visum, claudis gressum, infirmis sanitatē restituit, preciosam in conspectu Domini mortem *Ed.* certis indiciis declaravit. Inter pauperes quos in vita sua sanctus aluerat fuit quidam *Normannici* generis *Radolphus* nomine, qui nervis in poplite contractis, pedibus etiam ad celanda retortis, non solum naturali privabatur incessu, sed & genibus repere, ut ejusmodi debilibus moris est, dolore obfistente non valuit. Novum solacii genus adinvenit magistra necessitas, vas cavatum in formam pelvis acquirit, cui nates cum cohærentibus membris iniciens & sibi artius colligans anteriora manibus sustentabat, posteriora quasi per terram navigando trahebat. Rege igitur ad superiora translato, cum alimenta solita misero defecissent, molestius cœpit etiam debilitatem membrorum sustinere. Recolens autem viri dei qui eum vivens aluerat, cujus sanctitas ammiranda nec ipsum latere potuit, fide plenus suæ insidens naviculæ, infra cœtavum suæ depositionis diem ad sancti regis sepulchrum applicuit. Ibi regem quasi viventem conveniens, “Tu non es, inquit ille, qui corruptibili adhuc
 “came circumdatus debiles & ægrotos cœlesti vir-
 “tute curabas? Et ego quidem, domine mi, mem-
 “brorum dispendium lenius te vivente ferebam, cum
 “hac mihi causa cibi, potus, deliciarum vestesque neces-
 “sariæ copiosissimæ præstarentur. At nunc infirmi-
 “tatis inopia cumulante miseriam, aut tu quid mi-
 “hi faciendum sit, quo divertendum, cujus suppli-
 “canda majestas, cujus pietas expetenda non taceas:
 “aut ipse solito medicam manum adhibeas, ut quia
 “ad spirituales quibus nunc fruëris mihi fas non est
 “aspirare delicias, membra mihi quibus corporales
 “adquiram potenti virtute restituas. Dixerat, & ecce mox sanctitas regis emicuit, efflonit gratia, pietas invocata resplenduit: vis enim quædam occulta subito nervos extendens in naturalem statum erura pedesque retorquet, evulsisque à carne articulis sanguis profluit, paulatimque succo resumpto, arida prius ossa pristinum robur recipiunt. Gaudent astantes eandem in mortuo quam in vivente viderant effulsisse virtutem, & exhinc sacras *Edwardi* regis reliquias & visitare frequentius & propensius honorare satagebant, scientes eis ad sanandos infirmos morbosque pellendos Apostolicam gratiam non deesse. Porro vir ille receptis viribus stetit super pedes suos, gratias agens Deo & sancto *Edwardo*, qui post primam gratiam qua debile corpus aluerat, etiam nunc secundam adiciens, ipsam debilitatem amoverat.

De sex cæcis & septimo monoculo ad ejus sepulchrum illuminatis.

Diximus beatum *Edwardum* specialem in illuminandis cæcis dum ad viveret habuisse virtutem, hanc ei gratiam morte interveniente non esse substractam sequens capitulum declarabit. Adhuc de morte tritennarium pro rege celebrabatur officium, cum sex cæci unum sequenti monoculum ad sepul-

chrum regium properarunt. Mirabile spectaculum, cum alter ab altero traheretur, & unus præcedens oculis viris septem ducatum præstaret. Ab illo ergo quo gressus omnium regebatur, ante sacri corporis repositorium collocati, suam cum lacrimis exponunt miseriam, opem flagitant, contra diuturnæ caliginis tædium beatissimi Regis poscunt auxilium. Nee difficile putant in regione lucis quam nulla nox interpolat constituto, à domino lucis mortalibus corporibus lucem impetrare terrenam; nec minoris cum meriti choris immixtum angelicis arbitrantur, quam fuerat cum membris esset corruptibilibus involutus. Illis itaque in oratione persistentibus elementia divina non defuit, quæ & Sancti sui merita latius propalaret, & desideratum miseris solatium non negavit. Subito enim is qui dux fuerat cæterorum, caritatis suæ stipendium lumine duplicato recepit, sociosque respiciens, videt & ipsos novi luminis infusione splendere. Intuentur se mutuo, & unus ab alio sciscitatur an videat, stupent omnes & quasi extra se positi, nesciebant quia verum est quod fiebat, existimabant enim se visum videre. Tandem in semetipsos reversi, & magnam multitudinem divinæ bonitatis experti, erumpunt in vocem exultationis & confessionis, multis accurrentibus & ammirantibus præ gaudio, & laudantibus deum in sancto suo *Edwardo*. Illi autem qui munus salutis acceperant gratias agentes deo ad propria remearunt, beatissimi regis merita prædicantes & virtutem ejus argumento visibili comprobantes.

De victoria Regis Haraldi per beati Regis merita.

Interea *Haraldus*, *Godvini* filius, regnum quod secundum fidem sacramenti debuerat servasse *Willielmo* Regis *Edwardi* consobрино, sibi nec jure debitum nec natura, irreverenter usurpans, malum quod *Anglis* secundum sancti Regis oraculum Dominus præparaverat, transgressionem pacti & fidei acceleravit læsione. Ut autem attenuatis viribus facilius ab hiis quos injuste provocaverat hostibus vinceretur, suscitavit ei à parte aquilonis inimicos, *Haraldum*, cognomento *Harfaun*, *Norwagencrum* regem, & *Tostinum* fratrem suum quem de *Anglia* ipse expulerat, & tempore regis *Edwardi* exulabat in *Flandria*. Hi cum magna classe per *Humberam* ad *Eboracum* properantes, cum exercitum *Northanhimbrorum* prælio exceperant, potiti victoria magnam de obfistentibus stragem dederunt. Hæc ubi *Haraldo* nuntiata sunt, exercitum copiosum ex omnibus finibus *Anglie* collegit, cum nocte quadam abbati cuidam religioso qui *Ramesiensi* præerat monasterio, *Alxi* nomine, beatus *Edwardus* in sompnis apparuit. Cujus cum majestatem vir sapiens expavisset, ille blande consolatus hominem; “Vade, inquit, & dic *Haraldo* ut homines qui contra jus & fas regni hujus fines invadunt aggrediantur secure, ego enim
 “ero dux & protector exercitus, quoniam justitiæ
 “hujus gentis deesse non possum, per quem reporta-
 “bit vice hac de hoste triumphum. Et ne verbis tu-
 “is fidem derogat secretum ei sui cordis ostende ut
 “cum ei [quod] nullo conscio menteolvebat
 “edixeris, non hæc tuæ ad inventionem sed meæ pro-
 “missioni ascribas. Necte quidem præterita cum
 “dolore torqueretur, licet cum non parum urgeret
 “molestia imminens, fuit tamen, reputans apud se
 “si publicaret languorem, quod & suis futurus esset
 “contemptus & hostibus irrisio. Hæc secum, verum
 quia

“ quia nunc sanitate succedente languori ab illa peste
 “ convaluit, de meo præsumens auxilio, contra bar-
 “ baros iustum bellum suscipiat, & ab imminente pe-
 “ riculo suos compatriotas eripiat. Exurgens à
 sompnis vir venerandus adiit *Haraldum*, exponit
 oraculum, & ne surriperet hæsitatio, secretum illud
 quod sanctus iusserat operiri ipso multum ammitan-
 te referavit. Tunc ille cœlesti promissione factis au-
 daciore, in manu valida usque ad provinciam *Eboracensem*
 progrediens, in loco qui tunc *Steinfordebrigge*, nunc autem ex rei eventu etiam *Pons belli* di-
 citur, hostes offendit: confertoque prælio dux uter-
 que prosteritur, rex videlicet *Norwagorum* &
 frater proprius *Anglici* regis *Tostinus*, peneque totus
 eorum deletus est exercitus. Itaque quod de duobus
 fratribus adhuc pueris longe ante prædixerat, &
 quod recenti visione vir sanctus promiserat, una
Haraldi victoria completum esse nemo qui ambigat.

*Quomodo cæcus beatum Edwardum vidit de sepul-
 cro exire, & ita visum recepit.*

Fuit præterea in monasterio beati *Petri* Apostoli
 juvenis haud ignobilis, decorus quidem forma
 sed utriusque fideris privatus officio. Hujus compa-
 rientes miseriam qui tunc præerant cœnobio, camp-
 nas cum quibus fratres ad quælibet agenda scitaban-
 tur pulsare iusserunt, & cæteras horas certis quibus-
 cumque sollempniis deputatas cimbolorum sonitu
 designare. Agebat igitur vir ille creditum sibi præ-
 denter officium, frequentabat ecclesiam, orationibus
 crebro insistebat, & beati regis merita adesse sibi se-
 culo precabatur. Accidit autem die quadam æstivo
 tempore, dum fratres hora meridiana quiescerent, &
 ut ipse decumbens in oratorio daret membra quieti,
 & ecce videt in sompnis beatum *Edwardum* egredi
 de sepulchro seque respicientem; deinde sompnolentiæ
 arguens hominem, jubet ei pulsando finem sompno
 facere, & fratres ad horam orationis nonam, quæ
 jam pene transierat, excitare. Hæc cum ei monita
 sanctus dedisset, videt ipsum regem coronatum ad
 altare procedere. Quem cum diligenter intuens, in
 splendorem illius corulci luminis oculos infixisset, visio
 beata disparuit. Expergefactus juvenis subito aperuit
 oculos, & hausto lumine redditam sibi pristinam sen-
 sit sanitatem. Detexit visionem fratribus, & attestati-
 one miraculi fidem verbis fecit, omnibus ammiran-
 tibus & benedicientibus deum in operibus suis, qui
 beato *Edwardo* post mortem dedit melius vivere, &
 ossa ejus mortua de loco suo miris operibus pululare.

*De injusta beati Wulstani depositione, & de justa
 ejusdem per beatum Regem restitutione.*

Beneplacitum est Domino super timentes eum, &
 in eis qui sperant super misericordia ejus. Hoc &
 beati præsulis *Wulstani* simplex justitia, & sancti
 Regis *Edwardi* potens magnificentia sequenti mira-
 culo declaravit. Cum enim rex *Willielmus* totam
 insulam subdidisset, ac rebelles quosque vel expul-
 set ab insula, vel mancipasset vinculis, vel servitute
 oppressisset, cœpit etiam cum suis de ecclesiasticis
 tractare negotiis. Fecit igitur synodum congregari
 præsentibus Apostolicæ sedis legatis *Hermenfrido*
Sedunensi episcopo, & presbiteris Cardinalibus *Jo-
 hanne* & *Petro*. A quibus *Stigandus*, qui ut superi-
 us diximus pollutis pedibus sanctuarium dei concu-
 caverat, omni gloria & honore spoliatus, & à rege
 perpetuo carcere condemnatus est. Successit huic in
 cathedra *Cantuariensi* Abbas *Lanfrancus* vir un-

decumque doctissimus, omnium etiam liberalium
 artium divinarumque simul ac secularium literarum
 peritissimus. Hic igitur quasi constitutus à Deo ut evel-
 leret & dissiparet & disperderet, & ædificaret & plan-
 taret, ecclesiam *Anglorum* ad novam quandam speciem
 revocare legationis suæ fultus auctoritate conatur.
 Cœpit autem mox corrigenda corrigere & statuenda
 statuere, clericis etiam & monachis honestiorem vi-
 vendi formam præscribere. Apud hunc vir domini
Wulstanus simplicitatis & imperitiæ accusatur, &
 quasi homo ydiota & sine literis deponendus, rege
 consentiente veletia hoc ipsum præscribente, decemitur.
 Igitur in synodo quam apud *Westmonasterium* rege
 præsentem celebravit. *Lanfrancus*, inter cætera quæ
 tractavit negotia, jubet venerabilem virum bacu-
 lum resignare cum anulo. At vir domini nec vultu
 mutatus nec animo, erexit se, & virgam pastorem
 manu tenens; “ Vere, inquit, domine archiepisco-
 “ pe, vere scio quia nec hoc honore dignus sum nec
 “ huic ydoneus oneri nec sufficiens labori: sciebam
 “ hoc cum me clerus eligeret, cum episcopi cogerent,
 “ cum me dominus rex meus *Edwardus* ad hoc offi-
 “ cium invitaret. Ipse auctoritate sedis Apostolicæ
 “ in meos humeros hoc onus refudit, & per hunc ba-
 “ culum me episcopali gradu investiri præcepit. Et
 “ nunc pastorem tu virgam exigis quam non
 “ tradidisti, officium adimis quod non contulisti. Et
 “ ego quidem insufficientiam non ignorans, & tuæ
 “ sanctæque synodi sententiæ cedens resignabo bacu-
 “ lum, sed non tibi, sed ei potius cujus eum auctori-
 “ tate suscepi. Hæc cum dixisset, cum suis accessit
 ad lapidem quo gloriosissimi regis exuvie claudaban-
 tur, & stans ante sepulchrum; “ Tu scis, inquit, do-
 “ mine mi *Edwarde*, quam invitus hoc onus suscepe-
 “ rim, quotiens subterfugerim, quotiens me cum
 “ quæreret absentaverim. Fateor insipientem factus
 “ sum, sed tu me coegisti. Nam licet non deesset fra-
 “ trum electio, plebis petitio, voluntas episcopo-
 “ rum, gratia procerum, hiis tamen omnibus tua
 “ præponderavit auctoritas, tua magis urgebat vo-
 “ luntas. Et ecce novus rex, nova lex, novus pontifex
 “ nova jura condunt, novas promulgant sententias.
 “ Te erroris arguunt qui iussisti, me præsumptionis
 “ qui consensi. Et tunc quidem falli potuisti ut ho-
 “ mo, sed nunquid modo conjunctus deo? Non igitur
 “ illis qui exigunt quod non dederunt, qui cum
 “ sunt homines fallere possunt & falli, sed tibi qui
 “ dedisti, qui jam inductus in ipsam veritatem er-
 “ roris vel ignorantie tenebras evasisti, tibi inquam
 “ resigno baculum, tibi curam eorum quos mihi
 “ commendasti dimitto, tibi secure eos committo cu-
 “ jus merita non ignoro. Hæc cum dixisset, ele-
 vata paululum manu, in lapidem quo sanctum corpus
 tegebatur infixit baculum, “ Accipe, inquit, do-
 “ mine mi rex, & cui libuerit trade illum. Et sic
 descendens ab altari exutus pontificalibus inter mo-
 nachos ipse monachus simplex resedit. Admiraba-
 bantur omnes cernentes virgam immerfam filici, &
 quasi radicibus niteretur, neque ad dextram neque ad
 sinistram declinare. Temptant eam quidam evellere,
 sed illa stabat immobilis. Fit in turba murmur &
 musitatio, accurrunt undiq; videntesq; magnalia dei
 stupent, hærent, nunc procedunt paululum, nunc gressu
 sistunt, nunc extendunt manum, nunc retrahunt, nunc
 quomodo ferrum inhæreat lapidi terræ decumbentes
 explorant, nunc crecti se invicem coartantur ut vide-
 ant. Res defertur in synodum, Sed *Lanfrancus* dictis

fidem non adhibens, accersito ad se *Gumulfo Roffensi* episcopo viro venerabili & religioso, jubet ut accedens ad sepulchrum, baculum quem Sanctus deposuerat proferat in medium. Paret superiori præful inferior, sed inventa est fortior virginei licet extincti corporis virtus, quam viventis episcopi manus. Ista baculum temptat evellere, quem illa licet inferior loco sed potestate superior, quasi à parte inferiori vi quadam mirabili teneretur, filici facit immobiliter inhaerere. Tunc præful *Lanfrancus* novitate miraculi stupefactus, & regem volens tantæ admirationis esse participem, mittit qui eum in synodum evocarent. Advenienti cum proceribus assurgit *Lanfrancus*, simulque ad Regis tumulum properantes, facta oratione manum apponit pontifex, baculum temptat eruere, sed obistente sancti Regis virtute conatus ejus desiderato caret effectu. Exclamat rex, plorat pontifex, uterque resonat gloriam Deo, laudes *Edwardo*, cujus in beati *Wulstani* promotione non errasse judicium certis indiciis declarabatur. Tunc *Lanfrancus* ad Sanctum accedens, « Vere, inquit, justus dominus & « justitias dilexit, æquitatem vidit vultus ejus, vere « cum simplicibus graditur, & cum simplicibus ser- « motinatio ejus. Derisa est à nobis tua frater ju- « sta simplicitas, sed eduxit quasi lumen justitiam « tuam & judicium tuum tanquam meridiem. Plan- « gendæ tenebræ quibus involuti dicimus malum « bonum & bonum malum. Erravit, erravit in te « frater judicium nostrum, & suscitavit Deus in rege « suo spiritum suum, qui nostram evacuet sententi- « am, & simplicitatem tuam Deo gratam omnibus « propalaret. Auctoritate proinde qua fungimur, « immo divino judicio quo convincimur, curam qua « te inconsultius exuimus iterum tibi committimus « & imponimus, scientes experti quoniam melius est « modicum iusto super divitiis peccatorum multas. « Melius plane modicum literaturæ cum fide quæ « in simplicitate cum dilectione operatur, super di- « vitias sapientiæ & scientiæ secularis, quibus multi « vel ad vanitatem humanæ laudis vel in avaritiam « turpis quæstus abutuntur. Accede igitur, frater mi, « accede ad dominum tuum, immo & nostrum: cre- « dimus enim quod sancta ejus dextera quæ nobis « baculum negavit, tibi laxata manu facile resignabit.

His auditis, sanctus pontifex sua usus simplicitate paruit imperanti, & accedens ad altare, « Ecce, in- « quit, ego domine mi *Edwarde*, ecce ego qui me tuo « commisi judicio, qui me tuæ sententiæ subdidi, cui « baculum quem concesseras resignavi. Quid nunc « tibi placet, quid vis, quid discernis? servasti certe « dignitatem tuam, meam purgasti innocentiam, tu- « am magnificentiam prodidisti. Si igitur adhuc de « me tua stat antiqua sententia redde baculum, aut « si mutata est, cui tradatur ediffere. Hæc dicens, levi tactu virgam temptat evellere; quæ manum ejus sequuta, ac in molli luto fuisset impressa defiliit. Accurrunt rex simul & archiepiscopus, prostrati veniam postulant, & se sancti viri orationibus commendant. At ille qui didicerat à Domino *Jesu Christo* mitis esse & humilis corde, ipsis æque prosternitur, & à tanto se pontifice benedici precatur. Quæ tunc inter sanctos episcopos lacrimæ, quæ suspiria, quam humilis de ipsa benedictione fuerit contentio, quis facile dixerit? Tandem mutuo benedicentes & manibus se tenentes in synodum redeunt cunctis exultantibus, multis autem & flentibus præ gaudio, omnibus au-

tem in commune Deum in suis sanctis mirabilem prædicantibus. Rex vero in amorem cognati sui & prædecessoris accensus, sanctissimum ejus sepulchrum theca de argento simul & auro fabrefacta, sicut in præsentiarum cernitur, miro studio decoravit.

De prima ejus translatione & corporis incorruptione.

CUM igitur hiis atque hujusmodi miraculis sanctus floreret *Edwardus*, erat inter fratres frequens de ejus sanctitate confabulatio. De die in diem circa tantum patronum cunctorum augebatur affectus, quo ad revisendas sanctas ejus reliquias magis ac magis incitabantur. Erat & inter eos amica quædam plærumque contentio, aliis affirmantibus virgineam carnem regis corruptionis expertem, integram & illibatam in sacro sui corporis hospitio detineri: aliis præ timore indicientibus illis de tanta præsumptione silentium, ne forte hac spe frustrata, facile tanti Confessoris gloria posset imminui. Cum enim, inquit, apostolorum, martyrum, innumerabiliumque sanctorum corpora sint resoluta in cineres, si hoc ipsum natura operetur in *Edwardo*, nec à nobis minus amandus, nec Deo minus videri debet acceptus. Hæc cum ante virum venerabilem ipsius monasterii abbatem *Gillebertum* cognomento *Crispyn* disputatio verteretur, discernit tanti patroni corpus omnimodis visitandum, & quid de hiis sentiendum sit, certis indiciis explorandum. Statuit igitur diem quo sancti viri reliquæ proferentur in medium, ut istorum fidei, illorum consuleretur affectui. Vocat autem ad hoc cœleste spectaculum personas honestas & religiosas, inter quas *Roffensis* episcopus *Gumulfus*, de quo superius fecimus mentionem, speciali gratia simul & gloria præminebat. Itaque tricesimo sexto anno ex quo rebus humanis excefferat, accedunt ad tumulum sancti viri qui ad hoc fuerant invitati, sullatoque lapide quo sarcophagum claudabatur, tanta odoris fragrantia omnium naribus, ut & ecclesia repletur, & in sepulchro aromata scaturire putarentur. Primum deinde pallium quo sacratissima membra fuerant involuta, pristinam venustatem & integritatem reservasse conspiciunt. Spe deinde gloriæ potioris animati, extracto pallio cætera ornamenta vestesque considerant, & omnia solida invenerunt & integra. Producunt brachia, plicant digitos, articulos explorant, & omnia sana, omnia flexibilia & antiquo reperiuntur vigore firmissima. Investigant postremo carnis integritatem pariter & colorem, quæ vitro purior, nive candidior, futuræ resurrectionis gloriam præferbat. At cum desideratam faciem ejus attingere omnes pariter timuissent, præfatus episcopus *Roffensis* testimonio conscientiæ vel amoris factus audacior, sudario quo caput sanctissimum tegebatur manum iniecit, & à parte inferiori descendens, barbani beata canicie niveam fide plenus extraxit, eam ac si viveret mento firmius inhaerere persentiens. Delectatus miraculo & desiderio ignitus pilum unum extrahere sibi que servare conatur; sed hæsit firmius, nec sequitur voluntatem effectus. Animadvertit hoc *Gillebertus*, & episcopum blande corripiens; « Sine, « inquit, pater, nec tanti regis velis infestare quietem, « nec integritati ejus quam *Christus* huc usque servavit aliquid minuere. Ad hæc episcopus, « Optime, inquit, loqueris abba. Non tamen conatum « hunc meum præsumptioni deposes sed devotioni, « cum reliquiarum ejus vel modicam portionem, si « mihi copia præstaretur, *Craesi* opibus prætulissem.

« Sed

« Sed quia regius animus aliquid sibi detrahi dedi-
gnatur, habeat sibi omnia sua, & cum integritate
« sua diem beatæ resurrectionis expectet. Itaque
retento pallio quo sanctissima ejus membra fuerant
involuta, aliud æque preciosum apponunt, diligenter-
que curatam glebam illam dulcissimam suo recon-
dunt in thalamo. Ubi per ejus merita plurima præ-
stantur beneficia; ex quibus ad laudem Domini no-
stri Jesu Christi pauca de pluribus credimus subne-
ctenda.

De puella ad ejus tumulum sanata.

Sanctissimus *Helyseus* propheta à pueris plus
Squadraginta derisus, sua maledictione ultus in-
juriam, universos bestias tradidit puniendos. Magum
impiissimum *Helymam* apostolos blasphemantem
beatus *Paulus* subita cæcitate dampnavit. Injuri-
am igitur sanctis suis illatam in se redundare *Chri-
stus* declarat, *Qui vos, inquit, audit me audit, &
qui vos spernit me spernit.* Hoc in suo Dominus *Je-
sus* ostendit *Edwardo*, ejus detrahentes sanctitati
cum magna severitate puniens, obsequentes ei be-
neficiorum collatione remunerans. Erat in civitate
matrona nobilis, *Matildis* nomine, artis purpurariæ
peritissima, quæ regum divitumque vestes ornare
auro, illustrare gemmis, picturis & floribus opere
polimito variare consueverat. Commiserat ei opus
non mediocris precii nobilissima quædam ac ditissi-
ma femina, quæ Comiti *Glovernia* nuptum tra-
dita paulo minor à regina habebatur, cæterisque
per *Angliam* Comitissis sicut divitiis, ita cultu vesti-
um nitebatur excedere. Instabat cotidie non solum
ut artificiose sed etiam ut celeriter omnia compleren-
tur. Aderat interea beati regis & martyris *Ed:* hujus
nostri principis patrui præclara sollempnitas, qui ab
impiis sine culpa peremptus, creditur innocentia
martyrio coronatus. Fluctuabat animo sapiens illa
mulier, & cum operis dilationem superbissimæ femi-
næ indignationem sibi crederet parituram, & san-
ctissimam festivitatem labore prohibito violare divi-
næ ultionis timeret esse materiam, Respiciens igitur
sociam operis adolescentulam, Quid tu, inquit,
inter laboris hujus necessitatem & sancti Regis *Ed-
wardi* festivitatem decernis? Nam vacare dispendio-
sum, operari autem in tanta festivitate arbitror peri-
culosum. Subridens juvencula: « Istene est *Edwar-
« dus* quem apud *Westmonasterium* hæc rustica mul-
« titudo veneratur ut regem? Rogo quid mihi & illi?
« vacent alii & suis cantibus vel plangent mortuum
« vel honorent, ego non magis pro eo quam pro ru-
« stico quolibet inceptum opus si jusseris prætermi-
tam. Expavit domina & incaluit cor ejus & in me-
ditatione ejus ignis exarsit, erupit in vocem in-
crepationis & indignationis, & quasi diabolico præ-
ventam spiritu blasphemam durissimis sermonibus
verberaret. Ridebat pedissequa, & dominæ suæ
simplicitatem irridens, blasphemiam blasphemis
cumulabat; cum subito multis astantibus paralyti
morbo corripitur, & os blasphemum usque ad dexte-
ram aurem retortum eam officio linguæ quo fuerat
abusa privavit: spumant labia, stridet dentibus &
arescit, miserabilique membrorum sinuamine corpus
omne torquetur. Hæc cum materfamilias juvenculæ
cerneret justo Dei judicio contigisse, dolor indigna-
tioni, luctus iræ successit. Flebat illa & domus ejus
tota, & quæ objurgaverat blasphemantem, misera-
tur tot tormenta & tam intolerabilia patientem, Res

innotuit civitati. Accurrunt multi, aut dominam con-
solaturi, aut pedissequam admiraturi. Quærenti au-
tem quid facto opus sit, astat persona quædam satis
ut videbatur veneranda, hortabatur ut impositam
navi miseram ad ipsius quem blasphemaverat cor-
pus sanctissimum deportarent, ejus meritis receptu-
ram remedium, ob cujus injuriam illatum sibi sen-
serat tam immane supplicium. Dixit, & factum est
ita. Delata est ad sancti Regis sepulchrum mulier
infelix, accensoque ad ejus mensuram cereo, domina
ejus vigiliis & orationibus insistebat. Luctus & eju-
latus multus circa illam, quoniam insanabilis vide-
batur dolor ejus, pessima plaga illius. Una & sola
spes omnium pietas *Edwardi*, qui didicerat à Do-
mino *Jesu* retribuere bona pro malis, dilectionem
pro odio. Torquebatur ergo tota nocte illa, cæteris
flentibus & orantibus. Orabant & pro ea fratres
monasterii, quorum Præpositus sollempnes super
eam letanias cum magna devotione edidit. Pugna-
bant in conspectu piissimi Regis oratio & ægrotudo,
iniquitas famulæ peccatricis & fides domini mis-
erantis, magnitudo criminis & multitudo doloris.
Vicit tandem *Jesum* meritis beati regis illa à qua
vinci solet misericordia, quæ mox in languida ob-
vians veritati sententiam quam illa dictaverat sua
lenitate temperavit. Itaque cum in dolore nocti
continuasset & diem, hora qua laudibus vespertinis
sacra illius festivitas diei claudebatur, inter psallen-
tium voces & gemitus orantium subito reddita sibi
sanitate intuebatur astantes, flentes ammirabatur,
ubi esset, quid passa, quo delata, quæ tanti doloris
causa sermone recepto requirit. Os quippe quod
morbus contraxerat, ad naturalia loca reversum,
formæ pristinae simul & sanitati donatur. Audiens
autem cuncta quæ acciderant erupit in lacrimas;
os, lingua, mens, sensus confessionem personant, &
interiorem contritionem crebra suspiria prodiderunt.
Tunc misericordiam & judicium cantabant qui ad-
erant Domino, qui percutit & sanat, mortificat &
vivificat, deducit ad inferos & reducit. Illa vero
gratias agens Deo & ejus beatissimo servo *Edwardo*,
cum domina sua incolumis remeavit ad propria.
Quandocumque deinceps nomen gloriosi Regis au-
diebat, tanto corripiebatur timore, ut pallor vultum
offunderet & cætera membra tremor occuparet.

*De quodam fratre à febre quartana per sanctum
Regem liberato.*

Erat præterea in monasterio quo sanctæ ejus re-
liquiæ servantur frater quidam *Osbertus* nomine,
cujus sincerissimam vitam decorabat scientia, illu-
strabat facundia, philosophia tam secularis quam ec-
clesiastica summius extollebat. Hic aliquando circa
medium mensis Julii quartana febre correptus, per
menses sex adeo vexabatur, ut natura morbo jam-
jamque cessura videretur. Exesæ carnes, sanguis
exhaustus, ossa suis vacuata medullis simulacrum
magis quam hominem præferebant. Aderat Domi-
nicæ nativitatis cunctis mortalibus amplectenda sol-
lempnitas, & vir ille duplici molestia fatigatur, cum
& vi febrium torqueretur, & hiis gaudiis non in-
teresse festivis ipsis ei febribus amarius videretur.
Intulit itaque fides vim naturæ, & devotio de mor-
bo triumphat, virumque Dei sacratissimi inter-
esse vigiliis contra spem omnium compulerunt. Et
jam circa gallicantum ut ea die continevit ecclesia,

missa celebratur, & evangelium, quo virginalem partum, pastorum vigiliis, excubias angelorum sanctus *Lucas* evangelista describit, recitatur, cum ille parvuli qui natus est nobis humilitatem, matris & virginis pietatem summa cum devotione considerans, totumque in lacrimas resolutus, & interiori latititia miro modo perfunditur, & exteriori quadam suavitate membra marcida refoventur. Plallit, spiritu plallit & mente; orat, spiritu orat & mente; & inter matrem & filium, inter sinum & præsepium, pia cogitatio cum loquutione discurrit. Extinctam credit quam diu pertulerat passionem, quam tamen pius *Jesus* ut *Edwardi* sui merita propalaret, suspenderat quidem sed non extinxerat. Biduo namque ob devotionem viri febres quadam virtute conclusæ divina, die tercio severius solito miserum corpus invadunt, & se artubus, nervis, juncturis quoque, imis etiam visceribus infundentes, doloribus, ac tortionibus tam interiora quam exteriora illius omnia dissecabant. In hiis tormentis cum dies posterior præcedenti videretur esse crudelior, advenit dies desiderata, qua gloriosissimus princeps *Edwardus* post gloriam temporalem Christo remunerante meruit æternam. Hora igitur illa qua pro tanti regis memoria immolabatur sacrificium salutare, accessit ad Sancti tumulum languidus, & prostratus solo, quasi jam extremum spiritum emissurus indoluit. Deus meus, quæ tunc suspiria, qui gemitus, qui singultus miserum illud corpus concutiebant! Qualia ei verba dolor dictabat, suggerebat fides, spes componebat! Nunc quasi rationando provocat, nunc supplicando compellat. Et tu, inquit, Domine usquequo? usquequo oblivisceris me in finem? usquequo avertis faciem tuam à me? ubi sunt rogo magnalia tua quæ narraverunt nobis patres nostri, opera quæ operatus es in diebus eorum? Itane qui alienis didicisti misereri semper & parcere, tibi servientibus, tuis deputatis laudibus, tuis obsequiis mancipatis claudes viscera pietatis? Itane corpus quod regia munificentia hæcenus aluisti, nunc febribus consumendum exposuisti? Et utinam consumendum cito; sed heu! heu! depascor & non consumor, torqueor & non morior; vita dolori est nec finitur, mors desiderio nec conceditur. Sed quid facio, quasi iudicio contendens tecum cum misericordiam petam, nec præsumam de iudicio? Obsecro proinde bone rex, amantissime princeps, dulcis patrone, moveat illa viscera tua piissima servuli tui tantus dolor & oculo quo longe posita cernere consuesti, quid in hiis miserendis visceribus meis agatur diligentius contemplare, & quam intolerabiliter à frigore nimio ad calorem nimium transeam. O! ô tremor horribilis, ardor indicibilis! Attende Domine dulcissime, attende & vide, si est dolor sicut dolor meus. Si indignum iudicas sanitate, vel dolorem termina morte. Inter hæc verba, singultus lacrimæque prorumpunt, nec ulterius res verbis agitur sed affectibus. Deinde expletis missarum sollempniis surgit ab oratione; & ecce dolor omnis abcefferat, & quasi novo perfusa refrigerio vigorem pristinum membra cuncta resumpservant. Cœpit etiam cogitare de cibo, & statim pulso fastidio, vis appetitiva ad cibi desiderium excitatur. Quid plura? Perfectæ redditus sanitati tanto dehinc devotionis sancti Confessoris obsequiis & laudibus insistebat, quanto fuerat in se ipso virtutem ejus expertus.

De quodam milite ab eodem morbo sanato.

ERat vir iste scriba doctus in regno cœlorum, & sæpe sermonem iussus facere in populo, proferebat de thesauro suo nova & vetera. Accidit autem post recuperatam tali miraculo sanitatem, ut anni orbita natalis anniversariam denuo sanctissimi regis memoriam revocaret. Confluxerat de civitate non minima multitudo, ut & singulis annis consueverat, tam vigiliis quam missarum sollempniis ob ipsius gloriam interesse gaudebat. Frater igitur iste ab abbate secundus sacris indutus vestibus ad altare missam celebraturus accessit. Post lectionem autem sancti Evangelii, conversus ad populum, habuit ad eos de regis sanctitate simul & virtute sermonem. Prædicabat vir Dei ejus humilitatem, laudabat patientiam, pudicitiam extollebat. Quanti vero meriti fuerit apud Deum, certis miraculorum astruit argumentis. Postremo virtutem ejus quam anno præterito senserat in se ipso producens in medium, omnes ad pietatem, multos etiam ad suspiria lacrimasque commovit. Affuit miles quidam regalis custos palatii *Gerinus* nomine, qui typo quartano per dies & menses supra modum fatigatus, frustra in medicos multa consumpsit. Nam morbus nec sibi nec suis parcens, sacculum pecunia, sanguine corpus ejus exhaustum: spiritus ejus attenuatus est, & solum sibi videbatur superesse sepulchrum. Audiens autem hunc virum per merita beati *Edwardi* simili exemptum passioni, conceptæ fidei spes successit, & cor pavidum caritas ignovit. Hiis omnibus factus alacrior, ad sepulchrum regis nocte sequenti accensis cereis excubias celebravit. Erat autem vigilia Dominicæ apparitionis, & nox triplici jucunditate sollempnis, in qua & fides gentium, & baptismatis sacramentum, & miraculorum Christi commendatur initium. In conventu fratrum hymni resonant & concrepant lectiones, *Gerinus Edwardo* totus intentus lacrimas offert, & multiplicat preces: *Edwardus Gerinum, Christus exaudivit Edwardum.* & opere uno, regem gloria & honore sublimem, *Gerinum* reddit febribus extinctis incolumem.

De femina quam absentem sanavit.

REgulus ille cujus filius infirmabatur *Capharnaum* ad sanandum eum necessariam corporis Domini præsentiam ratus, minus fidelis ipsius Salvatoris sententia judicatur. Porro fidem centurionis ob id maxime Israëliticæ religioni novimus ab ipso Christo prælatam, quod cum ad pueri illius paralysem depellendam suum spondidisset adventum, divinam ejus majestatem fide plenus attendens, *Nequaquam, inquit, Domine, sed tantum dic verbo, & sanabitur puer meus.* Hujus fidei similitudinem sanctimonialis quædam femina in monasterio *Berchigenfi* zelata, beati regis *Edwardi* merita sua reddidit fide clariora. Laborabat enim & ipsa quartanæ febris incommodo, & jam ei secundus in ipso languore transiens annus spem rectiperandæ sanitatis ademerat. Die vero quadam cum matutini soporis quiete membra marcida refocillaret, videbat in sompnis se cum suorum comitatu ad patriam propriam parentisque revisendos iter arripuisse. Et cum paululum præcessissent, regat unus aliquis ut divertat ad *Westmonasterium*, quatinus

tinus ibi cibo potuque refecti laborem itineris facilius sustinerent. Et, Quomodo, inquit illa, ad eos divertam quorum nec faciem unquam vidi nec nomina novi, nec in ratione dati & accepti cuiquam illorum aliquando communicavi? Et ille, Est ibi, inquit, nobilis rex *Edwardus*, cujus si cum devotione ac fide sepulchrum inviseris, facile tibi à Domino Deo suo refectionem qua corpus tuum pristinum vigorem recipiat impetrabit. Evigilans igitur mulier sompnumque retractans surrexit de stratu, baculoque imbecilla membra sustentans, ingreditur oratorium & coram altari prosternitur. Septem quoque Psalmos qui poenitentiales dicuntur, cum summa cordis contritione decantans sollempnes addit Letanias; devotis quoque precibus sanctum regem conveniens, « Credo, inquit, Domine, para-
« tam mihi apud sanctum sepulchrum tuum, secun-
« dum quod mihi promissum est, si illud adiero,
« sanitatem; sed quid opus est hoc labore meo,
« immo periculo meo? Erit enim non parvum mea
« quietis dispendium vecturam quætere, viaticum
« procurare, socios itineris providere, præcipue in
« eundo & redeundo audire multa, multa videre
« quæ mentem extollant & adimant gravitatem, &
« vel ipsa nugari, vel otari, vel talia facientes at-
« tendere. Quid igitur necesse est ut sacri corporis
« tui præsentiam quæram, cum spiritu præsens sis,
« & clementi creatorem angusta sit omnis creatura?
« Scio certe, scio quod in ea luce quæ penetrat
« omnia, mea tibi pater miseria, & cum sis parti-
« ceps summæ illius potestatis, si voluntas affuerit,
« non deerit facultas. Dic proinde verbo & sana-
« bitur ancilla tua. Hæc & hujusmodi cum in magna
« cordis angustia declamasset, ad lectum doloris
« sui timens & tremens revertitur; erat enim dies qua
« tremebundæ illius accessionis expectabatur hora. Sed illa, ut ita dicam, lento pede progrediens parum
« vel nichil molestiæ intulit patienti. Animæ quior
« exhinc facta mulier ad rogandum regem beatissi-
« mum se totam convertit, & post biduanæ quietis
« solatium quartanæ passionis timebatur accessus.
« Incumbente autem hora illa terribili oratorium
« rursus ingreditur, & præmissis psalmis lacrimas ite-
« rat & multiplicat preces. Quid plura? Et illum
« diem transigit sine molestia. Cum autem tertiæ
« tribulationi eodem quo prius occurrisset antidoto,
« perfectæ reddita sanitati, sancto regi *Edwardo* quo-
« ad vixeret gratiarum retulit actiones.

De monacho à triplici morbo curato.

NEc silentio tegendum arbitror quod uni servorum *Westmonasterii*, viro religioso & honesto, per merita beati regis pietas divina contulerit. Miro quidem viro iste circa beatum *Edwardum* tenebatur affectu, & nominis illius recordatio super mel ei dulcis erat, & memoria sanctitatis ejus super mel & favum, unde cum gratiarum actione quinque pro ejus animâ corâ psalmos decantabat. Accedit autem ut triplici fatigaretur molestia, nec alia quam cœlestis speraretur medicina. Post minutionem namque circa vulnusculum collectus sanguis & coagulatus in pessimum apostema duruerat, & vicina quoque loca dolor invadens, suo brachium vigore privaverat, hanelo præterea cor cruciabatur spiritu, & pectus angustum cum magna difficultate alitum emittebat. Sed & pedem tumor intolerabilis occu-

pans officium ejus pene totum ademeral. Appropinquabat dies annua revolutione sollempnis, qua rex sanctus ad cœlestia regna migravit, cum ille tanto laborans incommodo desideratam cunctis lætitiâ solito morstior expectabat. Eadem vero nocte tempore opportuno cum ad signa pulsanda ob honorem regis alacriter fratrum turba concurreret, ipse valitudine pressus tristis sedebat, quod nichil poterat hilaritatis exhibere, nec fratribus in tanto labore præstare solatium. Illis igitur cordas summa cum devotione trahentibus, astuabat vir sanctus & semetipsum jam ferre non sustinens, Itane, inquit, mi *Edwarde*, non subvenies, & huic desiderio meo vires negabis? Adesto quæso, surgo enim, & me fratrum choris interset. Attrepta vero una cordarum, morbumque contempnens, toto nisu manibus traxit utrisque. Statim apostema rupto, concretus ille putridus sanguis erupit, sedatoque tumore dolor omnis abcessit. Sublata igitur una trium molestia, de pectoris anxietate sollicitus, expertam jam regis sancti virtutem, fide certior & spe corripit alacrior contemplari. Moris autem erat illi, fratribus post vigilias ad strata redeuntibus in ecclesia remorari, & ante quoddam altare secretius psalmis orationibusque vacare. Eadem vero nocte qua sibi divinam in brachii sui curatione senserat affuisse præsentiam, ad dulces quas solitus fuerat frequentare latebras devotus accessit. Prostratusque Deo & sancto Confessori suo *Edwardo*, pro accepto beneficio agit gratias, supplicat pro non accepto. Nec præsumptioni sed fideli ascribendum, quod triplicari sibi cœlestia munera precabatur. Instat igitur, plorat & orat, latus pro brachio, sed pro pectore tristis. Inter orandum autem, è corpore sudor copiosus egrediens spiritum reddidit solito fortiozem. Pectus deinde cœlesti quodam rore perfusum solitam recepit sanitatem. Superat adhuc pedis angustia, quæ cum fratrum suorum interesse conventui non sinebat. Itaque cum in cella infirmorum cum alio quodam seniore decumbens, diè quadam circa solis occasum mutua se collatione reficiunt, & inter colloquendum beati regis virtutem suavi sermone commemorant. Tunc ille qui jam fuerat duplici morbo curatus, Quam magna, inquit, multitudo potentie ejus frater carissime, quam ego peccator in meimet ipso expertus audeo dicere, quia quicquid voluerit, à Domino Deo suo facile impetrabit. Sic ei miraculum quod in se fuerat operatus exponens, pedem extendit intolerabili quodam tumore deformem; &, Si hunc, ait, pedem mihi sublato dolore sanasset, nichil est quod ulterius petendum ab eo æstimassem. Hiis sermonibus se consolantes, sole ruente lectulis sese recipiunt. Mane autem facto, surgens is citi pes doluerat, solito manum apponit dolori, sed nichil in pede quod vel terneret vel doleret inveniens, sensit se per beatum *Edwardum* perfectæ sanitati donatum. Exclamat cum gaudio, & pandens locis tam cœlestis miraculum, ad amandum dulcius, & laudandum devotius, & expressius extollendum tantæ meriti patronum omnium corda commovit, ad laudem & gloriam Domini nostri *Jesu Christi*, cui est honor in secula seculorum. Amen.

Explicit vita sancti Edwardi Regis & Confessoris, cum mirabilis ejusdem.

De quodam Miraculo mirabili, autore *Aluredo*
Abbate *Rievallensi*.

Miracula Domini & manifesta divinae pietatis indicia scire & tegere, portio sacrilegii est. Quod enim esse potest praesentibus ad consolationem, ad aedificationem posteris, omnibus ad devotionem, indignum est cunctorum notitiae deperire. Sed plarumque multorum nos terret ineptia, qui vel invidia tabescentes, vel infidelitate languentes, de his quae bona sunt, vix de quoquam suis credunt oculis, ad credendum vero de quolibet ea quae mala sunt, levi tactu aurium inducuntur. Hinc est quod rem mirabilem & nostris seculis inauditam tibi potissimum, pater amantissime, credidi revelandam, cuius sancta simplicitas bene sentire de omnibus, de nullo absque certis indicis sinistram aliquid suspicari consuevit. Nulla sit de verborum veritate cunctatio, cum ea quae dicenda sunt, ex parte propriis oculis viderim, omnia autem mihi tales personae retulerint, quas nec aetatis maturitas, nec spectata sanctitas, ulla sinerent ratione mentiri.

Inter monasteria virginum quae vir venerabilis ac Deo dilectus, pater & presbyter *Gillebertus* per diversas *Angliae* provincias miro fervore construxit, unum in provincia *Eboracensi* situm est in loco qui aquis & paludibus septus ex re nomen accepit. Dicitur enim *Mattun*, id est, *humida villa*. Qui quondam, ut refert in historia *Anglorum* venerabilis presbyter *Beda*, magno sanctarum mulierum pollebat examine: ubi & beatus pontifex *Johannes*, puellam ob incautam sanguinis diminutionem fere desperatam, salubri tactu & oratione sanavit. Quoniam igitur in eodem loco praedicti patris industria renovatur antiqua religio, antiqua nichilominus miracula renovantur. Ita quippe ibi Christi ancillae, inter cotidiana manuum opera consuetudinemque psallendi, spiritualibus mancipantur officiis ac caelestibus intersunt theoriis, ut pleraque quasi valedicentes mundo & omnibus quae mundi sunt, saepe in quosdam indicibiles rapiantur excessus, & angelicis videantur interesse choris. Crebra eis cum bonis spiritibus confabulatio, à quibus nunc corripuntur, nunc erudiuntur, nunc de certis necessariisque praemununtur. Tanta inter eas videtur dilectio, tanta proinvicem sollicitudo, ut cum una obierit, ceterae nunquam cessent à precibus, donec vel de poena ejus, vel de gloria certum eis aliquid eluxerit. Inde est quod non solum ut fieri solet in sompniis, sed & visibiliter carnis oculis mortuae vivis appareant, & nunc poenam, nunc gloriam quam singulae meruerunt exponant. Contigit aliquando unam optimam apud omnes opinionis, relicto corpore ad caelestia commigrasse. Diligebatur ab omnibus, sed ab una specialius colebatur. Instat precibus illa, ut ei virginis meritum divina pietas non celaret. Revoluti anni circulo, dies depositionis ejus anniversarius vertebatur. Solitas orationes puella multiplicat. Accenditur desiderio, ubertim lacrimis irroratur. Interim pro defunctae excessibus immolanda salutaris hostia parabatur. Sacerdotes

10
tare Christi virgo desiderii sui praestolabatur effectum: cum ecce radius solis de superioribus ad inferiora demissus ante gradum altaris sese locavit. Intuetur diligentius illa, & mox virginem quam dilexerat, nimio splendore coruscantem ipsi radio conspicit insidere. Obstupuit & obrigit, & loquente spiritu, camea lingua tacebat. Quia vero sopitis quodammodo sensibus corpus stabat immobile, accessum virginis, ut evidentius cerneretur, solo desiderio flagitabat. Mox radius solis à loco quo substiterat elevatus, accessit propius, & ante faciem virginis stans vultum quem concupierat amanti praebuit cominus contemplandum. Ita ineffabili perfusa gaudio finem caelestis praestolabatur officii. Cum vero missa voce diaconi clauderetur, illa ad se, radius ad superiora revertitur. His extra propositum praemissis, ad ea quae proposuimus enarrantanda transeamus.

20 Pontificante in ecclesia *Eboracensi* sanctae ac pia recordationis *Henrico*, puella quaedam quatuor ut putabatur annorum, ejusdem sancti patris precibus in eodem monasterio suscipitur nutrienda. Quae mox ut infantilem excessit aetatem, cum puellaribus annis puellarem induit lasciviam. Nullus ei circa religionem amor, nulla circa ordinem sollicitudo, circa Dei timorem nullus affectus. Petulans illi oculus, sermo indecens, lascivus incessus. Incedebat sacro recta velamine, sed nichil tali dignum habitui praetendebat in opere. Corripitur verbis, sed non corrigitur; urgetur verberibus, sed non emendatur. Furabatur magistrarum oculis horas, ut vel indulgeret otio, vel signis inordinatis diffunderet, aut vacaret fabulis, aut inutile aliquid aliis suaderet. Disciplina ordinis premebatur, & ad exterioris hominis honestatem utcumque servandam cocebatur invita. Omnia ei ex timore constabant, ex amore nichil. Et jam nubilis facta, interioribus exteriora, otiosa quietis, seriis ludicra praeponebat. Accidit autem ut fratres monasterii quibus exteriorum commissa est cura, quippiam operis facturi 30 ingrederentur monasterium feminatum. Quod illa perpendens accessit propius, & curiosius ipsorum opera contemplabatur & vultus. Erat inter eos adolescens ceteris formosior facie, & aetate nitidior. Injecit in illum oculos misera, ipse vero intendebat in eam. Aspiciunt se oculo blandiori; & mox serpens tortuosus, utriusque pectus ingrediens, latiferrum insibilat per cuncta vitalia virus. Res primum nutibus agitur, sed nutus signa sequuntur. Tandem rupto silentio conferunt de amoris suavitate sermonem. Accendunt se mutuo, spargunt utrumque seminaria voluptatis, libidinis incentiva. Et ille stuprum meditabatur, illa vero postea dicebat, de solo cogitabat amore. Interim coalescunt affectus. Sed ut sibi liberius colloquerentur vel se fruerentur uberius, de loco vel tempore in unam coiere sententiam. Abicientibus itaque arma lucis, nox placebat obscurior. Publicum fugitantibus locus secretior gratus habetur. Dat signum praedae impiissimus praedo, ut ad sonitum lapidis quem vel in parietem vel te-
etum

etum ædis in qua pausare consuevit, infelix se iactaturum promisit, de ejus adventu certissima egrediretur ad eum. Ubi tunc pater G. tuus in custodia disciplinæ vigilantissimus sensus? Ubi tot tam exquisita ad excludendam vitiorum materiam machinamenta? Ubi tunc illa tam prudens, tam cauta, tam perspicax cura, & circa singula ostia, fenestras, angulos tam fida custodia ut sinistris etiam spiritibus negari videretur accessus? Elusit totam industriam tuam pater una puella, quia *nisi Dominus custodierit civitatem, frustra vigilat qui custodit eam*. Fecisti vir beate, fecisti quicquid potuit homo, quoniam sic expediebat. Sed sicut nemo potest corrigere quem Deus despexerit, ita nemo potest servare quem non ille servaverit. Et tu infelix quid agis? quid cogitas? quid tam attente aures ad regulas erigis? Ubi timor, ubi amor, ubi illius sanctæ congregationis reverentia? ubi beati pontificis qui te huic monasterio tradidit suavis memoria? Nichil horum à tanto te revocat scelere. Deletis his omnibus, solus in corde turpis vivebat affectus. Surgis misera, pergis ad hostium. Conantem egredi vis divina repellit; temptans iterum, sed nihil proficisci. Regressa modicum beatæ virginis solitas vigilas cum duodecim lectionibus celebraſti. Quid ultra tibi facere debuit Christus & non fecit? O mira cordis excecacio! Quid denuo moliris egressum? Ecce dimittaris instar *Balaam* secundum desideria cordis tui, ut eas in adinventionibus tuis. Oporteret te duci in *Babylonem*, ibi forte curaberis. Quid plura? Heu! egreditur. Claudite aures virgines Christi, oculos operite. Egreditur *Christi* virgo, adultera post modicum reditura. Egreditur, & quasi columba seducta non habens cor, mox accipitris excipitur unguibus. Proſternitur, os ne clamaret obſtruitur, & prius mente corrupta carne corrumpitur. Experta voluptas nefas compulſit iterare. Cum hac sæpius agerentur, sorores sonitum quem crebro audiebant admirantes fraudem suspicabantur. Illa maxime patuit suspicioni, cujus mores omnibus solebant esse suspecti. Fuga etiam juvenis suspicionem adauxit. Cum enim concepisse se adultero prodidisset, timens ne & ipse proderetur, relicto monasterio ad seculum ire perrexit. Tunc matronæ sapientiores puellam conveniunt. Illa ulterius celare non valens confitetur excessum. Stupor autem apprehendit omnes quæ audiebant verbum. Exarsit mox zelus in offibus earum, & aspicientes se mutuo, comploſis manibus irruunt super eam: extraſtoque ab ejus capite velo, aliæ tradendam flammis, aliæ vivam excoriandam, aliæ impositam ſtipiti suppositis carbonibus affandam putarunt. Ferorem adolescentium compescebant matronæ. Attamen spoliatur, extenditur, etiam absque ulla miseratione flagellis atteritur. Preparato ergastulo vincitur, intruditur; singulis pedibus duo anuli cum suis cathenulis inducuntur: quibus duæ non parvi ponderis cathenæ insertæ, quarum una inmani trunco clavis infigitur, altera per foramen extracta foris fera concluditur. Sustentatur pane & aqua; cotidianis obprobriis saturatur. Interea tumens uterus evolvit conceptum. O quantus tunc erat luctus omnium! quanta præcipue virginum lamenta sanctanum, quæ suo timentes pudori, unius crimen in omnibus metuunt inpingendum, etiam quasi jam expositas se omnium oculis illudendas, quasi omnium traditas vitam corrodendas, sentirent! Flebant

omnes, flebant singulæ; nimioque dolore succensæ iterum irruunt in captivam. Et nisi maturiores conceptui peperciſſent, vix aliquando ab ejus pœna quiescerent. Illa universa hæc mala patienter iuſtinet, majoribus se dignam clamat tormentis, credere se tamen cæteras pro ejus infidelitate nihil mali passuras. Deliberant quid de his agendum. Si expelleretur, in omnium hoc redundare infamiam, imminereque non parvum omnium animabus periculum, si destituta solatio mater cum sobole mortis discrimen incurreret: si servaretur, partum non posse celari clamabant. Tunc una, Optimum, inquit, est, ut nequissimo juveni sua meretrix adulterino foetu grvida commendetur, ejusque dimittatur curæ cujus consensit nequitia. Ad hæc infelix; Si hoc vobis poterit esse remedio, licet ſciam hoc mihi futurum exitio, ecce adolescens nocte illa, hora illa, in loco nostræ iniquitatis conscio, mihi sicut promisit occurret; vestri tunc erit arbitrii me traderet illi. Sicut fuerit voluntas in cælo, sic fiat. Continuo rapiunt verbum de ore ejus. Jam jamque spirantes ultionem in juvenem, quærunt ab ea de omnibus veritatem. Confiteſtur illa; affirmans veram esse quæ dixerat. Tunc magister congregationis, ascitis quibusdam è fratribus, rem aperit. Jubetque ut nocte illa unus tectus velamine caput, designato loco sederet, alios occulte præſentes adesse ut venientem exciperent, attrectatumque ſustibus vinctum tenerent. Dixit & factum est ita. Adolescens quid cum sua ageretur ignorans, non solum mente, sed etiam habitu ſecularis, advenit. Et ardens libidine, mox ut velamen aspexit, sicut equus & mulus quibus non est intellectus, irruit in virum quem feminam esse putabat. At hi qui aderant, amarum ei cum baculis conficientes antidotum, conceptam febrem extinguunt. Res deferretur ad virgines. Mox quædam zelum Dei habentes etsi non secundum scientiam, ulciſci cupientes virginittis injuriam, petunt à fratribus juvenem sibi per modicum tempus dimitti, quasi secretum aliquid ab eo cognitura. Susceptus ab eis, proſternitur ac tenetur. Adducitur quasi ad spectaculum, illa malorum omnium causa: datur ei in manibus instrumentum, ac propriis manibus virum abſcidere invita compellitur. Tunc una de astantibus, arreptis quibus ille fuerat relevatus, sicut erant sæda sanguine in ora peccatricis projecit. Vides quo zelo urebantur æmulatrices pudicitia, insectatrices immunditiæ, *Christi* præ omnibus amatrices. Vides quo modo istum mutilando, illam obprobriis & contumeliis insectando *Christi* ulciſcuntur injuriam. Ecce gladius *Levi*, æmulatio *Simeonis*, qui violatæ castitatis ultores, nec circumcisus putant esse parcendum. Ecce zelus *Phinees* sacerdotis, qui æternum sacerdotium fornicantium nece promeruerit. Hic etiam sapientia *Salomonis* elucet, qui virginem *Abisac* ad concubitum postulantem in proprium fratrem mortis sententiam promulgavit. Non laudo factum sed zelum; nec probo sanguinis effusionem, sed tantam contra turpitudinem sanctarum virginum æmulationem extollo. Quid non paterentur, quid non facerent pro castitate servanda, quæ tanta potuerunt pro ulciſcenda? Sed ut ad propositum redeamus. Abſciſus fratribus redditur, mulier in carcerem confusa retruditur. Hactenus misera mulier, infelicitatis tuæ historiam scripsimus, deinceps

quemadmodum super te *Christi* stillaverit misericordissima pietas stilo prosequamur; ubi enim abundavit peccatum superabundavit & gratia. Jam exacta ultione, tepesciente zelo, ad *Christi* vestigia sacrae virgines provolvuntur. Plorant & orant, ut loco parceret, verecundiae virginali consuleret, infamiae occurreret, periculum propulsaret. Et illae quidem cotidie precibus & lacrimis divinam clementiam provocabant. Peccatrix vero pia illa viscera *Jesu* doloribus & obprobriis, contumeliis quoque quas patiebatur commovebat. O bone *Jesu*, qui omnipotentiam tuam parcendo maxime & miserando manifestas: si te praesente quondam in carne, una misera mulier tanta afficeretur miseria, quid ageret illud pium pectus, in quo sicut omnis sapientiae & scientiae, ita omnes thesauri misericordiae quieverunt? Audiant justi, & exultent in conspectu Dei, & delectentur in laetitia. Audiant peccatores, ut nunquam de illius bonitate desperent, qui sic exercet judicium ut non deserat misericordiam. Respexisti bone *Jhesu*, respexisti, & tot ancillarum tuarum aemulationem & timorem, & unius peccatricis tuae afflictionem. Jam infans in ventre vivebat, lac ex uberibus ubertim fluebat; adeo etiam uterus intumescere videbatur ut putaret geminos parituram. Plumbeus color oculos circumfundit, faciem pallor invadit, & nunc vacuatis humore mamillis, post modicum solito liquore replebantur. Jam eam vix capiebat ergastulum, jam partui necessaria preparantur. Cavent quantum possunt ne fletus infantis partum prodant. Et ecce intempestae noctis silentio cum se misera sopori dedisset, videt in sompniis assistere sibi pontificem, per quem, ut praediximus, in eodem monasterio divinis est officiis mancipata, amictum pallio, & monachico habitu subinduro. Cumque severiori oculo aspiceret in eam, Quid est, inquit, quod me cotidie maledicis? Negavit illa nimio timore perterrita. Tunc sanctus, Verum est, ait, cur negas? Videns se deprehensam mulier, respondit. Vere domine, quia tu me huic monasterio tradidisti, in quo invenerunt me tanta mala. Ad haec antistes: Tibi hoc potius imputato quae peccata tua necdum ut oportet patri spirituali propalasti. Sed vide ut quam citius poteris confitearis, & hoc a me suscipiens in mandatis, ut hos psalmos cotidie *Christo* decantes. Et mox ei numerum & nomen psalmorum describens disparuit. Evigilans illa, & animae quior facta, visionem & psalmos commendat memoriae. Sequenti vero nocte cum jam putaretur paritura, & amara videretur horae illius expectatio, plus tamen timeretur ipsa partus editio, iterum venerabilis pontifex in sompniis apparuit, desperanti duas secum adducens venusta facie mulieres. Accessit ad miseram praesul, & super genua sua capite ejus supinato, pallio quo amiciebatur vultum operuit, increpans eam & dicens: Si fuisses vera confessione purgata, cerneres manifeste ea quae aguntur. Nunc quidem senties beneficium, sed modum & qualitatem facti scire non poteris. Erecta post modicum videt mulieres infantem, ut sibi videbatur, candido coopertum lintheo in ulnis ferentes discedentem sequi pontificem. Expergefata nihil ponderis sensit in ventre. Attrectat manu corpus, & totum vacuum

reperitur. Mane autem facto, assunt custodes, respicientes in illam, vident detumuisse uterum, vultum, puellarem, ne dicam virginalem, induisse decorem, oculos perspicaces, plumbeum deposuisse colorem. Et mox quasi propriis non credentes oculis; Quid est hoc, inquiunt? An tot sceleribus tuis & hoc addidisti, ut tuum interficeres infantem? Statimque angustum ergastulum illud in quo catenata sedebat evertunt. Nihil ibi latere pateretur angustia carceris, suppellectilis vilitas, tenuitas stramentorum. Et quid, inquiunt, misera, num peperisti? Ipsa se nescire respondit. Et ubi est, aiunt, infans tuus? Respondit, Nescio. Referensque visionem, nihil amplius se scire professus est. Non credunt rei novitate perterritae. Palpant uterum, & ecce tumori successerat tanta gracilitas, ut dorso ventrem adherere putares. Temptant ubera, sed nihil humoris eliciunt ex eis. Nec tamen parcentes, fortius premunt, sed exprimunt nihil. Per singulos artus currunt digiti, explorant omnia; sed nullum signum partus, nullum conceptus indicium repererunt. Vocantur aliae, & post illas aliae, & unum inveniunt omnes. Sana omnia, munda omnia, pulchra omnia: nihil tamen decernere, nihil sine patris auctoritate judicare praesumunt. Adhuc tenetur in vinculis, adhuc circa pedes ferrum durat, stridunt catenae. Duos divinae ministros clementiae sibi advenisse conspexit: Et unus catenam qua artius stringebatur arrepta, socio comitante discessit. Sorores vero advertentes mane deesse catenam mirantur, causam inquirunt, audiunt, sed parum credentes scrutatae sunt omnem suppellectilem ejus, sed nihil inveniunt. Paulo post inveniunt de ejus pedibus unum de vinculis cecidisse. Quod inveniunt integrum, & in ea firmitate qua fuerat fabrilibus instrumentis, pedibus ejus innexum, admiratae sunt valde. Sed quid multis morer? Eodem ordine a ceteris absoluta, pes tantum unus uno compede tenebatur. Interea sanctus pater adveniens, cum evidentibus signis ac veracissimis testibus omnia didicisset, sicut est mirae humilitatis homo, meam parvitatem de his omnibus credidit consulendam. Veniens igitur ad nostrum monasterium servus *Christi*, cum mihi aperuisset secreto miraculum, rogat ut ancillis *Christi* meam non negarem praesentiam. Libens annui. Cum vero tam me quam itineris mei socios humanissime ac jucundissime suscepisset, imus ad cubiculum illud intra cubiculum ubi illa in suo antro sedebat inclusa. Assunt plures tam virgines quam viduae aetate jam graves, sapientia & discretione pollentes, spectabiles sanctitate & in regularibus disciplinis multum exercitatae. Quae cum nobis omnia retulissent, coepi compedem propriis manibus attrectare, intellexique quod nec ab aliis nec ab ista sine Dei virtute posset absolvi. Quaedam autem nec dum timore deposito quaesierunt a nobis, si alia ei vincula deberent inponi. Prohibui, importunum hoc asserens, & quoddam infidelitatis indicium. Expectandum potius, & sperandum quod is qui eam liberavit ab aliis, ab hoc quoque quo adhuc tenetur eripiet. Patre praeterea praecipiente, relata sunt nobis multa aeterna memoria digna, quibus manifeste datur intelligi, quia beneplacitum est Domino super

timentes

timentes eum , etiam in eis qui sperant super
misericordia ejus. Igitur commendantes nos san-
ctis orationibus earum , & eas prout potuimus
verbo Domini consolantes , ad nostrum monaste-
rium regressi sumus , laudantes & glorificantes
Dominum in omnibus quæ audivimus & vidimus,
& sanctæ virgines narraverunt nobis. Post pau-
cos dies allatæ sunt nobis viri illius venerabilis
litteræ , quibus significavit nobis , illum quo
eam invenimus vinctam compedem cecidisse , &
quid factò deinceps opus esset meam indignita-
tem consuluit. Ego vero inter alia hæc pauca

verba rescripsi. *Quod Deus mundavit tu ne com-
mune dixeris ; & quam ipse absolvit, tu ne li-
gaveris.* Hæc ideo tibi karissimo meo longe ab
his partibus remoto maxime scribendum putavi,
ut & invidis occasionem tollerem, & tamen Christi
gloriam non tacerem. Vale.

*Explicit quoddam miraculum mirabile, de-
scriptum à viro venerabili Ethelredo ab-
bate Rievallensi, de quadam sanctimoniali
femina de Wattun.*

RADVLPHI de DICETO
DECANI
LONDONIENSIS

{Abbreviationes Chronicorum
&
{Ymages Historiarum :

Nunc primum editæ ex Mss. codicibus fideliter collatis.

REPUBLICAN PRINCIPLES

FOR DOMESTICS

Addressed to the Citizens

of the United States

by J. M. Smith

RADULFUS DE DICETO LUNDONIENSIS

Decanus, in Opusculo sequenti brevissime multarum commemoratur ymagines Historiarum.

PROLOGUS.

ANnos ab initio mundi seriatim expansos per temporum annotationes provida ratione percurrans, annum à tempore gratiæ M.Clxxxvij. trimetam constitue seculi primam & secundam ætatem notulis numerorum exarans paucissimis. A diebus autem *Abrahe* postquam homines ad vocabulum arrogantius aspirarunt, pro latitudine terræ, pro magnanimitate virorum, pro virium amplitudine, limites regnorum extendere procurarunt ardentius. Ut itaque citius ad memoriam revoces, anno tali tale quid accidisse per unius incrementum in x. per decenariorum multiplicationem in milia, rerum facilius poteris habere noticiam. Quicquid igitur inter computandum occurrerit, ordine terno distingue, vetustissima, vetera, moderna, quasi mansuunculis tribus non irreverenter recollige. Sumens igitur principium à principio, quid Hebraica veritas, quid interpretes Lxx. vel ante legem senserint in annorum supputationibus, vel sub lege, pari devotione, pari fide dijudica. Sicque si modernos aliquis invidiæ stimulis agitatus, notare præsumperit, tu tamen antiquitati reverentiam habe, cujus sunt adoranda vestigia, cui reverentiam non inpendere temeritati proximum est, arrogantia plenum. Rursus, ut per gratiam mediatoris Dei simul & hominum in ecclesia graciosus existas, à reimpore gratiæ studiosius sacræ paginæ recolas expositores, catholicis applaudas ystoriographis, *Romanorum* instituta Pontificum, insignes regum victorias, clementorum portentuosæ prodigia, singularem inauditos eventus & casus insolitos, egregie facta, civiliter dicta, redigentes in cronicam distinctius animadvertas. Si placuerint, poteris imitari. Si duxeris reprobandos, vitandi sunt cum modestia. Si contraria scripserint, præcipitantis est, si vel *Orosium Eusebio*, vel *Dionysium Mariano*, vel *Bedam Tertulliano* leviter anteponas. Debes etiam meminisse, traditum à majoribus & cautum

in cathalogo virorum illustrium, *Clementem* papam, modo secundum, modo tertium, modo quartum nominatum à *Petro*. Sed nos si *Lino, Cleto* conservemus honorem annorum in serie sicut eis concorditer exhibent nostri patres in canone Missæ, profecto possumus vitare ruinam. Set ultra posse nostrum est, vel in his, vel in sequentibus ad annum usque millesimum centesimum quadagesimum septimum, quantum ad annos Dominicales solvere dissonantiam. Rursus licet inter modernos reputem me novissimum, forsitan alterius litteratoris jamjam emergentis in lucem locum indignus usurpo: qui voto satisfaciens meo, quociens ei plenius innotuerit in opusculo sequenti manifestum errorem deprehensum annorum in calculo, manum apponat. Excessum poterit abolere festinata correctio, si pura fuerit in reprehensione fraternæ caritatis intentio. Pro varietate negotiorum & conditione stili, narracunculæ sæpius intercidenda. Si brevis, aperta, probabilis auribus insonuerit: saltem in hoc redimat cultus coloratoris defectum, si vel in aliquo promereatur accessum. Si quid autem hebetis sensus oratio, turgidum importaverit, vel inflatum; si vel arida, vel exangui verborum junctura dejectior emarcuerit; si translatio dictionum inprudens offenderit auditorem; si vocalium hiulca collisio subsannationem extorserit, manum rursus apponat. Sed antequam veniat ad titulum sequentis voluminis, nomina virorum illustrium, & diversa tempora quibus maxime floruerunt, prologos etiam aliquorum adactos inveniet, ut ei si facile non occurrerint spatiosa volumina, saltem ibi summam reperiatur, quidve senserint, quidve reliquerint posteris memoriale per secula. Quicquid igitur in margine positum, instar volatilis gloriæ repererit infra, totum illud non dubitet sumptum ab *Ystoriographis*, quorum copiam non habuimus. cum primo cœpimus ad Cronicam scribendam manum extendere.

De viris illustribus quo tempore scripserint.

Trogus Pompeius à tempore Nini Regis Affricorum usque ad annum vicefimum nonum Hircani principis Judæorum hystoriam digessit.

Valerius Maximus urbis Rome cæterarumque gentium facta simul & dicta memoratu digna scripsit anno incarnati verbi xvij.

Philo scriptor insignissimus quanta Judæis acciderint mala quinque voluminibus exponit anno incarnati verbi xxxvij.

Josephus ab exordio mundi usque ad annum incarnati verbi septuagesimum nonum scripsit antiquitatum libros viginti.

Justinus philosophus Trogi Pompeii abbreviator scripsit eodem anno.

Josephus Romam veniens ob ingenii gloriam statum Rome meruit, scribens libros vij Judæica captivitatis anno ab incarnatione Lxxij.

Julius Africanus breves temporum annotationes per generationes & regna scribit anno incarnati verbi C. Lxij.

Agellius scribit anno C. nono decimo.

Egiseppus libros hystoriarum usque ad annum incarnati verbi C. Lxxxij.

Tertullianus presbiter Cartagiensis vir actis ingenii & vehementis scripsit anno C. xcv.

Ensebins scripsit à quadragesimo tercio anno Nini Regis Cronica. Hystoriam autem ecclesiasticam ab incarnatione domini scribit usque ad annum incarnati verbi CCC. xxvij.

Eutrophius Romanam Hystoriam scribit à tempore Jani & Saturni usque ad annum incarnati verbi CCClxvj.

Paulus Diaconus addit vj. libros Romane Hystoriae.

Jeronimus cronica sua ab anno incarnati verbi CCC. xxvij. inchoata anno CCC. lxxx. terminat.

Ethicus Cosmographus à Jeronimo translatus est.

Hylarius Pictavensis episcopus scripsit anno incarnationis CCC. lxix.

Sigisbertus cronographiam incipit anno incarnationis CCC. lxxxj.

Jeronimus librum illustrium virorum anno incarnati verbi CCC. xcij. scripsit.

Ruffinus Aquileiensis presbiter Hystoriam ecclesiasticam terminat anno incarnationis CCC. xcix.

Augustinus ab initio mundi librum inchoans de civitate dei scribit usque ad annum incarnati verbi CCCC. xiiij.

Johannes Crisostomus scripsit anno incarnati verbi CCCC. xiiij.

Orosius scribit septem libros Cronographiae Augustino anno incarnationis CCCC. xv.

Hystoria tripartita à Socrate, Theodorito, Zozomeno edita terminatur anno incarnationis CCCC. xlvj.

Prosper Aquitanicus Leonis papæ primi notarius Cronica sua digessit ab initio mundi usque ad annum incarnati verbi CCCC. lix.

Idacius Lenica civitatis Hispaniarum episcopus Cronica sua perduxit à primo Theodosii magni Consulatu, inchoata usque ad annum incarnati verbi CCCC. xc.

Gennadius Massiliensis episcopus Cronica sua de viris illustribus ab anno incarnati verbi CCC. xcij. usque ad annum CCCC. xc. perduxit.

Cassiodorus de institutione divinarum litterarum scripsit anno incarnati verbi D. xxxij.

Justinianus legislator libros de incarnatione Domini edidit, quos etiam per diversas provincias misit anno incarnati verbi D. xl.

Jordanis archiepiscopus Ravennensis contexit Hystoriam de origine Gothorum anno incarnati verbi D. li.

Victor Tunnuntensis urbis episcopus in Affrica, Hystoriam ab initio mundi scribit usque ad annum incarnati verbi D. lxxij.

Paulus Cassinensis Hystoriam Longobardorum terminat anno incarnati verbi D. lxxij.

Gilda Britonum gesta flebili sermone descripsit, anno incarnationis D. lxxxj.

Gregorius Turonensis archiepiscopus Hystoriam Francorum digessit, anno incarnati verbi D. xcij.

Isidorus Hispalensis episcopus cronica sua digessit ab initio mundi usque annum incarnati verbi DC. xj.

Beda scripsit Hystoriam Anglorum anno incarnati verbi DCC. xiiij. Cronicam vero suam ab initio mundi usque ad annum incarnati verbi DCC. xxxij.

Hammonius Floriacensis Cronica sua scribit à tempore Nini Regis usque ad annum incarnati verbi DCCC. xliij.

Luithbrandus diaconus Ticinensis ecclesiae Hystoriam Longobardorum scribit anno incarnati verbi DCCC. xcj.

Regino abbas Parmiensis Cronica sua, à nativitate Domini inchoata perduxit usque ad annum incarnati verbi DCCCC. x.

Uvindicbindus Hystoriam Saxonum anno incarnati verbi DCCCC. lxxij. scripsit.

Odo primus abbas Cluniacensis Cronica digessit, ab exordio mundi usque ad annum incarnati verbi DCCCC. lxxxvij.

Marianus Scotus Cronica sua digessit, ab incarnatione Domini usque ad annum incarnati verbi, M. lxix.

Tvo Carnotensis episcopus Regularum exceptiones ecclesiasticarum in unum corpus adunavit anno incarnati verbi M. xc.

Sigisbertus Gemblacensis Cronica sua anno ab incarnatione Domini CCC. lxxxj. inchoata perduxit usque ad annum M. C.

Magister Hugo de sancto Victore Cronica sua digessit, ab initio mundi usque ad annum incarnati verbi M. C. xxij.

Robertus abbas sancti Michaelis de Monte in Normannia chronica sua digessit, usque ad annum incarnati verbi M. C. xlvij.

Radulfus Lundoniensis ecclesie decanus, ab incarnationis anno M. Cxlvij. librum qui dicitur, YMAINES HISTORIARUM inchoavit & perduxit ad annum usque M. Cxcij.

Post

[Post hæc addit centones quosdam ex 1. Justino, 2. Hieronimo de Josepho, 3. Egesippo, 4. Augustino de Civitate dei, 5. Orosio, 6. Eusebio, 7. Beda, 8. Roberto de Monte, 9. Hugone de sancto Victore; eosque claudit cum instituti sui proposito, quod tantum impressum non invenitur, & sic loquitur.]

Prologus Radulphi de Diceto in abbreviationes Cronicorum.

Cronica sunt ymages hystoriarum brevissimæq; commemorationes temporum. Annorum itaque seriem, regnorum casus, persecutiones ecclesiæ, scilicet conflictationes, Conciliorum statuta, sub brevitate claudamus; quæ regnum Angliæ maxime videntur contingere, latius prosequentes.

Quibus ergo temporibus, ubi vel quorum ministerio Reges Anglorum munus consecrationis & Regni diadema susceperint.

Quantis ecclesiæ Cantuariensis juxta Romanorum pontificum instituta gaudeat munimentis.

Qualiter Andegavia proficiens & succrescens fines suos dilataverit in immensum.

Quid inter Regnum & sacerdotium temporibus Anselmi, Thoma, Cantuariensium archiepiscoporum emerferit quæstionis: Quo fine quieverit controversia diutius inter Regem Henricum secundum & filios suos habita, diligens lector inveniet in sequentibus. Opus siquidem præfens plurimum à compendio mutuatur; quantum ratio finit, adeo sub moderatione repressum, ut nec prodiga sit in eo copia, nec obscura brevitatis, nec concinitas tædiosa.

[Tum demum Chronologia succincta quadam ab initio mundi ad tempora Gregorii magni per urrit; Quæ omnia cum in aliis auctoribus jam dudum editis reperiantur, neque rebus Anglicis (quas illustrare suscepimus) aliquid lucis afferant, visum est hic omittere ut librarii expensis & lectoris tædio consulamus.]

. Dñi Gregorius papa.

89. Mauricius Augustus sanxit, ut quisquis publicis amministrationibus fuerit implicatus, ad ecclesiasticum officium ei venire non liceat, nec in monasterium converti, licet ejus rationes possint per monasterium fieri, possit etiam agi ut ab eo loco in quo suscipitur, ejus quoque debita suscipiantur. Quam constitutionem vehementer expavit papa Gregorius, in hæc verba scribens Imperatori. Dicit tibi Deus. Ego te de notario Comitem excubitorum, de Comite Casarem, de Casare non solum Imperatorem sed etiam patrem Imperatorum feci. Sacerdotes meos tuae manus commisi, tuque milites tuos à servitio meo subtrahis? Item Gregorius Imperatori Mauricio.

94. Petrus claves regni cælestis accepit: Petro totius ecclesiæ principatus committitur, & tamen universalis episcopus non vocatur, & vir sanctissimus confacerdos meus Johannes Constantinopolitanus episcopus universalis episcopus vocari conatur. Exclamare compellor & dicere, O tempora, o mores! Ecce cuncta in Europæ partibus barbarorum juri iradita sunt, & tamen sacerdotes vanitatis sibi nomina expetunt & novis ac prophanis vocabulis gloriantur. Nunquid ego hac in re causam propriam defendo? Nunquid specialem injuriam vendico? Causam defendo omnipotentis dei, Causam universalis ecclesiæ, Quis est iste qui contra statuta

patrum, contra canonum decreta novum sibi nomen usurpare præsumit? Utinam vel sine imminutione unus sit qui vocari appetit Universalis. Si igitur illud nomen in ecclesiæ sibi quisquam arripit, quo caput se bonorum omnium facit, universa ergo ecclesiæ, quod absit, à statu suo corrumpitur, quando is qui appellatur Universalis cadit. Quid est igitur quod nos hujus vocabuli gloriam & oblatam non quarimus, & alter sibi hanc arripere non oblatam præsumit? Quia vero non causa mea sed Dei est, quia non solus ego sed tota turbatur ecclesiæ, quia pie leges, quia veneranda synodus, quia ipsa etiam domini nostri Jhesu Christi mandata superbi atque pompatici cujusdam sermonis inventione turbantur, piissimus Imperator locum secet vulneris, atque resistentem agrum angustet vinculis auctoritatis.

Hucusque Gregorius Turonensis archiepiscopus Hystoriam Francorum digessit. Iste Gregorius in extremis agens, Canonicis suis præcepit. Nunquam libros meos aboleri faciatis aut resciri, quasi quædam legentes ut quadam præmittatis; sed imminuta omnia, vobiscum illibata permaneant.

Quadam nocte Mauricius Imperator dum in stratu suo quiesceret, videt per somnium ante se æneam astare Salvatoris effigiem quæ erat ante palatii sui portam. Ex qua emissæ est vox ad eum dicens, Date Mauritium. Et tenentes eum quidam judicarii ministri exhibuerunt ei. Tunc ait ad eum Salvatoris ymago. Ubi vis reddam tibi mala quæ meruisti? Hic an in futuro seculo? Et ille; O amator hominum Domine, hic potius quam in illo. Tunc iussit divina vox tradi eum & Constantiam ejus uxorem & omnem ejus cognationem Focas militi. Focas autem factus Imperator Mauricium, uxorem ejus & quinque filios interfecit.

Focas Imperator.

Gregorius Focas Augusto: Gloria in excelsis Deo, qui juxta quod scriptum est immutat tempora, transfert regna, qui dominatur excelsus in regno hominum, & cui voluerit ipse dat illud. In omnipotentis quippe dei dispensatione sunt alterna vite mortalis moderamina. Nam aliquando cum multorum peccata ferienda sunt, unus erigitur per cuius duriciam tribulationis iugo subjectorum colla premantur. Quod in nostra diutius afflictione probavimus. Aliquando vero cum misericors deus merentia multorum corda sua consolatione confovere discernerit, unum ad culmen regiminis provehit, & per ejus misericordie viscera cunctorum in mentibus sue gratiæ exultationis abundantia roborari citius credimus, qui benignitatem vestra pietatis ad Imperiale fastigium pervenisse gaudemus. Latentur cæli, letetur & exaltet terra, de benignis actibus vestris universus rei publicæ vehementer afflictus hucusque populus hilarescat. Comprimentur iugo vestre dominationis superba mentes hostium, animi subjectorum depressi vestra misericordia releventur, virtus gratiæ cælestis vos inimicis terribiles faciat, pietas subjectis benignos. Quiescat felicissimis temporibus

An. Dñi

59

597.

598.

Hamonius
lib. 3.
lib. 4. cap.
3.

Registrolib.
13. cap. 25.
lib. 11. ca.
pist. 36.

An. Dñi poribus vestris in universa republica prolata sub
causarum ymagine præda pacis. Redeat cunctis in
rebus propriis securæ possessio, sine timore quislibet
habeat quæ non sunt suis fraudibus acquisita.
Reformetur jam singulis sub imperio vestro liber-
tas sua. Nam hoc inter Reges gentium & Impera-
tores rei publicæ distat, quod Reges gentium domini
servorum sunt, Imperatores vero rei publicæ domini
liberorum.

Leg. lib. 13. Gregorius Papa Leontia Augustus. Quæ lingua
cap. 32. loqui, quis animus cogitare sufficiat quantas Deo
Lib. 11. c. gratias debeamus quod tam dura longi temporis
piet. 44. pondera cervicibus nostris amota sunt, & Imperi-
alis culminis lene jugum rediit quod libeat portare
subjectis? Reddatur ergo creatori cunctorum ab
ymnidicis angelorum choris in cælo gloria, persol-
vatur ab hominibus in terris actio gratiarum, quo-
niam universa res publica quæ multa mæroris per-
tulit vulnera jam nunc vestra consolationis invenit
fomenta. Vos omnipotens Deus in amore catholica
fidei faciat defensores suos quos ex opere benigno
fecit Imperatores nostros. Infundat in vestris men-
tibus zelum simul & mansuetudinem, ut pio sem-
per fervore valeatis & quicquid in Deum exce-
ditur non inultum relinquere, quicquid etiam in
vos delinquitur parcendo tolerare. Rogare debui
forsitan ut ecclesiam beati Petri quæ nunc usque
gravibus insidiis laboravit haberet vestra tran-
quillitas specialiter commendatam. Sed quoniam
scio quod omnipotentem diligitis, non debeo petere
quod ex benignitate vestra pietatis exhiberis eti-
am sponte.

600. Augustinus à Gregorio papa transmissus in An-
gliam Adelbertum Cantia regem ad fidem Chri-
sti convertit.

Amonius Ob pestem inguinariam papa Gregorius letaniam
lib. 3. instituit septiformem. In primo namque choro fuit
clerus omnis. In secundo, omnes Abbates cum mo-
nachis suis. In tertio, omnes Abbatissæ cum suis
congregationibus. In quarto, omnes infantes. In
quinto, omnes laici. In sexto, omnes viduæ. In
septimo, omnes conjugatæ. Richardus rex Wisi-
gothorum Toleti synodum congregavit adversus
Arrianos.

Gregorius papa Adelberto regi Anglorum. Glo-
riose fili, gratiam illam quam accepisti divinitus
solicite mente custodi. Christianam fidem in popu-
lis tibi subditis festinanter extende, zelum tuæ re-
ligionis in eorum conversione multiplica, cultus
ydolorum insequere, sanorum ædificia destrue. Deus
enim ipse vestra gloria nomen etiam posteris glo-
riosius reddet, cujus vos honorem quaritis, refer-
vatis in gentibus. Sic Constantinus quondam pi-
issimus imperator Romanam rempublicam revo-
cans à perverfis cultibus ydolorum omnipotenti
Deo subdidit. Unde factum est ut antiquorum
principum nomen suis ille vir laudibus vinceret,
& præcessores suos in bono semper opere superaret.

Gregorius Papa Bertæ Regina Anglorum. Omni-
potentem Deum benedicimus qui conversionem gen-
tis Anglorum mercedi vestre dignatus est propitiis
reservare. Nam sicut per Helenam recordande me-
morie matrem piissimi Constantini Romanorum
Imperatoris ad Christianam fidem corda Romano-
rum accensa sunt, sic per gloriæ vestra studium in
Anglorum gente misericordiam Dei confidimus ope-
rari.

Gregorius Papa Augustino Anglorum episcopo. An. 10
Quis narrare sufficiat quanta letitia in omnium
corde fidelium fuerit exorta, quod gens Anglorum
operante omnipotentis gratia & tua fraternitate
laborante, expulsi errorum tenebris sanctæ fidei
luce perfusa est; quod mente integerrima jam
calcat ydola quibus prius vesano timore subiacebat,
quod omnipotenti Deo puro corde subternitur, quod
à pravi operis lapsibus sanctæ prædicationis regulis
ligatur, quod præceptis divinis animo subjacet &
intellectu sublevatur: quod usque ad terram se in
oratione humiliat, ne mente jaceat in terra. Cujus
hoc opus est nisi ejus qui ait, Pater meus usque mo-
do operatur, & ego operor?

Gregorius animam Imperatoris Trajani gentilis
à pœnis inferi liberavit, Antiphonarium regulariter
centonizavit, Kerrieleson & Alleluia cantari præce-
pit ad Missam. In canone Missæ tria verba superad-
didit; scilicet, Dies nostros in tua pace disponas. Ab
20 aeterna damnatione nos eripias. In electorum tuorum
grege connumeret.

Augustinus ivit Arelas, & ab Etheo civitatis 60
ejusdem Archiepiscopo genti Anglorum episcopus Beda. 1.
consecratus est. Reversusque Britanniam misit cap. 2.
continuo Romam Laurentium presbiterum & Petrum
monachum; qui beato Gregorio gentem Anglorum
fidem Christi suscepisse ac se episcopum factum esse
referrent. Beatus vero Gregorius misit cum præfatis
legatariis plures cooperatores ac verbi ministros.
30 In quibus primi & præcipui erant Mellitus, Justus,
Paulinus, Rufinianus. Misit etiam literas in qui-
bus significat se ei pallium direxisse, simul & insinuat
qualiter episcopos in Britannia constituere debuif-
set. Scribens in hæc verba: Quia nova Anglo-
rum ecclesia ad omnipotentis Dei gratiam eodem
Domino largiente & te laborante perducta est,
usum tibi pallii in ea ad sola missarum solennia
agenda concedimus, ita ut per loca singula xij.
episcopos ordines qui tua subjaceant ditioni, qua-
tinus Lundoniensis civitatis Episcopus semper in
40 posterum à synodo propria debeat consecrari, atque
honoris pallium ab hac sancta & apostolica, cui Deo
auctore deservio, sede recipiat. Ad Eboracum vero
civitatem te volumus Episcopum mittere quem ipse
judicaveris ordinare. Ita damtaxat ut si eadem ci-
vitas cum finitimis locis verbum Dei receperit,
ipse quoque xij. Episcopos ordinet, & Metropolitani
honore perfruatur. Quem tamen tue fraternitatis
volumus dispositioni subjacere. Post obitum vero
tuum ita Episcopis quos ordinaveris præsit ut Lun-
doniensis episcopi nullo modo ditioni subjaceat. Sit
vero inter Lundoniæ & Eboracæ civitatis Episco-
pos in posterum honoris ista distinctio, ut ipse prior
habeatur qui prius fuerit ordinatus. Tua vero fra-
ternitas episcopos quos ordinaveris qui vel per E-
piscopum Eboracæ fuerint ordinati, sacerdotes eti-
am totius Britannia subjectos habeat.

Gregorius Papa Theodorico Regi Franciæ. Quo-
niam Augustino reverentissimo Fratri nostro dum
ad Anglorum gentem proficisceretur excellenti ve-
stra multa bona noscitur impendisse, gratias magnas
exolvimus, petentes ut & monachis quos ad eun-
dem fratrem nostrum dirigimus uberius vestra
beneficia ministraretis, ne quas in itinere cepto vobis
patrocinantibus difficultates inveniant.

Gregorius Papa Brunichildæ Regina Franciæ. Regi
lib. 1.
Sicut Episcopo vivente quem ab amministrazione cap. 4
officii

Dñi officii sui non culpa sed aegritudo subduxit, alium ipsius loco sacri nullo modo permittunt canones ordinari, sic se nullo tempore redit ad sana mentis officium quem capitis gravat infirmitas, queri persona debet decorata moribus & vita, quæ curam animarum gerere, quæ causam & utilitates ejusdem ecclesie salubri valeat ordinatione disponere.

lib. 2. Augustinus ordinavit Mellitum Episcopum in civitate Lundonia, Justum in civitate Rosenfis.

lib. 2. Edelbertus Rex construxit ecclesiam Sancti Pauli in Lundonia.

05. Augustinus pro se ordinavit Laurentium Episcopum. Et Episcopos Britannia convocavit ad colloquium.

06. Sabinius Papa.

07. Pauper quidam cum à nautis peteret elemosinam nec acciperet, dicente nauclero, Desiste elemosinam petere à nobis qui nichil hic præter lapides habemus; Cum subiecisset pauper, Omnia ergo vertantur in lapides, Quicquid manducabile in navi erat in lapides convertum est, colore & forma rerum earundem permanente.

08. Bonifacius Papa. Hic optinuit apud Focam Imperatorem ut ecclesia Romana caput esset omnium ecclesiarum, quia ecclesia Constantinopolitana scribebat se esse primam omnium ecclesiarum. Hoc in Concilio sexaginta duorum Episcoporum decrevit sub anathemate.

09. Bonifacius Papa.

Hic optinuit à Foca Cæsare vetus fanum quod Panteon vocabatur, consecrari ecclesiam.

10. Bonifacius Papa.

11. Ysidorus Yspalensis Episcopus ab initio mundi usque huc Cronica sua digessit.

12. Heraclius Imperator. Hic portas Caspias quas Alexander Macedo clauserat aperuit, & C. quinquaginta M. milites auro loricatorum adducens contra Saracenos qui erant ducenta milia pugnare volebat. Sed de exercitu Heraclii quinquaginta ij. M. in stratu gladio Dei mortua sunt.

14. Deus dedit Papa.

lib. 2. Mellitus Lundonia eiecetus & Justus Rosenfis Gallie partes consilio Laurentii archiepiscopi adierunt, quos sequi volentem Laurentium Petrus apostolus flagellis affecit. Quo audito, Ethelaldus Rex relicta ydolatria Mellitum & Justum revocavit.

615.

616.

17. Laurentius Archiepiscopus Cantuariensis.

618.

19. Bonifacius Papa.

20. Cadwalla Rex Britonum.

21. Mellitus archiepiscopus Cantuariensis.

22. Cenwallus Rex Westsaxonum.

Post Laurentium Mellitus fit archiepiscopus Cantuariensis, qui laborabat podagra.

Syris Rex Persarum Cosdroen patrem suum perimit.

Honorius Papa.

623.

624.

625.

26. Justus Cantuariensis archiepiscopus.

lib. 2. Ordinatus est Paulinus Eboracensis archiepiscopus à Justo Cantuariensi archiepiscopo.

9. Sicut Cantia subicitur Romæ quod ex ea fidem accepit, ita Eboracum subicitur Cantuarie quæ eo prædicatores misit. Sicut igitur sedes Cantuarie prima fuit in fide, prima fit in honore.

Post Mellitum Justus Rosenfis Episcopus fit Archiepiscopus Cant. Cui Bonifacius papa Justo scilicet Cantuariensi archiepiscopo scripsit in hæc verba.

Auctoritate beati Petri præcipientes firmamus ut in Dorobernia civitate semper in posterum metropolitanus totius Britannia locus habeatur, omnesque provincie regni Anglorum præfati loci metropolitana ecclesia subiciantur.

Paulino prædicante Eadwinus Rex Norranxibrorum baptizatus est, & præfectus Lindocolnia baptizatus est à Paulino similiter.

628.

Post Justum Honorius fit archiepiscopus Cantuarie, quem consecravit Paulinus

in civitate Lincolnia; ad quos scripsit Honorius papa in hæc verba. Cum Dorobernensis antistes vel Eboracensis de hac vita transferit, is qui superest habeat potestatem alterum ordinandi.

630.

631.

Scripsit etiam Honorius papa Honorio Cantuariensi archiepiscopo. Tuae jurisdictioni subici præcipimus omnes Anglia ecclesias & regiones, & ut in civitate Dorobernia Metropolitanus locus & honor Archiepiscopatus & caput omnium ecclesiarum Anglorum semper in posterum servetur.

Rex Eadwinus interfectus est à Cedwalla & Penda Regibus.

Turbatis rebus Norranbimbrorum Paulinus in Cantiam rediit, & factus Rosenfis Episcopus ibi obiit.

Dagobertus Rex Francorum.

Severinus Papa.

Iohannes Papa.

Oswaldo Regi Northanbimbrorum à Scotis missus est Aidanus Episcopus.

Evangelizante Birino ab Honorio Papa prædicandi gratia in Angliam missio, Kinegils Rex occidentalium Saxonum cum sua gente credidit; Quem de fonte baptismi exeuntem Rex suscepit Oswaldus. A quibus Regibus idem Pontifex civitatem Dorecestre ad faciendam inibi sedem episcopalem accepit.

Sigefbertus infans filius Dagoberti Regis à sancto Amando baptizatur, ubi cunctis tacentibus ipse infans quadraginta dierum Amen respondit.

Hoc tempore fuit Macomerus propheta magnus, cui cultum deitatis exhibent Saraceni.

635.

Theodorus papa.

637. 638. 639. 640. 641.

Erchembertus Rex Cantuariorum in regno suo destruit ydola.

Oswaldus Rex occisus est à Penda Rege Merciorum.

Sancta Osida filia Fredewaldi & Wilburge filia Penda Regis, uxor fuit Siberi, quam Hecca & Baldwinus Episcopi orientalium Anglorum Deo dedicaverunt.

643.

Constantinus Imperator Constantinopolitanus.

Kenewaldus filius Kenegils Regis Ecclesiam Wintonia construxit, in qua sedes pontificalis est.

Clodovens Rex Francie.

647.

Mar

An. Dñi *Martinus* papa.

648. Hic congregavit Concilium in quo *Sergius Paulus* & *Cyrus* damnati sunt.

649. 650. 651. 652.
653. Post *Honorium* *Deusdedit* fit archiepiscopus *Cantuariensis* ab *Ytamaro Rosensi* episcopo consecratus. Vacabat enim tunc episcopatus *Lundoniensis* mortuo *Cedda*.

654.
655. *Seburch* regina *Westfaxonum*.

656. *Eswine* rex *Westfaxonum*.

657. *Deusdedit* archiepiscopus *Cantuarie*.

658.
659. *Eugenius* papa.

660. *Kenwine* rex *Westfaxonum*.

661. *Vitalianus* papa.

662. Abhinc *Francorum* Regibus à solita fortitudine & scientia degenerantibus, regni potentia disponebatur per Majores domus, Regibus solo nomine regnantibus; Quibus moris erat principari quidem secundum genus, & nil agere vel disponere præterquam irrationabiliter edere & bibere domique morari, & Kal. Maii præsidere coram tota gente & saluari, obsequia & dona accipere & rependere, & sicsecum usque ad alium Maium permanere.

663. *Francorum* rex *Lotharius*.

664. *Balfridus* rex *Northanhimbrorum* *Wilfridum*

665. Abbatem *Ripensis* monasterii ad regem *Galliarum* mittens episcopum sibi rogavit ordinari. *Wilfrido* adhuc in transmarinis partibus demorante consecratus est in Episcopatum *Eboriaci* à *Wine* civitatis *Wentane* præfule *Cedda* vir sanctus.

666. *Wine* civitatis *Wentane* Episcopus à rege *Kenwalcho* de suo præfultu pulsus, ad regem *Merciorum* *Wilshere* secessit, & ab eo adquisita per pecuniam sede civitatis *Lundonia*, ejus episcopus mansit usque ad terminum vite sue; Et ideo inter *Lundonienses* episcopos non connumeratur quia *Lundoniensem* ecclesiam titulatam non habuit.

Francorum rex *Theodoricus*.

667. *Cadwaladrus* rex *Britonum*.

668. *Theodorus* *Tharso* *Cilicie* natus, seculari & ecclesiastica philosophia præditus, Græce & Latine sufficienter instructus, ordinatus est *Roma* *Dorobernensis* archiepiscopus à papa *Vitaliano*. Cui *Vitalianus* scripsit in hæc verba. *Commendamus tua sagacissima sanctitati omnes ecclesias in insula Britanniae positas*.

Constantinus Imperator.

Adeodatus papa.

Theodorus archiepiscopus *Cantiam* venit. Is primus in archiepiscopis *Dorobernensibus* erat cui omnis ecclesia *Anglorum* manus dare consentiret. Itaque perlustrans universa ordinavit locis opportunis episcopos, & ea quæ minus perfecta repperit his quoque juvantibus corripbat. In quibus & *Ceddam* episcopum *Eboracensem* à *Wine* *Wentane* civitatis præfule ordinatum cum argueret non fuisse rite consecratum, respondens ipse voce humillima, *Si me, inquit, nosti episcopatum non rite suscepisse, libenter ab officio discedo, quippe qui neque me nunquam hoc esse dignum arbitrabar, sed obedientie causa jussus subire hoc quamvis indignus consensi*. At ille audiens humilitatem responsionis ejus, dixit eum episcopatum dimittere non debere; sed ipse ordinationem ejus denuo catholica ratione consummavit.

671.

Cedwalla rex *Westfaxonum*.

672.

674.

Theodorus in *Anglia* synodo habita constituit multa ecclesiarum utilia. Hic *Theodorus* scripsit penitentialem librum mirabili & cauta discretione distinguens modum singularum culparum.

Regina *Northanhimbrorum* *Etheldreda* diu postulans maritum suum regem *Ecgfridum* ut relictis seculi curis in monasterio Regi Christo servire permitteretur, ubi vix aliquando impetravit, monasterium sanctæ *Ebbe* sancti *Oswaldi* germanæ intravit, & velamen sanctimonialis ab antistite *Wilfrido* suscepit.

Ine rex *Westfaxonum*.

676.

Donus papa.

678.

Agatho papa.

Sancta *Ermenburga* uxor *Merewaldi* regis *Merciorum* peperit tres filias, sanctam *Milburgam*, sanctam *Mildridam* & sanctam *Mildgyðham*, unumque filium *Merefin* eximia sanctitatis purum.

Francorum rex *Theodoricus*.

Theodorus *Dorobernensis* archiepiscopus in loco qui dicitur *Heothord* episcoporum cogit Concilium, in quo *Wilfridus* *Northanhimbrorum* archiepiscopus per proprios legatarios fuit. Astuerunt etiam alii *Anglorum* episcopi, de termino Paschæ & aliis necessariis ecclesiæ negotiis tractaturi, ut in *Anglorum* reperitur hystoria.

Offensus *Wilfrido* *Merciorum* episcopo per meritum cujusdam inobedientiæ *Theodorus* *Dorobernensis* archiepiscopus eum de episcopatu deposuit, & in loco ejus *Saxulfum* episcopum ordinavit constructorem & abbatem monasterii quod dicitur *Wurch* in regione *Girviorum*.

Tum etiam orientalibus quibus eo tempore præfuerunt *Sebbe* & *Sigghere* in civitate *Lundonia* defuncto *Cedda*, *Erkenwadam* episcopum constituit. Beda cap. 6

Cujus viri & in episcopatu & ante episcopatum vita & conversatio fertur fuisse sanctissima. Hic fecit duo monasteria, unum sibi, alterum sorori. Suum *Certeseie* dicitur: quod amminiculo *Frithe-waldi* subreguli opulencia rerum & monachis implevit. Sororis cœnobium appellatur *Werkington*, ubi ipsa prima Abbatisa fuit.

Orta inter regem *Ecgfridum* & archiepiscopum *Eboracensem* *Wilfridum* dissensione, pulsus est idem antistes à sede sui episcopatus, & duo in locum ejus substituti sunt, *Bosa* monachus & *Eata* Abbas *Mailrosensis*. *Bosa* in civitate *Eboraci*, *Eata* in *Haugustaldensi* sive *Lindisfarnensi* ecclesia.

Ordinati sunt *Bosa* & *Eata* *Eboraci* à *Theodoro* archiepiscopo *Dorobernensi*.

Pulsus ab episcopatu *Wilfridus* Romamque iturus, ubi navem conscendit flante *Favonio* *Eresiam* est pulsus. Ubi primus opus Evangelicum cepit, & multa milia barbarorum ad fidem convertit, hyememque ibidem cum nova Dei plebe feliciter exegit.

Sexta Sinodus universalis *Constantinopoli* congregatur; in qua *Georgius* *Constantinopolitanus* episcopus ab errore *Monothelitarum* revocatur. *Macharius* vero *Antiochenus* & cuncti duas voluntates & operationes in unam Christi personam negantes

Omnes gantes anathematizantur. In hac synodo fuerunt episcopi ducenti octoginta novem.

2. *Agatho* papa contra monochilitas *Roma* synodum celebravit Cxxv. episcoporum, in qua *Wilfridus Eboracensis* archiepiscopus absolutus est.

Wilfridus episcopus *Frisiam* reliquit, *Romam* adiit, ubi *Benedicti* papæ, & plurimorum episcoporum iudicio absque crimine accusatus fuisse, episcopatuque inventus est dignus fuisse; qui *Britanniam* rediens, provinciam *Suthsaxonum* Christo credere fecit.

Obiit beata *Etheldrida Helyensis* abbatissa, cui soror ejus *Sexburh* successit in ministerium.

Merciorum provincia in quinque parochias divisa. *Bosel* à *Theodoro* archiepiscopo *Dorobernensi* ad *Wiltiam* præful ordinatur, habens sedem episcopatus in civitate *Wigornia*. *Cuthwinus* ad *Liceesedensem*. *Saxulfus* ad mediterraneam *Angliam*, habens episcopatus sedem in civitate *Leogora*. Ad *Lindensem* provinciam *Ethelwinus*, sedem episcopatus habens in *Lindeseia*. Ad *Suthangliam* *Ecla*, habens episcopatus sedem in *Dorchesterre*.

83. In *Anglia* claret *Etheldreda* regina, quæ duobus viris nupta virgo permansit. Cujus mortuæ corpus post undecim sepulturæ suæ annos incorruptum inventum est.

Theodorus archiepiscopus cœtum episcoporum doctorumque plurimorum collegium, & *Adelredus rex* legit in loco qui dicitur *Wethersfeld*, ut cujus essent singuli fidei sciret.

Clotario regi *Francia* successerunt *Theodericus* & *Chidericus*.

Beda cum esset vij. annorum *Biscopo* abbati datus est educandus.

Post annos tres abscissionis *Wilfridi* ad ecclesiam *Hagustaldensem*, *Thumbertum* remanente *Eata* ad *Lindisfarnensem*, & *Trumwine* ad terram *Pictorum* *Theodorus* archiepiscopus ordinavit. *Eathedum* de *Lindissei* reversum *Ripensi* præfecit ecclesiæ.

34. *Leo* papa.

35. *Benedictus* papa.

Theodorus Dorobernensis archiepiscopus *Cuthbertum* *Eboraci* consecravat episcopum *Lindisfarnensem*.

36. *Johannes* papa.

Wilfridus iterum à præfulatu expellitur, & mediterraneorum *Anglorum* suscipit episcopatum, & *Ostorb* *Wiltiorum* consecravat episcopum, quia *Theodorus* archiepiscopus jam defunctus erat.

37. *Chonon* papa.

Cadvaladrus rex *Britonum* à *Sergio* papa confirmatus, migravit ad Dominum.

688.

89. *Sergius* papa.

Justinianus imperator secundus.

90. *Brihtwaldus* abbas de *Raculf Dorobernensium* electus antistes, consecratus est à *Godwino* metropolitano *Walliarum*.

Sergius papa universis episcopis *Britanniæ*. Vobis insinuamus quod dilectissimus frater *Brihtwaldus* *Cantuariorum* provincia præful, juxta ritum præfæ consuetudinis primum totius *Britanniæ* sortitus, cum sacro pallii usu ac venerabilis *dalmaticæ* illic demandatus est: mandantes ut eidem archiepiscopo primum gerenti efficaciter obediat.

691. 692. 693. 694. 695. 696.

Justinianus imperator sextam synodum nititur infirmare.

Leo imperator.

Hyldebertus rex *Francorum*.

Synodus *Aquileie* facta quintam universalem synodum à *Justiniano* imperatore, & *Virgilio* papa *Constantinopoli* celebratam suscipere diffidit.

Tiberius imperator.

700.

701.

699.

Johannes papa.

703.

702.

Johannes papa.

Episcopatus *Dorecestria* divisus est in duas parochias; una data *Danieli*, id est, *Wintona*: altera *Adelmo*, id est, *Siresburnia*.

Mortuo rege *Elfrido*, *Wilfridus* ad propriam sedem revertitur.

Justinianus iterum imperator.

Sisinnius papa.

Constantinus papa.

Choered & *Offa* reges *Anglorum* *Romam* veniunt, ibique in monachis attonsi regi regum militaverunt.

Beda xxx. ætatis suæ anno gradu presbyteratus accepto, libros suos inæepit; in quibus componendis xxix. annis laboravit.

Sanctus *Egwinus Wiltiorum* episcopus, cum rege *Merciorum* *Kinred*, & *Offa* rege orientalium *Saxonum* *Romam* veniens, ut monasterium quod in territorio *Wigornensi* construxerat, ab improborum irruptione securius redderet, epistolam privilegii à papa *Constantino* impetravit.

Wilfridus sanctus meritis & nomine magnus, Quindecies ternos postquam egit episcopus annos, Transit, & gaudens celestia regna petivit, Artatus multis post tempora longa periculis.

710.

711.

Adelardus rex *Westaxonum*,

Romanorum *Philippicus*.

Hoc tempore *Beda* scripsit hystoriam *Anglorum* ad *Ceowlfum* regem *Northanhimbrorum*.

Gregorius papa secundus.

Hic constituit ut quadragesimali tempore jejunium missarumque celebritas fieret, quod ante eum non erat.

Romanorum imperator *Anestafius*.

Mortuo *Daguberto* *Franci* *Danielem* clericum in regem levaverunt, atque *Chilpericum* nuncupant, contra quem *Karolus Martellus* pugnam iniit, atque in fugam compulit.

Hic finita est successio *Merovingorum*.

Nam post transmigratorem generationis ex filia *Clotarii* regis *Anfbertus* genuit *Arnoldum*, *Arnoldus* genuit *Arnulfum*, *Arnulfus* genuit *Anseisum*, *Anseisus* genuit *Pipinum*, *Pipinus* genuit *Karolum Martel*.

Sancta *Cuthberth* monasterium virginum Deo devotarum, in loco qui dicitur *Winburna* construxit.

716.

Theodosius imperator.

Leo imperator.

719.

720.

721.

722.

Ab initio mundi usque ad annum ab incarnatione Domini septingentesimum tricesimum quartum, *Beda* chronica sua perduxit.

725.

726.

727.

728.

729.

Gudredus rex *Westaxonum*.

717.

718.

723.

724.

730.

Gregorius

- An.Dñi Gregorius papa iij.
731. Tatwinus fit archiepiscopus Cantuaria, cui Gregorius papa scripsit in hæc verba: *Præcipimus ut omnis homo totius Angliæ tibi obediat, & te sciat esse primatem totius insule.*
732. Lotharius rex Francorum.
733. Dorobernensi archiepiscopo Thatwine defuncto, Nothelmus ecclesiæ Lundoniensis presbyter in archiepiscopatum successit.
734. Sacerdos venerabilis Beda viij. kal. Junii migravit ad Dominum. Qui quousque anima in corpore fuit, Gloria Patri, & alia quædam spiritualia expallis manibus dicendo, non cessabat Deo gratias agere. Cum autem cantando Gloria Patri, & Filio, & Spiritui sancto, Spiritum sanctum nominasset, spiritum à corpore exalavit ultimum.
735. 736. 737. 738. 739. Nothelmus Dorobernensis archiepiscopus, à Gregorio papa pallium suscepit, qui australibus Saxonibus Wilfrido cum pace domum reverso, Eadri-
thum præfecit antistitem.
740. Chilpericus rex Francorum. Gregorius papa constituit in missa quorum solennitas hodie; & reliqua usque largitor admitte. Karolus Martel Raginfredo civitatem dedit Andegavensem. Pipinum filium suum Papiam direxit, ut juxta morem Liubrandi regis Longobardorum capillum succideret; quem incidens Liubrandus, pater effectus est Pipini.
741. Aquensi urbe à Saracenis desolata, corpus beatæ
742. Mariae Magdalene à Gerardo Comite Burgundie ad cœnobium Viceliacum à se constructum transfertur.
743. 744. 745. 746. Paulus Cassinensis scribit hucusque.
747. Karlomannus filius Pipini regis, à Zacharia
748. papa in monachum tonsoratur.
749. Cuthbertus archiepiscopus Cantuariensis.
750. Collige breviter quot reges Francorum, & quot Majores domus fuerint ab anno DC. lxiij. usque huc, & invenies in sequenti.
- Sigebertus rex Westsaxonum.
- Anno siquidem DC. lxiij. Ebroinus Major domus primo super Lotharium regem Francorum; postmodum super Theodoricum regem fratrem Lotharii principabatur. Theodoricus vero rex propter insolentiam Ebroini à Francis repudiatur, & frater ejus Hyldericus in regnum collocatur. Hilderici major domus erat Wlfobaldus. Postea occiso Hylderico, Theodoricus regno restituitur, & Lendefius major domus efficitur. Rursus Ebroinus Lendefium majorem domus perimit; Clodoveum quendam fingens esse filium Lotharii regis regem sibi facit. Wlfobado majore domus mortuo, Pipinus pater Karoli Martel principatur in Austria. Ebroinum majorem domus Ermenfridus perimit. Warato pro Ebroino major domus statuitur sub rege Theodorico. Waratone quoque mortuo Bertarius fit major domus sub rege Theodorico.
- Zacharias papa.
- Pipinus autem primo sub Theodorico rege, postmodum sub Clodoveo rege, solus toti regno principatur. Grimoaldus filius Pipini in aula Hyldeberti regis major domus statuitur. Grimoaldo mortuo, Theodowaldus nepos Pipini sub Hyldeberto rege major domus efficitur. Mortuo Hyldeberto Francorum rege, Clodoveus filius ejus regnat post eum.

Franci Chilpericum regem statuunt, & Raginfredum majorem domus. Lothario rege mortuo qui successit Clodoveo, Karolus Martellus major domus Chilpericum regem sibi facit. Mortuo Chilperico idem Karolus Theodoricum sibi facit regem. Theodorico mortuo regnat Hyldericus; pro quo Pipinus filius Karoli Marteli in Francia principatur, & post novem annos Hyldericus rex in monachum tonsoratur.

- 10 Pipinus rex Francorum.
752. Stephanus papa. Hic Pipinum unxit in regem.
- Kinewlfus rex Westsaxonum.
- Constantinus imperator synodum congregat trecentorum triginta episcoporum, & de ymaginibus deponendis contra orthodoxos tyrannizat.
756. 757. Tuor filius Cadwaladri, & Tuor nepos ejus Saxones inquietaverunt.
- 20 Breowinus fit archiepiscopus Cantuaria.
- Paulus papa.
- Jambertus abbas sancti Augustini, Dorobernensium electus antistes, benedictionem & pallium à papa Paulo suscepit.
- Pipinus rex Agentium, Petragoricas & Engolismum devastat.
- Judei ymaginem Jesu Salvatoris nostri invenientes in domo cujusdam Judei ibi relictam à quodam Christiano eam deponunt, & omnia obprobria quæ Judei Jesu Christo intulerunt imagini ejus inferebant; tandem lancea latere ejus aperto exivit de eo sanguis & aqua. Quod illi supposita ampulla suscipientes, omnes infirmos in synagoga sua collectos sanabat. Quod cum vidissent Judei baptizati sunt omnes. Passio autem Dominicæ ymagine celebratur singulis annis 5. idus Novembris apud Berithum.
- In præsentia Pipini regis, inter Græcos & Romanos celebratur synodus de sancta Trinitate & sanctorum ymaginibus.
767. Pipino successit Karolus filius ejus, pro felicitatis magnitudine cognominatus Magnus.
- Constantino papa schismatico oculis privato Stephanus papa constituitur. Hic synodum Romæ congregat, & ordinatos à Constantino schismatico reordinat.
769. 770. 771. 772. Adriannus papa. Hic ad tuendas res ecclesiæ Karolum Romam accersit; quo pergens Papiam obledit; ibique relicto exercitu Romam pervenit, sanctam resurrectionem ibi peregit; postea rediens Papiam cepit. Iterumque Romam rediit, synodum constituit cum Adriano papa aliisque centum quinquaginta tribus religiosis episcopis & abbatibus. In qua Adrianus papa, cum universa synodo dedit ei jus eligendi pontificem, & ordinandi apostolicam sedem, dignitatem quoque patriciatus. Insuper archiepiscopos & episcopos per singulas provincias ab eo investituram accipere diffinivit, & ut nisi à rege laudetur & investiat, episcopus à nemine consecratur.
- Karolus rex Desiderium regem Papiæ perpetuo exilio damnat. Veronem capit urbem. Forum Julii subjugat. Duos clericos Romam misit, ut autenticum cantum à Romanis discerent & Gallos docerent.

- Dñi** *Brittricus rex Westsaxonum.*
 774. 775.
 776. *Winthichindus dux Saxonum à Karolo subjugatur.*
 777. *Leo imperator Constantinopolitanus.*
 778. *Karolus in Hispania Caesar-Augustam delet, Panpilonem subicit.*
 779. 780.
 781. *Leo imperator cum insaniret cupiditate circa preciosos lapides, adamavit magnam sanctæ Sophia coronam, & accipiens portavit eam, & exierunt carbunculi in capite ejus, & captus à febre mortuus est.*
 782. *Trene imperatrix Constantinopolitana, cum filio suo Constantino.*
 783. 784. 785. 786.
 787. *Adelardus Wintoniensis episcopus fit archiepiscopus Cantuariensis.*
Offa rex Merciorum interfecto rege Adelberto contraxit inimicitias cum Cantuariis. Jambertum quoque Dorobernensem archiepiscopum primatu spoliare, regnumque Merciorum archiepiscopatu insignire affectans, epistolis ad Adrianum papam directis egit, ut pallio Adulfum Lichesfeldensem episcopum efferret, omnesque Merciorum episcopos, scilicet Wigornensem, Legecestrensem, Cidnacestrensem, Herefordensem ei subjugaret, & præterea duos orientalium Anglorum episcopos, scilicet Elmanensem & Dumnoccensem. Sterit autem hæc perversitas toto prælatus Jamberti tempore; sed Adelardus successor Jamberti in contrarium impetravit rescriptum à Leone papa, cujus exemplum infra positum est.
Signum crucis in vestibus hominum apparuit. Sanguis de cælo & terra profluxit.
 788. *Karolus rex Romanam venit, Eregisus dux Beneventi gratiam ejus redimit.*
Instantia Tharassi patriarchæ Constantinopolitani, & Adriani papæ, secundo apud Nieham universalis synodus CCCL. episcoporum congregatur, & hæresis execrantium ymages Dei in perpetuum abdicatur, in præsentia Trenes & filii ejus Constantini.
Thassilo dux Baioaria, Hardericus dux Austrasiorum, Adelgisus filius Desiderii regis, Slavonenses etiam contra Karolum venientes, aut perimuntur, aut exiliantur.
 789.
 790. *Karolus rex in Egypto, in Siria, in Affrica, sed præcipue in Ierosolimis liberalitate eleemosinarum Christianis pauperibus solatiabatur.*
 791. *Constantinus matrem suam Trenem imperio privat.*
In dormitorio beati Martini Turonensis in Castello novo duo angeli ingressi sunt; unus extendebat indicem, alter monachum quem ille ostenderat percutiebat. Unus vigilans solus evasit, dicens, Adjuro te per nomen omnipotentis Dei ne me percutias. Monachi illi, ut refert sanctus Odo, nimis delitiose vivebant, & sericis induebantur vestibus, calciamenta erant vitrei coloris.
 792. *Pipinus Karoli regis ex concubina filius, adversus patrem insurgens tonforatur & monachatur.*
 793. *Ædbrihtus rex Westsaxonum.*
Inventio sancti Albani à rege Offa kalend. Augusti.
Rex Offa eadem die kal. Augusti, qua die beatus Albanus inventus fuit, Willegodum abbatem

primum monachis introductum ecclesiæ beati Albani præfecit, & sub regulari vita vivere instituit. Willegodo successit Edricus abbas secundus. Edrico Wlfigus, abbas tertius. Wlfigo Wlnothus, abbas quartus. Wlnotho Elfridus, abbas quintus. Edfrido Wlfinus, abbas sextus. Wlfino Elfricus, abbas septimus. Elfrico Eldredus, abbas octavus. Eldredo Edmarus, abbas nonus. Edmaro Eluricus, abbas decimus. Hic factus est archiepiscopus Cantuarie. Cui successit in abbazia sancti Albani Leofricus abbas undecimus, frater ipsius Elurici.

Kinewlfi regis anno primo Ethelboldo regi Mercæ successit Bronred in regnum; sed brevi. Offa enim eodem anno aufugavit eum, regnavitque super Merciam xxxix. annis. Offa juvenis nobilissimus; fuit filius quidem Wingferd, filii Canwlf, filii Ofmod, filii Epa, filii Wibba, filii Creada, filii Cynewald, filii Cnibba, filii Teil, filii Com. filii Angeltrew, filii Offa, filii Wermund, filii Witlat, filii Woden. Offa rex strenuissimus fuit; vicit namque Kentenses prælio; vicit etiam Westsexas prælio; vicit quoque Northanhymros prælio. Offa vir religiosus fuit. Transtulit namque sancti Albani offa in monasterium quod construxerat multisque modis ditaverat. Deditque vicario beati Petri Romane urbis pontifici redditum statutum de singulis domibus regni sui in æternum. De quo reddito singulis annis per universam Britanniam colligendo, & sanctæ Romane ecclesiæ pro stabilitate regni sui, & salute communi transmittendo decrevit, ut quantum in terra sancti martyris Albani proveniret, ab his quibus injunctum fuerit ab abbate ipsius monasterii undecunque collectum nullatenus alias asportetur, sed altari beati Albani fideliter oblatum, ad utilitatem ejusdem ecclesiæ secundum quod abbas decreverit inviolabiliter expendatur.

Karolus rex non solum patria lingua, sed etiam peregrinis linguis eruditus, barbara & antiquissima carmina quibus veterum regum bella, actus canebantur scripsit, & memoriæ mandavit. Inchoavit etiam grammaticam patrii sermonis. Mensibus anni juxta propriam, id est, Tentonicam linguam vocabula imposuit. Ventos etiam duodecim propriis nominibus appellavit, cum antea quatuor tantum cardinales venti nominarentur.

Karolus rex extruxit basilicam Aquisgrani; ad cujus structuram columnas & marmora devehit fecit à Roma & Ravenna.

Adelbertus rex orientalium Anglorum, Offa regis Merciorum jussione, & Cynedritha reginæ nefaria persuasione vita privatus est capitis abscissione.

Leo papa; qui mox clavem confessionis sancti Petri cum vexillo Romane urbis Karolo regi misit.

Leo papa Adelardo archiepiscopo Doroberniæ.

Tibi Adelarde tuisque successoribus omnes Anglorum ecclesias, sicut à priscis temporibus fuerunt, imperpetuum in ipsa tua metropolitana sede per subjectionis cognitionem irrefragabili jure concedimus optinendas. Si quis vero, quod non optamus, contra hanc diffinitionis nostræ vel apostolici privilegii auctoritatem venire temptaverit, ex apostolica auctoritate statuimus, ut si archiepiscopus vel episcopus fuerit ex ordine præsulatus sit dejectus; similiter presbyter, vel diaconus, aut alius quilibet minister sacri ministerii si fuerit, ab ordine sit depositus; si autem ex numero laicorum fuerit, tam

An. Dñi *tām rex quam princeps, aut quelibet magna sive parva sit persona, sacra communicationis participatione se noverit alienum.*

797. *Trene imperatrix filium suum Constantinum oculis & imperio privat.*

798. *Sol obtenebratus est per dies xvij.*

799. *Leonem papam celebritatem letaniz majoris agentem Romani capiunt, linguam ei & oculos evelunt; cui voce & visu reddito divinitus, iterum ei oculos & linguam erunt.*

800. *In mense Julio aspera & gelu concreta bis fuit pruina, sed nichil fructibus nocuit.*

Wluredus Dorobernensium electus antistes, Roma consecratus est à Leone papa.

801. *Romani quia Leonem papam indigne tractaverant, à rege Karolo damnantur.*

Quoniam Trene imperatrix excacato imperatore Constantino filio suo Romanis imperabat, uno omnium consensu Karolo regi imperatorias laudes acclamant, eumque per manum Leonis papæ coronant, Casarem & Augustum appellant.

Hamon.
lib.3.

Christus vincit, Christus regnat, Christus imperat, Karolo Augusto à Deo coronato, magno & pacifico imperatori Romano, vita & victoria.

Inmutato ordine regnorum immutandus est etiam ordo titulorum, quia abhinc sub uno comprehendendum est regnum Francorum & Romanorum; & Constantinopolitanum regnum distinguendum est à regno Romanorum.

Ex quo Bisantium Thracie civitas à primo Constantino in novam ampliata, & in regiam urbem est exaltata & translata, in illam omni Romana dignitatis gloria in sedem Romani imperii dedicata, & nova Roma est appellata; Evolutis annis circiter quadringentis sexaginta octo, diviso à Constantino Romano imperio, Karolus primus Francorum imperat Romanis annis xij.

802. *Karolo imperatori rex Persarum elephantem mittit.*

803.

804. *Avares qui & Huni, quicquid pecuniæ & thesauri per secula multa congesserant, totum victoriæ Francorum cessit.*

805. *Avares non ferentes infestationem Sclavorum, à Karolo imperatore inter Sabariam & Charantanum impetraverunt habitandi locum, ibique sine regni nomine refederunt sub ditione Francorum.*

Karolus imperator indignantibus contra se imperatoribus Constantinopolitanis propter invidiam imperatorii nominis à Romanis sibi impositi, crebris legationibus eos sibi conciliabat.

806. *Karolus inter filios suos partitionem regni facit, & inde testamentum factum sua & Leonis papæ auctoritate confirmat.*

807. *Chumaidamiras missus ab Aaron rege Persarum ad excindendam Liciam, cum venisset Mirram, nifus S. Nicholai contere Archam, pro ea contrivit aliam, & pro temeritate incurrens vindictam, subsequente inevitabili tempestate classem amisit totam.*

808. *Temporibus Karoli imperatoris, inter Græcos & Romanos in Italia primo conflictus habitus est. Secundo in Italia inter Francos & Avares. Tertio inter Avares & Baiuarios. Quarto inter Avares & Francos; & in omnibus locis Karolus suis provenisse victoriam lætatus est.*

Alcuinus de Britannia oriundus magister deliciosus regis Karoli, scientia literarum præpollet in

Gallia; cujus præcipue magisterio ipse rex omnes liberales artes didicit. Hic multa scripsit; inter quæ eminent libri de sancta Trinitate scripti ad ipsum regem.

Karolus imperator per manum Pauli Diaconi sui decerpens optima quæque de scriptis catholicorum patrum, lectiones unicuique festivitati convenientes per circulum anni in ecclesia legends compilari fecit:

10 *Hic liberos suos ita censuit instituendos, ut tam filii quam filiarum primò liberalibus studiis quibus & ipse operam dabat erudirentur; filias vero lanificio, colo ac fuso, ne per otia torperent, impendere jussit operam.*

Pippinus rex Italiae Venetiam bello sibi subigit, & non multo post Mediolani obiit; & Karolus imperator Venetiam Nicephoro reddit.

20 *Karolus in tres partes regni sui tres exercitus misit; unum trans Albiam qui Hylviones debellavit; unum in Pannoniam qui reliquias Hunorum & Sclavos compressit; unum contra Britones qui eorum perfidiam contudit, & ubique sibi victoria provenit.*

Karolus imperator rerum suarum hæredem Christum testamento facit, & quicquid in re mancipi habebat, in tres partes divisit. Terciam eorum pauperibus & famulantibus palatio delegavit. Duas vero partes in partes xx. & unam subdivisit, & metropolitanis episcopis qui totidem sibi suberant distribuit, ut metropolis ecclesia terciam assignatæ sibi partis haberet, & duas inter suffraganeos episcopos divideret.

Nomina Archiepiscopalium civitatum quæ erant sub Karolo.

Roma.	Besontio.
Ravenna.	Lugdunus.
Mediolanum.	Vienna.
Forum Julii quæ & Aquileia.	Rothomagus.
Gradus.	Remis.
Colonia.	Arelas.
Maguntia.	Daranthasia.
Juvanum quæ & Salzburgh.	Ebredunum.
Treveris.	Burdegala.
Senonis.	Turonis.
	Bithurice.

50 *Terciarum partis quam integram reservari voluit, iij. factæ sunt subdivisiones: una earum addita est duabus supradictis partibus. Secunda filiis & filiabus divisa est. Tercia usibus pauperum. Quarta usibus famulantium.*

811. *Maguntia pons quingentorum passuum longitudinis trans Rhenum, quem Karolus imperator per x. annos ingenti labore & mirabili opere de lignis construxerat, ita ut in perpetuo durare posse videretur, ita tribus horis conflagravit, ut ne una quidem hastula super aquam remaneret.*

812. *Karolus imperator Ludovico filio suo coronam imperialem imposuit, et Bernardum filium Pippini regis, regem Italia facit.*

813. *Karolus imperator per totas Gallias Concilia super statu ecclesiarum ab episcopis celebrari edicit: Unum fuit Maguncie, alterum Remis, tertium Turonis, quartum Cabillonis, quintum Arelathe.*

814. *Karolus imperator gloriosus, regno et imperio suo pacato et dilatato, statu quoque ecclesiæ sancte et religiose ordinato moritur, et sepelitur. Aquisgranum anno*

Dñi anno ætatis suæ septuagesimo secundo ; qui pro magnitudine operum agnominatus est Magnus; Cujus vitam *Alcuinus* descripsit. Post quem *Ludovicus* Pius filius ejus imperavit annis viginti sex.

Ædbrietus rex *Westaxonum* *Bernulfum* regem *Merciorum* vicit apud *Hyllendune* in *Midelfexia*. Romanorum *Ludovicus* Imperator.

Stephanus papa. Iste obviavit *Ludovico* in magno campo *Remensum*, & sequenti dominica unxit eum in Imperatorem, & coronam capiti *Hymigarde* reginæ imposuit.

Paschalis papa.

Temporibus *Ludovici* Imperatoris floruit *Theodulphus Aurelianensis* episcopus. Hic infimulatus multis criminibus apud Imperatorem *Andegavis* est exilio relegatus. Contigit autem ut ibidem die palmarum veniret Imperator. Et cum secus domum qua tenebatur episcopus processio pertransiret, præsentem Imperatorem illos pulcherrimos versus, qui nunc usque ea die psalluntur, à se editos per fenestram decantavit, *Gloria laus & honor tibi sit rex Christe &c.* quibus Imperator emollitus eum à vinculis absolutum priori gratiæ redonavit.

Hoc tempore floruit

Eugenius papa.

Mortua *Yrmigardi* Regina *Ludovicus* *Judith* filiam *Welfi* ducis *Baioriarum* duxit, ex qua genuit *Karolum calvum*. *Ludovicus* Imperator *Karolo calvo* filio suo *Franciam* partemque *Burgundia* coram filiis suis dedit.

Qui prius vocati sunt Reges *Westaxonum* ab hinc vocandi sunt Reges *Anglorum*.

Edelwulfus rex *Anglorum*.

Valentinus papa.

Gregorius papa qui & *Leo* papa iiij.

Tres filii *Ludovici* Imperatoris reginam *Judith* separantes ab eo, *Pippinus* in *Aquitania*, *Ludovicus* in *Bavariam* perrexit, *Lotharius* vero patrem ad *Aquisgrani* palatium duxit ; ubi Imperator episcoporum judicio arma deposuit, & ad agendam potentiam inclusus est.

Ludovicus patrem suum Imperatorem ab inclusione ejecit & in sedem imperialem restituit.

Gregorius papa consummatam novæ urbis fabricam solenniter dedicavit. Eamque urbem *Leonianam* appellavit ; vel à *Leone* tercio hujus nominis papa, qui hujus operis fundamenta olim jecerat, vel à se ipso quia & ipse *Leo* quartus dictus est.

Feologildus *Dorobernensis* archiepiscopus.

Ceonodus *Dorobernensis* archiepiscopus.

Ludovicus & *Karolus* copiis congregatis apud *Fontaniacum* fratrem *Lotharium* bello vicerunt.

Tres fratres regnum *Francorum* inter se diviserrunt.

Karolus accepit occidentalia regna à *Britannico* oceano usque ad *Mosam* fluvium, in qua parte extunc & modo nomen *Francia* remansit. *Ludovico* orientalia regna cesserunt, omnis scilicet *Germania* usque ad *Reni* fluentia, & aliquæ trans *Renum* civitates cum adjacentibus pagis propter vini copiam.

Lotharius qui major natu erat & Imperator appellabatur, omnia *Italia* regna tenuit cum ipsa *Roma*.

Adelwulfus rex *Anglorum*.

Karolus calvus rex *Francorum*.

Hamonius Cronica sua hic terminat.

De origine Comitum *Andegavensium*.

Fuit vir quidam de *Armorica Gallia* in pago *Redonico* nomine *Torquatus*, quem *Karolus calvus* illius forestæ quæ *Nidus Merula* nuncupatur forestarium constituit. Hic genuit *Tertullum*. *Tertullus* quidem acer ingenio fortunam suam animi amplitudine supervadens in *Franciam* abiit sub rege *Karolo* militaturus. Quem *Karolus calvus* ob merita sua karissimum habens, uxorem ei dedit filiam Ducis *Burgundia* nomine *Petronillam*, cum beneficio in *Landonensi* castro & aliis terris in pago *Gastinensi* & aliis locis per *Franciam*. Qui genuit *Ingelgerium*.

Michael Imperator *Constantinopolitanus*.

Normanni sub *Bier* filio Regis *Danemarchia* & magistro ejus *Hastungo* *Franciam* infestant, & usque *Parisius* navigio veniunt.

Edulfus rex *Westaxonum* tributum sancto *Petro* solvit quod vocatur *Romescoth*. Hic in juventute ficut legitur fuit episcopus *Wintonia*.

Leo papa iiij. hujus nominis.

Ad quem *Athelwulfus* Rex *Anglorum* filium suum *Aluredum* magno nobilium numero constipatum honorifice *Romam* transmisit. Quem *Leo* papa rogatu sui patris ordinans, unxit in Regem.

Sergius papa.

Si de unctiōe Regum *Angliæ* contrarium aliquid inveneris, quæ hic vel in sequenti reperieris, in autentico libro condam.

Theodericus episcopus *Londonia*.

Athelwulfus Rex *Anglorum* decimam totius regni sui partem ab omni regali servicio liberavit, *Romam* perrexit, filium suum *Aluredum* secum duxit, anno integro *Roma* moratus est. Interim *Adelbaldis* filius suus adversus patrem conspiravit, *Roma* redeuntem non admisit. Adunatum itaque antea regnum, inter patrem & filium dividitur. *Adelwulfus* igitur *Judith* filiam *Karoli calvi* Regis *Francorum* quam à patre suo in *Francia* acceperat, reginam sibi sociavit.

Normanni per mare *Britannicum* ostia *Ligeris* ingressi, urbem *Nannetem* invadunt, episcopum fabiato sancto *Pascæ* baptismum celebrantem trucidant, clerum & populum perimunt ; Inde *Andegavis*, deinde *Turonis* occupant, & ut tempestas omnia diruunt, Templum etiam sancti *Martini* incendunt.

Æthelbaldis Rex *Anglorum*.

Benedictus papa, adversus quem *Anastasius* præsulatum invadit.

853.

854.

855.

Ludovicus Imperator *Romanus*.

857.

Nicholaus papa.

Æthelbriht Rex *Anglorum*.

Numeneus Rex *Britonum* regnum *Francorum* infestans, à sancto *Maurilio* quondam *Andegavensi* episcopo baculo percussus in capite periit.

Lotharius Rex *Waldradam* pelicem superduxit conjugi suæ *Theberge*, consentientibus sibi archiepiscopis *Gunthario* *Colonienfi* & *Tiegando* *Treverenfi*, quos papa *Nicholaus* ab ordine movit, excommunicavit, uti tantum laicali communionem concessit.

Æthered Rex *Anglorum*.

865.

866.

867.

Adrianus papa.

X

869

An. Dñi

844.

845.

846.

847.

848.

849.

850.

851.

852.

856.

858.

859.

860.

861.

862.

863.

864.

868.

- An. Dñi 869. 870. 871.
872. *Alfredus rex Anglorum* quem *Leo* papa Roma consecraverat, mortuis tribus suis fratribus nunc primum cœpit regnare.
Basilinus Imperator Constantinopolitanus.
Lotharius rex Romam ad *Adrianum* papam se excusatum vadit, à quo dum pro comprobatione innocentie suæ, ad examinationem corporis & sanguinis Domini, tam ipse quam optimates regni invitati fuissent, & ipse & omnes qui corpus Domini cum eo temere præsumpserunt accipere, infra ipsum annum perierunt; Ipso statim in redeundo *Placentie* defuncto.
- Æthelredus Dorobernensis* archiepiscopus. Hic *Chevellianus* episcopum *Landavia*, & post *Liban* episcopum *Landavia*, & post *Lunverd* episcopum sancti *David* Cantuariæ consecravit.
- Karolus calvus* rex Francorum *Karlomanum* filium suum ad apostasiam lapsum excæcavit.
873. *Johannes* papa.
Normanni ducem habentes *Bier* cum per xx. annos *Galliam* infestassent, in patriam suam reversi, intestino bello perierunt.
874. Locustæ *Galliam* depopulantur innumerabiles, cæteris locustis majores.
875. 876.
877. *Karolus* Imperator Romanus.
- 878.
879. *Ludovicus balbus* rex Francorum.
880. *Ludovicus balbus* moriens reliquit uxorem gravidam quæ peperit *Karolum simplicem*.
Ludovicus balbi ex concubina *Ludovicus* & *Karlomanus* dicti regnum interim Francorum inter se dividerunt, regnantes annis quinque.
Ingelgerus juvenis alacer & miles optimus domini pagi *Gastinensis*, matrem sibi spiritualem, de adulterio falso imperitam monomachico certamine liberavit, & ob id factum egregium apud *Londonsensem* castrum casamentum ejus plurimum augmentatum est. Postea vero *Ludovicus* filius *Karoli calvi* vicecomitatum *Anrelianensem* & præfecturam *Turonorum* & ducatum *Andegavis* comitatum ei in casamento donavit. Ultra *Meduanam* alter Comes habebatur. Rursus *Adalardus* & *Ranno* ambo germani fratres, *Thuronensem* & *Andegavensem* pontifices neptem suam *Aelendim* nomine cum alodiis suis, scilicet *Ambazie*, *Busenciaco*, & *Castellione* ei in conjugium copularunt. Qui post gravia bella insignesque victorias concessit in fatum, sepultusq; est in ecclesia beati *Martini Castris* novi.
881. *Æthelredus* archiepiscopus Cant.
882. *Normanni* duce *Rollone* adjunctis sibi *Danis* *Franciam* & *Lotharingiam* pervagantes *Ambianis*, *Atrebatum*, *Cameracum*, *Turnacum*, fines *Morinorum* & terram circa *Scaldum* flumen devastant. Postmodum ostium *Sequane* penetrantes, *Rotomagus* obsident.
884. 885.
886. *Marinus* papa.
887. *Leo* Imperator Constantinopolitanus.
Suithelmus *Syreburnensis* episcopus.
Hic elemosinam Regis *Aluredi* ad sanctum *Thomam* in *Indiam* detulit, indeque prospere rediit.
- 888.
889. *Adriannus* papa.
890. *Franci* neglecto *Karolo simplici* Regem sibi præficiunt *Odonem* ducem *Aquitanie*.

- Arnulfus* Imperator Romanus.
Odo rex Francorum.
Ab hoc tempore *Luitprandus* diaconus *Ticinenfis* ecclesie hystoriam suam orditur.
892. 893.
- Franci* *Karolum simplicem* in regnum revocant, & *Remis* à *Fulcone* archiepiscopo in Regem benedici faciunt.
- Stephanus* papa.
- Berno* ex *Comite* abbas *Gigni*acensis cœnobii à se fundati construxit *Cluniacum* in cellam *Gigni*ensem.
- Pleimundus* fit archiepiscopus *Dorobernia*.
- Edwardus* rex Anglorum est consecratus in Regem à *Pleimundo* *Dorobernensi* archiepiscopo apud *Kingestune*.
- Hic etiam Regina sua *Alfleda* duos filios peperit, *Hathelstanum* & *Adwinum*, & sex filias, quarum *Eadflæda* & *Æthelhilda* sanctimoniales apud *Wiltonam* requiescunt. *Eadivam* vero habuit conjugem *Otto* Romanorum Imperator. *Eadbildam* autem *Karolus simplex* rex Francorum. Sanctam *Eadbildam* *Sihricus* rex *Nortanhymbrorum*. *Hugo magnus* filius *Roberti* ducis *Parisiensis* duxit quartam, id est *Ealfgifam*. Regina vero sua *Ediva* peperit ei *Edmundum* & *Adredum* & sanctam *Eadburgam* quæ apud *Wintoniam* requiescit.
- Karolus simplex* rex Francorum.
- Formosus* papa. Hic cum esset episcopus *Portnensis*, à *Johanne* papa viij. usque ad laicalem habitum degradatus est, jurans se non amplius *Romam* intraturum nec episcopatum urbis suæ repetiturum; Quem post *Marinus* papa successor *Johannis* restituit. *Arnulfus* Imperator *Romam* venit, & cum non esset à *Romanis* admissus *Romam* obsedit.
- Lepusculo forte versus urbem fugiente & exercitu cum clamore nimio sequente, *Romani* timentes se de muro proiciunt, & hostibus murum ascendendi locum faciunt; sic *Roma* capta, *Arnulfus* in Imperatorem benedicitur.
- Fulco* *Remorum* archiepiscopus perimitur jussu *Baldewini* *Flandrensis* Comititis à *Winemaro* satellite suo, pro eo quod abbatiam Sancti *Vedasti* *Atrebatensis* à *Karolo simplici* acceperat quam *Baldewinus* ante invaserat.
- Bonifacius* papa.
- Stephanus* papa.
- Arnulfus* Imper. consumptus pediculis expiravit.
- Stephanus* papa ordinationes *Formosi* papæ devocavit in irritum. Legitur enim quia ipse & non *Sergius* papa corpus *Formosi* à sepulchro in Concilio protractum & papali veste exutum laicali induit, & absicis tribus digitis dexterae manus ejus, in *Tyberim* præcipitari fecit; Quem à piscatoribus inventum & in basilica sancti *Petri* deportatum quædam Sanctorum ymagines adorasse & venerabiliter salutasse palam omnibus visæ sunt.
- Romanus* papa.
- Ludovicus* Imperator Romanus.
- Theodorus* papa. Hic contra *Stephanum* papam sentiens reconciliavit ordinatos à *Formoso*.
- Johannes* papa.
- Hic ad confirmandam *Formosi* ordinationem, *Synodum* septuaginta quatuor episcoporum apud *Ravennam* congregavit.
- Benedictus* papa.
- Leo* papa. Contra hunc *Christophorus* surgit.
- Constantinus

Dñi *Constantinus Imperator Constantinopolitanus.*
58. *Sergius papa.*
59. *Rollo civitatem Carnoti obsedit, sed episcopus ejusdem urbis Walterius nomine tunicam sanctæ Mariæ virginis in manibus ferens Rollonem fugavit.*
Frithestanus ad Wintoniensem, Ethelstanus ad Cornubiensem, Westanus ad Scireburnensem, Athelmus ad Wellensem, Eadulfus ad Cridiensem, Bernechus australibus Saxonibus, Kenulfus ad civitatem Dorcestre à Pleimundo Dorobernensi archiepiscopo uno die Cantuaria ordinati sunt Pontifices.
Formosus papa omnibus episcopis Angliæ. Sicut ex scriptis beati Gregorii papa ejusque successoribus tenemus, in Dorobernia civitate Metropolitim sedemque primam episcopalem constat esse; & sicut beatus papa Gregorius primo vestra gentis episcopo Augustino omnes Anglorum episcopos esse subiectos constituit, sic nos Pleimundo Dorobernensi archiepiscopo ejusque successoribus legitimis eandem dignitatem confirmamus.
10. *Regino abbas Pruniensis. Chronica sua à nativitate Domini inchoata usque ad hunc annum perduxit.*
911.
12. *Baptizatus est Rollo dux Normannorum cum multitudine gentis suæ virorum illustrium à Franco-ne Rothomagensi archiepiscopo. Factaque est pax inter Karolum Regem Franciæ & Rollonem, deditque ei Karolus filiam suam Gislam; Quam mortua sine filiis Rollo accepit Popam prius repudiatam uxorem, filiam scilicet Widonis Comitis Silvanectensis, de qua genuit Willielmum Longam spatam.*
Fulco Ruffus filius Ingelgerii integrum comitatum Andegavensium & abbatias sancti Albini & sancti Sergii quæ antea Regis dominicæ fuerant adeptus est. Qui duxit uxorem nomine Rocillam Garnerii filiam, cum tribus castellis, scilicet Lochis, Vilestras & Labaia. Iste genuit tres filios, Guidonem, qui factus est episcopus Suesonensis; Ingelgerium, qui interfectus est à Normannis; & Fulconem, qui vocatus est bonus. Fulco Ruffus senex & plenus dierum mortuus est & sepultus in ecclesia beati Martini juxta patrem suum.
913.
914. *Athelmus Wellensis episcopus Dorobernensis levatur archiepiscopus.*
915. **916.**
917. *Willielmus Longa spata Rolloni successit in ducatu Normanniæ.*
918. *Anastasius papa.*
919. *Lando papa.*
920. *Johannes papa.*
Henricus Imperator Romanus.
921.
922. *Karolus simplex Robertum Ducem Parisensium regnum invadentem Francorum cum multis peremit, & se & Franciam Henrico regi Teutonico qui ei auxilio fuerat submittit. Lotharingia regnum reddit.*
923. *Edelstanus filius Edwardi regnavit annis xvj. consecratus ab Athelmo Dorobernensi archiepiscopo apud Kingestune.*
Wlfelms Wellensis episcopus fit archiepiscopus Dorobernensis.
Karolus simplex rex Francorum à Comite Hereberto captus, in custodiam Perone traditur ob ne-

cem Roberti ducis Parisensium ab eo perempti. An. Dñi
Rex Henricus Transfrenanus agrarios milites recensens, edixit ut octo eorum in agris & nonus in urbe moraretur, ut octo in agris & sibi & nono laborarent, nonus vero in urbe terciam partem omnium frugum illorum reservaret in ædibus à se ad hoc extructis, ut in bello nichil alicui eorum deesset, utriusque rebus & viris plenæ essent.
Karolus simplex in custodia Hereberti moritur.
10 *Radulphus regnat in Francia.*
Ludovicus filius Karoli simplicis transit in Angliam, quem anno sequenti rex Ethelstanus avunculus suus accepto prius jurejurando à Francorum legatis, in Franciam cum quibusdam episcopis & aliis fidelibus suis dirigit. Qui susceptus à Francis, apud Laudunum ab Artallo archiepiscopo coronatur.
Leo papa.
931.
20 *Frethestanus Wintoniensis episcopus ordinato pro se in episcopatu Brinstano, Wintoniæ resedit. Hic Frethestanus cotidie Missam pro defunctorum requie cantavit, nocte cimiteria circumivit, pro animarum salute psalmos cantavit. Quadam vice hoc agens, dum expletis omnibus subjungeret requiescant in pace, subito voces quasi exercitus infiniti è sepulchris audivit respondentium Amen.*
Bellum inter Willielmum Longam spatam & Riculphum.
30 *Johannes papa.*
Leo papa.
Stephanus papa.
Odo episcopus Malmesburie eligitur in Dorobernensem archiepiscopum. Sed ille quia nondum amicisset monachum, constantius cœpit renitine majorem morem ambitione sua turbare videretur. Nul- lum enim viderant ad id tempus archiepiscopum, nisi monachili scemate indutum fuisse. Sed cum regis voluntati episcoporum omnium assensus accederet, tandem propositi sui rigore edomito, transito mari apud Floriacum monachilia suscepit, & Angliam rediens, in Cantuariensi archiepiscopatu magnam apud Adelfstanum regem gratiam obrinuit.
Eadmundus rex Anglorum consecratus est ab Odone Dorobernensi archiepiscopo apud Kingestune.
Oto imperator Romanorum.
Stephanus papa.
Marinus papa.
50 *Occiditur Willielmus Longa spata dux Normannorum filius Rollonis nequitia & traditione Arnulfi Comitis Flandrensium. Cum enim idem Arnulfus Herlewino Comiti Pontivi monasterium castrum, tradente quodam proditore, abstulisset, uxorem ipsius Herlvini cum filiis ad regem Angliæ mittit; Cujus calamitati dux Normannorum Willielmus compassus, collecta non modica manu monasterium pugnando recepit, & ex militibus Arnulfi quos intus invenit nonnullos interemit, quosdam vero propter uxorem ipsius Herlvini recipiendam reservavit. Unde Arnulfus efferatus invitans ducem ad colloquium trucidari fecit apud Pinchinhiacum.*
Ricardus dux Normannorum.
Orta dissensione inter principes de varietate legis, utrum deberent avis superstitibus filii filiorum post patres defunctos hæreditare, an exhæredatis fratru- libus deberet hæreditas ad patruos redire; Ex regis Otonis omniumque principum sententia cognitio ve-

An. Dñi ritatis commissa est gladiatorio iudicio; Cessitque victoria his qui censebant fratrum filios debere cum patribus hereditare.

947. *Eadredus* frater *Athelstani* consecratus est ab *Odone Dorobernensi* archiepiscopo apud *Kingestune*.

948. *Odo* archiepiscopus *Cantuariensis* in *Northan-*

949. *hymbros* profectus, patris *Wilfridi* reliquias à *Ri-*

950. *pensi* ecclesia transfudit apud *Cantuariam*.

Stephanus & *Constantinus* Imperatores filii *Romani* Imperatoris ægre ferentes se iuxta patris sui severitatem à juvenili levitate choereri, patrem de palatii folio deponunt, & tonso capite ad vicinam insulam in qua cœnobitæ philosophabantur transmittunt.

Dum rex *Ludovicus* moraretur *Rothomagi*, *Hai-*
grolfus *Normannus* qui *Baiocis* præerat mandat ei quod ad eum venturus esset conducto tempore, vel locosi rex ad illum locum accederet; veniente denique rege ad locum denominatum, *Aigrolfus* cum multitudine *Normannorum* advenerat, invadensque socios regis pene cunctos interemit; rex solus fugam iniit. Qui *Rothomagum* veniens comprehensus est ab aliis *Normannis* quos sibi fideles esse putabat, & sub custodia detentus. Sed tandem filio suo obside dato cum *Widone Suefforum* episcopo, rex à *Normannis* dimittitur.

951. *Stephanus* & *Constantinus* post patris depulsionem, à *Constantino* filio *Leonis* Imperatoris tonsis capitibus, ad idem monasterium ad quod patrem suum *Romanum* Imperatorem transmiserant, & ipsi ad

952. philosophandum transmittuntur cum monachis.

953. *Agapitus* papa.

954. *Edwinus* filius *Edmundi* rex *Anglorum* consecra-

955. tus ab *Odone Dorobernensi* archiepiscopo apud

956. *Kingestune*.

957. *Liudolfus* filius Imperatoris *Ottonis* primi instin-

958. ctu *Conradi* ducis contra patrem suum rebellat.

959. *Lotharius* rex *Francorum*.

960. *Fulco* bonus tertius Comes *Andegavensium* in ecclesia sancti *Martini* in castello novo Canonicus ascriptus fuit. In festis Sancti ejusdem in choro inter psallentes clericos cum veste clericali, & sub disciplina eorum astabat. Hospitabatur apud medicrem aliquem ex clericis, & domum ipsius magno cultu & sumptu venustabat ut in decessu suo tenuis hospes diratus remaneret. Contigit quodam tempore regem *Francorum* *Lotharium* apud *Turonium* civitatem in festo sancti *Martini* æstivalis affore; affuit autem & Comes *Andegavorum* in habitu clericali, & quæ dei sunt in choro cæteris devotior celebrabat: ob hoc nobiles Palatini lateri regis adhærentes, cum ipso rege cœperunt deludendo dicere, quod Comes *Andegavorum* ut presbyter canebar, rex autem *Francie* cum aliis deludens nobile opus viri derisit. Quo audito, Comes *Andegavorum* litteras hujusmodi formam habentes scripsit; Regi *Francorum* Comes *Andegavorum*. Noveritis domine quod rex illiteratus est asinus coronatus. Composuit idem reverendæ memoriæ Consul hyistoriam duodecim responsoriorum cantu & melodia luculentam, in honore beati *Martini*. Quodam tempore cum ecclesiam beati *Martini* procul aspiceret, sicut semper solitus fuerat equo defiliit, ac flexis genibus toto corpore prostratus in terra diutius oravit. Cum surgeret ab oratione vidit à dextris hominem aspectu horribilem, leprosa impetigine miserabiliter occupatum,

& manum mittens ad loculum misericordiam leproso volebat impendere. Cui leprosus ait, Non domine mi. Non indigeo modo hujusmodi indulgentia; sed quia pedibus lepra corrosis nec ipse ire nec ab alio deferri ad ecclesiam Confessoris præ nimia agitudine possum, necessitas michi ac vobis voluntas esset, quatinus tu ipse me deferres, forsitan ibi invenirem aliquem dei hominem, qui pro redemptione peccaminum in conventu leproforum michi necessaria administrari juberet. Quo audito, Comes proprio mantello diligenter leprosum ac devote involvit, ac cæteris partim illudentibus, partim stupentibus, propriis humeris pium pondus fere per 2. leugas deferens, ad ecclesiam beati *Martini* devenit. Quo peracto, forma leprosi tam à pondere deferentis quam ab oculis intuentis evanuit. Cumque Comes sequenti nocte in clericali habitu in choro beati *Martini* juxta decanum resideret, divinitus obdormivit.

Interea quidam vir reverendus habitu, prætextus stola candida, habens in comitatu leprosum, dixit: Ego sum *Martinus* dominus tuus; iste leprosus est Christus quem tu sæpius in membris suis pie fovisti, sed hodie in sua persona & capite humeris portans honorasti. Dum rediret *Andegaviam* sicut dicitur, apparuit ei angelus dicens, successores suos ad nonam generationem dominationis suæ fines semper in inensum extendere. Iste *Fulcopius* tres filios habuit, quorum primogenitus *Gausfridus* consulum rex; alter *Guido* nomine episcopus *Podii* fuit, cui etiam *Rogo* junior benignitate *Hugonis* Regis in episcopatu *Podii* successit. Contigit quodam tempore in festo beati *Martini* hyemalis cum de manu episcopi *Missam* canentis, corpus & sanguinem Christi acciperet, rediens in choro levi tactus incommodo, inter manus clericorum sociorum suorum exspiravit. Sepultusque est in eadem ecclesia juxta patrem suum.

Dunstanus abbas *Glastonia* dum Regem *Edwinum* ab erroribus revocaret, à Rege proscriptus mare transiit.

40 *Edgarus* rex *Anglorum*.

Dunstanus abbas ab eo revocatus ecclesiæ *Wigornensis* electus antistes consecratus est ab *Odone* *Cantuariensi* archiepiscopo apud *Cantuariam*.

Odo primus abbas *Cluniacensis*.

Johannes papa.

Rex *Aedgarus* *Lundoniensem* ecclesiam proprio pastore viduatam commisit regendam *Dunstano* *Wigornensi* episcopo. Et sic *Dunstanus* *Lundoniensem* ecclesiam commendatam habuit & non titularam. Qui *Dunstanus* *Wilsinum* abbatem instituit apud *Westmonasterium* instructo ad xij. monachos cœnobio in loco ubi quondam *Mellitus* *Lundoniensis* episcopus ecclesiam sancto *Petro* fecerat.

Odoni archiepiscopo successit *Elsinus* *Wentanus* episcopus; qui dum *Romam* pro petendo pallio tenderet, in Alpibus genu constrictus defecit.

Briethelmus *Wellensis* episcopus eligitur ad archiepiscopatum, sed reprobat.

Johannes papa.

Dunstanus *Wigornensis* episcopus concordiam omnium episcoporum assensu pressus fit archiepiscopus *Cantuariæ*. Qui *Oswaldum* *Wigornensem* episcopum consecravit, qui post factus est archiepiscopus *Eboracensis*; & quia *Dani* *Northanymbriam* vastaverant simul obtinuit episcopatum & archiepiscopatum.

57. *Otto rex Romani veniens*
Dum venit ante fores jurat prius urbis honores,
Post, homo fit papa, quo sumit dante coronam.
 58. *Leofwinus qui octavus extitit Legecestrensis* episcopus conjunxit episcopatus *Lindisfarorum*, qui nunc dicitur *Lincolniensium* & *Legecestrensi*um.

Eadgarus rex Anglorum ab archiepiscopis *Dunstano Dorobernensi* & *Oswaldo Eboracensi* consecratus est in regem, peracta septenni poenitentia, in civitate *Acheman*; qui duos filios *Eadmundum* & *Egfredum* ex *Elfritha Ordgari* ducis filia suscepit. Habuit etiam prius ex *Egelsleda Edwardum* postea regem & martyrem; & de *Wilfrida*, virginem Deo devotam *Eliham*.

Collecta à tota Italia episcoporum synodo, *Johannes* de nefariis causis infamatur, qui dum se excusatum venire cunctatur, *Leo* adhuc laicus electione omnium & consensu imperatoris papa substituitur; sic *Leo* fecit ordinationes & alia quæ erant Apostolica. Nec longum, *Romani* alterata fide apud imperatorem papam recipiunt *Johannem*. Ille synodo collecta *Leonem* deposuit, & ejus gesta cassavit; statutumque est, synodum à *Leone* habitam non nominandam synodum, sed prostibulum favens adulteris. Quicumque ergo eo ordinante erant damnati, jussi sunt suam ipsorum proscriptionem præferre in carta, hæc continente, *Pater meus nichil sibi habuit, nichil michi dedit*: & sic depositi remanserunt in illis gradibus quos habuerant nondum à *Leone* ordinati.

Johannes papa se cum uxore cujusdam oblectans à diabolo in tempore percutitur, ac sine viatico *Dominico* obiit.

Romani contra juramentum quod imperatori fecerant, se nunquam electuros papam sine ejus, & sine filii ejus *Otonis* consensu, *Benedictum* papam constituunt.

Benedictus papa.

Imperator *Roma* obsessa adeo *Romanos* afflixit, ut *Leonem* papam se recepturos promitterent; sic *Benedictus* reicitur.

Leo papa.

Arnulfo Flandrensi Comiti *Baldewinus* filius ejus successit.

Emma uxor *Ricardi* primi ducis *Normannia*, filia *Hugonis Magni* absque liberis moritur. Ipse vero quandam virginem nomine *Gonnor* ex *Danorum* prosapia ortam in matrimonio desponsavit, ex qua genuit *Ricardum* qui ei successit, & *Robertum* postea archiepiscopum *Rothomagus*, & *Malgerum* Comitem *Curbuliensem*, aliosque duos & tres filias, *Emmam* scilicet quæ postea *Edelredo* regi *Anglorum* nupsit, de qua idem rex genuit *Edwardum* & *Aluredum*. Secundam, *Hadus* nomine, uxorem *Goisfridi Britannorum* Comitis. Tercia fuit *Matildis*, uxor *Odonis* Comitis. Genuit etiam duos filios & totidem filias ex concubinis; quorum unus *Godefridus*, alter vero dicebatur *Willielmus*. Horum prior Comes fuit *Aucensis*. Quo defuncto, accepit frater ejus eundem comitatum, quem adhuc hæredes ejus jure possident successionis, licet Comes *Briornensis Gilebertus* filius prædicti *Godefridi* eundem comitatum parumper tenuerit antequam occideretur à *Radulfo* de *Waceio* filio *Roberti* archiepiscopi *Rothomagensis*.

69. *Johannes* papa.

Regina *Francorum Gerberga* mater *Lotharii*

regis, & *Amudis* uxor *Hugonis Parisiensium* Comitum, quorum filius fuit *Hugo Capet* qui postea regnavit in *Francia*, occurrerunt *Otoni* imperatori fratri suo apud *Aquisgranum*.

Hoc tempore *Danus* qui *Christum Ihesum* & ydola simul colebant, cum *Popone* clerico in convivio altercantibus super cultura Dei & Deorum, *Danis* asserentibus *Ihesum Christum* quidem esse Deum, Deos vero majores & antiquiores esse illo, *Popone* e contra affirmante *Ihesum Christum* solum verum Deum esse, unum in substantia, trinum in personis. Rex *Danorum Araldus* condixit clerico ut fidem propositam à se probaret testimonio veritatis: quod annitente clerico, ingentis ponderis ferum valde ignitum manibus illius ferendum apponitur. Quod cum clericus usque ad placitum omnium tulisset absque ulla læsione, rex penitus abjecta ydolatria suos ad colendum verum solum Deum convertit: clericus vero ad episcopatum promotus est.

Johannes papa.

Oto junior à *Iohanne* papa cum patre suo coronatur.

973.

974.

Rex *Edgarus* consilio *Dunstani* archiepiscopi & *Ethelwaldi Wintoniensis* episcopi, à majoribus ecclesiis clericos expulit, & monachos induxit.

Johannes papa *Dunstano Dorobernensi* archiepiscopo. *Primum tuum in quo tibi ex more antecessorum tuorum vices apostolica sedis exercere convenit, ita tibi ad plenum confirmamus, sicut beatum Augustinum, ejusque successores Dorobernensis ecclesie pontifices habuisse dinoscitur.*

Johannes imperator *Constantinopolitanus*.

Edwardus regis *Eadgari* filius consecratus est à *Dunstano Dorobernensi*, & *Oswaldo Eboracensi* archiepiscopis apud *Lingestune*.

Stephanus papa.

Windigindus hystoriam *Saxonum* usque ad hunc annum conscripsit.

Gaufridus iij. Comes *Andegavensium*. Hic filius *Fulconis* boni ob insignia summi & singularis meriti, à rege *Roberto* in præliis signifer, & in coronatione regum *Dapifer*, tam ipse quam ejus hæredes constituuntur. In diebus illis *Hasten Danus* tribus annis *Gallias* infestans, tandem in vallem amenam & pulcherimam inter locum qui mons *Morentius* dicitur, & *Parisus* cum xv. milibus *Danorum* fixit tentoria. Cujus præsumptionis timore rex *Robertus* in solennitate *Pentecostes* proceres suos undequaque *Parisus* congregare disposuit, videns sibi nullam fieri cum illo copiam pugnandi, cum *Franci* intra mœnia urbis refugere compulsi, foras erumpere non erant ausi. Singulis igitur diebus *Ethelwlfus Danus* veluti alter *Goliath* agminibus *Francorum* exprobrans, ante urbem *Parisiam* singulare duellum ab aliquo *Francorum* exigens veniebat; à quo cum complures milites ex fortioribus & nobilioribus *Francorum* duello devicti & perempti essent; rex dolore commotus, ne quis amplius contra eum exiret prohibuit. *Gaufridus* Comes *Andegavis* cum certissime virtutem & crudelitatem prædicti *Dani* didicisset, fingens se ad colloquium cujusdam amici sui abscondite ire, suis ut eum in *Landonensi* castro quod suum erat expectarent præcepit. In crastino consul furtivus viator egreditur uno solo milite cum duobus armigeris se-

An. Dñi cum retento, & non longe à *Parisiaca* urbe burgum sancti *Germani* devitans, à molendinario quodam navigium sibi parari impetravit; in cuius domo nocte illa dormivit. Facto mane, clamore *Dani* audito, Comes infremuit, & armatus cito equum ascendit, relictis in navi focis solus ei obviavit. Comes itaque perforato hostis pectore *Danum* prostravit, & abstracto ipsius proprio gladio velut alter *David* caput abscidit, & domino navis qui eum transvexerat caput ut in civitatem deferat tradidit; ipse clandestinus in *Londonensi* castro ad suos rediit. Bajulus capitis venit in urbem, & rege presente nomen & personam militis qui *Danum* interfecerat se firmat ignorare; *Dani* recesserunt confusi. Venerunt itaque principes convocati *Parisus*. *Gaufridus* Comes indutus tunica illius panni quem *Franci* griselum vocant, inter principes sedebat. Molendinarius ad hoc convocatus à rege Comitem agnovit, cuius arrepta tunica regi & ceteris ait, Hic cum hac griseta tunica sternendo *Danum* *Francorum* obprobrium abstulit. Rex deinceps ut *Gaufridus* *Grisa tunica* vocaretur edixit. Venerunt *Dani* circa *Suessionis* regionem, secuti sunt *Franci*; & cum de bello tractarent ordinando, negotium illud *Andegavensi* commiserunt *Gaufrido*. Ordinatae sunt itaque sex acies; rex postremus cum acie sua gradiebatur. *Gaufridus* qui suum deferebat vexillum properus affuit, *Danisque* miles audacissimus obtitit. Ad illius primipilaris impetum *Franci* animo resumpto in *Danos* irruunt unanimiter. Exterriti sunt autem *Dani* præ timore nimio, & repente cuneis eorum labantibus fugæ se commiserunt. Rursus quidam *Tentonicus* de *Suevia* *Etheliedus* nomine, qui de genere *Pharamundi* & *Clodovei* descenderat, regnum *Francorum* jure hæreditario exigebat; Qui auxilio *Othonis* regis *Italia* *Lotharingiam* & superiores partes *Francia* impugnabat. Conquerebatur in propatulo de fœderatis pactionibus quas *Hugo* rex in præsentia *Henrici* ducis *Lotharingia* & *Ricardi* Comitis *Normannie*, & *Gaufridi* *Andegavis* in quodam colloquio fecerat, scilicet quod regnum *Francorum* *Hugo* sibi dimitteret, ita duntaxat ut sibi ducatum totius *Francia* daret, sicut dux *Hugo* olim possederat; quod prædicti principes, ut aiebat, & multi alii magnates fide sua pepigerant. *Gaufridus* *Grisa tunica* aliis dubitantibus iurrexit, & ait: Perjurii nusquam volo redargui, nec patiar ut nobis domineris. Regem, meque & socios meos de fide mentita defendo. *Bertoldus* frater ducis *Saxonia* vir factus ad unguem pro *Theutonico* duellum arripit. Ventum est ad prælum. Primo impetu neuter cecidit, sed *Bertoldus* dum equum giraret, à Comite lancea graviter inter scapulas vulneratur. Ad ultimum rupta lorica *Bertoldi* *Gaufridus* *Grisa tunica* victor exitit. Qui zonam beatæ *Mariæ* virginis quam regina *Francia* con sanguinea ejusdem eidem pugnaturus contulerat *Luchis* posuit. Genuit autem plures filios, quorum junior *Mauritius* nomine ceteris patre superstite mortuis supervixit. Ipse vero *Gaufridus* *Grisa tunica* viam universæ carnis ingrediens, sepultus est in ecclesia beati *Albini* *Andegavis*.

Otto imperator Romanus.

979. Occidit rex *Edwardus* à noverca sua *Ethelfrida*.

980. *Athelredus* frater *Edwardi* regis ex patre *Eadgaro* à *Dunstano* & *Oswaldo* archiepiscopis, & de-

cem episcopis consecratus est apud *Wingetune*.

Abhinc de Constantinopolitano imperio taceatur.

Abhinc de nominibus Romanorum pontificum taceatur usque ad tempus *Nicholai* pape secundi.

Otto imperator *Apuliam* & *Calabriam* *Italia* provincias ad jus regni *Græcorum* appendentes transferre ad imperium *Romanum* conatur; sed *Græci* auxilio *Saracenorum* *Ottonem* superant.

982. 983. 984. 985.

Odo primus abbas *Cluniacensis* ab exordio mundi usque huc *Cronica* sua digessit.

Lotharius rex *Francorum* obiit, & successit *Ludovicus* filius ejus, qui sicut quidam dicunt nono anno regni sui obiit sine filiis. *Karolus* autem frater *Lotharii* præfati regnum *Francorum* obtinuit. Eodem vero anno *Hugo* *Chapet* contra *Karolum* hunc ultimum rebellavit. Cernens itaque *Hugo* *Chapet* quod nullo modo posset *Karolum* vincere, consilium habuit cum *Ascelino* traditore *Landuni* pontifice, & ejusdem Consiliatore *Karoli*. Tradens itaque *Ascelinus* *Landunam* *Hugoni* *Chapet* cunctis quiescentibus *Carolus* cum uxore sua captus est intus, atque civitate *Aurelianis* in carcere recluditur, nondum enim unctus erat in regem *Hugone* contradicente. Qui reclusus *Aurelianis*, duos filios *Carolus* & *Ludovicum* genuit. Eodem vero anno ipse *Hugo* dux cognomento *Chapet* unctus est in regem civitate *Remis*, *Robertum*que filium suum in ipso anno diademate fullimari fecit apud *Noviomum*. In diebus illis, *Arnulfus* frater præfati *Caroli* natus tamen de concubina ecclesiam *Remorum* gubernabat. Huic *Hugo* ordinatus rex plurimas insidias tetendit, cupiens exterminare omnem progeniem *Caroli*. Qui congregans Concilium in civitate *Remis* *Arnulfum* degradari fecit, atque *Aurelianis* cum præfato *Carolo* custodiæ mancavit, dicens, Non debere ex concubina natum pontificali insula fullimari; in cujus locum *Gerbertum* monachum philosophum consecrari fecit, eo quod fuerat magister *Roberti* regis filii sui. Quo audito, *Romanus* pontifex episcopos qui ordinationi *Gerberti*, & *Arnulfi* degradationi consenserant, à sacerdotali honore suspendit. Misitque *Leonem* abbatem à sede Apostolica ad *Seginum* archiepiscopum *Senonum*; qui vice sua in civitate *Remis* congregaret Concilium. Collecto igitur Concilio prædictus *Arnulfus* jam tertium annum in vinculis agens cum honore reponitur in sede propria. *Gerbertus* vero intelligens quod pontificatus honorem usurparet injuste, pœnitentia ductus judicabat se indignum tali honore. Per idem tempus electione *Othonis* imperatoris & acclamatione populi, idem *Gerbertus* suscepit episcopatum *Ravennæ* urbis. Quo per plures annos ibidem residente, *Romano* papa defuncto, à populo urbis *Romæ* acclamatur sibi dari pontifex. Qui assumptus de *Ravennâ* constituitur Apostolicus in urbe *Romana*, unde monasticum illud dictum est,

Transit ab R. *Gerbertus* ad R. post papa vigens R.

60. *Dunstano* archiepiscopo successit *Ethelgarus* australium *Saxonum* episcopus.

989.

Athelgaro archiepiscopo successit *Syriscus* *Wiltoniensium* episcopus, qui expulsus à *Cantuariâ* clericis monachos induxit.

991.

Odilo *Clunincensis* abbas, cum reprehenderetur quod

quod in peccantes misericordior iusto esse videretur, Si damnandus sum, inquit, malo damari de misericordia quam de duritia.

993.

Siricio Dorobernie archiepiscopo mortuo, successit *Alfricus Wiltanensium* episcopus. Hic *Blederi* episcopum *Landavia*, & *Tramerin* episcopum sancti *David*, & *Elmodam* episcopum sancti *David Canraria* consecravit.

Robertus rex Francorum mortuo patre suo rege *Hugone Chapet* solus regnat.

Obiit primus *Ricardus* dux *Normannie*, filius *Willielmi filii Rollonis*, cui successit filius ejus secundus *Ricardus*.

Circa hoc tempus *Hingmar* & *Hubba Angliam* vastaverunt, corpulque sancti *Cuthberti* ab *Eardulfo Lindisfarnensi* episcopo in *Dunelmam* perlatum est, & sedes episcopalis ibidem constituta, quæ retro temporibus fuerat in *Lindisfarne* insula quæ *Halingeland* appellatur.

Hoc tempore incluso quodam indicante loca eructantia flammarum incendia, quæ ab incolis olle *Vulcani* nominantur, prope *Siciliam* sunt inventa, in quibus voces & terrores dæmonum, ejulatus etiam audiuntur plangentium, quod animæ damnatorum eriperentur de manibus eorum per elemosinas & preces fidelium. Hoc itaque comperto, abbas *Cluniacensis* *Odilo* constituit per omnia monasteria sibi subjecta, ut sicut primo die *Novembris* solennitas omnium Sanctorum agitur, ita sequenti die memoria omnium in Christo quiescentium celebretur. Qui ritus ad multas ecclesias transiens, fidelium defunctorum memoriam sollemnizari fecit.

Mauritius quintus Comes *Andegavia* duxit uxorem de *Alviensi* pago filiam *Hameric* Consulis *Sanctonici*, neptem *Raimundi Pictavensis* Comitis, ex qua *Fulconem* *Nerram* genuit. Surrexit in eum *Landricus Dunensis* auxilio *Odonis Campaniensis*, auxilio etiam *Geldoini Salmuriensis*; qui cum eis viriliter restitisset, præoccupatus morbo naturæ concessit: sepultusque jacet in ecclesia sancti *Albini* juxta patrem suum.

Rex *Anglorum* *Egelredus* habito consilio cum regni sui primatibus utile duxit à *Danis*, post diutinam eorum infestationem dextras accipere, illisque ut à malis cessarent placabile tributum solvere. Quod ubi *Danis* complacuit statutum est eis tributum *xxiiiij.* librarum.

Eodem anno *Emmam* Saxonice *Elfgivam* vocatam, ducis *Normannorum* primi *Ricardi* filiam, rex *Egelredus* duxit uxorem.

Adulfus archipræsul *Eboracensis*, coepiscopis & religiosis viris congregatis, sancti *Oswaldi* archipræsulis ossa è tumulo levavit; nec multo post ipse defunctus *Wigornie* est sepultus, cui successit abbas *Wlstanus*. Rex *Egelredus* omnes *Danos Angliam* incolentes, majores & minores utriusque sexus occidere jussit in die festivitatis sancti *Bricii*, quia totius *Angliæ* dominium suæ ditioni conati sunt subdere.

Otto imperator *Roma Crescentem* patricium bello aggreditur, sed victus *Crescens*, & ex fuga retractus capitur, villique jumento aversè impositus circumducitur, & paulatim membris truncatur, ad ultimum ante urbem suspenditur.

Otto imperator degens *Roma*, dum cum *Romanis*

se remissius agit tractans qualiter jura regni & ecclesiæ ad antiquum statum reformaret, *Romani* per hoc ad contemptum ejus adducti, subito contra eum conspirant, & aliquot militum ejus peremptis eum in palatio obsident, unde per industriam *Henrici* ducis *Bavariæ*, & *Hugonis* marchionis *Italiæ*, simulato pacto vix extractus, *Roma* recedit cum *Silvestro* papa. Et quia uxor *Crescentis* imperatorem spe regnandi ad amorem sui pellexerat, dolens pro ejus discessu, venenum ei misit, quo ille consumptus inter remeandum in *Italia* moritur. Milites transalpini corpus imperatoris defuncti cum insignibus imperii ad *Galliam* referentes, crebris *Italarum* incursum lacessiti, armis sibi viam parant. Sed cum jam res in tuto esse putaretur, dux *Bavariæ* *Henricus*, injuriato *Heriberto Coloniensi* archiepiscopo, à cujus ore omnes pendebant, insignia regni ab eo violenter extorsit, quasi jure hæreditario sibi competentia. Erat quippe filius *Henrici* ducis qui fuit genitus de *Henrico* fratre primi *Otonis* imperatoris. *Henricus* igitur dux conciliatis sibi animis quorundam principum regni, ungitur in regem à *Willigiso Maguntino* archiepiscopo.

Henricus imperator *Romanus*.

Alfegus Wintonensis episcopus fit archiepiscopus *Canr.*

Rex *Dacorum* *Suein* occisionem suorum in *Anglia* ferens indigne, cui Deus regnum *Angliæ* destitaverat, cum navibus multis, & gentibus crudelissimis venit in *Angliam* apud *Norwicem*, eamque combussit. Rex *Anglorum* *Egelredus* pro bono pacis tributum *xxvj.* librarum persolvit *Danis*.

Fulco *Nerra*, cui consuetudo fuit animas Dei jurare, juvenis adhuc, collecto exercitu ultra *Blesum* profectus ad castrum *Dunum* devenit. Itaque præmissis *Ambaziensibus* *Andegavi* *Dunenses* coangustaverunt, & plurimos gladio necaverunt: victor igitur rediens *Fulco Ambazio* domum *Landrici* obsedit, quam *Gaufridus Grisa tunica* eidem hæreditario possidendam contulerat. *Landricus* & sui ab *Ambazio* expelluntur, & domus *Landrici* recepta funditus deletur. *Fulco* castrum *Locas*, & *Ambaziacum* *Lisoio* ad custodiendum tradidit. Interea *Conanus* comes *Britanniæ*, *Fulconem* sciens ab *Andegavi* abcessisse, ad curiam regis *Aureliani* ire disposuit, filiis suis ut *Andegavim* infestarent præcepit. Dum *Fulco* & *Conanus Aureliani* regem expectarent, *Fulco* in quadam domo ad requisita naturæ secessit. In thalamo ejusdem domus à *Fulcone* solo pariete diviso, *Conanus* venit, qui sibi aperit quod filii sui quarto die usque ad portas *Andegavis* omnia demoliendo discurrent. Quo audito, Comes ad seecursum suorum festinat, singentique *Landonensi* castro suo ire, nocte & die equis sæpe mutatis equitat, suis in via ut se sequantur imperat. *Britones* statuto die usque ad portas urbis securi impetuosè currunt; *Fulco* & latitantes sui in eos securos celerrime irruunt, alios prosternunt, alios in fugam conversos insequuntur. Nam regressu Consulis cognito, resistendi nec ad momentum constantiam habuerunt inimici; ita dispersi, quo quisque potuit citissime diffugerunt. Mortui sunt in illo conflictu duo filii *Conani* innumerique pedites perempti. Alii duo cum multis aliis baronibus, & militibus, & peditibus capti. *Fulco* autem statim ad curiam regis citissime redit, & ipso die quo rex venerat, ipse & quidam suis mi-

An. Dñi

1003.

1004.

1005.

1006.

1007.

1008.

1009.

1010.

An. Dñi les equitans varium equum *Alani* primogeniti filii *Conani* ante aulam regiam descenderunt. Quasitum est à *Britonibus* quomodo equus ab illis habeatur, verumque auditur & *Conano* nunciatur. Deflet *Conanus*, casum suorum coram rege lamentatur. Ab episcopis pax quæritur & mediante rege *Roberto* & *Ricardo Normannie* duce, qui *Juditam* filiam *Conani* habebat uxorem, concordia efficitur. *Alanus* primogenitus *Conani* cum fratre suo redimitur, omnes capti dato competenti precio liberantur & à *Fulcone* consularis ultra *Meduanam* quiete & pacifice possidentur. Postmodum vero inter ipsum *Conanum* & prædictum *Fulconem Andegavorum* Comitum exortum est indissolubile jurgium, ita ut crebris suorum invicem depopulationibus ac sanguinis effusionibus laceffiti, ad ultimum inirent cominus prælium. Cum igitur diu multumque vicissim sibi mala quæ poterant irrogassent, ab utroque decretum est, ut in loco qui *Concretus* dicitur, quisque illorum cum suo exercitu die constituto advenientes prælii certamen inirent. Sed *Britonum* exercitus, cogitata fraudis decipula partem *Fulconis* exercitus nequiter prostraverunt. In prædicto denique loco ubi certamen ineundum fuerat clam prævenientes plerique *Britonum*, ibique nimium astute profundum atque perlongum fodere vallum, ramisque arborum densatim super insertis imposita videlicet hostibus muscipula recesserunt. Die igitur constituto juxta conditum dum illuc uterque cum suo exercitu adveniret, atque acies utraque jam in procinctu videretur informata, gens *Britonum* callida fraudisque propriæ conscia, simulat se velle fugam arripere, ut avidius demergerent hostem in latentem muscipulam. Quod cernens *Fulconis* exercitus, cupiensque expedire super eos irrure, corruit pars ex eis non modica in foveam *Britonum* astu paratam. Illico autem conversi *Britones* qui prius fugam simulaverant, inhianterque super *Fulconis* exercitum irruentes, asperima quamplures ex eis cæde necaverunt. Ipsum etiam *Fulconem* pulsum de equo in terram loricatum dejecerunt. Qui exurgens nimio accensus furore dictis suos relevat, exacuitque suorum animos. Hi vero velut turbo vehementissimus per densas segetes impellentes omnem exercitum *Britonum*, eos crudeli nimium cæde mactaverunt. Deletoque pene universo exercitu *Britonum*, ipsum etiam *Conanum* illorum principem truncatum dextera vivum capientes *Fulconi* reddiderunt. Quo potito victoria & reverso ad propria, non illi postmodum quispiam *Britonum* molestus exitit. Cum circumquaque in diversis præliorum eventibus humanum fudisset sanguinem, metu gehennæ territus sepulchrum *Salvatoris Jerusalemis* adiit, & inde rediens, ex uxore sua *Gaufridum Martellum* & filiam *Adelam* nomine genuit. Postea idem *Fulco* gratia peregrinationis *Romam* venit, & à papa *Sergio* benedictione accepta, iter eundi *Jerusalem* rursus arripuit; sub conductu vero *Jerusalem* ducitur, portam tamen urbis intrare non potuit, ad quam peregrini ut intrarent violenter dare urgebantur. Dato autem precio tam pro se quam pro aliis *Christianis* ad portam sibi prohibitam morantibus, urbem celeriter cum omnibus intravit, sed sepulchri claustra eis prohibuerunt. Nempe cognito quod vir alti sanguinis esset, deludendo dixerunt, nullo modo alio ad sepulchrum optatum pervenire posse, nisi super illud &

crucem *Dominicam* mingeret. Quod vir prudens licet invitatus annuit. Quasita igitur arietis vesica purgata atque mundata, & optimo albo vino repleta, quinetiam apte inter ejus femora posita est, & Comes discalcatus ad sepulchrum Domini accessit, vinum super sepulchrum fudit, & sic ad libitum cum omnibus sociis intravit, & fufis multis lacrimis peroravit. Interim dum esset in peregrinatione, *Gaufridus Martellus* filius ejus quem custodem committatus reliquerat, adversus patrem insurgit, munitiones *Andegavorum* usurpat, patrem redeuntem excludit. Controversia protracta diutius, tandem viris intercurrentibus religiosus filius patri reconciliatur. Ut autem *Fulco* quæ fecerat mala corrigeret, & Deo gratum munus offerret, *Lochis* juxta *Angerem* fluvium bello loco scilicet ecclesiam in honore sancti Sepulchri monachos cum abbate imponens ibi construxit. Anno & dimidio quo *Fulco* moratus fuerat in peregrinatione *Odo Campaniensis*, & *Geldovius Salmuriensis* terram, & homines *Fulconis* afflixerunt. *Fulco* oppidum quod *Monstricardum* vocatur componit. Ad cujus deletionem, *Odo* multos milites & pedites *Blesis* congregat. *Fulco* ab *Ambazio* discedens, prope *Pontilevisum* venit. *Herebertus Cenomannensis* Comes, amicus *Fulconis*, juxta ripas *Cari* equitans *Benregio* castra fixit. Quid plura? acies ordinantur. Milites *Odonis* impetus *Andegavorum*, & ictus *Cenomannorum* sustinere non ferentes, protinus versi sunt in fugam. Ita fere vj. tam captis quam peremptis reliqui evaserunt. Sequenti anno *Fulco* ad distringendam urbem *Turonicam* oppidum in monte *Budelli* statuit. *Odo Campaniensis* adjuncto sibi *Salmuriensis* *Geldovio* munitionem illam obsedit. *Fulco Ligerim* transineat, & festinus tota nocte equitans, summo diluculo *Salmurium* defensoribus vacuum intrat, & totum oppidum confestim cepit, & arcem postmodum. *Fulco* inde abiens *Viennam* transit, & montem *Basonis* obsidet. *Odo* ab obsidione montis *Bodelli* secessit, *Fulco* ad *Lochas* rediit: sic uterque remisso exercitu quievit. Rex *Robertus Constantiam* filiam *Willielmi Arelatensis* Comitis, natam de *Blanca* sorore *Fulconis*, accepit uxorem, quam idem rex consilio *Hugonis Belvacensis* Comitis odiosam habebat. Factum est, ut die quadam rex in silvam venatum iret, & *Hugo* Comes cum illo. Duodecim igitur milites missi à *Fulcone Andegavorum* Comite, avunculo scilicet reginæ *Constantie*, *Hugonem* supradictum ante regem trucidaverunt. Rursus *Fulco* montem *Basonis* obsedit & cepit, & senescallo suo *Lisoio* neptem *Supplicii Thesaurarii* uxorem dedit. Cui etiam *Ambazium* cum omnibus appenditiis suis donavit. Et sic terra *Fulconis* usque ad obitum suum in pace siluit. Bis jam *Jerusalem* perrexerat. Tercio autem itinere peracto rediens, intra *Metensem* urbem diem clausit extremum. Corpus autem illius conditum aromatibus, apud *Lochas* sepultum est.

1011.

60 Hoc anno persolvebatur *Danis* tributum de *Anglia* xlvij. librarum. 10.

Sacro sancto *Dominicæ* requiei sabbato archipræsuli *Alfego* à *Danis* proponitur conditio, ut si vita & libertate velit potiri iij. librarum persolvat. Illo nolente, necem ejus usque ad aliud sabbatum protelant. Quo adveniente, adversus illum exarserunt ira magna; Et quia vino nimis inebriati fuerant,

rant, & quia prohibuerat ne quis pro sua redemptione quicquam eis daret, de carcere ducitur, ad eorum concilium pertrahitur. Mox illi è sedibus prosiliunt, averfis securibus illum deiciunt, lapidibus, ossibus bovinis obruunt. Ad ultimum quidam *Thrum* nomine quem confirmarat pridie impia motus pietate, securim capiti illius infixit. Qui statim in Domino xij. kal. Maii obdormivit. Cujus corpus die sequenti *Lundoniæ* defertur, & ab episcopis *Alfhu* *no Lundoniensi*, & *Eadnotho Lincolnienſi* in ecclesia sancti *Pauli* ſepelitur.

Livingus, qui & *Echelſtanus Wellenſis* episcopus archiepiscopatum *Dorobernia* suscepit.

In cimiterio Magni martyris in *Saxonia*, quibusdam choream ducentibus & cantilenas ſeculares perſtreptentibus in nocte natalis Domini, ſacerdos primam miſſam inchoans imprecatus eſt dicens: Placeat Deo & ſancto Magno ut ita cantantes permaneatſi uſque ad annum. Qui ſic permanſerunt: quos nec frigus, nec calor, nec fames, nec ſitiſ, nec laſſitudo per annum affecit. Anno evoluta, *Herbertus Colonienſis* archiepiſcopus manus eorum ſolvit, & ante altare Magni martyris reconciliavit; tribus eorum ſtatim morientibus, xv. per triduum dormientibus.

Rex *Danorum Suennus* qui dira fame *Angliam* perurgente *Danemarchiam* petierat, iterum reverſus cum ingenti claſſe ad *Sandicum* portum eſt appulſus. Qui tyrannidem ſuam exercens ubique, totam *Angliam* in brevi ſibi ſubjecit: Cives etiam *Londonienses* datis obſidibus pacem cum eo fecerunt. Quod videns rex *Egelredus*, præmiſſa regina ſua *Emma*, cum filiis ſuis *Edwardo* & *Alredo* & eorum magiſtro *Alfhu* *no Londonienſi* episcopo, ad fratrem reginæ ſecundum *Ricardum Normannorum* Ducem, ipſe ſubſecutus *Normanniam* venit, & à *Ricardo* duce cum honore ſuſcipitur. Hoc tempore *Ricardus* dux *Normannorum* ducit uxorem *Judith* nomine ſororem *Goſfredi* ducis *Britannorum*, de qua tres filios genuit, *Ricardum*, *Robertum*, & *Willielmum*; totidemque filias, quarum una nomine *Adeliza* *Reinaldo Burgundionum* Comiti nupſit, altera *Baldvino* Comiti *Flandrenſi*, tertia virgo obiit.

Suennus tyrannus poſt innumerabilia mala quæ in *Anglia* geſſerat, ex oppido, ubi præcioſi martyris corpus *Eadmundi* incorruptum requieſcit, quod nemo prius audebat facere grande tributum cum minis auſus eſt exigere. Deniq; imminente vespere diei purificationis ſanctæ *Mariæ*, apud *Geagneſburgh*, in generali placito quod tenuerat hæc eadem minitans reiteravit, cum *Danorum* cuneis circumvallatus denſiſſimis ſanctum *Eadmundum* ex adverſo venientem ſolus vidit armatum. Quem cum vidiffet expavit, & nimio clamore vociferari cœpit, Succurrite, inquit, commilitones, ſuccurrite, ecce ſanctus *Eadmundus* me venit occidere: & hæc dicendo, acriter à ſancto conſoſſus culpide, de emiſſario cui inſederat decidit, & uſque ad noctis crepuſculum magno cruciatus tormento, iij. non. Februarii miſerabili morte vitam finivit. Siquidem in provincia quæ dicitur *Caſſere* quidam nobilis *Wlmarus* tanto languore jacebat percuffus, ut nullo membrorum ſuorum officio nec linguæ quidem per triduum uſeretur. Cum quadam nocte parenteſ circumſtanteſ exitum præſtolarentur, recuperata virtute in ſeſſum ſe erigens voce gratulabunda dixit. Hac nocte & hac hora ſancti *Eadmundi* lancea tranſverberatus rex *Suennus*

oppetiit. Quod cum dixiſſet, in lectulo recubans ultimum ſtatum emiſit.

Mortuo igitur *Suennus*, filium ejus *Canutum* ſibi regem conſtituit claffica manus *Danorum*. At majores natu totius *Angliæ* ad regem *Egelredum* pari conſenſu miſerunt dicentes, ſe nullum plus amaturus quam ſuum dominum, ſi eos mitius ſolito veller tractare. Quibus auditis, *Rex Egelredus* miſſo ad eos *Edwardo* filio ſuo, ſe in omnibus eorum voluntati conſenſurum promiſit. Ab *Angliſ* itaq; in *Normanniam* mittitur. Rex feſtinato, tempore quadrageſimali reducitur, & *Canutum* cum *Lindienſibus* qui *Canuto* favebant bello devicit, & cum claffica manu abire coegit anno ſequenti reverſurum.

Rex *Anglorum Egelredus* ix. kal. Maii *Lundoniæ* defunctus eſt poſt multas vitæ ſuæ tribulationeſ, quas ſuper illum venturas regaliſ conſecrationis die poſt impoſitam coronam prophetico ſpiritu ſanctus ei prædixerat *Dunſtanus*: Quoniam, inquit, aspira-
» ſi ad regnum per mortem fratris tui quem occi-
» dit mater tua, propterea audi verbum Domini.
» Hæc dicit Dominus, non deficiet de domo tua gla-
» dius ſæviens in te omnibus diebus vitæ tuæ, inter-
» ficiens de ſemine tuo quouſque regnum tuum
» transferatur in regnum alienum, cujus ritum & lin-
» guam gens cui præſides non novit; nec expiabitur
» niſi longa vindicta peccatum tuum & peccatum
» matris tuæ, & peccatum virorum qui interfuerunt
» conſilio ejus nequam. Corpus autem illius in ec-
» cleſia ſancti *Pauli* Apoſtoli honorifice eſt ſepultum.
Cujus poſt mortem episcopi, abbates quique nobili-
» ores *Angliæ* *Canutum* in regem elegere. At cives
» *Lundonienses* & pars nobilium qui tunc erant *Lun-*
» donia, *Edmundum Ferreum* latuſ dictum regis *Egel-*
» redi filium in regem levavere. Conſecratus autem
» eſt à *Livingo Dorobernenſi* archiepiſcopo apud *Lun-*
» doniam. Rex igitur *Edmundus* filius *Egelredi* cum
» *Canuto*, & plerique ducibus *Anglorum*, quos *Ead-*
» ricus *Streona* dux perfidiſſimus, qui patriæ ſuæ ſem-
» per anelabat inſidiis, à rege in *Danorum* partem
» averterat, multociens bellum commiſit & victoriam
» fere ſemper optinuit; ſed tandem conſilio ſuorum
» coactus, pace facta cum *Canuto* regnum diviſit, &
» apud *Deorhiſt* ambo convenerunt, Corona tamen
» regni *Edmundo* remanſit. Poſt hæc rex *Edmundus*
» nocte ſequentiſ diei feſtivitatiſ ſancti *Andree Lun-*
» donia perimitur dolo *Eadrici Streonæ* perfidiſſimi
» ducis, veru ferro in ſecreta naturæ tranſfixus dum
» in ſeceſſu reſideret. Ille enim dux *Eadricus* quen-
» dam in loca ſtercoris abſcondit, qui regem egeſtu-
» rum veru confoderet; ſic defunctus rex *Edmundus*,
» cum avo ſuo rege pacifico *Eadgario* ſepultus eſt *Gle-*
» ſtonia. *Canutus* vero à primatibus regni in regem
» eligitur, fratribus *Eadmundi* & filiis abjectis & re-
» pudiatſi.

Canutus totius *Angliæ* ſuſcepit imperium. Conſecratus eſt autem à *Livingo Dorobernenſi* archiepiſcopo apud *Lundoniæ*, regnumque in quatuor partes diviſit, *Westſaxoniam* ſibi, *Eastſaxoniam* *Tur-*
» killo Comiti, *Merciam* *Eadrico* duci, *Northymbria*
» am *Hyrco* Comiti.

Canutus rex conſilio *Eadrici Edwardum* & *Edmundum* regis *Edmundi* filios necare propoſuit; ſed quia magnum dedecus ſibi videbatur ut in *Anglia* perimerentur, ad regem *Suevorum* occidendos miſit; qui precibus illius nullatenus adqueſcens, illos ad regem *Ungarorum Salomonem* miſit nutri-
» endos,

1015.

1016.

1017.

endos. Quorum unus, scilicet *Edmundus*, ibidem vitam finivit. *Eadwardus* vero *Agarham* filiam Germani Imperatoris *Henrici* in matrimonium accepit; ex qua *Margaritam* Scottorum reginam & *Eagarum* suscepit.

1018. Rex *Canutus* derelictam regis *Egelredi* reginam *Elfgivam* in conjugium accepit, ac in nativitate Domini cum esset *Lundonia*, perfidum ducem *Edricum* in palatio iussit occidere, quia timebat infidiis ab eo aliquando circumveniri sicut Domini sui priores *Egelredus* & *Edmundus*, quorum diutina prodicione alterum vexavit, alterum interfecit.

Leoffius Thornegiensis Abbas suscepit episcopatum *Wigornensis* ecclesiæ.

Hoc anno de tota *Anglia* lxxij. & de *Lundonia* x. D. libræ exercitui *Danorum* sunt persolutæ, & cum rege *Canuto* xl. naves remanere; cæteræ vero *Danemarchiam* sunt revectæ.

Angli & *Dani* apud *Oxenefordam* de lege regis *Eadgari* tenenda concordēs sunt effecti.

In *Frisonia* *Deoderico* Comite filio *Arnulfi Gandavensis* debellante *Frisones* in vindicta patris sui ab eis occisi, *Godefridus* dux ad eum debellandum ab Imperatore mittitur, & conferto prælio repente voce nescitur unde emissā, Fugite fugite, cunctis fugientibus multi à paucis *Frisonibus* perimuntur, dux vero capitur.

1019. Rex *Anglorum* & *Danorum* *Canutus* *Danemarchiam* adiit & per totam hyemem mansit ibi.

1020. *Livingus* *Dorobernia* archiepiscopus obiit, cui *Ethelnothus* qui bonus appellabatur nobilis viri *Agelmari* filius successit. Hic *Joseph* episcopum *Landavia*, & *Bleduc* episcopum sancti *David Cantuarie* consecravit.

Rex *Canutus* consilio cleri & procerum & maxime *Elfgiva* reginæ suæ constituit monachos in monasterio quod *Wadricesworth* vocatur, in quo rex & martyr *Edmundus* incorrupto corpore requiescit.

Hoc anno ecclesia quam rex *Canutus* & Comes *Turkillus* in monte qui *Essendun* dicitur construxerant, illis præsentibus à *Wlstan*o Eboracensi archiepiscopo & multis aliis episcopis dedicata est.

Defuncto *Alfhuno Lindisfarnensi* episcopo, tribus pene annis pastoralis destituebatur solatio. Facto in unū conventu cum de episcopi electione tractaretur, religiosus presbyter quidam *Eadmundus* supervenit, & joco dixit, *Cur me episcopum non elegistis?* Cujus jocum non jocosè accipere qui aderant, sed elegerunt illum, & triduo indicto jejunio sancti *Cuthberti* super hoc velle quærebant. Celebrante presbytero Missam ad caput ipsius sancti, in medio canone quasi de ejusdem patris sepulchro vox audita est, quæ tribus vicibus *Edmundum* episcopum nominavit.

1021. *Alfwinnus* orientalium *Anglorum* episcopus primus Ecclesiam sancti *Edmundi* ædificare cœpit.

1022. *Athelnodus Dorobernensis* archiepiscopus *Romam* ivit quem *Benedictus* papa cum honore suscepit & pallium illi dedit.

1023. *Wlstanus* Eboracensis archiepiscopus *Eboraci* defungitur, sed in *Heli* sepelitur. Qui cum quodam tempore orationis causa illuc veniens, in capite processionis episcopali more baculo pastoralis staret innixus, terramque subito usque ad medium pene sui baculus intraret, ipse de rei admirans eventu suæ ibi requiei prophetavit prælagium, pluribus dicens audientibus. Hæc requies mea in seculum seculi: hic

habitabo. Jacet ergo in *Helyensi* ecclesia ubi de infixione baculi suam prædixit sepulturam. Cui successit *Alfricus Wintoniensis* præpositus.

Corpus sancti *Alfegi* martyris de *Lundonia Doroberniam* est translatum.

Post mortem *Judith* accepit *Ricardus* secundus dux *Normannorum* uxorem nomine *Papiam*, & genuit ex ea 2. filios, *Malgerum* Archiepiscopum *Rotthomagensem*, & *Willelmum* Comitem de *Archis*.

Idem *Ricardus* exercitum *Normannorum*, per tertium *Ricardum* filium suum usque ad *Milmandum* castrum juxta *Alpes* duxit, & idem castrum viribus *Normannorum* cepit, & *Hugonem* Comitem *Cabilonensem*, dominum ejusdem castri, qui *Rainaldum Burgundionum* Comitem, trans fluvium *Araris*, generum ejusdem *Ricardi* in vinculis tenebat, ad liberationem ejus coegit. Dedit etiam idem *Ricardus* secundus duas villas in *Normannia*, scilicet *Welleber* super *Sequanam*, & *Cambaium* in *Oximensi* pago antecessoribus *Symonis* Comitis *Vilcasini*, ut liceret exercitum *Normannia* transire per terram suam ad supradictam expeditionem peragendam.

Ricardus secundus dux *Normannorum* obiit, successit ei filius ejus *Ricardus* tertius. Hic genuit *Nicholaum*, postea Abbatem sancti *Andoeni*, qui primo anno ducatus sui mortuus est. Cui successit *Robertus* frater ejus, qui genuit *Willelmum* de *Herleua*, non sponsata, qui postea *Angliam* conquiescit.

Cum regi *Anglorum*, & *Danorum* *Canuto* intimatum fuisset, quod *Norregani* regem suum *Olavum*, propter ejus simplicitatem, & mansuetudinem, æquitatem, & religiositatem nimis vilipenderent, multum auri & argenti quibusdam illorum misit, rogans ut illo spreto deditionem sibi facerent, ac super se regnare permetterent. Qui cum aviditate munera suscipientes ei remandaverunt, ad illum suscipiendum se paratos fore quandocumque vellet venire. Sequenti igitur anno L. navibus magnis *Norregam* devectus rex *Canutus*, *Olavum* regem de illa expulit, sibi que eam subjugavit, & tertio anno ad *Angliam* rediit.

Mortuo *Baldewino* cum barba, Comite *Flandrensi*, successit ei *Baldewinus* qui vocatus est de *Insula*, qui duxit *Alam* filiam *Roberti* regis *Francorum*, ex qua genuit *Baldvinum*, & *Robertum* *Frisonem*, & *Mahildem* quam *Willelmus* dux *Normannia* duxit, de qua genuit *Robertum*, *Willelmum*, *Ricardum*, *Henricum*; & filias *Ceciliam*, *Eliz*, *Constantiam*, *Adelam*; quæ nupsit *Stephano* Comiti *Blesensi*.

De probitate & potentia *Canuti* regis *Anglorum*, pauca sunt perstringenda; nec enim ante eum tantæ magnitudinis rex fuerat in *Anglia*. Erat autem dux totius *Dacie*, totius *Anglia*, totius *Normagiae*, simul & *Scotiae*. Extra numerum vero bellicorum quibus maxime splenduit, tria gessit eleganter. Primum, quod filiam suam Imperatori *Romanorum* ineffabilibus divitiis maritavit. Secundum, quod *Romam* pergens omnes malas exactiones in via, quæ per *Gallias* tendit, quæ vocantur *thelonea*, vel *transversa*, data pecunia sua diminui fecit usque ad medietatem. Tertium, quod cum maximo vigore floreret imperii, sedile suum in littore maris cum ascenderet statui iussit. Dixit autem mari ascendent: *Tu mea ditioris es, & terra in qua sedeo mea est*,

est, nec fuit qui impune meo resisteret imperio. Impero igitur tibi, ne in terram meam ascendas, ne vel vestes vel membra dominatoris tui madere prassumas. Mare vero de more conscendens pedes ejus & crura sine reverentia madefecit: Rex igitur resiliens, ait, *Sciant omnes habitantes orbem, vanam & frivolam regum esse potentiam, nec regis quempiam nomine dignum, præter eum cujus nutu cælum, terra, mare legibus obediunt æternis.* Rex igitur *Canutus*, qui à quibusdam *Cnut* dicitur, nunquam postea coronam auream cervici suæ imposuit, sed super ymaginem Domini quæ cruci affixa erat, posuit eam in æternum ad laudem Dei regis magni.

1028.

1029.

Sanctus *Olavus* rex, & martyr, *Haroldi* regis Norreganorum filius, in Norrega injuste perimitur à Norreganis.

Canutus. Rex de Danemarchia magnò cum honore Romam ivit, & sancto Petro ingentia dona obtulit, & à Johanne Papa ut scolarum Anglorum ab omni tributo & theloneo liberaret impetravit, & antelepulchrum apostolorum vitæ suæ emendationem Deo devovit. Scripsit etiam ad *Ethelnothum* Metropolitanum, & ad omnes episcopos, & primates totius Angliæ in hæc verba. *Præcipio & obtestor omnes meos episcopos, & regni præpositos per fidem quam Deo & mihi debetis, quatenus faciatis, ut antequam ego in Angliam veniam omnia debita quæ Deo secundum legem antiquam debemus sint persoluta, scilicet elemosina pro aratris, & decime animalium ipsius anni procreantorum, & denarii quos Roma ad sanctum Petrum debemus, sive ex urbibus, sive ex villis, & mediante Augusto decima frugum, & in festivitate sancti Martini primitiæ seminum ad ecclesiam, in cujus parochia quisque degit, quæ Anglice *Spyriscat* appellatur.*

Robertus rex Franciæ obiit, cui successit filius ejus *Henricus*.

Constructam basilicam apud *Bedriceswrdam* *Dorobernensis* archiepiscopus *Agelnothus* consecravit in honore sancti *Edmundi* regis & martyris.

Robertus & *Ricardus* minuendæ domo multitudinis causa hoc tempore à Normannia Francorum digressi Apuliam expetunt, & Italiam inter se dissidentibus dum contra alterum auxilium præstant, hac oportunitate Italos callide & fortiter debellant, & successus urgendo suos nomen suum dilatant, & futuræ prosperitatis sibi viam parant.

Britheagus *Persorensis* Abbas filius sororis *Wlftani* *Eborasensis* archiepiscopi, *Wicciorum* factus est episcopus.

Herluinus *Beccensis* ecclesiæ primus Abbas de militia ad monachatum venire desiderans, in fundo sui juris qui *Burnevilla* dicitur, monasterium in honore sanctæ *Mariæ* construxit, & ibidem est Abbas constitutus: sed quia locus inaquosus erat, in vallem ad rivum qui *Beccus* dicitur secessit, & ibi in honore ejusdem matris Domini nobile cepit ædificare cœnobium, & primo *Lanfrancum*, deinde *Anselmum*, ambos postmodum *Canuariæ* archiepiscopos, secum associavit.

Canutus rex ante suum obitum filium suum & *Alfgive* reginæ, *Suenum* scilicet, super Norreganos regem constituit, super Danos etiam suum & *Alfgive* filium *Hardecnutum* regem constituit. *Haroldus* vero dixit se filium esse *Canuti* & *Alfgive*; li-

cet id minime verum esset, dicunt enim filium cujusdam sutoris illum fuisse, & *Alfgivam* reginam illum rege nesciente in filium sibi adoptasse, & quasi regis filium fecisse nutriti. Eodem modo dicunt *Suenum* esse filium cujusdam presbyteræ.

Henricus Imperator Romanus.

Imperatores ab antiquis temporibus modo *Roma*, modo *Constantinopoli* rei publicæ commodis inhiantes, in quo maxime fecerint sibi nomen, & notatius notum est, & redactum in actis; itaque *Julii Cæsaris* strenuitatem, felicitatem *Augusti*, *Tiri* liberalitatem, innocentiam *Traiani*, *Constantini* fidem, *Theodosii* penitentiam, magisterium *Infiniani*, *Caroli* magnanimitatem, faciliam *Henrici* poteris administrari, poteris approbare, poteris amulari; dum te mundus agnoverit imperiali collocatum in sede.

Imperatoris *Henrici* fuit in curia diaconus quidam qui litterarum peritiam & elegantiam vocis vicio corporis deformabat, vehemens mulierum amator. Cui quadam nocte solenni volutato cum meretricula, cum hoc ad Imperatoris conscientiam pervenisset, mandat Imperator, ut ad evangelium publice legendum se præparet. Diaconus accessum altari pro peccati conscientia subterfugiens obtinere perare decrevit. Imperator instat & urget ut Diaconi probet constantiam, & ait, Quia michi parere non vis in obsequio tam facili, terram meam ex eas. Diaconus amplexus sententiam, cum sarcinis recessit ab urbe. Quem missis cum festinatione nunciis revocat Imperator dicens, Quia pluripenderis Dei timorem quam meas minas, episcopatum habeto qui primus vacaverit, tantum renunties amori meretricule.

Idem Imperator sororem habens sanctimonialem, eam suo deesse lateri non patiebatur. Cum autem quidam clericus curialis quadam nocte cum sanctimoniali cupitis frueretur amplexibus, & diutius se voluptas protenderet, illuxit dies, & ecce totam terram nix operuerat; ne vero clericus deprehenderetur, juxta votum suum monialis dorsum ascendit & extra curiam est evehctus. Imperator autem per fenestram forte prospiciens, clericum equitantem aspexit, vacantem episcopatum eidem dedit; quem modeste redarguens & auribus insusurrans dixit, Vide ne ulterius mulierem inequites. Sororem autem Abbatissam constituit dicens, Vide ne clericum amplius equitantem patiaris.

Idem Imperator venaturus silvam adiit, Missam auditurus, sacerdos ultra modum deformis erat. Imperator secum tacitus cogitabat quare Deus tam deformem hominem sacramenta sua conficere sine-ret. Mox cum ad versum tractus ventum esset, Scitote quoniam ipse est Deus, sacerdos socordiam pueri ministrantis increpitans respexit, & concitatore voce quasi cogitanti Imperatori responderit dixit, Ipse fecit nos, & non ipsi nos. Quo dicto percussus Imperator, propheticum virum æstinians, invitum & renitentem sullinavit in episcopum.

Idem Imperator Pentecosten apud *Maguntiam* celebravit: *Fuldensis* autem Abbas privilegium habet, ut in præcipuis festivitibus sedeat Imperatoris ad dexteram, igitur inter cubicularios Abbatis & Archiepiscopi de ponendis sedibus oritur controversia. Pars altera sedes accipere, pars saxa jacere, pars properat enses evaginare. Sic furore per ecclesiam grassante sanguine pavementum inundat; sed episcopis medianibus pax reformatur. Sollemnis dies agitur,

An. Dñi agitur, cantibus festivis infistitur, sequentia quæ sic incipit *sancti spiritus* cum ultimo versu, scilicet, *hunc diem gloriosum fecisti*, percantatur. Cum autem hinc inde chori conticissent, vox ab aere lapsa late satis insonuit, *Hunc diem bellicosum ego feci*. Imperator itaque dapes regias quæ tam sibi quam curialibus paratæ fuerant pauperibus erogavit, & pauperibus diem gloriosum fecit.

Quidam de genere senatorio duxit uxorem, convivium sodalibus fecit; ludo vacaturus in Martium campium exivit. Anulum sponsalium æreæ statuæ, quæ digitum habebat extentum, in digito posuit. Post ludum anulum repetens, invenit statuæ digitum ad volam usque curvatum. Intempesta nocte rediit ad statuam; & digitum iterum extentum & anulum surreptum miratus est. Cumque se juxta conjugem collocasset, sensit quiddam nebulosum & densum inter illam & se volutari, quod sentiri posset nec videri posset: hoc obstaculo prohibitus ab amplexu, vocem etiam audit: *Mecum concumbe, nam hodie me desponsasti. Venus ego sum, digito cujus anulum imposuisti, quem habeo nec reddam alicui*. Tunc juvenis habito cum amicis consilio, cuidam *Palumbo* presbytero suburbano nigromanticis artibus instructo, rem ex ordine pandit. Qui grandi victus mercimonio, compositam juveni tradit epistolam dicens: *Vade illa noctis hora foras urbem ad compitum, stans tacite considera, transibunt hominum figura utriusque sexus. Quicquid ad latitiam pertinet vel tristitiam, in illorum videbis & vultibus & gestibus. Nullum illorum compellabis, & si loquatur tecum non respondeas. Sequetur illam turbam quidam reliquis statura procerior & forma corpulentior. Huic tacitus epistolam trades legendam*. Juvenis presbyteri jussa complevit. Inter cæteros transcuntes vidit mulierem ornatu meretricio mulam inequantem. Ultimo qui dominus videbatur protenta manu tacitus porrexit epistolam; Dæmon notum sigillum non ausus contemnere legit scriptum. Moxque brachiis in cælum elatis, *Deus*, inquit, *omnipotens quamdiu patieris nequitias Palumbi presbyteri!* Mox à latere suo missi satellites anulum à *Venere*, plurimum tergiversata, vix tandem extorquent. Ita juvenis sine quovis obstaculo potitus est uxoris amore. Sed *Palumbus* cum dæmonis clamorem ad Deum de se factum audisset, finem dierum sibi præsignari præsensit. Quocirca membris omnibus ultro truncatis, confessus est papæ coram populo flagitia multa.

Circa dies istos fuit *Gregorius* papa vj.

Hic arma undecumque & equos conquistavit, milites adornavit, & primum basilicam beati *Petri* præoccupans, raptos oblationum, vel extinxit, vel effugavit, & prædia omnia & oppida multis temporibus amissa, in antiquum jus reformavit. Ita pax per multorum segnitiam exulans, per unum hominem in patriam rediit. Unde *Quirites* rapto affluenti sanguinario illum vocabant. Cardinales etiam cum beatus ille valetudine decumberet, ausu temerario eum ammonabant ne se in ecclesia beati *Petri* cum cæteris Apostolicis tumulari præciperet, quam tot hominum cædibus fœdasset. Quibus ille; *Omnia committamus divino examini. Corpus meum antecessorum meorum more compositum, ante januas ecclesiæ sistite. Janua seris & repagulis damnetur. Si deus voluerit ut ingrediar, applaudetis miraculo: si minus, de cadavere meo facite quod vestris infederis*

animis. Cum ille spiritum efflasset extremum, ante portas seris oclusas exanimis præfuls exuvias deportant. Sed mox divinitus turbo emissus omnia repagulorum obstacula dirumpens, valvas etiam ipsas vehementi patefactas impetum ad parietem impulit. Populus astans acclamat in gaudium, pontificis corpus cum patribus celebri veneratione locatur.

Circa dies istos *Eustachius* cum *Gernovagis* Comes *Bolonienſium* *Tadam* *Godefridi* ducis *Bolonie* primogenitam duxit uxorem, ex qua tres filios sustulit. *Eustachium*, qui patri successit in comitatu, *Godefridum*, quem tempore procedente subacta *Jerusalem Christiani* communiter elegerunt in Regem; *Baldewinum* qui fratri *Godefrido* succedens consecratus est rex *Jerusalem*. *Tada* siquidem Comitissa tribus his filiis suis munus nutritionis exhibuit. Nam credidit esse contra naturam imperfectum, atque dimidiatum matris genus, parere statimque partum à se proicere jam viventem, jam hominem, jam matris officia implorantem. Credidit etiam naturam feminis mammarum ubera quasi quosdam venustiores nævulos liberorum alendorum, & non ornandi pectoris causa dedisse. Sunt enim matres prodigiolæ, quæ fontem illum sanctissimi corporis humani generis educatorem arefaciunt & extinguunt, quæ partus suos deserunt, ablegant à se, nutriendos aliis dedunt, vinculum illud coagulumque animi atque amoris, quod parentes cum filiis consociat intercindunt. Ille namque vigor maternæ flagrantiz sensum atque paulatim restringitur, & omnis impatientissimæ sollicitudinis strepitus conflescit, neque multo minor commendati ad nutricem aliam filii, quam morte amissi oblivio.

Mortuo jam *Canuto* & *Wintonie* in veteri monasterio sepulto, misit Rex *Haroldus Wintoniam*, & opum quas rex *Canutus Alfgiva* reliquerat meliorem partem ademittit, & quasi justus hæres non tamen cunctis consentientibus cæpit regnare. Sed in brevi regnum *Angliæ* sorte dividitur, & *Haroldo* pars septentrionalis, *Hardecnuto* provenit australis.

Obiit *Robertus* dux *Normannie* frater tercii *Ricardi*, ab *Jerusalem* rediens, apud *Niceam* civitatem. Cui successit *Willelmus Bassard* filius ejus in puerili ætate, qui *Angliam* postea conquistavit; pater *Willelmi* regis *Rufi*, & *Henrici*.

Innocentes clitones *Aluredus* & *Eadwardus Ethelredi* regis quondam filii, de *Normannia*, ubi cum *Ricardo* avunculo suo manserant tempore longo, multis *Normannicis* militibus secum assumptis in *Angliam* paucis transvecti navibus, ad suæ matris colloquium, quæ morabatur *Wintonie*, venere. Quod indigne ferebant potentes nonnulli, qui, licet injustum esset, *Haraldo* multo devotiores extitere quam illis; maxime Comes *Godwinus*. Hic quidem *Aluredum* cum versus *Lundoniam* ad regis *Haroldi* colloquium ut mandaratum properaret, retinuit, & artam in custodiam posuit; lociorumque illius quosdam disturbavit, quosdam catenavit & postea cæcavit; nonnullos cute capitis abstracta cruciavit, & manibus ac pedibus amputatis multavit; multos etiam vendi jussit, & mortibus variis apud *Gyldefordam* sexcentos viros occidit. Quo audito, regina *Elfgiva* filium suum *Eadwardum* qui secum mansit, cum festinatione *Normanniam* scilicet remisit. Deinde *Aluredus* *Godmini* & aliorum jussione ad insulam *Hely* ducitur; ubi oculis ejus erutis, monachis traditur custodiendus.

Haroldus

*Haroldus rex Merciorum & Northanhymbro-
rum*, ut per totam regnaret *Angliam* à Principibus
& omni populo eligitur. *Hardecannus* vero quia
in *Danemarchia* moras innexuit penitus abicitur.
Cujus mater *Elfgiva* Regina hyemis initio sine mi-
sericordia expellitur *Anglia*. Quæ in *Flandriam*
transvecta, à nobili Comite *Baldewino* cum honore
fulcipitur.

Ethelnothus Dorobernia archiepiscopus vita de-
cessit; Cui regis capellanus *Eadsinus* in archiepisco-
patus successit.

Mortuo *Alfrico Estanglorum* episcopo, *Stigan-
dus* regis capellanus pro eo episcopus est constitutus,
sed postmodum ejecto *Stigando Grimkital* Sutlaxo-
num episcopus pro eo substituitur.

Constantia mater *Henrici* regis *Francorum* no-
vercalibus incitata machinamentis, filium suum re-
gem à regno *Francorum* expellere modis omnibus
attemptavit.

Stigandus australium *Saxonum* episcopatum te-
nuit, & fratri suo *Egelmaro* orientalium *Anglorum*
præfultum adquisivit.

Gaufridus Martellus post mortem patris sui con-
sulatum adeptus est, & in *Ambaziaco* milites mul-
tos cum *Lisio* posuit qui *Turc-
nim Blesimque* vastarent, & ad
ultimum omnibus copiis suis
congregatis *Turonicam* urbem
obedit, quam *Henricus* rex
Francorum ablatam à filiis
*Odonis Campaniensis Theobal-
do* & *Stephano* eidem *Martello*
contulerat. Dimisit tamen *Mar-
tellus Lisium* senescallum su-
um *Ambaziaco*, cum CC. mi-
litibus & mille quingentis pedi-
tibus, qui vias custodirent ne *Ble-
senses* ad ejus exercitum libere
descenderent. Comes *Theobal-
dus* cum infinita gente per *Pon-
tilevium* transiens juxta *Monstricardum* ad flu-
men *Cari* descendit, & in pratis sancti *Quintini* ante
Bluream tentoria fixit. *Martellus* relicta obsidione
Laudiaco monte prima die eis obvius venit. In
crastino *Blesenses* ex castris prorumpunt, *Andegavenses*
à *Laudiaco* eis contra procedunt: cumque jam se
invicem contuerentur, *Martellus* per sex acies exer-
citum suum distribuit, totumque de Comite transfe-
rens se in militem, alios lancea, alios ensu persequi-
tur. *Theobaldini* impetus *Andegavorum* non feren-
tes in fugam versi scapulas dederunt. Qui cum *Mar-
tello* erant omnes in ferrum ruunt, ipso præ omnibus
fortissime & fugante fugientes & prosternente. *Theo-
baldus* itaque cum D. & lxxx. militibus in nemore
quod *Brainum* dicitur capitur & abstrahitur, *Stepha-
nus* frater *Theobaldi* arrepta fuga cum aliquibus
militibus evasit. *Theobaldus* cum esset in vinculis, &
pro eo nullam argenti & auri *Martellus* redemptionem
vellet accipere, *Thuroni* pro sua liberatione
concessit. Quindecim sacramenta juravit *Theobal-
dus* propria manu Consuli *Gaufrido*, & xx. Barones
castellenses cum eo & xl. milites vavassores eidem
verbis quibus & ipse.

Wilhelmus Pictavia Comes comitatum *Sancto-
nicum* suum esse dicebat, & vi occupatum tenebat
quia patru sui fuerat. *Martellus* eundem consula-
tum reclamabat quia avi sui fuerat, cujus hæredes

absque liberis mortui erant, & ideo ad hæredes fo-
roris avi sui honorem debere reverti affirmabat. De-
nique hujus litigii causa *Martellus* cum *Wilhelmo*
pugnare disponens, oppidum quod *Caput Multone*
dicitur cum exercitu adiit, *Wilhelmus Martello* &
suis occurrit. *Pictavenses* tremefacti duce suo gra-
viter vulnerato respirandi locum non habebant.
Martellus igitur fugientes insequitur, *Pictavensis*
Comes vulneratur & capitur, *Andegavenses* cæde
peracta reversi sunt in campo, & ibi intra tentoria
nocte illa quieverunt. *Pictavensis* Comes consula-
tum *Sanctonicum* quietum concessit *Gaufrido Mar-
tello*, & multis pecuniis datis liber à captione qua il-
lum *Martellus* spacio trium annorum tenuerat, ad
propria remeans ipso in anno finem vitæ habuit. In
diebus illis *Wilhelmus* Dux *Normannorum* *Herc-
bertum Cenomannicum* consulem nimis impugna-
bat, cui *Martellus* auxiliator & tutor fuit; & ic-
circo dux *Normannorum* qui *Angliam* adquisivit
multa perpeffus est à *Martello*. *Gaufridus Mar-
tellus* cum filios non haberet, nepotibus suis *Gau-
frido Barbato* & *Fulconi Rechin*, filiis scilicet *Ad-
hela* sororis suæ & *Alberici* Comitis de *Gastineis*,
bona sua dereliquit. *Andegaviam* & *Sanctonas*
Fulconi, *Turonicam* cum *Landonensi* castro *Bar-
bato* donavit. Edificavit autem cœnobium sanctæ
Trinitatis apud *Windocinum* castrum. Uxor vero
ejus ædificavit ibidem in supercilio montis ecclesi-
am sancti *Georgii* canonicoque imposuit, & *Capel-
lam Consulis* vocari præcepit. *Gaufridus* etiam
Comes perfecit ecclesiam sancti *Nicholai* in subur-
bio urbis *Andegavis*, quam pater ejus *Fulco* ince-
perat nec perfecerat; ibidemque sepultus quiescit.

Haroldus rex *Anglorum* obiit *Lundonia*, & in
Westmonasterio sepelitur. Quo sepulto, proceres
Angliæ ad *Hardecannum* in *Flandriam* apud
Brige ubi cum matre sua morabatur mittentes,
eum in regem gaudenter susceperunt. Consecratus est
autem ab *Ethelnotho Dorobernensi* archiepiscopo
apud *Lundoniam*. Qui mox ut regnare cœpit, in-
juriarum quas vel sibi vel genitrici suæ fecerat rex
Haroldus non inmemor, *Aluricum Eboracensem* ar-
chiepiscopum, *Govinum* Comitem, *Styr* majorem
domus, & alios magnæ dignitatis viros *Lundoniam*
misit, & ipsius *Haroldi* corpus effodere & in gron-
nam proicere jussit. Quod cum projectum fuisset, id
extrahere & in flumen *Tamense* mandavit proicere.
Brevi autem post à quodam piscatore ad *Danos*
allatum est, & in cimiterio quod habuerunt *Lundo-
nia* sepultum est apud sanctum *Clementem*.

Eadwardus Egelredi quondam regis *Anglorum*
filius, de *Normannia* ubi multis exulaverat annis
venit in *Angliam*, & fratre suo *Hardecannito* rege
susceptus honorifice in curia sua mansit.

Hardecannus dum apud *Lambithe* in convivio
cum magna lætitia bibens staret, repente inter bibe-
ndum miserabili casu in terram corruit, & sic mutus
permanens vj. idus Junii expiravit, & *Vintoniam*
delatus juxta patrem suum *Canutum* est tumula-
tus. Cujus frater *Eadwardus*, annitentibus maxime
Comite *Govino* & *Vigornense* præfule *Livingo*,
Lundonia levatur in regem. Cujus pater *Egelre-
dus*, cujus pater *Eadgarus*, cujus pater *Edmundus*,
cujus pater *Eadwardus* senior.

Elfnus fit archiepiscopus *Cantuarie*.

Eadwardus ab archiepiscopis *Eadsino* *Dorober-
nensi* & *Alurico Eboracensi* aliisque præfultibus
Angliæ

An. Dñi

1041.

1042.

1043.

An. Dñi *Anglia* prima die Paschæ unguitur in Regem, *Wintonie*.

Roma corpus *Pallantis* repertum est, ad capud cuius ardens est inventa lucerna quæ nullius flatus violentia, nullius liquoris aspergine valeret extinguere. Quod cum multi mirarentur, unus stilo subtus flammam foramen fecit, sic aer introductus ignem extinxit.

1044. *Ailwardus Londoniensis* præsul, qui & ante episcopatum, & in episcopatu abbatis jure *Eveshamensi* cœnobio præfuit, cum pontificatum amministrare pro sua infirmitate minus sufficeret, ad monasterium *Ramese* secessit ibique resedit.

Capellanus Regis *Stigandus* præsulatum *Estanglie* suscepit.

1045. Apud *Valestone* commissum est bellum inter *Henricum* Regem *Francorum* & proceres *Normannorum*.

Benedictus qui simoniace papatum invaserat, cum esset rudis litterarum, alterum ad vices ecclesiastici officii exequendas, secum Papam *Silvestrum* consecrari fecit. Quod cum multis non placeret, tercius superducitur *Gregorius*, qui solus vices duorum impleverat.

1046. *Roma* uno contra duos, & duobus contra unum de papatu altercantibus, rex *Henricus* contra eos *Romam* vadit, & eis canonica & Imperiali censura depositis, *Clemens* præsidet, & ab eo rex *Henricus* in Imperatorem benedicitur, jurantibus *Romanis*, se sine ejus consensu nunquam papam electuros.

Aldredus Statuitocensis abbas *Wicciorum* pontificatum suscepit.

1047. Nix tanta in Occidente cecidit ut silvas frangeret.

Leftanus abbas ecclesiæ sancti *Albani* xij.

1048. *Leo* papa.

Hic cum ad capeffendam sedem Apostolicam *Romam* tenderet, audit voces angelorum canentium, Dicit Dominus, Ego cogito cogitationes pacis & non afflictionis. Hic de multis sanctis cantus composuit, & multa fecit & scripsit utilia ecclesiæ. Hic cum in papatu pauperem leprosum ante fores offendisset, eum foris diligenter collocavit in lecto suo; quem cum referato ostio non invenisset, in pauperem se *Christum* suscepisse obstupuit.

1049. Concilium habitum est apud *Viceliacum*, in quo *Wlwinus Lincolnensis* episcopus interfuit.

Leo papa magnam synodum archiepiscoporum, episcoporum & abbatum in *Francia* Remis lex diebus celebravit. In qua fuit *Ailwinus Ramesiensis* abbas, & abbas monasterii sancti *Augustini*, à Rege *Anglorum* *Eadwardo* illo directi.

1050. *Eadsius Dorobernensis* archiepiscopus obiit. Cui *Robertus* primo abbas *Gemeticensis*, tunc vero *Lundoniensis* episcopus & genere *Normannus* successit.

Sperafocus abbas *Abendonensis* *Lundonia* præsulatum suscepit; sed antequam esset consecratus à Rege *Edwardo* est ejectus. *Ramesiensis* ecclesiæ ædificator fuit sanctus *Oswaldus Eboracensis* archiepiscopus, cooperante *Agelwino* quodam *Anglorum* Comite.

1051. *Aluricus Eboracensis* archiepiscopus *Suthwealle* defunctus est, & *Medelshastide*, i. *Burh* sepelitur; Cui Regis capellanus *Kinsigius* successit.

Rex *Edwardus* abfolvit *Anglos* à gravi vestigali tricesimo octavo anno ex quo pater suus rex *Egel-*

redus primitus id *Danicis* solidariis solvi mandavit.

Rex *Edwardus* reginam *Eadgitham* filiam ducis *Godwini* propter iram quam adversus patrem suum eo quod patriam sæpius infestavit habuerat, repudiavit, & cum una pedissequa ad *Werewellam* eam sine honore misit & abbatisse custodiendam commendavit.

10 *Wilhelmus* dux *Normannorum Angliam* venit; quem rex *Edwardus* & socios ejus honorifice suscepit, & magnis multisque donatum muneribus ad *Normanniam* remisit.

VVilhelmus regis capellanus *Lundoniensem* episcopatum qui *Sperhafoco* prius datus fuerat suscepit.

10 Comes *Godwinus* & filii sui *Haroldus* & *Leofwinus* allectis sibi in auxilium *Butsecarlis* qui portus nauticos custodire debebant, cum ingenti classe *Lundonia* venere. Rex igitur *Eadwardus* collecto exercitu festinanter eis obviam venit. Sed quia ibi & cum Rege & cum *Godwino* perpauci erant nisi tantum *Angli*, pugnare adversus propinquos & compatriotas pene omnes abhorrebant. Unde sapientiores quique ex utraque parte inter Regem, & ducem pacem redintegrabant; & sic *Godwinus* pristino restitutus est honori. Filiam quoque ejus *Eadgitham* Reginam digniter rex recepit. Facta igitur concordia populo rectam legem promiserunt, & omnes *Normannos* qui leges iniquas invenerant exlegaverunt; paucos tamen quos plus cæteris rex dilexerat, eique & populo fideles extiterant, in *Anglia* permanere concesserunt. Sed archiepiscopus *Dorobernia* & *Lundonia* præsul *VVilhelmus* & *Ulf Lindicolniensis* antistes cum suis vix evadentes mare transierunt. Sed *VVilhelmus* propter suam bonitatem parvo post tempore revocatus in suum episcopatum recipitur.

40 *Stigandus* qui quondam dimisso *Anglorum* orientalium episcopatu sullimiorum gradum meditatus *VVintoniensem* invaserat, innocentis regis *Edwardi* simplicitatem circumveniens, vivente *Roberto* archiepiscopo *Cantuariensem* archiepiscopatum obtinuit.

10 *Edwardus* rex secunda paschali feria cum *VVintonia* ad mensam federet, *Godwinus* locer suus recumbens juxta eum dixit. Sape tibi rex falso delatum est me proditori tui invigilasse, sed si deus cæli verax & justus est, hoc panis frustulum concedat ne michi guttur pertransseat, si unquam te perdere vel cogitaverim. Deus autem verax & justus audivit vocem proditoris, & mox eodem pane strangulatus, mortem prægustavit æternam.

10 *Henricus* rex *Francorum* ob improprium *VVilhelmi* ducis *Normannorum*, quibus semper invidabant *Franci*, ex quo arva *Neustria* occidentalis cœperunt incolere, *Normanniam* est aggressus duobus hostium agminibus. Unum ad *Calcivum* subvertendum territorium direxit, cui fratrem suum *Odonem* præfecit; Alteri vero cum *Gaufrido Martello* Comite scilicet *Andegavensium*, ad demolendum comitatum *Ebroicensem* iple præfuit. Dux igitur *VVilhelmus* nobili tactus dolore milites protinus elegit, quos ad comprimendos *Calcii* subverfores direxit. Ipse autem cum suorum nonnullis contra regem se contulit. Venientes vero *Normanni* ad *Francos* reppererunt eos apud *Mortuum mare*; Cum quibus ilico mane commissum bellum in continua

Ii cæde ad usque nonam ab utrisque est protractum : novissime autem *Franci* victi fugerunt. At dux *VVilhelmus* audito eventum certaminis *Henricum* regem tali conterruit legatione. Nuntius enim ducis regalibus castris appropinquans, in quodam proximo monte noctu stans fortiter clamare cepit, *Rodulfus de Toenia nominatus sum, vobisque defero lugubre nuntium. Ad Mortuum mare currus vestros cum carris ducite, & inde cadavera carorum vestrorum reportate.* *Franci* quippe *Normannorum* militiam experiri super nos venerunt, eamque multo quam voluissent majorem invenerunt. Odo regis frater turpiter fugatus est, & *VVido Pontivi Comes* captus est. Reliqui omnes aut capti, aut perempti sunt, aut obnixè fugientes vix evaserunt. Hoc ex parte ducis *Normannorum* renunciante regi *Francorum*. Rex ut infortunium suorum audivit, à *Normannica* infestatione, quam citius valuit retro pedem retraxit.

Victor papa.

Romanorum *Henricus* filius *Henrici* Imperatoris.

Sivardus Comes *Northanhymbrorum* & *Huntedunese* profluvio ventris ductus ait, Pudor est me tot in bellis mori non potuisse, sed vaccarum morti cum dedecore reservari. Induite me lorica mea, præcingite gladio, scutum in lava, securim auratam in manu ponite, ut modo militis moriar. Et sic ut dixerat armatus, honorifice spiritum exalavit.

Eadwardus regis *Edmundi ferrei lateris* filius, ut ei mandarat patruus suus, de *Hungaria*, quo in exilium missus fuerat, *Angliam* venit. Deceverat enim rex *Edwardus* illum post se regni heredem constituere; sed ex quo venit parvo post tempore decessit *Lundonia*.

Comes *Leoricus* & uxor sua *Godiva* monasterium de *Coventrea*, de patrimonio suo construxerunt à fundamentis, & preciosis locupletaverunt ornamentis. Ecclesiam etiam quam *Lindicolnensis* præsul *Eadnotus* in loco famolo qui dicitur *Parieftou* construxerat, quamplurimis ditaverunt ornamentorum muneribus.

Aldredus VVigornensis episcopus ecclesiam in civitate *Glavorna* à fundamentis construxit, & in honore Apostolorum principis *Petri* ædificavit, & postea regis licentia *VVilstanum VVigornensem* monachum à se ordinatum abbatem constituit ibidem.

Nicholas papa.

In pago *Brachatenfi* juxta *Tornachum* multitudine colubrorum altrinsèc congregatæ, prodigioso prælio inter se concurrunt, & multis utrinque occisis, victa pars fugiens in cavo arboris se abscondit; altera pars vincens more insequens cum sibilo circumstrepbat, donec circumvecto ab hominibus igne concremata sunt.

Eboracensi archiepiscopo *Kinsigio* successit *Vigornensis* episcopus *Aldredus*. Et *Herefordensis* præsulatus qui ei propter suam industriam fuerat commissus, Capellano *Eadgyda* reginæ datus est *VValtero Lotharingo*.

Henrico regi *Francorum* *Philippus* filius ejus successit.

Aldredus Eboracensis archiepiscopus cum *Tostio* Comite *Romani*ivit & à *Nicholao* papa pallium suscepit.

Ubi etiam *Gysa Vellensis* & *VValterus Herefordensis*, ab ipso papa episcopi ordinati sunt. Usque ad tempus *Johannis* successoris istius *Gysa* omnes episcopi *VVellensis* ecclesiæ sedes suas *VVellis* habuerunt.

Alexander papa.

Wlstanus pontifex *Wigornensi* ecclesiæ præficiatur. Hic cum esset Prior *Wigornensis* monasterii consecratus est ab *Aldredo Eboracensem* archiepiscopo, eo quod *Stigando Doroberniam* archiepiscopo officium episcopale tunc à domino Apostolico interdictum erat, quia *Roberto* archiepiscopo vivente archiepiscopatum suscipere præsumpsit; canonica tamen professione archiepiscopo *Stigando*, non suo ordinatori *Aldredo* facta. Insuper & ipse *Eboracensis* archiepiscopus ejus ordinator, coram rege & optimatibus regni, ipso *Stigando* factitante, propter subsequens calumpnias profiteri jussus est, se nullum jus ecclesiasticæ subjectionis super eum velle clamare, nec propter quod ab eo consecratus est, nec quia ante consecrationem ejus monachus factus est.

Haroldus tunc temporis transiens in *Flandriam*, tempestate compulsus venit in *Pontivam* insulam. Quem captum consul *Ponticus Guido Wilhelmo* duci *Normannia* reddidit. *Haroldus* autem juravit *Wilhelmo* se filiam ejus ducturum, & *Angliam* post mortem *Edwardi* ad opus ejus servaturum; sed cum reversus fuisset in *Angliam*, perjurii crimen elegit.

1064.

1065.

Anno milleno sexageno quoque seno,
Anglorum meta flammis sensere cometa.

HAROLDUS rex.

Pacificus rex Eadwardus Epiphaniæ Domini vigilia mortem obiit *Lundonia*, & sepultus est apud *Westmonasterium*. Quo tumultato subregulus *Haroldus Godwini* filius, quem rex ante suam decessionem regni successorem elegerat, à totius *Anglia* primatibus ad regale culmen electus, eodem die ab *Aldredo Eboracensi* archiepiscopo in regem est consecratus.

Eodem anno stella cometis non solum in *Anglia*, set etiam, ut fertur, per totum mundum visa, viij. kal. Maii per vij. dies splendore nimio fulgebat.

Rex *Haroldus* cum ingenti classe *Vestam* adiit insulam. Et quia *Normannorum* dux *Willielmus Eadwardi* regis cognatus in *Angliam* cum exercitu venire parabat, tota æstate & autumno adventum illius observabat. Ad hæc etiam pedestrem exercitum locis opportunis circa ripas maris locabat. Adveniente itaque Nativitate sanctæ *Marie* classicus & pedestris exercitus domum rediit. Quibus gestis cum classica manu plusquam quingentis magnis navibus *Haroldus Haravaghe* rex *Norreganorum* frater sancti *Olavi* regis, in ostio *Tina* fluminis applicuit. Ad quem *Tostius* Comes ut prius condixerant suo cum classe venit; & inde cursum moventes in loco qui *Richale* dicitur, pariter applicuere. Quod ubi regi *Haroldo* innotuit, versus eos expeditionem propere movit, & *Norreganis* in loco qui *Stanford-hrige* dicitur occurrentes, regem *Haroldum* & *Tostium* comitem suum cum maiore parte exercitus sui occidit.

Interea dux *Normannorum Willielmus*, cum consilium *Angliam* adeundi petisset, & omnes *Normannie* barones audisset unanimes, gavisus est valde. Quibus ad se iterum consiliandos euntibus, *Willielmus* filius *Osberni* dapifer ducis interfuit. Qui gravissimum iter ad *Angliam* capeffendam gentemque fortissimam *Anglorum* perhibens, contra paucissimos in *Angliam* ire volentes acerrime litigavit. Quod quidam proceres audientes valde gavisi, fidem dederunt ei ut quod ipse diceret omnes concederent. Ingressus igitur ante eos coram duce ait, Paratus sum in hac expeditione cum meis omnibus devote proficisci. Oportuit ergo omnes *Normannorum* principes verbum ejus prolequi sicut promiserant ei. Classis igitur maxima ad portum sancti *Valerici* est præparata. Cum autem rex *Anglorum Haroldus* vir bellis accerrimus apud *Eboracum* post occisionem regis *Normagie* & *Tosti* fratris sui lætus pranderet, & omnes suos inimicos autumaret fuisse detritos, nunciatum est ei *Willielmum* Comitem gentis *Normannicæ*, cum innumera multitudine, utpote qui de tota *Gallia* sibi fortes auxiliarios conduxerat, in loco qui *Pevenesa* dicitur, classem suam applicuisse, & apud *Hastinges* castellum construxisse. Rex igitur non segnis advolans versus *Lundoniam* suum movit exercitum; & licet de tota *Anglia* fortiores quosque in præfato prælio sciret jam cecidisse, mediamque partem sui exercitus nondum convenisse, quam citius tamen potuit in *Suthsaxonia* suis hostibus occurrere non formidavit, & novem miliaris ad *Hastinga* priusquam tercia pars exercitus sui ordinaretur, ij. idus Octobris sabbato cum eis prælium commisit. Set quia arto

in loco constituti fuerant *Angli*, de acie multi se subtraxere, & cum eo perpauci constantes corde remanere. *Willielmus* autem quinque catervas equitum splendide promovit in hostem. Quibus terribiliter dispositis, quidam nomine *Tailefer* dudum antequam coirent bellatores ensibus jactatis ludens coram gente *Anglorum*, dum in eum omnes stupebant, quendam vexilliferum *Anglorum* interfecit. Secundo similiter egit. Tercio idem agens, & ipse interfectus est. Tunc incipit letifera nubes sagittarum, tonitruum sequitur ictuum, insiluit ignita collisio galearum & ensium. Cum ergo rex *Haroldus* totam gentem suam in una acie strictissime locasset, & quasi castellum inde struxisset, impenetrabiles erant *Normannis*. Docuit igitur dux *Willielmus* gentem suam fugam simulare. Fugientes autem ad quandam foveam magnam dolo protectam deveniunt, ubi multus eorum numerus corruens oppressus est. Dum igitur *Angli* in sequendo persistunt, acies principalis *Normannorum* mediam catervam *Anglorum* pertransiit. Quod videntes qui persequabantur, per foveam prædictam redire compulsi, ibidem ex magna parte perierunt.

Docuit igitur dux *Willielmus*, ut non in hostem directe set in aera sagittas sagittarii sursum mittentes hostilem cuneum sagittis cæcarent; quod *Anglis* magno fuit detrimento. Viginti autem equites strepuitissimi fidem suam invicem dederunt, quod *Anglorum* catervam prorumpentes, signum regium quod vocatur *Standart* acciperent. Quod dum facerent, plures eorum occisi sunt. Pars autem eorum via gladii facta, *Standart* asportavit.

Interea totus ymber sagittarum cecidit circa regem *Haroldum*; & ipse in oculo ictus corruit, crepusculi tempore. Irumpens autem multitudo equitum regem interfecit vulneratum; necnon comites *Gyrh* & *Leovine* fratres ejus cum eo, & fere nobiliores totius *Anglia*. Et *Normannis* à Deo victoria conceditur die sabbati in festo sancti *Kalixti* papæ.

Fredericus abbas xij. ecclesiæ sancti *Albani*.

Aldredus Eboracensis archiepiscopus, & Comites *Eadminus*, & *Morkardus* qui se certamini subtraxere, & *Clito Edgarus* quem in regem post *Haroldum* levare voluerunt, necnon *Wlstanus Wigornensis*, & *Walterus Herefordensis*, & de *Lundonia* quique nobiliores cum multis aliis, duci *Willielmo* provincias hostiliter devastanti apud *Bercestede* occurrerunt, datisque obsidibus deditionem facientes fidelitatem juravere. Et post in die Nativitatis Domini, feria ij. apud *Westmonasterium* consecratus est in regem *Anglia* dux *Normannorum Willielmus*.

—ritus cui casside crinis

Ad diadema venit. Rutilum cui *Casaris* ostrum,

Deposito torace datur. Sceptroque replenda

Mucrone est vacuata manus. —

Consecratus autem est ab *Aldredo Eboracensi* archiepiscopo, quia *Srigandus Cantuariensis* archiepiscopus tanquam scismaticus ab *Alexandro* papa suspensus erat. Vacabat enim tunc sedes *Lundoniensis*.

Quod autem rex *Willielmus* regum adeptus est non subito eventu, aut incerto casu, sed provido Dei judicio contigit. Nam tempore *Edwardi* regis orta est gravis dissensio inter ipsum regem *Edwardum* & *Godwinum* Comitem *Cantie*, patrem scilicet *Haroldi*. *Godwinus* tandem cum rege pacificatus

An. lji
106

ficatus dedit regi obfides *Wlnothum* filium suum, & *Hacum* filium *Sueni* filii sui. Quos rex *Edwardus* in *Normanniam* custodiendos *Willielmo* Comiti transmisit. Post mortem vero *Godwini*, *Haroldus* petivit à rege quatinus cum licentia ejus transfretaret in *Normanniam*, fratrem suum & nepotem daret obfides repetiturus. Cui rex ait, Ad detrimentum totius *Angliae* transfretabis. *Haroldus* navem ascendit, & in *Pontium* fluvium non prospero cursu perveniens, à domino illius terræ captivatur, & ad *Willielmum* Comitem *Normannorum* transmittitur. Post aliquot dies, *Willielmus* Comes ait *Haroldo*. Rex *Anglorum Edwardus* sororius tuus dum adhuc esset juvenis nutritus mecum in *Normannia*, interposita fide sua pollicitus est, quod si rex *Angliae* foret, & sine liberis decederet, in me jus hæreditarium regni transferret. Tu ergo si te in hoc aummiculaturum michi sponderis, & castellum apud *Douram* cum puteo aquæ ad opus meum feceris, & sororem tuam uni de principibus meis dederis in uxorem, filiamque meam *Alam* in conjugem te accepturum juraveris, tunc & modo nepotem tuum, & cum in *Angliam* regnaturus venero, fratrem tuum incolumem recipies. Prolatis itaque sacrosanctis reliquiis juravit *Haroldus*, se cuncta quæ *Willielmus* Comes proposuerat opere completurum. Et sic *Haroldus* accepto nepote suo reversus in *Angliam*, cum intra paucos dies rex *Edwardus* obisset, contempto sacramento regni diadema suscepit *Haroldus*. Ad quem dux *Normannorum Willielmus* cum direxisset nuntium, respondit. Soror mea quam juxta conductum expetis mortua est. Quod si corpus ejus quale nunc est vult Comes habere, mittam ne judicer sacramentum violasse. Castellum *Dofris*, & in eo puteum aquæ licet nesciam cui explevi. Regnum quod necdum fuit meum, quo jure potui dare vel promittere? Si de filia sua quam debui in uxorem ut asserit ducere agit; super regnum *Angliae* mulierem extraneam inconsultis principibus me nec debere, nec sine grandi injuria posse adducere noverit. Reversus nuntius responsa retulit Domino suo. Quibus ille auditis, iterum ei amica familiaritate mandavit, quatenus aliis ommissis servata fidei sponfione saltem filiam suam uxorem duceret, alioquin promissionem successionis regni armis sibi proculdubio sciret se vendicaturum. At ipse nec illud quidem se facere velle, nec hoc formidare respondit.

Fulco *Rechin* primus *Stephano* *Blesensi* hominagium fecit, & *Philippo* regi *Francorum Landonense* castrum, & totum comitatum de *Gastineis* concessit. *Fulco* plures duxit uxores; filiam *Lancelini* de *Belgenceio*, ex qua orta est Comitissa *Bri-tannia*. Post mortem filiae *Lancelini*, duxit *Er-mengardim* filiam *Erkenbaldi* *Fortis* de *Borbono*; ex qua genuit *Gaufridum* *Martellum*. Qua dimissa, ex sorore *Ammalrici* de *Monte forti* Comitissæ *Ebroicarum*, *Fulco* *Rechin* genuit *Fulconem*. *Gaufridus* *Martellus* filius *Fulconis* *Rechin*, cum patre suo rupes *Corbonis* obsedit, & fumo cepit. *Elizabeth* sororem suam ex matre sua & *Willielmo* Comite *Galviniaci* ortam *Hugoni* de *Calvo monte* uxorem dedit, & cum ea *Ambaziacum* totum ei concessit. Idem *Martellus* cum rege *Angliae Willielmo* *Ruso* sæpe conflixit, multaque municipia in *Normannia* vastavit & succendit. Idem insidiis novercæ suæ apud *Candecastum* occisus adhuc patre suo

vivente, sepultus est in ecclesia sancti *Nicholai* *Andegavis*. WILLIELMUS I. rex.

Adveniente quadagesima rex *Willielmus* *Normannium* repetiit, ducens *Dorobernensem* archiepiscopum *Stigandum*; *Glestoniæ* abbatem *Egelnothum*, clitonem *Eadgarum*; Comitem *Eadwinum*; & multos alios de primatibus *Angliae*; fratremque suum *Odonem* *Baiocensem* episcopum, & *Willielmum* filium *Osberni* quem *Herefordiæ* Comitem constituerat, *Angliae* custodes relinquens, castella per loca firmari præcepit.

Abbatia de *Bello* construitur à rege *Willielmo*. Imminente hieme rex *Willielmus* de *Normannia* *Angliam* rediit, & *Angliæ* importabile tributum imposuit. Deinde in *Devoniam* hostiliter profectus civitatem *Excestriam* sibi rebellem obsedit & infregit.

Roma duobus de papatu contendentibus *Alexander* cum suam purgasset innocentiam de symonia recipitur, *Cadatus* *Parmensis* episcopus reprobatur: unde dictum est, An. Dñi 1068.

Cadalus in *Parma* *Parmæ* fuit arcus & arma, *Cadalus* occubuit, *Parma* ruina fuit.

Matildis uxor regis *Willielmi* consecratur in reginam *Anglorum* die Pentecostes ab *Aldredo* *Eboracensi* archiepiscopo.

Malcholfus rex accepit *Margaretam* sororem *Edgari*.

Principes *Northanhymbrorum* *Willielmi* regis ferocitatem timentes, clytone *Eadgaro* secum assumpto, *Scotiam* adierunt. Invitaverunt *Danos*, cum ducentis xl. navibus *Angliam* infestant. Quod audiens *Aldredus* *Eboracensis* archiepiscopus, præ dolore diem clausit extremum. 1069.

Hinc *Normannis*, hinc *Northanhymbris*, hinc *Danis* *Angliam* incursantibus, in *Anglia* fames prævaluit.

Marianus à *Scotia* in *Gallias* veniens, *Colonia* factus monachus, primo apud *Fuldam*, post apud *Maguntiam* inclusus, hucusque cronica sua digessit. 1070.

Rex *Willielmus* monasteria totius *Angliæ* perscrutari, & pecuniam quam ditiores *Angli* in eis deposuerant auferri, & in ærarium suum jussit deferri.

Concilium magnum in octavis Paschæ *Wintonia* celebratum est, jubente & præsentente rege *Willielmo*, *Alexandro* papa consentiente, & per suos legatos *Hearmenfredum* *Sedunensem* episcopum, & presbyteros cardinales *Johannem* & *Petrum* suam auctoritatem exhibente. Ubi *Stigandus* *Dorobernensis* archiepiscopus degradatur tribus ex causis; quia episcopatum *Wintonia* cum archiepiscopatu injuste possidebat, & quia vivente archiepiscopo *Roberto*, non solum archiepiscopatum sumpsit, set etiam ejus pallio quod *Cantuariæ* remansit, dum injuste pullus est ab *Anglia*, in missarum celebratione usus est, & post à *Benedicto* quem *Romana* ecclesia excommunicavit, eo quod pecuniis sedem apostolicam invasit, pallium suscepit. Nonnullos tam episcopos quam abbates quos nulla evidenti causa nec concilia, nec leges seculi damnabant, honoribus suis rex *Willielmus* privavit, & usque ad finem vitæ custodiæ mancipatos detinuit. In hoc Concilio *Wistanus* *Wigornensis* episcopus, possessiones quamplures sui episcopatus ab *Aldredo* archiepiscopo dum à *Wigornensi* ecclesia ad *Eboracum* transferretur, sua potentia retentas, quæ tunc eo defuncto

WILLIEL- devenerant in regiam potestatem viriliter procla-
mus I. rex. mabat justiciamque inde fieri flagitabat. Set ju-
dicatum est, ut ipsa querela sic remaneret quo-
usque in *Eboracensi* ecclesia constitueretur archi-
episcopus qui pro ea loqueretur. Die autem Pen-
tecostes rex apud *Windeforam* venerando *Baiocensi*
canonico *Thoma Eboracensem* archiepiscopatum, &
Walchelino suo capellano *Wintoniensis* ecclesie de-
dit presulatum, & *Stigando* capellano suo episco-
patum *Suthsaxonum*, qui mutavit sedem in *Ci-
cestriam*.

An. Dñi Post hæc, accito de *Normannia* *Lanfranco Ca-*
1071. *domensi* abbate, genere *Longobardo*, viro undecum-
que doctissimo, omnium liberalium artium, divina-
rumque simul ac secularium litterarum scientia pe-
ritissimo, consiliis quoque ac gubernatione rerum
mundialium æque prudentissimo, die Assumptionis
sanctæ *Maria* archiepiscopum constituit *Cantuari-*
ensem; & in festivitate sancti *Johannis Baptiste*,
die Dominica consecrari fecit *Cantuarie*. Consec-
cratus est autem à *Gisone Wellensi*, & *Waltero He-*
refordensi, qui ambo *Roma* à *Nicholao* papa ordi-
nati sunt, quando *Aldredus Eboracensis* archiepi-
scopus pallium suscepit. Vitabant enim à *Stigando*
qui tunc archiepiscopatu *Dorobernensi* præsidebat
ordinari, quia eum noverant non canonice pallium
suscepisse. *Hermannus* etiam episcopus, qui jam
presulatus sedem à *Scireburna* transfulerat *Sares-*
buriam, cum quibusdam aliis ejus interfuit conse-
crationi. Deinde *Lanfrancus Thomam Eboracen-*
sem consecravit episcopum. Quo consecrato, reve-
rendi *Wlstan Wigornensis* episcopi mota est iterum
querela; & in Concilio in loco qui vocatur *Pe-*
dreda celebrato coram rege & *Dorobernia* archi-
episcopo, & primatibus totius *Anglia*, Dei gratia
amminiculante est terminata. Cunctis siquidem
machinamentis non veritate stipatis, quibus *Thomas*
ejusque fautores *Wigornensem* ecclesiam deprimere,
& *Eboracensi* ecclesie subicere, ancillamque facere
modis omnibus satagebant, justo Dei judicio at-
trititis, ac scriptis evidentissimis penitus adnichila-
tis, non solum vir Dei *Wlstanus* proclamatus, &
expetitas possessiones recepit, sed & tuam ecclesiam
Deo adjuvante, & rege concedente, ea libertate li-
beram suscepit, qua fundatores ejus rex *Aluredus*,
Edwardus senior, *Athelstanus*, *Edmundus*, *Eadredus*,
& *Eadgarus* ipsam liberaverant.

Lanfrancus Herewardum Landavia episcopum
Cantuarie consecravit.

Lanfrancus pro pallio *Romam* iens, *Thomam* archi-
episcopum *Eboracensem*, quem ipse facta sibi de
subjectione sua canonica professione *Cantuarie*
consecraverat, & *Remigium Lincolnensem* episco-
pum comites itineris habuit. Qui *Romam* perve-
niens *Alexandro* papæ præsentatur. Cui papa ad
se intranti assurgens, eum ut gressum figeret dulci-
ter hortatus est. Ac deinde subdens, Honorem, in-
quit, exhibuimus tibi, non quem archiepiscopatu
tuo, sed quem magistro, cujus studio sumus in illis
quæ scimus imbuti, debuimus. Hinc quod ad te
pertinet ob reverentiam beati *Petri* te exequi par
est. Residente ergo illo, *Lanfrancus* progressus
humiliat se ad pedes ejus, sed mox ab eo ad oscu-
lum erigitur. Sequenti luce calumpniatus est co-
ram papa memoratus *Thomas*, cum præfato *Remi-*
gio, quod neuter illorum jure fuerit promotus ad
pontificatum. Prior quia sacri canones filios pres-

biterorum quos religionis ordo non ornat, à sacro-
rum ordinum promotione removeant. Alter vero, *WILLI-*
mus I. pro eo quod facta conventionem illud à *Willielmo*
post rege facto emerit officium, videlicet quod ei
in excidium *Anglia* properanti multifaria inten-
tione ac multiplicibus impensis deservierat. At il-
lis qua se excularent probabilem causam non ha-
bentibus, redditis baculis & anulis cum cura pon-
tificali, ad petendam misericordiam reversi sunt.
10 Quorum precibus sese *Lanfrancus* medium inici-
ens, eos multarum rerum scientia fultos novo regi
novis in regni dispositionibus perneccarios osten-
dit. Quibus auditis, conversus ad eum papa, Tu
videris, inquit: pater es patriæ illius, ac per hoc
industria tua consideret quid expediat. Virgæ pa-
storales quas reddiderunt ecce hic sunt, accipe illas
atque dispensa prout utilius Christianitati regionis
illius agnoscere poteris. At ille susceptis illis, ilico
in præsentia domini papæ, revestivit præfatos viros
20 quemque sua. Deinde in *Angliam* cum sociis re-
versus, primas totius regni confirmatus est. Cujus
tempore per totam terram religio quamplurimum
aucta est in novis monasteriorum ædificiis. Quo-
rum structoribus ipse primum exemplum præbens
ecclesiam *Christi Cantuariensem*, cum omnibus of-
ficiis quæ infra murum ipsius curiæ sunt, cum ipso
muro ædificavit.

Robertus Fricensis Flandriam cepit.

Rex *Willielmus* audito quod Comites *Morga-* An. I.
30 *rius*, & *Swardus Barn*, & *Egelvinus Dunholmen-* 1071
sis episcopus latenter in *Helyensem* insulam confu-
gerant, in orientali insulæ plaga omnem illis exi-
tum obstruxit, & pontem duum miliariorum in oc-
cidentalium fieri jussit, & omnes excepto *Herewardo*
viro strenuissimo qui cum paucis per paludes evasit,
sibi dedicionem facere coegit.

Generale Concilium regni Anglorum de jure
& primatu *Dorobernensis* ecclesie
super *Eboracensem*.

40 A Nno ab incarnatione Domini nostri *Jhesu*
Christi M. lxxij. pontificatus autem Domini
Alexandri papæ xj. regni vero *Willielmi* gloriosi
regis *Anglorum*, & ducis *Normannorum* vj. ex præ-
cepto ejusdem *Alexandri* papæ annuente eodem
rege, in præsentia ipsius, & episcoporum atque ab-
batum ventilata est causa de primatu quem *Lan-*
francus Dorobernensis archiepiscopus super *Ebora-*
censem ecclesiam jure suæ ecclesie proclamabat, &
50 de ordinationibus quorundam episcoporum, de
quibus ad quem specialiter pertinerent certum mi-
nime constabat. Et tandem aliquando diversis di-
versarum scripturarum auctoritatibus probatum,
atque ostensum est, quod *Eboracensis* ecclesia *Can-*
tuariensi debeat subiacere, ejusque archiepiscopi
ut primatis totius *Britannia* dispositionibus in hiis
quæ ad Christianam religionem pertinent in omni-
bus obedire. Subjectionem vero *Dunelmensis*,
hoc est, *Lindisfarnensis* episcopi, atque omnium
60 regionum à terminis *Licisfeldensis* episcopii, & *Hum-*
bra magni fluvii, usque ad extremos *Scotia* fines,
& quicquid ex hac parte prædicti fluminis, ad pa-
rochiam *Eboracensis* ecclesie jure competit, *Can-*
tuariensis metropolitani *Eboracensis* archiepiscopo
ejusque successoribus in perpetuum optinere concess-
sit. Ita ut si *Cantuariensis* archiepiscopus Concili-

um voluerit congregare, ubicumque visum ei fuerit, rex. *Eboracensis* archiepiscopus sui presentiam cum omnibus sibi subiectis ad nutum ejus exhibeat, & ejus canonicis dispositionibus obediens existat. Quod autem *Eboracensis* archiepiscopus professionem *Cantuariensis* archiepiscopo facere etiam cum sacramento debeat, *Lanfrancus Dorobernensis* archiepiscopus ex antiqua antecessorum consuetudine ostendit, sed ob amorem regis *Thome Eboracensi* archiepiscopo sacramentum relaxavit, scriptamque tantum professionem recepit, non prejudicans successoribus suis, qui sacramentum cum professione a successoribus *Thome* exigere voluerint. Si archiepiscopus *Cantuariensis* vitam finierit, *Eboracensis* archiepiscopus *Doroberniam* veniet, & eum qui electus fuerit cum ceteris prefate ecclesie episcopis ut primatem proprium jure consecrabit. Quod si archiepiscopus *Eboracensis* obierit, is qui ei successurus eligitur, accepto a rege archiepiscopatus dono *Cantuariam* vel ubi *Cantuariensis* archiepiscopo placuerit accedet, & ab ipso ordinationem canonico more suscipiet. Huic constitutioni consenserunt prefatus rex, & archiepiscopus *Lanfrancus Cantuariensis*, & *Thomas Eboracensis*, & *Hubertus sancte Romanae ecclesie* subdiaconus, & prefati *Alexandri papae* legatus, & ceteri qui interfuerunt episcopi & abbates. Ventilata est autem haec causa prius apud *Wentanam* civitatem in Paschali sollemnitate in capella regia quae sita est in castello: postea in villa regia quae vocatur *Windlesore*; ubi & finem accepit in praesentia regis, episcoporum, abbatum diversorum ordinum qui congregati erant apud curiam in festivitate Pentecostes.

Quintus *Baldewinus Flandrensi* insulanum Comes pater *Matildis* uxoris regis *Anglorum Willielmi* habuit duos filios, *Baldewinum* & *Robertum*. Quorum uterque uxorem accepit vivente patre eorum. Nam *Baldewinus* primogenitus habuit uxorem Comitissam *Hamancensem*, ex qua genuit duos filios, *Ernulfum* & *Baldewinum*. *Robertus* autem accepit conjugem relictam *Florentii* Comititis *Frisiae*, quae unicam ex *Florentio* habebat filiam. Quam *Robertus* longe facere volens a paterna hereditate dedit eam *Philippo* regi *Francorum*, & ita comitatus *Frisiae* remansit ei cum matre puellae, unde cognominatus est *Frisio*. Decessit autem ante mortem patris sui *Baldewini* *Baldewinus* Comes *Hamancensis*, & successit *Ernulfus* filius ejus primogenitus. Tandem hoc anno mortuo *Quinto Baldewino* Comite *Flandriae* cum *Ernulfus* Comes *Hamancensis* deberet ei succedere, utpote nepos ex primogenito ejus filio, & ad hoc etiam niteretur *Philippus* rex *Francorum* veniens in auxilium ejus, & *Matildis* regina *Anglorum* mittens ei *Willielmum* filium *Osberni* cum armata militum manu, cujus filia nupsit *Cnutoni* regi *Danorum*, de qua *Cnuto* genuit *Karolum* postea *Flandrensi* Comitem: *Robertus Frisio* adjuncto exercitu *Henrici Romanorum* & *Alemannorum* imperatoris improvise super eos irruens, fugato *Philippo* rege *Francorum*, *Ernulfum* nepotem suum, & *Willielmum Osberni* Comitem *Herefordiae* peremit die Dominico septuagesimae: & hac de causa *Flandriam* usque ad suum obitum possedit.

Post Assumptionem sanctae *Mariae*, rex *Anglorum Willielmus* *Scotiam* profectus est ut eam subjugaret. Cui rex *Scottorum Malcolmus* in loco

qui dicitur *Abernitici* occurrit, & hominum sibi *Willielmus I. rex*.

Rex *Anglorum Willielmus* civitatem quae dicitur *An. Dñi*
Cenomannis, & provinciam illam maxime *Anglorum* 1073.
adjutorio sibi subjugavit.

Gregorius papa vij.

Hic cum esset *Romanus* archidiaconus, vocatus *Hilibrandus*, creatus est Apostolicus.

Gregorius papa celebrata synodo symoniacos anathematizavit, uxoratos sacerdotes a divino removit officio, & laicis missam eorum audire interdixit; novo exemplo, & ut multis visum est inconsiderato praedicio contra sanctorum patrum sententiam; qui scripserunt quod sacramenta quae in ecclesia fiunt; baptismus, crisma, corpus & sanguis Christi, Spiritu sancto latenter operante eorundem sacramentorum effectum, seu per bonos, seu per malos, intra Dei ecclesiam dispensentur; tamen quia Spiritus sanctus mystice illa vivificat, nec bonorum meritis amplificantur, nec peccatis malorum attenuantur. Ex qua re tam grave oritur scandalum, ut nullius haeresis tempore sancta ecclesia graviore scismate discissa sit, his pro justitia, illis contra justitiam agentibus. Porro continentiam paucis tenentibus, aliquibus eam modo causa quassius ac jactantiae simulantibus, multis incontinentiam perjurio, aut multipliciori adulterio cumulantibus; ad haec, hac oportunitate laicis insurgentibus contra sacros ordines, & se ab omni ecclesiastica subjectione excutientibus: laici sacramentaria temerant, & de his disputant; infantes baptisant, sordido humore aurium pro sacro oleo & crismate utentes, in extremo vitae viaticum Dominicum, & usitatum ecclesiae obsequium sepulturae, a presbiteris conjugatis accipere parvi pendunt, decimas presbiteris deputatas igni cremant; & ut in uno caetera perpendas, laici corpus Domini a presbiteris conjugatis consecratum saepe pedibus conculcaverunt, & sanguinem Domini voluntarie effuderunt.

Herefordensis Comes *Rogerus*, filius *Willielmi*, *Eastanglorum* Comiti *Radulfo* contra praecceptum regis *Willielmi* sororem suam conjugem tradidit, nuptiasque cum plurima multitudine optimatum in *Grantebregensi* provincia, in loco qui dicitur *Ixninga* celebrantes, magnam conjurationem plurimis assentientibus contra regem *Willielmum* ibi fecerunt, Comitemque *Walteofum* suis insidiis praeventum secum conjurare compulerunt. Qui mox ut potuit *Lanfrancum Dorobernensem* archiepiscopum adiit, poenitentiamque ab eo pro facto licet non sponte sacramento accepit, ejusque consilio regem *Willielmum* in *Normannia* petiit, eique rem ex ordine gestam pandens, illius misericordiae ultro se dedit. *Herefordensis* vero Comiti ne trans *Sabrinam* *Radulfo* occurreret, restitit *Wlstanus Wigornensis* episcopus, & *Egelminus Eveshamensis* abbas cum *Ursone* Vicecomite *Wigorniae*, & *Waltero de Lacey*. *Odo* vero *Baiocensis* episcopus frater regis, & *Gaufridus Constantiensis* episcopus, cum exercitu ad minorem *Britanniam* *Radulfum* fugere compulerunt. Rex autem *Willielmus* de *Normannia* reversus, eorum qui in illum conjuraverant quosdam exlegavit, quosdam erutis oculis vel manibus truncatis deturpavit.

Comites vero *Walteofum* & *Rogerus* sententia 1075.
judiciali dampnatos arciori custodiae mancipavit.

Set

WILLIELMUS I. REX. Set *Walteofum* extra civitatem *Wintoniam* ductum indigne rex decapitari, & in eodem loco terra iussit obrui. Set processu temporis corpus ejus de terra levatur, & magno cum honore *Crulant* sepeliendum deportatur. Post hæc rex *Willielmus* in minorem *Britanniam* transiens castellum *Radulfi* Comititis quod *Dol* dicitur, tam diu obsedit donec

An. Dñi *Francorum* rex *Philippus* illum inde fugaret.

1076. *Radulfus* Comes exivit de *Anglia*.

1077. *Robertus Willielmi* regis primogenitus eo quod *Normanniam* quam sibi ante adventum ipsius in *Angliam* coram *Philippo* rege *Francorum* dederat, possidere non licebat, *Franciam* adiit, & auxilio *Philippi* regis in *Normannia* magnam frequenter prædā agebat, villas comburebat, homines perimebat, & patri suo non parvā molestiam & anxietatem inferebat.

Paulus abbas ecclesiæ sancti *Albani* xiiij.

Gelu magnum & glacies validissima à kal. Novembris usque in medio Aprilis.

1078. Ecclesia *Becci* x. kal. Decembris in honore sanctæ *Mariæ* dedicata est ab archiepiscopo *Cantuaria Lanfranco*; cuius operis ipse post abbatem *Herlewinum* primum lapidem posuit.

1079. Rex *Willielmus* filio suo *Roberto* ante castellum *Gerberrei* quod rex *Philippus* præstiterat dum pugnam intulit, ab ipso vulneratus in brachio à suo dejectus est emissario: set mox ut illum per vocem cognovit, festinus descendit; ac illum suum caballum ascendere iussit, & sic abire permisit. Ille autem multis suorum occisis, nonnullis captis, ac filio suo *Willielmo* cum multis vulnerato, fugam iniit. Maledixit igitur rex *Roberto* filio suo; quam maledictionem antequam moreretur evidenter perpessus est.

1080. Rex *Willielmus* duxit exercitum suum in *Valliam*, & eam sibi subdidit. *Odonem* episcopum fratrem suum in carcerem posuit postea.

1082. Multis homicidiis inter *Henricum* regem & *Hiltibrandum* papam peractis in nocte palmarum multi sunt occisi.

1083. *Henricus* urbem *Rome* infregit & cepit, & *Vibertum* in sede apostolica instituit.

Hiltibrandus vero *Beneventum* adiit, ubi usque ab obitu suum deguit.

Obiit *Matildis* regina filia *Baldewini* Comitis *Flandrensis*, uxor *VWillielmi* regis *Angliæ*.

1084. 1085. 1086.

1087. Rex *VWillielmus* curiam suam in nativitate Domini tenens *Glavorna*, tribus suis capellanis, *Mauricio* scilicet *Lundoniensem*, *VWillielmo Theodorsensem*, *Roberto Cestrensem* dedit præsulatum.

Idem rex *VWillielmus* misit iusticiarios suos per unamquamque scyram, id est, provinciam *Angliæ*, & inquirere fecit per jusjurandum quot hydæ, id est, jugera uni aratro sufficientia per annum essent in unaquaque villa, & quot animalia. Fecit etiam inquiri quid unaquæque urbs, castellum, vicus, villa, flumen, palus, silva redderet per annum. Hæc autem omnia in cartis scripta delata sunt ad regem, & inter thesauros reposita usque hodie servantur.

In ebdomada Pentecostes suum filium *Henricum* apud *Westmonasterium* armis militaribus Rex *Willielmus* honoravit. Nec multo post, convocatis tam clero quam Baronibus apud *Sereasberie* omnes sibi fidelitatem contra omnes homines jurare à rege coacti sunt.

Desiderius, qui & *Victor*, papa contra *Clementem Willielmum* est factus.

Translatio sancti *Nicholai* archiepiscopi à *Myrræa* metropoli *Græcorum* ad *Barum* civitatem *Apuliæ*.

Willielmus rex obiit, successerunt filii *Willielmus* in *Angliam*, *Robertus* in *Normanniam*.

1088. **R**ex *Willielmus* regnum *Franciæ* devastans castrum nobile quod vocatur *Maante* combussit, & ecclesias quæ ibi erant, plebemque multam, & duos anachoritas sanctos igni tradidit: sed in ipso reditu dirus viscerum dolor illum apprehendit. Cum autem diem sibi mortis imminere sensisset, fratrem suum *Odonem*, & omnes quos in *Anglia* vel *Normannia* custodiæ mancipaverat laxavit. *VWillielmus* omnibus consulis *Normanniæ* fortior fuit, omnibus *Anglorum* regibus potentior, omnibus prædecessoribus suis laude dignior. Erat autem sapiens sed astutus, locuples sed cupidus, gloriosus sed famæ deditus, ad castella solus omnes fatigabat construenda. Si cervum aut aprum quis caperet oculos ei eruebat, amabat enim feras tanquam pater esset ferarum. Huic *Normannia* hæreditarie provenerat, *Cenomanniam* armis adquisierat, *Britanniam* sibi acclivem fecerat, Super *Angliam* solus regnaverat, *Scotiam* sibi subjugaverat, *VValliamque* reverendus in suam acceperat. Terris vicinis terrori inerat. Pacis autem tantus auctor fuerat, quod puella auro onusta regnum *Angliæ* pertransire posset impune. *VWillielmus* hic mirabilis terram suam sic divisit, *Roberto* primogenito suo *Normanniam*. *Willielmo* secundo filio suo *Angliæ* monarchiam. *Henrico* thesauri copiam. Pro quo cum *Robertus* partem ei *Normanniæ* vendidisset, thesauro habito, quod ei vendidit iterum abstulit. Rex igitur *Willielmus* postquam xx. annis, mensibus x. & xxvij. diebus, genti *Anglorum* præfuit, v. idus Septembris die *Jovis* regnum cum vita reliquit, & *Cadomi* in ecclesia sancti *Stephani* quam ipse à fundamentis construxerat, sepultus requiescit. Uxor vero sua *Matildis* abbatiam sanctimonialium ibidem construxit, ubi & ipsa requiescit.

Willielmus filius regis *Willielmi* *Angliam* festinato adiit, ducens secum *Wlnothum* & *Morkarum* quos pater suus laxavit. Set mox ut *Wintoniam* venit, eos custodiæ mancipavit.

Sexto kal. Octobris, die Dominico, in *Westmonasterio* à *Lanfranco Dorobernia* archiepiscopo jam dictus *Willielmus* consecratus est in regem.

Deinde *Wintoniam* rediens, thesauros patris sui, ut ipse iusserat, per *Angliam* divisit ecclesiis in civitatibus, vel villis, per singulas denarios xl. dedit, cruces, textos, scrinia, ac varia ornamenta gemmis & auro redimta per ecclesias digniores, & monasteria dividi iussit. Ejusque germanus *Robertus* in *Normanniam* reversus, thesauros quos invenerat, pro anima patris sui largiter divisit, & *Ulfum Haroldi* quondam regis filium à custodia laxavit, & armis militaribus honoratum abire permisit.

Hoc anno inter primates *Angliæ* magna est orta discordia. Pars enim nobiliorum *Normannorum* favebat regi *Willielmo*, sed minima. Pars vero altera

tera Roberto Comiti, set maxima, cupiens hunc sibi
asciscere in regnum, fratrem vero aut fratri tradere
vivum, aut regno private peremptum. Hujus exe-
crandæ rei principes extiterunt Odo episcopus Baiocensis,
qui tunc erat Comes Cantuariensis, Robertus
etiam frater ejus. Intererat etiam prædicto consilio
cum Roberto nepote suo Comite Northymbriae Gaufridus
episcopus Constantiensis, Willelmus episcopus Dunholmensis.
Episcopus igitur Baiocensis munita Rovecestria misit
Normanniam, exhortans Comitem Robertum venire in
Angliam, nuncians ei regnum paratum & coronam. Missi
itaque viri auxilarii à Comite Roberto in Angliam, ab Odone
Rovecestram receperunt custodiendam. Quorum primates
erant Eustachius junior Comes Bolonia, & Robertus de
Belesmo. Quo audito, rex Willelmus vocat quos sibi credit
fidos, vadit Lundoniam, belli tractaturus negotia.
Congregato igitur quantum poterat Normannorum, set
maxime Anglorum pedestri & equestri licet mediocri
exercitu, tendere disposuit Rovecestriam, set Tunibrigiam
cui præerat Gilebertus filius Ricardi contrariam sibi
invenit. Qua in biduo expugnata, Gilebertum vulneratum
ad deditionem coegit. Audito Regis adventu Rovecestriam,
adiit Odo castrum fratris sui Roberti Morinnensis
Comitis, scilicet Pevenese. Inito itaq; salubri consilio
rex patrum suum eoque persequitur, & obseffo ibidem
utroque patruo, propter locum munitissimum ad
expugnationem indies laborat. Interim circumquaque
per Angliam tempestas sævit bellica. Rogerus in castello
suo Arundel Comitis Roberti operiebatur adventum.
Gaufridus episcopus Constantiensis in castello suo
Bristoa, cum nepote suo Roberto de Mubraio, qui
Batoniam & ejus provinciam igne succendit; deinde
procedens Yvelcestriam obledit, sed repulsi inde
abscessit. Willelmus de Owe Glavornam, Robertus
filius Baldevini de Exaestra Devoniam, Hugo de
Grente Maisnilo Legorcestrie provinciam, Rogerus
Bigotus Estangliam deprædati sunt. Bernardus de
Nova Mercato, Rogerus de Laceio, Radulfus de
Mortuo Mari Wigorniam invadunt. Sed pater
reverendus Wlstanus jam quodam modo alter
Moyses parat se, viriliter staturus pro populo
& civitate sua, pro imminente periculo
fundens precamina, exhortans subditos ne
desperent de Deo qui non pugnat gladio
neque hasta. Normanni interim rogant
episcopum Wlstanum, ut ab ecclesia ad eos
transiret in castellum. Ipse vero pro regis
fidelitate petitioni eorum acquievit. Castellani
igitur & cives licentia episcopi hostibus
trans Sabrinam occurrunt. Quibus inquit,
Ite filii, ite in pace, ite securi cum Dei
& nostra benedictione. Confidens ego in
Domino spondeo, vobis non hodie nocebit
gladius. Alacres ergo omnes unanimiter
hostibus occurrunt. Hostes vero cantumaciter
episcopi spernentur mandata, in terram
ipsius posuerunt incendia, unde gravi eos
episcopus à circumstantibus coactus percussit
anathemate. Res miranda, & Dei virtus,
& viri bonitas. Nam statim hostes tanta
membrorum percuntur debilitate, tanta
oculorum attenuantur cæcitate, ut vix
arma ferre valerent, nec socios nec
hostes agnoscere. Cæduntur pedites,
capiuntur milites. Cæteris fuga elapsis,
regis fideles sine ulla diminutione
suorum remeant ad propria, gratias Deo
& episcopo referentes.

Lanfrancus inter alia bona sua viginti quinque

maneria ecclesiæ Cantuariensi restituit. Ecclesiam
Rosensem ipse instauravit, & in ea episcopum
ordinavit Beccensem monachum nomine
Hernostum, in cujus consecratione
inventus est evangelii versus, Cito
proferte stolam primam, & cætera.
Quod cum audisset Lanfrancus
prædixit eum cito moriturum,
& sic contigit nondum anno
completo: Abbatiam quoque
sancti Albani restituit in
primum statum, in qua posuit
Abbatem Paulum, qui ibi
ordinem Becci instituit sicut
usque hodie est.

Willelmus rex Anglorum regni sui
ulcisci paratus injurias quas
frater suus Robertus ingesserat,
muneribus datis adquisivit
sibi castellum sancti Walerici,
& Albamarle, & Ou, &
Fiscamnum. Suorum autem
infidelitate cognita, Comes
Robertus regem Francorum
Philippum in Normanniam
venire fecit, set à Wilclmo
Rege non modica pecuniæ
data quantitate in Franciam
remeavit.

Tuo Carnotensis episcopus
regularum exceptiones
ecclesiasticarum in unum
corpus adunavit huc usque.

Johannes Wellensis episcopus
natione Turonicus, sedem
præfatus transiit Batoniam,
regis consensu.

Rex Anglorum Willelmus cum
fratre suo Roberto concordiam
fecit. Eo tamen pacto ut
castra illa quæ frater ab eo
adquisierat regi remanerent.
Hoc etiam inter se statuerunt,
Si alter sine hærede
moreretur, superstiti
remaneret defuncti hæreditas.
Post hæc simul venerunt
in Angliam. Deinde in
Scotiam contra Malcolmum
regem, qui hostiliter
Northimbriam invaserat,
profecti sunt; sed tandem
in provincia Loidis
pacificantur ea conditione,
ut Willelmo regi sicut
patri suo olim Malcolmus
obediret, & Malcolmus
xij. villas quas in
Anglia sub patre suo
habuerat Willelmus
redderet, & xij. marcas
auri singulis annis daret.

Erant duo sicut ferebatur
qui dicebantur Romani
pontifices, à se invicem
discordantes, & ecclesiam
Dei inter se divisam
trahentes; Urbanus
scilicet, qui primum
vocatus Odo, fuerat
episcopus Ostiensis,
& Clemens qui Wibertus,
archiepiscopus Ravennensis.
Quæ res per plures
annos ecclesiam Angliæ
in tantum occupavit,
ut ex quo Gregorius
qui & Hilibrandus
defunctus fuit, nulli
loco papæ usque ad
hoc tempus subdi,
vel obedire voluerit.

Antistes Remigius, qui
licentia regis Willelmi
senioris episcopalem
sedem de Dorcestria
mutaverat Lindicolnia,
constructam in ea
ecclesiam pontificali
cathedra dignam
dedicare volebat. Set
Thomas Eboracensis
archiepiscopus illi
contradicendo resistebat,
affirmans eam in
sua parochia esse
constructam. At rex
Willelmus junior fere
totius Angliæ
episcopis mandavit,
ut in unum
convenientes vi
idus Maii ecclesiam
dedicarent. Sed
biduo antequam
statutum episcopus
Remigius migravit
à seculo, & ecclesiæ
per hoc remansit
dedicatio. His actis,
rex in Northimbriam
profectus civitatem
Carleul restauravit,
quæ à Danis
paganis ante CC.
annos diruta usque
ad id tempus
mansit deserta.

Rex Willelmus in regia villa
quæ vocatur Alwestan
vehementi percussus
infirmirate civitatem
Glavornam festinanter
adiit, ibique per totam
quadragessimam
languosus jacuit. Qui
cum se putaret cito
moriturum, ut ei sui
Barones suggererunt,
vitam suam corrigere,
ecclesias non amplius
vendere, nec ad censum
ponere, set illas regia
tueri potestate, rectas
leges

WILLELMUS II. rex.

An. Dñi 1090.

1091.

1092.

1093.

WILLIEL-
MUS II. rex.

leges statuere Deo promisit. Suadetur ei ut de matre totius regni, ecclesia scilicet *Cantuariensi* cogitet, & eam à pristina viduitate & calamitate per institutionem pontificis releveret. Unde *Anselmo Beccensi* Abbati, qui quarto anno oppressionis *Anglicanae* ecclesiae invitatus, immo districta interpellatione ab *Hugone Cestrensi* Comite, multisque aliis *Anglorum* principibus, qui eum animarum suarum advocatum elegerant, insuper etiam pro communi utilitate coactus, *Angliam* ingressus est, *Dorobornensem* archiepiscopatum concessit, & Cancellario suo *Roberto Bloet Lindicolnensem* dedit praesulatum.

Acta sunt haec anno praesenti ij. non. Martii prima dominica Quadragesimae. Praecipit itaque rex ut investiretur *Anselmus* omnibus ad archiepiscopatum pertinentibus, atque ut civitas *Cantuaria* quam *Lanfrancus* suo tempore in beneficio à rege tenebat, & abbatia sancti *Albani* quam non solum *Lanfrancus*, set & antecessores ejus habuisse noscuntur, in alodium ecclesiae Christi *Cantuariensis* pro redemptione animae suae perpetuo jure transirent.

Obiit *Paulus* Abbas & restaurator ecclesiae sancti *Albani*.

Convenientibus ferme totius *Angliae* episcopis, quibus intererat *Thomas Eboracensis* archiepiscopus, *Anselmum* pridie Non. Decembris consecraverunt antistitem. Verum cum ante ordinandi pontificis examinationem, *Walchelinus Wentanus* episcopus rogatu *Mauricii Londoniensis* episcopi cujus hoc officium est, ecclesiastico more electionem scriptam legeret, mox in primo versu *Thomas Eboracensis* graviter offensus, eam non jure factam conquestus est. Nam cum diceretur, » Fratres & coepi » scopi mei, vestrae fraternitati est cognitum quantum » temporis est ex quo accidentibus variis eventibus, » haec *Dorobornensis* ecclesia totius *Britanniae* metropolitana sit viduata pastore: subintulit dicens. » Si » totius *Britanniae* metropolitana; ecclesia *Eboracensis* » quae metropolitana esse scitur, metropolitana non » est. Et quidem ecclesiam *Cantuariensem* primatem » totius *Britanniae* esse scimus, non metropolitanam. Quod auditum ratione subnixum esse intellectum est. Tunc mutata scriptura, pro totius *Britanniae* metropolitana, totius *Britanniae* primas scriptum est, & omnis controversia conquievit. Itaque sacravit illum ut primatem totius *Britanniae*. Cum igitur inter sacrandum pro ritu ecclesiae textus evangelii super eum ab episcopis apertus tentus, & peracta consecratione fuisset inspectus, haec in summitate paginae sententia reperta est. Vocavit multos, & misit servum suum, & coeperunt omnes excusare.

Hic suscepit *Herbertus* pontificatum ecclesiae *Norh.*

An. Dñi
1094.

H *Herbertus* qui cognominatur, *Lofenga* ex abbate *Ramesia* empto praesulatu, *Teodensis* ecclesiae factus est episcopus. Verumptamen erroneum impetum abolevit poenitentia; *Romam* namque profectus symoniacum baculum & anulum deponens, indulgentia clementissimae sedis iterum recipere meruit. Domum vero reversus sedem episcopalem transportavit ad *Norwicum*, ibique monachorum congregationem instituit.

1095.

Vir venerabilis vitae *Wlstanus* episcopus ecclesiae *Wigornensis* migravit è seculo, anno à primo seculi die certa scripturae ratione v. CC. xix. Cujus transitus hora, suo quem specialiter dilexerat amico *Roberto Herefordensi* episcopo, in opido quod *Cricce-*

lad vocatur in visione apparuit, illicque ad se tumulandum *Wigornam* properare mandavit. Anulum etiam cum quo pontificalem susceperat benedictionem neminem passus est digito extrahere, ne post mortem suos videretur fallere, quibus praedixerat sapissime, nec illum vita comite se velle perdere, nec etiam sepulturae suae die.

Walterus Albanensis episcopus *Romanae* ecclesiae legatus ante pascha venit in *Angliam*, pallium pro quo rex *Willelmus* ad *Urbanum* papam miserat illi deferens. Quod iij. idus Junii die dominica ab eodem *Cantuariam* super altare delatum ab *Anselmo* assumptum est, atque ab omnibus ob reverentiam beati *Petri* suppliciter deosculatum.

Urbanus papa Concilium tenuit apud *Clavum montem*, *Hiltebrandi* decreta renovat; *Philippum* regem *Francorum*, qui vivente uxore sua superduxerat alterius viventis, scilicet *Fulconis Andegavensium* Comitum uxorem, excommunicat.

Circa diluculum pridie Non. Aprilis stellae videntur labi de caelo. Inter quas cum unam magnam labi quidam in *Francia* stuperet, notato loco cum aquam ibi fudisset, fumum cum fervoris sono inde exire magis stupuit.

Northimbrensis Comes *Robertus* de *Mulbraio*, & *Willelmus* de *Auco*, cum multis aliis, regem *Willelmum* regno vitaeque privare, & filium amitae illius *Stephanum* de *Albamarno*, conati sunt regem constituere. Set rex congregato exercitu castella ejus obsedit, milites illius cepit; ipse vero à monasterio sancti *Oswini* quo fugerat à militibus regis captus est, & in custodia positus. Rex igitur non multo post illum ad *Babbenbyri*, castellum scilicet ipsius Comitum duci, & ejus oculos erui jussit, nisi uxor ejus & propinquus ejus *Moreal* castrum redderent. Qua necessitate compulsi castellum reddiderunt. Comes autem forti custodiae mancipandus ad *Vindeforam* est ductus. *Moreal* vero factae traditionis causam regi detexit.

Octavis Epiphaniae apud *Saresberiam* celebrato Concilio, *Villelmi de Auco* in duello victi oculos erueri, & testiculos abscidere, & dapiferum illius *Villelmi* de *Alder* filium amitae illius rex jussit suspendi. Comitem *Odonem* de *Campania* praedicti *Stephani* patrem, & quosdam alios traditionis participes in custodiam posuit.

Urbano ut dictum est in *Gallia* synodum celebrante, & ad debellandos paganos *Ierosolimam* proficisci Christianos exhortante, occidentales populi dolentes loca sancta à gentibus prophanari, innumerae una inspiratione commoti undique concurrunt, firmissima pace interim composita. Judaeos vero ad credendum in Christum compellunt, credere nolentes bonis privant, urbibus eliminant. Hortatu siquidem praefati papae mox in ipsa synodo Comes sancti *Egidii Raimundus*, & cum eo multi alii cruce Christi insigniti sunt. Hujus Dei exercitus primates extiterunt *Podiensis* & *Ostiensis* episcopi, *Hugo magnus*, *Philippi* regis *Francorum* germanus, Dux *Lothariensis* *Godefridus*, *Anselmus* de *Ribodi monte*, *Carnotensis* Comes *Stephanus*, *Flandrensis* Comes *Robertus*, duo germani *Godefridi Ducis* *Bolonensis* Comes *Eustachius* & *Baldwinus*, praedictus Comes *Raimundus*, *Beomundus* *Roberti Wiscardi* filius, *Normannorum* Comes *Robertus*; qui nuntiis in *Angliam* missis germanum suum regem *Willelmum* petiit, ut illi pace redintegrata x^m. marcas argenti praestaret, & ab eo *Norman-*

niam

EL- *niam* in vadimonium acciperet. Qui mox petitioni
 ex. ejus satisfacere gestiens, à majoribus *Anglie* non
 modica pecunia accommodata mense Septembri
 mare transit, & vi. DCLxvi. illi præstitit, & ab eo
Normanniam vadem accepit.

Ricardus de Albeneio xv. Abbas ecclesiæ fan-
 cti *Albani*.

Anselmus Dorobernia Archiepiscopus consecravat
Wigornensem episcopum *Samsonem Lundonia*, in ec-
 clesia sancti Pauli xvij. kal. Julii die Dominica.

Primum bellum Christianorum fuit ad pontem
Farfar fluminis ix. kal. Martii. Secundum apud
Nicheam, quam & ceperunt xij. kal. Julii. Cepe-
 runt & *Laodiciam*. Cum vero essent plusquam
 CCC. M. armatorum, tanta eis suppetebat copia,
 ut aries uno nummo, bos vix xij. nummis venderetur.
 Cum igitur post vij. ebdomadas & iij. dies in-
 de *Antiochiam* tenderent, diviso exercitu, circum-
 dederunt unum eorum exercitum CCC. lx. equi-
 tum, & *Arabes* quorum non erat numerus. Mittitur
 ergo ad alium exercitum. Bellum igitur geritur
 horrendum in quo *Christiani* vehementer attriti
 sunt. Quibus jam fugam meditantibus occurrit *Ro-
 bertus Dux Normannia* clamans: Quo milites? quo
 fugitis? Equi eorum sunt nostris velociore, melius
 est bene mori quam male evadere. Me sequamini.
 Dixerat, & in quendam paganorum regem lanceæ
 direxit aciem, quæ lignum & æs & corpus æque dif-
 fidit; stravitq; secundum & tertium. Igitur *Tancre-
 dus, Boamundus, Ricardus de Principatu, Robertus de
 Ansa* non segnius indulgent ictibus, cum ecce *Hugo
 Magnus, & Anselmus de Ribemunt* cum magna ca-
 terva alium prævolantes exercitum, defessos paga-
 nos recentes fundunt; visis igitur ex insperato tot ho-
 stibus, pagani fugæ indulgent, *Christicolæ* vero vi-
 ctoria potiti sunt licet dampnosa, primo die Julii.
 Deinde venerunt ad *Eracheam*, inde ad *Tharsum*
 quæ subdita est *Baldewino* Comiti mirifico. *Atene*
 vero & *Mamistra Tancredo*. Dux *Normannia* quan-
 dam civitatem *Symeoni, Raimundus & Boamundus*
 aliam *Petro de Alpibus* commiserunt. Tandem ve-
 nientes ad pontem ferreum, *Antiochiam*, quæ caput
 est *Syria*, obsederunt xij. kal. Novembris. In Fe-
 bruario, congregato mirabili paganorum exercitu
 ad pontem ferreum apud castellum *Areth*, nostri sex
 acies in eos direxerunt; sed maxima vis paganorum
 eos tam acriter invasit, ut paulatim jam cederent.
 At *Boamundus* bellorum arbiter, *Robertus* etiam
 filius *Gerardi* signifer, velut leones prouunt inter
 hostes. Dux igitur *Normannorum* gladio caput cu-
 jusdam magni viri, & dentes, & collum, & hume-
 ros usque in pectora diffudit. Dux *Godefridus* quen-
 dam medium fecavit. Dum igitur pars terræ ceci-
 disse, partem domini ferebat equus inter paganos.
 Quo monstro perterriti, simul cuncti fugientes, in
 iram dampnationis abierunt.

Ortum, vitam, promotionem *Anselmi Beccensis* ab-
 batis in archiepiscopum *Cantuariensem*, quidve
 questionis emerferit inter ipsum & reges *Ang-
 lorum*, ij. *Willelmum scilicet, & Henricum*, edo-
 cebunt sequentia.

A*nselmus* genere *Longobardus Augusta* civita-
 tis indigena, patrem *Gundulfum*, matrem ha-
 buit *Hermerbergam*. Litteras edoctus à puero bo-
 nos imbibit mores cum litteris, adolescentioris ætatis

laxiores habenas intra puræ conscientia seclera refle-
 ctens, in hoc studuit firmare propositum, ut ab honesto
 non reflecteret animum. In humilitate simul & scien-
 tia litterarum choævos undequaq; transcendens, *Al-
 pium* jugâ transcendit, invigilans per triennium libe-
 ralibus disciplinis in *Gallia*. Transiens in *Norman-
 niam* adhæsit *Lanfranco Priori Beccensi*, scholas
 publicas Abbatis *Herlemini* permisso; vel jussu re-
 genti tunc temporis. Sanam ejus doctrinam atten-
 dens, & mundialibus curis ex toto renunciâns habi-
 tum monachalem suscepit, annum ætatis agens vi-
 cesimum septimum. Quos imitari debuerat clau-
 stralibus institutis artatus, bonis operibus jugiter in-
 hærendo cura sollicitiore prævenit, in tantum, ut in-
 structionem desiderare fraternam juxta morem no-
 viciorum fratribus ad hoc deditis videretur super-
 fluum, cum ipsum crederent in tanto conventu meri-
 to perfectioribus præferendum. Cum jam in claustro
 continuum transegisset triennium, *Lanfrancus* Ab-
 bas primo *Cadomensis* effectus, post *Dorobernensem*
 consecratus antistes, in prioratu *Beccensi* successorem
 reliquit *Anselmum*. Abbati postmodum *Herlewi-
 no*, fratrum unanimi concurrente consensu, curæ pasto-
 ralis in virga successit *Anselmus*. Postremo rex *Ang-
 lorum* secundus *Willelmus* ad extrema fere perdu-
 ctus set ad tempus fervore caritatis accensus, anno
 iij. post decessum *Lanfranci*, de consilio *Cantuari-
 ensis* ecclesiæ tractatum cœpit habere cum suis. Con-
 silio quorum set maxime procerum, Abbatem *An-
 selmum* è *Normannia* celerius evocatum, procura-
 vit in archiepiscopum sullimari. Quem invitum &
 modis omnibus quoad licuit renitentem, concurrenti-
 bus omnium votis suffraganei *Cantuaria* consecra-
 runt, pridie nonas Decembris, cum ageret annum
 ætatis suæ sexagesimum. Rex in corpore convale-
 scens, ægrotare cœpit in anima. Nam in propriis fa-
 cultatibus dispergendis effusior, alienas perscrutari
 non destitit. Tandem ad sanctuarium Dei currens
 M. libras argenteorum fiscalibus commodis appli-
 candas ab archiepiscopo petebat instantius, causam
 allegans ut sibi videbatur justissimam, quoniam gra-
 tis in promotione sua promptum præbuisset assensum.
 Archiepiscopus vero trahens ad indifferentiam ante
 promotionem, vel post, talem ob causam numerare
 pecuniam, pari sententia feriendum decrevit ut-
 rumque. Sed quia regis saccos implere non poterat
 nisi prius bonam conscientiam evacuasset, elegit
 potius regis indignationem incurrere quam dispen-
 dium famæ, quam periculum animæ, quam confu-
 sionem in posterum, quam imprecationem multo-
 rum in ecclesia Dei subire. Sed ad officium suum
 juxta morem ecclesiasticum plenius exequendum, à
 rege licentiam petiit adeundi papam *Urbanum* pro
 pallio. Rex ad *Urbani* nomen statim vehementer
 incanduit, nam quia tunc temporis ecclesia *Romana*
 laborabat in schismate, *VViberto Ravennate* metro-
 politano per violentiam Imperatoris *Henrici* nimis
 impudenter intruso, suum erat in regno suo quem
 vellet papam eligere, nec erat alterius Apostolicum
 eciam nominare. Tractus in causam ob eam causam
 archiepiscopus lætæ majestatis reus arguitur. Ex
 adverso steterunt episcopi quidam archiepiscopo de-
 bitam subtrahentes obedientiam, quam etiam, in
 fraterna caritate nolentes persistere, quotquot erant
 excepto *Rofensi Gundulfo*, sustinuerunt in propriam
 abjurare perniciem. Inimicitia igitur archiepiscopo
 denunciatis, non alia ratione sibi vel suis partem se-
 curitatem

WILLIEL-
 MUS II. rex.

WILLIEL-
mus II. rex.

curitatem agnoscere potuit per internuncios, nisi protestaretur in medium quod *Urbani* papæ non amplecteretur mandatum. Aliquot subinde diebus elapsis *Valterus Albanensis* episcopus afferens pallium archiepiscopo, papam *Urbanum* & Regem reconciliavit, quibus tamen insertis conditionibus edisserat pro certo qui novit. Quid autem accepto pallio rursus ad petendam licentiam visitandi papam *Urbanum* secundo terciove coegerit Archiepiscopum, satis innuit indulta licentia set non licentiosa. Nam si cæpto desisteret, si propositis evangelis repromitteret, se nec Apostolorum limina visitaturum, nec pro negotio quovis *Romana* sedis audientiam appellaturum, tunc poterat & suis & rebus suorum cum omni tranquillitate prospicere, poterat & regni majoribus in omni dominatione præesse: sin autem, poterat transfretare sed inconsultius & sine spe revertendi recedere. Discedens archiepiscopus à conspectu Concilii venit *Cantuariam*, quid reportaret à curia publice manifestans. Ascensuro navem apud *Dovoriam* *Willelmus de Wwaremast* familiarissimus regis irreverenter accurrit, & pecuniam non in ore sacrorum solummodo, sed in ipsius archiepiscopi manibus & clitelis improbus persecutor perquirens, non invento quod quæsierat, sollicitudinem delusam invenit. Poterat hoc alteri verecundiam latam ingerere, sed nec sic ab archiepiscopo vel verbum amaritudinis, vel signum offensionis, vel notam confusio-
nis potuit extorquere. Transfretationem ejus publicæ potestatis apparitores ilico prosequuntur: Ecclesiæ bona fiscalibus ratiociniis addicentes, & deducen-
tes in irritum quicquid consilio maturiore statuerat archiepiscopus. Limina visitans apostolorum ab *Urbano* papa maximo cum honore receptus est *Laterani*, cum quo postmodum in *Barensi* Concilio *Græcorum* à fide catholica dissidentium confutavit errorem. Habito *Rome* Concilio quo rursus idem papa resedit *Urbanus* interfuit, in quo laicos investituras ecclesiarum more pristino conferentes & eas accipientes à laicis, & taliter post acceptum honorem munus consecrationis impendere præsumentes à communione fidelium synodalis auctoritas decrevit extorres.

A Concilio rediens archiepiscopus, dum exilium æquanimiter *Lugduni* subiret effluxit triennium; prope cujus finem vitæ finem Rex Anglorum *Willelmus* incurrit. Cui frater suus *Henricus* successit in regno. Sed nec in moribus, nec in proposito, nam ilico revocavit archiepiscopum & liberam rerum suarum amministrationem habere permisit. Cum autem de consilio vacantium ecclesiarum per *Angliam* ab exilii sui tempore primo tractatus haberetur diffusior, investituram earum regiam dignitatem contingere regni contendebant majores. In contrarium sentiebat archiepiscopus, Concilii supradicti fideliter instituta recensens. Ut autem debitam libertatem ecclesiis conservaret, per duos annos & dimidium gravissimis est affectus injuriis. Tandem ut Regis indignationem mitigaret in aliquo, sicut petebatur consensit ut cum nunciis Regis *Romam* proficisceretur, & regni negotia quæ libertatem ecclesiæ non opprimerent procuraret cum eis. Qui venientes *Romam*, invenerunt *Urbano* successisse *Paschalem*. Qui cum adventum archiepiscopi, nuntiorum etiam Regis audisset, intellexisset & causam, nec investituram ecclesiarum, nec quicquam aliud quod Regem cælorum offenderet *Henrico* Regi concessit. Infecto ne-

gotio nuntiis redeuntibus dum *Lugdunensium* limites attigissent, *Willelmus de Waremast* ex parte regis inhibuit archiepiscopo ne rediret in *Angliam* nisi suum esset propositum ad instituta supradicti Concilii non respicere; sed amicam juri consuetudinem antiquitus introductam & utentium approbatam consensu modis omnibus conservare. Sufficit igitur Archiepiscopus *Lugduni* manens, ubi quasi in icola virtutum prædens magisterio sanctæ conversationis enituit. Bonis itaque suis denuo confiscatis, annus elapsus est & dimidius. Postmodum archiepiscopus à Rege rogatus intravit *Normanniam*. Cum autem *Becci* Rex & archiepiscopus convenissent, sub audientia virorum illustrium tanquam in jure professus est Rex se nichil juris vel sibi vel hæredibus suis in posterum in ecclesiarum investituris vendicaturum, nec in electionibus faciendis aliquid aliud quam solum assensum, sicut sacrorum canonum censura præscribit. Quibus in hunc modum pacificatis est regressus in *Angliam* archiepiscopus, ubi dum in causa Dei, dum in causa matris ecclesiæ victoriosissimum reportasset triumphum, in bona quiete consenuit.

Henrico Regi Anglorum *Anselmus* archiepiscopus. In litteris vestris quas nuper accepi mandavit michi vestra dignatio quod nullum hominem libentius in regno vestro velletis habere quam me, si vellem ita vobiscum esse sicut archiepiscopus *Lanfrancus* cum patre vestro fuit. Ad quod respondeo, quia neque in baptismo neque in aliqua ordinatione mea promisi me servaturum legem vel consuetudinem patris vestri aut *Lanfranci* archiepiscopi sed legem Dei & omnium ordinum quos suscepi. Quapropter si vultis me sic esse vobiscum ut possim vivere secundum legem Dei & ordinem meum, & si me vestitis secundum eandem legem Dei de omnibus rebus quas de archiepiscopatu meo accepistis postquam à vobis discessi, quas si præsens essem non deberetis me nolente accipere, & hoc michi promittitis, paratus sum redire ad vos in *Angliam*, & servire Deo, & vobis & omnibus michi commissis secundum officium à Deo michi injunctum ipso adjuvante. Sed quia causa non est mea sed Dei michi ab ipso commendata, timeo diu differre clamorem ad Deum facere. Quapropter precor, obsecro ne me cogatis dolentem & invitum clamare, Exurge Deus & causam tuam judica.

Paschalis papa *Anselmo* archiepiscopo.

In Concilio quod nuper habuimus, ex communi fratrum & coepiscoporum sententia deliberatum est, Regis consiliarios qui ad investitura flagitium ipsum impellunt, & eos qui ab eo investiti sunt, ab ecclesiæ liminibus repellendos quia de libera facere ancillam conantur. Quam nimirum sententiam nos *Spiritus sancti* judicio in *Comitem de Melvento* & ejus complices promulgavimus, & eandem ipsam in eos qui sunt investiti à Rege, ejusdem sancti *Spiritus* judicio confirmamus. Regis vero sententia ea ex causa dilata est, quia suos ad nos nuntios in præteriti pasche tempore debuit destinare.

Henrico Regi *Anselmus* archiepiscopus.

Audio quod vestra excellentia vindictam exercet super presbyteros *Angliæ* & forisfacturam exigit ab eis, quod non servaverunt præceptum Concilii quod ego cum vestro favore tenui apud *Lundoniam* cum aliis episcopis & Religiosis personis. Quod hætenus inauditum & iniustum est in ecclesia Dei de nullo Rege vel de aliquo Principe. Non enim

HE
CUS I

enim pertinet secundum legem Dei huiusmodi culpam vindicare nisi ad singulos episcopos per suas parochias; aut si ipsi episcopi in hoc negligentes fuerint, ad archiepiscopum & primatem. Precor igitur vos sicut karissimum dominum cuius animam diligo plus quam presentem vitam corporis mei, & consulo sicut vere fidelis corpori & anime vestre, ne vos contra ecclesiasticam consuetudinem in tam grave peccatum mittatis, & si jam inceperitis ut omnino desistatis.

Paschalis episcopus Gerardo Eboracensi archiepiscopo. Sedis apostolica benignitas delinquentes filios novit diutius tolerare, ut eorum excessus debita possint correctione curari. Hoc de te Romana jamdudum fecit ecclesia; sed tuos adhuc excessus corrigere contempsisti. Ipse etiam nosti quia ea spe tua promotioni candelidimus, ut ad rescandam regni Anglorum contagia fratri nostro Anselmo Cantuariensi archiepiscopo adiutor & cooperator adesses. Nostra vero mansuetudinis oblitus, nec eundem fratrem adiuvare curasti, nec pro officii tui debito iniquitati regia obviasti, immo fervorem diceris adhibere. Nos tamen adhuc sedis apostolica mansuetudine sustinemus, eo nimirum tenore, ut excessus tuos corrigas, vitam emendes prateritam, & nobis sicut dignum est satisfacias. Noveris autem Regis consiliarios, Comitem videlicet de Mellen-to & eos qui ad investitura flagitium Regem impellunt, in Concilio quod praterita quadragesima celebravimus, sancti Spiritus iudicio ab ecclesiarum liminibus esse repulso, & in eos qui investituras acceperunt eandem sententiam esse firmatam. Quod per te omnibus annuntiari precipimus. Regis vero Sententia ea ex causa dilata est, quia suos ad nos nuntios in praterita Pascha tempore debuit destinare.

Paschalis episcopus Girardo Eboracensi. Quamquam prave adversum nos, immo contra matrem tuam sanctam Romanam ecclesiam te non ignoremus egisse, presentibus tamen literis tibi mandamus ut professionem tuam venerabili fratri nostro Anselmo Cantuariensi archiepiscopo facere non negligas. Audivimus enim Thomam quondam predecessorem tuum ex hac eadem re contentionem movisse, & cum in presentia Domini Alexandri papa ventilata esset, ex precepto ejus diffinitione habita post varias quaestiones Lanfranco predecessori suo & successoribus suis eandem professionem fecisse; unde & nos quod tunc temporis diffinitum est volumus auctore Deo firmum illibatumque servari.

Paschalis papa Anselmo archiepiscopo. Eos qui investituras acceperint aut investitos benedixerint aut hominia Regi fecerint suscipito, & eos absolvito vice nostra, Quos vel ipse benedicas vel a quibus volueris benedici precipias.

Rex *Willelmus* dum in nova foresta venaretur, venit ei nuntius a *Cenomannia* dicens ei familiam suam ibi obsideri. Ilico rex ad mare veniens naves introiit. Cui nauta, Cur regum fortissime intollerabili tempestate maris alta laceffis, & mortis imminens periculum non formidas? Quibus rex: De rege fluctibus submerso non audiui. Ergo mare transiens spreto periculo nichil dum viveret egit unde tantam famam haberet. *Cenomanniam* veniens *Helyam* consulem turpiter fugavit, & in *Angliam* iterum transit.

Obsessa igitur *Antiochia* in tantum attenuari sunt

Christiani propter omnium rerum penuriam, ut in *HENRI* toto exercitu vix C. boni equi invenirentur, & tamen *cus I. rex.* quamvis ex desperatione multi sese subtraxerint, multi etiam repatriaverint, nono mense obsidionis iiij. Non. Junii capta *Antiochia*, Christiani a paganis veria vice obsessi tanta fame afflicti sunt, ut vix aliqui ab humanis carnibus abstinere, sed confortati a deo per inventam ipsius lanceam *Andrea* Apostolo revelante in ecclesia beati *Petri*, ipsa lancea eos praecedente obessoribus concurrunt, & *Cirbaram* principem militiae aliosque fugantes, multis milibus occisis plenam victoriam habuerunt iiij. kal. Julii. Commissa *Antiochia* Duci *Boamundo*. Christiani propter discordiam Principum in *Syriam* profecti expugnatis *Marra* & *Barra* tanta ibi rursus fame affecti sunt, ut corpora *Saracenorum* jam farentia comedere compulsi sint.

Christianis *Turcos* fortiter debellantibus, contigit apud *Archas* castrum cis *Hierosolimam* viij. mansionibus situm, multos eorum perire, & *Anselmum* de *Ribemont* in capite lapide percussum occumbere. Exercitus autem dei in interiora profectus eam subjugaverunt indicto urbibus tributo, multisque qui se subtraxerant ad eos recurrentibus, tandem pervenerunt *Jerosolimam*, eaque obsessa, cum laborarent pro victus & maxime pro aquae penuria, omnes ex communi decreto nudis pedibus cotidie orando circuibant *Jerosolimam*. Octavo ergo talis humiliatio-nis die, obsidionis autem xxxix. capta est *Jerosoli-ma*, idus Julii, vj. feria; & in templo *Salomonis* & in porticu ejus Christiani cum Paganis vij. bello con-
100 terto tanta in eis caede bachati sunt, ut sanguine occisorum equitarent pæne ad genua equorum. Civitate igitur ordinata & Principibus de reditu jam agentibus, ecce *Turci* occurrerunt cum C. equitum & CCC. peditum. Quibus cum occurrisset exercitus Domini non pluraquam V. equitum & XV. peditum, *Saraceni* solo Christianorum impetu territi, omnes projectis armis fugerunt. Et hoc octavo bello iiij. kal. *Augusti* caesa sunt C. Paganorum. In porta vero *Ascalonia* ubi bellum fuerat suffocati sunt ad duo milia.

Cænobium *Cisterciense* incipitur. Principium ordinis dealbati in *Burgundia*, in loco qui dicitur *Melismus*. *Robertus* abbas condens monasterium viros religiosos ibi congregavit, indicens eis ut secundum regulam beati *Benedicti* labore manuum suarum viverent. Illis autem nolentibus, recessit ab eis cum xij. monachis, & *Cistercium* adiens monasterium ibi fundavit. Ex cujus fonte multi rivuli religiositatis postea ut videmus emanaverunt.

Hucusque *Sigisbertus Gemblacensis* monachus cronica sua digessit.

Rex *Anglorum Willelmus* dum in nova foresta venaretur, in die sancti *Petri* ad vincula a *Waltero Tirello* sagitta percussus occubuit & *Wintonia* tumulatur in ecclesia sancti *Petri*.

Henricus frater regis *Willelmi* consecratus est rex *Anglorum* apud *Westmonasterium* a *Mauricio* *Lundoniensi* episcopo Non. *Augusti*, cum quo *Thomas* archiepiscopus *Eboracensis* coronam capiti regis imposuit.

Godefridus dux *Lothariensium* & Princeps *Jerosolimarum* diem clausit extremum.

Henricus rex *Anglorum* uxorem duxit *Matildem*

HENRI- dem filiam *Malcolmi* regis *Scottorum*, & episcopat-
cus I. rex. tum *Wintonia* dedit *Willelmo Giffardo*. *Rannulfum*
autem *Dunbelmensem* episcopum custodiæ mancipa-
vit in turrem *Lundonia*.

Thome Eboracensi archiepiscopo successit *Girardus Herefordensis* episcopus.

1101. Paschalis papa regi *Henrico* litteris interdixit ec-
clesiarum investituras aliquibus dare.

1102. *Henricus* rex *Rob. de Belesmo* expulit ab *Anglia*
Anselmus archiepiscopus *Lundonia* Conci-
lium tenuit, ubi depositi sunt abbates, de *Perfore*,
de *Tavestoc*, de *Ramesei*, de *Burc*, de *Cernel*, de
Mideltune.

Robertus dux *Normannia* venit in *Angliam*, &
regis prudentia condonavit regi iij. Marcas quas
rex debuit ei per annum.

Magna discordia orta est inter regem *Henricum*
& *Anselmum* archiepiscopum, eo quod archiepi-
scopus nollet consentire, neque consecrare, neque com-
municare hiis quibus jam rex dederat ecclesias. Un-
de rex præcepit *Girardo Eboracensi* archiepiscopo,
quatinus consecraret episcopos, quibus rex dederat
investituras. *Girardus* præceptum regis suscepit,
set *Willelmus Giffard* quem consecrare debebat,
causa justiciæ *Girardi* sprevit benedictionem. Quare
regis judicio eliminatur à regno. Cæteri in consecrati
remanerunt.

1103. *Reinelmus* Cancellarius reginæ paulo
ante episcopatum *Herefordensem* regi reddidit, eo
quod de manu illius investituram suscepit.

Anselmus archiepiscopus post multas injurias &
contumelias quas passus est, rogatu regis perrexit
Romam sicut ei & regi convenit, habens secum *Willel-
mum Wintoniensem* electum, & abbates depositos
Ricardum Elyensem & *Aldwinum Ramesiensem*.
Quibus *Romam* venientibus, contigit *Anselmum*
quædam ibi contra regem eloqui in quibus *Ricar-
dum* sibi suffragaturum assimabat. *Ricardus* vero
pro rege agens omnes archiepiscopi calumpnias re-
fellebat. Cujus rei rumor adventum ejus in *Angli-
am* præveniens, regis gratiam plenissime ei restau-
ravit.

1104. *Willelmus* Comes de *Moritonio* causa perfidiæ
ab *Anglia* exhereditatus in *Normanniam* disce-
dens, regis *Henrici* hominibus werram calamitate
refertam inflixit.

1105. Filius *Henrici* Imperatoris à patre averſus, quof-
cunque potest ab eo avertit, & sub optentu rei publi-
cæ meliorandæ & restaurandæ ecclesiæ, in eum in-
surgit.

1106. Rex *Anglorum* *Henricus* veniens in *Normanni-
am* fere omnes principes *Normannorum* subjugavit,
exceptis *Roberto de Belesmo*, *Willelmo de Mori-
tonio* & paucis aliis.

Rex *Anglorum* *Henricus Beccum* venit, ubi ipse
& *Anselmus* archiepiscopus in unum convenerunt,
& tandem omnia quæ in diversa traxerant, pacem &
concordiam invenerunt. Et idem archiepiscopus
jussu & rogatu regis *Angliam* redit.

Congregato exercitu rex *Anglorum* *Henricus*
ad quoddam castrum Comitæ de *Moritonio*, quod
vocatur *Tenerchebrai*, perrexit & obsedit. Interim
venit Comes *Robertus* frater regis super eum cum
exercitu suo in vigilia sancti *Michaelis*, & cum eo
Robertus de Belesmo & Comes *Willelmus de Mo-
ritonio*. Sed jus & victoria facta est regi. Ibi captus
est *Robertus* Comes *Normannorum* & Comes de
Moritonio & *Robertus de Stutevilla*. *Robertus* de

Belesmo in fugam verſus est, & *Willelmus Chri-
stianus* captus. His ita gestis rex subegit sibi to-
tam *Normanniam* & secundum voluntatem suam
dictavit.

Henricus filius Imperatoris contra jus naturæ in
patrem insurgens, quam indigne eum tractaverit de-
clarat. epistola ex ore ipsius patris scripta ad *Phi-
lippum* regem *Francorum*.

10 Imperatore *Henrico* morante *Leodi*, filius ejus
Aquisgrani venit, & volens venire *Leodium* contra
patrem suum v. feria Dominicæ cœnæ præmisit suos
præoccupare pontem apud *Winſatum*, ne quis sibi ve-
nienti obſtaret. Sed militibus patris concurrentibus
ad exoccupandum pontem, milites filii à ponte re-
pelluntur, aliis eorum captis, aliis in *Mosam* demer-
ſis, aliis occiſis; inter quos etiam *Bruno* Comes oc-
ciſus est. Sic filius contra patrem veniens rediit in-
glorius.

20 *Coloniensibus* fidem imperatori ſervantibus, at eo-
rum archiepiscopo filium imperatoris contra patrem
suum animante, *Colonia* obſeſſa oppugnatur, ſet non
expugnatur. Interim imperator *Leodi* moritur, ejus-
que ei filius *Henricus* ſuccedit. Qui poſtea duxit
Matildem puellam nobilem vix quinquennem regis
Anglorum *Henrici* filiam.

Normannia ſub regia poteſtate diſpoſita, duceque
Normannorum *Roberto* & Comite *Moretonii*
Willelmo in *Angliam* ſub captione præmiſſis, ipſe
ante paſcha in regnum ſuum reverſus eſt.

30 Pridie kal. *Auguſti* conventus omnium episcopo-
rum, abbatum & procerum *Lundonia*, in palatio re-
gis factus eſt, præſente *Anſelmo* archiepiscopo. Ibi
annuit rex & ſtatuit, ut ab eo tempore in reliquum
nunquam per donationem baculi paſtoralis vel anuli
quiſquam de episcopatu, aut abbatia per regem vel
quamlibet laicam manum in *Anglia* inveſtiretur.
Concedente quoque *Anſelmo*, ut nullus in prælati-
onem electus, pro hominio quod regi faceret, conſe-
cratione ſuſcepti honoris privaretur.

40 *Girardus Eboracensis* archiepiscopus ſua manu
impoſita manui *Anſelmi* ut ipſe volebat, interpoſita
fide ſua pollicitus eſt, ſe eandem ſubjectionem &
obedientiam ipſi & ſucceſſoribus ejus in archiepisco-
patu exhibiturum, quam *Herefordensis* eccleſiæ ab eo
ſacrandus episcopus illi promiſerat.

Willelmus Wintonienſi, *Rogerus Searesbyrienſi*,
Reignelmus Herefordenſi, *Willelmus Exceſtrenſi*,
& *Urbanus Clamorgatenſi* eccleſiæ quæ in *Walo-
nia* eſt electi episcopi, ſimul *Cantuarie* die domini-
ca iij. idus *Auguſti* ab *Anſelmo* conſecrati ſunt.

50 *Thomas* eligitur ad archiepiscopatum *Eboracensem*.

Ricardus de Belmeis *Lundon*: electus con-
ſecratur ab *Anſelmo* archiepiscopo, apud *Pagabam*
multis ſuffraganeorum præſentibus.

Philippo regi *Francorum* *Ledovicus* ſucceſſit.

Anſelmus miniſter eccleſiæ *Cantuarienſis* *Thoma*
electo archiepiscopo *Eboracenſi*.

60 **T** Ibi *Thoma* in conſpectu omnipotentis dei ego
Anſelmus archiepiscopus *Cantuarienſis* & to-
tius *Britanniæ* primas loquor, loquens ex parte ip-
ſius dei. Sacerdotale officium, quod meo juſſu in par-
rochia mea per ſuffraganeum meum ſuſcepisti tibi
interdico, atque præcipio ne te de aliqua cura paſto-
rali ullo modo præſumas intrromittere, donec à rebel-
lione quam contra eccleſiam *Cantuarienſem* inceſ-
piſti

Rex. **I**psi discedas & ei subjectionem quam antecessores tui, Thomas videlicet & Girardus archiepiscopi, ex antiqua antecessorum consuetudine professi sunt, profitearis. Quod si in hiis que cepisti magis perseverare quam ab eis desistere delegeris, omnibus episcopis totius Britanniae sub perpetuo anathemate interdico, ne tibi ullus eorum manus ad promotionem pontificatus imponat, vel si ab externis promotus fueris, pro episcopo, vel in aliqua Christiana communione te suscipiat. Tibi quoque Thoma sub eodem anathemate ex parte Dei interdico, ut nunquam benedictionem episcopatus Eboracensis suscipias, nisi prius professionem quam antecessores tui Thomas & Gerardus ecclesiae Cantuariensi fecerunt facias: si autem episcopatum Eboracensem ex toto dimiseris, ut officio sacerdotali quod jam suscepisti utaris, concedo.

Anselmus Cantuariensis archiepiscopus migravit ad dominum. Cujus vitam laudabilem, cujus actus eximios, cujus transitum ab hac luce caelestem ad patriam crebra miraculorum insignia prosequuntur, & ad opera misericordiae successores invitant.

Dominica die quae fuit v. kal. Julii conveniunt, jubente rege, Ric. Lundoniensis, Willelmus Wintoniensis, Rad. Rosensis, Herebertus Norwic. Radulfus Cicestreensis, Rannulfus Dunelmensis & Hervenus Pangornensis episcopi, in ecclesia sancti Pauli Lundoniae pro consecratione Thoma. Inter solitam ergo examinationem suo loco professionem de subjectione & obedientia sanctae ecclesiae Dorobernensi exhibenda, Ricardus episcopus Lundoniensis qui Thomam erat sacraturus ab illo exegit. Professio igitur sicut erat sigillata sibi coram omnibus oblata est, fractoque sigillo evoluta, & lecta ab eo est ita: « Ego Thomas Eboracensis consecrandus metropolitano litanis profiteor subjectionem & canonicam obedientiam sanctae Dorobernensi ecclesiae, & ejusdem ecclesiae Primati canonice electo & consecrato, & successoribus suis canonice intronizatis, salva fidelitate Domini mei Henrici regis Anglorum, & salva obedientia ex parte mea tenenda, quam Thomas antecessor meus sanctae Romanae ecclesiae ex parte sua professus est. Intererat huic officio Prior ecclesiae Dorobernensis Conradus nomine, & ex monachis ejusdem loci quamplurimi, qui pro hoc ipso quoniam res eos quam maxime respiciebat illo convenerant. Lectam itaque professionem, cum a Thoma sibi oblata Ricardus antistes Lundoniensis accepisset, eam nominato Priori & fratribus tradidit.

Rex Henricus abbatiam Elyensem ad episcopalem mutavit sedem, & Hervenum ibi praefecit.

I9. Fulco Comes Andegavorum Sibillam filiam Helyae Comitis Cenomannensem, quam unicam & haereditatem reliquerat, accepit uxorem, & comitatum cum illa: sic igitur Andegavia dominationem in populos circumquaque diffusos extendens, dotaliis incrementis multo felicius terminos dilatavit quam cadibus luctuosus. Ad affinium namque bona haereditario possidenda, sic civiliter aspiravit, ut foedus iniens cum finitimis, & per sanguinem, iniens etiam & cum sanguine, sic in acquirendo rerum dominio feliciter triumphavit, ut manus immunes conservaret a sanguine. Felix jactura dum maribus sublatis de medio, sexus muliebris in copulum transfiret Andegavensium, & beatæ pacis stabilitate perpetua frueretur.

Henricus rex Teutonicus Romam venit, Paschalem Papam in custodiam posuit, sed postmodum ad pontem viæ salariae ubi Paschalem festivitatem in campo celebraverunt pacem cum eo fecit. Papa vero post lectum evangelium tradidit ei in oculis omnium principum privilegium de investitura episcopatu, vel abbatiarum, tam per anulum quam per virgam, scilicet ut regni ejus episcopis vel abbatibus libere electis investituram conferat anuli & virgæ, postea vero consecrentur electi ab episcopis ad quos pertinuerint.

Decessit Robertus Consul Flandriae, cui Baldewinus filius ejus successit, juvenis omnino strenuus armis. Willelmus Comes Pictaviae qui vocatus est factus, multa sustinuit à filio suo Willelmo. Radulfus Rosensis episcopus vj. kal. Maii ad archiepiscopatum Cantuariensem apud Windlesoram eligitur.

Turstanus regis capellanus ad Eboracensem archiepiscopatum die Assumptionis eligitur Wintonia.

Radulfus archiepiscopus ab Anselmo Domini papae legato v. kal. Julii pallium suscepit, & ipso die Teofsum Wigornensem episcopum apud Cantuariam consecravit, Bernardum quoque reginae Cancellarium Menevensensem electum antistitem consecravit apud Westmysterium xij. kal. Octobris.

Turstanus Eboracensis electus cum à Radulfo archiepiscopo moneretur, ut ecclesiae Cantuariensi faceret quod debebat, & benedictionem suam ecclesiastico more susciperet, respondit; Benedictionem quidem se libenter suscipere velle, sed professionem quam exigerat nulla ratione facturum, Rex autem Henricus ubi advertit Turstanum in sua pertinacia stare, aperte protestatus est illum aut morem antecessorum suorum, tam in professione faciendam, quam & in aliis dignitati ecclesiae Cantuariensis ex antiquo jure competentibus executurum, aut episcopatu Eboracensi cum benedictione funditus cariturum.

Dedicata est ecclesia sancti Albani v. kal. Januarii feria iij. ab archiepiscopo Rotomagensi Garfrido, & Ricardo de Beaumeis Lundoniensi, & Roberto Blohet Lincolnensi, & Rogero Salesburienfi, & Ranulfo Dunelmensi episcopis, praesente rege Henrico. A quo eadem ecclesia dotata est de terra de Bisfopesco, & regina Matilde, & multis Anglorum & Normannorum Baronibus. Ricardo abbate ejusdem ecclesiae omnia necessaria procurante & largiter dispensante ad laudem domini nostri Ihesu Christi et beati Albani.

Monasterium sancti Albani dedicatum est à Roberto Lincolnensi episcopo praesente rege Henrico. Venit rex Francorum et auxiliarii sui cum exercitu suo in Normanniam; ubi cum una nocte mansissent, formidantes regis Anglorum adventum propere recesserunt.

Regis Francorum et regis Anglorum longa concertatio gravissime regem vexavit utrumque, donec Baldevinus Flandria Comes apud Oulitaliter vulneratus est. Gelasius papa. Baldewino regi Jerosolima primo Baldewinus successit.

Matildis

Matildis

Matildis

Matildis

Matildis

HENRICUS I. rex. *Matildis* regina mater imperatricis obiit.
An. Dñi 1119. Rex *Henricus* pugnavit contra regem *Francorum*: præposuerat quidem rex *Francorum* aciem procerum, cui præerat *Willielmus* filius *Roberti* ducis *Normannie* fratris *Henrici* regis. Ipse vero cum maximis viribus in sequenti erat agmine. Rex vero *Henricus* in prima acie proceres suos constituerat. In secunda, cum propria familia eques residebat. In tertia, filios suos cum summis viribus pedites collocaverat. Igitur acies prima *Francorum* agmen procerum *Normannie* statim equis depulit & dispersit. Postea vero aciei qua rex *Henricus* inerat collidens, & ipsa est dispersa. Acies itaque regales ad invicem acerrime pugnaverunt. Interim *Willielmus Crispinus* miles magnanimus regis *Henrici* caput bis gladio percussit. Cumque lorica impetrabilis esset, magnitudine tamen ictuum aliquantulum capiti regis inserta est ut sanguis prorumperet. Rex vero animi fervore commotus, percussorem suum ita percussit, ut mole ictus equitem & equum prosterneret. Qui mox ante regios pedes captus est. Acies vero pedestris mox percussura ex adverso surrexit. Quod *Franci* videntes, horrore insperato liquefacti terga dederunt. *Henricus* autem rex victor perstitit in campo.

Obiit *Ricardus* de *Albino*, abbas ecclesiæ sancti *Albani* xv.

Calixtus papa instituit Concilium *Remis*. Ad quod missi sunt à rege *Henrico* quidam episcoporum *Angliæ* & *Normannie*: *Turstanus* etiam electus *Eboracensis* archiepiscopus, à rege licentiam illuc eundi obtinuit, interposita tamen fide, ut benedictionem episcopalem à papa non reciperet. Qui ad papam veniens, posthabita sponione *Romanos* in causam suam largitatis officio transtulit, & per eos ut à papa consecraretur impetravit. Episcopi enim *Angliæ* nondum ad concilium venerant. Quod ut regi innotuit, *Turstano* omnem locum dominationis suæ interdixit.

Regni principes *Ierosolimitani* directis nunciis *Fulconem Andegavensium* Comitem sollicitaverunt, quatinus loca *Dominicæ* passionis adiret, filiam regis *Baldewini* quam unicam & hæredem reliquerat, accepturus uxorem. Quibus acquiescens Comes, filio suo *Gaufrido Plantagenest* hæreditatem reliquit, *Ierosolimam* adiit, super solum *David* regis in *Ierosolima* collocatus est, Christi crucis inimicos attrivit. Quod igitur incepit, viriliter sui successores [*Baldewinus* & *Almaricus*] suo tempore suppleverunt. Quorum strenuitas ordine successorio gubernacula regni *Ierosolimitani* nanciscens, & *Ydumeorum* compescuit ferocitatem, & *Babilonem* factam rebellem sub ditione redegit, & *Alexandriam* reddidit tributariam, & in nominis sui celebritate totius populos orientis effecit attonitos.

Baldewinus Comes *Flandriæ* per vulnus quod in *Normannia* recepit, decessit. Cui successit *Karolus* filius *Canuti* regis *Dacorum*.

Gaufridus de *Gorram* abbas ecclesiæ sancti *Albani* xvj.

1120. *Willielmus* filius regis submersus est.

1121. Rex *Henricus* duxit *Adelis* filiam ducis *Lovannie*, quæ à *Radulfo Cantuariensi* archiepiscopo consecrata est apud *Windleforam*.

Calixtus papa *Mauricium*, quem vocatum *Gregorium* *Henricus* imperator papam constituerat, cepit, & monachavit.

Radulfo Cantuariensi archiepiscopo, *Willielmus* Hen de *Curbvil* Prior sanctæ *Osida* successit: electus aput *Glavornam* in Purificatione beatæ virginis. Consecratus autem est aput *Cantuariam* à *Willielmo Wintoniensi* episcopo xiiij. kal. Marcii. *Ricardus Londoniensis* episcopus laborabat paralyti.

Willielmus archiepiscopus pro petendo pallio *Romam* ivit. *Turstanum Eboracensem* archiepiscopum, & *Bernardum Menevensensem* episcopum secum duxit: & in reditu *Lincolniensem* electum *Alexandrum Cantuariæ* consecravat xj. kal. Augusti. *Godefridum* vero *Baroniensem* electum consecravat in ecclesia sancti *Pauli Londoniæ* vij. kal. Septemb.

Calixtus papa concilium *Remis* congregavit; deinde venit in *Normanniam* loqui cum *Henrico* rege aput *Gisors*; magnus sacerdos cum magno rege.

Galerannus Comes de *Mellent*, & *Hugo* de *Munfort*, capti sunt à *Willielmo* de *Tancarville* camerario regis.

Honorius papa. [Ementulati monetarii.]

Willielmus archiepiscopus *Cantuariensis* dedit episcopatum *Rovecestriæ* *Johanni* archidiacono suo.

Johannes de *Crema* presbiter cardinalis concilium celebravit *Londoniæ*.

Simon Wigornensis electus viij. idus Maii, die videlicet Ascensionis *Wigornæ* suscipitur; & postea sabbato ebdomadæ *Pentecostes* presbiter ordinatur, & in crastino consecratur: & postmodum xj. kal. Julii denuo *Wigornia* suscipitur & intronizatur.

Rex *Anglorum* *Henricus* aput *Windleforam* natalem Domini celebravit, ubi cum *Turstanus Eborac.* archiepiscopus in æqualitate archiepiscopi *Cant.* regem vellet coronare, iudicio omnium repulsus est, & ad eum coronam regni nichil pertinere, una omnium sententia concorditer promulgavit. Lator insuper crucis quam in regis capella coram se deferri iussit, extra capellam cum cruce eiectus est.

Primates *Angliæ* regnum iuraverunt imperatrici, & primus inter omnes *Stephanus* Comes *Bolonie*.

Gaufridus Plantagenest Comes *Andegavorum* duxit imperatricem.

Ricardo Londoniensis episcopo, *Gilebertus Universalis* successit, consecratus à *Willielmo* archiepiscopo *Cantuariensi* xj. kal. Februarii.

Willielmus Cantuariensis archiepiscopus congregavit concilium aput *Westmosterium*. *Turstanus Eboracensis* archiepiscopus directis nunciis ac litteris rationabili causa ostendit se conventui ipsi interesse non posse.

Conflictus habitus est inter *Willielmum Longam* *Spatam* Comitem *Flandriæ* & *Theodoricum* de *Auseis*. *Theodoricus* autem conversus est in fugam. *Willielmus* Comes fauciatus in manu, parvo post obiit.

Hucusque magister *Hugo* de *Saucto Victore* cronica sua digessit.

Henricus rex *Anglorum* in *Galliam* cum exercitu perhendinavit aput *Essparlum* viij. diebus. *Hugo* electus abbas sancti *Augustini*, benedictionem accepit à *Willielmo Cantuariensi* archiepiscopo aput *Cicestriam*.

Henricus Glestoniensis abbas factus est episcopus *Wintoniæ*.

Ecclesia sanctæ *Trinitatis Cant.* à *Willielmo* archiepiscopo dedicata est præsentem *Henrico* rege.

Innocentius papa.

Interitus

RE HA- Intrusus est *Petrus Leonis*, & dictus est *Anacletus*,
u. rex. qui regem *Rogerum Sicilia* consecravit.

An. Dñi Innocentius papa transiit in *Franciam*: unde
111. Romam *Petrus habet*, totum *Gregorius orbem*.

Philippus filius *Ludovici* regis *Francorum* jam
rex factus, dum cornipedem ludens agigaret, obvium
suum habuit. Cui cum pedes equi offenderent, ce-
cidit, & fractis cervicibus expiravit. Et eodem
mense sacratus est frater ejus *Ludovicus* in regem
112. ab *Innocentio* papa in concilio *Remis* habito.

113. *Nigellus Helyensis*, *Gaufridus Dunelmensis*, *Robertus Herefordensis* facti sunt episcopi.

Mense Martio natus est *Cenomannis Henricus*,
primogenitus *Gaufridi Plantagenest* Comitis *Andegavorum*, & *Matildis* imperatricis. Quod cum
rex *Henricus* audisset, convocatis regni sui princi-
pibus filiam suam & hæredes filæ suæ sibi successu-
ros instituit. Dispositionem suam omnes obser-
vatos astringit, sacramento corporaliter præstito.
Stephanus filius *Ale* sororis suæ primus præstitit sa-
cramentum apud *Westminsterium*.

114. Rex *Henricus* in *Normanniam* transiens, dedit
episcopatum *Baiocensem Ricardo* nepoti suo: *Abri-*
censem vero *Ricardo de Beauf*.

Robertus Curtesosa frater regis obiit.

Gilebertus Universalis episcopus *Lundonia* obiit.

115. Rex *Anglorum Henricus* cum regnasset xxxv.
annis, iiii. etiam mensibus, decessit apud sanctum
Dionisium in silva *Leonum*. Et in *Anglia* sepultus
est apud *Radingum*.

Nomina castellorum quæ in *Normannia* ex inte-
gro fecit *Henricus* rex, in margine ipsius provin-
ciæ hæc sunt: *Drincurcis*. *Novum mercatum*. *Vern-*
nolium. *Nonanticurtis*. *Bonmulins*. *Colmia mons*.
Pons Ursonis. Fecit etiam castrum sancti *Dionisi*
in *Leons*. *Vallem Rodulii*. Turrem *Ebroicarum*.
Turrem *Alenter*. Turrem *Osteriarum*. Turrem sancti
Johannis juxta *Montem* sancti *Michaelis*.

Monasterium *Radingarum* fecit in *Anglia*. Mo-
nasterium *Canonicorum* apud *Cirecestre*. Mona-
sterium de *Prato* apud *Rothomagum*. Monasterium
de *Mortuo Mari*.

Stephanus Comes *Bolonie* audita morte regis
Henrici avunculi sui, transfretavit in *Angli-*
am, & à *VVillielmo Cantuariensi* archi-
episcopo consecratus est in regem apud
Lundoniam.

Hugo Bigod senescallus regis veniens in *Angli-*
am, coram archiepiscopo *Cantuariensi* sacramento
probavit, quod dum rex *Henricus* ageret in extre-
mis, ortis quibusdam inimicitiis inter ipsum & im-
peratricem, ipsam exheredavit, & *Stephanum Bolo-*
niæ Comitem hæredem instituit.

VVillielmus Cantuariensis archiepiscopus nimis
credulus verbis Senescalli, *Stephanum Moritonii* Co-
mitem consecravit in regem apud *VWestminsterium*.

36. Imperatrix castella quædam obtinuit in *Nor-*
mannia post mortem regis, scilicet *Argentonium*
& *Dansfrunt*.

Audita morte regis *Henrici*, Comes *Andegavia*
& uxor ejus imperatrix absque ulla difficultate ca-
stella *Normannia* optinuerunt.

Stephanus rex in paschalibus apud *VWestmiste-*
rium concilium congregavit, fidelitates exegit, regis
Henrici thesauris in nullo pepercit, in munerum lar-
gitione nimis effusus.

Vocati sunt ad concilium *VVillielmus* decanus *STEPHA-*
Lundoniæ, simul & canonici. Cum autem habe-
retur tractatus de consilio *Lundoniensis* ecclesiæ
tunc vacantis, nec in aliquem possent unanimiter
convenire, recesserunt à decano canonicorum multi,
citra conscientiam ejus *Anselmum* abbatem in epi-
scopum eligentes. Canonici vero quos decanus ha-
bebat secum in mensa diebus singulis appellaverunt,
nec regis occurrerunt offensam. Canonici quidem
alii quia quod fecerant tam regi quam toti concilio
videbatur iniquum, regis indignationem plurimam
meruerunt, quorum aliqui bonis suis spoliati sunt.

Stephanus rex exercitum suum duxit apud *Exe-*
cestriam quam obsedit & cepit. *Baldewinum de*
Riveers exheredavit.

VVillielmus Cantuariensis archiepiscopus obiit. An. Dñi

Stephanus rex transiit in *Normanniam*, & foedus
iniit cum rege *Francorum*. 1137.

20. *Focariæ* quorundam canonicorum qui seculares
dicuntur raptæ sublimes, ad turrin non sine dede-
core gravi pertractæ sunt, & ibidem constrictæ mul-
tis diebus. Quæ quidem nec sine ludibrio corpo-
ris, nec sine dispendio famæ, nec sine numeratione
pecuniæ redierunt ad propria.

Gaufridus Comes Andegavensis ingressus *Nor-*
manniam regi *Stephano* trevias dedit, accipens ab
eo ij. marcas argenti singulis annis per tres annos.

Ludovico Grosso regi *Francorum* mortuo succes-
sit *Ludovicus* filius ejus, uxorem accipiens *Alienor*
30. filiam *VVillelmi* ducis *Aquitanorum*, ex qua ge-
nuit duas filias, quas duo filii magni Comitis *Theo-*
baldi, *Henricus* scilicet & *Theobaldus*, acceperunt
uxores, primogenitus primogenitam.

VVillielmo decano *Lundonia* consanguinei sui
maxime restiterunt, non quæ Dei sed quæ mundi
sunt sapientes. Secum igitur clanculo thesauros
asportantes ecclesiæ *Lundoniensis*, secum etiam suum
asistentes electum multa subfarcinatum pecunia
Roma papam *Innocentium* invenerunt, & *Petrum*
40. *Leonis* scismaticum. Quid in tanto turbine rerum
aura marsupii rubiginosi potuisset efficere probavit
eventus. Nam illis in *Angliam* revertentibus, ele-
ctus eorum *Anselmus* in ecclesia doctoris gentium
Pauli sollempni processione receptus est. A cleri-
cis exegit obedientias, possessiones omnes ad ecclesi-
am pertinentes, castellum quoque de *Storteford*
in sua dominatione recepit, & agens potestative li-
center à militaribus viris homagia, relevationes,
ab hominibus inferioris manus fidelitates extorsit.

50. *David* rex *Scotorum* innumerabilem congregavit
exercitum tendens in *Angliam*. *Turstanus Ebor-*
acensis archiepiscopus, auxilio *Northanhymbrorum*
ei restitit, fixo *Standart* apud *Albertune* ubi
xij M. *Scotorum* occisa sunt. 1138.

Ordingus Prior apud sanctum *Edmundum* in ab-
batia successit *Anselmo*.

Magister *Radulfus de Langeford*, & *Ricardus*
de *Belmeis*, fratres & concanonici, clericique do-
mestici, *VVillielmi* decani *Lundonia* reddituri cau-
sas appellationis, tam à domino papa quam ab *Am-*
60. *merico* cancellario benigne recepti sunt in consisto-
rio. Causa diutius ventilata suffraganeorum omni-
um *Cantuariensis* ecclesiæ testimoniis robor accepit.
Turstanus etiam *Eboracensis* archiepiscopus domino
papæ scripsit in hæc verba.

Significavit nobis paternitatis vestre dilectio de
vita & opinione *Anselmi abbatis sancti Edmundi*

STEPHANUS IX. aliquid inquirere, & vobis renunciare. Ad quod vobis rescribimus, quod si vitam & opinionem ejus sequamur, multo tutius est eum ab abbacia remove, quam in Lundeniensi ecclesia promovere. Cum igitur dominus papa super quaestione proposita longum cum Cardinalibus habuisset tractatum, Albericus Hostiensis episcopus quod sequitur pronunciavit in publicum, "Quoniam electio canonicorum Lundeniensem citra conscientiam & assensum decani facta fuit, cujus est officium in eligendo pastore suo de jure primam vocem habere, nos eam auctoritate beati Petri devocamus in irritum."

Ricardus de Belmeis consummata decani sui causa redit ad propriam suam causam, cujus advocatus sic inchoat. Postquam Rogerus archidiaconus Middelsexie fati munus implevit, Ricardus Lundeniensis episcopus, Ricardus filio fratris sui WALTERI de Belmeis archidiaconatum concessit, licet Ricardus nondum plene pubes existeret. WILLIELMUS decanus Lundenie filius Adelinae sororis memorati pontificis, praedicto Ricardus stallum assignavit in choro, sedem in capitulo. Paucis diebus elapsis WILLIELMUS decanus tractatum habens cum peritioribus, & avunculi sui factum in melius reformari procurans, ad hoc animum inflexit episcopi tam per se quam per Priorem de CHICH, ut in Hugonem capellanum episcopi, custodiam archidiaconatus ad tempus usque certum transferret, quousque memoratus Ricardus, tam sibi, quam rebus suis, quam archidiaconatui potuisset sollicitus providere. Quod capellanus se facturum, & modis omnibus observaturum sine fraude propositis Evangelii reptomisit. Tractu temporis episcopo Ricardus rebus humanis exempto, Gilebertus Universalis in episcopatum successit. Advenit etiam tempus quo Ricardus de Belmeis suffragantibus annis & meritis exigentibus posset etiam in episcopum sublimari. Capellanus Hugo saepe conventus ut Ricardus restitueret archidiaconatum, velut in memoriam sacramenti fideique transgressor consilium suum in alterius mutavit injuriam. Nam in oculis episcopi Lundeniensis se videns gratiam invenisse, frivolas semper invenit occasiunculas. Universalis defuncto, sua spes omnis cum episcopo sepelitur. His in audientia communi propositis, dominus papa litteras direxit episcopis tam Lincolnensi quam Herefordensi. Quibus de causa cognoscentibus, susceptis Ricardi probationibus, Hugo spoliatus est, Ricardus in integrum restitutus.

Anselmus ab ecclesia Lundeniensi semotus vix in suam abbatiam recipitur Ordingo repulso.

Dominus papa curam ecclesiae Lundeniensis Henrico commisit WVintoniensi episcopo cum gratia regis.

Abbericus Hostiensis episcopus, & Apostolicæ sedis legatus in Angliam veniens, concilium habuit apud VWestmusterium.

Henricus WVintoniensi episcopus mandato Legati Ricardum de Belmeis ordinavit diaconum in ecclesia sancti Pauli. Ipsa die dum ordines celebrarentur, Theobaldus Beccensis abbas ab episcopis electus est in archiepiscopum Cantuariensem. Electionem factam in publico recitavit Alexander Lincolnensis episcopus; praesente Jeremia Priore Cantuarie consecratus est Theobaldus ab ipso legato. Qui Romam proficiscens, pallium suscepit ab Innocentio papa in concilio Romæ habito.

WILLIELMUS decanus Lundeniensis migravit ad Dominum.

Rex Stephanus Saresberiensem, Lincolnensem episcopos cepit, quoniam ipsi sua castella reddere noluerunt.

Ranulfus clericus Helyensis episcopi conjurationem fecit ad Normannos omnes interficiendos.

Habitu est Pisis concilium.

Imperatrix venit in Angliam.

Nigellus Helyensis episcopus expellitur à regno. Turstino Eboracensi archiepiscopo successit Willielmus.

Stephanus rex obsedit Lincolniam. Cum autem die Purificationis rex ad missam cereum suum offerret, contractus est: pixis etiam cecidit super altare cum corpore Christi.

Captus est rex, & ductus ad imperatricem, in custodia positus apud Wristowe.

Imperatrix à Lundeniensibus recipitur in Dominam, per quam Robertus de Sigillo factus est Lundeniensis episcopus.

Imperatrix à Lundeniensibus expulsa turrim obsedit Wintoniensis episcopi. Regina, Willielmus Tyrensis cum Lundeniensibus fecerunt Imperatricem inde recedere. Captus est Comes Robertus frater Imperatricis in Exaltatione sanctæ Crucis. Habita mutua compensatione compeditorum, hinc Rex, hinc Comes à vinculis absoluti liberi recesserunt.

Rex Stephanus obsedit imperatricem apud Oxenefordiam.

Celestinus papa.

Stephanus rex Gaufridum de Magni villa cepit in curia sua. Qui ut liberaretur reddidit turrim Lundenie & castella sua.

Lucius papa pallium misit H. Wintoniensi episcopo, cui proposuerat assignare vij. episcopos.

Gaufridus Comes Andegavensis receptus Rothomagi turrim obsedit & cepit, & extunc dux Normannorum appellatus est.

Eugenius papa.

Aput Carnotum carri lapidibus, annona, lignis onusti tracti sunt humeris hominum.

Rex Stephanus cepit in curia sua Ranulfum Cestrensem Comitem. Postmodum ut liberaretur dedit obsidem Gilebertum Comitem de Clare filium sororis suæ: sicque postmodum rex Stephanus Lincolnia coronatur.

Eugenius papa Parisius veniens, Girardum Saginensem episcopum, qui sicut dicebat in volutabro sanguinis sui fuerat consecratus, duci Normannia reconciliavit circa Pascha. Postmodum in Letania majore sollempni processione dominus papa receptus est apud sanctam Genovesam praesente rege Francorum. Clerici domini papæ servientes etiam ibi vulnerati sunt. In ultionem excessus tanti servientium ecclesiae subversa sunt ædificia rege jubente. Canonici regulares positi sunt ibi tractu temporis.

Circa tempus istud cometa diebus multis apparuit in occidente, vicinum aerem spaciis circumquaque diffusis choruscantibus radiis in immensum illuminans.

Aimericus ecclesiae Romanae cancellarius nepotem habuit vocabulo Perrum. Qui suffragiis avunculi sui, citra tamen conscientiam Ludovici regis Francorum, in archiepiscopum Bituricensem electus, à domino papa consecratus est. Quod rex in injuriam regiae dignitatis factum vehementer indignans, iracundiae calore

HA- calore succensus est, & propositis publice sacro-
rex. sanctis reliquiis in praesentia multorum iuravit,
 quod praedictus archiepiscopus quoad rex viveret,
 in civitatem nunquam intraret *Bizuricam*. Sic per
 triennium persona regis interdicto subjacuit. In
 quamcumque civitatem, castellum, vel vicum intra-
 bat, celebratio divinorum suspendebatur. Tandem
 abbate *Clarevallensi Bernardo* persuadente, cor re-
 gis ad hoc est inclinatum, ut reciperet archiepiscopum,
 & pro transgressione perjurii se repromitteret
Ierosolimam profecturum. Igitur convocatis regni
 principibus in parascève rex signo sanctæ crucis hu-
 merum insignivit, & infiniti cum eo. Per totam
Galliam fit descriptio generalis, non sexus, non or-
 do, non dignitas quempiam excusavit, quin auxi-
 lium regi conferret; cuius iter multis inprecationi-
 bus persequiebantur.

Sugerius abbas de sancto *Dionisio* deficienti-
 bus aliis regni principibus solus in se regni suscepit
 custodiam.

Lexoviensis, Attrebatensis, Lingonensis episcopi
 profecti sunt *Ierosolimam* cum rege *Francorum*.

Obiit *Gaufridus* de *Gorram* abbas ecclesiæ sancti
Albani xvj.

Milo de *Cheversa* vir illustris missus *Con-*
stantinopolim litteras imperatoris attulit, quæ se-
 quuntur.

Manuel in Christo Deo fidelis rex *Porphiro* geni-
 tus, celsus, sublimis, & imperator *Romanorum*
 fortis, semper *Augustus*, ad prænobilissimum
 regem *Francorum*.

Nobilissime rex, delata est imperio meo missa
 littera tua nobilitatis atque sublecta, in qua
 scripsisti imperio meo quia disposuisti exire in viam
 Dei, & expetisti per imperium meum concessionem
 via transitusque, simul & emptionem. Cum audisset
 igitur imperium meum vestram monitionem, gratam
 habuit hanc & gavisum est in huiusce auditu. Crede
 namque, semper cupiebat huiusmodi hominem videre
 qualis est tua nobilitas, & jungi & colloqui ei, & si
 est Dei voluntas & veniat tua nobilitas, in magnam
 acceptionem erit hoc imperii mei. Ne speret ergo
 tua nobilitas impedimentum ab imperio meo repperi-
 re. Cum magna enim leticia accepturum est imperi-
 um meum tuam nobilitatem, & oportune viam tuam
 preparaturum, & transitum extructurum, & pani-
 geriam, id est, conventum rerum venalium. *Erro-*
son. i. vale. Missa ab a Deo salvata civitate mense
Augusto, Indictione ix.

Radulfus *Gubium* abbas sancti *Albani* xvij.

Rex *Francorum* profectus est *Ierusalem*.

Eugenius papa *Remis* concilium congregavit.

Theobaldus Cantuariensis archiepiscopus venit ad
 Concilium sine licentia regis; quare bonis suis
 omnibus spoliatus est. Suffraganei sui suspensi sunt
 à domino papa quia rege prohibente non venerant.

Hilarius Cistrensis episcopus *Stephanum* regem
 excusans auditur à domino papa: Putabamus te fi-
 lium creasse *Romane* ecclesiæ, sed creavimus in te
 sagittam & gladium.

Canonici regulares positi sunt apud sanctam
Genovevam.

Dñi *Robertus* de *Casnei Legercestrensis* archidiaconus,
 47. vir simplicitatis & humilitatis magnæ, de communi

totius ecclesiæ *Lincolniensis* assensu, creatus est *Lin-*
colniensis episcopus per manum *Theobaldi Can-*
tuariensis archiepiscopi, paucis diebus elapsis post
 jejuniū septimi mensis.

Robertus abbas sancti Michaelis de Monte in
Normannia *Chronica sua* digessit usque ad annum
 incarnati Verbi 1147.

10 *Radulfus* *Lundoniensis* ecclesiæ decanus in opusculo
 sequenti brevissime multarum commemorat yma-
 gines *Historiarum*, incipiens ab Incarnatione annu
 M. cxlvij.

AB incarnatione Domini nostri Ihesu Christi
 quid per annos mille centum quadraginta sep-
 tem annalibus inferendum decrevit antiquitas ex-
 plicitum est. Abhinc vero quid *Henricus Galfridi*
Plantagenet Comitis Andegavorum & Matildis
imperatricis filie regis Anglorum Henrici primo-
genitus, milicia cingulo donatus tempore suo memo-
 20 riale reliquerit, est inferendum. Nec te moveant
 ad aliquam querelandi materiam supputationes an-
 norum succedaneis gradibus excrecentes, licet non
 sint conformes eorum excursus: sed recordare quod
 anni cuiusque continencia non semper passibus æquis
 incedat: sed vel pro singularium raritate, vel pro
 rerum capacitate gestarum nunc arretur capitalis
 restrictioribus, nunc effusioribus choruscet suffra-
 giis ad fortuitos casus plenius evehentos, ad statum
 ecclesiæ roborandum, ad victorias principum decla-
 randas, ad pacem omnium jugiter recolendam, &
 semper provehendam in melius.

Henricus accinctus est militaribus.

Ludovicus rex *Francorum & Alienor* regina
 rediere *Ierusalem*.

Yemps maxima.

Everlun est monasterium *Geraldi Berlai*.

Henricus factus est dux *Normannia & Comes*
 40 *Andegavia*.

Civitas *Andegavia* quem situm habeat.

Gaufridus Plantagenist sepultus est *Cenomannis*,

Fredericus fit rex *Tentonicus*.

Celebratum est divortium inter regem *Franco-*
rum & reginam Alienor.

Henricus relictam regis *Francorum Alienor*
 duxit uxorem.

Aquitania rerum affluit opulentiis.

Obsederunt *Franci* novum Mercatum in *Nor-*
 50 *mannia*, sed infecto negotio redierunt.

Henricus dux *Normannorum* veniens in *Angli-*
 am, obledit *Malmesbires*.

Johannes Papiro Cardinalis transit in *Hyberniam*.

Ricardus de *Belmeis* consecratus est *Cantuaria*
 à *Theobaldo* archiepiscopo.

David regi *Scottorum* successit *Melcolmus* ne-
 pos ejus.

Stephanus rex *Anglorum & Henricus* dux *Nor-*
 mannorum concordēs effecti sunt.

60 *Ludovicus* rex *Francorum* duxit uxorem filiam
Adelfunsi regis *Hispanie*.

Rogerus rex *Sicilie* successorem reliquit *Willem-*
um filium suum.

Willemus Eboracensis archiepiscopus degradatus,
 restitutus est.

Rogerus Cantuariensis archidiaconus creatus est
 archiepiscopus *Eboracensis*.

Henricus

STEPH A-
NUS rex.

An. Dñi
 1148.

1149.

1150.

1151.

1152.

1153.

1154.

- Henricus dux Normannorum consecratus est rex Anglorum à Theobaldo Cant. archiepiscopo.*
Thomas archidiacontus Cantuariensis factus est regis Cancellarius.
Adrianus papa litteras novo regi direxit.
 An. Dñi 1155. *Alienor regina peperit filium quem vocavit Henricum.*
Fredericus rex Alemannorum ab Adriano papa consecratus est in imperatorem.
Sex castella Wintoniensis episcopi Henrici diruta sunt.
Wilhelmus Peverel exheredatus est.
Castellum de Burge regi redditum est.
 1156. *Rex Henricus transfretans applicuit apud Witsand.*
Wilhelmus rex Sicilia civitatem Barum evertit.
Alienor regina peperit filiam quam vocavit Matildem.
 1157. *Wilhelmus rex Sicilia cepit Sibillam.*
Alienor regina peperit filium aput Oxeneford quem vocavit Ricardum.
 1158 *Henricus rex Anglorum coronatus aput Wigornam coronam super altare posuit.*
Alienor regina peperit filium quem vocavit Gaudfridum.
Nova moneta in Anglia.
Thomas regis Cancellarius procuravit ut Henricus primogenitus regis Anglorum Margaritam filiam regis Francorum sponsam acciperet.
Ludovicus rex Francorum in ecclesiis cathedralibus per Normanniam sollempni processione receptus est.
Rex Anglorum venit Parisius, receptus in palatio regis.
 1159. *Rex Anglorum obsedit Tolosam.*
Post Adrianum papam Alexander papa creatus est.
Exortum est scisma.
Wilhelmus Bolonia Comes in reditu Tholose obiit.
 1160. *A rege Francorum & Anglorum in Alexandrum papam consensum est. Imperator Octavianum recepit.*
Regina Francorum in puerperio mortua est.
Ludovicus rex Francorum, Alam filiam Theobaldi Comitis accepit uxorem.
Inter filium regis Anglorum septennem, & filiam regis Francorum triennem matrimonium celebratum est.
 1161. *Ricardus Coventrensis archidiaconus ex patre Roberto Cestrensi pontifice procreatus consecratus est ejusdem sedis episcopus.*
 1162. *Alienor regina peperit filiam quam vocavit Alienor.*
Thomas Cantuariensis archidiaconus, & regis Cancellarius electus est in archiepiscopum, Cantuaria consecratus est à Henrico Wintoniensi episcopo nomine Lundoniensis ecclesiæ tunc vacantis.
Thomas Cantuariensis archiepiscopus regium sigillum remisit in Normanniam.
 1163. *Henricus rex in Angliam rediit.*
Thomas Archiepiscopus ad instantissimam regis postulationem invidissimus tandem concessit archidiaconatum Cantuariensem Gaudfrido Ridel.
Clarembaldus abbas electus sancti Augustini restitit archiepiscopo, rege non contradicente.
Gilebertus Herefordensis episcopus translatus est ad Lundonensem ecclesiam.
- Henricus de Essexia victus in duello exheredatus est.*
Thuronis Concilium celebratum est.
Thomas archiepiscopus sedit à dextra parte, Rogerus Eboracensis à sinistra.
Alexander papa rosam auream quam gestavit Dominica qua cantatur Latate Ierusalem, Ludovico regi Francorum transmisit.
 10 *Rogerus Comes de Clara pro tenemento de Tunnebruge Thoma restitit archiepiscopo.*
Wilhelmus de Ros inventus est in muneribus subcundis regem agnoscere non archiepiscopum.
Thomas archiepiscopus Wilhelmu de Hemesford excommunicavit, rege non certiorato.
Rex consuetudines quas avitas appellant à Domino papa petiit confirmari, sed non optinuit, archiepiscopo resistente.
Apud Clarendunam ad regni consuetudines observandas coacti sunt episcopi.
 An. D 1164 *Thomas archiepiscopus ab obligatione quam super hoc inierat absolutus est à domino papa.*
Exauctoratos propter flagitium clericos rex dicebat curiæ tradendos ilico puniendos, archiepiscopo contradicente.
Philippus de Broie canonicus de Bedeford, propter homicidium pulsus est à regno per biennium.
Archiepiscopus inscio rege navem ascendit, propter quod regiam incurrit offensam.
 30 *Johanne Marescallo deferente querelam adversus archiepiscopum, contrariam reportavit sententiam archiepiscopus.*
Thomas archiepiscopus aput Norhamptone adversus episcopos appellavit, & nocte sequente recessit cum tribus solummodo comitantibus eum, navicula fragili transvectus in Flandriam.
Adversus archiepiscopum directi sunt nuncii quindecim, qui Senonis venerunt ad Dominum papam.
 1165 *Regina Francorum peperit filium quem vocavit Philippum.*
Alienor regina peperit filiam quam vocavit Johannam.
Reginaldus Coloniensis archiepiscopus venit in Angliam.
 1166 *Quidam pravi dogmatis disseminatores expulsi sunt ab Anglia facie cauteriata.*
Thomas archiepiscopus venit Viceliacum die Ascensionis, & observatores consuetudinum quas avitas appellant in Anglia sollempniter excommunicavit.
 50 *Regi Anglorum Thomas archiepiscopus scripsit in hæc verba, Desiderio desideravi.*
Suffraganei Cantuarienses scripserunt archiepiscopo.
Thomas archiepiscopus scripsit Gileberto Lundoniensi episcopo.
Alienor regina peperit filium quem vocavit Johannem.
Alexander papa privilegium indulgit archiepiscopo Thoma.
 60 *Wilhelmus Papiensis, & Johannes Neopolitanus audituri causam regis & archiepiscopi, infecto negotio redierunt.*
Ludovicus rex Francorum per iiij. annos in expensis providit archiepiscopo Thoma.
 1167. *Matildis filia regis nupsit Henrico Duci Saxónico.*
A Normannis Calvus Mons vicinus Gisors successus

census est, in ultionem rex Francorum combussit Andelei villam archiepiscopi Rothomagensis, & ipsa die rediit in Franciam, amissis in itinere plusquam mille de suis.

8. *Alexandro papæ magnates Theutonici regni scripserunt, Cum Clerum plurimum, &c.*

Alexandro papæ Gilebertus Lundeniensis episcopus, Mandatum vestrum pater, &c.

Conatus Britannie Comes jure successoria comitatum utriusque Britannia recipiens, ex sorore Willielmi regis Scottorum filiam reliquit hæredem.

9. *Alexander papa regi Anglorum, Quam paternè, &c.*

Thomas Cantuariensis archiepiscopus Gileberto Lundeniensi episcopo, Excessus vestros, &c.

Alienor filia regis Anglie nuptu Adelfunso regi Castelle.

Alexander papa regi Anglie, Serenitate tuam, &c.

Inter Anglie regem, & Archiepiscopum paci reformandæ multi multociens operas impendunt. Ad ultimum Vivianus & Gratianus Cardinales.

Rex Anglorum & archiepiscopus in quali quali concordia convenissent, nisi quia rex archiepiscopo signum pacis in osculo dare penitus abnegasset.

0. *Alexander papa Gileberto Lundeniensi episcopo, Sententiam excommunicationis suscipiens absolveris ab archiepiscopo Rothomagensi. Quod & factum est apud Rothomagum in die Paschæ.*

Interdictum est Rogero Eboracensi archiepiscopo ne manum apponeret consecrationi regis Anglorum Henrici, similiter & episcopo Lundeniensi.

Henricus filius regis Henrici consecratus est in regem à Rogero archiepiscopo xiiij kal. Iulii.

Rex & archiepiscopus concordiam inierunt procurante pacem Rotrado Rothomagensi archiepiscopo.

Alexander papa Rogero Eboracensi archiepiscopo, & Hugoni Dunelmensi episcopo, Cum filium suum, &c.

Alexander papa episcopis Anglie, Cum karissimus filius, &c.

Thomas Cantuariensis archiepiscopus Domino papæ, Adductus est nobis, &c.

Dum Thomas Cantuariensis archiepiscopus tenderet versus *Wadestoc* ad videndum novum regem, & hospitaretur apud *Suthewere*, obvios habuit nuncios ejus interdicentes ei ne progrediretur.

Die natalis Domini Thomas archiepiscopus Cantuariensis sermonem habens ad populum excommunicavit *Nigellum de Sachevill*, & *Robertum de Broc*.

Quinta die natalis Domini immolatus est archiepiscopus coram altari sancti *Benedicti*.

Hugo Terracouensis archiepiscopus interfectus est cultello.

Missi sunt nuncii regis Anglorum ad dominum papam, qui eum excusarent & ejus innocentiam allegarent.

In Britannia minori interfectus est *Hamo Leouensis* episcopus.

Irradiare cœperunt miracula in honorem gloriosi martyris *Thomæ*.

Lundeniensis episcopus absolutus est à *Nivernensi*, & *Beluacensi* episcopis, & abbate de *Pontine*.

Rex pater appulsus est in Angliam.

Domino papæ *Villelmus Senonensis* archiepisco-

pus, *Vestro Apostolatus pater sancte &c.*

Rex pater intravit *Tberniam*.

Cantuariensis ecclesia cessavit fere per unum annum.

In nocte natalis Domini auditum est tonitruum. An. Dñi

Rex faciens pacem cum *Tbernensibus* transfretavit in Angliam, & statim cum festinatione qua potuit transeactus est in *Normanniam*. 1172.

10. *Rotro Rothomagensis archiepiscopus, & episcopus Ambianensis mandato domini papæ purgationem Lundeniensis episcopi susceperunt.*

Postquam rex Anglorum appulsus est in *Normanniam* statim accessit ad *Albertum* & *Theodinum* Cardinales & legatos, absolutionem petens ab eis petiit & impetravit.

20. *Rotro Rothomagensis archiepiscopus Margaritam filiam regis Francorum reginam Anglie consecravit, & diadema regni capiti filii regis imposuit.*

Adelfunso rex Arragonum Reimundus Comes sancti Egidii, Girardus de Vienna Comes de Moriana venerunt ad curiam regis apud *Montem Ferrum*. 1173.

Comes sancti Egidii fecit homagium *Henrico* patri regis.

Rex pater regis & filius ab invicem discordes facti sunt.

30. *Lundeniensis episcopus transfretavit, referens has literas. Albertus & Theodinus clero Anglie, Inspirante illo &c.*

Radulfus de Warnavilla regis factus est *Cellarius*.

Valterus de Constantia factus est sigillifer.

Septies viginti *Flandrenses* irrumpentes in *Normanniam* submersi sunt prope *Pasceium*.

Rex fieri liberas concessit electiones.

Vintoniensis & *Elyensis* electi in suis intronizantur ecclesiis die *Ascensionis*.

40. *Ricardus Doverensis Prior, electus est Cantuariensis archiepiscopus.*

Thomas prothomartyr *Cantuariorum* canonizatus est, ab omnibus decantatum est *Te Deum laudamus*.

Ludovicus rex Francorum obsedit *Vernolium*.

Castellum de *Albemarle* expugnatum est à rege filio.

Rex patet æquanimiter ferens omnia morabatur *Rothomagi*.

50. Rex Francorum audiens regis patris adventum, à *Vernolio* cum festinatione recessit.

Subversæ sunt à rege patre portæ civitatis *Legecestrie*.

Willelmus rex Scottorum, cum pro parte vastasset Angliam coactus est repatriare.

Comes *Legecestria* captus est apud sanctum *Edmundum*.

Apud *Dolensem* urbem capti sunt à rege patre quinque viri magnates, & quater viginti milites de familia filii sui.

60. *Nicholaus* subdiaconus à domino papa directus in Angliam infinitam congregavit pecuniam.

Rex filius *Sagiensem* urbem invasit.

Rex pater apud urbem *Santonicam* veniens, tres ibi munitiones sibi subjugavit.

Flandrenses in auxilium regis filii venientes in Angliam, vastaverunt *Normicum*.

Ricardus Wintoniensis electus ab Anglis, missus est

est in *Normanniam*, ut regem patrem suum revocaret ad regnum.

Rex veniens in *Angliam*, eam pro maxima parte sibi rebellantem invenit, & veniens *Cantuariam*, dum vota persolveret orationum beato *Thoma* martyri, à militia sua captus est rex *Scotorum*. Rex postmodum cum totam pacificasset *Angliam*, xxxiii. die navem ascendit ducens secum regem *Scotorum*. Et veniens *Rothomagum* eam invenit obfessam.

Amaurico regi *Ierosolimitano* *Baldewinus* filius ejus successit.

Audientes *Franci* regem patrem adventasse, machinis suis ignem apposuerunt, & infecto negotio recesserunt cum dedecore.

Tussis universum orbem infecit.

Ricardus Cantuariensis electus *Romam* veniens, archiepiscopus, primas, apostolicæ sedis legatus institutus est.

Alexander papa scripsit *Lupo* regi *Valentie* pro liberatione *Christianorum*; & *Ricardum Cantuariensem* electum consecravit episcopum.

Robertus Cameracensis electus interfectus est.

An. Dñi 1175. *Wilhelmus* rex *Scotie* jure belli captus dedit obfides.

[*Philippus Comes Flandrensis* crucem accepit.]

Eversa sunt castella per *Angliam*.

Wilhelmus de Brausa multos *Walensium* apud castellum de *Bergeveni* interfecit.

[*Hugo Cardinalis* venit in *Angliam*.]

Philippus Comes Flandrensis *Walterum de Fontibus* cum *Isabele* comprehensum iussit interfici.

1176. *Rogerus Eboracensis* archiepiscopus male tractatus est apud *Westmonasterium* in concilio quod *Hugo Petrileonis* habuit, quia legati voluit sedere ad dexteram.

Rex *Anglorum* à kalendis *Aprilis* usque ad novarum frugum abundantiam, decem milibus hominum penuria laborantium invenit necessaria.

Fredericus imperator *Mediolanum* vastavit.

1177. *Johanna* filia regis *Anglie* nupsit *Wilhelmo* regi *Sicilie*.

Manuel imperator *Constantinopolitanus* à *Sultano Tconii* domino, gravi jactura suorum affectus est.

Jurgium inter reges tam *Castelle* quam *Navarra* sopitum est judicio curiæ regis *Anglorum*.

Canonici *Walthamenses*, qui seculares appellati sunt, subintroductis regularibus sunt amoti.

Fredericus Imperator abrenunciens scismati dextravit *Alexandrum* papam apud *Venecias* ad ecclesiam sancti *Marci*.

Gaufridus filii regis Cancellarius submersus est.

Ventus irruens silvas evertit.

1178. Nix maxima.

Valla maxima facta de cespitibus diruta sunt in maritimis vi ventorum.

Wilhelmus abbas *Ramesensis* translatus est ad *Cluniacensem*.

Castellum *Radulfi de Doloribus*, ad ducem spectat *Aquitanicum*, non ad regem *Francorum*.

Albertus Comes de *Marchia* regi *Anglorum* suum vendidit comitatum.

Ricardus de Luci in honorem sancti *Thome* martyris fundavit Abbatiam apud *Luene*.

Rex *Anglorum* in *Angliam* veniens visitavit sepulchrum sancti *Thome*.

Wilhelmus Remensis archiepiscopus venit in *Angliam*, sancto *Thoma* martyri vota soluturus orationum.

Rex *Anglorum* *Gaufridum* filium suum cingulo militari donavit apud *Wdestoche*.

Fredericus imperator ab *Italia* rediit in *Tentonicam*.

Saladinus conflictum habens cum *Christianis* lorica rejecta camelum cursorium ascendit, & fuga sibi consuluit.

10 *Johannes Strumensis* scismaticus reconciliatus est.

Fredericus imperator apud *Arelas* quartam imperii sui sedem, diadema suscepit die nativitatæ beati virginis.

Alexander papa judicium possessionum à rege terminandum permisit.

Rex filius regis per triennium in conflictibus *Gallicis* perseveravit.

20 *Rogerus* Abbas electus sancti *Augustini* anulum, mitram & cirothecas suscepit apud *Tusculanum*.

Synodus trecentorum decem episcoporum est habita *Roma*.

Agnes filia *Ludovici* regis *Francorum* nupsit *Alexio Manuelis* imperatoris filio.

Ricardus dux *Aquitannorum* subvertit *Taileburg* castellum *Gaufridi de Racuna*.

Ludovicus rex *Francorum* sancto *Thoma* vota soluturus orationum intra vit *Angliam*, per triduum moram faciens *Cantuariæ*.

30 *Henricus* rex *Anglorum* instituit tres episcopos, regni totius archijusticiarios.

Septem spicæ pullulaverunt in culmo uno.

Cadvalanus a curia rediens sub conducto regis, interfectus est.

Ludovicus rex *Francorum* trigamus ex tertio matrimonio filium procreavit *Philippum*.

Henricus rex *Henrici* regis *Anglie* filius *Remis* interfuit coronationi *Philippi* regis *Francorum* sororii sui.

40 *Anastasius* imperator *Constantinopolitanus* coronam auream & tunicam braceam misit *Clodoveo* regi *Francorum*, ei conferens res regnandi.

Alexander papa *Presbytero Johanni Indorum* regi litteras misit, & nuncium direxit *Philippum Medicum*.

Wilhelmus de Magna villa filiam Comitæ *Albemarle* duxit uxorem.

Conradus Marchio *Christianum* archiepiscopum *Maguntinum* coniecit in vinculis in rupe sanctæ *Christine*.

50 *Philippus* rex *Francorum* *Judeos* expulit à regno suo.

Henricus rex *Anglorum* direxit nuntios regi *Francorum* *Ricardum Wintoniensem* episcopum, & *Walterum de Constantia* regis sigillarium.

Clericorum *Lemovicensium* bona confiscata sunt, quia *Sebrandum Pictavensem* decanum elegerant citra conscientiam regis & filii sui.

60 *Philippus* rex *Francorum* *Margaritam* filiam *Baldewini* Comitæ *Hamauensis* duxit uxorem apud *Truncum*, quam unxit in reginam *Guido Senonensis* archiepiscopus apud sanctum *Dionisium*.

Ludovicus rex *Francorum* sigilli sui potestate privatus est.

Inter *Philippum* regem *Francorum* & matrem suam est orta discordia.

Fœdus inierunt *Philippus* rex *Francorum* & *Henricus* rex *Anglorum*.

Philippus rex *Francorum* Comitem *Cabilonensem*, & *Humbertum* de *Bello Loco*, quoniam ecclesiam Dei persequabantur, exercitu congregato perdomuit.

Ludovicus rex *Francorum* sepultus est apud *Abbatiam Barbel* quam ædificavit.

Nova moneta formæ rotundæ fabricatur in *Anglia*.

Rex Francorum Philippus consilio regis *Anglorum* se totum supposuit.

Philippus Comes *Flandrensis* & *Stephanus* de *Sacro Casaris* conspiraverunt adversus regem *Francorum Philippum*.

Tres filii regis *Anglorum* præstitere succursum.

Humbaldus Hostiensis episcopus papa creatus est *Lucius* papa tertius.

Gaufridus filius regis *Lincolniensis* electus, renunciavit electioni.

Henricus rex *Anglorum* quadraginta duo milia marcarum terræ *Ierosolimitana* distribuit.

Post dies *Manuelis* imperatoris *Andronicus* nepos ejus *Constantinopolim* veniens, *Alexium* imperatorem creatum invenit, & ei fidelitatem juravit.

Bona *Rogeri Eboracensis* archiepiscopi confiscata sunt, dum ageret in extremis.

Henricus Dux *Saxonum* exheredatus est.

Ricardus Cantuariensis archiepiscopus, *Waleranum Rosenfem* electum regaliū possessorē instituit, præsentē *Ranulfo* regni Iusticiario.

Gualterus de Constantiis Oxenefordensis archidiaconus, electus est in episcopum *Lincolniensem*; [consecratus est Andegavis.]

Rex filius regis apud *Marcel* in *Turonia*, diem clausit extremum, sepultus est autem *Rothomagi*.

Magister *Gerardus* vocatus *Puella*, consecratus est *Coventrensis* episcopus.

Gualterus Lincolniensis episcopus, die dominica qua cantatur *Gaudete in Domino*, sua sollempniter collocatur in sede.

Ricardus Cantuariensis archiepiscopus diem clausit extremum apud *Hallinges* villam *Roffensis* episcopi.

Gualterus Lincolniensis episcopus electus est in archiepiscopum *Rothomagensē*.

Circa dies istos Dux *Saxonum* venit in *Angliam* cum familia sua.

Baldewinus Wigornensis episcopus electus est in archiepiscopum *Cantuariensem*.

Saladinus scripsit domino papæ.

Sisidus rex *Egypti* scripsit domino papæ.

Eraclius patriarcha *Ierosolimitanus* venit in *Angliam*.

Baldewinus rex *Ierosolimitanus* scripsit patriarchæ *Ierosolimitano*.

Filia regis *Portugalis* nupsit *Philippo Flandrensi* Comiti.

Macemut inter reges *Africanos* maximus obsedit sanctum *Treneum*.

Apud *Veronam* domino papa præsentē *Ravennas* Patriarcha perditionem terræ *Ierosolimitana* cunctis exposuit.

Lucius papa scripsit regi *Anglorum* pro subventionē terræ *Ierosolimitana*.

Philippus Colonienſis archiepiscopus venit in *Angliam*, & coronata civitate sollempni processio-

ne receptus est in ecclesia sancti *Pauli*.

Fredericus imperator *Henrico* filio suo primogenito regni diadema fecit imponi prope *Maguntiam*.

Ordo militum rubeum ensē habentium pro signo, confirmatus est.

Eraclius patriarcha & *Rogerus* magister domus An. Dñi hospitalis venerunt in *Angliam*. 1185.

Gualterus Rothomagensis electus cum per annum, & eo amplius sedisset in ecclesia *Lincolniensi*, *Rothomagi* receptus est.

10 Regi *Anglorum* datum est consilium ad salutem animæ suæ sicut sui dicebant, tutius præesse regno suo, quam peregre proficisci.

Reges *Francorum* & *Anglorum* per triduum fecerunt moram apud *vallem Rodoli*.

Iohannes filius regis cingulo militari donatus, apud *Windlesores* transiit in *Hyberniam*.

In *Hispania* est fluvius *Hiberus* à quo dicti sunt *Hybernenses*.

20 *Wilhelmus* rex *Scotorum* factus est Comes *Huntendune*.

Hybernenses transeuntēs in *Scotiam* vocati sunt *Scoti*.

Dominus papa confirmavit electionem *Baldewini Cantuariensis* electi.

Monachi sanctæ *Trinitatis*, & sancti *Augustini* se mutuis processionibus visitarunt in rogationibus.

Herebertus oriundus in *Midelfexia* transitum faciens in *Sicilia*, *Consensanus* creatus est archiepiscopus, & postmodum obrutus à terræ motu.

30 *Wilhelmus* rex *Siculus* imperium infestavit *Constantinopolitanum*, transitum habens per *Duratum*.

Gilebertus Lexoviensis archidiaconus creatus est episcopus *Rosenfis*.

Andronicus imperator interfectus est.

Cursac Angeli creatus est imperator.

Henricus Dux *Saxonum* rediit in *Saxoniam* patrimonio contentus.

Pax reformata est inter regem *Francorum*, & Comitem *Flandrensem* apud *Albemarle*.

40 *Humbertus Mediolanensis* archiepiscopus creatus est papa vocatus *Urbanus* iij.

Henricus rex *Teutonicus* duxit uxorem filiam Rogeri primi *Siculi* regis. 1186.

Viennensis archiepiscopus coronavit *Fredericum*.

Aquileiensis patriarcha filium ejus.

Urbanus papa scripsit episcopis *Anglia*.

Reges *Francorum* & *Anglorum* convenerunt prope *Gisortium*.

50 Rex *Anglia* munitiones *Aquitannia* quibus vellet commisit.

Wilhelmus de Ver consecratus est *Herefordensis* episcopus.

Gaufridus Dux *Britannie* filius regis *Anglorum*, sepultus est *Parisi* in ecclesia majore.

Margarita soror regis *Francorum* nupsit *Bela* regi *Hungaria*.

Hugo Gratianopolitanus genere consecratus est episcopus *Lincolniæ*.

60 *Walterus Rothomagensis* archiepiscopus venit in *Angliam*.

Radulfus de Vallibus interfectus est à *Henrico de Ver*.

Guido Jopenſis Comes consecratus est rex *Ierosolimorum*.

Baldewinus archiepiscopus *Cantuariensis* sollempni processione receptus est in ecclesia sancti *Pauli*. 1187.

Pauli Lundo: die dominica qua cantatur *Latere Jerusalem.*

Constantia Comitissa *Britannia* die Pasche peperit filium quem vocavit *Arturum.*

Crux Domini capta est prope *Tyberiadem.*

Margarita regina *Francorum* peperit filium quem vocavit *Ludovicum.*

Albertus Cancellarius *Romanus* creatus est papa vocatus *Gregorius octavus.*

Ricardus Comes *Pictavorum* primus inter proceres crucem suscepit.

An. Dñi 1188. Reges *Francorum* & *Anglorum* crucem susceperunt.

Ricardus Barre Lexoviensis archidiaconus directus est ab *Anglorum* rege nuntius Imperatoribus *Romano* & *Constantinopolitano* & regi *Hungariae.*

Gaufridus de *Liziniaco* quendam familiarissimum *Ricardum* Comitem interfecit.

Reddita est *Jerusalem* *Saladino.*

Boamundus Comes *Tripolitanus* amens factus est & expiravit.

Fredericus Imperator litteras direxit *Saladino.*

Inter reges *Francorum* & *Anglorum* habitum est colloquium prope *Bonmulins.*

Ricardus Wintoniensis episcopus diem clausit extremum.

1189. Mandato regis *Radulfus* de *Diceto* Decanus *Lundoniae* transfretavit.

Fredericus Imperator apud *Reinesburg* iter peregrinationis arripuit.

Henricus rex *Anglorum* diem clausit extremum apud *Chinun*, sepultus est apud *Fontem Ebraldi.*

Civitas quae *Silvia* vocatur à Christianis in *Hispania* subjugatur.

Ricardus Comes *Pictavorum* quia contra patrem suum arma moverat, absolutus est ab archiepiscopis tam *Cantuariensi* quam *Rothomagensi* apud *Sagium*, qui veniens apud *Rothomagum* à *Waltero Rothomagensi* archiepiscopo, ducatus *Normanniae* potestatem accepit per ensen & vexillum.

A patre transeamus ad filium quem adversa ne frangerent prospera sapius evexerunt. *Ricardus* igitur rex *Anglorum* ad expiandas atroces iniurias quas in patrem commiserat, dum tenderet *Jerusalem* expertus est multociens in terra labores, in mari pericula. Sed in itinere ne deficeret aurum, à *Siculis*, à *Cypris* & *Agarenis* in conflictibus singulis reportavit triumphum. Ut autem rediret ad cor & medelam suis excessibus collatam sentiret, à peregrinatione revertens in carcerem est retrusus, ad redemptionem compulsus est, status interversionem incurrit. In *Angliam* rediens præter spem suorum fidelium in favore magno tam cleri quam populi diu desideratus advenit. Regno suo per dei gratiam in brevi pacificato transiit in *Normanniam*, & intra paucos dies multos ex suis qui dum in vinculis teneretur ad suos hostes transfugerant potenter edomuit, ut à *Vernolio* quousque dirigatur iter ad *Crucem Karoli* nullus ei rebellis existat.

Ad coronationem *Ricardi* regis *Anglorum* conveniunt iiij. archiepiscopi. Convenit etiam episcoporum multitudo.

Ricardus rex *Anglorum* *Cisterciensibus* contulit annuos redditus centum marcarum ad procurandum Capitulum.

Habitus est generalis conventus apud *Pipewelle* pro consilio vacantium ecclesiarum.

Decanus & Canonici *Lundoniae* lx. marcas expensarum nomine quas fecerant, receperunt à fisco.

Treverensis archiepiscopus sepultus est apud sanctum *Andream Northamtonne.*

Obsederunt *Aconem* Christiani in fine *Augusti.* *Wintoniensis* & *Saresbiriensis* electi consecrati sunt in capella sanctæ *Katerine.*

Convenit quod capella de *Hachetuna* per unum sacerdotem amministretur.

Wilhelmus rex *Scotorum* regi *Anglorum* numeravit decem milia marcarum.

Tancredus factus est rex *Sicilie.*

Ricardus Lundoniensis & *Wilhelmus Elyensis* electi consecrati sunt apud *Lameham.*

Baldewinus archiepiscopus peregre profesturus vices suas *Lundoniensi* commisit episcopo.

A peregrinantibus interfecti sunt *Judai.*

Apud *Aconem* sunt tria cimiteria.

Margarita regina *Francorum* laborans in partu mortua est.

Episcopi facti sunt Comites, facti sunt vicecomites.

Hugo Coventrensis episcopus quia vicecomitatum susceperat suspensus est.

Clemens papa confirmavit electionem *Gaufridi Eboracensis* electi.

Quomodo divisus est exercitus apud *Aconem*; qui duces extra vel intus.

Ansericus de *Monte regali* moriens detexit predictionem quam fecit tam ipse quam *Franci.*

Wilhelmus Elyensis episcopus intra triduum constitutus est *Roma* domini papæ legatus, & apud *Baionam Anglie* Justiciarius.

Rex *Francorum* iter suum direxit versus *Januensem* urbem, rex *Anglorum* versus *Marsiliam.*

Wilhelmus Anglie legatus convocavit episcopos apud *Glavornam.*

Fredericus Imperator submersus est in fluvio qui vocatur *Safet.*

Ricardus rex *Anglorum* nuntios domini papæ suscepit in portu *Romano.*

Baldewinus archiepiscopus, *Hubertus Saresbiriensis* episcopus & *Ranulfus* quondam *Anglie* Justiciarius, à sinistra reliquerunt *Siciliam*, applicuerunt apud *Tyrum* inveniendes *Aconem* obsessam.

Tres machinæ quas Christiani construxerant ad everfionem *Acon*, ab igne qui *Græcus* dicitur à *Saracenis* injecto combustæ sunt. Et sic civitas *Acon* tunc liberata fuit.

Christiani panis inedia laborantes insultum fecerunt in *Saracenos* die festo sancti *Jacobi.*

Reges *Francorum* & *Anglorum* appulsi sunt apud *Messanam.*

Habitus est regionale Concilium apud *Westminster.* Præfedit *Wilhelmus* Apostolicæ sedis legatus, *Ricardus Lundoniensis* episcopus sedit ad dexteram.

Tancredus rex *Siculus* numeravit regi *Ricardo* primum unciarum auri vigesies mille, secundo totidem uncias.

Conradus Marchio de *Monte Ferario Sibillam* filiam *Amaurici* regis à viro disjunctam accepit uxorem.

Alienor regina cum per iiij. dies moram fecisset cum

cum *Ricardo* rege filio suo rediit in *Angliam*.
Inter regnum & sacerdotium orta quæstione in
Normannia, consensu partium finis qualis qualis ap-
positus est.

Baldewinus archiepiscopus *Cantuariensis* agens
in extremis *Hubertum* *Saresbiriensem* episco-
pum testamenti sui constituit executorem.

Hubertus Saresbiriensis episcopus scripsit *Lun-*
doniensis episcopo.

Jacinctus inter diaconos primus creatus est papa,
vocatus *Cælestinus* papa tercius.

Cælestinus consecravat *Henricum* imperato-
rem.

Civitas Tusculanum à *Romanis* est diruta.

Robertus filius *Senelcalli* *Normannia* creatus est
Wigornensis episcopus.

Walterus Rothomagensis archiepiscopus à *Sicilia*
rediens in *Angliam* mandato regis inter *Justiciarios*
factus est primus.

Reges *Francorum* & *Anglorum* navem a-
scenderunt apud *Messanam* visitaturi *Jerusalem*.

Rex *Anglorum* apud *Rodos* applicuit & postmo-
dum apud *Cyprum*, & *Cursac* qui se vocabat Impe-
ratorem *Cypri* subjugavit.

Rex *Francorum* applicuit apud *Acon*.

Cancellarius interdixit archiepiscopo *Rothoma-*
gensis ne tenderet *Cantuariam*.

Rex *Anglorum* multas naves habens in comitatu
applicuit apud *Acon*.

Gausfridus Eboracensis electus *Turonis* consecra-
tus est, qui rediens in *Angliam* captus est apud *Do-*
veram.

Habitu est colloquium apud pontem de *Lode*.

Willelmus Helyensis episcopus veritus à facie
Comitis *Johannis* locum sibi causabatur suspectum,
& exterritus versus *Lundoniam* iter direxit fu-
giendo.

Rogerus de Planes interfectus est.

Insertum est Capitulum de *Arvando*.

Reginaldus Batoniensis episcopus nominatus à
monachis *Cantuariensibus* *Cantaariensis* electus,
diem clausit extremum.

Rex *Francorum* rediens *Jerusalem* receptus est
Parisiis.

Marchio confossus est ab *Arsacidis*.

Henricus Campania Comes *Marchionis* reli-
ctam duxit uxorem.

Caterva *Saracenorum* capta est.

Rex *Anglorum* *Jopen* quem ceperant *Saraceni*
recuperavit.

Inter *Christianos* & *Saracenos* datæ sunt in-
ducæ.

Savaricus electus est in episcopum *Bathoni-*
sem.

Regem *Anglorum* dux *Austrie* comprehendit
apud *VVenam*.

Johannes Comes *Moritonii* munitiones multas
firmavit in *Anglia*.

Dux *Austrie* vendidit regem *Anglorum* impe-
ratori.

Rex *Anglorum* retrusus est in loco qui dicitur
Trivallis.

Hubertus Saresbiriensis episcopus, electus est in
archiepiscopum *Cantuariensem*.

Redemptio regis excrevit ad centum milia libra-
rum argenti.

Hugo Cestrensis episcopus spoliatus est apud
Doveram.

Celebratum est divortium inter regem *Franco-*
rum & reginam.

Hubertus Cantuariensis electus sua sollempniter
collocatur in sede.

Walterus Rothomagensis transfretavit in *Alc-* An. Dñi
manniam. 1194.

Walterus Rothomagensis archiepiscopus scripsit
Radulpho decano *Lundonia*.

Rex solutus est à carcere.

Pactiones initæ sunt plures inter imperatorem &
regem.

Confligentibus duce *Lovania* & Comite *Hame-*
cense duci cessit victoria.

De regibus *Sicilie*.

Rex *Anglorum* sollempni processione receptus est
Colonie.

Rex veniens in *Angliam* receptus est *Lundonia*
coronata civitate.

In octavis paschæ regni diadema suscepit *VVin-*
tonia, & veniens in *Normanniam* *Vernolinum* invenit
obseffum.

Herbertus Cantuariensis archidiaconus electus
est in episcopum *Saresbiriensem*.

Rex *Francorum* subvertit Castellum quod voca-
tur *Funteines*.

Andegavenses castellum quod vocatur *Mons*
mirabilis subverterunt.

Filius regis *Navarra* venit in auxilium regi *An-*
glorum.

Rex *Francorum* prope *Vindocinum* veniens re-
cessit exterritus.

Rex *Anglorum* cepit *Taileburg* & totam ter-
ram Comitis *Engolismensis*.

Abolutus est dux *Austrie* præstito juramento
quod stabit mandato domini papæ.

Treugæ datæ sunt inter reges.

Johannes Lugdunensis archiepiscopus venit in
Angliam.

A rege *Francorum* *Philippo* directi sunt nuncii
iiiij. ad *Anglorum* regem *Ricardum*.

Piscis quidam vocatus vulgo *Crassus* piscis appul-
sus est apud *Edulvesnase*.

Ricardus rex *Anglorum* fidelibus suis salutem.
Noveritis compositionem factam inter Dominum
Rothomagensis archiepiscopum & cives *Rothomagi*.

Ricardus rex *Anglorum* Decano & Canonicis
Turonensibus.

Walterus Rothomagensis archiepiscopus *Radulfo*
decano *Lundonia*.

Philippus rex *Francorum* Bailivis suis salu-
tem.

Rogerus de genere *Normannorum* primus in *Si-*
cilia rex creatus est.

Die festo sancti *Stephani* dux *Austrie* cecidit
equo.

Henricus imperator & rex *Sicilie* *Waltero Ro-*
thomagensis archiepiscopo.

Hubertus Cantuariensis archiepiscopus legatus
creatus est.

Cælestinus episcopus servus servorum Dei.

Cælestinus episcopus *Eboracensi* archiepi-
scopo.

Willelmus Elyensis episcopus *Radulfo* de *Diceto*
decano *Lundonia*.

Ricardus rex Anglorum Ricardo Lundoniensi
 An. Dñi episcopo.
 1196. *Waltero Rothomagensi archiepiscopo Radulfus*
decanus Lundonia, Suus ille quondam.
Philippus rex Francorum tres litteras scripsit archiepiscopo Rothomagensi.
Ricardus rex Anglorum episcopo Eboracensi, Significamus vobis.
Walterus Rothomagensis archiepiscopus Radulfo
decano Lundonia, Licet nobis.
Circa dies istos aquarum inundatio.
Circa dies istos, Iniquitatem & contradictionem.
Johannes decanus Rothomagensis electus in episcopum.
Walterus Rothomagensis archiepiscopus Radulfo decano Lundoniensi, Discretionem vestra.
 1197. *Willelmus Helyensis epis. Dum Romam tenderet.*
Circa dies istos episcopo Cameracensi Johanne
defuncto tres sunt electi &c.
Cælestinus papa H. Cantuariensi archiepiscopo,
Cum de agro Domini.
Robertus Prior Elyensis electus est abbas ecclesie sanctæ dei genitricis apud Eboracum.
Rex Anglorum Ricardus castellum sancti Valerici succendit.
Ymbrium infusio triduana per Angliam.
Philippus Dunelmensis electus consecratus est Roma.

Marchadens episcopus Belvacensem & Willelmum de Morlei cepit in bello.
 Notum sit universis hoc scriptum visuris, quod hoc est fœdus, & conventio inter Ricardum regem Anglis & Philippum Comitem Flandria.
 Ab ea die qua Willelmus Helyensis episcopus prope Piſtarum in abbacia de Pinu sepultus est.
 Cælestino papa tercio defuncto Lotharius diaconus Cardinalis papa creatus est.
 10 *Innocentius papa tercius Waltero Rothomagensi archiepiscopo. Cum emergentium litigia questionum &c.*
Sanguis pluit undatim apud Andeleium.
Gausfridus Cestrensis electus Cantuarie consecratus est.
Otoni nepoti regis Anglorum Ricardi redditum est Aquisgranum, vj. idus Julii consecratus est in regem.
 In marchia principales defensivæ locorum prope munitionem illam quæ vocatur Castellum Matildis &c.
 20 *Ricardus Lundoniensis episcopus tercius defunctus est.*
Villa sancti Andomari reddita fuit Comiti Flandria.
Ricardus rex Anglorum intravit terram regis Francorum cum exercitu.

Ymages Historiarum autore Radulfo de Diceto.

Henricus Gaufridi Plantegenest Comit-
tis Andegavorum primogenitus cingulo
militari donatus est à rege Scottor-
um David in festo Pentecostes apud

Karlinl.

Ludovicus rex Francorum & regina Alienor re-
diere Jerusalem.

Hyems maxima.

Theobaldus Comes Blesensis donavit cingulo mi-
litari Gaufridum filium Gaufridi Plantegenest Co-
mitis Andegavorum.

Everſo monasteriolo quod tribus annis obſeſſum
fuerat, Gaufridus Plantegenest reddidit ducatum
Normannia Henrico filio suo.

Ludovicus rex Francorum accepit homagium
Henrici filii Gaufridi Plantegenest de ducatu Nor-
mannia & comitatu Andegavis.

Civitas igitur Andegavensium antiquorum in-
dustria montis in edito collocata consistit, in mœni-
bus vetustissimis gloriam fundatorum recensens; in
quadris lapidibus, modernorum parcitatem accen-
sans; in tenaciori cemento, sabuli condiendi periciam
penitus deperisse prætendens. Pars urbis hominum
manu facta munitior vergit ad notum. Natura loci
pars inexpugnabilis respicit ad occasum. Quaque
latus occidentale vicinatur australi, domus surgit
spaciosissima, digna satis in nomen transire palatii, si
thalami regio sumptu, regia disciplina, regio modera-
mine recenter extructi non excreſcerent in immen-
sum. Hinc ad aquas præterfluas, hinc ad montana
vitibus consecrata prospectum habentes. Rursus ut
civitas multo capacior milia hominum concurrentia
sub una confederatione concluderet, montem positum
in vicino populis ad inhabitandum exposuit. Quo-
rum si fortunam attendimus, felicius incolunt subur-
bana quam urbem. Quod si devotionem quam erga
deum, erga sacrosanctam ecclesiam ea gens exhibuit,
ab antiquo revolvatur attentius, sanctorum memorie
plurimorum, ibidem in Christo quiescentium, cele-
bres illis habentur in locis. Nec adeo facile quo-
quam reperies tot domos religiosas & piis deputatas
collegiis, & principum liberalitate ditatas, & in regula-
ribus disciplinis informatas attente. Rursus ut op-
portunitatem loci commoditas aquarum illustret, si
dequantula Ligeris remotione queratis, inter medi-
um montium quos memoravimus nobilis fluvius in-
fluit Meduana. Qui cum intumuerit instar maris in
hyeme, sub æstate rareſcit, arenosis angustatus in al-
veis. Ut autem liberum civibus comœatum offer-
ret, terra, lignis, lapidibus comporatis construi su-
per aquas in habitaculis ergasteria toleravit, sic ex
opposito sibi respondentia, sic fere sub æqua contig-
natione disposita, quod pontem medium ex maxima
parte ligneum quasi solidam redigant in plateam.
Transseuntibus quidem assidue patefactam sed Phœ-
bo non perviam. In qua quid usus desideret, quid
luxus deponat, abunde reperiet transitus per eam
compendiosus.

Dum Gaufridus Plantegenest Comes Andega-
vorum rediret Parisius à curia regis Francorum,
concessit in fata apud Castrum Lidii, sepultus est
autem Cenomannis in ecclesia sancti Juliani.

Fredericus nepos Conradi dicti Romani Impera- An. Dñi
toris fit rex Tentonicus. 1151.

Celebratum est divorcium inter regem France-
rum & reginam Alienor.

Henricus dux Normannorum & Comes Ande-
gavorum duxit Alienor relictam regis Francorum,
& sic factus est dux Aquitanorum.

Igitur Aquitania rerum affluens, opulentius multi-
plicibus, sic orbis occidui partes distinctas antiquitus
antecellit, ut inter Galliarum provincias felicior & fe-
cundior tradatur ab ystoriographis. Quæ suos licet
agros cultui, suas etiam vires propagationi, sua de-
nique nemorosa venatui noverit optime respondere,
nichilominus appellationis originem mutuatur ab

aquis. Id solum forte supputans inter delicias nume- Hamonius
randum, quod procreat aqua salubrior vel gurgiti lib. 3.

remittendum, vel levandum in aera. * Ga- * Aquitania dicitur co
rumna siquidem decurramus ad ortum; quod pia ceteris Gal-
æquoreas properantem ad undas, decur- liæ provinciis fontibus
ramus etiam ad montes Pireneos; Quic- Et torrentibus scaturiat.
quid itaque fuerit inventum interiacens à Quæ à Garumna flu-
fluminibus traxit vocabulum, ab aquarum mine ad Pireneos mon-
commoditatibus derivatum. Et cum illis tes extenditur, & obli-
quo Ligeris cursu qui eam ex parte terminat,
in partibus lubricum linguæ passim omni- pene in orbem cingitur.

bus repromittat impunitatem, an sit magis
in fide stabilis an in sermone labilis, morem gentis
ignorans poterit ignorare. Quæ cum ad superbiam
hostium edomandam instanter institerit, & post belli
sudores in bona quiete perſisterit, ilico tota defluit in
voluptatem. Sic palato deserviens ut in saporibus di-
stinguendis, conficiendis & discernendis privilegio
gratiæ singularis effulgeat, sic linguæ satisfaciens, ut in
salibus condiendis licet mordacibus plurimum habe-
at civilitatis annexum. Itaque Picavienses in vulga-
rium elu carniū bovinā avidius amplectuntur.

Cum vero piper & allium mixtum in mortarium
detruduntur, ad condimentum utriusque caro re-
cens nunc succum exigit pomorum silvestrium, nunc
à viminibus pampino coartaneis jus deposcit extor-
rum, nunc uvarum liquorem desiderat primitivarum.
Cum dies venerit indulgentior campeſtria nec fasti-
diunt, nec nimis appetunt affectuosæ. Sed anathem
vel laqueolo comprehensam vel obvolutam reticulo
devote requirunt; quam ad ignem lignorum viridi-
um studioſe appositam satis tractant delirioſe.
Laxatis retibus piscium in capturam si lautiora ca-
tus obtulerit, quod quidem raro non evenit, nunc
extrahitur sturgio regium reservandus in cibum, nunc
flumini latenter immerſas muræna labitur in insidias.
Quæ quamvis alias gustum sui suspectissimum red-
dat, illis tamen in locis absque delectu personarum
& potus hinc dicioſibus hinc paupertatis indifferen-
ter mensis apponitur.

Obiit Radulphus abbas xvij. ecclesiæ sancti Al-
bani.

Ludovicus rex Francorum, Eustachius filius re-
gis Stephani, Henricus Comes Campaniensis, Ro-
bertus Comes Perticensis in Normannia castellum
Noëi mercati cum suis auxiliariis obſidentes, dum
Henrici ducis adventum ut obſeſſis succurreret intel-
lexissent, interventu religiosorum datis induciis infecto
negotio recesserunt. Dux vero fratrem suum Gaufridum

STEPHANUS rex, dum persequens in *Andegaviam*, ipsum ad petendas coegit inducias.

Robertus de Gorram abbas ecclesie sancti *Albani* xviii.

Johannes Papirio Cardinalis legatione fungens in *Hyberniam*, quatuor ibi constituit archiepiscopos, qui dum transitum habuisset per *Angliam* fidelitatem juravit regi *Stephano*.

Gaufridus Artur fit episcopus sancti *Asaph*. Regina *Matildis* regis *Stephani* uxor sepelitur apud *Faverebam*.

Pullulante perniciofa doctrina *Henrici* hæretici, maxime in *Gualconia*, suscitavit Dominus spiritum puellæ junioris in illa provincia, ad eandem hæresim confutandam. Per triduum namque in unaquaque septimana jacebat absque voce, sensu, etiam absque flatu, & rediens postmodum ad se, dicebat beatam *Mariam* orare pro populo Christiano, & beatissimum *Petrum* docuisse se orthodoxam fidem. Exinde de fide nostra sapienter & catholice differebat, & præcipue hæresim *Henrici* convincens, plurimos ab eo seductos ad sinum sanctæ matris ecclesiæ revocabat.

1152. *Henricus* dux *Normannorum* intravit *Angliam* in manu valida infra octabas Epiphaniæ, castellum de *Malmesburi* obsedit, & milites intus obsessos ad deditionem coegit.

Ricardus de Belmeis archidiaconus de *Migdesse* *Lundoniensis* electus antistes, consecratus est *Cantuaria* à *Theobaldo* archiepiscopo, omnibus fere episcopis *Angliæ* præsentibus. *Henricus* vero *Wintoniensis* episcopus, dum esset abiens, archiepiscopo scripsit in hæc verba.

Temporis brevitatem, improvisa vocatio, transitus suspecti, improba prædonum molestia, medicamenti sollicitudo adhibita excusabiles paternitati vestre nos reddunt. Electioni vero factæ & consecrationi faciendæ benignum ex affectu præbemus assensum. Quoniam quidem persona & moribus pollet, & industria viget & scientia florere, credimus quod in domo Dei plantata, adjutrice divinitate, florebit & faciet fructum.

David regi *Scottorum* successit *Melcomus* nepos ejus.

Eustachius filius regis *Stephani* sepelitur apud *Faverebam*.

Anastasius papa.

Bernardus Clarevallenensis abbas migravit ad Dominum.

1153. *Alienor* Duci *Normannia* peperit *Willielmum*.

Henricus Eboracensis archiepiscopus obiit.

Evenit quod minime credebatur, dissensio regni non dirimeretur in gladio. Partibus evocatis hinc & inde transactio celebrata est. Diligentia intervenit archiepiscopi *Cantuariensis*, & auctoritas plurimum operata est. *Wintoniensis* episcopi profuit sollicitudo. Coepiscoporum assensus non defuit, defuit procerum & consilium & consensus; Et ut nostri majores videantur à legibus aliquid accepisse novi, aliquid sumpserunt à legibus. Ducem siquidem *Normannorum* rex in filium arrogavit; Ei & in eum jus suum transtulit & potestatem, sibi quoad vixerit regis dignitatis solam ymaginem reservavit. Et si propheticum illud attenderis, jam se induit genitore, jam Ducem arrogavit in filium. In participem regni & postmodum successorem universi Ducem recipient. In rege ducem, in duce regem singuli venerabuntur.

Et ut regem *Stephanum* nunc regem intelligas, antiqua regni privilegia restaurare proponit. Regalia passim à proceribus usurpata recipiet, munitiones suis fundatæ temporibus diruentur, quarum numerus usque ad undecies centum quindecim excrevit. Ut autem ad minora recurras, prædiis assignabit colonos, insularios ædificiis, nemoribus saltuarios, feris ditabit indagine, ovibus decorabit montana, pascua replebit armentis. Clerus nunc deum dominabitur, pacis tranquillitatem indicet, muneribus fordidis non gravabitur. Ab extraordinariis vacationem habebit. Defensivæ locorum seu vicecomites locis statuentur statutis. Non in votum exercendæ cupiditatis abibunt. Non quemquam ex odio persequentur. Non gratificabuntur amicis, non indulgentiis crimina sollevabunt, suum cuique reservabunt ex integro. Metu pœnarum nonnullos afficient, Præmiorum exhortatione plurimos excitabunt. Fures terrebuntur in furca: Prædones sententia capitali plectentur. Milites caligati gladios suos in usum vomeris ligonisque convertent. A castris ad aratra, à tentoriis ad ergasteria *Flandrensium* plurimi revocabuntur, & quas nostratibus operas indixerunt dominis suis ex necessitate persolvent. Quid multis? ab excubiis fatigati à communi læticia respirabunt. Innocens & quieta rusticitas ocio relevabitur. Negotiatores commerciorum vicissitudo locupletabit. Forma publica percussa eadem in regno celebris erit ubique moneta.

30 *Ludovicus* rex *Francorum* duxit uxorem filiam *Adelfunsi* regis *Hispania*; Caput regni hujus regis civitas est *Toletum*. Quem quia principatur regulis *Arragonum* & *Galicie*, Imperatorem *Hispaniarum* appellant.

Rogerus rex *Sicilie* successorem reliquit *Willielmum* filium suum, qui duxit filiam *Garfia* regis *Navarrorum*.

Willielmus quondam *Eboracensis* archiepiscopus depositus ab *Eugenio* papa, restitutus est per *Anastasium*. Plures hoc modo restitutos fuisse declarant exempla. *Johannes Crisostomus* à duabus synodis fuit judicatus, sed iterum fuit restitutus. *Marcellus* episcopus *Anchiræ Galatiæ* depositus fuit & iterum restitutus. *Asclepius* dijudicatus à synodo ecclesiæ suam postea recepit. *Lucianus* episcopus *Adrianopolites* dampnatus à papa *Julio* ecclesiæ suam recepit. *Cirillus Jerosolimitanus* episcopus depositus fuit, postea reconciliatus est. *Policromius* pontificem *Sixtus* papa dampnavit, & iterum ipse eum reconciliavit. *Innocentius* papa *Fortunatum* dampnavit episcopum, sed ipse eum postea ecclesiæ suæ restituit. *Misentinus* episcopus à *Felice* papa dampnatus *Gelasius* papa ecclesiæ suæ restituit. *Leoncius* dum esset presbyter depositus fuit, sed postea in *Antiochena* ecclesia Patriarcha extitit. *Gregorius* iij. papa *Theodosium* quem *Eugenius* ejus antecessor presbyterii honore privaverat, ecclesiæ *Signina* consecravit episcopum. *Ibas* episcopus dijudicatus fuit, sed iterum ecclesiæ suæ restitutus est. *Rothadum* episcopum *Suessionis* ecclesiæ condemnatum & *Sofrenum Placentinum* episcopum merito reprobatum *Nicholaus* papa ambos reconciliavit. *Johannes* papa viij. *Photinum* *Neophotinum* à papa *Nicholaus* depositum in patriarchatu *Constantinopolitano* restituit. *Formosum Portuensum* episcopum quem *Johannes* papa viij. deposuerat *Marinus* successor *Johannis* restituit. *Arnulfum Remensem* archiepiscopum

1-
ex. pum Hugo Chapet rex Francorum degradari fecit, quem Marinus papa ecclesie Remensi restituit. Aimarum Viennensem archiepiscopum, quem Innocentius 2. in Pisano concilio deposuerat, Adrianus papa restituit.

Rogerus Cantuariensis archidiaconus die festo sancti Paulini in Eboracensem archiepiscopum consecratus est à Theobaldo Cantuariensi archiepiscopo aput Westmonasterium. Sed professionem non fecit.

Rex Stephanus viij. kal. Novembris obiit & sepultus est aput Faversham, quod monasterium ipse à fundamentis ædificaverat. Quo audito, dux Normannorum Henricus venit Barbesbuvium, & ibidem per unum mensem ventum expectavit, & vij. idus Decembris in Angliam veniens, xiiij. kal. Jan. die dominica ante natale Domini aput Westmonasterium ab omnibus electus & in regem unctus est à Theobaldo archiepiscopo Cantuariensi, præsentente archiepiscopo Eboracensi & aliis episcopis Anglia. Rogerus Eboracensis archiepiscopus manum non apposuit.

Hic est Henricus secundus rex Anglorum, cujus mater Matildis imperatrix, cujus mater Matildis regina Anglorum, cujus mater Margarita regina Scottorum, cujus pater Edwardus, cujus pater Edmundus ferreum latus, cujus pater Adelred, cujus pater Edgarus Pacificus, cujus pater Edmundus, cujus pater Edwardus senior, cujus pater nobilis Aluredus, qui fuit filius Edwlf regis, qui fuit filius [regis] Egbrichi, cujus pater Alcmundus, cujus pater Effa, cujus pater Eppa, cujus pater Ingles, cujus frater fuit famosissimus rex Ine nomine, quorum pater Keonred qui fuit filius Ceomald, qui fuit Cutha, qui fuit Cuthwinum, qui fuit Cheluin, qui fuit Chenric, qui fuit Creoda, qui fuit Ceordic, qui fuit Elefa, qui fuit Ecla, qui fuit Gennis. Iste fuit capud gentis suæ, à quo & tota illa gens nomen accepit. Hujus pater fuit Wig, cujus pater fuit Frewine, cujus pater Freodegar, cujus pater Brand, cujus pater Bealdaes, cujus pater Woden, qui fuit Fredere-mald, qui fuit Freolf, qui fuit Fredewlf, qui fuit Fringoldwlf, qui fuit Geta, qui fuit Geatwa, qui fuit Ben, qui fuit Sceldwa, qui fuit Heremod, qui fuit Itermod, qui fuit Bathka, qui fuit Wala, qui fuit Beadwid, qui fuit Sem, cujus pater Noe.

Thomas Cantuariensis archidiaconus Beverlaci præpositus canonicus in diversis per Angliam ascriptus ecclesiis, regis factus est Cancellarius.

Ludovicus rex Francorum orationis causa perrexit ad sanctum Jacobum.

Adrianus papa.

Adrianus episcopus servus servorum dei, Karissimo in Christo filio illustri Anglorum regi salutem, & Apostolicam benedictionem.

Laudabiliter satis & fructuose de glorioso nomine propagando in terris & æterna felicitatis premio cumulando in cælis, tua magnificentia co-

gitat, dum ad dilatandos ecclesie terminos, ad declarandam indoctis & rudibus populis Christiana fidei veritatem, & vitiorum plantaria de agro Dominico extirpanda sicut catholicus Princeps intendis, & ad id convenientius exequendum consilium Apostolica sedis exigis & favorem. In quo facto quanto altiori consilio & majori discretionem procedes, tanto in eo feliciorem progressum te præstante Domino confidimus habiturum, eo quod ad bonum exitum semper & finem soleant attingere quæ de ardore fidei, & religionis amore principium acceperunt. Sane Hiberniam & omnes insulas quibus sol justitia Christus illuxit, & quæ documenta fidei Christiana receperunt, ad jus beati Petri & sacrosanctæ Romanæ ecclesie, quod tua etiam nobilitas recognoscit, non est dubium pertinere, unde tanto in eis libentius plantationem fidelem & germen deo gratum inferimus, quanto id à nobis interno examine districtius prospectimus exigendum.

Significasti siquidem nobis, fili in Christo karissime, te Hyberniam insulam, ad subdendum illum populum legibus, & vitiorum plantaria inde extirpanda velle intrare, & de singulis domibus annuam unius denarii beato Petro velleolvere pensionem, & jura ecclesiarum illius terre illibata & integra conservare. Nos itaque pium & laudabile desiderium tuum favore congruo prosequentes, & petitioni tue benignum impendentes assensum, gratum & acceptum habemus, ut pro dilatandis ecclesie terminis, pro vitiorum restringendo decursu, pro corrigendis moribus & virtutibus inferendis, pro Christiana religionis augmento insulam illam ingrediaris, & quæ ad honorem dei & salutem illius spectaverint exequaris, & illius terre populus honorifice te recipiat, & sicut dominum veneretur, Jure nimirum ecclesiarum illibato & integro permanente, & salva beato Petro & sacrosanctæ Romanæ ecclesie de singulis domibus annua unius denarii pensione.

Si ergo quod concepisti animo effectu duxeris prosequente complendum, stude gentem illam bonis moribus informare, & agas, tam per te quam per illos quos ad hoc fide, verbo, & vita idoneos esse perspexeris, ut decoretur ibi ecclesia, plantetur & crescat fidei Christiana religio, & quæ ad honorem dei & salutem pertinent animarum taliter ordinentur, ut & a Deo sempiternæ mercedis cumulum consequi merearis, & in terris gloriosum nomen valeas in seculis optinere.

Natus est Londoniæ pridie kal. Martii fe-
An. 1157
ria ij. filius Henrico regi Anglorum ex regina Alienor, & vocatus est Henricus; quem Ricardus Londoniensis episcopus baptizavit.

Robertus decanus Saresberienensis Exoniensium electus antistes, consecratus est à Theobaldo Cantuariensi archiepiscopo.

Fredericus rex Alemannorum ab Adriano papa consecratus est [in] imperatorem in ecclesia beati Petri.

Henricus Wintoniensis episcopus absque licentia regis recessit ab Anglia; ideoque sex castella ejus diruta sunt.

HENRICUS II. rex. *Willelmus Peverel de Potingeham* causa veneficii quod fuerat propinatum *Ranulfo* Comiti *Cestrise* exheredatus est.

Turris Glocestria, castellum de *Bruges* & *Wigemor* quæ *Hugo* de *Mortuo mari* contra regem firmaverat, regi reddita sunt.

An. Dñi 1156. Rex *Henricus* transfretans apud *Doveram* applicuit apud *Widand*; ad quem venit *Rothomagi*, *Theodoricus Flandriensis* Comes, & Comitissa *Sibilla* regis amita.

Willelmus rex *Sicilie* civitatem *Barum* funditus evertit, *Græcos* superavit, civitates & castella quæ perdidit in jus proprium revocavit, cum *Adriano* papa fecit pacem, concedendo ei consecrationes episcoporum regni sui.

In pago *Parisiacensi* monasterio *Argentoilo* capa Salvatoris, sicut dicitur, inventa est.

Henricus rex *Anglorum* cepit castellum *Mirabellum* & *Chinonem* longa obsidione, *Lodunum* vero redditum est ei.

Regina *Alienor* peperit filiam regi *Anglorum*, quam vocavit *Matildem*.

1157. *Willelmus* rex *Sicilie* cepit *Sibillam* civitatem sitam inter *Affricam* & *Babylonem*.

Regina *Alienor* peperit filium apud *Orenneford* quem vocavit *Ricardum*.

Henricus rex *Anglorum* transfretavit in *Angliam*, & *Melchomus* rex *Scotorum* reddidit ei civitatem *Carleul*, castrum *Wænburg*, *Novum castrum super Tinam*, & comitatum *Lodonensem*.

Terricus Comes *Flandrensis* & *Sibilla* Comitissa perrexerunt *Ierosolimam*.

1158. *Henricus* rex *Anglorum* coronatus apud *Wigornam*, post celebrationem divinorum coronam super altare posuit, nec ulterius coronatus est.

Regina *Alienor* peperit filium *Gaufridum*.

Nova moneta in *Anglia*.

Thomas regis cancellarius in apparatu magno venit *Parisi*, *Margaritam* filiam regis *Francorum* accepturus uxorem *Henrico* filio regis *Anglorum*.

Gaufrido fratre regis *Anglorum* mortuo rex statim transfretans recepit *Nannetum*.

Ludovicus rex *Francorum* ut apud sanctum *Michaellem* in *Normannia* vota solveret orationis, transitum habuit per *Normanniam*; in ecclesiis cathedralibus cum sollempni processione receptus; honoratus à singulis & multis oneratus muneribus.

Rex *Anglorum* iterum invitatus à rege *Francorum* venit *Parisi*, receptus in palatio regis; rege *Francorum* & regina in claustro canonicorum beata virginis hospitantibus.

1159. Rex *Anglorum Henricus* duxit exercitum versus *Tolosam*, & cepit castella fortia vicina ejus, rege *Francia* commorante interim jugiter in *Tolosa*, & ob reverentiam præsentis ipsius, dictus est rex *Anglia* ipsam civitatem *Tolosam* non affluisse. Rex enim *Francorum* ob gratiam Comitis sancti *Egidii* cujus sororem *Constanciam* Comes uxorem duxerat, & jam ex ea liberos susceperat, à *Tolosa* non recedebat: unde duo reges inimici facti sunt.

Adriannus papa obiit. Scisma de electione duorum paparum.

Alexander papa.

Gulielmus Comes *Bolonie* filius regis *Stephani*, & novissimus hæres ipsius, cui rex totam hæreditatem patris sui in *Anglia* & in *Normannia* concessit, in reditu *Tolosa* obiit.

A rege *Francia* & à rege *Anglia* in *Alexandrum* papam consensum est. Imperator vero *Alemannia* cum clero suo recepit *Octavianum*, & missis ad reges *Francorum* & *Anglorum* nunciis, ut eundem papam reciperent petiit, nec impetravit.

Maria abbatissa de *Rumessie*, filia regis *Stephani*, nupsit Comiti *Matheo*, ex quo sustulit duas filias.

Regina *Francorum*, filia *Athelfunsi* imperatoris *Hispaniarum*, de partu filia mortua est, incolumi filia.

Rex vero *Ludovicus* non observato tempore luctus, infra quintum decimum diem, *Alam* filiam Comitis *Theobaldi* duxit uxorem, quam *Samson Remensis* archiepiscopus ungere noluit in reginam, quia sororem ejusdem *Ale* propter consanguinitatem separaverat à *Philippo* fratre memorati regis.

Henricus rex *Anglia* *Margaritam* filiam regis *Francorum*, quam apud se habebat in custodia, *Henrico* filio suo desponsari fecit, & castellum de *Gisors* diu desideratum, & jam ante ex conducto duorum

regum custodiæ militum templi usque ad diem illarum nuptiarum commissum optinuit. Quod quia præpropere, ut dicunt, factum est, rex *Francia* & fratres uxoris ejus indignati, regi *Anglia* inimici facti sunt, & adversari cœperunt. Ad dedecus itaque regis *Anglia*, rex *Francia* & Comes *Theobaldus* cum auxiliariis suis, *Calvum montem* situm inter *Blesim* & *Ambazium* firmaverunt. Rex autem *Anglia* cum suis festinus adveniens rege *Francorum* & Comite *Theobaldo* fugatis castrum obsedit, & intra paucos dies ad deditionem coegit: capti sunt autem intus quinquaginta quinque milites *Theobaldi*. Celebratum est autem matrimonium inter filium regis *Anglorum* septennem & filiam regis *Francorum* triennem, auctoritate scilicet *Henrici Pisani*, & *Willemi Papiensis* presbyterorum cardinalium, & Apostolicæ sedis legatorum. Hoc autem factum est apud *Novum Burgum* iij. non. Novembris.

Theobaldus Cantuariensis archiepiscopus dum adhuc viveret, dederat in mandatis quatinus *Bartholomeum Exoniensem* electum *Cantuarie* consecraret *Walterus Rosensis* episcopus. Et licet morte mandatoris finitus fuisset mandatum, tamen quia *Ricardus Londoniensis* episcopus laborabat paralisi, *Henricus* etiam *Wintoniensis* episcopus, vicarius *Lundoniensis* ecclesiæ, morabatur apud *Cluniacum*, tunc temporis *Rosensis* episcopus memoratum consecravit episcopum.

Ricardus Coventrensis archidiaconus, ex patre *Roberto Cestrensi* pontifice consecratus est ejusdem sedis episcopus ab archiepiscopo *Theobaldo*. Non igitur vel à sacris ordinibus, vel à parochialibus curis, vel ab ecclesiis cathedralibus, vel etiam ab ipso papatu filii sacerdotum, si probabilis vitæ fuerint sunt arcendi. *Felix* itaque tercius natione *Romanus* ex patre *Felice* presbytero summus pontifex fuit. Item *Agapinus* natione *Romanus* ex patre *Gordiano* presbytero summus pontifex fuit. *Gelasius* natione *Affer* ex patre *Valerio* episcopo summus pontifex fuit. *Silverius* natione *Campanus* ex patre *Ormisda Romano* episcopo summus pontifex fuit. *Deusdedit* natione *Romanus* ex patre *Stephano* subdiacono summus pontifex fuit. *Theodorus* natione *Græcus* ex patre *Theodoro* episcopo summus pontifex fuit. *Nicholaus* natione *Anglicus* ex patre presbytero summus pontifex fuit, vocatus *Adriannus* papa iij. *Ludovicus*

H. n. I.

An. I. 1160

116

Ivo c. notens. episcop

Ludovicus rex Francorum, & Henricus rex Anglia, copiis armatorum undique congregatis, cum jam campestre praelium inter eos imminere putaretur, prope *Fretevallem* amici facti sunt.

Anglorum regina filiam peperit apud *Rothomagum*, cui nomen suum imposuit & vocavit *Alienor*.

Ricardus secundus *Lundoniensis* episcopus, obiit *iii. j. non. Maii*.

Episcopi, abbates totius *Angliae* mandato regis fidelitatem juraverunt *Henrico* primogenito filio suo. *Thomas* autem cancellarius primus omnium ei fecit homagium salva fide regis quamdiu viveret, & regno praesse vellet.

Concordia inter ecclesiam beati *Albani* & ecclesiam *Lincolniensem*.

Sopita est discordia & amicabili fine terminata inter ecclesiam beati *Albani* & ecclesiam *Lincolniensem*; *Roberto de Chenei* episcopo *Lincolniensi* agente, & *Roberto de Gorram* abbate sancti *Albani* defendente: in praesentia *Henrici* secundi filii *Matildis* imperatricis regis *Angliae*, & archiepiscoporum, *Thomae Cantuariensis* & *Rogeri Eboracensis*, & episcoporum, *Henrici Wintoniensis*, *Willielmi Norwicensis*, *Jocelini Salesberiensis*, *Bartholomei Exoniensis*, *Hylarii Cicestrensis*, *Hugonis Dunelmensis*, *Ricardi Coventrensis*, *Gileberti Herefordensis*, *Godefridi de sancto Asaph*, & Comitum, *Roberti Leicestrensis* senioris, *Hugonis Bigot Norfol.* *Willielmi de Arundel*, & procerum, *Ricardi de Luci*, *Ricardi de Humaz*, *H. filii Ger.* & abbatum, *Laurentii Westm.* *Willielmi Ramef.* *Gregorii Malmesh.* *Reginaldi Perfore*, *Clementis Eborac.* & archidiaconorum, *Gaufridi Cantuar.* & *Ricardi Pictavenfis*, Apud *Westmonasterium* octavo idus Marcii, feria sexta, proxima eo anno ante Dominicam Dominicæ Passionis.

Fredericus imperator *Romanus*, *Ludovicus* rex *Francorum* prope *Crisopolim* conveniunt, ut ecclesiae *Romanae* scissina sedarent, & quis esset praefendus decernerent.

Clero totius provinciae *Cantuariorum* generaliter *Lundonia* convocato, praesente *Henrico* filio regis & regni iusticiariis, *Thomas Cantuariensis* archidiaconus & regis cancellarius, nemine reclamante, sollempniter electus est in archiepiscopum. Electionem factam sine aliqua contradictione recitavit *Henricus Wintoniensis* episcopus apud *Westminster* in refectorio monachorum *iii. j. feria* ante Pentecosten. Electus autem sabbato Pentecostes ordinatus est in presbyterum in ecclesia *Cantuariensi* à *Waltero Rosenfi* episcopo, in ordinationibus & in dedicationibus faciendis ecclesiae *Cantuariensis* vicario. Sequenti die Dominica, consecratus est à *Henrico Wintoniensi* episcopo vice *Lundoniensis* ecclesiae tunc vacantis; quod ad jus suum spectare dicebat *Rosenfis* episcopus, sed non obtinuit.

Nunciis ad dominum papam directis, quem ad *Gallias* descendente *Willelmus de monte Pessulano* tanquam ligium dominum suum receperat honorifice, celeri relatione perlatum est, quod suffraganei *Cantuariensis* ecclesiae sibi pastorem elegerant, qui concurrentibus omnium votis jam à propria synodo fuerat consecratus. Acceptum fuit verbum istud in auribus domini papae. Litteris igitur episcoporum, litteris etiam Prioris & conventus sanctae *Trinitatis*, litteris quoque regis in medium recitatis, sub audentia cardinalium in consistorio postulatione facta

facilis & jocundus juxta petitionem ab omnibus *Henrici* datur assensus. Pallium itaque cum ea gravitate, *cus II. rex* cum ea rememoratione, cum ea sollempnitate qua cohueverant nunciis est commissum, quod *Thomas* archiepiscopus in sede *Dorobernensi* conditionibus solitis involutus & sacramento constrictus, ab altari

Johanne thesaurario Eboracensi. *Adam abbate Eveshamensi.* *Johanne Salesberiensis.* *Jordano Cicestrensi.* *Simone monacho Cantuariensi.* *Magistro Arnulfo.*

maiore suscepit. Postquam autem induit vestes summis sacerdotibus Domino disponente collatas, habitum sic mutavit ut mutaret & animum. Nam curiae curis interesse non approbans, ut eximeretur à curia, vacans orationi superintendens ecclesiae suae negotiis, nuntium in *Normanniam* regi direxit, renuncians cancellariae, sigillum resignans. Quod altius in cor regis ascendit, in se solum causam resignationis tam subitae retorquentis. Audierat namque quod *Maguntinus* archiepiscopus in *Tentonica* sub rege, quod *Coloniensis* archiepiscopus in *Italia* sub imperatore nomen sibi vendicent archicancellarii. [Qui] nec promiscuis actibus aestimant turbare rerum officia, si gestant in dextera baculum pastoralium, & ad expediendas regni vel imperii necessitates, & pacem ecclesiae procurandam propensius accinguntur, dummodo cancellarius curiae sinistro lateri sigillum allateret nunc regis, nunc imperatoris, qui dicitur *Prothonotharius*.

Henricus rex *Angliae* finibus *Normannorum*, *An. Dñi* *Britonum*, *Cenomannensium*, *Andegavorum*, *Turonensium*, & *Aquitanorum* ad voluntatem suam dispositis, in *Angliam* rediens apud *Hamonis* portum applicuit *viii. kal. Februarii*, plurimum *Walsensibus* imprecans, & *Johanni Marescallo*, qui nunquam regem *Angliam* intraturum juxta pseudo-prophetarum archana satis imprudenter asseveraverant.

Thomas Cantuariensis archiepiscopus obviam regi veniens, receptus est in osculum, set non in plenitudinem gratiae, sicut vultus statim aversus omnibus qui convenerant patenter ostendit.

Thomas ex archidiacono *Cantuariensi* sumptus ad archiepiscopatum, ad instantissimam regis postulationem diutius distulit archidiaconatum transferre. Transtulit tandem sicut rex petiit, sed gratiam regis ad tempus subtractam ut videbatur sibi, postmodum redintegratam non ad plenum agnovit.

Clarembaldus abbas electus sancti *Augustini* benedictionem ab archiepiscopo *Thoma* quarebat accipere, sed in ecclesia propria, sed sine professione, sed spe cujusvis in posterum subjectionis prorsus adempta. Cum autem rex se verbis hujusmodi non opposuerit, partibus antiquitatis in finibus stare persuadens, & eas omnibus modis quibus ratio fieri potuisset inducens, alteram inclinatio videbatur in partem.

Actum est de consilio *Lundoniensis* ecclesiae, qualiter autem res processerit docebunt sequentia. Actum est autem pridie non. Marcii.

Alexander papa Capitulo *Lundoniensi*.

Ex litteris karissimi in Christo filii nostri *Henrici illustris Anglorum regis, & venerabilis fratris nostri Thomae Cantuariensis archiepiscopi*, atque ex relatione dilecti filii nostri *Radulfi ecclesiae vestrae archidiaconi* accepimus, quod idem rex desiderat plurimum & requirit, quod venerabilis frater noster *Herefordensis episcopus* ad vestram ecclesiam transferatur, ut in eadem ecclesia curam gerat & solli-

**HENRI-
cus II. rex.** sollicitudinem pastorem. Hac utique causa & necessitate nobis ab eodem rege proposita, quod Lunden-
nensis civitas regalis sedes sit, & ipse rex diuturniorem ibidem consueverit, & longiorem moram habere, & ibi frequentes Baronum ac procerum de toto regno soleant esse conventus. Quanto autem prædicta regia civitas inter alias regni civitates magis est nobilis & famosa, tanto ecclesiam ipsam ab honestiori, & tam in divino quam in humano jure prudentiori præfatus rex regi desiderat & postulat gubernari. Nam cum ipse memorato fratri nostro consilium de animæ suæ salute commiserat, eum cum sibi necesse est desiderat habere præsentem. Unde nos ei tanquam karissimo filio nostro per omnia & in omnibus in quibus secundum Deum possumus deferre volentes, & ejusdem fratris nostri episcopi religionem, honestatem & litteraturam diligentius attendentes, voto & proposito ipsius regis in hac parte, si tamen vos eundem episcopum unanimiter postulaveritis, duximus annuendum.

Translatio Herefordensis in Lundeniensem iiii. kal. Maii celebrata est, & in sede sua Lundeniensis episcopus juxta desiderium totius capituli sollempniter introductus est.

Robertus de **Dunford** cum **Henrico de Essex** certamine singulari congrediens victoriam reportavit. **Henricus** autem notam infamiæ simul & exheredationis jacturam incurrens, indulgentia principis habitum monachalem suscepit apud **Radingum**.

Alexander papa Concilium congregavit **Turonis** in ecclesia sancti **Mauritii** xij. kal. Junii. Ad cuius vocationem per **Theodinum** sanctæ **Romanae** ecclesiæ subdiaconum factam per manum regis **Anglorum** venerunt archiepiscopi, venerunt episcopi, venerunt abbates & priores. Infirmitas tres episcopus excusavit, scilicet **Wintoniensem**, **Lincolniensem**, & **Batonensem**. **Thomas** autem **Cantuariensis** archiepiscopus cum suffraganeis suis sedit ad dexteram in Concilio. Cum **Dunelmensi** quem unicuique habet suffraganeum **Eboracensis** archiepiscopus sedere iussus est ad sinistram.

Alexander papa **Ludovico** regi **Francorum**.

Ex antiqua Romanorum pontificum institutione noscitur processisse, quod media quadragesima ea **Dominica** qua cantatur **Lætare** **Jerusalem** consueverunt ipsi florem aureum non gratia temporalis delectionis propriis manibus annua semper revolutione gestare. Flos namque **Christum** regem exprimit ac designat, qui de seipso loquitur dicens, Ego flos campi, & lilium convallium. Aurum vero regem merito dicitur denotare. Rubor autem quo aurum coloratum est & suffusum, redemptoris significat passionem, de quo legitur: Quis est iste qui venit de **Edom** tinctus vestibus de **Bosra**? Et iterum: Quare rubrum est indumentum tuum, & vestimenta tua sicut calcantium in torculari? Odor huius floris resurrectionem & gloriam ejus præfiguratur. Hæc sunt, fili karissime, qua in isto flore noveris figurari. Petimus autem, & totis affectibus exoptamus, ut ille flos aureus qui omnes reges & principes antecedit, immo per quem reges regnant, & prudentes decernunt justitiam, terrenum tibi regnum diuturno tempore sua ineffabili pietate conservet, & æternum in illa felici retributione justorum misericordia largiatur.

Comes de Clara **Rogerus** à **Thoma Cantuariensi**

archiepiscopo vocatus xj. kal. Augusti apud **Westminsterium** ad homagium sibi faciendum de castello de **Tunebruge**, & de pertinentibus ad castellum, archiepiscopo duriorem opposuit adversarium, respondens totum illud feudum in servitio militari & publicis pensionibus persolvendis regem potius attendisse quam archiepiscopum.

Malcolmus rex **Scottorum**, **Resus** australium princeps **Walensium**, **Andoenus** aquilonarium, & quique majores de **Cambria** fecerunt homagium regi **Anglorum** & **Henrico** filio suo kalend. Julii apud **Wadestoke**.

Inquisitio generalis est facta per **Angliam**, cui quis in servitio seculari de jure teneretur obnoxius. Inventum est autem in **Cantia** procurantibus iusticiariis quod **Willelmus de Ros** in munere quolibet subeundo regem deberet agnoscere non [**Thomam**] archiepiscopum: sic odium personæ redundavit in dampnum ecclesiæ.

Johannes thesaurarius **Eboracensis**, consecratus à domino papa **Pictavenis** episcopus in Concilio **Turonensi**, professionem fecit archiepiscopo **Burdegalsi**.

Thomas archiepiscopus vacantem ecclesiam **Ainefordie** contulit in **Laurentium**: **Willelmus** villæ dominus sibi vendicans jus patronatus in eadem ecclesia **Laurentium** expulit, archiepiscopus eum excommunicavit. Quod quia minime certiorato rege fecisset, maximam regis indignationem incurrit.

Asserit namque rex juxta dignitatem regni, quod nullus capitaneorum, nullus militans regi, nullus minister regis, nullus scilicet, ut vulgariter loquar, de rege tenens in capite castellum, villam, vel prædium, citra conscientiam regis est excommunicandus ab aliquo, ne si super hoc rex cercioratus non fuerit, ignorantia lapsus communicet excommunicato; capitaneum suum venientem ad se, vel invitans ad osculum, vel recipiens in consilium.

Rogerus Wigornensis electus, consecratus est à **Thoma Cantuariensi** archiepiscopo apud **Cantuariam** vij. kal. Septembris.

Rex **Angliae** nuntios ad dominum papam confinia scismaticorum in **Gallia** declinantem direxit, **Alexandrum** scilicet **Luxoviensem** episcopum, & **R. Pictavensem** archidiaconum. Qui laxitiam maris & fluctuum intra spacium trium mensium experti sexies, dum ad regni consuetudines auctoritate summi pontificis roborandas plurimum elaborassent, nec in aliquo profuissent, in ultimo reditu suo regis animum adversus plurimos magis ac magis exasperatum mitigare non potuerunt.

Ex mandato regis, concurrentibus episcopis, & proceribus apud **Clarendone** viij. kal. Februarii post inmensos tractatus rex tandem ad hoc animos prælatorum inflexit, ut regni consuetudines archiepiscoporum & episcoporum auctoritate firmarentur & scriptis. Quod **Thomas Cantuariensis** archiepiscopus dum ad cognitionem summi pontificis pertulisset, ab obligatione quam inierat absolutio-
nem petiit & impetravit.

Rex **Anglorum** volens in singulis, ut dicebat, maleficia debita cum severitate punire, & ordinis dignitatem ad iniquum trahi compendium incongruum esse considerans, clericos à suis iusticiariis in publico flagitio deprehenso episcopo loci reddendos decreverat ut quos episcopus inveniret obnoxios, præsentem iusticiario regis exauctoraret, & post curiæ

curiæ traderet puniendos. In contrarium sentiebant episcopi, quos enim exauctorarent à manu laicali contendebant protegere, alioquin bis judicaretur in idipsum. Huic controversiæ præstitit occasionem *Philippus de Broc*, canonicus de *Wedesford*, qui tractus in causam propter homicidium, in iusticiarium regis verbum protulit contumeliosum. Quod cum coram archiepiscopo negare non posset, præbendæ suæ multatus est beneficio, pulius est à regno per biennium.

Archiepiscopus *Roman* profecturus aput *Romenel* inficio rege ascendit, vento contrario rejectus in *Angliam*; in quo plurimum regis offensam incurrit.

Tractus in causam *Iohanne Marescallo* regi deferente querelam pro quodam manerio archiepiscopatus, quod à multis temporibus, ut dicebatur, inconcussè possederat archiepiscopus; tandem post longas fatigationes in quibusdam articulis contrariam reportavit sententiam, & regi iudicatum solvi sufficientissime cavit, in quingentis libris habita taxatione.

Thomas Cant. archiepiscopus super actum quem egerat in cancellaria tractus in causam præsentiam suam exhibuit aput *Norhamtunam* iij. idus Octob. Convenerunt illuc Episcopi, Comites, Barones totius regni, mandato regis urgente. *Rogerus Eboracensis* archiepiscopus vocatus advenit. Et quoniam episcopatum, abbatiarum tempore suo vacantium bona de jure cancellariæ suæ fuerant deputata custodiæ, quoniam regis ulterior familiaritas penes cancellarium excreverat, eo usque ut castellaniam de *Eya*, & castellaniam de *Bercansteade* pluribus annis libere possideret & disposuisset pro velle, perceptorum summam in ratiocinium venire consentaneum juri pluribus videbatur, & à capite rationem reddendam ordinariam reputabant; licet ante consecrationem suam archiepiscopus ab *Henrico* filio & hærede regis, & à iusticiario regni liber & absolutus ab omni ratiocinio fuisset assignatus episcopis. Cum autem absolutionem factam hoc modo de voluntate regis, & mandato probari non posset, adversus episcopos ne eum injuste condemnarent iudicio appellavit, & ab eis itidem appellatus est. Sed proceres licet adversus eos processerit appellatio, & sub anathemate prohibiti sunt in patrem & iudicem suum ferre sententiam, nichilominus tamen in eum, nec confessum, nec convictum, sed privilegium ecclesiæ protestantem & suum, sententiam intulerunt; sic archiepiscopus in artissimo positus, multis affectus injuriis, & obprobriis laceffit, & episcoporum destitutus consilio, crucem quam manu tenebat in altum erigens discessit à curia. Nocte sequente, villam latenter egrediens ab aspectibus hominum diebus se subtrahens & noctibus iter peragens, post dies aliquot ad portum *Sandicum* pervenit, navicula fragili transvectus in *Flandriam*.

Domino papæ directi sunt à rege nuncii post archiepiscopum *Senonis* in Consistorio sic loquentes: "Inter *Thomam* archiepiscopum & regem *Anglorum* controversia versabatur. De utriusque voluntate dies præfigitur, ut in ea iusticia mediante illorum controversia terminetur. Ad eandem diem ex præcepto regio archiepiscopi, episcopi, & ceteri ecclesiarum

prælati convocantur, ut quanto generalior esset Concilii celebratio, tanto manifestior fieret fraudis & malitiæ denudatio. Constituta die Catholici principis aspectui se præsentavit regni turbator & ecclesiæ. Qui de suorum meritorum qualitate non securus, Dominicæ crucis armat se signatulo tanquam ad tyranni præsentiam accessurus. Nec tamen regia majestas modo offenditur, sed causæ suæ iudicium episcoporum fidei committit, ut sic ab omni suspitione liberetur. Restabat ut episcopi causam iudicio terminarent, ut sic dissidentes in gratiam fœderarent, & dissensionis eorum materiam sepelirent. At obviat adversarius & obicit, quoniam ipsum coram rege stare iudicio, esset Apostolicæ sedis & dignitatis diminutio; ac si nesciat quod etsi in illo iudicio aliquantulum ecclesiæ dignitati derogaretur, dissimulandum erat pro tempore ut pax ecclesiæ redderetur. Obicit iterum patris sibi nomen, ascribens quod arrogantiam videtur redolere, quod filii in patris dampnationem minime debuerant convenire: sed necessarium erat ut patris superbiam filiorum humilitas temperaret, ne post patrem in filiis patris odium parentaret.

Datum est in mandatis à rege nuntiis suis quatinus à latere domini papæ mitti duos in *Angliam* postularent, qui causam non ecclesiasticam inter regem & archiepiscopum *Norhamtune* ventilatum, & si quam aliam de novo contigisset emergere, remoto appellationis obstaculo præsentem rege præsentem archiepiscopo terminarent.

Cum autem nuncii regis prævenissent archiepiscopum *Senonis*, de cuius adventu nichil certi fuerat auditum in curia; quod petebatur ab eis, juri consentaneum & rationi minime videbatur. Nam cum præsens non esset archiepiscopus, in ejus injuriam quicquam statuere, nec canonicum videbatur, nec ordinarium.

Thomas Cantuariensis archiepiscopus, in domini papæ præsentia constitutus, sic exorsus est.

"Ad audientiam tuam, pater sanctissime, con-fugio, ut qui ecclesiæ libertatem tanto tui discrimine redemisti, eam vel solam, vel maximam meæ persecutionis causam attendas, quod exemplo tuo usus sum. Dolui enim statum ecclesiæ labefactari paululum, & jura ejus in avariciam principum dissipari, & occurrendum credidi morbo venienti. Et quo plus illi domino meo cui post Deum cetera debeo me sciebam obligatum, eo tutius iniquis ejus instigationibus arbitrabar resistendum, donec obtinuerunt illi, & serenitatem ejus obfuscaverunt michi. Exinde, ut moris est aput principes, criminationes & calumpnias injecerunt in occasionem persecutionis meæ, & ego eici malui quam subscribere. Accessit enim his malis, quod vocatus sum ut coram rege tanquam laicus satisfacerem, & unde michi resistendi fragia speraveram sum destitutus. Animadverſi dominos & confratres nostros episcopos istos pro aulicorum arbitrio in me paratos animadvertere. Ita cunctis incurſantibus. fere suffocatus ad tuæ pietatis audientiam quæ nec in extremis negligi, respiravi: sub quâ demonstraturis affo me nec ibi fuisse judicandum, nec ab illis. Nam quid aliud hoc esset patres, nisi vestra jura vobis subtrahere? quid aliud quam spiritualia temporalibus submittere? Semel natum hoc, exemplum effect

HENRI-
cus II. rex

“ esset ad multa. Ideoque credidi firmiter resisten-
 “ dum, quod affectus proclivior nocendi nasceretur,
 “ si prius debilitatem agnoscerent. At inquit,
 “ *Reddenda erant Casari quæ Casaris erant.* Sed
 “ etsi in pluribus obtemperandum regi, in illis ta-
 “ men obtemperandum non est quibus efficitur ne
 “ rex sit. Non essent illa Cæsaris sed tyranni, in
 “ quibus etsi non pro me, pro seipsis ei resisterent.
 “ Numquid eorum persecutionem merui, pro qui-
 “ bus tantis occurribus me opposueram? Obtinui-
 “ sem si voluissent illi; sed male caput agit si à
 “ membris destituitur, quineciam si oculi linguam
 “ contra caput assumant. Si bene prævidissent in
 “ se perniciem machinabantur, & episcoporum usi
 “ sunt principes auxilio in eorum servitute. Quæ
 “ hæc tanti odii causa fuerat, ut pro me extinguen-
 “ do se ipsos extinguerent? Ita dum spiritualia pro
 “ temporalibus negligunt, deficiunt in utrisque.
 “ Quid, quod me etiam reclamante & audientiam
 “ istam appellante patrem suum in iudicio dampna-
 “ re ausi sunt? Condescende igitur, pater sanctissi-
 “ me, in fugam meam, & persecutionem, & me ali-
 “ quando magnum fuisse reminiscere tempore tuo,
 “ & propter te injuriis lacescitum. Utere rigore
 “ tuo, coherce illos quorum instinctu nomen hujus
 “ persecutionis obrepit. Nec domino regi horum
 “ aliquid imputetur, qui hujus machinationis po-
 “ tius est minister quam rector.

An. Dñi

1165.

Regina Francorum peperit filium quem vocavit
Philippum.Regina Alienor peperit filiam quam vocavit
Johannam.

Hoc eodem anno Indictione xiiij. con-
 currentibus quatuor anno communi
 Godefridus episcopus de sancto Asaph
 in basilica sancti Albani, ad majus
 altare præsentis abbate Roberto & to-
 to conventu in cena Domini crisma
 consecit, & oleum sanctum, & cetera
 quæque episcopalia quæ ad diem ipsum
 pertinere videbantur, fultus virtute
 privilegiorum loci sollempni peregit
 officio.

1166.

Quidam pravi dogmatis disseminatores tracti
 sunt in iudicium apud *Orenesford*, præsentis rege,
 præsentibus & episcopis. Quos à fide nostra de-
 vios, & in exâmine superatos facies cauteriata no-
 tabiles cunctis exposuit expullos à regno.

Rex Angliæ transfretavit circa initium Quadra-
 gesimæ.

Thomas Cantuariensis archiepiscopus, cum per
 dies plurimos moram fecisset apud Pontiniacum,
 transiens inde venit *Vicelaicum* repente, & die
 Ascensionis videntibus populis qui ad diem festum
 convenerant, ascendens in pulpitu, consuetudinum
 quas in regno Anglorum avitas appellant observa-
 tores, & defensores, & instigatores accensis candelis
 excommunicavit: scilicet *Ricardum de Luci*. *Ri-*
cardum Pictavensem archidiaconum. *Jocelinum de*
Bailul. *Alanum de Novilla*, & plures alios. Illi
 autem & absentes, & non vocati, & indefensi, sicut
 dicebant, missis ad archiepiscopum nuntiis appella-
 runt & intraverunt ecclesiam. Qui postmodum
 mandato cardinalium *Johannis Neapolitani* & *Wil-*

elmi Papiensis absoluti sunt à Godefrido episcopo
 sancti Asaphi. Alanum vero *Lundoniensem* absol-
 vit episcopus præstito sacramento quod in eundo
Jerosolymam transiret per dominum papam, & sta-
 ret ejus mandato.

Ricardo Pictavensi archidiacono, quærenti confi-
 lium ab amico, sic rescriptum est inter cetera.

Si tactus inconsulto calore Thomas Cantuarien-
 sis archiepiscopus, præter principis voluntatem, præ-
 ter conscientiam suffraganeorum à regno exierit, ve-
 niens contra sacramentum ut dicitis, revera perju-
 rium incurrisset nisi summi pontificis in hoc sibi pa-
 tronizaretur auctoritas; & extortum ab archiepi-
 scopo sacramentum devocasset in irritum. A regno
 quidem exiit, set ea quam de communi suffraganeo-
 rum & conventus Cantuariensis assensu in consecra-
 tione acceperat, se potestate non exiit. Nec enim
 incorporalia locis tantum coartantur discretis, nec
 regione aliqua circumscribitur quod persone coha-
 ret. Ad tempus itaque cessit possessionibus, set nec
 ad tempus juri renuntiavit. Omnes igitur intra
 suam provinciam constitutos, prout ratio flagitave-
 rit potest vocare, potest suspendere, potest excommu-
 nicare; videte an vos ut suum possit corripere paro-
 chianum. Episcopatus Batoniæ vos matris excepit
 ab alvo, ibi usque ad virum perfectum totam decur-
 ritis atatem, ibidem possessionibus adeptis canonice
 episcopo loci debitam exolvistis obedientiam. Imposi-
 tum capiti jugum nondum excussistis ab humeris.
 Si præter aliorum fortunam honore duplici decora-
 tum vos in suo sinu collocavit ecclesia Pictavorum,
 nichil detrimenti accessit Cantuariensi ecclesie,
 set honoris quamplurimum. Nec enim ejus mo-
 menti est archidiaconatus vel thesauraria, ut quem
 eximat à jurisdictione alterius. Dummodo alibi
 habeat domicilium, habeat & possessiones suo nomi-
 ne ritulatas. Secundum leges dignitas episcopalis,
 vel patriciatus filium liberat à patria potestate.
 Secundum canones episcopale culmen alium eximit
 à jurisdictione alterius coepiscopi, nisi alter fuerit
 metropolitans. Cum igitur Cantuariensem de jure
 vestrum intelligam metropolitanum, si vos non ti-
 muistis indiscrete ligare, vos timeatis ligari pronun-
 tiatione injusta. Non quidem nisi reum ligat sen-
 tentia: verumptamen ecclesiastica discipline con-
 temptorem illaqueat. Set dicitis, In nullo deliqui.
 Ad vocationem archiepiscopi venire non supersedis
 mandatum ipsius in aliquo non præterii. Quod
 in me statuit contra ordinem, ex ordine & regu-
 lari jure me nequaquam involvit. Videte ne con-
 tra juris formam vobis jus dicere videamini. Ca-
 vete ne si alias legis auxilium implorare velitis
 vobis opponatur in jure, Frustra legem invocat qui
 legem impugnat. Si reprehenditis pastoris judici-
 um, in legem profecto committitis. Erubescit qui-
 dem lex filios patrum castigatores statuere. Rur-
 sus si contenditis trahi ad culpam archiepiscopi,
 quod in vos absentem, non vocatum, non contumacem,
 sententiam præcipitaverit cum non essetis in culpa.
 Licet aliud delictum non præcesserit, incurritis ex
 ipsa reprehensione delictum, quodque prius omni
 vacuum erat à culpa, è vestigio fit in ipsa re-
 clamazione culpabile. Restat igitur, amice ka-
 rissime, multo esse consultius amplecti sententiam
 cum humilitate, quam assumere tumorem super-
 bie ad perniciem plurimorum. Malo enim exemplo
 populus semper ad peiora proclivior facilius incitatur
 ad

ad pœnam, quam bonæ conversationis odore pertrahi
valeat ad coronam.

Regi Anglorum Thomas Cantuariensis archiepi-
scopus.

Desiderio desideravi videre faciem vestram, &
loqui vobiscum. Multum quidem propter
me set maxime propter vos, ut visa facie mea red-
deretis ad memoriam servicia quæ dum essem in ob-
sequio vestro exhibui vobis devotè juxta animi
mei conscientiam, sic me Deus adjuvet in examine
ultimo quando omnes astabunt ante tribunal ipsius
recepturi prout gesserunt in corpore sive bonum sive
malum, & ut moveremini pietate super me quem
oportet mendicando vivere inter alienos, licet tamen
Dei gratia cum habundantia victualia habeamus.
Estque nobis consolatio multa quod dicit apostolus,
Omnes qui piè volunt vivere in Christo persecutio-
nem patientur; & propheta, Non vidi justum dereli-
ctum, nec semen eius quarentem panem. Propter
vostribus ex causis, tum quia Dominus meus estis,
tum quia rex meus, tum quia filius meus spiritalis.
Eo quod Dominus, debeo & offero vobis consili-
um meum, quod tamen debet episcopus, secundum
honorem Dei & sanctæ ecclesiæ domino. Eo quod
rex, teneor vobis ad reverentiam & commonitionem.
Eo quod filius, officii ratione ad castigationem &
cohortationem. Inunguntur reges tribus in locis, in
capite, in pectore, in brachiis. Quod significat glo-
riam, sanctitatem & fortitudinem. Qui antiquis
temporibus justificationes Dei non observabant, &
prævaricati sunt mandata ejus, his sublata est glo-
ria, scientia, fortitudo, & eorum generationi, exem-
plo Pharaonis, Saulis, Salomonis, Nabugodonosor
aliorumque quamplurium. Qui vero post delictum
humiliaverunt se Domino, his Dei gratia accessit
cum omnibus supradictis habundantius, perfectius,
sicut David, Ezechia, aliisque quamplurimis.
Audiat itaque, si placet, dominus meus consili-
um fidelis sui, commonitionem episcopi sui, castiga-
tionem patris sui, ne cum scismaticis de cætero ha-
beat aliquam familiaritatem vel communionem, nec
cum eis aliquid contrahat. Notum est enim toti fe-
re mundo quam devotè, quam honorifice Dominum
papam receperitis, quantum ecclesiam Romanam
foveritis & honoraveritis, quantumque etiam
Dominus papa & ecclesia Romana personam ve-
stram dilexerint, honoraverint atque in quibus-
cunque potuerint secundum Deum vos exaudierint.
Memorque sitis professionis quam fecistis & posu-
istis scriptam super altare apud Westmonasterium,
de servanda ecclesiæ Dei libertate, quando consecra-
tus fuistis & unctus in regem. Ecclesiam itaque
Cantuariensem, à qua promotionem & consecratio-
nem accepistis, in eum statum restituatis & digni-
tatem, in quibus fuit temporibus predecessorum ve-
strorum & nostrorum. Alioquin procerto sciatis
quia divinam severitatem & ultionem sentietis.

Thomæ Cantuariensi archiepiscopo venerabili
patri & domino, suffraganei ejusdem ecclesiæ episcopi,
& persone per eorundem dioceses locis variis consti-
tuta, debitam subjectionem & obedientiam. Quæ ve-
stro pater in longinquo discessu inopinata rei ipsius
novitate turbata sunt, vestra sperabamus humili-
tate & prudentia, in pacis pristina serenitatem co-
operante gratia revocari. Erat quidem nobis solati-
o, quod post discessum vestrum ad id fama perve-

nit divulgante, vos scilicet in transmarinis agen-
tem nil altum sapere, vos in dominum nostrum re-
gem aut regnum ejus nulla machinatione insurgere,
set sponte susceptum paupertatis onus cum modestia
sustinere, lectioni & orationi insistere; præterito-
rumque jacturam temporum jejuniis, vigiliis lacri-
misque redimere, & spiritualibus occupatum stu-
diis ad perfectum beatis virtutum incrementis
ascendere. Ad pacis bona reformanda vos studiis hui-
usmodi gaudebamus insistere. E quibus spes erat
vos in cor domini nostri regis hanc posse gratiam de-
super evocare, ut vobis iram regia pietate remitte-
ret, & illatas in decessu, & ex decessu vestro injuri-
as ad cor de cætero non revocaret. Erat amicis ve-
stris & benivolis ad ipsum aliquis, dum hæc de vo-
bis audirentur, accessus, & ob reconciliandum pro
vobis supplicantes benigne sustinuit. Jam vero
quorundam relatione didicimus, quod ad memoriam
anxie revocamus, vos scilicet in eum comminatori-
um emisisse, quo salutationem omittitis, quo non ad
obtentum gratia consilium precesve porrigitis, quo
non amicum quid sentitis aut scribitis, sed intentis
minis interdictum aut præcisionis elogium in
eum jam dicendum fore proponitis multa severitate.
Quod si quam dure dictum est tam fuerit severe
completum, quæ turbata sunt non jam speramus ad
pacem redigi, set in perhenne quoddam odium & inex-
orabile pertimescimus inflammari. Insedit alte cun-
ctorum mentibus, quam benignus dominus rex vobis
existiterit. In quam vos gloriam ab exili provexe-
rit, & in familiarem gratiam tam lata vos mente
susceperit, ut dominationis sue loca quæ ab boreali
oceano Pireneum usque porrecta sunt, adeo potestati
vestræ cuncta subjecerit, ut in his solum hos bea-
tos reputaret opinio, qui in vestris poterant oculis
complacere. Et ne vestram gloriam mobilitas mun-
dana posset concutere, vos in eis quæ Dei sunt voluit
immobilitate radicare. Et dissuadente matre sua, &
regno reclamante, ecclesia Dei quoad licuit suspiran-
te & ingemiscente, vos in eam qua potiti estis di-
gnitatem modis omnibus studuit sullimare, sperans
se de cætero regnare feliciter, & ope vestra & consi-
lio summa securitate gaudere. Ne vero in Domi-
num regem, & regnum ejus, ne in nos, & commis-
sas nobis ecclesias & parochias, in Domini papæ
dampnum sanctæque Romanæ ecclesiæ dedecus, &
detrimentum, nostræque confusionis augmentum ma-
num vestram temptetis extendere, remedium appella-
tionis nobis opponimus; & qui contra metum gra-
vaminum in facie ecclesiæ viva jamdudum voce ad
dominum papam appellavimus, iterato jam nunc ad
ipsum scripto etiam appellamus, & appellationis ter-
minum diem ascensionis Dominica assignamus; quan-
ta quidem possumus devotione supplicantes, ut inito
salubriori consilio vestris ac nostris laboribus expen-
sisque parcatis, causamque vestram in hoc ut reme-
dium habere queat, ponere studeatis. Valere vos op-
tamus in Domino pater.

Thomas Cantuariensis ecclesiæ humilis minister
G. Lundoniensi episcopo, quod semel hoc iterum, Sic
transire per bona temporalia, ut non amittat
eterna. Mirandum & vehementer stupendum, vi-
rum prudentē & sacris litteris eruditum, præsertim
religionem habitu præferentem, adeo manifestè, ne di-
cam, irreverenter & timore Dei postposito, adversari
veritatem, justiciæ resistere & ad omne fas nefasque
confundendum statum sanctæ ecclesiæ quam ipse
fundavit

HENRI-
cus II. rex.

HENRI fundavit altissimus velle evertere. Quid enim aliud
cus II. rex. est primo recognoscere debitam nobis subjectionem
 & subjectioni coherentem obedientiam promittere,
 demum ne obedire debeas ad appellationem convola-
 re? Numquid apud me sunt est & non, dicit aposto-
 lus? sed neque apud apostoli deberent esse discipulum.
 Sperasne te habiturum defensorem ad non obediendum illum, qui vindicandi omnem inobedientiam &
 officium accepit & praeceptum? Male est sapere de
 eo & ipsum graviter offendere. Poterant te retar-
 dare ab huiusmodi presumptione quas jam passus es
 prima & secunda repulso: viva vox quippe tua Sen-
 nonis primum, & deinde tua littera ad persuaden-
 dum composita experta sunt, quam firmiter stet,
 quam sit vicarius Petri, quem non precibus, non do-
 nis, non comminationibus vel promissis movere po-
 tuisti. Sed tercio attemptandus est ut Domini sui
 exemplo tercia à temptatione triumphum reportet.
 Quis pater videt filium aberrare & tacet? Quis
 virga non percutit ne gladium incurrat? Desperat
 pater de filio quem comminatione non corripit vel
 flagello. Absit autem ut tecum sentiamus, domi-
 num nostrum impatientem correptionis ad extermin-
 nationem apostasia lapsurum. Non enim patris cœ-
 lestis plantatio eradicabitur. Navem concutit sa-
 vissima tempestas, clavum teneo & ad sompnum me
 vocas? Congeris & statuis ante oculos nostros ben-
 ficia nobis à domino nostro rege collata, & de exili
 commemoras me ad summa proVectum. Ut autem his
 aliquantisper respondeam, in insipientia mea tamen;
 De quo exili putas? si tempus quo me ministerio suo
 prestituit respicias, archidiaconatus Cantuariensis,
 prepositura Beverlaci, plurima ecclesia, prabende
 nonnulla, alia etiam non pauca qua nominis mei er-
 rant possessio tunc temporis, adeo tenuem ut dicis
 quantum ad ea qua mundi sunt contradicunt me
 fuisse. Quod si ad generis mei radicem & progeni-
 tores meos intenderis, cives quidem fuerunt Lundo-
 nienfes, in medio concivium suorum habitantes sine
 querela, nec omnino infimi. Set ut aliquando mundi
 tenebris semotis judicemur à lumine veritatis, quid
 gloriosius nasci de mediocribus vel etiam de infimis,
 an de mundi magnatibus & honoratis, cum dicat
 apostolus, Inhoneftiora membra nostri corporis abun-
 dantior circumdamus honore? Stigmata quid faciunt?
 ait gentilis poeta. Quid habet dicere Christianus
 episcopus & religiosus? Sed fortassis de exiguitatis
 mea memoria notam confusionis mihi obicere volui-
 sti. Potuit autem fieri aliquas personas ecclesiasticas
 ad eandem promotionem ut solet aspirantes suspi-
 rasse cum se sentirent ab ea quam conceperant spe de-
 cidere, qui & hodie fortassis in ultionem sui casus
 presentis diffensionis auctores sunt & consiliarii.
 Sed va illi per quem scandalum venit. Illud quod
 dicis, dominum regem paratum esse ad satisfaciendum,
 quo sensu intelligis? Illos, quorum se Deus di-
 cit patrem & Judicem, orphanos, viduas, pupillos,
 innocentes, & omnino huius qua nos movet con-
 troversia ignaros vides proscribi, & taces? Cleri-
 cos exterminari, & non reclamas? Alios bonis suis
 spoliari & contumeliis affici, & non contradicis?
 servientes meos in vincula conici & teneri, & ob-
 mutescis? Matris tuae Cantuariensis ecclesia bona
 diripi, & non resistis? Me patrem tuum gladios cer-
 vici mea jamjam imminentes vix evasisse, & non
 doles? sed quod deterius est, cum persecutoribus me-
 is & etiam in me, & Dei & ecclesia ipsius, & hoc

non in occulto, stare non erubescis? Estne hoc satis-
 facere, perpetrata mala non corrigere & malis dete-
 riora de die in diem adicere? Sed fortassis illud in
 contrarium intelligis, ut sit satisfacere, voluntati eorū
 deservire, secundum illud, Inebriabo sagittas meas
 sanguine eorum. Sed dicis mihi, Pater mi, De qui-
 bus me calumpniaris absolvo me paucis. Tunica
 mea timeo. Verum est fili mi, & nimis verum quod
 respondes, & ideo gladium non habes. Quod enim
 scribis ipsum paratum stare iudicio regni sui, quasi
 condigna satisfactio sit hac: Quis est in terra vel
 etiam in cœlo qui de divina dispositione presumat
 judicare? Humana judicentur, divina penitus in-
 concussa relinquuntur. Quanto melius frater mi,
 illi salubrius tibi securius intimares ei & persuade-
 re modis omnibus elaborares voluntatem Dei, de
 conservanda pace ecclesiae suae, de non appetendis
 his qua concessa non sunt ejus amministrationi, de
 honorandis sacerdotibus Dei, nec qui sunt attendat,
 sed cujus servi sunt. Sciat ergo & intelligat te in-
 timante dominus meus rex, quia qui dominatur in
 regno hominum, set & angelorum duas sub se pote-
 states ordinavit, Principes & Sacerdotes, unam ter-
 renam, alteram spiritualem; unam ministrantem,
 alteram preminentem; unam cui potentiam conces-
 sit, alteram cui reverentiam exhiberi voluit. Qui
 vero his vel illis de jure suo subtrahit, Dei ordinatio-
 ni resistit. Nec presumat dominus noster rex iudi-
 ces suos velle judicare. Terrenis enim potestatibus
 non sunt commissae claves regni cœlorum, sed sacer-
 dotio. Illud etiam te suggerente commemoretur
 Domino nostro, dignum memoria & imitatione,
 quod in ecclesiastica historia legimus de Constanti-
 no imperatore. Cui cum oblata fuissent scriptae accu-
 sationes contra episcopos, accusationis quidem libel-
 los accepit, & accusatos convocans in eorum aspe-
 ctu eosdem incidit, dicens, Vos dii estis à vero Deo
 constituti, ite & inter vos causas vestras disponite,
 quia dignum non est ut nos homines judicemus
 Deos. O magnum imperatorem, ô discrete regnan-
 tem in terra, qua aliena sunt non usurpantem, &
 regnum aeternum in cœlo promerentem! Studeat
 itaque Dominus noster rex tantum, tam discretum,
 tam felicem imitari Principem, cujus & memoria
 laudabilis frequentatur in terris, & vita perpetua
 & gloriosa habetur in cœlis.

Alienor regina peperit filium quem vocavit Jo-
 hannem.

Thomas archiepiscopus suffraganeis suis.

Fraternitatis vestrae scriptum, quod tamen de
 prudentia vestrae communi consilio non facile
 credimus emanasse, nuper ex insperato suscepimus,
 cujus contentia plus videtur habere mordacitatis
 quam solatii, & utinam magis esset emissum de pie-
 tatis studio, de caritatis affectu, quam de obedientia
 voluntatis. Caritas enim non quarit qua sua sunt
 set qua Jesu Christi. Erat quippe de jure officii ve-
 stri, si veritatem habet evangelium, quod quidem ha-
 bet, si recte agitis ejus officium, si fideliter ejus ne-
 gotium geritis cujus representatis figuram, magis
 eum timere qui potest corpus & animam mittere in
 gehennam, quam qui potest corpus occidere, magis
 obedire Deo quam hominibus, patri quam domino,
 ejus exemplo qui factus est patri obediens usque ad
 mortem. Unum vobis dico, ut salva pace vestra lo-
 quar,

quar, multo tempore filii expectans si forte inspiraret vobis Dominus ut resumeretis vires, qui conversi estis retrorsum in die belli, si forte saltem aliquis ex omnibus vobis ascenderet ex adverso, opponeret se murum pro domo Israel, simularet saltem inire certamen contra eos qui non cessant cotidie exprobrare agmini Dei. Expectavi, non est qui ascendat. Sustinui, non est qui se opponat. Judicet ergo Deus inter me & vos, & requirat ecclesia confusionem de manibus vestris, quam velis nolit mundus, necesse est firmiter stare in verbo Domini in quo fundata est, donec veniat hora ejus ut transeat de hoc mundo ad patrem; Ut itaque veniamus ad rem. Dicite fratres, Exciditne à memoria vestra quid ageretur mecum, & cum ecclesia Dei dum adhuc essem in Anglia, quid in exitu meo, quid post exitum, quid etiam agatur diebus istis, quid maxime apud Norhamtunam, cum iterum judicaretur Christus in persona mea ante tribunal presidis, cum artaretur Cantuariensis ob injurias sibi & ecclesie Dei passim illatas & sine delectu Romanam appellare audientiam. Quis umquam vidit, audivit Cantuariensem judicari, condemnari, cogi ad fidejussionem in curia regis à suis precipue suffraganeis? Si nobis recedentibus & in discessu nostro turbata sum prout dicitis omnia, sibi imputet qui causam dedit, qui hoc procuravit. Facientis proculdubio culpa hæc est non recedentis, persequentis non declinantis injurias. Nobis adhuc de more expectantibus in curia si forte nobis aliquid opponeretur, ad nostros accessum est officiales. Interdictum est eis, ne in aliquo nobis sub temporalibus obedirent, ne nobis vel nostris quicquam ministraretur ab ipsis citra mandatum regis & conscientiam. Proscripti & ipsi clerici cum laicis, viri cum mulieribus, mulieres cum infantibus in canabulis. Ad dicta sunt fisco bona ecclesie, patrimonium crucifixi, pars pecunia conversæ est in usus regios, pars in usus episcopi Lundoniensis. Quod si ita est, exigimus ab eo, precipientes ei in virtute obedientie, quatinus infra xl. dies post istarum susceptionem litterarum, quicquid inde tulit vel in usus ecclesie sue conversum est, remota omni occasione & dilatione infra tempus prænominatum in integrum nobis restituat. Nolite fratres, nolite jura regni & ecclesie confundere. Discreta quidem sunt potestates istæ, quarum una vim & potestatem sortitur ex alia. Legite scripturas & invenietis quot & qui periere reges, qui nisi sunt sibi sacerdotale officium usurpare. Provideat ergo discretio vestra, ne ob istam pressuram divina vos atterat injuriam, quam si venerit non fugietis de facili. Consulite conscientias vestras, advertite formam electionis, consensum omnium ad quos spectabat electio, assensum Principis per filium suum, & per eos qui ad hoc missi sunt cum omnibus regni primatibus. Si aliquis eorum contradixit, si reclamavit vel in aliquo, loquatur qui novit, dicat qui conscius est. Si vero turbatus inde fuerit aliquis, non dicat pro sua molestia toti regno & ecclesie factam fuisse injuriam. Litteras quoque Domini regis & omnium vestrum diligentius attendite, postulantes nobis cum multa instantia pallium & optinuisse. Appellatis ut dicitis. Numquid hac appellatione potestis suspendere auctoritatem nostram, ne in vos aut ecclesias vestras severitatis disciplinam exerceamus, si delicti enormitas hoc exigit? Adverte diligenter si hæc sit

legitima appellatio, & quæ sit hujus appellationis forma. Scimus quod omnis appellans aut suo nomine appellat, aut alieno si suo, aut gravamine quod ei infertur vel quod timet sibi inferri. Certum tenemus quod nullum gravamen vobis, Deo gratias, adhuc à nobis illatum est unde debeatis ad appellationis confugere remedium; nec credimus vos ad præsens habere causam adversum nos aliquam, quæ specialiter vestra sit. Si contra metum gravaminum ne quid de cetero statuam in vos vel ecclesias vestras, videte si sit iste metus qui debeat venire in homines constantissimos, si hæc sit appellatio quæ debeat suspendere omnem auctoritatem & potestatem nostram quam habemus in vos & ecclesias vestras. Si alieno appellastis nomine; Aut Domini regis, aut alterius. Si non alterius, Domini regis. Si Domini regis, certe nosse debuerat discretio vestra quoniam introducta sunt appellationes ad propulsandam injuriam, non ad inferendam, ad sollevandos oppressos, non amplius opprimendos. Præterea discretionem vestram latere non credimus, quoniam non solent audiri appellantes, nisi quorum interest, aut quibus mandatum est, aut qui negotium gerunt alienum. Interestne vestra ut non coherceantur delinquentes adversus ecclesiam? absit. Immo certe contrarium. Si vero qui subvertit ecclesie libertates, qui bona ipsius invadit & occupat ac in suos convertit usus, in sui defensionem minime super hoc auditur appellans, multo minus & pro eo appellantes. Ergo nec Domino regi suffragatur appellatio à vobis pro ipso edita, nec videtur prodesse pro ipso emissæ, unde sicut in hoc casu appellare non potest nec mandare, sic nec vos super hoc mandatum ab ipso suscipere. Non tamen hoc ideo dicimus quod quicquam circa personam Domini regis, vel terram suam, circa personas & ecclesias vestras unquam inordinate fecerimus, vel per Dei misericordiam facturi sumus: Credebamus siquidem si recte intelligitis, si cupitis utiliter ecclesie subvenire, de nimis ordinata & longa patientia magis à vobis culpari, quam de severitatis mora commendari. Mora enim trahit ad se periculum, quia nimis ordinata patientia plus habet remissionis quam commendationis, plus vicii quam virtutis; & inde est quod breviter vobis dicimus & affirmamus constanter, Dominum nostrum regem nullatenus injuste fore gravatum, si adversus eum à Domino papa & à nobis ipsis legitime litteris & nunciis sapissime conventum satisfacere cum posset, nolentem severitatis censura processerit.

Obiit Robertus abbas ecclesie sancti Albani xviii. Alexander papa Thome Cantuariensi archiepiscopo. Frater in Christo karissime Thoma Cantuariensis archiepiscopo, de fratrum nostrorum consilio tuis justis petitionibus debita benignitate duximus annuendum, atque prædecessorum nostrorum felicitis recordationis, Pascalis & Eugenii Romanorum pontificum, vestigiis inhærentes, tam tibi quam tuis legitimis successoribus Cantuariensis ecclesie primatum ita plenum concedimus, sicut à Lanfranco & Anselmo aliisque ipsorum prædecessoribus constat fuisse possessum. Quicquid etiam dignitatis seu potestatis eidem sanctæ Cantuariensi seu Dorobernensi ecclesie pertinere cognoscitur, presentis scripti pagina confirmamus, sicut à temporibus beati Augustini prædecessores tuos habuisse Apostolica sedis auctoritate constat.

HENRICUS II, rex. Radulfus Felgenarum Dominus principes Armoricorum ex maxima parte suam traxit in partem, Regem Anglorum inquietaturus. Sed cum ipse Radulfus viribus esset longe inferior, & confederati sibi regis videntes exercitum solo metu tabescerent, cum à Francis etiam ipse consilium, & auxilium expetisset, & expectasset sicut promiserant, nec in aliquo subvenissent, coactus est ad deditorem; turris ejus subversa est, milites intus capti. Quæ congregaverat, exercitui Regis in direptionem cesserunt.

Willelmus Papiensis, Johannes Neapolitanus Cardinales à latere summi Pontificis destinati, regem, & archiepiscopum convocaverunt apud Munimail, & licet archiepiscopus eos in partem regis inclinatiores sensisset, rem tamen in judicium ea ratione deduci concessit eis publice residentibus, ut secundum ordinem ecclesiasticum, tam sibi quam suis prius fieret ablatorum in integrum restitutio. Nec enim spoliatus subire judicium voluit, nec cogi potuit aliqua ratione. Quod cum illi nec vellent nec possent, infecto negotio redierunt ad curiam.

Ludovicus rex Francorum venit Pontiniacum, & ne quid in Anglia fieret in perniciem ordinis Cisterciensis, Thomam archiepiscopum cui jam per biennium Pontiniacenses omnem exhibuerant humanitatem Senonis secum deduxit, & in expensis sufficientiam apud sanctam Columbam invenit per iiij. annos.

Collectam Jerusalemitanorum usibus destinandam truncus in singulis deputatus ecclesiis adacta sera conclusit, præstito per Angliam publice sacramento, denarios iiij. à singulis marcatis emungens.

An. Dñi 1167. Robertus episcopus Lincolnienfis vir humilitatis magnæ migravit ad Dominum vij. kal. Februarii.

Matildis filia regis nupsit Henrico Duci Saxoniæ. Comes de Arundel, Comes de Struguil, illi præbuerunt ducatum, & alii plures.

Simon abbas ecclesiæ sancti Albani xix.

Hoc anno die Ascensionis Domini xj. kal. Junii in Capitulo sancti Albani, præsentem Roberto Comite Leicestrie totius Angliæ Justiciario & assensum regis Henrici senioris præbente, unanimi omnium qui aderant consensu, & consona voluntate electus est dominus Symon monachus ejusdem monasterii in abbatem ipsius ecclesiæ, & ab episcopo Londoniensi Gileberto, professione prius sanctæ Romanæ ecclesiæ facta, eadem die Ascensionis in ecclesia beati Albani ante majus altare solempniter benedictus.

Rex Francorum & rex Anglorum facti sunt discordes. A Normannis Calvus mons vicinus Gisors succensus est. Multi milites, multi cives ibi capti sunt. In ultionem hujus facti rex Francorum villam campestrem Rothomagensis archiepiscopi scilicet Andeli combussit, & ipsa die rediit in Franciam, amissis in itinere plusquam mille de suis. In Pertico postmodum multi milites Francorum capti sunt à Normannis, tandem duo reges pacificati sunt. Ricardus siquidem filius regis Anglorum Dux Aquitannie filiam regis Francorum accepit in sponsam. Comes Patricius in Aquitannia princeps militiæ regis Anglorum lancea confossus obiit.

1168. Alexandro papæ scriptum est in hæc verba.

Cum clerum plurimum & Principes Imperator ad concilium suum in sollempnitate Pentecostes ad-

unasset, sabbato & ij. feria tractatum est de pace & concordia inter vos & eum reformanda. Ad hæc superveniens Colonienfis electus in medio omnium protestatus est; Domine Imperator consilia quæ adversus papam Alexandrum huc usque captastis ad destitutionem ejus nichil tibi profuerunt, nichil ei nocuerunt. Sed si consilio meo adquieveritis in promptu erit & Alexandri dejectio & papæ nostri Paschalis exaltatio, si vos scilicet Alexandri obedientiam & eo decedente cujusque de parte ejus electi abjuraveritis. Placuit Imperatori formam consilii: Tunc ait Magdaburgensis. Si dominus Colonienfis primus omnium abjuraverit Alexandrum, & juraverit quod ordinationem suam & consecrationem à Paschali recipiet, de secreto animi sui certiores nos reddet. Adquievit Imperator. Cumque Colonienfis ita primo jurare jussus detrectaret, vehementer accensus Imperator ait. En apparet quod tanquam proditor & traditor operatus sis adversus me & animam meam. En apparet quod sanum consilium michi dedit Maguntinus defuncto Octaviano dicens, quod cum me Dominus eo mortuo à periculo maximo liberasset, cavere michi ne me iterum periculo consimili involverem; Unde tibi missis mandatis scripsi, ne me inconsulto de substituendi pontificis electione quicquam tractares; tu vero clam me auctoritate tua istum elegisti. Tandem Colonienfis primus & absolute juravit in supradictam formam, postmodum Imperator obedientiam vestram, & cujusque de parte vestra electi abjuravit.

Alexandro papæ G. Londonienfis episcopus.

Mandatum vestrum pater in Christo karissime debita veneratione suscipientes, ilico filium vestrum Dominumque nostrum karissimum, illustrem regem Anglorum adivimus, & juxta vestri formam mandati diligenter & intente convenimus. Ipse vero correptionem vestram cum multa gratiarum actione suscipiens, multa animi temperantia multaque modestia consequenter respondit ad singula. In primis asserens mentem suam à vobis se nullatenus avertisse, nec id unquam propositi mente concepisse, quidum vos sibi patrem rebus ipsis cognoverit, vos ut patrem diligit, & sanctam Romanam ecclesiam ut matrem veneretur & foveat & sacris jussionibus vestris, salva sibi sua regni que sui dignitate, humiliter obtemperet & obediat. Verum in appellationibus ex antiqua regni sui institutione, id sibi vendicat honoris & honoris ut ob civilem causam nullus clericorum regni sui, ejusdem regni fines exeat, nisi an ipsius auctoritate & mandato jus suum optinere queat prius experiendo cognoscat. Quod si non optinnerit, ad excellentiam vestram ipso in nullo reclamante cum volet quilibet appellabit.

Thomas archiepiscopus excommunicavit Alanum de Nuville, quia Willelmum capellanum archiepiscopi tenebat in vinculis.

Ex quo reges in minori Britannia defierunt præesse, duo Comites in eisdem locis principari cœperunt. Sed quoniam omnis potestas impatiens semper confortis erit, sese variis sæpe dissensionibus afflixerunt. Cenanus tandem jure luccessorio nactus Comitatum utrumque, dum in fata concederet, ex sorore regis Scottorum filiam reliquit hæredem. Quam rex Anglorum filio suo Gaufrido uxorem accipiens, & in pace passim per Britanniam statuenda studiosius existens, clerum terræ illius sibi conciliavit & populum.

Alexander

Alexander papa regi Anglorum.

Quam paterne & benigne regiam sæpius excellentiam convenerimus, & per litteras, & nuntios frequentius exortati fuerimus, ut venerabilem fratrem nostrum Thomam Cantuariensem archiepiscopum tibi reconciliare deberes, ac sibi ac suis ecclesiis, cum ceteris ablatis, restituere, sullimitatis tua prudentia nequaquam ignorat cum id fere toti Christianitati publicum & manifestum existat. Unde quoniam in hoc hucusque proficere minime potuimus, nec animi tui motum blandis & lenibus emollire, tristes & dolentes efficimur, & nos spe & fiducia nostra frustrati dolemus, præsertim cum te sicut karissimum filium in Domino diligamus, cui in hoc grave periculum imminere videmus. Duritiam itaque tuam sicut hactenus contra iustitiam & salutem nostram non duximus ulterius supportandam, nec præfato archiepiscopo os de cetero aliqua ratione claudemus, quin officii sui debitum libere consequatur, & suam & ecclesia sua sibi commissa injuriæ ecclesiastica severitatis gladio ulciscatur.

Gilebertus Lundoniensis episcopus ad sententiam archiepiscopi declinandam circa initium quadragesimæ convocato clero & populo in ecclesia sancti Pauli Romana sedis audientiam appellavit. Verum Thomas Cantuariensis archiepiscopus super hoc minime cercioratus, ipsum in die palmarum aput Claramvallem sollempniter excommunicavit.

Thomas Dei gratia Cantuariensis archiepiscopus, & Apostolica sedis Legatus, G. Lundoniensi episcopo utinam vero fratri, declinare à malo & facere bonum. Excessus vestros dum licuit supportavimus; & utinam mansuetudo patientie nostra qua nobis supra modum dampnosa extitit, in totius ecclesie perniciem non redundet. Set quia patientia nostra semper abusi estis, neque dominum papam, neque nos in verbo salutis vestra voluistis audire, set obduratio vestra semper in deteriora excrevit, vos urgente necessitate officii, & ratione juris persuadente ex iustis & manifestis causis anathematis sententia percellentes excommunicavimus, & à corpore Christi quod est ecclesia, donec condigne satisfaciatis amputavimus. Præcipimus ergo in virtute obedientie, in periculo salutis, dignitatis & ordinis, quatinus prout ecclesia forma præscribit, ab omnium fidelium communione abstinere, ne vestra participatio Dominicum gregem contamineat ad ruinam, qui vestra doctrina erudiendus, & exemplis reformandus erat ad vitam.

Thomas Dei gratia Cantuariensis archiepiscopus, & Apostolica sedis Legatus, decano, archidiacono, & clero Lundoniensis ecclesie salutem, & à communione excommunicatorum fideliter abstinere. Vestram non debet latere prudentiam quod fere totus Latinus orbis agnovit, quam inique sumpta opportunitate ex causa scismatis generalis G. Lundoniensis episcopus frater noster utinam verus in causa ecclesia versatus sit, & pacem ejus studuerit perturbare. Supportavimus eum in multa patientia, qua ille semper abutens jugis inobedientie crimen multiplicatis excessibus incorrigibiliter cumulavit. Nos ergo quibus ultra dissimulare non licuit, eum urgente necessitate officii, & ratione juris persuadente publice excommunicavimus, & vobis precipimus in virtute obedientie, & in periculo ordinis, & salutis, ut à communione ejus, sicut Christi fideles decet, prorsus abstinere.

Lundoniensis episcopus licet secundum quorundam consilium tutus esset appellationis munimine, quam ante latam sententiam excommunicationis interposuerat, usus saniori consilio mandatum archiepiscopi patienter sustinuit, & abstinuit ab ingressu ecclesie.

Alienor filia regis Anglia nupsit Adelfunso regi Castella.

Alexander papa regi Anglia.

Serenitatem tuam per Apostolica scripta rogamus, monemus, & exortamur in Domino, necnon in remissionem tibi peccatorum ex parte Dei omnipotentis, & beati Petri apostolorum principis & nostra injungimus, ut Thomam archiepiscopum pro Deo & ecclesia sua, & honore tuo, necnon & totius regni tui in gratiam & amorem tuum omni indignatione & rancore deposito, clementer recipias; & Deum in hac parte vincere, ac tuam vinci voluntatem sustineas, ut idem Deus & Dominus noster Jhesus Christus, qui se in illo à te susceptum fuisse proculdubio reputabit, eodem dicente, Qui vos recipit, me recipit; & qui vos spernit, me spernit: regnum terrenum per tempora longiora tibi tranquillum conservet, & dies diuturniores cum desiderata jocunditate concedat. Ut autem spem & fiduciam quam de te percepimus, plenius comprobemus, dilectos filios nostros Gratianum & Vivianum ad regia sullimitatis præsentiam duximus destinandos, per quos excellentia tua voluntatem nostram viva voce latius intimamus, magnificentiam tuam rogantes attentius, monentes quatinus eosdem pro ecclesia Dei reverentia, & honore beati Petri & nostro benigne sicut decet recipias.

Inter Anglia regem & archiepiscopum paci reformandæ multi multam multotiens operam impenderunt. Ad ultimum missos fuisse duos à latere summi pontificis superioribus litteris accepistis. Et qui nec meritis præcedentibus, nec offensis intra viscera materna conclusos, Jacob dilexit, & Esau reprobavit, ipse Deus sic instituit animos Viviani & Gratiani, ut à primordio legationis injectæ statim alter regem, statim alter archiepiscopum modis omnibus fovere proponeret, & quorum erat potestas æqualis eosdem variis disjungebat affectus, nec finis potuit invenisse concordēs qui ab initio vota conceperant tam diversa. Set sicut penes regem Gratianus gratiam non invenit, sic nec penes archiepiscopum aliqua vivit in memoria Vivianus. Cum igitur tractaturi de pace, se conspectui regio præsentassent aput Baiocas in Normannia, postque tractatus immensos pax esse in januis crederetur ab omnibus, litteras illis direxit Willielmus Senonensis archiepiscopus, in quibus continebatur, ne sine conscientia ipsius, sicut in mandatis à domino papa susceperant, in reconciliatione facienda procederent. Sic infecto negotio duo legati summi pontificis à regis curia recesserunt.

Circa festum sancti Michaelis Lundoniensis episcopus transfretavit, suam domino papæ præsentiam exhibiturus, & causas redditurus appellationis.

In octabis sancti Martini habitum est colloquium inter regem Francorum & regem Anglie proxime Parisius, ubi præsens fuit archiepiscopus Cantuariensis, sed se regis Anglorum minime conspectui præsentavit. Cumque diu tractatum esset de pace facienda inter regem & archiepiscopum, quoniam ad hoc qui convenerant videbantur inniti, ne

HENR I-
cus II. rex

prætextu regis dignitatis libertas ecclesiæ deperiret, novo genere obligationis sic novam confœderationem involvere contendebant, ut simul & debita Deo reverentia impenderetur in omnibus, & jus regium nichilominus conservaretur illasum, cum constet pro certo, quod in observatione regis dignitatis libertas, aut dignitas ecclesiastica non gravetur. Siquidem dignitas ecclesiastica regiam provehit potius quam adimit dignitatem, & regalis dignitas ecclesiasticam potius conservare quam tollere consuevit libertatem. Etenim quasi quibusdam sibi invicem complexibus dignitas ecclesiastica & regalis concurrunt, cum nec reges salutem sine ecclesia, nec ecclesia pacem sine protectione regia consequatur. Consilio itaque regis Francorum, episcoporum & procerum, archiepiscopus petitionem suam redactam in scedula regi Anglorum portexit, continentem hæc verba. Hoc petimus à domino nostro rege juxta mandatum & consilium domini papæ, quatinus pro amore Dei & domini papæ, & honore sanctæ ecclesiæ, ac salute sua & heredum suorum recipiat nos in gratiam suam, & concedat nobis, & omnibus qui nobiscum & pro nobis exierunt de regno suo, pacem suam & plenam securitatem de se & suis sine malo ingenio, & reddat nobis ecclesiam Cantuariensem in ea plenitudine & libertate in qua eam melius habuimus postquam facti sumus archiepiscopus, & possessiones omnes quas habuimus, ad tenendum & habendum ita libere, & quiete, & honorifice, sicut ecclesia, & nos eas liberius & honorificentius tenuimus & habuimus postquam promoti sumus in archiepiscopum; & similiter nostris; & omnes ecclesias, & præbendas ad archiepiscopum pertinentes quæ vacaverunt postquam exivimus de terra, ut faciamus de eis sicut de nostris prout nobis placuerit similiter habere permittat.

Duobus articulis plenum non præbuit assensum rex Angliæ. Nec enim nomine restitutionis, cum archiepiscopum non expulerit, juxta dignitatem regni quicquam debebat exolvere, nec bonorum vacantium possessiones quas jam dederat certis personis in irritum devocare. Sed ut legibus alligatum se principem profiteretur in medium, coram rege Francorum paratus erat archiepiscopo per omnia satisfacere, vel si contendere decrevisset, iudicium in palatio Parisensi subire proceribus Gallie residentibus, aut Gallicana ecclesia partes suas interponente, seu scolaribus diversarum provinciarum æqua lance negotium examinantibus. Et ita rex Angliæ qui prius odium in se plurimorum conflaverat, in hoc verbo plurimum favorem adeptus est. Itaque rex Anglorum & archiepiscopus in qualiqua convenissent concordia, nisi quia rex archiepiscopo dare signum pacis in osculo penitus abnegasset, & abjurasset, omnem aliam securitatem arbitratu boni viri paratus offerre, paratus præstare.

An. Dñi
1170.

In natali Domini rex tenuit curiam suam apud Nannetensem urbem, præsentibus episcopis & baronibus totius Britannie, ubi fidelitatem sibi & filio suo Gaufrido communiter juraverunt. Sequenti quadragesima rediens in Angliam, multis suorum subita maris tempestate periclitatis, ipse magno divitiarum pietatis munere evasit incolumis.

Lundoniensis episcopus dum tenderet Romam, sibi per totam Burgundiam insidias præparari multorum certa didicit relatione. Qua de causa per viam multo longiorem & difficiliorem iter arripuit, tran-

situm habens per Ruspem Amatoris, per sanctum Wilhel mum, per Montem Pessulanum, per sanctum Egidium, & post transiens Alpi bus veniens ad sanctum Ambrosium, litteras domini papæ suscepit.

Alexander papa G. Lundoniensi episcopo.

Rothomagensi archiepiscopo & Exoniensi episcopo dedimus in mandatis, ut te recepto juramento, quod nostro super his pro quibus in te sententia lata est debeas parere mandato, nostra vice absolvant, ita quidem, ut pro eo quod excommunicatus fueras, nullum ordinis, aut officii, seu dignitatis periculum, neque aliquam infamie notam debeas sustinere.

Lundoniensis episcopus ad absolutionem aspirans, & rediens cum festinatione, sollempniter absolutus est apud Rothomagum in die Paschæ.

Circa idus Julii, Rogerus Eboracensis archiepiscopus, Hugo Dnnelmen sis episcopus, & omnes suffraganei Cantuariensis ecclesiæ vocati à rege, venerunt Lundoniam, quibus dominus papa litteras direxit continentes hæc verba.

Alexander papa, Eboracensi archiepiscopo, & universis Angliæ episcopis. Illius dignitatis & majoritatis ecclesiam Cantuariensem ab antiquo fuisse andivimus, ut reges Angliæ ab ejusdem archiepiscopis inungi consueverint, & in promotionis sue principio coronari. Proinde siquidem est quod nos tum officii nostri debito, tum consideratione venerabilis fratris nostri Thomæ ejusdem sedis archiepiscopi, viri siquidem religiosi, honesti, & discreti ecclesia jam dicta jura & dignitates antiquas illibatas & integras conservare volentes, universitati vestre auctoritate Apostolica penitus inhibemus, ne quisquam vestrum novo regi coronando, si forte hic casus emergerit, absque memorati archiepiscopi vel successorum suorum, & ecclesiæ Cantuariensis conniventia contra antiquam ejus consuetudinem & dignitatem manum apponere, qualibet occasione præsumat, aut id aliquatenus attemptare.

Xiiij. kal. Julii, Henricus primogenitus filius Henrici regis Angliæ, consecratus est in regem apud Westmonasterium à Rogero Eboracensi archiepiscopo.

Rex post coronationem filii transfretavit.

Habitu est colloquium apud Munmirail inter regem & archiepiscopum, ubi præsens fuit rex Francorum, & Bernardus de Corilo, Prior etiam de Monte Dei. Post multa cum perventum est ad osculum, quia dixit archiepiscopus, In honore Dei vos osculor, ab osculo quasi conditionaliter involuto recessit rex. Nam sicut nostri majores formulas juris suspectissimas habebant in jure, sic rex semper in verbis archiepiscopi conscientiam habentis purissimam qualdam clausulas causabatur, scilicet nunc, salvo ordine meo, nunc, salvo honore Dei, nunc, salva fide Dei.

Item apud Fractam vallem rex Francorum, W. Senonensis archiepiscopus & episcopus Nivernensis venerunt. Cum autem rex & archiepiscopus cecessissent in partem, bisque descendissent, & bis ascendissent, bis stapham rex tenuit archiepiscopo.

Item apud Ambaxium singulis ad simplicem intellectum reductis rex & archiepiscopus concordiam inierunt, procurante pacem Rotrodo Rothomagensi metropolitano.

Henricus rex Angliæ, filio suo Henrico regi Angliæ salutem. Sciatis quod Thomas Cantuariensis archiepiscopus pacem mecum fecit ad voluntatem meam

HENR
cus II.

meam. Et ideo precipio ut ipse & sui pacem habeant, & faciat habere ei & suis qui pro eo exierunt de Anglia, omnes res suas bene, & in pace, & honorifice sicut habuerunt tribus mensibus antequam exiret ab Anglia. Et faciat venire coram vobis de melioribus & antiquioribus militibus de Honore de Saltode, & eorum sacramento faciat recognoscei quid ibi habetur de feodo archiepiscopatus Cant. & quod recognitum fuerit esse de feodo ejus ipsi archiepiscopo habere faciat. Teste Rotrodo archiepiscopo Rothomagensi apud Chinun. Hac igitur securitate archiepiscopus rediens in Angliam kal. Decembris, appulsi sunt apud Sandicum portum.

Archiepiscopus statim ut appulsi sunt, misit Eboracensi archiepiscopo apud Douam litteras domini papæ hæc verba continentes.

Alexander papa, R. Eboracensi archiepiscopo, & H. Dunelmensi episcopo. Cum filium suum rex vester coronari voluerit, contempto Thoma Cantuariensi archiepiscopo, ad cuius officium de antiquo jure noscitur pertinere, per manum tuam frater archiepiscopo, in aliena provincia diadema regni ei fecit imponi. In coronatione autem illius, nulla ex more de conservanda ecclesia libertate cautio est præstita, vel, sicut aiunt, exacta. Sed potius juramento asseritur confirmatum, ut regni consuetudines quas avitas dicunt, sub quibus dignitas periclitatur ecclesia, illibata debeant omni tempore conservari. In quo etsi multum prænominati regis vehementia nos conturbat, amplius tamen de vestra & aliorum coepiscoporum vestrorum possumus infirmitate moveri, qui, quod dolentes dicimus, facti sicut arietes non habentes cornua, abiistis absque fortitudine ante faciem subsequenti. Etsi enim licere forte hoc tibi, frater archiepiscopo, in propria provincia potuisset, quomodo tamen in aliena provincia, & illius præcipue qui exulare pro iustitia, & fere solus exire voluit, & dare gloriam Deo tibi licuerit, nec de ratione possumus, nec de sanctorum patrum constitutionibus invenire. Unde quia juxta verbum propheta factum est in vobis perversum quid ultra omnes alias provincias in usurpationibus suis, & post tam iniquas consuetudines juramento firmatas non adjecistis resumere scutum fidei, ut staretis pro domo Domini in die pralii, set posuistis corpus vestrum in terram, ut per vos fieret via transeunti, ne si diutius tacerimus una vobiscum in die iudicii damnationis sententia involvamur, auctoritate sacrosanctæ Romanæ ecclesiæ, cui auctore Deo ministramus, ab omni officio episcopalis vos suspendimus dignitatis.

Rursus Thomas Cantuariensis archiepiscopus misit litteras domini papæ G. Landoniensi & Jocelino Salesburienfi episcopis auram prosperam expectantibus apud Douam, cum Rogero Eboracensi archiepiscopo, continentes hæc verba.

Alexander papa, venerabilibus fratribus, Landoniensi, Salesburienfi, Exoniensi, Cestrenfi, Rosensi, de sancto Asaph, Landavenfi, episcopis. Cum karissimus filius noster Henricus rex vester filium suum coronari voluerit, & hoc de antiquo jure ad Cantuariensem noscatur archiepiscopum pertinere, vos jam dicti fratris nostri auctoritate & reverentia quam sibi & ecclesiæ sue debetis postposita, ad coronationem illius favorem & ministerium præbistis, nulla de conservanda ecclesiæ libertate præ-

stita, vel etiam exacta, sicut dicitur, cautione; HENRICUS II. rex. quinimo sustinistis potius, ut juramentum ab illo de conservandis consuetudinibus præstaretur. Nec tamen hoc ideo dicimus, quia dum adhuc essemus in Francia, in multis eundem regem liberalem senserimus ac devotum; sed ob hoc non debemus omittere quin tantis nos transgressionibus, & pro gloria Dei, & pro salute ipsius & vestra; zelo rectitudinis opponamus. Nunc igitur quia secularium hominum culpa nullos magis quam desides prelatos negligentesque respiciunt, qui multam sepe antrunt pestilentiam dum necessariam adhibere negligunt medicinam, & post expectationem diuturnam nullo dolore contra vos ipsos, nullo fervore contra iniquas illas usurpationes insurgitis: nos de commissa nobis à Domino potestate, de auctoritate Apostolicæ sedis, cui licet immeriti Deo disponente servimus, ab omni episcopali vos suspendimus dignitate. Illos autem vestrum Landoniensem videlicet & Salesburiensem episcopos, qui pro impetrata apud nos gratia, juxta spem nostram ad reconciliationem magis laborare debuerant, & à jam dicti archiepiscopi gravamine abstinere, si præfata coronationi favoris sui ministerium præbuerunt, in sententiam anathematis revocamus.

Thomas Cantuariensis archiepiscopus postquam intravit Angliam scripsit domino papæ litteras, in quibus inter alia hæc continebantur verba. Adductus est nobiscum ex mandato domini regis Johannes decanus Salesburienfis. Qui cum videret Reginaldum de Warena, & Gervasium de Corenelle Vicecomites scilicet in Cantia, & Ranulfum de Broc, & armatos plures accelerantes ad navigium nostrum, ut adventantibus vim inferrent, timens ne si quid nobis aut nostris mali inferretur in domini regis redundaret infamiam, obviam processit armatis, denunciando eis ex parte domini regis, ne nos aut nostros laderent. Quia hoc esset ipsum regem cum quo pacem feceramus notam prodicionis incurrere. Postquam autem ad ecclesiam nostram cum magna devotione cleri & populi suscepti pervenimus, incontinenti nos officiales regis adierunt, denuntiantes ex parte ipsius, ut suspensos episcopos, & excommunicatos absolveremus, quia quod contra eos factum fuerat in regis redundabat injuriam, & in eversionem consuetudinum regni, promittentes episcopos provincia nostra post absolutionem venturos esse ad nos, & juri se salvo honore regni libenter parituros. Quibus respondimus, quod si Landoniensi & Salesburienfi episcopi jurarent coram nobis in forma ecclesiæ se mandato nostro parituros, nos pro pace ecclesiæ, & reverentia domini regis absolveremus eosdem. Quod cum episcopis referretur, responderunt, juramentum hujusmodi, nisi ex voluntate regis, non debere præstari.

Evocavit rex senas personas vacantium ecclesiarum in Anglia, ut consilio eorum contra consuetudinem regni, fratribus suis absentibus, in altero regno electiones fierent episcoporum.

Dum Thomas Cantuariensis archiepiscopus tenderet ad videndum faciem novi regis, qui tunc temporis morabatur apud Wideslor, honorifice receptus est à Landoniensibus, & cum esset hospitatus apud Southwerc xv. kal. Januarii venerunt ad eum nuntii novi regis interdicentes ex parte ipsius regis ne progrediretur ad videndum regem, set ad suam

HENRI reverteretur ecclesiam. Functi sunt officio legationis
EUS II. rex. hujusce *Jocelinus Castellanus* frater reginæ *Alissa*,
Thomas de Turnebu, *Hugo de Gundevilla*. Revertens itaque *Cantuariam* ibidem natalitios dies celebrare disposuit, concurrentibus undique clericis diversorum locorum quos diversa trahebant negotia.

An. Dñi Die natalis Domini *Thomas Cantuariensis* archiepiscopus, sermonem habiturus ad populum ascendit in pulpitu. Sermonem completo, orationibus consuetis, scilicet pro domino papa, pro rege, pro pace populiq; **1171.** salute fufis ad Dominum, *Nigellum de Sacheville* violentum incubatorem ecclesiæ de *Herges*, & vicarium ejusdem ecclesiæ, *Robertum* quoque de *Broc*, qui equum quemdam ipsius archiepiscopi victualia deferentem ad dedecus & ignominiam ejus decurtaverat, accensis candelis sollempniter excommunicavit.

Quinta die natalis Domini circiter horam vespertinam, dum archiepiscopus cum clericis suis resideret in thalamo, *Willelmus de Traci*, *Reginaldus filius Ursi*, *Hugo de Morevilla*, *Ricardus Brito* de *Normannia* venientes, tanquam furia infecti subito thalamum irruerunt, denunciante ex parte regis moram in *Normannia* facientis, ut episcopos *Angliæ* suspensos officio restitueret, excommunicatos absolveret. Quibus respondit, Non esse judicis inferioris ut superioris sententiam solvat, & quod nulli hominum liceat infirmare quod apostolica sedes decreverit. Attamen si *Lundoniensis* & *Salesburiensis* episcopi suo mandato se parituros juramento firmarent, eos pro pace ecclesiæ & reverentia domini regis absolveret. Illi ira incandescentes & scelus nefarium quod in mente conceperant, ad effectum perducere properantes, cum impetu recesserunt. Archiepiscopus vero monentibus clericis suis, & hora diei vespertina urgente, majorem intravit ecclesiam vespere decantaturus. Quatuor itaque nefandi satellites supradicti interim militaribus armis induti evestigio subsecuti sunt archiepiscopum. Qui cum venissent ad ecclesiam, ostia ipsius ecclesiæ sicut præceperat archiepiscopus invenerunt aperta. Neque enim, ait, ecclesiam Dei quæ cunctis universaliter debet esse refugium, turbato ordine commutabimus in castellum. Turbis undique confluentibus, prædicti quatuor ecclesiam irreverenter ingressi cœperunt clamare, Ubi est proditor regis? ubi est proditor regis? ubi est archiepiscopus? Cum autem archiepiscopus nomen audisset archiepiscopi, à tertio gradu presbiterii vel quarto quem jam concenderat, eis obviam regressus est, dicens, Si quæritis archiepiscopum ecce me in promptu habetis. Quibus acerrima proponentibus, ait: Ego mori paratus sum, vitæ præferens assertionem justitiæ, libertatem ecclesiæ. Rogo tamen ut mei non sint obnoxii poenæ, sicut nec fuerunt incitatores causæ. Dum autem nefandi satellites strictis insurgerent gladiis, ait, Deo & beatæ *Mariæ*, & sanctis hujus ecclesiæ patronis, & beato *Dionisio* commendo me ipsum, & ecclesiæ causam.

Annus mil-
leims cent-
uns septuag-
entes
Primus. c-
rat, Primus
quo vult
esse Tho-
mas.

Immolatus itaque coram altari letale vulnus excepit, ea corporis parte quam olei sacri perfusio specialius Domino consecraverat, & qui pro libertate cleri tocien caput exposuit & oculis erexit ad cœlum, inclinato capite percussus occubuit.

Robertus de Broc & sui complices archiepiscopi supellectilem, clericorum vestes & ministrorum, officinarum etiam utensilia diripuerunt. Equos omnes quos in stabulo reppererunt dominico datos

in rapinam celeriter abduxerunt. Corpus autem archiepiscopi quod à dextris altaris sancti *Benedicti* decubuerat in pavimento, ante majus altare sub ipso diei crepusculo deportatum est. Ubi quod ad notitiam cubicularii solius devenerat, astantibus venit in lucem. Licet enim archiepiscopus habitum monachalem, quem à tempore multo satis occulte susceperat canonicali habitu suppressisset, carnem attritam cilicio femoralibus ciliciis edomare curabat. Et ut breviter aliqua complectamur quæ divinitus ordinata concurrebant, quoniam archiepiscopus ob tuendam ecclesiæ libertatem labores, exilium, propinquorum proscriptionem, mortem etiam sustinere decreverat, ut negotium tale suo Marte discerneret, die Martis recessit à curia regis apud *Norham*, ut superius diximus. Die Martis transfretavit, exilium subitum in *Gallia*. Consilio domini papæ revertens in *Angliam* die Martis appulsus est. Die Martis occubuit manibus impiorum confossus. Die Martis translatus est. Sequenti die Mercurii summo mane nefandus rumor increbuit, quod nefandi carnifices archiepiscopi corpus abstrahere à sacro loco condixerant, & canibus decerpendum vel avibus extra muros proicere. Abbas itaque de *Boxeleia*, Prior & conventus *Cantuariensis* ecclesiæ prudentum consilio statuerunt, ut id maturiori traderent sepulturæ; quod nec aquis abluendum aliquibus videbatur, præsertim cum longa satis abstinentia fuerit clarificatum, abstersum cilicio, proprio purificatum in sanguine.

Hugo Terraconensis archiepiscopus proferens contumeliæ verbum in quendam medicæ manus hominem, interfectus est cultello.

Rex *Angliæ* tunc temporis in *Normannia* morabatur apud *Argentonium*, cum ad ejus notitiam rumor infaustus quibusdam perferentibus penetravit: Qui statim in primis nefandi sermonis iniciis ad omnia lamentationum & miseriarum genera conversus, regiam prorsus majestatem quasi cilicio & cinere commutavit. Omnipotentem Deum testem vocans in animam suam, quod opus nefarium, nec sua voluntate, nec conscientia commissum est, nec artificio perquisitum. Nisi forte in hoc delictum sit, quod adhuc minus diligere credebatur archiepiscopum. Super hoc quoque se judicio ecclesiæ prorsus exposuit, & humiliter suscepturum se quicquid in eo fuerit statutum salubriter repromisit.

Missi sunt nuncii à Domino rege summo pontifici qui regem excusarent & ejus innocentiam allegarent, quos nec Dominus papa videre, nec ad osculum nec ad pedes voluit admittere. Nuncios qui secundo venerunt aliqui Cardinalium receperunt, set verbo tantum. Diu ergo in amaritudine suorum spirituum conturbati, his qui eos fidelius diligebant omnimodo supplicarunt, ut eorum interventu Dominus papa saltem aliquibus illorum audientiam indulgeret, sed minime profecerunt. Instante igitur quinta feria ante Pascha, in qua de consuetudine Romanæ ecclesiæ solet Dominus papa publice, vel absolvere, vel excommunicare: quibusdam silentiariis Domini papæ perferentibus, ad aures nunciorum pervenit, quod eadem die immutabiliter Dominus papa decreverat in regem *Angliæ* nominatim, & in totam terram suam cismarinam & transmarinam de communi fratrum consilio Interdicti ferre sententiam, & ea quæ lata fuerant in archiepiscopum *Eboracensem*, ea etiam quæ fuerant promulgata

HENRICUS I. rex. promulgata in *Lundoniensem* & *Salesburiensem* episcopos confirmare. Sic in artissimo positi nuntii regis, quibusdam Cardinalibus intercedentibus significaverunt Domino papæ, se accepisse in mandatis à Domino rege, quod jurarent in præsentia ejus, regem statutum mandatum suo, & hoc etiam juraturum in propria persona legatis suis præsentibus, scilicet *Alberto* Cardinali tituli sancti *Laurentii in Lucina*, & *Theodino* Cardinali tituli sancti *Vitalis*, quos Dominus papa missurus erat in *Normanniam*. Sicut ergo nuntii regis petierunt, sic & juraverunt & interdicti declinaverunt sententiam. Nuntii vero archiepiscopi *Eboracensis*, & episcoporum *Lundoniensis* & *Salesburiensis* juraverunt, quod domini sui starent mandato Domini papæ, & hoc jurarent. Eadem tamen die generaliter excommunicavit Dominus papa sceleratissimos interfectores *Cantuariensis* archiepiscopi, & omnes qui consilium, vel auxilium, vel assensum præbuerunt, & omnes qui eos in terra sua aut reciperent aut foverent. Illi nihilominus in provincia *Northanhymbrorum* moram fecerunt per annum apud *Gravesburc*.

In minori Britannia *Hamo Leonensis* episcopus, per *Guidomarum* filium fratris sui *Guidomari* interfectus est.

Willelmus Trenchevail interfectus est in ecclesia sanctæ *Mariæ Magdalene* apud *Bedercum*.

Circa pascha Dominus *Iesus Christus* qui in sanctis suis semper est, & ubique mirabilis, gloriosissimi martyris sui *Thomæ Cantuariensis* archiepiscopi vitam laudabilem, & insuperabilem in morte constantiam crebris corpore irradiare miraculis, ut qui protuenda libertate periclitantis ecclesiæ suam, & suorum proscriptionem tot annis sustinuit, dignum cognoscatur ab omnibus reportasse triumphum.

Circa initium *Augusti* *Lundoniensis* episcopus à sententia excommunicationis in quam ipsum Dominus papa quia novi regis interfuit coronationi revocaverat, à *Nivernensi* episcopo, à *Beluacensi* episcopo, & ab Abbate de *Pontinne* absolutus est. Hoc autem factum est prope *Gisfortium* apud *Calvum montem*; nondum tamen episcopali restitutus fuit officio.

Octavo idus *Augusti* rex pater regis appulsus est in *Angliam*, qui visitavit in transitu *Henricum Wintoniensem* episcopum in extremis agentem; qui eum pro morte gloriosi martyris increpavit durissime. Ob quam mortem ipsum multa prædixit adversa passurum. Episcopus itaque senex & plenus dierum vi. idus *Augusti* migravit ad Dominum.

Dominus papa *Willelmus Senonensis* archiepiscopus. Vestro Apostolatu pater sancte data est omnis potestas in cælo & in terra. Gladius anceps in manibus vestris super gentes, & super regna. Videte Domine & considerate quem vindemiaverunt ita. Ecclesia siquidem *Cantuariensis*, immo ecclesia generalis sanguine rorantes lacrimas, & amaritudine aspersas à sinibus terra in conspectu tuo effundit, etenim posita est quasi signum ad sagittam, facta est obprobrium vicinis suis, & qui vident eam movent capita sua super ipsam, dicentes, Ubi est Deus eorum? Ipsa autem gemens & conversa retrorsum clamat in auribus Domini exercituum. Vindica Domine sanguinem servi tui, & martyris *Cantuariensis* archiepiscopi, qui occisus est, immo pro libertate ecclesiæ crucifixus. Verbum pater sancte horren-

HENRICUS I. rex. dum, facinus prodigiosum, enorme flagitium factum est in diebus nostris; Quod quisunque audierit tinnient amba aures ejus. Proinde sicut omnis ecclesia sanctorum astruit, ipsum facit martyrem causa pariter & poena, & dolor passionis illata. Causa est rigor ecclesiastica censura, quia pro lege Dei sui certavit usque ad mortem. Vestra igitur interest pater clementissime remedium adhibere præteritis, & providentiam futuris. Quis enim locus tutus est si rabies tyrannica Sancta sanctorum cruentat, & ad columnas ecclesiæ vicarios dilacerat? Insurgant ergo ecclesiastica leges, armentur jura cælestia: Introeat in conspectu vestro ultio sanguinis gloriosi qui de Anglia clamat. Clamabit siquidem non solum terra, set & cælum. Sic vestro consulite dolori, ut honestati pariter vestra, & saluti ecclesiæ consulatis.

Rex pater regis navibus undique congregatis intravit *Hyberniam* xv. kal. Novembris. *Lismorensis* episcopus & apostolicæ sedis legatus, archiepiscopi & episcopi receperunt eum in regem & in dominum, & fidelitatem ei juraverunt. *Regulus de Limelie*, *Regulus de Chore*, *Regulus* ille qui dicebatur *Momonculus*, fecerunt ei homagium. *Rodericus* autem *Regulus de Connat*, quia regio quam inhabitabat inaccessibilis est paludibus nimis interjacentibus, in quibus nec vada commoda, nec pervii montes, nec navigatio tuta est, superfedit occurrere.

Rothro Rothomagensis archiepiscopus, & episcopus *Ambianensis* susceperant in mandatis à Domino papa, quod congruo loco & tempore diem præfinitionem *Eboracensi* archiepiscopo, & ejus purgationem susceperent. *Eboracensis* itaque pluribus secum assumptis, in festo sancti *Nicholai* apud *Albamarle*, sacramento præstito purgavit innocentiam suam, quod ante coronationem novi regis ut supra diximus, litteras prohibitionis à Domino papa transmissas, nequaquam susceperat, & quod regi patri de regni consuetudinibus observandis, quas avitas vocant, se non obligaverat, & quod mortem gloriosi martyris *Thomæ* quondam *Cantuariensis* archiepiscopi, neque verbo, neque scripto, neque facto scienter procuraverat; & sic est ad officii sui plenitudinem restitutus.

Cantuariensis ecclesia post necem gloriosissimi martyris, continuis diu perstitit in lamentis. Et quia cum gladiis virum justum persequendo carnifices ab ingressu ecclesiæ gressus illicitos minime cohibuerant, ipsum etiam pavementum ecclesiæ, plebis undique concurrentis pulverulentis gressibus & lutosis, debuit contraxisse squalorem, Et quoniam justum sanguinem effundendo Deo reverentiam non exhibuerant, suspensa est celebratio divinorum. Et quoniam percusso pastore dispersæ sunt oves, detractis ab altaribus ornamentis, nudatis parietibus circumquaque tota loci facies induerat solitudinem, Et quoniam communis læticia cleri & populi crebris versa est in gemitibus, sonitum campanarum qui ad psallendum horis invitabat statutis oportuit intermitteri. Anno ergo integro minus novem diebus illa nobilis & excellens ecclesia cessans à divinis, archiepiscopo suo quem per crebra miraculorum insignia glorificatum jam noverat, ad terrorem carnificum lugubres exsolvit exequias. Ad vocationem itaque matris suæ *Dorobernensis* ecclesiæ suffraganei conveniunt in festo beati *Thomæ* apostoli, ut ecclesiam longa suspensione consternatam, juxta mandatum summum

HENRICUS II. rex. summi pontificis in statum pristinum reformarent. Illius *Jude Machabei* laudabilia sequentes vestigia, qui manibus impiorum profanatum in terra sanctuarium Dei cum ymnis & laudibus explevit, faciem templi coronis aureis & cultibus preciosis exornans, & quoniam mirificavit Dominus sanctum suum facta est *Cantuariorum* lätitia magna in clero gloriam victoriosissimi martyris attendente. E diverso etiam factus est populorum concursus clamantium, & dicentium, Vindica Domine sanguinem qui effusus est. *Bartholomaeus Exoniensis* episcopus juxta petitionem *Cantuariorum* Missam sollempnem celebraturus, & sermonem habiturus ad populum, ut diebus exactis in doloribus lätitiæ celebris solamen opponeret, sic exorsus est, *Secundum multitudinem dolorum meorum consolationes latificaverunt animam meam.*

An. Dñi 1172. In nocte natalis Domini tonitruum in *Tbernia*, tonitruum in *Anglia*, tonitruum in omni regno *Francorum* auditum est generale subitum & horrible, portendens aliquid magnum, novum & inusitatum.

Dum rex moram faceret in *Tbernia*, *Hugo de Saintemore & Radulfus de Faie* avunculus reginæ *Alienor*, consilio sicut dicitur ejusdem reginæ, regis filii regis animum à patre suo cœperunt avertere, suggerentes incongruum videri quibuslibet regem esse, & dominationem regno debitam non exercere.

Recentium elus carniū & haustus aquæ tam insolitus quam incognitus, plures de regis exercitu panis inedia laborantes fluxu ventris afflixit in *Tbernia*.

Ab ingressu regis in *Tberniam* xx. continuis ebdomadibus de regno suo, vel de aliqua parte dominationis suæ quæ tam longe lateque diffunditur, ad ipsum rumor aliquis minime penetravit, nec etiam quia ventus adversabatur potuit penetrare.

Cum autem intellexissent *Tbernienses*, in quantum circa pacem statuendam & conservandam regis *Angliæ* tota versaretur intentio, qui nec indulgentiis crimina sullevabat, nec in mortem alicujus præcipitabat sententiam, sub edicto vocati conveniunt ad ipsum, rogantes quæ ad pacem sunt. Et quoniam inter eos publica potestas constituta non fuerat, quæ metu pœnarum impunitatem minime repromitteret, cum patres suos mutuis cædibus interfectos sæpissime doluissent, ut in virtute regis pax fieret in diebus suis, ei & in eum jus suum transfulerunt & potestatem. Archiepiscopi & episcopi plebis sibi commissæ plurimum, & in plurimis attendentes errorem, set in his maxime quæ circa matrimonium à majoribus definita noscuntur, quæ *Angliæ* recipit & observat, se firmiter amplexuros, & inviolabiliter executuros promittunt. Et ut in singulis observatio similis regnum colligaret utrumque, passim omnes unanimi voluntate, communi assensu, pari desiderio regis imperio se subiciunt. Omnibus igitur hoc ordine consummatis in concilio habito apud *Lisnor*, urbes, & castella quæ rex in suam redegerat potestatem fideli deputavit custodiæ. Et quoniam ipsum varia trahebant negotia, die Pasce sub ipso diei crepusculo navem ascendit, & in crastino appulsus est in *Waliam* prope sanctum *David*. Inde progressus recto itinere, nec declinans ad dextram, nec ad sinistram, set incedens tanquam diplomate venit ad *Porcestre*, ubi navem ascendens *Angliam* salutavit

à limine, sicq; felici navigatione transectus intravit *Normanniam*. Quod cum ad regis *Francorum* notitiam pervenisset, vociferans ait: Rex *Angliæ* modo in *Tbernia*, modo in *Angliæ*, modo in *Normannia*, volare potius judicandus est quam vel equum, vel navem conscendere.

Retro *Rotomagensis* archiepiscopus, & episcopus *Ambianensis* in mandatis susceperant à domino papa, quatinus congruo loco & tempore *Lundoniensis* episcopi purgationem susciperent. Ab ipsis igitur *Lundoniensis* episcopus evocatus, viris religiosi pluribus secum adjunctis, juravit quod mortem gloriosi *Thomæ* martyris, neque facto, neque verbo, neque scripto procuravit scienter. Suo itaque restitutus officio apud *Albemarle* kal. Maii ad suam cum gaudio remeavit ecclesiam.

Postquam rex *Anglorum* appulsus est in *Normanniam*, statim cum festinatione accessit ad dominum *Albertum & Theodinum* Cardinales, & apostolicæ sedis legatos ad partes illas à Domino papa transmissos. Post longos tandem & immensos tractatus, primo habitos apud *Saviniacum*, post apud *Abrincas* in præsentia legatorum juravit dominus rex mortem gloriosissimi martyris *Thomæ*, nec voluntate sua, nec conscientia perpetrata fuisse, nec suo artificio perquisitam. Sed quoniam malefactores ex verbis quæ iracundiæ calore succensus minus caute pre-tulerat, occasionem sumptierant virum sanctum interficiendi, cum omni humilitate petiit absolutionem ab eis, petiit & impetravit. In facie igitur ecclesiæ sollempniter absolutus, juxta voluntatē & mandatum Cardinalium promisit, quod ab instanti festo Pentecostes usque in annum tantam pecuniam daret, unde ad arbitrium fratrum templi CC. milites ad defensionem terræ *Ierosolimitane* per annum perquirerentur. Promisit etiam quod licebit appellationes libere fieri, & quod consuetudines quæ suis temporibus contra libertatē ecclesiæ fuerant introductæ, revocabuntur in irritum, & quod possessiones *Cantuariensis* ecclesiæ, quæ post egressum sanctæ recordationis archiepiscopi fuerant ei ablata, restituerentur in integrum. Et quod clericis & laicis utriusque sexus qui pro archiepiscopo *Thomæ* de regno exierant, cum pace regis libere redire licebit, & bona sua recipere. Et hoc totum promittere & facere, ex parte Domini papæ regi injunctum est in remissionem omnium peccatorum suorum. Rex filius regis idem quod pater suus juraverat & promiserat, juravit & promisit.

Sequenti *Augusto* rex filius regis & uxor ejus *Margarita* filia regis *Francorum* appulsi sunt in *Angliam*, habentes in itinere comites *Retro Rotomagensis* archiepiscopum, *Egidium Ebroicensis* episcopum, & *Gaufridum Ptapositum Carnotensem*. Archiepiscopus itaque memoratus xij. kal. Septembris apud *Wintoniam* *Margaritam* reginam *Angliæ* consecravit, & diadema regni capiti filii regis imposuit, ministrantibus sibi episcopo *Ebroicensi*, & aliquibus suffraganeis *Cantuariensis* ecclesiæ. Juxta petitionem & voluntatem regis *Francorum*, interdictum fuerat *Eboracensi* archiepiscopo, *Lundoniensi* & *Salesburien* episcopis, ne coronationi vel interessent, vel eam impedire quaqua ratione præsumerent.

Kal. Septembris convocato clero apud *Windlefores*, actum est de consilio *Cantuariensis* ecclesiæ, set quibusdam causis intervenientibus negotium illud suspensum est.

Henricus

Hugo Dunelmensis episcopus, veniens ad sanctum Albanum, dedicavit capellam beati Cuthberti in honorem ipsius Confessoris, & beati Johannis Baptistæ xvj. kal. Novemb.

Henricus rex Angliæ, Johanni filio suo cognomento *sine terra*, vix bene septenni filiam primogenitam **Humberti** Comitis de *Moriana* quam ex relicta **Henrici Saxonici** Ducis sustulerat, ipsam accepit. Et quia spes masculinæ prolis nulla supererat, quatuor castella Comitis, quæ vel natura loci, vel artificio manuum munitiora reputabantur, juxta voluntatem regis deputata sunt custodiæ.

Adelfansus rex *Aragonum*, **Reimundus** Comes sancti **Egidii**, **Girardus** Comes *Viennensis*, **Humbertus** Comes de *Moriana* tanquam ex condito conveniunt ad Curiam regis *Angliæ* apud *Montem ferandum* in *Arvernia* ij. idus Februarii. Fuit & ibi **Henricus** rex filius regis **Henrici**. Procerum, equitum, civium, quos varia trahebant negotia, multitudo numerosa non defuit, ubi gazæ multiplices, & ab antiquis congestæ temporibus sumptibus regis, affluentia expensarum, donariorum multiplici-
tate possent exinaniri, ni thesaurorum acervus quos *Anglia* destinaverat excresceret in immensum. Prædictis itaque viris illustribus partes suas interponen-
tibus, Comes sancti **Egidii** fecit homagium regi *Anglorum* **Henrico** patri regis **Henrici**, salva fide **Lodovici** regis *Francorum*. Sibi suisque prospicere volens in futurum hæredibus, comitatum *Tolosanum* ex hoc & deinceps *Aquitannico* Duci in ser-
vicio militari, multisque aliis præstationibus in scri-
pto redactis obnoxium futurum esse sacramento firmavit. Sed quia **Ricardus** Dux *Aquitania* cui fa-
cturus erat homagium Comes sancti **Egidii**, tunc temporis præsens non erat, usque ad octavas Pente-
costes negotii complementum dilationem accepit.

Willelmus Norwicensis episcopus vir religiosus, & humilis xvij. kal. Febr. obiit.

Clarembaldus Abbas electus sancti **Augustini**, quia bona monasterii dissipaverat, quia male viven-
do subditis delinquendi dabat exemplum, quia prole-
tarius testimonio multitudinis comprobatus est, mandato Domini papæ ab *Exoniensi* & *Wigornien-
si* episcopis degradatus est.

VI. Non. Marcii suffraganei *Cantuariensis* eccle-
siæ, ut de archiepiscopi electione tractarent, sub edi-
cto vocati venerunt **Lamebedam**, & quoniam **Lam-
francus**, **Anselmus**, **Theobaldus**, in ea sede tam late
floruerant, id idem fortunæ loci quodammodo de-
putantes, in **Rogero** *Beccensem* abbatem si non
unanimitèr saltem voce tenuis concorditer conveni-
runt. Orta est tunc primum controversia quis ele-
ctionem pronuntiaret in publico. Suffraganeis hoc
ad jus episcopi *Lundoniensis* ab antiquo pertinere
dicentibus, *Cantuariensibus* è contrario monachis
asserentibus Priorem suum hæc in re potius præferen-
dum. Pro bono itaque pacis ne quid in absentia re-
gis oriretur discidium, salvo jure partium **Ricardus** *Pi-
ctavensis* archidiaconus electionem in omnium au-
ditorio recitavit. Abbas electus hoc intelligens, in
Normannia coram rege in præsentia Cardinalium
Alberti & **Theodini**, electioni factæ sicut prædixi-
mus penitus contradixit. Hoc eum fecisse religionis
obtentu suspicabantur nonnulli, ab aliis dicebatur
quod spiritus pusillanimitate contractus se imparem
oneri tanto protestatus sit.

Henricus rex filius regis abiens in consilio impi-
orum animum suum avertit à patre, & ab **Argentio**
noctu recedens, domesticis patris sui qui ei necessaria
ministrabant ignorantibus, ad focerum suum **Ludovi-
cum** regem *Francorum*, transitu habito per *Manri-*

taniam castrum scilicet Comitis *Perticensis* seces-
sit x. kal. Aprilis. Ipsa nocte pater suus dormiens
apud *Alentium*, cum subito expergefactus transfu-
gium filii cognovisset, paucissimis secum assumptis
equum ascendit, & transitum habens per *marichiam*
suam, & castellorum custodes præmuniens equis sæ-
pe mutatis sub ipso diei crepusculo venit *Gisfortium*,
quod filio suo regi **Ludovicus** rex *Francorum* cum
filia sua **Margarita** nomine dotis contulerat. **Ri-
cardus** Dux *Aquitania*, **Gaufridus** Dux *Britan-
niæ* juniores filii regis consilio matris suæ reginæ,
scilicet **Alienor**, sicut dicitur, fratrem potius elege-
runt sequi quam patrem. Fiunt undique conjura-
tiones, fiunt rapinæ, fiunt incendia. Et ut à tempore
sumamus auspiciū, eo tempore sumpsit arma fili-
us contra patrem, quo quibuscumque locis ob reveren-
tiam *Dominicæ* passionis arma Christiani deponunt.
Dissensio talis exitu felici claudi non potest, quoni-
am si liber Judicum, si liber Regum, si liber *Ysaia*
prophetæ diligentius evolvatur, in exterminio filiorum
insurgentium in parentes à patricidio poteris quolibet
absterrere.

Libros lege, scripturis invigila, consule prudentio-
res, & paucula quæ sub brevitate succincta perstrin-
gere procurabimus ante oculos habe.

Septem Galadites vir fortissimus & filius meretricis
habuit filios, qui postquam creverant, ejecerunt à
se patrem dicentes, *Non potest is hæres esse quoniam
de adultera matre natus est.* Qui fugiens à facie fi-
liorum congregavit inopes & latrocinantes & fecit
salutem in *Israelem*. Filiorum itaque memoria pe-
riit, ut nec eorum teneantur vel nomina.

Absalon filius regis **David**, misit exploratores ad
universas tribus *Israel*, dicens, *Statim ut audieritis
clangorem buccinæ dicite, Regnabit Absalon in E-
bron.* **David** rex fugiens egressus est pedibus suis,
& universa domus ejus de *Ierosolima*. Factumque
est prælium in saltu *Effraym*, & cæsus est ibi popu-
lus *Israel* qui adhærebat **Absalon**, ab exercitu **Da-
vid**. Accidit autem ut occurreret **Absalon** servis
David sedens mulo. Cumque ingressus ejus fuisset
mulus subter condensam quercum, adhæsit caput
ejus quercui, & illo suspensio inter cælum & terram
mulus cui infederat pertransivit. Tulit **Joab** tres
lanceas in manu sua, & infixit eas in corde **Ab-
salon**.

Sennacherib rex *Affiriorum* reversus à *Ierosolima*
quam obsederat mansit in *Ninive*. Cumque adora-
ret in templo, **Adramelech** & **Asarasar** filii ejus
percusserunt eum gladio, fugeruntque in terram
Armeniorum. Quibus in exilio morientibus, **Esse-
radon** frater eorum regnavit in loco patris sui.

Si gentilium spatiosa volumina diligens lector
diligenter attenderit, orientalium facta recensens, fi-
lios in parentes, parentes in filios sæpius insurrexisse
reperiet.

Primus omnium **Ninus** rex *Affiriorum*, veterem
gentilium morem imperii nova cupiditate mutavit.
Hic primus intulit bella finitimis, & rudes adhuc ad
resistendum populos terminos usque *Libia* perdomu-
it. Hujus magnitudinem quæ sitæ dominationis **Ni-
nus** continua possessione firmavit. Domitis igitur
proximis, cum accessione virium fortior transiret ad
alios, & proxima quæque victoria sequentis fieret
instrumentum, totius populos orientis subegit. **Ni-
nus** moriens impuberem filium **Niniam** & **Semira-
midem** reliquit uxorem. **Semiramis** impuberi filio

HENRI- nec ausa fuit imperium tradere, nec ipsa palam
CUS II. rex. tractare, set simulat se pro *Nini* conjugē filium,
pro femina puerum. Nam & utrique statura medi-
Trogus ocris, & vox pariter gracilis, & lineamentorum qua-
Pompeius litas matri filioque confimilis. Igitur brachia, crura
libro 1. virilis vestis, caput thiara tegit: sic primis initiis se-
xum mentita puer esse credita fuit. Magnas deinde
res gessit, amplitudine quarum ubi superatam putat
invidiam, quæ sit quemve se simulasset fatetur: nec
hoc illi regni dignitatem ademit, set admirationem
auxit, quod mulier non feminas modo virtute, sed
viros etiam anteiret. *Semiramis Babiloniam* con-
didit, *Ethiopiam* subjugavit, bellum *Indis* intulit.
Ad postremum cum filii sui concubitus expetisset,
ab eodem interficitur. Post cujus mortem filius ejus
Ninia paterno contentus imperio studia belli depo-
suit. Et veluti sexum cum matre mutasset, à viris
raro visus in feminarum turba consenuit. Ejus ex-
emplum posteris sui secuti responsa gentibus per inter-
nuncios dabant. Sic *Affirii* tenuerunt imperium
mille trecentis annis.

Feronimus Dicunt Judæi *Nabugodonosor Einlmerodag* fili-
super Ysa- lium suum misisse in carcerem, & eum ibi cum rege
am. Iudææ *Ioachim* in vita patris sui fuisse. Mortuo pa-
tre cum non auderet regnum suscipere, dicens, Pater
meus quando vult moritur & resurgit, consilio *Ioachim*
trecentas aves de diversis partibus mundi ex-
quisivit, & corpus patris effossum in minutias discepit,
& unicuique partem alligavit. Dixit enim *Ioachim*,
Cum hæ aves simul convenerint reviviscet pater tuus.

Trogus *Bubaris* cum *Amintha* rege *Macedonum* con-
Pomp. libro gressurus depositis hostilibus animis in affinitatis
vij. jura succedit, filiam *Amintha* regis uxorem accipiens.
Amintha ergo insignis industria cunctisque vir-
tutibus Imperatoris instructus, ex *Euridice* tres fi-
lios sustulit, *Alexandrum*, *Perdicam*, & *Philippum*
Alexandri Macedonis patrem. *Amintha* insidiis
Euridicis uxoris, quæ nuptias suas *Bubari* genero
suo pacta regem occidendum & regnum adultero
tradendum susceperat, circumseptus, *Alexandro* re-
gnum tradidit primogenito filiorum. Nec multo
post, *Alexander* insidiis *Euridicis* matris appetitus
occubuit. *Perdica* quoque frater ejus insidia-
rum pari fraude decipitur. Indignum prorsus libidi-
nis causa liberos à matre vita privatos, quam suo-
rum contemplatio scelerum liberorum suppliciis ven-
dicaverat.

Idem libro *Artaxerxi* regi *Persarum* ex pellicibus centum
x. quindecim fuere filii, set tres tantum justo matri-
monio procreati, *Darius*, *Aralratus* & *Ochus*. Ex
his *Darium* contra morem *Persarum*, apud quos rex
non nisi morte mutatur, per indulgentiam pater re-
gem vivus fecit, nichil æstimans quod in filium con-
tulisset, sinceriusque gaudium ex procreatione cap-
turus si suæ majestatis insignia vivus in filio conspex-
isset: acceptis insigniis regni *Darius Aftasiam* uxorem
patris sui fœdere nuptiali jungendam sibi dari,
sicut & regnum, postulavit à patre. Quod pater primo
se facturum dixerat; mox pœnitentia ductus, ut
honeste negaret quod temere promiserat, solis eam
sacerdotio præfecit, quo perpetua illi ab omnibus vi-
ris pudicitia imperatur. Hinc exacerbatus *Darius*,
facta cum quinquaginta ex fratribus suis conjura-
tione in patrem, dum insidias parat, deprehensus
cum fratribus pœnas parricidii diis paternæ majesta-
tis cultoribus dedit. Conjuges quoque omnium cum
liberis interfectæ sunt. Post hæc *Artaxerxes* ex do-

lore morbo contracto decedit, rex quam pater **HE-**
felicior. **CUS I**

Cum senex *Metridates* rex *Ponti* à *Farnace* filio **Idem**
suo teneretur obsessus, morique compelleretur, ve- **xxxix**
nenum hausit; set infusa pestis visceribus nichil ei no-
cere potuit. Puer namque sæpe tutorum passus insi-
dias, exquisitis se stagnaverat remediis ut etiam vo-
lens perire veneno non posset.

10 *Alexander* rex *Egyptiorum* cum suam matrem **Idem**
Cleopatram occultatis insidiis interfecisset, in ul- **xxxix**
tione tantæ facinoris à civibus suis regno expel-
latur.

Encratides rex *Braclianorum* cum *Indiam* in po- **Idem**
testatem redeisset, à filio quem sibi socium regni **xlj.**
fecerat interficitur. Qui non dissimulato parricidio,
velut hostem non patrem interfecisset, per sangui-
nem ejus currum egit, & corpus abici jussit.

20 *Orodes* rex *Parthorum* triginta filios ex pellicibus
habens, cum multæ pellices, ex quibus generata tanta
juventus erat, pro suis quæque animum regis obside-
bat, factum *Parthia* efficit in qua dum quasi sol-
lemne est reges parricidas haberi, ut sceleratissimus
omniū *Fraates* nomine rex statueretur. Itaque **Idem**
statim quasi nollet mori patrem interfecit, fratres
quoque triginta trucidat. Set nec in filiis cessant par-
ricidia, nam cum infestos sibi optimates videret, ne
esset qui nominari rex posset adultum filium inter-
fici jubet.

30 Parricidia quæ prænotavimus perpetrata sunt an-
te incarnationem Domini, & à *Trogo Pompeio* litter-
is commendata. *Aristobolus* impatiens materni
dominii, matrem cum filiis minoribus vincula vitæ in
carcere, nec tamen regnavit *Aristobolus* nisi per an-
num, eo quod matrem fame peremerat in vin-
culis.

Herodes rex *Judeorum* *Alexandrum* filium suum **Joseph.**
secum *Romam* traxit, & veneni sibi parati reum apud **libro 22**
Augustum Cæsarem postulavit. Qui patri reconcili- **Antiqui-**
atus, dum iterum ipsi propinasset venenum, occisus **tum.**
est à patre.

Si vis scire post passionem Christi quoto anno ab
incarnatione Domini patres adversos filios insurrex-
erint, vel filii adversus parentes notatum in sequenti-
bus poteris invenire.

Hormisdas rex *Persarum* gladii potestatem exer-
cens in subditos, & metu pœnarum ab illicitis revoca-
re contendens, à *Persis* captus & excæcatus est. *Cos-*
droe filius suus hoste quovis infestior & ad cæcitatem
paternam oculos non reflectens, dum nimis aspiraret
ad regnum non timuit incurrere parricidium. Excu- **Gregori**
sator filius inter parricidas si priusquam populus **Turonen-**
patris oculos eruiisset ipse simul cum oculis vitam **archiepi-**
ademisset & patri. **pus.**

Syrois filius secundi *Cosdroæ* regis *Persarum* **Regino.**
avum suum *Hormisdam* regem excæcatus à *Persis*, **bas Pr.**
interfectum à filio semper ante oculos habens, pa- **mens.**
trem suum *Cosdroem* interfecit: In nece patris avo
suo non dubitans exequias celebrare.

60 Quid actum sit apud orientales dignum culleo
parricidalis supra posuimus. Quid actum sit *Rome*
dum adhuc gentilitatis involveretur errore breviter
adjungamus.

Nero persequens Christianos etiam matrem occi- **Eusebius**
dit, & ut ei pœna vel remissior meritis infligeretur **bro ij. ca-**
interfecit seipsum, & adhuc in ultionem matris **tulo vice-**
omnis in eo familia *Cæsaris Augusti* contumpra **simonin**
est.

Si fidei Christianæ cultores suos *Roma*, suos *Constantinopolis* imperatores enumeraverit, & ipsorum fortunas investigaverit diligenter, immoderata dominandi libido filios ad dejectionem paternam animasse, filios orbem sæpius concussisse docebitur.

Constantinus imperator *Constantinopolitanus*, matrem suam *Trenem* imperio privat. *Trene* imperatrix super erepto sibi imperio femineo dolore abusa, *Constantinum* filium suum oculis & imperio privat, & sola annis tribus imperat.

Romani qui ab imperatore *Constantinopolitano* jamdiu animo desciverant, nunc accepta occasionis opportunitate quia mulier, excæcato imperatore *Constantino* filio suo, eis imperabat, uno omnium consensu *Karolo* regi imperatorias laudes acclamant, eumque per manum *Leonis* papæ coronant *Casarem*, & *Augustum* appellant.

Pipinus Karoli Magni imperatoris *Romani* filius naturalis gibboque deformis, vana spe regni à majoribus terræ illectus, contra patrem suum conjurationem fecit; qui consilio detecto tonsoratur & monachus efficitur. Sociorum ejus alii decollantur, alii suspenduntur.

Ludovicus Pius imperator *Romanus*, filius *Karoli Magni*, *Karolo Calvo* filio suo quem ex *Judith* filia *Welfonis* sustulerat, *Alemanniam*, & maximam partem regni, coram filiis suis ex *Ermingardi* sublatis, *Lothario* scilicet & *Ludovico* & *Pipino*, concessit; unde tres indignati sunt & insurrexerunt in patrem, & eum bello captum in carcere detulerunt. Quod facinus fraterno inter se discidio & bello apud *Fontaniacum* habito postmodum expiarunt.

Lotharius imperator *Romanus* nepos *Karoli Magni*, patrem suum *Ludovicum* imperatorem carcerali custodiæ mancipavit. Quod ne videatur aliquibus impunitum mansisse dum *Lotharius* liberos non sustulerit; post *Karolum Calvum* fratrem suum juniorem de rege *Francorum* creatum imperatorem, barbaries incompota *Baioariorum*, tam regnum *Germanie*, tam regnum *Longobardorum* quam etiam ipsum imperium, non ordine successorio semper, set electione communi frequentius & optinet, & optinuit.

Karolus junior *Ludovici Germanorum* regis filius à dæmonio graviter in præsentia patris & optimatum ejus vexatur, & in ipsa vexatione confitetur hoc ideo sibi contigisse quia contra patrem suum conspirationem facere moliebatur.

Luidulfus Ottonis Romani imperatoris filius, instinctu *Conradi* ducis contra patrem suum rebellavit, *Reinesburc* cepit, & multas alias urbes & principes à patre avertit. Rex illum intra *Maguntiam* conclusum obsidet. *Luidulfo* ad gratiam patris reducto, *Conradus* dux Dei & imperatoris transfuga ad *Hungaros* se contulit, & ibi mortuus est. *Luidulfus* sine spe regni mansit, nullum relinquens hæredem.

Henricus filius *Henrici* imperatoris *Romani* con-surgens in patrem venit *Aquisgranum* imperatore morante apud *Leodiam*, & in v. feria Dominicæ cœnæ præmisit suos præoccupare pontem apud *Winfatum*, ne quis sibi venienti obstaret. Sed militibus patris concurrentibus ad exoccupandum pontem, à ponte milites filii repelluntur; aliis eorum captis, aliis in *Mosam* merfis, aliis occisis: sicque filius contra patrem veniens rediit inglorius. Qui

licet patri succederet, in hujus facti vindictam sine liberis decessit.

Stephanus & *Constantinus* imperatores *Constantinopolitani* ægre ferentes se juxta patris severitatem à juvenili levitate coherceri, dispositis in palatio insidiis patrem suum imperatorem *Romanum* nomine de palatii folio deponunt, & tonso ei capite ad vicinam insulam ad philosophandum transmittunt.

Ipsi vero post patris depulsionem à *Constantino* filio *Leonis* imperatoris, tonsis capitibus ad idem monasterium ad quod patrem suum transmiserant, & ipsi ad philosophandum transmittuntur cum monachis.

Si quid in partibus occidentis, vel in regnis, vel in comitiis, veneranda patrum memoria culleo dignum parricidaliter perpetratum agnoverit, illud ad filiorum terrorem ne facinus in patres excogitent, nos sub occidente positi ponamus ad ultimum: ponamus etiam qui parentes adversus filios insurrexerunt.

Lotharius rex *Francorum* filius *Clodovei* primi regis in *Francia* Christiani, *Crannium* filium suum contra se diu rebellantem, & cum patri resistere non posset in *minorem Britanniam* fugientem persecutus est. *Conobrum* itaque ducem *Britonum* auxiliarium filii *Lotharius* rex peremit. *Crannium* vero captum cum uxore & filiabus igne consumi fecit.

Karolum Calvum regem *Francorum* domestica calamitas in filiis suis afflixit. Siquidem *Karolomannum* in clericatu usque ad diaconatus officium provecum, ipse pater cepit & excæcavit, pro eo quod ad apostasiam conversus, & omni genere nocendi regnum perturbans alter quidem *Julianus* effectus erat.

Constancia mater *Henrici* regis *Francorum*, no-vercalibus incitata machinamentis, filium suum regem à regno *Francorum* expellere modis omnibus attemptavit.

Rex *Burgundie Sigismundus*, qui monasterium *Agannensium* construxerat, filium suum *Sigericum* peremit, malo novercæ illius consilio usus. Qui competenti poenitentia se addicens, & martyribus *Agannensibus* se totum devovens, quod dignus fuerit venia testatur crebra post mortem ejus multis concessa sanitatum gratia, & per eum febricitantibus indulta curatio.

Levigildus rex *Wisigottorum* filium suum *Ermignildum* hostili persequens animo, eum dampnavit exilio. Et quoniam *Arrianæ* communioni participare noluit, nocte sancta Paschæ in carcere securi occidit.

Ethelwlfus rex *Anglorum* pater *Aluredi* magni regis in *Anglia*, *Roma* rediens ubi vota orationum persolverat, à filiis suis *Theodbaldo* & *Ethelredo* repulsi sunt: sed post multas inquietationes regno inter patrem & filios partito pacificati sunt. Duobus itaque filiis *Ethelwlf* sine liberis decedentibus, *Aluredus* qui cum patre steterat, totius regni suscepit gubernacula.

Alfridus Oswii regis *Northanhymbrorum* filius insurrexit in patrem. Set cum viribus esset inferior, & à regno patrem expellere nullo conamine potuisset, *Pendam* regem *Merciorum* *Oswaldi* regis & martyris interfectorem suam traxit in partem. *Penda* vero cum xxx ducibus xxx. secum legiones habentibus interfectus est ab *Osmio*.

Robertus

HENRICUS II. rex.

An. Dñi 950.

Item *Win-dichindus*.

954.

563.

Gregorius Tuvonensis archiepisc.

872.

Item *Win-dichindus*.

1037.

Magister Hugo de S. Victor.

800.

Item *Gregorius*.

589.

Item *Greg.*

851.

Marianus Scotus.

Historia

Britonum 9. cap. ante finem libri.

HENRI. *Robertus Curtabosa* primogenitus filius regis *Wil-*
cus II. rex. Ielmi Bassard, eo quod *Normanniam* quam sibi
Sigisbertus. ante adventum ipsius in *Anglia* coram *Philippo*
 rege *Francorum* dederat possidere non licebat, *Fran-*
ciam abiit, & auxilio *Philippi* regis in *Normannia*
 magnam frequenter prædam agebat. Pater ergo
 pugnam cum filio iniit ante castellum *Gerberai*, qui
 à filio vulneratus in brachio, & ab equo dejectus
 filio maledixit. Quam maledictionem filius in
 carcere moriens, & nullum hæredem relinquens
 evidenter incurrit.

An. Dñi

1010.

Item Sigis-

bertus.

Fulco Nerra Comes *Andegavensium* *Ierosoli-*
mam proficiscens, *Gaufrido Martello* filio suo co-
 mitatum usque ad reditum custodiendum commisit.
 Filius itaque proceres, equites, cives, & populum
 animavit in patrem. Votis orationum completis
 pater rediens est repulsus à filio. Fit discursus per
 patriam, cædibus & rapinis insistitur. Pater in an-
 gustia positus, castella, villas, & prædia suis fauto-
 ribus se daturum spondit. Et ut totum recipe-
 ret, totum quod filius possidebat, fere totum di-
 stribuit. Quod in suum revocare dominium, sibi
 postmodum, vel adhuc alicui successorum non li-
 cuit. Filius tandem patri reconciliatus patri succes-
 sit. Set parricidii quod excogitaverat pœnas luens,
 sine liberis decessit.

1112.

Robertus
abbas.

Willelmus Comes *Pictaviensium* uxori suæ pel-
 licem superinduxit vocatam *Amalbergum*. *Willel-*
mus Comitis primogenitus matris injurias ulcisci
 proponens insurrexit in patrem. Inter quos lite
 protracta diutius dampnosum *Aquitania* transegit
 septennium. Tandem filius jure belli captus, à pa-
 tre recipitur in concordiam; set cum lex humana fi-
 lios erubescat patrum castigatores statuere, quia
 patrem indigne tractaverat, in sepulchro patrum
 suorum filius sepeliri non meruit, set peregre pro-
 ficiscens aput sanctum *Jacobum* in *Galicie* diem
 clausit extremum.

Ad vocationem regis patris *Gilebertus Lundoni-*
ensis episcopus in *Normanniam* transfretavit. Rex
 itaque cum cardinalibus, cum episcopo, cum dome-
 sticis & familiaribus suis, de consilio vacantium ec-
 clesiarum in *Anglia* compendiosum habens tracta-
 tum, *Lundoniensem* cum festinatione remisit litteras
 deferentem continentes hæc verba.

Albertus & Theodinus presbyteri, cardinales,
 & Apostolica sedis legati, dilectis in Christo
 fratribus, clericis, & monachis vacantium eccle-
 siarum in *Anglia*, Oculos habere semper ad
 Dominum. Inspirante illo à quo bona cuncta pro-
 cedunt inductus est dominus rex, ut ecclesie vestre
 secundum Deum celeriter ordinentur. Mandamus
 itaque vobis ut remotis contentionibus & diversis
 partium studiis, cum bonarum & religiosarum con-
 silio personarum, de personis quæ à sacris canoni-
 bus nullatenus respiciantur, electiones facere matu-
 retis, & taliter in tam necessario negotio proceda-
 tis, ut & Deus in omnibus honoretur, & saluti ani-
 marum vestrarum ac paci regni utiliter videatur
 esse provisum. Nos sane in procinctu itineris con-
 stituti brevi pagina caritatem vestram ad id quod
 expedit duximus commonendam; vos intendite ut
 per privatam commotionem aut gratiam alicujus ec-
 clesiastica utilitas non debeat impediri.

Adulfus de *Warnevilla* *Rothomagensis* sacrista,
 thesaurarius *Eboracensis*, constitutus est *Anglia* can-

cellarius. Qui modum vivendi parum à privato
 dissimilem, quem prius semper habuerat, non im-
 mutavit, malens *Waltero de Constanciis* canonico
Rothomagensi vices in curia regis committere, quam
 circa latus principis militantes, expensis profusiori-
 bus, lautioribus mensis ad sui gloriam nominis pro-
 pagandam per dies singulos invitare.

Septies viginti *Flandrenses* irruptione facta prope
Pasceium, beneficio pontis intraverunt *Normanni-*
am; clangor lituorum, populi clamor, armatorum
 discursus evestigio locum repleverunt eundem. Et
 sic *Normanni* viriliter resistentes eos quamtocius
 cogitare de reditu coegerunt. Sed pons quo transi-
 tum prius habuerant à muliercula quadam effra-
 ctus, in subsidium aquas opposuit profundissimas.
 Quibus involuti *Flandrenses* universi submersi sunt.
 Quod audiens *Ludovicus* rex *Francorum*, ait, Pro
Normannis elementa decertant. Nam alio tem-
 pore cum intrassem *Normanniam*, pars exerci-
 tus mei quamplurima pro aquæ penuria periit:
 nunc nimiam possumus habundantiam aquarum
 causari.

Ad instantiam cardinalium *Alberti* & *Theodini*,
Henricus rex pater regis in *Anglicana* ecclesia
 fieri liberas electiones & permisit & scripsit. Pro-
 inde vacantium ecclesiarum conveniente clero sub
 paucorum interstitio dierum, *Ricardus Pictaviensis*
 archidiaconus ad *Wintoniensem*, *Gaufridus Cant.* ar-
 chidiaconus ad *Elyensem*, *Gaufridus Lincoln.* archi-
 diaconus ad *Lincolniensem*, *Reginaldus Sarebiri-*
ensis archidiaconus ad *Batonensem*, *Robertus Oxe-*
nosfordensis archidiaconus ad *Herefordensem*, ad
Cicestrensem ecclesiam *Johannes* ejusdem loci decanus
 electus est aput *Westmonasterium*, præsentante justicia-
 rio regis, & assensum præbente.

Wintoniensis, *Elyensis* electi xvj. kal. Junii, die
 scilicet Ascensionis Domini, in jam sibi addictis
 tollempniter intronizantur ecclesiis, sequæ possessio-
 nibus ecclesiasticis immiscentes homagia fidelitates
 episcopo debitas à laicis sibi subditis & exegerunt,
 & receperunt, non tamen ab omnibus.

Litteræ regis patris, litteræ cardinalium directæ
 sunt in *Angliam* pridie non. Julii, plurimum ex-
 hortantes, ut de consilio *Cantuariensis* ecclesiæ
 communiter ageretur. Suffraganeis igitur super hoc
 conferentibus, *Odo* Prior sanctæ Trinitatis, & sanior
 pars conventus inauditum quiddam de novo ex-
 ceperunt constanter asserere, quod & de suo collegio
 subrogandus esset antistes, & quod esset ab ipsis in
 publico nominandus. Et quia regis patris intere-
 rat plurimum diebus illis electionem concorditer
 celebrari, semotis duobus à multitudine monacho-
 rum, *Odone* scilicet Priore *Cantuariensi*, *Ricardo*
 Priore *Dovorensi*, cum eos monachi præsentassent
 Episcopis, ad sui Prioris electionem unanimiter aspi-
 rantes, *Gilebertus Lundoniensis* episcopus confur-
 gens in medium, cum prius ad laudem *Odonis* Prio-
 ris plurima congestisset, de communi consilio co-
 episcoporum aliam declinavit in partem, dicens,
 Nos *Ricardum* Priorem eligimus, quem manibus
 comprehendens incepit alta voce, Te Deum lauda-
 mus, multitudinem clericorum undique confluenti-
 um eandem animavit in vocem. Expletis ergo sollem-
 nibus quæ in applausu fiunt hujusmodi, *Cantuari-*
ensis electus sicut omnes prius electi fidelitatem
 regis

regis juraverant, sic & ipse juravit salvo ordine suo; nulla prorsus de regni consuetudinibus observandis habita mentione. Hæc acta sunt apud *Westmonasterium* in capella sanctæ *Katerina*, præsentem iusticiario regis & assensum præbente.

Hugo de Cornai, tam pater quam filius, & quater xx. milites cum eis non tam inimicorum virtute quam insidiis intercepti, capti sunt à rege filio. Castrum succensum est: *Burgenses* ad redemptionem compulsi.

Ipsa die qua de consilio *Cantuariensis* ecclesiæ pertractatum est, apices summi pontificis in communia audientia recitati sunt, continentes hæc verba.

Alexander papa, venerabilibus fratribus, archiepiscopis, episcopis, & dilectis filiis aliis ecclesiarum praelatis, & universo clero & populo per Angliam constituto, salutem, & Apostolicam benedictionem. Redolet Anglia fragrantia & virtute signorum qua per merita illius sancti & reverendi viri Thomæ quondam *Cantuariensis* archiepiscopi, omnipotens Dominus operatur, & universa ubique lætatur Christiana religio, pro eo quod ille qui est mirabilis & gloriosus in Sanctis Sanctorum suum post mortem glorificavit. Cujus vita laudabilis multa fuit gloria meritorum, & tandem martyrio consummata est certaminis gloriosi. Quamvis autem dubitare de sanctitate ejus non possit qui ejus vitam & laudabilem conversationem attendit, & gloriosam considerat passionem, voluit tamen Salvator & Redemptor noster ejus sanctitatis insignia magnificis post mortem suam irradiare miraculis, ut qui pro Christo insuperabilis virtutis constantia necessitates & pericula pertulit, sui laboris & certaminis in æterna beatitudine cognoscatur ab omnibus percepisse triumphum. Nos auditis innumeris & magnis miraculis qua jugiter per illius merita universitas narrat fidelium, & super his, non sine magno gaudio, per dilectos fratres nostros Albertum tituli sancti Laurentii in Lucina, & Theodinum sancti Vitalis presbiteros, cardinales, & Apostolica sedis legatos, qui eadem miracula tanto perspicacius didicerunt, quanto amplius loco sunt vicini, præcipue certiores effecti, & plurimum aliarum testimonio personarum fidem sicut debemus adhibentes, prædictum archiepiscopum sollempniter in ecclesia, magno ibidem clericorum & laicorum collegio præsentem, in capite jejunii deliberato fratrum nostrorum consilio canonizavimus, ipsumque decrevimus Sanctorum cathologo ascribendum. Universitatem itaque vestram monemus, & auctoritate qua fungimur districte præcipimus, ut natalem prædicti gloriosi martyris die passionis ejus sollempniter sub annis singulis celebretis, & apud eum votivis orationibus satagatis veniam peccatorum promereri, ut qui pro Christo in vita exilium, & in morte virtutis constantia passionis martyrium pertulit, fidelium jugi supplicatione pulsatus pro nobis apud Deum intercedat. Dat. Signat. iij. idus Martii.

Apicibus vix bene perlectis, ad laudem ipsius martyris, & certaminis gloriosi triumphum, omnes quotquot conveniant, levaverunt vocem in summum, dicentes, Te Deum laudamus. Et quoniam suffraganei debitam patri reverentiam ei, aut exuli, aut ab exilio revertenti, aut etiam reverso non exhibuerant, ut suum omnibus publice confiterentur

errorem, injustitiam, & iniquitatem, ab ore unius episcopi omnium episcoporum est expressa confessio, quod in oratione laudibus annexa satis evidenter apparuit, cujus fuit hic tenor. Adesto Domine supplicationibus nostris, ut qui ex iniquitate nostra reos nos esse cognoscimus, beati Thomæ martyris tui atque pontificis intercessione liberemur.

Maria soror sancti Thomæ martyris, mandato regis patris, & contemplatione fratris, facta est abbatissa *Berchingensis*.

Robertus Comes Legecestria mutuam accipiens undeque pecuniam & verba pacis habens, venit *Lundoniam*, transfretandi licentiam à iusticiariis imperavit, similiter & *Willelmus* camerarius de *Tancarvilla* petiit licentiam transfretandi. Uterque sacramento corporaliter præfesto regis patris fidelitatem juravit, sed subito trans mare currentes, cœlum ilico mutaverunt & animum. Nam cum audissent quæ fiebant in terra, cœperunt & ipsi de transfugio cogitare. *Johannes* siquidem Comes de *Soeneis*, *Hugo* Comes *Cestrensis*, *Robertus* Comes de *Mellent*, *Jocelinus* *Crispin*, *Gilebertus* de *Ti* veleres, *Robertus* de monte forti, *Willelmus* Patri eius, *Hasculfus* de sancto *Hylario*, *Radulfus* domini *Felgeriarum*, & plures mediæ manus homines, quos ex iustis & probabilibus causis rex pater exheredaverat, regis filii cesserunt in partem, non quia causam ejus justiore attendere, sed quia rex pater regis titulos dignitatis ampliare procurans superborum & sullinium colla calcaret, castella patriæ suspecta vel everteret, vel in suam redigeret potestatem; Bonorum occupatores quæ suam ad mensam quasi ad fiscum ab antiquo pertinere noscuntur, patrimonio proprio contentos esse debere constanter assereret, & etiam cogeret; Proditionis reos dampnaret exilio; Raptores sententia capitali puniret, fures terreret in furca; Pauperum oppressores pecuniæ jactura mulctaret.

Sexto idus Junii *Cantuariensis* electus, occurrentibus episcopis electis, clero, populo apud *Cantuariam* sollempni processione receptus est. Actum est ipsa die de consecrationibus faciendis in crastino: sed litteræ regis filii regis episcopis quibusdam, & Priori transmissæ fuerunt impedimento. In quibus continebatur quod citra conscientiam & assensum ejus, in regno cujus diadema susceperat, electiones, consecrationes, intronizationes fieri non debebant; quod quia factum fuerat jam ex parte sub præsentia cardinalium *Alberti* & *Theodini*, qui cum licentia regis patris & gratia, quem principem Christianissimum & dixerunt & scripserunt, à *Normannia* jam recesserant, appellaverat, & adhuc per epistolam appellabat. Sic intermissis consecrationibus quique redierunt ad propria.

Ludovicus rex Francorum ad *Normanniam* penitus devastandam, innumerabilem congregavit exercitum octabis sancti *Johannis Baptiste*. Auxiliariis undique concurrentibus primo impetu statuit delere *Vernolium*. Fixis circumquaque tentoriis, quam ex parte primos experiretur conatus missis exploratoribus cœpit inquirere. Reportatum est, castrum inaccessible, utpote fossatis circumdatum, cinctum muris, propugnaculis obsitum, viris bellicosis ebulliens, radiantibus armis refertum, victualibus multis abundans, & nisi longa obsidio fame coarctaverit multitudinem intus obsessam, *Franci* poterant inani labore consumi, vel atteri

HENR.
cus II. rex

prorsus irreparabili jactura. Ad sumptus igitur exercitui providendos, relatio necessaria domicilio cujusque transmittitur. Per totam Galliam fit descriptio generalis. Nullus immunitate gaudebat. A sedente in folio usque ad laborantem in mola, vel in prostibulo dormientem, manum extendere videbantur regii exactores. Non sexus, non ordo, non dignitas à muneribus sordidis vacationem habebat. Persona fortunæ injuria miserabilis si vel agellulum possideret vel asinum, urgebatur conferre. Hujuscemodi passim imprecabantur expeditioni, qui ut exercitui necessaria ministrarent, distrahere patrimonialia cogeantur.

Rex filius *Philippum Flandrensem* Comitem, *Mathæum* fratrem suum Comitem *Boloniensem*, multis & magnis promissionibus emollos in stigatione regis *Francorum* suam traxit in partem. Qui quamtocius multitudinem armatorum sub edicto vocantes, primoribus *Flandria* renitentibus, intraverunt cum eo *Normanniam* in superbia magna. Castellum itaque de *Albamarle*, quod sine quorundam ignominia dici non potest, est celeriter expugnatum. *Willelmus* Comes dominus ejusdem castri, Comes *Simon*, & alii plures capti sunt intus, & ad redemptionem compulsi. Qui duo prodicionem ab aliis non à suis factam captionis suæ traxerunt in culpam. Castello juxta voluntatem Comitatus custodiæ deputato obsederunt *Drivencurt* castrum munitissimum, & militibus electis commissum. Sed quoniam ubi caput languidum est, membra robusta suum non possunt exercere vigorem, expugnatum est & ipsum armis eisdem, assultu consimili, eo infortunio quo & castellum de *Albamarle*, & similiter custodiæ deputatum. Cum inde progredierentur versus castrum *Arches*, *Boloniensis* Comes in festo sancti *Jacobi* à quodam marchione vulneratur ad mortem. Quod divino judicio factum esse pro certo cognoscimus. Nam quia propositis & tactis sacrosanctis reliquiis, inter quas & manus sancti *Jacobi* præsentialiter habebatur, quinquennio jam transacto in festo sancti *Jacobi* fidelitatem patris regis juraverat, & sicut modo apparuit in omnium oculis dejeraverat, in ultionem tanti sceleris, in die festo sancti *Jacobi* letali vulnere percussus est. *Philippus* Comes de reditu festino sollicitus, cum victoria simul, & cum gaudio remeasset ad propria, nisi quia prodicionis nota suos denigraret successus, & nisi quia mors fratris quæ imminerebat dubios belli eventus sibi repromitteret in futurum. Rediit itaque per comitatum *Aucensem* quem rex filius potestati suæ jam totum subjecerat.

Rex pater eo tempore morabatur *Rothomagi*, ut populo videbatur æquo animo ferens quæ fiebant in terra. Frequentius solito venatui totus indulgens, venientibus ad se vultum hylaritatis prætendens, aliquid extorquere volentibus patienter respondens. Hi quos ab annis puerilibus enutrierat, hi quos donaverat cingulo militari, hi quos domesticos prius habuerat & in consiliis familiarissimos, cotidie dilabebantur ab eo, credentes ejus dejectionem futuram in brevi: Filii dominationem arbitantes procedere juxta regis *Francorum* & principum voluntatem. Qui ut causam ejus foverent attentius eum cum tanta sollicitudine, cum tantis expensis, cum tanto discrimine promovere curabant, se, sua suosque contemplatione ipsius diversis generibus morcium, rapinis, depraedationi-

bus, & incendiis incunctanter exponere minime dubitantes.

Ut audivit rex pater *Philippum Flandrensem* Comitem à *Normannia* recessisse, quantum potuit subito congregavit exercitum, ut si regem *Francorum* intra fines *Normannia* repperisset, prælium iniret cum illo.

Obsesso *Vernolio* idus *Julii*, an lignis, an lapidibus undique comportatis *Franci* fossatum repleverint, & redegerint in planitiem, noli quærere. Ne quæras etiam an ad subvertendum castrum erexerint machinas muris altis etiam altiores, an impetui faciendo resistentes attriverint, an fundis *Balearibus* lapides jaciendo dejecerint propugnacula. Nam quotiens parati ad pugnam *Franci* muros appropinquare condixerant, à *Normannis* gravi semper affectu jactura repellebantur.

Intra septa *Vernolii* burgum quoddam à divitibus mixtim & pauperibus inhabitatum, alto clausum muro, certis distinctum limitibus, proprio designatum vocabulo, *Burgum* videlicet *Regina*, quoniam à tempore obsidionis pauperum & debiliū intus fuerat multitudo conclusa, fame cepit periclitari. Quod cum ad regis *Francorum* noticiam pervenisset, *Burgi* portas sibi petiit aperiri, lege proposita, quod si quis intra triduum proximum subveniret *Burgo* conclusis, quod impossibile judicabat, ab omni læsione servarentur indemnes. Hoc observandum legitime, *Robertus* Comes frater regis *Francorum*, *Henricus* Comes de *Campania*, *Theobaldus* Comes *Blesensis*, nomine regis *Francorum* sacramento firmarunt.

Henricus rex *Anglia* secum habens *Rothomagensis* archiepiscopum, episcopos plures, Comitem *Willelmum* de *Mannavilla*, *Ricardum* Comitem de *Estriguil*, qui nuper ab *Hybernia* venerat, proceres plurimos, multitudinem armatorum tam equitum quam peditum, quos ab urbibus & castellis salva ipsorum custodia jam evocaverat, impiger advolat ad succurrendum *Burgo* conclusis, & ipsa die qua data fuerunt induciæ, ipsa die qua rex *Francorum* receptus est intra *Burgum*, marchionum catervis, *Brebatinorum* cohortibus faciem suam præcedentibus, figit tentoria loco castris idoneo, sed ab exercitu *Francorum* aliquantisper remoto, scilicet apud *Conchas*. In crastino dispositis aciebus, & quæ ad pugnam necessaria videbantur ex ordine pertractatis, nuntios dirigit in mandatis habentes verbis pacificis dicere regi *Francorum*, quatinus à *Normannia* cum indemnitate suorum recederet, alioquin visitaret eum ipsa die set in manu robusta. Quod audiens rex *Francorum* cum sciret regem *Anglia* fortissimum esse & amaro animo, veluti si uria raptis catulis in saltu sæviat, fuga suis nec dicam sibi consulere potius quam pugnare decrevit, & sic veritus à facie regis *Anglia* conventionis oblitus quam inierat cum *Burgensibus*, & inmemor sacramenti, *Burgum* succendit, spolia diripit, captivos abducit, & equum velociorem ascendens intra *Galliam* se cum festinatione recepit. Impedimenta *Francorum* *Normannis* supervenientibus & obsessis, data sunt in prædam. Quæ esculenti & poculenti causa fuerant, ad exercitum *Francorum*, sive plaustris, sive quadrigis, sive bigis, sive summiariis comportata *Brebatinis* & marchionibus in direptionem cesserunt v. idus *Augusti*.

Obsessa est *Legecestria* v. non. *Julii*. Sumptibus

bus expensis laboribus in obsidione consumptis, commodum inde proveniens non satis æqua lance respondit; fortuito casu pro maxima parte civitate combusta, cives tractaverunt de pace. Mareis itaque trecentis à civibus numeratis & regis thesauro appensis, data est eis licentia recedendi & abeundi quo vellent, compositis sarcinis, dummodo vel in urbibus, vel in castellis, vel in villis regis habitandi locum assumerent. Illis abeuntibus, subvertæ sunt portæ civitatis, pars murorum destructa. Militibus castello conclusis datæ induciæ usque ad festum sancti Michaelis. Et sic soluta est obsidio v. kal. Augusti.

Rex Scottorum *Willelmus* quæ in provincia *Nor-thanhymbrorum* avo suo regi *David* fuerant donata, tradita, cartis confirmata, quæ etiam fuerant ab ipso tempore longo possessa, repetens à rege patre sed repulsi inveniatis, congregavit exercitum, habens multitudinem infinitam *Galwalsensium*, agilem, nudam, calvitie multa notabilem, sinistram laeus munientem cultellis, armatis quibuslibet formidandis, jaculis jaciendis & dirigendis in longinquum manum habentem aptissimam, lanceam longam cum ad bellum progreditur erigentem pro signo. Per fines itaque *Hugonis* episcopi *Dunelmensis* securum transitum habens, rex *Scotie* cœpit *Angliam* depopulari, succendere villas, innúmerabilem congregare prædam, captivas abducere mulierculas, à prægnantium uteris infantes semivivos abstrahere. Ad propulsandam ergo tantam & talem injuriam, *Anglia* magnates arma cum ea qua fieri potuit acceleratione sumentes regem *Scotie* subito fugam arripere coegerunt & infra *Scotiam* se recipere. Qui sequentes ejus vestigia totum *Loheneis* vastaverunt incendio, quicquid repertum est extra muros datum est *Anglis* in direptionem. Et sic ad petitionem regis *Scotorum* datis induciis usque ad festum sancti *Hylarii* magnates *Anglie* cum victoria redierunt.

Robertus Comes *Legecestrie* consumpta pecunia quam ab *Anglia* secum asportaverat reversurus in *Angliam*, & per *Flandriam* transitum habens, cum uxore, cum suppellectile venit apud *Witsant*, ubi tam *Normannorum* quam *Flandrensium*, tam equitum quam peditum, plurima comitante caterva navem ascendit, & velis in altum expansis appulsus est in *Southfolc* apud *Waltonam* 3. kalendis Octobris. Qui navibus cum festinatione remissis, ad expugnandum castrum in supercilio montis constructum diebus iiij. laboravit, & licet Comitem *Hugonem Bigod*, & quotquot poterat congregare cum machinis in auxilium habuisset, excelstæ turri muris fundatæ fortissimis nocere non potuit. Inde progrediens, post aliquot dies iiij. scilicet idus Octobris castellum de *Hageneth* invasit, cepit, succendit, xxx. fere milites intus captos ad redemptionem coegit. Regrediens ad *Framelingham*, cum mora ejus onerosa *Hugoni Bigod* domino castri videretur, set uxori ipsius *Hugonis* plurimum odiosa, necessitate compulsus ad *Legecestriam* visitandam animum direxit & gressum: subitum igitur iter arripiens proposuit à læva relinquere burgum sancti *Edmundi*. Quod exercitum regis patris qui tunc temporis ad patriam conservandam inibi morabatur latere non potuit. Stipatus milite multo Comes & paratus ad pugnam, in tribus milibus *Flandrensium* armatorum quos viæ participes tunc habebat confi-

debat non minimum. Verum si milites regis militibus Comitibus conferantur, regalium numerus militiam Comitibus excedet in quadruplum. Si vero capita capitibus sub æqua dinumeratione respondeant, si armatorum hinc inde copiam tam equestrem quam pedestrem æqua lance quis colligat, multo plures erant cum Comite quam qui steterant ex adverso. Inito ergo certamine & ictibus ictuum multiplicitate repulsis, post varios belli eventus Comes, Comitissa, quotquot *Normannorum* & *Francorum* cuneis venerant capiuntur, xvj. kal. Novembris. *Flandrensium* pars major occiditur, pars quædam submergitur, minima pars ad vincula subeunda pertrahitur. *Hugo* de Castello capitur, & *Walterus* de *Wabelle*.

Rex patre moram faciente *Rothomagi* nuntiatum est, electam regis filii regis militiam apud *Dolensem* urbem à *Brebatinis* suis circumclusam. Qui statim equi dorsum infiliens, & eum calcaribus urgens, prima nocte apud *Tenerchebrai* paululum dormiendo quievit. Sequenti mane in *Britanniam* veniens, scilicet ad *Dol*, militiam filii per dies aliquot repugnantem insimul comprehendit. Inimicorum suorum multitudo permaxima priusquam veniret à *Brebatinis* fuerat interempta. Captus est Comes *Cestrensis*, *Radulfus* dominus *Fulgeriarum*, *Radulfus* de *Haia*, *Willelmus* *Paritius*, *Hasculfus* de sancto *Hylario*, & cum istis fere quater viginti milites.

Cantuariensis electus habens in comitatu *Batoniensem* electum *Romam* profectus est.

Congregatus est infinitus exercitus apud *Colecestriam*, apud sanctum *Eadmundum*, apud *Stpelswic*, ad superbiam *Hugonis* Comitibus reprimendam. Qui cum posset sicut plurimis videbatur expugnari de facili, quia *Flandrensium* multitudo quæ ad eum confluxerat, si fuisset in castello conclusa, pro penuria victualium deperisset, pro pudor! *Anglie* magnates interventu pecuniæ, sicut dicitur, datis & acceptis induciis usque ad octabas Pentecostes securum xiiij. milibus *Flandrensium* armatorum per *Essexam*, per *Cantiam* invenerunt conductum, & naves ad transfretandum paratas apud *Doueram*.

Nicholaus *Romane* ecclesiæ subdiaconus à domino papa transmissus ab archiepiscopis, episcopis, abbatibus, abbatissis, prioribus, archimandritis plurimam collegit pecuniam in usus ecclesiæ laborantis in scismate convertendam.

Rex filius regis Comitem *Theobaldum*, Comitem *Perticensem*, Comitem de *Soenis*, & cum eis milites fere quingentos habens in comitatu *Sagiensem* urbem invasit; sed civibus etiam sine principe, etiam sine duce viriliter resistentibus nichil profecit.

Rogerus de *Munbrai* regis patris à fidelitate recedens in *Axiholme* castellum ab antiquo constructum, set nunc temporis dirutum reedificavit. Multitudo *Lincolniensium* in eam insulam transvecta navigio castellum obsedit, constabularium cepit, milites intus inclusos pro aquæ penuria laborantes, ad deditionem coegit iiij. non. Maii. Rursus castellum intra dies paucissimos subversum est.

Rex pater dubitans ne vel rex filius, vel quilibet alii marchiarum vicinantes intra suos fines irrumperent & *Normanniam* devastarent, eam demestricis familiaribus, & fidelibus suis lateri suo jugiter prius adherentibus custodiendam commisit.

HENRI- Ipse vero duobus solummodo secum assumptis, scilicet *Aluredo de Vavaci*, *Gaufrido Esturmi*, qua fide sui stare cum eo proposuerant experiri proponens, ingressus *Cenomanniam* 2. kal. Maii *Cenomannicis* undique confluentibus, & ad suum per omnia paratis obsequium, si vel bellum ingrueret, vel aliud immineret discrimen, vel etiam mortis instaret periculum. Transiens ergo per patriam, multis militum stipatus catervis, animos suorum in se corroborans, de finibus terræ muniendis & defendendis proceres terræ illius satis exortans, cum attigisset *Andegavia* fines, universos remisit, duos quos prænomina vimus habens in comitatu. *Andegavenses* celerius, & celebrius *Cenomannicis* occurrerunt regi, multo enim devotius, multo alacrius, multo instantius ad omnia quæ rex proponeret se suo submisserunt arbitrio. Omnibus inibi pro voluntate completis diem *Pentecostes Pictavis* celebravit: ubi cum audisset, *Ricardi* filii sui militiam urbem *Santoniam* occupasse, sumptis secum *Pictaviensibus* ad eam liberandam cucurrit. Milites illi, nec Deo, nec ecclesiæ sanctæ reverentiam exhibentes, majorem ecclesiā cum facibus & laternis ingressi sunt, & ipsam in castellum subito redigentes, armis & victualibus impleverunt. Cum autem rex citius quam milites credidissent urbem appropinquasset, & in tribus eam munitionibus nimis confidere satis edoctus fuisset, ad invadendum totus incubuit. Præsidium itaque primum quod in ingressu civitatis fuerat ab antiquo constructum subjugavit inprimis. Deinde progrediens aggressus est fortuna consimili capiteillum; præsidium majus set præsidio primo multo antiquius. Ad ultimum accessit ad majorem ecclesiā militibus multis & armatis refertam, oppressam à sagittariis, à lenocinantibus conculcatam. Accessit illud, attendens quod in religionem divinam committitur in omnium fertur injuriam. Accessit, inquam, non ut ecclesiā impugnaret, non ut violaret, non ut contaminaret, set potius ut eam emundaret à sordibus. Extraxit ab ecclesiā violatores ecclesiæ. Extraxit, nam frustra legem invocat qui legem impugnat. Capti sunt intus tam in hac scilicet munitione quam in duabus aliis milites circiter Lx. Sagittarii circiter CCCC. Præscius eorum quæ fiebant in *Flandria* cogitabat de reditu. Sex viris illustribus *Aquitanniam* defendendam & conservandam commisit. In confinio *Nannetensium* & *Andegavensium* præsidium quoddam vocatum *Ancenis* opere sumptuoso construxit, ubi quid faber lignarius & sciret & posset manifestum fecit. *Andegaviam*, *Cenomanniam*, & maxime castellum *Ancenis*, *Mauritio de Creun* tradidit custodiendum. Veniens in *Normanniam* quos marchia suæ præfecerat, & quos constituerat custodes castrorum sub edicto vocavit apud *Bonam villam*.

Philippus Comes *Flandrensium* præsentē *Ludovico* rege, præsentibus regni *Francorum* majoribus, juraverat tactis factos sanctis reliquiis, quod infra xv. dies post instans festum sancti *Johannis* intraret *Angliam* in valida manu, & eam regis filii regis subiceret potestati. Hac fiducia tractus rex filius ij. idus *Julii* venit apud *Witsand*, *Radulfum de la Haie* cum militia multa transmissurus in *Angliam*. *Flandrensis* Comes CCCxviij. non dicam expeditos vernaculos, set milites probatissimos, & à *Flandrensium* multitudine selectos, ad

transfretandum præmisit. Qui postquam appulsi sunt *Henricus* in *Angliam* apud *Airewellam* xvij. kal. *Junii* sociis eorum pro maxima parte periclitatis, ilico *Comitem Hugonem* secum assumptes invaserunt *Normicum*, ceperunt, prædati sunt, infinitam inde pecuniam asportarunt, multos abduxerunt captivos, & ad redemptionem gravissimam coegerunt xiiij. kal. *Julii*.

Iusticiarii regis videntes mala quæ fiebant in terra, cum multos nuntios transmisissent nec quicquam certi de reditu regis patris in *Angliam* suscepissent, ad ultimum necessitate compulsi de communi consilio transmiserunt *Ricardum Wintoniensem* electum, quem pro certo sciebant cæteris multo familiaris, multo ardentius, multo instantius locuturum cum rege, gentis suæ dampna, necessitates, pericula fidelius expositurum, procerum simulates, civium instabilitatem, acclamationem vulgi frequenter in deteriora proclivem, cupidam novorum, ad motus quoslibet reprimendos difficilem, securius ostensurum. Electus itaque celeri navigatione transvectus invenit regem apud *Bonam villam* generale colloquium cum *Normannis* habentem in festo sancti *Johannis*.

Normanni Wintonienses electi adventum intelligentes & causam, dixerunt, Cum *Angli* tot emitterent nuntios & istum nunc dirigunt, quid amplius aliud transmissuri sunt ad regem revocandum in *Angliam* nisi turrim *Lundonia*?

Rex nuntium talem cum debita veneratione suscipiens, quantam fidem verbis ejus habuerit probavit eventus. Nam ipsa die de limitibus patriæ muniendis & conservandis, de custodia castrorum cum familiaribus suis pertractans se cum tota domo sua præparavit ad reditum: *Reginam Alienor*, *reginam Margaritam*, filium & filiam, *Johannem* & *Johannam*, & uxores filiorum suorum intra paucos dies secum adducens. *Comitem quoque Cestrensem*, *Legecestrensem* *Comitissam*, & alios plures quos habebat in vinculis ante faciem suam præmisit apud *Barbesle*, ubi plurimis navibus religatis plurima turba morabatur regis transfretationem expectans. *Brebatinorum* *Marchionum* innumera manus cum armis & impedimentis transfretavit apud *Ostream*. Cum autem rex festinasset ad portum octavo Idus *Junii* avulsis à littore navibus summo mane navem ascendit, velis igitur in altum expansis visæ sunt undæ multo intensius intumescere. Ventus enim ad horam increfcens & remissus ad horam transitum ea die nautis reddebat suspectum. Quorum facies regi visa suppressior aliquid innuit dubitationis subesse. Set cum rex ventum ex directo venire, navem cursum in *Angliam* via recta dirigere, flatus creberri-mos vehementer ingravescere didicisset, erectis in cælum luminibus palam omnibus ait, Si quæ ad pacem sunt cleri & populi habeam in proposito, si pacem in adventu meo reformandam rex cælorum disposuit, tunc pro sua misericordia portum michi indulgeat salutis: si autem fuerit aversus & regnum in virga visitare decreverit, nunquam michi datum sit vel fines regionis attingere. Orationem ejus auditam sui satis præsumere potuerunt, quoniam ipsa die qua navem ascenderat hora diei vespertiente cum inde impnitare rerum apud *Hamonis portum* appulsus est. Extunc utens tenui diætā, pane scilicet & aqua, rerum curam disponendarum omittens, abstinens à civitatibus

civitatum ingressu quousque vota orationum apud
Thomam martyrem gloriosum cum devotione per-
 solveret. Interjacens itaque spacium cum accelerati-
 one pertransit. Cum autem appropinquasset *Cantua-*
riam, equo desiliens & regiam prorsus majestatem
 sequestrans, nudus pedes, faciem peregrinantis, faci-
 em poenitentis, faciem supplicantis assumens iij. idus
 Junii vj. feria pervenit ad majorem ecclesiam. Inde
 cum affluentia lacrimarum, cum gemitibus & suspi-
 riis peccit martyris gloriosi sepulchrum. Ubi toto
 corpore prostratus manibus expansis diutius in orati-
 one permansit. Interim ore *Londoniensis* episcopi
 sermonem habentis ad populum rex publice prote-
 statur est, Deum testem vocans in animam suam,
 quod mortem archiepiscopi nec mandavit, nec voluit,
 nec artificio perquivit. Sed quoniam interfectores
 ex verbis suis non satis circumspicte prolatis occasio-
 nem sumpsissent, ab episcopis qui praesentes tunc ade-
 rant absolutionem petebat, & carnem suam discipli-
 nae supponens virgiscæsus est, à singulis viris religiosi-
 20 quorum multitudo convenerat, terros ictus vel eti-
 am quinos excipiens. Surgens ab oratione, vestibus
 relumptis quas prius exuerat, muneribus preciosis
 preciosissimum martyrem honoravit, assignans insu-
 per annuos redditus xl. libras ad luminaria jugiter
 circa martyrem in venerationem martyris concin-
 nanda. Sic reliquum diei, totam quoque noctem
 sequentem in amaritudine animæ suæ transiegit, de-
 ditus orationi, vigiliis deditus, jejunium usque in
 30 tertium diem continuans. Et quia spiritus contribu-
 latus, cor contritum & humiliatum acceptissimum
 deo sacrificium est, cum tociens ad exemplum regis
David clamando repetierit, *Peccavi Domino, pecca-*
vi Domino, audire meruit à propheta, *Dominus*
quoque transtulit peccatum tuum: Quin martyrem
 sibi placabilem jam reddiderit, quin peccatum ejus
 translatum possumus prædicare securi, non est qui du-
 bitet. Nam ipsa die sabbati qua indulgentiam sibi
 dari postulabat à martyre, sepulcrum martyris fre-
 quenter deosculans, tradidit Deus *Willelmum* regem
 40 *Scotorum* in manus suas, custodiæ mancipatum apud
Richemont, ut adimpleretur illud propheticum, *Da-*
bitur maxillis ejus frenum quod in Armorico sinu
fabricabitur, sinum vocans Armoricum castellum
 de *Richemont*, ab Armoricis principibus & nunc &
 ab antiquis temporibus hæreditario jure possessum.
 Ipsa etiam die sabbati rex filius, navibus quas con-
 gregaverat ad transfretandum in *Angliam* dissipatis,
 cepit redire in *Galliam*.

Votis orationum cum tanta devotione completis,
 rex pater regrediens aliquantulum fecit moram *Lun-*
donie, regni majores illuc sibi reperti occurrisse.
 Inde progrediens manu valida xiiij. kal. *Augusti*
 venit ad *Huntendoniam*, & castellum ab viij. idus
 Maii satis viriliter obsessum & longa diutius obsidio-
 ne circumquaque vallatum, in deditionem accepit
 xij. kal. *Augusti*. Milites Comitis *Leicestriae*
 dominum suum à vinculis quibus gravissime preme-
 batur eruere cupientes, munitionem *Leicestriae* & de
 60 *Muntfores* & de *Grobi* potestati regiae submiserunt
 xj. kal. *Augusti*.

Resus princeps *Waliae* cum multitudine *Walensium*
 obsedit *Stutesberie*. Procures *Northanhymbrorum*
 ducem habentes *Lincolniensem* electum filium regis
Malefart castellum scilicet *Rogeri de Molbrai* viri-
 bus subjugarunt. Cum autem rex turmis militum
 undique confluentibus apud sanctum *Edmundum*

maximum congregasset exercitum, de communi con-
 filio duo castella *Hugonis Bigod* Comitis de *Nor-*
folke, *Framingeham* scilicet & *Bungeie*, simul obfi-
 dere decrevit. Comes vero quingentos secum mili-
 tes habens & multitudinem armatorum, quia viribus
 erat longe inferior, & aliquem sibi posse succurrere
 desperabat, habito tractatu cum illa paucitate suo-
 rum quæ secum remanserat, omnes quidem fere sui
 jam ab eo recesserant, necessitate compulsus datis
 10 obsidibus milibus marcarum appensis pacem regis
 emeruit, viij. kal. *Augusti* homagium regi fecit, fi-
 delitatem juravit & rursus in suam ligantiam rediit.
 Multitudo *Flandrensi* quam *Philippus* Comes
 venturus in *Angliam* sicut disposuerat, sicut tactis
 sacrosanctis reliquiis regi *Francorum* constanter pro-
 miserat, ante faciem suam præmisit, (præstito sacra-
 mento quod amplius *Anglia* fines cum hostili manu non
 ingrederetur,) cum licentia regis repatriavit. Milicia
 regis filii regis cui præerat *Radulfus de la Haie* li-
 20 bera cum armis & impedimentis recessit. Nuntii
 missi sunt à *Roberto* Comite de *Ferires* & à *Rogero*
 de *Molbrai*, quorum castella tunc obsidebantur, sci-
 licet *Estutesberie* & *Tresc*, requirentes pacem

Willelmus Comes *Glocestriae* & *Ricardus* Comes
 de *Clare* gener ejus de quibus habebatur suspicio,
 quod in partem adversam declinare proponerent, oc-
 currerunt regi, suo per omnia parituri mandato. Sic
 igitur in articulo temporis per intercessionem san-
 ctissimi *Thoma* martyris, rex pater per omnia regni
 sui confinia potentissimus vij. idus *Augusti* navem
 ascendit apud *Porcestre*, ducens secum regem *Scotto-*
rum, Comitem *Leicestrensem*, Comitem *Cestren-*
sem, *Hugonem de Castello*, quos habebat in vinculis.
 Et prospera navigatione transvectus iij. idus
Augusti venit *Rothomagum* quam invenit ob-
 lectam.

Amaurico regi *Jerosolimitano* *Baldewinns* filius
 suus adhuc in puerilitate constitutus & corpore plu-
 rimum extenuatus successit.

40 *Ludovicus* rex *Francorum*, *Henricus* rex filius,
Philippus Comes *Flandrensis*, viribus undequaque
 collectis innumerabilem congregarunt exercitum.
 Et à sinistris *Sequanam* relinquentes, à parte sep-
 temtrionali *Rothomagum* obsederunt xi. kal. *An-*
gusti, id habentes in animo, ut quod anno præterito
 transgressio sacramenti denigraverat apud *Vernolium*
 dum obsideretur à *Francis*, quod nota prodicionis
 obsuscaverat apud *Driencurt* dum à *Flandrensi*
 50 obsideretur, totum illud subacta *Rothomagus* colora-
 ret. *Normanni* respectu multitudinis quæ superv-
 nerat pauci, viriliter resistunt, & propugnaculis in-
 nixi murorum, hostes de foris agmine facto muris
 appropinquantibus & confidentes in machinis, modo
 quadratis lapidibus, modo sudibus præacutis, modo
 longissimis trabibus in præcipitium ruere coegerunt;
 set ne requies ulla daretur obsessis, & ut vires suas
 distinctius & animosius experirentur, nunc vicaria
 successione *Flandrenses* cedebant, *Francis* prope-
 rantibus ad certamen; nunc respirantibus *Francis*
 60 acriores insurgabant *Flandrenses*; omni nisu murum
 cupientes sustinere. In tali concertatione gens utra-
 que dampno semper affecta non illud suo set suorum
 principum infortunio deputabat, qui præter rationa-
 bilem causam alienos irrumpere fines ausu temerario
 præsumebant. *Normanni* cum regis patris tunc in
Anglia triumphantis causari possent abientiam, in
 subsidium principis fidem, justiciam, veritatem sibi
 principes

HENRI principes elegerunt, sub quibus certum expectantes
II. rex. triumphum nec minis adversantium, nec ullo perturbari potuerunt incurfu; crebras invasiones, congressus acerrimos constantissime superantes. Augebatur cotidie numerus *Normannorum* victualibus abundantium. E contrario plures fame periclitantes per dies singulos ab exercitu dilabebantur. Diebus multis in discrimine multo decursis, dum rex *Francorum* regem patrem in manu valida *Rothomagum* adventasse certis relationibus didicisset, versus est in stuporem, & metuens ne sicut fama jam increbruerat rex pater limites *Francorum* itumpens obsideret *Parisiis*, quomodo solveretur obsidio salvis corporibus tractavit cum suis. Itaque de communi consilio tam *Franci* quam *Flandrenses* ignem machinis apponentes, avulsis tentoriis, mapalia succedentes & pergulas non sine detrimento famæ xxix. kal. Septembris recesserunt ab urbe, minis, iactationibus, sacramentis, de diruenda *Rothomago* tam incaute tocians interpositis suspensis ad tempus. Extremam partem castrorum marchiones impugnantes instanter, arma plurima necnon & impedimenta diripuerunt in prædam.

Theodoricus Aufesensis hæredibus aliis deficientibus hæres ipse nactus comitatum *Flandrensem* occiso *Willelmo* Comite *Flandrensi* Longa spata consobrino suo, ex Comitissa sua *Sibilla* amica regis *Henrici Anglorum* genuit filium vocabulo *Petrum*. Qui post dies patris cum ad ecclesiam *Cameracensem* regendam electus annis pluribus præfuisset eidem, & redditus percepisset, metuens ne si *Philippus* Comes frater suus sine liberis degens à *Normannis* confossus occumberet, hæreditas transferretur ad externos, ab inermi militia transit ad armatam, & cingulo militari donatus, donativum antecessoribus suis à *Normannia* debitum, scilicet aut mortem aut vulnus tempesteve recepit. Nam sicut *Baldewinus* Comes *Flandrensi* quondam interfectus est à *Normannis*, & sicut *Mathews* Comes *Bolonien* ipsius *Petri* frater anno præterito letale vulnus excepit apud castellum *Arches*, sic & ipse *Petrus* in obsidione *Rothomagi* gravissime vulneratus cum *Philippo* fratre suo recessit exterritus.

Cantuariensis electus dum *Romam* tenderet scismaticorum insidias declinare proposuit. Sub hisdem diebus universus orbis infectus ex aeris nebulosa corruptione stomacho catarrum causante generalem tussim, ad singulorum perniciem, ad mortem etiam plurimorum inmissam vehementer expavit. Diebus itaque nataliciis *Placentie* celebratis, quia transitus sibi per *Tusciam* plurimum haberetur suspectus *Jannensem* divertit ad urbem, ubi navem ascendens xix. kal. Februarii maris sævitiam, fluctuum elationem, procellarum fragores, piratarum incurfus frequenter expavit. Novem ergo diebus in tali voluptate decursis appulsi sunt apud civitatem veterem scilicet *Centum cellis*. Inde sub paucorum interstitio dierum *Romam* visitans, & fines ejus pertransiens papam peciit *Alexandrum*, tunc temporis residentem *Anagni*. Nuncios quoque regis filii regis qui causam appellationis quam ipse per suas *Cantuarie* litteras interposuerat venerant profecturi, sibi plurimum adversantes invenit in curia. Qui cum à regno *Francorum* originem traxerint, ibique rerum ac fortunarum suarum summam constituerint, & in *Ludovici* regis *Francorum* & ecclesiæ *Gallicane* patrocinio spem sui negotii reposuerint, concinnabant

dolos, acuebant linguas, ad convitia convolabant, adversus electiones factas in *Anglia* citra conscientiam & consensum regis filii regis proponebant quam plurima, ad infandas electorum personas totis viribus inhiabant; Demum cuius præferendus esset assensus in jam factis electionibus vel in posterum faciendis, an regis patris an regis filii, diutius ætitatum est, & in consistorio ventilatum, & sicut ex eventu apparuit æqua lance terminatum in fine. Verum ne criminum concinnatores aera verberasse viderentur in vanum, & commenticiis fraudibus minimum profuisse, *Cantuariensis* electus suam purgavit innocentiam, Quod pro electione sua nec ante electionem, nec post aliquid dederat vel promiserat. Quod etiam sacramentum regis fidelitatis præstiterat non simpliciter set apposita scilicet illa sollempni clausula quam apponunt episcopi de consuetudine, *salvo ordine suo*. Rursus quoniam de origine sua fuerat interfectus tractatus prolixior, viri plures discreti quorum multitudo stabat cum ipso *Cantuariensi* electo, propositis evangelii juraverunt, quod in electione ipsius vel ante electionem non audierant ipsum nisi de legitimo matrimonio conceptum & editum. His itaque peractis iij. Non. Aprilis ejus electio confirmata est. Cum autem *Cantuariensis* hoc modo se purgaverit, aliquam infamiae notam sustinere non debet, cum *Damasus* papa, *Symacus* papa, *Pelagius* papa, *Leo* papa, *Alexander* papa, *Sixtus* papa, criminibus variis impetiti suam purgaverint innocentiam & post in ecclesia Dei columpnæ perfliterint firmiores fundatæ supra firmam petram.

Alexander pontifex magnæ & alnæ *Rome*, glorioso *Valentia* regi *Lupo*, cælestis creatoris notitiam & bene placitum ei servitium exhibere. Cum omnes unum Deum patrem habeamus in cælis, ipsum solum totis visceribus colere, tota debes virtute diligere, qui tantam tibi super *Saracenorum* gentes & regna contulit potestatem. Cum autem omnes liberos natura creasset, nullus conditione naturæ fuit subditus servituti. *Cantuariensis* archiepiscopus positus est super candelabrum ut luceat coram hominibus, & ad solatium cleri de clero assumptus est ad ecclesiasticam libertatis speciale subsidium, ad omnium regimen, ad munimen, ad tutamen *Anglorum*, cum in unam eandemque personam intra paucos dies tria concurrerint archiepiscopus, primas, *Apostolica sedis legatus*.

Alexander papa Ricardo *Cantuariensi* archiepiscopo. Intuitu caritatis & ea consideratione quia te quamquam immeriti in episcopum propriis manibus consecravimus, & tibi plenitudinem contulimus potestatis, de fratrum nostrorum consilio tuis justis petitionibus benignitate debita duximus annuendum, atque prædecessorum nostrorum pie memoria *Paschalis* & *Eugenii* Romanorum pontificum vestigiis inhaerentes, tam tibi quam tuis legitimis successoribus *Cantuariensis* ecclesiæ primatum ita plenum concedimus, sicut à *Lanfranco* & *Anselmo* aliisque ipsorum prædecessoribus quondam *Cantuariensibus* archiepiscopis fuisse possessum constat.

Juramentum.

EGo juro per patrem & filium & spiritum sanctum me nullius favore personæ, neque commodo aliquo interveniente testari, sed hoc quod in questionem venit scio, & per memet ipsum cognovi.

Antiquorum innovatio privilegiorum, & intuitu sanctissimi *Thoma* martyris novorum facilis impetratio, *Dorobernensem* archiepiscopum ad reditum properare, pluribus causis concurrentibus suaserunt: Qui cum licentia Domini papæ, cum gratia Cardinalium recedens à curia, vij. kal. Julii apud *Sturam* in *Romaniam* trierem ascendit, & post aliquot dies appulsus est *Jannæ*. Jura quoque montium cum prosperitate transcendens, intra valles *Moriana* in ecclesia sancti *Johannis*, & in vigilia sancti *Johannis* baptistæ *Batonensem* electum consecravit, archiepiscopo *Tarentasie* præsentem manum etiam apponente, acceptæ prius purgatione *Batonensis* electi, quod mortem beati *Thoma* neque verbo, neque facto, neque scripto procuravit scienter. Alii juraverunt quod sicut oppinabantur conceptus fuit, priusquam *Jocelinus* pater suus ad gradum sacerdotii promoveretur.

Archiepiscopus *Batonensi* comitatus episcopo *Burgundie* promontoria, campestris *Gallie*, *Nensie* littora, cum aliqua remotione transcendit, pertransiit, attingit, & propositum habens in *Angliam* transfretandi peciit *Barbari fluctus* portum, ubi rex pater regis à nave descendens, & ad oblesam *Rothomagum* liberandam, ad superbiam hostium elidendam & dexteræ Dei virtute penitus prosternendam toto mentis ardore festinans, eum in hospitio visitavit. Archiepiscopus celeri navigatione transvectus tendens *Lundoniam*, à magnatibus *Anglia* quorum inibi multitudo convenerat receptus est honorifice iij. non. Septembris. Sed quia se prosperis soleant immiscere frequenter adversa, cum suæ cursum peregrinationis feliciter consummasset, sub ipso reditu suo *Cantuariensis* ecclesia subito, pro dolor! conflagravit incendio Non. Septembris. Vacantium ecclesiarum principales personæ quosque sibi pastores elegerunt sub edicto vocantur. Et quoniam adversus *Elyensem* electum nuncii regis filii regis coram summo pontifice plurima proposuerant, in quo sua gravari videbatur opinio apud bonos & graves viros, in capella sanctæ *Katerine* de *Westmonasterio* in communi audientia suam purgavit innocentiam, quod mortem archiepiscopi *Thoma*, neque verbo, neque facto, neque scripto procuravit scienter, & quod in sacris ordinibus constitutus, nec aliquam duxit, nec ductam cognovit. Omnibus itaque fere confirmatis electionibus kal. Octobris suffraganei suo communiter occurrerunt archiepiscopo iij. Non. Octobris apud *Cantuariam*. Qui sua sollempniter constitutus in sede, ipsa die generale proposuit electis edictum in hæc verba. *Hodie abstinebitis & cras Deo volente consecrabitur.* Hora congrua consecrationis instante, *R. Wintoniensis*, *R. Elyensis* archidiaconi, cum Officiales episcoporum dicantur, ad suum spectare contendebant officium electiones factas in ecclesiis, quarum dispositio sibi fuerat pro parte commissa, dum in partem sollicitudinis sint admissi, præsentare metropolitano, sollempnem illam postulationem receptam in scriptis publice recitare. *Walterus Wintoniensis*, *Salomon Elyensis*, Priores in contrarium sentiebant. Quam enim in ecclesiis cathedralibus, ubi canonici divinis manciantur obsequiis, decani sibi vendicant dignitatem: hanc si monachorum conventus in episcopali sede præmineat, sibi jure possunt vendicare Priores. Sed ut omnis in posterum amputetur occasio litigandi de interlocutoria Metropolitanæ sententia, de suffraganeorum as-

sensu, de conventia cleri, *Wintoniensis*, *Elyensis* electi, ad Priorum suorum præsentationem recepti, ad Priorum suorum postulationem episcopi consecrati sunt ij. non. Octobris, & cum ipsis eadem die *Herefordensis*, *Cicestrensis* electi pariter consecrati sunt.

Gaufridus Lincolnensis electus quia nec dominus papa, nec archiepiscopus suam confirmaverant electionem transfretavit viij. idus Octobris juxta consilium patris sui regis, *Romanam* ecclesiam vel in propria persona visitaturus, vel ad ipsam nuntios transmissurus.

Robertus super cujus manum Comes incumberebat *Philippus*, thesaurarius *Turonensis*, *Flandria* cancellarius, præpositus in ecclesiis ascriptus diversis per *Flandriam*, tandem *Atrebatensis*, ad ultimum *Cameracensis* electus, ut obsequium *Ludovico* regi *Francorum* præstaret, adversus regem *Anglorum Philippum* Comitem ad perniciem multam *Flandrensem* instigavit, filios regis *Anglorum* animavit in patrem. Qui ut mala quæ fecerat etiam in vita reciperet, mandato *Jacobi* de *Avennis* interfectus est apud *Edenen* prope *Valentinianas* iij. non. Octobris. Qui vitam pro certo miserabili morte finiens à vilissimis est detruncatus latrunculis.

Franci sumptibus tædiofis affecti, *Flandrenses* à suorum interemptione deterriti, dampna suis illata conferebant adinvicem. Et tam isti quam illi se suæque penitus inutili labore consumi videntes, à *Normannorum* infestatione propositum revocarunt, à limitum incursione pedem cohibentes & manum. Et ut suæ tranquillitati prospicerent, filios regis *Anglorum* ad gratiam patris reducere summo opere studuerunt: filios sane quos si paternam maledictionem, odium cleri, populorum imprecationem incurrisse contendas, ætatis beneficio mereantur absolvi, si postquam ad viriles annos pervenerint, poenitentia fugis, satisfactio digna, patri debitus honor exhibitus cum devotione præterita commissa diluerit.

Rex *Anglorum Henricus* regis pater à discursu per patriam, ab incendio populari, pauperum à rapinis, ab injuriis viduarum, ab orphanorum pressuris, à vinculis captivorum, à virginum raptu sed à sanguinis effusione, quam maxime revocare subiectos regia dignum majestate dijudicans, à tyrannide semper oculos deflexit & animum. Illam insuper, illam humiliationem insolitam *Francorum* atque *Flandrensem* & propositum reformandæ pacis inter ipsum & filios, ex impotentia resistendi procedere minime dubitavit. *Francos* igitur vel dona ferentes evitasse debuerat, & ad ulciscendas tam atroces injurias quas frequenter intulerant viribus totis insurgere, nisi quoniam in hostium hujuscemodi qualibet humiliatione & fœdere subornato, filios suos quos plurimum aberrasse totus fere mundus agnovérat, ad frugem melioris vitæ posse revocare, certa consideratione præviderit. Filios sane quos affectu tanto dilexerat, quos tantarum effecerat dominos nationum, quos ad edomandas gentes & æquo moderamine gubernandas, quos ad tyrannorum terrorem & exterminationem hostium, usque ad summi honoris fastigium sine aliqua cessatione provehere satagebat. Hostibus itaque suis verba pacis habentibus, & ad suum venire colloquium desiderantibus, inter urbem *Turonicam* & *Ambazium* v. idus Octobris occurrit. Quid actum sit ibi docebunt sequentia.

Rex *Anglorum* fidelibus suis salutem. *NOVERIT dilectio*

HENRICUS II. rex

dilectio vestra quod pacem dei gratia feci cum rege Francorum, & filiis meis, & hominibus meis, ad honorem dei & meum. In pactione autem est quod primogenito filio meo dabo singulis annis xv. m. librarum Andegavensium & duo castella in Normannia ad voluntatem meam. Ricardo vero medietatem reddituum Pictavia, & duo castella, unde michi nocere non possit. Gaufrido, medietatem reddituum Britannia excepta media. Homines autem mei omnes qui me dereliquerunt reversi sunt, filiis meis presentibus & illis precipientibus, in homagium & ligantiam meam, & juraverunt michi fidelitatem contra omnes homines. Qui & terras suas habebunt quas habebant, quando a me recesserunt. Rex vero Scotiae & Comes Legecestriae & Comes Cestriae, & alii qui mecum conventionem fecerunt, vel obsides dederunt ante diem pacis huius, in voluntate mea sunt & extra conventionem filiorum meorum. Illi autem quos habeo qui nec obsides dederunt, nec aliquam fecerunt conventionem, per bonam securitatem ad petitionem filii mei liberabuntur. Omnia vero castella qua habebam, vel homines mei in omnibus terris meis in initio guerra, reddita sunt michi. Et illa qua infortiata fuerunt contra me, ad illum redigentur statim in quo fuerunt, quando guerra incepit.

Hostibus itaque profligatis cum milites nongentos lxxix. in manus regis patris Henrici Dominus tradidisset, exacta pecunia nullum ad redemptionem coegit. Quinimmo datis obsidibus vel fidei sponcione devinctos laxavit a vinculis: paucis arciori detentis custodia, quorum facinus enorme, quorum perfidia detestabilis principem manluetissimum provocasset ad iram & de supplicio cogitare compelleret.

Rex filius est contrario jure belli captos a se vel a suis auxiliariis modis quibuslibet interceptos, numerantes pecuniam relaxabat. Quorum omnium numerus centenarium excedebat in paucis.

Wintoniensis, Elyensis episcopi sicut sub uno Principe contemporanei, sicut in palatio regis fuere primi, praecellentes, praecipui, sicut in ecclesia Levitici ordinis sorte pariter insigniti, sicut ad regimen ecclesiarum concorditer evocati, sic in una hora communiter consecrati, sic in uno eodemque die suis sollempniter sunt in sedibus constituti iij. idus Octobris.

Archiepiscopus ad ecclesiarum visitationem, ad exequendum adjunctae legationis officium iter arripit ix. kal. Novembris in ecclesia sancti Pauli Lundoniae sollempni processione, primo receptus est. Visitans Waltamensem ecclesiam Guidonem, ejusdem loci decanum, licet absentem, licet indefensum, quia notitiis pluribus impetitur, ab officio decanatus & presbyteratus suspendit. Et cum sibi debitam patri reverentiam per suam provinciam passim impendissent, sancti Oswaldi Glocestrensis clericos speciali rescripto summi pontificis a sua jurisdictione sicut asserabant exemptos rebelles invenit. Quos dum animadversione gravi percelleret, Rogerus Eboracensis archiepiscopus inde graviter offensus ipsum per internuntios ad sedem Apostolicam appellavit. Provinciae finibus peragratis ex parte, Wintoniam veniens in monasterio virginum Deo dicatarum abbatissam praefecit de collegio Wintoniensi assumptam, nomine Claritiam. Quod aequo ani-

mo sustinere non potuit universitas monialium HENRICUS II. agre ferentium sibi liberam electionem non indultam fuisse, & emendicatis aliunde suffragiis usum esse archiepiscopum ad injuriam domus suae, cum in conventu suo pleraque personae ad fuscipiendum honorem hujusmodi, sicut affirmabant, constanter inveniri possent ydoneae.

Pride non. Novembris circa mediam noctem per unius horae spacium, & eo amplius tota caeli facies ab aquilonari parte sanguineo visa est rubore suffundi.

Willelmus rex Scottorum in Normannia tentus in vinculis apud Faleseiam aliquam consolationem accepit in turba non modica visitatus a suis; Episcoporum igitur & abbatum, Comitum & Baronum regni sui communiter utens consilio, in pago Constantiensi apud Kalonias vi. idus Decembris cum rege Anglorum pacem fecit in hunc modum.

Rex Scotiae devenit homo ligius regis Anglorum de Scotia & de omnibus terris suis, & fidelitatem ei fecit ut ligio domino suo sicut alii homines sui ipsi facere solent. Similiter fecit homagium Henrico regi filio suo & fidelitatem, salva fide regis patris sui. Omnes vero episcopi & abbates & clerus terra regis Scotiae & successores sui facient regi Angliae sicut ligio Domino fidelitatem de quibus habere voluerit sicut alii episcopi sui ipsi facere solent. Similiter Henrico filio suo & heredibus illorum. Concessit etiam rex Scotiae, & David frater ejus & Barones & alii homines sui regi, quod ecclesia Scotiae talem subjectionem amodo faciet ecclesiae Angliae qualem solebat tempore Regum predecessorum suorum. Comites etiam, Barones & alii homines de terra Regis Scottorum de quibus habere voluerit rex Angliae, facient homagium ei contra omnem hominem, & fidelitatem ut ligio domino sicut alii homines sui ipsi facere solent, & H. regi filio suo & heredibus illorum, salva fide regis patris sui. Similiter heredes regis Scotiae & Baronum, & hominum suorum homagium & ligantiam facient heredibus regis contra omnem hominem. Praterea rex Scotiae & homines sui nullum amodo fugitivum de terra regis receptabunt in Scotia vel in alia terra sua nisi voluerit venire ad rectum in curia regis & stare iudicio curiae; sed rex Scotiae & homines sui eum capient, & quam citius poterunt reddent eum regi in Angliam vel iusticiariis suis. Praterea homines regis habebunt terras suas, quas habere debent & habebant de regibus Scotiae & hominibus suis. Pro ista conventionem & sine firmiter observando regi & Henrico filio suo & heredibus illorum a rege Scotiae & heredibus suis, liberavit rex Scotiae regi castellum de Rokelburg & castellum de Berewic. Praterea episcopi, Comites & Barones & omnes homines Scotiae conventionaverunt regi, quod si rex Scotiae aliquo casu recederet a fidelitate regis, quod ipsi cum rege tenebunt sicut cum ligio domino contra regem Scotiae, & episcopi sub interdicto ponent terram regis Scotiae donec ad fidelitatem regis redeat.

Fredericus Imperator Romanus in manu forti penetraturus Italiam valles Moriana simulata pace pertransiit. Alpibus vero transiens Seniam succendit, circumjacentem provinciam devastavit,

HENRI stavit, urbem *Alexandriam* ad injuriam sui nominis à *Longobardis* constructam kal. Novembris obsidione vallavit.

Gaufridus Planiegenes Comes *Andegavensium* cum quadam *Cenomannici* generis consuetudinem habens non usquequaque licitam, filiam genuit *Emmam*, quam *David Normannis* princeps regis *Anglorum Henrici* sororem intelligens, eam uxorem à seare sibi dari summa precum instantia vix tandem obtinuit. Volens suæ posteritati si filios procreaverit factum quendam ex regali stirpe descendere, & terrorem incutere *Walsensis* aliis affinitatis novæ prætextu.

Intronizationem *Batonensis* episcopi *Dorebennensis* archiepiscopus, dum officio fungeretur legationis, visitando provinciam suâ præsentia multo sollemniorē effecit viij. kal. Decembris, & futuris reddidit memorialem.

Ar Dii *Wilhelmus* rex *Scotie* datis obsidibus in *Normannia* tercio idus Decembris in *Angliam* rediit, liberæ satis deputatus custodiæ, quousque castella de quibus convenerat & sicut convenerat regis *Anglorum* arbitrio fideli deputarentur custodiæ.

Eversa sunt passim per *Angliam*, per *Normanniam* castella quorundam, quos tempore dissensionis inter patrem & filium diutius habitæ pauperum oppressores fuisse regi patri constabat, & cum acervo lapidum congestorum ad extruendas turres insolentiam congestisse, cumulasse jactantiam, arrogantiam evexisse, & sic ex ipsis lapidibus quasi quendam assumpsisse tumorem & spiritum elationis traxisse.

Ut filii regis *Anglorum* quos à sacris paternis consilio pravorum extraxerant pristinam familiaritatem reciperent & redirent in gratiam, ad omnem finistram suspicionem penitus amovendam homagium atque ligantiam patri suo facere modis omnibus instituerunt. Quod factum est primitus *Cenomannis* à *Ricardo* & *Gaufrido* junioribus filiis. In *Normannia* postmodum à rege filio kal. Aprilis apud *Burum*.

Ad expiandas atroces injurias quas *Anglis* & *Normannis* sine causa *Flandrenses* frequenter intulerant, *Philippi* Comitis urgente mandato, Comes ipse, *Petrus* frater ejus & innumera multitudo cum eis signo crucis humeros insignire salubri consilio statuerunt iij. idus Aprilis, loca *Dominicæ* passionis congruo tempore visitaturi. Attendentes illam stragem *Flandrensium* quam Comes *Leircestrensis* jure belli captus apud sanctum *Edmundum* memorialem reliquit, in suum redundare discrimen, & animas interfectorum lamentis continuis ante tribunal superni Judicis injustitiam Comitis protestari.

Reges *Anglie* quos anno præterito capere latitudo regni non poterat, confæderatos adinvicem navis eadem transvexit in *Angliam* viij. idus Maii. Horis ad prandendum statutis per dies singulos eadem mensa refecit; thalamus idem quiescentium artibus mimistravit fomenta. Ad visitationem votivam *Cantuaria* faciendam, *Thomas* martyr egregius pariter invitavit utrumque v. kal. Junii. Pariter quidem invitavit nisi quod rex pater in vigiliis, in afflictionibus, in oratione pernoctans jejunium usque in diem tertium continuasset.

*Habitum est Concilium regionale *Lundoniis* apud *Westminsterium* xv. kal. Julii præfidente *Ricardo Cantuariensi* archiepiscopo & Apostolicæ sedis legato. *Rogerus Eboracensis* archiepiscopus Concilio non interfuit, nec qui ejus absentiam allegarent transmissit,

cum juxta pristinam consuetudinem ad vocationem *Cantuariensis* ecclesiæ, vel interesse debuerit, vel justam absentiam causam per nuntios & per epistolam probabiliter allegare. Statuta Concilii si bene revolaveris perpauca reperies, quæ tibi corpus canonum incorporare non possit.

Universis *Anglia* fere majoribus apud *Westminsterium* convocatis xij. kal. Junii præsentē rege filio lectæ sunt litteræ continentes hæc verba.

Henicus rex pater regis fidelibus suis salutem. Gratias ago Deo omnipotenti, & omnibus Sanctis, quorum gratia licet non de meis meritis, supra id quod credi posset me visitavit & exhilaravit. Venit ad me filius meus rex H. apud *Burum*, & die *Martis* proxima ante ramos palmarum, cum archiepiscopo *Rothomagensi* & *Baiocensi* & *Abricensi* & *Red*: episcopis, & cum Comitibus & Baronibus & fidelibus meis quam plurimis, cum multa lacrimarum effusione & singultibus multis prostravit se ante pedes meos misericordiam postulans cum humilitate, & veniam de his qua commiserat erga me ante guerram, & in guerra, & post guerram, ut paterna ei pietate condonarem. Rogavit etiam cum omni humilitate & quanta potuit devotione, quatinus homagium ejus & ligantiam acciperem sicut dominus & pater, asserens se nunquam crediturum indignationem meam sibi condonatum, nisi idem ei facerem quod & fratribus suis feceram, ad eorum pacientiam & humilitatis instantiam. Ego autem motus pietate & intelligens eum ex corde loqui & tandem esse compunctum & erga me humiliatum, iram ei remisi & indignationem meam, & penitus eum in gratiam paternam admisi, suscepto ab eo homagio & sacramento super sanctas reliquias appositas, quod fidem michi servabit contra omnes homines, & consilio meo in omnibus agendis suis de cetero acquiescet, & quod hominibus meis & suis qui michi servierunt in guerra ista nec malum inde perquiret quam diu vixerit, set eos honorabit & promovebit sicut fideles meos & suos, & quod de consilio meo totam domum suam & totum statum suum ordinabit, & de cætero in omnibus operabitur. De hoc autem dedit michi plegios & fidejussores *R. Rothomagensis* archiepiscopus, *H. Baiocensis*, *R. Abricensis*, *S. Red*: episcopos, & Comitem *Wilhelmum* de *Mandevilla* & Barones meos quamplurimos qui præsentēs erant. Promisit autem confidenter quod de eodem daturus est michi fidejussores *Dominum* regem *Francorum*, Comitem *Flandrensem*, & *Ricardum* fratrem suum & *Gaufridum* Comitem, *Henricum* Comitem, *Theobaldum* archiepiscopum *Cantuariensem* & *Eboracensem*, episcopos, Comites, & Barones citra mare & ultra mare, hac conditione, quod si à prædicta conventionē (quod absit) exierit, mecum contra eum unanimiter stabunt & nullum ei auxilium, vel consilium nisi ad me revertendi præstabunt. Igitur ipsa die præstita sunt sacramenta sicut supra scriptum est, dati sunt etiam fidejussores regi patri.

Reginaldus Comes *Cornubie* *Henrici* primi regis filius naturalis diem clausit extremum apud *Radingam* kal. Julii, ibique sepultus quiclit.

Habita dispensatione à domino papa circa personam electi *Lincolniensis* tam ætatis quam nativitatē, electio confirmata est à *Cantuariensi* archiepiscopo, à *Lundoniensi* & *Wigorniensis* episcopis apud

HENRICUS II. rex. **Willelmus** vij. idus Julii. Electus autem reversus est in *Angliam* xv. kal. Augusti, & sollempni processione receptus est apud *Lincolniam* kalend. Augusti.

Willelmus junior de *Brainfa Walensium* multitudinem in castello de *Bergeveni* calide convocatum ad audienda regni statuta, ne quis scilicet viator cniplum deferret, vel arcum, sententia capitali dampnavit; sed ut hujusmodi prodicionem honestatis velamine palliatam intelligas, hoc fecit in ultionem avunculi sui *Henrici de Hereford*, quem ipsi quondam in sabbato sanctæ Paschæ crudeliter interfecerant.

Vacantium abbatiarum Priores cum magna parte conventuum sub edicto vocati sunt apud **Willelmus** vij. idus Julii. Rex igitur habito tractatu cum archiepiscopo, cum episcopis, sic in abbatibus substituentis canonum observavit censuram, ut emendicatis aliunde suffragiis uteretur, arbitrans forsitan quod si de corpore proprio locis in singulis crearentur pastores, regis dignitatis auctoritas vacillaret; motum in electionibus alienum sequens non proprium.

Philippus Comes *Flandrensis* *Walterum de Fontibus* cum *Isabela* Comitissa, sicut dicitur, in adulterio deprehensum, istibus clavarum iussit interfici ij. idus Augusti, & ejus cadaver caput habens inversum in sella secessui deputata pedibus religatis ad furcas propere præparatas properavit suspendi; ut etiam nichil crudelitati deesset, & ut plene sæviret in mortuum, sic ignominiose suspensum fractis parietibus sub edicto datum est exponi publicis aspectibus concurrentium.

Inquisitio generalis facta per *Angliam* pari discrimine Comites, Barones, milites, privatorum quoque multitudinem infinitam involvit. Omnes quidem hi jurisjurandi religione minus reverenter artati, modo regi, modo justiciariis publicarunt quos à tempore dissensionis inter regem patrem & filium habitæ vitæ ferarum insidias tetendisse vel auditu solo perceperant. Hoc ergo prætextu multi clericorum quos sola fama respererat, venatoriis occupationibus irretitos fuisse, jussu vicecomitum ad forum civile pertrahebantur, archiepiscopo vel episcopis non reclamantibus. Quorum quidam ut regiam indignationem evaderent offerentes pecuniam audiebantur.

Adam canonicus *Parisiensis* electus in episcopum sancti *Asavi*, consecratus est à *Ricardo Cantuariensi* archiepiscopo apud *Westmonasterium* iij. idus Octobris.

Willelmus abbas de *Burgo* multis impetitus notoriis, & in præsentia *Cantuariensis* archiepiscopi testimonio multorum convictus sententiam depositionis accepit iij. kal. Novembris.

Hugo *Petrileonis* sancti *Angeli* diaconus cardinalis, & Apostolicæ sedis legatus, quia præstitit auctoritatem trahendi clericos ante judicem secularem pro forisfacto foretæ, & pro laico feodo, ut infra infausta navigatione transvectus in *Angliam* vj. kal. Novembris regibus in equitatu magno celeriter occurrentibus in vigilia Sanctorum omnium sollempni processione receptus est *Wintonia*, à domino papa sibi plenitudine potestatis indulta, quam equus niveus, quam cætera repræsentant insignia specialiter soli Romano pontifici dedicata.

Henricus Remensis archiepiscopus; regis filius **HENRICUS II.** & regum frater, 2. idus Novembris diem clausit extremum.

Quia diocesis *Cantuariorum* coartata limitibus unico fuerat ab antiquis temporibus archidiaconatu contenta, ut hujusmodi fortassis jacturam aliquo saltem remedio relevaret archiepiscopus, & liberalissimam liberalitatem suam prædicabilem modernis offerret, ultimis his diebus intra spatium trium mensium tres instituit archidiaconos, nullo trium per hunc decursum temporis concedente in fata.

Odo Prior *Cantuariensis* electus in abbatem sancti *Martini de Bello*, bellum statim circa suæ promotionis initium indixit episcopo diocesano. Nam à metropolitano benedictionem accepit. Quod sibi licere jure legationis asserens archiepiscopus, nil in præjudicium ecclesiæ *Cicestrensis* egisse dicebat.

Johannes decanus *Saresberiensis* tandem concordia *Normicensium* ore, regis assensu, archiepiscopi coniventia, cardinalis auctoritate vocatus ad episcopatum apud *Signesham* vj. kal. Decembris, ecclesiæ orientalium *Anglorum* suscepit regendam, consecratus à *Cantuariensi* archiepiscopo apud *Lamehadam* xix. kal. Januarii.

Circa dies istos castellum de *Huntindona*, de *Waletona*, de *Legecestria* & *Grobi*, de *Stutesbers*, de *Dudeleia*, de *Treste*, & alia plura pariter corruebant in ultionem injuriarum quas domini castellorum regi patri frequenter intulerant, ut quos par facinus inquinaverat, poena similis coherceret.

Rex ad filiorum necessitates oculos paternos deflectens, regem filium à debitis quibus gravissime premebatur exoneravit.

Quicquid ministri regis patris à præteritis tribus annis per *Normanniam*, per *Cenomanniam*, per *Andegaviam* in usus regios convertendum, esculenti vel poculenti causa receperant, venit in ratiocinium. Regis ergo thesauris ad solutionem plenius faciendam plenissime referatis creditores dimissi sunt.

Rex juxta consilium filii sui regis coram episcopis, comitibus, baronibus, militibus, & aliis hominibus suis in hoc consentientibus constituit justiciarios in sex partibus regni sui, in unaquaque tres, qui juraverunt quod suam cuique justitiam conservabunt. Hoc autem factum est apud *Norhamtunam* vij. kal. Februarii.

Walterus Prior electus *Wintoniensis* in abbatem *Westmonasterii*, benedictionem accepit ab episcopo *Lundoniensi*, professionem fecit, mitram & cyrothecas quas prædecessor suus *Laurentius* emeruerat, sed morte præventus nunquam receperat, de manu episcopi *Lundoniensis* suscepit, & post in conventu episcoporum mitratus incescit. Cæterum **Hugo** *Petrileonis* *Romana* sedis legatus, apud *Westmonasterium* minus reverenter receptus sicut ei visum est abbatem ab usu mitræ, Priorem ab introitu chori suspendit vj. kal. Martii.

MAndato cardinalis, clero totius *Angliæ* generaliter *Lundoniæ* convocato die Dominica qua cantatur *Letare Iherusalem*, cum de statuendis vel refecandis tractatus esset habendus communis, adversus *Cantuariensem* archiepiscopum insurrexit *Eboracensis*, dicens illa verba *Gregorii* sic scribentis: Sit inter *Lundoniæ* & *Eboracensis* civitatis episcopos in posterum honoris ista distinctio, ut ille prior habeatur qui prius fuerit ordinatus, de *Cantuariensi* & *Eboracensi* intelligenda esse. Quare cepit

Ab. sancti Augustini.
Ab. de Bello
Ab. Hydensis
Ab. Abendun
Ab. westmonasteriensis.
Ab. Hultmensis.
Ab. Torneie.
Ab. Croilandæ.
Ab. Salopesberii.
Ab. Abbo-desberii.
Ab. Murbeleneie.

Savicus
Nicholau
Herebertum.

Rex Sc
tie.
Hugo Big
Comes Le
gecestrie.
Comes di
Ferreves.
Gervasius
Paganel.
Rogerus
Munbrui.

An. Di
1176.

1-
11. ex. cœpit constanter asserere, quod ipse quia prius fuerat ordinatus sedem suam poneret in concilio Cardinalis ad dexteram. *Cantuariensis* econtra dicebat, ecclesiam *Cantuariensem*, illius dignitatis & majoritatis ab antiquis fuisse temporibus, ut secundum statuta patrum, juxta munimenta regum, secundum privilegia *Romanorum* pontificum sibi jure vendiceret *Anglia* totius primatum. Quociens etiam in conventibus publicis sive regem, sive legatum *Romanum*, utroque metropolitano præsente, traditur aliquo tempore præsuisse, totiens traditur *Cantuarienses* archiepiscopos sedisse ad dextram. Duobus igitur archiepiscopis in hunc modum controversantibus & suffraganeis *Cantuariensis* ecclesiæ metropolitano viriliter assistentibus, accidit v. feria Cardinali in capella sanctæ *Katerine* de *Westmosterio* cathedram collocare. Superveniens *Cantuariensis* archiepiscopus *Elyensis* pontifice procurante vix aliquantulo tempore sedit ad dexteram, sed concurrente turba, set ingravescente tumultu, set conviciis hinc & hinc discurrentibus, set invalescentibus minis, set personis quorundam inflicis verberibus, cum nimia festinatione cardinalis recessit. *Eboracensis* autem in corpore proprio male tractatus, ut dixit, atrocis injurias, insultus acerrimos, percussuras enormes, vestium patentes scissuras sub præsencia regis & cardinalis in caput præsulis *Elyensis* refuldit. Hac occasione mutæ factæ sunt appellationes hinc inde, concilium omissum est. Cardinalis in propatulo claustrum de *Westmosterio* sermonem habens ad clerum & populum, quia suis & nostris, ut dixit, peccatis exigentibus, quæ ad utilitatem, quæ ad libertatem, quæ ad pacem ecclesiæ fuerant statuenda non poterat ordinare, licentiam recedendi petiit: videntibus cunctis insignia legationis deposuit, sed postmodum regis precibus emolitus quæ deposuerat iracundiæ calore succensus, episcoporum consiliis acquiescens, ipsa die resumpsit.

Alexander papa.

Aniquam Eboracensis ecclesiæ dignitatem integram conservari auctore Domino cupientes, & predecessorum nostrorum felices memorie Calixti, Honorii, Innocentii & Eugenii Romanorum pontificum vestigiis inhaerentes, auctoritate Apostolica prohibemus, ne aut Cantuariensis archiepiscopus ab Eboracensi professionem quamlibet exigar, aut Eboracensis Cantuariensi exhibeat, neque, quod penitus à beato Gregorio prohibitum est, ullo modo Eboracensis Cantuariensis ditioni subiaceat. Sed juxta ejusdem patris constitutionem ista inter eos honoris distinctio conservetur, ut prior habeatur qui prius fuerit ordinatus.

Gaufridus Beverlaci præpositus archidiaconus *Eboracensis*, appensis undecies centum marci argenti, regis filii regis factus est cancellarius. Quod autem numeratæ pecuniæ summa conclusa est sub undenario, non est forsitan à misterio penitus alienum.

Andegavia Cenomannia finibus panis inedia laborantibus rex pater regis à kal. Aprilis usque ad futurarum frugum habundantiam, decem milibus hominum diebus singulis alimenta sufficienter invenit. Quicquid etiam vel in horreis, vel in cellis vinariis, vel in promptuariis regis usibus insularii reservaverant, mandato regis totum piis collegiis & pauperibus erogatum est.

Ricardus Comes de *Strigul Dermucii*, quon-

dam *Dublinensium* regis gener, aditum *Angliæ* *Henrici* fines *Hybernensium* invadendi primus omnium patescit, illatas locero suo frequentissimas & atroces ulciscens injurias, cui dum exequias celebrasset hujusmodi, dum magna jam ex parte subjugasset *Hyberniam*, inmatura morte præventus, diem clausit extremum non. Aprilis, filium vix plene triennem ex filia memorati regis sullatum relinquens hæredem.

10 *Bulgarinus* Comes *Engolismensis* stipatus cohorte nepharia *Brebanthinorum* in manu hostili *Pictaviam* visitare præsumpsit. Cæterum *Johannes Pictavensis* episcopus auxiliariis undique convocatis, stipendiariorum numerositate collecta, juncto sibi *Theobaldo Chabor* qui princeps erat militia *Ricardi* ducis *Aquitanorum* cum patre suo rege tunc temporis moram in *Anglia* facientis, plebem sibi commissam de manibus inimicorum decrevit eripere. Nefarii igitur illis everforibus castellorum, agrorum depopulatoribus, incensoribus ecclesiarum, monialium oppressoribus, ordinatis quatuor aciebus prope *Berbezeacum* occurrerunt. In campis tribus plures trucidarunt in ore gladii, partem non modicam cremaverunt, in arcem conclusam sibi fuga reliqui consulentes, impedimenta reliquerunt in prædam. *Pictavenses* itaque non tam gladio, non tam galea protecti quam divino nutu, quattuor tantum de numero suorum percussis hostium cuneos penetrarunt illæsi. Sicque salus in manu clericorum data satis evidenter ostendit, plerisque non animos deesse sed arma.

Ad summonitionem regis, rege filio moram in partibus transmarinis agente, tam prælati ecclesiarum quam regni proceres, generaliter convenerunt *Lundonia*. Nunciis itaque quos rex *Siciliae* *Wilhelmus* apparatu magno transmiserat, filiam regis *Johannam* sibi jungi lege maritali petens in conjugem, habito tractatu communi responsum est viij. kalend. Junii. Mentio siquidem futurarum & repromissio nuptiarum exactis hinc inde sacramentis in animam utriusque regis in necessitatem conjugii futuri redacta est. Ad fœdus etiam & arcus ineundum, & efficacius provehendum, & sollempnius contrahendum cum rege *Siculo*, rex nuntios in *Siciliam* expeditos direxit. Qui postquam de donatione propter nuptias assignanda certiores extiterint, festinent ad reditum. Hæc acta sunt in præsentia cardinalis, archiepiscopis assidentibus & episcopis, cleri procerumque roborata consensu.

40 *F**Redericus* imperator *Romanus*, ut nomen sibi faceret ultra nomen magnorum qui sunt in terris, intravit *Italiam* in manu forti. *Mediolanensium* itaque civitatem fodrum antiquitus institutum paratam agnoscere, sed recusantem aliud subire, minus patienter audivit. Quam, quia munerum extraordinariorum immunitate gaudebat, quia se pristinae libertatis animabat in vocem, vallabat obfidione: maxima capitis diminutione dampnavit, & sullatis omnibus quæcumque preciosa repererat, abiit qualem qualem victoriam non absque nota prodicionis, ut aiunt, consequutus. Labentibus aliquot annis in angustia temporis civitas reedificata est, tutissimis munita præsidiis. Quod audiens imperator, *Papiensibus* secum assumptis & *Hastensibus*, adjacentes *Mediolano* depopulatus est agros, vastavit segetes, vineas extirpavit. Cæterum *Mediolanenses*,

HENRI-
cus II. rex.

diolanenses, Placentini, Brixienſes, Veronenſes vi-
dentes mala quæ fiebant in terra, mori pro patria
deceverunt, vel patriam in libertate tueri. Parati
ergo ad pugnam, occurrerunt imperatori iij. kal.
Junii prope Ticinum. Qui qualiter magnis excidit
auſis docebunt ſequentia.

Mediolanenſes, Bononiienſibus victoriam, & de
hoſtibus liberationem.

Notum ſit vobis nos ab hoſtibus noſtris glorio-
ſum reportaſſe triumphum. Interfectorum vero,
ſubmerſorum, captivorum non eſt numerus. Scu-
rum imperatoris, vexillum, crucem & lanceam ha-
bemus. Aurum & argentum multum in clivellis
ejuſ repperimus; & ſpolia hoſtium accepimus, quo-
rum æſtimationem non credimus à quoquam poſſe
diſſiniri. Quæ quidem noſtra non reputamus, ſed
ea domini papa & Ytalicorum communia eſſe deſi-
deramus. Captus eſt in prælio dux Bertoldus, &
nepos imperatricis; & frater Colonienſis archi-
epiſcopi; aliorum autem infinitas captivorum nu-
merum excludit, qui omnes Mediolani detinentur.
Si liceat vagari vel ſemel in urbis Romæ prima
fundatione cujuſmodi ſignum apparuerit, vide,
nonne vultus? Et ecce rapacitati ſemper ſtuduere
Romani. Dum prima jacerentur fundamenta Con-
ſtantinopolis, quæ melioribus condita eſt auſpiciis,
quid apparuerit, iterum vide, nonne phoenix? Et
hæc quidem civitas in deliciis aſſuens, pollens in
ædificiis, in ſericis vernans, ab initio cultui man-
cipata divino, jugo nunquam fuit hoſtilitatis at-
trita. Dum primo Mediolani mœnia ponerentur
quid apparuerit, rursus vide. Nonne ſus laniger?

Sydonius.

Romuleos refugis Bizantinoſque fragores,
Atque ſagittifero mœnia fracta Tito.
Murus Alexandri, tenet caput Antiochique,
Spernis Helycæ berſica teſta domus.
Rura paludicolæ tempnis populosa Ravennæ
Et quæ lanigero de ſue nomen habent.

unde dicitur Mediola-
num quaſi ex media parte
laneum. Igitur ſi vicissi-
tudinem rerum diligen-
ter attenderis, ſi quali-
ter civitas hæc jaculis
impetita, confixa ſagit-
tis, arietibus perforata, conquaſſata balis-
tis, tandem conflagravit incendio, ſetarum aſperitatem
intelliges ejus excidium prætenſiſſe. Rursus ſi fide-
liter animadverteris in ejuſdem urbis readificatione
quod gaudium fuerit clericorum, quantus civium
applauſus, quanta matronarum letitia, quantum in
choreis tripudium, adverteſ proculdubio candorem
lana, velleris ſuavitatem in ſue lanigero poſt in-
commoda deſtructionis beneficium reſtitutionis Me-
diolanenſibus figuraffe.

Hugo Petroleonis ſux legationis in Angliam can-
cellato curſu v. non. Julii tranſfretavit; quid ei de-
beat Anglorum eccleſia cupida libertatis, ſequentis
breviculæ referat continentia.

Domino papæ rex Anglorum.

Propter reverentiam ſanctæ Romanæ eccleſiæ, at-
que devotionem quam erga eam, & paternita-
tem ac dilectionem veſtram, & fratrum veſtrorum
habemus, & ſemper habuimus, licet plurimum re-
ſiſterent & reclamarent regni noſtri majores &
magis diſcreti, ad inſtantiam viri diſcreti & ſapi-
entis Hugonis Petroleonis ſanctæ Romanæ eccleſiæ
ſardinalis, Apoſtolice ſedis legati, amici & cognati
noſtri, capitula quæ ſubſcripta ſunt, in regno no-
ſtro tenenda conceſſimus. Videlicet quod clericus
de cætero non trahatur ante judicem ſecularem in
perſona ſua de aliquo crimnali, neque de aliquo

foriſfacto, excepto foriſfacto foreſte mea, & ex-
cepto laico feodo unde michi vel alii domino ſecu-
lari laicum debetur ſervitium. Concedo etiam quod
archiepiſcopatus, epiſcopatus, & abbatiæ non tene-
antur in manu mea ultra annum, niſi urgente ne-
ceſſitate & evidenti de cauſa quæ propter hoc non
fuerit inventa, ut diutius teneantur. Concedo etiam
quod interfectores clericorum qui eos ſcienter, vel
præmeditati interfecerint, convicti vel confeſſi coram
juſticiario meo, præſente epiſcopo vel ejus officiali
præter conſuetam laicorum vindictam, ſuam &
ſuorum de hereditate quæ eos contingit perpetuam
ſuſtineant exheredationem. Concedo etiam quod ele-
rici non cogantur facere duellum.

Eccleſiæ Carnotenſis perſonæ ſpectabiles Can-
tuariam in comitatu magno venerunt xj. kal. Au-
guſti. Votis igitur orationum feliciter adimpletis,
ad honorem Dei, ad obſequium matris Domini,
ad ſolamen exulum propter juſticiam acceptabiles
immolarunt hoſtias. Johannem namque à Saresberia
glorioſi Thomæ martyris quondam allateralem
exilii ſocium, anguſtiarum participem, paſſionis te-
ſtem certiffimum, quem eccleſia Carnotenſis elegerat
unanimitè requirebant attentius; Capituli Car-
notenſis, regis Francorum, Senonenſis archiepiſcopi
litteris publice recitatis fidem & auctoritatem ſuæ
poſtulationi præſtantibus. Quibuſdam itaque vices
Cantuarienſis archiepiſcopi tunc abſentis ſupplenti-
bus, collegio monachorum ſanctæ Trinitatis in al-
bis ſedente, viris etiam pluribus diſcretis, honeſtis,
& litteratis ibidem congregatis in domino ſuum
electum ab Anglorum ſubjectione liberum & ab-
ſolutum receperunt cum ymnis, & canticis, & læti-
cia magna, tam illinc quam hinc in articulo tem-
poris curſu placido navigantes tanquam ventis im-
perarent & mari. Conſecratus eſt autem Senonis
à Mauritio Pariſienſi epiſcopo vj. idus Auguſti,
Carnoti ſollempniter intronizatus eſt in Aſſumptione
beatæ virginis.

Venerabili domino ſuo & patri Johanni Dei
gratia Carnotenſi electo, paſtoralis curæ ſolli-
citudinem gerere ad ſalutem. Quod natum eſt ex
carne, caro eſt; & quod natum eſt ex ſpiritu, ſpi-
ritus eſt. Hinc eſt quod magnificat anima noſtra
Dominum, & in Deo ſpiritus noſter exultavit, quia
vos nobis in paſtorem electum non revelavit caro &
ſanguis, ſed pater noſter qui in cælis eſt, viſitans
nos oriens ex alto. Sane tam diſſona hominum vora,
tot varias mentium voluntates adunare non potuiſ-
niſi ſpiritus unitatis, adeo ut indubitanter ſit evi-
dens eum quem ſpiritus revelavit cælitus deſtina-
tum. Curia cæleſti gaudium intuliſſe credimus,
quod beatæ virginis eccleſia per ſpiritum ſanctum
concipiens, dilectum Deo & hominibus paſtorem ger-
minavit. Acclamantibus itaque omnium votis de-
ſideratum ſibi poſtulat, & ad dilectum, & ad ele-
ctum ſibi incunanter aſpirat Carnotenſis eccleſia,
ſponſique deſiderio jam languescens, Oſculetur me,
inquit, oſculo oris ſui. Urgeat amor Chriſti eum
qui regis filiæ deſideratur amplexibus, & ſtimu-
lis ſalutaribus compungatur qui ad Dei filios pro-
pagandos Chriſti gener eligitur. Erubeſcat regnum
cælorum ſolus ingredi cui divini germinis pompa
glorioſa promittitur, & qui coronam auream credi-
tar meruiſſe, glorioſi labore officii mereatur aureo-
lam. Mittimus ergo ad vos ex capitulo noſtro per-
ſonas ſpectabiles, decanum videlicet, canorem &
cancella-

I cancellarium qui universitatis nostra mentem vobis offerant, & personam vestram postulantes vestri adventus desiderium viva vobis voce denuntient.

Ludovicus Dei gratia rex Francorum, Amico suo karissimo magistro Johanni de Saresberia Carnotensi electo salutem cum sincera dilectione. Quod capitulum Carnotense de consilio domini Senonensis archiepiscopi Apostolica sedis legati, divino potius, ut credimus, instinctu vos in pastorem & dominum pari voto & assensu sollempniter & canonice elegerunt, gratum ducimus & acceptum: tum beati Thomæ martyris consideratione, cujus familiaritatem meritis vestris meruistis adipisci, tum morum & scientie vestra contemplatione. Ea propter discretionem vestram monemus & precamur attentius, quatinus electioni de vobis facta benignum præbentes assensum, tam sollempni, & tam laudabili tanta ecclesie vocationi presentie vestra exhibitione satisfacere maturetis, ne nostrum & archiepiscopi Senonensis qui ad hoc fideliter & efficaciter consummandum laboravit diutius suspendatur desiderium, & spes ecclesie Carnotensis mora prolixiori torqueatur. Valete.

Willelmus Comitiss Theobaldi filius adhuc juvenis electus in episcopum Carnotensem, & labentibus aliquot annorum curriculis creatur Senonensis archiepiscopus, ecclesiam Carnotensem indulgentia domini papæ tempore longo commendatam obtinuit, auxit possessionibus. Qui postmodum sedis infulas dignioris, diciois, nominatoris, ut dicunt, non ambiens, ad instantem Remensium postulationem de Cetrice Gallia migravit in Belgicam. Apicibus siquidem Apostolicis perurgentibus in beati Remigii cathedra collocatus est vj. idus Augusti, usum pallii quod prius habuerat licet locum mutaverit non immutans. Eo quidem habendus translatione facta prædicabilior quod ad industriam, magnanimitatem, modestiam tanti viri Romana respexit ecclesia, nec tam generositatem parentum, vel Ludovici regis affinitatem, seu reginæ Francorum, scilicet Alæ fororis ejusdem Willelmi desiderium, quam in archiepiscopi moribus honestatem attendit. Sic Perigenes in Petris ordinatus episcopus translatus est in Chorintum. Dosidem Selentia episcopum Alexander Antiochenus episcopus in Tharsum Cilicie transmutavit. Reverentinus ab Archis Phenice in Tyrum transmutatus est. Johannes de Gordolima mutatus est in Proconixum. Palladius ex Helenopoli mutatus est in Asponam. Alexander ex alia Helenopoli in Andronopolim mutatus est. Gregorius Nazanzenus prius civitatis Cappadocie fuit episcopus, deinde à beato Basilio in Azianco constitutus est. Miletius prius Sebastica ecclesiæ præfuit, postea Antiochia præfuit est constitutus. Theusebins ab Apania Asia transfertur in Eudoxiopolim. Policarpus de urbe Antapristena Misia in Nicopolim Thracie mutatus est. Jerophilus de Trapezoboli Frisia transmutatus est in Palatino-polim Tracia. Silvanus à Philiopoli Tracia mutatus est in Troadam. Herveius Bengornensis episcopus translatus est in Elyensem episcopum. Gilebertus Herefordensis episcopus translatus est in Londonensem.

Henrico Dei gratia nobilissimo regi Anglorum, speciali amico suo, Willelmus eadem gratia rex Siciliæ, ducatus Apuliæ, & principatus Capuæ

salutem. Honorabiles magnificentia vestra nuntios recepimus honorifice, quorum insinuatione nobis innotuit, quod presentibus & jubentibus vobis tres nobiles & spectatæ fidei viri de regno vestro in anima vestra consummationem matrimonii inter nos & filiam vestram juraverint. Qui & postulaverunt instantius ut idem manu propria juraremus. Quod quia regno nostro semper & nostris fuit progenitoribus insuetum, personaliter jurare non duximus expedire. Quare prædicti nuntii vestri quesierunt, ut sicut ab honorabilibus personis feceratis illud in anima vestra jurari, sic & nos similiter in anima nostra fieri faceremus. Nos equidem, & quod à nostris nuntiis in vestra presentia constitutis super concessione matrimonii ex parte nostra juratum est, ratihabitione firmamus, & quod vobis presentibus in anima vestra juratum est, grato assensu recepimus, ac si manu propria jurassetis, cum unum & idem putemus sacramentum quod vel manu propria fit, vel in anima jubentis & presentis juratur. Post hac nuntii vestri juraverunt, quod postquam nuntii nostri cum galeis ad partes sancti Egidii pervenerint, quamprimum id vobis innotuerit nobilissima filia vestra eis bona fide quam citius poterit assignabitur nostro feliciter matrimonio copulanda. Vestra itaque intererit & vobis cedit ad gloriam celeriter exequi que iniciati matrimonii perfectionem desiderant. Dat. Pannormi xxij. die Augusti.

Johanna junior filia regis Siculo regi nuptura vj. kal. Sept. transfretavit, sumptus, & impensas, & itineri necessaria, copiam quoque ministrorum providit Ricardus Wintoniensis episcopus. Regis ex decreto viri spectabiles assignati sunt viæ comites, quidam usque ad sanctum Egidium, quidam montes Siculos & palatium ascensuri Pannormitanum, nec prius cogitaturi de reditu quam illam nuptialem pompam, & in consortium conjugalis thori regni diademate Siculum regem insignitum conspexerint.

Dux Aquitanorum Ricardus captis jure belli pluribus adversariorum, castellis quoque duobus everfis Engolismenses armis edomuit. Bulgarinum namque Comitem & complices suos, ut regis Anglorum indignationem evaderent, in Angliam transfretare coegit. Ad pedes itaque provoluti regis patris misericordiam consecuti sunt apud Wintoniam xj. kal. Octobris.

Univerſa castella per Angliam & per marchiam totam, ad imperium regis patris deputata sunt custodiæ.

Guido præpositus Antifiodorensis Senonensem electus antistes, consecratus est à Johanne Carnotensi episcopo vj. kal. Octobris.

Willelmus Comes Glocestrie dum filium non haberet, ægre ferens hæreditatem inter filias dividendam, Johannem filium regis hæredem instituit apud Wintoniam iij. kal. Octobris.

Ricardus Wintoniensis episcopus regis patris tractaturus negotia transfretavit, in forensibus, & in his quæ ducis Normannorum pertinent ad dignitatem cura sibi totius Normannia deputata. Qui cum in danda sit eleemosina studiosus, sic oculos ad hominum conditionem reflexit, ut misericors erga pauperes, & divitum facultates diligenter disqui-

HENRI-rens, diligentiam fiscalibus commodis impenderet
cus II. rex- exactissimam.

Willelmus de Aubini Comes de *Arundel* iiii. idus
Octobris obiit apud *Waverleie*. Sepultus autem est
apud *Wimundeham* xiii. kal. Novembris.

Petrus Prior de *Wencloc* *Menevensis* electus,
facta prius professione tam *Ricardo Dorobernensi* archiepiscopo quam successoribus ejus canonice substituentis de canonica subjectione, *Cantuarie* consecratus est à *Gileberto Lundeniensi* episcopo, astantibus sibi *Waltero Rosensi*, *Rogero Wigornensi* episcopis vij. idus Novembris.

Filia regis *Anglorum* nunciis Siculi regis maris & fluctuum expertis sævitiā in conspectu virorum illustrium assignata est apud sanctum *Egidium* v. idus Novembris per manum *Iohannis Norwicensis* episcopi, sicut ipse *Pannormi* promiserat x. kal. Septembris.

Adelfonfus gener regis rex *Castella*, *Santius* avunculus *Adelfonfi* rex *Navarrorum* discordes adinvicem, tam hinc quam illinc post dampna frequentier illata tandem in regem *Anglia* compromiserunt, & directis in *Angliam* nunciis se staturos regis patris arbitrio juraverunt. Sub iisdem diebus nuncium *Manuelis Constantinopolitani*, nuncium *Frederici Romani* imperatoris, nuncium *Willelmi Remensis* archiepiscopi, nuncium *Henrici ducis Saxonici*, nuncium *Philippi Flandrensi* Comititis, quos varia trahebant negotia, tanquam ex condicto simul in curia regis *Anglorum* conspiceres 2. idus Novemb. apud *Westmonasterium*.

Johannes Normicensis episcopus, mandato regis in *Siciliam* suspectissimo tempore proficiscens, sæpe variis est affectus incommodis. Nam dum *Romam* recto petere debuisset itinere si non in scismate perstitissent *Lumbardi*, pars australis qua transitus sibi relictus est in subsidium, panis plurimum laborabat inedia. Pabulā jumentorum vix aliquo quæstu procurabantur. Iter habens per *Arverniam* jacentium in plateis, & fame tumentium angebatur clamoribus. *Valentiam* urbem ingressus adhuc in bona valitudine manens, in venalibus disquirendis fidem hospitum causabatur. Ad noctes pertrahendas infomnes lectisternia pulices vendicabant. *Ebre-dunensium* fines præteriens, *Jani* montis declinans confinia, limites attingens *Italicos*, dum equis *Januæ* relictis se mari commisisset *Tirreno*, promuntoria *Januensem*, marina *Pyfanorum*, *Veneris* portum & *Herculis*, ostii *Tiberini* fluentia velis in altum expassis, à sinistra relinquens urbem applicuit *Gagetanam*.

Exin pro varietate locorum vario desudans navigio, modo sagittario, modo lintre, nec tam utens velo quam remo, ducatum *Apulie*, *Capuæ* principatum, exeva *Calabrie*, cum aliqua remoratione pertransiit. *Regium* & *Messanam* urbes *Pharo* conterminas hinc & illinc de vicino respiciens. Ut autem maris pericula post everfionem *Tlii Trojanis* quondam tendentibus in *Italiam* haur profus in-cognita non omittam, *Pasiniuri* discursus, *Scylla* scopulos, *Caribdis* voraginem non intrepidus evitavit. Nec enim ad momentum suo versabatur in animo quod mare multociens evertitur in momento. Proinde nusquam quies, nusquam securitas, fervor nimius navigationem dampnabat. Metuendus piratarum incurfus constantissimo cuilibet incussisset timorem. Remigantium illæ notabiles inmundiciæ

provocabant ad nauseam. Intima præcordiorum pestilens inficiebat aer. Quid enim inter tot discrimina gentem regionis externæ dixeris incurrisse periculi, dum apud *Siculos* idibus Augusti tunc temporis effluentibus folium in arboribus, in vite pampinus, arundines in palustribus profus exaruerint. Dum divertebatur ad litus, lintres vix vij. tantum capaces animarum ad vesperscente die fluctibus extrahebantur. De reficiendis ergo corporibus cura propensior sub divo discumbere multis ebdomadibus satis ægre sustinuit. Ad quiescendum vero de noctibus nunc lapis durior stramentorum repensabat mollitiem, nunc indulgentior tractus maris offerebat harenam, & sternere lectum in sabulo magistra necessitas edocebat.

Diebus plurimis in tali voluptate decursis dum *Pannormum* intrasset episcopus, tribus sibi junctis ejusdem consortibus legationis intra paucos dies à *Siculo* rege congruum excepit responsum. Utrum autem *Sicilia*, vel à tribus montibus, vel juxta situm regionis à forma triangula *Trinacria* nuncupata sit, dum ex otio quærere debuisset in æqualem perlenfit autumpnum. Duo quidem è sociis quos memoravimus forte communi sunt subtrahendi de medio. Tertius febre gravi correptus lectum incidit ægitudinis. Episcopus itaque solus legatione feliciter adimpleta, dum regis filiam *Siculis* assignasset apud sanctum *Egidium*, in *Angliam* rediens venit ad regem in vigilia natalis apud *Notingeham*.

Illā nuptialis pompa *Siculi* regis & filia regis *Anglorum*, urbem multipliciter illustravit *Pannormitanam*. Ad desponationem namque simul & coronationem reginæ sollempnius consummandam, concurrentibus tam archiepiscopis quam episcopis, tam Comitibus quam Baronibus, tam clero quam populo, *Walterus* ejusdem sedis archiepiscopus celebravit divina idibus Februarii.

40 **M**ANUEL in Christo Deo fidelis imperator, Porphyrogenitus, divinitus coronatus, sublimis, potens, excelsus, semper Augustus & moderator Romanorum Connianus, Nobilissimo regi *Anglorum* dilecto amico suo salutem & omne bonum. Imperio meo belli gravamen sustentante postrema cohortes universa Græcorum, & Latinorum, & reliquarum omnium gentium conglobata quæ jaciebantur ab inimicis tela non sustinentes, impactione utuntur, & ita violenter ferebantur, dum in adjacentem illic collem quasi ad propugnaculum festinarent se præcedentes impellunt nolentes. Multo autem elevato pulvere ac perturbante oculos, & neminem permittente videre quæ circa pedes erant, in præcipitium quod aderat profundissima vallis, alius super alium, homines & equi sic incontinenter portati currunt, & alii alios conculcantes adinvicem interimuntur, non ex gregariis tantum quidam sed ex clarissimis, & ex ipsis intimis meis consanguineis. Sultanus videns quod post tanta quæ acciderant exercitibus nostris, imperium meum sicut opportunum erat rem dispensavit ut rursus ipsum invaderet, mittens supplicat imperio meo, & deprecatoriis usus est sermonibus, & requirit pacem ipsius, promittens omnem adimplere imperii mei voluntatem, & servicium suum contra omnem hominem dare, & omnes qui in regione sua tenentur captivos absolvere, & esse ex toto voluntatis nostræ. Ibidem ergo

ERGO per duos dies integros in omni potestate morati sumus.

Henricus Dei gratia rex Angliæ, & dux Normanniæ & Aquitanniæ, & Comes Andegaviæ, karissimis amicis suis regibus Castellæ & Navarræ salutem. Sicut ex literarum vestrarum tenore & nuntiorum vestrorum relatione cognovimus, placuit utrique vestrum querimonias inter vos habitas super quibusdam castellis & terris cum earum terminis & pertinentiis iudicio nostro terminari. Nos vero nunciis vestris ea qua decuit veneratione susceptis pacem inter vos honori Dei, & toti Christianitati plurimum profuturam attendentes, divine pietatis & communis utilitatis intuitu negotium hoc in nos suscepimus. Fidelibus itaque à vobis communiter electis, & procuratoribus, & advocatis causarum vestrarum in presentia nostra, & episcoporum, & comitum, & baronum nostrorum constitutis, petitiones & allegationes utriusque partis diligenter audivimus & intelleximus. Proponebant siquidem hi quibus causa Adelfonfi regis Castellæ commissa fuerat, Sancium regem Navarræ memorato regi Castellæ, dum adhuc pupillus esset & orphanus, castella & terras, scilicet Logronium, Navarret, Anthlena, Aptol, Agosio, cum omnibus terminis & pertinentiis suis que pater suus die qua decessit, & ipse post aliquot annis quiete possederat, injuste & violenter abstulisse, unde & eorum sibi fieri restitutionem postulabant. Illi vero quibus causa Sancii regis Navarræ commissa fuerat, nichil eorum que ab aliis proposita fuerant contradicentes, asserbant A. prefatum regem Castellæ, S. prænominato regi Navarræ, castella scilicet Legin, Portel, & castellum quod tenet Godin per vim & injuste abstulisse parte altera in nullo sibi contradicente, eorum sibi fieri restitutionem pari petebant instantia. Præterea in scripto vestro continebatur communi, vos trevias inter vos usque in septennium fide interposita firmasse, & hoc ipsum nuncii vestri in iure palam sunt protestati.

Habito igitur cum episcopis, comitibus & baronibus nostris, cum deliberatione consilio, pacem inter vos ad fidem Christianorum propagandam, & ad inimicorum Christi confusionem necessariam fore considerantes, plenam etiam tam ex scriptis vestris quam nuntiorum assertionibus fiduciam concipientes, quod in pace firmanda & conservanda consilio nostro & præcepto parebitis, ante iudicii pronuntiationem super prædictis querelis & trevis mandavimus vobis per nuncios nostros, & consulimus, & præcipimus, & adhuc etiam presenti scripto mandamus atque præcipimus, ut patem inter vos firmetis fideliter & in perpetuum observetis. Super querelis vero prætaxis, de castellis & terris, cum omnibus terminis suis & pertinentiis hinc inde violenter & injuste ablati, cum nichil contra violentiam utrimque objectam à parte alterutra responderetur alteri, nec quicquam quo minus restitutiones quas petebant facienda essent allegaretur, plenariam utrique parti supradictorum que in iure petita erant fieri restitutionem adjudicavimus. Adjunximus etiam ex iudicio trevias præfatas inter vos, ut prædictum est, fide firmatas, sicut ex scripto vestro & nuntiorum vestrorum publica confessione in iure facta nobis constitit, usque ad constitutum inter vos terminum inviolabiliter obser-

vandas. Volumus itaque & præcipimus pro bono pacis, ut rex A. filius noster donet S. regi Navarræ avunculo suo, singulis annis usque ad decennium tria milia Marabontinorum ad tres terminos in anno Burgis recipienda, scilicet ad finem quatuor primorum mensium post prædictam restitutionem utrimque factam M. Marab. Et ad finem quatuor mensium proximo sequentium M. Marab. Et ad finem quatuor mensium tertio sequentium M. Marab. ita ut singulis annis sequentibus de x. post prædictam restitutionem solvantur tria milia Marab. ad eosdem terminos, & in loco prænominato. Præterea nuncii utriusque vestrum juraverunt ante sententiam pronuntiationem vos prædictum iudicium nostrum tam in restitutionibus quam trevis firmiter observaturos. Et nisi feceritis quod corpora sua reddent in manum & potestatem nostram.

Guido Bengornensium electus antistes, consecratus est à Ricardo Cantuariensi archiepiscopo apud Ambresberi idus Maii.

A Motis ab ecclesia Waltamensi canonicis quos seculares vocant, quia licentiam nimis vagant in seculo quidam ipsorum habuerant, sicut Guido decanus ejusdem ecclesiæ regi frequenter suggesserat, subinducti sunt regulares auctoritate summi pontificis sub præsentia regis patris in vigilia Pentecostes. Ea quidem est vis malis moribus, ut innocentiam multitudinis devenissent scelera paucorum, cum è contrario bonorum raritas flagitia multorum nequeat excusare. Radulfus Cirecestrensis canonicus ipsa die de manu Lundoniensis episcopi curam ecclesiæ supradictæ recipiens, ipsi tanquam dioeciano de canonica subiectione servanda, se verbis obligavit expressim, & fratribus congregatis assignatus Prior, ab eodem episcopo sollempniter est collocatus in sede.

Philippus Comes Flandrensiū, & Comes Wilhelmus de Magna villa profecti sunt Ierosolimam.

Alexander papa episcopis Angliæ.

Nono kal. Augusti Fredericus imperator venit ad ecclesiam beati Nicholai, que per unum miliare à Veneciis distat, & ibi tam ipse quam archiepiscopi, episcopi, & alii principes Teutonici regni abrenuntiantes scismati, per fratres nostros episcopos & cardinales de mandato nostro absolutio-nis beneficium meruerunt, & deinde venerunt Venecias, & ibi ante ecclesiam beati Marci prædictus imperator nobis sicut summo pontifici obedientiam & reverentiam humiliter & reverenter exhibuit, & recepto à nobis pacis osculo nos devòte dextravit, & cum reverentia qua decuit, & devotione usque ad altare in ecclesiam introduxit. Sequenti vero die in festo beati Jacobi ab eodem imperatore rogati ad prædictam ecclesiam sancti Marci sollempnia celebraturi missarum accessimus, & nobis il-luc venientibus præfatus imperator extra ecclesiam obviam venit, & dextro latere nostro devòte suscepto nos in ecclesiam introduxit, & prædictis missarum sollempniis nos usque ad ipsius ecclesiæ portam dextravit, & cum ascenderemus palefridum nostrum ibi paratum staffam tenuit, & omnem honorem & reverentiam nobis exhibuit, quam prædecessores ejus nostris consueverint antecessoribus exhibere.

Legatos regis Anglorum à Sicilia redeuntēs, dux Burgundia spoliavit, illud parum attendens

— Sanctum populis per secula nomen Legatum.

HENRI- Rex pater regno juxta voluntatem suam dispo-
cus II. rex. sito, transfretavit xv. kal. Septembris.

EGo Ludovicus rex Francorum, & ego Henricus rex Angliæ volumus ad omnium notitiam pervenire, nos Deo inspirante promississe & jurasse, quod simul ibimus in servitium Christianitatis & crucem suscipiemus ituri Jerosolimam. Volumus etiam quod omnes sciant, quod sic sumus & amodo volumus esse amici, quod uterque nostrum alterutri nostrum conservabit vitam & membra, & terrenum honorem contra omnes homines pro posse suo. Et si quacunque persona alterutri nostrum malum facere presumpserit, ego H. juvabo L. regem Francorum dominum meum contra omnes homines pro posse meo, & ego L. juvabo H. regem Anglorum contra omnes homines pro posse meo, sicut hominem & fidelem meum, salva fide quam debemus hominibus nostris quamdiu ipsi nobis fidem servabunt. Hæc acta sunt apud Nonnancurt vij. kal. Octobris.

Gaufridus regis filii regis cancellarius, dum ab Angliā tenderet in Normanniam, passus naufragium submersus est, & plusquam CCC. cum eo iij. kal. Octob. Hyems secuta est tempestuosissima, submersæ sunt naves multorum, milia hominum infinita perierunt in fluctibus.

Illuxerunt choruscationes toti regno Anglorum iij. kal. Decembris.

Ventus vehemens eruens silvas, ædificia subruens venit ab austro kal. Decembris.

An. Dñi Nix maxima.

1178.

IN maritimis valla maxima de cespitibus constructa maris ab inundatione dirupta sunt, maxime versus Aquilonem. In colle pecudes & armenta pluribus in locis fluctibus involuta sunt aquilone flante, sexto idus Januarii.

Willelmus abbas Ramesiensis Cluniacensium curam suscipere detrectans multis diebus, ad ultimum adquevit, diciorem non ambiens abbatiam nisi quod hæc cujus erat collocandus in sede, dum abbatias plures suæ subici noverit dispositioni, quandam ex hoc sibi vendicer prærogativam, ut prælatus Cluniacensis non abbas solummodo nominandus sit, set archiabbas.

Ricardus Wintoniensis episcopus, dum per annum & dimidium fiscalia diligenter recensens toti Normannia præfuisset, duodecimo kal. Aprilis in Angliam rediit.

Alexander papa, scismaticis ad unitatem ecclesiæ redeuntibus, sollempni processione receptus est Roma die Dominica qua cantatur Letare Jerosolima.

Castellum Radulfi quod à doloribus nominis appellacionem sortitur, fundatum est in pago Biturico, ducis Aquitanorum de prisca consuetudine mandatis obtemperans. Hujus itaque castelli dominus dum ageret in extremis filiam parvulam reliquit heredem, quam rex pater Anglorum, cum castellis, & villis, & omnibus ad eam spectantibus, fidei custodiæ commendatam tempore congruo nuptui congruo collocabit.

Comes de Marchia sub ditione Ducis Aquitannici constitutus, cum liberos non haberet cognatis ordine successorio suam aspirantibus ad hæreditatem, duriorem opposuit adversarium. Nam cum haberet in voto visitare loca Dominicæ passionis, & ultimos dies suos ibidem explere, patrimonium suum multis & firmissimis munitionibus insignitum

Anglorum regi distraxit, appensis in precium sex milibus marcis argenti, quadraginta vecturis itineri tanto necessariis ad precii quantitatem adaectis.

Longa disceptatio quam archiepiscopus Cantuariensis in præsentia domini papæ per nuntios suos contra electum sancti Augustini super controversia benedictionis habuit, de communi consilio fratrum per diffinitivam sententiam ita decisa est, quod Cantuariensis archiepiscopus ipsum & successores suos in monasterio sancti Augustini absque exactione obedientiæ contradictione postposita benedicat. Dat. Laterani xv. kal. Maii.

Ricardus de Luci justiciarius regis in Angliā fundamenta jecit iij. idus Junii ad construendam ecclesiam, & conventui Regularium consecrandam in honore Thome martyris gloriosi, loco qui vocatur Westode in Rosenfensi territorio.

Rex Anglorum pater, cum per provincias omnes suæ subditas jurisdictioni quæ vel Francorum limitibus, vel montibus Pireneis, vel Britannico vicinatur oceano munitiones obtinuisset, & omnia disposuisset pro velle, rediit in Angliam idus Julii, sub ipso reditu visitans sepulchrum Thome martyris gloriosi.

Willelmus Remensis archiepiscopus, ut orationum vota Thome martyri glorioso persolveret, in comitatu magno venit Cantuariam vj. kal. Augusti. Rex Anglorum, episcopi plures multi proceres occurrerunt, & sic maximo cum honore susceptus in palatio regis Lundonia sumptibus regis triduum celebravit. Cum autem ei rex exeniorum nomine vasa plurima concupiscibilia transmississet, præter Francorum consuetudinem ab omnibus manum cohibuit; quædam tamen quæ non usque ad muneris consequentiam extenderentur in signum dilectionis à rege recipiens.

Rex Angliæ pater Gaufridum filium suum ducem Britannia cingulo militari donavit apud Westoc viij. idus Augusti.

Fredericus imperator Romanus Italiam sibi rebellem intelligens, & cum Lombardis iterum in campo configere, nisi prius resumptis viribus, non esse tutum considerans, transiens Alpibus regnum repetit Teutonicum; sed ut sinistros eventus aliquo saltem elatæ mentis titulo coloraret, & posteris suis memoriale relinqueret, quousque sui fines iniperii dilatarentur, ad plagam meridianam in Assumptione beatæ virginis coronatus est Arelate.

Christiani prope Jerosolimam cum Agarenis congressum habentes victoriam reportarunt, sicut nuntius Jerosolimitani regis ob id ipsum fideliter referendum directus Anglorum regi signanter ostendit, quæ viderat & audierat asseverans constanter.

Saladinus Egyptum & Syriam sua redigens sub potestate, Babiloniam & Damascum per violentiam occupavit, Christiani nominis gravissimus persecutor. Cum autem Comes Flandrensiū, & Comes Willelmus de Magna villa militum non modicam multitudinem à Jerosolimis evocassent, ut Agarenos Antiochia vicinantes contererent, pridie non. Novembris vj. feria castellum Hareng obsidione vallarunt. Saladinus vero non elatus generositate set armis, civitatem sanctam Jerosolimam hominibus aptis ad bellum vacuatam existimans, infinitum congregavit exercitum, & in multitudine gravi

gravi fines *Ascalonitarum* irrumpens fixit tentoria loco qui vocatur *Rama*. Rex, patriarcha, paucitas illa militum qui cum eis, qui vel in templo, qui vel in hospitali remanserant, cum aliqua multa multitudinis pugnantium in angustia temporis ad bellum se præparant. Qui non in hasta vel gladio, non in arcu confidentes vel pharetra, sed ad solum divinæ pietatis recurrentes auxilium, Dominicæ crucis animati simul & armati vexillo, de nocte properanter *Agarenis* occurrunt. Illud attendentes, quod est facile concludi multos in manus paucorum, & quod non est in conspectu Dei differentia vincere, vel in multis, vel in paucis. Facto mane cum sol in dipeos aureos refulsisset, & monticuli cujusdam ascensus *Christianos* eminentiores efferret, *Agarenis* in planitie per turmas suas distinctis & ordinatis ad pugnam, numerus infidelium fideliter intuentibus videbatur excedere fere fideles in centuplum. Edocti sunt itaque *Christiani* magistra necessitate novum adinvenire remedium. Illos etenim iij. ordines quos prius ad dimicandum paraverant, unum redegerunt in cuneum: sicque gentibus eos undique circumvallantibus assultus acerrimos exceperunt constanter. Dum hæc sub tanto discrimine gererentur, & *Christianis* pro vita res esset, *Odo* magister militiæ templi *Judas* alter *Machabæus* xx quater & iij. ordinis sui milites secum habens in comitatu, se recepit in partem cum suis crucis signaculo communis. Qui simul omnes quasi vir unus, calcaribus indulgentes invasione facta non ad sinistram declinantes vel dexteram, aciem illam in qua *Salahadinum* militibus multis præesse cognoverant, viriliter aggrediuntur, penetrant incunctanter, incessanter affigunt, dissipant, collidunt & conterunt. *Salahadinus* admiratione facti percussus est. Videntque suos undique dispersos, undique conversos in fugam; undique datos in ore gladii, fuga sibi consulere procuravit, & lorica cum acceleratione deiciens, camelum ascendit cursorium vix cum paucis evadens, posteris suis illud memoriale relinquendum non dubitans. Unus mille persequabatur, & duo fugaverunt decem milia. Sic potiti sunt victoria *Christiani*, tutu divino fortitudine gentium dissipata vij. kalend. Decembris vj. feria.

Johannes Strumensis in scismate vocatus papa *Calixtus* papalia deposuit ornamenta iij. kal. Septembris, *Alexandri* papæ provolutus ad pedes.

Fredericus imperator *Romanus* varias regnorum imperio subditorum metas pro varietate linguarum distinguens, *Longobardos*, *Baiuorios*, *Austrasios*, *Burgundiones*, diligenter recensuit, & juxta numerum quatuor populorum edoctus est plenius quatuor sibi competere diademata. Quæ simul imperio consolidata *Romano*, *Fredericum* in conspectu regum magnificent. Cui *Burgundia* regnum à multis retro temporibus usque nunc subpresso regis nomine per Comites administratum, nomine dotis non est dubium accrevisse, suis hæredibus hæreditario jure legitime devolvendum, non per electionem sicut Imperiale culmen, plerunque transfertur, in quempiam conferendum. Et licet *Fredericus* in adversis hucusque semper extiterit constantissimus, vir tamen uxorius reputatur à multis, quærens in omnibus quomodo placeat uxori. Rediens siquidem ab *Italia*, ne quid imperatrici deesset ad gloriam, in terra nativitatibus suæ capiti suo fecit imponi

diadema *Burgundie*, die nativitatibus beatæ virginis, in urbe *Vienna*; *Burgundie* quidem, quam *Italia* vicinam intelligas ad artendos hostes ab ea parte cacumina montium, præcipitia vallium in modum exceptionis opponere. *Burgundia* quidem, quam in planitie multa per intervalla spectabilem *Araris* atque *Rodani* fluentia lætificant. *Burgundia* quidem, quam aqua salubrior plerisque locis alto lacu conclusa, post capturam piscium copiosam reficendis corporibus indulgere frequenter iuvat. *Burgundia* quidem, quam *Aganensis* fundator monasterii *Sigismundus* & rex & martyr, multis rexit feliciter annis.

Sol passus est eclypsim idibus Septembris.

Alexander papa *Lundoniensis* & *Wintoniensis* episcopus.

Nos attendentes quod ad regem pertineat non ad ecclesiam de possessionibus judicare, ne videamur juri & dignitati karissimi in Christo filii nostri *H. illustris Anglorum regis* detrudere, qui sicut accepimus commotus est & turbatur, quod de possessionibus scripsimus, cum earum judicium ad se asserat pertinere, volumus & fraternitati vestre mandamus, ut regi possessionum judicium relinquatis. Data *Tusculani* kal. Octobris.

Comes Willemus de *Magna villa Jerusalem* rediit viij. idus Octobris. Qui peregre profectus sicut altaria multarum per *Angliam* ecclesiarum habuerat in memoria, sic & rediens habuit in veneratione panthes, quos civitas *Constantinopolis* vocat Imperiales, passim locis distribuens religiosis.

Henricus rex filius regis *Anglie* regnum egrediens, in conflictibus *Gallicis*, in expensis profusioribus transiegit triennium. Qui dum per id temporis circumquaque *Francorum* limites properus peragrasset regia maiestate seposita, totus est de rege translatus in militem, & flexis in gyrum frænis, in congressibus variis reportavit triumphum: sui nominis celebritatem favor popularis evexit, suorum in computatione gestorum hylarior fama senem censuit admirando victorias, quem lapsum in negotio beneficium adhuc minoris ætatis in integrum restitueret. Sic igitur in negotiis militaribus occupato, dum nil ei deesset ad gloriam navem ascendens apud *Witland* in *Angliam* rediit iij. kal. Martii, cum honore debito receptus à rege patre.

Augustinus *Anglorum* apostolus archiepiscopus *Dorobernensis*, prope *Cantuariam* sepulture sibi locum elegit abbatiam inibi provida lucessorum dispositione fundatam, & abbatem impositum debitam archiepiscopis *Cantuariensibus* obedientiam per annos quingentos legimus exsolvisse. Diebus his ultimis *Rogerus* à collegio sanctæ *Trinitatis* ad supradicti loci curam in abbatem assumptus ab *Alexandro* papa v. kal. Februarii, *Tusculani* benedictionem, & in signum emancipationis indultæ mitram, anulum, cirothecas suscepit.

Alexander pontifex, magnæ & altæ *Rome* glorioso *Valentia* regi *Lupo*, celestis creatoris noticiam ac beneplacitum ei servitium exhibere.

Cum superna & incomprehensibilis providentia majestatis super gentes innumeras tibi commiserit, dominatum, licet sacramenta fidei *Christiana* minime tua celsitudo suscepit, tamen sicut ad nos usque fama pervenit, cultores et fideles Christi quadam speciali prerogativa diligis et honoras, et eis familiaritatis gratiam nosceris non modicam exhibere:

HENRI-hibere. Tuam igitur excellentiam regamus et ex-
cus II. rex. hortamur instantius, ut Christianos qui nunc apud
te captivi tenentur ad nos per gratiam tuam liberos
absolutosque remittas, ut omnipotens pater creator
omnium temporale tibi regnum amplifcet et conser-
vet in terris, et illud quod erit sine fine mansu-
rum, per sacramenta fidei Christiana, post exitum
hujus vite largiatur in cœlis redemptor omnium
cujus nomen est benedictum in secula.

Albertus ecclesiæ Romanæ subdiaconus Alexan-
dri papæ nuncius venit in Angliam. Qui præstita
fidelitate de regia dignitate servanda cum licentia
regis visitans majores ecclesias, archiepiscopis, epi-
scopis, abbatibus, de convocandis ad concilium
generale submonitorias patentes ostendit. Alios
ætas maturior, alios imbecillitas corporis, alios
clandestinis pactioibus involuta numeratio nec
dicam pecuniæ reddidit excusatos. Solus Wintoni-
ensis episcopus ad instantiam regis Francorum ho-
noratæ quieti donatus est. Albertus igitur Lacia-
liter incedens per Angliam, aliquibus in evectione
vel mora locis in pluribus tridua visus est ho-
nerosus. A quodam etiam auctoritatis non con-
temnendæ viro minus reverenter receptus quam vel-
let, ei pro qualitate delicti poenam, ut ait, compe-
tentem inflixit, his verbis; Ut digne pro meritis
remuneretur, ipsum Apostolica qua fungimur au-
thoritate suspendimus. Dignum namque & rationi
consentaneum est, ut poena docente addiscat omni-
modam reverentiam & obedientiam exhibere præ-
latis. Albertus postmodum ad preces inclinatus
quorundam, novum genus poenæ novus examinatore
culparum indixit his verbis. Juratoria prius can-
tione recepta quod nostro pareret mandato, jejunium
trium quadragesimarum injunximus ei pro culpa.

Synodus CCC. x. episcoporum est habita Roma
xliij. kal. Aprilis in patriarchio Lateranensi;
plurima memoriæ plurimum commendanda statuta
sunt ibi, de quibus saltem inseramus paucissima.

Multarum possessoribus ecclesiarum quos ambi-
tio cæca perurit severius occurrendum est. Nam
cum inde dissolutionis materiam & vagationis in-
currant, unius tantum ecclesiæ curam suscipere de-
bitam, uni provisionem impendere canonica com-
pellantur censura.

Ecclesias interdicto subpositas in anno semel ape-
riant Templares vel Hospitalarii, sed non ibi corpora
sepelire præsumant.

Elliam Ludovici regis Francorum Agnetem
Alexio filio Manuelis imperatoris Constantinopoli-
tani fœdere nuptiali jungendam in comitatu
magno circa Pascha transmissam audivimus. Velit
Dominus Deus ut auspicio meliori quam filia Ka-
roli magni Constantino nupserit imperatori, sine li-
beris decedens in matrimonio.

Dux Aquitanorum Ricardus multis sæpe la-
cessitus injuriis, tandem ad superbiam Gan-
fridi de Rancuna penitus edomandam, auxilia-
riis undequaque collectis kal. Maii castellum de
Taileborch obsidione vallavit. Opus desperatissi-
mum, & quod suorum nullus antecessorum attem-
ptare præsumpsit. Castrum igitur supradictum ante
dies istos hostium cuneis prorsus incognitum, tri-
plici vestitum fossato, muri triplicis incentivo re-
bellioni dicatum, armis, feriis, repagulis instructum
sufficiens, turribus per intervalla seriatim dispo-
sitis insignitum, comportato lapide manuali muni-

tum in propugnaculis, habundans in victualibus, HEN-
refertum milibus hominum ad pugnam ydoneis, cus II
minime ducis Aquitanorum expavit adventum.
Sed postquam ipse dux regionem hostiliter introivit,
dotes prædiorum abduxit, succidit vites, succendit
villas, reliqua demoliendo vastavit, in castelli con-
finio fixit tentoria, machinas prope murum erexit,
opidanos nichil tale præmeditatos vehementer ex-
terrui. Quibus quia res ignominie plena videba-
tur, tot elatæ mentis, tot virtutis probatæ milites
intra muros sine maxima reclamatione concludi, de
communi consilio placuit ut foras erumperent, ex-
ercitum ducis impeterent ex improviso. Quod cum
ad ducis notitiam devenisset, in arma ruere suos
edocuit, retrorsum cedere compulit opidanos. Il-
lis in ingressu portarum hinc & hinc acriter confi-
gentibus, quid equus, quid lancea, quid ensis, quid
galea, quid arcus, quid balista, quid umbo, quid
lorica, quid fudes, quid clava certantibus conferant,
experimento cedebat. Opidanis itaque principalis
cohortis in qua dux præerat assultus acerrimos su-
stinere non ultra valentibus, set intra muros cer-
tatim sese recipientibus, dux impiger invasione fa-
cta se pariter intra villam innilcet cum hostibus
Rogationum feria tertia. Nusquam locus diffugii,
per plateas hinc inde discurretur, rapinis insti-
tuitur & incendiis; ab his quos fortuna benignior in-
ternitioni subtraxerat, ad principale præsidium tan-
quam ad asilum confugitur. Castelli dominus
Ascensionis Dominicæ die sollempni compellitur ad
deditionem: facies universa murorum intra dies
paucissimos complanatur. Alia passim castella per
patriam conscia rebellionis, incentiva superbiæ, præ-
donibus receptacula par infra mensem unum subi-
ere discrimen. Omnibus igitur ad votum comple-
tis dux Aquitanorum transfretavit in Angliam,
cum honore maximo receptus à patre.

Junior filia Mathæi Boloniensis Comititis nupsit
filio ducis Lovania.

Rogerus Wigornensis episcopus, v. idus Augusti
rebus humanis exemptus est.

Ludovicus rex Francorum magnificentiam præ-
decessorum animi liberalitate transcendens, sanctæ
recordationis Thomæ quondam archiepiscopi Can-
thuariensis exilium pluribus annis intra Galliam Cel-
ticam cum æquanimirate decursum facultatibus suis
habundantius relevavit, Christo sedulum exhibere
sperans obsequium dum oculos pietatis attollens
respiceret archiepiscopum. Exulem itaque brachiis
intimæ caritatis amplexus dum viveret, jam mar-
tyrio coronatum, jam triumphantem in cœlis, jam
in terris patrocinantem hominibus, sicut crebra mi-
raculorum indicia longe lateque diffusa passim at-
testantur per orbem, sua corporali præsentia, cum
omni devotione summopere venerari decrevit, ut
ejus meritis & intercessionibus à regno mutabili
transire mereatur ad regnum sine fine mansurum.
Angliam igitur quam nec ipse, nec suorum aliquis
antecessorum aliquo tempore, vel hostili manu, vel
ingressu pacifico visitaverat, nomen peregrinantis as-
sumens & habitum, turba nobilium comitante per-
modica, devotissime visitavit. Rex Anglorum pater
Henricus subitum ejus subito prænosens adventum
obviam progressurus cum incessisset diplomate, regi
Francorum navem apud Doveram egredienti, festi-
nanter occurrit xij. kal. Septembris iij. feria. Quic-
quid honoris ab aliquo potuit vel excogitari, potuit
vel

1121-
1122. rex. vel impendi, totum *Francis* exhibitum est. Concur-
rentibus undique tam archiepiscopo quam episco-
pis, tam comitibus quam baronibus, tam clero quam
populo, sollempnis processio majorem ecclesiam il-
lustravit attentius in ymnis & canticis & lætitia
summa, tanti principis applaudens adventui v. feria.
Quantum auri vel argenti *Gallicane* munificentie
titulos in oblationibus factis exegerit, ne sit qui non
credat desit qui scribat. Centum autem vini mo-
dios à rege, vel hæredibus suis annuatim solven-
dos *Parisiis* imperpetuum ob martyris reverenti-
am, & in usus *Cantuariensis* collegii convertendos,
memorie commendamus. Cum fama semper in
deteriora proclivior *Romanos* nota cupiditatis
aspererit, ad aviditatem ipsorum explendam, si
præsentis fuissent, regis *Anglorum* gazæ multiplices
& thesaurus ab antiquo congestus in exeniis *Can-
tuaria* faciendis expassus, & expositus in commune,
plene sufficerent, si traxissent eos non orationum vo-
ta set lucra. Sed ne *Franci* viderentur aliquibus
aliud quæsisse quam martyrem, manum cohibentes
à munere martyrium aliquod forsan pertulerunt in
mente. Sic rex in jejuniis, in orationibus, in vigiliis,
cum penes *Cantuarios* triduum consummasset, &
exeniola quædam in signum dilectionis accepisset à
rege, vij. kal. Septembris rursus navem ascendit
apud *Doveram* die Dominica.

Rex pater *Anglorum* his plurimum quærens
prodesse qui minimum possunt, vicecomites
publicis functionibus & ratiociniis involutos com-
modis propriis invigilantes invenit. Quare de com-
muni salute magis & magis sollicitus, certis in locis
jurisdictiones aliis fidelibus suis in regno commisit,
ut cognitus per provincias publicæ potestatis ad-
ventus terrorem incuteret delinquentibus fiscalia
supprimentes, & quæ principis læderent majestatem,
regiam indignationem incurrerent. Ferarum cubi-
lia temerariis ausibus incurstantes, vel muleta re-
primeret, vel carceralis custodia maceraret diutius.
Metus pœnæ profugos absterret, animadversio
gravis percelleret interceptos, homicidæ suspensio
punirentur, proditores dampnarentur exilio; levio-
ribus in flagitiis deprehenso truncatione membrorum
notabiles redderentur. Invasores locorum vigor
compesceret judiciarius, enormitatem dampni satis-
factio maturata sarciret.

Rursus aliquot temporum labente curriculo, rex
intentissimus ad justiciam singulis exhibendam, ut
artius subditis provideret fidem voluit experiri mul-
torum. In variis namque professionibus amatores
justiciæ sollicitius investigans, quem munera non
corrumpere inter hominum milia requirebat; &
sic animum à proposito non immutans, circa perso-
nas mutabiles immutabilem semper sæpe mutavit
sententiam. Quantum itaque claustralis professio
querelas pauperum relevaverit, quantum cinguli
militaris auctoritas restiterit potentioribus, & vi-
vere jure communi coegerit, novit calamitas op-
pressorum. Nam abbates modo, comites modo,
capitaneos modo, domesticos modo, familiarissimos
modo, causis audiendis & examinandis præposuit.
Rex denique cum tot fideles suos conditionibus
tam diversis obnoxios publicis utilitatibus præfecis-
set, nec alicujus publice retractasset sententiam,
suffragium aliud commodis privatorum utilius non
inveniens, oculos erexit ad cælum, & de terrestribus
cogitans, & aliquid mutuans à cælestibus, sic homi-

nibus providere curavit, ut homines ab hominum
generalitate secerneret, qui licet viverent inter ho-
mines superintendentes hominibus, aliquid habe-
rent, aliquid sentirent, aliquid auderent plus homine.
Transiens igitur omnibus quæ mutabilitati pote-
rant subjacere de facili, rex ad sanctuarium Dei re-
currens, *Wintoniensem*, *Elyensem*, *Normicensem* epi-
scopos archijusticiarios regni, set certis in locis ea
foran consideratione constituit, ut si ceteri quos
longe prius præmiserat ipsum regnantem in terra
minus reveriti fuerint, isti saltem Deum regem re-
gum, hominum creatorem, judicem conscientiarum,
operum retributorem revererentur attentius & ar-
dentius, ut nec ad sinistram declinantes, vel ad
dexteram, nec opprimerent in judicio pauperem, nec
causam divitis ob acceptionem muneris colorare
præsumerent. Itaque si se negotiis secularibus con-
tra canonum instituta præiules immiscuerint, & ob
hoc trahantur in causam, regis instantiam, regis in-
tentionem piam, suam actionem Deo placendam,
plurimis profuturam, ab hominibus collaudandam
rigori canonum instanter opponant: sic reatum cul-
pæ fraternæ caritatis intuitus poterit mitigare. Con-
siliium tamen est, ut ad *Rogeri* bonæ memoriæ quon-
dam episcopi *Saresburiensis* opus laudabile frequen-
ter recurrant, qui simili devotione constrictus non
se prius professus est regni justiciarium, quam ab
ecclesia *Romana*, quam ab *Anselmo*, *Radulfo*, *Wil-
helmo Cantuariensibus* archiepiscopis, juxta tempo-
rum successionem cum obedientiæ virtute sibi fuerit
hoc onus impositum. Ab episcopis igitur supra-
dictis, & à conjugibus eorundem querelis justicia
mediante decisis, reservatis quibusdam ad princi-
pis audientiam, regi ratio redditur administrationis
vj. kal. Septemb. apud *Westmonasterium*.

Ut annum præsentem annum benignitatis in-
telligas, post hyemis nimiam siccitatem, post
asperos pruinarum incurfus, post status aquilonares
toto tempore verno continuos, post fulgura discursu-
rentia circa medium regionis à partibus occidentis
in orientem, repente placidus imber idibus Junii
faciem irrigavit agrorum, animos colonorum in sa-
tionalibus nullam spem reponentium consternatos
felici commutatione resuscitans. Fructibus arborum,
fœtibus animalium qui nondum prorsus deperie-
rant, grata sumministrans fomenta. Temperies ita-
que deluper illapsa benignius sementivam radici-
unculis vix aliquantulum innitentem, roris & plu-
viæ succedaneis irrigationibus fecunditati restituit.
Solaris quoque radii fomes intentior, & proventi-
bus fructuariis permultum accommodus jugera prius
arentia, tantam ad ubertatem ex insperato reduxit,
ut locis in pluribus septem ipicas in uno culmo con-
spiceres. Eventu tali satis debes esse communitus
aliquid aliud subitum, insperatum, insolitum tuis
foran imminere diebus. Rursus, gratia cœlestis hoc
anno terrenas potestates in eam erga subditos affe-
ctionem induxit, ut singulis querelas habentibus
tam in foro civili quam ecclesiastico sancta consi-
deratione prospectum esse non dubites. Eo namque
decursum est, ut in comitiis, sicut supra diximus, rege
procurante præsideant præiules, & disceptationibus
quæstionum forensium quæ sanguinis pœnæ non
irrogant, audientiam suam accommodent. Rursus,
ad consistorium archiepiscopi *Cantuariensis*, si veri-
tas tibi comes fuerit, cum animi tranquillitate potes
securus accedere pro merito causæ calculum reporta-
tus.

turus. Ne sui liquidem assessores quos in dandis consiliis & litibus dirimendis habet assiduos à via veritatis exhorbent, & in pecuniæ corruptelam partium studia litigantium universi negotii spem universam reponant, cur & quando terribiles in medium proponi scripturas civiliter introductum sit memoriter tenuerunt. Nam omnes communi sponfione devincti tactis sacrosanctis evangelis publice juraverunt, nemine deferente, se conservaturos in posterum modis omnibus suas manus immunes à munere. Promisit illud idem archiepiscopus in verbo veritatis apud *Pageham*.

C*Advallanus* in *Sudgallia* principatum aliquem habens, fines inter *Anglos* & *Britones* limitatos antiquitus sæpe transgressus est, & marchiam violenter incurfans & cadibus hominum inhiante anelans, totius vitæ cursum studuit in rapinis & in irruptionibus crebris transigere. Qui tandem tractus ante regem & multorum clamoribus impetitus, ibidem dum à rege sub ipsius regis ducatu securus, set pro scelorum immanitate semper deterritus remeasset, obiter hostium interceptus insidiis interfectus est decimo kal. Octobris. Quod quia plurimum in regis majestatis redundavit injuriam, qui prius juxta jus publicum jure debuerat pro meritis totiens excepisse suspendium, pro reverentia regis cujus redibat à curia *Cadvallanus*, ne jus publicum læderetur, à jure publico tutum debuit habuisse præsidium, quousque se reciperet intra terminum à Principis indulgentia securitati plenè præfixum. Si quis autem hujus insoliti casus terreatur exemplo dum nil simile diebus nostris acciderit, dum hoc rex non reliquerit impunitum, dum in ulciscendo poena modum excesserit, ad curiam regis vocatus si fuerit accedat intrepidus. Sibi namque *Galenses* solariari possunt ad invicem, quod mors unius ex suis multorum in mortibus marchionum *Anglis* lugubres & *Normannis* exolas excepit exequias. Cadis itaque conscius & quos fama consentiens suspectos reddidit & publicum examen probavit obnoxios animadversio gravis involvit, quibusdam in patibulo cruciatis bonorum proscriptione dampnatis, quibusdam in abditis nemorum miseram ducere vitam coactis.

L*udovico* regi *Francorum* circa fœdera nuptiarum ultimis in diebus fors arrisit benignior, Trigamiam inter contractus legitimos, & pro tempore felicissimos computandam *Francorum* annalibus inserendum esse recensens, dum ad suscipiendam in trigamia sobolem masculinam, regum in solio collocandam aspiraverit affectio conjugalis. Rex igitur ex matrimonio tam primo quam secundo susceptis quatuor filiabus solummodo, tandem ex tercio quod cum *Adela* magni *Theobaldi* Comitis *Blesensis* filia contraxit, multo felicius feliciter filium procreavit, desideratum à populis, à clero devotius & propensius expectum. Qui quartum decimum agens annum, undique concurrentibus & occurrentibus tam archiepiscopis, tam episcopis quam regni principibus quorum desiderandus erat assensus, more regio, *Remis* recipitur pridie kal. Novembris & ad omnium hominum hæreditario jure suo regimini subdendorum solamen, patrociniū ac moderamen, omnium in sollempnitate Sanctætorum, ut ab omnibus adversis ipsorum omnium mereatur protectione defendi, consecratus est in regem per manum *Guillemi Remensis* archiepiscopi, regis etiam ejusdem avunculi.

Philippus itaque rex *Francorum* in coronatione

sua, tam in gladio præferendo quam in regis dapi-
bus apponendis *Philippum Flandria* Comitem privilegium habuit ministerialem, utentem duplici jure, paterno videlicet & uxorio.

H*enricus* rex *Henrici* regis *Anglia* filius & *Philippi* regis *Francorum* sororius regis consecrationi *Remis* interfuit, solius affinitatis incitatus & invitatus intuitu. Dum enim *Britannia* pæne nomen orbis alterius mereatur, dum divisos orbe *Britannos* frequenter audieris, restat ut & id audias, quod nullus *Britannia* vel *Anglia* rex quempiam regem *Francorum* aliqua specie subjectionis, aliquo tempore superiorem agnoverit: set is potius habitus sit inter eos amicitiarum nexus, ut in epistolis intercurrentibus se fratres appellare decreverint, quod etiam *Karolus* magnus *Karolus* gratia dei rex *Francorum* postquam ei laudes imperatorias acclamarunt *Romani* legitur observasse. Prædictis ergo sollempnis rex *Henricus* interesse decernens, illam nobili-
um adunationem singulari suæ præsentis prærogativa plurimum illustravit, & in ore populorum

per *Gallias* futuris temporibus reddidit prædicabilem. In qua nimirum illud inventum est memoris commendabilius, quod diadema capiti novi regis impositum ne rex infra minorem adhuc constitutus ætatem gravaretur sub onere, manibus propriis sustentaverit rex *Anglorum*, rejecta clamide paratior ad obsequium. Illud innuens, quod si tempore procedente *Francis* necessitas incubuerit securi debeant ejus implorare subsidium, à quo tale receperint sub ipsa sui regis consecratione suffragium.

A*nastasius* Imperator *Constantinopolitanus* *Clodoveo* regi *Francorum*, regis dignitatis insignia, coronam scilicet auream & tunicam bracteā transmissit, eidem concessa per litteras potestate regnandi. Sic *Clodoveus* angelo crisma ministrante de cœlo per beatum *Remigium* *Remis* regalem recepit sollempniter unctionem, cujus successores in regno *Francorum* non juxta lineam consanguinitatis ordine successorio successerunt assidue, set pro nationum varietate primitus ^(a) *Merovingi*, postmodum ^(b) *Præfectorii*, demum agnominati sunt ^(c) *Capiticii*, qui postquam Majores domus in *Francia* principari cessarunt, persistentes in Christi fide fideles fidem fidelissimam subditorum experti sunt, in tantum ut in regio diademate *Gallarum* favore debito sublimati, præsentis vitæ cursum non gladio, non veneno, sed forte communi pacifice consummaverunt.

A*lexander* papa karissimo in Christo filio *Presbitero* *Jobanni* illustri & magnifico *Indorum* regi salutem, & Apostolicam benedictionem. Audiveramus jampridem referentibus multis & etiam fama communi, quomodo cum sis Christianam professionem professus piis velis operibus indefinenter intendere. Sed dilectus filius noster *Philippus Medicus* qui de intentione propria & proposito tuo, cum magnis & honorabilibus viris tui regni se in partibus illis verbum habuisse proponit, sicut vir providus constanter nobis retulit, se manifestius ab his audivisse, quod tue voluntatis sit & propositi erudiri catholica & apostolica disciplina, & ad hoc ferventer

feruenter intendas, ut tu & cuncta plebs tua sublimitati commissa nichil unquam videamini in fide vestra tenere quod à doctrina sedis Apostolica dissentiat. Illud etiam ad commendationem tue virtutis accedit, quod sicut prædictus Philippus se à tuis asserit audivisse, ferventi desiderio cuperes in urbe habere ecclesiam & Jerusalem altare aliquod ubi viri prudentes de regno tuo manere possent, & Apostolica plenius instrui disciplina, per quos tu & homines regni tui doctrinam ipsam facilius reciperent & tenerent. Nos autem vos ab his articulis in quibus erratis à Christiana & catholica fide revocare volentes, præfatum Philippum ad tuam magnitudinem mittimus, per quem de articulis Christiana fidei in quibus tu & tui à nobis discordare videmini in proximo per Dei gratiam eruditus, nichil prorsus timere poteris quod de errore tuam, vel tuorum salutem impediat, vel in vobis nomen Christianitatis obscurat.

Willelmus de Magnavilla Comes Exsexie plene gratiam regis Anglorum adeptus, in plenitudine magna diviciarum, & deliciarum sibi fœdere nuptiali conjunxit Hadewisam Comitis Albemarle primogenitam. Dos igitur & donatio propter nuptias locis in pluribus, æquis passibus incedentes, hinc & inde sollempniter repromissæ sunt. Albemarlensis itaque comitatus ad tuendos Normannia fines ab antiquo statutus & nunc dotalibus instrumentis insertus, ne quid minus à munificentia regali descenderet, cum omnibus pertinentiis suis cismarinis & transmarinis, per internuntios regis est in dotem à rege collatus. Quia vero duorum comitatum Exsexie scilicet & Albemarle geminati fasces in unam eandemque personam Comitis Willelmi concurrunt, ut in fide conjugalis thori Willelmus de Magnavilla, magna fidei sponione devinctus semper fidelius perseveret, Abhinc dum ad regis præsentiam accessurus seorsum à cæteris voce præconia requireretur ex nomine jure Comes censendus est Albemarle. Feliciores eventus in tempora proventuros prælagio felici sufficienter commonitus, quia dies illa sollempnis, dies nuptialis, die plenæ lunæ, die festo beati Felicis illuxit. Acta sunt hæc apud castellum Pleizet in Exsexia nono decimo kal. Februarii.

Circa dies istos Conradus filius Marchionis de Monteferaria Christianum archipræsulem Maguntinum & archicancellarium imperatoris in Italia coniecit in vinculis, in rupe sanctæ Christina.

Mandato Philippi regis Francorum Judæi quocunque loco per Franciam domicilium contraxissent, dum sabatizarent & in nullo regem offenderent xv. kal. Februarii sunt artæ mancipati custodiæ; sed tandem xv. milia marcarum fisco solventes quasi beneficio restitutionis in integrum respirarunt.

Quoniam sub Principe novo sub rege puero consilia malignantium fortius invalescunt, ne quid regi Francorum Philippo Franci suggererent in injuriam Normannorum, quorum finitimis semper est suspecta potestas & per orbem terrarum gloria prædicabilis, rex Anglorum Henricus occurrendum in tempore maturiore consilio procuravit. Cujus rei curam ad regis instantiam Ricardus Wintoniensis episcopus in se suscipiens, tercio nonas Marci transfretavit secum habens legationis consortem magistrum Walterum de Constanciis sigillarium regis. Qui venientes Parisius Ludovicum regem pressum,

senio reppererunt ægritudinis decumbentem in lecto. HENRICUS II, rex.

Clerici Lemovicenses citra conscientiam & assensum Henrici regis Anglorum & Ricardi Ducis Aquitanorum Sebrandum ecclesiæ Pictavenfis Decanum in episcopum elegerunt. In ultionem talis excessus eorum bona confiscata sunt, domus subversa, succisæ vites. Quod cum ad Alexandri papæ noticiam pervenisset, dedit in mandatis archiepiscopo Bituricensi Guarino quatinus de causa cognosceret, & mediante justitia terminaret. Venientes ad archiepiscopum clerici Lemovicenses eum mortuum invenerunt. Sed ne laborasse viderentur in vanum archipresbyter Brivatensis domini papæ literas adhuc clausas inseruit manu defuncti, dicens, Quod non potuit vivus expleat vel defunctus. Cujus & meritis & intercessione, sicut dicitur, pacem regis & ducis episcopus Lemovicensis emeruit.

Henricus rex filius regis venit in Angliam kal. Aprilis & cum honore maximo receptus à patre reliquiis præsentibus sacrosanctis juravit apud Radin-gam, quod dispositionem paternam in omnibus sequeretur, vel in donatione villarum, vel castellorum, vel beneficiorum quorumlibet, quæ præsentem quadam continebantur in Carta. Quo factò, rex pater apud Portesmuæ, rex filius apud Doueram transfretaverunt. Rex autem pater in urbe Cenomannica pascha proximum celebravit.

Philippus rex Francorum Margaritam filiam Baldewini Comitis Hamauensium ex Margarita sorore Philippi Flandrensis Comitis duxit uxorem apud Truncum. Nuptiæ celebratæ sunt apud Batpaumes. Quid igitur in expletionem matrimonii tam sollempnis memoriæ commendandum audivimus; A locorum nominibus res ibi gestæ frequenter inditos de supernis sortiuntur eventus. Quid itaque Balac filius Sephor dixerit Balaam filio Beor recordare; dixit enim complofis manibus. Ad maledicendum inimicis meis vocavi te quibus è contrario tercio benedixisti. Nos igitur si per Truncum fecunditatem in sobole, si per manus complofas gaudium maritali sub fœdere præsignari dixerimus, attonitos forsitam auditores reddemus. Henricus Silvanestensis episcopus tam apud Truncum, quam apud Batpaumes celebravit divina.

Gvido Senonensis archiepiscopus Margaritam Philippo regi Francorum conjugatam unxit in reginam apud Sanctum Dionisium die scilicet Ascensionis. Astiterunt autem ei suffraganei Mauricius Parisiænsis, Manasses Anrelianensis.

Ludovicus rex Francorum quia jus suum & potestatem in Philippum regem transfulerat, ne quid in regno statueret citra filii conscientiam, sigilli sui potestate privatus est.

Inter regem Philippum & matrem suam Alamortis adinvicem inimiciis, castella, quæ nomine donationis propter nuptias fuerant reginæ collata de regis mandato, regis invaserunt ministri, custodibus castellorum violenter ejectis. Sed postmodum rex & mater ad arbitrium regis Anglorum concordiam inierunt, in colloquio quod habitum est inter ipsos reges prope Gisorium vigilia scilicet Apostolorum.

Ego Philippus Dei gratia rex Francorum & ego Henricus eadem gratia rex Anglorum, ad omnium volumus tam præsentium, quam futurorum pervenire noticiam, quod fœdus & amicitiam fide media

HENRICUS II. rex. & sacramento innovavimus, quam dominus meus rex Francorum, & ego Henricus rex Anglorum firmaveramus inter nos apud Lueri in presentia Petri Cardinalis & Ricardi Wintoniensis episcopi, & ut inter nos tollatur amodo omnis materia discordia, concessimus adinvicem, quod de terris & possessionibus, & de omnibus aliis rebus quas habemus modo alter adversus alterum nichil amodo petet excepto eo de Avernia de quo inter nos est contentio, & excepto feodo de Castro Radulfi, & exceptis minutis feodis & divisis terrarum nostrarum de Berri si homines nostri quid inde interceperint, vel inter se vel adversus alterum nostrum. Si autem super his qua superius excepta sunt per nosmet ipsos convenire non poterimus, ego Philippus rex Francorum elegi tres episcopos & tres Barones, & ego Henricus elegi tres episcopos & tres Barones, qui hoc inter nos dicent, & nos eorum dicto bona fide firmiter stabimus. Hac autem omnia suprascripta nos observaturos & fide & sacramento promissimus. Acta sunt hac iij. kal. Julii inter Gisfortium & Triam.

Comes Cabilonensis & Hubertus de Bello Loco conspiraverunt adversus Abbatem Cluniacensem, & adversus plures in partibus illis ecclesiarum & cœnobiorum prælatos. Ad quorum tyrannidem reprimendam Philippus rex Francorum auxiliis undique congregatis movit exercitum. Cujus ad votum cum omnia successissent, & paci providisset ecclesiarum, reversus est.

Ludovicus rex Francorum gravi tactus infirmitate Parisius, quicquid in auro vel argento, quicquid in geminis vel anulis, quicquid in vestibus preciosis vel ornamentis regalibus possidebat coram se iussit afferri. Sicque juxta consilium episcopi Parisiensis & duorum abbatum sancti Germani sanctæ Genovefæ pauperibus erogari præcepit. Qui quarto decimo kal. Octobris diem clausit extremum sepultus in monasterium Cisterciensis ordinis quod vocatur Barbellum, quod ipse propriis sumptibus ædificaverat.

Philippus Aymari natione Turonicus mandato regis in Angliam veniens numismatis innovandi procuracionem suscepit. Hyemali siquidem festo beati Martini moneta veteri reprobata nummus in forma rotunda commercii hominum passim est per regnum expositus. Philippus itaque dum fisci commodis totus invigilare deberet, & debita cohercione retundere falsariorum argutias, de culpa lata monetariorum graviter accusatus, si regiam indignationem evasis indulgentia principis liberatus à pœna, revocatus à rege sine nota minime repatriavit.

An. Dñi 1181. Quatuor reges in uno prælio simul legimus corruisse, sed quatuor reges ad unum colloquium pacificos convenisse, pacificos recessisse perraro reperimus. Philippus rex Francorum, rex Anglorum Henricus, rex Henricus filius regis Anglorum, rex Scottorum Wilhelmus ad colloquium pacifici conveniunt, pacifici recesserunt.

Rex Francorum Philippus suo commorantium in palatio crebris inculcationibus frequenter accepit qualiter rex Anglorum Henricus regnum suum tam late diffusum, à tam barbaris nationibus Scotis videlicet & Walensibus inhabitatum ex ultima parte pacifice gubernaret: ut igitur in amministrazione regni tanti Principis informaretur exemplo, de sententia communi domesticorum inclinatio-

trahebatur, ut prædicti regis consilio se totum supponeret: Quod & factum est.

Rex pater Anglorum cum totam Normanniam filii sui regis dispositioni supponeret, & ad nutum ejusdem filii ministros in ea constitueret, & eundem filium Philippi regis Francorum si necessitas id exigeret protectorem relinqueret, omnibus provinciis ad suam jurisdictionem spectantibus pro voluntate sua compositis & bona pace gaudentibus, in Angliam rediit viij. kal. Augusti, sanctum Thomam visitans orationum causa.

Philippus Comes Flandrensiū audiens qualiter rex Francorum Philippus, rex Anglorum Henricus confederati fuissent, quotquot Francorum, quotquot Flandrensiū potuit adversarios suscitavit domino suo ligio. Rem eo devenisse prænuncians, ut eorum munitiones vel subverterentur vel pro regis arbitrio deputarentur custodiæ. Fredericum etiam Imperatorem Romanum, nunc per nuntios, nunc in propria persona sollicitavit attentius, ut adversus regem Francorum insurgeret & imperii limites dilataret usque scilicet ad mare Britannicum. Comes itaque Philippus domini sui regis non respiciens ad ætatem, & immemor sacramenti quod sub audientia tot & tantorum Ludovico regi præstiterat de filio suo rege custodiendo, protegendo, legaliter instruendo, quanto potuit exercitu congregato Noviomenses attrivit, fines Silvanectensium depopulatus est, succendit villas, vineas extirpavit.

Comes Stephanus castelli dominus quod Sacrum Cesaris appellatur jus naturæ transgrediens sic ad injuriam regis Francorum nepotis sui tyrannidem exercere decrevit, ut ad diminutionem regis dignitatis castellum sancti Bricii quod allodii jure fuerat ab antiquo possessum, Comitibus Flandrensis dominationi subiceret, & homagiū faciens prædicto Comiti de præfato castello quod prius liberum fuerat inverecundius tanquam in servitutē redigeret.

Humbaldus Hostiensis episcopus electus in Apostolicum vocatus est Lucius papa iij.

Henricus rex filius regis, Dux Aquitanorum Ricardus, Gaufridus Dux Britonum fecundæ matris gloria memorialis, abientiam patris sui regis Anglorum virtute magna supplere volentes, ut consiliis malignantium innocentiam Philippi regis Francorum opprimere nequiter intendentium viribus totis occurrerent, copiosum undique congregarunt exercitum, & viribus junctis ad auxilium prædicti regis unanimiter accurrerunt. Comitem itaque

Stephanum castelli quod dicitur Sacrum Cesaris dominum execrabilem edomare prima facie decreverunt. Cujus bona, villæ, castella, possessiones intra paucos dies cesserunt in direptionem. Juga bouum quicquid quinque milia data sunt Brebantinis in prædam. Cum itaque prædictus Comes viribus esset inferior & regibus nequiter resistere, nepotis sui regis provolutus ad pedes, delicti veniam humiliter impetravit. Inde progredientes duo reges & sui, Duce in Burgundia, Campania Comitissâ, utriusq; regis sororem & eorum complices viribus impares dampnis affecerunt gravissimis. Inde regredientes Flandrensiū Comitem retrocedere compulerunt. Qui veritus à facie regis Henrici filii regis Anglorum intra castellum de Crespi sese recepit, & nisi consilia familiarium regis Anglorum fraudulentem, sicut dicitur, præpedissent, in castello conclusus pro penuria victualium intra dies paucissimos coactus fuisset ad deditorem.

Rogerus

Rogerus Eboracensis archiepiscopus viam universae carnis ingressus est duodecimo kal. Decembris.

Gaufridus Henrici regis Anglorum filius ecclesiae Lincolnensis electus, dum à Domino papa fuisset ejus electio confirmata, cum eidem ecclesiae per vij. annos pacifice praefuisset, & ecclesiae bona disposuisset pro velle, nec ei quaestio moveretur in aliquo praesentibus tam rege, tam archiepiscopo quam episcopis pluribus, electioni sponte renunciavit apud Merlobergam in epiphania Domini. Qui prius à patre suo fratre suo rege consentiente fuerat sollempniter institutus Angliae Cancellarius.

Rex Anglorum Henricus ætatis annum inchoans quadragesimum nonum dum mentis & corporis incolumitate vigeret, dum regnum suum undique tranquillae pacis commoditatibus frueretur, apud Waltham episcopi Wintoniae regni convocavit majores. Itaque praesentibus illis & approbantibus quamdam pecuniae suae partem in causas pias erogare decrevit, necessitatibus Ierosolimitanorum imprimis propensius providere procurans. Quadraginta siquidem duo milia marcarum argenti, quingentas marcas auri distribuit. Quo facto, quinto non. Martii transfretavit apud Portesmuæ.

Rex Francorum Philippus, regis Anglorum tam pater quam filius, Philippus Comes Flandrensis, & qui consiliis ejus passim in regno Francie à fidelitate Domini sui recesserant, post clausum pascha Silvanectis convenerunt. Henricus Albanensis episcopus Domini papae legatus interfuit. Wilhelmus quoque Remorum archiepiscopus & episcopi multi. Quid actum sit tibi docebunt sequentia.

Rex Anglorum Ricardus Wintoniensi episcopo salutem.

Philippus Comes Flandrensis reddidit regi Francorum Perefont, & rex idem castrum episcopo Suefionensi, & episcopus Agathæ quæ fuit uxor Hugonis de Oisi, quod etiam hereditarie contingit tenendum de ipso episcopo, & episcopus de rege. Civitas quoque Ambianis concessione regis Francorum remanet episcopo Ambianensi de ipso rege tenenda, & si Comes Flandrensis quicquam calumpniabitur in ea, episcopus Ambianensis inde ipsi Comiti plenitudinem iustitiæ in curia sua vel in curia regis exhibebit. Comes Claremontis & Radulfus de Chuci remanent ex toto in manu regis Francorum liberi omnino à Comite Flandriae. Philippus quoque Comes Flandrensis clamavit quietam regem Henricum filiam meam de omnibus conventionibus quæ inter eos erant. Concessit etiam ut Barones Flandrenses plenarie faciant michi servicium meum quod michi debent de feodo quod de me tenent, & quod feoda illa sine recuperatione amittant nisi servicium meum michi fecerint. Convenit etiam ibidem inter nos, quod nullus ex suis amittat terram in Flandria propter servicium meum si mihi servire in terram meam venerit. Omnibus igitur ad pacem reductis, quotquot à fidelitate regis Francorum recesserant consilio regis Anglorum & opera redierunt in ejus ligantiam. Dampna tam hinc quam illinc illata mutua compensatione deleta sunt.

Johannes Porphyrogenitus imperator Constantinopolitans apud Antiochiam veneno periit: duos filios relinquens superstites. Manuel filius junior favore Graecorum factus est imperator. Primogenitus disparuit filium habens Andronicum. Circa dies istos cum Manuel per annos circiter xl. regnasset

Constantinopoli motitur, Alexium quem ex filia Reimundi Principis Antiochie procreaverat successorem relinquens. Andronicus praedictus pace simulata Constantinopolim venit, Alexio fidelitatem in ecclesia sanctæ Sophiae juravit, ejusque capiti regni diadema praesentibus tuncis imposuit, eumque scapulis suis impositum per mediam civitatem equitatorio more portavit. Post aliquantulum temporis Andronicus mutato consilio Prothosalvastion crudeli morte peremit, imperatricem Alexii scilicet matrem extinxit, quotquot imperatori Manueli fideles esse cognoverat interfecit, imperium usurpavit, Alexium ut fertur submersit, uxorem ejus Agnetem, Ludovici scilicet Francorum regis filiam, sibi matrimonio copulavit.

Rogerus Eboracensis archiepiscopus dum adhuc viveret ab Alexandro papa privilegium impetravit, quod si quis clericus suae jurisdictioni suppositus agens in extremis testamentum conficeret, set propriis manibus bona propria non distribueret, iniciendi manus in bona defuncti facultas esset archiepiscopi. Quoniam itaque quod quisque juris in alterum statuerit, uti debet eodem jure, post mortem archiepiscopi quaecunque reperta sunt suis in archivis reposita iusto Dei judicio confiscata sunt, quorum summa fuit undecim milia librarum argenti monetæ veteris, & aurei trecenti, una cuppa aurea, vij. argenteæ, cisti ix. argenteæ, tres cuppæ mazerinæ, tria sal-saria argentea, xl. coclearea argentea, viij. scutellæ argenteæ, discus magnus argenteus, pelves argenteæ.

Henricus Dux Saxonum Matildem filiam regis Anglorum primogenitam habens in conjugem, insurrexit in Philippum Colonensem archiepiscopum, & cum enormibus dampnis affecit. Archiepiscopus copiis undique congregatis viriliter Duci restitit, Imperatoris auxilium adeptus & gratiam. Res tandem eo processit, ut Principum totius imperii calculo sententiali prolato, Dux exilium cogere-tur subire. Qui veniens in Normanniam ad socerum suum, habens secum ducissam, habens & duos filios Henricum & Ottonem, habens & filiam nubilem, tertius namque filius Lotharius nomine remanserat in Teutonica, receptus est honorifice, plusquam per tres annos continuos habundanter exhibitus profusioribus epulis & regali munificentia.

Walterus Rosensis episcopus obiit.

Ricardus Cantuariensis archiepiscopus vij. idus Octobris quamplurimis undique viris concurrentibus religiosus in Rosensi capitulo praesidens, pontificis inibi canonice substituendi gerebat in animo sollicitudinem. Prior igitur & conventus ecclesiae Rosensis ab archiepiscopo petita licentia, quibuslibet aliis & collegio sub semotis sese quodam in salutatorio receperunt consilium habituri communiter: ubi vota votis forsan contraria, diem diutius protraxerunt. In electione tandem episcopi fortuna quondam à patribus orthodoxis generaliter introducta, sic observata fuit ea die districtius, ut emendicatis aliunde suffragiis uterentur Rosenses. Post longos namque tractatus habitos separatim cum diversis saepe personis, Gualerammum Balocensem archidiaconum allateralem archiepiscopi clericumque domesticum archiepiscopo, sicut diximus, in capitulo praesidente sollempniter elegerunt. Archiepiscopus autem evangelii textum in manibus habens in spiritalibus curam episcopatus commisit electo, per anulum etiam eundem electum instituit regaliū possessorem.

HENRICUS II. rex. forem. Præfens erat ibi regni Justiciarius in institutione *Rofensis* episcopi regi nil vendicans. Nam si consuetudo memoriam hominum sursum versum excedens diligentius exquiratur, profecto reperies quod *Rofensis* episcopus, non ut alii per regnum episcopi vel abbates, in regis præstationibus regi seu vicecomiti tenetur obnoxius, quinimmo duntaxat archiepiscopo soli, vel officialibus suis in quibuscumque functionibus publicis pro tempore satisfaciat.

Ricardus Cantuariensis archiepiscopus necessarii ecclesiæ suæ causis urgentibus transfretavit apud *Doveram* idus Novembris, & in sabbato sequentis decimi mensis *Rofensem* electum ordinavit presbyterum, & sequenti die Dominica eundem episcopum apud *Lexovium* consecravat.

An. Dñi
1183.

Canonici *Lincolnienses* edictis sibi propositis, tam à rege quam ab archiepiscopo, die Dominica qua cantatur *Jubilate*, conveniunt in capitulo *Lincolniæ*. Quibus ibi tractatum communem habentibus, de consilio matris suæ longo tempore jam vacantis *Walterus de Constantiis* ejusdem loci canonicus & archidiaconus *Oxenfordensis*, à canonicis, qui præfentes tunc aderant, præsentibus regis & archiepiscopi nunciis, communiter est in episcopum *Lincolniensem* electus. Sed quoniam rex, archiepiscopus, *Walterus* tunc temporis agebant in transmarinis, de communi fratrum decreto quid actum fuerat in capitulo directis nunciis ad eos perlatum est. Electione sollempniter confirmata, de permissione *Cantuariensis* archiepiscopi *Johannes Ebroicensis* episcopus prædictum electum presbyterum ordinavit in sabbato pentecostes, quem postmodum *Cantuariensis* archiepiscopus episcopum consecravat *Andegavis* in ecclesia sancti *Laudi*.

Obiit *Simon Abbas* ecclesiæ sancti *Albani* decimus nonus.

De morte regis *Henrici filii regis Henrici*.

Guarinus Abbas ecclesiæ sanctæ *Albani* vicarius.

Quinque
Fulcones
fuerant
Comites in
Andegavia.

Fulco Rufus filius *Ingelgerii*.

Fulco Bonus filius *Fulconis Rufi*.

Fulco Nerra filius *Mauricii Comitis*.

Fulco Rechin filius *Alberici Comitis de Gasti-neis*.

Fulco filius *Fulconis Rechin* affinitate conjunctus est *Helyæ Comiti Cenomannensium Sibillam* filiam ejus unicam & hæredem ducens uxorem. Ex qua genuit *Galfridum Plantagenest* tam patris quam avi materni legitimum successorem. In matrimonio Comitis *Sibilla* defuncta, ne quid ipsi *Fulconi* deesset ad gloriam, cum nominis sui fama per orbem lacius claresceret, à regni *Ierosolimitani* principibus unanimiter evocatus in folio *David* magni regis sollempniter collocatus est, *Millesendem Baldevini* secundi regis filiam unicam & hæredem uxorem accipiens; ex qua duos genuit filios, post patrem ordine successorio reges in *Ierosolima*, *Baldewinum* & *Amalricum*. *Galfridus* magnanimitate *Fulconis* & industria roboratus, adeo paternis successibus incitatus est, ut & ipse de semine regio comparem affectaret sibi fœdere nuptiali jungendam. *Matildem* itaque regis *Anglorum Henrici* primi filiam unicam & hæredem accepit uxorem. Quæ cum prius *Henrico* nupsisset Imperatori, terque cum ipso pariter in consortium imperatoris majestatis *Roma* coronata fuisset, licet ex eo prolem aliquam

non sustulerit, nihilominus tamen post mortem Imperatoris de mariti prærogativa semper enituit, quoad vixit sibi nomen retinens Imperatricis. Igitur ex imperatrice *Galfridus Comes* procreavit *Henricum* secundum. Qui cum ætatis annum ageret decimum quintum cingulo militari donatus est ab avunculo matris suæ *David* rege *Scotorum* apud *Karlui* in festo pentecostes. Ætatis anno xvij. ducatum adeptus est *Normannia* quam pater suus viribus *Andegavorum* accinctus de manibus *Stephani* regis *Anglorum* potenter extorserat. *Galfridus* Comes in ætate virili feliciter undequaque triumphans lectum incidit ægritudinis. Inque solo materno sibi locum eligens sepulturæ, dum apud castrum *Lidii* diem clausisset extremum sepultus est *Cenomannis* in ecclesia sancti *Iuliani*. Mortuo *Galfrido*, filius ejus *Henricus* ætatis annum inchoans xix. *Willemi Comitis Pictaviensis* primogenitam *Alienor* alienatam à thoro *Ludovici* regis *Francorum* & sub examine *Sampsonis Remorum* archiepiscopi propter cognationem disjunctam, sibi thori participem sociavit, cum ea simul *Aquitannici* ducatus optinens principatum. Postmodum *Henricus* secundus à nativitate sua xxij. annis fere decursis post mortem *Stephani* regis in regem *Anglorum* consecratus est. Et ut titulos plures ab antecessoribus emanantes sub una clausula sub unius persona complectamur paucissimis, *Henricus* rex *Anglorum*, Dux *Normannorum* & *Aquitannorum* & Comes *Andegavensium* avo materno tam in sobole procreanda quam in sobole numerosa multo felocior, ex legitimo matrimonio sex filios sustulit, & tres filias, fecunditatem matris *Alienor* alienis etiam generationibus prædicabilem offerentes. Ex filiis autem duobus in pueritia sublati de medio, quatuor & superstites & incolumes in spem magnam virium exercendarum succrescunt, & in hostibus prosternendis, & mores antecessorum, & actus imitari non cessant, & in nationibus diversis per orbem quæ juxta dispositionem paternam suo regimini deputantur, cum moderatione justitiæ virgam directionis assumere strenuis repromittunt operibus. *Henricus* horum quatuor primogenitus in regem *Angliæ* consecratus est. *Ricardus* Comes *Pictaviensis* est assignatus à patre. *Galfridus* totius *Britanniæ* nactus est principatum. *Johannes* de promissione patris & provisione securus diversas *Hyberniæ* portiones si desuper ei datum fuerit in monarchiam reducet. Filia vero tres regis ut diximus, & *Alienor*, alienationem à nativo solo forsitan eo sustinent æquanimis, quod de semine regio procreata nupserint regis stirpis viris illustribus. Quorum nomina licet subtriceam populos quibus præfunt præterire non convenit. Hinc etenim *Saxones*, hinc *Hyspanos*, hinc *Siculos* debita coheritione refranant. Inter hos itaque populos victu, vestitu, moribus, habitatione tam remotos ab *Angliæ* filias regis *Angliæ* commorantes barbaries sævæ *Saxonum*, dubius *Yspanorum* sub *Agarenis* conflictus, tyrannis effera *Siculorum* poterant in continuum horrorem inducere, nisi generositas aviæ suæ *Matildis* Imperatricis, & in ejus fœmineo corpore virile pectus neptibus suis tolerantia semitas, & apertas patientiæ vias imitabiles præmonstrassent. Set ut sexus infirmior in aliquo firmitus relevaret filias *Alienor*, alienum aerem sub annis teneris imbiberunt, ibidem enutritæ salubrius, diversitatem quoque facilius alienarum sunt edoctæ linguarum. Cum igitur ad num-

rex. tum regis patris fors humana fere responderet in singulis, ne quid consentaneum paci præteriret intactum, suæ studuit posteritati prospicere. De pace namque firmitus inter filios statuendâ sollicitus, & fratrum discidium generationibus multis naturaliter insitum evitare procurans, regem filium petiit ut de ducatu sinus *Armorici* quem *Gaufridus* frater suus cum *Constantia* filia *Conani* Comitis unica simul & hærede legitima dotis nomine possidebat, homagium ejus reciperet & ligantiam. Hoc etenim vinculo debita subjectionis exhibitorio de liberalitate regum *Francia* Comites *Britannia* ducibus *Normannorum* ab antiquis temporibus tenentur astricti. Quod pater petiit factum est *Andegavis*. Postmodum ad hoc potius pater operam dedit operosissimam, ut idem rex filius *Ricardo* fratri suo ducatum concederet *Aquitannia*, tam ab ipso *Ricardo* quam à suis hæredibus tractu temporis irrefragabiliter possidendum. Tunc demum rex filius patri suo parenter ostendit se Baronibus *Aquitannicis* contra *Ricardum* fratrem suum confederationibus multis astrictum. Inductus ea fuerat occasione quod *Ricardus* castellum de *Clerevals* à retroactis temporibus constitutum sub ditione Comitum *Andegavensium*, in injuriam suam munitionibus multis contra suam firmaverat voluntatem. Sed ne patris indignationem incurreret, quod pater petebat se facturum spondit apud *Mirabellis*, dummodo *Ricardus* homagio sibi præstito ligantia facta fidelitatem sibi tactis sacrosanctis reliquiis repromitteret. Ad hanc vocem *Ricardus* vehementer excanduit, incongruum esse dicens, ut dicitur, cum eodem ex patre, cum eadem ex matre traxisset originem, si fratrem primogenitum aliqua specie subjectionis superiorem agnosceret, set sicut ipsi fratri suo regi lege primogenitorum bona debebantur paterna, sic in bonis maternis æqua lance successionem legitimam vendicabat. Rex pater hoc audiens iracundiæ calore succensus adversus *Ricardum* dura proposuit, & ut ad edomandam *Ricardi* superbiam rex filius totus insurgeret instanter indixit. *Gaufridum* quoque *Britannia* ducem, ut cum fratre suo rege domino suo ligio fideliter staret commonuit. Sic rex filius movit arma non insurgens in patrem sicut asserbat constanter, sed *Pictaviensis* veniens in auxilium quos *Ricardus* indebitis vexationibus, & violenta dominatione premebat; *Pictaviensibus* inquam, qui de jure communi se suo subdendos regimini, nec alicui fratrum suorum eo superstitite contendebant. Habitis itaque frequenter inter se colloquiis cum nulla spes haberetur de pæce, copiosum rex filius undique congregavit exercitum, & à facie patris sui declinans ad quem de jure noverat tuitionem *Aquitannica* regionis spectare dum viveret, dum infra paucos dies cum *Ricardo* fratre suo prima facie, cum etiam auxiliariis suis quicumque, vel quancumque, vel quotquot essent congredi decrevisset, ejus vita velut à teæente præcisâ spem multorum præcidit sub ipso militantium, & expectantium post mortem patris regnare cum ipso; siquidem in flore suæ juventutis cum à nativitate sua compleisset xxviij. annum additis xiv. septimanis & sex diebus, inera *Gasconiam* in illo tractu terræ quæ *Turonnia* dicitur, aput castellum *Martel* inter populos satis barbaros in festo sancti *Barnaba* communi sorte rex filius est subtractus de medio: Sententiam illam judicio prudentium virorum approbandam relinquens,

quæ filios dum insurgunt in patres quibus debent quod sunt, quod vivunt, quod bonis expectant locupletari paternis, dignos exhæredatione pronunciat. Itaque si varios casus regnorum, si rebelliones illicitas filiorum temerariis ausibus insurgentium in parentes interfertas annalibus diligenter revolveris, profecto repperies filios post patrum inquietationes, vel ordine mortalitatis turbato fati munus implese; vel si quis eorum forte patri successerit, confidenter asserimus, quod paternam hæreditatem ad quam venire per incendia; per depopulationes, per homicidia maturavit præpropere, suum ad filium non transmisit, digna factis recipiens, ut qui patris sui vitam & nomen conatus est prorsus extinguere, cum filiis & in filiis totus insimul pereat, sui seminis etiam oblitterata memoria dampnetur post mortem. Corpus regis, quas habuit in sua consecratione lineis vestibus crismate delibutis diligentius involutum, in libitina reponitur, & impositum humeris commilitonum suorum per vicos, per castella, per civitates concurrentibus undique populis deportatur, quousque *Cenomannis* intraret, & in choro beati *Juliani* deponeretur. Majores iraque civitatis illius cum acclamatione multitudinis subito proruentes, corpus regis, quoniam avus suus paternus eodem in loco quiescit, ipsum inibi terra cum festinatione defossa sepehuerunt. Sed postmodum reclamante *Roberto Rothomagensi* decano, quia dum rex viveret sibi sepulturæ locum elegerat, inde translatum est, & in metropolitana sede *Rothomagi* prope majus altare versus aquilonem cum honore tanto principi congruo tumulatur.

Cantuariensis archiepiscopus agens in transmariis, cum *Lincolniensem*, *Rosensem*, sancti *Asavi* diversis temporibus, & diversis in locis consecrasset episcopos, ecclesiæ suæ consummatis negotiis in *Angliam* rediit iij. idus Augusti.

Magister *Gerardus* vocatus *Puella*, canonicus *Saresberiensis*, & inter domesticos archiepiscopi nominatissimus, in episcopum *Cestrensem* eligitur, & legitimo septimi mensis jejunio presbiteratus gradum adeptus post paucos dies *Coventrensis* consecratur episcopus. In ea quidem diocesi plures ab antiquo sedes habitæ sunt episcopales; temporibus *Britonum*, aput *Cestriam*; temporibus antiquorum *Saxonum*, aput *Lichesfeldiam*; temporibus *Danorum*, & *Normannorum* aput *Coventreiam*.

Valterus *Lincolniensis* episcopus in *Angliam* veniens, die dominica qua cantatur *Gaudete in domino*, sua sollempniter collocatur in sede.

Gerardus Coventrensis episcopus cum septimanis An. Dñi x. & vij. sedisset, in fata concessit. 1184.

Ricardus *Cantuariensis* archiepiscopus *Lundoniam* veniens, in ecclesia beati *Pauli* celebravit divina die Conversionis. Qui post paucos dies in lectum incidens ægritudinis cum sedisset annis novem, & xlv. septimanis & v. diebus diem clausit extremum aput *Hallinges* villam *Rosensis* episcopi xij. kal. Marcii.

Cum vacante sede *Rothomagensi* tractatus esset habendus de substitutione pontificis, rex, suffraganei, plures religiosæ personæ convenerunt in unum. Decanus in capitulo cum fratribus residebat. Post longos ergo tractatus habitos tam in capitulo quam ante regem, quibusdam adinvicem dissentientibus quorum esset electio juxta canones, à jure communi recessum

HENRI- cessum est, & in arbitros compromissum: sicque cum
cus II, rex. omnium pace quali quali *Walterus Lincolnienfis*
episcopus electus est in archiepiscopum.

Rex *Anglorum* cum omnes provincias suæ jurisdictioni suppositas pro velle suo disposuisset, & omnes subditi sibi jocunda pace gauderent, cum licentia regis *Francorum*, & gratia transitum habens per *Flandriam* venit in *Angliam* iij. idus Junii. Circa tempus hoc dux *Saxonum* cum familia, cum supellectile sua regnum intravit *Anglorum*; & infra paucos dies ducissa *Wintonia* filium peperit quem vocavit *Wilhelmum*.

Paucis diebus elapsis litteræ directæ sunt in hæc verba.

Lucius episcopus servus servorum Dei venerabilibus fratribus, episcopis *Cantuariensis* ecclesiæ suffraganeis, & dilectis filiis Priori & conventui ejusdem ecclesiæ salutem & Apostolicam benedictionem. Quanta in ecclesiis quæ propriis sunt pastoribus destitutæ scandala soleant, & gravamina suboriri, dum deest illis cura regiminis quo servetur in eis integritas caritatis, multorum experimenta nos edocent, & vos ipsi sicut credimus multis hoc ipsum rerum eventibus didicistis. Ne igitur mater vestra *Cantuariensis* ecclesiæ quæ jam non modico tempore proprio pastore vacavit dampnum aliquod vel gravamen ex diuturnitate suæ destitutionis incurrat, mandamus vobis & districtè præcipimus, quatinus omni gratia & timore postposito sine ullius occasionis & appellationis obstaculo infra duos menses post harum susceptionem in personam ydoneam convenire nullatenus omittatis, quæ vobis possit in archiepiscopum eligi, & secundum statuta sacrorum canonum ordinari.

Ad summi pontificis commonitionem & vocationem regis suffraganei monachi *Cantuarienses*, plures uadique concurrentes viri religiosi convenerunt apud *Radingum* pridie non. Augusti tractaturi de consilio *Cantuariensis* ecclesiæ. Post longos vero tractatus quos frequenter rex habuit, modo cum episcopis, modo cum monachis, dum ab episcopis monachi recessissent, & à domini papæ mandato recessum est. Rursum eisdem personis, & ob eandem causam & eodem modo convenientibus apud *Windleforam*, eventus priori prorsus confimilis habitus est x. kal. Novembris. Itidem urgente mandato regis omnes suprascriptæ personæ convenerunt *Lundoniæ*. Sed quid ibi sit actum in adventus Domini Dominica prima sequentia declarabunt.

Patri suo & domino sanctissimo summo Dei gratia pontifici *Lucio*, omnes *Cantuariensis* ecclesiæ suffraganei episcopi salutem, quæ nunc est, & quam speramus à Domino. Verum est domine quod mandastis, quod nobis in memoriam paternæ pietate induxistis, dampna sæpe cedit ecclesiarum cum eis summi caput abesse contigerit, verum citius alleviatur cum horum ad quos hoc spectat officium prudentia & providentia in melius reformatur. Unde nobis Apostolica jussione mandatum est, ut convenientes in unum nos & ipsius ecclesiæ monachi ecclesiæ *Cantuariensi* provideremus, nec ullam ei quæ jamdiu pastore caruit jacturam incurrere permitteremus. Factum est ut imperastis, & nos jam tercio convenimus, ut omni postposito timore & amore super hoc quod mandastis ageremus. Inspirante siquidem gratia Dei nobis omnibus id venit in mentem, ut dominum *B. Wigornensem* episcopum

ipso virtutum quas enumerare longum est splendore irradiatum nobis singuli nominaremus, & singuli singulis nominando gauderemus. Cum igitur in hunc unum vota nostra concurrissent, & hæc omnibus fama percrebuisse, favor tantus exortus est, ut singularum ecclesiarum quæ in provincia *Cantuariensi* nominandæ sunt personæ, cum magna cleri & populi multitudine ea die *Lundoniis* aderant, ut tantæ communicarent exultationi & operi tam desiderabili consentirent. Nos vero in hoc proposito fixi permanentes, tribus ipsa die vicibus monachis *Cantuariensibus* qui in ipso erant monasterii ambitu consistentes mandavimus, ut ipsi venirent ad nos & se nobis jungerent, nec mandati vestri executionem in aliquo turbare præsumerent. Cumque res ista dilationem non admitteret, tum propter vestræ jussionis urgentiam, tum propter publicam regni necessitatem, non contradicentibus monachis, let personam *B. Wigornensem* episcopi plurimum commendantibus, invocato Spiritu sancto eundem *B.* communi omnium voto in archiepiscopum elegimus, et ei nos tota mente devovimus; unde preces humiles suppliciter vestræ porrigimus, ut factò huic quo nichil nobilius, nichil in regno *Anglia* à multo jam tempore Deo placentius actum est, benignum si placet præbeat assensum, et nos vobis omni gratiarum actione obnoxios de cætero jugiter habeatis.

Gilebertus Lundoniensis episcopus electionem factam recitavit in publico.

Rex in instantia temporis incedens fere tanquam diplomate venit *Cantuariam*, et primo visitans beatum *Thomam*, postmodum intravit capitulum sanctæ Trinitatis, ad hoc animos monachorum indinans ut redirent *Lundoniam*. Itaque die Dominica qua cantatur *Gaudete in Domino*, *Cantuariensis* electus præsentibus monachis *Cantuariensibus* dixit, se nunquam intraturum *Cantuariensem* ecclesiæ, nisi cum pace monachorum et totius ecclesiæ *Cantuariensis*. Sicque rex et electus à capitulo *Westmonasterii* pariter recesserunt.

Alanus Prior sanctæ Trinitatis, & monachi *Cantuarienses* in *Westmonasterii* capitulo residentes dixerunt, Nos electionem ab episcopis factam nullam reputamus, let ego Prior *Alanus* ad cujus hoc spectat officium, & fratres nostri præsentibus de communi totius ecclesiæ *Cantuariensis* assensu *Baldewinum Wigornensem* episcopum in archiepiscopum *Cantuariensem* eligimus. Incepit itaque Prior alta voce *Te Deum laudamus*. Soli monachi laudes Domino reddiderunt, & apprehensum electum suum ante majus altare duxerunt, complentes sollempnia quæ fieri solent in electionibus.

Sanctissimo patri & domino *L. Dei* gratia summo pontifici *A. Prior* & conventus ecclesiæ *Cantuariensis* salutem, atque devotissimæ subjectionis & obedientiæ famulatum. Cum ecclesiæ nostra suo esset viduata pastore, placuit Deo & eminentiæ vestræ, & benignissimo principi nostro, ut talis eligeretur antistes, qui oneri & honori tanto videretur ydoneus, atque archiepiscopale officium prudenter & sufficienter impleveret. Inspirante igitur & cooperante Spiritu sancto, vota nostra & omnium concurrerunt in patrem nostrum reverentissimum dominum *B. Wigornensem* episcopum, virum litteratum, providum in ecclesiasticis, in temporalibus circumspectum,

Etum, in episcopali amministrazione, in longa religione & sanctis moribus approbatum. Vestra igitur paternitati humiliter supplicamus, quatinus juxta desiderium nostrum, & totius ecclesie Anglicane ipsius electionem confirmare velitis, ut in amministrazione ad quam Domino disponente vocatus est, de manu misericordie vestre suscipiat plenitudinem potestatis. Vitam vestram conservet Dominus per tempora longa.

Recurramus ad alia quae circa dies istos nobis aliae regiones annalibus inferenda manifestius obtulerunt, & à partibus orientis sumamus exordium.

Rex Salahadinus omnium regum orientalium potentissimus domino pape.

Praesentata fuit nobis cartula de sanctitate vestra quoniam nos scimus & credimus quod sitis in majori officio de hoc mundo, & scimus quod Deus vobis tantam gratiam dederit ut sedeat in tanta magnitudine. Scimus autem quod omnes Christiani vobis obediunt, & vos pertimescunt. Hæc cartula nobis data & praesentata fuit per manum Oliveri Vitalis vestri legati, & propter vestrum honorem, & timorem eum honoravimus, & quicquid facere potuimus diligenter fecimus, & ante nos in secreta camera venire fecimus, & quicquid sibi placuit dicere ex vestra parte diligenter audivimus; & vestra cartula per omnia placuit nobis, & eam accepimus bono animo & alacri vultu, & cognovimus magnum amorem quem apud nos habetis, & certos nos fecit de magna amicitia quae inter nos est, & quicquid vestra cartula & praedictus legatus locutus fuit de pace habere cum omnibus Christianis & ut omnes captivos dimitteremus, per omnia placuit nobis & gavisi sumus; & Christiani qui sub jugo vestro sunt dimittant omnes nostros captivos, & nos omnes captivos Christianos quos habemus nostra benignitate dimittemus. Notum sit vestrae magnitudini quod Christiani qui à nobis detenti sunt, sunt gentiles & nobiles viri: ac milites nostri qui à Christianis detenti sunt, sunt rustici & minimi atque vilissimi homines: & si placet vobis nos appreciabimus captivos nostros quos habemus, & Christiani apprecient suos, & quae pars minus habuerit restituetur ei ab altera. Deus scit quod quando vestras cartulas & legatos à vestra magnitudine transmissos vidimus, per omnia gavisi sumus & gratias referimus Deo. Caetera secretiora praefato Olivero commisimus in quem multum confidimus, & valde super his bonam fidem eum habere cognovimus. Unde pro certo habeatis quod quicquid cum vobis ipse tractaverit, de mandato nostro, & bona voluntate procedit.

Domino pape Sisidin rex.

Lucio Dei gratia universali Christianorum papae excellentiori domino totius Christianitatis, cuius ditioni omnis Christianitas est subdita, tanquam meliori amico quem habet in tota Christianitate, à rege justitiae Sisidin domino totius multitudinis Sarracenorum hæc carta dirigitur. In nomine Domini piissimi & misericordissimi recepimus litteras vestras tanquam melioris amici quem in tota Christianitate habemus, cui super omnibus obeditur, per manus nuncii vestri Jani Danduli, quem nobis iussimus praesentari, & eum honoravimus, & diligenter litteras vestras inspeximus, & verba quae ex parte vestra nobis legatus vester retulit attenti-

us intelleximus, ex cuius dictis accepimus vestrae voluntatis existere modis omnibus observare, quae cum beatæ memoriæ prædecessore vestro A. firmiter stabilivimus super negotio inter Christianos & Sarracenos ad redemptionem omnium captivorum quos in nostra servari fecimus captivitate. In litteris vestris vidimus contineri, quod omnis vobis Christianitas obediret, & nemo audeat vestris contraire præceptis, & quod à vobis ordinaretur, ratum & inviolabile servaretur; cognoscentes voluntatem vestram, quod praesens negotium circa dominum & fratrem meum debeam promovere, regem victoriosissimum, servatorem suae promissionis, & auctorem justitiae Salahadin dominum legis, & omnium Sarracenorum, suscitatore legis Sarracenorum, cuius dies Deus augeat & potentiam magnificet; & ut compositionem juxta petitionem vestram studeam perficere & executioni mandare. Cum pervenit ad nos legatus vester cum litteris vestris, erat frater noster rex victoriosissimus in partibus Tyri, ubi successit ei contra hostes suos secundum votum suum, cui Deus tantam his temporibus victoriam contulit, quod omnem terram à Damasco usque Niniven subjugavit, cui omnes vicinitate loci propinqui, & Sarracenorum universae potestates obediunt, cuius expeditioni volente Deo adhæserunt infinitae nationum multitudines ut serviant ei, qui tanta manu hostes persequitur quanta nullus prædecessorum suorum inimicos suos valuit impugnare, nobis vestram aperuit voluntatem, & preces vestras nobis optulit, quibus incontinenti curavimus obtemperare, & quicquid petitioni vestrae expediat vestro intuitu circa fratrem nostrum studuimus obtinere, & transmissa vobis in fratre nostro responsione accepimus rege victorum, cuius potentiam Deus exalter. Quod si Christiani qui habitant in Ierosolima cum rege suo, & in omni parte Tyri vestris obedierint præceptis cum universa Christianitate, & ordinationem inter nos factam servaverint secundum voluntatem vestram pro facienda pace, & pro dimittendis captivis qui servantur in carceribus nostris compediti, & nos observare promittimus ea omnia quae ad istam faciendam pacem à nobis postulatis. Set si praefati Christiani de partibus Tyri & Ierosolima vestris præceptis non obedierint, nos immunes erimus à culpa, & quod pacem non servaverimus, nobis deinceps non poterit imputari; & Deus inspector omnium reddet unicuique nostrum secundum opus suum, & secundum quod veritatem nititur & justiciam observare. Inspiret vobis & nobis Deus præoperante gratia sua illud operari, quod ad salutem omnium Christianorum & Sarracenorum prospiciat. Utinam. Amen. Scripta fuit hæc carta pridie kal. Aprilis anno Machometi D. lxx. octavo. Gratias agimus Deo soli, & Machometo prophetæ magno.

Ad atroces injurias & crebras incurfiones quibus Sarraceni regnum opprimere Ierosolimitanum contendunt animosius retundendas, de communi decreto Christianorum inibi commorantium, patriarcha, magister militiæ Templi, Prior Hospitalis ad auxilium perquirendum in partibus occidentis transierunt.

Reverendo in Christo patri & domino E. Dei gratia sanctæ Resurrectionis ecclesie patriarchæ, magistro quoque Templi A. & magistro sanctæ domus Hospitalis Ierusalem R. dilectis suis B.

HENR I-
cus II. rex per eandem rex *Ierosolimitanus* salutem & continuus
successibus habundare. Literas in quibus universos
vos sanos & hylares *Brundisium* applicuisse cogno-
vimus, gaudenter recepimus. Cujus rei cognitio spi-
ritum meum lætantes reddidit & jocundum. *Salahadinus* circiter nonum aut decimum diem intrante
Julio terram *Crati* intravit, & per tres ebdomadas
fines ejus vastavit & deprædavit, & cibaria colle-
git & congregavit. Vigilia sancti *Petri* ad vincula
civitatem *Crati* intravit, castrum obsedit, & per
iii. septimanas tenuit obsessionem quatuordecimque
petrarias erexit. Cognito adventu nostro *Salahadinus*
petrarias suas, & vias quas extruxerat ipse com-
bussit, iterque arripiens, *Neapolin* venit, & villam
vastavit atque cremavit quæ igne potuit consumere.
Hujus adventum comperientes viri & mulieres villæ
illius fugerunt ad castrum & salvati sunt. Exinde
progrediens, perrexit ad civitatem quæ vocatur *Se-
basten*. Fugitque populus ad villam non ut resiste-
rent, sed quia fuga alias non imminerebat. Hanc con-
fusionem videns episcopus ejusdem civitatis acceptis
induciis *Salahadino* obviam exiit, villamque suam
& ecclesiam lxxx. captivis redemit. Inde recedens,
venit *Arabiam*, eamque destruxit viris ac mulieri-
bus captivatis. Postea venit ad magnum *Gerinum*,
fugitque omnis populus ad castrum, & ipse perfodi
fecit & dirui, paucisque captivatis, mulieres &
parvuli in ore gladii mortui sunt, sed & villa igne
consumpta est. A qua recedens, venit per parvum
Gerinum, quæ villa templi erat, eaque omnino va-
stata recessit per quoddam castrum Hospitalis quod
Belverium dicitur; quibusdam qui foris exterant
captis, & quibusdam interfectis recessit ad pro-
pria.

Philippus Comes Flandrensis Adelfonsus regem
Portugalsium per internuncios sæpius sollicita-
vit, ut *Beatricem* filiam suam quam hilarior fama
concupiscibilem forma filiabus regum australium
præferebat, sibi matrimonio copulandam transmit-
teret. Rex habito tractatu cum suis, cum aliqua
remotione Comitum petitionibus satisfecit. Naves
itaque directas à *Flandria* gazis *Hispanicis*, scili-
cet auro, vestibus deauratis, preciosis lapidibus, se-
ricis pannis, & habundantiis omnium omnis generis
victualium maturius oneravit. Sicque filia regis
felici navigatione transvecta sine magna difficul-
tate *Rocheliam* portum intravit, nuncios regis *An-
glorum* eo loco reperiens, qui statim in omnibus iti-
neri necessariis sufficientiam omnem impendere
procurarunt, quæ de situ terrarum & transitu ma-
turiore stimulo muliebri compulsæ cognovit, ab exi-
tu navium intermedium viæ quousque *Flandren-
sium* fines attingeret, totum fere regis *Angliæ* ju-
risdictioni suppositum. Regis igitur filia Comes ni-
mio succensus amore, venientibus *Hispanis* in equi-
tatu magno, dignum duxit festinanter occurrere.
Beatricem vero superius tocians memoratam Co-
mes in facie commilitonum suorum, & in præsentia
multitudinis quæ convenerat sibi fœdere nuptiali
conjunct.

Circa nativitatem beati *Johannis*, rex *Gaminus*
adduxit regem *Macemut* regem regum *Sarrace-
norum* cum xxxvij. regibus; & primo obsederunt
sanctum *Hyreneum*, & tribus diebus & tribus no-
ctibus pugnauerunt, tandem dejectis muris irrupe-
runt. Qui autem muros interius defendebant, se
intra turrem receperunt ut ibi protegerentur. Nocte

vero sequenti, venit episcopus *Portugalsensis* cum
filio regis, & occiderunt xv. milia *Sarracenorum* &
regem *Gaminum*; & posuerunt corpora occisorum
ubi murus erat dejectus, ut per ea loco muri de-
fenderentur. In crastino autem, scilicet in die san-
ctorum *Johannis* & *Pauli*, archiepiscopus sancti *Ja-
cobi* xx. milia hominum duxit, & in aurora diei oc-
cidit de *Saracenis* xxx. milia. Postea in die sanctæ
Margaretæ Sarraceni occiderunt x. milia mulierum
& puerorum ad *Alcubaz*; & illi qui fuerunt in opi-
do de *Alcubaz* occiderunt tres reges cum omni ex-
ercitu suo. Postea *Macemut* vigilia sancti *Jacobi*
audivit quod rex *Galiciæ* venerat ut solus cum solo
dimicaret, & cum præparasset se ad præliandum,
dum equum suum vellet ascendere, ter de eo lapsus
est, & ita mortuus est. Mortuo autem illo omnis
exercitus relicta omni pecunia in fugam conversus
est. Rex vero *Portugalsensis* ex his qui in bello
capti erant, scilicet de *Sarracenis*, dedit servos qui
ministrarent cementariis, ferentes lapides & cemen-
tum ad reparandas ecclesias, & de pecunia fecit
thecam sancti *Vincentii* auream. Postea venerunt
infinitæ galeæ ad *Ulixibonam*, & duxerunt unam
navem quæ dicitur *Dromund*. In illa fuit talis ma-
china, quod per ipsam *Sarraceni* debebant armati
ire & redire ultra muros civitatis *Ulixibonæ*. Sed
Deo dante quidam in aqua se *Dromundo* subposuit,
eamque perforavit, & perforatam submersit, et us-
que ad muros machinam traxit, & eam ibi suspen-
dit. Mane factò *Sarraceni* se ita esse delusos viden-
tes fugerunt, & quotquot Christianos extra muros
invenerunt abduxerunt & captivaverunt.

Quarto die intrantis Novembris confedentibus
Verona in ecclesia majori papa & imperatore, car-
dinalibus & plerisque ecclesiæ rectoribus *Ravennas*
in serie sermonis sui casum & perditionem terræ
Ierosolimitanæ omnibus exposuit, & ad succurren-
dum in peccatorum remissionibus cujuslibet generis
homines evocare curavit.

Lucius papa tertius illustri Anglorum regi.
EA quæ credimus ad salutem tuam & exaltatio-
nem regis celsitudinis pertinere, tanto libentius
tuæ sublimitati suggerimus, quanto tui nominis glo-
riam cum incremento salutis & pacis sincerioribus
semper affectibus exoptamus. Hinc est quod tuæ
celsitudinis pietatem præsentibus duximus litteris
admonendam, ut amorem Dei ante oculos cordis tui
salubri consideratione proponens, & amorem piæ
recordationis *Ludovici* regis *Francorum* ad mentem
revocans & reducens, bonum quoque tranquillita-
tis & pacis quæ inter te & karissimum in Christo
filium nostrum illustrem *Francorum* regem commu-
niter desideratur attendens, circa statum in Christo
karissimæ nostræ *M. reginæ*, relicte videlicet bonæ
memoriæ *H. filii* tui piam habeas providentiam &
cautelam, ut in dote sua & donatione propter nupti-
as ita cum ea componas, quod ei & his qui pro ea
sunt, murmurandi vel conquerendi materiam non
relinquas, nec tu ipse propter hoc apud patrem or-
phanorum & judicem viduarum districtioris ju-
dicii sententiam pertimescas. Quia igitur ad in-
stantiam quorundam amicorum suorum super certa
pecuniæ quantitate ei satisfacere decrevisti, roga-
mus excellentiam tuam, & exhortamus in Domino
atque in peccatorum tuorum remissionem injungi-
mus, quatinus ei ad interventionem nostram pro
pacis caritatisque custodia summam congruam se-
cundum

1. r. cundum quod *Petrus Bermundi* nobis ex parte tua significavit decenter adaugeas, & eam sibi in certis assignare redditibus non omittas, ita quod ipsa solacii hujus consolatione recepta possit in pace consistere, & tu pro impensæ benignitatis effectu indeficiens præmium ab omnipotenti Domino debeas expectare.

Philippus Coloniensis archiepiscopus habens socium in itinere *Philippum* Comitem *Flandria* venit in *Angliam*, beato *Thoma* vota soluturus orationum Archiepiscopo rex occurrens, & Comiti, petiit ab eis ut transitum facerent usque *Lundoniæ*. In eorum adventu, quod ante non vidimus, civitas coronata fuit, gaudium, honor & tripudium per omnes civitatis plateas. Archiepiscopus sollempni processione receptus est in ecclesia doctoris gentium *Pauli*. Susceptus est etiam apud *Westmonasterium* ipsa die sollempni processione sumptibus regis, expensis effusioribus, lautioribus cibus omnem ultra sufficientiam abundantibus, per quinque dies infra regis palatium hospitatus. Sed an recesserit donatus multis muneribus est superfluum quærere.

Circa dies istos *Fredericus* imperator *Romanus* concilium habens prope *Maguntinam* urbem, regni *Theutonici* diadema capiti filii sui primogeniti fecit imponi.

ORdo militum in *Hispania* consistentium, & habentium in proposito pro viribus suis *Sarracenos* atterere, quem signum ensis rubei distinguit à cæteris militantibus, confirmatur à domino papa.

Jocelinus Saresberiensis episcopus obiit xiiij. kal. Decembris.

Philippus Coloniensis archiepiscopus *Angliam* exiens, auxilium repromisit, ut Comes *Flandria* *Baldewinum* Comitem *Hamaucensium* sororium ipsius Comitis focerum *Philippi* regis *Francorum* contereret & humiliaret. Itaque statim totus de pontifice translatus in militem *Henricum Lovania* ducem, alios plures spectabiles genere, viribus affluentes, in exercitu copiosos, qui per homagium ecclesiæ *Coloniensis* tenentur astricti, sub articulo temporis congregavit, & militaribus armis accinctus prædicti Comitis terram irrupit, villas succendit, homines captivavit, ecclesiis non pepercit, immo dampnis affectit gravissimis. *Wilhelmus* de *Magna villa* Comes *Essexiæ* veniens in auxilium Comiti *Flandria* domino suo, multos *Hamaucensium* traxit in exterminium.

Ernaldus magister militiæ templi *Verone* moritur.

1. dñi 15. **E**Raclius patriarcha sanctæ Resurrectionis, & *Rogerus* magister sanctæ domus Hospitalis *Jerusalem*, tendentes in occidentem, & per *Italiam* transitum facientes & *Galliam*, nec à domino papa, nec ab imperatore *Romano*, nec à rege *Francorum* aliqua plene consolatoria receperunt. Navigantes in *Angliam*, venerunt ad regem apud *Radingum*. Et cum itineris tam longinqui, tam à seculis inauditi causas exposuissent, & civitatis sanctæ prophetarum oraculis illustratæ desolationem enarrassent per ordinem, regem & omnem illam multitudinem quæ convenerat ad suspiria provocarunt & lacrimas. Deferebant quidem in manibus memorialia nativitatæ *Ihesu Christi*, passionis, resurrectionis, scilicet claves turris *David*, vexillum sanctæ crucis, claves sancti sepulchri. Quibus omnibus rex maximam reverentiam exhibuit.

A Beo die quo primum fuit sua collocatus in sede *Walterus Lincolnensis* episcopus apud *Lincolniæ*, ad illum usque diem quo *Rothomagi* sollempni processione receptus est in archiepiscopatum, annus effluxit, & xj. septimanæ diesque quinque.

Ad vocationem regis, *Cantuariensis* electus & *Cantuariensis* ecclesiæ suffraganei, *Dunelmensis* episcopus, abbates conventualium locorum prælati, comites & barones *Lundonia* convenerunt apud *Fontem clericorum* xv. kal. Aprilis. Rex itaque, patriarcha, magistro sanctæ domus Hospitalis *Jerusalem* audientibus, omnes suos fideles qui conveniant adjurationibus multis astrinxit, ut quod animæ suæ salutem crederent expedire proferrent in medium. Ad hoc enim suum cor inclinatum dicebat, ut quod acciperet ex eorum consilio modis omnibus observaret. Datum est igitur sub deliberatione quid esset consultius, vel quod rex in propria sua persona *Ierosolimitanis* succurreret, vel *Anglorum* regno cujus gubernationem in facie matris ecclesiæ dudum susceperat, adhuc præesse nulla ratione desisteret. Ad illa siquidem tria quæ rex quilibet consecrandus promittit aliqui recurrebant. Promittit namque se præcepturum & opem pro viribus impensurum, ut ecclesiæ Dei, populusque *Christianus* veram pacem in omni tempore servet. Promittit etiam quod rapacitates & omnes iniquitates omnibus gradibus interdicet. Promittit adhuc quod in omnibus judiciis æquitatem & misericordiam præcipiet. Sapius ergo visum est universis, & animæ regis multo salubrius, quod regnum suum debita cum moderatione gubernet, & à barbarorum irruptionibus, & à gentibus exteris tueatur, quam salutem consulat orientalium in propria sua persona. De filiis suis aliquid certum statuere cum essent absentes incongruum videbatur. Rex igitur, patriarcha, *Dunelmensis* episcopus, magister Hospitalis, & multitudo cum eis apud *Doveram* mari transito, diem Paschæ *Rothomagi* celebraverunt.

Rex *Francorum* audito regis *Angliæ* adventu cum festinatione venit apud vallem *Ruil*: reges ubi se mutuo verbis pacificis salutaverunt, & in colloquiis familiaribus institerunt per triduum.

Johannes filius regis à patre militaribus armis accinctus apud *Windlesores* pridie kal. Aprilis in *Hyberniam* transfretavit. In *Hybernia* *Hugo de Laccio* dominus provincie quæ *Media* vocatur, interfectus est à *Malua Miadaich* infimæ manus homine viij. kal. Augusti.

Hybernia post *Britanniam* omnium insularum est optima, quæ quamvis *Britanniæ* divitiis cedat; latitudine, salubritate, serenitate præstat. Quæ sicut versus *Aquilonem* brevior est, ita versus meridiem trans illius fines protenditur. Hæc autem proprie patria *Scotorum* est. Nam sicut legitur, *Aegyptiis* in mari rubro submersis, illi qui super fuerunt expulerunt à se quendam nobilem *Sciticum* qui debebat apud eos ne dominium super eos invaderet.

Expulsus ille cum familia sua pervenerunt ad aras *Philistinorum*, & per lacum salinarum, & montana *Syrie* transierunt per *Mauritaniam*, & ad columnas *Herculis* navigaverunt per *Tyrenum* mare, & pervenerunt ad *Hispaniam*, & ibi per annos habitaverunt multos, & progenies eorum est multiplicata nimis. Inde venerunt *Hyberniam* post

HENRI. annos mille duobus additis à transitu filiorum Israel per mare rubrum: & inde pars eorum egressa, tercia in Britannia Britonibus & Pictis gentem addiderunt. Pars eorum quæ remansit in Hybernia Navarri vocantur, & adhuc eadem utuntur lingua.

In Hispania fluvius est Hybernus, à quo dicitur Hybernia, dicuntur & Hybernenses.

Cum Symon Comes filius Symonis Comititis de Northamptonia sine liberis decessisset, rex reddidit comitatū Huntendoniam cum omnibus pertinentiis suis, Willielmo regi Scottorum qui fuit filius Henrici Comititis filii regis David, qui fuit filius Malcolmi, filii Dunec. f. Bethoc. filix Malc. f. Kinath. f. Malc. f. Duvenald. f. Constantini. f. Kinath. f. Elpini. f. Echab. f. Ethasind. f. Echdach. f. Duvenald. Bric. f. Echdach. Binde. f. Edaim. f. Cobran. f. Dovengart. f. Fergus Mor. f. Erch. f. Ecchac. Munremor. f. Engussafit. f. Fecbelmeth. Aplingith. f. Enegussa. Buthini. f. Fethelmech. Romaich. f. Sencormach. f. Cruithlinthe. f. Findachai. f. Akirkirre. f. Ecchach. Andoth. f. Fiachrach. Catinail. f. Ecodach. Riecle. f. Conere. f. Mogalama. f. Lugnag. Etholach. f. Corbre. Crumgring. f. Dare Dromor. f. Corbre Finmor. f. Coneremor. f. Eclers. Keol. f. Ewein. f. Ellela. f. Jair. f. Dethath. f. Sin. f. Rosin. f. Ther. f. Rether. f. Rowein. f. Arindil. f. Mane. f. Forgso. f. Feredach. f. Ellela. Earin. f. Fiachac. Fimmora. f. Enegussa. Turbinig. f. Firketharocht. f. Firrocht. f. an Roth. f. Firalmal. f. Lamcure. f. Liecham. f. Ecchach. Aldethan. f. Elela Cassieclai. f. Conlecha. f. Iretro. f. Melge. f. Cobthai. Cailbrech. f. Hugune Mor. f. Ecchach. Rothai. f. Dnach Lotharai. f. Fiechach. Bobgai. f. Sinon Bricht. f. Eon. dulf. f. Ertheon. f. Glachas. f. Noethath. Fail. f. Elchatha. Olchaim. f. Sirne. f. Dein. f. Demail. f. Rothotha. f. Ogmam. f. Enegus. Olnucatha. f. Fiachach. Labrain. f. Smirnai. f. Sinrecha. f. Embatha. f. Thiernai. f. Faleg. f. Ertheor. f. Jair. Olsacha. f. Ermon. f. Michel. Espaine. f. Bile. f. Neande. f. Brige. f. Bregain. f. Bratha. f. Deatha. f. Erchatha. f. Aldoith. f. Node. f. Nonael. f. Eber. Scot. f. Geirbel. Glas. f. Neoil. f. Fenias. Farseth. f. Owan. f. Glonin. f. Lamin. f. Ettheor. f. Achman. f. Thoe. f. Boih. f. Rein. f. Mair. f. Etbeth. f. Abiur. f. Artheth. f. Haoith. f. Aora. f. Jara. f. Ifrau. f. Esrau. f. Richaith. Scot. f. Gomer. f. Japeth. f. Noe.

A regione quadam quæ dicitur Scitia, dicitur Scita, Sciticus, Scoticus, Scotus, Scotia. Similiter à regione quadam quæ dicitur Getia, dicitur Geta, Geticus, Goticus, Gotus, Ostrogotus, Wisigotus.

Lucius papa iij. B. Cant. archiepiscopo.

Quanto de persona tua laudabilis conversationis odor & probate honestatis opinio jamdudum ad nostram noticiam plenius emanarunt, tanto nos & fratres nostri majori gaudio exultamus in Domino; & omnipotenti Deo gratiarum exsolvimus actiones quod Cantuariensem ecclesiam solita miseratione respiciens te ad regimen ipsius vocavit, ut qui in pluribus probatus fueras & fidelis inventus, invitante Domino ad altiora conscendens, odoramentis virtutum tuarum plures rescias ad salutem, & commendanda opera tua eo preciosius entescant, quo excellentiorem locum obtinueris dignitatis. Credimus enim factum esse à Domino, & est acceptabile in oculis nostris, quod cunctorum vota in electionem tuam divinitus inspirata consen-

serunt, & te apice dignitatis ad quam tanquam Aaron à Deo es vocatus, uno ore & consonis vocibus dignissimum protestantur. Inde siquidem fuit quod nuntios excellentie regia, & tam suffraganeorum quam capituli ecclesie Cantuariensis viros utique providos & discretos alacri mente & debita benignitate suscepimus, & electionem tuam quam ex literis quas gestarunt, & relatione propria canonicam esse cognovimus ac Deo & hominibus approbatam, habita deliberatione cum fratribus nostris sub congrua celeritate, & gratia curavimus confirmare. Pallium præterea plenitudinem pontificalis officii fraternitati tue concessimus, & ipsum per dilectum filium Transmundum notarium, & familiarem nostrum & sub alis nostris ab antiquo nutrium duximus transmittendum.

Cantuariensis archiepiscopus sua sollempniter est collocatus in sede die festo sancti Dunstani. Rursus sollempni processione receptus archiepiscopus apud sanctum Augustinum, ibi celebravit divina, cui ministravit abbas ejusdem loci Rogerus, mitratus incedens ad processionem vij. kal. Junii.

Familiaritas à diebus multis emortua revixit inter ecclesias Cantuarie; Nam cum dies rogationum instarent, in jejuniis, in obsecrationibus, in missarum sollempniis sese mutuo visitarunt earundem conventus, vicissitudine processionum exhibita.

Herbertus Anglicus natione natus in Roddessex, transitum faciens in Siciliam assensu regis Willemi creatus est in Calabria Consensus archiepiscopus. Cum autem illic terræ motus fieret magnus, prædictus archiepiscopus cum clero, cum familia, cum magna parte civium obrutus est, Castella pleraque subversa, milia populorum contrita. Quædam civitas Adriatico mari contigua de nocte populo quiescente corruit in profundum. Item in Anglia circa partes aquilonares factus est terræ motus; In locis aliquibus ædificia corruerunt.

Sol passus est eclypsim post horam nonam kal. Maii.

Willemus rex Siculus gener regis Anglorum copiosum congregavit exercitum, ut Andronicum qui tam nefariis, tam atrocibus, tam execrandis abominationibus perpetratis imperium usurpavit Constantinopolitanum contereret, exercitum inquam ad hoc astrictum sacramento corporaliter præstito, quod continuum aget in castris triennium, prærogatis anni primi stipendiis. Sex itaque viros illustres inter principes regni sui divitiis, viribus, magnanimitate præstantes ad hoc opus præfecit, ut omnem armatum militem, equestrem scilicet & caligatum, ad quem inveniendum cum belli necessitas ingruit, tam ipsi quam alii regionis totius capitanei de jure tenentur obnoxii, congregarent. Sicque regis secum stipendiarios affluentes numerus quorum excrevit ad lxxv. peditum, & equitum milia xxx. condixerunt ut Bulgariam totam virtute magna contunderent, obsidione vallarent Constantinopolim, portas irrumperent, in ore gladii vindicarent Andronici fraudes fraudulentissimas. Igitur coacta classe non modica, navibus infinitis quæ vulgariter vel galeæ, vel sagittariæ, vel onerariæ cum certis nominibus distinguuntur, undique congregatis, se pelago commiserunt, & prospero sub eventu navigationis applicuerunt Duratium. Cujus ilico cives animo consternatos & tanta pugnatorum multitudine circumseptos, quod nullis ante temporibus efficere potuit quisquam

quam regum *Sicilia*, coegerunt ad deditionem. *Gilebertus Lexoviensis* archidiaconus electus est in *Rofensem* episcopum, apud *Otteford* septimo decimo kal. *Augusti*, gradum autem presbyteratus ascendit xj. kal. *Octobris* apud *Lameheiam*. *Cantuarie* consecratus est à *Baldewino Cantuariensi* archiepiscopo iij. kal. *Octobris*.

Circa dies istos proditor *Andronicus* imperator *Constantinopolitanus* interfectus est.

Cursac Angeli ex sorore *Mannelis* imperatoris progenitus creatus est imperator.

Rex *Francorum* regem *Anglorum* infirmitate tactum visitavit v. idus *Novembris* apud *Belveir*, faciens ibi moram per triduum.

Circa dies istos dux *Saxonicus Henricus* imperatoris impetrata licentia rediit in *Saxoniam*, suo tantum contentus patrimonio, misericordiam imperatoris expectans.

Rex *Francorum*, rex *Anglorum*, *Remensis* *Coloniensis* archiepiscopi, Comes *Flandrensis*, & infiniti cum eis venerunt apud *Albemarlam* vij. idus *Novembris*, ubi reformata pax est inter regem *Francorum* & Comitem *Flandrensem*. Sed minime complementum accepit quousque suum imperator *Romanus* adhiberet assensum.

Lucius papa vij. kal. *Decembris* *Verone* sepultus est.

Humbertus Mediolanensis archiepiscopus ipsa die *Cardinalium* assensu communi papa creatus est vocatus *Urbanus*, kal. *Decembris* coronatus est in ecclesia sancti *Petri* montis in supercilio collocata.

Henricus rex *Tentonicus* ducens secum *Philippum Flandrensem* Comitem venit ad patrem suum cum multis in *Italiam*, natalitios dies ibidem celebraturus.

Johannes filius regis *Anglorum* vocatus *Hybernia dominus* in *Angliam* rediit xvj. kal. *Januarii*.

Inter *Henricum* regem *Tentonicum* & *Constantiam* filiam *Rogeri Siculi* regis, amitam vero *Wilhelmi* regis *Siculi* generi regis *Anglorum* matrimonium celebratum est.

Sexto kal. *Februarii* *Viennensis* archiepiscopus *Fredericum* imperatorem *Romanum* *Mediolani* coronavit. Eodem in die *Aquileiensis* patriarcha coronavit *Henricum* regem *Tentonicum*, & ab ea die vocatus est *Casar*. Quidam episcopus *Tentonicus* coronavit *Constantiam* amitam *Wilhelmi* regis *Siculi* generi regis *Anglorum*. Hæc acta sunt in monasterio sancti *Ambrosii*.

Urbanus papa B. *Cantuariensi* archiepiscopo & omnibus per *Cantuariensem* provinciam constitutis.

Defuncto pia recordationis papa *Lucio* tractatus habitus est à fratribus de successoris electione. Cum itaque plures in ecclesia dei viri venerabiles & prudentes, in quos eorum vota consultius ut credimus & dignius potuissent concurrere, ad insufficientiam nostram oculos intenderunt, & factum est sicut *Domino* placuit, ut nos quibus ad tanta dignitatis fastigium nec vires, nec merita suffragantur, in patrem sibi eligerent & pastorem. Nos vero ne ex dilatione negotii vel pertinacia reluctandi, aliquod in ecclesia periculum proveniret consensimus licet inviti injuncti oneris subire laborem.

Urbanus papa fratribus suis episcopis & omnibus per *Cantuariensem* provinciam constitutis.

HENRICUS II, rex.

Nos *Anglicanam* ecclesiam paternæ considerationis oculis intuentes, ad salutem ipsius & spirituales in Christo profectus, communi consilio fratrum nostrorum decrevimus ordinandum, ut venerabilis frater noster B. *Cantuariensis* archiepiscopus de cuius meritis & virtute, sapientia pariter & doctrina ecclesia universa congauDET, ministerio legationis accepto vices nostras ad honorem ecclesie, & totius regni salutem & pacem per subditam sibi provinciam exequatur.

Dux *Burgundie* *Widonem* castellanum de *Vergeio* diebus multis obsidione vallavit. *Wido* confugiens ad regem *Francorum* castrum & castellaniam totam ejus potestati subjecit. Dux vero tale factum trahere volens ad injuriam imperatoris *Romani*, nulla ratione potuit impetrare quod imperator sui fines transgrediretur imperii. Sic rex *Francorum* castrum pacifice possidet memoratum.

Rex *Francorum*, rex *Anglorum*, Comes *Flandrensis*, Comitissa *Campanie*, *Margarita* regina *Henrici* regis filii regis *Anglorum* relicta convenerunt prope *Gisforcium* vj. idus *Marcii*. Redacta sunt ad pacem & concordiam, quæ vertebantur inter regem *Francorum* & Comitem *Flandrie* de toto tenemento *Radulfi* quondam Comitis *Viromandorum*. Quineciam quæstio quæ mota fuerat inter regem *Anglorum* & prædictam reginam tam super dote sua quam super donatione propter nuptias, amicabile compositione finem accepit.

Luna passa est eclipsim xvj. kal. *Maii* noctis hora prima.

Sol passus est eclipsim xj. kal. *Maii* hora prima diei.

Rex *Anglorum* *Aquitannici* tractus munitiones, natura locorum, vel hominum artificio tutiores in sua potestate recipiens, eas pro velle suo custodiæ deputavit. Et licet hoc *Ricardum* Comitem *Pictavensium* graviter forsân offenderet, eum tamen in nullo reclamantem invenit pater suus. Itaque cum *Andegavia*, *Turonia*, *Cenomannia*, *Britannia*, *Normannia* jocundæ pacis tranquillitate gauderent, rex redit in *Angliam* navigationis cursum consummans feliciter apud *Hamonis* portum v. kal. *Maii*. Regina cum rege transfretavit eadem in navi. Sub enavigatione rex *Wintoniensem* episcopum visitavit apud *Pererwelle* sub ipsa nocte quiescens *Wintonia*.

Cantuariensis archiepiscopus dum tenderet ad videndum regem, ei rex festinanter occurrit omnem patri debitam exhibens venerationem, & antecessorum consuetudinem hoc in humilitatis exemplo transcendens.

Archiepiscopus sollempni processione receptus *Wintoniensem* ecclesiam suæ legationis illustravit primordio kal. *Maii*, duplicis Apostolorum festivitatis auspicio subjectos invitans ad dilectionem dei simul & proximi.

Wilhelmus de *Ver* spectabilis genere die festo sancti *Laurentii* consecratus est *Herefordensis* episcopus apud *Lameheith*, *Wilhelmus* etiam Prior ipsa die consecratus est episcopus sancti *Asavi*.

Gausfridus dux *Britannia* filius regis *Anglorum*, cum à nativitate sua compleisset annum xxviij. xiiij. kal. *Septembris* diem clausit extremum: sepultus autem est *Parisijs* in ecclesia beatæ virginis intra chorum canonicorum scilicet in sede majori. Reliquit autem ideam *Gausfridus* ex uxore sua *Constantia*

HENR I-stantia filia Conani ducis Britannie duas filias.
cus II. rex.

MArgarita soror Philippi regis Francorum relicta bonæ memoriæ regis Anglorum Henrici filii Henrici regis Anglorum in comitatu magno recessit Parisius viij. kal. Septembris. Quam Bela Hungaria, Dalmatia, Croatia, Rammaque rex suscepturus est in uxorem.

Ad vocationem regis & archiepiscopi Ricardus decanus Lincolnie sui que capituli pars præcipua convenerunt apud Egenesham viij. kal. Junii. Post tractatus autem super consilio Lincolnienfis ecclesiæ diutius habitos, tandem Hugo genere Burgundio, natione Gratianopolitanus Prior ordinis Cartusienfis in Anglia pluribus episcoporum præsentibus Lincolnienfum est electus antistes. Nuntiis itaque directis in Burgundiam cœnobio Cartusienfi, Prior & conventus ejusdem loci gratum electioni factæ præbuerunt assensum. Sic Hugo prædictus votis plurium concurrentibus die festo sancti Mathei Lincolnienfis est consecratus episcopus apud Westmonasterium in capella sanctæ Katerine.

Wilhelmus de Norhalla Glocestria archidiaconus in Wigornensem electus episcopum, ipsa die munus consecrationis accepit ab archiepiscopo Baldewino. Radulfus siquidem Prior Wigornensis postulationem illam sollempnem, quæ fieri solet in consecrationibus episcoporum, & quam ipse Radulfus in negotio simili jam quater interposuerat, viriliter adimplevit. In facie namque Theobaldi, Thomæ, Ricardi, Cant. archiepiscoporum juxta temporis excusum, ordine successorio quatuor Johannem, Aluredum, Rogerum, Baldewinum præsentarat episcopos. Nunc autem ut à pentateuco Moysi mutuatus aliquid videretur, quinto loco præsentavit Wilhel mum.

Urbanus papa B. Cant. archiepiscopo.

Presentium tibi auctoritate mandamus quatinus ea quæ de jure ecclesiæ tuæ per prædecessorem tuum inveneris injuste subtracta legitime revoces, & in ipsius ecclesiæ utilitatem convertas. Nos enim quod in hac parte à te factum fuerit ratum habebimus, & faciemus auctore Domino inviolabiliter observari. Item tibi mandamus ut liceat tibi ecclesiæ in honore beatorum martyrum Stephani & Thomæ, sicut gloriosus martyr Thomas disposuerat, in honore beati Stephani construere, tam in honorem sancti Thomæ quam sancti Stephani, & de ydoneis ordinare personis quibus beneficia quæ ad sustentationem eorum constitueris debeas canonice assignare. Item fraternitati tuæ mandamus ut quarta parte oblationum, quæ ad reliquias beati martyris Thomæ offeruntur, monachorum usibus concessa, quarta fabricis ecclesiæ deputata, quarta pauperibus erogata, aliam quartam liceat tibi in alia opera bona pro tue voluntatis arbitrio ordinare. Dat. Verona kal. Octobris.

Johannes cantor Exoniensis creatus est Exoniensis episcopus à Baldewino Cantuariensi archiepiscopo iij. non. Octobris.

Gualterus Rothomagensis archiepiscopus ad procurandam pacem provinciarum suarum, ne limites iniquorum infidiis & irruptionibus turbarentur, die festo sancti Dionisi locutus est cum rege Francorum, à quo vix cum aliqua spe pacis recedens & per Flandriam transitum habens applicuit apud Doveram xv. kal. Novembris.

Rannulfus Anglorum Justiciarius, Gilebertus Herefordensis episcopus, Bernardus de sancto Walerico, Rogerus regis elemosinarius fungentes officio legationis invenerunt Noviomum regem Francorum, à quo minus forsitan reverenter recepti quam tantorum Principum majestatem deceret, scilicet & illius à quo mittebantur & illius ad quem dirigebantur, nil in responsis aliud receperunt quam verba paci parum respondentia. Tandem rex Francorum à latere suo duos milites mediæ manus homines, Gazium de Pyssaco, Gerardum de Furnival cum prædictis nunciis direxit in Angliam. Quibus rex Anglorum occurrens ne mala pro malis retribueret, eos cum omni veneratione suscepit: summa petitionis Francorum hæc fuit ut si Ricardus Comes Pictavensis ab infestatione Comitatus sancti Egidii temperaret, ab infestationibus essent immunes Normanni.

Radulfus filius Hugonis de Vallibus habitationem habens cum patre suo prope Gisfortium intra limites regis Francorum, Wilhel mum de Magna villa Comitum illustrem Albemarle verbis dehone stavit amaris. In ultionem contumeliæ postmodum Henricus de Ver interfecit Radulfum iij. kal. Decembris. Quod in injuriam regis Francorum esse factum aliqui reputantes, Garnerium quendam Anglorum regi familiarissimum & intra muros Gisfortii domicilium à diebus multis habentem paratis infidiis crudeliter trucidaverunt, ut sic paria delicta compensatione mutua deleberentur.

Urano summo pontifici Theutonicæ regni tam archiepiscopi quam episcopi, cum debita devotione & subjectione reverentiam.

Cum divinæ dispensationis gratia Apostolicæ sedis antistitem & totius sanctæ catholicæ ecclesiæ pastorem, & patrem dignissimum de altitudinis suæ consilio vos providerit, universi & singuli quorum par affectus & eadem vota dinoscuntur, paternæ sanctitati vestræ cum filiali reverentia tanto devotius assurgimus quanto amantissimam personam vestram sincera in Domino caritate diligimus, & jura ecclesiarum de prudentiæ vestræ perfectione manutenere, & tranquilliori pace foveri indubitanter speramus. Inde utique est quod habita hinc inde consideratione tam devotionis, qua sanctæ Romanæ ecclesiæ & vestræ paternitati tenemur, quam fidelitatis & singularis dilectionis, qua domino nostro imperatori & imperio per sacramentum astringimur, super discordia quæ inter ecclesiæ & imperium morbofis cœpit radicibus pullulare, in intimis animæ visceribus conturbamur, non inmerito dolentes duorum acies gladiorum in adversum collidi, quorum mutuis ut deceret auxiliis ecclesiarum paci, justiciis imperii, totius orbis commoditati accuratius fuerat providendum.

Serenissimus imperator Fredericus celebrata novissime sollempni curia nobis cæterisque Principibus imperii, tam clericis quam laicis, & nobilibus ac magnatibus proposuit & graviter conquestus est, quod in ipsa dilectionis fiducia quam erga personam ejus & imperium vos habere confidebat, quamque erga personam vestram & sanctam Romanam ecclesiæ firmissime conceperat, cum illustrem filium suum Romanorum regem quem tanquam unicum diligit filium, quasi in signum consummatæ jam pacis quibuslibet expositum periculis, pro defensione & libertate Romanæ ecclesiæ quanta potuit velocitate transmissit,

transmisit, inimicitias & gravamina adversus eum
quod de vestra tamen paternitate minime credidisset
studiosius exercueritis, si in facto Cremonensium quos
tanquam bannitos & publicos hostes imperii vestram
decurit reverentiam evitare, contra honorem imperii
familiariter collegeritis, dehortando civitates univer-
sas *Italia* ab auxilio ferendo & expeditione pro-
movenda. Episcopis quoque tam litteris quam nun-
ciis sub poena officii sui & beneficii pariterque ana-
thematis interminatione districtius inhibendo, ne
vel adiutorium ei facerent aut quovis modo secum
comparere præsumerent.

Quas profecto litteras quidam ex nobis viderunt
& perlegerunt, super facto tanto vehementius admi-
rati quanto timendum non fuerat, sub dilectionis
specie hujusmodi inimicitias palliare. Maxime au-
tem de facto Treverensis ecclesiæ subjunxit, de quo
nec poterat credi, nec opinione concipi, ut eo quem
accepit sine unquam foret concludendum. Nam si
secundum ordinationem vestram idem factum in-
convulsum permanere deberet, videtur imperium de-
membrationem & maximam sui juris imminutio-
nem incurrisse, præsertim cum nulli antecessorum
suorum ab aliquo antecessorum vestrorum factum
fuisse antiquitatis reporter memoria, quod episco-
porum quispiam in regno *Theutonico* consecrationem
prius quam regalia per sceptrum imperiale receperit,
quod quidem rationi non derogans in hæc usque tem-
pora ulus approbatus celebri firmitate conservavit,
sed hanc imperii justiciam infringendam per vos aut
aliquatenus permutandam dominus imperator non
credidit, cum attestazione venerabilium virorum
quos ejusdem viri sponsores ad eum remisistis, mani-
festum est dominum *Fulmarum* nunquam vos con-
secraturum in verbo Domini firmiter promiseritis.
Cæterum in archiepiscopatu *Mediolanensi* injurias
multo ex tempore per vos imperio factas in publico
proposuit. Ea namque sedes quanto in *Ytalia* major
& excellentior perhibetur, tanto virum prudentem
& utilem in ea requirit & magis necessarium habet.
Sed ut asserit antistitem ecclesiæ usum regali-
um imperio à pluribus annis denegastis. Adjecit insuper,
quantis exactionum oneribus universæ de imperio
per vestros ecclesiæ subiaceant, videlicet ut tam ec-
clesiæ quam cœnobis, quibus vel panis cotidianus
non sufficit, in erogatione pecuniæ, in pastu familia-
rum, in stabulatione equorum, ratione ecclesiæ super
omnem possibilitatem suam deservire compellantur.

Hæc siquidem & plura his serenissimus dominus
noster imperator in facie sollempnis curiæ suæ, nobis
cæterisque Principibus suis proposuit, ostendens evi-
denter quod tales injurias ad gravamen personæ
suæ & imminutionem honoris imperii nec possit, nec
debeat sustinere; unde & nos qui de conservando &
manutenendo jure & honore imperii ipsi & illustri
filio suo *Rogero* regi *Augusto* per sacramentum tene-
mur, nichilominus quoque reverendæ matri nostræ
sanctæ *Romana* ecclesiæ dilectionis & obedientiæ de-
bito astringimur, & paternam sanctitatem vestram
in intimi cordis sinceritate complectimur, excellenti-
am vestram obnixè rogantes, totius humilitatis &
filialis devotionis studio deprecamur, quatinus ad
laudem dei & pacem ac unitatem ecclesiæ dei &
imperii, quæ nunc toti mundo desideranda venit &
exoptanda, ea quæ ad gravamen imperii facta di-
noscentur, quoniam ea à vobis sustineri aut sub silen-

tio præteriti fidei vestræ sinceritati nullatenus conve-
niret, saniori ut expedit consilio permutari faciatis :
Veraciter siquidem à domino imperatore intelleximus
& pro ipso testamur, quod paratus est & semper fuit
ad faciendam justiciam & recipiendam, & super his
quæ adversus imperium ecclesiæ proposuit, justiciæ,
amicabili compositioni aut arbitrato honorum viro-
rum assensum indubitanter præbere. Propter quod
venerabiles viros litteratura præditos, prudentia, &
discretionem conspicuos sanctitati vestræ duximus
transmittendos, paternam benignitatem vestram pro-
pensius exorantes, quatinus Apostolicæ mansuetu-
dinis caritate ea quæ ex parte nostra proposuerint
clementer audire dignemini, ac verbis eorum fidem
indubitam adhibere.

Guido Comes *Joppensis* *Pictavensis* genere *Sibillam* regis *Almarici* filiam unicam & hære-
dem habens uxorem consecratus est rex *Jerosolimo-
rum* in *Augusto* mense.

Intra natalicios dies *Octavianus* Cardinalis, *Hu-
go Cestrensis* electus habituri legationem in *Hyber-
viam* sicut dicebant, cum in aliquibus locis per *An-
gliam* sollempni processione recepti fuissent signa fe-
rentes papalia, nec in aliquem aliquid statuissent,
ab *Anglia* recesserunt apud *Doveram* transfre-
tantes.

Henricus rex *Anglorum* regno suo gaudente
pacis jocundæ commoditatibus xiiij. kal. Marcii
transfretavit apud *Doveram*, transitum habens per
Flandriam. Qui die tertia surgens à castello quo-
dam quod vocatur *Hesding* venit in *Normanniam*
apud *Driencurt*.

Gilebertus Foliot *Lundoniensis* episcopus die festo
sancti *Vitalis* martyris, sollempni processione receptus
Lundonia vixit in episcopatu xxij. annis mensibus
x. diebus xvij. Diem autem clausit extremum
xij. kal. Marcii litera G.

B. Cantuariensis archiepiscopus & Apostolicæ se-
dis legatus die Dominica qua cantatur *Latate Jeru-
salem* sollempni processione receptus est in ecclesia
beati Pauli *Lundonia*. Feria quoque y. post ramos
palmarum crisma consecravit in eadem ecclesia. Die
vero paschæ celebravit ibidem divina.

Idem archiepiscopus custodibus episcopatus *Lundo-
nienfis* scripsit in hæc verba.

Pervenit ad audientiam nostram quod cum G.
bonæ memoriæ *Lundoniensis* episcopus occasione
controverſiæ inter *Philippum* clericum de *Hormedon*
& *Adam* de *Sanford* motæ, ecclesiam de *Hormedon*
in manum suam recepisset sequeſtratam, ipſo episco-
po defuncto ratione custodiæ circa episcopatum *Lun-
donienſem* in temporalibus vobis commiſſæ, quæ ſi de
ſpiritualibus curam receperitis, clavem prædictæ ec-
cleſiæ vobis tradi exegiftis, & capellanum ejusdem
eccleſiæ quia clavem vobis tradere noluit ſuſpendi-
ſtis. Viri ſiquidem eſtis & prudentes & diſcreti, &
utinam ſines commiſſæ vobis custodiæ non excedatis;
Sciſtis enim quod in ipſa custodiæ de ſpiritualibus re-
bus diſpenſandis nullam habetis auctoritatem. In-
hibemus ergo vobis firmiter injungentes ne de cætero
ratione custodiæ veſtræ aliquid de ſpiritualibus re-
bus vobis uſurpare præſumatis, & dilectum filium
noſtrum G. archidiaconum *Middleſexiæ* in cujus ar-
chidiaconatu conſiſtere dicitur eadem eccleſia, ipſius
eccleſiæ quam præſatus episcopus habuit custodiari
habere permittatis. Valete.

HENRI-
cus II. rex.

An. Dñi
1187:

**HENRI-
cus II. rex.** *Constantia Britania* Comitissa quam maritus suus filius regis *Anglorum Gaufridus* vita decedens reliquerat gravidam, die sancto paschæ, scilicet iij. kal. Aprilis, peperit filium, quem *Britones* vocaverunt *Arturum*.

Urbanus papa iij. *B. Cantuariensi* archiepiscopo.

Dilecti filii nostri Prior & quidam fratres ejus monachi ecclesiæ tibi commissæ ad nostram præsentiam venientes, de ecclesiâ quam ædificare cœpisti, tantum tibi & eidem ecclesiæ proposuerunt dispendium proventurum, quod nisi fuerit ab ejus constructione cessatum, præscripta ecclesiâ suæ honestatis & status miserabile suscipiet detrimentum. Sane cum per Dei gratiam litteratus sis & in religione diutius conversatus, ignorare non debes, sicut nec te credimus ignorare, quomodo propter scandalum, à bonis est interdum operibus abstinendum. Nos autem sollicite providere volentes, ne inter te & fratres tuos remaneat materia jurgiorum, cum non possint convenienter obsequiis divinis intendere, qui sunt contentionibus dediti, de consilio & deliberatione fratrum nostrorum monemus fraternitatem tuam, mandamus & districte præcipimus, quatinus donec causa cognita statuamus quid de ipsâ ecclesiâ fieri debeat, occasione, contradictione & appellatione postposita, ab illius novæ ecclesiæ constructione & canonicorum institutione desistas, & etiam ab exactione fraternitatis quam ob favorem ipsius diceris statuisset, litteris aliis non obstantibus à sede Apostolica impetratis. Si quid autem contra nostram prohibitionem fuerit attemptatum, Apostolica auctoritate irritamus.

In pago *Bituricensi* prope castellum *Radulfi*, quod à doloribus traxit agnomen, dum reges *Francorum* & *Anglorum* copiosum undique congregassent exercitum, & aciebus ordinatis ad pugnam accingerentur hinc inde, die Martis scilicet vigilia sancti *Johannis*, ne Martis tam subito dubios experirentur eventus, ad annos usque duos fere belli negotium induriatum est, dampnis hinc inde datis mutua compensatione deletis.

Margarita regina *Francorum* *Philippo* regi peperit filium quem *Ludovicum* vocavit.

Templares omnibus Christi fidelibus scripserunt in hac verba.

Quot & quantis calamitatibus ira dei, peccatis nostris exigentibus, nos in præsentî flagellari permiserit, nec litteris, nec flebili voce, pro dolor! explicare valemus. Turci enim immensam suarum gentium multitudinem congregantes Christianorum nostrorum fines acriter invadere cœperunt; Contra quos nostrarum gentium phalanges coadunantes infra octavas *Petri & Pauli* v. scilicet & iij. non. Julii in eos congregi, et versus *Tyberiadem*, quam violenter castro solo relicto ceperant, iter arripere præsumpsimus. Cumque in scopulis pessimis nos impulsissent, nos ita acriter expugnaverunt, quod cruce sancta capta & rege nostro magistroque nostro captis & omni multitudine nostra fere interfecta, & fratrum nostrorum, ut in veritate credimus, eodem die ducentis & triginta decollatis, exceptis illis lx. qui prima die Maii interempti fuerunt, vix dominus Comes *Tripolis*, & dominus *Reginalus Sydonis* dominus siquidem *Balianus*, & nos de illo miserabili campo evadere potuimus. Deinde Christianorum nostrorum sanguine debaccati versus civitatem *Acon*

cum omni multitudine sua venire non distulerunt: **H** Quam violenter capientes totam fere terram invaserunt *Jerusalem*, *Ascalon*, *Tyro* nobis & Christianitati adhuc solis relictis. Istas etiam civitates omnibus earum fere civibus in prælio interfectis, nisi divinum, & nobilium virorum præsto sit auxilium, nullo modo retinere poterimus. Civitatem etiam *Tyrensem* in præsentiarum acriter obsidentes, violenter die noctuque expugnare non cessant. Tanta est eorum copia quod totam terræ faciem à *Tyro* usque *Jerusalem*, & usque *Gaza* velut formicæ frequenter existentes cooperuere.

Albericus genere *Beneventanus* ecclesiæ Romanæ Cancellarius *Urbano* iij. defuncto papa creatus viij. kal. Novembris, vocatus etiam *Gregorius* viij. scripsit in hæc verba.

Nos de consueta sedis Apostolicæ misericordia duximus statuendum, ut litteræ prædecessoris nostri domini *Urbani* papæ à tribus mensibus ante ipsius obitum destinata pro justitia faciendâ & litigiis dirimendis, quæ tamen manifeste alicujus præjudicium non continent aut calumpniam equitatis, eundem habeant tempore nostræ amministrationis effectum, quem habere si adhuc ille viveret debuissent. Cessante igitur exceptione de mandatoris morte perficite quod ille mandavit agendum, & nemo ad nos pro excusatione hujusmodi à concepta per illum de sua justitia obtinenda fiducia cogatur vacuus laborare. Dat. Ferraræ.

Hic cum sedisset duobus mensibus diem clausit extremum. Substitutus est ei *Paulus Prænestinus* episcopus genere *Romanus* vocatus *Clemens* tercius, xiiij. kal. Januarii.

Ricardus filius regis *Anglorum* Comes *Pictaviæ* primus inter procures regni *Francorum*, crucis signum suscepit de manu *Bartholomei Thuronenfis* archiepiscopi, non expectato patris sui consilio nec voluntate.

Rex *Francorum* & rex *Anglorum* inter *Gisorsium* & *Tryam* colloquium habituri xij. kal. Februarii convenerunt. Post longos itaque tractatus rex *Anglorum* primo crucem suscepit de manibus archiepiscoporum *Tyrensis* scilicet & *Rothomagensis*. Postmodum rex *Francorum* crucem suscepit de manibus archiepiscoporum *Tyrensis* & *Remensis*, & postmodum *Philippus* Comes *Flandriæ* & infiniti cum eis. Convenit etiam inter eos ut omnes de terra regis *Francorum* cruces rubeas susciperent: de terra regis *Anglorum* albas: de terra vero Comitissæ *Flandriæ* virides.

Rex *Anglorum* post susceptionem crucis familiarem clericum suum *Ricardum Barre Luxoviensem* archidiaconum direxit imperatoribus tam *Romano* quam *Constantinopolitano*. Direxit etiam eundem *Ricardum Bela* regi *Hungarorum*, scribens in hæc verba.

Venerabili & excellentissimo Principi *Frederico* dei gratia *Romanorum imperatori* semper Augusto, *Henricus* eadem gratia rex *Angliæ*, *Dux* *Normanniæ* & *Aquitanniæ* & Comes *Andegaviæ*, in eo regnare per quem reges regnant.

Quoniam imperatoriam majestatem super his congratulari confidimus, quæ ad honorem Dei & exaltationem ecclesiæ suæ disponuntur, excellentiæ vestræ notum facimus nos & karissimum nobis in Christo amicum *Philippum* regem *Francorum*, & multos

EN I- multos proceres utriusque regni cum magna arma-
torum multitudine crucem ad servitium Dei as-
sumpsisse. Hoc precipue intendentes ut Deo duce
terra sancta nostrae humilitatis amminiculo ab his
oppressionibus releveretur, quibus hodie ad opprobri-
um Christiani nominis dinoscitur miserabiliter præ-
gravari. Et quoniam in proposito habemus per ter-
ras imperii vestri transire, rogamus vos tanquam
Christianissimum Principem, quatinus securum tran-
situm nobis & his qui nobiscum votum simile obtu-
lerunt in terris vestrae potestati subiectis præbeatis,
& mercatum victualium locis competentibus in oc-
cursum nostrum convenire faciatis, ad honorem Dei
& vestrum, & totius imperii securitatem. Quid au-
tem super hoc vestrae placuerit maiestati, per fidelem
& familiarem clericum nostrum Ricardum Barre
Luxoviensem archidiaconum, quem ob hanc cau-
sam ad vestram destinavimus praesentiam, vestra
nobis significare velit dignatio.

Fredericus Dei gratia Romanorum imperator sem-
per Augustus karissimo fratri Henrico illustri regi
Angliae salutem & dilectionem.

N Overis laudabile propositum tuum quod te sus-
cepisse suggeris ad servitium Dei facien-
dum nobis plurimum complacere, unde ad illud
servitium perficiendum tibi consilium & auxilium
in Christi nomine promittimus, forumque victuali-
um tibi & illis qui tecum ad Dei honorem milita-
bunt prompta voluntate & prono desiderio, Deo co-
operante, secundum petitionem tuam providebimus,
maxime autem in societate karissimi amici nostri
Philippi regis Francorum, & ea durante gratia
qua nos invicem intelligimus associatos.

Glorioso & potentissimo Principi Cursac Angeli
Dei gratia Romanorum imperatori semper Au-
gusto, à Deo coronato, Henricus eadem gratia
rex Angliae, Dux Normanniae & Aquitaniae, &
Comes Andegaviae, gaudium & gloriam cum sa-
lute sempiterna.

Q Uoniam imperii vestri potentiam amplissi-
mam ad defensionem fidei catholicae, & ad
honorem Christiani nominis credimus & confidi-
mus specialiter & laudabiliter invigilare, non inme-
rito gloriae vestrae ea significanda duximus, quae ad
sacro sanctae ecclesiae honorem & exaltationem divina
providentia, in regno nostro, & in regno karissimi
nobis Philippi illustris regis Francorum voluit ope-
rari. Imperatoriae itaque notificamus maiestati nos
& prae nominatum illustrem regem Francorum pro-
ceresque utriusque regni cum innumera bellatorum
multitudine signaculum crucis suscepisse & propo-
situm firmasse, ut omnipotenti Deo serviamus ad con-
fusionem inimicorum sanctae crucis in sancta terra
Jerusalem, ut nostrae humilitatis interventu terra illa
eliminata Paganorum sputecia pristinum decorem
& debitum splendorem Deo annuente recipiat. Quod
quoniam in omni nostro proposito & maxime in fa-
mulatu Dei omnipotentis excellentiae vestrae consilio
praemuniri volumus & juvari, attentius exoramus
quatinus oculos maiestatis vestrae ad nos & ad
principes, & ad alios qui Deo duce nobiscum mili-
tabunt reducat, nobisque sublimitas vestra secu-
rum & quietum transitum & victualium copiosum

mercatum in terris & provinciis nobilissimo imperio
subiacentibus liberaliter & benigne provideat, ad
honorem Dei omnipotentis & gloriam vestri nominis
& ad imperii securitatem, quam de pacifico ingres-
su nostro & de transitu innocuo praestare parati su-
mus, prout Ricardus Barre Luxoviensis archidiaconus
clericus noster fidelis & familiaris eminentiae
vestrae ex parte nostra plenius exponet.

10 Cursac Angeli Dei gratia Romanorum imperator
semper Augustus, à Deo coronatus, Henrico ead-
dem gratia regi Angliae, Duci Normanniae &
Aquitaniae & Comiti Andegaviae salutem &
benivolentiam.

R Ogavit nobilitas tua ut nostri imperii consili-
um & auxilium haberet in servitio Dei om-
nipotentis contra Sarracenos, & ut securum haberet
transitum cum exercitu tuo & sufficientem merca-
tum victualium, per loca imperii transitaris. Ad
quod respondemus. Propositum tuum bene placitum
est Deo & imperio nostro, quoniam laudabile est, &
quod omnes Christiani laudare debent, & adjuvare.
Ideoque prudentiae tuae & probitati gratulantes,
tibi & his qui in comitatu tuo venturi sunt secu-
rum transitum & copiosam concedimus mercatum
secundum formam litteris tuis insertam, unde ad
praesentiam tuam mittimus Constantinum & Ni-
cholaum ministros sacri palatii, ut tecum tractent
de securitate & forma pacis servanda imperio, & si
eam praestiteris securitatis formam quam ipsi portant
centies milies bene veneris sicut alter dominus &
socius imperii, & tu cum toto comitatu tuo fideliter
consilio imperii instructus eris qualiter insidias
Turcorum debeas declinare, & qua cautela eos possis
invadere & expugnare.

40 Venerabili & karissimo fratri Bela Dei gratia
Hungariae, Dalmatiae, Croatiae Ramaque regi H.
eadem gratia rex Angliae, Dux Normanniae &
Aquitaniae & Comes Andegaviae salutem & sin-
ceram dilectionem.

Q Uoniam jam pridem intelleximus regiam ve-
stram nobilitatem Deo & sanctae ecclesiae
plurimum esse devotam, excellentiae vestrae significare
volumus, nos & karissimum amicum nostrum Phi-
lippum regem Francorum multosque proceres utri-
usque regni nobiscum ad honorem Dei & ad ipsius
servitium signaculum sanctae crucis suscepisse, ad hoc
maxime aspirantes ut civitas sancta, quae quondam
domina gentium hodie sedet in tristitia, nostrae hu-
militatis obsequio, Deo tamen operante & cooperan-
te, ad pristinum statum & ad debitam regni digni-
tatem revertatur. Et quoniam in tanto proposito
vestro consilio, & auxilio providentiae inniti vo-
lumus & desideramus, rogamus attentius quatinus
securum transitum per regnum vestrum & terras ei
cohaerentes nobis & fidelibus nostris preparare be-
nigne & liberaliter velitis, nec non & forum victua-
lium nobis sufficiens locis opportunis, ad honorem Dei
& vestrum & regni vestri securitatem, nobis libera-
litas vestra faciat provideri. Beneplacitum sane ve-
strum de hac petitione & de aliis quae Ricardus Barre
Luxoviensis archidiaconus clericus noster fami-
liaris & fidelis ex parte nostra vobis proponet, per
eundem nobis si placet significetis.

Vene-

HENRI¹
cus II. rex.

Venerabili amico suo & fratri karissimo H. Dei gratia illustri regi Angliæ, Duci Normanniæ et Aquitania et Comiti Andegaviæ, Bela eadem gratia Hungariæ, Dalmatia, Croatia, Ramaque rex diu et feliciter regnare.

Certissimum habeatis quod regia magnificentia propositum collandamus & approbamus, quoniam discretionis vestra & probitatis diligentia & sollicitudinis interventu, sicut credimus & confidimus, ecclesia Dei & terra sancta desolata solatium percipiet, & laudabile subsidium, ad honorem Dei & gloria vestra perpetuum incrementum. Nos itaque gaudio magno gaudentes, quod de proximo speramus & expectamus oportunitatem vobis serviendi & vos honorandi, regia vestra magnificentia vires & opes regni nostri exponimus, vestramque petitionem obviis manibus & hylari mente excipientes, mercatum victualium & copiam prout regionis ubertas per Dei misericordiam proventura poterit sustinere, benigne & devote concedimus & promittimus.

Circa dies istos Gaufridus de Liziniaco quendam familiarissimum Ricardi Comitis Pictavorum structis insidiis interfecit. In ultionem tanti delicti Comes provocatur ad arma, set susceptæ crucis non inmemor hominibus Gaufridi crucis signaculo volentibus insigniri pepercit, in ore gladii trucidavit non paucos, in deditionem plura castella suscepit. Gaufridus regis Anglorum fultus auxilio simul et pecunia sicut dicitur, Comiti restitit, set parum profecit. Hac de causa Comes animum suum alienavit à patre. Comes transitum faciens in Vasconiam Comitis sancti Egidii lacessitus injuriis, intra breve temporis spatium copiis Brebantiorum vallatus prope Tolosam castella subjugavit xvij. Rex autem Francorum ferens indigne quod Comes Pictavorum Ricardus regnum suum hostiliter impugnaverit eo non diffidato, nec certiorato, castellum Radulfi de Doloribus in Biturica situm xvj. kal. Julii intravit latenter, ad faciendam sibi fidelitatem omnes inhabitantes coegit. Quod ignominiosum Principi tanto videtur fuisse, præsertim cum rex Anglorum post susceptionem crucis transfretaturus in Angliam, regi Francorum totius terræ suæ custodiam reliquisset, et ipse bona fide suscepisset custodiendam. Subinde rex Francorum castellanos quosdam Anglorum regi subjectos, in suam partem tam minis quam promissis attraxit. Quod audiens rex Anglorum, circa festum sancti Jacobi transfretavit. Infinitum congregavit exercitum Anglorum, Marchionum Walensium, et Armoricanorum. Sed omnes hos intra Normanniam in tentoriis habitantes et intra Franciam irruptiones facere plurimum affectantes multis diebus compescuit. Tandem habitum est inter reges colloquium inter Gisortium et Tryam xvij. kal. Septembris, quod per triduum protractum est. Cum autem ab invicem reges recessissent discordes, rex Francorum arborem quandam Gisortio vicinam, set intra fines Francie radicatam præcepit incidi. Rex autem Anglorum in crastino recedens Gisortio, transitum etiam habens per Vernonem, Franciam intravit hostiliter, et usque Meduntam omnia demolitus est.

Post subactam Jerusalem in exaltatione sanctæ crucis, pro liberatione Guidonis regis Jerusalem et pro liberatione Theodorici magistri militiæ templi,

Eractius patriarcha Ierosolimitanus & Barisannus Neapolitanus. & Reginaldus dominus Sydoniorum Saladino reddiderunt Jerusalem, Aschalonam, & castellum quod dicitur Baron, & Gazam, & Galatididem, & Blancam Guardam, & turrim militum, & castellum Arnoldi, & Petram Platan, & Neapolim, et Gibilinum, et Joppen. Convenit etiam quod unusquisque homo qui posset solvere Saladino v. bisantia, et femina quæ posset solvere duo bisantia et dimidium, et puer qui posset solvere unum bisantium et dimidium eruerentur à manibus Saracenorum, et conductum haberent ad transeundum usque Tyrum. Postmodum xx. milia hominum ducti sunt in captivitatem apud Damasum; Et statim frater regis liberatus est, et post pascha sequens liberatus est rex et magister militiæ Templi.

Buamundus Comes Tripolitanus xv. diebus elapsis postquam capta fuit Jerusalem, proditione reus, amens factus est et expiravit.

Prope dies istos litteræ Saladino directæ sunt in hæc verba.

Fredericus Dei gratia Romanorum imperator & semper Augustus, & hostium imperii magnificus triumphator, Saladino præfidi Saracenorum quondam illustri exemplo Pharaonis fugere Israhelem.

Devotionis tuæ litteras multis retro temporibus ad nos destinatas super arduis negotiis, tibi quidem si fides verbis subsuisset profuturis, prout majestatis nostræ decuit magnificentiam suscepimus, et epistolarum alloquiis magnitudini tuæ consulere dignum duximus. Nunc vero quia terram sanctam prophanaasti cui æterni regis imperamus imperio in præfide Judæa, Samaria, Palestinorum, in tanti sceleris præsumptuosam et plestibilem audaciam debita animadversione decernere, imperialis officii sollicitudo nos admonet. Quamobrem nisi occupatam terram et omnia restituas, adjuncta satisfactione sacris Constitutionibus, pro tam nephariis excessibus taxata, ne minime legitimam videamur querere bellum, à capite kalendarum Novembris evoluti anni spacio terminum præstituiimus, ad experiendam belli fortunam in campo Taneos in virtute mirificæ crucis et in nomine veri Joseph. Vix enim credere possumus hoc te latere quod ex scriptis veterum et in historiis antiquis nostri temporis factum redolet. Numquid scire dissimulas ambas Ethiopias, Mauritaniam, Persiam, Syriam, Parthiam ubi Parthi Crassi nostri Dictatoris fata sunt præmaturata, Judæam, Samariam, Maritimam, Arabiam, Caldeam, ipsam quoque Egyptum, ubi pro dolor civis Romanus Antonius, vir insignis virtute præditus, citra nitorem temperantiæ, et secus quam deceret militem, à tanto culmine rerum emissum minus sobriis Cleopatra inserviebat amoribus? Numquid etiam scire dissimulas Armeniam et innumerales alias terras nostræ ditioni subjectas? Norunt hæc reges qui cruore gladii Romani sunt crebrius inebriati. Et tu quidem in ipsa rerum experientia Deo auctore intelliges quid nostræ victrices aquilæ, quid cohortes diversarum nationum, quid furor Theutonius etiam in pace arma capeffens, quid caput indomitum Reni, quid juvenus quæ fugam nunquam novit, quid procerus Bavarus, quid Suevus astutus, quid Franconia circumspæcta, quid in gladio ludens Saxonia, quid Turingia, quid Westfalia, quid agilis Brebantia,

Brebania, quid nescia pacis *Letaringia*, quid inquieta *Burgundia*, quid *Alpini* salices, quid *Spisania* in amento prævolans, quid *Boemia* ultro mori gaudens, quid *Bolenia* suis feris ferior, quid *Austria*, quid *Stricia*, quid *Bugrensis*, quid partes *Illirica*, quid *Leonardia*, quid *Tuscia*, quid *Anacarietana Marcia*, quid *Venetis* proretha, quid *Spinanns* naucerus, denique qualiter dextera nostra quam senio arguis effoctam gladio vibrare didicerit, dies illa plena lætitiæ & jocunditatis, & reverentiæ triumpho Christi præfixa te docebit.

In octavis sancti *Martini* colloquium habitum est prope *Bonmulins* inter reges *Francie* & *Anglia* quod procuraverat *Ricardus* Comes *Pictavorum*. Cum ventum est ad colloquium proposuit rex *Francorum* quod ea quæ post crucem susceptam ceperat, *Anglorum* regi restitueret, & post, omnia manerent in eo statu quo fuerunt ante crucem susceptam. Rex *Anglorum* respondit, Melius esse firmam pacem inire tam cleri, quam Baronum consilio, quam litem protrahere forte dampnosam. Quod audiens Comes *Pictavorum* penitus contradixit. Sibi quidem videbatur incongruum quod hac servata conditione *Cadurcum* redderet, & totum comitatum, & alia multa de dominio suo quæ mille marcis vel amplius valebant per annum pro feudo de castro *Radulfi*, & de castello de *Hissondin* & *Crasai*, quæ sua non erant dominia sed erant de se tenenda. Transivit ad aliud Comes *Pictavorum* petens à patre suo quatinus sororem regis *Francie* sibi daret in uxorem, & terram suam sibi velut herædi suo faceret juramento firmari. Quod & peti fecit per regem *Francorum*. Rex *Anglorum* respondit se nullatenus hoc facturum in tali statu, quoniam hoc potius videretur facere coactus quam spontaneus. Post hæc Comes *Pictavorum* videntibus cunctis hominagium fecit regi *Francorum* de toto tenemento patris sui quod pertinet ad regnum *Francie*, salvo tenemento patris, quam diu viveret, & salva fide quam patri debebat. Sicque finitum est colloquium treugis prorogatis ad festum usque sancti *Hylarii*.

Ricardus *Wintoniensis* episcopus cum sedisset annis xliij. & xj. septimanis xj. kal. Januarii diem clausit extremum. Sepultus est autem *Wintonia*.

Exercitus *Saladini* confectus est ante *Antiochiam*. Princeps *Antiochiæ* currit singulis diebus ante *Halap*. *Margaritus* cepit *Jasam* & omnes *Turcos* interfecit qui erant in ea, scilicet quinque milia, & viij. admiratos cepit. Cepit etiam *Gibellet* & omnes occidit. Dominus *Mullæ* major *Saladino* infestat *Saladinum*. Dominus etiam *Merendim*, *Cilic* dominus de *Baldac* major omnibus *Turcis* infestat *Saladinum* pro posse suo. Sciatis etiam quod *Soldanus Iconii* maritavit filiam suam filio *Saladini*, & *Saladinus* filiam suam filio *Soldani*, & bene notum est qualiter *Kutepez* filius *Saladini* interfecit uxorem suam filiam *Soldani*. Est autem certa & indubitabilis, sicut dicunt omnes, prophetia *Danielis Constantinopolitani*, quod eo anno quo annuntiatio Domini in die *Pasche* contingeret *Franci* restantur terram promissionis, & stabulabunt equos suos in palmaria de *Baldac*, & figent tentoria sua ultra arborem siccam, & lolium separabitur à tritico. Certissime quoque noveritis quod vadum inventum est in brachio sancti *Georgii*.

Verum est nec celandum est quod *Soldanus* ex-

sum habet imperatorem *Constantinopolitanum*, quia HENRI-
cus II. rex. non solvit ex una parte quadringentas libras auri quas solebat ei solvere singulis annis postquam fuit imperator, & ex alia parte trecentas. Notate fratres verbum illud quod imperator *Constantinopolitanus* quandoque nobis dixit, quod oculus non fallitur. Aliud vobis dicimus per gratiam Dei, quod tot *Turci* capti sunt apud *Sur*, quod *Turci* duo vendebantur pro uno *bisantio*. *Saladinus* dixit quandoque in tentorio suo *Eustatio Patricii* & *Baliani*, qui habebat uxorem regis *Jerusalem*, quod Comes *Tripolis* tradidit ei totam terram promissionis. Et sciatis quod apud imperatorem plus honoris exhibetur nunciis *Saladini* in palatio quam omnibus aliis in summa dignitate locatis. *Saladinus* etiam tradidit omnes ecclesias terre promissionis nunciis imperatoris *Constantinopolitani*, ut in eis serviatur secundum consuetudinem *Græcam*. Nec est fides in aliquo *Græco* etiam si manu juraverit. Noveritis etiam quod *Saladinus* assensu imperatoris *Constantinopolitani* misit *Constantinopolim* ydolum suum, ut ibi publice adoraretur, set per gratiam Dei captum est in mari à *Januensibus*, & cum ipsa navi ductum est *Tyrum*. Nunc autem de novo publica fama est quod exercitus *Saladini* confectus est ante *Antiochiam*.

Verbum autem illud quod senex *Græcus* de *Astralix* dixit domino *Waltero* templario, unde ceteri *Græci* offensi fuerunt, nunc implebitur, sicut dicunt, quod *Latini* imperabunt & dominabuntur in civitate *Constantinopoli*, quia scriptum est in porta aurea quæ non fuit aperta ducentis annis retro, Quando veniet rex flavus occidentalis ego per me ipsam aperiar. Sciatis quod *Assen* vir ille probissimus in veste imperiali toxicatus est. Imperator promisit *Saladino* C. galeas, & *Saladinus* ei dedit totam terram promissionis si imperator impederet viam *Francorum*. Verissime vobis dicimus quod si aliquis accipit crucem *Constantinopoli* statim capitur, & in carcerem mittitur. Hæc autem prophetia & astronomia *Turcorum*, quod infra hoc triennium una pars *Turcorum* gladio peribit, altera fugiet, ultra arborem siccam, tertia vero baptizabitur. Scimus autem quod *Saladinus* nullum *Turcorum* invenit, qui audeat edificare in terra promissionis vel familiam suam inducere propter timorem venientium *Francorum*. Die dominica qua recessit de *Constantinopoli* venerunt certi nuncii, quod exercitus *Saladini* confectus est ante *Antiochiam*, & capti sunt frater *Saladini* & filius ejus. Ipsa autem die qua recessi præcepit imperator eliminari omnes *Latinos* ab omni imperio suo. Et sciatis quod per gratiam Dei de terra *Iconii* sunt boni *Erminii* quinque milia, & xxx. admirati parati ire cum *Francis* ad defensionem Christianitatis, & liberationem terre, in qua natus & mortuus est Dominus *Jesus Christus*.

Cantuariensi archiepiscopo *Cunradus* filius *Marchionis de Monte Ferrario* salutem.

Turbantur elementa & catholicæ fidei derogatur, cum *Ierosolimitana* sedes apostolicæ sedi subtrahitur. Nam sicut ex quatuor mundi machina creditur elementis constare, sic à quatuor sedibus Apostolica fulgente orthodoxorum fides ferebatur gubernari. Sed cecidit *Alexandria*, & flos ejus penitus deficcatur. Perit *Ierosolima* & Christianorum

HENRICUS II. rex.

inertia à *Sarracenis* vilissime pertractatur, quia loca sacra facta sunt prophana. Fœdatur namque *Dominicum* sepulchrum, destruunt *Calvariæ* locum, nativitatem contempnunt & virginis *Mariæ* sepulchrum de valle *Josaphat* eradicarunt. *Antiochena* quidem sedes in extremis laborare dinoscitur. *Constantinopolitana* quippe *Romana* sedi nullam exhibet reverentiam: Maximam quippe capitis diminutionem sedes patitur Apostolica, cum civitates & libertates amittit, & suo jure privatur. Amisit quippe ramos, quomodo fructus portabit? Hæc autem omnia Christianorum desidia noscuntur evenisse. Sed eminentia mala Christianorum cordium debent penetrare archana.

Lugenda & lamentanda est *Jerusalem* civitas sancta quæ suis est expoliata cultoribus. Habitatores ejus peccatis exigentibus sub tributo *Saladini* reducti censu capitis soluto longe à regno sunt ejecti. Muri *Jerusalem* viduati sunt de heremitis habitatoribus suis. Deus quasi malorum nostrorum pullulatione secessit, & *Machumet* successit, & ubi Christus per constitutas diei & noctis horas deprecabatur, nunc *Machumet* excelsa voce laudatur. Quæ autem & quanta pro Christianorum salute in *Tyro* sustinuerim, satis clementiæ vestræ credo propalatum. Et quia *Tyrum* conservavi & conservo *Guidoni* de *Lisigniac* quondam regi & magistro Templi, & cismarinis magnatibus molestum est & importabile, & meo invident & derogant nomini, & per se, & suos juvamina omnia subtrahere, & quod gravius est, elemosinam regis *Angliæ* Templi Magister subtraxit; unde & Deo & vobis conqueri cum lacrimis non desisto. De Hospitalariis vero Deo & vobis gratias uberes expono, qui bene incipientes in eadem perseverant, & ultra elemosinam regis *Angliæ* de propriis plusquam octo milia *Brab.* in obsequio *Tyri* expendidere. Vestræ igitur non desisto supplicare paternitati quatenus calamitatum *Jerusalem* misereri dignemini, ut reges confortetis, populos commoneatis, ut patrimonium *Ihesu Christi* vendicetur, expulsi & exhereditati in integrum restituantur, captivorum vincula solvantur, & terra sacratissima Salvatoris pedibus calcata, vestra potentia vestroque pio eloquio de paganorum potestate liberetur. Præsentium quidem latores magistrum *Bandanum* nomine providum Cancellarium meum, & secretarium ac fidelem, & *Johannem* probum militem, ac michi familiarem ad vos transmittito, quos speciales meos legatos cognoscatis, quibus in his quæ pro me vobis dixerint tanquam præsens loqueretur credere non dubitetis. Exoro etiam, ut auxilia & consilia vestra pietatis intuitu, & mei contemplatione eis tribuere dignemini. Data *Tyro* xij. kal. Octobris.

Xij. kal. Aprilis Capitulo *Lundonia* litteræ directæ sunt in hæc verba. *B. Cantuariensis* archiepiscopus dilectis filiis *Radulfo* decano, & capitulo *Lundonia* salutem & benedictionem. Variis occupationibus detenti, & præcipue ut pax inter reges *Anglorum* & *Francorum* reformetur & pro subventionem crucis Christi, quæ ab ejus inimicis detinetur, in partibus cismarinis moram facimus. Nolentes autem ut hac occasione ecclesiis in provincia nostra pastoribus destitutis minus provideatur, mandamus vobis, & districte præcipimus quatenus viij. de canonicis vestris sanioris & melioris consilii ad nos mittatis, ut sint coram nobis in *Normannia* in Do-

minica qua cantatur *Isti sunt dies*, cum litteris rati-
habitionis capituli vestri, ad eligendum vobis per
Dei gratiam pastorem ydoneum. Valete.

Henricus rex *Angliæ* *Radulfo* decano, & capitulo *Lundonia* salutem. Mando vobis quod ad mandatum venerabilis patris nostri *B. Cantuariensis* archiepiscopi & cari & fidelis mei *Ranulfi* de *Glanvilla* faciatis viij. canonicos ecclesiæ vestræ quos ad hoc magis ydoneos esse videritis, ad me venire ubi fuero die Dominica qua cantatur *Isti sunt dies*, cum litteris Capituli vestri de ratihabitione super hoc quod ipsi fecerint de episcopo eligendo ad ecclesiam vestram.

Harum auctoritate litterarum transfretavit Decanus, & cum eo pars capituli magna. Qui venientes in *Normanniam* moram fecerunt per septimanas fere xliij.

Post Pascha sequens inter reges *Francorum* & *Anglorum* & Comitem *Pittavorum* bis habitum est colloquium prope *Feritatem Bernardi*. Sed ad ultimum post longos tractatus inimici recesserunt ab invicem.

Rex *Francorum* & Comes copiis undique congregatis, intra paucos dies *Feritatem* prædictam, montem fortem, *Baalum*, *Bellum montem* fractis irruptionibus occupaverunt. A municipalibus circumquaque Comiti fit deditio castellorum. *Gaufridus* de *Meduana*, *Guido* de *Valle*, *Radulfus* dominus *Fulgeriarum* transfugerunt ad Comitem.

Rex *Anglorum* intra *Cenomannim* resedit, non archiepiscoporum, non episcoporum, non Baronum, non familiarium consiliis adqueiescens. Quod ut intellexerunt rex *Francorum* & Comes, arma moverunt, tamen in proposito non habentes urbem obsidione vallare. Quod forte reputans rex *Anglorum*, mente consternatus, licet procures plurimos, armatorum multitudinem tam equitum quam peditum, animos etiam universorum ad resistendum paratos haberet, *Cenomannim* refertam omni genere victualium dereliquit. In crastino sancti *Barnabæ* vehementis ignis à parte regis *Anglorum* injectus intra modicum temporis suburbana consumpsit. Rex *Francorum* & Comes *Ricardus* mutis appropinquantes portas invenerunt apertas, & intra majorem ecclesiam sollempni processione recepti sunt, inhabitantibus tam clero quam populo repromiserunt omnem & servaverunt indemnitatem. Intra domos regias quæ repererant comederunt & biberunt, sed non dico quod inebriati sint. Turris constructa prope portam quæ respicit ad Aquilonem, circa decimum diem mandato regis *Anglorum* regi *Francorum* est reddita. Tandem pax inter tantos Principes consilio magnorum reformata fuit in hunc modum. *Anglorum* regi restituentur omnia tam castrum *Radulfi* quam alia post crucem susceptam ablata, scilicet intra *Bituricam* provinciam, regi *Francorum* numerabuntur xx. milia marcarum, expensarum nomine quas fecerat circa castellum *Radulfi*. Prædicti reges & Comes in manu *Remensis* archiepiscopi fidem dederunt, quod in media quadragesima convenient apud *Viceliacum*, votum peregrinationis quod inierunt prosecuturi nisi communis consilii mutatio, vel corporis infirmitas virorum opinionis bonæ testimonio probata fuerit impedimento. *Aelæis* soror regis *Francorum* vel archiepiscopo *Cantuariensi*, vel *Rothomagensi*, vel Comiti *Willelmo* de *Magna villa* custodienda tradetur; quæ post redditum à peregrinatione juxta consilium regis *Francorum*

corum tradetur nuptui collocanda. Rex *Francorum* pro magnis expensis quas fecit apud *castrum Radulfi de Doloribus* hostilitatis tempore, xx. milia marcarum recipiet ab archivis regis *Anglorum*. Comes *Ricardus* recipiet securitates de Baronibus salva fide partis ejus. Omnes noviter ad Comitem conversi remanebunt in Comitibus fidelitate, quousque pater suus iter peregrinationis arripuerit. Ad præscriptæ summæ pacis observationem fide tenentur Reges, & Comites & Barones utriusque partis. Facta sunt autem hæc in vigilia Apostolorum *Petri & Pauli* inter *Turonem & Aza*. Postmodum rex *Anglorum* hominagium fecit regi *Francorum*. Quicquid etiam in *Arvernia* vel ipse vel antecessores sui possederant, quietum clamavit regi *Francorum*.

Ecce rex *Anglorum Henricus* qui tot populos viriliter edomuerat, qui victoriam semper reportaverat ab inimicis, pro dolor! juxta prophetiam *Merlini* maxillis suis dari frænum cognoscere potuit, dum quod prædecessores sui tenuerant hæreditabiliter in *Arvernia* dominio subjecit alterius, dum transfugas suos *Galfridum de Meduana*, *Guidonem de Valle*, *Radulfum de Filigeriis* intra sinum habitantes *Armoricum*, qui sinus transitum facientibus à *Britannia* versus *Franciam* se pacificum & comeabilem offerebat, vitatis finibus *Normannorum*, in ligantiam & potestatem filii sui *Ricardi*, vellet nollet, transire concessit.

Circa dies istos die festo sancti *Georgii Frederici* imperator *Romanus* loca passionis Domini cæ visitaturus peregrinationis iter arripuit apud *Reinesburg*, transitum per *Hungariam & Bulgariam* sicut proposuerat habiturus.

Rex *Anglorum Henricus* cum regnasset annis xxxiiiij, additis xx. septimanis & octo, diebus etiam quinque; gravi tactus incommodo lecto decubuit, & in octavis apostolorum diem clausit extremum apud *Chinonem*. Sepultus autem est apud *Fonsem Ebraldi*. *Turonensis*, *Treverensis* archiepiscopi celebraverunt obsequium sepulturæ. Comes *Ricardus* exequiis paternis interfuit.

Tumulum regis superscriptio brevis exornat.

Sufficit hic tumulus cui non suffecerat orbis,
Res brevis est ampla cui fuit ampla brevis.

Rex Henricus eram, mihi plurima regna subegi,
Multiplicique modo, Duxque Comesque fui:
Cui satis ad votum non essent omnia terra
Climata, terra modo sufficit octo pedum.
Qui legis hæc pensa discrimina mortis, & in me
Humane speculum conditionis habe.
Quod potes instanter operare bonum, quia mundus
Transit, & incautos mors inopina rapit.

Matildis ducissa *Saxonie* filia regis tercio idus *Julii* diem clausit extremum.

Circa dies istos à partibus *Aquilonis* naves plurimæ sulcantes mare *Britannicum* fœdus iniierunt cum *Anglis* quos apud *Dertsemm* reppererunt. Itaque communi consilio xv. kal. *Iunii* se pelago commiserunt; cum essent naves xxxvij. oneriferæ multum, & hominum multorum capaces. Postque varios rerum eventus iij. kal. *Julii* venerunt *Ulixibonam*. Rex autem *Portugalenfis* intelligens quod naves essent refertæ tam hominibus quam armis ad pugnandum ydoneis, & omni genere victualium

munitissimæ, supplicavit ut ei venirent in auxilium, ad subjugandam civitatem quandam nomine *Silviam*, quam *Silvius Aneas* construxerat, & de nomine suo vocaverat *Silviam*, conferens eis in adiutorium xxxvij. galeas & alias naves quæ sagittariæ nuncupantur quamplurimas, & pactum iniit cum eis tam ipse quam tres episcopi sui præstito sacramento, quod quicquid vel auri, vel argenti, vel victualium civitate subacta possint acquirere, suos in usus redigerent, & solam urbem regis potestati subigerent. Ab *Ulixibona* recedentes xvij. kal. Aug. *Silvia* portum intraverunt impulsis ad terram navibus, fixisq; tentoriis urbem obsidione vallarunt munitam turribus, sicut dicitur, circiter quadraginta; numerus erat Christianorum ad pugnam præparatorum tria milia quingenti. Tertia die sequenti muris appropinquantes insulsum fecerunt acerrimum, suburbium irruerunt, fontem etiam duplici muro circumdatum, habentem barbacanam novem turribus circumseptam, à quo fonte cives sustentabantur ne sibi perirent, obstruxerunt terra, fimo, lapidibus. Gentiles aquæ penuria laborantes animo consternati sunt. Princeps civitatis vocatus *Alcad* regem adiit *Portugalensem*, qui cum exercitu supervenerat set Christianis nullum præstabat auxilium, regique tam sui quam civitatis fecit deditionem ignorantibus Christianis. Subacta fuit civitas viij. idus Septembris plusquam lx. virorum ad pugnam aptorum referta. Qui gladio corruentes orcho transmissi sunt, tredecim milibus utriusque sexus inventis superstitis qui de suo secum nec quid minimum asportantes, sed ejusdem generis pannis in signum servitutis induti versus *Sibiliam* transmigrandi plenam receperunt securitatem. Sic virtute Dei patris omnipotentis sine dampno Christianorum triumphatum est de paganis. Civitate tandem sordibus & ydolatriis emundata, die nativitatis beatæ Mariæ *Portugalenfis* episcopus *Macomeriam* in honore beatæ virginis dedicavit, præficiens ibidem episcopum qui de partibus *Flandria* causa peregrinationis advenerat.

Ricardus Comes *Pictavorum* dispositis omnibus quæ tam ad pacem, quam securitatem *Aquitannie*, vel *Andegavie*, vel *Turonie*, seu *Cenomannie* spectare pocius videbantur, à morte patris septimanis tribus emensis intravit *Normanniam*, & apud *Sagium Cantuariensem Rothomagensem* invenit archiepiscopos. Sed quia post crucem susceptam anima moverat contra patrem, à prædictis archiepiscopis beneficium absolutionis promeruit. Inde *Rothomagum* veniens ab archiepiscopo *Rothomagensi* tam ensen quam vexillum de ducatu *Normannie*; proceribus multis præsentibus, in ecclesia beatæ virginis ante majus altare suscepit, & inde tendens in *Angliam* apud *Wintoniam* in assumptione beatæ virginis sollempni processione receptus est.

Alienor regina quæ per annos plurimos artæ fuerat deputata custodiæ, statuendi quæ vellet in regno potestatem accepit à filio. Datum siquidem est in mandatis regni Principibus, & quasi sub edicto generali statutum; ut ad reginæ nutum omnia disponentur. Itaque diebus istis propheticum illud venit in lucem quod ambiguitate verbi latuerat. *Aquila rupti fœderis tertia nidificatione gaudebit*. *Aquila* siquidem appellata quoniam duas alas expandit

RICARDUS pandit super duo regna, tam *Francorum*, quam *Anglorum*: Sed à *Francis* propter consanguinitatem disjuncta fuit per divortium, ab *Anglis* vero per custodiam carceralem à thoro viri segregata fuit. Custodiam dico sedecim annis continuatam. Sic *Aquila rupti foederis* utrobique. Quod autem additum est, *tercia nidificatione gaudebit*, sic potes intelligere. Primogenitus filius *Alienor* reginæ *Willelmus* ætate puerili decessit, *Henricus* filius reginæ secundus sublimatus in regem hostiliter congressurus cum patre, naturæ debitum solvit. *Ricardus* filius tercius *tercia nidificatione* notatus maternum nomen in singulis intendebat extollere. Qui quoniam patri restitit, & *Francorum Normannis* semper adversantium partes fovere non minimum videbatur, nominis sui famam apud bonos & graves viros denigratam attendit. Sed ut tantos excessus redimeret, matri suæ quem poterat honorem exhibere curavit, ut in obsequio materno quod in patrem commiserat deauratum omnibus appareret.

Gaufridus Helyensis episcopus cum sedisset annis xiiij. additis septimanis xlv. diebus etiam tribus xij. kal. Septembris *Wintonia* rebus humanis exemptus est. Qui quoniam intestatus decessit ejus bona confiscata sunt universa. Pecuniam numeratam habebat repositam tria millia marcarum argenti, ducentis marcis prædicto numero superadditis. Suppellectilis suæ numerus tam in auro quam in argento, tam in equis quam in vestibus preciosis, tam in blado quam in instauramentis in immensum excrevit.

Equos *Henrici* regis quos in stabulis Abbatiarum *Alienor* regina deputatos audivit erogatione pia distribuit. Vicecomitum forestiarum rapacitates gravi pœnarum cohibuit interminatione.

AD vocationem archiepiscopi *Cantuariensis* ecclesiæ suffraganei *Lundonia* convenerunt iij. Non. Septembris ad coronationem novi regis. Convenerunt etiam Abbates & conventualium ecclesiarum Priores. Mater Comitis *Alienor* regina de vocatione omnium Comitum, Baronum, Vicecomitum fuit sollicita. De numero vel nominibus episcoporum duximus supersedere. *Cantuariensis*, *Rothomagensis*, *Treverensis*, *Dublinensis* archiepiscopi de diversis partibus convenerunt. Comes itaque *Pictavorum* *Ricardus* hæreditario jure promovendus in regem, post tam cleri quam populi sollempnem & debitam electionem, involutus est triplici sacramento, scilicet quod opem impendet pro viribus, ut ecclesia Dei populusque *Christianus* veram pacem optineat, quod interdicit omnibus rapacitatem, quod in Iudiciis æquitatem præcipiet & misericordiam. *Cantuariensis* archiepiscopus celebravit divina. Quia vero tunc temporis *Lundoniensis* vacabat ecclesia, *Radulfus de Diceto* *Lundoniensis* ecclesiæ Decanus tam in oleo sancto quam in crismate ministravit archiepiscopo. Sollemnibus expletis in plenitudine magna divitiarum & deliciarum & profusioribus cibis, pax *Judeorum*, quam ab antiquis temporibus semper obtinuerant, ab alienigenis interruptitur. Occisi sunt aliqui *Indeorum*, plurimi spoliati; domus eorum pro maxima parte flammis exustæ, synagogæ datæ dedecori. Quod quia de nocte factum est, nec ad scientiam regis potuit pervenire, qui vel essent tanti facinoris incentores vel coadjutores, ultio dilationem accepit.

Ricardus rex *Anglorum* ut promotionis suæ primordium Domino consecraret, primum & præcipuum judicavit *Cisterciensibus*, singulis annis ad Capitulum generale de diversis terrarum spatiis convenientibus, C. marcas annuas assignare. Quod vero statuit ymagine suæ signaculo communivit.

Habitus est generalis conventus juxta dispositionem regis, & archiepiscopi xvij. kal. Octobris apud *Pipewelle*, ut de consilio vacantium per *Angliam* ecclesiarum haberetur tractatus. *Ricardus* igitur *Elyensis* canonicus *Lundoniensis*, ecclesiæ *Lincolniensis* decanus, archidiaconus *Helyensis*, domini regis thesaurarius, ad *Lundoniensem* ecclesiam; *Godefridus de Luci* sancti *Martini* *Lundonia* Decanus ad *Wintoniensem*; *Hubertus Walteri* decanus *Eboracensis* ad *Saresburiensem*; *Willelmus de Longo campo*, Domini regis Cancellarius, ad *Helyensem* electi sunt episcopi.

Decanus & canonici *Lundonienses*, ut eligerent episcopum, ad mandatum regis patris transfretaverunt. Qui redeuntes in *Angliam*, expensarum nomine lx. marcas receperunt à fisco.

Treverensis archiepiscopus in *Anglia* moriens, apud sanctum *Andream* sepultus est *Norhamtonia*.

Domino papæ *Theobaldus* præfectus & *Petrus Leonis* salutem.

Rex *Ierusalem*, *Templarii*, *Hospitalarii*, archiepiscopus *Pisanorum*, & plures *Pisani* iij. die in fine Augusti, contra voluntatem domini *Marchionis* & archiepiscopi *Ravennensis* ecclesiæ aliorumque *Christianorum* *Acram* in obsidione devenerunt. Qui advenientes ita forti manu civitatem circumfuderunt quod nullus *Saracenorum* ingredi poterat vel exire. Exinde tertia die post, *Saladinus* adveniens in manu vehementi, & brachio extento in fratrem regis & *Hospitalarios* insultum faciens, illorum acies ita coangustavit, ut intrantibus civitatem & exeuntibus viam patefaceret. *Christiani* vero nostri nimio pavore perterriti parumper cesserunt, & in cacumine montis vicini se receperunt. *Saladinus* vero cum centum milibus militum eos infra montem, quo exire non poterant circumclusit; rex vero *Ierosolimitanus* videns se ab hostibus undique circumventum, *Tyrum* ad dominum *Marchionem*, & archiepiscopum, & alios milites quibus factum ejus displicuerat legatos transmisit, deprecans ut ad facti sui imperitiam respectum non haberent, set quia angustia ei erant undique incontinenti subvenirent. *Marchio* vero depreffioni *Christianitatis* compaciens, cum archiepiscopo cum mille militibus & cum xxvj. milibus peditum in auxilio *Christianorum* vij. die in fine Septembris per aquam devenerunt. *Saladinus* vero in adventu eorum pavescens per unum miliare in pede cujusdam montis se retro recepit. Quarta vero die mensis Octobris intrantis, bellum contra *Saracenos* inivimus. Rex cum *Hospitalariis* & *Francigenis* aciem unam constituerunt. In secunda acie fuit dominus *Marchio*, & archiepiscopus *Ravennensis*, & nos cum eis. In tertia fuerunt *Antegranus*, & *Pisani*, & *Theutonici*. In quarta fuerunt *Templarii*, *Catelanni* & quidam *Theutonici*. Et in tentoriis remanserunt frater regis, & *Iacobus de Avennis*. Nos insimul collecti constituimus nobiscum iiii. militum habentes. C. peditum. *Saladinus* autem habebat contra nos C. militum. Nos autem

Rex autem signo sanctæ crucis armati, circa horam diei terciam bellum inchoavimus, & Deo partem nostram fovente usque ad tentoria sua illos fugantes in ore gladii secuti sumus, & vij. acies *Saracenorum* turpiter confringendo deturbavimus: filium *Saladini* nomine *Baldewinum* mortificavimus, *Tacaldinum* fratrem *Saladini* ad mortem vulneravimus, & illum jam mortuum pro certo reputamus. Quinquies centum de militibus *Saladini* interfecimus præter prædicta. Dum ita contra *Saladinum* pugnarem v. militum à civitate exierunt, & in nos insultum ex improvviso fecerunt. *Saladinus* vero videns suos coadjutores ita nos præne aggredientes, vires suas in nos acuit. Nos vero ex utroque latere angustiat *Saladinum* sustinendo, alios viriliter debellando, vellent nollent, nos in tentoriis recepimus. Magister tamen *Templariorum*, & plures de nostris eodem die sunt interfecti.

Philippus Dei gratia Francorum rex amico & fide-
li suo ac fratri *Ricardo regi Anglorum* salutem
& dilectionis sinceritatem.

Noverit vestra dilectio quod ad subventionem
terra *Ierosolimitanæ* nostrum hanelat & ser-
vet propositum, Deoque nostrum in *Ierosolimitanis*
partibus exhibere servitium votis affectamus ple-
nissimis. Sane dudum de verbis vestris, & ad præ-
sens de vestrorum relatione nuntiorum intellexi-
mus, quod propositum & voluntatem habeatis eun-
di *Ierusalem*. Voluntatem igitur vestram, & propo-
situm super hoc nunciis nostris presentium latori-
bus, vice nostri asscurari faciatis: Nosque per
litteras vestras patentes super hoc certificetis. Idem
vero nuncii nostri super hoc vobis securitatem præ-
stabunt, vobisque nostras tradent litteras patentes.
Act. ab incarnatione Domini M. C. lxxxix^{mo}. an-
no, mense Octobris.

Wintoniensis, *Saresburiensis* electi, consecrati
sunt apud *Westmonasterium* in capella san-
ctæ *Katerina* xj. kal. Novembris.

Iohannes Anagniensis tituli sancti *Marci* pres-
byter Cardinalis, apostolicæ sedis legatus applicuit
apud *Doveram* xij. kal. Decembris. Interdictum est
ei die sequenti per reginam *Alienor* ne procederet,
quoniam citra conscientiam regis regnum suum in-
traverat. Substitit igitur ibi non absque tardio per
xij. dies sumptibus archiepiscopi: pax interim re-
formata fuit inter archiepiscopum & monachos
suos præsentem rege, præsentibus episcopis, abbatibus,
clero, Baronibus & populo multo iij. kal. Decemb.
Convenit enim quod in capella de *Haketun* non
ministrabitur per canonicos, set per unum so-
lummodo sacerdotem, non habebit capella baptiste-
rium, vel cimiterium. Prior etiam quem archiepi-
scopus citra conscientiam conventus instituerat, in-
stitutioni suæ cessit. Quod legatus audiens gravissi-
mum habuit, quoniam ob pacem reformandam ve-
nerat. Sed tamen permissu regis *Cantuariam* veni-
ens sollempni processione receptus est, bis ibi per-
noctans.

Rex *Scocia* *Willelmus* veniens *Cantuariam*, du-
ces habens itineris *Eboracensem* electum, *Lin-
colniensem* episcopum, hominagium regi fecit, gratiam
in oculis regis invenit numeraturus x. marcarum ad
hoc, ut omnia tenementa sua, ligantias etiam homi-
num suorum quas de condicto nostro regi facere re-
promiserant in sua potestate reciperet.

Iohannes Comes Moritonii frater regis coram re-
ge, coram legato, coram episcopis gravem querelam
deposuit, quod archiepiscopus post appellationem
factam ad sedem apostolicam totam terram suam
sub interdicto concluserat, quoniam filiam *Willel-
mi* Comitis *Gloucestræ* duxerat in uxorem. Quod
audiens legatus appellationem suam confirmavit,
& terram suam relaxavit ab interdicto.

Si promissionibus pecuniarum infra spacium iij.
10 mensium novo regi factis, & cautione fidejussoria
roboratis, in anno saltem sequenti, sequens numeratio
responderet, R. rex *Anglorum* universas prædecesso-
rum suorum supergrederetur divitias. Qui cum de
regni dispositione pauca cum paucis tractasset apud
veram xix. kal. Ianuarii transfretavit, navem exiens
ipsa die prope *Graveling*.

Willelmus de Magna villa Comes tam *Essexiæ*
quam *Albemarle* viam universæ carnis ingressus
est xvij. kal. Decembris.

20 Circa dies istos *Willelmus* rex *Siculus* gener re-
gis *Anglorum* absque legitima sobole moriens,
Tancredum genere sibi propinquum habuit succes-
sorem regni.

A tempore crucis susceptæ decimatio generalis
rerum mobilium, facta per *Angliam* ad subventio-
nem terræ *Ierosolimitanæ*, tam clerum quam popu-
lum exactione violenta perterruit, sub elemosinæ
titulo vicium rapacitatis includens.

30 *Philippus Dei gratia Francorum rex*, & *Ricardus*
eadem gratia rex *Angliæ*, *Dux Normanniæ* &
Aquitaniæ, & Comes *Andegaviæ*, omnibus fide-
libus ad quos littera ista pervenerint, in Domino
salutem.

Noverit universitas vestra quod inter nos fir-
miter convenit, & de consilio Prælatorum ec-
clesiæ & principum terrarum nostrarum disposui-
mus, ut iter *Ierosolimitanum* ducente Domino si-
mul perficiamus, & uterque nostrum alteri bonam
fidem, & bonum amorem se servaturum promisit.
Ego *Philippus* rex *Francorum*, *Ricardo* regi *Anglo-
rum*, tanquam amico & fidei meo: Et ego *Ricar-
dus* rex *Anglorum*, *Philippo* regi *Francorum*, tan-
quam domino meo & amico. Statuimus itaque,
ut omnes cruce signati in terris sub nostra potestate
constitutis, infra octavas paschæ vel nos præcedant,
vel in termino illo nobiscum eant, nisi de voluntate
& conscientia nostra remanserint. Si vero aliqui ali-
ter remanere præsumpserint, & personæ excommu-
40 nicationi, & terræ eorundem subiciantur interdicto
auctoritate Prælatorum terrarum utriusque nostro-
rum. Volumus etiam, statuimus & præcipimus, ut
qui terris nostris præerunt, si opus fuerit mutua sibi
subventionem succurrant. Eorum autem bonæ qui
iter *Ierosolimitanum* vel nobiscum, vel ante nos ar-
riperint, ita illa & intacta permaneant tanquam
nostra propria. Et si quis eis injuriam irrogaverit,
Iusticiarii & Bailivi nostri faciant emendari, quan-
tum de jure poterint secundum consuetudinem ter-
rarum nostrarum. Si vero aliquis in aliqua terra-
rum nostrarum guerram movere præsumpserit in ab-
sentia nostra nobis, vel alicui de terris nostris, & ad
justitiam se non offert, primo excommunicetur, &
post excommunicationem nisi infra xl. dies forisfa-
ctum suum emendaverit, decernimus ut ipse & hæ-
redes ejus imperpetuum exhæredentur. Feudi au-
tem illius qui per forisfactum suum exhæredatus
60 fuerit

RICARDUS I. rex. fuerit tranſeant in proprietatem & dominium propinquioris domini à quo ſecdi movebunt. Præterea quicumque in aliqua terrarum alterutrius noſtrum forisfecerit, & forisfactum emendare noluerit, in terra alterius non receptetur. Et ſi ibi inventus fuerit, Iuſticiariis terræ illius in qua deliquit reddatur. Ad hæc autem quæ ſupradiximus obſervanda, Iuſticiarios, & bailivos noſtros ſibi invicem volumus & præcipimus teneri, & obligari uſque ad reditum noſtrum ſub tenore juramenti, & fidelitatis quam nobis præſtiterunt. Acta ſunt hæc xxx. die Decembris apud Nonancurt.

Hæc quidem conſtitutio generalis inter duos reges habita, quoniam inita fuit die Sabbati ſicut aſſerunt homines, non obtinuit firmitatem, ſed in aliud uſque tempus die feſto ſancti *Johannis Baptiſta* ſequenti, ſcilicet die dominica peregrinationis initium Domino conſecravit.

Alexander papa iiij. *Ricardo Elyenſi* archidiacono. *Audito laudabili multorum teſtimonio, quod ſcientia litterarum, & honeſtis moribus ſis adornatus, tibi de conſueta clementia, & benignitate ſedis apoſtolice indulgemus, ut ſi aliqua eccleſia, annuente Deo, te ad beneficium vel dignitatem quamlibet vocaverit, non obſtante quia non es de legitimo matrimonio natus, libere valeas ad beneficium vel dignitatem aſſumi.*

An. Dñi 1190. **R**icardus *Lundoniensis*, *Willelmus Elyenſis* electi pridie kal. Januarii conſecrati ſunt apud *Lamebedam*. *Lundoniensis* epiſcopus ipſa die ſua ſolempniter eſt collocatus in ſede ſub præſentia xij. epiſcoporum.

Willelmus Elyenſis epiſcopus in epiphania Domini, concurrentibus epiſcopis multis ad diem feſtum, inſonizationem ſuam in apparatu magno ſolempniter effecit. Tunc demum ad notitiam ſuam & epiſcoporum pervenit violatum fuiſſe ſepulcrum *Gaufridi* prædeceſſoris ſui, quoniam anulus pontificalis quem ſepulcræ traditus habebat in digito fuerat latenter ſubtractus. In pulpituſ igitur aſcendentes epiſcopi, violatores tam facientes quam conſentientes ſub anathemate conſeſerunt.

Baldewinus *Cantuariensis* archiepiſcopus peregre proſecturus, de comuni conſilio ſuffraganeorum ſuorum vices ſuas epiſcopo *Lundoniensi* *Ricardo* cōmiſit. *Rofenſis* epiſcopus ab antiquo vicarius archiepiſcopi, tam in territorio *Cantia*, quā in eccleſiis maneriorū archiepiſcopi curam paſtoralē ſuſcepit.

Multi per *Angliam* tendere *Ieroſolimam* proſerantes, prius in *Judeos* inſurgere decreverunt, quam invaderent *Sarracenos*. Igitur viij. idus Februarii, *Judæi* quotquot inventi ſunt in domibus propriis apud *Normicum* trucidati ſunt; aliqui refugium habuerunt in caſtellum. Nonis Marcii, tempore ſcilicet nundinarum apud *Stanford* occiſi ſunt multi. Septimo decimo kal. Aprilis apud *Eboracum*, ſicut dicitur, fere quingenti neci traditi ſunt, mutuis ſeſe vulneribus appetentes. Malebant enim à propria gente percuti, quam manibus incircumciſorum perire. xv. kal. Aprilis, ſcilicet in ramis palmarum, ſicut dicitur, quinquaginta ſeptem jugulati ſunt apud *Sanctum Eadmundum*. Ubicunque reperti ſunt *Judæi* manibus peregrinantium percuſſi ſunt, niſi qui municipaliū eruebantur auxilio. Necem *Judæorum* tam funeſtam, tam exitialem viris prudentibus placuiſſe credendum non eſt, cum *Daviticum* illud auribus noſtris frequenter occurrat, *Ne occidas eos.*

Vide quotiens Ieroſalem vel tributum ſolvit, vel Reversa fuit.

Ioat rex *Juda* regnavit tribus menſibus in *Ieroſalem*, & ſolvit *Pharaoni* *Nechao* regi *Aegypti* C. talenta argenti, & unum talentum auri.

Ieconias tribus annis ſolvit tributum *Nabuchodonosor* primo, ab eodem tandem interfectus eſt, & extra murum projectus.

Nabuzardan princeps exercitus regis *Babilonis* *Nabuchodonosor* vaſtavit *Ieroſalem*, ſuccendit domum Domini, & domum regis, & totam *Ieroſalem* in circuitu.

Antiochus illuſtris aſcendit *Ieroſolimam*, & intravit in ſanctificationem cum ſuperbia, & accepit omnia vaſa concupiſcibilia, & ſublatis omnibus abiit in terram ſuam.

Magnus Pompeius *Ieroſolimam* obſedit, quam vix tercio menſe cepit, xij. milibus *Judæorum* occiſis. Cæteros in fidem accepit, muros civitatis evertit, cuius circuitus iij. m. paſſuum dicitur fuiſſe.

Ieroſalem eſt capta temporibus *Vepſiani*, vel *Tyti*, die menſis octavo Septembris.

Ieroſalem ad fidem converſa fuit *Chriſti* temporibus *Constantini* primi qui fuit *Helena* filius.

Poſt tempus imperatoris *Heraclii* propheta magnus fuit apud *Sarracenos* *Machometus*, cuius tempore ſubjugata fuit *Ieroſalem*.

Anno milleno centeno quo minus uno *Ieroſalem* Franci capiunt virtute potenti.

Saladinus *Ieroſalem* ſubjugavit.

Margareta regina *Francorum* *Parifus* laborans in partu diem clauſit extremum, & in eccleſia majore beata virginis inter reginas *Francorum* prima ſepulturam accepit. Ipſa die duo reges tam *Francorum* quam *Anglorum* habentes colloquium, ſuæ peregrinationis initia diſtulerunt ad feſtum uſq; beati *Johannis Baptiſta*. Quod fatalium conjectores eventuum Deo plurimum diſpicuiſſe dixerunt, regina mortem in argumentum trahentes.

Epiſcopi temporis huius ſe negotiis ſecularibus inmiſcentes, & comitatus affectantes ſeu vicecomitatus vel caſtellanias, *Rogerum* quondam bonæ memoriæ *Saresburienſem* epiſcopum revocent ad memoriam. Qui plurimum ſollicitatus à rege *Henrico* non ſe prius permiſit inſtitui regni Iuſticiarium quam auctoritas ſummi pontificis, aſſenſus & beneplacitum *Anſelmi*, *Radulphi*, *Willelmi Cantuarienſium* archiepiſcoporum, ad ſubeundum hoc onus eum impellerent.

Baldwinus *Cantuariensis* archiepiſcopus *Ricardo* *Lundoniensi* epiſcopo.

Cum eſſemus apud *Rothomagum* venerabilem fratrem noſtrum *Hugonem Coventrenſem* epiſcopum, qui contra dignitatem ordinis epiſcopalis officium ſibi vicecomitatus uſurpaverat, & propter alias quaſdam cauſas rationabiles ſuſpēdimus; poſtmodum relaxationis beneficium promeruit, & litteris patentibus ad dominum regem directis nobis firmiter promiſit, quod vicecomitatus quorum curam ſuſceperat, in manum domini regis infra xv. dies poſt paſcha reſignabit, nec ſe de cætero huiusmodi officiis inmiſcebit, quæ epiſcopalem dignitatem dehoneſtant. Sed & ſuper aliis articulis litteras patentes, quas vobis mittimus, nobis exhibuit, & appellationi renunciavit. Vos itaque ſecundum diſcretionem vobis à Deo datam aſcitis venerabili fratre noſtro *G. Roſenſi* epiſcopo, & clericis noſtris, & aliis quos ad hoc evocandos decreveritis, di-

em certum & locum congruum prædicto episcopo super præfatis articulis constituatis, & quod iustum fuerit, & ecclesiæ nostræ, & nostræ dignitati congruere videritis, statuere non omittatis. Valete. Et quod præfatus episcopus scripto promisit ipsum exequi faciatis.

Ricardo Lundeniensi episcopo, Hugo Coventrensis episcopus.

Noverit discretio vestra quod venerabili patri nostro B. Cantuariensi archiepiscopo firmiter promissimus, quod super querela monachorum de Coventria & capella sancti Michaelis de Coventria, & super universis querelis quas adversus nos proposuit, iudicio vestro omni appellatione & contradictione postpositis parebimus, assignatis nobis loco & tempore convenientibus & advocatis illis auctoritate vestra quos ad earum querelarum decisionem videritis esse necessarios. Ne autem ab hac promissione nostra resilire valeamus eam sigilli nostri testimonio roboramus.

Gaufridus Henrici regis secundi filius in archiepiscopum Eboracensem electus est Eboraci. Factam electionem Hamo præcentor ejusdem ecclesiæ recitavit in publico, quia tunc temporis absens erat decanus causa reipublicæ. Post dies aliquot prædictus electus venit ad fratrem suum regem Ricardum apud Pipewelle. Baldwinus Cantuariensis archiepiscopus ordinationem & consecrationem electi prædicti clamabat ad jus ecclesiæ Dorobornensis spectare. Johannes episcopus Candidæ casæ suffraganeus Eboracensis ecclesiæ prædictum electum in presbiterum ordinavit, Fulmarus Treverorum archiepiscopus assistit ordinationi.

Clemens episcopus servus servorum Dei venerabilibus fratribus suffraganeis Eboracensis ecclesiæ, & dilectis filiis universis, Abbatibus, Prioribus, & Populo, & Clero per Eboracensem provinciam constitutis, salutem & Apostolicam benedictionem. Per litteras karissimi in Christo filii nostri R. illustris Anglorum regis, & venerabilis fratris nostri H. Dunelmensis episcopi, & dilectorum filiorum Eboracensis Capituli, & multorum religiosorum conventuum ipsius diocesis, intellecto, quod idem Capitulum Eboracensis ecclesiæ dilectum filium Gaufridum fratrem prædicti regis, voto unanimi & pari consensu in patrem & archiepiscopum elegerunt, & quod dilectus filius noster J. tituli sancti Martini presbyter cardinalis apostolica sedis legatus, sicut ex ipsius litteris plenius intelleximus, electionem ipsam auctoritate legationis qua in Anglia fungebatur confirmaverit; considerantes etiam quod Eboracensis ecclesiæ quæ pastoris consilio diutius destituta in multis ex defectu prælati dispendium passa fuerit, per ejus sollicitudinem & potentiam ad statum poterit reparari meliorem, electionem ipsam sicut concorditer facta est, & ab eodem legato nostro confirmata, præsertim cum pia memorie Alexander papa prædecessor noster circa personam ejus dispensaverit, ratam habemus, & de fratrum nostrorum consilio auctoritate sedis apostolicæ confirmamus. Monemus igitur universitatem vestram, & per apostolica scripta mandamus quatinus ipsi cum prælato vestro reverentiam & honorem quem prædecessoribus suis exhibuistis, sine refragatione impendere studeatis, ut propterea valeatis apud Deum & homines merito commendabiles appa-

rere. Dat. Laterani non. Marcii pontificatus nostri anno iij.

Exercitus Christianorum ante Aconem
hoc modo situs est.

An te montem Musardi supra mare sunt Genevenses. Post illos sunt Hospitalarii. Post quos est Marchio montis Ferrarii. Post illum Comes Campanie Henricus. Deinde Guido Dumpere. Post illum Comes Brevensis. Post quem Comes de Baro. Deinde Comes Ebalunsis. Postea Comes Robertus de Drou, et episcopus Beluacensis. Postea episcopus Besenceva. Juxta quem versus planum est Comes Theobaldus, et Comes de Claromonte, et Hugo de Gurnai, et Otho de Tresoni, et Florentius de Hangi, et Walchelinus de Ferrariis. Deinde Florentini. Post quos episcopus Saresberiensis et Anglici. Deinde dapifer Flandriæ, cum Johanne de Neele, et Odone de Hame, et aliis Flandrensibus. Postea episcopus Cambraiensis, et dominus Ysoldone, et Vicecomes Turonia. Deinde rex de Jerusalem cum Galfrido et Aimaro fratribus ejus, et Hugo de Thabari et fratribus ejus, Radulfo, et Othone, et Willemo. Deinde Templarii, et Iaco de Avennes. Post illuni Landegrave et Comes de Galres, cum Alemannis, et Dacis, et Theutonicis, et Frisonicis. Inter quos ad Magumeriam posuit tentoria dux Suavia. Post super Turonem patriarcha et episcopus Acharonis, et episcopus Bethleem, et Vicecomes de Castello Eraud, et Reginaldus de Sagitta, et Amfridus de Turona. Sub Turona ex-cambiatores. Postea super portum archiepiscopus Pisanus cum Pisanis. Extremo Lombardi.

Circa dies istos cum primum obfessa fuisset Acon, Willielmus quidam Anglicus natione, capellanus Radulphi de Diceto decani Lundeniensis, dum tenderet Ierosolimam, astrinxit se voto, quod si prospero cursu portum intraret Acon, sancto Thoma martyri sumptibus suis juxta facultatem possibilitatem capellam construeret, et procuraret ibidem ad honorem martyris cimiterium consecrari. Quod et factum est. Multis igitur ad capellæ servicium undique concurrentibus, iudicio Christianitatis ipse Willielmus Prioris nomen accepit. Qui dum se militem Christi toto servaret in corpore, præcipue pauperum curam habebat, et sepeliendis corporibus tam fataliter decumbentibus quam interfectis gladio, diligentiam omnem et operam strenuissime satagebat impendere. Magni Tobie se successorem proximum humanis aspectibus representans. Est et aliud ibi cimiterium quod vocatur Hospitalale Alemanorum. Est et tertium Poliandrum antiquius ceteris quod sancti Nicholai dicitur, in quo, priusquam obsidio solveretur, hominum milia centum additis xxiiij. milibus per unius circulum anni tumulata sunt.

Alienor regina filii sui Ricardi regis iter profectura maris pericula declinavit, transitum habens per montem Iani, per Italie plana, per illos celebres orbis concursus ad dominum papam Rome.

In Acone sunt isti principes: Caracos, quem Corboram fecit militem ad obsidionem Antiochie; Ille nutritivus Saladinnum. Post eum Gemaladin, Gurgi, Suchar, Suncordeodar, Belhagessemin, Fe-cardinceras, Cerantegadin.

Isti sunt principes exercitus Saladini. Saladinnus et iij. fratres ejus: Safedin, Felkedin, Sefelselem, Melcalade;

RICARDUS I. rex. *Melcalade. Et iij. filii Saladini, Miralis, Melcalez, Melcalezis, et duo nepotes ejus.*

Tecabedin, Benesemedin, Coulin, Claisar, Bederin, Mustop, Hazadinnersel.

Tecabedin in sua potestate habet Ioramentes, Rotasenses, Birenses.

Benesemedin sub se habet Persas, Turcos, Hemsenses.

Saladinus sub se habet Alapitos, Damacenos.

Miralis sub se habet Alexandriam, Damiet, & totam terram ultra Eufraten ulque mare rubrum, & ultra versus Barbariam.

Metalez sub se habet Babiloniam & Keire.

Quatuor fratres Saladini sub se habent Abesiam, & Leemen, & Mauros, & Nubiam.

Caifar est admiratus Ascalonia.

Bedredin est admiratus Nazareth, & Neopolis, & Ramille, Mustop, Lice, & Baruth.

Hazadinnersel, montis Regalis et Gracci.

Chorisin, cuiusdam partis Armenia.

Saladinus dominus est omnium.

Anserius de monte Regali ad mortem suam detexit traditionem quam fecerunt idem Anseri, et episcopus *Balvacensis*, et Comes *Robertus* frater ejus, et *Guido Dumpere*, et *Landegrave*, et Comes de *Gelres*, unde ipsi ceperunt à *Saladino* triginta duo milia Bizantium et centum marcas auri. Et præterea habuit *Landegrave* iij. camelos, & duos leopardos, et iij. accipitres, et aliis donis distulerunt prædicti principes insultum, et permiserunt castrum nostrum cremari.

Clemens papa Willelmo Eliensi episcopo salutem.

Iuxta commendabile desiderium et salubrem postulacionem karissimi in Domino filii nostri *Ricardi* illustris regis *Anglorum*, fraternitati tuæ legationis officium in tota *Anglia*, *Wallia*, tam per *Cantuariensem* quam *Eboracensem* archiepiscopatum, et in illis partibus *Hybernia*, in quibus nobilis vir *Johannes* Comes *Moritonienfis* frater ipsius regis jurisdictionem habet et dominium, auctoritate duximus apostolica committendum. Dat. *Laterani* non. Junii pontificatus nostri anno iij.

Ricardus rex Anglorum omnibus fidelibus suis salutem.

Mandamus vobis, & præcipimus quod sicut de nobis confiditis, & sicut vos ipsos & omnia vestra diligitis, sitis omnino intendentes dilecto & fideli Cancellario nostro *Elyensi* episcopo super omnibus quæ ad nos spectant, & pro ipso faciatis sicut pro nobismet ipsis faceretis, de omnibus his quæ vobis ex parte nostra dixerit. Teste me ipso apud *Baionam* vj. die Junii.

Duo reges tam *Francorum* quam *Anglorum* circa nativitatem beati *Johannis Ierosolimam* profecturi convenerunt apud *Viceliacum*.

In festivitate beati *Petri* quæ dicitur *Ad vincula*, *Willelmus Elyensis* episcopus Apostolicæ sedis legatus convocavit multos apud *Glocestriam*.

Rex *Francorum* versus *Iannensem* civitatem iter arripuit; Rex *Anglorum* versus *Massiliam*.

Fredericus imperator *Romanus* annum agens in imperio quadragesimum, dum *Ierosolimam* tenderet per *Bulgariam*, et ab *Tconio* transitum faceret versus *Antiochiam*, in fluvio quodam qui vocatur

Sapheth, exercitu suo toto salubriter transeunte, *Ricardus* solus equo suo decidens submersus est viij. kal. Augusti.

Ricardus rex *Anglorum* navem ascendit apud *Massiliam* vigilia S. *Laurentii*. Qui dum æquora fulcaret, in portu *Romano* nuntios domini papæ, scilicet *Hostiensensem* episcopum, et alios plures occurrentes sibi recepit. Sed ad postulacionem domini papæ *Romam* tenuit visitare, prope *Capuam* intrans *Apuliam*.

Baldewinus *Cantuariensis* archiepiscopus, et *Hubertus Saresberienfis*, et *Ranulfus de Glanvilla* quondam *Anglicani* regni justiciarius, itinere recto tendentes versus *Ierosolimam*, à sinistra reliquerunt *Siciliam*, et post pericula multa tandem apud *Tyrum* applicuerunt circa festum sancti *Michaelis*.

Ignis ille qui dicitur *Græcus ignis*, à *Saracenis* intra civitatem *Acon* obsessis tres machinas quas Christiani sumptibus magnis construxerant ad subvertendam urbem, in articulo temporis funditus concremavit, et omnia redegit in cinerem iij. non. Maii.

Die festo sancti *Iacobi* Christiani quidam medietatis manus homines, sicut dicitur ad decem milia, victualium penuria laborantes ut famis detrimentum effugerent, non habentes principem, neque rectorem, insultum fecerunt in *Saladinum* & suos, & nisi *Radulfus Colecestrensis* archidiaconus, vir tam inermi militia quam armata probatus, cum forti manu suorum Christianis auxilium præstitisset, omnes in ore gladii corruissent.

Philippus rex *Francorum* applicuit apud *Messanam* xvj. kal. Octobris & hospitatus est in palatio regis *Tancredi*.

Ricardus rex *Anglorum* ix. kal. Octobris ibidem applicuit, & habito cum rege *Francorum* colloquio rex *Francorum* navem ascendit, & quoniam ventus erat contrarius ipsa die rediit. Interim nuntii *Ricardi* regis quos ad *Tancredum* regem direxerat redierunt iij. kal. Octobris ducentes secum *Johannam* quondam *Sicilia* reginam, & pridie kal. Octobris transiit fluvium qui dicitur *Far*, & in *Calabria* cepit locum munitissimum qui dicitur *Labamare*, & posuit in eo fororem suam, & postea rediit *Messanam*, & in crastino cepit castellum inter *Calabriam* & *Messanam* quod dicitur monasterium *Griffonum*. *Griffones* insultum facientes in *Hugonem Brunum* ab *Anglorum* rege repulsi sunt, qui clausis januis civitatis ad propugnacula murorum stantes homines & equos regis *Anglorum* occiderunt, & quosdam illorum vulneraverunt; rex *Ricardus* portas civitatis confregit, & maximam illius civitatis partem cepit, & homines suos infra civitatem hospitari fecit iij. non. Octobris. Et tercio non. dederunt obsides ei majores civitatis de pace servanda.

Habitu est regionale Concilium apud *Westmonasterium* præsidente *Willelmo Elyensi* episcopo & apostolicæ sedis legato idibus Octobris. *Ricardus Lundoniensis* episcopus iij. juxta pristinam regni consuetudinem ad dexteram legati sedem optinuit: *Godefridus Wintonienfis* episcopus ad sinistram.

Rex *Tancredus* dedit regi *Ricardo* pro quietâ clamantia rerum omnium quas petebat, unciarum auri xx. milia. Dedit etiam *Tancredus* unciarum

ciarum atri totidem milia regi *Ricardo* pro bono pacis & quieti clamantia Divisa quam *Willelmus* rex fecerat patri suo *Henrico* regi, & pro matrimonio quod erat contrahendum inter *Arturum Britannia* ducem et filiam *Tancredi*, Rex *Ricardus* predictum *Arturum* heredem suum instituit, si sine prole discesserit. Firmavit etiam quoddam castellum prope *Messanam* quod vocavit *Mategriffum*. *Margaritus* et *Jordanus Delpin* predictae civitatis custodes abierunt furtive ducentes secum familiam suam totam. Praeterea rex *Ricardus* quietum clamavit *Welch* in omnibus terris suis. Rex *Franco-rum* quietum clamavit regem *Anglorum* de sorore sua ducenda, numeratis sibi decem milibus librarum. Clamavit etiam clamationem quietam imperpetuum quam habebat de *Gisors*, et de toto *Welkesin*.

Sibilla regina *Jerusalem* mortua, soror ejus unica quae nupserat *Hainfrido de Turun*, à viro suo per divortium est disjuncta; quam *Marchio de monte Ferario* duxit uxorem. Juratores in causa divortii fuerant *Balisant* matris reginae defunctae maritus, *Paganus de Kaiphas*, *Reginaldus Sidonis* civitatis quondam dominus; desponsata fuit praedicta soror reginae ab episcopo *Belnaensis*. Judices in causa divortii fuerunt *Aconensis* episcopus, et alius quidam episcopus de terra *Ierosolimitana*. Die vero nuptiarum *Marchionis* pincerna *Silvaneensis*, nepos scilicet *Comitis de Claro monte*, cum decem et vij. aliis militibus, et xv. fervientibus equitibus à *Saracenis* interceptus est.

Alienor regina cum per iiij. dies moram fecisset cum filio suo recessit versus *Angliam*, relinquens *Berengariam* filiam regis *Navarre* quam ducturus erat uxorem. Quarto idus Aprilis ascendit rex *Ricardus* navim cum exercitu suo cum CL. navibus et vij. et buceis xxiiij. et galeis xxxix. et duxit secum *Johannam* sororem et praedictam *Berengariam*.

Omnibus Christi fidelibus clerus totius Normanniae salutem.

Ad universitatis vestrae noticiam volumus pervenire, contentionem motam inter matrem nostram *Rothomagensis ecclesiam*, procurante eam in absentia reverendi patris nostri *W. archiepiscopi J. de Constantiis Rothomagensi decano*, & *Willelmum filium Radulfi Senescallum Normanniae*: super quibusdam capitulis de quibus ecclesia Dei conquerebatur, sub praesentia nostra & baronum domini regis, assistentibus quoque quam pluribus *Normanniae* ministris hoc tandem sine conquievisse. Inprimis, determinatum est de clericis, quod nulla occasione à secularibus potestatibus capiantur, nisi pro homicidio, furto, & incendio, vel hujusmodi enormi flagicio quod ad placitum gladii pertineat, & tunc cum requisiti fuerint ab ecclesiasticis iudicibus quieti redduntur in ecclesiastica curia judicandi.

Item, generaliter omnes de fidei lesione, vel juramenti transgressione quaestiones in ecclesiastico foro tractabuntur. Super irenga vero violatione antiqua consuetudo & cartarum *H. & R. illustrum regum Angliae* tenor observabitur.

Item, Quaestiones de dote vel donatione propter nuptias quando mobilia vel se moventia petuntur, ad ecclesiam referentur. Quaestio vero super eisdem de

immobilibus dominis nostris regi & archiepiscopo determinanda reservatur.

Item, in conventualibus ecclesiis, Abbates, vel Priores, aut Abbatissa cum assensu diocesani episcopi eligentur.

Item, nulla fiet recognitio in foro seculari super possessione quam viri religiosi vel quacumque ecclesiastica persona xx. annis vel amplius possederint. Similiter nulla fiet recognitio si carta vel alio modo eleemosinatum esse possessionem probare poterint. Sed ad ecclesiasticos iudices remittentur.

Item, distributio eorum qua in testamento relinquuntur auctoritate ecclesiae fiet, nec decima pars ut olim subtrahetur. De bonis vero clericorum etsi dicantur fuisse usurarii, vel quocumque genere mortis praeventi, nichil pertinet ad secularem potestatem, sed episcopali auctoritate in pias causas distribuentur.

Item, quicquid laici in vita sua donaverint, vel quocumque titulo à se alienaverint etsi usurarii fuisse dicantur, post mortem non revocabitur. Qua vero post mortem non alienata inveniuntur, sed recognitum fuerit ipsos tempore mortis fuisse usurarios, confiscabuntur.

Item, si mortuus habuerit aliquod vadium unde sortem suam perceperit, portio ipsius libera ad eum qui invadiavit, vel ad heredes ipsius revertetur. Idem fiet de portionibus uxoris & filiorum ejus post mortem ipsorum.

Si quis vero subitanea morte vel quolibet alio fortuito casu praecipuus fuerit, ut de rebus suis disponere non possit, distributio bonorum ejus ecclesiastica auctoritate fiet.

Baldewinus Cantuariensis archiepiscopus quicquid in usus necessarios terrae *Ierosolimitanae* dum ageret in extremis legaverat erogandum, post obitum suum *Habertus Saresberienensis episcopus*, quem testamenti sui coram familiaribus & domesticis ordinaverat executorem, fideliter erogatione pia distribuit, & de castrorum excubiis summe sollicitus militibus xx. fervientibus 50. sicut decreverat archiepiscopus, juxta consuetudinem regionis per dies plurimos statutis temporibus debita persolvit stipendia, pauperum semper agens curam, erga destitutos auxilio reflectens oculos misericordiae; per omnia boni praetulis implens officium.

Venerabili domino & patri in Christo karissimo *R. Dei gratia episcopo Londoniensi*, *H. eadem gratia Saresberienensis episcopus* salutem, & tam devotae quam debite dilectionis constantiam.

Noverit dilectio vestra quod villa *Acon* post insultus plurimos adhuc nobis fortiter restitit, nec à nobis adhuc expugnari potuit, quia gentibus, muris & machinis satis erat munita. Et *Saladinus* ex alia parte circa nos undique exercitum suum quasi in obsidione tenebat. Verum de exercitu ejus sicut certissime accepimus, plures recesserant corporis invaliditudine laboribus & expensis supra modum gravati, nec prece, nec precio, vel etiam minis diutius poterant retineri. In exercitu illo vir alicujus probitatis eo tempore, sicut dicebatur, inveniri poterat, quem *Saladinus* in villam *Aconis* transponeret, ut alios vel membris mutilatos, vel corpore debilitatos extraheret. Et de nostris versa vice diversi in diversa loca se retraxerant, ut sibi contra

RICARDUS I. rex.

An. Dñi 1191.

RICARDUS contra multimodam expeditionis incommoditatem consulerent, & sic tam subtractione virorum quam amissione ibidem mortuorum, exercitus ibidem Christianitatis multum erat diminutus. Verumptamen Christiani de consolatione Christi confidentes, labores & molestias obsidionis prædictæ usque in adventum regum nostrorum sperant se posse sustinere. Hoc dicimus si circa Pascha venerint: si enim diutius venire distulerint, & ad sumptus pecunia deficiet, & spes terrene consolationis evanescet. Hac de statu obsidionis Achonis.

Ricardus rex Anglorum, Willielmo Marefcallo, G. filio Petri, & H. Bard. & W. Brimerr. apparibus.

SI forte cancellarius noster negotia regni nostri, juxta consilium vestrum & aliorum prædictorum quibus curam regni nostri commisimus, fideliter non tractaverit, præcipimus ut secundum dispositionem vestram de omnibus agendis regni nostri, tam de castellis quam de escaetis, absque omni occasione faciatis.

Walterus archiepiscopus Rothomagensis à Sicilia rediens, venit in Angliam v. kal. Maii apud Soreham, litteras deferens in hæc verba.

Ricardus rex Anglorum Willelmo cancellario suo, G. filio Petri, W. Marefcallo, & H. Bard. & W. Brimer. apparibus.

SCiatis quod quia nos diligimus venerabilem patrem nostrum Walterum Rothomagensis archiepiscopum, & de eo ad plenum confidimus, eum de peregrinatione sua, de consilio & assensu summi pontificis, propter consilium & defensionem regni nostri ad vos transmittimus, quoniam constat apud nos, ipsum esse ad hoc idoneum, & quia eum virum esse cognovimus prudentem, & discretum, & nobis semper fidelem: unde vobis mandamus & firmiter præcipimus, quatinus in procurandis negotiis nostris, & in custodiendo & defendendo regno nostro, communicato cum eo in omnibus negotiis nostris consilio operemini; Volentes & præcipientes quod quamdiu ipse erit in Anglia, & nos in peregrinatione Dei erimus, ipse pariter in omnibus cum consilio vestro, & vos cum suo. Vobis etiam mandamus quod ea quæ sibi vobis de archiepiscopatu Cantuariensi exponenda commisimus faciatis, sicut ipse vobis ex parte nostra proponet. Teste meipso xxiiij. die Februarii apud Messanam.

Tercio kal. Aprilis rex Francorum navem ascendit apud Messanam cum tribus tantummodo navibus. Pacificati prius fuerant rex Anglorum & ipse.

Clemente papa tercio rebus humanis exempto facinctus inter diaconos ecclesiæ Romanæ primus, ne scisma subitum in ecclesia Dei confurgeret, se fieri papam vix tandem consensit, quem Ottavianus Ostiensis episcopus die Paschæ consecravit episcopum, qui vocatus est Celestinus papa tercius.

Celestinus feria secunda Paschali Henricum regem Teutonicum & Longobardorum consecravit imperatorem Romanum.

Paschali feria iiij. Romani civitatem Tusculanam funditus diruerunt.

Robertus Lincolnensis canonicus, filius unicus et hæres Willelmi senescalli Normannia, mandato

Clementis papæ Cantuaria consecratus est episcopus Wigornensis iiij. nonas Maii à Willelmo sedis apostolicæ legato, vj. episcopis Dorobernensis ecclesiæ suffraganeis astantibus prædicto legato.

Celestinus papa iiij.

Modis omnibus inhibemus ne in capella de Haketune quam apostolica condempnavit auctoritas de cetero celebrentur divina: set potius capella ibidem, ut dicitur, erecta funditus destruat. Et sicut à patribus nostris decretum esse dinoscitur, canonicorum institutionem revocantes in irritum, eos denuntietis & teneatis suspensos qui in loco ipso post prohibitionem apostolicam divina scienter præsumpserunt officia celebrare, donec ad sedem apostolicam veniant absolvendi. Illos quoque qui sententiam pie recordationis papæ Clementis incurrisse noscuntur, cautius faciatis ab omnibus evitari donec ecclesiæ satisfactione competenti exhibita, per nos mereantur absolvi.

Rex Anglorum Ricardus in magna gloria naves ascendit iiij. idus Aprilis apud Messanam et circa xx. diem Rodos insulam subintravit, et in civitate v. diebus mansit, et postmodum v. diebus transcurfis apud Cyprum applicuit loco qui vocatur Limezun. Cursac autem dominus terræ, qui se vocabat imperatorem, tam armata quam forti manu regi portum prohibiturus occurrit, et quam plurimos hominum suorum afflictos afflixit, spoliavit naufragos, et in carcerem fame perituros reclusit. Hinc igitur in tantæ vindictam injuriæ rex Anglorum ira succensus iniit cum hoste jam dicto congressum, festinam adeptus victoriam. Ipsum victum et victum tenuit, et filiam suam unicam, totamque insulam Cyprum cum universis munitionibus suæ subdidit ditioni. Cursac cum rege pactum iniit, ne ferreis detineretur in vinculis. Quod & factum est. Sed rex pactum observans eum compedibus artari fecit argenteis, et in castello prope Tripolim quod vocatur Margeth retrudi præcepit. Filiam autem ejus secum retinuit cum duabus reginis in thalamo regis honorifice custoditam.

Situs Cyprum talis est. Primo venit ad Bassam quæ caput est regionis versus meridiem. Secundo venit ad Limezun. Tercio venit ad Famaugust, dictam, quasi civitatem Augusti. Postea caput S. Andreae versus septentrionem extenditur, et è regione respicit Armeniam. Postea venit ad Cheri, quo naves ascendunt Jerusalemam visitaturi.

Rex Francorum iter suum dirigens versus Jerusalem in paschalibus die Sabbati, scilicet xij. kal. Aprilis applicuit apud Acon. Quid vero totus exercitus Christianorum per vij. septimanas in afflicto civitatem profecerit, tota Christianitas quæ præsens erat novit et recolit.

Waltero Rothomagensi archiepiscopo Willelmus Elyensis episcopus. Convenimus vos apud Lundoniam qua occasione Cantuariam adire velletis, et id à vobis in responsis accepisse meminimus, quod quoniam monachos Cantuarienses audieratis vobis offensos, ut scilicet de causis offensionis si qua esset inquireretis, et de Prioris depositione certitudinem haberetis. Verum datum est nobis intelligi vos alia consideratione Cantuariam festinare, videlicet ut cum monachis illis de archiepiscopo eligendo tractetis. Et valde nec mirum admirati sumus quod quasi captata absentia nostra velitis

velitis id facere, cum sine nobis fieri nec possit, nec debeat, qui et toti regno vice regia præsidemus, et jure cancellariæ nostræ archiepiscopatum illum in manu nostra cum omnibus ecclesiæ pertinentiis habemus. Cum igitur super tam magno et arduo negotio à quo summopere totius regni pendet dispositio, sine domini regis, aut nostra nunc temporis præsentia tractari non debeat; discretionem et honorem vestro consulimus et mandamus, ex parte domini regis districtius inhibentes, ne propter hanc aut propter aliam quamcumque causam *Cantuariensem* ecclesiam adeatis, donec vobiscum loqui possimus. Non enim cum patientia vel rancoris dissimulatione hæc proferremus.

Ricardus rex *Anglorum* habens in comitatu suo xiiij. magnas naves quas *Buccas* vocant, triplici velorum expensione dum æquora sulcarent notabiles, habens C. alias naves onerarias, habens etiam L. galeas triremes, se vento commisit apud *Cyprum*, et inter navigandum navem quandam quam *Saphadinus Salaadinus* frater *Babiloniae* dominus sumptibus magnis extruxerat, ut *Sarracenis* apud *Acon* obsidione vallatis succursum præstaret, casu fortuito velificantem inspexit, refertam omni genere victualium, armis bellicis ad quoslibet subeundos congressus instructam, ignis Græci, serpentium ignitorum plena vasa plurima continentem, sicut dicebatur, hominum M. quingentorum suffragio roboratam. Instructis igitur in articulo temporis omnibus ad prælium navale necessariis, galearum concursu circa navem undique fit insultus acerrimus, quæ venti destituta suffragio stabat immobilis. Quidam itaque remigantium illius avicula quæ mergus dicitur tractus exemplo, natans subter aquas accessit ad navem, et eam terebro perforavit. Audierat forsitan qualiter *Eleazarus* tempore *Machabæorum* se subposuit elefanti circa quem belli pondus undique confluebat, et eum percutiens in ventrem occidit. Oppressus est & ipse set *Judæorum* gerens negotium. Remigans autem Christum habens in corde, rediens ad galeam incolumis sua resedit in sede. Modico tractu temporis aqua subintrans omnia tabulata transcendit, & hominibus qui prius in propugnaculis confidebant, evadendi spei omnem prorsus abscedit. Quorum M. ccc. *Ricardus* rex *Anglorum* in mari submergi præcepit reservando cc. Acta sunt hæc viij. idus Junii. Rex iter suum prospero cursu, dirigens, ad portum quo tendebat appropinquavit. Lituorum itaque stridor, ductilium clangor tubarum, horribilis cornicinum strepitus litora repleverunt. Personabat terra, quod & *Christianorum* animos animavit ad pugnam, & *Sarracenis* obsessis gravissimum terrorem incussit, magnum principem advenisse declarans. Rex portum intravit *Acon* vj. idus Junii.

Cum autem duo reges circa civitatem *Acon* machinas erexissent, & petriarías suas muro proximas collocassent, & magnitudine lapidum muros penitus attrivissent, in stuporem sunt versi *Sarraceni* nullam habentes fiduciam resistendi. Qui communicato cum suis consilio coeperunt tractare de pace, talibus initis pactionibus, quod *Salaadinus* sanctam crucem certa die restitueret, & *Christianos* captivos mille quingentos quos habebat in vinculis liberos abire permetteret. Sic civitas cum armis & impedimentis *Sarracenorum*, salvis tantum corporibus ipsorum, regibus duobus est reddita iij. idus Julii,

Veniente die statuto nihil horum quæ promiserat *Salaadinus* implevit. In ultionem igitur excessus tanti circa duo milia sæcenti *Saraceni* capitis animadversione multati sunt; paucis de nobilioribus retentis, pro dispositione regum pondere vinculorum artatis.

Subjugata civitate rex *Francorum* ad propria redire proposuit quasi toto negotio consummato. Quod audiens rex *Anglorum*, quicquid in argento vel auro, quicquid in victualium congregatione, quicquid in armis, vel equis, vel navibus congregaverat, se pro parte dimidia regi *Francorum* tanquam domino suo communicaturum optulit, & sub quavis securitate firmiter repromisit. Set quoniam ipse reditum suum immutabiliter ordinaverat in animo suo, suis reclamantibus, toto *Christianorum* exercitu graviter consternato, cum paucis suorum repatriaturus navem ascendit. Postquam rex *Francorum* recessit, ilico ruinis & scissuris murorum civitatis *Acon* reparatis, ipsa civitate fossatis & muro plenius communita, rex ad promovendum Christianitatis negotium, & prosequendi voti sui propositum versus *Jopen* iter arripuit, & cum eo dux *Burgundia* cum Francigenis sibi subditis, Comes *Henricus* cum suis, & alii multi Comites, & Barones, & populus innumerus. Cum autem inter *Acon* & *Jopen* plurimum esset spatium & tractus viarum prolixior, apud *Casaream* tandem cum multo sudore gravique jactura suorum rex imperterritus venit; & ipse *Salaadinus* in eodem itinere multos de suis amisit.

Cum itaque populus Dei respiraret ibidem aliquantulum apud *Jopen*, iter propositum audacter prosecutus est. Et cum illius anterior custodia procederet apud *Assur*, *Salaadinus* cum vehementi *Saracenorum* incursum super ultimam aciem impetum faciens, divinæ miserationis gratia favente solum à iij. turmis *Christianorum* à fronte sibi viriliter occurrentibus compulsus est in fugam, ipsumque fugientem per unam leucam vel circa præcedentes turmæ *Christianorum* plenè persecutæ sunt, tantamque stragem de nobilioribus *Saracenis* quos *Salaadinus* habuerat, vigilia nativitatæ beatæ virginis prope scilicet *Assur* quantam *Salaadinus* annis xl. transactis antea non sustinuit una die. Nos vero de nostris illa die gratia Dei nullum amisimus nisi virum optimum, & suis meritis universo karissimum exercitui *Jacobum de Avennes*, qui per plures annos in exercitu *Christiano* quasi columpna totius exercitus in omni sinceritate promptus extitit & devotus. Deinde Domino ducente rex *Anglorum* *Jopen* pervenit, eandemque villam fossatis & muro firmavit, habens in proposito Christianitatis negotium ubique pro posse suo viriliter promovere.

Willelmus Dei gratiâ *Elyensis* episcopus
Vicecomiti *Suffexie*.

Precipimus tibi quod si *Eboracensis* electus applicaverit ad aliquem portum in ballivâ tuâ, aut aliquis nuntiorum ejus, eum retineri facias donec mandatum nostrum inde receperis. Et similiter precipimus quod litteras domini papæ aut alicujus magni viri qui illuc venerint retineri facias.

Bartholomeus *Turonorum* archiepiscopus mandato summi pontificis *Galsfridum Eboracensem* electum consecravit episcopum, *Turonis* in ecclesia beati

RICARDUS I. rex. beati *Mauritii* xv. kal. Septembris, sex suffraganeis suis assistentibus. *Henricus Baiocensis* episcopus interfuit consecrationi. Abbas majoris monasterii sancti *Martini* pallium deferens à domino papa transmissum, prædictum electum solitis involvit conditionibus; scilicet quod legatos *Romanae* ecclesiae cum veneratione suscipiet, quod deferet appellationibus, quod visitabit *Romanam* ecclesiam singulis tribus annis, vel per se, vel per proprium nuncium. Dum archiepiscopus in *Angliam* tenderet, in portu quodam applicuit qui *Dovera* nuncupatur xvij. kal. Oct. Quem sub enavigatione sua, clericos etiam suos soror *Elyensis* episcopi quæ castellum custodiebat mandato, sicut dicitur & creditur, *Elyensis* episcopi per sex dies cum armorum multitudine fecit in prioratu sancti *Martini* nequiter obsideri, coartavit etiam in tantum, ut vix ei medio tempore victualia possent emendicata conferri. Maligna perfidorum in deterius proriente, milites *Elyensis* episcopi quos habebat familiarissimos *Albericus de Marines*, & *Alexander Pintel* cum armorum multitudine venerunt ad prædictam ecclesiam loricati, gladios habentes in manibus evaginato, & irruentes in ecclesiam, irruentes in archiepiscopum, firmiter injunxerunt ut de regno sine mora, sine dilatione navigaturus in *Flandriam* cum suis exiret. Quod facere recusans, stolam gerens in collo, bajulans crucem in manibus ab altaris cornu, per pedes, per crura, per brachia, colliso capite super pavimentum violenter extrahitur per viam lutosam, per immunda loca, cum clericis suis & viris religiosi qui de partibus multis ad ipsum videndum confluerant, perductus est in castellum xiiij. kal. Octobris, ubi per viij. dies est retrusus in carcerem. Quod audiens *Lundoniensis* episcopus utens fere diplomate cum festinatione qua potuit venit ad cancellarium; à quo post multas supplicationes vix tandem optinuit, episcopatu suo toto sub cautione fidejussoria quasi loco pignoris obligato, liberationem archiepiscopi. Carcerem egrediens archiepiscopus vj. kal. Octobris, eadem via qua tractus fuerat rediit cum prædictis insignibus, scilicet cum stola, cum cruce per viam lutosam, per immunda loca, quousque sancti *Martini* rediret ad monasterium, & Deo sanctoque *Martino* gratias agens à populis undique confluentibus cum exultatione magna susceptus est. *Lundoniam* veniens, archiepiscopus sollempni processione receptus est in ecclesia doctoris gentium vj. non. Octobris, cui dominus *Lundoniensis* episcopus *Ricardus* tam sibi quam suis, omnem quam potuit humanitatem exhibuit in expensis effusioribus.

Ricardo Lundoniensi episcopo, *Johannes* Comes *Moritonii* salutem.

Sicut diligitis honorem Dei, & ecclesiae, & domini regis, & regni, & meum, sitis ad pontem de Lodene die sabbati proxima post festum S. Michaelis inter Radinges & Windeforam, quia Deo volente ibidem vobis obvius ero tractaturi de quibusdam magnis & arduis negotiis domini regis & regni.

Sabbati dies ad colloquendum præfixus infortunium aliquod exinde provecturum intelligere dedit quampluribus; Diebus siquidem sabbatorum præstita sacramenta, sicut arbitrantur nonnulli, raro robur optinent firmitatis.

Itaque cancellarius habens in custodia *Windefora* castellum, silvarum epaca, viarum angustias, equitum & peditum in armis confidentium, & ad Cemitem undique confluentium multitudinem, *Henrici* quoque de *Ver*, cujus exheredationi, sicut dicebatur, ipse præstiterat occasionem, latentes insidias, prædictum etiam pontem à castello nimis remotum plurimum causabatur, & sic in diem usque lunæ pertractum est colloquium. Media die Dominica tam archiepiscopi, *Rothomagensis* scilicet & *Eboracensis*, quam episcopi quotquot apud *Radingum* convenerant ut interessent colloquio, candelis accensis ascenderunt in pulpitem, & omnes qui consilium, vel auxilium, vel mandatum dederunt, ut archiepiscopus *Eboracensis* extraheretur ab ecclesia, tractaretur indigne, retruderetur in carcerem, terribiliter anathematizaverunt, & à consortio sanctæ matris ecclesiæ sequestraverunt, & nominatim *Albericum de Marines*, & *Alexandrum Pintel*. Die Lunæ Comes ad omnem sinistram suspicionem tollendam, in loco tutissimo prope *Windeforam* sicut petierat cancellarius ad colloquium venire proposuit, cancellario repromittens omnimodam securitatem per manum episcopi *Lundoniensis*. Et quoniam apud *Estanes* hospitari decreverat ipsa die, familia sua mane surgens & irruentium formam assumens, gressu concito properabat impetum observans in omnibus. Quod audiens cancellarius, contritus est à facie Comitum, quem cum ira magna sua sequi vestigia reputabat, & trepidanti consimilis elongavit, non dico fugiens, quousque cum armis & impedimentis & familia sua *Lundonia* turrim intraret in pede planis turris equos suos stabulans, & in ipsis domibus ad convescendum antiquitus deputatis, ad imminentem sicut credebat obsidionem se præparans. Comes audiens quod fecerat cancellarius, venit & ipse *Lundoniis* ipsa die receptus ad hospitandum in domibus *Ricardi* filii *Reineri*. *Rogerus de Planes* in tota terra *Johannis* Comitum Justiciarius graviter vulneratus à quodam *Radulfo de Bello Campo* quem cancellarius cingulo militari donaverat, kal. Novembris diem clausit extremum. Sequenti die Martis ut inimicitiae quas Comes & Cancellarius incurrerant, suo Marte discurrerent, Comes *Johannes*, tam archiepiscopi quam episcopi, tam Comites quam Barones convenerunt in Capitulo S. *Pauli Lundonia*, pulsata campana quæ populum solet ad conveniendum urgere. Post longos ergo tractatus adinvicem habitos *Johannes* Comes primus fidelitatem regis *Ricardi* juravit. Deinceps archiepiscopi duo, postmodum omnes episcopi: solus episcopus *Lundoniensis* addidit juramento, *Salvo ordine suo & justitia ecclesiastica*. Juraverunt etiam Comites & Barones quotquot convenerant. Omnes prædicti magnates juraverunt communam *Lundon*.

Die Mercurii *Willelmus Postard* Prior *Westmonasteriensis*, concurrentibus omnium votis, electus est in abbatem ante regis justiciarios episcopo *Lundoniensi* præsentem. Quem episcopus duxit ante majus altare sancti *Petri*. Decantato *Te Deum laudamus* episcopus consuetam orationem super prostratum electum subjunxit, & in sedibus deputatis abbati sollempniter intronizavit, & campanarum cordas manibus electi contradidit. Deinde transitum faciens episcopus in capitulum electum ducens, electionem factam episcopali confirmavit auctoritate præsentem toto conventu, concurrentibus populis per regulam sancti

sancti *Benedicti* per *Evangelii* textum electo curam animarum commisit.

Die *Jovis* habitum est colloquium ab orientali parte turris *Lundoniensis*. Præfens fuit Comes, Cancellarius archiepiscopi prædicti, pontifices, Comites & Barones. Assensu communi diffinitum est, ut omnia castella quæ pro libitu suo Cancellarius custodiæ familiarium suorum commiserat redderentur, & imprimis Turris *Lundoniensis*. Quod se facturum Cancellarius jurisjurandi præstita religione promisit. Castella vero tria quæ de manu regis *Ricardi* receperat Cancellarius, scilicet castellum de *Dovera*, castellum de *Cantebrige*, castellum de *Hereford* in *Wallia* per manum Cancellarii custodirentur, datis obsidibus à castellanis quos ibi constituerat Cancellarius de fidelitate regis servanda. Die *Veneris* Cancellarius turrim egrediens, cum universa supellectile sua transitum fecit apud *Bermundeseiam*. *Henricus* & *Osbertus* Cancellarii fratres & *Mathæus* camberrarius dati sunt in obsidatum quousque redderentur castella. Juraverat enim Cancellarius quod ante castellorum redditionem regnum non egrederetur.

Die sabbati Cancellarius transitum faciens apud *Doveram*, duces habuit in itinere *Gilebertum Rosensem* episcopum & *Henricum de Cornhella* Cancellarii vicecomitem. Die dominica *Lundoniensis* episcopus juxta petitionem conventus *Westmonasteriensis* benedixit abbati ante majus altare sancti *Pauli*. *Lundoniensis* episcopus & abbas *Benedictus* ipsa die sollempni processione recepti sunt apud *Westmonasterium*, & hora prandendi pariter in refectorio confederunt. Die *Jovis* sequente Cancellarius reputans oculos cæcare nautarum, qui se ventorum habere notitiam gloriantur plerumque, sumpsit habitum muliebrem, sed gressum in corpore vel incessum alterare non potuit quin vir pocius appareret quam mulier. Itaque deprehensus à nautis facie detecta cognoscitur, rapitur, trahitur, & vix à manibus muliercularum abstractus custodiæ deputatur, quousque communi decreto Justiciariorum regni qui *Lundoniis* residebant, libertatem acciperet abeundi quo veller, præmonitus tamen & summonitus ut quod in præfato colloquio prope turrim prius juraverat prius effectui manciparet. Cancellarius iij. kal. Novembris navem ascendens & in *Normanniam* iter dirigens, apud portum ulteriorem applicuit.

Arvandus in natura diligendi non habuit perfectam, & fidelium consilia despiciens fortunæ per omnia ludibrium fuit. Denique non eum cecidisse set tam diu stetisse plus miror, se multociens adversa perpeffum gloriabatur, & ruituram ejus temeritatem miserabantur amici. Præfecturam primam quam habuit in provincia gubernavit cum magna popularitate, consequentem cum magna populatione; denique pressus æris alieni sub onere, sibi successuros optimates æmulabatur, colloquia cunctorum ridebat, consilia rimabatur, officia contempnebat. Tandem odii publici mole vallatus, & prius cinctus custodia quam potestate discinctus, captus destinatusque pervenit *Romam*. Ilico tumens quod prospero cursu *Tuscia* litus enavigasset, elementa sibi famulata jactabat. Interea legati provincie magna rerum verborumque scientia præditi, prævium *Arvandum* accusaturi nomine publico, publicis decretalibus inscuntur, quem incautum & consiliis sodalium repudiatis, sibi soli temere fidentem responso præ-

cipiti contendebant involvere. Quibus agnitis *Arvandus* proripit in convicia subita; dicens, Abite de-
generes, *Arvando* satis conscientia sua sufficit, vix illud admittere dignabor ut in actione repetundarum advocati michi præstentur. Pauci mediis dies, *Arvandus* concitato gradu mediis prope judicium finibus ingeritur, epistolam quandam quæ proponebatur ad ejus confusionem se dictasse professus est. Acclamatur ab accusatoribus, conclamatur à Judicibus reum se majestatis læsæ teneri confitentem. Confestim *Arvandus* privilegiis geminæ præfecturæ quam per quinquennium repetitis fascibus rexerat exauctoratus, publico carceri deputatus est. Cum duceretur addictus miser non miserabilis erat.

Si vindicari in aliquos severius contra Theodosius nostram consuetudinem pro causa intuitu jussimus, nolumus statim eos aut subire pœnam aut excipere sententiam, set per dies .xxx. super statu eorum sors & fortuna suspensa sit. Reos sane accipiat vinciatque custodia & excubiis solertibus vigilanter observet.

Quidam juvenis de domo domini *Lundoniensis* episcopi spiritum habens in avibus cœli ludere, nilum suum docuit cercellas affectare propensius. Itaque juxta sonitum illius instrumenta quod à Ripatoribus vocatur *tabur* subito cercella quædam alarum remigio perneciter evolavit. Nisus autem illusus lupum quendam natantem in locis sub undis crispantibus interceptit, invasit & cepit, & super arida per spatium sicut visum est xl. pedum se cum nova præda recepit. Episcopus insoliti casus novitate permotus nisum & lupum futuris seculis memorialem Comiti *Johanni* transmisit xj. kal. Novembris. Ipsa die tractatum est de consilio *Cantuariensis* ecclesiæ sicut rex *Ricardus* mandaverat. Convenerunt episcopi, convenerunt & monachi. Post longos tractatus negotium tandem dilationem accepit.

Celestino pape suffraganei Cantuariensis ecclesiæ debitam subjectionem.

Cum ad nostram pervenisset noticiam *Baldewinum*, patrem nostrum *Cantuariensem* archiepiscopum, apud *Acon* viam universæ carnis ingressum, verentes ne monachi sanctæ Trinitatis in archiepiscopo substituendo sibi quippiam vendicare præsumerent, de communi consilio venerabilem fratrem nostrum *Ricardum Lundoniensem* episcopum, ad quem electi nominatio de jure dinoscitur pertinere præmisimus apud *Cantuariam*. Junctus est ei comes in itinere quidam regis Justiciarius. Igitur in ecclesia *Cantuariensi* præsentibus monachis & audientibus *Romana* sedis audientiam appellavit, inhibens ex parte summi pontificis ne quid in electione facienda præsumerent attemptare citra conscientiam episcoporum & etiam citra regis assensum. Postmodum autem ut nobis archiprævium eligeremus, ad vocationem domini *Lundoniensis*, qui decanatum optinet inter suffraganeos, convenimus *Lundoniis*, conveniunt & monachi; Dilationem accepit electio quibusdam dissensionibus ad invicem emergentibus. Dominus itaque *Lundoniensis* totius *Anglicanæ* vicem gerens ecclesiæ rursus *Romana* sedis audientiam appellavit, *R.* episcopo *Bathoniensi* cum reliquis episcopis contra monachos appellante. Paucis diebus elapsis constituimus accedere *Cantuariam*, ut sub præsentia tam cleri quam populi, tam episcoporum quam monachorum archiepiscopum eligeremus,

RICARDUS, diem ad hoc faciendum constituentes iij. non. Decembris. Interim autem Comes *Moritonii* domini regis frater & dominus *Rothomagensis*, *Bathoniensis*, *Rosensis*, *Herefordensis*, *Menevensis*, *Coventrensis*, episcopi cum pluribus regni magnatibus pro quibuscumque magnis regni negotiis transitum fecerunt usque *Canthuariam*. Cumque super negotiis ipsis in palatio *Canuariensis* archiepiscopi residentes tractarent, ingressi sunt coram eis *G.* dictus Prior & quidam monachorum, & manus iniicientes in *Bathoniensem* & eum electum suum nominantes de medio residentium sustulerunt. Quos memorati praelules & regni proceres evestigio subsecuti, denuo vestram appellaverunt praesentiam v. kal. Decembris.

An. Dñi 1192. **R**eginaldus *Bathoniensis* episcopus sedit annis xvj. & xx. sex septimanis & duobus diebus, Qui nominatus à monachis *Canuariensibus* *Canuariensis* electus, transcurtis à die nominationis xxix. diebus, die natalis anno bisextili feria iij. diem clausit extremum apud *Dogemerefeld* in territorio *Wintoniensi*. Sepultus est autem in ecclesia sua *Bathonie*, prope majus altare die festo sancti *Thome* martyris.

Rex *Francorum* à finibus rediens *Ierosolimitanis* vj. kal. Januarii *Parisiis* sollempni processione receptus est. Sed utrum honestam, utrum causariam, utrum ignominiosam fuerit missionem consecutus à castris, qui pro certo novit edisserat.

Conradus Marchio de monte *Ferario* iij. kal. Maii confossus est ab *Arfacidis* apud *Tyrum*.

Henicus *Campania* Comes nepos *Ricardi* regis *Anglorum* filiam *Amauricii* regis quam Marchio sibi copulaverat quali quali modo duxit uxorem iij. nonas Maii. Totam quoque terram sicut unquam aliquis regum *Ierosolimitanorum* possederat melius quam Christiani recuperaverant in potestatem recepit.

Caterva *Saracenorum* dum à *Babilonia* tenderet *Ierusalem*, omni genere victualium habundans & armis, intercipitur à Christianis. Quod quisque *Francorum* diripuerat suos cessit in ulus. Quod *Templares*, quod *Hospitalarii*, quod exteræ gentes invaserant, cessit ad arbitrium regis *Anglorum*.

Pridie idus Maii rex *Anglorum* veniens ante *Darum*, quod rex *Amauricii* in dampnum & injuriam *Babiloniorum* firmaverat, quod & postmodum *Salaadinus* in potestatem suam redegerat, castellum obsedit, & infra quartam diem hominum plusquam quinque milia capto castello captivavit.

Pridie kal. *Augusti* captum est opidum *Jopen* à *Saracenis*.

Kal. *Augusti* rex *Anglorum* impiger ut Christianis succurreret, in arma prouens cum tribus galeis decem secum habens milites ante *Jopen* applicuit, & *Saracenos* expugnans *Jopen* sua sub potestate redegit. *Saraceni* resumptis viribus cum audissent regem venisse cum paucis, ut eum vivum caperent irruerunt. Quibus rex resistens viriliter, in ore gladii multos percussit eorum.

Quarto idus *Augusti*, scilicet vigilia sancti *Laurentii* datæ sunt induciæ. Tota maritima scilicet *Tyrus*, civitas *Acon*, castellum *Hymberii*, *Cayphas*, *Cæsarea* *Philippi*, *Jopen* & castellum *Midianum* cesserunt in partem Christianorum. Civitas *Ascalon*, de qua scriptum est, *Ascalon*, *Ascalon*, tibi in ore gladius & erit usque ad consummationem seculi, de communi tam Christianorum quam *Sara*

cenorum assensu diruitur. *Montana* cesserunt in potestatem *Saracenorum*. Christianis est data potestas intrandi *Ierusalem* dummodo venirent inermes. Set *Tyrensis* archiepiscopus sub interdicto conclusit omnes qui sub conductu *Saracenorum* visitarent *Ierusalem*, & ibidem vota persolverent orationum.

Hinc inde datis induciis à sequente pascha per tres annos, per tres menses, per tres ebdomadas, per tres dies, per tres horas nemini venit in dubium non esse dictum ociose, *Funiculus triplex difficile rumpitur*. Et ut quod *Saraceni* fecerunt robur in posterum firmitatis optinere non dubites, in signum pacis emiserrunt sagittam. Intelligi dantes, in die non esse timendum à sagitta volante.

DUM rex *Ricardus* peregrinaretur in *Syria*, dum vacaret in *Anglia* sedes *Canuariensis*, *Savaricus* *Norhamtoniensis* archidiaconus & thesaurarius *Saresbiriensis*, à *Bathoniensibus* monachis, *Wellensibus* clericis reclamantibus electus est in episcopum. *Walterus* *Rothomagensis* archiepiscopus *Justiciarius* regni præbuit regis assensum. *Savaricus* *Romam* veniens mandato summi pontificis ordinatus est presbiter in patriarchio *Lateranensi*; Manum consecrationis appoluit *Albanus Albanensis* episcopus xij. kal. Octobris.

Die festo sancti *Michaelis* duæ reginæ, scilicet tam *Anglia* quam *Sicilia*, navem ascenderunt apud *Acon*. Rex vero navem ascendit die festo sancti *Dionisii*. Circa sancti *Martini* festum applicuit in *Romania*, scilicet in loco qui dicitur *Cuurefey*, qui jurisdictioni subicitur imperatoris *Constantinopolitani*. Postmodum relictis magnis navibus duas galeas ascendit & applicuit in *Sclavonia*. Cum autem transisset *Veneciam* & *Aquileiam*, terram *Ducis Austria* subintravit. A quo captus est in civitate quæ *Wena* dicitur xij. kal. Januarii.

Regem *Anglorum* *Dux Austria* comprehendit apud *Wenam*. Qui licet pedes regis in compedibus non humiliaverit, importunitate tamen custodum plus ad malam mansionem perduxit, quam si duris artasset in vinculis. Homines siquidem regionis illius barbariem maxime redolentes, horrent verbis, habitu squalent, inmundiciis seculescunt, ut intelligas eorum cohabitationem ferinam potius quam humanam.

Johannes *Moritonii* Comes cum audisset fratrem suum regem tentum in vinculis illectus est spe magna regnandi. Multos itaque per totum regnum alliciens plurima promittebat, munitionibus suis celeriter obfirmandis intendebat sollicitus, mare transiens foedus iniit cum rege *Francorum*, ut *Arturum* ducem *Britannia* nepotem suum, ab ea spe quam *Britones* super ejus promotionem conceperant prorsus excluderet.

Pridie kal. *Marcii* *Salaadinus* diem clausit extremum.

Feria iij. post ramos palmarum *Dux Austria* regem *Anglia* tradidit imperatori *Romano* sub pactione pecuniæ persolvendæ.

Postmodum ut imperator ad immoderatam pecuniæ quantitatem nomine redemptionis solvendam regem *Anglorum* terroribus, & exemplis impelleret, eum retrudi præcepit in loco qui *Trivallis* dicitur, à quo carcere nullus ante dies istos exivit, qui vinctus ibidem intravit, de quo dicit *Aristoteles* libro quinto, *Bonum est mactare patrem in Trivallis*. De quo loco rursus metricè scriptum est.

*Sunt loca, sunt gentes quibus est mactare parentes
Vel mos vel pietas, cum sera supervenit ætas.*

Hoc igitur non fortuito set ultione divina provisum est & salubriter ordinatum, ut *Ricardus* rex ad pœnitentiam & satisfactionem congruam revocaretur, super excessu quo patrem suum carnalem *Henricum* regem decumbentem in lecto, tam auxilio quam consilio regis *Francorum*, apud urbem *Cenomannicam* obsidione vallavit, & licet eum ferro non mactaverit corporaliter, eum tamen crebris & sævis assultibus compulit inde recedere.

Ricardus Dei gratia rex *Anglorum* dum teneretur in vinculis, & de consilio vacantis ecclesiæ *Cantuariensis* sanctam in animo gereret sollicitudinem scripsit in hæc verba.

Ricardus Dei gratia rex *Anglorum* karis & fidelibus suis *R.* eadem gratia *Lundoniensis* episcopo, *Cantuariensis* ecclesiæ decano & universis *Cantuariensis* ecclesiæ suffraganeis salutem.

Vestra volumus libenter fraternitati consulere & *Cantuariensem* ecclesiam, qua vestrum omnium mater & caput est, de persona ydonea Deo, nobis & vobis & toti regno nostro accepta, qua ad pacem & tranquillitatem sanctæ ecclesiæ, & regni nostri aspiret, in quantum ad nos pertinet ordinare.

Commonitoriis igitur hujuscemodi lectis in medium, ad vocationem domini *Lundoniensis* plures episcopi conveniunt, quidam suæ causam absentia satis probabilem, vel per litteras, vel per nuncios allegarunt. Conveniunt ad vocationem ejus plures locorum conventualium principales personæ. Dies dominica præfinita fuit electioni scilicet tertio kal. Junii. Mater itaque domini regis *Alienor* regina, *Walterus* quoque *Rothomagensis* archiepiscopus capitalis *Angliæ* Justiciarius & alii regni magnates ad regni pacem integre conservandam, omnem studuerunt impendere sollicitudinem, quodam palliatæ pacis umbraculo suum velare propositum intendentes, ut sub quadam quali quali concordia partium studia diversissima jungerentur, quorum semper fuerant corda disjuncta. De justiciariorum dispositione *Ganfridus* Prior *Cantuariensis* & monachi, qui cum eo *Lundoniam* venerant, *Cantuariam* adierunt, ubi *Thomas* gloriosus prothomartyr *Cantuariensem* sanguine proprio tinctam sibi purpuram conquistavit. Et ut in terris grande sibi nomen faterent, die sabbati prædictam præcedentis dominicam prævenirent episcopos, *Hubertum* quondam decanum *Eboracensem*, quem aliquo spiritu revelante prænoverant ab episcopis eligendum, suum nominantes electum.

Viri quidam mediæ manus homines in Capitulo *Cantuariæ* præfidentes tanquam Justiciarii, nominationi factæ præbuerunt assensum. Monachi prævenirent episcopos, sabbatizantes non sabbato mentis set temporis. De quo dicit *Moses* filiis *Israel*, *Erit vobis hodie sabbatum requietionis, & affligetis animas vestras.* De quodam alio longe dissimili sabbato loquitur alibi propheta dicens, *Dabit dominus Deus sabbatum pro sabbato*, scilicet pro pace temporali pacem æternam. Monachi cum exultatione magna recedentes à capitulo, magnam intraverunt ecclesiam, laudes debitas sicut sibi videbatur Domino decantantes *Te deum* scilicet *laudamus*. Ab eorum mentibus excidisse non debuit, quod cum aliquis in Abbatem electus, est sua collocandus in sede, me-

diocri voce psalmus excurritur quinquagesimus, commissorum pristinam perpetracionem revocans ad memoriam, non alicujus gloriæ temporalis titillacionem importans. Monachi prævenirent episcopos set non in benedictionibus dulcedinis; nec enim in tanto monachorum collegio repertus est aliquis, qui post suorum expletionem votorum populis ad propria reveriuris, in fine sollempnem de jure posset dare benedictionem. *Hubertus* à monachis *Cantuariensibus* prænominatus in sabbato renuntiet diabolo per pœnitentiam, ne sub ejus jugo retineatur. Die dominicâ, die constituta, die sanctificata *Hubertus Saresbiriensis* episcopus ab episcopis electus est in archiepiscopum. Electionem factam *Lundoniensis* episcopus in publico recitavit apud *Westmonasterium*, in sede regia, loco celebri, loco faciendis electionibus archiepiscoporum à multis temporibus consecrato.

Walterus Rothomagensis archiepiscopus capitalis *Angliæ* justiciarius dedit assensum, & auctoritate regia factam confirmavit electionem. Igitur *Lundoniensis* episcopus juxta suorum dignitatem prædecessorum, & Deo laudes persolvendas exsolvit, & benedictionem omnibus qui convenerant gratanter exhibuit. *Saresbiriensis* episcopus electus ab episcopis in archiepiscopum, in præsentem judicium justum cunctis exhibeat, futurum judicium timeat semper, & misericordiam consequetur, ubi vix justus salvabitur, voce joanditatis in fine glorificatus, Intra scilicet in gaudium Domini tui, transeat in vitam æternam ubi videbitur deus deorum in *Syon*, ubi cum sanctis deum laudet, videat & adoret.

Totius *Alemanniæ* generalis conventus magnates solummodo comprehendens, habitus est apud *Warmatiam* tercio idus Julii. Tractatum est ibi de redemptione regis *Anglorum*: Tandem sub audientia plurimorum propalatum est precium apreciati, quem apreciavit *Henricus* imperator *Romanus* ab *Austria* Duce *Limpoldo*, scilicet quinquaginta milia marcarum argenti. Sed ut imperator egregius fœnerator legitimarum usurarum summam, quæ per annum æquiperantur sorti per unum diem in duplum excederet, centum milia marcarum sibi suo tempore solvendarum extorsit à rege.

Summa redemptionis regis *Anglorum* est argenti centum milia librarum, ad pondus *Coloniæ* monetæ publice probatæ. Quæ pecunia certis temporibus & distinctis quinquaginta datis obsidibus persolvetur.

Cum de redemptione regis agendum sit, quam devotionem ei sui fideles exhibuerint proferamus in medium, incipientes à domo Dei. Majores quidem ecclesiæ thesauros ab antiquis congestos temporibus, ecclesiæ parochiales argenteos calices præmiserunt; archiepiscopos, episcopos, abbates, Priores conventualium ecclesiarum, Comites, Barones quartam partem annuorum reddituum, Monachos *Cisterciensis*, Canonicos ordinis albi totam lanam unius anni, Clericos viventes de decimis decimam partem de redditibus provenientes statutum est assensu communi persolvere.

Cessit *Alemannis* in admirationem non minimam quod tam crebri fiebant concursus Episcoporum, Abbatum, Comitum & Baronum, aliorum etiam mediæ manus hominum, quos de tam diversis, de tam remotis nationibus unius hominis jurisdictioni subiectis desiderium trahebat videndi regem, de reditu

RICARDUS I. rex. cuius in toto regno suo fere desperabatur à singulis. Et cum diversi diversa reportarent rescripta, scripsit in hæc verba.

Ricardus rex Anglorum, Waltero Rothomagensi archiepiscopo.

Quotiescunque nuncios in Angliam ad vos destinamus, & illis litteras de fide eis adhibenda super his quæ vobis ex parte nostra proponunt committimus, hac intentione hoc facimus, ut super his quæ ad commodum & honorem nostrum cedunt eis fides adhibeatur: super his autem quæ ad honorem, aut utilitatem nostram non contingunt, eis fides nullatenus adhibeatur.

Hugo Cestrensis episcopus vocatus à rege sicut dicebat, cum magnis exenniis, quæ summo studio præparaverat, antequam *Alemannia* periculis se committeret, interceptus est in itinere. Nam prope *Cantuariam* de nocte quiescens comprehensus est, bonis omnibus spoliatus est. *Mathaus de Clera* municeps principalis castelli de *Dovera* præstitit auctoritatem prædonibus; sed excommunicatus nominatim tam ab archiepiscopo, quam ab episcopis omnibus accensis candelis, an suum excessum congrua satisfactione relevaverit, ignoratur.

Philippus rex Francorum uxorem duxit fororem regis *Danemarchie*. Sed quia divortium inter ipsos sollemniter celebratum est, ex insperato, plus hoc in ore populorum versatur, quam quod apud urbem *Ambianensem* in assumptione beatæ virginis nuptiæ regales præcesserant. A rege disjuncta regina maluit *Suessonis* inter sanctimonialia degere, quam lares paternos in *Danemarchia* visitare.

Nunciis quos archiepiscopus ad dominum papam pro pallio suo petendo direxerat redeuntibus, affuit inter eos quidam *Episcopellus* nomine deferens pallium. Habitus est itaque generalis conventus episcoporum *Cantuarie*, nonis Novembris, ad sollemnem archiepiscopi susceptionem & intronizationem. Convenerunt & aliæ conventualium ecclesiarum personæ principales. Ordinatis igitur quæ fiunt in applausibus hujuscemodi, dextravit archiepiscopus *Lundoniensis* episcopus, sinistravit *Wintoniensis*, & sic in sede sua sollemniter collocatus est, & receptus in osculum. Ordinata processione rursus itum est obviam *Episcopello* pallium deferenti. Qui veniens ante majus altare, triplici sacramento quod ab antiquis temporibus introductum est, adauctis quibusdam novis verborum formulis involvit archiepiscopum, quas opusculo præsentis superfluum duximus interserere. Moram fecit *Episcopellus* cum archiepiscopo per aliquod tempus, multos multis onerans verbis, nec multis ad ultimum honoratus exenniis.

Walterus *Rothomagensis* archiepiscopus dum per annos duos, & anni tercii quartam partem administrasset regni negotia, specialis *Angliæ* Justiciarius, non ambulavit in magnis, à munere manus excuiens, clamores æqua lance dijudicans. Qui vocante rege transitum fecit in *Alimanniam*. Transiitum etiam fecit & mater regis *Alienor* regina. Sub ipso transitu suo *Colonia* celebrantes Epiphaniam.

An. Dñi *Walterus Rothomagensis archiepiscopus Radulfo*
1194. Decano *Lundoniensi*.

Noverit dilectio vestra, quod postquam ad dominum nostrum karissimum illustrem regem

Anglorum accessimus nemini scripsimus in *Anglia*, nec aliqua usque ad crastinum sancti *Blasii* audivimus quæ essent digna relatu, & vobis scribere deberemus. Eo vero die misericors Dominus populum suum apud *Maguntiam* in liberatione domini regis visitavit. Nobis enim domino regi eadem die usque ad horam nonam assistentibus, *Maguntinus* & *Coloniensis* archiepiscopi inter dominum imperatorem, & dominum regem & ducem *Austriæ*, pro liberatione regia verba proferentibus, post multas anxietates & labores idem archiepiscopi qui studio maximo ad liberationem regiam operam adhibuerant, coram domina regina, & nobis, & *Bathoniensi*, & *Elyensi*, & *Sanctonensi* episcopis, & multis aliis magnatibus, ad dominum regem accesserunt ei breve verbum & jocundum proferentes. Erat siquidem quod dominus imperator ei significavit, quod eum in custodia sua diu tenuerat, sed eum liberum dimittebat, & absolutum, ut sui ipsius de cætero haberet potestatem, Liber & explicitus ad sua vota suus.

Circa dies istos *Henricus Henrici Ducis Saxoniæ* primogenitus, nepos *Ricardi* regis *Anglorum*, filiam unicam & hæredem *Conradi Palatini Comititis* duxit uxorem.

Pactiones inita sunt plures inter imperatorem & regem, ad persolvendam non spectantes pecuniam, sed ad statum regis intervertendum: inter quas quicquid insertum est ab initio viciosum, quicquid contra leges, contra canones, contra bonos mores indubitanter conceptum, licet ex parte regis & suorum fidelium ad hoc observandum fuerit iusjurandum adauctum, emissæ licet patencia scripta, licet in mundum universitatis recepta, licet à partibus absoluta, quia tamen contra jus elicitæ, robur firmitatis optinere non debent in posterum, nec ullo tractu temporis convalescere.

Walterus Rothomagensis archiepiscopus, & *Baldewinus Watch*, & alii quidam dati sunt in obfidatum pro decem milibus marcarum, quæ rex tenebatur ad præsens persolvere, quousque persolverentur. Et hoc se fideliter observaturos, nec egressuros ab *Alemannia* citra conscientiam imperatoris, præstita iusjurandi religione sollemniter confirmaverunt.

Tancredus rex *Siciliæ*, *Rogerus* etiam filius ejus sublimatus in regem, intra paucos dies rebus humanis exempti sunt. *Willelmus* vero filius *Tancredi* puer adhuc, regni diadema suscepit.

Rex *Anglorum* ad instantem *Adulfi Coloniensis* archiepiscopi petitionem *Colonia* veniens, in ipsius palatio cum honore summo receptus est, in sumptibus magnis, in epulis profusioribus ibidem moraturus per triduum. Die vero tertia procuravit archiepiscopus, ut rex in ecclesia beati *Petri* missam audiret. Archiepiscopus itaque deposita majestate sua præcentoris assumens officium, & stans in choro cum cantoribus cæteris illam sollemnem missam sollemniter inchoavit. Nunc scio vere quia misit Dominus angelum suum, & eripuit me de manu Herodis.

Rex prospero cursu tendens in *Ang.* applicuit apud *Sandvicum* die Dominica, scilicet xiiij. kal. Aprilis feria iiij. coronata civitate cum exultatione magna tam cleri quam populi sollemni processione receptus est in ecclesia sancti *Pauli Lundoniæ*. Tendens inde versus *Potingeham*, postquam venit infra triduum, oblectos omnes rejectis armis misericordiam expetentes in deditionem recepit. Pascha celebravit

lebravit apud *Norhamtoniam*. In octavis Paschæ regni diadema suscepit de manibus *Huberti Cantuariensis* archiepiscopi *Wintonia*, *Wilhelmus* rex *Scotie* præfens fuit. Die festo sanctorum *Nerei & Achillei*, navem ascendit apud *Portesmues*. In *Normannia* quiescens, apud *Brus* mane surgens obvium habuit fratrem suum *Johannem*, qui procidens ad pedes ejus misericordiam petiit, & invenit. Tendens versus *Vernolium*, regem *Francorum* audivit castellum obsidione vallasse, nec in petradiis erigendis, nec in magnis lapidibus comportandis, nec in machinis subvehendis, nec in murorum suffossionibus excavandis, nec in obsessorum corporibus affligendis per dies octo cessasse. Tunc temporis instabat dies ille magnus, celebris ille dies, majestati dies altissimæ dedicatus, dies optabilis toti mundo, dies inquam pentecostes, populo Christiano per orbem terrarum venerandus ubique. Quo tempore *Franci* quondam cathedralium visitationibus ecclesiarum obnoxii loca sancta contendebant adire. Sacerdotes ordinis secundi, cum ymnis & laudibus, cum vexillis & crucibus suas præcedebant plebeculas; choreæ virginum, juvenum evagationes, civium & plebeiorum oculos demulcebant: sed quia

Mobile mutatur semper cum Principe vulgus, nunc villarum depopulationibus, nunc deprædationibus armentorum, nunc incendiis, nunc cædibus, nunc homicidiis invigilare curabant. Et ne laborantes die sancto pentecostes reportasse victoriam futuris temporibus memorialem, & suis annalibus inferendam computarentur, audierunt sub ipso noctis crepusculo quod rex *Anglorum* accinctus esset ad pugnam, & in crastinum superventurus. Quo rumore perterriti potius elegerunt fugere, quam pugnare; cum suo dampno semper, cum suo semper obprobrio, recedentes à castris.

Walterus Rothomagensis archiepiscopus marcarum decem milibus persolutis ab *Alemannia* rediens Ascensionis dominicæ die sollempni, sollempni processione receptus est in ecclesia sancti *Pauli Landonia*, sermonem habens ad populum. Expletis missarum sollempniis in domo domini *Lundoniensis*, cum lautarum affluentis epularum receptus est honorifice. Secunda feria Pentecostes navem ascendit, transiturus in *Normanniam* iij. kal. Junii.

Canonici Saresbirienses Decanum non habentes ad præfens, à rege prius impetrata licentia, fratrem suum & concanonicum *Herebertum Cantuariensem* archidiaconum, assensu communi sollempniter in episcopum elegerunt. Electionem factam in publico recitavit *Walterus* præcentor: electioni factæ præbuit rex assensum, quam & *Hubertus Cantuariensis* archiepiscopus auctoritate propria confirmavit apud *Saresberiam*, iij. kal. Maii fabato pentecostes prædictus electus presbyter ordinatus est. Sequenti dominica, consecratus est episcopus ab *Huberto Cantuariensi* archiepiscopo apud *Westmonasterium*, in capella sanctæ *Katerina* nonis Junii. Pridie idus Junii sollempni processione receptus est apud *Saresberiam*, & sua sollempniter collocatus in sede per archiepiscopum.

Rex Francorum sub quali quali festinatione recedens *Vernolio*, ne nil videretur egisse, municipiolum quoddam situm prope *Rothomagum*, quod ex fonticulis ebullientibus appellatum est *Fontes*, obsidione vallavit. Oblessi sunt intus milites iij. servientes xx. nihil minus arbitantes, quam

tantum principem ad tam exilem locum cum exercitu toto divertere. Recolere poterant, si litteras nossent, illud à *Lucano* poeta metricè scriptum:

Dignum te Caesaris ira

Nullus honor faciet.

Præmissis igitur assultibus ardentissimis rex quarto die portas irruit, evertit castellulum, cuncta diripuit. Inde reveritus vires *Rothomagensium* ne forte *Vernolensium* animis accenderentur & factis, intra fines suos cum aliqua saltem victoriola sese recepit.

Circa dies istos *Andegaveses* castellum *Willelmi Gobet* fundatum prope *Feritatem Bernardi* quod vocatur *Mons mirabilis*, obsederunt; ceperunt, & funditus diruerunt.

Postquam rex *Francorum* recessit *Vernolio*, rex *Anglorum* veniens *Thuronis* à Castelli novi *Burgensibus*, ubi requiescit beatus *Martinus*, duo milia marcarum exeniorum nomine suscepit nulla coactione præmissa. Tendens inde versus *Bellum locum* qui situs est intra fines *Thuronie*, castellum de *Luches* quod rex *Francorum* obsidatus nomine receperat in potestatem à bailivis regis *Anglorum* dum teneretur in vinculis, ne conventionem quam cum eo fecerant transgrederentur, & quindecim militibus, & quater viginti servientibus cum alimonie sufficientia custodiendum commiserat, rex *Anglorum* obsedit, & intra paucos dies viriliter expugnavit.

Circa dies istos filius regis *Navarra* veniens in auxilium *Anglorum* regi, copiosum congregavit exercitum, & centum quinquaginta balistarios habens, terram *Gaufredi de Rancuna*, terram Comitum *Engolismensis* penitus devastavit.

Rex Francorum fines intrans *Turonie*, prope *Vindocinum* fixit tentoria. Quo cum regem *Anglorum* cognosceret supervenisse, summo mane tentoriis avulsis cum festinatione *Fractam Vallem* repetiit. Rex autem *Anglorum* eum subsequutus est, & quadrigas ipsius, Comitum, & Baronum, & Magnatum sub eo militantium impedimenta tota, sub captione conclusit. Aurum & argentum in scriniis, & in aliis locis repositum, tentoria quoque, balistas & innumeras res, æstimatio quarum in immensum excrescit, sine dampno suo cepit & secum reduxit.

A festo Pentecostes quo rex *Francorum Philip- pus* à *Vernolio* nocte recedens fuga sibi consuluit, elapsi sunt dies xxxvij. ad illum usque diem quo quiescens prope *Vindocinum* exterritus summo mane cum gravi jactura suorum castellum *Duni* tremefactus irruit.

Henricus Romanus imperator *Ricardo* regi *Anglorum*.

Electionem tuam scire volumus quod fideles tui *Walterus Rothomagensis* archiepiscopus, & *Bathoniensis* episcopus, & *Robertus de Turneham* multa supplicatione nobis institerunt, quatinus *Otonem* nepotem tuum nobiscum equitate permitteremus. Sed quoniam pater ejus *Dux Saxonum* nobis suspectus est cujus malitiam veremur, petitiones eorum admittere nolumus. Sed tui ducti favore hæc eis indulgimus, quod idem *Otto* de die tres servientes habiturus est, qui ei serviant & assistant.

Circa dies illos *Alexius* quidam naturalis filius, sicut dicebatur, *Manuelis* quondam Imperatoris *Constantinopolitani*, Græcorum genere, Græcorum in-

RICARDUS numerabili multitudine congregata, transiit in *Bulgariam*, & hostiliter aggressus *Constantinopolim*, *Cursac* imperatorem captum, excæcatum, e mentulatum carcere damnavit perpetuo, sedem occupans imperialem.

Ricardus rex *Anglorum* cum à nativitate sua compleisset annum vicesimum secundum, à patre suo matre consentiente, creatus est dux *Aquitano- rum*. *Gaufridus* itaque de *Rancuna* multis eum lacecessit injuriis. Sed *Ricardus* collectis viribus *Taileburg* obsidione vallavit, & faciem universam murorum intra dies complanavit paucissimos. Annus ab incarnatione Domini M. Clxxix. tunc temporis effluebat. Rursus modo transiit in *Pictavi- am*, & intra paucos dies *Taileburg*, & totam terram *Gaufridi de Rancuna*, totamque terram Comitatus *Engolismensium* sua sub potestate recepit, ut à castello *Vernolii* quousque veniatur ad crucem *Karoli* nullus ei rebellis existat.

Celestinus papa *Veronensi* episcopo.

Volumus, & per apostolica scripta mandamus atque precipimus, quatinus à duce *Austriæ* juramentum recipias, cum alia cautione quam expedire noveris, quod mandatis nostris quæ sibi per te, vel litteras, aut nuntium, vel nuntios nostros fecerimus, per omnia sine fraude parebit. Quo recepto, in ejus virtute sibi precipias, ut obsides regis *Anglorum* universos absolvat. Conditiones omnes quas exegit ab ipso relaxet, & oblata sibi per eum, & suos, & quæ de ipsius regis iniqua redemptione percepit sibi per universa restituens, eosdem obsides faciat cum securitate ad propria remeare, & ut amodo talia non attemptet. Nichilominus etiam de injuria & dampnis congrue satisfaciatur irrogatis. His demum rite completis & peractis, ei & suis absolutionis munus impendas, & interdictum cui erat ipsius terra subiecta relaxes. Illud etiam eidem duci & suis nichilominus præstita sibi absolutione sub debito prædicti juramenti precipias, quod quam citius poterunt ad partes *Jerosolimitanas* accedant, & tanto tempore moram in servicio Christi faciant, quanto præfatus rex in captione dinoscitur extitisse. Quod si non observaverint, ipsum & suos in eandem excommunicationis sententiam appellatione remota reducas. Dat. Romæ apud sanctum Petrum viij. idus Junii, pontificatus nostri anno quarto.

Rex *Anglorum* edicto generali convocavit magnates omnes suæ jurisdictioni subpositos *Cenomanis*, ubi fidem *Anglorum* in adversitate sua semper sibi gratiosam, integram & probabilem plurimum commendavit.

TReugæ datæ sunt inter reges *Francorum* & *Anglorum*; sed comætu negotiatorum interdictum est hinc & inde. Revixit his diebus regis *Pharaonis* memoria, qui populis undique confluentibus & *Ægyptum* intrare desiderantibus venale frumentum exposuit, ne manus avara supprimeret quod commerciis hominum cum tempus exigit est communicandum.

Johannes thesaurarius *Eboracensis* electus in episcopum *Pictavensem*, ab *Alexandro* papa iij. consecratus est episcopus in abbazia *Dolensi*, quæ fundamentum habet in diocesi *Bituricensi*, die scilicet festo sanctæ *Teclæ* virginis. Sedit autem *Pictavensis* episcopus annis viginti, tredecim septima-

nis & uno die. Translatus ad *Lugdunensem* ecclesiam, ibi sedit archiepiscopus per decem annos & viginti novem septimanas.

Cui successit in archiepiscopatu *Reginaldus* filius *Gigonis* Comitis *Forensis*. *Johannes* autem archiepiscopus in *Angliam* veniens sancto *Thome* martyri vota persolvit orationum apud *Cantuariam* in nativitate beatæ *Mariæ*.

Circa dies istos statuit rex *Anglorum* certis quibusdam interpositis conditionibus ad commodum fisci pertinentibus, ut milites passim per *Angliam* in locis congruis undique concurrentes, vires suas flexis in girum frænis experiantur, ea consideratione fortassis inductus, ut si bellum adversus *Agarenos*, vel adversus finitimos movere decreverit, si vel gentes exteræ regnum hostiliter præsumpserint infestare, vegetatiores, agitatiores, exercitatiores reddantur ad prælium. Dum itaque dispositio militaris certa die certo loco tirocinio deditos evocat ad giramen, *Anglos* militaribus armis instructos, in gladiis exere-
20
rendis, in ictibus cumulandis, in verberibus aggravandis, in vulneribus infligendis, noveris exercitatos. Sed eosdem levium vibratio lancearum non tam agiles reddit ad dimicandum, quam luxur epularum effusior sumptuosos divulgat, & in luminaribus procurandis, & accendis prædicat officiosos. Ju-
30
ventus igitur cupida laudis sed non pecuniæ, subjugatos armis nequaquam atterit carcerali custodia, vel ad redemptionem immoderatam exquisitis tormentis impellit, sed captos jure belli sola fidei spon-
40
sione devinctos abire permittit, redituros cum fuerint requisiti.

A Rege *Francorum* *Philippo* directi sunt nuncii iij. ad *Anglorum* regem *Ricardum* verbis utentes pacificis, de regnorum commoditatibus tractaturi cum rege, ne populos utriusque regis potestati subiectos, quorum hauriendo tam argentum quam aurum loculos vacuaverant, bellicis cladibus, & sanguinis effusione prorsus attererent. Domino siquidem suo beneplacitum esse constanter asseverabant, ut ambigua fata totius controversiæ quæ vertitur inter ipsos sub certamine singulari fortium
50
quinque virorum hinc & inde dirimerentur, populis utriusque regni confidentibus & expectantibus eventum rei, judicium declararet gladiatorium quid super jure regis utriusque, regis æterni federet in animo. Consultatio simul & conditio placuit *Anglorum* regi quamplurimum, dummodo rex *Francorum* quintus inter suos, rex *Anglorum* itidem inter
60
suos quintus, paritate servata corporum & armorum æqua lance confligerent.

Circa dies istos piscis quidam vocatus vulgo *Cerassus* piscis vi ventorum & impulsu maris appulsus est apud *Cadulnesuase*, villam scilicet canonicorum sancti *Pauli* *Lundonia*. Cumque quaestio moveretur, utrum ad regem an ad canonicos piscis spectare deberet; inspectis à capitali justiciario regni *Lundoniensis* ecclesiæ privilegiis, sententiatum est piscem non ad regem set tam ad Decanum quam ad Capitulum spectare debere.

Ricardus rex *Anglia* omnibus fidelibus suis salutem.

Noverit universitas vestra compositionem factam inter dominum *Walterum* *Rothomagensis* archiepiscopum & canonicos ejusdem ecclesiæ, & civem *Rothomagensis* in hunc modum, quod murus & scoppa

scoppa atrii ecclesie infra proximum natalis Domini diem per eosdem cives reficiantur, per visum senescalli Normannie & bailivorum nostrorum in eo statu in quo erant quando diruti fuerunt. Hac acta sunt apud Argentonium vigilia sancti Martini.

Ricardus rex Anglie decano & canonicis Turonie, & ceteris clericis omnibus, tam religiosis scilicet quam aliis universos redditus eorum quos confiscaverat in manu domini legati benigne reddidit. Hac acta sunt apud Alenconam die festo sancti Martini.

Walterus Rothomagensis archiepiscopus Radulfo decano Londonie salutem.

Impetrata per dominum legatum & nos reatu dine reddituum ecclesiasticarum personarum de terra domini regis Francorum quos confiscaverat, dominus legatus & nos ad regem Francorum duximus laborandum, ut precibus & exhortationibus nostris nobis redditus nostros & ceteris ecclesiasticis personis de terra domini regis Anglorum suos redditus quos ceperat restitueret. Hac acta sunt Senonis.

Philippus rex Francorum bailivis suis salutem.

Sciatis quod dilectum nostrum Walterum venerabilem Rothomagensis archiepiscopum in gratiam & amorem nostrum recepimus. Inde est quod vobis mandamus & precipimus, quatinus visis presentibus literis deliberetis in vestra potestate universas res dicti archiepiscopi & canonicorum Rothomagensium, & monachorum, & monialium, presbiterorum, & clericorum Normannorum, & in pace de cetero habere permittatis. Et si aliquis amodo eis aut rebus suis molestiam sive dampnum intulerit, quantocius faciatis emendari. Precipiat etiam militibus quos idem archiepiscopus vobis nominabit, ut erga eundem archiepiscopum faciant sicuti solent & debent. In eadem forma scripsit omnibus bailivis suis & baronibus in quorum potestate redditus nostri & ecclesiasticarum personarum Normannie erant.

Rogerus de genere Normannorum primus in Sicilia regio diademate sullimatus suo sculptrum in sigillo monasticum illud jactabat,

Apulus & Calaber, Siculus michi servit & Afer. Qui cum ageret in extremis, reliquit filium & filiam *Wilhelmum & Constantiam*; annus millenus centesimus quinquagesimus quartus tunc temporis effluebat. *Henricus rex Tentonicus* eandem *Constantiam* duxit uxorem, anno tam millesimo tam centesimo quam octogesimo sexto fluente. *Henricus* postmodum imperator creatus secum ducens imperatricem *Constantiam*, deficientibus aliis heredibus omnium ad regnum *Sicilie* pertinentium heredem legitimam, duplicem congregavit exercitum; hinc equestrem & pedestrem per viarum angustias laboriosissime gradientem; illinc remigantium multitudinem copiosissimam in armis bellicis plurimum confidentem. Sicque *Jannensium & Pisanorum* tam auxilio quam consilio roboratus *Bonifacium* marchionem de monte Ferrato totius navigii sui quod exereverat in inmensum signiferum ordinavit. *Bonifacius* itaque dum aquora sulcaret intrepidus & Salernitanos pro viribus paratos resistere cognovisset, irruit super eos, & non modica strage per-

acta victoriam reportavit, urbem succendit, prædavit, ecclesiis non pepercit, ecclesiam sancti *Mathei* violenter intravit, asportavit thesaurum, sine delictu cives in ore gladii trucidavit, quosdam truncavit capite; quosdam suspendit patibulo, mulieres omnes indifferenter prostituit, Civitate vastata, transit in *Siciliam*; civitates omnes in deditio-nem accepit. *Wilhelmus Tancredi* regis filius in ætate puerili sublimatus in regem, cum matre sua præsidium adiit, sicut fertur, tutissimum, castrum scilicet sancti *Johannis*. Imperator *Henricus* iter dirigens ad urbem *Pannormitanam*, in sede metropolitana sollempni processione receptus est. x. kal. Novemb. regni diadema suscepit.

Die festo sancti *Stephani* prothomartyris dum apud *Gratiam* dux *Austrie Limpoldus* dies natalicios celebraret, & juxta consuetudinem regionis sui corporis agilitatem inter suos ostenderet commilitones de plano militatibus armis accinctus, flexis in gyrum franis equo cecidit, & pedis attritione subita sauciatus ad necem, urgentissima tandem necessitate compulsus, consilio medicorum pede truncatus est, ut qui regis *Anglorum Ricardi Jerosolima* redeuntis, & crucis adhuc mortificationem in corpore suo gestantis, & animum habentis ad terram sanctam redire, pedes constrinxerat, nec licentiam abeundi quo vellet habere permetteret, in ultionem tanti facinoris pede proprio multaretur juxta sententiam *Petri Ravennatis*, qui de filio prodigo scribens inter cetera dixit, *Luxurie, ventri, gula famis tortor apponitur, ut ultrix ibi pœna seviat ubi pœnalis reatus exarserat.*

Hoc anno *Guarinus* abbas cum præfuisset ecclesie beati *Albani* annis undecim & octo mensibus octoque diebus obiit plenus dierum iij. kal. Maii. Sepultusque est à *Gilberto Rosensi* episcopo die apostolorum *Philippi & Jacobi*. Cui successit *Johannes* abbas 21. ejusdem monasterii monachus in capitulo S. *Albani*, nullo contradicente electus in præsentia *Huberti Cantuariensis* archiepiscopi Apostolicæ sedis legati, & totius *Anglie* justiciarii, nec non in præsentia multorum tam procerum quam abbatum & clericorum, ipso justiciario assensum regis *Ricardi* præbente xij. kal. Augusti. Quem electum *Ricardus London. episc.* sollempniter in pontificalibus benedixit in ecclesia beati *Albani* ad majus altare in præsentia totius conventus, & pontificalibus ornamentis indutum in sua sede sollempniter collocavit iij. kal. Augusti.

Henricus Dei gratia Romanorum imperator & semper Augustus, & rex Sicilie dilecto amico suo W. Rothomagensi archiepiscopo salutem & dilectionem.

Scientes honestatem tuam de magnificentia nostra felicibus successibus plurimum gratulari, significamus discretionis tue quod nos per Dei gratiam totum regnum *Sicilie & Apulie* in pace possidemus. Cum autem quosdam magnates regni qui nobis satis contrarii primo extiterunt gratiam nostram recuperassent, ipsi postmodum nefandam prodicionem contra personam nostram machinati sunt. Sed quia nichil opertum quod non reveletur, gratia Dei proditio illa fuit detecta, & quorundam proditorum prodicione manifestata, unde omnes eos pariter jussimus captivari, & in vinculis detineri. Ad cujus nostræ prosperitatis augmentum divina operante

RICARDUS. operante clementia, dilecta consors nostra Constantia illustris Romanorum imperatrix Augusta in die beati Stephani prothomartyris peperit nobis filium. Tu itaque nostrae jocunditati congruendo de tuo & terrae statu nos certifies. Dat. apud S. Marcum xiiij. kal. Febr.

Hubertus Cantuariensis archiepiscopus plenitudinem potestatis in officio legationis inauditam à seculis communi favore cardinalium universorum afsecutus est, sicut docent sequentia.

Celestinus episcopus servus servorum Dei, venerabili fratri H. Cantuariensi archiepiscopo Apostolica sedis legato salutem & apostolicam benedictionem.

Sinceritas devotionis & fidei consuetæ quam Anglicana semper ecclesia circa sacrosanctam Romanam ecclesiam consecravit, in tua sicut bene confidimus prudentia & virtute reffloruit, & placiti fervoris accepit acceptabile incrementum. Talis enim ad Romanam ecclesiam tuæ fraternitatis emanavit opinio, quæ & tuæ honestatis odore nos recreet, & constantiæ quam habes vigore confortet, ita ut confidentiam quam de tua probitate concepimus in nostro jam apertius opere declarem. Supplicante itaque karissimo in Christo filio nostro R. illustri rege Anglorum & universis suffraganeis Cantuariensis ecclesiæ, ut Anglicana ecclesia legatum apostolicæ sedis pro suis & regni profectibus optineret, tum pro devotione quam ad Cantuariensem ecclesiam pro meritis illius gloriosi martyris haberemus, tum etiam tuæ probitatis & honestatis intuitu, eorum precibus assensum præstitimus & favorem. Maxime quia multum credimus ecclesiæ & regni utilitatibus expedire, si talem in ministerio supradicto regio illa recipiat, qualem prædicti regis & episcoporum instantia de conversionis merito & fidei devotione commendat. Ideoque nos ad honorem Dei, & ecclesiæ Cantuariensis salutem, & pacem per totum regnum Angliæ, non obstante exceptione vel privilegio venerabili fratri nostro Eboracensi archiepiscopo, vel alii facto, officium tibi legationis concedimus, per apostolica tibi scripta mandantes quatinus illam cum fraternæ obedientiæ humilitate suscipias, & secundum datam tibi cœlitus facultatem, ad emendandum ea quæ necesse est emendari, & statuenda ea quæ fuerint statuenda, debitæ diligentiam manum auctoritate ipsius legationis apponas. Ita nimirum in omnibus reverentiam matris tuæ Romane ecclesiæ prompta devotione custodiens, ut pro defectu ministerii quod tibi lata committit tuis etiam facias operibus latiore. Dat. Laterani xv. kalend. Aprilis, pontificatus nostri anno quarto.

Celestinus episcopus servus servorum Dei, venerabilibus fratribus Eboracensi archiepiscopo, & universis episcopis, & dilectis filiis, abbatibus, prioribus, & aliis ecclesiarum prælatis per regnum Angliæ constitutis, salutem & apostolicam benedictionem.

Divina sapientiæ inscrutabilis altitudo quæ sacrosanctam Romanam ecclesiam in hujus mundi latitudine stabilivit; ita regimen & gubernationem ipsius immutabili provisione disposuit, ut ad eam salubriter gubernandam plurimos assumeres in partem sollicitudinis, quamvis pro unita-

ris ecclesiastica firmamento unus acciperet plenitudinem potestatis. Voluit enim ut secundum quod eam alloquitur in propheta, pro patribus ejus filii nascerentur qui super omnem terram principes constituti virtutum meritis, & verbo doctrina rudes ad fidem, profectos ad justitiam erudiret. Unde sacrosancta Romana ecclesia, cui super ceteras concidit ecclesiæ magisterium, pium ad alias habens materna provisione respectum, providit ab initio & laudabili eatenus consuetudine custodivit, ut de diversis mundi partibus ad earum ministerium adimplendum viros prudentes ascisceret, quorum auctoritas & doctrina sub Romani pontificis moderamine constituta, quod ipse non poterat, procul distantibus ecclesiis ministraret. Unde nos qui, licet insufficientibus meritis, in sublimi sumus ejusdem specula constituti, patrum nostrorum vestigiis inhaerentes, ita intendimus cum Dei adjutorio junctum nobis ministerium circa proximas ecclesias agere, ut his à quibus etiam positione distamus oportuna debeat providentia non deesse. Spiritualliter autem ad præsens Anglicanam ecclesiam paternæ considerationis acie inuentes, ad salutem ipsius & spirituales in Christo profectus, communi consilio fratrum nostrorum decrevimus, ut venerabilis frater noster H. Cantuariensis archiepiscopus de cuius meritis & virtute, sapientia pariter & doctrina ecclesia universalis congaudet, ministerio legationis accepto vices nostras ad honorem ecclesiæ, totius regni salutem & pacem, per totum regnum Angliæ, non obstante exemptione vel privilegio tibi, aut ecclesiæ tuæ, frater archiepiscope, vel alii facto, libere exequatur. Præsentium itaque auctoritate universitati vestræ per apostolica scripta præcipientes mandamus, quatinus eidem tanquam apostolica sedis legato reverentiam impendatis debitam & honorem.

Wilhelmus Elyensis episcopus, Radulfo decano Lundonia. Mittimus ad vos litteras quas Vetus de monte misit duci Austria de morte Marchisii in hæc verba.

Limpoldo duci Austria Vetus de monte salutem.

Cum plurimi reges & principes ultra mare Ricardum regem Angliæ & dominum, de morte Marchisii inculpant, juro per Deum qui in æternum regnat, & per legem quam tenemus, quod in ejus mortem nullam culpam habuit. Est causa siquidem mortis Marchisii talis: unus ex fratribus nostris in unam navim de Salteleia ad partes nostras veniebat, & tempestas illum forte apud Tyrum impulsit, & Marchisius fecit illum capere & occidere, & magnam ejus pecuniam rapuit. Nos vero Marchisio nuntios nostros mandavimus. Mandavimus quod pecuniam fratris nostri nobis redderet, & de morte fratris nostri nobiscum se concordaret, & noluit, necnon & nuncios nostros sprexit, & mortem fratris nostri super Reinaldam dominum Sydonis posuit; & nos tantum fecimus per amicos nostros, ut in veritate scivimus quod ipse fecit illum occidere, & pecuniam rapere. Et iterum alium nuntium nostrum nomine Edrisum ad eum misimus, quem in mari mergere voluit; sed amici nostri illum à Tyro festinanter recedere fecerunt, qui ad nos cito pervenit & ista nobis nuntiavit. Nos quoque ex hora illa Marchisium occidere desideravimus, tuncque duos fratres ad Tyrum misimus, qui eum

AR- eum aperte & fere coram omni populo Tyri occi-
 DER. derunt. Hæc autem fuit causa mortis *Marchisi*;
 & bene dicimus vobis in veritate, quod dominus
Ricardus rex Anglia in hac morte *Marchisi* nul-
 lam culpam habuit, & qui propter hoc domino
 regi *Anglia* malum fecerunt, injuste & sine causa
 fecerunt. Sciatis pro certo quod nos nullum homi-
 nem hujus mundi pro mercede aliqua, vel pro pec-
 cunia occidimus, nisi nobis malum prius fecerit.
 Et sciatis quod litteras istas fecimus in domo nos-
 tra ad castellum nostrum *Messiac* in dimidio
 Septembris coram fratribus nostris, & sigillo nostro
 eas sigillavimus anno ab *Alexandro M. & D. & V.*
 Nos vero harum transcriptum litterarum vobis
 de cuius dilectione plenum habemus experimen-
 tum duximus destinandum, ut de illo agatis in cro-
 nicis vestris.

*Ricardus Dei gratia rex Anglia, Ricardo eadem
 gratia Londoniensi episc. salutem.*

Licet à plerisque magnatibus & familiaribus
 nostris suaderetur, ne curam & administra-
 tionem regni nostri ei penes quem summa spiri-
 tualis gladii & potestas in regno nostro consistebat cre-
 deremus, venerabili tamen patri nostro *H. Cantua-
 rienfi archiepiscopo*, plerisque in contrarium admi-
 tentibus, regni nostri custodiam fiducialiter duximus
 committendam, ecclesiarum prelatos in ea venera-
 tione habentes, ut nichil de eis meriti jura nostra
 fidei eorum secure ac fidenter credamus, sperantes
 quod cum indulgentius forte quam predecessores
 nostri, & benignius viros ecclesiasticos habuerimus,
 aliquid in juris nostri præjudicium non debeant at-
 temptare vel sustinere præsumi. Sane sicut ex quo-
 rundam relatione didicimus, Prior & Monachi
Dunelmenses clandestinam electionem nobis inconsul-
 tatis & irrequisitis facere præsumperunt. Quod
 si ita est, in regiam maiestatem nostram non modi-
 cum est offensum: unde sinceritati vestre decrevi-
 mus esse mandandum, quod sollicita provisione cu-
 retis, ne id juris & dignitatis quod nostri progeni-
 tores in electionibus episcoporum *Angliæ* habuerunt,
 & nos habere debemus, in aliquo minuat, ne hu-
 manitatis & benignitatis nostre ecclesiasticis perso-
 nis indulgentius exhibite pœnam in honoris nostri
 dispendio sentiamus. Non enim aliquaratione susti-
 neremus quod à prefatis monachis, vel ab aliis quic-
 quam cum detrimento honoris nostri in electione
 episcopi fieret. Et si forte factum esset quin in irri-
 tum revocaretur incontinenti.

*Celestinus Papa Senonensi Archiepiscopo
 salutem.*

Cum in regno *Gallie* catholici semper æquitatis
 cultores divina fuerint principes institutione
 promoti à sacrosancta *Romana* ecclesia, cuius fidem
 & unitatem servaverunt, quadam sunt prærogativa
 privilegii benedictionis & gratiæ consecuti. Quo-
 rum quidem exaltationem & gloriam nos etiam ad-
 huc in minori officio constituti, & libenter promo-
 vimus & libentius consulimus promovendam. Nunc
 autem in apostolatus culmine provocati, karissimum
 in Christo filium nostrum *Philippum* illustrem re-
 gem *Francia*, recolendæ memoriæ predecessorum
 suorum tam bonitate quam prudentia successorem,
 paternæ sumus caritatis brachiis amplexati, dignis
 cum titulis honorare, & quantum cum Deo possu-

mus exaltare propensius cupientes. Caterum cum *RICAR-
 DUS rex.* fama hilaris & jocunda de matrimonio inter karissi-
 mos filios nostros in Christo prædictum illustrem
Francia regem & *J.* reginam illustrem sororem ka-
 rissimam in Christo filii nostri *K. regis Danorū* illustris
 sollempniter & rite contracto prius ad noticiam sedis
 apostolicæ pervenisset, & postmodum de ipso matri-
 monio ad pravam suggestionem quorundam tale
 quid ordine turbato non sine honestatis ecclesiasticæ
 læsione fuisse præsumptum audivimus, de quo &
 propter injuriam Deo & propter infamiam consu-
 lentibus & consentientibus irrogatam, non modicum
 contristamur: & quidem si magnitudo regia confi-
 derasset attentius, attendissent & secum nihilominus
 qui hujus præsumptionis cooperatores fuerunt quan-
 tum sit matrimonii sacramentum, non fuisset ut cre-
 dimus hoc modo processum. Constat enim cuique
 divinam paginam revolventi, quod ipse Dominus
 matrimonium instituit, & in paradiso ante peccatum
 ad officium propter sobolem propagandam, dicens,
 Crescite & multiplicamini & replete terram; & extra
 paradysum ad remedium post peccatum propter for-
 nicationem vitandam. Unde ipse primus homo spi-
 ritu sancto afflatus inquit, Propter hoc relinquet ho-
 mo patrem & matrem & adhærebit uxori, & erunt
 duo in carne una. Quanta sit etiam matrimonii di-
 gnitas & quam circumspècta debeat ad tractandum
 de eo procedere gravitas, Dominus innuit. Qui cum
 interrogatus fuisset si licitum esset uxorem dimittere,
 & quæsitum esset ab eo super hæreditate duorum
 fratrum communiter dividenda, in uno tacens & in
 altero sic respondens, Quicumque dimiserit uxorem
 suam præter causam fornicationis mœchatur. Per
 hoc nimirum ostendit quod ecclesia in cognitione
 matrimoniorum quasi cæteris difficiliore, cum majori
 quam in aliis, procedere debeat gravitate. Et cum
 ipse alibi dicat, Quod Deus conjunxit homo non se-
 paret, adverti potest quam graviter ille delinquit,
 & quantum sit ei ab ira ventura timendum, per quem
 tanti sacramenti Christi & ecclesiæ religio perturba-
 tur. Præterea non est à temeritatis vicio alienum,
 quod in tam arduo & difficili negotio non fuit cen-
 sura sedis apostolicæ requisita, per quam vel ipsum
 canonicè finiretur, vel committeretur aliquibus qui
 idem servato juris ordine secundum statuta canonica
 terminarent. Hic revera contra sanctorum patrum
 veneranda Concilia processum est manifeste, qui ma-
 jores & difficiliore quæstiones ab universis ad se-
 dem apostolicam censuerunt debere perferri, quod
 usque in hodiernum diem non solum à *Gallicana*
 ecclesia præterquam in præsentis articulo, verum-
 etiam à longe remotioribus devotissime observatur.
 Ut autem inde aliquantulum ordiamur. Nonne hoc
 negotium de præcipuis & magis arduis unum esse
 dignoscitur: utpote quod tam inter eximias regales
 personas, & à progenitorum regali prosapia descen-
 dentes, super causa tam difficili vertitur, ut secundum
 statuta patrum deberet Auditorio *Romane* ecclesiæ
 reservari. Si hoc & alia privilegia hujus sedis beati
 Petri cui nos licet immeriti præsidemus, quique remo-
 tissimi etiam barbari custodiunt illibata, quanto di-
 ligentius ea servare tenentur constituti propius &
 Latini, & qui de beneficiis prædictæ sedis copiosius
 & frequentius sustentantur? Non utique mediocriter
 errat qui privilegio beati Petri obviare non timet, &
 canonicis sanctionibus contraire. Verum prelati ec-
 clesiæ qui huic rei favorem aut consilium præbue-
 runt,

R. I. C. A. R.
DUS I. rex.

runt, etsi non ob aliud saltem metu poenæ debuerunt ab huiusmodi abstinere, & illud specialiter sollicita mente revolvere quod in sacris canonibus de *Thengaldo Treverensi* & *Guntaro* Colonienſi archiepiscopis legitur qui depositionis sententia meruere percelli, pro eo quod in matrimoniali causa *Lotharii* regis & *Teberga* uxoris ejus normam æquitatis nequiter temerantes sanctiones canonicas exceſſerunt. Quod vero hic fuerit æque vel magis exceſſum, ex ipsa rei evidentia demonstratur. Nam cum regina per verba præſentis temporis expreſſo utrinque conſenſu, hinc inde primo præſtitis juramentis, ſacerdotali benedictione ſicut eſt conſuetudinis accedente, poſtquam fuit in reginam inuncta & honorifice coronata, præſato regi matrimonialiter copulata & eciam cognita ſicut fertur, nichil debuit contra ipſam indefenſam & ignorantem quid penitus ageretur, utpote linguæ *Francorum* ignaram, tam inordinabiliter à quolibet attemptari. Nos vero qui ipſum regem catholicum & eccleſiæ *Romana* valde devotum ab inclitæ memoriæ progenitoribus ſuis ſpecialiter in viſceribus caritatis habemus, volentes animæ ſuæ ſaluti & integritati ſamæ magis conſulere quam ei male ſuadentium ſatisfacere voluntati, per dilectum filium *Cent.* ſubdiaconum notarium noſtrum apoſtolicæ ſedis legatum ad hoc ſpecialiter miſſum & litteras noſtras rogavimus excellentiam ejus, monuimus & attentius fuimus exhortati, ac ei in remiſſionē injunximus peccatorum, ut illud evangelii attenta conſideratione revolvens quo dicitur nihil prodeſſe homini ſi mundum univerſum lucretur, animæ vero ſuæ detrimentum patiatur, dum tempus haberet de animæ ſuæ ſalute eſſet ſollicitus, & prædictam uxorem ſuam quam à ſe conſilio iniquo amoverat, quamque generoſitatis egregiæ ac multæ decus honeſtatis adornat, maritali affectione tractaret, nec illis aures contra hoc accommodare curaret, qui quæ ſua ſunt non quæ *Jheſu Chriſti* quærentes, ad imitationem hominis inimici qui in agro bene ſeminato zizania reſperſit; Pro lucro reputant ſi poſſint inter aliquos odium & diſcordiam ſeminare. Sed idem rex legatum prædictum & litteras noſtras devotione qua decuit ſicut accepimus non recepit. Nos autem ſicut novit Dominus licet propter hoc ſimus conturbati, pro ſalute tamen animæ ejus de qua nos oportet propenſius cogitare amplius contriſtamur, volentes ipſum ea ſemper efficere, quæ & creatori ſuo placere debeant, & ſuæ animæ diſpendium non incurrat. Inde eſt quod publicum inſtrumentum ſuper genealogia ex parte venerabilium fratrum noſtrorum *Lunden.* archiepiscoporum & ſuffraganeorum ejus nobis tranſmiſſum, & ſamam publicam attendentes, ſententiā illam Divortii contra ordinem juris prolatam, de fratrum noſtrorum conſilio caſſantes & penitus irritantes, fraternitati veſtræ per apoſtolica ſcripta mandamus atque præcipimus, quatinus ſi ſupradictus rex ſuæ conditionis oblitus ea vivente aliquam ſuperducere forte voluerit, vos auctoritate freti apoſtolica id eidem inhibere firmiter procuretis. Dat. *Laterani* iij. idus *Martii* pontificatus noſtri anno vº.

Celeſtinus episcopuſ ſervuſ ſervorum Dei, Venerabilibus fratribus Cantuarienſi archiepiscopuſ apoſtolica ſedis Legato Hub. & ſuffraganeis & dilectis filiis eccleſiarum prælatiſ in provincia Cant. conſtitutiſ, ſalutem & apoſtolicam benedictionem.

Miſericors & miſerator Dominuſ qui ut humani generiſ lapſum ſua miſericordia reſtauraret, de utero virgineo carnem ſumere ac mortis non dubitavit ſubire diſcrimen, nolens noſ quos de tenebris & umbra mortis ſua morte redemit, noſtrorum meritorum exigentia iterum manibus tradi inimici, omnem filium quem recipit miſerando caſtigat, monitiſ noſ aliquando, quandoque flagelliſ corripientiſ, & cum meritiſ & peccatiſ noſtriſ talia & majora deberi conſpicimus, ad meliorem vitam faciliuſ & libentiuſ inclinemus. Verum cum diebuſ noſtriſ in tantum excreverit malicia modernorum, ut nec ſacræ ſcripturæ monitiſ nec infirmitatiſ noſtræ corripiamur flagelliſ, manum ſuam ſuper noſ in tantum voluit aggravare, ac terram nativitatiſ ſuæ, quod ſine cordiſ amaritudine non poſſumus explicare, in manibuſ tradere paganorum, ut cum propheta merito deploranteſ *Deuſ venerunt gentes in hereditatem, &c.* auriſ noſtriſ audierimus, quod quibuſdam eciam ad majorem compunctionem datum eſt intueri morticina ſanctorum in eſcas tradita volatilibuſ cœli, & ſanguinem eorum in potum beſtiſ terræ. Audienteſ pariter abhominatiōem deſolationiſ factæ in loco ſancto, cum ibi ſicut dicitur ab *Agarenſi* factum ſit proſtitulum meretricum ubi quondam menſa panum fuerat & propoſitiō ſancta, & ibi ſit uſque hodie ſtabulum jumentorum ubi corpus Chriſti & ſepultum extitit & à fidelibuſ percipi conſuevit. Signum eciam ſalutare, videlicet ſacraſſimum lignum cruciſ in quo apoſtoluſ typice gloriabatur cum diceret, Noſ autem gloriari oportet in cruce Domini noſtri *Jheſu Chriſti* in quo eſt ſaluſ, vita & reſurrectiō noſtra, per quem ſalvi & liberi ſumus; in exterminio terræ illiuſ peccatiſ Chriſtiani populi exigentibuſ in illorum poteſtatem devenit, qui crucifixum cum cruce pariter deteſtantur & filioſ eccleſiæ totiſ conatibuſ perſequuntur. *Jeruſalem* præterea quondam paciſ viſiō, & terra veteribuſ patribuſ repromiſſa, in qua Dominuſ noſter pro nobiſ pati voluit, & certa ſuæ divinitatiſ argumenta monſtrare, quæ eciam quondam à Chriſtianiæ fidei profeſſoriſ conſueverat devotiſſime ac frequentiſſime viſitari, calcatur pedibuſ iniquorum & illorum ſpurcicia inquinantur, quibuſ olim & timori fuerat & horrori, ut ſolita gloria & divitiſ ſpoliata, & religioſiſ viduata & deſerta cultoribuſ ad ſe ipſam converſa deplorat, *Quomodo ſedet ſola civitas plena populo, facta eſt quaſi vidua Domina gentium.* Quiſ igitur Chriſticola tantæ deſolationiſ non inmemor lacrimas teneat? Quiſ huius calamitatiſ audita miſeria non condoleat columbæ gementi? Quiſ huius immoderati doloriſ conſolationem recipiat? cum non ſit qui conſoletur eccleſiam lacrimantem ex omnibuſ caris ejus. Accingimini ergo fratres ad verbum Dei populis evangelizandum & gloriā. Accingantur quibuſ licet materialeſ gladiuſ in perſecutores fidei exercere, ut injuriā cruciſ vindicta celeri ulciſcantur. Accingantur quibuſ datum eſt ſoliſ orationibuſ & contemplationibuſ vacare, ut Dominuſ poſſint aſſidua oratione placare. Ecce enim expecit noſ *Sathanas* ut in hac turbatione cribaret ſicut triticum. Ecce qui nunc cum Chriſto non fuerit, juxta evangelicæ auctoritatiſ doctrinā ipſe erit averſuſ. Et quem ad præſentem crucifixi non movebit injuria, in ſigno non conſidat alteriſ ſalutari. Nec aliquorum volumuſ prudentiam admirari, ſi diverſi mundi principes qui ad expugnandam gentem *Saracenicam* haſtentuſ in

R. I.
DUS

haſta

hastâ & gladio sunt profecti, quasi nihil penitus profecerunt, quia non hastâ & gladio salvos facit Dominus de sua misericordia confidentes, sed in multitudine miserationum suarum salvabit eos. Nec nostra merita hætenus usque adeo profecerunt ut iratum Dominum ad misericordiam provocaverimus & medelam: licet enim quondam filii Israël ad vindicandam mortem uxoris *Leviræ* de monte *Effraim* contra tribum *Benjamin* ascenderunt Domino præcipiente armati; non tamen prius eos potuerunt aliquatenus superare quam ab illis semel & secundo fugati excessus suos & iniquitatem propriam purgassent. Ascendite igitur spe ad cor altum karissimi, ut in mirabilibus suis exaltet Dominus. Effundite coram illo corda vestra ut adiciat misereri Deus, & servet in ira misericordiam suam, & post tempestatem & fletum exultationem inducat. Sumant crucis signaculum qui hætenus arma militaria inter Christianos populos assumpserunt, nec desperent de paucitate nec in multitudine glorientur. Si enim ad defensionem terræ nativitatis Christi passionis, resurrectionis & ascensionis ipsius cum humilitate debita voluerint festinare, Dominus conterens bella qui curus & exercitus *Pharaonis* projecit in mare, docebit manus eorum ad prælium & digitos ipsorum ad bella, & multitudinem paganorum ut paleam ante faciem venti protinus exufflabit, & ut lutum platearum delebit eos. Vos autem fratres archiepiscopo & episcopi quibus post summæ sedis pontificem cura est universorum & animarum sollicitudo commissa, præcibus instantibus ad Dominum incessanter subjectos vobis populos, ut assumpto crucis signaculo ad confundendos & confutandos persecutores Christianæ fidei accingantur, prædicationibus assiduis laboretis. Speramus siquidem, & vos ipsi sperare debetis, quod Dominus in verbo prædicationis & orationis vestræ rete laxabit, & tales ad defensionem orientalis provincie propicius excitabit, quorum potius exigentia meritum quam armorum fiducia exurget Deus & inimici dissipabuntur ipsius, & fugient à facie eius qui oderunt eum. Nos autem illis qui pro divinitatis amore laborem huius professionis assumere & quantum in se fuerit implere studuerint, de indulto nobis à Deo auctoritatis officio illam remissionem impositæ poenitentiae per sacerdotale ministerium facimus, quam prædecessores nostri noscuntur suis temporibus statuisse, ut videlicet qui corde contrito & humiliato spiritu laborem huius itineris assumpserint, & in poenitentia peccatorum & fide recta decesserint, plenam suorum criminum indulgentiam, & vitam propter hoc consequantur æternam. Sive autem supervixerint sive mortui fuerint, de omnibus peccatis suis de quibus fuerint recte confessi impositæ satisfactionis relaxationem de omnipotentis Dei misericordia, & apostolorum *Petri* & *Pauli* auctoritate & nostra se noverint habituros. Bona quoque ipsorum ex quo crucem acceperint cum familiis suis sub sanctæ *Romane* ecclesiæ, necnon & archiepiscoporum atque aliorum prælatorum ecclesiæ Dei protectione consistant, & nullam de his quæ in susceptione crucis quiete possederint, donec de ipsorum reditu vel obitu certissime cognoscatur, sustineant questionem, sed bona ipsorum integra interim remaneant & quietæ. Illi autem qui in subsidium terræ illius de bonis suis transmiserint, de peccatis suis veniam consequantur juxta suorum modamina prælatorum. Verum tibi, frater archiepisco-

pe, cui sollicitudo legationis regni *Anglorum* est ab apostolica sede commissa, honeris huius laborem duximus injungendum: mandantes ut apud karissimum in Christo filium nostrum *Ricardum Anglorum* regem illustrem, ut ad defensionem terræ *Jerusalemitanæ* milites & pedites bene instructos transmittat, assiduis exhortationibus elabores, & provinciam circuiens *Anglicanam* opportunis & importunitis prædicationibus instes, ut pro defensione Christianitatis assumpto crucis signaculo terram visitent transmarinam. Vobis autem fratres episcopi, & dilecti filii ecclesiarum prælati, præsentium auctoritate mandamus, ut dictum archiepiscopum vestrum, tanquam apostolicæ sedis legatum, benigne recipere, ac honorifice pertractare curetis, & monitis ejus & mandatis salubribus obedire. Dat. *Laterani* viij. kalend. Augusti, pontificatus nostri anno quinto.

W. Rothomagensis archiepiscopus Rodulpho decano Londoniensi.

An. Dñi
1196.

Experi sapiens sinceritatem dilectionis qua nos in visceribus Christi amplectimini, & affectionem pia mentis qua nobis compatimini, sicut personam vestram tenerius diligimus, ita & prolixius & confidentius angustias animæ meæ, & statum nostrum atque a nobis in colloquio inter regem Francorum & regem Anglorum habito nuntiamus. Venientibus itaque nobis ad colloquium infra octavas Epiphaniæ inter reges habitum, primo die rex Anglorum à mane usque ad vespæram, tum per se, tum per nuncios episcopos, abbates, & barones supplicavit cum omni instantia efflagitans, ut nos & capitulum nostrum fideiuberemus pro eo, quod nisi scilicet præcise & integre singula capitula, sicut in autentico inter ipsum & regem Francorum confecto continentur observaret, ad solutionem ij. marcarum regi Francorum faciendam teneremur, super sponcione etiam facta litteras sigillis nostris inpressas præberemus. Quia vero autentico non inspexeramus cujus mentio litteris nostris inprimi debuerat, tanquam illi coherentibus, & vigorem si quem habitura erant contrahentibus, corisco cooperto, & scripto nobis ignoto assensum nobis præbere, vel illud confirmare, quod detectum tenebamur abhorere detestari & redarguere minime volumus. Itaque rege & satrapis ejus instantibus nichilque proficientibus, nobisque in proposito persistentibus, circa vespæram facta est nobis copia authentici. Quo à decano & quibusdam ex nostris inspecto, comperimus inter cetera hæc in eo inserta esse, videlicet: « Non licere archiepiscopo Rothomagensi in terras, « vel homines regis Francorum, seu regis Anglorum, interdicti vel excommunicationis sententiæ am dictare, præter assensum iij. clericorum « ab ipsis regibus pro voluntate sua eligendorum, « & super capud archiepiscopi ponendorum. Quod si lata fuerit, ad eos spectabit cognitio sententiæ utrum tenere debeat vel non. Quod si injustam esse protulerint, rex in cujus terram vel homines ecclesiasticam exercuerat sententiam, ad mobilia & immobilia archiepiscopi manus extendet, & ea in proprios usus convertet donec sententiam relaxaverit, & ei secundum arbitrium dictorum iij. primatum satisfecerit. Annexum est in autentico à regibus jurejurando & sigillorum suorum munimine confirmato, « Ut illata ecclesiis seu quibuscunque

RICARDUS I. rex. « cumque personis ecclesiasticis, seu viris religiosis
 « injurie damna remittantur, & interdicti vel
 « excommunicationis sententia propter hac lata,
 « sine ulla satisfactione solvantur. Tamenormi-
 bus autem contra Dei ecclesiam perspectis & audi-
 tis, ilico in omnes inventores & fautores illius exec-
 crabilis authentici exceptis duobus duntaxat per-
 sonis regum, sententiam excommunicationis tulimus,
 constanter authentico contradicentes, & pro nobis,
 & ecclesia, provinciæque nostra universa appellan-
 tes. Secundo die colloquii precibus regiis, tum alle-
 gationibus superficialibus et palliatis, tum minis et
 contumeliis additis, circa nonam cruce Dominica
 precedente innumeraque multitudine nos quasi ad
 spectaculum sequente, et nobis causam ecclesia Dei
 agentibus favente, accessimus et stetimus coram
 rege Francorum querentes ab eo, si salva integri-
 tate ordinis nostri, et juris, et potestatis ecclesia
 Rothomagensis concederet nobis fidejubere pro rege
 Angliæ. Quo clamose contradicente nosque oppro-
 briis et contumeliis multiplicibus lacescente, re-
 cessimus ab eo, et paulo post à colloquio. In crastino
 per episcopum Ebrouicensem et quosdam clericos no-
 stros postulavimus à rege licentiam remeandi ad
 ecclesiam nostram. Ad quam cum ad asilum prope-
 ravimus. Ubi cum quiesceremus, et nocte sabbati
 membra sopori dedissemus, ecce duo milites à latere
 regis missi nobis ex parte ejus dixerunt, quod mane
 coram eo compareremus. Intelligentes autem illum
 omni modo cum genuflexione etiam nobis facienda,
 adhibita caterva pontificum, abbatum, comitum,
 baronum velle satisfacere voluntati suæ, et præci-
 pue voluntati regis Francorum, habito maturiori
 consilio maluimus nocte & clam recedere quam
 periculum libertatis et juris ecclesiastici, cum
 dispendio famæ & bonæ conscientie incurrere.
 Sicque duobus tantum, scilicet clerico & uno
 serviente comitati Cameracum venimus, ubi mo-
 ram facimus adhuc, expectantes dubios rerum
 eventus, et per Dei gratiam status nostri in me-
 lius commutationem, parati propter justitiam
 qualibet adversa sustinere. In tantis itaque tri-
 bulationibus & angustiis constituti, & injuriis
 & oppressionibus afflicti, discretionem vestram sup-
 plicamus attentius, quatinus nostris passionibus
 tanquam amici & devoti vestri condoleatis, et
 quid nobis in tantis articulis constitutis agen-
 dum sit, consilium vestrum recurrentibus litteris
 & auxilium exhibitione operis velitis efficaciter
 impartiri.

Reverendo patri dominoque Waltero Dei gra-
 tia Rothomagensi archiepiscopo, suus ille quon-
 dam fidelis et adhuc fidelissimus salutem, et de-
 bitam patri et domino cum omni devotione reve-
 rentiam et obedientiam.

Quod tacito nomine proprio vobis scribimus,
 illud efficit traditum generaliter,
 An nescis longas regibus esse manus?

Cum itaque tres sunt ecclesiæ persecutiones, vio-
 lenta, fraudulenta, deceptoria: primam Rothoma-
 gensis ecclesiæ bona, clericorum vestrorum possessiones
 dissipasse cognovimus. Personam quoque ves-
 tram illicitis fidejussionibus involvendam infe-
 stasse quamplurimum. In tantum ut ad declinan-
 das tyrannorum versutias coacti sitis regnum Ale-
 mannicum subintrare, à quo cum per Dei gratiam

ad propria redieritis cum triumpho, cantabitur ab R
 occurrentibus vobis canticum novum, canticum jo-
 cunditatis & læticiæ, canticum metricè compo-
 situm, quod est hujusmodi.

Felix homo	Qui pro domo
Dei murum	se futurum
	dicto facto
	publicat,
Ante reges	pravas leges
execrando	detestando
	cælum sibi
	vendicat.

Nos interim vestris & vestrorum deprædationibus
 intimo cordis affectu compatimur, & ad Dei cle-
 mentiam recurrentes attentius genibus flexis Domi-
 num deprecamur cotidie dicentes,

Serva clerum rex insignis,
 Votis tantum laude dignis,
 Ne consumat vorax ignis
 Tua laudi deditos.

Legem pone regnaturis,
 Si statutis insistent duris,
 Ad radicem stat securis,
 Motus franans vetitos.

Valere vos optamus in Domino karissime pater.

Philippus rex Francorum W. Rothomagensi
 archiepiscopo.

Nosse vos volumus quoniam adventum vestrum
 & moram vestram per terram nostram pluri-
 mum desideramus, & nos ballivis nostris præcipi-
 mus, ut vos & vestros per terram nostram salvo
 conducant.

Ricardus rex Angliæ W. Rothomagensi
 archiepiscopo.

Noverit sanctitas vestra quod vobis nullatenus
 deesse volumus, vel valemus in quacumque
 necessitate fueritis constituti. Et si jacturam ali-
 quam vel dampnum occasione nostri incurrat, nullo
 modo poterimus omittere, quin dampna ves-
 tra & jacturam vobis refarciri faciamus. De ad-
 ventu vestro ad nos consilium de vobis accipite
 quid expedire videritis, & gratum habebimus
 quod super hoc vestra sanctitas duxerit statuen-
 dum. De loquela versus dominum regem Fran-
 corum, scilicet de quietatione clericorum & laico-
 rum, cum eo sermonem habeatis. Set animum ve-
 strum consulite & providete, utrum id ei exponere
 ex parte vestra, vel ex parte nostra, tanquam id
 nobis inconsultis & ignorantibus per vos fuisset
 procuratum.

Ricardus rex Angliæ, H. Cantuariensi
 archiepiscopo.

Noveritis quod dilectus noster et decanus Ro-
 thomagensis, vir benignus, modestus, discre-
 tus, et secundum Deum ambulans in presentia no-
 stra et clericorum vestrorum, in episcopum Wigornien-
 sem sollempniter et canonice ab eis quorum intere-
 rat est electus: unde vos rogare duximus quatinus
 electionem illam ratam habeatis et gratam, eamque
 confirmare velitis. Scientes pro certo quod jus ve-
 strum, et ecclesia vestra dignitatem integra conser-
 vari volumus et illa.

Pilippus

Philippus rex Francorum W. Rothomagensi archiepiscopo.

MEmores sumus quod dilectos & fideles nostros Antelmum Decanum Tyronensem, & Ulfonem Camerarium ad vos transmisiimus, per quos vobis nostra voluntas innotuit, videlicet quod in nostro eratis amore & gratia, & quod vobis Andeleium, & aliam terram vestram, & alia quæ ad vos pertinebant libere reddideramus. Illud idem vobis mandamus, & in ampliori gratia & amore de die in diem proficiscitis. Pro certo etiam vos scire volumus quod si in terram nostram venire volueritis, terra nostra vobis & omnibus vestris patens est & parata, sicut specialissimis clericis nostris & amicis.

W. Rothomagensis archiepiscopus Radulfo Decano Londonia.

Licet nobis deliberatione provida tacito nomine scriberetis, nostri tamen stilum cognovimus amatoris, & inter legendum tanta fuimus consolatione relecti, ut præteritæ tribulationis inmemores vestra frui præsentia videremur. Jocundum quidem nobis & delectabile fuit semper, quicquid ex ore vestro, vel de calamo procedebat. Sed nunc consolationes vestræ superant quicquid supra dorsum nostrum fabricaverunt peccatores. Et ne forte tribulatio nostra vos ultra mensuram affligat, hoc de statu nostro certissimum teneatis, quod in prosperitate qualibet numquam fuimus lætiores, quam nos præsentis adversitatis tempora reddiderunt. Quippe mundus iste cotidie semetipso deterior doctor est disertissimus vitæ nostræ, ut semper ejus gaudia declinantes ex ipsius asperitatibus discamus perpetuis consolationibus inhærere, & nunquam delectari in eo quod est labile & caducum, & ibi fixa sint corda nostra ubi sunt vera gaudia & mansura. Et nihil erit in hoc mundo quod nos terreat vel molestat, dum ei fide firmissima militemus cujus sumus sive vivimus, sive moriamur. Verumptamen si respiciendum est ad præsentis temporis blandimenta, pro liquido habeatis, quod causa nostra ex temptatione præterita nobis spondet proventus felicioris eventum, & ex litteris quas super hoc domino Cantuariensi misimus constare poterit, quod ex primitiis prælibatis libertatem debitam in proximo per Dei gratiam consequemur.

W. Rothomagensis archiepiscopus Radulfo Decano Londoniensi.

Vobis amice amantissime viro scienti infirmitates, viro olei & misericordiæ, revelavimus causam ecclesiæ Dei & nostram amaritudinem spiritus & tribulationes quæ invenerunt nos nimis, cujus flentis & sedentis nobiscum in tristitia verba consolationis satiaverunt & lætificaverunt animam nostram. Porro post tristitia sabbata felix irradiavit dies, & per Dei gratiam luctus noster jam conversus in gaudiolum, convertetur in gaudium, gaudium inquam magnum valde. Quarta enim feria post ramos palmarum dominus rex Franciæ nos venientes Pontifaram honorifice suscepit, in nobis Deum venerans, in accessu benigne obviam eiciens, in penetralia domus suæ introducens, nosque præcedere cogens ibidem nos in amaritudine spiritus positos jocundo suo colloquio & secretiori, promissioneque multi-

plici de honoris nostri conservatione, Sacerdotalis dignitatis & libertatis ecclesiasticæ adjecta, recreans & refovens, in recessu nos liberaliter & humiliter in viam nostram deducens. Et quia non sufficit bonum inchoasse & non contummasse, animæque esurienti nulla est satietas, ne ridiculi haberemur, ne communi consilio fratrum & coepiscoporum & cæterorum prudentium virorum obviaremus, in anteriora totam spem in Domino ponentes nos extendimus de contingentibus pro modulo virium nostrarum nihil emittentes. Cum igitur in vigilia Apostolorum Philippi & Jacobi Parisius venissemus, paululum progressi, dominum regem invenimus cum fratre B. de Vicenis, ad quem accedentes, divina præordinante clementia, gratiam, immo cumulum gratiæ, mensuram inquam gratiæ refertam & super effluentem invenimus in oculis ejus. Exponentes enim ei statum nostrum, & cum suspiriis, & in amaritudine cordis, & in persona Christi constanter petentes consilium & auxilium ejus, quatinus ministerio ejus adiceret Deus, ut sacrosancta ecclesia multiplici oppressione resurgeret, abrogatis & deletis quibusdam capitulis contra nos, immo Deum, & ecclesiam, in nephando illo cyrographo conscriptis: Demisso vultu, gerens personam Christi, sicut vere penitentis, nobisque ex intimis cordis compatiens, voce mansueta, voce misericordiæ plena, voce caritatis qua nos amplecti videtur expressiva, in hæc verba prorupit. » Noveritis dilecte archiepi-

30

40

50

60

» scope & sacerdos Christi, etiam cum contradictione satraparum & consiliariorum nostrorum nos intuitu Dei & personæ nostræ non tantum preces vestras velle exaudire, sed & illis hoc conditionaliter superaddere, videlicet non solum nos, sed & episcopos & abbates, omnes conventus, & Ecclesiæ diocesis vestræ, qui fidejusserunt pro rege Angliæ, absolvi à plegio & fidejussione qua nobis obligati sunt, si episcopos, abbates, conventus & ecclesias, qui pro nobis erga eum fidejusserunt voluerit & concesserit absolvi. Indecens enim & iniquum est, ecclesias Dei & ecclesiasticas personas pro excessibus nostris & regis Angliæ puniri, vel eas sic citra auctoritatem ecclesiæ juxta voluntatem principum coarctari & obligari. Et ut breviter & ad summam vobis rem tangamus, omnes petitiones nostras benigne, & animo tranquillo & prompto exaudivit. Eapropter habito consilio dignum duximus & profuturum nobis, & ecclesiæ Dei in partibus Galliæ jurisdictioni nostræ subiectæ morari pro viribus, & per internuntios ad dominum regem Angliæ destinandos experiri satagentes, ut promissa nobis à Domino rege Franciæ effectui & optato fini mancipentur. Commendamus autem nos, & causam ecclesiæ nostræ orationibus vestris, quatenus illis mediantibus, & pro ea in conspectu Domini effusis, valeat respirare, ab actione iniqua, & servitute importabili erepta.

Circa dies istos aquarum inundatio subita, vehementis, & fluctibus procellosis involvens omnia circa Sequanam adjacentia tam lignea quam lapidea, Philippum regem Francorum, Mauricium Parisiensem episcopum Parisius commorantes non parum exterruit. Rex forsitan statuit intra se; Ne me demergat tempestas aquarum, nec obsorbeat profundum, salvabor in monte. Relinquens ergo palatium suum, Ludovicum quoque filium secum assumens, cum domestica familia sua pernoctare decrevit apud

H h

sacram

RICARDUS I. rex

RICAR- sanctam *Genovesam*, episcopus autem dixit, *Ad*
DUS LEX. *animam meam intraverunt aque*; sed ut sibi provi-
deret & suis, apud sanctum *Victorem* quievit.

Circa dies istos iniquitatem & contradictionem in civitate *Lundonia* vidi sapius habitam inter divites & pauperes, ob distributionem munerum subeundorum ad fisci commodum secundum facultatem cuiusque factam multociens inæqualiter, sicut dicebatur à multis. Hujus dissensionis signifer fuit quidam *Willelmus* filius *Osberti*, contra dignitatem regiam populum sapius convocans, & multos sub sacramento constringens. Fratrem suum quoque carnalem, duos etiam alios opinionis integræ viros, tanquam regis proditoris reos in conventiculis suis ad mortem usque persequebatur. Ad ultimum in ecclesia Doctoris gentium *Pauli* seditionem, conclamationem, tumultuationem multociens concitavit. Cum autem publicæ potestatis indignationem adversus se graviter excitatam suis meritis exigentibus intelligeret, intra turrinam cuiusdam ecclesiæ pertinentis specialiter ad archiepiscopum sese conclusit, locum sacrum in castellum commutans. Postmodum videns concurrere multitudinem armatorum, ut proximam mortem fugeret, intra templum gloriose virginis ignem injecit, & locum Domino consecratum flammis discurrentibus pro parte combussit. Extractus ab ecclesia, perductus est ad turrinam *Lundonia* calculum reportans diffinitivum, & ut unius poena, metus possit esse multorum, de communi sententia procerum vestibus expoliatus, manibus vinctis à tergo, pedibus longis funibus colligatis, equi ministerio per mediam civitatem trahitur ad furcas prope *Tiburnam*. Suspendus est itaque, ferreis constrictus catenis ne cito corrueret. Appensi sunt cum eo novem ejusdem litis consortes, ut quos par facinus æquarat, & inquinaverat, similis poena constringeret. Ob pacem ergo totius regni sollicitius & securius procurandam & conservandam, de iusticiarii principalis decreto multorum mediæ manus hominum filii, vel propinqui dati sunt in obsidatum, in diversis per patriam munitionibus carcerali custodiæ mancipandi, pauperes congrua satisfactione pro vicinorum arbitrio satisfecerunt.

W. Rothomagensis archiepiscopus, *Radulfo* Decano *Lundoniensi*.

AGgredientibus iter arduum & angustum, per quod ab hujus valle plorationis est per varios casus, & multa discrimina rerum ad cœlestis eminentiam patriæ redeundum, Dominus nunquam à misericordiæ proposito recedens, tanquam innixus adhuc scalæ *Jacob*, manum consolationis porrigit ne lassescant. Ipse quidem aspera dirigit in vias planas, defectuum conscius humanorum, dum forte gradus ascensionum difficiles steriles minantur laborantium sudores, ut ad perseverantiam promoveat fatigatos, quos in stadio discurrentes bravi dilatio suspendit. Multæ tribulationes, sicut ecclesiæ Dei satis universaliter innotuit, nobis per Dei gratiam hoc iter ingressis obicem posuerunt, qualiter videlicet dum in domo Domini cum fratribus vellemus unanimis habitare, inimicus homo inter clericos & laicos nostræ urbis discordias seminavit: unde tot germina maliciæ pullularunt, quæ nondum potuerunt ab eorum cordibus extirpari; subinde regum hostilitas subintravit, quæ redditus & possessiones ec-

clesiæ nostræ deforis invadens, gloriam ejus abintus *Ric-*
malicia civium denigratam ad enormem confusio- *DUS*
nem, & paupertatem redegit. Nec contentus est malignus spiritus nobis in exterioribus adversari, sed & in caput nostrum ille adversarius cui nulla sufficit iniquitas calcaneum erexit, & reges nostros adeo veneficæ suggestionis artificio reddidit insensatos, ut catholicæ professionis immemores quatuor nobis vel-
lent superponere primates, & nostræ jurisdictionis
10 potentiam sub eorum ministerio sepelire. Statuerunt etiam quod de omnibus damnis quæ passa fuerat ecclesia per eos, ipsos absque compensatione præmissa redderemus liberos & immunes, & sub iurjurando firmaverant nos ad hoc iuribus & iniuriis coercere; unde sicut audivistis, potius elegimus pauperes exulare, quam ecclesiam nobis sine ruga & macula commissam pateremur corrumpi, ut eam ancillam de libera, & de gloriosa ignobilem redderemus. Dum itaque propter Deum extremam exilii
20 fortunam subissemus, & forte quibusdam propter æstus persecutionis importabiles lassescere videremur, dominus supposuit manum suam cui derelictus est pauper, & ventis imperans & mari procellam statuit in auram; nec potuerunt reges in rebellione proposita morari, cum ipse aliter disposuerit in cuius manu corda sunt regum. Sed favente Deo compuncti sunt, & ad cor penitus redierunt adeo, ut sicut lex Compositionis inter eos ipsos initæ diffinivit, ecclesia nostra in damnorum suorum recompensationem annuo & perpetuo quingentarum librarum
30 redditu sit ditata. Abbates vero pro quorum damnis nos opponebamus, nobis litteris suis patentibus ediderunt, quod dominus rex *Angliæ* eos secutos reddidisset, quod eis satisfaceret competenter. Adhuc & pro minoribus ecclesiasticis personis relaxationem interdicti, quod propter hoc in terra regis *Francorum* posueramus suspendentes, litteras domini regis *Angliæ* habuimus, quibus firmissime promittebat se damnificatis omnibus ad nostrum
40 arbitrium recompensationem debitam præstiturum. Nos igitur diligenti cum episcopis & viris prudentibus deliberatione præmissa præfatam sententiam duximus relaxandam. Tandem vero, multis tamen ante dilationibus impediti, cum & utriusque regum benivolentia, & assensu in libertate pristina solidati, cum suffraganeorum nostrorum, & totius ecclesiæ nostræ flagitatione & consilio ad nostram sumus ecclesiam per Dei gratiam reversi; in qua nunc valen-
50 nius, & volumus adjuvante Domino, prout honestati pastorali congruit, præsulari. Factumque est Domino disponente, quod Dominica qua cantatur *Dominus illuminatio mea*, fuimus in ecclesia nostra ab universo clero & populo sollempniter recepti: & à plebisque felix est auspicium annotatum, quod quasi denuo consecrati iterum ad pontificalem cathedram nobis esset sub eodem cantico procedendum, quo pridem fuimus ad *Lincolniensis* episcopatus gradum apud *Andegavim* consecrationis oleo delibuti. Et multo nostræ restitutionis honorem lætitia festi-
60 vior illustravit, quod in urbe *Rothomagensi* karissimos fratres nostros, & coepiscopos *Lincoln. Saresburiensem*, & *Exoniensem* casus inopinatus coegit, qui nobis ab exilio revertentibus gratæ societatis solatia reddiderunt. Et hanc saltem caritatis vicem vobis reddere volebamus, ut qui nostræ persecutionis condolendo participes fuistis, in nostræ consolationis apicibus legatis: quod utcumque vobis com-
municare

CR-
s. l. x. communicare noster spiritus concupiscit, quod exhibere-
mus libentius præsencia corporali.

Johan. Decanus Rothomagensis assensu communi Wigornensium electus est in episc. Wigornensem. Quem Hubertus Cantuariensis archiepiscopus apostolicæ sedis legatus, suffraganeis suis de consuetudine solemniter convocatis consecravit prope London. in Abbatia quæ dicitur Hamma, xij. kal. Novemb.

Circa dies istos W. Rothomagensis archiepiscopus Romam profectus est, consilium habiturus cum domino papa Cælestino super causa quæ vertebatur inter ipsum archiepiscopum, & dominum Ricardum regem Anglorum & W. Luxoviensem episcopum, in matricem ecclesiam, & ipsum archiepiscopum violenter insurgentem.

Hubertus Dei gratia Cantuariensis archiepiscopus totius Angliæ primas, & apostolicæ sedis legatus, dilectis in Christo filiis Decano, & Capitulo Eboracensi, & universis Capitulis, Abbatibus & Prioribus Eboracensis provinciæ salutem, & benedictionis gratiam salutare.

Volens universalis ecclesia sponso ut sponsa ejus valeret uberius, totius salutem ex integritate partium resultare, inter alias eam sui portionem, quam sub occiduo sole plantatam meminit, in extento virtutis sua brachio solidare curavit, & apostolicæ visitationis oleo delibutam, perpetuati nexu fœdere suo capiti colligare. Verum quia ipso in Romana ecclesia quæ caput est omnium residente membrorum indemnitati providetur cautius, & inferior universitas è specula sublimiori facilius dirigitur in salutem; quod ipse personaliter implere non valuit supplere voluit in ministro. Sed nec ad ecclesiam Anglicanam vice apostolica visitandam, de nationibus exteris quemquam assumpsit, de corpore ipsius elegit super quem adiutorium ejus poneret, ex quo quia filio nulla in matrem iniqua dominatio grassaretur. Nobis itaque non ex virtutum vel scientia merito in hoc ministerium evocatis, & jurisdictione per universum regni ambitum dilatata, in suscepti officii executionem pro tenore difinito particulares ecclesias in regno disposuimus circumire, semper, & studiosius id agentes ne vel conscientia & post factò remorderet interius, vel fama exterius laboraret. Sub Dei testimonio loquimur confidenter asserentes, quia pro legationis exercitio nihil amaritudinis conscientia representat; exoptantes etiam ne fama obsequium fides veritatis excedens, vel pervertat honesta, vel contraria superaddat. Hunc autem per Dei gratiam fructum collegimus ex labore, quod præter obsequium sicut speramus altissimo præstitum, in conspectu domini papæ servitus nostra suavitatem odoris effudit, qui post litteras super indulta legatione transmissas consequenter & alias destinavit; in quibus & jocunda nostri famulatus commendatione usus est, & ministerio nostro ferventem in forma qua incepimus processum injunxit. Sane quos de provincia nostra visitavimus; considerantes opera nostra certatim, & sponte scripserunt in testimonium veritatis, dignum ducentes Romanæ sedis & nostræ visitationis modum, & sui visitoris diligentiam intimare. Quia igitur & penes vos in nullo ad legationem contingentibus credimus excessisse, vestraque insinuatione quod rei veritas habet, in hac parte pulcris innotescit, universitatem vestram

exoramus cohortantes in domino, & qua fungimur auctoritate firmiter injungentes, quatinus zelo rectitudinis & veritatis quæ Deus est, singula capitula provincia vestra singula congregationes domino papæ, quæ de nostra legatione cognoverint fideliter protestentur, quomodo vices apostolicas executi fuerimus apud omnes, qualiter agro dominico in messis abundantiam excolendo commissæ falcis ministerium curavimus adhibere. Cum his etiam volumus Romanæ sedis cercius à singulis designari, quantum nobis in causa procurationis impenderint, vel quatenus eis occasione legationis fuerimus onerosi. Quod ideo sub hac forma fieri mandamus, quia sicut de securitate nostra confidentes rei hujus fidele testimonium formidare non possumus, sic nec poteritis quæ vobis super articulis memoratis constiterint salva honestatis conscientia subticere. Præterea quia redditus Eboracensis archiepiscopatus postquam ipse archiepiscopus à possessione cecidit, redditusque Dunelmensis episcopatus, dum vacavit, certissime vestris ex mandato regis confiscatos, & per ministros publicos, qui ad hoc specialiter constituti fuerant, sicut moris est in regno, in regios usus duntaxat integre devolutos, præfatis attestationibus distente subjungi volumus, hujus scirem, & certitudinem veritatis.

Omnes ecclesiæ conventuales in Eboracensi provincia constitutæ, domino papæ scribunt à paribus in hunc modum. "Veritatis filii non essemus si rogati veritati testimonium perhibere postponeremus. Parumque refert in delicto an quis verum tacendo in fraudem alterius supprimat, vel in alterius præjudiciū falsum asseverando eximat. Requisiti igitur à venerabili patre & domino H. Dei gratia Cantuariensi archiepiscopo apostolicæ sedis legato, quatinus visitationis suæ modum, & diligentiam dignum duceremus sedī Romanæ intimare, sublimitati vestræ zelo rectitudinis, & veritatis quæ Deus est notum facimus, & quæ de legatione sua cognovimus fideliter protestamur. Quod cum apud nos visitationem suam exerceret, vices apostolicas diligenter executus fuit, agrum dominicum fructuosum in messis abundantiam excoluit, nihil nobis moleste intulit, nihil à nobis exegit, sed in omnibus verbis & operibus modeste se habuit, in nullo onerosus nobis existens. Præterea novēit excellentiam vestram quod villas, & possessiones Eboracensis archiepiscopatus, postquam dominus Eboracensis eas possidere desuit, per publicos ministros regis confiscatas fuisse, & omnes redditus & proventus ipsarum in regios duntaxat usus devolutos fuisse.

W. Rothomagensis archiepiscopus Radulfo decano Londoniensi.

Discretioni vestræ satis innotuit quantis tribulationibus, & jacturis Rothomagensis ecclesia diutius sit vexata. Et nos hac omnia dominum nostrum regem pariter attendere sperabamus, ut saltem nobis & ecclesiæ condolentis animum exhiberet. Ipse vero potius favens prævaricationibus aliorum, patrimonium ecclesiæ solum & unicuique Andeleium scilicet occupavit, & contra prohibitionem nostram in insula nostra munitiones adificare cepit, in capite præsumens quod in membra poterit tractu temporis perniciosius redundare. Ipsum

RICARDUS
DUS I. rex.

quidem sicut decuit tam per nos quam per alios semel, & secundo, & tercio convenimus diligenter ut desisteret ab incepto, & de damnis villarum nostrarum à suis incendio consumptarum, & de aliis damnis nobis & ecclesie nostre illatis per ipsum & suos satisfactionem debitam exhiberet, & capellaniam nostram de Blia quam per annum & eo amplius in manu sua tenuit, nobis cum fructibus inde perceptis restitueret. Ipse vero quasdam responsiones argutas quidem sed minus efficaces nec ratione subnixas prætendens, semper perstitit in incepto, nec nostros monitus exaudivit. Certe si misereri vellet & parcere vite nostre, Andeleio pepercisset; quod nostris & pauperum necessitatibus unicum subsidium habebamus. Hoc autem præfatam enormitatem inexcusabilem reddidit, quod post nostram prohibitionem & monitus non solum insulam nostram detinet occupatam, verumetiam de novo maximam partem dominici nostri post insulam nostram occupans, illud fossatis & barbicanis munire contendit. Nos igitur invasionem manifestam nimis crescere cernentes, iterum ad dominum nostrum regem cum omni humilitate accessimus. Et ne quid cum impetu & minus discrete facere videremur, adjunctis nobiscum majoribus ecclesie nostre, instanter & affectuose supplicavimus quatinus misericorditer ageret nobiscum, & insulam nostram & dominicum nostrum quod usurpaverat nobis restitueret, & damna nostra & nobis & ecclesie nostre illata resciret. Adjecimus etiam, quod nisi infra tertium diem quem ei assignavimus, super prædictis satisfaceret, ulterius non possemus tantam pertinaciam clausis oculis præterire & relinquere impunitam. Ad hæc ut contritio adderetur contritioni, & ecclesie nostra intestino affligeretur bello, W. Lexoviensis episcopus spiritu superbia ceterisque pestibus heresi impulsus adversus eam matrem suam suum erexit calcaneum, à qua cum consilio venerabilium fratrum & coepiscoporum nostrorum, pro multiplicibus ejus excessibus & inobedientia contumaci, præmissa multiplici ammonitione ut ad viam veritatis rediret, in interitum carnis vinculo anathematis meruit innodari. Cum itaque modis aliquibus non potuerimus dominum nostrum regem vel prece vel monitis ad emendationem convertere, & terminus sine aliqua satisfactione elapsus sit, multiplici necessitate & prudentum virorum consilio monemur ascendere ex adverso, & in proposito firmissimo habemus ulterius non pati tot & tantas injurias impunitas, nisi dominus noster errorem tantum maturaverit revocare. Caterum contra episcopum Lexoviensem iter ad sedem Apostolicam urgere compulsi, die Jovis proxima post festum omnium Sanctorum cœpimus proficisci, sperantes per Dei gratiam faciem ejusdem episcopi coram summo pontifice reddere confusam. Cujus excessus intolerabiles nos invitos ut diximus coegerunt, ut eum animadversione dignissima puniremus. Vos autem per Dei misericordiam exoramus, ut nobis fraterna compassionis animum rependatis, & vestris nos juvetis orationibus apud deum.

DE cantore Lincolnienſi Waltero Map in Oxnefordensem archidiaconum translatione facta, Willemus Bleſensis ſubdecanus Lincolnia de liberalitate mera pontificis ſubrogatus eſt in præcentorem. Cum autem de ſubdecani ſubſtitutione tractatus haberetur prolixior inter Concanonicos, nec per

biduum in unam poſſent convenire perſonam, episcopus utens propria poteſtate Ricardum Kentenſem canonicum ejusdem eccleſie ſubdecanum inſtituit, & ei ſedem debitam aſſignavit vel aſſignari præcepit, tam in choro quam in capitulo, Doctore gentium Pauli ſubnixus auctoritate laudabili, qui modis omnibus perſuaſit quiddam in eccleſia Dei ſalubriter obſervandum, ſcilicet Zelus & contentio tollantur de medio, ſit pax in deſiderio.

Willielmus Heliensis episcopus Cancellarius regis dum Romam tenderet, completis à die consecrationis ſuæ vij. annis & triginta diebus diem clauſit extremum apud Piſtavim. Sepultus autem eſt in abbazia quadam ordinis Cisterciensis, quæ vocatur abbazia de Pinu.

Archiepiſcopus Cantuariam veniens incommode gravi tactus eſt, ut die natalis Domini divina celebrare non poſſet, qui per Dei gratiam convaleſcens dies natalicios explevit ibidem. Tractatum igitur habiturus cum Priore, cum monachis, intravit Capitulum xij. kal. Februarii, ſicut dicitur, omnes domeſticos, bajulum etiam crucis relinquens pro foribus, unus è monachis Johannes de Dovera præviſus extitit cruce ſuſcepta. Quid autem actum ſit in congregatione tanta per triduum, ignoratur à multis. Solum hoc celebriter divulgatum eſt, Pacificus intravit Archiepiſcopus, pacificus exiit regni Juſticiarius, nec enim inventum eſt aliquid in toto Collegio, quod publici cognitoris eccleſiaſtici, vel civilis animadverſionem expeteret.

Circa dies iſtos episcopo Cameracensi Johanne rebus humanis exempto tres ſunt electi, Walternus, Nicholaus, Stephanus, & infra quadraginta dies deſuncti ſunt.

Celeſtinus episcopus ſervus ſervorum Dei Huberto Cantuarienſi archiepiſcopo.

CUM de agro Domini lolium meſſem triticeam oppreſſurum falce ſit Apoſtolica reſecandum, fraternitati tuæ per Apoſtolica ſcripta mandamus, quatinus abbate de Torneie, tam ab amminiſtratione, quam ab officio abbatiæ amoto, monachis auctoritate noſtra ſublato appellacionis obſtaculo licentiam tribuas in abbatem perſonam idoneam eligendi. Ad hæc ne prædicti abbatis exceſſus remaneat impunitus, volumus & præſentium tibi auctoritate mandamus, quatinus auctoritate noſtra ipſum capi facias, & tam diu carcerali cuſtodia mancipari, donec ſuper hoc noſtræ receperis beneplacitum voluntatis. Dat. Laterani pridie nonas Maii pontificatus noſtri anno quinto.

Robertus Prior Helyenſis Cancellarii frater xiiij. monachis cum Capituli ſui litteris à Collegio ſanctæ Dei genitricis apud Eboracenſes antiquitus inſtituto directis, xvj. kal. Aprilis coram regni Juſticiario ſollemniter electus eſt in abbatem apud Weſtmonaſterium. Quem Hubertus Cantuarienſis archiepiſcopus Apoſtolice ſedis legatus benedixit apud Coleceſtriam in abbazia ſancti Johannis x. kal. Aprilis. Sua poſtmodum ſollemniter eſt collocatus in ſede iiij. nonas Aprilis.

Rex Anglorum milite multo ſtipatus caſtellum ſancti Valerici ſuccendit, adjacentem prædavit provinciam, quinque navium hoſtibus ſuis victualia deferentium gubernatores ſuſpexit in patibulo. Quæ repperit in navibus comportata familia ſuæ diſtribuit xvij. kal. Maii.

Imbrium

Imbrium infusio triduana per Angliam multos
exterruit.

Philippus Dunelmensis electus à domino papa
consecratus est Laterani xij. kal. Maii.

Marchadens nephariis Brebantiorum vallatus
catervis episcopum Beluacensem, Willelmum de
Merlou, multosque cum eis jure belli captos & du-
rissimis constrictos in vinculis transmisit Rothoma-
gum xiiij. kal. Junii.

Notum sit universis hoc scriptum visuris, quod
hoc est fœdus & conventio inter Ricardum regem
Angliæ, & Baldwinum Comitem Flandriæ & Ha-
moix consanguineum suum. Quod idem rex An-
gliæ pacem aut treugas cum rege Francorum non
faciet nec facere poterit absque voluntate & assen-
su ejusdem Comititis. Nec idem Comes faciet aut fa-
cere poterit pacem aut treugam cum rege Franco-
rum absque voluntate & assensu prædicti regis An-
glorum. Et si forte de voluntate & assensu utrius-
que pax aut concordia fieret inter regem Franco-
rum & eos, & rex Francorum postmodum alter-
utrum guerraret, tenerentur prædicti rex Anglo-
rum & Comes ad mutuum subsidium, & auxilium
sibi invicem conferendum prout melius potuerunt,
& sicut fecerunt tempore quo fœdus istud inter eos
contractum est. Et sciendum est quod hoc fœdus &
conventio non solummodo duratura est tempore guer-
ra, set imperpetuum inter eos & hæredes eorum
qui terras ipsorum tenebunt post eos, siue pax fuerit
siue guerra. Ita quod si rex Angliæ hoc fœdus &
hanc conventionem non observaverit, illi qui jura-
verunt hoc fœdus & hanc conventionem tenendam
pro rege Angliæ, mittent se in captione præfati Comi-
tis infra mensem postquam id bona fide scierint, non
expectata submonitione dicti Comititis. Similiter si
dictus Comes hoc fœdus & hanc conventionem non
observaverit, illi qui juraverunt hoc fœdus & hanc
conventionem tenendam pro ipso Comite, mittent se
in captione dicti regis Angliæ, infra mensem post-
quam id bona fide scierint, non expectata summoni-
tione dicti regis Angliæ. Hoc juravit pro ipso rege
bona fide tenendum Johannes Comes Moritonii fra-
ter ipsius regis & in animam ejusdem regis. Et pro
se ipso juravit idem Comes in animam suam: & Co-
mes Flandriæ Baldwinus juravit propria manu hoc
fœdus & hanc conventionem tenendam bona fide.
Hinc inde multi testes sunt quos enumerare longum
est. Acta sunt hæc apud Insulam Andeleii.

Walterus Rothomagensis archiepiscopus dilecto &
speciali amico Radulpho decano Londoniensi.

Benedictus Dominus qui non amovit orationem
nostram & misericordiam suam à nobis, dans
nobis & ecclesiæ nostræ pacem in præsentī, in futuro
per gratiam suam daturus pacem super pacem. No-
verit caritas vestra qua nos semper in visceribus
Christi tenerius amplexati estis, per excambium au-
thoritate domini papæ & curiæ Romanæ, cum etiam
consilio multorum virorum prudentium, archiepisco-
porum, episcoporum, abbatum, virorum religioso-
rum & jurisperitorum initiatum: labore, sollicitu-
dine & mediatione Domini Cantuariensis archi-
episcopi, episcopi Wigorniensis & electi Helien-
sis consummatum, inter Dominum regem & nos & ec-
clesiam nostram, ad honorem ipsius & commodum
reformata esse. Omnes enim intelligentes situm An-
deleii paci ineptum, & guerræ vicinum & expositum,

Domino etiam regi ad acquisitionem & defensionem
terræ suæ valde congruum; Afferentes etiam nobis
auctoritates non tantum super commutatione reddi-
tuum ecclesiarum, sed etiam de translatione sedium
hostilitate cogente conscriptas, nos ad excambium
cum Domino rege faciendum induxerunt. Sic itaque
ne nota singularitatis, superbix & protervitatī notari
possimus, consilio tot & tantorum adquevimus xvij.
kal. Novembris; Et ea die suscepti sumus in ecclesia
nostra, præsentē domino Cantuariensi archiepiscopo,
episcopo Wigorniensī, omnibus etiam episcopis Nor-
manniæ, abbatibus multis & magnatibus multis.

Ricardus Dei gratia rex Angliæ, dux Normanniæ,
Aquitaniæ, Comes Andegaviæ, Archiepiscopus,
Episcopus, Abbatibus, Prioribus, Comitibus, Ba-
ronibus, Justiciis, Senescallis, Vicecomitibus,
Præpositis, Ministris, & omnibus baillivis & fi-
delibus suis salutem.

Cum sacrosancta ecclesia sponsa sit regis regum,
& unica dilecta illius per quem reges regnant &
principes gubernacula possident, tanto ampliorem ei
volumus devotionem & reverentiam exhibere, quan-
to certius non regiam tantum sed omnem à domino
Deo esse credimus potestatem. Unde sicut venera-
bilis Rothomagensis ecclesia, quæ inter universas ter-
rarum nostrarum plurima celebritate dinoscitur eni-
tere, pro rerum necessitate vel temporum nostris du-
cit utilitatibus oportuna diligentia consulendum: sic
nos ejusdem matris nostræ commodis & augmentis
digna compensatione dignum ducimus respondere.
Sane villa de Andeli & quibusdam aliis adjacenti-
bus locis quæ erant Rothomagensis ecclesiæ minus
sufficenter firmatis, inimicis nostris in terram no-
stram Normanniæ per eadem loca patebat ingres-
sus, per quæ incendiis & rapinis necnon & aliis ho-
stilitatis lævitiis, in eandem terram nonnunquam li-
centius grassabantur. Quocirca venerabili patri no-
stro Waltero archiepiscopo & capitulo Rothomagensi
debitum habentibus, ad nostra & prædictæ terræ
nostræ damna respectum, facta est permutatio inter
ecclesiam Rothomagensē & archiepiscopum Rotho-
magensē Walterum ex una parte, & nos ex altera
parte de manerio de Andeli in hac forma. Scilicet
quod idem archiepiscopus de conscientia & volun-
tate domini papæ Cælestini tercii & de assensu capi-
tuli Rothomagensis ecclesiæ, & coepiscoporum suo-
rum, & cleri ejusdem archiepiscopatus concessit, &
in perpetuum quietum clamavit nobis & hæredibus
nostris prædictum manerium de Andeli, cum novo ca-
stello de Rupe & cum foresta & cum omnibus pertinen-
tiis aliis & libertatibus suis, exceptis ecclesiis & præ-
bendis & feodis militum, & excepto manerio de Fraxi-
nis cum pertinentiis suis: quæ omnia idem archi-
episcopus Rothomagensis & sibi & successoribus suis retinuit,
cum omnibus libertatibus & liberis consuetudinibus
suis, & cum omni integritate sua imperpetuum. Ita
quod tam milites quam clerici & omnes homines
tam de feudo militum, quam de præbenis sequentur
molendina de Andeli sicut consueverunt & debent,
& molutura erit nostra; archiepiscopus autem & ho-
mines sui de Fraxinis molent ubi idem archiepisco-
pus volet. Et si noluerint molere apud Andeli da-
bunt moluturas suas sicut alii ibidem molentes. In
excambium autem prædicti manerii de Andeli cum
pertinentiis, concessimus & in perpetuum quietam cla-
mavimus ecclesiæ Rothomagensi, & prædicto archi-
episcopo

RICARDUS episcopo & successoribus suis omnia molendina que nos habuimus *Rothomagi* quando hæc permutatio facta est, integre cum omni sequela & molutura sua, sine aliquo retinemento eorum quæ ad molendina pertinent vel ad moluturam, & cum omnibus libertatibus & liberis consuetudinibus quas solent & debent habere; Nec alicui alii licebit molendinum ibidem facere, ad detrimentum prædictorum molendinorum; Et debet archiepiscopus solvere elemosinas antiquitus statutas de eisdem molendinis. Concessimus eis villam de *Diepe* & villam de *Bureiles* cum omnibus pertinentiis, & libertatibus & liberis consuetudinibus suis, exceptis elemosinis constitutis in manerio de *Diepe* à nobis & antecessoribus nostris, quarum summa est cccxxij. libræ *Andegavensium*, quæ debent solvi per manum prædicti archiepiscopi & successorum suorum his quibus assignatæ sunt. Concessimus eidem manerio de *Loures*, cum omnibus pertinentiis & libertatibus & liberis consuetudinibus suis cum ministerio de *Loures*, salvis ad opus nostrum venatione nostra & destructione forestæ, ita tamen quod non sit in riguardo. Concessimus etiam eis totam forestam de *Alihermont*, cum feris & omnibus aliis pertinentiis & libertatibus suis sicut eam habuimus. Hæc autem omnia in excambium prædicti manerii de *Andeleio*, cum prædictis pertinentiis data habebunt ecclesia *Rothomagi*, & prædictus archiepiscopus & successores sui in perpetuum, & cum omnibus libertatibus & liberis consuetudinibus suis sicut prædictum est. Homines autem prædicti archiepiscopi de præfato excambio habebunt omnes libertates & libertas consuetudines quas habuerunt homines de *Andeleio*, dum manerium illud esset in manu ipsius archiepiscopi. Hæc etiam omnia quæ idem archiepiscopus in hoc excambio recepit, Warantizabimus nos & hæredes nostri ecclesiæ *Rothomagi*, & prædicto archiepiscopo & successoribus suis in perpetuum contra omnes homines. Ita quod si aliquis excambium aliquod est recepturus pro aliquo prædictorum, quæ memoratus archiepiscopus hic recepit, nos vel hæredes nostri faciemus illud excambium, & ecclesia *Rothomagi* hæc omnia prædicta in perpetuum pacifice possidebit. Nos vero quantum potest rex excommunicamus, & concedimus quod incurrat indignationem Dei omnipotentis quicumque contra hoc facinus venerit. Testibus his, *Huberto Cantuariensi* archiepiscopo, *Johanne Wigornensi*, *Hugone* Conventrensi, *Savarico* Batoniensi, *Henrico* Baiocensi, *Lisardo* Sagienfi, *Willielmo* Lexovienfi, *Willielmo* Constantinensi, *Willielmo* Abrincensi electo, *R. sanctæ Trinitatis* de monte *Rothomagi*, *Reginaldo* sancti Wandregeri, *Victore* sancti Georgii, *Arturo* ulterioris portus, *Osberto* de *Pratellis*, de *Augo*, de *Cornevill*, abbatibus. *Johanne* Comite de *Meritonio*, *Otone* Comite *Pictavenfi*, *Radulpho* Comite de *Albemarla*, *Radulfo* Comite de *Augo*, *Willielmo* Marescallo Comite de *Striguil*, *Willielmo* filio *Radulfi* Senescalli *Normanniæ*, *Roberto* de *Turn*: Senescallo *Andegaviæ*, *Willielmo* de *Humet* Constabulario *Normanniæ*, *Hugone* Brun, *G. de Lisinnan*, *Willielmo* de *Rupibus*, *Radulpho* de *Tancarvilla*, *W. Martel*, *Radulpho* Tesson, *G. de Sai*, *Giliberto* filio *Reinfredi*, *Roberto* de *Harecort*, et multis aliis. Data per manum *Eliensis* electi *E.* vices Cancellarii tunc agentis apud *Rothomagum*, anno ab incarnatione Domini M. C. xc. xvj. die Octobris, anno regni nostri octavo.

Walterus Rothomagensis archiepiscopus karissimo & speciali amico suo Rad: Lundonienfi decano se totum, & cum silentio præstolari adventum Domini.

Sicut testantur sacra eloquia, Væ illis qui perdidērunt sustententiam. Sustinuit mala sic castigati, apprehendimus disciplinam parati in flagella domini; aporiat sed non destituti; temptati rapinis; asperitatibus maris, intemperiei aeris, malignantium insidiis expositi, sed non defecimus: Dominus enim ne collideremur supposit manum suam. Imperavit ventis & mari, & facta est tranquillitas magna. Oculo misericordiæ suæ nos respexit, & ecclesiam nostram, & cessavit quassatio, pace reddita ecclesiæ. Dominus enim in cujus manu corda sunt regum, cor domini terigit, ut desiderio desideraret quæ ad pacem essent, & ampliationem *Rothomagensis* ecclesiæ. Cujus votum & desiderium Dominus prospiciens, labore, sollicitudine & ministerio domini *Cantuariensis* & *J. Wigornensis* episcopi & *E. Eliensis* electi effectui mancipavit. Istis enim mediantibus & inter partes discurrentibus, per excambium domino regi ad tuitionem, & acquisitionem terræ suæ accommodum, ecclesiæ *Rothomagensi*, & nobis saluberrimum & honestum, ut puta voluntati domini papæ & curiæ *Romane*, necnon & aliorum multorum archiepiscoporum, episcoporum, abbatum, clericorum & aliorum virorum religiosorum, & jurisperitorum consentaneum, pax inter regem & nos & ecclesiam nostram reformata est. In quo excambio ecclesia *Rothomagensis* juxta veridicam assertionem omnium comprovincialium in quingentis libris & eo amplius excrevit. Hæc autem commutatio scriptis autenticis anathemate à domino rege, archiepiscopis, episcopis, abbatibus, sacerdotibus innumerabilibus in violatores prolato, testibus etiam magnatibus omnibus *Normanniæ* adhibitis, ut perpetuam & incommutabilem optineat firmitatem, & ecclesia *Rothomagensis* pace gaudeat inviolabili et irrefragabili, roborata et confirmata est, Auctoritate et scripto autentico domini papæ, per gratiam Dei ad preces et instantiam domini regis et aliorum magnatum et prælatorum ecclesiæ corroboranda. Hæc autem dignum duximus vobis exponenda quia semper nobiscum flevistis, et compassi estis, ut cum gaudentibus gaudeatis, eo quod concupiscentes semper concupieritis ea quæ Dei sunt, augmentum et honorem sanctæ ecclesiæ, cujus instantia cotidiana sollicitudinem vestram esse credimus.

A Be ea die qua *Hubertus Cantuariensis* archiepiscopus mandato regis transfretaturus à *Lambetha* recessit, ad eum usque diem quo revertens in *Angliam* locum rediit ad eundem vj. idus Novembris, septimanæ viginti completæ sunt additis vj. diebus. Archiepiscopus cum rege moram faciens in *Normannia*, multorum necessitatibus providit et utilitatibus. Episcopum itaque *Beluacensem* fascibus geminis, Episcopi scilicet et Comitis, juxta suorum prærogativam antecessorum, sicut jactat antiquitus decoratum, militaribus armis accinctum, captum jure belli durissimis audivit constrictum in vinculis, Quem per gratiam regis cum multa supplicatione multo levioribus vix arctari promeruit. *Rothomagensis* ecclesiam à divinorum celebratione suspensam reconciliavit. Sollempiter fœdus ineundum inter regem *Anglorum*, et *Baldewinum Flandrensum*

sum Comitem, & successores eorum certis distinxit capitulis. Inter dominum regem & *Walterum Rothomagensis* archiepiscopum paci reformandæ sollicitudinem impendit operosissimam, sicut rei probavit eventus: sicut etiam excambium *Andelei* datum ecclesiæ *Rothomagensi* perpetuo duraturum manifeste declarat

Hubertus *Cantuariensis* archiepiscopus clericos quos *Hugo Cestrensis* episcopus ejectis monachis apud *Coventreiam* collocaverat, summi pontificis auctoritate munitus amovit, monachos reintroducens ibidem xv. kal. Febr.

Ab ea die qua *Willielmus Eliensis* episcopus in abbazia de *Pinn* sepultus est, ad eum usque diem quo decanus *Saresberiensis Eustachius* electus est in *Eliensem* episcopum xxvij. septimanæ fluxerunt. Ab electione facta sollempniter apud *vallem Rodoli* die festo beati *Laurentii* martyris ad illud usque tempus quo prædictus electus in *Angliam* veniens, ab archiepiscopo *Huberto* munus consecrationis accepit viij. idus Marcii, xxx. perfectas computamus ebdomadas. Electionem in *Normannia* factam, præsentationem, postulationem factam apud *Westmonasterium* in capella sanctæ *Katerina* Prior *Elyensis* *Johannes* complevit, die Dominica qua cantatur *Letare Jerusalem*. Astiterunt archiepiscopo ix. episcopi.

Celestino papa tercio rebus humanis exempto *Lotbarius Cardinalis* diaconus electus est in summum pontificem vi. idus Januarii, vocatus *Innocentius* papa tercius, nono kal. Marcii presbyter ordinatus est. In cathedra sancti *Petri* consecratus est episcopus, & in sancti *Petri* cathedra collocatus.

Eustachius decanus *Saresberiensis* in episcopum *Elyensem* electus viij. idus Marcii, consecratus est apud *Westmonasterium*.

Innocentius episcopus servus servorum Dei, venerabili fratri *Waltero Rothomagensi* archiepiscopo, salutem & apostolicam benedictionem.

Cum emergentium litigia questionum vix possint sine alterutrius litigantium latione judicialiter diffiniri, set quando partes inter se super mora questione honeste conveniunt, tanto libentius compositioni earum præsidium apostolicum impartimur, quanto per hoc neutrum ledimus, & amplius utrumque juvamus. Intelleximus siquidem tam ex litteris tuis quam karissimi in Christo filii nostri *Ricardi Angliæ regis illustris*, & plurium aliorum, quod super discordia qua inter te & eundem regem super villam *Andeliaci*, cum rupe ac insula mota fuerat, regia serenitas evangelicum illud attendens, Qui se humiliat exaltabitur, & quanto major es humiliata te in omnibus, humiliavit magnificentiam suam & severitatem regiam passus est emolliri, ut ad honorem ejus cui servire regnare est amicabilem tecum compositionem iniret, & in utilitatem *Rothomagensis* ecclesiæ molendina qua habuit apud *Rothomagum*, cum villis de *Diepa*, & *Boteiles*, & manerio de *Loures*, cum omnibus pertinentiis, & libertatibus suis, & ministerio de *Loures*, & foresta de *Alihermont*, sicut in autentico ejusdem regis confecto exinde plenius continetur, tecum perpetuo commutaret. Nos igitur permutationem ipsam sicut amicabilem facta est, & ab utraque

parte recepta, & autentico ipsius regis exprimitur, auctoritate apostolica confirmamus, & presentis scripti patrocinio communimus. Ad majorem autem hujus nostre confirmationis evidentiam, autentico ipsum de verbo ad verbum nostris duximus litteris exprimendum, quod tale est. « *Ricardus Dei* gratia rex *Angliæ*, dux *Normannie*, *Aquitannie*, Comes *Andegavia*, Archiepiscopus, Episcopus, Abbatibus, Prioribus, Comitibus, Baronibus, Justiciariis, Senescallis, Vicecomitibus, Præpositis, Ministris, Bailivis, & omnibus fidelibus suis salutem. Cum sacrosancta ecclesia sponta sit regis regum & unica dilecta illius per quem reges regnant, & principes gubernacula possident, tanto ampliore ei volumus devotionem & reverentiam exhibere, quanto certius non regiam tantum, set omnem à Domino Deo esse credimus potestatem. Unde sicut venerabilis *Rothomagensis* ecclesia quæ inter universas terrarum nostrarum plurima celebritate dinoscitur enitere, pro rerum necessitate vel temporum nostris ducit utilitatibus oportuna diligentia consulendum: sic nos ejusdem matris nostræ commodis & augmentis digna compensatione dignum ducimus respondere. Sane villa *Andeliaci* & quibusdam aliis adjacentibus locis quæ erant *Rothomagensi* ecclesiæ minus sufficienter firmatis, inimicis nostris in terram nostram *Normannia* per eadem loca patebat ingressus, per quæ incendiis & rapinis, necnon & aliis hostilitatis sævitiis in eandem terram nonnunquam licentius grassabantur. Quocirca venerabili patre *Waltero* archiepiscopo & capitulo *Rothomagensi* debitum habentibus ad nostra & prædictæ terræ nostræ dampna respectum, facta est hæc permutatio inter ecclesiam *Rothomagensis* & archiepiscopum *Rothomagensis* *Walterum* ex una parte, & nos ex altera parte de manerio de *Andeli* in hac forma, Scilicet quod idem archiepiscopus de conscientia & voluntate domini papæ *Celestini* tercii, & de assensu capituli *Rothomagensis* ecclesiæ, & coepiscoporum suorum & cleri ejusdem archiepiscopatus concessit, & in perpetuum quietum clamavit nobis & hæredibus nostris prædictum manerium de *Andeli*, cum novo castello de *Rupe*, & cum foresta, & cum aliis omnibus pertinentiis & libertatibus suis, exceptis ecclesiis, præbendis et feodis militum, et excepto manerio de *Fraxinis* cum pertinentiis suis, quæ omnia idem archiepiscopus ecclesiæ *Rothomagensi*, et sibi, et successoribus suis retinuit, cum omnibus libertatibus et liberis consuetudinibus suis, et cum omni integritate sua imperpetuum. Ita quod tam milites quam clerici, et omnes homines tam de feodis militum quam de præbendis sequentur molendina de *Andeli*, sicut consueverunt, et debent, et moltura erit nostra. Archiepiscopus autem et homines sui de *Fraxinis* molent ubi idem archiepiscopus volent, et si voluerint molere apud *Andeli* dabunt molturas suas sicut alii ibidem molentes. In escambium autem prædicti manerii de *Andeli* cum pertinentiis concessimus, et imperpetuum quietam damus ecclesiæ *Rothomagensi* et prædicto archiepiscopo et successoribus suis, omnia molendina quæ nos habuimus *Rothomagi*, quando hæc permutatio facta fuit, integre cum omni sequela et moltura sua sine aliquo retinemento eorum

quæ

RICARDUS " quæ ad molendina pertinent vel ad molturam, et
DUS **LEX.** " cum omnibus libertatibus et liberis consuetudini-
 " bus quas solent et debent habere. Nec alicui
 " alii licebit molendinum facere ibidem ad detri-
 " mentum prædictorum molendinorum; et debet
 " archiepiscopus solvere eleemosinas antiquitus sta-
 " tutas de eisdem molendinis. Concessimus etiam
 " eis villam de *Diepe*, et villam de *Boteiles*, cum
 " omnibus pertinentiis et libertatibus et liberis
 " consuetudinibus suis, exceptis eleemosinis consti-
 " tutis in manerio de *Diepe* à nobis et antecessori-
 " bus nostris, quarum summa est trecentæ et septua-
 " ginta duæ libræ, quæ debent solvi per manum
 " prædicti archiepiscopi et successorum suorum his
 " quibus assignatæ sunt. Concessimus etiam eisdem
 " manerium de *Louers* cum omnibus pertinentiis
 " et libertatibus et liberis consuetudinibus suis,
 " cum ministerio de *Louers*, salvis ad opus nostrum
 " venatione nostra, et destructione forestæ, ita ta-
 " men quod non sit in rewaro. Concessimus etiam
 " eis totam forestam de *Aliermont*, cum feris et
 " omnibus aliis pertinentiis et libertatibus suis sicut
 " eam habuimus. Hæc autem omnia in escambium
 " prædicti manerii de *Andeli*, cum prædictis perti-
 " nentiis data habebunt ecclesia *Rothomagensis*, et
 " prædictus archiepiscopus et successores sui im-
 " perpetuum, cum omnibus libertatibus et liberis
 " consuetudinibus suis sicut prædictum est. Ho-
 " mines autem prædicti archiepiscopi de prædicto
 " escambio habebunt omnes libertates et liberas
 " consuetudines quas habuerunt homines de *An-
 " deli* dum manerium illud esset in manu ipsius
 " archiepiscopi. Hæc etiam omnia quæ idem ar-
 " chiepiscopus in hoc escambio recepit, warrantiza-
 " bimus nos et hæredes nostri ecclesiæ *Rothoma-
 " gensi*, et prædicto archiepiscopo et successoribus
 " suis imperpetuum contra omnes homines, ita
 " quod si aliquis escambium aliquod est receptu-
 " rus pro aliquo prædictorum quæ memoratus ar-
 " chiepiscopus hic recepit; nos vel hæredes nostri
 " faciemus illud escambium, et ecclesia *Rothoma-
 " gensis* hæc omnia prædicta imperpetuum pacifice
 " possidebit. Nos autem quantum rex potest ex-
 " communicamus, et concedimus quod incurrat
 " indignationem omnipotentis Dei quicumque con-
 " tra hoc factum venerit. Multi sunt testes.

VIII. idus Maii pluit sanguis undatim super
 ædificantes turrin apud *Andeleium* in territorio *Rothomagi*.

Gaufridus Cestrensis electus ad petitionem &
 præsentationem **Joberti Coventrensis** Prioris *Canta-*
nuarie consecratus est xj. kalend. Julii. Sollem-
 pnia celebravit **Hubertus Cantuariensis** archiepi-
 scopus.

Othoni nepoti regis *Anglorum Ricardi* redditum
 est *Aquisgranum* quod obsederat vj. idus Julii.
 In crastino desponsavit unicam filiam & hæredem
 ducis *Brebanie* septennem. Quarto vero idus
 ejusdem mensis coronatus est ab *Adulfo Colonen-*
si archiepiscopo, & sedem ascendit *Augustorum*.

In marchia principales defensivæ locorum prope
 munionem illam quæ vocatur *Castellum Matildis*
 ad pugnam accincti concurrerunt hostiliter. In
 prima caterva *Walensium* collocati sunt pedites
 tantum. In secunda, pedites & equites. In tertia,
 tantum equites. In prima caterva *Francorum* col-
 locati sunt pedites. Equites in secunda. Totum

robur exercitus in tertia fuit caterva. Sub primo **R**
 congressu terga verterunt *Walenses*, quorum ipolia **D**
 data sunt in rapinam. Multi capti sunt, interfecti
 quamplures, quorum numerus excrevit, sicut dici-
 tur, ad tria milia pugnatorum, die festo sancti mar-
 tyris *Ypoliti*. Propheticum igitur illud impletum
 est, *Catuli rugientes stragem non minimam ex ob-*
stantibus facient.

Comes *Flandria* venit ante villam sancti *Audo-*
mari cum exercitu suo viij. idus septembris, & vil-
 lam obsedit per tres septimanas.

Ricardus bonæ memoriæ *Lundoniensis* episcopus
 tertius cum sedisset annis octo, mensibus octo, die-
 bus decem, diem clausit extremum iij. idus
 Septembris.

Dum Comes prædictus esset in obsidione, venit
 nuntius regis *Francie* litteras ex parte regis ferens
 dicentes, quod si castellanus & burgenles villam
 suam tenere & defendere possent erga Comitem
 usque pridie kal. octobris, ad succurrendum eis cum
 exercitu magno die illa veniret: si non veniret,
 castellanus & burgenles de villa sua ad melius
 quod possent facerent. Sicque reddita fuit villa
 Comiti.

Ricardus rex *Anglorum* intravit terram regis
Francorum cum exercitu magno v. kal. Octobris,
 & cepit castellum de *Curtelles*, & *Buriz*, & terti-
 um castrum *Sirefontanum*. Die crastina rex *Fran-*
corum venit de *Mantua* cum CCCC. militibus, &
 servientibus, & communis suis, ad succurrendum ca-
 stro de *Curtelles*, quod non putavit esse captum.
 Rex igitur *Anglorum* ex quo eum venire cognovit,
 infecutus est eum in fugam conversum, & in tanta
 districtione posuit in portam *Gisfortii*, quod pons
 fractus est sub illo, submersis de suis xx. militibus.
 Interim rex *Anglie* propria lancea prostravit *Ma-*
thæum de monte Morentii, & *Alanum de Rusci*,
 & *Fulconem de Gilervall*, & captos detinuit. Et
 capti sunt cum eis usque ad C. milites, & servi-
 entes, quorum non est numerus. Dextrarii capti
 sunt ducenti, quorum septies viginti cooperti fue-
 runt ferro.

Hubertus Dei gratia *Cantuariensis* archiepiscopus
 totius *Anglie* primas, dilectis in Christo filiis
 decano & capitulo ecclesiæ sancti *Pauli London.*
 salutem, gratiam, & benedictionem.

Quia vos & ecclesiam vestram sincere diligi-
 mus, & ea efficiendi quæ vobis & eidem ec-
 clesie vestre ad honorem cedant & utilitatem, prom-
 ptam gerimus voluntatem, ideo quantis potuimus
 apud dominum regem precibus pro vobis institimus,
 ut desolata ecclesia vestra pastorem annueret idone-
 um provideri. Quod sui gratia ad supplicationem
 nostram annuit, sicut ex litteris ejus perpendere
 poteritis, quas vobis ut septem ex capitulo vestro ad
 eum & ad nos in octavis sancti *Andree*, cum litte-
 ris ratihabitionis capituli pro electione facienda
 mittantur transmittit. Quapropter vobis manda-
 mus & consulimus, quatinus ad terminum in litte-
 ris ipsius domini regis nominatum, secundum quod
 in eisdem litteris continetur, septem ex vobis ad eum
 & ad nos cum litteris ratihabitionis patentibus
 transmittatis: ita quod W. præcentor ecclesiæ vestre
 qui nobiscum in *Normannia* moratur septimus ex
 eis nominetur.

Ricardus

Ricardus Dei gratia rex Angliæ, dux Normannia, Aquitannia, Comes Andegavia, dilectis sibi Decano & Capitulo sancti Pauli Lundonia salutem.

Sciatis quod bonum animum & bonam voluntatem habemus consulendi ecclesie vestre que pastore suo desolata est. Unde ob reverentiam sancti Pauli in cuius honore ecclesia vestra fundata est, & ad petitionem domini Cant. archiepiscopi ei in pastore providere volumus. Et ideo vobis mandamus, quod mittatis ad nos septem de discretioribus canonicis ecclesie vestre, & coram predicto archiepiscopo, ita quod sint ad nos in octavis sancti Andrea cum litteris vestris de rato ad eligendum idoneum pastorem, secundum Deum & libertatem ecclesie vestre. Teste meipso apud rupem Andeleii ix. die Novembris.

Ab apostolo Petro cui dictum est à Domino nostro Ihesu Christo, Tu es Petrus, & super hanc petram edificabo ecclesiam meam, in catholico summorum pontificum labentibus annorum curriculum, Innocentius papa tercius qui modo sedet inventus est & aliud non leviter prætereundum, Thomas Cantuariensis archiepiscopus prothomartyr in Anglia temporibus Normannorum, ob triumphalem sui sanguinis effusionem apud Lambeyam in nomine suo fundatam, omnium hominum veneratione condignam magnificavit ecclesiam, quam Baldewinus inchoavit archiepiscopus, quam & Hubertus Baldewini successor Innocentio papa tercio monachis Cantuariensibus (si fas est dicere) nimium & subitum impendente favorem, sumptibus propriis, pro dolor! demolitus est ad confusionem multorum. Data fuit Petro potestas ædificandi, potestas multiplicandi, potestas transferendi sedes, sed qua lege, quo canone sit indulta licentia diruendi locum sanctum, iudicet ipse qui potestatem dedit ædificandi.

Wilhelmus genere Normannus, ecclesie Lundoniensis canonicus, ad postulationem Radulfi de Diceto decani Lundoniensis, munus consecrationis accepit apud Westmonasterium in capella sanctæ Katerine per manum Huberti Cantuariensis archiepiscopi, presentibus tredecim episcopis, x. kal. Junii.

Ricardus rex Anglorum cum regnasset annis novem, mensibus sex, diebus decem & novem, in Aquitannico ducatu, Lemovico territorio, castello Chaluz vij. kal. Apr. à Petro Basilii sagitta percussus est; & postmodum vij. idus Aprilis die Martis, vir operi Martio deputatus, diem clausit extremum apud prædictum castellum. Sepultus autem est apud Fontem Ebraldi secus pedes patris sui regis Henrici secundi.

Johannes Hibernia dominus fratris sui Ricardi regis hæres legitimus, de ducatu Normannia per enses & gladium potestatem accepit apud Rothomagum per manum Walteri Rothomagensis archiepiscopi vij. kal. Maii. Qui cum venisset in Angliam Ascensionis Dominicæ die sollempni sollempniter est unctus in regem apud Westmonasterium per manum Huberti Cantuariensis archiepiscopi vj. kal. Junii.

Johannes rex Anglia sub ipso coronationis suæ

inicio visitans sanctum Thomam & postea sanctum Eadmundum, dies Pentecostes egit apud Norhamtoniam. Qui postea collecta multitudine militum, & peditum, & navium, apud Sorham transfretavit xij. kal. Julii. Celebratum est divortium inter Johannem regem Angliæ & filiam Comitis Glocestrie in Normannia, ab episcopis Lisoriensi, Baiocensi, Abrincensi, & aliis episcopis qui interfuerant, quam ipse tempore patris permissione Romana ecclesie duxerat in uxorem cum Comitibus de Glocestria, de Sumerfatum, de Devenesire, de Cornewaille, & aliis quampluribus per Angliam Honoribus. Set ille sublimioris thori spe raptatus, consilio pravorum eam abegit, unde magnam summi pontificis, scilicet Innocentii tercii, & totius curiæ Romana indignationem incurrit, præsumens temere contra leges & canones dissolvere quod eorum fuerat auctoritate colligatum.

Dominus Johannes rex Angliæ Arturum filium fratris sui Galfridi Comitis Britannia venientem ad se, & ejus se per omnia subicientem voluntati, minus caute dimisit à se. At ille transtulit se ad regem Francie, qui eum, bonis ejus inhians, facit nutrire cum filio suo Parisus.

Bellum factum est horribile inter Petrum Com. Nivernensem & Herveum de Donziaco prope abbatiam S. Laurentii, non longe à Donziaco, iij. non. Aug. Set Comes prædictus cum coterellis quos regi Francie ei utpote cognato suo in subsidium miserat, victus aufugit. Nec inulto post prædictus Comes convincta regis Francie dedit filiam suam unicam & hæredem prædicto Herveo in conjugem cum comitatu, retentis sibi quoad viveret Antifiodoro & Turneire, cum omni honore Antifiodorensi & Turnerensi.

Concilium actum est apud Dign in Burgundia, præfidente Petro de Chapes presbytero cardinali, Dominica secunda adventus Domini, qua scilicet cantatur populus Syon. Ubi ad vocationem prædicti cardinalis convenerunt archiepiscopi, episcopi, abbates & Priores omnes à mari Britanico usque ad Alpium juga, ut de resumenda relicta regis Francie, sorore videlicet illustris regis Danemarchia tractarent, & prædictum regem ad eam resumendam compellerent, vel terram ejus interdicto supponerent, set in eo negotio metriculose continentiar fucis infecti sententiam differentes recesserunt.

Eclipsis lunæ facta est ij. non. Januarii media nocte per tres horas: postmodum in ruborem sanguinis conversa est, emittens à se radios velud ignis. Magister Malgerius domini regis Ricardi medicus à monachis Wigornensibus nominatus in episcopum Wigornensem, cum non esset de legitimo matrimonio natus, confirmatio electionis ejus accepit dilationem; qui Romam veniens, consecratus est apud sanctum Petrum ab Innocentio papa iij. die sanctæ Trinitatis.

Hoc anno facta est pax inter Philippum regem Francie & Johannem regem Angliæ. Ludovicus filius regis Francie duxit filiam regis Hispaniarum neptem regis Angliæ in uxorem. Cui rex Angliæ dedit in maritadium totam terram suam de Berri & de Auvernia, castella etiam & honores plurimos tam in Normannia quam in Gasconia & aliis pluribus locis. Comes Flandrensis & Comes Bolonia, uterque cum uxore sua, acceperunt cruces eundi Jerusalem. Terra regis Francie sub interdicto posita est

JOHAN- NES IX. est ab archiepiscopo *Rothomagensi* & episcopo *Pi- tavenſi* de præcepto summi pontificis, quia noluit accipere uxorem suam, & mansit sub interdicto à media Quadragesima usque ad festum sanctæ *Mariæ Magdalene*. Dilata sententia in personam ipsius regis, ut sic facilius animi ejus emollirent durtiam. Sub hoc tempore magister *Philippus Romana* ecclesiæ notarius *Londoniis* moram faciens domibus religiosiſ circumquaque consistentibus exactione hospicii sui plurimum extitit onerosus.

Per totam *Angliam* de præcepto summi pontificis, quadragesima pars omnium reddituum, mobilium & immobilium, tam clericorum quam domorum religiosarum ad subventionem, ut dicebatur, terræ *Ierosolimitana* ascripta per manum prædicti *Philippi* transmissa, nisi forte *Romani* naturali & inficæ sibi cupiditati, abrenunciaverint, his quorum usibus perquisita est, nunquam est ad plenum restituenda. Celebratum est concilium apud *Westmonasterium* xij. kal. Octobris, præſidente *H. Cantuariensi* archiepiscopo, præſentibus episcopis *W. Londoniensi*, *G. Rosenſi*, *H. Saresberienſi*, *J. Oxoniensi*, *R. Elyensi*, *G. Coventrenſi*, *K. Bangornensi*, episcopo *Landavensi*, *R. de sancto Asaph*, *G. electo Herefordensi*, cum abbatibus & prioribus diverſi ordinis qui ad vocationem Domini *Cantuariensis* eo convenerant, ut de causis ecclesiasticis tractarent. *G. Prior Cantuariensis* sedit ex opposito contra dominum archiepiscopum à latere episcopi *Roffensis*. Archiepiscopus *Eboracensis* concilio non interfuit cum esset in *Anglia*, ne qui ejus allegaret absentiam, cum juxta præſcorum consuetudinem ad vocationes *Cantuariensis* concilio teneretur interesse, vel justam absentia: suæ causam allegare. Dominus *Lincolniensis* à *Roma* rediens gravi tactus infirmitate, tunc temporis apud verus templum *Londoniis* lecto decubuit. Dominus *Wintoniensis* & dominus *Cicestrenſis* corporis sui infirmitatem præſtendentes litteratorie se excusaverunt. Vacabat tunc sedes *Normicensis*. Dominica sequenti, scilicet vij. kal. Octobris, consecratus est in episcopum *Herefordensem Gilo de Bruse*, & in episcopum *Normicensem J. de Grai* domesticus clericus regis, in capella sanctæ *Katerina* à domino *H. Cantuariensi* archiepiscopo præſentibus pluribus ejus suffraganeis.

Dominus *J. rex Angliæ* habens in proposito ducere in uxorem filiam regis *Portugalsium* cujus fama animum ejus pellexerat, ad eam perquirendam transmissit à *Rothomago* illustres & magnificos viros, scilicet episcopum *Lisoiensem*, *Willelmum de Stagno*, *Radulfum de Ardene*, *Hubertum de Burch*, & alios plures, tam de *Anglia* quam de *Normannia*. Set ipse eorum salutem minus forte quam regiam deceret magnificentiam consulens, dum essent in itinere, ipsis nec præmunitionis desponsavit *Ysabel* filiam unicam & hæredem Comitissæ *Engolismensis*, quæ prius, ut dicebatur, concessa erat cuidam nobili viro de *Pictavia*, scilicet *Hugoni le Brun*, unde maxima postmodum inter eos simultas exorta est, & statim fecit illam coronari in reginam apud *Westmonasterium* à domino *H. Cantuariensi* archiepiscopo vij. idus Octobris, & ipse rex eadem die pariter coronatus est.

Hoc anno circa festum sancti *Michaelis*, causa quæ vertebatur inter *Cantuariensem* archiepiscopum & monachos super capella de *Lamheya* reedificanda, & ecclesiis, & exeniis, quæ monachi ab archi-

episcopo petebant, tandem post longas deceptationes & allegationes, & testium hinc inde productiones coram venerabilibus *Lincolniensi* & *Elyensi* episcopis & abbate sancti *Eadmundi*, à summo pontifice de communi partium assensu ad causæ hujus decisionem delegatis, partibus in arbitros compromittentibus eisdem, scilicet qui fuerant delegati, cautione hinc inde præſtita quod appellatione cessante eorum starent arbitrio, hoc modo finem accepit, omni scilicet spe revertendi canonicis ablata secularibus imperpetuum, si dominus archiepiscopus voluerit, liceat sibi apud *Lamheia* capellam ædificare, in qua ponat canonicos ordinis *Premustrenſis* xij. ad minus, xx. ad plus; qui tamen in nominatione archiepiscopi cum sedes *Cantuariensis* vacaverit nunquam audientur. Super ecclesiis vero, personæ igitur eas qui tenebant tunc temporis quoad vixerint libere & pacifice possideant, solventes monachis memoratis annuatim assignatas possessiones sibi. Quibus defunctis media pars omnium proventuum omnium ecclesiarum cedent in usus monachorum, media pars in usum vicarii, qui tamen per archiepiscopum instituetur; exenia vero possideat archiepiscopus libere, & quiete, & pacifice tota vita sua. Post mortem vero ejus sit inter successores ejus & monachos rediviva disceptatio, & cui datum fuerit vel judiciali diffinitione, vel amicali compositione, vel alio quovis juris ordine, ejus convertantur in usum. Hoc arbitrium primo ab ipsis arbitris apud *Westmonasterium* intra se statutum, postmodum apud *Cantuariam* Dominica proxima ante festum *Omnium Sanctorum*, iij. scilicet kalend. Novembris, à domino *Elyensi* in publico prolatum præſentibus partibus, præſentibus etiam totius *Angliæ* primoribus, Episcopis scilicet, Abbatibus, Comitibus, Baronibus, Justiciariis, & aliis domini regis fidelibus qui eo convenerant ad decidendam tam diuturnæ dissensionis nebulam inter patrem & filios.

Feria iij. sequente, vigilia scilicet *Omnium Sanctorum*, auditum est tonitruum subitum & horribile, aliquid magni portendens. *Hugo Lincolniensis* genere *Burgundio* natione *Gratiopolitans*, cum sedisset annos xv. die. xv. à *Roma* rediens, apud *vetus templum Londoniis* diem clausit extremum kalend. Decembris. Deinde iij. die sequente, corpus ejus ad sedem suam prolatum, sollempni processione ibidem receptum est in præſentia duorum regum, archiepiscoporum trium, omnium episcoporum *Angliæ*, abbatum & Priorum diverſi ordinis, & aliorum regni magnatum, quos illic domini regis præſentia simul & propria negotia de diverſis regni partibus deduxerant. Dominus rex natalicios dies celebravit apud *Celdeford*. Cum sedes ecclesiæ *Westmonasterii* vacaret, ne monachi emendicatis aliunde suffragiis urentur, *Radulfum* natione *Londoniensem*, cognomento de *Arundel*, Priorem de *Hurle* apud *Northamptoniam* in abbatem sibi elegerunt ii. kal. Decembris; Electioni factæ dominus rex qui præſens aderat, & dominus archiepiscopus assensum præbuerunt. Electus vero munus benedictionis accepit à domino *W. Londoniensi* episcopo in ecclesia Doctoris gentium. Dominica qua cantatur *Gaudete*, & eadem die in sede sua sollempniter est collocatus.

Dominus

Dominus rex dies Paschales egit apud *Cantuariam* sollempniter, ibi cum regina sua instinctu archiepiscopi coronatus est sub presentia plurimorum & magnorum virorum quos domini archiepiscopi liberalitas invitaverat.

Terræ motus magnus factus est in partibus *Sumerfet* & *Norfete* xj. kal. Junii circa horam diei sextam, ita ut stantes prostraret. Dominus rex ortis similitudinibus inter ipsum & Comitem *Ancensem*, cum videret terram suam transmarinam tumultuari, collecta multitudine militum transfretavit apud *Portesmue*; nec multo post decessum ipsi regina transfretavit. Quidam monachus transmarinus cum iter ageret versus sanctum *Eadmundum*, subito percussus fulmine cum equo suo apud *Novum mercatum* interiit nullam omnino habens lationem, corpus ejus apud sanctum *Eadmundum* delatum est. *Theobaldus* Comes *Campania* expletis à diebus nativitatis suæ xxj. annis, diebus xj. obiit *Tretas*; juxta fratrem suum sepultus est.

Hoc anno longa disceptatio super institutione Prioris *Lewensis* inter *Abbatem* de *Cluniaco* & Comitem de *Warennia*, *Cantuariensi* archiepiscopo, & *Elyensi*, & *Cicestrensi* episcopis, à summo pontifice commissis, tali fine conquievit, scilicet cum Prioratus *Lewensis* vacaverit infra xv. dies mittere dominus Comes nuncios suos cum monachis *Lewensibus* *Cluniacum* propter Priorem. Abbas vero duos eligit secundum Deum ubicumque ei placuerit in ordine *Cluniacensi*, excepto majore Priore *Cluniacensi*, & Priore de *Karitate*, quos utiliores & magis necessarios domui *Lewensi* conveniret, & nuntiis Comitibus presentabit. Ipsi vero unum

è duobus absque tergiversatione & dolo quemcumque voluerint accipient, & absque difficultate in domo *Lewensi* Priorem instituent. Quando Prior sic institutus, liberam habebit administrationem tam in interioribus quam exterioribus admonendi & admovendi. Nec poterit de cetero admoventi nisi certa & rationabili causa. Nec poterit abbas *Cluniacensis* exigere nisi antiquam pensionem C. solidorum.

Subita & improvisa aquarum inundatio pluribus in locis per *Angliam* facta est, unde plures homines submersi sunt, & domus everse, maxime apud *Eccestre*, & sanctum *Ivonem*. *Johannes Salernitanus* presbyter & cardinalis, à summo pontifice transmissus, tam *Hybernie* quam *Scotie* legatus, transitum habens per *Angliam*, sollempni processione receptus est in ecclesia Doctoris gentium *Pauli* pridie kal. Septemb.

Ad vocationem domini regis *H. Cantuariensis* archiepiscopus transfretavit apud *Sorham* xix. kal. Januarii. Vocati sunt etiam quidam de causa *Elyensis*, *Salisburyensis*, *Luudoniensis*, *Normicensis* episcopi. Abbas de sancto *Eadmundo*, de *Westmonasterio*, de *Theokesbiria*.

Colloquium habitum est inter regem *Francia* & regem *Anglia* viij. kal. Aprilis in *Normannia* prope *Andeleium*, in loco qui dicitur *Gulet*.

Hucusque protraxit satis magnifice *Chronica* prescripta magister *Radulfus de Diceto* decanus *Lupdoniensis* ecclesie, qui qualis fuerit eloquentia sollerti Lectori satis potest liquere ex pluribus factis & dictis quæ idem magister proprii ingenii verbis enarrando exposuit.

SERIES CAUSÆ INTER HENRICUM regem & Thomam archiepiscopum.

O Missis omnibus quæ vel in juventute, vel in archidiaconatu, vel in præpositura, vel in officio Cancellaria Thomas egerit de quo scribere proposuimus, discordiam inter Henricum regem Anglorum Matildis imperatricis filium & eundem promotum in Cantuariensem archiepiscopum protractam diutius, sub certis capitulis breviter sine laudabili concludamus.

Thomas creatus archiepiscopus, regis resignavit sigillum.

Archiepiscopus ad postulationem regis distulit archidiaconatum *Cantuariensem* transferre.

Clarenbaldus sine professione quærebat benedictionem accipere, regem habens fauctorem.

Comes de Clara Rogerus homagium facere noluit archiepiscopo, rege consentiente.

Willelmus de Ros regem, non archiepiscopum agnovit ut dominum.

Willelmus Einesfordia dominus Laurentium expulit ab ecclesia, quem excommunicavit archiepiscopus rege non certiorato.

Nuncii regis consuetudines quas avitas appellant, à Domino papa roborari non impetraverunt.

Ab archiepiscopis & episcopis confirmatæ sunt regni consuetudines.

Philippus de Broe canonicus Bedesfordia propter maleficium est expulsus à regno.

Johannes Mareschaldus archiepiscopo pro manerio quodam adversarius, instructus est in curia regis.

Archiepiscopus adversus episcopos appellavit & ab eis appellatus est.

Archiepiscopus tractus in causam ante legatos Willelmum Papiensem, et Johannem Neapolitanum ablaturum petiit restitutionem, sed non impetravit.

Rex archiepiscopo dare signum pacis in osculo penitus abnegavit et abjuravit.

Archiepiscopus post pacem factam in Angliam rediens, plures armatos occurrentes invenit.

Quæ circa personam archiepiscopi die Martis quater evenerint, invenietur.

Willelmus Senonensis archiepiscopus domino papæ litteras direxit.

Ab episcopis concurrentibus ecclesia *Cantuariensis* reconciliata fuit.

Thomas archiepiscopus canonizatus est à Domino papa Alexandro.

Quotiens inter archiepiscopos Cantuarienses tibi Thomas prothomartyr in Anglia Normannorum temporibus inter legendum occurrerit, totiens ejus vitam laudabilem, actus eximios, exilium, passionem, in morte constantiam & post transitum ab hac luce cælestem ad patriam crebra miraculorum insignia sub silentio non prætereas.

Clero totius provinciæ *Cantuariorum* generali-
ter *Lunden*. convocato, præsentem Henrico filio regis et regni justiciariis, Thomas *Cantuariensis* archidiaconus, & regis Cancellarius, nemine reclamante solenniter electus est in archiepiscopum. Electionem factam sine aliqua contradictione recitavit Henricus *Wintoniensis* episcopus apud *Westmonasterium* in refectorio monachorum quarta feria ante Pentecosten. Electus autem, sabbato pentecostes ordinatus est in presbiterum in ecclesia *Cantuariorum* à Waltero *Rofensi* episcopo, in ordinationibus & in dedicationibus faciendis ecclesiæ *Cantuariensis* vicario. Sequenti die Dominica consecratus est ab Henrico *Wintoniensi* episcopo, vice *Lundoniensis* ecclesiæ tunc vacantis, episcopo *Lundoniensi* Ricardo secundo rebus humanis exempto; quod ad jus suum spectare dicebat Walterus *Rofensis* episcopus; sed non obtinuit.

Nunciis ad dominum papam directis quem ad Gallias descendente Willelmus de Monte *Pessulano* tanquam dominum ligium suum receperat honorifice, celeri relatione perlatum est, quod suffraganei *Cant.* ecclesiæ sibi pastorem elegerant, qui concurrentibus omnium votis jam à propria synodo fuerat consecratus. Acceptum fuit verbum istud in auribus domini papæ. Litteris igitur Episcoporum, litteris etiam Prioris & Conventus sanctæ Trinitatis, litteris quoque regis in medium recitatis, sub audientia Cardinalium in Consistorio postulatione facta, facilis & jocundus juxta petitionem ab omnibus datur assensus. Pallium itaque cum ea gravitate, cum ea remotione, cum ea solempnitate qua consueverant nunciis est commissum, quod Thomas archiepiscopus in sede *Dorobernensi* conditionibus solitis involutus & sacramento constrictus, ab altari majore suscepit. Postquam autem induit vestes summis sacerdotibus Domino disponente collatas, habitum sic mutavit, ut mutaret & animum. Nam curiæ curis interesse non approbans, ut eximeretur à curia, vacans orationi, superintendens ecclesiæ suæ negotiis, nuntium in *Normanniam* regi direxit, renuncians Cancellariæ, sigillum resignans. Quod altius in cor regis ascendit, in se solum causam resignationis tam iustitæ retorquentis. Audierat namque quod Maguntinus Archiepiscopus in *Theutonica* sub

rege,

rege, quod Colonienſis archiepiſcopus in Italia ſub Imperatore nomen ſibi vendicent archicaneclarii. Qui nec promiſcuis actibus æſtimant turbari rerum officia, ſi geſtant in dextera baculum paſtorales, & ad expediendas regni vel imperii neceſſitates & pacem eccleſiæ procurandam propenſius accingantur, dummodo Cancellarius curiæ ſiniſtro lateri ſigillum allateret nunc Regis nunc Imperatoris, qui dicitur *Prothonotarius*.

Thomas Cantuarienſis archiepiſcopus obviam regi veniens cum rediret in *Angliam*, receptus eſt in oſculum ſed non in plenitudinem gratiæ. Sicut vultus ſtatim averſus omnibus qui conveniant patenter oſtendit.

Thomas ex archidiacono *Cantuarienſi* ſumptus ad archiepiſcopatum, ad inſtantiffimam regis poſtulationem diutius diſtulit archidiaconatum transferre. Tranſtulit tandem ut rex petiit. Sed gratiam regis ad tempus ſubtractam, ut videbatur, ſibi poſtmodum redintegratam non ad plenum agnovit.

Clarembaldus abbas electus ſancti *Auguſtini* benediſtionem ab archiepiſcopo *Thoma* quærebat accipere, ſed in eccleſia propria, ſed ſine profeſſione, ſed ipe cujuſvis in poſterum ſubjectionis prorsus adempta. Cum autem rex ſe verbis huiusmodi non oppoſuerit, partibus antiquitatis in finibus ſtare perſuadens, & eas omnibus modis quibus id fieri potuiſſet inducens, alteram inclinator videbatur in partem.

Capitula que ſequentur quare infra in hoc codice anno M. Clxij.

Alexander papa Capitulo *Landonienſi*. Ex litteris kariffimi in Chriſto filii noſtri *Henrici* illuſtris *Anglorum* &c.

Alexander papa Concilium congregavit *Turonis* in eccleſia ſancti *Mauricii* xij. kal. Junii; Ad cujus vocationem &c.

Inquiſitio generalis eſt facta per *Angliam*, cui quis in ſervicio ſeculari de jure teneretur obnoxius &c.

Comes de *Clara*. *Rogerus* ab archiepiſcopo *Thoma* vocatus ad homagium ſibi faciendum de caſtello &c.

Thomas Cant. archiepiſcopus *Willelmum* de *Ei-neſſford* parrochianum ſuum ſacrilegii reum à liminibus ſanctæ matris eccleſiæ ſequeſtravit, & præcepit ab omnibus evitari, quod quia iniquitate certiorato rege, & cætera que ſequentur.

Rex *Angliæ* nuncios ad Dominum papam confinia ſchiſmaticorum in *Gallia* declinantem direxit *A.* ſcilicet *Luxovienſem* episcopum, & *R. Piſtavenſem* archidiaconum. Qui ſavitiâ maris & fluctuum intra trium menſum &c.

Ab archiepiſcopis & episcopis confirmata ſunt regni conſuetudines.

Ex mandato regis convenientibus episcopis & pro-

ceribus regni apud *Claredunam* viij. kal. Febr. poſt inmenſos tractatus rex tandem ad hoc animos Prælatorum inflexit, ut regni conſuetudines archiepiſcoporum & episcoporum auctoritate firmarentur & ſcriptis. Quod *Thomas Cantuarienſis* archiepiſcopus dum ad cognitionem ſummi pontificis pertuliſſet, ab obligatione quam interat abſolutionem petiit & impetravit.

10 *Philippus de Broe* propter maleficium expulſus eſt ab *Anglia*.

Rex *Anglorum* volens in ſingulis ut dicebat maleſicia debita cum ſeveritate punire, & ordinis dignitatem ad iniquum trahi compendium incongruum eſſe conſiderans, clericos à ſuis juſticiariis in publico flagitio deprehenſos episcopos loci reddendos decernerat, ut quos episcopos inveniret obnoxios præſente judiciario regis exauctoraret, & cætera que ſequentur ſub eodem numero infra.

20 *Thomas* archiepiſcopus *Romam* profeſſurus apud *Romenel* inſcio rege navem aſcendit, vento contrario rejeſtus in *Angliam*; in quo plurimum regis offenſam incurrit.

Thomas Cantuarienſis archiepiſcopus tractus in cauſam *Johanne* Mareſchallo regi deferente querelam, in quibuſdam capitulis contrariam reportavit ſententiam, & regi judicatum ſolvi cavuit in quingentis libris habita taxatione.

30 *Archiepiſcopus appellavit & appellatus eſt.*

Thomas Cant. archiepiſcopus ſuper actu quem ageret in Cancellaria tractus in cauſam, præſentiam luam exhibuit apud *Norbant* iij. idus Octobris. Convenerunt illuc episcopos, & cætera que ſequentur ſub eodem numero.

40 Nuncii à rege directi poſt archiepiſcopum & contra archiepiſcopum, in Conſtorio habuerunt hæc verba. Inter *Thomam* archiepiſcopum & regem *Anglorum* controverſia verſabatur, & cætera que ſequentur ſub eodem numero.

Eborac. archiepiſcopus. *Lund.* episcopos. *Cireſtrenſis* episcopos. *Wigornienſis* episcopos. *Exonienſis* episcopos. *Luxovienſis* episcopos. *Sagienſis* episcopos. *Piſtavenſis* archidiaconus. *Waltheamſis* Decanus. *Johannes Oxenford.* *R. de S. Valerio.* *Johannes Cumin.* *Henr. Camerarius.* *Willelmus Comes de Clara.* *Hugo de Gund.* &c.

50 Datum eſt in mandatis à rege nunciis ſuis quatinus à latere domini papæ mitti duos in *Angliam* poſtulerent qui cauſam non eccleſiaſticam, & cætera ſicut infra ſub eodem numero.

Thomas Cantuarienſis archiepiſcopus in Domini papæ præſentia conſtitutus ſic exorſus eſt. Ad audienciâ tuam pater ſanctiſſime confugio, & cætera ſicut infra, ſub eodem numero. M. Clxv.

60 *Thomas Cantuarienſis* archiepiſcopus cum per dies plurimos moram feciſſet apud *Pontiniacum*, tranſiens inde venit *Vizeliacum* repente, & die Aſcenſionis videntibus populis, qui ad diem feſtum convenerant, aſcendens in pulpitum conſuetudinum, & cætera ſicut infra ſub incarnationis Dominicæ tali numero M. Clxvj.

Ricardo Pistavensi archidiacono quærenti consilium ab amico Radulfo scilicet de Diceto, sic rescriptum est inter cætera. Si tactus inconsulto calore Thomas Cantuariensis archiepiscopus, & cætera sicut infra sub eodem numero.

Regi Anglorum Thomas Cantuariensis archiepiscopus. Desiderio desideravi, & cætera sub eodem numero.

Thoma Cantuariensi archiepiscopo venerabili patri & domino, suffraganei ejusdem ecclesiæ episcopi & personæ per eorundem dioceses locis variis constitutæ debitam subjectionem & obedientiam. Quæ vestro pater in longinquo discessu inopinata rei ipsius novitate, & cætera sicut infra in serie litterarum sub eodem numero.

Thomas Cant. archiepiscopus G. Lundeniensi episcopo, quod semel hoc iterum, Sic transire per bona temporalia ut non amittat æterna. Mirandum & vehementer stupendum, & cætera sicut infra in serie sub eodem numero.

Thomas Cant. archiepiscopus suffraganeis suis. Fraternitatis vestræ scriptum quod tamen de prudentiæ vestræ comuni consilio non facile credimus emanasse, nuper ex insperato, & cætera sicut infra in serie usque ad Non tamen hoc ideo dicimus.

Alexander papa Thoma Cant. archiepiscopo. Frater in Christo karissime Thoma Cant. archiepiscope de fratrum nostrorum consilio, tuis justis petitionibus debita benignitate duximus annuendum, atque prædecessorum nostrorum felicit. recordationis Paschalis & Eugenii Romanorum pontificum vestigiis inhærentes, tam tibi quam tuis legitimis successoribus Cantuariensis ecclesiæ primatum ita plene concedimus sicut à Lanfranco & Anselmo, aliisque ipsorum prædecessoribus constat fuisse possessum. Quicquid etiam dignitatis seu potestatis eidem sanctæ Cantuariensi ecclesiæ pertinere cognoscitur præsentis scripti pagina confirmamus, sicut à temporibus beati Augustini prædecessores tuos habuisse Apostolicæ sedis auctoritate constat.

Wilhelmus Papiensis, Johannes Neapolitanus Cardinales à latere summi pontificis destinati, regem & archiepiscopum Thomam convocarunt, apud Muntinvail, & licet archiepiscopus eos in partem regis inclinatiores, & cætera sicut infra sub tali numero.

An. Dñi. 1166. *Ludovicus rex Francorum venit Pontiniacum, & ne quid in Anglia fieret, in perniciem ordinis Cisterciensis, Thomam archiepiscopum, cui jam per biennium Pontiniacenses omnem exhibuerant humanitatem, Senonis secum deduxit, & in expensis sufficientiam apud Sanctam Columbam invenit per iiij. annos.*

Alexander papa regi Anglorum. Quam paternæ, & benigne regiam læpius excellentiam convenerimus &c. quare infra sub tali numero.

Gillebertus Lundeniensi episcopo ad sententiam archiepiscopi Thoma declinandam circa initium quadragesimæ convocato clero & populo in ecclesia

sancti Pauli Lund. Romana sedis audientiam appellavit; verum Thomas Cantuariensis archiepiscopus super hoc minime certioratus ipsum in die palmarum apud Claramvallem solemniter excommunicavit.

Thomas Dei gratia Cant. archiepiscopus & Apostolicæ sedis legatus G. Lundeniensi episcopo, utinam vero fratri declinare à malo & facere bonum. Excelsus vestros dum licuit supportavimus &c. quare infra.

Thomas Dei gratia Cantuariensis archiepiscopus, & Apostolicæ sedis legatus, decano, archidiacono & clero Lundeniensi ecclesiæ, salutem & à communione excommunicatorum fideliter abstinere. Vestram non debet latere &c.

Lundeniensi episcopo licet secundum quorundam consilium tutus esset: appellationis munimine quam ante latam sententiam excommunicationis interposuerat, usus saniori consilio mandatum archiepiscopi Thoma patienter sustinuit & abstinuit ab ingressu ecclesiæ.

Alexander papa regi Anglia. Serenitatem tuam per Apostolica scripta rogamus, monemus & exhortamur in Domino, necnon in remissionem tibi peccatorum &c. Infra sub præscripto numero.

Inter Anglorum regem & archiepiscopum paci reformandæ multi multam multotiens operam impenderunt. Ad ultimum missos fuisse &c. Infra sub eodem numero.

In Octabis sancti Martini habitum est colloquium inter regem Francorum, & regem Anglia proxime Parisius &c. Infra sub eodem numero.

Duobus articulis plenum non præbuit assensum rex Anglia. Nec enim nomine restitutionis cum archiepiscopum non expulerit &c.

In nocte natalis Domini tonitruum in Hybernia, tonitruum in Anglia, tonitruum in omni regno Francorum auditum est generale, subitum & horribile, portendens aliquid magnum, novum & inusitatum.

Rex pater rediens in Angliam multis suorum subita maris tempestate perditis, ipse magno divinæ pietatis munere evasit incolumis.

Alexander papa Eboracensi archiepiscopo & universis Anglia episcopis. Illius dignitatis et majoritatis ecclesiam Cantuariensem ab antiquo fuisse audivimus, ut reges Angliæ ab ejusdem ecclesiæ archiepiscopis inungi consueverint &c. quare infra sub eodem numero.

Habitu est colloquium apud Muntinvail inter regem et Thomam archiepiscopum, ubi præfens fuit rex Francorum & Bernardus de Corilo, Prior etiam de Monte Dei &c. Quare infra sub numero M. Clxx.

Item apud Fractam vallem rex Francorum W. Senonensis archiepiscopus, et episcopus Niver-nensis venerunt: Cum autem rex et Thomas secessissent in partem, bisque descendissent et bis ascenderent

dissent, bis Stapham rex tenuit archiepiscopi.

Item apud *Ambazium* singulis ad simplicem intellectum reductis, rex et archiepiscopus concordiam inierunt, procurante pacem *Rotrodo Rotomagensi* metropolitano.

Henricus rex *Anglia* filio suo *H. regi Anglia*, Sciatis quod *Thomas Cantuariensis* archiepiscopus pacem fecit mecum &c. quare infra sub eodem numero.

Archiepiscopus statim ut appellus est misit *Eboracensi* archiepiscopo apud *Doveram* litteras Domini papæ hæc verba continentes.

Alexander papa *R. Eboracensi* archiepiscopo et *H. Dunelmensi* episcopo. Cum filium suum rex vester coronari voluerit contempto *Thoma Cantuariensi* archiepiscopo &c. quare infra sub eodem numero.

Rursus *Thomas Cantuariensis* archiepiscopus misit litteras domini papæ *G. Lundeniensi*, et *Joscelino Salesberienfi* episcopo, auram prosperam apud *Doveram* expectantibus cum *Rogero Eboracensi* archiepiscopo, continentes hæc verba. *Alexander* papa venerabilibus fratribus *Lundeniensi*, *Salesberienfi*, *Exoniensi*, *Cestrensi*, *Rofensi*, de sancto *Asaph*, *Landavenfi* episcopis. Cum karissimus filius noster rex vester *Henricus* filium suum coronari voluerit &c. quare infra sub eodem numero.

Thomas Cantuariensis archiepiscopus postquam intravit in *Angliam* scripsit domino papæ litteras, in quibus inter alia hæc continebantur verba. Ad ductus est nobiscum ex mandato domini regis *Jobannes* decanus *Salesberienfis*; Qui cum videret *Reginaldum de Warennæ* &c. quare infra sub eodem numero.

Cum *Thomas Cantuariensis* archiepiscopus tenderet ad videndam faciem novi regis qui tunc temporis morabatur apud *Walesiæ* honorifice susceptus est à *Lundeniensibus* &c. quare sub numero.

Die natalis domini *Thomas Cantuariensis* archiepiscopus sermonem habiturus ad populum, ascendit in pulpitem. Sermone &c.

Quinta die natalis Domini circiter horam vespertinam, dum archiepiscopus cum clericis suis resideret in thalamo, *Willelmus de Traci*, *Reginaldus* filius *Ursi*, *Hugo de Morevill*, *Ricardus Brito*, et cætera quæ sequuntur, quare infra sub numero *M. Clxxj*.

Thomas Cantuariensis archiepiscopus sedit annis octo, mensibus sex, diebus viginti octo.

Circa Pascha dominus *Ihesus Christus*, qui in sanctis suis semper est et ubique mirabilis, gloriosissimi martiris sui *Thoma Cant.* archiepiscopi vitam laudabilem et insuperabilem in morte constantiam crebris cepit irradiare miraculis, et cætera quæ sequuntur, quare infra.

Domino papæ *Willelmus Senonensis* archiepisco-

pus. Vestro Apostolatu pater sancte data est omnis potestas in celo et in terra &c.

Rex pater regis navibus undique congregatis intravit *Hyberniam* xv. kal. Novembris &c.

Cantuariensis ecclesia post necem gloriosissimi martyris *Thome* continuis diu &c. Hæc omnia quare infra sub numero incarnationis Dominica *M. Clxxj*.

Rotro Rotomagensis archiepiscopus & episcopus *Ambianensis* in mandatis susceperant à Domino papa, quatinus congruo loco & tempore *Lundoniensis* episcopi purgationem &c. An. Dñi 1172.

Postquam rex *Anglia* appellus est in *Normaniam* statim cum festinatione accessit ad dominum *Albertum* & *Teodinum Cardinales* & Apostolicæ sedis legatos, ad partes illas à domino papa transmissos. Post longos tandem & immensos tractatus primo habitos apud *Saviniacum*, post apud *Abrincas*, in præsentia legatorum juravit rex mortem gloriosissimi martyris *Thome* nec voluntate sua, nec conscientia perpetratam fuisse, nec suo artificio perquisitam. Sed quoniam malefactores ex verbis quæ iracundiæ fervore succensus minus caute protulerat, occasionem sumplerant virum sanctum interficiendi, cum omni humilitate petiit absolutionem ab eis, petiit & impetravit. In facie igitur ecclesiæ solenniter absolutus, juxta voluntatem Cardinalium promissit, quod ab instanti festo *Pentecostes* usque in annum tantam pecuniam daret, unde ad arbitrium fratrum Templi CC. milites ad defensionem terræ *Jerosolomitane* per annum perquirerentur. Promissit etiam quod licebit appellationes libere fieri, & quod consuetudines quæ suis temporibus contra libertatem ecclesiæ fuerant introductæ revocabuntur in irritum, & quod possessiones *Cant.* ecclesiæ quæ post egressum sanctæ recordationis archiepiscopi *Thome* fuerant ei ablata restituerentur in integrum. Et clericis & laicis utriusque sexus qui pro archiepiscopo *Thoma* de regno exierant, cum pace regis libere redire licebit & bona sua recipere. Et hoc totum promittere & facere ex parte domini papæ regi injunctum est in remissionem omnium peccatorum suorum. Rex filius regis idem quod pater suus juraverat & promiserat juravit & promissit.

Canonizatio sancti *Thotmæ* martyris.

Alexander episcopus servus servorum Dei, venerabilibus fratribus archiepiscopis, episcopis & dilectis filiis ecclesiarum Prælati & universo clero per *Angliam* constituto, salutem & Apostolicam benedictionem. Redolet *Anglia* fragrantia & virtute signorum quæ per merita illius sancti & reverendi viri *Thome* quondam *Cantuariensis* archiepiscopi Dominus operatur, et universa lætatur ubique fidelium Christiana religio, pro eo quod ille qui est mirabilis et gloriosus in sanctis sanctum suum post mortem clarificavit. Cujus vita mirabilis multa fuit gloria meritorum, et tandem consummata est martyrio certaminis gloriosi. Quamvis autem de sanctitate ipsius dubitare non possit, qui ejus vitam et laudabilem conversationem attendit et gloriosam considerat passionem, voluit tamen salvator et re-

demptor noster ejus sanctitatis insignia post mortem suam magnificis irradiare miraculis, ut qui pro Christo insuperabilis virtutis constantia necessitates et pericula pertulit, sui laboris et certaminis in æterna beatitudine cognoscatur ab omnibus suscepisse triumphum. Nos autem auditis innumeris et magnis miraculis, quæ jugiter per sancti viri illius merita fieri universitas narrat fidelium, et super his non sine magno gaudio per dilectos filios nostros *Albertum* sancti *Laurentii* in *Lucina*, et *Teodinum* tituli sancti *Vitalis* presbyteros Cardinales Apostolicæ sedis legatos, qui eadem miracula tanto perspicacius didicerunt, quanto amplius sunt loco vicini, præcipue certiores effecti, et plurium aliarum personarum testimonio fidem sicut debuimus adhibentes, prædictum archiepiscopum solenniter in ecclesia magno ibidem clericorum et laicorum collegio præsentem, in capite Jejunii, deliberato fratrum nostrorum consilio canonizavimus, ipsumque decrevimus sanctorum cathalogo ascribendum. Universitatem itaque vestram monemus, et auctoritate qua fungimur districte vobis præcipimus, ut natale prædicti gloriosi martyris die passionis suæ solenniter annis singulis celebretis, et apud ipsum votivis orationibus satagatis veniam peccatorum promereri, ut qui pro Christo in vita exilium et in morte virtutis constantia passionis martyrium pertulit, fidelium jugi supplicatione pulsatus pro nobis apud Dominum intercedat.

Majores regni Francorum quam affectionem habuerint erga beatum Thomam archiepiscopum Cantuariensem dum viveret, eodem canonizato solenniter ostendere decreverunt, Cantuariam venientes nemine peregrinationis assumpto.

Wilhelmus Remensis archiepiscopus venit in Angliam sancto Thoma martyri vota soluturus orationum. II

Ludovicus rex Francorum orationum vota sancto Thoma perfolvit, cui per iii. annos necessaria ministravit Senonis a pud sanctam Columbam, per triduum moram faciens Cantuaria. II

Johannes Lugdunensis archiepiscopus venit in Angliam, & cum summa devotione, cum summa veneratione vota solvit orationum sancto Thoma martyri. II

Post passionem sancti Thoma martyris antequam ejus canonizatio pervenisset ad regem, rex intravit Hyberniam, ubi moram aliquandiu faciens et suam in populos dominationem extendens, non ab Angliæ regno, non à Normannia, non à minore Britannia, non ab Andegavia, non à Pittavia xx. continuis ebdomadibus audivit rumores, et quia ventus contrarius plurimum adversabatur audire non potuit aliqua ratione. II

F I N I S.

CHRONICON
JOHANNIS BROMTON
Abbatis Jornalensis

Ab Anno Domini 588. quo S. *Augustinus* venit in *Angliam*
usque mortem Regis *Ricardi* I. scilicet
Annum Domini 1198.

Nunc primum editum ex MSS. codicibus fideliter collatis.

CHRONIC

TOXICOMANIA

BY J. H. H. H.

OF THE

...

JORALANENSIS HISTORIA

à Johanne Brompton Abbate Fornalensi conscripta.

Postquam contigit Britones modo Wallicos, à quodam duce eorum Gualione, sive à Galles Reginula sic vocatos, (qui anno Domini centesimo sexagesimo secundo, tempore Lucii regis totius Britannia, qui ecclesiam Westmonasterii primo construxit, per religiosos doctores Faganum & Duvianum monachos ab Eleutherio Papa ad prædicandum eis missos, ad fidem Christi, quæ nunquam postmodum in toto inter eos defecerat, conversi fuerant, loco xxvii, Pontificum ydolorum quos Flamines vocaverunt, & trium archisaminum tunc temporis in Britannia existentium, tot episcopis catholicis & archiepiscopis ordinatis, cum eorum archipræsulis Theono videlicet Lundeniensi & Thadiæo Eboracensi, ecclesiis omnibus eis subiectis usque ad humum destructis,) per infideles regulos & paganos de genere Saxonum, à regno Britannia quod à Bruto usque ad Cadwaladrum duobus milibus & septuaginta sex annis sub centum duobus regibus duraverat, expelli, & ad partes Cambria sive Wallie fugari: missus est beatus Augustinus Anglorum doctor, & cum eo plures alii viri religiosi à beato Gregorio Papa & doctore ecclesiæ in Britanniam, ut dictis regulis & populo Anglorum pagano eis subiecto, (qui Saxones vocabantur,) sanctum Dei evangelium prædicarent: qui Saxones post Cadwaladrum regem Britonum, Britonibus suis ut dictum est expulsis, per multos annos cum tribus vel quatuor regibus Danorum, usque ad regem Willielmum Bassard conquestorem totius Anglia regnaverunt. Et quia Galfridus Monemutensis superius in libro de gestis Britonum vulgariter dicto le Brut, per ipsum de Britannico sermone in Latinum translato, modum adventus ipsius Augustini, qui tempore Edelberti regis Cantia generi Anglorum cum sociis suis prædicaturus advenit, non ad plenum memoriam mandavit, Ideo primo de causa devotionis, quam dictus Papa Gregorius erga populum Anglorum gessit, cuius gratia ipsum Augustinum ad eos misit; Et postmodum de ipsius Augustini & sociorum suorum adventu, & quo anno Domini, ac conversione dicti regis Edelberti, & quorundam aliorum regulum; ac etiam de aliis per ipsum Augustinum & quosdam socios suos gestis, de quibus ut videtur ipse Galfridus scribere non curavit; Et etiam qualiter regnum Anglia, aliquando inter septem reges, aliquando inter quinque divisum, circa tempus regis Adelstani, sub regimine unius ultimo devenit; Et postmodum de ipso rege Adelstano, & ejus successoribus tam Danis & Anglis, quam Normannis, usque ad regem Edwardum primum post conquestum, filium regis Henrici filii regis Johannis, hunc libellum, licet non plenarie de temporibus dictorum regulum & eorum gestis pro defectu librorum certiorari potui, ad meum tamen proprium solatium, & aliorum, gesta regum scire volentium, non meo ingenio nec opere sed aliquantulum labore, prout in diversis libris & cronicis reperi in scriptis, manu propria compilavi.

10 De causa devotionis quam beatus Gregorius Papa erga populum Anglicanum habuit, cuius gratia beatum Augustinum in Britanniam misit, primo restat (ut superius in prologo promisi) aliquid enarrare.

Beatus Gregorius urbe Romana senatoria stirpe progenitus, cuius pater Gordianus, mater vero Silvia dicebantur, cum post obitum patris disponendarum rerum suarum liberam haberet facultatem, sex monasteria in Sicilia construxit: septimum vero intra mœnia Romane urbis sub honore sancti Andrea Apostoli in proprio domate fabricavit. In quo relictis indumentis sericis auro gemisque radiantibus, in quibus sub Urbano prætorumundo septem annis deservierat, vili monastico habitu tegebatur. Et quadam die dum beatus Gregorius per forum urbis Romane transivit, invenit quosdam pueros forma pulcherrimos, vultu venustos, capillorum nitore perspicuos esse venales. Interrogat igitur mercatorem, de qua illos patria attulisset. Qui respondit; De Britannia, cuius incolæ simili candore resurgent. Interrogat iterum si Christiani sunt. Cui mercator, Non, sed Paganis erroribus implicati tenentur. Tunc Gregorius intimo corde longa trahens suspiria ait, Heu pro dolor, quod tam lucidi vultus homines auctor nunc possidet tenebrarum! Interrogabat insuper quod esset vocabulum gentis illius. Cui ille, Anglici vocantur. Bene inquit Anglici, quia Angelicos vultus habent. Rursum interrogavit quod nomen haberet ipsa provincia. Ait mercator, Provinciales illi Deiri vocantur. Et Gregorius, Bene, inquit, Deiri, quia de ira Dei sunt eruendi. Tunc de nomine regis interrogat. Ait mercator, quod Elle diceretur. At Gregorius ad nomen alludens ait, Bene Elle, quia alleluia in partibus illis decantari oportet. Qui mox ad summum accedens pontificem, cum multa instantia & precibus vix optinuit, ut ad illos convertendos in Britanniam mitteretur. Cumque jam iter cum aliis sociis arripuisset, Romani de ejus absentia plurimum perturbati Papam adeunt, & eum taliter alloquuntur. Petrum offendisti, Romam destruxisti, quia Gregorium dimisisti. Sicque Papa perterritus ad eum revocandum continuo nuncios destinavit. Cum Gregorius jam trium dierum iter peregisset, & in quodam prato divertens quædam cæteris quiescentibus lætaretur, locusta superveniens quam percurrebat paginæ saltum dedit, eumque à legendo quiescere sic coegit. Tunc ille ex consideratione sui nominis, ait, Locusta hæc dici potest quasi Loco sta. Quod spiritu prophetico dicens, statim comites adhortatur velocius proficisci. Sed supervenientibus apostolicis nunciis redire compellitur, licet de hoc plurimum tristaretur. Tunc Papa ipsum à monasterio suo abstraxit, & suum diaconum Cardinalem ordinavit, ac ipsum postea in Constantinopolim Apocrisarium direxit, ubi hortatu Leandri Hispaniensis episcopi Moralia Job inchoavit, quæ postmodum factus Papa perfecit.

Et

Et circa idem tempus idem *Gregorius Euticius Constantinopolitanus* episcopum *Tiberio* præsente super hæresi devicit. Scribebat autem *Euticius* corpus nostrum in resurrectione impalpabile, & ventis aerique subtilius esse futurum, contra illud *Dominicum Palpatæ*, &c. Quodam tempore contigit quod *Tiberis* fluvius alveum suum egressus in tantum excrevit, ut super muros urbis influeret, & plurimas domos everteret. Tunc etiam per *Tiberim* fluvium multitudo serpentium, cum dracone magno in modum trabis validæ in mare descendit. Qui à fluctibus præfocati, & ad litus projecti totum aerem sua putredine corrumperunt. Unde evestigio plaga pessima quam *Inguinariam* vocant secuta est. Ita etiam ut corporali visu sagittæ cœlitus venire, & singulos quosque percutere viderentur: & primo omnium *Pelagium* Papam perculit, & sine mora extinxit. Postmodum vero in reliquum vulgus ita desævavit, ut subtractis habitatoribus domos plurimas in urbe vacuas relinqueret. Sed quia ecclesia Dei sine rectore esse non poterat, *Gregorium*, licet totis viribus renitentem, plebs omnis elegit. Cum ergo benedici deberet, & lues populum devastaret, sermonem ad populum fecit, processionem & letanias cantandas instituit, & ut omnes Deum attentius orarent admonuit. Cum ergo Deum omnis congregatus exoraret, in tantum lues ipsa desævavit, ut in una hora octoginta homines spiritum exalarent. Sed nequaquam cessavit populum admonere, ut ab oratione nunquam desisterent, donec pestem ipsam divina miseratio propulsaret. Finita processione fugere voluit, sed nequivit, quia die nocteque portas urbis propter eum vigiles observabant. Tandem mutato habitu à quibuidam mercatoribus optinuit, ut in quodam dolio super quadrigam de urbe abducerent. Qui mox silvas expetiit, cavernarum latibula requisivit, & diebus latuit ibi tribus, verumtamen dum solite quæreretur, columna lucis perfulgida à cœlo dependens super locum in quo latitabat apparuit. In qua columpna angelos ascendentes & descendentes quidam reclusus aspexit. Moxque sub universo populo capitur, trahitur, & summus Pontifex consecratur.

Et quia adhuc *Romam* pestis prædicta vastabat more solito, per processionem cum letania septiformi quodam Paschali tempore placare instituit iram Dei. Septiformis autem ideo dicta est, quia in primo choro fuit omnis clerus. In 2º. Abbates cum monachis. In 3º. Abbatissæ cum omnibus congregationibus suis. In 4º. omnes infantes. In 5º. omnes laici. In 6º. omnes viduæ. In septimo omnes conjugatæ. Et ante istam processionem ymaginem beatæ *Mariæ* semper virginis, quæ est ut aiunt adhuc *Romæ*, quam *Lucas* arte medicus & pictor egregius formasse dicitur, & eidem virgini similima per omnia perhibetur, cum omni fecit reverentia deportari. Et ecce tota aeris infectio & turbulentia ymagini cedebat, ac si ipsam ymaginem fugeret & ejus præsentiam ferre non posset. Sed post ymaginem mira serenitas, & aeris puritas remanebat. Tunc in aere ut fertur juxta ymaginem auditæ sunt voces angelorum canentium; *Regina cœli latere, alleluia, quia quem mervisti portare, alleluia, resurrexit, sicut dixit, alleluia*. Et quia illa hora beatus *Gregorius* vidit super castrum Incerfcii angelum Domini, qui gladium cruentatum manu sua tenebat, quod in dicto angelorum cantu canitur, ad-

junxit, dicens, *Ora pro nobis Deum, alleluia*. Et statim angelus gladium detergens in vaginam revocabat, & sic pestis illa cessavit: unde & canticum illud *Canticum angeli* deinceps vocatum est. Hic Papa *Gregorius* ecclesiis *Romane* urbis in remissionem peccatorum humani generis, singulis diebus xl. statuit fieri stationes devotioni fidelium celebrandas. Et ne erroris antiqui semen de cætero pullularet, ymaginibus dæmonum capita & membra fecit generaliter amputari, ut per hoc extirpata radice hæreticæ pravitate palma ecclesiasticæ veritatis plenius exaltaretur, & addit in missa, *Diesque nostros in tua pace disponas*: Et supra corpora Apostolorum *Petri & Pauli*, à Papa sive à Cardinalibus fecit jugiter celebrari. Et cum apud sanctam *Mariam* majorem in die Paschæ missam celebraret, & *Pax Domini* pronunciaret, angelus Domini alta voce respondit, *Et cum spiritu tuo*; unde Papa apud ecclesiam in die Paschæ, quando stationem facit non sibi cum dicit *Pax domini*, in hujus miraculi testimonium responderetur. Tempore hujus Papæ *Gregorii Mauricius* Imperator sanxit, ut quisquis publicis administrationibus fuerit implicatus, ad ecclesiasticum officium ei venire non liceat, nec in monasterium converti. Quam constitutionem Papa *Gregorius* vehementer expavens, Imperatori scripsit in hæc verba. *Dicit tibi Deus, Ego te de notario Comitem excubitorum, de Comite Casarem, de Casare non solum Imperatorem, sed etiam patrem Imperatorum feci, Sacerdotes meos tuis manibus commisi, Tuque milites tuos à servicio meo subtrahis, &c.* Iste tandem *Gregorius Augustinus*, & alios cum eo Religiosos in *Angliam* misit, qui eos suis precibus & meritis (ut inferius patebit) ad fidem convertit.

ANno gratiæ quingentesimo octogesimo octavo *Mauricio* imperante, quarto decimo anno Imperii sui, qui quinquagesimus quartus ab *Augusto* imperavit, misit servus Dei *Gregorius Augustinus*, et alios plures cum eo monachos prædicaturos in *Angliam*, anno adventus *Anglorum* in *Britanniam* circiter centesimo quinquagesimo. Qui jussis pontificalibus obtemperantes, cum *Angliam* appropinquarent, horrore maximo in mirum percussi, redire domum potius, quam adeo feram gentem cujus nec linguam noscebant adire, cogitabant. Nec mora, *Augustinus* (quem episcopum ordinandum si ab *Anglis* susceperentur Papa *Gregorius* disposuerat) domum remittunt, qui à beato *Gregorio* humili supplicatu optineret, quod tam incertam peregrinationem adire non deberent. Quibus ille exhortatorias mittens litteras, eos in opus verbi Dei divino confisos auxilio suadet proficisci. Roborati igitur beati patris confirmatione *Britanniam* prædicatores perveniunt. Erant tunc in *Britannia*, sic à *Bruto* rege dicta, sive in *Anglia* ab *Angela* filia Ducis cujusdam *Saxonia* sic vocata, septem reges, videlicet *Cancia*, *Estsaxia*, *Estanglia*, *Westsaxia*, *Mercia*, *Northumbria*, et *Suthsaxia*, qui in septem partibus *Angliæ*, per certas metas inter eos appositas regnaverunt.

REgnum vero *Cancia* quod totam *Canciam* continebat, incepit ab *Anglis* et *Saxonibus*, quorum duces fuerunt *Hengistus* et *Horfa* fratres, quibus donatur *Thanatos* Insula;

Insula; unde post mortem *Hengisti* primus rex qui ibi regnavit vocabatur *Oſca*, cui ſucceſſit *Orka*, cui ſucceſſit *Hirmericus*, cui ſucceſſit filius ſuus *Ethelbertus*, qui primo & vicinis regibus ridiculoſe pullabatur. Sed poſt conſulcius agens, in brevi victor effectus: quodam alios *Anglia* regulos, in tantum ſubmiſit quod uſq; ad flumen de *Humbre*, quo meridiani & ſeptentrionales *Anglorum* populi dirimuntur, fines ſui imperii extendebat. Tempore autem iſtius *Ethelberti* regis *Cantia*, in *Thanatos* Insula, quæ ad orientalem *Cantiae* plagam ſita eſt, ſervus Dei *Auguſtinus* & ejus ſocii applicarunt, viri ut ſerunt ſerme xl. Miſſis interpretibus regi *Ethelberto* prædicto *Auguſtinus* mandavit, ſe de *Roma* veniſſe ac nuncium ferre optimum, qui ſibi obtemperantibus æterna in cœlis gaudia, & regnum ſine fine cum Deo vivo & vero futurum ſine ulla dubietate promiſit. Rex vero hæc audiens, manere illos in ea quam adierant inſula, & eis neceſſaria miniſtrari juſſit, donec videret quid de illis facere juſtum eſſet. Nam & antea fama Chriſtianæ religionis ad eum pervenerat, utpote qui & uxorem habebat Chriſtianam de gente *Franconum* reginam vocabulo *Berte*, quam ea conditione à parentibus acceperat, ut ritum fidei & religionis ſuæ, cum epiſcopo quem ei adiutorem dederant nomine *Ledbaro*, inviolatum haberet licenciam obſervare. Poſt dies vero paucos venit ad inſulam rex, & reſidens ſub divo, juſſit *Auguſtinum* cum ſuis ſociis ad ſuum ibidem venire colloquium. Noluſit enim eos ad ſe in aliquam domum introire, ne veteri uſi augurio in ſuperventu ſuo aliquid maleficæ artis habuiſſent, ut ſic eum prædicando deciperent. At illi non dæmoniaca ſed divina virtute præditi veniebant, crucem pro vexillo ferentes argenteam, & ymaginem Domini Salvatoris in tabulis depictam, letaniaſque cantantes pro ſua ſimul, & eorum propter quos, & ad quos venerant ſalute æterna Domino ſupplicabant. Cumque *Auguſtinus* ad juſſionem regis reſidens verbum ei vitæ una cum omnibus qui aderant ei comitibus prædicaret, Reſpondit rex ille dicens. Pulcra ſunt quidem verba & promiſſa quæ affertis; ſed quia nova ſunt et incerta ſtatim aſſenſum tribuere non hiis poſſum, relictis eis quæ tanto tempore cum omni gente *Anglorum* ſervavi. Verum quia de longe huc peregrini veniſtis, et ea quæ vera et optima, ut intelligitis nobis communicare deſideraſtis, nolumus vobis moleſti eſſe, quin potius benigno vos hoſpicio recipere curamus, et quæ vitæ veſtro ſunt neceſſaria miniſtrare, nec prohibemus quin omnes quos poteſtis fidei veſtræ religionis prædicando ſocietis. Dedit ergo eis manſionem in civitate *Dorobernenſi*, quæ imperii ſui totius erat metropolis, eiſque ut promiſerat cum adminiſtratione victus temporalis liberam dedit licenciam prædicandi. Ferrat autem appropinquantes civitati more ſuo cum cruce et ymagine magni regis Domini noſtri Iheſu Chriſti, hanc letaniam conſona voce modularentur. *Deprecamur te Domine in omni miſericordia tua, ut auferatur furor tuus, & ira tua à civitate iſta, & de domo tua ſancta, quam prædicavimus. Alleluja.*

Ingreſſi igitur urbem vitam Apoſtolicam primitivæ eccleſiæ imitantes, converſatione cœleſti et dulcedine doctrinæ multos ad fidem et baptiſmi lavacrum converterunt. Baptiſabant autem miſſasque celebrabant in eccleſia ſancti *Martini* ad orientem ipſius civitatis, facta antiquitus à *Britannis*, in qua

regina prædicta conſueverat adorare, et ubi rex inter alia delectatus vita mundiffima ſanctorum, et oſtentione miraculorum ad fidem converſus, in ſanctæ Trinitatis nomine et fide eccleſiæ baptizatur. Tunc cœperunt innumeri Chriſti eccleſiæ uniri, quos quidem rex arcius diligebat, nullum tamen ad fidem cogere volebat. Didicerat enim à ſuæ ſalutis prædicatoribus ſervitium Chriſti voluntarium, et non coactum eſſe debere. Locum vero ſedis epiſcopalis congruum poſſeſſionesque varias offerre Chriſti famulis non tardabat. Pergens igitur vir Dei *Auguſtinus Arelas*, et ibi ab archiepiſcopo ejusdem civitatis *Ethereo* juxta præceptum Papæ archiepiſcopus ordinatus, in *Britanniam* reverſus eſt. Miſitque *Laurencium* preſbiterum *Roma* per quem rem geſtam ſummo pontifici mandavit et gerenda, novem quaſtionibus conſuluit. Contra quas Papæ ſcripta recepit, quæ quia proluxa ſunt, in Decretis vel Canonibus lector quaerat et inveniet. Miſit Papa *Gregorius Auguſtino* epiſcopo tunc tempore illo ab urbe *Romana* verbi Dei cooperatores & miniſtros plures. In quibus primi & præcipui erant *Mellitus*, *Juſtus*, *Paulinus* & *Ruffinianus*. Miſit eciam per eos vaſa & indumenta, codices & ornamenta eccleſiis neceſſaria. Miſit eciam literas, quarum iſte eſt textus.

Reverentiſſimo & ſanctiſſimo fratri Auguſtino coe-piſcopo Gregorius ſervus ſervorum Dei.

Cum certum ſit pro omnipotenti Deo laborantibus ineffabilia æterni regis præmia reſervari, nobis tamen eis neceſſe eſt bonorum beneficia tribuere, ut in ſpiritalis operis ſtudio ex remuneratione valeant multiplicius inſudare. Et quia nova *Anglorum* eccleſia ad omnipotentis Dei gratiam eodem domino largiente, & te laborante perducta eſt, uſum tibi pallii in ea, ad ſola miſſarum ſollemnia agenda concedimus, ita ut per loca ſingula xij. epiſcopos ordines qui tuæ ſubjaceant ditioni, quatinus *Lundoniensis* civitatis epiſcopus ſemper poſterum à Sinodo propria debeat conſecrari, atque honoris pallium à ſancta & Apoſtolica, cui Deo auctore deſervio, ſede percipiat. Ad *Eboracam* vero civitatem volumus epiſcopum mittere quem ipſe judicaveris ordinare. Ita duntaxat ut ſi eadem civitas cum finitimis locis verbum Dei receperit, ipſe quoque xij. epiſcopos ordinet & Metropolitani perfruatur honore. Cui quoque ſi vita comes fuerit pallium tribuere Domino favente diſponimus, quem tamen tuæ fraternitatis diſpoſitioni volumus ſubjaccere. Poſt obitum vero tuum ita epiſcopis quos ordinaverit præſit, ut *Lundoniensis* epiſcopi nullo modo jaceat ditioni. Sit vero inter *Lundonia* & *Eboraca* civitatis epiſcopos poſterum honoris iſta diſtinctio, ut ipſe prior habeatur qui prius fuerit ordinatus. Communi conſilio & cordis actione quæque ſunt pro proximi zelo agenda diſponant unanimiter, recte ſentiant, & ea quæ ſenſerint non ſibi met diſcrepando perficiant. Tua vero fraternitas non ſolum epiſcopos quos ordinaveris, neque hoſ tantummodo qui per *Eboracensem* epiſcopum fuerint ordinati, ſed eciam omnes *Britannia* ſacerdotes habeat domino noſtro Iheſu Chriſto ſubjectos, quatinus ex lingua & tuæ vitæ ſanctitate, & recte credendi, & bene vivendi formam percipiant; atque officium ſuum fide ac moribus exequentes, ad cœleſtia cum Dominus voluerit regna pertingant. Deus te incolumem

lumem custodiat reverentissime frater. Data die decimo kalendarum Juliarum imperante domino nostro *Mauricio Tiberio* piissimo Augusto anno septimo decimo.

Ecce per istas litteras intelligi potest quantæ humilitatis iste papa *Gregorius* exstitit, qui cum esset summus pontifex & dominus orbis imperatorem Dominum suum vocabat, & primus omnium pontificum se *servum servorum Dei* in litteris suis scripsit. Cum autem legati prædicti *Britanniam* peterent, dominus papa *Gregorius* post eos litteras destinavit. In quibus quam studiosus erga salutem gentis nostræ fuit aperte demonstrat, ita scribens.

Dilectissimo filio Mellito abbati Gregorius servus servorum Dei.

Post discessionem congregationis nostræ quæ tecum est valde sumus suspensi redditi, quia nichil de prosperitate vestri muneris audisse nos contigit. Cum ergo Dominus omnipotens vos ad reverentissimum virum fratrem nostrum *Augustinum* episcopum perduxerit, dicite ei, quod diu mecum de causa *Anglorum* cogitans tractavi, videlicet quod phana ydolorum destrui in eadem gente minime debeant, sed ipsa quæ in eis sunt idola destruantur; aqua benedicta fiat & eisdem phanis aspergatur, altaria construantur, reliqua componantur; quia si phana eadem bene constructa sint, necesse est ut à cultu dæmonum in obsequium veri Dei debeant commutari, ut dum gens ipsa eadem phana sua non videt destrui, de corde errorem deponat, & Dominum cognoscens verum & adorans, ad loca quæ consuevit familiarius currat. Et quia boves solent in sacrificio dæmonum multos occidere, debet eis etiam hære, & aliqua solemnitas immutari. Et die dedicationis vel nataliciis sanctorum martirum, quorum illic reliquiæ ponuntur, tabernacula sibi circa easdem ecclesias quæ de phanis commutatæ sunt, de ramis arborum faciat, & religionis encenniis solemnitatem celebret, nec diabolo jam animalia immolent, sed ad laudem Dei in esu suo animalia occidant, & donatori omnium de fâtie-tate sua gratias referant, & dum eis aliqua sic exterioria gaudia reservantur, ad interiora gaudia facilius valeant consentire: nam diris mentibus simul omnia abcidere impossibile esse non est dubium; quia & is qui summum locum ascendere nititur, gradibus vel passibus, non autem saltibus elevatur. Sic *Israelitico* populo in *Egypto* dominus siquidem innotuit, sed tamen eis sacrificiorum usus, quæ diabolo solebant exhibere, in cultu proprio reservavit, ut eis in suo sacrificio animalia immolare præceperet, quatinus cor mutantes, aliud de sacrificio amitterent, aliud renovarent, ut si ipsa essent animalia quæ consueverant immolare, vero tamen Deo hæc & non ydolis immolantes, jam sacrificia ipsa non essent. Hæc igitur dilectionem tuam prædicto fratri nostro necesse est dicere, ut ipse in præsentī illic positus perpendat, qualiter omnia debeat dispensare. Deus te incolumem custodiat, dilectissime fili. Dat. die xv. kal. Julii, imperante domino nostro *Mauricio Tiberio* piissimo Augusto anno xix. post consulatum ejusdem domini nostri anno xvij. indictione quarta.

Augustino etiam super miraculis suis misit epistolam ne in eis extolleretur, hiis verbis.

Scio, frater karissime, quia omnipotens Deus per dilectionem tuam in gente quam eligi voluit miracula ostendit, unde necesse est de eodem dono cælesti ut timendo gaudeas, & gaudendo pertimescas. Gaudeas videlicet quia *Anglorum* anima per exteriora miracula ad interiorē gratiam pertrahuntur: pertimescas vero ne inter signa quæ fiunt infirmus animus presumptione se elevet, & unde foras in honorem tollitur inde per inanem gloriam intus cadat. Meminisse etiam debemus quia discipuli cum gaudio redeuntes à predicatione dum cælesti magistro dicerent, Domine, in nomine tuo etiam dæmonia nobis subiecta sunt, protinus audierunt, Nolite gaudere super hoc, sed potius gaudete quia nomina vestra scripta sunt in cælis. In privata enim & temporali letitia mentem posuerant qui de miraculis gaudebant, sed de privata ad communem, de temporali ad eternam letitiam revocantur, quibus dicitur: In hoc gaudete quia nomina vestra scripta sunt in cælis. Non enim omnes electi miracula faciunt, & tamen eorum nomina in cælo tenentur ascripta. Verum etenim discipulis esse gaudendum non debet, nisi de eo bono quod continue cum omnibus habent, & in quo finem letitia non habent. Restat itaque, frater karissime, ut inter ea quæ operante Domino exterius facis, semper te interius subtiliter judices ac subtiliter intelligas, & temetipsum quis sis, & quanta sit in eadem gente gratia pro cuius conversione etiam faciendorum dona percepisti signorum: & si quando te creatori nostro seu per linguam, sive per opera reminisceris deliquisse, semper hoc ad memoriam revoces, ut surgentis cordis gloriam memoria reatu premat. Et quicquid de faciendis signis acceperis vel accepisti, hac non tibi sed illis putes donata pro quorum tibi salute collata sunt.

Ethelberto quoque papa *Gregorius* dona in diversis speciebus, ut temporalibus donis extolleret quem gratiæ cælestis muneribus consignaverat, misit, simul & epistolam in hæc verba.

Domino gloriosissimo atque præcellentissimo filio *Ethelberto* regi *Anglorum* *Gregorius* episc. &c.

Propter hoc omnipotens Deus bonos quosque ad populorum regimina perducit, ut per eos omnibus quibus prælati fuerint dona pietatis sua impendat. Quod *Anglorum* genti factum cognovimus, cui vestra gloria idcirco est præposita, ut per bona quæ vobis concessa sunt, subiecta etiam vobis genti superna beneficia præstarentur. Et ideo gloriose fili, eam quam accepisti divinitus gratiam solita mente custodi, Christianam fidem in populis tibi subditis extendere festina, zelum rectitudinis tue in eorum conversione multiplica, ydolorum cultus persequere, phanorum adificia evertē, subditorum mores ex magna vitæ mundicia exhortando, terrendo, blandiendo, corrigendo, & boni operis exempla monstrando adifica, ut illum retributorem invenias in cælo cuius nomen atque cognitionem dilataveris in terra: ipse enim vestre quoque gloria nomen posteris gloriosum reddet, cuius vos honorem quaritis, & servatis in gentibus. Sic etenim *Constantinus* quondam piissimus imperator *Romanus*, rempublicam à perversis ydolorum cultibus revocans, omnipotenti Deo & domino nostro *Ihesu Christo* se cum subditis populis tota ad eum mente convertit; unde factum est, ut antiquorum principum

pum nomen & suis vir laudibus vinceret, & tanto in opinione quanto in bono opere superaret praedecessores suos. Et nunc itaque vestra gloria cognitionem unius Dei Patris, & Filii, & Spiritus sancti regibus ac sibi subiectis festinet infundere, ut & antiquos gentis suae reges laudibus ac meritis transferat; & quanto in subiectis suis etiam aliena peccata deterferit, tanto etiam de peccatis propriis ante omnipotentis Dei terribile examen securior fiat. Reverentissimus frater noster Augustinus episcopus monasterii regula doctus, sacra scriptura scientia repletus, bonis auctore Deo operibus praeditus, quaque vos admonet libenter audite, devote peragite, studiose in memoria reservate, quia si vos eum in eo quod pro omnipotente Deo loquitur audieritis, idem omnipotens Deus hunc pro vobis exorantem ceteris exaudiet. Si vero, quod absit, verba eius postponitis, qualiter eum omnipotens Deus poterit audire pro vobis quem vos negligitis audire pro Deo? Tota igitur mente cum eo vos in fervore fidei stringite, atque nisum illius virtute quam vobis divinitas tribuit adjuvate, ut regni sui vos ipse faciat esse participes, cuius vos fidem in regno vestro recipi feceritis & custodiri. Praeterea scire gloriam vestram volumus, quia sicut in scriptura sacra ex verbis Dei omnipotentis agnoscimus, praesentis mundi terminus jam juxta est, sanctorum regnum venturum est quod nullo unquam fine poterit terminari. Apropinquante mundi eodem termino multa imminet quae ante non fuerunt, videlicet immutationes aeris, terroresque de caelo, & contra ordinationem temporum tempestates, bella, fames, pestilentia, terra motus per loca, quae tamen non omnia nostris diebus ventura sunt, sed post nostros dies omnia subsequuntur. Vos itaque si quae ex his venire in vestra terra cognoscitis, nullo modo vestram animam perturbetis, quia idcirco haec signa de fine seculi praemittuntur, ut de animabus vestris debeamus esse solliciti, de mortis hora suspecti, ut venturo iudicio inveniamur in bonis ecclesiae actibus preparati. Haec nunc, gloriose fili, pauca locutus sum, ut cum Christiana fides in regno vestro excreverit, nostra quoque apud vos locutio latior excreseat, & tanto plus loqui libeat quanto se in mente nostra gaudia de gemis vestra perfecta conversione multiplicat. Parva exennia transmissi, quae vobis parva non erunt cum à nobis ex beati Petri apostoli benedictione fuerint suscepta. Omnipotens itaque Deus in vobis gratiam suam quam coepit perficiat, atque vitam vestram hic per multorum annorum curricula extendat. & post longa tempora in caelestis vos patriae congregatione suscipiat. Incolumem excellentiam vestram gratia superna custodiat. Dat. die xv. kal. Julii, imperante domino nostro Mauricio Tiberio piissima Augusto anno xix. post consulatum ejusdem domini anno xviii. indictione iii.

Augustinus autem in regia civitate ecclesiam suam quam olim fideles Romani construxerant, in sedem sibi & successoribus suis, in honorem Salvatoris consecravat. Rex vero ecclesiam Petri & Pauli ad orientem civitatis construxit & ditavit, in qua archiepiscoporum & regum Cantiae corpora poni possint; cuius primus abbas Petrus presbiter fuit, qui legatus in Galliam missus dimersus est in sinu maris qui vocatur Amfleot, & ab incolis loci ignobili traditur sepulturae. Sed omnipotens Deus ut qua-

lis meriti fuit demonstraret, omni nocte super sepulcrum ejus lux caelestis apparuit, donec animadvertentes vicini qui videbant sanctum fuisse virum qui ibi esset sepultus, & investigantes unde vel quis esset, corpus abstulerunt, & in Bononia civitate juxta honorem tanto viro congruum in ecclesia posuerunt. Augustinus autem Justum in Cantia episcopum in civitate quam Anglici à quodam principe nomine Ros vocant Roucestriam ordinavit, in qua rex Ethelbertus apostoli Andreae ecclesiam fecit, factamque territorii & possessionibus ampliavit.

Sexcentesimo gratiae anno transacto magnus papa Gregorius cum sedisset annis xiiij. mensibus vj. & diebus x. & omelias numero xl. composuisset, Registrum pastorem & Job & Ezechielem exposuit, plenus bonis operibus ab hoc seculo ad caeli gloriam emigravit, & in ecclesia beatorum Petri & Pauli ante secretarium sepelitur, ubi Epitaphium hujusmodi invenitur:

*Suscipe terra tuo corpore sumptum,
Reddere quod valeas vivificante Deo.
Spiritus astra petit, lati nil jura nocebunt;
Cui vita alterius mors magis ipsa via est.
Pontificis summi clauduntur membra sepulcro,
Qui tamen innumeris vivit ubique bonis.
Anglos ad Christum vertit pietate magistra;
Multiplicans fidei semina gente nova:
Sic consul Domini factus letare Gregori,
Jamque triumphalis jam tibi laurus adest.*

Et licet iste papa Gregorius vita & scientia fuerit praeclarus, inultos tamen & maxime post mortem habuit detractores. Nam post mortem suam totam regionem maxima fames invasit, unde pauperes quos liberaliter Gregorius pascere solebat, ad successorem suum venientes, dicebant, Domine, quos pater noster Gregorius solebat pascere, tua sanctitas fame non sinat perire. Quibus verbis papa indignatus semper taliter respondebat. Si Gregorius ad famam suae laudis cunctos populos curavit suscipere, nos autem vos non possumus pascere: sic semper eos vacuos remittebat. Unde sanctus Gregorius ter ei apparuit, & ter blande de sua tenacia & detraxione sine detractione corripuit. Sed ille de nullo se emendare curavit, unde illi quatto apparetur terribiliter eum corripuit & redarguit, & in capite lethaliter percussit, cuius dolore vexatus in brevi vitam finivit. Dum autem adhuc praedicta fames instaret quidam Gregorio exeperunt detrahare, afferentes quod totum thesaurum ecclesiae tanquam vir prodigus consumpsisset, unde ob hujus vindictam ad suos libros comburendos exterorum animos inclinarunt. Quorum dum quosdam combussissent, & ceteros comburere vellet, Petrus diaconus ejus familiarissimus, cum quo quatuor dialogorum libros disputaverat, traditur vehementissime restitisse, asserens hoc ad ejus delendam memoriam nil valere, cum in diversis mundi partibus exemplaria tenerentur: adjurgens inde, magnum sacrilegium esse tot & tales libros tanti patris exurere, super cuius caput ipsum spiritum sanctum in similitudine columbae frequentissime perspexisset. Tandem eos in hanc sententiam adduxit, ut si illud quod dixerat jurejurando firmans mori continuo tenuisset, ipsi à librorum exustione desisterent: si vero mori non tenuisset, se superstes post suum testimonium extitisset, ipse quoque

quoque combustoribus manus daret. Fertur enim *Gregorium* sibi dixisse, quod si miraculum de visione columbæ publicaret, post hoc vivere non valeret. Itaque cum apparatu diaconi Evangeliorum librum bajulans, venerabilis Levita *Petrus* adveniens, mox ut tactis sacrosanctis Evangelij *Gregorii* sanctitati testimonium perhibuit, à dolore mortis extraneus spiritum inter verba veræ confessionis efflavit.

Circa idem tempus misit *Augustinus* virum perfectum & probatum sanctum *Mellitum* ad orientales *Saxones*, ut eis verbum vitæ prædicaret. Orientales autem *Saxones* quorum provincia dicitur *Estsax*, per aquam *Thamesia* à *Cancia* dirimuntur, quorum metropolis est *Londonia*, multorum terra & mari venientium civitas & refugium populorum. Ibi tunc temporis *Sebertus* nepos dicti *Ethelberti* regis *Cancia* sub eodem avunculo suo regnabat, quia omnibus, ut prædictum est, usque ad *Humberam* tunc temporis imperabat. Re igitur bene prosperata, & rege *Seberto* cum populo suo ad fidem converso, fecit rex *Ethelbertus* in *Londonia* ecclesiam beati *Pauli* ad sedem episcopi, multis prædiis eam ditans, in qua idem *Mellitus* digne est pontifex constitutus. Eo tempore *Augustinus* adjutorio *Ethelberti* regis usus, cum *Mellito* & *Iusto* episcopis, episcopos sive doctores maximos & *Britonum* provincie sacerdotes in loco qui usque hodie lingua *Anglorum* *Augustinesok*, id est, quercus sive robur *Augustini* appellatur, in confinio *Britonum* & occidentalium *Saxonum* ad suum colloquium convocavit. Cumque de celebratione Paschæ contra *Scotos* & *Britones* certaret, & illi victissimæ rationi assentire nollent, assertionem suam ita per miraculum confirmavit: Cæco *Anglico* in communi adducto ad sanandum ex conventionem ad alterutræ partis confirmationem. Quem cum pontifices eorum curare non possent, *Augustinus* genua flectens coram omnibus, ad totius gentis veram suæ rationis ostensionem cæcum illico illuminavit. Tunc *Britanni* & *Scoti* inducias petentes, à quodam qui eis prudens & religiosus videbatur quid esset agendum consilium pecierunt. Quibus ille dixit, Si servus Dei est assentite ei. At illi, Unde hoc poterimus dinoscere? Tunc ille, Si mitis est & humilis corde servus est vere Dei. At illi, Quomodo humilis utrum sit poterimus scire? Quibus ille, Si vobis assurrexerit humilis habeatur. Si autem cum plures numero sitis vobis assurgere spreverit, & vos spernite illum. Cui igitur cum venissent, *Augustinus* Romano more in sella residens, eis non assurrexit: unde illi objurgantes & discordes abierunt. Quibus *Augustinus* prædixit, Quod si pacem cum fratribus accipere nollent, bellum forent cum hostibus accepturi, & si secum nationibus *Anglorum* viam vitæ prædicare dedignassent, per horum manus ultionem essent mortis passuri. Quod post mortem sancti *Augustini*, ut prophetando eis prædixerat, tempore *Edelfridi* regis *Northamborum* qui eos debellavit, divino agente judicio per omnia postmodum est patratum. De quo inferius inter reges *Northumbria* planius est notatum.

Post *Augustinus* adhuc vivens *Laurencium* in archiepiscopum *Dorobernia* successorem suum ordinavit, exemplo beati *Petri* qui beatum *Clementem* simili modo suum ordinaverat successorem, ne se defuncto status ecclesie *Anglicane* tam rudis vel

ad horam pastore destitutus interim vacillaret. Et postquam Deo dilectus *Augustinus* in episcopatu suo xv. annis sedisset, in Domino obdormivit, qui juxta ecclesiam beatorum *Petri* & *Pauli*, quia necdum perfecta erat nec dedicata, est sepultus. Sed cum postmodum dicta ecclesia à successore suo *Laurentio* dedicata fuisset, in porticu ejus aquilonari decenter translatus est, ubi archiepiscoporum omnium corpora usque ad *Theodorum* sunt sepulta; nam plura porticus capere nequit. Scriptum vero est in tumba sancti *Augustini* hujusmodi Epithaphium. *Hic requiescit dominus Augustinus Dorobernensis archiepiscopus, qui olim huc à beato Gregorio Romanæ urbis pontifice directus, & à Deo operatione miraculorum suffultus, ut Ethelbertum regem ac gentem illius ab idolorum cultu ad Christi fidem perduxit, & completis in pace diebus officii sui defunctus est vij. kalend. Junii eodem rege regnante.*

De isto sancto *Augustino* legitur, quod cum in comitatu *Oxonia*, in villa quæ dicitur *Cumpton* ad prædicandum semel venisset, accessit ad eum presbyter ejusdem villæ, dicens, Pater sciatis quod miles hujus fundi dominus sæpe à me monitus non vult ex hiis quæ sibi Deus dedit decimas persolvere, & excommunicationis sententiam ei comminatus magis eum repperi obstinatum. Quod audiens *S. Augustinus* militi ad se vocato dixit, Quid hoc fili audio de te? Cur decimas tuas Deo & ecclesie non reddis? Nescis quia decimæ non sunt tuæ sed Dei? Cui miles iratus respondit, Quis terram coluit aut seminavit? Nonne ego? Sciant omnes quia ejus erit decimus manipulus cujus sunt & novem. Cui *Augustinus*, Noli fili ira loqui. Scias enim quod si juxta fidelium consuetudinem non decimaveris, excommunicabo te. Et conversus ad altare ut celebraret, coram omni populo dixit, Præcipio ne aliquis excommunicatus missæ intersit. Quo dicto, in ipso introitu ecclesie cadaver sepultum se erigens cimiteriumque egrediens, quamdiu sanctus *Augustinus* missam celebravit immobile ibi stabat. Quo viso, fideles ibi præsentis fere extra se positi venientes ad beatum *Augustinum* referunt ei factum. Quibus ait, Nolite pavere. Sed crux cum aqua benedicta nos præcedat, et videamus quid hoc est. Præcedens autem *Augustinus* cum populo venit cum eis ad ingressum cimiterii, videntque cadaver dixit, Præcipio tibi in nomine Domini ut indices michi quis sis. Cui respondit mortuus, Cum ex parte Dei juberet ne aliquis excommunicatus missæ interesset, angeli Dei qui itineris tui assidue comites existunt, ejecerunt me de loco ubi sepultus fueram, dicentes, Quod amicus Dei *Augustinus* carnes sætentes projici de ecclesia Dei jussit. Ego enim tempore *Britonum* antequam gentilium *Anglorum* furor hanc vastasset regionem, hujus villæ patronus fui. Et licet sapius ab hujus ecclesie presbitero monitus, decimas meas nunquam dedi, tandem ab eo excommunicatus mortuus sum, & inferno detrusus. Quo audito, ipse sanctus & omnes qui aderant multum flevit. Et dixit *Augustinus*, Scis locum ubi sepultus fuit presbiter qui te excommunicavit? Quo respondente, In hoc eodem cimiterio requiescit. Præcede nos, dixit *Augustinus*, & locum nobis ostende. Præcessit defunctus & venit ad locum quendam prope ecclesiam ubi nullius sepulture signum apparebat. Et sequente se

Augustino

Augustino, & populo toto dixit: Ecce locus, hic fodite & presbyteri ossa invenietis. Ex præcepto igitur beati *Augustini* foderunt, & in profundo ossa pauca invenerunt præ temporis diuturnitate in ariditatem conversa. Quærente *Augustino* si hæc essent ossa presbyteri, respondit defunctus, Etiam. Tunc *Augustinus* orans diutius dixit, Ut sciant omnes quia mors & vita in manibus Dei sunt cui nichil est impossibile, in ejus nomine surge, opus enim de te habemus. Quo dicto, videbant omnes præsentem pulverem pulveri uniri, & ossa nervis compaginari, & ipsum surgere. Quo ante *Augustinum* stante dixit *Augustinus*. Cognoscis istum frater? Respondit, Novi pater: & utinam non nossem. Cui *Augustinus*. Tu eum excommunicasti. Cui respondit, Utique & merito. In omnibus enim ecclesiæ semper extitit decimarum retentor, & multorum flagitiorum usque ad diem ultimum patrator. Cui *Augustinus*. Nosti frater quia misericors est Deus, unde & vos misereri oportet creaturæ & imagini Dei quæ ejus sanguine redempta tam diu pœnas inferni sustinuit. Tunc tradidit illi flagellum, & flexis ante illum genibus absolutione flebiliter petita, mortuus commissa mortuo relaxavit. Quo absoluto, præcepit *Augustinus* ut ad sepulchrum rediret, & diem præstolaretur ultimum. Qui statim ad sepulchrum reversus, in cinerem mox est resolutus. Tunc ait *Augustinus* presbytero, Quanto tempore hic jacuisti? Qui respondit, C. L. annis & eo amplius. Et ille, Quomodo, inquit, huc usque fecisti? Respondit, Bene & in æternæ vitæ deliciis. Et *Augustinus*, Visne, ait, ut orem Dominum quatinus ad nos revertaris, & animas à diabolo deceptas nobiscum prædicando ad suum creatorem reducas? Absit, ait, à te pater, quod me à quiete mea perturbatum ad laboriosam seculi vitam facias reverti. Tunc *Augustinus* presbytero dixit, Vade karissime & quiesce in pace, simulque ora pro me & universa ecclesia sancta Dei. Qui mox sepulchrum intrans cinis effectus est. Tunc vocato ad se militi *Augustinus* dixit, Quid est fili, adhuc vis decimas tuas Deo reddere? Tremefactus autem miles procidit ad pedes ejus, flens & reatum suum confitens, & veniam petens, relictisque omnibus & coma deposita sanctum *Augustinum* omnibus diebus vitæ suæ secutus est, & in omni sanctitate diem clausit extremum, et æternæ felicitatis gaudium intravit.

Circa hoc tempus *Heraclius* imperator portas *Caspiae* aperuit, et C. L. milites contra *Saracenos* eduxit. Sed de exercitu *Heraclii* Lij. à Deo sternuntur.

Post decessum vero beati *Augustini* *Laurentius* archiepiscopus *Dorobernensis* successor suus fidem fundatam strenue auxit, non solum novæ ecclesiæ *Anglorum* curam gerens, sed etiam *Britonum* et *Scottorum* qui in observatione Paschæ errabant: Quibus, cum *Mellito* et *Iusto* episcopis suffraganeis suis, misit epistolam in hæc verba.

Dominus fratribus karissimis episcopis vel abbatibus per universam *Scotiam*, *Laurentius*, *Mellitus*, et *Iustus* episcopi, servi servorum Dei, &c.

Dum nos sedes Apostolica more sicut in universo orbe terrarum, in hiis occiduis partibus id prædicandum gentibus paganis dirigeret, atque in hanc insulam contigit nos introisse, antequam

cognosceremus credentes qui juxta morem universalis ecclesiæ ingrederentur, in magna reverentia sanctitatis tam Britones quam Scotos venerati sumus. Sed cognoscentes Britones, Scotos meliores putavimus, Scotos per *Daganum* episcopum & *Columbanum* abbatem nichil discrepare à Britonibus in eorum conversione didicimus. Nam *Daganus* episcopus ad nos veniens, non solum cibum nobiscum, sed nec in eodem hospicio quo vescebamur sumere voluit.

Mellitus episcopus *Londoniensis* *Romam* profectus concilio *Bonifacii* papæ interfuit, in quo de vita & quiete monachorum tractavit. Hic *Bonifacius* iij. à beato *Gregorio* templum *Pantheon*, quod nunc dicitur *Sancta Maria rotunda*, ubi multociens à dæmonibus percuciebantur Christiani, à *Foca* imperatore sibi donari impetravit, quod mirabiliter ad honorem *Cibiles* matris deorum & *Neptuni* dei maris dedicatum erat, ut ipse posset illud in honorem beatæ *Mariæ* virginis, & *Sanctorum omnium* dedicare. Quod *Casar* ei concessit, & ipse papa cum *Romano* populo in die kal. Novembris illud dedicavit, & statuit ut in illo die *Romanus* pontifex missam ibi sollempniter celebraret, & populus communionem corporis & sanguinis Domini nostri *Ihesu Christi* accipere deberet, & hanc festivitatem in honore genitricis Dei, & omnium *Sanctorum*, & cœlestium Spirituum celebrare, & defuncti sequenti die per omnes ecclesias totius mundi sacrificium & servitium plenum pro redemptione habeant animarum. Dictus vero *Ethelbertus* rex *Cancie* qui secundum quosdam dicitur *Edelbertus*, postquam Lvj. annis regnaverat, obiit DC. xvj. gratiæ anno: qui in prædicta ecclesia *Petri* & *Pauli* *Dorobernia* est sepultus. Hic vir maximus & eximius inter cætera bona quæ fecerat Judiciorum decreta scribi fecerat genti suæ.

E*thelberto* autem rege defuncto *Ethelbaldus* filius ejus infidelis successit, & uxorem patris sui duxit, unde multi ad primum vomitum redierunt. Rex tamen crebra mentis vesania puniebatur.

Circa idem tempus prædictus rex *Sebertus* orientalium *Saxonum*, id est *Estsaxia*, viam universæ carnis ingressus, tres filios paganos regni hæredes reliquit; qui cum essent idolatræ derisorie *Mellito* episcopo *Londoniensi* in missarum solemniis dicebant, Quare non nobis panem nitidum porrigis, quem patri nostro dabas, & populo adhuc donas? Quibus ille respondebat, Si velitis ablui fonte illo salutari quo & pater vester ablutus est, potestis etiam panis sanctissimi cujus ille participabat esse participes: Si autem lavacrum vitæ contempnitis, nullatenus valetis percipere panem vitæ. At illi, Nolumus, inquiunt, fontem illum intrare, quia illo non est opus nec illum volumus habere, sed tamen refici volumus pane illo. Cumque diligenter ac sæpe ab illo episcopo essent ad sacrum baptismi ammoniti & prædicati, quod nullo modo fieri posset ut absque sacrosancta purificatione quis sacrosanctæ oblationi communicet, ad ultimum furore commoti aiebant, Si non vis assentire nobis in tam facili causa quam petimus, non poteris jam in nostra provincia commorari. Unde eum à regno *Estsaxia* expellentes cum suis abire jusserunt. Qui sic expulsi *Canciam* venit, quid in hiis agendum esset cum *Laurencio* archiepiscopo &

Iusto Roffensi præsule tractaturus. Qui super hoc tractantes communi consilio decreverunt, quod sanius esset, ut omnes libera mente patriam relinquerent, & alibi Domino deservirent, quam sine fructu inter rebelles fidei barbaros residerent. Discesserunt itaque primo *Mellitus* et *Iustus*, atque ad partes *Gallia* recesserunt, rerum finem ibi expectare interim disponentes. Sed non post multo tempore dicti tres fratres reges *Estsaxia* qui *Mellitum* episcopum praconem veritatis à se expulerant et cultibus demonum serviebant, contra gentem *Gemiseorum* in praelium egressi, omnes simul cum sua militia corruerunt. Et licet illi pravitatis auctores essent perdit, vulgus tamen ad scelus ydolatriæ exercitatum statim corrigi non valebat, nec postea ad fidem et caritatem quæ est in Christo Ihesu sine novo prædicationis juvamine revocari. Cum vero *Laurencius* archiepiscopus *Mellitum* et *Iustum* esset secuturus et *Britanniam* relicturus, ipsa nocte in ecclesia beatorum *Petri* et *Pauli*, de qua frequenter jam dixi, stratum parare pro requie sibi iussit, et cum ibi multas preces et lacrimas pro statu ecclesiæ ad Deum fudisset, et demum membra ad requiescendum posuisset atque obdormisset, apparuit ei beatissimus apostolorum princeps *Petrus*, et multis illius tempore noctis secreto flagellis illum artioribus afficiens, apostolica districtione sciscitabatur, quare gregem sibi creditum relinqueret, et cui pastorum oves Christi in medio luporum positas fugiens ipse dimitteret. An mei, inquit, oblitus es exemplum, qui pro parvulis Christi quos michi in signum dilectionis commendaverat, vincula, verbera, carceres, afflictiones, ipsam postremo mortem autem crucis ab infidelibus et inimicis Christi cum Christo pertuli coronandus. Hiis ammonitus *Laurencius*, mox *Ethelbaldo* regi *Cancia* omnia revelavit. Rex autem nimio terrore perterritus, non legitimo abdicatione connubio baptizatur, mittensque ad *Gallias*, *Mellitum* et *Iustum* episcopos revocavit. *Iusto* vero à *Roffensibus* recepto, *Mellitum* *Londonienses* abjecerunt, idolatris magis pontificibus servire gaudentes. Rex autem *Ethelbaldus* non erat tantæ potestatis quantæ pater suus erat, ut ipsum *Mellitum* episcopum invitare restitueret eis. *Laurencius* tandem archiepiscopus postquam xvj. annis sedisset tempore regis *Ethelbaldi* prædicti obiit: cui dictus *Mellitus Londoniensis* episcopus successit.

Tunc ipse *Mellitus* archiepiscopus *Dorobernensis* et *Iustus Roffensis* episcopus, cum magno labore ecclesiam *Anglorum* regebant. Erat autem *Mellitus* podacricus, sed mentis gressibus sanus, carne nobilis sed mente nobilior: unum autem virtutis ejus opus erat, quod flammis urbem consumentibus ipse se obviam ferri iussit, et statim orando flammarum impetus destruxit. Et postquam ipse *Mellitus* v. annis archiepiscopus sedisset, ad gaudia transit semperiterna, et juxta sanctum *Augustinum* prædecessorem suum sepultus est, pro cuius meritis Deus multa et varia miracula operatur. Isto vero *Mellito* in Domino defuncto *Iustus Roffensis* episcopus in archiepiscopatu *Dorobernensi* successit. Cui *Bonifacius* papa immediatus successor papæ *Densdedit* pallium cum hiis litteris destinavit.

Dilectissimo fratri *Iusto Bonifacius*, &c.

Quam devote, quam etiam vigilanter pro Christi Evangelio elaboraveris vestra fraterni-

tas, non solum epistola directæ à vobis tenor, imo indulta insuper operi vestro perfectio indicavit, nec enim omnipotens Deus, aut sui nominis sacramentum, aut vestri laboris fructum deseruit, dum ipse predicatoribus Evangelii fideliter repromisit, Ecce ego vobiscum sum omnibus diebus usque ad consummationem seculi. Susceptis namque apicibus filii nostri *Ethelbaldi* regis reperimus, quanta sacri eloquii eruditione ejus animum ad vere conversationis & indubitata fidei credulitatem fraternitas vestra perduxerat: pallium itaque per latorem presentium fraternitati tuæ direximus, quod videlicet in sacrosanctis celebrandis mysteriis utendum licentiam impertimus. Concedentes etiam tibi ordinationes episcoporum exigente oportunitate, ita ut Christi Evangelium plurimorum annunciatione in omnibus quæ necdum conversæ sunt gentibus dilatetur. Deus te incolumem custodiat dilectissime frater.

Iustus vero archiepiscopus *Dorobernensis* pallio recepto *Paulinum* episcopum ordinavit, ut ipse regi *Northumbria*, et ejus populo verbum Evangelicum prædicaret. Quod et ipse *Paulinus* fecit, unde *Edmundo* rege *Northumbria* cum populo suo ad fidem converso, postea archiepiscopus *Eboracensis* factus est. Et nota quod iste *Paulinus* fuit primus archiepiscopus *Eboracensis* post adventum sancti *Augustini*. Unde iste *Paulinus* post decessum *Iusti Dorobernensis* archiepiscopi *Honorium* archiepiscopum ibi fecit, ut inter reges *Northumbria* plenius invenitur. Qui quidem *Honorius* archiepiscopus *Dorobernensis* postquam xxvj. annis, diebus lv. sedisset, ad Dominum feliciter migravit: cui successit *Densdedit*, qui cum decem annis sedisset, et sedes per tres annos vacasset, *Theodorus* *Roma* in archiepiscopum *Dorobernia* ordinatur. Postquam autem *Ethelbaldus* rex *Cancia* xxv. annis regnasset, vitam hujus seculi terminavit, cui *Ercombertus* filius ejus in regno *Cancia* successit.

Gloriosus rex *Cancia* *Ercombertus* filius regis *Ethelbaldi* sanctam *Sexburgam* filiam *Anne* regis orientalium *Anglorum*, id est *Estanglia*, duxit in uxorem. Quæ licet cœlesti desiderio præventa mallet monasterium quam palacium, ecclesiam quam matrimonium, Christi servitium quam mundiale imperium intrare, à parentibus tamen dicto regi *Ercomberto* divina operante gratia nupta fuit. Nam nati sunt illi filii reges, *Vigbertus* sive *Ethelbrihtus*, & *Lotharius* Deo amabiles; filia quoque sanctissimæ, sancta scilicet *Ermenilda*, & sancta *Ercongeca*, quarum prior scilicet *Ermenilda*, glorioso regi *Merciorum* *Wolfero* juncta est, quæ ipsi splendidissimam Christi gemmam sibi peperit *Wereburgam*. Altera vero scilicet *Ercongeca*, amore sacræ religionis monasteria petiit transmarina, ubi virgo requiescens clavis à Christo suscepta miraculis se ostendit. Ista insignis regina *Sexburga* ita crebro instinctu virum suum regem *Ercombertum* excitabat, quod omnia idola quæ sub prioribus regibus adhuc erant residua, ab universo regno suo cum omni ritu paganissimo funditus exterminavit, & monasteria ampliavit. Primus etiam quadragesimalis jejunium ita omnibus indixit, ut violatoribus decerneret vindictam. Qui cum xxiiij. annis regnasset, in Domino requievit. Post cujus mortem uxor sua *Sexburga*, Deo amabilis, ad monasterium

sterium *Eliense* se transtulit, ubi soror sua sancta *Etheldreda* tunc ibidem abbatissa Deo in omni mundicia deservivit, qua septennio completo ex quo gradum abbatissæ susceperat ab hoc seculo ad cæli gaudia assumpta, sancta *Sexburga* soror ejus Dei electione & omnium sororum unanimi petitione sibi successit, ubi inter innumera gratiarum Christi karismata eam altius accendit ad virtutum præmia *Etheldreda* germanæ suæ virginalis gleba post sexdecim annos sepulturæ suæ inventa totaliter incorrupta. Postquam vero sancta *Sexburga* monasterium de *Ely* in omni sanctitate perfectæ religionis per aliquot annos gubernaverat, ab hujus vitæ ærumpna duci meruit ad gaudia sempiterna, & in ecclesia *Eliensi* cum sorore sua *Etheldreda* & filia sua *Ermenilda* jacet in Domino consépulta. Hujus regis *Erconberti* cognatæ fuerunt sanctæ virgines *Mildreda* & *Milburga*: prima veneratur apud sanctum *Augustinum*, et secunda apud *Wenlok* in comitatu *Salopia*. Prædicto vero *Erconberto* rege *Cantia* defuncto, successit in regno eodem filius suus *Egebertus*, cujus tempore facta est insula familiare philosophiæ domicilium. Hic *Egebertus* rex sanctos *Ethelbertum* & *Ethelbrithum* patrui filios agens vel patiens interemit, tamen pœnituit, et sancti martires jacent apud *Ramesey*. Huic *Egeberto* cum per novem annos regnasset, successit frater ejus *Lotharius*; cujus tempore anno regni sui septimo sub die xv. kal. Octobr. indictione viij. *Theodorus* Dei gratia archiepiscopus *Britannia* insulæ et civitatis *Dorobernenfis*, una cum eo sedentibus cæteris episcopis *Britannia* insulæ in loco qui Saxonice *Wattfelde* nominatur, post conversionem omnium provinciarum *Britannia*, Concilium de Fide Catholica habuit et tractatum; ut inferius inter reges *Suthsaxia* quorum gens cum insula *Veſta* ultimo conversa fuit, de prædicto concilio plenius est notatum. Iste etiam *Theodorus* archiepiscopus scripsit librum qui vocatur *Pœnitenciale*.

Postmodum *Lotharius* rex *Cancia* impiger in pugna australium *Saxonum* quos contra eum *Eadrik* filius *Egeberti* fratris sui aggregaverat vulneratus inter inmarces plagas medendas quas acceperat, xij. regni sui anno defunctus est. Et sic post eum idem *Eadrik* anno uno & dimidio *Canciam* sine amore & reverentia *Kentensum* gubernavit: unde *Cedwalla* rex *Westſaxia* anno regni sui primo, adjutorio fratris sui *Wolſus* quorum neuter adhuc baptizatus erat, *Canciam* ingressus est, & eam nullo obſistente undique deprædavit. Postmodum vero idem *Cedwalla* anno regni sui secundo, dictum *Wolſ* fratrem suum ad petitionem suam, & juvenes cum eo strenuissimos, eo quod lucrum anni præteriti gloriosum, & famæ præcium non exosum ipsum allexerant, ad *Canciam* prædandam iterum destinavit: Qui illuc pergens nullos sibi resistentes inveniens, terram prædando in solitudinem redegit, ubi Christi servos immerito nimis affligens eorum sensit merito maledicta: nam cum hostes effeminatos abduceret, & nihil sibi pro viribus prævideret, in domum quandam longe à suis cum xij. tantum militibus irrui prædatus, ubi inopinata multitudo circumventus, quia armis leviter cædi non poterat, in ipsa domo igne cum suis militibus est crematus. Sic periit ille flos juvenum, & exercitus ab illa patria rediit juvenilis. Quod audiens frater ejus *Cedwalla* rursus *Canciam* ingressus est, ubi mirabili cæde &

rapina faciat, cum quid cæderet, vel raperet, infra breve nullatenus inveniret, ad sua sævus vindex rediit magnus victor. Post hæc *Cedwalla* rex *Westſaxia*, de hiis & aliis male commissis pœnitens *Roma* perrexit, ubi à *Sergio* Papa baptizatus, & monachus factus, infra septem dies in albis in Domino requievit, & ibi in ecclesia sancti *Petri* sepelitur, ut inferius inter reges *Westſaxia* plenius est notatum.

10 Circa hoc tempus *Theodorus Dorobernenfis* archiepiscopus, de quo superius tactum est, postquam multa bona fecisset anno episcopatus sui xxij. vitam hujus seculi terminavit. Cujus loco *Brithwaldus* primo Abbas *Raculf* electus est, & archiepiscopus consecratus. Et nota quod usque ad hoc tempus *Romani* fuerunt archiepiscopi, & tunc primo *Angli* esse archipræsules inceperunt. Iste vero *Brithwaldus* archiepiscopus quendam *Thobiam*, Latina, Græca, & Saxonica lingua multipliciter instructum
20 *Roffensem* episcopum ordinavit.

Postmodum *Wihredus* legitimus rex *Cancia* anno regni *Ina* regis *Westſaxia* sexto in regno *Cancia* religione & industria confortatus, gentem suam de invasione extranea liberavit. Anno regni istius *Wihredi* regis *Cancia* primo, *Ina* rex *Westſaxia* combustionem dicti *Wolſ* cognati sui vindicare volens, terribiles deduxit in *Canciam* acies ordinatas. *Wihredus* rex *Cancia* non cum feroci arrogantia nec minis frendentibus, sed pacifica supplicatione & magna dulcedine obvians, regi fero persuasit, ut à *Kentensibus* pro nece juvenis pecuniæ acciperet summam magnam. Et sic lite finita & pace firmata abhinc semper in pace regnavit. Qui tandem anno regni sui xxxij. viam universæ carnis ingressus tres filios, *Egfredum*, *Edbrictum*, & *Cuthredum*, regni hæredes reliquit.

30 Circa hoc tempus *Thobias Roffensis* episcopus, *Theodori* archiepiscopi & abbatis *Adriani* discipulus expiravit, cui successit *Aldulphus*. Tempore istius *Aldulphi Roffensis* episcopi, cum dictus *Brithwaldus Dorobernenfis* archiepiscopus xxxvij. annis sedisset, in Domino obdormivit. Cujus loco *Tatminus* qui apud *Bredone* in regno *Merca* presbyter fuerat à viris beatæ memoriæ *Igwoldo Londoniensi*, *Daniele Wintoniensi*, *Aldulpho Roffensi*, & *Aldewino Lichefeldensi* episcopis, in archiepiscopum *Dorobernia* consecratur, qui sedebat annis tribus. Hujus tempore obiit *Beda*. *Tatmino Dorobernenfi* archiepiscopo successit *Notelinus* primo *Londoniensis*, qui in archiepiscopatu suo quinque annis sedebat. *Notelino* successit *Cuthbertus* qui xvij. annis sedebat. *Cutherto Dorobernenfi* archiepiscopo successit *Lyzegwinus* qui sedet annis tribus. *Lyzegwino* successit *Lambertus* abbas sancti *Augustini* qui xxvij. annis cum persecutione magna sedit. *Lamberto* archiepiscopo successit *Adelardus* primo *Wyntoniensis*, cui papa omnes episcopos subjecit, annis xij. in archiepiscopatu suo sedit. *Adelardo* archiepiscopo successit *Wolfredus* qui *Roma* à *Leone* papa consecratus, xxxvij. annis sedit. *Wolfredo* archiepiscopo successit *Theologildus*, tribus annis sedens. *Theologildo* archiepiscopo successit *Ceonodus*, qui x. annis sedit. *Ceonodo* archiepiscopo successit *Athelredus* archiepiscopus, qui *Edwardum* primum in regem *Anglie* consecravit, sicut inferius post divisionem regnorum invenietur. Hic
60

de consensu regis quinque episcopatus episcopis destitutos inter *Westfaxones* restauravit, qui cum xxxiiij. annis sedisset, in Domino feliciter requievit. Cum autem dicti tres hæredes quos prædictus *Withredus* rex *Cancia* in regno eodem, ut dictum est, reliquerat per xliij. annos inter eos in toto regnassent, *Baldredus* rex *Cancia* regni gubernaculum suscepit; qui cum xvij. annis ibidem regnasset, demum anno Domini DCCC. xxij. per *Eadbrictum* regem *Westfaxia* à regno *Cancia* fugabatur. Et sic iste rex *Eadbrictus* regnum *Cancia* sibi subjugavit.

De conversione regum Cancia & eorum subditorum pertractata, restat de regis Estfaxie, & ejus populi conversione, & de quibusdam ibidem per aliquos reges gestis aliquid breviter pertractare.

Regnum orientalium *Saxonum*, id est, *Estfaxia*, quod à *Cancia* per aquam *Thamesia* dirimitur, cujus metropolis est *Londonia* civitas magna, multorum terra & ponto venientium refugium populorum, incepit multum post *Hengistum*, eo fere tempore quo incepit regnum orientalium *Anglorum* à rege *Erkmino*, qui primo in *Estfaxia* regnavit. Cui successit rex *Sledda*, cui *Sebertus* rex, qui sub avunculo suo *Ethelberto* tunc temporis rege *Cancia* filio regis *Hirmerici* ibidem regnavit, ad quem, dicto *Ethelberto* rege *Cancia* per beatum *Augustinum* ad fidem converso, idem *Augustinus* virum perfectum & probatum *Mellitum* nomine destinavit, ut verbum vitæ sibi & populo suo prædicaret. Et cum ipse *Sebertus* rex *Estfaxia* cum gente sua per prædicationem ipsius *Mellini* ad veræ fidei agnitionem gratia sancti Spiritus operante conversus fuisset, dictus *Ethelbertus* rex *Cancia*, ecclesiam in honore beati *Pauli* pro sede episcopali in civitate *Londonie* fundavit & eam multis prædiis ditavit, in qua dictus *Mellitus* digne est episcopus constitutus, sicut superius inter reges *Cancia* satis plenarie est notatum.

Rege autem *Seberto* mortuo, successerunt ei in regno *Estfaxia* tres filii sui pagano ritu irretiti, videlicet *Sexredus*, *Sewardus*, & *Sigebertus*. Qui cum essent ydolatræ derisorie dicto *Mellito Londoniensi* episcopo in missarum solemnibus dicebant; Quare non nobis panem nitidum porrigis quem patri nostro dabas, & populo adhuc donas? Quibus ille respondebat, Si velitis illo sacro fonte ablui quo pater vester ablutus fuit, illum sanctissimi panis cujus ille participabat participes esse potestis: si autem lavacrum vitæ contempnitis, nullatenus valetis percipere panem vitæ. At illi, Nolimus, inquit, fontem illum intrare, quia illo non est opus, nec illum volumus habere, & tamen refici volumus pane illo. Cumque dictus episcopus hoc sæpius eis negasset, & diligenter ab eo ad sacram baptismi essent ammoniti & prædicati, quod nullo modo fieri posset, ut absque sacrosancta purificatione quis sacrosanctæ oblationi communicet, ad ultimum furore commoti dixerunt, Si non vis assentire nobis in tam facili re quam petimus, ulterius nobiscum in ista provincia non manebis. Unde eum cum suis à regno *Estfaxia* expulerunt: qui

sic expulsus *Cancia* venit, quid in hiis agendum esset cum *Laurencio* archiepiscopo sancti *Augustini* successore, & *Iusto Rossensi* episcopo tractaturus; ubi *Ethelbaldus* rex *Cancia* infidelis, qui uxorem patris sui *Ethelberti* regis jam mortui duxerat, protunc regnavit, ut superius de ista materia inter reges *Cancia* invenire poteris satis plene. Sed postmodum non multo tempore transacto, dicti tres fratres ydolatræ qui dictum *Mellitum* episcopum præconem veritatis à se & episcopatu suo expulerant, & dæmonum cultibus serviebant, contra gentem *Gewiseorum* in prælium egressi, omnes simul cum sua milicia corruerunt. Quibus sic iusto Dei judicio interfectis, vulgus regni per eos ad scelus ydolatræ exercitatum statim corrigi non valebat, nec postmodum ad fidem & caritatem quæ est in Christo *Jhesu*, sine novo prædicationis juvamine & sancti Spiritus spiramine revocari, quia *Mellitum* eorum episcopum nunquam postea *Londonienses* inter eos recipere voluerunt, ut superius inter reges *Cancia* tempore dicti regis *Ethelbaldi* propter seriem unius & alterius regni *Cancia* videlicet & *Estfaxia* processus continuandam, plene est notatum.

Dictis tribus fratribus idolatris ut præmittitur peremptis, successit in regno *Estfaxia* rex *Sibertus*, cujus tempore ipse & orientales sui *Saxones*, qui olim, ut dictum est, *Mellitum* episcopum à se expulerant, ad fidem modo subsequenti iterum sunt conversi. Cum autem *Osmy* rex *Northumbria* fidelis ad istum *Sibertum* ut ad amicum suum veniret, & ab eo inter alia de fide prædicaretur, ipse *Sibertus* rex *Estfaxia* demum conversus à *Finiano* episcopo in vico *Ad murum* qui à mari orientali xij. distat miliaribus baptizatur. Et *Ceadda* à regno *Merca*, id est, à *Middelengle* vocatus, super *Estfaxiam* episcopus factus est, qui maxime in civitate *Itanceastre*, quæ est in ripa *Penta* amnis, & in *Wilaburgh*, quæ est in ripa *Tamesis* baptizabat. Cum autem ille *Ceadda* episcopus cuidam consuli pro illicito conjugio omnem inhibuisset communionem, rex *Sibertus* hoc parvi pendens & contempnens cum eo pranduit. Revertensque post prandium rex de commisso dolens, veniam petendo ad pedes episcopi sibi cecidit obviantis. Quem jacentem episcopus iratus virga tangens eum prædixit in ipsa domo qua comederat moriturum; unde postea contigit, quod consul prædictus & frater ejus ipsum regem in ipsa domo ut episcopus sibi prædixerat necaverunt; qui se id fecisse dixerunt quia mitis & parcens hostibus nimis erat. Huic autem *Siberto* rex *Swyrtelyn*, à *Ceadda* *Estfaxia* episcopo in regno *Estanglia* in *Redlitham*, id est, maritico *Rondly* baptizatus, quem *Adelwoldus* rex *Estanglia* frater regis *Anna* de lavacro sancto cepit.

Circa idem tempus quidam *Adelwoldus Deirorum* rex filius *Osvaldi* eidem *Ceadda* episcopo apud *Leffingum* locum tribuit monasterii faciendi. Quo constructo, cum ille *Ceadda* tempore mortalitatis ab *Estfaxia* rediret, vitam ibi in Domino terminavit. Post *Swyrtelyn* autem regem *Estfaxia* cum *Sighere* & *Sebby* ibi regnarent, *Sighere* & gens sua pro præfata mortalitate ad idola sunt reversi, tunc *Wolferus* rex *Merciorum* *Jaruman* episcopum ad eos mittens ipsos ad fidem per eum feliciter

feliciter revocavit. Tempore istorum regum *Sighe-
here & Sebby*, *Theodorus* archiepiscopus *Dorover-*
niæ sanctum *Erkenwaldum* *Londoniensem* episco-
pum ordinavit, cuius soror fuit beata *Erhelburga*
abbatissa de *Berkpyn*, cui abbatissæ successit *Hil-*
delitha, ad quam sanctus *Aldelinus* *Westsaxonum*
episcopus scripsit librum de Virginitate. Rege au-
tem *Sighere* rebus humanis exempto, *Sebby* rex
monachus apud sanctum *Paulum* *Londoniæ* factus
est. Quibus successerunt *Sigehardus* & *Sinefredus*,
& istis successit rex *Offa*, qui iter ad terram san-
ctam arripuit. Post istum *Offa* regem *Estsaxia*
sanctus *Edmundus* cognatus ejus de *Saxonia* veni-
ens, apud *Bury* in regem *Estanglia* coronatur, &
simul cum hoc per dictum regem *Offa* cognatum
suum regnum *Estsaxia* occupavit. Et quia regnum
Estanglia variis modis per diversa tempora di-
versis regnis subiectum erat, quia nunc reges
Westsaxia, nunc reges *Cantia* illud in dominio te-
nebant, & nunc alicui, nunc aliquibus illud dabant,
ita quod aliquando unus rex erat ibi, aliquando
multi reguli, iste sanctus *Edmundus* sub rege *West-*
saxia ibidem regnavit; De cuius persecutione &
morte, imo verius martirio, inferius post istum tra-
ctatum de divisione regnorum plenius dicetur.

Modo sequitur de conversione Orienta-
lium Anglorum.

Regnum autem *Estanglia* sive *Estanglorum*,
id est, *Orientalium Anglorum*, post regnum
Cantia & ante regnum *Westsaxia* incepit
ab *Uffa* rege, cui successit rex *Ticulus*.
Isti duo non fuerunt multum potentes; quibus suc-
cessit potentior aliis rex, rex *Redwaldus*. *Redwaldo*
vero defuncto filius suus *Erpwaldus* in regno *Est-*
anglia successit. Qui hortatu *Edwini* regis *Nor-*
thumbria sibi amicissimi fidem suscepit. Et qui-
dem pater ejus *Redwaldus* jamdudum fidem in
Cantia susceperat, sed frustra: Nam rediens do-
mum à quibusdam perversis & uxore sua seductus
altare Christi & dæmonis in uno & eodem phano
habebat, quod rex ejusdem provincie *Aetwulf*,
qui venerabilis *Beda* ætate fuit, usque ad suum
tempus perdurasse testatur: utcumque *Erpwaldus* rex
fidelis non multo tempore postquam credidit à
quodam viro gentili *Gilberto* nomine est occisus.
Erpwaldo vero rege *Estanglia*, ut dictum est, oc-
ciso, successit ei in regno eodem rex *Sigebertus*
frater ejus Christianissimus, qui per *Felicem* epi-
scopum conversus ceteros cum eodem fecit in Do-
mino Christianos. Quem quidem *Felicem* de *Bur-*
gundia ortum illuc *Honorius* *Dorovernensis* archi-
episcopus, qui *Iusto* archiepiscopo successit, causa
miserat prædicandi. Tamen dicitur secundum quos-
dam quod iste rex *Sigebertus* in *Gallia* exulans pro-
vincia, tempore dicti regis *Redwaldi* fuerat bapti-
satus. Qui postmodum in *Angliam* rediens & rex
factus, ut in *Gallia* viderat, scholas *Felice* episcopo
se juvante instituit. Ad quem sanctus *Furcens* de
Hibernia veniens, & sibi & genti suæ prædicans, ab
eo nobiliter est susceptus. De isto *Furceo*, *Beda*
libro tercio de historia *Anglorum* istam subsequen-
tem narrationem valde utilem sic enarrat.

Furcens verbo & facto præclarus de corpore edu-
ctus, vidit non solum majora beatorum gaudia, sed
contra sanctos viros spirituum malignorum maxi-

ma certamina, quibus crebris accusationibus iter
cæleste sibi præcludere contendebant, nec quic-
quam proficiebant angelis protegentibus ipsum bo-
nis. Et cum in altum esset elevatus, jussus est ab an-
gelis qui eum ducebant respicere deorsum in mun-
dum. At ille oculos ad inferiora deflectens, vidit quasi
vallem tenebrosam subtus se in imo positam, & qua-
tuor ignes in aere non multo abinvicem distantes.
Et cum quæfivisset ab angelis ipsum ducentibus qui
essent illi ignes, responsum accepit, quod hii ignes mun-
dum essent consumpturi; & dixit, Unum ignem esse
mendacii, quia tanquam mendaces non implemus quæ
in baptismo promissimus abrenunciare, viz. *sathanæ* &
omnibus operibus ejus. Alterum vero ignem *cupidi-*
tatis, cum divitias mundi præponimus cælestium æ-
mori. Tercium *differsionis*, cum animos proximorum
eciam in supervacuis rebus offendere non formida-
mus. Quartum *impietatis*, cum inferiores spoliare
& eis fraudem facere pro nichilo ducimus. Cre-
scentes vero paulatim illi quatuor ignes usque ad
invicem se extenderunt atque coadunati sunt in
immensam flammam. Cumque appropinquasset,
pertimescens ille dixit angelo. Domine, ecce ignis
michi appropinquat. At ille, Quod non incendisti
non ardebit in te, nam etsi terribilis ac grandis vi-
detur esse iste ignis, tamen juxta merita operum
singulos examinat, quia uniuscujusque cupiditas in
hoc igne ardebit. Sicut quis enim in corpore ardet
per illicitam voluptatem, ita solutus corpore arde-
bit per debitam pœnam. Tunc vidit unum de tri-
bus angelis qui eum ducebant, præcedentem, ignis
flammam dividere, & duos ab utroque latere cir-
cumvolantes ab ignium se periculo defendere. Vi-
dit eciam dæmones per ignem volantes incendia bel-
lorum contra justos struere. Sequuntur autem ad-
versus ipsum accusationes malignorum spirituum,
defensionesque spirituum bonorum. Copiosior autem
visio cælestium agminum, sed eciam sanctorum
virorum de sua vocatione quos olim gradu sacerdo-
tum non ignobiliter potitos fama jam vigilante
compererat, à quibus non pauca, quæ vel ei vel
omnibus qui audire vellent multum salutaria essent,
audivi. Qui cum verba finissent, & cum angelicis
spiritibus ipsi quoque ad cælos redissent, remanse-
runt cum beato *Furceo* præfati tres angeli qui euni
ad corpus referrent. Cumque præfato igni maximo
appropinquarent, divisit quidam angelus sicut prius
flammam ignis. Sed vir Dei *Furcens* ubi ad pa-
tefactum usque ad januam inter flammam pervenit,
arripientes immundi spiritus unum de eis quos in
igne torrebant, in eum ipsumque jactaverunt, & con-
tingentes humerum maxillamque ejus accenderunt,
cognovitque hominem, & quod vestimentum ejus
morientis acceperat, tunc ad memoriam reduxit.
Quem angelus statim apprehendens in ignem reje-
cit. Dicebatque hostis malignus, Nolite repellere
quæ ante recepisti, nam sicut bona illius peccatoris
suscepisti, ita de pœnis ejus particeps esse debes.
Cui angelus, Non propter avaritiam sed propter
animam ejus salvandam suscepit. Cessavitque ignis,
& conversus ad eum angelus, Quod, inquit, incen-
disti, hoc arsit in te. Si enim in peccatis hujus
mortui pecuniam non accepisses pœna ejus in te non
arderet; & plura locutus est, Et quid erga salutem
eorum qui ad mortem eorum pœnitent esset agen-
dum salubri sermone docebat. Qui præfatus vir
Dei *Furcens* postea in corpore restitutus omni tem-

pore vitæ suæ signum incendii quod in anima pertulit visibile cunctis in humeris & in maxilla portavit; mirumque in modum quod anima in occulto passa sit, caro palam præmonstrabat.

Dictus autem rex *Sigebertus* tantum Deo adhæsit, ut regno *Egnice* cognato suo commendato, monasterium intraret, & tonsuram acciperet monachorum. Qui postmodum per multos annos contra *Pendam* regem *Merciorum* exire coactus, non nisi virgam manu in prælio habebat; ubi cum dicto rege *Egnice* cognato suo & exercitu suo est occisus. *Felix* autem episcopus *Estanglorum* prædicator sedem episcopalem primus apud *Dimunok*, ponens villam ex nomine suo *Felixstowe*, id est, *Felstowe* vocavit; ubi cum xvij. annis sedisset, in pace ibidem in Domino requievit. Et dicitur secundum quosdam quod iste sanctus *Felix* usque *Saham* translatus fuit, & demum postea usque *Rameseye* deferretur, ubi inter sanctos Dei solemniter veneratur. Et memorandum quod apud *Dimunok* sive *Felixstowe* xiiij. episcopi federunt. Deinde sede usque *Elinham* translata ibi duodecim episcopi sederunt. Postmodum translata fuit sedes usque *Thetfordiam* ubi tres episcopi federunt. Et demum *Herbertus* episcopus sedem transtulit usque *Normicum*, ubi à dicto *Herberto* usque ad dominum *Johannem de Ely* episcopum, duodecim episcopi federunt.

Post reges *Sigebertum* & *Egnice* cognatum suum, ut dictum est peremptos, successit in regno *Estanglie* *Anna* filius *Egnice*: vir quidem bonus & bonæ sobolis pater. Nam iste *Anna* nobiles & sanctas habuit filias, sanctam videlicet *Edelburgam*, quam cum filia uxoris suæ *Secrid* ad monasterium de *Brugg* Deo serviendam destinavit, ubi dicta *Edelburga* merito virtutum *Brugensis* abbatissa facta est, & ibi in Domino quiescit. Aliam etiam habuit filiam, sanctam videlicet *Sexburgam* quam Christianissimo regi *Cancia* *Ercomberto* nobilissime maritavit, de qua superius inter reges *Cancia* plenius est notatum. Terciam etiam habuit filiam, sanctam scilicet *Etheldredam*, cujus laudes *Beda* veracissimus historiographus descripsit. Quæ cum puellares jam annos laudibilis vitæ processu transegiisset, & fama volitante tam animi ejus sanctitudo quam corporis pulcritudo longe lateque celebris existeret, à *Tonberto* principe australium *Girviorum* in conjugii consortium postulatur. Quod illa perhorrens, diu recusât, diu denegat, utpote quæ in virginali pulcritudine cursum præsentis vitæ implere optabat. Sed parentum auctoritas vincit, immo verius ejus animi sententiam divina mutavit providentia, quæ eam præciebat ex matrimonii sarcina gloriosiori castitatis laurea coronandam. Desponsatur itaque licet invita, & conjugali copulæ alligatur. Quo facto, permanet virgo sub memorato sponso post modicum temporis desponsationis ejus defuncto. Postea datur ad conjugium unamini voluntate parentum *Effrido* regi *Northambimbrorum*, cujus consorcio duodenis annis usa, perpetuam tamen virginitalis integritate mansit gloriosa. De cujus vitæ sanctitate & glorioso fine plenius inter reges *Northumbria* inferius dicitur. Harum etiam soror secundum quosdam fuit sancta *Wishburga* quæ apud *Derham* in *Northesfolchia* per longum tempus in ecclesia jacuit tumulata. Sed postea regnante glorioso rege *Edgaro* *Brithnotus* primus abbas monasterii *Eliensis* de consensu ejusdem regis, & insti-

gatione ac consilio beati *Ethelwoldi*, tunc temporis *Wintoniensis* ecclesiæ episcopi, illam virginem glebam sanctæ *Wishburga* integram & incorruptam repertam clamculo ab ecclesia de *Derham* cum suis hominibus & ministris ad hoc ibi adductis sub noctis silentio, populo illius loci ignorante; cum tumba abstulit qua jacebat, & tumbam precioso corpore infra illam contento vehiculo præparato impositam armatorum cuneis hinc inde munivit, & sic viginti miliaris terrestri via decursis, usque ad fluvium in villa quæ dicitur *Branduna*, cum illo cœlesti thesauro prospere pervenit, ubi navem cum preciosa præda dictus abbas & sui ingressi, remis & armamentis navalibus incumbunt. Et licet post modicum intervallum *Derhamenses* veritate rei gestæ deprehensa, illos cum multitudine armatorum velociter insequentes ripas dicti fluvii hinc inde occupabant, & in abbatem & suos obprobria & tela jaciebant, Dei tamen adjutorio & virginis favore illæsi ab illis evadunt. Applicantes itaque ad insulam quæ dicitur *Tidbytheseye*, gloriosum virginis corpus vehiculo simul cum tumba impositum ad *Eliense* monasterium, occurrente & applaudente ejusdem loci tam clero quam populo, monachis quoque obviam præcedentibus & festive canentibus deportarunt, ac ibidem cum veneratione qua decuit collocarunt. Dicitur etiam quod istarum sororum frater fuit sanctus *Ironimus*, qui apud sanctum *Edmundum* veneratur. Et cum iste *Anna* rex *Estanglie* per x. annos regnasset, à perfido *Penda* rege *Merciorum* qui patrem suum, ut dictum est, prius occiderat, est peremptus.

Post regem *Annam*, *Adelherus* frater suus in regno *Estanglie* successit, qui in bello, cujus auctor ipse fuit, contra *Oswinum* regem *Northumbria* cum perfido *Penda* fratris sui *Anna* peremptore existens, cum suis militibus est occisus. Cui *Ethelwoldus*, *Athelwulfus*, *Alfwoldus*, *Berna*, & *Adelredus* reges in regno *Estanglie* successive regnaverunt. *Adelredo* autem ultimo dictorum regum *Estanglie* defuncto, *Ethelbertus* filius ejus unicus & hæres à studio literarum subito ad curas terrarum raptus, cum omnium voto unanimique desiderio in regni solium sublimatur. Iste rex *Ethelbertus* hæc & hujusmodi Scripturæ testimonia secum recolligens, *Quanto major es humilia te: In omnibus humiliamini sub potenti manu Dei: Qui se humiliat exaltabitur*: Et illud ex beatæ virginis cantico, *Deposuit potentes de sede, & exaltavit humiles*: humilitatem in corde suo specialiter & præcipue radicavit, & eam quasi cæterarum virtutum fundamentum in se locavit. Præterea recolens & ratione nominis attendens, quod à regendo rex dicitur, eo quod se primum, deinde populum sibi subditum regere debeat; pius itaque rex, clemens, & misericors pupillo & orphano calumpniam fieri, & sanguinem innocentem effundi non permittens, in dubiis absolvere quam condemnare priorior longe fuit. In certis autem & sententia dampnatis semper poenam mitigare paratus, dolens plurimum quociens dolorem vel poenam cuiquam inferre rigore justitiæ tenebatur: gaudens econtra nec mediocriter exultans quociens præmia conferre & beneficia spargere potuisset. Accedentes autem ad eum ad regiam dignitatem jam elevatum tam proceres regni sui quam prælati, super uxore ducenda regi-

regiaque prole suscitanda ipsum primum in privato, deinde palam & publice convenerunt.

Ipse vero qui à pueritia fixum in animo radicatumque habuerat virginitatem corporis sui Deo dedicare, fructumque centesimum expectare, quantum & quamdiu potuit renuit omnino, distulit & recusavit. Legerat etiam, & tam ex Ethicis quam Theologiae paginis notum habuerat, matrimoniorum quanta sunt onera. Legerat insuper fatuarum mulierum inercias, deformium fastidia, formosarum & generosarum fastus & superbias, adulteria, plerumque prolem incertam, vel evidenter alienam, & inter secreta thori & thalami domesticas amaritudines, molestias, & anxietates, iras, rixas, zelotopias graves & suspiciones. Legerat hæc, inquam, & ex hiis collegerat pectora quidem in quibus hæc regnant parum habere pacis, plurimum autem perturbationis. Porro invalescentibus tandem eorum insultibus, quoniam oportune instabant & importune, sciens quia contra omnes sapere quasi desipere est, sciens etiam illud, *Omnia fac cum consilio, & post factum non poenitebis*: quanquam vix & invitus eorum denique voluntatibus se obtemperandum duxit & decrevit, timens tamen; hæc ratio eum præcipue induxerat ad consensum, quod si regnum ob ejus defectum aliquando forte hærede careret, hostiles ea occasione incursus, excidium pariter & exterminium pati posset. Accedens ad eum denique Comes *Oswaldus* qui inter consiliarios ipsius ei fide & familiaritate fuit præcipuus, eumque super *Offa Merciorum* regis, viri in occidentalibus insulæ finibus magnifici, filia unica atque legitima ducenda cum instantia magna secreto convenit. Ipse vero quamquam invitus ad hujuscemodi consilia declinans respondit, Se cum matre sua adhuc superflite regnique proceribus inde in brevi consilium habiturum. Quibus ad diem certum convocatis, omnium fere assensus *Oswaldi* consilio concordavit. Mater sola, vel quia filiarum attentius quam filiorum matres conjugia maturare solent, vel potius mente præfaga malorum, illud penitus dissuadebat. *Ethelbertus* autem vir bonus & justus, ne muliebri consilio terræ suæ primatibus pertinaciter resistere videretur, obtemperaturum eorum voluntatibus se concessit.

Missæ autem mane devote ut assolet & diligenter audita, gratiaque sancti Spiritus invocata, cum magno comitatu regioque sicut decuit apparatu iter arripuit indilate. Sed cum equum suum ascendere debuisset, terra sub pedibus ejus cum astantium omnium plurima admiratione & terrore, quasi terræ motu facta tremuit aliquandiu, & concussa quievit. Ipse vero jactans in Domino curam suam, eique revelans viam suam qui non dereliquit sperantes in se, inmotus omnino & interritus iter aggredi minime formidavit. Et cum aliquantulum processisset, sole obscurato tantæ & tam atræ tenebræ itinerantes subito operuerunt, ut neque seipsos adinvicem, neque viam ullam jam videre valuissent, donec piis sancti regis *Ethelberti* precibus & devotis orationibus radii solares sunt restituti. Clamabat enim ad Dominum, & ad terram prostratus humiliter dicebat. *Notum fac michi Domine viam in qua ambulem, quia ad te levavi animam meam.* Nec mirum si signa quæ in morte Christi apparuerunt, ante mortem hujus membri Christi ejusdemque dilecti tandem prælagientia contigerunt. Terra

quippe quasi scelus abhorrens quod jam iminebat, mota est: sol autem obscurans, tanquam ne videret faciem avertit. Vel terræ motus ille terræ regni que commotionem & desolationem quæ ab ortu *Ethelberti*, multis annorum curriculis sub regulis & tyrannis usque ad regis *Edmundi* tempora duravit, aperte potuit significare. Sol vero lucem subtrahens ipsum ab hac luce in proximo subtrahendum manifesto indicio declaravit. Cum itaque longius iter agendo ad vicum in *Merciorum* regno qui *Villa australis* ab incolis vocabatur jam pervenisset, die ad vesperam vergente ibidem pernoctare statuens, in loco campestri tentoria figi jussit. Præmiserat autem viros discretos atque dilectos cum regis donariis & exenniis, quæ et regem dare regemque recipere cum honore deceret, adventum ejus causamque sui adventus *Offa* regi nunciantes.

Eadem vero nocte cum membra fatigata labore sopori dedisset, visiones terribiles valde vidit; videbatur enim eum videre totum aulæ suæ regis fastigium à summo deorsum culmine corrui, cornuaque thalami sui in quo quiescere solebat, tam tecto quam parietibus subito lapsu in terram cadendo comminui; et alia quædam non minus horrenda vidit, quæ Comes *Oswaldus* sibi à rege relata consolandi et obsequendi gratia interpretari benignius satagebat. Ipse vero tacite cuncta considerans, et intrepide se et suam causam ex toto Deo commisit. In crastino vero reversis ad eum nunciis tam propriis quam ab *Offa* rege transmissis, qui ei veniendi securitatem cum gratia regis et benevolentia reportabant. Præmissis itaque primo rediis, deinde clitellariis, et sarcinis, et saginariis multis, cum servientium tam peditum scilicet quam equitum turbis, ipse militum agmine pulcherrimo septus, competenti est ordine subsecutus. Post longos itaque viæ labores cum ad curiam *Offa* rex *Ethelbertus* perveniret, fama tanti adventus divulgata, virgo *Althrida* *Offa* regis filia, ab alto per fenestram solario regem *Ethelbertum* juvenem januas intrantem, et milites suos cœpit diligenter more muliebri eo quo intrabant ordine intueri. Quo facto, ad matrem puella reversa juvenis formam, juventutis elegantiam, proceres illustres, milites insignes, comitatum et apparatus incomparabilem, et visa omnia, et forsân visis majora sibi referre inchoabat. Quibus auditis, animoque diutius anxie revolutis regina muliebri plena tam hasturia quam malicia regem *Offam* virum suum eadem nocte per hujuscemodi verba convenit.

« Maturo tibi rex in hoc articulo et valde maturando opus est consilio. Nosti quod orientali-
« um *Anglorum* tyranni *Merciorum* populis ab
« antiquo imperare desiderant. Nosti antiquas
« gentium inimicitias et mutuas plerumque regno-
« rum subjectiones: fallor si non juvenem istum plus
« ambitus quam amor huc adduxit, sub uxoris nam-
« que ducendæ prætextu & palliatæ amicitiae co-
« lore captata tuæ senectutis occasione callidus in
« hos fines explorator & expugnator advenit. Non
« itaque ducendi sed seducendi causa hospes accessit,
« nec hospitis cum tanta militum & armato-
« rum copia, sed verius hostis ymaginem ille gerit.
« Sed esto quod filiam nostram duxerit, & hac præ-
« cipue causa in partes istas advenerit, tunc jure
« quodam successionis & hæreditatis quæ jam ipsum
« quasi cum hærede contingeret, in mortem tuam
« cotidie

“cotidie anelaret, totumque sibi quod in pace
 “nunc possides jugiter appetere, & modis omni-
 “bus adquirere non cessaret. Flagellum itaque
 “tibi rex fabricas & flagitium paras, si talem tibi
 “constituas successorem: nichil aliud namque re-
 “stat si hunc tibi generum ordinaveris, nisi ut re-
 “gni tui vitæque pericula non evites, vel saltem
 “sub tanto insidiatore & successore timide & tre-
 “pide de cætero regnabis; & orientalis illa servi-
 “tus per te, quod absit, in hos fines liberos indu-
 “cetur. Porro si repulsam passus & offensus abce-
 “dat, non minus periculum proculdubio rex evites,
 “terrarum namque vestrarum aditus & exitus
 “jam novit; exploratore non indigens alieno;
 “ætatis tuæ defectum & infirma nostra considera-
 “vit, occasionem confusionis & repulsæ præterdet,
 “bellumque vobis statim indicet, & ad extermi-
 “nium vestrum sive mortem accelerabit. In has
 “itaque perplexitates adventus hujus hospitis nos
 “induxit, unde necesse est, ut vel tua per ipsum in
 “brevi destructio accedat, vel per te ejus matura
 “peremptio ordinetur. Finitoque reginæ sermone,
 “post longa suspiria rex tandem in hæc verba
 “prorupit. “Angustias undique graves tua nobis
 “ratio regina depingit, ex qua video quidem &
 “evidenter intelligo, quod hinc nobis periculum, in-
 “de turpitudine similiter versatur.

Cumque demum de morte regis *Ethelberti* ad
 suggestionem reginæ tractaretur, advocatis ad con-
 silium proceribus paucis & privatis, ac muliebri
 industria ad favorem prius allectis, omnes in sen-
 tentiam mortis viri innocui consenserunt, dum ta-
 men illud procul à militariis ejusdem turbis se-
 cretoque & sine tumultu fieri posset. Profiliens
 ergo in medium vir sanguinis ad scelus omne para-
 tus cui nomen *Gwymbertus*, qui ob familiaritatem
 olim in domo patris sui cui ministrabat cum ipso
 juvene contractam, se melius alio facinus illud posse
 promissit effectui mancipare. Qui mercede statim
 constituta pecuniaque suscepta, hospiciū regis
Ethelberti fraudulenter adivit, monens & consu-
 lens ei, ac ex parte regis denunciāns, quatinus ad
 ipsum ilico privatus & absque militari strepitu
 negotium pro quo venerat ad votum expediturus
 adveniat, regis enim infirmitas ac debilitas, sicut
 in dolo asserebat, tumultus & turbas hominum re-
 cusabat. Juvenis autem *Ethelbertus* rex quia ni-
 chilo pravitatis unquam excogitaverat vel expleve-
 rat, nichil hinc penitus pravi suspicando, fidem di-
 ctis adhibuit, gladioque suo solum accinctus, pro-
 ditorem prævium innocens omnino & immaculatus,
 hostia licetorem, victima carnificem, agnus lupum
 ad regis usque palacium mortisque suæ locum sub
 nocturno silentio est secutus. Venientibus igitur il-
 lis ad divortium tanto sceleri magis idoneum & ad
 hoc provisum, exilientibus *Gwymberti* complicitibus,
Ethelbertus rex capitur & ligatur, eique nomen Do-
 mini jugiter invocanti spiritumque suum in manus
 Dei commendanti, sui que ipsius extracto gladio ca-
 put *Gwymbertus* crudeliter amputavit, & illud
 cruore perfusum regi & reginæ ilico præsentavit;
 A vita itaque istius sæculi raptus est *Ethelbertus*,
 ne malignitas intellectum ejus bonum mutaret, &
 fictio animam ejus deciperet. Raptus est, inquam,
 ne centesimi fructus gloria & virginittis honore,
 quam semper appetiit, ullo mundi contagio frau-
 daretur. Et sicut quædam aliæ referuntur historię

in juvenem regem *Ethelbertum* forma insignem pe-
 tulantes oculos incesta regina uxor *Offa* conjecit,
 quem quia nullatenus ad consensum inclinare va-
 luit, tanquam uxor *Puteifar* secunda, *Josephum* al-
 terum in *Ethelberto* reperiens, quasi vipera aculeis
 exagitata totum virus evomuit in vindictam; sicque
 mater filix invidens, & propter repulsam tanti viri
 quasi confusa plurimum erubescens, vitam viri san-
 cti morte crudeli muliebri malicia statuit terminare.
 Quoniam sicut in Ecclesiastico legitur, *Non est ca-
 put nequius super caput colubri, & non est ira su-
 per iram mulieris.* Et in eodem, *Brevis est mali-
 cia hominis super maliciam mulieris.* Passus est
 igitur sanctus rex *Ethelbertus* virgo simul & mar-
 tir, palmam victoriosus utramque reportans,
 xij. kalend. Junii; cujus meritis & precibus De-
 us in diversis *Anglia* partibus miracula multa &
 varia operatur.

Audito igitur principis casu tam inopinato, *Al-
 thrida* virgine revelante, militibus *Ethelberti* regis
 ad propria reversis, eadem virgo prophetico spiritu
 repleta matri quasi divina comminatione futura
 prædixit. Et primo de filio suo *Egfrido* per trien-
 nium non victuro regnoque ipsius non stabiliendo.
 De ipsa eciam regina turpi morte in brevi mori-
 tura, & ultra tres menses non victura, & ante mor-
 tem suam dæmonibus arripienda, & linguam suam
 dentibus propriis corrodenda. Quæ omnia sicut
 prædicta fuerant postea evenerunt. Virgo igitur
Althrida quæ & secundum quosdam dicitur *Al-
 frida*, castitatem corporis sui Deo devovens, ad pa-
 lustres *Croylandie* tanquam ad heremum curavit
 finaliter se transferre, ubi contemplationi penitus &
 devotioni dedita, talari tunica induta, in omni sancti-
 tate vitæ permansit, eligens magis abjecta esse in
 domo Domini, quam habitare in tabernaculis pec-
 catorum. Amputato igitur sancti regis *Ethelberti*
 capite, corpus efferri cum capite rex *Offa* præce-
 pit, & in ripa fluminis in comitatu *Herefordie*
 quod *Luggo* dicitur, occulte sine scitu hominum
 sepeliri. Cum igitur ministri corpus feretro im-
 posuissent, tantæ levitatis inventum est, ut levitatem
 ipsam magno pro miraculo ferendique facilitatem
 impii quoque satellites habuissent. Et cum ad lo-
 cum destinatum pervenissent, corpus cum capite juxta
 regis *Offa* edictum ignobili sepulturæ & tanto viro
 indebitæ tradiderunt. Sed quia non fuit Dei vo-
 luntas ut tam sanctum corpus ibi occultaretur, co-
 lumpna lucis sole splendidior eadem nocte ab ejus
 sepulcro in cælum usque protendebatur, quam scin-
 tillæ & radii choruscantes velut omnia in girum de-
 vorantur sequebantur. Tercia vero nocte beatus rex
Ethelbertus nobili cuidam & prædixiti viro *Brith-
 frido* nomine in lecto quiescenti apparuit, præcipi-
 ens ei ut corpus effossum ad locum qui *Stratus-
 waye* dicebatur efferret, & juxta monasterium eo-
 dem loco situm illud reconderet cum honore, &
 traderet sepulturæ, nomenque suum & mortis cau-
 sam eidem exponens.

Exspectatus autem à somno ut oculos vir ille
 apparuit, totam cœlesti lumine domum conspexit
 illustratam, virumque sanctum qui ei apparuerat
 cum toto jubaris splendore disparuisse. Hiis autem
 visis & auditis, surgens *Brithfridus* à cubiculo, non
 mediocri gavisus læticia, multiplices divinæ mæje-
 stati quod ipsum tanta visione lustrasset gratias in-
 timo corde fudit, adjunctoque sibi socio particeps
 laboris

laboris & præmii viroque probo cui nomen *Egmondus*, ad locum pariter ipsi accesserunt, effossumque corpus propriis decenter manibus ablutum & findone regali post indutum, in quodam curriculo extulerunt. Quo facto, cum de corpore regio læti plurimum & exilati fuerant, pro capite tamen nondum invento mœstitiam non minimam habuerunt. Sed fusis ad Dominum communiter orationibus, caput non procul à corpore ubi non sperabatur Deo revelante inventum est, & statim ad corpus in fere-
 10 tro collocatum. Cumque feretrum versus locum destinatum prosequerentur, contigit ut ad caput à reda in terram forte dilapsum, quidam per undecim annos oculorum orbatus officio obiter offenderet, & statim desiderati luminis gaudium recuperaret. Qui confestim caput erigens, deoque & sancto *Ethelberto* elata voce gratias agens, cursum evestigio secutus est. Et cum aliquantulum processisset, ad *Brithfridum* & *Egmondum* qui fatigati itinere parumper re-
 20 pausabant, gratulanter accessit, caputque ab ipsis perditum & ab eo miraculose repertum eidem restituens, rem gestam & luminis gratiam per egregii martiris merita recuperatam ipsis exposuit lætabundus. Quibus auditis, *Brithfridus* & *Egmondus* maximo repleti gaudio deum, qui tam mirabilis est in sanctis suis & magnus in omnibus operibus suis, glorificare non cessarunt. Et sic procedentes usque ad locum præsignatum ibidem corpus sanctissimum honorifice sepelierunt, in loco videlicet qui tunc Anglice *Fernlegu*, Latine interpretatum *salus filicis*
 30 dicebatur, nostris vero temporibus à comprovincialibus *Herefordia* nuncupatur.

Et *Affer* Historicus veraxque relator gestorum regis *Alfredi* dicit, quod crescentibus circa martiris sepulcri loca virtutum & prodigiorum signis, rex *Offa* duos episcopos quibus præcipuam fidem habebat, ad investigandum istorum eventuum certitudinem *Fernlegam*, quæ nunc *Herefordia* dicitur, des-
 40 tinavit. Contigit autem tunc quendam potentem virum & magnificum, qui finibus *Lidburie* borealis & montis *Gumeri*, & aliis partium illarum terris amplissimis dominabatur, ad locum eundem eadem hora causa recuperandæ sanitatis de quadam passione qua vexabatur per merita martiris advenisse: patiebatur enim continuam capitis concussionem; unde & ab eventu ejusdem passionis super eum sortitus ag-
 50 nomen *Egminus* quatiens caput vocabatur. Qui cum nocte eadem ad sepulcrum sancti regis *Ethelberti* vigiliis & obsecrationibus devote & humiliter deserviret, demum divina dispositione demisso capite parumper obdormivit. Sed à sompno post pusillum experrectus & undique circumspiciens, quæsit à suis ubi esset ille bonus vir qui caput ei tam liberaliter in gremio sustinuerat dormienti. Cum autem responsum accepisset quod neminem vidissent, & san-
 60 itatem se recepisse sentiebat, quia post dormitionem illam caput suum quiete & absque motu quolibet enormi jam regebat, statim exurgens Deo & martiri *Ethelberto* *Lidburiam* borealem cum omnibus integre pertinentiis suis laudabili munificentia largitus est, dicens, Quia rem sub cælo quam magis deſiderabam, sanitatem scilicet, contulit michi martir insignis, re à me ideo quam in terris plus dilexi, *Lidburia* videlicet, dignus est imperpetuum remunerari. Hæc autem prima terrarum omnium, ut asserunt, fuit quæ beato *Ethelberto* collatæ fuerunt. Rex autem *Offa* de hiis & aliis virtutibus & prodigiis multis

jam certus, superbiam suam ad tantam humilitatem & pœnitentiam reduxit, quod decimam partem omnium rerum suarum ecclesiæ sanctæ dedit, & ut fertur aliorum fidelium exemplo provocatus terras plurimas circa *Herefordiam* martiri contulit, quas & ecclesia *Herefordensis* usque in hodiernum diem tenet. Monasterium quoque sancti *Albani* & alia quædam egregia fertur per *Angliam* fundasse cœnobis & ditasse. Et sic demum *Romam* profectus & Apo-
 10 stolorum limina devote veneratus, multisque ibidem ecclesiæ consilio causa pœnitentiæ egregie gestis, ad vitæ correctionem condignamque compunctionem gratia cooperante signis & miraculis extitit provocatus: nam, ut dicitur communiter, illum centum qui *Romepeny* sive *Petrespeny* vocatur, Deo & beato *Petro* & Domino papæ qui tunc fuerat & successoribus suis primo contulit pro perpetuo atque dedit.

Quo defuncto, *Egfridus* filius suus vix per annum & centum quadraginta dies pro patre regnavit, & sic completum est quod propheticæ virgo *Althrida* sive *Alfrida* prædixerat, quod post necem martiris *Ethelberti* tribus nequaquam annis *Merciorum* populis imperaret. Hiis & hujusmodi signis beatus *Ethelbertus* de die in diem magis innotuit, quousque *Merciorum* rex *Milefridus* sanctitatem viri Dei fama vulgante cognovit. Qui & quemdam episcopum suum vitum simplicem & sanctum, de causis diligentia plurimum confidebat, ad locum destinavit, jubens de morte martiris & causa, ac de miraculis & signis ibidem, meritis ejusdem à Deo declaratis diligens ei scrutinium facere, rerumque gestarum prudenti indagine certitudinem repor-
 40 tare. Quo facto, regis innocentis interitum quem didicit magnaliaque Dei multa, nec solum ea quæ audivit, verum & illa quæ ibidem oculis conspexit, suo Principi nunciavit. *Milefridus* igitur rex hiis auditis, quamquam in remotis regni sui partibus tunc temporis ageret, transmissa ad locum eundem pecunia multa, ecclesiam egregiam lapidea structura ad laudem & honorem beati martiris à fundamentis incepit, & pia devotione Domino auxiliante perfecit, & in eodem loco primis regum omnium episcopum constituens, eandem ecclesiam cathedrali dignitate sublimavit, quam terris plurimis & prædiis amplis, palliis oſericis & ornamentis egregiis regia quoad vixit munificentia ditare quidem non cessavit.

Post sanctum *Ethelbertum* martirii laureo in flore juventutis suæ ut dictum est coronatum, regnum *Estanglia* per aliquot annos cum commotione & desolatione, sub regulis & tyrannis usque ad ad-
 50 ventum sancti *Edmundi* regis turbatum duravit, quia illud regnum nunc reges *Westſaxie*, nunc reges *Cancie* in dominio tenebant, nunc alicui vel aliquibus illud dabant, unde aliquando unus rex ibi erat, aliquando multi reguli, ultimus tamen *Anglorum* sanctus *Edmundus* sub rege *Westſaxie* ibidem regnavit, qui de Saxonia veniens apud *Wury* in regem *Estanglia* coronatur, de cujus persecutione & morte sive martirio multa post divisionem regnorum restant inferius dicenda. Quo interfecto, *Godrim Dacus* ibidem regnavit. Postea *Daci* regnum minutum partiti sunt, fuitque sub eis usque dum regi *Edwardo* pro maxima parte subiectum erat, & sic demum illud regnum *Estanglia* dominio *Westſaxie* contin-
 60 gebat.

Regnū occidentalium *Saxonum* sive *West-Saxonum*. i. *Westfaxia*, quod antiquitus *Gewisse* sive regnum *Gewiseorum* vocabatur, incepit à rege *Sardic*, cui successit rex *Henricus*, cui *Kemelinus*, cui *Ceolricus*, cui *Kenwulfus*, cui rex *Kenglis* successit. Cujus tempore ecce fama suavissimæ opinionis sancti *Birini* presbyteri de civitate *Romana* nati ad aures *Honorii* summi pontificis usque pervenit, qui ipsum *Birinum* ad se vocatum qualem fama audierat, talem, imo meliorem reperiens, per *Asterium* qui tunc sibi ad eorum *Genneusem* episcopum, eum ad episcopatus egressum officium sine mora. Tunc beato *Birino* honorifice sublimato, venerandus papa *Honorius* antedictus mandatum dat, ut sibi *Britanniam* quæ adhuc maxima ex parte paganis involvebatur erroribus provinciam legat, quam verbo fidei & vitæ exemplo confirmet. Qui benedictione accepta mandatum implere festinans, decursis multarum terrarum spaciis pervenit ad mare, ubi navem ascensurus divina celebrat misteria pro se suisque offerens Deo pia libamina hostiæ salutaris. Urgente & instante navigationis articulo navem ascendit; tolluntur arma, ventus insurgit, navis unda tumulante succurritur. Dederat siquidem prædictus papa *Honorius* beato *Birino* pallulam super quam corpus Christi consecrabat, corpusque Dominicum in eadem involutum, quod collo suspensum semper secum portabat, inter sacrandum super sanctum altare ponere consueverat. Sedato itaque tanto tanti apparatus tumultu reminiscitur beatus *Birinus* se quod carius sibi erat amisisse, & in littore unde ascenderat tumultu præpeditum prædictam pallulam reliquisse. Quid multa? fide armatus in mare descendit, & Deo duce per mare quasi per aridam securus incedit. Compos voti & accepto quod reliquerat, via qua venerat reversus, reperiit ventis inutilibus navem stantem quam reliquerat per vada marina quasi volantem. Intravit pontifex & inventus est non unam stillicidii guttam in vestimento suo habere. Expavere qui in navi erant miraculum, eumque cultorem Dei fatentur & adorant ut Deum. Tunc beatus *Birinus* intelligens eos à spiritu sancto visiratos interius, evangelizabat illis catholicam fidem. Nec mora ydolatriæ abrenunciantes se credere confitentur, & quod præciperet perficere pollicentur. Benedixit aquam, denique resperxit super eos & baptisati sunt, fidem sanctæ Trinitatis corde & ore profitentes. Sopore in eis divinitus immisso non unus præter solum pontificem de tanta multitudine superfuit qui vigilaret. Illo vero qui non dormitabit neque dormiet iter navis dirigente, ad optatum pervenitur portum, ubi vir Dei triduo commoratus fidem sanctæ & individuae Trinitatis cunctis qui aderant indefinenter prædicavit. Erant autem ex hiis qui eum ibidem audiebant multi ad fidem catholicam prius per prædicationem beati *Augustini* conversi.

Erat autem ibidem mulier quædam annosa quæ jam per multum tempus nec videre quid nec audire prævalebat, cui de nocte in lecto suo quiescenti per visum significatum est, ut ad beatum antistitem celeriter ire debeat, quia ille sanaturus est eam, & sibi foret medicina. Quid plura? surgit muliercula & parat ducem qui gressus ejus regat, ad servum Dei ire conscendit: & cum coram eo pervenisset, rogat nesciens quem precatur. Intellexit vir Deo plenus

desiderium mulieris. pietate motus dexteram levat, auribus & oculis signum crucis opponit; nec mora, dissolvitur cæcitas, redditur visus, vicio surditatis eliso reparatur auditus. Mirantur omnes & gaudent, magnalia Dei prædicant, servum Dei veneratione attollunt. Itaque beatus *Birinus* inde egressus gentem *Gewiseorum* paganissimam ingrediens, eos & *Kynglis* eorum regulum baptizavit.

Contigit autem pulcre tunc temporis sanctum *Oswaldum* regem *Northumbria* affuisse, eumque de sacro lavacro suscepisse, cujus filiam ipse *Oswaldus* erat in conjugem accepturus. Ambo autem reges *Birino* civitatem *Dorcias*, id est *Dorkecestre*, ad sedem ibi episcopalem faciendam donaverunt, ubi postea constructa ecclesia & dedicata, idem episcopus sepultus est. Et post multos annos tempore *Hedde* episcopo episcopatu inde in *Wentam* civitatem, quæ *Vincestria* vocatur agente translato, in ecclesia *Petri & Pauli* positus est. Defuncto autem rege *Kenglis* successit filius ejus *Cenwaldus*, qui fidem renuit, nec impune. Repudiata enim sorore *Penda* regis *Merciorum* quam duxerat, aliamque ducens, bello victus est & ab illo regno pro tempore privatus, triennioque apud *Annam* fidelem regem orientalium *Anglorum* exulans, fidem iterum recognovit. Cumque postea *Cenwaldus* regno esset restitutus, constituit episcopum *Ailbertum* natione Gallicum, gratia tunc legendi de *Hibernia* venientem. Sed postea rex nisi *Anglicum* tantum sciens, barbara lingua confusus, *Wyne* suæ linguæ episcopum in *Gallia* ordinatum in sua provincia introduxit, quam in duas parochias, id est dioceses dividens, *Wyne* tribuit sedem *Wenta*, unde *Ailbertus* quod hæc ipso inconsulto ageret offensus *Galliam* rediit, & episcopatu *Parysius* accepto illum usque ad obitum suum tenuit. Postmodum idem rex *Cenwaldus* *Wyne* ab episcopatu *Wenta* expellebat, qui ad *Wolferum* regem *Merciorum* secedens, ab eo *Lundoniensis* civitatis precio sedem emit, ejusque episcopus usque ad obitum suum mansit. Carente igitur provincia *Gewiseorum* pastore, cum rex hostibus & dampnis ideo sapius affligeretur, pro *Ailberto* antedicto *Parisius* destinavit: Qui episcopatum illum demittere nolens, nepotem suum *Leutherium* ei misit. Hic in *Angliam* veniens, à *Theodoro Dorovernensi* archiepiscopo successore *Deusdedit* in episcopum ordinatus, episcopatum *Gewiseorum* longo tempore solus rexit.

Cenwaldo rege occidentalium *Saxonum* defuncto, successerunt ei *Sexburg* regina uno anno regnans & *Egwyn* duobus annis; Quibus successit *Kentwinus* cujus tempore anno regni sui quinto sub die xv. kalend. Octobris Indictione viij. *Theodorus* antedictus Dei gratia archiepiscopus *Britannia* insulæ, & civitatis *Dorovernensis* una cum eo sedentibus cæteris episcopis *Britannia* insulæ, in loco qui vocabulo *Saxonico* *Hatfelde* nominatur, post conversionem omnium provinciarum *Britannia*, consilium de fide catholica habuit & tractatum, ut inferius inter reges *Southfaxie*, cujus gens cum insula *Vesta* ultimo conversa fuit, plenius est notatum.

Kentwino vero rege *Westaxonum* defuncto successit ei *Cedwalla*, qui viribus & auxilio *Wulfe* fratris sui *Vestam* insulam fecit suam. *Wulfe* namque frater ejus laudabilis & graciosus erat ac terribilis viribus & aspectu decorus, & ideo omnibus erat amabilis & famæ prærogativa clarissimus. Perrexerunt igitur fratres prædicti in *Kentensem* provinciam,

am, causa virium suarum exercendarum & famæ etiam ampliandæ, qui quamvis plures eorum prædecessores & populus omnis Christiani essent, nondum tamen erant sacro lavacro baptizati. Ingentes igitur *Canciam* non obstitente aliquo totam provinciam sunt prædati. *Cedwalla* namque cum regnum *Cancia* invaderet, *Lotharius* rex ejusdem moriens deseruit regnum suum, qui impiger in pugna australium *Saxonum*, quos contra eum *Eadrik* filius *Egberti* aggregaverat, inter inmania vulnera quæ acceperat medenda defunctus est, ac post eum idem *Eadrik* anno uno & dimidio *Canciam* sine reverentia & amore *Kentensium* gubernavit. *Cedwalla* rex *Westsaxiæ* anno regni sui secundo petitione fratris sui *Wolfe* ipsum & juvenes cum eo fortissimos, eo quod lucrum anni præteriti gloriosum & famæ premium non exosum ad *Canciam* prædandam ipsum allexerant, iterum destinavit. Qui illuc pergens, nec aliquos sibi resistentes inveniens, terram prædando in solitudinem redegit, & Christi servos inmerito affligens eorum sensit merito maledicta, nam cum hostes effeminatos duceret & nichil sibi pro viribus prævideret, in domum quamdam longe à suis cum xij. tantum militibus irruit prædaturus, ubi inopinata multitudo circumventus quia armis cædi non poterat, in ipsa domo igne cum suis xij. militibus est combustus, sic perit ibi flos juvenum & exercitus ab illa patria rediit juvenilis. Hæc audiens frater ejus *Cedwalla* rursus *Canciam* ingressus est, ubi mirabili cæde & innumera faciatu rapina, cum quid cæderet vel raperet minime inveniret, ad sua sævus vindex rediit magnus victor. Cumque iste rex *Cedwalla* duobus annis regnasset, regnum suum propter deum & regnum perpetuum abdicans, *Romam* petiit, illud gloriæ singularis sibi æstimans sibi mori posset & à summo pontifice baptisari. *Sergius* ergo papa eum baptisans, ex nomine Apostoli eum *Petrum* vocavit. Rex vero secundum votum suum infra vij. dies in albis xij. kalend. Maii viam universæ carnis ingressus ibi in sancti *Petri* ecclesia sepelitur, super cujus tumulam hoc epythaeum scriptum est.

*Culmen, opes, sobolem, pollentia regna, triumphos,
Eximios proceres, moenia, castra, lares,
Quaque patrum virtus & qua convicerat ipse,
Cedwall armipotens liquit amore Dei.
Ut Petrum sedemque Petri rex cerneret hospes,
Cujus fonte meras sumeret alvus aquas.
Splendescumque jubar radianti carperet haustu,
Ex quo vivificus fulgor ubique fluit.
Percipiens alacer rediviva præmia vite,
Barbaricam rabiem nomen & inde suum
Conversus convertit ovens, Petrumq; vocari
Sergius antistes jussit ut ipse pater.
Fonte renascentis quem Christi gratia purgans
Protinus allatum vexit in arce poli.
Mira fides regis, mira clementia Christi,
Cujus consilium nullus adire potest.
Sospes enim veniens suppremo ex orbe Britanni,
Per varias gentes, per freta, perque vias,
Urbem Romuleam vidit, templum venerandum
Apexit latus mystica dona rogans.
Candidus inter oves Christi sociabilis ibit,
Corpore nam tumulum, mente superna tenet.
Commutasse magis sceptrorum insignia credas,
Quem regnum Christi promeruisse vides.
De isto rege *Cedwalla* alia pauca hic non tacta
tam de hiis quæ gessit antequam ad regiam excellen-*

tiam sublimatus fuerat quam post, adhuc restant breviter inter reges *Suthsaxiæ* inferius pertrahenda.

Cedwalla vero rege *Westsaxonum* ut præmittitur *Romæ* defuncto, *Ine* post eum in eodem regno xxxvij. annis nobiliter regnavit. *Ine* fuit filius *Cenred* filii *Ceowolde* & frater *Chinewolde*, qui ambo fuerunt filii *Cudwyne*, fratris *Chealyng*, fratris regis *Kenryk*, fratris regis *Cerdic*, à quo istud regnum *Westsaxiæ* incepit. Anno hujus regis *Ine* secundo *Theodorus Dorovernensis* archiepiscopus, qui *Romæ* ordinatus fuerat postquam multa bona fecisset, & librum qui vocatur *Pœnitentiale* scripserat, anno episcopatus sui xxij. vitam hujus seculi terminavit. Cui *Brithwaldus* primo Abbas in archiepiscopatu successit, ut superius inter reges *Cancia* plenius notatur. Eo tempore duo reges, scilicet *Wyched* & *Wedbard*, non tam secundum regiam stirpem, quam invasionem in *Cancia* simul erant. Anno *Ine* regis sexto *Withredus* legitimus rex *Kentensis* in regno suo religionem, & industria confortatus gentem suam de invasionem extranea liberavit, ac xxxij. annis nobiliter & pacifice regnum *Cancia* gubernavit. Et cum eodem anno *Ine* rex *Westsaxonum* combustionem dicti *Wolf* cognati sui, (de cujus combustionem supra inter reges *Cancia* tempore regis *Eadrik* plenius habetur) dum esset in expeditione aquilonali, vindicaturus acies terribiles in *Cancia* deducere ordinasset, dictus *Withredus* rex *Cancia* non cum feroci arrogantia nec minis ferventibus, sed pacifica supplicatione obvians, regi fero persuasit ut à *Kentensibus* pro morte juvenis pecuniæ acciperet summam magnam, & sic lite sedata & pace stabilita dictus *Ine* in suâ patriâ est reversus, & dictus rex *Kentensis* abhinc semper in pace regnavit. Supradictus rex *Ine* consilio *Aldelmi* episcopi construxit monasterium *Glasconia*, quod splendide duravit usque ad tempora Danorum diebus *Aluredi* regis, quod tandem sub patre *Dunstano* ope regum *Edmundi* & *Edgari* in libris, ornamentis, fundis egregie reparatum est usque ad tempora *Normanorum*. Cæterum extunc quo infortunio nescio semper pessimis infracta est laboribus, quin etiam Abbates loci rerum gloria elati tyrannos se exhibent, foris tumidi sed invalidi, intus crudeles & incommodi, quod potissime liquet ex facto Abbatis *Thursthini* tempore regis *Willielmi* primi. Illuc translata sunt corpora sanctorum, *Hilde* Abbatissæ, *Colfridi* abbatissæ *Girwienensis*, aliqua ossa *Aidani* episcopi quæ advenit *Edmundus* rex. *Ine* anno regni sui xx. episcopatum *Suthsaxiæ* qui unus esse solebat, in duo divisit, unde partem orientalem à filvis *Damel* episcopatum *Wenta* tenuit, partem vero occidentalem *Aldelmus*, cui *Aldelmo* mortuo successit *Forhere*.

Ine anno regni sui xxvj. contra *Cheolredum* regem *Merca*, apud *Bonybury* adeo strenue præliavit ut neutra pars victa, cui eorum clades detestabilior contigerat nesciatur. *Ine* anno regni sui xxxvj. exercitum suum in *Suthsaxiam* promovit, & contra *Suthsaxos* potenter & victorie pugnavit, *Ealbrith* quem prius de castro à rege *Ine* constructo quod dicitur *Tantune* fugaverat in illo prælio extinguendo. Et post hæc licet potens & magnus inter reges extitit, ut felix tamen Deo deservire desiderans, regnum *Ade-lardo* cognato suo reliquit, & deinde in terris peregrinans *Romam* petiit, & ibi monachus factus moriens stipendia cœlestia merebatur. Iste rex *Ine* dum regnavit

navit Institutiones five leges genti suæ condidit solemnes, quas in isto libello cum suis primo capitulis inferere dignum duxi.

CAP. I.

De regula ministrorum Dei.

II.

De infantium baptismo.

III.

De opere diei Dominicæ.

IV.

De cyricseattis.

V.

De fugientibus ad ecclesiam.

VI.

De pugna in domo regis vel in ecclesia, vel in domo Aldermanni, vel Baronis, vel in Gavelgilda, in domo vicini vel in campo vel in potatione.

VII.

De furto viri unde uxor nesciat neque liberi.

VIII.

Qua etate cavendum sit à furto.

IX.

De postulatione recti.

X.

De vindicantibus antequam rectum postulent.

XI.

De roboria & violenta captione.

XII.

De illis qui compatriotas suos emunt.

XIII.

De fure capto.

XIV.

De illis qui coram episcopo testimonium suum vel vadium infringunt.

XV.

De differentia inter fures, cohortem & exercitum.

XVI.

De accusatis de holp, id est, cohorte.

XVII.

De heretaynes, ducentibus exercitum.

XVIII.

De fure in vinculis regis.

XIX.

De fure occiso.

XX.

De carne furtiva.

XXI.

De cirlisco fure capto.

XXII.

De colono regis fiscalino.

XXIII.

De ignoto in nemore deviante.

XXIV.

De colono vel villano alicujus qui est fur.

XXV.

De mera advena occisi.

XXVI.

De fure Anglico.

XXVII.

De mercatoribus aliquid ementibus.

XXVIII.

De nutritura inventi pueri.

XXIX.

De puero in occulto procreato.

XXX.

De fure capto cum furto.

XXXI.

De prestantibus gladium vel lanceam vel equum ad homicidium domini.

XXXII.

De Ciriliscis forbannitis.

XXXIII.

De emente feminam & precium retinente.

XXXIV.

De vera walisci.

10

XXXV.

De vera walisci stabularii regis.

XXXVI.

De presente ubi aliquis fuerit occisus.

XXXVII.

De interficiente furem.

XXXVIII.

De fure capto & dimisso vel furto celato.

XXXIX.

De culpa cirilisci hominis de furto suspecti.

20

XL.

De femina qua per ceorlum puerum habeat & ipse abeat.

XLI.

De discedente à domino suo sine licentia.

XLII.

De villani mansione claudenda.

XLIII.

De plegio negando.

XLIV.

30

De villanorum pascuis claudendis.

XLV.

De animalibus sepes vicinorum frangentibus.

XLVI.

De nemoris combustione.

XLVII.

De succidentibus ligna in nemore alterius.

XLVIII.

De ligno truncato sub quo xxx. porci stare possunt.

XLIX.

De borgi fractura.

40

L.

De homine de furto vel retecto culpato.

LI.

De firmatione & vera fractione.

LII.

Non debet advocari ad servum si furtivum intercietur.

LIII.

De illo qui propter forisfactum in servitutem transit.

LIV.

50

De obviant porco in pasnagio suo.

LV.

De pasnagio capiendo.

LVI.

De compositione sidercundi hominis cum rege vel Aldermannoregis, pro familia sua vel cum domino pro servo & libero.

LVII.

De sidercundo expeditionem regis supersedente.

LVIII.

60

De accusatione alicujus occulti.

LIX.

De forisfangio furtivi hominis.

LX.

De accusato de homicidio & negare voluerit.

LXI.

De precio ovis cum agno suo.

LXII. De

LXII.

De animali infirmo vendito.

LXIII.

De nativo in cuius domo animal furatum inveniatur.

LXIV.

De emendatione cornu vel oculi bovis vel vacca.

LXV.

De bobus conductis.

LXVI.

De Ciricſceattis ubi dande sunt.

LXVII.

De accusato pro delicto & iterum fuit accusatus.

LXVIII.

De homine ſidercundo mutante manſionem ſuam.

LXIX.

De habente xx. hidus & mutante manſionem.

LXX.

De virgata terre ad gablum accipiendum.

LXXI.

De homine ſidercundo fugato.

LXXII.

De ovio termino cum vellere ſuo.

LXXIII.

De vera twibundi kominis.

LXXIV.

De decem hundis quid debet reddi ad corredium.

LXXV.

De homicida accusato primo negante, poſt conſistente.

LXXVI.

De weregildi furis forisfango.

LXXVII.

De furto quod vetus eſt una nocte.

LXXVIII.

De ſervo Walifco Anglicum occidente.

LXXIX.

De furtivi capitalis forisfango.

LXXX.

De occidente filiolum vel patrimum alicuius.

EGo Ine Dei gratia Weſtſaxonum rex, exhortatione & doctrina Conredis patris mei, & Hedda epifcopi mei, & Herchenwoldi epifcopi mei, & omnium Aldermannorum meorum & ſeniorum ſapientum regni mei, multaſque congregatione ſervorum Dei, ſolicitus de ſalute animarum noſtrarum & de ſtatu regni mei, conſtitui rectum conjugium & juſta judicia pro ſtabilitate & confirmatione populi mei benigna ſedulitate celebrari; & nulli Aldermanno vel alicui de toto regimine noſtro conſcripta Judicia liceat abolere.

CAP. I. Sax. I. Editione Cantab.

Inprimis præcipimus ut miniſtri domini rectam diſcipline ſanctæ regulam juſte cuſtodiant. Poſtea volumus ut totius conjugia populi ſint & judicia devote conſervata.

II. Sax. 2.

Puer infra xxx. noctes baptizetur; & ſi non ſit, xxx. ſolidis emendetur; ſi moriatur ſine baptiſmo, emendetur tota pecunia.

III. Sax. 3.

Si ſervus operetur dominica die per præceptum domini ſui, ſit liber, & dominus emendet xxx. ſolidos ad Witam. Si ſervus ſine teſtimonio domini ſui operetur, corium perdat. Si liber operetur illa die juſſu domini ſui, perdat libertatem ſuam.

IV. Sax. 4.

Ciricſceatta reddita ſint in feſto ſancti Martini;

ſi quis hoc non compleat, ſit reus lx. ſolidorum, & duo decuplo reddat ipſum ciricſceattum.

V. Sax. 5.

Si quis ſit mortis reus, & ad eccleſiam fugiat, vitam habeat, & emendet ſicut rectum conſulet. Si quis corium ſuum forisfaciat, & ad eccleſiam incurrat, ſit ei verberatio condonata.

VI. Sax. 6.

Si quis pugnet in domo regis, totius pecunie ſua ſit reus, & ſit in arbitrio regis utrum vitam habeat vel non. Si quis in eccleſia pugnet C. xx. s. emendet, & alios lx. emendet pro wyta. Si autem in gavelgilda, id eſt, in gablum red-dente domo fiat, vel in gebures, xxx. ſolidos culpa judicetur, & ipſi geburo vj. s. Et licet in mediis campis ſit dimicatum, C. xx. s. wyta reddantur. Si quilibet in potatione decertent, & aliter eorum cum patientia ſuſtineat, reddat alius xxx. s. forisfacti.

VII. Sax. 7.

Si quis furetur ſic ut uxor ejus neſciat hoc, neque pueri ſui, reddat wyta lx. s. Si in teſtimonio & conſcientia totius familie ſua furetur, tranſeant omnes in ſervitutem.

VIII. Sax. 7.

Puer decem annorum debet ſcire, ne furtim faciat.

IX. Sax. 8.

Si quis ſibi rectum roget coram aliquo Schirmanno vel alio iudice & habere non poſſit, & accusatus vadium recti dare nolit, emendet xxx. s. & infra vij. noctes faciat ei rectitudinem.

X. Sax. 9.

Si quis vindicet antequam rectum ſibi poſtulet, quodcumque per vim ceperit reddat, & emendet xxx. s.

XI. Sax. 10.

Si quis inter commerciones regni noſtri robariam & violentam captionem faciat, reddat ipſam robariam, & perſolvat, & emendet lx. s. pro wyta.

XII. Sax. 11.

Si quis compatriotam ſuum emat ſervum vel liberum, licet reus ſit ultra mare, ſolvat eum vera ſua.

XIII. Sax. 12.

Si fur capiatur vel vitam ſuam weregildo redimat.

XIV. Sax. 12.

Si quis coram epifcopo teſtimonium ſuum & vadium mentiatur, xxx. s. emendet.

XV. Sax. 13.

Fures nominamus ad ſeptem homines vel octo. Holp, id eſt, cohortem vel ſatellites uſque ad xxv. deinceps eſt here, id eſt, exercitus.

XVI. Sax. 14.

Qui de Holp fuerit accusatus abneget per C. xx. hidas vel ſic emendet.

XVII. Sax. 15.

Qui herethaynus, id eſt, conducens exercitus fuerit accusatus, weregildo, id eſt, natalis ſui precio ſe redimat, vel ſecundum veram ſuam neget, & debet eſſe medietas jurantium per hulfonges, id eſt, xij. hyndos.

XVIII. Sax. 15.

Fur poſtquam eſt in vinculis regis non habet hanc abnegationem.

XIX. Sax. 16.

Qui furem occiderit, debet invenitare cum jramento, quod illum culpabilem & de vita forisfactum occidiſſet, & non ſolvat.

L I

XX Qa

XX. Sax. 17.

Qui furtivam carnem invenerit occultatam, si audeat liceat ei invenire jurejurando quod sua sit. Qui investigabit eam, habeat ꝑ melde feoh, id est, pecuniam indicationis vel delaturam.

XXI. Sax. 18.

Cirlicus homo qui saepe fuerit accusatus de furto, & deinceps inveniat reus in capitali vel in alia manifesta culpa, truncator ei manus vel pes.

XXII. Sax. 19.

Regis gernerat, id est, colonus fiscalinus si vera sua sit, xij. hundscil, id est, duodecies c. s. potest jurare per lx. hidas, id est, pro hominibus vj. si sit hulfengag i. e. xij. hind. vel husbanda.

XXIII. Sax. 20.

Si quis alienigena vel ignotus sine via vadat in nemus, ut nec ore clamet, nec cornu sonet, pro fure sit occisus; & solvatur ipsius occisi congildonibus vel domino suo; si celaverit, & fiat deinceps quandoque notum, tunc ampliabit mortuo ad juramentum quod licet parentibus suis purgare eum.

XXIV. Sax. 21.

Si tuus gernerat i. e. colonus vel villanus furatus fuerit & amittas eum, si habeas plegium admone eum de angildo. Si non habetas, redde tu angildum, & non sit ei in aliquo remissius.

XXV. Sax. 22.

Si homo alienigena occidatur, habeat rex duas partes veræ suæ, tertiam partem habeant filii vel parentes sui. Si parentes habeat, dimidiam habeat rex, dimidiam consocii regis. Si autem abbas vel abbatissa inter sit, dividant eodem modo cum rege. Wealh qui gablum reddit c. xx. s. filius ejus c. s. servus lx. s. Somhwilne l. s. servitorium xij. s.

XXVI. Sax. 23.

Si Anglicus furetur qui forisfacturam inservierit, suspendatur & non solvatur domino suo. Si occidatur, non solvatur parentibus suis, si non intra xij. menses eum redemerint. Wealh, si habeat v. hidas est fixhinde.

XXVII. Sax. 24.

Si mercator in populis emat aliquid, faciat hoc coram testibus. Si quid furtivum intercietur super mercatorem, & hoc coram bonis testibus non emerit, juret secundum vitam quod nec furti conscius vel coadjutor fuerit in eo, vel emendet xxxvj. s. Witæ i. e. forisfacturæ emendationi.

XXVIII. Sax. 25.

Ad inventi pueri victum primo anno vj. s. reddantur, secundo anno xij. s. tercio anno xx. s. deinceps secundum precium suum.

XXIX. Sax. 27.

Qui in occulto puerum genuerit, & celaverit, non habeat pueri ipsius veram si occidatur, sed rex & dominus suus.

XXX. Sax. 26.

Qui furem ceperit habeat inde x. s. & rex ipsum furem; & parentes ejus abjurent ejus factioni. Si repugnet aut aufugiat, reus sit witæ: Si negare velit, abneget secundum modum pecunie witæ.

XXXI. Sax. 28.

Qui gladium præstabit ad homicidium, si occidatur homo, reddat tertiam partem compositionis

ejus. Qui lanceam præstiterit, dividat veram. Qui equum præstiterit, totum reddat.

XXXII. Sax. 29.

Si cirlicus homo forisbanniti firmationis accusetur, per suam ipsius veram neget. Si non possit, persolvat eum vera sua, & saepe Sithman etiam sic per veram suam.

XXXIII. Sax. 30.

Si quis emat sibi feminam preciumque non compleat, reddat ipsam pecuniam & persolvat, & emendet plegio sicut erit infractio plegii sui.

XXXIV. Sax. 31.

Si homo Waliscus habeat terra hidam, vera sua est c. xx. s. Si dimidiam habeat, lxxx. s. Si nullam habeat, lx. s.

XXXV. Sax. 32.

Regis equi Waliscus qui nunciare possit ad eum weregildum ejus est cc. s.

XXXVI. Sax. 33.

Qui in collegio fuerit ubi aliquis occisus sit, adcredulitet se quod eum non percussit, vel emendet secundum occisi weregildum. Si weregildum ejus est cc. s. emendet l. s. & idem rectum fiat de carnis genitis.

XXXVII. Sax. 34.

Qui furem occiderit, liceat ei probare jurejurando quod eum fugientem pro fure occidit, & parentibus ipsius occisi juret unceales ax, i. e. sacramentum sine electione vel nominatione. Si concealaverit & fuerit deinceps manifestum, tunc persolvat eum. Si ad illum hominem vocetur qui prius abjuraverat vel abjurare vult, perneget secundum modum vite & precium pecunie. Si nolit abjurare, emendet ipsum mainad, i. e. perjurium dupliciter.

XXXVIII. Sax. 36.

Qui furem ceperit, vel captum reddiderit, vel ipsum dimiserit, vel furtum celaverit, reddat ipsum furem secundum veram suam. Si Aldermannus sit, perdat comitatum suum.

XXXIX. Sax. 37.

Cirlicus homo qui fuerit saepe inculpatus de furto & postea culpabilis inventus in capitali vel aliter in manifesto reus, amputetur ejus manus vel pes.

XL. Sax. 38.

Si Ceorlus & femina puerum simul habeat, & abeat homo viam suam, habeat mater puerum & nutriat, reddantur ei vj. s. ad nutriendum; vacca in æstate, bos in hyeme; custodiant parentes ejus hoc primum capitale donec puer excreverit.

XLI. Sax. 39.

Si quis discedat à domino suo sine licentia, vel in alium comitatum se transferat, & deinceps in veniatur, redeat illuc ubi antea fuit, & emendet domino suo lx. s.

XLII. Sax. 40.

Ceorles weordng, i. e. rustici curtillum debet esse clausum æstate simul & yeme, Si disclausum si & introeat alicujus vicini sui capitale per suum apertum, nichil inde recipiat, sed educat & patiat dampnum suum.

XLIII. Sax. 41.

Plegium licet homini purgare, si sciat quod rectum faciat.

XLIV. Ceorl

XLIV. Sax. 42.

Ceorli habeant herbagium in communi vel aliam compascualem terram vel divisam claudendam, & quidam eorum partem suam clauferunt, quidam vero non, & comedant eorum compascuales acras vel herbagium, eant tunc illi quorum porta fuerit, & emendent illis qui partem suam clausam habeant dampnum quod factum sit, & acquirant sibi de captali sic rectum sicut congruum sit.

XLV. Sax. 42.

Si vero animal sit quod sepes frangat, & aliquod introeat, & dominus cuius animal est nolit ipsum custodire vel non possit, capiat hoc in cuius acra obuiabit, & occidat, & recipiat agenfriga corium ejus & carnem, & paceatur de cetero.

XLVI. Sax. 43.

Si quis in nemore trabem combusserit, & notum denique fuerit in auctore, solvat plenam wita, & emendet lx. s. quia ignis est fur.

XLVII. Sax. 43.

Si quis in nemore multa ligna ceciderit, & postea compareat, solvat tria ligna unumquodque xxx. s. neque amplius cogitur per legem solvere quotquot fuerint, quia securis acclamatix potius est quam fur.

XLVIII. Sax. 44.

Si quis lignum truncabit sub quo xxx. porci stare possint & compareat, xxx. s. emendet ad wita.

XLIX. Sax. 46.

Borgi fractura debet emendari C. xx. s. regis & episcopi ubi sedes ejus est. Aldermanni lxxx. s. thayni regis lx. & fidercundi hominis terram habentis xxxv. aut per id negare.

L. Sax. 47.

Quando aliquis inculpatur quod furtum fecerit vel furtivum aliquid firmaverit, tunc debet per lx. hidas, id est, per vj. homines abnegare si juramento dignus sit. Si vero Anglicus in furto compellabitur neget dupliciter. Si sit Waliscus non sit iusjurandum eo amplius.

LI. Sax. 47.

Omni homini liceat firmationem & werz fractionem negare si possit & velit.

LII. Sax. 48.

Si aliquid furtivum intercietur non debet advocari ad servum.

LIII. Sax. 49.

Si quis propter forisfactum suum noviter inseruerit, & accusetur quod furtum fecerit antequam in servitutem transierit, tunc habeat compellator verberationem suam in eo, perducatur eum ad verbera secundum capitale suum.

LIV. Sax. 50.

Si quis obviet porco sine licentia in pasnagio suo, capiat iudicium vj. s. & invenirerit quod sapius non fuerit ibi secundum capitale precium; si fuerit illinc bis, det ij. s.

LV. Sax. 50.

Si pasnagium capiatur de porcis de tridigitali tercius, de duodigitali quartus, de thumelo quintus.

LVI. Sax. 51.

Si homo fithercundus agat cum rege vel cum regis Aldermanno pro familia sua, vel cum domino suo pro servo vel libero, non habeat ibi aliquam wita

redditionem ea vice, quia noluit eos prius a malo domi castigare.

LVII. Sax. 52.

Si homo fithercundus terrarius expeditionem suam persedeat, emendet C. xx. s. & perdat terram suam; Non habens terram, lx. s. Ciriliscus, xxx. s. pro fridwita.

LVIII. Sax. 53.

Qui de occultis actionibus fuerit accusatus neget CC. xx. hid. aut CC. xx. s. emendet.

LIX. Sax. 54.

Si homo furtivus intercietur super aliquem, & sit ille mortuus qui vendidit eum homini super quem intercietur, advocet tamen ipsum ad mortui tumulum, sic aliam pecuniam sicut sit; & juret per lx. hidas quod ea mortua manus vendidit ei; & per hoc iusjurandum wita remaneat, & reddatur intercietus domino suo. Si tunc sciat, quis mortui pecuniam hereditavit appellet in ipsam pecuniam, & roget ipsam manum ut hoc capitale quietum ei faciat, vel ostendat quod nunquam ipsius mortui pecunia fuit.

LX. Sax. 55.

Qui pro fehthe, id est, de homicidio fuerit accusatus, & negare voluerit occisionem illius cum iurejurando, tunc debet esse in ea societate unum regium iusjurandum per xxx. hidas; sic de Sithercundo homine, sic de Cirilisco. Si reddatur licebit dare in illa societate quorumcumque hominum loriam & gladium, si opus sit in weregildo wita. Servus homo Waliscus debet superjurare per xij. hidas. Sic servus ad verbera. Anglicus homo per xxiii. hidas.

LXI. Sax. 56.

Ovis cum agno suo valet unum solidum usque ad xiiij. noctes post Pascha.

LXII. Sax. 57.

Si aliquod vivum capitale persolvatur, & inveniat aliqua infirmitas in eo, infra xxx. noctes rejiciatur in manus coagentis; vel juret quod nullum facinus in eo esse sciebat quando vendidit ei.

LXIII. Sax. 58.

Si ceorlus furetur aliquod capitale, & deferat in habitaculum suum, & intercipiatur ibi, sit sue partis reus præter feminam suam; si audeat iurejurando satisfacere quod de ipso furto non gustavit, habeat suam terciam partem pecunie.

LXIV. Sax. 59.

Bovis cornu debet emendari, v. d. vacca, v. d. Bovis cauda, v. d. vacca, v. d. Bovis oculus, v. d. componendus est vacca xij. d. Maufceal simile toheregafule attifan Aanū wirthan vj. pundpega.

LXV. Sax. 61.

Si villanus alterius boves locaverit, si habeat in annona persolvere, videatur hoc & reddat. Si non habeat, reddat dimidium in annona, dimidium in alio capitali.

LXVI. Sax. 62.

Cyricceattum debet reddere homo a culmine & mansione ubi residens erit in natali.

LXVII. Sax. 63.

Quando aliquis homo fuerit accusatus, & ad fauces coheratur, nec habet aliquid ad dandum

ante certamen, & vadit alius & dat suum capitale pro eo, tali pacto, ut idem transeat in manum ejus donec capitale suum possit illi intimari. Si iterum accusetur alia vice, & ad componendum pertrahatur, si ei præesse nolit qui capitale suum dedit pro eo antea, & hoc anticipaverit, perdat capitale suum quod antea pro eo dederat.

LXVIII. Sax. 64.

Si homo Sithercundus transmigret, liceat ei habere socios suos secum & fabrum & nutricem suam.

LXIX. Sax. 65.

Qui habet xx. hidas, debet committere xij. bidas vestura terra quando velit abire. Qui habet tres hidas terra, reddat unam hydram & dimidiam.

LXX. Sax. 66.

Si quis componat pro virgata terra vel amplius & arabit, si dominus velit ei terram illam ponere ad gablum & opus, non necesse est hoc excipi si nulla domus commissa sit ei, nec perdat acras ipsas.

LXXI. Sax. 67.

Si homo Sithercundus fugetur profugio domus non erit ipsius sedes.

LXXII. Sax. 68.

Ovis debet ire cum vellere suo usque ad mediam æstatem; aut persolvatur vellus ij. d.

LXXIII. Sax. 69.

De tmyhindi hominis vera debet reddi xxx. s. ad manbotam, de vj. hundo lxxx. s. debent reddi. de xij. hindo cxx. s.

LXXIV. Sax. 70.

De x. hindis ad corredium debent reddi x. dolia mellis, CCC. panes, xij. ambra cervisia Walisca, xxx. hluttres, duo boves, vel decem arietes, gallina xx. casei x. plena ambra butyri, salmones v. xx. podia fodri, & C. anguilla.

LXXV. Sax. 71.

Si quis sit de homicidio accusatus & idem confiteatur ante iurandum & prius abnegasset, expectetur de wita redditione, donec ipsa vera reddita sit.

LXXVI. Sax. 72.

Si Weregildus fur capiatur, & ipsa die perdant eum quiceperant illum, si iterum capiatur ipsa nocte, non habebitur amplius inde quam plena wita.

LXXVII. Sax. 73.

Si vero sit una nocte vetus furtum, emendent illi culpam qui ceperunt illum, sicut inde componere poterunt apud regem & prapositum suum.

LXXVIII. Sax. 73.

Si servus Waliscus Anglicum hominem occidat, debet ille cujus est reddere eum domino suo & parentibus, aut lx. s. dare pro wita sua. Si dominus ejus nolit hoc capitale pro eo reddere, liberum faciat eum & solvant parentes ejus weram occisi; si cognationem habeat liberam, si non habeat, observent eum inimici sui. Non cogatur liber cum servo cognationem solvere, nisi velit eum factione liberare, nec servus cum libero.

LXXIX. Sax. 74.

Si furtivum capitale intercietur, & ille super quem intercietur advocet inde: Si advocatus nolit hoc recipere & dicat, quod nunquam ei hoc vendidit sed aliud, tunc licebit appellanti ipsam manum

in veram mittere, quod nullum aliud vendidit ei quam id ipsum.

LXXX. Sax. 75.

Si quis filiolum alterius occidat vel patrinum, sit simile cognationi, & crescat emendatio secundum weram, sicut manbota facit erga dominum. Si sit filiulus regis, emendet secundum weram ejus regi sicut cognationi. Si de parentela sit qui occidit eum, tunc excedat emendatio patrini sicut manbota domini. Si episcopi filiulus sit, sit dimidium hoc.

Post prædictum regem Ine, Adelardus cognatus suus sibi in regno Westsaxie successit. Quia anno regni sui primo contra Oswaldum filium Ethelbaldi regis Merce pugnans, regnum idem sibi adquirere conatus est. Cum autem Oswaldus juvenis impar numero regalibus turmis pondus prælii diu pertulisset, & ultra non posset, fuga regi Ethelbaldo patri suo regnum reliquit. Anno Adelardi regis Westsaxie tercio, gravissima Saracenorum lues Galliam & Hispaniam late misera cæde vastabat, unde & ipsi non multo post dignas suæ perfidiæ poenas in eadem provincia luebant. Anno Adelardi regis Westsaxie quinto, Brithwaldus archiepiscopus Dorovernensis cum xxxvij. annis sedisset, in Domino requievit. Cujus loco Tatwinus per Igmaldum Londoniensem, Danielelem Wyntonensem, Aldolphum, & Offenser, & Alwinum Lichefeldenses episcopos, in archiepiscopum consecratur, qui anno ejusdem Adelardi regis decimo pallium à papa recepit, & sedit annis tribus.

Adelardo regis Westsaxie anno regni sui xliij. defuncto, Cudredus cognatus ejus pro eo super Westsaxiam annis xvj. regnavit; quem superbus Ethelbaldus rex Merce sæpe nunc bellis, nunc seditionibus affligebat. Fortuna autem varia vicibus variis modo unum, modo alium Martis eventibus extollebat: aliquando pacem inter se statuentes quam brevi spacio tenentes denuo debellabant. Eodem anno Egbert tempore Zakaria papæ in archiepiscopum Eboracensem consecratur.

Cudredus rex Westsaxie anno regni sui quarto, & Ethelbaldus rex Merce, simul tunc pacificati contra innumeram Britannorum undique connectorum multitudinem conjunctis viribus pugnarunt. Cumque reges fortissimi inter se hinc & inde cum suis exercitibus divisi, & quasi ex invidia phalanges Britannorum sternerent, Britanni tantum bellandi onus ferre ulterius nequiverunt, fugam ergo eligentes, terga percutientibus & spolia sequentibus præstiterunt. Reges autem victoriosi ad sua remeantes triumphalibus gaudiis in regnis propriis sunt suscepti.

Anno Cudredi regis Westsaxie nono, Kynric filius ejus armorum decus, ferarum debellator, ætate tener sed armis acer, annis parvus, vigore utique magnus occisus est, qui cum successibus suis instaret fortunamque Martis nimis sollicitaret, cædes illata seditione militari immoderationem ejus animi puniebat.

Eodem anno obiit Edbrihtus rex Kentensis, qui xxij. annis regni portaverat diadema. Cudredus rex Westsaxie anno regni sui x. cum Edelhim audacissimo consule præliavit, qui seditionem in domino movens licet numero militum longe à domi-

no rege debiliior esset, diu tamen & gravissime in campo Martis perstitit: nam excelsa consulis probitas milium loco fuit; Cumque ei jam pene victoria lætis applauderet alis, infixo tandem corpori ejus vulnere rex justam causam prætendens triumphavit. *Cudredus* rex *Westsaxia* anno regni suo xij. cum jam *Ethelbaldi* regis *Merca* superbas exactiones & insolentiam ferre non posset, cum legionibus vexillatis apud *Wesdozde* ei occurrit, *Edelhim* consulem prædictum jam sibi concordem in adiutorio secum ducens, cujus viribus & consilio fretus crimen prælii est ingressus. *Ethelbaldus* vero rex regum cum *Mercensibus* orientales *Saxones* & *Anglos* copiasque multiplices adduxerat & *Kentenses*. Aciebus igitur dispositis cum in directum tendentes apropinquarent, *Edelhim* consul *Westsaxenses* præcedens, insignem regis draconem aureum gerens, hostilem vexilliferum exclamavit. Unde clamore orto pars *Cudredi* valde confortata est, statimque acies sibi invicem offenderunt, bellum maximum & inestimabile incipitur. Sed quæ pars vinceret longo tempore nesciebatur. Videres namque acies loriceis crispantes, galeis acutas, lanceis hirsutas, vexillis auro resplendentibus depictas, parvo tempore sanguine perfusas, lanceis quassatis ruinæ dispositas, cerebris visu horrendis aspersas. Congregantes autem ad se vexilla utrique procaces fortissimis gladiis & securibus amazonicis rem egerunt, & aciebus funestæ acies irruerant. Memoria fugæ nulla, spes victoriæ utrique certa. *Mercenses* superbiæ tumor invitabat, *Westsaxones* servitutis horror accendebat. At ubicumque consul prædictus aciebus se infigebat, via ruinarum patebat, dum securis ejus timidissima modo fulminis arma & corpora findebat. Rex autem *Ethelbaldus* fortissimus quacumque parte ruebat strages hostilis fiebat. Cum igitur quasi duo ignes diversis partibus impositi obstantia quæque consumerent, contigit ut rex & consul obviam advenirent, uterque vero alii terribilis corpore frenduit, dexteram excussit, se in armis collegit, & ictibus inmensis arma obstantissima pares lacerant. Deus autem qui superbis resistit, à quo robur, fortitudo & magnanimitas procedunt, gratiæ suæ terminum regi posuit. *Ethelbaldo*, superbiæque ejus solitam dempsit. Nam fugam suis adhuc pugnantibus territus primo cepit, nec ab hac die usque ad mortis suæ tempora aliquod permisit prosperum ei Deus. Anno siquidem post hunc secundo idem *Ethelbaldus* rex *Merca* vires suas adhuc experiri volens contra *Westsaxones*, apud *Secandune* non sine exercituum ruina mirabili rursus pugnat. Qui in arto positus fugam dedignans ibi occisus est, & apud *Repandune* sepelitur. Sic itaque rex validissimus cum xlj. anno regnasset, immoderatæ superbiæ pœnas exsolvit, & ex hoc tempore regnum *Westsaxia* valde extitit roboratum, & crescere non cessavit. *Cudredus* rex *Westsaxia* anno regni sui xv. contra *Britannos* fortiter pugnavit, qui victori regis *Ethelbaldi*, ut prædictum est, frustra resistentes, cito fugam inceperunt, clademque maximam digne sine detrimento hostium pertulerunt. Anno sequenti *Cudredus* rex *Westsaxia*, magnus & excelsus tot prosperitatibus & victoriis potitus, mortem inclementia vitæ suæ lætitiæ terminavit.

Cudredo autem rege *Westsaxia* defuncto, *Sigebertus* cognatus ejus sibi in eodem regno suc-

cessit, brevi tamen tempore regnum tenens, nam ex *Cudredi* regis præcessoris sui eventibus tumefactus & insolens intollerabilis suis fuit. Cum autem eos modis omnibus male tractaret, legesque vel ad commodum suum depravaret, vel pro contumodo suo devitaret, *Cumbra* consul ejus nobilissimus prece totius populi regi fero eorum querimonias intimavit. Et quia ipse regi suaserat, ut lenius populum suum regeret, & inhumanitate deposita Deo & hominibus amabilis appareret, rex eum impia nece mox interfici jubens, populo sævior & intollerabilior quam prius suam tyrannidem augmentavit; unde in principio secundi anni regni sui cum incorrigibilis superbiæ & nequitia esset, congregati sunt procures & populus totius regni, & eum provida deliberatione à regno unanimi consensu omnium expellebant. Cujus loco *Kenwulfus* juvenem egregium de regia stirpe oriundum, in regem super populum & regnum *Westsaxia* elegerunt. *Sigebertus* autem rex à suis ut præmittitur expulsus minas mortis metuens, in silvam magnam quæ vocatur *Andredeswalde* fugiens se abscondit; ubi quidam porcarius prædicti *Cumbra* consulis nequiter per dictum regem *Sigebertum*, ut dictum est, interfecti, ipsum *Sigebertum* absconditum invenit, inventum cognovit, cognitum vindex domini sui continuo interfecit. Ecce quomodo Dei justitia non solum futuro seculo verum etiam in isto digna meritis manifesto judicio recompensat. Anno *Kenwolfs* regis *Westsaxia* primo *Ethelbaldo* regi *Merca*, ut superius dictum est, interfecto, *Beornred* in regnum *Merciorum* successit, brevi tempore illud regens; nam *Offa* eodem anno eum affugavit, xxxix. annis super regnum *Merca* regnans.

Anno Gratia DCC. lxxix. & *Kenwolfs* regis sexto, incepit fieri mutatio dextræ excelsi. Imperium namque *Romanum* quod tot annis in se præcellentissimum fuerat, *Karolo* magno regi *Francorum* subiectum est; & tamen scribitur, quod *Pipinus* rex *Francorum* pater istius *Karoli* decreto *Zakaria* papæ à *Bonifacio Maguntinensi* archiepiscopo in imperatorem ungebatur. *Kenwulfus* rex *Westsaxia* anno regni sui xxiiij. contra *Offam* regem *Merca* circa *Benton* pugnans, Martis casu minoratus loco secessit, & *Offa* in ira sua castrum idem redegit ad terram. *Kenwulfus* rex *Westsaxonum* cum xxvj. annis regnasset, & contra *Britannos* victoriosè prælia gessisset, & eos ex omni parte domasset, demum adolescentem *Kyneard* fratrem dicti regis *Sigeberti* statuit exulare, ipse *Kyneard* apud *Merton* regem postmodum impeccit, ubi private ad quandam perrexit mulierem. Rex autem idem comperiens, se viriliter defendebat, donec conspecto juvene foras exiliens eum vulneravit, & omnes socii ejus in regem pugnantes eum interfecerunt. Clamore autem audito, milites regis qui in urbe erant in juvenem cucurrerunt, renuentisque terras ab eo oblatas pugnando omnes mortui sunt.

Post *Kenwulfum* regem *Westsaxia*, *Brithricus* rex ejusdem regni gubernaculum suscepit, per annos sexdecim ibi regnans. Iste *Brithricus* rex *Westsaxia* in tantam vesaniam erga strenuissimum juvenem *Ethelbriutum* filium *Ailmundi*, qui post eum in *Westsaxia* postmodum regnavit, per invidiæ fomitem prorupit, quod mortem suam intentavit. Sed cum malicia regis fuerat detecta, abiit in

Franciam, moram ibi trahens quousque dictus rex *Brithricus* subtractus fuerat ab hac luce. De quibus inferius multa adhuc restant plenius dicenda, prout post istum processum de divisione regnorum satis lucide est notatum.

Regum *Merciorum* sive mediterraneorum *Anglorum*, id est, *Middelengle*, incepit post mortem *Hengisti* à rege *Cridda*: qui successit *Wibba*, cui *Ceorlus*, cui rex *Penda* potentissimus paganus successit; qui tres reges *Estanglia* Christianos, videlicet *Sigebertum*, & *Egnice* cognatum suum, ac *Annam* filium *Egnice* in eodem regno *Estanglia* successive regnantes, ac etiam *Edwinum* & sanctum *Oswaldum* reges *Northumbria*, per diversas vices, in diversis pugnis & præliis interfecit, prout tam superius inter reges *Estanglia*, quam inferius inter reges *Northumbria* satis plene & lucide est notatum.

Iste autem rex *Penda* filium suum *Pedam* nomine in principem gentis *Merciorum* promovit, sub quo gens illa per *Oswy* regem *Northumbria* hoc modo primo conversa fuit. Dederat namque *Oswius* rex *Northumbria* *Peda* filio *Pende* regis *Mercia* filiam suam, eo pacto ut ipse *Peda* Christianus efficeretur: & hoc maxime factum est per suasionem *Alfridi* filii regis *Oswii*, qui sororem ejusdem *Peda* *Kyneburgam* filiam *Pende* duxerat in uxorem. *Peda* vero cum suis juxta matrimonii sui stipulationem à *Finiano* episcopo in vico qui vocatur *Admurium*, qui à mari orientali xij. distat miliaribus, baptizatur. Et sic cum presbiteris *Ceadda*, *Abda*, *Berta*, & *Dunna*, ad deservendum sibi in divinis officiis & prædicationibus ordinatis, ad propria est reversus. Nec prohibuit *Penda* quin de sua, hoc est, *Merciorum* natione crederent si qui vel-
lent, unde post biennium hoc modo conversi sunt. *Oswius* namque rex prædictus, cum irruptiones dicti perfidi *Pende* regis *Merciorum* intollerabiles ferre non posset, sibi pro pace munera offerebat. *Penda* vero strenuus quia gentem ejus exterminare decreverat, munera sua sprexit. *Oswius* igitur rex Christianus suppressis accensibus doloribus, ait, Si paganus nostram doctrinam & munera accipere nescit, ea Deo qui noscitur omnia offeramus. Vovit ergo rex *Oswius* se filiam suam *Elstedam* Deo sacraturum, & xij. prædia monasteriis danda; & cum paucis *Pendam* regem & suam multitudinem aggressus est: nam fertur *Pendam* regem xxx. legiones ducibus paganis instructas in illo prælio habuisse. Quibus dictus rex *Oswius* parvum, ut dixi, habens exercitum, sed Christo duce confusus, cum *Alfrido* filio suo occurrit. Altero vero filio suo *Elfrido* eo tempore in provincia *Merciorum* apud reginam *Cynewissem* in obsidione detento. Filius autem *Oswaldi* regis *Dilmaldi* nomine, qui eis in auxilio esse debuerat, in parte erat adversa. Qui cum eisdem paganis contra patriam & patrum suum ductor extiterat pugnaturus, in ipso tamen pugnandi tempore se à pugna subtrahens, in loco tuto eventum discriminis expectabat. Inito igitur certamine pagani fugati sunt, xxx. ducibus eorum cæsis. Deus enim omnipotens cum suis fidelibus aderat Christianis, regis *Pende* fortitudine dissoluta. Nam qui quinque reges Christianos prius extinxerat, & semper sanguinem alienum fuderat, quod egerat

sensit, dum jam cruore suo terram imbuat & cerebro respergit. Pene etiam omnes qui in auxilium ejus ibi venerant, in illo prælio sunt necati. Inter quos *Adeltherus* frater *Anne* regis orientalium *Anglorum*, qui post eum regnavit, auctor ipsius belli militibus suis, sive auxiliis perditis est occisus. Et quia prope fluvium *Wynwede* pugnatum est, qui tunc per inundantiam pluviarum late alveum suum, imo omnes ripas suas transierat, contigit, ut multo
10 plures fugientes aqua quam ensis perderet præliantes. *Elsteda* igitur *Oswii* regis filia in *Ercen*, id est, in insula *Cervi* monacha est effecta. Deinde monasterio in *Streneshald* constructo ibidem obiit abbatissa, ubi pater ejus rex *Oswius*, & mater ejus *Enslad*, & *Adwinus* pater matris ejus debite sunt humati.

Tribus igitur annis post mortem *Pende*, dictus rex *Oswius* gentem *Merciorum*, & cæteras australes provincias, gentemque *Pictorum* ex parte magna strenue gubernavit, deditque *Peda* filio *Pende*, qui, ut dictum est, filiam suam duxerat, regnum australi-
20 um *Merciorum* ab aquilonaribus *Mercis* per flumen de *Trent* discretum. *Peda* postea prodicione conjugis suæ occiso, *Oswyo* regi gens *Merciorum* annis tribus est subjecta, & per ipsum ad fidei Christianæ gratiam est conversa. Igitur *Dunna* factus est episcopus *Middelengle*, id est, *Merciorum* & *Lyndesfarorum*, qui ibidem defunctus est, cui successit *Coelset* episcopus, qui ad *Scotos* unde venerat remeavit.
30

Postmodum tribus annis peractis duces *Merciorum* contra dictum *Oswy* regem *Northumbria* rebellantes, *Wolferus* filium *Pende* Christianum in regem regni *Mercia* levaverunt. Quo xvij. annis regnante *Trunbero* episcopus suus primus fuit, secundus *Jaruman*, tertius *Ceadda*, quartus *Wilfrid*. Iste *Wolferus* rex *Merciorum* *Ethelwoldum* regem *Suthsaxia* apud eum per aliquot dies morantem de sacro fonte, *Birino* episcopo baptizante, levavit: in cujus adoptionis signum insulam dedit sibi *Vectam*, & etiam ingentem *Parorum* provinciam occidentalem *Saxonum*. Iste rex *Wolferus* sanctam *Ermenildam* filiam *Ercomberti* regis *Cania* & sanctæ *Sexburgæ* duxit in uxorem, ut illam cui paterni regni dignitas spectabat. Unde patre mortuo illaque mediatrice *Cannuarii* & *Mercii* facti sunt in amicitia ut unum regnum. In regno vero *Mercie* ingens adhuc & inveterata restabat paganitatis barbaries. Sed Dei famula *Ermenilda* regina apostolico prothodoctoris sancti *Augustini* alphabeto à parentibus informata, sua dulcedine, suis blandis hortamentis, moribus ac beneficiis indomita pectora mulcebat, & ad suave Christi jugum ac perpetuæ beatitudinis præmia excitabat: perversos vero & nimis rebelles potentia reprimebat, nec quievit invicta, donec ydola & ritus dæmoniacos extirparet, & regnum *Merciorum* ecclesiis & sacerdotibus adimpleret.

Rex vero *Wolferus* maritus ejus sanctis uxoris ejus *Ermenilde* desideriis, petitionibus, ac monitis ultro se inclinans, nephanda simulacra à suis finibus extirpavit. Et cum *Ercombertus* rex *Cania* pater sanctæ *Ermenilde* reginæ, & alii seculares ejus propinqui, sperarent de ea suam in seculari regno perpetuare progeniem, illa multo felicius ac perhennius cælo quam sæculo suam produxit generationem.
60

rationem. Nata est enim ei regia proles *Werbunga*, quam æterna virginitate servata in sponsam Christi, altissimi regis excellentia sibi eligere dignabatur. Glorioso igitur rege *Wolfero* post decem & septem annos regni sui ad æterna regna migrante, licet pia ejus uxor *Ermenilda* exodium sociale desisteret, tota tamen anima caritate vulnerata in Christi libertate exultabat. Extemplo namque ad præcellentissimum *Eliense* monasterium confugit, ubi genitrix sua sancta *Sexburga Anna* orientalium *Anglorum* regis filia, & sancta *Etheldreda* germana, inter choros virginum ut luna inter sidera præluxit; ubi filia ipsius *Werbunga* sub virginali integritate Deo humiliter deservivit. Hæc ergo ibi *Ermenilda* omnem spem & amorem seculi cum regalibus ornatibus deprensens, Christi mancipatum & armaturam in religioso habitu induit monacharum. Quæ ad celestia regna idibus Februarii transiens, in eodem *Eliensi* cœnobio cum beata genitrice sua *Sexburga*, & sua virginali matertera *Etheldreda* requiescit in Domino tumultata.

Cum autem *Wolferus* rex xvij. annis ut præmittitur regnasset, *Adelredus* filius *Pende* omni potestatis benignitate visitatus rex efficitur *Merciorum*. Qui anno regni sui xxix. monachus apud *Werdonay* effectus, ibi feliciter sepelitur. Dicto vero *Adelredo* regi *Merca* successit *Kenredus* cognatus ejus, felicitate sibi similis & virtute. Nam cum v. annis regnum *Merciorum* nobiliter tenuisset, multo nobiliter regni sceptrum relinquens, *Romam* perrexit, & ibi monachus à *Constantino* summo pontifice factus dies ultimos terminavit. Officiam etiam filius *Sigeberti* regis, orientalium *Saxonum* rex si remansisset futurus, pari devotione ductus secum ivit, habitum similiter ibi suscipiens monachalem. Dicto vero regi *Kenredo* successit in regno *Merca* *Cheolredus* sive *Kelredus*, qui virtutum hares octo annis illud clarissime regnum rexit. Cujus regni anno vij. *Ine* rex *Westfaxie* magno exercitu congregato contra eum apud *Wonebiry* strenue præliavit. Sed *Cheolredus* rex adeo fortiter & horribiliter sibi occurrebat, ut neutra parte victa cui eorum clades detestabilior contingerat nesciatur. Anno vero sequente, idem rex *Merca* *Cheolredus* viam universæ carnis ingressus, apud *Lichfeldiam* sepelitur. *Cheolredo* regi *Merca* defuncto, *Ethelbaldus* vir fortis & vehemens in regnum *Merca* succedens, xlj. anno victorioso regnavit. Eo tempore *Egbertus* vir venerabilis monachos qui erant in *Hii* ad catholicum Pascha & canonicam tonsuram convertit, ubi cum xij. annis cum eisdem conversis moratus fuisset, & missarum solempnia ipso die Paschali de correctione fratrum jam securus celebrasset, exultans in Domino, diem suum ultimum terminavit.

Eo tempore, *Nanton* rex *Pictorum* literis instructus à quodam *Cheolfrido* abbate sibi directis, ad rectum Pascha erat conversus. Circa hoc tempus *Cudburgh* soror *Kneburgh* quæ data fuerat *Effrido* regi *Northumbria*, sed eo vivente separata, apud *Wymbourne* constituit abbatiā. Tempore istius regis *Ethelbaldi*, *Adelardus* rex *Westfaxie* anno regni sui primo contra *Oswaldum* filium ejusdem *Ethelbaldi* pugnans, regnum *Merca* sibi acquirere conatus est. Et cum *Oswaldus* juvenis impar numero regalibus turmis, pondus prælii diu pertulisset & ultra non posset, fuga regi *Ethelbaldo*

patri suo regnum reliquit, ut superius inter reges *Westfaxie* per eadem verba propter processum faciendum similiter est notatum. Post hæc, iste *Ethelbaldus* rex *Merca* fortissimus terribili exercitu congregato villam de *Somerton* castris per girum dispositis obsidebat. Cumque non esset qui inclusis auxilium ferret, vel includentibus resistere posset, eam in suam potestatem cito habuit & recepit. Qui extunc maxima virtute super coactos proventus, omnes provincias *Anglia* usque ad *Humber* flumen cum suis regibus sibi subjectas esse voluit.

Anno *Ethelbaldi* regis *Merca* viij. cum *Tatwinus* *Dorovernensis* archiepiscopus, vir religione & prudentia insignis, sacris quoque literis nobiliter instructus, ecclesiam per tres annos gubernasset, dies suos in Domino consummavit. Cujus loco *Notelinus* primo *Londoniensis* consecratur, sedens annis quinque in archipræfatus dignitate. Anno eodem venerabilis *Beda* presbiter monasterii quod est in *Wymuham* & in *Cirium* à *Benedicto* abbate ejusdem loci, ac deinde à *Ceolfrido* abbate educatus & eruditus, semper in scripturis studens, anno ætatis suæ lxij. plenitudinem dierum suorum non in vano consumptorum, ut in numero operum suorum subscriptorum apparet, in Domino feliciter terminavit. Scripserat namque à principio *Genesis* usque ad nativitatem *Isaac* libros. iij. De tabernaculo & vasis ejus, & vestibus, libros iij. In prima parte *Samuelis* usque ad mortem *Saulis*, iij. De ædificatione templi allegorice ij. De libris *Regum*, librum triginta questionum. In *Proverbiis Salomonis*, iij. In *Cantica Canticorum*, vj. In *Esdra* & *Neemia*, iij. In *Canticum Abacuc*, j. De libro *Thobie*, j. In *Evangelio Marci*, iij. In *Evangelio Luca*, vj. Scripserat etiam *Omellas* *Evangelii* libros ij. & capitula lectionum veteris Testamenti. In *Apostolum* quæcumque in opusculis *Augustini* invenit, cuncta per ordinem tamen scripsit. De *Actibus Apostolorum* libros ij. De vij. *Epistolis Canonicis* libros totidem. De *Apocalypsi* tres. Item capitula lectionum per totum novum Testamentum excepto *Evangelio*. Item *Epistolarum* ad diversos. Item de historiis *Sanctorum*. Item de vita sancti *Cuthberti* primo eroice, postea plano sermone. Item de vita *Abbatum* monasterii de *Hii*. Item *Martirologium*. Item librum *Ymporum*. Item librum de *Temporibus*. Item librum de *Metrica arte*. Item *Historiam Ecclesiasticam Anglorum* in libris quinque, in qua pie perorat, ut apud omnes legentes fructum intercessionis inveniat, Amen. Item idem *Beda* de statu Ecclesiastico in suo tempore sic ait, In præsentem *Cantuariensis* archiepiscopus est *Tatwinus*, *Rossensis* episcopus *Aldulphus*, *Londoniensis* *Higwaldus*; super orientales *Anglos* sunt *Egbertus* & *Hedhelac* episcopi: super *Merca* est *Alwinus* episcopus: super gentem quæ ad occidentem *Sabrina* amnis habitat est *Walstot* episcopus: in provincia *Hwistiorum* est *Wilfridus* episcopus: in provincia *Lindfarrorum* *Kinbertus*: *Vesta* insula ad *Danielem* episcopum *Wenta* pertinet, & provincia australium *Saxonum* jam aliquot annis sine episcopo per eundem regebatur. Sub rege vero *Ceorwolfo* sunt iij. episcopi, *Wilfridus Eboracensis*, *Edelwold Lindisfarnensis*, *Acca Hagustaldensis*, *Wettelinus* in *Candida Casa*, quæ nuper pontificata ipsum primum habet

habet episcopum sive antistitem. Rex vero *Cantia* *Edbrik*, rex *Westfaxia* *Adelarde*, rex *Estanglorum* *Segebert*, rex *Northumbria* *Ceolwulfus*, rex *Merca* *Ethelbald* maximus omnium.

In illis temporibus dictus *Ethelbaldus* rex *Mercensis* superbus sprete sanctificatione gladiis jura postponens, inter tempus quo *Ceolwulfus* rex *Northumbria* mundum reliquerat & habitum assumpsit monachalem, & principium regni *Egberti* regis successoris dicti *Ceolwolfs*, *Northumbriam* hostiliter intravit, & cum non esset qui ei resisteret, praeda quanta voluit arrepta secum ad sua transvexit. Iste superbus *Ethelbaldus* *Adelardo* rege *Westfaxia* defuncto, *Cudredum* cognatum suum in regno *Westfaxia* successorem sæpe nunc bellis, nunc seditionibus affligebat. Fortuna autem varia variis vicibus; modo hunc, modo illum, Martis eventibus extollebat. Aliquando vero pacem inter se statuentes, quam brevi tempore tenentes, denuo adinvicem debellabant. Iste *Ethelbaldus* rex *Merca* anno *Cudredi* regis *Westfaxia* iiij. secum tunc pacificatus, simul cum eo conjunctis viribus contra innumeram *Britannorum* undique convectorum multitudinem præliavit, unde *Britonibus* in parte cæsis, devictis & fugatis, reges cum triumpho ad propria sunt reversi, ut superius inter reges *Westfaxia* super regem *Cudredum* plenius est notatum. Postmodum nova discordia inter regem istum *Ethelbaldum* & dictum *Cudredum* orta, cum ipse *Cudredus* superbas *Ethelbaldi* exactiones & insolentiam ulterius ferre non posset, anno ejusdem *Cudredi* xij. cum legionibus vexillatis apud *Wesford* ei occurrit, *Edelhim* audacissimum consulem secum ducens, cujus viribus fretus & consilio *Cudredus* rex crimen prælii est ingressus. *Ethelbaldus* vero rex regum cum *Mercensibus* orientales *Saxones*, & *Anglos* copiasque multiplices adduxerat & *Kentenses*. Aciebus igitur dispositis cum in directum tendentes appropinquarent, *Edelhim* consul prædictus *Westfaxones* præcedens, insignem regis *Cudredi* draconem aureum gerens, hostilem vexilliferum regis *Ethelbaldi* exclamavit; unde clamore orto pars *Cudredi* valde confortata est, statimque acies sibi invicem offenderunt. Bello autem maximo & inæstimabili incepto, quæ pars vinceret longo tempore nesciebatur. Sed *Deus* qui *superbis resistit*, à quo robur, fortitudo, & magnanimitas procedunt, gratiæ suæ terminum regi *Ethelbaldo* ponens superbiam solitam ejus dempsit. Nam fugam adhuc suis pugnantibus territus primo cepit, nec ab hac die usque ad mortis suæ tempora aliquid permisit prosperum ei *Deus*. De isto bello superius inter reges *Westfaxia* magis diffuse est tractatum.

Anno siquidem post hæc secundo, *Ethelbaldus* rex *Merca* vires suas adhuc experiri volens, contra *Westfaxones* apud *Secandune* non sine exercituum ruina mirabili rursus pugnat; qui in arto positus fugam dedignans ibi occisus est, & apud *Repandune* sepelitur. Sic itaque rex validissimus cum xlj. anno regnasset, immoderatæ superbiæ pœnas exsolvit; & ex hoc tempore regnum *Westfaxia* valde erat roboratum, & crescere non cessavit.

E*thelbaldo* rege *Merca*, ut dictum est, interfecto, & regno eodem post ejus mortem per aliquot annos legitimo rege orbat, anno *Kenwolfs* regis *Westfaxia* primo, qui fuit secundus successor in regno

Westfaxia post dictum regem *Cudredum*, *Beornred* in regnum *Merca* tanquam hæres legitimus dicto regi *Ethelbaldo* successit, brevi tamen tempore illud regens. Nam *Offa* infra suum primum annum eum aufugavit, qui xxxix. annis regnum *Merca* & populum postea gubernavit. *Offa* rex *Merca* juvenis nobilissimus fuit filius *Wyngferd*, filii *Chanwlf*, filii *Osmed*, filii *Epa*, filii *Wippa*, filii *Creadda*, filii *Kinewalde*, filii *Cnibba*, filii *Tcil*, filii *Gomer*, filii *Dengelten*, filii *Offa*, filii *Wermonde*, filii *Wyclac*, filii *Weden*. Iste rex *Offa* qui, ut dictum est, prædictum *Beornred* à regno *Merca* aufugavit, strenuissimus extitit præliator. Vicit namque bello *Northumbranos*, *Westfaxones*, & *Kentenses*. Nam contra *Kentenses* apud *Wtanford* pugnavit, ubi clade horrenda ex utraque parte peracta, *Offa* demum in prælio triumphavit. *Kenwulfus* etiam rex *Westfaxia* contra istum *Offam* circa *Wenton* pugnans, Martis casu minoratus à prælio fugit, & *Offa* in ira sua castrum idem redegit ad terram. Iste *Offa* sanctum *Ethelbertum* regem orientalium *Anglorum* ad se causa ducendi filiam suam venientem, de pravo consilio uxoris suæ prodicionaliter fecit mori, in cuius redemptione peccati superbiam suam ad tantam humilitatem & poenitentiam reduxit, quod decimam omnium rerum suarum ecclesiæ sanctæ dedit, & terras, ut fertur, plurimas ecclesiæ *Herefordia*, in qua dictus gloriosus martir *Ethelbertus* jacet, contulit atque dedit, quas usque in hodiernum diem ecclesia illa tenet. Monasterium quoque sancti *Albani* construxit, & illud multis modis ditavit, ac ossa ejusdem sancti *Albani*, cum summa devotione transtulit & honore; & sic demum *Romam* profectus limina apostolorum *Petri* & *Pauli* humiliter visitavit, deditque vicario beati *Petri Romana* urbis pontifici, redditum unius denarii statutum in perpetuum de singulis domibus regni sui, & primus fuit, ut dicitur, qui hoc dedit. De isto martirio sancti *Ethelberti Herefordensis* ecclesiæ patroni, ac contritione & poenitentia dicti regis *Offa* superius inter reges *Estanglia* satis diffuse & plene est tractatum.

Offa rege defuncto, *Egfridus* filius suus sibi successit, qui juxta prophetiam *Althrida* sororis suæ, ut superius inter reges *Estanglia* super processum dicti regis *Ethelberti* plenius notatur, in regno *Merciorum* parvo tempore regnavit. *Effrido* rege *Merca* defuncto, gloriosus & piissimus rex *Kenulphus* in regno *Merca* sibi successit. Qui anno Domini octingentesimo nonodecimo, imperii vero sui xxiiij. ad fiderium regnum migrans, filium suum *Kenelmum* reliquit hæredem. Iste *Kenulphus Merciorum* rex supradictus diademate insignitus, licet in palacio extitit religiosus, in bello tamen ut leo fuit victoriosus. Nam provinciam *Cantia* perlustrans, regem eorum *Eadbertum* viribus sibi imparem comprehendit, & vincitum secum cum victoria adduxit, sed demum ab orientalibus *Anglis* interfectus est, eo quod regnum orientalium *Anglorum* ut suum à tempore *Offa* regis invadere, & sibi vindicare temptavit, qui apud *Wynchecumbe* sepelitur.

Isti *Kenelmo* filio *Kenulphi* regis *Merca* erant regis germanæ *Quendreda*, quæ postea fratrum sanguinem hausit, & *Burgenilda* quæ fratrem sororia affectione dilexit. Sed cum dicta *Quendreda* sævo livore & regnandi ambitione stimulata, fratrem

fratrem suum regem *Kenelmum* parvulum, sed animo ac pietate magnificum, nullo modo veneno posset extinguere, ejus nutricium, & procuratorem intimum nomine *Askebertum*, quia non est perniciosior pestis quam familiaris inimicus, ingentibus præmiis & spe conforcii imperii armat in fratrum jugulum, qui ut alter *Scariot* nephandissimus proditor Domini sui, nocturna occasione sceleris maturandi, *Kenelmum* adduxit in silvam grandem gratia venandi quasi oblectandi amore studii paterni: ubi vero silvæ approximant, *Kenelmus* tenellus puer septennis sompno prægravante equo dilabatur, ibique recubans securus paululum dormivit. Tunc nutricius suus dictus *Askebertus* ciuentissimus carnifex fossam pro lectulo parat, in qua ipsum parvulum citius obruat innocentem. Beatus *Kenelmus* expergiscens, & consilium lanistæ prophetica mente, ut fertur, præveniens, ait. Frustra hanc michi molitus es speluncam, non enim hic ut cogitas, sed remotiori loco, ubi Deus prævidebit, occumbam, unde certum dabit tibi signum hæc virga (nam virgam manu gestabat & terræ affixerat) si modo plantata frondeat. Hoc eo dicente, statim radicata virga cœpit frondescere, unde adhuc ingens fraxinus ostenditur, quæ in memoria beati *Kenelmi* celebris habetur. Hinc sævissimus carnifex longius puerum abducit, & in profunda valle inter duos montes abdita in ipsa silva *Clent* dicta, lacteum innocentis caput sub arbore spinea abscidit, & ut scelus suum absconderet, ipsum ibi in illa vastitate deserti, sub dicta arbore spinea illico sepelivit. Asseritur quod jam decollandus beatus *Kenelmus* sacrum ymnium, *Te Deum laudamus, te Dominum confitemur*, incepit, atque in illo versu, *Te martirum candidatus laudat exercitus*, jugulatus occubuit.

Quendreda vero per fratricidium regno potita, tali edicto omnes terrebat, ut si quis *Kenelmum* quæreret, vel indicaret, vel etiam nominaret, sine dilatione capite plecteretur. Sed dum ipsa ipsum fratrem suum ab humana notitia abscidere nitebatur, bestialis diligentia illum hominibus prodebat. Candida namque vacca cujusdam, ut fertur, viduæ publicam pasturam & solitam relinquens, ab alto monte ad infimum usque sepulchri monumentum decurrit, ibique inseparabilis adhæsit, ita quod ab illo loco nullius fere industria avelli possit. Quociens vero nota stabula domi repetisset plena, totum armentum dupla lactis superabat copia, tam salubri circa sanctam glebam pascebatur herba, & grata. Miroque modo quod vespere detonsum erat, recente virore mane habundantius inveniebatur. Hinc autem locus idem *Vacca vallis* appellari assuevit. Verum quia nihil opertum quod non reveletur, præfulgida lucerna quæ obfuscabatur in *Anglia*, clarius in arce emicuit mundi, *Roma*: nam cum *Leo* papa minor missarum sollempnia innumerabili populo astante celebraret, ecce columba candidissima desuper omnibus palam apparuit, quæ niveam membranam blando rostro super altare beati *Petri* deposuit, aureis literis hoc modo *Anglice* scriptam,

*In Clent, in Cordale, Kenelm kingis
Bern, lith undir thorn hed byrebed.*

Sacer autem apostolicus novam cedulam ignotis verbis & litteris editam cum tremore respiciens, populum & clericos diversarum nationum tunc in curia existentes ad se vocavit, quatinus indicarent si quis inter eos aliquid hujus epistolaris relationis

cognovisset; unde ab *Anglicis* literatis qui inter alios convocatos ibi aderant, sacra epistola recitatur, cujus interpretatio Latine est ista:

In Clento, vacca valli, Kenelmus regius

Natus, jacet sub spina capite truncatus.

Quod dicti *Anglici* postposito feminearum minarum terrore omnia summo pontifici suo ordine exposuerunt. Tunc jubente Papa, Cardinales cum *Anglicis* fidelibus ad *Wolfredum* Doroberniæ archipræsulem ceterosque pontifices *Anglorum* veniunt, & in loco prædicto beatum regem *Kenelmum* requirentes & inveniunt, ipsum de indigno latibulo cum ymnis & laudibus summoque honore ad patrem suum in ecclesia *Wynchecumbe* tanto martiri digna ferunt. In beati vero corporis sui assumptione fons sacer lucidissimæ aquæ emanavit, qui salutem plurimis impendit.

Cum autem impiissima *Quendreda* eodem tempore quo corpus fratrum suum sic cum gaudio ad ecclesiam *Wynchecumbe* translatum foret, circa incantationes, ut communiter dicitur, cum illo psalmo psalterii *Deus laudem*, vacaret, manifesta divina ultione pupillæ amborum oculorum ejus super ipsum psalterium (quod in memoriam rei gestæ in dicta ecclesia monasterii *Wynchecumbe* usque hodie servatur) à capite evolabant. Quæ sic excæcata, & post multos cruciatus pessima morte defuncta, pluribus ac locis sepulta, nusquam remanere potuit, donec angelica revelatione in quandam semotam profunditatem miserabiliter projecta fuit. Post vero sanctum *Kenelmum* regem & martirem *Ceolwulfus* patruus ejus in regno *Merca* sibi successit. Qui anno sequenti à regno expulsus, *Bernulphus* duobus annis ei successit, contra quem *Egbertus* rex occidentaliū *Saxonum* partes suas hostiliter petentem, apud *Hellendinam* pugnans victor funestus ad propria remeavit. Post *Bernulfum* in regno *Merca* successit *Ludecanus* quem dictus *Egbertus* interfecit. Tunc in regno *Merciorum* surrexit rex *Millefridus*, qui auditis miraculis, & signis à Deo meritis sancti *Ethelberti* regis & martyris, apud *Herefordiam* declaratis, ecclesiam ibi egregiam lapidea structura ad laudem Dei, & honorem dicti martiris à fundamentis incepit, & pia devotione Domino auxiliante perfecit, & in eodem loco primus regum omnium episcopum constituens, eandem cathedrali dignitate ecclesiam sublimavit, quam terris plurimis & prædiis amplis, palliis olofericis & ornamentis egregiis ditare dum vixit, & dotare regia munificentia non cessavit, ut superius inter reges *Estanglia* super processum prædicti regis *Ethelberti* plenius est notatum. Rege vero *Milefredo* defuncto *Wilafus* in regno *Merca* sibi successit: quem *Egbertus* rex *Westfaxia* subjugavit & regnum suum de eo tenendum sub tributo concessit. Cui successit *Bertulfus* cujus filius *Bretferus* nomine cognatum suum sanctum *Wistanum* injuste peremit, erat enim nepos duorum regum de regno *Merciorum*. De loco vero quo innocens occisus est columpna lucis usque ad cælum porrecta loci incolis per xxx. dies stabat conspicua. Hiis temporibus infideles *Dani* cum CCC. l. navibus in hostium *Thamensis* fluminis venientes *Doveriam*, & *Cantuariam* depopulati sunt, & dictum regem *Merciorum* *Bertulfum*, contra eos ad pugnam venientem, in fugam propulerunt. Qui postea ab hac vita transiens *Burthred* xxij. annis habuit successorem. Ille *Bernredus* rex *Merciorum* & *Ethelwulfus* rex *Westaxonum*

Westfaxonum mediterraneos *Britones* vicerunt, & suæ ditioni submiserunt. Postea nephandi *Dani* apud *Rependon* hiemantes, dictum *Bernredum* à regno suo expulerunt. *Elfredus* ultimus rex sive dux *Merciorum*, qui *Elfredam* sororem primi *Edwardi* regis, qui *Edwardus* senior dicitur, desponsavit. Postcujus *Elfredæ* mortem idem rex *Edwardus* regnum *Merciorum* suo imperio conjunxit; de quo *Edwardo* inferius post tractatum istum de divisione regni suo loco plenius dicitur.

Regnum *Northanhymbrorum*, id est *Northumbria* sive *Bernicorum*, in quo etiam continebatur regnum *Deirorum*, incepit ab *Occa* filio *Hengisti*; cui præfuerunt *Comites*, vel secundum quosdam reges, & primus rex post *Occa* vocabatur *Ida*, qui per xij. annos regnans, totam terram *Northanhymbrorum* à flumine *Humbra* usque ad mare *Scotia* occupavit.

Ida rege *Northumbria* defuncto, successit sibi in regno rex *Ella*, cujus tempore de provincia sua *Deirorum* Mercatores pueros venales *Roma* adduxerunt; Quos dum forma pulcherrimos & vultu venustos beatus *Gregorius* nondum Papa effectus in foro conspexisset, interrogavit mercatorem, de qua patria eos attulisset. Qui respondit; De *Britannia*, cujus incolæ simili candore resurgent. Interrogavit iterum, si essent Christiani. Cui mercator; Non, sed paganis erroribus implicati. Tunc *Gregorius* intimo corde longa trahens suspiria ait, Heu pro dolor. quod tam lucidas facies auctor nunc possidet tenebrarum! Interrogavit insuper quomodo gens illa vocatur. Respondit, *Anglici* vocantur. Tunc *Gregorius*; Bene, inquit, *Anglici*, quia angelicos vultus habent. Rursum interrogavit, Quod nomen haberet ipsa provincia. Mercator ait, Provinciales illi *Deiri* vocantur. Et *Gregorius*, Bene, inquit, *Deiri*, quia de ira Dei sunt eruendi. Tunc de nomine regis interrogavit. Cui mercator respondit, quod *Ella* diceretur. At *Gregorius* ad nomen alludens ait, Bene *Ella*, quia *alleluia* in partibus illis decantari oportet. Qui mox ad *Pelagium* Papam accedens, cum multa instantia & precibus vix optinuit, ut ad illos convertendos in *Britanniam* mitteretur. Cumque jam viam arripuisset & iter trium dierum cum sociis suis versus *Britanniam* peregisset, à dicto Papa pro ejus recessu à populo *Romano* multipliciter calumpniato revocatus, & post ipsum papam infra breve morte pestilentia inguinaria decedentem in summum pontificem electus & consecratus, beatum *Augustinum* & alios cum eo religiosos *Anglicis* prædicaturos in *Britanniam* destinavit, qui *Ethelbertum* regem *Cantia* & alios plures, ut superius inter reges *Cantia* plenius notatur, ad fidem duxit catholicam & convertit.

Ella vero rege *Northumbria* mortuo, rex *Edelfridus* sibi in regno successit, qui sævo furore erga *Britones* commotus, collecto grandi exercitu provinciam eorum petivit. Cumque bellum acturus usque *Lerecestriam* civitatem ubi *Brociwayl* Consul urbis ex parte *Britonum* existens adventum expectabat, venisset, & monachos heremitas & sacerdotes *Britonum*, qui ad exorandum Deum pro dicto Consule contra eum pro eis bellaturo convenerant, seorsum in tutiori loco consistere vidisset, sciscitabatur qui essent hii, quidve acturi illuc in tanto numero convenissent. Erant autem plurimi eorum de mo-

nafterio *Bangor* cujus Abbas *Dinoc* vocabatur, in quo tantus fertur fuisse numerus monachorum, ut cum monasterium illud in septem portiones cum præpositis sibi rectoribus esset divisum, nulla harum portio minus quam trescentos monachos haberet, qui omnes de labore manuum suarum vivebant. Horum autem plurimi ad memoratam aciem peracto triduo jejunio causa orandi cum aliis conveniunt, dictum habentes Consulem, qui eos precibus intentos & patriam à gladiis protegeret barbarorum. Quorum causam adventus cum *Edelfridus* rex intellexisset, ait, Ergo si adversum nos ad Deum suum clamant, profecto & ipsi quamvis arma non ferant contra nos pugnant, quia nos in suis prædicationibus & orationibus persequuntur. Itaque in eos primum arma hostiliter verti jubet, & sic eos & cæteros nephandæ regis militia copia delevit, non sine magno exercitus sui dampno.

Extinctos in ea pugna serunt de hiis qui ad orandū venerant viros circiter mille CC. & solum quinquaginta fuga esse lapsos. *Brociwayl* autem Consul prædictus ad primum hostium adventum cum suis terga vertens, eos quos defendere debuerat nudos ferientibus reliquit gladiis & inermes; sicque completum est præsagium sancti pontificis *Augustini*, qui dum vixit de ista strage & severo prælio episcopis & doctoribus *Britonum* sibi non obtemperantibus, in quodam colloquio apud quemdam locum qui dicitur *Augustines Dike*, id est, quercus sive robur *Augustini* in confinio *Britonum*, de recta celebratione Paschæ, & statu ecclesiæ *Anglicane* cum illis, & *Scotis* auxilio *Ethelberti* regis *Cantia*, jam per ipsum *Augustinum* ad fidem conversi habito, prophetabat, dicens, quod si pacem cum fratribus accipere nollent bellum forent cum hostibus accepturi, & si secum nationibus *Anglorum* viam vitæ prædicare noluissent, per horum manus ultionem mortis essent passuri. De isto colloquio supra inter reges *Cantia* tempore regis *Ethelberti* plenius notatur. De isto etiam bello *Galfridus Monemutensis* superius in libro de gestis *Britonum* dicto *le Brut* dicit, quod *Ethelbertus* rex *Cantia* per beatum *Augustinum* jam conversus, ut vidit *Britones* dedignantibus subjectionem *Augustino* facere, & prædicationem suam spernere, istum *Edelfridum Northanhymbrorum*, & cæteros regulos *Saxonum* instimulabat, ut grandi exercitu collecto in civitate *Bangor* Abbatem *Dinoc*, & cæteros clericos qui eum despexerant, perditum irent, quod ut supra dicitur factum est.

Isto rege *Edelfrido* per successorem suum *Edwinum*, ut inferius patebit exempto, idem *Edwinus* gubernaculum regni *Northumbria* suscepit; qui tanta potestate terreni imperii creverat, ut nemo *Anglorum* ante eum omnes *Britannia* fines acciperet, & omnes provinciæ quas vel *Angli*, vel *Britones* habitabant sub ditione ejus essent, ipse etiam plures *Anglorum* insulas suo imperio subjugavit. Et postquam fillam *Edelberti* regis *Edelburgam* Christianam paganus duxerat, quæ alio nomine *Tacce* vocabatur, venit *Paulinus* ut ibi prædicaret, à *Iusto Dorobernensi* archiepiscopo ad hoc episcopus ordinatus. Anno autem sequente venit quidam ficiarius à rege *Westfæxiæ Chichelino*, ut regem *Edwinum* interficeret, qui simulans legationem domini sui, juxta ampnem de *Darwont* in regem cum sica cucurrit bicipiti toxicata. Quod videns *Lilla* regius minister

ster interponens se ictui transfixus est, & eodem ictu rex parumper extitit vulneratus, interfectoque alio equite sicarius gladiis cæsus est. Eadem autem nocte regina peperit filiam nomine *Enflant*. Cumque rex gratias inde diis ageret, dixit *Paulinus*, quod precibus suis apud Deum optinuit, ut regina illam pareret absque dolore. Cujus verbis delectatus rex, promisit se Christo servitutum si victoriam adversus *Chichelinum* ei donaret. Et in pinguis promissionis implendæ, suam iussit filiam baptisari. Quam cum xij. de familia sua baptisatam, & rege *Chichelino* superato, ac hostibus suis aut occisis, aut in ditione receptis, cum rex *Edwinus* victor in patriam rediret, non statim efficitur Christianus, sed quandoque solus, quandoque cum aliis, ut vir natura sagacissimus, ratione fidei audita quid ageret cogitabat. Cui *Bonifacius* papa exhortatorias ad fidem literas destinavit, misit etiam munera, de quibus in fine Epistolæ meminit ita verbis. *Præterea benedictionem protectoris nostri beati Petri Apostolorum Principis vobis direximus, id est, camisiam cum ornatu auro unam, & levam ancirianam unam, quod petimus ut eo benignitatis animo gloria vestra suscipiat quo à nobis nescitur destinatum.* *Edelburga* etiam reginæ literas & munera misit, de quibus in fine epistolæ sic ait, *Præterea benedictionem protectoris nostri beati Petri Apostolorum Principis vobis direximus, & pecten eburneum auratum, & speculum argenteum, quod petimus ut eo benignitatis animo gloria vestra suscipiat quo à nobis nescitur destinatum.*

Circa idem tempus non multo perante elapsum, Spiritus sanctus revelavit dicto *Paulino* episcopo oraculum quondam regi *Edwino* hoc modo ostensum. Cum autem iste *Edwinus*, *Edelfrido* qui ante eum regnaverat illum persequente, apud *Redwaldum* regem orientalem *Anglorum* profugus moraretur, per quendam amicum suum cognovit, *Redwaldum* regem prædictum in tantum muneribus regis *Edelfridi* esse corruptum, ut interficere eum vellet, unde ille amicus promisit se eum ab illa si vellet provincia educiturum. Cui *Edwinus*, Quo nunc fugiam qui per omnes *Britanniæ* provincias tot annis hostium insidias devitavi? si autem me mori oportet, malo ut ille quam ignobilior me exstinguat. Hiis dictis remansit solus. Dumque mentis langoribus esset *Edwinus* super hoc multipliciter cruciatus, vidit intempestæ noctis silentio hominem sibi incognitum sic dicentem. Ne formides, causam enim tristitiæ tuæ scio, quid autem dares ei qui te de hac absolvet tristitia, & *Redwaldo* regi pro te melius suaderet; quid si etiam te regem futurum prioribus potentiorum extinctis hostibus esse promittat? Respondenti *Edwino* ut prius, adjecit sibi dicens. Quid si ille meliorem vitam tibi ostenderit, quam aliquis parentum tuorum habuit, obtemperabilne ei? *Edwino* vero hoc firmissime promittente, subdidit ille, manum capiti ejus imponens, Cum ergo hoc tibi signum advenerit memento hujus temporis & sermonis. Quo dicto, repente disparuit, ut intellexeret ipsum non esse hominem sed spiritum. Et cum regius juvenis solus adhuc ibidem sederet, præfatus ejus amicus venit, & ait, Surge hillaris, mutatum est cor regis, consilio namque reginæ tibi servare disposuit fidem suam. Quid plura? rex *Edwinus* congregato exercitu *Adelfridum* regem in finibus *Merciorum*, ad orientem plagam ampnis qui vocatur *Jole* sibi occurrentem, occidit. Ibi tamen fi-

lius *Redwaldi* regis *Reiner* nomine occisus est, & sic *Edwinus* regnum *Northumbria* est potitus. Cum autem *Paulinus* episcopus hoc oraculum regi dixisset, & eum ad fidem hortando, manum capiti ejus imposuisset, regem ad pedes ejus procidere volentem levavit.

Rex igitur ad fidem promptus ut suos lucraretur, sciscitabatur ab eis quid eis videbatur. Cui *Coyfi* pontifex ait, Nemo studiosius servivit diis, quam ego ad lucrum terrenum. Multi autem sunt qui magna beneficia à te receperunt unde nil ad eos valere probavi. Tum alius optimatum regis subdidit, ita per exemplum dicens, Hæc vita hominum ad modicum apparet, quid autem sequatur quidve processerit penitus ignoramus; unde si hæc nova doctrina certius aliquid attulerit, merito sequenda esse videtur. Hiis similia cum etiam ceteri dicerent, adjecit *Coyfi*, quod vellet ipsum *Paulinum* episcopum audire de Deo aliquid dicere & prædicare; quo audito, exclamavit *Coyfi* se & alios penitus errasse; unde fidem Christi se suscepturos omnes pariter promiserunt. *Coyfi* autem pontifex accepto à rege equo emissario, cum pontifici idolorum non liceret nisi super equam equitare, arreptoque gladio & lancea, quod etiam non licebat, aras quas ipse sacraverat succendit cunctis videntibus & destruxit. Ostenditur autem locus quondam idolorum non longe ab *Eboraco*, ad orientem ultra ampnem de *Derwent*, & vocatur hodie *Godmaddingham*. Baptisatus est igitur rex *Edwinus* primus omnium regum *Northamhybrorum* die sancto Paschæ, & multi cum eo, in ecclesia sancti *Petri Eborac*. quam ipse de ligno pro sede episcopatus construxerat; mox tamen majorem incepit lapideam, quam sanctus *Oswaldus* rex postea perfecit, & in eadem ecclesia dictum *Paulinum* archiepiscopum *Eboraci* ordinavit, constituit atque fecit. Baptisati sunt etiam *Osfrid*, & *Edfrid* filii regis *Edwini*, qui ambo ei de *Euburga* filia *Cearli* regis *Merciorum* nati sunt. Tempore etiam sequenti liberi ejus de *Edelburga* regina progeniti baptisantur, quorum duo in *Eboracensi* ecclesia postea sepulti sunt.

Tanta autem fertur tunc fuisse fides gentis *Northamhybrorum* ad desiderium lavacri salutaris, ut quodam tempore *Paulinus* archiepisc. cum rege & regina in regiam villam quæ vocatur *Adgebryn* veniens, xxxvj. diebus ibidem cum catechisandi, & baptisandi officio deditus moraretur, in provincia *Berniciorum* in fluvio *Gleny* juxta locum qui vocatur *Malvyn*. In provincia vero *Deirorum*, in fluvio de *Smale* baptisabat. *Paulinus* etiam inter hæc provinciam *Lyndisse* quæ est ad meridianam ripam *Humbre* fluminis, priusque præfectum *Lindicolnia* civitatis, cui nomen *Bletta*, in domo sua convertit. In qua civitate ecclesiam egregii operis perfecit, & in ea *Justo Dorobernensi* archiepiscopo defuncto, loco suo *Honorium* in *Dorobernensem* archiepiscopum ordinavit. Et sic nota quod sicut iste *Paulinus* qui post adventum sancti *Augustini*, in primum archiepisc. *Eboracensem* per *Justum Dorobernensem* archiepiscopum, ut superius dictum est, ordinabatur: sic vice versa *Justo* defuncto, *Honorius* successor suus in archiepiscopum *Dorobernensem*, per *Paulinum Eboracensem* archiepiscopum ordinatus est. Urbs autem *Lincolnia*, quæ tunc *Lindicolnia* vocabatur, situ splendida, ut urbs in colle sita ad regnum *Merca* pertinet.

Isti regi *Edwino* *Honorius* papa accensorias literas destinavit, quarum postremam partem necessarium apponere duxi, quæ de agendis archiepiscopis *Angliæ* distincte tractat per hæc verba. *Prædicatoris nostri Domini mei apostolica memoria Gregorii*, frequenter lectione occupati, præ oculis affectum doctrina ipsius, quem pro vestris animabus libenter exercuit habetote, quatinus ejus oratio, & regnum vestrum populumque augeat, & vos omnipotenti Deo irreprehensibiles representat. Ea vero quæ à nobis pro vestris sacerdotibus ordinanda speratis, hæc pro fidei vestra sinceritate, quæ nobis multimoda relatione per presentium portitores laudabiliter insinuata est, gratuito animo attribuere ulla sine dilatione providimus, & duo pallia utrorumque metropolitānorum, id est *Honorio* & *Paulino* direximus, ut dum quis eorum de hoc seculo ad auctorem suum accersitus, in loco ipsius alterum episcopum, ex hac nostra auctoritate, debeat subrogare: quod quidem tam pro vestra caritatis affectu, quam pro tanto provinciarum spacio, quæ inter nos & vos esse noscitur, sumus invitati concedere, ut in omnibus devotioni vestra nostrum concursus juxta desideria præberemus. Incolumem excellenciam vestram superna gratia custodiat.

Honorius eciam papa pallium, & literas de ordinatione, & dignitate utriusque archiepiscopatus *Honorio Dorobernensi* archiepiscopo, in forma qua sequitur destinavit.

Dilectissimo fratri Honorio *Honorius* &c. *Inter plurima quæ redemptoris nostri misericordia suis famulis dignatur bonorum munera prærogare, illud eciam clementer collecta suæ pietatis munificentia tribuit, quociens per fraternos affectus unanimem dilectionem quadam contemplatione alternis aspectibus representat, pro quibus majestati ejus gratias indefinenter exsolvimus, eumque votis supplicibus exoramus, ut vestram dilectionem in predicatione evangelii elaborantem, & fructificantem sequentemque magistri, & capitis sui Gregorii sanctam regulam, perpetua stabilitate confirmet, & ad augmentum ecclesiæ suæ potiora per vos suscitaret incrementa, & fide & opere in timore Dei, & caritate vestra acquisitio decessorumque vestrorum, quæ per domini Gregorii exordium pullulat, convalescendo amplius extendatur, ut ipsa vos Dominici eloquii promissa in futuro recipiant, vosque vox ista ad æternam festivitatem evocet, Venite ad me omnes qui laboratis & onerati estis, & ego reficiam vos: & iterum, Euge serve bone & fidelis, quia super pauca fuisti fidelis, supra multa te constituam, intra in gaudium Domini tui. Et nos quidem fratres karissimi hæc vobis, pro æterna caritate exhortationis verba premitentes, quæ rursus pro ecclesiarum vestrarum privilegiis congruere posse conspiciamus, non desistimus impertiri, & tam juxta petitionem vestram, quam filiorum nostrorum regum Angliæ, vobis presenti nostra præceptione vice beati Petri Apostolorum Principis auctoritatem tribuimus, ut quando unum ex vobis divina ad se jusserit gratia evocari, is qui superstes fuerit alterum in loco defuncti debeat episcopum ordinare. Pro qua eciam re singula vestra dilectioni pallia pro eadem ratione celebranda direximus, ut per nostra præceptionis auctoritatem possitis Deo placidam ordinationem efficere. Quia ut vobis concede-*

remus longa terrarum spacia marisque intervalla qua inter nos & vos consistunt ad hæc nos descendere coegerunt, ut nulla posset ecclesiarum vestrarum jactura per cujuslibet occasionis obtentum quocumque modo pervenire, sed potius commissi vobis populi devotioni plenius propagare. Deus te incolumem custodiat dilectissimo frater. Dat: die tercio Iduum Januarii Imperantibus dominis nostris piissimis Augustis Heraclio anno vicesimo quarto, post consulatum ejusdem anno vicesimo tercio & consulatus ejusdem anno tercio, sed Heraclio felicissimo Cesare, id est filio ejus anno tercio, Indictione vij. id est anno dominice incarnationis sexcentesimo tricesimo quarto.

Misit etiam idem papa *Honorius* genti *Scottorum* literas de observatione Paschali, ne paucitatem suam cunctis per orbem Christi ecclesiis sapienterem æstimarent. *Edwinus* vero rex *Northumbriæ* post xvij. annum regni sui gravi prælio in campo qui vocatur *Hatfelde* conferto à *Cedwalla* rege *Britonum*, adjuvante eum strenue *Penda* rege *Merciorum*, occisus est, disperso toto suo exercitu vel perempto. *Offricus* quoque filius ejus bellicosus occiditur etiam ante eum. Alter vero *Edfridus* necessitate cogente ad dictum *Pendam* refugit: A quo postmodum, sancto *Oswaldo* rege in *Northumbria* regnante, perfide peremptus est. Dicitur autem quod *Hatfelde* rubeo undique nobilium cruore fumabat, ibi namque mirabilis & inopinata fortissimorum strages facta est. *Cedwalla* siquidem rex *Britonum* potentissimus innumerabilem multitudinem, *Penda* vero strenuissimus strenuissimos adduxerant ibi secum, qui maximam stragem in *Northanhimbrorum* ecclesia fecerunt. *Penda* enim paganus erat, *Cedwalla* vero pagano favior, quia nec mulieribus nec parvulis parcebat, *Anglos* à *Britannia* se deliberans erasurum. Nec *Britones* magis *Anglis* communicabant quam paganis, fidem eorum nichil ponderantes. Allatum autem est caput *Edwini* regis ulque *Eboracum*, & ibi in ecclesia sancti *Petri* per ipsum incepta, quam sanctus *Oswaldus* rex postea perfecit, juxta regiam decemiam est humatum. De isto *Edwino* rege *Northumbria* & dicto *Cedwalla* rege *Britonum*, quem *Galfridus Monemutensis* *Cadwallonem* sive *Cadvallonem* vocat, ac de perfido *Penda* rege *Merciorum*, & gestis ac diversis præliis inter eos, & de dicto etiam bello apud *Hatfelde*, in quo ut dictum est dictus rex *Edwinus* & *Offricus* sive *Offridus* filius suus, ac cum eis (secundum dictum *Galfridum*) *Godboldus* rex *Orcadum*, qui in eorum auxilium ibi venerat, occisi fuerant, Idem *Galfridus* superius in libro suo de gestis *Britonum* multa enarrat, quæ quia ibidem ita diffuse tanguntur nimis superfluum hic ea apponere mihi videbatur.

Post mortem vero dicti regis *Edwini*, *Northumbriæ* nihil præsidii nisi fuga habentibus, *Paulinus* archiepiscopus *Eboracensis* assumpta secum regina *Edelburga* regis *Edwini* relicta, *Canciam* navigio rediit, filium *Edwini* & filiam secum habens, ubi ab *Honorio* archiepiscopo & *Edbaldo* rege *Cantiæ* est susceptus. *Edelburga* vero regina dictos filium & filiam *Edwini* ut mater prolem diligens, metu *Edbaldi* regis & *Oswaldi* regis *Northumbriæ* futuri ad *Dagoberium* regem *Franciæ*, qui erat amicus illius, misit in *Galliam* nutriendos, ibique pueri sunt defuncti. Attulit quoque *Paulinus* *Eboracensis* archiepiscopus secum vasa *Edwini* regis preciosa, & aurea m

auream crucem magnam, & calicem auream quæ in ecclesia *Cantuarie* adhuc manent. *Romano* autem tunc *Roffensi* præfule dum legatarius *Honorii* archiepiscopi *Dorovernenfis* *Romam* tenderet, fluctibus Italici maris absorto, *Paulinus* archiepiscopus prædictus eundem episcopatum *Roffensem* tenuit dum vivebat, ibique moriens pallium quod à papa acceperat tunc reliquit. Reliquerat autem in ecclesia sua *Eboraci* *Jacobum* diaconum virum sanctum, qui ex hinc baptisabat & docebat; Recuperata in provincia *Northumbria* demum pace & numero fidelium crescente, magister ecclesiasticæ cantationis juxta morem cepit existere *Romanorum*, ubi ipse senex & plenus dierum juxta scripturam viam patrum in Domino est secutus.

E*dwino* regi successit *Ofricus* cognatus ejus in provincia *Deirorum*, & *Ainfridus* filius *Edelfridi* regis regnum suscepit *Bernicorum*, nam in has duas provincias gens *Northanhimbrorum* antiquitus divisa erat. Hii autem juvenes tempore dicti regis *Edwini* apud *Scotos* & *Pictos* exulantes baptisati sunt. Sed cum reges facti essent ad idola sunt reversi, quos dominus *Cedwalla* sive *Cadwalla* rex *Britonum* impie sed iuste peremit; & primum quidem scilicet dictum *Ofricum* proxima ætate, in obfidione unius oppidi cum suis omnibus subito destruxit. Post annum vero *Anfridum* ad ipsum gratia pacis postulandæ venientem cum xij. militibus interemit. Infaustus ille annus tam propter regum Apostasiam quam dicti regis *Cedwalla* tyrannidem fuit, quo non terras ut victor acquirebat sed ut pestis crudeliter destruebat. De morte istius regis *Ofrici* *Galfridus Monemutensis* superius in libro suo de gestis *Britonum* dicit, quod dictus *Cadwalla* rex *Britonum* *Edwino* rege occiso & habita de suis victoria, provincias *Anglorum* universas pervagando ita debaccatus est in *Saxones*, ut nec sexui quidem muliebri nec parvulorum parceret ætati, qui omne genus *Anglorum* ex finibus *Britannia* abradere volens, quoscumque reperiebat inauditis tormentis afficiebat. Deinde cum dicto rege *Ofrico* qui *Edwino* secundum ipsum *Galfridum* successerat prælium committens, eum & duos nepotes ejus qui post illum regnare debuerant, ac etiam *Eadanum* regem *Scotorum* qui eis auxiliari venerat, interfecit.

Tunc *Oswaldus* rex, qui sanctus *Oswaldus* dicitur, post occisionem fratris sui *Anfridi*, ut dictum est regis *Bernicorum*, regni suscepit *Northumbria* diadema. Qui cum magno exercitu contra dictum *Cedwallam* regem *Britonum* subito superveniens, quandam crucem manibus suis erexit, quam foveæ impositam cespitibus firmavit, dixitque, *Flectamus genua & deum omnipotentem unum & verum in communi precemur*, ut nos ab hoste feroci & superbo miseratione suorum defendat. Scit enim quia iusta pro salute gentis nostræ bella suscipimus. Quo facto, incipiente diluculo congressi *Cedwallam* & copias suas, quibus nichil resistere credidit, apud *Denisbourn*, id est rivus *Denisi* vicit & fugavit; ubi *Britonibus* in magna parte etiam cæsis locus ille ideo *Cades Cedwallensium* dicitur, qui locus in magna veneratione habetur, ut in libro de miraculis sancti *Oswaldi* invenitur.

Iste sanctus rex *Oswaldus* ut fidem Christi in regno suo augeret, *Scotiam* ubi exulaverat, pro *Ai-*

dano episcopo summo viro nuncios misit, quamvis ipse rectum Pascha in ore septentrionalium *Scotorum* minime celebravit; Australes enim insulæ *Hibernia* partes jam dudum ammonitione papæ susceperant rectum Pascha. Veniente igitur à *Scotia* *Aidano* episcopo, sanctus rex *Oswaldus* in insula *Lindisfarnensi* episcopalem tribuit ei sedem. Cumque fides dilatarî incepisset, pulcro spectaculoque contigit, ut *Aidano* episcopo qui *Anglorum* linguam perfecte non noverat, evangelium prædicantes ipse rex qui longo sui exilii tempore linguam *Scotorum* plene didicerat, interpret verbi celestis suis discipulis existeret & ministris. Venientibus autem monachis de *Scotia* fides ferventer docebatur. Quorum unus de insula quæ vocatur *I* episcopus erat, ejus monasterium septentrionalium *Scotorum* & omnium *Pictorum* artem tenebat. Quæ insula non magnum ab eo freto discreta ad jus *Britannia* pertinebat, sed donatione *Pictorum* qui illas *Britannia* plagas incolunt, monachis *Scotorum* tradita est, eo quod ab illis fidem illi incolæ acceperunt. Anno namque gratiæ D. lxxv. regnante post *Justinianum* *Justiniano* minore, abbas *Columba* de *Hibernia* venit ante adventum sancti *Augustini* per xxij. annos, ad prædicandum *Pictis* septentrionalibus; id est eis qui arduis atque horrentibus montium jugis à *Pictis* Australibus seperantur, Australes namque prius per *Niniam* episcopum *Britonem* *Roma* edoctum ad fidem fuerant conversi, ejus sedem episcopatus sancti *Martini* nomine, ubi ipse *Ninia* sepultus est, jam nunc optinet gens *Anglorum*; qui locus de provincia *Bernicorum* vulgo *Candida casa* in *Galeweya* vocatur, eo quod ibi ecclesiam de lapide candido & insolito *Britonum* more fecit.

Venit autem *Columba* regnante *Bridio* filio *Mailconi* rege *Pictorum* potentissimo; anno regni ejus ix. gentemque illam convertit, unde præfatam insulam ipse *Columba* ab eis accepit, quam successores sui usque hodie ibi tenent, ubi & ipse etiam sepelitur. Erat etiam aliud monasterium nobile in *Hibernia* de *Ariano* id est campus roborum, ex quo monasterio plurima huc usque in *Anglia* & *Hibernia* sunt inventa, in quibus omnibus monasterium *I* principatum tenet. Abbati autem illius insulæ omnis provincia & etiam episcopi ordine inusitato solent esse subjecti, quia *Columba* prædicator non fuit episcopus sed presbyter & monachus, ejus successores imitatione ejus valde claruerunt. In observatione tamen Paschæ errabant donec *Egbertus Anglicus* eos correxit. *Aidanus* igitur hinc missus episcopatum *Northumbria* tenuit; ejus industria & consilio rex *Oswaldus* informatus genti & regno plusquam omnes majores ejus proficiebat. Omnes namque gentes *Britannia*, *Britones*, *Anglicos*, *Pictos* & *Scotos* in deditionem accepit, qui licet potestate erat sublimis fuit tamen pauperibus & peregrinis humilis & benignus.

Tempore namque quodam cum die sancto Paschæ beatus rex *Oswaldus* cum dicto episcopo *Aidano* ad prandium confedisset, positusque esset in mensa coram eo discus argenteus cibus regalibus refertus, fertur subito ministrum ipsum intrasse cui cura erat suscipiendorum inopum deputata, & regi indicasse quod multitudo pauperum undique adveniens maxima per plateas federet, à rege postulans aliquid elemosinæ eis dari. Mox rex inclitus dapibus sibimet appositas & ori regio præparatas non solum pauperibus

bus deferri, sed & discum confringi ac eisdem minutatim dividi præcepit. Quo viso, pontifex qui affidebat facto egregio delectatus, dextram ejus apprehendit, & ait, Nunquam computrescat hæc manus. Quod & ita juxta votum benedictionis ejus prove-nit, nam cum postea (ut inferius habetur) rege illo in pugna interfecto, manus cum brachio à cætero es-set corpore resecta, contigit ut incorrupta hætenus perduraret. Cumque sanctus *Oswaldus* rex ix. an-nis regnasset, anno ætatis suæ xxxvii. gravi prælio apud *Marfelfeld* commisso, v. die *Augusti* à stre-nuo *Penda* rege *Merciorum* occisus est. Unde dicitur quod campus *Marfelfeld* ossibus nobilium canduit sanctorum, occulto enim Dei judicio invisi Deo pa-gani ibi ejus dilectos crudeliter mactaverunt, eos cœ-lyvolatilibus escas dantes. In loco autem cædis illi-us miracula usque, hodie plura fiunt. De isto sancto *Oswaldo* rege, & dictis *Cadwallone* rege *Britonum* ac *Penda* rege *Merciorum*, & de præliis inter eos ha-bitis, *Galfridus Monemutensis* superius quasi in fine libri sui de gestis *Britonum*, non nisi in paucis ab hijs scriptis variando, plura valde breviter enarrat.

Sancto regi *Oswaldo* pro patria & gente dimicanti prælio ut præmittitur occiso, *Oswinus* frater ejus in provincia *Bernicorum* successit. Sed in provincia *Deiorum* *Oswinus* filius *Ofrici* regis, de quo prædi-ctum est, successit & vij. annis regnavit. Ingrave-scentibus vero postmodum causis cum *Oswinus* & *Os-minus* reges simul apud *Wilfareldown*, i. mons *Wil-fari* conflicturi essent, *Oswinus* se viribus imparem videns, exercitum remisit, & in domo *Hummaldi* Comitum quem sibi amicissimum putabat, cum uno tantum milite Condehere nomine, se abscondit; à quo milite proditus est *Oswinus*, & cum eodem per *Edwinum* præfectum regis *Oswii* morte in *Gelin-gum* interficitur omnibus detestanda; ubi pro utri-usque regis animabus, id est occisi & ejus qui occi-dere jussit, ecclesia est constructa. Erat autem ille rex *Oswinus* interfectus aspectu venustus, natura sublimis, affatu jocundus, moribus civilis, manibus largus, & ideo ab omnibus dilectus, & frequenter à Nobilibus cujuscumque provincie visitatus.

Interea sancto *Aidano* episcopo prædicto viam universæ carnis ingresso *Finianus* episcopus in insula *Lindisfarnensi* delecto robore ecclesiam totam fecit, quam cum postea *Theodorus Dorobernensis* archie-piscopus dedicasset, *Edbert* episcopus plumbo ibi-dem parietes operuit atque tectum.

In illis temporibus cum quadam die beatus ado-lescens *Cuthbertus* solito luctamini puerorum inter-esset, repente unus de parvulis triennis ferme ut vi-debatur accurrit ad eum, & quasi senili constancia cœpit hortari, ne jocos & ocio indulgeret, sed men-tem simul & membra stabilitati potius subjugaret. Quo monita spernente luget ille parvulus corruens in terram, & faciem lacrimis rigans accurrunt consola-turi cæteri. Sed in fletibus ille perstat. Interrogant quid haberet repentinum unde tantis afficeretur la-mentis. Ac tandem exclamans consolanti se *Cuth-berto* ait, Quid inquit, hæc sanctissime antistes & presbiter *Cuthberte*, naturæ & gradui tuo contraria geris? ludere te inter parvulos non decet quem Do-minus etiam majoribus natu magistrum virtutis con-secravit. Audiens hæc *Cuthbertus* mœstum infan-tem pijs demulcens blanditijs relicta continuo ludi vanitate domum rediit, ac stabiliior jam ex illo tem-pore animoque adolescentior existere cœpit. Cum-

que *Cuthbertus* adolescens nocte quadam dormien-tibus suis sociis, ipse juxta morem pervigil in ora-tione duravit, vidit subito lumen de cœlo fustum in quo angeli eximie claritatis terram petentes, sine mora cum anima cujusdam sancti ad cœlestem pa-triam redierunt. *Cuthbertus* vero à visione multum compunctus Deo laudes & gratias referens, socios suos ad laudandum deum fraterna exhortatione pro-vocavit, maneque facto agnovit antistitem *Lindis-farnensis* ecclesie *Aidanum* per idem temporis que viderat de corpore raptum cœlestia regna petisse. A statim commendans suis dominis pecora quæ pasce-bat, monasterium petere decrevit, ubi seculari habi-tu deposito officium hospitem suscipiendorum susce-pit, ubi fertur ipsum quadam vice tempore yernal angelum Domini in suo hospitio suscepisse. Quem hominem æstimans cum solito humilitatis more sus-cepisset, lavandis manibus aquam dedit, pedesque ipsius abluit & lintheo extersit, ac manus suas in si-nu suo propter frigus fovendas composuit, rogavit que ut cibo etiam reficiendus horam diei tercian exspectaret. At ubi rediit non invenit ipsum hospi-tem quem reliquerat edentem, explorat vestigia qui-eret, sed nulla quispiam cernit, recens autem nix ter-ram texerat, quæ facillime iter viantis proderet, & quo declinaret monstraret; stupefactus ergo *Cuth-bertus* & secum de facto quærens mensam posuit in conclavi, quo ingressus continuo habuit fragrantiam miri odoris. Circumspiciens autem unde tanta odo-ris suavitas orta esset, vidit juxta positos tres pane odoris insoliti & candoris, pavensque talia se cum loquitur, Cerno quod angelus Domini panes at-tulit quales gignere terra nequit.

Post obitum Deo dilecti cujusdam sacerdotis *Boys-li* præpositi officium *Cuthbertus* suscepit, ubi per ali-quor annos sub regulari vita Deo & omnibus alijs boni operis exemplo placebat. Cœpit etiam inter isti-spiritu prophetie pollere, ventura prædicere, præ-sentibus absentia nunciare. Denique ad *Lindisfar-nensem* ecclesiam five monasterium vir domini adve-niens, mox Instituta monachalia fratribus vivende pariter & docendo tradebat. Temporibus istius *Os-my* regis *Northumbria* vir Dei *Cedda* in *Lindisfar-nensi* insula in monasterio sanctæ *Maria* monachi-cam vitam duxit. Circa idem etiam tempus beatus *Wilfridus* cum esset annorum xiiij. venit ad insu-lam *Lindisfarnensem*, ibique se monachorum famu-lari contradidit. Qui viam à *Scotis* traditam nor-esse perfectam advertens *Romam* adiit, & à *Bone-facio* archiepiscopo ac domini papæ consiliario qua-tuor libros evangeliorum didicit, & alia multa de ecclesiasticis disciplinis ab eo percepit. Cum autem per aliquod tempus ibi stetisset, & iterum ad *Britan-niam* venisset, præsentatus est curiæ regis *Egfridi* fi-lii regis *Osmy*, qui tunc in parte regni cum patre sue regnans ipsum humane suscipiens, dedit ei monaste-rium xxx. familiarum in loco qui vocatur *Rypon*; In quo jussu ejusdem regis *Egfridi* ab *Ailberto Gemiseorum* episcopo qui apud *Dorchesterre* sedem tunc tenuit, sacerdos & doctor ordinatus est.

Circa idem tempus supradicto *Finiano* episcopo *Northumbria* five *Lindisfarnensis* ecclesie defuncto *Colmannus* qui male Pascha sicut *Aidanus* & *Finianus* servabant successit, unde de hoc coram *Oswio* rege & *Egfrido* rege filio ejus inde fuerat disputatum, hinc erat *Colmannus* & *Ceadda* episcopus *Essexia*, inde *Ailbertus Gemiseorum* episc: prædictus qui ad *Eg-fridum*

fridum regem amicum ejus venerat, & *Jacobus* diaconus *Paulini Eboracensis* archiepiscopi, quem ipse *Paulinus* in ecclesia *Eboracensi* dimiserat, quando cum *Edelburga* uxore *Edwini* regis & liberis suis in *Cantium*, ut supradictum est, fugit. Quibus *Ailberto* & *Jacobi* praedictis in disputatione illa digne praevalentibus, servabat *Ceadda* episcopus postea rectorum Pascha, *Colmannus* vero sectam *Scottorum* mutare nolens, cum parte ossium patris *Aidani* nuper defuncti in suam patriam est reversus. Cui in episcopatu *Northumbria* *Tudda* successit: post quem *Eata* prius custos *Lindisfarnensis* ecclesiae episcopus est effectus. Hi autem tres episcopi *Scottorum* praedicti, scilicet *Aidanus*, *Finianus*, & *Colmannus*, mirae sanctitatis & parcimoniae existerunt, nec enim potentes seculi suscipiebant, nisi qui ad eos causa orandi solummodo veniebant. Tempore autem illo sacerdotes adeo erant ab avaricia immunes, ut nec territoria nisi coacti reciperent.

Post haec vero *Tudda* Dei famulo defuncto, dictus rex *Egfridus* misit *Wilfridum* presbiterum antedictum ad regem *Galliarum*, ut cum ibidem in episcopum faceret consecrari, quem dictus *Ailbertus*, episcopatu *Gewiseorum* sive occidentalium *Saxonum* dimisso, ad praesulatum *Parisiis*, ut inter reges *Westfaxia* notatur, jam promoveus honorifice consecravit. Cumque adhuc dictus *Wilfridus* in transmarinis partibus moraretur, dictus *Osmy* rex *Northumbria* industriam filii sui imitatus, praedictum *Ceddum* presbiterum a praedicto monasterio *Lindisfarnensis* ecclesiae vocatum, ut in episcopum *Eboracensis* ecclesiae jam pastore viduata ordinaretur, in *Cantium* destinavit; verum ille *Cantium* perveniens, invenit *Densdedit* archiepiscopum *Dorobernensem* jam a seculo emigrasse, unde ad provinciam occidentalium *Saxonum*, ubi loco dicti *Ailberti* jam tunc, ut dictum est, praesulis *Parisiis Wyne* erat episcopus, se divertens, ab illo in antistitem *Eboracensis* ecclesiae ordinatur. Nam tunc non erat ullus excepto illo *Wyne* in tota *Britannia* episcopus canonice ordinatus. Consecratus igitur in pastorem *Cedda*, magistri sui *Aidani* praedicti & *Ceadda* fratris sui nuper *Estfaxnum* episcopi exemplum sequi cepit, non equo ad evangelizandum sed more apostolorum per oppida, rura, calas, vicus & castella, pedibus incedendo veniens; postea *Wilfridus* jam, ut dictum est, episcopus factus ad ecclesiam *Riponensem* unde ordinandus discesserat rediit.

Erat fere ipso tempore *Roma* monachus quidam nomine *Theodorus*, qui a *Vitaliano* papa in archiepiscopum ordinatus nobilissimis *Anglorum* regibus *Egberto* videlicet *Cantiae* & *Osmy* *Northumbria* a praedicto papa pro ecclesia *Dorobernensi* tunc, ut dictum est, pastore destituta regenda, & aliis *Anglorum* ecclesiis ordinandis missus est. Qui cum argueret *Ceddum* episcopum non fuisse rite consecratum, voce humilima respondit. Si me, inquit, nosti episcopatum non rite suscepisse, libenter ab officio discedo qui me nunquam ad hoc esse dignum arbitrabar, sed obedientiae causa subire jussus, ad hoc quamvis indignus consensui. Interea provinciae *Merciorum* rex *Wolferus* praefuit, qui cum mortuo *Hermann* illius provinciae episcopo, sibi & suis a praedicto *Theodoro* episcopum dare peteret, sed *Theodorus* novum episcopum eis ordinare nolens, a

rege *Osmy* postulavit ut illis episcopus *Cedda* daretur. *Cedda* vero ad petitionem regis *Wolferi* rege *Osmy* annuente & dicto *Theodoro* ordinante, ad episcopatum gentis *Merciorum* se transtulit, & tunc dictus *Wilfridus* episcopo *Cedda* sic sedente, in archiepiscopum *Eboracensem* ordinatur. *Wolferus* vero rex *Merciorum* donavit *Cedda* tunc episcopo suo terram xl. familiarum ad monasterium construendum in loco qui dicitur *Wetwe*, i. ad nemus in provincia *Lyndeseye*; in quo usque hodie instituta ab illo regularis vitae vestigia permanent. Habuit autem sedem episcopalem in loco qui dicitur *Wicheffelde*, in quo defunctus sepelitur, ejus meritis Deus multa & varia miracula operatur, & ibi prosequentibus illius provinciae episcopis sedes a tempore suo usque hodie semper manet.

Iste rex *Osmy* cum paucis ei comitantibus *Pendam* regem *Merciorum* dicti *Wolferi* praedecessorem paganum potentissimum, quinque regum Christianorum occisorem, cum xxx. ducibus paganorum Deo adjutore interemit, ut supra inter reges *Merciorum* satis plenarie est notatum. De isto rege *Osmy* & *Cadwallone* rege *Britonum*, & pace inter eos facta, ac de praelio in quo dictus rex *Penda* occubuit, *Gatfridus Monemutensis* superius in libro suo de gestis *Britonum*, quasi in fine multa narrat, quae hic ideo apponere non curavi. Circa idem tempus *Damiano Roffensi* episcopo defuncto, *Theodorus* archiepiscopus praedictus *Puttam* ibi in episcopum ordinavit.

O*smio* autem rege infirmitate defuncto, & apud *Streneshalde* sepulto, praedictus rex *Egfridus* filius suus gubernaculum totius regni *Northumbriae* suscepit. Iste *Egfridus* rex *Northumbriae* sanctam *Etheldredam* *Anne* regis orientalium *Anglorum* filiam desponsavit, cujus consortia illa duodenis annis usa, licet idem rex eam assidue pro corporali commixtione optaverat, perpetuam tamen virginitatem sub eo, sicut prius sub primo viro suo *Tomberto*, australium *Girviorum* principe post modicum temporis desponsationis ejus defuncto, servavit, de quo beatissimus *Wilfridus* archiepiscopus *Eboracensis* antedictus ejus confessor & testis veridicus comprobatur. Perierat enim idem rex *Egfridus* dictum *Wilfridum* pontificem, petendoque multa se promiserat ei daturum, si connubio virginis posset frui; nam sciebat eam vera dilectione praesulem illum plus omnibus diligere, ipsum quoque non minus eam paterno affectu amare. Sed cum hoc nullo modo fieri potuit, ipsa multis fletibus ac divinis postulationibus regem maritum precatur, ut seculi curis relictis in monasterio tantum vero regi Christo servire permetteretur. Impetrata demum quamvis difficulter a rege licentia, potentissima regina & virgo *Etheldreda* intravit monasterium *Ebbae* abbatissae, quae erat ejusdem regis *Egfridi* amica, positum in loco quem *Coludimbere* nominant, sanctimonialem suscipiens habitum per *Wilfridum* episcopum praenotatum. Post annum vero ipsa *Etheldreda* facta est abbatissa in regione quae vocatur *Clip*, ubi monasterio virginum constructo virgo mater bonae vitae in omni sanctitate vixit. Instante postea gloriosae Virginis ab hoc mundo ad caelum felici transitu, pressa quodam maxillae tumore ac colli dolore fertur plurimum delectata hoc infirmitatis genere, ac sapius ita dicere: Merito in collo pondus porto langoris in quo preciosa monilium &

gemmarum pondera juvenula portavi, unde de divina confido clementia quod per hujus poenam doloris à reatu absolvar illius vanitatis. Accersitur itaque medicus nomine *Kinefridus*, jubeturque illum tumorem incidere, ut noxius qui inerat effluere humor posset. Quod cum factum fuisset, videbatur illa per biduum levius habere, ita ut speraretur de ejus sanitate. Sed Domino dilectæ suæ salubrius providente, tertia die ab hujus vitæ ærumpna rapta est ad cœli gaudia, septennio completo ex quo gradum susceperat abbatissæ; & ibi in monasterio de *Ely* ut ipsa jusserat, non alibi quam in medio sororum juxta ordinem quo transierat, in locello ligneo est sepulta, ubi Deus meritis illius multa miracula & varia operatur.

Postea vero anno ab ejus obitu sextodecimo, & ab incarnatione Domini sexcentesimo nonagesimo quarto, sancta *Sexburga* soror sua tunc ibidem post eam abbatissa, divino zelo accensa veneranda ejus ossa in ecclesiam disposuit transferri; & cum lapidem tanto pignori & thesauro cœlesti in eodem recondendo aptum non haberet, quoddam de suo obsequio ut hujusmodi lapidem quærerent destinavit, & illum inventum ad *Æliense* monasterium navigio deportarent. Ipsa etenim *Æliensis* insula ex natura loci aquis & paludibus undique est vallata, unde & hujusmodi lapidibus caret. Applicantes autem ad quandam civitatem parvulam quæ non longe distabat nomine *Grantecestre*, quæ tunc temporis ad instar exigui oppidi redacta fuerat, raroque habitatore incolebatur, juxta murum ipsius civitatis lapidem sepulturæ aptissimum tanquam divina dispensatione inveniunt præparatum. In quo postea mirum in modum gratia quædam divinæ operationis apparuit, dum quantitas lapidis divino nutu reperi quantitati corporis virginei tanquam ex industria visa est adæquata, ut postea claruit. Operculum quoque similiter marmorei coloris, & idoneæ quantitatis & æqualitatis reperiunt absque ulla partium congruarum distantia, aut dissonantia sarcophago similitum. Inde voti sui compotes effecti absque ullo obstaculo sine mora sunt reversi. *Sexburga* itaque divini muneris beneficio exillarata, Dominum qui facit mirabilia benedixit. Appropinquante autem translationis termino, cum die statuto corpus sanctissimæ virginis de ligneo locello in lapideum mausoleum transferre decrevisset, aperto prioris sepulturæ locello, venerandum corpus sine omni corruptionis indicio tanquam eodem die recenseret fuisset sepulchrum; integrum est inventum. Huic autem tam specioso & religioso spectaculo interfuit beatus *Wilfridus Eboracensis* archiepiscopus. Intererat etiam huic spectaculo ad majorem rei ipsius evidentiam & veritatis certitudinem prædictus medicus *Kinefridus*, qui ei morienti prius astiterat, & tumorem quo & mortua est inciderat. Qui memor incissuræ quam in corpore ejus quondam fecerat, propius accedens & diligentius intuens, conspicit eandem & obstupefcit Dei virtute in mortua mirabiliter curatam, tenuissimo tantum & subtilissimo ad instar fili pro vulnere cicatricis vestigio apparente, umbraculo ad modum papilionis decenter ut decebat desuper composito. Astantibus hinc fratribus illinc sororibus cum ymnis & laudibus Deum benedicentibus, sancta *Sexburga* cum paucis ingreditur, sororis ossa religiose & devote lotura, & facto modico intervallo de intus alta voce clamat, Sit glo-

ria nomini Domini altissimi. Et ut hæc sub probatione & præsentia testium fierent, quoddam advocat dignos tantorum fieri secretorum participes, qui velamine detractò, vultuque detecto corpus virginis integrum magis quidem dormienti quam inortuo similitum conspexerunt. Tandem corpus preciosis vestibus tanto thesauro conservando dignis diligenter involutum, cum magno & multimodo devote exultantium tripudio in ecclesiam portatur, & in novo sarcophago reponitur cum honore, ad laudem & gloriam ipsius qui sub duobus maritis virginitatem suam integram conservavit.

Anno *Egfridi* regis *Northumbria* decimo, *Theodorus* archiepiscopus *Dorobernensis* Concilium de Fide Catholica & statu ecclesiæ *Anglicanæ* cum ceteris episcopis celebravit, de quo quidem Concilio inferius inter reges *Southsaxia* plenius dicitur. In isto Concilio sive Sinodo non parva congregata sanctus *Cuthbertus* unanimi consensu omnium, *Egfrido* rege *Northumbria* prædicto annuente, ad episcopatum *Lindisfarnensis* ecclesiæ est electus; Qui cum multis legatariis & literis ad se præmissis nequaquam suo loco posset erui, tandem rex ipse præfatus una cum sanctissimo antistite *Trumwino*, necnon & aliis quamplurimis religiosi ac potentibus viris, ad insulam navigavit. Ad cujus præsentiam cum venissent, genu flectunt omnes, adjurant, ad Dominum lacrimas fundunt, obsecrant donec ipsum quoque lacrimis plenum ad sinodum extrahunt: Quo dum perveniret quamvis multum renitens unanimi omnium voluntate superatur, atque ad officium episcopatus *Lindisfarnensis* ecclesiæ, cujus sedes modo est apud *Duram*, suscipiendum compellitur & fugatur. Duobus igitur annis post episcopatum susceptum transactis, ipse vir Dei *Cuthbertus* sciens in spiritu diem sui transitus appropinquare, pondus curæ pastoralis abiecit, & ad dilectum heremiticæ conversationis agonem quantocius remeare curavit. Cumque eum navem ascensurum cetera fratrum circumstaret, interrogavit unus ex eis venerabilis vitæ monachus, dicens, Dic nobis domine episcopo quando reditum tuum sperare debemus. At ille simpliciter interroganti quod verum noverat pandens, Quando, inquit, corpus meum huc referetis. Qui cum postea duos ferme menses in quiete magna transigeret, subita infirmitate arreptus ad perpetuæ cæpit beatitudinis gaudia preparari. Tribus namque ebdomadis continuis infirmitate decoctus, sicut in quarta feria cæpit ægrotare, sic in quarta feria sacramentis salutaribus acceptis animam ad regni cœlestis gaudia destinavit.

Circa idem tempus *Theodorus Dorobernensis* archiepiscopus erga *Wolfridum Merciorum* episcopum offensus, & ipsum pro quadam inobedientia depnens, *Saxulfum* loco suo ordinavit, & in illo concursu tempore *Sigheri* & *Sebby* regum *Estsaxiæ*, sanctum *Erkenwaldum* constituit episcopum *Londoniarum*, ut superius inter reges *Estsaxiæ* est notatum. Et eo tempore *Edelredus* rex *Merciorum Cantiam* vastavit, unde *Roucesfria* destructa *Putta* episcopus inde fugit, cui primo *Chichelinus*, postea vero *Gilemundus* successerunt. Ille *Egfridus* rex *Northumbria* antedictus, sanctum *Wilfridum Eboracensem* archiepiscopum prædictum ab episcopo suo fugavit, loco cujus *Bossa Deirorum* provinciam, *Eata Bernicorum* suscepit; *Bossa* vero *Eboraco*, *Eata* in *Hagustaldensi* ecclesia federunt. Tunc etiam *Eatheld*

Eatheld in *Lindisfarriorum* provincia, quam nuperime rex *Egfridus* superato *Wolfero* optinuerat, episcopus ordinatur, & hunc primum eadem provincia proprium præfulem accepit, secundum *Ailwinum*, tertium *Adgarum*, quartum *Kynebertum*, qui ut *Beda* testatur tempore suo illam ecclesiam gubernavit. Habebat enim ante *Eatheldum* antistitem *Saxulfum*, qui etiam *Merciorum* episcopus fuit, unde & expulsus de *Lindeseya* in illarum provinciarum regimine permansit. Ordinati sunt autem *Eboraco*, *Eathelde*, & *Bossa*, & *Eata* à prædicto *Theodoro Dorobernensi* archiepiscopo. Qui etiam post annos tres abcessionis sancti *Wilfridi* horum numero duos addidit antistites, *Trumbertum* scilicet ad ecclesiam *Hagustaldensem* *Eata* in *Lindisfarrensi* remanente, & *Trumwyne* ad provinciam *Pictorum* quæ tunc *Anglis* erat subdita five subiecta. *Eatheldum* de *Lyndeseya* reversum, eo quod rex *Ethelredus Merca* provinciam receperat, *Ripensi* ecclesiæ præfecit.

Sanctus *Wilfridus* ab archiepiscopatu suo *Eboracensi* per regem *Egfridum*, ut dictum est, expulsus *Romam* adiit, ubi coram *Agathone* papa causa ejus ventilata est, & iudicio omnium sine crimine fuisse accusatus, & episcopatu dignus esse inventus est. Tunc sanctus *Wilfridus* coram eodem papa & sinodo Cxxv. episcoporum quam contra aliquos in fide errantes papa congregaverat, pro omni aquilonari parte *Britannie* veram & catholicam fidem confessus est. Post hæc igitur ad *Britanniam* reversus, provinciam australium *Saxonum* ab ydolatricæ ritibus ad Christum convertit, ut inferius inter reges *Southsaxiæ* plenius dicitur. Iste rex *Egfridus* anno uno ante mortem suam *Berthum* ducem in *Hiberniam* cum exercitu destinavit, qui gentem innoxiam & nationi *Anglorum* semper amicam mihiere devastavit. At *Hibernienses* pro posse suo repugnantes, & divinæ pietatis auxilium invocantes, cœlitus se vindicari continuis diu inprecationibus postulabant, & quamvis maledicti regnum ad opus regis possidere non posset, creditur tamen quod hii & rex qui eos miserat propter eorum impietatem vindictam non inmerito senserunt. Anno siquidem post hunc proximo, cum idem *Egfridus* rex exercitum ad *Pictorum* provinciam vastandam amicis multum prohibentibus, & maxime beatæ memoriæ *Cuthberto*, temere duxisset, hostibus fugam simulantibus, inter angustias inaccessorum montium introductus cum maxima parte copiarum quas secum adduxerat est extinctus, qui patrem *Cuthbertum* ne *Scociam* nil se lædentem impugnaret audire noluit. Exinde spes & virtus *Anglorum* fluere cœpit, nam *Pictis* terram suam cuius partem tenebant *Angli* recuperantibus, *Britones* nonnullam libertatem receperunt quam hæcenus ibi habent. Vir autem domini abbas *Ebercurny* juxta fretum quod *Anglorum* terras & *Pictorum* in regione illa determinat inde fugiens, in monasterio de *Streneshalve* obiit sæpèdicto.

Postea vero curriculo non multorum annorum transacto, *Berthus* consul prædictus, mortem dicti domini sui *Egfridi* regis, ut dictum est, occisi vindicare volens, maledicta *Hiberniensium*, ad quos per dictum regem, ut prædicatur, missus fuerat, & eorum ecclesias destruxerat, sensit. Nam sicut idem *Egfridus* rex terram *Pictorum* ingressus eadem ibi, ut dictum est, pertulit, ita iste *Berthus* terram eorum

dominum suum vindicaturus ingressus *Strenue* occiditur ab eisdem.

Egfrido vero regi *Northumbriæ*, ut dictum est, occiso *Alfridus* vir in scripturis doctissimus qui frater ejus, & filius regis *Oswii* esse dicebatur succedens, statum regni destructum nobiliter recuperavit. Anno regni istius regis *Alfridi* secundo, beatus *Wilfridus Eboracensis* archiepiscopus de *Roma* reversus sedem suam & episcopatum, à quo per *Egfridum* regem, ut dictum est, ejectus fuerat, repetens, ipso rege *Alfrido* & plurimis episcopis annuentibus, à præfatu pulsus est. Adiens ergo *Romam* iterum coram *Johanne* papa & aliis episcopis confedentibus, suis etiam accusatoribus præsentibus probatum est, ipsos contra eum falsas machinasse calumpnias. Scripsit ergo *Johannes* papa regibus *Angliæ* *Edelredo* & *Alfrido*, ut eum in episcopatum suum eo quod injuste fuerat condemnatus facerent recipi.

In illo fere temporis concursu, beatus *Johannes* de *Beverlaco* intra confinia *Anglorum* editus, cum à prædicto *Theodoro Dorobernensi* archiepiscopo cui in juvenili ætate commissus fuerat, jam bene literis & scientia sanctarum Scripturarum esset imbutus, defuncto venerabili viro *Eata* episcopo *Hagustaldensis* ecclesiæ præfatum accepit, de quo plura miracula dicere solebat *Bertinus* quondam ejus diaconus; postea vero abbas monasterii quod *Wesberlith* nominatur. Cumque beatus *Wilfridus Eboracensis* archiepiscopus, qui longo tempore & sæpius, ut dictum est, ab archiepiscopatu suo ejectus fuerat, acceptis epistolis papalibus in patriam revenisset, & dicto archiepiscopatu suo dimisso episcopatum prædicti beati *Johannis Hagustaldensis* ecclesiæ cum sinodali consilio receperat, idem beatus *Johannes* in *Eboracensi* civitate episcopatum accepit, quem annis xxij. nobiliter gubernavit. Postea vero tempore dicti regis *Alfridi* beatus *Wilfridus* antedictus pro quo Deus miracula operatur, apud *Wendalum* in Domino requiescens, in *Riponsi* ecclesia sepelitur.

Cum autem beatus *Johannes Eboracensis* archiepiscopus antedictus quodam die in porticu sancti *Michaelis Eboracensis* devotæ orationi vacaret, Spiritus sanctus in columbæ specie ante eum super altare resedit, splendore & candore radium solis vincens. Cumque multi mirarentur hanc lucem, unus diaconus ad hospicium porticus concurret, & intus vidit episcopum stantem in oratione & sancti Spiritus fulgore porticum intus velut igne flammari. Mox vero facies diaconi ardore sancti Spiritus cremabatur, & cutis maxillæ in ruga subito trahebatur. Quod cum sanctus *Johannes* per Spiritum sanctum intelligeret, ipsum ad se accersivit & faciem ejus manu sua palrans pristinæ restituit sanitati, præcipiens ne hanc visionem quamdiu viveret patefaceret. Vixit autem in episcopatu xxxij. annis, & postea senio affectus, ordinato in episcopatu *Eboracensis* ecclesiæ *Wilfrido* presbytero suo, de consilio prædicti sancti *Bertini* abbatis *Beverlacum* petiit, ibique in Dei servitute vitam finivit. Iste rex *Alfridus* anno regni sui xx. nondum completo, apud *Driffeld* obiit infirmatus.

Idem vero *Alfrido* regi *Northumbriæ* defuncto, *Osredus* filius suus puer octo annorum successit.

fit. Qui postquam xj. annis regnasset, juxta mare pugnans belli infortunio est occisus. Post *Osredum* mortuum, *Kenredus* in regno *Northumbria* successit, qui ij. annis regnans mortuus est. Post *Kenredum* successit *Osricus* xj. annis ibidem regnans. Isti quatuor reges ultimo prædicti, videlicet *Alfredus*, *Osredus*, *Kenredus*, & *Osricus* regnaverunt in *Northumbria* tempore *Ina* regis *Westfaxie*.

O*Sricus* rex *Northumbria* vita decedens, *Ceolwolfo* fratri *Kenredi* ante se regnantis regnum reliquit, cui *Beda* vir sanctus & venerabilis, florentis ingenii & Christi philosophus, Historiam *Anglorum* scripsit. Tempore istius regis *Ceolwolfs*, *Adilwald Lindisfarnensis* episcopus vivendi finem fecit. Post quem *Kinewolfe* non legnius venerabilis honorem episcopatus adeptus est, & *Atta* presbiter, & postea *Hagustaldensis* episcopus rebus corporeis exutus est. Iste *Ceolwulfus* rex *Northumbria* nobilissimus, qui sæpius cum venerabili *Beda* dum vixit colloquium habuerat, & sæpe post mortem ejus, Historiam suam de gestis *Anglorum* ad se scriptam oculis viderat, cepit regum singulorum facta & finem secum discutere diligenter, viditque luce clarius regna terrena, & res humanas cum labore adquiri, cum timore possideri, & dolore amitti. Cumque ergo parvo spacio, i. octo annis regnasset, permaximum visum est ei, quod tanto tempore vitam suam vanis curis & fragilibus deditam amississet, unde exemplum ex historia beati viri prædicta assumens sex reges fortissimos, scilicet *Edelredum* regem *Merca*, *Kenredum* successorem ejus, *Cedwallam* regem *Westfaxie*, & *Ine* successorem ejus, *Sigebertum* regem *Estanglia* quem monachum effectum *Penda* rex *Merciorum* occidit, & *Sebby* regem *Estfaxie* vidit, qui omnes pro Dei amore terrenum imperium relinquentes monachilem habitum assumpserunt, quem ipse tanquam vir fere fortissimus sibi assumere non tardavit; & *Egberto* cognato suo filio *Eata* filii *Lerwalds* regni sceptrum tradidit & reliquit. Et sic *Ceolwulfus* rex *Northumbria* exemplo dictorum regum monachus effectus religiosus per xxij. annos creatori suo in vitæ mundicia deservivit. Unde ipso rege *Ceolwolfo* in religionem ingressio, superbus *Ethelbaldus* rex *Mercensis* sprete sanctificatione gladiis jura postponens *Northumbriam* intravit, & cum non esset qui ei resisteret præda quantum voluit arrepta secum ad sua transvexit. Qui præda & spoliatio *Northumbria* confortatus, cum postmodum *Adelardo* rege *Westfaxie* defuncto, *Cudredum* ejusdem *Adelardi* successorem nunc bellis, nunc seditionibus affligeret, demum per ipsum *Cudredum*, qui superbas ejus exactiones & insolentiam ulterius ferre non posset, apud *Secandon* occisus est, ut superius tam inter reges *Merca* quam *Westfaxia* plenius invenitur.

Quo *Ethelbaldo*, ut dictum est, occiso, *Cudredus* rex *Westfaxie* magnus & excelsus postmodum contra *Britannos* sine detrimento suorum victoriam optinens, demum anno regni sui xvj. mortis inclementia vitæ suæ læticiam terminavit. Quo defuncto, *Sigebertus* cognatus ejus in regno *Westfaxie* sibi successit, brevi tempore regnum tenens. Nam cum populum suum modis omnibus male tractaret, & leges regni sui non observaret, *Cumbra* consul ejus nobilissimus prece totius populi, eidem regi *Sigeberto* eorum querimonias intimavit. Et quia

ipsum regem suaserat, ut populum suum lenius regeret & leges servaret, ac inhumanitate sua depolita Deo & hominibus amabilis appareret, rex cum impia nece interfici statim jussit, & extunc populo suo severior & intollerabilior quam prius fuit, unde in principio secundi anni regni sui cum incorrigibilis hominibus suis appareret, proceres & populus ejus totus provida deliberatione ipsum à regno unanimi consensu omnium ejecerunt. Cujus loco *Kenwulfum* juvenem egregium de regia stirpe oriundum in regem super populum *Westfaxie* elegerunt: unde *Sigebertus* rex à regno suo ut præmittitur expulsi, & minas mortis metuens, in silvam magnam quæ vocatur *Andredeswald* fugiens se abscondit; ubi quidam porcarius dicti *Cumbra* consulis, ut dictum est, nequiter interfecti, ipsum regem *Sigebertum* absconditum invenit, inventum cognovit, & cognitum vindex domini sui continuo interfecit; ut superius inter reges *Westfaxie* est notatum. Et postquam iste *Egbertus* rex *Northumbria* vidit regum prædictorum, *Ethelbaldi* scilicet & *Sigeberti*, vitam ærumpnosam & finem infauftum, *Ceolwolfs* vero prædecessoris sui vitam laudabilem & finem gloriosum, meliorem partem elegit quæ ab eo non auferretur; relinquens namque regnum, tonsuram capit, & vestes æthereum splendorem induit collaturas, & sic monachus effectus non hic obiit sed *Roma* abiit stipendia mirabilia recepturus. Iste est octavus regum *Anglorum* qui post adventum sancti *Augustini* in *Angliam* regna sua pro Christo sponte dimiserunt, & ut vere dicam, pro regno æterno commutaverunt.

Anno proximo sequenti, quo dictus *Ceolwulfus* rex factus fuerat monachus, *Leo* imperator cum insaniret cupiditate preciosorum lapidum, tulit coronam sanctæ *Sophiæ* & imposuit sibi, sed statim carbunculi exierunt. Dicto autem *Egberto* rege, ut dictum est, monacho facto, *Osulf* filius suus in regno *Northumbria* sibi successit; qui cum uno anno regnasset, nephanda prodicione à familia sua est occisus. Quo *Osulfo* rege occiso, *Mol* post eum in regno *Northumbria* regnavit. Qui secundo anno regni sui *Oswinum* Ducum suorum fortissimum interfecit, & cum vj. annis regnasset, vitam de seculo terminavit. Rege vero *Mol* defuncto, *Alfredus* in regno *Northumbria* sibi successit. Qui cum viij. annis regnasset, *Northumbrenses* ipsum ab *Eboraco* in ebdomada Paschæ fugaverunt, *Edelredum* filium dicti regis *Mol* in regem sibi eligentes, qui regnum annis quatuor gubernavit. Hoc anno post occasum solis signa in cælo rubea videbantur, & horridi serpentes cum admiratione magna in *Southfaxia* visi sunt. Circa idem tempus *Saxones* antiqui in *Saxonia*, unde gens *Anglorum* descendit, ad fidem conversi sunt.

Anno dicti *Edelredi* regis *Northumbria* iij.º. & ultimo *Edelboldus* & *Herbertus* duces ejus sibi rebellantes, *Aldulfum* filium *Bise* regalis exercitus primatem apud *Eynghelstibe* Martis congressibus occiderunt, & postmodum duos duces ejusdem regis, videlicet *Kinewolf* & *Eggam*, iidem *Edelboldus* & *Herbertus* apud *Clarthon* ingenti prælio extinxerunt, unde idem rex *Edelredus* ducibus suis interfectis & spe recuperationis amissa de eorum facie pro suo perpetuo cito fugit.

Edelredo

E *Delredo* rege à regno *Northumbria* per dictos *Edelbaldum* & *Herbertum* duces suos fugato, iidem duces assensu complicitum suorum *Alfwold* in regem sibi in regno *Northumbria* statuerunt. Anno *Alfwoldi* regis *Northumbria* secundo, principes & præpositi *Northumbria* quendam Confusilem & Justiciarium suum, quia rigidior æquo extiterat, combusserunt. *Alfwoldus* rex *Northumbria* anno regni sui 3. pro pallio *Romam* misit, quod acceptum *Eubaldo* archiepiscopo *Eboracensi* liberavit. Tunc *Alcmundo Hagustaldensi* episcopo defuncto, *Tilbert* ei successit: *Alfwoldus* vero rex *Northumbria* cum decem annis regnasset obiit, cui *Osfredus* rex in regno successit, qui uno anno regnavit. *Osredo* autem rege *Northumbria* mortuo successit ei *Oswaldus*.

R Ege *Osvaldo* *Northumbria* defuncto, *Ardulphus*, sive *Aldulphus* rex in regno sibi successit, cujus tempore floruit sanctus *Guthlacus*, qui eum esset annorum circiter xxvj. & præcorum monachorum solitariam vitam sæpe legeret, toto cordis desiderio heremum quærere fervebat: unde ad insulam *Cronlandia* veniens inter umbrosa solitudinis nemora solus habitare cœpit.

Erat in eadem insula cumulus agrestibus glebis coacervatus, in cujus latere velut cisterna inesse videbatur, in qua vir Dei *Guthlacus* tigutio desuper imposito habitabat, nihil aliquo die pro cibo sumens nisi post solis occasum ordeacei panis particulam, & aquam pro poculo luculentam. Et cum quadam die vir Dei *Guthlacus* ex more psalmis canticisque incumberet, antiquis hostis ejus sanctitati invidens, tenso suæ malignitatis arcu venenosam desperationis sagittam in eum viribus totis jecit; desperare itaque Christi famulus cœpit, infinitum, & importabile opus esse quod incepisset. Cum autem per biduum in hac cogitatione fluctuaret, die tercio illuminato corde velut triumphali voce psallebat, dicens, Dominus michi adjutor, & ego videbo inimicos meos. Fuit namque in orientali-um *Anglorum* terminis, quidam juvenis nomine *Himredus*, inclitæ quidem ut ferunt sobolis, quem malignus spiritus subito invadens in tantum vexabat, ut membra propria ligno & ferro, unguibus & dentibus lanjaret, nec solum seipsum, sed & omnes quos tangere poterat moribus lacerabat: pro cujus insania mœsti parentes eum ad *Guthlacum* duxerunt. Quem ille in oratorium suum secum ducens illic continuis trium dierum jejuniis flexis genibus pro eo Deum suppliciter exoravit, tercia die in fonte sacro eum abluit, in faciem ejus sufflans, eum à maligno spiritu liberavit. Fama verò sanctitatis istius viri Dei *Guthlaci* longe lateque divulgata, reverentissima virgo Christi *Edburga* Abbatissa, dicti regis *Aldulfi* filia, ad eum sarcophagum plumbeum lintheumque in eo involutum transmisit, quo post obitum idem vir, ut ipsa supplicabat, humaretur. Addidit quoque ut ab eo per fidelem nuncium nunciaretur, quis loci illius post excessum suum hæres futurus foret: Qui cum sanctæ virginis fidele munus gratanter suscepisset, super hoc quod interrogatus est respondisse fertur. Illius loci heredem nondum ad baptismatis gratiam venisse, cito tamen venturum fore prædixit. Quod spiritu propheciæ eum dixisse eventus rei probavit. Et postquam dilectus Dei famulus *Guthlacus* per xv. annos vitam solitari-

am duxisset, quadam die in oratorio suo orationibus vacans infirmitate gravi subito est arreptus, quæ per vij. dies decoctus, octavo die corporis & sanguinis Christi viatico se munivit, atq; elevatis in cœlum oculis, & tensis in cœlum manibus, tercio idus Aprilis animam ad æternæ misit lætitiæ mansionem. Dicto *Aldulfo* regi *Northumbria*, quem demum *Ethelbrihtus* rex *Westsaxiæ* subjugaverat, defuncto, *Ella* & *Osbertus* sive *Osbrichtus* in regno *Northumbria* successerunt. De quibus regibus, scilicet tam *Ethelbrihtus* rege *Westsaxiæ*, quam *Ella* & *Osbrichtus* regibus *Northumbria*, plura adhuc plenius testantur dicenda, prout inferius in processu post tractatum de divisione regni satis lucide scriptum erit.

R Egnum australiū *Saxonum*, id est *Southsaxia*, incepit ab *Ella* cui successit *Scissa*, cæteros penuria scriptorum, vel fama obscura recondit, usque *Edelwoldum* regem *Southsaxiæ*. Cujus beatus *Wilfridus Eboracensis* archiepiscopus per *Egfridum* regem *Northumbria*, ab episcopo suo, ut supra inter reges *Northumbria* notatur, expulsus, *Roma* petita, *Britanniam* rediens, Australes *Saxones* ad fidem convertit, quorum rex *Ethelwoldus* iste prædictus in provincia *Merciorum*, suasionem regis *Wolferi*, paulo ante à sancto *Birino* episcopo fuerat baptisatus, & à dicto *Wolfero* de lavacro sancto susceptus, in cujus adoptionis signum insulam dederat illi *Vestam*, & eciā ingentem parorum provinciam occidentalium *Saxonum*. Concedente igitur, immo rege *Edelwoldo* gaudente, beatus *Wilfridus* prædicans primo Duces & milites, deinde totam plebem abluvit sacro fonte, ymbre quibus annis perante cessaverat, unde fames acerbissima plebem straverat, ipso die populo affluente. Fertur eciā quod tempore illius famis, sæpe homines simul quadraginta inedia macerati ad præcipitium aliquod sive ad ripam maris processerunt, & junctis misere manibus ruina perituri, aut maris fluctibus deciderent absorbendi. Sed baptismate simul, & pluvia advenientibus, refloruit terra, rediit viridantibus arvis annus frugifer atque lætus, & sic cor, & caro omnium exultaverunt in Deum vivum. Docuit eciā eos antistes piscari; nam prius nisi ad anguillas tantum piscari sciebant. Collectis igitur retibus episcopus se in mare misit, & mox trecentis piscibus captis centum pauperibus dedit, centum hiis quorum erant retia, centum in usus proprios reservavit. Quod populus videns libentius ejus verbis cœlestia bona sperare cœperunt, cujus ministerio temporalia bona sumplerunt. Dedit autem ei iste rex *Ethelwoldus* insulam nomine *Selesten*, id est, insula vituli marini, quæ circumdatur undique mari præter ab occidente fundæ jactum, qui locus à Latinis *Peninsula*, à Græcis *Cheronesos* vocatur. Ibi ergo beatus *Wilfridus* fundato Templo quinque annis, usque ad mortem dicti *Egfridi* regis *Northumbria* moram traxit, ubi ducentos & quinquaginta servos, & ancillas fecit liberos, & Christianos.

Dicto vero rege *Egfrido* defuncto, beatus *Wilfridus*, tempore *Alfridi* regis qui dicto *Egfrido* successit, episcopatum *Eboracensem* repetens, demum episcopatum *Hagustaldensis* ecclesiæ cum sinodali concilio recepit, beato *Johanne de Beverlaco* episcopatum *Eboracensem* tunc capiente, prout superius inter reges *Northumbria* plenius continetur.

tinetur. Interea *Cedwalla* juvenis de regio genere *Gewiseorum* exulans, dictum regem *Edelwoldum* interfecit, qui mox à *Breċtuno* & *Auduno* ducibus regum qui prius regnaverant est expulsus. Sed cum postea idem *Cedwalla* rex *Gewiseorum* esset, *Breċtunum* occidit, & provinciam graviter tanquam ejus successor vexavit. Unde beato *Wilfrido* toto illo tempore domum revocato, & absente, provincia illa proprio caruit antistite, & episcopo *Wenta* est subjecta. *Cedwalla* vero rex antedictus insulam *Veċtam* adhuc ydolatriam debellavit, cujus quartam partem beato *Wilfrido* episcopo, tunc forte de gente sua redeunti secundum votum suum, dedit. Duos autem filios *Edelwoldi* regis, per *Cedwallam* ut dictum est occisi, jam post patrem necandos Abbas *Redfozde*, id est vadum arundinis, concessione regis *Cedwalla* prius fecerat baptisari, & tunc demum circa idem tempus insula *Veċta*, ultimo omnium regionum *Britannia* est conversa. Et postquam omnes *Britannia* provinciae modo & ordine supradictis fidem Christi susceperant, *Theodorus Doro-*
bernenſis archiepiscopus, (de quo saepius superius inter reges diversorum regnorum tactum est,) ad fidem illam confirmandam concilium cum Episcopis *Britannia* celebravit; & illud concilium sive tractatum sinodalibus literis, sub forma qua sequitur aeternae memoriae commendavit.

In nomine Domini nostri Iesu Christi salvatoris, imperantibus dominis piissimis *Egfrido* rege *Hum-*
brenensium anno regni ejus decimo, & *Kentwino* rege *Westſaxiae* anno regni ejus quinto, & *Edel-*
redo rege *Merciorum* anno regni ejus sexto, & *Aldulfo* rege *Eſtanglorum* anno regni sui xvij. & *Lotario* rege *Cantuariae* anno regni ejus vij. sub die
 40 *xv. kalend. Octobris* Indictione viij. presidente *Theodoro* gratia Dei archiepiscopo *Britanniae* insulae, & civitatis *Dorobernensis*, una cum eo sedentibus ceteris episcopis *Britanniae* insulae viris venerabilibus, praepositis sacrosanctis evangelis in loco qui Saxonico vocabulo *Hatfeld* nominatur pariter tractantes fidem rectam & orthodoxam exposuimus, sicut dictus Dominus noster Iesus Christus incarnatus illam tradidit discipulis suis, qui praesentialiter eum viderunt, & audierunt sermones ejus, atque sanctorum patrum tradidit Symbolum, & generaliter omnes sanctae & universales Synodi, & omnis probabilium catholica ecclesia Doctorum chorus. Nos autem eos pie atque orthodoxe juxta divinitus inspiratam doctrinam eorum professi, credimus constanter & confitemur, secundum
 50 sanctos patres proprie, & veraciter patrem & filium, & spiritum sanctum, trinitatem in unitate consubstantiali, & unitatem in trinitate, hoc est unum Deum in tribus subsistentibus personis consubstantialibus, aequalis gloriae & honoris. Et post multa hujusmodi quae ad fidei confessionem pertinebant, haec quoque sancta Synodus suis literis addidit. Suscepimus sanctas & universales quinque Synodos beatorum, & Deo acceptabilium patrum, id est, qui in *Nicena* congregati fuerunt CCCxviij. contra *Arrium* impiissimum, & ejus dogmata. Et in *Constantinopoli* Cl. contra *vesaniam* *Macedonii*, & *Eudoxi*, & eorum dogmata; & in *Epheso* primo CC. contra nequissimum *Nestorium*, & ejus dogmata. Et in *Calcedonia* DCxxx. contra *Eutichen*, & *Nestorium*, & eorum dogmata; & iterum in *Constantinopoli* quinto

congregati sunt Concilio, in tempore *Justiniani* junioris contra *Theodorum*, & *Theodori* epistolas, & eorum dogmata contra *Sirillum*. Et paulo post, *Eciam* Synodum qua facta est in urbe *Romana*, in tempore *Martini* papae beatissimi indictione prima imperante *Constantino* piissimo anno ix. suscepimus, & glorificamus Dominum nostrum Iesum Christum sicut isti glorificaverunt, nihil addentes vel subtrahentes. Et anathematizamus corde & ore quos anathematizaverunt, & quos susceperunt suscepimus, glorificantes Deum patrem sine initio, & filium ejus unigenitum, ex patre generatum ante secula, Spiritum sanctum procedentem ex patre & filio inenarrabiliter, sicut predicaverunt hii quos memoravimus supra sancti Apostoli, & Prophetae, & Doctores, & nos omnes subscripsimus, qui cum *Theodoro* archiepiscopo fidem catholicam exposuimus.

Intererat autem huic Synodo *Iohannes* archicantor ecclesiae sancti *Petri* *Romae*, & Abbas sancti *Martini*, qui nuper inde venerat jussu papae *Agathonis* cum *Benedicto* Abbate venerabili. Iste *Benedictus* construxit monasterium sancti *Petri* juxta hostium fluminis *Wyry*, qui *Romam* profectus ad confirmandum privilegium Templi, ex concessione regis *Egfridi*, & rediens, praedictum *Iohannem* archicantorem ad *Britanniam* secum duxit. Hujus *Benedicti* successor fuit *Coelfridus* Abbas, sub quo *Beda* deguit. Ibi ergo dictus *Iohannes* cantare docuit *Romano* more, & Decreta Synodi *Martini* papae, ubi ipse interfuerat, ibi scripta reliquit. Repetens postea *Romam* qualitatem fidei *Anglorum* relaturus, mortuus est in via, & *Turonis* sepelitur.

Nunc igitur hiis ita pertractatis, ad contextum historiae regum *Anglorum* redeundum est.

Postquam vero *Edelwoldus* rex *Southſaxiae*, & duo filii sui per *Cedwallam* antedictum, ut supra scribitur, occisi fuerant, in regno *Southſaxiae* regia stirps cessavit, & potestas in jus regum *Westſaxiae* transivit.

Dum autem regnum *Angliae* erat inter septem reges sive regulos, & aliquando inter plures, & aliquando inter pauciores ut dictum est divisum, contigit quod reges qui tunc regnabant coeperunt inter se saepius, ut praemittitur, mutuo debellare, unde quibusdam devictis & subjectis septem regna praedicta in quinque pariter sunt redacta.

Ita videlicet quod rex *Cantiae*, ut prius in principio, super totam illam provinciam absque ullo incremento regnavit, & habuit in regno suo *Cantiae* sedem archiepiscopatus *Dorobernensis*, & sedem episcopatus *Roffensis*.

Rex autem *Eſſſaxiae* tenuit, & occupavit *Eſſſaxiam*, *Middelsaxiam*, *Southſolchiam*, *Northſolchiam*, & comitatus *Herfordiae*, *Cantebrigiae*, & medietatem *Bedeſfordiae*. Et habuit istos episcopatus sibi subjectos, viz. *Lundoniensem* & *Elmham*; cujus episcopi apud *Dummoek* sive *Felstow* per plures annos prius sedebant, & postea apud *Redfozde*, sed deinum *Herbertus* episcopus sedem tranſtulit usque *Normicum*, ut superius inter reges *Eſtangliae* tactum est. Sed modo infra limites istius regni *Eſſſaxiae* est tertius episcopatus, videlicet de *Ely*, qui temporibus illis non erat, sed postmodum de episcopatu *Lincolniensi* tempore primi

Henrici

Henrici regis Anglia sumptus fuit, ut ibidem plenius dicitur.

Rex vero *Westfaxie* tenuit *Surreiam*, *Southfaxiam*, & comitatus *Southamptonia*, *Wiltonia*, *Baroeshire*, (qui sic denominatur à quadam nuda quercu in foresta de *Windsore*, ad quam solebant provinciales convenire) *Somersecia*, *Devonia*, & *Cornubia*. Et habuit sedes episcopales *Cicestra*, *Wintonia*, *Sarum*, & *Bathonia* cujus sedes est etiam apud *Welles*, & *Exonia*. In loco cujus sedes duæ episcopales fuerant antiquitus stabilitæ, quarum una erat apud *Cridington*, & alia apud sanctum Germanum in *Cornubia*.

Rex autem *Merca* sive *Merciorum* tenuit comitatus *Gloverniam*, *Herefordiam*, *Wigorniam*, *Salopiam*, *Cestriam*, *Staffordiam*, *Derbiam*, *Notinghamiam*, *Leicestriam*, *Lincolniam*, *Northamptoniam*, *Warewiciam*, *Oxoniam*, *Bokinghamiam*, *Huntingdoniam*, & medietatem *Bedesfordiam*. Et in isto regno *Merca* sunt episcopatus, videlicet *Herefordia*, *Wigornia*, & *Cestria* cujus sedes est apud *Lichfeld* & *Conventriam*. Et est etiam episcopatus *Dorkecestria*, qui modo habet sedem apud *Lincolniam*.

Rex vero *Northumbria* tenuit totam terram *Northumbria*, videlicet à flumine de *Humbra*, usque ad mare *Scotiae*, cum territorio, sive comitatibus *Lancastria*, *Westmerlandia*, & *Cumberlandia*. Et habuit in regno suo archiepiscopatum *Eboracensem*, cujus episcopi olim quidam sedebant apud *Rypom*, quidam apud *Beverlacum*; Et habet episcopatum *Dunolmiam*, qui erat in insula *Lindisfarne*, & etiam isti regno episcopatus *Candida Case*, sive *Galeweya* est subiectus. Et infra limites istius regni *Northumbria* est modo unus alius episcopatus, videlicet *Carleolensis*, qui pro tunc non fuerat ordinatus; quia temporibus dictorum regum omnes supradicti episcopatus, licet hic scribantur, nondum erant ordinati, nec in quibusdam locis prædictis constituti, nec forte omnes prædicti comitatus erant pro tunc eisdem prædictis nominibus nominati.

Is in parte licet non ad plenum dictis, & tractatis de regibus & Principibus qui tempore *Britonum* regnabant, & dominia per diversas provincias possidebant, quorum quidam jure hæreditario fuerunt successores, quidam vero per victoriam, & triumphum possessores: unde aliis omisissis, materiam nostram ad illos breviter applicemus, à quibus reges & progenitores regum totius Anglia originem sumpserunt postmodum primitivam. Et ad nobilem & strenuum debellatorem *Ethelbriutum* filium *Aylmundi*, de quo superius in fine regum *Westfaxie* tactum est, recurramus. Qui in *Westfaxia* natus fuerat, & nutritus; & erat miles invictus, valens & bellicosus. Sed rex *Brithrich*, qui tunc regnavit in *Westfaxia*, in tantam insaniam per invidiæ fomitem erga eum prorupit, quod in mortem suam conspiravit. Sed cum malicia regis fuerat sibi detecta, abiit in *Franciam*, & ibi conversatus est, quousque rex prædictus subtraheretur ab hac luce. Post mortem vero regis, incolæ *Westfaxie* ipsum in *Angliam* revocarunt, & ipsum in eorum regem coronaverunt. Qui congregato exercitu stragem non modicam in illos regulos sibi resistentes excercuit, guerram suam per xxviiij. annos continuans. Denique aliis prostratis,

devictis vel subjugatis, dominium totius regni sibi viriliter submitit. Et post guerram completam per ix. annos pacifice regnans, in tricesimo octavo anno & mensibus sex regni sui diem clausit extremum, cujus corpus *Wyntoniam* traditur sepulturæ.

E*thelwulfus* siquidem filius *Ethelbriuti* qui in primæva ætate episcopus *Wyntonienfis* factus fuerat, hæredibus aliis deficientibus, postmodum necessitate compulsus gubernacula regni in se suscepit.

Cujus temporibus omnipotens deus crudelissimas gentes inimisit, quæ nec ætati nec sexui parcebant, scilicet *Dacos* cum *Gothis*, *Normagenes* cum *Saxones*, *Wandolos* cum *Frisis*, qui ab exordio regni sui usque ad adventum *Willielmi* ducis *Normannorum* *Angliam* vastaverunt. Iste rex *Ethelwulfus* contulit Deo & ecclesiæ sanctæ decimam partem terræ totius *Westfaxie*, ab omnibus serviciis secularibus liberam & quietam, ad pascendum & vestiendum pauperes debiles & infirmos. Postea *Romanam* abiit, & contulit Deo & beato *Petro* singulis annis de qualibet domo totius Angliæ unum denarium, qui hodie *denarius sancti Petri* vulgariter appellatur, & ipsemet ob devotionem quam erga deum gesserat, primum denarium optulit pura mente, postea nihilominus singulis annis trecenta talenta ecclesiæ *Romane* contulit, videlicet ad luminare sancti *Petri* C. ad luminare sancti *Pauli* C. & ad usus summi Pontificis C. Et cum per annum continuum in *Curia Romana* moram traxisset, rediens in *Franciam*, *Judith* filiam *Karoli Calvi* sibi assumpsit in uxorem; de qua quinque filios procreavit, videlicet *Ethelbaldum* filium suum primogenitum, *Ethelbriutum* secundum, *Etheldredum* tercium, *Alfredum* quartum, & *Adelstanum* quintum qui in annis adolescentiæ suæ migraverat ab hac luce.

In illo tempore erat quidam rex *Northumbria* *Osbrith* nomine qui moram in *Eboracæ* traxit civitate, de quo superius in fine regum *Northumbria* tactum est; Hic vero cum quadam die causa solacii ad silvæ accessisset, in reditu suo ad domum cujusdam sui magnatis *Bruern Bocard* nomine, ut ibi manducaret, privatim cum simplici familia declinavit. Qui regem illuc venire ignorans, ante ejus adventum ad mare pertransierat, ut litus & portus de furibus & latronibus in portibus applicantibus, sicut solitus fuerat, custodiret. Domina tamen consors sua, quæ nimis pulchritudinis erat, regem curialiter recipiens sibi fecit excellenter cum maximo honore in prandio deserviri. Post prandium vero rex dominam per manum accipiens, illam ad cameram suam adduxit, dicens quod in secretis eam loqui volebat, ubi omnibus amotis præter hostiorum custodes & privatos, qui regis scierunt secreta, dominam vi & violentia contra suam voluntatem oppressit. Quo facto, rex de domina statim rediens ad *Eboracum* perrexit. Sed illa domi commorans facta regis deploravit, colorem suum perpulsum præ nimia amittens angustia & dolore. Et cum dominus suus domi venisset & consortem suam discoloratam ac tristem vidisset, quid hoc esset & cur tam inæstis erat interrogavit. Quæ veritatem statim confitens, facta regis & qualiter per eum vi & contra voluntatem suam violata fuerat, viro suo per ordinem indicavit.

dicavit. Vir autem ejus eam confortans dixit, Noli pulcherima amica contristari, nam contra fortitudinem minime valet debilitas, & ideo ex quo veritatem michi indicasti, propter hoc te minus non amabo, sed de eo me & te, annuente Deo, quam citius potero vindicabo.

Tunc iste *Bruern* nobilis & præpotens, qui de magna parentela educatus fuerat, consanguineos suos & omnes majores prosapia suæ magnates ad se celeriter convocavit; quibus de contemptu per regem sibi illato querelabat, dicens quod de eo vellet se omni modo vindicare. Consulentibus autem ad hoc & consentientibus consanguineis suis & amicis, versus *Eboracum* iter suum cum eis assumpsit. Quem cum rex vidisset, ad se curialiter ipsum vocavit, sed ipse hominibus consanguineis & amicis stipatus, regem statim diffidens, homagium & fidelitatem, terram & quicquid de eo tenuit reddidit sibi, dicens, quod nunquam de eo domino suo aliquid tenere voluit in futurum. His dictis, sine aliis verbis & absq; majori mora recessit. Qui ab amicis suis licentiam petens, quam citius potuit *Daciam* adivit, & regi *Dacorum* de contemptu sibi & uxori suæ per dictum regem *Osbrith* illato querelavit, suum adiutorium & succursum deprecans ad se celeriter vindicandum. Istitis auditis, rex *Dacorum* *Codrinus* & *Dani* maximi fecerunt gaudium, quod ad *Anglos* expugnandos causam haberent aliquam inductivam. Unde rex *Dacorum* *Codrinus* ad vindicandum injuriam *Bruern*, qui de suo sanguine educatus fuerat, se convertens, exercitum suum maximum celeriter congregavit, & duos fratres valentes milites capitaneos & duces constituit, quorum unus *Inguar*, alter vero *Hubbe* vocabatur, & navibus coadunatis & necessariis omnibus ad hoc paratis, illos in *Angliam* cum innumerabili transmisit multitudine armatorum; Qui in parte boreali terræ applicantes, & per *Holdernessiam* tendentes, villas deprædati sunt, & eas incolis interfectis incendio vastaverunt. Tandem ad *Eboracum* venientes, dictum regem *Osbrith* ad prælium provocaverunt, qui à civitate cum exercitu suo exivit; ubi bello inter eos commisso rex *Osbrith* cum suis interfectus est. Urbe tunc demum capta *Dani* in eadem remanserunt. Et sic isto modo tempore *Anglorum* *Dani* primo ex causa antedicta *Angliam* hostiliter intraverunt.

Erat etiam eo tempore quidam alius rex in *Northumbria* nomine *Ella*, quem parentes & consanguinei dicti *Bruern* in regem levaverant, eo quod de rege *Osbrith* prædicto pro contemptu dicti *Bruern* illato terram de eo ulterius tenere nec sibi intendere voluerunt. Contigit autem, quod iste rex *Ella* causa venandi quodam die ad silvam accessit; ubi ipse post venationem captam, sicut sedebat in prandio, dixit, Bene expedivimus hodie quod quatuor damas & vj. hinnulos ceperimus. Ad quod verbum quidam superveniens, dixit. Domine, si tantum hodie cepistis centuplum interim perdidistis, nam *Dani* civitatem *Eboracensem*, rege *Osbrith* parcenario vestro interfecto, jam ceperunt, & terram istam & totam patriam tuam ingredientibus contra te tenere nituntur. Quo audito, rex *Ella* homines suos & armatos convocans, ad *Danos* in civitate *Eboraci* expugnandos celeriter properavit. Sed *Dani* à civitate egredientes, regem *Ellam* non longe ab *Eboraco* cum maxima suorum multitudine extinxerunt. *Loeus* autem ubi bellum fuit, vocatur modo *Ellescroft*.

Fertur adhuc quod dicti duo fratres, *Inguar* videlicet & *Hubbe*, non solum ex causa antedicta sed ut magis sanctum *Edmundum*, in *Estanglia* tunc regnantem de morte patris eorum fallo diffamatum occiderent, *Angliam* cum manu armata hostiliter petierunt, nam de causa eorum adventus in libro qui vocatur *Flores Historiarum* legitur in hunc modum.

ERat in regno *Danorum* vir quidam de regia stirpe genitus nomine *Lothebrocus*, qui duos filios *Inguar* & *Hubba* progenuerat ex uxore, qui die quadam cum accipitre solus brevem naviculam ingressus, ut in Insulis maris & terris vicinis anates & aviculas alias aucuparet; subita tandem tempestate suborta, inter maris latitudinem raptus, diebusque aliquot huc illuc dejectus, graviter vexabatur. Tandem plurima maris pericula perpeffus, projectus est in provincia orientalium *Anglorum* quæ *Northfolch* ab incolis dicitur, apud *Rodham* villam applicuit. Solus cum accipitre inventus regi *Edmundo* præsentatur, & ab ipso propter elegantissimam corporis formam cum honore receptus, in curia ejus remansit, regique casum suum exposuit, atque arti venatoriæ cum *Berno* regis venatore indulsit: erat enim tam in aucupatione quam venatorio exercitio graciosus, unde in avibus simul ac bestiis capiendis pro voto sibi omnia succedebant. Qua de causa regis venator invidia succensus, dum venationi pariter irent, furtivo impetu in eum facto ipsum nequiter interfecit, & in densitate nemoris interfectum abscondit. Nutrierat autem *Lothebrocus* leporarium quandam, qui ipsum multum dilexit, & venatore cum canibus redeunte ille solus cum corpore domini sui remansit. In crastino quoque regi *Lothebrocum* petenti respondit *Bernus* venator, quod heri in silva remansit, & postea eum non vidit. Sed ecce leporarius regiam ingreditur, omnibus & maxime regi adulante cauda applaudere satagebat, faciatulque rediit, sicque factum est sæpius, quousque insequentes, corpus exanime reperierunt, regique cuncta retulerunt. Examinataque diligenter veritate, venator in navicula *Lothebroci* sine instrumentis navalibus mari exponitur. Sicque post dies paucos in *Daciam* est projectus, *Lothebroci* filiis adductus, multisque tormentis afflictus, quid de patre in nota navicula eis subtracto actum sit inquirunt; Ille vero patrem illorum ab *Edmundo* rege *Estanglorum* inventum, ipsoque jubente asseruit interfectum.

Paratis itaque navibus *Berno* ductore in *Angliam* applicuerunt, in partibus borealibus ut superius est notatum, ubi tota *Northanhimbrorum* provincia gravi depopulatione pervagata & subiecta, *Inguar* post prædicta facta socium reliquit, & à boreali parte cum magna classe ad quandam civitatem in regno *Estanglia*, ubi tunc sanctus *Edmundus* regnavit, latenter applicuit, quam introgressus ignibus cremandam dedit, pueros & senes in plateis jugulans civitatis. Cumque de multitudine interfectorum jam fatigatus esset, quosdam plebeios, quos suo gladio credidit esse indignos evocat, ac ubi rex eorum *Edmundus* tunc temporis degeret, solcite inquisivit. Nam fama ad eum pervenerat, quod idem rex florenti ætate & viribus robustus ac bello per omnia strenuus esset; & idcirco festinabat passim neci tradere quos circumcirca poterat reperire, ne stipatus agmen militum rex, ad defensionem suorum sibi resisteret, qui eo tempore ab urbe longe in villa quæ lingua

lingua eorum *Egleston* sive *Halesdon*, modo vero *Horne* dicitur, morabatur, à qua & silva vicina eodem nomine vocabatur. Consuevit namque eadem *Danorum* & *Almanorum* natio nunquam palam cum hoste contendere, nisi insidiis prævento, unde impiissimus *Ingnar* paganus plurimum circumspēctus, accito uno ex commilitonibus suis eum ad regem dirigit, qui ubi inveniri posset exploraret, & ipse cum grandi comitatu pede lento post eum veniret. Veniens autem nuncius ad regem, ita eum ut in præceptis habuit alloquitur, dicens. Terra marique me-
 10 « tuendus dominus noster *Ingnar* rex invictissimus,
 « diversas terras armis sibi subiciendo ad hujus pro-
 « vincię litus optatum cum multis navibus hiema-
 « turus appulit, & tibi mandat, ut cum eo antiquos
 « thesauros & paternas divicias dividas, sub eo simi-
 « liter regnaturus; cuius si aspernaris potentiam in-
 « numeris legionibus fultam, vita indignus judica-
 « beris & regno. Audito nuncio, rex ingemuit, & accito uno ex suis episcopis, qui ei erat secretarius, 20
 quid super hiis respondere deberet consuluit. Cum-
 que ille timidus pro vita regis ipsum ad consentien-
 dum plurimis exhortaretur exemplis, rex paululum conticuit, & sic demum ora resolvens, nuncio qui ei missus fuerat respondit. Rediens festinus hæc domi-
 « no tuo proferas responsa. Noveris quod pro amo-
 « re vitę temporalis Christianus rex *Edmundus* non
 « subdet se pagano duci, nisi prius effectus fuerit
 « Christianus.

Vix rex *Edmundus* verba compleverat, & miles 30
 renunciaturus pedem de domo extulerat, ecce *Ingnar* obvius jubet eum breviloloquio utatur. Miles vero archana regis ultima per omnia illi pandens, Tyrannus jubet omnem regis turbam confundi, & ipsum solum teneri & observari. Ferrur insuper secundum quosdam Historiographos, quod *Dani* per *Northfolchiam* tendentes ulque *Thefordiam* pervenerunt, ubi primo ipsum sanctum *Edmundum* regem *Estanglie* invenerunt; qui ut legitur, congregato exercitu cum illis dimicavit. Sed *Danis* prævalentibus, ipse 40
 rex suis fere peremptis ad dictam villam sive castrum ad *Halesdon* in fugam propulsus est. Tunc *Dani* versus dictum castrum velociter eum persequentes, ipsum regem *Edmundum* non longe à castro quasi primum hominem eis obviam habuerunt, quem de rege *Edmundo* ubi posset inveniri interrogaverunt. Quibus ille quasi ipse non esset, dixit. Dum ego in castro præfens fui *Edmundus* rex ibi affuit, sed quando ego recessi ipse recessit; & si vos evadet, deus scit. Tunc *Dani* ipsum, Deum nominare audientes, scie-
 runt eum regem esse *Edmundum*. Qui ad castrum reductus, in palatio proprio projectis armis capitur, 50
 vinculis constringitur, & ante impium Judicem sistitur; victus itaque multis modis illudicatur, ac tandem fustigatus acri instantia ad quandam arborem vicinam perducitur; ad quam ligatus, quasi ludendo ad signum, eum toto corpore sagittis confodiunt, ita quod crebris telorum jactibus vulnera vulneribus imprimebant dum jacula jaculis locum dabant. Cumque nec sic *Ingnar* eum Christum jugiter clamantem lanistis assensum præbere conspiceret, licitori mandat ut ampuet protinus caput ejus; unde spiculator arrepto pugione ipsum inter verba orationis uno ictu decapitavit, & ita xij. kalend. Decembr. anno Domini secundum quosdam DCCCxvj. & secundum alios DCCCxx. Martyr cœlestis curiæ palatium intravit.

Cujus corpus *Dani* relinquentes, caput suum in dictam silvam, cui tunc vocabulum erat *Egleston* sive *Halesdon*, asportaverunt, ac inter densa veprium fruteceta longius projectum occultaverunt, id omni sagacitate elaborantes ne à Christianis corpus honestę sepulturę cum capite traderetur.

Huic spectaculo quidam delitescendo interfuit 10
Christianus, quem deus ad manifestandam hujus rei indaginem reservavit, licet omnino ignoravit quid de capite factum esset, nisi quod cum eo car-
 nifices interiorē silvam petere conspexisset. Paganis autem abeuntibus, & corpore in eodem loco ubi re- occubuit reperto, populi *Christianorum* adunati verba illius qui tantę visionis particeps extiterat au-
 dientes, decreverunt per invia silvarum expetiri, si ad locum devenire poterant, quo sancti viri caput 20
 jaceret. Cumque omnes ad id concurrerent, ad vo-
 ces se invicem cohortantes, utpote socius ad socium alternatim clamans, *Ubi es*, caput respondebat de-
 signando locum patria lingua dicens, *Her, her, her*, quod Latine interpretatur *hic, hic, hic*, nec unquam eadem clamare repetendo destitit, quousque omnes ad se perduxerat. Inmanis etiam lupo eo loco di-
 vina miseratione sacrum caput inter brachia com-
 plectens, custodiebat, quod illi assumentes ad flumē corpus detulerunt, eodem lupo earundem reliquia-
 rum custode usque ad locum sepulcri prosequente. Caput autem sancto corpori aprantes, utrumque pa-
 riter aromatizatum competentī mausoleo pro tem-
 pore tradiderunt, quo etiam ædificata vili opere de-
 super basilica, annis humatus plurimis requievit. Be-
 cum postea corpus sanctum *Londonis* ducturum effoderetur, & putrefactum putaretur, ita sanum & incolume est repertum, ut non dicam caput redinteg-
 ratum & corpori compaginatū, sed omnino nichil in eo vulneris vel cicatricis apparuit, tamen in ejus collo ob signum martirii in modum fili coccinei una
 tenuissima ruga rubet, sicut quædam femina nomine
Oswen sæpius protestata erat, quæ postquam suum
 sanctissimum corpus tempore *Swani* regis de *London*,
 in una carecta per pontem de *Stratford* de una rota
 ultra aquam sine aliqua supportatione stricti pontis
 miraculose currente, ad regiam villam quæ tunc lin-
 gua *Anglorum* *Wodrichesworde* dicebatur, modo
 vero *Werp* nuncupatur, ductum fuerat & humatum,
 ad ejus sacrum tumulum jejuniis & orationibus va-
 cans multa transegit annorum curricula.

Cui venerabili feminae aut divina miseratione aut nimia devotione mos inolevit, ut sepulcro beati mar-
 titis in divina cœna patefacto, per aliquot annos
 ejus attondendo præcideret capillos & ungues: Quæ
 omnia diligenter colligens, in capsella super altare
 ejusdem ecclesię recondere non neglexit. Cumque
 postmodum præfato loco martiris à Religiosis multa
 oblata fuissent, quidam malignę mentis homines sub
 nocturno silentio eandem basilicam latrocinandī stu-
 dio sunt ingressi. Qui comprehensi sancti *Theodori*
 episcopi judicio subduntur, qui impræmeditatus sen-
 tentiam dedit, quam se dedisse postea diebus pœnituit
 omnibus vitę suę; nam omnes simul pœnitentia 50
 affigi, eo quod ausi fuissent atrium sancti *Edmundi*
 martiris ingredi: Non reducens ad memoriam, quod
 dominus per Prophetam admonet, dicens, Eos qui
 ducuntur ad mortem erueri non cesses. Episc: in se re-
 versus graviter doluit, & in gravibus dedit se lamen-
 tis. Tandem peracta pœnitentia, populos suę diocesis
 convocans persuadet, ut triduo jejunio à se divina
 indignationis

indignationis iracundiam removeant, quatinus Dominus illi gratiam suam concederet, qua corpus auderet beati martiris tangere & levare, factumque est, & illud sanctissimi regis corpus incorruptum repperit, tetigit, lavit, & rursum novis & optimis vestibus indutum ligneo locello reposuit.

Nec piget referre de quodam magnæ potentie viro, *Leofflano* nomine, qui juvenilis ætatis impetum non refranans, ad id flagitii lascivendo prorupit, ut præciperet corpus tanti martiris demonstrare. Cumque à pluribus super hoc inhiheretur, ejus tamen imperium prævaluit. Referato igitur locello aspiciens astitit, & in eodem momento in amentiam versum in reprobum sensum tradidit illum deus. Quod audiens pater ejus vir religiosus, cui vocabulum erat *Wolgarus*, admodum facinus flagitiosissimum exhorruit, ac gratias martiri referens filium à se removit; Qui tandem ad summam inopiam deductus, judicio Dei vitam finivit verimibus consumptus.

Circa idem tempus quo videlicet sanctus rex occubuit, *Aldelmus Schirburnensis* episcopus post quinquagesimum episcopatus sui annum vitam hujus seculi terminavit.

Occiso rege *Edmundo* frater suus *Edwaldus* mundi delitias exhorrens, eo quod se & fratrem suum durior fortuna exceperit, apud *Carnelienſe* cœnobium in *Dorsetania* juxta fontem perlucidum, quem sanctus quondam *Augustinus* ad populum baptisandum precibus produxerat, vitam heremiticam solo pane & aqua protrivit.

Et sic *Eſt anglia* *Danis* subiecta *Ingnar* ad fratrem suum *Hubbe* in *Northumbriam* reverso, super regnum *Eſt anglie* quidam *Dacus Godrim* nomine post *Edmundum* primo regnavit. In revertendo autem *Abbathiam* sanctarum monialium de *Ely* destruens, monachos Deo ibi deservientes aut crudeliter peremit aut inhumaniter aufugavit. Dictus vero rex *Godrim Dacus* leges cum *Alfredo* rege composuit & sancivit: de quibus tempore dicti regis *Alfredi* plenius dicitur.

Anno domini DCCClix. *Dani* ulterius progredientes totam *Northumbriam* incolis occisis sibi submiserunt, ubi custodibus dimissis venerunt in regnum *Merciorum* usque *Potyngham*, quod Latine dicitur domus speluncarum, & ibi per totum annum hyemarunt. Quibus rex five dux *Merciorum Burreddus*, fretus auxilio foci sui *Ethelbrieti* regis *Westſaxonum*, occurrit. Cumque pagani tuitione arcis muniti, bellum dare negarent, & *Anglis* murum frangere non suppetebat, pace inter partes facta, reges domum adierunt, pagani *Eboracum* repetierunt, ubi anno integro remanserunt. Hoc anno urbs *Alclud* abolim tam famosa, quæ ad occidentalem extremitatem illius famosi muri sita est, per *Dacos* funditus est deleta. Postea *Dani*, *Mercia* & *Northumbria* relictis, patriam depopulando, ecclesias & monasteria destruendo usque *Lincolniam* venerunt. Qua capta & cum tota *Lindeseya* & *Holandia* deprædata & depopulata, ulterius usque *Eſt angliam* tranſeuntes, apud *Tedfordiam* hyemarunt. Interea prædictus *Ethelbrietus* rex *Westſaxonum* qui infra quinque annos quibus regnaverat totius regni diadema sibi assumpserat, vitam hujus seculi terminavit, & *Wyntonia* sepelitur. Cujus pater erat *Ethelwolfus* rex *Westſaxonum* filius regis *Ethelbrieti* filii *Ailmundi*, de quibus *Ethelbrieto* & pa-

tre ejus *Ailmundo* superius in fine regum *Westſaxie* tactum est. Sed licet ibi de dicto *Ethelwolfo* nichil inferitur, hic tamen ut postea superius, propter processum faciendum, aliquid ad ejus memoriam inferre dignum duxi.

Scribitur namque quod iste rex *Ethelwolfus* decimam hidam terræ totius *Westſaxie* Deo & ecclesiæ contulit, ab omnibus serviciis secularibus liberam & quietam ad pascendum & vestiendum pauperes, debiles & infirmos. Postea *Romam* adivit & contulit Deo & beato *Petro* singulis annis de qualibet domo totius regni sui unum denarium, qui vulgariter *denarius sancti Petri* appellatur, unde & ipsemet ob devotionem quam erga deum habuit, primum denarium optulit pura mente. Postea nichilominus singulis annis trecenta talenta ecclesiæ *Romana* contulit, videlicet ad luminaria sancti *Petri* centum, ad luminaria sancti *Pauli* centum, & ad usus summi Pontificis centum fecerat assignari. Et cum per annum continuum in curia *Romana* moram transisset, rediens in *Franciam* filiam *Karoli Calvi* sibi assumpsit in uxorem, de qua quinque filios procreavit, videlicet *Ethelbaldum* filium suum primogenitum, *Ethelbrietum* secundum, *Etheldredum* tertium, *Aluredum* quartum, & quintum qui *Adelſtannus* vocabatur & in pueritia decessit. Iste *Ethelwolfus* cum xx. annis & v. mensibus regnasset, vitam finivit & sepultus est *Wyntonia* cum honore. *Ethelbaldus* tunc & *Ethelbrietus* duo filii dicti *Ethelwolfi* regnum inter se dividentes, adinvicem regnare cœperunt, sed *Ethelbaldus* cum quinque mensibus solummodo regnasset mortuus est. Post cujus mortem dictus *Ethelbrietus* frater suus per v. annos totius regni sibi assumpsit diadema, ut superius est notatum; quo defuncto, *Wyntonia* sepelitur.

Tunc *Etheldredus* tertius *Ethelwolfi* filius vir Deo deditus & seculo acceptus, fratri suo *Ethelbrieto* in regno successit.

Interea paganus *Dacorum* exercitus antedictus de *Thefordia*, *Eſt anglia* relictâ, ducibus *Ingnar* & *Hubbe* antedictis, villas & monasteria destruendo & patriam undique in eorum via depopulando, *Westſaxoniam* venerunt usque *Radingum*, ubi tercio adventus sui die, duo duces eorum ad prædam faciendam exeuntes, apud *Engelselde* trucidabantur. Quarto post hoc die *Westſaxones* eis occurrentes magnam de *Danis* stragem fecerunt. *Dani* tandem de arce erumpentes, ducem *Barroccsum* *Ethelwoldum* occiderunt, & *Anglos* retrocedere coegerunt. Qua verecundia *Angli* commoti, quarto post hoc die bellum apud *Aſſchedon*, quod *mons asini* five *fraccini* interpretatur, inter regem *Etheldredum* & regem *Dacia Osseg* nomine instetit. Venerat autem rex *Dacia* cum duobus regibus transmarinis & quinque Comitibus necnon armatorum multitudo copiosa. Qui exercitum suum in duas partes dividens, unam partem sibi & aliis regibus retinavit, alteram partem Comitibus assignavit. *Etheldredus* etiam rex exercitum suum in 2. partes æquales divisit, medietatem sibi retinens, & aliam medietatem *Aluredo* fratri suo relinquens. Et cum advesperasset, utraque pars se disposuit ad quietem. Mane autem facto, dum rex *Etheldredus* missam suam audivit, *Aluredus* frater suus necessitate coactus ad bellum cum exercitu suo perrexit. Ubi *Dani* cum tanto impetu ipsum invaserunt, quod fere cum ignominia in

in fugam est conversus. Unde pro rege *Etheldredo* fratre suo missam suam adhuc audiente, (cujus oratio multum ipso die apud Deum valuit) festinanter mittere coartatur. Qui tamen missa incompleta venire renuit. Missa vero plene celebrata, dictus rex *Etheldredus* ad prælium celeriter properavit. Et licet *Dani* altiore montis locum præoccupassent, ipse cum suis Christianis ab inferiori ascendens, æmulos suos devicit, & lancea quam manu sua gestabat regem *Ose* viriliter interfecit, & alterum regem gladio quo cinctus fuit vita privavit. Eodem etiam die in illo prælio *Angli* quinque *Danorum* Comites cum multis hostium milibus trucidarunt, cæteros per diem & noctem usque *Radingum* persequendo. Iterum post xv. dies apud *Radingum* pugnantes, *Dani* victoria potiuntur. Deinde evolutis duobus mensibus, apud *Perton* ad prælium iterum conveniunt, ubi *Angli* *Danis* triumphantibus succubuerunt. Et tunc de illo loco quidam *Danorum* tyrannus *Somerled* nomine usque *Radingum* regrediens, villam & quicquid ibi invenit destruxit. Post hæc rex *Westaxonum* *Etheldredus* cum eo præliavit, ubi letaliter vulneratus post multos agones nono kal. Maii anno regni sui quinto obiit, & apud *Wymburnam* traditur sepulturæ.

Mortuo rege *Etheldredo* *Aluredus* frater suus, qui viventibus fratribus suis usque ad illud tempus secundarius fuit, ad integram monarchiam *Westaxonum* successit anno Domini DCCC. lxxiii. & regiam unctionem primus omnium regum *Anglia* *Roma* à Leone papa, ut scribitur, accepit. Hoc anno *Dani* illum noviter in regem erectum prosequentes ipsum apud *Walton* in *Sussex* invenerunt, ubi rex *Aluredus* cum eis præliando campum deseruit, & usque ad silvam fugit. Sed inde in *Westfaxiam* veniens omnimodam gentem sui proprii regni collegit, ita quod infra breve tantum suorum & aliorum habuit exercitum, quod *Dani* sibi obviare hostiliter non audebant. Ille vero *Londoniis* ubi *Dani* moram traxerunt, venit ad eos ibi hostiliter expugnandos. Sed *Dani* præliare non audentes, ipsum de pace rogaverunt, & quod ad propria sine aliquo unquam reditu remeare possent obsides sibi quales *Angli* vellent eligere optulerunt. Unde eodem die obsidibus acceptis, *Dani* à *London*. recedentes & per totam noctem simul equitantes, quousque ad *Excestriam* venerunt moram non pertraxerunt, ubi capta civitate morati sunt. Hoc autem divulgato, rex *Aluredus* primo obsidibus suspensis cum exercitu suo versus *Excestriam* arripuit iter suum. *Dani* vero adventum suum audientes villam deseruerunt, usque *Chispenham* in *Westfaxiam* progressi, ibi multa mala egerunt, nam patriam deprædando & homines incarceratione à proprio solo incolas fugaverunt. Sed rex *Aluredus* ibi super eos adveniens, bellum cum *Danis* fortiter commisit, in quo *Hubbe* frater *Inguar* & *Bruern Bocard* (qui eos à *Dacia*, ut dictum est, primo adduxerat) occisi sunt, ubi multis ex utraque parte cæsis & *Danis* tandem prævalentibus, rex *Aluredus* propter suam nimiam versus eos accelerationem paucis stipatus à campo illa vice modo meliori quo poterat se retraxit. *Dani* vero cadaver *Hubbe* inter occisos inveniunt, illud cum clamore maximo sepeperunt, cumulum apponentes, quem *Hubbelowe* vocaverunt, unde sic usque in hodiernum diem

locus ille appellatus est, & est in comitatu *Devonia*.

Postquam autem Barones comitatus *Sumersecie*, *Wiltonie*, & *Dorsecie* de casu regis eorum *Aluredi* audierant, omnes ad locum ubi rex erat cum potestate maxima conveniunt: Qui, rege, quem per inimicos suos occisum esse credentes, in vita & sanitate viso, plurimum congaudebant; consilio autem inter eos ad *Danos* prosequendos illico capto, rex & barones cum prægrandi exercitu tota illa nocte post eos equitantes, in crastino hora nona *Abendonie* ipsis *Danis* ibidem tunc existentibus pervenerunt. Quos rex *Aluredus* cum suis acriter insultans, fortius bellum quam unquam perante habuerant, eis intulit indilate. Sed *Dani* ita viriliter *Anglis* resistebant, quod nullus de veritate judicare poterat in qua parte occisio major fuit. Et sic *Angli* non sine magno partis adversæ discrimine sub viij. præliis inter eos uno anno illatis multum fuerunt contriti & minorati.

Hoc anno *Angli* cum *Danis* pacem fecerunt eo pacto, ut *Dani* ab eis recederent. Quod & fecerunt, jurantes insuper, quod nunquam bellum seu guerram contra eum in terra sua iterum moverent, unde eo anno apud *Londonias*, & anno sequenti apud *Lyndeseye* hyemaverunt. Cum quibus etiam *Mercii* pacem fecerunt; sed tercio anno *Dani* pacem cum *Mercii* factam infringentes, de *Lyndeseye* usque *Ryppendon* transierunt, & *Burredo* rege *Merciorum* expulso, regnum illud cuidam *Colwolfo* *Burredi* ministro sub eis tamen regnatura regendum tradiderunt: eo tamen pacto, ut quandocunque vellet illud reciperent, unde triennio elapso regnum illud inter se diviserunt, & partem *Colwolfo* dederunt; qui & ultimus regum *Merciorum* fuit. Post cujus mortem *Aluredus* rex *Westaxonum* primo *Londonias*, & consequenter partem *Ceolwolfs* suo regno conjunxit.

Anno Domini DCCC. lxxv. quo dictus *Burredu* rex *Merciorum* per *Danos* apud *Ryppendon* expulsus fuit, *Hamburgenses* indigenæ qui circiter quinque miliaribus à *Ryppendon* distabant pavore soluti corpus sanctæ *Wereburge* virginis, diu ibidem sepultum, ad *Cestriam* tanquam ad locum tutum transtulerunt. Hoc anno *Rollo* natione *Danus* sive *Norreganus*, qui postea *Normanniam* sibi subjugavit, & inde primus Dux fuit, cum suis complicitibus ad *Angliam* veniens depopulationi insistebat, belloque cum *Anglis* commisso multisque suorum interfectis cæteri aufugerunt. *Rolloni* in nocte dormienti, visum est supra se & exercitum suum examen apum subito volare, & cum stridore australem petere regionem, & per maris medium ad terram volando pervenire, ubi & congregati in frondibus arborum diversarum insidentes, omnemque mox regionem perlustrantes, cœperunt variorum flores colorum in locum unum congregare. Evigilans itaque *Rollo*, post visionem secum pertractat, ejusque interpretationem diligenter examinans, requiem sui laboris in eisdem partibus ubi aves descendisse viderat, conjecturat. Mare igitur ingressus, apud *Gemeticum* in *Normannia* applicuit, ubi *Franco* archiepiscopus *Rothomagensis* de resistendo diffidens pacem quæsit suscepitque dominio *Rothomagum* adiit, muros reparavit, castella in locis firmavit, & terram quæ *Neustria*, modo *Normannia* dicitur, in potestate recepit, & primus Dux inde efficitur,

quem dictus *Franco* archiepiscopus postea baptisavit. Rex *Aluredus* pacem inivit cum *Danis* datis obsidibus. Sed *Dani* neglectis juramentis una nocte omnes regis equites occiderunt; unde rex commotus, eos ulque *Excestriam* fugavit, ubi iterum obsidibus datis & pace firmata, per annum integre morabantur. *Dani* de *Warham* ad socios suos *Excestriam* navigantes, naves marina tempestate perdidierunt. Pars tamen eorum villam regiam de *Chippenham* occupavit cum territorio adjacente, multis ibidem aut subactis aut fugatis.

Sub qua tempestate anno Domini DCCC.lxxvij. regni vero regis *Aluredi* quinto, idem rex *Aluredus* cum paucis per silvestria *Somersetensis* plagæ vitam incertam & inquietam ducebat, ut qui nichil unde viveret habebat, nisi quod prædando aut venando adquireret, vel piscando. Tandem dum focii sui circa capturam piscium instarent, & ipse molestiam suæ proscriptionis meditatione scripturarum consolaretur, affuit sibi quidam peregrinus in Dei nomine elemosinam petens. Cui rex, utraque manus levans ad cælum, ait, « *Gratias ago Deo qui panem suum in paupere hodie visitavit, qui dignatur quod dedit exigere, & quod exegit restituere cum usuris.* » Vocat cito rex ministrum suum, qui nichil præter modicum vini & unum panem habebat; mediamque partem pauperi dare jussit. Gratias egit pauper, & nullo transitu sui vestigio in paludibus relicto, subito evanuit; & ecce quæ largita fuerant integra sunt inventa, & qui piscatum ierant inventam multitudinem retulerunt. Soporato igitur regi apparuit quidam pontificalibus indutus, qui de diligendo Deo & justitia servanda, de misericordia in pauperes, de reverentia in sacerdotes exhibenda eum monuit, & adjecit, O mi *Alureda*! Christus conscientiam tuam respiciens, ærumpnis tuis finem imponit, cras enim aderunt tibi fortes auxiliarii quorum ope hostes devinces. Ait rex, Quis es tu? Cui ille, Ego sum *Cuthbertus* peregrinus ille hesternus cui panem porrexisti, tui tuorumque curam agens. Memento hujus rei cum bene tibi fuerit. Sed quomodo sui peregrini meminerit, libertas & possessio *Dunolmenensis* ecclesiæ hodie declarant; unde & in die sequenti, *Wiltonenses*, & *Somersetenses*, & *Hamptonienses* ei advenerunt, quorum ope arcem apud *Ethelunghe* quod interpretatur *Insula Nobilium* construxit, hostes sæpius debellavit, & præcipue juxta *Selewode* quod interpretatur *magna Silva*; ita quod obsidibus electissimis demum acceptis, *Godrinus* regem *Dacorum* cum magnis & multis nobilioribus suis rex *Aluredus* de sacro fonte levaret, nomen *Adelstan* ipsi regi *Danico* imponendo, pace circumquaque confirmata; unde postmodum idem rex *Godrinus* qui & *Adelstan*, post sanctum *Edmundum* regem & martirem in regno *Estanglia* regnavit, & ipse & rex *Aluredus* leges ut patebit inferius statuerunt.

Circa idem tempus Comitatus *Flandria* exordium habuit; *Flandria* namque tunc non erat tanti nominis quanti nunc est, sed à forestariis regis *Francia* regebatur. Ille *Aluredus* rex, *Tunberto* episcopo *Wintonia* defuncto præfecit *Dunewolfum*, quem tempore latibuli sui bubulcum & laicum invenerat in silvis; sed comperto ejus ingenio post multam ætatem litteris tradidit informandum. Anno Domini DCCC.lxxix. & regni *Aluredi* vij.

Dacorum exercitus, sicut *Aluredus* promiserat, urbes de *Chippenham* & *Cirecestre* quæ sunt ad meridiem *Wicciorum* deferentes, ad orientales *Anglos* se transfulerunt; ubi magnus *Dacorum* exercitus de transmarinis partibus per *Karolum* regem *Francia*, qui partes suas intraverant, fugatus advenit, & apud *Fullenham* reliquo *Dacorum* exercitui se adjunxit. Quo etiam anno rex *Aluredus* urbem *Septonia*, id est *Schaffesbury* reparavit, sicut testatur lapis magnus qui in capitulo Monialium usque hodie est insculptus. *Dani* de *Francia* redeuntes, urbem *Roffensem* obsederunt, ac arcem contra portas construxerunt. Sed cives urbem defenderunt, quousque rex *Aluredus* superveniens, captis *Danorum* equis eos fugere compellebat, unde *Dani* statim *Franciam* repetierunt: sed & rex classem suam bellatoribus plenam à *Cantia* ad *Estangliam* dirigens, naves *Danorum* cepit; sed in redeundo regia classis devincitur. *Dani* vero per *Secanam* aquam remigantes, urbem *Parisiensem* obsederunt.

Anno regni regis *Aluredi* xv. idem rex post incendia urbium, post strages populorum *London.* reparavit, & habitabilem eam fecit, quam cuidam *Ethelredo Merciorum* primario cum *Elfleda* filia sua tradidit & concessit: quo in tempore omnes *Angli* dispersi venerunt, & ultro se regi *Aluredus* subdiderunt. Dicta vero *Elfleda* primi partus difficultatem experta, pro perpetuo viri complexum exhorruit, protestans, regiæ filiæ non convenire ut illi voluptati se immisceret, quæ tale & tantum incommodum postea reportaret. Circa idem tempus Comes *Wiltonia* detulit *Roma*, & *Swithelinus Schireburnensis* episcopus detulit ad sanctum *Thomam* in *India* elemosinas regis *Aluredi*, & incolumes redierunt. Ille rex *Aluredus* anno regni sui xvij. duo famosa monasteria construxit, unum apud *Ethelunghe* ad monachos, & aliud apud *Schaffesbury* ad moniales, in quo propriam filiam *Ethelgoram* præfecit abbatissam. Eodem anno dictus rex *Danicus Godrinus* qui, ut dictum est, à rege *Aluredus* de sacro fonte susceptus fuerat, & *Adelstan* vocatus, obiit. Hoc anno venerunt quatuor exercitus contra regem *Aluredum*, unus in *Northumbria*, alius in *Estanglia*, tercius apud *Excestriam*, & quartus apud *Legecestriam*, qui ita ardue obsessi sunt, quod fame coacti equos suos comederunt.

Anno regis *Aluredi* xxj. tres *Scottici* viri *Dublan*, *Malicon*, *Malinurus* peregrinam pro Christo vitam ducere cupientes, sumpto secum unius ebdomadæ viatico, corabum qui ex duobus coriis & dimidio conficitur intrantes, mirum in modum sine velo & ornamentis post septem dies in *Cornubia* applicuerunt, & regem *Aluredum* postea adierunt. *Plegmundus Dorobernensis* archiepiscopus literis nobiliter instructus, accepto à *Formoso* papa pallio, vij. *Anglorum* ecclesiis apud *Westaxoniam* anno regni regis *Aluredi* xxij. una die septem episcopos consecravat. Hoc anno rex *Aluredus* medietate sui exercitus apud diversas munitiones relicta, cum alia medietate proficiscens, primo fugavit *Danos* de *Cantia*, deinde de *Exonia*, & tercio de *Cicestria* quæ *Chechester* dicitur. Inde *Dani* ingressi sunt urbem *Legionum* quæ Anglice *Legacestre* dicitur, ubi post triduanam obsidionem fame coacti urbem reliquerunt, *Northwalliam* prædaverunt, & sic per *Northumbriam* ad *Meresele* insulam *Estaxia* circum-

circumgirantes, ad *Eftangliam*, ubi uxores suæ & naves erant, sunt reversi, & post in hieme puppes suas per *Thamesiam* in flumen de *Lufe* traxerunt. Ille autem exercitus qui *Exceftriam* obsiderat prædans juxta *Cireceftriam* deprehensus est, ubi multis ex suis amissis, quasdam ex suis puppibus perdiderunt.

Anno vero sequente exercitus qui erat in *Lufe* juxta idem flumen castrum xx. miliaribus à *Londonia* fecit. Sed *Londonienses* ope *Aluredi* castrum destruxerunt, & quatuor ex eorum ducibus occiderunt, ac flumen de *Lufe* in tria brachia diviserunt, ita quod educi non poterant naves suas. Quod *Dani* comperientes, puppibus relictis, apud *Wugges* super *Sabrinam* juxta *Walliam* quoddam castrum firmantes hiernant, suis in *Eftanglia* uxoribus commendatis. Rege vero *Aluredo* eos cum suo exercitu persequente, *Londonienses* quasdam puppium *Dacorum* in flumine de *Lufe* relictorum ad *Londoniam* ducentes, quasdam earum totaliter combusserunt. Hiis igitur tribus annis prædictis ex quo *Daci* ad portum de *Lufe* appulerunt, multa mala non solum infestatione *Dacorum*, set etiam mortalitate hominum & peste animalium *Anglis* contigerunt. Anno vero post hoc quarto *Danicus* exercitus divisus est, partim in *Northumbria*, partim in *Eftanglia*, & pars transfretans in *Secaniam* ivit.

Postea tamen quædam puppes *Dacorum* juxta litora *Westfaxia* venientes, & crebris irruptionibus sæpe prædantes, cladem non modicam provincialibus contulerunt; de quibus conflictibus unum quia eventus fuit insoliti pertractabo. Rex autem *Aluredu* naves longas xl. remorum vel plurium contra prædictas *Dacorum* puppes parari fecit, de quibus novem, vj. puppes *Dacorum* in quodam litore in comitatu *Devonia* stantes præoccupaverunt. Quod *Daci* videntes, tres eorum rates commoverunt, aliis quasi immobilibus in litore persistentibus. Sex igitur puppes *Anglorum* contra tres puppes *Dacorum* pugnaverunt, tribus reliquis ad tres naves *Dacorum* in litore stantes progressis. Tres igitur naves *Dacorum* contra sex audacissime pugnantes, conflictum asperimum peregerunt, tamen numerus vicit major, duæ namque rates *Dacorum* captæ sunt, tertia vero aufugit, occisis tamen omnibus qui inerat præter quinque. Hoc autem perpetrato, cum ad naves sociorum quæ juxta puppes *Dacorum* ex adverso litore erant, reverti vellent, exsiccatae sunt, quod *Daci* videntes, de tribus puppibus egressi, contra gentem *Anglorum* qui in tribus erant ratibus, pugnaverunt. Tunc autem videres gentem sex navium *Anglorum* bellum aspicientem, & auxilium ferre non valentem, unguibus rumpere crines, & cadere pectus pugnis. *Angli* tamen fortissime agebant, & viriliter *Daci* stabant. Demum ex *Dacis* C. & xx. cæsis, ex *Anglis* xlij. ceciderunt, inter quos *Batheman* regalis exercitus præpositus acutus insistens, occisus fuit, ob quam rem *Angli* dum paulatim cederent, *Daci* pene victores visi sunt. Sed ecce mare ad puppes redeunte *Daci* maris alta invadunt, quos novem naves *Anglorum* sero postea prosequuntur; ventus vero adversus *Dacos* victos aggreditur, & duas ex earum puppibus ad terram projecit; unde homines capti & ad regem adducti, omnes apud *Wyntoniam* suspenduntur. Qui vero in tertia puppe erant, valde sauciati in *Eftangliam* appulerunt.

De istius famosi regis *Aluredi* forma venusta, initio, progressu & exitu hic interferere dignum duxi. Cum autem plus cæteris fratribus ab utroque parente dilectus, usque ad xij. ætatis annum in paterna curia illiteratus mansisset, *Saxonica* tamen poemata docilis puer memoriter tenuit, in arte venatoria summus, psalmos & orationes in unum libellum compegit, quem secum jugiter circumduxit, grammaticam tamen minus perfecte attigit, eo quod tunc temporis in toto occidentali regno nullus grammaticæ doctor extitit, quamobrem ad consilium beati *Neoti* abbatis, quem crebro visitaverat, scholas publicas variarum artium apud *Oxbaniam* primus instituit, quas in multis privilegiari procuravit; unde & ipse rex elemosinæ dator, misarum auditor, ignotarum rerum investigator sanctum *Grimboldum* monachum literatura & cantu peritum de partibus *Gallia*, & *Johannem* monachum de monasterio sancti *David Menevia* in ultimis finibus *Wallia* posito, ad se vocavit, ut literaturam ab eis addisceret. Optimates quoque suos ad literaturam addiscendam in tantum provocavit, ut ipsi filios suos vel saltem si filios non haberent, servos suos literis commendarent; fecitque *Welfrethum Wigorniensem* episcopum librum *Beccii* de consolatione philosophiæ, & libros dialogorum beati *Gregorii*, in *Saxonicam* linguam transferre. Facta etiam ministrorum suorum & potissime judicum diligenter investigatus est, adeo ut quos ex avaritia aut imperitia errare cognosceret, ab officio removebat. Et licet hic superius dictum sit, quod tempore istius regis *Aluredi* in toto occidentali regno Grammatica à nullo docebatur, tamen ante tempus suum in aliis regni partibus, in civitate videlicet *Legionum* in *Southwallia* modo *Kaileonn* dicta, fuerunt Astrologi & Philosophi in omni arte eruditi, ut *Galfridus Monemutensis* supra in libro suo de processu regis *Arthuri* satis commemorat evidenter. Postea etiam tempore *Egberti* regis *Cantia* facta est insula familiare philosophiæ domicilium, ut inter reges *Cantia* superius habetur.

Unde circa idem tempus juxta quorundam opinionem, & vulgare antiquorum & modernorum dictum, creditur studium apud *Granterestre* sedem juxta *Cantebrigiam* à venerabili *Beda* esse fundatum: quod verisimiliter credi potest, pro eo & ex eo, quod postmodum tempore magni *Karoli* regis *Francia* studium de *Roma* usque *Parisiis* per quemdam *Alquinum Anglicum* discipulum *Beda* in omnibus scripturis exercitatum, legitur etiam translatum esse, ut cito inferius plenius dicetur. Item superius legitur, quod *Erpwaldus* rex *Eftanglia* filius regis *Redwaldi* antequam factus fuerat rex, *Gallia* exulans, scholas ut ibi viderat, sancto *Felice* episcopo se juvante, instituit puerorum. Sed secundum quosdam, adhuc ante ista tempora fuerunt duo studia in *Anglia*, unum de *Latino*, & aliud de *Græco*, quorum unum *Græci* posuerunt apud *Oreglade*, quæ modo dicitur *Hirkelade*, & ibidem linguam *Græcam* pro tempore docuerunt. Aliud vero *Latini* posuerunt apud *Latinelade*, quæ modo vocatur *Leccelade* juxta *Oxoniam*, linguam ibi *Latinam* docentes.

Sed modo videndum est de locis ubi studia primo floruerunt; & de hoc *Alexander Nequam* in libro suo de naturis rerum ait. O felicia antiquorum tempora, in quibus ipsi imperatores mundum sub-

arrantes seipsos philosophia dederunt, ut patuit de Alexandro, de Julio Cæsare, de Tholomeo rege Ægypti, qui fuerunt sapientie studiosi. Et ut ait ibidem, Cujuslibet regni quia in immensum quamdiu artium ingenuarum in ipso floruerunt studia hostibus regni restiterunt, ut patet de Græcia quando floruerunt studia Athenis; de Roma, de regno Francorum, ex quo floruerunt studia in illo. Victoria enim militia & gloria philosophia quasi simul concurrerunt; & hoc merito, quia philosophia vera docet iuste & recte regulare: Per me enim reges regnant, ait sapiens Proverbiorum lxxviii. & de hoc ait idem Alex. Nequam. Abraham in Ægypto docuit quadrivium, & sub tanto doctore Mathematicis invigilantes, disciplinis immobiles suaserunt philosophos. Deinde Plato descendit in Ægyptum, Pithagoras & alii philosophi: Deinde cæpit Græcia nobilitate philosophorum frequentari, & consecrata sunt Athenæ sapientie dea. Et de hoc Augustinus xviii. De Civitate Dei cap. viii. quod Minerva tanquam dea colebatur. Regnante deinde Atheniensibus Cicope, sub quo ipsam vel instauratam ferunt, vel conditam civitatem; Nam ut *Athene* vocaretur, quod certe nomen à Minerva est, hanc causam variam indicat, ut ait enim Augustinus cap. 9. recitans fabulosam historiam, quod cum illic repente apparuisset oliva arbor, & alio loco aqua erupisset, misit rex ad Apollinem Delphicum ad sciscitandum quid esset faciendum. Ille respondit, Quod olea Minervam significaret, aqua Neptunum, & quod esset in civium potestate ex cuius nomine illorum duorum civitas vocaretur. Et convocata multitudine utriusque sexus (mos enim erat quod femina convocarentur ad ferendum suffragium) mares pro Neptuno, femina pro Minerva tulerunt sententias, & quia una plus inventa est femina, Minerva vicit. Tunc Neptunus iratus marinis fluctibus exastuantibus terras Atheniensium depopulatus est. Spargere enim latius aquas demonibus non est difficile. Cujus ut iracundia placaretur, triplici supplicio sunt affecta mulieres, scilicet ut nulla ulterius ferret suffragia, & ut nullus nascentium nomen maternum acciperet, & ne quis eas Athenas vocaret. Ita illa civitas mater aut nutrix liberalium literarum, & tot & tantorum philosophorum, qua nichil habuit Græcia celebrius atque nobilius, nomen accepit, prout ait ille auctor. Hæc Augustinus.

De nobilitate autem hujus civitatis & dispositione, Ethicus philosophus cujus librum transtulit Jeronimus, bene circa medium, ubi ait se disputasse cum philosophis, scilicet Athenis, & ibidem eam, i. Graciam, paterna viscera & materna ubera nuncupavit: moenia munita, mare floridum, cuncta in illis flumina, rivuli senibus conscitis, stipiti hærentia coma, arbuta, & nemora vinata, ornata, mala punica, colles eminentes, & sic de aliis ut ibi enumerat. Et huic consonat quod dicitur in vita sancti Dionisi, ubi loquitur de situ Athenarum, & ea appellata materna viscera, & materna ubera Minervæ consecrata, & de ipsius nomine nomen affecta est. Hæc civitas prima cunctarum urbium leges condidit, & aliis jura tradidit vel mutavit. Solon enim tradidit leges Atheniensibus. De hac eadem in parte Solinus lib. 3. & papa similiter & magister Historiæ super Actnum cap. xviii. ubi loquitur de adventu Pauli Athenas, & disputationes cum phi-

losophis habuit. In illa fuit Dionisius insulatus toga phisica, ut dicitur in vita sua, & conversus à Paulo. De multitudine vero liberalium artium quæ ibi docebantur recitat Boetius de disciplina scolarium post medium, ubi loquitur de illo qui ostendit loca studiorum. Hinc, inquit, vigent Caldeorum præfagia, id est, divinationes. Hic Tholomei veri Astronomi non latens gloria. Hic Aristotelis sincera veritas. Hic Platonis probata divinitas. Hic Zenonis concretio. Hic Pythagore promissio, & sic de multis aliis quos ibi enumerat. In hiis Athenis erat Ariopagus, id est, pagus Martis: ex quo loco Ariopagite appellati sunt Curiales urbis ejusdem; & de origine hujus nominis, Augustinus de Civitate Dei capitulo x. communi loquendo dicebatur vicus Martis, in quo erat templum Martis, quia illi vicos nominabant à diis quos colebant, ut dicitur in historia super actibus Apostolorum.

Ad portam hujus civitatis sedebat senex, ad objugandum volentes intrare ut ibi philosopharentur, & si videret in eis signa impatientiæ eos repelleret, & si videret contraria, admittebat eos. Et de hoc narratur in vitis patrum ante finem, ubi dicitur, Quod quidam philosophus moriens, filium suum alteri commendavit, qui proventus adulteravit uxorem nutritoris sui. Cujus scelere cognito, ejectus est. Cui pœnitenti redempti dedit primo pœnitentiam, ut esset tribus annis cum illis dampnatis qui deponebant metalla in flumina. Cui post tres annos redempti, dixit iterum, Vade per alios tres annos & da mercedes ut injurias patiaris. Quod & fecit, & ivit tunc Athenas ut philosophiam disceret. Erat autem ad portas civitatis senex philosophus sedens atque intrantes contumeliis afficiebat, injuriavitque illum juvenem. Qui cum esset injuratus, risit. Cui senex ait, Quid est hoc? ego injurias tibi facio & tu rides. Cui juvenis respondit, Non vis ut rideam, qui tribus annis dedi mercedem ut injurias paterer; & hodie eas gratis patior? prorsus subrideo. Cui tunc dixit senex, Ascende & ingredere civitatem. Hæc ibi. Nobilis ergo civitas fuit illa, & illustres philosophi in ea, & varia studia, & ordinatus modus studendi ac pacificus, ex quibus non admittebantur ad vacandum philosophiæ nisi patienter injurias sustinentes. Et hoc merito, quia ut ait Augustinus in tractatu de Patientia, Patientia est comes sapientiæ, non famula concupiscentiæ; amica bonæ conscientiæ, non inimica innocentie. Et licet esset tam nobilis civitas & tam nobilia studia, quia tamen non fuerunt illuminati lumine fidei, evanuerunt multi in cogitationibus suis, sicut & alii philosophi inflati scientia humana, & curiosi ad vana audienda. Athenienses enim ad nil aliud vacabant, nisi aut dicere aut audire aliquid novi, Actnum viii. Et de hac civitate Trogus Pompeius libro primo ait. Quod urbem Minervæ consecravit Amphitriades, & nomen Athenas dedit: et sequitur, Civitati nulla leges quia libido regum pro legibus erat. Eligitur Solon vir justitiæ insignis qui velut novam civitatem legibus conderet. De hiis enim ait Valerius lib. 5. cap. 4. Cum æquissima jura & iniquissima ingenia haberent, maluerunt moribus suis quam legibus uti. Et cap. 9. fuit dictum de eis, Athenienses quid sit rectum sciunt, sed illud facere negligunt.

Deinde Romanis subastantibus floruerunt studia Roma

Roma et in Italia, unde et Italici philosophorum auctorem habuerunt Pythagoram, et philosophiæ vacabant etiam imperatores. Julius enim Cæsar polluit magna sapientia, sicut dicitur in libro de vita Cæsarum. Et Cato optimus orator et optimus imperator, ait Solinus libro primo; unde et Roma senatores multi fuerunt magni philosophi; et ibi floruerunt Latini philosophi sicut Tullius et Virgilius, et sic de aliis. Ibi docuit Augustinus Rhetoricam, prout ait de se libro 5. Confessionum. Sedulo ergo agere cœperam propter quod veneram ut docerem Romæ artem Rhetoricam. Deinde regnante magno Karolo cœpit florere studium Parisius, ut enim dicitur in tractatu qui vocatur Speculum. Alquinus de Roma studium Parisius transfudit, quod illuc de Gracia à Romanis fuit translatum. Fuerunt autem quatuor fundatores hujus studii, scilicet Rabanus, Alquinus, Claudius, et Johannes Scotus.

Et ubi recitatur in chronicis metropol. Areletensis dicitur, Quod caput aureum statua, de qua Danielis primo, per Karolum magnum erexit Deus in Francis. Qui cum regnaret, & studia literarum deessent, & essent in oblivione, & cultus divinitatis teperet, contigit duos Scotos monachos de Hibernia cum mercatoribus Britannicis ad litus Gallix devenire, in secularibus & sacris literis eruditos; Qui cum nichil venale ostenderent, ad turbas convenientes causa emendi clamare solebant; Si quis est avidus sapientiæ veniat ad nos, & accipiat eam, nam apud nos est venalis; & sic factum est saepe. Aliis putantibus eos esse insanos, venit hoc ad aures regis, vocatique sunt ad regem. Et cum quæreretur, an haberent sapientiam, responderunt se habere illam, & in nomine Domini quærentibus eam dare parati sumus, inquirunt. Quo quærente, quid pro ea peterent. Responderunt se petere tria. Loca oportuna, & animas ingeniosas, & illa sine quibus ista vita non potest transire, scilicet alimenta, & vestimenta quibus tegamur. Tunc rex gaudio repletus utrumque secum retinuit. Et postea cum iret ad bellum, unum, nomine Clementem, Parisius residere fecit; nobilesque pueros ei commendavit, & ut erat necessarium, victualia ministrari præcepit, opportunis ad inhabitandum habitaculis deputatis. Alterum in Italiam duxit, cui monasterium sancti Augustini juxta Tynensem urbem delegavit, ut qui vellent addiscere, possent ad eum aggregari.

Hoc audito, scilicet quod rex grater sapientes & religiosos viros susciperet, venit Alquinus cum sociis ad eum, in omnibus scripturis exercitatus ut discipulus Bedæ, quem rex secum usque ad finem retinuit, nisi cum ad bella iret, deditque ei abbatiam beati Martini, ut quando esset absens quiesceret, & ad se consuetos doceret. Et sic Franci æquati sunt Romanis & Atheniensibus, scilicet quoad gloriam studiorum in philosophia & artibus liberalibus. Hæc ibi. De civitate vero Parisensi & studiis ejus, Boetius in libro de Disciplina Scolariū post principium sic tangit. In civitate, inquit, Julii, quæ Parisius dicebatur, multas artes mendicare prospeximus, &c. Ubi ait Expositor, quod Julius Cæsar ampliavit Parisius, sed non fundavit. Erat enim tunc temporis castrum quoddam Yseos, scilicet cujusdam deæ, quia in eo Ysis colebatur, quod nunc Meldunum appellatur,

situm in medio Secana. Civitas autem Parisius erat similiter sita in medio Secana. Inde dicebatur Paryseos, id est, par Isidi, scilicet illi castrum quod dicebatur Yseos. Postea vero ampliata est sicut nunc patet. Quam vero apta erat vacandis studio narratur in vita sancti Dionysii, ubi dicitur, Quod Paryleorum civitas ut sedes regia nobilitate pollebat, quia salubris aere, jocunda flumine, fecunda terris, arboribus nemorosa, & vineis uberima, constipata populis, referta commerciis ac variis commeatibus, unda fluminis circumfluente. Hæc ille. Ob hoc, loci amœnitatem, patriæ fertilitatem, ac regni pacificam tranquillitatem, & regum consuetam pietatem ordinate providit Deus, quod ibi sapientialia studia florerent.

De isto rege Aluredus scribitur, quod cum adultus effectus esset & mentem suam in Dei mandatis stabilire vellet, sed propter carnis petulantiam tunc sibi valde molestam hoc perficere non posset, Sanctorum templa mane, vespere & gallicantu crebro pro sedanda hac illecebra visitabat, exorans Deum ut carnem suam tali infirmitate flagellaret, ut; mundanis actibus non inutilis, Deo liberius vacare posset. Unde Dei nutu fici langorem per multos annos sustinuit; sub qua tandem desperans, Cornubiam adiit, ecclesiam sancti Guevori, ubi sanctus Neotus requiescit, visitavit, & ibi pro morbo sedando aut saltem immutando Deum rogavit. Tradunt tamen nonnulli eum per sanctam Modewennam virginem Hibernicam ab hac peste curatum. Voto tandem adepto, infestior eum morbus etiam subruptius anno xx. usque ad xlv. annuum acrius fatigavit. Igitur nati sunt ei ex Ethelwithe regina sua duo filii, Edwardus qui dicitur senior, & Egelwardus, & tres filię, Elfleda Merciorum domina, Ethelgora sanctimonialis, & Ethelginda; quas omnes liberalibus fecit artibus erudiri.

Iste etiam Aluredus rex omnes proventus suos in duas partes divisit. Quarum primam adhuc in tres partes subdivisit, quas tribus cohortibus suis distribuit. Dux namque partes regaliū ministrorum semper duobus mensibus ad disponendum rem familiarem domi residebant; tercio mense quælibet cohors coram rege ministrabat. Secundam vero particulam primæ partis operariis diversis quos undecumque collegerat dari iussit; terciam autem particulam advenis confluentibus impendebat. Secundam vero partem principalem primæ partis adhuc in iiij. æquales particulas divisit. Quarum primam pauperibus, Secundam monasteriis fundandis, Terciam scolariis Oxoniæ noviter congregatis, Quartam ecclesiis reparandis assignabat. Dimidiam etiam partem suæ vitæ Dei servicio deputavit; unde ceram ad pondus lxxij. denariorum appendi fecit, ex qua vj. candelas effigavit, quarum quælibet longitudinem transversæ pollicis duodecies continebat, quæ & per xxxij. horas diei & noctis sine defectu coram reliquiis Sanctorum quas secum adduxerat jugiter arderent.

Et licet inter arma leges fiant, ipse tamen Aluredus rex inter fremitus armorum leges tulit, & Centurias quas Hundredas dicunt, & decurias quas Trihingas vocant instituit, pacem inter suos custodivit, & latrones in tantum castigavit, quod in semitis quæ per quadrivium finduntur, armillas au-

reas iussit suspendi, quæ viantium aviditatem arri-
derent, dum non essent qui eas arriperent. Dum
autem iste rex *Aluredus* omnia feliciter consum-
masset, & xxviij. annis & dimidio super totam *Angliam*, præter illas partes quæ *Dacis* erant subjectæ,
regnasset, aculeum mortis sentiens apud *Wyntoni-*
am obiit, & ibi in novo monasterio sepelitur; ubi de
eo sic metricè scribitur.

Nobilitas innata tibi probitatis honorem
Armipotens Alurede dedit, probitasque laborem,
Perpetuumque labor nomen cui mixta dolori.
Si modo victus erat, ad crastina bella parabat;
Si modo victor erat, ad crastina bella pavebat.
Jam post transactos regni vitæque labores
Christus ei sit vera quies, sceptrumq; perhenne.

Leges prædicti Aluredi regis Westsaxonum.

Postquam natus pro salute nostra Dei filius Do-
minus & salvator noster Iesus Christus venit in
mundum, ait, *Non veni solvere, sed adimplere pie-*
tate sola & misericordia. Et post passionem & re-
surrectionem, antequam discipuli essent in omnem
terram ad prædicandum dispersi, dum adhuc simul
erant, multos ex gentium populis ad Deum conver-
terunt, & nuncios miserunt *Antiochiam*, & *Siriam*,
& *Ciliciam* evangelizare regnum Dei. Et cum cog-
novissent quid inter eos ageretur, scripserunt eis.
Et hæc est epistola quam apostoli miserunt omnibus
Antiochiam, & *Siriam*, & *Ciliciam*, qui nunc ex
gentibus servitute ad Dominum sunt conversi.

Apostoli & seniores fratres his qui sunt Antio-
chiæ, Sirizæ, & Ciliciæ fratribus & gentibus, salu-
tem. Quoniam audivimus, quod quidam ex nobis
exuentes turbaverunt vos verbis, potius evertentes
animas vestras, placuit nobis collectis in unum eli-
gere viros, & mittere ad vos cum karissimis no-
stris Barnaba & Paulo; hominibus qui tradere
animas suas pro nomine domini nostri Iesu Christi.
Misimus etiam ad vos Judam & Silam, qui &
ipsi vobis verba referrent eadem. Visum est enim
spiritui sancto & nobis, nichil ultra imponere vobis
oneris, quam hoc necessario, ut abstineatis vos ab
immolatione simulacrorum, & sanguine, & suffo-
cato, & fornicatione, à quibus custodientes vos be-
ne ageris. Quod vobis non vultis fieri, non faciatis
alii. Valete.

Ex hoc uno iudicio perpendi potest, ut unicuique
iustum iudicetur, nec opus est aliquo libro iudiciali
præter hoc fatigari, quam ne quis alii iudicet, quod
sibi iudicari nolle si iudicium haberetur super eum.

Postquam contigit quod plures nationes fidem
Christi susceperunt, religione crescente, plures Syn-
odi circumquaque convenerunt. Et ita etiam in
Anglorum gente, postquam ad Christianitatem
pertraxerunt, sancti episcopi & sapientes laici statu-
erunt pro misericordia quam Deus docuit, ut terreni
domini audeant ex eorum licentia sine peccato, in
prima culpa pecuniariam emendationem capere,
quam ibi decreverunt; præter prodicionem Domini,
in qua nullam pietatem ausi sunt intueri, quia De-
us omnipotens nullam adjudicavit contemptoribus
suis, nec Dei filius *Jude* proditori suo; & præcepit
Dominum diligere tanquam seipsum. Et multis Syn-
odis suis, multorum forisfactorum emendationes
aptaverunt, & ex multis Synodalibus libris unde-
cumque capitula scripserunt. Ista & decem Dei
præcepta, & leges *Mosaicæ*, & *Judicia*, quæ ipse

Deus locutus est ad *Moysem*, & præcepit ei custodire,
Elfredus rex *Westsaxonum* simul fecit colligi, & in
scriptis redigi, ita dicens; Ego tunc *Elfredus* rex
hæc collegi simul & scribi præcepi; Multa quæ præ-
decessores nostri tenuerunt, & michi placuerunt re-
servavi, & multa quæ displicuerunt abjeci consilio
sapientum meorum, & aliter observari præcepi. Et
nolui multa de meis in scriptura ponere, quia dubi-
tamus quid posteris inde placeret; sed quæ reperi
diebus *Inæ* regis cognati mei, vel *Offæ Merciorum*
regis, vel *Ethelbrihtes* qui primus in *Anglorum* re-
gibus baptizatus est, quæ michi iustiora visa sunt,
hæc collegi, cætera dimisi. Ego *Elfredus Westsaxe-*
num rex ostendi hæc omnibus sapientibus meis, &
dixerunt; *Placet ea custodire.*

Incipiunt capitula legum dicti regis *Aluredi*.

CAP. I.

De iuramentis & vadiis.

II.

De confugio ad ecclesiam.

III.

De infractione plegii regis.

IV.

De morte regis & cuiuslibet domini.

V.

De pace ecclesiarum & earum libertate.

VI.

De furatis die festo.

VII.

De furatis in ecclesia.

VIII.

De pugnantis in domo regis.

IX.

De ducente Sanctimoniali ab ecclesia.

X.

De puero in matre occiso.

XI.

De paritate mitarum.

XII.

De sponsa fornicata.

XIII.

De injuria cirillica femina.

XIV.

De nemore combusto vel secato.

XV.

De interfecto à casu in communi opere.

XVI.

De muti hominis vel surdi forisfacto.

XVII.

De illis qui pugnant coram archiepiscopo.

XVIII.

De vaccis vel equabus furatis.

XIX.

De aliquo imbecilli in commendatione mortuo.

XX.

De apprehensione Nunna.

XXI.

De præstantibus arma ad occisionem.

XXII.

De forbatore armorum & fabro.

XXIII.

De pecunia commissa monacho.

XXIV.

De presbytero homicida.

XXV.

De proclamatione ostensa.

XXVI. De

XXVI.

De morsu canis emendando.

XXVII.

De homine qui pecus vulnerat.

XXVIII.

De violento concubitu femina villana.

XXIX.

De servo qui servam violenter cogat.

XXX.

De homine trihundo, id est, ducenteno occiso.

XXXI.

De homine sexhundo, id est, sexcenteno.

XXXII.

De xij. hundo qui est plene mobilis.

XXXIII.

De virgine vi subacta.

XXXIV.

De homicida vel occiso carente cognatione.

XXXV.

De publico mendacio confecto.

XXXVI.

De Dei plegio violato.

XXXVII.

De mercatoribus.

XXXVIII.

De villano homine injuste ligato.

XXXIX.

De custodia lanceæ.

XL.

De mutatione mansionis.

XLI.

De pugna in placito coram Aldermanno.

XLII.

De illo qui placitum populi armis turbaverit.

XLIII.

De pugna vel extractione armorum in domo villani.

XLIV.

De infractura borge regis vel archiepiscopi.

XLV.

De fractione sepi rustici.

XLVI.

De velo in Quadragesima injuste deposito.

XLVII.

De terra hereditaria.

XLVIII.

De inimico negante rectum postulanti.

XLIX.

Ubi sine wita liceat pugnare.

L.

De festivitatum observatione.

LI.

De plagis corporalibus.

CAP. IO. Sax. 1. Editione Cantab.

IN primis est, quod maxime necessarium est cui-
cunque fidelium, fidem & juramentum suum,
multa (ut convenit) observantia custodire. Si quis
tamen ad alterutrum cogatur injuste, vel ad prodi-
tionem domini, vel injustum aliquod adjutorium;
rectius est hoc ementiri quam impleri. Si quis au-
tem vadiet quod fieri justum sit, & transgrediatur,
committat arma sua & pecuniam amicis suis in cu-
stodiam, & sit 40. noctibus in carcere ad mansio-
nem regiam, & poeniteat secundum iussionem epi-
scopi sui, & parentes ejus pascant eum si ipse vi-
ctum non habeat. Si autem parentes non habeat,

aut cibum, Præpositus regis procuret eum. Et si
cogi oporteat & aliter nolit, si ligeretur perdat arma
sua, & totam pecuniam suam; si occidatur, inultus
jaceat. Si aufugiat ante terminum & iterum capia-
tur, sit 40. noctibus in carcere, ut ante debuerat. Si
amittatur, sit forbannitus, & excommunicatus ab
omnibus Christi ecclesiis. Si tunc aliquis plegius
interfit, emendet infracturam plegii sicut rectum
edocbit, & infracturam vadii secundum poenite-
tiæ censuram.

II. Sax. 2.

Si quis ad ecclesiæ mansionem pro qualicunque
culpa confugiat, quæ ad firmam regis non pertinet,
vel alteri modo deserviat, & venalis sit, habeat tri-
um noctium terminum cavendi sibi; nisi reconciliari
quæsierit. Si quis infra hunc terminum impalignave-
rit eum, vinculis aut verberibus, emendet singulorum
eorum secundum restitutionem patriæ wera, wita,
& ecclesiæ ministris Cxxs. pro infractione pacis.

III. Sax. 3.

Si quis plegium regis infringat, emendet inculpa-
tionem sicut rectum est, & infracturam plegii v. li-
bris Merciorum denariorum. Archiepiscopi Brith-
brice sive mundbrice emendetur iij. l. Aliorum
Episcoporum vel Comitum ij. l.

IV. Sax. 4.

Si quis vel per se, vel susceptam, vel suspectam
personam de morte regis tractet, vitæ suæ reus sit,
& omnium quæ habebit. Si se velit adlegiare, se-
cundum regis weregildum hoc faciat. Sic etiam po-
nimus de omni ordine vel natione villanorum, Co-
mitum, qui de morte domini sui cogitabat, sive ipsius
vitæ culpabilis habeatur; perdat omnia quæ sua sunt,
vel secundum natale domini sui festinet abnegare.

V. Sax. 5.

Item statuimus, ut Dei ecclesiæ dedicatæ pacem
habeant. Si quis facinorosus incurrat vel ad eam
confugiat, nullus eum vij. diebus contingat vel ex-
trahat; si quis hoc præsumat culpabilis sit infractio-
nis regis pacis & ecclesiæ, & amplius, si forisfaciat
amplius, si pro fame vivere possit, si non imprælietur.
Si æditui majus opus habeant ecclesiæ suæ, custo-
diant eum in alia domo quæ non habeat plura hostia
quam ecclesiæ. Et caveat ipsius ecclesiæ senior ne
interim reum pascat. Si inimicis suis arma sua
reddiderit, & se dederit, servetur xxx. noctibus, &
parentibus, & amicis suis interim offeratur. Item
qui ad ecclesiā confugiat pro quacunque culpa
quæ non prolata sit, & eam in nomine domini gra-
tis confitetur, dimidium forisfacti condonetur ei.

VI. Sax. 6.

Qui furatur die Dominica, vel in sancto natali,
vel in pascha, vel in ascensione Domini, In quolibet
eorum volumus dupliciter emendandum sit, sicut
in quadragesimali jejuniis.

VII. Sax. 6.

Si quis in ecclesiā furetur aliquid, restituat hec
seinel, & forisfactum sicut ad angildum pertinet,
& amputetur ei manus de qua furatus est. Si ma-
num redimere velit, & hoc ei permittatur, compo-
nat sicut ad veram ejus pertinebit.

VIII. Sax. 7.

Si quis in domo regis pugnet vel arma extrahat,
& capiatur, sit in arbitrio regis, sit vita sit mors, si-
cut ei condonare voluerit. Si aufugiat & iterum ali-
quando capiatur, redimat se precio nativitatæ suæ;
& culpam emendet, sit wita, sicut egerit.

IX. Sax. 8.

IX. Sax. 8.

Si quis Sanctimonialē ab ecclesia duxerit, sine licentia regis aut episcopi, det Cxx. s. dimidium regi, dimidium episcopo & ipsius ecclesiæ domino cuius monacha fuit. Si ipsa diutius vivat quam qui eam abduxit, nihil de pecunia ejus habeat. Si infantem procreaverit, nihil inde habeat infans, sicut nec mater ejus. Si puer eorum occidatur, habeat partem rex maternæ cognationis, parentes patris partem suam habeant.

X. Sax. 9.

Si femina prægnans occidatur dum puer in ea sit, solvatur ipsa pleno gildo secundum veram patris, & partus dimidio gildo secundum veram matris.

XI. Sax. 9.

Sit semper wita lx. s. donec *angildum* exurgat ad xxx. s. postquam *angildum* ad id crescat, postea fit wita Cxx. Aliquando fuit de eo qui aurum furabatur vel equas sylvestres vel apes, quod multæ witæ fuerunt majores quam aliæ, nunc sunt omnes pares qualitate præter qui hominem furatur Cxx. s.

XII. Sax. 10.

Si quis fornicetur cum uxore hominis *twelfbindes*, emendet ipsi marito Cxx. s. homini *sexhindo* C. s. *Cirlisco* lx. s. emendet. Et hoc in viventi capitali componatur, & nemo vendatur pro eo.

XIII. Sax. 11.

Si quis cirlicæ feminæ pectus apprehendat, v. s. emendetur ei; si supinet eam, nec tamen concumbat cum ea, x. s. emendet; si concubuerit, lx. s. emendet ei. Si aliquis cum ea jacuit antea, fit emendatio medietas hoc: si accusetur inde adlegiet se per Lx. hidas, vel dimidium emendationis amittat. Si hoc in nobilius oriunda muliere contigerit, crescat ejus emendatio sicut ejus natalis ingenuitas erat.

XIV. Sax. 12.

Si quis nemus alterius sine licentia comburat vel *tabet*, solvat omne grossum lignum v. s. deinceps omne quotquot sint v. d. restituat, & xxx. s. witæ, id est forisfacti.

XV. Sax. 13.

Si quis in communi opere alium casu dejiciat, reddatur lignum parentibus interfecti, & habeant hoc infra xxx. dies eductum de terra illa, vel habeat hoc cuius erat nemus.

XVI. Sax. 14.

Si quis surdus sit aut mutus natus, ut non possit negare, vel confiteri peccata sua, emendet pater ejus forisfacta sua.

XVII. Sax. 15.

Si quis coram archiepiscopo pugnet, vel arma extrahat, emendet Cxxx. s. si coram alio episcopo, vel Aldermanno faciat, C. s. emendet.

XVIII. Sax. 16.

Si quis vaccam vel equam furetur, vel prægnantes affligat, reddat partum pro solido uno, & matrem secundum precium æstimatum.

XIX. Sax. 17.

Si quis alii suum imbecille quid commendet, & in illa commendatione moriatur, adlegiet se facinoris qui pascebat illud, si ab aliquo compellatur inde.

XX. Sax. 18.

Si quis nunnam causa fornicationis in vestes aut in sinum sine licentia comprehendat, fit hoc duplo emendabile, sicut ante simpliciter de laica decrevimus.

XXI. Sax. 19.

Si quis præstet arma sua ad occidendum aliquem, licet ei si velit weram mortui conjectare. Si similari nolit, reddat qui arma præstiterit terciam partem ipsius weræ; si velit se purgare quod ad eam commendationem malum nescivit, hoc ei liceat.

XXII. Sax. 19.

Si quis forbator alicujus arma susceperit ad purgandum, vel faber alicujus opus faciendum, ipsi hoc quietum reddant sicut receperunt, si non eorum custodiam diffinitis prælocutionibus abdicarant.

XXIII. Sax. 20.

Si quis alterius monacho pecuniam commenda- verit sine licentia domini ipsius monachi, & amittatur, nihil inde recipiat qui commisit ei.

XXIV. Sax. 21.

Si presbyter hominem occidat, capiat, & totum unde sibi mansionem emerat, & exordinet eum episcopus, & tunc ab ecclesia reddatur, nisi dominus suus componere velit weram ejus.

XXV. Sax. 22.

Si quis in conventu publico præposito regis proclamationem ostendat vel ostensionem denunci- et, & postea cessare velit, pertrahat hoc ad rectiorem manum si possit; si non possit, perdat suum *angildum*, & reddat wita præposito.

XXVI. Sax. 23.

Si canis hominem desubitet aut mordeat tacitus, in prima culpa reddantur vj. s. si ei postea dominus ejus victum dederit, in secunda vice dabit xij. s. & tercia vice xxx. si in hiis forisfactis aliquis canis perdat, procedet inde hæc emendatio. Si canis amplius peccet, & habeatur, emendetur plena wera sicut malum inflixit.

XXVII. Sax. 24.

Si alicujus animal hominem vulneret, reddatur ipsum animal, vel inde componatur.

XXVIII. Sax. 25.

Si quis *ceorles* mancipium ad violentum concubitum comminetur, emendet ipsi *ceorlo*, id est rustico v. s. & lx. s. witæ.

XXIX. Sax. 25.

Si servus servam cogat ad violentiam perferendam, castretur.

XXX. Sax. 26.

Si quis hominem *twibindum* innocentem cum *hlorthe*, id est cohorte occidat, reddat qui ictum confitebitur weram & wita, & omnis qui interfuit reddat xxx. s. pro *hlorhbota*.

XXXI. Sax. 26.

Si fit homo *sexhindus*, unusquisque reddat pro *hlothbota* lx. s. & percussor weram cum plena wita.

XXXII. Sax. 26.

Si homo xij. hindus sit, quotquot interfuerint Cxx. s. reddant, & occisor weram & wita. Si *hloth*, id est cohors vel collectum contubernium hoc faciat, & postea negare velint, incausentur omnes, & omnes mortis illius compositionem conjectent, & omnes unam wita persolvant sicut ad ipsam weram pertinebit.

XXXIII. Sax. 25. parte ult.

Si quis virginem immaturam violenter opprimat, fit hoc sicut adultæ mulieris emendatio.

XXXIV. Sax. 27.

XXXIV. Sax. 27.

Si quis ex parte patris sui cognatione carens homicidium faciat, si ex materna parte cognationem habeat, reddat ipsa tertia pars compositionis, tertiam gildones, & pro tertia parte fugiat. Si nec maternam cognationem habeat, solvant gildones ejus dimidiam compositionem, & pro dimidia fugiat. Si quis occidat hujusmodi qui parentes non habeat, compositionis medietas solvatur regi, & medietas gildonibus.

XXXV. Sax. 28.

Si quis publicum mendacium confingat, & in ipso denique firmetur, non emendetur hoc aliqua levi re, sed amputetur ei lingua, nec minori precio redimiliceat quam secundum veram ejus appreciatur.

XXXVI. Sax. 29.

Si quis alii Dei plegium intemptet, & compellare velit, quod ei aliquod ipsorum non compleverit, præjuret hoc in quatuor ecclesiis, et si alius se purgare velit, in xij. ecclesiis hoc faciat.

XXXVII. Sax. 30.

Eciam jam de mercatoribus statutum est, ut homines quos secum ducunt in negotiationem suam ostendant præposito regis in publicis actionibus, et edicant quot sint, et eos denique secum assumant quos ad rectum publicum possint adducere. Et cum opus evenierit, ut secum plures habeant simul, hoc notificent præposito in publici conventus testimonio.

XXXVIII. Sax. 31.

Si quis hominem circilsum injuste ligaverit x. s. emendet: si eum verberet, xx. s. emendet: si eum in suspensio mittat xxx. s. emendet: si eum reddat in contumeliam ad collificium x. s. emendet: si eum radat in presbyterum solutum xxx. s. emendet: si barbam ei radat x. s. emendet: si eum ligaverit et ad presbyterum radat lx. s. emendet.

XXXIX. Sax. 32.

Inventum est etiam, si quis habeat lanceam super humerum suum, et homo assuasetur vel impungatur, solvat veram ejus sine wita. Si autem oculos assuasat reddat veram ejus, et possibilitatis accusetur in eo facto, et purget se juxta modum wita, et ita remaneat de wita si acutum lanceæ altius feratur tribus digitis quam cuspis; si æqualiter ferantur acies et cuspis, sine culpa reputetur.

XL. Sax. 33.

Si quis ab una mansione in aliam transire velit, faciat hoc testimonio Aldermanni in cujus comitatu prius solgavit. Si præter illius licentiam abscedat, qui eum in hominem susceperit Cxx. s. forisfacturæ reddat. Dividatur tamen hoc dimidium regi in comitatu quo ante incoluit, dimidium vero in eo in quo venerit. Si quid etiam male fecerit ubi prius fuit, hoc emendet qui eum recepit ad hominem, & regi Cxx. s. wita.

XLI. Sax. 34.

Si quis coram Aldermanno Regis pugnet in publico, emendet weram & wita, sicut rectum sit, & super hoc Cxx. s. ad wita.

XLII. Sax. 34.

Si quis *Folcmot*, id est populi placitum armorum exercitatione turbabit, emendet Aldermanno Cxx. s. wita, id est forisfacturæ. Si coram minore contigerit, aut coram presbytero regis, sit wita xxx. s.

XLIII. Sax. 35.

Si quis in *ceorliscas mannes flet gefehle*, id est

in rustici hominis area domus pugnet, v. s. emendet ipsi rustico; si arma extrahat nec inde pugnet, sit dimidium hoc. Si horum aliquid accidat homini sexhindo, tripliciter exargat emendatio super emendationem rustici, xij. hindi hominis dupliciter a sexhindo.

XLIV. Sax. 36.

Regis *brorhbrece* est Cxx. s. Archiepiscopi Cxx. s. Episcopi vel Aldermanni, quem Latine Comitem vel seniore dicunt, lx. s. xij. *hinde* xxx. s. *sexhindo* hominis xv. s.

XLV. Sax. 36.

Ceorli Coderhyre, id est rustici sepi fractio v. s. emendetur. Si horum aliquid eveniet quando exercitus foris est, vel in quadragesimali jejunio, sit dupliciter emendandum.

XLVI. Sax. 36.

Si quis in quadragesima sanctum velum in populo sine recto deponat, emendet Cxx. s.

XLVII. Sax. 37.

De eo qui terram hæreditariam habet quam ei parentes sui dimiserunt ponimus, ne illam extra cognationem suam mittere possit, si scriptum inter sit testamenti & testis quid eorum perhibuerit, qui hanc in primis acquisierunt, & ipsorum qui dimiserunt ei ne hoc possit, & hoc in regis & episcopi testimonio recitetur coram parentela sua.

XLVIII. Sax. 38.

Etiam instituimus, Homo qui inimicum suum residentem scit, non ante impugnet eum quam sibi rectum postulet. Si vim habeat ut hostem suum circumveniat, & obsideat eum vij. noctibus intus, nec assailiat eum si ille velit immorari. Si velit in manus ire & arma sua reddere, custodiat eum xxx. noctibus illæsum, & parentibus suis eum offerat & amicis. Si vim non habeat ut eum intus obsideat, vadat ad Aldermannum & quærat auxilium. Si ei subvenire nolit, adeat regem priusquam assailiat eum. Si quis etiam superveniat in hostem suum, & eum antea residentem nesciat, si hostis ille velit arma sua reddere, custodiatur xxx. noctibus, & amicis offeratur; si nolit arma sua reddere, tunc licet eum impugnare: si velit in manus ire & arma sua reddere, & aliquis super hoc impugnet eum, solvat sic weram, sic vulnus sicut egerit, & wita perdat quod de cognatione sua requirebat.

XLIX. Sax. 38.

Item dicimus ut homini liceat pugnare cum domino suo sine wita, si quis assailiat ipsum dominum: sic liceat Domino pugnare cum servo suo. Ad eundem modum potest homo pugnare cum germano cognato suo si quis assailiat eum injuste; præter contra dominum, hic non concedimus. Et item potest homo pugnare sine forisfacto, si alicui obviet cum sponsa sua clausis hostiis, vel sub una veste, vel cum filia sua desponsata, vel cum sorore sua quæ de sponsa sit nata, vel cum matre sua quæ patri suo fuerit desponsata.

L. Sax. 39.

Omnibus liberis hominibus dies isti condonati sunt, præter servos & pauperes operarios, xij. dies in sancto natali Domini, & dies in qua Dominus Jesus de diabolo triumphavit, & sancti Gregorii memorialis dies; & vij. dies in pascha, & vij. supra, & unus dies in festo Apostolorum Petri & Pauli. Et in Augusto plena hebdomada ante festum sanctæ Mariæ, & in omnium Sanctorum veneratione

unus dies. Et iij. dies Mercurii in quatuor legitimis jejuniis servis omnibus indulti sunt dare cui magis voluerint, vel qui ei pro nomine domini aliquid bene fecerit, vel ipsi deservire poterint, in aliqua portione vicis suæ.

LI. Sax. 40.

Capitis vulnus si utrumque os perforatum sit xxx. s. emendetur: si os exterius percussum sit xv. solidis emendetur. Si in capillis sit vulnus longitudinis unius uncie componatur solido uno: si ante æfariam sit vulnus unciam habens longitudinis ij. s. emendetur: si auris amputetur alicui xxx. s. emendetur ei: si auditum inde perdat lx. s. emendet: si quis alii crepet oculum, solvat ei lxvj. s. & vj. denarios & terciam partem unius denarii quæ est triens: si oculus remaneat nec tamen inde videat, remaneat tercia pars emendationis: si quis alii faciem amputet lx. s. mulctetur: si quis homini primos dentes, i. *præscifores* excusserit, viij. s. culpa sit: si secundos quos *caninos* vocant, 4. s. emendabit: *mollares* dentes hominis ad xv. s. æstimentur: si quis homini genas frangat emendet xv. s. si quis homini mentum frangat xij. s. emendet. Qui gurgulionem alicui frangat xij. s. emendet: si linguam extrahat, sicut de oculo componat: si quis sitin humero vulneratus ut compaginis glutinum effluat, xxx. s. emendet: si brachium homini fractum sit supra cubitum xv. s. est emendandum: si utrumque os brachii fractum sit emendatio est xxx. s. si pollex manus amputetur homini xxx. s. emendetur: si unguis excutiat v. s. emendetur: si secundus digitus, i. index vel salutatorius amputetur xx. s. emendetur, unguis ejus iij. s. si medius amputetur, ejus emendatio sit xij. s. unguis ij. s. si quartus qui annularis dicitur amputetur xvij. s. culpa judicetur, unguis iij. s. emendetur: si minimus digitus amputetur ix. s. emendetur, unguis ejus uno solido: si transforatum sit utrumque os emendetur xxx. s. si coxa transpungatur homini xxx. s. emendetur ei: si frangatur æque sit emendatio xxx. s. Si crus transforetur alicui supra genu xij. s. emendetur: si confringatur sub genu xxx. s. si primus & major articulus pedis amputetur xx. s. multa judicetur: si secundus articulus sit xv. s. emendetur: si tercius ix. si quartus vj. si minimus v. s. constet: si quis in testiculis plagietur ut generare non possit emendetur ei lxxx. s. si homini sit brachium cum manu penitus amputatum aut cubitum, emendetur hoc ei lxxx. s. Omne vulnus ante scapulam & ante manicam & sub genu duplo majoris emendationis sit: si lumbi truncentur alicui lx. s. multa judicetur: si intus pungantur, ad illud faciant xv. s. si transpuncti sint, illud component xxx. s. si quis in humero plagietur emendetur lxxx. s. si vivat: si quis homini manum extra plagiaverit xx. s. culpa sit: si dimidia manus advolaverit, ad id reddantur xl. s. si quis homini costam fregerit intra cutem integram det x. s. ad emendationem: si quis oculum vel manum vel pedem excuciat alicui, parem emendationem componat de singulis idem lxvj. s. & vj. d. & terciam partem unius denarii: si crus alicui per excussum sit sub genu xxx. s. culpa emendetur: si quis homini scapulam truncaverit xx. s. mulctetur: si quis intra plagietur ut os extrahatur, sit emendatio xv. s. si grossi nervi truncentur alicui ut salvari non possint, xij. s. culpa sit: si homo claudicet pro vulneribus nervorum & medicamentum sanationis non admittit, xxx. s. emendetur: si graciles nervi truncentur, vj. s.

culpa judicetur: si quis in collo plagietur & inde perpetuam & insanabilem contrahat invaliditatem & tamen vivat ita contumeliatus, emendetur C. s. si non ei rectius & amplius sapientum judicia destinabunt: hoc est ut reddantur afflictiones liberorum per plenum, servorum autem per dimidium.

Incipiunt leges *Aluredi* regis & *Godrini Daci* regis *Estanglia*.

CAP. I.

De vadio recti pernegato postulanti.

II.

De fure, de hloth & de here.

III.

De fure villano fugiente.

IV.

De recedentibus sine licentia à domino.

V.

De dominis & hominibus suis accusatis.

VI.

De illis qui recipiunt homines accusatos.

VII.

De illis qui parcut furi.

CAP. I.

Si quis rectum sibi fieri postulet coram aliquibus *Schyræ* hominibus, & aliis iudicibus & impetrare non possit & vadium recti pernegetur ei, xxx. s. emendet, & infra vij. noctes faciat jus publicum.

II.

Si fur capiatur morte capiatur. Qui furem vindicabit, sit inimicus regis & omnium amicorum ejus. Fure, nominamus usque ad vij. homines, à vij. *hloth* usque ad xxxv. homines, deinceps est *here*. Qui de *hloth* fuerit accusatus abneget per Cxx. hidas vel sic emendet. Qui *heerenames* fuerit accusatus, weregildo suo se redimat.

III.

Si tuus *geneat*, id est villanus furetur & aufugiat, si habeas plegium, admoneas eum de *angildo*: si non habeas, redde tu *angildum*, & non sit ei remissus in aliquo.

IV.

Si quis recedat à domino suo præter licentiam, vel in alium comitatum se subducatur, & inquiratur ubi sit, redeat ubi prius fuit, & emendet domino suo lx. s.

V.

Præcipimus ut omnis homo habeat secum tales homines quos ad rectum possit adducere, & nullum à se dimittat qui inculpatus sit in manupasto suo, donec rectum jus publicum fecerit ei de omni placito quod loquatur super eum.

VI.

Et nemo recipiat hominem si sit culpatus sub aliquo priusquam innocens habeatur erga quamcumque manum, nisi velit eum tali conditione recipere, quod omne rectum faciet pro eo de omni verbo super eum, & ad eandem curiam obediat: si quis illud hoc modo non complebit, emendet *overhernefsam* meam.

VII.

Et qui furem dimittat vel ad capiendum eum juvare dissimulabit, emendet sicut supradictum est.

Adhuc

Adhuc de legibus dictorum regum *Alfredi & Godrini*.

CAP. I.

De dilectione Dei & pacis ecclesie.

II.

De negligentibus legem Christi & paganisum venerantibus.

III.

De ordinatis male viventibus.

IV.

De presbyteris falso pronunciantibus festum vel jejunium.

V.

De presbyteris rectis terminis crisma non perquirentibus, vel baptismum negantibus.

VI.

De fratribus vel cognatis in una fornicantibus.

VII.

De ordinato qui vitam forisfaciat.

VIII.

De reo mortis qui confiteri desiderat sacerdoti.

IX.

De decimis Dei retentis & aliis ecclesie retributionibus.

X.

De illis qui mercandisunt in diebus Dominicis.

XI.

De operantibus in diebus Dominicis.

XII.

De jejniis infractis.

XIII.

De diebus in quibus Ordaliū & Injurandum prohibeantur.

XIV.

Ne die Dominica homo forisfactus occidatur.

XV.

De forisfactis & diffactis membris.

XVI.

De sortilegis, incantatoribus, veneficis, perjuris & hiis similibus.

XVII.

De ordinatis vel alienigenis in aliquo de pecunia vel vita seductis.

Hoc est consilium quod Aluredus rex & Godrinus rex elegerunt & condixerunt, quando Angli & Dani ad pacem & concordiam plene convenerunt, & sapientes & qui postea successerunt, sapius hoc & assidue renovantes in bonum semper adduxerunt.

CAP. I. Sax. I. Edit. Cant. p. 41.

Imprimis est, ut unum deum diligere velint, & omni paganismo sedulo renunciare. Et instituerunt secularem justitiam, pro eo quod sciebant, quod non poterant multos aliter castigare; plures vero nolebant ad Dei cultum sicut deberent aliter inclinari. Et secularem emendationem instituerunt communem Christo & regi, ubicumque recusabatur lex Dei, iuste servari secundum dictionem episcopi. Et hoc est primum edictum ecclesie, pax intra parietes suos ut regis *Hand grith* semper inconvulsa permaneat.

II. Sax. 2.

Si quis Christianitatem suam male mutat, vel paganisum veneretur verbis vel operibus, reddat

sic weram, sic witam, sic *lasblyte* secundum quod factum sit.

III. Sax. 3.

Et si quis ordinatus furetur, vel prælietur, vel perjuretur, vel fornicetur, emendet sicut factum erit, sic weram, sic witam, sic *lasblyte*, & erga deum saltem emendet juxta sanctorum canonum doctrinam; & plegium faciat inde, vel mittatur in carcere.

IV. Sax. 3.

Et si presbyter populum suum misdoceat de festo vel de jejunio, reddat xxx. s. cum *Anglis* & cum *Danis* iij. dimidias marcas.

V. Sax. 3. & 4.

Si presbyter ad rectum terminum sanctum crisma non perquirat, vel baptismum perneget ei cui necesse sit, reddat witam cum *Anglis*, & cum *Dacis lasblyte*, id est xij. horis. Et de *sublegereis* sapientes instituerunt, ut rex habeat superiorem & episcopus inferiorem, nisi dignius emendetur pro Deo & pro seculo juxta modum facti, sicut episcopus docebit.

VI. Sax. 4.

Si duo fratres vel duo cognati cum una aliqua fornicentur, emendent in omni mansuetudine, sicut eis permittetur, sit wita, sit *lasblyte*, secundum modum facti.

VII. Sax. 3. in fine.

Et si ordinatus homo se forisfaciat in morte plebendis actibus exsuperetur, & episcopi judicio reservecur.

VIII. Sax. 5.

Et si quis reus mortis profiteri desideret sacerdoti, nunquam negetur ei, & omnes Dei retributiones pacificentur sedulo per Dei misericordiam, & per witam quam sapientes addicent.

IX. Sax. 6.

Et si quis decimam contrateneat, reddat *lasblyte* cum *Dacis*, witam cum *Anglis*. Si quis *Rumfeith* superteneat reddat *lasblyte* cum *Dacis*, witam cum *Anglis*. Si quis non reddat symbolum luminis, reddat *lasblyte* cum *Dacis*, witam cum *Anglis*. Si quis Dei retributiones aliquas difforciet, reddat *lasblyte* cum *Dacis*, witam cum *Anglis*. Si contra steterit ut hominem vulneret, de wita componat. Si aliquem deiciat in mortem, sit uthlaga vel exlex, & persequatur eum cum clamore omnis qui rectum amat, & si faciat ut occidatur, pro eo quod contra Dei rectum & regis imperium steterit, si hoc invenitur jaceat *orgilde*.

X. Sax. 7.

Si quis in die Dominica negotiationem facere præsumat, perdat ipsum captale, & xij. oras cum *Dacis*, & xxx. s. cum *Anglis*.

XI. Sax. 7.

Si liber festis diebus operetur, perdat libertatem suam, vel reddat witam vel *lasblyte*; servus corium perdat vel *hidgildum*. Si dominus servum cogat festis diebus operari, reddat idem dominus *lasblyte* cum *Dacis*, & witam cum *Anglis*.

XII. Sax. 8.

Si liber homo rectum jejunium frangat, reddat witam vel *lasblyte*. Si servus hoc faciat, perdat corium suum vel *hidgildum*.

XIII. Sax. 9.

Ordaliū & *jusjurandum* festis diebus & legitimis jejniis legibus est interdictum. Et qui hoc fregerit, reddat *lasblyte* cum *Dacis*, witam cum *Anglis*.

XIV. Sax.

XIV. Sax. 9.

Si fieri possit nunquam occidatur aliquis in festo Dominicæ diei; quicquid peccaverit, sed capiatur & servetur donec transeat festa dies.

XV. Sax. 10.

Si quisquis forisfactus & de menbris diffactus dimittatur, & idem post afflictionem per iiij. noctes vivat, potest ei deinceps per episcopi licentiam subveniri, si quis ejus doloribus & animæ condescendat.

XVI. Sax. 11.

Si sortilegæ, incantatrices, perjuri & venefici, fætidæ vel meretrices cognitæ alicubi compareant, relegantur de patria, disperdant omnia, nisi cessent & profundius emendent.

XVII. Sax. 12.

Si ordinatus vel alienigena seducatur in aliquo de pecunia, vel vita, tunc debet ei adesse Rex vel Comes illius terræ, & episcopus gentis ipsius pro cognatione & advocato, si penitus alium non habeat, & emendet sedulo juxta modum facti Christo & regi, sicut decebit, vel illud factum profunde nimis vindicet qui rex sit in populo.

Post mortem vero dicti regis *Aluredi Edwardus* filius suus modo cognomento *senior* regnum paternum capiens anno Domini DCCCCj. cepit regnare. Hic consecratus est apud *Hyngiston* ab *Ethelredo* archiepiscopo, qui xxxiiij. sedit annis & de consensu istius regis *Edwardi* v. episcopatus episcopis destitutos inter *West-saxones* restauravit. Iste rex *Edwardus* literarum scientia patre multo inferior fuit, sed gloria extitit superior seculari. Novas namque urbes condidit, mutilatas reparavit, fines regni latius quam pater dilatavit, leges condidit, de quibus inferius plenius habetur. Porro *Scottorum*, *Cambrorum* & *Stregwallorum* Reges in deditionem recepit; *Estsaxiam*, *Estangliam*, *Merciam*, *Northumbriam* de manibus *Dacorum* extorsit, totamque *Merciam* post obitum sororis suæ *Elfredæ* obtinuit & recepit. Erat in illis temporibus in quadam villa *West-saxonie* opilionis filia elegantis speciei puella, cui dormienti visum est lunam de suo ventre iplendere, & de hoc lumine totam *Angliam* illustrari; quod cum cuidam matronæ quæ pueros regis nutrire consueverat retulisset, puellam recepit in domum suam, & filia loco cibis delicatis nutritur, & vestibus eam cultioribus vestiens, gestu & moribus informavit. Et non multo post iste *Edwardus Aluredi* filius casu per villam transiens, ad domum istius matronæ divertit, credens famæ suæ detrimentum inferre si nutricem videre quæ ipsum educaverat fastidiret, ubi visæ prædictæ puellæ quæ *Edgiva* dicebatur amore captus, dormivit cum ea, quæ uno complexu gravidata peperit ei filium suum primogenitum, quem propter fidem sompni vocavit *Ethelstanum*. Et ex alia uxore sua genuit *Edwinum*, *Edmundum*, *Edredum*, & *Estrildam* filiam suam primogenitam quam *Karolo* regi occidentalium *Francorum* copulavit. Genuit etiam tres alias quarum unam *Othoni* Imperatori, aliam vero *Sigbrico* regi *Northumbriæ* maritavit. Tertia vero fuit *Edburga* virgo Dei & Deo valde devota, quæ cum triennâ esset, pater ejus rex experiri volens an ad deum an ad seculum declinata esset, posuit ex una parte tridinium sui diversarum possessionum ornamenta, ex altera parte

calicem & evangelia; inde armillas, illic monilia. *Pusiola* virgo illic nutrice allata, jubetur ut quæ vellent eligeret; at ipsa manibus repens evangelia adoravit. Quam deosculans pater ait, *Vade*, inquit, *quo te vocat divinitas*, sequere *sancto pede qui te ducit*. Sicque postmodum facta est monacha; quam non resupinabat regalis prosapia, quin etiam foccos sororum suarum de nocte latenter surriperet, & lotos clam reportaret. Item secundum quosdam

10 iste rex unam aliam habuit adhuc uxorem, & tres alias filias genuit quæ religionem intraverunt; de quibus una dicebatur *Elfreda*. Eodem anno *Edred* dux *Devoniæ* obiit uno mense ante obitum regis *Aluredi*, qui cum eo fidelis et fortis gesserat bella multa.

Anno regis *Edwardi* secundo, *Ethelwoldus* frater ejus minor & secundum quosdam patrueilis regis *Edwardi*, contra regem insurgens *Wynburnam* urbem juxta *Bathoniæ* occupavit. Quapropter rege *Edwardo* usque *Bathoniæ* cum manu forti properante, 20 *Ethelwoldus* cum hominibus suis in *Wynburna* januis clausis permansit, dicens quod ibidem triumpharet aut occumberet; nocte tamen inde recedens, ad *Dacos Northimbranos* pro auxilio eorum petendo festinavit. Sed rex adeo valde ipsum persecutus est, ut idem *Ethelwoldus* relicta *Anglia* *Franciam* adiret; reduxit tamen rex secum sanctimonialem quam idem *Ethelwoldus* rapuerat, et ultra vetitum episcopi in uxorem duxerat. Cito vero post eodem 30 anno *Ethelwoldus* de *Francia* rediens, ad *Dacos* in *Northumbria* pertransiit. Illi vero nobilitati juvenis congaudentes, super reges et duces suos ipsum regem et principem statuerunt.

Anno *Edwardi* regis tercio, dictus *Ethelwoldus* coadunatis viribus navigium in *Estet* duxit, cui *Estsexenses* subditi sunt sine mora. Eodem anno sanctus *Grimbaldus* Confessor & Doctor regis *Aluredi Wyntonie* obiit. Anno regis *Edwardi* quarto, *Ethelwoldus* prædictus junctis secum *Danis* 40 *Estangliæ* inhabitantibus, *Merciam* invadit, eam usque ad *Cretanford*, quod est *Crikkelade*, cuncta consumens. Deinde flumine *Thamesia* pertransito, cepit *Witthendene* & usque *Brandestok* terram spoliavit, *Estangliam* cum gaudio reversus est. Quem rex à tergo persequens, terram hostium à flumine *Duse* usque ad limites terræ sancti *Edmundi* deprædavit. Postea cum inde recedere vellet, per totum exercitum suum præcepit, ut nullus post se remaneret; *Cantuarii* tamen & *Kentenses* 50 jussu regis neglecto remanserunt, quos ad mandatum regis per vij. nuncios ulterius pro eis missos *Dacorum* exercitus interceptit, cum eis fortiter præliando; ubi *Simulf* & *Sigbolin* duces, *Adelwald* baro regis, & *Cenwlf* abbas, *Sigebrith* filius *Simlf* & *Edwald* filius *Asta*, & plures alii occiduntur. Ex parte autem *Dacorum* rex obiit, & prædictus juvenis *Ethelwoldus* quem *Dani* in regem, ut dictum est, elegerant, & *Beorsige* filius *Brithnodi*, *Adelyng*, & *Hispohold*, & *Oetelhold*, & plures alii 60 quos omnes nominare nequimus, in illo prælio corruerunt, *Dacis* tamen victoria remanente.

Edwardus autem rex anno regni sui 5. inducias cum *Estanglis* & *Northumbris* apud *Ichngsford* statuit atque fecit. Eodem anno panis defecit in *Hybernia*; vermes enim bidentati similes talpis de cælo descendere videbantur, & totam annonam consumere; qui postmodum oratione & jejuniis sunt ejecti. Anno

no vero sequenti, rex exercitum fortissimum in *Essex* & *Merce* congregatum ad *Dacos* misit in *Northumbria* expugnandos, ubi præda maxima tam hominum quam animalium capta, multisque *Dacorum* occisis, in terra eorum prædantes per quinque ebdomadas permanserunt. Anno sequenti in provincia *Staffordensi* apud *Totenhale* *Angli* gloriose devicerunt *Dacos*. Citoque post exercitu *Dacorum Northumbrensi* in *Merce* prædatum veniente, rex centum puppes contra eos misit, ac exercitum ex *Wessex* & *Merce* congregatum ad eos à tergo persequendos nichilominus destinavit; qui cum *Danis* domi revertentibus in campo de *Wilmessford* viriliter pugnaverunt: ubi commisso ingenti bello, rex *Dacorum Aldene*, & rex *Eolwlf*, & *Uter* contul, & *Olthold* & *Benefynghold*, & *Hanlafin* niger, & *Weresferdhold*, & *Egferdhold*, & *Offerd*, & *Almundhold*, & *Gutferdhold*, & alius *Gutferd*, cum multis *Dacorum* milibus corruerunt. *Angli* vero tanta victoria potiti in Deum vivum exultantes hymnis & concentibus Dominum exercituum benedicebant.

Hoc anno civitas quæ Britannice dicitur *Karlegium*, Anglice *Legceestre*, nunc vero *Cestria*, ope *Ethelredi* ducis *Merciorum* & *Elfreda* uxoris suæ restaurata est & novis muris circumdata, ac pene ad duplum quam prius ampliata, ita quod castrum ibidem ab olim extra muros ad aquam positum, nunc infra muros videatur. Circa idem tempus rex *Edwardus* construxit castrum apud *Bedesford*. Circa hæc tempora fundatum est monasterium *Cluniacense* à pio principe *Willelmo* duce *Burgundie*, cujus primus abbas fuit, sanctus *Odo*, tercius sanctus *Maiolus*. *Edwardus* rex anno regni sui ix. castrum *Hertford*, & burgum quendam in *Essexia* nomine *Witham* construxit, apud *Healdune* interea moram trahens, ubi magna pars gentis illius patriæ, quæ prius sub dirione *Dacorum* erat, sibi subiecta est. Hoc anno dux *Merciorum Ethelredus* & uxor sua *Elfreda* ossa sancti *Oswaldi* regis & martiris de *Wardeney* monasterio *Lindeseyæ*, usque ad urbem *Glovernæ* transfulerunt, ubi in ejusdem Sancti honore monasterium construxerunt.

Anno vero sequenti exercitus *Dacorum* inducias ad tempus eis concessas frangentes, ad *Hamptoniam* & *Leicestriam* exierunt, eadem *Anglorum* magnam apud *Hochemeretune*, & ibi circum in comitatu *Oxonie* facientes. Qui cum domi redirent, exiit alia *Dacorum* statim caterva ad *Ligerunam* transeuntes, quos gens illius patriæ comperiens pugnando, omnes fugavit equos eorum, & totam ab eis prædam quam ceperant auferendo. *Edwardi* regis anno xj. magnus navalis *Dacorum* exercitus ab austro ex *Lidwicom* advenit, cujus duo consules *Uther* & *Rahald* occidentales partes usque litus *Sabrinæ* circumeuntes, ibi & in *Northwales* ubicumque poterant juxta littora prædati sunt, episcopo Britannico *Camelegiat* capto, quem ad puppes suas duxerunt, sed rex *Edwardus* xl. libris eum redemit. Postea exercitui *Dacorum* patriam de *Archenefeld* prædare volenti, *Legecistrenses*, *Herefordenses*, & ex aliis propinquis castris homines obviantes pugnando eos viriliter fugaverunt, *Rahald* consule, & *Heolil* fratre *Utheri* consulis cum magna parte exercitus interfectis, cæteros vero in quoddam castrum fugatos obsederunt; ubi obsidibus demum datis, *Dani* juraverunt se à terra regia recessuros.

Rex autem littora *Sabrina* ex australi parte à *Wallia* usque ad *Avenam*, ita quod hostes sui nullo modo ex illa parte irrumperere poterant, fecerat custodiri. Sed illis bis furtive exeuntibus, omnes fere præter illos qui ad puppes natare poterant, sunt occisi; tunc cæteri in insula *Stipen* manserunt, propter cibi defectum magnam famis miseriam sustinentes; Qui in *Deomedum* recedentes, in *Hyberniam* advenierunt. Eodem anno rex *Edwardus* cum exercitu suo ad *Bukyngham* transiens, quatuor ebdomadis ibi mansit, munitionesque ex utraque parte aquæ posuit; ubi ducem *Danorum Turkillum*, cum *Danis Bedesfordiam* & *Porthampton* inhabitantibus subegit.

Anno regis *Edwardi* xvj. *Rollo* primus dux *Normannorum* obiit, cui successit filius suus *Willielmus Longa spata*, qui regnavit xxv. annis. Eodem anno *Ethelredus* dux & dominus *Merciorum* prole carens masculina spiritum ultimum exalavit, *Elwyne* filia suæ terræ suæ & *Merce* dominium relinquendo. Sed *Elfreda* uxor sua soror dicti regis *Edwardi*, regnum *Merciorum* exceptis *London.* & *Oxoniam* quas rex sibi retinuit, longo tempore strenue rexit, & anno eodem monasterium & burgum de *Wimelburge* construxit. *Edwardus* rex anno regni sui xvij. condidit urbem de *Toucestria* & *Wiggemore*. Eodem anno *Dani* qui *Estangliam* inhabitant, munitionem fecerunt apud *Hermessford*, sed rex *Edwardus* superveniens totum destruxit, & *Danos* ita perdomuit, quod ex eo tempore vires eorum cotidie decresebant.

Anno *Edwardi* regis xvij. *Elfreda* domina *Merce* burgum ad *Sroziat* & burgum apud *Brugge*, & in anno sequenti burgum de *Tamelworth*, & illum apud *Stafforde* posuit & construxit; & postea anno sequenti, burgum de *Coesbury* in principio ætatis, & illum apud *Wyngewithe* in fine Augusti, & post natale proximo sequens, burgum apud *Cyzebury*; & in ætate sequenti, burgos apud *Wardeshurph* & apud *Runcornem* posuit atque fecit. Anno regis *Edwardi* xxij. *Elfreda* *Merciorum* rector in *Walliam* exercitum destinavit, & apud *Weghepynok* prædas egit, *Wallensibus*que victis *Britannemere* fregit, in qua uxorem regis *Wallanorum* cum xxxij. hominibus cepit, & urbem *Legecestriam* renovavit. Et postea *Derbeiam* super *Danos* cum appendente ei provincia adquisivit, quatuor ibi in porta de suis carioribus ducibus interfectis. Postea vero cito cum *Eboracenses* auxilium illi quidam per fidei dationem, quidam per juramentum promiserant, ipsa *Elfreda* domina *Merce* xij. die ante festum *Johannis*, apud *Tamelworth* obiit, et in porticu ecclesiæ sancti *Petri Glovernæ* sepelitur, relicta post se unica filia *Elwyna*, quam rex *Edwardus* potestate adempta in *Westaxoniam* duci fecit. Dicta vero *Elfreda* tantæ potentia fertur fuisse, ut à quibusdam non solum domina vel regina, verum etiam rex ad laudem et excellentiam vocaretur; et ut æstimatum est et dictum, nisi fati velocitate præcepta fuisset, viros virtute transisset utique universos. De cujus laude et gloria *Henricus Huntynghon* sic metrice scripsit.

O *Elfreda* potens, ô terror virgo virorum!
Vixitrix naturæ, nomine digna viri.
Te quoque splendidior fecit natura puellam;
Te probitas fecit nomen habere viri.

*Te mutare decet, sed solum nomina sexus,
Tu regina potens, rexque trophea parans.
Jam nec Casarei tantum meruere triumpho,
Casare splendor virgo viraga vale.*

Rex *Edwardus* audita morte sororis suæ *Elfeda*, primo urbem de *Tamestworth* sibi subjugavit. Deinde *Potyngham* cepit & relarcivit, in qua *Dacos* simul & *Anglos* poluit. Post hæc in australi parte fluminis *Trente* urbem contra antiquam urbem de *Potyngham* construxit, inter utramque urbem firmum pontem ponens; qui postea tota *Mercia* in manu sua sayita, & dicta *Elmya* unica dictæ *Elfeda* filia ex toto illo dominico exheredata, tres reges *Dacorum*, *Scottorum*, & *Wallanorum* in deditionem recepit, & post hæc burgum de *Glademuthan*, & urbem apud *Thelewald*, quæ est in borialibus finibus *Merciorum* juxta aquam de *Mersee* quinque miliaribus ab urbe de *Rancorna* ad orientem distans, construxit, ibique militum custodiam posuit. Et exinde aquam de *Mersee* transiens urbem de *Mancestria* quæ est in australibus *Northimbrorum* finibus restauravit. Cumque iste *Edwardus* rex *Anglorum*, *Scottorum*, *Cumbrorum*, *Danorum* pariter & *Wallanorum* xxiii. annis regnasset, apud *Farandon* juxta *Oxoniam* à corpore migravit, & apud *Wyntoniam* in novo monasterio est sepultus. Circa hoc tempus *Sidrik* rex *Northumbria* *Nigellum* occiderat fratrem suum, quo scelere perpetrato, *Reginaldus* rex filius *Gudfredi* regis *Dacorum* *Eboracam* sibi conquistavit civitatem.

Modo dicendum est de legibus istius regis *Edwardi*, & primo de Capitulis.

CAP. I.

De judiciis juste judicandis & placito recte terminando.

II.

De emptione & advocatione.

III.

De difforciant alicui rectum, vel in *Folcland* vel in *Bocland*.

IV.

De perjuriis.

CAP. I.

Edwardus rex mandat & præcipit omnibus præfectis & amicis suis, ut iusta judicia judicent quam rectiora possint, & in judiciali libro stant, nec parcant, nec dissimulent pro aliqua re populi rectum & jus publicum recitare; & unumquodque placitum terminum habeat quando peragatur quod tunc recitabatur.

II. Sax. 1.

Et voluit ut omnis homo habeat advocatum suum, & nemo barganniet extra portum, sed habeat portireve testimonium vel alterius non mendacis hominis cui possit credi. Quod si quis extra portum barganniet *overhirnessa* regis culpa sit, & procedat tamen advocatio donec sciatur in quo consistit. Amplius diximus de illo qui advocare debet, ut habeat credibile testimonium de hoc quod recte advocet, vel jusjurandum inveniat cui repetens credere debeat. Sic diximus de propriatione similiter ut adducat credibile testimonium de eo, vel jusjurandum inveniat si possit in quo repetenti

satisfit, si non possit nominentur ei sex homines de eadem *geburscipa* in qua ille residens est, & adquirat ex illis sex unum pro animali uno vel pecore quod hoc valeat, & postea crescat secundum capitalem æstimationem si plures adesse debeant. Eciã diximus, si aliquis malorum esset qui vellet alterius pecus per plegium mittere pro *withertiblan*, i. pro injusta accusatione, ut jurejurando monstret quod pro nullo facinore hoc faciat, sed plena rectitudine *butan brede* & *bigswice*, id est, sine figmento & seditione, & faciat quod audeat super quem invenitur, ut sibi propriet vel advocet.

III. Sax. 2.

Item diximus, quod dignum esset qui rectum alicui difforciat, vel in *Bocland*, vel in *Folcland*, ut ei adterminetur in *Folcland* quando velit ei rectum facere coram præposito suo. Si tunc rectum non habeat nec in *Bocland* nec in *Folcland*, sit ille qui rectum difforciat reus xxx. s. erga regem, & altera vice item sic, ad terciam vicem *overhirnesse* regis, hoc est 120. s. si non cesset et antea satisfaciatur.

IV. Sax. 3.

Item diximus de illis hominibus qui perjuri fuerint, si manifestum sit, vel ejus juramentum fregierint, vel *overcythed* fuerint, ut deinceps non sint digni juramento sed ordalio.

Adbuc de Legibus dicti regis Edwardi.

CAP. I.

De pace & ne qui alii rectum suum difforciat.

II.

De præpositis audito testimonio rectum facere nolentibus.

III.

De homine furti accusato.

IV.

De illis qui suum proprium nolunt querere conducendis.

V.

De illo qui immundum pacificaverit vel firmaverit.

VI.

De eo qui libertatem suam forisfecerit.

VII.

Ne quis recipiat alterius hominem sine licentia.

VIII.

Quibus terminis præpositi placita sua tenere debeant.

CAP. I. Sax. 4.

Edwardus rex admonuit omnes sapientes quando fuerunt *Exonia*, ut investigarent simul et quærent quo modo pax eorum melior esse possit quam antea fuit, quia visum est ei quod hoc impletum sit aliter quam deceret et quam antea præcepisset. Inquisivit itaque qui ad emendationem velint redire, et in societate permanere qua ipse sit, et amare quod amat, et nolle quod nolit in mari et in terra. Hoc est tunc ne quisquam rectum difforciat alicui; si quis hoc faciat, emendet sicut supra dictum est, prima vice xxx. s. secunda vice similiter, ad terciam vicem 120. s. regi.

II. Sax. 5.

Et si præpositus amoveat rectitudinem per eorum testimonium qui testes adnumerati sunt ei, reddat *overhirnessam* meam.

III. Si

III. Sax. 6.

Si quis accusetur de furto, capiant eum in plegium qui domino suo commendaverunt illum, quod de hoc se adlegiet, vel alii amici si habeat faciant hoc: si nesciat quis eum capiat in plegium, accipiant illi quibus hoc pertinet, de pecunia sua in *Borhgum*. Si neutrum habeat, nec pecuniam suam, nec plegium, tunc servetur ad iudicandum.

IV. Sax. 7.

Etiā volumus ut omnis homo simul habeat illos homines paratos in terra sua qui conducant eos, qui suum proprium querere volunt, et eos pro nulla mercede manuteneant.

IV. Sax. 8.

Nec inmundum alicubi pacificent, vel firment ex possibili vel impossibili. Si quis hoc superhabeat et iuramentum suum frangat, et vadium quod omnis populus contulit, emendet sicut liber iudicialis dicit. Si autem nolit, perdat omnium nostrum amicitiam et omne quod habebit. Si quis eum deinceps firmabit, emendet sicut liber iudiciorum docet, ac debet, qui *Flyman*, i. torbannitum confirmat. si sit hic intus, si sit Eastintus, si sit Northintus, emendet sicut scriptura pacis continet.

VI. Sax. 9.

Si quis pro furti compellatione libertatem suam forisfaciat, et manum suam in manum mittat, et parentes sui deferant eum, et nesciant quis emendet pro eo, tunc sit dignus opere servili quod ad id pertinet, et excidat vera parentibus ejus.

VII. Sax. 10.

Et non recipiat aliquis hominem alterius sine licentia illius cui ante servivit, priusquam innocens sit apud omnem manum; si quis hoc secus faciat, emendet *overhirnißam* meam.

VIII. Sax. 11.

Volo ut omnis præpositus habeat *gemotum* semper ad quatuor ebdomadas, et efficiat ut omnis homo rectum habeat, et omne placitum capiat terminum quando perveniat ad finem: si quis hoc excipiat, emendet sicut ante dictum est.

Defuncto rege *Edwardo Adelstannus* filius suus primogenitus sibi succedens, consecratus est apud *Hyngeston* ab *Athelmo Dorobernensi* archiepiscopo anno Domini DCCCC. xxiij. qui licet prælio laceßitus nunquam tamen bello potuit vinci. Cujus anno primo natus est almus puer *Dunstanus* in pago *Glastoniensi*, cujus vita tota ab ortu ad exitum virtutibus & miraculis coruscavit; nam iste puer *Dunstanus Glastonia* nutritus, omnibus pie viventibus in sua primæva ætate complacuit; cumque adolescere incepisset, de *Glastonia* egressus, archiepiscopo *Dorobernensi Athelmo* patrui suo se junxit, & secum stare cœpit, in quo idem *Athelmus* archiepiscopus gratiam Dei admirans, & futurorum bonorum indicia prævidens, in palacio eum ætate adhuc valde tenerum præsentavit, & regi *Adelstano* magno affectu commendavit; *Dunstanus* deinde sanctus cotidie crescens virtutibus, magnus coram rege & *Anglorum* principibus factus est. Cumque rex *Adelstannus* mortuus esset, frater ejus *Edmundus* imperium regni cepit, à quo *Dunstanus* diversis honoribus sublimatus, monasterium *Glastonia* in quo educatus fuerat, adivit, ubi monachus & abbas factus est postea, de quo adhuc inferius inter reges

alios succedentes plura de ejus virtutibus sunt dicenda.

Adelstannus siquidem rex curriculo anni sequentis *Gudfredum* regem *Dacorum* patrem regis *Reginaldi* prælio laceßitum repulit, repulsum fugavit, fugatum perdidit & delevit: Nec multo, adversa fortuna percussus fratrem suum *Edwinum* magni vigoris & bonæ indolis juvenem in matrimonio natum, metuens ne per ipsum à regno privaretur, cum quodam armigero in nàvicula in medio maris sine remige miserabiliter commisit, ubi adolescens inter fluctus maris voluntario præcipicio nudum se submerfit, sed armiger corpus domini sui ad terram detulit & humavit. *Adelstannus* vero rex postquam ab ira deferbuit, tam enorme factum abhorrens, septenni pœnitentia fratricidium delevit, & pincernam qui tale consilium sibi dederat, crudeli morte dampnavit. Postea rex *Adelstannus* copulavit sororem suam regi *Northimbrorum Sibirico Danica* stirpe progenito, sed cito post *Sibirico* mortuo, rex filium ejus expulit, & regnum illud sibi redintegravit. Deinde *Hoelum* regem *Britonum*, & *Constantinum* regem *Scottorum* prælio subactos in deditionem recepit; ac secundum quosdam dictum *Hoelum* sibi tributarium fecit, de quo xx. l. auri, & ccc. l. argenti, & v. milia bestiarum singulis annis percepit. Et dum dictum *Constantinum* sub se in *Scotia* regnaturum regem faceret, dixit, *Gloriosus est regem facere quam rex esse*. Postmodum vero dum rex *Adelstannus* pro aliquali dissensione inter ipsum & dictum *Constantinum* regem *Scottorum* habitam, versus *Scotiam* tenderet, beatum *Johannem* apud *Beverlacum* visitavit, super altare cultellum pro vadio posuit, promittens, si victor rediret, cultellum digno precio redimeret. Quod adimplevit, nam dimicando contra *Scotos* Deum rogavit, ut prece sancti *Johannis Beverlaci* aliquod signum evidens ostenderet, quo præsentis & futuri cognoscere possent *Scotos* de jure debere *Anglis* subjugari. Unde rex cum gladio suo scopulum percussit quendam lapideum juxta castrum de *Dunbar*, quod usque hodie ad mensuram ulnæ lapidis ex ictu illo cavatur, unde rex *Adelstannus* habita victoria, & rege *Constantino* iterum submisso, filium ejusdem *Constantini* de sacro fonte suscepit, & in redeundo territorium sancti *Johannis* possessionibus, privilegiis, & libertatibus variis ditavit. Anno regis *Adelstani* quinto sanctus *Odo* ex *Danica* stirpe progenitus, factus est *Wyntoniensis* episcopus.

Eodem anno *Frethestannus* episcopus *Wiltoniensis* obiit, cui successit sanctus *Birstanus*, de quo legitur quod quasi cotidie pro defunctis celebravit, unde dum quadam nocte circuiret, & psalmos pro defunctis decantaret, atque in fine eorum *Requiescant in pace* subjungeret, audivit subito voces quasi infiniti exercitus de sepulcris respondentium, *Amen*. Anno regis *Adelstani* xij. sanctus *Odo Wintoniensis* episcopus factus est *Dorobernensis* archiepiscopus. Ille *Odo Wifelino* archiepiscopo qui inter ipsum & dictum *Athelmum* sedit, successit; qui quidem *Athelmus* non fuit monachus, sed omnes alii archiepiscopi *Dorobernenses* ante eum. Anno proximo sequenti sanctus *Birstanus Wiltoniensis* episcopus obiit, cui successit *Elphegus* monachus cognomento *Calvus*, vir propheticus, beati *Dunstani* propinquus. Hic ubi *Elphegus* dum pro more pœnitentes die cinerum liminibus ecclesiæ excludere

ret ceteros ut jejunio & castitati vacarent, & uxorias delicias sub diebus quadragesimæ dimitterent hortabatur; inter quos unus inquit, Non possum domine temperari jejunio simul & conjugio, quinimo uxorem quam ad tempus submovi in proximo resumam. Cui pontifex contristans, Me miser, nesciens quid futura parierat dies; unde & postero die repertus est exanimis in cubili. Hic etiam *Elphegus* dum quodam die ordinaret in presbiteros tres monachos, *Dunstanum*, *Ethelwoldum*, & *Ethelstanum*, completis solempniis ad eos ait, Hodie coram Deo tribus viris manum imposui, quorum duo pontificalem gratiam nasciscuntur, tertius vero miserabiliter finietur. Cui *Ethelstanus* velut pro cognatione familiarior ait, Num ego ero pontifex? Non erit, inquit, tibi pars in ordine illo, neque diu geres vestem illam.

Anno regis *Adelstani* xliij. *Henricus* *Tentonorum* imperator obiit, *Otho* filius ejus sibi successit, cui rex *Anglia Adelstanus* sororem suam copulavit. Hic *Otho* semel in paschali festo dum principibus suis convivium parasset, antequam recumberet, filius cujusdam principis more puerili de mensa ferculum cepit, quem dapifer regis mox fuisse percussit; Cernens hoc pædagogus pueri, ipsum dapiferum mox peremit. Hunc cum sine audientia *Cæsar* dampnare vellet, ille *Cæsarem* ad terram deiciens pene suffocavit. At rex de manibus pædagogi vix avulsus, ipsum vitæ reservari jussit, clamans se culpabilem quod tanto festo Paschali non pepercit.

Anno regis *Adelstani* xv. *Aulaf* paganus rex *Hibernie* multarumq; insularum à focero suo *Constantino* rege *Scottorum* incitatus, hostium *Humbra* fluminis cum classe valida ingreditur, cui vires suas genti *Scottorum* & *Dacorum* in *Anglia* conversantium adducienti, rex *Adelstanus* cum fratre suo *Edmundo* occurrens, prælium præliorum maximum à principio diei usque ad finem protractum apud *Brunneburgh* commisit, ubi 5. reges & 7. duces cum plebe innumera occiduntur, regibus *Aulaf* & *Constantino* antedictis ad naves fugere compulsis. Ad hoc bellum peragendum precibus sancti *Odonis Dorobernensis* archiepiscopi gladius de cælo in vacuum regis tunc vaginam divinitus est illapsus. Iste rex *Adelstanus*, qui plures leges, de quibus inferius habetur tempore suo statuerat, postquam xvij. annis regnasset, apud *Gloverniam* absque liberis obiit, sed *Walmesbury* sepultus est.

Sequuntur Leges regis *Adelstani*, & primo earum Capitula.

C A P. I.

De decimis dandis.

II.

De Ciriscæattis.

III.

De eleemosinis regis.

IV.

De latronibus non parcendis.

V.

De furibus incarceratis.

VI.

De accusatis qui dominos non habent.

VII.

De dominis manutinentibus suos malos homines.

VIII.

De domino qui servo suo consentaneus est ad furtum.

IX.

De prodicione domini.

X.

De infracluris ecclesiarum.

XI.

De sortilegis & liblaciis.

XII.

De vindicantibus fures.

XIII.

De convicto simpliciter ordalio.

XIV.

De illis qui terram non habent & in alio comitatu famulantur.

XV.

De illis qui interciant & qui cambiant sine testimonio.

XVI.

De illis qui culpam exigunt de fure occiso.

XVII.

De negotiantibus extra portum.

XVIII.

De terminis burgorum rescindendorum.

XIX.

De monetariis si rei fuerint, & quot & in quibus urbibus esse debent.

XX.

De scuta facientibus.

XXI.

Quot equos vel homines habeat qui carucam possidet.

XXII.

De suscipientibus munera à fure.

XXIII.

De equo locando ultra mare.

XXIV.

De servo qui reus est ad ordalium.

XXV.

De supersedentibus venire ad gemotum.

XXVI.

De non cessantibus à furto pro vita.

XXVII.

De illis qui componunt propter ordalium.

XXVIII.

Ne quis accipiat alterius hominem.

XXIX.

Ne quis accusatum suum dimittat ante rectum.

XXX.

De illis qui vadant ordalium.

XXXI.

Quod emptio fiat cum testibus, & ne negotiatio fiat die solis.

XXXII.

De prepositis & aliis qui hoc non observant.

XXXIII.

De convicto super falso juramento.

XXXIV.

Ubi & coram quo ista fuerunt instituta.

C A P. I.

EGO *Adelstanus* rex consilio *Wulfelmi* archiepiscopi mei & aliorum episcoporum meorum mando præpositis meis omnibus in regno meo, & præcipio in nomine Domini & Sanctorum omnium, & super amicitiam meam, ut in primis reddant de meo

meo proprio decimas Deo, tam in vivente captali quam mortuis frugibus terræ, & episcopi mei similiter faciant de suo proprio, & aldemanni mei & præpositi mei. Et volo ut episcopi & præpositi mei hoc judicent omnibus qui eis parere debent, & hoc ad terminum expleant quem eis ponimus, id est, decollatio sancti *Johannis Baptiste*. Cogitemus quod *Jacobus* dixit Deo, *Decimas & hostias pacificas offeram tibi*. Et Dominus dicit in evangelio, *Omni habenti dabitur, & habundabit*. Recolendum quoque nobis est, quam terribiliter in libris positum est, *Si decimam dare nolumus ut auferantur a nobis novem partes, & solomodo decima relinquantur*.

I I.

Et volo ut Ciriceatra reddantur ad eum locum cui recte pertinent, & inde gaudeant in ipsis locis qui hæc dignius erga Deum & nos volunt deservire. Hortatur nos sermo divinus, æterna cum terrenis, cœlestia cum caducis promereri. Nunc auditis quid in Deo præcipiam & quid complere debeatis. Facite etiam ut michi mea propria cupiatis quæ michi recte poteritis acquirere. Nolo ut aliquid michi injuste conquiratis, sed omnia vestra concedo vobis eo tenore quo michi mea similiter exoptetis. Cavete simul & vobis & eis quos ammonere deberis ab ira Dei & transgressione mea.

I I I.

Ego *Adelftannus* rex, notifico præpositis meis omnibus in regno meo, quod consilio *Wolfelini* archiepiscopi mei, & omnium episcoporum meorum & Dei ministrorum ad remissionem peccatorum meorum, & acquisitionem vitæ æternæ, volo ut pascatis omni via pauperem unum *Anglicum* indigentem si sit ibi, vel alium inveniatis; de duabus meis firmis detur eis singulis mensibus ambra plena farinæ, & una perna vel unus aries qui valeat iij. d. & casei iij. & in tertia die paschæ xxx. d. ad vestitum xij. mensium unoquoque anno. Et liberetis unum *wite theowne*, i. forisfactum servum, & hoc totum peragatur in misericordia Dei & amicitia mea sub testimonio episcopi in cujus episcopatu sit. Et si præpositus hoc superteneat emendet xxx. s. & dividatur hæc pecunia per testimonium episcopi pauperibus qui in ipsa villa erunt ubi hoc non fuerit executum.

I V. Sax. i.

Inprimis est, ut non parcatur alicui latroni qui furtum habens in manibus capietur, super xij. annos & viij. dies. Si quis hoc præsumat, persolvat ipsum furtum secundum veram suam, & non sit ipsi furi remissus in aliquo; vel ita se adlegiet, si velit se defendere vel aufugere, tunc ei postea non parcatur.

V. Sax. i.

Si fur ponatur in carcere, sit ibi lx. noctibus & inde redimatur foras per C. xx. s. & eat cognatio ejus in plegium, quod deinceps se absteineat. Et si furetur postmodum, vera sua gildet eum, vel reddat similiter incarcerationum; & si quis obstabit, persolvat se vera sua sic regi vitæ.

V I. Sax. 2.

Et similiter diximus de illis qui dominos non habent de quibus rectum difficile conqueritur aut nullum, præcipiatur cognationi eorum ut eos ad rectum adducat, & dominum eis inveniatur in conventu publico, et si hoc efficere nolit, vel non possit ad

terminum, sit ille forbannitus deinceps, & capiat pro fure qui consequitur; Qui eum postea firmabit, solvat eum vera sua, vel sic neger.

V I I. Sax. 3.

Et dominus qui rectum diffordiat & malum hominem suum manu tenebit, ut regem oporteat inde requiri, capitale suum reperenti restituat & emendet regi Cxx. s. Et qui regem requisierit antequam sibi rectum postulet, quociens ad hoc pertinet, emendet ipsam vitam, i. forisfacturam quam alius emendare & reddere debuerat si justitia diffordiasset.

V I I I. Sax. 3.

Dominus qui servo suo conscius in furando fuerit, convictus noxæ servum illum perdat & veræ suæ reus sit prima vice; si sæpius hoc præsumat, reus sit omnium quæ habebit. Et quicumque *bordera* regis vel præpositus furi consentaneus erit, simili sententiæ subjacebit.

I X. Sax. 4.

Diximus de proditoribus dominorum suorum ut ipsius vitæ culpabiles habeantur, si non poterit abnegari; vel si in triplici ordalio noxa compareat.

X. Sax. 5.

Et de infracturis ecclesiarum si quis reus appareat in triplici ordalio, emendetur sicut judicialis liber dicit.

X I. Sax. 6.

Decrevimus etiam de fortilegis & *liblacis* & fortendantibus, si hominem occiderint & negare non possint, vitæ suæ culpa judicentur. Si pernegare velint & in triplici ordalio culpabiles inveniuntur, sint Cxx. noctibus in carcere, & cognatio eorum educat eos, & emendetur Cxx. s. & occisum hominem reddant parentibus suis, & eant in plegium quod super hiis abstineant in æternum.

X I I. Sax. 6.

Et qui furem vindicaverint, sint ejusdem digni; & qui furi vindex esse præsumpserit, & tamen neminem læserit, emendet regi Cxx. s. pro ipsa conclamatione.

X I I I. Sax. 7.

Diximus de simplici ordalio, homo qui sæpe fuerit accusatus & reus appareat & nesciat quis eum sumat in plegium, ponatur in carcere, & educatur inde sicut prædictum est.

X I V. Sax. 8.

Item ediximus, si quis non habens terram, serviat in alio comitatu & ad cognatos suos quandoque redeat, qui eum in ipsa visitatione firmabit eum ad jus publicum præsentet, si forisfaciat ibi, vel emendet pro eo.

X V. Sax. 9.

Si homo pecus aliquod *intercietur*, nominentur ei v. vicinorum suorum, & de illis quinque perquirat unum qui cum eo juret, quod in recto publico manum mittat ad propria; & qui hoc propriare voluerit, nominentur ei xj. homines & ex illis acquirat duos; & jurent quod illud pecus N. interciatum in peculio suo natum sit sine *rimath*, & stet *thes cyreath*, i. jusjurandum electum super xx. d.

Sax. 10.

Diximus etiam ut nemo cambiat aliquid sine testimonio præpositi vel sacerdotis, vel hordarii, vel terræ domini vel alicujus veridici hominis; si quis hoc faciat emendet xx. s. & manum mittat dominus

ad eam ambitionem. Si autem pernoscatur quod eorum aliquis in falso testimonio sit, ejus testimonium nunquam deinceps præstetur alicui, & etiam emendet xxx. s. & habeat dominus illam ambitionem.

XVI. Sax. 11.

Dictum est de illo qui culpam exigit pro fure occiso, ut eat se tercius, & duo sint de cognatione vel tribu patris, tercius de cognatione matris, & jurent quod in cognato suo nullum furtum erat pro quo vitæ reus esset: & eant alii cum xij. & superjudent eum in contaminationem, sicut ante dicebatur. Quod si parentes mortui nolint illuc ire condicto termino, emendet unusquisque Cax. s. qui hoc super loquebatur.

XVII. Sax. 12.

Et diximus ne quis emat aliquid extra portum supra xx. d. sed in eo barganlet sub testimonio Portitreve, vel alius credibilis hominis, vel in testimonio præpositi in *folcmoto*.

XVIII. Sax. 13.

Constituimus ut omne burgum refectum sit xliij. noctibus supra rogationes, & omne mercatum sit juxta portum.

XIX. Sax. 14.

Placuit nobis ut una moneta sit in toto regni imperio, & nullus monetet extra portum. Si monetarius reus fuerit, amputetur ei manus, & ponatur super monetæ fabricam: si inculpatio sit, & se purgare velit, eat ad ferrum calidum, & adlegiet manum ad *canfarum*, quod non falsum fecit. Si in ordalio reus fuerit, fiat ei quod supra dictum est. In *Cantuaris* sint viij. monetarii; regis iij. episcopi iij. abbatis j. In *Roncestria* tres; regis duo, episcopi j. In *Londonis* viij. In *Wyntonia* vj. In *Leves* ij. In *Hastings* iij. In *Exonia* ij. & in aliis burgis.

XX. Sax. 15.

Et nullus *Scyldwirth*, id est scutum faciens, ponat pellem ovis scuto; si quis hoc faciat emendet xxx. s.

XXI. Sax. 16.

Et omnis homo habeat duos homines cum bonis equis de omni caruca.

XXII. Sax. 17.

Si quis à fure mercedem suscipiat, & rectum aliquis adnichilet aut pervertat, weræ suæ reus sit.

XXIII. Sax. 18.

Ne quis dimittat equum suum ultra mare nisi velit eum dare.

XXIV. Sax. 19.

Diximus de servo qui reus sit in ordalio, reddat captale simplex; & verberetur servus ille ter, vel secundam redditionem addat, & sit dimidiata wita de servo.

XXV. Sax. 20.

Si quis *gemotum*, id est publicum comitatum adire superseceat ter, emendet *overhinessam*, id est subaudicionem regis, si placitum ipsum vij. diebus prænunderum sit; Si tunc etiam rectum facere nolit, nec *overhinessam* reddere, eant seniores homines omnes qui ad eam curiam obediunt, & capiant quicquid habet, & eum mittant per plegium. Si quis tunc nolit ire illuc cum sociis suis, emendet *overhinessam* regis, & educatur in placito; & pacificetur quicquid rex pacificare velit.

XXVI. Sax. 20.

Et omnis homo cesset à furto pro wita sua; & qui

propter hoc abstineret noluerit, eant omnes majores qui adjacent ipsi curiæ, & capiant quicquid habet, & manus insiciat rex ad dimidium, & ipsi homines ad dimidium qui in ipso itinere sint, & ponant eum sub fidejussoribus; si plegium non habeat, idem capiatur; si repugnet, occidatur, nisi aufugiat. Si quis eum vindicare præsumat vel aliquem perimat, sit inimicus regis & amicorum ejus; si aufugerit, & aliquis eum intetum firmabit, weræ suæ reus sit nisi se possit idoneare secundum ipsius profugum weram quod eum nesciebat *Flyman*, id est fugitivum esse.

XXVII. Sax. 21.

Si quis pro ordalio componere velit, componat in captali quod poterit, non etiam in wita si non illi permittat ad quem pertinebit.

XXVIII. Sax. 22.

Et nemo recipiat alterius hominem sine licentia ejus cui antea servivit; si quis hoc faciat reddat ipsum hominem & regis *overhinessam*.

XXIX. Sax. 22.

Et nemo suum hominem accusatum dimittat donec rectum per omnia fecerit.

XXX. Sax. 23.

Si quis judicium ferri vel aquæ vadiaverit, accedat ante tribus noctibus ad presbyterum, qui sanctificare debet eum, & pascat se pane & sale & aqua & herbis, & audiat missas singulorum ipsorum trium dierum, & offerat, & eat ad sanctam communionem ipsa die qua ordalium examinari debet, & juret quod jure publico sit innocens illius accusationis antequam ad ordalium veniat. Et si judicium aquæ frigide sit, tunc mergatur una ulna & dimidia in fume. Si ferrum calidum sit, tres noctes transeat antequam inquiratur, & videatur manus ejus. Et persequatur omnis homo compellationem suam præjuramento sicut dictum est, & sint utriq; juni ex præcepto Dei & archiepiscopi, & non sint in alterutra parte amplius quam in alia; et hoc sit utrobique xij. homines. Si autem accusatus homo majorem defensionem habeat quam xij. hominum, sit ipsum ordalium fractum in eo, nisi recedere velint ab illo.

XXXI. Sax. 24.

Qui aliquid emat, emat cum testibus, & si appellandum inde sit, recipiat hoc venditor suus à quo emit, sit liber sit servus, sit quod sit. Et non fiat aliqua negotiatio vel forensis actio die Dominica; si quis hoc præsumat perdat ipsum captale, & emendet *overhinessam* meam.

XXXII. Sax. 26.

Si quis præpositorum meorum hoc efficere nolit, vel minus inde curabit quam constitutum, emendet *overhinessam* meam, & ego inveniam alium qui velit. Et episcopus moneat *overhinessam* illam à præposito in cujus hoc mansione sit. Qui de hac constitutione recedet, emendet prima vice v. l. alia vice weram suam, tertia vice perdat quicquid habet, & omnium nostrum amicitiam.

XXXIII. Sax. 25.

Qui falsum juramentum jurabit, & convictus inde fuerit, nunquam juramento postea dignus sit, nec in sanctificato atrio aliquo jaceat si moriatur, si non habeat episcopi testimonium in cujus diocesi si quod penitentiam receperit, & presbyter hoc referat episcopo infra xxx. noctes, utrum ad emendationem & satisfactionem venerit; si non faciat hoc componat sicut episcopus ei concedit.

XXXIV. Sax. 25

XXXIV. Sax. 25.

Totum hoc institutum est, & confirmatum in magna Synodo apud *Greateleyam*, cui archiepiscopus *Wlfinus* interfuit, & omnes optimates, & sapientes quos *Adelstannus* rex potuit congregare.

Episcopo jure pertinet omnem rectitudinem promovere Dei videlicet ac seculi. Inprimis debet omnem ordinatum instruere quid sit ei agendum jure, & quid hominibus secularibus judicare debeant. Debet etiam sedulo pacem, & concordiam operari cum seculi Judicibus, qui rectum velle diligunt, & in compellativum adlegationem docere, ne quis alii perperam agat in jurejurando vel in ordalio. Nec pati debet aliquam circumventionem injusta mensura, vel injusti ponderis. Sed convenit ut consilium, & testimonium ejus omne legis citum, & burgi mensura, & omne pondus ponderis, sit secundum dictionem ejus institutum valde rectum, ne quis proximum suum seducat pro quo decadat in peccatum. Et semper debet Christianis praevidere contra omnia quae praedicta sunt; & ideo debet se magis de pluribus incommittere, ut sciat quomodo grex agat quem ad Dei manum custodire suscepit, ne diabolus eum laniet, nec malum aliquid superseminet. Nunquam enim erit modulo bene consultum, nec digne Deo conservabitur, ubi lucrum impium & magis falsum diligitur, ideo debent omnes amici Dei quod iniquum est enervare, quod justum est elevare, non pati ut propter falsum, & pecuniae questum se forisfaciant erga vere sapientem Deum, cui displicet omnis injustitia. Christianis autem omnibus necessarium est, ut rectum diligant & iniqua condempnent, & saltem sacris ordinibus everti justum semper erigant, & prava deponant.

Hinc debent episcopi cum seculi Judicibus interesse Judiciis, ne permittant si possint, ut illinc aliqua pravitarum germina pullulaverunt; & sacerdotibus pertinet in sua dioecesi, ut ad rectum sedulo quicumque juvent, nec patiantur si possint, ut Christianus aliquis alii noceat, non potens impotenti, non summus infimo, non praelatus subditis, non dominus hominibus suis servis aut liberis. Et secundum dictionem, & per mensuram suam convenit, ut servi testamentales operentur super omnem schyram cui praest. Et rectum est ut non sit aliqua mensurabilis virga longior quam alia, sed per episcopi mensuram omnes institutae sint, & exaequatae per suam dioecesin, & omne pondus constet secundum dictionem ejus. Et si aliquid controversiarum interfit discernat episcopus. Et uniuscujusque domini necesse proprium est, ut compatiatur & condescendat servis suis sicut indulgentius poterit, quia Domino Deo viventi sunt aequae cari servus & liber, & omnes uno & eodem precio redemit, & omnes sumus Deo necessario servi, & sic judicabit nobis sicut ante judicavimus eis quibus judicium super habuimus in terris.

Regis *weregildum* est cum *Anglis* in jure publico xxx. millia *thrimsa*, id est xv. millia *thrimsa* sunt de vera & xv. millia *cynedomes*, id est censura. Ipsum natalis ejus precium pertinet cognitioni, & *cynobot* ipsius terrae nationi. Comitum *weregildum* est xv. millia *thrimsa*. Episcopi & Aldermanni viij. millia *thrimsa*. Holdes & summi praepositi iij. millia *thrimsa*. Messerbegnes et *Woruldshignes*, id est presbyteri et secularis thayni ij. millia *thrimsa*. *Ceorles weregildum* est CC. et

lxvj. *thrimsa*, id est CC. solid. secundum lagam Mercenorum. Et si *Walifens* promoveatur, ut habeat familiam, et terram, et possit gablum regis reddere, tunc est vera ejus CCxx. s. Et si non assurgat nisi ad dimidiam hidam, tunc sit vera, id est precium solvendi eum, lxxx. s. Et si *Ceorlman* promoveatur, ut habeat v. hidas terrae, et adeat veram regis et occidatur, reddantur ij. millia *thrimsa*; Et si assequatur ut habeat lorica, et galeam, et deauratum gladium, si terram non habeat, tamen est *ceorlus*. Et si filius ejus et filius filii ejus hoc assequatur, ut tantum terrae habeat postea est qui nascetur ex eis *sithercunde* generationis ad ij. millia *thrimsarum*. Et si non habeat hoc nec ad id conscendat, componatur de eis sicut de cirlesco. *Ceorles weregildum* est in Mercenorum laga CC. s. *Thayni weregildum* est sexies tantum, id est duodecies C. s. Regis sumplum *weregildum* est sex *thaynorum weregildum* in Mercenorum laga, hoc est xxx. millia *sceatta*, id est totaliter Cxx. l. tantum est de *weregilde*; sed pro dignitate regni debet addi tantundem in *Cynegilde*. Ipsam veram debent habere parentes ejus, et regni emendationem ipsius terrae populus.

*Twelfhinde*s hominis jusjurandum contravalet jusjurandum vj. villanorum; quia si *twelfhindus* homo vindicari deberet, plene vindicaretur in vj. *ceorles*, et ejus *weregildum* est vj. *ceorlorum weregildum*. Missae presbyteri, et secularis *thayni* jusjurandum in *Anglorum* laga reputatur aequae carum, et pro vj. ordinibus ecclesiae quos sacerdos per Dei donum ascendit, ut haberet *thayni* rectitudinem dignus est. Et septem sunt dona Spiritus sancti, et septem sunt gradus ecclesiae, et sanctorum ordinum, et septies in die laudes Deo ab omni ecclesia sunt canendae, et ab omnibus amicis Dei recte pertinet, ut sanctam ecclesiam diligant et honorent, et Dei ministros pacificare et custodire gaudeant, et qui eis nocebit verbo vel opere, septies emendet secundum quod factum sit, et secundum ordinem, si Dei misericordiam habere velit, quia sanctificationes et ordines, et Deo dicatas domos semper debent pro timore Dei diligenter venerari.

Et ad ordinis emendationem si ordinatus occidatur super rectam veram, primus gradus emendetur una libra, & dignam poenitentiam sedulo perquiratur. Et ad emendationem ordinis, si writa sit amissa supra rectam veram in secundo gradu, duae librae reddantur cum Deo digna poenitentia. Et ad emendationem ordinis, si plena infractio fiat super rectam veram in tertio gradu, tres librae emendentur cum digna poenitentia. Et ad emendationem ordinis, si plena fiat fractura super rectam veram in quarto gradu, iiij. librae reddantur cum poenitentia. Et ad ordinis infracturam supra rectam veram in quinto gradu, quinque librae componantur cum idonea poenitentia. Sexto infracto gradu supra rectam veram, sex librae emendentur cum digna poenitentia. Septimo gradu infracto super rectam veram, vij. librae emendentur cum inuncta poenitentia. Et ad ordinis infracturam de pace digne componatur secundum factum, semper enim debet judicium factum, & moderatio secundum mensuram pro Deo & seculo fieri. Et de emendatione ordinis una pars sit episcopi, secunda altari, tertia societati.

Dictum est de blasfemiis, & murthericibus, ut augetur hujus abnegationis tripliciter, & majoretur judiciale ferrum, ut appendat lx. s. Et adeat ipse

ipse homo compellacius ordalium arbitrio compellantis, ordalium aquæ vel igniti ferri quod ei carius vel complacentius erit. Si iuramentum non direxerit & culpabilis sit, stet in seniorum hominum iudicio utrum vitam habeat aut non habeat, qui ad ipsam curiam pertinent.

Forsfang ubique sit ab una schyra sit à pluribus, vj. d. fuit, & de omni parvo pecore semper pro solido denarius reddatur. De Forsfang, id est præventionem vel anticipationem, decrevimus ut per totam Angliam unum iudicium teneri debeat, hoc est, de homine xv. d. & de equo similiter reddantur, sit ultra unum comitatum sit ultra plures, ne impotens homo longe pro suo proprio fatigetur, & etiam nummum det. Aliquando fuit quod forsfang dabatur secundum numerum comitatum. Sed antiquum rectum est, ut de omni furtivo pecore forsfangum detur secundum precium æstimatum, id est de unoquoque solido unus denarius, sit ejusmodi pecus qui sit, si de manibus latronum excutatur, si vero aliter inveniatur occultatum, tunc potest forsfangum esse minoris precii, quia minori fuit precio conquistum.

Adhuc de legibus regis Adelstani.

C A P. I.

Quo termino & qualiter hundredum teneri debeat.

I I.

Quid faciat cui aliquid furto subreptum fuerit, & de furis proprio catallo dividendo.

I I I.

Si quis supersedeat, & hundredi reprobet iudicium.

I V.

Ne quis ignota emat pecora sine testimonio.

V.

Si hundredum quid furatum investiget in alio hundredo.

V I.

De manutentore ejus qui rectum aufugerat.

V I I.

De infraacto termino in hundredo constituto.

V I I I.

De precio ticimii pecoris, & ope canis blanhorn.

I X.

Cujus ponderis sit ferrum triplicis ordalii.

I.

Hoc est iudicium qualiter hundredum teneri debeat. In primis ut convenienter semper ad iij. abbates, & faciat omnis homo rectum alii.

I I.

Si necesse sit in manibus indicetur hominibus hundredi, & ipsi postea denuncient hominibus decimarum, & eant omnes pariter quo Deus annuerit & invenire possint, & faciant furi rectum suum, sicut prius tempore Edwardi regis fuit institutum, & reddatur Ceathgildum ei cujus pecus est, & reliquum in duo dividatur, dimidium hundredo, dimidium domino, præter homines; & habeat eos dominus suus.

I I I.

Si quis supersedeat hundredi iudicium vel reprobet, ut in eum denique recitetur, det hundredo xxx. d. & secunda vice lx. d. dimidium hundredo, dimidium domino; si tercio quis faciat det x.s. Ad quartam vicem perdat omne quod habet; & sit

utlag, id est exul vel exlex, nisi rex ei patriam concedat.

I V.

Diximus de ignotis pecoribus, ut nemo habeat sine testimonio hominis hundredi, vel hominum decimalium; & sit hoc bene credibile & nisi alterum habeat, nolumus ei permittere cenningam aliquam.

V.

10 Amplius diximus, si hundredum minet vestigium in aliud hundredum & notificetur hominibus ipsius hundredi, idem cum eo vadant: si hoc prætermittant emendent regi xxx. s.

V I.

Si quis rectum declinet vel aufugiat, persolvat angildum qui eum tenuit ad dampnum illud. Et si compellabitur quod eum emisit, adlegiet se sicut in terra lex est.

V I I.

20 In hundredo sicut in omni publico volumus, ut rectum & jus publicum iudicetur in omni causa, & adterminetur quando hoc impleatur. Et qui terminum illum infregerit, nisi pro banno domini, vel infirmitate monstrabili xxx. s. emendet, & ad constitutum diem faciat quod ante debuerat.

V I I I.

Pecoris ticimium, & canis oppa, & blanhornum, horum trium singulum est, unum solidum valens, & unumquodque reputatur melda, id est manifestatio.

I X.

Ferrum quod facit ad triplex ordalium debet ponderare lx. s.

Adhuc de legibus ejusdem regis Adelstani.

C A P. I.

Ubi hac iudicia fuerunt instituta.

I I.

40 De judiciis observandis que apud Greateleyam edita fuerunt.

I I I.

De divitiis vel generosis à furto, vel latronum firmatione non desistentibus.

I V.

De illo qui alterius hominem recepit.

V.

Ne dominus libero homini ius prohibeat.

V I.

De fure qui personam vel locum pacis adierit.

V I I.

De infringentibus ista statuta, & eorum pœna.

C A P. I.

Hæc sunt iudicia quæ sapientes Exonia consilio Adelstani regis instituerunt, & iterum apud Feuresham, & tercia vice apud Thundresfeldium, ubi hoc diffinitum simul & confirmatum est.

I I.

60 Et hoc in primis est, ut observentur omnia iudicia quæ apud Greateleyam posita fuerunt præter mercatum civitatis & diei Dominicæ.

I I I.

Et si quis adeo dives sit vel tantæ cognationis, ut à furto vel latronum firmatione vel defensione revocari non possit, educatur de patria cum uxore, & pueris, & omnibus rebus suis in eam partem huius regni quam rex voluerit, sit quicumque sit, sit Comitum,

Comitum, sit villanorum, eo tenore quo nunquam in patria revertatur, & deinceps nunquam obviet alicui in patria ista, sed sit tanquam fur inter manus habens inventus. Et qui firmabit eum, vel suorum quempiam mittat ad illum, pecuniæ suæ reus sit in omnibus quæ habebit.

IV.

Et qui alterius hominem recipiet intra marchiam, vel extra, quem pro malo suo dimittat, & castigare non possit, reddat regi Cxx. s. & redeat intus unde exivit, & rectum faciat ei cui servierat.

V.

Et iterum ne dominus homini libero *blafordscenam* prohibeat, qui rectum ei per omnia fecerit.

VI.

Et si fur qui furatus est postquam concilium fuit apud *Thundresfeldum*, vel furabitur, nullo modo vita dignus sit, non per socnam, non per pecuniam, si per verum reveletur in eo, sit liber, sit servus, sit Comitum, sit villanorum, sit Domina, sit pediffiqua, sit quicumque sit, sit *handhabbenda*, sit non *habbenda*, si pro certo sciatur, si verbum non direxerit, ut *ailata* sit, vel in ordalio reus appareat, vel per aliquid aliud culpabilis innotescat, si regem vel archiepiscopum, vel sanctam Dei ecclesiam requiratur, habeat ix. noctes de termino, & quærat quicquid quærat, non habeat vitam diutius de quo vere palam fuerit, nisi capi non possit. Si Episcopum, vel Comitum, vel Abbatem, vel Aldermannum, vel thaynum requiratur, habeat de termino iij. noctes, & quærat quod quærat, non habeat vitam diutius sed capiatur. Si aufugiat persequatur eum omnis homo super vitam suam, & qui ei obviabit rex vult quod eum occidat. Qui ei pepercerit, vel eundem firmabit, sicut fur, suæ vitæ & omnium quæ habebit indignus sit, nisi se possit adlegiare quod nec furtum cum eo scivit, aut factum pro quo mortis esset reus. Si libera mulier sit, præcipitur de clivo vel submergatur. Si servus homo sit, eant xx. servi & lapident eum. Et si *colpus* alicui fallat ter verberetur & ipse ter. Et quando furatus servus erit mortuus, reddat unusquisque servorum illorum iij. d. domino suo. Si serva ancilla sit, & illa furetur alicubi præter domino vel dominæ suæ, adeant lxxx. ancillæ, & afferant singulæ tria ligna, & comburant ipsam unam ancillam, & conferant totidem denarios quot servi deberent; aut verberentur sicut de servis dictum est.

VII.

Et si quis præpositus hoc disperdat, nec inde curam adhibeat, det regi Cxx. s. si pro vero recitetur super eum, & etiam evidentiam perferat sicut diximus, & si thaynus sit, qui hoc faciat, vel alius aliquis, sit hoc idem.

Adhuc de legibus istius Regis *Adelstani*.

CAP. I.

De malefactoribus & ejus firmantibus.

II.

De eo qui alterius hominem injuste suscepit.

III.

De præposito qui regis instituta negligit, vel pro mercede subvertit.

IV.

Qui habendi sunt testes in singulis causis.

V.

Si pecus investigetur in terra alienius.

VI.

Quid omni die veneris pro rege & populo sit cantandum.

I. Sax. fol. 53.

Ego *Adelstannus* rex notifico vobis sicut dictum est michi, quod pax nostra pejus observata est quam michi placet vel apud *Greateleyam* fuerit institutum; Et sapientes mei dicunt, quod hoc diutius pertuli quam debueram. Nunc inveni cum illis sapientibus qui apud *Exoniam* fuerunt mecum in sancto natali Domini, quod parati sunt omnino quando velim cum seipsis, & uxoribus, & pecunia, & omni re sua ire quo tunc voluero nisi malefactores conquiescant, eo tenore quo nunquam deinceps in patriam istam redeant. Et si unquam ibi amplius compareant, sint ita culpabiles, sicut qui habens furtum in manibus capiatur, qui eos firmabit vel suorum aliquem, vel ad eos quenquam mittet, sui ipsius reus sit, & omnium quæ habebit. Et hoc igitur est quod juramenta, & vadia, & plegia penitus super excepta sint, & infracta, quæ antea fuerant data, & nescimus alii rei credere nisi hoc sit.

II. Sax. i. fol. 54.

Et qui alterius hominem suscipiet quem pro malefactis suis dimittat à se & castigare non possit, reddat eum domino cui prius servivit, & regi Cxx. s. Si tunc velit eum dominus diffacere, dilationet se si possit in conventu publico; Et si culpa careat, perquirat sibi dominum quem velit in testimonio, quia concedo quod omnis qui innocens sit serviat domino cui velit.

III. Sax. i.

Et præpositus qui hoc pervertet, & inde curare nolit, emendet regi suam *overhirnessam* si pernoscat hoc in rei veritate, & si non possit rejicere, & præpositus qui hoc pervertet mercedem recipiat, & alicujus rectum propter hoc evertet, emendet *overhirnessam* regis & contumeliam hanc sicut prædiximus; & si thaynus sit idem faciat.

IV. Sax. i.

Et nominentur in *maninga* singulorum præpositorum tot homines quot pernoscentur esse credibiles, qui sint in testimonio singularum causarum, & sint eorum juramenta credibilium hominum *butan cyre*, id est sine electione.

V. Sax. 2.

Et si investigetur pecus in alicujus terra, educat terræ dominus vestigium illud extra terram si possit, & si non possit, stet ipsum vestigium pro super juramento si aliquis compelleretur ibi.

VI. Sax. 3.

Et decantetur omni die Veneris in singulis ecclesiis, unum quinquagenarium psalmorum pro rege, & omni populo qui vult quod ipse sit rex.

Karissime, episcopi tui de *Kent* & omnis *Kentescire*, thayni, Comites, & villani tibi domino dilectissimo tuo gratias agunt, quod nobis de pace nostra præcipere voluisti, & de comodo nostro perquirere & consulere, quia magnum opus est inde nobis divitiis & egenis. Et hoc incepimus quanta diligentia potuimus consilio horum sapientum quos ad nos misisti, unde charissime domine, primum est de nostra decima, ad quam valde cupidus sumus & voluntarii, & tibi supplices gratias agimus admonitionis tuæ. Secundum est de pace nostra quam

omnis

omnis populus teneri desiderat sicut apud *Greateleyam* sapientes tui posuerunt, & sicut etiam nunc dictum est in concilio apud *Fefresham*. Tertium est quod gratiant omnes misericorditer *Hermerum* dominum suum de dono quod forisfactis hominibus concessisti, hoc est quod pardonatur omnibus forisfactura de quocunque furto quod ante concilium de *Fefresham* factum fuit, eo tenore quo semper deinceps ab omni malo quiescant, & omne latrocinium confiteantur & emendent hinc ad *Augustum*. Quartum, Ne aliquis recipiat hominem alterius sine licentia ipsius cui prius *folgavit*, nec intra marcam nec extra. Et etiam ne dominus libero homini *blasocnam* interdicat si recte custodierit eum. Quintum, Qui ex hoc discedat sit dignus eorum quæ in scripto pacis habentur quod apud *Greateleyam* institutum est. Sextum, Si aliquis homo sit adeo dives vel tantæ parentelæ, quod castigari non possit, vel illud cessare nolit, ut efficias qualiter abstrahatur in aliam partem regni tui sicut dictum est in occiduis partibus, sit alterutrum quod sit, sit Comitum, sit villanorum. Septimum est, ut omnis homo teneat homines suos in fideiussione sua contra omne furtum. Si tunc sit aliquis qui tot homines habeat quod non sufficiat omnes custodire, præpositum talem præponat sibi singulis villis qui credibilis ei sit & qui concredat hominibus. Et si præpositus alicui eorum hominum credere non audeat, inveniat xij. plegios cognitionis suæ qui ei stent in fideiussione. Et si dominus vel præpositus vel aliquis hoc infringat vel ab hinc exeat, sit dignus eorum quæ apud *Greateleyam* dicta sunt, nisi regi magis placeat alia justitia. Octavum, quod omnibus placuit de scutorum opere sicut dixisti. Precamur domine misericordiam tuam, sit in hoc, sit in alterutrum, vel nimis vel minus, ut hoc emendare jubeas juxta velle tuum. Et nos devote parati sumus ad omnia quæ nobis præcipere velis, quæ unquam aliquatenus implere valeamus.

Adhuc de legibus tempore regis *Adelstani* editis.

CAP. I.

De fure & eum manuteneantibus.

II.

De communi commodo & solutione ad omne pecus captum.

III.

Ut decem homines eligantur qui conservent ut instituta impleantur.

IV.

Ut unusquisque alii sit coadjutor ad investigandum vestigia.

V.

De equitatione in servitio domini.

VI.

De ceapgildo, ut equo, bove, servo, fure vel fugitivo.

VII.

De eo qui furem ante alios deiciet.

VIII.

De xij. hindenis hominibus post mensem adunandis pro communibus edictis.

IX.

De tribu forti rectum regis deforciante.

X.

Si vestigium minetur de una schira in aliam.

XI.

Si quis alium non adjuverit sicut ordinatum est.

XII.

De elemosina facienda pro congildone quando moriatur.

XIII.

De pecorum custodibus.

XIV.

De fridgildo augendo.

XV.

Summonitio ad hæc facienda.

XVI.

De occultis latronibus convictis.

XVII.

De vadio dato & negotiatione diei dominica & emptione foris portum.

XVIII.

De negligentibus justiciam dominis vel præpositis.

XIX.

Cujus ætatis vel pro quo precio aliquis sit occidendus.

Hoc consultum est quod episcopi & præpositi qui *Londoniensi* curiæ pertinent edixerunt & jurejurando confirmaverunt in suo *fridgildo* Comites & villani in adjectione judiciorum quæ apud *Greateleyam*, & *Exoniam* instituta sunt & iterum apud *Thundressfeldam*.

CAP. I.

ET est in primis ut non parcatur alicui latroni supra xij. annos & supra xij. d. de quo vere fuerit inquisitum quod reus sit quin occidatur, & capiat omne quod habet, & excipiat in primis capitale repetentis de pecunia ipsius, & dividatur postea superplus in duas partes, unam partem habeat uxor ejus si munda sit & facinoribus ejus conscia non sit; reliquum dividatur in duas partes, dimidium habeat rex, dimidium societas. Si sit *bocland* vel *biscopland*, i. terra testamentalis vel episcopalis, tunc erit medietas terræ domino cum societate communis. Et qui furem occulte firmabit & facinoris & sordis ejus conscius sit, fiat ei hoc idem. Et qui cum fure stabit & compugnabit, cum fure deponatur; Et fur qui sæpe forisfactus erit aperte, & ad ordalium vadat, & reus appareat, occidatur, nisi tribus sua vel dominus velit eum redimere secundum veram suam & pleno ceapgildo, & plegiare eum quod semper in reliquum à malo cesset. Et si postea furetur reddat eum cognatio illa justiciabilem sicut antea ab ordalio eum cepit, præposito qui ad hoc pertinebit, & occidatur: Si quis obstabit & eum eripere velit reum in ordalio quin occidatur, vitæ suæ culpabilis sit, nisi regem requirat & ei vitam pardonaverit sicut apud *Greateleyam* & *Exoniam* & apud *Thundressfeldam* dictum est. Et qui furem vindicare velit & evocationem faciat, vel ad liberandum eum in via descendat, 120. s. reus sit erga regem. Si hominem occidat in ea vindicta, de vita forisfactus sit & de omnibus quæ habebit nisi rex velit ei misereri.

II.

Item diximus, ut unusquisque nostrum ponat unum denarium ad nostrum commune commodum, & persolvamus omne pecus quod captum est postquam pecuniam nostram contulimus, & habeamus omnes

omnes nobis ad eam inquisitionem communiter, & conferat omnis homo denarium suum qui habet pecus xxx. denarios valens, exceptis pauperibus viduis, quæ nullam in eo culpam habent nec terram aliquam.

III.

Item ut computemus x. homines, & senior ex eis ix. conseruet ad omnes impletiones eorum quæ diximus. Et postea ipsi *hinden* obediant simul uni *hinden* homini qui illos x. homines commoneat ad nostrum omnium commune commodum, & ille undecimus custodiat ipsorum *hindenorum* pecuniam, & sciat quid ipsi mittent quando *gildare* debent, & quid recipiant si nobis pecunia surgat de nostra communi locutione. Sciant etiam ut omnis executio eorum quæ simul ediximus perveniat ad omnium nostrum communem utilitatem per xxx. d. vel unum animal hoc valens, ut hoc totum impleatur quod in nostra consultatione dictum est vel in nostra prælocutione stat.

IV.

Item ut omnis homo alii sit coadjutor & investigando & coequitando, qui hoc eorum bannum audiant quam diu vestigium sciatur, & postquam vestigium deerit inveniatur semper de duabus decimis unus homo ubi magis populi sit; sic de una decima ubi minus sit populi ad equitandum vel eundem nisi amplius oporteat, ubi majus necesse sit & omnes elegerunt.

V.

Item ne admittatur alia vestigatio vel à septentrionali marca vel australi, priusquam omnis homo unam equitationem equitaverit qui equum habeat, & qui non habet operetur domino qui equitabit pro eo, vel pedes eat donec ille domum redeat, si non possit aliter consequi.

VI.

Item de nostro *ceapgildo*. de solvendo capitali nostro equus x. s. si tam bonus sit. Si sit *betre*, i. melior, reddat secundum precium appreciatum, & sicut ille comparabit cujus intererit, nisi testes habeant quod tantum valens fuit sicut dicit; & habeamus nobis superplus quod ante constituimus, & bos una *manca*, i. xxx. d. & ovis v. d. persolvat. Diximus de servis nostris eis qui *men* habent, si fureretur solvat x. s. Si angildum erigamus ut apprecietur hoc secundum precium suum super hoc, & habeamus nobis superplus quod abhinc impetrabimus. Si denique furtum faciat, ducatur ad lapidandum sicut ante dictum est, & mittat omnis qui hominem habeat, sit denarius, sit obolus, secundum societatis ammonitionem sicut hoc valens colligi possit. Si aufugiat, persolvatur precium cultus sui, & omnes inquiramus inde. Si assequi possimus, fiat ei sicut de servo fure dictum est, vel suspendatur, & *ceapgildum* semper assurgat super xxx. d. ad x. s. Postmodum demandabimus hoc in antea si *ceapgildum* illis eleverimus, pleno angildo fit inquisitio præcedens sicut prædictum est, quamvis etiam melior sit.

VII.

Item diximus faciat quicumque faciat quod omnium nostrum molestiam vindicet, ut & finis nos omnes unius amicitiae vel inimicitiae sicut tunc eveniet, & qui furem ante alios homines dejiciet, sit de communi pecunia nostra melioratus per xij. d. pro incepto & effectu illo; & ipse cujus pecunia erit pro qua *gildabimus* non dimittat inquisitionem

istam per nostram *overhirnessam* & ammonitionem cum ea, donec ad ejus *gildum* veniamus & eam gratiemus pro labore suo de communi pecunia nostra, sicut dignum erit, ne forte remaneat ipsa *Minigunga*.

VIII.

Item ut conveniamus semper ad unum mensuram, si possimus & licitum habeamus, per *hinden* homines & eos qui decimas custodiunt, sic cum buccellorum impletione sit aliter sicut poterimus, & sciamus quid edictorum nostrorum compleatur, & habeant ipsi xij. homines convictum suum simul & pascant se sicut deceant, & remanens dividant pro amore Dei.

IX.

Et si eveniat ut aliqua tribus adeo magna sit & fortis intra vel extra *tvefthindi* ut rectum nostrum difforciat, ac furem defendat, adeamus omnes una cum præposito in cujus mansione sit, & etiam mittamus hinc & inde ad præpositos, & quæramus ab eis auxilium de quot hominibus tunc videbitur competens, ut homo forisfactis magis timeat, & accedamus simul & vindicemus simul molestiam nostram, & furem occidamus, & omnes qui cum eo pugnabunt & stabunt, nisi discedant ab eo.

X.

Et si vestigium minetur de una schira in aliam, excipiant hoc qui proximiores aderunt & educant vestigium illud vel indicetur præposito, & ipse tamen suscipiat monitione sua & minet vestigium illud per schiram suam si possit, si non possit reddat ipsum pecus uno gildo, & habeant ambo præpositura placitum quæstionis hujus in communi sic alterutrum sit, sit à septentrionali marca sit ab australi, semper de schira omnis præpositus adjuvet alium ad pacem omnium nostrum per regis *overhirnessam*.

XI.

Et item omnis homo alium adjuvet sicut dictum est & vadio confirmatum, & qui hoc ultra marcam dimittet xxx. d. reus sit vel unius bovis si aliquid eorum superhabeat, quæ in scripto nostro stant & vadiatione nostra confirmavimus.

XII.

Et diximus etiam omnibus hominibus illis qui in nostram *glisfeyam* vadium dedit, si contingat eum mori, omnis congildo det unum panem & companagium pro anima ejus, & cantet unum quinquagenarium psalmorum vel perquirat cantandum infra xxx. noctes.

XIII.

Præcipimus hiremannis nostris, ut omnis homo sciat quando pecus suum habeat & quando non habeat in testimonio vicinorum suorum, & nobis monstret vestigium, si non possit invenire infra tres noctes, quia credimus plures ydiorum nesciunt quomodo peculum suum agat, & superfodiunt in pace nostra, unde præcipimus ut ipse infra tres noctes vicinis suis indicet si persolutionem velit habere, & sit tamen inquisitio procedens sicut ante dictum est, quia novimus aliquod pecus incustoditum & per inobservantiam perditum reddere nisi quod furtivum est, quia multi confingunt fraudulentas locutiones si vestigium nesciat, ad monstrandum vicum tribus vicinis suis, quod infra tres noctes ei furatum sit, & exigit postea suum *ceapgildum*.

XIV.

Nec tacendum est vel prætereundum si deminus nos

noster vel præpositorum nostrorum aliquis ullum augmentum excogitare possit ad nostrum frigidum, ut hoc gratanter excipiamus, sicut nobis omnibus convenit, & nostrum necesse sit, & in Deo confidimus & regni nostri domino.

XV.

Si totum hoc ita complere volumus, res totius populi meliorabitur contra fures quam antea fuit. Et si remissius egerimus de pace & vadiis quæ simul dedimus, & quam rex nobis præcepit, timere possumus, vel magis scire, quod fures isti regnabunt plus quam ante fecerunt, si fidem teneamus & pacem sicut domino nostro placeat, quia magnum opus est ut insistamus & peragamus quod ipse velit. Et si amplius præcipiat cum omni jocunditate & devotione parati sumus.

XVI.

Item, diximus de illis latronibus qui in *hædige* nequiunt culpabiles inveniri, & postmodum inquitur quod rei sint & inmundi, dominus vel parentes eorum sic educant eos quomodo educitur qui in ordalio contaminatus invenitur.

XVII.

Item, quod sapientes omnes dederunt vadium suum infimul archiepiscopo apud *Thundresfeldam* quando *Ealpheagus*, *Scyb*, & *Brithnodus Odonis* filius venerunt ad concilium ex ore regis, ut omnis præpositus vadium capiat in suo comitatu de pace servanda, sicut *Adelstannus* rex apud *Festretham*, & quarta vice apud *Thundresfeldam*, coram archiepiscopo, & episcopis, & sapientibus quos ipse rex nominavit; qui interfuerunt & judicia conservaverunt quæ in hoc concilio fuerant instituta, præter hoc quod ante fuit inceptum & negocia Dominicæ diei, & quod pleno testimonio & credibili possit emi extra portum.

XVIII.

Item quod *Adelstannus* rex præcepit episcopis suis & præpositis omnibus in toto regno suo, ut pacem ita custodiant sicut recitavit & sapientes sui. Si aliquis supersedeat & non obtemperet ut hoc vadium ab hiremannis vel à subditis suis capere nolit, & patiatur occultas actiones & de justitia non procurabit sicut præcepimus & scriptis instituiamus, perdat præpositus præposituram suam & amicitiam meam, & emendet regi C. xx. s. & dimidium hoc omnis baro meus vel thaynus qui terrarius sit & justitiam servare noluerit sicut institutum est.

XIX.

Item rex dixit nunc iterum apud *Whitlanbirig* sapientibus suis & præcepit ostendi archiepiscopo & cæteris episcopis, quod ei miserabile videtur, quod aliquis tam juvenis occidatur, vel pro tam parva re sicut innotuit ei quod ubique fiebat; dixit itaque quod ei videbatur & eis cum quibus hoc egerat, ne aliquis occidatur junior quam quindecim annorum nisi se defendere velit vel aufugere & in manus ire velit, ut tunc deducatur, sit major sit minor, qualiscumque sit[is] se dederit ponatur in carcere, sicut apud *Greateleyam* dictum est, et per idem redimatur: vel si veniat in carcerem & hominem non habeat qui sumat eum in plegium plena vera sua, quod omnis mali deinceps abtineat. Si cognatio sua nolit eum educere nec ei transire in fidejussione, tunc juret sicut episcopus docebit eum, quod ob omni malo cessabit in reliquum, et sit in servitute pro vera sua. Præcepit et rex ne aliquis occi-

datur pro minori precio quam xij. d. valens, nisi fugiat vel repugnet, ne dubitetur tunc, licet minus. Si hæc ita conservemus, in Domino Deo confidimus quod pax nostra melior erit quam antea fuit.

De ordalio præcipimus in nomine Dei et præcepto archiepiscopi et omnium episcoporum, ne aliquis intret ecclesiam postquam ignis inferitur unde judicium califacere debet, præter presbyterum et eum qui ad judicium iturus est. Et sint mensurati ix. pedes à staca usque ad marcam ad mensuram pedum ejus qui ad judicium ire debet. Et si aquæ judicium sit, calefiat donec exciteretur ad bullitum; et sic *alferum* ferreum, vel æreum, vel plumbeum, vel de argilla. Et si *anselotryphæ* sit, immergatur manus post lapidem vel examen usque ad *wriste*. Et si triplex accusatio sit, usque ad cubitum. Et quando judicium paratum erit, ingrediantur ex utraque parte duo homines, et certi sint ut ita calidum sit sicut prædiximus; introeant totidem ex utraque parte, et det eis osculari textum sancti evangelii et signum sanctæ crucis; et nemo faciat ignem diutius quam benedictio incipiat, sed jaceat ferrum super carbones usque ad ultimam collectam; postea mittatur super staphas; et non sit illic alia locutio quam ut precentur sedulo Deum patrem ut veritatem suam in eo manifestare dignetur. Et bibat accusatus aquam benedictam, et inde conspergatur manus ejus qua judicium portare debet, et sic adeat. Novem pedes mensurati distinguantur inter terminos. In primo signo secus stacam teneat pedem suum dextrum; in secundum, sinistram pedem; in tertium signum quando ferrum projiciet et sanctum altare festinet insigilletur manus ejus, et inquiratur die tertia *simulaminum* sit intra configillationem. Et qui leges istas fregerit sit ordalium, sit judicium, vel examen factum in eo, reddat regi C. xx. s. witæ.

DEfuncto apud *Gloverniam* liberis absque, ut supra dictum est, rege *Adelstano*, *Edmundus* frater suus sibi in regno successit, & ferme vij. annis regnavit, genuitque ex regina sua *Elgiva*, *Edwinum* & *Edgarum* Pacificum. Anno istius regis *Edmundi* iij. *Willielmus Longaspata* dux *Normannia* per prodicionem *Lodowici* filii *Karoli* regis *Francia* occisus est. Inde proceres *Normannia* commoti, ipsum regem *Lodowicum* in *Rothomago* ceperunt & tenuerunt, donec promississet *Ricardo* filio dicti ducis *Willielmi Normanniam* reddere, & quod deinceps in omni collo- catione regis *Francia* & ducis *Normannia*, liceret duci gladio accingi, regi vero nec gladium nec cultellum ferre liceret. A *Rollone* vero primo duce *Normannia*, qui & *Robertus* in baptismo dictus, terram quæ vocatur *Normannia* à rege *Francia* conquieserat, & per xxx. annos ducatum ibi tenebat. gens duxit originem *Normannorum*. Cui successit dictus *Willielmus* filius suus, qui præfuit *Normannia* xv. annis. Huic *Willielmo* duci, successit *Ricardus* filius suus adhuc juvenis, & præfuit liii. annis. Iste *Ricardus* per magnas difficultates ad ducatum perveniens, ex nobili *Gwynora* uxore sua *Danica* v. filios & tres filias procreavit, quarum prima, nomine *Emma*, *Normannorum* gemma regi *Anglorum* *Eshelredo* postea copulavit. Iste dux *Ricardus* dictus est *Ricardus sine timore*, cui multa miranda contigerunt. Consuevit namque in qualibet

bet ecclesia ubi transiret orare, & saltem preces de-
foris fundere si ei aditus non pateret; unde nocte
quadam ecclesiam solus intrans, funus in ferepro
reperit, cirotecas suas dum oraret super lectrum
posuit, & ecce defunctus cum magno strepitu ante
hostium ecclesie brachiis extensis duci se opposuit,
quem dux in duas partes gladio secuit, & post re-
gressum, reminiscens quod cirotecas suas dimiserat,
regressus eas asportavit; exinde statuit per totam
terram circa funera vigilas celebrari.

Contigit etiam quod quidam monachus sancti
Andoeni Rothomagensis volens de nocte ad mulie-
rem transire per pontem, cadens in aquam suffoca-
tus est. Et cum de anima ejus inter angelos et dæ-
mones contentio fieret, in ducis arbitrium compro-
miserunt, qui tale dedit iudicium, quod restituta
in corpore anima, ipse super pontem ubi cecidit
poneretur, et tunc si ad peccatum tendere vellet,
dampnaretur; sin autem, salvaretur. Hoc facto, mo-
nachus ad ecclesiam fugit, ad quam dux mane ac-
cedens vestes monachales adhuc madidas reperit,
et factum abbati narravit. Cum etiam longo tem-
pore dux ipse cum dicta *Gwynora* in concubinato
vixisset, et populo acclamante et consulente, eam
tandem desponsasset, proxima nocte post nuptias
vel serio vel ludo, *Gwynora* dorsum suum et nates
ad ducem in lecto, quod nunquam prius fecerat,
vertit, ac requisita cur ita fecisset, respondit. Tunc
primo se posse ad placitum suum facere. Cum igitur
Dux iste vehementer ægotaret paravit sibi sar-
cophagum, quod quoad vixit qualibet sexta feria
frumento fecit impleri, et pauperibus erogari.

Edmundus rex antedictus exercitum in illam par-
tem *Merca* quæ paganis *Dacis* diu subdita fuerat,
usque ad latissimum flumen *Humbra* ducens, belli
forte perfidos *Dacos* vicit, et quinque urbes, scilicet
Lincolniam, *Legecestriam*, *Norngamiam*, *Staffor-*
diam, et *Derbeyam* victoriosus cepit; à quibus, *Dacis*,
qui etiam *Normanni* eo tempore sunt vocati,
penitus extirpatis, infidelitate eorum remota, fulgo-
rem fidei in eisdem, Dei gratia, restauravit. Postea
vero rex *Edmundus* quendam *Hanlaf* regem *Daco-*
rum tam viribus regis quam prædicatione fidelium
credentem suscepit in baptismo sacri fontis; ac eci-
am paulo post, *Reginaldum* regem, qui *Eboracum*
ut prædiximus conquieserat, in baptismo ad episcopi
tenuit manus sanctas. Cum autem rex *Edmundus*
ad *Westfaxoniam* redisset, et honorabili triumpho
susceptus esset, prædicti reges *Dacorum*, scilicet
Hanlaf filius *Sidrici* et *Reginaldus* filius *Gudfredi*,
pacem cum rege *Edmundo* statutam frugerunt, in
parte regni sibi direpta fortiter deprædantes. Unde
rex *Edmundus* cum militari copia in *Northumbri-*
am profectus, bello commisso, utrosque reges à patria
et regno fugavit, et *Northumbriam* primus regum
Westfaxie (ut quidam tradunt) in dominio pro-
prio possidebat.

Sequenti vero anno totam *Cumberlandiam*, quia
gentem illius patriæ perfidam et legibus insolitam
ad plenum domare nequibat, prædavit et contrivit,
eamque *Malcolma* regi *Scotia* hoc pacto, quod
terra et mari sibi foret in auxilio, commendavit.
Cum autem regi *Edmundo* regina *Elgiva* antedicta
filium, postea regem, viz. dictum *Edgarum* pacifi-
cum genuisset, sanctus *Dunstanus* tunc monachus
Glastonia in cella sua residens audivit quasi in sub-
limi voces angelorum psallentium et dicentium, Pax

Anglorum ecclesia orta est nunc nati pueri & Dun-
stani nostri tempore. Quod ita fuisse omnibus pene
notum est. Ille rex *Edmundus* monasterium *Gla-*
stoniense rebus et personis nobilitavit, et leges in
regno, ut inferius habetur, statuit et sanxit, ac proxi-
mo anno ante mortem suam sancto *Edmundo* regi et
martiri dedit hoc privilegium. Quamvis decreta
pontificum, &c. in quo limites libertatis villæ sancti
Edmundi continentur.

10 Et demum cum ferme septem annis regnasset et
omnia ei prospere contigissent, ita quod solus rex in
Anglia diceretur, ut *Alfridus Beverlacensis* thesau-
rarius narrat, dum iste *Edmundus* dapiferum suum
de manibus æmulorum eripere vellet, interfectus est
ab eisdem in regia villa de *Pulcrechirche*, et apud
Glastoniam delatus, à beato *Dunstano* tunc ibidem
abbate honorifice tumulatur. Tradunt alii quod
rex iste cum in festo sancti *Augustini* apud *Can-*
tuariam in convivio sederet, vidit unum inter ceteros
discumbere quem prius oderat et de regno suo ex-
pulerat; hunc dum rex præcipitanter capillis extra-
heret, et pedibus suis contereret, arcano nebulonis
rex evisceratur. Cui morte inæstimata prærepto
pia benignitas Christi parcat; occisor vero post-
quam plures de suis secundum quosdam vulnera-
verat, demum captus, ibidem interfectus est: sed
secundum alios, illæsus inter manus tumultuantium
est dilapsus; sed rex, ut dictum est, *Glastonia*
sepelitur.

30 Modo sequuntur leges istius regis *Edmundi*.

CAP. I.

De castitate ordinatorum.

II.

De decimis & aliis debitis ecclesie.

III.

De homicidio.

IV.

40 De fornicatione cum nunna vel sanctimoniali, &
de adulterio.

V.

De apparatione ecclesiarum.

VI.

De perjuro & liblaco.

Edmundus rex congregavit magnam synodum
Dei ordinis & seculi apud *Londoniam* civitatem in
sancto Paschæ solempni, cui interfuit *Odo* & *Wul-*
stanus archiepiscopi, & alii plures episcopi, per-
quirentes de consilio animarum nostrarum & eorum
qui subditi sunt illis.

CAP. I. Sax. I.

60 In primis est ut sanctis ordinibus evecti qui ple-
bem Dei docere debent lumen vitæ, castitatem
teneant secundum ordinem suum, sit *wer hades* sit
wif hades, sit alterum sit alioquin, sint ejus digni
quod in canone dictum est, hoc est, ut perdant se-
culari pecuniam, & sanctificationem *legerstowa*, i.
positionis locum, si non convertantur & emendent.

II. Sax. 2.

Decimas præcipimus omni Christiano super Chri-
stianitatem suam dare, & emendent *cyrcelceat-*
tum, i. ecclesie censum, & *elmeffeoh*, i. eleemo-
sinæ pecuniam; si quis hoc dare noluerit excom-
municatus sit.

III. Sax. 3.

Si quis sceleratis manibus effundat sanguinem Christianum, non appareat in conspectu regis, priusquam emendationem ineat, sicut episcopus docebit & poenitentiam consulat.

IV. Sax. 4.

Qui cum nunna vel sanctimoniali fornicabitur, sanctificato attrio sit indignus, nisi emendet sicut homicida. Sic idem diximus de *etwice*, i. adulterio vel infracto conjugio.

V. Sax. 5.

Amplius dixi, ut omnis episcopus reficiat Dei domos in suo proprio, & regem ammoneat, ut omnes ecclesie Dei sint bene paratae, sicut magnum nobis opus est.

VI. Sax. 6.

Qui falsum jurabunt vel *liblacum* facient, sint in æternum à Dei consortio segregati, nisi ad dignam satisfactionem per omnia revertantur.

Adhuc de Legibus regis *Edmundi*.

CAP. I.

De sacramento fidelitatis regi *Edmundo* faciendo.

II.

De furibus capiendis.

III.

De illo qui alterius hominem receperit, vel ad dampnum aliquem manutenuerit.

IV.

De servo fure.

V.

De illis qui emunt ignota pecora sine testimonio.

VI.

De pecore furato investigando.

VII.

Ut quisquis homines suos faciat credibiles, & de infamatis, & hac precepta negligentibus.

Hæc est institutio quam *Edmundus* rex, & episcopi sui, cum sapientibus suis instituerunt apud *Culintonam* de pace & juramento faciendo.

CAP. I.

INprimis ut omnes jurent in nomine Domini pro quo sanctum illud sanctum est, fidelitatem *Edmundo* regi sicut homo debet esse fidelis domino suo sine omni controversia & seditione, in manifesto, in occulto, in amando quod amabit, nolendo quod nolet, & antequam juramentum hoc dabitur ut nemo concelet hoc in fratre vel proximo suo plusquam in extraneo.

II.

Vult etiam, ut ubi fur pro certo cognoscetur *twelshind* & *twishind* conlocientur, & exuperent eum vivum vel mortuum, alterutrum quod poterunt; Et qui aliquem eorum infaidiabit qui in ea quaestione fuerint, sit inimicus regis & omnium amicorum eorum; Et si quis adire negaverit & coadjuvare nolit, emendet regi C.xx.s. vel secundum hoc perneget quod nescivit, & hundredo xxx.s.

III.

Et nolo ut aliquis recipiat alterius hominem priusquam quietus sit erga omnem manum quæ rectum querat ab eo: & qui aliquem manutenebit & firmabit ad dampnum faciendum, custodiat ut repræ-

sentet eum ad emendandum, vel ipse componat quod alius componere debeat.

IV.

Et de servis si qui furentur, senior ex eis capiatur & occidatur, vel suspendatur, & aliorum singuli verberentur ter, & extorpeantur, et truncetur minimus digitus in signum.

V.

Et nemo barganniet vel ignotum pecus recipiat qui non habeat testimonium summi præpositi, vel sacerdotis, vel ordalii, vel portireve.

VI.

Et dictum est de investigatione et quaestione pecoris furati ut ad villam pervegetur, et non sit foristeallum aliquod illi vel aliqua prohibitio itineris vel quaestione. Et si vestigium illud de terra illa non possit educi, queratur ubicunque suspectum fuerit ac dubium. Et si aliquis illic accusetur, adlegiet se sicut ad hoc pertinebit, et reddat capitale et regi C.xx.s. Et si quis refragaverit et resistat, et rectum facere nolit, emendet regi C.xx.s.

VII.

Et omnis homo credibiles faciat homines suos et omnes qui in pace et terra sua sunt. Et omnes infamati et accusationibus ingravati sub plegio redigantur. Et præpositus, vel thaynus, Comes, vel villanus qui hoc facere nolit aut disperdet, emendet C.xx.s. et sit dignus eorum quæ supra dicta sunt.

Adhuc de Legibus regis *Edmundi*.

CAP. I.

De homicidio.

II.

De assultu in itinere versus ecclesiam vel burgum regis.

III.

De *syhtelwita* & *mandota*.

IV.

De fundentibus sanguinem humanum.

V.

Qualiter rex regratiatur illis qui furibus resistunt.

VI.

De *mundbæce* et *hamsoena*.

VII.

De sedatione occisionis.

Ego *Edmundus* rex mando, et præcipio omni populo seniorum ac juniorum qui in regione mea sunt ea quæ investigans investigavi cum sapientibus clericis et laicis.

INprimis quomodo possem Christianitatem magis erigere, et magnum nobis necesse visum est ut amicitiam nostram et benevolentiam teneamus inter nos in toto regno meo, Et mihi valde displicent, et vobis omnibus multiplices et injustæ pugne quæ inter nos ipsos fiunt, unde diximus.

CAP. I. Sax. I.

Si quis post hæc hominem occidat, ipse sibi portet inimicitie factionem, nisi amicorum suorum auxilio intra unum annum persolvat eum pleno weregildo, sit natus sicut sit; si eum cognatio sua deserat et pro eo gildare noluerit, tunc volo, ut omnis tribus vel cognatio illa sit extra factionem præter solum malefactorem; sed deinceps ei nec victum det nec pacem. Si quisquam cogationis suæ firmet eum

eum postea, reus sit omnium quæ habebit erga regem, et portet *saïdam* erga contribuales mortui, quia primitus reprobaverat eum. Si ex mortui cognitione quis vindictam perpetret in aliquem alium præter ipsum malefactorem, sit inimicus regis et perdat totum quicquid habet.

II. *Sax. 2.*

Si quis ecclesiam requirat vel burgum meum, et ibi assiliatur vel affligatur, qui hoc fecerint sint ejusdem culpabiles quod supra dictum est.

III. *Sax. 3.*

Et nolo ut aliqua *sibtewita* vel *manbota* condonetur.

IV. *Sax. 4.*

Amplius judico, quod qui sanguinem fundat humanum, nolo focnam habere in familia mea, antequam divinam emendationem susceperit, et ad omne rectum inclinetur, sicut episcopus docebit in cujus scira fuerit.

V. *Sax. 5.*

Et jam gratias ago Deo et vobis omnibus, quia bene juvatis me de pace quam pro furtis nuper institui, et ideo confidero, quod me de pace ista adjuvare velitis tanto melius, quanto magis opus est nobis ut consecuta sit.

VI. *Sax. 6.*

Item diximus de *mundbrece* et *hamsoena*, qui deinceps hoc egerit perdat omne quod habebit, et sit in arbitrio regis an vitam habeat.

VII. *Sax. 7.*

Sapientum est sedare factionem, imprimis juxta populi legem debet prælocutor occisoris in manum dare cognitioni quod rectum ei per omnia faciet. Deinde oportet ut prælocutor det in manum, quod interfecto audeat accedere cum pace & ipsam veram vadiare. Et quando vadiaverit eam, inveniat veræ plegios. Postquam hoc factum erit, erigatur inter eos pax regis. Et ab illa die in vicessimum primum diem reddatur *hallsagium*. Inde ad vicessimum primum diem *manbota*. Inde ad vicessimum primum diem reddatur ipse *weregildum*.

De Sponsalibus contrahendis tempore regis Edmundi.

Sax. 1.

SI quis virginem vel viduam ducere velit, & hoc illi placeat & amicis suis, tunc rectum est, ut *brîogunum* per Dei justitiam & seculi jus competens in primis promittat & vadiet eis qui paranimphi sunt, quod eo modo quærat eam ut secundum Dei rectum pertinere velit, sicut sponsus debet legitimam sponsam, & plegient hoc amici sui.

Sax. 2.

Postea sciendum est cui *forstter leann* pertineat, vadiet hoc *brîogunia*, & plegient amici sui.

Sax. 3.

Postea dicat *brîogunia*, i. sponsus, quid ei dare disponat, cur ejus eligat voluntatem.

Sax. 4.

Et quid ei destinet si supervixerit ipsum; si sic quoque conveniat, rectum est ut dimidiam pecuniam habeat, & totam si simul puerum habuerint; nisi deinceps habeat.

Sax. 5.

Totum hoc vadio confirmetur, & amici sui plegient.

Sax. 6.

Si tunc omni re concordent, adeat cognatio & despondeat eam *to wybe & to rith lybe*, i. in uxorem & rectam vitam; & excipiat inde plegium qui jus habet in vadio.

Sax. 7.

Sed si de ipsa terra velit eam ducere in terram alterius thayni, consilium est ut amici habeant pacem, ne quis ei faciat injuriam, & si illa forisfaciat, ut possint esse propinquiore emendationi; si non habeat unde componat.

Sax. 8.

Huic dationi debet interesse presbyter, qui cum Dei benedictione debet eorum consortium adunare in omnem sanctitatem.

Sax. 9.

Bonum est prævidere, ne ex aliqua consanguinitate sibi pertineant, ne juste postmodum separentur qui sceleratis nuptiis consenserunt.

MORTUO vero dicto *Edmundo* rege, *Edredus* frater suus filiusque regis *Adelstani*, eo quod pueri *Edwinus* & *Edgarus* filii *Edmundi* præinmatura ætate adhuc regnare non poterant, sibi in regno successit, & ab *Odone Dorobernensi* archiepiscopo consecratus est anno Domini DCCCC. xlvij. Iste rex *Edredus* beatum *Dunstanum* nimio amore coluit & honoribus auxit, cujusque prudentiæ omne suum commisit imperium. Iste *Edredus* anno regni sui primo *Northumbrenses* jugum dominationis suæ ferre nolentes, cum valida manu peciit armatorum, & totam illam provinciam sibi strenue conquistavit. Inde vero vexilla sua in *Scotiam* dirigens, *Scotos* nimio terrore percussos sibi subdidit sine bello, unde quodam *Irricio* rege super ipsos *Scotos* statuto, illi & *Northumbri* regi *Edredo* tanquam domino suo fidelitatem debitam juraverunt, quod diu tamen juramentum præstitum non duravit; nam *Edredo* ad australes regni sui partes reverso, *Anlaf* qui à regno *Northumbria* fugatus fuerat, cum magna classe in *Northumbriam* rediens, à suis cum gaudio susceptus est, & regno suo quod quatuor annis in fortitudine tenuit, iterum restitutus. Quarto autem anno *Northumbrenses* solita infidelitate utentes regem eorum *Anlaf* fugaverunt, & *Huth* filium *Haraldi* in regem susceperunt. Sed postea *Edredus* rex anno regni sui vij. in regnum *Northumbria* iterum est receptus: gens namque patriæ illius nunquam dominum unum diu perferens *Huth* filium *Haraldi* quem leviter acceperat, leviter abjecit, regem *Edredum* ad se sponte vocatum in solio regni ponens.

Iste *Edredus* eximius & invictus cum ix. annis regnasset, solus rex super omnes partes *Anglia* vitam suam fatis exigentibus sine liberis terminavit. Qui dum ægotaret, beatum *Dunstanum* confessorum suum accersivit, cui festine ad regem accedenti, vox obiter clare insonuit, Modo rex *Edredus* qui escit in pace; Ad quam vocem equus cui *Dunstanus* insedit, absque fessoris læsione in terram currus exspiravit. Regem vero *Dunstanus* in veteri monasterio *Wyntonie* postmodum sepelivit.

POST regem vero *Edredum* *Edwinus* primogenitus *Edmundi*, apud regiam villam de *Hyngeston* juxta *Londoniam* ab *Odone* archiepiscopo in regem *Anglia* consecratur. Qui primo coronationis suæ die

quæ secum in lecto jacebat, responsum est sibi quod regina. Statim Archiepiscopus *Dunstanus* regem increpando dixit, Quod esset contra Deum & institutionem ecclesiæ in adulterinis amplexibus illam tanquam uxorem retinere; cuius filium de sacro fonte levaverat, cognationem spiritualem contrahendo. Qua de causa beatus *Dunstanus* nunquam postea dilectus fuerat à regina. Beatus tamen *Dunstanus* regem frequenter monuit, quod ipsam dimitteret, & se ab ejus consortio penitus abstinere; sed propter ferventem amorem quem rex erga eam habuit, & inextinguibilem libidinem quam cum ea exercuit, monitio sua in nullo potuit operari.

De ista vero *Alfrida* genuit rex *Edgarus Edmundo* qui in pueritia sua obiit, & *Ethelredum* postea regem; qui, dum à beato *Dunstano* baptizaretur, in sacro fonte minxit; unde & beatus *Dunstanus* exterminium *Anglorum* tempore ejus futurum prædixit. Insuper iste rex *Edgarus* de sancta *Wolfrida* genuit sanctam *Editham* virginem. Hanc autem *Wolfridam*, ut *Willielmus Malmesbury* in Cronica sua testatur, non vere sanctimoniam, sicut opinio vulgaris delirat, sed timore regis *Edgari* eam illicite concupiscentis proprio arbitrio esse velatam, regioque cubili sic subactam constat: unde rex quod feminam illam attigisset, quæ sub velamine sanctimonialis fuerat, à beato *Dunstano* redargutus, septennem egit poenitentiam; illa quoque partu explicito, voluptati renunciando, religiose postea toto tempore suo vixit, & apud *Wiltoniam* sancta, ut asseritur, celebratur. De filia quoque ejus *Editha* creditur, quod & illa apud *Wiltoniam* sanctimonialis effecta, cultioribus aliquando vestibus quam sua professio exposceret aliquociens ornabatur, ob quod à sancto *Ethelwoldo*, ut fertur increpata respondit, se quidem inepte non fecisse. Infallibile inquit, Dei judicium solo operitur conscientia, puto igitur, quod ita sancta mens & incorrupta poterit latere sub istis vestibus deauratis, sicut sub pellibus discissis. Hanc *Editham* aliquociens dum sanctus *Dunstanus* quandam ecclesiam consecraret, viderat pollicem dextrum frequenter protendere, & signum crucis fronti imprimere; ex quo delectatus *Dunstanus*, ait, Nunquam putrescat hic digitus; Continuoque intra missarum sollempnia in lacrimas prorupit *Dunstanus*; Et inquisitus à diacono cur fletet, respondit, Cito hæc florida rosa marcescet; Quod & ita contigit, & corpore postmodum de terra levato, repertum est totum in pulverem resolutum præter præfatum digitum & alvum cum secreto inferiori. Hujus rei causam sancto *Dunstano* super hoc meditati ipsa per visum exposuit, dicens, Ne mireris quod incorrupta sim in inferioribus corporis mei partibus, cum crapulæ & libidinis semper fuerim immunis.

Rex *Edgarus* anno regni sui xj. insulam de *Thenet*, quia incolæ illius jura regalia spreverant, non ut hostis insaniens, sed ut rex mala malo puniens jussit prædari. Hoc anno *Ethelwoldus Wintoniensis*, & *Oswaldus Wigornensis* episcopi jussu regis *Edgari*, clericis de quibusdam majoribus ecclesiis expulsis, monachos instituerunt aut de eisdem clericis & aliis monachos in eisdem fecerunt. Anno regis *Edgari* xij. *Asketillo Eboracensi* archiepiscopo defuncto, sanctus *Oswaldus*

Wigornensis episcopus archiepiscopatum *Eboracensem* suscepit, simul cum *Wigornensi* episcopatu illum regens. Hic *Oswaldus* juxta cathedralem sancti *Petri Wigornie* ecclesiam, aliam beatæ *Maria* construxit, ubi cum monachis familiariter conversabatur; plebem per hoc in sui favorem plurimum alliciens; unde & clerici de proxima ecclesia hoc videntes, maluerunt monachari quam ludibrio sic relinqui. Sed & postquam in *Eboracensi* sede intronizatus extitit, literatos homines in patriam advocavit, ne patriam illo bono fraudaret sine quo cætera pene inania inibi videntur. De quibus literatis fuit unus *Abbo Floriacensis* monachus, qui præter multam scientiæ frugem quam *Angliæ* invexit, vitam sancti *Edmundi* regis & martyris, sancto *Dunstano* rogante, descripsit. Is *Abbo* postmodum domi reversus & abbas constitutus, cum apud quandam cœnobii suæ cellulam in *Vasconia* quæ *Ad regulam* dicitur religionis vigorem vellet exercere, *Vasconici* crudelitate illud non ferente eliso gutture decessit.

Iste rex *Edgarus* tempore suo plusquam xl. monasteria monachorum & monialium construxit & reparavit. Inter quæ consilio & monitione sancti *Ethelwoldi Wintoniensis* episcopi, abbatias *Glastonia* & *Abendonia* composuit, & abbatiam de *Burgh* prope *Stamfordiam* stabilivit, ac abbatiam de *Thorneve* in mediis paludibus, locum tamen amœnissimo, fixit, & monasteria *Wiltoniæ* & *Wintoniæ* rebus & possessionibus ditavit, & d. abbatia vero *Eliensi*, ubi primo à principi fundationis illius sanctimoniales per C. iij. & xix. annos vixerant, & postmodum ipsis per *Ilgar* & *Hubbe* interfectores sancti *Edmundi* regis, occisis et deletis, seculares clericos qui per eas per C. annos locum illum occupaverant, per suam inhonestam conversationem de consilio beati *Dunstani* archiepiscopi & dicti *Ethelwoldi* ac magni regni, expulsi & fugati, monachosque eorum loco statuens introduxit, ubi quidam *Britannus* primus abbas extitit ordinatus. Tempore istius regis *Edgari*, *Ailwinus* consul regis consilio, dicti *Ethelwoldi* episcopi, & auxilio sancti *Oswaldi Eboracensis* archiepiscopi, abbatiam *Ramesey* in insula pulcherima intra easdem paludes fixit. Est autem palus illa, de qua loquimur latissima & visu decora, multis fluviis decurrentibus irrigata, multis lacubus magnis & parvis ditata, multis etiam silvis & insulis florida & amœna, infra quam abbatia de *Ely*, *Chater*, *Thorneve* & *Crouland* situantur; sed juxta eas abbatia de *Burgh* & *Spaldyng*, ecclesiæ sancti *Ivoni* super *Uscam* fluvium *Huntingdon*, & ecclesiæ sancti *Egidii* super *Grentam* fluvium *Canterburgie* statuuntur.

In illo etiam tempore dictus venerabilis *Ethelwoldus Wintoniensis* episcopus monasteriorum constructor à rege *Edgardo* impetravit, ut sanctorum corpora quæ in destructis locis jacebant in negligentia, transferre sibi liceret in ea quæ construxerat monasteria; inter quæ corpus beati *Bornulphi* fratris sanctæ *Pegie* fecit à monasterio *Ikanbo*, quod idem sanctus *Bornulphus* dudum in via sua construxerat, & postmodum per interfectores sancti *Edmundi* regis destructum fuerat, transferri, & super hoc regni excellentiæ intimavit. Rex devotius intendens merit

meritis beati *Botulfi* tripharie corpus suum sensit dividendum. Caput namque annuit *Eliensi* cœnobio, medietatemque reliquit. *Thornensi* ecclesiæ, & quod residuum fuit sibi suæque curiæ regaliū reliquiarum recepit scrinio; Quæ postea collatæ sunt sancti *Petri* oratorio à bonæ memoriæ rege *Edwardo*. Rex iste *Edgarus* anno regni sui xiiij. idus Maii die Pentecostes à beato *Dunstano Cantuariensi*, & sancto *Oswaldo Eboracensi* archiepiscopis cæterisque præsulibus in urbe *Achamanni*, id est *Badonis* sive *Bathonia* inungitur rex & consecratur; Ac cito post cum ingenti navium classe circumnavigata septentrionali *Britannia*, ad urbem *Legionum* quæ est *Legecestria*, cum exercitu suo appulit & pervenit. Cui *Kynadius* rex *Scottorum*, *Malcolmus* rex *Cumbrorum*, & *Mackus* rex plurimarum insularum, ac alii quinque subreguli, scilicet *Dunwaldus*, *Siferth*, *Huwall*, *Jacob*, & *Inchel* ibi nobiliter occurrerunt: Qui omnes debita fidelitate facta, ejus ditioni et dominio sunt subiecti, promittentes terra et mari fideliter secum fore; Cum quibus die quadam ascendit scapham, clavem gubernaculi per flumen de *Ltee* ibidem decurrentis manu regens, cæterisque regibus ad remos locatis, reliqua quoque procerum turba simili navigio comitante, ad ecclesiam beati *Johannis Baptiste* orationis gratia pervenit. Qui dum pari pompa remigando ad suum palatium revenisset, fertur suis dixisse optimatibus, Tunc demum quemquam successorum gloriari posse se regem *Anglorum* fore, si tali pompa tot regibus sibi obsequentibus potiretur.

Idem quoque *Edgarus* rex quatuor mille naves congregaverat, ex quibus omni anno post festum paschale mille naves ad quamlibet *Angliæ* partem statuit, sicque in ætate insulam circumnavigavit, hieme vero judicia in provincia exercuit. Ita quod tempore suo nullus eo rector fuit, nulli parcens diviti nec pauperi quin juxta exigentiam transgressionis juste eum judicaret. Et ideo tempore suo latrones nulli fuerunt, nec aliquis qui guerram vel turbationem in regno movere audebat. Et hæc omnia ad sui exercitium, et hostium terrorem fecit. Ille tamen *Dacorum* petitioni nimis inconsulte favebat, nam vix fuit in *Angliæ* viculus in quo *Daci* cum *Anglis* non habitarent; demum hoc bono animo tolleratum summæ calamitati peperit eventum. Nam *Daci* à natura potatores fortissimi, hoc unum prædicabile perpetuum reliquerunt *Anglis*, ut jam *Anglorum* probitas toti præjudicet mundo in calicibus epotandis. Quamobrem rex clavos in ciphis fecit infigi, ut per emensos ciphorum terminos biberent ad mensuram.

Edgarus pacificus, rex magnificus, *Salomon* secundus, non minus memorabilis *Anglis*, quam *Cirus Persis*, *Romulus Romanis*, *Alexander Macedonibus*, *Artaxes Parthis*, *Karolus Francis*, *Arthurus Britonibus*; Cujus tempore exercitus advenarum in *Angliam* nunquam venit, Cujus dominio reges et principes *Angliæ* sunt subiecti, Cujus potentia *Scoti*, et alii reges ut præscribitur, colla dedere, Cum xvj. annis et ij. mensibus per se solomodo sine tempore quo cum fratre suo partem regni gubernavit, feliciter regnasset, et leges incolis suis, de quibus inferius habetur, statuisset, anno vitæ suæ xxxvij. idus Julii obiit, et apud *Glastoniam* sepelitur. Cujus corpus ab *Ailwardo* Abbate, cum

sanguine rubio postea pluribus annis transactis inventum est integrum: Quod cum in locellum levare pararet, et illud præ magnitudine difficile minaretur ingressum, Abbas per audaciam regales exuvias ferro temerarie absceidit, unde sanguis undatim continuo emanavit. Tradunt *Historiæ Britannicæ*, et vita sancti *Eltuci*, quod dum rex *Edgarus* regionem *Glamorganensem* propter eorum inobedientiam devastaret, nola sancti *Eltuci* ablata fuit, et in collo cujusdam equi suspensa. Qua de causa regi *Edgaro* in nocte quiescenti apparuit quidam pectus regis lancia percutiens, unde post sompniū jussit rex ut rapta restitueretur; veruntamen post ix. dies obiit rex. Post cujus obitum status regni turbatur: Nam *Alferus* princeps *Merciorum* cæterique plures ejectis monachis de magnis monasteriis, quos rex *Edgarus* nuper instituerat, clericos cum uxoribus reduxerunt. Sed Comes *Estanglorum* cum auxilio beati *Dunstani* viriliter resistebat; congregato super hoc negotio celebri Concilio apud *Wintoniam*, ymago Crucifixi voce humana in veteri monasterio *Wintonie*, coram omnibus viam *Dunstani* asseruit esse veram, sic dicens. *Abst hoc ut fiat; abst hoc ut fiat. Judicastis bene, Mutaretis non bene*. In cujus rei memoriam in capite refectorii ejusdem monasterii supra caput Crucifixi, metrice sic scribitur:

*Humano more Crux præsens edidit ore
Celtus affata qua perspicis hic subarata.*

In laudem vero regis *Edgari*, qui tot ecclesias Deo fundaverat, et tot perhennia brevi tempore statuerat, versus subscriptos scribere non omitto.

*Auctor opum, vindex scelerum, largitor honorum,
Sceptiriger Edgarus regna superna petiit.
Hic alter Salomon, legum pater, orbita pacis;
Quod caruit bellis claruit inde magis.
Templa Deo, templis monachos, monachis dedit
Nequitia lapsum, justitiæque locum. (agros,
Novit enim regno verum perquirere falso,
Immensum modico, perpetuumque brevi.*

Fames valida *Angliam* invasit. Celebratæ sunt in *Angliæ* tres Synodi. Prima apud *Berling*, secunda apud *Calne*, ubi omnes proceres excepto *Dunstano* de solatio corruerunt. Tercia fuit apud *Ambrishpy*.

Modo sequuntur Leges Regis *Edgari*.

C A P. I.

De debitis ecclesiæ reddendis.

II.

De ecclesiis ubi est cœmeterium.

III.

De termino decimandi.

IV.

De nolente decimas dare.

V.

De non solventibus denarios sancti Petri.

VI.

De solempnitatibus & jejniis observandis.

VII.

Ne quis regem requirat nisi rectum ei negetur, & de forisfactura.

VIII.

De iudicibus injuste judicantibus.

IX. Si

IX.

Si quis alium superdicere præsumpserit.

X.

De hundredo & burghmoto, & scyremoto.

XI.

De plegio & plegiato.

XII.

De incredibili & ei parcenti.

XIII.

De moneta & mensura & pondere.

HOc est institutum quod *Edgarus* rex consilio sapientum suorum instituit Deo ad gloriam, & sibi ad regiam dignitatem, & genti suæ ad commodum.

CAP. I. Sax. 1.

Primum est ut ecclesiæ Dei recti sui dignæ sint, & reddatur omnis decimatio ad matrem ecclesiam cui parochia adjacet, de terra thaynorum & villanorum, sicut aratrum peragrabit.

II. Sax. 2.

Si quis thaynorum sit, qui in feodo suo ecclesiam habeat ubi cœmeterium sit, det ei terciam partem decimæ suæ. Si non sit ibi atrium, det ex suis novem partibus presbytero quod vult. Et etiam omne *circisceattum* ad matrem ecclesiam de omni libera domo.

III. Sax. 3.

Et omnis decimatio juventutis reddita sit ad Pentecosten, & terræ frugum ad æquinoctium, & omne *Circisceattum* ad festum sancti *Martini*, per plenam forisfacturam, quam judicialis liber dicit.

IV. Sax. 3.

Si quis decimam dare sicut diximus noluerit, adeat præpositus regis & episcopi sacerdos illius ecclesiæ, & reddant ecclesiæ cui pertinebit decimam suam, & nonam partem dimittant ei qui decimam suam detinuit. Et octo partes in duo dividantur, dimidium domino, dimidium episcopo, sit homo regis sit homo thayni.

V. Sax. 4.

Et omnis *heorðpens* reddat ad festum sancti *Petri*, & qui non persolverit ad terminum illum, deferat eum *Roma* & etiam xxx. d. & afferat inde significationem quod tantum ibi reddidit, & cum redierit domi, emendet Cxx. s. Et si iterum reddere nolit, deferat eum *Roma*, & emendationem eandem, & cum redierit emendet CC. s. regi. Ad terciam vicem si adhuc non reddiderit, perdat totum quod habebit.

VI. Sax. 5.

Et sollempne diei dominicæ confervetur ab hora nona sabbati usque ad lucidum diei lunæ, super forisfactura quam liber Judiciorum dicit & docet. Et omnis alia festivitas sicut à sacerdote nunciabitur, & omne indictum jejunium cum omni devotione servetur.

VII. Sax. 1.

Hæc est institutio secularis quam volo per omnia teneri. Volo ut omnis homo sit dignus juris publici, pauper & dives quicumque sit; & eis iusta judicia judicentur; & sit in emendationibus remissio venialis apud Deum & apud seculum tolerabilis. Et nemo requirat regem pro aliqua causa nisi domi negetur ei omne dignum recti, vel rectum impetrare non possit. Si rectum grave nimis est, postea quærat inde veniam apud regem. Et de nulla emen-

dabili re forisfaciat homo plusquam veram suam.

VIII. Sax. 3.

Et iudex qui injustum iudicium judicabit alicui, det regi Cxx. s. nisi jurare audeat quod rectius judicare nescivit. Et *admanniat* scyraz præsul emendam illam ad manum regis.

IX. Sax. 4.

Et qui aliquem injuste superdicere præsumat, unde vita vel commodo pejor sit, linguæ suæ reus erit, si accusatus se de hoc non idoneaverit, & nisi accusationem falsaverit, redimat se vera sua.

X. Sax. 5.

Et requiratur hundredum sicut antea fuit institutum, ut habeatur in anno burghmotus ter, & scyremotus bis. Et intersit præsul comitatus & *Aldremannus*, & utrique doceant Dei rectum & seculi.

XI. Sax. 6.

Et omnis homo inveniat sibi plegium, & idem custodiat & ducat eum ad omne rectum. Et si quis injuriam faciat & aufugiat, portet plegius quod ille portare debuerat. Si latro plegiatus aufugiat, & plegius infra xij. menses possit eum habere iterum, reddat eum ad rectum, & rehabeat quicquid ante propter hoc dederat.

XII. Sax. 7.

Et qui fuerit accusationibus infamatus, & populo incredibilis, & hoc placitum declaraverit, videatur de ipso placito, qui mittatur ad eum, & inveniat etiam sibi tunc fidejussores si possit, si non possit exuperetur quibus modis poterit, sit vivus sit mortuus, & capiatur omne quod habebit, & reddatur repenti caprale suum semel, & reliquum habeat dominus dimidium, & hundredus dimidium. Et si aliquis vel cognatus, vel extraneus illuc ire negaverit, emendet regi Cxx. s. Et quærat fur quicquid quærat. Qui vero de morte Domini sui cogitaverit, nunquam sibi vitam perquirat.

XIII. Sax. 8.

Et sit una moneta per totum regis imperium, & nemo sonet eam; Et mensura sit sicut apud *Wincestriam* habetur. Et erit pondus lanæ pro dimidia libra, & nemo carius vendat eam.

Edwardus juvenis senior filius regis *Edgari*, post mortem patris sui à sancto *Dunstano* archipræsule, & quibusdam principibus ad regni gubernacula eligitur capienda. Sed dum consecrationis ejus tempore nonnulli patriæ optimates resistere voluissent, sanctus *Dunstanus* vexillum sanctæ crucis, quod ex consuetudine præ se ferebatur, arreptum in medio statuit, eumque cum sancto *Oswaldo Eboracensi* archiepiscopo, et reliquis religionis episcopis, in regem consecravit. Cujus regni principio cometa apparens signum maximæ famis, quæ anno sequenti secuta est, incolis ostendebat. *Edwardus* vero in regni folio sublimatus, mox pristinae probitati, hæc suarum incrementa virtutum accumulavit, juvenum videlicet et minus sapientum consilia postponere, *Dunstani* archipræsulis monitis mentem salubriter intendere, et secundum consilium ejus et aliorum religiosorum et spectabilium virorum sua facta, et judicia in omnibus exercere, unde quendam cotidie consuetudinis ritum agebat, inopes videlicet alere, pauperes recreare, nudis vestimenta largiri, pro magno utique lucro ea computans, quæ in tali opere consumpsisset. Sed totius bonitatis inimicus diabolus, ejus felicibus actibus invadens,

dens, et omnia totius regni gaudia disturbare cupiens, novercam suam *Alfridam* in odium ipsius concitavit; Cujus presumptuosa calliditas quam sit execrabilis, ex eventu rei satis animadverti potest; Nam invidia zelo succensa cogitare cepit qualiter virum Dei à regni solio extirparet, ut filius ejus *Ethelredus* liberius in regno substitueretur. Talia itaque ea diu in animo pertractante, quibusdam principibus consiliariis suis secreta cordis sui apperrens, consilium super hoc cum illis habuit, orans et obtestans, ut una ei assensum præberent, et quo ordine id fieri posset excogitarent. Cui protinus in necem illius omnes consenserunt, et ut hoc quamtocius perficerent fraudulenta machinatione meditabantur. Quid plura? confirmato ut supradiximus in regno, cum jam tribus tantum annis, et viij. mensibus sceptro hereditario potiretur, forte die quadam cum canibus et equitibus venandi gratia ad silvam accessit, quæ juxta villam quæ dicitur *Warham* admodum grandis tunc habebatur; ubi cum aliquandiu incepto negotio insisteret, reminiscens fratris sui *Ethelredi* ad videndum illum ire disposuit, quia illum puro et fraterno corde diligebat. Erat autem juxta eandem silvam domus novercæ suæ, in qua prædictus puer frater suus nutriebatur, in loco qui ab incolis *Corph* nuncupatur, à villa memorata tribus milibus distans, ubi nunc castrum satis celebre constructum est. Ad quam dum assumpto paucis secum comitatu proficisceretur, ecce subito in medio viæ spacio hominibus illius ludentium more huc illucque vagantibus et dispersis, ipse absque ullo comite remansit. At ille ut erat solus ad domum illam, quia eam eminens aspiciebat, tanquam agnus mansuetissimus tendit, neminem verens aut pertimescens, qui nec in minimis quidem recognoscebat se aliquem offendisse. Cui dum appropinquaret, nuntiaturum est impiissimæ reginæ novercæ suæ à ministris suis illuc regem *Edwardum* advenire. Illa autem plena iniqua cogitatione et dolo, ad explenda nequitia suæ desideria se tempus idoneum adipisci gaudens, obvia mox cum satellitibus iniquitatis, tamquam de adventu ejus congratulans processit, blande eum et amabilius salutat, ad hospitium invitans. Qui tenuit, sed fratrem suum se videre, et alloqui velle denunciavit. Mox illa quasi ad alia se transformans, jubet absque dilatione sibi potum propinare, ut dum ille potum incaute gustaret, oportunius quod cogitaverat expleret. Interim unus qui et animo audacior, et scelere inmanior erat, ficta dilectione, *Juda* traditoris Domini factum imitans, pacis ei libavit osculum, ut videlicet omnem suspicionem auferens, amoremque intimum ei demonstrans eum facilius suffocaret. Quod et factum est. Nam postquam poculum à pincerna suscipiens summo tenuis ore attigit, is qui osculum sibi intulerat ei adverso insiliens, cultello ejus viscera mox transfixit. Qui gravi vulnere infidus, cum paululum inde verius homines suos divertisset, de equo cui infederat subito in terram exanimis ruit. Actum est autem hoc anno Domini nonagesimo octogesimo primo; quodque dictum nephas est, quadragesimali tempore, scilicet xv. kal. Aprilis.

Cumque prædicta regina *Alfrida* de equo illum occidisse audivisset, nequitia suæ nondum rabie exsaturata, rapit corpus ejus quamtocius jubet, & in domicilium quoddam quod juxta erat proci, ne palam fieret quod fecerat. Cujus imperio mini-

stri parentes nephandissimi, illico accurrunt, prædictum sacrum corpus more beluino per pedes abstrahunt, & in domicilium contemptibiliter ut jusserrat projectum vilibus stramentis cooperiunt. Erat autem in eadem domuncula mulier quædam à natiuitate cæca quam memorata regina in elemosina sua pascere solebat: Quæ dum sequenti nocte ibi cum sacro corpore sola pernoctasset, ecce intempesta nocte gloria Domini in eadem domo apparsit inmensa eam replevit splendore, unde prædicta paupercula non modico percussa terrore, cum omnipotentis Dei misericordiam attentius deprecaretur, superna largiente gratia lumen diu desideratum meritis viri Dei recipere meruit. Quo in loco etiam postea à fidelibus in testimonium miraculi, ob ejus memoriam ecclesia est constructa, quæ usque ad nostra tempora perduravit. Interea diluculo tenebras rumpente, dum per mulierculam illam regina quod factum fuerat comperisset, & eam quam à natiuitate lumine privatam noverat jam illuminatam vidisset, angustiat, vultu & mente in diversa mutatur, metuens opus suum execrabile sic posse propagari, si non viri Dei corpus attentius tolleretur. Imperat itaque celeriter satellitibus clanculo illud efferri, & in locis abditis & palustribus ubi minus putaretur humo tegi, ne ab aliquo posset amplius inveniri. Quibus jussa sine mora complentibus, editum quo nihil inclementius proposuit, ne quis de interitu ejus gerneret aut loqueretur, & sic memoriam ejus omnino delere existimabat. Huius ita peractis, ad quandam sui juris mansionem à prædicto loco x. miliaris distantem quæ *Were* vocatur, continuo secessit, ut super hoc quod fecerat de ea suspicionem nemo haberet. Interea tantus dolor *Ethelredum* de tam crudeli fratris sui morte invasit, ut consolationem à nemine recipere, neque luctu neque lacrimis temperare potuisset, unde mater ejus in furorem accensa, candelis cereis, quia aliud ad manus non habebat, eum atrociter verberavit, ut ita per multa verbera tandem ejus compesceret ululatum. Hinc ut fertur postea toto tempore vitæ suæ candelas ita exosas habuit, ut vix eas aliquando coram se lucere permitteret. Quidam tamen in Cronicis suis ferunt, quod in pueritia sua matrem suam, cum cereis de cera factis *Edwardum* fratrem suum frequenter viderat verberasse, & idcirco coram se nunquam ceram ardere permisit: sed hujusmodi luminaria semper odio habuit.

Post hæc transacto anno cum jam supremæ pietati *Edwardum* martirem suum mundo innotescere quantique meriti apud se fuerit declarare complavisset, corpus ejus venerabile quibusdam fidelibus devote quærentibus revelare dignatus est, atque cœlesti indicio demonstrare; Nam circa locum ipsum ubi occultatum fuerat corpus, columpna ad instar ignis desuper emissa apparuit, quæ lucis suæ radiis locum undique frequenter irradiare visa est. Quod quidam viri devoti de vicina villa *Warham*, non longe à mari austriaco sita conspicientes, congregati in unum de memorato loco illud sustulerunt, ac in villam suam ad ecclesiam sanctæ Dei genitricis *Mariæ* deportantes, ad orientalem ejus plagam officiosissime die Iduum mensis Februarii sacrum corpus sepelierunt; ubi lignea ecclesia, quæ postea à viris religiosis fabricata est, usque hodie demonstratur. Fons etiam in loco ubi prius jacuerat, dulces & perspicuas aquas ex eo tempore usque hodie cernitur

cernitur emanare, unde *fons sancti Edwardi* dicitur, ubi infirmis multa cotidie ad laudem Dei beneficia præstantur. Interea fama vulgante per universam *Anglorum* patriam, fraus & impietas reginæ manifestatur, regis innocentis præconium extollitur, virtutum undique & meritorum ejus insignia prædicantur. Audiens itaque quidam Comes magnificus *Alferus* nomine, sanctum corpus tam præclaro indicio inventum, immenso perfusus gaudio, dominoque suo tanquam adhuc vivo fidele obsequium præbere desiderans, in digniorem locum illud transferre decrevit. Ad quod opus digne peragendum Episcopus & Abbates cum optimatibus regni, quos habere potuit, invitavit, & ut in hoc sibi negotio consenciant, & subveniant monet in Domino & precatur; Nuncium quoque ad Abbatissam *Wolfridam* in monasterio *Wintoniensi* dirigit, & ut ad peragendas tanti viri exequias cum sibi commissis virginibus conveniat, denunciat.

Erat autem in eodem monasterio quædam venerabilis virgo soror ipsius sancti *Edwardi*, magna vitæ & morum honestate pollens, *Editha* nuncupata, quæ supradicti regis *Edgari*, & ejusdem *Wolfride* nondum Deo consecratæ, filia erat. Quibus mox cum summa diligentia, & veneratione convenientibus, episcopis quoque cum Abbatibus ut diximus congregatis, prædictus *Alferus* ex *Dorsata* non modicam virorum ac mulierum multitudinem coadunavit, & usque *Marham* ubi corpus viri Dei per triennium sepultum jacuerat, pervenit. Quod protinus in conspectu totius populi detectum, & à terra extractum, ita illæsum ab omni corruptione inventum est, acsi eodem die tumulatum fuisset. Videntes autem episcopi hoc cæterique ordinis viri, in hymnis & laudibus omnipotentis Dei misericordiam glorificaverunt, qui martyris sui innocentiam tali dignatus est indicio demonstrare. Tunc à venerabilium virorum manibus susceptum, & feretro impositum, cum magno cleri & plebis tripudio, ad *Septoniam*, id est *Schaffesbury* deducitur, quæ temporibus *Britonum* *Paladur* vocabatur, & à *Cassibeliano* rege ædificata magnæ sinositatis erat civitas, ubi cœnobium in honore sanctæ Dei genitricis *Mariæ* dedicatum admodum celebre habebatur, quod à magnifico rege *Alfredo* ipsius sancti viri attavo decentissime constructum fuerat, eo quod idem rex filiam suam, *Haylenam* nomine, sponso cœlesti desponsare cupiens, in eadem ecclesia monasticis disciplinis tradiderat mancipatam, pro cuius amore plurimis frequenter & largis muneribus illam nobilitavit, nam inter reliqua donorum suorum insignia, centum hidas terræ ita quietas & liberas, sicut ipse eas & melius tenuerat, imperpetuum possidendas eidem donavit, quas usque hodie virgines ibi Christo famulantes tenent.

Interea cum vulgus undique utriusque sexus ad tam rem insolitam ex diversis locis confluxisset, duo pauperes tanta acerbitate morbi contracti, ita ut vix per terram manibus cruribusque repere possent, inter cæteros ad sacrum corpus per viam adhuc versus dictum cœnobium deportatum advenere, pro sua incommoditate sanctum martyrem rogaturi: Qui sancti viri feretro approximantes, cum hii qui sacrum corpus ferebant super eos, pro recuperanda sospitate illud deportassent, statim sanitatem in conspectu populi receperunt. Quo viso, clamor populi in altum extollitur, & omnes in commune merita

sancti *Edwardi* regis, & martyris venerantur. Regina quoque memorata magnalia interim quæ per virum sanctum fiebant audiens, compuncta super hiis quæ fecerat, equo mox ascenso post eum ire disposuit pro commisso suo veniam rogatura, sed divina sibi gratia resistente minime concessum est. Nam dum in itinere cum suis satellitibus equitaret, ecce miro quodam & inestimabili impedimento ita detinebatur, ut equus super quem sedebat retrorsum potius quam in ante versa vice intenderet. Quem fræno constringere volens, dum interdum hac interdum vero illac divertendo, neque minis neque verberibus proficere potuisset, animadvertit peccatis suis exigentibus sic se detineri; unde illico de equo in terram profiliens, pedes tanquam ob majorem reverentiam ire parat. Sed iterum quod dictu mirabile est, retorta, nichilominus quod concupierat consequi valebat, ut videlicet aperte clareret pro scelere quod in virum Dei operata est hæc sibi infortunia evenire. Interea perductum venerabile corpus ad memoratum cœnobium *Septonia*, & à virginibus ibi Deo servientibus digne & laudabiliter receptum, in septentrionali parte principalis aræ cum magno honore xij. kalend. Marcii tumulatur, ubi multa beneficia per eum infirmis post hæc divina clementia sunt largita.

Quadam namque matrona in remotis *Anglia* partibus degens, cum nimia debilitate gravaretur, & cotidie pro sua incolumitate preces in conspectu Dei funderet, nocte quadam sanctus ei *Edwardus* in visu astitit, cui & talia dixisse fertur. Cum diluculo surrexeris, ad locum ubi sepultura traditus sum ire ne differas, quia ibi nova calciamenta infirmitati tuæ necessaria recipies. Erat enim, ut ex conjectura colligi potest, in pedibus gravius collisa, ideoque per calciamenta nova sanitas pedum designabatur. Evigilans autem mane cum sompnum quod viderat cuidam vicinæ retulisset, illa visionis incredula fantasma esse asserbat. Interea vero cum monitis Sancti prædicti matrona parere dissimularer, adest rursus ei vir sanctus in visione dicens, Quare præcepta mea respuens tanto opere salutem tuam negligis? vade ergo ad sepulcrum meum, & ibi liberaberis. Illa autem resumptis viribus dixit ad eum, Et quis es tu domine, aut ubi sepulcrum tuum inveniam? Cui ille, Ego, inquit, sum rex *Edwardus* invidiæ zelo, & injusta nuper nece peremptus, & *Septonia* in ecclesia Dei genitricis *Mariæ* sepultus. Mulier autem mane evigilans, assumptis pro itinere suo necessariis, ad prædictum cœnobium *Septonia* tendere mox incepit. Ibi tandem perveniens cum aliquamdiu Deum, & sanctum *Edwardum* humili corde exoraret, sanitati restituta est.

Pro interfectione autem istius sancti regis *Edwardi*, prædicta *Alfrida* noverca sua duo construxit monasteria feminatum, unum videlicet apud *Wetwelle*, ubi & ipsa requiescit, & aliud apud *Ambresbury* juxta *Sarum*. Tradunt quidam in Cronicis suis quod anno istius regis *Edwardi* quarto erat synodus apud *Calne*, de quo superius in fine regis *Edgari* tangitur, ubi omnes optimates *Anglorum* à quodam solario ceciderunt præter sanctum *Dunstanum*, qui trabe quadam restitit apprehensa, unde quibusdam eorum valde læsis, & quibusdam mortuis, signum Dei excelsi fuit, quod prodicione & interfectione regis sui ab honore casuri essent, & digna contritione à diversis gentibus conterendi.

Sancto *Edmardo* rege ut dictum est martirizato, *Ethelredus* frater suus ex prædicta *Alfrida* sub secundo matrimonio progenitus, Clito elegans & egregius, post Pascha anno domini DCCCCLXXXI. apud *Kingestone* coram *Anglorum* Ducibus in regem coronatus est, & à beato *Dunstano* archiepiscopo consecratus. Cui die consecrationis suæ beatus *Dunstanus* oraculum hoc prædixit. Quoniam, inquit, aspirasti ad regnum per mortem fratris tui, cuius sanguine *Angli* cum ignominiosa matre tua conspiraverunt, non deficiet sanguis & gladius ab eis, donec populus ignotæ linguæ superveniens eos exterminando in ultimam redigat servitutem, nec expiabitur delictum illud nisi longa vindicta. Iste rex *Ethelredus* genuit ex *Ethelgiva* *Anglicana* filia *Egberti* Comitis, sibi secundum quosdam desponsata, & secundum quosdam, ex quadam muliere alienigena concubina sua, *Edmundum* cognomento *ferreum latus*, id est *Ireneside*, *Edwinum*, *Ethelstanum*, & unam filiam nomine *Edgivam*, & ex *Emma* filia *Ricardi* Ducis *Normanniae*, quam postea, ut inferius habetur, desponsaverat, genuit *Alfredum* & sanctum *Edwardum* Regem & Confessorem. Parvo quoque tempore postquam iste rex *Ethelredus* regnare coepisset, *Alferus* Consul corpus sancti *Edwardi* Regis & martyris à *Marham* usque *Schaffesbury* nutu Dei compellente, ut supra de hoc scribitur, cum debita transtulit reverentia & honore.

Anno regis *Ethelredi* tercio venerunt vij. puppes *Dacorum*, quasi futurae vastationis regni prænunciæ, & *Southamptoniam* prædaverunt, & insulam de *Thenet* juxta *Canciam* devastarunt, multis ibidem occisis. Provincia etiam *Legecestrensis* à piratis *Normagensibus* destruitur. Et monasterium sancti *Petri* in *Corumbia* devastatur. Circa idem tempus civitas *Lundeniensis* fere igne cremata est. Postea vero mortuo prædicto *Alfero* Consule, *Alfricus* filius suus sibi successit. Eo tempore sanctus *Ethelwoldus Wintoniensis* episcopus, pater monachorum & fidus *Anglorum*, visionem Domini quam semper optaverat est adeptus. Vir iste *Wintonie* natus est, qui sub sancto *Dunstano* *Glastonia* educatus est, & cucullatus, tempore regis *Edredi* factus est Abbas *Abendonensis*, tempore regis *Edgari* factus est episcopus *Wintoniensis*, ubi monasterium monialium construxit, & corpus sancti *Switbini* transtulit. Vir igitur iste ex monacho *Wintoniensis* præsul factus, propter profusa convivia quæ tunc in *Anglia* à *Danorum* adventu exhibebantur, pane & aqua utebatur. Vir iste per omnia beatæ *Mariæ*, & sancto *Cuthberto* devotus extitit, cuius sedem post obitum ejus nunquam potuit aliquis impune dormitando premere, quin tectis ymaginibus reslirer, increpantibus, cur sedem episcopi indignus usurparet. Igitur dum semel simultas anxie inter ipsum episcopum & *Godwinum* Comitem esset exorta, nec die ad hoc statuto pacificari possent, episcopus recedendo iratus dixit, Per Dominam meam *Mariam* male sibi erit. Nec ab illa hora quievit *Godwinus* à viscerum tortura donec benedictionem ab episcopo reciperet. Tandem vir iste ad *Dunelmum* profectus est, ubi, quod magnæ videbatur audaciæ, revulso sepulcri operculo cum sancto *Cuthberto* quasi cum amico loquebatur, munus amoris deposuit & abiit. Huic *Ethelwoldo* successit sanctus *Elphegus* tunc *Bathoniensis* Abbas.

Circa hoc tempus *Ortho* tercius filius *Orthonis* secundi apud *Teutonicos* regnavit annis 18. Hic cognominatus est *Mirabilia mundi*, & coronabatur Romæ per *Gregorium* quintum. Et quanquam iste *Ortho* & alii duo *Orthonæ* præcessores sui, ex genere ad Imperium succedebant, postea tamen fuit institutum ut per septem officiales Imperii Imperator eligeretur. De quibus sic metricè notatur.

Maguntunensis, Treverensis, Colonienfis,
Quilibet Imperii sit Cancellarius horum,
Et Palatinus dapifer, Dux portitorensis,
Marchio præpositus camera, pincerna Boemus.
Hii statuunt dominum cunctis per secula summum.

Iste *Ortho* tercius uxorem habuit quæ cuidam desponsato se substituere voluit, sed dum ipse stuprum recusaret, iussus est sine audientia decollari. Qui antequam moreretur uxorem suam rogavit, ut post mortem suam iudicio ferri candentis innocentiam ejus purgaret. Affuit deinde dies in proximo quo *Cæsar* pupillis, & viduis iudicium & justiciam asseruit se facturum. Affuit & vidua caput mariti deportans, & quærens, Quæ morte dignus esset qui injuste aliquem peremisset; Respondit *Cæsar*, Capitis privatione. At illa, Tu es, inquit, vir ille, quod ego iudicio ferri candentis mox comprobabo. Quo quidem iudicio consummato, *Cæsar* in manus se dedit sceminae puniendum. Instantia tamen pontificum induciæ x. dierum, deinde viij. post hæc vij. tandem vj. conceduntur, in quibus rex examinata causa, uxorem propriam concremavit, ac pro sua redemptione iiiij. castra in episcopatu *Lannensi* viduæ dedit, quorum nomina ab induciis dierum concessorum adhuc vocantur x. viij. vij. vj.

Rex *Ethelredus* anno regni sui viij. propter quoddam dissensiones urbem *Roffensem* obsedit, unde & affuit beatus *Dunstanus*, qui ut inde recederet ob amorem sancti *Andreae* apostoli pecuniam optulit multam regi, sed nil profuit, unde ex diutina obsidione fructus agrorum sancti *Andreae* in recedendo destruxit. Quam ob rem beatus *Dunstanus* multa ei prædixit infortunia adventura. Anno regis *Ethelredi* ix. duæ retro sæculis incognitæ pestes *Anglorum* genti acciderunt, scilicet febris hominum, & lues animalium quæ *Anglice* *Schitta* dicitur, Latine vero *fluxus ventris* nuncupatur. Anno regis *Ethelredi* x. Rex *Merciorum* *Alfricus* filius dicti Consulis *Alferi*, per regem ab *Anglia* crudeliter relegatur. Eodem anno beatus *Dunstanus Cantuariensis* archiepiscopus, à mundi tenebris ad gloriam transit sempiternam. Sed ante decessum suum *Alfridam* reginam quæ sanctum *Edwardum* occidi fecerat, à peccatis & excessibus suis absolvit, salutarem sibi poenitentiam injungendo. Quæ postea cunctis diebus vitæ suæ in castitate vivens, vitam in domino feliciter finivit. *Osbernus* vero monachus *Cantuariensis* vitam beati *Dunstani* virtutibus, & prodigiis plenam scripsit: Inter quæ refert quod beatus *Dunstanus*, dum ad instantiam cujusdam seeligiosæ matronæ, stolam sacerdotalem ymaginibus Apostolorum & Martirum insigniret, audita est cithara parieti appensa modulò illius antiphonæ, *Gaudet in cælis anima Sanctorum*, &c. absque pulsu hominis insonare.

Item beatus *Dunstanus* varia mechanicæ artis industria insignitus, dum semel in cella sua juxta *Glastoniam* calicem quendam aurifico opere effigiaret, affuit sathan corporali specie varia sibi immittens

mittens fantasmata voluptatum. Quod *Dunstanus* in spiritu comperiens, forcipibus suis ignitis nasum dæmonis comprehendit & tenuit, donec dæmone ululante factum hoc convicianis innotesceret. Beatus etiam *Dunstanus* semel soporatus audivit spiritus angelicos cum suavi nota *Kyriel Kyriel* psallentes; cujus modulos armoniæ adhuc continet tropus ille apud *Anglos* famosus, *Kirie rex splendens*, qui in Sanctorum cantari majoribus solet festis. Sancto vero *Dunstano* & sancto *Ethelwoldo* ab hac luce, ut dictum est, subtractis, *Anglia* lorica suæ protectionis carens, vindictæ Dei præmeditatæ patuit desolata.

Sancto vero *Dunstano* qui xxvij. annis federat, successit *Stilgarus*, anno uno & mensibus tribus sedens. Quo defuncto, *Siricius* monachus annis quinque sedebat. Rege autem *Ethelredo* propter aliquas adhuc dissensiones episcopatum *Roffensem* crudeliter destruente, Dominus ad iram inde iterum provocatus, quod facere paraverat non tardavit. Nam *Daci* ex multis partibus venientes, & quasi nubes cœli *Angliam* ex una parte operientes, *Gipwicum* & totam pene *Estangliam* prædati sunt. Et inde progredientes *Anglorum* exercitui obviarunt. Qui confligentes *Goda* duce eorum occiso, illam partem exercitus in exterminium redigerunt. Ex alia vero parte *Brithnodus* consul cum magnis viribus eis obvians, cum suis pugnando victus vitam gladiis terminavit.

Anno *Ethelredi* regis xiiij. *Ailwinus* consul & sanctus *Oswaldus Eboracensis* archiepiscopus fundatores ecclesiæ *Ramese*, quam sanctus idem *Oswaldus* dum adhuc vixit vj. idus Novembris consecraverat, ab hoc seculo transierunt. Qui quidem *Oswaldus* in monasterio sanctæ *Mariæ Wigornia*, quod ipse à fundamentis construxerat, est sepultus. Post quem *Eadtilf* sedem *Eboracensem* suscepit. Eodem anno *Angli* infausto consilio *Sirici Cantuariensis* archiepiscopi, ut *Daci* à rapinis & cædibus cessarent, censum prævum eis solvere statuerunt. Quibus x. milibus librarum primo pro tributo datis, hoc malum usque in hodiernum diem in *Anglia*, & diu nisi Dei pietas subveniat, durabit. Nam regibus nostris modo ex consuetudine solvimus quod *Danis* tunc ex terrore ineffabili solvebatur. Secundo vero solvebatur eis tributum 16. milium librarum: tercio 24. milium librarum: quarto 30. milium librarum: quinto 40. milium librarum, donec tandem pecunia deficiente iterum tenderent ad rapinas. Post hæc rege insidias *Dacis* molito, *Alfricus* consul prædictus, quem rex exulaverat & postea tamen receperat, fecit eorum exercitum de insidiis regiis præmuniri: jure autem dicitur, *Quem semel graviter laesis non facile tibi fidelem credideris*. Cum igitur regia classis cui dictus *Alfricus* & *Thoroldus* consules præerant ut *Dacos* interciperent, à *Londoniis* venisset, *Daci* omnes præmuniti evaserunt. Postea exercitus *Dacorum* major factus, puppibus regiis obviam venientes, navali cum eis prælio pugnauerunt, ubi multis *Londoniensibus* cæsis, puppes omnes armatas cum *Alfrico* consule qui inerat ceperunt ab *Anglicis* triumphose.

Post hæc *Daci* in *Humbram* navigantibus, & ex utraque parte in *Lyndesepe* & *Northumbria* prædantibus, cum *Angli* militaribus copiis aggregatis contra eos acies direxissent, *Godewinus* &

Fridegest, & alii qui duces *Anglorum* exercitus erant, ante ipsam collisionem fugam turpiter incepterunt. Exinde *Dani* urbem de *Bamburgh* infregerunt, & stragem magnam in *Northumbria* dederunt. Contra quos *Northumbrenses* occurrerunt. Sed quia duces eorum ex genere paterno *Danici* erant, ideo ipsi fugæ auctores primitus extiterunt. Ea tempestate *Ethelredus* rex oculos *Alfagari* filii dicti *Alfrici* consulis erui præcepit, unde odium & crudelitatis ejus infamia excreverunt. Hiis transactis *Swanus* rex *Dacorum* paganus auxilio & præsentia *Anlaf* regis *Norreganorum* pagani suffultus, cum lxxx. & xiiij. navibus in nativitate sanctæ *Mariæ Londonias* venit, ad vendicandum quicquid juris seu conquestus antecessores & fideles sui unquam in *Anglia* possidebant. Cui Comes *Lyndesepe*, *Cuthbertus* nomine, & incolæ *Northumbrenses* ac omnes fere magnates *Anglia* adhærebant, nam regem *Ethelredum* minime dilexerunt, eo quod *Alfrida* mater sua pro ipso liberius in regno substituendo sanctum *Edwardum* fratrem suum dolose extinxerat, ut dictum est.

Pagani vero prædicti urbem *Londonia* insultantes & flamma demoliri parantes, civibus Christianis ab eorum insultu auxilio beatæ *Mariæ* virginis liberatis, confusione ineffabili sunt reversi. *Daci* igitur spe recuperationis civitatis illa vice frustrati, acceptis equis seniores eorum in *Estsaxia*, *Cantia*, *Suthsaxia*, & *Hamteshire* pergentes, omnia cæde & incendio repleverunt. Unde rex missis nunciis censum pro tributo & cibum eis promisit. Quod concedentes, in pace apud *Southamptoniam* hiemaverunt. Interea rex *Ethelredus* pro *Anlaf* rege prædicto misit, quem *Elphegus Wentanus* episcopus obsidibus datis regi *Ethelredo* adduxit. Qui eum honorifice recipiens, ipsum in filium à sacro fonte de manibus episcopi suscepit, & multis muneribus confortavit. *Anlaf* itaque se nunquam amplius sine pace in terram *Anglorum* venturum regi promittens, ad partes suas rediit, tenens fideliter quod promisit.

Anno regis *Ethelredi* xvij. sedes episcopalis apud *Dunolmiam* constituta est, & corpus sancti *Cuthberti* translatum est. Hæc autem sedes aliquando fuit apud *Lindisfarn*, quod est *Walieland* in fluvio *Twede* posita, sed tandem tempore hostilitatis sub *Inguar* & *Hubba Ardulphus* tunc episcopus *Lindisfarnensis* ecclesiæ diu cum corpore sancti *Cuthberti* vagabatur, donec tempore regis *Alfridi Westsaxonum* sedes episcopales apud *Rocheſtriam* statuerunt. Circa idem tempus obiit *Siricius Cantuariensis* archiepiscopus, post quem *Alfricus* episcopus *Sarisburyensis* honorem pallii suscepit. Anno regis *Ethelredi* xvij. *Ricardus* primus tercius dux *Normanniæ* qui annis liij. *Normannis* præfuit, obiit. Cui successit filius suus *Ricardus* secundus qui præfuit annis xxx. Hic præ nimia bonitate sua dictus est *Ricardus bonus*. Nam in Dei servitio erat devotus, in rebus mundialibus discretus, in dandis facetus & profusus. Hic quoque ex prima uxore sua genuit tres filios. *Ricardum*, *Robertum*, *Willielmum*, & totidem filias. Ex secunda uxore genuit *Willielmum*, & *Robertum* archiepiscopum *Rothomagensem*. Huic *Ricardo* miles erat qui præ inopia coclear ducis furabatur, quod inter cætera invadiavit. Dux solus id comperiens, omnia vadia militis redimi fecit: miles autem comperiens hoc coclear

coclear sic fuisse deprehensum, adeo erubuit ut latenter fugeret. Dux tamen militem insequens fugientem, secum reduxit, & plurimum ditavit. Audiens autem quidam magister *Bernardus* famam Ducis & volens ei notus esse, occasionem ad hoc undecumque quæsit, tandem cum arcu & sagitta ad fenestram castelli ubi Dux prospiciebat accedens, tanquam vellet Ducem ferire huc atque illuc gradiebatur. Hoc dux comperiens & causam intelligens, carum deinceps ipsum *Bernardum* habuit.

Hiis temporibus *Silvester* secundus *Johanne* xvij. ejecto, sedit in papatu annis quatuor, mensibus ij. Hic natione *Gallicus*, nomine *Gilbertus*, apud *Florentiam* à puero monachus adolevit. Qui vel tædio seu cupidine devictus, de nocte à monasterio fugiens, discendi causa *Hispalim* *Hispania* urbem adiit, ut astronomiam addisceret. Quo cum venisset, junxit se cuidam illius artis perito, qui libros ei astronomicos præbuit ad scribendum. Erat autem inter cæteros codex unus totius artis conscius, quem de manibus magistri nullo modo elicere poterat. Ardebat contra *Gilbertus* in concupiscentia libri, unde ad preces conversus, ubi nichil profecit, donaria magna offert & plurima pollicetur. Sed omnibus promissionibus à magistro contemptis, *Gilbertus* nocturnas parat insidias ut saltim furto codicem surripiat. Itaque magistrum conviventem, filia ejus quam *Gilbertus* amabat, patrem vino inebriatum lecto componit, volumenque sub cervicali stertentis positum *Gilbertus* arripuit & aufugit. Magister vero à sompno excussus, indicio stellarum, qua arte erat peritus, insequitur fugientem. *Gilbertus* quoque ex stellarum inspectione magistrum se insequentem comperiens, sub ponte ligneo qui prope erat se abscondit, & ita pendulus pontem amplectens, ut nec aquam tangeret neque terram. Itaque quærentis aviditate frustrata, magister domi revertitur confusus. Tunc *Gilbertus* iter expediens venit ad mare, ubi per incantationes diabolo advocato homagium fecit, ut se à magistro insequente tutum ultra pelagus asportaret. Quod & factum est. *Gilbertus* ad *Galliam* repatrians publicas ingressus est scholas, ubi multos dictæ scientiæ habuit discipulos. Inter quos *Osbonem* imperatorem & *Robertum* regem *Francia* habuit auditores, quorum ope factus est primo episcopus *Remensis*, deinde archiepiscopus *Ravenensis*, & tandem pontifex *Romanus*.

In diebus hujus *Gilberti* fuit prope *Romam* in campo Marcio statua quædam ænea, cujus dextra manus digitum, quem Indicem dicimus, habuit extensum, & scriptum erat in capite, *Hic percutite*. Hoc illius temporis homines ita intelligendum putaverunt, quod in statua thesaurum invenirent, unde multi eam innocentem securium ictibus inaniter laniabant. Sed illorum errorem *Gilbertus* aliter exponens, in meridie, sole in centro existente notavit quo se umbra illius statuae extenderet, & ibi palum fixit: mox nocte superveniente, cum solo cubiculario lanternam portante locum adiit, terram solitis incantationibus aperiens, latum ingredientibus introitum patefecit. Conspexerunt ingens palatium aureos habens parietes, aurea luminaria, aurea universa; vident milites aureos aureis tessellis quasi animum oblectantes, regemque metallicum cum regina discumbentem, apposita fercula, mini-

stros astantes, pateras multi ponderis & precii; ubi natura vincebat opus. In interiori parte domus, carbunculus lapis tenebras noctis fugavit. In contrario angulo stabat puer arcum tenens, extento nervo & intenta sagitta, ita quod in omnibus nichil erat quod impune tangi posset, etsi posset videri. Continuo enim ut quis manum ad contingendum aliquid aptaret, videbantur omnes ymagine illæ proflire, & impetum facere in præsumptorem. Quo timore pressus *Gilbertus* à rebus abstinuit concupitis. Sed cubicularius cultellum nimis artificiose operatum videns, illum arripuit, quia in tanta copia parvum latrocinium latere posse arbitratus est. Sed mox omnibus ymaginibus cum fremitu exurgentibus, puer sagitta in carbunculum emissâ tenebras induxit. Et nisi ille monitu Domini sui cultellum rejicere accelerasset, graves ambo poenas pertulissent.

Post hæc iste *Silvester* papa quæsit à diabolo cui servivit, quamdiu viveret. Et ille, Quamdiu, inquit, in *Jerusalem* non celebraveris. Gavilus tunc valde erat papa, sperans se longe esse à morte sicut longe fuit à voluntate peregrinandi in *Jerusalem* ultra mare: sed dum postremo tempore quadragesimali apud ecclesiam sanctæ crucis *Romæ*, quæ dicitur *Jerusalem*, in *Laterano* celebraret, ex strepitu dæmonum adventantium præsensit mortem sibi adesse. Qui suspirans, peccata sua coram omnibus est confessus. Abscindique fecit omnia membra sua quibus diabolo homagium fecerat, truncumque corporis mortui super bigam poni jussit, præcipiens & obtestans, ut ubicumque animalia se trahentia subsisterent, ibidem corpus suum sepelirent; quod & factum est. Nam apud *Lateranensem* ecclesiam boves substituerunt, ubi & ipse sepultus est; unde in signum misericordiæ à Domino consecutæ, sepulcrum ipsius tam ex tumultu offium reconditorum quam ex sudore sarchofagi prælagium est papæ cito morituri: sicut est ibidem usque hodie *Latinis* literis exaratum.

Anno *Ethelredi* regis xix. *Dani* *Westaxoniam* circumnavigantes, circa cornu *Wallie* *Sabrinam* mare intrant. Qui ad *Wetepost* egredientes, in comitatu *Devonia* & *Suthwallia* prædaverunt patriam undique, & præcipue monasterium de *Wabestok* in *Devonia* vastantes, Adversus quos quociens *Angli* essent bellaturi, aut insidiis, aut dolo suorum seu infortunio impediti, terga verterunt. Deinde *Dani* cum ferro & flamma circa *Penwithric* ex australi parte reversi, & in *Tamremudam* & inde usque *Lidesford* venientes, monasterio *Ordulphi* apud *Clungestioche* combusto, fascibus & flammis omnia commendabant. Hiis transactis, hostes in *Fro-mundham* pergentes & à puppibus exeuntes, in *Dorsete* nullo resistente cum clade solita ambulant. Hoc tamen anno quandoque in *Veeta* insula perhendinabant, & in *Hamteschire* & *Suthsexia* pascebantur. Post hæc *Daci* puppes suas in *Thamesiam* direxerunt, & inde per flumen *Medewepe* usque *Roucestriam* pervenerunt; ubi *Kentenenses* congregati, cuneis constructis bellum acerrimum inceperunt. *Daci* vero bellis semper intenti, campo Martis demum strenue sunt potiti. Interea rex *Ethelredus* in *Cumberlandia* ubi multi *Daci* erant manentes, cum exercitu gravissimo transiens, bello ibi maximo *Dacos* vicit, & totam *Cumbrorum* patriam devastavit; unde mandavit ut sua classis ibi-

dem sibi occurreret, sed tempestate impedita insulam intravit *Moniam* & vastavit. Hiis actis, quidam exercitus *Dacorum* ad *Examatham* veniens, castrum ibi expugnare satagentes, castrensibus viriliter resistentibus recesserunt, cum ducibus solitis *Marie* & *Vulcano* per patriam circumquaque diffusi. Congregatis denique contra eos *Somerseis* & apud *Penho* cum eis pugnantibus, *Daci* semper bellis exercitati victoria sunt potiti. Deinde *Danica* classis *Normanniam* petiit, sed inde cito reversi *Excestriam* oppugnant, à qua urbe repulsi circa ripas australes *Anglia* acrius inserviunt.

Circa hoc tempus corpus sancti *Ivonis* episcopi inventum est. Iste *Ivo* natione *Perfons*, relictis seculi deliciis multisque terrarum spatiis decursis, in rustico habitu cum tribus comitibus in *Angliam* veniens, apud insulam de *Rameseye* vitam peregit heremiticam. Cujus sepulcrum & nomen cum diu ab incolis nesciretur, cuidam simplici viro ipse *Ivo* apparuit, nomen suum, locum & gradum similiter sibi pandens, ac monens ut ad abbatem *Rameseye* iret, & simul cum eo corpus suum de terra levaret. Quod dum fieret fons omnium valitudini salubris de Mausoleo erupit, ita ut usque hodie in tota vix *Anglia* sit sancto *Ivoni* exorato aliquis Sanctus facilior aut effectu efficacior.

Circa hoc idem tempus *Dublinia* metropolis *Hibernia* à *Scotis* vastata est. Hiis temporibus *Hugo Chapet* rex occidentalium *Francorum* filius ducis *Hagonis*, auxilio *Ricardi* ducis *Normannia* cujus fororem ipse dux desponsaverat, in regem *Francorum* erectus, & post *Lothariam* filium *Ludovici* regis occidentalium *Francorum* sine liberis decedentem, quamvis aliqui tradunt ipsam liberos habere & sibi non succedere, in quo ea de causa progenies magni *Karoli* cessaverat, ix. annis regnans obiit. Cui successit *Robertus* filius suus, qui regnavit circiter 30. annos. Hic *Robertus* à prædicto *Gilberto* astrologo, postea papa *Silvestro* doctus, unde scientia præclarus in magnis sanctorum festis in aliquo regni sui monasterio cum monachis aut cantavit, aut capam portando chorum rexit: unde cum semel in festo sancti *Amani Anreliani* exercitu suo circa castrum quod obsidebat dimisso, *Agnus Dei* capam gerens, genua flectendo ter personaret, muri castri obsessi subito corruerunt. Hic *Robertus* rex fecit sequentiam illam de festo Pentecostes, quæ sic incipit, *Sancti Spiritus assit nobis gratia.*

Anno ab incarnatione Domini millesimo, matre *Edmundi Arenteside* filii regis *Ethelredi* jam per aliquot annos prius mortua, rex *Ethelredus* se & suos valde debilitatos videns, futuramque cladem non mediocriter timens, ad tuitionem & majorem securitatem regni sui *Emmam* filiam *Ricardi* fortissimi consulis *Normannorum* & omni regno *Francorum* formidabilis, in conjugem sibi assumere cogitavit. Hoc autem Dei nutu factum esse constat, ut malum contra improbos *Anglos* postea iusto Dei iudicio tempore disposito adveniret. Nam sicut *Angli* quos Deus sceleribus suis exigentibus determinare proposuerat, *Britones* peccatis suis exigentibus humiliaverant, & à terra *Anglia* minus iuste fugaverant: sic ipsi duplici persecutione primo *Dacorum* sævientium, postea *Normannorum* supervenientium fortitudine gentibus extraneis subderentur, quod in sequentibus apparebit, cum ex hac conjunctione *Anglorum* & filie ducis

Normannorum, *Normanni* secundum jus gentium *Angliam* postea calumpniati sunt & similiter adepti. Prædixit etiam eis vir quidam Dei, quod ex scelerum suorum immanitate, non solum quia cadi & proditioni studebant, verum etiam quia semper ebrietati & negligentia dediti erant, eis superatis, dominium eorum genti *Francia* adventurum. Cum igitur hac Dei providentia rex *Anglorum Ethelredus* nunciis ad ducem *Normannia* missis suæ petitionis concessionem optinisset, ad dictam domicellam recipiendam & adducendam, *Anglorum* proceres tanto ministerio digni debito tempore statuto in *Normanniam* destinantur.

Anno ab incarnatione Domini millesimo primo, cum jam merita gloriosi martyris *Edwardi* fratris regis *Ethelredi* miraculorum magnalibus, quæ cotidie ad tumbam ejus fiebant, longe lateque declararentur, & supernæ jam dispensationi ut ejus sacre reliquæ à terra levarentur complacuisse, cepit hoc quibusdam indicis ipse sanctus manifestare, & quo ordine id debuisset fieri visionibus quibusdam demonstrare. Nam tumultus in quo requiescebat tanta indies facilitate à terra elevabatur, ut liquido cunctis appareret, eum à loco illo velle transferri. Præterea quoque cuidam viro religioso in visione apparuit, cui & dixit, Vade ad cœnobium quod famioso nomine *Septonia* vocatur, & ad abbatissam virginem *Alfredam* quæ cæteris inibi Deo famulantibus præest, perfer mandata. Dices ergo ei quia in loco in quo nunc jaceo diutius esse nolo, & ut hæc fratri meo *Ethelredo* regi absque aliqua dilatione denunciaret ex parte mea impera. Qui mane confluens ad abbatissam ut iussus fuerat, concito ivit, & cuncta quæ ostensa sibi fuerant sibi per ordinem narravit. At illa super hoc omnipotenti Deo gratias agens, universa protinus auribus regis *Ethelredi* exposuit, sed & sepulcri ejus elevationem cum summa devotione immortuit. Audiens autem rex tantam fratris sui gloriam, immenso perfunditur gaudio, & libenter quidem si oportunitas daretur, ad tale ejus præconium conveniret, elevationi ejus cum toto mentis affectu desiderans interesse. Sed quia variis & gravibus hostium incursionibus circumquaque vallatus, præsentiam suam ad id peragendum minime exhibere potuit, nuncios ad reverentissimum *Sirebernsensem* episcopum, & ad quandam magnæ sanctitatis præulem *Elfsinum* nomine cæterisque probabilis vitæ viros dirigit, monens & imperans ut venerabiles viri fratris sui corpus de terra elevatum condigno loco reponerent. Qui secundum regium mandatum, ad supradictum monasterium cum magno virorum & mulierum turba libenti animo convenientes, aperto cum summa veneratione gloriosi martiris monumento, tanta ex eo odoris fragrantia emanavit, ut omnes qui aderant quasi in paradisi deliciis se constitutos æstimarent. Tunc pontifices devote accedentes, sacras delicias de tumultu sustulerunt, & in loco venerabili ad hoc præparato eas diligenter componentes, in sancto sanctorum cum aliis sanctorum reliquiis in spiritali divinæ exultationis tripudio intulerunt. Elevatum est itaque sacrum corpus anno xxj. ex quo illuc fuerat tumulatum. Succedente postea tempore pars corporis ejus apud *Leol* monasterium juxta *Perforde*, pars vero apud *Abendoniam* est translata. Locus vero apud *Septoniam* ubi pulmo ejus adhuc integra viriditate palpitat *Edwardstowe* dicitur.

Anno Domini millesimo secundo, *Emma* dicti ducis *Normannorum* filia in *Angliam* veniens, regi *Ethelredo* copulatur, & diadema nomenque reginæ suscepit; ex qua postea idem rex genuit duos filios, *Alfridum* videlicet, & sanctum *Edwardum* videlicet Confessorem. Cujus conjugio rex in superbiam elatus, omnes *Dacos* qui cum pace in *Anglia* erant, una eademque die, scilicet in festo sancti *Bricii* clandestina prodicione, literis occultis in unamquamque urbem per regem ad hoc missis, prosequi fecit perfide & mactari. Eodem anno præfatus rex *Lissum* ducem, qui *Effie* regis vicecomitem occiderat, exulavit. Hoc anno fundatum est monasterium de *Burton* super *Trent* à quodam *Wolrico* sponte, rege annuente.

Anno Domini millesimo tercio, *Swannus* rex *Dacorum* audita morte suorum, nocte sancti *Bricii* ut supra scribitur conspirata, cum magna classe *Dacorum Cornubiam* applicuit. *Daci* vero scelere prædicto ad iram provocati, quasi multitudo locustarum ad *Exoniā* venerunt, ubi per traditionem *Hugonis Normannici*, quem *Emma* regina jam ibi vicecomitem statuerat, urbem & muros funditus destruxerunt, & omnia secum spolia, relictis tantum cineribus, asportarunt, & dictum *Hugonem* in compedibus alligatum secum duxerunt. Cumque gens comitatus *Hamtoniensis* & *Wiltoniensis* ad eos expugnandos congregata esset, & ad prælium appropinquasset, *Edricus* dux eorum infirmum se fingens ad vomitum se cogebat, & sic gentem *Anglorum* prodidit quam ducebat. Et quoniam verum est quod vulgo dicitur, Quando dux deficit exercitus vilescit, *Daci* ducem hostium suorum abesse videntes, eos usque *Wintoniam* persequuntur. Qua prædata & combusta, *Daci* ad urbem *Sarum* fortiter transierunt, & inde ad puppes suas cum præda & triumpho maximo remearunt.

Anno Domini millesimo quarto, *Swennus* rex *Dacorum*, vir fortissimus cui Deus regnum *Anglia* destinaverat, cum multis navibus ad *Estangliam* veniens, *Normicum* prædatus est, eam miserabiliter comburendo; quod *Ulfketel* dux illius provincie videns, provincialibus mandavit, ut aut hostium naves infringerent aut cremarent. Sed illis dissimulantibus, aut illud agere non audentibus, dux ipse improvisum *Dacorum* adventum sustinere non sufficiens, cum exercitu pacem fecit, infra quam *Dacorum* exercitus post tres ebdomadas ad *Therfordiam* furtim pergens, eam prædatam combussit. Quod dux *Ulfketel* comperiens, mane ex improvviso cum parva manu exercitui *Dacorum* ad puppes revertenti occurrit, & acerrimum intulit eis bellum. Sed illis graviter resistentibus diu persistere non suffecit.

Anno Domini millesimo quinto, tanta desolatio famis *Angliam* invasit, quantam nullus hominum meminisse potuit; unde *Swannus* fame compulsus cum suis in *Daciam* transfretavit.

Anno Domini millesimo sexto, *Alfricus* sive *Wolricus Cantuariensis* archiepiscopus qui xj. annis sederat, obiit; cui sanctus *Elphegus* episcopus *Wentanus* successit. Ille *Elphegus* post monasticum habitum apud *Derherst* susceptum, apud *Bathoniam* anachoritice vixit, & monachos ibidem postmodum congregavit. Quibus, amplissima mansione constructa, idoneum præpositum, ut ipse orationibus vacaret assignavit, ubi quidam eorum corruptelam, ut fieri solet in magno collegio, contraxerunt. Nam

patre nesciente convivium de nocte fecere, & usque ad lucem fere potationibus indulgere; sed hujusmodi factionis signifer Deo ulciscente in media potantium æde expiravit. Quod pater ex sonitu comperiens, ad fenestram accessit, duos dæmones corpus torquere vidit. Ac dum ille miser suffragium quæreret, responderunt hostes. Nec tu obedisti Deo, nec nos tibi obediemus. Postmodum felicitis memorie sancto *Ethelwoldo*, *Wentano* episcopo ab hac luce substracto, de successore sedis illius certamen maximum est exortum. Sanctus vero *Dunstanus* tunc *Cantuariensis* archiepiscopus dum pro sedanda dissensione Dominum sedulus exoraret, sanctus *Andreas* apostolus apparuit ei dicens, *Elphegus* abbatem *Wentane* ecclesie desolatæ episcopum constituite. Cumque ipse visionem illam regi *Ethelredo* & partibus dissidentibus innotuisset, unanimiter in Dei sententiam transierunt. *Elphegus* itaque in episcopum *Wentane* ecclesie consecratus, talem se cunctis exhibuit, ut nemo dubitaret ipsum electione divina fuisse promotum. Qui carnibus edendis nunquam nisi æger indulgit; de nocte fallens custodes in ampne stabat ad ilia demersus, laudes Deo usque ad diluculum persolvens. Elapso postea quinquennio beatus *Dunstanus* ad Dominum migravit. Post quem tribus archiepiscopis ab hac luce substractis, beatus *Elphegus* cleri & populi totius provincie votis & canonica electione *Cantuariensis* archiepiscopus est effectus anno Domini, ut supra, millesimo sexto, indictione quarta, ab adventu *Anglorum* in *Britanniam* l. septuagesimo viij. ætatis vero ipsius liij. Qui deinde *Romam* pro pallio tendens, in quodam viculo de rebus suis spoliatur; ubi dum Deo vindicante viculus ille arderet, convicanei scelus suum recognoscens veniam rogant, rapta restitunt, precibus *Elphagi* ignem extinctum cernunt. *Elphegus* itaque demum *Romam* veniens, honore quo decuit susceptus est, ubi quodam die supra modum coepit contristari, cujus tristitie causam requisitus, respondit, *Wentanus* qui michi successit episcopus hodie defunctus est. Illi autem diem signantes, ut per Sanctum dictum fuerat postea invenerunt.

Pallio itaque à papa recepto in *Britanniam* rediens, priorem vitam virtutibus auxit, & sua sancta & honesta conversatione exemplum bene vivendi aliis ecclesiasticis viris dedit. Eodem anno cum *Swannus* rex *Dacorum* vir audacissimus, quem semper tres sociæ, scilicet prædario, combustio & occisio comitabantur, in *Angliam* redisset, & ad *Sandwicum* mense Julii applicuisset, omnis *Anglia* frenduit, & velut arundinetum zephro vibrante collisum commota est. Cum autem *Dani Cantiam* & *Suthsaxiam* deprædassent, rex *Ethelredus* exercitu suo congregato cum per totum autumpnum contra eos persisteret, nichil profecit illi; namque classem alibi dirigentes ludum solitum exercebant, & *Anglorum* exercitum multiplici delusione, nunc rapiendo, nunc ad naves redeundo vexaverunt. In principio vero hiemis in insula *Veſta* manserunt, & sicut per prophetam dictum est, *Dies festos vertam in luctum*, in natali Domini *Hampteschire* & *Wareschire* usque *Redinges* perambulaverunt; inde ad *Walynghford*, & *Colebrok*, & vicinas villas pergentes, quæ pro solempni festo paratæ erant hilariter comedentes. Et quocumque veniebant cum discederent, in retributione procurationis hospitii eadem hospitioq; flammam reddebant. *Dacis* ad mare

revertentibus, exercitus *Westfaxia* obviavit, cum eis fortiter præliando; nichil tamen *Westfaxenses* tunc profecerunt, nisi quod victi *Dacos* spoliis ditaverunt. Rex autem *Ethelredus* cum mœstitia & confusione ad firmam suam in comitatu *Salopia* jacebat, sæpe rumorum aculeis sauciatus. Anno Domini millesimo septimo, rex *Ethelredus* & senatus *Anglorum* dubii quid agerent, quidve omitterent, communi deliberatione gravem conventionem cum *Dacis* facientes, pro pacis observatione xxx. mille libras eis dederunt. Eodem anno Dei providentia ad *Anglorum* perniciem rex *Ethelredus* constituit ducem *Merciorum* *Edricum* patrum *Godwini*, genere humilem sed lingua locupletem, ingenio callentem, eloquio suavem, proditorem novum, sed maximum & animo versipellem.

Anno Domini millesimo octavo, qui est annus regis *Ethelredi* xxx. rex per totam *Angliam* ex trecentis & x. hidis navem unam, & ex viij. hidis lorica & galeam parare fecit. Hida autem *Anglice* vocatur terra unius aratri cultura sufficiens per annum.

Anno Domini millesimo nono, rex *Ethelredus* nuncios suos *Ricardo* duci *Normannorum* misit causa consilii & auxilii postulandi. Congregatis autem prædictis puppibus cum viris optime armatis apud *Sandwicum*, non erat in *Britannia* tantus numerus navium tempore alicujus regis visus. Illufit autem eos Deus; rex siquidem quendam puerum nobilem *Wolnod* nomine, de *Suthfaxia* exulaverat, qui cum xx. navibus prædari juxta litora maris cœpit. Igitur *Brithric* frater ducis *Edrici* laudem sibi acquirere volens, lxxx. ex puppibus prædictis secum duxit, & dictum *Wolnod* regis hostem vivum vel defunctum se regi allaturum promisit, sed in procedendo ventus validus & ultra modum horribilis, omnes naves ejus ad terram perniciose jactavit, quas *Wolnod* superveniens continuo concremavit. *Brithric* vero & sui finistris angariati initiis, relictis puppibus *Londonias* redierunt; & sic exercitu diviso omnis labor *Anglorum* quasatus.

Tempore ergo messis exercitus *Dacorum* novus & innumerabilis apud *Sandwicum* venit, inde & *Cantuariam* progressi, statim eam cepissent nisi cives dando iij. mille libras pacem citius impetrassent. *Daci* vero in *Vestam* insulam postea devenerunt, & inde *Suthfaxiam*, *Hampteschire* & *Wareschire* prædari sunt. Rex autem *Ethelredus* collectis omnibus *Anglorum* viribus *Dacis* regredientibus obviavit, finemque eorum sævitæ imposuisset, nisi dux *Edricus* semper proditor rumoribus falsis, & terroribus regi pugnam dissuassisset. Postea *Daci* redeuntes, in *Thamesiam* hiemarunt. Qui *Londoniam* sæpe insultantes, sæpe viriliter sunt repulsi. Trans natale vero per *Chilternam* *Oxonia* perrexerunt. Qua combusta, per *Stanes* in *Cantium* redeuntes puppes suas contra se adductas in quadragesima emendarunt.

Anno Domini millesimo decimo, *Daci* in die Assensionis apud *Gipmicum* venientes, in *Ulfketel* ducem exercitus *Estanglorum* insurrexerunt; *Estanglis* vero protinus fugientibus, homines comitatus *Cantebrigia* viriliter obstiterunt; unde *Anglis* regnantibus laus *Cantebrigienfis* provincie splendide florebat. Cuneis vero inter se invincibiliter confligentibus, mortisque casum vilipendentibus *Edelsta-*

mus sororius regis; & *Oswy*, dux *Edny*, & *Wlfric* consul, & multi cum eis principes occiduntur. *Angli* vero cum adhuc memoria fugæ nulla adesset, *Turcetild miteheved*, i. caput formica primam fugam incipiens, obprobrium meruit sempiternum. *Daci* autem victores terram *Estanglia*, & paludes adjacentes ecclesiis prædatis tribus mensibus combusserunt. Qui villa *Therfordia* destructa, & *Cantebrigia* combusta, inde usque *Walsam* recesserunt, & quoscumque in eodem loco invenerunt, neci horribiliter tradiderunt. Quidam vero fama dignus in gradus turris templi adhuc ibidem stans alacris, tam loco quam probitate munitus, ab omni solus exercitu se defendit. Inde vero *Daci* per *Estfaxiam* transeuntes, ad flumen *Tamesis* pervenerunt. Nec segnes inde in comitatibus *Oxonia* & *Bokinghamia*, & sic juxta *Usam* ad *Bedefordiam*, & postea ad *Tamesfordiam* suas acies promoverunt. Ad festum vero sancti *Andrea* ad *Northamptoniam* se divertentes, eam pertranseundo combusserunt, & ad natale tota terra circa *Tamesiam* combusta, ad puppes suas redierunt. Eodem anno corpus sancti *Edmundi* regis & martiris de *Londoniis* versus *Bury* quæ tunc *Anglice* *Wedychelesworthe* dicebatur, per pontem de *Stratforde* in una carecta ductum est, una tota ejusdem carectæ ultra aquam sine aliqua supportatione stricti pontis miraculose concurrente, sicut super in processu regis *Edmundi* dictum est.

Anno Domini millesimo xj. cum jam *Dani* ex boreali parte *Tamesis* *Estangliam*, & comitatus *Cantebrigia*, *Oxonia*, *Bokinghamia*, *Essexia*, *Middelsexia*, *Herfordia*, *Bedfordia*, & illam partem *Huntynghonia* quæ est ex illa fluminis, & multum de comitatu *Northamptonia*, & ex australi parte *Tamesis*, *Cantium*, *Suthreiam*, *Hastinges*, *Suthfaxiam*, *Wareschire*, *Hampteschire*, & multum in comitatu *Wiltonia* prædassent, *Danicus* Comes *Turkillus* qui boriales *Britannia* partes piraticis assultibus occupaverat, & contra *Ulfketel* *Estanglorum* ducem apud *Ryngemere* bellum gesserat, *Cantium* cum valido exercitu *Danorum* applicuit. Quibus sanctus *Elphegus* archiepiscopus occurrens, verbum vitæ prædicando, captivos redimendo, famelicos alendo, multos eorum ad fidem Christi convertit. Reliqui vero, Christi lucra sua dampna reputantes, virum sanctum miserabili odio persequuntur, quorum conatibus novam diabolus occasionem præparaverat. Nam eo tempore prædictus dux *Merciorum* *Edricus*, perfidia, & superbia, ac crudelitate omnes tunc temporis *Anglos* superans, cum sanguinem fratris sui (quem *Cantuariorum* nobilitas pro sua violenta ibidem dominatione & tetius *Cantua* oppensione nuper interfecerat) cum jure vindicare non posset, *Danis* in *Ethelredi* regis & totius regni perniciem se conjunxit. Unde *Dani* vehementer elati, metropolim *Anglia* *Cantuariam* obsederunt, nullum inde exitum civibus relinquentes. Vicefimo autem die cum jam cibaria inclusis deficere cœpissent, pontifex misso nuncio hostibus salubri exhortatione suggessit, ut à crudelitate sua desisterent. Illi vero post sanctam amonitionem crudeliores effecti, facie antiquæ urbis pulcherrimæ tota per bellicas machinas in cineres redacta, traditione & proditiōe cujusdam *Almari* diaconi, quem archiepiscopus à morte nuper liberaverat, fractis foribus ingrediuntur, non religioni, nec ætati, nec sexui parentes. Venerabilis vero pontifex paratus pro

pro ovibus animam dare, quod potuit fecit. Ad locum ubi magna strages fiebat securus irrumpens, impietatem eorum cum magna spiritus & vocis libertate dampnavit. Quod illi non ferentes, ipsum archiepiscopum, & *Godwine* episcopum, & *Loſwy-num* abbatem, & *Alſword* regis præpositum, & clericos cum monachis, & viros cum mulieribus, abbate sancti *Augustini* abire permissu capiunt, archiepiscopumque cito vinculatum pugnis & calcibus tundunt; & sic ad atrium templi impiorum manibus cogitur impulsus omnium flagitiorum assistere spectator. Templum etiam filii omnipotentis Dei, à filiis diaboli, injectis undique flammis, cum inhabitantibus est crematum, ita ut de viij. fere milibus hominum, quatuor tantum monachi, & octingenti inferioris ordinis viri vix remanerent. Post hæc cum archiepiscopus viliter extraheretur, prope portam septentrionalem incarcerandus, pauci civium qui cædi supererant, pontifici sulo condolentes, elatis in cælum manibus altis vocibus causam innocentiae Deo commendaverunt. Ad quos confortandos in Domino cum episcopus paululum restitisset, à persecutoribus gravissimum in humero vulnus accepit; quem sic vulneratum carcerali custodiæ manciparunt, pro sui liberatione omnes facultates ecclesiæ postulantes; ubi dum vir sanctus per vij. menses inedia & squalore cruciaretur, persecutores ejus, imo & Christi ultio divina percussit, ut in brevi duobus eorum milibus per diros internorum viscerum cruciatus prostratis, cætera quoque multitudo simili modo percussa simile operaretur exercitium. Pœna igitur compellente & fidelibus *Danis* ut prælii satisfaciunt suadentibus, reos se in Christum & ejus pontificem confitentur, veniam postulantes.

Erat autem solemnus ille reconciliationis dies in sabbato sancto Paschæ. Respondit episcopus, Quamvis infidelitas vestra veniam non mereatur, mei tamen ordinis & Christianæ professionis est inimicos diligere, odientibus benefacere, & pro persecutoribus exorare. Invocato igitur Christi nomine omnes pane benedicto cibatos à peste liberavit. Cumque per triduum nemine moriente se curatos esse concipicerent; per internuncios viro Dei pro tanta gratia ore non corde gratias reddunt. Deinde ipsum iniqua conditione coarctant, scilicet ut si velit vita & libertate potiri, lx. argenti talenta ab incolis extorquenda eis persolvat, singulis talentis quinquaginta librarum pondere appensis, & insuper regi persuadeat, quatinus *Angli Danis* ad perpetuam regum & regnorum pacem, ejusdem ponderis CC. talenta singulis annis constituent solvenda. Quibus vir sanctus, Non est, inquit, hominis Christiani, aut pauperum prædonem, aut patriæ fieri proditorem. Absit ut pro corporis mei redemptione alios fame perire compellam pro quibus ex officii debito animam dare ipse compellor. Si beatus *Laurentius* thesauros quos acceperat laudabiliter occulit ne eos persecutor inveniret, ego quos non accepi crudeliter exquiram crudeliusque perdam? Hiis dictis, nova in ipsum multiplicatis tortoribus supplicia cumulantur. Cumque carceris atrocitate torqueretur, sathanas in angelum lucis se transformans, mentitur se à Deo destinatum, ut illum de squalore carceris educat: Nec vereatur notam fugæ vel timoris incurere, cum neque *Petro* sublimior, neque *Paulo* robustior, quorum alterum sporta contexit, alterum

vero carcerali stridore gravatum angelus absolvit. Christi quoque venerandum teneat exemplum, qui ut lapidantium manus effugeret, de templo exivit, ac fugiendi licentiam evangelico præcepto suis mandavit. Hiis ille motus exemplis carcerem egreditur, per multa discrimina noctis & itineris seductorem sequens, ac cum maxime ductoris auxilio & consilio indigeret, seductor repente disparuit. Tunc vir sanctus in se reversus ait, Adjutor in tribulationibus Deus adesto michi consolator, & ductor in hoc itineris & noctis incerto discrimine. Statim astitit ei angelus Dei dicens, Redi vir sancte ad locum coronæ tuæ cœlitus deputatum, sciturus quod die crastino Deus pater te in cœlo honore illo maximo honorabit, ut sis cum ejus filio unigenito in æternum. *Elphegus* igitur ab angelo revocatus, cum jam carceri appropinquaret, à carnificum turba comprehenditur, flagellatur, vulneratur, ac tandem carceri mancipatur, ubi fimo foetidissimo cruciatur. Illucescente autem octavarum sabbato, id est, sabbato in ebdomada Paschæ, apparuit ei sanctus *Dunstanus Cantuariensis* quondam archiepiscopus, multa Sanctorum psallentium societate stipatus, dicens, Æterni regis invictissime miles quod reliquum est passionum libens excipe, sciens non esse dignas hujus temporis passiones ad superventuram gloriam quæ in te revelabitur: unus namque & hodiernus dies ad supplicium, sed jugis & sempiternus tibi erit ad præmium. Inter hæc solutis vinculis & omni corporis plaga ad integrum sanata, *Elphegus* psallere cum psallentibus cœpit. Pavefacti custodes miraculum sociis nunciant. Qui turmatim properantes per parietem carceris, virtutem conantur intueri: sed majestatis & luminis magnitudine percussi resiliunt. Quod cum principibus exercituum intimatum fuisset, statim in virum Dei sententiam mortis ferunt, ne illo diutius vivente, qui per ipsum conversi fuerant contra ipsos armati procederent. Mox igitur ipsum à carcere abstractum lapidibus & ossibus bovinis obruunt. Ille vero flexis genibus oravit, dicens, Domine Jesu Christe qui non vis mortem peccatorum sed magis ut convertantur & vivant, istis miserere, & suscipe me in pace. Tunc prolapsus in terram iterumque resurgens, ait, Pastor summe, filios ecclesiæ quos tibi moriens commendo, tuere. Accurrens autem quidam quem & ipse ante de sacro fonte susceperat, cum videret virum Dei in confinio mortis diutius laborantem, impia pietate motus securim capiti illius infixit, sicque vir sanctus migravit ad Dominum xij. kalend. Maii eo anno sabbato in ebdomada Paschæ, anno Domini millesimo xij.

Tunc principes *Danorum* corpus ejus flumine statuunt inmergendum, ut sic memoria ejus ab hominibus tolleretur, & immensitas sceleris occultaretur. Sed protinus populi multitudo, quæ illo docente conversa fuerat, armata procedit, prohibens ne mergeretur, & sic nec mergebatur, nec sepeliebatur. Post multam autem contentionem factus est omnium consensus unus, ut universi sanctum deposcant, quatinus si quid valeat hoc ambiguo potentia suæ virtutem ostendat: virtutis autem genus *Dani* eligentes, Ecce, inquit, remus de ramo fraxini sicco excisus & cortice omnimodo nudatus. Si hunc ejus sanguine linitum matutina lux virentem invenerit, justum nos & sanctum cecidisse constabit, & quo illum honore sepeliatis penes vos erit; sin autem, vos

in ejus amore errasse constabit, & nostri arbitrii erit quid de ejus cadavere statuamus; ut igitur omnibus viri meritum constaret, contra naturæ ordinem aridum lignum sub unius noctis tempore floruit & fronduit. Sublatum est igitur cœleste margaritum ad arborem ejus triumpho insignem, ubi postea ecclesia fabricata est. Tunc multi *Danorum* magnates prodigia signorum quæ fiebant videntes, ad fidem catholicam sunt conversi. Cum igitur fama martyris longe lateq; crebresceret, *Londonienses* multa pecuniæ summa *Danis* data vix optinuerunt, ut sanctum corpus *London* transferretur. Episcopi igitur *Ednoc* & *Helhun* corpus susceptum cum debito honore *Londonias* deferentes, illud ibidem in ecclesia sancti *Pauli* sepelierunt, ubi in magna virtutum claritate annis plurimis choruscavit. Postea tamen à magnifico rege *Kanuto* toto adhuc corpore incorrupto levatus, ad ecclesiam & sedem propriam reportatur. Cui *Livingus* archiepiscopus successit. Tunc vero rex *Ethelredus* cum *Dacorum* exercitu nimis sero pacem faciens viij. mille libras eis dedit, nunquam enim in tempore oportuno pax fiebat, donec nimia contricione terra langueret. Subdiderunt se regi puppes xlv. promittentes quod *Angliam* tuerentur, ita ut rex victum & vestitum eis inveniret.

Eodem anno, scilicet Domini Mxij. istud omnibus seculis mirandum contigit. Cum in quadam villa *Saxonia* ubi ecclesia erat sancti *Magni* martyris nocte in vigilia natalis Domini presbyter quidam *Robertus* nomine primam Missam inchoaret, quindecim juvenes & tres adolescentulæ in cimiterio choreas cum cantilenis ducentes, sacerdotem inter sacrosancta Missarum solempnia impediabant. Quibus cum sapius mandaret, ut à stulticiis cessantes divino officio differrent, illi non adquiescebant. At ille iratus imprecatus est dicens, Placeat Deo & sancto *Magno*, ut sic cantantes anno isto non cessetis. Factumque est ita, per totum annum cantabant choream ducentes, non sunt attrita vestimenta eorum nec calciamenta; pluvia non cecidit super eos. Nec frigus, nec calorem, nec famem, nec sitim, aut lassitudinem senserunt. Primo usque ad genua, deinde usque femora terram terendo dimerfi sunt. Denique cum filius presbyteri violenter forem suam, quæ una erat ex illis, per brachium extrahere vellet, brachium sine sanguinis gutta avulsi; quæ nihilominus toto anno cum aliis indefesse circuiens cantabat. Erecta est igitur fabrica super eos propter aeris molestias. Tandem finito anno, *Coloniensis* archiepiscopus *Herebertus* nomine, illos cum magna devotione solvit, & ante altare sancti *Magni* duxit, ubi incontinenti filia presbyteri cum aliis duobus defuncta est, reliqui tribus diebus & noctibus continue dormierunt, aliqui postea obierunt, qui post mortem feruntur miraculis choruscasse, cæteri poenam suam tremore membrorum suorum ostendebant.

Anno Domini M. xiiij. *Swano* rege *Dacorum* per *Humbram* usque *Cyrenesburgh* veniente, *Ulfred* Dux *Northumbria*, & tota gens illa ei illico subdebatur. Gens etiam *Lyndesey*, & gens v. urbium, & omnes ex boreali parte de *Wattlingstreete* sibi obsides dederunt, quos cum puppibus *Knoutonii* filio tradidit custodiendos. Ille vero ad *Oxoniam* & *Wyntoniam* pergens, gentes illas in deditionem accepit. Inde *London* reversus populum multum in *Tamesi* ad pontem ire non curantem amisit. Cives

vero quia rex *Ethelredus* inerat ei fortiter resisterunt. *Sweynus* igitur inde recedens ad *Walyngfordiam* ivit, & inde ad *Barthoniā*, & omnis *Westfaxia* subdita est ei. Postea vero *Swano* ad puppes suas reverso, *Londonienses* ne eos in perniciem redigeret timentes, sibi se subdiderunt. Quod videns rex *Ethelredus* *Emmam* primo reginam uxorem suam, postea filios suos *Alfredum* & *Edwardum*, *Ricardo* fratri dictæ reginæ in *Normanniam* destinavit. *Swanus* vero pro rege ab omni populo habitus, victum & censum exercitui suo per *Angliam* dari iussit. *Turkillo* vero Comiti *Danico*, & exercitui suo in *Greenewiche* existenti dari similiter idem iussit, rege *Ethelredo* *Whitsandiam* petente, quo per natale moratus fugitivus ad *Ricardum* Ducem *Normannie* transfretavit.

Anno Domini Mxiiij. *Swanus* jam rex *Anglorum* factus, & de recessu regis *Ethelredi* elatus, in exordio regni sui ad cumulum propriæ dampnationis ex urbe sancti *Edmundi* regis, & martiris grande tributum exegit, & possessiones ejus vexare cepit & nisi illud tributum solveretur, urbi incendium civibusque exicium comminatur, convitia etiam ipsi martiri superaddens: unde cum sanus ab omnibus æstimaretur, imminente vespere, in medio commilitonum suorum apud villam de *Cyrenesburgh* pugione sancti *Edmundi*, ut fertur, confossus est. Sicque vociferans noctis crepusculo 3. nonas Februarii obiit, & in *Dacia* tumulatur.

Mortuo igitur *Swano*, *Dani* *Kanutum* filium suum in regem erexerunt. Qui finem *Swani* patris sui videns mitius deinceps cum sancto *Edmundo* egit, fossatumque terræ Sancti illius circumduxit, monachos instituit, unde primus Abbas *Unius* vocabatur, & *Abbatia* multa prædia donavit, ac sancto *Edmundo* privilegium quod incipit *In nomine poliarchi* dedit & concessit. Exhinc inolevit ut reges *Anglia* coronas suas sancto *Edmundo* mittunt, ac magno si voluerint illas redimunt precio exacto.

Angli vero morte dicti *Swani* divulgata *Ethelredo* regi nuncios in *Normanniam* direxerunt, intimantes ei quod si humanius solito vellet eos tractare, nullum eo in regem se libentius recepturos, & expulso rege *Danico* illum potius præptarent. Ille autem prædictis assentiens, *Edwardum* filium suum præmisit, & omnia populo spondebat, & sic post eum circa Quadragesimam adveniens, ab omni *Anglorum* gente cum læticia est susceptus. *Kanutus* vero apud *Cyrenesburgh* cum exercitu suo moratus, cum hominibus *Lyndesey* concordatur. Quod audiens rex *Ethelredus* cum maximo exercitu superveniens, *Kanutum* improvisum de *Lyndesey* profugavit, & provincia illa combusta, omnes pene provinciales interfecit. *Kanutus* vero gentem illam causâ sui destructam intime dolens, cum navibus ad *Sandwicum* perrexit, ubi nobilissimos obsides qui patri suo traditi erant manus & nasum abscidi fecit, & præter hoc exercitui suo apud *Greenewich* existenti xxj. mille libras reddi iussit, & sic in *Daciam* profectus est, anno sequenti reversurus.

Eo tempore etiam addidit Dominus malis solitis malum insolitum, mare namque insolito superius ascendens, villas in *Anglia* nonnullas cum populo innumero submersit. Interea dux *Edricus* *Sigefredum* & *Morre* procures egregios, in cameram suam

am vocatos prodiciose occidi fecit: Quorum terras *Edmundus* regis *Ethelredi* filius seisivit, & *Sigefredi* uxorem duxit. *Kanutus* rex de *Dacia* ad acies suas in *Sandvicum* rediit. Qui *Cancia* deinde circumnavigata ad *Frodemundham* in *Westfalia* pervenit, & inde *Dorset*, & *Somerset*, & *Wiltshire* miserabiliter deprædavit, rege *Ethelredo* in infirmitate apud *Cosham* tunc jacente. Unde filius ejus *Edmundus ferrenus* latens, & dux *Edricus*, congregato exercitu cum simul contra *Kanutum* venissent, juvenem prodere Dux volebat, sed dolo comperto, cito se retraxit. Quibus autem divisus & prælio pro tunc omisso, Dux *Edricus* cum sua cohorte *Kanuto* se dedit, exemploque ejus *Westfaxonici* obsidibus datis illud idem fecerunt.

Anno Domini Mxvj. Dux *Edricus* ad regem *Kanutum* cui se dederat cum Clx. navibus in *Tamesia* existentem pervenit, qui apud *Cricklade* pergentes *Warcshire* ferro & flamma horribiliter destruxerunt. Regi autem *Ethelredo* cum innumero exercitu contra eos procedere volenti, dictum est, quod sui eum prodere intendebant. Quam ob causam rex dimisso exercitu ad *Londoniam* se divertit. Quo à civibus recepto, *Edmundus* filius suus ad *Utrethum* Ducem *Northumbria* perrexit, qui simul in comitatibus *Salopia*, *Staffordia*, *Leycestra*, & *Huntingdonia*, & inde juxta paludes ad *Stanfordiam*, & sic in comitatibus *Lincolnia* & *Northynghamie*, & de *Eboraco* usque *Northumbriam* prædaverunt, & postea præda inter eos divisa *Utrethus* in *Northumbriam* est revectus. Qui postea necessitate coactus *Kanuto* regi cum tota *Northumbria* datis obsidibus subdebatur, & tamen ibi postmodum est occisus. *Edmundo* vero *Londoniis* ad patrem suum reverso, *Kanutus* Hirc Consulem loco *Utrethi* super *Northumbriam* statuens, ad puppes suas rediit ante Pascha. Transacto vero tempore paschali *Londonias* cum navigio suo tendebat. Rex *Ethelredus*, cum post multos labores, & vitæ suæ anxietates xxvj. annis regnasset, ix. kal. Maii antequam navigium hostile *Londonias* advenisset, ibidem decessit, & in ecclesia sancti Pauli infra eandem civitatem sita sepelitur.

Iste rex *Ethelredus* licet sæpius bellicis inimicorum aggressibus vexatus erat, leges tamen populo suo utiles, quas hic inferere dignum duxi, statuit & sancivit.

Institutiones *Ethelredi* regis, & primo earum Capitula.

C A P. I.

De accusato & ejus plegio, & ut dominus familiam suam in plegio habeat.

II.

Ut rex habeat forisfacturas eorum qui liberas terras habent, & de compositione tyhle.

III.

De servis qui culpabiles in ordalio apparent.

IV.

Qui emerit vel cambiaverit sine plegio & testibus.

V.

De homine incredibili omni populo.

VI.

De eo qui his Institutis non consenserit.

HOc est consilium quod *Ethelredus* rex & sapientes sui condixerunt ad emendationem, &

augmentum pacis omni populo apud *Wodestocam* in *Mircena landa*, id est in terra *Mircenorum*, post *Anglia* lagam hoc est.

C A P. I. Sax. 1.

Ut omnis liber homo habeat credibile plegium, qui eum ad omne rectum præsentet si fuerit accusatus. Si *tythbysig* sit, id est accusationibus infamatus ad triplex ordalium vadat. Si dominus ejus dicat, quod neutrum ei fregit vel *ath* vel *ordel*. postquam consilium fuit apud *Brunndonam*, assumat idem dominus sibi duos credibiles thaynos in ipso hundredo, & juret quod nunquam juramentum fregit, nec *furigildum* persolvit, nisi talem præpositum habeat qui dignior eo sit, ut hoc facere possit. Si jusjurandum procedat, eligat accusatus quod horum voluerit, vel simplex ordalium vel jusjurandum viij. liberorum in tribus hundredis super xxx. denarios, si jurare pro eo non audeant vadat ad triplex ordalium. Et si culpabilis erit, in prima vice reddat compellatori duplum quod repetit, & domino suo weram suam, & mittat credibiles plegios quod omnis mali deinceps se abstineat. Ad secundam vicem non sit alia emendatio nisi caput; si aufugiat & ordalium vitet, reddat plegius ejus capitale suum repetenti, & domino weram suam qui ea dignus sit. Et si domino ejus accusetur, quod consilium ejus frerit, & antea malum fecerit, assumat secum v. thaynos; & idem sit sexus, & laiciat se; Et si *lada* procedat, sit weræ suæ dignus, si non procedat, habeat rex weram, & sit ipse fur uthlagatus apud populum. Et habeat omnis dominus familiam suam in plegio suo; si autem accusetur aliquis & aufugiat, emendet dominus regi weram hominis accusati. Et si dominus accusetur quod consilio suo fugerit, laiciet se cum v. thaynis, & ipse sit sextus. Si *lada* frangat ei, reddat regi weram suam; & sit homo forbannitus apud omnes homines.

II. Sax. 2.

Et habeat rex forisfacturas omnium eorum qui liberas terras habent. Nec componat aliquis pro ulla *tyhtlan*, si non inter sit testimonium præpositi regis.

III. Sax. 3.

Et si servus culpabilis appareat in ordalio, signetur in prima vice, ad secundam vicem non sit illic alia emendatio quam capitalis.

IV. Sax. 4.

Et nemo alterutrum faciat, vel emat, vel cambiet nisi plegium habeat & testes. Si quis hoc præsumat, capiat illum terræ dominus & custodiat pecus illud donec sciatur cujus sit secundum rectum.

V. Sax. 5.

Et si aliquis hominum sit, qui omni populo sit incredibilis, adeat præpositus regis & mittat eum sub plegio, vel ad rectum perducatur eis qui compellabunt. Si tunc plegium non habeat, occidatur, & cum dampnatis inhumetur: Si quis eum diffonet, sint ambo unius recti digni.

VI. Sax. 6.

Et qui supersederit, parvipenderit, vel complere noluerit, sicut omnium nostrum est institutum, emendet regi xxx. solidos.

Adhuc de legibus *Ethelredi* regis.

C A P. I.

De infractione pacis.

II. De

I I.
 De testimonio.
 I I I.
 De landcopo & domini dono, & lahcopo, & wit-
 word, & gewitnesse.
 I V.
 De wapentakis.
 V.
 De accusatis qui causam habent coram præposito.
 V I.
 De laga emenda.
 V I I.
 De infamato & ejus ordalio.
 V I I I.
 Si quis pecus habeat sine plegio.
 I X.
 De ordalio accusati, & ubi fiet ordalium.
 X.
 Si quis furem innoxiare velit.
 X I.
 De monetariis falsi accusatis.
 X I I.
 De pecore emendo.
 X I I I.
 De flima & de socna thayni.
 X I V.
 De placito regis vel Comitis vel Episcopi.
 X V.
 De pascentibus illos qui pacem fregerint.
 X V I.
 De judicio ubi stabit.
 X V I I.
 Quod thaynus habet duas optiones amicitie vel
 laga.
 X V I I I.
 De indicantibus robariam.
 X I X.
 De heredibus viventium sine calumpnia.
 X X.
 De pace regis ubi residens erit.
 X X I.
 De wealwef.
 X X I I.
 De institutis London, & primo quod porta obser-
 vabuntur.
 X X I I I.
 De theloneo dando ad Wylngesgate.
 X X I V.
 De theloneo retento.
 X X V.
 De Hamfocna in portu vel in viaregis.
 X X V I.
 De falsariis & eis consentientibus.
 X X V I I.
 De sonantibus pecuniam puram.
 X X V I I I.
 De mercatoribus qui falsum & laetum asserunt ad
 portum.
 X X I X.
 De suasionem regis contra falsum operantes.
 X X X.
 De monetariis & ubi erunt.

HÆ sunt leges quas Ethelredus rex, & sapientes
 sui constituerunt apud Venetyngum ad emen-
 dationem pacis & felicitatis incrementum.

I.
 Inprimis ut pax ejus firma sit sicut prius extitit
 in diebus antecessorum suorum, & præter emenda-
 tionem sit infractio pacis quam per manum suam
 dabit. Et pax quam Aldermannus vel Præpositus
 regis in v. burgorum *gewineda* dabit emendetur xij.
 libris. Et pax quæ detur in unius burgi *wincwa*
 emendetur vij. hundredis. Et ubi dabitur in wa-
 pentako emendetur infracta pax j. hundredo, & pax
 10 quæ dabitur in *ealabus* emendetur de homine occiso
 vj. dimidiis marcis, de vivo xij. oris.

I I.
 Et hoc quod per legitimum testimonium mon-
 strabitur, nemo pervertet de vivo plusquam de mor-
 tuo, & eat omnis homo ad testificandum illud, unde
 possit, & velit, & audeat in sanctis jurare quod ei
 dabitur in manibus.

I I I.
 Et landcopum, & domini donum quod per re-
 20 ctum habeat dari, & lacopum, & wirword, & ge-
 witnesse, hoc ita permaneat ut nullus evertat.

I V.
 Et habeantur placita in singulis wapentakis, ut
 exeant seniores xij. thayni, & Præpositus cum eis, &
 jurent super sanctuarium quod eis dabitur in manus,
 quod neminem innocentem velint accusare vel noxi-
 um conclare.

V.
 Et capiantur accusati qui cum præposito causam
 30 habent, & omnis eorum det vj. dimidias marcas
 vadii, dimidium domino ipsius terræ, dimidium
 wapentako.

V I.
 Et omnis emat sibi lagam xij. oris, dimidium
 landefrico, dimidium wapentako.

V I I.
 Et omnis infamatus homo vadat ad triplex orda-
 lium, vel reddat quadruplum. Si dominus velit eum
 tunc purgare, cum duobus bonis thaynis, qui nun-
 40 quam furigildum reddiderunt postquam consilium
 fuit apud *Brandonam* nec accusatus fuerit, vadat ad
 triplex ordalium, vel persolvat triplum; si tunc sit
 immundus, percutiatur, ut collum ei frangatur. Et
 si vitet ordalium, reddat semel captale suum repe-
 tenti, & terræ domino xx. oras, & eat rursus ad or-
 dalium: Et si *angensfria* venire nolit ad videndum,
 reddat viginti oras, & perdat placitum suum, & ille
 tamen eat *landefrico*, id est terræ domino ad ordali-
 um, vel reddat duplum.

50 V I I I.
 Et si quis habeat pecus sine plegio, & dominus
 tunc hoc percipiat, reddat ipsum pecus & emendet
 xx. oris.

I X.
 Et omnis accusatus vel qui alium impetit, habeat
 optionem quid velit, sive judicium aquæ vel ferri.
 Et omnis advocatio, & omne ordalium sit in curia
 regis, & si fugiat ab ordalio, reddat eum plegius
 60 vera sua.

X.
 Et si quis furem innoxiare velit, unum *dretum* in
 vadio ponat, dimidium tunc domino, dimidium
 Præposito regis intra portum, & adeat triplex or-
 dalium. Si mundus sit in ordalio diffodiat cognat-
 um suum: si vero sit immundus jaceat ipse fur ubi
 jacebat & alius reddat.

XI. Et

X I.

Et omnis monetarius qui accusabitur quod falsum fecit postquam interdictum fuit, adeat triplex ordalium, & si culpabilis sit occidatur. Es nullus habeat aliquem monetarium nisi rex, & omnis monetarius qui infamis sit redimat sibi lagam xij. oris.

X II.

Et nemo emat pecus aliquod si non habeat duorum hominum credibilium testimonium. Custodiat corium ejus iij. noctes & caput; & ovis similiter. Et si corium antea vendat alicui, reddat xx. oris.

X III.

Et omnis *flima* sit flima in omni terra qui fuerit in una. Et nemo habeat focnam super thaynum regis nisi solus rex.

X IV.

Et de placito regis ponatur vadium vj. dimidiis marcis: Comitibus & episcopi vadium xij. oris.

X V.

Et si aliquis accusetur quod paverit eum qui pacem domini nostri frerit, ladiet se *mid thrina* xij. i. cum ter xij. qui faciunt xxxvj. Et præpositus nominet ipsam ladam; & si inveniat eum eo, sint ambo unius rectitudinis digni.

X VI.

Et judicium stet ubi thayni consenserint, si diffideant, stet quod ipsi viij. dicent, et qui supervicti erunt ex eis, reddat unusquisque vj. dimid. marcarum.

X VII.

Et ubi thaynus habet duas optiones amicitie vel lagæ, & amicitiam elegerit, stet hoc ita firmum sicut et ipsum judicium. Et qui super id ladam prorogat vel qui addat, reddat vj. dimid. marcas.

X VIII.

Et qui roboraverit hominem in luce diei & in tribus villis indicabitur, non habeatur simile acsi concelasset.

X IX.

Et qui permanet sine gravatione et calumpnia in pace sua dum vivit, nemo super hæredes ejus loquatur inde post mortem.

X X.

Tam longe debet esse pax regis à porta sua ubi residens erit à iij. partibus, hoc est tribus miliaribus et tribus quarentenis et tribus acris in latum, et ix. pedes et ix. granis ordeï.

X X I.

Wealreaf, i. mortuum referre est opus *inthingi*, si quis hoc negare velit faciat cum xlvij. thaynis plene nobilibus.

X X II.

Alredesgate et *Circelegate*. portas illas observabunt custodes.

X X III.

Ad *Wilyngesgate* si advenisset una navicula unus obolus theloni dabatur: si major et haberet siglas j. d. si adveniat *Ceol* vel ulcus et ibi jaceat iij. d. ad theloneum dentur. De navi plena lignorum unum lignum ad theloneum detur. In ebdomada panum thelonium detur iij. diebus, die Dominica, die Martis et die Jovis. Qui ad pontem veniat cum bato ubi piscis inest unus ob. dabatur, in thelonium, et de majori navi j. d. Homines de *Rothomaga* qui veniebant cum vino vel craspisce, *Flandrenses* et *Ponteienses* et *Normannia* et *Francia* monstrabant Ves suas et extolneabant. *Hogge* et *Leodium* et *Nivella* qui per terras ibant ostensionem dabant et thelone-

um. Et homines Imperatoris qui veniebant cum navibus suis bonarum legum digni tenebantur sicut & nos emere in suas naves. Non licebat eis aliud *forcheapum* facere burhmannis & dare thelonium suum. Et in sancto natali Domini duos *grifengos* pannos & unum brunum & x. libras piperis & cirotecas v. hominum, & duos cabillos colenos aceto plenos, & totidem in Pascha. De dofferis cum gallinis una gallina thelon. Et de uno dofferi cum ovis 5. ova thelon. Si veniat ad mercatum, mongestre Sinere qui mangonant in caso & butiro xiiij. diebus ante natale domini i. d. & vij. diebus post natale domini unum alium denarium ad theloneum.

X X IV.

Si portireva vel turgavio vel alius præpositus compellat aliquem quod theloneum super teneat, & homo respondeat quod nullum thelonium conceperit quod juste debuit, juret hoc se vjto. & sit quietus. Si appellet quod thelonium dederit, inveniat cui dedit & quietus sit. Si tunc hominem invenire non possit cui dedit, reddat ipsum theloneum & persolvat 5. l. regi. Si cacepollum advocet quod ei thelonium dedit, & ille neget, perneget ad Dei judicium, & in nulla alia lada.

X X V.

Et diximus, homo qui hamfocnam faciet in treportum sine licentia & sennam infra turam agar de placito *ungebendro*, vel qui aliquem innocentem affligat in via regia, jaceat in *ungilda akere*: Si pugnet antequam rectum postulet ac vivat, emendet regis *burbreche* 5. l. Si curet amicitiam ipsi porti reddat nobis xxx. solidos emendationis, si rex hoc concedat nobis.

X X VI.

Et jam dixerunt quod nichil eis interesse videbatur inter falsarios & mercatores qui bonam pecuniam portant ad falsarios, & ab ipsis emunt ut in purum & minus appendens operentur & inde mangonant & barganniant, & eos etiam qui conos faciunt in occultis & vendunt falsariis pro pecunia, & incidunt alterius monetam mundam & non ipsam immundam, Unde visum est sapientibus omnibus, quod isti tres homines unius rectitudinis essent digni. Et si aliquis eorum accusetur, sit *Anglicus* sit transmarinus ladiet se pleno ordalio; Et constituerunt quod monetarii manum perdant & ponatur super ipsius monetæ fabricam, & qui in nemoribus vel alibi similibus fabricant, vitæ suæ culpabiles sint nisi rex velit eorum misereri.

X X VII.

Et præcipimus ne quis pecuniam puram & recte appendentem sonet monetetur, in quocumque portu monetur in regno meo, super *overhirnessam* meam.

X X VIII.

Et diximus de mercatoribus qui falsum & lactum afferunt ad portum, ut advocent si possint, si non possint veræ suæ culpabiles sint vel vitæ suæ, sicut rex velit, vel eadem lada se innoxient quam prædiximus quod in ipsa pecunia nil immundum sciebant unde suam negotiationem exercuerunt, & habeat postea dampnum illud ex incuria sua, ut ab institutis monetariis purum & rectum appendens. Et portireva qui falso consentanei fuerint, ejusdem censuræ digni sint cum falsis monetariis, nisi rex indulgeat eis vel se possint adlegiare eodem *sirath* vel ordalio prædicto.

X X IX. Et

XXIX.

Et rex suadet & mandat episcopis suis & Comitibus & Aldermannis & præpositis omnibus, ut curam adhibeant de illis qui tale falsum operantur & portant per patriam, sicut præmissum est utrobique cum *Danis & Anglis*.

XXX.

Et ut monetarii pauciores sint quam antea fuerunt, in omni summo portu sint tres monetarii, & in omni alio portu sit unus, & illi habeant suboperarios suos in suo crimine, quod purum faciant & recti ponderis per eandem vitam quam prædiximus. Et ipsi qui portus custodiunt efficiant super overhimeffam meam, ut omne pondus ad mercatum sit pondus quo pecunia mea recipitur, & eorum singulum signetur ita quod xv. ora libram faciant. Et custodiant omnes monetam sicut vos docere præcipio & omnes eligimus.

Adhuc de legibus regis *Ethelredi*.

CAP. I.

De pace.

II.

De nave advena institoris.

III.

De frithmanno regis.

IV.

De robato in navi.

V.

Si Anglicus liber *Dacum* occidat, vel è converso.

VI.

Si Anglicus servum *Dacum* occidat vel *Dacus* Anglicum, & si *eahtayn* occidatur.

VII.

De fractione pacis infra burgum regis.

VIII.

De condonatione forisfactorum ante pacem constitutam.

IX.

De compatriota facti vel homicidii accusato, & si homo sceithmanni pecuniam nostram occiderit.

X.

Si res amissa deprehendatur.

XI.

De advocatione & termino guerrandi inveniendi.

Hæc sunt verba pacis & prælocutiones quas *Ethelredus* rex & omnes sapientes ejus cum exercitu firmaverunt, qui cum *Analano* & *Iustino* & *Gudermundo Stegiani* filio venit.

CAP. I. Sax. I.

HOc inprimis ut pax mundi stet inter *Ethelredum* regem & omnem populum ejus & omnem exercitum cui rex pecuniam suam dedit, post elocutiones quas *Sigericus* archiepiscopus & *Ethelredus* Aldermannus & *Ealfricus* Aldermannus fecerunt, postquam impetraverunt à rege quod possent illis portuaculæ pacem emere quam sub manu regis semper habebant, si navalis exercitus *Angliam* infester ut habeamus eorum omne auxilium, & ministrabimus eis victum quamdiu nobiscum erunt. Et omnis terra quæ aliquem eorum manuteneat qui *Angliam* inquietant, sit exlex apud nos & omnem exercitum.

II. Sax. 2.

Et omnis *seapscip*, i. navis institor, pacem habeat qui in portum veniat, licet navis sit inimicorum, si non sit abacta tempestatibus, & licet abacta sit, & applicetur ad aliquam curiam pacis & homines evadant in ipsam curiam, pacem habeant & quod attulerint secum.

III. Sax. 3.

Et omnis *frithmannus* noster pacem habeat in terris & aquis & intra portum & extra. Et si regis *Athelredi* frithmannus veniat in *unfrithland*, i. in hostilem terram, & exercitus adveniat, pacem habeat navis ejus & omnis pecunia ejus. Si navem suam extra-xerit vel tuguriolum congerat vel papilionem tendat, habeat inibi pacem & tota pecunia sua. Si pecuniam suam cum pecunia *unfrithmanni*, i. pacem non habentis in domo mittat, perdat pecuniam suam, & ipse tamen pacem habeat & vitam si se manifestet. Si *frithman*, i. homo pacis fugiat vel repugnet & se nolit indicare, si occidatur, jaceat *ungeld*, i. insolutus.

IV. Sax. 4.

Si homo sit de pecunia sua robatus, & sciat in qua navi, reddat *steozelstan*, i. gubernator, pecuniam illam, vel cum iiiij. juret & idem sit quintus, quod per rectitudinem cepit sicut antea prælocutum erat.

V. Sax. 5.

Si *Anglicus* homo *Dacum* occidat liber liberum, persolvat eum xxv. li. vel ipse malefactor reddatur. Et tantum dabit *Dacus* pro *Anglico* si eum occidat.

VI. Sax. 5.

Si *Anglicus* *Dacum* servus servum occidat, reddat eum xx. s. & *Dacus* similiter *Anglicum* reddat, si occidat eum. Et si *eahtayn* occidatur, pertineat infractio pacis intra curiam vel adjacentias ejus, *eahtayn* persolvatur plena vera.

VII. Sax. 6.

Si intra burgum regis fiat infractio pacis, adeant burgenses & conquirant illum malefactorem vivum vel mortuum proxima cognatio ejus caput pro capite. Si nolint, adeat Aldermannus: si nolit, rex: Si nolit, sit pars illa præter pacem.

VIII. Sax. 7.

De omni homicidio & omni robaria & omnibus incendiis quæ facta sunt antequam pax fuerat instituta, totum dimittatur, & nemo vindictam vel emendationem exigat. Et ut nec ipsi neque nos alterius servum vel inimicum receptemus.

IX. Sax. 8.

Si dicatur in compatriota quod furtum fecerit, vel hominem occiderit, & hoc dicat *sceithmannus* vel unus *landmannus*, tunc non sit aliqua negatione dignus. Et si homines eorum occidant pecuniam suam & nostram, utlagæ sint apud nos & illos, & non admittantur ad emendationem. Viginti milia librarum auri & argenti data fuerunt exercitui de *Anglia* pro pace.

X. Sax. 9.

Si quis deprehendat quod amisit, advocet inde ille cum quo deprehenditur unde venerit ei, & mittat in manum ejus & det plegium quod adducet advocatum suum si viventem warantem vocet. Et si sit in alia scira quem vocat, terminum habeat qui ad hoc pertinet, mittat in manum venditoris quod vendidit ei, & roget ut mundificet & acquietet eum si possit, si recipiat, tunc acquietat eum cum quo fuerat deprehensum. Appellet deinceps unde venerit ei, si advocet ultra unam sciram, habeat terminum, i. ebdomadam: Si advocet

advocet ultra duas sciras, habet duas septimanas de termino. Et ad quot sciras convolabit, totidem habeat septimanas de termino; & veniat ubi prius fuit interciatus.

XI. Sax. 10.

Aliquando fuit, quod ter advocandum erat ubi prius aliquid interciebatur, & deinceps eundi cum advocato quocunque advocaret, unde consuluerunt sapientes, quod melius erat ut saltem advocaretur ubi deprehendebatur, donec innotesceret in quo stare vellet, ne forte impotens homo longius & diutius pro suo laboraret, & ut vexetur magis qui injuste conquestum habeat in manibus, & minus qui iuste prosequitur. Admoneat etiam eum ille qui suum iuste prosequitur, ut ad singulas appellationes habeat credibile testimonium, & caveat ne injuste interciat, ne per hoc disturbetur sicut alium disturbare cogitaverat. Si mortuum hominem advocet, si non habeat heredes qui purgent eum, manifestet hoc cum testibus si possit quod recte advocat, aut id per se purget, tunc erit mortuus in culpa nisi amicos habeat qui eum mundificent sicut idem faceret si posset & viveret. Si tunc habeat amicos qui audeant hoc facere, tunc defuit advocatio sicut si ille viveret ac negaret, & habeatur furti reus ille qui in manibus habet, quia semper est negatio firmior quam affirmatio. Etiam inter advocandos si quis hoc incipiat nec ultra advocet, si purgare se velit, non potest hoc ei jure denegari, si credibile testimonium locum ei faciat accedendi, quia purgatio propinquior est semper possidenti quam repetenti.

Adhuc de Legibus regis Ethelredi.

CAP. I.

De denario sancta ecclesia dando & decimatione thaynorum.

II.

De jejunio & feriacione trium dierum ante festum sancti Michaelis.

III.

Quid regi & populo omni die sit cantandum.

IV.

De consuetudinibus sancta Dei ecclesia reddendis.

V.

Ne quis vendatur extra patriam.

VI.

De robaria.

VII.

De elemosinis & rellitudinibus ecclesie.

Hæc instituerunt *Ethelredus* & sapientes ejus apud *Habam*.

CAP. I.

In primis, ut unus Deus super omnia diligatur & honoretur, & ut omnes regi suo pareant sicut antecessores sui melius fecerunt, & cum eo pariter defendant regnum suum. Et constituerunt in primis Dei misericordiam & auxilium invocare jejunii, elemosinis, confessione, & abstinentia, & malefactis & injustitia abstinere. Et ut detur de omni caruca denarius vel denarium valens, & omnis qui familiam habet efficiat, ut omnis *hirmannus* suus det unum denarium. Quod si non habeat, det dominus ejus pro eo; & omnis thaynus decimet totum quicquid habet.

II.

Et instituimus ut omnis Christianus qui ætatem habet, jejunet tribus diebus in pane & aqua, & bis crudis ante festum sancti *Michaelis*. Et omnis homo ad confessionem vadat & nudis pedibus ad ecclesiam, & peccatis omnibus abrenunciet emendando, cessando. Et eat omnis presbyter cum populo suo ad processionem tribus diebus nudis pedibus; & super hoc cantet omnis presbyter xxx. missas, & omnis diaconus & clericus xxx. psalmos, & appareatur tribus diebus corrodium anniscujusque sine carne in cibo & potu, sicut idem comedere deberet, & dividatur hoc totum pauperibus. Et sit omnis servus liber ab opere illis tribus diebus quo melius jejunare possit, & operetur sibi met quod vult. Hii sunt illi tres dies, dies Lunæ, dies Martis, & dies Mercurii proximi ante festum sancti *Michaelis*. Si quis jejunium suum infringat, servus corio suo componat, reddat liber pauper xxx. d. & regis thaynus Cxx. s. & dividatur hæc pecunia pauperibus. Et sciat omnis presbyter, & tuncgravius, & decimales homines, ut hæc elemosinæ & jejunium perveniat sicut in Sanctis jurare poterunt.

III.

Et præcipimus, ut in omni congregatione canteatur cotidie communiter pro rege & omni populo suo una missa ad matutinalem missam quæ inscripta est contra paganos. Et ad singulas horas decanter totus conventus extensis membris in terra psalmum *Domine qui multiplicati sunt*, & collectam contra paganos, & hoc fiat quamdiu necessitas ista nobis est in manibus. Et in omni cœnobio vel conventu monachorum, celebret omnis presbyter singillatim xxx. missas pro rege & omni populo; & omnis monachus dicat xxx. psalteria.

IV.

Et præcipimus, ut omnis homo super dilectionem Dei & omnium Sanctorum det *Cyrifceatum* & rectam decimam suam sicut in diebus antecessorum nostrorum fecit quando melius fecit, hoc est sicut aratrum peragrabit decimam acram. Et omnis consuetudo reddatur super amicitiam Dei ad matrem nostram ecclesiam cui adjacet. Et nemo auferat Deo quod ad Deum pertinet & præcessores nostri concesserunt.

V.

Et prohibemus ne quis extra patriam vendatur. Si quis hoc præsumat, sit præter benedictionem Dei & omnium Sanctorum, & præter omnem Christianitatem, nisi poeniteat & emendet sicut episcopus suus edocebit.

VI.

Et prohibemus omnem robariam omni homini; & sit omnis homo dignus jure publico pauper & dives, & reddatur omnis robaria si quis aliquam fecerit, emendet sicut prius & postea fecit. Et si quis præpositus eam fecerit, dupliciter emendet quod alii judicaretur.

VII.

Et reddatur pecunia elemosinæ hic ad festum sancti *Michaelis* si alicubi retro sit per plenam vitam; & omnibus annis deinceps reddantur Dei rellitudines in omnibus rebus quæ supradictæ sunt per amicitiam Dei & Sanctorum omnium, ut Deus omnipotens misericordiam nobis faciat, & de hostibus triumphum nobis & pacem indulgeat; quem sedulo

sedulo deprecemur, ut misericordiam ejus consequamur hic, & in futuro requiem sine fine.

Omnis judex justus misericordiam & judicium liberet in omnibus, ut in primis per rectam scientiam dicat emendationem secundum culpam, & eam tamen admensuret propter indulgentiam. Quædam culpæ reputantur à bonis judicibus secundum rectum emendandæ, quædam per Dei misericordiam condonandæ. Judicia debent esse sine omni *haderunga* quod non parcatur diviti alicui vel egeno, amico vel inimico jus publicum recitari. Et nichil injustius est quam susceptio munerum pro judicio subvertendo, quia munera excæcant corda sapientum & subvertunt verba justorum. Dominus Jesus dixit, *In quo judicio judicaveritis judicabimini.* Timeat omnis judex ac diligat Deum judicem suum, ne in die judicii mutus fiat, & humiliatus ante oculos judicis cuncta videntis. Qui innocentem opprimat & dimittat noxiū pro pecunia, vel amicitia, vel odio, vel quacumque factione, opprimetur ab omnipotente judice. Et nullus dominus, nulla potestas stultos aut improbos judices constituent, quia stultus per ignaviam, improbus per cupiditatem vitat quam didicit veritatem; gravius enim lacerantur pauperes à pravis judicibus quam à cruentis hostibus. Nullus hostis acerbior, nulla pestis efficacior quam familiaris inimicus. Potest aliquotiens homo fuga vel defensione vitare praves judices, non ita possit judices quociens adversus subditos malis desideriis inflammantur. Sæpe etiam boni judices habent malos vicarios & ministros nephandos, quorum reatibus ipsi domini constriunguntur si non eos coerceant & à rapacitate cohibeant, quia dominus & minister seculorum ait, *Non solum male agentes sed omnes consentientes digni sunt æterna morte.* Sæpe etiam pravi judices judicium pervertunt vel respectant, & non finiunt causam donec voluntas eorum impleatur; & quando judicant non opera sed munera considerant. Impii judices juxta verbum sapientum, *Sicut rapaces lupi vespere nil residuant usque mane*, i. de præsentis solum vite cogitant, de futura nil considerant. Malorum præpositorum mos est, ut quicquid possunt auferant, & vix necessarium parum quid relinquunt sustentationum. Iracundus judex non potest attendere rectam judicii satisfactionem, nam per furoris excæcationem non percipit rectitudinis claritatem. Justum judicium est ubi non persona consideratur; scriptum est, *Non attendas personam hominis in judicio, nec pro aliquo facies ut à vero declines & injuste judices. Susceptio muneris est dimissio veritatis.*

Defuncto, ut dictum est, rege *Ethelredo*, episcopi, & abbates, & quique terræ nobiliores omnem ejus progeniem abnegantes, *Kanutum* pro rege apud *Suthamptoniam* recognoverunt. Ipse vero juravit quod foret eis fidelis dominus, secundum Deum & seculum. *Londonienses* autem cum nonnulla parte procerum *Edmundum* filium regis *Ethelredi* in regem leverunt, qui à *Livingo Dorobernensi* archiepiscopo apud *Londoniam* consecratus est. Iste *Edmundus* tanti vigoris & probitatis extitit, ut *Treneside*, i. ferreum latus diceretur, quia nullus in bello fortior eo fuit. Qui statim in *Westfaxiam* transiens, omnem ibi gentem partim timore, partim sponte sibi sub-

jecit. *Kanutus* vero cum *Dacis* regnum hostiliter invadens, terram incepit undique perturbare. *Emma* quippe regina quæ tunc apud *Wintoniam* morabatur ob timorem guerræ & dissensionis duos filios suos, *Alfredum* videlicet & *Edwardum*, ad fratrem suum *Ricardum* *Normannorum* ducem, ut ibi cum eo moram secure interim traherent, destinavit. Interea puppibus *Dacorum* apud *Æthelweiche* & inde *Londonias* venientibus, *Kanutus* urbem cum suis fortiter obsedit. Qui foveam magnam ex australi parte facientes, puppes suas ex occidentali parte pontis traxerunt, & ita circa urbem fodientes quod nemo intrare vel exire posset, eam sæpe graviter insultarunt. Sed cives eis caute & viriliter obstiterunt, unde *Kanutus* inde repulsus, in *Dorsetania* provincia juxta *Billyngham* contra *Edmundum* dimicavit, sed vincitur.

Post hæc media æstate transacta, *Edmundus* cum majori exercitu in provincia *Wicciorum* secundum bellum contra *Kanutum* apud *Seorstan* gessit, ubi duce *Edrico* *Edmundi* regis sororio, & *Almaro* *Derlyng* contra regem *Edmundum* acerrime pugnantibus, exercitus utriusque multis hinc inde occisis præ lassitudine per se ab invicem sunt divisi. Sed postera die rex *Edmundus* omnes *Danos* protrivisset, nisi perfidus dux *Edricus* caput cujusdam militis occisi, qui *Edmundo* erat similis, exercitui ostendisset, dicens, *Fugite Angli*, ecce enim caput domini vestri. Sed *Edmundus* hoc cognito, acrius instat usque noctis crepusculum dimicans, quo adveniente, exercitus sicut pridie ab invicem sunt digressi. *Kanutus* vero clam noctis silentio cum manu electa bellatorum *Londonias* tendit. *Edmundus* vero à tergo sequens, exercitu *Danorum* qui urbem obsederat ad puppes fugato, eam fortissime liberavit, & eam cum debito triumpho ingressus est. Sed post duos dies *Thamesi* pertransito, quartum bellum contra eundem *Danorum* exercitum apud *Wrendesford* gessit, ubi multi suorum in eo transitu nimis festinantes flumine sunt submersi; ipse tamen *Danis* devictis festinavit optinuit decus belli. *Kanutus* tunc summo timore perstrictus, manum suam multis ad se mandatis copiis augmentavit, & quem armis vincere nequibat proditione ducis *Edrici* vincere cogitabat. Perfidus igitur dux *Edricus* cum rege *Edmundo* ut eum proderet concordatus est, & fidelitatem ei juravit. Qui postmodum de regis consilio & mandato in *Westfaxiam* ivit, ut maximum contra *Kanutum* duceret exercitum. *Kanutus* vero interea *Londoniam* obsidens eam terra & aqua fortiter insultavit. Cui cives viriliter obstiterunt. *Daci* vero obsidione dimissa in *Cantiam* iverunt, & eam miserabiliter deprædaverunt; unde rex *Edmundus* *Thamesiam* apud *Wrendesford* iterum transiens, contra *Dacos* apud *Oford* quinta vice pugnavit: sed in ipsa obviatione horror præcedentium vexillatorum nimis *Dacos* invasit, qui in fugam versi sunt, *Edmundo* eos usque ad insulam de *Schepepe* cum occisione maxima persequente. Quod si eos tunc persequi non dimisisset, ultimus ille dies bello *Dacis* fuisset. Dux vero *Edricus* semper proditor consilio nequissimo desistere eum fecit. Revertente igitur *Edmundo* ad *Westfaxoniam*, *Kanutus* more solito *Merciam* deprædavit. Quod rex *Edmundus* audiens sextum bellum contra *Kanutum* cum omnibus *Dacorum* exercitibus congregatis apud *Essendun* in *Estfaxia* commisit.

commisit. Bello igitur acerimo & finali pugnatum est, & utrique invincibiles cæde despecta persistebant. Apparuit autem ibi virtus juvenis *Edmundi*. Cum enim *Dacos* solito acius pugnare viderunt, loco regio relicto qui erat ex more inter draconem & signum quod vocatur *Standard*, cucurrit terribiliter in aciem primam. Vibrans igitur gladium electum & in brachio juvenis *Edmundi* dignum, ad modum fulminis fidit aciem, abrumperique mediam pertransiit sequentibus obruendam dedit. Inde in aciem regalem advolat; ubi cum clamor & stridor horrendus inciperet; videns dux *Edricus* proditor generis suæ, ruinam *Dacorum* imminere, clamavit Anglice genti *Anglorum*, *Fleth Englisse*, *fleth Englisse*, *dead is Edmund*. Quod Latine interpretatur, Fugite *Angli*, fugite *Angli*, mortuus est *Edmundus*. Sic igitur clamans fugam dolose cum suis primo incepit, quem tota gens *Anglorum* in fugam subsequitur. Illic igitur miranda strages *Anglorum* facta est. Nam ibi ex parte *Edmundi*, duces *Eduoc*, *Alfric*, *Godwyn*, & *Ulfketel* dux *Estanglia*, & *Alfward* filius ducis *Alfwy*, & omnis flos nobilitatis *Britannia*, una cum *Lincolniensi* episcopo & abbate *Ramesey* qui ad orandum pro milite venerant, corruerunt.

Rex vero *Kanutus* tanta fretus victoria, apud *Londonias* scepra cepit regalia. Septima tamen vice congregatis in comitatu *Glovernia* ex utraque parte exercitibus & proceribus hinc inde formidantibus, de consilio *Edrici* pax inter reges obsidibus adinvicem datis in ripa *Sabrina* apud *Derhirst* reformata est in hunc modum. Surrexerat unus comilitonum in medio exercitus sic dicens: « Cur in-
« sensati necis periculum tociens incurrimus? cotidie
« morimur, sed nullus vincit. Invincibilis est *Edmundus*
« propter insuperabilem ejus fortitudinem, invincibilis
« est *Kanutus* propter fortunæ favorem; sed hujus
« continui discriminis quis erit fructus? certe ut video
« nisi cæsis utriusque militibus duces tandem ne-
« cessitate compulsi component, vel certe sine milite
« soli pugnent. Quare igitur unum istorum non
« modo faciunt? Quod si component, quare non
« sufficit duobus regibus regnum solito locupletius,
« quod olim septem regibus satis fuit? Et si tanta
« sit in eis dominandi libido, ut uterque dedigne-
« tur cum reliquo partem habere aut altero subesse,
« tunc pugnent soli qui soli cupiunt dominari, ne
« si omnes pugnent omnibus interfectis desint mi-
« lites quibus duces imperent, ne eciam desint qui
« adversus extraneos regnum defendant. Conven-
« nientibus igitur apud insulam de *Olney* juxta *Sa-
brinam*, *Edmundo* cum suis in occidentali, *Kanuto*
cum suis in orientali parte ampnis *Sabrina* existen-
tibus, acclamatum est à cunctis; Aut component,
aut singulariter pugnent qui singulariter regnare
student. Placuit sententia regibus, non enim erat
mediocris rex *Kanutus* probitatis. Positi igitur
reges in insula *Olania*, populo hinc inde spectante
duellum inceperunt. Telis igitur & lanceis utrim-
que fractis, super arma omnium armorum præstan-
tissima gladiis rem egerunt. Audiebant igitur &
videbant horribiles tinnitus & igneas collisiones po-
pulus uterque cum gemitu & clamore. Tandem
vigor incomparabilis *Edmundi* fulminare cepit, cui
Kanutus rex cum magno vigore resistens & tamen
sibi timeas, inquit, « Juvenum omnium fortissime
« quæ necessitas est alterum nostrum regnandi causa

« ferro perire? Simus fratres adoptivi regnumque
« partiamur, egoque in rebus tuis tuque in meis
« pariter imperemus: *Dacia* quoque tuo imperio
« disponatur. Hiis verbis mens generosa juvenis
delinitur & osculum invicem pacis datur, miranti-
bus & exultantibus inde cunctis. Conveniente igitur
populo & præ gaudio lacrimante, *Edmundus*
regnum suscepit *Westfaxia*; *Kanutus* vero regnum
Merce suscipiens *Londonias* est reversus.

Edmundus rex post paucos ex hinc dies prodicio-
ne apud *Oxoniam* est occisus; sic autem occisus est.
Cum rex hostibus suis terribilis & timidissimus in
regno floretet, ivit nocte quadam in domo purga-
toria ad requisita naturæ, ubi filius *Edrici* ducis in
fovea secretaria delitescens consilio patris sui, re-
gem *Edmundum* pro evacuatione ventris sedentem
inter celanda cultello bis acuto percussit, & inter
viscera ferrum figens fugiens reliquit. Traditur ta-
men per quasdam Cronicas, quod rex *Edmundus*
alio modo interfectus fuit; videlicet, quod cum
dictus *Edricus* perfidus Comes *Salopia* semper pro-
ditor, concordia inter eos facta bene & cordialiter
à rege *Edmundo* diligeretur, quadam vice ipsum re-
gem rogavit ut cum illo manducaret. Qui preci-
bus suis annuens, ad domum suam statuto termino
declinavit. Et cum post regiam diei refectioem
tempus cubandi advenisset, rex cum suis domesticis
cameram suam intravit; ubi quandam ymaginem
ad modum architenentis mirabiliter fabricatam,
unum archum tensum cum una sagitta ad volan-
dum parata in manu habentem, ex una parte ca-
meræ stantem prospexit. Cumque propius ut ar-
tem rei mirabilis tangeret & apertius videret, ac-
cessisset, & ymaginem tetigisset, sagitta statim evo-
lavit & regem ad mortem percussit; nam ymagi-
nem illam ad illum finem ut sic regem occideret pro-
ditor ille *Edricus* fecerat ordinari. Traditur ad-
huc à quibusdam historiis quod *Edmundus* non sic
nec alio modo supradicto oblit, sed quod fraterni-
tate inter reges firmata, regnoque inter eos diviso,
Edmundus rex fortis cum uno anno regnasset,
circa festum sancti *Andrea* *Londoniis* obiit, &
cum avo suo *Edgaro* *Glastonia* sepelitur. Sed pri-
mus modus, videlicet quod rex *Edmundus* ad requi-
sita naturæ sedens prodicione dicti *Edrici* occisus
fuit, verior aliis & autenticior habetur.

Kanutus Danicus post mortem regis *Edmundi*
monarcha effectus, accepto totius regni principatu,
à *Livingo Dorebernensi* archiepiscopo in regem
Londoniis consecratur, & regnum in quatuor partes
divisit. Ipse namque *Westfaxiam* sibi retinens
Hirco Comiti *Northumbriam*, *Turkillo* *Estangliam*,
Edrico *Merciam* tradidit & concessit. Iste rex *Ka-
nutus* habuit unum filium bastardum nomine *Ha-
raldum* *Harefor* ex quadam concubina *Ailena*
Hamtonensi nomine, filia filii *Alselini* ducis ha-
tum. Rex autem ut prolem ex legali matrimonio
fiscitaret, & sic regnum *Anglie* sibi firmitus astrin-
geret, *Emmam* reginam, regis *Ethelredi* relictam &
matrem filiorum regis *Ethelredi*, *Aluredi* videlicet
& sancti *Edwardi* regis, duxit in uxorem; unde
idem sanctus *Edwardus* in quadam Carta quæ
Westmonast. habetur, conquireritur, quod mater sua
de hoste vietricum sibi fecit. De qua quidem *Emma*
dictus rex *Kanutus* filium suum *Hardeknoutum*,
& filiam unam magnæ sanctitatis *Gumyla* nortone
fiscitavit, quam *Henrico* imperatori filio *Conradi*
R r postea

postea nupsit. Iste *Kanutus* rex deinde consilium *Londonie* congregavit, in quo *Edricus* proditor duos filios regis *Edmundi Trenchside*, *Edwardum* videlicet & *Edmundum*, quos statim post mortem ejusdem regis *Edmundi* à regina matre eorum, de morte domini sui regis adhuc infamia, abduxerat, regi *Kanuto* præsentavit; Tunc rex à proceribus & episcopis suis quæsit, si in illo fœdere sociali inter ipsum & *Edmundum* regem nuper inito, aliqua mentio de successione fratrum aut filiorum *Edmundi* post mortem ejusdem facta fuisset: qui falsissime & adulatorie responderunt, Quod non; æstimantes per hoc se magnum apud regem locum tenere. Insuper juraverunt, quod ipsum *Kanutum* pro rege semper tenerent, & propinquos *Edmundi* omnes expellerent. Unde iusto Dei iudicio dignam nequitie retributionem postmodum *Anglis* reddit. Nam consilio *Edrici* exlegavit *Edwinum* *Edmundi* regis fratrem, qui *Ceorlesking*, id est rex rusticorum appellabatur: postmodum tamen dolose reconciliatus, factione secretariorum suorum fraudulenter occisus est. Deinde, ut infra cito habetur, rex *Kanutus* *Edricum* occidit, *Turkillum* exulavit, *Hirc* fugere compulsi, ac summos procerum aggressus *Normannorum* ducem in *Anglia* interfecit, *Adelwoldum* detruncavit, *Brithric* vita ferro privavit, fecitque per *Angliam* mirabilem censum reddi, viz. lxxx. M. libras præter xj. milia l. quas *Londonienses* reddiderunt.

Præterea rex *Kanutus* quadam vice *Emmam* confortem suam consuluit, quid de duobus filiis regis *Edmundi Trenchside*, *Edmundo* videlicet & *Edwardo*, foret melius faciendum. Quæ respondens dixit. Domine, recti sunt regni *Anglia* hæredes, qui vita & sanitate comitibus non minimam vobis guerram in brevi parabunt. Ideo vobis consulo quatinus eos ad partes longinquas alicui destinetis, qui eos ob amorem vestri secrete interficiat. Unde *Kanutus* dictos pueros tum pudore, tum consilio *Edrici* ductus, in *Anglia* ferire metuens, accessit statim uno *Dano* nomine *Walgar*, præcepit ei, ut pueros in *Daciam* duceret, & tantum de eis ibi faceret, quod nunquam in *Anglia* iterum comparerent. Ille vero acceptis pueris, pietate commotus, eos jussu regis *Kanuti* postposito, ad regem *Suevorum*, cui secundum quosdam illos *Kanutus* feriendos miserat, transvexit. Qui pueros elegantes miseratus, ad regem *Hungariorum* *Salomonem* vitæ reservandos, & juxta eorum generositatem educandos ulterius destinavit. Cumque rex *Hungaria* infantes vidisset, & de eorum parentela à dicto *Walgar* didicisset, benigne eos recepit, & ut regios decuit filios enutriverit. Et quia tam vultu quam moribus spectabiles erant, uni eorum, videlicet *Edmundo* primogenito filiam suam tradidit in uxorem. Sed cito post *Edmundo* sine liberis decedente, *Edwardo* fratri suo qui in Croniciis dictus est *Edwardus relegatus*, *Agatham* filiam germani sui *Heurici* Imperatoris *Romani*, tanquam vero *Anglia* hæredi, matrimonio copulavit. Ex qua postea idem *Edwardus* iij. liberos suscitavit, viz. *Margaretam* postmodum reginam *Scacia*, quæ modo dicitur sancta *Margareta*, *Edmundum*, *Christinam* postea sanctimoniam, & *Edgarum* *Adelyng*. Istud vocabulum *Adelyng* Saxonice componitur ex *adel*, quod est nobilis, & *lyng*, quod est ymago, inde *adelyng* quasi nobilis ymago: unde & *Westfaxones* hinc in proverbio summi despectus *hynderlyng*, quod sonat ab hone-

state dejectum vel retrocedens ymago, vocaverunt. Hunc *Edgarum* *Adeling* sanctus rex *Edwardus*, dum postmodum regnaret pro filio nutrit, & hæredem *Anglia* instituere cogitavit. Sed filios *Godwyni* ac gentis suæ nequitiam formidans, *Willielmum* nothum avunculi sui filium adoptavit; de quo inferius plenius dicitur.

Post hæc in natali Domini contigit *Londonie* in quodam solario ultra *Thamesiam*, dictum proditorem *Edricum* verbis maliciosis regem *Kanutum* improperare, quod propter eum, & ejus amorem regem *Ethelredum* prodiderat, *Edmundumque* *Trenchside* regem & dominum suum naturalem extinxerat, & nulla inde beneficia sive commoda repit. Cui rex respondit, Tu temetipsum judicasti, & merito morieris, quia ore proprio proditoris reus factus es, ex quo dominum proprium regemque tuum naturalem & fratrem meum confederatum occidisti, & manum in Christum Domini misisti; unde manibus & pedibus ejus ligatis, per fenestram ipsum in *Tamesiam* proci statim jussit, ne ejus circumveniretur infidiis alias sibi timens. Et sic secundum quosdam *Edricus* proditor interiit submersus. Tradunt insuper quædam historiæ, quod postquam dictus proditor *Edricus* regem *Edmundum* interfecisset, & ad regem *Kanutum*, venisset, sibi salutando dixit; Ave rex solus. Cui cum rem gestam denudasset, Rex respondit, Quia me tali obsequio placare putasti, & mundi meliorem extinxisti, ego te ob tanti obsequii meritum cunctis reddam *Anglorum* proceribus celsiorem. Jussit ergo eum excapitari, & caput in stipite super celsiorem *Londonie* portam figi, corpusque ejus extra muros proci. Quo facto, alios proceres sibi consentientes profugavit. Sed semper carum habuit Comitem *Leoffricum*. Post hæc apud *Oxoniam* Parliamentum tenuit, ubi *Angli* simul & *Dani* de legibus *Edgari* regis observandis concordati sunt.

Kanutus rex anno regni sui tercio in *Daciam* transiens contra *Wandalos* sibi infestos pugnaturus, tam *Anglorum* quam *Danorum* exercitum secum duxit. Nocte itaque bellum præcedente, *Godwinus* Consul exercitum *Anglorum* ducens, in hostes rege *Kanuto* inscio profectus est, & eos inprovistos invasit, occidit viriliter & fugavit. Rex vero *Kanutus* summo mane cum *Anglos* fugisse, vel ad hostes perfide transisse putaret, acies ordinatas in hostes dirigens, nihil in castris nisi prædas, cadavera & sanguinem invenit. Quamobrem *Anglos* summo honore, & non minori quam *Dacos* deinceps habuit. Hiis actis in *Angliam* rediit, & magnum Concilium apud *Circestriam* tenuit.

Hoc anno defuncto *Alduno Lindisfarnensi* episcopo, sedequæ per triennium pene vacante, synodus circa præsulis electionem facta est. Ubi quidam presbyter nomine *Edmundus* superveniens dixit; Cur meipsum non eligitis? Cujus jocos cæteri non jocosè sumentes, triduo super hoc indicto jejunio velle sancti *Cuthberti* consulunt: unde & presbytero Missam celebrante vox de sepulcro sancti *Cuthberti* in medio canone audita est tribus vicibus insonare, *Edmundum* debere episcopum fore. Circa hoc tempus *Livingo Cantuariensi* archiepiscopo defuncto, *Romam* successor ejus petiit monachus *Ethelnodus*, cum quo *Lefwinus* Abbas *Eliensis* profectus, Abbaciam injuste sibi ablatam Papa *Benedicto* jubente rehabuit & possedit. Archiepiscopus vero

vero à *Roma* rediens corpus sancti *Elphegi* martiris de *Londoniis* usque *Cantuariensem* transtulit civitatem, rege *Kanuto* permittente. Qui semper tamen sanctos *Angliae* parum dilexit; Nam de sancta *Editha* legitur, quod dum rex *Kanutus* in quodam festo *Pentecostes* apud *Wiltoniam* convivans, cachinnos in sanctam *Editham* effunderet, dixit, se nunquam crediturum filiam regis *Edgari*, qui semper libidini & tyrannidi deditus fuerat, sanctam fore; Contradixit *Ethelnodus* archiepiscopus tunc praesens, qui statim sepulcrum virginis aperuit. Ubi defuncta virgo cingulo tenus se erigens, in contumacem regem impetum facere visa est. Hoc ille metu turbatus humi quasi exanimis cecidit; sed tandem respirans lætus erubuit & gavisus quod poenitentiae reservatur.

Circa hæc tempora *Brithmoldus* monachus *Glastoniensis*, qui postmodum fuit episcopus *Wintoniensis*, dum de regia *Anglorum* stirpe pene tunc deleta contemplando cogitaret, sopor eum irrepit. Et ecce videt Apostolum *Petrum* *Edwardum* filium *Ethelredi* in *Normannia* tunc exultantem manu tenere, & in regem consecrare, ac sanctitatem ejus cum numero 23. annorum quibus regnaturus erat plane ostendere. Cumque monachus ille de posteritate *Edwardi* quaereret, respondit sanctus *Petrus*. « Regnum *Anglorum* regnum Dei est, post istum, regem ad sui placitum providebit. Quidam etiam vir Dei praedixit tunc *Anglis*, quod ex scelerum suorum inmanitate, quia non solum cædi & prodicioni insisterent, sed ebrietati & negligentiae domus Dei dediti erant, insperatum eis à *Francia* adventurum dominium, quod & eorum excellentiam deprimeret in perpetuum, & honorem sine termino eventilaret. Praedixit etiam quod non solum ea gens, sed etiam gens *Scottorum* quos *Angli* vilissimos aestimant, ad emeritam confusionem *Anglis* dominaretur. Praedixit etiam nihilominus, adeo varium seculum adventurum, ut varietas quæ in mentibus hominum latebit, & in actibus patebit, multimoda vestium variatione designaretur.

Anno regis *Kanuti* viij. *Henricus* primus *Tenonicorum* Imperator obiit. Cui successit *Conradus* primus qui regnavit annis 15. Hic nempe statuit legem ut quicumque hominum, etiam procerum seu Principum, legem terræ infringeret, capite plecteretur. Cujus statuti transgressor primo fuit Comes *Limpoldus*, qui timens se fugit cum uxore sua in heremum, ubi aliquandiu heremitice vixit. Cum igitur *Conradus* praedictus semel ibidem venandi gratia devenisset, dormiendo in strato audivit vocem sibi dicentem: Puer Comitissæ & heremitæ, qui nunc recentem natus est, erit tibi *Conrade* gener & successor. Quamobrem indignatus rex, jussit cor pueri sibi afferri; sed nuntii Deum timentes puerum vivum in silva projecerunt, & regi cor leporis detulerunt. Contigit autem cito post hæc, ut dux quidam *Henricus* locum illum casu adiens, puerum vagientem audivit, quem uxori suæ sterili nutriendum transmisit, nomen *Henrici* scilicet ei imponens. Cumque jam adultum juvenem Imperator *Conradus* aliquociens conspiceret, ac præteritum præsagium in animo revolveret, reclamante patre pueri putativo, Imperator juvenem secum retinuit, tractans jugiter penes se quomodo perdere posset eum, unde misit eum ad Imperatricem cum literis caventibus, quod eo die visis literis moreretur. At dum juvenis

apud quemdam presbyterum de nocte hospitaretur, presbyter eo dormiente visis literis, pro illis verbis eo die moriatur, scripsit, eo die ad filiam nostram maritetur. Quod & factum est; & licet Imperator ex hoc turbaretur, pensato tamen quod filius esset illustri Comitissæ, lenius tulit; sed & in illo loco heremi ubi natus fuerat, monasterium postmodum construxit, quod usque hodie *Ursania* dicitur.

Hoc anno obiit *Ricardus* secundus Dux iij. *Normannia*, Cui successit filius suus *Ricardus* tertius, quem post annum sui ducatus, *Robertus* frater suus junior veneno extinxit. Qua de causa idem *Robertus* corde compunctus, septimo Ducatus sui anno nudipes *Jerusalem* peregrinus ivit, & *Birhinia* obiit. De quo ferunt quod bellando erat strenuus, dando liberalis, convivando profusus; unde & in quadam festivitate contigit, ut cæteris militibus ad missam offerentibus, unus militum non offerrebat: putans autem Dux cum nihil habere unde offerret, jussit ei dari statim x. libras. Qui ut eas recepisset, eas integre super altare optulit. Quod Dux audiens, alias x. libras militi ad proprios usus dedit. Alia vice dum idem Dux ad scaccos luderet, oblata est ei musca aurea gemmis mirabiliter adornata; Qui statim cuidam secum ludenti clerico illam dedit, ac ille continuo expiravit. Cujus rationem redderant medici dicentes, Quod sicut præ nimio dolore cor clauditur, & nisi citius reaperiatur mortem inducit: ita præ nimia læticia cor aperitur, & nisi citius recludatur, causa est mortis. Quidam attulit isti Duci *Roberto* duos cultellos pulcherrimos, Cui fecit dari statim libras. At dum ille nummos numeraret, dati sunt Duci duo equi preciosi, quos eidem statim dedit. Sed ille his acceptis abiit festinanter, ne quid impedimenti ei forsitan eveniret. Inter hæc data est Duci cuppa argentea, & quaesito nec invento illo qui prius cultellos attulerat, Dux conquestus est quod parum remunerationis accepisset. Afferebatur enim de Duce illo, quod quæcumque sibi darentur, omnia illa erogaret illi, qui sibi primo quicquam honorificum dedisset eo die, nisi forsitan aliquid quod edi vel bibi posset datum sibi fuisset.

Post hæc apud *Phalesiam* *Normannia* urbem, iste Dux *Robertus* puellam unam nomine *Arlet* cujusdam pelliarii filiam adamavit, Quæ cum ad lectum Ducis duceretur, propriam camisiæ à mento usque ad pedes fregit, & requisita cur hoc fecisset, Respondit, Non esse fas nec licentia, ut yma pars camisiæ quæ pedes suos ambierat jam nunc ad os Domini sui verteretur. Ex illa autem genuit Dux filium nomine *Willielmum* bastardum postea *Angliae* conquestorem. At illa obdormiens sompnia- vit, arborem de ventre procedere quæ totam *Normanniam* obumbravit. Sed & puer natus per incuriam obstetricis in stramine projectus est, ac puer multum de stramine in brachiis retinuit; quod quidam signum futuræ potestatis prænofticabat. Dux etiam iste antequam *Jerusalem* peregrinus iret, filium suum *Willielmum* adhuc parvulum regi *Franciae* commendavit, ut eum Dominum *Normannia* constitueret, si eum in via decedere contingeret; unde Dux per *Burgundiam* proficiscens dum mane focii sui peregrini per portam castrum exirent, ipse ultimus exiens ac moram aliquantulum faciens, à portario cum baculo percussus est, Qui statim Deo gratias agens dixit suis, Nolite me vindicare, quia majori malo dignus sum, & plus diligo iectum istum quam

quam totam *Rethomagum*. Inde *Romam* veniens ut crucem à Domino Papa reciperet, imposuit pallium preciosum statuæ *Constantini*: deridens in hoc *Romanos*, quod singulis annis domino suo nolent saltim unum indumentum dare. Mulam etiam quam equitabat auro fecit ferrari, prohibens omnes suos ne quando ferratura caderet sustollerent. Diverrens autem se per Imperatorem *Constantinopolitanum*, in curia ipsius pluribus faceciis declaratus est; Audiens itaque Imperator eum esse virum illustrem, profusum & generosum, magnanimitatem animi sui probare volens, eum ad prandium invitavit, præcepitque clam suis, ut nullus ei cederet aut locum daret ad sedendum. Qui mox cum ad prandium venisset & nullum scamnum in domo videret, exiit clamidem propriam sive capam, & plicans eam sub se, super eam in medio omnium sedit, & iussit ut omnes sui similiter sederent. Post prandium accepta licentia ab Imperatore, capis omnibus sicut Dux præceperat in loco relictis, cum suis exivit. Admirans Imperator iussit capas sibi afferri, At dum moniti fuissent à curialibus ut eas resumerent, Respondit Dux. Non est, inquit, patriæ nostræ consuetudo, scamna nostra nobiscum de loco in locum portare. Et dum rogaretur ab Imperatore sumptus ad viandum capere; Respondit, se velle dum peregrinaretur, de suo vivere; sed in redeundo regis facere voluntatem. Unde rex prohibuit ne quis ei lingua ad cibaria coquenda venderet. Unde Dux nucium testas emi fecit, cum quibus cibaria sua coxerunt. Imperator autem probitatem suam admirans, banços loco caparum in curia sua erexit. Post hæc diu Dux in itinere ita ægrotavit, ut nec ire nec equitare posset. Quamobrem pauperes *Saracenos* conduxit, qui de die super humeros in feretro eum ferrent; unde quidam *Normanno* domum redeunti Dux injunxit, ut *Normannis* rumores de Duce querentibus diceret, Quod viderat dæmones Ducem deferre in cælum. Hoc autem pro tanto dixit, quod *Saraceni* eum versus terram sanctam portabant. Erat tunc mos, ut nullus Christianus sanctam posset ingredi civitatem, nisi precio magno dato: unde multi Christiani hujus Ducis adventum audientes auxilium ab eo petebant, Quibus ille per cor ventris sui juravit, Quod quamdiu sibi duraret unus denarius ipse ultimus introiret. Quod audiens nobilis *Saracenus* dominus urbis, qui de aliis etiam hujus Ducis probitatibus audierat, prohibuit statim ne aliquid de eo aut de suis caperetur, qui etiam totam oblationem eo die factam Duci dedit, quam ille acceptam statim pauperibus erogavit. Et cito post ut fertur post nonum Ducatus sui annum apud *Bithiniam* ut prædicatur vitam terminavit.

Rex *Kanutus* anno regni sui ix, in *Daciam* contra *Ulf* & *Eylaf*, qui gravissimam multitudinem contra eum terra & mari de gente *Speon*. adduxerant, cum *Anglorum* exercitu transfretavit: ubi ex parte *Kanuti* & *Speon*, perit multus *Anglorum* populus & *Dacorum*. *Kanutus* rex anno regni sui xij. ab *Anglia* cum l. puppibus in *Norwegiam* transfretavit; Qui *Olo* rege *Norwagensium* bello fugato, & à suis propter ejus simplicitatem vilipenso & abjecto, regnum illud in suam deditionem recepit. Sed *Kanuto* deinde in *Angliam* reverso, rex *Olaus* in *Norwegiam* rediens, à gente illius patriæ nepharie perimitur, qui modo sanctus *Olaus* martir vocatur. Et sic *Kanuto* dum vixit regnum illud

remanfit: unde ipse *Kanutus* propter suam magnam dominationem tantum in corde fuit elatus, quod cum magno vigore floreret, Imperii sui sedile in litore maris semel statui cum ascenderet aqua jussit, dixitque mari ascendenti; Tu mea dicionis es, & terra qua sedeo mea est, nec fuit aliquis qui impune meo resisteret præcepto. Impero igitur tibi ne in terram meam ascendas, nec vestes, nec membra dominatoris tui madefacere præsumas; mare vero juxta naturam de more ascendens, pedes ejus ac vestes & crura sine reverentia madefecit; rex igitur resiliens ait, Sciant cuncti mortales vanam & frivola regum esse potentiam, nec regis nomine quempiam dignum præter eum, cujus nutui cælum, terra & mare legibus obediunt sempiternis. Et ab illa hora nunquam coronam auream capiti suo imposuit, sed eam *Wyntonie* super caput crucifixi in laudem regis æterni posuit & dimisit.

Anno *Kanuti* regis xv. *Robertus* illustris Dux *Normannia* antedictus in peregrinatione *Ierosolimitana* obiit. Qui antequam peregrinationem illam assumpserat, sanctum *Edwardum* cognatum suum in regnum *Anglorum* restituere cupiens, pontum ingressus, vento adverso flante apud insulam *Cerne-sepe* diu detentus, *Normanniam* revertitur, & deinde ut supradictum est *Ierusalem* profectus, apud urbem *Niceam* obiit in redeundo.

Cui successit *Wilhelmus* northus filius suus, ex concubina filia pelliparii *Phalesia* progenitus ut dictum est; quo adhuc puerili ætate cum *Henrico* rege *Françorum*, cui pater suus ipsum ut prædicatur commendaverat, manente, *Normannia* regius fiscus erat. Sed postmodum ope regis ad ducatum promotus, quosdam de sibi resistentibus exlegavit, quosdam debilitavit. Tandem post xxx. ducatus sui annum mortuo rege *Anglorum* *Edwardo*, quibusdam de causis mente stimulatus est ut *Angliam* adiret, de quibus circa conquestionis suæ annum plenius dicitur.

Kanutus rex anno regni sui ultimo suprascripto de *Dacia* *Romam* adivit, & larga dona beato *Petro* dedit, & elemosinam quæ vocatur *Romescot*, quam antecessores sui ecclesiæ *Romana* dederant, perhenniter assignavit, ac annuente Papa *Johanne* xx. *scolam Saxonum* ibidem ab omni tributo liberavit. Quis autem enumerat elemosinas, dapilitates, & magnalia quæ rex magnus in peregrinatione illa gessit? Non fuit rex sub occidentali climate mundi, qui sancta loca *Roma* tam splendide petisset & famole: Nam in eundo, morando & redeundo largas elemosinas dispersit, passagium peregrinantium magno precio multis in locis redemit, malas exactiones, scilicet thelonea & transversa pecunia data usque ad medietatem diminuit, clausuras itinerum aperire procuravit, precium quod regni sui primates pro pallio habendo Papæ dari consueverant, relaxari etiam cum instantia procuravit, de quibus omnibus epistolam suis primatibus *Anglia* transmissit, monens ut ante adventum suum omnia prava corrigerent. Eodem anno *Kanutus* rex de *Roma* rediens *Malcolmum* regem *Scocia* sibi rebellantem sicut & prius fuerat, subjecit, ac alios duos reges *Melbeache* & *Fermare* in deditione recepit. Circa idem tempus *Egelnotus Camuariensis* archiepiscopus basilicam sancti *Edmundi* consecravit.

Iste rex *Kanutus* postquam de *Roma* regressus fuerat, vitam suam in humilitate, & devotione ducens,

cens, in honore sancti *Benedicti*, quem ultra omnes Confessores specialiter dilexerat, duo monasteria fundavit, unum in *Norwegia*, & aliud in *Anglia* in partibus *Norfolchia*, quod in solo palustri infra aquas quasi in insula, in quodam loco qui olim *Couholm* & *Calvescroft* vocabatur, situm est. Ad quem locum antiquis temporibus ante adventum *Danorum* in *Anglia* quidam heremita nomine *Suneman* adire, & illum inhabitare per angelum monitus est in sompnis, qui licet dictum locum sibi prædestinatum penitus ignorabat, gratia tamen divina per diversa tunc deserta transiens, ad quoddam mansum cuiusdam reguli nomine *Horn* quod *Hornung* vocabatur prope eundem locum advenit, ubi à bubulcis et pastoribus *Calvescroft*, et *Couholm* nominantibus de dicto loco doctus, et per eisdem latus ibidem perductus, unam capellam in honore sancti *Benedicti* infra paludes loco prædicto erigere incepit, ad quem alii heremitæ pro pœnitentia secum agenda confluerunt. Quos ipse benigne in socios recepit, et secum cohabitare permisit. Quod dictus regulus sive dominus percipiens, *Couholm* et *Calvescroft* sibi et fratribus suis dedit pro perpetuo et concessit, ubi plusquam 50. annis vixit. Postmodum non modico tempore transacto pagani *Ingnar* et *Hubbe* de *Dacia* manu forti in *Angliam* applicantes, *Northumbria* primo gravi depopulatione pervagata et eis subjecta, in *Estangliam*, id est *Norfolchiam* venerunt; ubi sancto *Edmundo* rege tunc ibidem regnante ab eis capto et interfecto, totam patriam prædaverunt, ac dictam capellam S. *Benedicti* heremitis omnibus occisis funditus destruxerunt. Post hæc quidam vir Deo devotus *Wolfricus* nomine, divina inspiratione ad dictum locum veniens, dictam capellam sancti *Benedicti* de novo incepit ædificare, et congregatis sibi septem sociis ædificia eis necessaria construxit, quos usque ad tempus regis *Kanuti* per lx. annos rexit. Tempore autem illo quidam præpositus regis *Kanuti*, *Maynard* nomine, in partibus illis erat, qui dictum *Wolfricum*, et socios suos odio habens, eos erga regem *Kanutum*, tunc prope apud *Hornung* existentem, nequiter diffamando accusavit. Unde rex erga eos iratus, solus cum simplici familia quasi rex non esset, ad eos pervenit, omnes usque ad mortem in mente minans, si illud quod *Maynard* de eis dixerat verax esset. Quod *Wolfricus* in spiritu comperiens, contra eum cum sociis suis accessit, dicens, Salve rex *Kanute*. Cui rex, Qualiter pro rege *Kanuto* me noscis cum ipsum nunquam agnovi? Cui *Wolfricus*; Angelus Dei regem huc adventurum, et nos, et locum istum plurimum ditaturum, nobis infra tres dies præteritos nunciavit. Quod rex audiens, et eos penes se maliciose accusatos percipiens, omnes ad dictum mansum suum de *Hornung* invitavit, quod illis illuc venientibus rex una cum villis de *Ludham*, & *Petesherde* cum omnibus appendentibus per Cartam suam imperpetuum à se & hæredibus suis dedit, quam cito post in Parlamento suo apud *Wyntoniam*, versus quod dictus *Maynard* regis præpositus collum suum fregerat, coram omnibus regni sui magnatibus confirmavit. Et sic rex *Kanutus* monasterium sancti *Benedicti*, monachis per dictum *Wolfricum* introductis, fundavit. Dicto vero *Wolfrico* cito postea viam universæ carnis ingresso, quidam *Alfinus* in Abbatem sibi successit; Qui de duobus monachorum conventibus

tunc ibidem congregatis medietatem usque *Wury*, ad ecclesiam sancti *Edmundi* regis, & martyris mitans, unum eorum *Unium* nomine, primum Abbatem ibidem, rege *Kanuto* annuente & ipsos monachos introducente statuit & ordinavit; & sic primus abbas & monachi abbathie de *Wury*, primo de abbathia sancti *Benedicti* venerunt, quos rex *Kanutus* quam plurimum ditavit, & magnis privilegiis decoravit. Iste rex *Kanutus* parum ante obitum suum constituit regem super *Noreganos* quemdam *Swanum*, qui ipsius *Kanuti* & *Aylene* *Hamptoniensis* filius putabatur. Asserebant siquidem nonnulli ipsam *Aylenam*, cum filium de rege præter dictum *Haraldum* habere non posset, præfactum *Swanum* de quadam presbiterissa recenternatum sibi decubanti supposuisse, regemque *Kanutum* ad id credendum subdole allexisse. Super *Danos* vero suum & *Emme* filium *Hardeknoutum* regem designavit.

Iste rex *Kanutus* postquam xx. annis regnasset, & leges, de quibus inferius habetur, populo suo condidisset, apud *Schastebry* obiit, & apud *Wyntoniam* in veteri monasterio sepelitur.

Hæc sunt instituta *Kanuti*, regis *Anglorum*, *Danorum*, & *Norwiganorum* venerando sapientum ejus consilio, ad laudem Dei, & suam regalitatem, & commune commodum habita in sancto natali Domini apud *Wyntoniam*, diligenter ac fideliter in Latinum translata compendiosa brevitate, cum simplicitate lucida velut suis astericis illustrata.

Incipiunt Capitula legum regis *Kanuti*.

C A P. I.

De dilectione Dei & Domini sui.

I I.

De pace ecclesiarum, & de infractione pacis earum.

I I I.

De dignitate sacerdotum, & accusatione eorum.

I V.

De Diaconibus, & in ceteris gradibus constitutis.

V.

De vulgaribus sacerdotibus.

V I.

De altari servientibus si sacramentales habent vel non.

V I I.

De accusatis homicidio.

V I I I.

De monachis.

I X.

De perjurio sacerdotum.

X.

De exhortatione singulorum, & maxime Prælatorum ut bene vivant.

X I.

De uxoribus legitime ducendis, & de debitis Deo reddendis in decimis & aliis.

X I I.

De Romfeth.

X I I I.

De Chiricseactis.

X I V.

De thaynis qui ecclesias habent ubi atrium sit vel non, & de luminaribus ecclesie.

XV.
De precio sepultura.
XVI.
De corporibus translatis.
XVII.
De feriacione diei Dominica & solemnitatibus
Sanctorum celebrandis.
XVIII.
De jejniis observandis.
XIX.
De temporibus leges faciendi & non faciendi.
XX.
De festo sancti Edwardi, & festo sancti Dunstani.
XXI.
De confessione & poenitentia, vigiliis, jejniis, ora-
tionibus, & elemosynis, & aliis.
XXII.
De fidelitate dominis exhibenda.
XXIII.
Epithoma doctrina Christiana.
XXIV.
Edictum regis in viciis opprimendis virtutibusque
augendis.
XXV.
De misericordia in judicio habenda.
XXVI.
Ne Christiani vendantur.
XXVII.
De sortilegis et aliis veneficis, et ne quis colat idolum.
XXVIII.
De homicidiis & perjuris.
XXIX.
De malefactoribus & pacis actione.
XXX.
De falsariis & eorum manutentoribus.
XXXI.
De ponderibus & mensuris, & de burhota, brig-
bota, & aliis.
XXXII.
Qua jura rex habeat solus & super omnes in West-
saxia, qua in Mercenis, qua in Denelaga.
XXXIII.
De paventibus exules.
XXXIV.
De injustis judicibus.
XXXV.
De justo judicio Anglorum & Danorum.
XXXVI.
De accusantibus & non probantibus.
XXXVII.
De hundredo requirendo.
XXXVIII.
Quociens debeat haberi burhmot & schiremot.
XXXIX.
De namis capiendis.
XL.
Ut omnis liber sit in hundredo & decima.
XLI.
De sterccinam qui injuste defendunt homines suos,
& de jure legalitatis.
XLII.
De lege credibilis & incredibilis accusati.
XLIII.
De thaynis & eorum juramento.
XLIV.
Quod emendum sit & advocandum sub legalium
testimonio.

XLV.
De infame & suspecto, & de supersedentibus ve-
nire ad comitatum.
XLVI.
De fure probato & proditore.
XLVII.
De antithetario.
XLVIII.
De hominibus suscipiendis & dimittendis.
XLIX.
De illis qui furibus obviant.
L.
De illo qui audito clamore non exierit.
LI.
De incredibili accusata in hundredo, & de ejus al-
legatione.
LII.
Quod omnis dominus debeat tenere familiam suam
in plegio suo.
LIII.
De servo qui in ordalio est culpabilis.
LIV.
De incredibili apud omnes.
LV.
Ut sit una lex inter burgos.
LVI.
De peregrinis accusatis.
LVII.
Si quis perjurabit se super sancta.
LVIII.
Si quis falsum testimonium dicet.
LIX.
De justitia non facienda in festis.
LX.
Si quis ministrum altaris occidat.
LXI.
Qui ordinatum vel alienigenam malignabit.
LXII.
De ordinato qui hominem occidat.
LXIII.
De clericis ligatis vel verberatis.
LXIV.
Si clericus se forisfaciat ad mortem.
LXV.
Quod confessio non negetur dampnato.
LXVI.
Ne quis occidatur die Dominica si vitari possit.
LXVII.
Si liber festiviis diebus operetur.
LXVIII.
Si servus diebus festiviis operetur.
LXIX.
De dominis qui cogant servos diebus festiviis operari.
LXX.
Si liber legitimum jejunium agat.
LXXI.
Si servus legitimum jejunium agat.
LXXII.
Si quadragesimale jejunium infringatur per pu-
gnam vel per aliud.
LXXIII.
Si quis Dei rectum per vim superteneat.
LXXIV.
De illis qui ordinis infracturam faciunt.
LXXV.
De adulterio in vacua, vel sponsa alterius vel
ordinata.
LXXVI. De

LXXVI.

De incesto in cognata.

LXXVII.

De virginibus & viduis vi subactis.

LXXVIII.

De adultera.

LXXIX.

De adultero qui adulteratur cum ancilla sua.

LXXX.

De habente simul sponsam & concubinam.

LXXXI.

De alienigenis illicite se habentibus.

LXXXII.

De murthero aperte perpetrato.

LXXXIII.

De tractante mortem regis & domini sui.

LXXXIV.

De frangente plegium regis, vel archiepiscopi, vel filii regis, vel episcopi, vel aldermanni.

LXXXV.

De pugnancibus in familia regis.

LXXXVI.

Si quis exarmetur vel ligetur injuste.

LXXXVII.

De infractioe pacis in exercitu regis.

LXXXVIII.

De hamfocna.

LXXXIX.

De robaria.

XC.

De husbreche, & Bernet, & opethes, & ebermord, & lafordswice.

XCI.

Si quis burgbotam, vel brigbotam, vel ferthfare superfederit.

XCII.

De Chiricbota.

XCIII.

De habentibus injuste Dei fugitivos.

XCIV.

De manutinentibus utlagatum vel excommunicatum.

XCV.

Quid maxime expediat in judiciis.

XCVI.

Alleviatio quam toti regno suo rex indulget super injustis exactionibus.

XCVII.

De relevationibus comitum & thaynorum provectorum & aliorum.

XCVIII.

De uxore & heredibus bondæ.

XCIX.

De viduis infra annum nuptis & earum maritis.

C.

Ne nimis cito veletur vidua, & de ejus revelationis termino.

CI.

Ne vis fiat virgini vel femina in maritando.

CII.

Si malum fiat de armis alterius in bello.

CIII.

De furto in domo invento.

CIV.

De transfugis à dominis vel à sociis in bello.

CV.

De cadentibus pro dominis in bello.

CVI.

De illis qui terram acquietaverunt testimonio committatus.

CVII.

De pace eorum qui ad placita veniunt.

CVIII.

De libertate venationis.

CIX.

De Dryncelean & recto dono domini.

CX.

De pravariationibus harum legum primo, secundo, vel tercio.

CXI.

Brevis admonitio recte vite ad populum.

CAP. I. Sax. 1.

In primis est, ut Deum & Dominum nostrum tota mente diligamus, honoremus, & unam Christianitatem sanctamque fidem catholicam orthodoxe teneamus, & sanctam Dei ecclesiam pacificare, custodire, & frequentare ad nostram semper utilitatem gaudeamus.

II. Sax. 2.

Omnis ecclesia sub propria Dei omnipotentis misericordia consistit, & Christianis omnibus magnam super hiis reverentiam exhibere convenit, quia pax Dei super omnem pacis actionem specialius est exoptanda & propensius observanda, & postea regis; & valde justum est, ut ecclesie pax intra parietes suos & pax Christiani regis quam manu sua dederit semper permaneat inconvulsa. Si quis ammodo pacem ecclesie Dei violabit ut intra parietes ejus homicidium faciat hoc inemendabile fit, & persequatur eum omnis qui Deum diligit, nisi contingat ut per aliquid pacis confugium rex ei vitam concedat plenis emendationibus erga Deum & homines; Et hoc tunc in primis sic quod hoc precium natalis sui Christo persolvat & regi, & per hoc se inlegiet ad emendandum. Si tunc ad emendationem veniat & rex ita patiatur, emendet ecclesie pacem & ipsam ecclesiam plena regis *mandbriche*, & reconciliationem ecclesie quærat sicut ad eam pertinebit, & *misbotam* & *manbotam* plene reddat, & saltem apud Deum sedulo componat. Si vero aliter sine interfectione & pax ecclesie fracta sit, emendetur primitus infractio pacis in ipsam ecclesiam juxta quod culpa fuerit & ipsius ecclesie dignitas, quia non omnes ecclesie parem emendationis dignitatem habent, licet eandem sanctificationis benedictionem consequantur. Capitalis ecclesie pacis infractio in rebus emendabilibus est sicut infractio regie pacis, i. decem libris in *Anglorum* laga; mediocris ecclesie Cxx.s. i. wita regis, & adhuc minoris ubi parva parochia sit & atrium tamen sit lx.s. & campestris ecclesie ubi atrium non sit xxx.s.

III. Sax. 4.

Christianis omnibus sincere convenit sanctuaria & ordines & Deo dicata loca summa discretionem & tota devotione pacificare, custodire, venerari juxta modum singulorum. Et qui scit intelligat magnum est & mirum præcipuum quod ad velle Dei profalute populi faciendum creditur sacerdoti, & magna conjuratio multaque benedictio est quæ propellit diabolium & in fugam redigit, quociens divina cooperante potentia, beatorum spirituum prosequente custodia per manus temporalium sacerdotum sacri baptismatis vel eucharistie sacrosancta mysteria cele-

celebarntur. Si contingat sacerdotem regulariter viventem aliqua criminum compellatione pulsari, missam celebret ac sancta communione se purget solus solum si compellatio simplex sit: in triplici calumpnia cum duobus sui ordinis.

I V. Sax. 5.

Diaconus regularis in simplici compellatione cum duobus sui ordinis, in triplici cum vj. diaconibus se adlegiet.

V. Sax. 5.

Plebeius sacerdos qui regularem vitam non habet, purget se sicut regularis diaconus.

V I. Sax. 5.

Si quis altari ministrantium accusetur & amicis destitutus sit, cum sacramentales non habeat, vadat ad iudicium quod Anglice dicitur *Corined*, & fiat sicut Deus velit, nisi super sanctum corpus Domini permittatur ut se purget.

V I I. Sax. 5.

Si quis ordinatus homicidii particeps consilio vel auxilio fuisse compelleretur, purget se cum parentibus quorum interest occisionis factionem tollere vel emendare. Si parentes non habeat, cum sociis se purget vel jejunium ineat si opus sit, & applicetur ad *Corined*, & fiat voluntas Dei.

V I I I. Sax. 5.

Monachus ecclesiasticus non debet aliquem de homine occiso per solutionem exigere vel emendare, quia cognationis suæ legem exiit, cum se regularis conversationis disciplinæ mancipavit.

I X. Sax. 5.

Si sacerdos aliquando falsus testis vel perjurus extiterit, vel furtum fecerit, vel in aliquo consenserit, deponatur, & omnium bonorum societate, dilectione careat & honore, si non erga Deum & homines dignis poenitentiae fructibus, secundum episcopi sui iussionem præparetur ad veniam, & emendationis & legalitatis plegios deinceps inveniat. Si se purgare velit secundum facti mensuram, sit vel per triplicem negationem vel singularem.

X. Sax. 6.

Et volumus ut quicumque sint in ordine clericatus constituti, puris mentibus inclinentur singulariter ad eam rectitudinem quæ ipsis pertinet, & saltim ut ministri Domini, pontifices, abbates, monachi, monachæ, canonici, nunnæ regulariter vivant, diebus ac noctibus sæpius & assidue ad Deum pro Christiani populi necessitate clament, & ei digne serviant, & castitatem diligant, quia perfecte sciunt non est rectum ut causam cohabitandi cum mulieribus habeant. Et qui super hiis abstinebit & castitatem servabit, ad perfectum sempiternum Dei misericordiam habeat, et ad honorem secularis thayni lege dignus sit.

X I. Sax. 7.

Et omnis Christianus pro timore sui creatoris injustum concubitus vitet et Dei legem teneat. Unde commonemus, petimus et in nomine Dei præcipimus, ut nemo in parentela sua intra sextam generationem uxoretur, nec in dimissa cognati sui qui intra sextum geniculum pertineat ei, nec in cognatione uxoris suæ, nec commatrem, nec filiolum suam, nec sanctimonialem, nec repudiatam aliquis ducat uxorem, nec cum meretricibus circumuendo fornicetur. Sed unam legitimam habeat quamdiu vixerit qui Dei legem iuste servare desiderat, et à gehennæ ignibus animam suam liberare. Et reddantur Deo

debitæ rectitudines annis singulis; hoc est eleemolina carucarum xv. diebus post pascha; decimæ de novellis gregibus in Pentecosten, terrenorum fructuum in festo omnium Sanctorum. Si quis hanc decimam dare nolit sicut omnium nostrorum commune est institutum, hoc est decimam acram sicut aratrum peragrabit, eat præpositus regis et episcopi, et domini ipsius terræ cum sacerdote et ingratias auferant, et ecclesiæ cui pertinebit reddant, nonam vero partem relinquant ei qui decimam dare nolit, octavas partes reliquas in duo dividant, et sit una medietas episcopi, alia terræ domini, siue sit homo regis, siue thayni.

X I I. Sax. 9.

Et *Romfeth*, i. *Roma* census, quem beato Petro singulis annis reddendum ad laudem & gloriam Dei regis nostra larga benignitas semper instituit, in festo sancti Petri reddatur; qui supra tenuerit, reddat episcopo denarium illum & xxx. denarios addat, & regi det xxx. s.

X I I I. Sax. 10.

Cyryscæat, i. ecclesiæ census in festo sancti Martini reddatur; Qui sine licencia supertenebit, eum reddat episcopo, & undecies persolvat, & regi Cxx. s.

X I V. Sax. 11.

Si quis thaynus in hæreditate sua terram habeat in qua cimiterium sit, det ibi terciam partem propriæ decimæ suæ. Si quis ecclesiam habeat ubi positionis locus non sit, det ex suis novem partibus presbitero suo quod velit. Et eat omnis *Cyryscæat* ad matrem ecclesiam per omnes liberas domos. Et fiat in anno symbolum luminis primum in vigilia Paschæ obulus ceræ de omni hida, in festo omnium Sanctorum tantundem, tercio tantundem in festo sanctæ Mariæ candelarum.

X V. Sax. 13.

Pecunia sepulturæ iustum est ut aperta terra reddatur.

X V I. Sax. 13.

Si corpus aliquod à sua parochia deferatur in aliam, pecunia tamen sepulturæ ejus jure in eam ecclesiam pertinebit.

X V I I. Sax. 14.

Et omnes rectitudines & sanctæ Dei ceremoniæ sicut omnibus opus est, totis desideriis observentur in festivitibus, in jeuniis, in feriacione diei dominicæ ab hora nona sabbati usque ad diluculum Secundæ feriæ; & Sanctorum omnium solempnitatibus sicut à sacerdote fuerint nuntiata. Ipsa vero die Dominica publica mercimonia vel placitationum conventicula, venationes & hujusmodi secularium actiones exerceri modis omnibus prohibemus, nisi pro magna necessitate sit.

X V I I I. Sax. 16.

Omnino indictum jejunium devote conservetur, siue quatuor temporum, siue quadragesimale, vel deinceps aliud quodcumque sit. Et ad omnes beatæ Mariæ festivitates & sanctorum Apostolorum omnium jejunia votiva præveniant præter *Philippi & Jacobi*. Pro solempnitate Paschali non sunt secundum legem indicta jejunia à Pascha usque ad Pentecosten, nec à natali Domini usque ad octabas Epiphaniæ, nisi quis per poenitentiam vel sponte jejunat.

X I X. Sax. 17.

Et festis diebus juramenta, & ferri vel aquæ, vel hujusmodi

huiusmodi legis examina fieri prohibemus, et quatuor temporum, et diebus quadragesimæ, et aliis legitimis jejuniis; et ab adventu Domini usque in octavum diem post duodecimum à natali; et à septuagesima usque ad xv. diem post Pascha.

XX. Sax. 17.

Et sancti regis *Edwardi* gloriosum passionis diem per totam *Angliam* volumus celebrari xv. kalend. Aprilis, et sancti *Dunstani* xiiij. kal. Junii. Et sit in hiis sanctis observationibus sicut vere justum est, Christianis omnibus pax et concordia, et omnis ira tollatur. Et si quis alteri debitor est de plegiatione vel aliqua contingentium secularium emendatione, reddat ei sedulo prius aut postea.

XXI. Sax. 18.

Et in Dei dilectione petimus, ut quisque Christianus suam ipsius benefaciendi necessitatem intelligat, quia nos singulos tempus expectat quo nobis esset carius quam quicquid in orbe terrarum mundus obtinuit. Dei nostri voluntatem fecisse dum licuit; tunc sane recipimus uniforme stipendium secundum opera nostra, ut qui promeruerit supplicia sempiterna. Renunciemus sedulo peccatis nostris, et confessionibus et abstinentiis experiamur, et quod nobis fieri volumus aliis faciamus. Hoc iudicium justum est. Et sane beatus et Deo gratus est qui iudicium sincere tenuerit ad gloriam et honorem omnipotentis Dei, cuius miseratione sumus conditi, et precio magno redempti. Quicumque Christianus sicut vere necessarium est dignam Christianitati suæ curam impendat, et ad perceptionem communionis Dominicæ ter saltem in anno se præparet, ut non hoc ad iudicium sed ad remedium salutare manducet. Et quisquis qui amicus Dei est verbis et operibus rectitudinem flagitet, fidem et sacramenta caute custodiat, omnis iniustitia de finibus nostris quantum possumus expellatur, et Dei iustitiam dictis et factis deinceps amplectamur, tunc ejus misericordiam propitiarius impetrebimus.

XXII. Sax. 20.

Item faciamus sicut adhuc persuadere volumus: simus dominis nostris per omnia fideles et credibiles, et eorum gloriam totis viribus exaltemus et velle faciamus; quia quicquid pro recta dominorum fidelitate facimus, ad magnam nobis utilitatem faciemus; et scientes Deus illi fidelis est, qui domino suo recte fidelis est, et unicuique domino magnum opus est ut hominem recte deducat suum.

XXIII. Sax. 21.

Omnes Christianos sedulo commonemus, ut puro corde semper Deum diligant, et Catholicæ Christianitatis fidei digne serviant, sanctæ ecclesiæ doctoribus devote pareant, Dei leges et doctrinam subtiliter investigent semper et assidue sibi met ad utilitatem. Et omnis Christianus addiscat ut saltem sanæ fidei rectam intelligentiam habeat, et sciat *Pater noster*, et *Credo in Deum*; quia per illud Deum exoramus, per aliud rectam fidem declaramus. Christus ipse primus hanc orationem protulit et discipulos suos docuit, in qua septem sunt petitiones; et quando quis eam intimo corde cantabit, cum ipso Deo agit de quacunque necessitate vitæ præsentis et futuræ. Sed quomodo potest aliquis devotas ad Deum preces effundere qui non habet intime rectam fidem in eo? non habet sane post transitum ejus aliquam portionem cum Chri-

stianis in requie Sanctorum, nec sancta communione dignus, nec vere Christianus habendus est qui non vult eam discere, nec ad eum iuste pertinet aliquem in sancto baptismo suscipere, nec ad manus episcopi in confirmatione et datione Spiritus sancti tenere antequam bene sciat eam.

XXIV. Sax. 23.

Et docemus, ut à summis criminibus totis viribus in omni tempore caveamus; & qui impulsu diaboli in peccatum inciderit, propensius emendet consilio poenitentiae suæ. Et ab inmundis gaudiis & injusto concubitu vel adulterio caveat. Et omnes Dei timorem & amorem in mente habeant, diebus ac noctibus à peccatis fugiant, diem iudicii metuant & inferni cruciatus, & semper ultimum vitæ suæ terminum cogitent advenisse. Episcopi sunt præcones & doctores legis Dei qui prædicationibus & exemplis debent Dei misteria declarare; curet qui velit: quia superyacue pastor est, qui commisso sibi gregi non vult saltem clamore succurrere si quid ei noceat. Non est aliquis tam nocens adversarius sicut accusator humani generis inimicus, qui totis semper viribus inhiat, totis desiderijs æstuat, quomodo plures animas in supplicium pertrahat. Sit itaque pastor solers, pervigil, & attente proclamans, qui contra spirituales nequitias debet populo prævidere. Qui sane sunt episcopi & sacerdotes, gregem Domini sapienti doctrina debent custodire & defendere, ne diabolica vesania illam vulneret vel occidat. Et qui Dei præceptis obedire neglexerit, hic cum ipso Deo commune non habeat.

Hæc est institutio legum secularium quam communi sapientum meorum consilio per totam *Angliam* teneri præcipio. Inprimis, volo ut justæ leges erigantur, & injustæ subvertantur, & omnis iniustitia quanta possumus observantia de finibus nostris sarculetur & explantetur, & Dei iustitia modis omnibus exaltetur, & amodo omnis homo dignus publica rectitudine reputetur pauper & dives quicumque sit, & eis iusta iudicia iudicentur.

XXV. Sax. 2.

Si quis peccaverit & profunde poeniteat, temperetur in eo iustitia, sic erga Deum sit clementius, & in seculo tolerabilius: & multa sedulitate cogitet qui jus habet in iudicio, quid sibi postulat à Domino, dicens, *Demitte nobis debita nostra sicut & nos dimittimus debitoribus nostris*. Prohibemus ne Christianus aliquis penitus pro parva re saltem ad mortem deducatur. Sed iustitia pacificans pro necessitate populi exquiratur, ne pro levi re opus manuum Dei & sui ipsius precium quod profunde redemit desperet.

XXVI. Sax. 3.

Præcipimus ne Christiani passim in exilia vendantur, vel in gentilitatem, ne forte pereant animæ quas propria vita sua mercatus est Dominus noster *Ihesus Christus*. Et totis viribus semper patriam mundare in omnibus ejus finibus studeamus, & ab inmundis operibus circumquaque celsus.

XXVII.

Et si sagæ vel incantatrices veneficæ, vel meretrices alicubi compareant, expellantur à finibus nostris, vel in eis pereant nisi cessaverint & profundius emendent.

emendent. Præcipimus ut *Witerfatan* & utlagæ Dei & hominum patriam exeant si non resipuerint & digne pœniteant. Fures & hujusmodi dampna populi, propediem pereant, si non conquiescant.

Sax. 5. Omnem quoque gentilitatem modis omnibus interdicimus. Gentilitas est si quis idola colit, i. Gentilium Deos, solem aut lunam, ignem vel fluctus, aquas fontium vel lapides vel alicujus generis ligna, vel *Wichencrest* diligat aut murturi opus quolibet modo sectetur, aut in sacrificio vel mortificatione aliquo modo aliquem suscipiat, aut in sorte vel in *Firthe* vel in similibus phantasiis vel præstigiaturis aliquid agat.

XXVIII. Sax. 6.

Homicidæ & perjuri, sacrorum ordinum contemptores, & adulteri pœniteant & emendent, aut cum peccatis suis à cognitione discedant.

XXIX. Sax. 7.

Liguitores, mendaces, rapaces, raptores, Dei gravamen habeant nisi cessent & prolixius emendent. Et qui patriam juste purgare desiderat & injustitiam sternere veramque sapientiam diligere, multo debet studio talia compellere & talia devitare.

Sax. 8. Agamus & omnes sedulo de stabilitate pacis & emendatione pecuniæ, de pacis actione sicut patrifamilias magis placet & furi plus displiceat.

XXX.

De correctione pecuniæ ut una moneta per totas has nationes sine omni falso teneatur, & nemo repudiet eam, & qui post hanc fallabit, manum perdat unde fecerit, & nec argento aut auro vell ullo modo redimatur. Si præpositus accusetur quod ejus licentia quis falsum fecerit, purget se triplici lada: Quod si purgationem fregerit, inde judicium habeat quod qui falsum composuit.

XXXI. Sax. 9.

Mensura, pondera justificentur, & omnis injustitia deinceps opprimatur. *Burhbotam* & *Brigbotam* & *Scipforhunga* & *Firhunga*, quæ navigii vel expeditionis sonant apparatus, sedulo procuremus, cum necesse fuerit ad commune regni nostri commodum.

Sax. II. Et perquiramus simul modis omnibus quomodo præcipuum possit consilium ad profectum populi obtineri, rectaque Christianitas propensius erigi, & quicquid injustum est solertius enervari.

XXXII. Sax. 12.

Hæc sunt jura quæ rex habet super omnes homines in *Mircenis* & *Westfalia*, *Mundbreche*, i. infractionem pacis, *hamfocnam*, i. invasionem mansionis, *forstal*, i. prohibitionem itineris, & *firhunga*, i. expeditionem, nisi aliquem amplius honorari velit, & qui opus utlagii fecerit ejus revocatio sit in misericordia regis. Et si terram testamentalem habeat, quæ *Anglice* dicitur *Wocland*, ipsa in manum regis transeat, sit ejus homo cujus sit. Qui forisbannitum paverit vel ei firmationem aliquam exhibuerit, emendet regi v. l. nisi se adlegiet quod infugatum eum nesciebat.

Sax. 14. In *Denelaga* habet rex *Fyhtwiltan*, i. forisfactum pugnae & *Fyrtwite*, i. forisfactum expeditionis, *Gythbrece*, i. infractionem pacis, & *Hamfocna*, i. invasionem mansionis, si non aliquem specialius honoraverit.

XXXIII. Sax. 14.

Si quis hominem pro culpa exulatum tenuerit aut paverit, emendet hoc sicut ante legitimum fuerit.

XXXIV. Sax. 14.

Si quis deinceps *Unlage*, i. non legem erigat, vel injustum judicium judicet, pro læsione vel aliqua pecuniæ susceptione sit erga regem *Cxx. s.* reus in *Anglorum* laga, nisi cum juramento audeat invertare, quod rectius nescivit judicare, & dignitatem suæ legalitatis semper amittat si non eam redimat erga regem sicut ei permittitur. In *Denelaga* *Lahsthes* reus sit si non juret quod melius nescivit.

XXXV. Sax. 14.

Et qui rectæ legi vel justo judicio refragabit, reus habeatur erga eum cui pertinebit. Erga regem sit *Cxx. s.* sit erga Comitrem *lx. s.* sit erga hundredum *xxx. s.* sit erga singulum eorum si sic accidat in *Anglorum* laga, in *Denelaga* *Lahsthes*.

XXXVI. Sax. 15.

Qui aliquem accusare præsumat unde pecunia vel comodo pejor sit, & denique mendacium pemolcatur, linguam suam perdat, vel weregildo redimatur.

XXXVII. Sax. 16.

Nemo regem requirat de justitia facienda dum ei rectum offertur in hundredo suo, & requiratur hundredum secundum witam sicut justum est.

XXXVIII. Sax. 17.

Et habeatur in anno ter burgimotus & scyremotus bis, nisi sapius sit necesse. Et intersit episcopus & Aldermannus; & doceant ibi Dei rectum & sæculi.

XXXIX. Sax. 18.

Et nemo namium capiat in comitatu vel extra comitatum priusquam ter in hundredo suo rectum sibi perquisierit, si tertia vice rectum non habeat, eat quarta vice ad conventum totius comitatus quod *Anglice* dicitur *Scyremot*, & ipse comitatus ponat ei quartum terminum; qui si fallat, tunc licentiam accipiat ut ab hinc & inde suum audeat rectum perquirere.

XL. Sax. 19.

Et volumus ut omnis homo liber in hundredo & in decima positus sciat qua purgatione dignus esse velit aut wera, si quis eum post duodecimum ætatis suæ annum accusat, vel non sit aliqua liberorum rectitudine dignus, sit *Heorðesse*, sit *folgaris*, sit in hundredo & in plegio constitutus, & teneat eum plegius & adducat eum ad omne rectum.

XLI. Sax. 19.

Multi *Streman*, i. potentes sive fortes volunt si possint & audeant, defendere homines suos ad utrumlibet sicut eis videbitur, quod procedat modo pro servo modo pro libero. Sed nolumus hanc injustitiam pati. Volumus ut omnis homo post duodecimum ætatis suæ annum juret, quod fur esse nolit vel furi consentaneus.

XLII. Sax. 20.

Et sit homo credibilis qui non fuerit accusationibus infamatus, & neutrum ei fregerit vel juramentum vel ordalium in hundredo, simplici purgatione dignus. Incredibili eligatur simplex lada, i. purgatio simplici præjuramento, triplex lada triplici præjuramento.

XLIII. Sax. 20.

Si thaynus habeat credibilem hominem, ante juramentum pro eo sit; si inde non habeat, ipse thaynus causam suam præjuret, et nullum unquam ante juramentum condonetur.

Et non sit quisquam alicujus advocationis dignus nisi credibile testimonium habeat unde venerit ei quod

quod cum eo deprehenditur. Et invenient hoc ipsi testes in fide Dei et domini sui, quod ei in vero testimonio sint sicut oculis supervideant, et auribus superaudierunt quod recte hoc acquisivit.

XLIII. Sax. 22.

Et nemo aliquid emat supra iij. denarios valens mobile vel immobile nisi habeat credibile testimonium iij. hominum, sit in civitate sit extra civitatem. Et si tunc super eum inveniatur, et tale testimonium non habeat, non liceat ei advocare; sed reddat repetenti capitale suum et secundum solutionem, et forisfacturam cui pertinebit: si testimonium habeat sicut prædiximus, tunc liceat inde ter advocari, et iij. vice probetur aut reddatur ei cuius erit. Et nobis non videtur rectum ut aliquis probare cogatur ubi testimonium est et cognitio quod ibi brede sit. Et nemo illud probare debeat ante sex menses postquam furatum est.

XLV. Sax. 23.

Qui fuerit accusationibus infamatus et populo incredibilis, et hæc placita ter subterfugerit, videatur qui quarto placito mittatur ad eum, et inveniatur etiam tunc plegio: si possit; si non possit, exsuperetur sicut alterutrum poterit sive vivus sive mortuus, et capiatur omne quod habebit, et solvatur repetenti capitale suum, reliquæ habeat dominus ejus dimidium, hundredus dimidium. Et si aliquis vel cognatus vel alienus illuc ire negaverit, solvat regi Cxx. s.

XLVI. Sax. 23.

Et perquirat fur probatus quicquid perquirat, vel qui de morte domini sui tractaverit, nunquam sibi vitam acquirat. Et qui deinceps furabitur, quærat quod quærat, nunquam sibi vitam impetret.

XLVII. Sax. 24.

Et qui in placito seipsum vel hominem suum distortis compellationibus defendere præsumperit, habeat totum hoc *forþrecen*. Et contingat de reliquo sicut hundredo rectum videbitur.

XLVIII. Sax. 25.

Et nemo suscipiat aliquem ultra trinoctium nisi ipse emendet cui antea servivit. Et nemo suum hominem a se dimittat priusquam mundus sit in causis omnibus quibus ante fuerit accusatus.

XLIX. Sax. 26.

Si quis furi obviaverit, & sine vociferatione gratis eum dimiserit, emendet secundum weram ipsius furis, vel plena lada se adlegiet quod cum eo falsum nescivit.

L. Sax. 26.

Si quis audito clamore superleiderit, reddat *overhyrnessam* regis, aut plene se adlegiet.

LI. Sax. 27.

Si quis adeo sit incredibilis hundredo & a tribus simul accusetur, tunc nichil interveniat quin ad triplex ordalium eat. Si dominus ejus dicat tunc, quod ei neutrum vel juramentum, vel ordalium fregerit postquam consilium fuit apud *Wyncestriam*, assumat idem dominus secum duos homines credibiles in ipso Hundredo, & juret quod illi nunquam juramentum vel ordalium fregerit nec furigildum reddidit, nisi talem præpositum habeat qui eo dignus sit & hoc facere possit. Si juramentum procedat, eligat accusatus alterutrum quod velit sive simplex ordalium, sive juramentum unius libræ in tribus hundredis super xxx. denarios. Et si jurare non audeat, eat ad triplex ordalium hoc modo; sumat quinque & idem

fit sextus, & si reus fuerit in prima vice, sit calumpniatori duplo, reddens domino suo weram suam qui ea dignus sit, & ponat credibiles plegios quod omni malo deinceps abstinebit. Ad secundam vicem non sit alia emendatio, si reus fuerit, nisi ut amputentur ei manus aut pedes aut utrumque secundum quod factum fuerit. Et si adhuc amplius peccaverit, eruantur ei oculi & truncetur ei natus & aures & superlabium, vel decapilletur, quicquid horum consulerint quorum tunc intererit. Sic corrigi poterit & animæ provideri. Si aufugerit, & ordalium vitaverit, solvat plegius repetenti capitale suum, & regi weram suam vel ei wita sua dignus erit. Et si dominus compellatur, quod ejus consilio fugerit & antea malum fecerit, assumat secum v. credibiles & idem sit sextus, & inde se purget. Si purgatio non deficitur, sit weræ suæ dignus, si deficiat, habeat rex ipsam weram; & fur apud omnem populum ulaga sit.

LII. Sax. 28.

Et habeat omnis dominus familiam suam in plegio suo, & si accusetur in aliquo respondeat in hundredo ubi compellabitur sicut recta lex sit. Quod si accusetur & fugiat, reddat dominus ejus regi weram, i. precium nativitatis hominis illius. Et si dominus accusetur quod ejus consilio fugerit, adlegiet se cum quinque thaynis, id est nobilibus, & idem sit sextus; si purgatio frangat ei, reddat ei weram suam, & qui fugerit, extra legem habeatur.

LIII. Sax. 29.

Si servus in ordalio reus fuerit, signetur prima vice, secunda nulla sit emendatio nisi caput.

LIV. Sax. 30.

Si quis homo sit qui omni populo sit incredibilis, adeat præpositus regis & ponat eum sub plegio, qui ad rectum habeat eum omnibus accusantibus; si plegium non habeat, occidatur & condemnatis mittatur. Si se defendere præsumat, sint ambo unius recti digni. Quicquid hæc superleiderit & facere noluerit, sicut omnium nostrum verbum est det regi Cxx. s.

LV. Sax. 31.

Et stet inter burga lex una purgandi.

LVI. Sax. 32.

Si quis amicis destitutus vel alienigena ad tantum laborem venerit ut plegium non habeat, in prima *Thilac*, i. accusatione ponatur in carcanno, & ibi sustineat donec ad Dei judicium eat. Scientes qui amicis destitutus vel extraneo dererius judicium judicat quam socio suo, seipsum lædit.

LVII. Sax. 33.

Si quis falsum juramentum super sancta jurabit & convictus inde fuerit, manum perdat vel dimidium weram, & hoc commune sit domino suo & episcopo. Et non habeatur deinceps juratione dignus, si erga deum profundius non emendet, & plegios inveniatur quod semper in relicum cesset.

LVIII. Sax. 34.

Si quis mendaci testimonio manifeste stabit & probatus inde fuerit, non admittatur deinceps in legitimum testimonium sed solvat regi vel domino suum *Walsfang*.

LIX. Sax. 35.

Non est in aliquo tempore concessa injustitia; & tamen injustitia est festis diebus & sanctificatis locis propensius interdicta. Semperque sicut homo potentior est vel majoris ordinis, sic debet soletius pro Deo & seculo quod justum est emendare; Et ideo gratam

gratam emendationem sedulo perquiramus de scripturis sanctis, & secularem juxta legem seculi.

L X. Sax. 36.

Si quis altaris ministrum occidat, utlaga sit erga deum & homines, nisi dignis satisfactionibus veros pœnitentiæ fructus ostendat, & erga parentes ejus emendet, vel *wera lada* se adlegiet. Et infra xxx. noctes hoc incipiet apud deum & homines super omne quod habet.

L X I. Sax. 37.

Si quis ordinatus vel alienigena seducatur in aliquo de pecunia vel vita, sit ei rex pro cognatione & advocato, si penitus alium non habeat, & emendetur regi sicut justum est, vel illud factum nimis profunde vindicet. Christiano regi jure pertinet, ut injurias Deo factas vindicet secundum quod acciderit.

L X I I. Sax. 38.

Si quis minister altaris hominem occidat, vel malis actibus ultra modum se ingesserit, ordine simul & dignitate privetur & peregrinetur, sicut ei papa suus injunget opus emendet sedulo; si se purgare velit tripliciter hoc faciat, & si non infra xxx. noctes hoc incipiat, erga deum & homines extra legem habeatur.

L X I I I. Sax. 39.

Si quis ordinatum aliquem verberibus aut vinculis vel aliquatenus affligat, emendet ei sicut rectum sit, & episcopo emendationem secundum altaris & ordinis dignitatem. Regi vel domino plenam infractionem pacis; aut plena laga neget.

L X I V. Sax. 40.

Si quis ordinatus se forisfaciat morte plectendis actibus, capiatur & servetur episcopi judicio discutendus secundum quod factum sit.

L X V. Sax. 41.

Si quis morti dampnatus confessionem desideret, nunquam negetur ei; Et si quis ei perneget, emendet regi Cxx. s. vel se adlegiet & sumat quinque & idem sit sextus.

L X V I. Sax. 42.

Et si vitari possit nunquam occidatur aliquis die Dominica morte forisfactus, nisi fugiat vel repugnet, sed capiatur & servetur donec festum transferat.

L X V I I. Sax. 42.

Si liber festis diebus operetur emendet, & hoc secundum suum *halsfang*, et saltem erga deum sedulo emendet sicut edocebitur.

L X V I I I. Sax. 42.

Si servus operetur corium suum perdat, vel xxx. d. redimat secundum quod factum erit.

L X I X. Sax. 42.

Si dominus cogat servum suum diebus festis operari, ipsum servum perdat, et sit deinceps publice liber, et solvat dominus *Lahstith* cum *Dacis*, witam cum *Anglis* secundum facti meritum.

L X X. Sax. 43.

Si liber legitimum jejunium infringat, reddat *Lahstith* cum *Dacis*, witam cum *Anglis* secundum quod acciderit.

L X X I. Sax. 43.

Si servus tale quid egerit careat corio vel redimat solutionem corii pro facti qualitate. Malum est ut tempore jejuniotum ante horam comedat, et adhuc deterius ut carnis cibo quis seipsum inquinet.

L X X I I. Sax. 44.

Si quis aperte quadragesimale jejunium frangat, per pugnam vel per concubitum aut rapinam vel per

aliquid summorum criminum, sit hoc duplo corrigendum sicut in summis festivitibus secundum quod factum erit: si negetur, triplici lada fiat.

L X X I I I. Sax. 45.

Si quis Dei rectitudines prohibeat, solvat *Lahstith* cum *Dacis*, plenam witam cum *Anglis*, vel se adlegiet & assumat xj. homines, & idem sit xij. Si aliquem vulneret hoc emendet & reddat plenam witam domino, & ab episcopo manum suam redimat vel eam amittat. si aliquem occidat sit utlaga & capiat eum cum clamore omnis qui rectum velit, sufficiat ut occidatur per hoc quod contra rectum resistit. Si hoc inveritetur, inultus jaceat.

L X X I V. Sax. 46.

Si quis ordinis infraeturam faciat, emendet hoc secundum ordinis dignitatem *wera*, *wita*, *Lahstite* & omni misericordia.

L X X V. Sax. 47.

Si quis adulteria facit, emendet secundum quod factum sit malum. Adulterium est si sponsus cum vacua fornicetur, & multo pejus si cum sponsa alterius vel cum ordinata.

L X X V I. Sax. 48.

Si quis cum pertinente sua jaceat, emendet hoc secundum cognationis modum, sit *wera* sit *wita*, sit omni pecunia. Non æquale est si quis cum sorore sua concumbat quasi fuerit de longe pertinens.

L X X V I I. Sax. 49.

Si quis violenter virginem opprimat *wera* componat: Si quis viduam per vim capiat *wera* emendet.

L X X V I I I. Sax. 50.

Si mulier vivente marito suo faciat adulterium & manifestetur, sit ad dedecus seculi sui ipsius, & habeat legalis maritus omne quod ipsa habebat, & ipsa perdat nasum & aures; & si compellatio sit, & in emendando miseveniat, sit in episcopi potestate, & ipse graviter judicet.

L X X I X. Sax. 51.

Si quis uxoratus fornicetur cum ancilla sua, perdat eam, & pro seipso pœniteat erga deum & homines.

L X X X. Sax. 51.

Et qui sponsam & concubinam simul habuerit, non faciat ei presbyter aliquid rectitudinum quæ Christiano fieri debent priusquam pœniteat, & ita emendet sicut episcopus injunget, & semper deinceps super hiis abstineat.

L X X X I. Sax. 52.

Alienigenæ si concubitus suos dirigere noluerint, extra patriam cum peccatis & pecunia recedant.

L X X X I I. Sax. 53.

Qui murdrum aperte perpetrabit, reddatur parentibus interfecti; & si compellatio sit, & in emendatione miseveniat, judicet episcopus.

L X X X I I I. Sax. 54.

Si quis de morte regis vel domini sui quoquo modo tractaverit, vitæ suæ reus sit & omnium quæ habebit, nisi triplici judicio se purget.

L X X X I V. Sax. 55.

Si quis plegium regis frangat, emendet quinque libras. Si quis archiepiscopi vel filii regis plegium frangat iij. libras emendet, si quis episcopi vel Aldermanni plegium frangat, ij. l. emendet.

L X X X V. Sax. 56.

Si quis in familia regis pugnet, vitæ suæ reus sit nisi rex ei misereri velit.

LXXXVI.

LXXXVI. Sax. 57.

Qui aliquem exarmabit injuste, solvat ei secundum *halsfang* suum; si ligabit, dimidiam weram reddat ei.

LXXXVII. Sax. 58.

Si quis in exercitu regis pacis infractionem perficiat, vitam perdat vel weragildo redimat. Si non perfecerit, emendet juxta quod factum sit.

LXXXVIII. Sax. 59.

Si quis *hamfocnam* faciat 7. libras emendet regi in *Anglorum* laga, & in Denelaga sicut lex stetit antea; Quod si quis eum inter agendum perimat *agilde* jaceat.

LXXXIX. Sax. 60.

Si quis robariam faciat, reddat & persolvat quod cepit, & weræ suæ reus sit erga regem.

XC. Sax. 61.

Hulbrece, i. infractione domus, & *bernet* quod est domus incendium, & *openthest*, i. apertum furtum, & *eberemurder*, i. probatum murdrum, & *latoðstwic*, i. infidelitas erga dominum secundum legem seculi inemendabile est.

XCI. Sax. 62.

Si quis *burgbotam* vel *hzigbotam*, i. burgi vel pontis refectionem, vel *firdfare*, i. in exercitum ire superfederit, emendet hoc erga regem Cxx. s. in *Anglorum* laga; in Denelaga sicut lex stetit antea: vel ita se adlegiet, nominentur ei xiiij. & acquirat ex eis xj.

XCII. Sax. 63.

Ad refectionem ecclesiæ debet omnis populus secundum legem subvenire.

XCIII. Sax. 64.

Si quis domini fugitivum habeat injuste, reddat eum ad rectum, & persolvatur ei cui jus erit; & regi emendet secundum weragildum.

XCIV. Sax. 64.

Si quis excommunicatum vel utlagam habeat & manuteneat, desperatio sibi est & omnibus quæ possidet. Et si aliquis velit de injustitia reverti ad rectum, remittatur ei pro timore Dei sicut melius poterit.

XCV. Sax. 66.

Et faciamus sicut nobis expedit, succurramus semper ei prinitus qui magis indiget, tunc metemus inde mercedem nostram ubi nobis carius erit, quia semper debet impotenti pro Dei timore & amore clementius judicari quam forti. Sane possumus scire non potest debilis cum strenuo pariter bellare, unde mediare debemus, & distincte discernere senium & juventutem, libertatem & servitutem, felicem & infelicem, sanitatem & infirmitatem, & utrobique debet hoc diligenter adverti, tam in divinis legibus quam in secularibus judiciis. Item in multis quando aliquis coactus peccat magis veniale est, quam sine necessitate fecit quod fecit. Et si quisquam agat aliquid impossibiliter, non est omnino simile si voluntarie faciat.

XCVI. Sax. 67.

Hæc est alleviatio quam omni populo meo prævidere volo, in quibus nimis omnino fuerant aggravati. Præcipio præpositis meis omnibus, ut in proprio meo lucentur, & inde mihi serviant. Et nemo cogatur ad firmæ adjutorium aliquid dare nisi sponte sua velit. Et si quis aliquem inde gravabit, weræ suæ reus sit erga regem.

XCVII. Sax. 68.

Si quis ex hac vita decedat sine distributione rerum suarum, vel per incustodiam, vel per mortem improvisam, non usurpet sibi dominus ejus de pecunia sua (nisi quantum ad justam relevationem pertinet quæ *Anglice* vocatur *hereget*.) Sed sit secundum dictionem ejus ipsa pecunia recte divisa, uxori, pueris, & propinquis, unicuique secundum modum, qui ad eum pertinet. Et sint relevationes ita minutz sicut modus est. Comitibus sicut ad eum pertinet, hoc est, octo equi, quatuor sellati, quatuor infellati, & galeæ quatuor, & lorice quatuor, cum octo lanceis & totidem scutis, & gladii quatuor, & CC. manæ auri. Postea thayni regis qui ei proximus sit, quatuor equi, duo sellati, & duo infellati, & duo gladii, & quatuor lanceæ, & totidem scuta, & galea cum lorica sua, & 50. manæ auri. Et medicis thayni, equus cum apparatu suo, & arma sua, vel suum *halsfang* in *Westfaxia*. In *Mircenis* ij. l. In *Estanglia* ij. l. Et si notus sit regi, equi duo, unus cum sella & alius sine sella, & unus gladius, & duæ lanceæ, & totidem scuta, et 50. manæ auri. Et qui minus potest det duas libras.

Sax. 69.

XCVIII. Sax. 70.

Et ubi bonda, et paterfamilias manserit sine compellatione et calumpnia, sint uxor et pueri in eodem sine querela. Et si compellatus in vita sua in aliquo fuerit, respondeant hæredes ejus sicut ipse deberet si viveret.

XCIX. Sax. 71.

Et sit omnis vidua sine marito xij. mensibus, et eligat postea quem velit. Et si intra unius anni spatium marito se ligaverit, perdat *morgagifam* suam, et omnem pecuniam, quam ex priori marito habebat. Et sit ipse maritus weræ suæ reus erga regem, vel cui rex concesserit. Et licet etiam per vim capiatur, perdat tamen totam pecuniam, si non ab eo recedere velit in domum suam, et nunquam deinceps fiat uxor ejus.

C. Sax. 71.

Et viduæ nunquam velentur nimis cito. Et persolvat omnis vidua relevationem suam infra xij. menses sine forisfactura si non possit antea.

CI. Sax. 72.

Et nunquam cogatur virgo vel femina ad eum qui sibi displiceat; nec pro pecunia detur nisi idem aliquid sponte sua dare velit.

CII. Sax. 73.

Et volo licet aliquis lanceam suam ponat ad ostium domus alicujus, et intus habeat ad faciendum, vel si aliquid armorum discretè ponatur, ubi quiete posset esse si permetteretur, et aliquis hoc arripiat, et dampnum inde faciat, rectum est, ut qui dampnum faciat, dampnum etiam emendet. Et si ille cujus armis malefactum est se adlegiare audeat, quod nec velle nec posse suum fuerit, vel testimonium inde habuerit, Dei rectum est, ut inde quietus sit; & videat alius ut quod forisfecit, emendet sicut lex docebit.

CIII. Sax. 74.

Si homo furtivum aliquid in domo sua occultaverit, & ita fuerit *abarnatus*, rectum est ut inde habeat quod quæsit. Et si non sub custodia uxoris suæ ponatur, uxor innocens habeatur; sed suum horderium quod dicere possumus dispensam, & cistam suam & *teage*, id est scrinium suum debet ipsa custodire; si sub aliquo istorum furtum inveniatur,

tunc ipsa quoque culpabilis habeatur. Non potest uxor aliqua sponsum suum prohibere, quin mittat in tigurio suo quod vult. Fuit antea quod infans qui jacebat in cunabulis, licet nunquam cibum gustasset, à rachynburgiis putabatur æque reus ac si intelligens esset; sed hoc ego prohibeo modis omnibus in æternum, & talia multa quæ Deo sunt odiosa.

CIV. Sax. 75.

Et qui fugiat à domino, vel socio suo pro timiditate in expeditione navali vel terrestri, perdat omne quod suum est, & suam ipsius vitam, & manus mittat dominus ad terram quam ei antea dederat; & si terram hæreditariam habeat, ipsa in manum regis transeat.

CV. Sax. 75.

Et qui in bello ante dominum suum ceciderit, sit hoc in terra sit alibi, sint relevationes condonatae; & habeant hæredes ejus terram sicut & pecuniam suam, & recte dividant inter se.

CVI. Sax. 76.

Et qui terram acquietatam habeat scyræ, id est Comitatus testimonio, habeat eam sine querela in die, & post diem ad dandam ei quem plus amabat.

CVII. Sax. 79.

Et volo ut omnis homo pacem habeat eundo ad genitum vel rediens de genito, id est placito, nisi sit fur probatus.

CVIII. Sax. 77.

Volo ut omnis homo sit venatione sua dignus in nemore, & in campo in dominio suo. Et abstineat omnis homo à venariis meis ubicunque pacem ei habere volo super plenam vitam.

CIX. Sax. 78.

Et *þrinclean*, id est retributio potus, & domini rectum donum semper stet inconvulsum.

CX. Sax. 80.

Qui leges istas apostabit quas rex modo nobis omnibus indulsit, sit *Dacus* sit *Anglus*, veræ suæ reus sit erga regem. Et si secundo faciat reddat bis weram suam: Si quis addat tercio, reus sit omnium quæ habebit.

CXI.

Denique precor, & in nomine Domini præcipio omnibus hominibus, ut intimo corde convertantur ad Deum; & semper assidue & diligenter inquirant quid eis sit faciendum, quid vero dimittendum. Omnibus vero magnum opus est ut Deum vere diligamus, & Dei legem servemus, sanctis doctoribus devote pareamus, quia ipsi producent nos in iudicio quando Christus Dominus judicabit omnem hominem ex ante factis suis. Et felix erit pastor qui tunc gregem suum in Dei delicias & cœleste gaudium lætum producere poterit ex pristinis operibus; & exultatio erit gregi qui pastori paruerit per quem segregatus erit à diabolo, multiplicatus autem Deo. Satagamus omnes uniformi corde semper creatori nostro digne placere, & ammodo simul provideamus nobis à gehennæ cruciatibus & ignibus sempiternis. Et faciant doctores & Dei præcones sicut rectum est & omnibus necessarium. Prædicent sapius quæ ad Deum pertinent, & omnis qui discretionis sciens est, & zelum Dei habet, audiat illos gratissime, & Dei doctrinam in mente habeat firmiter sibi ut ad utilitatem. Et omnis homo semper ad honorem creatoris sui faciat boni quod potest verbo & opere hilariter usquequaque; & tunc

nobis ejus misericordia præparatio erit. Sit nomen ejus benedictum in vitam æternam. Et laus & gloria, & honor pariter in secula seculorum. Dei omnipotens indulgeat nobis omnibus sicut ei vel sit. Amen.

Mortuo, ut præscriptum est, rege *Kanuto* placitum magnum de regni successionem apud *Oxoniam* factum est; ubi *Leofricus* Comes *Cestrie*, & ceteri principes ex reali parte *Thamesis* una cum *Londoniensibus*, *Haraldum Harefot* *Kanuti* regis & *Ailena Hamptonienfis* filium in regem elegerunt: quamvis *Godwinus* Consul *Cantie* sive *Westfæxia*, pater *Haraldi* postea regis, & principes *Westfæxia* contradicere, licet non profuit, coeperunt. Nam *Hardeknoutus* legitimus filius *Kanuti* regis & *Emma* reginæ apud *Daciam* tunc regnans, licet per dictum *Godwinum* venire plurimum rogatus fuisset, moras tamen nimias in *Dacia* protunc fecit; unde consilium inierunt quod *Emma* regina cum familia regis defuncti *Westfæxoniam* ad opus filii sui *Hardeknouti* conservaret, *Godwino* prædicto sibi in re adhibere militari. Propter quod cum dictus *Haraldus*, qui secundum quosdam ut regnum legitimo suo fratri *Hardeknouto* in *Dacia* regnanti custodiret, in regem esset erectus, & ab *Ethelnodo Dorobernensi* archiepiscopo apud *Londonias* consecratus, opes regias *Emma* reginæ novercæ suæ ademit, & ipsam de *Anglia* expulit. Quæ ad *Baldewinum* Comitem *Flandria* se divertens, castrum de *Bruges* ubi & unde honeste viveret ab eo cepit; Ad quam filius suus *Hardeknoutus* ad eam confortandam de regno suo *Dacia* in *Flandriam* venit, & cum ea aliquamdiu moram fecit. Et quamvis dictus *Godwinus* cum *Emma* regina antedicta pro conservatione sua in re militari steteret, asserunt tamen quidam, quod consilio ejusdem *Godwini*, qui, ut inferius patebit, inconstans & proditor fuit, regina illa ab *Anglia* expulsa fuit.

40 **I**ste rex *Haraldus* patrem suum *Kanutum* modis omnibus degeneravit; nam de militia & curialitate nullatenus curans, voluntatem suam propriam solummodo faciebat, & contra suam regiam celsitudinem pede libentius incedebat quam equo equitabat, unde propter levitatem pedum & cursus *Haraldus Harefot* communiter extitit appellatus. Iste *Haraldus*, *Emma* regina, ut dictum est, à regno expulsa, & *Hardeknouto* in *Dacia* occupato, totam *Angliam* sibi subdidit, ac subjectionem regni *Scotia* pacifice habuit dum regnavit. Circa idem tempus *Ethelnothus Dorobernensis* archiepiscopus obiit. Post cujus obitum septimo die obiit *Ethelricus Southsaxonicus* episcopus, qui jugiter Deum rogaverat, ne diu ipsum superviveret *Ethelnothum*. Et tunc *Edsius* capellanus regis *Haraldi* dicto *Ethelnotho* monacho in archiepiscopatu successit. Et *Strigandus* quidam alius regis capellanus post dictum *Ethelricum* ad sedem *Wyntoniensem* est assumptus, *Haraldus* rex cum iiiij. annis & totidem mensibus regnasset, apud *Oxoniam* obiit, sed apud *Westmonasterium* sepelitur.

Quo sepulto, procures *Anglia* cum *Londoniensibus* pro *Hardeknouto* filio *Kanuti* usque *Bruges* in *Flandriam* miserunt, quia tunc ibidem cum matre sua morabatur; Qui statim in

in *Daciam* transiens, ad veniendum in *Angliam* se quam citius potuit præparavit. *Hardeknoutus* regis *Kanuti & Emma* reginæ filius à *Dacia* veniens apud *Sandwicum* illico est susceptus, & in regem ab *Anglis* simul & *Dacis* crectus. Qui dum regnavit nil gloria dignum egit. Nam statim post coronationem suam *Alfricum* archiepiscopum *Eboracensem* cum *Godvino* Consule prædicto *Londonia* misit, corpusque *Haraldi* regis fratris sui nuper apud *Westmonasterium*, ut dictum est, sepul-
10 tum, in ultionem matrum injuriarum exhumari fecit, & capite ejus absciso in *Thamesiam* proici, ut sic odium quod erga eum habuerat ex quo alio modo non potuit vindicaret; sed piscatores postea cadaver in suis retibus prendiderunt, quod apud sanctum *Clementem* humo iterum tradiderunt. Hic etiam contra omnem spem octo marcas unicuique remigi classis suæ de importabili tributo *Anglia* solvi fecit. Insuper & *Emmam* matrem suam per regem *Haraldum*, ut dictum est supra, relegatam,
20 in *Angliam* revocavit, totum regnum suum consiliis ejus & *Godvini* committens.

Anno *Hardeknouti* regis secundo, sanctus *Edwardus* filius *Ethelredi* regis & dictæ *Emma* reginæ, ad *Hardeknoutum* regem fratrem suum de *Normannia* in *Angliam* veniens, secum per dies aliquot morabatur; eodemque anno iste *Hardeknoutus* misit *Gunnildam* sororem suam *Henrico* imperatori filio *Conradi*, per regem *Kanutum* patrem suum antea sibi nuptam; quæ ad sponsum
30 veniens multo tempore fœdus conjugale fovit. Postremo super adulterio accusata, mirabili duello cujusdam juvenis nomine *Municon*, quem secum ab *Anglia* duxerat, contra hominem giganti similem nomine *Roddyngar*, sicut Deus per miraculum voluit, se purgavit; unde ipsa de triumpho insperato gaudens, repudianti viro repudium dedit, & nunquam in posterum voluit ejus consortio consentire, sed velum sanctimonialium suscipiens vitam castam in Dei servicio terminavit. De isto *Hen-*
40 *rico* imperatore legitur, Quod cum in juventute sua à quodam clerico fistulam argenteam eo pacto susceperat, ut cum imperator factus foret episcopatum sibi conferret, tandem imperator factus repetenti clerico promissum contulit episcopatum; sed non multo post, gravi infirmitate correptus lecto decubuit, & crescente ægritudine, per triduum sine sensu & voce mutus, & quasi à corpore raptus jacebat, ut vix vitalis spiritus in solo pectore palpitaret, nec aliud vitæ erat indicium nisi manu ad
50 nares apposita sentiebantur anelitus perexiles. Tunc præsentibus episcopi & amici triduo jejuniis indicto, lacrimis & votis divinam pro salute imperatoris clementiam implorabant; quibus, ut creditur, remediis convalescens, accito episcopo quem simoniac pro fistula argentea episcopum fecerat, illum per decretum concilii degradavit; confessus est namque cunctis audientibus, quod toto triduo quo exanimis jacuerat, inter dæmones constitutus, illos adeo sibi sensit infestos, quod flammam igneam per
60 fistulam in os ejus jaculantes, corpus ejus totum tam intus quam exterius incendebant; flamma autem illum adeo exurebat, quod terrenus ignis in comparatione illius tepidus & quasi nichil calere putaretur. Sed inter hæc incendia habuit quendam juvenem quasi igne assatum, qui calicem aureum aqua plenum portavit, cujus aspersione ad

pristinam rediit sanitatem. Cum autem miraretur quis esset puer, reduxit ad memoriam monasterium sancti *Laurentii* à paganis destructum per ipsum esse ditatum & reparatum. Et postea omnes joculatores à curia sua amovit, & ea quæ illis prius dare consueverat, pauperibus erogavit.

Hujus etiam imperatoris diebus & tempore istius regis *Hardeknouti*, repertum est *Roma* giganteæ staturæ corpus incorruptum; Cujus vulneris hiatus quatuor pedum & semis longitudinem habebat; corpus vero ad mœnia applicatum ea altitudine vincebat; ad caputque ejus lucerna arte ardens magica, quæ nec flatu extinguī poterat nec humores; donec subtili foramine subtus flammam factō aer esset introductus. Hunc dicitur *Turnus* occidisse: cujus tale erat Epithaphium metricè scriptum,

*Filius Evandri Pallas quem lancea Turni
Militis occidit more suo jacet hic.*

Iste rex *Hardeknoutus* tantæ, ut fertur, largitatis exiit, quod quater quolibet die in curia sua tam pro familiaribus quam supervenientibus cibaria fecit regalia præparari, malens à vocatis apposita fercula dimitti, quam à non vocatis apponenda repositi. Qui secundum quosdam infra novem dies post secundum coronationis suæ annum inventus erat in uno hostari inter pecora extinctus. Secundum tamen alios & juxta veriorē sententiam dicitur, Quod cum duobus annis regnasset, dum in medio flore juventutis suæ, in quodam convivio, in quo *Osgodus Clapa* vir utique magnæ potentia, filiam suam cuidam potenti *Danico* viro nuptiis traderet, apud *Lambithe* juxta *Londonia* lætus & sospes cum sponsa prædicta staret, & stando biberet, repente miserabili casu ad terram corruit, & sic mutus permanens viij. idus Junii feria tertia exspiravit; qui juxta patrem suum *Kanutum* *Wintonia* sepelitur.

Iste rex *Hardeknoutus* per totum tempus quo regnavit, regni *Scotia* subjectionem pacifice habebat. Post mortem vero *Hardeknouti* regis prole carentis, omnes *Anglorum* magnates adinvicem tractantes, de communi consilio & juramento statuerunt, Quod nunquam temporibus futuris aliquis *Dacus* super eos in *Anglia* regnaret, & hoc maxime pro contemptibus quos *Angli* à *Danis* sæpius receperant. Nam si *Dacus* *Anglico* super pontem aliquem occurrisset, *Anglicus* pedem movere ausus non fuisset donec *Dacus* pontem pertransisset; & ulterius, nisi *Angli* in honorem *Dacorum* capita inclinassent, graves pœnas & verbera cito sentirent: unde mortuo, ut dictum est, rege *Hardeknouto*, *Angli* contra eos insurgentes, omnes *Dacos* sine rege & capitaneis tunc existentes à regno *Anglia* fugaverunt, qui terram celeriter dimittentes, nunquam in posterum redierunt.

Proceres igitur *Anglorum* jam *Dacorum* dominio liberati, hillares pro *Alfredo* primogenito regis *Ethelredi* & *Edwardo* fratre suo, ut ipsum *Alfredum* in regem eorum sublimarent in *Normanniam*, ubi tunc morabantur, nuncios destinabant, significantes eis quod secure venirent, nam mortuo *Hardeknouto* omnes *Danos* à regno expulerant, eos pro perpetuo relegantes. Sed Comes *Godwinus* qui filiam regis *Kanuti* de prima uxore sive amasia sua desponsaverat, & ad regnum secundum quosdam aspirabat, dolose cogitavit,
S f 2 quod

quod ambos fratres quam cito applicati essent necaret, ut sic colorate filium suum *Haraldum* quem de filia regis *Kanuti* genuerat, ad regnum *Anglie* promoveret. Quædam Historiæ asserunt, quod iste *Godwinus* cum consul esset fortissimus sed proditor savissimus, *Alfredum* magnæ probitatis virum nullo modo filiam suam ducere dignaturum pravi-dens, ipsum solum ea de causa odibat, & dolose extinguere cogitavit, ut sic *Edwardo* fratri suo juni-ori & simpliciiori eam posset facilius tradere in uxorem.

Nunciis autem in *Normanniam* venientibus, *Alfredum* tantum fratrem seniore inveniunt; Nam *Edwardus* frater suus in *Hungariam* iverat cum cognato suo *Edwardo* exulato filio regis *Edmundi ferrei lateris* locuturus. *Alfredus* vero de morte *Hardeknouti* & exilio *Danorum* audiens, gratias Deo egit, & se ad transfretandum cum omni cele-ritate qua potuit præparavit. Sed quia esset pater *Anglicus* & matre *Normannus*, aliquos ex ma-20 tris suæ consanguineis, & multos ex coævis com-militionibus à *Normannia* in *Angliam* secum duxit. Intimavit igitur dictus *Godwinus* proceribus *Anglie*, ipsum *Alfredum* nimiam secum adduxisse copiam *Normannorum*, ac terras *Anglorum* eis etiam promississe, & sic inter eos securum non esse gentem externam & subdolum instigare. Quo suggesto, seductor ille *Godwinus* statim verius *Suthamptoniam*, ubi *Alfredus* applicuerat & adhuc moram traxerat, se divertit. Quo ibi invento, quasi 30 lætus de suo adventu sibi dixit, Ego salvo & secure *Londonias* te ducam, ubi proceres regni ut te in regem ibidem elevent, adventum tuum expectant.

Quibus ad invicem versus *Londonias* pergenti-bus, & super *Guldesbourne* venientibus, proditor ille *Godwinus* *Alfredo* dixit, Respicias à dextris cir-cumquaque & sinistris, & vide regnum quod tuo dominio subjugabitur. *Alfredus* gratias Deo a-gens, fideliter mox promisit, quod si contingeret ipsum in regem coronari, quod leges tales consti-tueret, quæ Deo forent & hominibus placabiles & acceptæ. Prius quidem iste nequissimus *Godwinus* subdole hominibus suis præceperat, quod cum super *Guldesbourne* eos venire contingeret, quod ipsum *Alfredum* & *Normannos* omnes qui cum eo vene-rant, caperent & ligarent. Quibus sic dolose captis & ligatis, novem eorum decimo semper remanente apud *Guldesford* diversis pœnis sunt necati. Cum autem omnes præter decimam partem interfecti essent, tot superesse *Anglis* nimium videbatur; unde decima parte decimata, paucissimi evaserunt. Nam 50 proh dolor! xij. generosos homines à *Normannia* cum *Alfredo* venientes, inter cæteros crudeliter oc-ciderunt, ac ipsum *Alfredum* apud *Gillyngham* oculis privaverunt, & sic eum ad cœnobium *Eli-ense* ducentes, ipsum secundum quosdam monacho-rum custodiæ manciparunt, ubi paucio tempore pa-nis cibario sustentatus, vitam inaudito cruciatu mi-serabiliter terminavit.

Quidam namque dicunt, quod primordiis visce-rum ejus umbelico aperto extractis, & ad stipitem ligatis, ipsum tantis vicibus stimulis ferreis circum-duxerunt, donec novissima viscerum extrahebantur; & sic proditione *Godwini* apud *Ely* mortuus est *Alfredus*. Cumque proceres *Anglie* proditori *God-wino* non consentientes, audissent qualiter *Alfredus* erat seductus, & morte turpissima interemptus, in-

ter se contristari cœperunt, jurantes quod *Godwinus* crudeliori morte moreretur quam unquam fecit Co-mes *Edricus*, qui dominum suum naturalem regem *Edmundum Ærenside* prodicionaliter interfecit. Volueruntque eum cepisse, sed in *Daciam* statim fugit, & ibi per quadriennium latitavit, terris et redditibus, bonis et catallis suis in *Anglia* interim confiscatis. Item quidam asserunt in historiis suis, quod iste *Alfredus* non tempore isto sed tempore 10 supradicti regis *Haraldi* occisus fuit; Nam dicunt quod *Edwardus* frater istius *Alfredi*, indigne ferens, quod rex *Haraldus* in *Anglia* regnaret, cum xl. na-vibus et multo comitatu *Normannorum* apud *Suthamptoniam* in *Angliam* applicuit, sed resistenti-bus *Anglis*, præda capta *Normanniam* revertitur. Quo in tempore dictus *Alfredus* cum militibus plurimis partem aliam ingressis, et à prædicto *God-wino* hospitio susceptus, dolo nocte per ipsum capi-tur, et tunc cum suis vinctus, regi *Haraldo* missus 20 oculis privatur, sociis interemptis. Item alii tra-dunt quod iste *Alfredus* tempore *Hardeknouti* regis interemptus fuit; Nam dicunt quod cum *Hardeknoutus* *Emmam* matrem suam de *Flandria* in *Angliam* ab exilio revocasset, dicti *Alfredus* & *Edwardus* filii supradicti regis *Ethelredi* & ejus-dem *Emma*, post longam in *Normannia* moram, sumptis secum quam plurimis militibus *Norman-nicis* ad dictæ *Emma* matris suæ colloquium *Win-tonia* venerunt. Quod dictus *Godwinus* Comes gra-viter ferens, *Alfredum* captum cathenavit, socios 30 suos disturbavit, quosdam excæcavit, quosdam mul-tavit, quosdam cute capitis abstracta cruciavit, & omnes pro maxima parte modo supradicto apud *Guldesford* interfecit; *Alfredo* vero usque ad insu-lam de *Ely* missus, ipsum primo luminibus privari jussit, qui deinde monachorum custodiæ traditus, & ut superius dictum est, cruciatus, paucis super-vixit diebus. Quo audito, *Emma* regina filium su-um *Edwardum* *Normannia* celeriter remisit.

Quidam tamen dicunt, ipsam in necem filii sui *Alfredi* consensisse, & venenum *Edwardo* procu-rasse, ut inferius tempore ejusdem *Edwardi* in im-properationem ipsius reginæ invenitur; unde dicunt quod propter necem *Alfredi* contra regem *Harde-knoutum*, cujus conniventia hoc processisse diceba-tur, & contra dictum *Godwinum* magna ira orta est: sed dicitur quod *Godwinus* coram principibus *Anglie* se purgavit, quod nunquam in necem *Alfredi* consensit nisi regia vi coactus. Et quamvis, ut 50 superius scriptum est, diversi diversimode & diversis temporibus ipsum *Alfredum* per dictum *Godwinum* proditum & extinctum esse tradunt; in Cronicis tamen magis verisimiliter veris legitur, ipsum post mortem regis *Hardeknouti* modo supradicto apud *Ely* decessisse, unde proditor suus *Godwinus* à pro-ceribus *Anglie* super hoc, ut præmittitur, irretitus, in *Daciam* ne ab eis caperetur transfretavit, ubi se-curius pro tempore stare posset.

60 **A**lfredo vero per prodicionem dicti *God-wini*, ut dictum est, extincto; proceres *Anglie* pro *Edwardo* fratre suo juniore in *Normanniam* nuncios & obsides destina-runt, mandantes ei ut secure cum paucis *Norman-nis* veniret, & cum in regem fidelissime stabilirent. Paruit autem *Edwardus*, & cum paucis in *Angli-am* veniens, ab *Eadſio Cantuariensi*, & *Alfrico Eboracensi*

Eboracensi archiepiscopis apud *Westmonasterium*, seu secundum quoddam apud *Wyntoniam*; in festo sancto Paschæ anno Domini M. xliij. in regem *Anglia* consecratur. Qui cartam talem quæ apud *Westmonasterium* servatur adhuc, scripsit; Quod quociens ipse aut quisquam successorum suorum regium diadema apud *Westmonasterium* seu *Wyntoniam* portaret, eo die præcentor loci recipiat de fisco regio dimidiam marcam & conventus centum simenellos, & unum modium vini. Iste rex *Edwardus* ab infantia Deum diligens bonas consuetudines suas primarias pro honore terreno non commutavit, sed cunctis diebus magis ac magis in omni sanctitate, castitate, humilitate, & mundicia Deum & sanctam ecclesiam dilexit, pauperesque ob amorem Dei tanquam fratres suos caros habuit & dilectos, & eos largis elemosinis aperto corde & voluntate bona sæpe respexit, & plures in *Anglia* statuit leges bonas, quæ pro majori parte adhuc in regno tenentur. Cumque prædictus Comes *Godwinus* qui in *Daciam* propter mortem *Alfredi*, ut dictum est, fugerat, de pietate & misericordia regis audivisset, redire in *Angliam* cogitavit, misericordiam & gratiam pro terris suis rehabendis à rege humiliter petiturus. Qui omnibus pro transitu suo paratis in mari se ponens, in *Angliam* applicuit, & usque *Londonias*, ubi rex & omnes regni magnates ad parlamentum tunc fuerant, properavit; rogans ibi & petens amicos & consanguineos suos, qui post regem majores terræ fuerunt, ut gratiam & amicitiam à rege sibi perquirere studerent.

Qui super hoc consilio inter eos deliberato, ipsum coram rege pro gratia optinenda secum duxerunt. Sed statim cum rex eum intuitus esset, de prodicione & morte *Alfredi* fratris sui ipsum appellavit in hæc verba: Proditor *Godwine*, ego te appello de morte *Alfredi* fratris mei quem prodicionaliter occidisti. Cui *Godwinus* se excusando respondit, Domine mi. rex, salva reverentia & gratia vestra, pace & dominatione, fratrem vestrum nunquam prodidi nec occidi; unde super hoc pono me in consideratione curiæ vestræ. Tunc dixit Rex, Karissimi Domini, Comites & Barones terræ qui estis homines mei ligii modo hic congregati, & appellum meum responsumque *Godwini* audistis, volo quod inter nos in ista appellatione rectum judicium decernatis, & debitam justitiam faciatis.

Comitibus vero & Baronibus super hoc adinvicem tractantibus, quidam inter eos de justo iudicio faciendo diversimode sentiebant. Alii enim dicebant, Quod nunquam per homagium, servitium seu fidelitatem *Godwinus* regi extitit alligatus, & ideo proditor suus non fuit, & quod ipsum etiam manibus suis non occiderat. Alii vero dixerunt, Quod Comes, nec Baro, nec aliquis regi subditus bellum contra regem in appellatione sua de lege potest vadiare, sed in toto ponere se in misericordia sua, & emendas sibi offerre competentes. Tunc *Leofricus* Consul *Cestria* probus homo quoad Deum et seculum, dixit, Comes, inquit, *Godwinus* post Regem est homo melioris parentelæ totius *Anglia*, et dedicere non potest quin per consilium suum *Alfredus* frater regis interemptus fuit, unde pro me considero, quod ipsemet et filius suus, et nos omnes xij. Comites qui amici et consanguinei sui sumus, coram rege humiliter procedamus, onerati cum tanto auro et argento quantum inter brachia sua quilibet

nostrum poterit bajulare, illud sibi pro suo transgressu offerendo, et suppliciter deprecando, ut ipse malevolentiam suam, rancorem et iram Comiti condonet, et acceptis homagio suo et fidelitate terras suas sibi integre restituat et retradat. Illi autem omnes sub ista forma thesauro se onerantes et ad Regem accedentes, seriem et modum considerationis eorum sibi demonstrabant. Quorum considerationi rex contradicere nolens, quicquid judicaverant per omnia ratificavit. Concordia igitur sub isto modo inter eos facta, Comes statim reoptinuit integre terras suas. Secundum autem quoddam, iste *Godwinus* in *Daciam* propter mortem *Alfredi*, ut præscribitur, non fugit, nec terram *Anglia* dimisit, quia per eos de morte dicti *Alfredi* tempore *Hardeknouti* coram proceribus regni licet falso se purgavit, quod nunquam in mortem ejus consenserat, nisi, ut supra scriptum est, regia vi coactus: unde dicunt, quod post mortem *Hardeknouti*, *Edwardus* à *Normannia* vocatus, annuentibus potissime ipso Comite *Godwino*, & *Leofrico* Comite *Cestria*, & *Wigornensi* Episcopo, in regem *London.* levatur, & *Wintonia*, ut præmittitur, consecratur. Qui Comitem *Godwinum* in tantum postea honorabat, quod de communi consilio procerum suorum prolem ab eo sperantium, in patrocinium regni sui *Editham* filiam ejusdem *Godwini* duxit in uxorem, in cujus pectore, ut quidam aiunt, omnium liberalium artium erat gignasium, sed uterque, tam rex quam illa, virgo permanfit.

Iste rex *Edwardus* absolvit *Anglos* à gravi vectigali xxxviij. anno, ex quo pater suus rex *Ethelredus* primitus id *Danicis* soldariis solvi mandarant. Iste quoque *Edwardus* matrem propriam nec plene colebat, nec publice confundebat; De consilio tamen *Godwini* preciosa quæque de matre sua cepit, vel quia ipsa nimis dura ante susceptum regnum ei fuerat, vel quia aliquid ei conferre minus curabat. De *Neustria* quoque quosdam qui ei prius benefecerant remunerando advocabat, inter quos *Robertum* quandam *Gemeticensem* monachum primo, postea *Londoniensem* episcopum, deinde *Cantuariensem* archiepiscopum fieri fecit, ut inferius plenius patebit. *Eadsio Cantuariensi* archiepiscopo archiepiscopatum propter infirmitatem dimittente, quidam *Simardus* secundum quosdam ad supplendum vices ejus loco ejus consecratur; qui inter archiepiscopos tamen non nominatur, tum quia archiepiscopatum eo vivente suscepit; tum quia ante eum forte decessit. Tunc quoque quidam *Stigandus* factus est episcopus *Estantlornum*. Circa idem tempus rex *Edwardus Swannum* consulem filium dicti *Godwini* ab *Anglia* relegavit, qui ad *Baldewinum* Comitem *Flandriae* veniens, ibi apud *Bruges* hiemavit.

Anno Domini M. xlv. regni vero regis *Edwardi* tercio, idem rex *Edwardus* contra *Norragenorum* regem *Haraldum Harefax* *Angliam* oppugnare disponentem, apud *Sandicum* portum classem pervalidam congregavit, ut sibi in mare hostiliter obviaret. Sed bellum à *Swano* rege *Dacorum* illi *Hirvaldo* illatum, iter & propositum impedivit. Circa idem tempus *Elwordus Londoniensis* præful quondam abbas *Eveshamia*, dum tanto regimini prænimia corporis invaliditudine minus sufficeret, *Eveshamia* sicut prius voluit præsidere: Sed monachis loci id recusantibus, ablatis rebus & libris quæ vel

ipse, vel alii *Eveshamia* contulerant, monasterio *Ramesey* se contulit, ibique cito post moriens sepelitur; unde rex *Edwardus* dictum *Robertum Gemeticensem* monachum genere *Normannum* episcopum fecit *Londoniarum*. In illo etiam tempore *Stigandus Estantlia* episcopus factus est episcopus *Wyntonienfis*.

Anno Domini M. xlvj. regni autem regis *Edwardi* quarto, magnus *Norragenorum* rex *Haraldus Harefax* frater sancti *Olavi* regis ex parte matris, *Swano* rege *Dacorum* fugato, sibi *Daciam* subjugavit; unde postea idem *Swanus* rex *Danorum* de terra sua sic nuper expulsus, regem *Anglorum Edwardum* rogavit, ut classem sibi contra dictum regem *Norragenorum* mitteret. Assentiente ad hoc Comite *Godwino*, ceteri proceres dissuasuerunt; sed rege *Norragenorum* cito post obeunte, *Swanus Daciam* recuperavit. Anno regis *Edwardi* sexto bellum apud *Walestone* inter *Henricum* regem *Francorum* & proceres *Normannia* est commissum, eo quod *Willielmus* nothum in ducem & dominum eorum recipere recusabant, quos cum postea dux *Willielmus* victos optinisset, quosdam eorum exlegavit, quosdam capite detruncavit. Venerunt eo tempore apud *Sandicum* duo principes *Dacorum* *Lothen* & *Hyrlings*, ubi capta innumerabili praeda, auri etiam & argenti copia, per mare girantes, *Estfexiam* sunt pradati. Inde vero iter in *Flandriam* dirigentes, praeda sua vendita unde venerant sunt reversi.

Anno sequenti, *Swanus* consul filius *Godwini* in *Angliam* rediens, ad *Godwinum* patrem suum usque *Debenesepe* festinavit, humiliter sibi supplicans, ut *Haraldus* & *Tofti* fratres sui, & *Beornus* consul secum irent ad regis amicitiam sibi impetrandam. Corriperat namque *Edigivam* *Leof* monasterii abbatissam, & eam matrimonialiter sibi disposuerat copulasse, sed a rege & proceribus impeditus, *Angliam* propter hoc, rege ipsum, ut supra dictum est, relegante, nuper reliquerat. Sed hoc anno sicte rediens, dictum *Beornum* Comitem consobrinum suum, qui eum pacificare intendebat, & naves ipsius *Swani* ad auxilium ejus introibat, subdole interfecit, indeque in *Flandriam* fugiendo revertitur. Corpus vero dicti *Beorni* ad terram de mari projectum amici sui juxta *Kanutum* regem avunculum suum apud *Wintoniam* humaverunt.

Hoc anno mortalitas hominum & animalium multas *Anglie* provincias occupavit. Et ignis aerius, qui silvaticus vulgo dicitur, in *Derbegeni* provincia villas & segetes ustulavit: & terrae motus per loca fuit. Hoc anno *Hibernienses* piratae *Sabrinum* mare ingressi, cum adjutorio *Griffini* regis australium *Britonum*, transito ad vada fluvio, multas in vicinis locis praedas fecerunt. Hoc anno *Leo* ix. qui etiam *Brunus*, post *Damasum* sedit annis v. & mensibus duobus. Qui primo papatus sui anno rogatu *Hermanni* abbatis *Franciam* venit, & dedicato monasterio *Remensi* magnam sinodum episcoporum & abbatum sex diebus ibidem vel secundum quosdam apud *Versialacum* tenuit, in qua fuerunt abbates *Ramesey* & *Canuariensis* per regem illuc directi. Quo anno ipse papa & rex *Dacorum* *Swanus* petrexerunt cum imperatore *Henrico* contra *Baldewinum* *Flandriae* Comitem, & rex *Anglorum* mare observabat cum classe sua, donec imperator beneplacitum suum de eodem Comite habuisset.

Iste etiam papa cum conscientiam laesam haberet, quod aliquo modo per imperatorem intrusus esset, cum ad urbem venit, papatus sponte cessit: sed de novo ab hiis quorum intererat canonice est electus. Hujus papae tempore ecclesia coepit plurimum perturbari per *Berengarium* quemdam archidiaconum, qui asseruit corpus Christi & sanguinem in altari non vere existere sed fantastice: contra quem *Lanfrancus Beccensis* Prior postmodum egregie disputavit.

Circa haec tempora erant in strata publica quae *Rome* itur, duae aniculae in uno tigurio commorantes, & uno maleficio imbutae, quae hospites in equos, porcos, vel alia quavis animalia transformare solebant, ac etiam mercatoribus nummos vendere in ebrietate & crapula consuebant; unde histriorem quendam arte saltandi victum quarentem hospicio recipientes, in asinum transformaverunt. Non enim asinus effectus juvenis intelligentiam amiserat sed loquelam, qui praecepta vetularum joculando & saltando implevit, quae asinum ludentem nisi dato precio homines videre non permiserunt. Actandem a quodam divite asinus emptus est, aquae quoque ingressus est ei etiam interdictus. Post multum vero temporis, asini ludus in fastidium versus, negligentiusque custoditus, abrupto loco fugit, & se in lacum proximum volutavit, & pristinae humanae formae est restitutus. A custode si asinum vidisset sciscitatus, dixit, Se asinum fuisse, sed modo formam hominis suscepisse. Papae res aperitur, & mulieres convictae suum confitentur delictum.

Hiis diebus tempore istius regis *Edwardi*, ut *Willielmus Malmesbury* in libro suo narrat, mirabile contigit in *Anglia*, non superno miraculo sed infemali praestigio. Mulier quaedam in *Berkeleya* mansitabat maleficiis ut post patuit, insueta, auguriorum veterum non inscia, gulae patrona, petulantiae arbitra, flagitiis non ponens modum, quod esset adhuc citra senium, vicino licet pede pulsans senectutis aditum. Haec cum quadam die convivaretur, cornicula quam in deliciis habebat vocalis solito nescio quid cornicata est, quo audito, dominae cultellus de manu cecidit, simul & vultus expalluit. Et producto gemitu, Hodie, inquit, ad ultimum sulcum aratrum meum pervenit, hodie audiam & accipiam grande incommodum. Quo dicto, nuncius miseriarum intravit. Percunctata quare ita vultuosus adventaret, Afferro tibi, inquit, ex villa illa, & nominavit locum, filii obitum, & totius familiae ex subita ruina interitum. Hoc dolore femina pectore sauciata, continuo decubuit. Senciensque morbum ad vitalia perrepere, superstitibus liberos monachum & monacham perniciousis epistolis invitabat. Advenientes voce singuliente alloquitur: "Ego filii, quondam meo miserabili fato daemonicis semper artibus inserviivi. Ego viciorum omnium sentina, ego illecebrarum magistra fui. Erat autem inter haec mala, spes vestrae religionis quae miseram palparet animam; De me desperata in vobis reclinabar, Vos proponebam propugnatores adversus daemones, tutores contra saevissimos hostes. Nunc igitur quia ad finem vitae accessi, illos habeo exactores in poena, quos habui suasores in culpa. Rogo vos per materna ubera, si qua fides, si qua pietas, ut mea saltem studiis alleviare tormenta. Sententiam quidem de anima prolatam non revocabitis, corpus vero hoc

« hoc modo forsitan servabitis. Insuite me corio
 « cervino, deinde in sarcophago lapideo supinate,
 « operculum plumbo & ferro constringite, super
 « hæc lapidem tribus cathenis ferreis magni scili-
 « cet ponderis circumdate; psalmicines quinquaginta
 « sint noctibus, ejusdem numeri missæ diebus,
 « qui adversariorum excursus feroces lenigent, ita
 « si tribus noctibus jacuero, secure matrem vestram
 « quarto die infodite humo, quanquam verear terra
 « fugiet me sinibus suis recipere & fovere, quæ
 « maliciis meis tociens est gravata. Factum est
 ut præceperat illis magno studio incumbentibus.
 Sed proh nephas! nil lacrimæ valuerunt piæ, nil
 vota, nil preces, tanta erat mulierculæ malicia, tanta
 diaboli violentia. Primis enim duabus noctibus
 cum chori clericorum psalmos circa corpus concre-
 parent, singuli dæmones hostium ecclesiæ inmani
 obice clausum levi negotio defringentes, extremas
 cathenas dirumpunt, media, quæ operosius elabo-
 rata erat, illibata duravit; Tercia nocte circa gal-
 licantum strepitu advenientium hostium omne mo-
 nasterium à fundamentis moveri visum est, unusque
 cæteris vultu terribior & statura eminentior, ja-
 nuas majori vi concussas in fragmenta dejecit. Di-
 riguere clerici, metu steterunt comæ & vox faucibus
 hæsit. Ille arroganti ut videbatur gestu, ad sarco-
 phagum accessit, inlatoque nomine ut surgeret
 imperavit, qua respondente, Quod nequiret pro
 vinculis. Solveris, inquit, statimque cathenam quæ
 cæterorum ferociam eluserat, nullo conamine ut stup-
 peum vinculum dirupit, operculumque tumbæ pede
 depulit, illamque manu apprehensam palam omni-
 bus ab ecclesia extraxit, ubi præ foribus equus niger
 & superbus hinniens videbatur, uncis ferreis per to-
 tum tergum protuberantibus, super quos misera im-
 posita mox ab oculis intuentium cum toto so-
 dalitio disparuit, audiebantur tamen clamores
 per quatuor fere miliaria miserabiles supplicas
 orantis.

Ista incredibilia non iudicabit qui legerit beati
Gregorii dialogum, qui refert in quarto libro ne-
 quam hominem in ecclesia sepultum à dæmonibus
 foras ejectum. Apud *Franco*s quoque non semel
 auditum est quod dicam. *Karolum Martellum*
 insignis fortitudinis virum, qui *Saracenos Galliam*
 ingressos *Hispaniam* redire compulit, exactis die-
 bus suis in ecclesia sancti *Dionisi* sepultum; sed
 quia patrimonium omnium pene monasteriorum *Gallie*
 pro mercede commilitonum mutilaverat, visibili-
 ter à malignis spiritibus de sepulcro est abreptus,
 post hanc diem nusquam visus. Denique illud *Au-*
reliani archiepiscopo est revelatum, & per eum
 in vulgus seminatum.

Anno regis *Edwardi* iij. *Swanus* filius *Godwini*
 consilio & cautela patris sui regi concordatur. *Ead-*
fusus Dorobernensis archiepiscopus vita cassatus est.
 Obierat etiam *Siwardus* successor ejus, unde rex
 dictum *Robertum* monachum genere *Normannum*
 ad archiepiscopatum *Cantuariensem* promovit, cu-
 jus consilio rex ipse simplex, qui nusquam nisi alie-
 no consilio ductus perperam egit, in tantum ad-
 quievit, ut matrem propriam propter nimiam fa-
 miliaritatem *Ailwini* episcopi *Wintoniensis* bonis
 omnibus privatam in monasterio de *Werewelle* de-
 truderet, & ipsum episcopum incarceratione. *Emma*
 mater regis laxius custodita episcopis *Anglie* in qui-
 bus confidebat scripsit, se plus de præsulis *Winto-*

niensis dedecore quam sua verecundia torqueri, pa-
 ratamque se Dei probare iudicio ferrique canden-
 tis examine, episcopum injuste fore diffamatum.
 Convenientes vero episcopi regem ad rogata flexil-
 sent, nisi dictus *Robertus Cantuariensis* archiepisco-
 pus obstetisset. Quo modo, inquit, fratres, feram il-
 lam non feminam audetis defendere, quæ filium
 suum regem diffamavit, quæ amasium suum lubri-
 cum, Christum Domini nominavit? Sed esto, fe-
 mina vult purgare pontificem, sed quis purgabit
 eam, quæ dicitur consensisse in necem filii sui
Alfredi, & procurasse venenum *Edmardo*? Sed esto
 quod autoritatem habeat supra sexus conditionem,
 si tamen pro seipsa quatuor passus, & pro episcopo
 quinque continuos super novem ignitos vomeres nu-
 dis pedibus, & plenis vestigiis illæsa transierit, ab
 impetitione ista evadat totaliter absoluta. Præfi-
 gitur illico examinis dies, quo rex & cæteri proce-
 res, excepto solo eodem *Roberto* archiepiscopo con-
 venerunt. Sed nocte præcedente mulier ad sepul-
 crum sancti *Swithuni Wintonie* perorans, confor-
 tatur; nam die sequenti velatis oculis ignitos vo-
 meres illæsa cunctis videntibus pertransibat. Tunc
 rex ingemiscens & veniam petens, ab utroque, præ-
 sule scilicet & matre, disciplinas recepit, ablataque
 illis restituit. Regina vero sancto *Swithuno* mane-
 ria ix. dedit, & episcopus ix. propter illos ix. vomere-
 res quos illa pertransiit. Dictus vero archiepisco-
 pus *Robertus* extra *Angliam* fugit. Eodem anno
 rex *Edwardus* cum pecunia quæ *Danegild* dice-
 batur esset collecta & ante eum dilata, vidit dia-
 bolum super saccum sedentem & ludentem, unde ne
 amplius exigeretur remisit.

Anno regis *Edwardo* ix. mense Septembri *Bono-*
niensis Comes *Eustachius*, qui sororem regis *Ed-*
wardi quondam duxerat, mari transito *Dorobernia-*
am venit, ubi homines sui dum imprudenter hospi-
 cia quærent unum de civibus peremerunt. Quod
 videntes cives, unum ex suis militibus occiderunt;
 propter quod iratus Comes, furorem nimium in vi-
 ros & mulieres ejusdem civitatis exercuit, plures
 gladio perimendo, ac senes & parvulos equorum
 pedibus conculcando. Cives vero hoc non toleran-
 tes, ad arma demum concurrerunt, & resistendo eos
 in fugam viriliter verterunt, septem personis ex eis
 peremptis; unde ipsi ad regem *Edwardum Glover-*
niæ morantem properantes, ab eo suscepti sunt.
 Audiens autem Comes *Godwinus* talia in comitatu
 suo geri, grave tulit, & congregato exercitu de co-
 mitatu suo *Cantie*, & de *Suthsaxia*, & *Westsaxia*,
 & filius suus primogenitus *Swanus* de comitatu
 suo *Baroccensi*, *Oxonien*si, & *Gloverniensi*, *Herefor-*
densi, & *Somerse*rensi, alterque filius suus *Haral-*
dus de comitatu suo, scilicet de *Estsaxon*ia, *Estan-*
anglia, *Huntyngdon*ia, & *Cantebr*igia castrametati
 sunt in comitatu *Glovernia*, regi per legatos man-
 dantes, ut prædictum *Eustachium* cum suis, & *Nor-*
mannos, & *Bononienses*, qui castrum *Dorobernia* te-
 nebant, eis redderent. Quod audiens rex timuit, &
 responsum distulit, eo quod exercitus ejus ad eum ut
 præceperat nondum venit. Miserat namque ad Co-
 mitem *Northumbria Siwardum*, de cujus genere
 & strenuitate infra plenius dicitur, & ad *Leofricum*
 Comitem *Cestria*, ut ad *Godwinum* impediendum
 exercitum colligerent copiosum. Quo interim advin-
 cem conveniente, rex *Godwino* mandavit petita nul-
 latenus se facturum. Exercitibus igitur hinc inde ad
 prælium

prælium paratis, grave aliquibus magnatorum videbatur, ut cum suis compatriotis & parentibus bellum inirent: propter quod discurrentibus nunciis & mediantibus viris discretis, convenit, ut rex & comes certo die convenirent *Londonia* placitaturi, obsidibus super hoc datis mutuo & acceptis. Quo die demum adveniente, militibus *Godwini* ob metum regii exercitus paulatim defluentibus, ipse *Godwinus* inire cum rege placitum non audebat, sed nocte superveniente cum filiis suis & eorum uxoribus fugam inivit confusus. Habuerat enim *Godwinus* ex *Gisba* uxore sua *Danica* sorore *Swani* sex filios, videlicet, *Swannum*, *Wilnotum*, *Leofwinum*, *Haraldum*, *Tostium* & *Griffinum*. Mane autem facto quia *Godwinus* vocatus non comparuit, ab ipso rege & suo exercitu cum uxore sua & quinque filiis suis est proscriptus, unde Comes ipse sibi timens, mox cum uxore sua & tribus filiis suis, *Swano* videlicet, *Tosti* & *Griffino* ad insulam de *Thorney* fugit, & inde nave parata ad Comitem *Flandria* *Baldewinum*, cujus filiam *Juditham* *Tosti* desponsaverat, navigavit. *Haraldus* vero & *Leofwinus* de *Bristollia* in *Hiberniam* transfretarunt. Quamobrem rex *Editham* reginam uxorem suam eo quod filia esset *Godwini*, propter odium patris repudiavit, & eam cum una tantum pedisecca, abbatisa de *Wetewelle* sine honore ad custodiam transmisit, ac terras & thesaurum *Godwini* & filiorum suorum continuo confiscavit. Deditque cuidam *Odoni* *Somersetæ*, *Dorsetæ*, & *Devoniæ* consulatum, *Algaro* vero filio *Leofrici* consulis *Haraldi* tradidit consulatum. Interea *Normannicus* Comes *Willielmus* nothus cum multitudine magna venit in *Angliam* à rege invitatus, quem rex magnis muneribus ditans, obsidibus Comitibus *Godwini* sibi custodiendum traditis, *Normanniam* cum gratiarum actionibus remisit.

Anno Domini M. l. j. & *Edwardi* regis x. obiit *Eboracensis* archiepiscopus *Elfricus*, & rex archiepiscopatum in manu sua per aliquod tempus tenuit. Et eodem anno rex *Edwardus* *Anglos* à gravi tributo solvit quod eis pater suus propter *Danorum* foldarios imposuerat.

Anno Domini M. l. ij. & regis *Edwardi* xj. *Emma* regina mater ejusdem regis, apud *Wintoniam* vitam perdidit temporalem. Eodem anno *Marianus* *Scorus* anno ætatis suæ 21. seculum reliquit, & peregrinus pro Christo factus, apud *Coloniæ* *Alcmanne* urbem in monasterio *Scotorum* est attonsus. Eodem anno dictus consul *Godwinus* & *Swannus* filius ejus velis extensis à *Flandria* currentes insulam de *Wihth* prædati sunt. Eodemque tempore *Haraldus* filius *Godwini* de *Hibernia* veniens, *Porte-*
land prædato, ad patrem suum in insula de *Wihth* festinavit, qui se ibidem adinvicem jungentes, inde ad *Pesse*, *Romeneye*, *Ibithe*, *Folleslane*, *Doster*, *Sandwih* & *Schepepe* perrexerunt, puppes ubique & obsides capientes, & postea villa regis de *Wyppylton* per quosdam eorum aggressus combusta, classis per *Normicam* versus *Londoniam*, quia cives ejusdem ad eos allexerant, tendens, quinquaginta puppibus quibus rex inerat, obviavit, ubi quia ex utraque parte pauci erant qui aliquid fortitudinis habebant nisi tantum *Angli*, pugnare adversus suos propinquos & compatriotas pene omnes abhorrebant: unde precibus statim intervenientibus rex & dictus comes gener suus consilio *Stigandi*

episcopi concordantur; ita quidem, quod *Wilnotus* filius *Godwini*, & *Hacus* filius *Swani* obsides pacis regi tradebantur, quos rex *Willielmo* duci *Normannia* custodiendos statim misit. Tunc rex *Editham* reginam uxorem suam filiam dicti *Godwini* pristina restituit dignitati; & sicut sapientiores de consensu partium ordinaverant, ipsum *Godwinum* & uxorem suam ad honorem pristinum recepit, & sibi, & omnibus filiis suis terras & omnia quæ prius habuerant reddidit, excepto *Swano*, qui penitentia ductus de *Flandria* nudipes *Jerusalem* ierat, eo quod nuper *Beornum* consobrinum suum, ut præmittitur, occidisset; indeque rediens, invalidudine ex nimio frigore contracta mortuus est in *Licia*.

Facta igitur concordia paceque firmata, omni populo rectam legem promiserunt, & omnes *Normannos* qui leges iniquas adinvenerant, & injusta judicia judicaverant, ac multa mala consilia adversus *Anglos* regi dederant, exlegaverunt. Paucos tamen, scilicet *Robertum* diaconem & generum ejus *Ricardum* filium *Scrob*, *Alfredum* regis stratorem, *Anfridum* cognomento *Cockesfor* & quosdam alios, quos plus cæteris rex dilexerat, eique & omni populo fideles extiterant, in *Anglia* remanere permiserunt. Porro dictus *Robertus* *Canuariensis* archiepiscopus, & *Londoniensis* præsul *Willielmus*, & *Ulf* *Dorcestrensis* antistes, cum suis *Normannis* vix evadentes in exilio mare transierunt. Tunc vero dictus *Stigandus* primo episcopus *Estanglie*, deinde *Wyntonienfis*, vir pessimus & simoniacus, *Edwardi* regis simplicitate abusus, *Canuariensem* archiepiscopatum dicto *Roberto* vivente invasit, & in archiepiscopum ipso rege annuente consecratur; unde & nunquam pallium à sede apostolica potuit impetrare. Qui quidem archiepiscopus *Robertus* postmodum obiit ultra mare, & ibi sepultus est. Sed dictus *Willielmus* *Londoniensis* episcopus propter suam bonitatem parvo post tempore ab exilio revocatus, in suum recipitur episcopatum. *Osbernus* vero cognomento *Pentecost* & socius ejus *Hugo* sua reddiderunt castella, & Comitibus *Leofrici* licentia per suum comitatum *Scotiam* adeuntes, à rege *Scotorum* *Malcolmo* filio regis *Cambrorum* suscepti sunt, cui quidem *Malcolmo* rex *Edwardus* dederat regnum *Scotiæ* de se tenendum.

Anno Domini M. li. j. & regis *Edwardi* xij. cum idem rex secundum quosdam apud *Hodyam*, & secundum alios, & veriores apud *Wyndesore*, ubi plurimum manere solebat, pranderet, Comes *Godwinus* gener suus & proditor recubuit juxta eum. Cumque *Haraldus* filius ejusdem Comitibus tunc pincerna regis, potum ferendo uno pede casu titubans in alium se recepisset, & persteterisset, ita quod nec ipse, nec regius ciphus cecidit: *Godwinus* filio suo ridendo ait, Tunc adjuvit unus frater alium; Ad quod verbum rex vultu mutato suspirans, dixit, Sic meus frater michi fecisset si *Godwinus* hoc permisisset. Ad quem Comes, buccellam panis in manu tenens, ait, "Sæpe tibi rex falso relaxum est me proditori tuæ invigilasse, sed si unquam te prodere cogitavi vel in mortem fratris tui *Alfredi* culpabilis existo, Deus cœli verax & justus concedat, ut hæc buccella quam in manu teneo sit michi mors & æterna perditio. Qui mox eadem buccella in ore posita ultione divina cooperante strangulatus miserabiliter expiravit. Quo viso, rex nuntis ait, Extrahite canem. *Haraldus* vero filius

filius suus qui regi astatat, mox eum sub mensa per pedes extraxit, & apud *Wyntoniam* sepelivit. Cujus quidem *Godwini* consulatus datus est tunc eidem *Haraldo* filio suo, & comitatus *Haraldi* datus est *Algaro* filio Comitis *Leofrici*.

Anno regis *Edwardi* xij. idem rex *Edwardus Aldredum Wigornensem* episcopum ad Imperatorem *Henricum* secundum destinavit, rogans eum ut missis ad regem *Hungariae* literis & legatis, inde fratruem suum *Edwardum* filium *Edmundi Trene-* 10 *sidae* in *Angliam* ad eum transmitteret; decreverat enim eum rex post se regem constituisse, unde idem *Edwardus* filius *Edmundi* cum *Agatha* uxore sua, & liberis suis, videlicet *Edgaro Adelyng* & *Margareta* atque *Christina*, in *Angliam* venit. Sed cito post decessit, qui in ecclesia sancti *Pauli* apud *Lundoniae* sepelitur. Quo mortuo, rex *Edwardus* filium suum *Edgarum* tanquam filium proprium dilexit & nutrit, ac ipsum heredem *Angliae* instituere cogitavit. Sed, ut quidam aiunt, rex gentis suae malitiam, 20 & praecipue superbiam *Haraldi* filii dicti *Godwini* & aliorum divina demonstratione praevidens, percepit, quod propositum suum quoad ipsum *Edgarum* cognatum suum, de regno post eum optinendo minime potuit adimplere, unde *Willielmo* cognato suo *Normannorum* Duci regnum post eum optinendum per solempnes nuncios assignavit.

Eodem anno habito *Lundoniae* Concilio *Algarus* Consul filius Comitis *Leofrici*, secundum quosdam, de regis prodicione convictus, & secundum 30 quosdam sine culpa exulatus est; Qui mox *Hiberniam* adiit, & ibidem congregatis quibusdam navibus piraticis *Griffino* se *Northwallensium* regi junxit, qui statim *Herefordensem* provinciam depopulantes, timidum ducem *Eadulphum*, qui *Anglos* contra morem in equis pugnare fecerat, fugaverunt. Deinde *Herefordiam* captam & ecclesiam sancti *Ethel-* 40 *brieti* Canonicis occisis & urbe spoliata incendunt & ad propria redeunt, unde mox *Haraldus* dux à rege missus, fugientes insequitur, *Herefordiam* instaurat & vallo cingit, ac exulatos cum rege pacificat.

Circa idem tempus *Siwardus* fortissimus Consul *Northumbriae* pene gigas statura obiit, de quo sic legitur. Fuit in regno *Danorum* de sanguine regio quidam nobilis Comes unicam habens filiam, quae spaciandi causa silvam quandam domui patris sui vicinam cum ancillis suis intravit; quibus urfa ob- 50 vians omnes timore resolutas in fugam convertit, & solam Comitis filiam secum rapuit, de qua filium nomine *Bernum* aures urfinae habentem & in comitatu jure materno succedentem progeniuit, successu vero temporis Comes iste *Bernus* in armis strenuus filium habuit quem *Siwardum* appellavit. Tandem *Siwardus* iste paternas terras relinquens, cum quinquaginta sociis navem intravit, & apud *Orchades* insulas draconem praelio singulari vincens de terra illa fugavit, navemque conscendit, & apud *Northumbriam* quarendo alium draconem applicuit. Cui die quadam senex reverendus solus in silva quadam repertus dixit. *Siward*, scio quod draconem quem 60 reperire non poteris quæris, sed navem conscende, ac versus austrum usque ad quoddam brachium marinum *Tamesia* vocatum tende, & per illud ad civitatem opulentam *Lundonia* appellatam devenire poteris. Deditque ei senex in signum vexillum *Rabelandeye* quod interpretatur *Corvus terroris terreni*. Cui prospere *Lundoniam* venienti rex *Ed-*

wardus possessiones ac honores non exiles si secum staret, repromisit. *Siwardus* hiis conficiens ac gratias regi deferens, de curia discessit. Quem quidam *Tostius* Comes de *Huntynghonia Danica* stirpe progenitus versus curiam regis tendens, pedibus luto- 10 sis in ponte quodam viliter tractavit. Sed *Siwardus* licet agere hoc tulit, in eum tamen manum non extendit, sed in revertendo caput ejus in eodem loco abstulit, ac regi illud detulit. Cui tunc, rei veritate comperta, datus est comitatus de *Huntynghonia*, quem dictus *Tostius* prius habuit, ut est dictum. Rege tandem à *Danis* infestato, confidunt terrae majores, quod parvus daemon magno demoni tradere- 20 tur. Sicque concessit rex *Siwardo Westmerlandiam, Cumberlandiam* & *Northumbriam*; quas quidem terras potenter pacificavit, regis inimicos contrivit & *Osbernium Bulax* filium suum in *Scociam* conquiendam misit. Quem cum bello caelum patri renunciassent, ait, Utrum in anteriori vel posteriori parte corporis mortiferum vulnus cepit? Nuncii respon- 30 derunt, In anteriori. At ille, Gaudeo, inquit, plane quod filius meus ita honorifico funere dignus erat: *Siwardus* igitur in *Scociam* transiens regem bello vicit, regnum totum destruxit, & destructum sibi viriliter subjugavit. Qui postmodum mortem per fluxum ventris imminere sentiens dixit, « O quan- 40 tus pudor est me in tot bellis mori non potuisse, sed ut vaccarum morti cum dedecore reservarer. Induite me lorica mea impenetrabili; praecinge gladio, sublimare galea, scutum in leva, securim auratam michi ponite in dextra, ut sic militum fortissimus modo militis moriar, nam ita decet militem defungi, & non ut bos accubans enervari. Cumque ut praeeperat, honorifice esset armatus, spiritum exalavit. Et sepultus est in monasterio sanctae *Mariae* apud *Eboracum* in clau- 50 stro. Et quia *Waltes* filius suus quem progenuerat, adhuc parvulus erat, datus est comitatus ejus *Tosti* filio *Godwini* consulis. Quidam autem dictum *Osbernium Bulax* non in *Scocia* sed in *Northumbria* asserunt esse necatum; nam scribunt, quod dum iste *Siwardus* in *Scocia* manu potenti sibi subacta esset, relatum sibi erat, quod homines sui *Northumbriae* in ipsum surrexerant, & dictum *Osbernium* filium suum occiderant, unde ipse *Siwardus* inde iratus, in scopulo adhuc patente cum securi percussit. Terram *Scotia* regi *Dunaldo* reddidit, patriam rediit & inimicos suos in ore gladii percussit.

Circa idem tempus *Hermannus* natione *Flan-* 50 *drensis*, regis *Edwardi* quondam capellanus sed tunc *Wiltoniensis* sive *Salesburiensis* episcopus, rerum angustia tædiatus, petiit à rege & fere obtinuit, ut sedem suam apud monasterium *Walmesburie* statuere posset, sed rege juxta consilium procerum id nolente, offensus *Hermannus* episcopatum dimisit, mare transiit & apud sanctum *Bertinum* monasticum habitum suscepit, ibique tribus annis vixit, *Aldredo Wigornensi* episcopo suum interim episcopatum administrante, sed ut saepe fit in talibus, reperto impetu religionis frigescente, *Hermannus* post triennium *Angliam* rediit. Pigeat enim se multorum obsequiis assuetum, antiquis deliciis carere quas ab ineunte expertus fuerit ætate. Insuper ad aures ejus pervenerat secundus rumor *Godwini* Comitis qui sibi obstiterat interisse, necnon *Schirburnensem* episcopum obisse, cujus episcopatum suo uniendum antiquis regis promissis diu cogitaverat. Hos igitur 60 episcopus

episcopatus sic unitos cum tribus pagis suis diu tenuit usque ad nonum annum *Willielmi* conquestoris, quando de *Schirburn* ad *Sarum* transiit.

Anno regis *Edwardi* xiii. cum jam *Henrico* rege *Francie* defuncto *Philippus* filius ejus pro eo regnaret, *Willielmus* nothus *Normannorum* dux sibi *Cenomanniam* subjugavit. Eodem anno Comes *Haraldus* filius *Godwini* à rege petiit *Normanniam* ire, ut fratrem suum *Wilnotum* & nepotem suum *Hacum* filium fratris sui *Swani* qui ibidem obsides tenebantur, ut præmittitur, liberaret, liberatosque secum deducere posset. Cui rex, Hoc, inquit, non fiet per me; verumtamen ne videar te impedire, permitto ut eas quo vis, & experiaris quid possis facere: præsenso tamen te in nichil aliud tendere nisi in tui confusionem & totius regni *Anglie* detrimentum; Novi enim Comitem *Willielmum* non ita inexperum, ut eos aliquatenus concedere tibi velit si non præscierit proficuum sui magnum. Ascendit itaque *Haraldus* navem, & orta tempestate valida projectus est in *Pontivum* fluvium qui *Maia* vocatur, ubi à Comite *Pontivenfi* secundum ritum loci illius captivus abductus est. Constrictus itaque *Haraldus* quandam de vulgo mercede promissa illectum ad Comitem *Normannia* clam direxit, nuneians omnia quæ casu sibi acciderant. At ille hoc audito, protinus domino *Pontivi* mandavit, ut *Haraldus* cum suis, si pristina ejus amicitia potiri vellet, cum festinatione sibi mittatur. Sed cum ille ipsum *Haraldum* dimittere noller, iterum à *Willielmo* Comite in mandatis accepit, se necessario *Haraldum* missurum, alioquin certissime sciret, *Willielmum* *Normannia* Comitem super eum sine mora armata manu venire. Perterritus itaque minis, *Haraldum* mittit. Qui ab ipso Comite *Willielmo* honorifice suscipitur, & audito cur patriam exierat, Bene quidem rem processuram, si in ipso non remaneret, respondit. Tenuit ergo eum aliquibus diebus satisque humanum ac familiarum se illi exhibuit, ut sic animum suum in suos conatus alliceret. Tandem vero apparuit quod in mente habuit. Dicebat enim regem *Edwardum* quando cum eo tunc juvene & ipse juvenis in *Normannia* demoraretur, fide interposita sibi pollicitum fuisse, quod si rex *Anglie* unquam foret, jus regni in illum jure hæreditario post se transferret. Et subdicens ait, Tu quoque si te in hoc adjuvaturum michi sponderis, & insuper castellum de *Dover* cum puteo aquæ ad opus meum in eodem facturum te promiseris, sororemque tuam quam uni de Principibus meis dabo te michi destinaturum, necnon & filiam meam in uxorem accepturum, & regnum *Anglie* post mortem regis *Edwardi* ad opus meum servaturum, te fideliter etiam promiseris; tunc tibi modo nepotem tuum *Hacum*, & cum in *Angliam* regnaturus venero, fratrem tuum *Wilnotum* incolumem liberabo; In quo regno si tuo favore confirmatus unquam fuero, spondeo tibi quod quicquid à me rationabiliter postulaveris abiq; ulla contradictione obtinebis. Sensit *Haraldus* undique periculum, non qua parte evaderet intellexit, & tamen licet invitatus adquevit. At Comes ut omnia rata forent prolatis Sanctorum reliquiis ad hoc *Haraldum* perduxit, ut jurejurando testaretur se cuncta quæ inter eos convenerant opere completurum. Hiis itaque gestis, *Haraldus* recepto *Haco* nepote suo in *Angliam* reversus, regi percurrenti cuncta quæ acciderant enarravit. Cui & rex, Nonne dixi tibi me nosse *Willielmum*, & in iti-

nere tuo multa mala huic regno contingere posse? Certe in hoc facto tuo magnas genti nostræ calamitates præsenso eventuras, quas michi quæso pietas superna concedat non meis temporibus evenire.

Post hæc anno sequenti *Haraldo* & *Tofti* fratri suo in expeditione in *Wallia* pergentibus, gens patriæ illius subdita illis est, & obsides eis dedit. *Waleses* igitur regem suum *Griffinum* postea occidentes, *Haroldo* caput ejus attulerunt, qui tunc alium regem statuit super eos. Eodem anno postea contigit, quod dum *Haraldus* filius *Godwini* vinum regi apud *Wyndesore* propinasset, *Tofti* frater suus senior pro eo quod ipse *Haraldus* à rege arcus diligenter, coram ipso rege per capillos ipsum arripuit, & sic capillis & manibus mutuo conflegebant, quod invidiæ & odii fomitem suscitavit, unde rex eorum perniciem & infortunium appropinquare, & iram Dei jam non esse differendam prædixit. Tantæ namque sæviciæ fratres illi erant, quod cum nitidam villam aliqujus conspicerent, dominatorem totamque ejus progeniem interfici juberent, ut sic possessionem & dominiū obtinerent, prout illi quidem qui Justiciarii regni erant. *Tofti* igitur à rege & fratre suo *Haraldo* furibunde discedens, ad *Herefordiam* ubi frater suus maximum regale corrodium paraverat, festinavit; ubi omnibus ministris fratris sui primo detruncatis, singulis vasis vini, medonis, cervisiæ, pigmenti, moraci & ciseræ crus humanum, caput vel brachium imposuit, mandavitque regi, quod ad festum suum properans cibos salatos sufficienter inveniret, alios secum deferri curaret. Rex ergo eum ob scelus adeo infinitum relegare & exulare præcepit. Postea vero *Northumbrenses* hæc audientes, *Tofti* consulem suum, qui multas eis cædes & clades injecerat, fugaverunt, & thesauris & armis ejus in *Eboraco* captis, omnem familiam suam tam *Dacos* quam *Anglos* peremerunt; *Marcherum* filium *Algari* consulis super consulatū illum statuentes. Qui cum gente illa & cum hominibus comitatum *Lincolniæ*, *Notinghamiæ* & *Derbeyæ* usq; ad *Hamptoniam* pergens, *Edwino* fratri suo contra eum cum hominibus consularis sui & pluribus *Britannis* venienti, ibi obviavit. *Northumbrenses* tunc *Haraldum* consulem, qui ad eos ibi venerat, ad regem cum aliis secum nunciis destinaverunt, precantes, ut dictum *Marcherum* habere possent Consulem super eos. Quod rex concedens, *Haraldum* ad hoc confirmandum usque *Hamptoniam* eis remisit. Ipsi vero interim prædantes, comburentes & occidentes, provinciæ illi nullatenus pepercerunt. Sed cum petitionem suam optinissent, multa milia hominum secum adducentes, illam partem regni multis annis deteriore reddiderunt. *Tofti* vero & uxor sua à regno se divertentes, cum *Baldewino* Consule *Flandriæ* hiemarunt.

Anno Domini M. lvi. regni vero regis *Edwardi* xv. *Algericus Dunelmensis* episcopus episcopatu suo sponte relicto, ad monasterium de *Burgh* ubi educatus fuerat, secessit, & ibi quiete novem annis vixit. Cui successit frater suus *Egelwinus*. Circa idem tempus laudabilis Comes *Leofricus* in propria villa de *Wsumlegh* pridie kal. Decembr. decessit, & apud *Coventreyam* in monasterio quod ipse & uxor sua *Godiva* nomine perpetuo digna construxerant, sepultus est, ubi & brachium sancti *Augustini* in theca argentea habetur inclusum, quod *Egelnothus* archiep. de *Roma* rediens apud *Papiam* urbem aliquando emerat C. l. talentis argenti. Hic etiam *Leofricus*, assensu

assensu & consilio dictæ Dei culticis *Godiva* uxor
fuit, monasteria *Leonenſe* juxta *Herefordiam*, *Wene-*
locenſe & in *Cestria* sanctæ *Werburge* sanctique *Jo-*
hannis Wigorn & *Evelham* reparavit similiter &
dicavit, & quandiu etiam vixit ejus circumſpectio
terræ *Anglorum* multum profuit, quoniam ſemper
regi & regno fidelis fuit.

De dicta quoque *Godiva* Comitissa quæ eccleſiam
de *Stowe* ſub promontorio *Lincolniæ*, & multas ali-
as conſtruxerat, legitur, quod dum ipſa *Covenreiam*
à gravi ſervitute & importabili toſneto liberare af-
fectaſſet, *Leofricum* Comitem virum ſuum ſollicita-
vit, ut ſanctæ Trinitatis deiſque genitricis *Mariæ* in-
cuiſu, villam à prædicta ſolveret ſervitute. Prohi-
buit Comes ne de cætero rem ſibi dampnoſam ina-
niter poſtularet. Illa nichilominus virum indefinen-
ter de petitione præmiſſa exaſperans, tale reſponſum
ab eo demum extorſit. Aſcende, inquit, equum tuum,
& nuda à villæ inicio uſque ad finem populo congre-
gato equites, & ſic poſtulata cum redieris impetra-
bis. Tunc *Godiva* Deo dilecta equum nuda aſcen-
dens, ac capitis crines & tricas diſſolvens, totum
corpus præter crura inde velavit. Itinere completo,
à nemine viſa ad virum gaudens eſt reverſa, unde
Leofricus *Covenreiam* à ſervitute & malis cuſtumis
& exactionibus liberavit, & cartam ſuam inde con-
fectam ſigilli ſui munimine roboravit, de quo adhuc
iſti pauperes mercatores ad villam accedentes plena-
rie ſunt experti.

Contigit ſemel quod cum rex *Edwardus* dicto
Leofrico Comite ſecum præſente miſſam audiret,
Comes ille in elevatione corporis Chriſti ſacramen-
tum illud, à forma panis in formam unius pueri
aperte vidit tranſmutari, puero dextra elevata primo
regem, poſtea Comitem benedicente. Comes ita-
que hoc viſo verſus regem continuo ſe vergebat, ut
illam ſanctam viſionem ipſum faceret intueri. Cui
ſtatim rex ait; Domine Comes, quod vides Dei mi-
ſericordia cooperante video, & Jheſum Chriſtum
ſalvatorem meum in forma humana viſibiliter adoro,
cujus nomen ſit benedictum per infinita ſecula.
Amen.

Alio quoque tempore ferunt ipſum regem *Edwar-*
dum inter miſſarum ſolempnia in exceſſu mentis fa-
ctum, contra morem riſiſſe. Aſtantiſque qui aderant
& quidam eſſet inſipientibus, rex ait, Contigit
Danos & *Norreganos* *Angliam* venire, ſed cunctis
ad navigandum paratis, optulit quidam navigaturis
calicem medonis, impreans illis probroſum nomen
ſi non biberent. At dum calix calici ſuccederet,
ebrietas vertitur in loquacitatem, loquacitas in li-
tem, lis in pugnam, ſicque diſperſi à propoſito abſti-
nuerunt, unde ſpero quod diebus meis alienigenæ nos
ulterius non vexabunt.

Quidam inſuper quaſi fere de eodem ſic ſcribunt,
Quod cum rex quodam die pentecoſtes apud *West-*
monaſterium miſſam ſuam audiret, in elevatione ſa-
cramenti quaſi jocoſe in alto ſubiſſet; unde milites
aſtantes ſuper hoc nimis admirati, miſſa celebrata,
à rege cauſam tanti riſus & gaudiî petierunt. Qui-
bus dixit, ſe vidiffe in illo ſacramento elevato juni-
orem *Swanum* regem *Daciæ* ad *Angliam* manu
hoſtili applicantem, & terram capere volentem inter
rates ſubmergere, unde exercitus ejus cum maximo
dolore in *Daciam* eſt reverſus. Et ideo Deo qui
nos de hoſtibus noſtris ita curialiter liberavit, cum
gaudio & riſu gratias reddidi puro corde. Hæc audi-

entes mirabantur, & notantes tempus, diem & ho-
ram, inventa ſunt à requirentibus poſtmodum ea fu-
iſſe vera quæ regi fuerant ſpiritualiter oſtenſa. Alio
etiam tempore ille *Edwardus* vir propheta & Deo
plenus, dum quodam die ſedens ſubito rideret, re-
quiſitus à regina cur riſiſſet, reſpondit, ſibi in ſpiritu
oſtenſum eſſe, ſeptem dormientes in *Græcia* quie-
ſcentes, à dextro latere in ſiniſtrum modo eſſe con-
verſos. Ex iſto rege *Edwardo* quaſi jure hæredita-
rio reges *Angliæ* dicuntur habere, ut ipſi quoddam
genus morbi quem vermem ſive modo morbum regi-
um vulgariter dicunt, ſolo tactu curent; hanc grati-
am illum *Edwardum* primo dicitur habuiſſe.

Anno regis *Edwardi* xvj. *Aldredus* *Wigornenſis*
epiſcopus de licentia regis ſanctum *Wolſtanum* Pri-
orem *Wigornie* fecit; *Hermannus*, de quo ſupra, in
Angliam reverſo epiſcopatum ſuum *Wintoniæ* retra-
didit, ac per *Hungariam* *Jerofolimam* profeſtus eſt.
Dictus autem ſanctus *Wolſtanus* Deo amabilis in
provincia *Waremicenſi* oriundus apud monaſterium
de *Burgo* literis & officiis eccleſiaſticis eſt inſtructus.
Tandem ſacerdos effectus miſſam moroſe cantabat,
aliasque orationes adiciens ſolis fidelium oblationi-
bus contentus erat, virgo ut putabatur exiſtens, ſu-
perflui potus expertus; carnes etiam non comedit, qui-
bus tamen ſpernendis hæc occaſio intervenit. Die
quodam cum ad placitum quoddam exire debuiffet,
viſum eſt ſibi ut prius miſſa cantata inedia ſua con-
ſuleret. Auca igitur igni appoſita, odor aduſtæ car-
nis nares celebrantis adimplevit, mentemque ſuffo-
cavit. Sed cum diu reluſtans cogitationem avertere
non poſſet, juramentum ad ſacramenta quæ tracta-
bat fecit, nullo pacto illud genus cibi ſe amplius
comeſſurum, cantataque miſſa impranſus ad negotia
diſceſſit. Tandem crescente devotione, exemplo
parentum ſuorum, qui ante finem vitæ caſtita-
tem devoverant, ſeculum reliquit, & in monaſterio *Wigor-*
niæ, quo pater ſuus ſervierat, monachus eſt effectus;
ubi per omnia pene loci officia gradiens, ad Priora-
tum ut præmittitur aſcendit. Jejuniiſ, vigiliis & ora-
tionibus jugiter indulgens; ſuper aliquod ſcamnum
eccleſiæ, libro in quo orabat capiti ſuppoſito, dor-
mire conſuevit. Quadam igitur nocte ante altare
orans, dæmonem importune ad luctum eum provo-
cantem, quamvis illum paſſione fatigatus, comple-
ctens fortiter proſtravit; Apparuerat autem illi dia-
bolus in forma cujuſdam ſervientis de curia; quem
quociens poſtmodum *Wolſtanus* videbat, totus ex-
palluit, ad cæteros ſemper timore vacuus. Affirma-
bat enim ſe nescire quid eſſet timor. Hic quoque
nunquam pro fractura pontis equo deſcendit, quin
etiam in ſummitatibus anguſtarum fabricarum ſecu-
rus incederet.

Iſtis temporibus circa annum regis *Edwardi* ulti-
mo præſcriptum, civis quidam *Romanus* ephebus
Lucius, ætate juvenis, locuplex opibus, genere ſe-
natorio ſublimis, ut *Willielmus* *Malmesburienſis*
narrat, quandam generoſam virginem nomine *Eug-*
eniam ſibi matrimonio copulavit. Qui ſodalibus
ſuis accitis frequens convivium paraverat, unde die
quodam juvenes poſt cibum in campum proceſſerunt,
ut ſtomachos dapibus oneratos alicujus ludi exerci-
tio attenuarent. Cumque in campum veniſſent, ipſe
novus ſponſus ludi ſignifer pilam popoſcit, ſed ne jo-
cando apulum ſuum nuptialem amitteret, in digito
extento cujuſdam ſtatux æneæ, quæ proximo alta-
bat, illum collocavit. Et incaleſcentibus præ nimio
curia

cursu visceribus, ipse primus se à ludo subtraxit, & anulum repetens, invenit statuæ digitum cum anulo usque ad volam curvatum. Qui diu ibi inaniter luctans, quia nec anulum extrahere nec digitum frangere valebat, tacite turbatus discessit, re sodalibus celata, ne vel ipsum præsentem deriderent, vel absentem anulo privarent, Unde nocte sequenti cum famulis rediens, digitum iterum extentum & anulum subreptum miratus est. Cumque hora cubandi venisset, & ipse se in lecto juxta uxorem suam, dampno sibi dissimulato, collocasset, sensit quoddam nebulosum & densum inter se & illam volutari, quod sentiri posset sed non videri. Hoc obstaculo ab amplexu prohibitus, vocem sibi dicentem audivit, Mecum concumbe quia me hodie desponsasti. Ego sum *Venus* cujus digito anulum apposuisti: Habeo illum, sed non reddam tibi. Ille autem tanto prodigio perterritus, nichil referre ausus est nec potuit. In sompnem illam noctem duxit, tacito judicio rem examinans, sicque per plures dies quacumque hora ille in gremio conjugis suæ vellet incumbere, illud idem & sentiret & audiret. Tandem querelis uxoris commonitus, rem parentibus detulit. Illi habito consilio, *Palumbo* cuidam suburbano presbytero negotium pandunt. Erat is nigromanticis artibus instructus, magicas sciens excitare figuras & dæmones ad multa officia implendum suscitare. Ille autem multa mercede si amantes conjungeret sibi promissa, compositam epistolam juveni dedit dicens, Vade, inquit, illa hora noctis ad compitum ubi se findit in quadrivium, et stans tacite considera, transient ibi figuræ hominum utriusque sexus, omnis ætatis, omnis gradus, & omnis postremo conditionis, quidam equites, quidam pedites, alii vultum in terrâ dejecti, alii tumido supercilio elati, & prorsus quicquid ad lætitiâ vel tristitiâ pertinet, in illorum vultibus & gestibus videbis; nullum eorum compellabis, & si loquantur tibi, non respondebis. Sequetur illam turbam quidam reliquis procerior, forma corpulentior, curru sedens; huic tacitus epistolam trades legendam, fiet eveſtigio quod voles. Juvenis ille iter præceptum aggreditur, & nocte sub divo astans, fidem dictorum presbyteri visu explorabat, & omnia sicut presbyter sibi dixerat vidit. Inter cæteros quoque transeuntes vidit mulierem ornatu meretricio mulam equitantem, crinibus solutis humeros velantem, & vittam anream capite gestantem, ac auream virgam, qua equitaturam regebat, manu habentem, quæ præ tenuitate vestium pene nuda, gestus exercuit impudicos. Quid plura? ultimus, qui dominus videbatur, oculos terribiles in juvenem retorquens, causas adventus ejus exquirat; Nichil ille respondit, sed protenta manu epistolam porrexit. Dæmon notum sigillum non ausus contempnere, scriptum legit, moxque brachiis in cælum elevatis ait; Deus, inquit, omnipotens, quamdiu patieris nequicias *Palumbi* presbyteri! Nec mora, satellites à latere suo mittit, qui à *Venere* anulum extorquerent. Illa multum tergiversata vix tandem anulum reddidit, Quem juveni tradiderunt. Ille autem tunc voti compos, sine obstaculo suspiratis diu amoribus est potitus, sed *Palumbus*, ut dæmonis clamorem ad cælum & querelas ad Dominum de se audivit, finem suum imminere cognovit; Quocirca omnibus membris suis truncatis miserabili defunctus est prænitentia, confessus Papæ coram populo *Romano* flagitia inaudita.

Anno regis *Edwardi* xvij. *Algarus* Comes qui post mortem dicti *Leofrici* patris sui consulatum *Cestria* susceperat, per regem *Edwardum* secundo exlegatus est, sed ope *Griffini* regis *Wallanorum* comitatum recuperavit. *Nicholaus* iij. *Benedicto* ejecto sedit in papatu annis pene duobus: Cujus diebus *Gallicana* ecclesia plurimum per *Berengarium Turonensem* extitit perturbata, qui Eucaristiam non verum corpus Christi sed figuram temere asserbat. Contra quem iste *Nicholaus* papa concilium celebravit, in quo idem *Berengarius* errorem suum retractavit; sicut habetur de Consecratione distinctione secunda, *Ego Berengarius* &c. *Lanfrancus Becensis* Prior tonantem librum contra eundem edidit, quem *Scintillarum* intitulavit. Post hæc *Berengarius* sancte vixit & obitum suum prædixit.

Anno regis *Edwardi* xvij. mortuo archiepiscopo *Eboracensi* *Kynsio*, qui *Alfrico* supradicto successit, *Aldredus Wigornensis* episcopus archiepiscopatum *Eboracensem* suscepit, qui etiam episcopatum *Herefordie*, quem tunc in custodia habuit, *Waltero* reginæ tradidit capellano. Post hæc *Aldredus* cum *Tosio* Comite *Northumbria* pro pallio habendo *Romam* adiit, ubi in sua responsione culpabilis repertus, ab omni honore privatus est; qui domi tandem tendens, ab omnibus quæ attulerat spoliatus est. Quapropter ipso *Romam* regresso, *Testinus* Comes allegationibus suis ita papam inflexit, ut archiepiscopatum *Aldredo* conferret; Asserebat namque, parum metuendam longinquis nationibus papæ excommunicationem, quam propinqui latrunculi deriderent, unde aut papa sua bona ablata sibi redderet, aut per ejusdem papæ fraudulentiam constarent amissa, futurumque fore, ut rex *Anglia* hoc audiens, tributum sancti *Petri* subtraheret, improprium esse asserens, si *Aldredus* inglorius simul & spoliatus repatriaret. Igitur dicto *Aldredo Eboracensi* archiepiscopo pallio insignito, & in *Angliam* reverso, *Wolstanus* Prior ecclesiæ *Wigornensis* ad episcopatum ejusdem est electus, procurante id potissime dicto *Aldredo*, qui simplicitate *Wolstani* suas putabat rapinas obumbrare, & possessiones quamplures sua potentia per totam vitam suam retentas à *Wigornensi* ecclesiâ ad *Eboracensem* transferre. Sed *Wolstanus* magis virtute quam litteratura fretus, res ecclesiæ suæ defensas, & possessiones injuste ablatas ipso *Aldredo* mortuo recuperavit. Cumque ipse *Wolstanus* ad consensendum electioni de se factæ minime flecti posset, à viro Dei *Wolſio* per lx. annos tunc inclusus, pro obstinaciâ acriter correptus, divinoque oraculo perterritus, electioni consensit; Qui anno ætatis suæ plus quinquagesimo, & regni regis E. xx. Indictione xv. præsentibus duobus apostolicæ sedis legatis, à dicto *Aldredo Eboracensi* archiepiscopo, rege annuente & episcopatum sibi conferente, consecratus est, eo quod *Stigando Cantuariensi* archiepiscopo officium episcopale tunc à domino papa interdictum erat, quia *Roberto* archiepiscopo vivente archiepiscopatum suscipere præsumpsit, canonica tamen professione eidem *Cantuariensi* archiepiscopo *Stigando* & non suo ordinatori *Aldredo* facta. Insuper & ipse *Aldredus Eboracensis* archiepiscopus qui *Wolstanum* consecraverat, coram rege & regni optimatibus, ipso *Stigando* factitante, propter subsequentiū calumpnias, profiteri jussus est, se nullum jus ecclesiasticæ seu secularis subjectionis super ipsum *Wolstanum* deinceps velle clamare, nec quia ab eo conse-

consecratus, nec quia ante consecrationem, ejus monachus fuerat.

Wolstanus igitur factus episcopus, tibi & potus abstinens erat, quamvis in aula ejus pro more *Anglorum* totis post prandium horis biberetur, cum quibus & ipse assidens psalmos ruminabat, ordine tamen suo se bibere simulabat, bibentes ad hilaritatem invitabat, magis in hoc consuetudini patriæ quam animi iudicio satisfaciens. Nec etiam postea tempore Regis *Willielmi* conquestoris pompam *Normannorum* omittebat quin stipatus militibus incederet, missam cotidie cantans, psalterium addebat, famosorum Sanctorum memorias septipharie divisas per septem horas nullatenus omittebat. Quociens *VVigornensis* fuit, majorem missam loco ebdomadarii celebravit: A quo quidem officio, ut dixit, pro episcopatu resignando noluit absolvi. Collationi monachorum interfuit, ut sic facta cum cæteris generali confessione, dataque benedictione, in triclinium suum se reciperet. Equo vectus psalterium frequentabat, benedictiones, quas *Angli* super potum faciunt, in mensa etiam non omisit. Et quando eum ad placitandum necessitas urgebat, maledictionem omnibus pravis arbitris imprecabatur, bonis vero benedictionem. Indifferenter vilioribus utebatur & magis agninis quam cæteri generis pellibus frigus depellens. Si vero ei interdum suggereretur, ut catinas saltim pelles in usu haberet, jocosio verbo respondebat, Crede michi nunquam audiavi in ecclesia cantari catus Dei sed *agnus Dei*, ideo calefieri agno volo.

Dum semel monachi sui ad majorem ecclesiam quam ipse construxerat migrarent, & ipse antiquam ecclesiam, quam sanctus *Oswaldus* fundaverat, destrui videret, lacrimas fudit; super quo modeste redargutus, quod potius gaudere deberet quod se superfluite tantus honor ecclesiæ suæ accidisset quod multiplicatis monachis ædificia augerentur, respondit; *Ego longe aliter intelligo, quod nos miseri Sanctorum opera destruimus ut nobis laudem comparemus. Non noverat illa ætas pompatica construere ædificia, sed sub qualicumque tecto seipos Deo immolare, & subjectos ad exemplum bonum attrahere: nos econtra utimur, ut animarum negligentes lapides cumulemus.* Hic dum semel sermonem de pace faceret, multi ad concordiam redierunt. Unus tamen inter eos nullo suafu, nec etiam episcopi rogatu, fratris necem roganti homicidæ voluit indulgere. Huic in medio adducto dixit episcopus, Dominus dixit, *Beati pacifici quoniam filii Dei vocabuntur.* Constat ergo quod pacifici sunt filii Dei & beati, discordantes sunt miseri & filii diaboli. Illi ergo cuius es te commendo & carnem sathanæ tuam trado. Statim ille mancipium hostile effectus, dentibus stridere, spumias jacere, caput rotare incepit. Qui tamen à *VVolfano* sanatus, cum pacem adhuc recusaret, iterum & tertio est arreptus simili modo, quousque ex corde injuriam remitteret & offensam.

Alwinus quidam apud saltum *Malvernæ* anachoritice degens, desiderio *Jerusalem* itineris sapius erat afflatus. Quod cum *Wolstano* panderet, dissuasit episcopus, subinferens. Desiste lodes *Alwine*, Crede michi quod mirareris si scires quæ per te Deus sit facturus; Ille vero adquiescens & discedens, monachos in illo loco ad numerum tricennarium congregavit, & *Malvernæ* monasterium fundavit.

De prædicto vero Rege *Edwardo* scribitur, quod

cum ipse quadam die de ecclesia *Westmonasteriensis* exisset, ubi missam de beato *Johanne* Evangelista, quem post Deum & beatam virginem *Mariam* ultra omnes sanctos spiritualiter amavit, audiverat, quidam peregrinus ei occurrit petens ab eo pro amore Dei & sancti *Johannis* Evangelistæ aliquam elemosinam sibi dari. Rex vero qui semper pauperes caros habuit & dilectos, anulum suum à digito statim extrahens, illum secrete nullo sciente tradidit peregrino, qui illum recipiens Regi regraciando recessit. Deinde cum ipse rex xxiv. annis gloriose regnasset, parum ante obitum ejus contigit, quod quodam die duobus hominibus *Anglicis* de terra sancta ad propria revertentibus, unus quasi peregrinus salutando eos supervenit, & unde essent quæsit. Quos de *Anglia* se profitentes interrogavit quasi nesciret, quis esset Rex illius terræ. Qui respondentem, quod nobilissimus & prudentissimus Rex *Edwardus* filius Regis *Ethelredi*. Quibus ille peregrinus tunc ait. Karissimi socii, cum in terram vestram *Angliæ* reversi fueritis, Regem vestrum *Edwardum* adeatis, & ipsum ex parte mea benigne in Domino salutetis, multum sibi de sua elemosina dederat regraciando, nam ibi quodam die ipsum post missam suam ab ecclesia in palacium suum revertentem rogavi, ut pro amore Dei & beati *Johannis* Evangelistæ quem multum diligit, aliquam elemosinam michi daret. Ille vero anulum suum à digito statim extraxit, & illum michi donavit, quem utque nunc per me bene custoditum Regi vestro reportabitis, ex parte mea sibi dicendo, quod pro eo quod ita large de jocalibus suis me respexit, quamplura preciosiora jocalia noverit sibi reddam: nam infra medietatem istius anni ad me veniet, mecum cominoraturus. Illi vero de peregrino ubi morabatur, & quo nomine vocabatur interrogabant. Quibus ille ait. Convector cum Deo, & *Johannes* vocor Evangelista. *Edwardus* vero Rex vester amicus meus est, quem pro sanctitate vitæ suæ quam in mundicia & virginitate cunctis diebus servavit, spiritualiter præmavi, unde vos rogo & requiro quatenus istum anulum recipiatis, & Regi vestro illum tradatis, & omnia quæ vobis dixi sibi fideliter denunciatis, & ego Deum rogabo, quod salvo & secure ad propria vos perducatur. Cum igitur beatus *Johannes* isto modo eos oneraverat, anulo eis tradito, ab oculis eorum disparuit. Peregrini autem de illa gloriosa visitatione Deo regratiantes iter suum gaudenter versus *Angliam* carpentes, *Londonias* incolumes pervenerunt, ubi Regi per eos salutato, à principio in finem quicquid sanctus *Johannes* eis dixerat retulerunt, & anulum, secundum quod eis præceperat, tradiderunt. Quo cum gaudio recepto, Rex nuncios secum retinuit, & eos præ cæteris pro eorum lætis rumoribus specialiter honoravit, se deinde ut ab hac luce sancte & feliciter migraret indies præparando.

Post hæc anno Domini M.lxxvj. cum idem *Edwardus* rex xxiv. annis ut dictum est regnasset, & in vigilia natalis Domini matutinis interfuisset, in tantum ægrotavit, quod vix in crastino ad missam stare poterat audiendam. Qui post missam celebratam in cameram suam ductus, ad solemnitatem tanti festi inter Comites & Barones suos aulam ingredi non valebat, unde gaudio curiæ in tristitiam verso, omnes dominum Regem tanta infirmitate detentum amittere

tere timuerunt. Cum enim Rex die sancti *Johannis* evangelistæ confessus & contritus viaticum cum cæteris ecclesiæ Sacramentis devotissime sumpisset, dictis peregrinis coram eo adductis munera fertilia dari præcepit, & illos Deo commendavit. Abbati vero *Westmonasteriensi* dictum preciosum anulum tradidit, inter reliquias pro perpetuo ibi conservandum, & in crastino die sanctorum Innocentium cum Basilicam sancti *Petri* apud *Westmonasterium* dedicari fecisset, Rex langore morbi sui crescente fortiter vexatus, misericordiam Dei & gloriæ virginis *Mariæ* & beati *Johannis* Evangelistæ expectavit. Qui cum postea biduo elinguis jacuisset, die tertio post soporem graviter & profunde suspirans ait: Deus, inquit, omnipotens, si non est fantastica illusio sed vera visio quam vidi, da michi facultatem eam astantibus exponendi, aut è converso. Ita mox expedita loquela, Duos, inquit, modo monachos vidi michi assistere, quos adolescens olim in *Normannia* videram religiosissime vixisse & Christianissime obuisse. Hi se Dei nuncios dicentes talia verba protulerunt. Quoniam excellentiores *Anglia* duces episcopi & abbates non sunt ministri Dei sed diaboli, tradidit Deus hoc regnum post obitum tuum anno uno & die uno in manu inimici, totamque hanc terram demones pervagabunt. Cumque ego hæc me ostensurum populo dicerem, illumque poenitentia facta liberandum, præmissio exemplo *Ninivitarum* promitterem: Neutrum, aiunt, erit, quia nec ipsi poenitebunt, nec miserebitur eis Deus. Et quando, inquit, tantarum calamitatum remissio sperari poterit? Tunc inquit, quando si arbor viridis in medio succidatur, & pars abscaisa spacio trium jugerum à stipite deportetur, cum sine aliquo advehiculo iterum suo connexa trunco ex pristino valescentis sui amore floribus pubescere & fructus producere inceperit, tunc demum poterit sperari talium malorum remissio. Et quamvis tunc *Stigandus* archiepiscopus cæteris timentibus risum excepsisset, dicens, vetulum accedente morbo nugas delirare; hujus tamen vaticinii veritatem *Angli* experiuntur, quod scilicet *Anglia* facta est exterorum habitatio & alienigenarum dominatio. Nam postea tempore non modico nullus dux vel pontifex vel abbas *Anglicus* fere erat, sed advenæ ipsorum divicias & prædia possidebant.

Cum isto vaticinio concordat fere revelatio *Brithwaldi* quondam *Wyntonienfis* Episcopi, qui aliquando sompni revelatione hujus seculi felicitatem viderat & annunciaverat. Nam dum tempore Regis *Kanuti* cœlestibus apud *Glastoniam* lugubrarer excubiis, subissetque illum cogitatio, quæ frequenter eum angebat, de regia *Anglorum* stirpe pene deleta, hæc meditante sopor irrepsit, & ecce in superna raptus, vidit *Petrum* Apostolorum principem ipsum *Edwardum* qui tunc in *Normannia* exulabat, in Regem consecrate, cœlibe designata vita & certo viginti quatuor annorum numero regni computato. Eidemque de posteritate quærenti respondere, Regnum *Anglorum* regnum Dei est, post te providebit Regem sibi ad placitum sui.

Supradictus vero Rex *Edwardus* nocte nativitatis Domini, ut præmittitur, infirmatus, in vigilia Epiphaniæ sequenti ab ærumpnis hujus seculi ad Dominum gloriose migravit. Cujus corpus diversis miraculis choruscans, in ecclesia *Westmonasteriensi*, quam ipse construxerat & possessionibus multis ditaverat, tumulatur. Qui postmodum canonizatus & catha-

logo Sanctorum ascriptus, demum translatus est. Cujus depositionis festum 7. die mensis *Januarii*, eo videlicet die quo obiit, celebratur. Festum vero translationis ejus 14. die mensis *Octobris* habetur. Iste supradictus rex sanctus *Edwardus* Confessor dictus est *Edwardus* tertius. Qui leges communes *Anglorum* genti tempore suo ordinavit; quia perante leges nimis partiales editæ fuerunt: Nam primo leges in *Britannia* edidit *Dunwallo Molmucins*. Cujus leges *Molmucina* dicebantur, usque ad tempora istius Regis *Edwardi* satis celebres. Inter quas, ut in *Bruto* habetur, statuit ut civitates & templa Deorum vitæque ad illa ducentes & aratra colonum immunitate confugii gauderent. Deinde *Marcia* Regina *Britonum* uxor *Gwithelini*, à qua provincia *Merciorum* putatur denominata, legem edidit discretione & justitia plenam, quæ lex *Mercia* vocatur. Has duas leges *Gildas* Historicus de Britannico transtulit in Latinum, & sic vulgariter *Merchenelaga*, i. lex *Merciana* sive lex *Merciorum* postmodum dicebatur: qua lege olim octo schiræ, i. provincie judicabantur, videlicet *Glocestreschire*, *Wiltreschire*, *Herefordeschire*, *Salopschire*, *Chesterschire*, *Staffordeschire*, *Warewickschire*, & *Drnesfordeschire*. Post hæc lege Saxonice sive Anglice conscripta & per *Ine* Regem *Westaxonum* superaddita, *Alfredus* postmodum Rex *Westaxonie* legem adhuc superaddidit quæ *Westfaxenelega*, i. lex *Westaxonum* vocabatur. Qua lege antiquis temporibus novem australes schiræ, i. provincie, quatenus flumen *Thamesia* eas à reliqua parte *Anglia* secuerit; judicabantur, videlicet *Kent*, *Suthsex*, *Suthe-repe*, *Barokschire*, quæ sic denominatur à quadam nuda quercu in foresta de *Wyndesouthe*, ad quam solebant provinciales convenire; *Wilteschire*, quæ quondam dicebatur provincia *Semerana*; *Suthamteschire*, *Somerset*, *Dorset* & *Devoneschire*. Tandem *Danis* in terra dominantibus tertia lex emanavit quæ *Denelaga*, i. lex *Danica* sive *Danorum* lex dicebatur. Qua lege olim xv. schiræ orientales & borales judicabantur, videlicet *Essex*, *Middilsex*, *Suthfolc*, *Northfolc*, *Wenthsfordeschire*, *Cantebriggeschire*, *Huntynghonschire*, *Lyncolneschire*, *Notthynghamschire*, *Derbyschire*, *Notthamtonschire*, *Leycesteschire*, *Wokynghamschire*, *Beddesfordeschire*, & *Ebozaeschire*.

Hæc provincia *Eboraci* quondam continebat totam terram *Northumbranam* ab aqua *Humbræ* usque ad flumen de *Twede*, quod est principium *Scotie*. Hodie tamen provincia *Eboraci* solummodo se extendit ad *Humbram* ex una parte, & ad *Tese* ex alia parte, & tamen sunt in ea xxij. hundredi, i. *Wapentakes*. *Tureschire*, quæ est in libertate Episcopi *Dunelmensis*, extendit se à supradicto fluvio de *Teyse* usque ad flumen de *Tyne*. *Northumbreland*, cujus caput est hodie *Novum castrum* super *Tynam*, extendit se à flumine de *Tyne* usque ad dictum flumen de *Twede*, plaga tamen *Northumbræ* olim continebat totam terram quæ est inter *Humbram* & *Twedam* sicut de provincia *Eboraci* dictum est. *Caerlepeschire* continet terram de *Cumberlande*. Ad *Appelbischire* pertinet terra de *Westmerland*. *Lanchastreschire* continet in se quinque modicas schiræ, quæ sunt *Westderbischire*, *Salfozdschire*, *Leylandeschire*, *Wakbourneschire*, & territorium *Lancastrie*, quæ etiam usitato vocabulo dicuntur hundredi, sive *Wapentakes*. Hundredus

Lati-

Latine, dicitur Wallice & Hibernice *cantredus*, & continet centum villas. *Wapentake* Anglice idem est quod arma capere, eo quod in primo adventu novi domini solebant tenentes pro homagio reddere arma sua. Si autem *Northumbrana* plaga quæ olim fuit ut præmittitur ab *Humbra* usque ad *Twedam* hodie dumtaxat pro provincia una, sicut antiquitus, computetur, tunc sunt in numero xxxij. schiræ: si vero plaga *Northumbrana* prædicta dividatur in prædictas sex provincias quæ sunt *Eboracschire*, *Duremschire*, *Northumberland*, *Carleypschire*, *Appelbischire*, & *Lancastreschire*, tunc sunt in *Anglia* excepta *Cornubia* xxxvij. schiræ, provinciæ five comitatus.

De supradictis vero tribus legibus, videlicet *Merchenelaga*, *Westfassenelaga*, & *Danelaga* iste Rex *Edwardus* tertius unam legem communem edidit, quæ *Leges Edwardi* usque hodie vocantur; de quibus nonnulla vocabula adhuc frequentata cum eorum expositionibus hic inferere dignum duxi. *Mundebriche*, i. læsio majestatis, blemoure de honur. *Burbriche*, i. læsio libertatis aut septi, i. blemoure de court ou de clos. *Grithbriche*, i. fractio pacis. *Myskenning*, i. variatio loquelæ in curia. *Scheavwyng*, i. mercimonii positio sive demonstratio. i. despliaunce de marchaundie. *Hamsoken* vel *hamsfare* est insultus factus in domo. *Forstall* est coactio vel obstitentia in regia strata facta. *Frithsoken*, i. tutatio in jurisdictione, hoc est seurte en defens. *Infangthef thelfind inward*, est infra suum attachiamentum capere reum. i. dedeyntz le seon attachement de laroun. *Saka* juredictio curiæ, court justice forz on a chetoun. *Soka*, i. secta curiæ, inde *sockne* dicitur quandoque interpellatio majoris audientiæ. *Weregelt hef* est solutio latronis evasi, i. soute de latrone eschape. *Theam*, est laudare auctorem, i. revoucher garant; & quandoque dicitur sequela nativorum. *Fliwithe*, i. ferit par medlee. *Wardewithe* est fursise de garde. *Blodwithe*, amerciment pro effusione sanguinis. *Fibtwithe*, emenda proveniens ex contentione. *Letherwithe* est emenda pro corruptione nativæ. *Giltwithe* est emenda pro transgressione. *Scot*, i. cimbolum ad opus ballivorum domini Regis, & inde dicitur *scotale*. *Hidage* vel *taillage* est tallagium de hidis terrarum. *Danegeld* est tallagium datum Danis, i. iij. d. de qualibet bovata terræ. *Wapentake* & hundredus idem sunt, quia procinctus C. villarum in adventu novi domini solebat reddere arma sua. *Lestage* est consuetudo exacta in nundinis & mercatis. *Stallage* est exactio pro statione in plateis tempore nundinarum.

Sancto *Edwardo* rege & Confessore ut dictum est mortuo, quidam *Anglorum* magnates *Edgarum Adelynge* filium *Edwardi* filii Regis *Edmundi Trenchese* in regem promovere moliebantur. Sed quia puer erat & tanto oneri minus idoneus. *Haraldus* Comes filius supradicti *Godwini* viribus & genere fretus, contra sacramentum quod *Willielmo* Duci *Normannia* præstiterat; regni diadema sinistro omine illico invasit, & sic perjurus sancto *Edwardo* successit juxta quod idem *Edwardus*, ut quidam aiunt, ante mortem suam statuerat, promissione quam idem Rex dum juvenis in *Normannia* exitit dicto *Willielmo* de succedendo post eum in regno fecerat, & sibi super hoc postea secundum quosdam solempnes nuncios ut præmittitur destinaverat, non obstante, Qui quidem *Haraldus* ut

quidam tradunt, seipsum apud *Westmonasterium* coronavit. Tamen secundum quosdam, in die *Epiphaniæ* Rege *Edwardo* humato, ab *Aldredo Eboracensi* archiepiscopo exitit consecratus. Qui statim leges iniquas destruere, æquas condere, ecclesias defendere, religiosos colere, transgressores punire & patriam tueri cœpit. Decimo autem die post mortem Regis *Edwardi*, *Willielmus* dux *Normannia* nullum de regio semine in *Anglia* relictum, sed *Haraldum* regnum usurpasse audiens, eidem *Haraldo* protinus mandavit, ut pacta servaret. Quo renuente; iterum mandavit, ut quamvis violata fide cætera non servasset, si tamen filiam suam in conjugem duceret, leviter cætera cuncta ferret, alioquin successionem regni sibi promissam se vendicaturum proculdubio armis sciret: At ille nec hoc facere nec aliud formidare dixit. Unde *Willielmus* Dux tribus maxime de causis stimulatus intrinsece irritatur: Primo quia dictus Comes *Godwinus* & filii sui *Alfredum* cognatum suum dolose occiderant, ut est dictum. 2. Quia *Robertum* archiepiscopum genere *Normannum* & *Odonem* Consulem & omnes *Francos* ingeniose ab *Anglia* fugaverant. 3. Quia *Haraldus* in perjurium prolapsus, regnum, quod jure cognationis & duplicis sponsonis suum esse debuerat, sine jure aliquo possidebat.

Ista ergo *Willielmus* & alia recenter recordatus, *Alexandrum* papam consuluit, cui jus quod in regno *Anglia* sibi competeret, demonstravit. Unde dux vexillo cum sanctorum reliquiis ab ipso papa recepto, Principes *Normannia* convocavit, a quibus ad *Angliam* conquirendam auxilium petiit & favorem. Proceribus igitur *Normannia* super hujusmodi expeditionis negotio adinvicem consultantibus; *Willielmus* filius *Osberti* ducis *Willielmi* dapifer, iter dissuasit, tum propter paucitatem adeuntium, tum propter ferocitatem hostium. Exhilarati ex hoc proceres, verba sua in ore illius dapiferi posuerunt. Ille vero cum coram Duce venisset, dixit, se ad expeditionem cum cæteris paratum esse; tunc cæteri non poterant se subtrahere præ pudore. Quibus sic consensum præbentibus, classis maxima ad portum qui vocatur sancti *Valerici* est parata. Quod rex *Haraldus* vir bellis acerrimus audiens, & adventum Ducis *Willielmi* timens, classicum & pedestrem exercitum per totam æstatem & autumnum circa ripas maris austrini posuit. Sed stipendiis & victu deficientibus exercitus domum rediit.

Interea *Tostius* Comes frater dicti *Haraldi*, cum xl. puppibus de *Flandria* veniens, *Vestam* insulam stipendiis & tribucis multavit, & circa ripas *Cancie* prædas egit. Sed dum fratris sui *Haraldi* apparatus timeret, *Lyndeseyam* per mare & *Humbriam* rediit, in qua villas incendit & gentem trucidavit; donec per duces *Merciorum* & *Northumbria* extrusus, *Malcolmum* regem *Scottorum* per mare adiret, cum quo per totam æstatem morabatur. Interim Rex *Norreganorum* *Haraldus Harefag* frater sancti *Olavi Angliam* expugnare & sibi subdere anelans, cum plusquam trecentis puppibus in hostium *Tina* fluminis applicuit, ad quem *Tostius* Comes, sicut prius condixerat, sua cum classe advenit, & sibi gaudenter protinus se subdebat: Deinde ambobus per *Humbriam* usque ad *Eboracum* venientibus duo germani Comites *Merciorum* scilicet & *Northumbria*, *Edwinus* & *Morkatus*, sive secundum quosdam *Marcherus*, cum eis juxta urbem viriliter & va-

lide pugnaverunt; cuius pugnae locus in australi parte adhuc ostenditur civitatis. *Edwino & Mor-kato* glorioso Martis omine in fine devictis, sed tunc tamen obsidibus interim utrinque datis, quinto post hæc die rex *Haraldus* superveniens eis apud *Stam-fordbyrige* cum manu valida obviavit. Pugna igitur acerima incepta, cum à summo mane usque ad meridiem horribiliter ruentes utrimque perseverarent, numerus *Anglorum* maximus *Norwagenses* cedere sed non fugere compellebat. Ultra flumen igitur repulsi, vivis super mortuos transeuntibus, magnanimiter restiterunt. Quidam vero *Norwagensis* fama æterna dignus super pontem restitit, & plusquam xl. *Anglos* securi cædens electa, usque ad horam diei nonam solus omnem *Anglorum* exercitum detinebat. Tandem quidam navem ingressus, per foramina pontis inter celanda jaculo eum percussit. Transeuntes igitur *Angli* Regem *Norreganorum* & fratrem Regis *Haraldi Tostium* & totum fere eorum exercitum, quamvis acerime esset repugnatum, in ore gladii interfecerunt. *Olavum* tamen filium *Haraldi* Regis *Norwegia* & Ducem *Orcadum* paucis obsidibus & juramento acceptis, cum xx. navibus redire ad patriam permiserunt.

Haraldus Rex *Anglorum* eodem die *Eboracum* reversus, dum cum summa lætitia pro tanta victoria pranderet, nuncium sibi dicentem audivit, *Willielmus* Dux *Normannia* apud *Debenesepe* juxta *Hasting* applicans, & littora australia occupans, castellum apud *Hastynghum* construxit. Quo audito, *Haraldus* rex versus partes australes contra eum celeriter processit, quamvis jam sciret fortiores de tota *Anglia*, in duobus prædictis præliis cecidisse, & quamplures, ut quidam dicunt, pro spoliis *Norwagensium* sibi retentis ab eo similiter declinasse. Die igitur sancti *Kalixti* papæ, & martiris pridie idus Octobris per diem Sabati sub hora diei tertia anno Domini MLxvj. nondum exercitu suo congregato in *Suthsaxonia*, novem miliaris ab *Hastingo*, *Willielmo* Duci prælio occurrebat. Qui quidem *Willielmus* quinque catervas equitum in hostes splendide promovit. Quibus catervis terribiliter dispositis orationem, & allocutionem hujusmodi habuit & incepit.

» Vos alloquor *Normanni* gentium fortissimi,
» non quasi vestrae probitatis incertus sed quasi de
» victoria securus, quæ nunquam casu aliquo vel
» impedimento à vobis evadere potuit. O mortali-
» um validissimi, quid potuit rex *Francorum* bellis
» proficere cum omni gente quæ est à Lotoringia
» usque ad *Hispaniam* contra *Hasting* antecesso-
» rem vestrum, qui sibi quantum de *Francia* vo-
» luit acquisivit, quantum voluit regi permisit, dum
» placuit tenuit, dum faciatus est ad majora anelans
» reliquit? Nonne *Rori* (qui & *Rollo*) antecessor meus,
» Dux primus, & auctor nostræ gentis cum patri-
» bus vestris regem *Francorum Parisius* in regni
» sui medio bello vicit, nec *Francorum* potuit spe-
» rari salutem, nisi & filiam suam & terram, quæ
» ex nobis, *Normannia* vocatur, supplex optulisset?
» Nonne patres vestri regem *Francorum* in *Rotho-*
» *mago* ceperunt & tenuerunt, donec *Ricardo* puero
» Duci vestro *Normanniam* reddidit, eo pacto quod
» in omni colloctione regis *Francia* & Ducis *Nor-*
» *mannia*, Dux gladio cingeretur, regi vero nec gla-
» dium nec etiam cultellum ferre liceret? hanc æter-
» nam sanctionem patres vestri regem magnum co-

» gentes statuerunt. Sed quid prisca & antiqua
» narro? Nonne nobis congregientibus meo tempore
» apud Mortemer *Franci* præcipientes præposuerunt
» fugam bellis calcaria telis? Eia procedat aliquis
» *Anglorum*, quos centies antecessores nostri *Daci*,
» & *Norwagenses* bellis vicerunt, demonstretque
» gentem *Rory* ex ejus parte usque nunc semel mi-
» licia naufragia perpeffam esse, & ego victus abs-
» cedo. Nonne vobis pudet regem *Haraldum* con-
» tra me perjurum, in præsentia vestri faciem suam
» ausum fuisse vobis ostendere? michi tamen stu-
» por est quod eos qui parentes vestros cum *Alfre-*
» *do* cognato meo proditione nephanda excapitave-
» runt, oculis vestris vidistis, & eorum capita ne-
» phanda humeris eorum adhuc supersint. Erigite
» vexilla viri, & ab oriente usque in occidentem sul-
» men gloriæ vestrae videatur, impetus vestri toni-
» truum audiatur, vindicesque simus sanguinis ge-
» nerosi.

Et ecce nondum Dux *Willielmus* peroraverat, omnes ultra quam credi potest ira accensi, secundum acies suas in hostes impetu ineffabili provolabant, & Ducem sibi soli loquentem protinus relinquebant. Quidam vero nomine *Taillefer* diu antequam coirent bellatores, ensibus jactans, accoram gente *Anglorum* ludens, dum in eum omnes stupebant, quendam *Anglorum* vexilliferum interfecit. Secundo similiter egit, tercio idem agens & ipse interfectus est, & tunc sibi acies offenderunt. Incipit letifera nubes sagittarum, tonitruum sequitur ictuum, insilic ignita collisio galearum & ensium. Cum igitur *Haraldus* totam gentem suam in una acie strictissime collocasset, & quasi castellum ex eis construxisset, impenetrabiles erant *Normannis*. Dux ergo *Willielmus* genti suæ fugam docuit simulare, fugientes autem quandam magnam foveam dolose protectam devenerunt, ubi multus numerus eorum cotruens oppressus est. Dum ergo *Angli* in sequendo persistunt, acies *Normannorum* principalis per mediam *Anglorum* catervam pertransit, quod videntes qui persequiebantur, per foveam prædictam redire compulsi, ibi ex magna parte perierunt. Docuit etiam Dux *Willielmus* viros sagittarios, ut non in hostes directe, sed sursum in aera sagittas emittentes, cuneum hostilem sagittis excæarent, quod *Anglis* magnum fuit detrimentum. Viginti autem equites strenuissimi fidem suam invicem dederunt, quod *Anglorum* catervam prorumpentes signum regium quod vocatur *Standard* arriperent. Interea sagittariis Ducis *Willielmi* prævalentibus, & toto imbore sagittarum circa regem *Haraldum* cadente, ipse rex post varios belli eventus & casus dubios, in oculo usque ad cerebrum sagitta percussus, cum duobus fratribus suis *Gurth* & *Leofwino*, ac cæteris *Anglia* nobilibus quampluribus, ut ferunt, in bello occubuit. De quo quidem bello *Franci* qui interfuerunt, testabantur, quod inter varios hinc inde casus tanta fuit strages *Normannorum*, ut victoria, quam demum potiti sunt, vere & absque dubio justo Dei judicio sit ascribenda, qui puniendo scelus perjurii se Deum nolentem iniquitatem ostendit.

Willielmus Dux devicto *Haraldo* sollicitudine fatigatus, & in lecto sopori deditus, vocem sibi dicentem audivit, Vicisti *Willielme* & possedisti, regnabis ergo tu, & progenies tua C. quinquaginta annis. Quod Dux memoriter annotavit, & divinæ dispositioni quæ circa eum acta erant commendavit.

Morte

Morte autem regis *Haraldi* nunciata Comites *Morkatus* & *Edwinus*, qui propter loci aritudinem à bello se subtraxerant, *Londonias* venerunt, ac sororem *Haraldi Editham* reginam *Edwardi* regis uxorem ad urbem *Legionum*, quæ nunc *Cestria* dicitur, eo quod remota esset & tuta, transmiserunt.

Aldredus autem *Eboracensis* archiepiscopus, & Comites prædicti ac *Londonienses* clitonem *Edgarum Adelyng* in regem erigere, & pugnam pro eo committere promiserunt; sed Ducis *Willielmi* timore invalescente, paulatim à promissis resiliunt: unde & hii omnes cum cæteris nobilibus ad eum venerunt; & sic datis obsidibus cum fidelitate jurata, *Willielmus* post tantam victoriam à *Londoniensibus* pacifice est susceptus. Et sic facta est mutatio dexteræ excelsi, Quam cometa ingens, quæ quasi per totum mundum septem diebus in ejusdem anni exordio apparuerat, designavit: unde quidam metricè sic scripsit,

*Sexagenus erat sextus millesimus annus,
Cum pereunt Angli stella monstrante cometa.*

*Anno millesimo sexagesimo quoque senio
Anglorum meta crinem sensere cometa.*

Dux Normannorum transit mare, vicit Haraldum

Et nota quod stella cometa quando apparet, aut pestilentiam, aut famem, aut bellum, aut regni mutationem portendit. Quidam tamen dicunt cometam non esse stellam, sed pubem ignea claritate accensam. Dictum autem bellum inter regem *Haraldum*, & Ducem *Willielmum* in *Suthsaxonia* mense Octobri in festo sancti *Kalixti* papæ & martiris, ut superius dictum est, commissum fuit. Quo in loco *Willielmus* nobilem abbatiam in honore beati *Martini* pro defunctis suis postea construxit, eamque digne nomine *Belli* vocavit. Quorundam autem opinio fuit, quod prædictus *Haraldus* in prædicto prælio multis vulneribus confossus, oculoque sinistro perduto ad partes *Cestria* vivus de prælio clam evasit, ubi sancta conversatione vitam, ut creditur heremiticam in Cella quadam juxta ecclesiam sancti *Johannis* feliciter consummavit; Hoc ex ejus ultima confessione palam fuit. Cujus tumba in ecclesia sancti *Johannis Cestria*, ad dorsum crucis in medio aræ crebro ostenditur. Cum quo etiam dum adhuc vixit, ut quidam volunt, *Henricus* primus rex *Anglia* de *Wallia* rediens apud *Cestriam* colloquium habuit. Sed quia inde à multis dubitari solet, ea facilitate contempnitur qua dicitur. Ymo verior sententia est, quod *Haraldus* ictu sagittæ cerebro violato bello occubuit, ut est dictum, corpusque ejus matri petenti *Willielmus* misit, quod ipsa acceptum apud *Waltham* in ecclesia quam ipse in honore sanctæ crucis construxerat, sepelivit. Qui à festo *Epiphaniæ* domini usque ad festum sancti *Kalixti* papæ per xl. tantum regnavit septimanas.

Cur autem tanto furore Dei justitia in *Anglos* exarsit, causa ut creditur hæc est. In primitiva enim *Anglia* ecclesia religio clarissime splenduit, ita ut reges & reginæ, Duces, & Episcopi, vel monachatum, vel exilium pro Dei amore appetere; processu vero temporis adeo omnis virtus in eis emarcuit, ut gentem nullam prodicione, & nequitia sibi parem esse permetterent. Inmisit ergo Dominus omnipo-

tens, velut examina apum, gentes crudelissimas quæ ab initio regni *Ethelwulfi* regis usque adventum *Normannorum* per CC. xxx. annos terram jugiter protriverunt, & potissime *Normanni*, quando omnes fere *Angli* (ut inferius aliquantulum patebit) in servitutem sunt redacti, & obprobrium erat *Anglicus* appellari. Cumque *Willielmus* Dux *Normannia* conquestor *Anglia*, tyranni nomen exhorresceret, & nomen legitimi principis induere vellet, à *Stigando Cantuariensi* archiepiscopo in regem petiit consecrari; ille vero ut quidam dicunt cruento viro, & alieni juris invasori manus imponere formidans, nullatenus adquevit: unde licet ipse *Willielmus* eundem *Stigandum* ut noverat, multis modis blande honoravit, ipsum tamen (ut inferius clare patebit) nunquam postmodum cordialiter amavit. Quidam tamen dicunt quod dictus *Stigandus Cantuariensis* archiepiscopus, munus consecrationis sibi conferre non potuit, eo quod jamdudum suspensus esset, quia vivente archiepiscopo *Roberto* genere *Normanno*, archiepiscopatum ut prædictum est invaserat, & ideo nullus quisque bonus tunc ad episcopatum sive prælaciæ electus, munus consecrationis sive benedictionis, sicut nec ipse *Willielmus* coronam, sive sacramentum regni unctionis ab eo libenter suscepit. Requisitus igitur *Eboracensis* archiepiscopus *Aldredus*, vir utique bonus & prudens, intelligensque cedendum esse tempori, & divinæ nequaquam resistendum ordinationi, in ipso proximo sequenti die nativitatis Domini post victoriam de prædicto rege *Haraldo* habitam, *Londoniis* apud *Westmonasterium* hoc munus implevit, ipsumque regem *Willielmum* ad jura ecclesiæ *Anglicane* tuenda & conservanda, populumque suum recte regendum, & leges rectas statuendum, sacramento solemniter astringit. De quo rege *Willielmo* conquestore coronato, & sic regnum *Anglia*, *Anglis* ut præmittitur expugnatis & subactis, Ducatui *Normannia* sociante quidam sic metricè scripsit:

*Dux Normannorum Willielmus vi validorum
Rex est Anglorum, bello conquestor eorum.*

Willielmus autem rex postquam coronam, & munus regni unctionis à dicto *Aldredo Eboracensi* archiepiscopo susceperat, ita ipsum loco patris colebat, ut cum ille rex cæteris imperaret, ab ipso archiepiscopo voluit æquanimiter imperari. Unde contingit una vice, eundem archiepiscopum in quadam sua petitione à rege pati repulsam, iratusque scapulam avertit, & maledictionem pro benedictione comminatus est. Cujus animi motum rex ipse non sustinens, ad pedes ejus procidit, & veniam petiit, ac satisfactionem spondit. Cumque optimates qui aderant suaderent, ut regem prostratum erigeret, respondit, Sinite, inquit, illum ad pedes patris sui jacere. Hiis temporibus *Turci*, *Persis* & *Egyptiis* superatis, totum fere sibi subjiciunt orientem, & inter hæc urbem sanctam *Jerusalem*, sicut & alias *Sirie* occupant civitates. *Willielmus* rex in proxima quadragesima post coronationem suam *Normanniam* adiit, fratremque suum *Odonem Baiocensem* episcopum ad *Angliam* custodiendam reliquit; Obsides & plures *Anglia* nobiles secum ducens. Comites scilicet, *Edwinum* & *Morkatum*, *Edgarum Adelyng*, & potissime *Stigandum Cantuariensem* archiepiscopum, & quamvis ipsum parum dilexit, sub velamine tamen honoris hoc fecit, ne quid perfidiæ se absente per ejus auctoritatem in

Anglia pullularet. Post hæc, imminente yeme, rex *Willielmus Angliam* rediit, & importabile tributum *Anglis* indixit, ac civitatem *Excestria* contra se rebellantem obsedit & fregit, unde *Githa* Comitissa uxor quondam *Godwini*, urbe relicta, *Flandriam* navigio transit. Et cito post *Matildis* uxor regis *Willielmi*, filia *Baldewini* Comitis *Flandria*, *Angliam* veniens, à prædicto *Eboracensi* archiepiscopo *Aldredo* in reginam solemniter coronatur. Et tunc rex *Willielmus* terras *Anglorum* magnatibus, & militibus ac aliis hominibus suis *Francia* & *Normannia*, qui secum in conquestu suo extiterant, donavit. Quorum plurima cognomina adhuc in *Anglia* satis cognita & frequentata, sicut ea reperi scripta, hic inferere dignum duxi.

Vous qe desyrez assaver
 Les nons de grauntz de la la mer
 Le vindrent od le conquerour
 William Bassard de graunt vigoure,
 Lours surnons issi vous denys
 Com je les trova en escriz.
 Car des propres nons force ny a
 Purce qillis sont chaunges sa & la,
 Come de Edmondeen Edwarde,
 De Baldwyn en Barnard,
 De Godwyne en Godard,
 De Elys en Edwyn,
 Et issint des touz autrez nons
 Come ils sont levez du fons
 Purce lour surnons qe sont usez,
 Et ne sont pas sovent chaungez,
 Vous ay escript ore escotez,
 Si vous oier les voylleth.

Maundevyle & Daundevyle
 Ounfravyle & Downfrevyle.
 Bolvyle & Baskarvyle
 Evyle & Clevyle.
 Morevyle & Colevyle
 Warbevyle & Carvyle
 Botevyle & Stotevyle
 Deverous & Cavervyle
 Mooun & Boun
 Vipoun & Vinoun
 Baylon & Bayloun
 Maris & Marmyoun
 Agulis & Aguloun
 Chaumburleyn & Chaumburfoun
 Vere & Vernoun
 Verdyers & Verdoun
 Cryel & Caroun
 Dummer & Dommoun
 Hastyng & Cammois
 Bardelfe Botes & Boys
 Warrene & Wardeboys
 Rodes & Deverois
 Auris & Argenten
 Botetour & Boteveleyn
 Malebouch & Malemeyn
 Hautevyle & Hauteyn
 Danvey & Dyveyne
 Malure & Malvelyn
 Morten & Mortimer
 Braunz & Columber
 Seynt Denis & Seynt Cler
 Seint Aubyn & Seynt Omer
 Seynt Fylbert Fyens & Gomer

Turbevyle & Turbemer
 Gorges & Spenser
 Brus & Boteler
 Crevequel & seynt Quinteyn
 Deverouge & seynt Martin
 Seynt Mor & seynt Leger
 Seynt Vigor & seynt Per
 Auynel & Paynell
 Peyvere & Peverell
 Rivers & Rivel
 Beauchamp & Beaupel
 Lou & Lovell
 Ros & Druell
 Mountabours & Mountfrell
 Trussebot & Trussell
 Bergos & Burnell
 Bra & Boterell
 Biset & Bassel
 Malevyle & Malet
 Bonevyle & Bonet
 Nervyle & Narbet
 Coynale & Corbet
 Mountayn & Mounfyche
 Geynevyle & Gyffard
 Say & Seward
 Chary & Chaward
 Pyryton & Pypard
 Harecourt & Haunsard
 Musgrave & Musard
 Mare & Mantravers
 Fernz & Ferers
 Bernevyle & Bemers
 Cheyne & Chalers
 Daundon & Daungers
 Vessi Gray & Graungers
 Bertram & Bygod
 Traylliz & Tragod
 Penbri & Pypotte
 Freyn & Folyot
 Dapifoun & Talbore
 Sanzaver & Saunford
 Vadu & Vatorre
 Montagu & Mounford
 Forneus & Fornyvaus
 Valens yle & Vaus
 Clarel & Claraus
 Aubevyle & seynt Amauns
 Agantez & Dragan
 Malerbe & Maudut
 Brewes & Chaudut
 Fizowres & Fiz de lou
 Cantemor & Cantelou
 Braybuffe & Huldbyne
 Bolebeke & Molyns
 Moleton & Besyle
 Richford & Desevyle
 Watervyle & Dayvyle
 Nebors & Nevyle
 Hynoy Burs Burgenon
 Ylebon Hyldebrond Holyon
 Loges & seint Lou
 Maubank & seint Malou
 Wake & Wakevyle
 Coudree & Knevyle
 Scales & Clermount
 Beauvys & Beaumont
 Mouns & Mountchaupe

Nowers & Nowchaumpe
 Percy Crus & Lacy
 Quincy & Tracy
 Stokes & Somery
 Seynt Johan & Seynt Jay
 Greyle & Seynt Walry
 Pynkeney & Panely
 Mohant & Mountchenly
 Loveyn & Lucy
 Artoys & Arcy
 Greyle & Courcy
 Arras & Cressly
 Merle & Moubray
 Gornay & Courtney
 Hauflayng & Tornay
 Hufce & Hufay
 Pouchardon & Pomeray
 Longevyle & Longespay
 Peyns & Poundarge
 Straunge & Sauvage.

67 Anno Domini M. lxxij. regni vero regis Willielmi secundo, proceres Northumbria iuvitiam regis Willielmi formidantes, sumptis secum Edgari Adelyng cum matre sua Agatha & duabus sororibus Margareta & Christina, ad Malcolmum regem Scotie navigarunt. Volunt tamen quidam, quod dictus Edgarius terram Anglorum undique cernens turbati, cum matre & sororibus suis predictis ac multis militibus mare ingressus, reverti in patriam de qua natus fuerat conabatur; sed orta tempestate in Scotiam cogitur applicare: qua occasione actum est, ut rex Scotia Malcolmus Margaretam sororem dicti Edgari, quæ modo sancta Margareta Scotie dicitur, postea duceret in uxorem. Hoc anno Willielmus rex firmavit unum castrum apud Potpyngham, & aliud apud Lyncolniam, & duo apud Eboracum, & ad partes rediit australes. Et in anno sequenti Roberto Comiti consulum Northumbrie dedit, & ad partes illas cum exercitu copioso ipsum misit. Qui cum esset Dunolmi à quibusdam audivit qui eum prænuntiabant, quod Northumbrenses in eum nocte irruerent, & vires in mortem ejus exercerent, noluit tamen credere, dicens, Eos talia præsumere non audere. Et cum esset securus, nichil in aliquo sibi timens, nocte in eum irruerunt, & castra sua circumvallantes eum, & cum eo DCCCC. homines occiderunt. Tunc Edgari juvene cum omni gente Northumbria ad Eboracum veniente, burgenles cum eo pacem fecerunt. Rex vero Willielmus cum exercitu suo adveniens, civitate prædata, magnam gentis perfidæ stragem dedit. Edgarius autem in Scotiam est reversus.

Eodem anno, scilicet anno Domini M. lxxij. regni vero regis Willielmi iij. Haraldus & Kanutus filii Swani regis Dacorum, & Osbertus Consul frater suus, cum plusquam ducentis navibus de Dacia venientes, circa festum nativitatis beatæ Mariæ in hostio Humberie applicuerunt, quibus Edgarius Adelyng, & Waltes Consul prope se junxerunt; de quorum adventu Aldredus archiepiscopus Eboracensis ita tristis effectus est, ut iij. idus Septembris moreretur. Octavo post hæc die, Normanni custodes castrorum apud Eboracum, timentes ne domus suburbii Danis ad fossas implendas suffragia forent, eas incendere cœperunt; sed flamma nimis

10 excrefcens, urbem Eboraci cum ipso monasterio beati Petri dolorose consumpsit. Dani autem & Northumbrenses ante finem incendii hinc inde supervenientes eodem die, civibus auxiliantibus, castella fregerunt, & plusquam tria millia Normannorum gladio peremerunt, ac principes eorum victos, & thesauros ad naves suas rulerunt. Et tunc dicto Edgari in Scotiam redito, Dani in terram suam, & Northumbrenses in locum suum sunt reversi. Quod cum audisset rex Willielmus iratus est valde, & congregato exercitu copioso Northumbriam adiit, eamque per totam sequentem hiemem in tantum devastavit, quod per ix. annos sequentes lata ubique solitudo patebat, inter enim Eboracum & Dunolmiam nulla inhabitabatur villa, nec terra aliqua erat culta, excepto solo territorio beati Johannis Beverlaci; nam ibi quidam regis miles collo equi sui fracto, & facie propria retorta, vindictam incurrebat. Tunc etiam monasterium Bede quod est in Girvum super ripam Wiri fluminis est combustum. Dunolmiensis autem episcopus Egelwinus & ceteri optimates, regem timentes, ne ipsi cum ceteris morti traderentur, corpus beati Cuthberti integrum secum assumentes, in Eland fugerunt, ad quorum introitum mare quod tunc plenum erat, se retraxit, & ipsis sacratissimum corpus ferentibus cum toto eodem comitatu sicum iter præbuit, quibus ex parte altera terram contingentibus, mare in cursum solitum est reverti, omnes arenas cooperiens fluctibus copiosis. Dunolmiensis igitur ecclesia cum ecclesiastico servicio esset destituta, facta est quasi deserta & spelunca latronum. Rex autem vernali tempore, concordia inter ipsum & Waltes Consulem facta, Northumbriam rediit, & tunc prædictus Dunolmiensis episcopus, tribus mensibus & aliquot diebus peractis in Eland, cum thesauro sacri corporis & omni populo ad Dunolmiensem ecclesiam est reversus. Hiis temporibus fames in Anglia tantum invaluit, ut homines equinas, catinas, & caninas, ac etiam humanas carnes comederent. Hoc anno Marianus Scotus post novem annos suæ inclusionis apud Fuldam jussu Maguntini episcopi juxta Maguntiam includitur.

1069. Anno Domini M. lxxix. & regis Willielmi quarto, Malcolmus rex Scottorum cum infinita multitudine per Cumburlandiam versus orientem se divertens, universam Tesedale & loca ejus finitima ultra citraque feroci depopulatione vastavit. Depopulataque quadam parte Clivelandia quasi ex subito Dercernesse occupavit. Indeque per terras sancti Cuthberti discurrens, multos rebus & vita privavit, villas & ecclesias cum hiis qui in eas confugerant, concremando, senes & vetulæ gladiis obtruncantur, alii indifferenter confodiuntur, raptique ab uberibus matrum parvuli in altum prociuntur, & lanceis excipiuntur: hac enim crudelitate maxima Scoti bestiis crudeliores pro ludi spectaculo delectabantur, qui demum in terram malam revertentes, juvenes & virgines, robustos, miseros, & captivos secum duxerunt, & eos perpetua servitute dampnaverunt, in tantum ut vix esset domus in Scoria, quæ servo aut ancilla Anglici generis careret. Tunc vero secundum quosdam, iste Malcolmus rex Scotie in revertendo de Anglia, dictam Margaretam dicti Edgari sororem primo invenit, et eam in uxorem duxit, per quam postmodum ferocitatem in parte dimisit, et honestior factus est. Et ex qua per processum

processum temporis genuit sex filios, et duas filias, scilicet *Edwardum* primogenitum, qui cum patre interfectus fuit; *Edmundum* ante patrem decedentem; *Edgarum*, qui post patrem novem annis regnavit; *Edredum* ante patrem decedentem; *Alexandrum*, qui post *Edgarum* fratrem suum xvij. annis regnavit; & *David*, qui post *Alexandrum* fratrem suum xxix. annis regnavit. Et ex *Matilda* de sancto *Licio* genuit *Henricum* Comitem sed non regnantem. Genuit etiam *Malcolmus* rex ex dicta *Margareta Matildam* postea regis *Anglie Henrici* primi uxorem, ex qua processit *Matildis* imperatrix. Altera quoque filia *Malcolmi*, *Maria* nomine, *Eustachio* Comiti *Bononia* postea nupta fuit, de qua processit *Matilda* quæ postea *Stephano* regi *Anglie* exitit maritata. *Henricus* vero Comes filius *David* regis genuit tres filios, scilicet *Malcolmum*, qui post *David* xij. annis regnavit; *Willielmum*, qui post fratrem suum xlix. annis regnavit, et *David* Comitem de *Dundee*. *Willielmus* vero rex genuit *Alexandrum* secundum, qui regnavit xxxv. annis, et genuit *Alexandrum* tertium, qui xxxvij. annis regnavit, et genuit *Margaretam* neptem regis *Edwardi Anglie* primi post conquestum. *David* autem Comes de *Dundee* filius *Henrici* Comititis genuit ex *Matilda* filia *Ranulphi* Comititis *Cestrie* iij. filias, scilicet *Margaretam*, *Matildam*, *Isabellam*, et *Aldam*. *Margareta* vero nupsit *Alano* de *Galeway*, ex qua processit *Devergoil* uxor *Johannis* de *Balliolo*, quæ genuit *Johannem* de *Balliolo*, quem dictus rex *Anglie Edwardus* primus post conquestum in regem *Scotie* post mortem *Alexandri* terti præfecit. Altera vero filia dictæ *Margareta Elena* nomine, Comitissa *Wyntonia*, produxit Comitissam de *Ferers* *Margaretam*, *Elenam* de *la Souch*, et *Elizabetham* Comitissam de *Boghan*. *Matilda* vero altera filia *David* Comititis sine liberis decessit. Tercia vero filia ejusdem Comititis *David* *Isabella*, nupsit *Roberto* de *Brus*, qui genuit *Robertum*, et ille *Robertus* genuit *Robertum* regem *Scotie*, qui genuit *David* regem *Scotie*, cui rex *Anglie Edwardus* à conquestu tertius sororem suam *Johannam* maritavit. Quarta vero filia *Alda* nupsit *Henrico* de *Hastynge*, qui genuit *Henricum*, qui genuit *Johannem*.

Per idem tempus, scilicet anno Domini ultimo supradicto, rex *Willielmus* quorundam consilio ductus, in ipsa quadragesima omnia monasteria *Anglie* pericrurari iussit; et pecuniam quæ propter ejus timorem in eis reposita fuerat, transferri in ærarium suum fecit. Per idem etiam tempus *Baldewinus* abbas sancti *Edmundi Romæ* perrexit; unde papa virgam pastorem et annulum sibi dedit. Post hæc in eodem anno in octabis Paschæ rex erga *Stigandum* archiepiscopum *Cantuariensem* à diu irritatus, cum vicium ordinationis & vitæ dedecora cognovisset, & honestam ultionem de ipso habere voluisset, Concilium, annuente papa *Alexandro*, *Wyntonia* statuit celebrari, duobus cardinalibus ad ecclesiam *Anglicanam* disponendam regis literis accersitis ibidem præsentibus. In quo dictus archiepiscopus *Stigandus* sceleribus suis patefactis, tribus de causis degradatus est. Primo quia episcopatum *Wyntoniensem* simul cum archiepiscopatu injuste tenuerat. Secundo, quia aliquando vivente *Roberto* archiepiscopo prædecessore suo, archiepiscopatum occupavit, & pallio ibidem relicto ulus

est. Tercio, quia à *Benedicto* papa quem ecclesia *Romana* excommunicaverat, pallium acceperat. Sed licet *Stigandus* amicitiam regis jugiter inclamaret, rex blande ut noverat mandatis papalibus se excusans, ipsum in vinculis apud *Wyntoniam* tenuit, quoad vixit, parum de fisco cotidie ad victum sibi conferens. Ipse nempe *Stigandus* ingenita mentis durtia nichil de proprio sumere sive expendere voluit, jurans per omnem Sanctum se non habere nummum; cujus fidei obviabat, quod collo examinati corporis clavicula dependens magnarum opum in subterraneis specubus repertarum indicium fuit. Depositi sunt etiam in eodem Concilio plures episcopi & abbates, procurante id potissime rege *Willielmo*, ut in locis eorum personas *Normannicas* introduceret; quidam vero putabant eum ad majorem regni confirmationem id egisse. In hoc quoque Concilio imperterritus *Wolstanus Wigornensis* episcopus possessiones quamplures sui episcopatus ab *Aldredo* prædecessore suo, dum à *Wigornensi* ecclesia ad *Eboracensem* transferretur, sua potentia retentas, ac eo defuncto in regiam potestatem devolutas, constanter proclamabat & expetebat, justitiamque inde fieri tam ab ipsis qui Concilio præerant quam ab ipso rege flagitabat; verum quia *Eboracensis* ecclesia tunc muta erat, eo quod pastore qui pro ea loqueretur carebat, judicatum est, ut ipsa querela intacta interim remaneret, quousque ecclesia *Eboracensis* pastore provisa, ex objectis & responsis posset evidentius & justius judicium ferri.

Post hæc, die Pentecostes rex *Willielmus* apud *Wyndesoram Walkelino* capellano suo *Wyntoniensis* ecclesiæ contulit præsulatum, ac venerando *Bayocensi* canonico *Thome Eboracensis* ecclesiæ contulit archipræsulatum, qui postmodum apud *Eboracum* perpuleram ecclesiam construxit, clericos multipliciter ditavit, & cantus ecclesiasticos composuit. Post hæc, rex accito de *Normannia Lanfrancus Cadomense* abbate, genere *Italico*, literatura peritissimo, die assumptionis beatæ *Mariæ* ipsum archiepiscopum *Cantuariensem* constituit atque fecit. Ille *Lanfrancus* liberalibus studiis juventutem suam attriverat, sacris scripturis ævum maturaverat, quibus edoctus mundanos animos & ampullata gentilium eloquia parvipendere cœpit. Hic tamen ex omnibus *Normannia* monasteriis *Beccum* præelegit, paupertate & religione loci captus, ubi ipsum *Herlewinum* abbatem loci primum ad coquendos panes succinctum, & manus fimo conspicatus est. Piger esset monachus homo qui nesciret agresti opere victum quærere, publicas scholas de *Dialectica* professus est, ut sic egestatem loci scholarum liberalitate temperaret; unde gloria laudis ejus apud improbos viros per invidiam in tantum conflavit, ut à vicinis capellanis Comes *Normannia Willielmus* turbatus ediceret, *Lanfrancum* pro sua importunitate de *Normannia* repellendum. Nam *Harfastus* quidam Comititis *Willielmi* capellanus, ante adventum *Lanfranci* probabilis scientiæ æstimatus, ad gignasium *Lanfranci* cum magna sociorum & equorum pompa pervenerat. Tunc *Lanfrancus* ex prima hominis collocautione intelligens, quod prope nichil sciret, abecedarium illi apposuit expediendum, ferociam hominis *Italica* pericia sic illudens. Quo ille irritatus, per ducem *Willielmum* effecit, ut *Lanfrancus* de tota *Normannia* expelleretur. Sed occasio

occafio recuperandæ gratiæ fuit, quod ad curiam Comitis tendens, equus ejus claudicans Comiti cachinnum excuffit; unde confpecta in *Lanfranco* refponfi faciecia & dignitate frontifpicii, de Priore *Beccenfi* effectus est abbas *Cadomenfis*, ac poſtea archiepifcopus, ut dictum eſt, *Cantuarienfis*. Ad iſtum *Lanfrancum* à *Wellenſi* & *Herfordenſi* epifcopis in archiepifcopum conſecratum *Cantuarienſem* acceſſit dominus *Thomas Eboracenſis* electus, ex more ſacrandus, à quo *Lanfrancus* ſcriptam de obedientia ſua profeſſionem, cum adjectione juſjurandi expetiit. Reſpondit *Thomas*, Se nunquam hoc facturum niſi ſuper hac re ſcriptas auctoritates aut congruas rationes audiret, quibus id ſine eccleſiæ ſuæ præjudicio facere deberet. Hoc autem magis ex animi ignorantia quam ex elati ſpiritus pertinacia depromebat, tanquam novus homo *Anglica* conſuetudinis expers, ac verbis adulatorum deceptus. At cum *Lanfrancus* poſtulata rationabiliter enodaſſet, non adqueſcens adhuc *Thomas* minime ſacratuſ abceſſit. Quod rex audiens moleſte tulit, æſtimans *Lanfrancum* injuſte velle, & magis ſcientia quam ratione confidere. Sed ipſe coram rege reddita ratione, regis animum mitigavit. Quamobrem *Thomas* regis edicto compulſus rediit, ſcriptamque de ejus obedientia profeſſionem fecit & legit, in qua ſe in omnibus quæ ad Chriſtianæ religionis cultum pertinent obtemperaturum abſolute promiſit, & ſic ſacratuſ abceſſit. Non multo poſt *Lanfrancus* ab univerſis *Angliæ* epifcopis profeſſiones peciit & accepit, qui prius ab aliis ſacratu fuerant.

Anno Domini M. lxx. & regis *Willielmi* quinto, Comites *Merciorum* & *Northumbria* *Edwinus* & *Morkatus* ſive *Marcherus*, quia rex eos vinculare diſpoſuerat, latenter de curia fugerunt, qui per campos & nemora deprædantes aliquamdiu rebellarunt, ſed quia parum profecerunt, *Edwinus* regem *Scotorum* adiens à ſuis occiditur. Tunc vero *Morkatus*, & *Herewardus*, ac *Egelwinus Dunolmenſis* epifcopus inſulam de *Ely* adierunt, in eadem pro caſtro et loco tuto morantes; ubi rex *Willielmus* exercitum terra et mari ducens, inſulam obſedit, ab oriente exitum præcluſit, ad occidentem pontem longum paravit, et domum belli quæuſque hodie perſtat artiſcioſe conſtruxit. Inde perteritis infraluſis, *Herewardus* ſtrenuiſſimus ſuos eduxit viriliter. *Morkatus* et *Egelwinus* regi ſe dederunt, unde rex inſulam introiens, *Morkatum* et plures alios, ut quidam volunt, occidit, *Egelwinum* vero epifcopum ad monaſterium de *Abyndon* tranſmiſit cuſtodiendum, ubi dolore cordis comedere nolens fame obiit. Cui ſucceſſit *Walkernus* genere *Lothoringus*, quem cum vidiffet *Editha* regina, regis *Edwardi* relicta, ad conſecrandum *Wintoniam* adduci, videns cæſarie lacteolum, vultu roſeum, ſtatura prægrandem et pulcrum, ait, Hic habemus martyrem. Conjectura videlicet ſavæ gentis *Northumbria* ad præſagiendum inducitur. Hoc anno obiit *Herfordenſis* epifcopus *Walterus*, de quo ferunt, quod erat in urbe *Hereford* mulier quædam quam neſcio quo infortunio ardentè amabat, ignorabat tamen hæc illa, et forſan ſi ſciwiſſet contempſiſſet. Interea cogitabat pontifex quod nichil eſt infelicius quam ſenex amans; unde pro gradu ſui reverentia contra illud vicium reluſtabat. Famulante tandem dæmonis fraude, illa cubiculum pontificis ingreditur

ut forſan cubicularius veſtes lineas incideret. Deſcendunt ex cauſa clientes ſecretorum conſcii. Tandem poſt obſcena dicta epifcopo vim inferente, ſemina forcipibus quos manutenebat inguina perſodit, unde et obiit. Cui ſucceſſit *Robertus* genere *Lothoringus* omnium artium liberalium peritus, ac præcipue lunarem compotum et curſum aſtorum rimatus. Erat namque tunc temporis *Marianus* monachus apud *Maguntiam Alemannia* civitatem incluſus, qui longo ſolitudinis otio cronographos ſcrutatus, diſſonantiam cyclorum *Dioniſii* exigui contra evangelicam veritatem qui primus vel ſolus animadvertit. Itaque ab initio ſeculi annos recensens ſingulos xxi. annos qui cyclis prædictis deerant ſuperaddidit, magnam et diſfuſam cronicam cõmentatus eſt. Illum librum *Robertus* iſte miratus, in artum contraxit, quem ita ſplendide deſloravit ut jam magis valde videatur deſloratio quam ingentis voluminis diſfuſio. Hoc quoque anno *Lanfrancus Cantuarienſis* et *Thomas Eboracenſis* archiepifcopi, ut pallia à domino papa *Alexandro* reciperent, *Romam* una cum *Remigio Dorceſtrenſi* epifcopo ſimul iverunt. Cui *Lanfranco* *Romam* venienti, propter doctrinæ et ſapientiæ ſuæ famam idem papa dignanter aſſurrexit, proteſtans, ſe non pro illius archiepifcopio ſed literarum magiſterio hoc feciſſe. Quapropter papa petiit, ut cum ipſe quod eſſet honoris feciſſet, *Lanfrancus* quod eſſet juſtitia faceret, videlicet ut ſe veſtigiiſ beati *Petri* vicarii humiliter proſterneret. Quo facto, *Lanfrancus* duo pallia, unum honoris & alterum amoris recepit, ac tantam gratiam in oculis papæ invenit, ut amboſ itineris ſui ſocios *Thomam* & *Remigium* baculis & anulis merito privatos precibus ſuis officio reſtitueret. Primus namque preſbyteri fuit filius. Secundus cum eſſet monachus *Fiscaenſis* *Willielmo* duci *Normannia Angliam* tendenti in multis opiculatus, epifcopatus ſi dux vinceret pactus eſt, ſuper quo coram prædicto papa *Alexandro* conviſtus, depoſitus eſt.

In præſentia eciam papæ *Thomas Eboracenſis* de primatu *Dorobernenſi*, & de ſubjectione trium epifcopatuum *Dorceſtrenſis*, *Wigornenſis* & *Lichfeldenſis* ſibi faciendæ, calumpniam movit, dicens, *Cantuarienſem* & *Eboracenſem* abinvicem honorem habere, nec alteram alteri juxta conſtitutionem beati *Gregorii* debere ullatenus ſubjacere, excepto quod unus eſt alio dignior propter prioritatem temporis, quod cum *Lanfrancus* rationabiliter oſtendiſſet conſtitutionem illam *Gregorianam* non de *Cantuarienſi* ſed de *Eboracenſi* & *Londonienſi* feciſſe mentionem, decrevit papa cauſam illam coram rege & epifcopis fore in *Anglia* terminandam. Et quamvis *Lanfrancus Thomam* pro ſuo tempore per profeſſionem prius factam ligatum teneret, maluit tamen pro ſuis ſucceſſoribus laborare, quam eis in poſterum hanc calumpniam diſcutiendam reſervare.

Anno Domini M. lxxj. & regni regis *Willielmi* ſexto, dictis archiepifcopis *Cantuarienſi* & *Eboracenſi*, una cum dicto epifcopo *Dorceſtrenſi* de curia *Romana* in *Angliam* reverſis, coram rege *Willielmo* & clero apud *Wyndesſoram* ventilata eſt cauſa, ſuper jure quod *Cantuarienſis* archiepifcopus ſuper *Eboracenſem* archiepifcopum proclamabat, Ubi hiſtoria *Beda* perleſta monſtratum eſt, à tempore primi *Auguſtini* uſque ad ultima *Beda* tempora, quod circiter centum quadraginta annes erat, *Cantuari-*

An. Dñi
1071.

tuariensem, primatum super totam *Britannia* insulam & *Hiberniam* gessisse, concilia juxta *Eboracum* fecisse, archiepiscopos *Eboracenses* vocasse, aliquos instituisse, aliquibus pro culpa censuras imposuisse, nonnullos amovisse. Recitata sunt etiam varia privilegia regibus & præsulibus super primatu *Cantuariensi* à summis pontificibus concessa. Adversus hæc proposuit *Thomas* epistolam illam, per quam *Gregorius Londoniensem* & *Eboracensem* ecclesiam pares esse, nec altram altri subjacere decrevit. Cui cum *Lanfrancus* respondisset, Nec ego sum *Londoniensis* nec de *Londoniensi* mota est quæstio. Adjecit *Thomas*, qui secum plures fautores acciverat, quod videlicet à beato *Gregorio* soli *Augustino* concessum fuerat omnes *Anglia* episcopos habere subiectos, & quod post obitum *Augustini* inter *Londoniensem* & *Eboracensem* episcopos mutua esset gratiæ vicissitudo, & quod prioritatem honoris causaret anticipatio ordinationis. Et quamvis *Augustinus* sedem de *Londonia* ad *Cantiam* transfulisset, si *Gregorius* successores *Augustini* prioratum super *Eboracensem* habere voluisset, facile hujusmodi verba in sua epistola posuisset, Hæc tibi *Augustine* & omnibus tuis concedo: verum quia hoc ad successores *Augustini* concedere noluit, ideo de successoribus mentionem non fecit.

Ad hæc *Lanfrancus*, Si soli *Augustino* & non successoribus suis hæc autoritas concessa sit, exile esset munus apostolicum suo familiari collatum, præsertim cum *Augustinus* nullum dum viveret *Eboracensem* ordinavit episcopum, nec ibi fuerit aliquis episcopus quem *Augustinus* subiectum haberet. Hanc denique dignitatem privilegia apostolica *Dorobernensibus* *Augustini* successoribus confirmarunt. Equum etiam & justum censuerunt, omnes *Anglia* ecclesiæ ut ab eo loco mutuarent vivendi disciplinam, à cujus fonte habuerunt credendi flaminam. Porro quod dicis, *Gregorium* potuisse si voluisset successoribus *Augustini* confirmasse dicto quod concesserat *Augustino*; verum est, nec tamen hoc sedi *Cantuariensi* præjudicium affert, nam quando dixit Dominus *Petro*, Tibi dabo claves regni cælorum: potuit adjecisse si voluisset, Eandem potestatem successoribus tuis concedo: verumtamen hujus dicti præmissio nichil reverentiæ aut autoritatis adimit *Petri* successoribus, quin in eis officiorum ecclesiasticorum tanta sit dispensatio. Quid agit hoc, nisi vis divinæ liberalitatis per *Jhesum Christum* à beato *Petro* in ejus vicarios est diffusa? Præterea si dialecticam nosti, Quod valet in toto valet in parte, quod valet in majori valet in minori. *Romana* ecclesia est quasi totum omnium ecclesiarum, cæteræ ecclesiæ sunt quasi partes ecclesiæ *Romanæ*. Sicut enim quodam intuitu homo est genus suorum individuorum, & tamen in unoquoque individuo inest totius hominis proprietas: ita quodam respectu *Romana* ecclesia est genus & totum ecclesiarum, & tamen in unaquaque ecclesiarum, totius Christianæ fidei tota regnat integritas. Ipsa est major omnium ecclesiarum, & quod valet in ea debet valere & in minoribus; ut potestas primi cujusunque principis ecclesiæ in succedentes remanet, nisi si quid personaliter & nominatim excipia-
tur. Quare sicut Dominus dixit omnibus præsulibus *Romanis* quod dixit *Petro*, ita dixit *Gregorius* omnibus successoribus *Augustini* quod dixerat *Augustino*. Hinc conficitur, ut sicut *Cantuariensis*

subicitur *Roma*, eo quod ex ea fidem suscepit, ita *Eboracensis* subiciatur *Cantuaria*, quæ illuc prædicatores misit. Jam quod voluisse allegas *Gregorium*, ut *Augustinus* resideret *Londonia*, fluctuat plane; quis enim credat tantum discipulum tanti magistri resultare voluntati? Sed esto prout dicis, quod ipse *Augustinus* migraret, quid ad me qui *Londoniensis* non sum? Ea de re si lite sequestrata pace media negotium ventilari desideras, pro mei juris officio non deero recto judicio.

Succubuit his rationibus *Thomas* & libenter concessit, ut ulterior ripa *Hambra* esset principium suæ diocesis. Decretumque est, ut *Eboracensis* de cætero in hiis quæ ad catholicum cultum pertinent subiaceat *Cantuariensi*, ita ut si *Cantuariensis* ubicumque locorum in *Anglia* concilium congregare voluerit, *Eboracensis* cum suis subiectis episcopis aderit, & canonicis ejus præceptis obediens erit. Decedente autem *Cantuariensi*, *Eboracensis* *Doroberniam* venit, & electum cum cæteris præfatæ ecclesiæ episcopis in primatem consecrabit: quod si *Eboracensis* obierit, successor ejus ad *Cantuariam* accedet, vel ubi *Cantuariensis* visum fuerit, & ordinationem ab eo suscipiet, faciens de professione canonica obedientiam, juramentum. Emicat itaque *Lanfrancus* tripudio, gesta excipit scripto ne laberentur recentia posterisque fraudaretur noticia; modeste tamen ut nec scienda prætermitteret, nec dicendo afflueret, quia in proprias laudes facietari odiosa jactantia est; unde & epistolam ista continentem *Lanfrancus* summo pontifici *Alexandro* cum professione *Thomæ Eboracensis* destinavit.

Hoc quoque anno post assumptionem beatæ *Mariæ*, rex *Willielmus* propter mala quæ *Scoti* in *Anglia* fecerant, cum navali & equestri exercitu in *Scotiam* profectus est, cumque eam ingressus esset, *Malcolmus* rex nunciis ad eum procul missis; ea quæ pacis sunt rogavit, sciens se cum eo non posse dimicare; occurritque ei in loco qui dicitur *Abyrnyth*, & homo suus devenit, & homagio & fidelitate cum juramento factis, & obsidibus multis datis, *Willielmus* rex usque *Dunolmum* reversus est, ubi castellum de novo construxit. Et quia multi de suis non credebant beatum *Cuthbertum* esse sanctum, vel corpus ejus integrum ibi esse, præcepit rex in ipso festo omnium Sanctorum episcopo loci missam eodem die celebranti, ut duo capellani de suis ingrederentur, & corpus viderent & palparent. Disposuerat enim rex quod si sanctum corpus non inveniretur, ut omnes majores natu ejusdem provinciæ detruncarentur. Sed suum propositum mutavit Deus, nam rex statim correptus cœpit æstu inæstimabili fatigari, nimiumque sudare, & nimio concuti horrore, moxque ad eisdem capellanos mittens, ne quoquo modo ad sepulcrum attingere præsumerent, imperavit, confestimque equum ascendens, non destitit cursum urgere donec *Thefiam* videret & transfret, eo quod inmoderatus ille calor nondum prius ad plenum quiesceret, unde extunc ipsum gloriosum Sanctum multum honori habuit & commendavit.

Anno Domini M. lxxij. & regis *Willielmi* vij. An. D. idem rex exercitum *Anglorum* & *Francorum* in *Cenomanniam* promovit, ubi *Angli* terram destruxerunt, & eam villis combustis & vineis cæsis regi viriliter subdiderunt. Proximo vero anno sequenti rex *Willielmus* in *Normanniam* transivit. Ad quem
Edgarus

Edgarus Adelyng de *Scotia* in *Normanniam* veniens cum ipso rege concordatus est, & diu in curia ejus permansit. *Sigebertus Maguntinus* episcopus sanctum *Jacobum* peregrinus adiit, sed in redeundo *Clunacensis* monachus est effectus; cuius episcopatum dum quidam mercenarii comparare vellent, annuente abbate *Clunacensi* ad sedem suam rediit *Sigebertus*.

n. Dñi
1074. Anno Domini M. lxxiiij. regni autem regis *Willielmi* nono, tres monachi de provincia *Merciorum* & *Lincolniæ* divinitus missi *Eboracum* venerunt à vicecomite ducem itineris petentes usque *Ponthe-castre*, i. monachorum civitatem, quæ nunc nominatur *Novum castrum*. Quo venientes & ad tempus ibi morantes, antiquorum servorum Christi vestigium nullum reperierunt, propter quod ad *Girvum* se diverterunt, episcopo *Dunolmensi Waltero* illos cum summo honore suscipiente. Horum nomina fuerunt *Aldeminus*, *Alfwinus*, & *Reynesfridus*. Ex hiis tribus tria sunt in regione *Northumbriorum* monasteria instaurata: unum *Dunolmi* in honore sanctæ *Mariæ*, aliud *Eboraci* in honore ejusdem genitricis Dei *Mariæ*. Tercium apud *Straneshald* quod nunc appellatur *Whitby*. Postea sex annis elapsis ex præcepto regis *Willielmi* nothi monachi sexto kal. Junii feria quinta in *Dunolmo* convenerunt.

Hiis diebus in confinio *Normanniæ* & *Britanniæ* mulier quædam erat quæ duo capita, quatuor manus & omnia usque ad umbelicum habebat dupla, inferius vero simpla. Ridebat, comedebat, & loquebatur pars una, flebat, esuriebat, & tacebat pars altera. Postremo una defuncta, altera fere triennio supervixit; donec præ mole ponderis & putredine, & fætoris mortui cadaveris ipsa deficeret.

Hildebrandus qui & *Gregorius* vij. quondam Prior *Clunacensis*, sed tunc *Romanus* archidiaconus, sedit papa xxi. annis. Hic synodum generalem contra emptores ecclesiasticorum beneficiorum, & contra episcopos qui investituras episcopatum à manibus regum vel imperatoris per traditionem anuli, vel baculi receperint, celebravit; & in eadem synodo interdixit clericis consecratis uxores habere, aut cum mulieribus morari, nisi cum quibus *Nicæna* synodus aut cæteri canones permittunt. Sed cum sacerdotes ejus censuras parvipenderent, præcepit ut nullus audiret missam concubinarij sacerdotis. Hic dum aliquando Cardinalis & legatus esset & in *Francia* acriter contra simoniacos processit prælatos, unde & unus episcopus super hoc graviter infamatus, testes qui eum accusaverant clam corrupit. Quod comperiens legatus, coram Concilio per ipsum celebrato dixit, Cesset humanum indicium frequenter fallibile, & divinum oraculum producat, cum certum sit quod episcopalis gratia donum sit sancti Spiritus, & quisquis episcopatum mercatur, contra Spiritum sanctum qui donum Dei dicitur facit. Si ergo tu episcope contra Spiritum sanctum non fecisti, dic palam *Gloria Patri, & Filio, & Spiritui sancto*, & ab hoc crimine te sentio absolutum. Annuit ille, & licet ille frequentius omnibus audientibus *Gloria Patri & Filio* expedite proferebat, *Spiritui sancto* nec tunc, nec omni vita sua proferre potuit; secundum tamen quosdam, de episcopatu ejectus plane dixit. Hic etiam papa dum nocte nativitatis *Dominicæ* primam missam in ecclesia beatæ *Mariæ*

ad præsepe Domini celebraret, *Crescentius* præfecti urbis filius eum cepit & incarceravit, sed *Romani* statim turrim fregerunt, & papam liberaverunt. Iste etiam in concilio 170. episcoporum *Henricum* imperatorem excommunicavit, & à fidelitate ei debita cunctos absolvit, pro eo quod contra statum ecclesiæ plurima moliretur. Et quanvis imperator ille postea diu super nivem & glaciem nudis pedibus diu stetit veniam rogans, vix tamen absolutio-nem obtinuit. Post hæc nichilominus imperator *Romam* obsedit, & civibus corruptis, ipsum papam cum cardinalibus captum incarceravit, ac *Wybertum Ravennensem* episcopum quem *Clementem* vocavit, papam instituit. Sed *Robertus* dux *Apuliæ* hoc audiens, papam & cardinales liberavit, & imperatorem cum suo antipapa profugavit. Hoc quoque anno ultimo supradicto omnia juxta cursum solis & lunæ sunt completa sicut in xv. anno *Tiberii Casaris*, à quo anno usque in præsentem annum duo magni cich sunt, hoc est M. lxxiiij. anni.

Anno Domini M. lxxv. & regni regis *Willielmi* x. Comes *Herefordensis Rogerus* regis *Willielmi* cognatus, de cujus consilio idem rex, ut præscribitur, monasteria *Angliæ* pro thesauris habendis scrutari fecerat, contra regis præceptum sororem suam *Radulpho* Comiti, cui rex consularum *Estangliæ* dederat, copulavit; qui dum rex in *Normannia* ex-titit, prodicione in ipsis nuptiis prælocuta, ut regem ipsum à regno expellerent, conjurationem fecerunt, & ibi Comitem *Walteff* filium strenuissimi Comitis *Simardi*, de quo superius in processu regis *Edwardi* tercii plenius tactum est, ad consentiendum dolis suis circumvenerunt. Sed proceribus regni eis viriliter obstitentibus, ipse *Radulphus* Comes *Estangliæ* apud *Norwicum* naves introiens, in *Daciam* navigavit; unde dictus *Walteff* ad *Lanfrancum Cantuariensem* archiepiscopum accedens, reatum suum sibi confessus est, & poenitentia accepta regem in *Normannia* petiit, cui factum & prodicionem denudavit, & ultro se sententiæ suæ dedit. Rex autem celeriter de *Normannia* in *Angliam* rediens, dictum *Rogerum* consulem cognatum suum & dictum *Walteff* in carcerem destinavit. Cæterorum vero qui nuptiis pravis interfuerant, multos fugavit, multosque oculis privavit, ac denuo dictum *Walteff* post incarcerationem apud *Wyntoniam* iussit impie decollari. Sed Deo ordinante, processu temporis corpus ejus apud monasterium de *Crowland* sepelitur. De quo testatus est archiepiscopus *Lanfrancus*, quod humana contagia verè deflevit, & felicem se fore dixit, si post hujus vitæ exitum illius requie frueretur. Insuper volunt quidam, quod quia iste *Walteff* contra regem *Willielmum* in primo conquestu suo *Angliæ* in bello non processit, data est à rege consanguinea sua *Jonetta* in uxorem, cujus accusatione secundum eisdem, per regem postea ut dictum est extitit decollatus.

Iste tamen *Walteff* genuerat ex eadem *Jonetta* uxore sua *Matildam* & *Aliciam*, cum quibus mater earum in dote sua apud *Huntyngdoniam* sibi & hæredibus nuper concessa moram traxit. Sed tandem apud insulam de *Cly* & ubique latuit, à tetra sua ejecta, eo quod *Simonem de sancto Licio* regis *Willielmi* militem, quia claudus erat, dudum recu-saverat, cui quidem *Simoni* rex *Northamptoniam* &

An. Dñi
1075.

& hundredum de *Falkeley* donaverat, qui prioratum sancti *Andrea Northamptonia* & castrum construxit. Tandem suorum ductus consilio, *Matyldam* dictam filiam *Walteff* duxit in uxorem, de qua genuit *Simonem Walteff* postea Abbatem de *Menros*. Defuncto autem dicto *Simone* de sancto *Licio*, *David* Comes frater *Alexandri* regis *Scotia* & *Matildis* Reginae *Anglia* dictam *Matildam Simonis* relictam duxit in uxorem, de qua postea Comitem genuit *Henricum*. Qui quidem *Henricus* ex *Ada* sorore *Willielmi* Comitis de *Warennia* genuit Regem *Scotia* *Malcolmum*, *Willielmum*, & *David*. *Simon* vero filius *Simonis* de sancto *Licio* *Henrico* rege *Anglia* defuncto comitatum *Huntingdonia* intravit pacifice & possedit. Et ex filia Comitis *Leicestria* *Isabella Amicia* genuit & *Hawisam* & postea decessit, liberis in custodia regis *Henrici* dimissis. Post hæc *Henricus* rex exercitum apud *Tholosam* duxit, cum quo processit rex *Scotia* *Malcolmus*, cui rex comitatum de *Huntingdonia* tradidit. Post quem frater suus *Willielmus* rex *Scotia* dictum tenuit comitatum, quousque insurrexit contra regem una cum filio regis *Henrici* & aliis terræ Baronibus, rege in *Normannia* existente. At *David* Comes castrum de *Huntingdonia* obsessit. Unde rex in *Normannia* existens, majoribus *Anglia* mandavit, quod collecto exercitu in manu potenti castellum de *Huntingdonia* una cum comitatu *Simoni* de sancto *Licio* vero hæredi traderent possidendum. Sicque Comes *Simon* castrum obsessit, donec rex *Scotia* in castro existens redderet sibi claves. Quod dum faceret pro discordia inter Comites *Simonem* & *David* in præsentia regis *Scotia* habita, rex ira commotus juravit, quod neuter eorum castrum possideret, & sic usque ad solum castrum fecit continuo complanare, sed *Simon* comitatu gaudebat. Quo defuncto, rex *Anglia* dictum castrum *Willielmo* regi *Scotia* tradidit, & ipse rex *Scotia* *David* fratri suo. Qui quidem *David* ex *Matilda* sorore *Ranulphi* Comitis *Cestria* genuit *Iohannem* Scotum sine liberis decedentem, & tres filias *Christinam* uxorem *Alani* de *Galaway*, *Isabellam* de *Brus*, & *Aldam* de *Hastynge*s. Dictus autem Comes *Estantia* *Radulfus* qui in *Daciam* ut supradictum est navigaverat, cum CC. puppis in *Angliam* rediens, *Kannum* filium *Swani* regis *Dacorum* & *Haccum* Consullem secum duxit: qui contra regem *Willielmum* pugnare non audentes, in *Flandriam* transfretarunt. Eodem anno obiit *Edytha* regina quæ juxta virum suum sanctum *Edwardum* regem & Confessorem apud *Westmonasterium* sepelitur.

An. Dñi
1076.

Anno Domini M. lxxvj. et regni regis *Willielmi* xj. Concilium sub *Lanfranco* Cantuariensi archiepiscopo *Londoniis* in ecclesia beati *Pauli* celebratum fuit. Cujus rei usus diu in *Anglia* obsoleverat, ubi primo ordinatum fuit de sessione episcoporum in Conciliis celebrandis: secundo quod sedes episcoporum de viculis ad urbes celebres transirent. Unde factum est ut sedes *Seleiensis* transiret ad *Cicestriam*, *Cornubiensis* ad *Excestriam*, *Wellensis* ad *Battoniam*, *Schurburnensis* ad *Salesburyam*, *Dorcestrensis* ad *Lyncolniam*, *Lychfeldensis* ad *Cestriam*: *Robertus* tamen episcopus successor *Petri* transtulit sedem suam de *Cestria* usque *Coventrejam*.

Ad istud Concilium dicitur quod beatus *Wolstanus Wigornensis* episcopus quasi unus ex *Anglicis*

superstes, ut homo ideota nimia simplicitatis & imperitiæ tam à dicto archiepiscopo *Lanfranco* literaturæ insufficientiam, quam à rege *Willielmo Gallici* sermonis carentiam in ipso prætendentibus, pontificatu indignus decernitur, ut sic aliquem *Normanicum* loco ejus subrogarent. Unde quodam die apud *Westmonasterium* rege et episcopis ibi præsentibus, jubetur baculum & anulum resignare, archiepiscopo *Lanfranco* præcipiente et rege hoc præscribente. Quibus ait *Wolstanus*. Insufficientiam meam non ignoro, et hujus sanctæ Synodi sententiæ cedens baculum resignabo, sed non vobis sed sibi qui illum michi dedit. Accedens itaque ad tumulum sancti regis *Edwardi* nuper defuncti, qui episcopatum sibi contulit, baculum in lapidem quo defunctum corpus tegebatur, fixit, cui rigor lapidis tanquam molle lutum ad manum imprimentis cessit. Admirabanturque intuentes virgam cilice immersam, quam nullus inde potuit amovere. *Lanfrancus* autem fidem dictis non adhibens, accersito *Roffensi* episcopo jubet ut baculum deferat. Qui injecta manu immobilem eum repperit, et obstupescit: Rediens refert quod invenerat. Accurrerunt ceteri, considerant et tangunt, ac Dei virtutem esse agnoscunt, quod baculus sic erectus ita firmiter in solida petra stetit. Unde *Lanfrancus* jubet ut *Wolstanus* baculum resumat et honorem subeat, quo ipsum dignum divina gratia indicavit. Ille autem renuit, donec ad regis rogatum baculum levi tactu resumpsit. Dixerat autem regi, ut quidam aiunt, dum baculum figeret, Melior te hunc michi dedit, cui & retrado, avelle si poteris.

Iste etiam *Wolstanus* super *Wigornensis* ecclesiæ possessionibus per *Aldredum* prædecessorem suum, ad ecclesiam *Eboracensem* ut præmittitur translatum, sua potentia retentis, & postmodum dicto *Aldredo* mortuo in potestatem regis *Willielmi* devolutis, querelam iterum sicut prius post mortem dicti *Aldredi Eboracensis* archiepiscopi, quæ protunc quousque dicta *Eboracensis* ecclesia pastore esset provisâ suspensâ fuerat, erga *Thomam* in *Eboracensem* episcopum jam consecratum, constanter movit. Quæ quidem querela in quodam Concilio in loco qui dicitur *Pedreda*, coram rege & dicto archiepiscopo *Dorobernia Lanfranco* & aliis Episcopis, Abbatibus, Comitibus, & regni primatibus celebrato, Dei gratia favente est terminata. Cunctis siquidem machinamentis non veritate stipatis quibus *Thomas* ejusque fautores *Wigornensem* ecclesiam deprimeret & *Eboracensi* ecclesiæ subicere ancillamque facere satagebant, justo Dei judicio ac scriptis evidentissimis detritis, & penitus adnichilatis, non solum vir Dei *Wolstanus* proclamatas & expetitas possessiones recepit, verum etiam suam ecclesiam Deo donante ac rege *Willielmo* concedente, ea libertate liberam recepit, qua primi fundatores ejus sanctus rex *Atheldredus*, *Osherus Wigorniorum* subregulus ceterique *Merciorum* reges *Kenredus*, *Ethelwaldus*, *Offa*, *Kenulphus* eorumque successores *Edwardus* senior, *Ethelstanus*, *Edmundus*, *Edredus*, & *Edgarus* ipsam liberaverant & fecerant. Anno autem ultimo supradicto, *Hermannus* primus episcopus *Saresberia* obiit. Cui successit *Osmondus* regis Cancellarius xxiv. annis sedens. Hic ecclesiam novam apud *Saresberiam* ædificavit, & clericos insignes tam literis quam cantu aggregavit, ita ut ipse episcopus libros scribere, illuminare & ligare

gare non fastidiret. Hic composuit librum ordinalem ecclesiastici officii quem *Consuetudinarium* vocant, quo fere tota nunc *Anglia, Wallia, & Hibernia* utitur.

1077. *Dñi* Anno Domini millesimo lxxvij. & regni Regis *Willielmi* xij. *Robertus Courthese* Regis *Willielmi* primogenitus, patre relicto, in *Franciam* perrexit, eo quod pater ejus non permisit ipsum *Normanniam* quam coram *Philippo* Rege *Francorum* sibi dederat, antequam super *Angliam* equitavit, pacifice possidere. Et auxilio *Philippi* Regis fretus, magnas frequenter in *Normannia* prædas agebat, eam in magna parte gladio & igne vastans. Quod cum audisset pater ejus, mare transivit, & *Dol* primo obsedit. *Britanni* autem viriliter castrum tenuerunt, donec eos rex *Francie* adveniens liberavit. Postea vero rege *Francie* & rege *Willielmo* concordatis, rex *Anglia* *Roberto* filio suo ante castrum *Garbottret*, quod dictus rex *Philippus* eidem præstiterat, *Roberto* occurrit, & facto congressu valido & multis ex parte regis occisis, ipse filius cum patre ignoranter congressus est, & patre in brachio vulnerato, filius eum ab equo in terram dejecit, moxque ut vocem patris ad suos conclamantis audivit, de equo festinus descendit, & patrem in equum levavit, & ipsum illæsum extunc abire permisit. Pater autem bonitatem filii ex instinctu naturæ cognoscens, missis sibi nunciis eum ad se revocavit, paternæ pietatis viscera sibi pandens; in *Angliam*que insimul reversi sunt; Et semper in posterum filius patri fideliter militavit.

Interim *Northumbrenses Walkerum Dunolmensensem* episcopum, de quo ut superius tactum est *Editha* Regina prophetaverat, crudeliter occiderunt. Cui successit *Willielmus* quondam Abbas *Valeris*, qui de præcepto regis monachos vj. Kal. Junii feria quinta in *Dunolmo* primo posuit. Interea etiam rex *Scottorum Malcolmus* insavivit, & iterum circa Assumptionem beatæ *Mariæ* cum plebe sua usque ad flumen de *Tyne Northumbriam* devastavit, multos gladio perimens & multos captivos abducens, & sic cum præda magna in *Scociam* est reversus. Quæ cum audisset rex *Robertus* filium suum & robur exercitus sui in *Scociam* destinavit, ut tantam audaciam deprimeret, & vindicta debita castigaret. Sed viribus impar, jussa complere non potuit; infestoque negotio rediens super flumen *Tyne* castellum novum fabricavit, & demum ad patrem reversus est. Eodem etiam tempore misit Rex cum manu multa militari fratrem suum *Odonem Baiocensem* episcopum ut *Northumbriam* devastaret, pro eo quod innocentem *Walkerum Dunolmensensem* episcopum apud *Cattellehebede* occiderant.

Anno regni Regis *Willielmi* xiv. Comes *Salopia Warinus* duo cœnobîa construxit. Unum in suburbio *Salopia* in honore Apostolorum *Petri & Pauli*; alterum in comitatu *Salopia* in villa *Menloke* in honore sanctæ *Milburge*.

Willielmus rex anno regni sui quintodecimo exercitum in *Walliam* ducens subdidit eam sibi. Hiis transactis, *Matildis* regina uxor regis *Willielmi* obiit, & sepulta est in *Normannia* apud *Abbatiam* sanctarum monialium prope *Cadomum*, quam ipsa in honorem sanctæ Trinitatis fundaverat et sanctis monialibus repleverat. De ista *Matilda Willielmus* rex et dux plures genuerat liberos, videlicet *Robertum Courthese* primogenitum suum, *Williel-*

mum Rufum qui post patrem regnavit, *Ricardum* qui in pueritia moriebatur, *Henricum le Clerke* qui post *Willielmum* fratrem suum regnavit; *Elam* Comitissam *Blesensem* matrem regis *Stephani*, *Ceciliam* Abbatissam de *Caam*, *Constantiam* Comitissam *Britannia*, et duos alios qui in pueritia obierunt. Circa idem tempus *Willielmus* rex dedit & concessit sancto *Edmundo* privilegium quod incipit, *Quoniam nos ad regni fastigia*.

10 Anno regni regis *Willielmi* xvj. contigit, ut dum quidam potens in convivio sederet, repente à muribus circumvallatus est, qui licet in pelago ductus esset, nil ei profuit; unde ad terram deductus iterum, ab illis omnino dilaceratus exstitit. Idem fertur contigisse cuidam Principi *Polonia* quem morderat leopardus. Invenitur etiam de quodam Principe qui nulla arte poterat juvari quin à pediculis consumeretur.

20 Anno regis *Willielmi* xvij. facta est seditio ne- phanda inter monachos *Glastonia* & ignominiosum ejusdem loci Abbatem *Thurstinum*, quem rex *Willielmus* de monasterio *Cadomensis* nulla prudentia instructum eidem loco præfecerat. Hic inter cæteras stultitiæ suæ inertias, *Gregorianum* cantum & officium aspernatus, monachos cepit compellere ut *Willielmi* cujusdam *Fiscanensis* monachi cantus ex- cererent: Res etiam ecclesiæ leocinando consumpsit, A monachis severe ordinem exegit; Sed inter hæc victualia destruxit. Hinc lites verborum & animorum discordiæ suscitantur; post jurgium ventum est ad arma; unde abbas ille cum satellitibus suis armata manu in monachos irruit, & tres monachos sub altari positos occidi fecit, & xvij. vulneravit, ita quod sanguis eorum super gradus ab altari, & à gradibus super aream decurrebat, sagittas & jacula ad imagines & feretra ecclesiæ direxit. Monachi autem velut necessitate compulsi, cum scamnis & candelabris quocunque modo poterant se defendentes, quosdam de militibus vulneraverunt. Hinc moto coram Rege 40 iudicio, Abbas ad monasterium suum *Normannia* remissus est, monachi vero jussu regis per abbatias & episcopatus dispersi sunt. Post mortem vero regis *Willielmi* prædictus *Thurstinus* à filio suo rege *Willielmo* *Ruso* monasterium *Glastonia* 500. libris emit, & sic per ecclesiæ possessiones aliquot annis evagatus, longe ab ea expiravit.

Anno regis *Willielmi* xvij. idem rex de qualibet hida terræ in *Anglia* sex solidos habuit & accepit. 50 Eodem anno papa *Hildebrandus* qui & *Gregorius*, in extremis laborans, Cardinalem quem plus dilexerat vocavit, & confessus est se odium et scisma suscitasse inter Imperatorem & alios Christianos, unde vincula bannorum dissolvit & obiit. Cui successit in papatu *Victor tercius*, & sedit anno uno & mensibus v. qui aliquando *Desiderius* vocatus, Abbas fuit montis *Cassini*, venenoque in ejus calice misso obiit.

Anno regis *Willielmi* nonodecimo, quo anno *Urbanus* papa *Romanus* effectus est, rex *Danorum* *Kanutus* auxilio soceri sui *Roberti Flandrensis* Comititis fretus, cum magna classe *Angliam* venire disponebat, ut eam ditioni suæ Martis aggressibus subjugaret: unde *Willielmus* rex cum tanto exercitu *Francorum*, *Normannorum* & *Britannorum* collecto in *Angliam* rediit, quod mira videbatur quomodo hæc terra pascere posset eos. Sed ubi cognovit

vit hostes Deo volente propter defectum apparatus esse præpeditos, medietatem exercitus ad propria remisit. Deinde apud *Gloverniam* curiam suam tenuit, in qua tres episcopatus tribus capellanis suis tradidit, videlicet *Mauricio Londoniensem*, *Willielmo Theodfordensem*, & *Roberto Cestrensem*. Hic tamen *Robertus* sedem de *Cestria* usque *Coventreyam* apud ecclesiam transtulit monachorum, de cuius ecclesiæ una trabe v. mille marcas argenti corrosit, unde regis manum impleret & papæ occupationes falleret. Ditaverat namque *Leofricus* locum illum auro & argento, gemmis & reliquiis. Iste etiam episcopus *Robertus* monachos loci illius agresti victu cibavit, & non nisi triennali literatura informari permisit, ne deliciæ aut literæ monachos contra episcopum redderent elatos. Verumtamen apud *Lychefelde* magnarum ædificationum extitit inchoator. Vir venerabilis *Walterus de Lacio* fundator ecclesiæ sancti *Petri* in *Hereford*, dum opere penè consummato scalam ascenderet, pede lapsus corruens expiravit. Circa hæc tempora ordo *Cartusienfis* incepit sub *Brunone*, qui natione *Tentonicus* ex urbe *Colonia* oriundus, magister scholarum fuit. Hic relicto seculo heremum *Cartusia* circa festum sancti *Iohannis* primo fundavit & rexit vij. annis. Tandem cogente papa *Urbano* secundo, cuius quondam præceptor erat, *Romam* pertexit, in negotiis ecclesiasticis papam juvans, sed cum tumultum & mores curiæ ferre non posset, relicta curia, contemptoque archiepiscopatu *Risensi*, ad quem iubente papa *Urbano* electus fuerat, in heremum *Calabria*, cui *Turris* nomen est, secessit & decessit.

Willielmus Rex anno regni sui vicesimo totam *Angliam* describi fecit, Iusticiarios suos per unamquamque schiram, i. comitatum *Anglia* mittens, & per iurjurandum inquirens, quot hidæ, i. jugera uni aratro per annum sufficientia in unaquaque villa essent, & quantum terræ quisque Baronum suorum possidebat. Inquiri etiam fecit, quot feodati milites, quot carucatæ, quot villani, quot ecclesiæ parochiales, & quot animalia viva essent; Et etiam quid unaquæque urbs, castellum, vicus, villa, flumen, palus & silva per annum redderet. Quæ omnia in cartis scripta & ad regem delata ac in uno volumine ultimo redacta, inter thesauros regis sunt apposita, & usque hodie reservantur; unde terra multis cladibus inde provenientibus erat vexata, & maxime quia tempore illo magna pestis animalium & ovium & intemperies aeris erat.

Eodem anno *Edgarus Adelyng* licentia regis *Willielmi* cum multis navibus in *Apuliam* transit. Cujus germana virgo *Christina* monasterium de *Ramesey* intravit. Eodem anno *Mauricius* effectus est Episcopus *Londoniensis*; qui templum maximum, quod necdum perfectum est, incepit. Interea cum *Willielmus* rex fortis anno supradictæ de more curiam suam in natali apud *Gloucestriam*, & ad pascha apud *Wyntoniam* tenuisset; ad Pentecosten apud *London*. *Henricum* filium juniorem armis militaribus decoravit, & convocatis magnatibus terræ Archiepiscopis, Episcopis, Abbatibus, & eorum militibus eidem filio fidelitatem jurari fecit: Cogitaverat enim rex transfretare, quod in anno sequenti implevit. Nam postea idem rex *Willielmus* magni thesauri copiis super quoscunque aliquam causam invenire poterat sive iuste sive iniuste adquisitis, cum exercitu copioso in *Normanniam*

transfretavit; ubi per aliquod tempus pacem cum rege *Francia* juxta treugas inter eos forte initas, abique ulla molestatione tenuit, unde fertur regem *Francia* quodam die quasi deridendo dixisse; Rex *Anglia* diu jacet in puerperio ad modum mulieris liberos parientis. Quo verbo derisorio divulgato, et *Willielmo* regi apud *Rothomagum* moranti tunc intimato, idem rex *Willielmus* erga regem *Francia* aciori ira succensus, per Deum & virtutes suas juravit, quod quandocumque à puerperio suo levaret, & ad ecclesiam pergeret, mille candelas in regno *Francia* illuminaret. Deinde igitur exercitu *Anglorum* & *Normannorum* congregato, mense Augusti incipiente, *Franciam* hostiliter invadendo intravit, incendia villarum, depredationes & multa mala undique perpetrando. Tandem quoddam oppidum per modicum tempus obsedens, illud demum cum omnibus ecclesiis in eo sitis & duobus reclusis succendit, ac quousque totum oppidum funditus esset combustum, ignem cum pinguedine focali & aliis cremabilibus jussit sustentari ubique & undique augmentari.

Circa quem ipse rex fero animo personaliter nimis intendens, quid pro igne vehementer accenso, quid pro tempore urente nimio calore interceptus, in morbo cecidit cito postea gravi, et ut etiam opinabatur, Deus pro supradictis malis in regno *Philippi* regis *Francia* perpetratis, & præcipue pro incendio dictarum ecclesiarum et sanctorum Anachoritarum in prædicto oppido, quod vocatur *Maante*, irritatus, regem *Willielmum* cum inde de *Francia* ad *Normanniam* rediret, tanto dolore viscerum invasit, ut morbo magis ac magis aggravescere fratrem suum *Odonem Baiocensem* episcopum, ac Comites *Morcatum*, *Rogerum*, & *Wilnotum* fratrem regis *Haraldi*, et omnes alios quos in custodia diu tenuerat, libere dimitteret abire. Deinde in extremis agens, *Roberto* filio suo primogenito, qui tunc in *Francia* exulabat, Ducatum *Normannia* dimisit, *Willielmo* secundo filio suo regnum *Anglia* concessit et legavit, *Henrico* filio suo juniore, cuius indolem propensius laudabat, comitatum *Cenomannia* et copiam thesauri dedit et legavit. Cui etiam *Henrico* pridie quam moreretur, dixit, *Aquo animo esto fili, pacifice patere ut fratres tui majores te præcedant*; *Robertus habebit Normanniam*, *Willielmus Angliam*, & de thesauro meo quinque milia librarum, et *Cenomanniam tibi dabo*; tu autem tempore tuo totum honorem quem nactus sum habebis, et fratres tuos divitiis præcelles potestateque etiam prævalebis. Partem insuper thesauri sui quibusdam egenis *Anglicis*, ac ecclesiis et monasteriis *Anglicanis* reliquit, et incarceratos omnes à vinculis exsolvi jussit.

Cumque *Normanni* per plures annos, ut dictum est, justam Dei voluntatem super *Anglorum* gentem complevisset, nec jam vix aliquis princeps de *Anglorum* progenie esset, sed omnes quasi in servitutem et mærorem redacti essent, ita ut obprobrium erat *Anglicus* vocari, *Willielmus* omnibus *Normannia* consulibus fortior, omnibus *Anglorum* regibus potentior, hujus Dei vindictæ executor, anno regni sui vicesimo primo, quinto idus Septembris obiit. Qui in monasterio *Cadomeni*, quod ipse in honore beati *Stephani* prothomartiris à fundamentis construxerat et multis bonis ditaverat, est sepultus. In cuius vero sepultura quoddam memoriale fertur contigisse. Cum enim

enim expleta exequiarum solemnitate, corpus ejus in loco ad hoc preparato esset condendum, quidam terribiliter accedens, omnipotentis Dei nomine praetento, eum ibidem sepeliri prohibuit, dicens, Terra, inquit, ista antiquo jure michi competit, quam idem rex, dum monasterium construeret, violenter michi abstulit, nec unquam pro ea michi postea satisfecit. Obstupuerunt itaque omnes qui aderant aetum transitoriae dominationis considerantes, ut Princeps potentissimus qui tam late dominatus fuerat vivus, locum corporis sui capacem sine querela & calumpnia mortuus non haberet. Denique illa querela adeo omnes movit, ut prius vivo conquerenti pro voto satisfacerent, ac deinde exequias mortuo adimplerent.

Erat autem iste supradictus rex *Willielmus* sapiens sed hastutus, locuples sed cupidus, gloriosus sed famæ deditus, affabilis quidem & humilis Deo servientibus, sed durus & severus sibi resistentibus: Principes namque & Consules in carcerem posuerat, Episcopos & Abbates possessionibus suis privaverat, fratri proprio non pepercerat, nec qui resisteret sibi erat. Potentissimus etiam auri & argenti multa bona ab aliis auferbat. Ad castella construenda solus omnes fatigabat. Si cervum quis caperet aut aprum, oculos ei evelebat, nec erat qui murmuraret: Feras namque tanquam pater earum erat, amavit. Unde in silva venationis quæ nunc *Nova Foresta* vocatur, villas & ecclesias plures eradicari, gentem extirpari & à feris inhabitari fecit; nam Deus ad exterminium *Anglorum* præordinaverat ferocem populum *Normannorum* quadam prærogativa sæviciæ singularis præminentem, quorum natura est, ut cum hostes suos adeo deprefferint quod adicere non possunt, ipsi se deprimant, & terras proprias & substantias suas in vastitatem & pauperiem redigant; semper enim *Normannorum* domini cum hostes contriverint, & crudelius agere nequeant, suos hostiliter conterunt. Quod liquide in *Normannia*, *Anglia*, *Apulia*, *Calabria*, *Cicilia*, *Antiochia*, terris optimis quas Deus eis subjecerat, satis patet. In *Anglia* namque thelonea injusta & consuetudines pessimæ hiis temporibus pulularunt. Principes omnes adeo erant auri & argenti cupiditate cæcati, ut illud de eis vere dici posset,

Unde habeat nemo querit, sed oportet habere.

Nam quanto magis loquebatur de recto, tanto magis fiebat injuria. Qui Justiciarii vocabantur omnis injustitiæ capud erant. Vicecomites & præpositi, quorum officium erat rectum judicium exequi & justiciam exercere, furibus & raptoribus atrociores erant, & omnibus sævissimis sæviores. Rex ipse cum ad firmam terrarum suas quanto carius poterat dedisset, alii magis offerenti, & deinde alii, semper negligens pactum & ad majora studens, dabat; nec erat cura, quanta injuria à præpositis pauperibus erat illata.

Regi quidem præfato *Normannia* jure hæreditario prævenerat, *Cenomanniam* armis adquisierat, *Britanniam* sibi acclivem fecerat, super totam *Angliam* solus regnaverat; Ita quod nec ibi una sola hida terræ inerat, de qua nesciret cujus esset, & quid per annum valeret. *Scociam* quoque sibi subjugaverat, *Walliam* quoque rebellantem in suam acceperat dicionem. Et quamvis ut supradictum est, multæ injuriæ tempore suo fiebant, tantus tamen, ut quidam volunt, amator & auctor pacis

erat, quod puella auro onusta posset impune regnum *Anglia* pertransire; Nam si quis aliquem quacunque de causa peremisset, capite plestebatur. Si mulierem aliquam vi oppressisset, menbris genitalibus privaretur. Sane quod idem rex *Willielmus* Christianos innoxios injuste & hostiliter inperit, pater rei subsequenter lucido argumento. In loco namque ubi *Anglici* victi occubuerunt, constructum est à dicto rege & victoribus monasterium nobile beati *Martini de Bello* nuncupatum, tanquam *Normannica* victoriæ titulus, & ut esse posset expiatio quædam effusionis tanti sanguinis Christiani. Locus autem ille, ubi *Anglorum* strages facta fuit si forte modico imbre maduerit, verum sanguinem & quasi recentem per multa tempora postea exsudavit, ac si à parte dicatur, quod vox tanti sanguinis clamat ad Deum de terra quæ os suum aperuit, et eundem sanguinem de manibus Christianorum fratrum suscepit.

Hoc anno quo dictus rex mortuus est, pestes infirmitatis et famis Deus *Angliæ* inmisit, in tantum, ut qui febres evaderet, fame moreretur, et sic febribus et fame eo anno in *Anglia* plures mortui sunt. Inmisit etiam tempestates et tonitrua quibus multos hominum occidit, nec animalibus nec pecori pepercit. Vorax insuper flamma omnes ferme principales *Angliæ* villas, ecclesiamque sancti *Pauli* cum majori parte *Londoniæ* consumpsit. Eodem anno pagani super Christianos in *Hispania* prædati sunt, magnas regni partes occupantes. Sed *Alfonsus* rex Christianus, auxilio à Christianis circumquaque accepto resurgens, paganos occidit et fugavit, et dampna terræ illata viriliter restauravit. Accidit etiam eodem anno in *Dacia*, quod *Daci* nunquam antea erga dominum fide læsi regem suum *Kannum* in quodam monasterio proditorialiter occiderunt. Dictus papa *Urbanus* secundus post *Victorem* sedit in papatu annis xiiij. Hic prius *Odo* vocabatur, monachus *Clunacensis* fuit, deinde episcopus *Hofstiensis*, tandem Apostolicus, quem alius papa intrusor nomine *Clemens* quondam archiepiscopus *Ravenensis* multum vexavit.

Institutiones sive leges Regis Willielmi.

Willielmus Dei gratia rex *Anglorum*, Omnibus ad quos scriptum hoc perveniet salutem et amicitiam. Mando et præcipio per totam *Angliæ* nationem custodiri; Si *Anglicus* homo compellat aliquem *Francigenam* per bellum de furto vel homicidio vel aliqua re pro qua bellum fieri debeat vel judicium inter duos homines, habeat plenam licentiam hoc faciendi. Et si *Anglicus* bellum noluerit, *Francigena* compellatur adlegiare se juramento contra eum per testes suos secundum legem *Normanniæ*. Item si *Francigena* compellat *Anglicum* per bellum de eisdem rebus, *Anglicus* plena licentia defendat se per bellum, vel per judicium si magis ei placeat. Et si uterque sit invalidus, & nolit bellum vel non possit, quarat sibi legalem defensorem. Si *Francigena* victus fuerit perolvat Regi lx. s. Et si *Anglicus* nolit defendere se per bellum vel per testimonium, adlegiet se per Dei judicium. De omnibus utlagariæ rebus Rex instituit, ut *Anglicus* se purget ad judicium. Et si *Anglicus* appellat *Francigenam* de utlagariæ, & hoc super eum invenire velit, defendat se *Francigena*

cigena per bellum, & si *Anglicus* non audeat eum probare per bellum, defendat se Francigena pleno juramento non in verborum observantiis.

An. Dñi
1088.

Anno à plenitudine temporis qua veritas de terra orta est Millesimo lxxxviii. *Willielmus Rufus* filius *Willielmi* conquestoris mortuo ipso patre suo, de *Normannia* in *Angliam* statim rediens, convocatis terræ magnatibus quinto kal. Octobris in festo sanctorum *Cosmæ* & *Damiani* immediate post mortem patris sui, à *Lanfranco Dorobernensi* archiepiscopo apud *Westmonasterium* in regem *Anglia* consecratur. Deinde *Wyntoniam* adiens, thesaurum patris sui secundum ejus imperium divisit. Erant autem in thesauro illo lx. millia libræ argenti, excepto auro, gemmis, pal-leis & vasis. Deditque inde quibusdam ecclesiis decem marcas, quibusdam sex & unicuique ecclesiæ villæ v. s. & in unumquemque comitatum C. li. di-
10 stribuendas pauperibus destinavit, omnesque vin-
ctos patris sui præcepto à vinculis jussit solvi. *Ro-
bertus* autem senior frater suus qui tunc temporis in
Almannia exercitum contra patrem suum congre-
gaverat, statim cum de morte patris sui audisset,
Normanniam rediit, & thesauros patris sui quos ibi
invenit pro anima ejus monasteriis & ecclesiis simi-
liter largitus est.

Rex autem novus curiam suam ad natale apud *Lon-
doniam* tenuit, in qua *Lanfrancus Dorobernensis* &
Thomas Eboracensis archiepiscopi, *Mauricius Lon-
doniensis*, *Walkelinus Wyntonienſis*, *Galfridus Ex-
oniensis*, *Wolstanus Wigornensis*, *Willielmus Thed-
fordensis*, *Robertus Cestrensis*, *Willielmus Dunol-
mensis* & *Remigius Dorcestrensis* episcopi, & *Odo
Baiocensis* episcopus, qui fuit Comes *Cancia*, ac Ju-
sticiarii & principes totius *Anglia* affuerunt. Eo-
dem anno cum episcopatus *Dorcestria* quæ super
Thamesim sita est major omnibus *Angliæ* à *Tha-
mesia* usque *Humbram* duraret, molestum visum est
40 *Remigio* episcopo ejusdem qui apud *Fescampe* mo-
nachus fuerat, quod in ipso termino episcopatus sui,
scilicet apud *Dorcestriam*, quæ urbs propter parvi-
tatem sibi displicebat, sedes esset episcopalis, cum in
eodem episcopatu civitas clarissima *Lincolniæ* epi-
scopali sede dignior videretur; unde in ipsius urbis
vertice juxta castellum fortissimis turribus eminens
prædia mercatus, in loco forti fortem & perpulcram
virgini virginum construxit ecclesiam fervientibus
Deo gratam. Provinciam tamen *Lyndeseye* archi-
episcopus *Eboracensis* ex antiqua temporum serie
vendicabat. *Remigius* vero petitionem ejus sive
calumpniam minime timens, opus inceptum non seg-
niter peregit, peractumque clericis doctrina & mo-
ribus approbatis decoravit, & tunc de *Dorcestria*
usque ibi sedem suam episcopalem, prout superius
tempore regis *Willielmi* conquestoris in Concilio
sub *Lanfranco* archiepiscopo *Londoniis* celebrato
ordinatum fuerat, transtulit & locavit. Erat si-
quidem iste *Remigius* statura parvus sed corde mag-
nus, colore fuscus sed operibus venustus. De regina
autem prodicione fuerat impetitus, sed famulus ejus
judicio ferri igniti dominum purgans, regio amoris
restituit, & maculam pontificis deterisit. Hoc anno
monachi de *Bermundeseye* venerunt in *Angliam*.
Circa idem tempus advenit corpus sancti *Nicholai*
ad urbem *Barrum*. Dum enim *Turci Mirream* ur-

bem destruerent, xxiii. milites *Barrenses* illuc pro-
fecti ossa sancti *Nicholai* in oleo natantia ad urbem
suam derulerunt.

Declaratum esse constat quomodo dominus salu-
tem & honorem genti *Anglorum* pro meritis abstul-
erit, & jam populum non esse jussit: amodo pa-
tebit quo modo & ipse *Normannos* vindices quidem
suos variis cladibus afficere cepit. Anno namque 2.
regis *Willielmi Ruffi* inter primates *Normannia*
qui in *Angliam* venerant magna dissensio est ex-
orta. Tota enim fere nobilitas *Anglia Robertum*
Ducem *Normannia* fratrem Regis *Willielmi* seni-
orem in regem erigere voluerat, exceptis archi-
episcopo *Lanfranco* & episcopo *Wigornia VVol-
stano*, unde pars nobiliorum *Normannorum* fa-
vebat regi *Willielmo* sed minima: pars vero
altera favebat dicto *Roberto* & maxima, cupiens
& ordinans hunc in regnum accersire, & regem
fratrem interficere, aut fratri tradere vivum, aut
regno privare peremptum. Quod audiens rex
20 *Willielmus* in novitate sua sibi timens, insolita
turbatur molestia. Jure tamen regio & militari
audacia ut impiger fretus ad resistendum virili-
ter se parat: Et convocatis *Anglicis* animos eo-
rum contra *Normannos* mulcebat, seditionem eo-
rum eis ostendens, Rogansque ut ipsum quem de
voluntate patris in regem sibi creaverant, tanquam
caput & regem fideliter tuerentur, promittens eis
quod silvas eorum venaticas liberas dimitteret, &
30 meliores leges quas sibi vellent eligere, sanciret;
Sed nichil postmodum tenuit quod promisit. Inte-
rea quamplures nobiles *Robertum* Ducem in regem
levare volentes, in *Willielmum* regem non sine
perjurio bella moverunt, & in suis provinciis sunt
hostiliter debachati, de quibus *Odo* præful *Baio-
censis* Comes *Cancia*, Princeps & moderator *Ang-
lia*, quasi primus fuit: scripserat autem cum suis
dicto duci *Roberto*, ut cum armata manu veniret,
& hoc nullo modo omitteret, promittens sibi in
40 ipso suo ingressu non minimum adjuvamen, unde
ipse Dux hoc audito, medietatem *Norman-
nia* præter castella fratri suo *Henrico* clerico im-
pignoravit, ut milites contra regem *Willielmum*
fratrem suum conduceret, sed thesauro habito terram
ei abstulit.

Interea per *Angliam* tempestas sævit bellica.
Nam dictus *Odo Baiocensis* episcopus in *Cancia* se-
ditionem exordiens cum suis fautoribus, & sequaci-
bus regis & archiepiscopi villas invasit fortiter &
50 combussit, ac castrum *Roffense* pro toto posse firma-
vit. *Rogerus* Consul de *Moreteil* circa *Peven-
shyll* idem incepit, *Galfridus Exoniensis* episco-
pus à *Bristolliæ* prodiens urbem *Batonensem* &
Warcheley & circumjacentia destruxit. *Rogerus*
in castello *Normici* sceleris exercitum non segnius
per *Estangliam* inchoavit. *Hugo* in provincia *Le-
gecestria* & *Northamptonia* mitius nichil egit. *Wil-
lielmus* episcopus *Dunolmensis* in seculo potens &
oris volubilitate promptus, in finitimis similia per-
petravit. *Barnardus* de *Novo* mercato, *Rogerus* de
60 *Lacio* qui jam super regem invaserat *Harfordiam*,
Radulphus de *Mortuo Mari* cum hominibus *Roge-
ri* Comititis *Salopia* conjurationis socii, congregato
magno *Anglorum*, *Normannorum* & *Wallensium*
exercitu, *Wigornensem* provinciam usque ad portas
urbis combusserunt, affirmantes se igne crematuros
ipsam *Wigornia* civitatem, Dei & sanctæ *Maria*
spoliatiuros

spoliaturos ecclesiam, & grandem de fidelibus regis incolis sumptuosos vindictam.

Hiis auditis, vir magnæ pietatis & columbinæ simplicitatis Deo populoque quem regebat in omnibus amabilis, regi ut terreno domino per omnia fidelis, pater reverendus *Wolstanus Wigornensis* episcopus magna turbatur molestia, sed dei respirans misericordia, pro populo & civitate sua, ut alter *Moses* parat salubriter se staturus; Nam dum hostes ad debellandum parant arma, ipse pro imminenti periculo fundit precamina, exortans subditos ne desperent de Deo qui non pugnat gladio neque hasta. *Normanni* interim ineuntes consilium, rogant ipsum episcopum ut ab ecclesia transiret in castellum, tutiores se affirmantes de ejus præsentia si majus incumberet periculum; Diligebant enim eum valde. Ipse autem ut erat miræ mansuetudinis, & pro regis fidelitate & pro eorum dilectione petitioni eorum adquevit. Interea audenter se parat in arma episcopalis familia. Conveniunt castellani, & omnis civium turba, occurrere se affirmant hostibus ex altera parte *Sabrina* fluminis, si hoc eis pontificis annuerit licentia. Parati igitur & armis instructi, ipsum ad castellum euntem habent obviam; quam optabant requirunt licentiam. Quibus libenter annuit, dicens, Ite inquit filii, Ite securi, Ite in pace cum Dei & nostra benedictione. Confidens ego in domino vobis spondeo, non hodie nocebit vobis gladius, non quicquam infortunii, non quicquam adversarius; state in regis fidelitate viriliter agentes pro populi urbisque salute. Hiis dictis alacres pontem reparatum transeunt, hostes de longinquo accelerantes conspiciunt, inter quos magna belli insania jam fervebat; Contumaciter enim mandata episcopi contempnentes, in terras ejus incendia posuerunt. Quo audito, episcopus ingenti concutitur dolore, debilitari res ecclesiæ suæ videns. Acceptoque inde consilio; gravi eos ab omnibus qui circumaderant coactus percussit anathemate. Res miranda & Dei virtus, & viri bonitas nimis in hoc prædicanda. Nam statim hostes ut sparsi vagabantur per agros, tanta membrorum percutiuntur debilitate, tanta exteriori oculorum attenuantur cæcitate, ut vix arma valerent ferre, nec socios agnoscere nec eos discernere qui eis oberant ex adversa parte. Illos fallebat cæcitatis ignorantia, nostros confortabat Dei & episcopalis benedictionis confidentia; sic illi insensati nec sciebant capere fugam, nec alicujus defensionis quærebant viam. Cæduntur pedites, cæduntur milites cum *Normannis* tam *Angli* quam *Wallenses*. Et sic oratio sancti *Wolstani* cum anathemate hostes devicit, & quinque milia eorum vel occidit sive cepit, cæteris fuga debili vix elapsis.

Interea rex *Villielmus* cum *Anglicis* sibi fideliter assistentibus ad castellum de *Tonebzigge* unde *Gilbertus* ei rebellabat perrexit. Cum autem regalis exercitus castellum jam confringeret, cum rege pacificatus est. Rex inde dictum *Odonem Baiocensem* episcopum apud *Wozn* castrum quærens, & eum non inveniens, castellum ibidem destruxit. Indeque cum exercitu suo progrediens, ipsum *Odonem* & *Rogerrum* Consulem in castro de *Debeneshyll* per vii. hebdomadas obsedit. Interea *Robertus* dux *Normannia Angliam* adire festinans, & auxilium prædictorum optinere sperans, partem exercitus sui in subsidium suorum præmisit, cum copiis ingentibus eos sequi disponens. *Anglici* vero piratæ qui curam

maris à rege susceperant, innumérabiles ex illis occiderunt & submerferunt. Qui autem in castello erant de *Debeneshyll*, cibo deficiente castrum regi reddiderunt. Ubi dictus *Odo* episcopus juravit, se ab *Anglia* cum omnibus suis festinanter recessurum, & castrum *Roffense* quod sui tenuerunt prius similiter redditurum. Cum autem illuc cum regis hominibus ut castrum eis redderet, pervenisset, mox *Eustachius* Consul & cæteri proceres qui urbi inerant & castrenses, episcopum & regis ministros qui seisinam castri recipere deberent, ipsius episcopi ut dicebatur fallacia ceperunt & in carcerem detruserunt. Quod audiens rex, illuc statim cum copioso exercitu properavit & civitatem obsedit, donec cum castro redderetur. Tunc dictus *Odo* episcopus sine reditu de ultra mare in exilium positus *Normanniam* adiit, & à Duce *Roberto* totius provinciæ curam cepit. Rex vero exercitum *Dunolmum* mittens, urbem donec reddita est obsedit. *Villielmus* autem episcopus *Dunolmensis* & multi proditorum in exilium sunt propulsi. Sed episcopus post duos annos ad sedem suam rediit, sedulo agens ut pristinum sibi regis amorem adquireret & favorem, unde fiebat, ut regis velle & nolle omnino sequeretur, & potissime in illo turbine qui postea inter regem & archiepiscopum *Cantuariensem* surrexit. *Anselmum*, sperans per hoc ut aiunt aut regis gratiam adquirere, aut ad dignitatem archiepiscopalem pervenire. Sed utroque excidit, nam motus inter ipsum & regem discidio, dum ipse *Glovernia* pro sua causa defendenda adesset, lecto æger decubuit, in quo & obiit. Hic dum viveret Priorem *Dunolmensis* hoc insigni extulit, ut in toto illo episcopatu *Dunolmensi* decanus sit & vicedominus, rex vero *Villielmus* terras infidelium fidelibus suis distribuit. *Lanfrancus Dorobernensis* archiepiscopus doctor monachorum luculentissimus obiit quinto kal. Junii, & vacavit sedes *Cantuariensis* iiii. annis.

Villielmus rex anno regni sui tercio injurias, quas ei *Robertus* frater suus ingesserat ulcisci paratus, muneribus datis castellum sancti *Valerici* & *Albemarle* sibi adquisivit, qui milites suos in *Normanniam* præmittens, fraternam prædari & comburere cepit terram.

Anno vero sequente ipse Rex eos cum multa militia secutus est, ut *Normanniam* à fratre suo *Roberto* potenter arriperet. Sed communibus amicis mediantibus, concordiam cum fratre suo fecit, eo tamen pacto, quod castra illa quæ frater ab eo injuste adquisiverat, regi remanerent. Rex autem adjuraverat eum & omnia quæ pater suus habuerat conquirenda. Concordatum est insuper inter eos & statutum; Quod rex certas terras in *Anglia* Duci daret, & dux terras & castra in *Normannia* regi daret. Et si quis eorum prior altero sine filio moreretur, alter qui supervixerit hæres illius fieret morientis. Quod pactum & pacis formam xij. Principes vice regis & xij. Principes vice Ducis juraverunt. Interim dum talia ab ipsis agerentur, *Henricus* clericus frater eorum germanus montem sancti *Michaelis* in *Normannia* cum multis militibus ingressus est, terras ipsius regis vastans, & homines quos poterat in captivitatem ducens; propter quod rex & dux concordati, montem prædictum per totam quadragesimam obsederunt, & factis congressionibus multis, in quibus inmensa jactura hominum & equorum eis fiebat, infecto tandem negotio recesserunt.

Interea mense Maio *Malcolmus* rex *Scottorum* cum immenso exercitu in *Northumbriam* prædatum veniens, eam fortiter invasit & validissime vexavit, si posset, ulterius adhuc in *Angliam* processurus. Sed noluit ipse *Deus*; unde statim rediit unde venit. Quod audiens rex *Willielmus*, mox, cum *Roberto* fratre suo mense *Augusti* de *Normannia* in *Angliam* reversus, congregato immenso exercitu & classe non modica, versus *Scociam* profectus est. Sed antequam *Scociam* intravit, tempestate maxima circa festum sancti *Michaelis* suborta, tota illa classis fere submersa est, & multi de equestri exercitu fame & frigore perierunt. Rex vero *Malcolmus* cum magno exercitu in provincia *Loudicensi* juxta confinia eis occurrit, ad resistendum fortiter paratus. Quod videns dux *Normannia Robertus*, quemdam militem nomine *Edgarum*, quem rex de *Normannia* expulerat, & tunc regi *Malcolmo* militabat, ad se vocavit; Cujus ope fretus, pacem inter reges hac conditione firmavit, ut *Malcolmus* nimio timore ut quidam aiunt perstrictus, juramento fidelitatis præstito, regi *Willielmo* obediret sicut prius fecerat patri suo, & *Malcolmo* duodecim villas, quas tempore patris sui in *Anglia* habuerat, rex *Willielmus* redderet, & duodecim M. marcas auri sibi similiter singulis annis daret. Sed pax ista non diu duravit.

Reversusque est rex *Willielmus* versus *Karliolum* & in anno sequenti eandem civitatem restauravit, & ibi castrum cum turri fortissima construxit, & habitatores ex australibus *Anglia* partibus illuc misit. Hæc enim civitas à *Danis* ducentis annis dirupta, usque ad idem tempus omnino mansit quasi deserta & penitus desolata. *Robertus* quoque dux cum rege fratre suo diu perendinans, cum plus ficti amoris quam veri circa eum reperisset, *Normanniam* cum prædicto milite *Edgare* reperit. Hoc anno idibus Octobris vehemens ictus fulminis turrim *Wynhecumbensis* ecclesiæ combussit, parietem perforavit, capud Crucifixi in terram deiecit, crus ejus dextrum fregit, Imaginem beatæ *Mariæ* juxta crucem elisit, fumus fætidus subsequens ecclesiam implevit, donec monachi cum aqua benedicta & sanctorum reliquiis letanias decantando officinas monasterii circumirent. Simili modo hoc anno xvj. kal. Novembris feria sexta turbo pervalidus ab *Affrico* in civitatem *Lundoniensem* veniens plusquam sexcentas domos & plures ecclesias subvertendo concussit; Tandem in ecclesiam beatæ *Mariæ* de *Arcubus* irruens, in ea duos homines interfecit, & tectum cum tignis in altum levans huc illucque per aera ferens, demum sex de tignis eo ordine quo prius tecto infixæ fuerunt, tam profunde in terram defixit ut de quibusdam eorum vix septima pars, de quibusdam vix octava supra terram appareret, & erant longitudinis xxvij. pedum.

Circa hoc tempus *Willielmus* rex anno regni sui quinto archiepiscopatum *Cantuariensem* quem à morte *Lanfranci* archiepiscopi, usque tunc per iiij. annos in manu propria tenuerat, sancto *Anselmo Beccensi* abbati venerabili viro dedit. Circa idem tempus erat fundatio ecclesiæ sancti *Egidii* apud *Cantebrigiam* à domino *Pigoto* vicecomite & *Hugelina* uxore ejus consilio & assensu dicti *Anselmi* archiepiscopi & *Remigii* *Lincolniensis* episcopi, cujus tunc erat diocesis, quia necdum erat episcopus apud *Ely*. Eodem anno dictus venerabilis vir sanctus *Remigius*, qui nuper sedem *Dorcestrensem* usque

Lincolniam transfulerat, ecclesiam quam de novo construxerat apud *Lincolniam* proposuit dedicare, sed resistit *Thomas Eboracensis*, asserens locum illum in parochia sua esse. At rex *Willielmus* pro pecunia quam *Remigius* clam sibi dederat, totius fere *Anglia* episcopis mandavit, ut Idibus Maii convenientes illam ecclesiam dedicarent. Sed solus *Robertus Harfordensis* episcopus venire abnuerat, nam certa fiderum inspectione dedicationem illam tempore *Remigii* non processuram viderat, nec id tacuerat, unde biduo ante diem dedicationis statutam, occulto Dei judicio *Remigius* decessit, qui in vita sua præ corporis exiguitate pene portentum videbatur.

Post hæc *Willielmus* rex anno regni sui sexto in quadagesima apud *Gloverniam* gravi morbo percussus, de consilio procerum suorum vitam corrigere promittens, episcopatum *Lincolniensem* per mortem sancti *Remigii* ut prædicitur vacantem, *Roberto* cognomento *Bloet* Cancellario suo viro quidem libidinoso dedit, qui prædictam ecclesiæ dedicationem *Lincolniensis* postea segniter explevit. Hic demum apud *Wodestike* à latere regis recedens obiit & exenteratus est, cujus viscera apud monasterium de *Cythesam* quod ipse fundaverat, cætera apud *Lincolniam* sunt humata, ubi satis constabat loci custodes nocturnis umbris esse agitados, quousque ille locus missis & elemosynis piaretur. Promisit etiam rex in infirmitate prædicta, pravas leges emendare, & pacem in domo Domini ponere & tenere. Sed ex quo sanus effectus fuerat solito pejor factus est; nam quod episcopatum *Lincolniensem* non vendiderat dolens, cum archiepiscopo *Eboracensi* dictum *Robertum Bloet* *Lincolniensem* episcopum calumpniatus est, quod urbs *Lincolnia* & provincia *Lyndesya* eidem deberent archiepiscopo subjacere, unde causa illius calumpniæ nullo modo potuit terminari, donec dictus *Robertus* quinque M. li. Regi pro suæ ecclesiæ pepigerat libertate. Et quamvis etiam rex archiepiscopatum *Cantuariensem* parum ante, ut dictum est, sancto *Anselmo* contulerat, nichil tamen de archiepiscopatu ultra regis jussu sumere licuit, donec tributum quod rex post obitum *Lanfranci* imposuerat, solveretur.

Hoc anno *Rogerus* de *Bellem* illustris Comes *Salopia* obiit, qui cum decubaret, ad succurrendum animæ suæ monachus factus est, *Adelissa* Comitissa consenciente. Miserat namque *Reginaldum* Priorem *Salopia Cluniacum* pro tunica sancti *Hugonis* abbatis induenda. Cui successit in comitatu *Salopia* filius suus *Hugo*. Iste *Rogerus* dum vixit & dicta *Adelissa* uxoriua, ecclesiam in honore beatæ *Mariæ Magdalene* ædificaverunt in *Quadford* in comitatu *Salopia* à *Wzuggenorth* per unum miliare. Cujus ædificationis causa ut dicitur erat ista. Dum vero dicta domina *Adelissa* ad mandatum dicti Comitissæ viri sui de partibus transmarinis ad se in *Angliam* primo veniret, & per mare navigaret, ecce subito fluctuum tanta & ventorum procella navem ejus quassavit, ut ipsa & sui nautis jam desperatis nil nisi naufragium expectarent. Cumque quidam sacerdos dictæ Comitissæ nimis vigiliis fatigatus, in soporem ut *Deus* voluit decidisset, vidit in sompno quandam matronam astantem sibi & sic dicentem. Si domina vestra cum suis à præsentis horribilis pelagi periculo liberari voluerit, votum Deo voveat, & fideliter promittat ecclesiam in honore beatæ *Mariæ*

Maria Magdalene construere, in loco ubi primo domino suo Comiti contingat ipsam in *Anglia* obviare, & præcipue ubi concava quercus cum tigurio porcorum crevit. Expergefactus autem presbyter, singula visionis suæ Dominæ narravit. Quæ cum illa audisset & omnia implere vovisset, tempestate mox sedata ad litus optatum cito cum suis pervenit. Quæ per plures diatas à mari versus dominum suum laborans, apud *Quatford* quæ tunc deserta fuit, in loco ubi dicta quercus crescebat venanti domino suo primo occurrit. Quem statim rogavit, ut votum quod in periculo maris vovebat de ecclesia in honore beatæ *Maria Magdalene* construenda adimplere juvaret. Qui votis uxoris suæ annuens, prædictam ecclesiam cum illa construxit: Quam licet magnis possessionibus tunc ditaverat, modo tamen cum omnibus juribus & pertinentiis suis, ad liberam regiam capellam collegiatam in castro de *Wuggenorth* sitam, uno decanatu & quinque præbendis de possessionibus prædictis dotatam, videtur subjacere. Quem quidem decanatum & præbendas rex de jure suo & consuetudine confert; quamvis fere in omnibus aliis collegiatis regiis capellis decani per vicecomitem, ad collationem regis installati & in corporalem possessionem decanatum inducti, omnes præbendas in eisdem capellis conferunt, & præbendarios installant, inducunt & visitant; sed in prædicta capella beatæ *Maria Magdalene* decanus nullam præbendam confert, nec præbendam nec præbendarios visitat, sed unusquisque in corpore præbendæ suæ plenam jurisdictionem tam in spiritualibus quam in temporalibus possidet & exercet.

Circa idem tempus *Rees* rex *Wallanorum* in pugna juxta *Bzegheynoc* occisus est; A quo tempore reges in *Wallonia* desiere. Eodem anno *Malcolmus* rex *Scottorum* in veniendo versus regem *Angliae Willielmum* sicut ei conditum fuerat, ad principium novæ ecclesiæ *Dunolmensis* extitit. Erat enim tunc ibidem nova ecclesia incepta tercio Idus Augusti feria quinta, rege *Malcolmo* & episcopo *Dunolmensi Willielmo* & ipso Priore *Turgoto* primos lapides ponentibus fundamento. Die vero sancti *Bartholomei* Apostoli venit rex *Malcolmus* regi *Willielmo* usque ad *Gloverniam*, ut sicut à magnatibus utriusque regni præordinatum extitit, firma pax inter eos & stabilis amicitia firmaretur. Sed rex *Willielmus* nec eum alloqui voluit nec videre, quin & in superbiam erectus eum parvipendendo despexit. Insuper voluit ut *Malcolmus* in curia sua ubicumque fuerit secundum judicium Baronum re-
stitudinem subiret. Sed *Malcolmus* id facere recusavit, nisi in confinio regionum ubi antecessores sui re-
stitudinem regibus *Anglorum* facere consueverant, & secundum judicium primatum utriusque regni, & sic impacatus *Malcolmus* abcessit. *Willielmus* autem *Dunolmensis* episcopus, qui tunc *Gloverniam* pro causa cujusdam discidii inter regem & ipsum moti defendenda advenerat, lecto æger decubuit, & ibi, ut superius dictum est, obiit. Mox autem cum dictus *Malcolmus* rex *Scottorum* regnum suum ingressus esset, immensum exercitum congregavit, et erumpens cum *Edwardo* primogenito suo partes boriales *Anglie* hostiliter invasit, & eas usque *Alnewyk* prædavit & incendio devastavit, ubi à *Roberto* de *Monbray* Consule *Northumbriae*, & à propinquo suo *Morello* milite strenuissimo, & aliis

militibus provinciæ illius die sancti *Bricii* cum *Edwardo* filio suo occisus est, multis aliis pereimptis & aliis in fugam conversis. Et iusto Dei judicio in illa occubuit provincia quam multociens depopulando attriverat. Quatuor enim vicibus eam attriverat, & in quinta vice cum omni quo poterit exercitu eam invasit, ipsam si posset in desolationem ultimam deducturus. Sed mutata fortuna juxta flumen *Alne* occubuit, ut est dictum: Et exercitus reliqui qui gladios effugerant, inundationibus fluminum, quæ tunc hiemalibus pluviis plus solito excreverant, absorpti sunt. Corpus vero regis & cruentissimi carnificis carro impositum usque *Lynmuth* duo ex indigenis traxerunt, & illud ibi humaverunt; non enim erat ex omnibus caris suis qui sibi humacionis officium exhiberet. Regina vero *Scottorum Margareta* audita morte mariti sui in infirmitatem decidit, & sic duplici contritione in anima usque ad mortem anxiosa, ad ecclesiam perrexit, ubi vere confessa & contrita, & cælesti viatico munita, precibus se Domino commendando, vitam hujus seculi, ut ipsa deum rogaverat ne diutius viveret, post triduum feliciter terminavit.

Qua mortua, *Scoti* in unum congregati *Dunewaldum* fratrem *Malcolmi* sibi in regem unanimiter eligerunt, & omnes *Anglicos* qui de curia regis fuerant de *Scocia* expulserunt. Quibus auditis, filius regis *Malcolmi* nomine *Duncanus* regem *Willielmum* cui tunc militabat & in curia sua obses fuit, ut ei regnum patris sui concederet, cum instantia petiit & impetravit, fidelitateque jurata regi, & multitudine magna *Anglorum* & *Normannorum* accepta, *Scociam* adiit, expulsosque à vunculo suo & à regno fugato, loco ipsius per modicum regnavit; Nam congregati *Scoti* ex improviso, quasi omnes fere illius homines peremerunt, ipso cum paucis fugiente, quem tamen dehinc nunciis ad eum missis revocaverunt, & regnare permiserunt, hac conditione adjecta, quod nullum de cætero in *Scociam* introduceret *Anglicum* vel *Normannum*. Sed non post multum temporis, anno videlicet sequenti, consilio & hortatu dicti *Dunewaldi*, ipsum suum regem *Duncanum* dolose per insidias occiderunt, & sibi dictum *Dunewaldum* iterum in regem statuerunt. Sed transactis paucis annis, *Willielmus* rex *Edgarum* filium *Malcolmi* cum armata manu in *Scociam* destinavit, qui *Dunewaldum* regem magno prælio affugavit. Quo facto, rex *Willielmus* dictum *Edgarum* regem *Scociæ* constituit, & eidem idem regnum donavit.

Anno regni regis *Willielmi* septimo, *Robertus* dux *Normanniæ* fratri suo *Willielmo* regi per legatos mandavit, se pacis formam quæ prius inter eos formata fuerat diutius non observaturum, nisi conventionem jurejurando in *Normannia* factam plenius persolveret & teneret. Insuper, eo quod jusjurandum non servaverat vocavit eum perjurum et perfidum. Ob quam causam *Willielmus* rex à fratre suo provocatus, congregato exercitu in *Normanniam* medio quadragesimæ transfretavit, & ad fratris colloquium sub pace statuta pervenit; sed ipsis in verbis excurrentibus absque pace recesserunt. Denique tamen mediantibus quibuldam amicis, in campo *Marci* convenerunt. Ubi magnates illi qui inter eos prius pacem firmaverant, & sacramentis se constrinxerant, omnem culpam regi totaliter impo-
nunt. Sed ille nec culpam agnoscere nec conventionem tenere voluit, sed omnino recusavit. Et sic irati & impacati

impacati fratres ab invicem discesserunt. Conductis igitur hinc & inde militibus, multam pecuniam exhauserunt, & multa mala inter se fecerunt. Nam rex castrum de *Bures* invasit atque cepit. Dux vero e contra castellum de *Argentes*, & in eo regis Consulem nomine *Rogerum Pictavensem*, & cum eo octoginta milites, & postea castrum *Hulme* strenue cepit, rege *Francorum Philippo* partem semper Ducis confovente, & diversa remedia conferente; Propter quod *Willielmus* rex in *Angliam* mittens, 10 xx. milia peditum accersivit, qui cum statuto tempore transfretandi ad *Hastynghum* supra mare venissent, quidam ex parte regis venientes, ab unoquoque eorum pecuniam victualem scilicet x. s. abstulerunt, & eos redire ad propria licentiarunt. Dux vero *Robertus* ad *Philippum* regem *Francorum*, qui partem suam fovebat, transivit, qui simul ut regem *Willielmum* apud *On* obsiderent, duxerunt secum exercitum copiosum. Ingenio tamen & pecunia regis *Willielmi*, rex *Francorum* est reversus, & totus exercitus evanuit pecuniæ tenebris obumbratus. Rex vero *Willielmus* *Henrico* fratri suo qui erat apud *Danfronthe* mandavit, ut in natali esset in *Anglia* contra eum. *Henricus* igitur fuit apud *Londoniam* in natali; rex vero *Willielmus* fuit apud *Whitstant*, & inde *Doroberniam* navigavit.

Circa hæc tempora *Herbertus Lofynga*, id est adulator, episcopatum de *Theodfordia* emit à rege, sicut abbatiam de *Rameseye* prius emerat ab eodem; Hunc tamen dicitur poenitentia ductum domino papæ baculum Simoniacum resignasse, ita tamen quod illum statim reciperet. Hic usque *Normicum* primo transfudit sedem episcopalem. Adhuc insuper dum rex *Willielmus* in *Normannia* extitit, *Wallenses* servitutis iugo quo diu premebantur excusso, cervice erecta libertatem sibi pristinam vendicabant, unde multitudine magna congregata, protervo capite processerunt, castella frangentes quæ in *Vestwallia* fuerant sumptuose firmata & constructa. Insuper in comitatibus *Cestria*, *Salopia*, & *Harfordia* frequentes prædas agebant, & villas comburebant, ac castello in *Menevia* insula fracto, multos *Anglos* & *Normannos* perimebant, ætati nec sexui parcentes. Quæ cum rex de *Normannia* in *Angliam* mense Januarii reversus audisset, *Henrico* fratre suo cum pecunia multa in *Normanniam*, ut eam loco regis diutinis invasionibus expugnaret prius remisso, in *Valliam* cum magno exercitu anno regni sui viij. festinanter perrexit, volens tanti mali auctores comprehendere, & modo si posset debito castigare. Sed mutata fortuna propositum suum non est ad vota completum, nam homines & equos perdidit ibi multos, & sic post eventus varios de *Vallia* est reversus, ut iterum securius illuc rediret & eos fortius expugnaret. *Wallenses* vero propter recessum regis animati, castrum de *Pongomery* ad tempus obsederunt, & illud tandem demoliendo fregerunt, ac inhabitantes nequiter occiderunt.

Interea eodem anno regis *Willielmi* octavo, Comes *Northumbrensis Robertus* de *Moubray*, pro eo quod regem *Scottorum Malcolmum*, ut dictum est straverat, in superbiam elatus, curiam regis adire recusavit, quia ipse & multi alii in depositionem regis sui *Willielmi*, si forte eum vita privare, & *Stephanum* de *Albamarla* filium amicitæ suæ in regem statuere possent, proditoraliter conjurati sunt &

conati; sed frustra. Nam detecta & cognita eorum fraude, rex cum exercitu magno *Northumbriam* adiit, ubi cito in quadam firmitate quæ *Novum castrum* vocatur, plures de proceribus se invicem alligatis cepit, & eos in custodia posuit pro voto extra *Angliam* relegandos. Inde vero quodam alio castello conquisto, & fratre Consulis in eo capto, apud *Bamburgh* consulem post hæc obledit. Quod cum armis inexpugnabile rex videret, aliud castellum ante illud paravit quod *Malveysyn* appellavit, in quo partem exercitus sui relinquens, recessit. Cumque postmodum quadam nocte *Robertus* Consul à castro de *Bamburgh* latenter recessisset, eum usque *Tynmuth* regalis exercitus est secutus, ubi cum se defendere non posset, ad ecclesiam sancti *Oswini* regis & martyris fugit, in qua demum vulneratus, violenter extrahitur, & in regis custodia secure ponitur. Postea ad castrum de *Bamburgh* quod uxor sua & propinquus ejus *Morelus* miles strenuissimus suo nomine tenuerunt, ducitur, prout illis præciperet reddere regi castrum. Quo cum venisset, & ipsi de castro reddendo modico distulissent, præcepit rex oculos Comitum in conspectu suorum erui, nisi ejus iussum citius implerent; quod illi timentes castrum protinus reddiderunt, de quo fautores Consulis male pacati cito postea capiuntur; unde *Willielmo* de *On* oculis privato, *Odo* Consul *Campania* cæterique plures exheredati sunt. Et Comes *Robertus* usque *Wyndesore* ducitur carceri mancipandus.

Adhuc audito quod *Wallenses* post regis recessum de partibus illis castrum de *Pongomery* straverant, & castrensis occisis multa mala ferro & igne fecerant, rex impiger anno adhuc ultimo supradicto, post festum sancti *Michaelis* cum immenso exercitu in *Valliam* properavit, ubi omnes fines *Vallia* pertransiens, cum in diverforiis montium, & silvarum eos prosequi non posset, parum vel nihil proficiens, multis hominibus & equis perditis, iterum ut prius non sine ignominia reversus est. Eodem tempore stellæ ita spisse de cælo cadere visæ sunt, quod minime poterant numerari.

Urbanus secundus papa *Romanus* *Galliam* venit anno Dom. Mo. iij^{xx}. xv^o. & Synodo convocata, & apud *Clarum* montem in quadragesima celebrata, ut horæ beatæ virginis cotidie dicantur, officiumque ejus diebus Sabatinis celebretur statuit. Ac negotium terræ sanctæ, sicut prius in Concilio *Turonis* sub ipso celebrato exposuerat, denunciavit diligenter & exposuit, hortans Christicolas universos, ut Christi imitatores effecti, in terram sanctam quam ipse Christus proprio sanguine consecravit, ad ipsius sanguinis effusionem vindicandam, & ipsam terram de manibus inimicorum suorum eripiendam, celeriter properarent. Cujus quidem papæ ortatu & prædicatione, plures magnates & populus terræ multus crucem tunc temporis susceperunt. Inter quos *Robertus* Dux *Normannia* sanctæ crucis caractere insignitus est. Misitque nuncios ad regem *Villielmum* fratrem suum propositum suum sibi nuncians, & ulterius petens, ut absque repetitione alicujus injuriæ, firma pace inter eos reintegrata, sibi decem milia marcarum argenti ad inceptum propositum implendum mutuaret, & *Normanniam* loco pignoris sibi poneret, & interim liberaret: Placuit iste sermo regi, & mox ejus petitioni annuens, majoribus *Anglia* indixit, ut unusquisque eorum sibi pro posse

posse pecuniam festinanter mutuaret. Cujus rei causa episcopi, abbates & abbatissa aurea, & ecclesiarum argentea ornamenta frangentes, illa in pecuniam ad opus regum redigerunt. Comites vero & Barones, & ceteri terrarum magnates, homines & subditos suos spoliantes, regi juxta votum suum inmensam pecuniam deferebant, transivitque rex in *Normanniam* mense Septembri, & pace cum suo germano firmata, pecuniam praedictam ei praestitit, & loco pignoris *Normanniam* accepit.

Profectique sunt Christiani nostri catholici in terram sanctam, unde cum dicto Roberto Duce *Normanniae* ivit Robertus Comes *Flandriae*, & *Eustachius* Consul *Boloniae*. Iveruntque ex alia parte Dux *Godefridus Lothoringia*, & *Baldewinus* Consul de *Monte*, & alius *Baldewinus*, reges *Jerusalem* futuri. Iveruntque ex tertia parte *Reimundus* Comes de sancto *Egidio*, & episcopus *Podiensis*. Quis autem taceat *Hugonem* Magnum fratrem regis *Francorum* & *Stephanum* Comitem *Blesensem*? Quis non memoret *Boamundum* de *Apulia* & nepotem ejus *Tancredum*? Hoc est miraculum Dei magnum temporibus nostris factum, & seculis omnibus inauditum, Quod tot diversae gentes, tot fortissimi proceres relictis possessionibus splendidas, uxoris et filiis, niente omnes una morte spreta loca innotissima petierunt. Quibus per terram et demum per brachium sancti *Georgii*, et per *Constantinopolitanam* urbem transeuntibus, cometa iij. kal. Octobris per quindecim dies sequentes apparuit. Animose igitur Christiani in crucis Christi inimicos procedentes, *Antiochiam*, *Tripolim*, *Achon* et pene totam terram sanctam cum civitate *Jerusalem* ceperunt. Sed antequam *Antiochia* capta erat sanctus *Andreas* apparuit cuidam simplici rustico, Provinciali genere, dicens; Veni, ostendam tibi lanceam qua *Iesus Christus* perforatus est. Qui rusticus capta civitate praesente Roberto Comite cum capellano suo in ecclesia sancti *Petri* fodiens, in loco de quo revelationem habuerat, lanceam invenit. Dubitantibus autem plerisque utrum lancea Christi esset, quidam *Bartholomens* nomine cui Christus apparens de lancea significaverat, cum ipsa lancea per ignem xij. pedum quem fieri jusserat, illaesus transivit. Et sic exercitus fiduciam in Christo, et in ipsius lancea habentes, intrepidi cum illa procefferunt per *Achon*, quae olim *Tholomaida* dicebatur. Veneruntque *Cesaream*, ubi cum essent desuper exercitum columbam volantem, unus aucipiter graviter plagatam in terram dejecit, Circa quam inventae sunt literae quae talem sententiam deferebant.

Rex *Acheron* Duci *Cesareae* salutem. *Generatio canina gens contentiosa venit, contra quos per te & per alios legem tuam defendas, idem annuncia aliis civitatibus.* Post haec venientes obsederunt *Jerusalem*, quae octavo idus Julii feria sexta ab ipsis fidelibus pio et felici sudore capta est. Est autem *Jerusalem* civitas in montibus sita, rivis, fontibus et silvis carens, excepto fonte *Sylae*, ubi quandoque aqua sufficiens reperitur. Fuerat autem post *Titi* et *Vespasiani* destructionem per *Helyum* *Adrianum* mirifice reparata; sed non in eodem loco ubi prius. Dicitur etiam quod ista mocio *Ierosolimitana* in subsidium terrae sanctae continebat plusquam CC. milia Christianorum. Inter quos Robertus Dux *Normanniae* gloriosus extitit atque clarus; Qui civitate a Christianis et maxime *Fransis* capta,

regnum *Ierosolimitanum* sibi oblatum tenuit; unde *Godefridus* Dux *Lothoringia* xj. kal. Augusti ab omni exercitu in regem *Jerusalem* unanimiter electus est.

Willielmus rex anno regno sui decimo cum *Normanniam*, quam a Roberto fratre suo, ut dictum est, pro pecunia in vadimonium acceperat, pro libito suo disposuisset, ad vigiliam paschae in *Angliam* rediens, ad *Arundel* applicuit. Cum autem postea ad festum *Penticostes*, apud *Wyndesoram* festive esset diadematus, cum magno exercitu cito post in *Walliam* perrexit, ubi saepe multis turmis *Wallensium* prostratis, saepe multos suorum, locorum angustiis amisit. Videns igitur eos plus inexpugnabili situ terrae, quam viribus & armis defensos, castella juxta fines *Walliae* parari fecit, & sic ut prius ad *Angliam* confusus rediit & illius. Sed post duos annos sequentes *Hugo* Comes de *Salopia* cum *Hugone* Comite *Cestriae*, *Meneviam* insulam quae dicitur *Anglesey* cum ingenti exercitu adierunt, & multis *Wallensibus* peremptis illam fortiter ceperunt, & multa mala in populo illo fecerunt; quosdam enim pedibus & manibus truncatis, quosdam vero testiculis abscisis oculis privaverunt. Quemdam etiam presbyterum provec̃tae aetatis nomine *Renredum*, a quo *Wallenses* cum suis consilium accipiebant in agendis, ab ecclesia extraxerunt, abscisisque testiculis uno oculo eruto linguam etiam ejus praeciderunt. Sed die tertia gratia Dei, ut creditur, reddita sibi est loquela. Dicitur vero Consul *Salopiae* *Hugo* propter illud ut dicitur facinus, a rege *Norragenorum* qui illuc cum paucis navibus applicuerat, sagitta percussus interiit. Sed quidam volunt ipsum ab *Hibernensibus* esse occisum.

Eodem anno ordo *Cisterciensis* per quemdam *Hardyng*, qui a puero in *Anglia* apud *Schyrburnam* monachus fuit, & per quosdam alios in *Burgundia* in loco qui dicitur *Aylismus* in dioecesi *Cabilonensi* est inceptus; ubi die sancti *Benedicti* fundatum fuit monachis primum coenobium, & matricem domini totius ordinis antedicti. In qua religione monachi de labore manuum vivunt, vel saltem vivere solebant; decimas & oblationes non solvunt; peliceum aut lineum respuunt; staminis vestiunt. A femoralibus nisi in itinere abstinent, quae redeuntes lota restitunt. Circa idem tempus dictus papa *Urbanus* in tertia ebdomada paschae maximum tenuit *Roma* Concilium: ubi de consilio fratrum & totius congregati Concilii excommunicavit omnes laicos investituras ecclesiarum dantes, & omnes eas accipientes de manibus laicorum. Excommunicavit etiam eos qui pro ecclesiasticis honoribus laicorum homines fiunt, dicens, Quod manus qua intantam eminentiam excreverunt, quod nulli Angelorum concessum est, ut Deum cuncta creatorem signaculo suo creent, & eundem ipsum pro salute totius mundi Dei patris obrutibus offerant, in hanc detrudi ignaviam vel stulticiam non debere, ut ancille fiant earum manuum, quae diebus ac noctibus obscenis contactibus inquinantur, rapinis etiam & injusta sanguinis effusione multociens maculantur. Et conclamatum est ab omnibus, Fiat, fiat. Post haec idem *Urbanus* papa eodem anno postquam annis xj. mensibus quatuor, & diebus quindecim sedisset, obiit. Cui successit *Paschalis Secundus* sedens annis xvij. mensibus quinque, diebus vij. qui natione *Tuscius* de *Bleda* fuit.

Eodem

Eodem anno *Willielmus* rex pravus nihil fere recti in regno suo fieri permittebat, sed in opere muricirca turrim *Londoniensem*, & magnæ etiam aulæ apud *Vestmonasterium* nunquam cessans, provincias in tributis intollerabiliter vexabat; excepta rapina quam familia sua, ubicunque pergebat, quasi fere hostiliter exercebat. At rex ad festum sancti *Marini* mare in *Normanniam* retransiens, *Edgarum* filium *Malcolmi* regis *Scottorum*, cum exercitu in *Scociam* destinavit, ubi *Dunvaldo* rege ingenti prælio fugato, rex *Willielmus* ipsum *Edgarum* in regno *Scocia*, ut supra scribitur, stabilivit.

Willielmus rex anno regni sui xj. in *Normannia* moram traxit, semper hostilitatibus & armorum curis deditus, populum interim *Anglorum* exactionibus pessimis excorians & abradens. Eodem anno visus est sanguis in æstate à quodam fonte apud *Finchamstede* in *Warkschire* tribus septimanis continuis ebullire. Post hæc cælum tota nocte apparuit rubeum quasi pene arderet. Eodem anno *Walkelinus* episcopus *Wyntoniensis* obiit, & supradictus *Hugo* Consul *Salopia*, ut præscribitur, in *Vallia* extitit occisus, cujus comitatum *Robertus* de *Bellem* frater ejus accepit.

Willielmus rex anno regni sui xij. in *Angliam* rediens curiam suam primo in nova aula *Vestmonasteriensi* tenuit tunc perfecta. Quam cum inspecturus primo introisset, cum alii satis magnam vel æquo majorem ipsam dicerent, rex respondit, eam magnitudinis debitæ dimidia parte carere. Rursus, cum in nova foresta circa venationem extitisset, nuncius subito à *Cenomania* veniens dixit, suam ibi familiam obsideri. Rex igitur ad mare festinans, naves introiit indilate: Cui nautæ. Cur regum maxime mare tempestate intolerabili quassato mortis imminens periculum non formidas? Quibus rex, De rege loqui submersio maris fluctibus non audivi. Mare igitur transiens, dum viveret nihil egit unde tantam famam, & tantum gloriæ decus haberet, nam *Cenomanniam* petens *Elyam* Consulem fugavit, & eum sui juris esse iussit, & in *Angliam* postea transfretavit.

Eodem anno rex *Ranulpho* placitatori sed perverfori, non exactori, sed exustori episcopatum *Dunelmensem* contulit & donavit. Et hoc anno decessit *Edmundus* episcopus *Sarisberienfis*. Eodem anno multa adversa in *Anglia* contigerunt; verum hoc maxime erat horrendum quod diabolus in saltibus, & deviis visibiliter hominibus apparuit, & transeuntibus locutus est. Tempore istius regis *Willielmi* sanctus *Volfstanus* *Vygorniensis* episcopus in domino feliciter requievit.

An. Dñi 1100. Anno Domini millesimo centesimo, & regni regis *Willielmi* xij. dum in oriente à Catholicis proceribus fortiter atque feliciter ageretur, idem rex *Willielmus* iniquitatem sibi prolongans, & in exitium proprium contra stimulum calcitrans, venerabilem *Anselmum Cantuariensem* archiepiscopum ipsum regem cum modestia corripientem, & enormia quæ ab eo, & sub eo gerebantur corrigere volentem, impatiens non pertulit, sed discordia infinctu malorum inter eos orta, quia pro archiepiscopatu sibi collato pecuniam regi ad regatandum ei conferre recusavit; & etiam de investituris ecclesiarum, & in multimodis earum oppressoribus eidem consentire noluit, ipsum archiepiscopum re-

bus omnibus fere spoliatum tanquam regno contrarium ab *Anglia* proscribendo expulit, omnibus episcopis excepto *Roffensi* cum rege tenentibus; unde *Anselmus* multis injuriis, & dampnis ex causis antedictis sæpius afflictus ab *Anglia* exulatus recessit, & *Romam* adiit summo pontifici conquesturus. Cumque rex *Willielmus* patrio more ad natale apud *Gloverniam*, ad pascha apud *Wyntoniam*, ad pentecostem apud *Londoniam* curiam suam gloriose tenuisset, ad novam regiam forestam Anglice *Beche* dictam, quam pater suus *Willielmus* bastardus hominibus fugatis, desertis villis, & subreptis ecclesiis per xxx. & eo amplius miliaria in saltus, & lustra ferarum redigerat, iij. nonas Augusti feria quinta venatum ivit, ubi quidam miles *Francus* *Walterus* cognomine *Tyrell* sagittam cervo incaute dirigens, regem casu infortuito non voluntarie ad mortem percussit. Qui contruens nullum edidit inde verbum, & sic invisus ille rex nequissimus, in omnibus viis suis inconstans, Deo indevotus, ecclesiæ & populo suo gravis, nuptiarum consortia spernens, & passim lasciviens, opes regni sitiens, & fortunas subditorum corrodens, inmanissimæ superbiæ turgidus, & doctrinæ evangelicæ quasi derisor effectus, qui gentem *Anglorum* nullo contradicente tributis & exactionibus pessimis vexabat, episcopatus & abbatias aut vendebat, aut in manu sua retinens ad firmam tradebat, in quodam loco ubi præcis temporibus ecclesia fuerat constructa, & tempore patris sui cum multis aliis ecclesiis, & quatuor domibus religiosis, & tota illa patria in solitudinem redacta, vitam crudelem sine miserrimo terminavit. Jure autem in medio injustitiæ suæ inter feras occiditur, qui ultra modum inter homines ferus erat. Nam stabilitis contra malefactores silvarum, forestarum, & venationis legibus duris, zelotepia sua agente, custos boscorum & ferarum pastor communiter vocabatur. Siquidem in die qua obiit archiepiscopatum *Cantuariensem* *Anselmo* archiepiscopo, ut est dictum relegato, & episcopatus *Wyntoniensem*, & *Sarisberiensem*, & novem abbatias ad firmam traditas in proprio possidebat. Postremo ita crudelis, & contrarius fuit, quod quicquid Deo Deumque diligentibus displicebat, hoc regi regemque diligentibus placebat.

In eadem etiam prædicta nova foresta germanus regis *Ricardus* filius *Roberti* Comitis *Normannie*, dum & ipse paulo ante in venatione fuisset, à suo milite sagitta percussus occubuit. Quod secundum judicium populi vindicta altissimi Dei fuit, quia temporibus regis *Edwardi* & aliorum regum eadem patria cultoribus Dei & sacris ecclesiis uberime renitebat, sed, ut dictum est, jussu *Willielmi* regis senioris habitatoribus fugatis, domibus Dei dirutis & ecclesiis destructis, habitationi ferarum deputata est. Contigit autem ut quidam volunt, quod iste rex *Willielmus Rufus* proximo die ante diem qua decessit, sopitus sompniavit, quod ipse erat sanguine minutus, & non parum, sed usque ad quantitatem maximam cruentavit; & videbatur ei quod unus radius cruoris sui versus cælum multum in altum se exiliens, claritatem diei cum aere obscuravit. Expergefactus autem rex, & nimio timore de visione illa percussus, pluribus curiæ suæ quid sompniaverat indicavit. Qui multum admirantes, aliquod infortunium sibi evenire, sicut accidit, occulte contra se judicarunt. Nocte etiam qua

qua rex in crastino decessit, quidam monachus domus suæ somnians vidit regem nimio fastu elatum, quamdam ecclesiam pompose intrare, cunctoque circumstantes despiciere, & pudibunde ymaginem crucifixi dentibus suis, quasi amens mordere; quam verecundiam crucifixus benigne patiebatur. Sed demum rex quasi demens brachia & crura ejusdem crucifixi rodere incepit, & ipsum ita fortiter pede percussit, quod in terram jacuit prostratus. A cujus ore continuo una flamma magna exivit, unde omnes admirabantur. Monachus vero cui-dam militi secretario regis, & à rege magis dilecto, qui *Reginaldus* filius *Hamonis* dicebatur, somnium suum quam cito potuit indicavit. Qui ambo illud statim regi retulerunt, nam aliquod infortunium illud significare vehementer dubitarunt. Rex vero somnium audito, ter vel quater quasi eos deridendo cachinnavit. Sed postea intra se deliberavit, utrum ad silvam illo die causa venandi accederet, sicut meditaverat, an non. Tandem gente sua sibi consiliante, ut nullo modo illo die lucum adiret, domi ante prandium moratus est; sed quam cito comedisset, nullus eum retinere potuit, quin juxta votum suum omnimodo venandi gratia novam forestam visitaret; ubi eodem die vitam suam miseram, ut supradictum est, anno regni sui tercio decimo misere terminavit. Cujus cadaver in redacaballaria positum, & *Wintoniam* multorum procerum conventu, paucorum vero planctu delatum, in crastino perditionis suæ in ecclesia sancti *Petri* traditur sepulturæ. Circa idem tempus *Anselmus Cantuariensis* archiepiscopus per regem *Willielmum* ut prædicitur relegatus, cum literis & auctoritate summi pontificis versus *Angliam* rediens, cum adhuc in partibus transmarinis moram faceret, & ad vigilias nocturnas quadam nocte cum suis surgeret, quidam suorum stando oculis clausis psallebat, cui parva cedula inter manus dilapsa est, *Rex Angliæ occisus est*, hoc erat scriptum in cedula. Cumque hoc archiepiscopus audisset & deinde certior factus fuisset, flevit amare, & versus *Angliam* celeriter tetendit.

Defuncto rege *Willielmo Rufo* prole carente, & ut dictum est, apud *Wyntoniam* sepulto, *Henricus* dictus *Clericus* frater ejus junior in regem ibi electus est, ut ipse qui solus à rege coronato postquam pater ejus *Willielmus* conquestor regnum *Angliæ* & diadema regni susceperat, exitit procreatus. Qui statim ibi apud *Wyntoniam* *Willielmo Gyffard* contulit episcopatum *Wyntoniensem*, pergensque *Londoniam*, optabili melioratione legum & consuetudinum repromissa, à *Mauricio Londoniensi* episcopo quarto die post mortem fratris sui anno Domini M. C. apud *Westmonasterium* consecratur. Qui eodem die consecrationis suæ *Anglicanam* ecclesiam, quæ tempore fratris sui vendita erat vel ad firmam posita, liberam ab omni servitute statuit & quietam. Sed abbathiam sancti *Edmundi Roberto* filio Comitiss *Cestrie* sine electione conventus ejusdem loci dedit; *Anselmum* venerabilem archiepiscopum *Cantuariensem*, quem frater suus exulaverat, mox ad propria revocavit, & omnes malas consuetudines & injustas exactiones quibus *Angliæ* opprimebatur de medio abstulit, ac earundem inventorem *Ranulphum Dunolmensensem* episcopum incarceravit,

pacem firmam in toto regno suo posuit, & leges regis *Edwardi* omnibus in commune reddidit, cum emendationibus quibus eas emendaverat pater ejus; sed forestas quas ille constituit, continuavit & iste.

Post hæc congregavit rex majores natu & magnates terræ, & eorum consilio, fretus, bonam *Matildem* filiam *Malcolmi* nuper regis *Scottorum* & *Margaretæ* reginæ, duxit *Londoniæ* solempniter in uxorem; quam *Anselmus* archiepiscopus de exilio tunc reversus sibi desponsavit, & die sancti *Martini* coronavit, & in reginam *Angliæ* consecravimus. Ex qua postea processu temporis idem rex *Henricus* genuit *Willielmum*, & *Matildem* imperatricem. Iste rex *Henricus* dictus est *Henricus primus* quoniam *Merlinus Ambrosius* leonem justitia in historia regum nominavit, fecit enim judicium & justiciam in terra; cui Dominus præcise tria dederat, videlicet Sapientiam, Victoriæ, & Divitias, quibus bene prosperatus omnes antecessores suos præcessit. Anterea capta, ut dictum est, per principes & peregrinos Christianos, urbe *Jerusalem*, & postea ingenti prælio contra exercitum *Admiraldi Babiloniæ* victorioso patrato, *Robertus* dux *Normanniæ* frater ejus, cum uxore sua, quam sibi in *Sicilia* desponsaverat, à terra sancta mense Augusti in *Normanniam* rediens, ab omni populo cum lætitia est susceptus. Quod quidam magnates *Angliæ*, qui regis animum non habebant, audientes, missis ei nunciis rogaverunt, ut festinanter in *Angliam* veniret, coronam regni suscepturus, terram sibi & auxilium promittentes. Qui confestim copiosa multitidine navium coadunata, exercitum congregavit. *Henricus* igitur rex, quem hoc non latuit, cum ad natale apud *Westmonasterium*, & ad Pascha apud *Wyntoniam* curiam suam tenuisset, præcepit marinariis portuum, mare cura diligentissima custodire. Quibus rex præliatores associavit, ut si frater ejus de *Normannia* in *Angliam* veniret bellum navale cum eo gererent indilate. Ipse autem rex innumerabili exercitu congregato, non longe castra posuit ab *Hastynge*, ubi fratrem suum credidit applicaturum. Sed à nautis suis deceptus est, nam Dux quosdam ex illis marinariis adeo donis & promissionibus fregit, quod regia fidelitate fracta ad ipsum ducem transeuntes sibi se protinus subdiderunt, & duces ejus in *Angliam* extiterunt. De quibus cum ille securus fuisset, & omnia ad transfretandum prompta & parata essent, navem cum exercitu ascendit, & ipsis ducentibus, apud *Porteshamuth* circa festum sancti *Petri* ad vincula pro voto applicuit, & statim versus *Wyntoniam* se movet. Quod seductores qui eum vocaverant, audientes, ad eum celeriter transferunt; quidam tamen eorum cum rege, sed voluntate ficta & mente perfida remanserunt. Interim dum rex & dux ad prælium se pararent, principes utrinque fraternum bellum non perferentes, habito inter se salubri consilio, pacem inter fratres & fœdus concordie statuerunt, eo videlicet pacto, Quod rex singulis annis tria milia marcatum argenti duci persolveret, & qui diutius viveret si alter absque filio moreretur, alterius hæres esset. Et homines sui qui terras aliquas, dignitates, vel honores aliquos in *Angliæ* propter ducem, vel in *Normannia* propter regem perdiderant, omnia illis vicissim restituerent. Quibus per xij. eximiores procerum utrinque juratis, *Robertus* dux

dux in pace in *Anglia* usque ad festum sancti *Michaelis* commorans ad propria postea remeavit. Circa idem tempus mortuo *Thoma Eboracensi* archiepiscopo, *Gerardus Herfordensis* ad eundem archiepiscopatum est electus.

Anno regni regis *Henrici* tercio, tunc *Ranulphus Dunelmensis* episcopus quem rex consilio gentis *Anglorum* in vinculis, ut dictum est, posuerat, à carcere evasisset, clamdestine in *Normanniam* transiens, *Robertum* ducem in regem fratrem suum male instigavit, & ad odium fratrem quantum potuit commovit. Circa idem tempus *Henricus* rex in fediciosum consulem *Salopia Robertum de Bellem* jure exurgens eum exulavit, quem in castello de *Arundell* rex obsessit. Quod cum gravissimum esset ad conquistandum, castellis ante illud constructis ivit & *Brugge* obsedit, quousque castrum sibi redditum fuit; unde dictus *Robertus de Bellem* gemebundus in *Normanniam* transfretavit.

An. Dñi
1103.

Anno Domini M. Cij. & regis *Henrici* adhuc hujus. magna dissencio inter regem *Anglie* & *Anselmum Cantuariensem* archiepiscopum est exorta, eo videlicet quod dictus archiepiscopus consentire nollet, quod rex investituras ecclesiarum daret; unde rex iratus *Eboracensi* archiepiscopo *Girardo* præcepit, ut ipse episcopos, quibus rex investituras dederat, consecraret. Sed *Willielmus Gyffard*, cui rex episcopatum *Wyntonensem* dederat, zelo justitiæ motus, benedictionem *Eboracensem* sprexit; propter quod rebus suis spoliatus, à regno, regis judicio eliminatur; unde *Anselmus* post multas injurias, & diversas contumelias quas passus est, ad regis rogatum *Romam* demum proficiscitur, ut decretum *Dominici papæ Paschalis* secundi in hiis & in aliis haberetur; unde rex eidem papæ per duos legatos, *Robertum* scilicet *Lychfeldensem*, & *Herbertum Norwicensem* episcopos scripsit in hæc verba. Patri venerabili Paschali summo pontifici, *Henricus Dei gratia rex Anglorum salutem. Promotioni vestra in sedem sancte Romanæ ecclesiæ plurimum congaudeo, petens quod amicitia quæ patri meo cum antecessoribus vestris fuit, inter nos quoque illibata permaneat, unde ut dilectio & benignitas à me videatur sumere initium, beneficium quod ab antecessoribus meis beatus Petrus habuit, vobis mitto, eosque honores & eam obedientiam quam tempore patris mei antecessores vestri in regno *Angliæ* habuerunt, tempore meo ut habeatis volo; eo videlicet tenore, ut dignitates, usus & consuetudines quas pater meus tempore antecessorum vestrorum in regno *Angliæ* habuit, ego tempore vestro in eodem regno meo integre obtineam. Notumque habeat sanctitas vestra, quod me vivente Deo auxiliante dignitates & usus regni *Angliæ* non minuentur. Et si ego, quod absit, in tanta me dejectione ponerem, optimates mei, ymmo totius *Angliæ* populus id nullo modo pateretur. Habita igitur karissime pater, utiliori deliberatione, ita se erga nos moderetur benignitas vestra, ne, quod invito faciam, à vestra me cogatis recedere obedientia.*

Eodem termino, & per eosdem legatos idem rex pro pallio venerabilis *Girardi Eboracensis* archiepiscopi eidem papæ scripsit hoc modo. Reverendo & diligendo patri venerabili & universali papæ Paschali, *Henricus Dei gratia rex Anglorum salutem. Amor quem plurimum erga vos habeo, & benignitas quæ multum vestros actus exornat, fidu-*

ciam michi dabant, ut retento mecum Girardo Eboracensi archiepiscopo pallium ei à vestra sanctitate requirerem: sed quia ipse totus eo desiderio tenebatur, ut vestris conspectibus se præsenteret, & à vobis per seipsum id petere posset, ad vos eum missi dulcissimam michi paternitatem vestram obsecrans, ut dato ei quod petit pallio, cum honore & laetitia eum ad me remittatis, orantes pro nobis filii vestris. Apostolatam vestrum Deus multis annis conservet. Istæ quidem literæ quanta regem decuit veneratione susceptæ fuerunt, ac lectæ & perlectæ perplacuerunt. Nam æstimari non potest quantis gaudiis & quanta celebritate prædicti nuntii cum regis dignitate & ipsorum etiam probitate recepti sunt pariter & remissi. Tantam etiam specialitatem & gratiam *Girardus* archiepiscopus in oculis omnium *Romanorum* meruit, ut nulla blasphemantium vel contradicentium studia super eum *Roma* deinceps processerunt, licet de eo fama publicata fuerat, quod absente *Cantuariensi* archiepiscopo *Anselmo* in ejus diocesi quosdam intronizatos consecrare voluisset. Sed cum ipsi nullatenus acquiescerent, *Willielmus Gyffard Wyntonensis* electus unus sacrandorum episcoporum, pro eo quod à dicto *Girardo Eboracensi* archiepiscopo consecrari noluit, à regno, ut est dictum, exulavit, *Romam* petiit & beatissimum archiepiscopum suum *Anselmum* reduxit. *Rogerus* vero *Sarisburyensis* electus sanctum ipsius archiepiscopi *Anselmi* reditum pro consecratione sua iustis desideriis expectavit.

Cumque prædictus archiepiscopus *Anselmus* de curia *Romana* reversus regem induceret, ut ab inceptis injuriis cessaret, vix demum & cum difficultate maxima adquievit; unde regis dictis nuntiis de *Roma* reversis, postmodum iij. kal. Augusti clero & populo ad concilium *Londoniæ* congregato, astantibus archiepiscopis, & episcopis, cæteraque multitudine maxima procerum & magnatum, statuit rex & concessit, ut ab eo tempore in antea nullus electus per dationem baculi pastoralis vel anuli de episcopatu, vel abbatia investiretur per regem seu quamcumque personam aliam secularem. Et dictus archiepiscopus *Anselmus* concessit, ut nullus in prælationem electus consecratione suscepti honoris pro homagio quod regi faceret privaretur. Statuit etiam rex pacem firmam & legem certam, ut si quis in furto vel latrocinio deprehensus esset, absque redemptione aliqua suspenderetur. Statuit etiam, ut quicumque falsos denarios faceret, & super hoc deprehensus esset, ambos oculos & inferiores partes corporis amitteret. In illo etiam concilio dictus archiepiscopus *Anselmus* interdixit & prohibuit uxores sacerdotibus, ante non prohibitas. Statuit etiam, ne monachi vel presbyteri sint præpositi laicorum. Statuit etiam de superfluis crinibus & vestibus. Statuit etiam, ut occulta vota pueri vel puellæ sint irrita. De sodomitis publice excommunicandis. Deposuit insuper in eodem Concilio plures abbates, videlicet *Persorem*, *Burghensem*, *Elyensem*, de sancto *Edmundo*, *Ramesyensem*, *Cerneleyensem*, *Mideltunensem*, *Teukesbyriensem*, & *Mylceylensem*, quorum quidam depositi fuerunt sicut Deus voluit, propter vitæ infamiam, quidam autem propter simoniæ circumventionem. Ibidem etiam fuerunt exordinati duo monachi propter homicidium in ecclesia perpetratum.

Postea non multo tempore elapso, dictus archiepiscopus

episcopus *Cantuariensis Anselmus*, & cum eo *Gerardus* archiepiscopus *Eboracensis*, & omnes alii *Anglia* episcopi, in praesentia regis *Henrici*, assensu omnium baronum suorum apud *Wyntoniam* statuerunt, ut presbyteri, diaconi, subdiaconi caste vivant, & mulieres in domibus suis non habeant, praeterquam in proxima consanguinitate sibi conjunctas, secundum quod sancta *Nicena* synodus diffinivit. Illi vero presbyteri, diaconi, sive subdiaconi, qui post interdictum *Londoniensis* concilii feminas suas tenuerint, vel alias duxerint, si eligerint in sacris ordinibus remanere, jurent quod carnale commercium cum eis amplius non habebunt. Statuerunt etiam, ut praedictae feminae in domibus cum eis scienter non conveniant, neque hujusmodi feminae in territorio ecclesiae habitent. Si autem propter aliquam honestam causam eos colloqui oporteat, cum duobus legitimis testibus ad minus extra domum colloquantur. Si vero duobus vel tribus legitimis testibus, vel publica parochianorum fama quis hoc statutum violasse accusatus fuerit, purgabit se adiunctis secundum ordinis sui idoneis testibus vi. si presbyter fuerit, si diaconus quatuor, si subdiaconus duobus. Qui autem in purgatione defecerit, hujus sacri statuti censetur violator. Illi autem presbyteri qui divini altaris & sacrorum ordinum contemptores existunt, praeligentes cum uxoribus suis habitare, a divino officio remoti omnique ecclesiastico beneficio privati, extra chorum ponantur & infames censeantur. Qui vero rebellis extiterit & missam celebrare praesumpserit, ad satisfactionem vocetur, quam si non fecerit excommunicetur. Eadem sententia archidiaconos & omnes canonicos teneat & liget tam de uxoribus abjurandis, quam de earum cohabitatione vitanda, & de districtione censurae si statuta transgressi fuerint. Jurabunt etiam omnes archidiaconi, quod pecuniam non accipient pro transgressione hujus salubris statuti toleranda. Sed neque ullo modo tolerabunt presbyteros uxoratos missas cantare, vel vicarios pro se constituere. Et quod ipsi non dissimulabunt per archidiaconatus suos hoc inquirere, & fideliter episcopis suis denunciabunt, & attente & fideliter ad vindictam hujus rei exequendam suos episcopos adjuvabunt. Qui vero archidiaconus vel decanus hoc jurare noluerit, archidiaconatum, vel decaniam irrecuperabiliter perdat. Presbyteri vero qui relictis uxoribus Deo & sacris ordinibus servire elegerint, quadraginta dies ab officio cessantes, pro se vicarios habeant, inuncta eis poenitentia secundum quod episcopis eorum visum fuerit.

Anno regni regis *Henrici* quarto, *Robertus* dux *Normanniae* in *Angliam* venit, causisque variis mediantibus, & cauta regis versucia, tres mille marcas quas idem rex annuatim eidem solvere deberet sibi cum dilectione maxima condonavit, & ad propria remeavit.

Curriculo anni sequentis, *Henricus* rex magnam a regno exegit pecuniam, & terra multis oppressio- nibus gravabatur. Accenso enim inter regem & *Robertum* fratrem suum ducem *Normanniae* antiquo furore, rex milites in *Normanniam* destinavit. Qui a proditoribus ducis recepti, praedis & combustionibus non minimam cum eis cladem rebus ducis viriliter ingesserunt; unde rex eodem anno cum immenso exercitu contra fratrem suum hostiliter certaturus in *Normanniam* navigavit. In cu-

jus adventu principes & magnates *Normanniae* aurum & argentum illius anelantes, spreto duce ei occurrerunt, & sibi se subicientes castra ei & civitates munitas, excacati muneribus, tradiderunt. Postea rex *Cadomum* pecunia fratri suo abstulit, *Baio- cum* armis auxilio *Andegavensis* consulis conqui- sivit, & eam cum ecclesia beatae *Mariae* combussit. Quibus actis, mense Augusti rex in *Angliam* re- meavit. Inter haec *Willielmus* consul *Moretoit* causa perfidia ab *Anglia* exheredatus a rege, in *Norman- nia* recedens, animo perfecto & exercicio ferventi vir probissimus regales turmas saepe inquietavit.

Anno regni regis *Henrici* sexto, videns dux *Robertus* quod non potuit regi resistere eo quod viri- bus impar esset, & magnates sui ab eo recesserant, in *Angliam* transfretavit, & usque ad *Portham- ton* ad regem fratrem suum venit, humiliter ab eo petens, ut fraternam amicitiam & gratiam sibi abla- tas redderet cum amore. Cum vero Deus eorum concordiae non assentiret, dux iratus in *Normanni- am* perrexit. Quem rex eodem anno ante Augu- stum manu valida sequebatur. Rege enim cum fere omnibus proceribus *Normanniae*, nec non mul- to robore *Angliae*, *Andegaviae*, & *Britanniae*, ca- strum de *Tenerchebay* obsidente, *Robertus* dux *Normannorum*, & cum eo *Robertus* de *Bellem*, & *Willielmus* consul de *Moretoit*, & omnes ejus fau- tores alij, in vigilia sancti *Michaelis* hostiliter ad- venerunt. Cum igitur cornua rauco cantu strepui- sent, dux *Normanniae* bellis *Jerusalemitanis* assue- tus, cum paucis multis audacissime aggressus, aci- em regalem fortiter & horrende repulit & turbavit. *Willielmus* vero consul de *Moretoit* aciem *Anglo- rum* de loco in locum turbavit. Tandem acies eque- stris *Britannorum* & caeterae acies cum pedibus per aciem ducis ex adverso subito prorumpentes, illam mole magnitudinis oppressam dissolverunt strenue & vicerunt. Et fugiente *Roberto* de *Bellem* dux fortissimus *Normannorum* & consul de *More- toit* in illo praelio capiuntur. Et sic reddidit domi- nus vicem pro vice duci *Roberto*, quia cum glorio- sum in actibus *Jerusalemitanis* eum Dominus red- deret, regnum *Jerusalemitanum* sibi oblatum renuit, magis eligens quieti & desidia in *Normannia* de- servire quam regi regum in sancta civitate militare; dampnavit igitur eum Deus desidia perhenni & carcere sempiterno. In cujus rei signum cometa eodem anno apparuerat; & in coena Domini visae sunt duae lunae plenae paulo ante diem, una in oriente, alia in occidente, & eodem die erat luna xiiij.

Captus est igitur, ut dictum est, dux *Robertus*, & in custodia regis fratris sui positus, residuum vitae suae tempus ingloriosus egit, & secundum quod pater ejus *Willielmus* conquestor ducatus *Norman- niae* regnum *Angliae* sociaverat: sic isto modo iste rex *Henricus* sibi & regno suo *Angliae* ducatum *Normanniae* sociavit. Et tunc impletum est illud verbum quasi propheticum, quod *Willielmus Ba- stard* conquestor *Angliae* pater suus pridie quam moreretur isti regi *Henrico* filio suo dixerat, sic sibi loquens. *A quo animo esto fili, pacifice patere ut majores fratres tui te praecedant. Robertus habebit Normanniam. Willielmus Angliam, copiam autem thesauri mei tibi dabo & Cenomanniam. Tu autem tempore tuo totum honorem quem nunquam possedi habebis, & fratribus tuis in divitiis & potestate praevalabis & praelles.*

Henricus rex anno regni sui septimo cum delectis vel dominio suo subactis hostibus *Normanniam* pro libito disposuisset, in *Angliam* rediens, fratrem suum ducem magnificum & *Willielmum* consulem de *Moretoil* secum adductos carceralibus tenebris mancipavit. Victoriolus igitur & tunc primo rex fortis, ad Pascha apud *Wyndesore* curiam suam celebravit, in qua cum timore & tremore proceres *Anglie* simul & *Normannia* affuerunt. Antea namque dum juvenis erat & postquam rex fuerat, in despectu maximo habebatur: sed Deus qui aliter judicat quam filii hominum, & exaltat humiles, & deprimat potentes, *Robertum* ducem omnium favore celeberrimum deposuit, & *Henrici* despecti famam per orbem terrarum mirabiliter exaltavit. Nam Dominus omnipotens tria ei munera, videlicet Sapientiam, Victoriam, & Divitias satis dedit, quibus omnes antecessores suos præcessit, & suos quos voluit ditavit. Hiis temporibus gens *Flandria* propter desolationem patriæ suæ per jactantiam æquoræ arenæ, diu vagabunda, locum habitandi à rege *Henrico* expetiit, qui orientalem plagam *Anglie* juxta fluvium *Twyda* primo eis concessit, quos tandem postea sub anno regni sui xj. in *Westmaloniam* apud *Ros* & *Haverford* transduxit. Eo tempore corpus sancti *Cuthberti* cum capite sancti *Oswaldi* regis & martyris sanctique *Beda* & multorum Sanctorum reliquiis incorruptum à fratribus *Dunolmensis* ecclesiæ est inventum, *Alexandro Edgari* regis *Scottorum* fratre & postea rege præsentem, post annos depositionis ejusdem sancti *Cuthberti*, CCCC. xvij. anni, xij. dies, & octo menses.

Post hæc anno regis *Henrici* adhuc vij. *Edgarus* rex *Scottorum* obiit, cui *Alexander* frater suus consensu *Henrici* regis *Anglie* successit.

Henricus rex anno regni sui viij. cum *Philippus Francorum* rex decessisset, in *Normanniam* transiit, & contra *Lodovicum* ejusdem *Philippi* filium novum regem *Francia* guerram non minimam habebat.

Henricus rex anno regni sui nono de *Normannia* in *Angliam* reversus, curiam suam valde splendidam apud *Londoniam* tenuit, ubi puccii ab *Henrico* quarto *Tentonicorum* rege in imperatorem electo missi, ad eum venientes, *Matildem* filiam suam ætate valde teneram in domini sui conjugium postularunt; cui postea honorifice sicut decuit extitit maritata, unde rex cepit ab unaquaque hida terræ in *Anglia* iij. s.

Anno regni regis *Henrici* x. venerabilis archiepiscopus *Cantuariensis Anselmus* xj. kalend. Maii obiit, & sortitus est nomen grande juxta nomen magnorum qui sunt in cælo. Hic nuper vj. episcopos uno die consecravit, *Girardo Eboracensi* archiepiscopo sibi cum aliis episcopis assistente. Eodem anno rex abbatiam de *Ely* ad sedem episcopalem convertit, & primum episcopum *Hervenum Bangorensis* constituit. Iste episcopus *Elyensis* sumptus est de episcopatu *Lincolniensi*, agente *Ricardo Elyensi* abbate, qui episcopo *Lincolniensi* pro consensu suo habendo pingua maneria & plurima dona dedit. Circa hoc tempus fluvius qui dicitur *Trent*, à mane usque ad horam terciam apud *Potyngham* spacio unius miliaris exsiccatus est, ita ut homines sicco vestigio per alveum ejus incederent. Hiis temporibus in parochia *Logiensi* porca enixa

est porcum faciem hominis habentem. Natus est etiam pullus gallinæ quadrupes. Eodem anno cum rex ad Pentecosten curiam suam apud novam *Wyndfore* quam ædificaverat, tenuisset, eos qui ei nocuerant, scilicet *Philippum de Breaus*, *Willielmum Mallet*, & *Willielmum Baynard* exheredavit. Circa idem tempus *Elya* consule, qui *Cenomanniam* sub rege *Henrico* tenuerat, vita privato, consul *Andegaviensis Cenomanniam* cum filia ipsius *Elya* suscepit, & eam tenuit contra regem.

Henricus rex anno regni sui xj. in *Normanniam* pergens, in consulem *Andegaviensem*, qui *Cenomanniam* eo invito tenebat, leges guerræ ferro & flamma exercuit incessanter. Circa hoc tempus rex consulem *Enrum* & *Willielmum Cryspyn* à *Normannia* exulavit, *Robertumque* ducem de *Bellem* virum nequissimum, de quo prædiximus, cepit, & rediens in *Angliam* ipsum apud *Warham* perpetuo carceri mancipavit. Circa hoc tempus *Henricus* rex archiepiscopatum *Cantuariensem* *Radulpho de Turbine Rossensi* episcopo dedit.

Circa hoc tempus *Henricus Alemannorum* rex cum magno exercitu venit in *Tusciam* ut *Rome* in imperatorem coronaretur, & præmissis ad papam *Paschalem* nunciis per literas refutabat omnem investituram episcoporum, abbatum & aliorum clericorum, super quo alii imperatores prædecessores sui quæstionem cum *Romanis* pontificibus habuerant. Et juramento tam imperatoris quam principum suorum super hoc domino papæ promisso, postquam clerus cum populo extra portas versus *Montem malum* de mandato domini papæ sibi obviasset, & ipsum usque ad summitatem graduum sancti *Petri* conduxisset, ubi summus pontifex cum cardinalibus & episcopis eum expectasset, rex adveniens, post pedum oscula se adinvicem osculati sunt, & se per inanus tenentes, cum ad Portam argenteam devenissent, dominus papa designavit ipsum imperatorem. Sed postquam ad Rotam purpuricam ipse rex pervenisset, & papa super investitura refutando juramentum expetisset, rex cum suis habito consilio, dominum papam & cardinales cum tota curia captivavit. Postea papa liberato, & pace in paschate cum ipso rege facta, & ipso in imperatorem coronato, & in campo extra muros statim egresso, pontifex cum episcopis & cardinalibus in urbem regrediens, cum tanta frequentia populi occurrentis & Deum laudantis excipitur, ut vix ad palacium *Lateranense* ad vespertas poterat pervenire. Deinde tamen post liberationem suam quidam perversi ex clero *Romano* contra ipsum pontificem surgentes, tres hæresiarchas, scilicet *Albertum*, *Arnulphum* & *Theodoricum* diversis temporibus in papam erigere præsumperunt. Qui licet in principio domino papæ multas infestationes fecissent, in fine tamen ab ipso prostrati sunt.

Tempore hujus papæ *Paschalis* rex *Hungaria* ad monitiones papales per literas suas scribens domino papæ, renunciavit investituris episcoporum & abbatum, quas usque ad illa tempora reges *Hungaria* facere consueverant. Eodem anno sanctus *Barnardus* habens annos circiter xxij. sub abbate *Stephano* qui fuit tercius abbas in *Cistercio*, cum triginta sociis *Cistercium* ingreditur. Et eodem anno *Clarevalle* fundata, illuc pro abbate mittitur. Iste *Barnardus* primus abbas *Clarevallis* plenus virtutibus fuit, qui quadam die præsentibus episcopis, clero

& populo, excommunicavit quemdam diabolum incubum, qui quandam mulierem in *Britannia* per septennium vexabat; & sic liberata est ab eo. Et eodem fere tempore quo ordo *Cisterciensis* exortus est, de quo supra tempore regis *Willielmi Ruffi*, ordo *Cartusienfis* in episcopatu *Gratianopolitano* à quodam *Brūnone* adinventus & institutus est. Isti quasi heremitæ in cellulis sub Priori tamen vivunt, nec multitudo eorum in clericis numerum tercio-decimum transcendet, nisi pro aliqua nominata vel magna persona si qua forte ad eos descenderet; laicos vero fratres usque ad viginti recipiunt.

13. Anno Domini M. Cxij. civitas *Wigornensis* cum principali ecclesia & castro igne combusta est, xij. kal. Julii.

Henricus rex anno regni sui quarto decimo exercitum in *Walliam* ducens, *Wallenses* sibi rebelles pro libito subiecit. Eodem anno rex *Henricus Matildem* filiam suam *Henrico* imperatori tradidit in uxorem, quam viij. idus Januarii cum magna solemnitate desponsavit apud *Magonciam*, ubi & ipsa in imperatricem consecrata est; circa quod tempus rex in *Normanniam* transiit, & anno sequenti omnes proceres patriæ domino *Willielmo* filio suo, dicto *Longespee*, debitam fidelitatem jurare fecit, & in *Angliam* transfretavit. Eodem anno mortuo *Eboracensi* archiepiscopo, *Thurstinus* regis *Henrici* capellanus ad *Eboracensem* archiepiscopatum die assumptionis beatæ *Mariæ* apud *Wynsoniam* est electus. Tunc quoque inter ipsum & *Radulphum Cantuariensem* archiepiscopum magna dissensio est exorta, quia *Eboracensis Cantuariensi* de more subici nolebat. Cujus causæ negotium sæpe coram rege, sæpe coram apostolica sede ventilatur, & semper indeterminata manet.

Anno regis *Henrici* xv. fluvius de *Medewey* vj. idus Octobris per nonnulla miliaria ita in se defecit, quod in medio sui alveo etiam parvissimæ naves elabi aliquatinus non possent. *Tamesia* etiam eodem die similem sensit defectum, nam inter pontem & regis turrin, & etiam sub ponte, aqua fluminis ipsius in tantum diminuta est, ut innumera hominum & puerorum multitudo flumen pedibus transvadarunt, aqua ipsa vix illorum genua attingente. Duravit autem hic aquæ defectus à media noctis præcedentis usque in profundas tenebras noctis subsequenter. Similem quoque defectum aquarum eodem die apud *Gernemutham*, & in aliis locis certo relatu dicitur contigisse. Mare etiam ut dicebatur, nonnullis miliaribus sed in quibusdam locis per decem miliaria se retraxit. Eodem anno feria sexta ante pascha, iniqui *Judei* qui *Siracusa* degebant, mortem Salvatoris nostri representantes ad ipsius contumeliam & fidei Christianæ derisionem, quendam arietem vivum crucifixerunt; unde hii qui hoc scandalum perpetraverant, à quadam femina nomine *Apis* accusati, & super hoc convicti, à domino *Tancredo* principe diversis mortis generibus sunt addicti.

Henricus rex anno regni sui xvj. ad natale dedicationi ecclesiæ sancti *Albani* interfuit, quam tempore memorabilis *Ricardi* ejusdem loci abbatis, venerabilis *Robertus Lincolnienfis* episcopus dedicavit. Post hæc rex parlamentum suum xij. kal. Aprilis apud *Saresberiam* convocavit, ubi iussu regis, comites & barones cum clero totius regni sibi,

& *Willielmo* filio suo homagium fecerunt, & fidelitatem juraverunt. Et ibidem habita est causa inter *Cantuariensem* archiepiscopum *Radulphum* & *Thurstinum Eboracensem* electum de benedictione ab ipso *Cantuariensi* suscipienda, & professione eidem facienda; ubi respondit electus, Benedictionem se velle libenter suscipere, sed professionem quam exigebat nulla se facere ratione. Quod rex advertens, protestatus est, illum more antecessorum suorum tam in professione facienda quam in cæteris dignitatibus *Cantuariensi* ecclesiæ competentibus antiquo jure executurum, aut *Eboracensi* archiepiscopatu cum ipsa etiam benedictione penitus cariturum. Quibus auditis, cum *Eboracensis* electus ecclesiam subicere nolle, confestim pontificatu renunciavit, nunquam in posterum se spondens reclamaturum.

Deinde cum rex eodem anno ad pascha in *Normanniam* transfretasset, inter ipsum et regem *Francorum Lodovicum* maxima discordia suscitatur. Cujus discordiæ causa erat hæc: Cum *Theobaldus* consul *Blesensis* regis *Henrici* nepos arma contra dominum suum regem *Francorum* promoverat, rex *Henricus* duces suos et militiam in auxilium ejus mittens, regem *Francorum Lodovicum* non mediocriter affligebat. Spacio igitur sequentis anni *Henrico* regi labor gravissimus insurrexit; Nam rex *Francorum* et consul *Flandrensis* et consul *Andegavensis* adinvicem se juraverunt *Normanniam* regi *Henrico* se abluros, et eam *Willielmo* filio *Roberti* nuper Ducis se duros. Multi etiam procerum regis à se recesserunt, quod decrementum maximum ei fuit. Rex tamen non improvidus, in auxilio suo habuit prædictum consulem *Theobaldum*. Cum igitur rex *Francorum* et comes *Flandrensis* una nocte in *Normannia* cum exercitu fuissent, adventum regis *Henrici* cum *Anglis*, *Britannis*, et *Normannis* formidantes, ad propria sine prælio sunt reversi. Hoc anno pro regis necessitate exactionibus et geldis creberrimis *Anglia* vexabatur. Eodem anno apud *Longobardiam* facto magno terræmotu et spacio xl. dierum durante, ecclesiæ, muri, turres, et plurima domorum ædificia corruerunt: in quo, quod visu dictoque mirabile constat, contigit, villa namque prægrandis à loco proprio repente mota est, et quasi subito ab omnibus consistere cernitur in loco alio longe remoto ab eo. Et eodem anno apud *Mediolanum*, dum potentes civitatis de republica sub una turri tractantes adinvicem residerent, facto in parte silencio mox auribus omnium vox foris insonuit, unum ex illis proprio nomine vocans, et festinato exire rogans. Quo nimium tardante, persona quædam proceræ staturæ et auctoritatis quasi magnæ coram eis apparuit, et vocatum virum ut egrediretur suavi ptece obtinuit; qui cum esset egressus, repente cecidit ipsa turris et omnes qui ibidem aderant oppressit; solus enim vir ille evasit, in quo sine dubio aliqua bona opera sunt inventa.

Henricus rex anno regni sui septimodecimo per continuam debellationem inter ipsum et regem *Francia* gravissime vexabatur, donec strenuissimus *Baldewinus* consul *Flandria* apud *Ou* in *Normannia* seditione militari vulneratus, ad propria remeavit.

Anno regni regis *Henrici* xvij. regina *Matildis*
X x 2 mulier

mulier pia & Deo devota kal. Maii apud *Westm.* obiit, et ibi sepelitur; de cujus largiflua bonitate et morum probitate multa bona narrantur. Eodem anno scilicet millesimo C. xvij. papa *Paschalis* ad ecclesiam sanctæ *Maria Transpadinæ* xiv. kal. Febr. defunctus est; qui inde cum clero et populo per mediam urbem vectus, in ecclesia Salvatoris sepelitur. Cui quidam *Iohannes* Romanæ ecclesiæ Cancellarius, natione *Campanus* de civitate *Gajeta*, appellatus *Gelasius* 2. successit, & sedit annis duobus, diebus quinque. Et cessavit episcopatus diebus xxv. Sed quia *Henricus* Imperator electioni istius papæ *Gelasii* non interfuit, ipsum à Roma cum Cardinalibus expulit, & quemdam *Hispanum* nomine *Burdinum* *Bracarensem* episcopum ipsi superordinavit, unde *Gelasius* cum Cardinalibus *Gajetam* secessit, & inde cum per mare pergeret venit in *Franciam*, ubi *Remis* Concilium generale in medio *Quadragesimæ* celebravit, conquerens ibidem de Imperatore, quod dictum *Burdinum* publice excommunicatum in sedem apostolicam intrusisset.

Rex *Henricus* anno ex quo *Normanni Angliam* obtinuerunt liij. & regni sui xix. gloriose contra regem *Francia* debellavit. Aciem quidem cui *Willielmus* filius *Roberti* fratris regis *Henrici* præerat, rex *Francorum* præposuerat, ipseque rex in agmine sequenti erat. Rex vero *Henricus* in prima acie proceres suos statuens, in secunda ipse eques cum propria familia residebat; in tertia vero filios suos cum summis viribus peditum collocavit. Acies igitur *Francorum* prima agmen procerum *Normannia* statim equis depulit & disperfit. Postea vero aciei qua rex *Henricus* inerat collidens, & ipsa dispersa est. Tunc acies regales sibi invicem offenderunt & acerime pugnaverunt: hastæ franguntur omnes, glares agitur. Interim *Willielmus* *Cryspyn* caput regis *Henrici* gladio bis percussit. Cumque galea esset impenetrabilis, fortitudine tamen ictuum, ipsa galea capiti regis, ut sanguis aliquantulum prorumperet, est inserta. Rex vero percussorem suum ita gladio repercussit, ut, cum galea esset impenetrabilis, mole tamen ictus equum & equitem prosterneret: qui mox ante pedes regis captus est. Tunc acies pedestris qua filii regis *Henrici* inerant, quæ nondum percusserat, mox ex adverso insurrexit, inclinatis lanceis percussura. Quod *Franci* horrore nimio liquefacti videntes, terga verterunt & fugam protinus inierunt. *Henricus* autem rex victoriam optinens, in campo perstitit, donec optimates hostium capiuntur, et ejus conspectui præsentantur. Rex vero *Rothomagum* reversus, signorum sonitibus & cleri concentibus Deum & Dominum exercituum benedixit. Postea cito *Baldewinus* Consul *Flandria* puer parvulus quem in *Normannia* rex ceperat, decessit, cui *Karolus* cognatus ejus filius sancti *Knout* regis *Dacorum* successit.

Eodem anno papa *Gelasius* apud *Cluniacum* obiit. In cujus locum Cardinales alique Romani qui illuc eum secuti fuerant, *Guydonem* *Viennensem* archiepiscopum natione *Burgundum* Comitum filium concorditer eligendo substituerunt, ipsum *Kalixtum* ij. nominantes. Qui *Henricum* Imperatorem quia supradictum *Burdinum* in sedem apostolicam tempore *Gelasii* papæ prædecessoris sui *Rome* intruserat, cum omnibus sibi assentientibus excommunicavit, & postea gressus suos in *Franciam* dirigens, xij. kal. Febr. generale Concilium *Remis* instituit

celebrari, ubi numeratæ sunt personæ pastoralium virgarum CCCC. xiv. Inter quos *Thurstinus* *Eboracensis* electus vix optenta à rege licentia personaliter affuit, Concilio volens referre ecclesiæ suæ causam. Præmiserat tamen rex ad papam, ne *Eboracensem* electum consecraret, nec ab aliquo permetteret consecrati nisi tantum à *Cantuariensi* archiepiscopo, ut moris esse solebat. Sed hoc non obstante, ibidem consecratur, & à toto Concilio ibidem propositum suum firmum commendatur. Iratusque rex in omnem dominationis suæ locum ei reditum interdixit. Post modicum verò temporis, *Kalixtus* papa *Gisericum* venit, ubi rex *Henricus* ei occurrens, ab ipso impetravit, ut neminem aliquando legatum in *Angliam* mitteret nec officio legati fungi permetteret, nisi hoc ipse rex postularet occasione alicujus querelæ quæ non posset per *Anglia* episcopos terminari. Insuper idem papa pro *Thurstino* *Eboracensi* archiepiscopo regem rogavit, ut ipsum ad ecclesiam suam redire & ea gaudere permetteret, sed preces suas non obtinuit illa vice. Rex enim assentire noluit quod ipse rediret, nisi subjectionem quam prædecessores sui ecclesiæ *Cantuariensi* fecerant, facere vellet, sed ipse omnino recusavit. Deinde cum *Kalixtus* papa per provinciam *Longobardiam* & *Tusciam* *Romam* rediret, ab omni Senatu & populo solemniter susceptus est. *Burdinus* vero qui per prædictum *Henricum* Imperatorem papa factus fuerat, audito adventu istius papæ *Kalixti*, in *Sutrio* se recepit, quem papa cum Romanis obfidens, cum demum habuisset, in camelo versa facie ad tergum posuit, & sic caudam cameli pro frano habens, ipsum *Kalixtum* papam ad urbem antecederat, qui postea in arce *Simionis* est retrusus.

Henricus tunc Imperator ad cor rediens, pace cum papa facta, investituram episcoporum & aliorum prælatorum per anulum & baculum, pro qua cum *Paschali* papa plurimum contenderat, isti *Kalixto* papæ libere resignavit, & concessit per omne imperium in omnibus ecclesiis canonicam fieri electionem: Possessiones & Regalia beati *Petri*, quæ propter suam vel aliam cum ecclesia discordiam, alienatæ fuerant, *Romana* ecclesiæ restituit; possessiones etiam aliarum ecclesiarum & aliorum tam clericorum quam laicorum, quæ occasione guerræ suæ, quam cum ecclesia habuit, ablatae fuerant, restitui fideliter disposuit. Iste papa *Kalixtus* *Compostolanum* episcopum pro reverencia corporis sancti *Iacobi*, quod ibi quiescit, Archiepiscopum instituit, subiciens sibi totam enumeratam provinciam: *Lucanam* quoque ecclesiam gratia pallii decoravit. Hiis temporibus *Hugo de sancto Victore* *Parisiensis* claret. Hoc etiam tempore ordo Templariorum ex militibus congregatus in *Ierusalem* incepit. Et dicti sunt milites Templi, quia in porticu Templi sedem sui ordinis statuerunt. Hi nempè secundum quosdam ex infirmis Hospitaliorum congregati, et ex reliquiis eorum in cibis et armis sustentati, ad tantam rerum opulentiam devenerunt, ut filia ditata matrem suffocare et supergredi videretur. Quorum ordo postea tempore regis *Edwardi* ij. post conquestum in Concilio generali sub papa *Clemente* v. apud *Viennam* anno Domini 1312. celebrato, dampnatus est.

Hiis temporibus erat quidam *Francigena* natione *Normannus* dictus *Robertus* *Wyscard*, qui aliquandiu in curia regis *Willielmi* *Rufi* extiterat conversatus.

tus. Ille *Robertus* licet probus & de familia regis esset, pauper tamen erat, & nullam ditandi gratiam apud regem illum potuit invenire. Unde factum est ut ille natale solum deserens, cum magno exercitu *Romam* petiit, volens si posset urbem occupare. Sed ille vi repulsus, consilium & licenciam à summo pontifice accepit, nationes sibi barbaras subjugare. Magna igitur multitudo ad eum confluebat, tum propter animi sui audaciam, tum propter manus suæ irreprehensibilem largitatem, unde ipse & frater suus *Rogerus* cum manu forti procedentes, in *Apuliam* venerunt. Qui terram bonam & fertilem ibi videntes, hominesque illius terræ *Griffones*, armis indoctos divitiis habundare percipientes, eam sibi subicere cupientes sunt. Unde sæpius cum hominibus illis dimicantes, demum eos vicerunt, & sic totam *Apuliam*, *Calabriam* & principatum *Capuæ* de manibus *Romani* Imperatoris eripientes paulatim sibi subjugarunt. Circa quod tempus *Gregorius* vij. qui fuit quintus papa ante *Kalixtum* ij. *Henricum* Imperatorem tercium, quia unitatem *Romanæ* ecclesiæ scindere voluit, in Concilio C. & x. episcoporum habito, excommunicavit. Sed postea idem Imperator ad Papam in *Longobardiam* veniens, nudis pedibus super glaciem & nivem pluribus diebus stans, vix absolutionem impetravit. Et dum Imperator sic in *Italia* pro absolutione sua stetit, principes *Aleman-nia* in *Porthyn* convenientes, *Radulphum* Ducem *Saxonie* in Regem sibi eligerunt. Quem quia dictus papa *Gregorius* ad petitionem ipsius Imperatoris *Henrici*, non convictum nec confessum excommunicare noluit, victoria contra dictum *Radulphum* cruento bello habita, curia in *Brixia* convocata, à pluribus sediciosis episcopis ibidem convenientibus *Guypertum* *Ravenatensem* Archiepiscopum in papam eligi procuravit. Quem sic ibi electum & *Clementem* per eos nominatum, ipse Imperator pronus in terra cum omnibus aliis adoravit protinus, propter quod *Gregorius* papa ipsum Imperatorem iterum excommunicavit. Unde ipse Imperator cum suo antipapa *Romam* veniens, *Gregorium* papam & Cardinales cum multa hostilitate in urbe obsedit. Qui post destructionem agrorum & vinearum, cum favorem populi *Romani* sibi attraxisset, urbem intra-vit, & prædictum *Guypertum* antipapam suum sine Cardinalibus à *Bononiensi*, *Mutinesi* & *Seremensi* episcopis, in papam consecrari fecit, à quo in die paschæ coronam Imperii assumpsit, papam *Gregorium* in castro sancti Angeli cum Cardinalibus obsidendo. Sed audito quod *Robertus Wyscarde* dux *Apulia* in adiutorium Papæ *Gregorii* de *Apulia* veniebat, Imperator destructo Capitolio & urbe *Leonina*, cum suo antipapa usque *Senas* fugit. Et dictus *Robertus* cum exercitu magno veniens *Romam*, uno die cepit, & papam *Gregorium* cum Cardinalibus de castro prædicto educens, ipsum in palacio *Lateranensi* reposuit, Romanos Imperatori in hoc consentientes exiliis et aliis pœnis graviter affligendo.

Post hæc dictus *Robertus Wyscarde* ad majora anelans, *Tancredo* filio suo *Apuliam*, *Calabriam*, & principatum *Capuæ* dedit, jactans quod *Constantinopolitanum* sibi imperium subjugaret: unde navibus & galeis ac omnibus necessariis itineri suo paratis, naves cum uxore sua & viris armatis, & bellicosus intrans, insulas scilicet *Cretam*, *Cunsu*, *Rodes*, & alias insulas multas *Constantinopolitanis* Imperatoribus *Alexandro* & *Duncano*, tempore istius re-

gis *Anglia Henrici* primi, & eciam Imperatoris *Romani Henrici* quarti, devictis, sibi in triennium subjugavit. Qui postea ad portum qui nunc nomine suo *portus Wyscarde* nuncupatur, pervenit; Qui cum ulterius progredi, & *Romaniam*, id est *Graciam* intrare voluisset, *Alixes* protunc Imperator *Constantinopolitanus*, uxori dicti *Roberti Wyscarde* mandavit, quod si ipsa virum suum neci traderet, & sic de eo terram suam liberaret, ille eam in uxorem duceret, & imperatricem *Constantinopolitanam* faceret. Mulier vero illa Imperatoris voluntati inclinans, venenum marito suo bibere dedit, unde obiit, & ibi in insula, quæ à nomine suo *portus Wyscarde* dicitur est sepultus. Uxor vero ejus toto exercitu suo dissipato, ad Imperatorem *Constantinopolitanum* fugit. Qui ei convencionem omnimodam adimplevit; Illam namque sibi desponsatam in Imperatricem coronavit; Et cum omnis solemnitas in desponsatione & coronatione facta esset, ita quod ipsa Imperatori diceret, Jam michi totam conventionem perfecisti. Imperator coram ea et omni populo conventionem quam ipsa cum illo fecerat, & qualiter *Robertum* virum suum morti tradiderat, patefecit. Judicium de ea & consilium ab eis quærens. Qui omnes eam ream mortis condemnarunt; unde rogo accenso illam injectam protinus concremarunt.

Interim *Rogerus* frater dicti *Roberti Wyscarde Siculos* debellans totam sibi *Siciliam* subjugavit, & est *Sicilie* Comes factus. *Sicilia* magna insula est, & aliquando vocabatur *Trinacria* quasi triquadra, à tribus montibus in ea prominentibus sic dicta, qui vocantur *Pelorum*, *Pachinum*, *Libenum*. Deinde dicta est *Sicilia* à *Siculo Itali* fratre. Aliquando etiam vocabatur *Sicania* à *Sicano* rege. Habet quoque ab Aquilone partem *Italix Capuliam* marino brachio nunc discretam. Sed olim secundum *Salustium* *Sicilia* fuit *Italia* conjuncta. Sed postmodum aut aquarum alluvione aut terræ motu ab invicem scissa. Ita quidem quod fretum illud strictum quod trium miliarium spacio *Siciliam* hodie distinguit ab *Italia*, *Regium* vocatur, quod Græce sonat *abruptum*. Habet quoque illud fretum duo famosa & fabulosa monstra *Scillam* & *Caribdim*. *Scillam* accolæ saxum mari iminens appellant, humanæ formæ similem, capitibus caninis succinctam fingunt, quia collisi ibi fluctus videntur ibi latratus exprimere. *Caribdis* autem est mare verticosum & naufragosum, ter in die fluctus evomens, ter & absorbens. *Isidorus* libro ix. cap. vij. dicit quod *Ethna* mons versus *Eurum* & *Affricum* habet speluncas sulphure plenas, quæ ventum recipientes ignem gignunt fumole. In quo loco apparent figuræ, & audiuntur voces gemebundæ, unde creditur à plerisque loca animarum pœnalia ibi fore, quemadmodum beatus *Gregorius* in suo dialogo mentionem facere videtur. Item *Giraldus* in Topographia dicit, quod in *Sicilia* est fons, ad quem si quis rubro indutus

vestimento accesserit, statim ad accedentis staturam profiliens in altum aqua ebullit, ad alios prorsus colores innota. Sunt etiam in ea cicada alata arterias apertas sub gutture habentes, quæ melius ut fertur decapitata quam integræ, dulciusque mortuæ quam vivæ canunt, unde & pastores terræ ut dulciorem cantum ab eis extorqueant, eas decapitare solent. In hac quoque terra est urbs *Palerma*, quæ plus certi redditus reddit annuatim Regi terræ quam tota *Anglia* reddit de certo Regi suo. *Isidorus* libro tercio dicit quod sunt in *Sicilia* duo fontes, quorum unus sterilem fecundat, alter vero fecundam sterilem reddit. Sunt & in *Sicilia* sales Agrigentini contra morem alterius salis in igne solubiles, & in aqua crepitantes. Item juxta *Siciliam* est insula sic dicta *Æola*, ab *Æolo*, quem poetæ finxerunt Deum venti, pro eo quod ipse existens rector *Æolarum* insularum numero novem, ex fumosis & nebulosis vaporibus ascendentibus prædicebat ventos affuturos, ac per hoc putatus est ab imperitis ventos habere in potestate. Hæc eadem novem insulæ dictæ sunt *Ulcania*, eo quod ignis in eis jugiter ardeat. Sunt & aliæ insulæ in mari *Eusino*, quod magna pars est maris magni; Inter quas famosa sunt *Colchos* ubi *Jason* vellus aureum quæsit, & *Pathmos* ubi sanctus *Johannes* relegabatur.

Insula ista *Sicilia*, antequam tunc temporis dictus *Rogerus* eam debellasset, erat de dominio Imperatoris de *Marroch*, inhabitata gentibus paganorum. Sed præfatus *Rogerus* expulsis inde paganis, eam de potestate Imperatoris illius eripiens, legem Christi in ea primus feliciter introduxit. Deinde *Tancredus* filius *Roberti Wiscard* cui ipse *Apuliam*, *Calabriam*, & *Capuam* ut prædicitur dederat, obiit sine prole. Dictus igitur *Rogerus* dicti *Roberti* frater Comes *Sicilia*, uxorem duxit, de qua genuit filium quem *Rogerus* etiam appellavit, cui *Apuliam* & *Calabriam* dedit, faciens inde ducatum, & principatum *Capuæ* etiam sibi dedit. Deinde mortuo *Rogero* fratre *Roberti Wiscard*, *Rogerus* filius ejus in comitatu *Sicilia* sibi successit. Et paulo post contigit quod cum *Lodowicus* rex *Francorum* & *Alianora* regina uxor ejus tunc causa peregrinationis versus terram sanctam itinerantes *Siciliam* venissent, *Rogerus* Comes *Sicilia* eos cum debito honore gaudenter suscepit; Ad cujus preces ipse Rex *Francie* *Lodowicus* ipsum *Rogerus* Regem faciens, coronam capiti suo imposuit, & ita iste *Rogerus* factus est primus Rex *Sicilia* coronatus. Qui uxorem ducens, duos filios ex ea & unam filiam generavit. Primogenitus ejus filius vocatus est *Rogerus*, & alter *Willielmus*; filia vero *Constantia* est vocata. Filius ejus primogenitus dux *Apulia* factus, nesciente patre suo & inconsulto uxorem duxit; de qua genuit filium quem *Tancredum* nominavit, qui ante patrem suum decessit. Deinde *Rogerus* rex *Sicilia* pater ejus obiit, cui in regno *Willielmus* filius ejus successit. Qui uxorem ducens, unicum filium ex ea genuit quem *Willielmum* appellavit. Iste *Willielmus* ultimus in regno patri suo succedens, *Johannam* filiam regis *Henrici* ij. *Anglie* filii *Matildis* Imperatricis duxit in uxorem, ut inferius tempore ejusdem regis *Henrici* ij. plenius patebit. Qui quidem *Willielmus* rex sine prole decedens, *Constanciam*

amitam suam uxorem *Henrici* regis *Alemannie* regni *Sicilia* hæredem constituit, & omnes primates regni sui eidem amitæ suæ fidelitates jurare fecit, ut si ille sine prole decederet, ipsi illam in Dominam susciperent & Reginam. Quo sine prole decedente, *Rogerus de Andria* & cæteri fideles terræ pro dicta *Constancia* miserunt. Sed priusquam illa venisset, *Tancredus* Comes de la *Lych* filius *Rogeri* filii *Rogeri* regis fidem & sacramentum quod dictæ *Constancia* juraverat transgressus, regnum sibi *Sicilia*, *Apuliam* & *Calabriam* cum principatu *Capuæ* usurpavit. Quod cum *Henrico* Regi *Alemannie* & dictæ *Constancia* uxori ejus nunciatum esset, archiepiscopum *Maguntinum* & *Henricum Teste* cum magno exercitu ut *Apuliam* eis subicerent, destinarunt. Qui nichil ibi in expeditione illa proficientes, ad propria redierunt.

Deiuncto ut supradictum est Rege *Francie* *Lodowico*, Rex *Anglie* *Henricus Willielmum* filium suum primogenitum filie *Fulconis* Comitis *Andegavia* copulavit. Et tunc facta est pax inter reges se mutuo videntes. Susceperat enim prius rex *Francie* quosdam Normannorum magnates, qui à fide Regis *Anglie* nuper, ut dictum est, discederant. *Willielmus* etiam filius regis *Henrici* de consensu ipsius regis patris sui, fecit homagium regi *Francie* pro *Normannia* quam dederat ei pater, quia idem pater rex *Henricus* pro culmine majestatis suæ hominum pro *Normannia* regi *Francie* facere negligebat. Et tunc rex *Henricus* fecit liberos homines suos de *Normannia* facere hominum *Willielmo* filio suo. Hoc quoque tempore *Fulco* Comes *Andegavia* prædictus *Ierosolimam* pergens, comitatum suum *Andegavia* ad opus generi sui servandum, si ipse non rediret, regi *Anglia* commendavit. Omnibus itaque in *Gallia* pacificatis & domitis, rex *Henricus* anno Domini M.C.xx. & regni An. D. sui etiam vicesimo septimo kal. Septembris navibus 1120 apud *Barbesflete* in *Normannia* solutis, in *Angliam* prospere navigavit; Quem cum duo filii sui *Willielmus* & *Ricardus* sequi vellent, non longe à terra cum multis nobilibus sunt submersi. Inter quos fuerunt *Ricardus* nothus filius regis, filia regis notha Comitissa *Percia*, *Ricardus* Comes *Cestria* cum uxore sua regis nepte, Archidiaconus *Hartefordia* cum aliis numero centum quadraginta, de quibus omnibus nullus evasit nisi unus ignobilis rusticus macillarius, qui tota nocte malo supernatans, ad litus mane vectus est, qui totam tragediam enarravit. Hii nempe omnes cum temulentis nautis navem novam ingressi, de nocte cito in scopulum non longe à terra impegerunt; Et rupta navi dimissus est *Willielmus* filius regis in batello, quo bene salvari potuisset ad litus regressus, nisi ad ululatum rediens sororis suæ, in batello eam recepisset; batellus enim ille pondere in silentium pressus omnes submersit, excepto rustico prædicto. Et quod mirandum est, in crastino multum thesauri juxta litora reperiebatur, sed corpora defunctorum nulla, sed æquoreis monstribus in pabula cesserunt. De quorum submersione quidam sic metricè scripsit.

*Henrici nati pelago pereunt adaquati,
Filia qua remanet Imperiale tenet.*

De istis *Henricus Huntingdoniensis* dicit libro vij. quod pene omnes illi erant labe Sodomitica irretiti, ut

ut dicebatur. Insuper *Willielmus Malmesburiensis* dicit, quod ille *Willielmus* regis primogenitus palam *Anglis* fuerat comminatus, quod si aliquando super eos regnaret, faceret eos ad aratrum trahere quasi boves; sed ipse sua choruscabili Dei vindicta cum aliis deperit. Qui omnes præter dictum rusticum, ut est dictum, sepultura caruerunt. Improvisè igitur mors absolvit emeritos cum mare tranquillissimum ventis careret. De quibus quidam alius sic adhuc metricè scripsit.

*Cum Normannigenæ Gallis clare superatis
Anglica regna petunt, obstitit ipse Deus.
Nam fragilis torvum dum percurrit mare cimba,
Intulit ex cito nebula densa mari.
Dumque vagi caco rapiuntur tramite nauta,
Ruperunt imas abdita saxa rates. (sit,
Sic mare dum superans tabulata per ultima sep-
Merfit rege satos, occidit orbis honos.*

Dictus etiam *Ricardus Comes Cestrie* submersus, antequam navem ascenderet comminabatur, quod si de *Normannia* in *Angliam* rediret, monachos *Cestrenses* deleter quos instituerat pater suus. Sed eo submerso, successit ei *Ranulphus* primus dictus de *Cernons* filius sororis Comitissæ *Hugonis* primi, qui præfuit annis octo.

Postea secundum *Willielmum Rivallensem*, prædictus *Fulco Comes Andegavia* socer *Willielmi* submersi, de terra sancta rediens, alteram filiam suam filio *Roberti Courthese* maritavit, cum qua *Cenomannicum* dedit comitatum, eo quod dictus rex *Henricus* dotem filix suæ in *Anglia* detinuerat. Rex *Henricus* post reversionem suam à *Normannia* fuit ad natale apud *Bampton* cum *Blesensi* Consule *Theobaldo*. Et in purificatione beatæ *Mariæ* virginis consilio totius *Angliæ* apud *Wyndesore* congregato, *Adelinam* filiam *Godefridi Ducis Lovannia* duxit solemniter in uxorem, ex qua liberos minime procreavit: ubi *Radulphus Cantuariensis* archiepiscopus ad iracundiam, & paralysim plurimum inclinatus, episcopum *Saruberiensem* ad officium desponsationis peragendum sacris vestimentis cedere coegit indutum, & *Wentano* episcopo officium delegavit. Deinde cum rex ad pascha apud *Barkeleyam* fuisset, ad pentecosten cum regina sua nova anno regni sui xxj. apud *Londoniam* coronatur. Ubi etiam, cum dictus *Radulphus Cantuariensis* archiepiscopus regem *Henricum* videret præter sui conscientiam coronatum, accessit ad eum dicens; Injuste es coronatus: Tu ergo aut abstinere corona, aut ego missa. Cui rex ait, Pater, quod perperam actum est corrige. Vix igitur *Radulphus* procerum precibus est inflexus, quin coronam regiam de capite regio excussisset; Vir quidem religione, literatura et affabilitate præstans, nullo delicto notabili suspectus fuit, nisi quod ad jocos et risus inclinatio erat quam gradum et ætatem suam decebat; et ideo dicebatur *nugax*.

Post hæc eodem anno *Wallenses*, qui post submersionem ejusdem *Ricardi* Comitissæ *Cestrie* contra regem *Henricum* conspiraverant, erectis jam cervicibus incedebant quam prius, partem comitatus prædicti depopulando duobus castellis accensis & multis interfectis. Quo audito, *Henricus* rex copioso exercitu congregato, gressus suos ibidem direxit, ad eos furore succensus nimio devastandos. Sed cum juxta *Snoudon* pervenisset, rex *Wallicorum* missis nunciis cum rege *Henrico* multis placato muneribus con-

cordatur; unde rex *Henricus* acceptis ab eo obsidibus, ad propria reversus est.

Eodem anno *Thurstinus Eboracensis* archiepiscopus, amicus regis secundum quosdam factus, de consensu ipsius regis expresso, per literas apostolicas absque ulla professione *Cantuariensi* archiepiscopo facienda, in suum introducit episcopatum. Voluit tamen quidam, quod licet rex contra dictum *Thurstinum* plurimum indignatus, terram suam sibi prohiberet, apostolicis tamen literis perterritus est; quibus comprehensum fuerat, ut aut *Thurstinum* admitteret, aut ipse rex anathemati subjaceret, & *Cantuariensis*, officii dignitate suspenderetur. Papa tamen prius in supradicto Concilio *Remis* habito promiserat regi *Henrico*, & *Cantuariensi* archiepiscopo *Radulpho*, quod nichil contra dignitatem *Cantuariensis* archiepiscopi vel ejus ecclesiæ statueret, unde ut videbatur tale privilegium concessit, *Quacumque autentica, & à prædecessoribus nostris habet ecclesia vestra concessa, ea nullatenus imminuimus, sed inconcussa volumus observari.* Hic si Dominus papa expresse dixisset, Has & has dignitates habeat ecclesia vestra, absolvisset litigium, quod nunc reliquit indeterminatum. Unde nunciis regis à prædicto Concilio recedentibus, callidus papa favoribus & muneribus inflexus, dictum *Thurstinum* spreta antiquitatis regula consecravit, pallium tradens. Et sic quæ vult cassa suspendit dummodo suis profectibus consulat. Circa hoc tempus in *Landunensi* diocesi, incepit ordo *Pramonstratensis* sub patre *Norberto* qui fuit *Coloniensis*.

Henricus rex anno regni sui xxij. curiam suam ad natale apud *Normicum*, ad pascha apud *Porthampton*, & ad pentecosten apud *Wyndesore* celebravit. Inde per *Londoniam* & *Canciam* vagans, in *Northumbriam* usque *Durham* postea transivit, annum illum sine alio notabili consumendo. Eodem anno *Radulphus Cantuariensis* archiepiscopus, & *Johannes Bathoniensis* episcopus obierunt.

Anno vero huic proximo rex ad natale apud *Dunstapell* existens, inde usque *Berkamstede* perrexit, ubi rem dignam Deus ostendit. Erat namque quidam *Radulphus* regis cancellarius, jam xx. annis in infirmitate decoctus, semper tamen in curia ad omnia scelera juvene promptior, innocentes opprimens & terras diripiens sibi multas. Eratque ei pro magno, quod dum corpore languidus erat, animo sic vigeret. Cum igitur hospitandum regem secum duceret, in ipso vertice montis unde castellum ejus prospiciebatur elatus mente, corruit ex equo super quem monachus equitavit. Qui sic de equo corruens, & equi pedibus contritus, post paucos dies vita caruit hujus mundi. Ecce quanta superbia quam vilissime Deo volente deperit. Inde ad locum insignem de *Wodestoke* rex transivit, ubi habitationem hominum fecerat & ferarum. Ibique *Robertus Lincolnensis* episcopus dies ultimos clausit suos. Postea ad festum purificationis, rex archiepiscopatum *Cantuariensem* *Willielmo* de *Turbine* Priori canonicatus sanctæ *Osthe* contulit: Et ad pascha apud *Wyntoniam* episcopatum *Bathoniensem* *Godefrido* cancellario reginæ, & episcopatum *Lincolniensem* *Alexandro* nepoti venerabilis viri *Rogeri Saresberiensis* episcopi donavit. *Rogerus* enim Justiciarius totius *Angliæ* fuit, & secundus à rege. Quibus factis, rex circa pentecosten

in *Normanniam* transfretavit. Declinaverat namque ab eo quidam eorum post mortem filii sui, cui Ducatum eundem contulerat, unde Comite de *Mellent* post discidia propalata à rege recesso, rex castellum ejus quod *Puntaldemer* vocatur, obsedit & cepit.

Anno vero sequente, scilicet regni sui xxiiij. rex fortunate glorificatus est. Nam *Willielmus* de *Tancherville* Camerarius regis aciebus dispositis cum hostibus regis confligens, prædictum Comitem de *Mellent*, & *Hugonem* de *Montforde* sororium ejus, & *Hugonem* filium *Gervasi* cepit, & eos regi tradidit, quos carcerali custodiæ mancipavit. Eodem anno *Tenulphus Wygorniensis* episcopus, & *Arnulphus Rossensis* episcopus obierunt; unde rex moram trahens per totum annum sequentem in *Normannia*, *Simoni* clerico reginæ episcopatum *Wygornia*, & *Sifrido* abbati *Glastoniensi* episcopatum *Cicestria*, ibi in *Normannia* morando contulit. *Willielmus* namque archiepiscopus *Cantuariensis* episcopatum *Roffensem* *Johanni* archidiacono suo dedit.

An. Dñi
1125.

Anno Domini MCxxv. & regis *Henrici* vicesimo quinto, *Johannes Cremenfis* Cardinalis, à latere domini Papæ missus in *Angliam* ad pascha descendit, per episcopatus & abbatias, non sine magnis muneribus perhendinans & expensis. Qui ad nativitatem beatæ *Mariæ* solempne Concilium apud *Londonias* celebravit, in quo in sermone Domini valde glorificatus est, sed in vesperis in facto inventus contrario derisus est. Cum enim in Concilio de uxoribus sacerdotum serenissime tractasset, dicens, » Summum scelus esse à latere meretricis » surgere ad conficiendum Christi corpus; & cum eadem die ipse Cardinalis corpus Christi consecisset, cum meretrice post vesperam inventus est, & captus: res asperima negari non potuit, celari non deuit, & sic qui summo honore ubique habebatur, ingloriosus & Dei judicio confusus cum summo dedecore in sua repedavit. Hoc si cuiquam displiceat, taceat ne *Johannem* sequi videatur.

Eodem anno *Henricus* iiij. Imperator gener *Henrici* regis obiit; & secundum quosdam apud *Spiram* cum progenitoribus suis tali epitaphio sepelitur

Filius hic, pater hic, avus hic, proavus jacet istic.
Verius tamen videtur *Giraldus* in itineralio *Walliæ* sentire, ubi dicit, Quod *Henricus* iste postquam patrem suum spiritualement dominum Papam, cum Cardinalibus, ut supra dictum est incarceraverat, & etiam patrem suum carnalem incarcerando dehonestaverat, tandem ad cor rediens, ultroneus exul factus est, & *Matilda* filia dicti regis *Henrici* uxore clam dimissa, apud *Cestriam* per decennium heremiticam duxit vitam, ubi dum viveret ne cuiquam innotesceret, *Godescallum* se vocavit quod sonat à Deo vocatum. Sic igitur Imperatore latenter digresso, *Matildis* Imperatrix sine prole aliqua ab eo concepta, ad patrem suum regem *Henricum* in *Normannia* adhuc existentem rediit.

Henricus rex anno regni sui xxvj. ad festâ natalis Paschæ et Pentecostis in *Normannia* moratus, pactis qualia regem victoriosissimum decebant, cum principibus *Francia* confirmatis, circa festum sancti *Michaelis* in *Angliam* transfretavit, filiam suam Imperatricem viro suo ut prædicitur viduatam, quæ ad patrem jam venerat, secum ducens.

Anno sequenti *Henricus* rex curiam suam apud

Wynndesore solempniter tenens, in die natalis Domini coronatur; ubi cum archiepiscopus *Eboracensis* æqualiter cum archiepiscopo *Cantuariensi* regem coronare vellet, non sine injuria, repulsam passus est. Crux etiam quam ante se portari fecerat, prostrata est, asserentibus cunctis non licere Metropolitano crucem sibi præferre in provincia aliena. Postea rex *Londonias* pergens, cum deinde in *Quadragesima* & pascha apud *Wodesstoke* steteret, nuncius ibi veniens dixit ei; Comes *Flandrensis* tibi dilectissimus nephanda prodicione in templo apud *Bruges* à suis proceribus est occisus, & rex *Francia* *Willielmo* nepoti tuo, & hosti *Flandriam* dedit, qui jam valde roboratus diversis cruciatibus omnes multavit *Karoli* proditores. Super hiis igitur rex angariatus, ad Rogationes apud *Westmonasterium*, & *Willielmus* archiepiscopus similiter apud *Londonias* Concilia celebrarunt. In quo *David* rex *Scottorum*, *Willielmus Cantuariensis* archiepiscopus, & omnes nobiliores Comites, & Barones *Anglia* sacramentum fidelitatis, & homagium *Matildi* Imperatrici filia regis *Henrici*, ex jussu ipsius regis fecerunt de regno post dies suos sibi, & hæredibus suis legitime procreatis optinendo, nisi sobolem virilis sexus ipse rex in posterum procrearet. Quo facto, rex ad pentecosten eandem filiam suam *Gulfrido Plantagenet*, filio *Fulconis* Comitis *Andegavia* desponsandam in *Normanniam* destinavit, quam ipse rex in Augusto cursu velocissimo sequebatur. Eodem anno rex episcopatum *Lincolniensem* per mortem *Ricardi* episcopi tunc vacantem *Gileberto Universali* viro doctissimo contulit.

Henricus rex toto anno sequenti in *Normannia* moratus, in *Francia* hostiliter perrexit, & compulit regem *Lodovicum* auxilium non ferre *Flandria* Comiti hosti suo contra quemdam Ducem *Theodoricum* nomine, qui eo tempore à partibus *Teutonia*, id est *Alemania* advenerat, *Flandriam* calumpnians, & suasu regis *Henrici*, quosdam proceres *Flandria* secum habens. Cui *Willielmus* Comes *Flandria* aciebus ordinatis viriliter obviavit. Pugnatum est acriter, *Willielmus* vero Consul interminabili probitate numerum suorum, cum pauci essent, suplebat. Cruentatus igitur omnia arma sua sanguine hostili fundebat, fulmineo ense cuneos hostium penetrando; unde hostes perterriti & fugæ dediti, pondus terribile juvenilis brachii perferre minime potuerunt. Victoriosissimus itaque Consul, dum castrum hostile in crastino obsideret, & jam pene omnibus hostibus adnichilatis reddi deberet, Deo volente parvo vulnere manu deperiit sauciatus. Nobilissimus autem juvenum ætate bene famam promeruit sempiternam. De quo *Walo* verficator egregius sic ait,

Mars obit in terris, deslent par numina numen.

Interea rex *Henricus* in regno *Francia* hostiliter existens, cum viij. diebus apud *Sparnum* secure, quasi in regno suo perendinans, inaneret, ab incolis ejusdem loci originem regni *Francorum* quæsit. Cui quidam vir doctus sic respondit. Regum potentissime, sicut pleræque gentes *Europa*, etiam *Franci* duxerunt originem à *Trojanis*. *Anthenor* quippe cum suis profugis ab excidio *Troia* profugiens in finibus *Pannonia* civitatem *Sicambriam* nomine ædificavit. Post cujus mortem Duces sui super se statuerunt *Torgotum* & *Franconem*, à quo *Franci* sunt appellati. Quibus defunctis, Ducem

Marce-

Marconurum elegerunt, qui genuit *Faramundum* primum regem *Francorum*, *Faramundus* rex genuit *Clodium* crinitum, à quo *Franci* criniti habentur. *Clodio* decedente, *Morovens* cognatus ejus regnavit, à quo *Francia* reges *Morovingii* sunt appellati. *Morovens* genuit *Childericum*, genuit *Childericus* *Clodoveum* quem sanctus *Remigius* baptizavit. *Clodoveus* genuit *Clotarium*, qui *Chilpericum*, qui *Clotarium* secundum, qui *Dagobertum*, famosissimum ac dulcissimum regem. *Dagobertus* genuit *Clodoveum*, *Clodoveus* genuit tres filios ex sancta *Batilde* regina sua, scilicet *Clotarium*, *Childericum* & *Theodoricum*. *Theodoricus* rex genuit *Childebertum*, qui *Dagobertum*, qui *Theodoricum*, qui *Clotarium* hujus prosapiæ ultimum regem. Post quem regnavit *Hyldericus*, qui tonsus, & in monasterio retrusus est *Pipino* rege effecto. Ex alterius autem serie generationis, ex filia *Clotarii* regis *Arbertus* genuit *Arnoldum*, *Arnoldus* sanctum *Arnulphum* post *Metensem* episcopum. Sanctus *Arnulphus* genuit *Anchisem*, qui *Pipinum* Majorem, qui *Karolum Martellum*, qui *Pipinum* regem, qui *Karolum Magnum* Imperatorem, qui quasi sidus præcedentium, & succedentium effulsit. *Karolus Magnus* genuit *Lodovicum* Imperatorem, qui *Karolum Calvum* Imperatorem, qui *Lodovicum* regem, qui *Karolum simplicem*, qui *Lodovicum*, qui *Lotarium*, qui *Lodovicum* hujus prosapiæ regem ultimum. *Lodovico* ergo defuncto, *Hugonem* Ducem filium *Hugonis* magni Ducis regem super se *Francorum* Duces statuerunt & proceres. *Hugo* vero rex genuit piissimum regem *Robertum*. *Robertus* autem genuit tres filios, *Henricum* regem amantissimum, *Hugonem* Ducem dulcissimum, & *Robertum* *Burgundia* Ducem. *Henricus* rex genuit *Philippum* regem, qui in fine monachus factus est, & *Hugonem* magnum, qui anno ab incarnatione Domini millesimo nonagesimo nono *Ierusalem* eripuit de manibus paganorum. *Philippus* vero rex genuit *Lodovicum* modo in præsentī regnantem, qui si probitatis vestigia antiquorum teneret, in regno ejus non quiesceres tam secure. Hiis dictis, cum rex *Henricus* dictum *Willielmum* Comitem *Flandriæ* hostem suum, ut dictum est occubuisse audisset, de *Francia* in *Normanniam* se retraxit. Hoc anno *Hugo* de *Paens* magister militum Templi *Ierusalem* in *Angliam* veniens multos *Ierusalem* secum duxit.

Sequenti anno, *Lodovicus* rex *Francorum* fecit *Philippum* filium suum in regem *Francia* coronari. Qui novus rex, paulo post dum cornipedem ludens caballum agitare, obvium suum habuit, cui cum pedes equi currentis offenderint, cecidit rex novus, & fractis cervicibus exspiravit. Eodem anno *Henricus* rex, omnibus quæ erant in *Francia*, *Flandria*, *Britannia*, *Normannia*, *Andegavia*, & *Cenomania* pacificatis, cum gaudio in *Angliam* remeavit, & Concilium magnum de uxoribus sacerdotum prohibitis, & de sacerdotibus fornicariis, & eorum concubinis kal. Augusti apud *Londonias* celebravit. Intererant siquidem illi Concilio *Willielmus Cantuariensis* archiepiscopus, *Alexander Lincolnensis*, *Rogerus Saresberiensis*, *Gylebertus Londoniensis*, *Iohannes Roffensis*, *Sifridus Suthsexensis*, *Godefridus Bathoniensis*, *Simon Wygornensis*, *Everardus Norwicensis*, *Hervens* primus episcopus *Elyensis*, & *Bernardus* sancti *David* episcopi. Nam *Wintoniensis* & *Dunolmensis* jam defuncti erant. Hii co-

lumpnæ regni erant, & hoc tempore radii sanctitatis: Qui inprovidi per regem & suos simplicitate *Willielmi* archiepiscopi decepti justitiam regi de sacerdotibus fornicariis & eorum uxoribus, & concubinis concesserunt. Quod postea cum rex pecuniam quasi infinitam à presbyteris pro redemptione accepisset, pœnituit episcopos, sed frustra. Nam rex ut pecuniam à presbyteris extorqueret, episcopos sub colore correctionis caute decepit. In isto Concilio secundum quosdam, proceres *Angliæ* juraverunt coram rege quod superius dictum est, videlicet de regno *Angliæ* ad opus *Matildæ* Imperatricis filię suæ observando, si ipsa patrem suum sine liberis decedentem superviveret.

Eodem anno illis quos *Hugo* de *Paens* de quo supra dictum est, ad *Ierusalem* secum duxerat male evenit. Incolæ namque illius sanctæ telluris Deum variis sceleribus, luxuria, & rapina offenderant. Unde ut scriptum est in *Moyse*, & in libris Regum, non diu scelera locis illis sunt impunita. In vigilia namque sancti *Nicholai*, à paucis paganis multi Christiani sunt devicti, quamvis antea è contrario contingere solebat. In obsidione autem *Damascena*, cum magna pars Christianorum ad victualia perquirenda progressa esset, mirati sunt pagani plures, & fortissimos Christianos muliebriter fugientes ut credebant, quos pagani persequentes, eorum innumeros occiderunt, & qui fuga salutem in montibus sibi quaesierant, Deus eos tempestate nivis & frigoris ipsa nocte ita persecutus est, ut eorum omnium aliquis vix evasit. Eodem anno fundata est domus de *Gysebourne* in *Cleveland*, per *Robertum* de *Breus*, de consensu & confirmatione papæ, & *Thurstini* *Eboracensis* archiepiscopi, ipsius etiam regis *Henrici*.

Anno Dom. MCxxx. & regis *Henrici* xxx. idem rex ad natale apud *VVygnorniam*, & ad pascha apud *Wodestoke*, & ad rogationes ad dedicationem novæ ecclesiæ *Cantuariensis* existens, ad festum sancti *Michaelis* in *Normannia* transfretavit, ad quem *Matildis* Imperatrix filia sua, à *Galfrido* Comite viro suo secundum quosdam repudiata, in *Normanniam* accessit; ubi regi eo tempore apparuerunt tres mirabiles visiones. Nam primo vidit in sompniis rusticorum multitudinem cum instrumentis in ipsum insilire, & debitum expetere. Secundo vidit armatorum cohortem omnimodis telis in ipsum sævire velle. Tercio vidit Prælatorum catervam cum baculis pastoralibus minas fortiter intentare. Et omnibus hiis vicibus rex de stratu suo exiliit, opem inclamitans & gladium arripiens, ac si esset aliquos occisurus, sed neminem invenit. Ista etiam omnia vidit quidam medicus nomine *Grimbaldus*, qui mane ista regi referens monuit eum sicut quondam *Daniel Nabugodonosor* ut elemosinis peccata sua redimeret. Eodem anno *Honorius* papa qui *Kalixto* successerat, quinq; annis sedens obiit. Ille *Honorius* dum vixit in *Aquileyam* à Baronibus vocatus descendit, ut *Apuliam* quæ juris est beati *Petri*, à Comite *Rogero Siculo* tueretur, sed cum infidelitatem Baronum vidisset, saniori consilio habito, *Rogero* in gratiam recepit, & facto homagio, & fidelitate firmata, ipsum de Ducatu *Apulia* investivit. Cui *Honorio* mortuo successit *Innocentius* 2. sedens annis xiiij. mensibus septem, diebus viij. Quo in tempore quidam *Petrus Petri Leonis* filius Cardinalis à paucioribus electus, & *Anacletus* dictus, apostolatum invasit.

Domos

An. Dñi
1130.

domos *Frangipansenſium* in quibus *Innocentius* Papa cum Cardinalibus ſe receperat, hoſtiliter aggreſſi. Sed quia ſic nihil profecit, cum manu armata eccleſiam beati *Petri* adiit, & eam per violentiam habitam aureo crucifixo, ſplendentibus coronis cum toto theſauro auri & argenti ac lapidibus precioſis & jocalibus ſpoliavit, *Cyborem* quoque quod *Leo* papa conſtruxerat deſtruxit. Hoc idem ad ſanctam *Mariam* majorem magno theſauro ditatam & per alias eccleſias urbis fecit. Cum quo theſauro poſtquam pene omnes *Romanos* corrupiſſet, *Innocentius* papa nullum in urbe ſubſidium habens, cum Cardinalibus cum 2. galeis in *Galliam* tranſiit, ubi à rege *Francorum* honorifice eſt receptus. Quem etiam anno ſequenti rex *Henricus* apud *Carnotum* honorifice recepit, & *Anacleto* ſubici reſuſcitavit. Et poſtquam dictus papa *Innocentius* in *Claramonte* & *Remis* contilia celebraviſſet, in reditu pacificatis *Ianneniſibus* & *Piſaniſ*, attendens magna ipſorum ſervicia quæ ſibi & eccleſiæ *Romana* fecerant, *Ianneniſem* epiſcopum qui ſub *Mediolanenſi* epiſcopo fuit fecit archiepiſcopum & Primatem totius *Sardinia*. Poſt hæc dux *Saxonia* *Lotharius* iiij. poſt *Henricum* iiij. Imperatorem electus, ad papam *Innocentium* cum exercitu ad *Italiam* veniens, ipſum cum archiepiſcopis & epiſcopis in ſede ſua collocat, à quo in eccleſia *Lateranenſi* ipſe *Lotharius* in Imperatorem coronatur. Qui poſt coronationem ſuam zelo Dei & eccleſiæ accenſus, tanquam verus Catholicus & eccleſiæ advocatus, vires Imperii ſui excitavit, & contra *Rogero* Comitem qui ſe contra papam erexerat & regnum *Sicilia* occupaverat, una cum eodem papa *Innocentio* *Apuliam* potenter intravit, ac *Rogero* in *Siciliam* fugato Comitem *Raynonem* Ducem *Apulia* ſtatuere. Huic victoriæ *Piſani* cum ſummo Pontifice multo navigio aſſiterunt. Eo tempore *Romani* contra voluntatem *Innocentii* papæ ſenatum renovare conati ſunt. Per idem tempus tanta ſiccitas in *Francia* fuit, ut flumina, lacus, fontes & putei ſiccarentur. Ignis quoque qui per rimas terram ſubintraverat, nec imbre, nec frigore, nec aliqua arte biennio extingui potuit.

Rex *Henricus* anno regni ſui xxxij. de *Normannia* in *Angliam* in æſtate rediens, & filiam ſuam ſecum ducens, navigando in mari nimia tempeſtate quaſſatus eſt, unde tres viſiones ſuas ſupraſcriptas quas in *Normannia* habuit, & monitionem dicti *Grimbaldi* medici ut elemoſynis peccata ſua redimeret ad memoriam reducens, votum vovit ut ſeptem annis *Danicum* tributum relaxaret, ut ſanctum *Edmundum* viſitaret & juſtitiam faceret. Eodem anno omnibus principibus *Anglie* in feſto Nativitatis beatæ *Mariæ* apud *Porthampton* congregatis deliberatum eſt, quod *Matildis* filia ſua viro ſuo *Galfrido* Conſuli *Andegavenſi* eam requirenti redderetur. Quod & factum eſt. Eodem anno poſt paſcha obiit *Reginaldus* abbas *Rameſenſis* illius eccleſiæ novus auctor. Et in principio hiemis obiit *Herveus* primus epiſcopus *Elyenſis*.

Rex *Henricus* anno regni ſui xxxiiij. fuit ad *Wyndeſore* infirmitate detentus, qui convaleſcens epiſcopatum *Elyenſem* cuidam *Nigello* dedit, qui per xxxvj. annos ſedit. Eodem etiam tempore epiſcopatum *Dunolmenſem* *Galfrido* Cancellario ſuo dedit. Eodem anno rex fecit novum epiſcopatum apud *Karliolum* quem *Arnulpho* Priori de ſancto *Botulfo* contulit. Hoc anno *Robertus* *Curtheſe*

quondam Comes *Normannia* & frater regis, ſemper à captione ſua in cuſtodia detentus, obiit apud *Caeropyſſ*. Eodem tempore fundatus eſt Prioratus de *Porton* in provincia *Ceſtria* à *Willielmo* filio *Nigelli*, & fundatum eſt monaſterium de *Cumbermere* in eadem provincia. Circa idem tempus ordo *Simprynghamenſis* per ſanctum *Gilebertum* virum plane mirabilem exordium ſumpſit in *Tuſcia* ſeminarum. Hic, ſervorum Dei duo & ancillarum Dei octo non ignobilia conſtruxit monaſteria, quæ & inſenſis replevit collegiis, & juxta ſapientiam ſibi datam, regularibus ornavit inſtitutis. Anno adhuc ultimo ſupradicto rex *Henricus* iiij. kal. *Auguſti* ſole eclipſante in *Normanniam* tranſſetavit, ubi per totum annum ſequentem pro gaudio nepotum ſuorum quos de filia ſua Comes *Andegavenſis* genuerat, moram fecit. Genuerat enim ex ea *Henricum* dictum *Courtmantel* primogenitum ſuum poſtea regem, *Galfridum* & *Willielmum*. Qui quidem *Henricus* ab excellentia matris ſuæ, quæ fuit Imperatrix, *Henricus filius Imperatricis* vocatus eſt.

Anno Domini M. Cxxxv. cum rex *Henricus* in *Normannia* diu ſtetiſſet, demum ſe redire in *Angliam* disponebat, ſed cum calliditate quadam filia ſua detinebat, fecit enim arte ſua inter patrem ſuum regem & Conſulem maritum ſuum diſcordias variis de cauſis oriri, ut ſic ſaltem à propoſito redeundi impediretur. Quibus quidem ſtimulationibus rex in iram & animi rancorem excitatus eſt & commotus, unde cauſam naturalis refrigerationis & poſtea ſuæ mortis, ut à nonnullis dicebatur, recepit. Cum igitur die quadam à venatu rediſſet, apud ſanctum *Dioniſium* in ſilva leonum carnes comedit murænarum, i. lampredarum, quæ licet ei ſemper nocebant, eas tamen ſemper amabat. Cum autem medicus hoc genus comeſtionis regi prohiberet, ille ſalubri conſilio minime acquievit, ſecundum quod dicitur,

Nititur in vetitum ſemper, cupimusque negata.

Hæc igitur comeſtio peſſimi humoris illatrix & conſimilium vehemens excitatrix ſenile corpus letaliter frigerans, ſubitam & ſummam perturbationem fecit. Contra quod ad impetum materiei graviſſimæ diſſolvendum natura reluſcans febrem acutam excitavit; qua prævalente, rex magnificus cum jam annis xxxv. & tribus menſibus regnaſſet, prima die Decembris anno Domini ſupradicto vitam amiſit hujus ſæculi temporalem; Hic autem annus erat ab adventu *Normannorum* lxx. & ab adventu *Britannorum* ij. M. CClxv. de cujus morte quidam metrice ſic cecinit; unde verſus ſunt iſti.

*Rex Henricus obiit, decus olim, nunc dolor orbis,
Numina ſlent numen deperiſſe ſuum.
Mercurius minor eloquio, vi mentis Apollo,
Jupiter imperio, Marsque vigore gemit.
Jannus cautela minor, Alcides probitate,
Conſictu Pallas, arte Minerva gemit.
Anglia quæ cunis, quæ ſceptro numinis hujus
Ardua ſplenduerat, jam tenebroſa ruit:
Hæc cum Rege ſuo, Normannia cum Duce marceſcit;
Nutrit hæc puerum, perdidit illa virum.*

Rege autem *Henrico* defuncto, libera ut aſſolet in mortuum judicia populi jaculabantur. Alii nempe tribus

tribus eum ferebant virtutibus radiasse, sapientia, eloquentia, belli fortuna. Pro primo in consilio profundissimus & in providentia conspicuus summe fuit. Pro secundo, clarus eloquentia inter Principes habebatur. Pro tercio, exceptis aliis quæ egregie gesserat, regem *Francorum* ut prædictum est lege belli superaverat. Alii vero diverso studio tribus eum succubuisse viciis asserabant; Cupiditate, Crudelitate, & Voluptate. Pro primo, opulentos tributis & exactionibus nimia cupiditate cæcatus in paupertatem dejecit. Pro secundo, *Robertum* fratrem suum in carcere mori permisit, & Consulem de *Moretoyll* cognatum suum in captione positum crudeliter exculavit, nec sciri tam horrendum facinus potuit quousque regis aperuit mors secreta; Et alia fecit etiam facinora quæ tacemus. Pro tercio, mulierum ditioni more regis *Salamonis* nimis luxuriosus continue subiacebat. Talia de eo vulgus libere prædicabat. Hujus regis tempore fuit quidam *Simon* filius *Roberti Lyncolniensis* episcopi, decanus in eadem ecclesia, qui fuerat aceringenio, clavis eloquio, forma venustus, gratia coruscus, ætate juvenilis, prudentia senilis, sed superbiz vicio resperfus. Ex superbia crevit in ipso invidia, ex invidia odium, ex odio jurgia, detractiones & delationes. Qui aliquando pronostificavit de seipso, dicens, Ego curialibus interponor sicut sal inter viventes anguillas, unam per hoc rei proprietatem attendens, sed aliam non advertens: Nam sicut anguillas sal excruciat, ita ille curiales corrodendo; sed tandem sicut sal anguillarum destruitur humore, ita ille cunctorum aspernatione; nam tandem in odium regis divolutus, in carceratus per latrinam aufugit & exul obiit.

Institutiones sive leges quas iste rex Henricus primus edidit & sancivit.

Henricus Dei gratia rex *Anglorum* omnibus Baronibus & fidelibus suis *Francis & Anglis* salutem. Sciatis me Dei misericordia & communi consilio Baronum meorum *Anglia* ejusdem regni regem coronatum esse. Et quia regnum oppressum erat injustis exactionibus, ego respectu Dei & amoris quem erga vos gero sanctam Dei ecclesiam in primis liberam facio, ita quod nec eam vendam nec ad firmam ponam, nec mortuo archiepiscopo, episcopo vel abbate aliquid accipiam de dominio ecclesiarum vel hominibus ejus, donec successor in eam ingrediatur, Et malas consuetudines quibus regnum *Anglia* injuste opprimebatur inde aufero; Quas quidem malas consuetudines suppono fore istas.

Si quis Baronum meorum, Comitum sive aliorum qui de me tenet mortuus fuerat, hæres suus non redimat terram suam sicut faciebat tempore fratris mei, sed legitima & justa relevatione relevabit eam. Similiter & homines Baronum meorum legitima & justa relevatione relevabunt terras suas de dominis suis. Et si quis Baronum vel hominum meorum filiam suam nuptui tradere voluerit sive sororem sive neptem sive cognatam, mecum inde loquatur. Sed neque ego aliquid de suo pro hac licentia accipiam, neque defendam ei quin eam det, excepto si eam voluerit jungere inimico meo. Et si mortuo Barone vel alio homine meo filia hæres remanserit, & sine liberis fuerit, dotem & maritacionem habebit, & eam non dabo marito nisi secundum velle suum. Si vero uxor cum liberis remanserit, dotem quidem &

maritacionem suam habebit, dummodo corpus suum legitime servaverit, & eam non dabo nisi secundum velle suum; Et terræ & liberorum custos erit, sive alius propinquorum qui justius esse debebit. Et præcipio ut Barones mei consimiliter se continent erga filios & filias & uxores hominum suorum. Monetagium commune quod capiatur per civitates & per comitatus quod non fuit tempore *Edwardi* regis, hoc ne ammmodo fiat omnino defendo. Si quis captus fuerit sive monetarius sive alius cum falsa moneta, recta justitia inde fiat. Omnia placita & omnia debita quæ fratri meo debentur condono, exceptis rectis firmis meis, & exceptis illis quæ pacta erant pro aliorum hæreditatibus vel pro illis rebus quæ justius aliis contingebant. Et si quis pro hæreditate sua aliquid pepigerat, illud condono, & omnes relevationes quæ rectis hæreditatibus pactæ erant. Et si quis Baronum meorum vel hominum infirmabitur, sicut ipse dabit vel dare disponat pecuniam suam, ita datam esse concedo. Quod si ipse morte præventus vel armis vel infirmitate, pecuniam suam non dederit, nec dari disposuerit, uxor sua sive liberi aut legitimi homines aut parentes ejus pro anima ejus dividant eam, sicut melius eis visum fuerit. Si quis Baronum vel hominum meorum forisfecerit, non dabit vadium in misericordia totius pecuniæ, sicut faciebat tempore patris mei & fratris mei; sed secundum modum forisfacti ita emendabit sicut emendasset retro à tempore patris mei & fratris mei in tempore aliorum antecessorum meorum. Quod si perfidia vel sceleris convictus fuerit sicut justum erit sic emendet. Murdra etiam retro ab illa die qua in regem coronatus fui omnia condono, & ea quæ ammmodo facta fuerint juste emendentur secundum lagam regis *Edwardi*. Forestas communi consensu Baronum meorum in manu mea sic retinui sicut pater meus eas habuit. Militibus qui per loricas terras suas defendunt terras dominicarum catucarum suarum quietas ab omnibus gyldis & omni opere, proprio meo dono concedo, ut sicut benignitas mea protensior est in eis, ita michi fideles sint, & sicut ita magno gravamine alleviati sunt, ita equis & armis se bene instruant, ut apti & parati sint ad servicium meum & ad defensionem regni mei. Lagam regis *Edwardi* vobis reddo cum illis emendationibus, quibus eam pater meus emendavit consilio Baronum meorum. Si quis aliquid de meo vel de rebus alicujus post obitum fratris mei *Willielmi* cepit, totum cito reddat sine emendatione; & si quis aliquid retinuerit, ille super quem fuerit inventum graviter michi emendabit. Testibus archiepiscopis, episcopis, Comitibus, Baronibus, vicecomitibus, & optimatibus totius regni *Anglia* apud *Westmonasterium* quando coronatus fui.

Mortuo itaque rege *Henrico* primo sed nondum sepulturæ tradito, *Stephanus* nepos ejus ex parte sororis, Comes *Bononia* filius Comitum *Blesensis* & frater minor *Theobaldi* Consulis *Blesensis* regnum *Anglorum* invasit. Siquidem dictus *Stephanus* pater Comes *Blesensis* *Athalia* filiam *Willielmi* nothi conquestoris duxerat in uxorem, ex qua quatuor filios procreavit. Quo in partibus orientis defuncto, mater *Mirabilis* primogenito suo, eo quod remissioris erat ingenii, prudenter amoto, *Theobaldum* filium suum, in quo sibi placebat, ad plenitudinem hæreditatis proxexit.

vexit. *Stephanum* quoque filium suum adhuc im-
puberem regi *Henrico* avunculo nutriendum & pro-
movendum tradidit & direxit. Quantum vero fili-
um *Henricum* nomine, apud *Cluniacum*, monachum
tonforavit. Processu temporis *Henricus* rex unicam
Comitis *Bononiae* filiam ad quam tota spectabat
hæreditas, prædicto nepoti *Stephano* copulavit, do-
naque plurima in *Anglia* eis collargiens, fratri etiam
ejus dicto *Henrico* monacho *Cluniacensi* dedit rex
abbathiam *Glastoniae* & postmodum episcopatum
Wyntonensem ei adjecit. Cum igitur ut dictum est
sæpèdictus rex *Henricus* obiisset, prædictus *Stepha-
nus* Comes *Bononiae* vir magnæ strenuitatis & auda-
ciæ, quamvis *Matildi* Imperatrici filix regis *Hen-
rici* & filiis suis cum cæteris sacramentum fidelitatis
jurasset, vigore tamen & prudentia fretus, diadema
regni citissime invasit, et à *Willielmo Cantuariensi*
archiepiscopo, qui prius primo dictæ *Matildi* Im-
peratrici sacramentum fidelitatis præstiterat, die san-
cti *Stephani* apud *Londonias* in regem, proh dolor!
coronatur, unde Deus judicium illud eidem archie-
piscopo statuit, quod magni sacerdotis *Jeremia* per-
cussori statuerat, scilicet ne post annum viveret. *Ro-
gerus* etiam magnus *Saresberiensis* episcopus, qui
secundus illud sacramentum fecerat, et omnibus aliis
prædicaverat, diadema ei et vires auxilii sui con-
tribuit, unde postea Dei judicio ab eodem quem sic
in regem coronavit, captus et cruciatus, miserum
exterminium est sortitus. Sed quid dicam? Omnes
qui sacramentum prædictum juraverant tam præsu-
les quam Consules, assensum *Stephano* præbuerunt
et hominum fecerunt. Hoc vero malum signum fuit,
quod omnis *Anglia* tam repente sine mora et sine
labore et quasi nictu oculi sibi erat subiecta. Ta-
men secundum quosdam à tempore retroacto usque
ad tempus illud non fuit facta tam privata regis con-
secratio: Nam nemo ut volunt ibi magnatum fuit
nisi solus antedictus archiepiscopus et duo alii episco-
pi. Et fertur quod cum rex communionem corporis
Christi die Coronationis suæ ore esset percepturus,
Eucharistia inter manum archiepiscopi & os regis su-
bito elapsa disparuit.

Die autem beati *Stephani* prothomartiris, *Stepha-
nus* rex cum magna pompa & inmensa gloria Curi-
am suam *Londonia* tenuit coronatus, corpore regis
Henrici adhuc in *Normannia* insepulto. Rex nam-
que *Henricus* prima die Decembris obierat, cujus
corpus *Rothomagum* est allatum, ubi viscera ejus, ce-
rebrum & oculi sunt consputa. Reliquum vero
regalis cadaveris cultellis circumquaque dissecatum
& multo sale causa evitandi fætoris aspersum, coriis
taurinis reconditum est, quia jam multos infecerat
circumstantes, unde & ipse qui magno precio con-
ductus fætidissimum cerebrum extraxit, quamvis lin-
thiaminibus caput suum obvolvisset & nasum ex fæ-
tore tamen mortuus malo precio gavisus est. Hic erat
ultimus ex multis quem rex *Henricus* occiderat.
Inde vero corpus regium *Cadomum* sui deportave-
runt, ubi diu in ecclesia qua pater ejus sepultus fue-
rat, positum, quamvis multo sale repletum esset, &
multis coriis involutum, continue tamen niger hu-
mor & horribilis coria pertransiens ex corpore de-
currebat, qui vasis sub feretro positis susceptus à mi-
nistris abiciebatur. Vide ergo quicunque legis, po-
tentissimi regis corpus, cujus cervix auro & gemmis
electissimis, diademata quasi Dei splendore vernave-
rant, Cujus os tam delicatis & exquisitis cibis pasci

solebat, Cui omnes assurgere, omnes expavescere,
omnes congaudere, omnes admirari solebant, quam
mirabiliter abjectum fuerat & tractatum, & vide
rerum eventum ex quo judicium semper pendet, &
disce contempnere quicquid sic determinatur, &
quicquid sic adnichilatur.

Tandem regalis cadaveris reliquæ in *Angliam*
delatæ, apud monasterium de *Radinges*, quod ipse
rex *Henricus* à fundamentis construxerat & multis
possessionibus ditaverat, infra xij. dies natalis Domi-
ni sunt sepultæ. Ibi rex *Stephanus* à curia sua
quam apud *Londonias* tenuerat in ipso natali, &
Willielmus Cantuariensis archiepiscopus, & multi
proceres & præsules contra corpus regium advene-
runt, qui illud ibidem honore debito humaverunt.
Rege vero *Henrico* ut dictum est sepulto, novus rex
Stephanus inde usque *Oxoniam* perrexit, ubi convo-
cato Concilio pacta quæ die Coronationis suæ Deo
& ecclesiæ ac populo *Anglicano* concesserat, confir-
mavit. Quæ sunt hæc. Primo vovit Deo & coram
proceribus juravit, quod defunctis episcopis ecclesias
sive prælaturas vacantes in manu sua minime tene-
ret, sed statim electioni canonicæ consentiens, eis
episcopos investiret. Item quod Danegaldum, i. du-
os solidos de hyda terræ, quod antecessores sui sin-
gulis annis accipere solebant, pro perpetuo condona-
ret. Item quod silvas clericorum & laicorum in
manu sua non retineret sicut fecerat rex *Henricus*,
& quod neminem de silvis propriis implacitaret li-
cet venationem in eisdem caperet, aut eas ad necessi-
tates suas diminueret, vel etiam extirparet. Quod
quidem nephandi placiti genus adeo execrabile fuit,
ut si alicujus lucum quem habere pecuniam æstima-
ret à longe conspiceret, statim eum vastatum dice-
ret sive esset vastatus sive non, ut sic eum inmerito
redimeret. Hæc principaliter & alia plurima Deo
vovit; sed pauca tenuit. Et quia adventum *Matil-
dis* Imperatricis formidabat, concessit, ut quilibet
de proceribus munitionem sive castrum in proprio
fundo facere posset. Post hæc in fine natalis Domini,
nunciatum est regi *Stephano* apud *Oxoniam* per
quendam sic dicentem, *David* rex *Scottorum* si-
mulans se pacifice ad te venire hospitandi gratia in
Karlyolum & in *Novum castrum* veniens dolose
utramque cepit & occupat. Cui rex respondit, quod
dolose cepit victorioso recipiam Deo dante. Rege
igitur *Stephano* exercitum suum contra *David* re-
gem *Scottorum* in partes boriales promovente, idem
rex *David* circa *Dunolmum* ei occurrens & pacifice
loquens cum eo; tunc temporis concordatur. Qui
Novo castro reddito, *Karlyolum* de concessione regis
Stephani retinebat. Rex tamen *David* homo regis
Stephani non est effectus, quia sacramentum primus
omnium laicorum *Matildi* Imperatrici juraverat
de *Anglia* ei manutenenda post mortem regis *Hen-
rici*; sed filius regis *David*, *Henricus* nomine, ho-
magium *Stephano* regi fecit, unde rex *Stephanus*
burgum qui vocatur *Huntynghdon* in augmentum
sibi dedit. Rex autem *Stephanus* inde in Quadra-
gesima rediens, curiam suam in solempnitate pa-
richali qua nunquam in *Anglia* multitudine, magni-
tudine, auro, argento, gemmis & vestibus omnimoda-
que dapilitate splendidior fuerat, apud *Londonias*
celebravit. Ad Rogationes vero tunc proximo se-
quentes divulgatum est regem mortuum esse. Quod
audiens *Hugo Bigod* castellum *Normici* intravit,
quod nisi ipsi regi advenienti reddere noluit; & hoc
tamen

tamen valde invitus; nam rabies *Normannorum* coepit jam prodicione et perjurio pululare. Castro igitur de *Baketun* cui dominus *Robertus* quidam proditor à rege discederat capto, rex civitatem *Excestria* quam *Baldewinus de Redvers* contra eum tenebat, fortiter obsedit, ubi diu circa constructionem machinarum morando multum de thesauro suo consumpsit. Qui licet sero castrum ei redditum erat, pessimo tamen usus consilio, vindictam in suos non exercuit proditores; nam si tunc vindictam exercuisset, tot castella contra eum postmodum retenta non fuissent. *Excestria* vero demum capta, rex in insulam *Vestam* pergens, eam à *Baldewino de Redvers*, de quo prædiximus abstulit, & ipsum ab *Anglia* relegavit. Rex igitur hiis prospere gestis elatus apud *Brantunam*, quæ uno ab *Huntyngdon* distat miliari, venatum venit, & ibi votum suum Deo & populo prius factum frangens, de forestis procerum fuorum, & de silvis & venationibus eos placitavit.

Post hæc *Stephanus* rex anno regni sui secundo cum manu armata in *Normanniam* transfretavit, ubi multis hostibus bellicose superatis, cum rege *Francorum* concordiam tandem inivit & *Eustachius* filius ejus homo regis *Francorum* propter *Normanniam*, quæ *Francorum* imperio adjacet, effectus est. Quod videns Comes *Andegavensis*, qui *Matildem* imperatricem filiam regis *Henrici* duxerat, cui *Anglicani* regni successio ratione uxoris suæ, ut prædicitur, competebar, se scilicet in præsentis regias vires infringere non posse videbat, & licet jam in parte attemperasset, coepit continuo pacifice loqui, & super eodem negotio inducias petere in quo regnum *Anglia* jure uxorio vendicabat. Quibus concessis & initis, *Stephanus* rex ante nativitatem *Angliam* rediit, & per totum natale, incipiens ab ipsa vigilia nativitatis Domini, *Bedfordiam* obsedit, & de tanta solempnitate non curans, ab obsidione non cessabat, donec castrum sibi adversum cepisset. Eodem anno statim post captionem sive redditionem castri de *Bed'ord*, rex *Stephanus* in *Scotiam* innumerabilem exercitum promovit. *David* namque rex *Scottorum* qui *Matildi* imperatrici filix regis *Henrici* de regno *Anglia* sibi conservando sacramentum fecerat, quasi sub velamento ejusdem sacramenti, cum exercitibus suis *Northumbriam* ingressus est, execrabili agens in omnibus viis suis, sui enim ætati nec sexui parcebant, quin mulieres gravidas funderent, & pueros super acumina lancearum jactarent, sacrosanctis etiam ecclesiis non parcentes, presbyteros super altaria detruncabant, crucifixorum capita abscissa super cæsorum corpora ponebant, & mortuorum capita mutantes, super crucifixis reponebant, quæcumque enim attingebant *Scoti*, plena doloris fuerant & horroris; aderat enim clamor mulierum, ejulatus senum, gemitus morientium, & desperatio viventium. Sed audito adventu regis *Stephani*, retraxerunt se *Scoti*, eo quod spiritui furoris ejus resistere non ausi sunt. Adveniens itaque rex *Stephanus*, australes partes regis *David* cum impetu combussit, *David* cum eo congregi non audente. Cumque modicum ibidem mansisset, à suis statim post Pascha audivit, quod multi proditores & magnatum plurimi contra eum in australibus terræ suæ partibus insurrexerunt, contra eum castris plurimis occupatis. Propter quod ad australes *Anglia* partes revertens, eadem castra obsidebat.

Quo ibidem sic occupato, *David* rex *Scottorum* in *Angliam* innumerabilem exercitum promovit, omnia iterum sicut prius devastando, & terram usque ad flumen de *Teyse* in confinio *Eboracensis* provinciæ comburendo. Et contra quem milites & principes *Anglia* boriales animosi cum insigni Comite *Albemarle*, & ex jussu & ammonicione venerabilis patris domini *Thursthini Eboracensis* archiepiscopi, viriliter resisterunt, fixo le *Standard*, i. signo regio, apud *Alverton*; ubi licet quidam asserunt, quod dictus archiepiscopus *Thursthinus* cum regis militibus occurrens eum fugasset, morbi tamen causa, ut quidam volunt, ibi interesse non posset, & ideo *Radulphum Orcadam* episcopum loco suo misit, qui in acie media stans eminenti orationem hujusmodi exorsus est. « Proceres *Anglia* clarissimi & genere *Normanni*, meminisse generis & nominis vos oportet, & inimicis resistere decet, quibus usque in præsens nemo impune resistit. Audax enim *Francia* vos experta delituit, ferox *Anglia* à vobis capta succubuit, dives *Apulia* vos sortita desloruit, *Jerusalem* famosa & insignis *Antiochia* disposuit vobis se utraque. Nunc autem *Scotia* vobis rite subjecta inermem præferens temeritatem, & rixæ magis quam pugnx aptior vobis resistere immo expetere jam conatur. In quibus quidem nulla rei militaris scientia, vel præliandi peritia, vel moderandi gratia invenitur. Nullus igitur verendi locus sed potius verecundia, quod hii quos semper in patria sua petivimus & vicimus, in patriam nostram jam ritu transverso velut dementes & ebrii convolarunt. Unum ergo vobis ego præsul denuncio, quod hii *Scoti* qui in hac patria templa Dei violarunt, altaria cruentarunt, presbyteros occiderunt, & pueros & prægnantes gladio peremerunt, condignas sui facinoris luent poenas in suo flagicio corruentes, quod omnipotens Deus hodie perficiet per strenuas manus vestras. Attollite igitur animos. O elegantes viri, et adversus hostem nequissimum virtute patria, immo Dei præsentia freti, exsurgite; nec vos moveat eorum temeritas magna cum illos non deterreant tot vestra virtutis insignia. Illi nesciunt armari in bello, vos autem in pace ad bellum exercimini, ut postmodum in bello casus belli dubios minime sentiat. Tegitur vobis caput galea; pectus lorica, ocriis cruta, totumque corpus scuto & ense, ut ubi feriat hostis non invenit quem ferro circumseptum inspicit. Nos ergo procedentes adversus inermes & nudos quid dubitamus? An numerum? Certe non numerus multorum sed virtus paucorum bellum conficit; Multitudo ipsa est insolens sibi met ipsi, & impedimentum est in prosperis ad victoriam & in adversis ad fugam, propterea majores vestri & pauci multos sæpe vicerunt. Quid ergo confert vobis gloria parentelæ, quid exercitatio armorum solempnis, quid disciplina militatis, nisi multos pauciores vincatis? Sed jam finem dicendi faciunt hostes inordinate prorumpentes, & animo meo valde placet disperse confluentes. Vos ergo qui hodie vindicaturi estis domum Domini, & Domini sacerdotes, terramque vestram, & parvulos vestros, si quis vestrum hodie occubuerit prælians, vice archipræsulis vestri eum absolvimus ab omni poena peccati in nomine patris cujus creaturas fœde & horribiliter destruxerunt,

« struxerunt, & filii cujus altaria maculando ever-
« terunt, & Spiritus sancti à quo separati insane cec-
« derunt. Et confestim respondit omnis populus
Amen, Amen; & resonuit terra in voces illorum.

Supervenienti autem *Scottorum* exercitus, illud
insigne responsum exclamant *Albani, Albani*, &
mox conferta pugna totus clamor abortus est. Gens
vero nostra circum le *Standard* conglobata per-
sistebat immobilis, immo viri sagittarii equitibus in-
mixti inermes *Scotos* sparsim penetrabant. Inter
quos summus dux *Lodonsium*, qui primam aciem
ex parte *Scottorum* habebat, sagitta percussus cor-
ruit, & tota gens sua conversa est in fugam. Quod
videns *Scottorum* acies altera quæ ex adverso
pugnabat, animo acrimie expavit, & fugæ confestim
indulgit. Regalis autem acies quam ipse rex *Da-
vid* ex pulcherimis simul constituerat, ut hoc vidit,
primo singillatim, & postea catervatim aufugere
cepit, rege autem pene solo existente, quod viden-
tes amici regis *David* eum fugere cum eis coege-
runt. Filius autem regis strenuissimus, non ad hæc
sed soli gloriæ & virtuti attendens, miro impetu aci-
em nostrorum impetendo percussit, sed statim ipse
fugit, & in eodem loco decem millia *Scottorum*
corruerunt, exceptis qui in segitibus & silvis inventi
sunt perempti, de quibus nostri spolia multa repor-
tarunt. Offensus enim erat eis Deus omnipotens,
& omnis virtus eorum quasi arenarum contextio
contrita est. Hoc bellum mense Augusti factum est
in *morade Cowton* juxta *Alberton* anno regni regis
Stephani quinto.

Post natale vero rex *Stephanus* in *Scotiam* exer-
citus suum movit, ubi ferro et flamma quæque
vastare disposuit. Sed rex *Scotia David* vehementer
artatus, concordia cum rege *Anglia* facta, fili-
um suum *Henricum* in obsidem regi *Anglia* tradi-
dit, quem rex *Stephanus* secum in *Angliam* ducens,
continuo castrum de *Lodelowe* obsedit, ubi idem
Henricus unco ferreo equo abstractus fere distractus
est, sed per strenuitatem regis hoc insistentis statim
liberatus est. Hiis ita feliciter gestis, cor regis ele-
vatum est, comprehenditque et in vinculis tenuit
Alexandrum Lincolnensem episcopum, et ipsum
tam diu tenuit et jejuniis quasi vehementer afflixit,
quousque castrum suum de *Pewerke*, quod ipse
episcopus de novo construxerat, una cum castello de
Slesford, regi dedisset. *Nigellum* quoque *Elyen-
sem* episcopum effugavit. *Rogero* *Salesburiensem*
episcopum, qui multa bona sibi fecerat, incarceratione
donec duo castella sua de *Wyses* & *Schpybourne*
ei dedisset; unde & episcopus ille *Rogerus* domo-
rum & castrorum ædificator præcipuus, nimia tri-
stitia obiit infirmatus, pecuniam quasi xl. mi-
lia marcarum in castellis suis post se relinquens,
quæ non in Dei sed in regis usum cessit, nam rex
illo thesauro *Constantiam* sororem regis *Francorum*
ad opus & matrimonium filii sui *Eustachii* compa-
ravit; & iusto Dei judicio hoc dicto *Rogero* epi-
scopo contigit, utpote qui regi *Henrico* & *Matilda*
imperatrici filiz suæ de regno *Anglia* eidem con-
servando fidelitatem primo juraverat, & etiam ju-
raturis singulis formam juramenti expresserat; post-
modum ejusdem juramenti inmemor, immo potius
contemptor, coronationi regis *Stephani* quasi co-
operator extitit & adiutor. Et *Willielmus* quidem
Cantuariensis archiepiscopus ejusdem, ut creditur,
perjurii merito ipso coronationis suæ anno defecit

& mortuus est. Cui *Willielmo* successit *Theobaldus*
abbas *Beccensis*.

Post hæc vero & aliquantisper *Henricus Wynton-
niensis* episcopus, frater regis, & *Romana* ecclesiæ
legatus apud *Wyntoniam* concilium tenuit & tra-
ctatum, ubi episcopi *Anglia* convenientes, regem
ad pedes ejus prostrati rogaverunt, ut possessiones
dictorum episcoporum, & castella eis & ecclesiæ re-
staurarentur, sed eos rex noluit exaudire; propter
quod, ut creditur, domus regia finitimæ cito po-
stea divinæ subjacuit ultioni. Anno adhuc *Ste-
phani* regis 5. idem rex capit castra *Glovernia*,
Herefordia, *Webbeley*, *Brystollia*, *Duddeley*, et
Salopia. Quo audito, *Robertus* comes *Glovernie*
nothus filius regis *Henrici*, sororem suam *Matil-
dem* imperatricem, *Andegavia* tunc morantem, ut
veniret *Angliam* invitavit, promittens sibi auxilium
contra regem. Dum in regno *Anglia* talia gere-
rentur, sanctæ recordationis *Thurstinus Eboracen-
sis* archiepiscopus, post laudabilem officii sui ad-
ministrationem et præclara pietatis opera, cum jam
fere tempus suæ militiæ expletum esse sentiret, re-
lictæ honore, excusans se ab onere, cum monachis
Cluniacensibus apud *Pontem fractum* in bona obiit
senectute anno Domini M. Cxl. cujus corpus post
duos annos incorruptum et odoriferum est comper-
tum; cujus etiam pio studio inter cætera bona quæ
operabatur, attribuenda est fundatio sive correctio
celeberrimi monasterii *Fontanensis*, cujus perhibe-
tur fundatio talis esse.

Quidam monachi ecclesiæ beatæ *Maria Eboraci*
xij. vel xij. ferventes spiritu et scrupulosam habentes
conscientiam, eo quod beati *Benedicti* regulam
quam professi erant, minus ad literam observarunt,
et quod *Cisterciensis* ordinis qui nuper esse ceperat,
fama jam celebris erat, ut aliis melius fortius-
que agerent, suum monasterium reliquerunt, quo-
rum studium zelumque venerabilis pater *Thurstinus*
Eboracensis archiepiscopus amplexus, eos patetæ
pietatis et maternæ sinu suscipiens confovebat. Tan-
dem vero eos in loco pascuæ qui *Fontes* dicitur col-
locavit, ubi extunc et deinceps multi aquas in vi-
tam æternam hausērunt salientes tanquam de fon-
tibus Salvatoris. Fundataque fuit domus hæc vj.
kal. Januarii anno Domini M. Cxxxij. et anno à
fundatione *Cisterciensium* xxxiiij. Sane paulo ante
à nobili viro *Waltero Espek* fundata est domus
Regalis vallis dicto *Thurstino* archiepiscopo con-
sentiente et assensum præbente, ubi monachi *Clave-
vallenses* à felicitis memoriæ abbate *Barnardo* di-
recti, sempiternam mansionem in Domino acce-
perunt. Horum ergo exemplo monachi illi *Ebo-
raci* imitati atque ad fortia animati, se memorati
abbatis magisterio tradiderunt, et distincti locis
et non animis, hii et illi ad arcam viam quæ ducit
ad vitam servandam paribus votis & studiis cucer-
runt. Eodem tempore quidam *Samatenses* mo-
nachi *Beliam Landam* condiderunt, nobili viro *Ro-
gero de Monbray* qui & ecclesiam de *Petowburgh*
fundavit, artum locum primo, deinde 2^{um}, 3^{um}, &
quartum eis donante, ubi fixis radicibus usque in
præsens resident Deo ibidem jugiter famulantes. Di-
cto autem *Thurstino Eboracensi* archiepiscopo mo-
nasterii *Fontanensis* aliorumque octo fundatore, ut
dictum est, decedente, singuli ecclesiæ *Eboracensis*
canonici, beatum *Willielmum* ejusdem ecclesiæ the-
saurarium præferunt, tam pro honestate morum
quam

quam excellentia meritorum. Iste namque *Willielmus* ex spectabili prosapia regis *Stephani* ortus, præclaris natalium titulis fuerat insignitus; erat enim filius potentissimi viri Comitis *Hereberti*. Qui quamvis post decessum dicti archiepiscopi *Thurfrani* ad sedem *Eboracensem* electus fuerat; invidia tamen & impetuofus amor dominandi quemdam ejusdem ecclesiæ archilevitam adeo in regionem dissimilitudinis traxerant, ut inter eligentes discidium excitavit ipsum *Willielmum* à saniori parte electum impediens, licet de ejus electione clerus & populus acclamassent laudum præconia. Suspenditur igitur causa ad apostolicæ sedis examen provocata.

Summus pastor *Eugenius Cisterciensis* ordinis primo discipulus beati *Barnardi*, & postmodum abbas sancti *Anastasi* juxta *Romam*, non vicio personæ sed pro voluntatis arbitrio quod in lege optinuit, electionem ejus cassavit, & zelo prout præsumitur pio, *Henricum Murdac* ejusdem ordinis monachum in pastorem *Eboracensis* ecclesiæ ordinavit; vir Dei *Willielmus* patientiam super hoc habens, ad *Henricum Wyntonensem* episcopum patrum suum accessit. Qui ei mansionum suarum optulit optionem, ad ejus obsequia universam clientelam volens inclinare. Sed Dei electus tanta refusans, in quodam manerio dicti præfatus in solitudine mansit, cupiens ibidem commissorum gerere penitentiam, & ultices pœnas flammarum libertate restringere lacrimarum. Post hæc mors, cujus sententia dives & pauper ad paria judicantur, in uno eodemque, ut fertur die, papæ *Eugenio* & archipræsuli suo *Henrico* vitam violenter abrupit. Cardinalis vero ille qui prius electionis viri Dei *Willielmi* præcipuus defensor extiterat, felicibus auspiciis elevatus, apostolicæ dignitatis culmen ascendit, *Anastasius* vocatus. Qui de prædecessoris sui sententia dolens, erga Dei electum *Willielmum* suam sententiam non mutavit, sed tanquam veritatis zelator, Canonicis *Eboracensis* ecclesiæ pro majori & digniori parte illum *Willielmum* iterum eligentibus electionem confirmavit, & eidem summo cum honore munus consecrationis inpendit. Accepta ergo cum tanto beneficio papalis benedictionis gratia, *Willielmus* ad *Angliam* cœpit remeare. Et ubicumque locorum transitum faciebat, castimonia ac puritate & divinæ conversationis gloria laudabiliter fulgebat. Cum autem civitatem *Eboracensem* intraret, & effrenata multitudo populorum pontem post patrem transire vellet, compago lingnei pontis ponderositate rupta est. Itaque quod horrendum est visu & stupendum relatu, multitudines virorum ac mulierum, & præcipue infantium catervatim inter rapida fluenta fluvii ceciderunt; ubi profunda fluminis altitudo habebatur, mixtis hominibus equis phaleratis. Conversus vir Dei ad populum insanis undis undique involutum, salutifero signo crucis eos insignivit, & resolutus in fletum orationes Deo optulit, ne eos aqua profunda absorberet; quod & ita factum est, quod nec anima una periclitavit.

Anno sexto regis *Stephani* mense Julio *Matildis* imperatrix, cui *Anglia*, ut prædictum est, ex magnatibus terræ promissa extiterat & jurata, cum *Roberto* notho fratre suo Comite *Glovernia* & magno exercitu in *Angliam* apud *Portesmutham* prospere applicuit, & ad *Arundell* iter suum direxit; ubi rex *Stepha-*

nus cum impetu occurrens, eam ibi per aliquod tempus obsedit, sed mox perfida credens consilia sibi dicentium, castrum illud esse quasi inexpugnabile, retraxit se, & eam usque *Bristoliam* abire permisit, quæ multa dampna provincialibus irrogavit; ad eam namque statim multitudo *Anglorum* maxima occurrit, & in regem optimates sui hinc & inde insurrexerunt; quod rex audiens, dimissa obsidione quam circa castrum de *Walpyngford* tunc fecerat, versus imperatricem *Gloverniæ* existentem tendit, sed cito post *Lincolniam* secessit, & murationes ejusdem, quas *Ranulphus Comes Cestrie* fraudulenter susceperat, à natali Domini usque festum purificationis beatæ *Mariæ* virginis obledit. Interim igitur dictus Comes *Ranulphus* & dictas *Robertus* gener suus Comes *Gloverniæ*, frater *Matildis* imperatricis, validissimis proceribus & multis *Wallensibus* coadunatis, circa dictum festum purificationis ad solvendum regis obsidionem, *Lythcolnam* venerunt, qui cum paludem arundineam pene intransibilem vix cum difficultate pertransissent, statim in ipso die purificationis aciebus dispoſitis, quarum primam ipse *Ranulphus Comes Cestrie* cum suis assumpsit, bello regem *Stephanum* aggressi sunt. Secundam vero aciem illi quos rex *Stephanus* exheredavit valide tenuerunt. Tercia vero ille *Robertus* Comes *Gloverniæ* strenuissimus gubernavit, & à latere prævalida *Wallensium* erat turma. Et tunc Comes *Cestrie* sic suos alloquitur, "Gratias persolvo vobis jugiter exorans ut qui vobis causa sum periculi primus omnium periculum subeam. Cui dixit Comes *Robertus*, "Non est indignum quod primi ictus dignitatem deposcis, tam ex nobilitate generis quam ex virtute roboris quæ præcellis. Sed movet ad bellandum me regis rabies & perjurium; verumptamen per iter quod venimus non est revertendum, hic ergo vincendum est aut occumbendum. Necessè est enim ut ad probitatem confugiat cui non est aliud refugium. Attendite tamen contra quos & quales bellum geritis. Stat enim contra vos Comes de *Mellent* fraudis artifex, cui innata est in corde nequitia, in ore fallacia, in opere pigritia. Procedit etiam Comes de *Alba marla* Baccho devotus, Marti ignotus, vino redolens, bello insolens. Astat ibi *Simon Hamptunensis*, cujus actus sola locutio, cujus datum sola promissio, qui cum dixerit fecit, cum promiserit dedit.

Rex autem *Stephanus* sub tantis æstibus missam interim solemnem audiebat *Alexandro* episcopo tunc celebrante; in cujus manibus cereus quem rex ex more solito optulit, contractus est; quod signum fuit contractionis regis. Pixis etiam cum eucharistia fracta cathena super altare cecidit, & hoc fuit signum regis ruinæ. Missa quoque finita, rex strenuissimus cum securitate magna acies disposuit, consulesque in equis per duas acies instituit. Tercia autem permaxima regis erat. Ex parte ejus verba bello exhortatoria *Baldemino* Comiti sunt commissa, qui ceteros in hunc modum affatur, "Consilientes oportet nosse tria. *Justiciam causæ*, ne periculum animæ incurrat. *Copiam catervæ*, ne numero hostium opprimatur. *Efficaciam dextera*, ne debilibus innixa subruatur. Quantum ad hæc tria sumus, ut arbitror, expediti. Attendite ulterius quales habemus adversarios. Ecce *Robertus* consul *Gloverniæ* qui de more multum

« minatur, parum operatur, ore leoninus, corde le-
 « porinus, clarus eloquentia, obscurus inercia. De-
 « inde stat *Comes Cestria Ranulphus*, vir quidem
 « audaciæ irrationabilis; promptus ad conspiran-
 « dum, inconstans ad perficiendum; animo impe-
 « tuosus, periculo improvidus; altiora machinans,
 « impossibilia temptans; quod incipit avide, effe-
 « minate deserit; ubique infortunatus, aut vinci
 « aut effugari assuetus. Transfugas & girovagos
 « *Wallenses* secum adducit, qui quanto sunt numero
 « plures tanto deteriores. Sed ecce priusquam di-
 « ctis finem faceret, adest clamor hostium, clangor
 « lituorum & fremitus equorum; offendunt acies mu-
 « tuis se lanceis salutantes. Statim acies exhæreda-
 « torum aciem consulum percussit & prævaluit, & illa
 « acies est quasi nictu oculi dissipata, cujus divisio
 « in tria devenit, alii namque occisi sunt, alii capti,
 « & alii fugerunt. Secunda acies regis à *Comite Ces-
 « tria & Wallensibus* percussa, quasi in momento sic-
 « ut prior dissipata est; fugeruntque omnes equites
 « vitam potius salvare quam mori cupientes. Rex
 « namque *Stephanus* cum acie sua pedestri quæ sola
 « remanserat circumseptus est. Aparuit tunc fulmi-
 « nea vis regis, qui cædens bipenni, nunc hos, nunc il-
 « los, & multos in brevi ad extrema deduxit. Comes
 « vero *Cestrensis* regis gloriæ invidens, cum omni pon-
 « dere armorum in eum irruit. Tunc novus oritur
 « clamor, quia omnes in eum & ipse in omnes. Tan-
 « dem bipennis regia ex ictuum frequentia est con-
 « fracta. Quod videns quidam *Willielmus* miles stre-
 « nuissimus, in regem irruit, & cum per galeam arri-
 « piens voce magna clamavit; Huc homines, huc, re-
 « gem teneo. Continuo advolant omnes, & rex capi-
 « tur, omnibus de sua acie aut cæsis aut captis. Ci-
 « vitate autem hostili lege direpta, rex ad imperatri-
 « cem captivus ducitur, & usque ad exaltationem san-
 « ctæ crucis in turri *Bristollie* viaculatur. Ex cujus
 « rei eventu imperatrix nimis elata *Cirecestriam* oc-
 « cupat, deinde *Wyntoniam*, ubi ab *Henrico Wynton-
 « niensi* episcopo, legato papæ, hoc approbante procel-
 « sionaliter suscipitur.

Inde per *Wiltoniam*, *Oxoniam*, *Radingum* ad san-
 « ctum *Albanum* iter dirigens, occurrente ei potissime
 « archiepiscopo *Theobaldo*, à cunctis, exceptis solis
 « *Kentensibus*, gratanter excipitur, ubi regina uxor
 « regis *Stephani* repugnabat. Inde *Londoniam* venit
 « de statu regni tractatura, ubi ab universis *Londoni-
 « ensibus* est honorata supra modum. Interpellata est
 « à regina *Angliæ* regis *Stephani* uxore, ut rex ex-
 « solvi posset, ea conditione, quod regno imperatrici
 « reddito rex posset alicubi monachari, aut perpetuo
 « peregrinari. Sed hoc non exaudivit. Interpel-
 « lata est etiam à civibus *Londoniensibus*, ut liceret eis
 « uti legibus sancti *Edwardi*, & non legibus patris
 « sui *Henrici*, quia graves erant, sed illa non acqui-
 « evit. Inde populus commotus, illam capere statuit.
 « Quod illa comperiens, dimissa omni suppellectili sua
 « *Oxoniam* fugit, ubi dispersos milites suos expecta-
 « vit; & sic muliebri languore irritata regem vinculum
 « strictius custodiri, & in compedibus poni iussit.
 « Deinde post aliquot dies cum *David* rege *Scotto-
 « rum* avunculo suo, & *Roberto* Comite *Glovernie*
 « fratre suo viribus adductis *Wyntoniam* tendit, tur-
 « rim episcopi, ubi frater regis erat, acriter obsedit,
 « unde ipse episcopus *Wyntonia* frater regis, pro re-
 « gina *Angliæ* & universis fere terræ proceribus des-
 « tinavit; qui cum festinatione venientes, cotidie sed

non congressibus acierum sed circumcicionibus milita-
 « rium amfractuum dimicabant; erat enim uterque
 « exercitus magnus. Tandem venientibus *Londoni-
 « ensibus*, & sic illis qui contra imperatricem pugna-
 « bant numerose auctis, imperatrix ita timore resc-
 « luta est, ut in feretro posita acsi cadaver esset, equis
 « deferentibus ad urbem *Glovernie* sic delata fugere
 « compellitur, pluribus ex suis ibi captis. Captus est
 « etiam & incarceratus dictus *Robertus* frater impe-
 « ratricis, sub cujus custodia rex captivus tenebatur.
 « Igitur satagentibus regina, pro rege, & imperatrice
 « pro comite fratre suo, multis hinc inde procuran-
 « tibus, talis liberatio providetur, ut rex suo restitua-
 « tur regno, & comes suo dominio, & ambo deinceps
 « forent regni moderatores, sicut prius extiterant tur-
 « batores, sed comite id renuente, per totum annum
 « regnum subjacuit divitum venditionibus, cædibus
 « & rapinis. Tandem circa exaltationem sanctæ Cru-
 « cis perseverantibus inimicitis, commutatio regis &
 « comitis facta est, & uterque pro altero redditus est;
 « qui cum immenso gaudio à suis recipiuntur.

Septimo anno regni sui fecit rex *Stephanus* con-
 « strui castrum quoddam apud *Wyntoniam*, ubi sub-
 « ito hostes sui supervenientes, facta congressione mu-
 « tua regem in fugam compulerunt, multis de exer-
 « citu suo captis. Iratusque rex valde, iterum exer-
 « citum suum multiplicavit, & viribus reassumptis
 « imperatricem in urbe *Oxonia* à festo sancti *Michae-
 « lis* usque ad natale Domini obsedit, cuncta extrin-
 « secus devastando. Et parum ante natale Domini
 « nive & gelu fortiter supervenientibus, imperatrix
 « invalescente tandem inedia, per *Thamesiam* conge-
 « latam fugit, & usq; *Walyngford* evasit albis vesti-
 « bus induta, nam oculi obsidentium per albam ve-
 « stem & nivis reverberationem delusi erant. Et sic
 « urbs *Oxonia* post ejus recessum regi reddita est.
 « Postmodum *Radulphus* Comes *Cestria* & *Hugo*
 « *Bigod*, auxilio *Roberti* Comitis *Gloucestræ* suffulti,
 « regem ipsam imperatricem apud *Walyngford* ob-
 « sidere volentem, in tantum ubique per hostiles ag-
 « gressus perturbarunt, quod suam perficere non po-
 « terat voluntatem. Rex vero tunc *Wyltoniam* pro-
 « fectus, castrum ibidem firmare optavit. Sed *Robe-
 « rtus* Comes *Glovernie* cum ingenti posse superv-
 « niens, rege cum magna difficultate evaso, *Williel-
 « mum* *Martel* ibidem cepit, pro cujus liberatione
 « rex castellum de *Schirbourne* quod ante ceperat
 « eidem Comiti reddidit. Imperatrix vero usque ad
 « pubertatem filii sui *Henrici*, semper regi *Stephano*
 « repugnavit. Circa hæc tempora quidam magister
 « *Arnaldus* prædicavit *Roma* contra divites & contra
 « superfluitatem hominum, qua de causâ multi se-
 « quebantur eum; tandem captus est, & in odium
 « clericorum suspensus. Eodem tempore obiit *Johan-
 « nes de Temporibus* qui CCC. lxj. annis vixerat, &
 « erat armiger magni *Karoli*.

Anno regis *Stephani* octavo, *Rogerus Wyntoni-
 « ensis* episcopus legatus papæ Concilium *Londonia*
 « rege ibidem præsentem tenuit generale. Et quia cle-
 « ricis terræ nullus honor ferebatur, eo quod clerici
 « sicut laici capiebantur & redimebantur, idem lega-
 « tus in eodem statuit & decretum canonis innoda-
 « vit, ne aliquis qui violentas manus clerico ingesse-
 « rit, ab alio possit absolvi quam à papa & in præsen-
 « cia sua. Eodem anno obiit *Innocentius* 2. natione
 « Romanus de regione *Transiberini*, cui successit
 « *Celestinus* 2. natione Tuscus de *Castro Felicis*,
 « sedens

sedens mensibus quinque, diebus xiiij. Eodem anno Comes *Galfridus* de *Mandavilla* à rege captus, pro restitutione turris *Londoniensis* & castelli de *Walde* postea liberatur, qui possessionibus carens, cum adhuc magnam haberet familiam, confestim abbathiam sancti *Benedicti* de *Ramesey* invasit, & monachis expulsis raptores immisit, & sanctum monasterium speluncam fecit latronum. Regem insuper in multis vexavit, eo quod strenuissime militavit, & quasi per unum annum in suis rapinis effulsit omnibus gloriosus. Mense quoque Augusti cum inter acies suorum ad prædam processisset, à quodam pedite vilissimo solus sagitta percussus interiit, & excommunicatus obiit. Simile quoque scelus exercuerat in ecclesia *Coventrensi* quidam perversus *Robertus Marmion*, vir strenuus & bellicosus, qui inter suorum cuneos coram ipso monasterio solus interfectus est, & excommunicatus obiit.

Dum autem ecclesia illa pro castello teneretur, à parietibus ecclesiæ & claustris adjacentis, sanguis multis videntibus ebullivit; & hoc *Henricus de Hunyngdon* in suis testatur Cronicis se vidisse. Quia igitur improbi illi Deum quasi dormire dicebant, excitatus est Deus in hoc signo & in significato. Princeps namque peditum prædicti Comitis *Galfridi* de *Mandavilla* nomine *Reynerus*, cujus officium fuerat ecclesias frangere vel incendere, dum post mortem domini sui cum uxore sua & præda multa mare transiret, et in alto mari esset, digitus Dei affuit mox ibidem: navis enim in qua vehebatur immobilis facta est, et quasi cemento infixa stetit. Quod monstrum videntes nautæ fortiter timuerunt, et forte data causam rei inquirunt. Ceciditque fors super *Reynerum*, quo contradicente, iterum secundo et tercio fors applicata devenit in eum, positusque est in scapha cum uxore sua et pecunia scelerissime acquisita; et statim ut prius, cursu velocissimo sulcat pelagus ipsa navis, scapha vero cum illis iniquis subita voragine circumdata, protinus est absorpta. *Celestinus* papa obiit, cui successit *Lucius* 2. natione Bononiensis, sedens mensibus undecim, diebus iij.

Stephanus rex anno regni sui nono *Lincolniæ* obsedit, Comite *Cestria* castrum cum villa tenente, ubi rex cum munitionem contra castrum construere vellet, & multos operarios ibidem haberet, egressi sunt latenter hostes & omnia diruperunt, præfocatis ibidem de operariis regis circiter octoginta. Rex vero in hoc confusus, ad alia continuo discessit loca. *Lucio* papa mortuo, *Eugenius* tercius natione *Pilanus* sibi successit, sedens papa annis octo, mensibus quatuor, diebus viginti. Hic cum primum esset discipulus beati *Barnardi*, & postmodum abbas sancti *Anastacii* juxta *Romam*, ex insperato ad ecclesiam sancti *Casarii* veniens, à cardinalibus est lectus. Sed propter metum senatorum qui contra voluntatem prædecessoris sui à populo fuerant electi, extra urbem ad *Farsense* monasterium vocatus, ibidem à cardinalibus consecratur, quem cum ante simplex fuerat Deus miserabili gratia & eloquentia perdidit; ad quem etiam sanctus *Barnardus* abbas ripit liberos de Consideratione.

Rex *Stephanus* anno regni sui x^o. cum exercitu *Londoniensem* & magno posse castrum de *Farenham*, quod *Robertus* Comes & omnes regis inimici idem fortissime ædificare cœperant, obsedit; qui

demum post multam hinc inde sanguinis effusionem omnes illac fugavit, & castrum cum difficultate maxima cepit. Eodem anno *Alexander Lincolniensis* episcopus ecclesiam *Lincolniæ*, quæ combustionem deturpata fuerat, ut pulchrior appareret quam antea, muro artificiose reformavit.

Rex *Stephanus* anno regni sui xj. castrum de *Walynghford* construxit, ubi *Ranulphus* consul *Cestrie* cum militum copiis adveniens, cum rege concordatur. Sed cito post apud *Northampton* ad regem pacifice veniens, & nichil sibi metuens, dolose ibi captus est & in carcere trusus, donec castrum *Lincolniæ* quod antea ceperat & cætera ditionis suæ castra regi restituerat; Quibus redditis, mox ipse suis liberatus est, & in posterum effectus inmanissimus regis hostis. Interim *Wallenses* provinciam *Cestrensem* vastaverunt, sed apud *Wicum Malbanum* intercepti sunt. Eodem anno omnipotens Deus Christianorum spiritum suscitavit. Rex quidem *Francia* *Lodowicus* ad instanciam *Eugenii* papæ in *Galliam* venientis, & *Remis* Concilium celebrantis, & prædicatione beati *Barnardi* à dicto Papa cruce signatus, cum Comite *Flandrensi* & Comite de *sancto Egidio* & multis *Anglicis* cruce signatis *Ierosolimam* profectus est. *Conradus* etiam imperator dux *Bavariæ* qui *Lothario* quarto successit, super *Theutonicos* & *Romanos* xv. annis imperans in *Frankeworth*, à beato *Bernardo* tempore dicti *Eugenii* papæ, cum multis aliis principibus crucis caractere est insignitus. Qui cum innumerable multitudinem peregrinantium iter aggressus, *Iconium* pervenit. Cui *Lodowicus* rex *Francorum* cum multa milicia per *Hungariam* descendens, ibidem advenit; Qui viam terræ magis quam maris eligentes, per imperatorem *Constantinopolitanum*, qui eos postea prodidit & seduxit, cum utroque exercitu transierunt. Et quia cum summa superbia incedebant, ideo in nichilum redacti sunt, quia Deus cuncta prospiciens eos sprexit. In hiis quidem exercitibus contra castrensem disciplinam jam tot mala increverant, ut mirum non sit quod eis tanquam pollutis & immundis favor nequaquam divinus arripserit. Castra enim à castracione luxuriæ dicuntur, at castra nostra casta non erant, in quibus utique quadam infelici licentia libidines multorum spumabant, præsumentes etiam de multitudine & armorum copia carnem brachium suum & non Deum posuerunt pro quo æmulati videbantur; declaratumque est in eis, quod Deus superbis resistit, & humilibus dat gratiam & juvamen. Fame namque primo consternati in se perierunt, postea vero prodicione imperatoris *Constantinopolitani* ferro hostiliter defecerunt; nec immundis castigandis & superbis reprimendis iræ defuere cœlestes, cum intempestivorum imbrium inundatio effusa plus de exercitu nostro minuit quam hostilis gladius devoravit. Multi etiam gustata farina per dolum *Græcorum* calce mixta defuncti sunt. Imperator tamen & rex *Francia* cum paucis evadentes, prius *Antiochiæ*, postea *Ierosolimam* ignominiose pervenerunt. Quidam tamen volunt quod ad terram sanctam pervenientes, multa bella gloriose & strenue gesserunt. *Conradus* vero imperator secundum quoddam cum paucis vix de terra sancta rediens moritur, qui licet xv. annis regnasset, benedictionem tamen imperialem à papa non habuit. Rex vero *Lodowicus* causa orationis ut peregrinus in *Ierosalem* aliquan-

tulum manens, in anno sequenti ad propria rediit & pervenit. Et cum ex diutina continentia & coitus defectu, prout medici dicebant, agritudinem in redeundo incurreret, per medicos & praelatos suatum sibi erat, ut ob nimiam distanciam reginæ, puella aliqua uteretur, qui respondit, *Malo mori castus quam vivere adulter*, & sic totum Deo committens se cito convaluit. Dum autem clericus quidam privilegium papale ei attulisset, quod in omni cathedrali ecclesia regni sui primam vacaturam haberet cum fructibus medio tempore provenientibus, ille statim literas combussit, dicens, Se malle tales literas comburere quam animam suam in inferno torqueri. At cum idem princeps qualibet sexta feria in pane & aqua jejunaret, suatum est illi hoc jejunium dimittere, & centum pauperes tali die reficere. Qui respondit, Bene volumus quod tali die tot pauperes vel plures pascantur, sed jejunium nostrum solvere nolumus, nam absque eo quod animæ confert, corpori tamen plurimum prodest; tot enim superflua per totam septimanam corpori ingerimus, quod purgatio & quies unius diei multum valet, tam ad pellendum superfluum quam ad provocandum appetitum. Mortuo isto *Lodovico* metricus quidam stilo compendioso tale epitaphium rhetorico scemate ordinatum scripsit, & tanquam ad filium suum *Philippum* apostrophans, patrem sepultum ostendens ait,

*Hunc superes tu qui super es successor honoris,
Degener es si degeneres à laude prioris.*

In supradicta etiam peregrinatione quidam navalis exercitus non potentium virorum nec magno duci nisi omnipotenti Deo innixi, non superbe quidem ibidem sicut prædicti *Conradus* & *Lodovicus* sed humiliter profecti sunt, probitatem magnam ideo exercentes. Civitatem namque famosam in *Hispania* quæ vocatur *Ulixis bona*, & aliam quæ vocatur *Almaria* & regiones adjacentes pauci optinuerunt contra plures. Erat enim Deus adiutor eorum fortis, & ideo nullus eis resistere poterat, & magna pars eorum erat de animosa gente *Anglorum*. Circa hæc tempora obiit magister *Hugo de sancto Victore* Monachus & Prior sancti *Victoris* juxta *Parisi*, literis & religione summus. De quo ferunt quod cum in extrema infirmitate laboraret, & nullum cibum retinere posset, corpus tamen dominicum sibi dari instanter postulavit. Fratres vero ejusurbationem sedare volentes, simplicem oblatam non consecratam attulerunt. Quod ille in spiritu comperiens ait, Deus misereatur vestri fratres, cur mihi illudere voluistis? Iste non est Dominus meus; mox illi eucharistiam consecratam attulerunt; quod ille videns sed retinere non valens, erectis manibus ait, Ascendat filius ad Patrem & spiritus ad Deum qui creavit illum, & statim exspiravit; & corpus Domini disparuit. Volunt tamen alii, quod cum iste *Hugo* propter jugem vomitum non posset retinere eucharistiam, & hæc de causa fratres sui verum sacramentum ei afferre noluisent, rogavit eos, ut saltem super latus ejus sacramentum ponerent; quo facto, latus infirmi se aperuit, & hostia corpori se immerfit. Iste *Hugo* dum vixit multa egregia opuscula dictavit, utpote de Sacramentis. De Archa *Noe*. De Institutione Noviciorum. De vita Animæ. De studio Sapientiæ qui inticulatur *Didascalicon*, & de laude Crucis. Hiis temporibus floruit *Ricardus de sancto Victore*.

Eodem tempore fuit in *Alemannia* *Hildegavis* monialis famosa, quæ in *Pingria* super *Rennum* requiescit. Circa idem tempus translatus est liber *Johannis Damasceni* in Latinum. Tam valida erat glacies quod *Thamesia* cum equo potuit pertransiri. Hoc anno magister *Gratianus de Tuscia* natus, monachus sancti *Proculi* in *Bononia*, compilavit Decreta sicut dicit *Hugo* 2. q. 6. forma. Ejus frater germanus magister *Peirus Lombardus* episcopus *Parisiensis* compilavit quatuor libros *Sententiarum*, psalterium quoque & *Pauli* epistolas glosavit.

Rex *Stephanus* anno regni sui duodecimo apud *Lincolniam* in nativitate Domini coronatus est, quod nulli regum contigerat. Post cujus discessum Comes *Cestrie* ibidem venit, ut civitatem cum militaribus copiis insultaret; & dum eandem usque ad ingressum expugnasset, contigit ut dux exercitus sui in introitu portæ boralis percussus occubuit, & pluribus interfectis, ipse consul retrocedere compulsus est. Cives igitur victoriosi virgini virginum eorum protectrici laudes insigniter & gratias exolverunt. Hiis temporibus dum talia sæpius gererentur, *Anglia* multis malis faucibus tabescebat. Nam tunc impotens rex & languida etiam lex erat, & unusquisque quod sibi rectum vel malum videbatur pro suo libito faciebat. Et quia omne regnum in se divisum citius desolabitur, regnum *Anglia* divisum est & scissum quasi in duo; quidam enim favebant regi, & quidam imperatrici, quos uterque ne discederent blandis sermonibus demulcebat. Sane inter partes diu certatum est fortuna alternante. Sed tunc quodammodo remissiores motus esse cœperunt, quod tamen *Anglia* in bonum non cessit, eo quod tot erant reges in *Anglia* quot erant domini castellorum, singuli proprium numisma habentes, & more regio subditos judicantes. Et quia magnates terræ sic adinvicem excellere satagebant, eo quod nullus in alterum haberet imperium, mox inter se discipantes, rapinis & incendiis clarissimas regiones in tantum corruerunt, quod totum fere deperit robur panis.

Aquilonalis tamen regio, quæ in potestatem *David* regis *Scottorum* usque ad flumen de *Theyse* cesserat, per ejusdem regis *David* industriam in pace agebat. Ad quem quidem *David* regem *Henricus* filius imperatricis rex *Angliæ* futurus à matre missus jam pubes accessit; à quo ut jam in hostes sibi rebelles strenue militaret, cingulum militare accepit. Qui cingulo miliciæ decoratus, ad patrem transfretavit, eratque tunc temporis gloriæ militaris existens non tepidus amulator. Post autem annos aliquot *Galfrido* patre suo in fata decedente, paterni juris plenitudinem, *Andegavensis* scilicet & *Cenomanensis* comitatum, & materni juris portionem, scilicet *Normanniam* recepit. Patri itaque succedens & matrem potencialiter excedens, quocumque se diverteat industris & strenuus ac omnibus invidentibus formidabilis apparebat. Cumque in transmarinis partibus omnia jam sibi essent quietæ, regno *Angliæ*, quod sibi materno jure competeat, ulterius noluit defraudari. Et licet regem *Francorum* timebat, eo quod rex *Stephanus* affinitate sua gaudebat, *Normanniam* tamen bene munitam & sufficienter ordinatam in pace reliquit, & in *Angliam* veniens, non amplius quam Cxl. equites & tria milia peditum secum duxit. Sed adventu ejus cognito, omnes mox ad eum, qui matri ejus ab initio favebant, ferventibus animis convolarunt.

Auctus igitur ingentibus copiis, munitionem *Malmesberiensem*, ubi regis *Stephani* præsidium erat, confestim obsedit. Quo rex *Stephanus* cum filio suo *Eustacio* acerimo juvene citius adveniens, hostem ad prælium convocavit. Sed ille in castris se continens, eo quod manum impari saltim pro tempore belli habere videretur, consulte periculum declinavit. Rex vero cum neque hostem comode posset impetere, in prolixiores exubias contra castra ex tuto agere ociose recessit, & munitio obsessa in potestate obsidentis remansit. Augebatur quoque miliciæ suæ numerus favoribus sociorum, concurrentibusque ad eum optimatibus multis, qui Regi *Stephano* defecerant. Ita ut jam incrementis virium & felicitate successuum ducis gloria regis nomen obumbraret, *Stanfordiam* cum exercitu instructo properavit. Qua celeriter expugnata & capta, munitionem etiam post paucos dies optinuit. Indeque se divertens, super *Potpyngham* irruit. Qua mox expugnata & opibus vacuata, circa castrum ibi obsidendum, quod natura loci inexpugnabile videbatur, operam inanem dare noluit, & ideo illud omittens, ad alia negotia inde conversus fortunâ arridente in omnibus est prosperatus.

Dum hæc sub eventu pendulo inter regem & ducem altercatio traheretur, *Eustacius* ejusdem regis filius in matura morte decessit, magnam seminandæ pacis occasionem causa sui de medio ablatis relinquens; nam eo superstite partes uniri non poterant, tum propter juvenilem ejus acrimoniam, tum propter regis *Franciæ* fiduciam quam ex affinitate contraxerat, eo quod sororem suam in uxorem duxerat. Utriusque autem pacis impedimento per unius hominis mortem sublato, confestim viri pacifici de pace suadenda & formanda cœperunt propensius cogitare. Exulceratus autem rex in morte filii sui, qui sibi succedere sperabatur, vocem suadentium pacem solito patientius audiebat. Dux autem prudentum consiliis inclinatus, ut honesto & solido fœderi ambiguos casus postponeret, gratanter acquievit. Placuit igitur inter eos solempne & salubre concilium & colloquium celebrari, ubi interveniente viro venerabili *Cantuariensi* archiepiscopo *Theobaldo*, & aliis terræ nobilibus & amicis mediantibus, & circa bonum publicum pia & prudenti provisione satagentibus, pax inter eos caute formata & solide firmata est. Decretumque est ut *Stephanus* de cætero tanquam princeps legitimus in *Anglia* integre cum gloria & honore regnaret; *Henricus* vero tanquam hæres legitimus sibi in regno succederet. Hanc pacis formam tanquam utilem & honestam uterque princeps amplexatus est, & rex quidem in filium optans ducem, ipsum successorem suum solempniter declaravit. Dux vero regem tanquam patrem & dominum in conspectu omnium honoravit. *Willielmus* autem junior regis filius, jubente patre, homagium duci fecit. Quibus Deo propicio solempniter actis, rex tunc quasi primo justè *Angliam* & *Anglia* pacem recepit. Super qua pace & concordia cum omnibus punctis in eadem contentis rex Cartam in hæc verba fecit.

Stephanus rex *Angliæ* Archiepiscopis, Episcopis, Abbatibus, Comitibus, Justiciariis, Vicecomitibus, Baronibus, & omnibus fidelibus suis *Angliæ* salutem. Sciatis quod ego rex *Stephanus* *Henricum* ducem *Normanniæ* post me successorem regni *Angliæ* & hæredem meum jure hæreditario constitui, & sic

ei & hæredibus suis regnum *Angliæ* donavi & confirmavi. Dux vero propter hunc honorem & donationem et confirmationem sibi à me factam, homagium michi et sacramento securitatem fecit, scilicet quod fidelis michi erit et vitam et honorem meum pro suo posse custodiet per conventiones inter nos prælocutas, quæ in hac Carta continentur. Ego etiam securitatem sacramento Duci feci, quod vitam & honorem ei pro posse meo custodiam, & sicut filium & hæredem meum in omnibus in quibus potero eum manutenebo & custodiam contra omnes quos potero. *Willielmus* autem filius meus homagium & securitatem duci *Normanniæ* fecit, & dux ei concessit ad tenendum de se omnes terras quas ego tenui antequam regnum *Angliæ* adeptus essem sive in *Angliæ* sive in *Normanniæ*, sive in aliis locis, & quicquid cum filia *Warenniæ* Comitissæ accepit sive in *Angliæ* sive in *Normanniæ*, & quicquid ad honores illos pertinet, & de omnibus terris, villis & burgis & redditibus quos dux in dominio suo inde nunc habet, & nominatim de illis quæ pertinent ad honorem Comitissæ *Warenniæ* *Willielmum* filium meum & homines illius qui de honore illo sunt plenarie satisfacti, & nominatim de castello de *Belencumbre* & castro *Mortui maris*; Ita scilicet, quod *Reginaldus* de *Warenniæ* castrum de *Belencumbre*, & castrum *Mortui maris* custodiet si voluerit & dabit inde duci obfides: Si vero noluerit, alii de legitimis hominibus Comitissæ *Warenniæ*, quos dux voluerit similiter per salvos obfides & salvam custodiam eadem castra custodient. Alia vero castra quæ pertinent ad comitatum *Moretoniæ* dux ei reddet ad voluntatem meam cum poterit per salvam custodiam & per salvos obfides; ita quod omnes obfides reddantur filio meo quiete quando dux regnum *Angliæ* habebit. Incrementum etiam quod ego *Willielmo* filio meo dedi, ipse dux ei concessit, castra scilicet & villas de *Norwico* cum septingentis libratis terræ, ita quod redditus de *Norwico* infra illas septingentas libras computetur; Et totum comitatum de *Northfolc* præter illa quæ pertinent ad ecclesias & Prælatos & Abbates & Comites, & nominatim præter iij. denarium, unde *Hugo Bygotus* est Comes; salva & reservata in omnibus regali justitia. Item ad roborem gratiam meam & dilectionem dedit ei dux & concessit omnia quæ *Richerus* de *Aquila* habebat de honore *Pevenesselli*, & præter hæc castra & villas *Pevenesselli* et servitium *Fardmæss*, præter castra et villas de *Doure*, et quod ad honorem de *Doure* pertinet ecclesiam de *Fauresham* cum pertinentiis suis dux confirmavit, et alia aliis ecclesiis à me data vel reddita consilio sanctæ ecclesiæ et meo confirmabit. Comites et Barones Ducis qui homines mei nunquam fuerunt, pro honore quem domino suo fecerunt homagium et sacramento michi fecerunt, salvis conventionibus inter me et ducem factis. Ceteri vero qui antea homagium michi fecerant, fidelitatem michi fecerunt sicut domino. Et si dux à præmissis recederit, omnino à servicio ejus ipsi cessarent quousque errata corrigeret. Filius meus etiam secundum consilium sanctæ ecclesiæ se inde contineret si dux à prædictis recederet. Comites etiam et Barones mei ligium homagium duci fecerunt salva mea fidelitate quamdiu vixero et regnum tenero. Simili lege quod si ego à prædictis recederem, omnino à servicio meo cessarent quousque errata corrigerem. Cives etiam civitatum et homines ca-

strorum

bilitatis turpitudinem teneræ medullæ prælibarent, moralis pædagogi pedibus est additus, & cum literarum laurea rethoreret, liberalibus imbuitur disciplinis. Hiis & aliis divinæ gratiæ donis pensatis, Thesaurarius ecclesiæ *Eboracensis* est effectus, proprias opes intra manus postulantium opem transire coegit, nullum thesaurum preciosiorem putans quam patientibus penuriam subvenire. Inter hæc archipræfule *Eboracensis* ecclesiæ *Thurstino* in fata decedente, Canonici singuli *Willielmum* præferunt tam pro honestate morum quam excellentia meritorum, sed livor edax & impetuusus amor dominandi, quemdam ejusdem ecclesiæ archilevitam adeo traxerat in regionem dissimilitudinis, ut inter eligentes excitavit discidium à saniori parte impediens electum, licet de ejus electione clerus & plebs laudum præconia acclamassent. Suspenditur igitur causa ad examen sedis apostolicæ provocata. Summus pastor *Eugenius Cisterciensis* ordinis non vicio personæ sed pro voluntatis arbitrio quod in lege optinuit, electionem ejus cassavit, & zelo prout præsumitur pio, *Henricum Murdak* ejusdem ordinis monachum in pastorem *Eboracensis* ecclesiæ ordinavit.

Willielmus vero patientiam habuit pro solacio, bifformes eventus constancia superans uniformi, ut de eo dici posset, Sicut tenebræ ejus ita & lumen ejus. Vir Dei *Willielmus* ad *Henricum Wintoniensem* episcopum patrium suum accessit, qui ei mansionum suarum optulit optionem, universam volens clientelam ad ejus obsequia inclinare. Sed Dei electus tanta refutans, in quodam manerio dicti præsulis mansit in solitudine, ibidem cupiens pœnitentiam gerere commissorum, & ultrices pœnas flammarum libertate restringere lacrimarum. Post hæc mors, ad cujus sententiam dives & pauper ad paria judicantur, in uno eodemque ut fertur die papæ *Eugenio* & archipræfule suo *Henrico* vitam violenter abruptit. Cardinalis vero ille, qui prius electionis suæ præcipuus defensor extiterat, felicibus auspiciis elevatus, culmen ascendit apostolicæ dignitatis. Venerabilis autem papa *Anastacius* iv. de prædecessoris sui sententia dolens, suam erga Dei electum sententiam non mutavit, sed tanquam veritatis zelator Canonici *Eboracensis* ecclesiæ pro majori & digniori parte ipsum iterum eligentibus, electionem confirmavit, & eidem summo cum honore consecrationis munus impendit. Accepta ergo cum tanto beneficio papalis benedictionis gratia, *Willielmus* cœpit ad *Angliam* remeare, & ubicumque locorum transitum faciebat, castimonia ac puritate & divinæ conversationis gloria laudabiliter fulgebat. Cum autem civitatem *Eboracensem* intraret, & pontem post patrem effrenata filiorum multitudo populorum transire veller, ponderositate rupta est lignei pontis compago. Itaque quod horrendum est visu & stupendum relatu, multitudines virorum ac mulierum & præcipue infantium catervatim inter rapida fluvii fluentia ceciderunt, ubi profunda fluminis habebatur altitudo, mixtis hominibus equis phaleratis. Conversus vir Dei ad populum insanis undis undique involutum, salutifero signo crucis eos insignivit, & resolutus in fletum orationes Deo optulit, ne profunda absorberet eos aqua. Quod & factum est, ita quod nec anima una periclitavit.

Postmodum vero sancto *Willielmo* in domino quiescente, *Stephanus* rex de provisione *Eboracensis* ecclesiæ tunc pastore carentis in Concilio *Londonia*

ut prædicitur celebrato, tractavit. Evocati igitur majores ejusdem ecclesiæ cum Abbatibus & Prioribus subiectæ provinciæ, decreto in *Rogerm Cantuariensem* archidiaconum facto, ipsum à suo archiepiscopo cujus hastucia omne negotium electionis illius præcesserat, Rege annuente in suum archiepiscopum petierunt. Quem cum facile à volente impetrassent, preces statim alias injecerunt; scilicet, ut eum non tanquam *Cantuariensis* archiepiscopus sed sedis legatus apostolicæ consecraret. Hoc etiam à volente non difficiliter impetrato, idem electus in ecclesia beati *Petri* apud *Westmonasterium* consecratur. Soluta namque Concilio ad ecclesiam properavit, & rebus pro tempore dispositis ad sedem apostolicam gratia pallii petendi in propria persona iter arripuit.

Anastacius iv. natione Romanus post *Eugenium* sedit papa anno uno, mensibus iv. diebus xxiv. & cessit diebus viginti. Hoc quidem anno obiit sanctus *Barnardus* Abbas *Clarevallensis* qui in *Burgundia* castro Fontanis oriundus filius strenui militis, materno primum lacte, deinde cibus grossioribus fuerat nutritus. Tandem sub anno gratiæ millesimo centesimo xij. à constitutione ordinis *Cistercii* xv. ætatisque suæ xxij. cum xxx. sociis *Cistercium* ingreditur. Post quantum conversationis suæ annum Abbas *Clarevallensis* efficitur, ubi supra humanam consuetudinem vigilans, nullum tempus dixit se magis perdere quam quando dormivit; sompnum morti comparans. Stertentes & incompote dormientes vix tollerabat. Ad cibum tanquam ad tormentum accessit, propter magnam abstinenciam, magnam ex parte ciborum discrecionem amiserat, Ita quidem ut oleum pro vino, sanguinem pro butiro aliquando sumeret; dixitque solam aquam sibi sapere; eo quod fauces suas refrigerabat. Quicquid de scripturis didicerat, maxime in silvis & in agris meditando & orando hauserat, nec alios se habuisse magistros quam quercus & fagos fatebatur. In vestibus ejus paupertas sed absque sordibus fuit; aiebat enim vestes fore animi indices aut negligentiæ aut inaniter gloriantis. Proverbium illud frequenter ore sed corde semper tenebat. *Qui facit quod nemo, mirantur omnes.* Novitiis Religionem intrare volentibus dicere consueverat, *Si ad ea quæ intus sunt festinatis, hic foris quæ de seculo attulistis corpora dimittite, soli spiritus ingrediantur: caro autem non prodest quicquam.* Quandocumque ad episcopandum invitabatur, Respondere solebat se suum non esse sed aliorum servicio deputatum; semper inveniebatur aut orans, aut legens, aut scribens, aut meditans, aut fratres suos verbo ædificans. Tandem sub anno gratiæ millesimo centesimo quinquagesimo tercio morti appropinquans, tria fratribus suis observanda reliquit, quæ & ipse pro modulo suo in vita sua observasse asseruit, dicens. Neminem scandalizare volui, sed ut scandalum surrexit sedavi ut potui. Minus sensui meo quam alieno judicio credidi. Læsus de lædente vindictam non repecii. *Barnardus* igitur multorum tractatum, potissime in hiis quæ de incarnatione Christi sunt, egregius conscriptor, multorumque miraculorum patrator, centum lx. monasteriorum constructor, in Domino obdormivit.

Hoc quoque anno post supradictum Concilium *Londonia* celebratum rex *Stephanus* in *Cancia* constitutus

tutus morbo incubuit. Quo ingravescente post paucos dies mense Octobris anno Domini M. Clij. & anno regni sui nonodecimo decessit, & apud **Fau-
restham** in *Cancia*, in monasterio quod ipse à fundamētis construxerat, sepelitur. Nuncium vero mortis dux *Normannia* **Henricus** mature accepit, qui tunc quoddam castrum quod ab eo detentum fuerat obsidebat. Cumque ab amicis moneretur ut relicta obsidione ad *Angliam* festinaret, ne quid contra eum veteres inimici molirentur: Ipse de jure suo & iusticia confidens, respondit, Illos nichil contra eum attemptare ausuros: & quamvis multum instarent, non tamen nisi obtento castro obsidionem solvere adquevit. Hoc quoque anno obiit **Ranulphus** secundus cognomento de *Gernoni* quartus post conquestum *Angliae* Comes *Cestriae*. Cui successit filius suus **Hugo** secundus, qui fuit in ducatu illo 29. annis & strenue multa egit. In diebus **Stephani** regis miles quidam **Owenus** nomine purgatorium sancti **Patricii** abbatis non episcopi in *Hibernia* intravit. Qui rediens in negociis *Ludensis* monasterii ordinis *Cisterciensis* mansit in *Hibernia*, & gaudia & pœnas quas viderat narravit; sicut in libro qui intulatur *Purgatorium Patricii* satis plane habetur. Tempore etiam istius regis **Stephani** anno regni sui nono, puer quidam **Willielmus** nomine, apud *Normicum* à Judæis crucifigitur. Tempore etiam istius regis **Stephani** circa annos Domini M. Cxvj. erat exordium ordinis *Præmonstracensis* in *Anglia* apud **Pethowus**, qui nuper tempore regis **Henrici** primi in *Landunensi* diocesi inceperat sub patre **Norberto** qui fuit *Coloniensis*. Unde versus,

Sub patre Norberto Præmonstrati viget ordo.

An. Dñi
1155.

Stephano siquidem rege, ut dictum est, defuncto, **Henricus** secundus filius imperatricis nepos **Henrici** primi ex filia sua imperatrice & **Galfrido Plantagenet** Comite *Andegaviae* progenitus, de *Normannia* in *Angliam* veniens, anno à partu virginis M. Clv. ab archiepiscopo *Cantuariensi* **Willielmo de Turbine** Priore sanctæ *Osthe*, qui **Radulpho de Turbine** primo *Roffensi* successit, vel secundum quosdam, à **Theobaldo** archiepiscopo *Cantuariensi primo abbate *Beccensi*, qui dicto archiepiscopo **Willielmo** successit, in regem *Angliae* consecratur, hæreditariumque regnum sine diminutione suscepit, congaudentibus & conclamantibus turbis *Vivat Rex*. De novo enim principum experta mala, meliora sperabant, præsertim cum magni jam principis in ipsis suis primordiis imaginem præferret. Denique edicto præcepit, ut illi qui ex gentibus exteris in *Anglia* sub rege **Stephano** prædarum gratia tanquam ad militandum confluerant, & maxime *Flandrenses*, quorum tunc in *Anglia* magna fuit multitudo, propriis regionibus redderentur, diem eis fatalem constituens si post illum diem quis in *Anglia* inveniretur. Quo edicto ita in brevi dilapsi sunt, ut quasi fantasma in momento disparuisse undique viderentur. Moxque castella nova, quæ in diebus avi sui nequaquam extiterant, præcepit citius complanari, paucis tamen exceptis quæ à viris pacificis constructa fuerant pro regni munitione voluit retineri.*

Publicæ quoque legis sollicitudinem in primis habuit, ut lex quæ extincta videbatur paulatim exurgeret; ordinatis in cunctis regni finibus juris &

legum ministris, qui improborum audaciam cohercerent, vel secundum causarum merita discernent, ipse in majoribus negociis operam regiam impendebat. Quociens vero à subditis contra iniquos iudices pulsabatur, mox remedium adhibebat, illorum negligentiam corrigens vel excessum. Talia novi principis fuere incicia, stupentibus improbis & congratulantibus viris pacificis & amicis. Cujus mores & actus, virtutes & vicia, **Giraldus Cambrensis** in suis distinctionibus describit, sic inquit, *Meticulosa plane res est in illum allegare qui potest relegare, illum multis verbis describere qui uno verbo potest proscribere. Gloriosum quippe foret & vires nostras prorsus excedens veritatem in singulis non suppressere, & in nullo principis animum exacerbare.* Erat nempe hic **Henricus** vir subrufus, amplo capite & pectore, oculis glaucis, voce quassa, corpore carnoso, cibo tamen & potu parcus, & ut pinguedinem reprimeret, corpus suum vexatione, venatione, stacione, & deambulatione vexabat. Statura mediocris, eloquens & literatus, in armata militia strenuus, in togata providus. In bellis ambigua fata formidans; humanior semper militi extincto quam superstiti, plus mortuos lugens quam vivos amans. Urgentibus incommotis nemo benignior, resumpta securitate nemo rigidior; acer in indomitos, clemens interdum in subactos. Durus in domesticos, profusus in extraneos; largus in publico, parcus in privato. Quem semel exosum aut dilectum haberet, vix ad contrarium flecteretur. Verbi spontaneus transgressor, morosus ad cuncta responso, quietis amator, sed nobilitatis oppressor, iusticiæ venditor & dilatator, fidei transgressor; verbo varius & versutus. Adulter publicus, ecclesiæ malleus, Deo semper ingratus, discordiam inter filios summo opere fovebat, solum sibi ex eorum discidio pacem sperans provenire. Si tamen excursuum suorum metæ quærantur, prius decent orbis quam aderit finis. Animoso quippe pectori cessare poterunt terræ, cessare nesciunt victoria, nec deerunt triumphi si materia triumphandi. In utraque militia, *Martis* scilicet & *Minervæ*, singulariter effulsit; terras quippe hæreditarias potenter pacificavit; *Hiberniam* potenti classe subjugavit, *Scotie* regnum capto rege **Willielmo**, suo regno adiciens, ab australi oceano usque ad borales *Orcadum* insulas quasi sub monarchia terras concludens, imperium suum egregie dilatavit; quod quidem post tempora *Julii Caesaris* nulli legitur contigisse.

In transmarinis partibus præter *Normanniam*, *Aquitanniam*, *Andegaviam*, & *Cenomanniam* quæ eum paternali jure contigerant, *Pictaviam* quoque & *Gasconiam* usque ad *Pireneos Hispania* montes quæ ei matrimonialiter obvenerant, *Alverniam* cum quibusdam aliis terris suo dominatui subegit. Solebat quoque inter confabulandum dicere, *Totum mundum uni potenti viro satis parum esse.* Reges *Hispania* ad discordias suas sedandas in hunc regem compromiserunt. Et quamvis in nonnullis ejus successibus cuncta quietis obstacula felici hominis auspicio, quasi exquisito fortunæ favore ad vota fuerant summota, nonnulla tamen quasi fato infauisto sibi contigerunt; ad ejus quidem humiliationem si tamen pœnitens fieret; sin autem obstinatus carne propria carnifex cruciaretur. Inprimis nempe *Alianoram Francorum* reginam domino suo *Lodovico*

Lodowico indebite subtraxit, sibi que de facto cum de jure non posset copulavit; de qua pater suus *Galfridus* eum prohibuerat ne eam tangeret, pro eo quod dum senescallus regis *Francia* fuerat, eam cognovisset. Ex ea tamen *Henricus* iste tres filias & sex inclitos filios suscitavit; quarum primam *Matildam* duci *Saxonia*; secundam *Alianoram* regi *Hispania*; tertiam *Johannam Willielmo* regi *Sicilia* copulavit. Duobus quoque filiis suis premature sullatis, in reliquis quatuor usque ad mortem meruit perturbari. Ac cum xxv. annis pene regnavit, sex lustra data sunt ei ad mundanam gloriam, ad conversionis tolleranciam, ad devotionis experienciam, septimum vero lustrum tanquam reprobo & ingrato inflatum est ad vindictam. Secundo namque septimi lustri anno evanuit conatus ejus quem circa *Johannis* filii sui in *Hiberniam* missionem paravit. Tertio anno, qui nunquam prius quicquam amiserat, jam *Alverniam* contra regem *Francia* perdidit: quarto anno *Bituricam*: quinto urbes *Cenomannicam* & *Turonensem*, cum castellis multis, & seipsum

Consueverat quoque rex iste religiosos episcopos ad colloquia sua etiam in transmarinis partibus & in Martii negotiis secum circumducere, & eorum magis quam militum consiliis uti. Quod & fecit duplici de causa: Primo, ut curia sua adventantibus legatis venerabilior appareret. Secundo, quia prius semper temptabat pacem quam arma; idcirco tales cum adjectione pecuniarum suos fecit mediatores. Verum quia ecclesiasticas dignitates aliquando indignis contulerat, ut famam suam quodammodo redimeret, *Baldwinum Cisterciensis* ordinis monachum ad *Cantuariensem* sedem, & *Hugonem Cartusienensis* ordinis Priorem ad sedem *Lincolniensem* promovit. Ut autem lector quisquam tam hujus regis quam filiorum suorum infastos exitus minus obstupeat, consideretur origo hujus regis ex parte utriusque parentis, necnon & uxoris suae condicio de qua filios suscitavit. Comitissa namque quadam *Andegavia* de cujus sobole *Galfridus Plantagenest* processit, ob solam corporis speciem fuerat desponsata. Raro tamen ad ecclesiam accessit, sed & tunc vix usque ad sectera missae moram faciebat. Hoc dum à Comite marito suo notaretur, die quadam detenta est in ecclesia à quatuor militibus. At illa, rejecto pallio per quod tenebatur, relictis ibidem duobus filiis suis quos sub dextro angulo pallii tunc fovebat, cum reliquis duobus filiis quos ad sinistram tenebat, per fenestram ecclesiae cunctis intuentibus evolavit nec usquam comparuit.

Istud postmodum *Ricardus* rex *Angliae* refert solebat, asserens, non esse mirandum si de tali genere procedentes mutuo sese infestent, tanquam de diabolo venientes & ad diabolum transeuntes: unde & clericus quidam à rege *Henrico* ad filium suum Comitem *Britanniae Galfridum* pro pace reformatanda missus, hoc à filio audivit, "Utquid venisti exheredare me de jure meo nativo? Num ignoras hoc nobis naturaliter fore proprium & ab antiquis insertum, ut nullus nostrum alterum diligat. Noli ergo frustra laborare ut naturam expellas. Item mater hujus regis *Henrici* vivente priori marito, imperatore scilicet *Henrico* heremitice peregrinante, nupsit alteri scilicet *Galfrido Plantagenest* de quibus iste rex processit. De isto quoque rege *Henrico* quondam infantulo & in curia regis *Franciae*

corum nutrito, beatus *Bernardus* abbas rege praesente sic prophetavit, *De diabolo venit, & ad diabolum ibit*: notans per hoc tam tyrannidem patris sui *Galfridi* qui *Sagiensem* episcopum emuchaverat, quam etiam istius *Henrici* futuram atrocitatem qua in beatum *Thomam* delaviret. Ad hæc, *Galfridus* pater hujus regis illa *Elia* abusus fuerat, quam iste *Henricus* filius suus postmodum duxerat.

Pater etiam hujus *Elia* Comes *Pictavenfis* uxorem vicecomitis sui vi rapuit, & marito vivente in uxorem duxit. Quem dum quidam vir sanctus pro hac re increpasset, & minime profecisset, adjecit, dicens, *Nusquam proles de vobis veniens fructum faciet felicem*. Contigerat aliquando in camera hujus regis *Henrici Wintonia* multipliciter picturata, locum vacuum jussu regis relinqui, ubi rex postmodum aquilam cum quatuor pullis insidentibus depingi fecit, quorum tres ungibus & rostro parentem lacerabant, sed quartus paternis oculis erundis acius insistebat. Requisitus rex quid hoc portenderet, ait, Hii quatuor pulli filii mei sunt; qui me usque ad mortem persequi non cessabunt; sed potissime ille novissimus *Johannes* quem modo carius amplector, neci meae acius insudabit. Ille rex *Henricus* filius *Galfridi* Comitis *Andegaviae* & *Matildis* imperatricis, anno quo supra de *Normannia* in *Angliam* veniens, die sancti *Leodegarii* vel secundum quosdam xiv. kal. Januarii die Dominico apud *Westmonasterium* in regem *Angliae* ut praemittitur consecratur. Et iste *Henricus* dictus est *Henricus secundus*. Quo anno *Thomas Becket* de *Londonia Cantuariensis* archidiaconus factus est Regis Cancellarius.

Quomodo Dominica Regia redintegrantur.

Considerans autem rex quod regni redditus & Dominica per molliciem regis *Stephani* ad Dominos multos jam devenissent, praecipit ea cum omni integritate infra tempus certum à quibuscumque detentoribus resignari, & in jus statumque pristinum revocari. Quidam vero indies Cartas regis *Stephani* protulerunt. Quibus fuit à rege responsum, *Quod Carta invasoris praedictum legitimum principi minime facere deberent*. Primum ergo indignati, deinde territi & consternati agere quidem sed tamen integre usurpata omnia resignarunt. Cumque fere omnes regiae voluntati pervenissent, rex *Northumbranas* partes adiit, ubi *Willielmum* Comitem *Albemarlensem* & caeteros eadem auctoritate convenit. Ille vero diu haesitans multumque aestuans tandem corde saucius regia succubuit potestati, & quaecumque ex regio Dominico pluribus jam annis possiderat, cum dolore non minimo resignavit, maxime illud famosum & notabile castrum de *Scardeburch* quod idem Comes in *Eboracensi* provincia super rupis planiciem & turrini infantium augustius fabricavit, qua processu temporis collapsa, arcem magnam & praeclaram rex ibidem adificari praecipit. In eadem ergo provincia rebus ad votum gestis, rex ad superiora *Angliae* remeans, solum *Hugonem de Mortuo mari* virum fortem & nobilem rebellem invenit, castrum regium de *Wanggenorth* retinendo. Qui cum juberetur propriis esse contentus, & reddere quae de jure regio possidebat, pertinacissime renuit, & se ad resistendum modis

modis quibus potuit præparavit. Rex vero exercitu celeriter congregato, *Brigiam* obsedit, & post tempus modicum fortiter oppugnatam in deditionem recepit, & dicto Comiti cujus cor paulo ante quasi cor leonis fuerat humiliato & supplici, veniam largitus est.

Item recepit à rege *Scottorum Northumbriam*. Regi quoque *Scottorum* qui boriales *Anglia* regiones, scilicet *Northumbriam*, *Cumberlandiam* & *Westmerlandiam* nomine dictæ Imperatricis & hæredis ejus olim ad *David* regem *Scottorum* adquisitas, tanquam jus proprium possidebat, mandare curavit, regem *Anglia* non debere tanta regni sui parte fraudari, justumque est reddi quod fuit suo nomine adquisitum. Ille vero rex *Scocie* regem *Anglia* in hac parte prudenter prævalere considerans, prænominatos fines cum integritate restituit repetenti, & ab eo vicissim comitatum *Huntingdonia* prisco sibi jure competentem recepit. Eodem anno scilicet primo istius regis *Henrici Anastasii* ipapa successor *Engenii* obiit, cui successit *Nicholaus Anglicus*, & mutato nomine dictus est *Adrianus* iiij. qui sedit annis iiij. & cessavit sedes diebus xx. Hunc tradit fama vulgata nativum fuisse Abbatis sancti *Albani* in *Anglia*, & dum monachatum ibidem expostularet, repulsum fuisse: Qui tandem literis & moribus insistens, *Albanensis* episcopus primo factus est, deinde *Wormaciam* legatione fungens, provinciam illam convertit ad fidem; demum papa effectus, propter vulnerationem unius Cardinalis totam urbem *Romanam* supposuit interdicto, *Willielmum* regem *Sicilia* sibi rebellem excommunicavit, qui postea absolutus homagium domino papæ faciens, terram ab ipso suscepit. Hic primus omnium virorum Apostolicorum, ut dicitur, in urbe veteri cum Cardinalibus moram fecit. Circa idem tempus urbs *Ascalona* capitur à Christianis.

An. Dñi
1156. Anno domini M. Clvj. & regis *Henrici* 2^o. natus est *Henricus* filius ejus de *Elianora* regina apud *Lundon*. & idem rex antea filium nomine *Willielmum* genuerat qui in pueritia decessit. Et eodem anno rex *Scocie* & multi magnates *Anglia* obierunt. Mense Octobris apparuit signum Crucis in luna, & delata est manus sancti *Jacobi* Apostoli ad monasterium de *Redingis*.

1157. Anno domini M. Clvij. & regis *Henrici* tercio. *Matilda* filia ejus nata est apud *Lundon*. In pago *Parisiacensi* tunica Salvatoris nostri in monasterio *Argentilo* revelatione divina inventa est, inconfutillis & rufi coloris, quam, sicut literæ repertæ in ea indicant, gloriosa mater ejus sibi fecerat dum adhuc puer esset.

1158. Anno domini M. Clviij. & regis *Henrici* iiij^o. *Ricardus* filius ejus apud *Oxoniam* nascitur, cui postea ducatum *Aquitannie* dedit. Eodem anno rex *Henricus* exercitum in *Walliam* primo duxit. Nam non multis diebus prælapsis inter regem & gentem barbaram *Wallie* discordia orta est, unde rex imminens ex tota *Anglia* copiis congregatis regionem *Wallicorum*, qua facilior aditus videbatur, ingredi statuit & decrevit. Porro illi convenientes excubabant in terminis, & in planum progredi vel aperto bello cum loricatis levi congregi armatura, homines caute declinantes & in silvis delitescentes, viarum angustias observabant. Sane *Wallenses* reliquæ *Britonum* esse noscuntur, qui hujus insulæ quæ nunc *Anglia* dicitur, olim tamen *Britannia* dicebatur, in

colæ primi fuerunt, ejusdemque nationis & linguæ esse probantur cujus & *Britones* transmarini. Cum autem gens *Britonum* à supervenientibus *Anglis* populis exterminium pateretur, qui evadere potuerunt, in *Wallias* beneficio montium & silvarum tutas contra irruptionem, confugerunt, ubi usque in præsentem diem hæc natio perseverat. Rex autem fines hostium contra locorum malitiam luctando ingrediens, infausta negotii initia habuit. Pars enim exercitus per loca silvosa & humida incautus gradiens, hostibus intercepta pro magna parte perit, & duo nobiles cum multis aliis corruerunt. Quidam vero fugientes & regem qui in loco tuto persistebat, occubuisse credentes, advenientibus adhuc & properantibus ad pugnam ordinibus regem occubuisse nunciabant, unde magnam exercitus partem sinistri rumoris atrocitate attonitam, enormiter fugere compulerunt, ita ut signifer regius vexillo regis abjecto fugæ se dedit, & regem extinctum occurrentibus proclamaret. Ob quod delictum postea à quodam viro nobili, proditoris ejus dedecus publice opponente, regii vigore judicii duello adductus est, quem tamen judicio rex mortem subducens, apud *Redingis* monachum fecit vel fieri jussit, & fisco patrimonium ejus amplissimum applicatur. Cumque rex ocus advolans turbatum exercitum proprio aspectu exhillarasset, resumptis illico animis & viribus confusi ordines in ordinem conjecerunt, adversus hostiles insidias extunc se cautius instruantes. Cumque rex classem non modicam præparari jussisset, ut eos per mare invaderet, statim legati hostium venientes, pacifice locuti sunt, & traditis quibusdam finium suorum munitionibus, tandem regi suos Principes adduxerunt, illi cum sacramento homagium facientes. Pacis ergo sereno post belli nebulum gratius aridente, exercitus cum gaudio ad propria remeavit. Et rex in anno sequenti castrum de *Ruthelan* in *Wallia* firmavit, & monasterium de *Wasingwerk* fundavit.

40 Cum igitur sedatis *Wallensibus* *Anglia* in pace & securitate ageret, nunciatum est regi fratrem suum tumultuari in partibus transmarinis. Cujus causa fuit hæc. Comes *Andegaviensis* pater eorum cum tres haberet filios, *Henricum*, *Gaufredum* & *Willielmum*, ad extrema veniens, medio filiorum scilicet dicto *Gaufredo*, comitatum *Andegavia* testamento reliquit, sic dicens inter cætera testamenti sui verba. Cum *Henricus* plenitudinem juris materni, i. Normanniam cum *Anglia* habuerit, fratri *Gaufrido* tunc patrimonium integre dimittat. Interim vero dictus *Gaufridus* tribus castellis, scilicet *Schynoe*, *Lenduno* & *Mirabello* sit contentus. Et quia *Henricus* tunc absens fuerat, idem Comes episcopos & nobiles qui aderant adjuravit, ne corpus suum sepulturæ traderetur, nisi præstito prius à filio suo *Henrico* sacramento, quod paternum testamentum minime violaret. Denique patre illo mortuo, mox ad exequias absens filius concurret, & audita adjuratione paterna diu hæsitavit; tandem clamantibus omnibus, ne ad sempiternum ejus obprobrium patris corpus inhumatum remaneret, victus succubuit, & non absque dolore quod exigebatur præstitit sacramentum. Cum autem regnum *Anglia* adeptus esset, à summo pontifice beneficium absolutionis consecutus est. Qua ratione tutus, nec testamento patris, nec petitioni fratris satisfacere curavit, unde indignatus frater, tribus prænominatis castellis

castellis bene munitis, confestim vicinas turbabat provincias. Rex autem exercitu prope congregato *Chinonem* obsedit, & in brevi per deditionem optinuit, fratrique humiliato veniam dedit. Et ut occasionem superbiæ ei tolleret, terram sibi planam pro castris contulit, & in *Angliam* reversus est.

Cito post præclara urbs *Nannetensis* certum in quo sibi complaceret dominum non habens, prædictum *Gaufridum* industria strenuum, sibi in verum dominum elegerunt, & accersito civitatem cum adiacente provincia tradiderunt, sed non diu hac felicitate fundum mors inmatura sustulit, & Comes *Richemondensis* qui transmarinæ *Britannia* magna ex parte præsidebat, eandem civitatem intravit. Quibus auditis, rex dato mandato *Richemundie* comitatum fisco præcepit illico applicari. *Andegaviam* & civitatem eandem tanquam jure fraternæ successionis reposcens, eundem Comitem ita perstrinxit, ut eandem urbem voluntati regis resignavit.

A. Dñi 59. Anno Domini M. Clix. & regis *Henrici* quinto *Galfridus* filius ejus natus est, qui postea fuit dux *Britanniæ*, quia filiam Ducis *Britanniæ* cepit in uxorem. Ex qua genuit duos pueros, videlicet *Arthurum* de *Britannia* & *Elianoram* la *Bret*. Eodem quasi tempore *Fredericus* Imperator civitatem *Mediolanensem* subvertit, ubi inventa sunt trium magorum corpora qui Dominum in die Epiphaniæ cum muneribus adorabant, de *Perside* olim *Constantinopolim* ab Imperatore translata, & inde à *Sergio* papa *Mediolanum* miraculose transvecta, sed demum urbe à *Frederico* ut dictum est destructa, *Radulphus Colonienfis* archiepiscopus illa usque *Coloniā* transportavit. Sed & aureus circulus eadem corpora cum reperta essent ambiebat ut sibi mutuo cohærent.

Alexander iij. post *Adrianum* sedit papa annis xxj. mensibus xj. diebus xix. Electus est etiam tunc temporis quidam *Ostovianus* qui *Victor* se vocari fecit, & uterque in alterum excommunicationis sententiam fulminavit. Occidentalis ecclesia, *Francia* scilicet & *Anglia* cum Insulis, favebat *Alexandro*, Imperator vero *Fredericus* & sui favebant *Victori*. Ille *Alexander* quatuor scismaticos Apostolicos superavit, scilicet dictum *Ostovianum*, *Guidonem Cremenensem*, *Johannem Strumensem* & *Landon*. Primus fecit se vocari ut dictum est *Victorem*, secundus *Paschalem*, tertius *Kalixtum*, & quartus *Innocentium*, quorum tres fuerunt presbyteri Cardinales, qui per *Fredericum* erecti & per *Alexandrum* papam excommunicati, mala morte perierunt. *Longobardi* etiam in libertatem se recipientes civitatem *Mediolanum* restauraverunt, & Imperatorem *Fredericum* contempnentes contra ejus impetum, civitatem *Alexandriam* sic ex nomine domini papæ, cui se devotos esse gaudebant, vocatam, apto loco condiderunt. Ille papa *Alexander* demum *Fredericum* Imperatorem ad concordiam ecclesiæ revocavit, & ipsum & *Emanuelē Constantinopolitanum* Imperatorem & *Willielmum* regem *Siculorum* atque *Lumbardos* concordavit.

Hiis temporibus terræ motus magni per loca diversa fuerunt, ita quod civitas *Antiochena* cum *Tripoli* cecidit, atque *Damascus* cum multis aliis subversa est. Tunc quoque civitas *Chatenensis* penitus eversa est, & plusquam xx. milia hominum mortui sunt, & mare retrogradum versum est, & quinque milia hominum in *Sicilia* submersi sunt.

Ille papa *Alexander* beatum *Thomam* martyrem *Cantuariensem* archiepiscopum in exilio fovit, & decretalem inter archiepiscopos *Cantuariensem* & *Eboracensem* de delatione Crucis ordinavit.

Eodem quoque tempore quidam hæretici *Angliam* ingressi sunt, in universo circiter xxx. homines & feminæ quasi linguæ *Thentonica*, quendam *Gerardum* nomine aliquam literatum tanquam præceptorem & principem imperiti ydiotæ sequentes. Rex vero ipsos in custodia deprehensos indiscussos vel impunitos dimittere nolens, præcepit episcoporum concilium apud *Oxoniam* celebrari. Ubi de fidei articulis interrogati, ille literatus pro omnibus una voce respondit, se esse Christianos & doctrinam se velle Apostolicam venerari. Sacrum vero baptisma, eucharistiam & conjugium detestantes, ausu nefario unanimiter respuerunt. Cumque divinis urgerentur testimoniis prædicta credere; se quidem ut instructi erant credere, de fide vero sua disputare nolle responderunt. Moniti ut pœnitentiam agerent & corpori ecclesiæ unirentur, omnem salubritatem consilii spreverunt. Minas quoque comminati deriserunt, verbo illo dominico abutentes, *Beati qui persecutionem patiuntur &c.* Tunc episcopi ne virus hæreticum latius serperet præcavescentes, eosdem publice pronunciatos hæreticos, corporali disciplinæ subdendos catholico Principi tradiderunt, qui præcepit hæreticæ infamiæ characterem frontibus eorum inuri, & spectante populo, virgis cædi cohæreticos, ab urbe expelli; districtè prohibens, ne quis eos hospicio recipere vel aliquo solacio præsumeret confovere. Ad pœnam ergo ducti, gaudentes properabant, præeunte eorum magistro & canente, *Beati eritis cum vos oderint homines &c.* Unani tantum mulierculam *Anglicam* deceperant, & illa metu pœnæ ab eis discedens, errorem confessa est, & reconciliationem meruit salutarem.

An. Dñi 1160. Anno domini M. Clx. Regisque *Henrici* vj. quidam puer à *Judeis* apud *Gloverniam* crucifixus est. Eodem anno *Henricus* primogenitus hujus regis *Henrici*, *Margaretam* filiam *Ludowici* regis *Francia* desponsavit. Nam cum prædicti reges *Anglia* & *Francia* in parte fuissent discordes, mediantibus viris pacificis pacem inter se statuerunt. Illius discordiæ causa hæc fuit. Tempore regis *Stephani* Comes *Andegavensis* invalit optinuitque *Normanniam* præter *Gisfortium*, & duo alia quasi appendentia castella quæ in potestate regis *Francia* jam devenerant. Hanc juris *Normannici* dominationem rex *Anglia* non patiens, arte magis quam jure duxit in hac parte utendum. Per *Thomam* namque Cancellarium suum apud regem *Franco-rum* tantum egit, ut dicta *Margareta* filia ejus ex filia regis *Hispania* nata, quæ post divortium inter ipsum & *Alienoram* sibi nupta fuerat, *Henrico* filio suo primogenito in conjugem traderetur, munitionibus illis in dotem cedentibus; quæ tamen à Templariis in sequestro custodirentur, donec pueri qui nondum per ætatem nuptias contrahere poterant, suo nuptialiter tempore convenirent, rege *Anglorum* interim utriusque pueri custodiam habente. Verum idem rex aliquot annis elapsis, diutioris moræ impatiens, inter eosdem pueros nuptias præmaturas celebrari fecit, & à Templariis castella recepit. Quamobrem sævientibus *Francis*, ipsum quidem prævaricationis, Templarium autem prodicionis accusantibus, ad lites & bella ventum est. Sed crebris

experimentis edocti, ejusdem regis potencie vim inferre non posse, iraque paulatim decrescente, tandem quibusdam pactis mediantibus ut pax fieret descenderunt. Et facta est pax, non quidem solida, sed ut postea claruit, temporalis. Memorati nempe duo reges nunquam fere inter se quiescere dinoscuntur.

Circa idem tempus rex *Henricus* ad civitatem *Tholosanam* petendam in partes *Vasconia* magnum duxit exercitum, cujus causa fuit hæc: Avus uxoris suæ Comes *Pictavensis* & dux *Aquitannia* in expensis nimis largus, cui proprii redditus sufficere non poterant, accepta à Comite sancti *Egidii* viro pecunioso pecunia non modica, nobilem illi cum pertinentiis civitatem *Tholosam* quasi loco pignoris apposuit, atque in fata decedens, absolvendi appositi operam ad filium transivit, qui ipsum negotium transfudit etiam in hæredes, reliquit autem unicam filiam hæredem, quæ cum regi *Francorum Ludovico* nupsisset, idem rex nomine uxoris suæ *Tholosam* recepit. Comes tamen sancti *Egidii* nichil juris optinens sed & possessioni incumbens, tandem sic regem nuptiis placavit, accipiendo sororem suam in uxorem, quæ post mortem *Eustachii* filii regis *Stephani* cujus uxor fuerat, ad patrem reversa est; verumtamen postea celebrato inter regem *Francorum* & eandem uxorem ejus divortio, cum eadem ad nuptias regis *Anglorum* transisset, mora est iterum per regem *Angliæ* super *Tholosam* questio, justis hæredibus resignanda. Memorato vero Comite restitutionem negante, & regem *Francorum* suæ possessionis auctorem laudante, rex *Anglorum* contracto ex universis terris suæ potestatis exercitu, fines *Vasconiæ* ingressus est. Invitati quoque ab eo amici ut sequerentur vel ingentibus copiis occurrerent, exercitum auxerunt, præcipue Comes *Barthinonensis* qui regnum *Arragonum* ratione suæ conjugis tenuit; nec tamen coronari seu regio nomine vocari voluit, dicens, Se licet fortuna non tamen natura suis antecessoribus habitum meliorem. *Willielmus* etiam *Trencheveil* dominus *Bederensis* vir magnus & potens, qui in manus prædicti Comititis sancti *Egidii* antea inciderat, cum quantis poterat viribus regi *Angliæ* se adjunxit. Porro idem Comes de sancto *Egidio* tanti exercitus impetum pertimescens, regis *Francorum* auxilium imploravit. Qui festinus adveniens cum aliquanta militia *Tholosam* ingressus est. Quod cum regi *Angliæ* cognitum fuisset, civitatem deserens, distulit oppugnare, & ad pervadendam provinciam expugnandasque munitiones exercitum convertit. *Catturicensis* quoque civitatem quæ à se defecerat, & fines ejus cum universis castellis deditione recepit. Quibus actis, & munitioibus *Willielmo Trencheveil*, quas illi sorte bellica Comes *Egidiensis* extorserat, redditis, rex in *Normanniam* remeavit.

An. Dñi 1161. Anno Domini M. Clxj. regisque *Henrici* vij. ira inter ipsos reges *Francia* & *Angliæ* tempore expeditionis prædictæ, causis ingravescentibus concepra, tandem quasi parva erupit. Denique exercitibus immensis hinc inde congregatis, & in terrarum confiniis castris è regione dispositis, uterque princeps cum suis copiis consistebat. Et quia progredi periculosum & verecundum retrogredi videbatur, paratior tunc erat uterque exercitus propter ambiguos bellici finis exitus, prælium excipere quam inferre. Et ne duorum hominum scelus & superbia strages

multorum parerent populorum, viri pacifici ea quæ pacis sunt in hac hæsitacione seminarunt. Verum quia sub clipeo, ut dici solet, melius plerumque pacis negotium procedit, principes prædicti qui pacis auditum ante respuerant, bonum sunt pacis quasi de facili amplexati. Ipsi ergo pacificatis, uterque ad sua rediit pro tempore & quievit.

An. 1161. Anno Domini M. Clxij. & regis *Henrici* viij. *Theobaldus Cantuar.* archiepiscopus decessit. Circa hunc annum floruit abbas *Joachim* in *Calabria*, qui super Apocalypsim libros & commenta scripsit. Prædixit quoque *Frederico* imperatori & cæteris regibus terram sanctam adeuntibus, quod parum ibidem proficerent, eo quod nondum tempus liberationis advenisset. Fertur etiam de isto *Joachim* quod quasi prophetice effigiavit mores, & actus, & numerum omnium virorum apostolicorum qui futuri forent in ecclesia. Ejus tamen opinio contra Magistrum sententiarum scribentis reprobat, sicut patet in principio Decretalium per *Gregorium* ix.

Anno Domini M. Clxij. & regis *Henrici* ix. *Thomas Beket* de *Londoniis* archidiaconus *Cantuariensis*, præpositus *Beverlaci*, & regis cancellarius, dicto archiepiscopo *Theobaldo*, ut dictum est, jam mortuo, in archiepiscopatu *Cantuariensi* successit, & tercio nonas Junii ab *Henrico Wyntonienſi* episcopo consecratur. Iste est sanctus *Thomas Cantuariensis* archiepiscopus & martyr, ante mundi constitutionem in Christo electus, qui ortu suo felici *Britanniarum* caput *Londonias* illustravit. Pater ejus *Gilbertus* cognomento *Beket* civis *Londoniensis*, mater vero *Matildis* fuit, ambo generis & divitiarum splendore suis nequaquam concivibus inferiores. Quibus è regione morum ingenuitas et piæ conversationis innocentia longe intelleximus præminerebant. Justitiæ quidem actibus insistebant, et sine crimine et querela, ut traditur, conversati sunt. Nunc autem in principio restat de ipsius patris et matris conjugio inferendum, ut exinde advertatur quanta cura et pietate à solis ortu usque ad occasum tam diversos genere et conditione congregavit in unum prædestinatio mirifica Salvatoris, de quorum sane felici progenie sponsam suam ecclesiam per mundum universum prævidit sublimari, et triumphaliter decorari.

Præfatus ergo *Gilbertus* ætate juvenis crucem Dominicam causa penitentia votiva arripuit *Jerusalem* iturus, quendam de familia sua *Ricardum* nomine secum assumens, ipso solo pro serviente contentus. Quo tandem prospere venientibus, inter Christianos et Gentiles insidiis habitis loca sancta orationis causa cum aliis introrsus quam licuit visitantes, pariter capti sunt et catenati, atque in carcere cujusdam *Admiraldi* præclari principis paganorum detenti, ut singulis diebus victum laboribus impositis quodammodo compararent. Qui *Gilbertus* per annum integrum & dimidium in captivitate sclavorum more serviens, cum honoratior cæteris atque præstantior haberetur, in oculis *Admiraldi* præ omnibus gratiam & favorem invenit, in tantum quod frequenter coram eo, sed tamen in vinculis, ad mensam veniret, discumbentes visitaret, & invicem de terrarum notiis ac gentium diversarum moribus & ritu conferrent. Multa etiam ob gratiam ipsius collata sunt suis beneficia, concaptivis, procurantem insinuatim privatim in quantum licuit filia ejusdem *Admiraldi*, puella admodum curialis & decora unica patris

ca patris sui, quæ utique mirò affectu ipsum *Gilbertum*, prout patebit inferius, diligebat.

Quadam autem die nacta oportunitate puella liberius cum eo loquendi, inquisivit ab eo de quanam terra & civitate exiterat oriundus, de fide etiam, de religione & conversatione Christianorum, & quæ forent credentium spes & seculorum præmia futurorum. Qui cum responderet, quod *Anglicus* esset & *Londoniarum* incola civitatis, inquisitaque de fide prout melius noverat exposuisset: Consequenter & ipsa ab eo sciscitavit, dicens, Num mortem libenter pro Deo tuo & fide Christi quam profiteris conservanda intrepide exciperes? Libentissime, inquit, pro Deo meo moriar. Quo audito, puella mox quasi ex virtute verbi tota mutata, proficitur se Christianam fieri ipsius ob causam, dummodo ipsam in conjugium accipere in sua fide sponderet. Tacuit attamen ille secum deliberans, ad quiescere statim noluit, timens nimirum fallaciam mulieris, unde tergiversando de die in diem prorogavit, nolens cito precibus illius præstare consensum. Cumque puella vehementer affligeretur, & indies ob dilationem, ut moris est mulierum, plus anxia efficeretur, *Gilbertus* interim cum suis concaptivis de fuga cogitans, post annum & dimidium nocte quadam disruptis catenis à carcere aufugerunt, totumque noctis residuum, quousque fines Christianorum attigissent, conciti peregerunt. Mane autem facto, præpositus operum more solito ut eos ad opera mitteret consueta, à carcere fracto ipsos evasos vidisset, in manu valida eos insequitur, donec Christianorum terminis obstantibus omni spe jam fraudatus reverteretur non parum iratus. Puella vero hæc audiens memorata, ex illa hora de professione sua & fuga post ipsos cogitavit. Cumque super hoc diebus ac noctibus mire cogitativa efficeretur, & in meditatione sua exardesceret cautius evadendi, nocte quadam universis sompno depressis, sola nullo scientie assumpto secum modico quid ad viaticum necessario ut expeditius iter ageret satis attemptando, multiplici se discrimini tradidit fugiendi, nichil curans de universis hæreditario jure sibi pertinentibus, sufficientiam sibi reputans divitiarum, si desiderium suum pro voto posset complere.

O mirandam nimis hujus mulieris tam audaciam quam amorem tanta difficilia & ardua præsumentis! Non hæsitavit cum esset tam ingenti gloria paternæ possessionis nobilitanda, irrecuperabiliter eadem carere. Non trepidavit fragilis & delicata paupertatem pœnalem subire, nec per tot terrarum spacia & naufragantis maris innumera periculorum genera dubitavit sola discurrere, dum unius hominis tam remoti & ignoti quæreret amorem. Cum etiam nec de vita ipsius vel inventione securitatem haberet, imo necdum secunda de conjugio etsi quæsitum hominem reperiret. Proficiscens igitur paganissimum prospere pertransivit, & cum quibusdam peregrinis & mercatoribus repatriantibus, qui linguam ejus noverant, versus *Angliam* navigabat. Cumque transactis cunctis periculis obiter obviantibus *Angliam* applicuisset, atque à suis comitibus jam dissociata fuisset, nichil aliud interrogare pro itinere noverat nisi tantum *Londonia*, *Londonia*.

Quo tandem perveniente, quasi bestia erratica per plateas civitatis incedens, & obviantes quosque

exploratoris more circumspiciens, derisu omnibus habebatur, & maxime pueris in eam intendentibus & per vicos incedentibus, ob disparem ipsius habitum & linguam simul admirantibus. Contigit autem quod sic per plateas & vicos incedens, contra domum præfati *Gilberti* ubi manebat, in solempniori scilicet & frequentiori civitatis foro, ubi nunc in honore sancti *Thome* hospitalis domus constructa est, casu fortuito deveniret; in qua quidem ab introeuntibus divulgatum est, quod quadam juvenula mulier quasi idiota, pueris eam & aliis sequentibus & iridentibus, evagaret. Audiens autem *Ricardus* serviens *Gilberti* superius memoratus quasi ad spectaculum cum cæteris & ipse accurrit. Qui cum propius accedens eam agnosceret, statim cum summa festinatione ad dominum suum recurrit, narrans ei secreto hanc filiam *Admiraldi* esse, ad quam admirationis causa intuendam hominum copia confluebat. Quo audito, supra modum admirans nec credere valens, eo quod impossibile ut sic eveniret omnino videretur, dominus *Ricardus* non potuit fidem dare, donec ipso in juramento diutius persistente, minus incredulus aliquantulum redderetur.

Cogitans tandem causam adventus ipsius, arbitratus est tamen consultius ei alibi providendum, quam eam secum in domo propria retinendam, jussit *Ricardus* ut ad quandam matronam viduam ei vicinam, eam adduceret, quæ ipsam tanquam filiam suam in omnibus custodiret. Quem cum videret puella & eum agnosceret, mox quasi mortua cecidit, jacens in extasi resupina. Cumque ab illa mentis alienatione expergefacta, & ad se reversa resideret, ad dictam matronam *Ricardus* eam adduxit sicut ejus dominus imperarat. *Gilbertus* de adventu puellæ secum pertractans, cœpit animo fluctuare per diversa, & cogitationes concipiens invicem repugnantes, incidit in mentem ejus episcopum *Londoniensem* consulendum adire apud sanctum *Paulum*, ubi illo tempore sex episcopi aderant super arduis regni negotiis vel ecclesiæ tractaturi. Quibus coram positus cum veritatem rei gestæ superius memoratæ per ordinem exponeret, mox *Cicestrensis* episcopus præ cæteris prophetica prorumpens in vocem, indubitanter asseruit, hanc vocationem non humanam sed potius fuisse divinam, & necessario magnifici operis prolem edituram, cujus sanctitate & labore universalis ecclesia esset ad Christi gloriam sublimanda. Cæteris autem episcopis qui aderant in hanc sententiam concordantibus, ut idem *Gilbertus* puellam, dummodo baptizari vellet, duceret in uxorem; adducta est statuta die in crastino in ecclesia beati *Pauli* in dictorum episcoporum præsentia, ubi & baptisterium competenter extitit præparatum, in quo & illa debuerat baptizari.

Cumque interrogaretur in medio posita, prout mos ecclesiæ exigit, per sæpeditum *Ricardum* communem eorum interpretem, si vellet baptizari, respondit, Hujus rei causa à valde remotis partibus huc adveni, dummodo *Gilbertus* michi voluerit in conjugio copulari. Baptizatur igitur puella sex episcopis grandi cum solempnitate baptismi sacramentum agentibus, eo quod præclari sanguinis esset femina, imo vocationis clarioris ex gratia admodum divina; *Gilberto* traditur mox ab episcopis in conjugem cum celebritate conjugali, de fide catholica

prius breviter instructa. Quam cum ad propria duceret, prima nocte mutua in unum concordia sanctum Thomam futurum Cantuariensem archiepiscopum & martyrem genuerunt. In crastino Gilbertus tanto desiderio repatriandi ad terram sanctam efficiebatur, quod suspiriis agitatus magis assidue quam frequenter vultum tristicie prætenderet inluctum. Cogitabat interea uxoris suæ juvenulæ statum tenerum, sexum fragilem, ætatem lubricam, linguam etiam patriæ ignotam, & ob ista nimirum per absentiam suam pericula non parva eidem posse de facili pervenire. Uxor vero ipsius cum vultum secus quam heri & nudius tertius animadverteret in diversa mutatum, metuebat vehementer & cogitabat si forte ipsa esset causa. Institit igitur precibus diebus ac noctibus sciscitandi tantæ tristicie veritatem, nec aliquando destitit donec patefacta planè fuerant quæ latebant.

Gilbertus igitur precum instantia fatigatus cum desiderium suum uxori reserasset, illa utpote magnæ spei mulier & in fide Christi roborata, non solum voto viri annuit, imo rogavit & hortabatur, ut quicquid in mente concepisset quo complacere suo crederet creatori, nulla de se habita consideratione tam prompte exsequeretur quam devotè. Et adjecit, Spero, inquit, firmiter & de Deo tantum confido, qui ad agnitionem sui nominis me vocavit, quod me non deseret te absente, sed sicut & ipsum prius non agnoscerem ab omni periculo me intactam conservabit. Tantum pro solatio peto Ricardum michi relinquant, eo quod lingua mea melius eruditus necessitatibus meis cæteris noverit potius ministrare. Quibus auditis, Gilbertus admodum lætus effectus, necessaria sibi parat, & ordinatis quæ uxori suæ & familiæ competeant, quam citius poterat Jerusalem profectus est; ubi per tres annos & dimidium moram faciens, postea repatriavit. Invenitque Thomam filium suum admodum forma decorum, & in oculis cunctorum intuentium gratiosum. Postquam vero mater istius sancti Thomæ ipsum conceperat, brevi intervallo vidit in sompnis in sinum suum universam aquam Thamenis fluminis influxisse. Quo illa muliebri metu percussa, ac suspicata laborem quempiam peregrinandi, quem vulgus consuevit interpretari per aquarum exuberantiam; audit e contra à sapiente interpretationem divinitus inspiratam, unde non meruit mediocriter consolari. Nam nasciturus, inquit, est ex te qui populos multos reget. Et alter quidam in nullo diffidens à prioris sententia adjecit, quod fluente gratiarum esset accepturus quibus natale solum instat fluminis irrigaret, commemorans illud evangelicum, *Qui credit in me fluent de ventre ejus flumina aquæ vivæ.*

Instante etiam partus tempore, visum est matri de cælo in suum gremium duodecim sidera splendoris insoliti cecidisse, unde mulier magnifice confortata, perpendit magnum quiddam de se nasciturum hac visione figurari. Rursum vero cum in cunis jacuisset infantulus, ipsum nudum mater in sompnis conspexit, unde indignata adversus nutricem ait, Cur non tegis infantem? Cui nutrix, Optime domina mea coopertus est preciosa purpura plicata. Surgunt illico mater & familia, moliantur pallium ut diligentius puerum inde tegerent explicare. Cujus latitudinem cum nec thalami pateantur angustia nec amplior aula, sed & platea longe angustior appareret, ad Smythefelse qui

locus amplius est in civitate ut vel ibi suis satisfacerent votis ambæ pariter, ut visum ei fuerat, festinarunt. Cumque de loci latitudine securitatem sibi invicem promittentes, coeptis insisterent, vox ad illas de supernis illapsa intonuit, dicens, In cassum conamini, purpura hac, tota Anglia major est, nec ejus poterit comprehendere latitudinem. Ad hanc vocem evigilat mulier, memor quidem quid vidit, sed ad quid prorsus ignara. Nos vero quoniam intellectum fides oculata revelat, purpuram preciosam, sanguinem interpretamur martyris innocenter occisi, quo in passione perfusus jacuit & velatus, nunc vero per tot terrarum regna exterasque nationes extensum fidem præcedens visio figuravit. Jam enim puerilibus annis evolutis optimis coepit polere moribus, ingenio clarus, eloquio acceptus, vultu mixta gravitate jocundus, venustus aspectu, forma satis elegans gratum sese & amabilem omnibus exhibebat. Tempore autem quo pater cum in religiosa domo Mertonie Priori Roberti aliquandiu interdum traderet, venit quadam die pater filium videre. Introducto puero coram Priore & patre, pater procidens pronus filium adoravit. Indignans vero Prior ait illi. Quid agis? procidis ad pedes filii? Quod ei facis ille tibi facere deberet. Cui pater in secreto ait, Domine ne mireris. Scio enim quid facio, Erit quidem puer iste magnus coram Domino. Expavit nimirum pater tam mirifica de filio sibi divinitus revelata, quæ tamen præ admiratione sub sigillo silentii statuit occultanda. Postquam vero literarum studiis traditus, liberales artes attigit, quatenus lascivia ætatis & angustia temporis permisit in illis profecit.

At inveniēte ætate, sicut referte solitus erat, didicit à matre timorem Domini, & beatam Dei genitricem virginem Mariam tanquam ducem viarum suarum & vitæ patronam dulcius invocare, & post Christum, in illam totam fiduciam jactare. Matre vero defuncta, pater quem incendia crebra attenuabant ipsum per aliquod tempus causa studii Parisius destinavit. Qui inde reversus receptus est in partem solitudinis reipublicæ Londoniarum, ubi laudabiliter se habens didicit hujus lucis prudentiam, qua postmodum prope noverat communia ecclesiæ Anglorum & publica totius regni negotia magnifice tractare. Denique ad virum quendam in civitate genere insignem & multarum possessionum præcipuum firmitus adhæsit, varias seculi sequens curiositates, nunc venatum, nunc avium capturam, quibus maxime animus juvenis pascabatur pro libito: nunc domi cum patre, nunc rure cum divite morabatur; factumque est ut in hunc modum dimissis fere scholasticis studiis evagaret.

Die vero quadam accidit, ut ad ripas eunte Thoma simul cum divite, motam de flumine anatem ancipiter insequeretur, secutusque divergentem in flumine, cum ipsa pariter mergebatur. Quod videns adolescens, miseratus ancipitem jam perieturum, equo desiluit, seque in gurgitem ut avem eriperet præcipitavit; sed priusquam avem contingeret, raptus ipse intra alveum fluminis & nuncmersus sub aquis, nunc undarum vi impellente levatus, periclitari coepit, & penitus periisse ab intuentibus putabatur, dum nullus adesse potuit qui manum apponeret pereunti. Denique ad molendinum quod tunc forte molebat, aquæ tractu fere usque rotam prolatus est. Sed statim rota stetit nec se movit semel,

semel, quousque vivus quidem sed vehementer afflictus adolescens extractus est. Sed fovit afflictum medica manus Salvatoris quem inter undas desperatum protexit, ne extingueretur lucerna fulgoris in Israel, cujus morte preciosa tanta cernimus beneficia provenisse. Ad curiales itaque se transferens occupationes, cepit in florem secularis prudentiæ pubescere, et fructum discretionis polliceri. Tanto itaque rationis vigeat acumine, ut prudenter inauditas et difficiles solveret quæstiones, adeoque felici gaudebat memoria, ut quod semel in sententiis et verbis didicerat fere quociens volebat posset sine difficultate proferre, quod multi literatiores assequi non valentes, tantam mentis perspicuitatem præsertim in hoc homine variis occupationibus dedito, miraculo ascribebant. Videns vero vas electionis futurum, in curiis procerum contra honestatem cleri plurima geri, et convictum eorum proposito cui adductus erat perniciosius adversari, instinctu potius gratiæ et ducatu quam consilio amicorum et interventu, se ad patrem piæ recordationis *Theobaldum Cantuariensem* archiepiscopum quasi post biennium vel triennium contulit, et promerente industria gratisque suffragantibus obsequiis, inter primos et præcipuos ejus familiares infra breve admissus est. Qui videntes eum in necessitatibus expediendis prudenter agentem, et in consilio providum, cum eo sociale fœdus inierunt, condicentes ut in petendis ecclesiasticis beneficiis suffragium suum communicarent.

Erant autem tres, *Rogerus Neustriensis*, *Johannes Cantuariensis* & *Thomas Londoniensis*; Horum quidem respectu duorum *Thomas* minus literatus erat; Sed longe quidem altior est ratio morum quam literarum. Ipse quidem studebat moralitati & prudentiæ intendere, ut inter eos literis adhuc inferior, moribus conspectior & acceptior appareret. Postmodum vero literatissimus fuit. Itaque pauca Primas agebat, quibus omnes aut unus ex istis non interesset. Quot & quantos labores ibi pro ecclesia Dei beatus *Thomas* pertulit; quociens pro expediendis negotiis ecclesiasticis Apostolorum limina visitaverit; quam felici exitu quæ sibi injuncta fuerant expedierit, nequaquam facile est dicendum. Ut vero in causis perorandis & decidendis, & populis instruendis facultas sibi pararetur, juri civili operam dedit. Impetrata vero postea à domino suo archiepiscopo transfretandi licentia, per annum in legibus studuit *Bononia*, & postea *Altsiodori*. Cernens itaque pontifex ex nova arbore quædam nova tunc virtutum gemina pululare, hanc Domini plantationem inter poma convallium in orto sponsæ disposuit plantare. Et ut per experientiam rerum facilius dispensationis ecclesiasticæ usum consequeretur, à præfato archiepiscopo sanctæ *Cantuariensis* ecclesiæ archidiaconus constitutus est, ut sic Deo ordinante tempore suo & gradu archidiaconus in archiepiscopum promoveretur. Nam post episcopos & abbates in *Anglorum* ecclesia hic primus & dignior personatus habebatur. Post hæc vero, ut supra tactum est, *Henrico Duce Normanniæ & Aquitanniæ Stephano* regi *Anglorum* in regimine succedente, elaboratum est ab antedicto archiepiscopo *Theobaldo*, suspectam habente novi regis adolescentiam, quem pravorum hominum consilia pervertere moliebantur, ut archidiaconus suus *Thomas* regis collateralis & Cancellarius efficeretur. Cujus opus & opera ne novi regis

impetus faviret in ecclesiam cohiberet quo, sub obtentu publicæ potestatis & prætextu juris, tam ecclesiæ quam provincialium potestates diripere conspicerant. Cernebat quippe pontifex juvenem cujus mores & industriam, in variis jam rerum eventibus expertus fuerat, in agendis strenuum, in consiliis fidum, in dubiis securum, in adversis magnanimum, in apparatu magnificum, in largiendo munificum, ad jussa promptum, in obsequiis sedulum, in omni denique opere providum & circumspectum, unde & talem Aulæ dignum & Aulæ gratum futurum non inmerito arbitrabatur, sperans inde nichilominus eo procurante, inter Regnum & Sacerdotium deinceps pacis gratiam & unitatis vinculum firmitus provenire.

Agente igitur & procurante pontifice, *Thomas* aulam ingreditur, & rege tribuente officium Cancellariæ suscepit. Archilevita igitur aulam ingressus & Cancellarius ut prædicitur effectus, regis se moribus conformavit, nugis & seriis pariter & ventioni intendebat, & etiam Domini prandendi dormiendique tempus observare satagebat. Ad hæc, curiales facetas amplectens, numerosa clientela gaudebat, gloriam quærebat, popularis auris flatibus delectabatur. Nam ut de suppellectili taceam, frans argenteis utebatur, mensas & expensas Comitum antecedeat, verumtamen licet ei mundus in omnibus lenociniis suis adulari & applaudere videretur, tamen, quod raro accidere solet, in affluentia rerum & seculi vanitate, mirandam servabat corporis castitatem, super quo ipse rex frequenter diurnas tendebat insidias & nocturnas. Erat in villa *Staffordia* usque ad regales delicias mulier pulchra, ad quam rex consuetudinem habuisse dicebatur, quæque Cancellario eo loco adventanti multa sæpe exennia trans mittebat. Oppidanus qui eum hospicio susceperat, quod mulier provocaret ad amplexum novumque sibi procuraret amatorem, æstimabat. De quo volens certiorari, intempestæ noctis silencio sumpta lucerna clam ad hospitis sui cubiculum ingressus, vidit ante lectum virum procumbentem, pedes & tibias discopertum, qui post genuflectiones & orationes, lapsus fuerat in sompnum. Et sic factum est ut religiosus inveniretur qui luxuriosus putabatur.

Post concilium *Turonense* per papam *Alexandrum* iij. celebratum, cum ipse *Thomas* archiepiscopus cum suis fratribus & cæteris ad propria esset reversus, mox Regnum & Sacerdotium in *Anglia* disceptare cœperunt, unde super prærogativa ordinis clericalis turbatio maxima facta fuit. Regi enim circa curam regni satagenti & malefactores omnes sine delectu exterminari jubenti, à suis Judicibus intimatum est, quod furta, rapinæ & homicidia sapius à clericis committebantur, ad quos vigor laicæ jurisdictionis non posset extendi. Quamobrem acrimotu rex turbatus, contra clericos malefactores posuit leges suas. In quibus utique publicæ justitiæ zelum habuit, sed excessit immoderatio fervor modum. Extunc contradicente *Thoma* archiepiscopo, ira regis excanduit & crevit in inensum, prout in vita ipsius sancti *Thomæ* quam iij. viri famosi descripserunt satis patet. Eodem adhuc anno quo *Thomas* in archiepiscopum *Cantuariensem* electus erat, *Elanora* filia regis nata est, quæ postea fuit regina *Sicilia*.

Anno Domini M Clxiiij. & regis *Henrici* x. idem An. Dñi rex parliamentum suum apud *Westmonasterium* tenuit. 1164.

nuit, ubi & corpus sancti *Edwardi* regis illo tempore est translatum. Eodem anno orta est primo gravis discordia inter regem & *Thomam Cantuariensem* archiepiscopum pro libertatibus & juribus sanctæ ecclesiæ. Hiis diebus floruit in *Francia* magister *Petrus Comestor* qui utriusque Testamenti historiam contexuit, quæ *Scolastica* dicitur: scripsit etiam Allegorias super utrumque Testamentum, & etiam Sermones insignes reliquit. Allegorias etiam suas in librum metricum redegit, quem *Aurora* intitulavit.

An. Dñi 1165. Anno Domini M. Clxv. & regis *Henrici* xj. quattodecimo kal. Octobris circa horam primam visi sunt tres circuli circa solem, quibus evanescentibus quasi duo soles creantur. Quo anno *Thomas* archiepiscopus discordia inter regem & ipsum continuata, à Parlamento *Portsmouth* recedens, exulabat. Eodem anno *Wallenses* rupto fœdere obsidibus quoque quos in fidem pactorum dederant, periculo expositis, vicinos *Anglorum* fines turbare cœperunt, unde rex inmenso exercitu adunato, hostium fines ingressus est, ipsos effrænatis excursibus inclusos ita coartans, ut pacem meditari & facere conarentur. Eodem anno nata est *Johanna* filia regis quæ postea fuit Comitissa de *Tholouse*, quæ peperit unum filium nomine *Reymundum* postea *Tholose* Comitem. Eodem anno *Malcolmus* rex *Scotia* obiit, cui successit *Willielmus* frater ejus.

Anno regis *H.* xij. *Johannes* filius ejus natus est. Eodem anno rex tercio in *Walliam* exercitum suum ducit, & facta pace ex ipsis recedens transfretavit, filiorum promotioni & ditationi intendens. Ex prædicta namque *Elia* conjuge sua quatuor filiis ut prædictum est procreatis, *Henricum* majorem natu regni *Anglia* & Ducatus *Normannia* cum comitatu *Andegavia* successorem relinquere, *Ricardum* vero *Aquitannia* & *Galfridum* *Britannia* præfere cogitabat. Quartum natu minimum, *Johannem* scilicet *Sine terra* agnominans. Tres quoque ex eadem filias habens, unam regi *Hispania*, alteram Duci *Saxonia* desponsavit; terciam nondum nubilem regi *Secilia* suo tempore in conjugem daturus. *Britanniam* vero *Galfrido* filio suo sic adquisivit. Contigit enim *Conanum* Comitem *Richemundia* qui majori parti *Britannia* dominabatur, in fata decedere, relicta ex sorore *Willielmi* regis *Scottorum* unica filia hærede, quam rex innubilem inpueri filio suo *Galfrido* copulans, omne jus puellulæ redegit in propriam potestatem. Cumque à quibusdam potentioribus regnare volentibus inferiores ibidem premerentur, confestim regis *Anglorum* auxilium petentes, ejus se ditioni spontanee subdiderunt, quibus rex prompto animo & profusis opibus auxilium præstans, ipsos potentes mox expugnatos subjecit, sicque in brevi *Britannia* tota potitus, turbatoribus vel expulsis vel domitis, ita eam in cunctis finibus suis disposuit, ut populis in pace agentibus, deserta paulatim in ubertatem pristinam verterentur.

Anno regis *Henrici* xiiij. *Matildis* Imperatrix mater ipsius regis *Henrici* diem suum clausit extremum.

Anno regis *Henrici* xiiij. *Matildis* filia regis nupta est *Henrico* Duci *Saxonia*. Ex qua idem Dux genuit tres filios *Henricum* videlicet primogenitum suum postea Ducem *Saxonia*, *Othonem* postea Imperatorem, & *Willielmum*. Eodem anno obiit *Robertus* *Lincolniensis* episcopus successor *Alexan-*

dri, & episcopatu in fiscum redacto, ecclesia pastore septemdecem annis vacavit, sed post mortem regis in eodem anno *Walterus* *Constanciensis* factus est *Lincolniensis* ecclesiæ Antistes. Sicque evacuata est propheta vel potius divinatio *Conversi* *Thamensis*, de suo & non Dei spiritu prophetizantis, quod *Lincolniensis* ecclesia pontificem non esset ulterius habitura.

Anno domini M. Clxix. & regis *Henrici* xv. obiit *Robertus* Comes *Leicestria*, qui Abbathiam *Canonicorum* *Leicestria* fundavit. Eodem anno iste rex *Henricus* tenuit Curiam suam *Nannia* in *Britannia* die natalis Domini, qui quinta feria eo anno evenit, & *Galfridus* filius ejus Comes *Britannia* fuit ibi cum illo. Et festo ibi solempniter tento & peracto, ipse & filius ejus *Galfridus* castella *Britannia* visitantes, fidelitates & ligeancias à Comitibus, Baronibus & liberis hominibus de quibus antea non acceperant, acceperunt. Tunc vero præfatus rex implacitavit Comitem *Endonem*, & fere privavit eum toto honore & potestate quam prius in *Britannia* habuit. Et postea in *Normannia* reversus est, ita quod in Purificatione beatæ *Mariae* fuit apud *Sagium*. Et paulo post visis castellis suis *Normannia* transfretavit in *Angliam*, & applicuit apud *Portsmouth* 5. Non. Martii feria iij. In hac autem transfretatione Dominus à media noctis hora usque ad horam diei sequentis nonam, regem est tempestate horribili & valida persecutus, ita ut ipse & omnes cum eo transfretantes pene submergerentur, & piscibus fierent esca maris. Sed Deus omnipotens qui non vult mortem peccatoris, famulum suum regem oculis misericordiæ suæ respiciens, navem illum gestantem dextra cœlestis auxilii impulit, & in portu optato fecit feliciter applicare. Reliquæ vero illum cum familia sua sequentes, post magnos & inauditos timores, quædam omnino fractæ & dissolutæ, quædam autem semiruptæ, tandem prout vis venti eas tulit, ad diversas partes *Anglia* devenerunt. Attamen una illarum quæ recentior & cæteris splendidior videbatur, ditioribus & nobilioribus familiæ regis onusta, in ipso diei crepusculo fluctibus maris obruta, pro dolor! est submersa, & *Henricus* de *Angens* nobilissimus Baronum *Anglia* cum duobus filiis suis, & magister *Radulphus* de *Bello Monte* medicus & familiaris ipsius regis, & multi alii de nobilioribus *Anglia* cum CCC. hominibus utriusque sexus in ea existentibus perierunt.

Anno Domini M. Clxx. & regis *Henrici* xvj. *David* frater regis *Scocie* ab *Henrico* rege *Anglia* militari cingulo decoratur. Eodem anno rex tenuit curiam suam in solempnitate paschali apud *Wynndesore*. Cui festo interfuerunt *Willielmus* rex *Scocie* & *David* frater ejus, & fere omnes regni *Anglia* episcopi & magnates. Peracta igitur solempnitate paschali, rex inde *Londonias* pergens de coronatione filii sui *Henrici* majoris et regni sui statutis magnum ibi concilium celebravit, *Thoma* *Cantuariensi* archiepiscopo regi nondum placato adhuc in *Galliis* in exilio existente. In quo concilio rex fecit summonire *Rogerm* *Eboracensem* archiepiscopum, *Hugonem* *Dunolmensem* episcopum et alios regni sui episcopos, quod essent in festo sancti *Barnabæ* Apostoli ad coronationem prædictam apud *London*. faciendam. Qui statuto tempore *Londonias* venientes dominica sequenti quæ evenit xvij. kal. Julii in festo sanctorum *Viri* & *Modesti* martyrum, dictum *Henricum* filium regis majorem in ætate tenera de mandato

dato ipsius regis coronaverunt. Quem dictus *Rogerus Eboracensis* archiepiscopus in regem consecravit *Hugone Dunolmensi*, *Gilberto Londoniensi*, *Jocelino Sarum & Waltero Roffensi* episcopis ei in illo officio ministrantibus, astantibus etiam fere omnibus Comitibus, Baronibus & nobilioribus regni. In crastino autem hujus coronationis fecit rex pater *Willielmum Scottorum* regem & *David* fratrem suum, ac omnes Comites, Barones & liberos regni sui tenentes devenire homines novi regis filii sui, sibi que super sanctorum reliquias ligeancias & fidelitates jurare, fidelitate semper nichilominus sua salva. Et quia *Ludovicus* rex *Franciae* indigne ferens, quod *Margareta* filia sua non erat cum novo rege *Angliae* marito suo coronata, guerram in *Normannia* voluit tunc movere. Quo cognito, rex pater statim ibidem capta à Comitibus & Baronibus licentia transfretandi, circa festum sancti *Johannis Baptistae* apud *Barbeſſuctum* in *Normannia* applicuit, novo rege filio suo in *Anglia* dimisso, cui omnes rectitudines & iustitias per novum sigillum quod ei fieri praeceperat, facere concessit.

Et postea circa festum beatae *Mariae Magdalenae* colloquio inter ipsum & regem *Franciae* de pace apud *Vendomar* habito, mediante Comite *Blesensi Theobaldo*, illa vice amici remanserunt: Nam rex *Angliae* concessit ei, quod infra breve faceret filium suum & filiam suam cum eo iterum coronari.

Itaque finito colloquio, rex in *Normannia* rediit, & circa festum sancti *Laurentii* ad motam *Gerni* quae parum à *Dampnifronte* venit, ubi in tam gravem incidit infirmitatem, quod dicebatur per regnum *Galliae* quod mortuus esset. Et ibi possessiones suas filiis suis dividens, *Henrico* filio suo majori de novo coronato, regnum *Angliae* & Ducatum *Normanniae* ac comitatum *Andegaviae* & *Cenomanniae* concessit, *Johanne* fratre suo minimo ad promovendum & manutenendum sibi tradito; Et *Ricardo* filio suo Ducatum *Aquitanniae* cum omnibus pertinentiis suis de rege *Franciae* tenendum concessit; Et *Galfrido* filio suo Comitatum *Britanniae* cum filia Comitissae *Conani* de rege *Franciae* tenendum similiter dimisit. Et postea praecepit Episcopis, Comitibus & Baronibus qui ei in illa infirmitate assidebant, quod si illam non evassisset, corpus suum apud *Grandum montem*, qui parum distat à *S. Leonardo*, facerent sepeliri, & ostendit eis quandam cartam quam boni homines *Grandimontis* ei fecerant de corpore suo sepeliendo, in exitu Capituli domus praedictae ad pedes magistri ejusdem, qui ibidem sepultus est. Hoc audito, omnes vehementer mirati illud concedere noluerunt, dicentes hoc contra regni sui praetendere dignitatem. Ipse magis ac magis ut hoc fieret instabat. Sed paulo post de illa convaluit infirmitate, & quam citius poterat, iter cum festinatione circa festum sancti *Michaelis* ad sanctam *Mariam* de *Rupe Adamatoris* causa peregrinationis arripuit, sicut in illa voverat infirmitate. Qua peregrinatione peracta, in *Andegaviam* rediit.

Interim beatus *Thomas Cantuariensis* archiepiscopus sextum exilii annum peragens, cum audisset quod illo absente & despecto novus rex in praedictum ecclesiae *Cantuariensis* à *Rogero Eboracensi* archiepiscopo in *Anglia* consecratus esset, doluit vehementer, & de injuria ecclesiae suae *Cantuariensis* illata cogitans, nuncios suos ad *Alexandrum* summum pontificem saepe misit, ut se & ecclesiam suam super

Eboracensi archiepiscopo & aliis qui ei in coronatione novi regis *Angliae* ministraverant, vindicaret. Similiter *Ludovicus* rex *Franciae* eodem anno dominum papam in virtute amoris, & sub impensi protestatione obsequii sollicitavit, ne ultra dilationes frustratorias quas rex *Angliae* de *Thoma Cantuariensi* archiepiscopo reconciliando praetendebat, prorogaret, sicut regnum *Francorum* & honorem sedis Apostolicae diligebat. Miratus etiam *Anglicanae* ecclesiae desolationem *Willielmus Senonensis* antistes, sedem Apostolicam petens, à summo pontifice imperavit, ut rex *Angliae* omni appellatione cessante subiceretur anathemati & regnum interdicto, nisi pax ecclesiae *Cantuariensis* redderetur. Instante itaque die peremptorio ut sententia ulterius differri non posset, rex *Angliae* ut pax *Anglicanae* ecclesiae reformaretur, severitate tandem artatus canonica adquevit. Et circa festum sancti *Dionisi* iiii. idus Octobris feria secunda usque ad *Ambasium* quae est juxta *Thuronum* cum Archiepiscopis, Episcopis & majoribus terrae suae venit contra *Willielmum Senonensem* archiepiscopum & *Theobaldum* Comitem *Blesensem*, qui secum beatum *Thomam Cantuariensem* archiepiscopum adduxerunt. Et in crastino post plures altercationes protunc & ante alios dies sicut divina placuit providentiae, prece regis *Franciae*, & mandato & amonitione domini papae *Alexandri*, necnon consilio archiepiscoporum et episcoporum terrae suae, dictum *Cantuariensem* archiepiscopum in suam ibidem recepit benevolentiam et amorem, tamen eum in osculo pacis recipere noluit, sed filium suum regem ipsum ad hoc recipere concessit, et iram et malivolentiam suam ei et omnibus qui cum eo erant in exilio pardonavit, omnes possessiones suas *Cantuariensis* ecclesiae sicut eas uno anno antequam ab *Anglia* egrederetur, sibi in integrum restitui promittendo. Et tunc ipse pastor periculum metuens ovium suarum, ad ecclesiam suam rege sibi conductum praestante, sexto exilii sui anno in *Angliam* reversus est. Cum vero *Cantuariam* venisset, omnibus in osculo pacis receptis, illos paterna exhortatione monuit et docuit fraternitatem diligere, et si necesse fuerit animas ponere et usque ad mortem pro lege Dei certare. Et postea in jam dictum *Eboracensem* archiepiscopum et alios episcopos novum regem cum ipso coronantes, auctoritate papali excommunicationis sententiam fulminavit.

Qua publicata, *Rogerus Eboracensis* archiepiscopus, *Jocelinus Saresberiensis*, *Gilbertus Londoniensis* episcopi statim in *Normanniam* applicantes linguas suas ut gladium exaceruerunt, et ipsum regem contra *Cantuariensem* archiepiscopum magis ac magis clamoribus suis in iram nequiter commoverunt. Interim ergo beatus *Thomas* dampnis atrocioribus et injuriis supra modum affectus est, et edicto publico praeceptus septae suae ecclesiae non exire: Et si quis ei vel alicui suorum faciem hillarem praetenderet, hostis publicus censebatur. Sed haec omnia vir Dei cum multa patientia ferens, et omnes conversatione sua aedificans, inter suos familiariter morabatur. Interim rex *Angliae* calumpniatus est archiepiscopatum *Bituricensem* debere Ducatui *Aquitanniae* adjacere, sed rege *Franciae* contradicente, gravis discordia inter illos orta est. Et ex utraque parte magno exercitu congregato rex *Angliae* circa festum sancti *Clementis* cum suo exercitu in *Berria* venit usque *Muterluszun*, volens ulterius usque *Bituricensem* procedere civitatem.

Ipse

ipse enim de civitate illa habenda jam securum se esse sperabat per homines civitatis illius qui eam illi reddere volebant. Nam sanctæ memoriæ *Buturicensis* antistes cum jam diem extremum sibi imminere sensisset, convocatis fratribus coram quibusdam ejusdem urbis civibus dixit. O fratres mei karissimi in Domino, scitote quod civitas ista *Buturicensis* ad Ducatum *Aquitannie* spectat & de jure illius est. Et si postmodum inter regem *Francie* & hæredes *Pictavia* quæstio inde orta fuerit, perhibere testimonium veritati. Et hiis dictis viatico se munens decessit. At rex *Francie* cum suo prævenit exercitu, & acceptis à rege *Anglie* induciis, uterque in suam patriam reversus est. Instante autem Domini-
nicæ nativitatæ solemnitatem rex *Anglie* in *Normannia* moram fecit.

An. Dñi 1171. Anno Domini M. C. lxxj. *Henricus* rex *Anglie* pater curiam suam diem natalis Domini apud *Burum* in *Normannia* tenuit, multum contristatus & confusus de eo quod *Thomas Cantuariensis* archiepiscopus episcopos *Anglie* quos vinculo excommunicationis innodaverat, absolvere recusavit. Cumque ipse rex ita in iram esset commotus, & ex habundantia cordis turbidi verba non sana eructasset, quatuor milites de domo & familia sua propter animi motus quos in eo viderant volentes eum vindicare, ipso rege nesciente latenter ad mare ad transfretandum in *Angliam* festinarunt; Qui mare transito, iter suum festinato cursu versus *Cantuariam* arripuerunt. Et vix per mensem pater in ecclesia sua moram fecerat, ecce quinta natalis die, prædicti quatuor milites, imo sathanæ satellites *Cantuariam* venerunt, quorum nomina quidam metricè sic scripsit.

Willielmus Traci, Reginaldus filius Urbi,
Ricardus Brito, necnon Morvilius Hugo.

Qui in furore suo armati venientes in Templo dictum Archiepiscopum invenerunt, in ingressu magnis clamoribus dicentes, Ubi est, ubi est ille proditor? nec fuit qui responderet. Iterum interrogaverunt, Ubi est archiepiscopus *Cantuariensis*? Quibus ipse respondens ait. Hic sum servus Christi quem vos quæritis. Cui unus illorum in spiritu furoris intulit: Tu modo morieris. Impossibile est enim tibi ut ulterius vivas. Respondit archiepiscopus non minori constantia verbi quam animi. Ego pro Deo meo mori paratus sum, & pro assertione justitiæ & ecclesiæ libertate. Et si caput meum quæritis, ex parte omnipotentis Dei & sub anathemate prohibeo, ne cuiquam alii five monacho five clerico, five laico majori vel minori in aliquo noceatis, sed sint immunes in pœna sicut extiterunt in causa. Verba ejus nonne Christum sequi videntur in passione dicentem, *Si me quæritis sinite hos abire*? Hiis dictis, caput in modum orationis carnificibus eductis gladiis inclinavit, hæc novissima proferens verba, Deo & beatæ *Maria* & sanctis hujus ecclesiæ patronis & beato *Dionisio* meipsum & ecclesiæ causam commendo. Tunc in omnibus hiis cruciatibus invicti animi & admirandæ constantiæ martyr Dei non verbum nec clamorem emisit, non edidit gemitum nec brachium aut vestem opposuit ferienti, sed caput inclinatum quod gladiis exposuerat donec consummaretur immobile tenebat. Itaque præfati milites concurrentium undique utriusque sexus multitudinem timentes ne forte Archiepiscopus voto infecto eriperetur, facinus accelerarunt. Cumque unus ex eis in caput archiepiscopi gladium extendens vibrasset, brachium cujusdam clerici qui *Edwardus*

Grym dicebatur, fere absedit, & ipsum pariter Christum Domini in capite vulneravit. Extenderat enim idem clericus brachium suum super caput patris, ut ictum ferientis exciperet vel potius elideret.

Stabat adhuc justus pro justitia patiens velut agnus innocens sine munnure, sine querimonia, & se ipsum holocaustum Domino offerebat. Et ne quis funestorum satellitum intacto præfule inseclestus argui posset, secundus & tercius gladios suos vertici constantis athletæ atrociter impinxerunt. Et sic dicti satellites pro domino temporali æmulantes, in ipsa sancta matre ecclesia & hora quasi vespertina ipsum Deo optulerunt sacrificium vespertinum. Quartus vero adhuc plusquam furiali crudelitate debaccatus, coronam rasilem præfule jam prostrato & jam expiranti abscedens, mucrone vertici intruso testam capitis dissipavit, cerebrum cum sanguine effundens super lapideum pavementum. Ita inchoante septimo anno exilii sui præfatus *Thomas* pro lege Dei sui & ecclesiæ justitiæ, quæ tota fere in *Anglia* deperierat, usque ad mortem certavit, & à verbis impiorum non timuit, sed fundatus supra firmam petram, i. Christum, pro Christi nomine in ecclesia Christi v. die natalis Domini in crastino Innocentium feria iij. ipse innocens gladiis occubuit prophanorum, anno ætatis suæ quinquagesimo tercio & pontificatus sui xvij. unde metricè scriptum est.

Henricus natus Matildis regnatenebat,
Sub quo sacratus Thomas mucrone cadebat.

Annus millenus centenus septuagenus
Primus erat, Primas cum ruit ense Thomas.

Anno milleno centeno septuageno
Anglorum Primas corrui ense Thomas.

Quis moritur? Presul. Cur? pro grege. Qualiter? ense.

Quando? Natali. Quis locus? ara Dei.

Pro Christi sponsa, Christi sub tempore, Christi
In Templo, Christi verus amator obit.

Milites vero prædicti scelere perpetrato stabulum martyris intrantes, equos ejus extraxerunt, quos inter se prout eis placuit diviserunt. Qui statim profani operis sui conscii & de venia desperantes, redire ad Regis curiam unde venerant noluerunt; sed in boriales *Anglia* partes usque *Lincolneburgh* villam *Hugonis de Morvile* properantes, ibi tam diu donec viles à compatriotis illius provinciæ habiti fuerant, remanserunt. Omnes enim vitabant eorum colloquia, nec aliquis manducare cum eis vel bibere volebat. Soli manducabant, & soli bibebant, & fragmenta cibarium suorum canibus proiciebantur. Et cum inde gustassent nolebant aliquid inde comedere. Ecce manifesta Dei vindicta, ut illi à canibus contempnabantur qui Christum Domini contempserunt. Interim rex qui curiam suam apud *Burum* ut supradiximus tenuit, ad *Argentonium* properavit. Ubi cum audisset quod *Thomas Cantuariensis* archiepiscopus in ecclesia sua *Cantuarie* ita crudeliter occubisset, doluit vehementer & plusquam dici potest. Noluit enim per tres dies quicquam comedere nec cum aliquo loqui, sed clausis

clausis januis vitam miserabilem, inauditam & solitariam per quinque septimanas duxit; donec Robertus Rothomagensis archiepiscopus & episcopi Normanniam venientes, ipsum consolarentur. Dum autem hæc fierent Ludovicus rex Francorum scripsit summo pontifici contra regem Angliæ de morte dicti archiepiscopi in hac forma.

Domino & patri suo sanctissimo Alexandro Dei gratia summo pontifici Ludovicus rex Francorum salutem & debitam reverentiam. Ab humana lege pietatis recedit filius qui matrem deturpat, neque creatoris beneficii reminiscitur qui de sancta sedi illata turpitudine non tristatur. Verum specialius est condolendum & novitatem doloris excitat inaudita novitas crudelitatis, quoniam in sanctum Dei insurgens malignitas, in pupillum Christi gladium infixit, & lucernam Cantuariensis ecclesiæ non tam crudeliter quam turpiter jugulavit. Excitetur exquisita genus iusticia, denudetur gladius Petri in ultione Cantuariensis martyris, quoniam sanguis ejus pro universali clamat ecclesiæ non tam sibi quam universa ecclesiæ conquerens de vindicta. Ecce ad tumultum agonista, ut relatum est nobis, divina in miraculis revelatur gloria & divinitus demonstratur ubi humanitus requiescit pro cuius nomine certavit. Latores vero presentium patre orbati vestra pietati seriem indicabunt, & testimonio veritatis aurem adhibete mitissimam; tam de negotio isto quam de aliis, ipsis tanquam nobis credite. Valeat pietas vestra.

Similiter Theobaldus Comes Blefensis scripsit domino Papæ de morte dicti Archiepiscopi contra regem Angliæ sub hac forma.

Reverendissimo domino & patri suo Alexandro summo pontifici Theobaldus Comes Blefensis & regni Francorum Procurator salutem & debitam cum filiali subiectione reverentiam. Vestra placuit majestati quod inter dominum Cantuariensem archiepiscopum & regem Anglorum pax reformaretur & integra firmaretur concordia. Itaque juxta vestri tenorem mandati, illum rex Angliæ vultu hillari, fronte leta & pacem spondente & gratiam sibi referente recepit. Huic paci & concordie affui, & me presente dominus Cantuariensis apud regem de coronatione filii sui conquestus est, quem voto festinanti & ardenti desiderio in culmen regis dignitatis fecerat promoveri. Hujus autem reus injuria sibi & male conscius rex Angliæ, juris & satisfactionis ipsi Cantuariensi pignus dedit. Conquestus est etiam de Episcopis qui contra jus & decus Cantuariensis ecclesiæ novum regem in sedem Regiam presumpserunt intrudere, non zelo justitie, non ut Deo placerent, sed ut tyrannum placarent. De illis vero liberam & licentem rex ei concessit potestatem, ut ad vestra & sua potestatis arbitrium in eos sententiam promulgaret. Hac siquidem vobis vel juramento vel quolibet alio modo liberit testari paratus sum & sancire. Sic itaque pace facta, vir Dei nil metuens recessit ut gladio jugulum subderet & cervicem exponeret ferienti. Passus ergo agnus innocens martyrium crastina Innocentium die. Effusus est sanguis justus ubi nostre viaticum salutis sanguis Christi solebat inmolari. Canes Anglici familiares & domestici regis Angliæ se ministros regis præbuerunt, & nocentes innocentem sanguinem hauserunt. Hujus prodigii modum detestabilem vobis verbo significare

non vereor ne michi in odium ascribatur, & latores presentium patenter & plenius evolvent. Ex eorum relatione disceris quantus mæroris cumulus, quanta sit universa ecclesiæ & matris Cantuariensis calamitas. Hanc salvo pudore non potest dissimulare Romana mater ecclesiæ, quicquid enim in filiam præsumitur nimium redundat in parentem, nec sine matris injuria filia captivatur. Ad vos itaque clamat sanguis iusti & flagitat ultionem. Vobis ergo assit pater omnipotens, assit & consulat, & qui filii sui criminem mundo impendit ut mundi noxas detergeret & deteret maculas peccatorum, ille vobis vindicta voluntatem insinuet, & suggerat facultatem, ut ecclesiæ inauditi sceleris confusa magnitudine, districta hillarescat ultione. Valete &c.

Interim nuncii Senonensis Archiepiscopi quos ipse Romam, adhuc vivente Cantuariensi Archiepiscopo, miserat, redierunt: Per quos summus pontifex Senonensi Archiepiscopo mandavit, Quod si rex Angliæ nolle satisfacere Deo & Cantuariensi ecclesiæ de controversia quæ inter eum & Cantuariensem Archiepiscopum super dignitate Anglicanæ ecclesiæ vertebatur, & idem rex pacem quam fecerat cum dicto Archiepiscopo non observaret, ipse & Rothomagensis Archiepiscopus sub interdicto ponerent terras regis, scilicet Normanniam, Andegaviam, Pictaviam & Britanniam. Subjunxit etiam summus pontifex in illo mandato, quod si alter illorum non posset aut nolle huic interesse mandato, alter nichilominus mandatum exequeretur. Cum autem Rothomagensis Senonem veniret, secundum mandatum summi pontificis una cum Arnaldo Lexoviensi & Egidio Ebroicensi, ac Rogero Wigornensi episcopis, & cum aliis quamplurimis tam clericis quam laicis de familia regis Angliæ, post multas verborum tergiversationes ad sedem Apostolicam appellavit, & se ad præsentiam domini papæ pro negociis dicti regis iter arripuisse respondit; unde & dicto regi exacerbationem se nolle infundere acerbiorum. Ipse tamen Senonensis archiepiscopus in mandatis domini papæ procedens, in prædictis terris regis Angliæ sententiam tulit, memorato Rothomagensi archiepiscopo & episcopis illam præcipiens observare. Super quo idem Senonensis archiepiscopus summo re scripsit pontifici in hac forma.

Sanctissimo domino ac patri A. Dei gratia summo pontifici, Willielmus Senonensis ecclesiæ humilis minister salutem & devotam cum omni devotione obedientiam. Vestro apostolatu pater sancte data est omnis potestas in cælo & in terra, Gladius anceps in manibus vestris. Super gentes & regna constitutus estis ad alligandos Reges eorum in compedibus & nobiles eorum in manicis ferreis. Vide ergo domine & considera quem vindemiaverunt ita, vineam domini namque Sabaoth exterminavit aper de silva, & singularis ferus depastus est eam. Ecclesiæ siquidem Cantuariensis, imo universalis ecclesiæ sanguine vorantes lacrimas & amaritudine aspersas à finibus terra in conspectu vestro effudit, quia posita est quasi signum ad sagittam, facta est obprobrium vicinis suis. Et qui vident eam movent capita sua super illam, dicentes, Ubi est Deus eorum? Ipsa autem gemens & conversa retrorsum clamat in auribus Domini exercituum, Vindica Domine sanguinem servi tui & martyris Cantuariensis archiepiscopi, qui occisus est pro libertate ecclesiæ crucifixi. Pa-

ter sancte, verbum horrendum, facinus flagitiosum factum est in diebus vestris, quod quicumque audierit tinnient amba aures ejus. Non est auditum in Theman, non est visum in Chanaan. Alter siquidem Herodes semen Chanaan, & non Juda; progenies viperarum, missis à latere suo lictoribus signum Dominica passionis quod desuper in vertice gerebat nequaquam exhorruit profundis exarare vulneribus, & notis turpibus caelestem deformare ymaginem. Proh! sicut omnis ecclesia asserit, ipsum facit martyrem causa pariter & pœna. Pœna, dolor passionis illata. Causa, rigor ecclesiastica censura, quia pro lege Dei sui certavit usque ad mortem. Vestra ergo interest pater sancte, custos murorum Jerusalem, remedium adhibere præteritis, & providentiam futuris. Quis enim locus poterit esse tutus si rabies tyrannica Sancta Sanctorum cruentat, & vicarios sibi alumpnos ecclesia impune dilacerat? Insurgant ergo ecclesiastica leges, armentur jura caelestia, introeat in conspectu vestro ulcio sanguinis gloriosi martyris qui de Anglia clamat: Clamabit siquidem, & commovebit non solum terram sed & cœlum. Et sic nostro consulite dolori, ut honori vestro pariter consulatis & saluti ecclesia. De cetero paternitati vestre dignum duximus insinuare, quod cum domino Rothomagensi & nobis in mandatis dederitis, ut terram regis Angliæ cismarinam si pacem quam gloriosa memoria domini Cantuariensis promiserat non observaret, sub interdicto poneremus. Adicientes etiam quod si uterque nostrum rei executioni non posset aut nollet interesse, alter nichilominus mandatum vestrum exequeretur. Prædictus vero Rothomagensis postquam literas vestras ei presentare fecimus, nobis significavit, quod Senonem veniret & juxta formam mandati Apostolici procederet. Cum autem illuc venisset, una cum Lexoviensi, & Ebroicensi, & Wigornensi episcopis, & aliis quampluribus tam clericis quam laicis de familia prædicti regis, primo verborum tergiversationibus & excusationibus inde deductis, respondit, Se ad presentiam vestram iter arripuisse, & prædicto regi exacerbationem se nolle infundere acerbiozem. Nos vero scientes quod vicium paganitatis incurrit quisquis mandatis Apostolicis obedire contempnit, juxta seriem mandati Vestri de communi consilio venerabilium fratrum nostrorum episcoporum, sancti Dionisii, & sancti Germani, de Pratis & Pontinacensis, Wall' Cennomannix abbatum, & aliorum quamplurium religiosorum virorum & sapientum, in terram ipsius cismarinam sententiam intulimus, & memorato archiepiscopo & episcopis ut eam observari faciant ex parte vestra injunximus. Scimus enim quod nec possessiones sicut promiserat restituit, nec securitatem sicut mors ejus indicat instituit. Per Carturiensem quoque quem ad eum miseramus nobis significavit, quod causam mortis ejus dederat & quod eum occiderat. Inde est quod clementia vestra supplicamus, quatinus prædictam sententiam ratam habeatis, & sicut majestatem vestram decet & incolumitati ecclesiæ expedit, eam taliter faciatis observari, quod honor Dei & vester conservetur, & nos qui sanctitatem vestram ea qua scitis devotione amplectimur, minime propter hoc possimus illudi. Valete & sicut decet facite.

Itaque dum hæc fierent, dominus Rothomagensis, Ebroicensis, Wigorniensis, & Ricardus de Barra & quidam alii de clericis & familiaribus regis, iter ad Romanum pontificem pro ipso rege & regno ejus arripuerunt. Sed dominus Rothomagensis senio & infirmitate laborans, cum jam fere mediam peregisset viam, ulterius procedere non valebat; Sed ipso ad sedem propriam reverso, prædicti Episcopi ad papam cum regis clericis processerunt. A quo ipsi cum magna difficultate impetrarunt, quod duo Cardinales ex parte ejus in Normanniam venirent, ad causam quæ vertebatur inter dominum regem & ecclesiam Cantuariensem de morte Cantuariensis martyris & aliis ecclesiasticis dignitatibus cognoscendam, & prout Deus eis administraret fideliter judicandam. Interim eodem anno Gilbertus Londoniensis, & Jocelinus Saresbiriensis episcopi, quos beatus Thomas excommunicaverat, missis ad dominum papam nunciis, literas absolutionis sub eo quo sequitur tenore ab eo recipere meruerunt.

Alexander episcopus servus servorum Dei venerabilibus fratribus Bituricensi archiepiscopo & Nivernensi episcopo salutem & apostolicam benedictionem. Fraternitati vestre non credimus esse incognitum, qualiter sanctæ recordationis Thomas quondam Cantuariensis archiepiscopus de mandato nostro in Londoniensem & Saresbiriensem episcopos excommunicationis sententiam promulgavit, quam utique nos ratam habentes & firmam, eam auctoritate apostolica curavimus confirmare. Quia vero prædicti episcopi senio & debilitate confecti & alter morbo laborans, ad presentiam nostram venire non possunt, vobis, de quorum prudentia & honestate confidimus, absolutionem eorum pro qua nuncii Henrici regis Angliæ & eorundem episcoporum apud nos vehementius institerant, duximus committendam. Ideoque fraternitati vestre per apostolica scripta mandamus, quatinus si infra mensem postquam iidem nuncii ad propria redierint, de adventu legatorum nostrorum, quos ad partes illas pro cognoscenda atrocitate illius facinoris & sceleris quod perpetratum est, & reconciliatione Regis disposuimus transmittere, quod transalpinanum iter vobis non innotuerint, eos publice recepto juramento secundum morem ecclesiæ, quod vestro debeant assistere mandato, ab excommunicationis vinculo absolvatis, sententia suspensionis qua fuerint ob eam causam ultimo in excommunicationem deducti in suo robore permanente. Si autem vobis constiterit, quod Sarsbiriensis episcopus morbo laborans ad vos venire non possit, illuc in propria persona quod nobis placeret accedatis; aut si accedere non poteritis, personas idoneas de quibus nos & vos confidere valeamus, transmittatis, quæ illum recepto juramento publice in conspectu ecclesiæ quod vestro debeat parere mandato absolvant. Si autem huic rei frater archiepiscopus interesse non poteritis, tu frater episcopus cum Pontiniacensi Abbate quæ dicta sunt diligentius exequaris. Dat. Tusculani viij. kal. Maii.

Eodem anno Amgor Imperator de Marrocinare Affricum transfretans, in Hispaniam cum manu forti & bellicosa de consilio & mandato regis Ferandi applicuit. Et defuncto rege Lupo qui paganus erat,

erat, terras ipsius scilicet *Mauriciam & Valenciam* & multas civitates alias occuparunt. Et inde exercitum suum in terram *Aldefonsi* regis *Castella* promovens, cepit per vim *Oletam & Scoriā* civitates & eas *Saracenis* postea munivit, Christianis omnibus quos in eis cepit interfectis, præter illos quos redegit in perpetuam servitutem. Dum hæc eodem anno fierent, duo apostolicæ sedis legati in *Normanniam* venientes, ipsum regem & terram suam magnis & diversis vexationibus conturbarunt, volentes ipsum & eam sub Interdicto ponere. Sed nullo modo in malicia sua procedere potuerunt; nam rex inde præmunitus, appellatione ad præsentiam domini papæ interposita, se & terram suam illasam cautius conservavit. Attamen apostolicam severitatem timens, ad mare citius transvolavit; Justiciariis & ballivis suis *Normannia* & præcipue ballivis portuum maris per commune edictum præcipiens, quod nullo modo aliquem & nominatim clericum vel peregrinum in *Angliam* permitterent transfratere, nisi securitate prius data, quod nullum malum regi vel regno *Angliæ* quæreretur. Et statim pro filio suo rege ut in *Normanniam* ad eum veniret, nuncios destinavit. Quo adveniente, ipsemet protinus circa festum sancti *Petri* ad vincula naves ascendit, & in nonas Augusti in *Angliam* applicuit. Et simili modo sicut etiam in *Normannia* præceperat, ita in *Anglia* per commune edictum præcepit, quod nullus absque securitate prius data, quod dampnum regi vel regno non quæreretur, in *Normanniam* transfrataret. Præcepit etiam quod si quis in *Angliam* applicuisset literas summi pontificis vel aliquod gravamen portans, tanquam hostis publicus caperetur.

Eodem anno *Hibernia* quæ nunquam prius externa subjacuit ditioni, aut raro vel tepide bello pulsata, sequenti modo subdita est regis *Angliæ* potestati. Cum enim consuetudo esset reges habere plurimos, qui multociens disceptantes in eadem mutua profuerunt, contigit quendam regum terræ illius à finitimis regibus nimio impetu coartari. Consilio ergo super hoc habito, & misso festinanter in *Angliam* filio suo, viros militares accersivit: Quos spe lucri profusioris illectos ad eum in *Hibernia* venientes, & succursum sibi præbentes, abire non permisit, sed tanta eos largitate dotavit, ut oblii populum suum & domos patrum suorum ibidem perpetuam habitationem elegerint. Cum autem cito post contra eundem regem ferocissimi totius *Hibernia* populi indignari & tumultuari inciperent, eo quod gentem *Anglicanam* *Hibernia* inimicisset, illi *Angli* paucitati suæ metuentes, accitis ex *Anglia* viris inopia laborantibus & lucri cupidis, vires paulatim auxerunt. Et quia nondum proprium Principem nec pro voto pastorem habebant, accerserunt ex *Anglia* præficiendum sibi Comitem *Ricardum*, virum præpotentem, nobilem & famosum: qui cum esset magnanimus & supra vires in expensis profusus amplissimisque redditibus attenuatus & creditibus obnoxius, facilius adquevit. Armatorum ergo juvenum copia sibi coadunata, classem magnam transfreturæ parabat. Cumque esset ad id paratus, affuerunt qui ex parte regis *Henrici* passagium inhiberent. Ille vero majoris honoris cupidus, non adquevit, sed navem cum junctis copiis mox ascendens, vehementi impetu super *Dublenensem* irruit

civitatem: Qua fortiter celeriterque expugnata & capta, plurimos etiam longius positos metu suo territos in fœdus venire coegit. Insistebat finitimis dominationem paulatim protendens, & locis opportunis munitiones construens. Porro nationis barbaræ gratiam per affinitatem affectans, fœderati regis filiam in uxorem accepit, magna regni parte sibi nomine dotis data. Cujus tam fausti successus cum regi *Anglia* innotuissent, motus est rex, eo quod non solum regem inconsulto, sed etiam ipso inhibente rem tantam fuisset agressus, & sibi tanquam præcellenti tantæ acquisitionis gloriam ascripisset, mox jussit fisco omne ejus patrimonium applicari. Et ne ex *Anglia* subsidium aliquod haberet, comeatus navium penitus interdixit, fortioraque committans, Comitem jam pene regnantem in suam gratiam redire compulit. Itaque extorsit ei famosissimam *Dublenia* civitatem & cætera quæ in acquisitione potiora videbantur, parte vero reliqua cum patrimonio suo *Anglico* jussit esse contentum. Et sic paulo post rex *Henricus* magno interim exercitu congregato cum festinatione versus *Hiberniam* properavit; qui per *Walliam* transiens ad festum exaltationis sanctæ Crucis cum exercitu suo ad *Pembroc* veniens, ibi per aliquot dies auram prosperam expectavit.

Appropinquante itaque festo sancti *Kalixti* papæ die sabbati sequentis sero naves cum exercitu suo ascendit, & in crastino xvj. kal. Novembris cum CCC. magnis navibus, viris bellicosis, armis, equis, & victualibus onustis, circa horam diei nonam, cum magno gaudio in *Hibernia* applicuit, in loco qui dicitur *Croch*, qui à *Waterfordia* per octo miliaria distat, & ibi tota nocte remansit. Mane autem facto, usque *Waterfordiam* veniens, à *Willielmo* filio *Aldelmi* dapifero suo, & *Roberto* filio *Bernardi*, & quibusdam aliis de familia sua, quos ipse ab *Anglia* præmiserat, & ab *Hibernensibus* cum eis ibidem existentibus honorifice est susceptus. Et tamdiu ibidem remansit, donec reges & potentiores terræ illius ad eum tanquam ad dominum suum veniebant. Venerunt itaque ad eum rex *Corensis*, rex de *Limeric*, rex de *Osseric*, rex de *Mida* & *Radenaldus* de *Waterfordia*, & omnes alii de *Hibernia* præter regem *Cognacta*, & fidelitatibus de omnibus tenementis suis ei juratis, se ipsos ei & ejus dominio subicientes, illius homines devenerunt. Rex autem *Cognacta* ad eum venire noluit, dicens, Se regem & dominum *Hibernia* esse debere. Quem rex *Angliæ* hiemali tempore propter æquatam irundantiam, & abrupta montium & terrarum solitudines quæ inter eos erant, nullo modo potuit debellare. Præterea venerunt ad eum ibidem omnes archiepiscopi & episcopi *Hibernia*, & fidelitatibus ei contra omnes homines juratis, eum in regem eorum et in dominum susceperunt. Et inde recepit ab unoquoque archiepiscopo & episcopo literas, cum sigillis suis in modum Cartæ pendentibus, regnum *Hibernia* sibi & hæredibus suis confirmantes, & testimonium perhibentes ipsos in *Hibernia* eum & hæredes suos sibi in reges & dominos imperpetuum constituisse.

Sunt autem in *Hibernia* archiepiscopi iij. qui xxix. suffraganeos sub se habent. Erat autem tunc temporis *Gelasius Armacensis* urbis archiepiscopus totius *Hibernia* primas, habens sub se viij. suffraganeos qui una secum fidelitatem regi juraverunt.

Quorum

Quorum tituli sunt hii, videlicet Lughdunensis, Tarenfis, Tuenensis, Chouderensis, Rathpotensis, Cevernensis, Ardahachdensis, & Duenerardensis. Similiter *Donatus* Casselensis archiepiscopus fecit fidelitatem regi ibidem & ejus xj. suffraganei, videlicet Lismorensis, Corcensis, Junelechenfis, Cluanensis, Artinorensis, Lupermacensis, Kildarensis, Waterfordensis, Archiferconfis, Rocensis, & Frannabrensis. Similiter *Laurencius* Dublenensis archiepiscopus juravit ei fidelitatem, & ejus 5. suffraganei, videlicet Bistagnensis, Fernensis, Leglenfis, Kildarensis, & Caripolensis. Similiter *Catholicus* Tuamenfis archiepiscopus juravit ei fidelitatem & ejus 5. suffraganei, videlicet Chienfenensis, Kilatensis, Maigonensis, Aelfinensis, & Courensis.

Cum autem hæc facta fuissent, rex *Anglia* misit nuncios suos ad *Alexandrum* papam cum literis archiepiscoporum & episcoporum *Hibernia*, ad regnum *Hibernia* sibi & suis hæredibus confirmandum. Sicque factum est. Nam summus pontifex regnum illud sibi & hæredibus suis auctoritate Apostolica confirmavit, & imperpetuum eos constituit inde reges. Præterea rex circa festum sancti *Leonardi*, misit *Nicholaum* capellanum suum & *Radulphum* archidiaconum de *Landaf* clericum suum, qui cum archiepiscopis & episcopis *Hibernia* apud *Casselsensem* civitatem volente papa magnum concilium celebrarunt, ubi Primas *Armácanus* ob corporis invaliditatem tunc non affuit, qui vaccam candidam cujus lacte duntaxat fovebatur, secum semper circumduxit. In illo autem concilio statuerunt, & auctoritate summi pontificis præceperunt, pueros in ecclesia baptizari, *In nomine Patris, & Filii, & Spiritus sancti*, & hoc à sacerdotibus fieri præceperunt. Mos enim prius erat per diversa loca *Hibernia*, quod statim cum puer nasceretur, pater ipsius vel quilibet alius eum mergeret ter in aqua. Et si divitis filius esset ter in lacte mergeretur. Postea vero aquam illam vel lac in cloacis suis, vel aliis locis immundis proicere solebant. Præceperunt etiam in illo concilio, decimas dari viris ecclesiasticis de omnibus illis quæ possidebant: plurimi namque illorum nunquam decimaverunt, nec sciebant si decimæ dari deberent. Præterea præceperunt ut laici qui uxores habere vellent eas sibi jure ecclesiastico copularent; plerique enim illorum quot uxores volebant tot habebant, & etiam cognatas suas & germanas habere solebant uxores. Officium etiam ecclesiasticum rite modulandum statuerunt. Ibi etiam tunc statutum est, ut morientes in præsentia vicinorum testium condant testamenta, & bona sua mobilia si uxores & liberos habeant, deducto ære alieno & stipendiis serviendum, in tres partes dividantur, quarum una liberis, alia uxori, tertia sibi & exequiis designetur. Si vero liberis aut uxore careat, bona in duas partes dividantur.

Erat *Hibernia* ab olim *Britannia* incorporata, quam duce *Giraldo* in sua topographia ad unguem plenius describente eam profusioribus laudibus congruit illustrare. Ad cujus noticiam liquidius consequendam viam aperiunt tituli subsequentes. Dicitur,

De situ terra locali.

De ejus quanto & quali.

In quibus terra sufficit.

In quibus rebus deficit.

De incolis prioribus.

De incolarum moribus.

De locorum prodigiis.

De sanctorum præconiis.

De situ terra locali.

Hibernia omnium insularum novissima, sic dicta est ab *Hibero Hispanico* fratre scilicet *Hermomii*, qui duo simul juncti eam conquiserunt; vel dicta est ab *Hibero* flumine *Hispania* occidentali. Dicta est etiam aliquando *Scotia* à *Scotis* eam inhabitantibus priusquam ad aliam *Scotiam Britannicam* devenerunt; unde in Martirologio legitur, *Tali die apud Scotiam natalis sancta Brigida*: quod est, apud *Hiberniam*. Hæc terra ab euro austro habet *Hispaniam* trium dierum navigatione collateralem. Ab oriente habet *Britanniam* majorem unius diei velificatione distantem. Ab occasu oceanum infinitum. A septentrione *Islandiam* trium dierum velifico cursu distantem. *Solinus*. Sed & mare quod inter hanc & *Britanniam* interluit, undosum & inquietum est toto anno, & nisi paucis diebus vix enavigabile, in centum xx. mil. passuum latitudinis expanseum.

De ejus quanto & quali.

Hibernia insula post *Britanniam* maxima in Boream extensa à *Brendanicis* scilicet montibus usque ad *Columbinam* insulam, continet octo dierum diætas, quarum quælibet xl. mil. existit. Et à *Dublennia* usque ad *Patricii* colles *Conaccinicumque* mare in latum iij. dierum excursus tenet, quæ in sui medio strictior est quam circa capita, sed e contra est de *Britannia*. Et sicut *Hibernia* brevior est ad Boream quam *Britannia*, ita productior est ad Austrum. Terra quidem est inæqualis, montuosa, pluviola, ventuosa, mollis, & silvestris; per latera maritima valde demissa, introrsus montana & sabulosa. *Solinus*, ita pabulosa, ut pecora ibidem, nisi à pascuis interdum arceantur, ad periculum agit facietas. *Giraldus*, indigenarum sanitas continua, advenarum quoque propter humiditatem nutrimentorum fluxus ventris periculosus est. Carnes ibi vaccinæ salubres, porcinæ nocentes. Incolæ enim nulla febris specie vexantur excepta acuta & hoc perraro. Omnes igitur orientales pompas in lignis, herbis, gemmis, vestibus, hujus terræ salubritas & veneni carencia compensant. Et videtur hæc salubritas causari ex eo quod modicus est ibi excessus in frigore aut calore.

In quibus rebus sufficit.

Terra hæc magis vaccis quam bobus, pascuis quam frugibus, gramine quam grano fecunda est. Habundat tamen salmonibus, muræis, anguillis, & cæteris marinis piscibus. Aquilis quoque, gruibus, pavonibus, coturnicibus, niso, falcone & ancipitre generoso. Lupos quoque habet & mures nocentissimos; sed & araneas sanguifugas & laceratas habet innocuas; mustelas quoque parvi corporis sed valde animolas possidet. Habet & aves quas *Barnaces* vocant aucis silvestribus similes, quas de lignis abietinis quasi contra naturam natura producit,

cit, quibus viri religiosi tempore jejuniorum vescuntur, eo quod de coitu vel de carne minime procreantur. Sed huic repugnare videtur quod si quis de femore primi parentis comedisset, carnem utique comedisset quamvis de carne minime propagatam. Et sicut illa caro ex limo, ita ista caro ex ligno æque mirabilis. Habundat etiam hæc terra lacte, melle, vinis, non vineis. Et quamvis *Beda* dicat terram illam vineis expertem, & *Solinus* ac *Ysidorus* apibus eam carere asserant, circumspicius tamen è diverso scripsissent si eam vineis carere & apum expertem non fuisse dixissent. Item *Beda* dicit capreorum venatu insulam fore insignem, cum tamen constet eam semper capreis caruisse. Nec mirum, cum *Beda* nichil de hac insula oculata fide cognoverit sed per latorem audierit. Ibi quoque gignitur lapis saxogonus, scilicet *Iris*, qui soli appositus format in aere cœlestem arcum. Ibi quoque invenitur lapis *Gagates* & *Margarita* candida.

In quibus rebus deficit.

Tritici grana sunt ibi vix manu purgabilia, & omnium animantium corpora ibi quam alibi minora exceptis hominibus reperiuntur. Defunt hic pene omnes pisces qui ex aquis dulcibus non marinis sementinam trahunt originem. Defunt etiam degeneres falcones, quos lanianos vocant. Defunt & girofalcones, perdices, fasiani, picæ & philomelæ. Carent quoque capreis & damis, hirciis putaciis, & talpis, & cæteris venenosis; unde fingunt aliqui satis favorabiliter sanctum *Patricium* cunctis pestiferis animantibus insulam purgasse. Sed probabilius est, insulam ab initio huiusmodi nocuis caruisse, quoniam etiam venenosa aliunde allata statim moriuntur. Ibidem & toxicum aliunde advectum ultra medios fluctus versus *Hiberniam* vim suæ malignitatis amittit, & etiam pulvis terræ illius aliunde aspersus venenosos vermes fugat, adeo ut corium huius terræ vermi circumdatum aut ipsum occidit, aut terram penetrare cogit. In hac terra galli cantant in ipso noctis crepusculo; & quantum alibi à tertia tantum hic à prima galli voce dies distare dinoscitur.

De incolis prioribus.

Refert *Giraldus* quod hæc insula inhabitabatur primo à *Casera* nepte *Noe* diluvium timente, & ad hanc insulam cum tribus viris & quinquaginta mulieribus proximo anno ante diluvium applicantes. Secundo à *Bartholano* Sere filio cum tribus filiis de stirpe *Japhet* filii *Noe* descendantibus CCC^{mo}. post diluvium anno casu vel industria hic applicantibus, qui usque ad ix. milia virorum excrecentes ex corruptione cadaverum gigantum quos opprefferant omnes mortui sunt, excepto solo *Ruano*, qui per mille quingentos annos usque ad tempora sancti *Patricii* perdurans, cuncta gesta illius gentis sancto viro replicabat. Tercio, *Nimeth* sive *Nimedes* cum quatuor filiis suis de *Sithia* veniens per CCxvj. annos terram incoluit; & tandem ejus sobole per varia infortunia bellorum & mortalitatum detrita, ducentis itidem annis vacua terra mansit. Quarto vero quinque duces germani fratres, scilicet *Gaudius*, *Genandius*, *Sagandius*, *Rutheragus*, & *Slavius* de posteris *Nimedi* prædicti de *Græcia* applicantes,

terram occupaverunt, & eam in quinque partes dividerunt, quarum quilibet pars continebat xxxij. cantredos. Est autem cantredus portio centum villarum, posueruntque lapidem in media terra quasi in medio umbelico velut quinque regnorum principium. Tandem *Slavius* factus est monarcha totius terræ. Quinto, debilitata multum per xxx. annos natione ista advenerunt de *Hispania* partibus in lx. navium classe quatuor nobiles *Millesii* regis filii cum pluribus aliis, de quibus duo denominatissimi fratres *Heberus* & *Hermon* regnum inter se dividerunt. Sed procedente tempore rupto fœdere fraterno *Hebero*que occiso *Hermoni* cessit monarchia, à cujus tempore usque adventum *Patricii* primi Cxxxj. reges de eadem gente fuerunt. Et sic ab adventu *Hiberniensium* usque ad obitum *Patricii* primi sunt anni M. DCCC.

Ab isto *Hibero* dicti sunt *Hibernici*, vel secundum alios ab *Hebero* *Hispania* fluvio. Dicti sunt etiam *Gatheli* & *Scoti* à quodam *Gathelo* *Phemi* nepote, qui post linguarum confusionem apud *Nemproticam* turtim in varis linguis peritus duxit *Scotam* filiam *Pharaonis*, ex quibus ducibus *Hibernienses* descenderunt. Iste etiam *Gathelus*, ut aiunt, *Hibernicam* linguam composuit, quæ & *Gathelaf* dicitur, quasi ex omnibus linguis collecta. Tandem *Gurguncius* *Belini* regis *Britannia* filius de *Dacia* rediens, apud *Orcades* insulas quosdam *Basclenses* de *Hispania* partibus advectos invenit, quos locum habitationis petentes, rex *Gurguncius* ad *Hiberniam* tunc vacuam transmisit, & illis ex suis duces aliquos assignavit. Ex quo videtur quod jure antiquo *Hibernia* debeat ad *Britanniam* pertinere. Ab adventu autem sancti *Patricii* primi usque ad *Fedlimidii* regis tempora xxxij. reges per quadringentos annos in *Hibernia* regnaverunt. In hujus autem *Fedlimidii* diebus, *Normagenes* duce *Turgesio* terram hanc occupaverunt; factisque quampluribus per loca fossatis profundis castella simplicia, duplicia tripliciaque murata adhuc integra tamen vacua erexerunt, sed *Hibernicus* populus castella non curat, nam silvis pro castris utitur, & paludibus pro fossatis. Tandem *Turgesius* dolo puellarum delusus interiit.

Et quia *Anglorum* populus clamat *Gurmundum* *Hiberniam* subjugasse & illa fossata fecisse, de *Turgesio* nichil memorans, *Hibernienses* vero *Turgesium* prædicant, *Gurmundum* autem prorsus ignorant, ideo sciendum est *Gurmundum* in *Britannia* regno quod sibi subjugaverat extitisse, & à *Britannia* *Turgesium* istum cum electa juventute ad *Hiberniam* expugnandam transmississe. Qui quidem *Turgesius* quia hujus expeditionis tribunus & rector extiterat, idcirco illum gens *Hibernia* quem vidit & novit famose prædicat. *Gurmundo* tandem in *Galliarum* partibus interfecto, *Turgesius* in *Hibernia* filiam regis *Medensis* adamavit, quam pater suus cum xv. puellis transmittere *Turgesio* promisit; quibus apud stagnum *Lachermum* cum totidem nobilioribus gentis suæ *Turgesius* occurrere spondidit. Quod dum faceret, à xv. juvenibus inerbibus sub habitu puellari fidas ferentibus dolose occiditur postquam xxx. annis in insula imperaverat. Non multo post de *Norwegia* partibus quasi sub pacis obtentu & mercationis exercendæ prætextu tres fratres, *Amelannus*, *Siracus*, & *Juonrus*, cum sua sequela ad hanc insulam venerunt, &

de consensu *Hiberniensium* otio deditorum maritima loca occupantes, tres civitates *Dublenniam*, *Waterfordiam*, & *Limericum* construxerunt. Qui tandem numero succrescentes contra indigenas frequenter rebellaverunt, & usum securium qui Anglice *Sparth* dicitur, ad terram *Hibernia* comportarunt. Igitur à tempore *Turgesii* usque ad ultimum monarcham *Rothericum* regem *Conaccie*, xvij. reges in *Hibernia* fuerunt. Et sic in universo à primo *Hermone* usque ad ultimum *Rothericum*, quem iste rex *Anglia Henricus* secundus filius *Matildis* imperatricis anno ætatis suæ xl. regni vero sui xvij. & ab incarnatione Domini M. Clxxij. rexerunt *Hiberniam* C.lxxxj. reges, non coronati, non uncti, non hæreditario jure, sed vi & armis succedentes.

De incolis.

Refert *Solinus* quod gens hujus terræ sit barbara, inhospita, bellicosa, fasque nefasque pro eodem ducens; Gens habitu singularis, & inculta, victu parca, animo læva, affatu aspera, sanguine interemptorum prius hausto vultus suos oblinunt, carnibus & fructibus pro esu, lacte pro potu est contenta. Gens quidem ludis, otio & venationi plus dedita est quam labori. *Giraldus* in topographia sua. Gens ista post ortum suum dure nutritur, moribus & vestibus inculta, laneis tam braccis quam caligis, capiciis quoque strictis trans humeros deorsum cubito tenus protensis & vice palliorum falangis nigris utitur. Item non sellis, non ocreis, non calcaribus equitando utuntur, virgam in superiori parte cameratam ad concitandum equos manu ferunt; Frænis chami vice fungentibus & pabula nequaquam impediuntibus utuntur. Inermes corpore pugnant, attamen jaculis binis, lanceis & securibus amplis una tantum manu configunt. Lapides pugillares cum alia defecerint in promptu habent. Gens itaque agriculturam spernens, pascuis tantum utens, barbis & comis à posteriori parte capitis luxurians, non lino, non lanificio, non aliquo mercationis genere, nec ulla mechanicarum artium specie vitam producant, sed otio dediti delicias reputant labore carere, divitias reputant libertate gaudere. Et cum *Scoria* hujus terræ filia utatur lira, timpano, & choro; ac *Wallia* cithara, tubis & choro, *Hibernici* tamen in duobus musici generis instrumentis, quamvis præcipitem & velocem, suavem tamen & jocundam crispatis modulis & intricatis notulis efficiunt armoniam. A bemolli incipiunt & sub obtuso grossioris cordæ sonitu latenter ludentes in idem redeunt, ut pars artis maxima videatur artem velare, tanquam

Si lateat profit, ferat ars deprehensa pudorem.

Gens etiam ista spurcissima nondum solvunt decimas, nondum matrimonia rite contrahunt, non incestus vitant, sed fratres fratrum uxores ducunt. Proditionibus insistant; Securi, i. *Sparthe* in manu quasi pro baculo bajulant, qua sibi confidentes præoccupant. Gens ista versipellis & inconstans, varia & versuta, cujus mores sunt, quod nec in bello fortes, nec in pace fideles inveniuntur. Cum illo quem dolose opprimere volunt primo compaternitatis & consecratae fraternitatis fœdera jungunt, in qua alter alterius sanguinem sponte sulum bibunt. Alumnos & collectaneos aliquantulum diligunt, fratres & cognatos persecuntur, vices decipiunt,

mortuos ulciscuntur. Inter quos adeo in naturam converti prævaluit præva consuetudinis longus abusus, quod adeo à convictu mores formantur, ut etiam hoc vicio prodicionis alienigenæ huc advechi fere inevitabiliter involvantur. In hac gente quamplures viri sedendo, mulieres stando urinam emittunt. Mulci sunt in hac terra deformes, naturæ beneficio in membris destituti, ita ut sicut qui hic bene formantur nusquam melius, ita qui male nusquam pejor. Et recte quidem ut de gente incesta nequiter copulata, natura nequiter deformante, tales natura læsa contra legem naturæ producat. In hac terra & in *Wallia* vetulas quasdam in leporinam formam se transmutare, ubera vaccina sugendo alienum lac surripere, leporariosque magnatum cursu fatigare, vetus quidem & adhuc frequens querela est. Quidam etiam magicis artibus pingues porcos sed rubeos duntaxat ex aliqua præjacente materia producentes in nundinis vendunt, sed hii statim ut aliquam aquam transeunt in propriam naturam redeunt; sed & hii quacumque industria servantur, ultra triduum non perdurant. Inter hæc & hujusmodi est advertendum quod mundi extremitates novis semper quibusdam prodigiis pollent, ac si natura licentius ludat in privato & remoto quam in propatulo & propinquo, unde & in hac insula plurima sunt mira & stupenda.

De locorum prodigiis.

Affirmatum est à multis quod in boreali parte *Hibernia* sit insula viventium, in qua terra nemo mori potest, sed cum diutino detenti fuerint languore, ad insulam proximam deportantur. Est & alia insula in qua mulieres parere non possunt, tamen concipere possunt. Est & alia insula in qua mortuorum corpora putrescere non possunt. Est & lacus in *Ultonia* insulam continens bipartitam, cujus una pars visitationibus angelorum assueta, altera dæmonum excursibus exposita, in qua est Purgatorium *Patricii* quod precibus optinere meruit ad confirmationem dicti sui dum populo incredulo de pœnis reproborum & sanctorum gaudiis prædicaret, cujus loci, ut asserunt, si quis tormenta ex injuncta pœnitentia sustinuerit, infernales pœnas nisi finaliter fuerit in pœnitens non subibit. Circa istud purgatorium *Patricii* est notandum, quod sanctus *Patricius* secundus qui fuit abbas & non episcopus, dum in *Hibernia* prædicaret, studuit animos hominum illorum bestiales terrore tormentorum infernalium à malo revocare, & gaudiorum paradisi promissione ad bonum confirmare: illi autem dixerunt se nolle converti, nisi aliquis illorum tormenta illa & gaudia posset in hac vita aequaliter experiri. Quamobrem *Patricio* super hoc oranti apparuit Ihesus Christus dans sibi textum evangelii & baculum unum, quæ adhuc manent in patria illa apud summum archiepiscopum. Eduxit ergo Dominus *Patricium* in desertum locum, ubi unam fossam rotundam intrinsecus obscuram ei ostendit, dicens, Quod si veraciter quis pœnitens per diem & noctem in illa fossa manserit, & fide constans per illam transierit, videbit tormenta malorum & gaudia beatorum. Ad hæc Christo disparente, *Patricius* ecclesiam ibidem construxit, canonicos instituens regulares. Fossam autem

tem illam quæ modo in cœmeterio est, ad orientalem ecclesiæ frontem muro circumcinxit, & januam obseravit, ne quis temere sine licentia episcopi, & loci Prioris ingrederetur. Multi quippe tempore illius *Patricii* ingressi sunt & regressi, pœnas & gaudia quæ viderant narrantes; quæ ibidem literis demandantur; Qua occasione multi tunc ad fidem convertebantur. Multi quoque intraverunt qui nusquam redierunt.

Sed & diebus *Stephani* regis *Anglia* quidam miles nomine *Owenus*, ut superius tactum est, intravit, & rediens mansit in negociis *Ludensis* domus ordinis *Cisterciensis*, quoad vixit, narrans quæ viderat. Locus autem vocatur *Purgatorium Patricii*, ecclesia vero *Reglis* vocatur. Nulli imponitur ut locum intret, sed potius in principio sibi dissuadetur ingressus. Quod si omnino intrare voluerit, accedet primo ad episcopum loci, qui primo ingressum dissuadet, sed perseveranti in tali proposito, literas tradit ut loci Priorem adeat. Qui similiter ingressum dissuadet, hortando ut aliam pœnitentiam assumat. Quod si perseveret, introducit eum in ecclesiam ut xv. diebus jejunando orationibus vacet. Post quos, hominem communione munitum, cum processione & letania usque ad hostium *Purgatorii* producit, ubi etiam ingressum iterum dissuadet. Quod si perseveret, hostium ei cum benedictione aperit, & post ingressum hostium consignat usque in diem alterum. Mane quo adveniente Prior si hominem ingressum reperierit, cum processione in ecclesiam deducit, ubi aliis xv. diebus jejniis, & orationibus intendit.

Est & insula in *Conacta* salo à sancto *Brendano* consecrata muribus carens, ubi humana corpora nec humantur nec putrescunt, sed sub divo servantur incorrupta. Est fons in *Mamonia* cujus aquis si quis abluitur, pro toto seu pro parte canus efficitur. Econtra est alius fons in *Ultonia* quo intinctus ulterius non canescit. Est etiam fons in *Mamonia* qui si tactus ab homine fuerit, statim tota provincia pluviis inundat, quæ non cessabunt, donec sacerdos virgo à nativitate missa in vicina capella celebrata aquæ benedictione, & lactis vaccæ unius coloris aspersione barbaro fatis ritu fontem reconciliaverit. Apud *Glindelacan* circa oratorium sancti *Keywini* salices more pomœrii poma proferunt magis salubria quam sapida, quæ sanctus ille ad salutem pueri sui produxit. Est lacus in *Ultonia* satis piscosus xxx. mil. passuum in longitudine & xv. in latitudine habens, ex quo fluvius *Banna* usque in Oceanum borealem se diffundit; cui lacui talis ut asserunt casus initium dedit. Celebre fuit aliquando apud loci illius incolæ vicio cœundi cum bestiis consuetissimos, quod quam cito fons quidam terræ illius ex prisca reverentia semper tectus, relinqueretur discoopertus, tanta statim fons inundatione exuberaret, quod totam provinciam submergeret, unde contigit mulierem quandam hauriendi causâ ad fontem accessisse, qua necdum fonte signato ad parvulum vagientem properante, fons ita ebullivit ut & mulierem cum parvulo mergeret, & totam provinciam stagnum faceret; hujus rei argumentum est quod pisces aquæ illius turres ecclesiasticas more patriæ illius altæ & rotundas sub undis sereno tempore adhuc conspiciunt.

Apud australem *Hibernia* partem in regione *Osriensi* quolibet septennio, per impetrationem cuiusdam sancti Abbatis duo conjuges, mas & femi-

na, à finibus illis, & à formis propriis exulare coguntur: nam formam lupinam induentes, completo septennio, si forte superstitēs fuerint, aliis duobus loco eorum simili conditione subrogatis, ad pristinam redeunt tam patriam quam naturam. Est lacus in hac terra, quo si per aliquod spacium palus ligneus infigatur, pars solo inhærens sit ferrea, quæ in aqua est sit lapidea; sed quæ supra aquam lignea manet. Est etiam ibidem lacus in quem si virgam de corulo injeceris, convertitur in fraxinum, & econtra. Item in *Hibernia* sunt tres salmonum saltus, quibus ab imis ad summa contra rupem, ad altitudinem unius hastæ transferunt se salmones. Item in *Lagenia* est unum stagnum, ubi sunt aves sancti *Colemanni*, scilicet cercellæ manibus hominum assuetæ, quibus si injuria fiat, aves non redeunt. Et aquæ ibidem amarescunt & fœtent, & injuriator non evadet vindictam nisi condigne satisficiat.

De Sanctorum præconiis.

Notat hic *Giraldus Cambrensis* quod sicut istius nationis homines sunt in hac vita præ aliis gentibus impatientes, & præcipientes ad vindictam: sic sancti hujus terræ præ cæteris regionibus vindictæ animi esse noscuntur. Clerus hujus terræ castitate pollet, orationi vacat, sed abstinentiæ per diem artificialem indulget, nocternam assidua potatione polluit. Ita ut pro miraculo dicatur, quod ubi vina dominantur Venus non regnet. Et sicut inter eos mali sunt pessimi, ita boni quamvis pauci sunt optimi. Prælati locorum in corripiendis excessibus sunt desides, contemplationi & otio non prædicationi vacantes, unde fit, ut omnes sancti istius terræ sunt Confessores & nullus Martyr; nec mirum, cum omnes pene hujus terræ prælati de monasteriis in clerum electi, quæ monachi sunt complent, quæ clerici sunt vel prælati negligunt; unde cum semel *Casseliensis* episcopo objectum fuisset, quomodo tot sancti possunt esse in illa terra ubi nullus Martyr, ex quo tam feroces sunt subditi, & tam desides prælati, respondit ille satis oblique. Verum est, inquit, quod gens nostra satis ferox est ad seipsam, sed nunquam tamen in Dei ministros manum mittere volunt, cum eos summe colant; verum modo venit in hanc terram gens Angligena, quæ martyres facere novit & contuevit. Hoc autem dixerat episcopus ille, quia tunc temporis venerat rex *Henricus secundus* ad terram illam recenter post martyrizacionem beati *Thomæ Cantuariensis* archiepiscopi. In hac etiam terra, ut ait *Giraldus*, sicut in *Wallia* & *Scocia*, sunt campanæ, baculi recurvi, & alia hujusmodi pro reliquiis in magna veneratione habitæ, ita ut sacramenta super hæc longe magis, quam super evangelia præstare vereantur, inter quæ præcipuus videtur baculus *Ihesu* apud *Dublenniam*, per quem, ut aiunt, *Patricius* primus vermes ejecit. *Augustinus* de civitate Dei libro xvj. capitulo vij. si quæretur quomodo varia genera animalium quæ ex commixtione procreantur, etiam post diluvium in insulis esse potuerunt, creditur, aut ad insulas ea transisse natando, sed tunc ad proximas, aut per homines navigantes studio venandi esse adducta, aut Dei jussu & opere angelorum allata, aut ex terra exorta secundum primam originem, quando Deus dixerat, Producat terra animam viventem.

Interea dum dicti archiepiscopi, & episcopi *Hibernie* cum regis clericis supradictum concilium apud *Casselensem* civitatem celebrarunt, rex circa festum sancti Martini usque *Dublenniam* interea venit, & ibi juxta ecclesiam sancti *Andrea* Apostoli fecit regium palacium ad opus suum constructi extra *Dublenniam* civitatem; Quod reges & ditiores terrarum ad opus ejus de virgis mirifice ad modum illius patrie construxerunt, in quo ipse cum regibus & ditioribus *Hibernie*, in natale Domini regale tenuit festum suum.

An. Dñi 1172. Anno itaque Domini M.Clxij. *Henricus* rex

Anglie filius *Matildis* Imperatricis curiam suam in die nativitatis Dominice, & usque ad Purificationem beate *Mariæ* apud *Dublenniam* in *Hibernia* celebravit. Et inde postea recedens usque *Wesfordiam* in capite jejunii venit, inde vero circa mediam quadragesimam Capellanos, Senescallos, & Constabularios suos usque *Waterfordiam*, ad transfretandum ibi in *Angliam* præmisit, quia multitudo navium quæ de *Anglia* venerat ibi erat. De quibus tribus navibus ad opus regis tantum retentis, ipse apud *Wesfordiam* auram prosperam expectabat, volens inde in *Angliam* navigare, quia prædicti Cardinales à domino papa missi, cum nunciis regis in *Normanniam* jam venerant, & ibi adventum ipsius expectabant, & ideo multo magis versus eos festinabat. Et nisi eorum adventus eum impedisset, in proximo sequenti ætate regem *Conacte* sibi subicere proposuit. Et facile eum debellasset, nisi iter suum festinum versus *Normanniam* pro dictis Cardinalibus ipsum impedisset. Interea rex civitatem *Dublenniam* in custodia tradidit, præcipiens castrum in ea firmari. Et civitatibus *Waterfordia*, & *Wesfordia* *Roberto* filio *Bernardi* in custodia traditis, præcepit rex in eis, & per alia loca castella firmari. Adveniente itaque solemnitate paschali familia regis quæ apud *Waterfordiam* missa fuerat, ipsa die paschali summo mane apud *Croch* juxta *Waterfordiam* navibus ascendens, circa horam ejusdem diei nonam in *Wallia* apud *Millefordiam* juxta *Penboc* applicuit, rege propter solemnitatem paschalem illa die pelagus non intrante.

Qui crastina die mare intrans, apud sanctum *David* in *Wallia* applicuit: Et quam citius potuit per *Walliam* transiens, dominica in Albis viij. die paschæ fuit apud castrum de *Harroff*, ubi inter alias revelationes quæ de vita sua potissime corrigenda fieri cœperunt, dum rex post Missam auditam ad equum suum accederet, astitit ei vir quidam flavus, tonsurâ rotunda, macer & procerus, tunica alba vestitus, nudisque pedibus, qui regem *Tentonica* lingua sic affatur, „*Godde olde kinge*. Deinde sic prosequitur, „Salutat te Christus, & pia mater ejus, „*Johannes Baptista* & *Petrus*, mandantes firmiter, ne per terras ditionis tuæ fiant mercatus, aut „opera servilia dominicis diebus, exceptis hiis quæ „ad usum ciborum pertinent. Quod si observaveris, quicquid inceperis feliciter complebis. Rex autem dixit *Gallice* illi militi qui suum frænum tenebat, Inquire à rustico isto an hæc sompnia verit. Ac dum hoc *Anglice* exponeret, subjecit ille lingua prioris, „Sive hoc sompnia verit sive non, vide quis „dies sit hodie, quia nisi hoc feceris & vitam tuam „correxeris, tales infra præsentem annum rumores „audies, quod usque ad exitum tuum inde dolebis. Hiis dictis, vir ille disparuit. Multæ quoque

aliæ præmunitiones regi fiebant, sed & omnia ille parvi pendebat. Unde infra annum contigit quod tres filii sui, *Henricus* novus rex, *Ricardus* & *Galfridus*, ad regem *Francie* contra patrem proprium diverterunt. Rex *Scocie*, Comes *Cestria*, & Comes *Leicestria* contra regem eam surrexerunt. Secundo namque præmunivit eum quidam *Hibernicus* cum adjectione signorum secretissimorum. Rex vero de *Harroff* quam citius potuit ad naves, quæ eum apud *Portesmueth* expectaverant, properavit, & *Henricum* filium suum novum regem secum ducens, circa Ascensionem Domini apud *Barbesluethum* in *Normannia* applicuit.

Mari vero transito, quidam miles de *Lindeseia* *Philippus* de *Estrebi* tercio exposuit regi in *Normannia* vij. articulos quos emendaret: Quod si faceret, honorifice per septennium regnaret, & crucem Christi de ejus hostibus eriperet, alioquin in quarto ignominiose obiret. Tres primi fuerunt observare eam quæ in coronatione sua juravit, videlicet de ecclesia tuenda, de justis legibus statuendis, & ne aliquem sine judicio dampnaret. Quartus fuit de ablatis hæreditatibus restituendis. Quintus de justitia facienda sine pretio. Sextus de stipendiis ministrorum reddendis. Septimus de *Judeis* expellendis parte pecuniæ eorum ad exeundum eis relicta. Rex vero de istis nihil curans, de consilio prædictorum Cardinalium apud *Cadomum* inventorum statim cum rege *Francie* de coronatione filiarum suarum se adunavit. Et postea mox assensu, & consilio dictorum Cardinalium *Henricum* filium suum, cum *Margareta* filia regis *Francie* sponsa sua, & cum eis *Rotrodum* *Rothomagensem* archiepiscopum, *Egidium* *Ebroicensem* & *Rogero* *Wigornensem* episcopos in *Anglia* destinavit. Quibus circa festum sancti *Bartholomei* apud *Southampton* applicatis, dominica proxima sequente, *Rotrodus* *Rothomagensis* archiepiscopus *Henricum* regem juniorem in ecclesia sancti *Swithuni* apud *Wintoniam* iterum coronavit, & eadem die dictam *Margaretam* uxorem suam unxit in reginam, & eam cum marito suo coronavit, *Ebroicensi* & *Wigornensi* episcopis in illo officio ministrantibus. Hæc est secunda coronatio *Henrici* junioris regis & *Margareta* uxoris suæ prima.

Item rege *Henrico* patre moram in *Britannia* faciente, prædicti Cardinales per *Abbatias* *Normannie* adventum novi regis & uxoris suæ, & aliorum qui cum eis erant in *Anglia* expectabant; unde circa festum nativitatis beate *Mariæ* archiepiscopus *Rothomagensis* cum prænominatis episcopis in *Normanniam* transfretavit, juvene rege cum regina sua per mandatum patris sui in *Anglia* remanente. Interim rex pater de *Britannia* rediens, invenit dictos Cardinales apud *Abbrincam* *Normannie* civitatem. Et quinto kal. Octobris festo sanctorum *Cosmæ* & *Damiani* satisfactionem Deo & summo pontifici de morte beati *Thomæ* martyris faciens, innocentiam suam coram prædictis Cardinalibus, & archiepiscopo *Rothomagensi*, & episcopis ac clero, & regni sui populo purgavit. Juravit insuper coram prænominatis viris ecclesiasticis tactis sacrosanctis evangeliiis, quod nec præcepit nec voluit quod *Cantuariensis* archiepiscopus occideretur; sed quando hoc audivit vehementer inde doluit. Sed quia malefactores illos habere non potuit, qui sanctum *Thomam* occiderunt, & causa animi motus, &urbationis quam in eo viderant, timebat illos illud opus

opus perperrasse, de satisfactione tale præstitit sacramentum. Juravit inprimis quod ab *Alexandro* papa, & ab catholicis successoribus ejus non recederet, quamdiu ipsum sicut regem, & Catholicum habuerint. Juravit etiam quod neque appellationes impediret, neque impedire faceret, quin libere fierent in regno suo ad papam in ecclesiasticis causis; sic tamen si ei suspecti fuerint aliqui, securitatem faciant quod malum suum, vel regni non quarant. Juravit etiam quod ab instante nativitatis Domini, usque in triennium Crucem Domini acciperet, in proxima æstate sequente, in propria persona *Ierosolymam* iturus, nisi remanserit per *Alexandrum* papam, vel catholicos ejus successores. Sed si interim urgente necessitate, in *Hispaniam* super *Saracenos* profectus fuisset, quantum temporis in illo itinere consummaret, tantum de spacio *Ierosolomitana* professionis posset prolongare. Præterea juravit, quod interim tantum pecuniæ daret Templariis, quantum ad arbitrium fratrum Templi posset sufficere ad retinendum CC. milites, per spacium unius anni ad defensionem Terræ sanctæ. Præterea pardonavit iram, & malevolentiam suam omnibus tam clericis quam laicis, qui pro sancto *Thoma* erant in exilio, & in pace concessit eis ad propria libere remeare. Juravit etiam quod possessiones *Cantuariensis* ecclesiæ si quæ ablata essent in integra restitueret, sicut habuit uno anno antequam prædictus archiepiscopus ab *Anglia* egrediretur. Juravit etiam quod consuetudines, quæ indutæ sunt in tempore suo contra consuetudines ecclesiasticas terræ suæ penitus dimitteret. Et hæc omnia juravit se fore absque malo ingenio observaturum. Fecit etiam postea *Henricum* filium suum majorem jurare, omnia capitula hæc tenenda præter illa quæ personam ejus propriam contingebant, & ut hoc in memoriam *Romana* ecclesia haberet, ipse rex præcepit sigillum suum, cum sigillis dictorum Cardinalium, illi scripto apponi in quo dicta Capitula continebantur. In crastino autem prædicti Cardinales, cum archiepiscopis, episcopis, & clero *Normannia* magnum Concilium celebrarunt, in quo inter alia statuerunt, ut pueri ad regimen ecclesiarum, & ad alia administranda in quibus cura est animarum, minime admittantur. Filii vero sacerdotum in patrum suorum ecclesiis non ponantur. Laici partem oblationum in ecclesiis non percipiant. Hi qui decimas jure hæreditario tenent, licencia sit cui voluerint ydoneo clerico illas dare, eo quidem tenore, ut post eum ad ecclesiam cui de jure competunt revertantur. Vir ad religionem non transeat uxore in seculo remanente, vel è converso, nisi ambo vacandi operi carnis tempus præcesserit. Clerici, & *Judæi* non ponantur ad jurisdictiones secularium potestatum administrandas; qui autem hoc præsumperit, ab ecclesiasticis beneficiis absteineat. De ix. libris excommunicatorum, & rebus morientium quas auferunt sacerdotes, & de benedictionibus sponsalium, & baptismo, & de xlvij. libris quæ propter absolutionem excommunicatorum exiguntur, nihil perfectum est, quia episcopi *Normannia* illud decretum recipere noluerunt. In eodem vero Concilio archiepiscopus *Turonensis* calumpniatus est archiepiscopatum *Doli* suo, debere archiepiscopatu adjacere, affirmans sedem archiepiscopalem ibi esse non debere, sed clerici de *Dolo* constanter contradicebant.

Circa festum omnium Sanctorum, *Henricus* novus rex *Angliæ*, cum regina sua per mandatum regis patris sui in *Normanniam* transfretavit; quod statim ad loquendum cum rege *Francia* transiit. Qui cum ad regem *Francia* multum desiderantem filiam suam videre venissent, eos cum magno recepit gaudio & honore, unde illis moram cum eo per dies aliquot trahentibus, magnum dampnum regnis *Francia* & *Angliæ* inde provenit. Nam *Ludovicus* rex *Francia*, qui regem *Angliæ* semper odio habebat, novo regi *Angliæ* genero suo consuluit, quod statim cum in *Normannia* veniret, à patre suo totam *Angliam*, vel totam *Normanniam*, ubi ipse cum uxore sua morari posset, sibi donari exigeret. Et consuluit, quod si pater ejus neutram illarum terrarum ei concedere vellet, ipse cum uxore sua regina ad eum in *Francia* rediret. Interim rex *Henricus* pater fraudem, & maliciam regis *Francia* quas sæpe expertus fuerat timens, pro rege filio suo, & uxore sua in *Francia* destinavit. Ipsi autem accepta à rege *Francia* licentia ad mandatum regis patris sui in *Normanniam* redierunt. Solemnitate igitur natalis Domini adveniente, rex pater versus *Andegaviam*, ut ibi curiam suam in illo festo teneret accessit, rege filio suo cum uxore sua in *Normannia* dimisso.

Adveniente anno ab incarnatione Domini MCLxiiij. Rex *Henricus* pater in nativitate Domini curiam suam apud *Chonum* in *Andegavia* tenuit. *Alianora* regina uxore ejus cum eo ibi pariter existeret. Solemnitate autem nativitatis Domini ibi peracta, rex pater in *Normannia* pro filio suo misit, qui ad eum veniens ante purificationem beatæ *Mariæ*, in *Alverniam* usque ad montem *Ferrandum* cum eo ivit. Et illuc *Hubertus* Comes de *Mauriana* ad eum veniens, *Aalais* filiam suam majorem secum adduxit, quam rex pater pro quinque milibus marcis argenti, ad opus *Iohannis* filii sui junioris, cum toto comitatu de *Mauriana* si prædictus Comes filium ex uxore sua non habuerit comparavit: si vero legitimum susciperet filium, dictus tamen Comes quædam castella, & terras per quoddam circogravum inter eos confectum eis concessit. Venerunt etiam illuc ad regem *Angliæ*, rex *Arragonia*, & *Raimundus* Comes de sancto *Egidio*, qui erant ad invicem inimici, quos rex *Angliæ* usque *Limoges* secum ducens, eos ibidem concordavit. Comes vero de sancto *Egidio* devenit ibi homo regis *Angliæ* patris, & etiam homo novi regis filii sui, & homo *Ricardi* filii sui Comitum *Pictaviæ*, de *Tholosa* tenenda de eis in feodo & hæreditate per servitium veniendi ad summonitionem regis, vel Comitum in guerra sua, & ibi esse in servicio suo per xl. dies ad proprias expensas. Et si rex vel Comes eum ulterius retinere voluerit, cum eis ad eorum expensas per xl. alios dies erit. Præterea idem Comes de sancto *Egidio* dabit eis inde per annum C. marcas argenti, vel x. dextrarios de precio, ita quod unusquisque ad minus valeat x. marcas. Hanc autem conventionem inter eos firmiter tenendam, dictus Comes de sancto *Egidio* tactis sacrosanctis evangeliiis corporale præstitit sacramentum.

Hiis itaque peractis *Hubertus* Comes de *Mauriana* scire voluit apud *Limoges* quicquid, & quantum prædictus *Iohannis* regis filius, cum filia sua de terra patris sui haberet. Unde rex pater voluit concedere, & dare eidem *Iohanni* filio suo caste-

An. Dñi
1173.

lum de *Chinun*, & castellum de *Loudun*, & castellum de *Mirabell* cum pertinentiis suis. Sed rex juvenis contradicens noluit hoc fratri suo concedere, neque à patre permisit fieri ullo modo. Nam molestè jam ferebat, quod pater suus aliquid ei terrarum suarum ubi ipse cum uxore sua morari posset noluit assignare. Unde execrabilis & fœda dissensio inter ipsum patrem & filium suum facta est. Cum enim à quibusdam Comitibus tam *Anglia* quam *Normannia* patrem odientibus filio diceretur, quod solus regnare deberet, eo quod ipso coronato regnum quasi exspirasset paternum, de consilio regis *Francia* & dictorum Comitum *Angliam* vel *Normanniam* seu *Andegaviam* à patre suo petiit sibi dari, indignans maxime expensas regias sibi parcius ministrari: unde ipse ex eo tempore causam & oportunitatem ut à patre suo recederet querebat, animum suum à voluntate patris jam ita declinans quod nichil pacifice potuit eo loqui.

Peraetis itaque apud *Limoges* negociis regiis, rex quam citius potuit cum filio suo in *Normanniam* festinavit. Media autem quadragesima appropinquante cum ad *Chinonem* venissent, rege patre nocte illa ibi remanente, filius suus rex juvenis licentia ab eo non accepta clam ulterius versus regem *Francia* profugebat, ita quod in crastino venit usque *Alenzan*, & die sequenti ad *Argetonium*. In nocte patre ipsum sequente & apud *Alenzan* jacente, juvenis rex circa gallicantum cum privata familia sua viij. idus Marcii ad regem *Francia* properavit. Qui ab eo grate susceptus est, non tantum quod gener suus erat, sed quia à genitore discesserat. Pater vero conversione filii comperta, missis ad regem *Francia* viris pacificis filium paterno jure reposcit, & si quid emendandum videretur pollicetur ejusdem regis consilium se facturum. Ad hæc rex *Francia*. Quis michi, inquit, talia mandat? Rex, inquit, *Anglorum*. Et ille, Falsum est, inquit, ecce adest rex *Anglorum*; si autem patrem hujus, olim regem *Anglorum* appellatis, scitote quod ille rex quasi mortuus est. Porro quod adhuc pro rege se gerit cum regnum filio teste resignaverit mature emendabitur.

Interim rex *Anglia* pater insidias *Francorum* timens, castellis suis in confinio *Francia* existentibus, de ejus mandato custodibus, victualibus & fossis cum festinatione munitis, *Gisorsium* usque venit, & illud quam melius potuit munivit. Et inde per castra *Normannia* transiens, statim per literas suas Castellanis suis *Anglie*, *Aquitannie*, *Andegavia*, & *Britannia* eventum rei significans, mandavit ut castris suis munitis ea bene & fideliter custodirent. Hujus autem nephandæ discordiæ inceptores & principales maxime consiliarii fuerunt, *Lodovicus* rex *Francia*, *Radulphus* de *Fais*, & ut à quibusdam dicebatur ipsa *Elianora Anglie* regina. Nam dictus *Henricus* juvenis rex hostis naturæ, non exemplo scelestissimi *Absolonis* territus, consilio *Francorum* citius partes *Aquitania* clam adivit; Cui prædicta regina mater sua filios suos, *Ricardum* videlicet ducem *Aquitania* & *Gaufridum* Comitem *Britannia* in custodia sua existentes, ut cum eo contra patrem forent, destinavit. Tunc vero adimpletum est illud *Merlini* vaticinium, qui ait. *Evigilabunt rugientes catuli, & postpositis nemoribus infra mœnia civitatum venabuntur, stragem non minimam ex obstantibus facient, & linguas saurorum*

abscedent, Colla rugientium onerabunt catenis, & avita tempora renovabunt. Hoc vaticinium *Merlinus* de filiis regis *Henrici* prædixit, rugientes catulos eos vocans, pro eo quod guerram movendo in patrem & dominum surrexerunt. Post discessum vero juvenis regis, *Ricardus de Barre* qui sigillum suum portabat, ad regem patrem ejus rediens, sigillum illud quod ei ad custodiendum commiserat, sibi tradidit indilate; Qui illud recipiens, præcepit bene & firmiter custodiri. Servientes etiam quos ille pater in domo regis filii sui posuerat, ad patrem similiter redierunt, caretas secum & summarios cum herneis filii qui recesserat adducentes. Sed rex pater illos secum retinere nolens, eos ad regem filium suum cum toto suo herneio destinavit, & præterea per illos, equos, pannos & vasa argentea illi misit, præcipiens eis ut sibi fideliter deservirent.

Quibus ad eum venientibus, statim eos, qui cum eo remanere volebant, fecit sibi fidelitatem contra patrem suum jurare: Illos autem qui hoc facere nolebant, secum noluit retinere, sed libere abire permisit. Qui ad regem patrem redeuntes, cum eo dimisso filio remanserunt. Interim *Lodovicus* rex *Francia*, satis humanum se erga juvenem regem & fratres suos & illos qui cum eis venerant exhibens, novum sigillum effici sibi fecit, per quod ille juvenis rex subscriptas donationes confirmavit. Nam rex *Francia* convocatis Comite *Roberto* fratre suo, *Philippo* Comite *Flandriæ*, *Matheo* fratre ejusdem, Comite *Boloniæ*, *Henrico* Comite de *Trois*, *Theobaldo* Comite *Blesensi*, & Comite *Stephano* una cum cæteris Comitibus, Baronibus & omnibus archiepiscopis & episcopis, clero & populo regni *Francia*, magnum apud *Parisiis* Concilium celebravit. In quo iplmet tactis sacrosanctis evangeliiis juravit, quod juvenem regem & fratres suos secundum posse suum juvaret ad guerram contra illorum patrem manutenendam & regnum *Anglie* perquirendum; Et fecit prædictos Comites & Barones *Francia* jurare illud idem similiter sacramentum: securitate tamen & sacramentis à juvene rege & fratribus suis prius acceptis, quod à rege *Francia* non recederent, nec pacem aliquam cum patre facerent, nisi per ipsum & Comites *Francia* & Barones. In eodem Concilio juvenis rex à *Philippo* Comite *Flandria* homagium & fidelitatem recepit; cui pro illo homagio & fidelitate dedit M. libratas redditus in *Anglia* per annum, & totam *Gantiam* cum castellis *Doverie* & *Roucestrie*. Similiter homagium & fidelitatem à *Matheo* Comite *Bolonia* recepit; cui totam socham de *Strketon* in *Lindeseia* & comitatum *Sporton* concessit. Similiter recepit homagium et fidelitatem à Comite *Theobaldo* et concessit ei L. libratas reddituum *Andegavensium* & castellum de *Ambasio* cum toto jure quod ipse in *Turonia* vendicavit; & etiam quietum clamavit ei totum jus quod pater suus & ipse calumpniati fuerant in oppido *Reginaldi*. Concessit etiam *Willielmo* regi *Scotia* pro homagio & servicio suo totam *Northumberlandiam* usque *Tynam*; et *David* fratri ejusdem regis *Scotia* pro homagio & servicio suo comitatum, *Huntyngdonia* & in augmentum totam *Cantebruggeschiram* sibi concessit. Concessit etiam *Hugoni Bigot* totum Honorem de *Exa* in feodo & hæreditate tenendum, & custodiam castelli *Normici* sibi & hæreditibus suis imperpetuum.

Istas donationes & plures alias quas prætermittimus,

tinus, ad historiam transeuntes, juvenis rex sigillo suo novo quod rex *Francia* praecepit ei fieri, confirmavit. Instante igitur solemnitate paschali *Henricus rex Anglie* pater Curiam suam apud *Alen-*
zun tenebat. Et statim post Clausum Paschae exarsit contra eum nephanda rabies proditorum. Ipsi enim fervore diabolico debriati, terras regis *Anglie* in *Normannia*, *Aquitannia*, *Andegavia*, & *Britannia* igne circumquaque & gladio devastabant. Quo cognito, rex pater stipendarios *Brabantinorum* & alios profusis thesauris accersivit. Mense igitur Junii quando solent reges ad bella procedere, praedictus rex *Francia* & juvenis rex *Anglie* contractis undecunque viribus, regem patrem hostiliter aggrediuntur. Procedente autem tempore circa festum sanctorum apostolorum *Petri & Pauli Philippus Comes Flandriae* cum magno exercitu *Normanniam* intravit, & villa & castro de *Albamarla* sine difficultate aliqua captis, *Willielmus* Comes ejusdem cum *Flandrensibus* collusionem faciens, cum omnibus quos illic rex pater causa praesidii miserat captus est, qui alia sua castella quasi gratis resignavit. Et statim rumor illius captionis per circumjacentes provincias divulgata in *Angliam* pervenit, & furorem perfidae gentis *Anglorum* excitavit. Tunc prorupit in *Anglia* vesana proditorum rabies quae sub fidelitatis velamento antea latitabat.

Hujus autem nephandae prodicionis auctores in *Anglia* extiterunt, *Willielmus* rex *Scotiae*, *David* frater ejus, *Robertus* junior Comes *Leicestriae*, *Robertus* Comes de *Ferers*, Comes *Hugo Bigot*, *Hugo* Comes *Cestriae*, *Rogerus* de *Moubray*, *Thomas* de *Muscamp*, *Robertus* de *Lund*, *Ricardus* de *Morvill*, *Gervasius* *Paynel* qui plura castella contra regem patrem in *Anglia* tenuerunt. Multis etiam aliis in *Anglia* tam clericis quam laicis cum rege patre tenentibus fide. Circa octabas vero Apostolorum *Petri & Pauli* juvenis rex & fratres sui cum Comitibus *Flandriae* & *Boloniae* in *Normanniam* venientes, castellum novum de *Driencurt* obsederunt. Quod adhibitis machinis fortiter obpugnatum infra xv. dies sequentes *Doulsus*, *Baradulsus* & *Thomas* frater ejus qui inde *Constabularii* fuerant reddiderunt, *Matheo* Comite *Boloniae* fratre Comitum *Flandriae* prius ibidem ictu sagittae ad mortem vulnerato; qui postquam castellum redditum fuerat in *Flandriam* delatus obiit. Defuncto itaque *Matheo*, *Petrus* frater ejus *Metropolitanae ecclesiae* de *Caumbray* electus, malens seculo militare quam Deo, de consilio *Philippi* fratris sui Comitum *Flandriae* qui sine propinquiore haerede erat, electionem illam quae de ipso facta fuerat reliquit, & fecit se armis militaribus honorari, imo potius onerari.

Similiter etiam circa octabas apostolorum *Petri & Pauli Ludowicus* rex *Francia* cum exercitu magno *Normanniam* intrans *Vernolium* obsedit, & machinis bellicis statim factis villam circumquaque insultabat cotidie. Sed burgenfes & milites infra positi villam viriliter defenderunt. Nam rex *Francia* qui jam per mensem cum exercitu suo ibi jacuerat, parum proficiens, in nullo eis nocere potuit nisi ex parte illa ubi erant tentoria sua fixa. In fine autem illius mensis victualibus in burgo deficientibus, burgenfes fame & inopia compulsi inducias triduanas ut libere exirent & pro succursu ad regem *Anglia* transirent a rege *Francia* petierunt, & nisi infra sequens triduum ab eo succursum haberent sibi villam

redderent quam tenebant. Et datis inde regi *Franciae* obsidibus dies eis peremptorius in vigilia sancti *Laurentii* est statutus. Et ipse rex *Franciae* eis juravit, & per praeceptum ejus Comes *Robertus* frater ejus et duo alii Comites, ac etiam *Willielmus* archiepiscopus *Senonensis* in verbo veritatis eis promisit, quod si statuto die villam illam reddiderint, rex *Franciae* obsides suos eis redderet, et nullum dampnum eis faceret, nec ab aliis fieri permitteret. Die itaque illo peremptorio instante rex *Angliae* congregato exercitu suo usque *Concas* venit pluiquam x. mil. *Brabacenorum* secum ducens. Et ibi in crastino moram faciens, partem exercitus sui quae nondum venerat expectavit. In sequenti autem die, scilicet vj. idus Augusti feria iv. rex *Angliae* cum rege *Franciae* bellaturus venit usque castrum de *Brethul* quod tunc habuit in manu sua; nam Comes *Leicestriae* ad regem *Franciae* fugiens sine custode illud reliquit. Et ibi in loco eminentiori rex ex equitibus et peditibus suis acies suas bellicas ordinavit; cujus exercitus duces erant *Willielmus* Comes *Arundelliae*, *Willielmus* Comes de *Wandevill* et alii regis magnates.

Ordinatis itaque aciebus, *Willielmus* Comes de *Arundell* vir strenuus et bellicosus in medio cohortum stans sic ait. « Proceres *Normanniae* clarissimi, decet vos bellaturos vestri generis et nominis minuisse. Perpendite ergo qui estis, et contra quos; et ubi bellum gerere debeatis; nemo vobis impune resistit. Ferax namque *Anglia* et dives *Apulia* et *Jerusalem* famola et insignis *Antiochia* vires vestras expertae vobis succubuerunt. Nunc autem rex *Franciae* et sui quos semper in patria sua petivimus et vicimus, in patriam nostram ritu transverso ebrii et dementes, pro dolor convolaverunt. Viri igitur elegantes animos attollite, et adversus nequissimum hostem praesentia Dei et virtute freti exurgite. Tegat vobis galea caput, lorica pectus, ocreae crura, totumque corpus clipeus, et non inveniat ubi feriat hostis nudum. Et procedentes adversus nequissimos hostes quid dubitamus? An numerum? sed non tam numerus multorum quam virtus paucorum bellum efficit. Quid ergo vobis confert gloria parentela, quid exercitatio solempnis disciplinae militaris, nisi pauciores illis plures vincatis? Praeterea considerate in cordibus vestris quam injuste & contra praeceptum Dei rex *Franciae* temeritatem & errorem filiorum invictissimi domini nostri regis *Angliae* contra eum & ejus voluntatem male fovet. Ponite in Domino Deo spem vestram & pugnate viriliter, quia Christus filius Dei vivi qui factus est patri obediens usque ad mortem, in mentibus filiorum domini nostri regis obedientiam filialem hodie inspirabit, vel ostendens se Deum nolentem iniquitatem hodie scelus perfidorum Francigenarum punit, qui in tantum illos nequit seduxerunt quod ordine humanitatis oblito & lege naturae soluta insurrexerunt filii in patrem & geniti in genitorem. Praeterea unum fortissimi proceres vobis firmiter ingerere volo, quod nulla potest esse fugientibus reversio: Nam nobis undique hostibus circumdatis nulla ad loca alia spes est fugae; hoc solum superest ut vincamus vel occumbamus. Sed Deus omnipotens qui judicat populos in aequitate, inspiciat nos hodie oculis misericordiae suae; & qui per servum suum *David* superbiam

«*Golia* confregit, ipse hodie superbiam nostrorum
« conterat inimicorum. Et sonuerunt montes & col-
les, Amen, Amen.

Vixque dictum finierat et omnis exercitus mani-
bus ad cælum protensis terribili voce fugam abju-
raverat. Ecce *Willielmus Senonensis* archiepiscopus
& cum eo *Robertus Comes* frater regis *Francia* &
Comes Theobaldus qui semper regi *Anglia* patri
speciem dilectionis sub velamento iniquitatis & per-
fidie prætendebat, ad eum missi venerunt, dicentes
ei quod rex *Francia* cum eo pacifice loqui vellet de
pace inter ipsum & filios suos facienda. Rex igitur
Anglia pater eis credens, usque in crastinum indu-
cias eis concessit, & usque *Concas* unde venerat re-
gressus est. Mane autem facto, iterum rex pater cum
exercitu suo ad colloqui locum venit. Sed magna
pars exercitus sui animosior erat die præcedenti quam
tunc erat. Et appropinquante hora diei nona, cum
jam hora colloqui præterisset, nec rex *Francia* nec
aliquis ex parte sua ad colloquium venisset, rex *Ang-*
glia & sui versus *Vernolium* respicientes fumum
reterimum viderunt, & post fumum flammam ignium
confergere. Mirantibus illis quid hoc esset, stupor
omnes illico apprehendit. Illa autem die erat dies
peremptorius in quo prædictos burgenſes succursum
habere, vel villam ut dictum est regi *Francia* tra-
dere ex necessario oportebat. Unde hora statuta ad-
veniente, burgenſes succursum non habentes neque
sperantes, villam prædictam regi *Francia* reddi-
derunt. Quam ipse suscipiens securitatem quam
ipse & sui eis fide & sacramentis ut jam diximus in-
terpositis promiserat, non respexit, sed villam com-
burens obsides illius & burgenſes captivos cum
omnibus catallis in *Franciam* secum duxit; &
sic ad dedecus & sempiternum ejus obprobrium
cum suis viliter aufugit, non audens impetum ex-
ercitus regis *Anglia* expectare. Interim rex *Anglia*
in eminenti loco constitutus, exploratorum suorum
reditum expectabat. Quibus redeuntibus & fugam
regis *Francia* nunciantibus, rex *Anglia* & exerci-
tus sui eum in ipsa vigilia sancti *Laurentii* in ore
gladii secuti sunt, ubi multi in illa fuga cæsi & mul-
ti capti fuerunt, ad laudem & gloriam ipsius qui
puniendo scelus perjurii, injuriam burgenſibus die
sui martyris illatam tam sceleriter vindicavit.

Itaque rex *Anglia* pater summa potius victoria
in ipso noctis crepusculo *Vernolium* venit, & ibi no-
cte illa cum suis moram faciens, muros qui cecide-
rant reedificari præcepit. Et in crastino inde rece-
dens, castrum *Adamvill* Gilberti de *Tylers* & plu-
res milites & servientes in eo cepit, inde venit *Rotho-*
magum. Et statim *Brabacenos* suos, de quibus plus
cæteris confidebat, versus *Britanniam* destinavit.
Nam *Hugo Comes Cestrie*, & *Radulphus de Ful-*
geriis cum Britonibus turri de *Dolo* jam eis reddita
terras suas undique devastabant. Et ibi occurrentes
eis *Brabaceni* xiiij. kal. Septembris feria ij. aciebus
dispositis cum eis prælium commiserunt. Et præva-
lentibus *Brabacenis* Britonibusque in fugam conver-
sis, in qua xvij. milites capti erant, Comes *Cestrie* et
dictus *Radulphus* cum illi victi infra turrim de *Dolo*
quam dolo ceperant se cum parte sui exercitus inclu-
serunt. Quos *Brabaceni* obsidentes, statim rei even-
tum regi in crastino mandaverunt. Quod rex apud
Rothomagum audiens, versus *Dolum* multum gau-
dens illico properavit. Quo cum venisset, perariis
suis & aliis machinis bellicis paratis, turrim fortiter

insultavit. Quam Comes *Cestrie* & qui cum eo erant
defendere non valentes, eam ante tres dies regi patri
reddiderunt, ubi dictus *Hugo Comes Cestrie* & præ-
dictus *Radulphus* & alii magnates & plusquam lxxx.
milites magni nominis capiuntur.

Interea circa idem tempus *Willielmus rex Sicilia*
audiens mala quæ juvenis rex et fratres sui patri suo
fecerant, scripsit regi *Anglia* in hac forma. Henrico
Dei gratia nobilissimo & illustri regi Anglia, Duci
Normannia & Aquitannia, &c. *Willielmus eadem*
gratia rex Sicilia, dux Apulia & principatus (a-
pua salutis felicitatem & de hostibus desideratum
triumphum. In receptione literarum vestrarum cog-
novimus quod quidem non sine admiratione maxi-
ma proferre valeamus, videlicet quod ordine huma-
nitatis oblito & natura lege soluta surrexit filius in
patrem & in genitorem genitus, commota sunt vi-
scera ad bellum intestinum, irruerunt ad arma
præcordia, & quod novum prodigium est & no-
stris temporibus inauditum, caro deservit in sangui-
nem & seipsum querit sanguis effundere. Et
quoniam ad tanti furoris impetum compescendum
potentia nostra auxilium loci commoditas non admit-
tit, eo quo possumus caritatis affectu quem locorum
spacia non concludunt personam & honorem vestrum
devotius amplectentes dolori vestro compatimur,
persecutionem quoque vestram molestam ducimus
& quasi propriam reputamus. Confidimus autem
& speramus in Domino cujus judicio regum judicia
terminantur, quod diutius non patietur filium
vestrum tempori supra id quod non deberet. Et
qui factus est patri obediens usque ad mortem
ipse in eo filiale lumen inspirabit per quod me-
morabit quod caro & sanguis vester est, & reli-
ctis hostilitatis erroribus agnoscat se filium, redibit
ad patrem, natura solidabit incommodum, & de-
bita dilectionis fœdera ordo pristinus continebit.
Valete.

Cum in transmarinis partibus circa regem ta-
lia gererentur, in *Anglia* quoque non dissimilia
provenerunt. Nam eodem anno circa festum beate
Mariae Magdalene, *Reginaldus Comes Cornubie*
avunculus regis et *Ricardus de Luci* qui tunc *Ang-*
glia sub rege præerat, accepto à rege mandato
et exercitu *Anglia* prope convocato *Leicestriam*
obsederunt, et eam deditam et captam totam fun-
ditus combusserunt, data prius licentia burgenſi-
bus cum catallis suis libere exeundi et manendi
ubi vellent donec pax in regno fieret, et tunc ad
terras suas iterum revertendi. Sed castellum *Lei-*
cestrie non ceperunt. Interea vij. kal. Octobris
Lodowicus rex Francia habuit colloquium apud
Gisors cum rege patre de pace inter se et filios suos
facienda. In quo colloquio rex pater optulit filio
suo regi medietatem reddituum suorum *Anglia*,
et iv. castra idonea in eadem terra. Aut si filius
suus mallet in *Normannia* morari, rex optulit ei
medietatem reddituum ejusdem terræ et tria ido-
nea castra in eadem. *Ricardus* etiam filio suo
aliam medietatem reddituum & iv. castra ido-
nea in eadem terra. *Gaufrido* etiam filio suo par-
vulo optulit illam terram quæ jure hereditario
ad filiam *Conani* Comitis in *Britannia* & alibi
pertinebat si ipse filiam illam assensu domini papæ
sibi posset matrimonialiter copulare. Et etiam rex
pater omnino se supposuit arbitrio archiepiscopi
Eboracensis et legatorum domini papæ, ut tantum
de

de redditibus superadderet et filiis suis daret quantum illi dicerent æquum esse, retenta sibi iusticia et regia potestate. Sed fuit de consilio regis *Francia* quod filii hanc pacem cum patre facerent. Unde in crastino inter *Gisorcium* et *Triam* ad pacem formandam iterum conveniunt, sed convenire minime potuerunt. Sicque finito colloquio milites regis *Anglia* conflictum militare cum militibus regis *Francia* inierunt, in quo *Ingramus de Tria* a Comite *Willielmo de Mandevill* captus venit usque *Gisorcium*, et ibi se reddidit prisionæ in misericordia regis patris.

Statim vero post illud colloquium *Robertus* Comes *Leicestria* à rege *Francia* et juvene rege missus, cum uxore sua et magno *Flandrensi* exercitu circa festum sancti *Luce* evangelistæ in *Angliam* applicuit. Qui statim *Hugone Bigot* sibi adjuncto, civitatem *Norwicensis* præsidio vacuam effregit, & abrahis opibus inde ad insignem maris portum qui dicitur *Donewich* accessit similiter irrepturus. Sed terribus fiducia habitatorum illius, qui se ad ejus impetum excipiendum constanter parabant, continuo recessit, & castellum de *Aghenet* quod *Ranulphus de Brok* in custodia tenuit obsedit, & infra dies iv. illud cepit. Tandem de numero Sanctorum confidens cum inde versus *Leicestriam* procedere vellet, nunciatum est ei magnam militum copiam apud *Sanctum Edmundum* convenisse, unde ipse terribus ad *Fremyng-ham* castrum *Hugonis Bigot* Comitis reversus moram per dies aliquot secum fecit. Cumque hoc nunciatum esset *Ricardo de Lucy* & *Unfredo de Boon* regis Constabulario, qui cum magno exercitu ad terram regis *Scotia* devastandam profecti fuerant, & jam villam de *Berwik*, & totam adjacentem provinciam combusserant, treugis à rege *Scotia* usque ad festum sancti *Hilarii* captis & hinc inde obsidibus datis, dictus *Unfredus* quameitius potuit usque ad sanctum *Edmundum* veniens, adventum ibi Comitum *Leicestria* expectavit, qui adhuc ut dictum est cum *Hugone Bigot* apud *Fremyng-ham* morabatur.

Appropinquante igitur festo omnium Sanctorum Comes *Leicestria* cum exercitu suo non longe à sancto *Edmundo* in loco qui dicitur *Fornham* in quodam marisco non longe etiam ab ecclesia sanctæ *Genovefa* veniens, sperabat sine impedimento patriam illam pertransire. Quod audiens dictus *Unfredus* regis Constabularius, ipse & *Rogerus* Comes, & *Willielmus* Comes *Arundellia* qui ibidem venerant cum CCC. militibus regis soldariis armati, contra eum hostiliter exierunt, vexillo sancti *Edmundi* regis & martiris coram eis delato. Dictus vero Comes *Leicestria* cum suis non ad dexteram neque ad sinistram declinare valens, turmis dispositis audaciter processit. Et commisso gravi prælio in virtute Dei & beati *Edmundi* ipse Comes & uxor ejus & quidam *Hugo de Castellis* nobilissimus *Baro Francia* in momento capti sunt, & omni tunc exercitu in fugam verso, plusquam decem milia *Flandrensi* in illo prælio ceciderunt, cæteris captis & incarceratis, nullo fere eorum vix evaso. Hujus rei eventu per *Angliam* divulgato, timor magnus super omnes regis patris inimicos factus est. Pervenientibus etiam ad partes transmarinas rumoribus illis, *Ludovicus* rex *Francia* et juvenis rex *Anglia* inde valde contristati ex eo tempore

plusquam dici potest regem patrem timuerunt.

Audiens autem rex pater quod Comes *Leicestria* & uxor ejus cum aliis inimicis suis victi essent & capti, misit pro eis ut ad eum in *Normanniam* ducerentur, quos ad eum missos apud *Falaisim* incarcerari fecit. Appropinquante vero festo sancti *Martini* rex pater cum suis *Brabacensis* in *Andegaviam* transivit. Ad quem circa octabas ejusdem festi *Galfridus de Heya* castellum & villam de *Heya* & castra de *Prulli* & de *Campeyn* veniens sibi reddidit, militibus & aliis pluribus in eo captis. Circa festum vero sancti *Andrea* venit rex pater cum *Brabacensis* suis ad *Vendommum*, quam *Bratardus de Lavardyn* patre suo Comite expulso contra regem tenuit, qua per regales capta, rex inde tunc in *Normanniam* reversus est. Eodem anno *Ludovicus* rex *Francia* *Ricardum* Comitem *Aquitannie* filium regis *Anglia* armis militaribus decoravit. Eodem anno rex *Anglia* pater dedit *Ricardo* Priori *Dorobernia* archiepiscopatum *Cantuariensem*, & *Reginaldo* filio *Jocelini* *Sarisberienfis* episcopi episcopatum *Bathonia*.

Circa idem tempus Canonisatio sancti *Thome* martiris *Cantuariensis* archiepiscopi. Adveniente anno ab incarnatione Domini M. Cxxiv. rex *Anglia* pater Curiam suam in nativitate Domini apud *Ca-domum* in *Normannia* tenuit, induciis inter ipsum & regem *Francia* à festo sancti *Hilarii* usque ad clausum paschæ hinc inde captis. Instante vero festo sancti *Hilarii*, *Hugo Dunolmensis* episcopus apud *Ratedale* treugas usque ad clausum Paschæ à rege *Scotia* cepit, pro quibus conventionavit illi regi de terris baronum *Northumbria* trecentas marcas dare. Interim *Rogerus* de *Monbray* castellum apud *Kinarferiam* in insula de *Axiolm* firmavit. Interea castellani *Leicestria* & milites ejusdem Comitum rursus effrenati & quasi in domini sui ultionem inflammati, vicinas provincias cum aggregata sibi improborum multitudine infestare cœperunt. Et ut principem magni nominis haberent & fiducialiter agerent, *David* Comitem *Huntyngham* fratrem regis *Scotia* in ducem & principem elegerunt. Quo demum à rege *Scotia* fratre suo ut contra regem patrem foret, eis missis, feliciter debacchante & prospere ad plurima procedente, Comes de *Ferers* et vir nobilis *Rogerus* de *Monbray* animum diu dissimulatum declarantes, post cæteros contra regem patrem levaverunt. Nec cessabat eo tempore juvenis rex optimates *Anglorum* qui patri adherere videbantur per clandestinas literas vel promissionibus alieere vel comminationibus pulsare, ut ad suam partem eos deduceret omni modo.

Termino quoque clausæ Paschæ adveniente rex *Scotia* acceptis prius trecentis marcis prædictis exercitum suum in *Northumbriam* promovit, & ibi per *Scotos* suos & *Gallenses* execrabiler egit; Mulieres enim prægnantes findebant, & fetus extractos super acumina lancearum jactabant. Infantibus quoque & pueris, juvenibus & senibus utriusque sexus à maximo usque ad minimum sine redemptione & misericordia peremptis, sacerdotes & clericos in ipsis ecclesiis super altaria detruncabant. Postea rex *Scotia* *David* fratre suo apud *Leicestriam* ad milites Comitum ejusdem per ipsum ut dictum est missis, villam *Carleoli* quam *Robertus de Vallibus* habuit in custodia, cum infinita propriæ gentis

An. Dñi
1174.

gentis multitudine & stipendiariorum ex *Flandria* vocatorum fortiter obsedit, ubi per paucos dies moram faciens parte sui exercitus ibi circa castellum dimissa, terras regis & Baronum suorum per *Northumbriam* cum parte aliqua devastavit. Et castellis de *Lidell*, de *Burgh*, de *Appelby*, de *Wirksworth* & de *Heybode* armis captis, ad exercitum suum quem circa *Carleolum* dimiserat est reversus. Et tamdiu ibi moram fecit donec *Robertus de Vallibus*, & trepidi cives victu eis deficiente cum eo pacem fecerant in hunc modum, quod ad festum sancti *Michaelis* castrum & villam sibi redderent, nisi interim praesidium a rege *Anglia* eis mitteretur. Et factis super hoc sacramentis & obsidibus datis, rex *Scotia* cum exercitu suo inde recedens castellum de *Prudham* obsedit. Sed exercitu comitatus *Eboracensis* super eum venire praeparato, illud reliquit, & venit usque *Alnewike* & illud obsedit. Et *Dunchano* Comite & Comite de *Anegos* & *Ricardo de Morvill* cum toto fere exercitu, ad provincias adjacentes devastandas inde missis, rex *Scotia* ibi remansit cum mitioribus & familia sua privata, ne forte manus militaris ex eo erumpens circumquaque grassantes praedones *Scotiae* perturbaret.

Comes vero *Dunchanus* statim exercitum illum in tres partes dividens, unam secum retinuit. Et aliis duabus ad terras & villas adjacentes undique depopulandas missis, ipse cum parte exercitus quam sibi elegit villam de *Bereuoke* intrans eam incendio devastavit. Et omnibus utriusque sexus ibi inventis a maximo usque ad minimum interfectis, fecit satellites suos frangere ecclesiam sancti *Laurentii* quae ibi erat, in qua clericos villae illius plusquam C. viros praeter mulieres & parvulos occiderunt. Proh dolor! tunc audires clamorem mulierum, ululatus senum, gemitus morientium & juvenum desperationem. Sed deus omnipotens injuriam & violentiam suo martyri illatam vindicavit. Nam duces dicti exercitus provinciae *Eboracensis*, qui urgente negotio pedestrium copias non poterant congregare, apud *Novum castrum* cum equitatu valido convenerant, cum audissent quod rex *Scotiae* de *Prudham* recessisset, & exercitu suo dimisso ab eo, *Alnewike* obsidisset, in communi quid esset agendum tractaverunt: ubi ferventiores dixerunt, Hostes nequissimos modis omnibus esse impetendos, & desperari de victoria non debere. Denique Duces praedicti, in quibus erant praecipui *Robertus de Stottevilla*, *Ranulphus de Glanvilla*, *Willielmus de Vessy* et *Bernardus de Balliolo* nocturna requie paulisper recreati, summo mane progressi sunt, tanta velocitate properantes, ut quibusdam armorum pondere gravatis minus tolerabile videbatur, ante horam quintam xxiiij. milia passuum transmearent; verum dum irent tam densa eos operuit nebula ut quo tenderent vix nescirent. Tunc prudentes periculolum iter causantes, certum discrimen imminere dixerunt nisi citius redirent.

Ad haec *Bernardus de Balliolo* vir nobilis & magnanimus; Recedat, inquit, qui voluerit, ego vero nullo sequente procedam. Absit quod revertendo perpetuam nobis maculam inferamus. Cum ergo procederent, nebula subito evanescente castrum de *Alnewike* praeculis habentes, illud sibi tutum receptaculum si hostes urgerent lati conscierunt. Et ecce rex *Scottorum* cum turba equitum circiter lx. procul in campis tanquam securus & nichil sibi metuens irruptionem nostrorum a castro observabat, barbarorum

multitudine cum parte equitatus ad praedas late dispersa. Ipsi vero nostris conspectis, primo eos de suis a praeda redeuntibus judicabant; sed cito vexillis nostrorum caute notatis tunc demum ipsos nostros esse intellexerunt. Attamen rex *Scottorum* non est territus, sed mox ferociter arma concutiens, suosque verbo simul & exemplo accendens; Modo, inquit, apparebit quis noverit miles esse: primusque in hostes sequentibus ceteris irruens, mox a nostris excipitur, atque equo interfecto ad terram dejectus cum *Ricardo Comyn*, *Willielmo de Mortymer*, *Willielmo de Insula* & tota fere turba sua capitur. Quidam etiam qui tunc forte aberant sed non longe, cum cognovissent quid acciderat, mox cursu rapidissimo affuerunt, atque in manus hostium se ingerentes potius quam incidentes, dominico communicari periculo honestum crediderunt. Porro *Rogerus de Malsay* qui ibidem tunc aderat rege capto elapsus cum quibusdam aliis evasit, in Scociamque refugit. Nostri vero proceres nobilem praedam cum gaudio vehentes *Novum castrum*, unde mane digressi fuerant, vespere redierunt. Gestum est hoc Deo propicio anno ipsius domini M. Clxxiiij. tercio idus Julii per diem sabbati.

Regis vero capcione comperta *Scoti* primo attoniti a praedis desisterunt. Sed cito post tanquam furis agitati ferrum contra hostes sumptum in se ipsos finaliter verterunt. Erant enim in illo exercitu duo fratres *Utrethus* & *Gilbertus Gallewensis* provinciae duces & domini. Inter quos post mortem *Fergi* patris eorum rex *Scotiae* haereditatem dividerat, verum *Gilbertus* natu major paterni juris haereditate fraudatum se dolens, semper in corde oderat fratrem suum, cum tamen concepti furoris impetum metus regis cohiberet. Rege autem ut dictum est capto, *Gilbertus* hoc metu liberatus, statim quasi sub velamine amoris cum fratre suo & *Galewensibus* in patriam suam rediit, ubi fraterno amore pro tempore ostenso, ipse & frater suus omnibus ballivis & custodibus quos rex *Scotiae* eis imposuerat illico expulsis, & cunctis *Anglicis* & *Francigenis* quos apprehendere poterant interfectis, omnes munitiones & castella quae rex *Scotiae* in terra illorum firmaverat obsederunt, & ea demum capta omnibus quos intus ceperant interfectis, destruxerunt. Sed cito post dicti fratres *Gilbertus* & *Utrethus* super dominio *Galeweie*, & quis illorum dominus alterius esse deberet contententes, magno odio inter eos hac de causa habito, uterque illorum insidiabatur alteri ad necandum. Et procedente tempore *Gilbertus* super hoc concilium habens, termino statuto ut fratrem suum *Utrethum* caperet & occideret, suos homines congregavit, & venit *Maculumbus* filius *Gilberti*, & obsedit insulam in qua *Utrethus* avunculus suus *Henrici* regis *Anglia* consanguineus morabatur, & eum ibi capiens carnifices suos misit, praecipiens ut testiculis & lingua ejus abscisis, ipsum privarent lumine oculorum. Qui sic facientes ipso semimortuo relicto abierunt, & ipse paulo post vitam finivit.

Quo mortuo, *Gilbertus* fines fraternos illico invadens, barbaris in barbaros saevientibus non est hominum modica strages facta. Erat autem fratre interfecto filius acer nomine *Roulandus*, qui amicis paternis cooperantibus debacchanti avunculo pro viribus resistebat, eratque totum regnum *Scotiae* turbatum, Deo aequissime disponente, atque eadem mensura improbis remeciente qua ipsi mensi fuerant innoxiiis

innoxii; Et qui paulo ante *Anglorum* quietem turbaverant ut sanguinem eorum sitientes, ordine pulcherimo à seipsis reciperent talionem. Et interea dum hæc fierent, dominus rex unum de clericis suis ad *Robertum de Wallibus* in *Angliam* misit, ut ipsi duo *Ufredum* & *Gilbertum* ad servitium suum alicerent, & eos amore debito convenirent. Illis vero ad colloquium inter ipsos convenientibus, ipse *Gilbertus* & ceteri *Galewenses* duo milia marcarum argenti, & quingentas vaccas & quingentos porcos de redditu per annum eis ad opus regis *Angliæ* optulerunt; hac tamen conditione quod rex eos in manu sua reciperet, & eos à servitute regis *Scotie* liberaret. Sed prædicti nuncii donec cum rege locuti essent, hunc finem cum *Galewensibus* facere noluerunt. Et cum indicatum esset regi qualiter *Ufredus* filius *Fergi* consanguineus suus fuerat occisus, cum *Galewensibus* noluit pacem facere aliqualem.

Dum autem prædicta mala per regem *Scottorum* & suos fierent in *Northumbria*, Comes *Hugo Bigot* cum *Flandrensibus* suis usque *Normicum* veniens eam fregit & combussit, & statim post pentecosten *Anketillus* *Malore* Constabularius *Leicestria* ad *Northampton* villam regis cum militibus suis ivit. Cui burgenfes cum militibus qui intus erant extra obviantes, prælio inter eos commisso versi citius sunt in fugam, captis ducentis burgensibus præter illos qui vulnerati interierunt. Et milites *Leicestria* victoria potiti, ad castrum suum cum præda maxima redierunt. Interim *Gaufridus* *Lincolniensis* electus filius regis *Henrici* bastardus, exercitu comitatus *Lincolniensis* congregato, castrum de *Insula* quod *Rogerus* de *Moubray* firmaverat obsedit, *Roberto* de *Monbray* ejusdem castri Constabulario versus *Leicestriam* pro auxilio petendo eunte, à rusticis *del Chay* capto in ipso itinere & retento. Et cum dictus electus castrum illud cepisset, statim illud destrui præcepit & inde recedens venit *Eboracum*, & sumpto sibi in auxilio *Rogero Eboracensi* archiepiscopo & exercitu comitatus ejusdem congregato, castrum de *Maleberde* *Rogeri* de *Moubray* obsedit. Quod infra breve cum omnibus in eo existentibus captum, *Rogero Eboracensi* archiepiscopo tradidit custodiendum, & antequam recederet quoddam castellum apud *Topctylve* firmavit, quod *Willielmo* de *Scutewill* in custodia liberavit.

Et dum hæc in comitatu *Eboracensi* fierent, *Robertus* Comes de *Ferers* sumptis secum militibus *Leicestria* venit summo mane usque *Potyngham* villam regis, quam *Reginaldus* de *Lucy* custodivit, & eam sine difficultate aliqua captam combussit, burgensibus interfectis & quibusdam in captivitate cum spoliis eorum abductis. Interim *Ricardus Cantuariensis* & *Reginaldus Bathoniensis* electi *Romam* pro eorum & aliorum electorum *Angliæ* electionibus confirmandis profecti, multos adversarios de *Francia*, & plures ac duriores de *Anglia*, contra eos in *Romana* curia invenerunt. Nam novus rex *Angliæ* electiones eorum impedire volens si posset, nuncios suos cum nunciis regis *Francia* ad papam misit, obsecrans ne electiones illas quæ contra ipsius voluntatem & consensum factæ fuerant, confirmaret; noluit tamen papa ipsius mandato consentire, sed ipsum electum *Cantuariensem* consecravit. De cuius consecratione dictus *Bathoniensis* electus scripsit domino suo regi patri sub hac forma.

Henrico illustri regi *Angliæ*, *Duci* *Normanniæ*

& *Aquitaniæ* & *Comiti Andegaviæ*, carissimo domino suo *Reginaldus Dei gratia Bathoniensis electus salutem in eo qui dat salutem regibus. Noverit vestre prudentia majestatis nos in Curia domini pape, duos de terra Francorum & duriores de terra vestra adversarios invenisse, ideoque nos ibi multa & moram oportuit facere radiosam: tandemque ad instantiam nostram divina operante gratia domini pape duritia adeo est mollita, quod domini electi Cantuariensis electionem solempniter in presentia omnium confirmavit, eumque confirmatum dominica sequente consecravit, consecrato die tertia pallium dedit, & modici temporis spacio excurrente, primatiam addidit. Nosque præterea desiderantes ipsum habere plenissimam potestatem, vindictam ecclesiasticam exercendi in omnes regni vestri, qui contra innocentiam vestram nequiter & proditorie malicia sua calcaneum extulerunt, multa solitudine optinimus, quod dominus papa eidem provincia sua legationem indulgit. Meum itaque & aliorum electorum negotium in pendentem est, nec de nobis dominus aliquid statuere vel diffinire decrevit donec vobiscum filius vester ad concordiam reformetur. Speramus tamen in Domino quod mea & omnium aliorum Electorum promotio domini Cantuariensis providencia committetur. Proxima dominica post ascensionem domini dimissa sunt literæ istæ, & nichil jam expectabamus nisi galeas nostras, dominumque Cantuariensem archiepiscopum volo cum festinatione postposito negotio meo ad vos reducere, ut in guerra vestra ipsius auxilium & consilium habeatis. Valete.*

Appropinquante autem nativitate sancti *Johannis Baptiste*, *Ricardus* de *Lucy* magno congregato exercitu castrum de *Huntynghdon* obsedens, militibus qui intus erant villam comburentibus, quoddam castellum ante portas castri firmavit, de mandato regis *Comiti Simoni* illud tradens, quia ille Comes calumpniatus fuerat in Curia regis comitatum de *Huntynghdon* debere jure hæreditario suum esse; quem si posset adipisci rex ei concessit. Nativitate itaque sancti *Johannis Baptiste* adveniente, juvenis rex *Angliæ* & Comes *Flandrensis* fraterni jam oblitus exercitii pro ambitione *Anglicana* provincie quæ *Cancia* dicitur, de qua homagium juniore regi ut dictum est fecerat, de consilio regis *Francia* et mandato quorundam Comitum & Baronum *Angliæ* cum magno exercitu se venire in *Angliam* paraverunt, & usque *Graveling* in *Flandria* ad classem pro eorum transitu congregatam cum adunato exercitu jam venerunt. Interim rex pater cum exercitu suo in *Pictaviam* jam profectus munitiones multas & castella in ea cepit. Et tandem ad civitatem *Sanctonensem* veniens, eam fregit, & duabus turribus cum militibus & aliis in eisdem captis, ecclesiam ibidem cathedralem quam milites & servientes contra eum munierant obsedit. Qua cum omnibus infra existentibus infra breve capta, in *Andegaviam* rediit, & circa festum sancti *Barnabe* Apostoli ad sanctum *Florentinum* villam *Guivonis* de *Ageneis* veniens, munitionem fortissimam in ea firmavit. Qua in manu sua retenta, totam circum adjacentem provinciam devastavit, vineas & arbores fructiferas extirpando.

Quibus actis, rex pater in *Normanniam* rediens circa festum Apostolorum *Petri & Pauli*, cum audisset quod rex filius suus & Comes *Flandriæ*, ad

naves

naves suas ad transfretandum in *Angliam* cum magno exercitu jam venissent, mallens sibi terras suas transmarinas quam regnum *Anglia* periclitari, omnibus aliis negociis postpositis ulque *Barbestum* cum aliquanto equitatu & *Brabancionum* copia transvolavit; ubi statim navibus ascensis in crastino *iiij. idus Julii* apud *Southampton* in *Anglia* applicuit, utrisque reginis & Comitibus *Leicestria* & *Cestria* secum adductis, quos statim in *Anglia* 10 carcerali custodiæ mancipavit. In crastino iter in peregrinatione ad sanctum *Thomam Cantuariensem* martyrem arripiens, cum *Cantuariam* propinquasset, statim ex quo ecclesiam vidit in qua corpus beati martyris sepultum est equum in quo sedebat deferuit, & extractis calciamentis, nudis pedibus & pannis laneis ad ejus sepulcrum in tanta humilitate & cordis compunctione processit, ut sine dubio illius opus credebatur extitisse qui terram respicit & tremere eam facit. Sepulcro itaque beati *Thome* profusis vultu lacrimis à rege visitato, idem rex Capitulum monachorum ingressus, propriæ petitionis instantia à cunctis per ordinem fratribus virgis vir tantus disciplinam corporalem accepit. Denique ipse qui tangit montes & fumigant, istius montis fumigantis devotionem attendens, ipsa die atque ut dicitur ipsa hora qua mons iste *Cantuariensis* fumigavit, hostem ejus inmanissimum, scilicet regem *Scottorum*, apud *Alnewike* per diem sabbati pessundedit ut est dictum. Nam cum eadem die sabbati à *Cantuaria* recedens modicam moram *Lundonia* fecisset, ecce die *Jovis* sequente circa mediam noctem, nuncius quidam veniens pulsando janitores custodesque vehementer excitavit. Incepatus jussusque ut taceret, nullatenus adquievit, dicens, Nuncius ego sum, & nuncium fero bonum. Qui tandem in cubiculum regum introductus, regem excitavit audaciter quiescentem. Rex igitur expergescens, Quis, inquit, es tu? Et ille puer inquit, Ego sum puer fidelis vestri *Ranulphi de Glanvilla* à quo missus bonus venio nuncius. Cui rex, Sanusne est *Ranulphus* noster? Et ille, Bene, inquit, valet: Et ecce hostem vestrum regem *Scottorum* apud *Richemonde* in vinculis captum tenet. Rex vero ad hoc stupidus, Dic, inquit, adhuc. At ille verbum quod dixerat iteravit, & mox regi protulit literas rei gestæ seriem continentes. Quibus intellectis, statim rex de lecto exiliens, Deo qui solus mirabilia facit, & beato *Thome* Martyri piis lacrimis madidas gratias inde egit.

Mane autem venerunt & alii cursores id ipsum nuntiantes; sed primus ut meruit bravium reportavit. Eodem vero die *Jovis* prædicto rex exercitum suum versus castrum de *Huntyngdon* promovit & illud obsedit. Quo *xii. kal. Augusti* ei reddito, omnes milites & alii qui intus erant salvis vita & membris se in regis misericordia reddiderunt. Et inde rex statim cum exercitu suo versus *Fremyngham* castrum *Hugonis Bigott* ubi ipse cum magna *Flandrensi* copia erat, discedens, cum non longe à *Fremyngham* in loco qui dicitur *Seleham* venisset, sua tentoria ibi fixit. Et in crastino, scilicet *viii. kal. Augusti*, *Hugo Bigott* Comes ad eum venit, & pace cum eo facta castra de *Fremyngham* & *Bunge* regi illico liberavit, licentia pro *Flandrensibus* cum eo existentibus sine impedimento repatriandi vix à rege impetrata. Rex vero inde recedens, usque *Portsmouth* cum exercitu suo venit. Et illic *Hugo Dunolmenfis* episcopus ad eum veniens castra de

Portsmouth & *Alterton* ei reddidit. Et etiam tempore illo *Anketillus de Mallore* & *Willielmus de Dina* Constabularii Comitis *Leicestria* ad regem ibi venientes, ei castella de *Croby*, *Mounsozell* & *Leicestria* reddiderunt. Et eadem die venit ad eum *Rogerus de Moubray* & reddidit castrum suum de *Thresk*: Et ibidem etiam Comes de *Ferers* ad eum veniens castra sua de *Tuttesbiry* & de *Duffelde* 10 suæ tradidit ditioni.

Dum hæc autem per *Angliam* fierent *Ludovicus* rex *Francia* cum tremendo exercitu *Normanniam* ab oriente ingressus *Rothomagum* ejusdem provincie metropolim adiit & obsedit. Porro juvenis rex & Comes *Flandria*, cum in *Angliam* classe parata oportunitatem transfretandi captarent, cognito quod rex senior in *Anglia* jam consisteret eorum impetum excepturus, mutato consilio per regem *Francia* revocati, illas terribiles copias ad eum *Rothomagum* 20 transtulerunt, verum cum tantus esset exercitus quantus in *Europa* ab annis retro plurimis visus non fuerat, propter tamen difficiles ejusdem urbis accessus terciam vix partem potuit obsedere. Eratque per pontem è regione liber in urbem ingressus & egressus, videntibus & invidentibus inimicis. Cumque rex pater de reditu filii sui regis & Comitis *Flandria* ad obsidionem *Rothomagi* audisset, postpositis quibusdam negotiis suis ad mare quam citius potuit transvolavit, & navibus apud *Portesmouth* ascensis in crastino apud *Barbestum* feria v. vj. 30 *idus Augusti* in *Normannia* applicuit, Comitibus *Leicestria* & *Cestria* prisonibus suis secum ductis, quos primo apud *Cadomum* & postea apud *Faleisiam* incarceravit. Ipso etiam die quo rex apud *Barbestum* applicuit, in ipso litore maris habuit sibi obvios *Ricardum Cantuariensem* archiepiscopum & *Reginaldum Bathoniensem* episcopum, quem idem archiepiscopus apud sanctum *Johannem de Mauritaniam* in redeundo de curia *Romana* consecraverat, quos rex secum retinere nolens sed eos in *Angliam* 40 destinavit.

Rex itaque *Francia* machinis ad civitatem oppugnandam paratis, totis viribus oppugnationi insistitur. Die vero naturali per octo horas partita tripharie exercitum divisit, ut alii recreati aliis lassatis per vices succederent, & defensores murorum in modico non permetterent respirare; sed hoc frustra. Cives autem cautelæ consilii occurrentes suum tripharie numerum diviserunt, & hostium impetus per vices suscipientes, eisdem peroptime correspondebant. Cumque per dies plurimos sic certaretur, & neque hii neque alii in aliquo remissius agerent, beati affuit *Laurentii* festivus dies. Rex autem *Francia* pro ejusdem festi reverentia quo dictum Sanctum specialiter consueverat venerari, requiem ipso die civitati indulgiam voce præconis jussit pupplicari, quam gratiam cives grate amplexi, ocio brevissimo jocundissime fruebantur. Juvenes & virgines, senes cum junioribus Deo & sancto *Laurentio* pro diei læticia choreas ducentes, gratias exsolverunt, militibus civitatem exeuntibus super ripam fluminis in conspectu hostium ad laudem hastiludia exercantibus. Comes ergo *Flandrensis* mox regem *Francia* ut dicitur adiens, sic ait. Ecce civitas pro qua multum sudavimus hii intus choros ducentibus, illis foris secute ludentibus, sponte nobis offertur. Exercitus ergo in silentio arma sumat, scalisque repente muro adjunctis civitatem optinebimus, antequam in civitatem 60

tatem regredi valeant qui pro irritatione nostra exterius vacant. Absit inquit rex, absit, nosti enim me pro reverentia beati *Laurentii* indulgisse hujus diei requiem civitati. Tunc universi proceres qui aderant familiari ausu regis molliciem improperantes dixerunt, Dolus an virtus quid nunc exerceri debeat, quis enim in hostem veritatem requirat? Victus sic tandem rex adquevit. Itaque non per vocem tubæ sui præconis sed solum ducum susurris exercitus præparatur.

In civitate vero erat turris excelsa in qua quædam vetustissima campana pendebat, ad cujus sonitum cum continuatione pulsationis omnes armata manu ad tuitionem concurrerent civitatis. Contigit autem eadem hora secundum dispositionem dominicam, clericos quosdam nescio quid operandi causa in eandem turrim ascendere, quorum unus per fenestram aspiciens primo quidem insolitum in castris silentium admirans, moxq; clandestinum apparatus conspiciens, socios accersivit. Cumq; liquidius editionem conspicerent, confestim *rue*llo (ita enim campana illa dicebatur) pulsat, notissimum illico signum civitati dederunt. Quo audito, totis viribus utrimque festinatum est. Nam & paratus jam exercitus à castris erumpens cum scalis ad muros tendebat, & cives inopinato stimulati periculo raptis armis spiritu fervido occurrere studuerunt. Illi quoque qui extra urbem hastiludia exercebant, mira celeritate ad urbis præsidium affuerunt. Jamque hostes adjunctis muro scalis murum ascenderant & voces quasi triumphantium personabant. Sed statim fortiter impetuntur & à civibus repelluntur, & viriliter collidentes multus utrinque sanguis effunditur. Tandem hostes qui superbe sursum ascenderant, retrorsum præcipientes abierunt, & longe majore clade accepta quam illata nocte superveniente ad propria confusi turpiter redierunt.

In crastino vero sancti *Laurentii* per diem dominicam, rex *Anglia* pater cum *Brabacen*is suis & mille *Wallensibus* secum adductis *Rothomagum* veniens civitatem in conspectu hostium est ingressus. Hostes vero ante dies paucos de captione regis *Scotorum* attoniti sunt, sed magis de ejus adventu repentino stupefunt; Attamen in robore multitudinis confidentes in obsidione persistebant. Rex autem pater *Walensium* turmam ultra *Secanam* ad nemora per noctem latenter emisit, ut silvarum opacitate recti locis oportunis vias observarent, ne hostibus necessaria veherentur. Qui capto tempore è silvis erumpentes xl. carectas versus exercitum *Francia* vino & victualibus onustas invaserunt. Et armatis à quibus tuebantur in fugam actis carectarii valde timentes relictis suis mercibus fugam post eos protinus inierunt, & *Wallenses* eos sequentes quosdam eorum ceperunt et quosdam peremerunt. Et postea ad prædam revertentes equis à carectis extractis carectas et vasa vinaria fregerunt, in silvas ut prius se iterum capientes. Moxque vulgatum est silvas *Walensibus* esse refertas, atque ita intercepto comeatu exercitu per biduum inedia laborante rex *Francia* & sui perterriti nichil nisi de fuga cogitabant. Interim rex *Anglia* pater portas urbis quas *burgenses* obstruxerant, reſeravit, & exiens cum militari copia et aliis, fossam inter exercitum *Francia* et urbem lignis lapidibus & terra fecit impleri redigique in planum. Ita quod ducenti milites per eam simul poterant pertransire. Tunc peratis & aliis machinis bellicis regis *Francia* de præcepto suo combustis, rex *Anglia*

pater cum armata manu versus tentoria regis *Francia* processit; Quod armati *Francia* percipientes, de tentoriis illis egressi, impetuose cum militibus *Anglia* sunt congressi, unde multis equitibus interfectis quidam ex eis capti quidam vulnerati fuerunt. Mane autem facto, *Willielmus Senonensis* archiepiscopus & Comes *Theobaldus* ad regem *Anglia* venientes inducias ab eo ceperunt, ut rex *Francia* cum exercitu suo ad locum qui dicitur *Malannay* libere recedere inde posset, & quod in crastino ad colloquium inter ipsos ibidem veniret, regem *Anglia* fide & sacramentis inde securum fecerunt.

Et sic rex *Francia* cum exercitu suo usque dictum locum recedere permixsus, sua tentoria ibi fixit. Qui circa mediam noctem in vigilia Assumptionis beatæ *Mariæ* militibus suis armatis clam cum toto exercitu recedens, donec in terram suam pervenisset fugere non cessavit, compositis tamen ordinibus ob periculum si forte à tergo urgerent citius repellendum. Iterum sequenti die dicti archiepiscopus & Comes *Rothomagum* venientes, usque diem nativitatibus beatæ *Mariæ* colloquium apud *Gisfortium* inter ipsos reges ceperunt. Quo die apud *Gisfortium* venientes, ibi inter eos non potuit convenire, nisi in tantum quod treugis datis aliud colloquium inter se ad festum sancti *Michaelis* inter *Turonem* & *Ambasum* ceperunt, hoc pacto quod licet rex *Anglia* interim cum exercitu suo in *Pictaviam* irer, ad *Ricardum* filium suum debellandum, ipsis rege *Francia* & juvene rege juratis, quod nec illi nec aliquis ex parte illorum præsidium sibi facerent quoquo modo. Rege autem patre in *Pictaviam* tunc eunte, *Ricardus* filius suus ipsum expectare non audens, castellis & munitionibus suis quas prius ceperat relictis, ab omni loco quo ipse erat venturus diffugit. Et cum audisset quod rex *Francia* & juvenis rex frater suus inducias cum patre suo cepissent, & ipsum ab illis exclusissent, indignatus inde lacrimans ad patrem venit, & pronus in terram cadens ab eo veniam postulavit. Quem rex paternâ pietate commotus in dilectione & pacis osculo recipiens xj. kal. Octobris feria 2. guerram suam inter ipsum & *Ricardum* filium suum in *Pictavia* finivit, unde factum est quod idem *Ricardus* de consilio patris sui ivit ad regem *Francia* & juvenem regem fratrem suum, ut eis quod fecerat indicaret. Instante festo sancti *Michaelis* prædicti reges ad prælocutum colloquium in loco qui dicitur *Mons Laudatus* inter *Turonem* & *Ambasum* convenerunt. Celebri itaque Colloquio in crastino sancti *Michaelis* inter partes habito, ille execrabilis principum rancor & provinciarum inquietudo pariter quieverunt. Comes enim *Flandrensis* regi *Anglia* restituit quod de jure ejus bellicus contulerat ei casus. Juvenis etiam rex & fratres sui sub forma pacis subscripta in misericordiam patris & gratiam redierunt.

Hæc est concordia facta inter regem & filios suos quam sigillis suis roboraverunt.

Notum sit omnibus tam presentibus quam futuris quod pax inter regem & filios suos, Henricum videlicet regem, & Ricardum & Galfridum in hunc modum Deo volente reſormata est. Henricus rex filius regis & fra-

tres sui pradiicti ad patrem suum & ad servicium ejus sicut ad dominum suum redierunt liberi, & absoluti ab omni juramento & memprisam quam inter se vel cum aliis fecerunt contra eum vel homines suos. Et omnes homines & Barones qui a fidelitate patris causa eorum recesserant: clamaverunt quietos ab omni juramento quod eis fecerant, & ita liberi, & quieti, & absoluti ab omni conventionem quam eis fecerant in hominum & ligantiam domini regis redierunt. Et dominus rex debet rehabere ipse, & homines sui & barones sui, omnes terras & castella sua que habuerunt xv. diebus antequam filii sui ab eo recedebant. Similiter barones & homines sui qui ab eo recesserant & secuti sunt filios suos, terras suas quas habuerunt xv. diebus antequam ipsi ab eo recesserant debent integre rehabere. Et dominus rex remisit omnem malitiam baronibus suis & hominibus qui ab eo recesserunt, ita quod propter hoc nullum malum eis faciet quamdiu ei sicut ligio domino suo servierint. Et rex filius ejus similiter pardonavit omnibus tam clericis quam laicis qui cum patre suo fuerant omnem malitiam, & adsecuravit in manu domini regis patris sui quod illis qui servierunt ei, nec malum, nec dampnum aliquod hac de causa faciet vel perquiret in tota vita sua. Et dominus rex pro hac conditione donavit regi filio suo duo castella idonea in Normannia ad voluntatem patris ipsius, & singulis annis xv. milia librarum Andegavensium. Et dedit Ricardo filio suo duo receptacula idonea in Pictavia unde regi dampnum non posset provenire, & medietatem reddituum Pictaviæ in denariis. Galfrido vero filio suo dedit in Britannia in denariis medietatem maritaggi filie Comitis Conani quam ducere debet in uxorem. Et postquam concessione Romanæ ecclesiæ eam duxerit in uxorem, habebit omnes redditus illius maritaggi sicut in Carta Conani Comitis continetur. Prisones vero domini regis, videlicet Rex Scotiæ, Comes Leicestriæ, & Comes Cestriæ, & Radulphus de Fulgeriis, & obsides eorum, & obsides aliorum prisonum quos prius habuerat sunt extra conventionem istam. Alii autem prisonex utraque parte deliberari debent. Ita scilicet quod dominus rex obsides accipiet de prisonibus suis de quibus habere voluerit & qui dare poterunt. Et de aliis habebit securitatem per fidem & sacramentum suum & amicorum suorum. Castella vero que firmata sunt vel forciata postquam guerra incepit in terra domini regis, pro voluntate sua debent redigi ad illum statum in quo fuerunt xv. diebus ante guerram. Præterea Henricus rex filius domini regis, concessit domino regi patri suo se quam firmiter observaturum omnes donationes elemosinarum quas dederat vel daturus erat de terris suis, & donationes terrarum quas dederat hominibus suis, vel daturus erat pro servicio suo. Concessit etiam se firmiter & inconcusse observaturum donationem quam dominus rex pater suus fecit Johanni fratri suo, videlicet de dominio suo mille libratas reddituum in Anglia, & de escaeris suis ad voluntatem suam, & castellum de Potyngbam cum comitatu, & castellum de Parkelge cum pertinentiis suis. Et in Normannia mille libratas reddituum Andegavensium, & duo castella in Normannia ad voluntatem patris, & in Andegavia, & in terra que fuit Comitis Andegaviæ mille

libratas reddituum Andegavensium, & castellum unum in Andegavia, & unum castellum in Tironica, & unum castellum in Cenomannia. Concessum est autem a domina rege pro amore filii sui, quod omnes illi qui propter filium suum ab eo recesserunt, & in recessu suo forisfecerunt in terra domini regis, ad pacem domini revertantur, ita quod de catallis que in suo recessu asportaverant non respondeant, de morte vero, vel prodicione, vel perditione alicujus membri secundum judicium & consuetudinem terra respondeant. Qui autem ante guerram quacumque de causa ansugerunt et ad servicium filii sui venerunt, pro amore filii sui ad pacem revertantur, si vadum & plegios dederint standi iudicio de hiis que ante guerram forisfecerunt. Illi autem qui in placito erant quando ad filium suum recesserunt, ad pacem revertantur, ita quod in eo statu placita sua sint in quo erant quando recesserunt. Hanc conventionem tenendam firmiter ex parte sua Henricus rex filius domini regis & fratres sui in manu patris assecraverunt. Præterea idem filii assecraverunt quod a domino rege patre suo nunquam amplius exigent ultra donationem præscriptam & determinatam contra voluntatem & beneplacitum domini regis patris sui, & quod neque se, neque servicia sua subtrahent patri suo.

Ricardus vero & Galfridus filii regis devenerunt homines ejus de hiis quæ eis dedit & concessit. Cumque filius ejus Henricus hominibus ei facere voluisset, noluit rex hoc percipere, quia rex erat, sed ab eo securitatem accepit. Eodem anno Ricardus Cantuariensis archiepiscopus iij. episcopos, videlicet Wintonie, Herefordie, Cicestrie, & Ely apud Cantuariam in Anglia consecravit. Qui post illorum consecrationem per episcopatus provinciarum suarum tanquam legatus & primas totius Angliæ in multitudine magna equorum & hominum equitans magnum dampnum domibus religiosorum intulit & gravamen. Et cum usque Gloucestriam venisset clericos & officiales Rogeri Eboracensis archiepiscopi de ecclesia sancti Oswaldi Gloucestriæ coram eo vocatos ab omni ecclesiastico ingressu suspendit, pro eo quod eandem obedientiam quam ceteri clerici suarum provinciarum sibi fecerant facere noluerunt; unde magna discordia inter ipsum & Eboracensem archiepiscopum est exorta. Eodem anno vehemens ignis villam Cantuarie invadens omnibus ecclesiis ejusdem fere combustis ecclesiam sanctæ Trinitatis penitus concrenavit.

Anno ab incarnatione Domini M. Clxxv. Henricus rex Angliæ curia sua in nativitate Domini apud Argenmonium tenta inde in Andegaviam profectus castella sua ibi custodibus munivit. In Purificatione beatæ Mariæ fuit dominus rex & juvenis rex filius ejus apud Cenomanniam, & inde simul in Normanniam venientes in festo sancti Marthie apostoli colloquium apud Gisorsium cum rege Franciæ habuerunt. Illis inde recedentibus, dominus rex rege filio suo apud Rothomagum dimisso in Andegaviam properavit. Et visis ibidem castellis suis & aliis negotiis suis ibi factis, post mediam quadragesimam in Normanniam ad Cadomum rediens, regi filio apud Rothomagum interim moranti ut ad eum festinanter veniret, & secum in Angliam transfretaret mandavit; ipse vero ad patrem venire nolens, mandavit ei quod in Angliam non

An. I.
117:

non transfret. Nuncii enim regis *Franciae* frequenter ad eum apud *Rothomagum* veniebant, & eum transfretare dehortabantur, dicentes, Quod si pater ejus eum in *Anglia* teneret, ipsum carceri manciparet, & ideo ad patrem suum venire non audebat. Dominus rex tamen iterum & iterum nuncios suos ad filium suum mittens, tandem animi sui motum blandis & lenibus verbis adeo emollivit, quod ille spreto *Francorum* consilio ad voluntatem patris rediens, usque *Burum* ad eum protinus properavit, & ibi *Rothomagensi* archiepiscopo, & *Baiocensi* episcopo, & comite *Willielmo*, & aliis quampluribus domini regis familiaribus praesentibus, pronus in terra ad pedes patris corruens, ut ab eo homagium & ligantiam acciperet sicut à fratribus suis fecerat postulavit; & subjunxit quod si rex pater suus homagium recipere noller, credere non posset quod eum veraciter diligebat. Tandem dominus rex pietate motus, homagio suo prece circumstantium accepto, ipsum ad colloquendum cum rege *Franciae* destinavit, & ipse interim ivit ad *Valons*, & ibi per aliquot dies moram faciens usque ad *Burgum Caesaris* inde venit, & ibi in ipsa vigilia Paschae juvenis rex filius suus à rege *Franciae* rediens, ad eum venit, ubi solempne festum Paschale cum magno gaudio tenuerunt. Praecedente autem die Veneris passionis Domini, *Philippus* Comes *Flandriae* crucem accepit, *Jerusalem* proxima aestate in propria persona iturus. Cui die Martis post clausum Paschae ad loquendum cum domino rege & rege filio suo in *Normanniam* venienti, ipsi reges apud *Cadomum* occurrentes, ipsum honorifice susceperunt, & ibi ipsi reges redditum mille marcarum argenti ad scaccarium *Angliae* recipiendum quem praedicto Comiti dederant Cartis suis inde sibi confectis plenarie confirmarunt. Et pro hac confirmatione dictus Comes juvenem regem de sua promissione quam ei pro homagio suo fecerat, & carta sua confirmaverat quietum clamavit, et cartam quam inde à juvene rege habuit in manu regis patris illico liberavit, & sic in *Flandriam* est regressus.

Tunc ipsi reges naves suas apud *Barbestum* ascendentes vij. idus Maii feria vj. apud *Portesmutam* in *Anglia* applicuerunt, & *Londoniam* venientes *Ricardum Cantuariensem* archiepiscopum & suffraganeos fere suos pro celebrando ibi concilio invenerunt. Praedictus itaque archiepiscopus *Cantuariensis* apud *Westmonasterium* coram praedictis regibus assensu & voluntate eorum xj. episcopis *Anglicis* provinciae suae, & episcopo sancti *David* de *Wallia*, cum abbatibus sancti *Albani*, sancti *Edmundi*, & de *Buxleia* praesentibus, die Dominica proxima ante ascensionem Domini, scilicet xv. kal. Junii concilium celebravit. In quo clerici *Rogeri Eboracensis* archiepiscopi jus *Eboracensis* ecclesiae de cruce portanda infra provinciam *Cantuariensis* archiepiscopi vendicabant. Praeterea calumpniati sunt ibidem ex parte *Eboracensis* archiepiscopi, episcopatus *Lincolniae*, *Cestriae*, *Wygorniae*, & *Herefordiae* de jure debere ad Metropolitanam *Eboracensem* ecclesiam pertinere. Et appellatione super hoc ad curiam *Romanam* ibidem interposita, iidem clerici eundem *Cantuariensem* archiepiscopum super injuria & anathematis sententia quam intulit clericis *Eboracensis* archiepiscopi in ecclesia sancti *Oswaldi Gloucestriae* ministrantibus, pro eo quod ad vocationem suam coram eo venire volebant si-

cut alii clerici suae provinciae fecerant, ad summum pontificem appellarunt. In ipso etiam concilio petatum fuit, quod *Cantuariensis* archiepiscopus praeciperet *Godefrido* episcopo sancti *Assaph* ad sedem ecclesiae suae cui pontificali praesentia praefuit redire, vel ut loco ipsius *Godefridi* alium ibi episcopum ordinaret. Ipse enim *Godefridus* paupertate & *Wallensium* infestatione compulsus, episcopatum suum deseruit, veniensque in *Angliam* à Christianissimo rege *Henrico* benigne susceptus est. Qui abbatiam de *Abbingdon* tunc vacantem donec ad sedem propriam liberum haberet regressum sibi in custodia liberavit; unde idem archiepiscopus *Cantuariensis* in ipso concilio ad instantiam illorum quorum intererat, & domini papae *Alexandri* amonitione, necnon consilio venerabilium coepiscoporum suorum, dictum *Godefridum* jam convenit, ut in vi obedientiae ad sedem propriam rediret, vel curam pastorem sibi commissam in manu ipsius archiepiscopi pure & absolute resignaret. Ipse vero *Godefridus* sperans quod abbatia sibi tradita ei remaneret, episcopatum suum nullo cogente in manu *Cantuariensis* archiepiscopi resignavit, baculum & anulum sibi tradens. Et ipse *Cantuariensis* archiepiscopus loco ipsius ad episcopatum illum quendam magistrum *Adam* statuit & consecravit.

Finito sic dicto concilio, dicti reges peregrinatione sua ad beatum *Thomam Cantuariensem* peracta usque *Redinges* inde redeunt, in ipsa die Pentecostes curiam suam & festum regium tenuerunt. Et inde dominus rex unum de clericis suis ad ecclesiam *Norwicensem* & ad abbatias per *Angliam* tunc vacantes cum literis suis misit, significans Priori & Conventui domorum vacantium, quod ipse Prior cum quinque vel pluribus de discretioribus & sapientioribus domus suae qui ad hoc sufficerent, in nativitate beati *Johannis Baptista* obviam ei & domino *Cant.* archiep. apud *Oxoniam* venirent ad pastorem domui suae necessarium eligendum. Et praecipit quod unusquisque Prior literas sui Conventus de ratihabitione secum ferret. Similiter *Cantuariensis* archiepiscopus illud idem per unum de clericis suis ad dictas domos vacantes cum dicto regis clerico scripsit & mandavit. Erant autem tunc temporis praeter episcopatum *Norwicensem* xij. abbatias in provincia *Cantuariensi* per *Angliam* vacantes, videlicet, de *Grimesby*, *Croulandiae*, *Thorney*, *Holm*, *Westminster*, sancti *Augustini Cantuariae*, de *Bello*, de *Hyda*, de *Wynton*, de *Abbyngdon*, de *Abbotesbury*, de *Monchennia*. Interim Comitibus & Baronibus *Angliae* per dominum regem de captione venationis suae implacitatis & in misericordia sua positae, idem rex & rex filius ejus in festo apostolorum *Petri & Pauli* magnum concilium cum *Refo* filio *Griffini* & aliis regulis *Walliae* apud *Gloverniam* tenuerunt, ubi rex hominibus suis *Wallicis*, *Francis*, & *Anglis* praecipit, quod si aliquis *Wallensium* contra aliquem illorum guerram in terra regis moveret, omnes unanimiter constanti animo cum eo contra *Wallenses* tenerent. Et ad hanc observanda fecit dominus rex comitem *Gloucestriae* & alios magnates illius patriae super sancta Evangelia jurare.

Circa octabas nativitatis beati *Johannis Baptista* regibus praedictis usque *Modestoke* venientibus, *Ricardus Cantuariensis* archiepiscopus & viij. episcopi ejusdem provinciae & plures abbates de eadem

dem eisdem ibidem ad illum terminum occurrerunt de pastore ad sedem *Norwicensem* & aliis pastori- bus per abbatias tunc vacantes eligendis & institu- endis coram dictis regibus ibidem concilium cele- brantes. In eodem vero concilio de mandato *Ale- xandri* papæ electio *Gaufridi Lincolnensis* electi confirmata est, sed dominus rex pater suus noluit ut ipse tunc consecraretur, quia ille infra annos ætatis adhuc existens, nescivit tanti oneris & honoris re- gere dignitatem, & ideo misit eum rex *Thronum* ut scholas ibi exerceret & disceret donec dignus esset ad tantum onus suscipiendum. Celebratoque con- cilio prædicto, rex in festo sancti *Petri* ad vincula venit usque *Botyngam*, & ibi baronibus, militi- bus, clericis, & villanis illius patriæ pro venatione regis capta implacitatis, et in misericordia sua et redemptione positus, venit in festo sancti *Laurentii Eboracum*, ubi *Willielmus* rex *Scotie* sibi occurrit ducens secum omnes episcopos, comites et barones, milites, et francos tenentes terræ suæ ad homagia et ligantias, et fidelitates regi *Anglia* et hæredi- bus suis contra omnes homines imperpetuum faci- endas, sicut inter eos apud *Faleisiam* in *Normannia* convenerat antequam rex *Scotie* de ejus carcere ducebatur.

Omnibus itaque in ecclesia sancti *Petri Eboracensi* congregatis, inprimis *Willielmus* rex *Scotie* et *David* frater ejus homagia sua regi *Anglia* fecerunt, et ei fidelitates et ligantias de omnibus tenementis suis nominatim de *Scotia* et *Galeweia* contra omnes homines tactis evangeliiis et reliquiis juraverunt. Et postea homines junioris regis filii sui per fide- litates suas et homagia devenerunt, fidelitate tamen patris sui in omnibus semper salva. Similiter *Ricardus* sancti *Andree*, *Jocelinus* *Glascuensis*, *Ricardus* *Dunkeldensis*, *Christianus* de *Galeweia*, *Andreas* *Catinensis*, *Simon* *Moraviensis* episcopi, ac etiam abbas de *Kelzan*, abbas de *Menros*, abbas de *Neubodde*, et omnes alii terræ suæ abbates fide- litates et ligantias prædictis regibus et eorum hæ- redibus imperpetuum tenendas per præceptum regis *Scotie* juraverunt.

Juraverunt etiam quod eandem subjectionem ecclesiæ *Anglicana* facerent quam prædecessores sui facere consueverant et debebant. Juraverunt etiam prædicti episcopi, quod si rex *Scotie* conventionem et finem quem regi *Anglia* fecerat tenere noller, ipsi ipsum et terram suam donec ad beneplacitum regis *Anglia* veniret supponerent interdicto. Si- militer Comes *Dunecan*, et Comes de *Anegos*, et Comes *Waldenus*, et alii Comites et Barones re- gni regis *Scotie* per præceptum illius, homines præ- dictorum regum *Anglia* devenerunt, et eis fide- litates et ligantias contra omnes homines juraverunt, fi- delitate senioris regis patris dum viveret semper sal- va. Juraverunt etiam dicti Comites et Barones terræ *Scotie*, quod si rex *Scotie* à prædicta conven- tione recederet, ipsi cum rege *Anglia* contra eum tenerent donec ipse ad condignam veniret satisfactio- nem et regis *Anglia* voluntatem. Tunc rex *Anglia* fecit legere coram omnibus quandam conven- tionem sigillis dicti regis *Scotie* et *David* fratris ejus roboratam, quæ inter ipsos reges *Anglia* et *Scotie* apud *Faleisiam* in *Normannia*, ut dictum est, facta fuerat in hunc modum.

Hæc est conventio & finis quæ *Willielmus* rex *Scotie* fecit cum domino suo *Henrico* rege *Anglia*

filio *Matildis imperatricis*, videlicet quod dictus *Willielmus* rex *Scotie* devenit homo ligius do- mini regis *Anglia* contra omnem hominem, de *Scotia*, & de omnibus terris suis aliis, & fidelitatem ei fecit ut ligio domino suo sicut alii homines suo principi facere solent; similiter fecit homagium *Henrico* filio suo, & fidelitatem salva fidelitate do- mini regis patris sui. Omnes vero episcopi, & ab- bates, & clerici terra regis *Scotie* & successores sui facient domino regi sicut ligio domino suo fi- delitatem de quibus habere voluerit, sicut alii epi- scopi suo principi facere solent, & *Henrico* filio suo regi, & heredibus eorum. Concesserunt etiam rex *Scotie* & *David* frater suus, Comites & Ba- rones, & alii homines sui domino regi *Anglia*, quod ecclesia *Scotie* talem amodo ecclesiæ *Anglia* faciet subjectionem qualem illi facere debet & solebat tem- pore regum *Anglia* prædecessorum suorum. Similiter *Ricardus* sancti *Andree*, *Ricardus* *Dunkeldensis* episcopi, & *Galfridus* abbas de *Donfermelyn*, & *Herbertus* de *Coldyngam* concesserunt quod ec- clesia *Anglia* illud jus habeat in ecclesia *Scotie* quod de jure habere debet, & quod ipsi non erunt contra jus *Anglicanæ* ecclesiæ, & sicut ligiam fi- delitatem domino regi *Anglia* & *Henrico* filio suo fecerant eos inde asscuraverunt. Hoc idem faci- ent alii episcopi & clerici *Scotie* per conventio- nem inter dominum Regem *Anglia* & regem *Scotie* & *David* fratrem suum, & Barones suos fa- ctam. Comites & Barones de terra regis *Scotie* de quibus dominus rex *Anglia* homagium habere voluerit facient ei homagium contra omnem homi- nem & fidelitatem ut ligio domino suo sicut alii homines sui ei facere solent, & *Henrico* regi filio suo & heredibus suis, salva fidelitate domini regis patris sui. Similiter heredes regis *Scotie*, & heredes Comitum, Baronum, & hominum suorum homagium & ligantiam facient heredibus domini regis contra omnem hominem. Præterea rex *Scotie* & homines sui nullum amodo fugitivum de terra domini regis pro feloniam receptabunt in *Scotia* vel in alia terra sua nisi voluerit venire ad rectum in curia domini regis, & stare iudicio curiæ, sed rex *Scotie* & homines sui quamcivis poterunt eum capient & reddent domino regi, vel iusticiariis suis, aut ballivis in *Anglia*. Si autem de terra re- gis *Scotie* aliquis fugitivus fugerit pro feloniam in *Angliam*, nisi voluerit venire ad rectum in cu- ria regis *Scotie*, per ballivos domini regis ubi in- ventus fuerit capiatur. Et si voluerit stare iudicio curiæ domini regis vel regis *Scotie*, non re- ceptabitur in terra domini regis, sed liberabitur hominibus regis *Scotie* per ballivos domini regis ubi inventus fuerit. Præterea homines domini regis habebunt terras suas quas habebant & ha- bere debent de rege *Scotie* & de hominibus suis. Et homines regis *Scotie* habebunt terras suas quas habebant & habere debent de domino rege & ho- minibus suis. Pro ista vero conventionem & finem firmiter observandis domino regi & *Henrico* filio suo regi & heredibus suis à rege *Scotie* & hære- dibus suis, liberavit rex *Scotie* domino regi ca- stellum de *Rokesburgh*, & castellum de *Berewike*, & castellum de *Gedeworth*, & castellum *Puella- rum*, & castellum de *Strivilina* in misericordia do- mini regis. Et ad custodienda castella illa assigna- bit rex *Scotie* de redditu suo mensurabiliter ad volun-

voluntatem domini regis. Præterea pro prædicta conventionione & sine exequendo, liberavit rex Scotiæ domino regi fratrem suum David in obsidem, & Comitem Dunecan, & Comitem Baldewynum, & Comitem Gilibertum, & Comitem Danegos, & Ricardum de Nevill Constabularium, & Resum filium Willielmi, & Ricardum Comyn, & Walterum Corbet, & Walterum Olifard, & Johannem de Vals, & Willielmum de Lyndeseye, & Philippum de Coleville, & Philippum de Valoins, & Robertum de Frenbert, & Robertum de Turbellvill, & Hugonem Giffard, & Hugonem Ridell, & Walterum de Bercheffley, & Willielmum de Haia, & Willielmum de Mortimer. Quando vero castella reddita fuerint, Willielmus rex Scotiæ et David frater ejus deliberabuntur. Comites quidem et Barones prænominati unusquisque liberavit obsidem suam, scilicet filium legitimum qui habuerit, et alii nepotes suos vel propinquos sibi hæredes, et castellis, ut dictum est, redditus deliberabuntur. Præterea Rex Scotiæ & Barones sui prænominati asscuraverunt, quod ipsi bona fide et sine malo ingenio, et sine occasione facient, quod ipsi et barones et homines terra sua qui non assuerunt quando rex Scotiæ cum domino rege finivit, eandem ligantiam et fidelitatem facient domino regi et Henrico filio suo quam ipsi fecerant, et homines qui non assuerunt obsides liberabunt domino regi de quibus habere voluerit. Præterea episcopi, et homines, et Comites, et Barones conventionaverunt domino regi et Henrico filio suo, quod si rex Scotiæ aliqua causa à fidelitate domini regis et filii sui, et à conventionione prædicta recederet, ipsi cum domino rege sicut cum ligio domino suo tenebunt contra regem Scotiæ, et contra omnes homines domino regi inimicantes, et ipsi sub interdicto ponent terram regis Scotiæ donec ipse ad fidelitatem domini regis redeat. Prædictam itaque conventionem firmiter observandam bona fide et sine malo ingenio domino regi, et Henrico filio suo, et hæredibus suis à Willielmo rege Scotiæ, et David fratre suo, et à baronibus supradictis, et hæredibus eorum asscuravit ipse rex Scotiæ, et David frater suus, et omnes barones sui prænominati sicut legii homines domini regis contra omnem hominem, et Henrici filii sui, salva fidelitate domini regis patris sui. Teste Alberico Ric: et Johanne Sarisberienfi decano, Roberto abbate de Malmesburia, R. abbate de Muntensberg, Herberto archidiacono Northamptoniæ, Waltero de Custanciis, Rogero capelle capellano, Osberto clerico de Camera, Ricardo filio domini regis Comite Pictaviæ, Galfrido filio domini regis Comite Britanniarum, Willielmo Comite de Essexia, Hugone Comite Cestrie, Ricardo Humet Constabulario, Comite de Melent, Jordane Tesselun, Unfredo de Boun, Willielmo de Tracy senescallo, Willielmo filio Aldelini senescallo apud Faleisiam.

Hiis itaque apud Eboracum gestis, dominus rex dedit & concessit regi Scotia licentiam promovendi exercitum in Galveciam ad Gilbertum filium Fergi debellandum pro eo quod à fidelitate sua recesserat, & fratrem suum Ulfredum nequiter interfecerat, ut superius est notatum. Et rex Scotia statim ab Eboraco versus Scotia cum sua familia regressus est. Et dominus rex, comites & barones, & etiam clericos, tam comitatus Eboracensis quam ecclesiæ sancti Petri, ibidem de forestis & venatione

capta in illis partibus placitavit; & postea ipse rex, & rex Henricus filius suus cum eo versus Londoniam redierunt.

Festo postea sancti Michaelis appropinquante applicuerunt in Angliam ex parte Roderici regis Connactensis Hybernia Catholicus archiepiscopus Tuamensis, Cantordus abbas sancti Brendani, & magister Laurencius cancellarius regis Connactensis. Et Henrico rege Angliæ filio Matildis imperatricis apud Wyndesore invento, inter ipsum & dominum suum regem Connactæ qui eos miserat coram Henrico rege filio suo & archiepiscopo Cantuariensi & aliis episcopis, Comitibus, & Baronibus Angliæ ibi in octabis sancti Michaelis de mandato regis congregatis, pacem fecerunt & concordiam infra scriptam.

Hæc est finis & concordia facta apud Wyndesore in octabis sancti Michaelis anno ab incarnatione Domini M. CXXV. inter Henricum regem Angliæ & Rodericum regem Connactensem per Catholicum archiepiscopum Tuamensem, Cantordem abbatem sancti Brendani, & magistrum Laurentium cancellarium regis Connactensis, scilicet quod rex Angliæ Henricus concedit prædicto Roderico ligio homini suo quamdiu ei fideliter serviet, quod sit rex sub eo paratus ad servicium suum sicut homo suus, & quod terram suam teneat ita bene & in pace sicut tenuit antequam dominus rex Angliæ Hyberniam intravit, reddendo ei tributum. Et totam aliam terram & habitatores terræ habeat sub se, & justificet ut tributum regi Angliæ integre per manum ejus persolvant, & sua jura sibi conservent. Et illa quæ modo tenent, teneant in pace quamdiu permanferint in fidelitate regis Angliæ, & ei fideliter & integre persolverint tributum & alia jura sua quæ ei debent per manum regis Connactæ, salvo in omnibus jure & honore domini regis Angliæ & suo. Et si qui ex eis regi Angliæ & ei rebelles fuerint, & tributum, & alia jura regis Angliæ per manum suam solvere noluierint, & à fidelitate regis Angliæ recesserint, ipse eos justificet & amoveat, & si eos per se justificare non poterit, constabularius regis Angliæ & familia sua de terra illa juvabunt eum ad hoc faciendum cum ab ipso fuerint requisiti, & ipsi viderint quod necesse fuerit. Et propter hunc finem reddet prædictus rex Connactæ domino regi Angliæ tributum, scilicet de singulis x. animalibus unum corium placcabile marcatotibus tam de tota terrâ suâ quam de alia, excepto quod de aliis terris suis quas dominus rex Angliæ retinuit in dominio suo, & in dominio baronum suorum nichil se intromittet; scilicet Danelma cum omnibus pertinentiis suis, & Mida cum omnibus pertinentiis suis sicut unquam Murchatva Mailethlachun eas melius & plenius tenuit, aut aliqui qui de eo eam tenuerunt. Et excepta Wese-fordia usque ad Duncarvan. Itaque Duncarvan sit cum omnibus pertinentiis suis infra terram illatam. Et si Hybernenses qui aufugerunt redire voluerint ad terram baronum regis Angliæ redeant in pace; reddendo tributum prædictum sicut alii reddunt vel faciendo antiqua servicia quæ facere solent pro terris suis; & hoc sit in arbitrio & voluntate dominorum suorum. Et si aliqui redire noluierint, & dominum requisierint regem Connactæ, ipse cogat

An. Dñi
1175.

eos redire ad terram suam ut ibi maneant & pacem habeant. Et rex *Conasta* accipiat obsides ab omnibus quos ei commisit rex *Anglia* ad voluntatem domini regis & suam, & ipse dabit obsides ad voluntatem domini regis *Anglia* illos vel alios; & ipsi servient domino regi *Anglia* de canibus suis & avibus suis singulis annis de presentibus suis, & nullum omnino de quacunque terra domini regis sit retinebunt contra voluntatem & mandatum domini regis. Testibus hiis, *Ricardo* episcopo *Wyntonie*, *Galfrido* episcopo *Elyensi*, *Laurencio* *Dublenensi*, archiepiscopo *Galfrido*, & *Nicholao* & *Rogero* pellanis regis, *Willielmo* Comite *Essexie*, *Ricardo de Lucy*, *Galfrido de Pertico*, *Reginaldo de Cardo tencia*.

In eodem Concilio dominus rex Angliæ dedit magistro *Augustino* Hiberniensi episcopatum *Waterfordiæ* in Hibernia tunc vacantem, & cum *Laurencio* *Dublenensi* archiepiscopo pro consecratione sua ad *Donatum* *Casselensem* archiepiscopum eum misit. Et ipse fuit primus episcopus per regem Angliæ in Hibernia constitutus. Eodem anno exitit in Angliam & in regionibus circumjacentibus pestifera hominum mortalitas, quam dira fames secuta est. Eodem anno paulo ante festum omnium Sanctorum *Hugo* Cardinalis apostolicæ sedis legatus pro quo dominus rex miserat, in Angliam venit. Qui à rege cum rege filio suo apud *Wintoniam* sibi occurrente honorifice susceptus est, ubi dominus rex per aliquot dies moram faciens de pace inter *Ricardum* *Cantuariensem* archiepiscopum, & *Rogero* *Eboracensem* archiepiscopum facienda de delatione crucium eorum, & de capella sancti *Oswaldi* *Gloucestræ* diutissime tractavit. Et tandem de consilio regis inter eos ita convenit, quod dictus *Cantuariensis* archiepiscopus prædictam capellam liberam sicut dominicam capellam Domini regis ab omni jurisdictione sua dicto archiepiscopo *Eboracensi* quietam clamavit, & clericos suos ibidem quos vinculo excommunicationis innodaverat, absolvit. Et quod de cruce portanda & aliis controversiis quæ inter ecclesias suas vertebantur, starent iudicio *Rothomagensis* archiepiscopi & aliorum episcoporum de regno *Franciæ* vicinorum. Et quod sicut de prædictis controversiis à proximo festo sancti *Michaelis* sequente usque ad finem 5. annorum subsequentium pacem inter se haberent, ita quod neuter eorum alteri malum vel dampnum quæretet donec controversia illa per dictum *Rothomagensem* archiepiscopum & alios vicinos episcopos regni *Franciæ* determinata esset & ad debitum finem deducta.

Hiis ita gestis, prædictus Cardinalis *Hugo* sive *Hugezonn* dedit & concessit domino regi auctoritatem, & licentiam trahendi clericos coram iudice seculari pro forisfacto forestæ & venatione sua capta & laico feodo. Ecce membrum sathanæ, ecce ipse sathanæ conductus satelles, qui tam subito de pastore raptor factus, videns lupum venientem fugit, & dimisit oves sibi à domino papa commissas, pro quarum tutatione, sed, ut verius dicam, pro regis ambitione, à Romana sede in Angliam missus erat; unde illis temporibus rex omnes fere terræ suæ tam clericos quam laicos de foresta implacitat, eo quod tempore guerræ & contra ejus mandatum forestas suas ingressi sunt. Eodem anno ante natale Domini *Ricardus* *Cantuariensis* archiepiscopus ad abbatii-

am sancti *Petri de Burgo* venit, & *Willielmum de Watervilla* ejusdem domus abbatem deposuit pro eo quod ipse contra voluntatem monachorum suorum armata manu militum claustrum & ecclesiam vi & violentia intrans, reliquias Sanctorum simul cum brachio sancti *Oswaldi* pro denariis ad Judæos invadendos extraxit, & pro eo quod ipsi milites monachis & ecclesiæ ministris eis repugnantibus & reliquias suas defendentibus, mortifera vulnera infixerunt.

Adveniente itaque anno incarnationis Domini M. Clxxvj. *Henricus* rex Angliæ & rex filius suus cum eo in nativitate Domini apud *Wyndesore* curiam tenuerunt, *Hugezonn* Cardinali prædicto in eodem festo cum *Rogero* *Eboracensi* archiepiscopo existente. Et circa festum sancti *Pauli* conversionis dominus Rex usque *Portsmouth* veniens, ibi cum Episcopis, Comitibus, & Baronibus suis Angliæ de regni sui statutis magnum concilium celebravit. Ad istud autem concilium *Willielmus* rex Scotiæ, qui in signum compositionis & subjectionis quas cum domino rege perante apud *Eboracum*, ut dictum est, fecerat, & ibi capellum, lanceam, et sellam suam super altare sancti *Petri* ad perpetuam hujus subjectionis memoriam optulerat, quæ ibidem usque hodie conservantur, de mandato domini regis Angliæ ad dictas compositionem et subjectionem adhuc declarandas, quas postea *Gregorius* papa in diversis rescriptis regibus Angliæ et Scotiæ directis mandavit firmiter observari, usque *Portsmouth* veniens, adducens secum *Ricardum* sancti *Andræ*, *Jocelinum* *Glasguensem*, *Ricardum* *Dunkeldensem*, *Christianum* *Candidæ* Casæ sive *Galeweyæ*, *Andream* de *Cateneffa*, et *Simonem* *Moravensem* Episcopos cum Abbatibus et Prioribus terræ suæ ad subjectionem Anglicanæ ecclesiæ faciendam.

Tunc dominus rex exegit ab eis in fide quam eis debeant et per sacramentum quod illi fecerant, ut eandem subjectionem ecclesiæ Anglicanæ facerent quam ei debeant et temporibus prædecessorum suorum regum Angliæ facere solebant. Et illi responderunt, quod nunquam ipsi nec prædecessores sui ecclesiæ Anglicanæ subjectionem fecerant aliqualem, nec quod ipsi aliquam ei facere deberent. Ad hoc respondit *Rogerus* *Eboracensis* archiepiscopus, quod tempore prædecessorum suorum episcopi *Glasguenses* subjectionem metropolitanæ ecclesiæ *Eboraci* fecerant, et super hoc ostendit bullas et alia necessaria munimenta quæ inde præ manibus habuit. Tunc magna discordia inter archiepiscopos *Cantuariensem* et *Eboracensem* de subjectione illa habenda orta est. Nam uterque illorum subjectionem illam suæ ecclesiæ fieri dicebat. Et sic concilio finito prædicti episcopi Scotiæ accepta à domino rege licentia recesserunt. Et exinde ad *Alexandrum* papam nuncios miserunt postulantés ut eos in manu sua reciperet, et à subjectione illa tutaret quam ab eis Anglicana ecclesia exigebat.

Interim venit ad curiam domini regis prædictus *Hugezonn* Cardinalis et de consilio domini regis, omnes episcopos, abbates, et Priores totius Angliæ citari fecit quod essent coram eo *Londoniæ* in media *Quadragesima* ad mandata summi pontificis audienda. Media igitur *Quadragesima* adveniente, dominus rex, et rex filius suus, et dictus cardinalis, ac *Ricardus* *Cantuariensis* archiepiscopus cum suffraganeis suis, et *Rogerus* *Eboracensis* archiepiscopus

pus cum suis suffraganeis Londoniæ advenerunt. Et congregatis apud Westmonasterium in capella infirmorum monachorum coram dicto Cardinali, archiepiscopis, et episcopis prædictis, contentio inter archiepiscopos quis eorum à dextris ipsius Cardinalis federet orta est. Volebat enim Cantuariensis archiepiscopus dexteram ipsius tenere, et hoc de jure dicebat ad dignitatem Cantuariensis ecclesiæ pertinere. Sed Eboracensis mature veniens primam sedem à dextris Cardinalis occupavit, eandem sibi competere allegans ex antiquo beati *Gregorii* papæ decreto quo statutum noscitur, ut Metropolitanorum Angliæ ipse prior habeatur qui primo fuerit ordinatus. Illis ita contendentibus, monachi, et familiares qui cum Cantuariensi archiepiscopo venerant, in archiepiscopum Eboracensem locum præmature occupantem irruentes, ipsum in terram primum projectum suis pedibus conculcarunt. Qui crebris ictibus cæsus capa qua indutus erat fracta vix demum de eorum manibus est ereptus. Quod dictus Cardinalis inspiciens vehementer doluit, & mox dictum *Cantuar.* archiep. ad sedem apostolicam appellavit, imponens ei hoc factum fuisse per ejus consilium ad domini papæ dedecus & ipsius. Et statim ipse Cantuariensis eundem Cardinalem ad domini papæ audientiam de suspecto gravamine appellavit. Archiepiscopus etiam Eboracensis dictum Cantuariensem ad curiam Romanam appellavit, imponens ei hanc violentiam sibi factam fuisse à suis per ipsius consilium & voluntatem. Similiter ipse Eboracensis *G.* Eliensem episcopum appellavit, imponens ei quod in eum manus iniecit temere violentas. Sicque finito concilio, prædictus Cardinalis convocatis episcopis, abbatibus, Prioribus, & omni clero qui aderat, coram illis dictam appellationem quam fecerat renovavit, & data benedictione omnes abcedere permisit. Et *Rogerus* Eboracensis archiepiscopus ad regem in ecclesiam intrans, injuriis ei illatis sibi ostensis ipsum regem adversus dominum Cantuariensem & Eliensem etiam episcopum in iram & odium concitavit: unde eadem die dominus Cantuariensis ad dictum Cardinalem accedens pecuniam ei spondit, & sedato eo, uterque illorum appellationem suam alteri remisit. Sed Eboracensis archiepiscopus nullam concordiam cum eo inire voluit nisi in præsentia summi pontificis & per ipsum.

Postea tamen eodem anno concilio pro pace inter ipsos archiepiscopos & episcopum Eliensem faciendâ apud Wintoniam per regem tunc ibidem existentem congregato, dictus *Rogerus* Eboracensis archiepiscopus coram episcopis & regni magnatibus domino regi conquestus est, quod *Galfri-*
cus Eliensis episcopus in concilio Cardinalis, ut dictum est, manus iniecerat in eum temere violentas. Quod Eliensis episcopus expresse negans, in conspectu regis & episcoporum circum astantium sacrosanctis evangelii coram eo positis, de hoc in verbo veritatis legitime se purgavit, quâ quidem purgationem legaliter fore factam ipse Cantuariensis archiepiscopus in verbo veritatis attestatus est. Et sic ipsi archiepiscopus Eboracensis, & episcopus Eliensis iram hinc inde remittentes amici sunt. Tunc dominus rex ut pax firma & concordia inter dictos archiepiscopos fieret in quantum se potuit intrin-

& quod neuter illorum alteri infra illud tempus aliquod dampnum perquireret, vel gravamen in verbo Dei & virtute Spiritus sancti coram præsentibus juraverunt.

Interea juvenis rex licentiam eundi in peregrinatione ad sanctum *Jacobum* à patre suo cum instantia petiit diligenti. Sed cum pater ejus percipisset hoc propositum non ex magna devotione sed ex pravo adulatorum consilio emanare, qui eum à dulcedine paternæ castigationis eripere nitebantur, animi sui motus nunc asperis, nunc blandis emollire satagebat, ut sic saltim ab illo proposito eriperetur. Et demum cum rex pater hoc facere non potuit, concessit ei ut in Normanniam transfretaret. Itaque licentia à patre suo accepta, ipse & uxor sua regina ad navigandum in Normanniam Portesmutam cum sua familia petierunt. Sed quia ventus erat eis contrarius, moram apud Porcestriam per dies aliquot traxerunt, auram ibi prosperam expectantes. Appropinquante igitur solemnitate Pascali dominus rex pater Wintoniam veniens pro rege filio suo, super passagium suum apud Porcestriam moram ut jam diximus trahente, destinavit; qui regina uxore suo ibi dimissa ad patrem suum Wintoniæ properavit. Interim filii regis *Ricardus* Comes *Pictaviæ*, & *Galfridus* Comes *Britanniæ* in ipsa die Parasceve domini in Angliam apud Southamtoniam applicantes, in crastino in vigilia Paschæ Wintoniæ ad patrem suum venerunt, à quo cum gaudio magno recepti sunt.

Tunc dominus rex de præsentia filiorum suorum lætior factus solempne festum cum illis & aliis terræ magnatibus celebravit. Festo autem illo condigni honoris celebrato cum dominus rex adventus *Ricardi* & *Galfridi* filiorum suorum didicisset, à filio suo rege impetravit, quod iter peregrinationis suæ ad sanctum *Jacobum* differret, donec pax inter *Ricardum* fratrem suum & barones *Pictaviæ* guerram tunc contra eum ibi moventes, fuerit reformata. Qui patris voluntati condescendens, concessit ut secum iret ad suos inimicos debellandum. Et sic licentia accepta, ad uxorem suam *Porcestria* revertens xij. kal. Mai navibus ibi ascensis, in crastino in Normanniam apud *Barbesfleum* cum regina sua applicuit. Qui inde ad regem *Francia* videndum protinus decesserunt.

Appropinquante autem nativitate sancti *Iohannis Baptiste* prædictus *Hugezon* sedis apostolicæ legatus rege sibi conductum præstante in Normanniam transfretavit. Qui in ea per episcopatus, & abbatias officium legationis suæ exercens, ad curiam Romanam postea remeavit. Interim rex *Scotia*, & episcopi sui infestationem regis *Angliæ*, & *Rogeri* Eboracensis archiepiscopi timentes, ad dominum papam latenter suos nuncios transmiserunt, ipsum humiliter deprecantes, ut eis unum Cardinalem qui causam controversiæ quæ inter eos, & Anglicanam ecclesiam, de subjectione eidem faciendâ vertebatur cognosceret, destinaret. Missus est itaque ad eos *Vivianus* titulo sancto *Stephani* de Cælio monte presbyter Cardinalis, qui legationem *Scotia*, ac *Hibernia*, & *Norwegia* susceperat insularum. Qui circa festum sanctæ *Mariæ Magdalene* in Angliam sine regis licentia applicans, cum paulo post ad Northamptoniam venisset, rex ad eum Wintoniensem & Eliensem episcopos destinavit, ut sciscitarent ab eo cujus licentiæ in Angliam applicuit,

cuit, & ei insuper intimarent, quod rex eum ultra procedere non permetteret, nisi vellet voluntati suæ regis consentire. Ipse vero sibi timens, & hinc inde periculum sentiens, tandem ad hoc illorum consilio adquevit. Fecit ergo eum rex in verbo veritatis jurare, quod nihil quod contra ipsum, vel regnum suum esset in legatione sua agere attemptaret. Regia itaque voluntate facta, prædictus Cardinalis rege sibi conductum præstante & literas protectionis suæ ei tradente iter suum versus *Scotiam* statim cepit.

Et postea circa festum natalis Domini apud civitatem *Wintercie* in *Galeweia* naves ascendens, in insula de *Dan* applicuit, ubi à *Gnorredo* rege illius insulæ, & à clero & populo ejusdem honorifice susceptus, moram per dies xv. ibi fecit. Et inde in *Hiberniam* transiens apud *Dun* in *Ultonia* homines suos qui post eum in *Galeweia* remanserant expectavit. Qui cum venissent, ipse inde recedens cum versus *Dublenniam* juxta maritima transisset, magno exercitu *Johannis de Curcy* pro civitate capienda congregato per infortunium obviavit. Cujus exercitus custodes præeuntes ipsius cardinalis præambulos & summarios ceperunt, eos donec *Johannes de Curcy* reddi præceperat retinendo. Ipse autem *Johannes de Curcy* contra prohibitionem *Willielmi* filii *Aldelmi* qui ei præfuerat, ad civitatem episcopalem de *Dun* quæ est caput *Ultonia* ubi corpora sanctorum *Patricii* & *Columba* & sanctæ *Brigida* virginis requiescunt, cum exercitu suo venit, & insulto facto fortiter eam cepit, amissa tamen hinc inde exercitus parte magna. Cumque *Rodericus* rex *Ultonia* audisset quod urbs illa capta esset, exercitum in tantum quantum potuit congregavit, & usque *Dun* veniens cum *Johanne de Curcy* & suo exercitu præliavit, ubi *Johanne* cum suis victore existente, prædictus *Rodericus* rex *Ultonia* relicto campo cum suis aufugit. In illo autem prælio captus fuit episcopus de *Dun*, quem dictus *Johannes de Curcy* præcepit dicti cardinalis precibus liberari. In prædicta autem civitate de *Duno* supra corpora sanctorum *Patricii* & *Columba* & sanctæ *Brigida*, antiquum inventum erat epitaphium sub hiis verbis,

*Hic jacent in Duno, tumulo tumulantur in uno,
Brigida, Patricius, atque Columba pios.*

Prædictus itaque Cardinalis *Vivianus* concilio suo apud *Dublenniam* in *Hybernia* celebrato, inde in *Anglia* apud *Cestriam* applicuit. Qui ad curiam regis accedens ad legationem suam in *Scotia* perficiendam protectionis literas impetravit. Et postea ad castellum *Puellarum* veniens, concilium ibi cum episcopis & viris ecclesiasticis regni *Scotie* de statutis ecclesiæ celebravit. In quo concilio *Cristianum* episcopum *Candida Case* ab officio episcopali suspendit, eo quod ipse ad illud concilium venire recusavit. Dicebat enim idem episcopus episcopatum suum ad legantiam *Eboracensis* archiepiscopi qui eum in episcopum consecraverat, secundum antiquam prædecessorum utriusque consuetudinem pertinere. Et ipse *Rogerus Eboracensis* archiepiscopus qui ab *Alexandro* papa legatus provincie suæ constitutus erat subjectionem episcopatus *Candida Case* juri suo, & suæ ecclesiæ vendicabat. Concilio illo celebrato, per mandatum *Alexandri* papæ propter suam maximam cupiditatem qua omnes fere primates, ecclesiasticos suæ legationis

depauperando oppressit, *Romam* prædictus rediit Cardinalis.

Præterea anno Domini supradicto circa *Pentecosten* applicuerunt in *Anglia* episcopus *Trojacentis*, & Electus *Capuacia*, & Comes *Florinus* nuncii *Willielmi* regis *Sicilia*, & cum eis *Rothomagensis* archiepiscopus consanguineus regis *Sicilia* antedicti, qui regem *Londonia* invenientes, ab eo *Johannam* filiam suam in uxorem dari dicto regi *Sicilia* petierunt. Ipse vero rex *Anglia*, archiepiscopis, episcopis, comitibus, & sapientioribus regni sui in urbe *Londonia* congregatis, consuluit quid tam magni regis nunciis responderet. Et accepto ab eis consilio, eos ad filiam suam videndam si eis placeret *Wintoniam* destinavit. Quæ visa, ad regem *Anglia* redeuntes, ab eo puellam supra modum eis placentem ad dicti regis *Sicilia* connubium impetrarunt. Et tunc ad eorum instantiam episcopus *Trojacentis*, & cum eo episcopus *Normicensis*, & *Parisiensis* archidiaconus *Roffensis*, & *Baldewinus Beluot*, & *Ricardus de Camilla* ex parte domini regis ad dictum regem *Sicilia* mittuntur ut concessionem de filia regis *Anglia* sibi factam ei intimarent: Electo *Capuacia* et Comite *Florino* donec puella ad mittendum esset parata in *Anglia* interim cum rege retentis. Post vero puella circa festum nativitatis beatæ *Maria* in omnibus parata, dominus rex pater suus ipsam nunciis regis *Willielmi*, simulque cum eis nunciis suis propriis liberavit. Et præparatis necessariis suis, & regis muneribus eis datis, cum omnia regio more & digno honore compleffet, eos abire permisit. Et regi *Henrico* filio suo in *Normannia* moranti mandavit, ut sororem suam & comitivam ejus reverenter susciperet, & eam cum suis in *Pictaviam* conducere, & ibidem eam *Ricardo* fratri suo Comiti *Pictavia* liberaret. Et præcepit ut idem *Ricardus* eam & suos honorifice susciperet, et per terram suam debitum conductum ei faceret. Et præcepit ut *Rothomagensis* et *Cantuariensis* archiepiscopi, et *Galfridus Elyensis*, *Egidius Ebroicensis*, et *Henricus Baiocensis* episcopi, et *Hugo de Bello Campo*, et alii usque sanctum *Egidium* ubi galeæ et familia regis *Willielmi* ipsam expectabant, debitam sibi et honestam facerent comitivam, et quod quidam eorum ab ea non discederent, donec nuptiæ inter regem *Sicilia* et ipsam essent legitime celebratæ. Cumque antedicti *Ricardus Cantuariensis* archiepiscopus, et *Galfridus Elyensis* episcopus eam usque sanctum *Egidium* juxta regis præceptum conduxissent, ad sedes suas in *Anglia* redierunt. Infra autem illorum adventum rediit similiter in *Anglia* *Johannes Normicensis* episcopus, qui primo ad dictum regem *Willielmum* missus fuerat, ut dictam puellam sibi esse concessam ut prædicatur intimaret. In cujus reditu cum ipse & *Parisiensis* archidiaconus *Roffensis* qui secum missus erat, maria inter *Meschins* & sanctum *Egidium* fulcarent, duo galeæ pulcherimæ familiaribus regis *Willielmi* & donis magnis & variis onustæ, quæ ipse per eos regi *Anglia* mittebat, maris submergæ fluctibus perierunt.


Cum autem postea dicta *Johanna* filia regis *Anglia* cum *Egidio Ebroicensi*, & *Henrico Baiocensi* episcopis, & aliis nunciis patris sui qui eam conducebant *Panormum* ubi deberet regi *Willielmo* maritari venisset, & urbem cum suis intrasset, tota civitas

civitas de nocte ei applausit, & tot & tanta accensa sunt luminaria ut civitas comburi penitus crederetur, & præ fulgore tantorum luminum minime posset stellarum radii comparere. Ducta est ergo prædicta puella super equum regium vestibus regalibus insignita in quoddam palacium ut ibidem posset desponsationis & coronationis suæ diem gloriosius expectare. Paucis itaque diebus elapsis, coram Egidio Ebroicensi, & Henrico Baiocensi episcopis, Hugone de Bello Campo, Osberto de Camera, & Galfrido de la Charre nunciis regis Angliæ cum filia sua missis, & coram multis archiepiscopis, episcopis, comitibus, & baronibus regni Siciliæ, prænominata regis Angliæ filia fuit Pannormi Willielmo regi Siciliæ in capella sua regia desponsata, & solempniter coronata, honorificeque dotata, ut in quadam Carta per dictos nuncios suos domino regi Angliæ postea tradita plenius continetur. Cujus quidem Cartæ transcriptum ad memoriam hic inseritur in hac forma.

In nomine Dei æterni, & salvatoris nostri Ihesu Christi, Amen. Rerum fœdus & concordia humanarum inter cetera pacis bona ligat fortius & astringit vinculum conjugale, quod & sacramenti altitudine venerandum, & ipsa sua institutionis est singularitate præclarum, & solempni ab initio mundi & temporis consuetudine celebratum. Cujus itaque virtus, & forma quæ de divina institutione traxit originem, nec de peccato induit maculam, nec de longavi serie temporis desuetudinis potuit sentire jacturam, quin etiam id honoris venerando accessit mysterio, ut maris & femine consensus in matrimonium, Christi & ecclesia teneat sacramentum. Tanti ergo mysterii ratione simul & veneratione inducti, nos Willielmus divina favente gratia rex Siciliæ, & Ducatus Apuliæ, & Principatus Capuæ Johannam puellam regis excellentia sanguinis illustrissimam filiam Henrici regis magnifici Anglorum, divino nutu, & felici auspicio sacri lege matrimonii, & maritali nobis fœdere copulavimus, ut bonum conjugii caste dilectionis fides exhibeat, unde nobis in posterum proles regia Deo dante succedat, quæ divina gratia numeris virtutum simul & generis titulo ad regni possit & debeat fastigium sublimari. Quia vero nostra dignum est celsitudine, ut tam nobile ac insigne conjugium decenti dotario debeat honorari, per hoc scriptum præsens damus, & in dotarium concedimus præfata reginæ karissima uxori nostræ comitatum Montis Angeli, sicut est inferius annotatum, scilicet in demanio, civitatem montis Angeli, civitatem Siponti, & civitatem Vesta cum omnibus pertinentiis, & justis tenementis earum. In servicio autem concedimus ei de tenementis Comitum Godefridi, Alefine, Pelschizan, Bicuum, Caple, Baraum, Sefelizum, & omnia alia quæ idem Comes de Honore ejusdem comitatus Montis sancti Angeli tenere dinoscitur. Concedimus etiam ei similiter in servicio Candelarium sanctum Clericum, Castellum, Paganum, Bersencium, & Cognanum. Insuper concedimus, ut sint de Honore dotarii ipsius monasterium sancti Johannis de Lania, & monasterium sanctæ Mariæ de Pullano cum omnibus suis pertinentiis, quæ ipsa monasteria tenent de honore prædicti comitatus sancti Angeli. Ita quidem ut ipsa regina uxor nostra prædicta omnia recognoscat ab heredibus nostris nobis ordinatione nostra in regnum succe-

dentibus, & de omnibus præscriptis tenementis servitium prout exigit feudum eorum integre & illibate jam dictis heredibus nostris faciat, & maneat in eorum semper fidelitate. Ad hujus autem donationis & concessionis nostræ memoriam & inviolabile firmamentum præsens privilegium per manus Alexandri notarii nostri scribi & bulla aurea nostro ripario impressa roboratum nostro sigillo jussimus decorari. In quo familiares nostri & alie persone præcepto nostro scripserunt anno mense & indictione subscriptis. Ego Walterus Pannormitanus archiepiscopus. Ego Alpanus Capuanensis archiepiscopus. Ego Ricardus Siracensis episcopus. Ego Bartholomeus Agrigentinus episcopus. Ego Reginaldus Barenfis archiepiscopus. Ego Nicholaus primas Messensis archiepiscopus. Ego Rusterus Consentinus archiepiscopus. Ego Theobaldus episcopus. Abbas Regalis monasterii sanctæ Mariæ novæ. Ego Robertus Catanensis episcopus. Ego Guido Cephlensis episcopus. Ego Elias Troianus Electus. Ego Robertus Tricaricensis episcopus. Ego Petrus Galetanus episcopus. Ego Johannes Potentinus episcopus. Ego Alexander Gupill. Ego Mathæus domini Regis Vicecancellarius. Ego Robertus Casertanus Comes. Ego Amphutius Comes Serullacensis. Ego Jocellinus Comes Lorensis. Ego Hugo Comes Catazarrii. Ego Ricardus Fundanus Comes. Ego Walterus de Moac regni fortunati stolii Admiratus. Ego Aldwinus de Candida domini regis Senescallus. Ego Berardus Gentilis primas Mainete Constabularius. Ego Ricardus sacri regis palatii legoteca. Ego Bamaluns de Monte forti Justiciarius. Ego Fredericus Regie Curie Justiciarius. Data in urbe Pannormitana felici per manus Walteri venerabilis Pannormitani archiepiscopi & Mathæi regis Cancellarii, & Ricardi venerabilis Siracensis episcopi domini Regis familiarium anno Dominica incarnationis M. Clxxvij. mense Februarii decima Indictione. Regni vero domini nostri Willielmi Dei gratia magnifici & gloriosissimi Regis Siciliæ, ducatus Apuliæ, principatus Capuæ, Anno xj. feliciter. Amen.

Sigillum aureum Regis Siciliæ.



Dum autem hæc fierent Ricardus Comes Pictaviæ filius regis Angliæ magno exercitu in Pictaviâ congregato, suos inimicos debellavit. Et sta-

tim post pentecosten anno Domini adhuc M. Clxxvj. praelio cum *Brabacenis* commisso eos non longe à *Butevilla* devicit. Et habita victoria, ad debellandum *Aymerum* vicecomitem de *Limoges* eo quod pacem suam fregerat exercitum suum in *Limozina* promovit. Et castello quod vocatur *Aessa* oblesso illud cepit & in eo milites xl. Et inde exercitum suum promovens civitatem de *Limoges* obsedit. Qua infra paucos dies cum munitionibus suis capta, inde post festum sancti *Iohannis Baptista Pictaviam* usque venit. Ubi ad eum juvenis Rex frater suus in ejus auxilio se conjunxit. Et habito ibi Baronum suorum consilio, exercitum suum in terram *Uggrini* vicecomitis de *Engolismo* qui pacem suam tenere noluit, inde movit. Et novo castro oblesso & infra dies xv. capto, noluit rex frater suus cum eo diutius morari sed eum pravo usus consilio dereliquit. *Ricardus* vero quamvis relictus esset, cum exercitu suo procedens obsedit *Mulmons* castellum vicecomitis *Engolismi*. Quo infra x. dies capto, inde ad civitatem *Engolismi* procedens *Willielmum Tallefer* Comitem *Engolismi* & *Bagherum* filium ejus ac *Aymerum* vicecomitem de *Limoges* & vicecomitem de *Ventadoc* & vicecomitem de *Chabenays* infra illam obsedit. Et pro pace habenda Comes de *Engolismo* infra x. dies ad deditionem coactus, civitatem *Engolismi* & castella de *Butevilla*, de *Archiac* de *Mutgernac* de *Lachesa* & de *Melpis* *Ricardo* Comiti *Pictavia* liberavit. Et obsidibus de misericordia regis patris sui prosequenda inde ei traditis, ipsum postea & alios malefactores terræ ad regem patrem suum in *Angliam* destinavit. Quos pater ad filium suum in *Pictaviam* remittens, omnia donec ipsemet in *Normannia* veniret, posuit in respectu.

Juvenis autem rex cum in reditu de fratre suo usque *Pictaviam* venisset, milites nonnullos de *Francia* & *Normannia* quos pater suus odio habuit, pro eo quod tempore guerræ cum illo contra eum fuerant, secum retinuit & de familia sua fecit. Quod in dedecus domini regis patris sui & regni sui gravamen *Adam de Chervernna* juvenis regis Cancellarius tendere aspiciens, vehementer doluit, & malum quod per advenas illos evenire posset non valuit sustinere, sed accepto stilo capitula quædam turpissima & auditu horrenda & domini sui juvenis regis secreta literis commendata domino regi patri cui fidelitatem juraverat mittere festinavit, sed hoc antequam literæ mitterentur percepto & detecto, & coram juvene rege prolato, ipse in medio productus stetit & confessus est. Tunc juvenis rex Principibus suis simul cum episcopo *Pictaviensi* qui aderat convocatis, eos interrogavit quid super hoc esset agendum, & quid de suo faceret proditore. Tunc quidam illorum ipsum reum esse mortis, quidam dignum suspendi, quidam exoriri dicebant. Episcopus cujus non interest judicio sanguinis interesse temptavit ipsum quia erat diaconus liberare, asserens clericum in sacris constitutum non posse à laico judicari. Tunc juvenis rex videns quod propter episcopum clericum illum tutantem, animi sui motus sicut voluit de eo vindicare non potuit, quibus tormentis, vita sua donec hoc regi patri suo nuntiatum esset salva, eum afficere potuit cogitavit; ita quod post longum silentium ad se reversus, tortoribus ait suis. Educite eum & ligatis ejus manibus à tergo nudum per plateas & vicos civitatis flagellis cædite, clamantes ut omnes sciant ipsum

meum esse vilissimum proditorem. Et ducentes eum in *Normanniam* apud *Argentonium* in carcere recludatis. Et per quamcumque civitatem transferitis, ipsum nudum per vicos & plateas ducite flagellantes. Quo ut præceperat in omnibus facto, cum illud domino regi patri nuntiatum esset, indigne ferebat, & ad filium suum regem quatuor milites mittens mandavit, ut ad eum clericum illum mitteret sine mora. Qui cum in vinculis ad regem *Anglia* duceretur, noluit rex eum vinctum recipere quia eum filio suo regi tradiderat solutum, sed donec cum filio suo quid de eo ageret locutus fuisset, præcepit ut ipse in vinculis in custodia Abbatis de *Hida Wintonia* interim servaretur.

Eodem anno scilicet Domini M. Clxxvj. iv. kal. Julii, *Fredericus* Imperator Romanus magno Teutonicorum exercitu congregato inter *Cnnias* & *Mediolanum* praelium cum *Longobardis* commisit. Quod cum à mane usque ad vesperam durasset, contigit quod Imperator majori parte exercitus sui cum vexillifero suo amissa in fugam versus est, nonnullis Principum suorum captis & in carcere *Longobardorum* detentis. Appropinquante autem festo sancti *Michaelis* anno quo supra, dominus rex concilio suo tunc celebrato nuncios suos per omnia castella *Anglia* mittens, ea in manu sua capi jussit, nullo respectu ad castella familiarium suorum & Justiciariorum *Anglia* habito, sed custodibus Comitum & Baronum suorum inde amotis, suos custodes in eis poni præcepit. Et *Ricardo* Wintoniensi episcopo in *Normanniam* misso, omnia castra Comitum & Baronum suorum ibidem in manu sua laisari fecit, & ipsum episcopum loco *Willielmi* de *Traco* Justiciarium *Normannia* ordinavit.

Eodem anno filius *Roberti* filii regis *Henrici* primi Comes *Glovernia* *Iohannem* filium regis minimum de perquisitione regis de comitatu suo post ipsum suum constituit heredem. Et rex concessit, quod idem *Iohannes* filius suus filiam ipsius Comitum *Glovernia* duceret in uxorem, si hoc propter eorum consanguinitatem *Romana* curia pateretur; Quod si non, rex ex conventionem filiam dicti Comitum cum honore maximo maritaret, & nichilominus ipse rex C. libratas reddituum in *Anglia* uxori *Almari* Comitum *Ebraicarum* daret, & alias C. libratas reddituum uxori *Ricardi* Comitum de *Clara*, utraque enim erat filia ipsius Comitum *Glovernia*; et si idem Comes *Glovernia* filium ex uxore sua legitime susceptum habuerit, filius ille & *Johannes* filius regis inter se prædictum dividerent *Glovernia* comitatum. Concilio itaque apud *Windsour* ut dictum est celebrato, rex circa festum sancti *Dionisi* usque *Felkyngham* properavit, & ibidem *Willielmus* rex *Scocia* ad eum veniens, *Gilebertum* filium *Fergi* qui fratrem suum *Ufredum* regis *Anglia* cognatum interfecerat secum duxit. Qui quidem *Gilbertus* pace cum domino suo rege de morte fratris sui facta, devenit homo ipse, & contra omnes homines fidelitatem ei juravit, & pro amore ipsius habendo mille marcas argenti sibi dedit, & sic pace sua facta domum veniens, præcepit, quod omnes alienigenæ qui in *Galeweia* per regem *Scocia* tenementum aliquod habebant, exularent indilate. Et qui huic diffinitioni consentire nollet sententiam subiret capitalem.

Eodem anno circa festum omnium Sanctorum *Manuel Constantinopolitanus* Imperator maximo exercitu congregato versus terram *Perfarum* se movit,

vit, volens civitatem *Tconii* & regnum *Perfarum* sibi & suo imperio subjugare. Sed non profecit; nam dum adhuc ipse & sui in propriam regionem peragrarent, fluxus ventris per agmina sua diffusus multos de suo exercitu interemit, & multos & maxime Imperatorem contrivit. Et quo ipse & sui fines *Turcorum* intraverat, *Turci* in agminibus congregati cum ipsius Imperatoris copiis dimicabant. Sed Imperator victor existens, cum ulterius processisset & cuidam loco qui à *Perfis* nominatur *Cibrilcimanii* appropinquasset, tot *Perfarum* turmæ peditum & equitum exercitui suo occurrebant, quod pene Imperatoris agmina excefferunt; Exercitu namque Imperatoris propter viæ angustiam usque ad decem miliaria extenso, cum neque qui præbant possent extremos defendere, neque postremi præeuntes juvare, non mediocriter accidit eos abinvicem distare. Cum igitur *Turcorum* agmina ex jam factis præliis cognovissent, quod non esset tutum à fronte cum Imperatore pugnare, posteriora exercitus agmina invaserunt. Instabant itaque barbari, & tela quasi imber super agmina Imperatoris undique à dextris, & sinistris descendencia viros & equos quamplurimos occidebant. Cumque Imperator mala gentis suæ inspexisset, impetum in *Perfas* & *Turcos* faciens, eos quamdiu viriliter sustinebat. Tandem vero postremæ cohortes *Græcorum*, *Latinorum* & aliarum gentium conglobatæ tela ab inimicis emissa non sustinentes, ad collem illic adjacentem quasi ad propugnaculum festinarunt. Elevato autem multo pulvere oculis perturbante, & neminem videre quæ circa pedes gerebantur permittente, in præcipucium profundissimæ vallis quod aderat portati, alius super alium homines & equi incontinentem corruerunt, & sic alii alios non tantum ex vulgaribus sed ex clarissimis, & intimis ipsius Imperatoris consanguineis ibi necaverunt. At vero Imperator agminibus suis circa se conseratis ordinatim proficiscens, ad *Turcorum* agmina accessit, & prælio cum eis cominus commisso, campum obtinuit gratiose. Extunc Soldanus videns ipsum non posse Imperatori resistere, mittens ad eum, pacem ipsius deprecatoriis sermonibus requisivit, promittens sibi contra omnes homines servitium suum, & omnes in regno suo captivos absolvere, ac omnem voluntatem suam in quantum potuit adimplere. Imperator igitur moram per duos dies integros ibi fecit, Et cognito quod nichil contra civitatem *Tconii* fieri posset, perditis testudinibus & machinis suis bellicis, eo quod boves qui eas trahebant à telis *Turcorum* cecidissent, preces Soldani admisit; & sacramento fœderis sub ipsius Imperatoris vexillis peracto, & pace hinc inde data & concessa, Imperator in suam rediit regionem, multum tamen de amissione consanguineorum suorum anxius & confusus. Eodem anno mare extra fines in *Anglia* erumpens multos in *Holandia* homines & pecora absorbit, & quasi post biduum furore sedato in semet ipsum rediit.

Anno domini M. Clxxvij. *Henricus* rex *Anglia* pater Curiam suam in natali Domini in *Anglia* tenuit duobus filiis suis junioribus, *Galfrido* scilicet Comite *Britannia* & *Johanne* secum existentibus. *Henricus* autem rex filius suus Curiam suam in illo festo apud *Argentonium* in *Normannia* celebravit. *Ricardus* vero Comes *Pictaviæ* tenuit Curiam suam apud *Burdegalem* *Aquitannia* civitatem. Qui quidem *Ricardus* statim post natale urbem *Akensem*

quam *Petrus* vicecomes *Akenfis* & Comes *Bigornia* contra eum munierant, obsedit, & eam infra x. dies postea cepit. Et inde exercitum suum promovens, urbem *Baionam* quam *Ernaldus Bertram* vicecomes *Baiona* contra eum munierat obsedit. Qua infra x. dies capta, exercitum suum inde usque portas *Cizara* quæ nunc portæ *Hispania* vocantur promovit. Et ibi castello sancti *Petri* obfesso, eadem die dominica proxima post octabas *Epiphania* illud cepit penitus & destruxit; & *Basclenses* & *Navarrenses* pacem jurare & tenere postea vi coegit. Destruxit etiam apud *Sorges* & *Lespirmi* omnes malas consuetudines introductas, ubi mos erat peregrinos sancti *Jacobi* deprædare. Et sic pacificatis circumquaque provinciis in Purificatione beatæ *Mariae* usque *Pittaviam* veniens, nuncium suum ad regem patrem suum in *Anglia* destinavit.

Interim dominus rex *Anglia* statim post festum sancti Hillarii *Porthamton* veniens cum episcopis & magnatibus terræ suæ concilium habuit magnum. Intererant autem huic concilio *Robertus* advocatus *Britannia* & *Rogerus* Castellanus de *Turnay*, per quos *Philippus* Comes *Flandriae* regi mandaverat, quod *Ludovicus* rex *Francie* ab eo petierat primogenitam filiam *Mathei* Comitis *Bolonia* fratris sui ad opus *Philippi* filii sui, & alteram filiam Comitis *Bolonia* ad opus filii sui *Theobaldi*, sed sine ejus consilio nemini illas voluit maritare. Præterea regi per eundem mandavit, quod ipse pactum quod *Ricardus Cantuariensis* archiepiscopus & *Galfridus Eliensis* episcopus, cum eo ex parte sua nuper fecerant de prolongatione itineris sui versus terram sanctam, teneret. Promiserant enim dicti episcopi ex parte regis, quod si ipse iter suum usque *Pascham* differret, rex ei magnum succursum faceret & honorem. Præterea per eundem regi mandavit, quod pecuniam quam rex pro anima dicti *Mathei* Comitis *Bolonia*, ad milites pro defensione terræ *Jerusalem* retinendos se daturum promiserat, sibi mittere non tardaret. Quibus petitionibus auditis, rex respondit, Rem quidem bene processuram nisi in Comite remaneret. Et adjecit, quod si Comes vellet neptes suas filias Comitis *Bolonia* juxta ejus voluntatem & consilium maritare, & inde eum securum facere, ipse omnia promissa sua plenarie adimpleret. Et ad responsum Comitis inde audiendum rex cum nunciis ipsius, *Walterum* archidiaconum *Oxonia* sigilliferum suum & *Ranulphum Glanville* in *Flandriam* destinavit. In quorum præsentia ipse Comes *Flandriae* juravit, quod prædictas neptes suas nemini maritaret nisi de consilio & domini regis *Anglia* voluntate.

In eodem concilio apud *Porthamton* *Guido* decanus de *Waltham* decanatum suum ibidem in manibus regis juxta ipsius desiderium resignavit. Voverat enim rex Deo & beato *Thoma* martyri quod in honore Dei & peccatorum suorum remissione, quandam abbatiam regularium Canonicorum fundaret. Et à suprascripto *Hugezon* Cardinali in *Anglia* legato impetraverat, quod in prædicta ecclesia de *Waltham* Canonici secularibus inde remotis liceret ei Canonicos ibi statuere regulares. Dicto autem concilio celebrato, in octabis sancti Hillarii rex usque *Windsour* veniens, *Ricardum Cantuariensem* archiepiscopum & *Galfridum Eliensem* & *Gilbertum Lundoniensem* episcopos ad *Waltham* destinavit, ubi prædictus decanus decanatum

natum suum de **Waltham** simpliciter & absolute in manibus dictorum episcoporum resignavit. Et ipsi ibidem præceperunt Canonicis secularibus qui ibi aderant, ad dominum regem accedere ad excambium de præbendis suis recipiendum. Præterea prædicti episcopi omnes redditus de **Waltham** & præbendarum valorem in scriptis ponentes, domino regi scripta illa transmissērunt. Et postea eodem anno in vigilia *Pentecostes* domino rege usque **Waltham** veniente *Walterus Rossensis* episcopus ex parte *Cantuariensis* archiepiscopi missus, & *Gilbertus Londoniensis*, *Johannes Norwicensis*, & *Hugo Dunelmensis* episcopi illi ibidem obviantes eadem die, scilicet iij. idus Junii in festo sancti *Barnabe* Apostoli, per regis præceptum & *Alexandri* papæ mandatum, ac dicti *Cantuariensis* archiepiscopi consensum, in ecclesiam sanctæ Crucis de **Waltham** sedecim canonicos regulares, quos ipse rex de diversis domibus Canoniorum regularium *Anglia* eligerat, induxerunt. Et statim per concilium eorundem episcoporum rex de eisdem Canonicis unum constituit Priorem, & unum Suppriorem & tertium Celerrarium & quartum sacristam, & alios domus ministros prout ordo eorum legitime deposcebat. Huic autem inductioni & ordinationi dictus *Guido* qui fuit decanus de **Waltham** interfuit, Cui dominus rex quoddam manerium in excambium sui decanatus ad totam vitam suam dedit. Interfuerunt etiam omnes Canonici seculares ejusdem ecclesiæ de **Waltham**, quibus rex dedit in excambium ad valorem præbendarum illarum: Et qui præbendas suas permutare noluerunt, rex coram dictis episcopis eis concessit, ut in pace præbendas suas quamdiu vixerint possiderent, post eorum vero decessum ad regulares ibidem canonicos reversuras. Et rex ibidem promisit quod redditus & possessiones eorum in tantum augmentaret, quod præter officiales qui in exterioribus agendis curam haberent, possent esse ad minus in numero quater viginti vel centum Canonici in Conventu. Quod ut videtur hijs temporibus minime adimplevit.

Eodem etiam tempore quo dictus decanus de **Waltham** decanatum suum ibidem primo resignaverat, rex ad abbathiam monialium de **Ambresbury** *Exoniensem* & *Wigornensem* episcopos destinavit; qui per mandatum *Alexandri* papæ abbatissam ibidem, quæ postquam religionis habitum suscepserat tres infantes peperisse comprobata fuerat, propter ipsius infamiam deposuerunt, & ipsam & sanctimoniales omnes ibidem quæ errorem & vitæ suæ turpitudinem relinquere & ordinem *Fontis Ebrardi* tenere nolebant, à domo illa disperserunt. Quibus sic dispersis, rex in *Andegaviam* ad *Fontem Ebrardi* pro uno Conventu sanctarum Monialium misit, quibus Abbathiam illam desiderabat feliciter commendare. Et ne prædicta Abbatissa fame & inopia deperiret degradata, rex ei singulis annis x. marcas argenti spondens eam abire permisit libere quo volebat. Et postea eodem anno kal. Julii per diem dominicam *Ricardus Cantuariensis* archiepiscopus & quinque alii episcopi domino regi per ipsius mandatum apud dictam Abbathiam de **Ambresbury** obviantes, in eadem xxiiij. sanctimonialis ordinis *Fontis Ebrardi*, pro quibus dominus rex in *Pictaviam* miserat, induxerunt, alijs propter vitæ turpitudinem expulsis, ut dictum est.

Præterea eadem die ibidem per voluntatem &

consensum regis dictus archiepiscopus *Cantuariensis* quendam *Guidonem* electum in episcopum *Bangorensis* ecclesiæ consecravit, dictis episcopis in illo officio sibi ministrantibus. Qui quidem *Guido* ante consecrationem suam dicto *Cantuariensi* archiepiscopo & successoribus suis obedientiam canonicam promisit, & ei professionem suam scriptam coram dictis episcopis liberavit. Eodem etiam anno rex concessit *Benedicto* Priori sanctæ *Trinitatis Cantuarie* abbathiam de *Burgo*, *Willielmo* de *Watervill* Abbate ejusdem per *Ricardum Cantuariensem* archiepiscopum prius deposito; & etiam concessit *Ricardo* Priori de *Kirkeby* abbathiam de *Whiteby*, & monachi utriusque abbathiæ qui illuc videlicet **Ambresbury** per mandatum regis ad electiones faciendas venerant, dictos Priores ad abbathias prædictas juxta voluntatem regiam elegerunt, quas quidem electiones dictus *Cantuariensis* archiepiscopus qui illis interfuit confirmavit.

Adveniente itaque purificatione beatæ *Mariæ* anno proximo supra videlicet M. Clxxvij. *Henricus* rex *Angliæ* apud *Perleberg* existens, ad archiepiscopos, episcopos, Comites & Barones totius *Angliæ*, quod essent ad eum *Lundonia* dominica prima *Quadragesimæ* suos nuncios destinavit. Habiturus enim erat eorum consilia de quodam judicio faciendo inter duos reges *Hispaniæ*, scilicet inter *Aldefonsum* regem *Castellæ*, qui *Alienoram* filiam suam duxerat in uxorem, & *Sanccium* regem *Navarræ*, de terra & castellis de *Berona* quæ rex *Castellæ* adversus regem *Navarræ* sicut hæreditatem suam & feodum vendicabat. Qui cum inter se post multas & magnas debellaciones concordare non possent, securitate hinc inde standi judicio Curie regis *Angliæ* data, nuncios suos pro judicio de controversia inter eos habita recipiendo, ad Curiam regis *Angliæ* transmissērunt. Venerunt autem ex parte regis *Castellæ* episcopus de *Palenzina*, & Comes de *Engomes* & alii de terra sua Barones ad suam calumpniam promovendam; Et ex parte regis *Navarræ* venerunt episcopus *Pampeloma*, & alii multi clerici & laici de regno suo ad ipsius partem tuendam. Venerunt etiam ex parte utriusque episcopus de *Tarratuna*, et summus magister Hospitalis totius *Hispaniæ* et dominus *Guntredus*, quidam frater Templi ad Judicium quod de eis fieret audiendum, et illud dictis regibus reportandum. Venerunt etiam duo strenuissimi viri, et ut dicebatur miræ probitatis et audaciæ, unus ex parte regis *Castellæ* et alter ex parte regis *Navarræ* ad duellum si in Curia regis *Angliæ* adjudicatum fuerit capiendum. Et paulo post in capite *Jejunii* rege *Angliæ* apud **Windsor** veniente, dicti nuncii dictorum regum *Castellæ* & *Navarræ* in præsentia sua ibidem congregati, quoddam cirografum de conventionem inter dictos reges *Hispaniæ* factum, regi *Angliæ* præsentarunt, cujus tenor talis fuit.

Hoc est pactum & Conventio inter *Aldefonsum* regem *Castellæ* & *Sanccium* regem *Navarræ* avunculum suum, de querelis videlicet quas inter se habebant, ut judicium regis *Angliæ* sibi satisfaceret. Et ad hæc uterque regum iij. *Castellæ* in fidelitate ponit, ut judicium *Henrici* regis *Angliæ* socii regis *Aldefonsi* accipiat & compleat: Et per quem steterit quo minus fiat, subscripta *Castellæ* amittat. Rex vero *Aldefonsus* ponit in fidelitate *Nagarum* castellum Christianorum, & *Or* castellum Judæorum, &

& *Arnedo* castellum Christianorum & *Celorigon* castellum Judæorum; similiter rex *Navarra* in hac fidelitate ponit *Stellam* castellum & castellum Judæorum & *Funes* & *Marano*. Et ad hoc nuncii utriusque regis sint ad præsentiam regis *Anglia* in prima die præsentis Quadragesimæ, quæ est caput Jejunii, ad hoc Judicium recipiendum. Et si forte nuncii cujuslibet partis morte, vel infirmitate, vel captivitate sua detenti fuerint, præcedentes nuncii expectent eos usque xxx. dies ultra diem præfixum in Curia prænominati regis *Anglia*; & qui sani remanserint veniant ad Curiam, & Judicium accipiant. Et si omnes infirmi vel capti vel mortui fuerint, nichil ejus fuerint proinde amittat. Et si omnes vel aliqui nunciorum aliqua harum trium causarum vel occasionum non fuerint detenti, & ad diem statutum ante regem *Anglia* non venerint, rex ejus nuncii fuerint hæc prædicta castella amittat, & hoc faciat per bonam fidem & sine malo ingenio. Et si forte, quod absit, quod rex *Anglia* interim mortuus fuerit, hoc eodem prædicto modo nuncii isti ad regem *Francorum*, ad hoc Judicium percipiendum pergant, & per eum sicut per regem *Anglia* hoc Judicium percipiant & compleant. *Sanccius* igitur rex *Navarra* hæc tria castella per militem & portatorium suum recipiat, & donet *Naiaram* & *Celorigo* *P. Roderici* filio Comitis *R.* & donet *Arnedo* *D. Seminenes*, & ipsi faciant sibi homagium de eis. Similiter *Aldefonsus* rex *Castella* hæc tria castella per militem & portatorium suum recipiat & donet *Stellam* *P. Roderici* de *Azagra*, & *Funes* *S. Raymuri*, & *Marnanover* *R. Martini*, & ipsi faciant sibi homagium de eis. Et si aliquis regum istorum hæc tria castella militibus ea tenentibus auferre voluerit, & ea alteri dare, donet illa rex *Sanccius* *Navarra* *P. Roderici* vel *G. Vermundi* vel *S. Raymuri*. Similiter rex *Aldefonsus* *Castella* donet illa Comiti *N.* vel Comiti *P.* vel Comiti *G.* sed ipsi qui tenentes fuerint non donent hæc prædicta castella, donec illi qui ea recipere debent faciant homagium de illis alteri regi sicut supra dictum est. Et in toto quantum rex *Aldefonsus* tenet de rege *Navarra* melioret cum proprio suo ære quantum voluerit & potuerit. Similiter rex *Sanccius* melioret cum suo proprio ære quantum voluerit & potuerit in toto in quantum tenet de rege *Aldefonso*. Et ad hoc Judicium audiendum illi reges iij. fideles elegerunt, videlicet *Johannem* episcopum *Tirasonensem*, & *Perrum* de *Areis*, & *Gunterum*, & *Perrum* de *Rinoso*. Vel de istis, duo vel tres vel omnes, cum nunciis ad Curiam regis *Anglia* pergant, & querimonias utriusque regis ante eum exponant; Et auditis querelis, quos rex *Anglia* causam suam primitus dicere mandaverit, dicant. Et per verbum horum fidelium, qui hoc Judicium a rege *Anglia* audierint, uterque regum supradictam conventionem, prout in hac carta continetur, attendat & compleat. Et milites qui de prædictis castellis homagium fecerunt, secundum dictum horum fidelium præfatis regibus attendant, & compleant per bonam fidem & sine malo ingenio. Insuper vero ambi reges per fidem suam firmaverunt, & statuerunt treugas bonas & salvas de hominibus, & castellis, & terris, & de omnibus rebus usque ad vij. annos, & ut firmiter teneantur *Sanccius* rex *Navarra* ponit *Ergun* in fidelitate,

& rex *Aldefonsus* ponit *Calagunan*. Et si exercitus cujuslibet horum regum cum eo vel sine eo regnum alterius intraverit, ille qui hoc fecerit, prædictum castellum perdat. Et si forte aliquis vassallus horum regum infra has treugas in regno alterius vi vel furto castellum acceperit, rex ejus vassallus ille fuerit, infra xl. dies suum castellum alteri regi reddat: Quod si non fecerit, miles ille qui castrum quod in fidelitate positum est tenuerit, regi conquerenti prædictum castellum donet, & teneat illud in pignore donec castellum suum recuperet. Si vero aliquis horum regum qui non sit vassallus istorum regum, aliquo casu in regno alterius castellum acceperit, ambi reges cum gente sua super eum veniant et obsideant, et donec captum sit de eo non recedant. Statuerunt etiam ut omnes vassalli utriusque regis, qui ex quo guerra ista incepit hæreditates amiserunt, eas ex integro recuperent sicut erant tenentes die qua eas perdididerunt, et pro malefacto vel judicio quod hæcenus fecissent, eas non perdant, nec infra istos vij. annos pro aliqua querimonia ulli respondeant. Si vero deinceps de novo aliqua querimonia, vel judicium inter eos ortum fuerit, ad *Medianetum* veniant, et secundum quod ibi judicatum fuerit sibi satisfaciant. Et omnes homines utriusque regni secure de regno ad regnum eant et redeant, exceptis notis homicidis. Si vero aliquis istorum regum hæreditates sicut supradictum est reddere noluerit, prædictum castellum alteri regi reddat, et teneat illud in pignore donec hæreditates et totum quantum de illis exegerit, recuperet. Et omnes vassalli utriusque regis sint infra istas treugas cum hominibus, et castellis, et etiam cum omnibus aliis rebus quas habuerint in quacumque terra sint. Et hæc omnia supradicta teneantur & serventur per bonam fidem et sine malo ingenio. Et rex *Aldefonsus* *Aragonia* sit in istis treugis si ei placuerit; si forte sibi non placuerit in illis esse, tamen treugæ ut supradictum est firmiter inter nos reges præfatos teneantur. Facta est hæc Carta inter *Narraves* et *Lucronium* æra M. CC. xiiij. viij. kal. Septembris.

Isto circographo audito, prædictis nunciis rex præcepit, ut omni occasione remota essent ad eum apud *Londoniam* Dominica proxima sequente suum ibidem Judicium recepturi. Instante autem Dominica prædicta, videlicet prima Dominica quadragesimæ quam rex nunciis prædictis statuerat, venit ipse rex *Londoniam*, & ibi ad eum venerunt sicut ipse mandaverat, *Ricardus* Cantuariensis archiepiscopus, *Galfridus* Eliensis, *Gilbertus* Londoniensis, *Reginaldus* Bathoniensis, *Robertus* Herefordensis, *Johannes* Norwicensis, *Bartholomæus* Exoniensis, *Rogerus* Wigornensis, *Johannes* Cicerstrensis, & *Walterus* Roffensis episcopi. Et de *Walla*, episcopi de sancto David, de sancto Asaph, & de Bangor. Episcopus vero *Saresbiriensis*, & episcopus *Cestrensis* ibidem non poterant tunc venire. *Rogerus* Eboracensis archiepiscopus infirmitate tunc detentus, absentiam suam legitime excusavit; sed de provincia sua *Hugo* Dunolmenis, & *Christianus* Candidæ Casæ de Galeweia episcopi advenērunt. Venerunt etiam illuc tot abbates, tot decani, tot archidiaconi, quot leviter sub numero non cadebant. Venerunt etiam illuc de mandato Regis

omnes Comites & Barones regni Angliaque magnates. Et omnibus in aula regia apud Londoniam congregatis interfuerunt quatuor viri elegantes quos fideles appellabant, videlicet Johannes episcopus Tirafonensis, Petrus de Areiso, Gutterus & Petrus de Rinofo qui missi erant ex parte utriusque regis, scilicet Castella & Navarra, ad iudicium quod de eis fieret audiendum, & illud eis ut prae-mittitur reportandum. Praeterea nuncii utriusque regis qui ad jus dominorum suorum ostendendum missi fuerant ibi erant. Tunc quia Comites & Barones Anglia sermonem illorum minime intelligebant, praecepit eis rex ut petitiones, calumpnias & allegationes suas hinc inde scribere, & infra triduum sibi tradere non tardarent. Quibus post triduum coram rege iterum ibidem convenientibus, episcopus Palentina & alii nuncii regis Castella primo ei quoddam scriptum, in quo petitiones, calumpniae & rationes pro parte eorum continebantur, (quas hic causa brevitatis praetermitto) coram Episcopis, Comitibus & regni sui Baronibus protulerunt. Et cum verbo & scripto omnia pro parte sua protulissent, & finem dicendi fecissent, episcopus Pampelonie & alii nuncii regis Navarra statim surgentes, nichil horum quae adversarii sui loquebantur contradicebant, sed scriptum quoddam in quo petitiones, calumpniae & allegationes suae scribebantur, (quas hic etiam causa praedicta non infero) in medium protulerunt, cujus finis talis est.

Hac autem petit Sanccius rex Navarrae hac ratione, quia habuit & possedit pro suo, & sine ordine iudiciaria ejectus est, & idcirco querela sua debet praecedere quia ultima est violentia & prius debet purgari, & etiam altera pars iure suo decedit si quod habuit. Adhuc idem rex Sanccius de iure suo confidens hanc infrascriptam conventionem coram omnibus pro parte sua per nuncios suos proposuit supradictos, cujus tenor talis est. Hac est Carta pacis & concordia quae facta fuit inter regem Aldefonsum de Castella & regem Sanccium de Navarra in abbatia quae vocatur Site-rium. Placuit utrique regum ut fieret pax & concordia inter eos per x. annos. Et facta est, & placuit ut hoc iuramento firmarent & jurarent ipsi & Barones sui super Altare & super quatuor Evangelia, ut tenerent praedictam concordiam & trengas per fidem, & sine malo ingenio & fraude per x. annos, & ista trenga facta sunt de corporibus, & pecoriis, & facultatibus, & castellis. Et si aliquis Regum vel Baronum istas trengas fregerit, & infra xl. dies clamorem factum non emendaverit, sit perjurus. Alunelo. Facta Carta Era M. CCv. mense Octobris, ut a sequente festivitate sancti Martini usque ad x. annos sit terminus trengarum, & quod infra x. annos scripta Conventionis sit laesus rex Navarrae conqueritur. Est autem laesus infra x. annos illos in ablatione castellorum istorum, Kelleguin, Malvelzin, Portela. Praeterea petit rex Navarrae sibi restitui a rege Castellae usque ad summum C.M. marcarum argenti, rege Sancchio hodie in Navarra regnante satisfactionem regi Aldefonso offerente de omnibus querelis suis secundum arbitrium Baronum utriusque vel serenissimi regis Angliae. Et confidenter dicimus, quod ista & hiis similia infra talem conventionem & tales trengas per-

petrata debent primum restitui antequam ad aliam causa perveniatur articulum, quoniam hoc habet lex, hoc habet consuetudo, hoc habet canon, hoc habent omnia iura. Hac quae dicta sunt manifestata sunt litera, sed plenius & copiosius manifestabuntur lingua.

Igitur cum praefati nuncii regis Navarra haec & hiis familia dixissent, et nuncii regis Castella nichil horum quae ab illis proposita fuerant contradicebant, dominus rex prolatis coram omni populo sanctis evangelis, fecit praenominatos nuncios jurare ante sententiae pronuntiationem, quod domini eorum, scilicet rex Castella et rex Navarra iudicium suum tam de restitutionibus quam de trengis firmiter observarent. Et nisi fecerint ipsi corpora sua redderent in potestatem manuum suarum.

JUDICIUM.

Tunc archiepiscopus Cantuariensis et episcopi Anglia qui aderant, et Comites, et Barones regni plenariam utrique parti supradictorum quae in iure erant petita restitutionem fieri adjudicarunt. Adjudicaverunt itaque restitutionem fieri Aldefonso regi Castella ab avunculo suo rege Sancchio Navarrae, scilicet de Logrino, et Navarez, et Attedena, et de Aptol, et de Agoseio, cum omnibus pertinentiis suis quae pater suus quando decessit vel ipse post aliquot annis quiete possedit. Sed avunculus suus rex Navarra ea praedicta regi Castella dum adhuc puer esset et orphanus, violenter abstulit et injuste. Et adjudicaverunt restitutionem fieri Sancchio regi Navarra ab Aldefonso rege Castella, scilicet de Legin, et Pertol, et de castello quod tenet Godin quae rex Castella ei per guerram abstulerat. Et postea dominus rex Anglia tradidit dictis nunciis scriptum regibus suis de hoc iudicio deferendum, Cujus tenor talis est.

Henricus Dei gratia rex Angliae, dux Normanniae, & Aquitaniae, & comes Andegaviae, karissimis amicis suis Aldefonso regi Castella, & Sancchio regi Navarrae, salutem. Sicut ex literarum vestrarum tenore & fidelium vestrorum Johannis Episcopi Tirafonensis, Petri de Areis, Gutterii, & Petri de Rinofo relatione, & nunciorum vestrorum episcopi Palentini, comitis Gumes, Lobdiez, comitis Garfiae, Garfi, Petri Petri, Gortefernaz episcopi Pampiloniae, Garfie Berni. Sancii, Raimuri, Petri Raimuri & Pagnol de Tailona, Ancer de Calez assercione cognovimus, quod placuit utrique vestrum querimonias inter vos habitas super quibusdam castellis & terris cum earum terminis & pertinentiis, nostro iudicio terminari. Nos vero fidelibus & nunciis vestris ea quae decuit veneratione susceptis, pacem inter vos honori Dei & toti Christianitati plurimum proficere attendentes, divina pietatis & communis utilitatis intuitu negotium hoc in nos suscepimus; fidelibus itaque a nobis communiter electis & procuratoribus, & advocatis causarum vestrarum in praesentia nostra, & episcoporum nostrorum & comitum & baronum constitutis, petitiones & allegationes utriusque partis diligenter audivimus & intelleximus. Proponebant siquidem hi, quibus causa Aldefonsi regis Castellae commissa fuerat, Sanccium regem Navarrae memorato regi Castellae, dum adhuc orphanus esset & pupillus, castella & terras

terras, scilicet Logron, Navarret, Andena, Aptol,
 Agosora, cum omnibus terminis & pertinenciis que
 pater suus die qua decessit, & ipse post, aliquot an-
 nis quiete possederat, injuste & violenter abstulisset,
 unde & eorum restitutionem sibi fieri postulabant.
 Illi vero quibus causa Sancii regis Navarre com-
 missa fuerat, nichil horum que ab hiis propo-
 sita fuerant contradicentes, asserebant Aldefonsum prefa-
 tum regem Castellæ Sancio prenominato regi Na-
 varre, castella scilicet Legin, Portol, & Castellum
 quod tenet Godin, per guerram & injuste abstulisse,
 & parte altera in nullo contradicente, eorum fieri
 sibi restitutionem pari petebant instantia. Præterea
 in scripto vestro continebatur communi, vos treu-
 gas inter vos usque in septennium fide interposita
 firmasse, & hoc ipsum nuncii vestri in iure palam
 sunt protestati. Habito igitur cum episcopis, comiti-
 bus & baronibus cum deliberatione consilio, pacem
 inter vos ad fidem Christianorum propagandam, &
 ad inimicorum Christi confusionem necessariam fore
 considerantes, plenam etiam tam ex scriptis vestris
 quam nunciorum assertionibus fiduciam concipien-
 tes, quod in pace firmanda & conservanda consilio
 nostro & præcepto parebitis, ante iudicii pronun-
 tiationem super præscriptis querelis & treugis man-
 damus vobis per nuncios vestros & consulimus, &
 præcipimus, & adhuc scripto presenti mandamus,
 ut pacem inter vos firmetis imperpetuum & fide-
 liter observetis; Super querelis vero prætaxatis de cas-
 tellis & terris cum omnibus terminis & pertinen-
 tiis hinc inde violenter & injuste ablati, cum nichil
 contra utrinque objecta à parte alterutra alteri
 responderetur, nec quicquam quo minus restitutiones,
 quas petebant, faciendæ essent allegaretur, plena-
 riam utrique parti supradictorum que in iure pe-
 tita erant fieri restitutionem adjudicavimus. Ad-
 junximus etiam ex iudicio treugas præfatas inter
 vos, ut supradictum est, fide firmatas sicut ex scripto
 vestro et nuntiorum vestrorum publica confessione in
 iure facta nobis constituit, usque ad constitutum inter
 vos terminum inviolabiliter observandas. Volumus
 etiam et præcipimus pro bono pacis, ut rex Aldefonsus
 dilectus filius noster donet Sancio regi Navarre
 avunculo suo singulis annis usque ad decennium tria
 milia morabotinorum ad tres terminos in anno Bur-
 gis recipienda, scilicet ad iij. primorum mensium post
 prædictam restitutionem utrumque factam mille mo-
 rabotinorum, & ad finem iij. mensium proximo se-
 quentium M. morabotinorum, & ad finem iij. men-
 sium tercio sequentium M. morabotinorum, ita ut
 singulis annis de x. annis sequentibus post præ-
 dictam restitutionem solvantur tria milia morabo-
 tinorum ad eosdem terminos & in loco prænominato
 Sancio regi Navarre. Præterea nuncii utriusque
 vestrum juraverunt ante sententia pronuntiatio-
 nem, vos iudicium nostrum tam de restitutionibus
 quam de treugis firmiter observaturos; & nisi fe-
 ceritis quod corpora sua redderent in manum nostram
 & potestatem. Hiis testibus, Ricardo archiepisco-
 po Cantuariensi, Hugone Dunelmensi episcopo, Gal-
 frido Eliensi, Rogero Wigornensi, Bartholomeo
 Exoniensi, Gilberto Londoniensi, Waltero Rossensi,
 Reginaldo Bathoniensi, Johanne Norwicensi, Johan-
 ne Cicestrensi, Roberto Hereford. episcopo de sancto
 David Wallie, Adam de sancto Assaph, & episcopo
 de Bangor. Galfrido filio regis comite Britannie,
 Willielmo comite de Albamarla, Roberto comite de

Leicestria, Willielmo de Mandevill comite de Es-
 sexia, Roberto comite de Gloucestria, Willielmo de
 Arundell comite Subsexie, Hugone comite Cestrie
 & comite de Ferers. Et de baronibus Angliæ, Ricar-
 do de Lucy, Willielmo de Vescei, Roberto de Valli-
 bus, Rogero de Monbray, Roberto de Stutevill,
 Philippo de Kima, & aliis quampluribus tam cle-
 ricis quam laicis de regna Angliæ.

10 **I**Taque concilio illo finito dominus rex dedit
 nunciis prædictorum regum Hispanie dona magna
 et varia, aurum, argentum, et vasa preciosa uni-
 cuique secundum quod ordo et dignitas posce-
 bat. Et sic licentia repatriandi eis data est. In
 eodem etiam concilio episcopus de sancto David
 Wallie, fecit professionem suam Ricardo Cantuari-
 ensi archiepiscopo, & illam manu sua scriptam sibi
 dedit, & promisit ei in verbo veritatis debitam &
 canonicam obedientiam, coram Galfrido Eliensi
 episcopo & aliis sex episcopis, & coram Gilberto
 Londoniensi episcopo, qui eum anno præcedenti apud
 Cantuariam per mandatum dicti Camuariensis ar-
 chiepiscopi in remotis agentis in episcopum conse-
 craverat.

20 **I**stis peractis, rex de Londonia recedens venit
 usque Werleberg, & quosdam familiares suos, vi-
 videlicet magistrum Johannem Comyn, Bertramum
 de Verdon, et Robertum de Salopia ad prænomina-
 tos reges Hispanie ut per eos illorum sciret responsum
 cum suis literis inde misit. Præterea per eosdem nun-
 cios suos regi Fernando mandavit, quod diu erat ex
 quo in mente & proposito habuit causa peregrina-
 tionis limina sancti Jacobi visitandi. Et quia ipse
 erat rex & dominus civitatis sancti Jacobi & pro-
 vinciarum circumjacentium, rogavit eum ut amore
 ipsius literas de salvo conductu eundi & redeundi
 per terram suam ei per dictos nuncios destinaret.

30 **D**ominica postea Paschæ floridæ appropinquan-
 te, rex Angliæ pater usque Redinges veniens festum
 illud ibi celebravit. Et ibidem nuntiatum
 est ei quod Comes Flandrie jam prope Witsand
 pervenerat, & se causa cum eo loquendi & limina
 sancti Thome martyris visitandi in Angliam venire
 paraverat. Quod audiens rex versus Cantuariam
 iter suum arripuit indilate. Et die Mercurii se-
 quente Comes Flandria in Angliam apud Dover
 applicans eadem die Cantuariam properavit; Ad
 quem rex in crastino summo mane die Jovis abso-
 luti Cantuariam ad Comitum usque venit. Et facta
 40 ibi peregrinatione sua uterque scilicet rex & Comes
 usque Dover ubi naves dictum expectabant Co-
 mitem advenerunt. Cui rex quingentas marcas ar-
 genti in auxilium peregrinationis suæ Ierosolimitana
 faciendæ donavit. Et sic Comes licentia à rege ca-
 pta nocte sequenti post tenebras mare intrans apud
 Witsand in crastino applicuit valde mane, rege die
 illo apud Dover quia erat Parasceve Domini reman-
 nente. Qui crastino in vigilia Paschæ ad quandam
 villam quæ vocatur Wic se transferens, festum ibi
 paschale celebravit, Ricardo Cantuariensi archiepiscopo
 illo die missam coram eo decantante. Finita
 itaque solempnitate diei paschæ rex Londoniam
 rediens, inde dominica clausi paschæ ad sanctum
 Edmundum regem & martyrem in peregrinatione
 venit. Et inde in crastino venit usque Ely causa
 visitandi sanctam virginem Etheldredam, & illuc

Rogerus Eboracensis archiepiscopus, Reginaldus Bathoniensis, & Johannes Norwicensis episcopi, & multi Comites & Barones Anglia ad tractandum de pace & stabilitate regni ad eum venerunt. Et cum diu ibidem tractassent, rex inde venit ad Gaytonam, ubi multi Wallenses ad eum confluentes fidelitatem ei juraverunt.

Eodem tempore circa clausum paschæ Philippus Comes Flandria antedictus & multi de nobilibus Francia cum eo iter Ierosolitanum arripuerunt. Similiter quidam de Anglia, scilicet Willielmus de Mandevill Comes de Essex, Henricus de Lacy, Robertus Pirdun frater Templi & alii nobiles regni iverunt, per quos rex Anglia pater misit quingentas marcas, & per fratres Hospitalis alias quingentas marcas ad Terram sanctam contra crucis Christi inimicos defendendam. Postea rege Anglia usque Windesores se transferente, & dictum Rogerum Eboracensem archiepiscopum & alios prædictos episcopos secum ducente, omnes fere Comites, Barones & milites regni ad eum illuc venerunt equis & annis parati quo præciperet rex eundi. Cumque ibidem de pace & stabilitate regni tractassent, custodibus castellorum suorum Anglia de concilio Episcoporum, Comitum & Baronum suorum amotis, militibus de privata familia sua ea tradidit custodienda. Et præcepit quod castellum de Alverton quod Dunolmensis episcopus tempore guerræ firmaverat, sterneretur. Tamen idem episcopus quia male & fidei tempore guerræ Regi servierat, adveniente pace mille marcas regi dedit pro amore suo habendo, & ut castella sua starent, & ut quandam villam cum pertinentiis quæ vocatur Wiltton Henrico filio prædicti episcopi rex concederet & donaret. Hiis & aliis ita dispositis, rex reddidit Comiti Cestrie omnes terras & castella quæ sibi citra mare & ultra de jure legitime pertinebant præcipiens ei, ut cum aliis sibi associandis in Hiberniam iret ad terram illam sibi & Johanni filio suo cui eam concesserat subiciendam. Perquisiverat enim ab Alexandro summo pontifice, quod liceret ei filium suum quem vellet regem Hibernia facere & similiter coronare, ac reges & potentes ejusdem terræ qui subjectionem ei facere nollent debellare.

Hiis itaque peractis, rex inde discedens Oxoniam usque venit, ubi Resus filius Griffini rex Suthwalliæ, & David filius Owani rex Norwalliæ, & Cadwallus rex de Delwan, & Griffinus de Bromfelde, & Madocus filius Gernet, & plures alii de nobilioribus Walliæ mandato suo ad ejus ibidem colloquium convenerunt. Et ibi rex Anglia dedit dicto David regi Norwalliæ qui sororem suam in uxorem duxerat, terram de Ellesmere, & Reso regi Suthwalliæ terram de Merodyn; & ipsi inde fidelitatem & ligantiam domino regi & pacem observandam sibi & regno suo Angliæ juraverunt. Ibidem etiam apud Oxoniam idem rex Angliæ Johannem filium suum coram episcopis & regni sui principibus regem Hibernia constituit. Et postea fecit quoddam familiares suos sibi & dicto Johanni filio suo ligantias, fidelitates & homagia contra omnes homines facere & jurare, quibus terras Hibernia dedit & distribuit in hunc modum.

Dedit itaque rex pater Hugoni de Lacy totam Midam cum pertinentiis pro servicio C. militum tenendam de ipso & Johanne filio suo, & Cartam inde ei fecit. Dedit etiam Roberto filio Stephani &

Miloni de Cogham regnum de Corc pro servicio lx. militum tenendum de ipso & Johanne filio suo, excepta civitate de Corc cum uno cantredo quam dominus rex sibi & suis hæredibus reservavit. Dedit etiam Herberto filio Herberti & Willielmo fratri Comitis Cornubia Reginaldi, & Jocelino de la Pumeray eorum nepoti regnum de Limeric pro servicio lx. militum, excepta civitate de Limeric cum uno cantredo, quam rex sibi retinuit. Dedit etiam Willielmo filio Aldelmi dapifero suo civitatem Wesfordiæ cum pertinentiis in custodia, statuens Herketelon cum pertinentiis & Glascurræ cum pertinentiis & plures alias terras ad servitium Wesfordiæ impofterum pertinendas. Dedit etiam Roberto le Power in custodia civitatem Waterfordiæ cum pertinentiis, statuens totam terram quæ est inter Waterfordiam & aquam quæ est ultra Lismoream & etiam terram de Siseria cum pertinentiis ad servitium Waterfordiæ impofterum pertinendas. Dedit etiam Hugoni de Laci custodiam civitatis Dublinniæ cum pertinentiis, ad cujus etiam servitium statuit terras multas. Terris itaque Hiberniæ modo prædicto divisis & concessis, ac homagiis, fidelitatibus & ligantiis inde factis & juratis, rex inde discessit, & postea apud Marleberge post festum Ascensionis Domini dedit Philippo de Breus totum prædictum regnum de Limeric pro servicio lx. militum, tenendum de eo & Johanne filio suo, & inde eis homagium suum fecit. Nam dicti Herbertus filius Herberti, & Willielmus frater Reginaldi Comitis, & Jocelinus de Pomeray dictum regnum habere nolentes illud domino regi & Johanni filio suo libere & quiete ab omni eorum calumpnia reddiderunt, pro eo quod rex noluit reddere eis hæreditates suas jure eis hæreditario pertinentes, & pro eo etiam quod idem regnum de Limeric nondum erat acquisitum nec regis dominio subiectum. Nam occiso à regalibus Monaculo rege de Limeric qui regi Angliæ in Hibernia ad eam sibi subiciendam venienti pro regno suo de Limeric & aliis terris suis Hiberniæ homagium fecerat, quidam consanguineus ejus in regno illo sibi successit, qui cum mala & sævicias quas advenæ Angli in eum & alios Hibernienses exercebant, vidisset, noluit fidelitatem eis jurare nec concordiam facere aliqualem. Rege etiam Conrensi à fidelitate quam regi Angliæ fecerat propter hiis similia recedente.

Adveniente itaque solempnitate Pentecostes, dominus rex pater venit Londoniam, & ibi Abbathiam de Thorney Priori de Ely dedit & concessit, qui fidelitatem ei inde juravit. Eodem anno die Dominica clausæ Pentecostes sanguineus imber cecidit in insula de Whit fere per duas horas integras, ita quod panni linei per sepes ad siccandum suspensi, tunc illo sanguineo sic aspersi fuerant ac si in vase aliquo pleno sanguine merfi essent. Eodem anno circa festum sanctæ Trinitatis Margareta uxor juvenis regis Angliæ quæ prægnans ad regem Francia patrem suum abiit, peperit filium nomine Willielmum, qui infra triduum Parisi obiit, & quidam dixerunt quod abortivus fuit. Eodem anno in ebdomada Pentecostes angelus Domini cuidam in sompnis apparuit, dicens, Hæc dicit Dominus Deus, Volo ut corpora Sanctorum, scilicet corpus sancti Amphibali qui magister sancti Albani extiterat, & eum à pagano errore ad Christianam veritatem converterat, & aliud sanctum corpus, illius videlicet

cet qui cum à nequissimo rege ad beatum *Albanum* necandum missus fuisset, in eum manus mittere nolebat, sed de pagano errore ad fidem Christi conversus sententiam subiit capitalem. & martyr Christi effectus cœlos penetravit, transferantur de loco ubi sepulta sunt ad ecclesiam sancti *Albani*, & ibi cum digna reverentia recondantur. Et ad hæc angelus subjunxit dicens ei, Vade cito ad Abbatem & Conventum ecclesie sancti *Albani*, & hæc eis indica visionem; & præcipe eis ut in quodam loco qui dicitur, &c. fodere faciant & ibi possunt sanctorum corpora invenire.

Vir autem ille tanta visione angelica expergefatus, apud se diu meditabatur, utrum Abbatem & conventum sancti *Albani* sicut angelus ei præceperat, verbis agrederetur an non. Cumque diu in hunc modum animum suum affigeret, tandem ei placuit quod non irer, & sic suo recubuit in grabato. Et ecce angelus secundo & tercio apparuit ei, eundem sermonem dicens, & nisi iret celerius minas addens. Talibus ergo minis vir ille perterritus, ocius à cubili suo surgens, ad Abbatem & Conventum perrexit, & eis illud cœleste mandatum & visionem angelicam indicavit; Cujus dictis Abbas & Conventus fidem dederunt, quia in annalibus suis ubi miracula & passio beati martiris *Albani* scribebantur, nomina & passionem dictorum Christi martyrum legebantur, sed ignotum erat eis in quo loco eorum corpora humabantur. Convocatis igitur comprovincialibus præfatus abbas & homo ille cui angelus apparuit, ad dictum locum ubi corpora martyrum sepulta erant procedentes; circumquaque fodere præceperunt. Cumque illi circumquaque fodientes jam per octo dies in cassum laborassent, ecce odor suavissimus de tumulis martyrum erumpens, eos ad fodiendum ibi mirabiliter provocavit. Assiduus ergo orationibus insistentes, & omnipotentis Dei auxilium invocantes, ad locum unde odor ille prorupit ocius accesserunt, et ibi fodientes sarcophagos in quibus martyrum corpora sepulta fuerant invenerunt. Corpora vero tollentes, in crastino nativitatis sancti *Iohannis Baptistæ* vij. kal. Julii ad ecclesiam sancti *Albani* cum ympnis et canticis detulerunt, ubi illis honorifice reconditis muri sermonem, claudi gressum, cæci visum et alii plures sanitatem à diversis langoribus receperunt.

Eodem anno circa festum Sanctorum vij. fratrum rex apud *Stanstede* existens concessit *Judeis* regni sui *Anglia* licentiam habendi cœmeteria extra civitates quas inhabitabant, ubi possent in loco competenti illa emere, ad mortuos suos sepeliendos. Nam ipsi prius cœmeterium aliquod nisi apud *Londoniam* nullatenus habebant, unde ubicumque aliquis eorum in *Anglia* mortuus esset, corpus ejus ad humandum *Londoniam* ferebatur. Rex tunc temporis apud *Stanstede* & circa maritima per cæto dies ut mare transiret moram faciens, cicatrice tibie suae in ea parte qua ex percussione equi unius fratris Templi tempore guerræ læsus fuerat, ingravescente, per consilium suorum usque *Wintoniam* properavit, ut ibi aeris serenitatem & ventum passagio suo prosperum graciosus expectaret.

Eodem adhuc anno videlicet Domini M. Clxxvij. & pontificatus *Alexandri* papæ xvij. inveterata rabies *Frederici* Imperatoris in eundem papam & *Romanam* ecclesiam conquievit; Nam appropinquante festo sancti *Iacobi* apostoli, idem papa cum Cardinalibus suis et multis sanctæ matris ecclesiæ

prælati tam archiepiscopis quam episcopis *Veneriam* uique venit, cui *Fredericus Romanorum* Imperator cum archiepiscopis, episcopis, & Principibus *Teutonici* regni ad pacem inter ipsum & papam faciendam obviam illuc venit, ut scilicet quod jam fere xvij. annis duraverat delecto, concordia in ecclesia Dei & pax foret. Illis itaque in civitate *Veneria* in vigilia beati *Iacobi* apostoli congregatis, præfatus Imperator sicut prius tractatum fuerat, & dispositum, ad ecclesiam beati *Nicholai* quæ per unum miliare à *Veneriis* distat, venit. Et ibi tam imple quam archiepiscopis, episcopis & aliis Principes *Teutonici* regni scismati abrenunciantes, per Cardinales & episcopos quos dominus papa ad eos ibi absolvendos miserat, absolutionis beneficium meruerunt. Et deinde *Venerias* venientes ibi ante ecclesiam sancti *Marci*, dictus Imperator domino papæ sicut summo pontifici omnem obedientiam & reverentiam humiliter præbens, recepto ab eo pacis osculo, eum devote dextravit, & cum devotione magna ad altare in ecclesiam introduxit. Sequenti vero die in festo S. *Iacobi* dictus imperator domino papæ extra ecclesiam sancti *Marci* obvians, dextero latere ejusdem devote suscepto, eum in ecclesiam introduxit. Et peractis ibi missarum solemnibus, eum usque ad ipsius ecclesiæ portam dextravit. Et cum dominus papa palestridum suum ascenderet, idem imperator ei stasfam tenens omnem honorem quem prædecessores ejus prædecessoribus suis exhibere consueverant, ei præbuit atque fecit.

In hoc vero papali Concilio *Johannes* abbas de *Struma*, qui & vocatus fuerat papa *Calixtus*, qui & tertius & ultimus antipapa hujus scismatis extiterat, degradatus est, & ab ipso imperatore, & ab omnibus principibus ecclesiasticis, & secularibus *Teutonici* regni abrenunciatus est. Similiter omnes archiepiscopi, episcopi, & abbates *Teutonici* regni, qui ab eo vel aliis antipapis prædecessoribus suis, scilicet ab *Octaviano* qui & papa *Victor* vocabatur, vel à *Guidone de Crema* qui & papa *Paschalis* vocabatur, ordinati fuerant, degradati sunt, & altaria quæ ab eisdem dedicata fuerant subversa sunt: In hoc etiam Concilio *Conredus* frater consobrinus prædicti imperatoris archiepiscopatum *Sanseburgie* à manu domini papæ recepit, & ipso imperatore annuente, dominus papa concessit eidem *Conredo* totius *Teutonici* regni quamdiu vixerit legatiam. Iste vero *Conredus* cum tempore scismatis ad archiepiscopatum *Magutinensem* electus esset, ab *Octaviano* antipapa noluit consecrari, sed maluit inter Catholicos pro Christi nomine citius egere, quam inter scismaticos divitiis & transitoriis habundare. Venit ergo in partes *Galliarum* ad urbem *Senonensem*, & invento ibi *Alexandro* summo pontifice qui ea tempestate citra montes ad celebrandum Concilium illuc pervenerat, pro amore Dei & pace ecclesiæ cum eo remansit: A quo honorifice susceptus inter episcopos Cardinales connumeratus est, & in ipso concilio de episc. *Savina* factus fuit episcopus cardinalis. Et *Christianus* imperatori cancellarius successit *Conredo* in archiepiscopatum *Magutinensem*, & à prædicto *Guidone de Crema* antipapa pallium suscepit, dicto *Conredo* primæ electioni ad archiepiscopatum *Magutinensem* de eo factæ renunciare nolente, sed ad proximo sequens Concilium à summo pontifice celebratum appellante. Et quia dictus *Christianus* à dicto *Guidone* antipapa pallium acceperat, facta pace inter

ter dominum *Alexandrum* verum papam & imperatorem, coram ipso papa, & cardinalibus, & archiepiscopis, episcopis, & aliis viris ecclesiasticis, & principibus *Tentonic*i regni qui paci aderant, illud pallium *Venetie* in Alto-rivo in palacio patriarche combussit. Et postea eo absoluto, dominus papa pallium ei dedit, & sic pace facta imperator cum suis ad loca se alia divertebat. Et dominus papa, regibus, & principibus, & viris ecclesiasticis sibi, & *Romana* ecclesie subiectis pacem significavit ecclesie prenotatam, significavit enim *Ricardo Cantuariensi* archiepiscopo, & suis suffraganeis in hæc verba :

Alexander episcopus servus servorum Dei venerabilibus fratribus *Ricardo Cantuariensi* archiepiscopo, & suffraganeis suis, & dilectis filiis abbatibus specialiter ad Romanam ecclesiam pertinentibus in archiepiscopatu Cantuariensi consistoriis salutem, & apostolicam benedictionem. Immensas laudes, & gratias agimus Deo omnipotenti qui licet navem *Petri* diu permisisset procellosa maris tempestate quassari, nunc tandem imperavit ventis & mari, & facta est tranquillitas magna, ita ut pacatis maris saviensis fluctibus, prædicta navis ad portum quietis redacta sit, & salutis: sane karissimus in Christo filius noster *Fredericus illustris Romano-*rum imperator proximo præterito die *Dominico* ante festum beati *Jacobi*, cum principibus ecclesiasticis, & secularibus *Tentonic*i regni, cum multa devotione venit *Veneti*am ad præsentiam nostram, & ibi coram innumera multitudine virorum & mulierum altis vocibus resonantium laudes altissimo, nobis sicut summo pontifici omnem reverentiam exhibuit & honorem, & in festo sancti *Jacobi* nobis ad preces ejus beati *Marci* ecclesiam adveniens pro celebrandis missarum sollempniis, obviam venit. Et finita missa quam à nobis licet indignis reverenter audivit, nobis omnem honorem exhibuit quem prædecessores ejus nostris consueverunt antecessoribus exhibere. In kal. vero mensis *Augusti* præfatus imperator ubi erat innumera multitudo hominum in anima sua juravit, & principes sui quos præsentem habebat tam ecclesiastici quam seculares præfato juramento firmaverunt, quod pacem ecclesie perpetuo & pacem karissimi in Christo filii nostri *Willielmi illustris regis Siciliæ* usq; ad xv. an. et trengam *Longobardorum* à prædictis kal. *Augusti* usq; ad vj. an. sicut pax & trenga ipsa disposita est, & tractata, & in scriptis redacta, illasam debeas & illibatam servare. Sicut autem idem imperator nos in Catholicum papam & specialem recepit, ita nos eum in Catholicum imperatorem & uxorem ejus in Catholicam imperatricem & filium ipsorum in Catholicum regem recepimus. Agite igitur gratias creatori nostro qui sponsam suam sacrosantam ecclesiam suam miseratione respexit, & ei post multas persecutiones quibus graviter pressa est & attrita, per suam gratiam plenam gratiam reddidit & quietem. Dat. *Venetie* in Rivo alto, &c.

Postea idem papa *Alexander* legatos suos per universas nationes Deo & ecclesie *Romane* subiectas mittens, omnes tam archiepiscopos quam episcopos & abbates ad Concilium *Lateranense* invitavit statuens eis locum & terminum *Rome* à proximo capite jejunii sequentis in unum annum. Et interim eiam ad Presbiterum *Johannem* regem *Indorum* nun-

cium suum misit, cui scripsit in hæc verba.

Alexander episcopus servus servorum dei karissimo in Christo filio *Johanni* illustri & magnifico *Indorum* regi salutem & apostolicam benedictionem. Apostolica sedes cui licet inmeriti præsidemus, omnium in Christo credentium caput est & magistra, Domino attestante qui ait beato *Petro*, cui licet indigni successimus, Tu es *Petrus*, & super hanc petram edificabo ecclesiam meam. Hanc siquidem petram Christus esse voluit in ecclesie fundamentum quam præconat nullis ventorum turbinibus nullique tempestatibus quatiendam, & ideo non inmerito beatus *Petrus* super quem fundavit ecclesiam ligandi atque solvendi specialiter atque præcipue inter apostolos alios meruit accipere potestatem, cui dictum est à Domino, Tibi dabo claves regni cælorum, & porta inferi non prævalebunt adversus eam. Audieramus utique jampridem referentibus multis & in fama communi, quomodo cum sis Christianum nomen professus, piis veluti operibus indefinenter intendere, & circa ea tantum animum geras quæ Deo grata sunt & accepta: Sed & dilectus filius magister *Philippus* medicus & familiaris noster, qui de intentione pia & proposito tuo cum magnis & honorabilibus viris regni tui se in partibus illis verbum habuisse proponit, sicut vir providus & discretus, circumspectus & prudens constanter nobis sollicitè retulit, se manifestius ab hiis audisse quod tuæ voluntatis sit & propositi, catholica & apostolica erudiri disciplina; & ad hoc firmiter intendas, ut tu & terra tuæ sublimitati commissa, nichil unquam videamini in fide vestra tenere quod à doctrina sedis apostolicæ dissentiat modo quolibet vel discedat; super quo sane tibi sicut karissimo filio plurimum congaudemus, & ei à quo omne bonum procedit immensas exsolvimus gratiarum actiones, vota votis & preces precibus adjungentes, ut qui dedit tibi nomen Christianitatis suscipere, menti tuæ per suam ineffabilem pietatem inspiret, quod omnino vel sapere quæ super omnibus articulis fidei tenere debet religio Christiana: non enim vere potest de Christiana professione sapere salutem qui eidem professioni verbo & opere non concordat; quia non sufficit cui-libet Christiano censeretur quod de se sentit aliud quam catholica & apostolica habeat disciplina, juxta illud quod Dominus in evangelio dicit, Non omnis qui dicit michi Domine Domine, intrabit in regnum cælorum. Illud autem nichilominus ad commendationem tuæ veritatis accedit, quod sicut prudens magister *Philippus* se à tuis asserit audisse, ferventi desiderio cuperes habere ecclesiam in urbe & altare aliquod, ubi viri prudentes de regno tuo manere possent & apostolica plenius instrui disciplina, per quos postmodum tu & homines regni tui doctrinam ipsam acciperent & tenerent. Nos autem licet insufficientibus meritis in beati *Petri* cathedra positi, juxta apostolum, sapientibus & insipientibus, divitibus & pauperibus nos recognoscentibus debitores sumus, & de salute tua & tuorum omnimodam salutem & sollicitudinem gerimus, & vos ab hiis articulis in quibus erratis à Christiana & catholica fide prompto animo prout tenemur ex suscepto ministerio regiminis volumus revocare, cum ipse Dominus beato *Petro* quem apostolorum principem fecit dixit, Et tu aliquando conversus confirma fratres tuos. Licet autem grave nimis videatur & laboriosum existere, ad præ-

præsentiam tuam inter tot labores & varia itineris & locorum discrimina & inter longas & ignotas horas quemlibet à nostro latere destinare, considerato tamen officii nostri debito, & tuo pio proposito & intentione pensatis, præfatum *Johannem Medicum* & familiarem nostrum, virum utique discretum, circumspexit & providum, ad tuam magnitudinem mitimus, de *Jhesu Christi* misericordia confidentes, quod si volueris in eo proposito & intentione persistere quem te inspirante Domino intelligimus concepisisse, de articulis Christianæ fidei in quibus tu & tui à nobis discordare videmini, in proximo per Dei misericordiam erudiemus, nichil prorsus timere poteritis, quod de errore tuo vel tuorum salute præpediat vel in vobis nomen Christianitatis obfuscet. Rogamus itaque excellentiam regiam, monemus & hortamur in Domino, quatinus eundem *Philippum* pro reverentia beati *Petri* & nostra sicut virum honestum, providum & discretum, & à nostro latere destinatum debita benignitate recipias, & reverenter & devote pertractes. Et si tui voluntatis est & propositi sicut omnino debet esse, ut erudiaris apostolica disciplina, super hiis quæ idem *Philippus* ex nostra tibi parte proponet ipsum diligenter audias & exaudias, & personas honestas & literas tuo sigillo sigillatas quibus propositum & voluntatem tuam possumus plene cognoscere, ad nos cum ipso transmittatis, quia quanto sublimior & major haberiis, & minus de potencia & divitiis inflatus videris, tanto libentius tam de concessione ecclesiæ in urbe, quam etiam conferendis altaribus in ecclesia beati *Petri*, & *Pauli*, & *Jerusalem* sepulcri Domini in ecclesia, & in aliis quæ iuste quæsieris tuas curabimus petitiones admittere & efficacius exaudire, utpote qui desiderium super hoc quod multa commendatione existit dignum, modis omnibus quibus possumus secundum Dominum promoveri, & tuam & tuorum animas desideramus Domino lucrificare. Dat. Venetiæ in Rivo alto v. kal. Octobris.

Interea appropinquante festo assumptionis beatæ *Mariæ* anno supradicto, *Henricus* rex Angliæ pater, qui moram apud *Wintoniam* ut dictum est fecerat, transiit se ad mare; qui cum omnibus fere comitibus, baronibus, & militibus Angliæ naves ascendens in *Normanniam* transfretavit. Ubi cum apud *Capewike* applicuisset, misit *Gulfridum* filium suum ad inimicos suos in *Britannia* debellandos. Et cito post iij. idus Septembris rege *Rothomagum* cum Concilio suo veniente, *Petrus* titulo sancti *Grisogoni* presbyter-Cardinalis illuc obviam eis venit, volens totam terram regis cismarinam & transmarinam de mandato domini papæ *Alexandri* ponere sub interdicto, nisi *Ricardus* comes *Pictaviæ* filius ejus sibi in uxorem *Alaisam* filiam regis *Franciæ* copularet. Cumque rex tot & tanta pericula sibi & regno suo imminere sensisset, licet prælati Angliæ tam archiepiscopus *Canuariensis*, quam archiepiscopus *Eboracensis*, & eorum suffraganei hoc per prius percipientes de eorum communi concilio & regis consensu contra dictum Cardinalem de suspecto gravamine ad summum pontificem appellassent, ac ipsum regem, seipsos & totum regnum Angliæ in protectione domini papæ posuissent, inducias tamen à præfato Cardinali quæsit, donec cum rege *Franciæ* patre puellæ colloquium habere poterat & tractatum. Quo tandem ab eo per nuncios sibi missos impetrato, in festo

sancti *Mathei* apostoli ad certum locum assignatum colloquium inter se de pace & concordia habuerunt. In quo rex Angliæ concessit regi *Franciæ*, quod *Ricardus* comes *Pictaviensis* filius ejus filiam ipsius regis *Franciæ* duceret in uxorem. Et postea pace & concordia inter eos factis, illas fide & sacramento & scripto utriusque sigillo roborato confirmari fecerunt in hunc modum.

10 **S**cient omnes presentes et futuri, quod ego *Ludovicus Dei gratia rex Francorum*, et ego *Henricus eadem gratia rex Angliæ*, volumus ad omnium tam presentium quam futurorum noticiam pervenire, nos Deo inspirante promississe & jurasse, quod simul ibimus in servitium Christianitatis & crucem suscipiemus ituri *Jerusalem* sicut in scripto de susceptione Crucis inter nos facto continetur. Volumus etiam quod omnes scient quod sic sumus & amodo volumus esse amici, quod uterque nostrum alteri conservabit vitam & membra & terrenum honorem suum contra omnes homines pro posse suo. Et si quæcumque persona alterutri nostrum malum facere presumpserit, ego *Henricus* iurabo *Ludovicum* regem *Franciæ* dominum meum contra omnes homines pro posse meo, & ego *Ludovicus* iurabo *Henricum* regem Angliæ contra omnes homines pro posse meo sicut hominem & fidelem meum, salva fide quam debemus hominibus nostris quamdiu ipsi fidem nobis servabunt. Et neuter nostrum retinebit inimicum alterius amodo in terra nostra ex quo requisitus inde fuerit. Et ut amodo tollatur inter nos omnis materia discordiæ, concessimus ad invicem quod de terris & possessionibus & aliis rebus quas quisque nostrum modo possidet, alter adversus alterum inde amodo nichil petet excepto eo de *Alverniam* unde contencio inter nos est, & excepto feodo de castro *Radulphi*, & exceptis minutis feodis & divisiis terrarum nostrarum de *Bertia* si homines nostri aliquid inde interceperint inter se vel adversus alterum nostrum. Si autem super hiis quæ superius excepta sunt per nos ipsos convenire non poterimus, ego *Ludovicus* rex Francorum elegi tres episcopos, *Claremontensem*, *Nivemensem*, *Treverensem*, & tres barones, comitem *Theobaldum*, & comitem *Robertum*, & *Petrum de Courteney* fratres meos; Et ego *Henricus* rex Angliæ elegi tres episcopos, *Willielmum Cenomanensem*, *Petrum Petragonensem*, & *R. Nantunensem*, & tres barones, *Mauricium de Cooum*, *Willielmum Mangott*, & *Petrum de Monte Rabell*, ex parte mea: Qui inquisita diligenter hinc inde veritate tam per se ipsos quam per juramenta hominum terrarum illarum, prædicti episcopi in verbo veritatis assecraverunt & laici juraverunt, quod quæcumque cognoverint de jure cujuscunque nostrum esse hoc inter nos dicent, & nos eorum dicto bona fide firmiter stabimus. Si vero omnes illi episcopi quos ego *Ludovicus* elegi interesse non poterunt, nichilominus stabimus dicto illorum duorum qui intulerint. Et si omnes barones ex parte mea nominati non interfuerint, pro eo non remanebit quin stabimus dicto aliorum duorum qui interfuerint. Et similiter erit de illis quos ego rex *Henricus* elegi tam de episcopis quam de baronibus. Juravimus etiam, quod nullum malum faciemus eis propter hoc quod veritatem dixerint. Et si forte, quod *Deus* avertat, inter nos de terris nostris aliqua querela oriatur, per eosdem bona fide & sine malo ingenio sine dilatione

terminetur, si autem aliqua predictarum personarum interim mortua fuerit, altera loco ipsius substituat^{ur}, si vero alteruter nostrum ante susceptionem crucis iter peregrinationis arripere voluerit, alter qui remanebit terram illius qui in peregrinatione erit & homines sicut sua propria & dominica custodiet & manutenebit. Postquam vero Deo volente crucem suscepimus, homines nostros qui nobiscum ibunt faciemus jurare, quod si alteruter nostrum in via decesserit, quod Deus avertat, ita illi qui superstes erit fideliter servient sicut servirent domino suo si vivus esset quamdiu in terra Jerosolimitana morari voluerit; pecuniam vero defuncti habebit vivus ad faciendum servicium Christianitatis prater partem illam quam ante iter suum certis locis & certis personis dandam decrevit. Et si interque nostrum decesserit, eligemus si Deus nobis spacium indulserit de probis hominibus nostris quibus committetur pecunia utriusque nostrum ad faciendum servicium Christianitatis, & qui ducent & regent homines nostros. Antequam etiam iter nostrum arripiamus post susceptam crucem, faciemus illos jurare quos custodes & gubernatores constituemus terrarumstrarum, quod ipsi bona fide cum omni posse suo si necesse fuerit sese adinvicem juvabunt, ad defendendum terras nostras cum abinvicem requisiti fuerint, ita quod illi quos ego Henricus rex Angliæ prefecero ad gubernandum terras meas, cum omni posse suo juvabunt ad defendendum terras Ludovici regis Franciæ domini mei, quemadmodum terras meas defenderent, si civitas mea Rothomagus obsessa esset, & eodem modo quod illi quos ego Ludovicus rex Franciæ prefecero ad gubernandum terras meas, cum omni posse suo juvabunt ad defendendum terras Henrici regis Angliæ quemadmodum terras meas defenderent si civitas mea Parisius obsessa esset. Volo etiam quod mercatores & omnes homines tam clerici quam laici de terra regis Angliæ cum omnibus rebus suis securi sint & pacem habeant per omnes terras meas. Et ego Henricus rex Angliæ similiter volo quod mercatores & omnes tam clerici quam laici de terra regis Franciæ cum omnibus rebus suis securi sint, & pacem habeant per omnes terras meas. Hac autem subscripta nos firmiter observaturos promissimus & juravimus in presentia domini Petri tituli S. Crisogoni presbyteri Cardinalis apostolica sedis legati, & in presentia omnium Episcoporum, Comitum, & Baronum, & multorum aliorum tam clericorum quam laicorum, &c.

His itaque finitis, rex Angliæ pater misit Henricum regem filium suum ad inimicos suos in Berria sibi subiciendum; ipse vero pater ad Vernolium transiens, ibi intuitu divini amoris & prece & petitione bonorum hominum de Grandi monte coram Ricardo Wyntonienſi episcopo, & multis aliis episcopis, comitibus, & baronibus regni sui quædam statuta, & communi populo terrarum suarum Normanniæ, Aquitaniæ, Andegaviæ, & Britanniæ valde necessaria statuit atque fecit, & ea scripto confirmavit sigilli sui munimine roborato. Et postea summonire fecit Comites et Barones Normanniæ per literas suas, quod essent ad eum apud Argentonium in festo sancti Dionysii equis et armis parati, secum in suo servicio remanendi. His ica gestis,

ipse usque Alenzun veniens, misit inde Ricardum filium suum ad inimicos suos in Pictavia debellandos. Interim rex pater audiens quod rex filius suus in Berria proficere non potuit, magno exercitu congregato statim post festum sancti Michaelis in partes illas fortiter equitavit. Et castello Radulphi ei reddito, exercitum suum versus Caſtre ut illud obsideret ulterius promovit. Et cum dominus illius oppidi regis adventum audisset, obviam ei venit, & pace cum eo facta filiam Radulphi de Dolis quam rapuerat, regi Angliæ, ad cujus custodiam & donationem ipsa cum hereditate sua pertinebat; protinus liberavit, quam custodiendam apud Chinonem destinavit. Et inde rex in Lemonensem provinciam veniens, Comites, & Barones, & ceteros ibidem comprovinciales qui contra eum cum filiis suis tempore guerræ tenuerant, placitavit, & secundum quod unusquisque promeruit gravamina intulit eis multa. Et postea eo in Berriam reverso, ipse & rex Franciæ post festum sancti Martini apud Graſſerai convenerunt, de controversiis quæ de tertis & divisis Alverniæ inter eos vertebantur colloquium habituri. In quo, Comitibus & Baronibus Alverniæ convocatis, rex Angliæ volens per eos de jure suo certificari, quæſivit ab eis, quod jus prædecessores sui sicut Duces Aquitaniæ in Alvernia habebant.

Et responderunt, totam Alverniam de antiquo jure ad Ducis Aquitaniæ dominium pertinere, excepto episcopatu quem dicebant ad donationem regis Franciæ pertinere. Ludovico vero rege Franciæ huic definitioni consentire nolente, unde ad inquirendum diligentius quis illorum majus jus in Alvernia haberet, tribus Episcopis & tribus Baronibus ex parte sua, & similiter tribus Episcopis & tribus Baronibus ex parte Regis Angliæ electis, placuit utrique regi bona fide & sine malo ingenio stare dicto & inquisitioni dictorum xij. virorum secundum conventionem superius præscriptam & initam inter illos. Finito itaque colloquio illo, rege Angliæ usque Grandem montem inde pergente, Andebertus Comes Marchiæ illuc ad eum veniens coram archiepiscopo Burdegalenſi, & Iohanne episcopo Pictavenſi, & pluribus aliis tam clericis quam laicis, filio suo quem solum habebat heredem, mortuo, totum comitatum suum Marchiæ dicto regi Angliæ pro xv. libris Andegavenſis monetæ, & xx. mulis, & xx. paleſtridis vendidit & donavit, & Cartam suam inde similiter ei fecit. Quibus peractis, idem Comes Andebertus accepta pecunia quam rex ei pro dicto comitatu debuit, inde velociter properavit. Et rex Angliæ homagiis, fidelitatibus & ligantiis de baronibus & militibus comitatus illius acceptis, usque Andegaviam, ubi instans festum nativitatis Dominicæ tenere disposuerat, properavit.

Interim eodem anno cum Philippus Comes Flandriæ, & Willielmus de Mandevill Comes Essexiæ qui Crucem ad terram sanctam peregrinandi acceperant, Jerosolimam venissent, associatis sibi fratribus Templi cum Hospitalariis, & Reimundo principe Antiochiæ, & fere omnibus militibus terræ Jerosolimitanæ, quoddam castrum paganorum quod Baragh dicitur obsederunt. Quod cum Saladino Soldano Babiloniæ nunciatum esset, regibus & principibus paganorum sibi associatis, cum plusquam quingentis milibus militum & peditum terram Christia-

Christianorum intrans non longe à civitate *Ierusalem* tentoria sua fixit. Quorum adventum cum Templarii, Hospitalarii, & milites regis *Ierusalem* custodes civitatis audissent, cum plebe urbis armata & episcopo de *Bethalem* cum ligno *Dominicæ* crucis præcedente illis obviam exierunt, & impetum audaciter in paganos facientes, eos recedere longius coegerunt. O summa potentia Dei! ô virtus altissimi! Christiani non erant ultra xx. milia virorum pugnantium contra quingenta milia paganorum, & tamen virtute divina cooperante de paganis victoriam habuerunt. Visum enim erat paganis, quod militia cœlestis exercitus quasi per scalam descenderet in similitudinem militum armatorum, & congressum cum illis in auxilium exercitus faceret Christiani, cujus impetum pagani non sustinentes versi celeriter sunt in fugam. Quos Christiani viriliter sequentes plusquam C. milibus paganorum interfectis, multos ex reliquis ceperunt vivos. Sed *Saladinus* cum curribus & equis evadens, plures de consanguineis suis, & nepotibus, & principibus sui exercitus in illo prælio amisit. Christiani autem summa potiti victoria, cum gaudio *Ierusalem* revertentes, totam terram interfectorum spoliis repleverunt. Factum est autem hoc prælium die sanctæ *Katerine* virginis & martyris in planitie de *Rames* ad laudem & gloriam domini nostri *Jhesu Christi* anno ab incarnatione Domini M. Clxxvij.

Comes vero *Flandria*, & *Willielmus de Mandevil* Comes *Essexie* qui prænominatum castellum obsiderant per consilium Templariorum accepta ab inclusis pecunia abierunt, eos imperfecto negotio dimittentes. Quibus abeuntibus, in crastino magna pars murorum dicti castelli cecidit. Cum vero Comes *Flandria* & dictus Comes *Willielmus de Mandevil* pecuniam à paganis receptam respicerent, nichil nisi cuprum & auricalcum invenerunt. Eodem anno Christiani quoddam castellum fortissimum in terra *Saladini* ad vadum *Iacobi* firmaverunt. Sed *Saladino* illud in anno sequente obsidente, cum magister Hospitalis illuc venisset, & congressum cum exercitu *Saladini* fecisset, captus est, & in terra *Saladini* ductus, fame interiit. Postea *Saladinus* castello illo per vim capto, omnes qui in illo erant igne sine misericordia concremavit.

An. Dñi 1178. Anno ab incarnatione Domini M. Clxxviii. *Henricus* rex *Anglia* pater die natalis Domini quæ Dominica die eo anno evenit, curiam suam apud *Andegavensem* tenuit civitatem, et festum solempne convocatis ibidem principibus et majoribus illius provincie celebravit. Similiter in solempnitate Paschali proximo sequenti curiam suam ibi tenuit. Et post Pascha in *Normanniam* rediens, nunciis suis ad regem *Francia* missis ab eo impetravit, quod ipse rex *Francia* sub protectione et custodia sua omnes terras ipsius regis *Anglia* transmarinas, scilicet *Normannia*, *Aquitannia*, *Andegavia*, et *Britannia*, cum suis aliis terris cepit, sicut in hoc scripto plenius continetur.

Ludowicus rex *Franciæ*, omnibus ad quos presentes litera pervenerint salutem. Noverit universitas vestra quod nos recepimus in custodia nostra totam terram *Hentici* regis *Angliæ* karissimi fratris nostri in cismarinis partibus sitam si contigerit eum in *Angliam* transfretare vel peregre proficisci. Ita quod quando ballivi sui de transmarina

terra nos requisierint, præstabimus ad ejusdem terre defensionem & protectionem bona fide & sine malo ingenio eis consilium & auxilium. Act. apud Venices, &c.

Dum autem *Henricus* rex *Anglia* in *Normannia* moratus est, ecce venit quidam clericus à latere summi pontificis missus ad omnes archiepiscopos, episcopos et abbates *Anglia* et *Normannia*, *Roma* ad concilium papale citandos in proximo capite *Jejunii* celebrandum. Qui accepta à rege licentia peragendi legaciam suam, in *Normannia* remansit, et rex in *Angliam* transfretavit. Qui cum ad portum optatum idus *Julii* per diem *Sabati* in *Anglia* applicuisset, statim sicut mos suus erat, iter peregrinationis suæ ad sanctum *Thomam Cantuariensem* arripuit. Et audiens quod *Willielmus Remensis* archiepiscopus causa visitandi beatum *Thomam Cantuariensem* martyrem in *Angliam* veniret, circa *Londonias* moram fecit. Et cum dictus archiepiscopus applicuisset, habuit regem sibi obvium, à quo honorifice susceptus est. Et facta peregrinatione sua, cum rege per aliquod tempus moram traxit, & deinde ad propria reversus est. Postea vero rex usque *Wodestoke* veniens, *Galfridum* filium suum Comitem *Britannie* militari ibi cingulo decoravit. Qui postquam arma militaria susceperat in *Normanniam* transfretavit, & ibidem, & in *Francia*, & in aliarum terrarum finibus vires suas extendens artes Martis viriliter exercebat, & eo magis ac magis probitatis suæ gloriam quæsit, quo fratres suos *Henricum* Regem, & *Ricardum* Ducem *Pictaviæ* in armis cognovit militariibus plus florere. Nam ars bellandi si non præluditur cum necesse fuerit non habetur.

In illo tempore rege per diversas partes *Anglia* discurrente, dictus clericus à latere domini papæ missus, qui archiepiscopos, episcopos & abbates *Normannia* ad Concilium papale *Roma* citaverat, in *Anglia* interim applicuit, & accepto à domino rege conductu, ex parte *Alexandri* papæ omnes viros ecclesiasticos regni, tam archiepiscopos quam episcopos & abbates citavit, ut omnes in vi obedientie convenirent *Roma* ad Concilium papale in proximo capite *Jejunii* habiturum. Venit etiam in *Angliam* quidam alius nuncius domini papæ ad citandum *Roma* ad dictum Concilium omnes archiepiscopos, episcopos, & alios prælatos ecclesiasticos *Scoria*, *Galewie*, *Hibernia*, & insulæ de *Man*. Qui à rege licentia transeundi per regnum suum quæsit, juravit quod redditum suum per ipsum faceret, & quod in legatione sua malum nec dampnum regi, vel regno suo quærere, vel facere attemptaret. Postea archiepiscopi, & episcopi *Hybernia* & *Scotia* *Romam* profecturi, transitum per regnum *Anglia* facientes, tactis sacrosanctis evangelii juraverunt quod neque eundo neque redeundo malum regis vel regni quærerent, & quod revertentes regressum suum per ipsum regem facere non tardarent.

An. Dñi 1179. Anno postea ab incarnatione Domini M. Clxxix. *Henricus* rex *Ang.* in die natalis Dom. curiam suam apud *Wintoniam* tenuit, *Galfrido* & *Iohanne* filiis suis cum eo existentibus. *Henrico* vero rege filio suo in *Normannia*, & *Ricardo* filio suo in *Pictavia* moram tunc facientibus. Infra vero idem natale Domini contigit in *Anglia* apud *Orenhale* quoddam mirabile à seculo inauditum, scilicet quod in ipsa domini *Hugonis Dunolmensis* episcopi cultura, terra

terra se in altum in turre similitudinem ita vehementer elevavit quod summis montium cacuminibus coequaretur, & ita quod super alta templorum pinnacula eminere, & illa altitudo ab hora diei nona usque ad occasum solis immobilis permanfit. Sole vero occidente cum tam horribili strepitu cecidit quod omnes cumulum illum videntes & strepitum casus illius audientes perterruit, unde multi timore illo obierunt; nam tellus eum absorbit, & puteum profundissimum ibidem fecit, qui usque hodiernum diem ibi patet.

Appropinquante itaque jam Quadragesima, archiepiscopis, episcopis, abbatibus, & viris religiosis, cismarinis & transmarinis Roma congregatis, Alexander papa tercius anno Domini ultimo superscripto & pontificatus sui xx. cum universis Cardinalibus suis, & clero, & populo ibidem presente, ad ecclesiam sancti Johannis de Laterana veniens ibi cum eis Concilium celebravit. Cui Concilio nuncii fere omnium imperatorum, regum & principum totius Christianitatis intererant. Et demum quibusdam decretis in universo triginta tribus ibidem ordinatis & statutis, quæ dicuntur *Decreta Lateranensis Concilii*, universo clero ibidem congregato licentiam repatriandi donavit.

Interim Henricus rex Anglia filius regis Henrici circa mediam Quadragesimam apud Dover in Anglia applicuit cum domino rege patre suo locuturus. Paschate autem adveniente, dominus rex cum filio suo rege festum Paschale apud Wintoniam celebravit. Et statim post Pascha Galfridus filius ejus Comes Britannia per præceptum patris sui in Britanniam transfretavit. Et congregato exercitu terram Gwievary de Lions devastans, eum ad deditionem coegit. Adveniente Pentecoste, Henricus rex pater, & rex filius suus curiam in illo festo insimul tenuerunt, quo peracto, rex filius regis cum benevolentia patris in Flandriam transfretavit.

Eodem anno Ludovicus rex Francorum Agnetam filiam suam Constantinopolim misit, Alexio Manuelis Constantinopolitani imperatoris filio maritandam. Postea idem rex Francorum publico edicto citari fecit omnes Archiepiscopos, Episcopos, Comites, & Barones regni sui, ut omni occasione postposita essent in civitate Remensi in ipsa die Assumptionis beatæ Mariæ congregati ad ibidem Philippum filium suum primogenitum xv. annorum juvenem in regem Franciæ coronandum, unde ad solemnitatem illam omnes prout decebat se accedere properabant. Sed appropinquante jam termino præfixo, filius ille regis in gravem incidit infirmitatem quæ eum adeo vehementer contrivit quod multi de ipsius vita fortiter desperabant. Rex vero pater pueri videns filium suum tam gravi morbo torqueri die ac nocte fletibus & continuis suspiriis vacans, noluit consolari. Quadam autem nocte cum ipse anxietate animi jam ductus esset, sompnus gravissimus ipsum cepit. Cui sanctus Thomas Cantuariensis martyr in sompnis apparuit, dicens, Dominus noster Ihesus Christus misit me servum suum Thomam ad te, ut scias quod si credideris & animo contrito servum suum Thomam martyrem Cantuariensem adieris, de infirmitate tuus convalescet filius qua tenetur; & hiis dictis disparuit. Rex vero postmodum evigilans, post diutinam cogitationem fideles suos convocans, visionem suam illis sollicitè narravit, quærens ab illis consilium utrum ad di-

ctum Dei servum in Anglia transfretaret an non. Quidam vero illorum dixerunt, quod periculosum esset ei in regnum alterius transfretare, & in manu potentis incidere; quidam autem quod non esset timendum in contrario ostenderunt. Sequenti vero nocte, præfatus martyr secundo & tercio in sompnis ei apparens eundem dixit sermonem, & minas addidit nisi celerius Dei fierent hæc mandata.

Cum itaque rex attentius eum intuitus esset, & illum Thomam martyrem esse agnovit, mane facto, fiduciam in Domino habens, contra multorum consilium iter versus Angliam arripuit. Et sumptis secum Philippo Comite Flandriæ & Willielmo de Mandevil Comite de Essexia, qui de terra sancta jam redierant, & Henrico Duce de Lovain, & aliis Baronibus regni Franciæ mare apud Witsand ingressus xj. kal. Septembris feria quarta apud Dover in Anglia applicuit. Henricus vero rex Angliæ pater circa maritima per aliquot dies adventum illius expectans, in litore maris obviam ei venit, & ipsum, & suos cum magno suscepit gaudio & honore, & in castino Cantuariam usque sancti martyris tumbam duxit. Quo cum venisset, præfatus rex Francorum facta super tumulum martyris oratione, unam cuppam auream ei optulit, & C. modios vini imperpetuum singulis annis ad certum locum in Franciæ ad omnimodam expensam regis Franciæ recipiendos monachis sanctæ Trinitatis Cantuaria dedit & concessit. Præterea idem rex concessit pro amore Dei & sancti Thomæ martyris, quod omnia quæcumque de cætero in regno suo ad usum dictorum monachorum emerentur, de theloneo, & omnibus aliis consuetudinibus & exigenciis quietæ essent; & hæc omnia fecit Carta sua Deo & beato Thomæ martyri & monachis ibidem Deo servientibus confirmari. Quam quidem Cartam ex dono Ludovici regis Franciæ per manum Hugonis de Pateaco cancellarii sui filii Hugonis Dunolmensis episcopi, præfati monachi receperunt. Mora autem ibi per duos dies facta, rex Francorum versus mare se transtulit, rege Anglorum eum usque Dover reducente. In castino vero rex Francorum cum suis naves ascendens eadem die cum gaudio apud Witsand applicuit.

Interim Philippus filius suus precibus & meritis beati Thomæ martyris sanitatem pristinam est adeptus. Rex itaque Franciæ in terram suam reversus de sanitate filii sui lætus, consiliariis suis statim convocatis, publico iterum præcepit edicto, ut omnes majores regni, tam clerici quam laici, ad civitatem Remensem in festo omnium Sanctorum convenirent, ad Philippum filium suum in regem Franciæ coronandum. Quo die omnium Sanctorum adveniente, omnibus in civitate Remensi congregatis, Henricus rex Angliæ junior præibat Philippum filium regis Franciæ versus ecclesiam cathedralem, coronam auream manibus suis gestans, qua ille puer erat noviter coronandus. Et Philippus Comes Flandriæ ante illum præibat gladium regni ferens. Et multi Duces, Comites, & Barones præibant, & sequebantur illum diversi diversis officiis deputati, prout res eo tempore exigebat. Et cum ad ecclesiam pervenissent, Willielmus archiepiscopus Remensis dictum Philippum filium Ludovici regis Franciæ in regem Remis in pontificali ecclesia coronavit & eciam consecravit, tribus archiepiscopis & pluribus episcopis regni sibi in officio illo ministrantibus. Sed Ludovicus

wicus pater suus illi coronationi interesse non potuit. Cum enim ab *Anglia* de peregrinatione sua prædicta *Parisiis* venisset, maximo fluctuans gaudio ad sanctum *Dionysium* iter arripuit, in quo itinere frigore subito percussus in paralysim incidit, unde utrum dexteræ partis sui corporis amisit.

Anno Domini M. Clxxx. *Henricus* rex *Anglia* pater curiam suam in nativitate Domini apud *Nottingham* tenuit, cui festo de mandato ipsius regis *Henrici Willielmus* rex *Scotie* interfuit, plures magnates regni sui secum ducens. Interim præfatus novus rex *Francia* videns quod pater suus morbo paralitico esset percussus, consilio *Philippi* Comitis *Flandrie* adhæsit, cujus consilio tyrannidem cepit in populo *Gallicano* exercere, & omnes quos noverat patri suo familiares fuisse, odio habuit & spretus est; unde illi, nunciis ad regem *Anglia* *Henricum* patrem frequenter missis, contra iniquas machinationes Comitis *Flandrie* in ipsorum & totius regni *Francia* detrimentum machinatas, consilium suum & auxilium pecierunt. Media autem *Quadragesima* apropinquante, *Henricus* rex *Anglia* junior qui per aliquod tempus moram in *Normannia* fecerat, ad dominum *Henricum* regem patrem suum in *Angliam* transfretavit. Et indicato ei qualiter *Philippus* rex *Francia* & *Philippus* Comes *Flandrie* inique adversus proximos suos se gesserant, utrique reges *Anglia*, scilicet pater & filius, tunc ante Pascha in *Normanniam* transierunt. Ad quos regina *Francia* & multi de regno illo magnates, quos *Philippus* novus rex *Francia* odio habuit, in *Normanniam* venientes, ab eis auxilium postularunt. Quod *Henricus* rex *Anglia* pater audiens, petitioni eorum adquevit. Et habito cum eis consilio obsequies & alias securitates quod ab ipsius consilio non recederent, ab eis cepit, & statim fecit per *Normanniam* & cæteras terras suas suum exercitum congregari.

Quo audito, *Philippus* rex *Francia* exercitu suo interim summonito, statim post Pascha in *Flandriam* venit, & ibi contra consilium omnium amicorum suorum filiam Comitis de *Eamou* neptem Comitis *Flandrie* de ejus consilio in uxorem cepit, & illam, Comitibus & Baronibus *Francia* indignantibus, desponsavit. Cui idem Comes cum nepte sua totum fere comitatum suum *Flandrie* post decessum suum concessit, scilicet totam terram de *Vermundais* usque ad *Los*. Et postea ipse rex *Philippus* citare fecit omnes archiepiscopos, episcopos, & principes regni sui tam clericos quam laicos, quod essent apud *Senonem* die Pentecostes ad ipsius & uxoris suæ coronationem. Quod cum *Philippus* Comes *Flandrie* audisset, timens quod in casu aliquo neptis suæ uxoratio & coronatio impediri posset, regi consuluit, ut præfixum coronationis suæ terminum anticiparet; quod ita factum est. Nam idem *Philippus* rex *Francia* consilio Comitis *Flandrie* adqueiens, pro archiepiscopo *Senonensi* misit, & in die Ascensionis Domini valde mane orto jam sole se & uxorem suam fecit in monasterio sancti *Dionysii* coronari. Cum autem *Willielmus Remensis* archiepiscopus ipsius regis *Francia* avunculus præsumptionem dicti *Senonensis* archiepiscopi audisset; doluit vehementer, & nunciis suis ad papam missis, de *Senonensi* archiepiscopo conquestus est.

Interim *Henricus* rex *Anglia* senior ad cujus

clementiam regina *Francia* & quamplures alii de nobilioribus regni *Francia* tanquam exules & profugi, ut dictum est, profugerant, colloquium apud *Gisforcium* cum novo rege *Francia* cepit. In quo idem rex *Henricus* animum novi regis *Francia* nunc blandis, nunc asperis adeo emollivit quod contra consilium Comitis *Flandrie* & aliorum, qui inter ipsum, & matrem suam, & avunculos suos discidium volebant, omnem maliciam & indignationem quas in animo adversus eos conceperat, remisit, & eos in debitam familiaritatem recepit; statuens quod prædictæ reginæ *Francia* matri suæ singulis diebus quamdiu *Ludovicus* rex pater suus viveret vij. libræ *Parisiis* ad cotidianum victum solverentur. Et post decessum patris sui, totam dotem suam qua dictus rex *Ludovicus* eam die desponsationis suæ dotavit, integre haberet, castellis & munitionibus ejusdem dotis tantummodo sibi retentis. Et tunc pacem, amicitiam, & concordiam inter patrem suum & dictum *Henricum* regem *Anglia* firmatas, inter se & eundem regem *Henricum*, sacramento, & fide media, & per Cartam inter eos editam confirmarunt. Et postea eodem anno mense Septembris ante festum sancti *Mathei* *Ludovicus* rex *Francia* anno regni ejus xlv. diem extremum *Parisiis* claudens, in abbathia de *Barbens* honorifice sepelitur. Quo defuncto, *Philippus* rex *Francia*, & *Henricus* rex *Anglia* pater colloquio inter eos habito pacem prædictam inter eos, ut dictum est, prius factam, fide & sacramento iterum confirmarunt. Eodem anno mutatio monetæ in *Anglia*. Eodem anno translatio sanctæ *Fredeswida* apud *Oxoniam*.

Anno Domini M. Clxxxj. obiit *Alexander* papa, cui successit *Lucius* papa natione *Tuscanus*, cujus tempore *Petrus Comes* floruit adhuc vivens. Hoc anno monachi *Cartusie* primo *Angliam* sunt ingressi. Eodem anno decessit *Rogerus Eboracensis* archiepiscopus homo literatus & eloquens; ac in temporalibus commodis prudentiæ singularis; archiepiscopatum vero *Eboracensem* in augmento reddituum & amplitudine ædificiorum multum prævehit. Viros religiosos in tantum exhorruit; ut ipsum dixisse fertur, Ecclesiasticum beneficium potius luxuriosis quam religiosis conferendum; & prædecessorem suum beatæ memoriæ *Thurstinum* nunquam gravius deliquisse, quam ædificando illud monasterium de *Fontibus*. In vita autem magis tondens intendit ovibus dominicis quam paucendis, moriturus enim pontifex ævo gravis, non paucam milia marcarum in thesauris habebat, cum multi pauperes Christi inedia laborarent. Verum cum jam obisset, rex per officiales suos non tantum inventa, sed etiam non inventa ab hiis quibus jam data erant, extorsit, dicens, Thesauros a quocumque usque ad mortem repositos solius principis in bonis esse. Decessit autem idem archiepiscopus anno pontificatus sui xxij. & archiepiscopatu in fiscum redacto, vacavit sedes *Eboracensis* annis decem. Eodem anno obiit *Hugo* Comes *Cestrie* apud *Leek*, cui successit filius suus *Ranulphus* 2. quinquaginta annis.

Anno Domini M. Clxxxij. *Henricus* rex *Anglia* junior immaturata morte decessit; plane immaturata si ætatem respicias, sed multum fera si actus attendas, quia non tantum prævaricator naturæ extitit, ut prius dictum est, sed etiam solempnium pactorum

rum transgressor. Rebella vit enim iterum contra patrem, cujus rebellionis causa fuit hæc. Idem enim pater in administrando Ducatu *Aquitannie* vices suas *Ricardo* filio suo commiserat, & *Ganfrido* filio suo *Britanniam* transmarinam tradiderat; unde idem *Henricus* rex junior indignatus quod pater *Ricardum* filium suum *Aquitannia* præficeret, juncto sibi *Ganfrido* fratre suo & quibusdam proceribus *Aquitannicis*, patrem motibus bellicis laceſſiuit. Pater vero cum rebelles filios blandis delinire mandatis non posset, improbis eorum ausibus obuiaturus, fines *Aquitannicos* cum exercitu ingressus est; moxque Dei iudicio *Henricus* rex junior febre correptus, decedit in grabato. Cumque ingruente morbo desperaretur à medicis, tandem consultus ad patrem misit, excessum suum humiliter confitens, extremam gratiam à paterna pietate deposcebat, ut ipsum in extremis languentem visitare dignaretur. Quibus auditis, paterna viscera super filio commota sunt. Sed allegantibus amicis non esse tutum nequissimis conspiratoribus qui circa filium erant, se credere, ad filium non perrexit, sed pro signo clementiæ & indultæ veniæ notum illi anulum mittens, ei omnia condonauit. Qui illum acceptum deosculans, assistente *Burdegalsi* episcopo, extremum illico clausit diem, qui ex præcepto patris apud *Rothomagum* honorifice sepelitur. Et quia ipse per se solus non regnavit, ideo inter reges non est computatus. De quo quidam sic meretricie cecinit.

Omnis honoris bonos, decor & decus urbis & orbis,

Milicia splendor, gloria, lumen, apex.

Julius ingenio, virtutibus Hector, Achilles

Viribus, Augustus moribus, ore Paris.

An. Dñi
1184.

Anno Domini M. Clxxxiv. mortuo *Ricardo Cantuariensi* archiepiscopo, *Baldewinus* primo ordinis *Cisterciensis*, tunc episcopus *Wigornensis*, de consensu regis & omnium episcoporum, reclamantibus tamen monachis *Cantuariensibus* sibi successit. De eo fertur quod à primo die quo factus est monachus *Cisterciensis*, usque ad obitum suum, nunquam carnes comedit; unde & illi aliquando itineranti occurrit quædam vetula macilentata, inquirens ab eo an verum esset quod carnes non comederet. Cui ille, Verum est, inquit. At ipsa, Immo falsum est, quia comediſti carnes meas usque ad ossa: nam decani tui vaccam meam unde sustentabar, à me abstulerunt. Cui ille, Vere vere favente Deo æque bona vacca tibi reddetur. Quarto anno præſularis sui orta dissensione inter ipsum et conventum *Cantuariensem* propter nova ædificia et basilicam constructam juxta muros monachorum, in qua designavit clericos seculares, præbendas eis de ecclesiis monachorum assignando, ipse postea per papam *Urbanum* ædificia illa tollere compulsus est; unde translata sunt usque *Lambithe* juxta *Londoniam* ex opposito *Westmonasterii*.

Eodem anno *Saladinus* filius regis *Siriae* et *Mesopotamiae* contra Christianos mortuo patre surrexit. Hic *Damascum* et fines ejus accepit. Cumque esset rex miliciæ *Turcorum* gratissimus, vires artibus et artes viribus juvans, in *Aegyptum* cum armis transit, et consumptis principibus confestim arripuit iter ad regnum *Babylonis*. *Libia* quoque atque *Arabia* potius, nactus est nomen grande super nomen magnorum qui sunt in terra. Denique octo regnis ditissimis præſidens, parum tamen actum à

se putabatur dum Christiani *Jerusalem* et *Antiochiam* et civitates *Siriae* maritimas possiderent; totum ergo in ipsos latissimi imperii robur convertens, plebem Dei devorare modis omnibus nitebatur, et tropheum crucis Christi ubi prius erectum est à partibus evellere orientis.

Circa hos dies *Philippus* Comes *Flandria* qui dudum à partibus illis reversus fuerat, piæ devotionis instinctu cum multa militia terram *Jerusalemitanam* iterum ingressus, contra *Saladinum* aliquid agere et fines dilatare disposuit Christianos; verum à Templariis offensus, ad terram *Antiochenam* invitante principe traduxit militiam Christianam. Audiens autem *Saladinus* abductam militiam et terram Domini plus solito vacuatam, cum infinito exercitu repente irruens tanquam possessurus eandem, intima ejus illico penetravit. Tunc princeps Christianus quantum pro tempore potuit miliciam convocans, et præliaturus non suum sed Domini prælium, multitudinem hostium non expavit. Congressus itaque cum eis, tremendas illas copias divino fretus auxilio profugavit. *Saladinus* fuga elapsus ægre evasit, de exercitu ejus milibus multis cæsis.

Anno domini M. Clxxxv. propter peccata hominum quæ utique divinitas odit, cœlestis ira contra populum Christianum minus sancte degentem excaudit; cum enim *Saladinus* ad dedecus præcedentis anni sibi contingens expiandum, fines Christianos instructior terribiliorque invaderet, nostri etiam multo instructiores numerosioresque quam prius, atque ideo minus in Domino dum de se prætulerent confidentes, prælium illi in terminis intulerunt, ubi Deo resistente superbis qui ante humilibus dederat gratiam, maxima Christianorum strages facta est, cæso non parvo militum numero cum magistro miliciæ Templi & optimatibus multis; Unde propter causas prædictas generali providentia statutum est, ut *Jerusalemitanus* patriarcha gratia auxilii contra inmanissimum hostem *Saladinum* petendi ad Christianos principes in *Europam* mitteretur; & maxime ad illustrem *Anglia* regem, cujus auxilium efficacius sperabatur. Idem ergo patriarcha cum literis excitatoriis *Lucii* papæ in *Angliam* veniens, à rege, à quo honorifice suscipitur, auxilium contra Saracenos petiit ex parte omnium orientalium Christianorum, eique claves sacræ urbis dominicæque sepulcri cum vexillo regio & prædictis literis monitoriis ac juramenti regii super hoc prius præstiti commemoratoriis offerebat, in fine cujus literæ papalis sic continebatur. Sane recolat prudentia tua & sollicita secum meditatione revolvat promissionem quam de impendendo terra sancta subsidio jam celsitudinem tuam obligasti, & ita in hac parte te tantum & studiosum exhibeas, ut te in tremendo iudicio tua conscientia non accuset; ejus qui non fallitur districti iudicis interrogatio non condempnet, &c.

Quibus literis auditis & intellectis rex responsum usque concilium suum *Londonia* prorogabat. Tandem cum multi ad prædicationem patriarchæ ac archiepiscopi *Baldewini* cruce signarentur, ipse rex *Henricus* certa & enormia proprii regni ex sua peregrinatione pericula allegando, patriarchæ respondit, quod terras suas absque tutela deferere non posset, nec *Francorum* rapacitati eas exponere, sed proficisci volentibus de pecunia sua ad sublevationem

An. I
118.

nem ecclesiæ orientales habundanter respiceret & donaret. Cui patriarcha, « Nichil agis rex, principem quærimus & non pecuniam. Quælibet penes pars mundi pecuniam nobis mittit, sed principem nulla: virum igitur petimus qui pecunia indiget, non pecuniam qua vir eget. Recessit itaque patriarcha spe frustratus; quem rex, ut consuetis blanditiis offensum mitigaret, ad mare conduxit. Cui ait patriarcha, « Hactenus gloriose regnasti, sed amodo ipse te deseret quem tu deseruisti. Recole quæ dominus tibi contulit, & qualia illi reddidisti; quomodo regi Franciæ infidus fuisti, beatum Thomam occidisti, & nunc protectionem Christianorum abiecasti. Cumque ad hæc rex excandesceret, optulit patriarcha caput suum & colulum extensum, dicens, « Fac de me quod de Thoma fecisti. Adeo libenter volo à te occidi in Anglia, sicut à Saracenis in Siria, quia tu omni Saraceno peior es. Cui rex, Si omnes homines mei unum corpus essent, unoque ore loquerentur, talia michi dicere non auderent. Cui ille, Non est mirum quia tua & non te diligunt, prædam eciam & non hominem sequitur turba ista. Recedere non possum quia filii mei insurgerent in me absentem. Cui ille, Nec mirum, quia de diabolo venerunt & ad diabolum ibunt. Et sic demum patriarcha navem ascendens in Galliam reversus est.

Hoc anno Henricus rex misit Johannem filium suum in Hybernia, ubi anno primo adventus sui apud Ultoniam in urbe Dunensi quasi in spelunca triplici corpora sancti Patricii primi Hybernienſis archiepiscopi, ac contemporaneorum suorum abbatis Columba qui & Columkillus, & sanctæ Brigide quam Patricius velavit, quæ & supervixit eum lx. annis, reperta sunt; in quorum tumba isti versus sunt inscripti.

Hii tres in Duno, tumulo tumulantur in uno,
Brigida, Patricius, atque Columba pini.

Secundum quod Ranulphus Cestrenſis monachus in sua compilatione diversorum Croniconum commemorat. Iste Patricius primus inter cætera operum suorum signa duo fertur miranda à Deo patrasse: unum, quod cuncta venenosa animantia cum baculo suo de terra Hiberniæ ejecit. Secundum, quod nullus Hibernicus adventum Antichristi expectabit. Tercium memorabile quod de ejus purgatorio legitur magis ascribitur. Secundo Patricio minori qui non fuit episcopus sed abbas, qui floruit circa annum Domini octingentesimum quinquagesimum, de quo meminit martirologium, quod quia populum rebellem reperit de Hibernia recessit, & apud Glastonense monasterium ipso die sancti Bartholomæi apostoli diem clausit extremum. Johannes vero filius regis Henrici parum in Hibernia proficiens, in Angliam reversus est.

An Dñi 1146. Anno Domini M. Clxxxvj. consecrati sunt tres episcopi, Hugo videlicet Lincolnienſis, Willielmus Herefordenſis, & Willielmus Wigornenſis. Eodem anno obiit Galfrius regis Henrici filius Comes Britanniæ; qui Arthurum filium suum reliquit heredem, & sororem suam Margaretam nondum desponsatam.

1147. Anno Domini M. Clxxxvij. Frederico in Almannia, Philippo in Francia, Henrico secundo in Anglia regnantibus sub papa Urbano tercio, super terram Jerosolimitanam est manus Domini

aggravata. Civitas enim sancta in qua invocatum est nomen Domini à diebus antiquis, in qua facti prophetæ floruerunt, in qua redemptionis humanæ insignia micuerunt, ex qua sacramenta salutis in omnem mundi latitudinem fluxerunt, proh dolor! in manus gentis prophanæ incidit & immunda; quæ circa tempora papatus Urbani primi à Tito & Vaspasiano conquesta fuit & quasi subversa, & postmodum sub papatu Urbani secundi à manibus Saracenorum per fideles Christi liberata, & quasi extunc per annos plurimos sub potestate Christiana mansisset, modo sub pontificatu Urbani tercio in manus Turcorum cecidit malignorum. Milites vero Templi & Hospitalis quos in campo gladius non noverat, ab aliis captivis segregatos Saladinus coram se præcepit crudeliter decollari. Comes autem Tripolitanus qui cum Saladino prius conspiraverat, dolose cum suis complicitibus de prælio fugit, ipsis Saracenis eos attingere non curantibus.

Cum ergo tyrannus cruentissimus peremptæ multitudinis spolia dirupisset, mox cum suis copiis civitatem Tholomaidam, quæ nunc Acre sive Achon dicitur, adiens, & eam quasi præfidiis vacuatam inveniens, optinuit indilate. Sanctam quoque civitatem Jersusalem idem Saladinus postea adivit, ubi patriarcham & populum metu languidum ad deditiorem coartans, vita & libertate indultis, ut titulo clementiæ se insigniret, armis & pecuniis nudatos dimisit, civitatemque pompaticè ingressus, Crucem sanctam asportavit, Templum vero Domini aqua rosea tanquam à Christianis sordibus expians, sacrilegis ritibus dicavit; Aliquantulam vero reverentiam Dominico sepulcro exhibuit, quod omni quidem aureo & argenteo ornatu sublato Siros illius terræ indigenas Christianos custodire præcepit, edictum adiciens, ne quis alienus irreverenter accederet. Hæc Jerosolimis provenire noscuntur à diro illo prælio quo populus Christianus cecidit tribus mensibus elapsis. Quippe infra octabas apostolorum Petri & Pauli factum illud Christianæ plebis excidium, & circa solemnità sancti Michaelis facta est sanctæ deditio civitatis. Ascalon quoque urbs nobilis, in quam post prælium propter ejus firmitatem multi confluerant, tyrannicam potestatem non evasit: Nam rex Jersusalem qui captus in prælio fuerat, eam pro sua liberatione resignavit; jamque sola urbium Palaestina urbs insignis Tirus dominationem sprevit hostilem. Et quia fere tota illa civitas mare ambitur, portu gaudens tutissimo, Saladinus eam obsessurus classe contra urbem disposita modis omnibus eam studuit oppugnare.

Eodem tempore Marchio filius Marchionis de Monte-Ferrato cum magna classe illuc advenerat patri suo qui in prædicto bello Christianorum fuerat astitutus. Qui accepta à civibus fidelitate & navibus cum quibus venerat præparatis, navali prælio cum hostili classe configere ordinavit. Quod & Deo propicio factum est. Et cæsa multitudine hostium vel submersa, ad portum naves non modicas reducerunt, & spectante Saladino cæteræ suæ naves ut evaderent litoribus alliserunt. Quo casu ita est consternatus, ut incensum machinis & soluta obsidione discederet, nichil contra eandem urbem præsumens ulterius attemptare; sed mox in fines Antiochenos debaccantem convertit tyrannidem, & capta Laodicia cum multis urbibus, ipsam quoque maximam civitatem ita coartavit, ut ab exteritis civibus pactum extorqueret, quod

ad diem certum urbem resignarent, nisi forte major exercitus ex *Europa* interim veniens id fieri prohiberet. Cumque *Urbanus* papa qui *Lucio* successerat, tam flebilem casum de terra *Ierosolimitana* audisset, nimio obiit præ dolore. Cui successit *Gregorius viij.* natione *Boneventanus*, qui sedit mense uno diebus xxvj. & cessavit sedes diebus xx.

Hiis diebus inter *Philippum* regem *Francie*, & *Henricum* regem *Anglia* inimiciæ & discordiæ germina pulularunt, unde rex *Henricus* ad transmarina vocatus negotia transfretavit. Convenerunt autem ex diversis hinc inde provinciis apud castrum quod *Radulphi* dicitur ferocissimi utriusque regis exercitus armatorum. Cumque de castris hinc inde oppositis per dies aliquot duo magni exercitus torvis vultibus mutuo se prospicerent, & viris pacificis qui pacem vel inducias satagebant, aerem frustra verberantibus, tandem turmis ad pugnam dispositis & parum jam aberat à mutuo congressu, ecce occultis magis ut dicitur ducum susurris quam prælocutionibus publicis, induciæ in dies plurimos in utroque exercitu indultæ voce præconia declarantur. Plane vox ista multo gratius insonuit auribus omnium, quam vox tubæ excitantis ad prælium. Gentes ergo & populi qui meditabantur inania vel potius infania, cum ingenti gaudio ad propria sunt reversi.

In oriente, populo Christiano diris præliis per infideles paganos ut prædicitur jam afflicto, papa *Gregorius* Christianæ plebis & sanctæ civitatis exterminium quod sub *Urbano* prædecessore suo contigerat dolens, supra modum ingemuit, unde aliquod remedium adhibere proponens, statim dignitate papali assumpta epistolam suam in orbem Christianorum direxit in hæc verba.

Gregorius, &c. Audita tremenda severitate *Judicii* quam super terram *Ierosolimitanam* divina manus exercuit, tanto sumus nos & fratres nostri horrore confusi, tantis afflicti doloribus, ut non facile nobis occurreret quid dicere aut facere deberemus, nisi quod psalmus deplorat & dicit, Deus venerunt gentes &c. Nos autem licet cum propheta dicere debeamus, Quis det oculis meis fontem lacrimarum, & plorabo die ac nocte interfectos populi mei: non tamen odio vos eicere debemus ut in diffidenciam decidamus, & credamus Deum ita populo suo iratum ut quod faciente peccatorum multitudine fieri permisit iratus, non cito per misericordiam pœnitentia placatus alleviatur, & post lacrimationem exultationem inducat. Nos autem credere non debemus quod ex injustitia ferientis *Judicii* sed iniquitate potius populi delinquentis, talia provenerunt. Porro nos in tanta contritione terre illius non solum peccatum habitatorum ejus; set, & nostrum, & totius populi Christiani debemus attendere, cum ex omnibus partibus inter reges & principes, cives & civitates diffensiones audiamus, & scandala, & cum propheta dicere valeamus, Non est veritas, non est scientia Dei in terra, furtum & mendacium, homicidium & adulterium inundaverunt, & sanguis sanguinem tetigit. Cogitate itaque filii qualiter transceant universa & vos pariter transceatis, & date vestra, date vosmet ipsos, non in exterminium sed in conservationem ei, a quo & vos & vestra omnia recepistis. Nec dicimus dimittite, sed pramittite in cœleste horreum qua habetis, & reponite apud quem arugo non demolitur aut tinea, nec fures effodiunt aut furantur, laborantes ad recuperationem terre

illius in qua pro salute nostra Veritas de terra orta est, & sustinere pro nobis crucis patibulum non despexit. Recolentes non esse novum quod terra illa judicio dominico percussitur. Sed nec esse insolitum, ut flagellata & castigata misericordiam consequatur. Poterat quippe Dominus sola eam voluntate servare, sed non habemus ei dicere cur ita fecerit: voluit enim forsitan experiri & in notitiam ducere aliorum, si aliquis sit intelligens aut requirens Deum, qui oblatum sibi tempus pœnitentie hilariter amplectatur, & animam ponendo pro fratribus consummetur in brevi & complaceat tempora multa. Eis autem qui corde contrito & humiliato spiritu laborem itineris hujus assumpserint, et in pœnitentia peccatorum & fide recta decesserint, plenam suorum criminum indulgentiam & vitam pollicemur æternam.

Hac erga epistola in orbem directæ, idem *Gregorius* papa *Pisas* contendit, ubi *Pisanos* & *Jannenses* jugi & inveterata discordia confligentes, Deo auctore reconciliavit ad pacem. Moxque febre correptus post dies paucissimos apud *Pisas* exspiravit. Cui successit *Clemens* tercius natione *Romanus*, qui sedit annis tribus diebus xv. Sane tristis ille rumor terræ sanctæ orbem in brevi pervagatus, omnium quidem Christianorum cordibus stuporem & horrorem induxit, unde multi per orbem sunt Christi caractere insigniti. Inter quos *Ricardus* comes *Pictavensis* regis *Anglorum* filius & successor futurus, nova forte hujuscemodi inclinato jam die accipiens, absque ulla deliberatione laudabile propositum toto mox pectore combibit, & summo mane in argumentum futuræ peregrinationis & expeditionis caracterem Domini cum solemnitate accepit. Quo audito pater siluit usque adventum filii. Et cum adesset post dies aliquot, Me, inquit, inconsulto rem tam arduam minime arripere debuisti, pio tamen proposito tuo nequaquam adversabor, sed illud ita persequar, ut à te egregie impleatur.

Eodem tempore archiepiscopus *Tirinus* à partibus venit Orientis duriora nuncios atque imminentes miseras in auribus publicis declarando, imploravit ut duo magni reges *Francorum* & *Anglorum* tractandi gratia quidnam facerent in terrarum confiniis convenirent. Verum in illo colloquio dum religiosa intentione non sua sed quæ Christi sunt quærerent, nulla vel admodum languida pristini rancoris irrepsit memoria, sed omni propter Christum quæstione sopita, paribus partibus, votis & studiis Christiano negotio intenderunt. Itaque in multo devotionis fervore surgentes, signum regis regum in ejus militia accingendi mox per manum memorati archiepiscopi acceperunt, & non tantum sua sed etiam seipsos præclaræ militiæ devoverunt. Quorum exemplum dux *Burgundia*, comes *Flandria*, & comes *Campania*, cum aliis multis hillari devotione amplexi, signo Dominico proprios insigniri humeros fecerunt, se pro Christo laboribus & periculis exponere cupientes. Statuto mox tempore quo iter arriperent, ad necessariam provisionem & tanti itineris præparationem se illico transtulerunt: soluto ergo cœtu, rex *Henricus* in *Angliam* reversus est, ubi *Baldewinus Cantuariensis* archiepiscopus, & episcopus *Dunolmensis*, & episcopus *Normicensis*, & multi nobiles regio exemplo accensi, signum salutiferum solemniter susceperunt. Qua de causa dictus *Baldewinus* archiepiscopus crucis legatione fungens, *Wal-*
liam

liam intravit, & in cunctis cathedralibus ecclesiis ibidem, quod usque tunc visum non fuerat, missam indutus pontificalibus celebravit. In cujus comitatu erat magister *Giraldus Cambrensis* archidiaconus *Landavenfis* qui statum & ritum *Cambrigena* gentis in Itinerario illo descripsit, sicut nuper cum *Johanne* filio regis *Hiberniam* missus statum & ritum gentis illius in sua Topographia descripserat. *Fredericus* imperator *Romanus* nobilibus sui imperii convocatis signum Crucis Dominicæ assumpsit; exemplum ad Christi servitium eis præbens. Itaque cunctæ provinciae nominis Christiani ad maturandum iter propositum inmensis fervebant apparatus & studebant. Interea hiis temporibus rex *Henricus Ranulphum* comitem *Cestria* accipere fecit cingulum militare, & dedit ei in uxorem *Constantiam* comitissam *Britanniae Galfridi* filii sui relictam, cum tota *Britannia* minori & *Richemundiae* comitatu.

Hoc tempore scilicet anno Domini M.C.lxxxvii. obiit sanctus *Gilbertus* fundator alborum monachorum ordinis de *Sempyngham*. Eodem tempore concilium apud *Ceyntinton*, ubi dictus *Baldewinus Cantuariensis* archiepiscopus cum aliis pluribus crucem accepit. Ibi statutum fuit in *Anglorum* gente, Ne quis escarleto, sabelino vario vel griseo aut vestibus laqueatis, aut in prandio de cibis exempto ultra duo fercula uteretur, eo quod rex cum omnibus fere *Angliam* magnatibus ad terram sanctam cum expensis erat non minimis profecturus. Verum cum principes & duces Christiani ad iter *Jerosolomitanaum* expediendum toto conamine anelarent, eorum ferventem devotionem antiqui hostis malitia corrumpere non quievit. Cum enim rex *Anglorum Henricus* in regno suo proprio quietus consisteret, & prout decebat tantum principem ad futuram se expeditionem modis omnibus prepararet, rex *Francorum* nescio unde stimulatus rupta fide foederis subito furore excanduit, & castrum nobile quod castrum *Radulphi* dicitur, nequissimorum prodicione inprovilus usurpator intravit. Quo successu elatus, mutato vel potius exfuffiato expeditionis *Jerosolomitanae* proposito, ad injuriandum regem *Angliae* ulterius machinatur. Quibus celeriter agnitis, rex *Angliae* mature transfreturus viros honestos cum verbis pacificis ad prævaricatorem præmisit. Verum ille ad omne blandimentum inflexus, inceptis maliciis superbe incubuit.

Cum enim rex *Anglorum* an. Dom. M.C.lxxxix. hac de causa transfretasset, utrique Reges bonorum virorum studio ad colloquium solempniter conveniunt. Rex quidem *Anglorum* querelam rupti foederis & illatae sibi injuriæ positurus: Rex vero *Francorum* tanquam de hiis rationem redditurus. Sed sub hac fiducia reſtitutudinis operabatur mysterium iniquitatis. *Ricardus* enim comes *Pictaviae* regis *Anglorum* filius, *Francorum* ut creditur hastutia abstractus atque illeſus, in ipſo ſolempni regum colloquio à patre deficiens, ad partes tranſiit hoſtiles. Quo caſu conſternatus pater, cum cauſæ malorum ingraveſcerent, verbis pacificis cum hiis qui oderunt pacem aere inaniter verberato diſceſſit, neſciens penitus cui ſe crederet cum tam filialem eſſet ingrati tudinem jam expertus. Quid plura? bellum illico inter reges viribus & animis diſpares inſtruitur. Idem enim *Ricardus* comes *Pictavenſis* quem pater *Aquitaniae* præfecerat, paratam militiam ad partes regis *Francorum* duxit. Plurimi quoque; *Normannia*, *An-*

degavia, & *Britannia* fide exſufflata manifeſte à patre jam deficientes, & in filii gratiam ſe ponentes, de ejus ingrato conſilio *Francorum* exercitum augmentarunt. Itaque rex *Franciae* cum comite *Pictavenſi* & infinitis copiis terram regis *Anglorum* nullo obſiſtente ingreſſus, ad urbem *Cenomannenſem* ubi rex *Angliae* cum ſuo exercitu morabatur, protendit. Quo agnito, cum rex *Angliae* ad ſubeundum belli diſcrimen longe ſe imparem cerneret, & ab hoſtibus obſideri formidaret, incenſa urbe profugit in loca ſe recipiens tutiora.

Quidam tamen de urbis incendio ſic dicunt, quod rege *Franciae* & *Ricardo* comite *Pictavenſi* contra regem *Angliae* ad dictam urbem *Cenomannicam* convenientibus, idem rex *Angliae* ad cautelam ſuburbium incendi fecit, ne hoſtibus ad præſidium ſuis foret, ſed viſ venti retorta flammam in urbem convertit, & ipſam totam combuſſit & regem exire coegit. Qui in recedendo, ut dicitur, talia dixit: » Quia » tu Deus urbem de mundo quam plus dilexi hodie » à me tam turpiter abſtulisti, ego tibi reddam talionem, nam de cætero auferam à te id quod in » me plus placere tibi deberet, quod eſt cor meum. Tunc exercitus qui eum ſequi videbatur, mox deſluxit, & *Johannes* filius ejus minimus quem tenerime diligebat, ab eo receſſit ne minus fratri & fratribus diſſimilis videretur. Hoſtes autem urbe *Cenomannenſi* cum arce potiti, urbem *Turonicam* cum arce ejus expugnaverunt, de urbe *Andegavenſi* conſequenter obſidenda tractantes. Demum tot malis rex *Anglorum* anxius, & maxime ex junioris filii defectione animo ſaucius, ex multa mœſtitudine apud *Turonum* febre correptus pacem regis *Franciae* ſub hac forma optavit, quod gratiæ regis *Franciae* ſalvo honore ſuo regniſque ſui corona, libenter ſubmitteret; ſed fruſtra, quia pacem aliter non obtineret, niſi gratiæ regis *Franciae* abſolute ſe ſubmitteret. Et merito hoc ſibi provenit, quia illud verbum, ſalvo honore Dei & ordinis ſui dignitate & eccleſia libertate, beato *Thoma* martyri non conceſſit.

Igitur cum iſte rex *Henricus* filius *Matildis* imperatricis xxxiv. annis regnaſſet, an. Dom. M.C.lxxxix. menſe Julii in octabis apoſtolorum *Petri* & *Pauli* luna. xix. feria v. apud *Chinonenſe* caſtrum febre in vaſeſcente obiit, princeps inter reges orbis terrarum nominatiſſimus, ac in multitudine proliſ ſœliciſſimus, niſi in eum qui ex ejus femore exierant ſurrexiſſent. Quod tamen non tam humanæ ſeveritati quam divinæ ultioni nonnulli aſcribunt. Eadem enim menſura qua menſus eſt remenſum eſt ei, ut qui patrem ſuum beatum *Thomam Cantuarienſem* archiepiſcopum uſque ad mortem & licet mortem non intulerit perſecutus eſt, ipſi à filiis propriis uſque ad diem extremum perſecutio non deeſſet. Et licet hoſtes qui excellenti gloriæ ejus & virtutis ſemper inviderant, ipſum extinctum lamentaſſe & laudaſſe dicuntur, omnes tamen proximi ſui cum decederet & familiares circumſtantes ita rapacitati indulſerunt, ut corpus regis diu nudum jaceret, donec puer quidam inferiores corporis partes pallio brevi contegeret. Et tunc videbatur cognomen ejus adimpletum quo ab infantia vocabatur *Henricus Curtmantell*, nam iſte primus omnium curta mantella ab *Andegavia* in *Angliam* tranſvexit. Sicque omnium ſenſibus expoſitum erat quanta ſit vanitas atque fallacia excellentiæ temporalis, cum illum qui paulo ante tantus in orbe refulſerat tam miſerabilis caſus aſſumpſiſſet. Comes quoque;

Pictavenſis Ricardus filius ejus ingemuit, quod venienti patri minus officioſus extitit, & hoſtes bella audito hoc incommodo ſuſpenderunt.

Per octo diēs ante obitum regis piſces de quodam ſtagno *Normannia* exilientes, nocturno tempore cum tanto ſtrepitu ſunt congreſſi, ut homines ad ſpectaculum venientes vix victui unum piſcem ſuſtitem invenirent. Quidam ordinis domus de *Giſebourne* in vitā regis pro eo frequenter orans, & quā de miſericordia vel judicio ſuperni moderaminis eidem regi eſſent eventura, noſcere deſiderans, ante tempus quo ipſe rex ſignum Dominicæ crucis ſuſceperat, tale de rege quem multum dilexit à Domino in ſompnis reſponſum accepit. Signum meum ſuper ſe levabit ſed in tormento tormentum portabit, nam uterus uxoris ſuæ contra eum intumeſcet, & ad ultimum cum velatis velabitur. In caſtino namque obitus illius cum ad illud famoſum & nobile monaſterium feminatum quod *Fons Embrardi* dicitur, ſicut ipſe in extremis pia devotione dictaverat, ad ſepeliendum portaretur apparatu regio veſtitus, coronam auream in capite geſtans, & cirotecas habens in manibus, & anulum aureum in digito, & ſceptrum in manu, & calciamenta auro texta & calcaria in pedibus cinctus gladio jacebat, vultum habens diſcooperatum, ecce *Ricardus* filius ejus comes *Pictavenſis* ſicut ei nunciatum fuit, feſtinanter obviam ei venit. Unde illo ſuperveniente, mox ſanguis de naribus regis deſuncti manavit, ac ſpiritus ejus de adventu illius indignaretur. Tunc prædictus comes ſlens & ejulans proceſſit cum corpore patris ſui uſque ad *Fontem Embraldi* in *Normannia*, ubi juxta magnificentiam regiam honorifice ſepelitur. De eo quoque ferebant qui funeri aſtabant, quod quamdiu *Ricardus* filius ſuus paterno cadaveri aſtaret, utraque patris naris ſanguinem diſtillavit.

Sane idem rex *Henricus* quanquam multis virtutibus fuerat ornatus, aliquibus tamen viciis involutus perſonam regiam deturpavit. In libidine namque pronus conjugalem modum exceſſit. Regina enim ſua *Eliaſora* jamdudum incarcerationa factus eſt adulter manifeſtus, palam & impudice puellam retinens *Rofamundam*. Huic nempe puellæ ſpectatiſſimæ fecerat rex apud *Wodeſtroke* mirabilis architecturæ cameram operi *Dadalino* ſimilem, ne forſan à regina facile deprehenderetur. Sed illa cito obiit, & apud *Wodeſtroke* juxta *Oxoniam* in capitulo montalium in tumba decenſi eſt ſepulta, ubi talis ſupraſcriptio invenitur,

*Hic jacet in tumba Roſa mundi, non Roſa munda;
Non redolet, ſed olet, quæ redolere ſolet.*

Ciſta ejusdem puellæ vix bipedalis menſuræ ſed mirabilis architecturæ ibidem cernitur, in qua conſtitus pugilum, geſtus animalium, volatus avium, ſaltus piſcium abſque hominis impulſu quaſi movere conſpiciuntur. Hic etiam filiam regis *Franciæ* in cuſtodia ſua dudum receperat ut eam *Ricardo* filio ſuo comiti *Pictavenſi* copularet, quam poſt mortem *Rofamundæ* deſloravit, unde *Ricardus* poſtea matrimonium recuſavit, proinde propoſuit rex illam puellam duxiſſe, quæ de cauſa *Hugotiem* cardinalem ad divortiandum inter ipſum & reginam *Eliaſoram* nuper invitavit, ut ſic majori favore *Francorum* fretus, filios proprios exhæredaret. Regina quoque parere deſinente, ſpurios multos fecit.

Venationis delicias plus juſto diligens, in punien-

dis tamen venationis ſuæ tranſgreſſoribus mitior avo fuit, ille enim homicidarum & fericidarum voluit diſtanciam parvam eſſe: hic tamen hujusmodi tranſgreſſores carcerali cuſtodia ſive exilio pro tempore caſtigavit. *Judeos* ſtenerantes plus juſto fovit, & vacantes epiſcopatus ut provenientia reciperet diu vacare voluit. Contra hæc, fuit rex in pace tuenda & fovenda ſtudioſiſſimus, & eccleſiaſticarum libertatum poſt mortem ſancti *Thomæ* conſervator præcipuus. Viros religioſos ſpecialiter honoravit, & re eorum æque cum Dominicis ſuis conſervari mandavit. Pupillorum, viduarum & pauperum curam habens, locis pluribus elemoſinas largas impendit. Naufragorum perditionem eximia pietate correxit, & eis humanitatis officium exhiberi præcipiens, graves in eos poenas ſanxit, qui forte illis in aliquo moleſto eſſe præſumerent, vel de rebus quippiam uſurpare. In regno ſuo *Angliæ* vel in terris ſuis tranſmarinis grave onus nunquam impoſuit, nec tributum eccleſiis vel monaſteriis unquam indixit. Diſcrimen ſanguinis & mortem hominis exhoreſcens, pacem curavit armis cum aliter eam non potuit obſervare.

IN tempore iſtius regis *Henrici* ſecundi anno regni ſui xij. oſſa famoſiſſimi regis *Arthuri* quondam majoris *Britannia* monarchæ, cujus corpus quaſi fantaſticum & in fine tanquam ad longinqua deductum fabulæ *Britannica* adhuc venturum conſixerunt, apud *Glaſtoniam* in quodam vetuſtiſſimo ſarcophago profunde in terra in quercu concava recondita, ſunt inventa inter duas lapideas pyramides in ſacro coemiterio quondam erectas, in quibus literæ quædam exarata erant, ſed ob nimiam vetuſtatem barbaræ ſcripturæ & deformationem legi non poterant. Oſſa vero prædicta hac occasione inventa fuerunt. Dum inter dictas pyramides terram quidam efoderent, ut quendam monachum ſepelirent, qui hunc locum ſepulturæ vehementi deſiderio in vita ſua præoptaverat, & à conventu precibus impetrando optinuerat, quoddam ſarcophagum in quo quaſi oſſa muliebria cum trica comæ muliebris flava & integritate priſtina & colore reperta ſunt, quam cum monachus unus avidè cum manu attraxiſſet, tota ſtatim in pulverem decidit. Amoto vero illo ſarcophago, aliud priori ſuppoſitum repertiunt, in quo oſſa virilia continebantur, quod & etiam amoventes reperiunt tertium quobus primis ſuppoſitum, cui crux plumbea ſuperpoſita erat, in qua exaratum fuit, *Hic jacet ſepultus inclitus rex Arthurus in inſula Avalana*: locus enim ille olim paludibus inclufus inſula *Avalon* vocabatur, id eſt, inſula pomorum. Nam *Avalon Britannice*, pomum dicitur Latine. Deinde prædictum ſarcophagum aperientes, oſſa nimis robuſta & longa dicti principis invenerunt; quæ cum decenti honore & magno apparatu monachi infra eccleſiam ſuam in tumba marmorea poſuerunt. Primum tumulum dicunt fuiſſe *Guenoræ* uxoris ejusdem *Arthuri*, ſecundum *Modredi* nepotis ſui.

Inſuper ſcribitur quod iſte rex *Henricus* à quodam hiſtorico cantore *Britannico* audierat, quod profunde in terra circiter xv. pedes corpus *Arthuri* regis in quercu concava inveniretur. Idcirco autem tam profunde humatus fuerat, ne à *Saxonibus* ſibi æmulis facile reperiretur, & inde literæ veritatis indices interius verſus lapidem ſculptæ erant. Et notandum eſt quod tibiæ *Arthuri* tunc oſtenſæ, tibiā & genu longiſſimi hominis tunc reperti tribus digitis excedebant;

excedebant; spacium quoque interculii inter duos oculos palmalem latitudinem continebat. In cuius capite decem vulnorum cicatrices apparebant, quæ omnia præter unum solum quod letale videbatur, in unam cicatricem concurrebant. Et quamquam superius in libro de gestis *Britonum* dicto *le Brut*, plura gesta de ipso *Arthuro* leguntur, aliqua tamen de eo inventa & ibi intacta, & bella contra *Saxones* in *Britannia* per ipsum habita, hic breviter tangere non omisi. Nam ut dicit *Henricus Huntingdoniensis* libro ij. quod decimo anno *Cerdici* regis *Westaxonum* qui cum *Kenrico* filio suo & quinque navibus apud *Sardichefote* quæ nunc dicitur *Gernemuth* primo applicuerat, surrexit apud *Britones* *Arthurus* belliger quasi octodennis, qui contra *Saxones* novies victor fuit, ut breviter hic patebit. Primo super flumen *Gleny*. Item quater super flumen *Duglas* quod est in regione *Iues*. Hodie fluvius ille vocatur *Anglice* *Dugglis*, & currit sub urbe de *Wigan*, per x. miliaria à fluvio de *Mersee* distans in comitatu *Lancastrie*. Item sexto super flumen *Bassa*, septimo juxta *Lincolniam* in sylva *Celidonis* quæ *Britannice* vocatur *Haercoit Celidon*. Octavo apud urbem *Haerlegion*, nono in monte *Badonis*. *Willielmus Rivalensis* libro primo capitulo ij. Hic est *Arthurus* de quo nugæ *Britonum* delirant. Dignus plane quem non fallaces fabulæ sed veraces historiæ prædicarent: Quippe qui labantem patriam sustinuit, qui infractos civium animos ad bellum acuerit, postremo in obsidione *Badonici* montis non-gentos hostium solus profugavit.

In quibusdam *Cronicis* legitur quod *Cerdicus* sæpius cum *Arthuro* confligens si semel vinceretur alia vice acrior surrexit ad pugnam. Tandem *Arthurus* extædiatus post xvj. adventus *Cerdici* fidelitate sibi jurata dedit eidem *Cerdico* *Hampseschiram* & *Sormersetam*, quam partem vocavit *Westfaxam*. Item legitur in *Cronicis Anglorum*, quod *Modredus* nepos *Arthuri* regnare cupiens sed solum *Cerdicum* metuens, quoddam alios pagos *Cerdico* dedit ut sibi faveret. *Cerdicus* autem hiis consentiens suas provincias novis *Saxonibus* instauravit, & coronatus est more gentili apud *Wintoniam*. *Modredus* vero super *Britones* apud *Londoniam* coronatur. *Vesta* tamen insula *Withgare* nepote *Cerdici* remansit. Verumtamen secundum historiam *Britonum*, *Arthurus* postmodum cum *Modredo* confligens occisus est, & in valle *Avallonis* juxta *Glastoniam* sepultus, cuius corpus postmodum etiam cum corpore *Guenora* uxoris sub anno domini M. Clxxx. tempore regis *Henrici* secundi repertum est, & ad ecclesiam ut prædicatur translatus; sicut refert *Giraldus* distinctione prima capitulo 18. qui tunc vixit & ossa *Arthuri* contrectavit. Cæterum de isto *Arthuro* quem inter omnes cronographos solus *Galfridus* sic extollit, mirantur multi quomodo veritatem sapere possint quæ de eo prædicantur, pro eo quod si *Arthurus* sicut scribit *Galfridus* terdena regna adquisivit, si regem *Francorum* subjugavit, si *Lucium* procuratorem reipublicæ apud *Italiam* interfecit, cur omnes historici *Romani*, *Franci*, *Saxonici*, tot insignia de tanto viro omiserunt qui de minoribus viris tot minora retulerunt?

Ad hæc dicit *Galfridus*, suum *Arthurum* regem *Francorum* *Frollonem* vicisse, cum tamen de *Frollonis* nomine nusquam apud *Francos* reperiatur. Item dicit, *Arthurum* tempore *Leonis* Imperatoris *Luci-*

um Hiberium reipublicæ procuratorem extinxisse, cum tamen juxta omnes *Historias Romanas*, constet nullum *Lucium* eo tempore rempublicam procurasse, neque illum *Arthurum* nullatenus tempore *Leonis* regnasse, neque eciam tunc natum fuisse, sed tempore *Iustiniani* qui quintus fuit à *Leone*. Denique *Galfridus* dicit, se mirari quod *Gildas* & *Beda* nullam de *Arthuro* in suis scriptis fecerunt mentionem. Immo magis mirandum puto, cur ille *Galfridus* tantum extulerit quem omnes antiqui veraces & famosi historici pene intactum reliquerunt. Sed fortasse mos est unicuique nationi aliquem de suis, laudibus extollere excessivis, ut quemadmodum *Græci* suum *Alexandrum*, *Romani* suum *Octavianum*, *Angli* suum *Ricardum*, *Franci* suum *Carolum*, sic *Britones* suum *Arthurum* præconantur. Quod sæpe contingit, sicut dicit *Iosephus*, aut propter historiæ decorem, aut propter legentium delectationem, aut ad proprii sanguinis exaltationem. Nam dicit *Augustinus* de civitate Dei libro 18. capitulo primo, quod *Atheniensium* gesta majora fuerunt fama quam re ipsa, & hoc propter scriptorum ibidem florentium præclara ingenia qui sensum suum ad ardua & linguam suam ad laudatissima laxare sunt gavisi. Igitur secundum *Galfridum* in suo *Britannico* libro *Arthurus* moriturus diadema regni sui *Constantino* cognato suo filio *Cadoris* ducis *Cornubie* concessit, qui pluries cum filiis *Modredi* conflictit, sed tandem eos extinxit, sicque post iv. regiminis sui annos obiit.

Post quem *Aurelius Conanus* tribus annis regnum tenuit. Post quem *Vortiporinus* iv. annis. Post quem *Malgo*, pulcher, strenuus & dapilis sed *Sodomitica* peste infectus, aliquot annis regnavit. Post quem *Careticus* invisus Deo & *Britonibus*, civilis discidii amator, aliquantisper regnavit: Cujus inconstanciam *Saxones* comperientes advocaverunt regem *Africanum* *Gurmundum* de *Hibernia*, quam nuper sibi subjugaverat: Qui cunctis viribus ipsum *Careticum* de urbe in urbem fugaverunt, & tandem in *Cirecestria* obsederunt. Post hæc ipsum *Careticum* cum gente sua *Britannica* usque in *Wallias* ultra *Sabrinum* mare detruferunt, & *Loegriam*, id est *Britanniam* sive modo *Angliam* ferro & flamma vastaverunt; ac extunc *Britones* monarchiam *Anglie* amiserunt.

S Epulso itaque ut dictum est rege *Henrico* filio *Matildis* Imperatricis, prædictus *Ricardus* Comes *Pictavensis* filius ejus statim in *Stephanum* de *Turonis* Senescallum *Andegavia* manus injecit: A quo in carcere misso & vinculis mancipato castella & thesauros patris sui, quos ipse in custodia sua habuit exigebat, & uxorem filii prædicti *Stephani* propter ignobilitatem mariti ab ipso separari fecit, & alii marito dari. Omnes eciam servientes patris sui quos fideles esse noverat et qui patri fideliter servierant, secum retinuit, servicia sua quæ longo tempore cum patre fecerant illis reddens, unicuique videlicet secundum meritum suum; Illos autem tam clericos quam laicos qui relicto patre suo illi adhæserunt, odiosos habuit, et à familiaritate sua alienos fecit.

Post mortem vero et humationem dicti regis *Henrici*, *Johannes* filius ejus qui mortis suæ occasio, immo causa præcipua fuerat, eo quod illum tempore guerræ reliquerat & inimicis suis adhæserat, ad fra-

treem suum Comitem *Ricardum* venit, à quo honorifice susceptus est. Post hæc *Ricardus* Comes venit *Rothomagum* & die *S. Margareta* feria v. luna iij. xij. kal. Augusti gladium ducatus *Normannia* de altari sanctæ *Maria Rothomagi* suscepit præsentem *Waltero* archiepiscopo ejusdem urbis & præsentibus omnibus Episcopis, Comitibus & Baronibus ducatus illius. Deinde recepit fidelitatem cleri & populi ducatus illius. Deinde dedit idem dux filio & hæredi Comitis de *Pertico Matildam* filiam ducis *Saxonia* in uxorem, quam ipse secum per aliquod tempus honorifice retinuerat. Deinde concessit & dedit *Johanni* fratri suo omnes terras quas dictus rex pater suus ei dederat scilicet iv. mille libras terræ in *Anglia* & comitatum *Moretonii* cum pertinentiis suis. Concessit etiam ei filiam Comitis *Gloucestræ* cum honore illo. Concessit etiam *Willielmo* Marescallo filiam Comitis *Ricardi de Strugoill* cum honore illo. Concessit etiam *Gilberto* filio *Rogeri filii Ramsfri* filiam *Willielmi de Lancastria* dapiferi regis patris sui. Et concessit *Gaufrido* fratri suo spurio quondam *Lincolniensis* ecclesiæ electo archiepiscopatum *Eboracensem*, qui clericis suis cum literis prædicti *Ricardi* ducis *Normannia* pro eodem negotio in *Angliam* missis prædictum archiepiscopatum in custodia sua falsari fecit, custodibus regis & custodibus *Huberti Walteri* ejusdem ecclesiæ decani expulsi.

Deinde supradictus dux *Normannia* tercio die postquam factus esset dux, scilicet die sabbati in festo beate *Mariae Magdalene* colloquium cum *Philippo* rege *Francia* habuit, ubi *Gisforcium* & totam adjacentem provinciam calumpniatus est; sed quia præfatus dux *Normannia* *Alesiam* ipsius regis *Francia* sororem in conjugem accepturus erat, sustinuit illa vice. In eodem colloquio *Ricardus* dux *Normannia* promisit se daturum regi *Francia* iv. M. marcarum esterlingorum pro expensis suis. Et præterea illa xx. M. marcarum quas pater ejus nuper ex certo forte condicto regi *Francia* promiserat. Item Domina *Elanora* regina mater prædicti ducis *Normannia* per mandatum illius de ultra mare liberata est in *Anglia* à carcere mariti sui, quo diu detinebatur. Quæ statim reginalem Curiam circumducens de civitate in civitatem & de castello in castellum, sicut ei placuit, profecta est. Et per universos comitatus *Anglia* viros honorabiles tam clericos quam laicos ad mandatum *Ricardi* ducis *Normannia* filii sui sub hoc modo exequendum misit. In primis præcepit captivos omnes à carceribus & captionibus liberos dimitti, ut ad introitum novi principis noviter in regno futuri esset lætitia generalis, & ut ipsa regina à propria prisione sua argumentum eliceret captiones esse hominibus molestas, & jocundissimam animæ refocillationem ab ipsis emergere. Præcepit itaque quod omnes qui capti essent pro foresta liberarentur quieti, & ut omnes uthlagati pro foresta ad pacem redirent de præcedentibus forisfactis de foresta quieti. Et ut omnes alii qui capti essent & retenti per commune rectum comitatus vel hundredi, vel per appellationem, quieti essent; & plures alios articulos quos causa brevitas prætermitto, exequi mandavit, de quibus unus articulus erat, quod unusquisque liberorum hominum totius regni juraret, quod fidem portaret domino *Ricardo* domino *Anglia* filio domini regis *Henrici* & dominæ *Elanore* reginæ de vita & membris suis

& honore terreno, sicut ligio domino suo contra omnes mortales, & quod ei justiciales erunt & auxilium ei præstabunt ad pacem & justiciam suam per omnia conservandas.

Interim etiam *Ricardus Normannia* reddidit *Roberto* Comiti *Leicestria* terras suas quas rex pater suus illi abstulerat; & omnes quos pater suus exheredaverat ad jus pristinum restituit. Deinde dedit *Baldewino* Cantuariensi archiepiscopo, *Gilberto* Roffensi, *Hugoni* Lincolniensi, & *Hugoni* Cestrensi episcopis qui ad eum venerant, licentiam in *Angliam* redeundi. Postea vero rebus transmarinis mature dispositis, præfatus dux *Normannia* & *Johannes* frater ejus navibus apud *Barbestuctum* ascensis idibus Augusti die Dominica ante Assumptionem beate *Mariae* ad diversos portus in *Anglia* applicuerunt: Nam *Ricardus* dux applicuit apud *Portsmouth* et *Johannes* frater ejus apud *Dover*. Venerunt etiam tunc in *Angliam* per mandatum ipsius ducis *Walterus* Rothomagensis archiepiscopus, & *Henricus* Baiocensis episcopus. *Johannes* vero *Ebroicensis* episcopus prius in *Angliam* venerat statim post Pentecosten, & adventum ducis expectavit. Gavisa sunt ergo regna de adventu ducis quia in meliorem statum per illum reformari populus se sperabat, juxta quod sic metricè quidam ait,

Mira canam, sol occubuit, nox nulla secuta est.

Vere nox nulla occasum solis est secuta. Nam radius solis solum solis tenens sole suo jubar lucidius ac latius sparsit: dum enim sol à folio suo in solum decideret, stans tamen ejus radius occasum vel eclipsim nesciens de corpore solari repente divisus & in se solide reverberatus, sol sole cujus fuit radius nulla nubium interpositione vel injuria impediante multo major & lucidior est effectus. Et ne scrupulosum quid animum legentis lædat, præsentī plenius perpendere poterit pentametro,

Sol pater, & radius filius ejuserat.

Filius, inquam, in immensum crescens patris sui opera bonā peramplavit, mala vero refecavit; nam quos pater exheredaverat, filius in pristina jura restituit. Quos pater fugaverat, filius revocavit. Quos pater in vinculis tenuerat, filius illætos abire permisit. Quos pater causa justitiæ diversis pœnis afflixerat, filius causa pietatis refocillavit.

Applicatus igitur in *Angliam* dux *Normannia Ricardus*, à cleroque & populo honorifice & devote susceptus, *Wintoniam* venit, deinde ad urbem *Sarisburyam* adiit ubi omnes thesauros Regis patris sui ponderare & in scriptis redigere fecit; Et inventa sunt in numero & pondere plusquam nongenta M. librarum in auro & argento. Deinde perrexit de loco in loca spaciando usque ad diem coronationis suæ, & fecit interim præparari omnia quæ coronationi suæ necessaria erant. Item quidam Canonorum *Eboracensis* ecclesiæ per mandatum ducis in metropolitana *Eboracensi* ecclesia congregati, ad eligendum sibi & ecclesiæ suæ pastorem, die sancti *Laurentii* feria v. *Galsfridum* regis *Henrici* filium quondam *Lincolniensis* ecclesiæ Electum elegerunt. Et cantato ymno *Te Deum laudamus* scripto sigillis suis appensis electionem illam solemniter corroboraverunt. Et quamvis *Godefridus de Luci* Canonicus & archidiaconus ejusdem ecclesiæ tunc absens esset, literas tamen ratihabitionis misit, mandans se ratam illam electionem in omnibus habere. Sed magister *Bartholomæus* clericus & officialis *Huberti*

Wal-

Walteri ejusdem ecclesiæ decani qui unus erat de prioribus electis, videns hæc omnia in absentia domini sui, & domini Hugonis Dunolmensis episcopi, & multorum Canonicorum ejusdem ecclesiæ facta fuisse, omnes qui præfata electioni consenserant ante illam & post ad præsentiam summi Pontificis appellavit, dicens illam propter absentiam dicti Dunolmensis episcopi & Eboracensis ecclesiæ decani & aliorum Canonicorum ejusdem, minus rationabiliter factam esse.

Audiens ergo dictus decanus Hubertus quæ apud Eboracæ fiebant, ad præsentiam papæ Wintoniæ appellavit, et coram Henrico Baiocensi, Johanne Ebroicensi, Gilberto Roffensi, Willielmo Wigornienfi, & Gaufrido Ciceftriæ episcopis appellationem quâ Officialis suus fecerat renovavit, & per auxilium & consilium Elianore Reginæ, quæ præfatum Galfridum Regis filium novercali odio persequabatur, à filio suo ducem literas impetravit, quod omnia Eboracensis ecclesiæ in eodem statu remanerent in quo fuerunt die qua dominus Henricus pater suus vivus & mortuus fuit; & sic interim omnia jura ecclesiastica Eboracensis ecclesiæ in manu dicti decani & officialium suorum, & omnia secularia beneficia in custodia regis & suorum sicut prius fuerant redierunt. Interim Ricardus dux Normannia dedit Johanni fratri suo filiam comitis Gloucestræ cum comitatu eodem, & castellum de Warleberg cum honore illo, & castellum de Luttegarethale cum honore illo, & castellum de Peek cum honore illo, & castellum de Bolesover, & totam terram quæ fuit Willielmi Peiterel, & villam de Pottingham cum honore illo, et castellum de Lancastria cum honore illo, et Darbshiram, et honorem de Wallingford, et honorem de Tikehul. Hæc omnia et multa alia dedit ei cum villis et forestis, et omnibus aliis pertinentiis suis. Hiis ita peractis, Johannes frater ducis prædictam filiam comitis Gloucestræ iij. kalend. Septembris apud Warleberg desponsavit contra prohibitionem Baldewini Cantuariensis archiepiscopi, eo quod in tercio gradu consanguinei erant.

DEinde Ricardus dux Normannia Londoniam venit, et congregatis ibi archiepiscopis, episcopis, comitibus, baronibus, et multitudine militum copiosa anno Domini M.C. lxxxix. papa Clemente iij. sedi apostolicæ præfidente, iij. non. Septembris die Dominica luna xix. die mala idem dux apud Westmonasterium à Baldewino Cantuariensi archiepiscopo in regem Angliæ consecratur et solemniter coronatur, ministrantibus illi in illo officio Waltero Rothomagensi, J. Dublenensi, Formale Treverensi archiepiscopis, et Lincolnensi, Dunolmensi, Wigornensi, Exoniensi, Bathoniensi, Norwicensi, Cicestrensi, Roffensi episcopis Angliæ; et tribus episcopis de Wallia, videlicet David, Assaph, et Bangorensi; et duobus episcopis de Hibernia, Fernensi et Herthdunensi, Galfrido Eboracensi electo, Johanne electo Candida Casæ de Galweia; Abbatibus de Westmonasterio, de sancto Albano, de sancto Augustino Cantuarie, de Hida, Wintonia, de Burgo, de sancto Edmundo, de Croiland, de Bello, sanctæ Mariæ Eboraci, de Rievals, de sancto Benedicto; Abbate de Mortemer, et Abbate de sancto Dioniso qui venerant ex parte regis Franciæ, præsentibus Comitibus de Alba Marla, de Essexia, de Warena,

J. fratre regis comite Moretonii et Gloucestræ, R. Leicestria comite, et comitibus de Clare, de Warewik, de Suthsexia, de Sarisbiria, Willielmo Marefcallo comite de Strungoil, David fratre regis Scociæ comite Huntynghonia. Præterea hii barones interfuerunt, Robertus de Laci, Nigellus de Monbray, Rogerus Bigod, Reginaldus Luci, Gervasius Paynell, Willielmus Humet, Baldewinus Waac, Robertus de Stanyford, Johannes Constabularius Cestria, Jollanus de Nevill, Willielmus de Nevill, Henricus de Puteaco, Ranulphus de Glanvill Justiciarius Angliæ, Gerardus frater ejus, Gilbertus Basset, Gerardus de Canvill, Ricardus de Savill.

Modo dicendum est de ordine Coronationis.

IN primis, venerunt episcopi, et abbates, et clerici multi induti capis sericis, præcedentibus eos cruce, cereis et thuribulis usque ad hostium thalamum interioris, et ibi receperunt dictum dominum Ricardum qui coronandus erat, et duxerunt eum in ecclesiam Westmonasterii usque ad altare cum reverenti processione et cantu in hunc modum. In prima fronte præcedebant clerici albis induti, portantes aquam benedictam, crucem et cereos et thuribulos, deinde veniebant abbates deinde episcopi. In medio autem illorum ibant iv. Barones portantes candelabra cum cereis. Post illos veniebat Johannes Marefcallus pater eius in manibus suis duo calcaria magna & ponderosa de Thesauraria regis sumpta. Juxta illum ibat Godfridus de Luci portans pileum regale. Post illos veniebant duo Comites videlicet Willielmus Marefcallus Comes de Strungoil, & Willielmus Comes Saresberiensis, unus illorum videlicet Willielmus Marefcallus portans sceptrum regale, in cuius summitate signum aureum Crucis erat: Et alter scilicet Willielmus Comes Sarisbiriensis portans virgam regalem habentem columbam in summitate. Et post illos veniebant tres Comites, videlicet David frater Regis Scociæ Comes de Huntingdonia & Robertus Comes Leicestria & in medio illorum Johannes Comes Meretoni & Gloucestræ, portantes tres gladios cum vaginis aureis sumptos de Thesauraria regis. Et post illos veniebant vj. Comites & Barones portantes unum Scaccarium supra quod posita erant insignia regalia & vestes. Et post illos ibat Willielmus de Mandevill Comes de Alba Marla & de Essexia, portans Coronam auream in manibus suis. Deinde venit Ricardus dux Normannia, & Hugo Dunolmensis episcopus à dextris illius ibat, & Reginaldus Bathoniensis episcopus à sinistris. Et umbraculum sericum portabatur supra illos. Et omnis turba Comitum & Baronum, militum, & aliorum tam clericorum quam laicorum usque in atrium ecclesiæ, & sic usque ad altum altare solemniter sequebatur. Quo cum perventum esset, coram prædictis Archiepiscopis, Episcopis, Abbatibus, Comitibus, Baronibus, clero & populo Ricardus dux hæc tria sacramenta fecit.

In primis itaque juravit & vovit sacrosanctis evangelii & plurimorum Sanctorum reliquiis coram eo positis, quod pacem & honorem & reverentiam omnibus diebus vitæ suæ portabit Deo & sanctæ ecclesiæ, & ejus ordinatis. Deinde juravit quod rectam justitiam exercebit in populo sibi commisso. Deinde juravit quod leges malas & consuetudines perverfas si aliqua sint in regno suo delebit, & bonas

nas custodiet. Deinde exuerunt eum vestibus suis quibus indutus fuerat, exceptis camisia quæ debet esse in scapulis diffusa, & bractis. Deinde calciaverunt eum sandaliis auro contextis. Deinde tradidit ei archiepiscopus *Cantuariensis* in manu dextra sceptrum, & virgam regalem in sinistra. Deinde idem archiepiscopus *Cantuariensis* unxit eum in Regem, infundens oleum sanctum desuper eum in tribus locis, scilicet in capite, in scapulis & in brachio dextero, cum orationibus ad hoc constitutis. Deinde posuit super caput ejus consecratum pannum lineum & pileum desuper. Deinde vestierunt eum regalibus vestimentis, primo tunica, deinde dalmatica. Deinde tradidit ei archiepiscopus gladium ad malefactores ecclesiæ comprimendos. Deinde duo Comites calciaverunt eum calcaria aurea sumpta de Thesauraria Regis. Deinde indutus mantello ductus est ad altare, & conjuratus ab Archiepiscopo & prohibitus ex parte Dei, ne hunc honorem sibi assumat nisi in mente habeat tenere sacramenta & vota quæ superius fecit. Et ipse respondet, se per Dei auxilium omnia supradicta observaturum bona fide.

Deinde cepit coronam de altari, & tradidit eam archiepiscopo, qui posuit eam super caput regis; Et sic coronatus rex ductus est ad sedem suam, ducentibus eum *Hugone Dunelmensi* episcopo à dextris & *Reginaldo Bathoniensi* episcopo à sinistris, præcedentibus eos candelabris & tribus gladiis supradictis. Deinde inchoata est missa Dominicalis. Cum vero perventum fuit ad Offertorium, præfati duo episcopi duxerunt eum ad offerendum, & ad sedem suam reducerunt. Celebrata autem missa & omnibus rite peractis, prædicti duo episcopi unus à dextris & alter à sinistris reducerunt eum coronatum, portantem sceptrum in dextra & virgam regalem in sinistra, ab ecclesia usque in thalamum suum, processione ordinatim præcedente. Deinde processio reversa est in chorum.

Interim rex deposuit Coronam suam & vestes regales, & leviozem coronam & vestes sumpsit. Et sic coronatus venit prandere. Et Archiepiscopi, Episcopi, Abbates, & alii Clerici secundum ordinem & dignitatem suam. Comites, Barones, milites, & alie personæ seculares juxta eorum decentiam & nobilitatem & sicut diæta exigebat, tam ad mensam regiam quam ad alias sedentes epulabantur splendide.

ET licet ipse rex die præcedenti edicto publico eut dicitur *Judeis* & mulieribus ingressum ecclesiæ dum coronaretur, & etiam palatii dum cum principibus & magnatibus suis epularetur interdixerat, prandentibus tamen illis principes *Judeorum* & alii de eorum superstitione lecta contra prohibitionem regiam turbis inmixti fores regias introibant. Unde quidam Christianus indignatus *Judeorum* palma percussus ab ingressu januæ arcere curavit, regium objectans edictum. Quo exemplo plures accensi, *Judeos* cum contumelia repellebant; factoque tumultu indisciplinata turba accurrit, credentesque regem talia mandasse, tanquam freti auctoritate regia, in multitudinem *Judeorum* ad fores regias consistentium pariter irruerunt, & primo quidem percutiebant pugno, postea vehementer effrenati ligna & lapides sustulerunt, & eos à Curia regis eicientes quosdam interfecerunt, quosdam semivivos reliquerunt. Unus autem ex *Judeis* qui *Benedictus Judæus Eboraci* vocabatur, adeo gravibus

verberibus & vulneribus affectus est quod de vita ejus desperabatur, & sic timore mortis perterritus à *Willielmo* Priore ecclesiæ sanctæ *Maria Eboraci* baptismum suscepit, & vocatus est *Willielmus*, unde mortis periculum & manus persequentium sic evasit.

Interea rumore magno per totam civitatem *Londoniensem* quod rex omnes *Judeos* exterminare jussisset percurrente, infinitus populus tam ex ipsa civitate quam ex provinciis plurimis qui illuc causa regis coronationis convenerat, annatus accurrit. Trucidantur ergo *Judei*, & qui beneficio fortium domorum ad tempus tuebantur, à frementibus populis igne in domibus misso consumuntur. His regi adhuc cum magnatibus suis convivanti relatis, *Ranulphus de Glanvill* regni procurator vir potens & prudens cum aliis æque nobilibus à latere regis mittitur, ut audaces flecteret, vel refrænaret. Sed frustra; in tanto enim tumultu nullus vocem eorum auscultavit vel faciem honoravit: sed potius adversus eos quamplures frementes ut maturius recederent hortabantur. Illis igitur effrenatam rabiem consulte declinantibus, usque in crastinum furor prædantium non cessavit.

In sequenti vero die rex servientibus suis per civitatem missis, quosdam malefactorum illorum comprehendi & sibi præsentari jussit, de quibus tres per judicium curiæ sunt suspensi, unus quia furum fecerat in rebus cujusdam Christiani, & duo quia incendium in civitate fecerant, unde domus Christianorum combustæ erant. Deinde misit rex pro viro illo qui jam de *Judeo* factus fuerat Christianus, & præsentibus illis qui viderant eum baptizari, interrogavit eum si esset Christianus effectus. Ipse vero respondit quod non, sed ut mortem evaderet permisit à Christianis sibi fieri quod volebant. Tunc rex interrogavit archiepiscopum *Cantuariensem*, præsentibus multis Archiepiscopis & Episcopis, quid esset de illo faciendum. Qui respondens minus discrete dixit, Si ipse non vult esse homo Dei sit homo diaboli. Et sic ad legem Judaicam reversus est.

Deinde rex in crastino recepit homagia & fidelitates ab Archiepiscopis, Episcopis, Abbatibus, Comitibus, & Baronibus terræ suæ. Interim misit rex breviam suam per omnes comitatus *Angliæ*, prohibens ne aliquis malefaciat *Judeis* sed pacem suam habeant. Sed priusquam edictum illud publicatum esset, *Judei* qui erant in villa de *Dunstapell* ad fidem Christianam conversi baptizati sunt, uxores suas modo Christianorum desponsantes; Quod similiter fiebat per plures *Angliæ* civitates. Et licet rex pacem *Judeis* edicto sancivisset, ille tamen furor in *Judeos* non quidem zelo fidei sed potius lucri *Londonia* accensus, in aliis terræ locis vehementer excaudit. Unde apud *Lenniam* contigit quendam ex *Judeis* fieri Christianum, Quem tanquam legis prævaricatorem *Judei* persequentes, oportunitate capta, ipsum per viam transeuntem armis aggressi sunt. Porro ille in ecclesiam sanctam se recepit; nec propter hoc *Judei* sævientes quievere, sed continuato furore eandem cœperunt ecclesiam cum magno impetu illico oppugnare. Mox ingens clamor attollitur, Christianum auxilium sonoris vocibus flagituratur. Clamor ergo & fama Christianum populum accendunt, & peregrini juvenes, quorum illuc multitudo magna negociandi causa venerat, armati accurrunt, superbos *Judeos* fortiter insultantes. *Judei*

dei vero cum Christianorum impetum ferre non possent, fugam citius inierunt, multis in fuga caesis. Domus. etiam eorum expugnata atque à Christianis spoliata igne imposito sunt combustæ. Peregrini vero juvenes præda onusti, navibus ne aliquam forte à ministris Regis sustinerent quæstionem repetitis, celeriter abierunt. Loci vero incolæ cum propter hoc à regis ministris calumpniari essent, factum in peregrinos qui jam abierant, refuderunt.

Deinde dominus rex venit ad abbatiam quæ dicitur *Wippewelle*, & congregatis ibidem *Baldewino Cantuariensi*, *Waltero Rothomagensi*, & *Johanne Dublenensi* archiepiscopis, & omnibus aliis fere episcopis, abbatibus & prioribus regni, idem rex dedit *Godefrido de Lucy* episcopatum *Wintonia*, & *Ricardo* Thesaurario suo archidiacono *Eliensi* episcopatum *Londoniensem*; & istæ donationes fiebant in crastino exaltationis sanctæ Crucis. Quibus expletis, rex & ceteri omnes ad sua hospitia sunt reversi. Manens autem factus, venerunt iterum rex, & archiepiscopi, episcopi, cum copiosa clericorum & laicorum multitudine ad abbatiam prædictam, ubi rex dedit *Willielmo de Longo Campo* Cancellario suo episcopatum *Eliensem*, & *Huberto Waltero Eboracensi* Decano episcopatum *Sarisburyensem*, & sic omnis controversia quæ erat inter ipsum *Hubertum* & *Gaufridum Eboracensem* electum sopita est. Deinde dedit dominus rex, abbatiam de *Selby* *Rogero de Londonia* ejusdem abbathie Priori, & dedit Priori de *Bermundesepe* abbatiam de *Glastingbury*, & *Gaufrido* fratri suo nuper *Lincolniensi* electo, & postea *Eboracensi* electo archiepiscopatum *Eboracensem*; & *Henrico* fratri *Willielmi* Marecalli decanatum ecclesiæ *Eboracensis*; & *Bucardo* de *Puteaco* Thesaurarium ecclesiæ *Eboracensis*, & *Willielmo* de *Chanvill* archidiaconatum *Richmundia*, & *Willielmo* de ecclesiâ sanctæ *Maria* præbendam, quæ fuit *Huberti Walteri* in ecclesiâ *Eboracensi*.

Cumque *Baldewinus Cantuariensis* archiepiscopus vidisset dominum regem dedisse *Gaufrido* fratri suo archiepiscopatum *Eboracensem*, statim protulit coram rege, & præfatis archiepiscopis, & episcopis cartam regis *Willielmi Bastardi*, qui *Angliam* bellando sibi subjugaverat, in qua continebatur controversia, quæ olim inter *Cantuariensem* & *Eboracensem* ecclesias vertebatur super primaria *Anglia*, & quibusdam aliis dignitatibus, quas altera adversus alteram petebat, & ad quem finem controversia prædicta pervenit. Itaque in carta illa regis *Willielmi* continebatur, quod *Thomas* tunc temporis *Eboracensis* archiepiscopus ordinem sacerdotalem, & consecrationem episcopalem de manu *Lafranci* tunc temporis *Cantuariensis* archiepiscopi, & totius *Angliæ* primatis suscepit, & ei professionem scriptam fecit, & ad concilia sua cum *Lindesarnensis* ecclesiæ episcopo & ceteris suffraganeis suis venit, & ei omnem reverentiam sicut Primati suo exhibuit. Hæc autem omnia facta fuisse coram rege *Willielmo* in generali concilio apud *Londoniam* testabatur carta illa per diffinitivam sententiam, ab *Alexandro* papa secundo prolatam, in præsentia N. legati, qui à præfato papa missus erat ad litem illam inter prædictos archiepiscopos, & eorum successores dirimendam. Auctoritate igitur hujus cartæ *Baldewinus Cantuariensis* archiepiscopus prohibuit, per *Gilber-*

tum Roffensem episcopum, & *Hugonem Cestra* episcopum, *Gaufrido Eboracensi* electo, ne ipse ab aliquo alio, quam ab illo ordinem sacerdotalem, vel consecrationem suscipere episcopalem, & prohibuit *Hugoni Dunolmensi* episcopo, et *Johanni Dublenensi*, et *Formali Treverensi* archiepiscopis, ne illi munus ordinationis, vel consecrationis facere præsumerent, et super hoc ad sedem apostolicam appellavit.

10 Eodem tempore apud Abbatiam de *Pipewell* die Dominica xvij. die Septembris *Johannes* electus *Candidæ Casæ* consecratus est in episcopum à *Johanne Dublenensi* archiepiscopo, administrantibus ei *Formali Treverensi* archiepiscopo & *Concorde Hegdunensi* episcopo. Ad idem Concilium prædictum *Ranulphus de Glanvill* jam senio et labore confectus, qui tempore regis *Henrici* Justiciarius *Angliæ* extiterat, licenciam eundi *Jerusalem* à rege quaesivit & accepit, unde cito postea eodem mense Septembris *Ranulpho* prædicto ab officio suo deposto, rex omnes fere vicecomites & eorum ballivos usque ad ultimum quadrantem redemit. Et quanto familiares patri suo extiterant, tanto plus eos opprimebat; Qui autem non habebat quantum ab eo exigebatur, statim captus fuit & in carcere retrusus, aliis vicecomitibus loco eorum institutis. Et quia rex ad terram sanctam aspirabat, omnia erant ei venalia, scilicet potestates, dominationes, comitatus, vicecomitatus, castella, villæ, prædia, officia & omnia hujus similia. Unde factum est quod *Hugo Dunolmensis* episcopus emit à domino rege dominicum manerium suum de *Heggesfeld* cum omnibus pertinenciis suis, & cum wappentaga et omnibus ad regiam Coronam ibi pertinentibus: quod quidem manerium rex *Deo* et beato *Cuthberto*, et dicto *Hugoni* et successoribus suis Episcopis *Dunolmensibus* per cartam suam sine aliquo retenimento confirmavit. Et pro hac confirmatione prædictus episcopus quietæ clamavit domino regi servicia militum suorum in *Lindesey*, ex servicia *Philippi de Kima* et *Baldewini le Wake* imperpetuum.

Præterea idem *Hugo* episcopus dedit regi mille marcas argenti, ut Justiciarius esset in *Angliæ*, et ut ab itinere *Jerusalem* remaneret. Qui nuncios suos ad papam misit pro habenda licentia remanendi. Unde rex eundem *Dunolmensis* episcopum et *Willielmum de Mandevill* Comitem de *Albamarla* Justiciarios *Angliæ* constituit. *Godefridus* etiam *Wintoniensis* episcopus emit à domino Rege duo optima maneria, quorum unum dicitur *Witergrave* et alterum *Danes*, ad episcopatum suum pertinentia, ut à pluribus dicebatur. *Sampson* etiam Abbas de *Sancto Edmundo* emit à Rege pro mille marcis manerium de *Wildenbale*, quod antiquo jure ad Abbatiam suam ut dictum fuerat pertinebat. Et ceteri quicumque volebant tam sua quam aliena jura à Rege emebant; Unde factum est, quod rex tantam infinitam pecuniam sibi adquisivit quantam nullus antecessorum suorum dignoscitur habuisse.

60 Interim *Gaufridus Eboracensis* electus venit apud *Southwell* villam suam, et ibi mense Septembris sabbato quatuor temporum à *Johanne* episcopo *Candidæ Casæ* sacerdotalem ordinem suscepit. Et cum circa idem tempus *Henricus* frater *Willielmi* Marecalli cui rex decanatum *Eboracensis* ecclesiæ dederat, ad ipsam ecclesiam venisset, neminem invenit qui

qui eum in stallum induceret decanatus; nam clerici dicebant, quod nullus præter archiepiscopum debuit eum in stallum decani installare. Sed *Hamo* præcentor ejusdem ecclesie in stallum præbendæ quam rex ei dederat ipsum misit. Cum autem *Bucardus de Puteaco* archidiaconus *Dunolmenfis*, cui rex thesaurariam *Eboracensis* ecclesie dederat, *Eboracum* venisset cum literis regis *Hamoni* præcentori directis, ut ipsum *Buchardum* installaret, dictus *Hamo* mandatis regis in ea parte noluit obedire, dicebat enim quod *Rogerus* nuper *Eboracensis* archiepiscopus thesaurariam illam sibi dederat, et quod rex *Henricus* illam sibi confirmaverat, et super hoc ad sedem apostolicam appellavit: uterque tamen à desiderio suo fraudatus recessit. Hiis temporibus apud *Dunstable* circa horam meridianam in sublimitate sereni aeris forma Dominici vexilli cum forma hominis crucifixi sibi conjuncta incolis illius patriæ videntibus apparuit; et cum hoc mirabile signum diu scule sic appareret, visa est forma Crucis ab eo qui affixus videbatur recedere, ut medium aeris spacium inter crucifixum et crucem notaretur, et paulo post res stupenda disparuit.

Hoc anno *Sibilla* regina *Ierusalem* dedit *Saladino* *Escalonam* pro redemptione *Guidonis* de *Lezinon* regis *Ierusalem* mariti sui; qui *Guido* cum ad *Tyrum* veniret *Conradus* marchio de *Monte ferrato*, qui *Tholomaida* capta à *Tyris* rege destitutis in dominum receptus fuerat, eum intrare non permisit, unde rex ille non habens ubi caput suum reclinaret, extra urbem *Tyri* in tentoriis remansit. Confluebant igitur ad eum *Templarii*, *Hospitalarii*, et omnes Christiani qui dispersi erant in regione illa, et sibi propter metum paganorum sicut regi suo et domino adhærebant. Deinde idem *Guido* rex *Ierusalem* de consilio *Eraclii* patriarchæ et aliorum Christianorum profectus est ad civitatem *Acra* mense Augusti xj. kal. Septembris, et eam obsedit in loco qui dicitur *Lecturun*. Et quia rex modicum habebat exercitum, pagani qui in civitate *Acra* erant portas illius civitatis de die neque de nocte clausurunt. Sed exibant et redibant cum camelis suis attrahentes victualia et alia quæ necessaria eis erant: Tercia autem die sequenti applicuerunt apud *Acram* *Robertus de Drues*, *Robertus* episcopus *Beluacensis* frater ejus, et Comes *Ailardus de Brenes*, *Iacobus de Avinners*, et multi alii cum illis; de quorum adventu rex et qui cum eo erant magno gaudio sunt gavisi.

Interim *Saladinus* magno congregato exercitu venit prope exercitum Christianorum, & feria iiij. post festum sancti *Michaelis* in planicie ante *Acram* inter civitatem & casale episcopi cum eis prælium commisit. In quo prælio *Saladinus* devictus fugit, omnibus suis tentoriis Christianis relictis. Ibi etiam unam partem de melioribus militiæ suæ amisit, sed & Christiani magnam copiam suorum, pro dolor! perdidit. Postea vero *Saladinus* super gentem Christianam ad castra sua repulsam peccatis eorum exigentibus recuperavit, ubi *Girardus* de *Ridessor* magister Templi & Marescallus Templi cum fratribus fere duodeviginti & alii xl. milites Christiani cum C. Turcopolis cornuerunt. Sed & *Saladinus* primogenitum suum *Mirasalim* & nepotem suum *Thekedin* & *Migeball* senescallum suum & cæteros de melioribus militiæ suæ cum multis aliis ibi amisit. Feria vero iiij. *Saladinus* iterum

cum exercitu suo venit. Et cum Christiani cum eo congredi vellent velocius fugit, & tertia die sequenti, castra sua movens usque ad locum qui dicitur *Saffran* se divertit. Exercitus vero ejus omnem locum à casali episcopi usque ad *Docum* occupaverat, quoniam nunquam antea tantum exercitum adunavit. Et dicebatur etiam quod non erat à multis retro temporibus tanta bona militum Christianorum in illis partibus congregata. Et post prædictum bellum peractum venerunt quingenti optimi milites Christiani & decem milia hominum pugnatorum armis omnibus instructorum. Et anno eodem applicuerunt ibi naves & busciæ plusquam quingentæ exceptis galeis & cursariis quæ multæ fuerunt, & statim revertebantur usque in *Apuliam* ut plures homines & victualia afferrent. Naves autem *Tenonicorum* & *Dacorum* apud *Acram* remanserunt.

Hiis temporibus cum reges *Francia* & *Anglie* ad terram sanctam se parantes iter suum in tantum protelarent, *Fredericus* imperator *Romanus* eodem non censuit expectandos. Sed cura imperii filio suo seniori quem regem *Longobardorum* constituerat, commissa, cum *Conrado* filio suo Duce *Suevorum* per *Pannoniam* & *Traciam* iter suum arripuit, maximas atque ferocissimas *Germanicarum* gentium copias secum ducens. Progressus itaque *Pannonias*, et ad imperatoris *Constantinopolitani* provincias veniens, missis nunciis imperatorem *Græcum* rogavit, ut cum suis per terram suam libere posset transire non ad sinistram neque ad dexteram declinando. Sed cum *Graci* licet Christiani *Latinos* abhominari noscuntur, & *Græcus* ille imperator, ut dicebatur, post *Ierosolimam* captam fœdus cum iniquo *Saladino* pepigerat quod in terra & in mari dicionis suæ transitum *Latinorum* in *Siriam* inhiberet, ipse *Saladino* quam Christo fidelior, imperatori *Latino* transitum concedere non curavit. Quamobrem imperator *Latinus* ad suos ait, Hostem, inquit, *Saladinum* quærimus, & ecce par *Saladino* hic, immo plusquam *Saladinus*, qui zelando pro *Saladino* zelantibus pro Christo palam obstitit; in ipsum ergo arma contra *Saladinum* sumpta vertamus, ferro nobis viam aperientes cum transire aliter nequeamus. Placuit hoc omnibus. Ingressique hostiliter nobilissimam urbem *Thessalonicam* fortiter expugnatam cito ceperunt, & provincia adjacente in potestate *Latinorum* redacta, ad yemandum ibidem statuerunt. Videns autem *Græcus* imperator non parum contra se à *Latinis* actum, & majora ac duriora nisi præcaveret conjecturans, fœdus cum imperatore nostro *Latino* pepigit, & transitu qui petebatur concessio, de sumptibus illius & mora quam propter inhibitum transitum fecerant, satisfecit. Et sic demum imperator *Romanus* *Constantinopolim* cum exercitu suo venit, & ab imperatore *Græco* cum debito honore & reverentia magna tunc susceptus, securitatem de pace servanda dedit & accepit. Et mora per aliquot dies ibi facta, ea quæ necessaria sibi & suis in via essent utiliter providere fecit. Et inde procedens, fructum quod sancti *Georgii* dicitur prospere transmeavit. Veniensque in *Asiam minorem* cujus quædam pars *Constantinopolitana* dicionis est, parti vero *Soldanus Iconii* præsidet, cum *Soldano* illo pugnavit & prævaluit adversus eum, & munitiones ejus obtinuit, multis tamen de militibus & familiaribus suis tam in præliis crebris contra *Turcos* actis quam

quam per diversas ægritudines ex corruptione aeris provenientes amissis, amplissimaque civitate *Iconio* capta & locupletissima præda inde direpta, *Christianus* exercitus imperatoria provisione inter ipsum imperatorem & filium suum bipartitus in castris excubabat, ampne medio interlabente. Cumque imperator equo sedens filium qui parti exercitus ultra ampnem præerat visendi & alloquendi studio cum paucis ampnem vellet transmeare, dissuasus à Comitibus ne vir tantus petulanter in ampnem se daret incognitum, extrema eum forte urgente non adquivit, sed imperialis oblitus magnitudinis equo stimulo in aquam profiliens, intuentibus Comitibus subvenire non valentibus, in momento interiit suffocatus.

Quidam tamen historici volunt quod alio modo obiit submersus. Dicunt enim quod cum prædictus imperator *Romanus*, de terra *Soldani* de *Iconio* egressus, in terram *Rupini de la Mountayne* ad fluvium magnum qui dicitur *Saleph*, (per medium terræ *Turcorum* currentem, & eam à terra dicti *Rupini* dividentem, & in gulfo *Satalia* cadentem) venisset, propter nimium æstum tunc valde urentem vestimentis suis in fluminis ripa depositis in aquam ad se profiliit balneandum: ad ejus igitur exemplum multi de comilitonibus suis indumentis suis depositis in fluvium salierunt. Et cum omnes ultra flumen natate conarentur solus imperator transnavit; quem natando redeuntem deficientibus ei viribus rapacitas aquæ traxit in profundum. Et sic uno modo vel alio submersus vitam finivit in undis: sane exercitus *Christianus* ira vehementer stupuit atque de raptu principis doluit, ut collapsis animis matura præda hostibus videretur.

Resumpto vero paulisper spiritu, loco extincti principis dictum *Conradum* filium suum ducem *Suevorum* omnes in eorum ducem & principem assumpserunt; qui corpus paternum per aliquot dies ægre inventum in frustra scindi fecit, et ossibus extractis carnes ejus coctas in *Antiochia* cum cerebro & visceribus sepelivit. Denique tantus exercitus per viam longissimam paulatim bellis & morbis confectus & imminutus, cum magna sumptuum penuria, periculo & labore *Palestinam* cum duce memorato venit. Qui, paternis ossibus apud *Tirum* cum decenti honore sepultis, miliciæ *Christianæ* quæ *Acram* obsidebat, cum omni comitatu suo adjunctus, ibidem post modicum tempus morbo defecit. Et est notandum quod civitas *Acra* obsessa erat à *Christianis* in hunc modum. *Guido* rex *Jerusalem* cum regina & filiabus suis hospitatus erat in *Thorono* subtus mare versus caput montis, habens secum *Galfridum* fratrem suum & *Eraclium* patriarcham. Tota vero maritima qua itur ad *Caiphas* *Pisani* castrametati sunt, ita quod nullus ex illa parte ab urbe poterat exire. Ex alia parte *Thoroni* ubi sedet *Machomarum*, ibi dominus *Antigonus* & *Jacobus* de *Avennes*, omnesque *Tentonici* & provinciales posuerant castra sua. Postea *Templum* cum gente sua hospitatum est, ubi orti & cisternæ fuerant *Latinorum*. *Hospitale* vero cum fratribus suis & familia sua castra posuit ubi erat ortus & terra ejusdem *Hospitalis*. Ex alia parte usque ad mare *Conradus* Marchio, & multi alii de ultramontanis usque ad montem *Musardam* hospitia sua sumperunt. Et Comes *Robertus*, & Episcopus *Beluacensis*, & Comes *Airaldus* de *Brena*, & *Franci* & *Campani*

cum gentibus regis *Jerusalem* ibi juxta *Thoronum* prope villam morabantur, & cum eis archiepiscopus *Pisannus*, & archiepiscopus de *Nathareth*, & archiepiscopus *Bezaninus*, & archiepiscopus de *Arleblanc*, & archiepiscopus de *Monte regali*. Deinde *Christiani* fecerunt duo magna fossata; unum inter se & urbem, & aliud inter se & paganos ubi erat fossatum Templi; ita quod nullum ab urbanis timebant insultum, nec ullus eis patuit egressus. Ingenia vero & pararia *Christianorum* ita retro fossata erant, quod nullus ex parte adversa poterat eis nocere. Sed de victualibus nisi per mare minime poterant subveniri.

Eodem anno mense Septembris homines *Londonienses* & cæteri multi qui de diversis regnis per naves iter *Ierusalem* arripuerant, in *Hispania* civitatem quandam *Saracenorum* quæ *Silva* dicitur obsidentes eam acriter insultatam ceperunt, & deletis paganorum spurcitiis legem ibi *Christiani* imperpetuum tenendam statuerunt, ecclesiam in honore Dei & beatæ *Marie* virginis fabricantes, ubi per vicinos episcopos qui cum eis venerant, fecerunt quendam in episcopum pro urbe illa eligi et consecrari. Qua tunc *Sanceio* regi de *Portingall* tradita, ipsi die sancto *Michaelis* sine impedimento per districtas *Affrica* transierunt.

Eodem anno mense Octobris *Galfridus Eboracensis* electus venit *Eboracum*, qui cum solempni processione in ecclesia sua à clero & populo est receptus. Venerunt etiam *Eboracum* *Henricus* frater *Willielmi* Marescalli cui rex dederat decanatum *Eboracensis* ecclesiæ, & *Buchardus* nepos *Hugonis Dunelmensis* episcopi, cui rex thesaurariam dederat ejusdem ecclesiæ. Sed dictus *Galfridus Eboracensis* electus noluit eos installare donec electio sua esset à summo pontifice confirmata: unde rex iratus dissolvit eum de omnibus suis cismarinis & transmarinis laicis tenementis, & nuncios quamplures quos idem electus ad dominum papam pro pallio suo miserat transfretare non permisit. Eisdem anno & mense *Resus* filius *Griffini* dictus rex *Suthwallie* per conductum *Johannis* Comititis *Moretone* fratris regis in *Angliam* usque *Oxoniam* venit. Sed quia rex *Angliæ* noluit ei occurrere, sine colloquio regis ad partes suas rediit indignatus.

Eodem anno mense Novembris *Rotrodus* Comes de *Pertico* ex parte *Philippi* regis *Franciæ* in *Angliam* venit; per quem ipse rex *Franciæ* *Ricardo* Regi *Angliæ*, Comitibus & Baronibus suis mandavit, ipsum Comitibus & Barones suos de regno *Franciæ* in generali concilio suo *Parisiis* jurasse tactis sacrosanctis evangelis, quod ipse & sui inmutabiliter, Deo volente, forent apud *Verzeliacum* ad clausum Paschæ, inde *Jerusalem* progressuri. Et in testimonium hujus sacramenti ipse rex *Franciæ* per dictum Comitem Regi *Angliæ* literas suas misit, petens quod Rex *Angliæ*, & Comites, & Barones sui simili modo faciant eum securum de itinere ad eundem terminum faciendo. Unde Rex *Angliæ* congregatis Episcopis, Comitibus, & Baronibus regni sui, Parliamentum *Londonia* super hoc habuit & tractatum, in quo recepto prius à prædicto Comite de *Pertico* & aliis nunciis regis *Franciæ* sacramento in animam ipsius regis *Franciæ*, quod idem rex *Franciæ* inmutabiliter veniret usque *Verzeliacum* in clauso Paschæ contra regem *Angliæ*.

ad iter suum *Ierosolimis* perficiendum, rex *Anglia* fecit *Willielmum de Maundevill* jurare in animam suam coram prædictis nunciis regis *Francia*, quod omni occasione et excusatione remotis veniret *Verzeliac* in clauso Paschæ ad peregrinationem suam *Ierosolimis* faciendam.

Anno & mense adhuc ultimo prædictis, *Willielmus* rex *Sicilia* qui *Johannam* sororem regis *Ricardi* in uxorem duxerat, in nobili civitate sua *Pannormi* obiit sine prole. Qui fere xv. annis ante obitum suum *Constantiam* filiam *Rogeri* primi regis *Sicilia* coronati avi sui hæredem post se in regno suo si sine prole decederet constituit, & fecit omnes principes regni sui tam clericos quam laicos fidelitatem prædictæ *Constantie* contra omnes homines jurare salva fidelitate sua. Deinde eam *Henrico* regi *Alemannorum* filio *Frederici* imperatoris tradidit in uxorem. Sed dicto *Willielmo* rege *Sicilia* defuncto, *Tancredus* Comes de *la Lyche* filius fratris patris jam dicti *Willielmi* regis regnum *Sicilia* sibi usurpavit, sacramento quod prædictæ *Constantie* fecerat non obstante. Eodem adhuc anno & mense Novembris, *Johannes* Cardinalis apud *Dober* in *Anglia* applicuit, cui statim prohibitum fuit ex parte *Eliaxora* reginæ ne ulterius procederet, nisi per mandatum filii sui regis. Eodem mense *Ricardus* rex *Cantuarie* venit, & pacem & finalem concordiam inter *Baldewinum* archiepiscopum & monachos sanctæ *Trinitatis Cantuarie* in hunc modum fecit; videlicet quod *Rogerus* Prior quem prædictus archiepiscopus contra voluntatem eorum fecerat, deponeretur, & capellâ quam idem archiepiscopus in suburbio construxerat prosterneretur, & quod dicti monachi canonicam obedientiam & subjectionem secundum regulam sancti *Benedicti* facerent, sicut prædecessoribus suis facere consueverunt. Et dominus rex ad petitionem dicti *Baldewini* archiepiscopi dedit dicto Priori *Cantuarie* deposito abbatiam de *Cebesham*. Huic autem paci & finali concordie interfuerunt rex & regina mater sua, & fere omnes episcopi, abbates & Priores regni, qui omnes sigilla sua scripto hujus concordie apposuerunt.

Eodem anno mense Decembris, *Willielmus* rex *Scottorum* cum *David* fratre suo ad *Ricardum* regem *Anglia* post dictam concordiam per aliquot dies *Cantuarie* morantem venit; contra quem *Galfridus Eboracensis* electus de mandato domini regis *Anglia* fratris sui cum magnatibus comitatus *Eboracensis* usque aquam de *Wlwe* prius ierat, qui eum regi *Cantuarie* conducebat, administrans ei necessaria sua secundum consuetudinem prædecessorum suorum. Et ibi dictus rex *Scottorum* *Ricardo* regi *Anglia* homagium fecit pro dignitatibus suis in *Anglia* habendis sicut prædecessores sui reges *Scottorum* eas temporibus regum *Anglia* habere solebant. Eodunc *Ricardus* rex *Anglia* castella de *Rokesburgh* & *Berwike* libere & quiete sibi reddidit, & eum, & omnes hæredes suos quietos clamavit imperpetuum ab ipso & regibus *Anglia* de omni ligancia & subjectione de regno *Scocie*, quas *Henricus* rex *Anglia* pater suus ab eo per captionem suam extorserat minus iuste. Et pro hac redemptione castellorum suorum, & quietâ clamantia fidelitatis & ligancie de regno *Scocie*, & pro carta regis inde habenda, dictus *Willielmus* rex *Scottorum* dedit *Ricardo* regi *Anglia* x. M. marcas *Sterlin-*

gorum. Unde eodem anno rex *Ricardus* antequam iter suum versus *Ierusalem* ab *Anglia* cepit omnia prædicta *Willielmo* regi *Scottorum* quietâ clamavit, et inde Cartam suam ei fecit in hunc modum.

Ricardus Dei gratia rex *Anglia*, dux *Normannia* & *Aquitannia*, comes *Andegavia*, archiepiscopi, episcopi, abbatibus, comitibus, baronibus, justiciariis, vicecomitibus, & omnibus ministris & fidelibus suis totius *Anglia* salutem. Sciatis nos consanguineo nostro *Willielmo* regi *Scottorum* reddidisse castella sua de *Rokesburgh* & *Berwike* tanquam ejus jure hereditario ab eo & heredibus suis imperpetuum possidenda. Præterea quietas clamavimus ei omnes consuetudines & pactiones quas bona memorie pater noster *Henricus* rex per novas escaetas & per captionem suam extorsit. Ita scilicet ut michi faciant integre & plenarie quod rex *Scottorum* *Malcolmus* frater ejus antecessoribus nostris fecit de jure, & de jure facere debuit. Et nos faciemus quicquid antecessores nostri prædicto *Malcolmo* de jure fecerunt & facere debuerunt, scilicet in conductu veniendo ad curiam, & in redeundo à curia, & in morando in curia, & in procurationibus, & in omnibus libertatibus, dignitatibus, & honoribus eidem jure debitis secundum quod recognoscetur à quatuor proceribus nostris ab ipso *Willielmo* rege electis, & à quatuor proceribus illius à nobis electis. Si autem fines sive marchias regni *Scotie* aliquis nostrorum hominum postquam rex prædictus *Willielmus* à patre nostro captus fuit, usurpaverit absque judicio, volumus ut integre restituantur, & ad eundem statum reducantur quo erant ante ejus captionem. Præterea de terris suis quas habet in *Anglia*, seu dominicis, seu feudis, scilicet in comitatu *Huntingdon*, & in omnibus aliis, in ea libertate & plenitudine eas possideat & hæredes ejus imperpetuum, quæ *Malcolmus* possedit vel possidere debuit; nisi prædictus *Malcolmus* vel hæredes sui aliquid postea infeodaverint. Ita tamen quod si quæ postea infeodata sunt, ipsorum feodorum servicia ad eum vel hæredes ejus pertineant. Et si quid pater noster prædicto *Willielmo* regi donaverit, ratum & firmum habere volumus. Reddidimus etiam ligancias hominum suorum & omnes Cartas quas dominus pater meus de eo habuit per captionem suam. Et si aliqua alia forte per oblivionem retenta aut inventa fuerint, eas penitus viribus carere precipimus. Ipse autem ligis homo noster devenit de omnibus terris de quibus antecessores sui ligii homines antecessorum nostrorum fuerunt, & nobis fidelitatem juravit & heredibus nostris.

Interea eodem mense Decembris *Johannes* Cardinalis apostolicæ sedis legatus de mandato regis *Cantuarie* venit, qui à rege et ab archiepiscopo et episcopis cum solempni processione in ecclesia sanctæ *Trinitatis Cantuarie* receptus est; sed indigne ferebat quod pax et contordia inter *Cantuariensem* archiepiscopum et monachos sanctæ *Trinitatis* facta esset, ex quo ad litem illam inter eos dirimendam à latere summi pontificis in *Angliam* missus erat. Eodem mense *Ricardus* rex dedit *Johanni* fratri suo in augmentum comitatus *Cornubie*, *Devonia*, *Dorsete*, et *Somersete*. Dedit etiam ibidem reginæ matri suæ totum dotarium quod rex *Henricus* avus patris sui dederat *Matildi* reginæ uxori suæ, et totum

totum dotarium quod rex *Stephanus* dederat *Alia* reginæ uxori suæ, et totum dotarium quod *Henricus* pater suus ei dederat. Et eodem die ibidem coram prædicto Cardinali et omnibus episcopis, et abbatibus, et clero ibi congregato, *Hugo Dunolmenfis* et *Hubertus Sarisberienfis* episcopi, *Galfridum Eboracensem* electum ad sedem apostolicam appellarunt, dicentes eum non fuisse canonice electum, pro eo quod dictus episcopus *Dunolmenfis* et dictus *Hubertus* tempore electionis illius *Eboracensis* ecclesiæ decanus aberant quando ipse eligebatur. Et *Buchardus Eboracensis* ecclesiæ thesaurarius et *Henricus* ejusdem ecclesiæ decanus ipsum similiter ad sedem apostolicam appellarunt, dicentes quod ipse homicida erat, et in adulterio genitus, et de scorto natus, et ideo non esset ad summum sacerdotii gradum dignus. Et quamvis omnes et quasi de regis licentia adversarentur illi, dictus tamen *Iohannes* Cardinalis electionem de illo factam ratam habuit, et eam auctoritate quaungebatur vice *Clementis* papæ affirmavit, et sigilli sui munimine roboravit. Quibus peractis, *Elia* regina, *Iohannes* Comes *Moretonii*, *Willielmus* rex *Scottorum* et universus clerus et populus licentia regis habita ad propria redierunt.

Eodem anno 5. die mensis Decembris feria 4. à *Cantuarina* recedens profectus est usque *Dover*, ubi multæ naves de diversis partibus *Angliæ* pro passagio suo fuerunt congregatæ. In crastino autem adventus sui ad *Doveram* *Rogerus* electus ad abbatiam sancti *Germani* de *Selby* recepit apud *Dover* die sancti *Nicholai* per præceptum regis et contra prohibitionem *Galfridi Eboracensis* electi benedictionem suam ab *Hugone Dunolmensi* episcopo. Vident igitur *Galfridus Eboracensis* electus quod amorem regis fratris sui nisi mediante pecunia nullatenus habere posset; promisit ei tria milia librarum *Sterlingorum* pro amore suo integre habendo. Et tunc rex archiepiscopatum *Eboracensem* sibi reddidit, et carta sua confirmavit. Reddidit etiam ei omnes laicos feodos quos *Henricus* pater ejus illi dederat citra mare et ultra, scilicet villam de *Wicumbe* cum pertinentiis suis, et in *Normannia* comitatum *Giffardi*, et in *Andegavia* Honorem de *Bangi* cum pertinentiis. Et idem rex quietas clamavit Deo et sancto *Petro Eboraci*, et eidem *Galfrido Eboracensi* electo, et omnibus archiepiscopis ei successuris, omnes terras suas et canonicorum suorum, quod sint liberæ et quietæ imperpetuum de rewardo forestæ, et omnibus aliis exigenciis et gravaminibus forestæ et forestariorum, et dedit ei per Cartam suam liberam potestatem et licentiam capiendi venationem per omnes præbendas suas in comitatibus *Eboraci* et *Notynghamie*.

Insuper *Hugo Dunolmenfis* et *Hubertus Sarisberienfis* episcopi, et *Henricus* decanus, et *Buchardus* thesaurarius ecclesiæ *Eboracensis* ad rogatum regis et præceptum, appellationes quas contra dictum *Galfridum Eboracensem* electum fecerant remiserunt. Et ipse *Eboracensis* electus prædicto *Henrico* decanatum *Eboracensem*; et dicto *Buchardo* thesaurariam, ac etiam *Hugoni Dunolmensi* episcopo privilegia sua & conventiones quæ fuerunt inter ipsum & *Rogero* nuper *Eboracensem* archiepiscopum, ad petitionem regiam confirmavit, promittens etiam quod ipse in futuro post consecrationem suam sigillo suo episcopali omnia confirmaret. Deinde

Ricardus rex *Angliæ* xj. die Decembris in vigilia sanctæ *Lucie* virginis à *Dover* usque *Calets* cum dicto *Johanne* cardinali, *Waltero Rothomagensi* archiep. *Henrico Baiocensi* & *Johanne Ebroicensi* episcopis transfretavit, quem *Philippus* Comes *Flandriæ* cum gaudio recipiens usque *Normanniam* perduxit. Et rex dimisit post se in *Angliæ* *Hugonem Dunolmensem* episcopum totius *Angliæ* summum Justiciarium, & *Hugonem Bardes* & *Willielmum Bruer* constituit collegas suas in judiciis & justitiis suis faciendis; castellum de *Windeſoures* cum forestis & comitatu in custodia sibi tradens. Dimisit etiam rex retro se in *Angliæ* *Willielmum Eliensem* episcopum Cancellarium suum, cui tradidit unum sigillorum suorum ad mandata sua in regno facienda, & turrim *Londoniensem* in custodia. Unde dictus *Dunolmenfis* episcopus moleste ferebat quod aliquis alius quam ipse turrim *Londoniensem* in custodia habebat; & statim animadvertit ipsum non zelo justitiæ factum fuisse justiciarium, sed ut ab illo pecunia extorquatur. Et ita factum est. Ipse enim & cancellarius in paucis unanimes extiterunt; nec mirum, omnis namque potestas impatiens confortis erit.

Anno ab incarnatione Domini M. Clxxxix. *Ricardus* rex *Angliæ* festum nativitatis Dominicæ quod secunda feria illo anno evenit, in *Normannia* apud *Burum* cum primatibus terræ illius solemniter celebravit. Erat enim nativitas illa proxima post primam coronationem suam. Qui statim post Natale cum *Philippo* rege *Franciæ* ad vadium sancti *Remigii* colloquium habuit & tractatum: ubi pacem firmam inter se & regna sua statuerunt, & eam scriptis commendatam sacramento & sigillis suis in festo sancti *Hilarii* confirmarunt, & archiepiscopi, & episcopi utriusque regni in verbo veritatis, & Comites & Barones regnorum præstito sacramento juraverunt, quod ipsi pacem illam illibatam tenerent, fideliter servarent. Erat autem hæc forma pacis, Quod uterque illorum honorem alterius servaret, & fidem ei portaret de vita & membris & terreno honore suo, & quod neuter illorum alteri deficeret in negociis suis; sed rex *Franciæ* ita juvaret regem *Angliæ* ad terram suam defendendam sicut vellet defendere civitatem suam *Parisius* si esset obfessa; Et rex *Angliæ* juvaret regem *Franciæ* ac si vellet suam *Rothomagensem* si esset obfessa defendere civitatem. Comites vero & Barones utriusque regni juraverunt quod à fidelitate regum non discederent, nec quamdiu ipsi fuerint in peregrinatione sua guerram ullam in terris illorum moverent. Archiepiscopi vero & episcopi firmiter in verbo veritatis promiserunt, quod in transgressores hujus pacis & conventionis excommunicationis sententiam promulgarent. Præterea prædicti reges statuerunt quod si alter illorum in peregrinatione illa discederet, alter qui supervixerit pecunias defuncti & homines haberet ad Dei servitium faciendum. Et quia ad præfixum terminum parati esse non poterant, iter suum usque ad festum sancti *Johannis Baptiste* arripere distulerunt; & quod tunc apud *Verzeliacum* essent inmutabiliter statuerunt.

Eodem anno post purificationem beatæ *Mariæ*, *Elia* mater regis *Ricardi*, *Alais* soror *Philippi* regis *Franciæ*, *Johannes* comes *Moretonii* frater regis, *Baldewinus* *Cantuariensis* archiepiscopus, *Jo-*

An. Dñi
1189.

hannes Norwicensis, *Hugo* Dunolmenfis, *Godefri-*
mus Wintonienfis, *Rainaldus* Bathonienfis, *Williel-*
mus Elienfis, *Hubertus* Sarisberienfis, *Hugo* Ce-
streus episcopi, & *Galfridus* Eboracensis electus, per
mandatum regis de *Anglia* in *Normanniam* vene-
runt; ubi habito cum illis consilio dominus rex statuit
Willielmum Eliensem episcopum Cancellarium suum,
summum *Anglia* Justiciarium, & concessit *Hugoni*
Dunolmensi episcopo Justiciariam à flumine *Hum-*
bra usque ad terram regis *Scottorum*. Et *Galfri-*
dum Eboracensem electum, & *Iohannem* fratrem
suum jurare fecit, quod ab illo tempore ante annos
tres futuros nisi de licentia sua *Angliam* non intra-
rent. Sed postmodum de consilio *Elanora* reginæ
Johanni fratri suo sacramentum quod fecerat relaxa-
vit licentiam sibi redeundi in *Angliam* concedendo.
Et tunc misit in *Angliam* *Willielmum* justiciarium
suum, scilicet *Eliensem* episcopum cancellarium suum,
ad necessaria sibi & suo itineri præparanda. Et rex
missis nunciis suis cum nunciis dicti *Eliensis* episcopi
ad *Clementem* papam optinuit ad opus illius episcopi
legationem totius *Anglia*. Venit igitur ille *Willi-*
elmus Eliensis episcopus cancellarius, & summus re-
gis justiciarius in *Angliam*, turrimque *Londonien-*
sem circumdari profundissimo fossato fecit, credens
quod *Thamensis* fluvius per fossatum illud transiret.
Deinde cœpit ad opus regis ab unaquaque civitate
Anglia duos palefridos & duos summarios de auxi-
lio, & de unaquaque abbatia *Anglia* unum pale-
lefridum & unum summarium, & de unoquoque
proprio manerio regis unum palefridum et unum
summarium.

Interim postea nunciis domini regis à summo
pontifice redeuntibus, dominus papa in mandatis de-
dit, quod tota ecclesia *Anglicana* in ecclesiasticis
causis *Willielmo Eliensi* episcopo sedis apostolicæ
legato esset subiecta. Cujus quidem legationis au-
ctoritate, idem episcopus domini regis cancellarius
et totius *Anglia* justiciarius, clerum et populum
multipliciter opprimebat, nec in regno erat qui ei
verbo vel opere resistere audebat. Hiis temporibus
apud *Stanfordiam* tempore quadragesimali adversus
Judæos novi turbinis motus surrexit: Cum enim
ibidem in quadragesima solemnes nundinæ essent,
juvenes qui signum *Dominicum Ierosolimam* pro-
fecturi susceperant, illuc ex diversis provinciis con-
venerunt, indignantes quod Judæi inimici crucis
Christi tam multa bona possidebant, cum ipsi ad
tanti itineris laborem sumptus necessarios non habe-
rent; arbitrantes ergo obsequium se præstare Deo,
si hostes ejus impeterent, audacter in eos irruerunt,
nēmīne tantis se ausibus opponente; unde aliquibus
ex eis casis, cæteri infra castellum recepti ægre eva-
ferunt. Prædones cum sui operis emolumento abie-
runt, nullo eorum propterea quæstionem disciplinæ
regiæ sustinente. Apud *Lincolniam* vero cives ejus-
dem audientes qualia circa Judæos agerentur, oc-
casionem nacti et exemplis aliorum animati, aliquid
contra eos agere voluerunt, et conglobati in Judæos
cohabitantes motu subito exarserunt. Porro Judæi
necationibus et dampnis aliorum cautiore effecti,
paucis discrimen expertis, mature cum pecuniis in
munitionem regiam fugerunt.

Eodem tempore mense Martii xvij. kal. Aprilis
Dominica in ramis palmarum Judæi civitatis *Ebo-*
racensis numero quingenti viri ac mulieres, exceptis
parvulis, impetum Christianorum timentes, se in-

fra turrim *Eboraci* de consensu et voluntate custodis
ejusdem et vicecomitis incluserunt. Qui sic pro eo-
rum tuitione infra arcem à vicecomite et custodere-
cepti, illam postea eis tradere noluerunt: unde vice-
comes et custos turris graviter indignati, milites co-
mitatus et homines civitatis, ut turrim à Judæis il-
lis liberarent, in quantum poterant hortabantur:
qui cum insultum die ac nocte in turrim fecissent,
Judæi pecuniam magnam pro vita habenda in va-
num irato contra eos populo optulerunt. Tunc sur-
rexit quidam Judæorum legis peritus, et ait, « Viri
« *Israelite* audite consilium meum; melius est no-
« bis mori pro lege nostra quam incidere in manus
« inimicorum legis nostræ, et illud idem præcipit
« lex nostra. Omnes igitur Judæi tam viri quam
mulieres assensum illius consilio præbuerunt; et ac-
cedens unusquisque paterfamilias cum novacula
acuta, inprimis incidit guttura uxoris et liberorum
suorum, ac deinde familiæ suæ, proiciens cadavera
quæ sic dæmoniis sacrificaverat ultra muros turris
super populum Christianum. Interfectores vero cæ-
teros necatos et seipso domo regia incluserunt, et ap-
posito igne seipso et domos regias combusserunt.
Deinde cives *Eboracenses* et milites comitatus do-
mibus Judæorum concrematis, possessiones eorum
sibi diripiebant, cartas debitorum eorum omnium
comburentes.

Post Pascha dictus regis cancellarius magno con-
gregato exercitu *Eboracum* venit, ad illos tanquam
malefactores capiendos qui Judæos destruxerant ci-
vitatibus. Et cognito quod per præceptum vicecomitis
et custodis turris hoc factum fuisset, utrumque ab
officiis suis deposuit, et à civibus civitatis de pace
regis et regni servanda obsides cepit; et quod de
morte Judæorum in domini regis curia juri starent.
Milites autem provincie qui ad destructionem Ju-
dæorum erant, capi jussit. Ecclesiam vero metro-
politānam *Eboraci* et clericos ejusdem sub interdicto
posuit, pro eo quod noluerunt eum sicut apostolicæ
sedis legatum cum processione et sonitu recipere
campanarum: Et campanis per præceptum suum in
terra depositis, canonicos et vicarios ejusdem eccle-
siæ tamdiu sub interdicto arcus tenuit, donec omnes
ad eum ad satisfactionem venirent.

Interim dominus rex dedit *Hugoni Dunolmensi*
episcopo licentiam redeundi in *Angliam*; et man-
davit cancellario quod concesserat eidem *Hugoni*
Dunolmensi episcopo justiciariam à flumine *Hum-*
bra usque ad terram regis *Scotia* in longitudine et
latitudine à mare usque ad mare. Qui eum in
Angliam venisset, et cancellario in villa de *Blida*
de civitate *Eboracensi* redeunti obviasset, ibi lite-
ras sibi regias liberavit. Quibus inspectis, can-
cellarius respondit, Se libenter facturum domini re-
gis mandatum. Et de die in diem protrahens, duxit
eum secum usque *Londoniam*, et ibi eum tenuit do-
nec ei castellum de *Windefores*, et comitatum cum
forestis et *Novum castrum* super *Tinam* cum comi-
tatu et manerio de *Saberga* quod rex sancto *Cuth-*
berto imperpetuum dederat, reddidisset. Hiis ita
peractis, episcopus *Dunolmensis* de licentia cancella-
rii à *Londonia* recedens, ad villam suam quæ dici-
tur *Howden* pervenit, ubi cum moram fecisset, *Wil-*
lielmus de Sturtevil et vicecomes *Eboracensis* ad
eum venerunt, ex parte cancellarii sibi prohibentes,
ne ulterius procederet nisi de licentia domini regis
vel ipsius. Episcopus vero data securitate quod ul-
terius

terius non procederet, ibidem remansit, significans regi per nuncios omnia quæ Cancellarius ei fecit. Unde rex iratus præcepit, quod *Novum castrum* super *Tinam* & manerium de *Saberga* cum wappentaga & feodis militum dicto *Dunolmensi* episcopo redderentur, & inde Cartam suam ei fecit iterum. Interim *Ricardus* rex *Girardum* archiepiscopum *Axiensem*, *Bernardum* episcopum de *Baiona*, *Robertum* de *Sablol*, *Ricardum* de *Chamvil*, & *Willielmum* *Fort* de *Valeron* de consilio suo electos super totum navigium suum, scilicet *Anglia*, *Normannia*, *Pictavia*, *Britannia* & *Aquitannia*, quod in terram sanctam iterum erat, *Justiciarios* suos constituit, & inde Cartam suam illis tradidit in hac forma.

*Ricardus Dei gratia, &c. omnibus hominibus suis Ierosolimam per mare ituris salutem. Sciatis nos de communi proborum virorum consilio has justitias fecisse subscriptas. Qui hominem in navi interfecerit, cum mortuo ligatus proiciatur in mari. Si eum in terra interfecerit, cum mortuo ligatus terra fodiatur. Si quis autem per legitimos testes convictus fuerit, quod cultellum suum ad alium percutiendum extraxerit, aut qui alium ad sanguinis effusionem percusserit, pugnum perdat; qui autem palma percusserit sine effusione sanguinis, tribus vicibus mergatur in mari. Si quis autem socio obprobrium & convitia aut odium clam iniecerit, quot vicibus convictus fuerit tot uncias argenti det. Latro autem de furto convictus tondatur ad similitudinem *Campionis*, & pix bulliens super caput ejus effundatur, & pluma pulvinaris super caput ejus excutiat, & cognoscendum eum; & in prima terra ad quam naves applicuerint proiciatur. Teste meipso apud *Chinonem*. Item, idem rex præcepit in alio brevi suo, quod omnes homines sui per mare *Ierosolimam* ituri, essent obediens præceptis & consiliis dictorum *Justiciariorum* navium suarum; & sicut semet ipsos & reditum suorum in terris suis diligerent, sic prædictas assisas inter se fideliter servarent. Deinde præcepit rex prædictis *Justiciariis* navigii sui, ut iter arriperent quam citius possent. Qui sic fecerunt.*

Instanti ætate anno domini M. Clxxx. illustres Francorum & Anglorum reges iter Ierosolimitana profectionis ingressi, cum apparatu congruo & exercitu copioso in octabis sancti Johannis Baptista ad Verzeliacum convenerunt, ubi sanctissimum corpus beatæ Mariæ Magdalene requiescit: et ibi moram per duos dies facientes, rex Angliæ in signum peregrinationis suæ peram & baculum ibi cepit, quæ rex Francorum ante recessum de terra sua in ecclesia sancti Dionisii receperat valde pie. Deinde reges cum suis inde procedentes, cum ad Civitatem Leonum super Rodanum venissent, & pontem ibi cum majori parte familiarum suarum præterissent, pons ille non sine multorum hominum cecidit latione. Ibidem igitur prædicti reges propter nimiam hominum copiam illos sequentium abinvicem sunt divisi, quia eos capere non poterat unus locus. Rex vero Franciæ cum suis usque ad Januam perrexit, & ibi naves Ierosolam iturus ascendit. Rex autem Angliæ cum suis usque Marsiliam perrexit, ubi multos invenit peregrinos, qui jam propter longam moram quam ibi fecerant, totum æs suum expenderant, qui ad regem venientes suæ ei servicia offerebant, de quibus rex multos retinuit. Et cum ibidem per octo dies

moram fecisset, expectans & sperans indies navigii sui adventum, à desiderio suo fraudatus, decem magnas buccias & viginti galeas bene armatas ibi conduxit. Qui dolens & quasi de proprio navigio desperatus cum familiis suis intravit. Interea eodem anno mense Julii die sancti Jacobi Apostoli x. milia hominum juvenum proborum & bene armatorum de exercitu Agram obsidente, contra prohibitionem regis Ierosalem & Patriarchæ & cæterorum magnatum Christiani exercitus exierunt, prælium cum Saladino committentes, ubi Saladino prævalente omnes fere occisi sunt, pauci namque eorum auxilio domini Radulphi de Hanterne archidiaconi Coleestria evaserunt. Septimo autem die Augusti Ricardus rex Angliæ de Marsilia in galea Pumbone recessit, & transivit per insulam sancti Stephani, per Aquileiam, per Montem nigrum, per insulam sancti Honorati, per civitatem Niceam, per civitatem de Witemile: Et sciendum est quod inter Nice & Witemile est divisio terrarum regis Arragonia et Italia. Deinde transivit per sanctam Mariam de Funz et per Nolam, et tertia decima die Augusti transivit per castellum quod dicitur Seone. Et eodem die venit ad Januam ubi locutus est cum rege Franciæ qui ibi infirmabatur. Quartodecimo die Augusti in vigilia Assumptionis beatæ Mariæ venit ad portum Delfini, & ibi moram fecit per 5. dies. Ibi vero misit ad eum rex Franciæ rogans, ut quinque galeas ei accommodaret; rex autem Angliæ optulit ei tres, quas ipse rex Franciæ refutavit. Nonodecimo die Augusti recessit rex Angliæ à portu Delfini, et venit ad portum Veneris, qui in crastino venit ad portum de Pisa. Et ibi venit ad eum Walterus Rothomagensis archiepiscopus; et Johannes Ebroicensis episcopus in civitate Pisana infirmabatur, et ideo ad portum cum dicto domino Rothomagensi ad regem non venit. Vicecima prima die Augusti transivit rex per insulam quæ dicitur Gurgune, veniens xxij. die ejusdem mensis ad portum de Brandiz. Vicecima

tercia die Augusti perrexit rex duas leucas per viam terrestrem cum paucis militibus in equis conductis, & venit ad portum juxta castellum quod Plumbin vocatur obviam galeis suis; Et ibi intravit rex galeam Fulconis Postantri quam prius non intraverat, & vento gaudens optato insulas quæ vocantur Argentaire & Genut præterit, & venit ad portum qui dicitur Tanemunt. Vicecima quinta die Augusti venit rex ad portum qui dicitur Kerleche qui est in media via inter Marsiliam & Messanam, quo die velum galeæ in qua rex erat rumpebatur. Iterum ergo rex intravit galeam Pumbone, & præterivit civitatem Cornet, civitatem de Senes la Veele, & civitatem Laune.

Et postea intravit Tiberim; ad cujus introitum est turris pulcherima sed solitaria. Sunt & ibi murorum ruinæ maximæ antiquorum. Ibi venit ad regem Octavianus Ostiensis episcopus, cui rex inproperando Romanis de simonia, turpia multa dixit, pro eo quod D.C. marcas pro consecratione Cenomanensis Episcopi habere debuerant, & mille & quingentas marcas pro legatione Eliensis episcopi, et pecuniam magnam ne deponeretur Burdegalensis qui à clericis suis de crimine accusabatur. Vicecima sexta die Augusti transivit rex per quoddam nemus quod dicitur Selmedeme cervis, capriolis & damulis habundans, in quo est via marmorea ad modum pavimenti facta, & durat per medium nemus quater

xx miliaria. Eodem die transivit per castellum quod dicitur *Leicum*: Ibi est porta quæ quondam tegebatur cupro, & erat ibi introitus criptæ, per quam pecunia undique allata *Rome* ferebatur. Vicefima septima die *Augusti* transivit per rupem excelsam in mare quæ vocatur *Le Caap de Cercel*, & insulam *Palmerole* & insulam *Ponce* & insulam *Palmere*. In summitate montis de *Caap de Cercel* est castrum in quo latrones & piratæ se abscondunt. Deinde venit ad civitatem *Daracene*; ubi quondam erat porta cupro tecta. Postea venit ad *Garillam*. Inde ad castrum quod dicitur *Caap del Espurun*. Hæc est divisio terræ *Romanorum* & terræ regis *Sicilia* quæ dicitur terra principatus *Capua*. Deinde præterit insulam *la Putatee* quæ fuit terra *Pilati*, & ibi erat portus cupro tectus. Deinde præterit rex insulam quæ dicitur *Histelemair* quæ semper fumat. Hæc insula dicitur accensa fuisse ab insula quæ dicitur *Vulcan*, igne volante, & ut dicitur mare & pisces comburent. Deinde præterit insulam quæ dicitur *Baterim* et portum de *Baie* ubi sunt balnea *Virgilii*. Vicefima octava die *Augusti* venit rex *Neapolim*, et perrexit ad *Abbathiam* sancti *Januarii* ad videndum filios *Eadmundi* qui ibi in pellibus et ossibus stant in cripta; et ibidem moram fecit usque ad nativitatem beatæ *Marie*. Et eodem die perrexit *Salernum* in equis conductis, et ibi fecit moram magnam.

Interim *Baldewinus Cantuariensis* archiepiscopus, & *Hubertus Sarisberienensis* episcopus, & *Radulphus de Glanvill*, qui cum rege *Anglia* ad *Marsiliam* venerant, naves ibidem intraverunt, qui Domino pro eis iter prosperum disponente, in brevi per mare magnum sine ullo impedimento ad obsidionem *Acre* pervenerunt. *Johannes vero Normicensis* episcopus papam adiit, & licentia redeundi ab eo accepta, crucem dimisit, & domi rediit absolutus, quod cum domino regi constaret, mille marcas per manus *Templariorum* pro redemptione de illo pro reditu suo cepit.

Navigium autem regis *Anglia* cui archiepiscopus *Anxiensis*, & episcopus *Baiocensis*, & *Robertus de Sablol*, *Ricardus de Chamvill*, & *Willielmus Fortis de Valerun* præfuerunt, iter usque terram sanctam statim post *Paicha* de diversis regionibus *Anglia*, *Normannia*, *Britannia*, *Pictavia*, & *Aquitania* arripuit. Cujus navigii pars quædam in portu de *Dertelmuth* convenit. Et post moram aliquot dierum ibidem factam, cum prædictæ naves numero decem usque *Ulixisbonam* velificarent, & quandam terram in mari protensam quæ dicitur *Godestre* & *Britanniam* præterissent, sanctum *Mathæum* de finibus terræ in sinistra parte navigii, & magnum mare quod itur in *Hibernia* in dextra habentes, totam *Pictaviam* in sinistra & *Vasconiam* dimiserunt. Et cum jam mare *Britannicum* præterissent, & in mare *Hispanicum* die Ascensionis domini venissent, illas tam valida tempestas & horribilis arripuit, quod in momento sunt ab invicem sepeata. Cum vero tempestas sæviret, & omnes cum tribularentur ad Dominum clamarent, beatus *Thomas Cantuariensis* archiepiscopus martir gloriosus per tres vices visibiliter apparuit tribus personis qui erant in navi *Londoniensi*, in qua erat *Willielmus* filius *Osberti*, & *Gausfridus Aurifaber* civis *Londoniensis*, dicens illis, Nolite terreri, ego autem, & beatus *Edmundus* martir, & beatus *Nicholaus* Confessor custodes hujus navigii

regis *Anglia* sumus à Domino constituti. Quod si homines hujus navigii à pravis operibus se custodierint, & de peccatis poenitentiam egerint, Dominus iter prosperum illis dabit, & in semitis suis gressus eorum diriget. Hiis itaque sub trina repetitione dictis, beatus *Thomas* ab oculis eorum evanuit; & tempestate statim cessante, magna tranquillitas in mari facta est. Et jam illa navis *Londoniensis* in qua supradicta apparitio contigit, portum *Ulixisbone*, & caput sancti *Vincentii* præterierat, & prope civitatem *Silvia* pervenerat, quæ tunc temporis in illis partibus *Hispania* fuit ultima omnium urbium *Christianorum*, & erat ibi usque adhuc Christiana fides novella, utpote quæ in anno proximo præterito ut supradictum est, de manibus paganorum erepta, Christianicola facta erat. Cumque prope illam civitatem navis illa esset procellis agitata, illi qui intus erant ubi essent ignorantes, naviculas suas foras miserunt, & ad terram navigantes, per indicia cognoverunt, quod terra illa erat terra Christianorum, & non ultra. Et quia non erat eis via tuta ulterius sine bono & magno comitatu procedere, ad civitatem protinus accesserunt. Et causa illorum adventus cognita, episcopus civitatis *Silvia* eos grater cum clero & populo recepit. Erant autem in illa navi plusquam quater xx. juvenes bene armati.

Interim *Baioc Almiramomeli* imperator de *Marroc* & de *Hispania Saracenicâ* magno congregato exercitu venit in terram *Sanccii* regis *Portigalensis*, in vindictam imperatoris de *Marroc* patris sui anno sexto proximo præterito defuncti in obsidione apud sanctam *Harenam* castellum *Aldefonsi* regis patris prædicti *Sanccii* regis *Portigalensis*. Cives autem *Silvia* timentes adventum imperatoris de *Marroc*, juvenes illos *Londonienses* qui eis applicuerant, ab eis recedere minime permiserunt, sed navem illorum frangentes, de illius asseribus propugnacula civitatis fecerunt, promittentes & omnimodam securitatem facientes, quod rex *Portigalensis* bene illis satisfaceret tam de mora quam facerent, quam de dampno & amissione navis suæ, & ita factum est; Rex namque *Portigalensis* navem postea pro navi dedit, expensas solvens fideliter pro expensis. Præterea novem aliæ naves quæ in eadem tempestate erant, in diversis *Hispania* portibus applicuerunt, per fluvium tamen qui *Tagus* dicitur ascendentes ad civitatem *Ulixisbone* duce Domino pervenerunt, ubi corpus sancti *Vincentii* requiescit. Et antequam illuc venissent, imperator de *Marroc* die nativitatis sancti *Johannis Baptista* fluvium *Tagi* per vadum cum omni exercitu suo pertransiens, castrum *Sanccii* regis *Portigalensis*, quod dicitur *Turris nova*, obsedit.

Rex vero *Portigalensis* nunciis ad peregrinos qui in navibus ad civitatem *Ulixisbone* jam venerant, destinatis, auxilium ab eis petiit, dicens, quod nisi ei succurrerent, totam amitteret terram suam. Viri siquidem illi scientes quod mori pro Christo lucrum esset, relictis navibus, numero quingenti bene armati & de omnibus qui in navibus venerant præelecti, usque ad civitatem *Harenam*, quæ distat à civitate *Ulixisbone* per duas dietas, pergentes, *Sanccium* regem *Portigalensem* sine auxilio fere confusum, ibi cum paucis militibus invenerunt. Et imperator de *Marroc* castro dicti regis *Portigalensis* quod jam obsederat capto, aliud castellum *Templariorum* quod *Thuinar* dicitur obsidebat. Qui audito peregrinorum

grinorum adventu valde timens, legatis ad regem *Portigalensem* missis, *Silviam* civitatem ab eo petit, & ipse de terra sua recederet, & castrum quod ceperat ei redderet, & pacem cum eo septem annis firmiter teneret. Quod cum rex *Portigalensis* facere nolle, prædictus imperator ei mandavit, quod veniret civitatem *Harenam* in crastino obsessurus. Tunc rex *Portigalensis* inito cum peregrinis consilio, constituit homines suos in turribus & fortioribus propugnaculis murorum. Peregrini autem de *Anglia* qui de navibus suis venerant, audaciam pro muro habentes, debiliores partes urbis sibi elegerunt. In crastino autem cum omnes essent ad bellum parati, & clamor esset in foribus, jam jam veniet & non tardabit, repente venit nuncius qui dixit, imperator de *Marroc* mortuus est jam triduanus, & exercitus ejus fugit. Et adhuc illo loquente venerunt duo, deinde tres, deinde plures eundem sermonem dicentes. Crediderunt autem illis rex & universus populus, & civitas magno gaudio replebatur.

Data in crastino peregrinis ad naves suas redeundi licentia, rex quod labores suos bene recompensaret illis promisit: sed antequam illi ad naves suas venissent, *Robertus* de *Sablol* & *Ricardus* de *Chanvill* ad urbem *Ulixisbona* cum lxij. magnis navibus de *Storio*, id est, de navigio regis *Anglia* venerunt. Quidam autem hominum qui in comitatu eorum venerant, malefactores erant & perversi, qui de navibus in civitatem ascendentes, & mulieres, & filias civium violantes, superbe cum populo locuti sunt; *Judeos* quoque & paganos qui servi regis ibi erant bonis eorum direptis & domibus combustis à civitate fugantes, vineas eorum vindemiaverunt, non uvam, vel racemum miseris relinquentes. Quod cum regi *Portigalensi* nuntiatus esset, velocius advenit, & inventis ibi *Roberto* de *Sablol*, & *Ricardo* de *Chanvill* cum navigio regis *Anglia*, faciem hilarem & pacem spondentem eis exhibuit, injurias plebi suæ illatas sustinens patienter. In crastino vero dicti *Robertus* & *Ricardus* sacramentum de supradictis assis regis & capitulis observandis ab omnibus hominibus navigii receperunt. Post triduum autem iterum dissensio inter cives *Ulixisbona* & quosdam illorum qui in navibus venerant orta est, ita quod ex utraque parte multi ceciderunt in bello interfecti. Rex vero clamore populi ad aures ejus perveniente, portas claudere urbis fecit, & omnes qui de navibus in civitatem ad edendum vel bibendum venerant, capi & incarcerari jussit, & erant viri numero septingenti, & antequam exire possent fecit rex cum dictis *Roberto* & *Ricardo* pacem qualem voluit in hac forma; scilicet, quod malis præteritis hinc inde remissis, ipsi quamdiu ibi essent, illi & terra sua pacem firmam servarent, & ipse similiter illis; Et quod arma & cætera quæ hinc inde in bello amissa fuerant redderentur.

Quo facto, dicti *Robertus* & *Ricardus* à portu *Ulixisbona* cum navigio regis *Anglia* in vigilia sancti *Jacobi* recesserunt. Et eodem die venerunt ad introitum maris ubi *Tagus* cadit in mari, invenientes ibi *Willelmum* de *Forz* cum triginta magnis navibus, & tunc erant omnes naves navigii pariter in eodem loco centum & sex magnæ naves, quæ aderant onustæ victualibus & armis ac hominibus bellicosis. Et in crastino sancti *Jacobi* feria sexta, prædicti *Robertus*, *Ricardus* & *Willelmus* inde recedentes per montem magnum in mare protensum qui *Spichel*

dicitur, transierunt, & deinde ad portum *Silvia* venerunt, quæ ut prædicitur, fuit ultima civitas fidei Christianæ. Deinde transierunt ante civitatem paganorum quæ dicitur sancta *Maria* de *Faron*. Et notandum est quare civitas sic nominatur: *Faron* dicitur locus ubi civitas sita est; & Christiani qui eam ædificaverunt sic eam nominaverunt, qui in nomine Dei genitricis *Mariæ* quandam yconiam supra murum statuerunt. Deinde cum pagani adversus Christianos prævaluissent, eandem optinuerunt civitatem. Et cum prædictam yconiam supra murum stantem invenissent, illam in contemptu fidei Christianæ & beatæ *Mariæ*, capite & aliis membris illi amputatis, in mare longius projecerunt. Quo facto, mare & tellus facta sunt sterilia, & fames super terram illam ita invaluit, quod fere omnes homines illius provincie fame & inedia perierunt. Tunc seniores populi & omnes juvenes à maximo usque ad minimum die ac nocte plorantes, & in sacco & cinere poenitentiam agentes, recordati sunt yconie, cujus caput, manus, & pedes absciderant, dicentes, Peccavimus, inique egimus, iniquitatem fecimus quando caput, manus, & pedes yconie amputavimus. Quæramus ergo illam, & apponamus ea locis suis, ut sic saltem avertat Deus iram suam à nobis & à civitate ista. Et sagenis ubi membra yconie projecta fuerant, in mare missis, eam ad terram cum membris traxerunt, caput collo, & manus brachiis, ac pedes tibiis apponentes, & ea auro & argento primo & purissimo solidarunt, & sic illam yconiam quæ in magna veneratione usque in hodiernum diem habetur, in loco honorabili statuerunt, & statim fames cessavit & terra fructibus habundavit.

Deinde prædictæ naves ante castellum quod *Martel* dicitur transierunt, deinde per montes magnos in mare protensos, ac multas & magnas alias civitates. Tandem ad quandam insulam quæ dicitur *Odur* quæ est ad introitum *Rodani* pervenerunt. Et ascendendo per flumen *Rodani* stat urbs episcopalis quæ dicitur *Arles de blanc*, & ascendendo superius per eundem fluvium est bona civitas quæ dicitur *S. Egidius*, & deinde est *Marsilia*. Et est sciendum quod multæ insulæ *Saracenice* sunt inter districtas *Affrica* & *Marsiliam*, quarum una dicitur *Majorek* & altera *Euviz*, quæ regi *Arragonie* sunt tributariæ. Insula vero de *Majorek* CCC. pannos sericos, & insula de *Euviz* CC. regi *Arragonie* de tributo quolibet anno reddit. Apud *Marsiliam* inter cæteras Sanctorum reliquias sunt reliquæ sanctarum sororum *Mariæ Magdalene* & *Mariæ*, ac sancti *Lazarari* fratris earum qui in eodem loco septem annis episcopatum tenuit postquam Dominus ipsum à mortuis suscitavit. Sciendum est etiam quod tota terra quæ est ab *Anglia* usque in *Hispaniam* secus mare fuit terra regis *Anglia*, & protenditur usque ad portum qui dicitur *Humarce* qui dividit terram regis *Anglia* à terra regis *Navarre*, & terra regis *Navarre* incipit à dicto portu qui dicitur *Humarce*, & durat usque ad terram quæ dicitur *Castre*, & usque ad montes de *Sor* qui dividunt terram regis *Castelle* à terra regis de sancto *Jacobo*. Terra vero regis de sancto *Jacobo* incipit à montibus de *Sor*, & durat usque ad aquam de *Mine* quæ dividit terram regis de sancto *Jacobo* à terra regis *Portigalensis*. Et terra regis *Portigalensis* incipit ab aqua quæ dicitur *Mine*, & durat usque ad mediam viam inter *Silviam* & sanctam *Mariam* de *Faron*, ibi enim incipit terra

paganorum qui sunt in *Hispania* sub Imperatore de *Marroc*, & durat usque ad montem magnum qui dicitur *Muscian*. A monte vero illo incipit terra regis *Arragonia*, & durat ultra civitatem de *Nice*; Et post illam urbem de *Nice* incipit *Italia* terra Imperatoris *Rome*, & ibi est civitas bona quæ dicitur *Wytemile*. Terra vero Imperatoris *Rome* durat inde usque ad *Gaetam* quæ est terra regis *Sicilia*, & est in *Apulia* in illa parte *Apulia* quæ dicitur principatus *Capua*. Sciendum est quod in media via inter *Marsiliam* & *Siciliam* sunt duæ magnæ insulæ, quarum major dicitur *Sardinia*, altera vero *Correge*. Et multæ aliæ montosæ insulæ sunt circa *Siciliam*, quarum quædam sunt ardentes. Una vero earum major omnibus illis montosis insulis, dicitur *Mongibel*, quæ ita vehementer ardere solebat, quod maximam partem maris in circuitu ejus desiccabat & pisces comburebat; sed jam plusquam xl. anni præterierunt ex quo ignis ille meritis & precibus beatæ *Agatha* Virginis & martyris extinctus est.

Quadam autem die cum ignis vehementius solito arderet & à fornace montis *Gibel* exiret, & civitati *Cathanensum*, ubi sanctissimum corpus beatæ *Agathe* requiescit, appropinquaret, pagani multi ad sepulcrum ejus fugientes velum ejus contra incendium tulerunt. & ignis in mare reversus & pisces comburens mare fere per unum miliare desiccavit. De quibus piscibus multi evaserunt, & ex eorum genere usque in diem hanc ibi sunt plurimi: semiusti, qui pisces sanctæ *Agathe* dicuntur; ad laudem domini nostri *Jhesu Christi* qui semper est in sanctis suis mirabiliter gloriosus. Dicti autem *Robertus*, *Ricardus* & *Willielmus* de *Forz* cum toto navigio regis *Anglia* illis commisso inter *Affricam* & *Hispaniam* transeuntes, post tempestates plurimas quas in illo itinere pertulerunt, in octabis Assumptionis beatæ *Mariæ* feria iij. ad *Marsiliam* pervenerunt. Et non invento ibi rege *Anglia* domino suo, propter quosdam necessarios navium apparatus, moram ibi per viij. dies fecerunt. Deinde ipsum regem sequentes, ad civitatem *Messanam* *Sicilia* in exaltatione sanctæ *Crucis* vj. feria pervenerunt. Et die dominica sequenti xvj. kal. Octobris *Philippo* rege *Francia* illuc veniente, custodes urbis ipsum honorifice suscipientes, palacium *Tancredi* regis *Sicilia* sibi pro hospicio tradiderunt.

Cum vero rex *Anglia* audisset quod navigium suum usque *Messanam* venisset, xij. die Septembris à *Salerno* recessit, & transiens ante urbem episcopalem quæ dicitur *Melphe*, ad civitatem & castellum quæ dicuntur *Escalæ* pervenit. Juxta hoc castellum est insula parva ubi dicuntur fuisse scolæ *Lucani*, & adhuc est ibi pulchra camera subterranea in qua *Lucanus* studere consuevit. Nocte sequenti jacuit in villa quæ dicitur *Lacetar* in Prioratu montis *Cassia*. Inde venit ad *Melide* ubi honorifice susceptus est & procuratus in Abbathia quæ dicitur sancta *Trinitas* de *Melide*. Ibi juxta Abbathiam est turris lignea quam *Robertus* *Wiscarde* expugnavit & castellum in villa de *Melide* optinuit. Rex vero inde cum uno solo milite recedens, cum per quandam parvam villam transisset, ad domum quandam in qua unum ancipitrem audivit se divertit; qui domum intrans illum cepit: quem cum dimittere nollet, rustici multi cum fustibus & lapidibus accurrentes, impetum in eum fecerunt. Et cum unus illo-

rum cultellum ad regem extra xisset, rex eum cum lato gladii sui verberando gladium suum fregit, ab aliis cum lapidibus se defendens: Et sic à manibus eorum vix evadens, venit ad *la Baignare* & ibi familiam suam invenit. Sed nullam moram ibi faciens, fluvium magnum qui dicitur *le Far de Messinis* transivit, & juxta turrim lapideam in tentorio jacuit, & xiiij. die Septembris ad *Messanam* civitatem *Sicilia* cum buccis multis & aliis magnis navibus & galleis, & cum tanto apparatu venit quod timor omnes qui ibi in urbe aderant apprehendit. Rex vero *Francia* & sui & omnes principes urbis *Messana* cum clero & populo in litore stabant, admirantes super hiis quæ de regis *Anglia* audierant & viderant potestate. Qui cum applicuisset, statim in terram profiliens cum *Philippo* rege *Francia* locutus est. Et post illud colloquium rex *Francia*, qui illuc ante regem *Anglia* ut dictum est venerat & ibi hiemare eligerat, nescio quo finctu eodem die discedere ab urbe desiderans, à portu cum suo navigio exivit. Sed statim illo die dolens & invitus ad eundem portum vento sibi contrario reversus est.

Interim rex *Anglia* cum desiderio & gaudio maximo à Baronibus & militibus terræ suæ qui prius cum navigio suo venerant susceptus, intravit domum *Reginaldi* de *Muschet*, ubi hospiciū suum in suburbio extra muros civitatis inter vineas exitit præparatum. Vicesima quarta die Septembris & vicesima quinta, rex *Anglia* ad hospitium regis *Francia* causa cum eo loquendi transivit. Et eodem die venit rex *Francia* ad hospitium regis *Anglia* cum eo etiam locuturus; Et videbatur quod tantus inter illos mutuæ dilectionis erat affectus, quod nunquam amor eorum posset dissolvi aut leviter violari. Vicesima octava die exivit rex *Anglia* obviam *Johanna* sorori suæ quondam reginæ *Sicilia*, quæ de *Panormo* per galeas venit, & duxit eam ad hospitale sancti *Johannis* ubi hospitium ejus præparabatur. Vicesima nona die Septembris, scilicet die sancti *Michaelis* venit rex *Francia* ad hospitium regis *Anglia*, qui ambo ad hospitium dictæ *Johanna* sororis regis *Anglia* perrexerunt, ubi rex *Francia* adeo faciem hilarem exhibebat, quod populus dicebat & credidit ipsum eam ducere in uxorem. Tricesima die Septembris rex *Anglia* transivit fluvium *del Far* & cepit locum munitissimum qui dicitur *la Baignare*, ubi sunt Canonici regulares. Et eodem die dictam sororem suam in illum locum munitissimum introduxit: Qua ibi cum militibus & servientibus suis dimissa, rex ad hospitium suum *Messana* rediit. Secunda die Octobris anno supradicto cepit rex *Anglia* castellum fortissimum quod est in medio fluminis *del Far* inter *Calabriam* & *Messanam* quod dicitur *Monasterium Griffonum*, & illo victualia sua quæ de *Anglia* & aliis terris suis & aliunde per mare venerant poni fecit.

Cum autem cives *Messana* vidissent, quod rex *Anglia* milites & servientes cum sorore sua in Castello de *la Baignare* posuisset, Monasterio etiam *Griffonum* militibus & servientibus cum victualibus suis munito, ipsum suspectum habuerunt, conjecturantes quod si posset totam insulam occuparet, & sic inde de facili contra eum poterant commoveri. Unde contigit quod tertia die Octobris, quod discordia inter *Anglicos* & cives *Messana* emerfit, & in tantum ex utraque parte indignatio excrevit, quod cives *Anglicos*

Anglicos paucis eorum in tumultu extinctis, ab urbe cum contumelia extruserunt, & portis civitatis clausis armati muros ascenderunt, & alii domos urbis fortissimas, alii munitiones supra portas & propugnacula intraverunt. Hoc viso & audito, ac exercitu regis *Anglie* ea de causa cum magno impetu ad portas civitatis veniente, rex in equo velocissimo per exercitum cursabat, baculo verberans quoscumque ex suis potuit attingere, volens illos ab insultu cohibere, sed nequivit; tandem ad hospitium suum ut se armaret rediit, et cum se armasset, iterum exivit ad maliciam si posset extinguendam. Deinde cimbam unam mox intravit, ut ad palacium regis *Sicilie* iret cum rege *Francie* ibi hospitato super hiis quæ contigerant locuturus. Interim per seniorum civitatis consilium discordia illa quievit, & depositis ex utraque parte armis unusquisque in domum suam reversus est. Motus tamen super hoc rex *Anglie* à *Messanensibus* utrum de illata injuria satisfacere vellent duxit illico inquirendum. Unde mane facto scilicet iij. die Octobris venerunt ad hospitium regis *Anglie* *Ricardus Messanensis*, *Willielmus* de Monte regali, *Willielmus* de Risa archiepiscopi, & *Margaritus* Admiraldus & multi alii de familia regis *Sicilie*, adducentes secum *Philippum* regem *Francie* & *Reginaldum* Carnotensem & *Manassar* de Legris episcopos, *Hugonem* Ducem *Burgundie*, *Petrum* Comitem de *Nivers*, *Gaufridum* Comitem de *Pertico* & Comitem de *Lopain* & alios multos de familiaribus regis *Francie*, ac etiam *Walterum* Rothomagensem & *Girardum* Anxiensem archiepiscopos cum archiepiscopo de *Carpama* & *Johanne* Ebroicensi episcopo & multis aliis regis *Anglie* familiaribus in quibus fiduciam habebant, ad pacem inter ipsos & regem *Anglie* reformandam.

Cumque prænominati principes et magnates de pace inter partes facienda diu tractassent, et tam pene reformassent, cives in magna multitudine congregati super montes prope existentes processerunt; rei eventum ibidem expectantes, quorum quidam in regem *Anglie* prodiciose irruere prompti erant et parati, unde quidam illorum insultum in hospitium *Hugonis le Brun* fecerunt. Quo regi *Anglie* divulgato, ipse statim consilio regis *Francie* et aliorum relicto, omnes suos armari præcepit, et cum paucis in montem magnum et arduum ascendit, in quo nemo putaret quod ullo modo ascendere posset. Et cum ad summitatem montis cum labore magno venisset, omnes cives æmuli sui in monte existentes urbem cum fuga celerima intraverunt. Tunc vero rex *Anglie* princeps ferocissimus ad ultionem mox accensus, omnes suos armata manu urbem oppugnare præcepit. Milites autem et armigeri sui ad portas urbis et muros congressi, aliquando portas intraverunt, aliquando vi exierunt, multos duos ictus lapidum sustinentes, ubi de familia regis 5. milites et 20. servientes occisi sunt, rege *Francie* vidente et nullum eis auxilium præbente, sed cum suis civitatem intrante et per medium illorum tutissime eunte. Cumque rex *Anglie* in illo conflictu suos non tantum urgetet imperio, verum etiam animaret exemplo, urbem aliquandiu à civibus simul et *Francis* fortiter defensam demum post maximos labores, portis civitatis per vim fractis et suis muros undique ascendentibus, victor potenter intravit, signis ejus in munitionibus protinus collocatis. Cumque ingressus fuisset de-

centem modum in ulciscendo tenuit, et animi sui motum mollivit voluptate gloriæ triumphalis. Civibus itaque ad deditionem coactis, et satisfactione licet sera oblata, rex *Anglie* victoria placatus impetum frænavit, et pro reverentia regis *Francie* et suorum in urbe hospitatorum villam curialiter est egressus, ad hospicia et castra extra muros disposita cum suis copiis se divertens. Porro rex *Francie* urbis irruptionem ægre ferens et gratiam indulti hospitii pro nichilo ducens, contra regem *Anglie* tacite rancorem in animo concepit. Octavo die Octobris reges *Francie* & *Anglie* coram Comitibus & Baronibus suis ac clero et populo juraverunt, quod alter alterum cum exercitu ejus in peregrinatione illa in eundo et redeundo bona fide et sine malo ingenio custodirer. Comites vero et Barones hoc idem juraverunt se firmiter et inconcusse servaturos.

Deinde prædicti reges de voluntate et consilio Archiepiscoporum, episcoporum, Comitum et Baronum totius exercitus peregrinorum, statuta subscripta sanxerunt.

Inprimis, quod omnes peregrini qui in via hujus peregrinationis morerentur, de omnibus armaturis suis, equitaturis et vestibus quibus usuri erant, pro voluntate sua disponent, et de medietate possessionum suarum quas in via secum habent pro arbitrio suo similiter faciant, dummodo nichil in patriam remittant, et clerici de capellis et omnibus utensilibus ad capellas pertinentibus et de omnibus libris pro voto suo libere ordinabunt. Altera vero pars in manu *Walteri Rotomagensis* archiepiscopi, et *Manasser Lingonensis* episcopi, et magistri *Militie domus Templi* et magistri *Hospitalis*, et *Hugonis* ducis *Burgundie* et aliorum ad hoc electorum tradetur, qui ad subventionem terræ *Jerosolomitane* ubi magis viderint necessarium, prædictam pecuniam impendere et expendere teneantur. Hoc autem reges in propriis personis affidaverunt firmiter et fideliter servandum in tota via tam citra mare quam ultra mare de omnibus peregrinis utriusque regni tam presentibus quam futuris: Archiepiscopis et Episcopis ibidem in verbo veritatis id idem servandum promittentibus, Magistris *Templi* et *Hospitalis* super ordinem suum, Comitibus et Baronibus in propriis personis illud idem jurantibus.

2. Præterea nemo in toto exercitu ludat ad aliud quod genus ludi pro lucro, exceptis militibus & clericis, qui in tota die & nocte non nisi xx. solidos amittant. Si autem milites aut clerici plusquam xx. s. in die luserint, quociens xx. s. excesserint, centum solidos prædictis archiepiscopis & eorum prænominatis sociis qui prædictam patientiam servabunt dabunt. Reges autem pro beneplacito suo ludent. Et in hospitiiis duorum regum possunt servientes eorum ludere usque ad xx. s. Si autem servientes aut marinarii aut alii ministri per se inventi fuerint ludentes, servientes tribus diebus nudi per exercitum vapulabunt nisi se voluerint redimere arbitrio prædictorum, & alii ministri similiter; Marinarii vero si luserint, tribus diebus à summo navis in mari demergantur more marinariorum semel in die, nisi se redimere voluerint arbitrio prædictorum.

3. Si autem peregrinus aliquis postquam iter arripuerit ab aliquo homine in via aliquid mutuo acceperit, mutuum solvet; de eo autem quod ante iter accepit, non tenetur respondere in via.

4. Si

4. Si autem marinarius aliquis conductus vel feruens aliquis vel quicumque fuerit, exceptis militibus, à domino suo in via hujus peregrinationis recesserit, nemo alius eum recipiet, nisi de voluntate domini sui fuerit. Si vero aliquis eum invito domino suo priori receperit, per arbitrium prædictorum virorum punietur. Et si quis contra statuta ista tam solemniter facta aliquid tenere attemptaverit, sciat se excommunicationi tam archiepiscoporum quam episcoporum & totius exercitus subjacere. Et omnes transgressores pœnis supradictis secundum singulorum condiciones pro prædictorum virorum arbitrio punientur. Præterea statutum est à domino rege Anglorum & Constabulariis, Justiciariis & Marescallis exercitus ejus.

1. Quod mercator de quacumque mercatione fit non potest emere panem ad revendendum in exercitu, nec farinam, nisi aliquis alienigena illam adduxerit & de illa panem fecerit, nec bladum nisi de illo similiter panem fecerit vel ad secum transfretandum detinuerit. Postea omnino vetantur omnia emenda in villa & infra leucatam villæ. Si autem aliquis bladum emerit & de eo panem fecerit, tenetur lucrari in salina unum teruncium & brannon. Alii vero mercatores de quacumque mercatione sint mercatores, in x. denariis tenentur lucrari unum denarium. Et ne aliquis sonet monetam regis in qua moneta apparebit nisi fracta fuerit infra circulum. Et ne aliquis carnem mortuam emat ad revendendum, nec bestiam vivam, nisi eam occiderit in exercitu.

2. Nullus vinum suum post primam conclamationem carius vendat. Nullus panem faciat nisi ad denarium. Sciant omnes mercatores quod totum fas est infra leucatam villæ, & ut de moneta Anglia unus denarius detur pro iij. denariis Andegavia in omnibus mercaturis. Et notandum est quod supradicta constituta sunt per consilium regum Anglia, & Francia, & Sicilia.

Tertia autem die post captionem civitatis Messana principes civitatis & totius provincie obfides regi Anglia dederunt de pace sibi & suis servanda, & quod in manu ejus civitatem Messana & totius provincie dominium libere traderent & quiete, nisi Tancredus rex Sicilia dominus illorum meliorem pacem celerius cum ipso fecerit de omnibus exigentiis quas ab eo exigebat. Rex autem Anglia exigebat à Tancredo rege Sicilia, Montem sancti Angeli cum toto comitatu & aliis pertinentiis suis ad opus Johanne sororis suæ, quæ Willielmus nuper rex Sicilia maritus ejus in dotarium ei dedit, & cathedram auream ad opus ejusdem Johanne de consuetudine reginarum terræ illius. Exigebat etiam ad opus sui ipsius unam mensam auream de longitudine xij. pedum & de latitudine unius pedis & dimidii, & duos tripodes aureos pro prædicta mensa, & xxiv. cuppas argenteas, & xxiv. discos argenteos, & quoddam tentorium de serico adeo magnum quod ducenti milites possent in eo simul comedere, & lx. milia siliinas de frumento, & totidem de oradio, & totidem de vino, & C. galeas armatas cum toto apparatu & eum victu galeotarum ad duos annos. Hæc omnia petebat Ricardus rex Anglia ad opus suum sicut hæres Henrici regis Anglia patris sui, cui prædictus Willielmus rex Sicilia omnia illa præparaverat, & sibi legaverat in extremis. Cui Tancredus rex Sicilia

per consilium suum in hæc verba respondet, Ego dedi Johanna sorori vestræ reginæ decies centena milia Tirrenis pro quietâ clamatione dotarii sui antequam à me recessit. De reliquis exigentiis vestris faciam quod facere debeo secundum consuetudinem regni. Unde factum est quod de consilio magnatum rex Sicilia dedit regi Anglia xx milia unciarum auri pro quietâ clamancia omnium supradictorum quæ de jure petebat de legato Willielmi regis Sicilia nuper defuncti, & pro matrimonio contrahendo inter Arthurum ducem Britannia nepotem regis Ricardi & unam de filiabus regis Tancredi. Quibus ex utraque parte concessis Ricardus rex Anglia scripsit Tancredo regi Sicilia in hac forma.

Tancredo Dei gratia illustri regi Siciliæ, ducis Apuliæ, principatus Capuæ, Ricardus eadem gratia rex Angliæ, dux Normanniæ & Aquitaniæ, & comes Andegaviæ, salutem in eo qui dat salutem regibus. Cum pro subventionem terra Jerosolomitana, quam peccatis exigentibus ex majori parte paganorum incursum optinuit, & inimicorum crucis Christi gladius devastavit, susceptum inspirante Domino peregrinationis iter ageremus, per terram vestram transitum facientes, apud Messanam civitatem vestram moram facere compulsi sumus, ventorum & maris & temporis inclementia navigationis nostra propositum detinente, ubi inter populum nostrum & cives præfata urbis seditione casu exorta, dampnum hinc inde contigit rerum & virorum; unde visum est pluribus ut ea occasione fraternitas inter nos caritas & dilectio turbaretur; Curavimus itaque (ut decebat) peregrinationis nostra propositum peragere, tum per nos & dilectos & fideles familiares nostros, tum per venerabiles archiepiscopos vestros, scilicet Ricardum archiepiscopum Messanensem, & Willielmum archiepiscopum de Monte Regali, & alios viros venerabiles missos à latere vestro statimus, ut illibata pacis inter nos arcibus fœdera firmentur, cujus formam duraturam in ævum scripture memoria contineret. Promissimus ergo vobis & regno vestro & toti terre dominationis vestre, per nos & nostros, terra & mari pacem perpetuam nos fideliter servaturos, sopitis omnibus questionibus quas tum de dotario sororis nostræ reginæ, tum de rebus aliis quas per nostros vobis nuncios intelligi feceramus. Hoc nichilominus addito, quod quamdiu in regno vestro moram fecerimus, ad defensionem terra vestra ubicumque præsentem fuerimus vobis auxilium prestabimus contra quemcumque qui vellet eam invadere, aut vobis bellum inferre. Hujus autem pacis tenorem & formam quam in voto habemus & gerimus in proposito, vobis & vestris illa fide servare per Walterum Rotomagensem archiepiscopum, & Girardum Auxiensem archiepiscopum, & per Johannem Ebroicensem, & Bernardum Baonicensem episcopos, & per Jordandum de Humez Constabularium nostrum, & per Willielmum de Curci, & per Ricardum de Chamvill, & per Girardum de Talbot, & per Robertum de Sablus, & per alios multos nobiles de familia nostra fecimus juramentis præstitis coram prædictis archiepiscopis ad hoc ipsum efficiendum à vobis destinatis & vestris illustribus viris in animam nostram firmare, sicut capitularis forma continet. Ut pax ista et fraterna dilectio tam multiplici quam artiori vinculo connectatur, prædictis Curia vestra magnis

tibus id ex parte vestra tractantibus, Domino disponente condiximus inter Arthurum egregium ducem Britanniae karissimum nepotem nostrum & heredem, si forte sine prole nos obire contigerit, & karissimam filiam vestram matrimonium in Christi nomine contrahendum, ut cum ille Deo propitio ad nobiles annos pervenerit, & vos eam mittetis ad locum ubi pars nraque consenserit, praefatus nepos noster eam infra xv. dies postquam ad eum venerit debeat in uxorem legitimam desponsare, aut si celsitudini vestra placuerit eam infra annos nobiles desponsari, praedictus nepos noster juxta beneplacitum vestrum id faciet, si summus pontifex dispensare voluerit. Volentes autem ei tanquam illustri dominae et magnifici regis filia dotarium quod convenit designare, de ducatu nepotis nostri tale dotarium ei ex parte ipsius nepotis nostri paciscimur, & quod ad praesens per praefatos fideles nostros jurari fecimus & ab ipso nepote nostro concedi, & a magnatibus sui ducatus episcopis & aliis viris illustribus jurari faciemus. Pecuniam vero a magnificentia vestra pro matrimonio isto scilicet xx. milia unciarum auri nos recepisse ad opus nepotis nostri fatemur, hoc pacto interveniente, ut si, quod absit, morte alterius interveniente, aut culpa nepotis nostri, aut nostra, vel partis ipsius matrimonium non fieret, nos aut heredes nostri pecuniam vobis aut vestris heredibus integram sine difficultate, in loco quo stauerimus, restituemus. Super hiis videlicet & de pace quam vobiscum firmavimus, & de matrimonio contrahendo, & de pecunia restituenda, si forte praedictis causis accidentibus matrimonium non exstaret, dominum Papam & Romanam ecclesiam in fidejussione ponimus, ut si forte, quod Deus avertat, ex parte nostra pacis integritas frangeretur, potestatem habeat ecclesia Romana nos & terram nostram districtius cohercere, similiter & ad matrimonium contrahendum potestatem habeat nos & partem nepotis nostri constringere; vel si propter causas praedictas non fieret matrimonium, ad restituendum pecuniam nos aut heredes nostros aut terram nostram cogere habeat potestatem. Id quoque de fidejussione Romanae ecclesiae nos ita facturos, praedictorum virorum nos obligavimus juramentis, sicut capitularis forma continet, quam vobis misimus sigilli nostri appositione signatam; si autem nobis sine heredibus decedentibus ipse ad regnum nostrum hereditario jure pervenerit, de regno nostro tale dotarium illi designamus, videlicet antiquum & consuetum dotarium reginarum Angliae.

Haec est autem capitularis forma quae facta est inter dictos Reges Angliae & Siciliae.

EGO N. juro super hac sacrosancta evangelia, quod dominus meus Ricardus rex Angliae ab hac hora in antea servabit pacem Tancredo regi Siciliae, ducatus Apuliae & principatus Capuae, & regno ejus & toti terra dominationis ejus pacem perpetuam per se & suos terra & mari; & quamdiu dominus meus Ricardus rex Angliae fuerit in regno domini regis Tancredi dabit ei auxilium ad defendendum terram suam ubicumque fuerit in terra domini regis Tancredi. Et quod dominus meus pacem istam manu sua jurabit si dominus Tancredus similiter pacem manu sua juraverit. Et si aliquando, quod absit, dominus meus vellet pacem istam infringere, ego ponam me in captione ipsius domini regis

Tancredi ubi ipse voluerit. Et haec omnia dominus meus Ricardus rex Angliae, & ego bona fide, & sine fraude tenebimus; Sic nos Deus adjuvet & haec sancta Dei evangelia, & sanctorum reliquia, Amen.

Et sciendum est quod in hac forma archiepiscopi, episcopi, & ceteri homines regis Siciliae in anima ipsius se & suos servaturos pacem Ricardus regi Angliae & suis in terra & mari quamdiu ipsi in terra sua fuerint juraverunt; & si ipse rex Siciliae & sui pacem non servaverint, praedicti archiepiscopi & ceteri qui sacramentum illud ex parte regis Tancredi juraverunt ponent se in captione regis Ricardi ubi ipse voluerit. Et sic demum dictus rex Siciliae dedit dicto regi Angliae xl. milia unciarum auri in toto pro dicto matrimonio contrahendo, & pro quieta clamantia omnium quaestionum quas fecerat tam de dotario sororis suae reginae quam de omnibus aliis exigentiis supradictis.

Et ut Tancredus rex securior esset de omnibus conventionibus praedictis, Ricardus rex scripsit summo pontifici in hac forma.

Reverendissimo domino ac beatissimo patri Clementi Dei gratia summo pontifici, Ricardus eadem gratia rex Angliae, dux Normanniae, & Aquitaniae, comes Andegaviae, salutem, & sincera in Domino devotionis affectum. Justiore exitum facta principum sortiuntur cum a sede apostolica robur & favorem accipiunt, & sancta Romana ecclesia consilio diriguntur. Proinde dignum duximus ad notitiam beatitudinis vestrae transmittere quae inter nos & dominum Tancredum illustrem Siciliae regem publico nuper & admodum sunt necessario celebrata contractu; sane dilectionem fraternam & pacem perpetuam cum eo firmavimus, quam magnatum nostrorum, archiepiscoporum, & aliorum virorum illustrium juramentis ei et suis, et regno suo, & toti terre suae dominationis nos illibata fide promissimus servaturos. Cum ipso etiam pacis & amicitiae foedus arctiori adhuc vinculo astringentes, inter Arthurum egregium ducem Britanniae karissimum nepotem nostrum & heredem si nos decedere sine prole contigerit, & illustrem filiam ejus in matrimonium Domino volente condiximus contrahendum, quod Domino largiente debitam consummationem accipiet, cum illustris puella nobiles annos attigerit, aut praedicto domino regi Tancredo placuerit ut infra nobiles annos illa in uxorem nepoti nostro desponsanda tradatur, nos ipsum nepotem nostrum hoc facturum concessimus, si sancta Romana ecclesia decreverit super hoc dispensare. Pecuniam vero quam pro matrimonio ipso ad opus nepotis nostri ab eodem domino rege recepimus xx. milia uncias auri, si forte, quod absit, morte interveniente alterius aut culpa nostra aut nostri nepotis aut patris ipsius matrimonium non staret, nos aut heredes nostri ipsi domino Tancredo vel heredibus suis ex integro restituemus, praestitis super hoc juramentis ex parte nostra, vel restituent. Ut igitur tenor pacis inite & iniciati matrimonii fides cum integritate debita ex parte nostra & nepotis nostri servetur, sicut ipsi domino Tancredo interposita iurandi religione firmavimus, sanctitatem vestram & sanctam Romanam ecclesiam obnixè rogamus, quatinus & firmata pacis servanda perpetuo & matrimonii consummandi, vel si ex praedictis causis matrimonium ipsum non fieret restituenda

tuenda pecunia sancta sedes apostolica fidejussionem pro nobis suscipiat erga dominum regem Tancredum & heredes ipsius. Cujus fidejussionis onus ut confidenter nobiscum Romana ecclesia suscipiat, presentium literarum testimonio vobis & sancta Romana ecclesia concedimus liberam potestatem nos, & heredes nostros, & terram nostram districtius cohercere, si contra pacem prefatam venerimus, vel predictis causis matrimonio non secuto, nos aut heredes nostri solutionem negaremus. Ad honorem utriusque regni vestra novit beatitudo spectare, si mediante Romana ecclesia pacis pariter & matrimonii bonum ad congruum finem deveniat, inde multiplex in futurum utilitas consequatur. Testibus nobis xj. die Novembris apud Messanam.

Antequam autem ista pax concessa & confirmata esset inter reges Anglia et Sicilia prenotatos, Margarithus admirallus & Jordanus del Pyn familiares regis Tancredi quibus ipse civitatem Messanam custodiendam tradiderat, de nocte furtive abierunt, adducentes secum totam familiam suam & substantiam quam in auro & argento habebant. Domos vero illorum & galeas & alias possessiones suas rex Anglia in manu sua abeuntibus illis cepit. Deinde rex Anglia fossatum magnum, latum & profundum per medium insulae quae est in flumine del Far fieri fecit, in qua est praedictum monasterium Griffonum ubi custodiebantur victualia regis & thesauri. Et est notandum, quod in illo fluvio del Far de Messyns sunt illa duo maxima maris pericula, scilicet Silla & Caribdis, quarum una scilicet Silla est ad introitum del Far prope la Baignare, & altera scilicet Caribdis est prope exitum del Far, ad cujus cognitionem facta est turris lapidea in praedicta insula juxta fossatum regis Angliae. Deinde idem Ricardus rex Anglia unum forte ligneum castrum in supercilio montis ardui extra muros urbis Messanae firmavit, quod Mategriffon omnes vocaverunt. Griffones vero ante adventum regis Anglia erant potenciores omnibus qui tunc temporis in terra Sicilia existerant, & ideo omnibus hominibus ultramontanis odio habebantur, adeo quod pro minimo habebat quicumque posset illos interficere, nec erat aliquis qui eis adiutorium praestaret. Sed ex quo rex Anglia illuc venit, malicia eorum quievit, & eorum potestas minuta est, & facti sunt omnibus terram illam inhabitantibus viliores: sperabant namque se posse contra regem Anglia sicut contra alios antiquitus potuerunt; sed rege Ricardo ibi praesente, gens sua in maxima habebatur reverentia, & Griffones in terra profugi facti sunt, incidentes in foveam quam fecerunt.

Interea vero Ricardus rex pro amore Dei & salute animae suae & animae patris sui & omnium antecessorum et successorum suorum regum Anglia quietum clamavit Wrec imperpetuum per totam Angliam & ultra mare, statuens, quod omnis naufragus qui ad terram vivus pervenerit omnes res suas libere habeat & quiete, si autem in navi mortuus fuerit, filii vel filia, fratres aut sorores ejus res suas habeant, secundum quod ostendere poterant se esse propinquiores heredes illius. Et si defunctus filios vel filias, fratres aut sorores non habuerit, habeat rex catala. Hanc autem quietam clamantiam de Wrec rex Ricardus fecit, & carta sua confirmavit anno regni sui secundo mense Octobris apud Mes-

sanam, testibus hiis Waltero Rotomagensi archiepiscopo, Galfrido Auxiensis archiepiscopo, Johanne Ebroicensi, & Bernardo Baonicensi episcopis, & multis aliis tam clericis quam laicis de familia regis Anglia. Carta vero data fuit per manum magistri Rogeri Malicatuli regis vicecancellarii.

Interim eodem anno plusquam C. milia virorum & mulierum paganorum qui in regno Sicilia servi Willielmi regis Sicilia nuper erant, post mortem ipsius Willielmi regi Tancredo servire indignati sunt, tum quia Henricus rex Alemannorum filius Frederici imperatoris post mortem dicti Willielmi regis Sicilia calumpniatus est regnum Sicilia, & ducatum Apulia, & principatum Capuae de jure Constancia uxoris suae, qui misit archiepiscopum Magutinum & Henricum de Teste cum exercitu magno in Apuliam ad eam sibi subiciendam, tum quia rex Anglia regem Tancredum, ut praemittitur, infestavit. Et illi pagani in montana cum mulieribus, ac liberis, & suis pecoribus abierunt, ibi sicut poterant habitantes. Sed cum audissent quod pax finalis & concordia esset inter regem Anglia & dictum Tancredum regem Sicilia, & etiam quod archiepiscopus Magutinenfis et ceteri Alemanni qui ex parte dicti Henrici regis Alemannorum Apuliam intraverant, moram in ea per duos menses & dimidium facientes, tota fere terra exceptis civitatibus & castellis devastata, demum imperfecto negotio domini sui repatriassent, in servitute regis Tancredi redierunt. Deinde post recessum Alemannorum quia Rogerus comes de Andria non in memor sacramenti quod Constancia uxori praedicti Henrici fecerat, Alemannis cum multis aliis dictae Constancia similiter juratis adhasset, et auxilium suum contra Tancredum regem Sicilia illis praestitisset, Ricardus comes de Cerne frater uxoris regis Tancredi dictum Rogerum debellavit et eum cepit, ac dicto regi Tancredo continuo liberavit.

Eodem anno Sibilla regina Jerusalem uxor Guidonis regis & duae filiae ejus obierunt in obsidione Acre: Quibus defunctis Conradus marchio de Mountferant abstulit Amfrido de Turum uxorem suam sororem & heredem praedictae Sibille reginae Jerusalem; & divortio inter ipsam & dictum Amfridum maritum suum de consilio Eraclii patriarchae & quorundam aliorum celebrato, illa dicto Conrado marchioni de consensu omnium primatum terrae matrimonialiter extitit copulata. Qui statim a praedicto patriarcha & ceteris regni primatibus regnum Ierosolimitanum sibi adjudicari petiit & concedi. Guido autem rex dixit, Hoc non debere fieri illo vivente. Hinc ergo discordia inter ipsos Guidonem & Conradum exorta in tantum excrevit, quod ipse Conradus expulso Guidone regni jura possidebat. Eodem anno Baldwinus Cantuariensis archiepiscopus in obsidione Acre obiit. Quo defuncto, monachi Cantuarienses Priorem suum Osbertum de Bristoll quem idem archiepiscopus & rex Ricardus Priorem ecclesiae sanctae Trinitatis Cantuarie constituerant, deposuerunt, loco ipsius alium statuentes. Et postea eodem anno mense Decembris post festum sancti Nicolai rumoribus certis de morte dicti archiepiscopi auditis, Johannes frater regis comes Moretonii, & Walternus Rotomagensis archiepiscopus, quem idem rex Ricardus pro quibusdam negotiis, ut infra patebit, de se a civitate Messana in Angliam miserat, cum quibusdam aliis Anglia

Anglie episcopis in metropolitana ecclesia *Cantuarie* ad eligendum ejusdem ecclesie archiepiscopum convenerunt. Et facto ibidem cum monachis more solito sermone, monachi illi inconsultis episcopis, immo contradicentibus, *Reginaldum Bathoniensem* episcopum sibi & ecclesie sue in archiepiscopum elegerunt, & ipsum renitentem & quadam modesta acclamatione contradicentem assumentes cum *Te Deum laudamus* ad altare tulerunt. Et deinde professione canonica & obedientia per ipsos ei factis, dictus archiepiscopus *Rotomagensis* pro tunc *Anglie* Justiciarius electionem illam ratam non habens, omnes *Cantuariensis* archiepiscopi redditus in manu domini regis saisivit, ipsum electum quicquam de illis recipere nullatenus permittendo. Ille tamen *Cantuariensis* electus in ecclesiasticis causis audiendis & diffiniendis pro metropolitano se gessit, & nuncios suos ad dominum Papam pro confirmatione sua & pallio celeriter destinavit. Sed antequam nuncii sui illuc venissent, ille xiv. die electionis sue in vigilia natalis Domini obiit, & in ecclesia *Bathoniensi* sepelitur anno pontificatus sui xvij. Cui *Walterus Hubert* episcopus *Sarisberienensis* successit.

Eodem anno *Conradus* dux *Suavia* filius *Federici* imperatoris ad *Acram* cum magno exercitu *Tentonicorum* venit, & paulo post ibi in obsidione *Acre* decessit. Eodem anno mense Decembris apud *Messanam* in *Sicilia* tonitrua magna audita sunt & fulgura multa præcedebant, unde omnis exercitus regum *Francie* & *Anglie* exterritus est præ timore. Ictus enim fulminis in una galearum regis *Anglie* cecidit & eam in profundum demersit, murumque civitatis *Messane* percussit, & magnam illius partem excussit. Milites autem & servientes qui erant in monasterio *Griffonum* thesauros regis *Anglie* ibi custodientes, dixerunt pro certo se vidisse globum igneum super pinnaculum templi prædictorum *Griffonum*, qui non erat comburens sed illuminans, & ibidem moram fecit donec tempestas cessavit, & cessante tempestate lumen illud recessit. Admirantibus autem illis & diligenter quid hoc esset inquirantibus, *Griffones* ibidem Deo jugiter servientes responderunt, quod sic semper evenit quando ibi aliqua sit tempestas.

Eodem anno tertia die post festum sancti *Michaelis* *Saraceni* à civitate *Acre* circiter quatuor milia armati exierunt, & cum igne Græco quatuor hircidios combusserunt; quo facto, per Christianos milites viriliter retrusi sunt, & xxij. *Turcos* occisos præter vulneratos amiserunt. Deinde ad festum sancti *Martini*, *Saraceni* iterum à civitate *Acre* exeuntes impetum in Christianos fecerunt, qui eis viriliter resisterunt. Et *Baldewinus* de Carun, *Walterus* de Oyri, & *Baldewinus* de Dargis impetum illorum fortiter sustinuerunt donec comes *Henricus*, & *Galfridus* de *Lesinan* cum *Templariis* supervenerunt. Qui cum tanto congressu paganos retroire cogerunt, quod illi infideles xl. homines occisos præter multos vulneratos in illa fuga amiserunt. Deinde inter festum sancti *Andrea* & natale Domini totus exercitus Christianorum armatus fuit insultum in urbem facere volens. Et scalis per *Anglos* & *Alemannos* ad fossata tractis, pagani à civitate exeuntes *Alemanni* scalas suas abstulerunt, & *Anglis* à fossato fugatis, funes ad scalam eorum ligaverunt eam infra urbem trahere volentes. Sed *Radulphus*

de *Tilli* & alii *Angli* scalam ascendentes, ignem Græcum injectum quater extinxerunt, & demum dictus *Radulphus* propius accedens funes cum gladio suo abscidit; & sic scalam illam à paganorum manibus liberavit.

Eodem tempore inter festum sancti *Andrea* & nativitatis Domini, fames in exercitu Christianorum incepit, & usque ad festum Purificationis beatæ *Maria* duravit, & in tantum infra illud tempus excrevit, quod unus panis qui vix uni homini ad prandium sufficiebat, pro x. s. *Andegavensis* moneta vendebatur. Caro vero equina in deliciis erat illic. Et cum summa unius equi de frumento pro CC. bizantiis vendebatur, & fames illa in tantum excrevisset, ut fere omnes fame & inopia perirent, clamor populi ad *Hubertum Walteri* episcopum *Sarisberiensem* pervenit; qui divina inspirante gratia principes exercitus congregavit, & collectam ad pauperes exercitus erogandos de eorum consilio & auxilio ordinavit. Et tantum incrementum dedit Dominus illi collectæ, quod sustentationi omnium sufficiebat, donec Deus largitor omnium bonorum ex alto prospiciens habundanciam frumenti, vini, & olei eis misit; nam tertia die post collectam pauperibus distributam, naves onustæ de frumento, vino, & oleo venientes tam bonum forum fecerunt, quod summa equi de frumento quæ pro CC. bizantiis vendebatur, pro sex bizantiis data fuit.

Eodem anno *David* frater *Willielmi* regis *Scotie* sororem *Ranulphi* comitis *Cestrie* duxit in uxorem. Eodem anno sedicione inter *Gaufridum Eboracensem* electum & *Buchardum* ejusdem ecclesie thesaurarium iterum exorta; idem *Buchardus* *Clementem* papam adiit, & à vinculo excommunicationis quo ipse *Eboracensis* electus eum innodaverat, absolvi meruit, & negotium ipsius electi erga dominum papam adeo impedivit, quod electionem suam confirmare, nec pallium ei mittere voluit. Præterea præfatus papa privilegiavit *Hugonem Dunelmensem* episcopum ne ipse professionem aliquam aut subjectionem *Gaufrido Eboracensi* electo faceret nec si ipse fuerit in archiepiscopum consecratus.

Interim *Ricardus* rex *Anglie* cujus caput vepres libidinum excreverant, & non erat eradicantis manus nisi solus Deus qui non vult mortem peccatoris sed ut convertatur & vivat, convocatis universis archiepiscopis & episcopis qui secum in *Sicilia* aderant, tria flagella de virgis flexibilibus facta nudus in manibus suis portans ad pedes eorum procidit, & coram illis divina inspirante gratia peccatorum suorum scditatem cum tanta humilitate & cordis contritione confiteri non erubuit, quod credebatur illius opus extitisse qui terram respicit & tremere eam facit. Deinde illud peccatum abjurans, à prædictis episcopis poenitentiam condignam suscepit, & ab illa hora factus est vir timens Deum & faciens bona, & ad iniquitatem suam non est ulterius reversus. O felix ille qui sic cadit ut fortior surgat! O felix ille qui post poenitentiam non est relapsus in culpam! Eodem anno gravis dissencio inter papam *Clementem* & *Romanos* orta est, quæ nunquam quievit donec idem papa convencionaverat tradere eis civitatem suam *Tusculanam* destruendam quia semper contraria eis erat. Et licet ea de causa summo odio eam habebant, ipse tamen papa eos de die in diem protrahens tradere distulit eam illis.

HÆc sunt nomina nobilium defunctorum eodem anno in obsidione *Acra*, videlicet *Sibilla* regina uxor *Guidonis* regis *Jerusalem* & duæ filiar ejus. *Eraclius* patriarcha *Jerusalem*. *Baldewinus Cantuariensis* archiepiscopus. Archiepiscopus de *Nazareth*, archiepiscopus de *Besansonn*, archiepiscopus de *Arleblant*, archiepiscopus de *Monte Regali*, episcopus de *Sidonia*, novus episcopus de *Acra*, episcopus de *Baruch*, episcopus de sancto *Georgio*, episcopus de sancto *Abraham*, episcopus de *Tabaria*, abbas de *Templo Domini*, abbas de monte *Sion*, abbas de monte *Olivet*, abbas de *Fordet*, Prior sancti *Sepulchri*, *Radulphus* archidiaconus *Colecestra*, *Rogerus le Haule*, *Silvester* senescallus *Cantuariensis* archiepiscopi, *Johannes de Mornic* canonicus *Eboracensis*, *Conradus* filius *Frederici* imperatoris. Dux *Suavia*, comes de *Pertico*, comes de *Pontif*, *Theobaldus* com. de *Bleys*, *Stephanus* frater ejus, comes de *Sanneye*, *Willielmus* comes de *Fereus*, dux *Bertoldus* de *Alemannia*, *Rogerus* comes de *Apulia*, comes de *Brenes* & *Andreas* frater ejus vicecomes de *Turonia*, *Gilbertus* de *Tillers*, *Florencius* de *Angeſt*, *Jocelinus* vicecomes de castro *Haraldi*, *Anselmus* de monte *Regali* & tota familia ejus, vic. de *Chastelon* & mater ejus, *Iohannes* comes *Vendomia*, *Castellanus* de *Tyre*, *Galfridus la Briure*, *Robertus* de *Bones*, *Adam* Camberlanus regis *Francia*, *Adam* de *Lonn*, *Willielmus* de *Pymkemy* castellanus, *Rogerus* de *Pole* baro, *Robertus* senescallus *Willielmi* de *Mandevil*, *Radulphus* de *Glanvil*, justiciarius regis *Anglia*, *Bernardus* de sancto *Valerio*, *Ricardus* de *Clare*, *Guido* de *Chestelon*, *Radulphus* persona de *Croxyby*, *Ricardus* de *Lexebey*, & *Berengarius* frater ejus, *Robertus le Venour* de *Pontret*, *Robertus* *Scrope* de *Warton*, *Ranulphus* de *Tonge*, *Henricus* *Pigot* senescallus comitis *Warrennia*, *Walterus* *Scrope*, *Walterus* de *Kyme* filius *Philippi* de *Kyme*, *Iohannes* de *Laiburne*, *Walterus* de *Ros* frater *Petri* de *Ros*. Isti occisi sunt in præliis & congressionibus, videlicet *Ludowicus* de *Arseles*, *Hugo* de *Oiri*, *Willielmus* de *Moy*, *Guido* de *Danci*, *Odo* de *Gines*, *Reginaldus* de *Maigni*, *Pincerna* de *Saynliz*, & *Marescallus* comitis *Henrici*. Capti sunt à paganis, *Henricus* de *Braeley* & de *Maupaln*. Obierunt apud *Carbayne* *Pontonati*, *Iohannes* constabularius *Cestria* obiit in terra *Jerusalem* apud *Tirum*. Isti obierunt in eundo versus *Terram Sanctam*, videlicet *Fredericus Romanorum* imperator obiit submersus in fluvio qui dicitur *Saleph*, ut supradictum est, *Robertus* comes *Leicestria* obiit in *Romania*, *Landagravinus* de *Alemannia* obiit in *Romania* in redeundo. In secundo anno obierunt *Philippus* comes *Flandria* & *Radulphus* clericus de dispensa regis. In tercio anno obierunt apud *Acram* *Radulphus* *Daubeney*, *Ricardus* de *Chamvil*, *Drago* filius *Radulphi*, *Willielmus* filius *Philippi* baro, *Reginaldus* de *Sufflet*, *Hugo* dux *Burgundia*, & *Robertus* *Wacelyn* clericus. Isti tres subsequentes projecti sunt in mari, *Nigellus* de *Moubray*, *Simon* de *Wale*, & *Willielmus* de *Camvill*, marchio occisus est ab affinis & *Iakes* de *Aveneis* est occisus. Et isti subsequentes in diversis partibus obierunt, videlicet *Bertramus* de *Verdon*, & *Osmundus* de *Sente ville* apud *Joppen*, *Gilbertus* *Pipard* apud *Brandiz*, & *Reinaldus* vic. *Eboracensis* in insula de *Cipre*.

Anno Domini M. Cxcj. *Philippus* rex *Francia* & *Ricardus* rex *Anglia* simul in *Sicilia* die nativitat^{is} Domini, quæ feria tertia evenit, apud *Messanam* fuerunt. Et in ipso die nativitat^{is} Domini post prandium *Pisani* & *Jannenses* impetum in galiotas regis *Anglia* sediciose fecerunt, & mutuo se interfecerunt. Rumor ergo ad aures regis *Anglia*, qui adhuc in *Castrogriffon* castello suo ad mensam sedebat, pervenit. Et epulabantur cum eo die illa *Reginaldus Carnotensis* episcopus, *Hugo* dux *Burgundia*, *Willielmus* comes de *Nivers*, *Willielmus* comes de *Invenni*, *Galfridus* comes de *Pertico*, & tota fere familia regis *Francia*. Qui omnes velocius surgentes cum rege armati processerunt ad pugnam illam dirimendam, nec poterant, sed nocte superveniente abinvicem usque mane seperati sunt. Mane autem facto, cum populus in ecclesia Hospitalis sancti *Iohannis* ad audiendum divinum servitium convenisset, quidam *Pisani* cum cultello unum galiotarum interfecit; & sic *Pisani* & galiotæ iterum congressi sunt; unde multi ex utraque parte interfecti ceciderunt. Venerunt ergo reges *Francia* & *Anglia* cum multa plebe armata, & pacem inter eos fecerunt.

In illo tempore erat quidam abbas in *Calabria* de ordine *Cisterciensis* dictus *Ioachim* abbas de *Cunacio*, qui spiritum habens propheticum ventura populo prædicebat. Rex autem *Anglia* illius libenter prophetias doctrinamque & sapientiam audiebat. Erat enim in divinis scripturis eruditus, & interpretabatur visiones beati *Iohannis* Evangelistæ quas vidit sicut ipse narrat in *Apocalypsi* manu sua scriptis, in quibus audiendis rex & sui plurimum delectabantur.

Mense Februarii supradicti anno die Purificationis beatæ *Maria* Sabbato post prandium, rex *Anglia* & multi milites tam de familia sua quam de familia regis *Francia* extra civitatem *Messanam* pluribus joci intenti more solito convenerunt; & cum domi redissent, transitum per medium urbis facientes, obviaverunt cuidam rustico venienti de villa cum asello arundinibus onusto quas cannas vocant. De quibus rex *Anglia* & cæteri qui cum eo erant ceperunt, & unusquisque illorum alter adversus alterum est congressus. Et contigit, quod rex *Anglia* & quidam strenuus miles de familia regis *Francia* *Willielmus* de *Bares* nomine adinvicem congregientes, arundines suas fregerunt, unde capa regis ex percussione *Willielmi* fracta est. Et rex inde iratus, cum vehementi impetu ipsum *Willielmum* et equum suum titubare fecit, & dum intenderet ipsum in terram deicere, sella regis declinavit, descenditque celerius rex, & alium equum fortiozem protinus ascendens, impetum in eundem *Willielmum* iterum fecit, sed ipsum deicere non valuit. *Willielmus* enim collo equi sui adhæsit; unde rege ei comminato, cum *Robertus* filius *Roberti* comitis *Leicestria* defuncti: (cui rex paulo ante comitatum patris sui dederat, & gladio sui comitatus accinxerat,) manum in dictum *Willielmum* ut regem juvaret iniecisset, ait rex, Sustine te & dimitte me, & illum solum. Cumque rex & *Willielmus* dictis & factis ita diutius contendissent, rex prorumpens ait illi, Fuge hinc & cave tibi ne amplius coram me compareas, quia amodo tibi & tuis ero perpetuus inimicus. Dictus itaque *Willielmus* propter regis iram discedens, ad dominum suum regem *Francia* dolens abiit.

abiit & confusus super hiis quæ in via acciderant, ab eo consilium postulans & juvamen. In crastino venit rex *Francia* ex parte dicti *Willielmi* ad regem *Anglia*, & cum supplici deprecatione pacem & misericordiam postulavit. Sed rex in hoc illum audire noluit. Die sequenti venerunt ad regem dux *Burgundia*, comes *Carnotensis*, & comes de *Nivers*, & plures alii de proceribus *Francia* pro dicto *Willielmo* ad genua ejus provoluti suppliciter deprecantes, sed nec eos voluit rex audire. Dictus ergo *Willielmus* à civitate *Messana* die tertia recessit, quia rex *Francia* ipsum contra voluntatem regis *Anglia* noluit retinere. Tandem post multos dies cum tempus transfretandi advenisset, rex *Francia*, & omnes archiepiscopi & episcopi, comites & barones exercitus iterum ad regem *Anglia* venerunt pro dicto *Willielmo* pacem & misericordiam postulantes, ac ostendentes quæ dampna de absencia tanti & talis viri possent de facili evenire. Unde demum cum magna difficultate optinuerunt, quod dictus *Willielmus* in pace rediret, rege *Anglia* promittente, quod nec illi nec suis quicquam dampni inquireret vel inferret quamdiu in servicio Dei essent.

Eodem mense Februarii rex *Anglia* plures de navibus qui de *Anglia* venerant regi *Francia* & suis dedit, & apertis thesauris suis ita profuse comitibus, baronibus, militibus & armigeris exercitus munera distribuit, quod nullus unquam prædecessorum suorum tantum in uno anno dederat quantum ipse in illo itinere tunc donavit. Eodem mense *Eliana* regina mater regis *Ricardi* cum *Philippo* comite *Flandria* usque *Neapolim* venit, *Berengeram* regis *Navarrorum* filiam famosæ pulcritudinis virginem filio suo nupturam secum ducens, contra quas rex *Anglia* plures galeas ad *Neapolim* misit. Sed quia prædicta *Eliana* regina & filia regis *Navarrorum* licentiam veniendi ad *Messanam* ab hominibus regis *Tancredi* propter multitudinem hominum comitantium habere non poterant, ad *Brundisium* profectæ sunt. Et Comes *Flandria* galeas intravit & ad *Messanam* venit.

INterea *Willielmus Eliensis* episcopus apostolicæ sedis legatus, cui rex in *Normannia*, ut dictum est, vices suas cum munitionibus regis & plenitudine potestatis in administratione regni commiserat, focium aut parem sibi in regno neminem putabat. Itaque sublato omni obstaculo quo minus ambularet in magnis, duplici potestate Apostolica scilicet & Regia fretus, clero pariter & populo arrogantissime præsidebat. Illo tempore ipsum in *Anglia* plusquam Regem experti sunt laici, & plusquam Papam clerici. In expeditione enim positus armatorum excubias circa cubiculum suum habere voluit cum mille equis procedendo, & nomine suæ legationis cum excessivo numero hospicia à cunctis per *Angliam* exegit monasteriis, minores vero domus quæ pondus hospitii ferre non poterant, certa summa, id est, octo vel quinque marcarum hospitia redemerunt: & sic domus in qua una nocte hospitabatur, vix infra tres annos subsequentes redire in pristinum statum posset. Non solum ergo ærarium regium, verum etiam ecclesiasticum exhaustit, quod utique facilius agebat eo quod metropolitanae ecclesiæ vacabant utraqque. Præfecerat enim singulis provinciis nequissimos avariciæ suæ ministros,

qui nec clerico, nec laico, vel religioso parcerent, vel deferrent, quo minus Cancellarii commodis inservirent. Sane nobiles regni & optimates plures ad promotionem consanguinearum suarum, quas ex *Normannia* multas vocaverat, conjugis demulcire & elicere curavit; laicis vero & clericis minoribus ecclesias, terras & possessiones suas abstulit, quas aut nepotibus, aut clericis, aut servientibus suis erogabat, seu sibi retinebat, vel in usus extraordinarios dampnabiliter consumebat. Cum ergo hoc modo quicquid in regno facere voluit fecisset, & plures terrore vel arte sibi astrinxisset, solum tamen *Johannem* fratrem regis utpote cæteris longe potentiorum, et speratum regni successorem, metuebat.

Denique ne rege forte in oriente peregre moriente, et *Iohanne* ritè succedente, ipsius exspiraret potestas, arte, ut dicitur, agere putavit, ut *Iohannes* jam adultus non succederet, sed per successorem tenerum pararet sibi longi temporis potestatem. Duobus igitur fratribus suis ad regem *Scottorum* directis, petiit, ut firmissimo sibi fœdere cohæreret ad *Arthurum Britonem* ipsius pronepotem regno *Anglorum* præficiendum, si forte rex peregre in fata decederet, eo quod illi potissimum, nato scilicet ex *Gaufrido* fratre ejus majore, successio regni competere, protestans regem per literas ex *Sicilia* sibi directas *Arthurum* nepotem suum, si forte ipsum reverti non contingeret, regni successorem designasse. Hoc quidem inter illos duos potentes occulte tractatum diu *Iohannem* non latuit, qui rancorem conceptum subtili cautela pro tempore dissimulans, parti suæ quoscumque poterat prudenter alicere interim conabatur, artem illudere arte studens.

Dum autem ista et alia per insolentiam cancellarii gererentur, regi in *Sicilia* sub expectatione vernalis expeditionis hiemanti universa fidei multorum relatu innotuere. Qui mox *Iohanni* comiti *Moretonii*, et genti *Anglorum* *Walterum Rothomagensis* archiepiscopum virum prudentem et modestum, qui cum ipso hiemabat, in *Angliam* auctoritate regii rescripti direxit, præcipiens per literas suas, quod si vera essent quæ de episcopo *Eliensi* cancellario suo audierat, ipse deponeretur, et loco ipsius *Rothomagensis* archiepiscopus substitueretur, *Willielmo* Marescallo et *Gaufrido* filio *Petri* in regimine regni sociis sibi adjunctis. Si autem falsa essent quæ regi erant de ipso cancellario nuntiata, nichilominus dicti archiepiscopus *Rothomagensis*, *Willielmus* et *Gaufridus* ei in regimine regni associarentur. Dictus vero *Rothomagensis* et dictus *Willielmus* Marescallus comes de *Struguill* de rege in *Angliam* venientes, literas regias cancellario ausi tradere non fuerunt, scientes quod novissimus error peior foret priore.

ANno ultimo præscripto mense Martii prima die ejusdem mensis feria vj. *Ricardus* rex *Anglia* de consilio regis *Francia* ab urbe *Messana* ad loquendum cum *Tancredo* rege *Sicilia* perrexit, qui tertia die sequenti ad civitatem *Cathanenſium*, ubi sanctissimum corpus beatæ *Agatha* virginis et martiris requiescit, pervenit. Et cum *Tancredus* rex *Sicilia* adventum illius audisset, obviam illi extra urbem fere per v. miliaria exivit. Et cum eum longe venientem conspiceret, antequam convenirent uterque illorum descenderet, et alter ad alte-

rum currens, in mutuos amplexus salutationesque et oscula irruerunt. Deinde equos ascendentes ingressi sunt civitatem, quibus clerus et populus, benedicentes Deum cum ymnis et canticis occurrerunt. Et oratione ad sepulcrum sanctæ *Agatha* facta, rex *Anglia* palacium regis *Tancredi* ingressus est, ubi per tres dies simul cum illo moram fecit. Quarta die rex *Sicilia* dona multa et magna in vasis aureis et argenteis, in equis et pannis sericis regi *Anglia* offerebat, at ipse nichil eorum capere voluit præter unum parvulum anulum quem in signum mutua dilectionis accepit. Et rex *Anglia* dedit eidem regi *Tancredo* optimum gladium nobilis *Artburi* quondam regis *Britonum* quem *Caliburne Britones* vocaverunt.

Præterea rex *Tancredus* dedit regi *Anglia* quatuor magnas naves quas *Uffers* vocant et xv. galeas. Et rege *Anglia* versus *Messanam* redeunte, rex *Tancredus* per duas magnas dixtas usque *Tavernum* in propria persona ipsum conduxit, cui cum inde recedere vellet, rex *Tancredus* dixit, Nunc scio vere et certis indiciis comprobavi, quod ea quæ rex *Francia* michi de vobis per ducem *Burgundia* litteratorie mandavit, potius ex invidia quam ex amore quem erga me habuit processerunt. Ipse enim michi scripsit, quod nec pacem nec fidem michi servastis, & quod conventiones inter nos factas transgressi estis, & quod in regnum istud non venistis nisi ut illud à me tolleretis; sed & si vellem cum exercitu super vos venire, ipse michi in quantum posset auxilium præstaret. Cui rex *Anglia* non minori constantia verbi quam animi respondit, Confundantur omnes iniqua agentes; sed et credere non possum quod de me talia vobis scripsit, cum ipse sit dominus meus & socius in isto itinere conjuratus. Ad quem respondit rex *Tancredus*, Ut me, inquit, verum dicere comprobetis, ecce litteras quas michi misit per ducem *Burgundia* vobis trado. Quod si dux *Burgundia* negare voluerit, quod verissime has litteras sigillo regis *Francia* signatas michi non tradidit, ego verum inde per unum de meis ducibus comprobabo. Et cum rex *Anglia* acceptis litteris illis de rege *Tancredo* redisset, rex *Francia* usque *Tavernum* cum *Tancredo* rege loqui venit, rege *Anglia* versus *Messanam* per aliam viam reverso. Rex vero *Francia* moram unius noctis apud regem *Tancredum* ibidem faciens, in crastino venit ad *Messanam*.

Rex autem *Anglia* adversus regem *Francia* ira commotus, faciem hillarem ei minime prætendebat, sed oportunitatem ut cum suis ab eo recederet quærebat. Rege autem *Francia* quare hoc esset diligentius inquirente, rex *Anglia* illi per comitem *Flandria* & alios familiares suos, ea quæ rex *Sicilia* dixerat intimavit, litteris à rege *Tancredo* receptis in testimonium facti ostensis. Quod cum rex *Francia* audisset, male sibi conscius obmutuit, ignorans quid contra talia responderet; Tandem ad se reversus ait, » Verba hæc facta sunt & de novo » inventa. Scio enim & certus sum quod ipse cau- » sam malignandi adversum me quærit, putans per » talia mendacia sororem meam abicere quam » sibi desponsandam juravit. Cui rex *Anglia* respondit, » Sororem tuam non abicio, sed illam » ducere nequeo, quia pater meus eam cognovit, » generans ex ea filium. Quod cum regi *Francia* per plurimorum assercionem constaret, ipse post mul-

torum tergiversationes verborum, regem *Anglia* à conjugio *Alesia* sororis suæ quietum clamavit, decem milibus marcis argenti à rege *Anglia* ex conventionem ad opus illius mulieris receptis. Et cum rex *Francia* in *Franciam* rediret, prædicta soror ejus sibi cum *Gisortio* & omnibus aliis rebus quas rex *Francia* eis in maritaggio concesserat, traderetur. Et rex *Francia* dedit licentiam regi *Anglia* quamcumque vellet ducere in uxorem. Insuper concessit, quod dux *Britannia* sit imperpetuum homo regis *Anglia*, & hæredum suorum de *Britannia*, & quod rex *Anglia* & hæredes sui inde regi *Francia* & hæredibus suis respondeant; & sic illa die reges *Francia* & *Anglia* facti sunt amici, qui omnes convenciones illas fide & sacramentis sub sigillorum suorum testimonio confirmarunt.

Eodem anno mense Marci iij. idus ejusdem mensis *Clemens* papa statuit, ut *Scotica* ecclesia nisi sedi apostolicæ nullo mediante subjaceret, super quo *Willielmo* regi *Scotorum* sub tenore quo sequitur bullam fecit.

Clemens episcopus servus servorum Dei karissimum in Christo filio *Willielmo* illustri regi *Scotorum* salutem & apostolicam benedictionem. Cum universi Christi jugo subiecti apud sedem apostolicam patrocinium invenire debeant & honorem ac favorem, illos tamen specialius convenit protectionis munimine confoveri, quorum fidem & devotionem in pluribus est experta, ut ad illius dilectionis favorem tanto amplius provocetur, & eius reverentia devotiori affectione subdatur, quanto benevolentia ipsius & gratie pignus se noverit certius affectos. Ea propter, karissime in Christo fili, reverentiam & devotionem quam ad Romanam te habuisse à longis retro temporibus ecclesiam novimus, presentis scripti pagina duximus statnendum, ut *Scotica* ecclesia nisi apostolica sedi cujus filia specialis existit, nullo mediante debeat subjacere, in qua hæc sedes episcopales esse noscuntur. Ecclesia videlicet sancti *Andree*, *Glasguensis*, *Dunkeldensis*, *Brennensis*, *Aberdunensis*, *Maraviensis*, *Rosinensis*, *Catinensis*. Et nemini liceat nisi Romano pontifici vel legato ab ipsius latere destinato in regnum *Scotia* interdicti vel excommunicationis sententiam promulgare, & si promulgata fuerit decrevimus non valere. Adicimus, ut nulli de cetero qui de regno *Scotia* non fuerit, nisi quem apostolica sedes propter hoc de corpore suo specialiter destinaverit, licitum sit in eo legationis officium exercere. Prohibemus autem ut controversiones quæ fuerint in regno de possessionibus ejus exorta ad examen extra regnum positurum iudicium non trahantur nisi ad Romanam ecclesiam fuerit appellatum. Si qua vero scripta contra hujus libertatis statutum apparuerint impetrata, vel imposterum istius concessionis mentione non habita contigerit impetrari, nullum tibi vel ipsi regno circa hujus prerogativa concessionem præjudicium generetur. Præterea libertates & immunitates tibi vel eidem regno vel ecclesiis in eo constitutis à predecessoribus Romanis pontificibus indultas & hætenus observatas, ratas habemus, & illibatas futuris temporibus statuimus permanere. Nulli ergo hominum liceat hanc paginam nostræ constitutionis & prohibitionis infringere, vel ei aliquatenus contraire. Si quis autem hoc attemptare præsumpserit,

sumpserit, indignationem omnipotentis Dei & beatorum apostolorum ejus Petri & Pauli se noverit incursum. Dat. iij. idus Marcii, &c.

Eisdem anno & mense Marcii iij. kal. Aprilis Sabbato, *Philippus* rex *Francia* mare tranquillante & caelo aridente à portu *Messana* cum toto navigio suo recessit, & spacio dierum aliquot regem *Anglorum* mox secuturum præcedens, xxij. die sequenti, scilicet Sabbato in ebdoinada Paschæ ad civitatem *Tholomaidam* pervenit, & se cum ingenti numero bellatorum exercitui junxit Christiano, urbem jam fere per biennium obsidenti. Eodem die quo rex *Francia* à *Messana* recessit, *Eliana* mater regis *Anglia* illuc venit, *Berengeram* filiam regis *Navarrorum*, quam rex *Ricardus* ducturus erat, secum ducens. Et quarta die sequenti, prædicta regina *Eliana* versus *Angliam* inde rediens, dictam *Berengeram* regis filiam cum filio suo rege dimisit. Eodem anno mense Aprilis iij. idus ejusdem mensis, feria iij. *Clemens* papa iij. obiit, & eodem die *Jacinctus* natione *Romanus* & ecclesiæ *Romana* cardinalis in papam eligitur, & in vigilia Paschæ in sacerdotem ordinatur, & in ipso die Paschæ in papam consecratur, & *Celestinus* vocatur, qui sedit annis vj. mensibus viij. diebus xj. Et in crastino consecrationis suæ *Henricum* regem *Alemannorum* in *Romanum* imperatorem, & *Constanciam* uxorem suam in imperatricem coronavit.

Quippe rex *Anglorum* qui in hiemali ocio ociosus non fuerat, sed in necessariis exercitui congerendis & machinis bellicis conficiendis tempus in belle impenderat, cito post regis *Francorum* profectionem eodem mense Aprilis, castellum quod fecerat in loco qui *Mategriffon* dicitur, fregit, & feria iij. ante cœnam Domini cum regina *Sicilia* sorore sua, & dicta *Berengera* filia regis *Navarrorum* sibi copulanda, & toto exercitu suo cum centum quinquaginta magnis navibus & quinquaginta tribus galeis, à portu *Messana* recessit, & in die *Parasceve* circa horam nonam ventus horribilis ab austro veniens, ejus navigium dissipavit. Rex autem in insula *Creta* cum parte navigii sui applicans, ad insulam de *Rodes* inde pervenit. Tres autem buciæ de navigio suo in tempestate prædicta ad insulam de *Cipre* venientes, ante portum de *Limazun* fractæ & comminutæ perierunt; in quibus plures milites & alii de regis familia sunt submersi. Inter quos magister *Rogerus Malus catulus* regis vicecancellarius periit, circa cujus collum suspensum regis sigillum postea repertum est. Præterea *Isaac* tyrannus qui eandem insulam sæva dominatione plurimis jam annis præerat, & in eadem Imperatorum sibi nomen usurpaverat, *Saladino* nominis Christiani hosti fœderatus, ipsique *Saladino* fidelior quam Christo, licet Christianus diceretur, cum suo exercitu mox advenit, & primos regis *Anglia* homines à naufragio evasos, & in portum coactos, sævus ipse excipiens, indigne tractavit, & bonis omnibus spoliatis, eos incarceratione inedia consumendos; qui & plus ferali crudelitate debacatus, buciam unam vento valido & fluctibus agitatum, in qua prædicta regina *Sicilia* et filia regis *Navarrorum* erant, portum intrare non permisit. Quod cum regi *Anglia* nunciatum esset, ad illarum præsidium cum galeis multis et magno navigio Deo duce festinanter veniens, illas extra portum de *Limazun* ventis

& fluctibus marinis expositas, mox invenit. Qui valde iratus, nunciis ad dictum tyrannum Imperatorem de *Cipre* semel, secundo et tercio missis, homines suos peregrinos, quos vinctos in carcere tenebat, cum eorum catallis, humili supplicatione petiit sibi reddi. Quibus tyrannus superbe loquens respondit, dicens, quod nec eos nec eorum catalla liberaret: sed regi non dissimilia comminans si ad terram suam præsumeret applicare.

Tunc rex *Anglia* justo zelo ad ultionem inflammatus, omnibus suis ait: Armate vos, & sequimini me, & injurias quas perfidus iste deo et nobis egit unanimiter vindicemus, certamque in Domino habeo fiduciam quod de isto nequissimo Imperatore victoriam hodie nobis dabit. Interim Imperator ille, et multi de gente sua armati, sed plures eorum inermes, ad regem hostiliter excipiendum litora maris undique occupabat. Cum autem rex *Anglia* & sui armati essent, de magnis navibus galeas et naviculas ingressi, ad terram cum impetu venerunt; rege vero cum sagittariis suis præeunte, cæteri omnes eum sequentes impetum in Imperatorem et *Griffones* suos sagittis fere cæcatos unanimiter fecerunt. Et prælio totis viribus hinc inde conferto, *Graca* mollicies non diu impetum sustinuit *Latinorum*. Victus namque tyrannus post multorum suorum interfectionem cum exercitu suo fugit; quem magnificus triumphator rex *Anglia* persequens, maximam ex obstantibus stragem fecit. Et nisi nox celerius supervenisset, tyrannum vivum vel mortuum illo die cepisset. Nocte namque superveniente, quia rex *Anglia* & sui vias et semitas montium per quas Imperator cum suis fugit ignorabant, noluerunt amplius illos sequi. Sed cum præda magna hominum et animalium redeuntes, ad villam de *Limazun* venerunt, quam *Griffones* et *Hermirii* fugientes vacuam reliquerunt. Interim eodem die prædicta regina *Sicilia* et filia regis *Navarrorum* portum de *Limazun* cum regis navigio intraverunt. Imperator vero hominibus suis qui per dumos dispersi fuerant sibi religatis, eadem nocte in convallibus super unum fluvium quasi per v. miliaria à villa de *Limazun* castrametatus est, sub juramento affirmans, quod in crastino cum rege *Anglia* dimicaret. Quod rex per exploratores suos audiens, longe ante diem se et exercitum suum armari fecit, & sine tumultu procedens, ad Imperatoris exercitum usque venit. Quos dormientes inveniens, cum magna et horribili exclamatione tentoria eorum intravit, et illi à sompno sic excitati facti sunt velut mortui, quid facerent aut quo fugerent nescientes. Ipse autem Imperator cum paucis nudus evasit, thesauros, equos, arma et tentoria sua pulcherrima post se relinquens, una cum vexillo suo imperiali per totum auro contexto, quod rex *Anglia* statim beato *Edmundo* glorioso regi et martyri destinavit.

In crastino multi Comites et Barones insulæ ad regem *Anglia* venientes, homines sui devenerunt, et obsidibus ei inde datis, fidelitatem ei contra Imperatorem et omnes homines juraverunt. Tertia autem die sequenti, *Guido* rex *Jerusalem* et *Galfridus* de *Lezyon* frater ejus, *Anfridus* de *Turun*, *Raimundus* Princeps *Antiochiæ*, *Bomundus* filius ejus Comes *Tripolis* et *Leo* frater *Rupini de la Mountayn* in insulam de *Cipre* ad regem *Anglia* venerunt; et ibi homines sui devenientes, fidelitatem ei contra omnes homines juraverunt. Eodem die cum Impera-

tor de *Cipre* virtute & auxilio suorum se omnino destitui vidisset, supplices legatos ad regem *Anglia* mittens, pacem ei optulit in hac forma, scilicet quod ipse xx. milia marcarum auri in recompensatione pecuniæ submersorum ei daret, & illos qui naufragium evaserunt & in custodia sua adhuc fuerunt, liberos cum eorum catallis dimitteret; & ipse in propria persona sua in terram *Siria* cum illo iret, & quamdiu rex ibi foret, moram ibidem in servicio Dei cum centum militibus & quadringentis *Turcopolis* equitibus, ac quingentis servientibus peditibus secum faceret, & insuper filiam suam, quam unicam habebat hæredem, ad maritandum cui voluerit cum suo Imperio ei daret, & quod fidelitatem ei juraret, & regnum suum de illo teneret. Et ad ista fideliter et firmiter observanda castella regni sui in pignore regi *Anglia* tradidit & concessit.

His itaque ex utraque parte concessis, Imperator ad regem *Anglia* venit, & coram principibus totius Imperii fidelitatem ei & hæredibus suis sicut ligio Domino suo contra omnes homines juravit, rege *Jerusalem* & principe *Antiochia* & aliis qui aderant magnatibus præsentibus. Juravit etiam regi *Anglia*, quod omnem supradictam conventionem sibi firmiter & inconcusse & sine malo ingenio conservaret. Eodem die cum Imperator post prandium in tentorio suo esset, & milites regis quibus ille ad custodiendum traditus erat, meridianum sompnum cepissent, furtive ab eis recessit, pœnitens se pacem prædictam cum rege *Anglia* fecisse. Mandansque ei pacem aut pactum prædictum se minime servaturum. Quod ut videbatur plurimum regi placuit. Ipse enim rex ut vir circumspectus & prudens, magnam sui exercitus partem *Guidoni* regi *Jerusalem* & cæteris principibus tradidit, dicens, Sequimini et perfidum illum comprehendite si potestis. Ego autem insulam istam cum galeis girabo, & ne perjuris illis manus meas evadat, custodes meos per insulæ circuitum ponam. Unde statim divisit in duas partes galeis: quantum una parte sibi retenta, aliam *Roberto de Turnham* assignavit. Et sic ipse ex una parte & *Robertus* ex altera galeas intrantes, totam insulam de *Cipre* ambierunt, naves omnes & galeas capientes quas per circuitum invenerunt. Et cum *Griffonis* & *Herminii* quibus Imperator civitates & castella cum aliis munitionibus in custodia tradiderat, totos viros armatos & galeas venientes vidissent, ea sine custodia reliquerunt, in montana protinus fugientes. Rex vero & dictus *Robertus* portus, civitates & castella omnia ceperunt, & quotquot vacua invenerunt ea victualibus, viris & armis munierunt, & ad *Limazun* demum in galeis redierunt. Rex autem *Jerusalem* & qui cum eo erant parum adhuc in expeditione sua proficere potuerunt.

Mense autem Maij iiij. idus ejusdem, dominica die festo sanctorum *Nerei*, *Achillei* & *Pancrasii* *Ricardus* rex *Anglia* in insula de *Cipre* *Berengera* regis *Navarra* filiam desponsavit, *Nicholao* capellano suo hujus Sacramenti officium celebrante. Et eodem die illam in reginam *Anglia* à *Johanne Ebroicensi* episcopo apud *Limazun* coronari fecit, archiepiscopis de *Arpia* & *Auxia* præsentibus, cum episcopis de *Baiona* et aliis multis. Deinde rex *Anglia* cum audisset quod filia Imperatoris esset in castro fortissimo quod dicitur *Ciberyn*, cum suo exercitu illuc venit. Cui castello a propinquanti

filia Imperatoris obviam, & eum procidens adoravit, castrum & se in misericordia sua tradens. Deinde fortissimo castello quod dicitur *Busseneter* ei reddito, traditæ sunt illi munitiones et omnes Imperii civitates, illo infelice Imperatore in quadam fortissima abbatia, quæ caput sancti *Andree* dicitur, latitante. Qui cum adventum domini regis audisset, obviam ei exivit, & ad pedes ejus provolutus, in misericordia ejus de vita & membris se posuit, nulla de regno facta ulterius mentione. Et cum in manu & potestate regis omnia jam essent, à rege solum petiit, ne in compedibus & manicis ferreis permitteret eum poni. Nam fertur ipsum dixisse, quod ferro vinctus cito deficeret. Rex vero petitionem ejus audiens ait, Quia nobilis est & nolumus eum mori, sed ut vivat innoxius, catenis argenteis astringatur. *Ricardo* igitur filio *Godefridi* Camerario suo illum in custodia tradidit, qui eum compedibus et manicis argenteis ut rex præceperat arte vinxit. Hæc autem in insula de *Cipre* facta sunt prima die mensis Junii in vigilia Pentecostes. Quibus feliciter peractis & opulentissimis tyranni thesauris in fisco regio redactis, & omnibus ad securitatem præordinatis, & custodibus per civitates & castella constitutis, rex *Ricardo* de *Chamvil* & *Roberto* de *Tornham* imperium de *Cipre* tradidit custodiendum.

Eodem die *Berengera* regina *Anglia* et regina *Sicilia* soror regis cum filia Imperatoris de *Cipre* ad obsidionem *Acra* cum majori parte navigii regis *Anglia* pervenerunt. Et eodem die *Philippus* Comes *Flandria* in obsidione *Acra* decessit. Insula vero prout rex *Anglia* voluit et deiecit in omnibus ordinata, cunctisque rite dispositis, ardentibusque elementis, ipse feria iiij. ebdomadæ Pentecostes ab insula de *Cipre* cum galeis suis versus obsidionem urbis *Tholomaida* discessit, regem *Jerusalem* & principem *Antiochia* ac Comitem *Tripolis* & cæteros Principes qui ad eum venerant, secum habens. Et *Radulphum* filium *Godefridi* cum Imperatore de *Cipre* ad *Tripolim* destinavit. Sane antequam rex à *Cipre* discesserat, Comites, Barones et omnes homines insulæ medietatem omnium quæ possidebant regi dederunt pro legibus et institutis habendis quibus tempore *Manuelis Constantinopolitani* Imperatoris in insula utebantur. Quibus eis concessis et carta regia confirmatis, rex in crastino recessus sui de insula ad urbem *Tiri* venit, quem custodes civitatis intus recipere noluerunt, dicentes quod hoc à rege *Francia* et *Conrado* ejusdem urbis domino prohibitum eis erat. Unde Rex illa nocte extra urbem in tentorio jacens, in crastino scilicet feria vj. ebdomadæ Pentecostes, cum versus *Tholomaidam* veloci cursu iter ageret, quandam magnam buciam multis paganis onustam et vexillis regis *Francia* perornatam, eminus in mari conspexit, quæ à *Saladino* obsessis in *Tholomaida* missa, multiplicis subsidii copiam deferebat, variis armis et omni apparatu bellico satis fulgens. Rex autem *Anglia* ad eos mittens, quæsit qui essent, et unde venissent, et quo irent. Qui responderunt se Christianos esse de familia regis *Francia* et de *Antiochia* cum armis et victualibus ejusdem advenisse, et ad *Acram* ire velle. Nuncii vero regis *Anglia* neminem illorum cognoscentes, ad regem redierunt, et visa audita ei protinus narraverunt. Rex respondit,

Certe

Cerre mentiti sunt in caput suum, talem buciam non habet rex *Franciae*. Et si de familia regis *Franciae* sint, dicite eis, ut expectent et mecum loquantur.

Interim antequam nuncii regis ad eos iterum venissent, pagani omnes qui in bucia erant, se armaverunt, et nuncios pessime recipientes, ignem *Gracum* in eos et sagittas hostiliter emiserunt. Quod videns rex omnibus qui secum aderant dixit, Ite persequimini eos et comprehendite, quod si abierint amorem meum in perpetuum perdetis: & si eos comprehenderitis, quicquid petieritis dabo vobis; et insuper, omnia eorum catalla vestra sint. Hiis dictis, ipse & omnes impetum in buciam illam unanimiter facientes, cum rostris galearum, vel alio modo expugnationis per ipsum regem mox invento, eam sub aquis undique perforaverunt. Aqua vero per foramina intrans, illam aggravato pondere in profundum cito traxit. Et cum pagani mergi coepissent, arma sua in pelago projecerunt, & ignem *Gracum* quem portabant, vasis fractis illico effuderunt. Relictaque nave, nudi in mari velociter se miserunt: quos galiores pro magna parte interfecerunt, quibusdam tamen illorum in galeas prosilientibus vivis reservatis. Estimabantur pagani autem qui in bucia illa erant numero M. quingenti, quos *Saladinus* ut eos in *Acræ* mitteret ex omnibus paganis suis elegerat. Quibus ut dictum est devictis, submersis & interfectis, rex omnia eorum catalla à submersione reservata suis distribuit galioris.

In crastino scilicet die Sabbati in vigilia sanctæ Trinitatis rex *Angliæ* ad obsidionem *Acræ* veniens, paganos quos de bucia vivos retinuit, regi *Franciae* & Comitibus exercitus distribuit indilate. Illi autem in civitate cum audissent, quod pagani qui in bucia erant, in quibus fiduciam habebant, capti & submersi essent, & quod rex *Angliæ* magnificus triumphator ad obsidionem venisset, timentes valde, oportunitatem de die in diem quærebant, ut pro licencia abeundi cum vita & menbris ei traderent civitatem. Rex vero *Franciae* qui Sabbato in ebdomada paschæ jam ante adventum regis *Angliæ* ad obsidionem venerat, & perarias, hurdicios & alias machinas suas bellicas in locis congruis paraverat, nichil in eis operatus est, sed semper adventum regis *Angliæ* expectavit. Unde rex *Angliæ* statim cum venisset, machinas bellicas erexit & perarias suas & hurdicios parari præcepit. *Pisani* vero & *Januenses* ad regem *Angliæ* venientes ei sua servicia optulerunt. Receptis *Pisanis*, *Januenses* qui fidelitatem regi *Franciae* & *Conrado* Marchioni per prius fecerant, penes se noluit retinere. *Pisani* vero regi *Angliæ* homagium facientibus & fidelitatem jurantibus, rex omnes libertates & consuetudines quas in terra *Ierosolomitana* habere solebant, concessit, & carta sua confirmavit.

Tercia autem die post adventum regis *Angliæ*, rex *Franciae* omnes servientes suos dimisit, quos rex *Angliæ* ad machinas suas die & nocte custodiendas retinuit, unde factum est quod pagani de civitate exeuntes, & machinas regis *Franciae* sine custodia invenientes, eas combusserunt. Et paulo post adventum regis *Angliæ*, uterque regum *Franciae* & *Angliæ* in infirmitatem quæ dicitur *Arnaldia* inciderunt, in qua fere usque ad mortem laborantes capillos suos deposuerunt: machinis tamen bellicis regis *Angliæ* die & nocte non cessantibus lapides su-

per turres & muros mittere civitatis. Reges tandem miseratione divina de ægritudine illa convalescentes, robustiores & in dei servicio animosiores facti sunt. Et quia *Guido* rex *Ierusalem* conquestus erat eis, quod *Conradus* Marchio vi & injuste redditus suos & jura regni ei abstulit, redditus portus *Acræ* per *Templarios* & *Hospitalarios* colligendos & recipiendos ordinaverunt, donec provium esset quis illorum de jure illos habere deberet.

Et *Gaufridus* de *Lezinan* frater regis *Ierusalem* dictum *Conradum* Marchionem in Curia regum de fide læsa & perjurio ac proditione facta contra regem fratrem suum & adversus totum Christianorum exercitum appellavit; Unde pignore de appellatione prosequenda dato, ipse *Conradus* male sibi conscius stare juri nolens, à turba declinavit, & foras exivit, omnibus post illum conclamantibus & dicentibus, Proditor est ille qui juri stare recusat; nemo tamen misit in illum manus, ne forte tumultus in populo fieret, ipse autem *Tyrum* abiit.

Rege vero *Angliæ* partem regis *Ierusalem* fovente, & rege *Franciae* partem *Conradi*, rixæ & contentiones sæpius inter eos oriebantur. Unde aliquo tempore postea transacto, rex *Franciae* pro dicto *Conrado* misit; Quem ad eum venientem, consiliarium sibi & familiarem constituit; de cujus consilio rex *Franciae* medietatem totius insulæ de *Cipre* à rege *Angliæ* petiit, cum medietate omnium quæ in illa cepit, ratione pacti inter eos apud *Messanam* habiti, scilicet quod dimidiarent omnia inter se quæ viribus in terra *Ierusalem* adquirerent quamdiu in illa peregrinatione essent. Cui rex *Angliæ* respondit, si medietatem *Flandriæ* & cæterorum quæ adquisisti post mortem Comitum *Flandriæ* & Comitum de sancto *Odomero* qui in obsidione *Acræ* mortui sunt michi dederis, ego medietatem totius acquisitionis meæ in insula de *Cipre* voluntarie tibi dabo, quamvis conventio inter nos de hiis tantummodo facta fuit quæ communibus viribus super *Saracenos* in terra *Ierusalem* deo propicio acquirere possimus, quia juxta hanc intentionem illud pactum de acquisitione inter nos dividenda fuerat constitutum. Unde rex *Angliæ*, dicens, se Christianam insulam non ex intentione eam acquirendi adisse, sed incidenter ad eam causam atrocis & adhuc recentis injuriæ ulciscendæ divertisse, medietatem illius acquisitionis regi *Franciae* ipsum rupti fœderis & pacti arguenti, modis omnibus denegabat. Demum tamen petitiones suas reges ex utraque parte remiserunt, & convenciones quas de acquisitionibus eorum in terra *Ierusalem* dividendis apud *Messanam* fecerant, scriptis & testimoniis iterum confirmarunt. *Templarios* & alios viros sapientes in quibus confidebant, ad tales acquisitiones recipiendas & inter eos fideliter dividendas tunc temporis statuentes.

Interim *Saladinus* princeps exercitus paganorum, nuncios ad reges *Franciae* & *Angliæ* cum piris *Damascenis* & aliis diversorum fructuum generibus frequenter misit. Qui de jocosis et jocalibus suis ei remiserunt, et nichilominus insultum in civitatem *Acræ* per diversas machinas et fossores die ac nocte muros suffodientes viriliter fecerunt. In illo tempore erat in civitate *Acræ* quidam homo deo devotus, occultus tamen propter metum paganorum, qui frequenter literas suas per sagittas, in trahendo usque ad Christianorum exercitum foras misit, Fff 3 urbis

urbis statum & paganorum propofitum eis mandans, unde Christiani ſapius pramuniti infidias eorum melius evitabant, ipſe enim ſemper in literis ſuis imponebat, *In nomine Patris, & Filii, & Spiritus ſancti*. Nullus tamen Chriſtianorum ipſum ante urbis captionem vel poſt aliquo modo novit.

Menſe Junii circa feſtum natalis ſancti *Johannis Baptiſta* Chriſtianis magnam partem foſſati implentibus, pagani qui in urbe erant eam cum eorum armis & victualibus, Chriſtianorum Regibus, ſi eos cum vita & membris abire permitterent, optulerunt; quorum petitiones reges recipere noluerunt. Eodem menſe Junii *Ricardus de Camville* quem rex unum de Juſticiariis ſuis in *Cipro* conſtituerat, infirmabatur, & ſine licentia regis ad obſidionem *Acre* veniens, ibi ultimum clauſit diem. Quo deſuncto, *Griffones & Hermini* qui in *Cipro* ad pacem regis nondum venerant, novum imperatorem quendam monachum conſanguineum *Isaac* imperatoris ſibi conſtituerunt; ſed *Robertus de Thornham* qui ſolus in *Cipro* Regis Juſticiarius remanſit, illum cum gente ſua vincens cepit, & in patibulo ſuſpexit. Eodem menſe obiit *Radulphus* filius *Godefridi* cuſtos imperatoris *Isaac*, quem rex *Warnero de Naples* ſummo Hoſpitalis magiſtro cuſtodendum commiſit. Eodem menſe foſſoribus regis *Anglie* fundamentum murorum ſuſſodientibus, & lignis ſuppoſitis ignem apponentibus, maxima pars murorum cecidit civitatis. Perariis eciam regis *Franciae*, *Templariorum* & *Piſanorum* in muro juxta turrim maledictam foramina magna facientibus, homines regis *Franciae* illuc convenerunt, inſultum in paganos viriliter facientes. Sed quia via ardua erat & ſtrieta, multi de hominibus regis *Franciae* ibi ceciderunt. Rex autem *Anglie* & homines ſui exteriora foſſata quæ erant inter Chriſtianorum exercitum & *Saladini* copias, interim cuſtodiebant. Conventio namque inter reges erat, quod quando unus civitatem inſultaret, alius foſſata, propter incurſus incedentium, cuſtodiret.

Menſe Julii tertia die ejuſdem, feria tertia, magna parte murorum urbis juxta turrim maledictam cadente, multi de familia regis *Franciae* cum *Alberico* illius Mareſcallo & armatorum copia ad urbem currentes, mœnia aſcenderunt; & cum intraſſent ecce pagani in manu forti illis obviantes & viriliter reſiſtentes, eos retroire fortiter coegerunt, *Alberico Clement* cum multis aliis ibi in Dei ſervicio interfecto; ubi *Conradus* Marchio qui plures à morte poſſet liberaſſe, nullum præſtans auxilium, ignominioſe ibi & viliter ſe retraxit. Pagani vero qui ad murorum ſtabant deſenſionem, nichil mali ſibi vel ſuis fecerunt, ſed vexillum ejus, quod ipſe in ſignum fœderis illis dederat, in ſublime, cunctis videntibus & multum admirantibus, tenuerunt. In craſtino *Mefſok* & *Karacois* principes paganorum qui in urbe erant, ad reges *Franciae* & *Anglie* venientes, urbem & arma ſua omneſque theſauros quos ipſi & alii pagani ibidem habebant, pro licentia abeundi cum vita & membris eis iterum optulerunt. Quod reges recipere nolebant, ſed totam terram quam *Saladinus* & cæteri pagani Chriſtianis abſtulerant, ab eo tempore quo *Ludovicus* rex pater *Philippi* regis *Franciae* in terra *Jeruſolomitana* fuit, ac Crucem ſacram Chriſtianorūque captivos in cuſtodia *Saladini* & cæterorum paganorum ſuorum exiſtentes, ab eis libere exigebant. Pagani vero ſcientes ſe nichil ho-

rum ſine voluntate *Saladini* facere poſſe, datis de redeundo obſidibus, ad *Saladinum* protinus perreſerunt; cui regum petitiones oſtendentes, nichil de hiis efficere potuerunt, unde nulla pro illis redemptione à *Saladino* conceſſa, conuſi ad urbem reverſi, eam ingreſſi ſunt.

Nocte ſequenti circa horam noctis mediam, exercitus *Saladini* in cuſtodes foſſatorum exteriorum inſultum fecit, ut dum Chriſtiani deſenſioni foſſatorum intenderent, pagani per fugam de urbe facilius evadere poſſent. Sed reges inde per mandatum ſupradicti viri qui erat in urbe, pramuniti, cuſtodes per murorum circuitum poſuerunt, ita quod nulli ſecurus patebat egreſſus. Facto igitur per Chriſtianorum exercitum clamore, omnes à ſompno excitati, arma velocius ſumentes, ad foſſata protinus acceſſerunt. Et impetu in paganos facto, multos ex illis occiderunt aliis effugatis. Quinta die menſis Julii feria vj. ignis quem homines regis *Anglie* fecerant, incifioni murorum iterum appoſitus eſt. Et nocte ſequenti, muris & turribus cadentibus, magnum introitum fecerunt. Et in craſtino rex *Anglie* cum exercitu ſuo armato ut inſultum in urbem faceret, acceſſit; ſed pagani qui intus erant ſignum fecerunt quod vellent loqui cum regibus de pace inter ſe faciendâ, & data illis licentia, rex & ſui ſua arma depoſuerunt. Tunc *Mefſok*, *Karacois*, *Helſedin* & *Jordic* iterum exierunt cum regibus locuturi. Et cum diu de pace faciendâ tractaſſent, loqui cum *Saladino* licentiam acceperunt, qui datis de redeundo obſidibus abierunt. Et cum ad *Saladinum* veniſſent, ipſi & filii nepotes & amici eorum qui in exercitu *Saladini* erant, ipſum rogabant, ut illos à mortis periculo liberaret; dicebant enim „ quod „ nullo modo poſſent ulterius defendere civitatem, „ quia muri & turres jam ceciderant, & pluſquam „ tertia pars hominum urbis interfecta erat, vel ad „ necem graviter vulnerata. Quibus *Saladinus* reſpondit, „ ſi reges *Franciae* & *Anglie* mecum ire „ voluerint ad debellandum dominum *Muſte* fratrem *Noradini*, & conſanguineum ſuum filium ejusdem *Noradini* filii *Sanguini* de *Halapa*, qui totam terram meam quæ eſt ultra *Eufraten*, devicto & expulſo *Tekedino* avunculo meo ceperunt; & in ſervicio meo per unum annum commorari, & michi imperpetuum quietam clamare „ *Eſcalon* & le *Cragh* de *Mirabel*, quod eſt ultra „ flumen *Jordanis*: ego civitatem *Jeruſalem* crucemque ſanctam & omnes terras, urbes, caſtella „ & munitiones quas ego & mei cepimus poſt „ captionem regis *Guidonis*, & eciam ante captivem ſuam per quinquennium, eis reddam. Et ſi „ reges illi noluerint vel non poſſint mecum ire, duo „ milia militum & quinque milia equitum bene armatorum ad ſerviendum michi per unum annum de ſuo exercitu michi tradant, ego reddam eis „ omnia ſupradicta, militibusque & ſervientibus „ ſtipendia bona dabo, & tam magna qualia ante „ unquam fuerant eis data; ſcilicet unicuique militi „ quadraginta ſex bizancios per menſem, & unicuique ſervienti xvj. bizancios per menſem. Et ſi quis „ illorum in ſervicio meo interfectus fuerit, reddam „ militem pro milite, & ſervientem pro ſerviente. „ Et ſi quis eorum captus, ego illum redimam. Hiis dictis, *Mefſok*, *Carracois*, *Helſedin* & *Jordic* ſcientes reges hoc facere nolle, triſtes & conuſi *Acrâ* celeriter ſunt ingreſſi.

Septima die mensis Julii die dominica rex *Francie* & exercitus ejus, urbem juxta turrin maledictam loco quo prius insultantes, nichil profecerunt, xl. ibi de suis hominibus interfectis. Erat autem via ardua & ardua, & strictus introitus, & multi paganorum ad illam defensionem convenientes Christianos egerant retroire, rege *Anglia* cum suis ad defensionem fossatorum interim existente. Octava die mensis Julii *Saladinus* turrin & villam de *Caiphas* comburens, omnes vineas in circuitu ejus destruxit.

In nocte sequenti dum Christiani vigilias noctis ante turrin maledictam propter paganos custodirent, quadam mulier speciosissima, cujus pulchritudo in sui splendore solis radium vincebat, circa horam noctis mediam illis apparuit; præ timore autem exterriti sunt custodes, & facti sunt velut mortui. Illa autem confortabat eos, dicens, Nolite timere, ego sum *Maria* mater Domini nostri *Jhesu Christi*, qui me misit ad vos, ut dicatis regibus, quod circa murorum prostrationem ulterius non laborent, nam quarto die post istum dabit eis Dominus civitatem. Eadem nocte dum beata Virgo mater Domini tam blande Christianos consolaretur, terræ motus tam magnus & horribilis in urbe venit, quod pagani qui intus erant nimio timore percussi, mori quam vivere maluerunt. His dictis, beata virgo cælum ascendit, suscipiente eam ab eorum oculis nube clara. Mane autem facta, custodes ipsi visionem, & ea quæ à beata Virgine audierant regibus & principibus exercitus retulerunt. Unde læticia magna facta est in populo Christiano. Nono die mensis Julii *Saladinus* omnes vineas & arbores fructiferas quæ in circuitu *Acra* erant, extirpari fecit, civitates eciam & castella debilia in quibus resistendi Christianis fiduciam non habuit, penitus destruendo.

Undecima die mensis Julii, *Pisani* & *Anglici* civitatem in illa parte ubi perarix regis *Anglia* magnum foramen fecerant, insultarunt. Sed pagani ad defensionem murum ascendentes, *Pisanum* unum *Leonardum* nomine peremerunt. Datoque deinde signo de civitate reddenda, & pace ad voluntatem regum facienda, Christianis arma deponentibus, pagani ad loquendum cum regibus de urbe venientes, in eadem postea reversi sunt. Duodecima die mensis Julii feria sexta reges *Francie* & *Anglia*, & omnes principes exercitus paganorum tam clerici quam laici, ad tentorium *Templariorum* mane convenientes, cum principibus paganorum qui in urbe erant cum illis pariter ibidem præsentibus pacem fecerunt & concordiam, in hac forma, videlicet, Quod pagani civitatem *Acra* & CCC. Christianos captivos qui in illa erant illis traderent, cum toto auro & argento, armis, navibus & galeis, ac victualibus in eadem, & quod eciam Crucem sanctam illis redderent & M. D. Christianos captivos, & CC. milites Christianos captivos quales reges eligerent à captivitate eorum liberarent, & redderent illos eis, & quod CC. milia bizanciorum darent regibus antedictis, & quod ipsi usque dum hæc omnia perficerentur, in eorum regum custodia obsides remanerent: Et ad omnia ista perficienda, reges *Francie* & *Anglia* illis quadraginta dierum terminum statuerunt. Quod si infra terminum conventionem teneant, cum vita & membris quieti à custodia liberarentur, aliter in regum misericordia & gratia in omnibus remansuri.

His itaque conventionibus concessis & utroblaque juratis, miserunt reges in urbem milites & servientes suos, qui C. de majoribus paganis eligentes, eos in turribus & fortioribus domibus civitatis sub tuta custodia posuerunt, cæteris vero paganis minoris precii infra muros urbis locum vacuum tradiderunt, appositis custodibus qui illis cotidie vitæ necessaria ministrarent. Postea vero cum reges audissent, quod quidam illorum paganorum de nocte furtive abissent, eos in arciori custodia in cellariis retrudi fecerunt, statuantes ut omnes liberi fierent qui vellent in Dei nomine baptizari. Unde factum est, quod postquam multi paganorum baptizari fuerunt, ad *Saladinum* revertentes, legem Christianam quam susceperant reliquerunt; regibus extunc prohibentibus eorum aliquem amplius recipi ad baptismum. Audiens autem *Saladinus* quod pagani sui pacem cum regibus fecissent, dissimulavit hoc protinus per se factum esse.

Terciadecima die mensis Julii civitas *Acra* & omnes pagani & cætera omnia quæ in eadem erant, inter reges *Francie* & *Anglia* mensura & numero sunt partita: *Drogone de Marlon* ad hoc cum C. militibus ex parte regis *Francie*, & *Hugone de Gurnay* cum C. militibus ad idem ex parte regis *Anglia* constitutis. Quattadecima die mensis Julii *Saladinus* & sui à Christianorum exercitu longius se retrahentes, tentoria sua in loco qui dicitur *Safforia* fixerunt. Interim *Saladinus* ad reges *Francie* & *Anglia* nuncios cum muneribus suos misit, per quos totam terram *Jerusalem* præter *le Cragh*, de monte *Regali*, quod est trans flumen *Jordanis*, eis optulit, ita quod reges illi duo milia militum & V. milia servientum ad serviendum ei per unum annum contra dominum *Musse* filium *Noradini* illi traderent, sicut superius dictum est; quod reges facere noluerunt. Quintadecima die mensis Julii reges *Francie* & *Anglia* perarias & alias machinas suas bellicas disjungere fecerunt, leporariis brachetis & accipitribus eodem die à rege *Anglia* *Saladino* missis.

Sextadecima die mensis Julii *Saladinus* per *Asta* nuncium suum munera pretiosa & magna valde regi *Anglia* destinavit. Et eodem die nuncii ex parte domini *Musse* filii *Noradini* ad reges *Francie* & *Anglia* venerunt, offerentes eis, quod ipse dominus & homines sui baptismum & legem Christianam reciperent, si vellent contra *Saladinum* auxilium sibi dare. Quod audiens *Saladinus* multo magis se devotiorum & humiliorem illis regibus exhibuit in obsequiis faciendis. Eodem eciam die *Alardus Veranensis* episcopus, & sanctæ *Romane* ecclesiæ Cardinalis, apostolicæ sedis legatus, & eciam *Tironensis* *Pisani*, & *Auxiensis* archiepiscopi, *Saribiriensis*, *Ebroicensis*, *Baionensis*, *Tripolitanus*, *Carnotensis*, & *Beluacensis* episcopi, & cæteri ecclesiarum principes, ecclesias urbis *Acra* per paganos pollutas consecrarunt, & altaribus ædificatis, in eis missarum solempnia celebrarunt, regibus circa murorum urbis reparationem & domorum ejusdem reedificationem intendentibus. Eodem die scilicet sextadecima die mensis Julii & duobus diebus sequentibus, *Pisani* & nummularii & cæteri mercatores infra urbem *Acra* per distributionem servientium regum *Francie* & *Anglia* mansiones suas in foro rerum venalium receperunt, singulis inde annis redditus solitos reddituri.

Nonadecima die mensis Julii cum Comites & Barones exercitus qui jam fere per biennium in obsidione *Acra* moram fecerant, audissent, quod reges *Francia & Anglia* omnia quæ in captione civitatis ceperant propriis marsupiiis dedissent, & nichil eis inde assignassent, extra fossata exteriora in simul conveniunt, & habito ibi colloquio regibus mandaverunt: Quod ipsi cum illis diucius moram non facerent, nisi sicut & laboris participes, lucri forent. Reges autem hoc audientes, licet se eis satisfacturos responderunt, id tamen facere indies distulerunt, unde multi paupertate coacti ab illis, armis suis prius venditis, recesserunt. Viceffima die mensis Julii festo sanctæ *Margareta* virginis, rex *Anglia* videns quod ipse & rex *Francia* nichil adversus *Saladinum* in faciendo pacem proficiebant, à rege *Francia* petiit ut nisi ipse *Saladinus Jerusalem*, & totam terram *Ierosolomitana* celerius redderet, quod ipsi pariter cum exercitibus suis ad inimicos crucis Christi debellandos jurarent in terra illa per triennium commorari. Cui rex *Francia* respondit, se nullum inde facere sacramentum; habuit enim jam in mente in suam redire in proximo regionem.

Die xxj. mensis Julii *Ricardus* rex *Anglia* civitatem *Acra* intrans, in palacio quod ei contingebat quando civitas inter ipsum & regem *Francia* partita fuerat, habitavit; quo die uxorem suam reginam *Anglia*, & sororem suam reginam *Sicilia*, & filiam imperatoris de *Cipre* jam ut prædicitur captivati ad se introduxit. Viceffima secunda die mensis Julii in festo sanctæ *Maria Magdalena*, cum rex *Anglia* in palacio suo esset, & principes exercitus sui coram eo ad præceptum ejus audiendum convenissent, *Robertus Beluacensis* episcopus, *Hugo* dux *Burgundia*, *Drigo* de *Anvens*, & *Willielmus* de *Merlou* ad eum venientes, ipsum ex parte regis *Francia* salutaverunt. Quo salutato, in tantum fletum proruperunt, quod unum solum verbum ulterius proferre minime potuerunt. Quibus flentibus, cæteri circumstantes propter motum animi quem in eis viderant, in fletum provocabantur. Cumque sic in fletu perstarent, rex *Anglia* conversus ad eos dixit. Nolite flere, scio quid petaturi estis. Dominus quidem vester rex *Francia* repatriare desiderat, & ex parte ejus venistis ut inde à me consilium & licenciam habeat. Tunc illi vulu demisso inquirunt; Domine, tu nosti omnia, & nos ex parte ejus venimus ut de licencia & consilio vestro redire ad patriam possit suam; dicit enim, nisi celerius à terra ista recedat morietur. Quibus rex *Anglia* respondit. Dedecus & obprobrium sempiternum sibi & regno suo erit si recedat imperfecto negotio pro quo venit. Unde per consilium meum non recedet, sed si oporteat eum mori nisi in patriam suam redeat, liceat ei facere quod velit, & quod sibi & suis commodius videatur. Unde crastina die recessu suo per exercitum divulgato, principes exercitus sui ad eum venientes, ne ita impudenter à servitio Dei recederet, postularunt, sed ut inspectis prædecessorum suorum actibus, illam custodiret regni *Francia* dignitatem. Ille tunc consilio fidelium suorum consentiens, per aliquod tempus remansit, & iterum medietatem insulæ de *Cipre* à rege *Anglia* postulavit. Sed nichil impetravit. Et exinde magna discordia inter eos orta est; tamen de consilio sapientum virorum indignatio utriusque quievit, & amici facti sunt.

Viceffimo septimo die mensis Julii de consilio re-

gis *Francia* *Conradus Marchio* ad regem *Anglia* venit, & procidens ad pedes ejus veniam petiit & accepit, nam propter *Guidonem* regem *Ierusalem*, rex *Anglia* odio illum habebat. In crastino scilicet xxvij. die mensis Julii, reges in unum locum & cum illis *Conradus Marchio*, & *Guido* de *Lezinan* conveniunt. Cunctisque residentibus, idem *Conradus* surrexit, & facto silencio, regnum *Ierosolomitana* de jure uxoris suæ sororis *Sibilla* reginæ quæ sine prole decessit, sibi petiit liberari. *Guido* de *Lezinan* petebat idem regnum de *Ierusalem* sicut ille rex inde extiterat, & in nullo deliquerat quare illud amittere deberet. Et uterque illorum posuit se in concilio & judicio regum *Francia & Anglia* prædictorum. Tunc rex *Francorum* eidem *Conrado* Marchioni favorem propensius accommodans, partem *Guidonis* qui regnum Christianum ut dicit prodiderat & etiam perdiderat, nititur infirmare, & dictum Marchionem qui civitatem *Tyri* & reliquias Christianæ religionis saltim parvas salvavit, aptiorem ad regnum, ut prius, corditer pronunciavit. Rex vero *Anglorum* non adquevit, sed partem *Guidonis Aquitannici* scilicet hominis, cujus tota propinquitas sub rege *Anglorum* vigeat, aptiorem protinus judicavit, pro eo sic allegans. Regnum, inquit, Christianum perdidit sed non prodidit, proditusque simul ipse cum regno à suis in manus hostium traditus est, & Deo demum propicio liberatur: aut ergo culpa ejus in hac parte declaretur, aut ei prærogativa qua nudari non meruit servetur. Et quamvis rex *Francia* ægre tulit sententiam suam à rege *Anglia* non approbari sed potius infirmari, demum tamen de consensu dictorum regum, & concilio, & judicio archiepiscoporum, episcoporum, & aliorum exercitus magnatum ibidem præsentium, pax & finalis concordia in hunc modum inter eos facta est.

Viceffima octava die mensis Julii reges *Francia & Anglia*, & omnes principes exercitus ad palacium in quo rex *Anglia* erat hospitatus conveniunt, præsentibus cum illis dictis *Guidone & Conrado* ad suum judicium audiendum. Inprimis prædicti *Guido & Conradus* juraverunt se regum judicium inconcussè prout instituerent observare. Deinde reges prædicti cum toto exercitu regnum *Ierosolomitana* dicto *Guidoni* adjudicarunt, ita quod quamvis uxorem duceret & filios & filias generaret, in regno tamen illo nullam clamare poterunt hæreditatem. Sed post ejus decessum, si prædictus *Conradus* & uxor ejus soror *Sibilla* reginæ eum supervixerint, in regnum ei libere succedent, & hæredes eorum sequantur, sceptrum illud jure hæreditario possidentes, cunctis interim terræ *Ierusalem* redditibus inter dictos regem *Guidonem & Conradum* quamdiu vixerint dividendis. Et *Gaufridus* de *Lezinan* frater regis *Guidonis* comitatum de *Joppen*, id est, de *Japhes*, & *Casaream* sibi & hæredibus suis possidebit per servitium regi *Ierusalem* solitum & debitum semper inde faciendum. Similiter prædictus *Conradus*, *Tyrum*, *Sydonem*, & *Baruth* sibi & hæredibus suis jure hæreditario possidebit, semper inde servitium regi *Ierusalem* solitum & debitum faciendo. Hæc omnia firmiter & inconcussè bona fide & sine malo ingenio tenenda, uterque illorum, scilicet *Guido* rex & *Conradus* Marchio, corporale præstitit sacramentum.

Tricesima die mensis Julii *Philippus* rex *Francia*, omnibus quæ in civitate *Acra* adquisierat, *Conrado* Marchioni

Marchioni datis, contra consilium & principum suorum voluntatem iterum licenciam revertendi ad patriam suam à rege *Anglie* quæsit. Qua optenta, juravit ipse rex *Francia* tactis sacrosanctis evangeliiis, quod dampnum regi *Anglie* nec terris nec hominibus suis quæreret neque faceret, nec ab aliquo pro posse suo fieri permetteret, sed homines & terras illius secundum posse suum ab hostium invasione defenderet, & bene & pacifice custodiret & defenderet sicut vellet civitatem suam *Parisius* defendere & custodire, si aliquis eam invadere præsumeret. Deinde rex *Francia*, *Hugonem* ducem *Burgundia*, principem sui exercitus sub rege *Anglie* constituit; *Raimundo* principi *Antiochia* C. milites & D. armigeros tradens ad urbem suam *Antiochia* contra paganos defendendam. Similiter rex *Anglia* dedit eidem principi *Antiochia* quinque magnas naves, equis, armis, & victualibus onustas, & C. milites & quingentos servientes ad terram suam defendendam sibi etiam assignavit, & dedit unicuique eorum vadia sua & liberationem ab illo die usque ad proximum pascha sequens.

xxxj. die mensis Julii rex *Francia* omnibus paganis in urbe *Acra* jam captis, inter se & regem *Anglie* partitis, *Manasserum* episcopum de *Leugris*, *Reginaldum Carnotensem* episcopum & *Petrum* comitem de *Nivers* secum assumens, *Tyrum* abiit, *Karacois* & aliis paganis sibi contingentibus secum abductis. Et cum inde recessisset, illos custodiendos *Conrado* tradidit Marchioni. Licet insuper à captione five redditione urbis per istum supradictum processum non videtur nec inferitur, quod reges longe ab urbe recesserunt, vel super paganos in terra equitarunt, in cronicis tamen religiosa domus de *Wiseburn* legitur, quod urbe capta five reddita, regibus per dies aliquot in eadem morantibus, fames valida in exercitu Christiano facta est, propter quod, communicato consilio, reges inter se bono zelo totum diviserunt exercitum Christianum, ut contra crucis Christi inimicos procederent bipartite. Extunc rex quidem *Francia* cum suo exercitu divertit se per unam diatram à civitate ad quoddam castrum fortissimum obsidendum, petulanter dicens, quod non nisi castro expugnato vel reddito obsidionem relinqueret; Rex autem *Anglia* ex altera parte cum suis incedens & igne ferroque viam sibi pandens, per octo diatras omnia pro libito complanavit. Audiensq; quod rex *Francorum* adhuc in obsidione illius castri nichil proficiendo maneret, suis ait, Si rex *Francia* & ego longe fuerimus ab invicem seperati, veniet forte *Saladinus*, qui modo exercitum timet conglobatum, & in partem irruet seperatam, si aliquo modo nocere posset vel viribus prævalere. Melius est ergo ut ad eum revertamur, & castro expugnato poterimus conjuncti tunc incedere vel divisim. Et cum ibidem declinaturus esset, de festino ejus adventu & laudabili expeditione & quomodo in modico tempore viriliter agens magna exercuit, regi *Francia* nunciatur. Qui accitis suis ait, Ecce rex *Ricardus* adest qui hucusque strenue agens prosperatus est; & nos licet multi sumus parum tamen profecimus; si manserimus hic & in præsentia sua deditum fuerit castrum vel expugnatum, non nobis sed sibi omnis laus & gloria tribuetur. Ad civitatem ergo *Tholomaidam* revertamur, & cum venerit faciat ipse quod poterit. Quod factum est.

Cumque rex *Ricardus* venisset, & hoc didicisset

oravit ad Dominum, sic dicens, » O bone Jhesu pro » cujus amore iter istud assumpsi, ut sanguinem tuum » pro redemptione Christiani nominis effusum sit » hostes tuos pro posse vindicarem, adjuva me si » placet in præsentis istius castri expugnatione, ita » quod tibi & nomini tuo laus & honor ascribatur. Et convocatis suis ait, » Ecce quomodo reliquit nos » rex *Francorum* animi invidia se contaminatum ipso » facto declarans, & infecto negotio nomen vecordia in suo recessu nomini imprimens Christiano. » Erigimini ergo in Christianorum laudem, & viriliter agite pro Christo & nomine vestro, quia ex » hinc non recedemus nisi potenter expugnemur, vel » nobis magnifice reddatur. Erectis ergo cito machinistis inde tela prociunt, grandeque prælium est confertum. Obsessi vero viri strenuissimi nichil sibi timentes, eo quod Christianis non erat introitus nisi per unam viam valde arctam, apertis januis quinquaginta armatos emisserunt qui pompaticè starent, & si forte aliqui ingressum attemptarent, eis extrema sorte illuderent. Quod cum videret rex *Ricardus* effremuit & impetum animi retinere non valens, stimulat dextrario in eos continuo irruit & nunc hos nunc illos hinc inde cadens, demum portam ingressus est, & concurrentibus cæteris paganis omnes quasi in eum irruerunt, equum suum ex difficili perimentes. Moxque clamor ingens in exercitu factus est. Corruit rex & mortuus est. Alii autem dicunt, Ingrediamur & cum ipso moriamur! statimque relictis viribus viri potentes animosè ingressi, regem in aula invenerunt, non quidem edentem vel bibentem sed cum bipenni strenuissime pugnantes. Interfectis vero fere omnibus pauci admodum reservantur, de quibus in signum victoriæ *Ricardus* rex tres de nobilioribus ad regem *Francia* destinavit. Quos cum ipse recepisset, indignatus est, tamen dissimulavit.

Audiens ista *Saladinus* nuncium ad reges misit qui sic in dolo eis diceret: » Dominus meus de Jhesu » vestro quem predicatis & colitis multa bona jam » audivit, & spem certam in eo concepit, quod si » cur vos estis modo, sic & ipse erit legis suæ cultor » & prædicator, unde treugas postulat septennales, » infra quas cum suis deliberare possit, & de lege » vestra instrui & plenius informati, & si propositum suum continuaverit ipse Deus, absque majori » sanguinis effusione effici poterit Christianus. Et rex *Francorum* statim ad hæc respondit. » Pax fere » præ foribus est, & qui mensuram respuit frequenter decipitur. Rex vero *Anglorum* in parte gravatus subintulit indilate. » Heu heu quod ab ore » Christiano & maxime regio unquam ex promisso » pagani in specie fallibili exire debuit verbum tale! » Nos enim quærimus & petimus terram patris nostri Jhesu Christi, ubi pro nobis natus, passus, mortuus & sepultus est, in qua suo preciosissimo sanguine nos redemit, & pro nostra omniumque salute pependit. Quam quidem terram hæreditatem utique nostram quia à Christo Christiani, isti hostes pessimi de manibus fratrum nostrorum Christianorum violenter eripuerunt. Hanc ergo si nobis reddere & restituere noluerint, eamus, & propositum pro quo crucem assumpsimus, faciamus, & sicut Christus pro nobis mortuus est, sic & nos pro Christo si necesse fuerit moriamur. Hæc autem & similia dicens, vota & mentes singulorum contra paganum populum excitabat, & sic in ipso negotio præ-

prædictum nuncium quasi vacuum unanimiter remiserunt; unde exinde rex *Francia* ut dictum est studuit repatriare. Quo ab urbe ut prædicitur recedente, rex *Ricardus* prima die mensis Augusti, secunda et tertia habito cum principibus exercitus consilio perariisque omnibus cum aliis machinis suis bellicis in scaphis positis, omnes naves suas fecit frumento, vino et oleo et aliis quæ erant hominibus et equis necessaria, onerare. Et facto edicto, ut omnes parati essent cum equis et armis sequi eum *Ascalonam* ut dicebat iturum.

Quarta die mensis Augusti cunctis exercitus sagittariis coram eo congregatis stipendia bona dedit, quorum multitudo tanta erat quod timor *Saladinum* & ejus exercitum apprehendit. Quinta die mensis Augusti rex *Anglie* de consilio Principum exercitus, *Hubertum* filium *Walteri* Episcopum *Sarishiriensem* ad civitatem *Tyri* misit propter paganos quos rex *Francia* secum adduxerat reducendos, dies enim peremptorius appropinquabat, in quo ipsi perficere debebant conventionem, quam pro vita & membris habendis cum regibus *Francia* & *Anglie* fecerant, quando urbem & se eis reddiderunt, quia pax fieri non potuit sine illis. Qui cum *Tyrum* venisset, regem *Francia* qui tertia die præcedenti inde recesserat, & in custodia *Conradi* prædictos paganos ibi dimiserat, non inveniens, causam sui adventus *Conrado* protinus nunciavit, petens ex parte regis *Anglie* & principum exercitus, quod ipse cum festinatione *Karracois* & omnibus cæteris paganis secum adductis ad regem *Anglie* adveniret. Cui *Conradus* respondens ait, Rex *Anglie* nullum michi tradidit, nec ego ad illum ibo, nec eciam paganum aliquem sibi mittam. Sexta die mensis Augusti episcopus *Sarishiriensis* moram apud *Tyrum* in legatione sua faciens, & deinde postera die *Acon* veniens, primum secreto, postea cunctis principibus exercitus audientibus, omnia quæ à dicto *Conrado* audierat & viderat regi *Anglie* enarravit. Unde rex principibus, propter hoc valde indignatus, ait: Eamus & in perjurum illum factas nobis injurias vindicemus, & ab eo civitatem *Tyrum* fortiter auferamus, quia certus sum quod ea quæ facit non facit per regem. Cumque *Hugo* dux *Burgundie* cor regis *Anglie* ita inflammatus, & principes exercitus dictis ejus assensum præbentes vidisset, ait: Sustinete parumper & me dimittite illuc ire, & nisi ego eos adduxero, quod vobis placuerit faciatis. Placuit regi & cunctis audientibus sermo iste.

Octava igitur die mensis Augusti, dux *Burgundie*, assumptis secum *Roberto Beluacensi* episcopo, & *Guidone de Dapere*, & *Willielmo de Merlon* familiaribus dicti *Conradi*, ac eciam *Roberto de Quincy* ex parte regis *Anglie* eis associato, *Tyrum* eodem die velociter profectus est. Nona die mensis Augusti feria vj. erat primus dies peremptorius in qua Crux sancta & supradicti Christiani milites & fervientes cum ducentis milibus bizanciorum regi *Anglie* reddi debuerant, & *Saladinus* omnes paganos suos in *Acon* captos recipere debebat. Sed quia illi quos rex *Francia* usque *Tyrum* secum abduxerat, nondum venerant, alius dies peremptorius post illum usque in diem undecimum est statutus. Decima et undecima die mensis Augusti dux *Burgundie* et qui cum eo missi fuerant, moram cum *Conrado* apud *Tyrum* facientes, duodecimo die mensis ejusdem,

Acon redierunt, *Karracois* et cæteris paganis pro quibus ierant, secum adductis. Eodem die rex *Anglie* et multi cum eo exteriora fossata exierunt ad loquendum cum *Thekedino* fratre *Saladini* qui pacem inter eos facere conabatur. Unde ipso *Thekedino* non veniente nec nuncium mittente, rex plurimum iratus ait, Quod nunquam pacifice cum illis de cætero loqueretur.

Tercia decima die mensis Augusti misit rex *Anglia* nuncium *Saladino*, mandans se paratum esse tenere omnem conventionem quam fecerat cum paganis quos in urbe *Acon* ceperat, si ipse ea reddiderit quæ pro eis promiserat; sin autem, pro certo sciret, quod omnia paganorum capita amputaret. Cui *Saladinus* respondit, Si tu meorum paganorum capita amputaveris, ego tuorum Christianorum capita amputabo. Vigilia beatæ *Mariæ* matris Domini, quæ xiiij. die mensis Augusti feria iij. eo anno evenit, rex *Anglia* tentoriis prope exercitum *Saladini* fixis, exteriora exivit fossata, præcipiens ut omnes eum sequerentur. Sed pauci eum propter equorum & aliorum quorundam inopiam sunt secuti. Quintadecima die mensis Augusti festo Assumptionis beatæ *Mariæ* rege *Anglia* moram in tentoriis faciente, iterum commune ab eo exiit edictum, ut omnis eum exercitus sequeretur; Unde multis præceptis suis parentibus, major pars exercitus contra eum murmuravit, dicens, Durus est hic sermo, Nos pauperes sumus & non habemus quid manducemus aut bibamus, neque vestes quibus operiamur, neque equos in quibus ascendamus, Ipse enim nichil nobis dat, Quomodo ergo poterimus eum sequi? Unde quidam malo exemplo regis *Francia*, quidam voluntarii & inbecilles, quidam eciam depauperati necessario repatriabant. Quod audiens rex *Anglia* proprios aperuit thesauros, et pauperum misertus inopia, universis quod necessarium fuit dedit, & multos nobiles profusis sumptibus retinuit; inter quos de imperio *Theutonico* *Limpoldus* dux *Austriæ* unus fuit, qui postea beneficii inmemor, regem venientem à *Siria* captivavit.

Eodem die nuncii *Saladini* ad regem *Anglia* cum muneribus preciosis sapius ibant & revertebantur, cum prece humiliter postulantes, quod dies sententiæ quam ipse paganis constituerat prolongaretur. At rex *Anglia* munera illorum spernens juravit, quod diem sententiæ nullatenus prolongaret. Nuncii tamen *Saladini* penes regem *Anglia* tantum supplicarunt, quod ad colloquium inter ipsum & *Saladinum* in crastino veniret. In crastino scilicet xvj. die mensis Augusti *Saladino* ad locum pro colloquio ordinatum non veniente nec nuncium pro eo illuc mittente, rex *Anglia* cum venisset multum de hoc admirans, nuncios ad eum misit, inquirens quare ad colloquium non venisset. Quibus *Saladinus*, Non veni, inquit, quia conventionem factam minime potui adimplere. In crastino xvij. die mensis Augusti Sabbato clerici *Acon* civitatis sibi episcopum elegerunt. Die xvij. mensis Augusti in die dominica *Saladinus* fecit omnium Christianorum captivorum capita amputari quos debuerat in redemptionem reddere paganorum. Eodem die rex *Anglia* removit exercitum suum, et tentoriis suis propius exercitui *Saladini* fixis, congressum cum eo et gente sua fecit. In quo ex utraque parte multis vulneratis et necatis *Petrus Minnot* regis *Anglie* familiaris cecidit interfectus. Nonodecimo die Augusti

gusti cum rex *Anglia* necem Christianorum quos *Saladinus* interfecerat audisset, doluit vehementer, et tamen noluit diem preemtorium anticipare quem statuerat in paganos.

Vicesima die mensis Augusti feria tertia xiiij. kal. Septembris *Ricardus* rex *Anglia* fecit omnes paganos qui eum contingebant ante exercitum *Saladini* ducere, et in conspectu omnium, eorum capita amputare. Dux vero *Burgundia* fecit decapitari infra muros urbis et extra prope civitatem omnes paganos qui dominium suum regem *Francia* contingebant. Mortuis sic paganis et evisceratis, felleque eorum refecato, et ului medicinali reservato, bizantia multa auri Christiani in eorum corporibus invenerunt. At rex *Anglia* noluit interficere *Mestok* qui erat Admiraldus de *Roais*, et Constabularius de *Scalona* et *Ierusalem*, nec *Carracois* qui erat *Saladini* summus constabularius et eunuchus, hii enim duo *Ierusalem* et *Scalona* pro vita et menbris regi se promiserant reddituros. Noluit etiam rex interficere *Helsidin* filium *Kalan*, neque *Helsidin Iordic* admiralem de *Halapa*, neque *Passabar* constabularium *Achon*, neque *Hakedin* qui erat scriptor in *Achon*, neque *Camardok* thesaurarium armorum *Achon*. Nam omnes hii pro vita et menbris pecuniam multam regi et magna Christiani auxilia promittebant. In crastino vicesima prima die mensis Augusti post necem paganorum rex *Anglia*, *Bertrando Verdon*, et *Stephano de Munchanis* fratri *Eliensis* episcopi in custodia *Achon* tradidit civitatem, et ibi uxore sua *Berengera*, et sorore sua *Iohanna* regina *Sicilie* et filia imperatoris *Isaac* de *Cipro* dimissis, alios constituit custodes qui eas et thesauros suos cum dictis urbis custodibus custodirent.

Vicesima secunda die mensis Augusti feria v. rex *Anglia* fluvium *Acre* cum suo exercitu pertransivit, & inter fluvium illum et mare prope litus maris tentoriis suis inter *Achon* et castellum *Caiphas* fixis, moram ibidem per tres dies fecit. Deinde cum exercitu suo secus litus versus *Joppen* perrexit, navibus suis cum victualibus et machinis bellicis juxta eum velificantibus, ut cum necesse esset ad naves recuperare posset. *Saladinus* autem cum immenso exercitu per montana à sinistris exercitus regis ibat, non longe semper ab eo insidiantes die et nocte, ut oportunitatem haberet congregiendi cum Christianis vel illorum vias aliter impediret; et sic mira calliditate cum potuit extrema exercitus Christiani agmina trucidavit. Mense autem Septembris tertia die post exaltationem sanctæ Crucis, cum rex *Cæsarea* appropinquasset, et ad fluvium qui dicitur fluvius *Cæsarea* venisset, *Saladinus* et exercitum ejus magnum ibi invenit, qui fluvium undique occupaverat, & ad impedimentum viæ tentoria sua fixerat. Videns itaque rex *Ricardus* quod Christiani & eorum pecora illa nocte fiti perirent si haustus aquæ illis negaretur, vel quod si pedem retraherent, omnes per paganos qui eos ita circumdederant interficerentur, exercitum suum per turmas statim divisit, & gentem paganam percutere jussit, ac contra inimicos crucis Christi eos pugnare viriliter hortabatur. Et in prima cohorte erat *Jacobus de Avenois* miles fide catholicus & militari probitate strenuus; qui prælio gravi commisso cum cohorte sua primum impetum in paganos faciens, eos bis viriliter penetravit, multos

ad extremam mortis sortem ducendo; tertia autem vice tibia cum pede sibi abscisa ad mortem vulneratus ad regem *Ricardum* clamabat dicens, « O bone rex *Ricarde* vindica mortem meam. Et re-
sumptis viribus quemdam percussit *Saracenum* qui in spiritu corruit vehementi, moxque aggravantibus in eum *Turcis*, abscisa ei dextra cum multis occumbere fecisset, ipse pro dolor! in ipso conflictu occubuit, & cum multis *Christianis* in illa turba occisis in *Christo* domino obdormivit.

Post illam cohortem venit illa cohors in qua erat rex *Ricardus*, qui per medium paganorum transiens, maximam ex obstantibus fecit stragem, & fluvio per se & suos a paganis liberato, ipsum transivit, & utramque ripam optinuit, multis eum sine impedimento sequentibus *Christianis*. Ultimam vero *Christianorum* cohortem quam *Hugo* dux *Burgundia* & *Templarii* regebant, *Saladinus* & major ac fortior pars exercitus ejus obsederant, & undique crudelissime invaserant, & maximam jam partem illorum *Christianorum* occiderant. Rex *Anglia* *Ricardus* qui longe præerat clamorem eorum & gemitum *Christianorum* morientium audiens, cum festinatione in illorum auxilium est reversus. Et impetu in paganos facto, obviantem ei *Saladinum* militem quidem strenuissimum cum equo suo in terram cum lancea penitus prostravit. Sed pro dolor! non ad mortem. Et cum ipse rex strenue agens ad alios se diverteret, *Saladinus* recuperato dextrario fugit, sed agre. Quod videntes sui, mox & ipsi terga vertentes in fugam lapsi sunt, quos Christiani in ore gladii sunt secuti. Et cum die illa plusquam xl. milia illorum interfecerant, ad fluvium sunt reversi. Inde vero nostri profecti sunt usque *Joppen*; quam *Saraceni* cum adventum regis *Anglia* audissent muros & munitiones illius in quantum tanto tempore poterant subverterunt, & illam bonis omnibus vacuum dimiserunt: ubi rex *Ricardus* adveniens & oportunitatem loci videns, eandem totis cepit viribus instaurare; & statim post, *Escalona* disposuit obpugnare. Quod audiens *Saladinus*, illico eam subvertit; urbes quoque reliquas & terræ illius castella præter civitatem sanctam *Ierusalem* & munitiones paucissimas complanavit; & totam provinciam bonis omnibus abarsis quasi inutilem & vacuum reliquit hostibus indefensam.

Et cum rex *Ricardus* urbium illarum desolationem vidisset, eas reedificare studuit, & ad civitatem *Achon* regressus mensas nummulariorum subvertit, & circiter xx. milia hominum *Christianorum* ibi elegit quos secum ad præfatas urbes desolatas reduxit, & ex illis *Joppen* & *Cæsaream* reedificare cepit.

Interim *Philippus* rex *Francia* imperfecta peregrinatione sua à terra *Jerosolimitana*, ut supradictum est, recedens cum xiiij. galeis transitum fecit ante civitatem de *Baruth* quæ tunc in manu fuerat paganorum. Deinde venit ante *Gibelet* civitatem & ante *Buterum* & *Neffin* castella. Deinde venit ad urbem *Tripolis*, ubi per dies aliquot moram fecit. Et cum inde recessisset, venit ante castellum de *Archis*, & ante castellum album. Deinde ante *Leculiat* castellum *Hospitalis*, deinde ante *Tracnsam* civitatem quæ est in insula maris quæ dicitur *Ardeos*; unde *Tracnsa* dicitur civitas *An-
taradenfis*

taradensis civitas episcopalis. Deinde venit ad *Mauraclaye* portum bonum, & inde recedens ante *Margat* castellum Hospitalis transivit. Deinde ad *Valenam* civitatem episcopalem venit, & postea ad civitatem episcopalem quæ dicitur *Gibel*; deinde ad urbem *Melidam*; deinde ad portum sancti *Simeonis*; deinde ad civitatem *Antiochenam*. Et inde recedens per portum *Bunel*, & per portum *Alexandria*, intravit terram *Erminiorum* quæ dicitur *Erminia*, & est terra *Rupini de la Mountayne*. Deinde venit ad fluvium qui dicitur *Tyl*, & est ibi civitas bona super fluvium illum qui similiter dicitur *Tyl*. Et inde venit ad fluvium magnum qui dicitur *Turche*, & ibi est civitas magna deserta super fluvium qui etiam dicitur *Turche*. Deinde venit ad tertium magnum fluvium qui dicitur *Salef*, & ibi est civitas super fluvium quæ dicitur *Salef*. In isto fluvio *Salef* submersus est *Fredericus Romanorum* imperator cum exiret de terra *Soldani de Yconio*. Et sciendum est quod à finibus illis venerunt illi tres reges, scilicet *Jaspar*, *Baltasar*, & *Melchior*, qui domino nostro *Ihesu Christo* munera optulerunt, quorum unus erat rex de insula *Salef*, & alter rex de *Malunstre*, & tertius erat rex de *Terzeil*, id est, *Tharsis*, unde dicitur in Psalmo, *Reges Tharsis & insule munera offerent*, &c. Et notandum quod hii tres fluvii, scilicet *Salef*, *Turche*, & *Tyl*, oriuntur in *Turkia* quæ dicitur terra *Turcorum* qui sunt homines *Soldani de Yconio*; & dividunt terram *Turcorum* à terra *Rupini de la Mountayne*, & descendunt in gulphum *Satalia*. Et *Salef* fluvius appositus est insulæ de *Cypre*, quæ non distat ab ea plusquam quinquaginta miliaria ad æstimationem nautarum, facile enim de una ripa in alteram videtur.

Et cum rex *Francia* à *Salef* fluvio recessisset, transivit juxta montes excelsos qui dicuntur *Carmentes*. Deinde transivit ad castellum quod dicitur *Nessekin*. Deinde venit ad villam bonam quæ dicitur *Stamere*, in qua *Griffonum* est nobilis abbatia. Deinde transivit ante castellum desertum quod dicitur castellum de *Roto*. Deinde venit ad fluvium qui dicitur *Scalandros*, fluvius ille dividit terram *Erminiorum* quæ est terra *Rupini de la Mountayne* à terra imperatoris *Constantinopolitani*; & ibi ex una parte illius fluvii in terra dicti *Rupini* secus mare est castellum quod dicitur *Tfanci*, & ex altera parte illius fluvii in terra imperatoris *Constantinopolitani*, est castellum quod dicitur *Antiochet*. Cumque rex *Francia* illuc venisset, *Constantinus* qui tunc erat dominus illius castri, ipsum cum gaudio suscipiens ei necessaria ministrabat; apud quem rex *Francia* per viij. dies moram faciens, filium prædicti *Constantini* primogenitum militari cingulo decoravit. Et sciendum est quod à fluvio illo qui dicitur *Scalandros*, tota terra quæ est secus mare versus septentrionem est terra imperatoris *Constantinopolitani*, & dicitur *Rumania*, idem est quod *Gracia*.

Et cum rex *Francia* recessisset ab *Antiochet*, statim intravit gulphum *Satalia*. Gulphus dicitur ubi aqua protenditur inter duas terras & sinum facit. *Satalia* castellum est optimum, unde gulfus ille nomen accepit. Et super gulphum illum sunt duo castella & villæ, & utraque dicitur *Satalia*. Sed unum eorum est desertum per piratas destructum, & dicitur vetus *Satalia*, & alterum nova *Satalia*.

dicitur, quod *Manuel* imperator *Constantinopolitanus* firmavit. Transitoque gulfo *Satalia*, rex *Francia* transivit cum galeis suis sub monte qui dicitur *Syredone* in fine gulfi *Satalia*. Deinde transivit per montem excelsum valde qui dicitur *Reswich*. Deinde venit ad fluvium qui dicitur *Wynke*, super quem est castellum per piratas destructum quod dicitur *Reswich*, & fluvius ille dicitur portus *Pisanorum*, eo quod *Pisani* portum illum piratæ sæpius frequentant. Et contigit quod cum rex *Francia* perinde transisset, invenit ibi quatuor galeas piratarum qui multa mala fecerant *Christianis*; quibus galeis per regem captis, piratæ in montana fugientes, mortem relictis galeis evaserunt. Deinde venit rex ad *Mirream* civitatem, ubi beatus *Nicholaus* episcopatum tenuit, quæ Græce dicitur *Stamure*. Deinde venit ad portum bonum & in omni tempestate & vento securum, qui dicitur *Crachous*. Et ex utraque parte portus illius pulcræ fuerunt antiquitus civitates, quæ dicebantur *Cake* & *Rime*, & magnæ usque in hodiernum diem apparent, & nemo in eis propter metum habitat piratarum. Deinde transivit per insulas de *Tse*, in quarum una est castellum quod dicitur *Rugecastell*. Ibi mansit jamdudum quædam puella quæ *Tse* vocabatur, à cuius nomine insulæ illæ nomen acceperunt.

Indigenæ quidem ibi narrant, quod quidam miles puellam illam dilexit, quæ sibi quamdiu vixit noluit consentire. Qua defuncta, miles accessit ad eam & cum ea concubuit, dicens, Quod cum viva facere non potui cum mortua feci. Cui illa dicitur respondisse, Ecce filium in me genuisti, & cum tempus pariendi advenerit, ego afferam filium tuum tibi. Et post novem menses, cum tempus pariendi instaret, peperit filium sed abortivum, quem portans ad militem ait, Ecce filius tuus quem genuisti, abscede caput ejus & illud tibi reserva. Quandocumque enim volueris inimicum tuum vincere, vel terram ejus destruere, vultus capitis abscepsi discooperiatur, & convertetur versus inimicum tuum & terram ejus, & statim ipse & terra ejus peribunt. Et cum cessare volueris, recooperiatur caput, & tribulatio cessabit. Et factum est ita. Quemcumque enim destruere volebat, illo modo ipse destruxit. Post multum vero temporis miles ille duxit uxorem, quæ sæpius eum interrogavit, qua arte vel ingenio omnes inimicos suos sine armis & exercitu ita faciliter destruebat. Ille autem ei dicere noluit, sed increpando jussit ut taceret. Et quanto plus ipse eam increpabat, tanto plus illa anxiebatur ut sciret. Contigit ergo quadam die dum miles abesset, & ipsa cum solis puellis suis in secretiori thalamo esset, ad archam accessit in qua sperabat illud secretum domini sui esse, per quod ipse ita inique operabatur, & in archa illud detestabile caput invenit; quod statim in gulpho *Satalia* projecit. Et dicitur quod quandocumque caput illud resupinum est, gulfus ille adeo commoveatur quod nulla navis illum transire potest. Et quando caput illud supinum jacet, tranquillitas magna fit in illo gulfo. Est & aliud mirabile, quod unoquoque mense anni semel in gulfo *Satalia* contigit; videtur enim quod draco magnus & niger in nubibus veniat, & caput suum in undis mittat, & cauda ejus videtur quod sit celo infixæ; & draco ille undas hauriendo cum tanta aviditate ad se attrahit, quod si navis aliqua licet onusta viris vel quibuslibet

quibuslibet aliis ponderosis propter haustum illum fuerit, tamen hauritur & deferitur in sublime: volentes autem hoc periculum evitare, oportet ut cum primo illud videant, tumultum & clamaciones altas ac sonitus magnos in tabulis percutientes faciant, ut cum draco ille tumultum & voces clamantium audiret, longe retrahit se ab eis. Quidam autem dicunt, quod hoc non est draco sed sol qui ad se attrahit aquas maris; quod plus verum videtur.

Deinde cum rex *Francia* ab insulis de *Yse* recessisset, transitum fecit per montem, in cuius summitate sita est *Patera* civitas in qua natus & diu conversatus fuit beatus *Nicholaus*. Inde transivit per montem valde excelsum, qui caput dicitur *Turkia*, quia hii qui de *Apulia* veniunt, & cursum suum in illa parte maris tenent & apropinquant *Turkia*, primo vident montem illum qui dicitur caput *Turkia*. Estque divisa inter terram imperatoris *Constantinopolitani* & terram *Soldani* de *Yconio*; & exinde incipit *Rumania* quæ dicitur *Gracia*.

Tota *Rumania* terra firma est, & est de dominio imperatoris *Constantinopolitani*. Et multæ insulæ sunt in mari *Græco* quæ dicuntur insulæ *Rumanie*. Caput *Rumanie* est civitas *Constantinopolis*, & *Rumania* jungitur *Sclavonia*, *Hungaria*, & *Histria*. In mari *Græco*, ut dictum est, sunt insulæ multæ, licet omnes in libro hoc non scribantur; nomina autem quarundam insularum principalium sunt hæc. Insula de *Creta*, quæ magna est & fertilis, & in medio huius insulæ videtur mons magnus qui dicitur mons *Carmeli*. Insula de *Rodes*. Insula de *Cipre*. Insula *Mil*. Insula *Hiscopie*. Insula *Hiski*, in qua copia crescit speciei quæ dicitur *Passik*. Insula *Ysanie*. Insula *Tnixea*. Insula *Stuple*. Insula *Cumfi*. Insula *Sersent*. Insula *Sasent*. Insula quæ dicitur *Fale de Campar*. Insula *Andra*. Insula *Tyne*. Sed in multis Insularum istarum nemo propter metum habitat piratarum. In quibusdam etiam illarum habitant piratæ. Sunt & aliæ insulæ in mari *Græco* quæ hic non scribuntur.

Deinde cum rex *Francia* caput *Turkia* transisset, pervenit inde usque in insulam de *Rodes*, & mansit ibi per aliquot dies in civitate quæ dicitur *Rodes*, quam *Herodes* qui caput sancti *Johannis Baptiste* amputari fecit ædificavit. Inde transivit ad civitatem quæ dicitur *Niniven*, quæ est in ipsa insula de *Rodes*. Et inter insulam de *Rodes* & *Rumaniam* est mare latum per xx. miliaria ad æstimationem nautarum. Et cum perventum fuerit ad insulam de *Rodes*, præteritur tertia pars viæ maris inter *Achon* & *Brundisium*, & M. DC. miliaria computantur inter *Achon* & *Brundisium*. Et inter *Marfiliam* & insulam *Sicilie* M. DC. miliaria computantur. Et insula *Sarden* est in medio viæ inter *Marfiliam* & *Siciliam*. Et inter *Siciliam* & *Achon* M. DC. miliaria computantur. Et insula de *Creta* est in medio viæ inter *Siciliam* & *Achon*. Et sciendum est, quod si prosper ventus fuerit navigantibus à *Marfilia* versus *Achon*, dimittent insulam de *Sardena*, *Siciliam*, & *Cretam* à sinistris navigii, ita longe quod nullam illarum videre possint, via autem illa gravior est sed securior. Sed videant ne nimis se trahant in dexteram partem na-

vigii propter gentes barbaras, & alias insulas in quibus pagani habitant. Sed galeæ non audent nec possunt viam illam ire, quia si tempestas supervenerit, de facili demergentur, & ideo oportet ire semper juxta terram nisi fiat serenum valde. Et qui voluerit transire à capite *Turkia* per costeram *Rumania*, transibit usque ad montem excelsum qui dicitur *Sersent*; & ad montem illum incipit *Brachium* sancti *Georgii*, per quod navigatur usque ad *Constantinopolim*. Deinde est *Malveise* mons magnus. Deinde caput *Meliæ* mons magnus. Deinde gulfus de *Witun*; & super gulfum illum est castellum bonum & forte quod dicitur *Maine*, & gens mala ibi est. Et super gulfum illum est civitas episcopalis quæ dicitur *Curun*; & ibi crescit copia olivarum, adeo quod dicitur, quod in toto mundo non est locus ubi habetur tanta copia olei olivarum. In exitu autem ejusdem gulfus de *Witun* est civitas episcopalis antiqua & nunc deserta quam *Rogerus* rex *Sicilie* destruxit, eo quod piratæ habitabant ibi, & dicebatur *Muszun*. Ante cuius introitum duæ sunt insulæ magnæ, quarum una *Sapia*, altera insula *Vulturum* dicitur, eo quod ibi est copia vulturum. Deinde non longius à terra quam per xx. miliaria est quædam rupis periculosa in mari, rotunda, humilis, & sæpe operitur aqua maris, quæ dicitur *Triffar*, & inter rupim illam & *Muszun* L. miliaria computantur. Estque valde necessarium quod naves non elongent se nimis à terra, donec præterierint periculum illud. Deinde quasi per C. miliaria à rupe est insula quæ dicitur *Sersent* quæ est *Margariti*; & aliæ duæ insulæ ibi sunt, quarum una dicitur *Chefelme* & altera *Jagent*, & utraque est *Margariti*.

Deinde est portus *Wiscard* qui à nomine cuiusdam *Roberti Wiscard* sic vocatur. Iste *Robertus Wiscard* fuit natione *Normannus*, & diu in curia *Willielmi Rusi* regis *Anglie* conversatus, qui licet probus & de familia regis esset, tamen pauper erat, & nullam ditandi gratiam apud eum invenit. Unde natale solum deferens, *Romam* peciit, & à papa licentiam accepit nationes sibi barbaras subjugare. Magna igitur virorum multitudine stipatus, ipse & *Rogerus* frater suus in *Apuliam* venerunt. Quam terram bonam & fertilem videntes, & homines illius *Griffones* armis indoctos demum vincentes, totam *Apuliam* & *Calabriam* cum principatu *Capue* de imperatoris *Romani* potestate sibi viriliter subjugarunt. Sed dictus *Robertus* ad majora adhuc anelans, *Apuliam*, *Calabriam*, & *Capuam* cum principatu *Tancredo* filio suo dedit, & parare naves & galeas sibi fecit, jactans quod sibi *Constantinopolitanum* imperium subjugaret, necessarii itineri suis paratis, naves cum uxore sua, & viris armatis & bellicosis intrans, insulas scilicet *Cretam*, *Cunfu*, *Rodes*, & alias multas sibi infra triennium subjugavit; pervenitque ad dictum portum qui nunc nomine suo portus *Wiscard* nuncupatur. Quem ulterius in *Rumaniam* progredere volentem, uxor sua per humile mandatum *Alexis* imperatoris *Constantinopolitani* ipsam in uxorem ducere & imperatricem facere promittentis, veneno extinxit, qui ibidem in insula quæ usque in hodiernum diem dicitur portus *Wiscardi* sepultus fuit. Et sic dicto *Roberto* per uxorem suam venenato, & toto suo exercitu dissipato, illa ad dictum imperatorem fugit. Qui postquam omnem conventionem sibi promissam

fam impleverat, prodicionem quam viro suo fecerat patefecit: Judicium de ea quærens à suis magnatibus & viris doctis. Qui omnes eam ream mortis judicarunt, unde rogo accenso protinus cremata est. De isto *Roberto Wiscard*, & *Rogero* fratre suo, & eorum successoribus, quære superius tempore regis *Henrici* primi filii *Willielmi* Conquestoris, ubi de eis plenius est notatum.

Sequitur cum rex *Francia* insulam de *Rodes* præterisset, usque in *Rumaniam* transivit, illamque in dexteram partem navigii habens, per montem magnum qui dicitur caput *Melia* pertransivit. Deinde venit in gulfo de *Witun* et transitum fecit per castellum quod dicitur *Manie*. Deinde venit in gulfo eodem ad urbem episcopalem quæ dicitur *Curun*, et deinde venit ad *Muszun* civitatem desertam quæ est in fine ejusdem gulfi. Deinde insulam de *Triffar* præteriens, venit ad insulas quarum una dicitur *Chefeline*, et altera *le Sale de Compar*, et illæ duæ insulæ dicuntur portus *Wiscardi*. Et prope exitum insulæ quæ dicitur *Sale de Compar* est villa parvula modo deserta, quam *Robertus Wiscard* ædificavit, qui ibidem ut prædicitur moriens, multo tempore jacuit ibi sepultus. Et in *Rumania* ex opposito est quædam insula quæ dicitur sanctus *Salvator*, & inter insulas illas piratarum habitationibus plenas est via navium satis periculosa, et in dextera parte navis sunt illæ insulæ dimittendæ.

Sequitur cum rex *Francia* à portu *Wiscard* recessisset, venit ad insulam de *Cunfu* quæ à portu *Wiscard* per C. miliaria distat. Et ad introitum insulæ de *Cunfu* in illa parte protenditur quædam harena à capite insulæ usque *Rumaniam* per medium introitus, & est ita alta, quod super harenam illam non habet mare plus profunditatis quam iij. ulnas & dimidiam. Insula autem de *Cunfu* magna est & fertilis, & reddit domino suo imperatori *Constantinopolitano* de annuo redditu quintallos auri purissimi quindecim annuatim. Et pondus quintalli est pondus centum librarum auri. In insula de *Cunfu* sunt civitates & castella multa & bona quæ per vj. miliaria à *Rumania* distat in illo loco ubicumque inter illam & *Rumaniam* latius fuerit. Sed antequam perventum fuerit ad exitum insulæ, via navium inter insulam illam & *Rumaniam* est ita stricta, quod homo ab una ripa in alteram audiri potest; et via illa satis periculosa est tum quia est tam stricta, tum quia eundem est per circumamfractus & diverticula, & dicuntur districtæ de insula de *Cunfu*. Et in insula de *Cunfu* non plusquam quinquaginta miliaria in longitudine, et ideo securius est insulam illam à dextris navigii dimittere, et per pelagus magnum ire. Et antequam perventum fuerit ex toto ad exitum illius insulæ, castellum desertum quod dicitur *Buteftoc* secus litus maris ex parte *Rumania* invenitur, in quo *Judas* proditor natus fuit. Et cum perventum fuerit in fauce maris fere ad exitum insulæ de *Cunfu* transeundum est ante quandam civitatem antiquam et desertam quæ dicitur *Caszope*, et stat secus litus maris in insula prædicta, in qua est tanta copia serpentum et aliorum venenosorum vermium, quod nemo ausus est prope illam applicare. Deinde est exitus ille de *Cunfu* quasi per tria miliaria distans à prædicta vermium civitate. Et in parte opposita super litus maris in *Rumania* est ci-

vitas deserta quæ dicitur sancta *Barentet*, et ibi est bonus portus, latus et profundus. Sed ad exitum illius portus in fauce maris est quædam rupis similis turri semiruptæ quæ stat in litore maris et protenditur non longe per medium portus sub undis, et occupat fere medietatem portus, et via navium non longe est à ripa insulæ de *Cunfu*. Et cum perventum fuerit in magnum pelagus tres insulæ sunt juxta insulam de *Cunfu*, quarum exterior dicitur *Fanum*. Deinde quasi per xl. miliaria ab insula de *Cunfu* est mons magnus in capite *Rumania* qui dicitur *Paxo*, et à monte illo usque *Oëtrente* civitatem episcopalem quæ est in *Apulia*, quinquaginta miliaria computantur. Et à monte illo usque ad civitatem archiepiscopalem quæ dicitur *Brundisium* centum miliaria computantur. Et à monte eciam illo incipit gulfus de *Venetia*, quæ habet in longitudine quinquaginta miliaria, et in latitudine C. miliaria. Eunt autem per gulfum illum ad *Venecias*, *Rumaniam*, *Sclavoniam*, et *Histriam* in dexteram partem illorum dimittent, et in parte sinistra *Apuliam*. In qua sunt portus, nomina quorum sunt hæc. Primo, portus qui dicitur *Lenke*: deinde portus qui dicitur *Oëtrente*: deinde portus de *Liche*: deinde portus de *Brundis*: deinde portus de *Monople*: deinde portus sancti *Nicholai de Bars*: deinde portus de *Trane*: deinde portus de *Barlet*: deinde portus de *Sipunt*: deinde portus de *Bestre*: deinde portus de *Tremule* qui est portus ultimus de *Apulia*: deinde est *Ortona* qui est primus portus de terra *Venecia*: deinde portus de *Acre*: deinde portus de *Bescare*: deinde portus de *Acune*: deinde portus de *Ravenne*: deinde est *Venetia* civitas nobilis et portus bonus.

Sequitur, rex *Francia* in insula de *Cunfu* moram trahens nunciis suis ad *Tancredum* regem *Sicilie* pro licentia habenda transeundi per terram suam missis, eorum ibidem reditum expectavit. Quibus demum ad regem *Francia* cum literis licentiæ transeundi reversis, rex *Francia* galeas suas statim ascendens apud civitatem episcopalem qui dicitur *Oëtrente* in *Apulia* applicuit feria vj. sexto idus Octobris. Et inde recedens per *la Liche*, et per *Brundisium* civitates archiepiscopales, et per villam quæ dicitur *le Pekle*, et per *Monople* civitatem archiepiscopalem transitum fecit, et inde per *Bars* civitatem archiepiscopalem, ubi sanctissimum et incorruptum corpus sancti *Nicholai Mirrea* civitatis episcopi requiescit. Et inde per *Trane* civitatem archiepiscopalem, et per *Barlet* burgum bonum, et per *Salpe* civitatem episcopalem et per villam quæ dicitur sanctus *Laurencius de Carinam*, et per *la Trine* civitatem episcopalem, et per villam quæ dicitur sanctus *Luitredus*. Ibi deficit *Apulia* et incipit terra *Laboris*. Et inde transitum fecit per *Beneventanum* civitatem archiepiscopalem, ubi requiescit corpus sancti *Bartholomæi* apostoli, et per *Maselune* civitatem episcopalem, et per *Capuam* civitatem archiepiscopalem, et per *Calve* civitatem episcopalem, et per *Tyane* civitatem episcopalem, et per *Caian* et *Mignan* castella, et per sanctum *Germanum* villam bonam quæ est ad pedem *Cassia* montis sita. *Cassia* est mons magnus et excelsus, in cujus summitate est nobilis abbatia in qua corpus sancti *Benedicti* requiescit, et ipsa est in terra imperatoris *Romanorum*. Et ad sanctum *Germanum* quæ est ad pedem montis *Cassia* deficit terra *Laboris*.

boris & incipit *Campania*. Deinde rex *Francia* per *Aquinam* civitatem episcopalem transitum fecit. Deinde per *Frisillum* civitatem episcopalem quæ est ultima civitas regis *Sicilia*, et ibi deficit terra illius et incipit terra domini Papæ.

Et antequam rex *Francia* illuc venisset, ad *Henricum* Imperatorem nuncios suos misit, et licentia transeundi per terram suam ab eo accepta, juravit quod fidelitatem ei de vita et membris et terreno honore portaret, & quod non fecit nec faceret auxilium regi *Sicilia* contra eum. Deinde rex *Francia* transivit per civitatem *Anagne*. Deinde per *Mountforryn* castellum. Deinde venit *Romam*; Ibi deficit *Campania* et incipit *Tuscania*. Cum autem rex *Francia* *Romam* venisset, *Celestinus* papa ipsum et suos cum summo honore et reverentia recepit, exhibens sibi et suis per octo dies quicquid eis fuit necessarium in expensis, et pro amore Dei et suo novum fecit remedium peregrinis in hoc, quod illum et omnes qui cum eo venerunt à voto et itinere peregrinationis *Ierosolomitana* absolvit, et non tantum illos sed etiam omnes qui post eum de terra *Ierusalem* venirent quamvis votum non perfecissent, & cum per illum non steterit, et palmas et cruces eis dedit; et ostendit regi *Francia* & suis capita apostolorum *Petri* & *Pauli*, & *Veronicam*, id est, pannum quemdam lineum quem *Ihesus* Christus vultui suo impressit, in quo pressura illa ita manifeste usque in hodiernum diem apparet, ac si vultus *Ihesu* Christi ibi esset: & dicitur *Veronica*, quia mulier cujus pannus illè erat *Veronica* dicebatur.

Rex vero *Francia* inmemor sacramenti quod *Ricardo* regi *Anglia* fecerat cum exiret de terra *Ierusalem*, de pace & amore sibi servandis, ut manifestam animi sui nequiciam occultaret, super illo domino Papæ & omnibus Cardinalibus conquestus est, multa inconveniencia de illo dicens, scilicet quod ille eum à terra sancta fugaverat, & quod ille noluit pro eo quicquam facere, unde se vindicandi de illo in *Normannia* & aliis terris suis licentiam à domino papa petiit. Sed papa sciens eum sola invidiæ causa hoc dixisse, nullam ei licentiam dare voluit ad dampnum, gravamen vel molestiam in terra regis *Anglia* faciendam. Sed sub anathemate prohibuit, ne ipse in eum vel terras suas dum in servicio Dei esset manum extenderet violentam. Discedens itaque rex *Francia* à *Roma*, per castellum sancti *Petri* transitum fecit. Deinde per *Sucre* civitatem episcopalem, deinde per *Biterne*, deinde per *Mountflaconn*, deinde per *Sanctam Christinam*, deinde per *Eke Pendants*, deinde per *Redecor*, deinde per *la Briche*, deinde per *Seint Cler*, deinde per *Boncovent*, deinde per *Senes la Vele* civitatem episcopalem, deinde per *la Marche* castellum, deinde per *seint Michel*, deinde per *Florentin* castella, & per *seint Denis de Bon repast*, & per *Arle le blanc*, & *Arle le noir*, & per *la Grace gelme* & per *Lospital*, & per *Lukes* civitatem episcopalem, & per *mount Cheveroil*, & per *seint Leonard*, & per *Lune* maledictam civitatem episcopalem, & per sanctam *Mariam de Sar-* 60
dena, & per *Lealville*, & per *pount Tremble*, & per *Montbardon*, & per *seint Bennet* in monte *Bardon*, & per *seint Morannt* in monte *Bardon*. Ibi deficit *Tuscania*, & incipit *Italia*. Deinde transivit per *Cassennulam*, deinde per *Furnos*, & per *seint Domyne*, & per *Florens*, & per *Plesense*, & per *Papia* civitates episcopales. Deinde per *Morters*, & per *Roable*,

& per *Verzeans* civitatem episcopalem, deinde per vallem de *Moriana*, ita quod paulo ante natale Domini venit in *Franciam* terram suam propriam.

Reflectendus est modo stilus ab oriente in nostrum occidentem, ut liquere possit qualis regni *Anglici* status in Regis absentia extiterit.

Willielmus itaque de *longo Campo Eliensis* episcopus dicti Regis Cancellarius & totius *Anglie* summus Justiciarius, cui Rex ad orientem contra inimicos crucis Christi ut dictum est egressus, vices suas in administratione regni cum munitionibus regis & plenitudine potestatis commiserat, qui jam uno anno ante obitum *Clementis* Papæ nuper defuncti ad rogatum Regis ut prædicitur legatus totius *Anglia* extiterat, *Roma* ad *Celestinum* papam dicti *Clementis* successorem misit, & iterum magna pecuniæ summa interveniente legatus totius *Anglia* ab eo ut prius factus est; quod utique fortius agebat, eo quod utraq; metropolitana ecclesiæ tunc temporis vacabant. Itaque sublato omni obstaculo quo minus ambularet in magnis, duplici potestate scilicet Apostolica & Regia fructus, clero pariter & populo arrogantissime præsidebat, & utramque sedem metropolitanam pro libito prosternebat. Nam ante adventum Regis *Ricardi* in terram sanctam *Theobaldus Cantuariensis* archiepiscopus apud *Tyrium* decesserat, & *Galfridum* Regis fratrem ad *Eboracensem* ecclesiam jam per plures annos vacantem noviter electum, ne consecraretur diu in quantum potuit impedierat. Et sic interea ut ad summum & pristinum gradum evectus videretur generale concilium ex *Anglia* terrore maximo *Londonie* usque *Westmonasterium* congregatum, ut suam ostenderet gloriam celebravit: In quo complex ejus *Hugo Nonant* episcopus *Cestrie* querelam deposuit, sicut *Chronica* monachi *Cestrensis* testatur, quod monachi de *Coventria* sanguinem suum coram altari fudissent; unde dictus *Willielmus Eliensis* episcopus decrevit monachos de *Coventria* fore eliminandos, & clericos præbendarios instituendos. Hac quidem occasione captata, præfatus *Hugo* callidus homo, inverecundus & ad ausus improbos audax, litteratura eloquentiaque instructus, qui inter Priorem loci & Conventum discordias dudum seminaverat, jam manu armata monachos expulit enormium criminum tanquam reos; Moxque ad sedem apostolicam instructos direxit responsales; cum literis quorundam episcoporum attestantibus, quod monachi *Coventrenses* deserti Christi militia ad seculum essent relapsi, unde de ordinatione monasterii liberam petiit facultatem. *Romanus* vero pontifex sub cauta expectatione si forte quis ex monachorum adveniens in contrarium allegaret, per menses sex sententiam suspendit; sed sumptuum inopia retardans monachos, votum episcopi consummavit. Monachi tandem vel sero venientes, licet violentæ expulsionis injuriam diutius deplorarent, prævalente tamen episcopi potentia, astu & pecuniâ, per annos plurimos late dispersi monachi, rebus eorum ad clericorum præbendas reductis, prout poterant inopes victitabant. Quamobrem de isto *Hugone* in extremis laborante tradit fama, quod cum penitentiam sibi penitentiam imponere volentem reperiret, dixisse fertur. Et ego me adjudico pro male erratis meis poena purgatoria usque ad diem Judicii

cruciandum. Sed & de quodam *Coventrensis* cœnobii monacho tradunt, qui causam domus suæ instanter sed infructuose diutius in Curia *Romana* agitabat, quod cum ad fores papales jugiter incubantem papa egrediens sic alloqueretur. Cur miser fores nostras indefinenter sic observas? Pater, inquit, expecto mortem vestram, nam te defuncto bonus forsân succederet qui nobis obtritis justiciam exhiberet. In hoc verbo compunctus pontifex qui inde exulcerari putabatur, causam iussit ad plenum celeriter ventilari.

Hiis vero temporibus factus supradicti *Willielmi Eliensis* episcopi Regis Cancellarii ut præscribitur, in omnibus plusquam regius fere erat. Nam cum archiepiscopus *Rothomagensis* quem Rex cum aliis, ut prædicitur, in *Sicilia* in regimine regni ordinaverat, & eidem *Eliensi* episcopo auctoritate regii rescritti associaverat, *Cantuariam* ire se disponderet, ad ecclesiam ibi vacantem secundum Regis mandatum ordinaturus: idem Cancellarius ad eandem dignitatem aspirans, hoc proposito cito cum exiit, & ne hoc attemptaret terribiliter ei comminatus est: Itaque *Rothomagensis* otiosus in *Anglia* morabatur. Cancellarius vero in regni administratione collegæ impatiens, singularis ferus *Angliam* depalcebatur. At non diu post, inquietam egit vitam malis contra eum succrescentibus, unde primi quidem motus occasio talis erat.

Gerardus de *Camvilla* vir dives & nobilis à rege Castelli *Lincolniæ* custodiam emerat cum adjacentis provinciæ præsidatu. Rege autem in orientali expeditione posito, cum nullus fere ejus speraret reditum, Cancellarius occasionem vel veram vel subornatam nactus, prædicto *Gerardo* præcepit sibi castrum *Lincolniæ* resignare. Ipse vero *Gerardus* necessitate compulsus ad *Johannem* se contulit Regis fratrem, favoreque ejus fretus, iussione Cancellarii sprevit. Indignatus Cancellarius ad castrum illud obsidendum ex subjectis prope provinciis exercitum collegit, & transmarinam, eciam militiam profusis stipendiis accersivit, cujus tamen adventum homo fervidus & moræ impatiens minime præstolabatur. Sed civitatem *Lincolniæ* cum ingentibus copiis ingressus, castellum pertinaciter obedit, & conficiendis cum festinatione machinis laborem sumptuosum impendit. Sane illo circa obsidionis negotium sic occupato, *Johannes* cum suis super munitiones regias scilicet *Potyngham* & *Tykhuil* irruiit improvisus, easque viris & victualibus parum munitas inveniens, bidui negotio comprehendit: Tunc crescente fiducia superbo mandavit episcopo oblessori, ut vel obsidione soluta recederet, vel certe se ad excipiendum ejus impetum in proximo cautius præpararet. Sciens vero Cancellarius optimatum plurimos qui secum esse videbantur, animo tamen esse cum *Iohanne*, confusus abcessit. Hiis & aliis territus Cancellarius, post dies paucos amicis mediantibus, cum *Iohanne* solcmpe colloquium habuit, & pacem quibus potuit condicionibus cum eo fecit. Mox vero militiam illam transmarinam quam accersire curaverat, in *Anglia* applicuisse & advenire sibi cognoscens, resumpto spiritu à pactis resiliit, & protestatus est se in campo martis succumbendum vel *Johannem* ex *Anglia* propellendum. Demum tamen inter eos novis condicionibus facta est pax, dum ille sicut dicebatur *Johanni* satisfaceret ab injuria sibi illata de parte *Arthuri* manuteneda, &

cautione præstita quod *Johanni* tanquam justo hæredi munitiones regias redderet si forte rex ab orientis partibus non rediret.

Hiis actis, *Johannes* pro tempore quievit; Cancellarius vero fastu agens solito tyrannidem non exiit; Solum enim tanquam alter *Herodes* metuebat *Johannem*, & audito eo multa in populo faciebat. Interea hiis temporibus *Celestinus* papa electionem *Galfridi* fratris Regis *Eboracensis* electi ratam habuit & eandem confirmavit, & pallio ei misso, *Willielmo Thronensium* archiepiscopo per rescritum papale ut illum consecraret mandavit. Præterea idem papa *Celestinus* mandavit *Hugoni Dunolmensi* episcopo & in vi obedientiæ præcepit, ut ipse professionem & obedientiam canonicam prædicto *Galfrido Eboracensi* archiepiscopo faceret, literis de absolutione quas à *Clemente* papa prædecessore suo impetraverat, non obstantibus. Et si id facere nollet vel differret, idem papa dicto archiepiscopo dederat in mandatis, ut illum canonica severitate ad id ei & ecclesiæ suæ *Eboracensi* faciendum compelleret: unde dictus *Dunolmensis* à gravamine dicti archiepiscopi ad sedem apostolicam appellavit, & personam suam & ecclesiam *Dunolmensem* & omnes ecclesias ad eam pertinentes cum personis, capellanis & clericis sub protectione domini papæ & *Romane* ecclesiæ posuit. Et post consecrationem dicti archiepiscopi sicut & antea sub eadem forma ad summum pontificem iterum appellavit. Dictus autem archiepiscopus *Eboracensis* per dictum *Turonensem* episcopum consecratus, & pallio ut prædicitur à papa accepto, ad suam ire ecclesiam festinavit. Quod ubi comperit ejus persecutor *Willielmus Eliensis* episcopus Regis Cancellarius & totius *Angliæ* Justiciarius, mox per satellites suos possessiones archiepiscopatus *Eboracensis* tyrannice invasit, & præter res immobiles cætera omnia improbus dilapidator vel potius deprædator abasit. Et cum idem archiepiscopus apud *Witsand* ad transietandum in *Angliam* venisset, prohibitum est ei ex parte dicti Cancellarii & Regni Justiciarii, ne contra sacramentum quod Regi in *Normannia* fecerat in *Angliam* venire præsumeret; & nichilominus super hoc portus caute custodire præcepit, ne in *Angliam* vel ad suam ecclesiam liber ei esset ingressus. Dictus vero archiepiscopus prohibitioni suæ parere nolens, sed de auxilio fratris sui *Johannis* confidens, apud *Doveriam* in *Anglia* applicuit confidenter. Moxque custos castri, germanam Cancellarii in conjugio habens, appulso progressum inhibuit, & ingressum ejus citissimis nunciis Cancellario indicavit. Qui ferocis animi motum nequaquam dissimulans, præcepit ut eum rebus omnibus nudatum à cœnobio monachorum *Doveriæ*, in quo ne à satellitibus dicti Cancellarii caperetur statim post applicationem suam confugerat, & interim moram trahens oblessus fuerat, abstrahi & in arce castri *Doveriæ* custodiri. Unde dum quadam die post celebrationem missæ vestibus sacerdotalibus ad altare adhuc staret indutus, illi funesti satellites venientes, vehicula et obellas et quæcumque ejus vel clericorum suorum erant diripuerunt, non personæ clarissimæ, nec sacro loco reverentiam præbentes, sed ipsum ab altari violenter avulsum et ab ecclesia contumeliose abstractum per vicos & lutum platearum viliter usque castrum de *Dover* duxerunt, et ibi cum *Matheo* de *Clere* Constabulario in custodia tradiderunt.

Illo quidem carcere sic servato, fama hujus enormitatis velociter discurrens, et quasi super pennas ventorum gradiens in brevi totam *Angliam* replevit. Mox majores in Cancellarium fremunt, minores eidem mala imprecantur, et universi tyrannum votis communibus detestantur. *Iohannes* vero de fratris sui captivitate maxime dolens, quæsitit à Cancellario, si per eum hæc facta fuissent. Cui ille respondens, Per me quidem hæc facta sunt, nam ille contra sacramentum quod regi fratri suo in *Normannia* fecerat, in *Angliam* venit, et ideo eum cepi: *Iohannes* vero hoc audiens, non tantum ad fratris liberationem set et ultionem justissimo motu exarsit. Itaque congregatis ex omni terra dicionis suæ, necnon et ex regione *Walliarum* ingentibus copiis properabat: cui mox Comites et Barones plurimi et *Wintoniensis* episcopus cum milicia copiosa accessere, nec episcopi *Bathoniensis* et *Cestrensis* sive *Lichefeldensis*, qui paulo ante principales consiliarii, complices et fautores dicti Cancellarii extiterant, desuere, sed tyrannicis ejus motibus et immoderato fastu offensi cum cæteris præ cæteris in eum tunc linguis simul et animis sæviebant. *Iohannes* vero iterum tunc Cancellario mandavit, quod fratrem suum archiepiscopum libere permetteret abire, affirmans sub juramento, quod nisi celerius hoc fecerit, ipse eum in manu potenti et extento brachio liberaret. Minis itaque *Iohannis* auditis, Cancellarius non erat ausus eum diutius retinere, sed captivum præcepit pontificem relaxari.

Liberatus itaque archiepiscopus cum à carcere exiret, *Londoniam* venit Comiti *Iohanni* fratri suo et archiepiscopo *Rothomagensi* ac universis *Anglia* episcopis de injuria ei illata per *Eliensem* episcopum conquestus est. Et cum idem episcopus *Eliensis* id emendare noluisse, dictus archiepiscopus et sex episcopi cum illo sententiam excommunicationis in ipsum tulerunt, eum excommunicatum publice denunciantes. Postea *Iohannes* Comes et archiepiscopus *Rothomagensis* et omnes episcopi *Anglia* sæpius rogabant dictum Cancellarium episcopum *Eliensem*, ut dicto archiepiscopo *Eboracensi* de injuriis per ipsum ei illatis satisfaceret. Quod cum ipse facere renuisset, dictus Comes *Iohannes* et episcopi diem preemptorium ad id faciendum apud *Redynges* sibi statuerunt, et nisi ille ad illum diem vel infra satisfecisset, sententia ulterius differre non posset. Ad quem diem dictis *Iohanne* Comite et *Anglia* episcopis ibi præsentibus, et adventum dicti Cancellarii per tres dies expectantibus, idem Cancellarius apud *Wyndesoram* moram faciens ad eos venire seu nuncium mittere minime curavit: Unde dicto *Iohanne* et archiepiscopo *Rothomagensi* et aliis episcopis *Londoniam* properantibus, ipse Cancellarius hoc audiens, ire *Londoniam* cum manu potenti eciam festinavit. Et dum iter faceret, contigit quod familia Cancellarii et familia *Iohannis* Comitis non longe à *Windsora* sibi invicem obviantes, congressum acriter pugnando fecerunt; et dum præliarentur, uno milite dicti Comitis interfecto, familia ejusdem Comitis prævaluit: Unde Cancellarius licet loricatus et amicorum et militum peregrinorum copiis stipatus, *Londoniam* statim fugit. Quam ingressus, quibus paulo ante terribilis fuerat, ne sibi in illo articulo deessent humiliter supplicavit.

Illi vero prioris fastus et ferociæ ejus memores, favorem Comiti *Iohanni* potius præstiterunt. Spe

itaque frustratus in arcem regiam cum suis omnibus se recepit, quibusdam potentibus qui cum eo esse videbantur mox ad partes *Iohannis* transeuntibus, *Iohannes* vero Comes, Episcopi, Comites et Barones plures ipsum Cancellarium à tergo sequentes, eodem die scilicet die tertia post festum sancti *Michaelis Londoniam* intraverunt. Qui statim in crastino & cives *Londonienses* cum illis in atrio ecclesiæ sancti *Pauli* convenientes, dictum Cancellarium de multis injuriis quas fecerat accusabant. Ac archiepiscopus *Rothomagensis* & *Willielmus* Marescallus Comes de *Strugwill* tunc primo coram populo literas regis *Ricardi* ostenderunt, per quas dominus rex à *Messana* mandaverat, quod si Cancellarius stultum quid fecerit, quod in detrimentum regni & regis esset, dictus archiepiscopus *Rothomagensis* loco illius institueretur, una cum præfato *Willielmo* Marescallo & *Gaufrido* filio *Petri* & aliis Justiciariis dicto Cancellario prius associatis. Placuit igitur Comiti *Iohanni* fratri regis, & omnibus Episcopis, Comitibus, & Baronibus, & civibus *Londoniensibus*, quod Cancellarius ille à regni regimine deponeretur, & loco illius *Rothomagensis* archiepiscopus officio suo sicut rex mandaverat fungeretur. Quod & ita factum est.

Tunc Comes *Iohannes* & alii Comites & Barones cum civibus *Londoniensibus* ipsum in Turri ejusdem urbis fortiter obsederunt, in quo tantus erat cum eo numerus ut in stricti loci angustiis sua illis esset noxior multitudo, quam hostium foris frementium fortitudo. Videns igitur Cancellarius se in arto positum, post unam noctem ad *Iohannem* & cæteros obsessores egressus, facultatem abeundi humili alloquio impetravit. Mane ergo concilio cum omnibus fere magnatibus regni habito, præsentem domino *Iohanne* fratre regis, & *Rothomagensi* & *Eboracensi* archiepiscopis, præsentibus etiam episcopis *Dunelmensi*, *Londoniensi*, *Wintoniensi*, *Bathoniensi*, *Roffensi*, *Normicensi*, *Lincolniensi*, *Herefordensi*, *Meanevensi* & *Coventrensi*, factoque concilio coram omni populo totius civitatis: præsentibusque Justiciariis domini regis & approbantibus, de consilio universorum statutum erat, ne talis in regno de cætero dominetur per quem ecclesia Dei ad ignominiam, & populus ad inopiam esset redactus: ut enim cætera omittantur, ipse & gærciones sui totum regnum exhauserant, nec baltheum femina remanserant, nec monile nec anulus nobili, nec quodlibet precium Judæo alicui. Thesaurum quoque regis exinaniverat, ut in omnibus fere scriniis vel sacellis nichil præter claves de toto suo tempore posset inveniri. Tercia autem die promisit firmiter & per quendam de suis, cunctis videntibus, corporaliter fidem dedit, quod insulam non exiret, donec castella quædam quæ in manu sua habebat & ibi fuerant nominata, libere penitus resignasset, et personis nominatis tradi fecisset, super quo fratres suos et camerarium suum obsides dedit.

Quo facto, ingloriosus *Cantuariam* properavit, ut ibi sicut dicebat crucem acciperet peregrinationis; et crucem deponeret legationis, quam per annum et dimidium post mortem papæ *Clementis* in *Anglicana* ecclesia portaverat detrimentum. Omnes enim ecclesias *Anglicanas* crux illa redemit, id est ad redemptionem coegit; Nec fuit alicuius immunis qui crucis illius signata non sentiret. Et si forte alicujus episcopi domum intraret, centum vel ducentarum

marcarum procuratio sua erat. Cumque postea usque **Dover** venisset, et ibi in castro moram aliquam cum viro sororis suæ fecisset, inmemor suæ professionis et fidei obligationis quam fecerat, confusionem objectionis suæ non ferens, in transmarinis partibus proposuit navigare, prædictos obsides quos ut dictum est dederat, à retro se in mortis periculo dimittendo. Et cum transfretare aperte non auderet, novum genus fraudis invenit, & sese feminam simulavit cujus sexum semper odit, vestemque sacerdotis in habitum convertit meretricis. Proh dolor! vir factus est femina. Cancellarius Cancellaria, sacerdos meretrix, episcopus scurra. De castro igitur superiori licet claudus esset pedibus prælegit propere ad litus, tunica feminea viridi & enormiter longa pro tunica sacerdotis jacinthina indutus, capam habens ejusdem coloris deformiter manicatam pro planeta, peplum in capite pro mitra, pannum lineum quasi ad vendendum in manu sinistra pro manipulo, virgam venditoris in dextra pro baculo pastorali. Talibus ornatus antistes descendit ad mare. Et qui lorica militis sæpius gestare solebat, mira res quod tam effeminati animi factus animum femineum prælegit. Cum enim sederet in litore supra petram, piscator quidam scortum reputans invenire, statim propius accessit, & qui quasi nudus de mari descenderat, calefieri cupiens cucurrit ad monstrum, & manu sinistra collum complectens, dextera partes inferiores rimatur. Cumque tunicam subito sublevasset, & nimis inverecunde ad partes verecundas manum extendisset, femoralia audacter sensit, & virum non feminam certis argumentis agnovit, & vehementer admirans retro profiliens, totus attonitus voce magna proclamat: Venite omnes & videte mirabilia, quia in femina inveni virum. Protinus servientes ejus & noti qui stabant à longe, accesserunt, & quadam modesta violentia eum repulerunt, & ut taceret increpaverunt. Tacuit ergo piscator & clamor ille quievit; & sedebat Hemerosdritus tempus navigationis expectans. Interim mulier quædam exiens de villa videns pannum lineum quem ille ut illa gestabat vendicioni expositum, & procedens cepit inquirere quanti esset precii, & pro quanto unam daret. Ille non responderebat quia linguam Anglicanam prorsus ignorabat. At illa magis instabat, & continuo supervenit alia mulier illud idem instanter inquirens & plurimum instans, ut ei precium venditionis aperiret. Cumque ille nichil responderet sed magis subrideret, ceperunt inter se confabulari & querere, quisnam esset. Et dolum arbitantes, projecerunt manus ad peplum quo facies tegebatur, & submittentibus à naso usque deorsum, viderunt faciem hominis nigram & noviter rasam: ceperunt stupefcere ultra modum, & corruentes eum ad terram, voces ad sidera tollunt, dicentes, Venite, lapidemus hoc monstrum qui deformavit utrumque sexum. Et facta est statim multitudo virorum & mulierum extrahentium de capite peplum, & trahentium eum in terra prostratum per manicas & capucium ignominiose per arenam et saxa, non sine aliquali corporis læsione. Servientes autem sui bis vel ter impetum in turbam fecerunt ut eum liberarent, sed non potuerunt, quia totus populus eum infaciabili corde persequens, ipsum verbis, alapis, sputis, pluribus modis turpiter tractaverunt. Et sic per totam villam ductum in quodam celario tenebroso per

magistratum loci eum carcerali custodiae mancipaverunt, quousque sciretur quid super hoc regni proceres decernerent & magnates.

Tractus est igitur qui traxerat, captus est qui ceperat, ligatus qui ligaverat, & incarceratus qui incarceraverat; ut secundum quantitatem culpæ commensurabilis videretur quantitas pænæ. Factus est ergo obprobrium vicinis suis valde, & timor notis suis, & datus est in derisum omni populo. *Johannes* quidem comes agnito quid acciderat hostili animo exultavit, atque aliquid in eum quo magis dehonestaretur ordinare voluit & sancire. At vero episc. iusto rubore confusi, quod tam fœda res in persona episcopali accidisset, vigore ecclesiastico ut dimitteretur egerunt. Post octo igitur dies *Johannes* frater regis præcepit illum à carcere liberari, & dedit illi licentiam transfretandi. Dimissus autem & quantum poterat dolorem quo intus urebatur foris dissimulans, abiens in *Flandriam* transfretavit. Tyranno igitur qui regnum turbaverat expulso, episcopi & optimates cum *Johanne Londoniis* congregati, de regni ordinatione tractare ceperunt, & prius quidem de omnibus, regis *Ricardi* propter Christum peregrinantis fidelitate servata, fratri suo *Johanni* fidelitatem juraverunt, & quod ipsum in dominum suum & regem reciperent si rex decesserit sine prole. Et tunc regni administrationem *Rothomagensi* archiepiscopo, quem ad hoc ut prædictum est idem rex à *Sicilia* in *Angliam* miserat, communi decreto & consilio tradiderunt, amotis tyrannicis provinciarum ministris, eorumque locis aliis ordinatis. Quibus actis, *Anglia* in cunctis suis finibus pacem recepit, & sub novis rectoribus decenti cepit moderamine gubernari, malis plurimis cum ipso tyranno eliminatis, juxta illud *Salomonis*, *Eice derisorem & exibit cum eo jurgiam, cessabuntque causa & contumelia.*

Dictus autem Cancellarius in *Flandriam* ut prædicitur positus, cum iter ageret, quidam de terra illa quibus ipse dum esset Justiciarius in *Anglia* injuriam fecerat, manus in eum & homines suos iniecerunt, & donec eis satisfecit tenuerunt. Et procedens inde venit *Parisius*, & dedit *Mauricio* episcopo lx. marcas argenti pro eo quod ipse eum recepit ibidem in ecclesia cum processione solempni. Deinde rediit *Normanniam*. Sed per mandatum *Rothomagensis* archiepiscopi pro excommunicato habebatur omni loco quo ipse in archiepiscopatu prædicto venit, & quamdiu ibi moram fecit ecclesiastici à divina celebratione cessabant. At ille Cancellarius priori superbia adhuc elatus, *Anglos* pungere & castigare ut ante fecerat meditatus, memor piæ recordationis avi sui qui servilis conditionis in pago *Betuacensi* aratrum ducere & boves castigare consueverat, nunciis suis ad papam *Celestinum* missis, significavit ei, qualiter *Johannes Comes Moretonii* & complices sui eum à regno eicientes, à regimine ejusdem deposuerant quod rex illi in suo recessu tradiderat, & conquerens sibi de injuria restitutionem ablatorum petebat, juri se offerens pariturum. Et quod si domino regi facta ejus & expensæ non placuissent, ipse in omnibus ejus satisfaceret voluntati. Super quo papa commotus scripsit universis archiepiscopis & episcopis in hac forma.

Celestinus episcopus, servus servorum Dei, venerabilibus fratribus archiepiscopis & episcopis in regno Angliæ constitutis, salutem, & apostolicam benedictionem.

benedictionem. Cum dilectus in Christo filius noster Ricardus illustris rex Anglorum quando se suscepto signo crucis ad ulciscendum injuriam redemptoris accinxit, tutela regni sui curas, quod sicut vir intelligens et requirens Deum duxerit obsequio postponendum, sub apostolica protectione dimiserit; statum regni sui, ac jura & honorem ipsius tanto majori studio conservare volumus & debemus, quanto de nostra protectione confusus majoribus periculis personam suam & res pro exaltatione sancta religionis exposuit, & in obsequio creatoris laudabilius, favente Domino cum eo signum in bonum, atque ferventius sicut ex suis operibus elucescit cognoscitur se habere. Quoniam igitur quadam tam contra regnum ipsum quam contra venerabilem fratrem nostrum Willielmum Eliensem episcopum apostolicæ sedis legatum cui regnum tradidit gubernandum, per Johannem Comitem Moretonii & quosdam alios accepimus attemptata que nonnulla in se suspicionis continent argumenta, & si vera sunt non in modicam noscuntur sedis apostolica contumeliam redundare, eidem presumptioni tanto maturius duximus occurrendum, quanto ex mora ipsa jam dicto regi & Jerosolimitana terre gravius detrimentum ac nobis & ecclesiæ Romanæ major inde posset ignominia provenire. Proinde universitati vestra per apostolica scripta mandamus, & in virtute obedientie precipimus, quatinus, si prout nobis insonuit, memoratus Comes vel alius in jam dictum episcopum manus violentas injecere, vel eum capere vel juramentum quodlibet ab eo per violentiam extorquere, seu eum in captione tenere, seu statum regni à serenitate regia in recessu suo dispositum aliquatenus immutare præsumpserit vel præsumpsit, omni dilatione vel similitate postposita convenientes in unum, prædictum Comitem & omnes antedictæ presumptionis consiliarios, auctores, complices & fautores accensis candelis & pulsatis campanis, omni appellatione & excusatione necnon & personarum acceptione postpositis, publice nuncietis vinculo excommunicationis astrictos, & tamdiu faciatis eos sicut excommunicatos ab omnibus arcibus evitari, necnon & in terris eorum & in aliis quas invaserit, præter pœnitentias & parvulorum baptismata divina penitus sine appellationis obstaculo prohibeatis officia celebrari, donec jam dicto legato tam à captione quam à juramento primitus absoluto, & regno ipso in statum à prænominato rege in recessu suo dispositum reformato, cum testimonio literarum ipsius legati & vestrarum pariter ad sedem veniant apostolicam absolvendi. Scituri pro certo, quod si in hujusmodi nostri executione præcepti negligentes fueritis aut remissi, non minorem in vos præstante Domino duximus ultionem, quam si prædicta injuria persona nostra vel uni de fratribus nostris esset irrogata. Dat. Laterani iij. non. Decembris pontificatus nostri an. primo.

Auctoritate igitur literarum istarum prædictus Willielmus Eliensis episcopus domini regis cancellarius & apostolicæ sedis legatus scripsit Hugoni Lincolnienſi episcopo, in hac forma.

Willielmus Dei gratia Eliensis episcopus & apostolica sedis legatus & domini regis cancellarius venerabili fratri & amico karissimo Hugoni eadem gratia Lincolnienſi episcopo, salutem, & sincera dilectionis affectum. Quanto de dilectione vestra plenior fiduciam tenemus majoremque

constanciam in vobis invenimus, tanto confidentius discrecioni vestre ecclesiæ Dei negocia & domini regis & nostra committimus exequenda, confidentes in Domino de vobis quod præceptis apostolicis & nostris vestra caritas pontificaliter respondebit. Mandamus igitur vobis et in virtute obedientia et ea qua fungimur auctoritate precipimus, quatinus ad exequendum mandatum apostolicum universis archiepiscopis & episcopis Angliæ destinatum, ut ceteris fratribus nostris omnibus vel quibusdam cito conveniatis, ne diutius in ecclesiæ Dei & sacerdotibus ejus laicalis iniquitas malignetur, ne tergiversatione vel dissimulatione aliqua illorum malignitas nobis debeat imputari. Ea vero qua dominus Papa mandavit de persona Johannis Comitis Moretonii temperavimus, differentes usque Dominicam qua cantatur Esto michi, ut si forte interim respiscere vellet, nos inde Deo gratias redderemus, & pro eo in conspectu domini Papa & domini Regis Angliæ athleta Crucifixi preces funderemus affectuosas ut delicti sui veniam mereretur, & modis omnibus honori & commodo ejus, salva fidelitate domini Regis & honestate sacerdotii nostri, operam adhiberemus & diligentiam efficacem. In terris autem excommunicatorum nulla divina celebrari permittatis præter baptismata parvulorum & pœnitentias. Nomina autem eorum qui à domino papa excommunicati sunt & à nobis denunciata, quorum factum ita evidenter facti notorium sit quod nulla poterunt tergiversatione justificari, hæc sunt, Walterus Rothomagensis archiepiscopus, Godefridus Wintoniensis, Hugo Coventrenſis episcopi, Willielmus Mareſcallus, Gaudfridus filius Petri, Willielmus Bruuer, Hugo Bardolf, Ricardus Malebise, & Hugo frater ejus, Jacobus & Simon filii Simonis, Simon de Averenches, Rogerus filius Ranfray, & Gilbertus & Ranfray filii ejus, Gerardus de Chanvilla comes de Saresbiri, Johannes Mareſcall comes de Melent, Gillebertus Basset, Thomas Basset, Henricus de Veer, Gosselinus filius Ranfray, Stephanus Ridell Cancellarius Moretonii quem ut episcopus & papa legatus vobis denunciamus excommunicatum, & magistrum Benedictum qui sigillum domini Regis contra statuta regni & contra prohibitionem nostram ferre præsumit, & Johannem Oxoniensem archidiaconum. Ad hæc vero vobis specialiter & districte precipimus, quod Hugonem Coventrenſem episcopum quem solempniter excommunicavimus non solum quia verbo & opere episcopum diffidetur, sed quia in manipia recordationis Baldewini Cantuariensis archiepiscopi fidem corporaliter præstitit de comitatibus non tenendis, verum quia totius subversionis regni Angliæ consulator extitit manifestus & auctor, & turbator pacis & contra regiam dignitatem & utilitatem publicus advocatus, publice denunciatis excommunicatum, & faciatis ab omnibus arcibus denunciari, ne de cetero ovis tam morbida gregem domini valeat inficere & maculare. Hugonem vero Bardolf qui ad prius non fuit in ejectione & captione nostra, à prædicta denunciatione excipimus ut statim ammonitus Willielmo de Stutevilla resignet castella de Scardeburg & de tota Everwickschira & de Westmerland qua detinet occupata. Prohibeatis etiam universis in vestra diocesi constitutis sub interminatione anathematis, ne pro illis qui se in Anglia justiciarios gerunt aliquid faciant nec in aliquo violenti & usurpata obedientia potestati. Valere.

Aliam

Aliam etiam literam *Eliensis* episcopus misit eidem *Lincolniensi* episcopo sub eo qui sequitur tenore.

Willielmus Dei gratia *Eliensis* episcopus & apostolica sedis legatus et domini Regis Cancellarius, Hugoni eadem gratia *Lincolniensi* episcopo venerabili fratri & amico salutem. Ea qua fungimur auctoritate vobis mandamus & in virtute obedientie precipimus, quod archidiaconatum & omnes redditus *Johannis Oxenefordensis* archidiaconi in manu nostra suscipiatis & recipiatis & conservetis donec apostolicum aut nostrum mandatum inde acceperitis, qui cum avunculo *Rothomagensi* archiepiscopo pacem & tranquillitatem regni Angliæ perturbat, & malum quodcumque potest domino Regi & regno tanquam hostis regni & nobis perquirat, unde auctoritate domini Papæ illum excommunicationis vinculo innodavimus.

Similiter dictus *Eliensis* episcopus quibusdam aliis episcopis Angliæ in quibus fiduciam habebat scripsit. Sed nullus eorum mandatum domini Papæ nec suum est executus, non enim eum pro legato neque regis cancellario habebant. Sed dictum rescriptum apostolicum quadam cautela episcoporum Angliæ delusum viribus caruit. Unde præfatus *Rothomagensis* archiepiscopus & ceteri domini regis Justiciarii eum ab episcopatu suo disseisaverunt, & propter thesauros regis quos ipse adnichilaverat, ad opus regis redditus episcopi collegerunt. Videns ergo dictus episcopus *Eliensis* regis cancellarius pro se nichil agi posse, *Johanne* adverteo, per clandestinos nuncios cum eodem *Johanne* & *Eliana* regina matre sua collusit, utpote qui prædictæ reginæ multa dederat & se plura daturum promiserat, & qui etiam dicto *Johanni* pro auxilio suo & restitutione sua in regimine regni habenda quindecim milia marcarum promiserat. Unde dicta summa illi *Johanni* præstita, vel ut prædicatur promissa, in favorem ejus & reginæ confidens, audacter in *Angliam* apud *Doveriam* applicuit, & mox ut litus attigit, tanquam ad detergendum dedecus quod ibidem incurrerat, erectis suæ legationis insigniis gloriosus refulsit. Non tamen ulterius est progressus, sed ibi in castro apud *Matham de Clere* virum germanæ suæ resedit donec agnosceret utrum metu regio vel apostolico, cum jam *Johannem* maximum omnium placasset, adversarii sui eum reciperent inclinati. Hujus ergo gratia nunciis *Londoniam* ad reginam & comitem *Johannem* & archiepiscopum *Rothomagensem* & alios Justiciarios Angliæ missis, restitutionem ablatorum sibi fieri postulavit, offerens se in omnibus quæ adversus eum dicerent paratum esse stare juri & regis voluntati. Regina autem & filius ejus *Johannes* comes antedictus pluribus modis pacem inter illum & dictum *Rothomagensem* archiepiscopum & ceteros regni magnates facere conantes, dicebant, » quod sicut illi » credebant, multum regi sine illius præcepto dejectio » sua à regni regimine displiceret. Sed excessibus & importunitatibus quas ipse Cancellarius in plebem Anglicanam sibi commissam exercuerat à dicto archiepiscopo *Rothomagensi* & aliis prælatis & regni magnatibus recitatis & intellectis, regina prædicta quievit, & *Johannes* filius ejus acceptis à dicto archiepiscopo *Rothomagensi* & ceteris Angliæ Justiciariis duabus milibus marcis argenti de thesauro regis fratris sui, eorum consilio adquevit, & una cum

illis & matre sua regina dicto *Eliensi* episcopo ne ulterius procederet mandavit, & sic universi directis ad eum viris honoratis eum tanquam regni turbato-rem hostemque publicum à regni finibus recedere iusserunt.

Cancellarius ergo à desiderio suo frustratus moram ibidem diutius facere non audebat; sed territus & confusus mari transito multum est genti Anglicana comminatus. Et ut dicebatur statim postquam applicuerat, ad *Philippum* regem *Francia* domini sui regis Angliæ inimicum perrexit, & familiariter cum eo moram faciens, multa, ut dictum erat, in domini sui regis & regni perniciem machinatus est.

Interim clerici quos *Walterus Rothomagensis* archiepiscopus prædictus post dejectionem *Willielmi Eliensis* episcopi antedicti *Romam* miserat cum literis suis & literis episcoporum Angliæ, contra eundem *Eliensem* episcopum, domino suo *Rothomagensi* archiepiscopo sub eo tenore qui sequitur rescripserunt.

Waltero Dei gratia *Rothomagensi* archiepiscopo karissimo domino & patri clerici sui salutem. Omittimus pericula & labores quos in via sapius nos oportuit sustinere, & quod frequenter insidiis declinatis tandem incidimus in latrones, bonisque omnibus præter quadam equos & literas spoliati sine omni viatico ad urbem venimus sumptuosam iij. die Februarii, apud beati Petri ecclesiam curia commorante. Ibi invenimus Cancellarii clericos jactantes plurima & multa ut videbatur prosperitate gaudentes; nam plena legationis officio impetrato, jam sæpe dominus Papa & quidam Cardinalium *Eliensi* episcopo cum subscriptione legati suas epistolas dirigebant, & jam principalibus legationis bullatis literis inde nondum traditis sese recessui imminenti nuncii præcingebant. Etenim dominum Papam ex toto pronum invenimus ut partes Cancellarii tueretur. Et qui domino Papa familiaris assident & adherent, ipsius negocia tanquam propria promovebant. Verum per Dei gratiam ad adventus nostri instantiam litera sunt retenta, quibusdam qui negocia nostra devocius respiciunt sæpe & multum dicentibus interfuisse attentius, adeo quod necessaria erat vestrorum præsentia nunciorum. Porro quando porrimus audiendi copia impetrata coram domino Papa & Cardinalibus universis literas proposuimus à vobis & episcopis & prælatis & justiciariis Angliæ destinatas, cum diligentia digna, cetera adnectentes quæ intentioni nostræ credimus expedire. Cum vero nuncii *Eliensis* episcopi attemptassent obicere tam responsionibus quam objectis, dominus Papa in vestri depressione negotii plurima indignanter & cum amaritudine proponebat, multiplicatis inculcans sermonibus & affirmans, » Scimus quod » illustis Rex Anglorum, domino *Eliensi* episcopo regni sui totius administrationem reliquit, » nec aliquem ei adhibuit minorem vel majorem. » Literas domini Regis super eo vidimus, revocatorias aut contraria, non vidimus, nec videmus, nec earum transcriptum sigillis appositis & autenticis consignata. Sed multæ venerabiles personæ scribunt contra dominum Cancellarium; & pro domino Cancellario multarum recepimus venerabilium literas personarum. Sed literæ quas vos portatis eorum sunt qui dominum Cancellarium expulserunt, nec miramur admodum si pro se scribere videantur. Scimus quia dominus Rex nulli unquam » mor-

» mortalium tantam dilectionem exhibuit vel hono-
 » rem impendit quantam domino *Eliensis*: ipsum
 » namque fecit episcopum venerandæ sedis & di-
 » tissimæ *Eliensis*, sed & Cancellatum, sed & re-
 » gnum *Angliæ* universum ejus solius custodiæ
 » commendavit. Sed nec omnibus istis contentus
 » esse potuit dominus rex, sed & pro Legationis of-
 » ficio domino Cancellario committendo & bonæ
 » recordationis Domino *Clementi* & nobis etiam
 » supplicavit. Vide quam tenere amabat eum :
 » quem unquam hominum tantum diligit vel di-
 » lexit ? Ad preces domini regis & instantiam
 » multam præsentem legationem indulsumus domi-
 » no *Eliensi*. Ab homine quantum dilexerat
 » regem tam subito tantam gratiam revocasse,
 » vix credere possumus, nisi literas ejus & sigillum
 » regium videremus. Et quod domino regi dedi-
 » mus puta legationem domini *Eliensis*, sine falsita-
 » tis nota nec suspendere possumus nec auferre. Sed
 » omnes *Anglicani* Episcopi pro eodem legationis
 » officio confirmando nobis proprias literas transmi-
 » serunt, & nobis unanimiter supplicantes pro eo-
 » dem Cancellario commendationem plurimam por-
 » tulerunt, & modo contrarium postulatur ab eis,
 » suæ potius levitati imputandum videtur. Sed &
 » dominus vester *Rothomagensis* archiepiscopus no-
 » bis pro domino *Eliensi* plenas devotione literas
 » destinavit ; & cum pro ipso scripsisset dum pro-
 » speris uteretur, contra ipsum exilii calamitate op-
 » pressum eos grave est exaudiri, cum contra eos
 » scriptum sit,

*Cum fueris felix multos numerabis amicos,
 Tempora si fuerint nubila solus eris.*

» Porro cum pristina felicitate gauderet & lega-
 » tionis vice apud nos fungeretur, quæ unquam ec-
 » clesia, quod monasterium, quæ persona, quis vul-
 » garis aut nobilis super erogationibus domini
 » *Eliensis* vel ecclesiarum gravamine verbum ad nos
 » miserat vel querelam ? omnes applaudebant feli-
 » ci, omnes incurrunt in oppressum : Amici for-
 » tunæ fuerant, cum fortunæ gratia recedentes.

Hæc quidem & multa alia à domino papa op-
 » posita fuerunt qui superiorem non habet, & à
 » pontifice summo & iudice & cuius voluntati nemo
 » est qui resistat. Sed & multum contra vos quibus-
 » dam facere videbatur, quod dominus rex in recessione
 » sua supplicavit pro vobis ut in *Normanniæ* partibus
 » & ceteris transmarinis vobis legatio confirmaretur,
 » unde prima facie nemini videbatur quod regia esset
 » voluntatis vos in *Angliæ* partibus administra-
 » tionem habere, cum & *Angliæ* tutelam gerere & le-
 » gationis officium in *Normannia* exercere uni & ei-
 » dem homini nec promptum nec facile videbatur. Sed
 » & forma regie voluntatis qua pro vobis fuerit à re-
 » ge Cancellario destinata senescallo *Normanniæ* à
 » Rege dicebatur transmissa, ut & ipse in *Normanniæ*
 » partibus vestro consilio fungeretur. Ad quæ & si-
 » milia cum responsiones idoneas haberemus, tamen do-
 » mini papa favor & adiutorium in partem contra-
 » riam vertebantur. Verumtamen dubitare coactus,
 » tum ad instantiam vestram tum Cardinalium ali-
 » quorum favore quos in partis vestra gratiam
 » traxeramus, Cardinalibus omnibus congregatis in
 » unum singulorum consilia requisivit, vestroque
 » negotio diu suspensis deliberationibus agitato, suam
 » dominus papa sedens pro tribunali sententiam pro-

tulit sub hac forma, (puta ut breviter & summam
 » procedamus:) Cancellarium à vestra & domini decani
 » *Rothomagensis* denunciatione absolvit, & vice mu-
 » tata sententiam *Eliensis* episcopi quam occasione
 » quarundam probabilium literarum in vos tulerat &
 » decanum & alios quosdam Cancellario odiosos nul-
 » lam fuisse iudicavit. Porro dominus papa in sua
 » procedens sententia super injuria *Eboracensis* archie-
 » piscopo irrogata sine forma præscripta Cancellario
 » purgationem indixit. Legationem autem nec ejus
 » executionem ademit, cum jam ipsum ad precum
 » regiarum instantiam contulisset, & vobis etiam sup-
 » plicanibus cum pontificibus *Angliæ* universis ; eam
 » tamen legationem protulit exequendam sub hac ex-
 » ceptione adjecta, quod ipse interdictum vel suspen-
 » sionis vel excommunicationis sententiam profe-
 » rendi in vos vel in decanum *Rothomagensis* vel
 » episcopos *Angliæ* vel iusticiarios vel magnates nul-
 » lam habeat potestatem. Cujus interpretationem sen-
 » tentia nos habituros confidimus utiliore, verborum
 » faciem vobis in ipsis proximis literis transmissuros.
 » Sententia vero prænominata adjecit, quod concilio
 » Cardinalium convocato nostroque adhibito & nun-
 » ciorum domini *Eliensis*, personas venerabiles in ve-
 » stris partibus providebit, quibus mediantibus inter
 » vos & dominum Cancellarium possit pax & con-
 » cordia reformari, saltem quantum ad mutuum ran-
 » corem animi remittendum. In hujus autem deli-
 » berationis tractatu & prædictæ forma sententiæ, eas
 » profecto credimus ex toto literas revocandas, quæ cum
 » essent ab episcopis totius *Angliæ* destinate tamen
 » occasione ipsarum idem Cancellarius vos cum multis
 » aliis excommunicationis vinculo denunciavit astric-
 » tos. Super qua tamen denunciatione cum nos domino
 » papa ad mandatum domini *Rothomagensis* decani
 » proposuissemus querelam in Consistorio coram uni-
 » versis Cardinalibus & populo, lectis eisdem literis
 » & inspectis, quantum protestatus est voce coram om-
 » nibus exaltata, » quod nunquam prædictæ literæ
 » à conscientia ejus originem habuerunt, ceterum
 » Cardinalium de se ibidem cum admiratione plurima
 » conclamante. Et cum nuncii *Eliensis* episcopi pa-
 » pæ instantissime reclamarent, nemini autem propi-
 » tiam vel fautricem impendit. Verum nocte sequenti
 » venerunt nuncii *Eliensis* episcopi ad dominum pa-
 » pam, & exprobrantes illius inconstantiam dixe-
 » runt. » Nunquam putavimus ex ore vestro au-
 » disse quod ita impudenter negaretis factum ve-
 » strum. Nonne confirmastis sententiam excom-
 » municationis quam dominus *Eliensis* episcopus
 » devotus filius vester & *Romane* ecclesiæ dedit in
 » *Rothomagensis* archiepiscopum & complices suos
 » qui in dejectione illius unanimes extiterant, & li-
 » teras vestras archiepiscopis & episcopis *Angliæ*
 » inde misistis ? Quid ergo in eum displicuit pa-
 » ternitati vestræ, aut quis vos seduxit ut ita palam
 » in Consistorio coram universis Cardinalibus &
 » clero & populo dixeritis, quod nunquam præ-
 » dictæ literæ à conscientia vestra originem duxe-
 » runt ? Precamur ergo domine sanctitatem ve-
 » stram ut saltem pro amore Dei & *Romane* ec-
 » clesiæ reducatis ad memoriam servicia quæ vobis
 » dominus noster *Eliensis* episcopus devote exhibuit,
 » & ut testimonium veritatis comprobetur, & ob-
 » probrium vestrum & domini nostri tollatur, ne ini-
 » mici nostri de injusta condemnatione vestra ex-
 » hillarescant. Hiis & aliis hujusmodi exhorta-
 » tionibus

tionibus clerici Eliensis episcopi adeo domini papa animum in conatus suos alexerunt, quod in crastino idem papa sedens pro tribunali coram Cardinalibus, clero & populo dixit, » Fratres mei, confiteor vobis me graviter peccasse in dominum *Eliensem* episcopum & clericos ejus. Recordati enim sumus, » quod literæ istæ confirmationis nostræ super sententia excommunicationis quam dominus *Eliensis* dederat in Comitum *Moretonii* & in *Rothomagensis* archiepiscopum & complices suos, qui eum violenter à regimine *Anglia* dejecerunt, à conscientia nostra & voluntate emanarunt, & eas adhuc ratas habemus & eas præcipimus inviolabiliter conservari donec prædicti Comes de *Moreton* & archiepiscopus *Rothomagensis* & complices sui, ad condignam satisfactionem perveniant. Valete, &c.

Interim *Hugo Dunolmensis* episcopus in communi audientia episcoporum *Anglia* contra *Galfridum Eboracensem* Archiepiscopum ad dominum Papam, ut supra scribitur, appellavit, & seipsum & episcopatum suum & omnes redditus suos & ecclesias cum personis, capellanis & clericis ad ecclesiam *Dunolmensis* pertinentes in protectione Dei & *Romane* ecclesiæ & domini Papæ posuit; & iterum secundo & tercio eodem modo ad summum pontificem appellavit, aliquando coram eodem archiepiscopo, aliquando sine illo in *Eboracensi* ecclesia, & scriptum appellationis suæ de rati habitatione sua super altare sancti *Petri Eboracensis* ecclesiæ poni fecit. Sed archiepiscopus ille nulli detulit appellationi; immo postquam semel, secundo & tercio prænominatum *Dunolmensis* episcopum ut veniret ad metropolitanam ecclesiam *Eboracensem* ad sibi canonicam professionem faciendam citasset, & ille venire noluit, sententiam excommunicationis in ecclesia sancti *Petri Eboraci* accensis candelis & pulsatis campanis in eum publice tulit, tum quia *Dunolmensis* canonicam ei professionem sicut Metropolitano suo facere recusavit, tum quia idem episcopus jura ecclesiæ *Eboracensis*, scilicet de *Rumepeny*, id est de denario sancti *Petri*, & processiones ebdomadæ Pentecostes de ecclesiis de *Howden* & *Wemmyngburgh* & de *Schipewyk* & de *Wentyngham* & *Kirkeby* & de *Homendelay* & de *Alverton* & *Waldyngton* detinuit occupatas. At *Dunolmensis* episcopus sententiam quam *Eboracensis* archiepiscopus in illum dederat pro nulla habuit, nec illam tenere voluit ullam, tum quia ipse fuit *Roma* à summo pontifice consecratus, tum quia post appellationem suam ad Curiam *Romanam* illa in eum sententia lata fuit.

Hiis temporibus *Hugo Lincolnensis* episcopus cum magnam partem episcopatus sui visitasset, demum ad Abbathiam monialium de *Godestowe* pervenit, ubi ecclesiam intrans cum ante magnum altare prolixius orasset, vidit ibi quoddam sepulcrum ante altare panno serico coopertum & cereos circumstantes cum lampadibus ardentibus, quod à prædictis monialibus in magna reverentia habebatur. Qui à circumstantibus quæsit, cujus esset sepulcrum illud; & responderunt ei, quod illud erat sepulcrum *Rosamunda* quam *Henricus* rex *Anglia* tantum dilexerat, & quod ille pro ejus amore domum illam, quæ prius erat pauper & mendicans, multis & magnis redditibus ditaverat & nobilibus

ædificiis decoraverat, ac redditus magnos ad lumen illud indeficiens circa sepulcrum illud inveniendum eidem ecclesiæ contulerat. Quibus episcopus ait, Tollite eam hinc, quia scortum fuit, & amor ille qui inter regem & illam fuit illicitus erat & adulterinus. Sepelite eam cum aliis mortuis extra ecclesiam, ne *Christiana* religio vilescat, & ut exemplo illius ceteræ mulieres exterritæ ab illicitis adulterinis concubilibus sibi caveant. Et illi fecerunt sicut præceperat eis episcopus; & tollentes eam, extra ecclesiam humaverunt.

Anno ab incarnatione Domini M.C. nonagesimo secundo *Ricardus* rex *Anglia* erat in terra *Jerusalem* apud *Turemud*, id est *Alturum des chevaies* in ipso die nativitatis Domini, & *Berengera* filia regis *Navarrorum* uxor ejus, & *Johanna* regina *Sicilie* soror ejus, & filia *Isaac* Imperatoris insulæ de *Cipre* eodem die nativitatis in terra *Jerusalem* in custodia ejusdem regis *Ricardi* fuerunt, & *Guido* de *Lezinan* rex *Jerusalem* in illa solemnitate cum illo erat, & magnus Christianorum exercitus gentium diversarum. *Philippus* autem rex *Francia*, qui à terra *Jerusalem* ut supradictum est peregrinatione sua imperfecta recesserat, eodem die nativitatis Domini in dominica terra sua *Francia* apud *Funtayne blanchand* sanus & incolumis fuit, jactans se impudenter terras regis *Anglie* in proximo vastaturum. Eodem die nativitatis Domini *Elia* regina *Anglia* mater regis *Ricardi* fuit in *Normannia*. Et *Johannes* Comes *Moretonii* frater regis *Ricardi* fuit in *Anglia* apud *Howden* cum *Hugone Dunolmensi* episcopo. Unde *Gaufridus Eboracensis* archiepiscopus illum & omnes qui cum præfato episcopo *Dunolmensi* comederant pro excommunicatis habuit; sed ipsi tandem poenitentia ducti, ad satisfactionem venientes absolvi ab ipso archiepiscopo meruerunt.

Post natale Domini *Philippus* rex *Francia* venit in octabis sancti *Hilarii* inter *Gisortium* & *Trie* ad colloquium inter illum & *Willielmum* filium *Radulphi* senescallum *Normannia* & proceres ducatus ejusdem; et cirografo conventionis inter ipsum et regem *Anglia* apud *Messanam Sicilie* civitatem factæ illis ostenso, secundum illius conventionis tenorem *Alesiam* sororem suam quæ in turri *Rothomagensi* custodiebatur, ab eis peciit sibi reddi; et peciit cum illa castellum *Gisortii* cum omnibus appendiciis suis, & comitatus de *Alba marla* & de *Anca*. Sed Senescallus & proceres *Normannia* nichil horum quæ petebat ei tradere voluerunt, dicentes se nullum inde mandatum à Domino suo rege *Anglia* recepisse. Unde rex *Francia* multum eis comminans iratus dixit, quod potenter acquireret quæ sibi facere negabant. Senescallus autem & proceres *Normannia* minis suis auditis Castella sua fortiter munierunt. Interim rex *Francia* videns, quod in malicia pro voluntate sua minime procedere posset, *Johanni* Comiti *Moretonii* fratri regis *Anglia* mandavit, ut festinanter veniret cum eo in *Francia* locuturus, & ipse *Alesiam* sororem suam in conjugem ei daret, & matrimonio inter eos contracto *Normanniam* et omnes terras regis *Anglia* cismarinas ipsum faceret possidere. Quod cum *Elia* reginæ adhuc in *Normannia* existenti constabat, omnibus postpositis aliisque negociis omissis de *Normannia* in *Angliam* transfretavit, & invenit *Johannem*

Johannem filium suum Comitem *Moretonii* jam paratum navigare de *Anglia* in *Normanniam* cum rege *Franciae* locuturum. At mater ejus et *Walterus Rothomagensis* archiepiscopus et ceteri *Angliae* Justitiiarii prohibuerunt eum ex parte regis & sua ne ipse transiret: quod si ipse faceret, ipsi omnes terras et castella sua in manu Domini regis saisficerent.

Hiis igitur et aliis matris suae monitionibus *Johannes* Comes *Moretonii* adquiescens, postpositis regis *Franciae* mandatis, propositum suum mutavit in melius. Deinde *Elia* mater regis et fere omnes principes et magnates *Angliae* *Londoniam* venientes, regi *Angliae* et heredi suo fidelitates contra omnes homines juraverunt. Cumque rex *Franciae* vidisset quod *Johannes* Comes *Moretonii* ad eum venire noluit, *Normanniam* hostiliter invadere proponebat, sed milites regni sui in hoc non contentientes, dixerunt, quod perjuri fierent si ipsi guerram in terra regis *Angliae* facerent dum ipse in servicio Dei esset. Die autem purificationis beatae *Mariae*, praedictus *Eboracensis* archiepiscopus iterum excommunicavit *Hugonem Dunolmensensem* episcopum quia ei noluit obedire, similiter tam clericos quam laicos qui cum illo manducarent aut biberent vel sibi aliquid vendiderint aut in domibus suis eum reciperent aut aliquam communionem cum illo haberent, et in hunc modum eodem die purificationis fecit illum excommunicari per omnes ecclesias suae dioecesis in quibus habebat ecclesiasticam potestatem. At praefatus *Dunolmensis* episcopus in nullo illi sententiae detulit; sed multa ut videbatur prosperitate gaudens, ad prosequendum appellationem suam quam ad dominum papam contra dictum *Eboracensem* archiepiscopum fecerat, se parabat. Et cum jam tempus proficiscendi instaret, regina *Elia* et archiepiscopus *Rothomagensis* utrumque scilicet *Eboracensem* archiepiscopum et *Dunolmensensem* episcopum convocarunt, ad controversiam quae inter eos vertebatur audiendam, et si possent fine debito terminandam.

Qui cum post medium quadragesimae *Londoniam* venissent, & ibidem coram praedictis regina et archiepiscopo *Rothomagensi* et fere totius *Angliae* episcopis in unum congregatis causas suas ostendissent, dictus *Dunolmensis* episcopus in examine dictae reginae & archiepiscopi *Rothomagensis* & omnium episcoporum *Angliae* privilegiis suis salvis se ponere offerebat. Sed dictus *Eboracensis* episcopus noluit se in illorum examine ponere, nisi ipse *Dunolmensis* prius ad limina beati *Petri Eboracensis* venisset ab eo absolvendus, & juri in omnibus pariturus. Quo audito, dictus episcopus *Dunolmensis* dixit, se nullam cum dicto *Eboracensi* archiepiscopo pacem facere, nisi ille proprio ore suo confessus foret coram omni populo; & maxime in *Eboracensi* ecclesia ubi sententiam excommunicationis in eum dederat, quod illa sententia nulla fuit nec teneri debuit. Sed praedictus archiepiscopus, illud facere nec dicere voluit ullo modo; et sic discordes ut prius recesserunt. Praeterea dictus *Eboracensis* archiepiscopus prima die qua *Londoniam* venit, Crucem suam a novo Templo in quo hospitatus fuerat usque *Westmonasterium* ante se portari fecit. Sed *Ricardus Londoniensis* episcopus & ceteri *Cantuariensis* ecclesiae suffraganei adversus eum inde murmurantes prohibuerunt illi ne eam sub poena fractionis ejusdem in

illa diocesi amplius portare praesumeret, et in hoc quod eam jam portaverat ipsum pro excommunicato habebant; & jam eam fregissent, nisi fuisset filius regis & frater regis. & archiepiscopus adhuc novus. Praedictus etiam *Londoniensis* episcopus novum Templum in quo archiepiscopus *Eboracensis* fuerat hospitatus, a divino suspendit officio & sonitu campanarum; Unde ipse *Eboracensis* dolens & confusus citius inde recessit, portata minime cruce sua.

Postea nuncii quos *Dunolmensis* episcopus contra *Gaufridum Eboracensem* archiepiscopum Curiae Romanae miserat, redierunt portantes literas summi pontificis in hac forma.

Celestinus servus servorum Dei venerabilibus fratribus *Lincolniensi* & *Roffensi* episcopis, & dilecto suo Abbati de Burgo salutem & apostolicam benedictionem. Sicut ea quae a venerabilibus fratribus coepiscopis nostris circumspectione provida & ratione praevidua statuantur debemus illibata servare: ita quae minus quandoque considerate aguntur, providentia pleniori corrigere & in statum debitum nobis iminet reformare. Cum itaque venerabilis frater *Gaufridus Eboracensis* archiepiscopus in venerabilem fratrem nostrum *Hugonem Dunolmensensem* Episcopum & quosdam alios excommunicationis sententiam promulgasset, & eorum nunciis ad nostram praesentiam venientibus in Consistorio nostro fuisset hinc inde super ea sententia & quibusdam aliis articulis plenarie disceptatum; Nos cognoscentes tam in ipsum quam in alios jaculatam sententiam inconsulte fuisse prolatam, nullius causae rationabilis munimine roboratam, eam de consilio fratrum nostrorum denunciamus publice non tenere, irritantes eam, ne quid auctoritatis habeat inhibentes. Itaque ut quod nos decrevimus per partes vestras publice nunciatur, per apostolica scripta vobis mandamus ut eandem sententiam, per ecclesias vestras predicetis auctoritate sedis apostolicae irritatam, ut fidelium populus tam ipsi episcopo quam aliis una cum episcopo injuste ligatis supernae communionis participium secure impendat, & ab illorum nullatenus propter hoc communionem recedat.

Dum vero haec ita agerentur dominus papa *Celestinus* duos legatos Cardinales a latere suo in *Normanniam* misit, quorum unus dicebatur *Ottavianus Hostiensis* episcopus & alter *Jordanus Abbas de Fossa* tituli sanctae *Anastasiae* Presbyter Cardinalis, ad litem controversiae quae erat inter *Wilhelmum Eliensem*, & *Walterum Rothomagensensem* archiepiscopum & quosdam alios dirimendam. Quibus in *Normanniam* ad *Gisorsium* venientibus, milites castelli & Burgenses portis Villae per praecceptum *Wilhelmi* filii *Radulphi* senescalli *Normanniae* clausis, illos intus recipere noluerunt, dicentes quod rex *Ricardus* illorum dominus nondum de peregrinatione rediens omnes terras suas cismarinas & transmarinas sub protectione Dei & Romanae ecclesiae & Domini papae posuerat, nec aliquem legatum in terra sua recipi praeeperat; & ideo illos neque alios hujusmodi viros sine illius mandato recipere voluerunt. Cardinales vero haec contradicentes dixerunt, quod illi advenerunt portantes pacem & illuminantes patriam, dare pacem gentibus & liberare populum Domini. Sed neque propter hoc neque

neque propter illorum minas milites prædicti vel burgenſes eos recipere voluerunt, immo illos retroire cum gladiis & fuſtibus coegerunt. Illi autem ibant gaudentes à conſpectu populi, quoniam digni habiti ſunt pro nomine *Jheſu* contumeliam pati. Quibus de *Normannia* exeuntibus, *Oſtavianus Hoſtienſis* episcopus ſententiam Interdicti in *Normanniam* dedit, & prædictum excommunicavit *Normannia* ſeneſcallum & omnes complices ſuos, fautores, conſiliarios ac dictæ præſumptionis autores. *Jordanus* vero de *Foſſa nova* regem *Angliæ* diligens noluit in *Normanniam* ſententiam dare nec quicquam moleſte inferre; Unde rex *Franciæ* iratus eum à regno ſuo fugavit. Quod cum in *Anglia* *Elianora* reginæ & *Johanni* filio ſuo, ac *Waltero Rothomagenſi* archiepiscopo ſummo totius *Angliæ* juſticiario & aliis regni juſticiariis nunciatum fuiſſet, *Hugonem Dunolm.* episcopum ad illos de ultra mare miſerunt, ut per illius induſtriam ſententia in *Normanniam* & in ſeneſcallum ejuſdem ab illis illata relaxaretur, & ut prædicti Cardinales ob honorē Dei & reverentiā *Romane* eccleſiæ honorifice tractarentur.

Sed prædictus *Dunolmenſis* episcopus ab *Anglia* recedere nolebat, donec pro voluntate ſua omnia clericorum ſuorum negocia implerentur, videlicet negocia *Henrici* Mareſcalli Decani ſancti *Petri Eboracenſis*, *Buccardi* ejuſdem eccleſiæ Theſaurarii, *Hugonis Murdac* & *Ade* de *Tornover* ejuſdem eccleſiæ Canonorum, ac *Petri* de *Ros* archidiaconi *Carlionenſis* quos *Gaufridus Eboracenſis* archiepiscopus anathematis vinculo innodaverat. Unde ad instantiam dicti *Dunolmenſis* episcopi *Walterus Rothomagenſis* archiepiscopus & cæteri *Angliæ* Juſticiarii *Gaufrido Eboracenſi* archiepiscopo per literas Domini regis ſigillo ſuo ſignatas diſtictius in mandatis dederunt, ut omni excuſatione et dilatione remota dictis *Dunolmenſis* episcopi clericis omnes redditus ſuos & cætera omnia quæ eis abſtulerat reddere non tardaret. Quod ſi facere nollet, *Willielmum* de *Stoteville* & viros potentes qui illum ad hoc faciendum compellerent vel totum archiepiscopatum ſuum in manu regis caperent ſtatuere. Quibus ad dictum *Eboracenſem* archiepiscopum venientibus, & pro redditibus & poſſeſſionibus dictorum clericorum eidem ſupplicantibus, dictus archiepiscopus petitiones illorum exaudire noluit, niſi omnes illi clerici pro abſolutionibus ſuis habendis nudi ad beati *Petri* eccleſiæ *Eborac.* limina advenirent, ſecuritate de ſtando judicio *Eboracenſis* Capituli prius data.

Qui per aliam viam procedere nequiviſſent, præfati *Bucardus*, *Hugo Murdac*, *Adam* de *Tornover*, & *Petrus* de *Ros* contra archiepiscopum ſuum & animarum ſuarum paſtorem diutius malignari nolentes, ad eccleſiæ *Eboracenſis* limina venerunt, & ibi abſolvi juxta formam præſcriptam & Canonorum capituli judicium meruerunt. Quos, redditibus & illorum poſſeſſionibus eis redditus, idem archiepiscopus *Eboracenſis* in oſculo pacis & in menſa recepit, & inter præſcriptum *Bucardum* eccleſiæ *Eboracenſis* Theſaurarium & *Hamonem* ejuſdem eccleſiæ præcentorem pacem fecit & ſinealem concordiam in hunc modum. » Quod prædictus *Bucardus* pro bono » pacis dedit prædicto *Hamoni* eccleſiam de *Alna* » quæ eſt menbrum Theſaurariæ *Eboracenſis* eccleſiæ principale, & ipſe *Hamo* Theſaurariam illam » dicto *Bucardo* quietam clamavit. Ita tamen » quod poſt illius deceſſum vel vitæ mutationem

» vel ad majorem promotus fuerit dignitatem, theſauraria illa ad *Hamonem* præcentorem rediret, et » ipſe deinde Theſaurarius fieret. Iſtam pacem et ſinealem concordiam *Gaufridus Eboracenſis* archiepiscopus de voluntate et arbitrio ſuo inter viros prædictos fecit, & ſigilli ſui munimine confirmavit. *Henricus* autem Mareſcallus *Eboracenſis* eccleſiæ decanus ſe humiliare nolens, ad ſatiſfactionem venire ſicut ſocii ſui prænominati fecerant recuſavit. Unde ipſo in ſententia qua prius remanente, & contra dominum ſuum archiepiscopum ſemper loquente, idem archiepiscopus, maledictionem addidit maledictioni, & quamdiu ipſe ibidem manſit civitatem ceſſare fecit à celebratione divinarum & ſonitu campanarum.

Hugo vero *Dunolmenſis* episcopus voluntatem & ordinationem reginæ & *Johannis* Comitidis *Mortoni* & juſticiariorum *Angliæ* adimplere cupiens, mare inter *Dober* & *Whitſande* tranſiit, in *Franciam* applicuit, & quamcitius potuit *Parisiis* veniens Cardinales prædictos ibi invenit, quos blando ſermone allocutus, dolorem illorum quem in animo de repulſa in *Normannia* eis facta adverſus ſeneſcallum ejuſdem conceperant, mitigavit, & cum magno labore & induſtria effecit, quod prædictus *Oſtienſis* Episcopus ſententiam quam in dictum ſeneſcallum et complices ſuos & in *Normanniam* dederat relaxavit, ſi ipſe tamen ſeneſcallus & complices ſui ſuper injuria dictis Cardinalibus illata juraſſent ſe eccleſiaſtico ſtare Juri, et illos non ut Cardinales ſed ut advenas in *Normanniam* venire uſque *Rothomagum* libere permiſiſſet; clero tamen *Normanniæ* expenſas eis x. dierum ad l. homines et xl. equos inveniente, et tunc prædicti Cardinales arbitrio *Hugonis Dunolmenſis* episcopi, et *Johannis Rothomag.* decani de pace inter illos facienda ſupponerent ſe omnino. Sed quia ſeneſcallus nullo modo concedere voluit quod ipſi Cardinales ſine licentia domini regis *Angliæ* in *Normanniam* venirent, abeuntibus illis, ipſe excommunicatus et terra ſub Interdicto remanſit, dicto *Dunolmenſi* episcopo ad instantiam ſeneſcalli pro pace inter eos facienda illos uſque *Verzealicum* ſequente; Quam quidē ſententiam et Interdictum dominus papa interim relaxavit, et à legatis relaxari fecit, et præcepit quod *Norman.* non intrarent.

Quia vero qualiter rege peregrinante res *Anglica* et regia negocia in regno et *Normannia* aliquoſiter eveniunt ſuperiori narratione perſtrinximus, nunc ad explicanda ejuſdem peregrinantis facta in *Siria* redeamus.

Rege vero *Francorum* à terra ſancta in die ſancti *Petri* ad vincula digreſſo, cum rex *Angliæ* circa reparationem *Joppen* & *Casaria* per aliquos dies ſteſiſſet, et cognoviſſet quod muri *Aſcalonis* diruerentur, voluit illuc exercitum ducere et eam à diripientibus eruere murosque ejus reparare, eo quod eſſet civitas maritima et peregrinis valde oportuna. Sed *Gallici* qui circa reparationem *Joppen* plurimum laborabant noluerunt huic conſilio aſſentire. Exeunte vero jam menſe Septembris, exercitus valde minorbatur, multis per navigium diſcedentibus uſque *Achon.* et ibi morantibus in tabernis. Quos cum rex *Ricardus* per mediationem regis *Guidonis* ad exercitum revocare non poſſet, ipſe illuc proſectus eſt, et ibi verbo Dei ad populum efficaciffime prædicato, quam plurimos ab *Achon* uſque *Joppen* ſecum reduxit, quo etiam reginas cum puellis tranſtulit, ſeptem ibidem ad gentem coadunandam commorans ſeptimanis. Cum autem die quadam cum pauciſſimis

paucissimis familiāribus cum falconibus suis spaciaturum egressus esset, ex itinere fatigatus & labore oneratus; in quodam loco sub divo dormivit, & ecce *Turci* ut ipsum inprovifum comprehenderent, cum impetu irruerant. Qui ex advenientium sonitu expergefactus, equum velocius ascendit & extracto gladio *Turcis* cum suis obviam procedit, quos usque ad locum insidiarum suarum fugam simulantes insequitur, ubi plures subito erumpentes fortiter regem cum paucissimis suis circumdederunt. Quem tunc omnino destitutū auxilio comprehendissent, si de eo plenam notitiam habuissent. Sed ecce confuso certamine illis contendentibus, unus sociorum regis, nomine *Willielmus de Purcellis* ydiomate *Saraceno* exclamavit, & se regem esse veraciter affirmavit. Quod *Turci* verum credentes, ipsum *Willielmum* apprehensum confestim ad suum exercitum deduxerunt captivum. Fama ad exercitum *Christianorum* perveniens ipsos ad arma commovit. Qui dum progrediuntur regem quaesituri, ei revertenti occurrunt. Abierant *Turci* longius putantes se regem abducere, cujus quatuor focii in illo conflictu ceciderant interfecti.

Post hæc rege ad castellum de *Planis* reparandum cum exercitu proficiscente, custodibus *Joppen* præcepit, ut satagerent muros ejus et portas consummare ne quis de populo abiret præter mercatores victualia asportantes. Et dum rex *Ricardus* restitutioni duorum castellorum de *Mayon* et *Planis* instaret, sæpe *Turcorum* impetus qui *Christianos* multipliciter infestabant repressit, de quibus etiam plures inter quos duos admiraldos nobiles interfecit. Mense Novembris cum rex *Ricardus* per legatos à *Saladino* regnum *Siria* ex integro et tributum à *Babilonia* exegisset, *Saladinus* sub forma pacis optulit totam terram *Ierosolomitānam*, scilicet à flumine *Jordane* usque ad mare occidentale, liberam *Christianis* ita ut *Ascalon* dirueretur et in posterum non reedificaretur à *Christicolis* nec à *Turcis*. Attendens autem rex *Ricardus* res turbatas bellicæ casus in ambiguum esse, dilapsū etiam populi et regis *Francorum* discessum, hanc pacem admittere decrevit, ita quod castrum de *Crak* diruerent *Saraceni*. Denique rex *Saffadinum* fratrem *Saladini* in familiaritatem recollegit, sperans per ejus mediationem celerius assequi votum suum. Sed cum per negotii exitum certior factus esset, quod *Saladinus* castrum de *Crak* diruere volebat, et perpendit *Saffadinum* sibi tantum verba dixisse, versus *Ramulam* cum exercitu se divertit, cujus muros *Saffadinus* diruens aufugit. *Saladinus* etiam de castro *Baruc* se transtulit *Ierusalem*, cujus exercitus relictus abiit ad montana. Rex autem *Ricardus* de *Ramula* cum exercitu progrediens, *Bethonopolim* pervenit, ubi populus eximie lætabatur, quia Dominicū sepulchrum in proximo videre sperabat.

Anno Domini M. Cxcij. regniq̃ue regis *Ricardi* iij. rex *Ricardus* convocato concilio cum viris sapientibus et discretis tam peregrinis quam illius terræ incolis tractare cœpit et inquirere, an ulterius versus *Ierusalem* progredi expediret. Qui omnes unanimi decreto protunc obsidionem *Ierusalem* disfluaserunt, multas rationes et varias allegantes, quarum una et maxima erat, quod civitatem capere non expediret; nisi statim viri robustissimi ad urbis custodiam ponerentur, quod non posse fieri æstimabant, præsertim cum plebem avidam ad peregrinationem

consummandam perpendissent, ut inde repatriarent singuli sine mora. Sed melius circa reparationem *Ascalon* insistere judicarunt. Quæ sententia divulgata plebem inæstimabili dolore percussit. Cum autem reversus esset exercitus usque *Ramulam*, cœpit plurimum diminui, parte *Francorum* maxima recedente, quorum quidam *Achonem*, quidam *Joppen*, quidam vero *Tyrum* ad Marchisum dirigunt iter suum. Rex *Ricardus* nichilominus cum *Henrico* comite *Campania* & reliquo exercitu relicto, *Ascalonem* perrexit. Navēs autem regis cum victualibus ad *Ascalonem* tendentes, & galeæ illuc transmissæ cum omnibus fere quæ in eis erant, in tempestatibus perierunt. Rex itaque omnem operam circa muros *Ascalonis* reparandos propriis manibus ut exemplum laborandi aliis daret, adhibuit. In cujus reparatione, ut quidam volunt, rex ad ducem *Austriæ* misit, ut partem suam pro aliqua portione iuri reparandi cum suis acciperet. Qui indignanter nunciis respondens, dixit, Quod pater suus nunquam carpentarius vel latōnis erat. Quam responsionem rex audiens, & indigne ferens, cum quodam die causa spaciandi ivisset & dictum ducem sibi obvium habuisset, ipsum adhuc curialiter ore proprio rogavit, ut circa reparationem murorum pro aliqua portione cum suis insisteret. Qui superbo vultu ei respondit, sicut superius nunciis suis responderat. Unde rex iratus ipsum statim, ut dicitur, cum pede percussit, prohibens ne de cætero vexillum suum in sua comitiva erigeretur. Quapropter dictus dux à rege & exercitu *Christiano* versus partes suas se divertens, dixit, Quod si unquam tempus opportunum captaret, se de rege pro illa ignominia vindicaret. Et cum postea tres partes urbis diligentia & sumptibus regis consummatae essent, contigit ut per domesticos *Saladini* mille ducenti *Christiani* versus *Babiloniam* ducerentur. Qui cum ad castrum quod *Darun* dicitur, venissent, rex *Ricardus* cum electa manu militum supervenit, & captivis de manibus *Turcorum* excussis, *Turcos* insequitur fugientes, quorum plurimis occisis xx. de majoribus vivos comprehendit, & secum usque *Ascalonem* deduxit.

Dum autem rex residuæ parti murorum *Ascalonis* totis viribus intenderet, & stipendia *Francis* deessent, dux *Burgundia* quem rex *Francorum* capitaneum suorum reliquerat, à rege *Ricardo* pecuniam ex mutuo sibi concedi petivit; cui cum rex *Ricardus* non annueret, eo quod pecunia sibi alias solutioni accommodata in nichilum defluisset, dux cum *Francis* suis ab *Ascalone* discedens, petrexit ad *Achon*, ubi cum *Pisanos* & *Jannenses* invicem confligentes invenisset, in auxilium *Jannensium* qui partem Marchisi zelabant, contulit se cum *Francis*. *Pisani* vero prævalentes, eos à civitate excluderunt, portas ejus firmiter obserantes. Quod audiens Marchisus, cum urbem tribus diebus oppugnasset, audito quod rex *Ricardus* à *Pisanis* vocatus adveniret, reversus est ad *Tyrum*. Reformata autem pace inter *Pisanos* & *Jannenses*, Rex & Marchisus ex condicto ad castellum *Imberti* ad colloquium conveniunt, ubi cum Rex Marchisum monuisset, ut ad unitatem exercitus rediret, & querelam regni ad quod aspirabat juvaret, sicut rex alias per legatos ei mandaverat, ipsum obtemperare nolentem à terris redditibusque promissis de majorum concilio abjudicavit. Adveniente Pascha *Franci* se velle

discedere dicebant, quos ut ulterius remanerent rex *Ricardus* nullis precibus seu stipendiis promissis potuit optinere. In solempnitate Paschali *Saladinus* ad Dominicum sepulcrum veniens, cum vidisset lampadem ibi pendentem divino igne accendi, & per eum bis extincta tercio accendi, asseruit se vel infra breve moriturum, vel sanctæ civitatis dominium amissurum; unde juxta prænosticationem suam mortuus est in quadragesima proxima sequente.

Post Pascha venit ab *Anglia* Prior *Herfordensis* ad regem missus per *Willielmum* episcopum *Elisensem* regis Cancellarium, nuncians ei, eundem Cancellarium aliosque per regem ad regni custodiam deputatos jam fuisse à regimine regni & munitionibus terræ exturbatos, & quod *Johanne* fratre regis procurante, idem Cancellarius de *Anglia* in *Normanniam* erat fugatus; post cujus decessum præfatus *Johannes* à comitibus & proceribus regni juramenta, fidelitates & subjectiones castrorumque custodias pertinaciter exigebat, necnon & manus ad annuas regii fisci præstationes de Scaccario extenderat usurpandas, & quod confederatus fuerat cum rege *Francorum*, qui magnam pecuniæ summam ei mutuo tradidit, ut fratri suo regi *Ricardo* gravamina suscitarer. Unde rex *Anglia* hujuscemodi nuncio conturbatus, repatriare disposuit, duobus milibus & CCC. pedum ibi relictis quibus stipendia exhiberet. Communicato super hoc consilio, cum prudentiores sentirent, regem ante ejus recessum in illa terra statuendum, rex optulit se regnum illi daturum quem de duobus eligerent, *Marchisum* scilicet vel *Guidonem*. Qui omnes *Marchisum* elegerunt. Et licet rex levitatem eorum qui prius *Marchiso* detraxerant redarguebat, statim tamen per legatos *Marchisum* vocavit, & hoc duabus maxime de causis, una quia ille *Conradus Marchio* princeps *Tyri* ad regnum aspirans, cum duce *Burgundia* & nobilibus *Francorum* regi *Ricardo* adversabatur pro *Guidone*, quem ipse rex sustinuerat, ut superius prædictum est; & etiam quia regina *Ierosolymorum* quæ prædicto *Guidoni* infelicissime nupserrat, parum ante defuncta fuerat, & spes ipsius *Guidonis* cum ipsa extincta periit. Sed antequam ille *Marchio* ad regem veniret, cum quodam die cum episcopo *Beluacensi* comedisset, à convivio rediens, à duobus assassinis sive ficariis à quodam pagano quasi in obsequium missis interemptus est. Nam captata oportunitate, inter suos & sua propria civitate cultris eum clamdestinis peremerunt. Capti tunc & ad mortem ducti nichil certum confessi sunt. Creditur tamen quod fuerunt de genere *Ala-netricis*, qui mortem non metuunt ut iussa majorum adimpleant, credentes in hoc se posse salvari & beneficiari. Ipsi tamen interitus regi *Anglorum* imputatus est, occasione recentis discordiæ qua cum rege *Ricardo* et rege *Ierosolymorum* *Guidone* disceptaverat, præcipue regem *Anglia* diffamantibus super hoc *Francis* qui pro *Marchione* contra *Guidonem* zelabant.

Post mortem vero dicti *Conradi Marchisi Franci* qui nondum discesserant, petebant ab uxore *Marchisi* ad opus regis *Francie* custodiam urbis *Tyri*. Quæ respondit eis, Se nulli eam reddere nisi regi *Anglie*, sicut dominus suus moriens ordinavit. Rex autem *Francie* audito hoc quod *Marchioni* acciderat, extunc non nisi armatis stipatus in publicum processit. Mirantibus vero suis hanc novitatem re-

giam, ut eis in hoc satisfaceret, & gentem suam in regem *Anglorum* accenderet, rogaverunt: unde convocato *Parisiis* concilio sic eos allocutus est; » Nemo mirari debet quod præter solitum morem » custodiam mei ipsius diligentem adhibeam, » cum manifestus ille proditor rex *Ricardus* animæ » meæ insidians illum *Marchionem* nobilem interemit. Et subintulit: » Ecce enim literæ à diversis » personis michi super hoc directæ, qui in hoc factum quod mihi caveam & cura diligenti prævideam, consulunt. Adjecitque cordi sibi esse se » velle libenter de proditore hujusmodi viadicare. Ad hæc autem quibusdam respondentibus & adulatorie dicentibus, Bonum esse & honestum quod sic faceret, & pro celeri disponderet ultione. Prudentiores tamen respondentes intulerunt, Cautelam tuam, ô rex! qua te contra incertos casus habundantius forte servare prospicis, non culpamus, præmaturæ vero ultionis propositum minime approbamus. Rex autem *Francie* licet pro tunc ad modicum quievit, quod sequitur tamen dolose imaginatus est. Missis enim ad regem *Dacorum* nunciis, germanam suam sibi dari petiit in uxorem, & nomine dotis sibi concedi antiquum jus regis *Dacorum* in regno *Anglorum*, & ad hoc assequendum exercitum *Dacia* & classem petiit uno anno. Quibus rex, Rem, inquit, grandem & difficilem postulat, deliberabo tamen. Quæsitoque à suis consilio responderunt, Satis nobis difficile est contra paganam gentem *Wandalorum* nostris finibus vicinam colluctare, & nos & patriam nostram ab eorum incurfibus defendere & tueri: unde non est sanum, illis dimissis, gentem *Anglorum* Christianam & innoxiam invadere, nec nosmet ipsos duplici periculo immergere. Porro gens *Anglorum* magna est & famosa, atque in tantum valida, ut contra omnem externam gentem sufficere credatur. Aliud ergo petat rex *Francie* dotis nomine, quoniam huic petitioni non est annuendum, sed viribus potius resistendum. Placuit ergo regi consilium eorum sobrium atque sanum, & vocatis nunciis dixit, ut aliud peterent dum tamen quid haberent aliud in mandatis. Illi vero petitione prima expirante, decem argenti marcarum millia petierunt. Quibus rex ait, Istam petitionem ultimam grateranter suscipimus, & eam pro voto mature implebimus. Pactis ergo initis & sacramento à legatis præstito, sororem suam ut decuit perornatam, cum quibusdam viris honoratis ex suis in *Franciam* destinavit. Rex autem *Francie* eis *Ambianis* occurrens, & eam grateranter acceptans, matrimonio solempniter contracto thoro adaptavit. Mane autem facto, displicuit sibi ipsa conjux, & ut fingunt quidam, propter fatidum anelimum vel latentem infirmitatem, vel ipsam corruptam invenit, virginem quam credebat. Statimque missis ad papam nunciis divortium fieri postulavit. Papa vero de regno postulantis iudices delegavit, qui suo regi faventes, affinitate imaginaria approbatum per execrabile juramentum duorum episcoporum, *Beluacensis* scilicet & *Carnotensis*, divortium celebrarunt. Rex autem *Dacorum* repudiata sororis dedecus ægre ferens, divortium nonrite celebratum, sed in gratiam regis *Francorum* mendaciter contaminatum per responsales idoneos in audientia sedis apostolicæ allegavit, & gesta præcedentium temporum proferens, seriatim ostendit, reges *Francorum* & *Danorum* nulla consanguinitate vel affinitate contingere, de divortio in fraudem

dem sanctorum canonum contaminato pertinaci instantia iudicium fieri postulavit. Sed hoc frustra, cum regis *Francorum* metus in hac parte vel gratia prævaleret, nam eandem reginam suam sic repudiatam quasi carcerali custodiæ postea mancipavit.

Interea *Conrado* Marchiso, ut prædicitur, occiso, *Henricus* comes *Campania* ab universis magnatibus peregrinis, & populo in regem *Ierusalem* eligitur; super quo rex *Angliæ* eximie lætatus, statim eidem civitatem *Achon* concessit in dominium sempiternum. Post hæc rex *Ricardus* ad fortissimum castrum *Darun*, decem & septem turribus munitum, profectus, illud obsidione posita infra quatuor dies cepit; captumque *Henrico* comiti *Campania* jam in regem electo dedit cum omnibus pertinentiis acquisitis. Post hoc castrum quod dicitur *Ficium* cepit, cui deinde per *Cannetum Struellorum* redeunt, occurrit quidam clericus ab *Anglia* veniens, nomine *Johannes de Aleton*, nuncians ei *Angliam* per *Johannem* fratrem regis turbatam, qui à rege *Francia* crebris intercurrentibus nunciis ad fraternam prodicionem sollicitatur. Super quo rex *Ricardus* valde commotus cum omnino repatriare disposuisset, sermone cujusdam capellani moram uberio-
rem eidem eleganter persuadentis propositum mutavit. Deinde rex *Bethonopolim* profectus, *Ierusalem* disposuit obsiderè; ubi audito quod *Turci* in montanis in insidiis sedebant, illuc ivit, & illos improvide comprehendit, de quibus plurimis interfectis, præconem *Saladini* cepit, prædamque maximam lucratus est. Cum autem apud majores altercatio esset de obsidione *Ierusalem*, rex de communi omnium assensu xx. fecit eligi viros, quinque videlicet *Templarios* & quinque *Hospitalarios*, quinque *Sirianos* illius terræ indigenas, & quinque de peregrinis, qui jurati arbitrarentur, quid de obsidione *Ierusalem* agendum utilius reputarent. Quibus convenientibus & super hoc adinvicem tractantibus, regi interim ab exploratoribus suis nunciatur, *Carvanniam* *Saracenorum* de *Babilonia* egressam versus *Ierusalem* profecturam. Ad quam comprehendendam rex cum exercitu progressus; ipsam juxta *Rotundam Cisternam* bipartito exercitu in custodes & duces divisam irruens, comprehendit, ubi *Turcorum* & equitum in diversis locis peremptorum numerus aestimabatur ad mille septingentos, exceptis peditibus in maxima multitudine ad mortem contritis, camelorum vero & dromedariorum onera portantium ad quatuor milia septingentos numerus aestimatur. Multitudo vero ricularum & asinorum onerariarum sub numero leviter non cadebant.

Portabant autem diversi generis species preciosas, aurum & argentum, pallia oloferica, purpuram, siclades, ostrum, & multiformium vestium ornamenta; Præterea arma varia, tela multiplicis generis, infinitas loricas, culcitras de serico acuvariatas operose, papiliones & tentoria preciosissima, panes bis coctos, frumentum, ordeum, & farinam, electuaria plurima, pelves, utres & scaccaria, ollas argenteas & candelabra, piper, ciminum, zucaram & ceram, aliasque diversorum generum species electas, pecuniam infinitam, & innumerabiles rerum copias aliarum. Asserebantque plurimi, quod nunquam temporibus aliquorum prælorum tanta simul & semel fuerant acquisita. Quibus, rege cum exercitu revertente, usque *Bethaven* deductis, rex ea inter milites & servientes proportionaliter divisit juxta merita singulo-

rum. Post hæc rex inde profectus venit *Bethonopolim*, ubi cum exercitus multum erat desolatus, eo quod obsidio *Ierusalem* dissuaderetur, nec à *Saladino* potuit rex inducias impetrare nisi diruta *Aschalone*, jussit rex castrum *Darun* solo tenus dirui, & de *Hospitalariis*, *Templariis*, & aliis trecentos misit milites, qui *Aschalonem* munirent & firmissime custodirent. Tunc propter aliquas dissensiones, æmulationes, & multas difficultates fame valida ingravescente, exercitus repatriare disposuit *Christianus*, æmulis de rege *Ricardo* dicentibus, quod regem *Francorum* insidiis appetisset, & *Conradum* Marchionem per sicarios nepharie peremisset, & cum *Saladino* de prodicione *Terre sanctæ* nequissime collusisset. Ille tamen præ animi magnitudine ceptis insistent, maledicta omnium contempnebat, & circa *Aschalonem* reædificandam & ejus munitionem profusis opibus insistere jussit.

Videns tandem quod contra conspirantem exercitum nichil proficeret, deliberavit cum ducibus & nobilibus universis ut ad propria reversuri aliquos de suis ordinarent qui *Christianos* fines servarent. Et sic concordi decreto dictum *Henricum* comitem *Campania* in regem *Ierusalem* jam, ut prædicitur, electum, utriusque regis *Francorum* scilicet & *Anglorum* communem nepotem, principem *Christiane* acquisitionis constituerunt. Quo facto, principes & populi catervatim repatriare cœperunt anno ab expugnatione *Tholmayde* secundo, tempore autumnali. Sane cæteris præter eos qui erant ad præsidia urbium ordinati repatriantibus, rex *Ricardus* qui jam fere thesaurum suum exhausterat, cum parte exercitus *Achonem* conscendit ad propria reversurus. Sed eadem die qua rex *Ricardus* ad *Achonem* venit, *Saladinus* in crastino cum maximo exercitu *Joppen* veniens, urbem obsedit, eaque celeriter expugnata, *Turci* fracto muro ingressi sunt, omnia diruentes, & *Christianos* quoscunque crudeliter perimentes. Turrim etiam principalem in quam multi confugerant, statim epugnassent; si induciæ usque ad tres dies per patriarcham acceptæ non fuissent, ira ut nisi tunc subsidium à *Christianis* veniret, turris illico redderetur, & quilibet vir qui in turri erat pro capite suo decem bizancia, mulier quinque, & puer tria solveret *Saladino*.

A principio vero obsidionis ejusdem, nuntii in *Achonem* pro subsidio quærendo missi, regem ad repatriandum paratum invenerunt, nam septem galeas cum gente armata ad capiendum de *Baruth* per quam erat transiturus, præmiserat. Qui mox ut sinistri eventus nuntium accepisset, naves cum aliquibus militibus statim ascendens, versus *Joppen* per mare progredi festinavit, reliquo exercitu terreno itinere gradiente. Venti autem contrarietate triduo retardatus, tandem in portu *Joppe* pervenit nocte præcedente diei Sabbati, cujus hora nona terminus erat turris reddendæ, & præfata redemptionis solvendæ. Cognito autem regis adventu *Turci* ad litus catervatim ruunt, parmas & ancilia ad resistendum habentes, ne aliqua parte applicantibus liber ascensus in terram pateret. Pluunt densissime *Turcorum* jacula & sagittæ, quorum multi equites in mare profundius se agebant spicula missuri, ne possent appulsi litus modo aliquo occupare. Cum autem nonnulli regi suaderent nichil ulterius temptandum, quia inter tot hostium milia litoris aditum impossibilem asserebant, nec credibile esse *Chri-*

stianos pro quorum salvatione advenerat vivos esse, præsertim cum jam *Turci* terminum præfixum prævenientes, à mane bizancias exigenter, & nichilominus post solutionem postposita fidelitate quoscumque necarent: ecce ad regem sacerdos quidam natando advenit, qui in galeam regis admis-
sus, spiritu fatigato, & corde adhuc palpitante ad regem ait, O rex magnifice! gens residua quæ tuum aspirat adventum, cito ensibus vibratis periet lanistarum, nisi te cooperante divinum assit remedium. Cui rex inquit, Sunt adhuc vivi? Cui sacerdos. Eciam domine, sed cito in maximo periculo finiendi. Quo audito, Periat, inquit rex, modo qui non processerit. Galeis igitur regis ad litus suo imperio propulsis, ipse primus in mari usque ad pubem se misit; post quem primi erant & proximi *Galfridus de Bosco*, & *Petrus de Pratellis*, quos, omnes in mari profluentes sequebantur, versus litus pedites procedebant. Rex autem singularis audacia, balista qua manu gestabat, *Turcos* in litore passim prosternit, cujus etiam comites electi per litoris ampla *Turcos* cadentes prosequabantur. Litore à *Turcis* evacuato, rex per cocliam quandam quam forte prospexerat de domibus *Templariorum* solus primo intravit, suisque sequentibus, jussit sua vexilla eminentius explicari.

Quibus cognitis, *Turcorum* multitudo quæ ad tria milia infra urbem æstimabatur, plurimum conturbatur. Rex cum suis extracto gladio progrediens, *Turcos* jam fugientes insequitur, & qui in turri erant; resumptis viribus egressi, regis militumque conjuncti, horrendam ingerunt *Turcis* stragem. *Saladinus* autem audito regis adventu & ejus congressu cum hiis qui urbem occupaverant, à suis papilionibus velociter fugiens abcessit. Rex autem *Ricardus* post discessum *Saladini* in eodem loco papiliones & tentoria sua fixit. In crastino vero die Dominica & duobus diebus sequentibus, reparationem murorum solcite procuravit, sed sine calce & cemento, ut qualemcumque qui in urbe erant munitionem haberent. Interim quidam juvenes de genere *Saracenorum* dicti *Ordini* & *Melones*, mutuum ingerunt inter se fœdus, jactantes, quod regem *Ricardum* in suo tentorio comprehenderent, & *Saladino* infra biduum præsentarent. Hora igitur noctis media ad lunæ splendorem armati, procedunt super agendis adinvicem confabulantes. Et ecce Deus minarum qui in ipso sperantes non negligit, in eos spiritum contentionis inmisit, & dum inter se certant qui pedites procedere, & qui equites observare debeant, moram sic procedendo inmittunt usque ad auroram diei lucide apparentem. Egressi itaque de castris ad loca campestria quidam forte fuerant *Jannenses*, qui audito itinerantium strepitu obstupuerunt, & demisso capite viderunt contra cœlum eminus scintillare vertices galearum. Cursu igitur rapido ad castra reversi non cessabant clamare voce vehementi, ut se armarent celerius universi. Rex ex clamore audito expergefactus, de stratu suo profliens, lorica & armis suis induitur, jubens omnes suos festinanter armari, quorum quamplurimi exurgenti articuli conturbatione consternati, ad bellum nudis tibiis procedebant.

Apropinquantibus autem *Saracenis* & *Turcis*, cum rex processurus equum ascendit, socios habebat equites tantum decem, videlicet *Henricum* co-

mitem *Leycestrie*, *Brachium* de Mortuo mari, *Radulphum* de Malo leone, *Andream* de Chenegin, *Girardum* de Furnivall, *Rogerum* de Lacy, *Willielmum* de Stagno, *Hugonem* de Nevilla servientem probissimum, *Henricum* Teutonicum, & *Reginaldum* Signiferum. Hiis tantum equos habebant. Per ordines igitur disponuntur agmina, & singulis castigandis assignantur præfecti, locisque maritimis destitantes milites probiores, quoniam ibi versus eos venerunt *Turci* agmine densiori. Extra ortos suburbanos assignantur *Jannenses* & *Pisani*. *Turci* cum diversa gente commixta clamore horrendo irruunt, ad quorum impetus suscipiendos *Christiani* milites se aptabant, dextrum genu solo figentes, pedumque dextrorum articulos in terra affigebant, pedes vero sinistros sinuato poplite habebant. Manus sinistra tenebant clipeos, dextra lanceas; quarum capita posteriora in terra figebantur, anteriora vero cum cuspidē ferrata adversariis irruentibus opposita tenebant. Rex inter quoslibet duos sic aptatos, duos statuit balistarios, quorum unius officium esset balistam tendendi, alterius pila jugiter jaciendi. Quod non modicum nocuit hostibus, & plurimum profuit *Christianis*. Hostilis exercitus per septem acies & turmas fuerat ordinatus, quarum prima militibus *Christianis* prædicto modo dispositis appropinquans, cum jam imineret irrutura, quia hos *Christianos* attendit immobiles, subito resiliens ab eis in partem se divertit. Eodem modo secunda acies & tertia. Reliquæque modo simili cum cominus viderentur præliaturæ, versuta calliditate in partem alteram flexis loris equos celerius regirabant. Quod cum rex diutius prospexisset, non æstimans eos aliud acturos, cum prædictis equitibus suis equos calcaribus subductos demissis lanceis in densiorem hostium turbam vehementius agebatur, gravissimoque prælio conferto, rex comitem *Leycestrie* equo dejectum defensurus, ocius advenit, atque ad standum sibi obsequium præstitit. Videns etiam *Radulphum* de Malo leone captum ab hostibus trahi, celerius accurrit, & à *Turcorum* manibus ipsum eripuit. Rex itaque ea die adeo Martis exercitio vexabatur, ut curis dextræ vibrantis gladium rumperetur.

Interea factus est clamor magnus ab acie *Turcorum* jam villam *Poppen* certatim occupantium. Quo audito, rex cum multitudine balistariorum, equitibus tantum duobus eum comitantibus, accurrit, & in ipsa platea duos *Turcos* sibi obvios deiciens, duos equos lucrificat. Repulsisque *Turcis*, murorum interrupta reparari mandavit, adhibens custodes qui urbem à *Turcorum* incursibus custodirent. Deinde ad litus maris accedens, multos qui in galeis fugam temptabant, efficacissimis verbis ad prælium revocavit: cum quibus ad locum pugnae unde digressus fuerat adveniens, ferocissimo impetu in turbam *Turcorum* dimicantium irruit, qui regem undique circumvallabant, ita ut à suis fere non videbatur, & ibi ipsum opprimere conabantur. Sed ille tanta vivacitate in illa *Turcorum* multitudine se habuit, ut hostes suos transverberaret undique irruentes, inter quos admillum quemdam ceteris eminentiorem, & insigni apparatu nobiliorem, unico sed admirabili vulnere interfecit; nam cum alios velut desides redarguens, equo sublimi vectus, cursu rapido obviis regi ad ipsum deiciendum venisset, rex tota virtute gladium elevans, caput cum scapula dextra

dextra & brachio amputavit. Quo viso, ceteri *Turci* viam spaciosam ei dantes, à longe sagittas & pila in ipsum tantum emittere satagebant. Tandem rex *Ricardus* miles eximius, cujus armatura & equi sui pilis & sagittis infixis circumquaque obsita erant, à prælio gravissimo à mane usque ad vesperam commisso, cum laude & victoria reversus est.

Mira res quod *Christiani* tam longe impares numero, eum paganis certamina sustinebant. Sed revera Dei miserantis opitulatione non est dubitandum hoc esse patratum, cum in illa die funesta non corruit nostrorum nisi tantum unus vel duo, et *Turcorum* amplius quam septingenti. Porro *Joppen* potenter ut prædicatur liberata, ex prædicti prælii fatione, et cadaverum fœtore unde locus corruptus erat, *Christiani* quamplurimi decesserunt, et rex incidit in langorem. Invalescente nimium ægitudine, rex de sanitate recuperanda desperatus est. Unde tam pro aliis quam pro seipso nimis anxius, maluit citius eligere ut inducias peteret, quam infesto negotio recedens, terram depopulandam omnino desereret sicut fere omnes alii fecerant, jam catervatim in navibus abeuntes. Optinuit itaque à *Saladino* inducias sub hac forma, videlicet, ut *Aschalon* civitas, quæ terror erat *Saladino*, dirueretur, à nullo homine reparanda ante finem trium annorum ad pascha proximum incipientium; post triennium vero quisque qui superiori vigeret potentia *Aschalon* occuparet. Concessit autem *Saladinus* ut *Joppen* restauraretur *Christicolis* libere et quiete, cum universa regione vicina, locisque maritimis et montanis. Confirmandam etiam sanxit pacem inter *Christicolas* & paganos: Totoque tempore induciarum saluum esse per omnia accessum ad sanctum Domini sepulcrum absque cujuscumque pensionis exactione, ita quod expletis orationum solemnibus, *Christicolas* cum fructu devotionis suæ finibus se redderent *Christianis*. Concessit etiam liberum transitum deducendi res quascumque venales per omnem terram, & commercia libere exercenda.

Rex autem *Ricardus* licet ægre tulit, urbem *Aschalon* everti, in cuius restauratione sumptuose & magno labore sudaverat, à *Christianis* tamen indutus, ipsas inducias amplexus est. Induciæ ergo à proxima solemnitate paschali in tres annos, tres menses, tres septimanas & tres dies concorditer concessæ sunt. Sed quia rex in infidelibus minime sperare poterat, utpote æger & modico fretus auxilio, & non prorsus ab inimicorum aberat statione quam miliaris duobus, induciis scriptis & juramentis confirmatis, *Cayphan* ut sanaretur fecit citius se deduci, ubi salutiferis medicinis acceptis, statuit ut populus qui vellet Dominicum sepulcrum visitare, ita quod oblationes suas ad auxilium inuororum *Joppæ* faciendorum integre reportaret. Populus igitur sepulcrum Domini visitare volens, in tres turmas dividitur; quarum primæ præfuit *Andreas de Cheveigni*, secundæ *Robertus Tesun*, terciæ *Hubertus Sarisburiensis* episcopus, qui in omni expeditione individuus extiterat comes Regi; per quem rex propter periculum emergentia à suis ire in propria persona non consultus, oblationem devotionis regiæ illuc misit.

Expedita Christianorum peregrinatione, *Saladinus* episcopum ad sui colloquium invitavit: post quod *Saladinus* episcopo dixit, ut ab eo peteret quod optaret. Qui peciit ut apud Dominicum sepul-

crum & in *Bethleem* atque *Nazareth*, duo presbyteri *Latini* cum tot diaconis divina possent celebrare. Quod optinuit. Et tunc dictus episcopus, expleto peregrinationis officio, ad regem cum gaudio remeavit. Quibus actis, rex *Ricardus* insulam de *Cypre Guidoni* olim *Ierosolymorum* regi & *Henrico* Comiti *Campanie* nepoti suo, quem *Christianis* finibus juxta votum populi ut prædicatur præficerat, liberalitate mera dedit: Quibus suam reversionem citra induciarum expletionem Deo propicio promisit, caractere Dominico quo insignitus advenerat in argumentum propositæ reversionis retento.

Interea regis *Ricardi* navigium instruitur, & omnia necessaria pro reditu suo præparantur. Tunc pro *Willielmo de Parcell* redimendo, qui se regem ut regem salvaret in pugna, ut præscribitur, exclamavit, decem ex nobilioribus *Turcis* commutandos libere dimisit.

Die autem sancti *Dionisi* rex *Ricardus* à *Siria* digrediens, duabus reginis, scilicet sorore sua vidua & conjuge propria, cum omni fere familia præmissis & prospere in *Sicilia* applicantibus, ipse cum paucis agiliori navigio sequebatur. Ortaque tempestate valida, & navi qua vehebatur indementioribus auris arrepta, circa festum sancti *Martini* in terra imperii *Constantinopolitani* applicuit; verum quoniam versutiam Imperatoris & *Græcorum* suorum suspectam habuit, nolens ibi videri, cum piratis forte inventis paciscens, dat eis pro naulo quantum postulabant, rogans eos ut ipsum expeditius in terram commodiorem transveherent. Relicta igitur classe regia, se regem habitu mutato dissimulans, cum paucis transvectus est in *Slaviam*. Inde pertransiens, inter *Aquileiam* & *Venetiæ* naufragium passus est, ubi inter ceteros naufragos aliquantisper personam propriam celans, inani cautela periculum evadere studuit; nam cito percubuit insignem in terra illa oberrare naufragum & latere. Mox nobilibus simul & populo ad illum investigandum intentis, ut mortem Marchionis quæ sibi imputabatur in eo vindicare possent: contigit ut *Ricardus* Comes terræ illius nomine *Maynardus* rege *Quardo* latenter per fugam elapso, octo de suis comprehenderet. Deinde in episcopatu *Salburgensi* loco qui dicitur *Frisarum*, sex viris de suis à quodam *Frederico* detentis, cum quatuor tantum personis comitibus nocturno tempore ad partes *Austriæ* properavit.

Limpoldus vero dux *Austriæ* qui olim ut supra dictum est stipendiarius ejus fuerat, beneficii accepti inmemor, in ultionem cujusdam lationis & contemptus nuper per regem in terra sancta sibi factæ ex igne sæviens, *Anglicanasque* opes tanquam avarus & perfidus ficiens; audito quid regi *Ricardo* acciderat, cautissimos per omnes viarum transitus custodes posuit, ne locus esset insigni profugo evadendi. Qui demum xiiij. kal. Januarii in suburbio *Vienne* indicio tali captus est. Dum unus ex suis elcas lautiores emeret, comprehensus & intenta morte requisitus cuiam peregrino talia procuraret, per inmissos satellites caute de eo inquirentes rex captivatus est. Ingressique ad eum armati confestim, inquirunt, Ave Rex Anglorum, frustra personam tuam pallias, te enim manifestum facies tua facit. Cumque vir ingentis animi gladium arripere, Noli ô

Rex, inquit, *timere vel temere agere, non enim morieris sed potius à morte servaberis in medio tuorum hostium* Conradi Marchionis propinquorum, qui utique te quarunt ut animam tuam perdant; In quorum namque manus si casu forte incideres, etiam si centum vitas haberes nec una tibi salva remaneret. Captus est igitur Rex nobilis & Duci nequissimo præsentatur anno à partu virginis M.C. nonagesimo secundo mense Decembris, & citra decus regium vinculis mancipatur.

Rumores autem istius captionis ad *Tentonicum* Imperatorem *Henricum* vj. in *Germania* partibus tunc constitutum mature delati sunt; qui *Anglicanus* sciens divitias, missis ad *Limpoldum* ducem *Austrie* nunciis, allegavit, Regem non decere à Duce teneri, nec esse indecens si ab Imperatoria celsitudine decus Regium teneretur. Et cum hoc à duce negari non posset, insignem captivum sic à duce pacto interveniente resignatum Imperator avarus in custodiam suam duxit. Nec hoc regem *Francorum* latere voluit Imperator. Sed missis ad eum nunciis, istius suæ læticiæ participem eum fecit. Qui supra modum lætatus, rescriptis & procuravit, ut perpetua foret insignis captivi detentio, tanquam publicæ pacis perturbatoris & mortis seductoriæ proditoris.

Missis ergo nunciis consobrinam Imperatoris sibi dari petiit in uxorem. Cujus petitionem gratanter amplexus, statim ipse Imperator Comitem *Palatinum* patrem puellæ accersivit; nec latuit ea res matrem puellæ consobrinæ Imperatoris. Quæ filiam suam unicam secreto advocans, ait illi; Visne filia mea, honorabiles nuptias & thoro regio adhærere? Tunc illa, *Audivi*, inquit, à multis de hoc Rege quomodo nobilissimam puellam Regis *Dacorum* germanam fœdavit & turpiter abjecit, unde adhuc vereor hoc exemplum. Ad quam mater, Quis, ait, in votis tuis est potior? Cui illa, Si mea, inquit, vota prosperentur, ab *Henrico* ducis *Saxonie* filio cui me didici in annis infantia desponsatam, nunquam disjungar. Et mater ait, Confide filia, quia per matrem operam optato connubio poteris: Moxque eundem *Henricum* Regis *Anglorum* ex sorore nepotem, secretis literis accersivit. Qui festinanter adveniens, & promptissime votis parens, dilectam tradente matre accepit virginem in uxorem. Imperator hoc audiens, & de consensu Comitis hoc esse factum credens, in eum excanduit vehementer, tum quia juvenem oderat, tum quia factum erat aliter quam volebat. Cumque respondisset Comes, omnia per conjugem suam esse facta, prætextu cujusdam juramenti patri ipsius juvenis præstiti de puella sibi desponsanda cum ad annos nobiles pervenisset, Imperator subintulit, Vade ait, & nebulone illo expulso rescinde citius quod actum est. Et ille, Noli, inquit, sic loqui Imperator, nam usque huc res ipsa rite processit, ita quod absque sempiterno unicæ filiæ meæ dedecore rescindi non potest. Et reversus ad propria blande suo genero locutus est, eumque in filium adoptans egregie dotavit. Sicque rex *Francie* qui propriam repudiaverat conjugem, nuptiis diu speratis Dei judicio caruit & optatis. Plures etiam feminæ nobiles ex post facto prædictum exemplum puellæ *Dacie* verentes ejus conjugium aspernebant. Alias etiam cum quandam virginem nobilissimam de Imperio *Theutonico* expetisset, sic voto fraudatus est. Cum enim alius vir potens eam prius petisset, & à parentibus regiam magis petiti-

nem admittentibus ad *Franciam* pompaticè duceretur, per finesque proci prioris transiens, sponte ejus manibus se injecit, à quo volens retenta & sollempniter ducta, vota regia sic delusit.

Deinde rex *Francie* per literas *Henrici* Imperatoris de captivitate regis *Anglie* ut præscribitur certificatus, misit ad *Johannem* regis *Ricardi* germanum ut cum eo fœdus iniret. Qui confestim ad eum veniens, & de ejus auxilio ad regnum *Anglicanum* aspirans, pepigit cum eo fœdus. Et in *Angliam* cito rediens, congregatis sibi vagis & profugis, castella & loca munita fratris sui regis quam citius occupavit. Regni vero optimates fide integri animisque justis infracti, collecta manu valida ne-
phariis ausibus vecordissimi juvenis se opposuerunt, & castrum de *Windsore* die & nocte fortiter oppugnantes ad deditionem coegerunt. Quod cum *Johannes* videret & obsessis subvenire non posset, pro eorum salute ad tempus diffinitum inducias petiit, & castrum obsessoribus resignavit. Quo facto, *Johannes* Comes fratrem suum regem nunquam credens à custodia Imperatoris liberari, imo potius quicquid pro redemptione sua daretur perdi, statim transfretavit, & ad regem *Francie* se contulit, secum contra fratrem indecenter militaturus.

Denique post paschalem festivitatem Imperator *Henricus* regem *Ricardum* in multis accusavit. In primis quod per ejus auxilium & consilium regnum *Sicilie* & *Apulie* quod sibi jure hæreditario debebatur defuncto rege *Willielmo*, amiserat, pro quo adipiscendo exercitum permaximum data infinita pecunia conduxerat, cum idem rex auxilium sibi se fore præstiturum fideliter spondisset, ut à *Tancred* regnum illud optineret. Deinde accusatur de rege *Cipri* qui ei affinitate conjunctus fuerat, quod eum injuste ab imperio ejecerat & carcerali custodiæ deputaverat, & terram ejus cum thesauris invaserat, & insulam vendiderat sive dederat cuidam alieno. Postmodum vero ipsum de morte *Marchisi de Monte ferrato* hæredis sui accusavit, quod videlicet per ejus prodicionem ab affinis peremptus fuit, quos etiam miserat ad dominum suum regem *Francie* perimendum, cui nullam fidelitatem ut debuerat servavit, sicut in communi eorum peregrinatione inter eos juramenti sacramento fuerat confirmatum. Deinde conqueritur, quod signum Ducis *Austrie* consanguinei sui in terra sancta Deo militantis ob ejus contemptum in cloacam dejecerit, & verbis & factis ipsum & suos *Theuticos* dehonestavit. Super hiis autem omnibus rex *Ricardus* hillari fretus conscientia constantique & libera responsione ita diluit objecta, ut omnibus audientibus sufficienter se excusavit. Unde Imperator non solum ad misericordiam verum etiam ad ejus reverentiam flecti videretur. Multisque præ gaudio in lacrimas resolutis, regem inclinatum ipse etiam Imperator dignanter erexit, uberiores de cætero gratiam sibi pollicens & solatia ampliora.

Insuper rex *Ricardus* misit imperialem legationem ad *Veterem de Monte* rogans ipsum & affinos suos, ut per ejus epistolam super dicto crimine de morte *Marchisi* ei per ducem *Austrie* maxime imposito, innocentiam suam purgaret; Quod per hujuscemodi literam postea factum est.

Limpoldo duci Austrie Vetus de Monte *salutem*. Cum plurimi Reges & Principes ultra mare *Ricardum*

cardum regem Angliæ & dominum de morte Marchisi inculpant, iuro per Deum qui in æternum regnat & per legem quam tenemus, quod in ejus morte culpam non habuit. Est causa siquidem mortis Marchisialis. Unus ex fratribus nostris in unam navem de Salteleya ad partes nostras veniebat, et tempestas forte illum apud Tyrum impulit, & Marchisus fecit illum capi & occidi, & magnam ejus pecuniam rapuit. Nos vero Marchiso nuncios nostros misimus, mandantes, ut pecuniam fratris nostri nobis redderet, & de morte fratris nostri satisfaceret, quam super Reginaldum dominum Sidonis posuit. Et nos tantum fecimus per amicos nostros quod in veritate scivimus, quod ipse fecit illum occidere & pecuniam illius rapere. Et iterum alium nuncium nostrum nomine Ewrisum misimus ad eum, quem in mari mergere voluit; Sed amici nostri illum à Tiro festinanter fecerunt recedere, qui ad nos cito pervenit, & ista nobis nuntiavit. Nos quoque ex illa hora Marchisum desideravimus occidere. Tunc quoque duos fratres misimus ad Tyrum qui eum aperte & fere coram omni populo Tiri occiderunt. Hac itaque fuit causa mortis Marchisi. Et bene dicimus vobis in veritate, quod dominus Ricardus rex Angliæ in hac Marchisi morte nullam culpam habuit. Et qui propter hoc domino regi Angliæ malum fecerant injuste fecerunt, & sine causa. Sciatis pro certo quod nullum hominem hujus mundi pro mercede aliqua vel pecunia occidimus, nisi prius malum nobis fecerit. Et sciatis quod literas istas fecimus in domo nostra ad castellum nostrum Messiat in dimidio Septembris anno ab Alexandro papa quinto.

Fama vero super inventis accusationibus regi Ricardus objectis sufficienter purgata, & epistola quam Vetus de Monte duci Austria transmisserat jam perlecta, Celestinus papa, & multi Principes Germania indigne ferentes regem Angliæ ab Imperatore sic diu captivum detineri, suggererunt ei & duci Austria, & ab eodem papa amoniti sunt tam idem Dux quam Imperator, ut in pace regem Ricardum dimitterent & libere sinerent ad propria remeare, neque merita ejus sic recompensanda erant, qui pro totius Christianitatis negotio tantis laboribus & periculis expositus fuerat & attritus. Imperator vero tam opimam prædam nullo modo dimittere volens, ipsum usque Maguntiam transfudit captivatum, & in sui exultationem dicebat se ab eo exigere pecuniam quam à terra sua Sicilia ipsum jam asseruit spoliasset. Contra quod rex Ricardus nichil nisi dotem sororis suæ à rege Tancredo retulit exegisse. Sane autem rex Ricardus sic detentus à multis insignibus visitabatur: Inter quos Willielmus episcopus Eliensis, propter insolentes mores ab Angliam jam pridem ut præscribitur extrusus, ad eum venit ut regis circa se animum exploraret. Quem cum adumbratæ devotionis præstigiis non posset diludere, desperata gratia sed cauteriata comitante conscientia, ad Franciam rediit. Tamen quidam volunt, quod ipse à rege non discessit, sed semper ei assistens negotia ipsius strenue ministrabat. Venit etiam ad eum vir venerabilis Hubertus Sarisbiriensis episcopus, qui ejusdem regis in Siria individuus comes fuit. Qui cum in Sicilia applicuisset, & quod regi acciderat cognovisset, ad eum illico pro-

perabat; Quem rex in Angliam direxit tum pro necessaria regni cura, tum pro liberationis suæ negotio maturando, quam pro certa redemptione infra breve sperabat.

Rebus igitur ita citæ regem Angliæ se habentibus, Philippus rex Franciæ missis ad eum viris honoratis hominum quo sibi astrictus videbatur solemniter refutavit, bellumque victo indicens, hostile propositum declaravit. Displicuitque res ipsa Imperatori & suis nobilibus, eo quod inauditum & indecorum sit valde, homini victo & sui penitus inpotenti bellum indicare. Scripsit igitur ei Imperator supplicando ut à victi rebus quiesceret, & saltem utque ad tempus in pace remaneret. Porro rex Franciæ non adquiescens, imo promissa ingenti pecuniæ summa Imperatorem corrumpere temptavit, ut eundem victum sibi traderet cautius custodiendum, allegans multa mala evenire si tantus turbator irrumperet. Congregato igitur exercitu fideque postposita & juramento fracto, quo se præfato regi Angliæ ante recessum suum de Achon astrinxerat, Normanniam statim hostiliter invasit, & Gisorcium nobile castellum prodicione Gislebardi de Vascallio custodis ejusdem recepit. Ulterius vero ad alia castella progressus, invenit neminem resistentem. Cumque jam Albemarlam, Angun atque alia castella plurima, urbemque Ebroicensem in ejus potestate cepisset, ecclesias Dei in spiritu vehementi contrivit, nec pepercit episcopatibus, abbatiis aliisque monasteriis, quinimo monachos eiciens, redditus eorum cepit & in proprios usus convertit. Tandem valle Rodolii, & Novo burgo captis, metropolim Normannia Rothomagum cum exercitu adiit. At Comes Leicestrie Robertus, qui cum rege Ricardus in orientali expeditione fidissimus fuerat, paulo ante urbem ingressus, animos civium erexit, & ut viriliter agerent egregie roboravit. Rex vero Franciæ urbe per dies aliquot obsessa & frustra oppugnata, jacturaque magis accepta quam illata, recessit & ad faciliora negotia exercitum revocans, munitiones nobiles Passey & Luercy absque difficultate optinuit. Tunc ad ejus impetum pro tempore frangendum, illi qui vices victi gerebant ingentis summæ pactione ad certum tempus duxerunt inducias redimendas, & iv. electa castella loco pignoris tradiderunt. Per idem tempus mortuo Saladino Soldano & in inferno sepulto, Safadinus frater ejus ei successit.

Circa hæc tempora Stephanus quidam procurator Andegavia qui sub diebus Henrici secundi & hujus Ricardi prudenter egerat, conjectans tam delicati corporis principem ex longo itinere & periculo vel non vel difficile posse in terram suam reverti, absente rege cepit fines creditæ potestatis petulanter excedere; Unde & suadente sibi quodam familiari suo, nigromanticum consultit, utrum rex Ricardus esset reversurus. At ille ducens Stephanum ad locum secretum, caput æneum spiritum habens inclusum ei ostendit. Quære, inquit, ab isto quæ volueris, sed pauca & breviter, nam ad multiloquium & ad plura non respondet. Tunc ille interrogans dixit, Nunquid visurus sum Regem Ricardum? & respondit, Nequaquam. Iterum inquit, Quamdiu durabit michi administratio suscepta? Respondit, Usque ad mortem tuam. Tercio quæsitivit Stephanus, ubi esset moriturus.

Et

Et responsum est, In *pluma*. Nec licuit ei ulterius quærere. Sed dimissus à vate præcepit suis, ne quid plumeum occasione aliqua sibi applicaret. Cæpit exhinc confidentius solito agere, subditos conterere, & maxime quendam de nobilibus, qui aliquando in castrum suum à facie *Stephani* persequentis fugiens, ipsum *Stephanum* negligencius in obsidione oberrantem cepit & laniatum trucidavit. Munitione vero illa dicebatur *Pluma*, sicq; paruit cavillatio spiritus illuoris.

Simile contigit *Gilberto* pseudopapæ, prout superius tempore regis *Ethelredi* fratris sancti *Edwardi* regis & martiris expressum est; qui quæsit à diabolo quando esset moriturus, & responsum est, Quando celebraret in *Jerusalem*; sed in *Roma* erat ecclesia nuncupata *Jerusalem* qua singulis annis *Romanus* pontifex solet celebrare Dominica quadragesimæ qua cantatur *Latate Jerusalem*, ubi tandem celebrans illusionem dæmonis expertus est. De *Alberico* quoque comite *Northumbria* simile narratur, qui cum esset præpotens, suo tamen statu non contentus, consulto dæmone audivit, quod *Graciam* esset possessurus, unde & partes adiens orientis, *Graciam* ingressus est. Cumque auditum esset à *Gracis* quod super eos foret regnaturus, nudatum bonis omnibus de finibus suis expulerunt. Post annos aliquot homo laboribus & ærumpnis fessus, *Normanniam* ad regem *Henricum* rediit, à quo & nobilem viduam cum toto patrimonio in conjugem recepit, at cum in benedictione nuptiali sacerdos diceret mulieri, Domina *Gracia* complacetne tibi in isto viro? Agnovit *Albericus* astutiam spiritus illuoris qui mentem hominis cupidam erexerat in spem vanam.

Eodem tempore ecclesia *Cantuariensis* vacante, rex de *Alemannia* Electoribus scripsit, personam eis *Huberti Sarisbiriensis* episcopi in quo sibi complacbat, utpote virum in multis probatum & præclaræ famæ agnitum commendando. *Cantuarienses* cum episcopis convenientes eundem *Hubertum*, juxta voluntatem regiam ad primæ sedis regimen concorditer & solemniter electus est, qui nimirum accepto pallio intronizatus, mox sumpto apud *Berton* canonicæ professionis habitu, *Cantuariensibus* quos fervor *Baldewini* prædecessoris sui paulo indiscretior exulceraverat, molestus non fuit. Præfatus namque *Baldewinus* quanquam alias vir bonus, prudens & religiosus, ante annos aliquot jus & prærogativam eligendi pontificem *Cantuariensem* à *Cantuariensibus* monachis transferre elaboraverat, cujus rei gratia regio favore fretus nova ædificia juxta majorem *Cantuarie* ecclesiam ad præbendas canonicorum secularium non sine sanguine construere cœperat, ut ibidem postmodum suffraganei episcopi cum clericis convenientes, de futuri pontificis electione, extrusis monachis deliberarent. At contra monachi, ad *Romanum* pontificem appellantes, opus inceptum interim suspensum post mortem *Baldewini* usque ad solum complanaverunt. In quo facto mirandum fuit, tantum virum qui ex archidiacono monachus, & post abbas *Cisterciensis* ordinis, & ex abbate *Wigornensis* episcopus, ac ex suffraganeo tandem metropolitanus effectus est; quod imperfectioris vitæ homines, canonicos scilicet seculares, loco perfectiorum subrogare voluisset, cum olim sancti principes & pontifices in *Anglia* illud genus clericorum minus habundare volentes, optionem illis dederint, ut aut beneficia relinquerent, aut mutantes vitam & habitum in religionem transirent.

Post paucos autem dies imperator *Henricus* ad locum ubi rex *Anglia* servabatur veniens, præsentibus & mediantibus episcopis, ducibus atque magnatibus pluribus, per dies aliquot cum eo colloquium habuit & tractatum, & tandem in vigilia apostolorum *Petri & Pauli*, omni quæ vertebatur inter eos quæstione decisa, & summa redemptionis regie declarata, imperator regem de cætero honestius servari decrevit sine vinculo & cathena. Denique jubente imperatore, episcopi & duces cum universa nobilitate quæ aderat certam regis liberationem post satisfactionem pecuniæ ejusdem, id est, centum milium librarum argenti, in imperatoris animam juraverunt, cujus pecuniæ tertia pars duci *Austrie* qui eundem regem captivatum transmiserat ex pacto imperatoris quando eundem regem à duce recepit, competere dicebatur. Quo facto, *Ricardus* rex universis suis fidelibus scripsit, ut redemptionis suæ precium præparantes, liberationem suam modis omnibus maturarent. Negotium igitur illud *Elanora* matre regis in omnibus viribus suis procurante, executores regii in cunctis *Anglia* finibus urgebant, nulli parcentes, nec ulla erat distinctio clerici & laici, secularis & religiosi, rustici & urbani. Sed omnes indifferenter juxta substantiæ suæ vires vel reddituum quantitatem pro redemptione regia portionem suam solvere cogebantur. Privilegia, prærogativæ, immunitates ecclesiarum tunc filebant penitus, & vacabant; omnis enim dignitas & libertas os suum undique opilabat. *Cisterciensis* quoque ordinis monachi qui ab omni exactione regia hæcenus immunes extiterant, tanto magis tunc onerati fuerant, quanto minus antea pupplici oneris senserant gravitatem. Exacti quoque & coacti lanam suarum ovium resignarunt.

Congregata per totam *Angliam* ingenti pecuniæ summa, cum universæ particula ejusdem *Londoniam* convenissent, ad summam redemptionis regie minime attingebant, licet ab initio crederetur quod tanta coactatio eandem summam excedere deberet. Quod collectorum fraude creditur accidisse. Denique propter hanc primæ collectionis insufficienciam ministri regii secundam tertiamque collectionem instaurant, quosdam etiam pecuniis locupletiores spoliant, factum suum nomine redemptionis regie palliantes. Postremo ut nulla vacaret occasio, ad vasa sacra & utensilia ecclesiæ ventum est. Itaque per omnem *Anglici* regni latitudinem sacri calices exactoribus regis traduntur, vel paulo infra pondus redimuntur: Vasa etiam alia, cruces prælatorum, anuli cum auro de Sanctorum feretris abraço sunt conflata. Nec erat hoc secundum patrum decreta illicitum, cum urgentissimus necessitatis articulus instaret. Cum jam fere exinanita pecuniis *Anglia* videretur & lassatis executoribus regis occasiones etiam exquirendi pecunias languerent, tota tamen illa coactatio, ut dicitur, ad summam regie redemptionis atque expensarum ejus complendam minus sufficere potuit. Quamobrem prætaxatæ summæ parte majori ministris imperatoris appensa, rex consulte ne sua supra modum protraheretur relaxatio, pro parte residua imperatori per obsides idoneos, videlicet *Rothomagensem* archiepiscopum & *Bathoniensem* episcopum, vel secundum quosdam episcopum *Eliensem* cum aliis nobilibus satisfecit.

Igitur rex *Anglorum* post *Alemanica* detentionis tædium, quod pleno anno & tribus mensibus duraverat, mense demum Januarii solemniter relaxatus, à

Maguncia

Maguncia tetendit in *Coloniā*, ab archiepiscopo civitatis illius instantissime invitatus, à quo in ecclesia cathedrali receptus. Missam audivit ipso archiepiscopo cantoris officium supplente, et officium illud *Nunc scio vere* celebriter inchoante. Deinde versus *Angliam* accelerans, statim portum qui *Swina* dicitur in *Flandria* adiit, inde in regnum proprium Deo propicio transiturus. Ubi dum pro providentia necessarii apparatus reparanda, vel propter flatus adversos duobus plene mensibus moram traxit, indulta ei gratia ut dicitur imperatorem pœnituit, & eum relaxatum ad detentionem cogitavit perpetuam revocare; perfidus namque imperator & *Alemanni* instabiles dixerunt ad invicem conferentes: Quid, inquit, fecimus emittentes ad orbis periculum tremendi roboris & sævicie singularis tyrannum? ergo velociter ad vincula revocetur in secula minime relaxandus. Pœnituit enim imperatorem regem relaxasse, sicut quondam *Pharaonem Israel* dimisisse. Quæ quidem res non latuit quandam regis *Ricardi* benivolunt, qui festinato nuncio eidem mittendo consuli, ut confestim navem ascendens potius se elementis quam infidis hominibus crederet: quod & factum est tam cautela celeri quam salubri. Mox imperatorii apparitores affuerunt, & eum in arido non inventum, sequi per liquidum timuerunt. Talia imperatori nuntiantes, confestim imperator præcitem sui animi motum in innoxios obsides transtulit, & quos prius indulgentius & liberius habuit, arciori jam custodia castigavit. Porro secundi flatus regem *Anglorum* excipientes, saluum atque incolumem ipsum cum omni comitatu suo regno proprio tradiderunt.

Applicuit ergo iij. idus Marcii quadragesimali tempore apud *Sandewicum*, & tunc primo à captivitate se credidit liberatum cum navi egrediens *Anglicanum* solum calcavit. Et inde pedes tanquam peregrinus humilis *Cantuariam* procedens, Deo & beato *Thoma* grates & gratias impendebat. Et cum gratulatorio occursum à provincialibus acceptus *Londoniam* venisset, cives ejusdem, adventu ejus præcognito, oleum gaudii pro luctu, & pallium laudis pro mœroris spiritu assumpserunt. Et ita ad principis ingressum ornata est facies amplissimæ civitatis, ut nobiles *Alemanni* qui cum eo venerant, & *Angliam* pro redemptione regia exinanitam crederent, conspecta opum magnitudine obstupescerent. Quorum unus in ipsa solempni pompa ad principem conversus, ita dixit. » O Rex, gens tua prudentia mira pollet, quæ, te nunc sibi reddito, opum suarum claritatem secure ostentat, paulo ante paupertatis deploatrix dum te nostri imperatoris custodia detineret. Revera si has opes *Anglicanas* imperator scivisset, *Angliam* non facile posse exhauriri opibus credidisset, nec te nisi intollerabilis redemptionis summa duxisset à carcere dimittendum. Rex autem post recens captivitatis tedium paulam & delicias aspernans, mora exigua *Londonie* facta, sanctum *Edmundum* adornaturus adiit, deinde sanctum *Albanum* *Anglie* prothomartyrem visitavit. Inde usque *Pottingham* progrediens, omnes quos comes *Johannes* frater ejus corrumperat, edomuit, castrum cepit, & postea castrum de *Tykehill* quæ ministri dicti Comitibus tenebant. Rex igitur castellanos incarcerationis, qui misericordiam implorantes regis se tantum clementiæ submiserunt. Istis igitur castris sic captis, & eorum detentores ac omnibus adversariis suis

infra breve in *Anglia* subactis, confestim rex *Johanni* fratri suo qui contra se infideliter se erexerat, ob enormem culpam ingrati tudinis ac perfidiæ omne jus pristinum & honorem impensum solempni judicio procerum suorum abjudicavit. Et cito post omnis motus hostilis in *Anglia* conquievit. Huius Deo propicio feliciter gestis, rex solempnitatem paschalem apud *Hamptoniam* celebravit atque apud *Wintoniam* in octabis paschæ, ignominia captivitatis jam deterfa, quasi rex novus v. regni sui anno solempniter coronatus est, *Huberto Cant.* archiepisc. missam celebrante, & *Willielmo* rege *Scottorum* piissimo tunc præsentem. Rex igitur statim post illa coronationis suæ solempnia, portus marinos statuit observare, ne qua videlicet navis alienigenarum vel indigenarum in aliena regna annonas frugum vel aliqua alia victualia deportaret, ut ubertate propriorum bonorum quæ *Anglia* gigneret non careret. Coros etiam frugum & modios rerum venalium sive quascumque mensuras, quæ tunc diversissimæ in plurimis locis habebantur, per totum regnum fere statuit uniformes, quas ne quis forte minueret vel quoquo modo viciaret, summitates hujusmodi vasorum statuit circulis ferreis coronari. Similiter & de batis vel amphoris seu metretis, quas vulgo *galones* dicimus, legitimas statuit mensuras, & iussit hujusmodi regales mensuras apud singulos provinciarum præfectos vel urbium præpositos fideliter conservari; & ad probandum veras & falsas, & cum necesse fuerit convincendas, eis tribuit potestatem. Telas etiam pannorum in latitudine per totum duarum ulnarum infra oras, atque ubique fideliter æque contextas sine quocunque fuco vel superinductione fallaci fieri statuit, alterius cematibus inventas, non obstante cujuscunque auctoritate indigenæ seu alienigenæ, à regis sanxit ministris comburi. Fecit etiam fieri ulnas ferreas quas diminueri de facili nemo poterat. Unam insuper monetam per totam terram ad magnam populi utilitatem qui ex ejus diversitate gravabatur statuit atque fecit. Ad vincendum sophisticationem pannos vendentium, qui ex percussione meliorum colorum vel ex adverbatione locorum colores adulterinos gratiores reddebant, talia penitus abolevit. Ad hæc etiam *Judeis* procuratores proposuit, qui inter *Christianos* & *Judeos* vel etiam inter ipsos *Judeos* si quid querelæ emergeret diffinirent. Ad cohibenda etiam dolosa *Judeorum* machinamenta statuit, inter Catholicum & *Judeum* nichil clam contrahendum, sed sub quorundam testimonio ad hoc deputatorum publice contractus fieri, super quibus trina conficerentur scripta; quorum unum apud fiscanos, aliud sub custodia viri fide digni, tertium vero penes *Judeum* maneret; in quo si quid doli ut prius machinaretur, ex duplici scriptura prædicta convinceretur. Christianum sceneratorem fieri prohibuit, aut quacunque conventionis occasione aliquid recipere ultra id quod mutuo concessit. Quod si quid, forte redditus vel terras, in pignus accepisset, unde annuum proveniret emolumentum, recepta tantum forte obligatam possessionem redderet ad Dominum, non obstante pactione cujuscunque termini nondum transacti. Hæc etiam & alia populo terræ suæ necessaria zelo justitiæ à rege constituta toto ejusdem tempore servabantur illata. Justiciariis autem suis præcepit, ne cuiquam conquerenti justitiam denegarent. Advertens etiam rex nonnullas ecclesiarum campestrium argenteis calicibus carere, cum didicisset eos suæ redemptioni occasione sublato, sibi tanquam reo imputans,

putans, ac culta divina minus digne in hac parte celebrari, calices quamplurimos per loca diversa iussit fieri, eosque ecclesiis indigentibus distribui sine mora.

Rex igitur post ista prospera paululum demoratus, quasi rex novus & de novo factus negotia regia disponere revocareque curavit, & fere quicquid illi mutandum & innovandum in novitate prima placuisse videbatur, duxit pro libito facere in secunda. Denique quod cum ipse iter versus orientem arriperet & regnum ipsum multipharie sciderat, ad integritatem satagebat pristinam revocare. Quicquid enim ab illo tunc fuerat datum vel ponderose venundatum, sub nomine repetiit commodati; & regiarum possessionum emptoribus hastute loquebatur, dicens, » Non decet sublimitati regie scenerari; si ergo sortem vestram de fructibus rerum nostrarum jam » percepistis, ea contenti esse debetis, si minus, de » proprio quidem suplebo. Novit ergo prudentia » vestra sedis apostolicæ rescriptum, quo prohibemini » sortem vestram excedendo regi proprio scenerari. Illi autem emptores mox regio metu attoniti, nulla habita quæstione de sorte non percepta, confestim omnia resignarunt. *Dunolmenfis* etiam episcopus qui comitatum *Northumbria* gravi summa comparatum per aliquot annos possederat resignando, desinens esse Comes, in simplicem Episcopum rediit ut prius. Præterea rex sive pro liberandis obsidibus apud imperatorem & ducem *Bavaria* relictis, sive etiam pro sumptibus guerræ cum rege *Francorum* gerendæ, tributum minus usitatum universo regno, à singulis scilicet carucatis terræ indifferenter geminatum solidum exigebat, privilegiis clericorum religiosorum & quorumlibet aliorum vacantibus. Abbatibus *Cisterciensis* ordinis coram eo tunc præsentibus congratulando sic dixit, » Devotionem, inquit, » vestram & liberalitatem circa nos, quâ potissimum » substantiæ vestræ, id est vellera ovium vestrarum » redemptioni nostræ impendistis, ut dignum est ap- » probamus, & uberiores gratiam, si vita comes fu- » erit, pro ista gratia rependere cogitamus. Ut au- » tem vobis simus gratiæ perpetuæ debitores, oportet » ut adhuc semel vestrum ad nos declarantes affe- » cum, lanam vestram anni præsentis nobis non gra- » vaminus accommodare: nam cum ab imperatore » dimissi cum summa paupertate ad propria tende- » remus, de vobis confisi urgenteque necessitate, » lanæ vestræ precium à mercatoribus sumptimus » transmarinis, quod proculdubio ad Scaccarium » nostrum mense Octobris vobis reddemus cum gra- » tiarum etiam actione. Hoc modo religiosos illos quasi blandiendo spolians, clarissimis monasteriis egestatem insolitam irrogavit.

Rebus igitur in *Anglia* dispositis, & *Cantuariensi* archiepiscopo principali procuratore regni constituto, exercituque *Anglicano* qui cum eo transfretaret ordinato, cum rex apud *Westmonasterium* in aula sua quæ dicitur *parva* quadam die pranderet, certos accepit rumores, quod *Philippus Francorum* rex *Normanniam* ingressus, *Vernolium* obsideret; Quo audito, regem *Ricardum* jurasse fertur, se nunquam aversum faciem suam quousque regi *Francorum* cum eo occurreret pugnaturus. Unde effraeto muro aulæ de directo per aperturam, cujus usque hodie vestigium ostenditur, statim egressus, ad mare apud *Portsmouth* descendit, ubi propter elementorum contrarietates aliquandiu expectans, sæpiusque ele-

menta incusans, tandem auris ad vota spirantibus *iiij. idus Maii* in *Normanniam* transfretavit. Qui ibi à suis cum immenso gaudio susceptus, eorum animos in præclaram fiduciam erexit. Interea rege *Francorum Vernolii* oppidum obsidente, rex *Anglorum* contracto paulatim exercitu non longe à *Vernolio* apud castellum quod dicitur *Aquila* castrametatus est. Cumque per dies aliquot ibidem confedisset, *Francorum* exercitus licet in oppugnatione oppidi multo casioque labore sudaverat, soluta tamen obsidione recedens, bellum cum rege *Anglorum* committere non audebat.

Porro rex eorum tanquam ad detergendum pendæ recessionis obprobrium, urbem *Ebroicensem* quam prius spoliaverat, pertinaci furore evertit, jubens ecclesiam beati *Taurini* igne succendi, & cum præ timore Dei nephariæ jussionis nullus executor existeret, ipsemet cum quibusdam perditis ex illo hominum genere quos *Ribaldos* vocant, ignem sacris immisit ædibus & recessit. Quippe rex *Anglorum* de munitionibus quæ illi perierant castellum nobile quod *Lucches* dicitur cum quibusdam aliis bellica sorte recepit, hostium quoque fines ingressus, nonnullis fortiter & prospere gestis, *Windonicum* veniens, ibidem per dies aliquot exercitum recreavit; rex autem *Francorum* cum eum hinc abesse putaret, non longe à *Wyndonico* castra posuit, sed cognito regem *Ricardum* in civitate esse, de nocte illico recessit. Mane vero facto, rex *Anglorum* abeuntem exercitum prosecutus, fugientis regis plausura & clicellas cum quibusdam archanis & gazis multimodis variaque suppellectili comprehendit. Et ne adhuc rex *Francorum* revertendo *Parisiis* nichil fecisse videretur, munitiunculam quandam, ad cujus custodiam deputati fuerant homines octo, cepit.

Eodem tempore rex *Anglorum* à *Galfrido Ranconensi* & à comite *Engolismi* cum quibusdam *Francis* eis adjunctis inquietabatur in *Aquitannia* nimis forte, ubi filius regis *Navarrorum* frater germanus *Berengera* reginæ *Anglia* cum exercitu veniens, terras utriusque desertoris vastavit, & audita morte patris sui, successionis gratia ad propria remeavit. Rex etiam *Anglia* statim cum exercitu veniens nobile castellum dicti *Galfridi* comitis *Ranconensis* quod dicitur *Taleburgum* matura deditione optinuit. Moxque impetum in alium desertorem convertens, civitatem *Engolismi* cruenta celeritate fortiter expugnavit, civitatemque *Turonensem* cepit, canonicos regi *Francia* faventes inde expellens; & in *Pictaviam* subito transiens, omnes ibi adversarios suos redire coegit, ita ut à castello *Vernolii* usque ad cruce[m] *Karoli* qui ei resisteret nullus erat.

Anno Domini M.C. nonagesimo *iiij.* circa festum An. *beati Petri ad vincula*, post multos conflictus & casus varios, treuga inter reges viris honoratis mediantibus sancitæ sunt in annum, infra quem avaritia principum in pecuniis adquirendis vehementius ex- *119*
canduit, dum magis cogitationes belli quam pacis cogitaverunt, & ad futura prælia modis se omnibus præpararent. Omnis enim indulgentia principum qua cavetur religiosos ab omni exactione seculari esse immunes, in hac oppressione cessavit. Rex namque *Francorum* cum à peregrinatione sua de partibus orientis ad propria remeasset, pro inestimabili odio quod erga regem *Anglorum* gessit, in virum quasi alterum mutatus est, & maxime religiosis & clericis admodum gravis apparuit, ita quod omnes sumptus belli

belli quod cum rege *Ricardo* gerebat, ab ecclesiis & monasteriis extorquebat, secundum quod dixerat vir venerabilis *Johannes Lugdunensis* archiepiscopus qui tunc *Londoniam* venerat: ubi dum inter quosdam viros honoratos existerent qui de proprii principis duricia quærent, Nolite, inquit, sic loqui, dico enim vobis quod rex vester in comparatione regis *Francorum* heremita est.

Currentibus autem inter reges induciis, rex *Ricardus* in *Angliam* transiens statuit facta armorum, quæ vulgo *Torneamenta* dicuntur, in *Anglia* exerceri, ut *Anglici* qui robusti sunt, ad bella per exercitationem fierent agiliores: nam nisi in diebus regis *Stephani* nunquam in *Anglia* fuisse noscitur hæc concertatio militaris. Temporibus quoque *Henrici* secundi qui *Stephano* successit tyronum exercitiis in *Anglia* prorsus inhibitis, illi qui armorum cupiebant gloriam transfretabant, ut illa saltim in illis confinibus exercerent. Considerans igitur rex *Ricardus*, *Gallos* in conflictibus tanto esse aciores quanto exercitiores armorum extiterant, milites sui regni in propriis finibus talia voluit exercere, ut ex torneamentorum solempni præludio artem & usum addiscerent prælorum. Et licet hujusmodi torneamenta in tribus conciliis à *Romanis* pontificibus, *Innocentio*, *Eugenio* & *Alexandro* fieri prohibeantur, in quibus mortes hominum & pericula animarum sæpe proveniunt, cum adjectione pœnæ sequentis, quod si quis ibidem mortuus fuerit quamvis ei poscenti pœnitentia non negetur, tamen Christiana careat sepultura: Milites nichilominus ferventes & armorum laudem & gloriam affectantes, provisionis ecclesiasticæ edictum usque in præsens seculum contempserunt.

Eo quoque tempore rege in *Normanniam* reverso, *Johannes* frater regis *Anglia* ruptis naturæ legibus contra fratrem suum *Ricardum* cum rege *Francia* militabat. At ubi captæ sunt munitiones quas fratri suo absenti fraudulenter abstulerat, quasi nichil habens effectus est; vidensque rex *Francia* quod ad nocendum fratri suo regi penitus inpotens esset, tanquam operibus suis non indigens de cætero eum sprexit, & cum idem *Johannes* vidisset se sic deprehensum, & fratrem suum in cunctis prosperantem, mediante matre supplex ad fratrem rediit, misericordiam petens & veniam de commissis. Cui rex indulgendo dicitur respondisse, » *Utinam apud me delictum tuum in oblivionem transeat, ita quod apud te in memoria permaneat quod fecisti.* Qui ad pacem fraternam receptus contra regem *Francia* postea fortiter militavit, priores excessus novis officiis expians, & fraternam caritatem in se ad plenum & plenarie sic reformans. Unde rex restituit ei comitatum *Moretonii* & comitatum *Glovernia* cum Honore de *Eya*, dans ei annuatim pro terris suis residuis octo milia librarum *Andegavensis* monetæ.

Eodem etiam tempore cum rex *Anglorum* plusquam viginti milia marcarum duci *Austria* pro liberatione obsidum suorum transmittenda præparasset, illi iidem obsides affuere, mel & lac sub lingua habentes, ducem *Austria* hostem immanissimum pondere divini judicii obrutum nunciantes. Dicebant etiam quod ante ejus mortem multæ pestilentiae acciderant terræ suæ, incendia plurima, siccitates imensæ sterilitatem non modicam inducentes, fluvius etiam *Danubii* suos fines excedens adjacentia loca cum ingenti hominum exterminio occupavit; nec

terruerunt ista cor nequam & avarum quo minus adhuc *Anglicanis* opibus inhiaret, licet plurima jam marcarum milia à rege captivo sumpsisset, & à *Romano* pontifice pro injusta captione & detentione regis *Ricardi* anathemate fuerat innodatus; avaritia tamen fortius penurgente, sententiam superbe derisit. Denique quasi inclitus de bonis capivi effectus, convocatis multis nativitatem *Domini* in multa ostentatione & gloria apud *Graciam* disposuit celebrare. Et die quidem primo gloriosus effulgit, sed in die sancti *Stephani* jam pransus exiens, ut in campo cum suis militibus luderet, equus ejus decidens fessorem ad terram dejecit, pedem ejus cum tibia sic comminuens, ut ossa hinc inde contracta rupta cute exterius prominerent. Acciti mox medici appoluerunt quæ expedire credebant. In crastino vero pes ita denigratus apparuit, ut decerneretur à medicis incidendus, & cum non inveniretur qui hoc faceret, accitus tandem cubicularius ejus & ad hoc coactus, dum ipse dux dolabrum manu propria tibie apponeret, malleo vibrato vix tria percussione abscindere potuit pedem ejus. Medici vero medicamentis appositis cum eum in crastino visitarent, signis ambiguis mortem ejus in januis cognoscentes dixerunt, Dispone domui tuæ quia morieris & non vives.

Desperatus igitur, accitis episcopis qui ad solemnitatem invitati advenerant, in conspectu optimatum à vinculo anathematis quo eum papa innodaverat peciit relaxari. Responsum est à clero, quod nullatenus absolvi posset nisi sub juratoria cautione, quod super injuriis regi *Ricardo* interrogatis iudicio ecclesiæ staret. Optimatibus quoque pariter jurantibus quod si forte iudicium ecclesiasticum per eum minus procederet, ipsi ne quid ex hiis quæ statuerentur in irritum cederet modis omnibus procurarent. Hac igitur cautione præstita, absolutionis munus promeruit: & mox præcepit regis *Anglorum* obsides liberari; verum cum ingravescente molestia exspirasset, succedens filius paternæ avaritiæ voluit esse hæres; unde per laudabilem cleri zelum demum consternatus, memoratos obsides absolute & libere relaxavit, & iii. milia marcarum eis concessit regi *Anglorum* reportandarum. Illi vero sic relaxati alacriter revertentes, suæ liberationis nuntii prævii extiterunt. Gavisus ergo rex gratias Deo agebat, & mores in melius corrigens, extunc vixisse correctior perhibetur.

Accidit & aliud eo in tempore quod regem plurimum correxit: vir quidam *Cenomannicus* ad sanctum *Jacobum* pia devotione profectus solpes remeavit, qui postmodum pari devotione ignitus, ut sanctum *Domini* sepulcrum videret processit. Cui forsari solivaga quidam terribilis apparuit; pavefactus homo crucis signo se munivit. Ille vero signaculum quasi parvipendens, Nequaquam, inquit, hoc modo tueri te poteris quin meus sis. Porro si procidens adoraveris me, faciam te locupletem. Ad hæc homo. Liquet te modo partis esse sinistra, sint tua tibi, michi sufficit Christi largitio quem solum adoro. Et ille, Oportet te nunc invitum aliquid de meo habere; & mox jactavit super caput hominis pallium quasi tenuis materiæ, quo crinibus adustis cutis capitis denigrata permansit. Homo trepidus, sanctum *Jacobum* inclamavit, qui mox assistens, dæmonem increpavit, ac quis esset quidve negotii haberet inquisivit. Qui constrictus imperio ait, Dæmon sum inquit, humano generi infestus. Ego *Christianos* reges in orientali profectioe impediavi. Ego regem *Ricardum* per ministrum meum ducem

ducem *Austria* captivavi. Ego quidem eidem regi postquam liberatus fuit; jugiter affisto, potissime circa cubile ejus & circa thesauros quos recondit. Hiis dictis, dæmon disparuit; & homo confortatus dimisso itinere intento, *Cenomanniam* rediit ac regi *Ricardo* quæ vidisset retulit, caput ustulatum ostendit. Unde & rex de reliquo cubile suum castius custodivit, & elemosinas erogavit.

Circa hos dies *Hubertus Cantuariensis* archiepiscopus procuravit potestatem legationis suæ super clerum *Eboracensis* provinciæ dilatari. Unde idem *Hubertus* apostolicas & regias in *Anglia* vices gerens, mortuo jam *Eboracensi* archiepiscopo, *Eboracam* metropolim adiit, suppresso pro tempore Primatis nomine, magnam ibi potestatem exercuit, ac nullo obistente seu reclamante concilium celebravit.

HIC admirabile quampluribus videtur quæ ratione vel occasione duo metropolitani *Anglorum* per longa jam tempora de prioratu sive prærogativa primatiæ contenderint. *Eboracensis* quidem perspicua auctoritate beati *Gregorii* se tueretur; scribens enim *Gregorius Augustinus Anglorum* primo episcopo, *Eboracensem*, inquit, episcopum tuæ fraternitatis dispositioni volumus subiacere. Post obitum vero tuum ita præsit episcopis quos ordinaverit, ut *Londoniensis* episcopi nullo modo subiaceat ditioni. Sit vero inter *Londoniensem* & *Eboracensem* episcopos impofterum honoris ista distinctio, ut ipse prior habeatur qui prius fuerit ordinatus. De ista distinctio-
20 ne quære superius tempore *Ethelberti* regis *Cantiae*, quem iste sanctus *Augustinus* ad lumen veræ fidei produxit. *Cantuariensis* vero episcopus quem beatus *Gregorius Londoniensem* vocat, asserit huic auctoritati posteriori tempore derogatum, quando papa *Vitalianus* venerabilem *Theodorum* universis *Anglia* ecclesiis præfecit primatem, cujus successores eadem prærogativa diu usi sunt. Unde constat hanc prærogativam non personæ sed ecclesiæ fuisse concessam. Respondetur à parte *Eboracensis*, quod beatus sanc-
30 civit *Gregorius* manifesti & solidi esse juris, & nullo quidem tempore abrogatum. Sed aliquo tempore ratione ipsius temporis in usu non fuisse, tanquam soporatum quiddam & suo tempore excitatum. *Anglis* siquidem nuper conversis rudes & indocti ex ipsa gente episcopi præesse cœperant, quibus necessario informandis *Romanus* pontifex pia providentia doctum præfecit *Theodorum*, non quidem evacuans decretum *Gregorii* sed tantum consulens tempori. Successores vero *Theodori* aut similiter tem-
40 pori consulendum duxerunt, aut temporibus melius se habentibus præsumptores fuerunt, potissime cum *Eboracenses* simplicitate quadam rustica de propriæ sedis prærogativa minus curarent, ac usum pallii à diebus *Paulini* primi diu negligenter.

Ad hæc dicit *Cantuariensis*, quia & postquam usum pallii *Eboracæ* sic restitutus, plures *Eboracenses* episcopi *Cantuariensi* tanquam sui primatis jurisdictioni subjacuisse noscuntur. Respondet *Eboracensis*, Quia sicut ratio temporalis necessitatis solido juri *Eboracensis* ecclesiæ derogare non debuit, ita nec simplicitas seu negligentia anstistitum ejusdem ecclesiæ præjudicare debuit. Denique ista de prioratu primatum tam vana contentio *Anglorum* metropolitano-
50 rum longo & sumptuoso labore exercuit. Vanissime autem uterque illorum se scribit totius *Anglia* primatem, cum neuter habeat significatam hoc

nomine potestatem. Ut autem superius inter reges regni *Cancia* habetur, post decessum sancti *Augustini Dorobornensis*, id est, *Cantuariensis* archiepiscopi, quidam *Laurencius* in sede illa ei successit, qui cum *Mellito Londoniensi* episcopo, & *Justo Roffensi* episcopo fidem fundatam strenuè auxit, & *Britonibus* & *Scotis* in observatione paschæ tunc errantibus epistolam suam misit. Quo *Laurencio* cedente, *Mellitus Londoniensis* episcopus in archiepi-
10 scopatu *Dorobornensi* sibi successit. Et *Mellito* mortuo, *Justus Roffensis* episcopus ei successit. Iste *Justus* archiepiscopus pallio recepto, quendam *Paulinum* in episcopum ordinavit, quem ad regem *Northumbriae Edwinum* et populum suum convertendum misit. Quibus ad fidem conversis, *Paulinus* factus est primus archiepisc. *Eboracensis* post adventum *S. Augustini*. Dicto vero *Justo* mortuo, *Paulinus Eboracæ* archiepisc. quendam *Honorium* in archiepisc. *Dorobornensem* ordinavit. Quo *Honorio* mortuo, successit
20 ei *Deusdedit*, qui cum x. annis sedisset & sedes per iij. annos vacasset, supradictus *Theodorus Roma* in archiepiscopum *Doroberniae* ordinatur. De isto *Theodoro Dorobornensi* archiepiscopo, & de concilio in loco qui *Saxonico* vocabulo *Hatfeld* nominatur per ipsum cum episcopis *Britannicis* celebrato, vide superius inter reges *Cancia*, & magis diffusius inter reges *Southsaxie*. Isto *Theodoro* viam universæ carnis ingresso, *Brithwaldus* primo abbas *Ratul* loco
30 ipsius electus est, & archiepiscopus *Dorobornensis* consecratus. Et nota quod usque ad istum *Brithwaldum Romani* fuerunt archiepiscopi, & tunc primo *Angli* esse archipræsules incepterunt. Quod autem archiepiscopus *Eboracensis Thomas à Lanfranco Cantuariensi* archiepiscopo consecratus fuerat, & obedientiam scriptam eidem *Lanfranco* tunc fecerat, & postea de calumpnia ejusdem *Eboracensis* erga dictum *Cantuariensem* de primatu coram Papa mota, & de controversia inter eosdem de eodem habita, quære supra tempore regis *Willielmi Conquestoris*
40 ubi de ista materia diffuse habetur.

Postea etiam de ista materia super dissensione inter *Thurstinum Eboracensem* archiepiscopum & *Radulphum Cantuariensem* archiepisc. tam pro sub-
50 jectione quam professione quas dictus *Thurstinus Eboracensis* dicto *Radulpho Cantuariensi* facere nolebat, quære supra in duobus locis tempore *Henrici* primi dicti *Clerici*. Postea etiam quære supra de dissensione inter archiepiscopos *Anglia* in secunda coronatione ejusdem regis *Henrici* primi apud *Windefour*. Papa *Alexander* tertius, qui *Adriano* successit, decretalem inter metropolitanos *Anglia* de delatione crucium ordinavit, anno Domini M.C.lx. & regis *Henrici* secundi filii *Matildis* imperatricis quinto. Vide insuper tempore ejusdem regis *Henrici* secundi de discordia inter *Ricardum Cantuariensem* & *Rogerum Eboracensem* pro clericis & officialibus ecclesiæ sancti *Oswaldi Gloucestria*, & in primo postea folio de concilio *Cantuariensis* apud *Westmonasterium* celebrato, & de calumpnia per clericos *Ebo-*
60 *racenses* in eodem concilio proposita. Et postea etiam quære tempore ejusdem *Henrici* secundi de concordia inter dictos *Ricardum* & *Rogerum* archiepiscopos de delatione crucium, & de ecclesia sancti *Oswaldi Gloucestria* per concilium ejusdem regis apud *Wynnoniam* facta. Cito postea adhuc supra quære de concilio per istum regem *Henricum* secundum apud *Northampton* congregato, ubi ab episcopis

scopis *Scotie* cum *Willielmo* eorum rege ibi convenientibus *Rogerus Eboracensis* archiepiscopus de episcopis *Glaucensibus* per ostensionem munimentorum subjectionem vendicabat, de qua subjectione inter *Cantuariensem* & eundem *Eboracensem* dissensio ibidem orta est. Nam uterque illorum subjectionem illam suæ ecclesiæ fieri dicebat, Unde finito regis concilio dicti episcopi *Scotie* sine subjectione aliqua de regis licentia ad propria remearunt. Item vide postea tempore ejusdem regis *Henrici* secundi de contentione inter archiepiscopos *Anglie* pro sedibus suis in Concilio *Hugezoun* Cardinalis apud *Westmonasterium* celebrato. Et postea consequenter de concordia inter eos facta saltem ad certum tempus in concilio apud *Wintoniam* per regem congregato. Item quare supra tempore regis *Ricardi* qualiter *Baldewinus Cantuariensis* archiepiscopus apud *Abbatiam de Wippewel* protulit coram rege *Ricardo* & multis prælatis pro jure ecclesiæ suæ cartam regis *Willielmi* conquestoris contra *Galfridum* fratrem regis *Ricardi* primo *Lincolniensem* Electum & postea *Eboracensem* Electum, cui idem rex *Ricardus* archiepiscopatum *Eboracensem* ibidem apud *Wippewel* consequenter contulerat; & de appellatione ad sedem apostolicam pro jure ecclesiæ *Cantuariensis* per ipsum *Baldewinum* ibidem interposita.

Circa hos dies duo erant qui pari proposito licet disparti causa commoda regia quærere videbantur. Abbas namque *Cadomensis* fraudem officialium regionum apud ipsum regem *Ricardum* culpabat. Ideoque eorum insolentiam cum quiete provincialium castigandam fore censebat. *Willielmus* vero cum longa barba insolentiam divitum qui propriis fortunis parcentes pauperes onerabant, fortiter accusabat. Igitur accepta potestate, Abbas *Cadomensis* mense Februarii *Londoniam* venit, præfides provinciarum ad ratiocinia sua reddenda districtè convenit, sed morte præventus, sicuti & ille *Willielmus* memoratus, paschalia festa non vidit. De isto quoque ferunt *Willielmo* quod *Londonia* oriundus à barba proluxa cognomen accepit, quam ideo enutrivit, ut hoc quasi insigni in cœtu & concione magis conspicuus & spectabilis appareret. Qui cum esset ingenio acer, mediocriter literatus, eloquens supra modum, innata quadam animi & morum petulantia nomen sibi grande facere volens, moliri nova & audere ingencia cepit. Denique inhumana & impudens ejus actio in proprium germanum signum erat vesaniæ ejus in cæteris; Fratrem nempe suum civem *Londoniensem* qui eum in scolis exhibuerat, apud regem tanquam regis proditoris reum, pro eo quod profusiora solito sumptuum solatia non ei invenit, instanter accusabat. Sed quamvis à principe in hoc derisus fuerit, favore quorundam inter magistratus *Londonienses* locum optinuit. Denique clandestina opera & venenatis susurris apud plebem divitum insolentiam per quam pauperes indigne tractabantur suggillans, mediocres ad immoderatæ libertatis amorem inflammans, adeo plurimos quasi præstigiis fascinnatos sibi adjunxit, ut quinquaginta duo milia *Londoniensium* indigenarum ad ejus nutum tanquam communi cunctorum provisorio obteniperarent. Tanto itaque fretus consciorum numero tanquam zelans pro pauperulo populo & commodo regio, cepit in omni cœtu nobilibus re-

sistere, prætendens quod eorum fiscus plurimum deperiret. Cum illi propter hoc contra eum fremerent, ad regem transfugerat, pro cuius fide potentum injurias se passum ostendebat. Inde reversus, calliditate solita cepit de cætero tanquam regio favore subnixus fiducialius agere, & proprios complices fortius animare. Cum jam initæ conspirationis rumor crebresceret, Dominus *Cantuariensis* archiepiscopus cui regni regimen commissum fuerat, plebem convocat, natos rumores replicat, ad tollendum omnem sinistram suspicionem obsides dari rogat. Blandiloquio ejus populus placatus obtemperat, obsidesque donat; Nichilominus homo ille ceptis insistens, vallatus turbis pompaticè procedebat, conventus publicos faciebat, *Salvatorem pauperum* se vocabat, franandam in brevi potentum proterviam granditer intonabat; Unde & sumpto de sacris scripturis themate ita exorsus est. *Haurietis aquas in gaudio de fontibus salvatoris.* » Ego, inquit, sum pauperum salvator. Vos pauperes duras divitum manus experti haurite nunc de fontibus meis aquas doctrinæ salutaris, & hoc cum gaudio, quia jam venit tempus visitationis vestræ; Ego enim dividam aquas ab aquis, Aquæ nempe, populi sunt; dividam itaque populum humilem & fidelem à populo superbo & perfido, dividam electos à reprobis, veluti lucem à tenebris.

Igitur regni moderator *Cantuariensis* archipræsul, de consilio procerum evocavit *Willielmum* ad obicienda satisfacturum. Qui oportune affuit, sed ita turbis vallatus est, ut evocator ejus terribus mollius ageret & judicium protelaret. Explorata tandem per duos cives *Londonienses* opportunitate, qua solus sine turbis reperiri posset, ad capiendum eum armata manus emittitur. Sed alterum de civibus qui eum exploraverat, ipse *Willielmus* bipenne mactavit, alterum *Willielmi* complex trucidavit. Illico *Willielmus* cum paucis suorum & quadam concubina sua inseparabiliter ei adhærente; in vicinam ecclesiam beatæ *Mariæ* demonstratæ *Arcubus* confugit, qua non tanquam à feloniam sed velut castello ad tempus voluit se rueri, sperans populum suum, sed frustra, ad ejus liberationem mature affuturum. Qui nimirum etsi de ejus periculo dolerent, respectu tamen obsidum quos dederant, ac metu armatorum militum quos viderant, ad ejus ereptionem non occurrunt. Jussus ergo *Willielmus* egredi, sed nolens, igne & fumo appositis exire tandem cogitur. Egredienti autem filius civis illius quem peremerat, cultro ventrem dissecuit. Captus tamen, judicio Curie primo equis distractus, deinde cum sociis novem qui illi deesse noluerant, patibulo suspensus est. Porro conjurati ejus archiepiscopum velut homicidam non solum diffamaverunt, sed etiam ut conspirationis suæ dedecus abstergerent, & dampnatores *Willielmi* improbos comprobarent, arte et astu nomen illi & gloriam martyris quæsierunt. Denique, ut fertur, sacerdos quidam propinquus ejus catenam qua vincetus fuerat, febricitanti cuidam supposuit, & mox sanitatem subsequutam fuisse publice prædicavit. Quo vulgato, populus patibulum ejus nocturno furto tulit, terram sanguine ejus cruentatam veluti sacrum quiddam in usus curationum usque ad fossam non modicam per minucias abrasit.

Fama itaque late sic dispersa, stultorum & curioforum

riosorum hominum greges confluebant. Excubabat ibidem nocturno tempore insulsa jugiter multitudo, quantum honoris defuncto impendens, tantum dedecoris ejus dampnatori impingens; tantumque invaluit corruptus error, ut prudentes quosque fascinaisset, nisi ea quæ de illo gesta cognoverant cautius advertissent. Sane excepto eo quod paulo ante captionem suam homicidium perpetraverat, quod utique cuilibet cordato viro ne pro martyre coleretur sufficere debuerat, ipsius extrema sub morte confessio suos debuit cultores verecundasse; Quippe cum à nonnullis quamvis sero, sub humili peccatorum confessione dare gloriam deo moneretur, confessus est se ecclesiam beatæ Mariæ dum ibi expectaret semine polluisse. Insuper etiam cum ad votum per suos citius non eriperetur, negato Mariæ filio eo quod eum non liberavit, diabolium ad suam liberationem invocasse. Inficiebantur ista *Willielmi* justificatores, atque maligna conficta dicebant. Porro litem hanc diremit in brevi fabricatæ vanitatis occasus; veritas nempe solida est & tempore convalescit: concinnata vero falsitas in brevi evanescit. Igitur archiepiscopus *Cantuariensis* regni moderator in sacerdotem præfatum ecclesiastica præeunte vindicta, armatam custodiam in loco illo posuit, & accessum concurrentium arcebat. Et sic infra dies non multos machina concinnatæ superstitionis concidit, & popularis opinio conquievit.

Circa hos dies obiit *Resus* princeps *Walliæ*, de quo sic canitur. O belli gloria, miliciæ clipeus, patriæ tutamen, armorum decus. Brachium fortitudinis, largitatis manus, rationis oculus, honestatis splendor, animositatis apex. Pectore gerens *Herculis* probitatem, *Achillis* asperitatem, *Nestoris* modestiam, *Tidei* audaciam, *Sampsonis* fortitudinem, *Hectoris* gravitatem, *Euriali* agilitatem, *Paridis* formam, *Ulixis* facundiam, *Solomonis* sapientiam, *Aiacis* animositatem. O nudorum vestis, famelicorum morsus, omnium denique postulantium plena satisfactio. O dulcis eloquio, comis obsequio, actu honestus, sermone modestus, vultu hilaris, facie decorus, singulis benignus, omnibus æquus.

*Nobile Cambrensis cecidit diadema decoris,
Hoc est, Resus obit, Cambria tota gemit.
Resus obit, non fama perit sed gloria transit.
Cambrensis transit gloria, Resus obit.
Resus obit, decus orbis abit, laus quæque tepe scit.
In gemitu vivit Cambria, Resus obit.
Resus abit, inimicus adest, Resus quia non est,
Nam sibi nil prodest Cambria, Resus abest.
Non moritur sed subtrahitur, quia semper habetur
Ipsius egregium nomen in orbe novum.
Grande decus tenet iste locus si cernitur ortus,
Si quis sit finis quæritur, ecce cinis.
Hic tegitur sed detegitur, quia fama perhennis
Non finit illustrem voce latere ducem,
Excessit probitate modum, sensu probitatem,
Eloquio sensum, moribus eloquium.*

Expleto tandem induciarum tempore cum reges pacis fœdera nulla ratione suscipientes, pace in reliquum desperata in valle quæ *Rulli* dicitur, non longe à *Rothomago*, (quam cum sua munitione & aliis plurimis rex *Franciæ* regi *Anglorum* abstulerat dum in captivitate *Alemannica* teneretur) cum suis exercitibus mense Julio convenirent; Cumq;

ibidem ampne interlabente, uterque exercitus sub meditatione pugnæ per dies aliquot in castris excubaret, vidensque rex *Francorum* se illa vice viribus imparem, de fuga citius cogitavit. Sed quia non poterat secure fugere nisi munitione prius diruta, confestim arcis & mœnibus suffodiendis die nocteque instabat, adversæ partis impetum interim callide suspendens, dolose de pace tractando. Verum rex *Anglorum* ex repentina ruina arcis suffossæ, dolum intelligens, turmas suas ad pugnam ingenti animo ordinabat. Porro *Francorum* exercitus non expectato belli discrimine abiit, compositis tamen ordinibus, ut prudenter cedere & non turpiter fugere videretur. Rex vero *Ricardus* ampne transito non est eos insecutus; sed munitioni totis viribus se contulit reformandæ.

Circa hos dies rex *Francorum* verbis pacificis in dolo utens iij. nuncios ad regem *Anglorum* misit, ut sumptibus & laboribus inutilibus utrobique cessantibus sub certamine quinque virorum ab utroque regno electorum dirimerentur amborum quæstiones. Placuit provisio ista regi *Anglorum* dummodo rex *Franciæ* quintus inter suos & rex *Angliæ* quintus inter suos in propriis personis in illo certamine apparerent; quod rex *Franciæ* vecorditer recusavit. Eodem quasi tempore rex *Ricardus* per miliciam suam stipendiarum quas *Ruchas* vocant expugnato & capto *Isonduno* cum quibuldā aliis munitionibus, fines suos in *Biruntensi* provincia egregie dilatavit. Comitem quidem *Alvernensem* qui ab eo pridem recesserat, per eosdem stipendiariorum captum cum suis munitionibus in suam redegit viriliter potestatem. Interim vero mediantibus viris prudentibus bimestres induciæ intervenierunt, ut in hoc spacio deliberaretur de solida pace deo propicio faciendâ, vel de ipsis saltem induciis in annos aliquot ulterius protelandis.

Eodem tempore *Senex de monte*, non pro ætate sic dictus sed pro sapientia & gravitate, Princeps gentis orientalis, quam *Hassifinos* vocant, licet prius ut supra duci *Austriæ* regem *Ricardum* de morte Marchionis excusando scripserat, Principibus tamen Europæ universis ipsum regem *Ricardum* de morte prædicta excusans, epistolas suas in forma qua sequitur destinavit.

Vetus de Monte Principibus Europæ & omni populo Christiano salutem. Nolumus alicujus innocentiam nostri operis occasione laborare, cum nulli inmerito & insonti mali quippiam irrogemus, eos vero qui in nos deliquerint, deo auctore non patimur diu de illatis simpliciter nostræ injuriis gratulari. Significamus igitur universitati vestra testantes per quem salvari speramus, quod nulla regis *Anglorum* machinatione Marchio ille de Monte ferrato interfectus sit, qui pro eo factum quod in nos deliquerat & ammonitus emendare neglexerat, nostra voluntate & jussione per satellites nostros juste interiit. Consuetudinis quippe nostræ est eos qui nobis vel amicis nostris in aliquo injuriosi extiterint, primo ut nobis satisfaciunt ammonere; Quod si contempserint, per ministros nostros, (qui tanta nobis devotione obtemperant ut se à deo gloriose remunerandos non dubitent, si mandatum nostrum exequendo occumbant,) cum severitate ultionem expetere curamus. Audivimus etiam de prænominato rege vulgatum, quod nos tanquam minus integros & constantes induxerit, ut de nostris aliquos regi *Franciæ* insidiaturos

turos emitteremus; Quod proculdubio falsum & vanissima suspicionis comentum est, cum nec ipse deo teste aliquid circa nos attemptaverit de premissis, nec nos homini inmeritum malum moliri respectu honestatis nostra sineremus. Bene valete.

Has denique literas cum rex *Francia* coram se solempniter recitatas audisset, dixisse fertur, Regem *Anglorum* de tam infami nota præclare purgatum, sequi cum ipso posse de cætero fœderari cum in eum nulla alia forcius exarserit quam suscepta suspicione de nece dilectissimi Marchionis. Hæc dicens subituit, quia eodem tempore à suis ad fœdus in eundum cum rege *Francia* movebatur.

Hiis diebus Imperator *Henricus* regnum *Apulia* & *Sicilia* mortuo *Tancredo* qui *Willielmo* regi iniuste successerat sibi subjugavit; duxerat enim uxorem regis *Willielmi*, cui regnum illud mortuo fratre iustius successerat. In *Apulia* namque plurimos sibi rebelles diversis pœnis affecit. *Tancredum* vero filium *Tancredi* regis *Sicilia* cum matre sua *Margareta* ac regem piratarum captivos in *Alemanniam* secum duxit. Hiis temporibus rex *Saracenorum* de *Marrok* in *Hispaniam* erumpens stragem in *Christianos* exercuit inopinatam, & rege *Castella* devicto magnam partem abstulit terræ suæ. Finitis igitur induciis cum corda regum ad concordiam facile emolliiri posse crederetur, omnis spes pacis elanguit, & causis rursus ingravescentibus instigante diabolo eorum furor exanduit redivivus. Erat autem hiemps & adventus Domini, & fames valida quæ totam fere premebat *Europam*. Nec ista locum habere potuerunt quin populationibus, cædibus, incendiis inhisterent & rapinis. Rex autem *Francia* audito quod rex *Ricardus* aliis esset intentus, *Fondounum* oppidum obsedit, petulanti animo iurans se non inde nisi expugnato oppido discessurum. Obfessi vero cibis & armis sufficienter muniti, clara fiducia super murum stantes, non sunt veriti neque cunctati contrarium jurare. Fitque per dies aliquot vehemens oppugnatio, sed oppugnantibus magis dampnosa.

Interea rex *Anglorum* hoc audito, impiger oppidum advolat, ingrediturque securus, obsessore saltim ingressum sibi prohibere non attemptante, sed discessum potius adornante. Moxque turmas ad pugnam dispositas ingenti animo in campum educit, paratus diem ultionis excipere atque laudis. Poterat sane dies illa longi certaminis declarare victorem, nisi *Francorum* providentia sibi cautius prospexisset. Cum enim ad dimicandum minus sufficerent, & de fuga cogitantes ferocem insectorem timerent, dominum suum regem salubri consilio impulerunt, ut illis in arto positis certo belli discrimine declinato, honestam pacem amplecti & facere dignaretur. Qui exercitus sui facies quasi ad fugam conversas videns, cum ipse in extremo agmine existeret quod fortius cautiùsque instructum fuerat, contra faciem insequentis qui in facie sui exercitus gradiebatur, attendens, colloquium regis *Ricardi* per viros expedit honoratos. Et statim reges sicut erant in equis armati inter suos exercitus modico intervallo distantes, sibi mutuo occurrerunt. Itaque soli absque arbitro diu scule collocuti, in conspectu utriusque exercitus, capitibus exarmatis, in amplexus mutuos se dederunt. Statimque in exercitibus concordiam Principum ingens lætitia sequitur, dulce nomen pacis sonoris vocibus conclamantes. Facta sunt hæc

deo propicio nonas Decembris, & populi ad suam cum gaudio redierunt intentionem bellicam ad pacis studia & ad Dominici natalis celebranda solempnia convertentes. Principes vero formam pacis quam inter se secreto statuerant apud se continebant, post expleta Dominici festi gaudia declarandam.

In illa solempnitate nativitatis Domini rex *Anglia* fuit apud *Pictaviam*, & deinde in festo sancti *Hilarii* apud *Loviers* dicti Principes cum magna Nobilium frequentia ad solempne colloquium convenerunt; Ubi declaratum est & consensu publico confirmatum, quod reges inter se sub clipeis statuerunt. Rex *Francia* quietum clamavit regi *Ricardo* & hæredibus suis *Ifondoun* cum pertinentiis suis, & totum jus quod habuit in *Berria*, *Alverniam*, & *Vasconiam*, & reddidit ei quiete castellum de *Arches*, & comitatum de *Albamarla* & alia cætera castella quæ de jure regis *Anglia* tempore *Alemannicæ* detentionis occupaverat minus iuste. Et rex *Anglia* quietum clamavit regi *Francia* *Gisfortium* cum quibusdam aliis munitionibus & castellis & totum *Normannicum vigesum*. Et cum hæc omnia rata haberentur, pœnam xv. milium marcarum in prævaricatorum pactorum sub fidejussione Abbatum de majori monasterio de *Cluniaco*, de Sancto *Dionisio* & de *Caritate* adinvicem statuerunt. Et cum rex *Anglia* omnia prædicta sibi concessa in pace possideret, pœnituit regem *Francia* tale commercium fecisse, unde in eos qui pacis consilium ei dederant successus proclivior fuit ad pacem rescindendam quam tenendam. Rex quoque *Anglorum* pro suorum finium modica mutulatione, nulla compensatione contentus, irritandi regem *Francia* ut pacem infringeret ex ipsa præscriptæ pacis forma occasionem & artem invenit, & omnes res & possessiones dictorum Abbatum de *Cluniaco*, de Sancto *Dionisio*, & de *Caritate* ubicunque infra dominium & potestatem suam inventas in manu sua sayfiri præcepit. Nam illi Abbates super pactione dictæ pacis tenendæ fidejussores regis *Francia* erant, Quæ talis fuit, quod si rex *Francia* pactum non servaret ipsi pecuniam solverent prætaxatam.

Rursus igitur bellicæ intentionis inter principes rabies exaruit; Turbatio autem *Britonum* & tumultus quem contra regem *Anglia* exercebant, regem *Francorum* ad experiendam fortunam belli iterum acuebat. Cum enim idem rex *Ricardus* tutelam nepotis sui *Arthuri* tunc decennis filii fratris sui *Galfridi* quondam Comititis *Britannie* usque ad annos legitimos exposceret, quidam nobiles & primi *Britonum* hoc in ipsum non consentientes, sed pro pueris & patria fortiter æmulantes, cum eo à facie patris imminentis ad interiora *Britannie* secesserunt. Eodem autem tempore solempne jejunium quadragesimale & quasi instans festum Paschæ aerisque inclementia per provincias supra modum desæviens, Regibus ne commode possent ad bella concurrere obstarunt; itaque pro amicis suadentibus conceptum furorem pro tempore suspenderunt, & mediantibus induciis pro tempore quieverunt.

In octabis Pentecostes hora diei prima duo soles in cælo, sol scilicet verus & alius tanquam æmulus apparuerunt; nec facile discerni poterat nisi solito processu quis illorum esset sol verus; quod signum *Willielmus de novo Burgo* in sua Cronica testatur

se vidisse. Cumque diutius hoc signum cum multis aliis respexisset, tandem evanuisse æmulus veri solis. Hiis diebus *Walterus Maap*, de quo multa jocunda referuntur, ex præcentore *Lincolniensi* archidiaconus *Oxonienfis* efficitur. Non multum post expleto dictarum induciarum tempore iterum cruentus furor principum excanduit, totisque viribus in arma ruitur, igne ferroque florentes provincie corrumpuntur. Et rex quidem *Francia* cum suis *Albemarlam* obsedit, rex vero *Anglorum* castrum quod *Nova turris* dicitur olim quidem sui juris obfisione etiam circumcinxit. Quo castro per regem *Anglia* matureposito, à suis ut obfisionem regis *Francorum* de alio castro solveret rogabatur, sed dissimulavit confidens de virtute suorum qui castellum obfessum egregie defendebant.

Rex ergo *Anglia* ad fines hostiles depopulandos conversus, solite satagebat absque mutui sanguinis effusione avertere obfessorem; sed rex *Francia* inceptis pertinaciter insistens, cum multo tandem sui exercitus sudore & sanguinis effusione castellum deditum erat ei. Inimicitias ergo magis crescentibus, reformandæ pacis à bonis & sapientibus inaniter studebatur, cum ipsi principes ad omne consilium pacis aures dare benivolas non curarent. Aggravata est etiam tempore illo manus Domini super populum Christianum in peste & fame, ut illud pene propheticum impletum esse videretur: *Plaga inimici percussit te castigatione crudeli*. Et quidem fames valida ex intempestivis imbris proveniens per annos jam aliquot *Galliam* & *Angliam* vehementer attriverat. Cumque vulgus pauperum passim inedia deperiret, secuta est e vestigio pestis sævissima, scilicet febris acuta, quæ tot & tantos singulis diebus arripens finaliter prosternit, ut vix invenirentur qui curam languidis vel sepulturam mortuis exhiberent. Cessabatque consuetus funeris apparatus, quia quacumque hora diei quis obisset, nisi esset quis ditior vel persona nobilior, matri terræ illico tradebatur. In plerisque etiam locis fossæ receptui cadaverum non modicæ fiebant, eo quod non esset facultas unumquemque per se recondere juxta morem. Tandem volente Domino post sex fere menses quievit hiemali rigore consopita.

Sane rex *Anglorum* paulo ante, obsides suos apud Imperatorem relictos absolute receperat, summa redemptionis pactæ illi persoluta. Quibus receptis dixisse fertur, Nunc scio me vete à captivitate *Alemannica* liberatum. Liberatus itaque ab exatore tam gravi, intentione integra bellicis negociis insistebat, de reversione in *Siriam* cui se redire devoverat nichil vel tepide cogitando. In eventu tamen ibi bene contigerat, quia mortuo tunc *Saladino* scissum est ejus imperium juxta numerum succedentium filiorum; ipsisque inter se discordantibus orta est rixarum materia & bellorum, & in domo summa confusio facta est. Induciarum expletionem sub *Henrico* Imperatore præstolantibus interim *Christianis*. Porro iste *Henricus* Imperator ut quasi expiaret quod in Christianum Principem *Ricardum* regem *Anglia* ab oriente revertentem tam fœde commiserat, proposuit *Anglicanis* opibus orientales reliquias visitare, unde anno Domini

sedis legatus qui ibi præsens erat cum prælatis & clericis qui dignitate & facundia præcellebant, per dies octo continuos in auribus Christianæ multitudinis potenti eloquio declinantes, in tantum animos populi & devotiones hominum erexerunt, ut fas esset ibi dicere, *Vere dignus Dei hic est*. Magnis ergo præsulibus & præclaris ducibus cum multitudine virorum fortium dominicum characterem certatim sumentibus, ipse Imperator paratus fuit eodem signo cum cæteris insigniri. Sed hoc altiori consilio est ab omnibus dissuasum, ut ipse in imperio suo manens, progressu exercitu de victualibus & expensis & de militia iterato mittenda cum necesse fuisset provideret. Itaque *Germanicarum* atque *Italicarum* gentium expeditio totis viribus in *Siria* parabatur, cum reges nostri nil sanum vel sobrium meditantes sed proprium tantum furorem cum multorum discrimine exercebant.

Hiis diebus *Britones* qui à rege *Anglorum* jam pridem ceciderant depopulatione ejusdem regis restricti, in ejusdem regis *Ricardi* fœdus & gratiam cum *Arthur* eorum Principe redierunt. Bellum quoque *Tolosanum* quod illustri *Anglorum* regi *Henrico*, & filio ejus *Ricardo* res summi negotii fuerat, & per multos annos vires multorum attriverat, eodem tempore volente sic Domino exspiravit. Comes enim Sancti *Egidii* pactis cum rege *Anglia* celebratis *Johannam* sororem ejus, quæ olim regi *Sicilia* nupserat, cum ingenti gloria in conjugem duxit, & sic inveteratum illud odium conquievit. Rex itaque *Anglia* qui per prius quasi minus potens & divisus fuerat, tunc quasi integer redditus, cœpit robustius agere & terribilior hostibus apparere. Regibus namque *Anglia* & *Francia* in discordia & odio instigatione diabolica sic semper persistentibus, tantus ex utraque parte debaccantium furor erat, ut nec sacris quadagesimæ diebus deferrent, deprædationibus & incendiis loca prius florentia corrumpentes, nec sacerdotibus Domini si forte inciderent, plusquam popularibus parcendum ducentes.

Anno Domini M. Cxcvij. continuato ipsius facinoris jam anno quinto, cœpit rex *Francia* mollius agere quam prius, rex vero *Anglia* magis prosperatus & viribus auctus, vicum insignem qui dicitur sancti *Valerici* repente aggressus, potenter effregit, munitionem evertit, & præda demum onustus abiit. Nec multum post in pago *Beluacensi* per suos castrum quod *Melliacum* dicitur expugnavit. Quod audiens *Beluacensis* episcopus homo animi ferocis & propinquitate regia inclitus, sumptis propere armis bellicosus magis pontifex quam religiosus apparuit. Sed fortuna mutata captus & victus una cum *Wilhelmo de Merlan*, & filio suo, & quibusdam aliis nobilibus, regi *Anglorum* in armis suis munus gratissimum oblatus est. Qui cum *Rothomagi* victus servaretur, duo ex clericis suis supplices ad regem venerunt postulantes regis gratiam, ut domino suo possent in vinculis ministrare. Quibus rex inquit, "Vos inter me & vestrum dominum judicate, nam certe ab oriente rediens, & ab imperatore *Then-tonico* detentus, ob reverentiam regis personæ mollius tractabar cum decencia & honore. Superveniens autem iste dominus vester, quasi in vespere cum imperatore secreto tractavit, & cum jus rei gratia venerit & apud imperatorem nocte quid egerit, mane duriter sum expertus. Ag-

gravata

» gravata est enim super me manus imperatoris,
 » quod mox tanto oneratus sum ferro quantum
 » vix equus vel asinus ferre posset; iuste ergo de-
 » cernite qualem apud me dominus vester habere
 » debeat custodiam, qui apud detentorem meum
 » talem me fecit duritiam possidere. Clerici ergo
 ad hoc non habentes quid dicerent, frustrati ad pro-
 pria redierunt. Bellicosus itaque pontifex in vinculis
 servabatur, & ab hostibus forte mitius quam me-
 ruerat tractabatur, sed plane durius quam episco-
 pum decebat. Interpellavit etiam per suos summum
 pontificem ut ecclesiastici vigoris instantia libera-
 retur de manibus detentoris. Sed ille summus pon-
 tifex prudenter considerans, quod rex *Anglie* epi-
 scopum non prædicantem sed præliantem cepisset,
 & hostem magis rigidum quam præselem pacificum
 in vinculis teneret, ut illum victum relaxaret no-
 luit illi molestus esse; sed interpellanti sapienter &
 discrete respondit, improperans quod secularem
 militiam ecclesiasticæ prætulisset, sumendo pro bra-
 culo pastoralis lanciam, pro mitra galeam, pro alba
 lorica & clipeum pro stola, & gladium ferreum
 pro gladio Spiritus quod est verbum Dei: negansque
 se pro eo sic capto & victo regi *Anglorum* impe-
 raturum, sed pro liberatione sua supplicaturum se
 dixit. Pro quo cum papa scriberet ut liber à car-
 cere dimitteretur, curialiter regem increpans quod
Philippum Beluacensem episcopum fratrem suum
 karissimum sic cepit & detinuit; rex ergo missa
 lorica episcopi in qua captus fuit, domino papæ pro
 fratre suo scribenti in epistola sua dixit, *Vide si*
tunica fratris tui sit an non. Et papa desinente
 pro eo amplius petere, per redemptionem postea
 episcopus liberatur.

Eodem tempore defecerunt à rege *Francorum*
 quidam regni sui potentes pro illatis eis à rege
 injuriis irritati. Tunc vero munificentia regis *Ricardi*
 multos *Francorum* sibi allexit, præcipue comitem
Flandriae *Baldewinum*, *Campanos*, *Britones* & plures
 nobiles *Francigenarum*, qui rege *Franciae* relicto,
Ric. regi *Angliae* adhæserunt & vires ejus auxerunt.
 Dictus itaque Comes *Flandrensis* juris sui hæredi-
 tarii media fere parte à rege *Franciae* fraudatus
 & regis *Anglorum* pecuniis roboratus, nobile oppi-
 dum quod dicitur *Donay* obsessum deditione recepit,
 & quoddam etiam munitiones alias occupavit. Qui-
 bus successibus confortatus, crescente fiducia, *Attri-*
batensem obiedit civitatem. Sane reges nostri tunc tan-
 quam ex industria loca diversa exercebant, occur-
 sum mutuum devitantes. Et rex quidem *Angliae*
 in pago *Bituricensi* munitiones aliquas fortiter
 expugnavit. Rex vero *Francorum* munitionem *Da-*
gon nominatam quæ ab ipso paulo ante defecerat
 papilionibus circumclusit, qua tunc mature dedica-
 & everfa, memoratæ urbis obsidionem à comite
Flandrensi factam solvere festinavit, obsessor autem
 adventu ejus præcognito, obsidionem deseruit. Cum
 autem postea amicis mediantibus de pace inter
 partes tractaretur. Comes oblatam pacem nec ab-
 solute respuit nec recepit. Attendens regi *Angliae*
 sufficientem securitatem se per obides idoneos præ-
 stitisse, atque ab eo cautionem vicissim accepisse,
 quod neuter eorum sine altero bellum pro pace
 mutaret: Pactis tamen inter partes formatis consensu
 regis *Angliae* pro tempore lanciendis ad propria
 rediit rex *Francorum*. Comes vero cum festinatione

regem *Anglorum* adiit, ut ad pacem consensum ejus
 alliceret concedendam.

Illis quoque diebus quidam propheta efficacissi-
 mus in *Francia* surrexit, scilicet magister *Fulco*,
 pro quo Dominus manifeste dignatus est mirabilia
 operari. Hic summo opere vitam conabatur ex-
 tirpare. Hic etiam *Fulco* quendam religiosum ac
 facundum prædicatorem abbatem scilicet de *Flay*
 ordinis *Cisterciensis* in *Angliam* misit ad commer-
 cia quæ Dominicis diebus solebant tunc fieri depo-
 nenda. Circa etiam hos dies imperator *Henricus*
 sextus *Panormo* in *Sicilia* obiit, propter detentio-
 nem regis *Ricardi* adhuc, ut dicebatur, excommuni-
 cationis vinculo innodatus. Sed nescitur si clam
 egerit poenitentiam absolutus: Nam divina ultione
 perterritus, capitulo, ut dicitur, *Cisterciensium* re-
 demptionem regis *Ricardi* legavit ad calices & thu-
 ribula argentea facienda. Quo *Henrico* mortuo,
Otho filius *Henrici* ducis *Saxonie* nepos regis *Ri-*
cardi ex sorore *M. tilde*, eodem rege *Ricardo* ex-
 pensas habundanter procurante, a quibusdam
Theutoniae principibus in regem *Romanorum* eligitur;
 alii eligentibus *Philippum* ducem *Suevie* fratrem
Henrici quondam imperatoris. Hunc igitur confede-
 ravit *Philippus* rex *Francorum*, sperans per eum com-
 item *Flandrie* facilius subicere & *Anglorum* re-
 gem *Ricardum* fortius impugnare. *Hubertus Can-*
uariensis archiepiscopus auctoritate apostolica
 fultus, clericos quos *Hugo Cestrensis* episcopus eje-
 ctis monachis apud *Coventreiam* jam poluerat amo-
 vit monachisque reduxit. Papa *Celestinus* cum se-
 disset annis sex, mensibus octo, diebus undecim
 obiit. Cui successit *Innocentius* tertius natione *Cam-*
pianus, in festo sancti *Petri* in cathedra consecratus.
 Ad quem rex *Ricardus* nuncios misit & conquestus
 est de rege *Francorum* super fide fracta & jura-
 mento nullatenus observato. Super quo cum vellet
 dominus papa eum convenire per legatum, prælati
Franciae ipsum nolentem respondere apud dominum
 papam excusabant, rogantes ut jurisdictionem non
 læderet regis *Francorum*, quos super petitione irra-
 tionabili papa redarguit vehementer sicut patet ex-
 tra. De judiciis capitulo *Novit ille.*

Itaque reges jam tantum pacis avidi quantum
 bellici laboris fessi, anno à partu virginis M. Cxcvii. j. An. Dñi
 1198.
 mensis Septembris cum optimatibus suis & omni
 frequentia subditorum ad solemne colloquium cer-
 to loco in consitiis convenerunt, ubi quidem de ple-
 na pace minus actum est, eo quod animi principum
 à longa inveterati odii passione difficiliter sanarentur,
 sed treugas unius anni & quatuor mensium tan-
 quam arram futuræ pacis inter se statui maluerunt,
 adicientes in pactis, ut negociantibus regiones essent
 pervix, mutuique provinciæ gauderent solaciis, &
 ut captivi ex utraque parte competenti & tollera-
 bili redemptione possent interim relaxari. Soluta
 igitur isto colloquio facultas data est militantibus
 ad propria remeandi, & fessæ provinciæ gratanter
 paulam modicam susceperunt.

Eodem tempore rex *Ricardus* illustris apud vi-
 cum qui *Andelatus* dicitur, quem locum pro
 tuitione *Normannie* ad castrum construendum pro
 irruptionibus hostium rex ipse notasset aptissimum,
 castrum nobile quod vulgariter dicitur *castellum*
Gaillard in illo loco aptissimo ex opposito manerii
 sui de *Andeleve* flumine de *Andeleve* injecto
 Iii 3
 profusus

profusis valde sumptibus cœpit ædificare. Locus autem ille antiquum patrimonium ecclesiæ Rothomagensis erat; sed quia rex Ricardus timebat ne forte idem locus ad hoc ipsum à rege Franciæ hostiliter occuparetur, eundem duxit præoccupandum, contra voluntatem Walteri Rothomagensis archiepiscopi, qui in regis peregrinatione & Alemannica detentione fidelis extiterat Angliæ procurator. Et quia rex sæpe ammonitus ab incepto desistere noluit, idem archiepiscopus super injuria sibi à rege illata, ad curiam Romanam appellavit, & totam Normanniam sub interdicto conclusit, & sic ad curiam Romanam adiit appellationem suam in propria persona prosequendo: pro cuius interdicti sententia relaxanda, & causa illa contra archiepiscopum defendenda, Rex Cancellarium suum Willielmum Eliensem episcopum, ac Dunelmensem, & Lexoviensem episcopos ad Romanam curiam destinavit. Willielmo vero Eliensi episcopo obiente, socii ejus Romam pervenientes, concordiam inter regem & archiepiscopum sine dampno utriusque procurarunt. Et quia archiepiscopus accepto à papa responso quod patienter sustineret, quousque pax plena inter reges esset reformata, reversus est, & cum rege postea concordatus. Rex enim pro prædicto vico litigioso commutationem cum dicto archiepiscopo fecit, & ecclesiæ Rothomagensi pro illo vico & villis adjacentibus de jure ecclesiæ Rothomagensis, dedit molendina sua apud Rothomagum, ita quod archiepiscopus elemosinas de illis ab antiquo statutas solvat. Dedit etiam eidem ecclesiæ Rothomagensi villam de Depe, & villam de Busselles, ita quod solvat inelemosinam assignatam CCCC. septuaginta duas libras Andegavensis monete. Dedit etiam eidem ecclesiæ manerium de Louers & forestam de Alerinand, cum feris & omnibus aliis pertinentiis suis; & omnia per cartam confirmavit, & archiepiscopum in specialitatem pristinam recepit.

Dicto Willielmo Eliensi episcopo, ut prædicitur, defuncto, Eustachius Sarisberiensis decanus fit episcopus Eliensis. Tunc autem temporis regi Ricardo intimatur, quod naves ex Angliâ victualia inimicis suis cum opus haberent in suum magnum detrimentum deferentes, ad sanctum Walericum consueverant applicare. In cuius injuriæ ultionem villam combussit, monachos dispersit, feretrumque sancti Walerici cum reliquiis in Normanniam transtulit. In portu autem illo naves frumento onustas invenit, quarum nautas suspendi præcepit, navibusque combustis victualia suis militibus erogavit. Circa hos dies orta est dissensio inter archiepiscopum Cantuariensem & monachos sedis suæ propter ecclesiam quam idem archiepiscopus apud Lambithe in honore beati Thome construxerat: timuerunt enim monachi, quod archiepiscopus sedem suam cathedralem illuc transferret, sicut fuerat eis comminatus: unde Romam profecti papæ Innocentio conquesti sunt, & ut archiepiscopus à Justiciaria Angliæ deponeretur impetrarunt. Inde enim cornua sumpsit & audaciam reluctandi. Non enim decebat archiepiscopum talibus se negotiis secularibus implicare, ubi periculum sanguinis versabatur interesse. Archiepiscopo igitur per papam à Justiciaria amoto, rex loco ejus Galfridum filium Petri subrogavit. Dicta vero ecclesia apud Lambithe à Baldewino archiepiscopo prædecessore istius Huberti primo inchoata,

& postmodum per eundem Hubertum constructa, de mandato domini papæ Innocentii tercii dissoluta est.

Sane dum rex Angliæ circa ædificationem dicti castri de Gaillard intenderet, in illo loco rem ferunt mirabilem contigisse. Nam mense Maii paulo ante Dominicæ Ascensionis solemnia cum rex adesset & opus operariosque de festinatione urgeret, repente imber sanguine mixtus descendit. Cunctis igitur qui cum ipso rege aderant stupentibus, cum ipsi in suis vestibus veri sanguinis guttas conspicerent, & rem tam insolitam malum protendere formidarent, verum ex hoc idem rex non est terrius quo minus operi intenderet, & illud pro viribus promoveret. Edificato itaque castro & infra eundem annum plenarie completo, ferunt ipsum regem magnatibus suis circumstantibus verba hujusmodi protulisse, Ecce quam pulcrâ filia unius anni. Dilexit enim eundem locum & nimis gloriabatur in hoc facto.

Illis quoque diebus tempore dictarum induciarum expleto, rex Francorum Philippus & rex Angliæ Ricardus inter Games & Vernonem congressi sunt, ubi rege Francorum pondus belli sustinere impotente, de consilio suorum per fugam Vernonem pro refugio cum suis peciit. Sed antequam castellum possent ingredi, Ricardus illos in ore gladii insecutus xx. milites & xl. servientes ex eis cepit. Eodem anni curriculo rex Angliæ Ricardus omnibus viribus congregatis tria castella super regem Francorum per insultum cepit, scilicet Sire, Fontanum, Buricum & castrum de Curceles, laudabili Anglorum auxilio fultus. Rex vero Franciæ cum quadringentis militibus & mille servientibus cum communis de Mancua & aliis locis auctus, ad succurrendum castro de Curceles quod nondum credit esse captum exiens profectus est. Quod cum sciret rex Ricardus, inter Curceles & Gisorsium obviam ei venit, ubi inter eos campestre prælium nimis cruentum commissum est, cuius prælii pondus rex Francorum ferre non valens, coactus cum suis ad castrum Gisorcii aufugit; & cum fugiendo pontem Glomericum de Gisorcio ascendisset, pons præ multitudine transeuntium contractus est, & ipse rex Francorum equum armatus insidens casu in flumen de Eethe cecidit, & ab unda rapida & profunda à limo extractus est, vix à mortis discrimine liberatus. Electissima autem pars posterior Francorum fugientium ut rex eorum de profundo à limo extraheretur pro ereptione sua mortis periculo se exposuit, & contra regem Ricardum reversa est, ubi prælium satis cruentissimum renovatur, tandem parte regis Ricardi prævalente, tres electi milites regis Francorum capti sunt, Mathæus scilicet de monte Moretino, Alanus de Rusci, & Fulco de Gilerval præter alios milites & pedites quamplures. Super hac autem gloriosa victoria rex Ricardus epistolam scripsit consolatoriam prælatis in Angliâ commorantibus & amicis.

Videns autem rex Francorum vires regis Angliæ diatim excrefcere, supplicavit papæ, ut ipse pacem vel treugas pro tempore procuraret. Papa igitur Petrum Campanum diaconum cardinalem legatum suum in Franciam misit, per quem epistolam specialissimam Ricardo regi Anglorum destinavit, rogans ipsum affectuose, ut favorabilis in pacis compositione precibus suis foret. Rex igitur Ricardus qui promotionem Othonis nepotis sui affectavit,

festavit, ut scilicet in regem *Alemania* & imperatorem *Romanorum* coronaretur, ad quod ut domini *Innocentii* papæ favorem haberet, supplicantis precibus acquievit. Reges igitur in unum convenientes treugas quinquennes tali pactione juraverunt, Quod homines & mercatores utriusque regni per terras alterutras ire & redire, emere & vendere sine dampno possent & impedimento. Quo facto, rex *Anglorum* abbatem *Cisterciensem*, & *Reimundum* monachum sancti *Albani* qui eodem tempore pro negotiis ecclesiæ suæ ad regem in *Normannia* transmissus fuerat, *Rome* misit, ut ibidem negocia prælocuta de promotione dicti *Othonis* nepotis sui ad dignitatem imperialem perducerent ad effectum. Et ad hæc negocia perficienda rex de unaquaque carucata terræ totius *Angliæ* quinque solidos de auxilio percepit: unde sexto idus *Julii* dicto *Othoni Aquisgranum* quod nuper oblederat redditum est, & ibidem in regem *Alemania* coronatur. In cuius crastino uxorem duxit septennem ducis *Brabantia* filiam & hæredem. Quarto vero idus ejusdem mensis ab *Adulpho Colonienſi* archiepiscopo ex mandato papæ *Innocentii* tercii coronatus, sedem ascendit cum gaudio *Augustorum*.

Treugis inter reges *Francia* & *Angliæ*, ut dictum est, statutis, rex *Ricardus* in quosdam Barones *Pictaviæ* sibi rebelles formidabile vexillum direxit. Et cum militem quendam super inventione thesauri, quem solent sibi principes vendicare, convenire voluisset, ille severitatem regiam veritus, ad vicecomitem *Lemovicensem* aufugit. Qui à rege ut militem redderet rogatus, & parere neglexit, rex terras ejus ingressus, quoddam castrum quod *Caluca* dicitur juxta *Lemovicas* obsedit, & fortiter impugnavit: septimo vero kal. Aprilis dum castrum considerando inermis circuiret, quidam *Bertramus Gordon* spiculo balistæ suæ ipsum regem in humero sinistro sive in musculo brachii subito letaliter vulneravit. Vulnere, ut dicebatur, male custodito cœpit mortis imminentis periculum rex sentire. Ad quem fertur tres abbates *Cisterciensis* ordinis accessisse, quibus omnia peccata sua cum singultu & fletu confessus est, quos cum ad injungendam vel innotescendam sibi pœnitentiam salutarem cerneret stupefactos, dixit, Si placeat Deo iusto judici meo, libens pœnam purgatoriam usque in diem iudicii pro delictis meis admittam.

Castro demum capto & dicto *Bertramo* occifore suo coram eo ducto, rex ab eo quæsit. Quid tibi mali feci quare me interemisti? At ille audacter respondit, Quia tot mala mundo intulisti, & patrem meum alias occidisti, sume de me quamcumque volueris vindictam. Sed rex tunc pietate commotus, mortem suam sibi pro amore Dei condonavit, & liberum abire permisit. Centumque solidos *Anglicana* monetæ sibi dare præcepit. Sed quidam *Marchadens* rege nesciente ipsum tenuit, & post obitum regis excoiatum suspendit. Rex vero moriturus thesaurum suum in tres partes divisit, unam *Othoni* nepoti suo in regem *Romanorum* jam coronato, alteram fervientibus suis, & tertiam pauperibus reliquit. Corpus suum apud *Fontem Ebrulfi* ad pedes patris sui, cuius proditorem se confitebatur, sepeliri iussit. Cor suum inexpugnabile *Rothomagensi* ecclesiæ propter præcipuam dilectionem quam adversus illam gerebat, legavit; apud castrum vero prædictum viscera sua recondere in ecclesia

ordinavit, stercora sua *Pictavensibus* propter notam suæ prodicionis reliquit. Tandem dierum undecim labore vexatus, die duodecimo viij. idus Aprilis ætatis suæ anno quadragesimo secundo, diem clausit extremum.

Iste rex *Ricardus*, propter magnanimitatem cordis sui, qua quæque ardua agredi non refugit, *Cor lionis* appellatus est ab *Anglicis* & *Normannicis*; nam tremor illius non solum finitimas sed externas invasit gentes, cujus fama per totum mundum volavit. Occulto tamen Dei iudicio, & iusto, hoc genere mortis occubuit. Ipse siquidem hoc genus sagittandi quod *arcubalistarum* dicitur jamdudum sopitum, in usum, ut dicitur, revocavit, unde & in eo peritus plures manu propria peremit, quo & ipse postmodum in terra propria in præmunitis & inopinante interijt, neque enim lex ulla æquior est,

Quam necis artifices arte perire sua.

In *Cronicis* autem *Walteri de Gisebourn* scribitur, quod rex *Ricardus* non apud dictum castrum de *Caluca* sed apud memoratum castrum de *Gaillard*, quod in uno anno, ut præscribitur, construxerat, jaculo balistæ occubuit. Nam ibi commemorat, quod dicto castro de *Gaillard* ædificato, & treugis, ut prædicitur, inter reges ad tempus firmatis, & rex *Angliæ* se ad alia divertebat, custodes dicti castri negligentes in sua custodia extiterunt. Loricæ namque ex more ad pannos lavandos in lacu subter castrum egressæ erant, nec suspicabantur custodes accessum ex parte illa haberi posse. Et ecce ingeniosi *Franci* sibi multociens à longe prævidentes, præordinatis scaphis & allatis, dum quadam die lorices egrederentur, lacum cum scaphis transierunt, & apprehensis loricibus castrum ingressi sunt, quibusdam ex custodibus ad eorum introitum fugientibus & aliis comprehensis, confestim alios attraxerunt, & facti sunt quasi robur inmensum. Quod cum audisset rex *Ricardus*, mox cum summa festinatione concurrit, & castrum sic inveniens præoccupatum iratus est valde, & commota sunt viscera ejus in hoc facto. Qui cito ad manerium suum de *Andele* quod situm erat ex opposito ejusdem interjecto flumine, declinavit; cumque die quadam spaciatur pergeret, castrumque & loci situm circumspiceret, à quodam balistario cognitus est, & telo ab eo emisso graviter vulneratur. Vocatique sunt Chirurgici qui dicunt ei, quod ob gratiam recuperandæ sanitatis ab omni contactu mulierum est ei totaliter abstinendum. Locus enim scapulæ in quo percussus est periculosus erat & profundus, propter quod interdixerunt ei omnem uxoris amplexum, tactum etiam atque visum. Qui cum esset lubricus valde, & in amore mulierum exandescens, delicias suas reprimere noluit; sed salubre consilium parvipendens, de vulnere eo quod modicum sibi videbatur non curavit. Quo infectato, venenum crevit, & vitæ desperatio secuta est.

Cumque vitæ illius nulla spes esset, & mors horrenda in januis jam pateret, ingressus est ad eum dictus dominus *Walterus Rothomagensis* archiepiscopus, sibi dicens, Dispone domui tuæ ô rex! quia morieris & non vives. Cui rex, Minæ sunt episcope & quasi truffæ quas loqueris. Cui episcopus, Non sunt truffæ rex, sed inevitabilis mors in januis te expectat. Cui rex, Quid ergo vis ut faciam? Cogita de filiabus tuis maritandis, & age pœnitentiam. Et rex, Hoc est quod primo dixi, truffæ enim sunt quod

quod loqueris, tu enim nosti me nunquam filios aut filias procreasse. Et episcopus, Imo rex, tres habes filias, & diu est quod eas habuisti & aluisti. Primogenitam tuam habes *Superbiam*, secundam *Avaritiam*, & terciam *Luxuriam*: Has enim habuisti & supra modum à juventute tua dilexisti. Verum, inquit rex, istas habui, & eas sic volo continuo maritare. Primogenitam enim meam concedo *Templariis* qui fastu tument, & præ cæteris sunt elati. Secundam scilicet *Avariciam*, Monachis griseis, qui omnibus vicinis suis per avaritiam nocent ut diaboli effrenati. Et ultimam scilicet *Luxuriam* assigno Monachis nigris, qui assata & frixa comedunt nunquam satiati. Ista enim tria genera hominum rex odio habuit, & ideo eis nominatas filias præ cæteris maritavit. Ad hæc ille episcopus, Non loquaris ita rex quia tempus resolutionis tuæ jam instat & prope est. Et rex, Quid, inquit, mihi faciendum est? Age, inquit, pœnitentiam, & peccata quæ commisisti confitere, confidens in *Christo* & misericordia ejus quæ est super omnia opera ejus, qui promptior est dimittere quam est peccator veniam postulare. Rex itaque in verbis episcopi motus, in lacrimas prorupit, & ait, Pœniteo valde, & pœnitentiæ signa testificaberis episcope & videbis. Moxque confessore suo accito, peccata sua gravia cum immenso dolore confessus est, & absolutionis beneficium assecutus. Præcepitque pedes sibi ligari & in altum suspendi, nudumque corpus flagellis cædi & lacerari, donec idem ipse præciperet ut silerent. Cumque diu caderetur, ex præcepto ad modicum silerunt. Et spiritu iterum reassumpto, hoc idem secundo & tercio in habundantia sanguinis compleverunt. Tandem in se revertens afferri viaticum sibi jussit, & se velut proditorem & hostem contra dominum suum ligatis pedibus sine trahi. Et viatico cum magna cordis reverentia & tremore accepto, adjecit dicens, Misericordia Domini magna est quæ vult omnes homines salvos fieri, justitia tamen est ejus recta, quæ vult omne delictum puniri & debite flagellari: verum in misericordia ejus confidens, & de justitia timens, lego me & corpus meum vermibus corroendum, animam autem meam usque in diem judicii igne purgatorii cruciandum in spe misericordiæ Dei in qua credo me posse salvari in illum diem. Et hiis dictis modico supervixit tempore; & mortuus est sepultus juxta patrem suum in monasterio *Fontis Ebrardi* mense Aprilis anno Domini M. Cxcix.

Sicque leo ferox qui vivens in corpore cor & animam leonis habuisse fertur, per industriam discreti pontificis ad Christum dirigitur velut agnus mitissimus, & pœnitens gloriosus. Rumore itaque mortis ejus in curia regis *Francia* audito, gavisus sunt gaudio magno valde, & congratulabantur regi suo dicentes, Gaudendum est tibi, ô rex! quia hostis tuus inmanis corruit & mortuus est. Quibus rex, Non michi, inquit, gaudendum est sed potius condolendum, quia corruit princeps nobilis, & strenuissimus miles totius Christianitatis, & licet in suo tempore eum ad tempus adversarium sensissem, sperabam tamen michi haberi posse integrum amicum & hominem fidelem. Vobis etiam in morte ipsius doloris materia orta est, quia qui contra eum stipendiis meis jamdudum sumptuose militastis, nunc potestis stipendiis propriis militare. Et sic licenciati incidenter doluerunt qui materiam solacii intexere

nitebantur. Et ut dictus *Walterus* consequenter in Cronica sua scribit, rex *Francia* interfectori suo qui magna se meruisse crediderat, ait, Quia principem strenuissimum occidisti non quidem in bello sed in dolo, mala morte morieris, unde ex regis præcepto equis ad furcas tractus suspensus est.

De divisione corporis regis *Ricardi* in tribus locis sepulti quidam metricus sic ait.

*Viscera Darocelum, corpus fons servat Ebrardi,
Et cor Rothomagum, magne Ricarde, tuum.
In tria dividitur unus qui plus fuit uno:
Nec superest uno gratia tanta viro.
Christe, tui calicis prædo fit præda Calucis,
Ære breve deicis qui tulit ara crucis.*

Mortem istius regis *Ricardi* magister *Galfridus* de *Nine* salvo in libro quem de eloquentia composuit, versibus hiis deplorat.

*N*eustria sub clipeo regis defensa Ricardi,
Indefessa modo gestu testare dolorem.
Exudent oculi lacrimas, exterminet ora
Pallor, connodet digitos tortura, cruentet
Interiora dolor, & verberet æthera clamor;
Tota perit ex morte sua, mors non fuit ejus
Sed tua; non una sed publica mortis origo.
O Veneris lacrimosa dies! ô fidus amarum!
Illa dies tua nox fuit, & Venas illa venenum,
Illa dedit vulnus. Sed pessimus ille dierum,
Primus ab undecimo qui vite vitricus ipsam
Clausit, uterque dies homicida tyrannide mira.
Trajecit clausus exclusum, tectus apertum,
Providus incautum, miles munitus inermem
Et proprium regem. Quid miles perfide, miles
Perfidia, miles pudor orbis, unica sordes
Milicia, miles manuum factura suarum
Ausus es hoc in eum scelus? hoc scelus istud es ausus.
O dolor! ô plusquam dolor! ô mors! ô truculenta
Mors! esses utinam mors mortua. Quid mervisti
Ausa nephas tantum? Placuit tibi tollere solem
Et tenebris dampnare solum. Scis quem rapuisti?
Ipse fuit jubar in oculis & dulcor in aure,
Et stupor in mente. Scis impia quem rapuisti?
Ipse fuit dominus armorum, gloria regum,
Delicia mundi, nichil addere noverit ultra.
Ipse fuit quicquid potuit natura: sed istud
Causa fuit quare rapuisti. Res preciosas
Eligis, & viles quasi dedignata refutas.
Et de te Natura queror, quia nonne fuisti,
Dum mundus puer esset adhuc, dum nata jaceret
In cunis in eo studiosa? nunc ante senectam
Desinit hoc studium. Cur sudor tantus in orbem
Attulit hoc mirum, si tam brevis abstulit hora?
Sudorem tantum placuit tibi tollere mundo
Et revocare manum, dare sic & tollere donum.
Cur irritasti mundum? vel redde sepultum,
Vel forma similem. Sed non tibi suppetit unde
Quicquiderat tecum vel mirum, vel preciosum,
Huic erat impensum, thesauri deliciarum,
Hic sunt exhausti. Divissima facta fuisti,
Ex hac jactura fieri pauperrima sentis.
Ex hac jactura si felix ante fuisti,
Tanto plus misera quanto felicior ante.
Si fas est accuso Deum, Deus optime rerum
Cur sic degeneras? cur obruis orbis amicum?
Si recolis, pro rege facit Joppe tua, quam tot
Milibus

Milibus oppositus solus defendit & Acon,
 Quam virtute sua tibi reddidit, & crucis hostes
 Quos vivus omnes sic terruit ut timeatur
 Mortuus, Ipse fuit sub quo tua tuta fuerunt.
 Si Deus es sicut esse decet fidelis & expertus
 Nequitia, justus & rectus cur minuiſti?
 Ergo dies ejus potuisti parcere mundo,
 Mundus egebat eo; sed eum magis eligis esse
 Tecum quam secum, Mavis succurrere caelo
 Quam mundo. Domine dicam, si dicere fas est
 Pace tua, poteris fecisse decentius istud.
 Sed properasse nimis saltem dum frana dedisset
 Hostibus, & facti mora tanquam nulla fuisset,
 Res erat in foribus, tunc posset honestius ire
 Et remeare tibi. Sed in hac re scire dedisti,
 Quam brevis est risus, quam longa lacrima mundi.

Rex Ricarde jaces, sed si mors cederet armis,
 Victa timore tui cederet ipsa tuis.

Laus tibi prima fuit Siculi, Cyprus altera, Joppe
 Tercia, quarta Dromo, quinta Taverna fuit.
 Suppressi Siculi, Cyprus pessundata, Joppe
 Tenta, Dromo mersa, capta Taverna fuit.

Mortuo rege Ricardo & sepultura apud
 Fontem Ebrardi tradito, Johannes frater
 ejus in transmarinis partibus tunc ex-
 istens, pacem suam Anglicis nunciavit.
 Hic à patre Johannes sine terra cognominatus fuit,
 fratribus suis ad amplissimos honores sublimatis;
 puta Henrico in regem Anglie coronato, Ricardo
 ducatu Aquitannie, & Galfrido ducatu Britannie
 insignitis, ipse nichil habebat; quanquam postea
 comitatibus Moretannie in Normannia, & Glover-
 nie in Anglia ditatus fuit, collatis insuper eidem à
 patre omnibus terris in Hibernia conquestis Hic Jo-
 hannes triginta duorum annorum erat cum in octabis
 Paschæ apud Rothomagum gladio ducatus Nor-
 mannie cingeretur, & homagium nobilium suscepit.
 Multi tamen Arthuro comiti Britannie filio senioris
 fratris sui Galfridi, quasi naturali domino &
 recto hæredi Anglie & Normannie adhæserunt, &
 hoc seminarium odii & dispendii magnum fuit. Sta-
 tim tamen cum gladio prædicto cinctus fuisset, in
 Angliam transfretavit, & Londoniam veniens in
 festo Ascensionis Domini vj. kal. Junii anno Domini
 M. Cxcix. ab Huberto Cantuariensi archiepi-
 scopo in ecclesia beati Petri Westmonasterii innu-
 gitur, & in regem Anglie coronatur; assistente præ-
 latorum, comitum, & baronum, & aliorum nobili-
 um multitudine infinita. Philippo tamen Dunol-
 mensi episcopo ne coronatio illa in absentia Gal-
 fridi Eboracensis archiepiscopi fieret appellante. Et
 porro rege Ricardo defuncto, Philippus rex Fran-
 cie omnia quæ libuit sibi licere putans, induciis
 quas juramento firmaverat non deferens, Norman-
 niam ingressus Ebroicam urbem cepit, terrasque
 regis Anglie usque Cenomanniam undique vasta-
 vit. Arthurus autem nepos regis Johannis ex se-
 niore fratre Galfrido duce Britannie, ad regnum
 tanquam verus hæres aspirans regi Francie Ceno-
 mannis occurrens, comitatu Andegavensi in manu
 valida occupato, pro eodem homagium ei fecit.
 Elianora quoque regina pro ducatu Aquitannie
 quem jure hæreditario possedit, eidem regi Francie

cum Turonis advenisset, homagium fecit. Johannes
 rex solemnitate coronationis suæ peracta, classe in
 portu de Schozham coadunata cum exercitu magno
 xij. kal. Julii in Normanniam transfretavit. Di-
 ctum enim Arthurum filium fratris sui, cui multi
 magnates adhæserunt, timebat. Nam præter regem
 Francie qui eum fovebat, magnates Andegavie,
 Cenomannie, & Turonie, quasi ligio domino ei ad-
 hæserunt, dicentes, Consuetudinem, jus & judicium
 esse ut Arthurus filius fratris senioris in patrimo-
 nio sibi debito succedat, quod videlicet Galfridus
 pater ejusdem Arthuri esset habiturus si regem Ri-
 cardum supervixisset. Idcirco Constancia mater
 Arthuri ipsum regi Francorum custodiendum com-
 mendavit, qui ipsum diligenter propter insidias Pa-
 risius educavit. Unde eodem anno rex Johannes
 urgentibus causis rebusque in Normannia pro arti-
 culo temporis dispositis in Angliam reversus est.
 Interea concilium sub Huberto Cant. archiepisco-
 po & apostolicæ sedis legato Londoniæ celebratum
 fuit; ubi x. kal. Octobris sanctus Hugo Lincolni-
 ensis episcopus obiit. Qui mox virtutibus claruit
 atque signis. Nam dum corpus ejus à Londonia
 usque Lincolniam portaretur, non erat hora licet
 tempus aliquando procellosum fuerit, in qua in ali-
 quo cereorum qui circa feretrum portabantur ignis
 & lux accensa deesset. Iste sanctus Hugo de im-
 periali Burgundia oriundus à juventute sua inter
 viros religiosos educatur: primo factus est mona-
 chus regularis, deinde ampliori in Deum proficiens
 desiderio, quo magis carnem suam à mundanis oble-
 tamentis abstraheret, ordini Cartusienſi se tranſtu-
 lit, ubi inter monachos devotione claruit singulari.
 Cujus religiosæ sanctitatis fama ad aures regis An-
 glie Henrici secundi illapsa, ipsum in amore ejus
 vehementer accendit, qui vix multis precibus, ut in
 domo quadam ejusdem ordinis in Anglia quam
 idem rex in diocesi Bathoniensi multis prædiis &
 privilegiis ditatam fundaverat, curatoris officium
 admitteret potuit optinere; quem dum ibi rex sæ-
 pius visitaret, verbis & virtutibus ejus delectatus,
 vacante sede Lincolniensi canonicis ecclesiæ suasit,
 ut Hugonem domus suæ Priorem in episcopum eli-
 gerent & præficerent in pastorem. Sed electioni fa-
 vore regio celebratæ vir Dei non consentiens, de-
 canum ceterosque majores ecclesiæ qui pro ipso
 venerant vacuos dimisisset, si non eum unanimi li-
 bera voluntate iterum elegissent. Egressus autem
 à monasterio ut jam curam pastoralis officii admis-
 sam exequeretur, prima nocte inter soporem & vi-
 giliam constitutus, vocem ad eum cœlitus missam
 audivit dicentem, Egressus es in salutem populi
 tui, in salutem cum Christo tuo. Fragilitatis au-
 tem suæ non inmemor, solebat leproſos ad osculum
 pacis admittere: super quo obicienti sibi Cancel-
 lario suo, quod Martinus osculando leproſos sana-
 bat, urbana humilitate respondit, Osculum Martini
 carnem leproſi sanabat: sed osculum leproſi animam
 meam sanat. Itaque in vita multis virtutibus cla-
 rescens, xiiij. fere annis tenuit præſulatum. Qui
 quanti meriti fuerit apud Dominum, oleum ex ejus
 tumba defudans crebraque sanitarum miracula tes-
 tantur. In cujus exequiis apud Lincolniam omnes
 Anglie procures & potentes intererant. Nam rex
 Johannes de Normannia in Angliam, ut dictum
 est, reversus, parliamentum suum usque Lincolniam
 convocaverat, & Willielmo regi Scottorum, de cujus
 fide

fide hæsitabat, per *Philippum Dunolmensum* episcopum & *Rogerum Bigott* cum literis patentibus de salvo conductu miserat, statuens ei diem scilicet in crastino sancti *Edmundi* regis & martiris ad se usque *Lincolniam* veniendi, & absque omni prorogatione vel cavillatione homagium faciendi, qui accepto hujusmodi mandato, ad diem & locum eisdem properavit. Ubi post multos tractatus adinvicem habitos, idem *Willielmus* rex *Scotorum* in die sanctæ *Cecilia* virginis x. kal. Decembris eo anno feria iiij. supra montem extra civitatem *Lincolniæ* coram optimatibus utriusque, & in conspectu omnis populi regi *Johanni* homagium fecit, & super crucem *Huberti Cantuariensis*

archiepiscopi fidelitatem de pace sibi & regno servanda solempniter juravit, & eidem regi *Johanni* tanquam domino suo per cartam suam concessit, quod *Alexandrum* filium suum sicut hominem ligium ipsius regis *Johannis* per assensum suum maritaret: promittendo firmiter in eadem carta, quod idem *Willielmus* rex *Scotorum* & *Alexander* filius suus filio & hæredi regis *Johannis* tanquam ligio domino suo contra omnes mortales fidem & fidelitatem tenerent. A quo quidem *Willielmo* rege *Scotorum* postmodum, pro eo quod filium suum præter ipsius regis *Johannis* domini sui assensum desponsaverat, debitam satisfactionem pro transgressione & temeraria præsumptione accepit.

FINIS.



